



3 1761 07827517 9





Digitized by the Internet Archive  
in 2009 with funding from  
University of Toronto



















294 (11) 2

# JOANNIS DUNSCOTI

*Doct̃oris Subtilis Ordinis Minorum*

## SUMMA THEOLOGICA

*Ex universis operibus ejus concinnata ,  
juxta ordinem, & dispositionem  
Summæ Angelici Doct̃oris*

S. THOMÆ AQUINATIS.

P E R

F R A T R E M

H I E R O N Y M U M  
D E M O N T E F O R T I N O

*Ex Reformatis S. Francisci Provinciæ Romanæ .*

PRIMÆ PARTIS TOMUS PRIOR COMPLECTENS.

( De Sac. Doctrinæ qualitate .

Tractatus ( De Deo uno .

( De Deo Trino .



R O M Æ M D C C X X X I X .

Ex Typographia S. Michaelis ad Ripam .

Per Hieronymum Mainardi .

---

S U P E R I O R U M P E R M I S S U .

*Approvato alla Libreria di Stato dal M. P. Giovanni da Collepardo, Expte*  
1768



JOANNIS  
DUNSCOTI

Summa Theologica  
S. THOMAE AQUINATIS

PER  
F R A T R E M  
HIERONYMUM  
DE MONTEFORTINO

BX  
1749  
D87  
L7

Ex Reformationis 2. Pars  
PRIME PARTIS TOMUS  
(De Sac. doctrinae qualitate.  
Tractatus (De Deo uno.  
(De Deo Trino.



ROME MDCCLXXIX  
Ex Typographia S. Michaelis ad Ripam.



# PHILIPPO QUINTO CATHOLICO

*Hispaniarum, & Indiarum Monarchæ  
Magno, Pio, Glorioso.*



ILLE idem JOANNES DUNS SCOTUS *Subtilissimi Do-*  
*ctoris* præclaro, singularique agnomine ab  
Academia Parisiensi primùm, & exinde Or-

bis Universi consensu jure decoratus; Ille, inquam, ipse, qui  
nondum elapsâ annorum centuria PHILIPPO QUARTO Regi His-  
paniarum Majestatis Tuæ materno Abavo, se, suamque om-  
nem supellectilem ultro obtulit, ut mirè comptam, ita mul-  
tiplici planeque necessaria eruditione auctam; nunc auspica-  
to ad Regem Catholicum, Doctor eximiè Catholicus, syn-  
cera pietate præstans, & depugnaturis bella Domini strenuus  
dux, invictusque antesignanus; sua spontè, ac præproperè  
proficiscitur: non eâ sanè, quâ olim onustus strue librorum,  
sed indubia securitate fretus tantundem utilitatis se orthodo-  
xæ religioni allaturum, quantum fortassis reputabitur immi.



nutus ; frontem interim eandem ostentans , eademque senfa  
 secum trahens Monarchæ se sistit Hispaniarum ; Quòd gen-  
 tem Hispanam pro Cœli indole mentis acumine pollentem,  
 subtilissimæ doctrinæ suæ impensè addictam sciat:quodve ip-  
 sum inter, & REGEM PHILIPPUM arcanum quoddam illi-  
 cium,& glutinum mutui amoris,de pari pietatis affectu obor-  
 tum se prodatur , unum ad alterum identidem inflectens , & in  
 Catholicæ Religionis emolumentum alterna quadam conver-  
 sione alterum alteri subjiciens ; Nec quidquam obinde depe-  
 rit decori Regiæ Majestatis cùm cedat in gloriam illius, qui  
 ultro Principibus elargitur principatum , jubens hunc & il-  
 lum aliis imperare ; Nam & tu , inquit uni, potestatem habe-  
 to super decem Civitates ; alteri verò ait , at tibi subjunctæ sun-  
 to quinque Civitates .

Lucæ 19.

Equidem Scotus ipse Princeps Scholis invexit , & pul-  
 cherrimis juxta ac efficacissimis deductionibus humillimè  
 exposuit , videri sibi Mundi , & Angelorum Dominam mi-  
 nimè subjunctam aliquando extitisse culpæ illi , quæ propterea  
 quod communis propagationis sequela sit, unam eandemque  
 originem spectans , Originalis rectè nuncupatur. Illud tamen  
 sobriè , ac sapienter addens : Modò Catholicæ Ecclesiæ dog-  
 matibus dissentaneum non inveniatur . *Nam nobis preclare*  
*ait ille ) nihil ex nostro arbitrio inducere licet , nec eligere , quod*  
*aliquis de arbitrio suo induxerit . Apostolos Domini habemus au-*  
*ctores , qui nec ipsi quicquam ex suo arbitrio quod inducerent,*  
*elegerunt ; sed acceptam à Christo disciplinam fideliter nationi-*  
*bz assignaverunt . Ita que etiamsi Angelus de Cælo aliter evan-*  
*gelizaret , anathema diceretur à nobis .* Visum ergo id Docto-  
 ri Subtili , & non visum compluribus , & præclarissimis , qui  
 eum præcesserant Sacræ Theologiæ Magistris , reputantibus  
 æquum non esse attribuere Virgini Matri , quod superabun-  
 danti redemptioni Salvatoris Mundi plurimum detrahere  
 probabatur . At Joannes falsus hypothesim hanc firmissima  
 ac syncerissima niti veritate , de acutissimæ mentis perspica-  
 cia inde mox intulit , longe præstantiori modo , altiorique  
 rerum ordine fore , ut redempta Deipara intelligeretur , si de  
 meritis Christi Dei nostri gratiæ ubertate præventa , atque  
 affatim plena , culpam , quæ accessura erat eodem momento ,  
 non naturæ origo , sed gratia Dei omnino arcuisset .

Tertul. de  
 Præscript.  
 cap. 6.



Vidit proinde Phoenix ille ingeniorum, & nemini de mentalis vilus acumine concedens Aquila; vidit, inquam, cum altero Joanne, Apostolo, Evangelista, vidente Ecclesiæ peregrinantis pressuras, & victorias usque ad sæculi finem: prospexit ergo Mulierem sole amictam, stellifero ferto redimitam, lunam verò pedibus calcantem. Vidit, inquam, & statim protulit, illam æterni Solis lumine undique circumfusam, tectam, ac veluti muro vallatam, vicissitudinem lucis, & tenebrarum pati minime potuisse. Respexit generis nostri fundamentum, veluti labem passum, cumulo cœlestium donorum plane exutum, atque denudatum, veruntamen usque ad collum; id enim excipiendis gratiarum omnium influxibus deputatum in Ecclesiæ membra transfundendis, admodum dedecere, ac proinde factum non esse pronuntiavit, aquis limpidissimis de supramundanis fontibus abunde erumpentibus, sordidatum paratum fuisse canalem. Aspexit Reginam à dextris Regi astantem in vestitu deaurato, ceteris Adæ posteris ad levam consistentibus; ac uti præ omnibus participibus dilectam, & impensius adamatam, etiam posteriora dorsi unicæ Columbæ in pallore auri emicuisse. Prædictum quippe fuerat, serpentem à sinistris tendiculas paratum calcaneo illius, dorsum subinde clanculum inscendere adnitentem, in splendore fulgurantis hastæ suæ, & in luce sagittarum suarum arcu pallentis humilitatis, & fulgidissimæ charitatis excussarum, dejectum, obrutumque, contuitus est.

Quantopere piissima sensa hæc arrideant, grataque sint Monarchæ Hispaniarum Regi PHILIPPO, quamve avidis attentisque auribus excipiantur ab iis, qui ipsius subduntur imperio, nisi alia argumenta longius repetita extarent, illud luculenter declarat, & plane evincit, quòd cum supremus Catholici Orbis Hierarcha edixisset, *Placere sibi, ac jubere festum Immaculæ Conceptionis Beatissimæ semper Virginis MARIAE per universam Ecclesiam ritu solemnissimo celebrari*. Populi Hispaniarum perinde ac cum T. Quintius Dux Romanus, devictis Macedonibus ipsa Isthmiorum celebritate Graciæ Provincias de sententia Senatus liberas esse suisque legibus vivere iussit, ubi tantus clamor præ lætitia omnium exortus perhibetur, quantum credibile vix sit: ita illi exultabundi per vicos, & plateas palantes in mutuos ruere amplexus, de pietatis

Apoc. xi.

Clem. XI.  
d. cret. 6.  
Decembr.  
1708.

Plutarch.  
in Flam.  
cap. 7.



tatis affectu lacrymis ubertim manare, Patri luminum humiles, ingentesque rependere grates, quòd Catholica Ecclesia spiritu veritatis edocta, planeque informata, sic sensim ab eodem spiritu impelleretur ad latentes in scripturis veritates vel declarandas. vel prope, prout temporum momenta postularent, vel fini ab Rectore universitatis rerum intento, exactius congruere probarentur.

Die 23.  
Mart. 1711.

Communia quidem hæc omnia Regi PHILIPPO, populisque suo imperio subiectis: sed ipse quantum cæteris præstat potestate terrena, tanto pulchriora, ac præstantiora religionis, cæterarumque virtutum exempla præbiturus, & præcedentium Regum pietati accessionem factururus, etiam curis maximis implicitus Rempublicam concernentibus, mirabile illud religiosissimum, ac piissimum edidit Cæsareagustanum decretum PHILIPPO Rege dignissimum, in quo ut stellæ immortalitatis sibi coronam plectentes ad miraculum emicant Catholicæ religionis ardentissimus zelus, invicta Regii pectoris constantia, sincera fides in Deum altissimum, firmaque spes de præsentis illius patrocínio, & odium planè ingens in perditissimos, ac teterrimos hostes dogmatum immaculatorum Christi, & orthodoxæ religionis. Inibi ergo ut in speculo habent cum Regia soboles, & nati natorum, & qui nascentur ab ipsis Reges, tum cæteri Fidei Catholicæ Principes, quod imitentur ipsi, atque aliis imitandum proponant, & incunctanter representandum exagerent.

Atque hæc profectò causæ fuerunt Magistro Scoto confugiendi, & convolandi in sinum PHILIPPI Regis tanto ardore, & devotionis affectu mysterium Immaculatæ Conceptionis DEIPARÆ profitentis, & quantum interest terrenæ potestatis, satagentis, ut ad optatum exitum, & maturitatem deducatur.

At universo Ordini nostro non minoris ponderis occurrunt argumenta occasionem quamlibet non prætereundi, quo tantopere debita officia, atque humillima obsequia tot nobis impensis beneficiis, & testemur, & profiteamur. Mortales quippe omnes non latent magna, & perpetua, quibus Ordinem nostrum prosequeris, beneficia, paria utique Regiæ magnificentiæ, & pietati, ubique gentium nos versari contingat. Quorum si per summam injuriam oblivisceremur

quo-

quomodo memoria excidere poterit usque ad sæculi finem plane ingens, & maximum commodum, quod nobis nuper attulisti? Nam annuente Te votis Romani Pontificis, ut Regem vere pium, & Catholicum decet, humanis posthabitis rationibus, Comitia nostra magno Ordinis bono, nec minore gloria, quæ jam in Hispaniis celebranda indicta erant, Romæ habita sunt. Cum verò per longum interregnum non pauca Ordo detrimenta accepisset, de Comitiorum celebratione, mox pristinum decorem, & speciem recipiente, actutum depulsa vidimus, omnibus provisum incommodis, damna illata abunde facta, vulneribus acceptis opportunam, atque efficacem iis obducendis & paratam, & exhibitam medicinam. Ad hæc Sacrosancta Majestas Innocentii XIII. Domini nostri gloriosorum Atavorum, qui Dei nutu Pontificatum Maximum gesserunt, seque præcesserunt, & sub quorum regimine Franciscana Religio initia, & incrementa accepit, pietatem, zelum, paternamque in nos propensionem, & amorem, vel supergressa, vel imitata, rebus nostris extricandis, & perficiendis coram adeste dignata est. Quæ plane ingentia, & maxima munera, & decora, quoniam de indulgentia, & munificentia Regis PHILIPPI, necessaria etiam subsidia submittentis, nobis obvenere, qui fieri potest, ut non fateamur, totique orbi testemur per Regem PHILIPPVM magna hæc, & præclara supra spem, & expectationem, nos consecutos fuisse? Et interim ad omnes mundi nationes perlata fama Regiarum & Christianarum virtutum Monarchæ Hispaniarum PHILIPPI, ad ipsius amorem, & imitationem, & excitentur, & accendantur.

Hæc quidem, etsi pauca admodum in multis ad nos, nostrumque Magistrum Scotum meritò pertinere videbuntur. Nunc proprius accedentes Regnorum tuorum felicitas, veluti una tecum redux, regiasque virtutes tuas, ac pietatem comitata, strictim perpendenda est, quò perspectum omnibus sit, abdito Divinæ providentiæ consilio ad amplissimæ Monarchiæ regimen Te evocatum, omnibus his virtutibus, seu quæ politicum reipublicæ gubernium, seu œconomicam administrationem, seu rem bellicam concernunt, Deum instructum esse voluisse, queis tot populi, nationes, omnibus ferme Cœli plagis subjectæ, diversis subinde moribus, legibus,



Mariana  
l. 19. c. 20.  
& lib. 20  
c. 4.

bus, natura inditis inclinationibus discordes, ad Te ut patriæ ipsorumque parentem impensius diligendum allicerentur, atque in eo uno unanimes convenirent, ut Regem P<sup>ILIPPVM</sup> ab Carolo II heredem ex assie dictum, verum, legitimumque Monarchiæ rectorem, & Regem Hispaniarum agnoscerent, venerarentur, dictoque obedirent. Ascitus quippe es ad regnum gradu eodem, parilique jure, quo olim ad Regem Castellæ Ferdinandum, Aragoniæ itidem regnum pertinere de novem virorum judicio, edictum fuit, ex suggesto sententiam pronunciante Vincentio Ferrerio jamdiu Sanctis adscripto.

Cum verò Monarchiam ceu corpus penè exangue, semimortuum offendisses, statim ejus languori sublevando medicas manus admovens, parem sane prævalido morbo medelam afferre nequivisti. Bellorum enim tumultibus implicitus, & multipliciter distractus, his repellendis incumbens, ac Dei præsentissimo auxilio demum semotis, quietis nactus tantillum illicò totum Te afflictis rebus superimpedens, mirum dictu, nec facile creditu, quantum brevi Monarchia refluoruerit. Illud universo Orbi stupori fuit, Regnum viribus propè destitutum, ærario undequaue exhausto, mercimoniorum ratione, seu neglecta, seu interclusa, & omnibus denique in deterius quàm vergentibus, quàm jam prolapsis, mente mox agitatum P<sup>ILIPPI</sup>, per politicas virtutes ejus, fixa statione cuique præscripta, multaue intentata his, qui aut ordinem deseruissent, aut demandato munere defungi desides essent, supremisque cum mediis ad necessariam concordiam redactis, Respublica adeò firmo vestigio stare, tantisque pollere viribus, eo usque divitiis, citra omnem injuriam, abundare, visa est, ut terra marique maxima, piaque bella inferre potuerit:

Interea temporis ( ea est amplitudo Regiæ mentis P<sup>ILIPP</sup>, amor, quo impellitur ad prospiciendum utilitati subditorum ) ad œconomicam administrationem conversus bonis artibus, quàm reparandis, quàm instituendis intentus, Gallorum, Anglorum, & Batavorum singularem Industriam ad tuos transferre connixus; artium omnium exercendarum peritissimos magnis stipendiis excivisti, iisque magistris Hispanos docuisti, quanto rei familiaris compendio auro dispergen-

do



do parcerent, quantove Reipublicæ commodo domi mercarentur, quæ ab exteris nationibus coemenda erant.

Rem nauticam de Themistoclis sententia Monarchiæ tuendæ penitus necessariam, & jamdiu neglectui habitam, oppidò reparandam ratus, primùm jam bene multos, qui navium construendarum artificio addiscendo in Celtiberia addiçti essent, selegisti; & dehinc ad Gades Collegio exedificato, delectaque Hispanorum juventute ordinis equestris, eoque convenire jussa, cùm navium gubernandarum, tùm classis regendæ sub magisterio peritissimorum artem utilissimam perindè ac difficillimam, ut addiscerent, singulari providentia effecisti. Quo facto, & fidelitati gubernatorum consultum fuit; & provisum, ne impostero Principibus opus esset è longinquo accersere, queis cura rerum nauticarum committeretur.

Mercimonia Europam inter & Americanos, unde ad Orientis regna ingens vis auri, & opum defluxit, seu incuria, seu dolo malo præsidum, seu etiam injuria temporum, & caliditate inimicorum, propemodum collapsa, intelligens pristinæ fidei, & robori fore restituenda, nec aliter imperio nervos, & vires posse constare, incredibili propè industria dispositis navium stationibus, ac veluti ex Europa ad Americam ponte constrato, detectis, submotisque fraudibus, depulsis Piratarum deprædationibus, brevi factum est, ut regia gaza divitiis abundaret sed & populi Hispaniarum de promercalibus ditescerent.

Tantis verò rebus pro Republica gestis, quo nihil ad decorem, & Majestatem imperii spectans, desideraretur, ac una ostenderes, perinde Te de magnis ac parvis sollicitum esse, paremque omnium gerere curam prout in Galliis fieri experimento compereras, ac in Italià non negligi inaudieras, Academiam in urbe Regia instituisti, cujus præcipuè partes essent satagere, & conari ut Castellani idiomata pristino nitori, & puritati redderetur; ei negotio promovendo, & maturando præpositis, ut par erat, eruditissimis. Nam barbariem quæ & oscitantia literatorum, & imperitia pravoque usu popularium, superinducta erat, majestatem & decorem Hispanici sermonis deturpantem, nisi ocyùs absterfisses, timendum erat, nè genuina verborum proprietas, quæ frequenter ab Authori-

Quintil.  
lib. 1. c. 4.

bus ipsam mutuatur auctoritatem, in deformem abiret proprietatem, sicque demum venerandæ antiquitatis monumenta vix esset qui assequeretur. Nec quisquam interim rem parvi momenti PHILIPPUM Regem molitum dixerit; Nam (ut scité ait quidam, *id plus habet in recessu, quàm fronte promittit.*

Tullius 6.  
de republ.

Preclara quidem hæc omnia, & splendida, & utilia, & si mavis, etiam necessaria peregrinanti nostræ mortalitati; Ut proinde verissimè, & appositè ad Regem PHILIPPUM directus videatur sermo; quem quidam liberaliter eruditissimus vigilans in somnio audiit: *Omnes qui patriam conservarint, adjuverint, auxerint, certum esse in Cælo ac definitum locum, ubi beati ævo sempiterno fruuntur. Nihil est enim illi principi DEO, qui omnem hunc mundum regit, quod quidem in terris fiat acceptius, quàm consilia, cætusque hominum jure sociati, quæ Civitates appellantur: Harum Rectores, & Conservatores hinc profecti, huc revertentur.*

Job, 28.

Veruntamen nobis REX SERENISSIME, quorum pedibus lucerna est lex divina, ne dum in caliginoso versamur loco inter eundem de tramite recto aberremus, longiùs acies protenditur mentis, solosque illos felices, ac beatos Reges didicimus, & reputamus, si cordis eorum recessui penitissimè hæsit, quod dictum homini est: *Ecce Domini ipsa est sapientia, & recedere à malo intelligentia.* Sapientiam hanc atque intelligentiam Tu à teneris in aula Magni LUDOVICI Avi tui plenissime edoctus, & cum vitam ageres sub actoribus, & tutoribus, & post principatum adeptum rerumque potitus, mire adultam, nostri & novi orbis mirantur homines, reverentur, colunt, illud viritim ingeminantes, PHILIPPUM Regem Hispaniarum, præ timore Domini Dei sui, &, ne excidere contingat ab amore divinæ bonitatis, regna omnia, imperium, gazam, & quicquid bonorum humana ambitio ad magnitudinem pertinere putat, prompto, libentique animo amissurum; alta quippe mente a tenera ætate tibi manet repositum illud; *Quoniam tanquam momentum stateræ sic est ante te orbis terrarum, & tanquam gutta roris antelucani, quæ descendit in terram.* Et rursus: *Omnes gentes quasi non sint, sic sunt coram eo, quasi nihilum, & inane reputatæ sunt ei.* Illinc enim prodire recte intelliguntur cùm ea, qua ornaris modestia plusquam

Sap. 11.

Esaiæ 40.



quam singularis, comitas, benignitas, & misericordia, tum  
cæterarum virtutum chorus, propter quas orthodoxæ fidei  
sectatores felicem, beatumque, de sententia Magni Augusti-  
ni Te prædicant: *Felices Principes dicimus, si juxte imperant, si*  
*inter linguas sublimiter honorantium, & obsequia nimis humi-*  
*liter saluantium, non extolluntur: si suam potestatem ad DEI*  
*cultum maxime dilatandum, Majestati ejus famulam faciunt:*  
*si DEVM timent, diligunt, colunt. Tales Christianos Principes*  
*dicimus esse felices; interim spe, postea re ipsa futuros.*

Aug. de  
Civ. lib. 5.  
cap. 54.

Complura sanè, & illustria, REX PISSIME, domi inveni-  
sti bellicæ fortitudinis, & egregiarum exempla virtutum; ut  
cum Gothorum Imperium in Hispania apicem felicitatis at-  
tigisse videbatur, RECCHAREDI SISEBUTI, WAMBÆ, aliorumque  
plurium zelo Christianæ religionis flagrantium. Et post col-  
lapsam, ac restitutam Rempublicam, juxta Magni ISIDORI,  
vaticinium, PELAGII, RAMIRI, ALPHONSI, utriusque FERDINANDI  
quæ res præclarè fortiterque gestæ MAGNI cognomen pepe-  
rere; & adhuc longè plura, & illustriora è paterna domo te-  
cum detulisti: Etenim optimè noveras Gallicum Imperium  
MAGNI CLODOVEI pietate fundatum; auctum verò augustali di-  
gnitate per CAROLUM officiis, & reverentia erga CHRISTI  
VICARIUM, & Ecclesiam Romanam: perpetuitatem denique  
adeptum religione, & pietate in Augustissima CAPETIA domo:  
iisdem passibus intelligens Tibi fore progrediendum, & præ-  
cedentium Regum, & Atavorum premenda vestigia, eas,  
quas Tibi DEUS indiderat virtutes, & educatione atque exer-  
citio fastigium adeptas, amplissimam nactus materiam expli-  
candi, Regiæ soboli, ac insequentibus Principibus illustris-  
sima exhibuisti documenta.

Mariana.  
lib. 5. & 6.  
& dei. cept.

Spond. epit  
Anno 14.  
n. 5.

Idem An.  
87. m. 2.

*Quia ergo acceptus eras DEO necesse fuit ut tentatio pro-*  
*barer te. Nam, qui non est tentatus quid scit?* ait Sapiens. Et  
verò, quomodo scire potuisses quanti Te faciant Hispani,  
quanto venerationis affectu prosequantur, & colant Sacra-  
rium, quo conduntur eximiæ virtutes Tuæ, qualia demum  
officia, & obsequia exerat, prodatque benevolentia capta  
beneficiis, & ardens, & verus virtutum amor, nisi discrimi-  
nibus implicitus, & magnis periculis multifariam objectus,  
ipsi in se ea omnia exceperant ut incolumis, tu ex illis enite-  
reris? Undique siquidem Te appetente hostili manu, & ter-

Tob. 12.

Ecc. 12.



ra, marique magnis exercitibus Regna tua invadentibus, Hispani, ne ab eis divellereris submetuentes, fortissime obstituerunt, MAGNI LUDOVICI mente incomparabili prudentia omnia dirigente, atque etiam necessaria auxilia suppeditante. Quae ratione etiam certior fieri poteras Te, ut principali potestate aliis excellis, ita tibi posse imperare, nisi avita generositate ab gloriosissima prosapia derivata, & fortitudine contra tot procellas immobiles stetisses, & ad optatam quietis stationem facto tibi commissum Regnum tandem adduxisses? Factum est enim, ut cum putareris succubuisse, fortior & terribilior hostibus insultares, ac postremo Regnis tuis excedere compelleres.

Esaia 45.

Porro detrimenta quaedam in Europa sub PHILIPPO Rege Monarchiam accepisse putatur. Sed omittendo id, quosdam artem politicam profitentes, constanter negare; illud prae-reundum non est DEUM ne ambiguam admodum ob causam à tuis minus diligereris, in novo Orbe ad septemtriones damna abundantius compensare voluisse, ignotis, in visisque Regnis tibi patefactis, auroque abundantibus provinciis tuo imperio subjugatis, *Ego, inquit, ante te ibo, & gloriosos terrae humiliabo, & dabo tibi thesauros absconditos, ut scias, quia ego Dominus DEUS, qui voco nomen tuum, Rex gloriosissime, ac piissime. VALE, VIVE, VINCE.*

Romæ Kalendis Octobris 1723.

TVÆ MAJESTATI.

# AD LECTOREM



Ossea quam Lucas Wadingus, vir de Ordine nostro longe benemeritissimus ab se conceptum, diuque agitatam consilium, in unum corpus cogendi ac edendi universas Magistri Scoti elucidationes, ad exitum feliciter perduxit, & adiectis gravissimorum virorum Commentariis cum suo, tum multorum desiderio satisfecit. Et ex quo de omnis pene Europæ partibus diversi eximiique Doctores Scoti sententiis quæ elucidandis, quæ defendendis impigram operam impenderunt, nihil huic scholastico studio addendum superesse videbatur. Equidem ita quemque sentire debuisse, & debere ultrò fateor. Nihil enim fermè in mentem cuique venire potest, seu in defensionem communis Magistri, seu in elucidationem dictorum ejus, quod ab illis non fuerit prius dictum, subtilissimeque expensum, atque discussum. Sed non propterea tamen ea, qua sperabatur ubertate scholasticorum nostrorum torcularia redundarunt, nec mesium proventus de fundo tantis laboribus subacto, grandi sudorum imbre irrigato, acumine præclarissimorum ingeniorum ceu aratro quaquaversum discisso, colligentium expectationi ad votum respondit; Quinimo ne in nostrum quidem Magistrum, non modo imperitorum, (quod sane tolerabile erat) sed etiam eruditorum, quive rem scholasticam promovisse videri volunt diætèria cessarunt. Alijs miram subtilitatem ejus, ac abstractam disserendi rationem, obscuritatem appellantibus; alijs methodum & necessitatem inhærendi sententijs Magistri, quem more majorum interpretandum susceperat, confusionem quandam, & ineptum Theologiæ tradendam modum carpentibus, & cavillantibus.

Ea propter cogitare coepi, an etiam hæc, quibus plerique tenebras offundere Scotticæ doctrinæ conantur, & penitissimam energiam, vinque rationum ejus subtilissimarum elevare pergunt, depelli possent. Quoniam verò hæcenus obviam iri non potuit tot egregijs commentationibus, scholijs, & quæstionibus multa subtilitate ac prolixitate discussis, aliam viam esse ineundam probè intellexi. Rem itaque gratam ac jucundam facturum ratus sum, non modo Theologicis dogmatibus initiari satagentibus, verum etiam illis, qui sub uno aut altero Duce plura stipendia fecerunt, si sub certam methodum præcisumque ordinem revocata, ac coacta quæ in diversis Scoti voluminibus disjuncta, & per occasionem diserta inveniuntur ob oculos proponerem. Veteranis quippe temporis compendia placitura scio. Tyrones verò veluti è devijs sentibusque elapsos plurimum gavissimos, si in apertis planisque semitis, quibus ad sapientiam pervenitur, videant se constitutos; magno enim animo, speique pleni iter aggredientur, sentientes se levatos magno tædio atque labore circumeundi per Scotica volumina, ut eorum quæsitum discerent solutionem, quæ Magister in terminis aliquando nactus non est causam expendendi. Quæcunque etiam ab ipso pertractata sunt, blandiori quidem, sed non fucato vultu occurrent: nihil enim alienum, nihil aliunde accersitum his scriptis inferendum duximus, quo Scoti Summa Theologica, & esset, & diceretur; etsi non raro unde ad rem facientia petenda sint, indigitare non piguerit. Sed paulò altius repetito initio, initum consilium est explicandum.

Magnus ille Alexander Halensis in cujus conspectu terram siluisse argumento est, quod *Doct̃or irrefragabilis* sui avi, & insequendum sæculorum judicio est appellatus, editis in Magistrum sententiarum Commentarijs locupletissimis, primus omnium jussu Innocentij IV. Romani Pontificis Summam Theologicam scribere aggressus ex scriptis suis felicissimè perfecit. Quantum hinc incrementi acceperit Theologica disciplina patefactis januis in sanctissima penetratâ illius ingredi volentibus ordine aptissimo vel invitit dexteram adiutricem porrigente. Et quid decoris ac utilitatis in Catholicam Ecclesiam redundaverit, ipsi Acatolici livido oculo aspexerunt, & a nare conquesti sunt: *Quantum* (inquit quidam) *ad plura placita Romanæ Ecclesiæ stabilienda contulerit nova hæc scholastica Theologia, coecus sit oportet qui non videt.*

Nempe filii hujus sæculi filijs lucis longe prudentiores in generationibus suis, ac animum despondentes se irrumpere posse in vineam, quam cœlestis agricola plantavit, scholastica Theologiæ muro vallatam fortissimo, hanc per cuniculos adorti, primum contemptim habere coeperunt, de sribilagine scholasticis multipliciter exagitatis, omnique eorum scribendi ratione, veluti inepta, atque inerudita passim traducta, sciolis & imperitis post comptulam ornatamque phrasim euntibus, grande quid & præclarum ingerentes, prudentibus interim rectissimè judicantibus, eos iniquè prorsus pudendaque æstimatione externa verborum specie captos sensuum recessus contemnere, & deridiculo conatu res divinas circumscribere velle, ac metiri de canone Grammaticorum. Exinde gradum inferentes, & inscitia divinarum scripturarum impudentissimo mendacio scholasticis exprobatâ, ac impenitus exaggeratâ in sacratissima Dogmata (quibus fiat omnis Christiana religio & pietas) infano furore debaccantes lus deque verterunt, & doctrinam ab immaculato Dei Filio nobis è Cœlo allatam multifariam deformarunt, unum illud perscrutandè enixissime contententes, supremo Ecclesiæ Magistro, de cujus solius penu pertinax

Vvading. de  
Script. Or-  
dinis V.  
Alexander  
de Hostis.

Cave sæculo  
scholastic. in  
Eroamio.



eorum phrænesis sanari potuisset, auscultare non oportere, facto comprobantes, ac ostendentes, in adeo execrandas, absurdasque hæreses nunquam prolapsuros fuisse, nisi scholastica Theologiæ contemptus præcessisset.

Sed quid quæso profuit plusquam improbo labore in libris magno numero conscribendis animum distraxisse, publicamque quietem, & Ecclesiæ tranquillitatem tot tantisque moliminibus vexasse? Vires omnes, non dico hominum luteas casas inhabitantium, sed supernarum potestatum poterunt ne Veritatem de folio æternæ stabilitatis suæ, non deturbare, sed vel tantillum dimovere? Si ab Ecclesia Romana deficere animus erat, præstabat tantis parcere curis, & recogitare cui nam demum laborarent, fraudantes animas eorum bonis. *Faciendi plures libros nullus est finis*, ait Salomon, Eccl. ult. Ubi eximius Ecclesiæ Doctor S. Hieronymus, *exceptis*, inquit, *his verbis, quæ ab uno pastore sunt data, & à consilio atque consensu prolata sapientium, nihil facias, nihil tibi vindices; majorum sequere vestigia, ab eorum auctoritate non discrepes. Alioquin querenti multa infinitus librorum numerus occurret, qui te pertrahat ad errorem, & legentem multa frustra faciat laborare.*

Sæculum illud aureum quo Doctores Parisienses Petri Lombardi Sententias quæstionibus subtilissimis interpretantes, Theologiam, olim librum involutum, ac Sigillis obsignatum ceu curru triumphali subuectam, expensam, atque explicatam, dubijsque exsolutam in orbem terrarum invexerunt, innumeros codices vidit, estque admiratum, veruntamen fidei unitate, & doctrinæ sinceritate omnes unum volumen erant. Frequenter quidem unus in alterum insurgit, laceffit, contradicitque in his, quæ in subsidium Theologiæ accersita sunt, eique subancillantur: aut etiam in illatis de principiorum naturalium diversitate procedentibus. At quoniam omnium omnino eadem sunt dogmata super iisdem revelatis extracta, & constabilita, principiis, magnis tot voluminibus in parvulum unum codicem desinentibus, finem scribendi libros oppidò invenerunt, & qui plurimam magnamque esse Theologiam docuissent, verbis quæ ab uno sunt data pastore, & à consilio atque consensu sapientium prolatis, nihil penitus addecentes, nihil sibi ipsis vendicantes, rursus juxta sententiam Apostoli Bartholomæi minimam concisamque, ac propemodum manibus atrectandam hominibus exhibuerunt.

Diony. Areop. cap. 1.  
myst. Theol.

Vvadin. Anal. tom. 1.  
ad an. 1245.  
Et de script. Ordin. V.  
Alexander.  
Et rursus V.  
S. Bonavent.

Verum eo, unde digressi sumus, revertentes, Halensem Parisiis docentem duo præclarissima mundi lumina audire, Thomas Aquinas, & Bonaventura à Balneo regio Etruscus. Ambo Sanctorum fastis adscripti; ambo inter Ecclesiæ Doctores cooptati. Hic sui Ordinis regimini præfectus, cum ex scholasticis concertationibus ad Ascetica scribenda, sacraque volumina explananda se convertisset, *Doctor seraphicus* est appellatus. Ille etsi non omiserit sacros codices Angelico planè spiritu pertractare, Theologicis tamen dissertationibus insistent, in scribenda tertia parte Summæ animam posuit, cœloque reddidit.

Hos Magister Scotus excepit, & quæ prius Oxonii ediderat scripta Parisiis reportans, alter Apollo sui temporis habitus est, ex omnibus ferè mundi partibus ad audiendam sapientiam ejus discipulis incredibili numero confluentibus. Inde Coloniam Ubiorum amandatus, ut Theologiam doceret, novæque Academiæ fundamenta jaceret, & paucis post mensibus è vivis immatura morte sublatus, recensere ac per summam legere doctrinam suam non potuit, forsitan facturus, si licuisset, erat.

Ea de causa factum est ut sui nominis celebritate toto Orbe notissima doctrina, quippe quæ nulla sit illustrior, Accademia, in qua magistrale suggestum non obtinuerit, minus utilis habeatur, quia minus pervia. Nam tanta ingenij acrimonia & sublimitate, eo disserendi acumine & rationum pondere fertur Magister Scotus in dissertationibus suis cum aliena exagitans atque convellens, tum sua ac suorum exactiori subiiciens examini, ut nisi omni adhibito conatu, veluti nubibus sese inferentem intentissima prosequaris acie, mox ex oculis contentuum subducatur.

Adhæc adeo admirabili profunda que eruditione humana atque divina scripta sua referit Scotus, ut necessario impervius sit illis, qui horum subsidio destituti, nihilominus tenuem cymbam procelloso committentes mari, littora se tenere posse putant, Aristotelem omnem, Avicennam, Averroem, & quotquot Philosophorum ea tempora prodiderant, Doctor Subtilis eliquaverat, ac in se transfuderat. Sententias omnes Magistri, & opiniones Theologorum qui se præcesserant, ut Halensis, Alberti, Thomæ, Ægidij, Bonaventuræ, Richardi, Varronis, Gandavensis, Goffredi, aliorumque plurimorum, ad miraculum callebat, ac penitus pervaserat, sicque Commentationibus suis intexuit seu refellendas, seu approbandas, aut etiam luculentius exponendas, ut quillorum aliquali saltem notitia non fuerit imbutus, nullum penè fructum è Scoti lectione decerpit. Elementorum item Euclidis, Optices, Astronomiæ, Juris Pontificij scientissimum affatim ostendunt monumenta quæ extant. In veterum Patrum lectione, & præsertim magni Augustini usque adeo versatus erat, ut vix quæstionem ullam ab eo discussam invenies, in qua de Augustini sententia se loqui non profiteatur. Denique metaphysicalibus, artisque methodicæ regulis, ac etiam ipsis vocibus quoad modum significandi earum ita frequenter utitur, adhibetque ad fidei declaranda mytheria, ut nihil supra humano ingenio licere videatur. Quid di-



dicam de scientia divinarum scripturarum, qua ad eum gradum præstabat, qualem testantur illi, qui ejus commentarios in utriusque Testamenti codices difficillimos viderunt? Iure proinde, ac longe verius quam Socratem Alcibiades Scotum perfimilem diceret Silenis, qui sedentes inter alias imagines à Sculptoribus figurantur, ita ut fistulas, tibiae teneant, qui si bifariam dividantur, reperiuntur intus imaginem habere Deorum. Et verò horridum quiddam spirans, durum, & subagreste, & veluti tibijs classicum canens à longe personat, & obauditur Scotus. Cui si propius accesseris, & pectoris sacri pervaseris recessus, mox rerum longè pulcherrimarum spectamina, & visenda sese, & manibus plenè contrectanda occurrunt.

Plato in Convivio Alcibiadis Orat.

Qui ergo mirabili prorsus pollebat ingenii præstantia, & omnigena excultus erat eruditione, et si nonnisi particulas quasdam insperferit scriptis suis, pervius esse non potest nisi ijs, qui è medio vulgi secedentes, quæ defluxere alas recuperare occeperunt, ut in Phædro ait Plato: aut fatebras, scopulosque enixi, verticem montis infederunt, ubi (juxta exemplum Augustini 6. de Trinit.) puro æthere perfruentes infra se aerem cernunt nebulosum: De imperitia proinde est quod Scotus infimuletur obscuritatis. Hi profectò non intelligunt se veluti judices ineptos haud fidem facturos tulisse sententiam rectam, quando oculatiores vertant in venerationem doctrinæ ejus, quæ isti obijciunt in depressionem. Vapulat sed immeritò ab his, qui vix à limine Philosophia salutata, cæteroqui omnis expertes necessaria eruditionis, mox ac Scoti commentarios fumunt in manus dolent & queruntur non admitti ad ipsius familiaritatem. Belle huc facit quod narrat Muretus de quodam familiari suo, qui cum vitio ætatis surdaster effectus esset, seriò conquirebatur pravam, quæ inolevisset consuetudinem magis magisque submissius loquendi. Adeo libenter homines vitiorum nostrorum culpam in alios regerimus. Sed deploranda interim est temporis jactura, quam faciunt ij, qui Theologiæ addiscendæ causâ ipsâ Scoti scripta diurna, nocturna que versant manu, & magis illi coarguendi, atque incusandi, quæ Tyronum instruendorum cura demandata est, eosque subinde necessaria disciplina imbuere impigrè conantur. Haud profectò absimiles videntur cuidam, qui Epicleti Stoici lychnum fictilem trecentis denariis mercatus, sperans fore ut similis efficeretur admirando seni, si ad lucernam ipsius legisset, ita isti putare videntur Scoti sapientiam adepturos quotquot lætitaverint ipsius Commentarios in Magistrum sententiarum. Vidisse profectò oportebat non ad juniores, initiandosve Theologica disciplina Doctorem subtilem scripta sua direxisse; optime enim intelligebat cibos solidiores imbecilliori stomacho ingestos, magis obruere quæ supersunt vires, quàm prodesse robori, ac cedere in pensum deperditarum.

Orat. in Cornelium Tacitum.

Luciani De cul. aduersus Indotum.

Discutens ille quæstiones pro diversitate materierum Magistri motas, ut plurimum nullo nexu inter se constantes, ordinem subinde tantopere doctrinis addiscendis opportunum tenere nequit. Eo autem sablato, novis atque novis semper occurrentibus rebus, memoria confunditur, & dum altera alteri auxilium esse non potest, unaquaque suis propriis stante ac procedente principiis, cuncta & singula veluti clavi clavis trusa, facillimè labuntur, intantum, ut omni Scoto prælecto, temporis & laboris pensata ratione, modica admodum ejus Theologiæ menti adhæreat cognitio. Hæc mihi verissimè dicenti propositum non est detertere, ac avertere ab Scoti lectione, quem impensè diligo, suspicio maximè, & tantopere admiror, quem citra ullius injuriam, cupio omnes amplecti, quem scio innumeros protulisse in Ecclesia Catholica Doctores, & Magistros: Sed doleo temporis jacturam, conqueror importunè obtrudi illis, cui methaphysicalibus, atque Logicæ præceptis, & scientia Animastica, & naturali, probè exculti non sunt; deploro demum Scholasticorum nostrorum pauperiem tot inter divitias, & post tantum temporis impensam Scotico textui explicando, veluti viatico destitutos ad optatam metam pertingere non potuisse.

Hæc igitur potissimum spectans operæ pretium me facturum arbitratus sum, si (ut dicebam) universam Scoti Theologiam, quæve in subsidium ejus adscita sunt philosophica, certo ordine methodoque digesta in medium producerem. Inde enim id emolumenti captum iri sentiebam, ut dum sub propriis capitibus coacta quæcunque eorum interfunt, modò Magister Scotus aliqua ratione ea attigerit, obijciuntur legentibus, unico propemodum contuitu lustranda, & per methodum intelligentiæ plurimum consultum foret, & una temporis iacturæ prospiceretur. Nam cum ad certâ quæsitâ cuncta ad eadem spectantia reducuntur, opportune in articulos dispartita, & singula de eodem principio unde suis gradibus proficiuntur, lumen mutantur, & alterna inter se collatione, alterum in alterius adjutorium cedit & fulcrum. Fortiori subinde vestigio stantibus rebus efficacius atque uberius menti doctrina illabitur, omnem ordine arcente distractionem. Et si enim ad multa, quibus formanda excolendaque mens est: necessariò extendatur; attamen quemadmodum in tabula affabrè variis picta coloribus unicum contuemur exemplatum, ita complura scitu digna certis quæstionum, titulorumque conclusâ limitibus ad sua quæque collimant illata, intantum ut hæc omnia suis aprata principiis, & vicissim eadem solutionibus applicata, mirum quantum brevi mentis acies luce perfundatur juxta atque oblectetur, nullam passâ vicissitudinem se se obtrudendum, mutuoque pellentium scitorum.

Porrò videntes eos inter, qui ad hanc diem Summam Theologicam ediderunt S. Thomam

Aqui-



Aquinatem ordine pulcherrimo processisse, ac plane principem locum tenere, quippe qui methodum ab Alexandro inventam, perfecit multaque desuper addiderit, eum, prout materia patitur, imitandum censuimus, exscriptis questionum omnium connexionibus, ac articulorum titulis, idque pluribus de causis. Primum, ut monumentum extaret nos S. Doctori, nunquam satis commendato maxime deferre & suspicere, & ut par est, venerari, veluti à Deo Ecclesiæ suæ singulari beneficio provisum, quem pariter Doctorem Subtilem fecisse plurimi exinde nobis persuasum est, quod scriptis ejus impensius addictus eadem accuratius discutiendo, & *nomen ejus* (inquit Wadingus) *reddidit illustrius, & doctrinam famosorem*. Deinde, duorum Sac. Theologiæ procerum collatis questionibus, articulisque, ac verbis prope, alterius ex altera sententia perspicuitate accepta, & de pondere rationum, & firmitate solutionum securius judicium ferretur. Quamquam alioquin Magister Scotus in solutionibus suis, si quis alius lucidus sit: revocans siquidem omnia ad ea, ex quibus pendent principia, & una effecit; ut perspicuitate multa ornata prodirent solutiones suæ, utque de sensu menteque ipsius in paucis omnino apud nostros addubicaretur; cum S. Thomæ Expositores ut plurimum inter sese dissentire comperiantur. Nam Sanctus Doctor quò strictior est in sermone, præsertim in prima parte, eo latiore campum aperuit Sectatoribus suis in diversas, contrariasque sententias abeundi. Postremo omnem Scoti Theologiam juxta ordinem S. Thomæ digestam exhibentes, ut quibus antea displicuisset placitum speramus, ita tantundem Orbi Christiano confidimus profuturam. Et quoniam Magister Scotus pro temporum suorum conditione introducit circa Aristotelis mentem inquisitiones, mirabili profus indagine dissertas, has, nisi præcisè ad scopum spectent questionum, veluti inutiles averruncandas putavimus. Ubi verò doctrinam ejus exuberare reperimus, quò enucleatius sensa ipsius explicarentur, atque luculentius paterent, articulos iterare non piguit. Quæve etiam ex animi sententia disseruit, & Sanctus Thomas obiter, levique manu tetigisse contentus fuit, nos ex incidenti ad formam questionum redacta, in medium proponere non dubitavimus.

Interea, ut subiit mirari, tot præclara ingenia, quorum omni ævo schola nostra ferax fuit, huic perutilissimo labori non admovisse manus, ita nobis nihil attribuimus, sed animadvertentes Petrum de Alvernia ex Scriptis Sancti Thomæ super 4. sent. supplementum ad 3. par. ipsius confluxisse, & Coriolanum ex 1. sent. S. Bonaventuræ Summam de Deo Uno, & Trino edidisse, idipsum fieri posse ex Commentariis Magistri Scoti diffusi non sumus. Non latet quidem Angelum Wlpium, & Bermingham Hibernum Scoti Summam (ut pollicentur) aut magna ex parte scripsisse, aut scribere aggressos esse. Sed prioris opera Wlpii magis, quam Scoti dici debent: Posterior verò dum cupidius insistit suo modo quinquies obiiendi, probandi, & respondendi, aliena multa Scoto infarciens, proposito non excidisse nequit.

Nos contra ex ipso Magistri Scoti textu Summam hanc Theologicam fore concinnandam putavimus, etsi frequenter sensa magis, quam verba demus, per quandam quasi paraphrasim explicata. Nobis autem non satis fidentes, non modò præcipuos Scoti Commentatores consulendos duximus, sed etiam eos, qui per questiones Theologica Dogmata pertractarunt. Complures articulos, imò integras questiones non raro ex diversis variisque Magistri Scoti locis, & codicibus compegimus, ipsius sententias appositis juxta quæsitâ pronunciare, declarare, atque ex dictis ejus defendere satagentes. Interdum quoque doctrina usi sumus instar principiorum, in quæ multis involvuntur conclusiones, & qua proinde facilitate poterat reflecti in ipsum authorem, ita conandum censuimus juxta incidentes opportunitates, & docendum quo sensu ea protulerit Doctor, quæve ratione optimè cohæreant dicta ipsius.

Sed ajunt, venditas ergo ut Scoti quæ Scotus non dicit, nec sentit. Utique interdum contra solutiones ejus produco fundamenta Aquinatis stantis è regione doctrinæ suæ, quò de eadem dissolvantur, nisi in terminis per magistrum eis obviatum sit: aut certè adfero ex textu quæ alii obiecerint, & de verbis ac sensibus ejus responsa appono. Atque hæc agens, sicque me gerens, ajo, Summam scripsisse Theologicam, quæ Doctoris Subtilis, & habeatur & vocetur. Quod si nihilominus stent in sententia, & deceptum me putent, his tamen non moveor, nec fecisse poenitet; Novi enim dudum hæc eadem objecta fuisse Lipsio, Principi illi Literatorum, dum ex variis diversorum authorum dictis aureos libros *Civilis Doctrinæ* contexeret; mihi ergo, & illi est eadem responsio communis: *Non rectè inquam, nec ex Scriptorum mente quedam citas. Quamvis cum hoc audiui? Nam revera culpant insiti homines, quod elegantior aliquis mihi det in laudem. Quò aliter potui aut debui in hoc scripto? Id modò spectandum est ne, quid in sententiam improbam aut falsam spectatur.*

Denique, si hæc propria Lipsianæ scriptiõis videantur, nostræque cum illa nihil esse commune, etsi fortasse ii de sententia decedent, cum viderint Scoti textum ad hunc, atque illum scopum deductum, diversisque conclusionibus aptatum, quod ille non fecerat, nec futurum præviderat, & nedum ad complementum, & ornatum quendam questionum, quæ Doctor aliquando in terminis non extendit, sed ad spiritum, & vitam, è fonte Magistri Scoti, per quosdam veluti canales derivatam; his tamen ego non multum refragor, sciens alioqui conatum,



tum, & vortum non improbaturos, & laborem impensum rei Scholasticæ promovendæ. *Hoc totum* (ait ille) *quàm arduum in ardua ista materia mihi fuerit, frustra dixerim apud non expertum. Si quis volet per tentamentum, & iocum pauca aliquot capita concinet.* **ECCE RHODUS, ECCE SALTUS.** Enimvero penè innumera adhuc supersunt ex Theologica disciplina, Metaphysicis, scientiaque naturali, quæ consimili modo ex Scoti codicibus pertractari queant, si quis sibi proponat imitandam summam Alberti, aut Henrici, aut Altisiodorensis. Hac igitur ratione prima, & tertia parte cum omni supplemento, atque etiam prima secundæ perfectis, juxta ordinem materiarum à B. Thoma his codicibus comprehensarum, Magistri Scoti Theologicam doctrinam distribuentes, in quinque tomos digestimos. Duo priores, tractatus ad primam partem spectantes complectuntur, totidem ultimi ea comprehendunt, de quibus in tertia parte agitur. Prima secundæ de vitiis, & virtutibus in communi tractatur.

Lips. ubi supra in *Proo-  
mio*.

Caterum illud nos male habuit, quod non licuerit ut Petro de Alvernia, aut Coriolano (quamquam is magis doctrinæ per Seraphicum Doctorem explicatæ titulos super imposuerit, quàm quesitis à B. Thoma materias aptaverit) cunctis & singulis Articulis, & Quæstionibus ejus ex Scoto solutiones apponere, atque adhibere. Defuit quippe materia quarundam quæstionum opera sex dierum concernentium, & nonnullarum ad tertiam partem spectantium, quibus profectò dissolvendis abundè materiam suppeditassent Scoti expositiones super *Genesim ad literam*, & in *Evangelia*, ac *Pauli Epistolas* si inveniri potuissent. Ac proinde, ne Theologica hæc Summa hiulca, mancaque ederetur, ex textu Magistri sententiarum, quem ut ab Scoto approbatum accepimus, ubi reliendum non putavit, & de Magistri Halensis doctrina supplendas duximus, tale factum approbaturos opinati, tum Doctorem Subtilem, qui non semel Halensem *Magistri* nomine honorifice appellat, tum Aquinatem, qui Gersonem teste, huic uni etiam atque etiam incumbendum esse identidem exaggerabat: sed præstat audire Gersonem ita loquentem: *Alexandri de Hales doctrina quantæ sit ubertatis dici satis nequit. De quo fertur respondisse S. Thomas dum inquireretur, quis esset optimus modus studendi Theologiæ? respondet exercere se in uno Doctore præcipuè. Lumen ultra peteretur; quis esset talis doctor? Alexander de Hales.* Hæc ille.

Epist. ad  
quoniam cum  
Frat. em mi-  
norem. 10. 1.

Dissertationes etiam, quæ vitia, & Virtutes in speciali explicantur, quibusve posterior pars secundæ S. Thomæ conflatur, Doctor Subtilis ex professò aliquando non attigit. Nam cum exactissimè ac luculentissimè id præstitum invenisset ab Halensi & Aquinate, & rectè judicans eadem abundè sufficere ad eruditionem, & pietatem, nihil fermè addendum duxit. Quapropter nos post primam secundæ Scoti, edendam curavimus Summam de virtutibus Magistri Alexandri, quò omnem prorsus Theologiam ex Doctoribus nostris exhiberemus. Quæ sita, quæ huic Summæ defunt, & apud Aquinatem excussa inveniuntur, in tertia parte Halensis Lector poterit reperire. Quæcunque nihilominus ex Magistri Scoti codicibus inveniri potuerunt, quæ secundam partem secundæ S. Thomæ concernere comperimus, Primæ Secundæ veluti appendix à nobis abjecta sunt.

Postremò indigitandos censuimus codices omnes Magistri Scoti, ex quibus Summa hæc coaluit, ut si lectori periculum facere libuerit, utrum quæ in medium protulimus cohæreant dictis, mentique ipsius, sciatur quibuscum conferri queant. Potissimum igitur sunt.

Scriptum utrunque super Magistrum sententiarum, Oxoniensè scilicet, & Parisiensè, quod Reportata vocant.

Quodlibeta, quæ Doctor Parisiis scripsit, unius, & viginti quæstionum. Deinde.

De primo principio.

De cognitione Dei.

Theorematum Tractatus egregius.

Super libros Metaph. Aristotelis, Quæstiones & Commentarii.

Quæstiones super libros de Anima.

De primo rerum principio. Sive quæstiones disputatæ.

Collationes Parisienses.

Quæstiones miscellaneæ.

Quæstiones super Logicam Aristotelis.

Tractatus de modis significandi, & super libros Meteororum.

Omnia igitur adhibuimus Scoti opera edit. *Lugdun.* 1639. excepto opere physicarum quæstionum, quippe quod Doctori nostro adjudicandum esse pro certo teneamus. Physicam sanè eum scripsisse, tum alii, tum ipse non semel commemorat in Metaphysica, & in Theorematibus sub nomine *Tabularum Physicarum*. Sed pleraque sunt adeò absona in his quæstionibus ab reliqua Magistri Scoti doctrina, ita dissimilis modus disserendi, ut mirum sit, nostro Arretino, qui eas quæstiones Commentariis illustravit, ab Scoto scriptas persuaderi potuisse. Hæc præfanda videbantur.

**J**USSU Reverendissimi Patris nostri Vice-Commissarii Generalis perlegi tria volumina *Primæ Partis Summæ Theologiæ JOANNIS DUNSCOTI* juxta ordinem quæstionum, & Articulorum Summæ Doctōris Angelici ab A. R. P. Hieronymo de Montefortino Reformatæ hujus Romanæ Provinciæ Lēctore Emerito, atque Ex-ministro, summo studio, ac labore dispositæ. Nil certè reperire fuit, quod aut catholicæ Fidei, aut probis moribus officere vel minimum possit, cum non aliud contineat, quàm ipsius Scoti doctrinam, sed adeo novè concinnatam, atque distinctam, ut non modo nostræ scholæ, verum & aliarum Theologos delectare, & juvare plurimum valeat. Denique quod Lirinensis Vincentius in Ecclesiasticis Scriptoribus maximè desiderabat, cum diceret: *Esio spiritualis tabernaculi Besetzet, preciosas Divini dogmatis gemmas exculpe, fideliter coapta, adorna sapienter; adice splendorem, gratiam, verusitatem. Intelligatur te exponente illustrius, quod antea obscurius credebatur: per te posteritas intellectum gratuletur, quod ante vetustas non intellectum venerabatur. Eadem tamen, que didicisti, ita doce, ut cum dicas novè non dicas nova, hoc re ipsa adimpletum circa Scotica dogmata, totamque Subtilis scholæ doctrinam inveni. Quapropter Opus egregium, diuque exoptatum dignum, quod typis mandetur, publicamque tandem lucem videat, censerem. In quorum fidem &c.*

Romæ in Conventu S. Francisci ad Ripam Tiberis die 8. Martii 1720.

*Ego Frater Deodatus à Roma Lēctor Emeritus & Ex-Vice Commissarius Generalis Reformatorum S. Francisci.*

**D**E commissione Reverendissimi P. N. Fratris Joannis Cosmæ de Monteminiano Lēctoris Jubilati, ac Vice-Commissarii Generalis strictioris Observantiæ S. P. N. Francisci attentissime perlegi tria Volumina completentia Primum Tomum operis cujusdam, cujus titulus est: *Primæ Partis Summæ Theologiæ JOANNIS DUNSCOTI DOCTORIS SUBTILIS Ordinis Minorum* à R. A. P. Hieronymo de Montefortino Lēctore Jubilato, atque Almæ Provinciæ Romanæ strictioris Observantiæ Ex-Provinciali concinnatæ juxta dispositionem, & ordinem Summæ Angelici Doctōris S. Thomæ Aquinatis: nilque in hujusmodi Opere animadverti Orthodoxæ Fidei contrarium, nil optimis moribus noxium, nil à sana, tutaque doctrina alienum, nil demum, quod prælo, luce, laude publica dignum non sit, quia nil novum, nisi cum dispositionem, atque methodum literæ Subtilis Doctōris ex variis ejusdem Scriptis collectæ, laboriosam tamen, atque perutilem omnibus continet. Ita censéo in hoc sacro Aracelitano Conventu die S. Thomæ Aquinatis, nempe septima Martii Anni 1720.

*F. Emanuel Fernandez de el Rio Lēctor Jubilatus Ex-Custos Provinciæ Burgenfis, & Commissarius Generalis Terræ Sanctæ in Romana Curia.*

**C**UM juxta Apostolicas, nostrique Ordinis Constitutiones per idoneos Censores revisum fuerit opus quoddam compositum à Rev. P. Hieronymo a Montefortino Lēctore Emerito, & ex Provinciali nostræ Ref. Provinciæ Romanæ, cujus titulus est *Primæ Partis Summæ Theologiæ JOANNIS DUNSCOTI Doctōris Subtilis Ordin. Minorum concinnatæ juxta dispositionem, & Ordinem Summæ Angelici Doctōris Sancti Thomæ Aquinatis Tomus Prior*. Tenore præsentium ad salutaris obedientiæ meritum facultatem eidem inapertimur, quatenus servatis servandis illud Typis mandare valeat.

Dat. Romæ die 9. Martii 1720. In Conventu S. Francisci ad Ripam.

*Fr. Joan. Cosmas à Monteminiano V. Comis. Generalis.*



# Imprimatur .

Si videbitur Reverendissimo Patri Mag. Sacri Palat. Apost.

T. Cervinus Ep. Atracoe Vicesg.

## A P P R O B A T I O .

Reverendissimi Patris Domini Augustini Romani de Floribus à Cremona, Ordinis Camaldulensis, Sacrae Theologiae Lectoris Emeriti, & olim suae Congregationis Lectorum Examinatoris, Revisoris Librorum Sancti Officii Facientiae, & Examinatoris Synodalis Ravennae; Nunc autem Abbatis, & Procuratoris Generalis suae Congregationis in Urbe, Academiae Theologicae Romanae Censoris, Sacrae Congregationis Indicis Consultoris, Sacri Concilii Lateranensis, & Eminentiſſ. Cardinalis de Belluga Theologi de Camera pronuntiati.

**Q**UA potui diligentia legi de mandato Rm̃i Patris Magistri Sac. Palatii. SUMMAM THEOLOGICAE SCOTICAE, primae, & tertiae partis Tractatus complectentem, quatuor Tomis distinctam, ab Admodum Reverendo Patre Fratre Hieronymo à Montefortino magno studio, judicio, ac labore juxta methodum Summae S. Thomae Doctoris Angelici concinnatam. Praefata Summa totius Theologiae Subtilissimi Doctoris JOANNIS DUNS SCOTI absolutissimum mihi videtur complementum, quippe quae quod illi deerat ex omnium sententia, abunde eidem contulit, nullo facto doctrinae Scoticae, ex suo, vel alieno additamento, sed tantummodo Summae Angelicae exactissima imitatione. Tentaverant jam dudum difficillimam hanc provinciam nonnulli ex Schola Subtilissimi Doctoris, at enim verò. Hic unus optatissimam obtinuit spartam. Tandem igitur unius P. Fratris Hieronymo de Montefortino opera, ac ingenio, omnis ferè obscuritas sublata est ἀπο' τῆ Σκο'τῆ, Quaestionum distinctione Theologicarum, atque illi ingens addita facilitas, methodo laudati ſina cunctarum difficultatum mirabiliter elucubrata. Sic in Scoto, quod omnium erat in votis, facta est distinctio lucis τῆ Σκο'τῆ, dum bellè folis Aquinatis ἐν τῷ Σκο'τῆ lux lucet, tam lucis, quam τῆ Σκο'τῆ distinctione servata, proprietateque retenta, ita ut universae demum Theologiae, quae in duobus primis Theologorum omnium Magistris profundissime continetur, illud jam intelligi possit Davidicum aenigma, ὡς τὸ σκ'ος αὐτοῦ, & τὸς ἡμέ' τς φωὸς αὐτοῦ (Psal. 138. V. 12.) Sicut tenebrae ejus, ita & lumen ejus, quia claritas lucis filia à methodo Angelica habetur, & profunditas tenebrarum genitrix à speculatione Scotica indivisim, & inseparabiliter in una, eademque Summa Theologica continetur. Opus itaque cedro dignum laudo, & ut typis quàm primum detur ad utriusque celeberrimae scholae, nimirum Scoticae, & Thomisticae beneficium, & decus, dignissimum cenſeo.

Romae tertio nonas sextiles Ann. 1721.

D. Augustinus Romanus de Floribus Camaldulensis.

Approbatio Reverendissimi P. Christophori Rasser. Soc. Jesu.

**V**IDI, & ex commissione Reverendissimi Patris Sac. Palatii Magistri studioſè perlegi praesentem Tractatum præcipuas quasque de Sanctissima Trinitate Quaestiones complectentē, deprehendique in eodem profundam ac altissimam hoc Myſterio Doctoris verè Subtilis Scoti Theologiam, per varia ipsius Opera sparſum, in unam Summam Angelicam D. Thomae ex aequo respondentem magno judicio, nec minore fide, & accurate collactam, ordinatamque exhiberi, Quae res cum non possit nisi percommoda, gratissimaque accedere Lectori Veritatis, & reconditioris sapientiae studioſo, nec etiam in toto hoc Opere quidquam sit, quod vel Orthodoxae Fidei, vel bonis moribus adversetur, dignissimum scilicet esse cenſeo, quod ad commune Litterariae rei bonum typis beneficio cum insigni Authoris commendatione in lucem publicam proferatur.

Ex Collegio Romano 6. Martii Ann. 1721.

Christophorus Rasser. Soc. Jesu.

Approbatio Reverendissimi P. Leonis Bartolotti Cler. Regul. Minorum.

**E**X commissione Reverendissimi Patris Sac. Palatii Apostolici Magistri vidi librum, cui titulus JOANNIS DUNS SCOTI Doctoris Subtilis Summae Theologicae juxta dispositionem & ordinem Summae Angelici Doctoris S. Thomae concinnatae Primae Partis Tomus Prior: ab Admodum R. P. Hieronymo de Montefortino Lectore Emerito Ord. Min. Provinciae Romanae Reformatae compositum; & quemadmodum in eo nihil reperiri Fidei, aut bonis moribus dissonum, sic mirari licuit Authoris ingenium, qui cum omnia trahat ab antiquis, meretur tamen placere de propriis, & tanquam scriba doctus proferens de Thesaurio suo nova & vetera ita vetera apta dispositione concinnat, ut nova prorsus dicere videatur, ac inaudita plerisque. Quamvis enim subtilis Scoti doctrina solida sit, ac profunda, non ita tamen erat omnibus pervia, ut datum esset cuilibet m. ejus libris eam dilucide, & ordine invenire; Unde infatigabili hujusce Authoris studio illi non nihil accessit, dum ut singulare Scoti Decus, & Praesidium, ordinem contulerit, & splendorem. Typis propterea mandandum cenſeo opus, quod sit rariæ Reipublicae valdè profuturum confido.

Ex Collegio SS. Vincentii, & Anastasii Romae die prima Decembris 1720.

Leo Bartolotti Cler. Regul. Minorum Sac. Theologiae Lector, ac Sac. Congregationis Indicis Consultor.

# Imprimatur .

Fr. Gregorius Selleri Sacri Palatii Apostol. Magister Ord. Præd.

# I N D E X

## P R I M Æ P A R T I S S U M M Æ.

### Quæstionum, & Articulorum

#### QUÆSTIO PRIMA.

*Qualis sit hæc doctrina, & Adque sit extendat.*

1. **U**trum sit necessarium, præter philosophicas disci-  
plinas, aliam doctrinam haberi, Articuli duo, pag. 3.  
Articulus Incidens: Utrum cognitio supernaturalis neces-  
saria Viatori sit sufficienter tradita in Sac. Scriptura.  
pag. 9.
2. Utrum Sacra doctrina sit scientia. Articuli duo, pag. 14.  
Articulus Incidens: Utrum Theologia Viatoris subalter-  
netur Theologiæ Dei, & Beatorum. pag. 16.
3. Utrum Sacra doctrina sit una scientia, pag. 18.
4. Utrum Sacra doctrina sit scientia practica, Articuli  
quatuor, pag. 29.  
Articulus Incidens: Utrum sit practica à fine, vel ab obie-  
cto pag. 19.  
Iterum idem articulus incidens, pag. 21.
5. Utrum Sacra doctrina sit dignior aliis scientiis, pag. 26.
6. Utrum hæc doctrina sit sapientia, pag. 27.
7. Utrum Deus sit subiectum hujus scientiæ, Articuli duo  
pag. 28.  
Articulus Incidens: Quænam sit ratio primi subiecti scien-  
tiæ, An sit primò continere virtualiter veritates habitus  
scientifici, pag. 28.  
Iterum Articulus Incidens: Utrum Theologia sit de omni-  
bus ex attributione ipsorum ad primum ejus subiectum,  
pag. 32.
8. Utrum hæc doctrina sit argumentativa, pag. 33.
9. Utrum Sac. Scriptura debeat uti metaphoris, pag. 34.
10. Utrum Sacra Scriptura sub una litera habeat plures  
sensūs, pag. 35.

#### QUÆSTIO II.

*De Deo an Deus sit,*

1. Utrum Deum esse sit per se notum, pag. 37.  
Articulus Incidens: Quænam sit ratio propositionis per se  
notæ pag. 37.
2. Utrum Deum esse sit demonstrabile, pag. 41.
3. Utrum Deus sit pag. 42.  
Articulus Incidens: An, & quotuplex sit ordo essentialis  
in entibus, pag. 42.

#### QUÆSTIO III.

*De simplicitate Dei,*

1. Utrum Deus sit corpus, pag. 47.
2. Utrum in Deo sit compositio formæ, & materiæ, pag. 49.
3. Utrum sit idem Deus, quod sua essentia, vel natura,  
pag. 50.
4. Utrum in Deo sit idem essentia, & esse, pag. 51.
5. Utrum Deus sit in genere aliquo, pag. 52.
6. Utrum in Deo sint aliqua accidentia, Articuli duo  
pag. 54.
7. Utrum Deus omnino simplex, pag. 57.  
Articulus Incidens: Utrum aliqua creatura sit simplex,  
pag. 58.
8. Utrum Deus in compositionem aliorum veniat, pag. 59.

#### QUÆSTIO IV.

*De Dei perfectione.*

1. Utrum Deus sit perfectus, pag. 60.
2. Utrum in Deo sint perfectiones omnium rerum, pag. 61.
3. Utrum aliqua creatura possit esse similis Deo, pag. 63.

#### QUÆSTIO V.

*De bono in communi.*

1. Utrum bonum differat secundum rem ab ente, pag. 65.
2. Utrum bonum secundum rationem sit prius, quam ens,  
pag. 67.
3. Utrum omne ens sit bonum, pag. 68.
4. Utrum bonum habeat rationem causæ finalis, pag. 69.
5. Utrum ratio boni consistat in modo, specie, & ordine,  
pag. 70.
6. Utrum convenienter dividatur bonum per honestum,  
utile, & delectabile, 71.

#### QUÆSTIO VI.

*De bonitate Dei.*

1. Utrum esse bonum Deo conveniat, pag. 73.
2. Utrum Deus sit summum bonum, pag. 74.
3. Utrum esse bonum per essentiam sit proprium Dei,  
pag. 75.
4. Utrum omnia sint bona bonitate divina, pag. 77.

#### QUÆSTIO VII.

*De infinitate Dei.*

1. Utrum Deus sit infinitus, pag. 78.
2. Utrum aliquid aliud, quam Deus, possit esse infinitum  
per essentiam, pag. 80.
3. Utrum possit esse aliquid infinitum actu secundum ma-  
gnitudinem, pag. 82.
4. Utrum possit esse infinitum in rebus secundum multitu-  
dinem, pag. 84.

#### QUÆSTIO VIII.

*De existentia Dei in rebus.*

1. Utrum Deus sit in omnibus rebus, pag. 87.
2. Utrum Deus sit ubique, pag. 89.
3. Utrum Deus sit ubique per essentiam, præsentiam, &  
potentiam, pag. 89.
4. Utrum esse ubique sit proprium Dei, pag. 90.

#### QUÆSTIO IX.

*De Dei immutabilitate.*

1. Utrum Deus sit omnino immutabilis, pag. 91.
2. Utrum esse immutabile sit proprium Dei, pag. 93.

#### QUÆSTIO X.

*De Dei æternitate.*

1. Utrum convenienter diffiniatur æternitas, quod est in-  
terminabilis vitæ tota simul, & perfecta possessio, pag. 95.
2. Utrum Deus sit æternus, pag. 97.
3. Utrum esse in æternum sit proprium Dei, pag. 98.
4. Utrum æternitas differat à tempore, pag. 99.  
Articulus Incidens: Utrum esse rerum generabilem,  
& corruptibilem mensuretur tempore, vel ævo, pag. 102.
5. De differentia qui, & temporis, Articuli duo, pag. 103.  
Articulus Incidens: An operationes Angelorum men-  
surentur tempore, vel ævo, pag. 106.  
Iterum Articulus Incidens: Utrum Ævum realiter di-  
stinguatur ab æviterno, cui est intrinseca mensura,  
pag. 108.
6. Utrum sit unum ævum tantum, pag. 109.  
Articulus Incidens: Utrum tempus sit unum, idemque  
numero, pag. 111.

Itē-



Iterum Articulus Incidens : Utrum tempus differat realiter à motu . pag. 113.

## QUÆSTIO XI.

*De unitate Dei .*

1. Utrum unum addat aliquid supra ens . pag. 116.
2. Utrum unum , & multa opponantur . pag. 118.
3. Utrum Deus sit unus . pag. 119.
4. Utrum Deus sit maximè unus . pag. 121.

## QUÆSTIO XII.

*Quomodo Deus à nobis cognoscatur .*

1. Utrum aliquis intellectus creatus possit videre Deum per essentiam . pag. 123.
  2. Utrum essentia Dei ab intellectu creato per aliquam similitudinem videatur . Articuli duo . pag. 125.
  3. Utrum essentia Dei videri possit oculis corporalibus . pag. 128.
  4. Utrum aliquis intellectus creatus per sua naturalia divinam essentiam videre possit . Articuli duo . pag. 130.
- Articulus Incidens : Utrum primum objectum intellectus nostri sit quidditas rei materialis , vel aliquid aliud . pag. 134.

5. Utrum intellectus creatus ad videndum Dei essentiam aliquo creato lumine indigeat . pag. 136.
- Articulus Incidens : Utrum fieri possit creatura , quæ Deum naturali sua virtute videat . pag. 139.
6. Utrum videntium essentiam Dei unus alio perfectiùs videat . pag. 140.
  7. Utrum videntes Deum per essentiam ipsum comprehendant . pag. 142.
  8. Utrum videntes Deum per essentiam omnia in Deo videant . pag. 143.
  9. Utrum ea , quæ videntur in Deo à videntibus divinam essentiam , per aliquam similitudinem videantur . pag. 145.
  10. Utrum videntes Deum per essentiam simul videant omnia , quæ in ipso vident . pag. 146.
  11. Utrum aliquis in hac vita possit videre Deum per essentiam . pag. 148.
  12. Utrum per rationem naturalem Deum in hac vita cognoscere possimus . pag. 149.
  13. Utrum per gratiam habeatur altior cognitio Dei , quàm ea , quæ habetur per rationem naturalem . pag. 151.

## QUÆSTIO XIII.

*De nominibus Dei .*

1. Utrum aliquod nomen Deo conveniat . pag. 153.
  2. Utrum aliquod nomen dicatur de Deo substantialiter . pag. 155.
  3. Utrum aliquod nomen dicatur de Deo propriè . pag. 156.
  4. Utrum nomina dicta de Deo sint nomina Synonyma . pag. 157.
- Utrum ea , quæ de Deo dicuntur , & creaturis , univocè dicantur de ipsis . pag. 159.
6. Utrum nomina , per prius dicantur de creaturis , quàm de Deo . pag. 161.
  7. Utrum nomina , quæ important relationem ad creaturas dicantur de Deo ex tempore . pag. 162.
  8. Utrum hoc nomen *Deus* sit nomen naturæ . pag. 164.
  9. Utrum hoc nomen *Deus* sit communicabile . pag. 165.
  10. Utrum hoc nomen *Deus* univocè dicatur de Deo per participationem secundum naturam , & secundum opinionem . pag. 166.
  11. Utrum hoc nomen , *Quid est* sit maximè nomen Dei proprium . pag. 168.
  12. Utrum propositiones affirmativæ possint formari de Deo . pag. 169.

## QUÆSTIO XIV.

*De scientia Dei .*

1. Utrum in Deo sit scientia . pag. 170.

2. Utrum Deus intelligat se . pag. 172.
3. Utrum Deus comprehendat seipsum . pag. 173.
4. Utrum ipsum intelligere Dei sit ejus substantia . pag. 173.
5. Utrum Deus cognoscat alia à se . pag. 175.
6. Utrum Deus cognoscat alia à se propria cognitione . pag. 176.
7. Utrum Scientia Dei sit discursiva . pag. 178.
8. Utrum Scientia Dei sit causa rerum . pag. 179.
9. Utrum Deus habeat scientiam non entium . pag. 180.
10. Utrum Deus cognoscat mala . pag. 182.
11. Utrum Deus cognoscat singularia . pag. 183.
12. Utrum Deus possit cognoscere infinita . pag. 184.
13. Utrum Scientia Dei sit futurorum contingentium . Articuli duo . pag. 186.

Articulus Incidens : An prima radix contingentiae sit statuenda in omnium causa , vel in causis proximis contingenter productorum . pag. 186.

14. Utrum Deus cognoscat enunciabilia . pag. 192.
15. Utrum scientia Dei sit variabilis . pag. 192.
16. Utrum Deus de rebus habeat scientiam speculativam . Articuli duo . pag. 194.

## QUÆSTIO XV.

*De ideis .*

1. Utrum Idæ sint . pag. 197.
  2. Utrum sint plures idæ . pag. 198.
- Articulus Incidens : In quonam sit statuenda ratio formalis idæ : an in respectibus divinam essentiam determinantibus ; vel in rebus cognitis , ut factibilibus , & possibilibus à divino intellectu . pag. 199.
- Iterum Articulus Incidens : Utrum creatura , in quantum est fundamentum relationis æternæ ad Deum , ut cognoscentem , habeat verè esse essentiae . pag. 202.
3. Utrum omnium , quæ cognoscit Deus , sint idæ . Articuli duo . pag. 204.

## QUÆSTIO XVI.

*De veritate .*

1. Utrum veritas sit tantum in intellectu . pag. 208.
2. Utrum veritas sit in intellectu componente & dividente . pag. 210.
3. Utrum verum , & ens convertantur . pag. 211.
4. Utrum bonum secundum rationem sit prius quàm verum . pag. 213.
5. Utrum Deus sit veritas . pag. 214.
6. Utrum sit una sola veritas , secundum quàm omnia sunt vera . pag. 216.
7. Utrum veritas creata sit æterna . pag. 218.
8. Utrum veritas sit immutabilis . pag. 219.

## QUÆSTIO XVII.

*De falsitate .*

1. Utrum falsitas sit in rebus . pag. 221.
2. Utrum in sensu sit falsitas . pag. 222.
3. Utrum falsitas sit in intellectu . pag. 225.
4. Utrum verum , & falsum sint contraria . pag. 226.

## QUÆSTIO XVIII.

*De vita Dei .*

1. Utrum omnium naturalium rerum sit vivere . pag. 227.
2. Utrum vita sit quedam operatio . pag. 230.
3. Utrum Deo conveniat vita . pag. 230.
4. Utrum omnia sint vita in Deo . pag. 232.

## QUÆSTIO XIX.

*De voluntate Dei .*

1. Utrum in Deo sit voluntas . pag. 234.
2. Utrum Deus velit alia à se . pag. 236.
3. Utrum quicquid Deus vult , ex necessitate velit . pag. 237.

Ar-

**Articulus Incidens:** An Deus de necessitate velit creaturas possibiles. pag. 240.

4. Utrum voluntas Dei sit causa rerum. pag. 242.
5. Utrum voluntatis divinæ sit agnoscere aliquam causam. pag. 245.
6. Utrum voluntas Dei semper impleatur. pag. 247.
7. Utrum voluntas Dei sit mutabilis. pag. 249.
8. Utrum voluntas Dei necessitatem rebus volitis imponat. pag. 250.
9. Utrum voluntas Dei sit malorum. pag. 252.
10. Utrum Deus habeat liberum arbitrium. pag. 253.
11. Utrum sit distinguenda in Deo voluntas signi. pag. 255.
12. Utrum convenienter circa divinam voluntatem ponantur quinque signa. pag. 256.

## Q U Æ S T I O X X .

*De amore Dei .*

1. Utrum amor sit in Deo. pag. 258.
2. Utrum Deus omnia amet. 259.
3. Utrum Deus æqualiter diligat omnia. pag. 260.
4. Utrum Deus semper magis diligat meliora. pag. 261.

## Q U Æ S T I O X X I .

*De iusticia , & misericordia Dei .*

1. Utrum in Deo sit iustitia . Articuli duo. pag. 263.
  2. Utrum iustitia Dei sit veritas. pag. 266.
  3. Utrum misericordia competat Deo. pag. 268.
  4. Utrum in omnibus operibus Dei sit misericordia & iustitia. pag. 269.
- Articulus Incidens:** Utrum in Deo distinguantur iustitia , & misericordia . pag. 271.

## Q U Æ S T I O X X I I .

*De providentia Dei .*

1. Utrum providentia Deo conveniat. pag. 273.
2. Utrum omnia sint subiecta divinæ providentiæ. pag. 275.
3. Utrum Deus immediatè omnibus provideat. pag. 277.
4. Utrum providentia rebus provisus necessitatem imponat. pag. 279.

**Articulus Incidens:** An affectio finis in ratione formæ divinæ providentiæ includatur. pag. 281.

## Q U Æ S T I O X X I I I .

*De prædestinatione .*

1. Utrum homines prædestinentur à Deo . pag. 283.
- Articulus Incidens:** Utrum prædestinatio sit actus intellectus , vel voluntatis divinæ. pag. 285.
2. Utrum prædestinatio aliquid ponat in prædestinato , seu , An sint aliquis effectus prædestinationis. pag. 274. 274. secundo .
  3. Utrum Deus aliquem hominem reprobet . pag. 288.
  4. Utrum prædestinati eligantur à Deo . pag. 290.
  5. Utrum præscientia meritorum sit causa prædestinationis. pag. 291.
  6. Utrum prædestinatio sit certa . pag. 294.
  7. Utrum numerus prædestinatorum sit certus . pag. 295.
  8. Utrum prædestinatio possit juvari precibus Sanctorum . pag. 297.

## Q U Æ S T I O X X I V .

*De libro vitæ .*

1. Utrum liber vitæ sit idem , quod prædestinatio. pag. 300.
2. Utrum liber vitæ sit solum respectu vitæ gloriæ prædestinatorum . pag. 301.
3. Utrum aliquis deleatur de libro vitæ . pag. 301.

## Q U Æ S T I O X X V .

*De divina potentia .*

1. Utrum in Deo sit potentia . pag. 303.

2. Utrum potentia Dei sit infinita . pag. 304.
  3. Utrum Deus sit Omnipotens . Articuli duo . pag. 305.
  4. Utrum Deus possit facere , quod præterita non fuerint . pag. 310.
- Articulus Incidens:** An prima ratio impossibilitatis rei sciendæ sit ex parte Dei , vel ex parte rei factibilis. pag. 311.
5. Utrum Deus possit facere , quod non facit . pag. 312.
  6. Utrum Deus possit meliora facere ea , quæ facit . pag. 314.

## Q U Æ S T I O X X V I .

*De divina beatitudine .*

1. Utrum beatitudo Deo competat . pag. 316.
2. Utrum Deus dicatur beatus secundum intellectum . pag. 317.
3. Utrum Deus sit beatitudo cuiuslibet beati . pag. 319.
4. Utrum in Dei beatitudine omnis beatitudo includatur . pag. 320.

## Q U Æ S T I O X X V I I .

*De processione , sive origine divinarum Personarum .*

1. Utrum processio sit in divinis . pag. 322.
2. Utrum aliqua processio in divinis generatio dici possit . pag. 325.
3. Utrum sit in Divinis alia processio à generatione Verbi . pag. 326.
4. Utrum processio amoris in divinis sit generatio. Articuli duo . pag. 328.
5. Utrum sint plures processionem in Divinis , quàm duæ . pag. 332.

**Articulus Incidens:** Utrum in Deo possint esse plures processionem ejusdem rationis . pag. 333.

**Iterum Articulus Incidens:** Utrum ex numero operationum rectè inferatur numerus processionum divinarum , adeo ut illæ sint formales rationes harum productivæ . pag. 336.

## Q U Æ S T I O X X V I I I .

*De relationibus Divinis .*

1. Utrum in Deo sint aliquæ relationes reales . pag. 339.
- Articulus Incidens:** Utrum relatio in Divinis sit res quatenus ad essentiam comparatur . pag. 340.
2. Utrum relatio in Deo sit idem quod sua essentia. pag. 342.
- Articulus Incidens primum:** Utrum detur in Deo distinctio perfectionum essentialium præcedens aliquo modo omnem actum intellectus . pag. 344.
- Iterum Articulus Incidens:** Utrum relationes divinæ sint formaliter perfectæ , & infinitæ . pag. 347.
3. Utrum relationes , quæ sunt in Deo , realiter distinguantur . pag. 350.
  4. Utrum in Deo sint tantum quatuor relationes reales scilicet , paternitas , filiatio , spiratio , & processio . pag. 351.

## Q U Æ S T I O X X I X .

*De personis Divinis .*

1. De diffinitione personæ . pag. 353.
  2. Utrum persona sit idem quod hypostasis , substantia , & essentia . pag. 355.
  3. Utrum nomen personæ sit ponendum in Divinis. pag. 356.
  4. Utrum hoc nomen *persona* significet relationem. pag. 357.
- Articulus Incidens:** Utrum persona tantum significet duplicem negationem duplicis communicabilitatis . pag. 359.

## Q U Æ S T I O X X X .

*De pluralitate personarum in Divinis .*

1. Utrum sit ponere plures personas in Divinis . pag. 361.
- Articulus Incidens:** Utrum in Deo sit aliqua ratio totalitatis , aut majoritatis . pag. 363.

3. Utrum



Utrum in divinis sint plures personæ, quàm tres. pag. 365.  
Utrum termini numerales ponant aliquid in Divinis .  
pag. 366.

Utrum hoc nomen *persona* possit esse commune tribus personis . pag. 370.

Articulus Incidens: Utrum aliquis conceptus positivus primæ intentionis possit esse communis sola communitate rationis divinis personis . pag. 372.

### QUÆSTIO XXXI.

*De his, quæ ad unitatem, vel pluralitatem personarum pertinent in Divinis.*

Utrum sit Trinitas in Divinis . pag. 374.

Utrum Filius sit alius à Patre . pag. 375.

Utrum dictio exclusivæ *solus* sit addenda termino essentiali in Divinis . pag. 377.

Utrum dictio exclusivæ possit adiungi termino personali pag. 378.

### QUÆSTIO XXXII.

*De Divinarum personarum cognitione.*

Utrum Trinitas divinarum personarum possit per naturalem rationem cognosci . pag. 380.

Utrum sint ponendæ notiones in Divinis . pag. 383.

Utrum sint quinque notiones . Articuli duo . pag. 385.

Utrum liceat contrarium opinari de notionibus. pag. 387.

### QUÆSTIO XXXIII.

*De persona Patris.*

Utrum competat Patri esse principium . pag. 389.

Utrum hoc nomen *Pater* sit nomen propriè divinæ personæ . pag. 400.

Utrum hoc nomen *Pater* dicatur in Divinis per prius, secundum quod personaliter sumitur . pag. 392.

Utrum esse ingenitum sit Patri proprium . Articuli duo pag. 393.

### QUÆSTIO XXXIV.

*De persona Filii.*

Utrum Verbum in Divinis sit nomen personale. pag. 399.

Articulus Incidens: Utrum Verbum creatum sit intellectio actualis . pag. 400.

Utrum Verbum sit proprium nomen Filii . pag. 403.

Utrum in nomine Verbi importetur respectus ad creaturam . pag. 403.

### QUÆSTIO XXXV.

*De imagine.*

Utrum imago in Divinis dicatur personaliter. pag. 407.

Utrum nomen imaginis sit proprium Filii . pag. 408.

### QUÆSTIO XXXVI.

*De persona Spiritus Sancti.*

Utrum hoc nomen *Spiritus Sanctus* sit proprium nomen alicujus divinæ personæ . pag. 409.

Utrum Spiritus Sanctus procedat à Filio . pag. 4.

Articulus Incidens: An ex hypothesi quod Spiritus Sanctus non procederet à Filio, distingueretur ab ipso. pag. 412.

Utrum Spiritus Sanctus procedat à Patre per Filium. pag. 415.

Utrum Pater, & Filius sint unum principium Spiritus Sancti. Articuli duo . pag. 416.

Articulus Incidens: An Pater, & Filius sint dicendi unus spirator, vel duo Spiratores . pag. 420.

### QUÆSTIO XXXVII.

*De nomine Spiritus Sancti, quod est amor.*

1. Utrum amor sit proprium nomen Spiritus Sancti . pag. 422.

2. Utrum Pater, & Filius diligant se Spiritu Sancto. pag. 424.  
Articulus Incidens: Utrum Pater sit sapiens sapientiæ genita . pag. 425.

### QUÆSTIO XXXVIII.

*De nomine Spiritus Sancti, quod est donum.*

1. Utrum donum sit nomen personale . 427.

2. Utrum *donum* sit proprium nomen Spiritus Sancti . pag. 429.

### QUÆSTIO XXXIX.

*De personis ad essentiam relatis.*

1. Utrum in Divinis essentia sit idem, quod persona . p. 430.

2. Utrum sit dicendum tres personas esse unius essent. 2. pag. 433.

3. Utrum nomina essentialia prædicentur singulariter de tribus personis . pag. 435.

4. Utrum nomina essentialia concreta possint supponere pro persona . pag. 437.

5. Utrum nomina essentialia in abstracto significata possint supponere pro persona . Articuli duo . pag. 438.

6. Utrum personæ possint prædicari de nominibus essentialibus pag. 441.

7. Utrum nomina essentialia sint approprianda personis . pag. 443.

8. Utrum convenienter à Sac. Doctoribus sint essentialia personis attributa . pag. 444.

### QUÆSTIO XL.

*De personis in comparatione ad relationes, sive proprietates.*

1. Utrum relatio sit idem, quod persona . pag. 446.

2. Utrum personæ distinguantur per relationes . Articuli duo pag. 447.

3. Utrum abstractis per intellectum relationibus à personis, adhuc remaneant hypostases . 455.

4. Utrum actus notionales præintelligantur proprietatibus . 457.

### QUÆSTIO XLI.

*De personis in comparatione ad actus notionales.*

1. Utrum actus notionales sint attribuenti personis . 461.

2. Utrum actus notionales sint voluntarii . pag. 462.

Articulus Incidens - Utrum Spiritus Sanctus producat per modum voluntatis . pag. 464.

3. Utrum actus notionales sint de aliquo . pag. 467.

Articulus Incidens - Utrum Verbum divinum sit de essentia, sicut de quasi materia . pag. 468.

Iterum Articulus Incidens - Utrum divinæ productiones sint univocæ, vel æquivocæ pag. 471.

4. Utrum in Divinis sit potentia respectu actuum notionalium pag. 473.

5. Utrum potentia generandi significet relationem, & non essentiam . pag. 476.

6. Utrum actus notionalis ad plures personas terminari possit . pag. 477.

### QUÆSTIO XLII.

*De æqualitate, & similitudine Divisionum personarum ad essentiam.*

1. Utrum æqualitas locum habeat in Divinis . pag. 481.  
Articulus Incidens - Utrum æqualitas in Divinis sit relatio realis . pag. 483.

2. Utrum persona procedens sit coæterna suo principio, ut Filius Patri . pag. 487.

3. Utrum

3. Vtrum in divinis personis sit ordo naturæ pag. 488.
4. Vtrum Filius sit æqualis Patri secundum magnitudinem pag. 390.
5. Vtrum Filius sit in Patre, & è converso. pag. 491.
6. Vtrum Filius sit æqualis Patri secundum potentiam, pag. 493.

### QVÆSTIO XLIII.

*De missione doctrinarum personarum.*

1. Vtrum alicui personæ conveniat mitti. pag. 495.

2. Vtrum missio sit æterna, vel temporalis tantum. pag. 496.
3. Vtrum missio invisibilis divinæ personæ sit solum secundum donum gratiæ gratum facientis. pag. 497.
4. Vtrum Patri conveniat mitti pag. 498.
5. Vtrum Filio conveniat invisibiliter mitti pag. 299.
6. Vtrum missio invisibilis fiat ad omnes, qui sunt participes gratiæ.
7. Vtrum Spiritui Sancto conveniat visibiliter mitti. pag. 502.
8. Vtrum aliqua persona divina mittatur, nisi ab ea, à quo procedit æternaliter. pag. 503.

*Finis Quæstionum, & Articulorum primæ partis Summæ.*

## DUBIA EX INCIDENTI DISPUTATA.

1. Vtrum cognitio supernaturalis necessaria viatori, sit sufficienter tradita in sacra scriptura. pag. 9.
2. Vtrum Theologia Viatoris subalternetur Theologiæ Dei, & Beatorum pag. 16.
3. Vtrum sacra doctrina sit practica à fine, vel ab objecto, pag. 19.
4. Quænam sit ratio primi subjecti scientiæ: An sit primò continere virtualiter veritates habitus scientifici. pag. 28.
5. Vtrum Theologia sit de omnibus ex attributione ipsorum ad primum ejus subjectum. pag. 32.
6. Quænam sit ratio propositionis per se notæ. pag. 37.
7. An, & quotuplex sit ordo essentialis in entibus. pag. 42.
8. Vtrum aliqua Creatura sit simplex. pag. 58.
9. Vtrum esse rerum generabilium, & corruptibilium mensuretur tempore, vel ævo. pag. 102.
10. An operationes Angelorum mensurentur tempore, vel ævo. pag. 106.
11. Vtrum Ævum realiter distinguatur ab æviterno, cui est intrinseca mensura. 108.
12. Vtrum tempus sit unum, idemque numero. pag. 111.
13. Vtrum tempus differat realiter à motu. pag. 113.
14. Vtrum primum objectum intellectus nostri sit quiditas rei materialis, vel aliquid aliud. pag. 134.
15. Vtrum fieri possit Creatura, quæ Deum naturali sua virtute videat. pag. 139.
16. An prima radix contingentiæ sit statuenda in omnium causa, vel in causis proximis contingenter productorum. pag. 186.
17. In quonam statuenda sit ratio formalis ideæ: an in respectibus divinam essentiam determinantibus; vel in rebus cognitis, ut factibilibus, & possibilibus à divino intellectu. pag. 199.
18. Vtrum Creatura, inquantum est fundamentum relationis æternæ ad Deum ut cognoscentem, habeat verè esse essentiæ. pag. 202.
19. An Deus de necessitate velit creaturas possibiles. pag. 240.
20. Vtrum in Deo distinguantur iustitia, & misericordia. pag. 271.
21. An assequutio finis in ratione formali divinæ providentiæ includatur. pag. 281.
22. Vtrum prædestinatio sit actus intellectus, vel voluntatis divinæ. pag. 285.
23. An prima ratio impossibilitatis rei fiendæ sit ex parte Dei, vel ex parte rei factibilis. pag. 311.
24. Vtrum in Deo possint esse plures processiones ejusdem rationis. pag. 333.
25. Vtrum ex numero operationum rectè inferatur numerus processionum divinarum, adeout illæ sint formales rationes harum productivæ. pag. 336.
26. Vtrum relatio in Divinis sit res, quatenus ad essentiam comparatur. 340.
27. Vtrum deus in Deo distinctio perfectionum essentialium præcedens aliquo modo omnem actum intellectus. pag. 344.
28. Vtrum relationes divinæ sint formaliter perfectæ, & infinitæ. pag. 347.
29. Vtrum persona tantum significet duplicem negationem duplicis communicabilitatis. pag. 359.
30. Vtrum in Deo sit aliqua ratio totalitatis, aut majoritatis. pag. 363.
31. Vtrum aliquis conceptus positivus primæ intentionis possit esse communis sola communitate rationis divinis personis. pag. 372.
32. Vtrum verbum creatum sit intellectu actuali. pag. 400.
33. An ex hypothesi, quod Spiritus Sanctus non procederet à Filio, distingueretur ab ipso. 412.
34. An Pater, & Filius sint dicendi unus spirator, vel duo spiratores. 420.
35. Vtrum Pater sit sapiens sapientia genita. 425.
36. Vtrum Spiritus Sanctus producatur per modum voluntatis. pag. 464.
37. Vtrum Verbum divinum sit de essentia, sicut de quasi materia. pag. 468.
38. Vtrum divinæ productiones sint univocæ vel equivocæ. pag. 471.
39. Vtrum æqualitas in Divinis sit realis. 483.

*Finis Dubiorum ex incidenti disputatorum.*



(I.)

R. P. F.

JOANNIS DUNS  
SCOTI  
DOCTORIS SUBTILIS  
ORDINIS MINORUM  
VITA

A. R. P.

F. LUCA VVADINGO

*In suis annalibus, Tomo tertio, Anno MCCCIV.  
Et Anno MCCCVIII. descripta.*

Et ab eodem per varia Capita distributa.

*Causa scribendi.*

CAPUT PRIMUM.

I.



Elices viri magni, si invidiam non conflarent : ut pestem hanc fugiant, miseros esse oportet . Sola miseria invidia caret . Percurre animo terras omnes, sæcula præterita, cunctas historias evolve, vix insignem virum malo hoc immunem reperies . Iter facientes per solem, necessariò comitatur umbra ; incedentibus per gloriam, comes invidia . Præclara igitur facinora, & res à quopiam egregiè gestæ magnum plerumque livorem, & graves calumnias

*Viris magnis  
alij invident.*

conflare solent, atque ob id magnos legimus interdum viros, ut securi viverent, & virtutem ad tempus, & ingenium occultasse. JOANNES SCOTUS vir probus, virtute integra, doctrina singulari, sublimem gloriam assecutus, certam hanc expertus est malæ sociæ sequelam, ne inter bonos bonorum sortem videretur superasse.

*Scotus quorundam passus invidiam.*

II. Quidem liberioris, quam par erat, calami, gloriosè vagantem obscurare, & comprimere illius famam tentarunt; sed tarde nimis, possidente sinceris animos æquo ante aliquot sæcula judicio . Ut tanti viri ego consulere honori, detractoribus eo animi candore occurrendum duxi, ut illis inoffensis, suus SCOTO maneat honos, & absque calumnijs, calumniæ refellantur : neque enim illorum vituperio, sed hujus laudi studeo, cujus vitam sincerè scribendam, non æmulatorum ulcera acerbius fricanda in animum induxi . Tanti viri decor ab aliorum dedecore non pender, neque illorum ignominia ingeniorum Phænici quidquam aduehit excellentiæ . Scotus supra omnem invidiam est; æmulatoriæ mentes uti invidere possunt, sed nocere non possunt : ita fulgentissimo syderi nubes opponuntur, sed non imponuntur; & dum discutuntur, ingenitæ luci nihil accedit claritatis . Sol aliquando laborat, sed sub ipso nitet labore; semper idem, sive conspiciuntur aeris passionibus, sive dissipantur . Qualis itaque fuerit Scotus fulgentissimum pietatis, & sapientiæ jubar, non qualem eum quidam efformant, seu deformant, seriò describam : & quidquid alij in quæstionem vocarunt, absque quæstionum contentione vel clariùs dissolvam, vel tamquam probabiliùs exponam . Patria, ætas, mors, hæc plus cæteris incerta, neque in his nos quidquam plus certi statuemus, quam quod ratio, sive autoritas ingenuis viris velit esse persuasum.

## SCOTI Patria.

## CAPUT I I.

Tria regna  
pro Scoti na-  
taliis de-  
certant.  
Cicero.

Antipater.  
Sanazarius  
lib. I. Epigr.  
Plutarch.

Angli Scotti  
esse negant.  
Cron. Angl.  
fol. 487.

Staniburst.

Vernul.  
Hibernis ad-  
indicatur.

Amalth.

Mauritius  
Hil. roi.  
Vide eundem  
Mauritium  
in Praefatio-  
ne ad qua-  
siores Diale-  
cticas Scoti.

(a) Cavell.  
in vita Scoti  
c. I.  
(b) Camden.  
in comitatu  
Dunelm.

III. DE patria certant Hiberni, Angli, Scoti. Tantienim viri gloria desiderium exci-  
tat, ut unaquæque ex his provinciis civem asserat suum: non aliter quàm Græ-  
ciæ urbes olim pro Homeri natalitijs acriter pugnarint, uti testatur Cicero pro Archia:  
*Homerum, inquit, Colophonii civem esse dicunt suum, Cbii suum vendicant, Salaminij repe-  
tunt, Smyrnae verò suum esse confirmant: itaque etiam delubrum ejus in oppido dedicaverunt.*  
multi alij præterea pugnant inter se, atque contendunt. Alias enumerant urbes Antipater,  
Aëtius Sincerus Sanazarius in suis Epigrammatis, & Plutarchus in Homeri vita. At pro  
Scoto sibi vendicando, non oppida, sed regna; non urbes, sed integræ decertant Pro-  
vinciæ. Studium laudo, gloriam non invidio; nulli genti quod suum est detractum velim:  
neque me æquè quis condemnabit, si alijs non adjudicaverim, quod meum esse multi pro-  
clamant. Domesticos testes missos facio, causam enim agunt suam, Cavellum, Connæum,  
& si quos alios nostrates: extraneos convoco, ex adversa classe produco Anglos, qui faci-  
lè cedant, Scotos à judicio repellant, & Scotum Hibernis adscribant. In Chronicis Angliæ,  
Scotiæ, & Hiberniæ, Anglico idiomate editis in initio catalogi scriptorum Scotiæ, ita in-  
quit Chronologus: *Antequam hujus, quod tractaturus sum discussionem aggrediar oportet  
(non ut quicquam detraham gloriæ nationis Scotiæ) dicere quid censeam, de quibusdam Scripto-  
ribus Scotis, pro talibus habitis per multos Scotorum historicos, qui observantes multos eruditos  
Scriptores vocari Scotos, omnes transferunt in suam Scotiam. Sed in eo mihi videntur nimis avari,  
alijs auferentes, quod ipsis jure debetur: quia (ut verè suppono) multi eorum, qui Scoti vo-  
cantur, in Hibernia sunt nati; nam (si me non fallit memoria) usque ad recentia tempora, paulò  
ante conquestum, Hiberni vocabantur Scoti, & hinc est quod Scoti, & Hiberni Duns (Do-  
ctorem subtilem intelligit) Columbanum, & alios utrique suos esse contendunt; alijs, asseren-  
tibus eos in Scotica natos, alijs Hibernos esse affirmantibus, & Scotos reprehendentibus, quod  
eos sibi pretenderent. Nam licet Scoti ex Hibernia venerint, & Hiberni Scoti dicti fuerint,  
rationi dissonum est vocare Scotum in Hibernia natum, nomine Scoti in Scotia natum, ut faciunt  
nonnulli Scriptores sub amphibologico nomine Scoti.* Descriptionem Hiberniæ olim à Ricchar-  
do Stanigurfo, Anglo genere, etsi in Hibernia orto, Professore publico in Academia  
Oxonienfi, concinnatam, Anglicè edidit cum iconibus Raphael Holinshed Elisabethæ Re-  
ginæ Chronographus; in qua ita habetur: *Nomen Scotia non ita pridem sumi cepit pro illa  
Britanniæ parte, quæ modò Scotia, Hibernis Albania dicitur. Varii antiqui Hiberni scriptores  
putantur in Scotia, idest, Albania, nati, quorum tamen natale solum verè Hibernia est. Fa-  
mosus ille Magister JOANNES DUNS SCOTUS, alias Doctor Subtilis, subtilibus quidditatibus  
in scholasticis controversiis sic nominatus, in Hibernia natus est, pro Scoto tamen habetur. Aliqui  
putant natum in oppido Tathmon non procul à VVexfordia; sed alij natum asserunt in Dun per-  
vetausta civitate, in boreali Hiberniæ parte sita, indeque autumat cognominatum DUNS. Ita  
Annales Anglici; atque illi in Anglia vernaculo sermone conscripti judicant de Scoto, ut  
Hibernis, non Anglis, neque Scotis debeat adjudicari.*

IV. Tertium addo testem Belgam, is est ornatissimus vir, Nicolaus Vernulæus, celeberrimus  
Lovanii eloquentiæ Professor, qui in Panegyrico, æternæ memoriæ & famæ Scoti  
dicato, dum eum Anglis & Scotis negat, Hibernis apertè asserit his verbis: *Tuus verò est à  
Hibernia, tuus ille Scotus, quem tibi celeberrima, ac pervetusta Urbs Dun, tanquam æternæ  
gloriæ pignus quoddam, & ingeniorum omnium miraculum genuit.* Quartum do Italum Paul-  
lum Amalthæum, qui circa Annum 1490. in Epigrammate, quo laudat Commentarios  
Scoti in Metaphysicam Aristotelis, per Mauritium de Portu Hibernum Archiepiscopum  
Tuamensem castigatos, ita canit.

*Assertor meus est, præsentis gloria sæcli.*

*Mauritius confors ingenii, & patriæ.*

Conterraneos, seu ejusdem patriæ co-  
ntes SCOTUM facit, & Mauritium; quod & ipse  
prædicat Mauritius in Epistola nuncupatoria. *Quantum, inquit, rem Christianam juverit  
JOANNES SCOTUS conterraneus meus.* Neque solum ejusdem regni, sed & regionis, seu po-  
puli vult cum eodem consortium; paulò namque inferius subiungit: *Ego, non quia melius  
quam cæteri id præstare possum, sed officium potius, & pietatem secutus, cum nuper in hac  
SCOTI popularis mei monumenta incidissem, &c.* Populum autem, vel locum nativum Mau-  
ritij Portum esse, à quo cognominatur de Portu, Duno versus Adriam, duabus, vel tri-  
bus leucis distantem autumat Cavellus, (a) vir doctus illius regionis. Littus sanè multis  
viculis constitum, scribit Camdenus, (b) Dunumque in extremi Promontorii Lecalæ lathmo,  
vetustæ memoriæ oppidum; mox Sedem Episcopalem SS. Patritij, Columbani, & Brigidæ  
tumu-



tumulo nominatissimum floruisse. Sed Portum hunc Mauritiū hunc verius alii in Momoniæ Provincia constitunt.

V. His adiungo ex eadem Metaphysica non leve argumentum, ipsis Scoti verbis conceptum. Nam ut explicaret mentem Philosophi, dicentis in definitione accidentis copulati ponendum esse necessariò determinatum subiectum, subdit istud exemplum: *sicut*, inquit, *in definitione* S. FRANCISCI, *vel* S. PATRII *ponitur necessariò homo*. Occurrerunt enim ex affectu mentis, Religionis, & nationis patroni; Franciscus Instituti, & Patrius regni: ita namque in consuetudinem abiit, ut quos ferventer amamus, facilius sermone compellemus, & quos affectu fovemus, exprimamus affatu.

VI. Adnecte deinde traditionem populi Dunensis, indignè ferentis, si quis sibi persuaderi permittat contrarium. Adde etiam conspirationem totius regni, & innatam universis Hibernis, ad Scoti dogmata, propensionem: neque enim Franciscanis duntaxat, & Professis doctrinæ asseclis, verum & omnis instituti viris (solos illos excipias, qui jurarunt in D. Thomæ doctrinam) inditum hunc Scoticæ subtilitatis conspicias affectum, & desiderium ingens, proferendi gentilis suis dogmata, quibuscunque doctrinis externis. Demum coronidis loco eam produco rationem, convenire patriæ, quam præscribimus, cognomen Duns, & agnomen Scoti, ut illud à civitate, vel oppido nativo, hoc à regno, vel familia deducatur. A DUNO DVNS contractè prò *Dunsius*, vel *Dunsensis*: SCOTVS à regno, quod etiam *Scotiæ* nomine, uti & Hiberniæ, non solum per priora secula, uti multi viri docti, plusquam apertè productis manifestis testimoniis, & optimis monumentis, demonstrant, verum & hac ipsa Scoti ætate audivisse, ultrò liquet ex Provinciarum partitione, à S. Bonaventura præscripta, quam alibi ex (c) vetustis, & M. SS. Ordinis monumentis, in gratiam antiquitatis, & primarum Provinciarum notitiam produximus in lucem. Etenim vigesima sexta ita inscribitur *Provincia Hiberniæ sive Scotiæ*; cum tamen Monasteria regni, quod nunc *Scotiæ* nomine insignitur coaluerint ob suam paucitatem sub Provincia Angliæ, & Custodia Novicastro; si tamen sub illa Bonaventuræ partitione, aliquem habuerint tunc Scoti Conventum. Nam si verum est, quod scribunt Thomas Demsterus, (d) & ex eo Matthæus Ferchius Veglia, (e) *Monasterium Dunfrisi, omnium Scotticorum* (inquit Demsterus) *primum, nonnisi Anno 1262. ab Alano Devorgilla conditum, sub illa divisione facta, Anno 1260. nullum erat monasterium Minorum in Scotia: atque ita nulla facta est inter Provincias, neque inter Custodias Scotiæ Albionum memoria; sed Hiberniæ Provincia sub utroque nomine, & Scotiæ, & Hiberniæ recensita est*. Atque vel hoc sanè testimonio mihi amplius probatur quod Gerardus Mahu, Ordinis S. Benedicti scripsit in Vita S. Aidani die 13. Augusti, & in Additionibus ad eandem, quæ habentur in fine Thomæ 3. nimirum optimos quosque authores usque ad annum octingentesimum, immò millesimum, absoluto nomine Scotiæ absque alio addito, intellexisse Hiberniam, quod ille pluribus deductis testimoniis, ex vetustis, & probatis monumentis plus satis probat.

VII. Moneo obiter, me dixisse alias (f) introductos Minoritas in Scotiam Anno 1224. assertionis enim habui authorem Illustriss. D. Franciscum Gonzagam: sed hunc annis septem lapsus ipse asserit Demsterus citatus; idque ex fide Codicis manuscripti, quem sub nomine Scotchronicorum passim legentibus objicit, ubi ait (g) *Minores Scotiam penetrasse Anno Milles. dicentes. trigesimo primo*. Quod si ita est, in eum non constabit asseritum, quo alias (h) dixi per plures annos prius Minores Scotiam, quam Hiberniam penetrasse. Etenim saltem hoc anno, quem assignat Demsterus, vel alio anteriori largius probavi (i) eos in Hiberniam pervenisse. Sed & aliorum retuli (k) opinionem, qui volunt prius illuc transmisos, idque mihi omninò persuasum vellent Patres Provinciæ Hiberniæ, qui dicunt sibi de his suppetere non infirma monumenta, quæ tamen adhuc non protulerunt. Horum fidem meo dubio infringi ego nolim, neque auctoritatem enervari: nihil tamen undequaque certum, omnisque dubij expertus invenio circa originem Minorum in hoc, vel illo regno. Istud duntaxat mihi certum est, plures & breviori tempore sibi statuissse sedes in Hibernia; quippe quæ ante Capitulum Narbonense sub S. Bonaventura coaluerint in integrum Provinciam in Custodias quinque divisam; quam in Scotia, quæ etiam anno 1359. uti ad illud tempus dixi in Annalibus, pauca domicilia habuerit sub nomine duntaxat *Vicariæ*, & Anno 1399. quod scripsit Bartholomæus Pisanus (a) librum Conformitatum, recensentur monasteria Scotiæ sub prædicta Custodia Novicastro, videlicet Conventus Dunfrisi, Bervici, Adingtonæ, Dundæ, & alij: quod dum observaret Ferchius citatus, subjunxit: *Quare ab Anglis religio migravit ad Scotos, & Franciscanorum monasteria Scotorum Anglicanæ Provinciæ aggregata sunt, et unita*.

VIII. Ut vero ad propositum regrediamur, nullum firmum, aut indelebile video sufficere Scotis argumentum, ut JOANNEM SCOTVM civem asserant suum. Quod enim præcipuum

Vnde dictus  
Duns. Vnde  
Scotus.

Hibernia di-  
cta Scotia.  
(c) In Annal.  
ad An. 1260.  
n. 14.

(d) Dem-  
ster. in ap-  
pend. ist. Sci-  
ti lib. 1. ut de  
Religione.  
(e) Veglia in  
vita Scoti  
c. 2.  
Mahu.

(f) In Annal.  
An. 1224.  
n. 66.

Minores  
quando Sco-  
tiam ingres-  
si.

(g) Scoti-  
ciron. l. 9.  
c. 47.

(h) An. 1260.  
n. 16.

(i) An. 1230.  
n. 19.

(k) An.  
1214. n. 11.

(a) Pisan.  
conform. 11.

Enervantur  
Scotorum  
fundamenta.



Item Anglo-  
num.

puum adduci solet ex agnomine Scoti, facile eludi potest ex affixa etiam Hiberniæ, per tot sæcula, eadem appellatione. Traditioni autem, qua in Provincia Marchiæ, in vico Dunfæo natus asseritur, alteram opponunt Hiberni, qua in Provincia Ultoniæ, in urbe Duni vetustissima, ortum contendunt. Scoti etiam cognomen a familia, non à natione, aut a regno derivari potuit: nam & hæc Scotorum ex familijs deducta appellatio, creberrima est, tum in Hibernia, tum in Belgio, & in Italia.

IX. Quod verò maximum ab Anglis, Zelando præsertim, assertur, ex inscriptione quam passim ait in codicibus Bibliothecæ Martonensis Oxonii comparere nimirum: *Explicit lectura Doctoris subtilis, in universitate Oxoniensi, super libros sententiarum, scilicet Doctoris JOANNIS DVNS, nati in quadam villa de Emylden vocata Dufane (contratù Duns) in comitatu Northumbriæ pertinente ad dominium Scholasticorum de Marton Barule in Oxonio, & quondam dicta Domus socii*, non adeo irrefragabile est, ut inscriptorem, vel Scoti originis nescium, vel adscititiæ gloriæ cupidum rejici non possit. Et pari ratione responderi possit ad eos, qui cum Pisano, vel aliis dicunt Provinciæ Franciscanorum Anglicanæ Scorvm fuisse. Nam vel ex diuturno tempore quo in prædicta vixit Provincia ita licuit suspicari, vel revera potuit, uti passim & quotidie fit, ex Hibernia ad Anglicanam Provinciæ transmeare; vel etiam quid si dicam in eadem initiari; & prius in prædicto Collegio Martonensi, ob singulare, & rarum acumen ingenij, licet externus, contra commune, quod obijcitur, statutum admitti. De hominis origine contenditur, quam vel ipsos Anglos diximus superius Hibernis adjudicare. Certè ipsum ejusdem Epitaphium, quod in omnium ore versatur, contra Anglos ultimam fert sententiam.

SCOTIA me genuit, ANGLIA me suscepit.

GALLIA me docuit, COLONIA me tenet.

Anglia, inquit, suscepit, vel ad sacri instituti rationem, vel ad Scholasticam capeffendam, aut efformandam disciplinam.

Hibernis  
merito debe-  
tur Scotus.

X. Tandem verò ita hæc pro Scoto Hibernis vendicando, sincerè concessi ut minime me causam contra alios omnino evicisse putem; non enim tantum mihi tribuo, ut qui aliorum argumenta dixerim solubilia, mea judicaverim responsionem omnem respuere. Novi enim non defuturos, qui his meis rationibus alias opponant, & ulteriori conatu Scorvm repetant, civemque asserant suum. Id per me liceat, dum urbanè & christiane absque livore, & felle amaritudinis, causam egerint. Ut enim Scoti gloriæ est tor vindices habere: ita illis ignominia vertetur, si modestiæ fines transiliant. Hoc interim adjiciam; si in causa dubia ferenda sit sententia, potio rem habendam esse Hibernorum rationem. Etenim si pro meritis præmium, & pro labore merces adscribenda sit, nullis nisi Hibernis adjudicandus est Scorvs. Quis enim aliquando ex Scotis, aut Anglis in Scoro illustrando, aut operibus ejus castigandis operam publicam insumpsit, aut laborem impendit? Quis eorum à calumniis defendit? Ultra omnes laboraverunt in hoc genere Hiberni: Mauritius Hibernicus, Archiepiscopus Tuamensis, in Academia Patavina multorum annorum Professor publicus, ejus opera elucidavit, terfit, Commentariis explicavit. Hugo Cavellus Hibernicus, Archiepiscopus Armachanus, & Hiberniæ Primas, eadem denuò expolivit, ad authographorum veritatem reduxit, spuria à genuinis distinxit, adiectis notis marginalibus, citatisque Doctoribus pulchriora fecit, & insertis ad omnes dubias, obscuras, aut ab alijs impugnatas sententias, doctissimis scholijs pro omnium votis, cum omnium laude ultra quam dici possit, egregiè clarificavit; ita ut summo desiderio & magno pretio conquirantur quæ prius negligebantur, & dum aliæ priores editiones ubique prostabant, absque emptore, hujus postremæ non sit invenire volumen.

XI. Denique cum Scoti manes agitaret Abrahamus Bzovius, atque ultra omnes, quot quot præcesserunt, famam denigraret; quis ex Scotis, aut Anglis ejus defensionem suscepit? Quis pro contrerraneo pugnavit? soli Hiberni, tanquam pro suo cive, causam susceperunt, stylum acutum in Bzovium retorsérunt; Scorvm ab injustis calumnijs pilam, & doctè vendicarunt. Primus se opposuit prædictus Cavellus, Magistrum sequutus est Hugo Magnus etiam Hibernus editis in Bzovium, ejusque defenso rem Nicolaum Janfenium binis Apologijs. Mox disertissimè & solidè totam rem peregit author Nitelæ Franciscanæ Religionis, item Hibernus, ad singulas injurias minutim respondens, calumnias omnes veritatis pondere, veluti sole nubes discutiente, mira dexteritate refellens. Hi omnes Hiberni, hominis innocentissimi integritatem, & à detractoribus illatam injuriam, omnibus manifestam voluerunt, & fecerunt. Itaque si Hibernorum calami, & doctæ elucubrationes Scorvm illustrent, quos potius, quam Hibernos, illustrare debet Scoti nativitas? Scoro honorem diligenter imperitiunt, ab ejus ortu honorem sibi debitum vicissim reposcunt. Quare si ipsa causæ evidentia non evincunt, saltem meritorum titulo, sibi Scotum adjudicandum non desperant. Suus est ex meritis Scorvs, suus etiam erit ex proborum judicio.



(c) Scot. in  
1. d. 26. q. 1.  
Omnes sunt  
periti scilicet  
fines.

cacifl-



(f) In 2. d. 2.

q. 9.

(g) Ibid. d.

34. q. 2.

(h) In 4. d.

43. q. 3.

(i) Ibid. d.

32. q. 1. &amp; 4.

d. 10. q. 9.

(k) In 1. d.

33. q. 1. &amp; 4.

d. 10. q. 9.

(l) In 4. d. 6.

q. 8. d. 7. &amp;

ult. d. 13. q.

1. d. 25. q. 1.

Alicuius de

eius doctrina

exordia.

(m) Pits. ci-

tat.

(n) Schedel.

in 6. mundi

etate fol.

321.

(o) Belarm.

de Script.

(p) Boet. lib.

1. Hist. Sco-

tor.

(q) Senen. 1.

4. Biblioth.

(r) Trien. de

Scriptor.

(s) Giaccon.

in vita Clem.

V.

(t) Bergom.

in supplm.

clonic.

(u) Rioche

in compend.

temp. lib. 4.

c. 84.

(x) Lesl. liP.

7. de reb.

Scot. ad 2330

Res divinæ

facundiam

spemant iu-

mam.

(a) Augus.

lib. 4. de do-

ctrina Christ.

c. 6. 1. Cor. 1.

v. 4.

(c) Seneca.

Ep. 40.

cacissimam, ut cum multi Theologorum adversus hæreticos polleant, Scotus adversus Philosophos, tanquam princeps prælium ducat. Mathematicam possedit egregiè. Geometricas peritiam tam luculenter demonstrat, (f) ut ad Scotum intelligendum, nemo nisi peritus Geometer sufficiat. Astrorum notitiam ostendit, (g) nec non & Optices callentissimum se probat (h) Juris Civilis rara (i) in ejus operibus dicta, Canonici vero apprimè multa (k). Aliquando acutè refellit Glossatorem (l), aliquando plura profert sacrorum Canonum loca, ut suam sententiam, maximè circa res morales, stabiliat. Theologiæ præstantiam in ejus Commentarijs, ad quatuor libros Magistri Sententiarum, adeò plerique admirantur, ut *Theologorum principem* vocitare non vereantur. Divinarum scripturarum cognitione ita enituit, ut plures ex sacro Codice libros Commentarijs illustraverit.

XVI. Non me displiciturum puto Lectori, si de ejus eruditione tanta, & sæcundissia scientiarum comprehensione, unum, aut alterum proborum virorum testimonia subijciam. Fuit inquit Pitsæus (m), *vir ingenio planè ad litteras factò, & ad miraculum subtili, atque acuto, ut non tam hominem acie mentis stupendum, quam inter argutos Philosophos quendam dixeris Deum.* Historia universalis Hartmanni Schedelij: (n) Joannes Scotus, *Ord. Minor. Theologus subtilissimus, anno Dom. 1300. vel circa, velut alter Apollo floruit, & præ cæteris Theologis, subtilissima quædam opera edidit.* Cardinalis Bellarminus (o) *vir fuit acutissimo ingenio præditus.* Hector Boetius (p): *Tantæ eruditionis Theologus, ut ejus ingenio illud sæculum censeret indignum.* Sixtus Senensis: (q) *Vir admirandæ eruditionis, subtilitate præditus.* Trithemius (r) *Vir in divinis scripturis studiosus, & eruditus, & in Philosophia Aristotelica doctissimus, & adeò profundus, ut ejus scripta paucis sint penetrabilia, & ob id quoque minus usitata.* Alphonsus Cicconius (s): *In divinis scripturis, & Philosophia Peripathetica versatissimus, ob ingenii acumen, & rerum abditarum accuratissimas interpretationes Doctor Subtilis vocitatus.* Jacobus Philippus Bergomensis (t): *Theologorum subtilissimus per hoc tempus velut alter Apollo floruit, & præ cæteris Theologis subtilissima edidit; quantum valent ejus Commentarij in divinis Codicibus; absque nostro testimonio ipsi ostendunt.* Joannes Poiche (u) *Vir omni sapientia profundus, & peritus; unde & Doctor Subtilis nuncupatur.* Joannes Leslæus Episcopus Rollensis (x): *Tanto fuit ingenij acumine, judicij in doctrinæ cognitione, ut Theologiam illam reconditorem, quam scholasticam vocant, multis subtilitatibus exquisitis, felicis finis auxerit, in quibus quod multa, quæ in obscuro posita latebant, è tenebris acerrima ingenij perspicientia cruerit, qui ejus vitam, ac doctrinam avidius consecrantur; immò qui quæstionis alicujus intimam rationem ad viam rescant, ac subtilius perscrutantur, Scotistæ summa tanti ingenij laude vocantur; quasi nihil sit aut tanta difficultate interceptum, aut tam densa caligine involutum, quod Scoti ingenium non potuerit penitus inspicere, ac clarè aperire. Verum hoc illius gloriam aliquantulum imminuit, quod quæ investigavit sapienter, non ita orationis cultu illustravit; quod tamen puto non tam hominis, quam ætatis, quæ cultiorem loquendi formam aspernata est, vitio accidisse.*

XVII. Verum est eam ætatem non ita orationis cultui studuisse; ita tulit illud sæculum, in quo Theologi, & Academici, non tam in verbis nitidè proferendis, quam in rebus ipsis clarè explicandis, & ritè intelligendis operam omnem impenderunt. Atque divina illa mysteria, nescio, quid habent majestatis, ut comptulos modos humanæ spernant eloquentiæ, & venerandæ simplicitatis, ut fucum omnem politi abhorreant sermonis. Proindè viri magni qui hujusmodi perscrutantur arcana, non qualiter dicant, sed quid dicant reverenter attendunt. Peculiarem habent suum loquendi modum, qui eò clarius, quod demissius secreta pandunt divina. In hoc dicendi genere simplicitas hæc eloquentia est, (a) *quæ viros summa auctoritate dignissimos, planèque divinos docet. Hac illi locuti sunt; nec ipsos decet alia, nec alios ipsa: ipsis enim congruit, alios autem quanto videtur humilior, tanto altius non ventositate, sed soliditate transcendit.* Res divinæ (b) *non persuasibilibus humanæ sapientiæ verbis, sed in ostensione spiritus & virtutis explicantur, & dum veritatem duntaxat proponunt, non expetunt phaleratos, sed simplices sermones.* (c) *Quæ veritati operam dat oratio, incompòsita debet esse, & simplex.* Nihil ergo detrahit Scoti laudibus, neque gloriam ejus minuit, quod peculiari illo Theologorum loquendi genere, candido & simplici sit usus sermone. Lege Picum Mirandulanum, qui in præfatione ornatissimus est, in descriptione scholastica nudus, & jejunos. Sane scholasticæ subtilitates, & anfractus vix hujusmodi nitorem patiuntur.



## Docet, scribit Oxonij.

## CAPUT V.

XVIII. **T**anto itaque Oxonij litterarum incremento enituit in ipsa adolescentia Scotus, ut humanas vires, & communem naturæ cursum transcendisse visus sit, & verum esse probaverit, quod supra (d) retulimus de peculiari Dei dono concedendo, per Virginis Deiparæ, sibi apparentis intercessionem. Tantum porrò lumen, sui instituti Rectores non sub modio abscondendum, sed super candelabrum ponendum decreverunt. Quare evocato ex Academia Oxoniensi ad Parisiensem, Gulielmo Varrone, ejus, uti diximus, (e) præceptore, ad cathedram Theologalem regendam, Scotus susceptus est præceptor. Utrouque hoc viro adeò floruit universitas Oxoniensis, ut catervatim illuc confluxerint auditores, & ultra censum communem trium millium studiosorum sub annum 1300. quo tempore, illic legit Scotus, triginta millia fuisse recensita, scribit Pitseus. (f) Concurrerant enim, teste Rodulpho (g), ex finitimis cunctis civitatibus, & penè ex omni mundi angulo, plurimi ad eum videndum, & audiendum, quem tanquam quoddam cælioraculum venerabantur. *Nihil enim tam occultum*, inquit prædictus author (b), *& abstrusum, quod perspicax ejus ingenium non penetraverit, & è tenebris eruerit; nihil denique tam nodosum, quod ille quasi quodam O Edipus, non dissolverit: nihil, inquam, adeò erat difficultate interceptum, vel densa caligine involutum, quod Scoti ingenium non potuerit explicare.*

(d) num. 12.

(e) supra n. 14. *Legis magno applausu oxonii.*

(f) Pitf. de Acad. oxon. c. 6.

(g) Rodulph. in vita Scoti.

(h) Pitf. de scriptor.

*Scriptis ibid. in 4. lib. Sententiar. & quando.*

(i) Scot. in prologi q. 2. De septimo.

[K] Emil in Phil. pulchro

[L] Scotus in 4. dist. 6. q. 8.

(m) Ibid. d. 25. q. 1.

*Laudantur eius Commentarii in Magistrum.*

(a) Ferch. c. 6.

(b) Pascal in Epist. oper. unocupet.

XIX. Scripsit autem Oxonij, ultra philosophica, eruditissimos Commentarios in quatuor libros sententiarum, profundius in primum, diffusius in quartum. Incepisse hoc opus post annum 1300. constat ex secunda quæstione prologi (i), ubi ait anno prædicto multos Mahometi cultores occisos fuisse, & plurimos fugatos. Hæc dixisse putem de Cassano Tartarorum Rege, desponsata sibi Regis Armenorum Christiani filia, Christianam ipse suscepit fidem, & devictis Persis, pulsoque Ægyptiorum Imperatore, Syriæ iura dabat (k). Hinc indicto Romæ Concilio, Bonifacius validum misit subsidium, quo adiutus fortiter egit contra Mahumetanos. Secundò citat Scotus (l) Decretalem, qua Bonifacius VIII. approbat librum sextum Decretalium; data est sexto Nonas Martii, anno quarto Pontificatus, qui incidit in annum Christi 1298. Tertio citat (m) Bullam Benedicti XI. qui anno 1303. undecimo Calendas Novembris, susceptus est Bonifacio. Quare post hæc tempora hos scripsit Commentarios, nisi fortassis prius opus absolverit, & postea illa suis locis inseruerit. Similiter occurrendum est eis, qui scrupulum moverint ex eo, quod scriptum Oxoniense dicatur; Scotus verò Parisiis habitaverit anno 1304. uti constabit ex litteris proximè adducendis, quo tamen probabilius est Benedictum XI. non nisi ad finem anni præcedentis electum, dedisse litteras, quas Scotus dicit se legisse: uti namque diximus, potuit Parisiis diploma vidisse, & dum scripta percurreret, commodo loco dubium intexere.

XX. Hoc autem opus, etsi Authoris immaturà morte ab incudibus ablatum, omnes summis laudibus extollunt: *In eo monstravit, quod fuerit ingenio perspicacissimus*, ait Ferchius citatus, (a), *& in rerum abditarum perscrutatione abditissimus, non contentus exteriore quadam superficie doctrinæ, sed ad veritatum profunditatem aspirans, sicut disceptationum ejusdem prolixitas, opinionum expensarum varietas, argumentorum congestorum pluralitas demonstrant. Duabus in rebus excellit: prima quidem in famosis propositionibus valde accuratis, & universalibus eruendis, ad quas tanquam ad principia resolvit subtili finè theorematum quæque; unde fit ut illis, ceu forti finis munimentis, Scotistæ tum arguendo, tum respondendo evadant robustissimi. Secunda, in rerum propriis rationibus, vel essentiis, sive, ut Scotistæ loquuntur, quidditatibus, rationibus formalibus indagandis, est incomparabilis. Cum, enim à rerum assentiis accidentia, sive communia, sive propria ea sint, pendere noscantur, præcipuus Doctorum scopus in entium, quod quid est, noscendo consistit. Accedit nativa quædam Scoticæ subtilitatis longinuitas, quam & in propositionibus, & speculationibus constantem discernis; ob idque requirit lectorem valde attentum, & laboriosum, alioquin fructu vacuum dimittit. Commentarios hos redexit in locos communes magno studio & labore Hieronymus Ferrariensis, Ordinis Prædicatorum, quos, teste Pascali (b) Regiselmò Veneto, censuit fecundos amœnosque hortos felicium arborum excelсарum contemplationum, in agro Ecclesiæ saturum.*

## Modestè scribit, &amp; catholicè.

## CAPUT VI.

Modestè alio-  
rum refelli  
opiniones.

(e) Caetan.  
in præfat. I.  
partis.

Omnes ejus  
opiniones  
catholicæ.

(d) Possevin.  
in apparatu.  
(e) August.  
seam. 9. de  
tep. ad med.

(f) Vorilow  
in fine 4. sent.  
[g] Rodul-  
ph. citat.  
[h] Bargius  
in prol. J.  
Sentent.

XXI. **I**llud præter reliqua potissimum in hoc opere, atque in reliquis item elucubratio-  
nibus ejus est admirandum, quod cum neminem sibi proposuerit sectandum, neque nullius verba juraverit; sed in veritatis gratiam modò hunc, modo illum Docto-  
rem, etsi nominatissimum, etsi doctrinæ, & sanctitatis titulo conspicuum, pro Scolastico-  
rum more refellens; & S. Thomæ doctrinam multis nominibus illustrem, & communi cal-  
culo commendatam, plurimis in locis impugnaverit; præsertim verò quæ in prima parte  
S. Doctor edocuit uti ad eandem Caetanum præfatur, dicens (e) *Theologi complures, neque adeo  
contemendi magnum sibi nomen ingenij ac doctrinæ facturos hinc se esse putarunt, si veluti mu-  
nitissimas arces fortissimi Duces solent, ita illi partem hanc primam suis machinationibus oppu-  
gnarent. Joannes verò Scotus egregia, præter ceteros, hac in re, laboravit subtilitate, &  
copia; quippe qui singula ejus partis verba labefactare contendat: attamen ita modestè, & reli-  
giosè fecit, ut ne verbum ullum iniuriosum exciderit, aut quod iustam offensam generare  
possit, minus cautè protulerit. Adde quod majus est, hominem Catholicorum virorum, &  
orthodoxorum Doctorum scripta convellentem, nihil minus orthodoxum, nihil non catholi-  
cum dixisse, ita ut ejus doctrina per tercentum, & plurium annorum intervallum nullo, vel  
minimo, suspectæ, aut minus sanæ neuo communi Ecclesiæ, aut ullius ex tot Concilijs, quæ toto  
hoc tempore celebrata sunt, iudicio sit affecta.*

XXII. Utramque & candidam mentem, & sanam doctrinam in eo sincerè laudavit Anto-  
nius Possevinus (d): Scoti, inquit, *doctrinæ grave testimonium extat, quod ejus libri absque  
ullo erroris novo usque in hanc diem trecentos circiter annos, in oecumenicis Concilijs inviolati  
permanerint. Certè cum illud D. Augustini de laude charitatis, verum sit* (e) ille tenet quid-  
quid latet, & quidquid patet in divinis sermonibus, qui charitatem servat in moribus; haud  
mirum fuerit, si ingenium Doctoris Subtilis modestia, & charitate præditum, altissimos sensus  
eruiere potuerit ad veritatem indagandam. Nunquam enim suam sententiam præfert in aliorum  
iniuriam, vel depressionem; quin quorum aut errores convellit, aut opiniones excutit, tam id  
modestè, & adeò plerumque suppresso nomine facit, ut Christiano pectori hæsisse à Domino sa-  
pientiam (certè integram mentem) conijci possit. Gulielmus Vorilongus eundem Doctorem  
compellans ait (f): *Mirum tot sublimia scribens, quod in errore non es deprehensus aliquo.*  
Similiter ferè adnotarunt Petrus Rodolphus (g) & Bargius (h) Quare non immeritò sacræ  
Inquisitionis generalis Romæ Tribunal, ante Annum 1610. præcepit doctrinarum, aut li-  
brorum censoribus, ut quidquid Scoti esse constaret, intactum inviolatumque pertransirent.  
Certè qui ad ejus scripta oculos converterit, facile videbit, quod non modò pietas Christiana  
orthodoxo Doctore digna; verum etiam doctrina, & humilitas pari gressu in eisdem incede-  
dunt. Differuit ille quidem quod magis ex veritate visum est, ea tamen animi moderatione,  
ut sine cujusquam præiudicio veritas suas ferat partes, & illi, quorum sententia impugnatur,  
debitam reverentiam. Nec enim sua ita lectori inculcare studuit, velut sine omni hæsitazione  
sequenda; immò ne eundem ab aliorum sequela abstereret, propria interdum placita, non  
secus aliorum, æqua discutit lance; ut vel inde non solum animi sincerus candor, sed verita-  
tis, non gloriæ, studium in eo fuisse legentibus appareat.

## Quæ scripserit Parisijs.

## CAPUT VII.

Quid scripse-  
rit Parisijs.

Reportata  
Parisen. au-  
erat Scoti  
opus.  
studium  
Authentis de  
Reportatis  
Parisenfibus.

XXIII. **H**Æc diximus de ijs, quæ scripsit Oxonij, præsertim in Magistrum sententia-  
rum inter reliquas ejus elucubrationes, ut laudatissima, ita magis obvia, &  
usitata. Scripsit denuò in eundem Magistrum Reportata quædam Parisijs, uti omnes indi-  
gant; attamen ea, quæ sub ejus nomine circumferuntur, aliquas patiuntur exceptiones:  
etenim præter stilum longè diversum à scripto Oxoniensi, discrepat etiam ab eodem valde  
doctrinam. Adde longè humilior, & inferius esse priori opere, atque proinde ingenio jam  
provectiori Doctoris subtilis indignum: qui namque fieri potuit, ut iunior exactius, senior  
minori cum laude docuerit? Atque hac ratione factum est, ut neglectis Reportatis Pari-  
sienfibus, omnes inhæreant Oxoniensi Commentario. Ex Scoti sectatoribus non fuit,  
qui Reportata hæc elucidaret, aut suis commentationibus illustrare tentaret: solus noster  
Hugo Cavellus laborem hunc aggressus est, ut nihil quod Scoti doctrinæ capefendæ,  
aut



aut ejus nomini magnificando condaceret, præteriret. Jam prodierunt ejus scholia in hoc opus, in Collationes, Quodlibeta, & alia Theologica opuscula. Id aliqui excogitarunt effugij, ut plurima hinc inde collegerit Scotus, & ex scripto Oxoniensi reportaverit tumultuaria quadam collectione, ut absolutum opus opportuno tempore concinnaret, præpropere tamen morte infectum, ex discipulis aliquem voluisse edere, ne periret, atque ex proprio penu aliqua addidisse, supplere, commutasse. Profectò Matthæus Ferchius (a) omnino Scoti esse negat, potius alicujus ait esse Scotistæ; sed ego partim Scoti, partim esse Scotistæ; contrafectioni enim volumine exscripsit ille, quæ Scotus libris quatuor diffusius scripsit Commentaria, & quæ nos in hac editione damus ex Bibliotheca Vaticana, aliorumque codicum MSS. fide correctæ, de quibus in Præfatione ad ipsum opus amplius dicemus Reliqua ejus opera ubi scripta sint, non constat; omnia commodius ubi de Scriptoribus Minorum seorsim egerimus, referemus, & de singulis nostrum proferemus judicium.

(a) Ferch.  
cit. c. 11.

XXIV. Quando verò Reportata vel scripserit, vel collegerit Parisijs, aut quo certo anno venerit Lutetiam, est incompertum. Sub annum 1304. illic habitasse constat ex litteris Ministri Generalis F. Gondisalvi, quibus concedit facultatem, ut ad Baccalaureatum Scotus possit promoveri. Harum exemplar ex Petro Rodulpho (b), qui eas ex ipso transcripsit authographo, hic subiungo.

(b) Rodulph.  
fol. 135.

## IN CHRISTO SIBI CHARISSIMIS PATRIBUS,

Gulielmo Guardiano Parisijs, vel ejus Vicario, & Magistris,  
F. Gondisalvus gaudens in Domino.

*Ad expeditionem dilecti in Christo Patris Ægidij de Legnaco, de quo per litteras vestras certificatus existo, cum de alio (ut moris est) eodem calculo presentando providere oporteat, & cum secundum statuta Ordinis, & secundum vestri statuta Conventus, Baccalaureus hujusmodi presentandus ad presens debeat esse de aliqua Provincia, aliarum à Provincia Franciæ, dilectum in Christo Patrem Joannem Scotum, de cuius vita laudabili, scientia excellenti, ingenioque subtilissimo aliisque insignibus conditionibus suis partim experientia longa, partim fama, quæ ubique divulgata est informatum sum ad plenum, Dilectioni vestræ assigno post dictum Patrem Ægidium principaliter, & ordinariè presentandum; iniungo nihilominus vobis ad meritum salutaris obedientie quatenus presentationem hujusmodi cum solemnitate solita, sine multo dispendio facere debeatis: si tamen consulerit vobis, quod Dominus Cancellarius velit duos simul licentiarum de nostris, volo, & placeat mihi, quod Frater Albertus Metensis, si ad Conventum redire poterit, cum prefato Fratre Joanne debeat expediri. In quo casu mando, & ordino, quod dictus Frater Albertus antiquitatis merito prius incipere debeat, dicto Fratre Joanne sub eo postmodum incepturo. Valete in Domino, & orate pro me. Datum in loco Esculi Provinciæ Marchiæ Anconitate XIV. Kal. Decembris Anno 1304.*

Presentatur  
ad Baccalaureatum.

XXV. Magnum illud fanè encomium supremi Religionis Rectoris de peculiari viro, eoque adolescente. Dilectum in Christo. P. Joannem Scotum, de cuius vita laudabili, scientia excellenti, ingenio subtilissimo, aliisque conditionibus suis, partim experientia longa, partim fama, quæ ubique divulgata est, informatum sum ad plenum, dilectioni vestræ assigno &c. Quantus verò, qualisque fuerit hic Gondisalvus Generalis Minister, apud quem adeo egregiè Scotus audiebat, docet luculenter hoc suo testimonio Alvarus Pelagius (a) coævus: Sanctæ memoriæ Gondisalvus Hispanus, de Provincia Galiciæ, nobilis genere, sed nobilior vita, & moribus, & Evangelica paupertate verè frater Minor, & zelator ardentissimus regulæ, & dominus paupertatis, & Dominicæ humilitatis. Magister in Theologia realissimus, verbo, & opere, de maioribus mundi litteratis in trivio, & quadrivio, qui parum post mortem suam Parisijs in visione quibusdam Fratribus nostris apparuit gloriosus, in throno residens cum corona aurea, & sceptro; qui dixit tunc, quod sedes throni sibi assignata erat in cælo, quia plurissimè in Ordine iustitiam observaverit.

Græce optulmi viri de Scoto testimonium.

(a) Alvar. lib. 1. de planctu. Eccl. c. 68.

*Lutetiæ lauream suscipit Doctoris, & pro immaculata Virginis Mariæ Conceptione decertat.*

## C A P U T V I I I.

XXVI. Parisijs itaque Baccalaurei primum, mox Doctoris insignibus laureatus, dein de à suis in Comitibus Tolosanis Anno 1307. Regens creatus (b), primum locum, inquit Possévinus (c), in Schola Parisiensi asscutus, Academiam illam multum illustravit, Theologiâ scolasticâ multis subtilitatibus acutâ. Hic primum publicum inuit certamen

(b) Pitt. citat.

(c) Possévin. cit. Defensio immaculatæ Virg. Conceptionis.



[d] Vernul.  
in Paneg.  
Bult. in offic.  
Concept. à  
Sixto IV. ap-  
probato.  
[e] Pelbart.  
lib. 4. stellar.  
p. 1. art. 3.

*Vi amplexa  
est Virginitatem  
Parisiensem. hanc  
opinionem.*

[f] Anton.  
Cucar. in.  
Elucid. Virg.  
part. 2.

[g] Lib. de  
Concept.  
Virg. sect. 3.  
tract. 13. §. 1.  
n. 2.

[h] Salazar.  
lib. de Con-  
cept. c. 13. &  
42.

[i] Pineda  
in adverb. ad  
privil. Reg.  
Joan. Rui.  
in vita Scoti  
Moreni. de pu-  
ritate Virgin.  
c. 4.

Lezana in  
Apolog. c. 15.  
& alii pluri-  
mi:

*Ex doctrina  
hac magnam  
nomen acqui-  
sit.*

*Vnde acce-  
pit nomen Do-  
ctoris Subti-  
lis.*

[a] supra n.  
19.

tamen pro immaculata Virginis Mariæ Conceptione; qui eandem etiam Oxonij secutus fuerat sententiam, & libro tertio, brevi, sed solido, commendavit discursu. Nam cum publica, & sollemnis de hac re, disputatio (d), ad sedandos iam exortos tumultus inter Minores, & Prædicatores, Apostolico præcepto, Apostolicis etiam præsentibus institueretur Legatis (neque enim Scotus primus omnium hanc defensavit sententiam, licet primus pro ea defendenda graviora straverit fundamenta) missus est, libensque venit Oxonio Parisios, pro defendenda Virginis puritate, cui suam omnem, uti diximus, acceptam ferebat doctrinam. *Adversæ partis tutoribus* (inquit Pelbartus Temesvarius) (e) *se opposuit ingeniosissimus Doctor, magnum fuit pondus argumentum, quibus impetebatur, erantque numero 200. omnia sine interruptione, quieto, & tranquillo animo attentè audivit, & mirabili memoria suo ordine resumpsit, solvendo intricatas eorumdem difficultates, & nodosos syllogismos ea facilitate, qua Samson Dalile ligamina in favorem Philistinorum posita; dirumpebat. Addidit Scotus multas, & fortissimas rationes, probans Virginem Sanctissimam sine originalis peccati macula concepta. Astus obstupefecit sapientissimam illa Universitatem Parisiensem, quæ in gratificationem Scotum celeberrimo nomine Doctoris Subtilis insignivit.* Hoc itaque actu, & ijs quæ scripsit in Tertium, allexit Universitatem Parisiensem ad illud efformandum decretum, quo cavit, ne ad ullos gradus Scolasticos admitteretur, qui prius non juraret, se defensurum Beatam Virginem à noxa originaria. Decreto addidit (f) votum de celebranda quotannis festivitate immaculata Conceptionis, Reverendissimo Domino Urbis Urbis Antistite Missæ sacrificium offerente, & uno ex Magistris concionem, habente. Quæ festivitas dum in diem Dominicam cadit, in Conventu Prædicatorum, aliis temporibus in Conventu Fratrum Minorum habetur. Scripsi aliàs (g) largius de hujus voti nuncupatione, eamque Scoto debitam ostendi. Ipsa sanè pia, & communis opinio illi fert acceptam stabilitatem sui principij, & per solida, quæ jecit, fundamenta, suum incrementum. Licet enim plurimi, maximè ex Franciscanis, in hac re adlaboraverint, & suppetias tulerint alij, non nisi Scoti iactis fundamentis sua superstruxerunt, & adversariorum molestijs se expedierunt. Ut non immeritò nostri ævi vir doctus ita contestatus sit (h): *subtilissimus doctor quemadmodum omnibus Theologis immaculata Conceptionis propugnandæ auctor exiit; ita nihil prætermisit, quod in hac re ad majorem Virginis gloriam facere posset.* (Deinde: Joannes Duns Scotus præcipuus, ac maximus puræ Conceptionis vindex, qui tantam huic doctrinæ suæ auctoritate fidem comparavit, quantam nullus alius ante vel post ipsum).

XXVII. Qui de publico hoc ejus congressu scribunt (i), illud singulare, & mirandum, commemorant, quod dum ad disputationis locum procederet, coram obvia B. Virginis statua marmorea breviter oraverit, ejusque opem expostularit; simulacrum verò inclinato capite, significarit supernum ei non defuturum auxilium. Communis ita fert Populi Parisiensis traditio, ipsaque imago rem confirmat patenti, & usque in hodiernum diem perseveranti capitis inclinatione. Profectò non nisi superno auxilio ita potuit invalescere ejus sententia resistentibus, eamque impugnantibus ex adverso per tria integra sæcula doctissimis viris, quotquot ex Angelici Doctoris Schola prodierunt, si paucos excipias. Nihil profectò Scoti nomen reddidit illustrius, quam suscepta hæc, pro Virginis indemnitate, tutela: nam & ex hac disputatione Doctoris Subtilis nomen accepit, & perennem gloriam acquisivit. Quamquam enim in Theologicam facultatem plurimas invexerit novas, & antiquas innovaverit sententias, ex hac una de Mariæ immaculato conceptu, tanquam proprio stemmate gloriosus enitescit, & penè omnibus posterorum votis collaudatur. Pio studio, & laudabili conatu, ille Mariæ Virginis consuluit honori, sed & ab impenso studio, & præstito obsequio magnum ille vicissim honorem reportavit. Magna quidem illa gloria, quam quidam incidunt, & clariùs innuere videtur Epigramma ad ejus sepulchrum appensum, ut pro victoria ex illa disputatione reportata, non solum ex auditorum applausu, verum & ex auctoritate, seu nomenclatura Pontificia ei tribueretur honorificus titulus, Doctoris Subtilis, ita carmen vetustum, sed impolitum.

*Concepta est Virgo primi sine labe parentis, Hic talis &c.*

*Inde genus meriti tantum sibi Papa refundens DOCTOR SUBTILIS, dicitur, inde dedit.* Papa hic probabiliter erat Clemens V. nam sub Pontificatu Benedicti XI. aliquot menses Oxonij adhuc commoratum Scotum duximus [a] probabilius, ex Bulla Benedictina, ab eo citata in scripto Oxoniensi. Ab hoc tamen Benedictio indicam publicam disputationem, ad quam Scotus perrexit; deinde relatum Clementi V. in Gallis anno sequenti creato, cui dum hominis acumen, & dexteritas in refellendis adversariorum objectis, narrarentur, Subtilis Doctoris agnomine cohonestasse non est omnino improbabile. Nisi & probabilius, & verosimilius videatur Epigrammaticarum per Papæ nomen intellexisse Episcopum Parisiensem; ita enim prisca ferebat ætas; ut etiam Episcopi Papæ, vel Patres Patrum, quod illa vox sonat, appellarentur. Exempla habes plurima in Angustini, Hieronymi, & aliorum Epistolis ad Episcopos conscriptis.



# Coloniam mittitur, & qua de causa?

## CAPUT VIII.

XXVIII. **H**onorifico conatus nomine, magno auditorum concursu legit Parisiis; donec Anno 1308. supervenere Ministri Generalis Gondisalvi obedientiales littere, ut Coloniam Agripinam se transferret. Acceptis litteris extra Lutetiam, in prato Clericorum, quo eo die cum discipulis, remittendi animi gratia, secessit, cæca, & prompta obedientia, [b] vale dicto iis, qui aderant, recta Coloniam iter assumere cœpit, antequam domum, libros, aut scripta collecturus, seu Fratres salutaturus rediret. Admirari discipuli, interrogantur cur non abiret in Conventum, Fratribus valedicturus? at ille dignam Joanne protulit sententiam: *Pater Generalis Coloniam ire iubet, non in Conventum ad salutandos Fratres redire.* Gravis sanè, & ponderosa subesse debuit causa, ut tantus homo, ex Academia omnium prima, destinaretur ad Ubios, apud quos Universitas non erat, neque ipsa civitas, quantumvis inferioris Germaniæ Metropolis amplissima, pulcherrima, atque potentissima, præferenda Lutetiæ. Varias varii referunt: quidam volunt Lutetia evocatum, atque Coloniam missum, ut Accademiæ ceterarum instar fundaret, & certè absque scrupulo asserit Petrus Rodulphus [c], quod *Universitatem Coloniam instituit, & primus fundamenta iecit.* Atqui improbatum putant alii, ex eo quod testibus Iacobo Middendorpio [d], & Joanne Pitseo [e] Academia hæc sub Urbano VI. Legatis ex Mendicantium Ordinibus ab Agrippinatum Senatu destinatis, ad Annum 1388. fundata sit. Possunt tamen hæc inter se cohærere, ut & Scotus cum aliis Doctoribus incepterit, & sub Urbano alii perfecerint. Prima fundamenta bonarum artium, & honestæ disciplinæ iecerit Albertus Magnus, Thomas Aquinas, & Scotus; alii superstruxerint cætera, quæ ad Universitatis ornatum, & complementum potuerint desuisse. Neque enim repente, unico impetu stabiliri potest litteraria hæc respublica, quæ tot sumptus, redditus, Magistros, ministros, aulas disciplinæ & id genus alia plura requiri. Atque ita insinuare videtur Pitseus; non enim absolute tunc inceptam sub Urbano dicit, sed publicis iam fundatis lectionibus, debitis assignatis stipendiis, Academiam erectam, stabilitam, & privilegiis munitam ad Universitatis Parisiensis similitudinem. Concordat Petrus Dratepolius [a] his verbis: *Tempore Fredrici III. Archiepiscopi Colonien. Anno Dom. 1388. sub Urbano VI. procurante ampli simo. S. uatu, initium habuit. Primam lectionem præsentem Senatu, ac Clero, in domo Capitulari maioris Ecclesiæ fecit D. Gerardus Calcaricnsis, ac Theologus quidam Parisiensis, hic quoque olim huius Universitatis fundamenta iecere, D. Albertus Magnus, S. Thomas Aquinas, Joannes Scotus doctissimi viri, sub his, & sub Scoto fortassis incepta, tunc sunt omnibus præmissis requisitis Pontificia autoritate stabilita.*

XXIX. Aliam alii causam assignant, ut scilicet privatam inter Fratres sui solidatii Academiam institueret. At probabile non est tantum virum, publicum Professore in Universitate Parisiensi, illinc amovendum, ut privatæ inter domesticos dumtaxat Scholæ principia præstrueret. Immo & institutum iam studium apud Minores Colonienfes probat tabula, seu index Fratrum ibidem sepultorum, qualis communiter in monasteriis Ordinis habetur, in quo cum cæteris Religiosis ibidem connumeratis, hi, qui in cæteris recensentur illius ætis Lectores: *Fr. Andreas quondam Lector Colonie. Fr. Albertus de Mediolano quondam Lector Colonie. Fr. Hymicus Vol quondam Lector Colonie. Fr. Gerardus quondam Lector Colonie. Rever. P. Fr. VVillelmus... Lector Colonie, qui obiit Anno Dom. 1305.* Deinde in eadem tabula; post trigesimum quintum sequitur *Rever. P. Fr. Joannes Scotus Sacre Theologie Professor, Doctor Subtilis nominatus, quondam Lector Colonie, qui obiit Anno 1308. VI. Idus Novembris.*

XXX. Scribit verò Matthæus Ferchius [b] Petrum Paulum de Novaria Insubriæ virum eruditum, testari se in M. SS. quibusdam vetustis codicibus causam, quam subiicio, legisse: *In conventu Parisiensi Franciscano legebant Regens primus Reginaldus Provincialis, seu titulo, eure. super Provincia Provincie: Regens secundus Joannes Dans. Cum junior, Schola prælati finis, ac frequentissimi, qui eius doctrinam exoscularentur viris reserta, in Sorbone cathedram conscendisse (in qua Reportata pro illorum temporum consuetudine dicitur composuisse) senior nota non tulit. Sed præclaram nactus occasionem quod Scabini Colonienfes talent Colonie in Germania, qualis Lutetie in Gallia erat, Academiam erigere optarent, à P. Generali Joannem Scotum tanto operi præficiendum curavit. Receptas pro voto litteras Provinciales, vore impatient, ad Scotum, qui tunc remittendi animi gratia extra Parisios cum discipulis, hisque honesti finis viris esset, transiisse. Doctor Subtilis litteras omni cum reverentia accepit, & nec Lutetiam quidem ingressus, Coloniam recta perrexit. Sed & hæc causa incidit*

Coloniam  
mittitur au.  
1308.

[b] Vori-  
long. in 2.d.  
ult. q. 1.

[c] Prompta  
obedientia.  
Quare missus  
Coloniam?  
Et Viciassi-  
tatem funda-  
ret.

[e] Rodul-  
ph. f. l. 345.

[d] Middend.  
de Acad. Co-  
lon.

( ) Pit. de  
script. An-  
gl. An. 1308.

[a] Cratopol.  
d. Archiep.  
Colonien. n.  
65.

An ut scholas  
inter suos in-  
stitueret.

[b] Ferch. c.  
7.  
Su aliorum  
invidia.



eum prima, variatque solum in modo narrandi, & omnium vota potuerunt concurrere; ut Coloniam Scotum mitteretur; civium Agrippinatum ad suæ urbis splendorem, consortio Reginaldi ad æmulationem.

[c] Ferch.  
ibid.

At ut ob-  
feret Hære-  
tici?

[d] Vid. An-  
nal. Mil. An.  
1318. n. 33.  
& seq.

XXXI. Gravior illa, quam Ferchius (c) prescribit. *Emerferat, inquit, ante aliquot annos secta Begardorum, & illorum, qui se de ordine Apostolorum, superbe nimis nuncupabant, toties à Pontificibus condemnati (d); qui etiam fricta fronte à fidei Catholice linea exilientes, adversus Fidei Catholice satores insurgebant, præsertim adversus Fratres Prædicatores, & Minores, eo usque, ut iis conciones habentibus Hæretici publice obfisterent, at petulanti disputatione congruere auderent. Erant Colonie plures ex Dominicana familia alumni Alberti Magni Anno 1286. inde in celum assumpti. Minoritq, Lectore eorum defuncto Anno 1305. hac de re Generalem Gondisalum, vel solum, vel etiam cum Archiepiscopo Coloniensi, fecere certiorum, Generalis pro zelo Christiane fidei, & Religionis Franciscane ferventissimus, illuc Joannem Scotum nunquam disputando victum, ad truces Hæreticos revincendos, ac radicitus evellendos direxit. Nam etsi Begardi, atque Beguini in Italia, Provincia, aliisque in locis ebullierint, audaces nimis, & effrontes erant in Germania, eoque prorumpabant insolentia, ut publicis in concionibus, in medio plenissimorum confessorum insurgent in Prædicatores, & Minores, illorum hæreses & nostris condemnantes. Patulum extat huius temeritatis testimonium in Codice statutorum Coloniensium, ubi ad Annum 1305. refertur decretum Henrici II. Comitis de Virnenburch, Archiepiscopi Coloniensis, contra hoc errores, sub his verbis; Feria secunda post Dominicam Invocavit compactum; & quod amaricante mente referimus, eorum aliqui laici, ac litteras nescientes, Prædicatoribus, & Minoribus in sermonibus eorum, & prædicationibus publicis (quibus in agro Theologicæ Sapientiæ continuè laborantibus, prædicationis verbum per sacrosanctam Ecclesiam est commissum, & ministeriorum Dei, & fidei secreta luceant) non sine vehementi suspitione pravitatis Hæretice publice resisterunt, in fidelium iniuriam, & Sanctæ Ecclesiæ errorem, & cecitatis caliginem, in veritatis lucem spargentes, temerè insultarunt.*

An ut Con-  
ceptionem  
Immaculatæ  
Virginis de-  
funderet?  
An verò pro-  
pter omnes i-  
llas causas?

XXXII. Alii tandem missum Scotum volunt Coloniam, ut Alberti Magni discipulis pugnam redintegrantibus, & controversiam de Conceptione Virginis renovantibus obfisteret; eaque dexteritate, ac doctrinæ subtilitate, apud Agrippinates, quàm apud Parisienses, Virginis immunitatem a peccato originali assereret.

Quatuor istæ causæ, à variis relatæ poterant eodem tempore concurrere, atque propter omnes Scotum transmitti Coloniam. Fortassis tunc exorta cogitatio Academiam publicam instituendi; tunc Minores Lectore carebant: Hæretici insolentius suum virus spargebant, atque Alberti discipuli Virginis à noxa originali indemnitate majori oppugnabant conatu: omnia hæc efficacius movere poterant Primicerii animus, ut Doctorem, quantumvis valde apud Parisienses doctrina, & auctoritate pollentem, ad Ubiorum votum Coloniam destinaret. Argumento est eum à Prioribus urbis experitum, quod adveniienti Proceres, cum Clero, & populo obviam processerint, & quasi solemni pompa usque ad Conventum suorum deduxerint. Non aliter quam olim venienti Platoni, Syracusanorum Rex quadrijugis, albis & vittata navi; ita nobilissima civitas hæc Scoto adventanti magna populi frequentia, crebro Magnatum apparatu, occurrit, ut eum tanquam solem aliquem, sibi exorientem susciperet, & amplexaretur. Jacobus Middendorpius (a) Coloniensis scribit, eum in cœnobio Minorum frequenti scola legisse, & disputasse sæpius cum immaculatæ Conceptionis impugnatoribus. Sed & Hæreticos supradictos acriter infectum fuisse, innuit tabula Epitaphii ad sepulcrum appensa, in qua hoc distichon præ reliquis habetur.

*Concepta est Virgo primi sine labe parentis.*

*Hic tulit. Hic hæresi (Bergardorum de quibus infra Cap. XI.) prælia dura dedit.*

Neque enim rectè exscripsit Rodolphus (b), aut si qui alii, qui ita legunt.

*Hoc tulit, hoc dicto prælia dura dedit.*

Priori quippe modo habetur præ tumulto appensum, neque ad servandam metri rationem mutanda est narratio Epigrammatarii, aut veritas facti. Dedit itaque Scotus hæresi horum nebulonum dura prælia, sermone, scriptis, & frequenti congressu, eorum errores profigans, atque ipsos nullo loco consistere permittens.

## SCOTI mors, sed qualis?

### C A P U T I X.

XXXIII. **P**Lurimis demum sacrarum actionum, concionum, disputationum, & scriptio-  
num ad fidem illustrandam, mores corrigendos, religionem amplifican-  
dam, posteros instruendos, meritis, & virtutibus plenus: consumatus in brevi, explevit  
tempo-

Marfil. Fi-  
ci. in vita  
Platonis.

[a] Middendorp. citat.  
Rodolph.  
Pitf. Voss-  
long. VVil-  
lot. citati, &  
Baulin. Berti  
in ejus vita.  
[b] Rodolph.  
Voss. n.  
VVillet. ci-  
tati Berti in  
vita Scoti.



*tempora multa*, donec ei pro temporariis laboribus, Deus æternam requiem offerre, ac è terris raptum, in cœlum (ut pie credimus) evehere dignatus est. Itaque Anno 1308. VI. Idus Novembris, ipsa omnium Sanctorum octava die, ad Sanctorum omnium communio- nem evocatus est. Ita conspirant omnes in hunc annum, & diem, ultra tabellas sepulcro appensas; ut mirum sit quomodo solus Abrahamus Bzovius (c) *Nimis festinato funere eum sepulcro adhuc viventem illatum, in eoque misère nimis suffocatum* Anno 1294. scriptitarit. Mirum etiam quam varie, & inconstanter de ejus morte scribant Authores, non aliter, quam de Pythagora, & Empedocle, (d) gravissimis Philosophis, scriperunt alii, quorum mors una multipliciter refertur. Id autem communiter circa homines præstantissimos fit, quia horum fama, uti major, ita multoties incertior: & quorum non interest gloriæ eorum, aliorum rumores facile excipiunt, non veram facti rationem conquirunt. Scotum verò præproperà morte raptum recentiores scribunt Authores, apoplexiâ correptum: sed id à Jacobo Philippo Bergomensi exordium cæpit; & ab ejus ætate vires acquisivit eundo. Etenim ante Authorem istum, nullum invenio, qui apoplexiæ hujus modi meminerit. Cocœvi Hartmannus Schedel Nuremburgensis, & Sabellicus primi ex eo errorem hauserunt, à quo magnam partem suæ historiæ mutuati sunt. De Sabellico ita largiùs aliàs probavi [e] de Nurem- bergensi, Trithemii subitico testimonium: *Hartmannus Schedel Nuremburgensis &c. Scripsit inter alia ingenii sui opuscula ex Jacobo Bergomensi, & aliis Historiographis, addens nonnulla maxime de rebus Hermanorum, opus grande, insigne, quod continet historias temporum. Vivit usque hodie apud Nurembergam, sub Maximiliano Rege Anno Dom. 1494.*

XXXIV. Atamen Trithemius (f) quant invis apud hos, eorumque ducem Bergomen- sem, illud mortis genus legerit, tanquam commentitium neglexit: novit enim tanquam Scri- ptor domesticus, & loco vicinior, leviter nimis adinventam hanc apoplexiâ, quam ante hunc novum assertorem nullus retulerit, neque aliquid Germaniæ, maximæ Coloniæ, ubi Scotus jacebat, monumentum indicarit. Absque ullo itaque discrimine à communi obitu aliorum, ita scribit: *Joanne Duns &c. moritur temporibus Alberti Imperatoris Anno 1308. IV. Idus No- vembris, Colonia apud Minores sepultus.* Idem etiam in Chronico Hirtsaugienfi: *Anno, inquit, prænotato, scilicet, 1308. VI. Idus Novembris, obiit in Colonia Joannes Scotus, Doctor Subtilis, Ordinis Minorum, ibidem in suo Conventu, ad introitum sacristiæ sepultus, qui quanta scri- pserit, quam subtilia, & profundè in Theologia receptiva, omnes Theologi noverunt, & nos in libro nostro de Ecclesiasticis scriptoribus adnotavimus.* Omisisset, scilicet, Trithemius, si quid- piam rei novitate circa Scoti mortem notandum occurrisset, qui tam distinctè annum, mensem, diem, sepulturam, & sepulturæ locum adscripsit? Ad eundem modum Chronicon etiam Col- onienfè, eodem ævo, scilicet 1499. impressum, mortem Scoti refert, & aliud ejus sepulcrum, quo translatus est in Corum.

XXXV. Improbabilius valdè, quod alii comminiscuntur nimirum festinato nimis funere pro mortuo tumultum. Figmentum hoc abundè refellit solemnitas, & religiosus ritus Conven- tus Colonienfis, ab ipsis initiis institutus, & retentus, quem & communiter universum obser- vat sodalitiū, Fratrem Defunctum, non nisi sequenti die sub missa solemnī tradere sepulturæ, quo diurno temporis intervallo sopiti sensus soporem omnem excutiant. His adde varia me- dicamina, diversa item experimenta, quæ in hujusmodi morbis solent adhiberi, non defuisse viro, quem externi suscipiebant, domestici venerabantur, discipuli diligebant, & omnes in universum cupiebant incolē. Quis credat Magistrum gratissimum, omnium votis expeti- tum, omnium iubilo ante paucos menses exceptum, ita festinanter, & feraliter ad sepulcrum rapi potuisse, ut nullus ex plurimis, quos plenà edocebat schola, discipulis id scire, adeoque breve tempus elapsum sit inter sensuum soporem, & festinatum funus, ut nullus ex discipulis, quos absentes fingunt supervenire potuerit? Deinde mense Novembri, quo mortuus est Sco- tus, maximè vacatur studiis, neque credendum est ita feriatos foris discipulos, ut nullus adfue- rit, qui referret hujusmodi sensuum soporem Magistro suo fuisse familiarem, uti ipsius sabellæ asserunt Authores. Si verò insolitus fuit, & prima hac vice cum est passus, quomodo astruere poterant supervenientes discipuli, eum vivum, & in extasi constitutum tumultum, & non pot- tius mortem obiisse? Demum adeo sui immemores credemus eos, qui adfuerunt, & sepelierunt, ut immanis homicidii periculum, quod sub oculis erat, contempserint, neque in Deum, in nomi- natissimum communis instituti consodalem, peccare timuerint?

XXXVI. Quod verò ex Paulo Iovio adiunxit Bzovius, *redeunte scilicet vita serò morbi impetum naturam discussisse, frustra eundem ad petendam opem miserabili mugitu edito, pulsa- toque diu lapide, eliso tandem capite periisse*; admirationem incutit, quod vir Religiosus, fra- ternæ charitatis vinculo, saltem debito, conjunctus, adeo facili calamo transcripserit in celebrem Doctorem summam iniuriam, eamque non mediocri auxerit incremento asseve-rans teterrimo mortis genere, *manifesti, aut certè oculis criminis penas persolvuisse*. Tantæ fidei

Scotus piè  
meritur.

[c] Bzovius  
Anno 1294.  
n. 1.

Bzovius cor-  
rigitur.

(d) Laert. de  
vitis Philo-  
sophor.

Aliquid cum  
apoplexia o-  
biisse.

Ref. Illustur.

[e] In Apo-  
log. de Mo-  
rta. S. Frä-  
g. 5. l. 1. p.

Alii post hos  
notationē,  
veluti pe ma-  
nus traditam  
amplexati,

errorem sive-  
runt.

Trithem. de  
scrip.

Alii dicunt,  
vultu sepul-  
tum. Sed er-  
rant.

An violentus  
perierit in se-  
pulcro.

Pauli Iovii  
fuit.



fidei tantæ autoritatis, aut opinionis Iovius, ut Bzovio Ecclesiastico Annalista unus sufficiat pro scribenda re gravi, amplissimo Minorum instituto exosa, classico Doctore, viro Christiano, numerosissimæ scolæ Antesignano injuriosa? *Judicio & fide ambiguum*, dicit Lipsius, (a) *ubi affectus adfunt, obnoxium ad gratiam se dare & aura*. Robertus Turnerius (b) *Male sanum*, ait, *scriptorem, qui laudat, vituperat, non ad normam veritatis, sed pro ratione prægii*: ut non immerito, elogii loco, ei symbolum Albertus Myræus (c) apposuerit: *Venalis cui penna fuit*. Alii acerbius ejus vacillantem fidem infringunt, Paganismum potius, quam Christianismum redolere ex Gentilium more loquendi probant: cui potius verborum lenocinium, quam historiæ veritas applaudebat, cui mentiri, fingere, fallere, religio fuit, modo sub affectata verborum illecebro Lectorem circumvenire, inescare, & capere posset, ipsam veritatem, certis, & importunis figmentis nova, peregrina impressione inficere: ea demum scribere, quæ animus, non veritas distabat. Ante hunc, quem mihi dabit Authorem Bzovius, qui miseram hanc referat tragædiam, aut Scotum sui ipsius dicat homicidam? Bina integra sæcula elapsa sunt ab obitu Scoti, antequam fabulosum hoc mortis genus adinveniret Jovius, pro quo nullum citat Authorem, traditionem nullam præscribit, neque ipsum vulgi profert rumorem. Adfuit scilicet funeri Scoti solus Jovius, qui ea referat, quæ nullus vidit, nullus audit, ducentis annis nullus exscripsit? Hic tantus Historicus solus, & unus, quem gravis injuriæ Authorem præferat Bzovius? Ex quo calumniam universam in suos corrivet Annales?

XXXVII. Dicit tamen se planè retulisse, & exscripsisse Ioviana verba, sed judicium reliquisse penes Authorem, neque fidem propriâ extorsisse suadela. Quid tamen sibi volunt illa narrationis exordia ex propria penu desumpta? *Hoc anno volens, nolens, ex humanis abiit* Ioannes Dunsius &c. Quid item secundæ editionis auctarium, quo plurimum aggregavit injuriam? Monitus orroris primæ impressionis, Minorum querelas eo temperamento lenivit, ut ad narrationem Iovianam de festinato funere, miserabili intra sepulcrum mugitu, & eliso capite, addiderit etiam *manus devorasse*, Authorem citans Genebrardum. Sed postquam sincerè & candidè Genebrardus ex Trithemio retulit nihil aliud, quam Scotum obiisse Coloniam; adiunxit de festinato funere, rumorem incertum quorundam sub dubio verbo *ferunt*, quod tamen Bzovius omisit, certum volens apud Lectorem, quod dubium, & fabulosum erat apud Genebrardum.

XXXVIII. Adde dictum, *aperto sepulcro in gradibus Mausolei devoratis manibus repertum fuisse*: Sed omnia hæc figmenta, unus ille mos sepeliendi Fratres apud Colonienfes, faciliè refellit. Nullus enim aut fuit unquam usus sepulcrorum concameratorum, in ea Ecclesia Franciscanorum Coloniam: Fratres namque effossa, & injecta humo, terræ commendantur: sic autem neque spirare, neque mugire, neque pulsare neque gradus ascendere possunt sepulti. Adjunge ritum communem, & perpetuum Ordinis alligatis manibus, & pedibus defunctos sepeliendi. In illa verò provincia Colonienfi ultra hoc substernitur eis asser, seu tabula, cui cadaver alligatur, & sic strati sepulcro inferuntur. Demus ergo hominem sanum, robustum, asseri nexis manibus simul & pedibus alligatum, & extra sepulcri angustias in plano locatum; nec assurgere, nec quod desuper est pulsare capite poterit, neque ligatas manus devorare. Quomodo ergo in sepulcro (demus concameratum fuisse) infirmus, & cum infirmitate multis horis luctatus, id præstare, eaque vehementia potuit, ut caput eliseret? Deinde si ad gradus ascenderit, ibi pulsaverit, miserabili mugitu opem inelamaverit, idque in Ecclesia ad introitum Sacrifiæ, ubi communis erat transitus Fratrum, adeò impii, & crudeles erant in virum, optimè de illis meritum, ut nec sepulcrum aperire, nec lapidem amovere voluerint? Demum, si *festinato funere raptus est*, quod superesse potuit tanto Mausoleo condendo tempus ut per gradus ascendi, & descendi oportuerit? Quod si antea conditum dicat, cui quæso! Fratribus, an alicui Heroi? Non illis, quibus humile aperitur sepulcrum, non verò graduale, aut magnificum extruit Mausoleum. Si Heroi, qua autoritate, vel præsumptione, alieno tumulo Fratres suum Confodalem inferrent?

XXXIX. Postremò, vellem in hoc casu consideraret P. Bzovius, qua facilitate, qua levitate absque ullo fundamento secundum varias affectiones hujusmodi sparguntur calumniæ, & diffunduntur injuriæ: quarum ipse patulum, & manifestum palpavit, & exscripsit exemplum. Hæc etenim ipsa, quæ Scoto imponuntur, nimirum *extrema manuum devorasse*, *& caput ad parietem elisisse*, etiam de Bonifacio VIII. (d) Summo Pontifice scripserunt varii Authores, Paulo Iovio, & rumore incerto apud Genebrardum longè potiores, & tamen inventa sunt corpus ejus, caput, & manus illæsi, Anno 1606. quo diruto sepulcro, inventum est cadaver integrum in sarcophago reconditum, Pontificalibus vestitum: ita ut ad hoc manifestum spectaculum non immeritò ita ipse scripserit Bzovius: (e) *Falsum est; quod in Regis Philippi, atque Columnensium gratiam aliqui impostores olim dixerent, quasi Bonifacius in tam violentum morbum inciderit, ut sibi ipse manuum excreta exsereret, ac furenti similis, capite parieti eliso, decesseret. Nam me in urbe, & Bonifacii sepulcro aperto, tota urbe ad spectaculum concurrente, repertum est ejus corpus Pontificalibus vestibus indu-*

[a] Lips. lib. 1. Politic. c. 9.  
[b] Tur. er. apud Hervartii M. n. tissa pag. 36.  
[c] Miræus in Ciron.

[d] Vide Claecon. in vita Bonif. Pineda in Monarch. lib. 22. cap. 11. §. 1. Joan Villan. lib. 8. cap. 63.  
[e] Bzov. An. 1593. nu. 7. Bonif. c. 111. corpus integrum est repertum.



rum, & deo integrum, incorruptumque, ut non nisi extremum nasi desideraretur. Porro manus, quas adversarii erosas mentiuntur, tam vividę, tam integre, omnibusque digitis integris constantes, ut etiam ung. & nervi pelle, & carnibus operi, extuberantesque visę fuerint. In earum unius digito erat annulus pontificius sapphiro dives, quem Cardinalis Cajetanus pretio centum aureorum dato redimit. Si ergo ei exemplo manifesto, & publica experientia compertum fuit, in hujusmodi calumniis pręvaluisse animi passiones, ut quidam in gratiam Philippi Pulchri Gallorum Regis, aut Columnensium, Bonifacii inimicorum, eas indignę effinxerint; cur easdem in nominatissimi viri, & celeberrimi Doctoris injuriam effictas, non potius refellerit, quàm re- tulerit, aut tanquam dubias potius silentio involverit, quàm suo probaverit judicio!

XL. Atque ad primum Authorem Iovium redeam; admiror sanę unde exorsus est hujusmodi fabellam, neque scire, aut perscrutari potui unde fundamentum, aut occasionem aliquam eandem scribendi desumere licuerit. Nisi fortasse ea, qua universam suam historiam usus est fingendi licentia, voluerit, quę de Zenone Isauro Imperatore legit, Scoto etiam in alicujus gratiam adfigere. Hęc enim ipsa, quę de Scoti Iovius refert, scripsit etiam Evagrius (a) de Zenone. Narrat ex hoc Authore Baronius [b], comitali morbo, quo crebrę laborabat, arreptum, pro mortuo habitum, vivum sepultum esse: cum verò è sepulcro lamentabiliter domesticos, & satellites imploraret, prohibent Ariadua uxore, cui invisus esse cęperat, ne quis monumentum aperiret, miserę periit, suis ipsius lacertis, & caligis, quas gestabat, comestis, ut post compertum esse Cedrenus (c) narrat. Quid si Jovius pro suo arbitrio, & libertate scribendi Scotum nobis pro Zenone supponat? Aut hominem pium, sibi tamen, vel suis infensum, denigrare contendat infami morte sceleratissimi Zenonis.

XLII. Quid si aliunde fortassis error hic, ex alio exortus est majori? Sanctissimum invenio virum Geronem, Archiepiscopum Colonien[sis] in [d] cujus electioni ex Angelica monitione Summus Pontifex consensit; & consecrationi interfuerunt SS. Petrus, & Ambrosius, oleum infundentes, in extasim actum, hærentemque diutiùs immobilem à Vvalramo Diacono, Episcopatum ambiente vivum tumultatum esse. Ductus tamen tanti sceleris pœnitundine Vvalramus post obtentam Episcopalem Sedem, Romam venit, & à Pontifice ea ratione absolutus est, ut aut novum institueret Monasterium, aut vetus aliquod in sua diœcesi instauraret. Cœnobium itaque D. Martini Coloniae reparavit, & bonis multis pro Religiosis ex Scotia adventantibus dotavit. Non immeritò Matthæus Ferchius [e] hinc prodissiße putat errorem. Dum enim Monasterium Scotorum audiunt populares, ob hominem vivum sepultum, fuisse constructum, facili suspicari, aut dici posse, & vulgari spargi rumore, propterea illi peregrino nationi datum grave Coloniae Domicilium, ob aliquem suę gentis ita indignę occisum, & crudeliter sepulcro vivum injectum. Sic itaque Scotum vivum tumultatum fuisse facile credi potuit, & à viro Scoto ad Ioannem Scotum brevi morbo, ut mox dicam, sublatum, transferri fabellam, ex errore prognatam. Ego mihi sanę persuadeo, vel ex dentato calamo Iovii, vel ex ignorantia quadam supina, merum hoc prodissiße figmentum.

XLIII. Aliud honorificentius mortis genus, quidam ex S. Bernardino Senensi excogitarunt ut velut alter Moyses mortuus sit, jubente Domino. (f) Dicunt enim in extasi constitutum, dum Deo frueretur, ex hoc mundo transiisse ad Patrem, & à Fratribus hujus rei ignaris ita tumultatum; qua ratione paries intermedium dissolutus est, ut qui antea Deo per altissimam contemplationem uniebatur, eidem absque carnis impedimento intimiùs coniungeretur per gloriam. Verba quę ex Bernardino transcribunt, subiicio [g] Oportet suble- vare mentem ab istis sensualibus ad insensualia, sicut accidit Magistro Subili Scoto, qui fuit extractus de sensualibus ad insensualia, & ita fuit elevatus, quod Fratres, qui ignorabant hunc solitum ejus morem, credentes ipsum fore mortuum, subterraverunt eum vivum, & postea venientes ejus discipuli, scientes id sæpè accidere, & quid foret de ejus modo, interrogantes re- pererunt eum vivum subterratum fore, id est, suffocatum.

XLIII. Artamen quantumvis honorificum, ego apocryphum hoc mortis genus repu- to, & eò difficiliùs admittendum hoc testimonium, quo levius, & absque ullo fundamento S. Bernardino attribuitur. Nam quartus ille Tomus Sermone[m], qui Quadragesimale Se- raphin inscribitur, & S. Bernardino adscribitur, ex quo testimonium hoc desumptum est, non est S. Bernardini, sed cujusdam Collectoris Danielis de Purzillis, uti in ipsius libri fronte abnotatur, & Petrus Rodolphus, cujus opera, & studio edita sunt S. Viri opera, lectorem admonet in epistola præliminari. Immò & ipse Collector hoc abundę probat, dum post Sermone[m] decimumseptimum illorum, qui extraordinarii nuncupantur, plura gesta, & miracula S. Bernardini recenset. Sunt etiam in illo universo opere quamplurima S. Ber- nardino indigna, stylus barbarus, & inconcinuus, totus scatens idiotismis, & vocabulis italicis: sunt etiam multa ludrica, & futilia, neque methodus correspondet ordini ab eo- dem

Unde calum-  
nię speciem  
deduxit Jo-  
vius?

Zenonis Isau-  
ri mors.

(a) Evang.  
lib. 3. cap. 19.

(b) Baron.  
An. 491. nu.  
1.

(c) Cedren.  
in Compend.  
Hiitor.

[d] Trithem.  
Ciron. Hir-  
saug.  
Ciron. Bels-  
gicum Anno  
965.

Brusch. de  
Episch: Co-  
lon.  
Baron. An.  
965. Geronis  
Archiep.  
Colon: mors.  
(e) Ferch. c.  
10.

[f] Deuter.  
34. v. 5.

Dicunt alii  
Scoto[m] in ex-  
tasi sepultum.

(g) Pseudo  
Bernardin.  
f. rm. 1. ex-  
traord. part.

Tomus 4. S.  
Bernardini  
an illius sit?



dem observato in reliquis voluminibus . Deinde sæpius citatur ipse S. Bernardinus, & tanquam agens, vel loquens à Collectore introducitur; uti videre est in plurimis Sermonibus præsertim in eo ipso, ex quo desumptum est superscriptum testimonium, & in Sermone undecimo, parte tertia.

*Nullus antiquus auctor Scotum violententer occubuisse scribit. Pretiosa que eunque mors iusti.*

XLIV. Nullo itaque modo, sive ad opprobrium, sive ad laudem scribatur, admittendam puto violentam hanc mortem, aut festinatum funus, quod merum figmentum, & inanem fabellam esse, ultra rationes supra allatas, contra sensum soporem, comprobatur silentium omnium, qui Jovii, aut hujus Danielis ætatem præcesserunt: eorum præsertim, qui non dissimulantes, sed palam, & æriter in Scotum scripserunt, & doctrinam omni studio labefactare conati sunt. Ex horum numero, præter domesticos Occhamum, & Aureolum, fuerunt adfertores D. Thomæ: Hervæus, qui decimo septimo anno post Scoti obitum decessit, & cum ipso Scoto Colonia de summis Theologiæ apicibus disputavit, uti mox à me subiiciendum Ioannis Echii viri piissimi testimonium docebit. Item Paludanus, qui eodem tempore floruit; Joannes Capreolus antiquior hoc Daniele: in his nulla est memoria, sive de apoplexia, sive de extasi, sive quod hac, aut illa affectus Scotus, vivus elatus sit in sepulcrum.

(a) August. in Psal. 33. Holchor. Holchor.

XLV. Aliunde etiam hoc idem confirmatur ex verbis, & attestationibus eorum, qui propius ad Scoti seculum de ejus morte scripserunt, quorum verba statim subiiciam, inter quæ nullum est, quod hujusmodi violentum indicet decessum. Neque tamen hæc tanto studio prosequor, aut refello, quod Scoti honori potius consultum velim, quam veritati. Etenim licet apud homines, qui externa respiciunt, & repentinos atque inopinatos casus infastos putant, accelerata nimis, vel violenta mors sinistram generet opinionem, apud Deum tanti est, si hoc, vel illo modo decedat quispiam, dummodo bene vixerit, & in iustitia perseveraverit. Quæcunque illæ fuerit, pretiosæ sunt semper mortes Iustorum. Teme est itaque judicaverit, qui ex celeri, vel violenta morte malam obiisse quempiam, aut malè vixisse deduxerit: *Quomodo*, inquit Augustinus (a) *respiciet Dominus mala cogitantes, & dicentes: Ille malè mortuus est? cum iustus esset a bestiis consumptus: non erat ille iustus, idè malè periit, nam non periret, si iustus esset.* Rectè Holchor in Sapientiæ cap. 4. illud cecinit.

*Mors iusti subita, quem precessit bona vita,  
Non minuit merita, si moriatur ita.*

(b) Sap. 4. v. 9.

Quis filios, & filias Iob ruina domus subito oppressos damnabit? Quis Simeonem Stylicen fulmine percussum, cujus animam ab Angelis efferrì vidit S. Iulianus? Quis S. Agathonicum à leonibus discerptum, quem aliàs in frigore noctu fovebant? Quis S. Belinum à canibus laceratum? Author est prædictus Holchor Sanctum quemdam inter libros, & studia, in suo Museo obiisse; & dum quidam inde suspcionis calumniam conciperent; inventus est digito extenso eum versum designasse: (b) *Iustus quacumque morte præoccupatus fuerit, in refrigerio erit.* Numquid damnandus Martinus V., Ioannes Albertus Poloniæ Rex, Paulus II., Carolus VIII. Rex Galliæ, atque viri pii, qui quotidie sub oculis apoplexia intereunt? Ergo, manifesti, vel occulti criminis penas luunt? Gero Archiepiscopus Colonienfis Sanctissimus, à Walramo cathedram ejus ambiente extasi correptus, vivus tumulatus est; an manifesti criminis poena? Quot, vivi in dies aqua, terra, ruinis domorum, & parietum sepeliuntur, seu opprimuntur? Præterita vita, non violenta mors, in poenam imputatur, aut præmium. Mors omnium certa fuit, causam sibi Deus reservavit. Quod si igitur Doctorem subtilem apoplexia, aut alia quapiam subitanea morte sublatum fuisse dicatur, quid singulare contra eum inferendum erat ex successu, tot viris sanctis, & piis communi? Repentè, & violenter perierunt plurimi, nomine, & sanctitate clarissimi: per me ita cum illis perierit SCOTUS, dum sic periisse probetur; & non ex livore potius, quam ad historiæ veritatem referatur.

## *Authoris judicium, & aliorum de SCOTI morte testimonia.*

### C A P U T X.

XLVI. **E**Go verò ut inter tot sinistra, meum sincerè de Scoti morte judicium interponam, naturalem more aliarum fuisse dixerim, celerem tamen, brevi morbo præeunte. Ita enim indicare videntur aliquot carmina, ex variis vetustis Epitaphiis, ad tumulum appensis.



*Tempora post Christi propria dulcedine letum  
Venit atrox, raptim carcere composito.*

Secundum item hoc distichon :

*Doctor Subtilis solvens sua lustra JOANNES*

*Scotus in objectis ultima verba dedit.*

Ex quibus colligo, eo ipso die, quo repentinus morbus invasit, publicè disputasse, fortassis contra illos Hæreticos Begardos, seu Beguinos, & profunde secum de peractis in consensu cogitantem, dum domum rediret, ex acri congressu, frigido anni tempore, calore confusato, & sudore represso, repente dolore correptum, brevi, & raptim, præmissis Christiani hominis officiis, placide spiritum exhalasse. Ita enim præscriptos intelligo versus, ut postrema verba profulerit in disputatione juxta ultimum carmen :

*Scotus in objectis ultima verba dedit.*

Deinde taciturnum secum altè pensitantem invaserit morbus, *non propria dulcedine letum venerit*, sed raptim. Illa autem prima verba, *tempora post Christi*, non ita mihi sonant, uti & aliis, ut indicent Scotum obisse post annos ætatis Christi, anno scilicet trigésimo quarto, aut quinto; sed annum post Christi nativitatem, quo Scotus obiit, significant apposito tamen è regione in margine annorum computo, prout Epigrammatarius apposuit, & ex illo Rodolphus exscripsit in hunc modum :

*Tempora post Christi \* propria dulcedine letum.*

Ufus enim est hac partitione propter difficultatem distribuendi computum Arithmeticum. Consideratione verò dignum est, quod si calore disputationis pro fidei, aut veritatis zelo, in morbum inciderit, & occubuerit, gloriosius sanè in certamine spirituali vitam profudit, quàm qui pro terrena re in corporali pugna moriuntur. O fortunata mors, quæ peccato debita, est gratiæ reddita; nec tam pro injuria Adami compensanda, quam pro gloria Christi comparanda, est suscepta!

XLVII. Exscribere hic placuit eorum testimonia, qui Scoti mortem paulò ab ejus obitu referunt, neque quidquam ex his fabulosis commentis intermiscant. Unde firmiora possunt desumi, quàm ex ipsa, in qua jacet, æde? Tria jam profero : primum habet tabula Fratrum defunctorum in Sacrario, & alia in aula Capitulari, quod superius jam retuli, atque hic repetito : D. P. FR. JOANNES SCOTUS Sacrae Theologiae Professor, Doctor subtilis nominatus, quondam Lector Colonie, qui obiit Anno 1308. vi. Idus Novembris. Secundum ex appensis ad sepulcrum Epitaphiis proximè retuli, in quo asseritur, *mortem propria dulcedine venisse*; quomodo igitur *festino impetu, aut repentina violentia* irruisse dicatur? Tertium ex altero Cœnotophio :

*Anno milleno tercentum cumque adderet octo,*

*Postremo clausit letho agitante diem.*

Quantum desumo ex ejus discipulo Antonio Andrea, qui ad calcem Commentariorum ad Metaphysicam, in quibus Scoti doctrinam per omnia secutus est, ita subdit : *Tam sententiando, quàm notando secutus sub doctrinam illius subtili fini, & excellenti fini Doctoris, cujus fama, & memoria in benedictione est, utpote qui sua sacra, & profunda doctrina totum orbem adimplevit, & sicut resonare, scilicet Magister JOANNES DVNS, qui fuit natione Scotus, religione Minor.* Hoc testimonium excludit saltem omnem malè suspicionis aculeum, dum memoriam, & famam in benedictione consignatam viguisse adstruit. Quintum ex Bartolomæo Pisano, (a) ejusdem seculi Scriptore, qui in recensu provinciarum Ordinis, ita scribit de Colonienſi : *Provincia Colonie habet septem Custodias; Custodia Colonienſis habet locum Colonia, in quo jacet Doctor Subtilis FR. JOANNES SCOTUS, qui ibidem Lector decessit.* Sextum ex Mariano Florentino (b) proximi post seculi fido Historico : *Scotus Colonie tandem consummatus in brevi, ex operibus suis eterna premia recepit; ibique in Conventu Colonienſi Agrippino superioris Germaniæ, honorificè sepultus, in magna que veneratione habitus est. Excessit Anno salutis 1308* Septimum de ex Illustrissimo Francisco Gonzaga, (c) posteriori seculi Authore : Scotus, inquit, *Colonie obiit Anno 1308. magno suis Patribus, ac discipulis relicto desiderio.*

XLVIII. Tres deinde addo, qui non solum referant communi cum aliis forte extinctum, sed & resellant hæc portentosa figmenta. Joannes Stommelius (d) Colonienſis, oratione in ipsa Urbe Colonia, pro rostris habita, largius hoc festinatum finis impugnat, eoque nihil imprudentius, nihil inconsultius dici posse, asseverat. Petrus Rodolphus (e) Episcopus Senoallie, Paulum Jovium, in suo asserto, nulla ratione fustultum scribit; eumque tanquam juicem iniquum in describenda Scoti morte se gessisse : Aubertus Miraus, (f) vir sincerus, & audax historicus : JOANNES DVNSVS SCOTUS, Doctor Subtilis cognomento, Ordinis Franciscani, mortitur Colonie 8. Novembris. Fabulæ sunt illi mortis genus Paulus Jovius in Elogiis Romanorum doctrina Illustrum, assensit; utpote cum nulla sit Colonie memoria in Monasterij Archiepiscopi, aut Epitaphiis caris tumulis appens.

\* Ann. 1308.

Qui canit  
Scoti morte  
referunt.

Anton. Andr.

(a) Pisan.  
conform. 11.

(b) Marian.  
lib. 3. c. 11.

(c) Gonz.  
in con. Paris.

Qui figmentum  
hæc resellant.

(d) Stomm.  
mel. orat. de  
Scoti laudibus.

(e) Rodulph.  
fol. 320.  
(f) Miraus  
in Chron.

*Epitaphia ad SCOTI tumulum appensa.*

## C A P U T X I.

**C**OEnotaphia omnia tum ad superiorum confirmationem, tum ad consulamus posteritati, ne pereant, placet exscribere. Ipsa inconcinnitas, phrasis demissa nimis, rudis Minerva, & planus dicendi modus, vetustatis ingerunt reverentiam. Primo lapidi, qui superpositus erat sepulcro paulo post mortem, insculptum hoc primum Epitaphium; carmine Leonino, cujus etiam exemplar, & rei narratio conservatur in quodam codice MSS. Bibliothecæ Minorum Colonienfis inter litteras G, & H, in 3. pluteo ad dexteram ingredientis. Primum Scoti Epitaphium.

*Clauditur hic rivus, fons Ecclesiæ, via, rivus.  
 Doctor justitiæ, studii flos, arca sapiæ,  
 Ingenio scandens, Scripturæ abdita pandens  
 In teneris annis fuit; ergo memento Joannis.  
 Hunc Duns ornatum fac cælitus esse beatum  
 Pro Patre translato modulemur pectore grato:  
 Dux fuit hic Cleri, claustræ lux, & tuba veri.*

Additi sunt postea hi quatuor versus, in prima translatione ossium venerabilis Doctoris; ad medium Chori, quam mox referemus, & habentur in codice prædicto: Additio ad primum Scoti Epitaphium.

*Hic Lector Scotus Subtilis, sit bene notus,  
 Doctor humi stratus, hac subque nola tumulatus,  
 Pro quo orate, Christi veniam flagitate,  
 Dicentesque piè, Tu Summe Deus miserere.*

Sub annum 1509. editius, & pulchrius elaboratum est sepulcrum; & ad pedes ejusdem hoc Epitaphium cultioris Minervæ incisum est laminæ æneæ ad pedes affixæ:

*Ante oculos saxum Doctorem deprimit ingens,  
 Cujus ad interitum Sacra Minerva gemit.  
 Sis te gradum Lector, fukoo dabis oscula saxo:  
 Corpus Joannis hæc tenet urna Scoti  
 Anno milleno ter ccc. cumque adderet octo  
 Postremum clausit letho agitante diem.*

Deinde in duabus tabulis pendebant ex sepulcro hæc, quæ sequuntur, inculta carmina; quæ postea in unam redacta sunt; eaque nunc servatur in Bibliotheca. Primum in tabula sequitur hoc Epitaphium:

*Parisius plora, mæstis incede lacernis;  
 Hic perit in toto, quod volat Orbe decus.  
 O Sorbona tuis humiles compone Cathedras.  
 Cultus ab ingeniis fons sacer artis abest.  
 Straminis in vico placidi certaminis ordo  
 Cespitat, heu belli desinit esse caput?  
 Pondere supremi validos componite luctus,  
 Doctiloqui pulset tristitia corda pavor.  
 Hunc, posito vultu leto, deflete togati,  
 Discipulis labor hic omnibus unus erit.*

In eadem deinde tabula sequitur hoc secundum:

*Doctor Subtilis solvens sua lustra Joannes  
 Scotus in objectis ultima verba dedit.  
 Huic humilis casto Francisci cordula renes  
 Strinxit, erat sapiens, Presbyter officio.  
 Fervebat studio, nulli virtute secundus,  
 Quod didicit totum, mox alios docuit.  
 Concepta est Virgo primæ sine labe parentis:  
 Hic tulit: hic hæresi prælia dira dedit,  
 Inde genus meriti tantum sibi Papa refundens,  
 Doctor Subtilis dicitur, inde dedit.  
 Quatuor in scriptis, quæ sunt divina probavit,  
 Hinc reliquis vates lumine plus viguit.*

\* Begardorum.



## (XIX)

*Quin & sancta mihi, quæ digna problemata aliquit  
 Ingeniis nostris fertiliora valent.  
 Artibus egit opem tuto, nunc ille modernos  
 Prosequitur pandens, quæ via sit veterum.  
 Tempora post Christi \* propria dulcedine lætibus  
 Venit atrox raptim carcere composita.  
 Dogmata, qui quondam retulit non infimus Orbi,  
 Exiguus cunctis nunc silet exanimis.  
 Qui ratione stetit, non victus, semper Achilles  
 Cæno sordidior vincitur ille fino.  
 Horrida jam sarcos trahitur sub lite voranda,  
 Hinc subeant vermes, prob! nova præda venit.  
 Ante gradus medios, Nola nunc ubi pendet ab alto,  
 Hic Chorus in terris ossa tenet tumulo.  
 Turba futura canet bona, quæ congeßit in unum  
 Singula, quæ docuit, scripta relicta manent.  
 Flebile qui busti præsens Epigramma tueris,  
 Hanc animam societ, posce Deum superis.*

\* Ann. 1308.

### Dubium incidens, an subscripserit Scotus operibus Raymundi Lulli?

## CAPUT XII.

II. **E**X his Epitaphiis, & certo calculo mortis SCOTI, quam omnes boni Authores unanimiter scribunt hoc anno accidisse, manifeste sequitur errare eos, qui dicunt, aut putant, Scotum hunc nostrum approbasse opera Raymundi Lulli, seu propria manu illius Arti parvæ, sive brevi subscripisse. Etenim illa approbatio facta fuit Parisiis 1309. mense Febuario; Scotus vero, ut visum est, decessit 8. Novembris anni præcedentis in civitate Coloniae. Verum est duos subscriptos esse JOANNES SCOTOS inter quadraginta Doctores qui illam Artem probarunt, unus ita subscripsit, *Joannes Scotus in artibus Magister*, alius sic. *Joannes Scotus*. Servatur autographum Parisiis; exemplar vero authenticum in Archivio regni Balearum. Hoc ejus initium: *Universis presentes litteras inspecturis, officiales Curiae Parisiensium in Domino salutem. Noverint universi, quod in presentia, Magistri Joannis de Satinis, & Michaelis de Jonquerio nostrorum Clericorum juratorum, quibus in his, & majoribus fidem in dubium adhibemus, & quibus, quoad hæc, commissimus tenore presentium vices nostras, propter hoc personaliter constituti, Magister Martinus in Medicina, Magister Joannes Scotus in Artibus Magister, &c., finis vero approbationis ita habet. Datum Anno Dom. 1309. die Martis, post octavam festi Purificationis B. Virginis gloriose Marie.* Eodem anno, & die, factam esse hanc approbationem confirmat privilegium Alphonßi Aragonum Regis datum Neapoli Anno 1449. Et alterum Caroli V. Imperatoris Hispali Anno 1526. quibus Lullianæ patrocinantur doctrinæ, inserta ad verbum prædicta approbatione Parisienn. Convincitur itaque non subscripisse Joannem nostrum jam defunctum, sed alios; nisi fortassis dicatur, eum priusquam Parisiis discesserit, subscripisse; confectum tamen postea approbationis publicum instrumentum, vel authenticatum per acta juris solemnia.

(c) In Annal. Ann. 1295. n. 15.

III. Vidisse, & cognovisse Scotum Parisiis Raymundum probabile est; nam & ejus tempore Lutetiæ fuisse constat exiis, quæ scripsimus alias (a) feruntque Lullianæ doctrinæ sectatores eum interfuisse aliquando Scoti lectionibus; in quibus dum submissio murmure, & nutante capite significaret aliqua ex iis, quæ dicebat Scotus, non adeo sibi probari, idque exterioribus signis Doctor animadvertisset, hominem incultum, & vili indutuum habitu contempsisset, & ut periculum faceret an Grammaticæ sciret, qui Theologos improbabat, interrogasse; *Dominus quæ pars?* scilicet, *orationis*. Et Raymundum respondisse prompte nimis: *Dominus non est pars, sed totum*; atque hinc sumpsisse occasionem profundius loquendi cum Scoto de mysteriis divinis, & de colloquio hoc peculiarem scripsisse tractatum. Sane inter Lulli opera quorum catalogum attexit Alphonßus de Proaza in calce Artis inventivæ veritatis, hujus opusculi mētio habetur his verbis: *Liber dictas Dominus, quæ pars? qui fuit disputatio Raymundi, & Scoti.*

### Varie SCOTI funeris translationes.

## CAPUT XIII.

LIII. **D**iximus jam, ut ad Scoti tumulum regrediatur oratio, quo loco primum tumulatus sit, ad introitum Sacraii, prope Altare trium Regum, ubi per aliquot an-



*Prima translatio.*

nos requievit, donec gliscente ejus fama, & latius in dies se diffundente, nobiliori loco digna judicata sunt ejus ossa. Quapropter in medium Chorum sub campana de tecto pendente in lapidea urna, latiori cooperta lapide, sunt reposita, dehinc terra completa fossa, lapis honorabilior superpositus est. Tunc facta est illa additio, *Hic Lector Scotus &c.* ad primum Epitaphium. Hujus translationis, & tumuli testimonium perhibet Chronicon Colonienſe Germanice ab A. Milmano editum Anno 1499. facta fuit, si coniecturare licet, tempore Sixti IV. quo misterium immaculatæ Conceptionis B. Mariæ Virginis illustratum est Pontificiis decretis Indulgentiis peccatorum, proprio Ecclesiastico officio, aliisque incrementis, tunc enim decebat præcipuum insignis privilegii Doctorem præexcellenti innotescere, atque in omnium prodire conspectum.

*Secunda translatio.*

(a) T. evet de viris Illustr. in Joani. Scoto.

(b) Surius in Chron. An. 1509.

(c) Trithem in Chron. Spanheim.

(d) Chron. Citizen. an. eod.

LIV. Deinde cum Anno 1509. ardentem ageretur de hoc mysterio in Germania, alibi uti referunt Andreas Thevet (a) Surius (b), Trithemius (c), Chronicon Citizenſe (d), & alii, rursus prodit Scotus, erutis ossibus, & collocatis pone summum Altare, donec editus, & nobilior monumentum aurichalco affabre elaborato tectum fabricaretur: deinde opere completo, Anno 1513. in eadem, quam supra diximus, pila reposita sunt ad caput sepulcri. Constant omnia hæc ex chirographo in arcula plumbea prope Scoti ossa inveto, quod Josephus Pisculius Melphienſis tunc Commissarius generalis in Archivio Conventus collocavit. En ejus exemplar.

LV. *Notum sit omnibus, & pateat evidenter universis, & singulis, tam presentibus, quam futuris, quod Anno Domini millesimo quingentesimo nono, penultima mensis Augusti, sub Pontificatu Sanctissimi in Christo Patris, & Domini Julii divina providentia Papæ secundi; Archiepiscopatu Colonienſi Philippi Deibersstein; atque Imperio Maximiliani Archiducis Austriae electo, ministeriatu tu Colonienſi Fratris Wesseli Gosbrinch de Monasterio, Sacrosanctæ Theologie Magistri; Guardianatu hujus insignis nostri Conventus Colonienſis Fr. Joannis Custer; Lectoratu vero Fr. Willelmi Franck Theologie facultatis Magistri; Penitentiariatu Fr. Gerardi Pauli facultatis diſtæ Baccalauræi formati; Curſoratu Fr. Cornelii de Daventria; studii Magisterio Fr. Rogerii de Ratinge; apertum est sepulcrum Doctoris Subtilis Fr. Joannis Scoti, ob singularem affectionem Patrum, & Fratrum: inventa sunt ejus ossa integra, & admodum redolentia, subrubra, & in juncturis alba; ad instar lacis uncta. Et ex tunc in Altari summo retrorsum posita. Mox in hoc sarcophago ex aurichalco facto, ut apparet ex nunc, elemosina Guardiani prædicti collecta Anno vero Domini millesimo quingentesimo decimotertio, sextadecima mensis Augusti, hæc ejus cuncta ossa hoc in sarcophago posita, atque recondita, Pontificatu Domini Sanctissimi Leonis X. Archiepiscopatu Dom. Philippi Deibersstein; Ministeriatu R. P. F. Hermanni Haveilor, sacre Theologie Magistri, Custodiatu Custodiæ Frisic R. P. F. Joannis de Durſten, Guardianatu R. P. F. Gherardi Pauli prædictæ facultatis Magistri; Lectoratu Fr. Cornelii de Daventria Baccalauræi formati, Senioratu Fr. Jacobi Rugerii Provinciatoris Conventus, & Rogerii Rattingen. Sacristæ Conventus, Curſoratu Fr. Jacobi de Mondirp; studii Magisterio Fr. Willelmi de Seligen. quo quidem Anno in octava Regina, ex tumultu populi Colonienſis decollati sunt in foro Fœniburgi Magistri, videlicet Joannes Reit, & Joannes Oiden-dorp. nobiscum in capella S. Francisci sepultus, & Reddituarius Civitatis Joannes Bergum, alias Papegei, & alii plures, ex civibus tres, quorum animæ in pace perpetua letentur.*

*Nobile Scoti Sepulcrum.*

Scriptum per me Fr. Liborinum Rodolphi de Conventu Paterbornenſi, majoris studii hujus insignis Conventus Decani, Anno Dom. 1513. 16. die mensis Augusti.

LVI. Nobile sane tunc extructum sepulcrum, quod aliquanto clarius libet hic describere. Descendente à summo Altari ad Chori planitiem occurrit ultimus gradus lapideus, in quo litteris excultis ita habetur, *Obiit Fr. Joannes Scotus, Sacre Theologie Doctor Subtilis nominatus Anno 1308.* Distat ab hoc gradu, in Chori planitie media, Scoti sepulcrum pedis Geometrici mensura, tribusque fere Goemetricis palmis eminet à terra quadrangulum altera parte longius, lamina ex aurichalco, vel ære coopertum. In medio ænei tegumenti est imago Scoti, librum tenentis, scite elaborata; ad ejus pedes hinc inde strati jacent duo leones, velut custodes. In extremitatibus longitudinem ad dexteram, & ad sinistram occupant insculpti præclarissimi quidam Religionis nostræ Doctores, non omnes tamen sunt Scoti discipulis eos ascendens numero. Ad dexteram Guilelmus Okam, Ugo de Novo Castro, Franciscus de Mayronis, Richardus de Media-villa, Alexander de Ales. Ad levam Nicolaus de Lyra, Petrus Aureolus, Rogerus, Varro. In superiori parte sepulcri ad caput Scoti, tres in medio exculpti sunt Pontifices, quos Minorum Familia tunc enixa erat, Alexander V. Nicolaus IV. Sixtus IV. cum eorum stemmatibus. In angulis latitudinem, & longitudinem implentes sunt duo Cardinales, scilicet D. Bonaventura Doctor Ecclesiæ, & Bertrandus, cum insignibus eorum. Tegumentum verò est egregium, & perpulcro artificis opificio intextum. A sepulcro statim in pavimento Chori, lapis quadratus invenitur, his litteris desuper ornatus *Hic aperitur sepulcrum Doctoris Subtilis, diſti Joannis Duns.*

LVII. Postremo Reverendiss. Jacobus Bagnacaballensis, Ordin. Min. Conventualium Generalis Magister, coram Illustriss. Domino D. Antonio Albergato Episcopo Vigilarum, & Nun-



Nuntio Apostolico per Tractum Rhenanum, cum potestate Legati de latere, Anno 1619. die 13. Januarii, Scoti iussit erui ossa. Elato itaque lapide ad caput sepulcri, effosis ad perpendicularum duobus pedibus Geometricis humi, quadratus lapis alter sublatus est: tum in pila lapidea, trium palmorum extente manus apparuit calvaria super majoribus ossibus corporis: sub his aliquanta terra, minoribus quibusdam ossibus concreta. Ossibus in Sacratio, sub duplici clave, repositis, die sequenti sepulcrum eruderatum, parietibus lateritiis, atque strato quadrangulari opere ædificatum, aslere in medio librato. Item duplex arca parata, una lignea, quæ homo sub Scoti ossibus existente repleta, in fundo sepulcri collocata est; altera plumbea quatuor palmorum exertis digitis emensorum longitudinis, duobus latitudinis, pene duobus altitudinis, & in hac rursus arca quærna, tegumento vitreo tecta est adamussim inclusa; in ea pluribus collocatis odoribus die 15. Joannis Duns Scoti ossa recondita, superque medium sepulcri asserem collocata. Cum Scoti ossibus, in eadem arca, repositum est chirographum, superius relatum Anno 1313. factum, & sequens adjectum in vasculo plumbeo.

LVIII. *In nomine Sanctissimæ, & individue Trinitatis, Amen. Anno post Nativitatem Domini nostri Jesu Christi 1619. Pontificatu Sanctissi. D. N. Papæ Pauli V. quartodecimo, Invictissimi Imperatoris Matthiæ Austriaci semper Augusti septimo; Serenissi. ac Illustrissi. Ferdinandi Ducis Bavarie Archiepiscopi, & Electoris Colonienfis Anno octavo, Indictione secunda: cum prima die mensis Decembris, in hanc illustrissimam civitatem Colonensem paterno affectu, & zelo ductus Reverendiss. in Christo P. F. Jacobus Bagnacaballensis, Ordinis Minorum Conventualium Minister Generalis, ad visitandum, & reformandum ejusdem Ordinis Minor. Conventualium D. Francisci Conventum venisset; cumque multa pia, salubria, & sancta in actibus visitationis instituisset; mandavit quoque ut sepulcrum F. Joannis Duns Scoti dicti Ord. Min. Conventualium Doctoris Subtilis in medio Chori, sub campana situm, & anea lamina, (quæ ipsius Doctoris Subtilis effigie illustrata est) coopertum, aperiretur: ad videndum ubi, & quomodo ossa, omni veneratione digna, requiescerent. Die ergo 13. mensis Januarii, presentibus, & inspectantibus Illustrissi. ac Reverendissi. D. D. Antonio Albergati Bononien. Episcopo Vigiliarum, ac Nuntio Apostolico: per Tractum Rhenanum, cum potestate Legati a latere, item Reverendissi. D. D. Othone Gercon, Episcopo Cyrenensi, & suffraganeo Cononien; eademmet etiam Reverendissi. P. Jacobo Bagnacaball. Generali; admodum Reverendo P. Joanne Pelckingio Provinciali Ministro; & Guardiano Colonia, ac Visitatore Generali, admodum Rever. P. Matthæo Vegliensi Provinciali S. Bonaventuræ; admodum quoque Rev. P. Ludovico de Castro Provinciali Leodiensi R. R. demum Patribus Sacrosanctæ Theologiæ Doctoribus Gerbardo Romero &c. supradictum sepulcrum apertum est per Vespillationes, sublevando lapidem iacentem ad caput sepulchri, cui inscriptum erat: Hic aperitur sepulcrum Joannis Duns Scoti, Doctoris Subtilis. Effossa ergo aliquantulum terra inventus est sarcophagus ex lapide vivo, cooperatus alio lapide. Et in eodem reperta sunt pleraque ossa supradicti Doctoris valde rubra; sed quoniam hoc modo parum decenter condita, & servata putabantur, eo quod ad caput ipsius sepulcri in lapide imposito requiescerent: hinc præfatus Reverendissi. P. Generalis præcepit, ut evacuata ex sepulcro terra, opus concameratum sub ipso lapide construerent, ut supra memorata ossa honestius, ac decentius pro tanti Doctoris dignitate collocari possent. Confecta est ergo arca plumbea, cui ossa arcule lignæ inclusa, pie sunt imposita, ac postmodum in sepulcro concamerato reverenter collocato. Sarcophagus quoque ligneus præparatus est, in quo terra recondita est, quæ in antedicto sarcophago lapideo ossibus intermixta, jacuerat: idemque in sepulcro apud ossa collocatus, assilente, & adspectante cum supradictis Patribus Reverendissi. P. Jacobo Bagnacabal. Ministro Generali. admirabili cum affectu, zelo, ac pietate, pro decore, ac illustratione, honore, ac gloria Doctoris subtilissimi, atque Religionis Seraphicæ. In quorum omnium fidem ego F. Gerbardus Romerus, Sac. Theologiæ Doctor, Notarius ad hoc a Reverendissi. P. Generali specialiter deputatus, præsens hoc instrumentum (salva semper copia ulterioris dilationis) conseci; vocatis ad idem testibus admodum R. P. Uberto Junckmans, Patre Provinciæ, & P. Joanne Mohmanns Tremonienfi. Actum Colonia in Conventu nostro S. Francisci Anno 1619. die mensis ut supra. F. Jacobus Bagnacaballensis Minister Generalis, ita est. Ego F. Gerbardus Romerus Sacrosanctæ Theologiæ humilis Doctor, tanquam Notarius, ut supra attestor: Ego F. Joannes Felix de Brixia Ord. Min. Convent. S. Francisci secundus Secretarius fidem facio, & testor prædicta fuisse scripta a P. Magistro Gerbardo Romero, de mandato Reverendissimi. In veritatis testimonium, &c. die 15. Januarii 1619. in Conventu S. Francisci.*

Locus ✕ Sigilli.

LIX. Plumbeum arcæ operculum intrinsecus in membrana, osse pellucido tecta, hæc habet: Hinc jacent ossa F. Joannis Duns Scoti, Doctoris Subtilis, piissimi cultoris, & defensoris immaculatæ Conceptionis Deiparæ Virginis Mariæ: quæ e terra effosus, & in hunc locum, terra, quæ plenus erat, ejecta, lapide stratum, jussu Reverendissi. P. Magist. F. Jacobi Bagnacaballensis Ord. Min. Convent. Ministri Generalis, Anno 1619. XII. Calend. Februarii. Extrin-

Terlia translatio.



secus pagina inscripta hæc est *Reverendiss. P. F. Jacobus Bagnacaballensis, Artium, & Sacræ Theologiæ Doctor, nec non universi Ordinis Min. Conventualium Minister Generalis, Anno 1619. dum hunc Conventum visitat F. Joannis Duns, Doctoris Subtilis meritò nominati, intermeratæ Conceptionis Virginis Mariæ piissimiculatoris, & acerrimi propugnatoris, ossa, quæ terræ immixta in diem illum usque jacuerant, effusa humo, in locum concameratum firatumque, ejusdem Reverendissimi jussu constructum, ac plumbea arcula inclusa intulit XVIII. Calend. Februarii. His exactis arca plumbea conclusa est a quatuor lateribus, ne posset aperi-ri, sigillo Religionis Min. Conventualium munita, duobus Provincialibus Matthæo Veglesse, & Ludovico a Castro ferentibus, præsentem Reverendissimo Patre, egregii facinoris auspice; toto Conventu, & quamplurimis cum doctrina, tum nobilitate præstantibus viris, qui ad tanti Doctoris reliquias videndas, confluerant, a Sacratio in sepulturam delata, & super asse-rem in medio sepulcro posita est. Nec mirum si defensor immaculatæ Conceptionis hoc tem-pore gloriosè exilivit e sepulcro, dum paulò ante, Anno videlicet 1617. die 12. Septembris, Paulus V. honorifico decreto, & paulò post Gregorius XV. Anno 1622. die Maii, altero non minus glorioso constituto, celeberrimi viri sententiam extulerunt, jubente primo, ut illa so-la in publicis quibusque actibus, addente altero, ut etiam in secretis doceretur, proferretur, & commendaretur; & ab omnibus misterium hoc celebraretur sub *Conceptionis* dumtaxat vo-cabulo quo vel solo nomine, si non aliunde multis præclaris titulis laudari mereretur, magnis effertur preconiiis.*

## SCOTI pietas, & plurimæ virtutes.

### C A P U T XIV.

LX. **T**Antam horum Patrum curam circa arida Doctoris ossa, tantamque impensam opem, & opes circa ejus sepulturam magnificandam, & nomen celebrandum non tam ejus doctrinæ, quàm pietati ego tribuerim. Suspiciunt omnes ejus doctrinam, colunt alii piete-tem, utramque alii admirantur. Verè duplici titulo miræ probitatis, & summæ eruditionis omnem suæ ætatis gloriam, & posterorum promeruit venerationem Doctrina omnibus notif-ssima est; pietas & virtus multis apparuit argumentis. Per omnem integerrimæ vitæ cursum, nullum invenio qui vel minimum necum obiciat; invenio tamen plurimos, qui sanctarum virtutum splendorem micantem affirmant. Evangelicæ pauperatis rigidum probat sectato-rem, segmentitia, & vilis lacerna, sub qua incessisse, nubis etiam pedibus, boni scribunt

*Paupertas*  
(a) Marc. 2.  
p. p. l. 3. c. 17.  
Marian. cit.

(b) Major. in  
4. d. 36. q. 11.

*Obedientia.*

*Castitas.*

(c) Scot. in  
4. d. 37. &

d. 42. q. 2.  
*Studeat pecca-  
ta evitare.*

(d) Tattar.  
in. 3. d. 13.

q. 1.

(e) Scot. in  
4. d. 50. q. 1.

Autores (a), concinitque Poeta ille vetus trito illo carmine:  
*Quem vestis vilis, pes nudus, chorda coronant.*  
Adde, mendici more, ad stipem hilari animo, missoque omni honore accessisse: quod in eo, duobusque præclaris consodalibus, Alexandro Alense; & Richardo de Mediavilla gravis Au-  
thor (b), non indigne his verbis commendat: *Constat quod in itinere, ubi non habebant Ce-nobia, amore Dei victum, hospitium, transitum per Oceanum a Britannia in Gallias, & e con-tra, petebant, in grande meritum sibi, & aliorum edificationem. Quod viri Summo Pontifi-catu digni, digito demonstrati, ob eminentes suas virtutes, sic eleemosynas non sunt verecundati petere.* Obedientiæ religiosæ specimen dedit heroicum in celerrimo egressu ab urbe Parisiensi prompto, & expedito animo omnia relinquens, civitatem amplissimam, celeberrimam Aca-demiam, cœnobium omnium gravissimum, amicos, discipulos, scripta, charos ingenii par-tus, Cathedræ denique regendæ non contemnendum honorem. Quis ita relinquat, nisi ve-rus obediens, & perfectus Religiosus? Castitatem summo studio coluisse probant ejus scripta variis in locis (c), & illud, quod superius exscripsimus carmen:

*Huic humilis casto Francisci chordula renes strinxit &c.*

Peccata magna cura profligasse, & per multos annos, Deo auxiliante, a mortalibus cavisse, ex ipsis ejus verbis deducunt quidam (d) non ineptè. Neque tamen servili timore, sed gene-roso Dei amore bellum hoc indixisse peccatis, inde scimus, quod ipse præclare scripserit, *Non (e) id curandum quod creatura, sed quod Deus offendatur; quod ne committatur, eligendum potius in nihilum reduci, idque propter sincerum Dei amorem, non propter penas gehennæ fugien-das.* Nobilis sanè doctrina, & charitatis excellentissimæ argumentum, velle potius non esse, quam Deo offenso supereffe. Hinc ille non frigidè, aut segniter, sed divini amoris ardore, morta-les quosque pro veritate, & virtute asserenda, ad mortem generosè obeundam, multis coh-or-tatur rationibus.

LXI. Qui tanto studio peccata vitavit, & vitanda persuasit, quanto conatu putes virtutibus acquirendis incubuisse? Mali odium, virtutis subinfert amorem; & qui illud seridè profligat, istam studiose sectatur. Ita fecisse optimum hunc Doctorem, & obtinuisse præter antiquas in-scriptiones suprà positas, in quibus, *vivus Doctor justitiæ, dux cleri, claustrî lux nulli virtute*



*secundus*, aliisque suæ probitatis, & pietatis elogiis insigniter audit; testantur etiam vetusti, & candidi scriptores, ex quibus aliqui coetanei, quos prætermittimus. Prælatus ejusdem, & totius Ordinis Primarius. Gundisalvus (a) *experientia, & fama ubique divulgata*, ait sibi constitisse *de ejus vita laudabili, & scientia excellenti*. Antonius Andreas (b) discipulus scribit, *eius famam, & memoriam in benedictione esse*. Pisanus (c), *probe educatum in divino cultu, & religiosi sanctionibus* Gulielmus Fyfengrenius (d) commendat in eo *Fidei Catholicæ professionem, & in divina lege exercitationem*. Abbas Trithemius (e) *studiosam cælestium scripturarum eruditionem*. Antonius Poslevinus (f) *modestia, & charitate, ait, præditum, & habuisse Christiano ejus pectori inditam à domino sapientiam, atque integram mentem*. Non obscurum sanè charitatis argumentum, & inditæ à domino sapientiæ proximis proficuæ, illud, quod de eo refert Gulielmus Vorilongus (g), nimirum per Britanniam majorem, seu Angliam iter agentem, occurrisset cuidam agricolæ hordeum seminanti, & Christiana pietate, eundem fortassis jurantem, aut laboris impatientem, æternæ salutis, & divinæ legis monuisse. Cui indignabundè rusticus: Ut quid frustra verba profundis? illud persuasum, & certum habeo, Dei adimplendam erga me voluntatem, & æterna præscientia jam vidisse quidquid de me acturus sit: si salvare, vel condemnare me statuit, mea inanis est opera, siue bona, siue mala; neque illa salvabit, neque ista condemnabit. Excepit patienter vir pius perniciosam doctrinam, & familiari retorfit exemplo: Si divina, inquit, scientia, ut arbitraris, hanc necessitatem rebus imponit, ut quid hunc seminandi laborem assumis? Etenim si Deus prævidit nasciturum hordeum, siue semines, siue abstineas ab opere, nascetur; si verò non nasciturum prævidit utique non nascetur, arvenæ itaque semina mandas. Illum obmutescens subinde pius Doctor instruxit.

LXII. Ex hac etiam charitate, illa profluxit devotio, quam idem Author (b) tantopere commendat, & apertissime patet in ejus operibus (i) in quibus crebris ad Deum, veri, ac boni totius fontem perennem, invocationibus, aculatoriis amoris, æstuantem alto corde flammam quivis, quantumvis rigens, animus experiretur. Easdem jaculabatur flammæ amoris in nocte Christi Nativitatis Parisiis (k), dum cunas Salvatoris tenerrima devotione celebraret, & profunda meditaretur contemplatione. Nam supra se raptus, & in se postea reversus, Dei erga nos dignationem, qua Frater noster per assumptam humanitatem fieri voluit, digne considerans, saucio corde ingeminabat illa Sponsæ suspiria (l): *Quis mihi det te fratrem meum, sugentem ubera matris meæ, ut juveniam te foris, & deosculer te?* amatoriisque verbis petebat Christum sibi dari, non solum tanquam Deum in anima, sed & visibilem tanquam Fratrem in Virginis gremio ad ubera ejus pendentem. Ad cujus ferventes, & repetitas preces, ei Christus apparuit in pueri forma, deditque se in brachia, & amplexus devoti servi contrectandum. Disparante autem visione ad altiora se accingens, & in virtute proficiens propter devotionem dulcissimi pueruli, & Sanctissimæ Genitricis, deinceps carnibus abstinuit, nudis pedibus, abjectis etiam sandaliis incessit, & pannosa tunica, novam admittere nolens, humilis, & abjectus incessit. Ejus porro erga ipsam Dei Genitricem singularem devotionem, testantur ubique ejus opera, præfertim, quæ in ejus innocentiae defensionem conscripsit, & ejusdem Virginis erga illum mira dignatio, qua caput, uti diximus (m) oranti inclinavit.

LXIII. Hinc aliqui inter divos, & Beatos pium Doctorem enumerant; quibus, donec à Sancta Sede approbaret, non subscribo. Ludovicus de Manganellis in vita ejusdem à se scripta, & commentariis suis in primum sententiarum præfixa Madriti in Typographia regia impressa anno 1619. & a Generali inquisitione approbata ait, non deesse homines, qui eum sanctum vocent. Vere in libro revelationum, qui MS. circumfertur sub nomine B. Amadæi sæpius a sanctitate, & gloria commendatur; plenum sanctitate Angelum ibidem dixit, diademate Beatorum in capite, & aureola Doctorum insignitum ostendit; ab Angelis, & Regina cæli dilectum appellat. Erardus Vinheim Carthusianus in sacrario Ægryppinenfi, eum divum vocat. Petrus Cratopolius in libro edito anno 1591. Coloniae eum inter sacros enumerat. Thomas Dempster, præterquam, quod inter epide Beatorum adnumeret catalogo, refert ex Gilberto Bruno Dulicordii Abbate Cisterciensi, eum coluisse Scotos Dunfrisi, tanquam cœlitem, & Ecclesiastico officio cohonestasse. Bargium item, Doctorem vetustum, & eruditum ferunt quotidie commemoratione ecclesiastica Confessoris non Pontificis, ejus auxilium implorasse. Novi ergo profecto nunc plurimos esse in variis regionibus, præsertim in regno Neapolitano (ubi vita ejus largius descripsi, quam etiam huc transfuli) qui magna fiducia, & devotione ejus nomen invocent; neque id inaniter, dum ejus opem in variis necessitatibus, & ægritudinibus se expertos narrant. Vidi plurima testimonia autentica Notariorum syngraphis, & sigillis munita, in quibus variæ hominum conditiones, & atates cælestia munera sanitatum, aliarumque gratiarum, se Scoti meritis, & invocatione accepisse, omnibus volunt manifestum. Non ea refero sigillatim, dum ordinariorum, aut Rom. Curie approbatione non confirmentur. A variis ægritudinibus quam plurimos, à periculis alios, à molestis puerperiis foeminas liberaisse testantur, & in litibus gravioribus, seriisque desidiis se eundem expertos propitium jure jurando, & juris so-

*Eum laudant grecos & auctores.*

(a) Gundisalvus supra nu. 24.

(b) Andr. in fine Metaph.

(c) Pisan. Conform. 11

(d) Fyfengr. de testibus verit. Ann. 1360.

(e) Trith. de Scriptor.

(f) Poslev. in ap. par.

(g) Vorilong. in 1. d. 33.

(i) Idem in proam. 2. Se. et.

(j) In lib. de primo Prin. c. & in prin. c. Logica.

(k) Marc. Marian. B. rt Cucarius in 2. part. Elucidarii.

(l) Cantic. 8.

(m) 1. Christum in fontem vivis accipit.

An. 1704. m. 24.

Mangan. in Vita Scoti Multi eius laudant pietatem. Amad. rap. 2. & 6.

Er. in Sac. Eccl. 5. Cratop. de Sanctis Ger. Dempster. in apolo. Scotorum.



lemnitate confirmant. Susceptam pro Virginis innocentia item feliciter terminavit; nihil mirum si in aliis præfationibus honestis invocetur, ut patemus. Paucissimi autem ex his, qui se exauditos dicunt, aliquot donariis, tabellis, laminisque magnis argenteis, quas præ manibus habui, suam gratitudinem sunt professi; quæ in sua quæque tempora reservantur, opportuniùs producenda. Longe, lateque nunc spargitur, & divino quodam consilio diffunditur ejus gloria, eo maxime tempore, quo famæ insidiari, & nomen obscurare quidam intenterunt. Sed *ita* (a) *fit ei, quem Rex honorare desiderat*, ut quanto majori conatu alij detrahunt, eo sollicitius Deus illius consulat honori. Sane illud erga Dei Genetricem impensum obsequium, digno premio non potuit defraudari: immo eodem tempore & Virginis privilegium à Scoto assertum, & Scoti honor mirificè diffusus, magnam suscipiunt incrementum. Honorificavit Scotus Dei Matrem, ab eadem vicissim honorificatur; egregie elucidavit Deiparam, nihil absolum piis viris videbitur, si pie dicamus vitam consecutum æternam: juxta illud sapientissimi viri enunciatum (a): *Qui elucidant me, vitam æternam habebunt.*

(a) Ester. 6.  
V.

(a) Eccl. 24.  
n. 31.

## Ejus scripta Ecclesiæ Dei valde esse proficua.

### C A P U T X V.

LXIV. **H**is de vita, & rebus præclare gestis diffusis explicatis, ad doctrinam descendo, & summè proficua esse Dei Ecclesiæ; ejusque fidelibus ostendo. Altius indagandi veritatem, occasionem præbuit Scotus, utpotè sua dissertatione, & stricto examine fecit, ne ceco gressu, & placido ductu, omnes in unam abirent sententiam; aut in unius, vel alterius Magistri jurarent doctrinam. Discussit ille absque delectu omnium Scholasticorum, qui se præfesserunt, sententias: neque animi affectus, sed veritatis pondus in hanc, vel illam inclinabat opinionem. Æquo ardore domesticos, & externos, ubi judicabat redarguendos, impugnavit: tam D. Bonaventuræ, quam D. Thomæ Aquinatis placita ad veritatis stateram reduxit. Ea tamen modestia, & proprii judicii submissione, ut rarissimè Authores ipsos nominaverit, & nullius sententiam graviori asscèrit censura. Longe aberat a quorundam Scholasticorum consuetudine (b) *qui ex opinionum, quas in schola acceperunt, præjudiciis, viros Catholicos notis gravioribus inurant, idque tanta facilitate, ut merito rideantur.* Nihil indiscussum præterit Scotus, nihil non ad Lydium lapidem tentatum, & probatum duxerat scribendum: diligenter examinavit universa rerum principia, conclusiones, & ipsas, quibus probantur, rationes.

(b) Canus  
lib. 8. de locis  
c. 4.  
*Rigide examinavit quæ scripsit.*  
*Quare censetur D. Thomæ.*  
*adversarius!*

LXV. Atque hac de causâ putatur S. Thomæ Antagonista, dum non solum quod sentit, verum & sensus fundamentum impensius convellit. Lektioni S. Thomæ magis intentus, plus ruminabat quod ex illo excipiebat; & quem facilius alii sequebantur, voluit plus cæteris discutendum. Nunquam Thomam exagitavit quem in summam habuit reverentia, cujus sanctum nomen ubique reticuit, in quem verbum nullum, quod offensionis umbram præferret, effudit; ejus doctrinam, non nisi justis ponderibus librata, voluit admitti. Hæc Autem & Angelici Doctoris nomen gloriosius effecit, & doctrinam reddidit illustriorem. Nescio itaque, quid adeo displiceat in Scoto, quod absque Aquinatis offensione, quod absque ullo ejus nævo, doctrinam reddiderit securiorem, quod nomen extulerit, quod discipulos ad Magistri sui dogmata clarius illustranda, acrius defendenda, quodam veluti classico excitaverit, & universos Theologiæ sectatores, constitutis alternis aciebus, ad Christianum bellum convocaverit, in pacifica pugna instrui docuerit, ut quid in cruenta cum Hæreticis quotidie ineunda faciendum sit, mature præmeditentur; & qualiter cum vasis inimicis congregiendum sit, opportune conspiciant? (c) *Qui in ipso bello crepidare noluerit, ante bellum semet exercet.*

(c) Seneca  
Ep. 18.

*Magni fit in  
Academiis.*

LXVI. Magnum hoc sacræ doctrinæ emolumentum esse perceperunt Ecclesiæ Doctores, & rei litterariæ præfecti. Nam tantum abest, ut has sùpire lites, aut contentiones extinguere voluerint, ut propositis potius præmiis fovere, institutis stipendiis, erectis contrariorum dogmatum cathedris, solerter excogitarint. Peculiares habet Professores, & sectatores in Academiis Doctor Angelicus, & suos habet & Doctor Subtilis: ex peculiari docetur cathedra D. Thomæ, ex altera Scoti doctrina. Ad tres nobilissimas in Hispania accessi Universitates, Complutensem, Salmanticensem; Complutensem in unaquaque harum vidi instituta subsellia, & destinatos Magistros pro Scoti disciplina tradenda. In Parisiensi item Academia, in Patavina, Ticinensi, immo & in ipsa Urbe, Orbis capite, peculiare cathedra Scotus obtinuit. Eo etiam habetur in pretio, ut dignitate; stipendio, authore commoditate multis in locis non cedat ejus cathedra illi, quæ S. Thomæ retinet nomen. In Conimbricensi etenim Academia æqualis sunt stipendii, & auctoritatis. In Salmanticensi haud minoris emolumenti: quæ Scoti est; & magno conatu ad illam adspirans doctissimi illius Academiæ Magistri; in Complutensi omnium primariam Scotus obtinuit. Ultra hæc strictè cavet Universitas Salmanticensis [d] ne Scoti cathedræ Professor aliam, quam Scoti, discipulis tradat doctrinam, neque eam summam, aut per conclusiones duntaxat comprehendat, sed clare mentem ejus; & textum largitus exponat.

(c) Statuta  
Salmant. c.  
2. §. 4.



LXVII. Perceperunt utique optimi illi Magistri, & cathedrarum institutores, magnum studiosorum profectum ex scholastica hac concertatione, & quotidiana disertatione provenire: quorum alias ingenia torpescerent, & tabesceret intellectus, si communibus duntaxat principiis, quasi statutis scholasticæ disciplinæ metis, cæca quadam manu ductione devoverentur (e): *Ferrum ferro exacuitur; & homo exacuit faciem amici sui*, conferendo, disserendo, penitus examinando. Si plura obiciantur, & sententiæ retundantur, uti ferrum ferro confricatur, aciem concipit; ita ex adverso docentis ingenium exercetur, excitatur, acuitur (a) *Exedit itaque contrarias in studiis Ecclesiasticis esse opiniones ad exercendum ingenium, & excutiendam studentium pigrum*. Non immerito de hac ipsa Scoti doctrina scripsit Paulinus Berti (b) familiæ Augustinianæ vir doctus: *Si à scholis auferas peculiare Scoti opiniones, reliquum est ut ipse plane differendi usus, & occasio languescat*. Hinc magnus ille purpuratus pater in rebus Ecclesiæ, quantumvis arduis, dextre peragendis, & morum gravitate illustribus, Dominicus Cardinalis Grimaldus (c) Scotum *pro communi litterarum utilitate scripsisse testatur est*. Communis profecto illa & maxima in litteris utilitas est ut veritas indagetur, & inveniat; at Scotus his præcipuis audit elogiis (d), *Inquisitor maximus veritatis, redargutor falsitatis, veri arca (e), veritatis præcipuus amator* demum idque apposite satis (f) *lima veritatis, & Scoti ingeniorum*.

LXVIII. Probe hoc intellexi, & longo experimento probavit Concilium supremum Hispaniæ, quod per Antonomasiam præ tot tantisque aliis, quibus illa florentissima regitur Monarchia, *Regium* appellatur; dum Anno 1628: maturo, & gravissimo decreto factam tectamque voluit Scoti doctrinam. Rem narro, & perpetuæ confesco memoriæ, ut posteris relinquatur exemplum, & sciant qui post nos venturi sunt, quid ante ipsos à prudentissimis viris de hac doctrina sit judicatum, gravissima, & nobilissima Academia Salmanticensis, in Theologia præsertim Scholastica, nulli toto Orbe secunda, propter quasdam rationes, quas neque referre, neque ad trutinam revocare modo plurimum interest (nisi illam speciosiore solum indigitem, ad excludendas, videlicet, novas quorundam doctrinas, quæ in florentissimas, & sua vetustate, ac soliditate commendatissimas scholas invehebantur, communi suorum Magistrorum, et Doctorum calculo statuit, ut sola, quæ S. Augustini, aut D. Thomæ doctrina esset; aut judicaretur, à cathedra doceretur; licet tamen, si vellet, cathedræ Scoti moderatori, ut ejus dogmata sequeretur: Statutum solemniter juramenti forma fixum, et firmum voluerunt, eaque die 9. mensis Junii Anni 1617. in hunc modum ediderunt: *Juro in quotidianis lectionibus, quas in Academia vel Cathedra moderator, vel voluntarius Professor legero, me docturum; atque lecturum in Theologia Scholastica doctrinam S. Augustini, & conclusiones D. Thomæ, quas in summa Theologia docet, ubi horum sanctorum mens aperta fuerit; ubi vero anceps, & dubia nihil docturum, neque lecturum, quod eorum doctrinæ adversari senserim; sed quod vel juxta meum sensum, vel eorum qui discipuli SS. Augustini, & Thomæ communiter consentunt, tantorum Patrum doctrinam magis conforme invenerim. Excipio opinionem de immaculata Virginis Conceptione; & ea quæ jure Ecclesiastico immutata sunt, vel postea immutabuntur: & quæ cum olim controversa essent, jam constitutionibus Apostolicis definita sunt. Et si quando Cathedram Scoti, vel Durandi moderabor, quamvis ad id teneri nolo, licere tamen mihi volo, pro eo tantum tempore, probabiles eorum Doctorum opiniones sequi, absque perjurii crimine..*

LXIX. Quia tamen, ut Universitatis statuta suo robore consent, et futuros confringant, debent, vel solent, à supradicto Concilio approbari, et confirmari. Dum Magistri eo recurrunt, qui Scoti caveant præjudicio. Concurrunt, etiam et alii, qui opinandi libertatem sibi denegari dolebant. Vehementius vero, et acrius se opposuerunt Minoritæ vehementer, et acriter Magistrorum conatui, donec porrectis hinc inde libellis, causâ utrinque dictâ coram gravissimo Senatu, deveniendum fuit ad ultimum rei examen, librandumque fuit justum pondus statuti confirmandi, vel potius irritandi. Conclave ingressi omnes Consilarii VI. Idus Februarii simul cum Reverendissimo D. Gabriele de Treio, S. R. E. Cardinale dignissimo, Archiepiscopo Episcopo Malacitano, Concilii Præsidente, summa maturitate, et stricto examine, per octo integras ferme oras, ab octava scilicet ante meridiem, usque ad quintam, vel paulo minus pomeridianam, re discussâ, unanimiter statuerunt, non esse confirmandum quod Academici statuebant et volebant. Subscribere omnes, quorum nomina recenseo; prædictus Eminentiss. Dom. Cardinalis Præsides, Joannes de Frias, Don Ferdinandus Ramirez, Don Gondisalvus Perez, Don Franciscus de Texeda, Don Berengarius de Aoiz, Don Garcias de Aro, Don Joannes Coelio, Don Joannes de Chaves, Don Didacus de Corral, Don Joannes de Frias Mexia, Don Petrus Marmolexo, Don Didacus de Contreras, Don Franciscus de Alarcon.

LXX. Sapientissimi, et gravissimi viri in eadem florentissima Universitate enutriti, dignam confirmationem, aut commendationem magni Augustini, Aut Angelici Aquinatis doctrinæ denegandam non judicarunt, quam omni commendatione præstantiorem esse non ignorabant neque tamen ita probandam duxerunt, ut cæteri omnes Doctores optime, et honorificentissime de Ecclesia meriti, perpetuo condemnaretur, et ab iis scholis quæ illorum creverunt

(e) Prov. 27.  
n. 17.

[a] Glossa.  
ord. in l. 1.

Reg. c. 23.

(b) Berti in  
Ep. nuncup.  
operum Seo.  
ti.

(c) Grimald.  
Ep. ad An-  
ton. de Fan-  
tis.

(d) Vorilon.  
in fine l. 4.  
sent.

(e) Rodul-  
ph. in vita  
Scoti.

(f) Jul. Sca-  
lig. exerc.  
327.

Ita judicavit  
supremum  
Hispaniæ  
Concilium.

Novum Sal-  
manticensium  
statutum.

Improbatur  
à Regio Con-  
cilio.

Aliis Doct-  
ribus valde  
præjudica-  
bat.



doctrina, æternum exularent. Itane percat Alexander Alensis, et magnus Albertus Aquinatis magister? Ita exulet S. Bonaventura, Aquinatis collega? Ita disperat Scotus Aquinatis exercitator? Perpetuæ tradatur oblivioni Occhamus Nominalium antesignanus? Silentio obruantur Durandus, Gabriel, et alii quique viri sapientissimi, quorum elucubrationibus crevit, & revirescit sacra doctrina, dummodo unus laudetur Aquinas, & ejus commendetur Summa Theologiæ? Grave hoc, & indignè ab aliis referendum præsentit amplissimus Senatus. Quid & Hieronymus nihili fiat, qui cum Augustino aliquando pugnavit accerrimè, et floccipendantur alii, qui ab ejus doctrina discedunt, dum solus audiatur Augustinus? Neque id etiam æquum reputavit prudentissimus Confessus. Ad duorum duntaxat judicium universa moderetur cælestis disciplina? Centeni, et Milleni auctores, Orbis Magistri, Ecclesiæ Doctores repellantur, non audiantur, in casum scripserint; hi duo duntaxat à cathedris doceant? Id etiam iniuriosum iudicavit gravissimus Conventus. Vivunt, et in æternum vivent in scholis Augustinus, et Aquinas, et si reliqui non moriantur. Ceteros in communi hominum sensu præcedunt tanquam Antesignani, id non sufficiet, nisi fuerint & soli? Ceteri omnino aberrarunt à veritate, soli Augustinus, & Thomas eam attigerunt, atque ita scripserunt, ut in omnibus, & per omnia sint sequendi? Ipsos invoco à cælo testes, & causæ iudices ut apertam in hac causa proferant sententiam, & dicant an expediat ad duorum duntaxat judicium universam referre Theologiam, & propterea verum omnino censendum sit, quod dixerunt, quia illi dixerunt. Communi est in hac re utriusque sententia; quam Thomas (a) ex Augustino exscripsit (b): *Solum Scripturæ Sacre libris, qui Canonici appellantur, didici hunc honorem deferre, ut nullum Auctorem eorum in scribendo errasse aliquid firmissimè credam; alios autem ita lego, ut quantalibet sanctitate, doctrinaque præpolleant, non ideo verum putem, quod ipsi senserunt, vel scripserunt.* Et alibi Augustinus (c) suos libros non tantum credendi necessitate, sed cum judicandi libertate legendos esse protestatur. Et nihilo minus libenter homines Augustini amplectuntur doctrinam, & quod ipsius sit, putant abundanter sufficere. Certè ad Augustini sequelam, non fuit aliquando necesse homines cogi, qui spontè currunt, neque jurisjurandi solemnitate cavendum erat doctrinæ, quam nullus orthodoxus non acriter defendat. Ubi illi Augustini doctrinæ contemptores? Ubi qui negent? Ubi qui impugnent? Ibi fortassis, ubi nihil à se rectè dictum, neque solidè scriptum putent, quod Augustini non confirmet sententia.

(a) Thom. I. q. 1. art. 8.  
(b) Aug. ep. 19. paulò post med.  
(c) Idem lib. 11. cont. Faust. c. 5.

*Sibi tentatum hecipisti sed frustra.*

(d) August. Ep. 7. ad Marcell. in princ.  
(e) Arist. 2. Met. c. 1. & 2. Elench. c. ult.

LXXI. Ante aliquot annos, hoc idem tentatum fuit circa Aquinatis duntaxat doctrinam in Academia Complutenfi, neque tamen obtinuerunt, qui cogitaverunt consilia, quæ non potuerunt stabilire, dum missò sub Philippo III. D. Gabriele de Cespèdes olim Auditore, seu Consiliario Granatensi, nunc Magistro scholæ Salamantinæ, qui rem examinaret, & per eum planè relata in Consiliis Regio, & Supremæ Inquisitionis; consilium eorum, qui id attentarunt, penitus evanuit. Gloriosus, utilis, solidus, nervosus S. Thomas, neque tamen reliqui inertes fuerunt in acie Domini, sed tanquam selectissimi pugiles, gladiis accincti, fortes perfliterunt in excubiis, custodientes lectulum Salomonis. Legatur itaque Thomas, at legantur & alii, Alensis, Albertus, Bonaventura, Scotus & classici Auctores. *Non omnia possumus omnes*, neque quisquam fuit, aut erit, qui ita scripserit, ut universorum comprehenderit virtutem: immò *nullum esse mortalium*, ait Augustinus (d), *cui concessum sit bucusque, ut in nullo omnino erraverit.* Quod unus omisit, alter supplebit; & in quo unus erravit, alter ad veritatem pertinet. Non inaniter animadvertit Peripateticorum Princeps (e), posteriores prioribus addidisse lucem, & limam; multa correxisse, multa contulisse, ut ex omnium inventis, ars tandem perfecta esset. Quid impedit, ne id alii post Aquinatem sint assecuti?

## SCOTI doctrinam summo prosequuntur odio Hæretici.

### C A P U T XVI.

LXXII. **Q**uanto autem in pretio habetur ab Orthodoxis, & in Catholicis Universitatibus Scotus, tanto eum prosequuntur odio, qui Ecclesiam prosequuntur Catholicam. Premuntur, stringuntur, coarctantur à nervosis Scoti rationibus, & subtili modo veritatis tum indagandæ, tum probandæ, neque quidquam eis profunt solitæ versutiæ, ut ab illius expediantur pressuris. Propterea dixit haud immeritò Jacobus Breullius (f) Benedictinæ familiæ vir doctus: *Ejus memoriam nunquam esse perituram, præsertim inter scholastica sapientiæ professores, & eruditionem, quam scriptis suis inseruit, Hæreticorum*

(f) Breull. de antiq. Paris.



*impietati retundenda maximè esse opportunam*. Atque hinc Ambrosius Catharinus (g) ex Prædicatorum Ordine, audenter affirmavit, *Scoti laus quanta sit in Ecclesia, & meritiò, soli travi affecti mente non conspiciunt*. Ecclesiæ dogmata firmiter comprobavit; Hæreticorum insanias egregiè refellit: hinc illis adeò insensus, ut nullum magis lacerent, nullum acerbius mordeant, nec acris maledictis insequantur. Perfidus ille Pseudoepiscopus, impurissimus scriptor, impudicus Centuriator, Ioannes Balæus (h), ad vomitum usque opprobria congerit, & calumnias, sæviùsque contra Scotum agit, quem contra Balæo similes doctius, & nervosius egisse conspexit, *Papistarum Herculem* derisorie appellat; quem pro Papistis doctè scripsisse, & contra Hæreticos constanter disputasse, opera demonstrant. Acerbius etiam in eundem invehitur Ioannes Casus [a] Oxoniensis Hæreticus, dum *spinam*, & *urticam* vocat, & è Catalogo Doctorum veterum velit expunctum. Deinde, ut refert pius, & candidus Author Nicolaus Sanderus, dum invadente, & depascente Angliam hæreseos flamma voraci, omnia ad suum depravatum usum convertere, & impedimenta suæ pestis diffundendæ remove, artibus quibuscunque, studerent Hæretici, illam præcipuam excogitarunt, ut tollerentur è medio omnes Orthodoxi Doctores, & libri comburerentur. Ita rem narrat Author prædictus sub Edovardo VI. impij Henrici VIII. *digna progenie* (b). *Libros omnes eorum Magistrorum, qui vi, & ratione Theologiam, ceterasque disciplinas tradiderunt, quia istorum solida doctrina, & methodica institutione, Hæreticorum populares fraudes, non dissimuliter cerni, & dispelli sciebant, è studiosorum manibus, & ferè è Bibliothecis excutunt; Lombardi, Aquinatis, Scoti, ceterorumque docti smorum Scholasticorum nomina, de barbarie, scripturarumque ignoracione, & varia deceptione traducunt, memoriamque quantum possunt, damnant. Denique ne quidquam ad summam & impietatem, & stultitiam in hoc genere deesset, effecerunt; ut petulantes juvenes, horum scriptorum, tanquam jam recentem mortuorum, ingentem conquestam iruum in ludicro spectaculo per urbem in ferebro cumberent; & demum in foro cum cantibus lugubribus concremarent. Hoc appellabant funus, seu exequias Scoti, ac Scotistarum*. Ita in omnes Scholasticos, quasi in unum Scotum, & ita in unum Scotum, quasi in omnes debaccharentur, insaniant. Plus omnibus Scotus invisus, quem præ omnibus volunt sepultum.

(g) Cathar. in disp. de concad. Trident. part. 1.

[h] Balæus Cent. 4. & 14. in Scoto.

(a) Casus in summa Dialect.

(b) Sander. de schism. Anglic. lib. 2.

**SCOTI doctrinæ obijciuntur contentionis studium, & docendi obscuritas; sed utrique occurritur objectioni.**

## C A P U T XVII.

**LXXIII.** **D**UO fortassis quibusdam in Scoto displiceant, quæ jam olim Iovius, & alij ejusdem affectionis viri objecerunt. Primum, quod lites severit immortales in scholis, acietque intruxerit adversantium sibi Religiosorum, quorum sensus unus, & cor unum esse deberet. Secundum, quod quidquid scripserit, obscuro dicendi modo, densaque involuerit caligine. Veruntamen immeritò accusatur, qui sincero et candido animo veritatem indagavit, mente tranquilla, et pacato corde, recondita fidei mysteria tractavit. In his explicandis ob suam profunditatem in varios abeunt sensus Doctores: neque verò cuiquam improperatur, quod suam aperiat sententiam, etsi ab aliis dissentiat. Si alius ægrè ferat, quod hic suum sensum depromat, et proinde lites ferat, et bella; non hujus, sed illius est culpa, qui alteri negare velit, quod sibi licuerat. Dixit ille liberè quod sibi verius visum est; cur non et huic idipsum licebit? Quod si liceat, licebit etiam, quia posterius dixit, sententiam ejus qui præcessit, examinare, et cum dicentibus ex adverso disputationem inire. Disputabant cum ipso Deo servi sui, neque tamen rationes eorum dedignatus est excipere; neque tanquam litigiosos ipsos rejecit. Adnotavit hoc Augustinus contra Cresconium Grammaticum, qui in semetipso condemnabat acrem dicendi modum ex principiis Dialecticæ sumptum, quibus contra eundem utebatur: *Habes, inquit* (c), *& apud Isaiam Prophetam: Venite, disputemus, dicit Dominus, & multis aliis divinarum Scripturarum locis. Lege ubi invocaris hoc verbum, & inspicite codices Græcos, in eisdem testimoniis Sanctorum Scripturarum, & videbis unde sit appellata Dialecticæ; ne quod omnes jussi cum Deo faciunt, quibus dictum est: Venite disputemus; dicit Dominus, Non imitatis sapienti pietate, sed insulsa temeritate crimineris.*

Refellitur prima ob-  
jectio.

(c) August. l. 1. contra Crescon. c. 14.

**LXXIV.** Plurimorum hæc consuetudo est, ut dum non possunt rectè argumentantem, et solide redarguentem ratione refellere, statim confugiant ad calumnias, et doctum disputatorem, litium satorem confestim appellent (d). *Qui enim veritati non acquiescunt, onerosè, ac moleste ferant eos, qui secum sedulò agunt, nec ab eorum convincendo errore dissimulant, litigiosos, & contentiosos vocant. Falsitas enim, quæ nudari, & redargui metuit, eorum vitiorum nomine, quæ veritas damnat, diligentiam veritatis accusat. Magna sanè est inter litigiosum, et Christianè disputantem differentia: litigiosus enim verbis contendit, et non*

(d) Ibidem c. 13.



[e] Idem  
lib. 4. de do-  
ctr. Christ. c.  
28.  
[f] Jerem. 6,  
V. 16.  
[g] Zenon.  
in Psal. 117.  
[a] Berti ci-  
tat.

curat (e) *Quomodo error veritate vincatur, sed quomodo sua dicta dictioni alterius praeferantur. Porro qui non verbis contendit, siue submisit, siue temperatè, siue granditer dicat, id verbis agit, ut veritas pateat, veritas placeat, veritas moveat.* Perquisivit itaque Scotus veritatem, et plures aliorum sententias examinavit; ut in vera quiesceret, juxta illud Domini consilium (f) *Interrogate semitas Dei, quæ via est bona, & ambulate in ea.* Quod ita S. Zenoni explicuit (g): *Multa viæ interrogandæ sunt, & in multis insistendum est, ut unam quæ bona est, inveniamus, per multorum scilicet doctrinam.* Subiicio de Scoti studio veritatis indagandæ, mente pacata, à contentionibus aliena, unius Paulini Berti Augustiniani testimonium (a) *Nam cum Joannes Scotus, inquit investigandæ veritatis studio mentis aciem paulò altius, quam alii intenderet, novas rationes, & argumenta invenit, peculiare difficultates excogitavit, alias opiniones præter communem disertissime tueretur, & aliorum dicta atque rationes subinde carpit. Hæc fere omnia disputationis gratia; ut inde veritatis amatores, & differendi periti haberent, in quo felicissime exercerentur.*

Refellitur  
secundo obje-  
ctio.  
[b] Cicero 1.  
2. de fine bo-  
no, & malo.

[c] Trithem.  
de Scriptor.  
[d] Contar.  
Ep. ad Tar-  
vis.

[e] Petrus  
Ep. 3. n. 16.

[f] Roman.  
21. n. 33.

LXXV. Obscurum autem esse, quod secundo loco objiciebatur, dupliciter potest accidere (b) *vel quia de industria ita quis loquatur, ut non intelligatur, ut Heraclitus cognomento Ξερόλες perhibet, quia de natura nimis obscure memoravit: aut cum rerum obscuritas, non verborum facit, ut non intelligatur oratio: qualis est in Timeo Platonis, Scotus stylum, et methodum adaptavit profundissimis, quæ discutebat, arcanis.* Per universorum Theologiam, et Metaphysicam, in naturalibus, et supernaturalibus scientiis subtilia excogitavit argumenta, novas adinvenit quæstiones, abscondita detexit mysteria, quare sublimia rerum principia subtiliter speculatus, nihil mirum, si terreni sensus obtutum, velunt inter nubes Aquila, supervolarit, humi repentibus obscuris, quibus id duntaxat verum est, et clarum, quod manibus palpant, aut sensuum rudi contactu exercent. In profunditatem mysteriorum obscuritatem operis rejicit Trithemius (c), dicens: *Doctissimus Scotus, & adeo profundus, ut ejus scripta paucis sint penetrabilia.* Et Antonius Contarenus (d) Patriarcha Aquileiensis: *Scripta ejus reconditissimos sensus habent.* Hac etiam ratione obscurus multis in locis Augustinus, obscurus Aristoteles, obscurus Plato, obscurus & ipse Paulus Apostolus, in cujus Epistolis dixit S. Petrus: (e) *quædam esse difficilia intellectu, quæ indocti, & instabiles depravant.* Quod de illa, quam scripsit ad Romanos, potissimum intelligunt interpretes; in qua vocatio Gentium, reprobatio Iudeorum, altissima divinæ Predestinationis, & electionis mysteria, non ex humano sensu tractavit Apostolus, Dei Spiritu inflatus, ad mysterij, & quæstionis obscuritatem suspensus atque exclamans (f) *altitudinem divitiarum scientiæ, & sapientiæ Dei, incomprehensibilia judicia, atque investigabiles vias ejus.*

[g] Iud. in  
caus. n. 10.  
[h] Cyrill. in  
Ipan. lib. 1.  
c. 21.

LXXVI. Quid itaque condemnandus Scotus, qui profunda Dei scrutatus est arcana, propterea quia non complanavit, quæ alii arduo non possunt studio percipere? Propterea judicandus obscurus, quia obscura ponderosè tractavit, & quia puerili obvia non fecit ingenio? Quidam sunt delicatuli, qui absque ullo labore omnia sibi vellent pervia, & dum altissima non percipiunt mysteria, non hoc suo imputant imbecilli ingenio; sed docentem facile obscuritatis inculcant. Iniquos & ineptos hos judices apte redarguit Judas Apostolus. (g) *Quæcumque quidem, inquit, ignorant, blasphemant; quæcumque autem naturaliter, tanquam muta animalia norunt in his corrumpuntur. Hi sunt murmuratores querulosi, secundum desideria sua ambulantes, & os eorum loquitur superbiam, mirantes personas quæstus gratia.* Eosdem simili affectu censura D. Cyrillus Alexandrinus (h): *Fatuis sanè consuetudo hæc est, semper enim sublimiori doctrinæ, quam ipsi non intelligunt, detrabere solent, cumque attendere magis deberent, & subtilitate rerum elevari, contra deiciuntur, durum appellant sermonem, quem admirari deberent. Non aliter igitur, quam edentuli soleant, molliora enim eligunt elementa, etiamsi pejora sint; solidiora verò, ac meliora edulia magnopere vituperant, egrotationem suam celare studentes, mentis quoque acumine privati scientiam abhorreere solent, quæ magno studio, magnaque opera esset conquirenda.*

## SCOTI doctrina multorum comendatur elogijs.

### C A P U T X V I I I.

[i] Raguf. in  
Conc. Basil.

LXXVII. Confirmant hæc, elogia variarum Authorum, quæ profunditatem & subtilitatem in ejus operibus, Commendant, & multis titulis illustrem ejus volunt doctrinam. Plura opportunè suis locis dedimus superius; alia hic liber subnectere. Joannes de Ragufio (i), vir doctus, Prædicatoriæ Familiæ, in oratione, quam habuit in Concilio Basiliensi, de communione sub utraque specie, & habetur ad calcem ejusdem Concilii: Scotus, inquit, *præ altitudine, & subtilitate doctrinæ antonomastice nomen Doctoris Subtilis in Scholis obtinuit &c.*

S. Anto-



## (XXIX)

S. Antoninus (k) ejusdem instituti: Joannes Scotus qui scripsit super sententias, multa subtilia, unde & dicitur Doctor Subtilis. Guillelmus Ocham (l) etfi Scoti sui Magistri antagonista: *Ista opinio est ut credo, opinio Doctoris Subtilis, qui alios in subtilitate excellebat*. Antonius Andreas (m) per omnia optimus ejusdem Scoti discipulus: *Subtilissimus, & excellentissimus Doctor*. Astenfis (n), & Nurembergenfis (o): *famosissimus, & subtilissimus*. Henricus V Villot (p) *Tales sue subtilitatis rivos profundit, ut Doctoris Subtilis nomen calculo omnium, sibi congruentissimum invenerit*. Nihil erat vel tam difficile, vel tam densa caligine involutum, quod illius vivax, & perspicax ingenium non penetraret: nihil adeo distortum, & nodosum, quod non dissolveret &c. Hic, ut Apollonius alter discipulos ex omni climate ad se traxit, fecitque, ut nihil ad hæc usque nostra tempora aliud Theologica gymnasia præter Scoti nomen personarent; sibi que egregie beatus quisque videatur, qui eo duce utitur, & sacra Teologia adyta illo Mercurio præeunte ingreditur. Paulus Scriptor (a), author vetustus, & doctus, dum ageret de iis, qui Theologiam suis elucubrationibus illustrarunt: In quos, inquit, salva pace omnium, unum aliis pluribus præstantiorem, Joannem Duns natione Scotum intueor, qui prædicta omnia, tam clarè, tam luculentur, tam subtiliter enodavit, ut meritò omnibus admirandus, omnibus venerandus, & omnibus sit studio, & charitate amplectendus: cuius sententiæ sunt profundæ, ut patebit, propositiones secundæ, in tantum, ut unius propositionis secunditas, frequenter decem, vel viginti alias subtiles, veras, & utiles propositiones includat. Vorilonus (b) Doctor antiquus; Scotus, honor studii Parisiensis, mentes suspensas faciens præ stupore, cuius dicta communem transcendunt facultatem. Idem alibi ipsum alloquens Scotum (c): In tanta universitate, (Parisienfi scilicet) tanta scientia plenus eras, ut Doctoris Subtilis nomen retineres, cuius doctrinam, cuius opus nullus error maculavit. Devotione consopitus præcipua scribebas; dum nempe tuam Logicam incipiebas, ita dicebas: O Deus, qui es terminus sine termino, da mihi bene loqui de termino. Et sepius tuo in libro, quem de Primo Principio intitulasti, talibus solitus es fari sermonibus: O Domine Deus noster, qui Venerabilem Augustinum &c. In te multa devotione referto completum est id, quod Homerus de Nestore, jam vetulo, solitus erat dicere. Ex cuius ore melle dulcior fluebat oratio.

LXXVIII. Mauritius Hibernicus (d) Archiepiscopus Tuamensis: *Elevabitur Aquila, inarduis ponit nidum suum*. Quod de Scoto ita exponit: *Nullus ad naturæ divinæ secreta revelanda altius volavit, mentisque aciem firmitus affixit, ibi posuit nidum suum, id est, quietem contemplationis, viâ scribendo, & patriæ persfruendo*. Sabellicus (e): *Nemo subtilius divinas tractavit litteras*. Et alibi (f) agens de præcipuis Theologiæ Scholasticæ Magistris, ait: *Ut vel sola appellatione sint abundè noti, seraphici, Angelici, Subtiles, Irrefragabiles, titulo præclariissimi viri, Bonaventura, Thomas, Joannes Duns Scotus, & Alexander Alensis, inter quos Scotus ipse splendide promicat*. Bernardinus Corius (g): *Florabat his diebus F. Joannes Scotus, cognominatus Doctor Subtilis, tanquam huius seculi Phoenix, inter eos qui Christianam fidem illuminant*. Cardanus (h) dubitat quis subtilius, Aristoteles scripserit, an Scotus? Nicolaus Audec (i) Carmelita: *Altius Scoto nemo, vel doctius uno, dogmata sacra docet*. Ejusdem instituti alter vir notissimus Baptista Mantuanus (k) præclara eum laude donat, dicens:

*Si fas est homini Deum teneri,  
Scoto Religio, Deusque debent,*

Guillelmus Eysengrenius (l): *Vr omni litteratura doctissimus, fide Catholicus, in lege Dei exercitatus, atque in scripturis absolutissimus*. Gerardus Mercator (m): *Nihil est quod non superare potuisset ingenium Joannis Duns Scoti, si tempora modo cultum animi elegantiorum ei non invidissent*. Nunc in Scholastico illo (curiosone, an utili) de rebus sacris disputandi genere, nihil eo acutius nihil accuratius, nihil absolutius.

LXXIX. Aliud etfi aliquando diffusius, luculentius tamen pii viri Ioannis Eckii (n), de rara Scoti subtilitate adjungo testimonium. Is in suo opere, quod Chrysopasus inscripsit, pluribus in locis Scotum laudat; sed potissimum, Centuria secunda, in Appendice, ubi loquens de Magistro Hervæo, ita ait: *Is est Hervæus ex familia S. Dominici, Doctor Illuminatus* (at Lazarus Scardus cognomen subtilis ei tribuit) quicum Ioanne Duns Scoto, vero cognomine Doctore Subtili, apud Agrippinam Coloniam, nobilissimam Germaniæ Academiam, publicitè de summis Theologiæ apicibus magna cum laude disputasse fertur. Verum palmam Scotum tulisse ajunt, in eo articulo, qui de Immaculata Virginis Conceptione, fortasse tunc in controversiam venit. E regione verò Hervæum insigniter contra formalitates Scoti dimicasse; uti hodie Colonienfes submurmurant: *Subtilitates Hervæi destruxerunt formalitates Scoti*. Statim post hoc debitum naturæ persolvit Scotus Colonia apud Chordigeros sepultus, Anno gratiæ 1308. VI. Mæ Novembris. Quo anno invicta Alpesrium Heluetiorum in superiori Germania, multis Nobilibus & Principibus exitiosa confederatio, & liga initium sumpsit: sed utcumque sit, exploratum est nascuto, & docto Lectori, Hervæum fuisse virum doctum, acri ingenio, subtili: attamen Joannem Scotum multis subfelliis ei præferendum &c. Andreas Vega (o) vir omnium calculo eruditus:

Tan-

[K] Anton.  
tit. 24. c. 1.  
§. 11.

[L] Ocham.  
in 1. d. 2. q. 6.

[M] Andr. in  
fine Metaph.  
phys.

[N] Asten. in  
1. parte Sum.  
mæ.

[O] Nuremb.  
cit.

[P] Villot.  
cit.

[A] Paul. in  
1. Prologi  
sent.

[B] Vorilon.  
in fine sent.

[C] Idem in  
princ. 2. sent.

[D] Maur. in  
pag. prælim.  
lib. 1. sent.

[E] Sabellicus.  
lib. 7. Exemp. c.

4.

[F] Idem l. 1.  
c. 5.

[G] Corius de  
rebus Med.  
diol. p. 2. ad  
an. 1308.

[H] Cardan.  
lib. 16.

[I] Audec. in  
sacr. Poemat.

[K] Mantuan.  
in fastis.

[L] Eysengren.  
cit.

[M] Mercator  
in Atlante t.  
1. de Scotia.

[N] Centur.  
2.

[O] Vega de  
justific. q. 11.



*Tanta est mihi pietas in Doctorem Subtilem, tamque piam habeo opinionem de illius felicissimo ingenio, & Catholico, & omnino singulari, & præcellenti doctrinam, ut neque illis argumentis adduci possim &c. Iacobinus Bargius (a): Quoniam Deo duce pro utilitate eorum, qui insequi volunt sanctam, profundam, & ineffabilem doctrinam Doctoris Subtilis Ioannis Scoti, sum declaraturus, & expositurus ejusdem irreprehensibilis Doctoris primum librum super sententias, Leonardus Lessius (b) in approbatione operum Scoti editionis postremæ Antuerpiensis, eum vocat cotem ingeniorum, & linam subtilioris Theologiæ, ac Philosophiæ, quæ in scholis, & eruditis disputationibus maximè triumphare consuevit.*

[a] Bargius  
in princ.  
comment. ad  
1. sent.

[b] Lessius  
in limine  
operum Sco-  
ti.

[c] Sarnan.  
in Ep. præli-  
min. operum  
Ant. Andreae.

LXXX. Claudemus hæc testimonio Constantini Sarnani (c) S. R. E. Cardinalis, qui dum de vetustis Doctoribus scholasticis sermonem instituit, ita subjunxit: *Inter quos Ioannes Duns Scotus, velut Sol, lucidissimum inter radiantia sidera astrum, acerrimo ingenii acumine, subtilitate, ac profunditate abditæ & miræ reconditæ doctrinæ, præ cæteris omnibus subtilissimus Doctor coruscat; nemini mea quidem sententia, qui in hoc scientiæ genere ulla etate floruerit, secundus. Cujus ingenii monumenta, (quæ non sine maxima Doctorum hominum admiratione diligentissimè leguntur) cum & doctrinæ genere, & subtilitate ejusmodi sint, ut optima quæque ingenia exerceant, excitent, acuantque ad sublimiorem quandam divinarum rerum cognitionem; mirandum non est gravissimos viros in ea sententia fuisse, ut dicerent, Scotum unum, non solum cævos suos sed & priorum, posteriorumque seculorum summos Theologos ingenii magnitudine, doctrinæque sublimitate sine controversia superasse. Fuit subtilis hic Doctor, nobilissimæ Scotiæ Sæclæ Author, & dux longè clarissimus; quæ doctrinam suam complexa constanter docet, defendit, amplificat, & ubique sic diffundit, ut jam per universum Orbem prodierunt illius scientiæ laudatissimi principes, quorum & in dicendo labor innumera doctis viris commoda attulit, & in scribendo industria sacram Theologorum scholam ita exornavit, auxitque, majorem ut eruditionis accessionem videatur non posse recipere. Cardinalis alter Illustrissimus, & doctissimus Stanislaus Gossius in Confutatione Prologomenon Brentii, dum valorem missæ contra perditum hominem probat, enumeratis aliis magnis Doctoribus, qui de hac controversia tractant, unius Scoti testimonium sibi sufficere ait: Quamvis, inquit, multi sint, qui tractent questionem hanc, Utrum Sacerdotis mali missa tantundem valeat, quantum boni? (tractant enim eam Thomas de Aquino, & Preceptor ejus Albertus, Bonaventura, Joannes Gerson, Gabriel Biel, & alii nonnulli:) nos tamen vel unius Ioannis Scoti testimonio contenti erimus; & ejus verba paucis adscribemus: Missa, inquit ille, non solum valet, &c. Quæ verba desumpsit ex Quodlibeto 20. in quo egregiè rem hanc Scotus pertrahat. Videri etiam potest Ioannes Picus Mirandulanus, Epistola ad Hermolaum Barbarum.*

## SCOTI Discipuli.

### C A P U T XIX.

LXXXI. **R**eliquum est, ut tanti Magistri discipulos enumeremus, & quem fecit at-  
bor bona, fructum bonum ostendamus. Prodierunt ex sapientissimi Do-  
ctoris schola purissimi aliorum Magistri, qui Religionem, & universam Ecclesiam suis scrip-  
tis egregiè illustrarunt. Ioannes Bassolius, quem tanti fecit Scotus, atque in ea habuit  
æstimatione, ut hoc solo præfente sufficiens adesse dicerent auditorium. (d) Errat itaque  
Possevinus, dum sub annum 1466. vixisse dicit, Gulielmum Eysengrenium secutus. Haben-  
tur in aliquot Galliæ Bibliothecis, ejus opera MSS. in quorum fine admonetur ea ab  
ipso perlecta Rhemis Anno 131. Omnium, qui tum fuere, doctissimum, oratorem  
facundum, & Theologorum nulli secundum dicit Eysengrenium. Cujus fuerit Bassolius,  
non invenio qui dicat, epitheto *ordinatissimi doctoris*, pro illius temporis ratione, quo illu-  
strioribus viris agnomina affigebantur, ex optimo ordine, & clara methodo, gau-  
det inter antiquos Theologos. Secundus Antonius Andreas ex provincia Aragoniæ,  
fidelissimus per omnia sui Magistri sectator, *Doctor dulcissimus* nuncupatus. Tertius  
Franciscus Mayronius, cognomento *Doctor illuminatus*, provinciæ S. Ludovici in Gal-  
lia: celeberrimum actum Sorbonicum instituit (ut suo loco diximus) (e) & plurima  
reliquit sui ingenii monumenta, in quibus crebrò grata animi recordatione, sui Magistri re-  
miniscitur. Quartus Alvarus Pelagii Hispanus ex Gallecia, uti ex quibusdam monumen-  
tis Pontificis, dispensantibus circa quemdam defectum natalium, elicio; vulgo *Alvaro*  
*Paio*, sive de S. Paio provinciæ tamen S. Francisci alumnus: licet Matthæus Ferchius eum  
putet ex hoc numero Scoti discipulorum expungendum: quia receptus est, inquit, An-

Joannes Bas-  
solius.

[d] Rada-  
tom. 1. cou-  
trov. 4.

Anton. An-  
dreas.

Franciscus  
Mayronius.

[e] In An-  
nal. ALLO

1323. n. 24.  
Alvarus Pe-  
lagii.



1305. ad Ordinem, ipso teste lib. 2. de Planctu Ecclesiæ, c. 33. & Pisis fuisse constat Anno 1306. Unde Scotum in Gallijs florentem audire non poterat, nec ante Ordinis ingressum pervenit, qui Bononiæ sub Archidiacono Jurisprudentiæ addiscendæ operam dedit. Cum tamen omnes Scoti discipulum fuisse conspirent, non audeam refragari, præsertim cum ipse nihil amplius dicat, quam se à Gondisalvo Generali Ministro admissum ad Ordinem Assisi. Idem nos verisimilius contigisse diximus (a) in Capitulo Generali celebrato Assisi; in quo electus est in Ministrum Generalem prædictus Gondisalvus, Anno 1304. Expleto autem tyrocio in provincia S. Francisci, ubi ipse se novitum fuisse alibi (b) testatur, transmitti potuit Lutatiam uti tunc moris erat majoris expectationis Fratres illuc destinare, neque diu hæsisse Pisis obis ullatenus constat. Scotus autem nonnisi sub illud tempus (uti alias (d) præmonuimus) pervenit Parisijs. Lutetiæ verò per aliquod tempus fuisse Alvarum, multis in locis sui operis ipse demonstrat (e) Audivisse ergo potuit Scotum per unum, aut alterum annum: non tamen in omnibus sequitur: ut videre licet in loco proximè citato. Quintus Joannes Canonizatus, sive Canon, alias Marbres, uti habet Villotus: citat sæpius Scotum; & coætaneos suos Franciscum de Marchia, Petrum Aureolum, Landulphum Neapolitanum, Gerardum e Odonis, Gualterum Burlæum. Sextus Gualterus Burlæus Anglus, sui Præceptoris acerrimus impugnator, quem 62. Annum agentem claruisse, & aliqua adhuc scripsisse memorat. Melandus apud Pitsæum (f). Septimus Franciscus de Marchia, quem ex cognomine Picentem credit non immerito Possevinus, & ex fragmentis a Canonico relatis, egregiè subtilem reputat Ferchius (g); & Scoti discipulis annuerat. Octavus Landolphus Caracciolus Neapolitanus, ir doctissimus, sanguinis claritate, dignitate Archiepiscopali, præclaris functionibus sub Rebus Parthenopæis notissimus. Ejus Commentaria in Evangelia habentur MSS. in sacro Conventu Assisiate. Nonus Gulielmus Occham, quem immerito Hibernum facit Volaterranus (h), ut alias ostendi (b), Magistri sui antagonista acerrimus. Nominatum antesignantis communiter appellatur; non quod eam sectam inieperit, quam S. Bonaventura, (i) pluribus ante eum annis, refellit; sed quod magnopere illustraverit, doctis etiam principiis consiliaverit. His adnumeratur Joannes de Janduno, Averroistarum ferè præcipuus, plerumque Magistri placitis desciscens. Peccavit uterque, non tam in suum Magistrum, ejus doctrinam impugnando, quam temerè nimis in universalem Ecclesiæ præceptorem Joannem XXII. insurgendo. Poenituisset tamen utrumque sui erroris aliàs ostendi (k): sed & Occhamum in Hibernia tanquam sanctum coli, scribit Volaterranus, vero ne fundamento, an falso amore nescio. Undecimus Hugo de Novocastro Anglicus, quem Scoti discipulum, & strenuum defensorem faciunt Villotus & Pitsæus, etsi hic in recensu scriptorum eum Scoto præponat. Petrum Arreolum his attexuerunt alii; sed amulum potius, quam discipulum alii appellant.

LXXXII. Omnes hi, præter alios minus notos, doctissimi evaserunt Magistri, multoque ediderunt in Theologiam, & sacram Scripturam Commentarios. Bonus Magister bonos creavit discipulos, & exundante suæ sapientiæ fonte præclare, abundèque aliorum irrigavit ingenia. Bona fors, bonum obtinere Magistrum: hæret enim bona disciplina, & apud bonum Præceptorem, vel assidue federe profectio juvat; quotidie aliquid boni feret discipulus, aut melior domum redibit (l). *Qui in solem venit, licet non in hoc venerit, colorabitur; qui in unguentaria tabernaria resederunt, aut paulò diutius commorati sunt, odorem secum loci ferunt; qui apud Philosophum fuerunt, traxerint aliquid necesse est, quod prodesset etiam negligentibus.* Solem appellaverunt alii Scotum, uti paulò antea diximus. Illuminavit, fovit, calefecit ad se venientes, excitavit, & accendit discipulorum animos ad veritatis studium, ita ut omnes arderent, omnes lucerent, & videretur inter discipulos Scotus, quasi Sol inter astra. Ille profectio lumen amplissimè in omnes diffudit; sed & illi abundè exceperunt, neque tamen inaniter, aut ingrate; absque invidia enim, & liberaliter communicarunt quod hauserunt. Non ex illorum numero facti sunt (m), *qui ad modum illorum, qui dum ignem petunt à vicino, deinde luculento illic reperto foco desident, manenteque: ita hi semper a silenti præceptoris, nec accendunt ingenium suum, ut domi, suo fruantur igne.* Sablato namque hoc jubare, & extracto igne tanti Magistri, ipsi lucere, ardere visi sunt, quorum fulgor ad solis conspectum prius absorberi visus est. Mirum sanè quomodo adeo paucis annis tot potuit insignes creare discipulos, qui aliorum non contemnendi evaserunt Magistri. Neque scio, an fuerit ex Theologiæ principibus, qui ita gloriosè resulserit in suis auditoribus.

LXXXIII. Omnes hi auditores, sed non per omnia sectatores, plures enim non paucas Scoti sententias impugnarunt; alii per omnia fermè se ei opposuerunt. Hoc autem non opponendi studio, sed veritatis indagandæ ardori tribuit Mauritius Hibernicus, ita scribens de Occhamo (a); *Fortè, inquit, non in vituperium Doctoris, quem suum*

(a) In Annal. Anno 1304. n. 13.

(b) Alvar. l. 2. de planctu Eccles. c. 32. errore 3. Regardor.

(d) Suprà n. 25.

(e) Alvar. citat. errore 1. & alibi passim.

Joannes Canonizatus.

Gualterius Burlæus.

(f) Pits. de Scriptor. ad An. 1337.

Franciscus de Marchia.

(g) Ferchius citat.

Landolphus Neapolitanus.

Gulielm. Occham.

(h) Volaterranus in Antropol. l. 21.

(i) In Annal. Anno 1331. n. 15.

(j) Bonav. in l. d. 4. q. ult. & in 3. d. 24. q. 3.

Joannes de Janduno.

(k) In Annal. Anno 1313. n. 13.

Hugo de Novocastro.

Petrus Aureolus.

(l) Seneca Epit. 108.

(m) Plutarchus in Moral.

(n) Maur. in c. 4. lib. de 1. Princ.



Minoritis  
familiaris est  
veritatis stu-  
dium.

parcunt, *syndereſſi*, & *conſcientia*, ſibi appropriatis moti. Familiarem, & ingentam dixeris huius ſodalitii viris libertatem, & facilitatem ſuis obſiſtendi, vel quod veritatem liberè quærant, vel quod nolint videri ſuis per omnia applauſiſſe. Placet in veritatis inquiſitione animus ab omni affectione liber; procul ſit amicorum ſtodium, & Magiſtrorum amor, ut faciliùs appareat veritas, quæ omnium præferenda eſt dilectioni. Si tamen hæc coharere poſſunt, ut illa vigeat, & iſta maneat indemnitas, habenda eſt ratio præcipua Magiſtrorum. Illis ſuis maneat honos, per quos ipſam, quam venamur, gloriam ſumus aſſecuti. Turpe eſt, ut quæ accepi, in eum à quo accepi, arma convertam. Occhamus, & Jandunus plus cæteris Scoti doctrinam labefactare conati ſunt. Sed contra illorum, cæterorumque adverſariorum ſtadium inconcuſſa permanſit: neque fuit hucusque qui ſolidiſſima ejus principia deſtrueret, aut firma fundamenta poſſet convellere.

Scotus præ-  
cipuus Ora-  
tis Magiſter.

LXXXIV. Ab ipſo ſermè obitu cœpit haberi in honore per univerſum ſodalitium, & ejus doctrina placere: eam tradiderunt aliis diſcipuli, & ab his ad poſteros tranſiit. Ab uno & altero ſæculo in diſciplina ſcholæſtica ab univerſis Minoritis habetur pro Aateſignatò, & communi Magiſtro: & in aliquot Comitiiſ generalibus ſtatutum eſt, ut Lectores omnes, & Magiſtri, tam in curſu Philoſophico, quam Theologico, ejus ſententiam ſequantur. Mirum eſt quomodo omnium inſederit cordibus ipſe Doctòr, & ejus doctrina toti placuerit Sodalitio, ut neglectis celeberrimis Theologiæ principibus Alexandro Alenſi irrefragabili Doctòre, & Seraphico S. Bonaventura, quorum doctrina tantoperè commendata eſt ab Eccleſia, unum Scotum ſibi præfixerit, cujus diſciplina imbuendi eſſent univerſi Fratres, in omnem terram fidem Chriſti diſſeminaturi. Quo verò tempore ita primum ſtatuerint Ordinis Rectores, non omnino conſtat; video tamen Occhamum eum indigitare præclaro illo agnomine *Ordinis Doctòr*; & Antonium Andream pro re magna reputaſſe, ſi ejus doctrinam, tam Metaphyſicam quam Theologiam clariori, & breviori compendio Ordini tradidiſſet, in quam probabilite jam omnes inclinabant. Uterque verò cum fuerit Scoti diſcipulus, & paucis poſt ejus mortem annis ſcripſerit, facile judicandum eſt, & virum omnibus placuiſſe, & poſt mortem ejus ſcripta valdè doctis arruiſſe.

Quinam ejus  
vitam ſcripſe-  
rant.

LXXXV. Scoti porrò tanquam Scholæſtici exercitus Imperatoris, nomen elæſimationem tanti faciunt univerſi conſodales, ut nihil ſuprà, & ad minimam ejus offenſionem commoveantur, & calumniatorem inſurgant, neque à ſcribendo deſiſtant, donec læſum honorem inſtaurent. Vilis quippe nota eſt probroſum habere Magiſtrum. Hinc tot Apologiæ pro Scoti famæ indemnitate ſcriptæ, ut ſolus Matthæus Ferchius Veglenſis Dalmata Ordin. Min. Convent. noſter amicus, vir gravis, & ſolitè doctus, tres ediderit, primam contra Fredericum Mateneſium, ſecundam contra Abrahamum Bzovium Polonum, tertiam in Paulum Jovium Novocomenſem. Aliam ſcripſit Illuſtriſſimus D. Hugo Cavellus Archiepiſcopus Armacanus, Hiberniæ Primas ex ordine Minorum Regularis Obſervantiæ aſſumptus, in eundem Abrahamum Bzovium; alteram ejus diſcipulus Hugo Magnetiſius ejusdem Ordinis, & nationis, in Nicolaum Ianſenium Bzovii conſodalem, & deſenſorem. Ioannes Stomeliſ Colonienſis Minorita Conventualiſ doctè pro roſtris declamavit; nec non vir clariſſimus, & profeſſor eloquentiæ apud Lovaniienſes Nicolaus Vernullæus, oſtendens & palam demonſtrans Scotum *ſe præ invidiam eſſe*. Optimè, ſolidè, & nervoſè pro eodem decertavit Author Nitelæ Franciſcanæ Religionis, Hibernus in principio ſui operis. Scoti vitam ſcripſerunt Paulinus Ber- Auguſtinianus, Petrus Rodulphus; ſed brevius, minusque exactè, quam oportebat: graviter verò, largiùs, & doctiùs Ferchius prænominatus, uterque Ordinis Minorum Conventualiſ. Ex Obſervantibus Marianus Florentinus, Ludovicus à Manganella, Illuſtriſſimus Cavellus largiſſimè, ad principium ſcripti Oxonien. Marcus Uiyſſiponenſis ſecunda parte Chro- nicorum, Gregorius Ruiz in limine Commentariorum in lib. 4. ſententiarum, Ioannes à Pola in principio operis in primum.

## EPILOGUS.

LXXXVI. **H**Æc diffuſiùs in Scoti commendationem, & deſenſionem diximus, ne periclitanti famæ tanti Doctòris deeſſe videremur. Inglorium voluit æmuli, quem gloriæ ſuæ authorem deprædicant Franciſcani; quotidianis calumniis expunt, quem hi perpetuis laudibus proſequuntur; & obſcurare conantur virum, cujus doctrina univerſus Ordo clareſcit. Aliorum facta brevius ego licet perſtringam, licet indigentius calumniatoribus obſiſtam: pro Scoto tamen viriliùs pugnandum, acriùs decetandum, nervoſiùs ſcribendum duco; in cujus nomine tota periclitatur Religio. Hoc uo gloriatur Magiſtro; huius indefeſſe ſectandam ſibi propoſuit diſciplinam: quid fiat, i hæc eliminetur? ſi ille non audiat glorioſè? Perit cum filio parentis honos, & cum matris gloria immenſæ prolis honorificentia. Non licet communis Magiſtri, & totius Ordinis



nam contemnere. Ille confodalibus doctrinam tradit; illi per Orbis plenitudinem diffundunt; si calumniis denigratam, si detractionibus obscuram, quid superest, nisi ut pusilli scandalizentur (a)? *Estimationem hominum non solum impudenter, verum, & crudeliter in hac re contemneremus, cum animas occideremus, quæ ex bono nomine, ex bona opinione Magistrorum pendunt. Nobis itaque necessaria est vita nostra, aliis fama nostra.*

Porro & alia mihi est ratio, pro homine isthoc, gravius agendi, quod indignè traducatur vir æquus, & bonus, qui nulli detraxerit; quod gratis persecutionem patiatur, qui impugnatur sine crimine; quod vituperetur ut noxius, qui fuerat undequaque laudabilis: quod ab inferioris notæ hominibus crimen inferatur ei, qui communem hominum sortem transcendit. Hujus proinde, & ceterorum virorum sapientissimorum, qui Christianum Orbem suæ doctrinæ face illustrarunt, acerbius fero nomen traduci (b) *Pro quorum famæ, gloria, memoria, non secus ac pro patriis, atque delubris propugnandum putarim; ac si pro illorum laude mihi arma capienda essent, non minus strenuè libenter caperem, quàm illi pro communi salute ceperunt.* Ignoscendum itaque, si sermonem longius protraximus; pro viro bono indignè traducto scripsimus, pro Magistro decertavimus: iniustas utique illatas calumnias suscepimus refellendas.

## Testimonia variorum Authorum de SCOTI operibus.

### Trithemius de Scriptoribus Ecclesiasticis.

**JOANNES DUNS**, natione Scotus, Ordinis Fratrum Minorum, Alexandri Alensis Anglici, quondam Parisiis auditor, vir in divinis Scripturis studiosus, & eruditus, & in Philosophia Aristotelica doctissimus, & adeo profundus, ut ejus scripta paucis sint penetrabilia, & ob id quoque minus usitata. Edidit quedam instructa volumina, quibus nomen suum ad notissimam posteritatis transiit. E quibus extant.

Vide quæ diximus in vita Scoti n. 14.

Super Sententias	lib. 4.	Cupientes circa Prolog.
Quodlibeta quoque	lib. 1.	Cunctæ res difficiles.
De Cognitione Dei.	lib. 1.	Quia summa nobis.
In Metaphys. quæstiones.	lib. 1.	
Sermones de Tempore.	lib. 1.	Erunt signa &c. In hoc.
Sermones de Sanctis.	lib. 1.	

Commentarios in Evangelium, & Apostolum scripsit: dicitur, aliosque varios composuisse tractatus, qui ad notissimam nec non pervenerunt. Moritur temporibus Alberti Imperatoris Anno Dom. 1308. Indict. 6. Colonia apud Minores sepultus.

### Guilielmus Eyengrenius de Testibus Catholicæ veritatis ad Annum Christi 1303.

**JOANNES DUNSO**, natione Scotus, quem multi Doctorem subtilissimum vocant, & principem Theologorum, Ordinis Minorum, Alexandri Alensis Anglici auditor quondam Parisiis, atque discipulus, vir omni literatura doctissimus: fide Catholicus, in lege Dei exercitissimus, atque in sacris Scripturis absolutissimus. De cognitione Dei volumen scripsit. Aliud Quodlibetorum confecit. Lucubrationes in sacra quatuor Evangelia, & Epistolæ Pauli absolvit. Quatuor libros sententiarum Lombardi exposuit. Sermones quoque in honorem Sanctorum habitos plures reliquit. Moritur in Agrippinatum urbe Colonia ex apoplexia, Anno Christi MCCCVIII. ibidem ad Minores sepultus.

vide vitam n. 2.  
vide ibidem n. 14.



*Sixtus Senensis libro quarto Bibliothecæ sanctæ.*

vide ibidem

**J**OANNES DUNSIUS, natione Scotus, ex Minorum familia, Alexandri Alensis Britanni, quondam in Gymnasio Lutetiæ auditor, Vir admirandæ eruditionis, subtilitate præditus, ob profundissimam dicendi obscuritatem *Σκοτεινός* idest *tenebricosus*, quod olim obscurissimi Anaxagoræ cognomen fuit, cognominatus, & ob novam scholasticæ Theologiæ Academiam de nomine suo dictam omnibus scholis notissimus; fertur scripsisse Commentarios in Evangelium, & Apostolum; è quibus ipse fragmentum legi in Epistolam ad Romanos valdè eruditum, ac sensu profundum, sed juxta Authoris nomen tenebricosum, obscurum, & vix in ejus schola detritis pervium: cujus initium est, *Circa Epistolam Pauli ad Romanos*. Id cum proximis annis Typographus Lugdunensis excudere moliretur; & a me epigramma efflagitaret, operis, ut fieri solet, initio præfigendum; venit illico in mentem nullum aptius carmen laboris obscurati convenire, quam illud, quod Hieronymus cuidam Ezechielis visioni præponit, his versibus:

Hier. l. 14. in  
Ezech. Vir-  
gil. 6. Æneid.  
Idem lib. 5.

Hic labor illa domus, & inextricabilis error,  
Ut quondam Cretam fertur Labyrinthus in alta  
Parietibus textum cæcis iter, ancipitemque  
Mille vijs habuisse dolum, quo signa sequentum  
Falleret indeprensus, & irremediabilis error.

*Claruit Anno Domini 1303.*

*Henricus Villot in Athenis Orthodoxorum Patrum Sodalitii Franciscani.*

**J**OANNES DUNS. Hujus viri natales dum exploro, idem illi, quod Homero, & omnibus iis, qui in quocunque genere disciplinarum excelluerunt, contigisse video. Cum enim, regionis & populi inter se certent quis opulento pignore diteſcat, sit ut plerumque quilibet suum esse gloriatur, quod alienum est. De Homero videre est Plutarchum & Herodotum: de Stefichoro Lyrico Poeta, Gyraldum. De nostro Danſio variæ sunt opiniones: alii Anglia, alii Scotia, alii in ulteriori Britannia, ad Caledoniam silvam, ortum censent. Recordentur tamen, qui in assignando hujus clarissimi viri solo patrio laborant, non omnia æqua fertilitate, omnes producere, ferreque regiones: adeo verum est illud Maronis,

Georg. lib. 1.

Hic segetes, illic veniunt felicius uvæ,  
Arborei foetus alibi, atque iniussa vireſcunt  
Gramina,

Vide Philo-  
stratum in  
vita Apollon.

Partim Oxonij, partim Parisiis S. Theologiæ instituta hausit, talesque hausæ subtilitatis rivos profudit, ut Doctoris Subtilis nomen, calculo omnium sibi congruentissimum inven- rit; Nihil enim erat, vel tam difficile vel tam densa caligine involutum, quod illius vivax, & perspicax ingenium non penetraret: nihil adeo distortum & nodosum, quod non dissolveret. Faciunt eum quamplurimi Colonienſis Agrippinæ facultatis auctorem, & erecto- rem: quo cum missus venisset constans fama est primores cum toto Clero obviam pro- diisse, deductumque ab iis in urbem, maximo cum honore, & applausu incredibili. Hic ut Apollonius alter discipulos ex omni mundi climate ad se traxit, fecitque ut nihil ad hæc nostra usque tempora, aliud Theologica gymnasia, præter Scoti nomen personarent: sibi que egregie, beatus quisque videatur, qui eo ducere utitur, & Sac. Theologiæ adyta, illo Mercurio præeunte, ingreditur. Quam multis acutissimi ingenii vires testa- tas reliquerit, quia laus nostra illius meritis impar omnino censetur, non diutius in iis expli- candis versemur, scripta tantummodo enumeremus, & à Theologicis incipiamus.

Vide Sixti  
Senensis te-  
stimonium  
supra relat.

Sixtus Senensis post aliquos jocos, memorat scripsisse in Evangelium, & Apostolum; è quibus fragmentum se legisse dicit in Epistolam ad Romanos valde eruditum, ac sen- su profundum; & vix in ejus schola de tritis pervium Commentarium: cujus initium est *Circa Epistolam Pauli ad Romanos*.

Scripsisse autem in quatuor Evangelistas, & Paulinas Epistolas varios libros, extra omnem controversiam est.

*Edidit & Lecturam in Genesim.*

*Sermones de Sanctis.*

*Sermones de tempore.*

lib. 1.

lib. 1.

lib. 1.

Super



- Super Magistrum Sentent. duo diversa ( ut vocant . )
- Scripta egregia quorum prius Oxoniense, alterum Parisiense appellabatur.*
- Tractatum de primo rerum principio .
- De cognitione Dei . lib. 1.
- Collationes . lib. 1.
- Tetragrammata quædam .
- Reportationes . lib. 4.
- Quæstiones Quodlibetales . lib. 1.
- De Perfectione Statuum . lib. 1.
- De Rerum principio . lib. 1.
- De Primo principio . lib. 1.
- Veniam ad Philosophica.*
- Scriptis in lib. Universalium .* lib. 2.
- Prædicamentorum . lib. 1.
- Perihermenias . lib. 2.
- Priorum . lib. 2.
- Posteriorum . lib. 2.
- In Elenchos . lib. 1.
- Commentatus est Metaphysicam Aristotelis .* lib. 12.
- In libros Phisicorum . lib. 8.
- Quæstiones in lib. de Anima . lib. 1.
- Habet & Theoremata quædam .* lib. 1.
- Commentariorum imperfectorum . lib. 1.
- Est & tractatus quidam *de modo significandi*, qui *Grammatica speculativa* dicitur; sed à quibusdam creditur esse Alberti de Saxonia .
- „ Floruit Anno 1308. Orbi invidens tantum virum mors, illum suffurata cœlo reddidit Colonia Agrippinæ VI. Idus Novembris temporibus Alberti Imperatoris, & apud Minores conditus est in medio Chori ad aram majorem : cujus tumulo pius quidam vates hoc Epitaphium æneis litteris appinxit .
- Ante oculos saxum &c.
- „ Prostat etiam ibidem tabella ab ejus discipulis, cum versibus his appensa :
- Parisiis plora &c.
- „ In altera quoque abrasa tabula, & propè vetustate exesa, leguntur subiecti versus Leonini :
- Clauditur hic rivus &c.
- „ Leguntur quoque & alia carmina quibus explicatur pietas ejus, & maxima religio in Beata & Immaculatæ Virginis Conceptionem : nam suborta Colonia Agrippinæ gravi de Conceptione B. Virginis, inter discipulos Alberti cognomento Magni, & Joannem Scotum concertatione, tanta ingenij subtilitate, & argumentorum copia adversariorum tela detorquebat, ac refundebat, suamque tam validis rationibus statuebat sententiam, ut summo opere auditorum corona plauderet, unoque ore Doctorem subtilem proclamaret . Illa, brevior ut sim, missa facio .

Vide præfationem nostram ad prædictum opus. Potius Generici VII. vide Annales nostros Ann. 1308. n. 9. Vide in vita n. 49.

Ibidem n. 50.

Ibidem n. 49.

## Antonius Possevinus in Apparatu sacro.

JOANNES cognomento Duns, Ordinis Minorum, natus in ulteriore Britannia, ad Calcedoniam silvam, Gulielmi Varronis Anglici, ejusdem instituti (non autem Alexandri de Hales, uti putabat Trithemius, & ex eo Sixtus Senensis, qui Anno 1245. diem obierat) Parisiis quondam auditor, & discipulus floruit Anno Domini 1300. Hic à patria Scoti nomen in scholis obtinuit, & in divinis scripturis, ac in Philosophia Aristotelica adeò præstitit, ut in disputationibus palmam cæteris præciperet, atque ob id Doctor Subtilis fuerit appellatus . Hic primum in Anglia Oxonii sententias interpretatur; deinde in schola Parisiensi primum locum assecutus, Academiam illam illustravit; Theologia scholastica multis subtilitatibus exquisitis aucta, in quibus, quod multa, quæ non ita patebant, eruerit, factum est, ut qui ejus doctrinam sectantur; Scotistæ vocentur . Hunc autem complures instituisse discipulos constat : inter quos fuere præcipui Franciscus Mayronis, Antonius Andreæ Aragonius, Alvarus Pelagius natione Hispanus, & Ioannes Canonicus . Qui verò huic Doctori primam Dionysii Areopagitæ librorum partem de sacra Hierarchia è Græco conversionem ascribunt, falluntur : alteri enim Ioanni Scoto Monacho, qui multis istum seculis antecessit, & Athenis Græce didicit, ea referen-

(XXXVI.)

- „ da est . Nimirum ille vixit Anno 877. & iussu Caroli Calvi Francorum Regis libros illos  
„ Latinitate donavit; discipulus olim Bedæ, & collega Alcuini, sive Albini, & unus ex qua-  
„ tuor fundatoribus Gymnasii Parisiensis; qui postea ab Alfredo Rege è Gallis, ubi Carolus  
„ Calvus eum fovebat revocatus in Angliam in schola Oxoniensi, quæ ab ipso Alfredo  
„ fuerat instituta, prælegit . Sed cum Ordini S. Benedicti se addixisset discipuli, quos  
„ ( ut fit ) erudiendos susceperat apud monasterium Malmesberienſe, contra ipsum con-  
„ spirarunt, graphiisque assumptis transfixerunt, atque illum sævissime intremuerunt :  
„ & martyr Christi æstimatus est .  
„ Porro scripsit Joannes Duns pleraque in Theologiam, & doctrinam Peripateticam :  
„ quorum hæ sunt inscriptiones .  
„ Scriptum Oxoniense super sententias . lib. 4.  
quod incipit *Circa Prologum hujus primi libri* .  
„ Scriptum Parisiense super sententias . lib. 4.  
„ Quodlibeta . lib. 1.  
*Cuncta res difficiles* .  
„ Collationes Parisienses . lib. 1.  
*Utrum tantum sit &c.*  
„ De primo omnium rerum principio . lib. 1.  
*Primum rerum principium* .  
„ Theoremata . lib. 1.  
*Intellectus intelligibilis* .  
„ De cognitione Dei . lib. 1.  
*Quia summa nobis* .  
„ Tetragrammata quædam . lib. 1.  
„ Sermones de tempore . lib. 1.  
*Erunt signa &c.*  
„ Sermones de Sanctis . lib. 1.  
„ Commentaria super 4. Evangelistas .  
„ Commentaria super Epist. Pauli .  
*Circa Epist. Pauli ad Romanos, &c.*  
„ Lecturam super Genes. ad literam lib. 1.  
„ Quæstiones super Universalia Porphyrii lib. 1.  
*Circa Logicalia* .  
„ Quæstiones super Prædicamenta . lib. 1.  
*Queritur utrum liber Prædic.*  
„ Quæstiones super lib. Perihermenias . lib. 2.  
*Circa subjectum hujus Libri* .  
„ Quæstiones super lib. Priorum . lib. 2.  
*Queritur circa lib. Priorum* .  
„ Quæstiones super lib. Posteriorum . lib. 2.  
*Scire autem opinamur* .  
„ Quæstiones super lib. Elenchorum . lib. 1.  
*Queritur utrum Logica* .  
„ Quæstiones super lib. de Anima . lib. 1.  
*Queritur utrum sensus* .  
„ Quæstiones super Metaphys. lib. 12.  
*Omnes homines natura* .  
„ Exposition. Metaphys. lib. 12.  
*\*Juxta consuetudinem* .  
„ Collection. conclusion. Metaphys. lib. 12.  
*Conclusion. Metaphys. Aristot:*  
„ Super Physicam Aristotelis . lib. 8  
„ Super Categorias ejusdem . lib. 1  
„ Feruntque scripsisse super cæteros libros, variosque composuisse alios tractatus . De  
„ nique apoplexiâ correptus ex hac luce migravit, die 8. Novembris 1308. Colonia Agrip  
„ pinæ, sepultus in Conventu Fratrum Minorum . Quamvis à plerisque existimetur vi-  
„ vus fuisse humatus . Ferunt enim diem totum & amplius, immobilem interdum seder  
„ solitum, sensibus sopitis, mente nimirum rapta in altissimarum rerum contemplationem  
„ atque ita demum ab hominibus hujus rei nesciis festinato funere pro mortuo elatum .  
„ Cæterum Anno 1580. Venetiis à Melchiore Sessa editæ sunt Quæstiones quatuor vo-  
„ luminum scripti Oxoniensis super sententias, emendatiores quam hæntea . Addito lib.  
Re-



„ Resolutionum Joannis Scoti à Melchiore Flavio illustrato, & authoritatibus novi, & veteris Testamenti, ac Sanctorum Patrum sententiis comprobato.

„ Adiecit autem Bartolucius Assisias huic editioni Syllabum generalem sive accuratum Indicem in illud Scriptum Oxoniense Joannis Scoti, ex antiquiore Indice collectum, quem Iacobus ab Aufculo vir doctus olim ediderat. Eo videlicet Syllabo per ordinem Alphabeti selectos doctrinæ Scoticæ flosculos, & materias, definitiones, distinctiones, axiomata, enunciationes, insigniores propositiones, tum Theologicas, tum Peripateticas, strictim attigit.

„ Quinetiam quoniam Jovius suis elogiis, & alii de Ioanne Duns Scoto, quasi non solum obscuriore, sed & veritati ( ut non rectè putabant ) tenebras offundente, licentiùs fuerant locuti, Bartolucius Apologia Syllabo prefixa, vindicat Scotum ab obreftatione, ejus doctrinæ grave illud testimonium extat, quod ejus libri absque ullo erroris nævo, ulque in hanc diem trecentos circiter annos in œcumenicis Conciliis inviolati permanserint.

„ Certè cum illud D. Augustini de laude charitatis verum sit; *Ille tenet quicquid latet, & quicquid patet in divinis sermonibus, qui charitatem servat in moribus*: haud mirum fuerit, si ingenium Doctoris Subtilis appellati, modestia, & charitate præditum altissimus sensus eruere potuerit, ad veritatem indagandam. Nunquam enim suam sententiam profert in aliorum injuriam, vel depressionem: quin quorum aut errores convellit, aut opiniones excutit, tam id modeste, & adeò plerumque suppresso nomine facit, ut Christiano pectori hæsisse à Domino sapientiam ( certè integram mentem ) conici possit.

Aug. serm.  
39. de temp.  
ad med.

## Insignes Scoticæ doctrinæ Scriptores.

**I**nter eos autem, qui Scoti doctrinam illustrarunt, fuit Petrus Aquilanus, Ordinis Minorum, cognomento Scotellus. Hoc enim Doctore non solum ad Scoti subtilitates, verum etiam ad D. Thomæ, ac reliquorum Scholasticorum doctrinam facilis paratur via. Hic verò auctis duobus Indicibus, altero Quæstionum, altero verborum, Stephani Novellitii opera, prodiit emendatior in lucem Parisiis, ex Nicolai Nivellii officina Anno 1585.

„ At et Antonius de Fantis Tarvisinus Tabulam generalem Scoticæ subtilitatis emisit, iterum abs se castigatam Anno 1530. Lugduni, optimam illam quidem & octo Sectionibus per Alphabeti ordinem quamlibet distinctam. Quarum prima materias omnes à Scoto disputatas, vel pertractatas: secunda decisas conclusiones circa pertractatas materias: tertia præcipuas entium definitiones: quarta subtilissimas divisiones ex omnibus voluminibus Scoti congestas; quarum cognitio facilem præstat aditum ad pleraque omnia percipienda: quinta regulas in explicandis rerum omnium proprietatibus: sexta propositiones, tanquam certa Theoremata pro decidendis conclusionibus ex Philosophiæ penetralibus deprompta: septima plurimas sanctorum Interpretum ambiguas propositiones nimirum Ambrosii, Hilarii, Augustini, Gregorii, Damasceni, Anselmi: quia, etiam triplicis Peripateticæ Philosophiæ Aristotelis, & Averrois pugnantes sententias: Octava quæ omnium sectio uberior, & fructuosior, Epitomen scibilibum, seu Mare magnum scoticarum omnium speculationum continet. Ad quarum sectionum calcem idem Auctor, sive Collector, digressionem perbreve adiecit, qua eorum, quæ in unum congestis, seriem methodicam oculis subiicit.

„ Deerat autem huic editioni secunda sectio, seu Tabula resolutionum, sive decisarum conclusionum; sed & hæc postea curavit idem, quem diximus Bartolucius, adici altera editione Veneta ad singulos Scoti Tomos.

„ Sed & idem Antonius de Fantis explanandæ Scoti Logicæ, atque adeò intelligendo Scoto operam suam, quæ extat, impendit.

„ Præterea fuit Paulus cognomento Scriptor, qui cum Quæstiones Scoti in primum Sentent. Turingæ, quæ tum erat Catholica civitas, Anno 1498. exposuisset, deinceps hic liber Carpis, ejus oppidi Principe Alberto Pio procurante, editus est Anno 1506. à Benedicto Dulcibello.

„ Gratianus item Brixienfis in Quæst. Scoti secundum sententiarum cum doctè scripsisset, eodem Principe, Typographo, loco, & anno emissus est.

„ Franciscus Lychetus Brixienfis Commentaria erudita in tres primos Sentent. libros, & in Quodlibeta Scoti cum absolvisset, hæc postea à Paganino de Paganinis Brixienfi, Anno 1517. evulgata sunt Venetiis, sed & postea novissime in omnes Sententiarum libros ab Andrea Zenario Venetiis exiit iterum in lucem.

„ Petrus Tataretus scripsit Reportata in 4. Sentent. Scoti, & in Quæst. Quodlibetales ejus-



„ ejusdem Scoti , quæ deinceps Anno 1519. & 1520. à Claudio Chevalerio Typographo Parisiis excussa sunt.

„ Joannes Vigerius Genuensis in Primum sententiar. Scoti, quem Venetiis Anno 1527. edidit Joannes Taurinus de Tridino .

„ Hieronymus Gadius , qui 20. annos in publico Bononiensi Gymnasio docuerat Metaphysicen , scripsit in Quodlibeta Scoti , quæ in eadem Civitate ex officina Ioan. Baptistæ Paelli prodierunt , Anno 1533.

„ Iacobus Malafossius Bargius , qui & ipse Patavii publicè Metaphysicen professus est , scripsit Enarrationem in Primum sentent. lib. Scoti , quam Gratiolus Percacinus , Anno 1560. Patavii dedit in lucem .

„ Accessit denique novus labor hac inscriptione ; nempe , Repertorium locupletissimum tam librorum sententiarum , quam Quodlibetorum Doctoris subtilis Ioannis Duns Scoti , olim à Hieronymo de Ferrariis Fantano Viglevanensi Ordinis Prædicatorum Observantium , & Hæreticæ pravitatis Inquisitore Ferrariensi collectum : nunc opera R. P. F. Iulii Hislopj Cæsaris , Lectoris Patavini , ejusdem Ordinis , in lucem editum : à quo adjectæ sunt etiam opiniones , & propositiones à Scoto contra D. Thomam ad probandum assumptæ : quasquæ Ioannes Capreolus confutavit hoc signo \* demonstratæ : opus maximo usus futurum non tantum Scoti , & D. Thomæ doctrinam profitentibus , sed & omnibus seriò Theologica tractare cupientibus . Venetiis apud Melchiorum Sessam , Anno 1588.

„ Cæterum quoad hoc genus Indicum sive Repertorium attinet , spero viris eruditissimis valde probatum iri Ioannis à Colonia ordinem Alphabeticum ad Quæst. Scoti , tam in 4. lib. sentent. & in Quodlibeta , quam in Metaphy. atque in lib. de Anima . Eas enim omnes in Compendium ita redegit , ut magnus studiosis labor ademptus sit . Porro cum multos ante annos liber hic fuisset editus , recusatus est à Wendelino Spirensi , locis à Scoto , unde eadem deprompta sunt , adnotatis .

„ Edidit quoque Romæ Anno 1589. apud Dominicum Basam Constantius Sarnanus Cardinalis librum qui inscriptus est : *Conciliatio dilucida omnium controversiarum , quæ in doctrina D. Thomæ , & Joannis Scoti leguntur* .

„ Quod superest , admonitos velim pro meo captu , candidatos sive Philosophiæ , sive Theologiæ , ut quoniam tanti viri , qualis sine dubio fuit Ioannes Scotus , plerique interpretes non omnino ejus mentem fuisse assecuti , despiciant , quinam in primis sint versandi . Et quoniam antequam ad Theologiam accesserint , solida sunt in Philosophia fundamenta jacienda , curent ut hæc à Scoto rectè intelligant . Quam ad rem permultum conferet , ut præ manibus habeant Philosophiam naturalem ipsius ex 4. libris sentent. & Quodlibetis collectam à Philippo Fabro , de quo videt in verbo *Philippus Faber* .

„ Etenim prodiit Ioannis Duns Scoti Philosophia naturalis , ex 4. lib. sentent. & Quodlibetis collecta , in Theoremata distributa , & contra adversarios omnes , tam veteres , quam recentiores impugnationibus , & defensionibus illustrata , ac dilucidata . Cui præmissa sunt 20. Theoremata præcipuas difficultates Logicas complectentia : & in cuius fine additus est tractatus brevis , facilis , & necessarius ad Formalitates Scoti ; Auctore eodem Philippo Fabro Faventino Ordin. Minor. Conventualium , Artium , & S. Theologiæ Doctore , & in Parmensi Gymnasio Regente ; ac cœnobio S. Ioannis Evangelistæ Lectore . Venetiis , Anno 1602. apud Ioann. Bapt. Bertonom .

## Joannes Pitseus de Scriptoribus Anglis .

**J**OANNES SCOTUS , quem alii Duns , alii Duns ; nonnulli etiam Duns Scot , vocandum putant . Aliqui denique Ioannem Duns Scotum appellant , quos nonnulli intelligunt ; ut olim , teste Seneca epistola 12. Heraclito cognomen *Scoti* non fecit orationis obscuritas . Sixtus Senens. lib. 4. Bibliothecæ sanctæ Dunsium Scotum appellat , non tam à patria , vel natalitio loco , quam ab ingenio obscuro . Sic enim scribit : *ob profundissimam dicendi obscuritatem idest tenebricosus , quod olim obscurissimi Anaxagoræ cognomen fuit , cognominatus* . Non rectè tamen addit fuisse natione Scotum . Nam quare tam sollicitè probat cognominatum Scotum ab obscuritate , si sic vocari existimet à natione ? Dicamus igitur & ego , quod Heraclitus , & ille quod Anaxagoras sint natione Scoti ; sed revera , ut ego ex Lelando , & Lelandus ex vetustis codicibus Collegii Mertonensis Oxonii manifestè colligimus , fuit hic Ioannes Scotus cognomento , Anglus natione , Northumbrius patria , parochia de Emildon , villula Dynstam , contracte Duns , qua tribus circiter ab Alveffico distat miliaribus Anglicis , & ad Mertonense Collegium , ubi aliquando Scotus studuisse dicitur , pertinet . Fuit vir mediocri fortuna , ingenio planè ad literas

„ fa-



facto, & ad miraculum subtilis, atque acuto, ut non tam hominem mentis acie stupendum, quam inter argutos Philosophos quendam dixeris Deum. Postquam Oxonii aliquot annos magno cum fructu studuisset, in patriam suam Northumbriam reversus, apud Novumcastrum Dunelmensis Episcopatus, oppidum non ignobile, Divi Francisci sanctionibus se obstrinxit; habitum suscepit, & suo tempore sub illa sancta observantia professionem edidit. Successu temporis denuò missus ad Oxonien. Academiam intermissum nonnihil studiorum curriculum, ardente quadam discendi aviditate, & inextinguibili scientiarum siti redintegravit. Adeoque incessanter libris inhæsit, ut pedem non retraxerit, donec ibi supremam in sacra Theologia lauream esset consecutus; simul in ea sublimi facultate & Doctor creatus, & Professor factus. Itaque primum Oxonii Magistrum sententiarum explicavit; deinde Anno Domino 1307. ab Ordin. Generali Gonfalso Tolosæ in Capitulo constitutus Regens, seu Professor Perisicens. ubi denuò Theologiæ cursum docuit. Tertiò tandem Colonia Agrippinæ idem præstitit incredibili cum Auditorum applausu, & mira subtilis ingenii sui testificatione. Nihil enim erat tam obscurum, densaque caligine involutum, quod ille sibi saltem non reddiderit perspicuum, & clarum: nihil tam occultum, & abstrusum, quod perspicax ejus ingenium non penetraverit; & è tenebris eruerit: nihilque denique tam nodosum, quod ille quasi quidam OEdipus non dissoluerit.

Confale vi-  
tam c. 7.

„ Mon desunt qui scribant, hunc fuisse primum auctorem, fundatorem, & institutorem Academiæ Colonienfis, eumque illuc missum à primoribus urbis obviam procedentibus cum Clero & populo perhonorificè susceptum, & quasi solenni pompa usque ad Conventum suorum deductum fuisse. Postea scholas aperuisse, sacram Theologiam docuisse, jam tertiò Magist. sentent. publicitus commentariis illustrasse, suæque eruditionis, & ingenii monumenta indelebilia ibi reliquisse, ut usque in hodiernum diem excellentis hujus Doctoris nomen, & eruditio, opiniones, seu sententiæ argumenta, & solutiones, fundamenta solida, & subtiles distinctiones, omnis denique mirabilis viri memoria, summo in honore illic habeantur. Ferunt tamen non tunc, sed post annos fere centum, Anno videlicet Dom. 1388. sub Urbano Papa VI. publicis fundatis lectionibus, debitis assignatis stipendiis Academiam erectam, stabilitam, & privilegiis munitam ad Universitatis Parisiensis similitudinem, suum exordium accepisse.

„ Quo tempore Colonia docuit, concurrentibus undique viris doctissimis, orta est in scholis controversia gravis, quid de Conceptione B. Mariæ Virg. sentiendum, esset nè in originali peccato, an secus, concepta? Omnes Alberti Magni sectatores in peccato conceptam fuisse asseruerunt: Scotus, & quotquot erant suæ scholæ contrarium mordicus tenuerunt. Quæ sententia nunc etiam potiores partes obtinet, magisque communiter, & piè defenditur. In hac autem concertatione Scotus tam accuratè, tam subtiliter, tam nervose, omnia contrariæ partis argumenta in publica disputatione dissolvit, ut ipsi etiam adversarii, vel inviti stupendum hominis ingenium confessi cum universo præsentium consensu, tanquam uno ore Doctorem Subtilem enim pronunciaverint: quo titulo usque in hodiernum diem innotescit. Sed unde evidentius argumentum magni illius ingenii sumere poterimus, quam ex iis quæ vivens scripsit, & moriens posteris reliquit. Scripsit autem pro brevitate vitæ, quam vixit, & altitudine rerum, & multitudine librorum planè mirabilia.

Lecturam in Genesim.

lib. 1.

De rerum principio.

lib. 1.

De primo rerum principio.

lib. 1.

*Domine Deus noster.*

*MSS. Oxonii in Collegio novo. Extat Venetiis Anno 1497.*

*Nancæi vidi in Bibliotheca Franciscanorum.*

Comment. in Evangelia.

lib. 4.

In Epist. D. Pauli.

lib. plures.

Sermon. de Sanctis.

lib. 1.

Serm. de tempore.

lib. 1.

*Erunt signa. In hoc Evang.*

In Magist. Sentent. Comment. Oxonien.

lib. 4.

*Utrum homini pro statu isto sit, &c.*

*MSS. Oxonii in Coll. novo, & in Mertonensi, & in Balliolensi. Cantabrigiæ in publica in Collegio S. Petri. Et in Collegio Caij habetur MSS. in Primum Sententiarum, cum his versibus in fine libri.*

Istud opus scripsit Scotus dum corpore vixit,

Parisiis dixit, & ob hoc sua fama revixit:

Nam sibi Subtilis nomen subtilia donant,

Quem

Quem vertis vilis, pes nudus, chorda coronant.

In eundem Magistrum Reportationes Parisienses.

lib. 4

Circa Prologum 1. sententiarum.

MSS. cum multis aliis ejus operibus Oxonii in Collegio Ballionensi, Lincolnien. Orialens

De cognitione Dei.

lib. 1

Quia summa nobis cognitio.

nen. ubi etiam habentur MSS. multa

De Perfectine Statutum.

lib. 1.

lib. ejus opera.

Status Prælatorum.

Quæst. in Metaphys.

lib. 12

MSS. Cantabrigiæ in Collegio S. Benedicti.

In principio Metaphysicæ.

Quodlibeta Scholastica.

lib. 1.

MSS. Oxonii in Collegio Ballionensi. Extant

Cuncta res difficiles, ait Salomon.

Venetis Anno 1497. & 1501. Vidi in

MSS. Oxonii in Collegio novo Merotn. Mag-

Bibliotheca Franciscanorum Nancæi.

dal. Cantabrigiæ in publica, & in Collegio

In Analytica posteriora.

lib. 2.

Caij. Extat Norimbergæ Anno 1481. Vi-

Scire autem opinamur.

di Nancæi apud Franciscanos.

In Aristotelis Physica.

lib. 8.

Quæstiones in Porphyrium & veterem

In Eiusdem Meteora.

lib. 1.

artem Aristot.

MSS. Oxonii in Colleg. Magdalen. Ballio-

MSS. Oxoniæ in publica, Extant Venetiis

len. Orialens.

Anno 1512.

In Elenchos.

lib. 1.

De modis significandi.

lib. 1.

Theoremata.

lib. 1.

MSS. ibidem.

Tertiò principaliter circa dicta Doctoris.

In Categorias Aristotelis.

lib. 1.

Extant Venetiis 1497. Vidi in Bibliotheca

Quæstiones Universalium.

lib. 1.

Franciscanorum Nancæi.

Quæstiones Prædicamentorum.

lib. 1.

Quæstiones in lib. de Anima.

lib. 1.

Puto esse quæstiones 21. quæ habentur Oxonii

Commentarios imperfectos.

lib. 1.

MSS. in Colleg. VViccamico, & Merto-

„ Et alia plurima. Inveniuntur operum ejus volumina octo MSS. Oxonii in Collegio

„ Balliolensi. Pleraque ejus Philosophica MSS. sunt Oxonii in Collegio Balliol. & Can-

„ tabrigiæ in Collegio S. Petri.

„ Tandem ætate virili præpropere morte raptus est Colonia, tactus apoplexiâ VI. Idus

„ Novembris Anno Christi 1308. sub Angliæ Rege Eduardo II. Jacet autem ibi sepultus

„ in magno Franciscanorum Conventu, in medio Chori, ante summum Altare, tumbâ

„ admodum splendida, in cujus circuitu nomina quindecim Doctorum Ordinis S. Fran-

„ cisci insculpta leguntur: videlicet in parte superiore, tres Summi Pontifices, & duo

„ sunt Cardinales: à lateribus hinc inde Doctores decem; ex quibus sex sunt Angli natio-

„ ne. Ad pedes autem hoc sequens Epitaphium laminis æneis incisum habetur:

Ante oculos saxam &c.

Vide supra  
in vita n. 49.





PRIMÆ PARTIS  
SUMMÆ THEOLOGICÆ  
JOANNIS DUNS  
SCOTI  
DOCTORIS SUBTILIS

ORDINIS MINORUM.

*Concinnatæ juxta dispositionem, & ordinem Summæ  
Angelici Doctoris S. Thomæ Aquinatis.*

TOMUS PRIOR COMPLECTENS

(De Sacræ Doctrinæ Qualitate.  
Tractatus (De Deo Uno.  
(De Deo Trino.

PROLOGUS.



QUÆNAM partes explendæ, quæve munia obeunda essent Doctori Catholicæ veritatis, paucis quidem, sed accuratè admodum perstringens Augustinus, 14. de Trinit. cap. 1. *Aliud est, inquit, scire tantummodo, quid homo credere debeat, propter adipiscendam vitam beatam, quæ non nisi eterna est: aliud autem scire, quemadmodum hoc ipsum & piis opituletur, & contra impios defendatur.* Simples enim fideles, quamvis omnia implicite credant, quæ Ecclesia firmissima, certissimaque fide explicite tenet; ipsis tamen ne dum non suppetit facultas, quæ credunt, adversus negantes defendendi, sed ne explicare quidem vel perfunctoriè norunt. At majorum in Ecclesia scientia Theologica pollentium interest & piis per sinceram doctrinam opitulari, & quæcumque fides docet, aut exinde necessario deducuntur, contra impios tueri, hostesque veritatis gladio verbi Dei prostruere. Unde & simplicium fides, veluti nutrimento vivit, stat, & augetur, alioquin citò interitura. Porro scientia hæc, qua fides saluberrimè gignitur, nutritur, defenditur, roboratur, quæve non polleat fideles plurimi, quamvis polleant ipsa fide plurimæ, ex eo in nobis gigni probatur, quod Scripturis seu explicandis, seu defendendis alias viribus naturæ acquisitas facultates, & præsertim metaphysicæ utiliter adhibemus: iis enim maxime acies mentis acuitur, idoneaque sit percipiendis veritatibus rerum abstractissimarum de Trinitate, & Intelligentiis, quarum sacræ literæ mentionem facientes, vel per umbram significarunt, vel disertè explicaverunt, iis, quæ homines, aut nescire, aut ambigere præstabat, alta caligine obtectis, miroque silentio obsignatis. Quæcum ita sint, propositum nostrum est, divina adjuvante gratia, doctrinam tradere Theologicam ea ratione,

g. dist. 27. q. 1.  
Sed est ne nesci-  
sarium.

August. ubi su-  
pra.  
g. dist. 24. q. 1.  
Si loquamur de  
secundo modo.

Prologi q. 1.  
Hæc est igitur.

& methodo, ut indè à piis plurimum utilitatis percipiatur, & quæcumque de infallibili revelatione Veritatis ad nos devenerunt firmissimè credentes, etiam certis rationibus prout humanæ licuerit imbecillitati, tenere satagamus. Hanc enim viam Augustinum, & Anselmum ingressos fuisse constat, qui credentes inquirebant, ut per rationes intelligerent ea, quæ crediderunt.

## Magistri Scoti Oratio Theologica ad Deum Altissimum . *Ex libro de primo Principio.*

Cap. 1. n. 1.

Cap. 4. n. 36.

De rerum prin-  
cipio q. 2.  
1. q. 8. §. 1.Cap. 1. n. 1.  
Cap. 5. n. 1.  
1. Sent. d. 1. n.  
1. n. 1. c. 1.  
1. n. 1. c. 1.  
1. n. 1. c. 1.

**D**OMINE Deus noster, Moyfi servo tuo, de tuo Nomine filii Israel proponendo, à te Doctore veracissimè percontanti, sciens quid de Te, posset concipere intellectus mortalium, Nomen tuum benedictum referans, respondisti: *Ego sum qui sum*, Exodi 3. Tu es verum *esse*; Tu es totum *esse*. Tu enim es primum omnium efficiens, itemque ultimus finis. Tu supremus in perfectione, & cuncta transcendens. Tu penitus incausatus, ideo omninò impossibile non esse, ac propterea æternus, interminabilitatem durationis simul, ac plenissimè possidens, potentia omnis ad successionem expers. Tu vivens vita nobilissima, quia intelligens, & volens. Tu beatus, imò ipsa beatitudo, quia tu es comprehensio tui ipsius. Tu visio Tui clara, & dilectio jucundissima: & licet in Te solo beatus, & Tibi summè finè aliis sufficias, Tu tamen omne intelligibile simul actu intelligis. Tu omne causabile contingenter, & liberè simul potes velle, & volendo causare; verissimè ergo es infinitæ potentia. Tu incomprehensibilis, infinitus: Nam nihil cuncta sciens, est finitum; nihil potentia infinitæ est finitum; nihil supremum in entibus, atque finis ultimus, est finitum; nec perse existens simplex penitus, est finitum. Tu es infinitæ, & summæ simplicitatis, nullas partes habens re distinctas. Tu solus simpliciter es perfectus, cui nihil deest entis possibilis alicui inesse. Fieri omninò non potest, ut entitas omnis in aliquo secundum esse formale, & proprium reperiatur; sed potest in aliquo formaliter, vel emittenter haberi, quomodo tu Deus præaccipis, & possides quicquid est, & esse potest perfectionis in entibus, ideo in supremo, celsissimoque vertice constitutus, unicè es infinitus, cæteris ab hac excellentia pro naturæ conditione in infinitum deficientibus. Tu bonus finè termino: bonitatis tuæ radios liberalissimè communicans, ad quem amabilissimum singula suo modo concurrunt, ut ad ultimum finem omnium. Tu es intelligibilis sub perfectissima ratione intelligibili. Tu es tuo intellectui præsens. Tu solus es veritas prima: quippe apparens id quod non est, falsum est; ergo est aliud sibi ratio apparendi; quia si sola ejus natura esset ei ratio apparendi, appareret esse quod est. Tibi nihil est ratio apparendi; omnia enim in tua apparent essentia, Tibi primitus apparente; ac per hoc nihil posterius Te est Tibi ratio apparendi. In illa, inquam, essentia omne intelligibile sub perfectissima ratione intelligibilis, est intellectui tuo præsens. Tu es igitur intelligibilis, præclarissima veritas, & veritas infallibilis, & veritatem omnium intelligibilium certissimè comprehendens. Præter hæc de Te à Philosophis probata, sæpè Catholici Te laudant omnipotentem, immensum, ubique præsentem, verum, justum, & misericordem; cunctis creaturis, & præcipuè intelligibilibus providentem. Ergo Domine Deus noster, Tu es unus naturaliter, Tu es unus numeraliter. Verè dixisti, *extra me non est Deus*. Tu es Deus verus unicus, Deus ex quo omnia, in quo omnia, per quem omnia. Adiuvame Domine, inquirentem, ad quantam cognitionem possit pertingere ratio nostra pertractans ea, quæ nobis revelare dignatus es, & certissima fide tenemus. Te enim primum, & novissimum esse prædicasti; doce igitur servum tuum; ostendere ratione, Te esse unicum, verum, & totum *esse*, primumque omnium efficiens, itemque finem ultimum, & præsertim eorum, quorum præcipuam curam geris, uti est intellectualis, & rationalis creatura. Tu es benedictus in secula seculorum. Amen.



# QUESTIO PRIMA

## DE SACRA DOCTRINA,

Qualis sit, & ad quæ se extendat,

IN DECEM ARTICULOS DIVISA.

*Itaque ut intentio nostra sub aliquibus certis limitibus comprehendatur, necessarium est primo investigare de ipsa sacra Doctrina qualis sit, & ad quæ se extendat.*

CIRCA QUÆ QUÆRENDA SUNT DECEM.

- I. De necessitate hujus doctrinæ.
- II. Utrum sit scientia.
- III. Utrum sit una, vel plures.
- IV. Utrum sit speculativa, vel practica.
- V. De comparatione ejus ad alias scientias.
- VI. Utrum sit Sapientia.
- VII. Quid sit subiectum ejus.
- VIII. Utrum sit argumentativa.
- IX. Utrum uti debeat metaphoricis, vel symbolicis locutionibus.
- X. Utrum Scriptura sacra hujus doctrinæ, sit secundum plures sensus exponenda.

### ARTICULUS I.

Utrum sit necessarium, præter philosophicas disciplinas, aliam doctrinam haberi.

*Doct. in Oxon. q. 1. Prologi, in Report. ibidem, q. 3. S. Thom. 1. p. q. 1. art. 1.*



VIDETUR haud esse necessarium, præter philosophicas disciplinas, aliam doctrinam haberi. Nam 3. de Anim. Tex. Com. 18. *Intellectus agens est, quo est omnia facere: & intellectus possibilis est, quo est omnia fieri.* Ex hoc arguitur sic: Activo naturali, & passivo debite approximatis, & non impeditis, necessario sequitur actio: activum autem respectu omnium intelligibilium est intellectus agens; & passivum est intellectus possibilis; qui sunt naturaliter in anima, & non impediti; ergo virtute naturali harum causarum potest sequi actus intelligendi cuncta intelligibilia, ac proinde præter ea, quæ innata virtute intellectus possumus attingere non est alia doctrina nobis necessaria.

Confirmatur: Omni potentie passivæ naturali correspondet aliquod activum naturale, alioquin potentia frustra esset in natura. Sed intellectus possibilis, est potentia passiva, & naturalis respectu quorundam intelligibilium; ergo oportet, quod correspondeat illi aliqua potentia activa naturalis. Minor est manifesta ex eo, quia intellectus possibilis naturaliter appetit cognitionem cujuscunque cognoscibilis: naturaliter etiam per-

ficitur per quamcumque cognitionem; ergo est naturaliter receptivo cujuscunque intellectus.

Præterea, 6. *Metaphys. Text. c. 3.* dividitur scientia speculativa in Metaphysicam, Physicam, & Mathematicam. Et ex probatione hujus divisionis non videtur possibile, plures habere esse speculativos: quia in istis consideratur de toto ente, & in se, & quoad omnes partes ejus. Sicut autem nequit esse aliqua alia scientia speculativa à prædictis; sic nec ulla alia practica, à practicis acquisitis de genere activorum, & activorum; ergo quemadmodum speculativæ acquisitæ sufficiunt ad perficiendum intellectum speculativum; ita & practicæ acquisitæ satis sunt perficiendo intellectui practico; ac proinde nulla est alia facultas necessaria, ultra prædictas.

Præterea; Potens naturali lumine intelligere principium, potest in eodem lumine intelligere & conclusiones in tali principio inclusas: sed naturaliter, idest, citra omnem revelationem, intelligimus principia prima, in quibus virtualiter includuntur omnes conclusiones scibiles; igitur cum naturali virtute possumus intelligere omnes conclusiones scibiles, non est nobis necessaria alia doctrina. Major patet, quia scientia conclusionum non dependet, nisi ex intellectu principii, & ex deductione conclusionum ex illo, 1. *Post. Text. c. 1.*

Probatio minoris, quoad primam partem; nam termini primorum principiorum sunt communissimi; ergo naturaliter intelliguntur: principia autem cognoscimus, in quantum terminos cognoscimus, 1. *Post. Text. c. 6.* Probatio secundæ partis minoris: quia cum termini primorum principiorum sint communissimi, prædicto quando distribuntur,

tur, distribuuntur pro omnibus conceptibus inferioribus; igitur extendunt se ad omnes conceptus particulares, & per consequens ad extrema omnium specialium conclusionum, ac proinde includunt virtualiter ipsas particulares conclusiones.

Præterea, naturali lumine rationis cognoscimus, atque intelligimus terminos omnium necessariorum reuelatorum; ergo in eodem lumine possumus percipere eadem necessario reuelata. Probatur assumptum; quia fidelis, & infidelis disputantes de illa, *Deus est unus, & trinus*, non contendunt dumtaxat de nominibus, sed de conceptibus per nomina significatis; ergo omnem conceptum simplicem, quem habet fidelis ex reuelatione, habet & infidelis virtute intelligentiæ naturalis. Probatur igitur prima consequentia: Nam illæ necessariae complexiones aut sunt immediatæ, aut mediatæ: si immediatæ; igitur cognoscuntur cognitis terminis; ex 1. *Post. Text. c. 6.* Si mediatæ; ergo quandoquidem valemus concipere extrema, valemus subinde concipere medium inter ipsa: conjungendo itaque medium cum utroque extremo, aut habentur præmissæ immediatæ, aut mediatæ; & arguo ut prius, quoadusque veniamus ad immediatam, quæ intelliguntur ex terminis, ex quibus sequuntur omnia necessaria mediatæ; ergo ista mediatæ per immediatam scire poterimus naturaliter, citra reuelationem.

CONTRA, Quamvis in beatitudinem, quæ est fructio Dei, intuitivam visionem terminantis, homo naturali appetitu feratur; ad ejus nihilominus cognitionem nemo Philosophorum pervenire aliquando potuit. Unde Aristoteles 10. *Ethic. cap. 10.* statuit hominis felicitatem in perfectissima speculatione causarum altissimarum, possibili in vita ista, quapropter subdit; oportet & corpus suum esse, & cibum, & sumulatum esse: non tamen estimandum multis, & magnis indigere, felicem. Non est ergo lumine naturali cognoscibilis felicitas, quam nos post hanc vitam expectamus; opus est igitur alia doctrina desuper infusa, ultra disciplinas omnes acquisitis, quæ nos erudiat, atque instruat de iñe, quem natura nostra appetit, ac de mediis præterea perveniendi ad illum.

RESPONDEO dicendum, ultra philosophicas disciplinas, quæ ratione, ac industria humana acquiruntur, esse planè necessariam aliam doctrinam à Deo reuelatam, qua valeat homo salutem sempiternam consequi. At qua nequit lumine naturali intellectus probari, hominem esse ordinatum ad beatitudinem, assequendam in sæculo futuro, proinde evidenti, & necessaria ratione non potest præsens solutio demonstrari, sed probabiliter declaratur primo sic: Omni agenti per cognitionem, necessaria est distincta cognitio sui finis, cum enim non nisi per operationes valeat attingere proprium finem, ad quem ordinatur; nisi distinctè cognoscat suum finem, sciatque in hoc determinatè consistere propriam rationem ejus, non poterit proprias actiones ad illum dirigere. Sed homo naturali lumine non potest scire, hunc determinatè esse proprium finem, & non alium; ergo oportet instrui, & doceri per aliam doctrinam, quæ sit finis ejus, ad quem proprias dirigat operationes. Minorem probat ratio ad oppositum adducta; & rursus probatur ratione; quia non possumus cognoscere proprium finem alicujus substantiæ, nisi ex actibus ejus nobis manifestis, ex quibus nempe constet, eum finem esse tali naturæ convenientem: sed nullos actus cognoscimus, aut experimur inesse nobis pro

præenti statui, unde cognoscamus visionem substantiarum separatarum esse nobis convenientem; ergo non possumus naturaliter cognoscere distinctè, seu determinatè, hunc finem esse convenientem nobis: requiritur ergo alia doctrina reuelata, per quam de tali fine certi reddamur. Et etiam si, qualis sit finis noster, naturali ratione addisci posset, (quod tamen non ostenditur) tamen non concluderetur, hominem, animam, & corpore constantem, posse potiri perpetuo tanta felicitate, ut futuram assequimur per revelationem. Et nihilominus, hominem adeo felicem fore perpetuo, est conditio alliciens ad avidius appetendum, & quærendum tale bonum. Has ergo, & confimiles conditiones finis necessarium est nosse, quo efficacius inquiratur, & quisque assequi conetur; ergo requiritur doctrina tradita per Dei revelationem.

Deinde: omni per se agenti per cognitionem, necessaria est triplex cognitio: prima, quomodo, & qualiter finis acquiratur; secundò, cognitio omnium, quæ sunt necessaria ad finem: tertio tandem, oportet, agens cognoscere, ea omnia ad ejus finis assequutionem sufficere. Et quantum ad primam, manifestum est; quia, si nesciat quomodo finis acquiratur, ignorabit subinde qualiter ad consequutionem illius se disponat. Secundum probatur; quia, si nesciat omnia necessaria ad ipsum finem, propter ignorantiam alicujus necessarii, poterit excidere à fine. Et tertium etiam; nam si nesciat ea necessaria sufficere, dubitando se ignorare aliquod necessarium, nec efficaciter prosequetur illud, quod est necessarium: Si autem ignoretur, (inquit Augustinus 11. de Civit. cap. 2.) quæ eundum sit, quid prodest nosse, quod eundum sit?

Sed hæc tria nequit viator ratione naturali cognoscere. Probatio primi; quia beatitudo conferitur tanquam præmium pro meritis ejus, quem Deus acceptat, tanquam dignum tali præmio; & consequenter nulla naturali necessitate sequitur ad actus nostros qualescunque; quia contingenter datur à Deo, actus aliquos in ordine ad ipsum, tanquam meritorios acceptante. Id autem non est naturaliter scibile: in hoc enim errabant Philosophi, ponentes, omnia, quæ sunt à Deo immediatè, esse ab eo necessaria. Aut saltem reliqua duo membra sunt manifesta: nam non potest sciri naturaliter acceptatio voluntatis divinæ, quippe quæ contingenter talia, vel talia, ut digna vita æterna habeat accepta. Et quod etiam hæc, aut illa sufficiant, dependet merè ex beneplacito voluntatis divinæ; igitur omnino necessaria est alia doctrina, qua instruat homo viator de his necessariis, finè quibus non licet ei consequi ultimum finem, quem appetit, & cujus gratia operatur.

Si aliquas instantias hæ rationes habere videantur; ut, quia ex causâ cognito potest à posteriori ostendi quælibet per se causâ, à qua essentialiter dependet: Tum, ex eo quia homo naturaliter appetit finem suum, in quo perficitur, & quietatur; ac proinde cognita natura sic ordinata, potest & ipse finis cognosci, & concludi lumine naturali intellectus: Tum etiam, quia est naturaliter cognoscibile, primum objectum intellectus esse ens, ut ens: naturaliter quoque est cognoscibile in Deo reperiri perfectissimam rationem entis, ac proinde oportere hunc esse potentiæ finem, tanquam optimum. Rursus, cum est naturaliter cognoscibilis potentia aliqua, est quoque naturaliter cognoscibile, quid sit ejus objectum primum; Augustinus autem 14. de Trinit. cap. 4. vult, mentem esse sibi notam. His, inquam, & confimilibus instantiis unica responsione satisfieri potest, dicendo, omnes

Naturarationis non est nobis intellectui fur sup.

4. d. 1. m. 45. q. 7. c. 2. ad cognitionem. V. ad secundum.

De A. Theoremate 14. n. 19.



supponere, naturam, vel potentiam intellectus esse à nobis naturaliter cognoscibilem: id verò plane falsum est, sub illa scilicet ratione propria, & speciali, sub qua ad ultimum finem ordinatur, & sub qua capax est felicitatis æternæ, & sub qua habet Deum pro perfectissimo objecto. Nam non cognoscitur anima à nobis, nec natura nostra pro statu isto, nisi sub ratione aliqua generali abstrahibili à sensibilibus; secundum quam rationem generalem, non convenit sibi ordinari ad talem finem, nec esse capacem gratiæ consummatæ, nec habere Deum pro objecto perfectissimo. Quamvis igitur Deus sit finis naturalis hominis, ab eo naturaliter concupitus; tamen non est naturaliter attingibilis, nec cognosci pariter naturali lumine potest, esse attingibilem sub ratione finis: nec item cognoscitur, ens ut ens esse primum objectum intellectus, nisi supposita revelatione; sed potius lumen intellectus videtur dicere, id objectum esse quidditatem abstrahibilem à sensibilibus. Dictum denique Augustini ex 14. de *Trinitate* intelligendum de actu primo sufficienti ex se ad actum suum secundum; qui actus secundus nunc haberi non potest, ob impedimentum aliquod, nempe quia intellectus in intelligendo dependet à phantasmatibus.

Tertio tandem præmissa resolutio declaratur sic: cognitio substantiarum separatarum, & eorum, quæ sunt propria illis, est maxime nobilis, nobisque necessaria: sed eam cognitionem nequimus nobis comparare per naturalem inquisitionem; ergo ultra omnes disciplinas naturales, est nobis necessaria alia doctrina revelata. Minor probatur; Tum quia, si possib. le foret devenire ad cognoscendas proprietates Dei, & Intelligentiarum, eæ traditæ essent in metaphysica: Id autem factum non est, nec fieri potest; quia non includuntur virtualiter in primo subiecto metaphysicæ. Tum quia, illæ proprietates propter quid non cognoscuntur, nisi cognitæ subiectis, quorum sunt proprietates: nemo autem dixerit, subiecta illa esse naturaliter cognoscibilia. Nec investigari possunt ex effectibus, vel demonstratione quædam; Nam nulla creatura citendit eam proprietatem essentia Dei, quæ est esse in tribus indivisa. Philosophi etiam ex effectibus deduxerunt, primum principium agere ad extra necessarium, cum tamen constet, agere liberè, & contingenter. Confimiliter illi ex effectibus arguentes, concludendum esse putaverunt, Intelligentias, & Mundum esse ab ætero, esse impeccabiles, & tot denique, nec plures, vel pauciores ac sint motus orbium cælestium: quæ omnia sincera fides, & doctrina revelata docet esse falsa, & absurdissimas extitisse ejusmodi opiniones Philosophorum. Est ergo doctrina revelata omnino necessaria.

His rationibus conclusio probabiliter declarata, confirmatur ex Augustino 11. de Civit. c. 3. *Quæ remota sunt à sensibus nostris, quoniam testimonio nostro scire non possumus, de his alios testes requirimus.* Cùm igitur complexiones, ex quibus efformata sunt adducta argumenta, ex se nobis sint neutra; Quod enim nostra beatitudo consistat in clara Dei visione, & fruitione; & quod via deveniendi ad illius consequutionem sit merita, & alia id genus, de se non cogunt, nec flectunt intellectum ad essendiendum ipsis; nemo ergo potest suo testimonio assentiri illis; oportet ergo aliud testimonium adhibere, quod superius sit tota specie humana, ac subinde supernaturale. Qualiter autem prima revelatio, sive traditio talis doctrinæ facta sit; an scilicet loquutione interiore, vel exteriori, an cum aliquibus signis ad causandum assensum sufficientibus, dubium est. Attamen satis est, cui-

que persuasum esse, utroque modo & ratione fieri potuisse, ac doctrinam necessariam re velatam esse; quamvis impossibile sit, aliqua ratione, & via ab homine primò citra errorem traditam fuisse.

Porro, quamvis ratione naturali ostendi possit, eoque colliment præmissa argumenta, ut suadeant, necessarium esse scire alteram partem determinatè hujus contradictionis, *Fruitio est finis: Fruitio non est finis*; ne intellectus sit merè dubius, vel neuter. Nam profectò ea dubitatio, vel ignorantia impediret consequutionem finis; ratione nihilominus naturali demonstrari nequit, hanc, aut illam partem problematis esse necessariò cognoscendam; unde necessariò infertur, necessariam esse doctrinam, & lumen supernaturale, in quo videantur quæ superant omnem hominis capacitatem. Rationes ergo adductæ, ut sunt naturaliter notæ, concludunt de altera contradictionis parte, hac nempe, vel illa; de hac verò parte determinatè non concludunt, nisi ex creditis tantum.

Alii sic probant conclusionem hæcenus declaratam: Ordinatam ad aliquem finem, ad quem est ex se indispotum, necesse est paulatim promoveri, ac disponi pro consequutione ejus finis: sed homo ordinatur ad finem supernaturalem, ad quem est ex se indispotum; ergo indiget paulatim disponi ad habendum illum finem: disponitur autem homo per disciplinam, vel lumen supernaturaliter infusum; ergo est planè necessaria doctrina supernaturalis, ultra omnes scientias humanitus acquisitas. Hæc ratio efficax esset contra Philosophos, si duo quæ supponit, probarentur. Primum quidem probandum est; hominem esse ordinatum ad finem supernaturalem. Secundum vero, per cognitionem naturalem haud sufficienter hominem posse disponi ad finem supernaturalem: quando autem hæc assumuntur, & non probantur, non satis concludit contra procedentes solo lumine naturali intellectus.

AD ARGUMENTA. Ad primum respondeo: Intellectus agens, & possibilis sunt principia naturalia, & sufficientia, ex parte animæ, concedo: sunt sufficientia absolute, nego, tanquam evidenter falsum. Cùm enim cognitio dependeat & ab anima cognoscente, & ab objecto cognito, ex Augustino 9. de *Trinitate*, cap. ultimo, & 3. de *Ani. Text. Com.* 14. quatenus actio intelligendi convenit objecto cognito, nequit ea vis inesse animæ sine objecto; oportet ergo objectum ipsum concurrere ad intellectionem, aut certè aliquid gerens vicem ipsius objecti.

Ad confirmationem dicendum, falsum esse respondere in natura omni potentia passiva proprium naturale actum; In natura enim est naturaliter receptivum animæ intellectivæ, nec tamen est in natura potentia animæ intellectivæ effectiva, quatenus accipitur natura pro principio intrinseco motus, vel quietis. Quod si accipitur pro principio activo naturaliter, prout natura distinguitur contra artem, sive propositum, propter oppositum modum principiandi, adhuc major propositio est falsa in quibusdam, cùm scilicet natura propter sui excellentiam ordinetur naturaliter ad perfectionem ita eminentem, ut nequeat subesse causalitati agentis naturalis, juxta hanc acceptionem; sicuti est in casu. Et cùm probatur, quia alioquin potentia passiva esset frustra, Negandum est assumptum; quia, etsi per agens naturale nequeat reduci ad actum; tamen ejusmodi agens potest dispositionem inducere ad actum, inducendum per agens repertum in natura, id est, in tota coordinatione entium, estque agens supernaturale.



Ad secundum est responsio dicentium sic: diversa ratio scibilis, diversitatem scientiarum inducit; eandem enim conclusionem, ut hanc, *Terra est rotunda*, demonstrat Astrologus, & Naturalis; sed ille per medium mathematicum, id est, à materia abstractum: Naturalis autem per medium circa materiam consideratum. Fieri ergo potest, ut de iisdem rebus, de quibus Philosophicæ scientiæ agunt, secundum quod sunt objecta cognoscibilia lumine naturalis rationis, etiam alia scientia tractet, secundum quod cognoscuntur lumine divinæ revelationis. Contra hanc responsionem arguo: Si quæ cognoscuntur in Theologia, attingi quoque possunt per alias scientias, licet in alio lumine; ergo non est de eis necessaria cognitio Theologica. Consequentia est evidens in exemplo allato. Nam cognoscens terram esse rotundam per medium physicum, opus non est sibi idipsum demonstrari, per medium mathematicum, tanquam simpliciter necessarium. Ideo respondeo aliter ad argumentum, In scientiis speculativis, etsi tractetur de omnibus speculabilibus, non tamen quantum ad omnia cognoscibilia de eis; quia non quoad propria illorum; ac proinde, ut ea scientur, id præstari debet per scientiam aliam ultra prædictas, in qua distinctè tradantur necessaria quæque, & quorum scientiæ naturaliter acquisitæ, nec meminerunt, nec ulla ex parte attingunt.

Ad tertium dico, falsum esse, omnes conclusiones virtualiter includi in primis principiis, adeo ut cognoscens prima principia, attingat pariter omnes omnino conclusiones scibiles. Ad probationem itaque secundæ partis minoris respondeo, quemadmodum termini subiecti sunt communes, ita & termini prædicati; quando igitur termini subiecti sic distributi accipiuntur pro omnibus, non accipiuntur nisi respectu terminorum prædicatorum, qui sunt communissimi; & per consequens virtute talium principiorum, non sciuntur de inferioribus, nisi prædicata communissima. Et hoc ulterius declaratur; quia medium non est ratio demonstrandæ passionis de subiecto, nisi quæ inest virtute ipsius medii. In ratione autem subiecti principii communissimi, non includitur propter quid aliqua passio particularis, sed tantum communissima; ergo tale subiectum nequit esse ratio cognoscendi aliquas passiones, nisi communissimas. Ad sciendum ergo particulares passiones entium, alia profecto sunt media adhibenda, ac sint termini primorum principiorum. Exemplum; omne totum est majus sui parte: Hoc primum principium, etsi includat istam, Quaternarius est major binario, & alias con similes; non tamen includit alias particulares, ut quaternarius est duplus ad binarium; ternarius se habet in proportionem sesquialtera ad dualitatem, & alia id genus. Nam ad intelligendum in hærentiam talium prædicatorum ad propria subiecta, oportet uti specialibus mediis, ex quibus necessario deducuntur. Ex intellectu igitur primorum principiorum non sciuntur omnes conclusiones scibiles; quia nec omnes includuntur virtualiter in illis.

Ad Quartum respondeo, de substantiis separatis sunt aliqua veritates immediatæ, ut hæc, *Deitas est trina*, & *una*; in ea includuntur complures veritates mediæ, omnes nempe, quæ formantur ex terminis communibus ad subiectum, & ex communibus ad prædicatum, sub quantitate particulari, ut *aliquod ens est trinum*, & *unum*, vel *aliqua substantia est trina*, & *una*. Complexiones igitur mediæ non habent evidentiam ex se ipsis, sed eam mutuantur ab illa immediatâ; non contin-

git propterea eas scire, nisi immediatâ intellectâ. Intellectus ergo potens intelligere terminos mediatarum, & earumdem compositionem efficere, si non detur ei intelligere terminos immediatâ, nec componet eos subinde, nec intelliget terminos mediatarum, nec eorum compositionem, quatenus ab immediatâ evidentiam accipiunt; erunt ergo sibi eæ propositiones neutre. Et ita evenit nobis habentibus quosdam conceptus communes substantiis materialibus, & immaterialibus, quos utique valemus ad invicem componere. Et quoniam complexiones ejusmodi non habent evidentiam, nisi ex veris immediatis, quæ sunt de illis quiditatibus sub ratione propria, & speciali, sub qua ratione non concipiuntur à nobis illæ quiditates; ideo nec scimus illas veritates generales de conceptibus generalibus; quia earum evidentia propositionum latet nos; nec apparet, nisi immediatâ, undè illam accipere possunt, cognoscatur. Exemplum; si impossibile foret alicui concipere triangulum sub propria ratione, quamvis aliunde possit concipere, & abstrahere rationem figuræ; impossibile tamen esset illi concipere primitatem, ut est propria passio trianguli; posset tamen aliunde primitatis rationem abstrahere. Quanquam igitur is intellectus posset formare hanc complexionem, *Aliqua figura est prima*; tamen illa compositio formata erit sibi neutra; ea enim est mediata, inclusa in ista, *Triangulus est sic primus*; & hanc immediatam non potest intelligere, quia neo terminos ejus; ideo nec mediatam potest scire, quæ ex illa immediatâ tantum habet evidentiam.

Ad assumptum igitur argumenti, jam dictum fuit, quæ ratione nobis innorescant termini revalorum necessariorum, nempe duntaxat in communibus, & ex conceptibus generalibus, qui sunt communes immaterialibus, & sensibilibus, ex quibus abstrahuntur. Et negatur consequentia; ad cuius probationem respondeo, eas complexiones esse mediatas. Et cum dicitur, cognitis extremis, cognoscatur & medium inter illa oportet: Dico, duplex esse medium extremorum; nam aliquando est essentialiter ordinatum inter extrema, scilicet cum est definitio subiecti, vel passio prior respectu posterioris passionis; per quod medium universaliter concluditur extremum de extremo, seu prædicatum de subiecto. Aliquando verò medium est particulare contentum sub altero extremorum, & non essentialiter ordinatum inter extrema. Loquendo de medio in priori acceptione, concedo, oportere & ipsum cognosci, cognitis extremis, cum sit definitio unius, aut passio prior respectu alterius passionis demonstrandæ de subiecto. At si medium juxta secundum intellectum se habeat, tunc minime oportere concipientem extrema intelligere & medium illud particulare respectu extremorum generalium, ut liquido constat ex allato exemplo de Triangulo, cujus est proprium esse primam figuram. Ita evenit in casu, nam Deitas sub ratione propria, & particulari habet eam passionem, propter quam est una in tribus, prout & revelatum est, Deum esse unum, & trinum, id est, illud ens, quod nominamus Deum, esse trinum, & unum. Ex cognitione igitur entis, & unitatis, & trinitatis, non sequitur nos cognoscere medium inter illa, quod est essentia divina in particulari, cui duntaxat inest illa passio.



ITERUM ARTICULUS I.

Utrum sit necessarium, præter philosophicas disciplinas, aliam doctrinam haberi.

Doct. & S. Thomas locis articulo præcedenti citatis.

**V**IDETUR, præter philosophicas disciplinas, opus nobis non esse alia doctrina desuper infusa. Nam omnis potentia habens aliquid commune pro primo objecto naturali, potest in quodlibet contentum sub illo, sicut in per se objectum naturale: ex eo enim primum objectum dicitur, quod sit adæquatum potentia tendenti in illud; si autem in aliquo reperiretur ratio ejus objecti, circa quod non posset potentia habere actum naturaliter, profecto non adæquaretur potentia, sed ipsam potius excederet. Et ita in quodcumque est ratio primi objecti visiva, illud à potentia attingitur visiva. Sed primum objectum naturale intellectus nostri, est ens, in quantum ens, secundum Avicennam 1. *Metaphysic. cap. 5.*, dicentem, ens, & res prima impressione imprimi in anima, nec posse manifestari ex aliis; ergo intellectus noster potest naturaliter habere actum circa quodcumque ens, & ita circa quodcumque intelligibile; igitur ultra ea, quæ attinguntur per philosophicas disciplinas, non est nobis alia doctrina necessaria.

Præterea, Sensus non indiget aliqua cognitione supernaturali pro statu isto; ergo nec intellectus. Assumptum est manifestum. Probatio consequentia: Natura non deficit in necessariis, 3. *de An. Text. c. 4. & 5.*, & si in imperfectis non deficit, multo magis non deficere, credendum est, in perfectis; ergo si non deficit in potentis inferioribus, quantum ad necessaria eis propter actus suos habendos, & finem earum consequendum, multo minus deficit in necessariis potentia superiori, ad actum suum, & finem consequendum per ipsam; igitur ultra ea omnia, quæ intellectui præsto sunt ex naturalibus, nihil aliud est sibi necessarium aliunde infusum, aut revelatum.

Præterea, Si alia doctrina sit necessaria, ultra naturales disciplinas, profecto id erit, quoniam potentia in puris naturalibus est improporcionata objecto sic cognoscibili, ac proinde oportet fieri per aliud proportionatam objecto illi; ergo illud, per quod potentia evadit objecto proportionata aut est naturale, aut supernaturale: si naturale; ergo perinde potentia est objecto improporcionata cum illo, ac fuerit prius. Si supernaturale; ergo potentia est improporcionata huic supernaturali: ac per consequens exigit per aliud proportionari; & sic in infinitum. Cum ergo non liceat procedere in infinitum ex 2. *Metaphys. Text. c. 5. & inde*; oportet stare in primo, dicendo, potentiam intellectivam ex se esse proportionatam omni cognoscibili, & secundum omnem modum cognoscibilis, scilicet tam abstractivè, quam intuitivè.

CONTRA 2. ad Timoth. c. 3. *Omnia Scriptura divinitus inspirata, utilis est ad docendum, ad arguendum, ad corripiendum, ad erudiendum in iustitia.* Rursus Baruch 3. de Sapientia dicitur: *Non est qui possit scire vias ejus: sed qui scit universa, novit eam*; ergo nullus alius potest habere eam, nisi à sciente universa inspiretur; hoc quantum ad necessitatem. De facto subdit: *Tradidit eam Jacob puero suo, & Israel dilecto suo.* Hoc quantum ad vetus Testamentum. Et sequitur. *Pest hac in terris visus est, & cum hominibus conversatus est*; scilicet quando tradidit eam per Filium suum, a quo

est nova Lex, novum, ac sempiternum Testamentum.

RESPONDEO dicendum, ultra philosophicas disciplinas, necessarium esse aliam doctrinam supernaturalem divinitus revelatam. Pro cujus declaratione præmittendum est, & videndum, qua ratione aliquid supernaturale, vel naturale dicatur. Potentia itaque receptiva potest comparari & ad actum, quem recipit, & ad agens, à quo recipit, sibi quæ actus imprimitur. Sub prima consideratione potentia receptiva vel est naturalis, vel violenta, vel neutra. Naturalis quidem si naturaliter ad actum inclinatur: violenta, si sit contra inclinationem naturalem ejus: neutra tandem, si neque ad hunc actum, neque ad oppositum inclinata sit, ut superficies, quæ non magis inclinatur ad albedinem, quam ad nigredinem. In hac igitur comparatione nulla est supernaturalitas. At comparando potentiam receptivam ad agens, quod formam imprimit; est naturalitas, quando agens suapte natura natum est imprimere eam formam passio: Supernaturalitas vero, cum comparatur ad agens, quod non est naturaliter impressivum illius formæ in tali potentia receptiva.

Comparando igitur intellectum possibilem ad notitiam actualem in se, nulla est sibi cognitio supernaturalis; quia intellectus possibilis quacunque cognitione naturaliter perficitur, & ad quacumque naturaliter inclinatur. At cum comparatur ad agens intellectiōnis impressivum, ea cognitio est supernaturalis, quæ generatur ab aliquo agente, quod non est natum movere intellectum possibilem ad talem cognitionem naturaliter. Pro statu autem isto, secundum Philosophum, intellectus possibilis natus est moveri ad cognitionem ab intellectu agente, & phantasmate; igitur sola illa cognitio naturalis est, quæ ab istis agentibus potest imprimi. Virtute autem istorum potest haberi omnis cognitio incomplexa, quæ secundum Legem communem habetur à viatore de necessariis revelatis, ut exposuimus fuit in responsione ad ultimum, articulo præcedenti; Ideo licet Deus possit per revelationem specialem causare cognitionem alicujus incomplexi, sicut in raptu; non tamen talis cognitio supernaturalis est necessaria de communi Legge.

At de complexis veritatibus secus est; quia (ut probatur rationibus adductis articulo præcedenti) posita omni actione intellectus agentis, & phantasmate, multæ complexiones remanebunt ignotæ nobis, & neutra, quarum nihilominus cognitio tantopere necessaria est, ut sine illa sit penitus impossibilis affectu ultimi finis. Oportet igitur talium complexionum notitiam de supernaturali principio, ac lumine procedentem ad nos pervenire; quia nemo potuit in naturali lumine illas complexiones sic invenisse, ut assentiretur eis, traaderetque aliis per doctrinam, Nam sicuti uni hominum sunt neutra, id est, non percipiuntur ut veræ, neque ut falsæ in lumine naturali; ita & omnibus aliis. Opus igitur fuit Doctore aliquo supra totam speciem humanam, & omnem creati intellectus intelligentiam, à quo revelarentur; extitit ergo ead doctrina, vel ipsa doctrinæ prima traditio supernaturalis; quia tradita fuit ab agente, quod non est naturaliter motivum intellectus nostri pro statu isto.

Uterius alio modo potest dici aliqua cognitio supernaturalis, quatenus nimirum est ab agente supplente vicem objecti supernaturalis, Nam obiectum natum causare notitiam hujus, *Deus est verus, & unus*, vel similitudinis mysteriorum naturaliter non cognoscibulum, est essentia divina sub

Sermo de naturæ litato, & supernaturalitate, foris, rum,

Cajetanus hic & in propria quæst. relicit potentiam neutram. Scilicet per ad agens comparatur, ipsam in hoc falli, nobis videtur, eundem modum fundere, diversis vocibus.

Puritas Doctorem sententia formatam supernaturalitatem præcise tenentem, per respectum ad agens, non tenentem in eis, quia & ipse admittit formam intellectus supernaturalem, & non, & alibi frequenter; ne quare Scholasticæ, 9. ad questionem.



Revelans de-  
clinatur super-  
naturalem...  
supplet causali-  
tatem obiecti  
supernaturalis.

propria ratione cognita: ipsa autem sub tali ratio-  
ne cognoscibilis est obiectum nobis supernaturale;  
causans igitur notitiam aliquarum veritatum, quæ  
per tale obiectum sic cognitum natæ sunt esse evi-  
dentes, profecto in hoc supplet vicem illius ob-  
iecti. Et porro si agens causat notitiam perfectam  
objecti, qualem ipsum causaret, perfectè gerit vi-  
cem illius, sin minus, imperfectè; quatenus scilicet  
imperfecta notitia, quam efficit, virtualiter  
continetur in illa perfecta, quam obiectum in se  
cognitum causaret.

Revelans igitur hanc complexionem, *Deus est  
irinus, & unus*, causat in mente alicquam noti-  
tiam ejus veritatis, nempe obscuram; quia causat  
de objecto, non sub propria ratione cognito. Qua-  
tenus itaque notitia obscura in clara, & perfecta  
eminenter continetur, sicut imperfectum in perfe-  
cto; eatenus revelans obscuram, & causans noti-  
tiam ejus, supplet vicem objecti illius. Nam noti-  
tiam ejusmodi complexionum naturaliter non co-  
gnoscibilem non posset revelans causare, ut sup-  
plens vicem alicujus objecti inferioris illo, quod  
de se claram notitiam, atque perfectam earum com-  
plexionum faceret, si distinctè agnosceretur; quia  
nullum tale obiectum inferius includit virtualiter  
notitiam illarum veritatum, ne obscuram quidem,  
& imperfectam; oportet igitur revelantem supple-  
re aqualiter vicem objecti supernaturalis.

Differentia horum modorum ponendi superna-  
turalitatem notitiæ revelatæ, est manifesta separan-  
ti unum ab altero. Si agens enim supernaturale  
causaret notitiam objecti naturalis, ut si infunde-  
ret geometriam alicui, illa esset supernaturalis primo  
modo: sed non quatenus supplet vicem objecti  
supernaturalis, quale non est obiectum Geome-  
triæ. Si vero infunderet notitiam hujus, *Deus est  
irinus*, vel similibus, hæc supernaturalis esset utro-  
que modo; quia secundum inferit primum, licet non  
è converso. Quamvis igitur agens per revelationem  
possit imprimere intellectui notitiam, ad quam  
per actionem naturalium causarum nequeat per-  
tingere; nihilominus quia potest etiam infundere  
notitiam objecti naturalis, ideo non sequitur ne-  
cessario, omne infusum, & revelatum ab agente su-  
pernaturali, esse supertaturale quoad ejus substan-  
tiam, etsi habeat modum aliquem supernaturalita-  
tis. At ubi est modus, quo suppletur causalitas  
objecti supernaturalis, oportet tale revelatum esse  
simpliciter supernaturale, quia naturaliter haberi  
non potest.

Quoniam igitur requiritur doctrina revelata de  
mysteriis, quæ lumine naturali intellectus attingi  
non possunt; quia eorundem notitia, ne obscura,  
& imperfecta quidem virtualiter continetur in ob-  
jectis inferioribus illo, ex cujus cognitione nata  
sunt & mysteria ejusmodi cognosci, profecto do-  
ctrina hæc, primaque ejusdem revelatio, & quoad  
modum, & quoad substantiam supernaturalis est:  
adeoque est nobis omnino necessaria præter omnes  
philosophicas disciplinas, naturali virtute intel-  
lectus creati acquisibiles; licet infunderentur ab  
agente supernaturali.

AD ARGUMENTA Ad primum respondeo; ob-  
jectum naturale potest dupliciter accipi, scilicet vel  
pro eo, quod naturaliter, sive ex actione causa-  
rum naturaliter activarum, potest potentia attinge-  
re: vel pro illo, ad quod potentia naturaliter  
inclinatur; sive possit illud propriis viribus attinge-  
re, sive non. Loquendo igitur de objecto natu-  
ralis attingentiæ, minor est falsitas: sed vera de  
objecto, ad quod naturaliter inclinatur, de quo  
& est intelligenda Avicennæ auctoritas. Primum

autem obiectum naturaliter attingibile, est quidi-  
tas rei sensibilis, pro hoc statu. Ex natura vero  
potentiæ, est ens limitatum, etsi igitur ad ens,  
quatenus est commune Deo, & Creaturæ, intel-  
lectus inclinatur; non est tamen ab ipso naturali-  
ter attingibile; quia tunc naturaliter attingeret  
omne id, in quo talis ratio per se includitur, at-  
que ita naturali virtute intellectus creatus attinge-  
ret obiectum infinitum; id vero esse falsum,  
declarabitur infra, q. 12. artic. 4. Quod autem non  
sit inconveniens, potentiam esse naturaliter incli-  
natam ad aliquod obiectum, & nequeat illud na-  
turaliter cognoscere, declaratur etiam ex Anselmo  
de libro arbit. cap. 2. *Nullam*, inquit, *ut  
puto, habemus potestatem, quæ sola sufficiat ad  
actum*; & exemplificat de sensu visus. Quemad-  
modum igitur potentia qualibet ex se sola, licet  
ordinata ad actum, nequit tamen actum ex se so-  
la producere: ita fieri potest, ut superte natura ad  
aliquod obiectum inclinatur, quod nihilominus  
per proprias vires naturales nequeat attingere.

Ad secundum, neganda est consequentia. Ad  
probationem respondeo ex dictis ad confirmatio-  
nem primi principalis articulo præcedenti. Quia  
enim superiora ordinantur ad perfectionem majore  
passivè recipiendam, quam ipsa queant active  
producere; ideo talis perfectio nequit causari,  
nisi ab aliquo agente supernaturali. Non ita au-  
tem est de perfectione inferiorum, quorum perfe-  
ctio ultima potest subesse actioni agentium infe-  
riorum. Et ideo natura non deficit in necessariis  
in potentiis inferioribus; quamvis enim earum  
potentiarum eminentiores perfectiones nequeant  
subesse causalitati agentis naturalis, possunt ta-  
men produci ab agente in tota entium coordina-  
tione reperto. At quia perfectiones inferiorum  
entium naturali causalitati subsunt, deiceret na-  
tura, si non daret ipsis entibus undè possent eas  
perfectiones attingere, sibi quæ comparare.

Ad tertium concedo, intellectum esse ex se im-  
proportionatum objectis illis cognoscendis, quæ  
attingi nequeunt actione intellectus agentis, &  
phantasmatum; ac subinde oportere proportionari  
per aliquid aliud, nempe, per ipsammet cogni-  
tionem supernaturalem formaliter, Deo interim  
revelante in ratione motivi, & concurrente effe-  
ctivè ad ejus cognitionis productionem: igitur  
proportionatur per aliud in ratione moventis;  
quia per movens supernaturale revelans assentitur  
veritati revelatæ: & per aliud in ratione formæ  
quia per istum assensum factum in ipso, qui est  
quasi quedam inclinatio in intellectu ad illud ob-  
jectum, evadit intellectus obiecto proportio-  
natus.

Et cum instatur; Id, per quod potentia pro-  
portionatur, aut est naturale, aut supernaturale,  
Dico, illud esse supernaturale, sive intelligas de  
agente, sive de forma; & nego, intellectum esse  
perinde improportionatum ad hæc, sicuti ad ob-  
jectum. Nam intellectus ex se est in potentia  
obedientialiter ad agens, & ita sufficienter propor-  
tionatus, ut ab illo moveatur: est pariter ex se  
capax assensus causati à tali agente, & quidem  
naturaliter capax. Non oportet ergo intellectum  
per aliud proportionari illi assensui, in recipien-  
do. Statur igitur in secundo, non in primo; quia  
veritas ista revelata non est sufficienter inclinati-  
va intellectus, ad assentiendum sibi. Sed agens  
supernaturale est sufficienter inclinativum intelle-  
ctus, causando assensum in ipso, & cum ipso,  
quo mediante proportionatur veritatibus revela-  
tis; non oportet ergo intellectum per aliud pro-  
por-

Quodlibet q. 14. &  
1. dist. 3. q. 3.

Non omnis no-  
titia, quam  
Deus infunde-  
re potest est super-  
naturalis.

Qualiter non  
sit processus in  
infinitum in  
formis superna-  
turalibus in or-  
dine ad recep-  
tivism naturæ  
le.



portionari tali agenti, nec formæ ab ipso impressæ, sive assensui impresso; quia tale agens est sufficiens ad immediatè causandum talem assensum. At contra, opus omnino est, intellectum possibilem veritatibus revelatis proportionari per aliud & in ratione agentis, & in ratione formæ, ut declaratum est.

### ARTICULUS INCIDENTS.

Utrum cognitio supernaturalis necessaria viatori sit sufficienter tradita in Sacra Scriptura.

*Præsentis quæstio hypotbesim, nempe de divina revelatione veteris, novique Testamenti, scripturam omnem, quam vocabulo aptissimo Sacram appellamus, ad nos devenisse, ac speciali Spiritus Sancti instinctu per Canonicos Scriptores confectam esse, multiplici ex Sanctis Patribus adhibita eruditione, egregiè à Magistro Scoto pertractatam, ac discussam, huc potissimum spectare animadvertentes (inde enim potiora quæque, & quibus nefus sit refragari à Theologis depromuntur argumenta) ac propterea id quod quæritur in præcedentis articuli complementum cedere, pro instituti nostri ratione atque opportune, ac utiliter in medium proponendum esse judicavimus. Quæritur ergo.*

An Sacra Scriptura vetus, ac novum complectens Testamentum, innixa sit auctoritati divinæ.

Doct. Prologi q. 2. §. In ista quæstione. S. Thom. 1. p. q. 1. art. 1. §. Ad oppositum.

**V**IDETUR Scriptura, quæ Sacra per antonomasiam nuncupatur, non ita inniti auctoritati divinæ, ut conscribi subinde non potuerit ingenio, ac industria humana. Etenim ex eo præsertim videretur Dei instinctu, ac revelatione confecta, quia plures diversimode dispositi, in eorumdem prædicatione futurorum, ac à sensibus humanis absconditorum consensere; adeoque oportuisse per Doctorem, qui supra omnem esset intelligentiam humanam, edoceri; Sed hoc non probat, acceptam fuisse; ergo hic locus propositum non ostendit. Probatio minoris: Scriptores, qui Canonici dicuntur, non omnes uno tempore, sed unus post alium scripserunt; ergo fieri potuit, & factum esse suspicari potest, ut posteriores doctrinæ priorum acquiescentes, illis consenserint, sicuti Discipuli doctrinam amplectuntur Magistrorum; Ex hypothesi ergo quod Deus illos non doceret quid scribendum esset, adhuc poterant eadem scribere, nec dissentire ab iis, quæ literis mandaverunt antiquiores.

Præterea, Evenire potuit, ut illi Scriptores in talibus scripturis condendis decepti fuerint. Quid enim facilius, homines falsa illusionem decipi? Non propterea ergo quod asserant, *Hæc dicit Dominus*, sequitur revera, ea à Deo prolata fuisse; cum præterea talia scribendo, mentiri potuerint propter lucrum.

Præterea, Non aliunde didicimus, Scripturam hanc esse auctoritatis infallibilis, nisi ex testimonio Ecclesiæ: undè Augustinus contra Epistolam Fundamenti, *Non crederem*, inquit, *Evangelio, nisi quia Ecclesiæ Catholicæ credo*; Ecclesia autem hæc non prohibetur tenere veritatis proponendæ infallibilem auctoritatem, nisi quia id habetur ex Scriptura eadem, quam esse veritatis infallibilis, Ecclesiæ credendum proponit; ergo, cum unum

alteri vicissim testimonium perhibeat, utrumque testimonium videtur esse suspectæ fidei, & veritatis.

Præterea, Si sentire deberemus, doctrinam in Canone contentam esse divinitus inspiratam, maxime ad id sentiendum cogerent miracula, quæ perhibentur patrata in confirmationem ejus; Sed etiam si concedatur miracula facta fuisse, exinde propositum non demonstratur: Etenim & Antichristus in confirmationem suæ falsitatis est facturus signa & prodigia multa ad deceptionem orbis terrarum; igitur miracula non ostendunt infallibilitatem doctrinæ, ad quam constabiliendam fieri dicuntur.

Præterea, Non absurdè fortasse possemus sentire Ecclesiam hanc tenere doctrinam infallibilis auctoritatis, eamque à Deo fundatam, ex eo quod tam diu daret successione Romanorum Pontificum, quorum est, doctrinam hanc servare, ac aliis credendam proponere; Sed hoc titulo non possumus ei attribuire auctoritatem divinam: Nam multæ aliæ Sectæ, quas falsas, hæreticas, & absurdas appellamus, pariter perseverant, & longissimi temporis decursu in mundo vigent, & præsertim Mahometana, & Judæorum Respublica.

CONTRA, Sancti determinantes ea, quæ sunt necessaria ad salutem, semper præ certa regula recurunt ad Scripturam, quam *Sacram* appellamus; sit ergo oportet infallibilis auctoritatis: Undè Augustinus 2. super Genes. ad lit. cap. 9. *Major est, inquit, hujus Scripturæ auctoritas, quam omnis humani ingenii perspicacitas*. Et Epist. 9. quæ est ad Hieronymum; *Solis eis Scripturarum libris, qui Canonici appellantur, didici hunc honorem deferre ut nullum Doctorem earum scribendo errasse firmiter credam: alios autem ita lego, ut quanta licet sanctitate præpolleant, non ideo verum putem, quia ipsi scripserunt*.

Respondeo, Circa hanc controversiam longè gravissimam multiplices occurrunt Hæreticorum errores, qui à Damasceno, & Augustino in libris de Hæresibus recensentur. Quidam igitur ex eis, nihil omnino de Sacra Scriptura recipiunt, omnem illi divinam auctoritatem abrogant. Quidam verò novum Testamentum ultro admittunt, sed vetus non recipiunt, sacrilegè blasphemantes, se propterea illud repudiare, quod à malo principio sit. Isti sunt Manichæi, quos latè confutat Augustinus multis editis voluminibus contra eos. Contra vero Judæi vetus Testamentum amplectuntur, novo pertinacissimè exploso. Alii vero, ut Mahometani particulas quasdam utriusque recipiunt Testamenti, quibus immundus Mahometes innumeras immunditias immiscuit. Quidam aliquid scripturæ dictum malè intellectum, pejusque interpretatum pro fundamento habentes, varios, novosque errores in Ecclesia disseminaverunt, novæque exinde hæreses sunt exortæ, aut exoletæ iterum restauratæ. Exemplo sit; Jacobus 5. dicens, *confitemini alterutrum peccata vestra*: Ex eo Sectarii perperam statuerunt Pœnitentiæ Sacramentum posse à quocumque dispensari, quamvis Sacerdos non sit, contra Christi institutionem, & Catholicæ Ecclesiæ doctrinam.

Dicendum est tamen, suppetere, & occurrere multa argumenta, quibus non modo redargui, sed planè omnes sic sentientes convinci possint erroris, & falsitatis, si ratione uti velint, & non pertinacia, & arrogantia pugnare; non quidem adducentes Scripturæ auctoritatem (quamvis is modus arguendi validissimus sit contra illos, qui admittentes aliquid ejus, aliud negant) sed adhibendo media generaliora, quibus impugnari queant Hæretici omnes

Miscell. qq. q. 7. §. Circa se primam. & §. Circa primum.

Videendus Pontificus in Cæm. hanc Controversiam egregie tractans ad Textum Doctoris, & utilia quædam præterea adducens.

Prolog. q. 2. §. De quinto. V. Contra istos.



Media convivio  
condibitaretur  
regentes Scip-  
pium, aut  
pariem eius esse  
seculum nes-  
cit, vel tunc Ir-  
num ad prae-  
natio pro-  
phetica.

Greg. Ho. 1.  
super Evange-  
lium.

August. 12. de  
Civ. 6. 10.

Secundum est  
Scripturarum.

August. 18. de  
Civ. 6. 11. vari-  
is, et ab aliis  
Phil. ophorum,  
et aliorum, at-  
que iis, quae  
sunt ad finem,  
necessaria pas-  
sim diffuere.

Tertium accipit  
ut ab aucto-  
ritate Scriben-  
tium.

omnes in communi. Primum ergo est prænan-  
cia prophetica, quæ frequens est in Sacris literis,  
imo major est earum pars: Nam solus Deus, &  
non alius ex naturæ suæ conditione, novit futura  
priusquam fiant: ergo tantum ille, vel qui ab eo  
fuerit instructus, potest futura, quæ possunt esse, &  
non esse, certo prædicere. Complura autem præ-  
nuntiata fuisse per Prophetas Scriptura com-  
memorat, eisque prædictionibus eventus exactissime  
respondit, ut evidens est legenti libros Prophe-  
tas; ergo dubium nullum ratione utentibus occu-  
rere potest, quin pari certitudine repræsentanda  
sint pauca, quæ restant ad molenam; oportuit igitur  
eos, qui talia futura prædixerunt, à solo Deo didi-  
cisse; vel ab alio, qui ab illo de futuris eventibus  
certo fuerit instructus.

Secundum medium est harum mirabilis concor-  
dia Scripturarum iuxta quam arguo sic: Eius, quæ  
non sunt ex terminis evidentia, nec ex principiis  
evidenter deducuntur, non assentiuntur, nec con-  
cordant firmiter, & infallibiliter multi, diversimode  
dispositi, nisi à causa superiori ipsorum intel-  
lectus ad assensum inclinetur; Sed Sacri Canonis  
Scriptores variè dispositi, & diversis existentes  
temporibus, in iis, quæ ex terminis evidentia non  
erant, nec ex principiis evidentiter deduci poterant,  
omnino concordantes fuerunt: ergo necessario causa  
superior, cui conspecta erant omnia, illos docuit,  
inclinans eorum intellectum ad firmissimè assen-  
tiendum omnibus, quæ ipsis revelabat. Probatio  
majoris: Intellectus ad assentiendum movetur ab  
objecto, vel in se evidente, vel in alio, & profecto  
nihil aliud eum assensum potest causare, nisi vir-  
tualiter includat evidentiam objecti. Nam si nihil  
tale moveat intellectum, equidem sibi erit Theo-  
logia neutra; ergo, quoniam Theologicam noti-  
tiam non causat objectum in se evidens, nec in alio,  
solus intellectus, vel Doctor omni creata intelli-  
gentia superior potest movere ad assentiendum iis,  
quæ ex se ad assensum non movent; concordanti-  
bus igitur in doctrina Theologica Canonis Scri-  
ptoribus, necessario deducendum est, Sacræ Scrip-  
turæ Deum authorem extitisse.

Tertium autem est auctoritas Scriptorum Sacri  
Canonis. Etenim ad libri Scripturæ istius sunt  
eorum Auctores, quibus attribuntur, aut non:  
Si revera illi eos libros conscripserunt; ergo cum  
damnet mendacium, præsertim in iis, quæ perti-  
nent ad fidem, & mores, quomodo est verisimile,  
eos mentiri voluisse dicendo: *Hæc dixit Dominus*,  
si re ipsa Dominus non fuisset loquutus? certè nul-  
lo modo. Si vero libri illis adjudicantur Auctori-  
bus: Id inprimis involvit maximum inconveniens;  
nam eadem facilitate id ipsum dici poterit de libro  
quocunque, nempe non esse ejus Authoris, à quo  
dicitur conscriptus fuisse. Vel si negetur extendi  
ad alios, quare ergo soli isti falso adscripti sunt  
Auctoribus, quorum non erant? Deinde, aut illi,  
qui adscripserunt libros istos eis, fuerunt Christiani,  
aut non: Si extra Legem erant Christianorum;  
quomodo est verisimile, illos tales libros conscri-  
bere voluisse, & attribuire Auctoribus, non modo  
Legis alterius, verum etiam quos ipsi, ut malè sen-  
tientes arguebant? Nempe potius studuissent e-  
dere libros contra illos, quàm magnificare scriptis  
suis Sectam eorum, Si Christiani existerent, quo-  
modo induci potuissent ad imponendum Ecclesiæ  
adeo enormi mendacio, cum Lex eorum maximè  
mendacium damnet? Et quomodo assererent, Deum  
hæc, & illa esse loquutum personis, quibus libri in-  
titulantur, si ea non evenerunt illis personis? Qua  
ratione denique libri isti fuissent ita authentici, &

per orbem universum divulgatum, esse illorum  
Authorum, quorum nomine intitulantur, nisi re-  
vera per eosdem editi forent, & ipsi eorum Au-  
thores authentici fuissent? Quare Richar. 1. de  
Trinit. cap. 2. Certe, inquit, à summæ sanctitatis  
viris sunt nobis tradita. Et Augustin. 11. de Civ.  
cap. 3. loquens de Christo, Hic, inquit prius per  
Prophetas, deinde per se ipsum, postremo per Apo-  
stolos, quantum satis esse judicavit, locutus, Scri-  
pturam condidit, quæ Canonica nominatur, emi-  
nentissima auctoritatis.

Quartum medium recipientium diligentia esto;  
& sic procedit: Aut alicui credendum est de con-  
tingentibus, quæ nobis evidentia non fuerunt; aut  
nulli. Et si nemini quidem fides habenda est de his,  
quæ extitisse nos latet; pariter fides abroganda  
erit, dicentibus, mundum ante nos fuisse, nec cre-  
dendum reperiri in universis loca, aut urbes, quas  
non vidimus, & extare, aut extitisse crebra fama  
tulit; item, nec pro firmo tenendum, ab his paren-  
tibus nos ortum traxisse. Ejusmodi autem incre-  
dulas funditus everteret omnem vitam politicam;  
est igitur fides habenda aliquibus de contingentibus,  
quæ nobis nunquam evidentia fuerunt. Atqui  
si revera credendum alicui est, maximè communi-  
tati illi, quæ præclare famosa sit honestatem com-  
mendans, & potissimè mendacia damnans, ac præ-  
sertim cum constiterit, summam diligentiam adhi-  
buisse, ne deciperetur in recipienda doctrina ad  
salutem necessaria, qualis est quam complectitur  
Sacra Scripturæ Canon. Judæorum autem, &  
Christianorum Republica tanta sollicitudine, &  
diligentia usæ est in definiendo quipam tandem li-  
bri ponendi forent in Canone tantum authentici,  
& Dei revelatione conscripti, ut nunquam alias  
de alia doctrina perinde fuerit disputatum; ergo  
rationabiliter iis Communitatibus est fides habenda,  
dicentibus eos libros Dei instinctu, speciali-  
que ejus assistentia confectos, & tales, quales ab  
eorum Scriptoribus editi sunt, ad nos devenisse.

Quintum, ex rationabilitate contentorum in  
Scriptura accipitur. Nam quid demum rationabili-  
lius, quam præcipi, Deum, tanquam finem ultimum  
super omnia esse diligendum, & proximum, sicut  
nos ipsos? Deus enim revera est prima omnium  
causa, ac pariter ultimus finis; ei ergo ut summo  
bono, ac bonorum omnium auctori & causæ, est  
repandendus præ omnibus cultus, obsequium, &  
amor; & quoniam est commune bonum, omnibus  
est expetendum, ac in votis habendum, ut ab omni-  
bus perinde diligatur: *In his duobus præceptis uni-  
versa Lex pendet, & Prophetæ*, Matth. 22. & ibi-  
dem, cap. 7. *omnia ergo quæcumque vultis, ut fa-  
ciant vobis homines, & vos facite illis*: Ex quibus,  
tanquam ex principiis practicis, alia consequuntur  
agenda, quæ in Scriptura traduntur, honesta, uti-  
lia, & rationi apprimè consona, prout consideran-  
ti præcepta singula, consilia, sacramenta, est mani-  
festum, In omnibus enim elucet explicatio quæ-  
dam Legis naturæ, quæ scripta est in cordibus no-  
stris, ad Rom. 2. Præclare Augustinus 2. de Civ.  
cap. 28. *Nihil turpe, inquit, ac flagitiosum spectan-  
dum, imitandumque proponitur, ubi veri Dei aut  
præcepta insinuantur, aut miracula narrantur, aut  
dona laudantur, aut beneficia postulantur*. Et qui-  
dem nihil nobis proponitur credendum de Deo,  
quod ipsum dedecet; quinimò quicquid fide tene-  
mus magis divinæ perfectioni attestatur, quàm  
ejus oppositum, sicuti est unitas essentie, & Tri-  
nitas personarum, Verbi Incarnatio, & ejusmodi,  
Nihil enim incredibile credimus, quia tunc incre-  
dibile effet mundum talia credere, sicut deducit  
Au-

Quarta via à  
recipientium  
diligentia argu-  
mentum sumit.

Videndus Au-  
gustin. 8. de  
Civ. 6. 18. & 46.  
Item Canis de  
locis, lib. 2.

Quem tamen  
post Tridenti-  
num miramur  
scripsisse cap. 9.  
conclus. 1. hunc  
modum: *Baruch à Canone  
Sanctorum  
Scripturarum  
eximere, non  
solum contra-  
rium, sed et  
erroneum est*. Er-  
roneum vero hic  
appellat id, quod  
hæreticum  
proximum,  
heresim  
non auctore voca-  
re. Et concl. 3.  
Thobiam, Ju-  
dith, Sapientia-  
m, Ecclesiasti-  
cum, duosque  
Machabæorum  
libros à Canone  
reicere, multo  
magis erroneum  
est; ne dicam  
hæreticum.

Quintus locus  
est a rationabi-  
litate eorum,  
quæ in Sacris li-  
teris, Legesque  
Christianorum  
continentur.

De hac autem  
Legē, & honestate Christi-  
anorum vide-  
August. de  
utilitate credendi,  
6. 17.



Augustinus 22. de Civit. cap. 5. & nihilominus mundum hæc credidisse videmus.

Sexto, accipi potest argumentum contra Hæreticos ex irrationabilitate Sæctarum, quas damnat Communitas Christianorum. Et quidem ab ipsis idolatriæ cultoribus incipiendo, quid ipsi adducere possunt pro cultu inanum Deorum, in quibus nihil esse numinis dudum Philosophi ostenderunt? Quid Saraceni vilissimi porci Mahometi discipuli pro eorum Legibus allegabunt? Expectantes pro beatitudine quod porcis convenit, gulam nempe, & coitum? Quam promissionem irridet & ipse Avicenna, 9. sue *Metaph.* cap. 7. quamvis se Mahometi Sæctatorem esse profiteatur. Quid Judæi? Quomodo offendunt novum Testamentum esse reiiciendum, ut ipsi putant, quum in veteri, quod complectuntur, promittatur? (*Hierem.* 31.) ut declarat Apostolus ad *Hebræos*, cap. 2. & 8. Quam insipida sunt eorum cæremoniae sine Christo? Quem advenisse, novæque Legis authorem extitisse, ac proinde ab orbe universo excipiendam, est reperire in veteri Lege, ut *Genes.* 49. *Non auferetur Sceptrum de Juda, nec Dux de femore ejus, donec veniat qui mittendus est.* Et *Danielis* 9. *Septuaginta hebdomades abbreviatæ sunt super populum tuum, & super urbem sanctam tuam, ut consummeret prævaricationem, & finem accipiat peccatum, & deleatur iniquitas, & adducatur justitia sempiterna, & impleatur visio, & prophetia, & ungatur Sanctus Sanctorum.* Quid asini Manichæi fabulantur, adfruentes primum malum de quo cetera procederent mala; quum ipsi, etsi non primi, tamen valde mali essent? Nonne vident, ens omne, in quantum ens, bonum esse? Nonne etiam in novo Testamento deprehendere potuerunt, & vetus esse authenticum, Deique auctoritate approbatum, ut magnificè, & disertissimè tractat Augustinus *lib.* 12. contra Faustum Manichæum?

Quid cæterorum hæreticorum infania obtendere poterit? Qui aliqua divinarum Scripturarum dicta malè intelligentes, superbia tumidi, ac Ecclesiæ judicio refragantes, contra Spiritum Sanctum, qui per Canonicos Authores loquutus est, cornua erexerunt, falsis privato spiritu dogmatibus effictis, ac in animarum perniciem disseminatis. Id verò evenit, quia præcedente cum sequentibus conferre neglexerunt. Undè Augustinus *lib.* 83. qq. q. 69. *Non potest*, inquit, *error oriri palliatus nomine Christiano, nisi de Scripturis non intellexit.* Et infra: *Solet circumstantia Scripturarum illuminare sententiam, nec etiam alia loca Scripturarum contulerunt.* Undè heresortes sunt per se legendo, quæ conferendo repulsæ sunt: quia conferentes diversas sententias adduxerunt, quæ ex se invicem mutuo videri poterant, quomodo, & qualiter essent intelligendæ.

CONTRA hos omnes est illud Augustini, contra Epistolam Fundamenti; *Non credemus Evangelio, nisi quia Ecclesiæ Catholice credo.* Irrationabile est igitur aliquid Canonis recipere, cæteris reiectis; cum Ecclesiæ Catholica, cui credens, Canonem recipit, totum perinde amplectatur, ac quaslibet partes ejus. Consimiliter doctrinæ Philosophorum scætant erroribus adversus rationem pugnantibus, prout latè prosequitur Aristoteles, 2. *Polit.* agens de Rebus publicis per diversos ordinatis. Sed & ea, quam ipse instituit reprehensibilis est in multis: 7. enim *Polit.* cap. 7. docet, Deos esse honorandos, decet, inquit, cultum exhibere Diis, & ibidem, *Lex, ait, nullum orbatum tradit nutrire.* Et in eodem libro c. 16. scribit, oportet fieri abortivum in casu.

Septimum medium, est Ecclesiæ stabilitas, tam

Tomus I.

in capite, quàm in membris. Quoad primum, Augustinus de utilitate credendi, cap. 17. *Cum tantum*, inquit, *auxilium Dei, tantum profectum, fructumque videamus, dubitabimus nos ejus Ecclesiæ condere gremio, quæ usque ad confessionem generis humani ab Apostolica Sede per successiones Episcoporum, frustra hæreticis circumlarrantibus; partim plebis ipsius judicio, partim Conciliorum gravitate, partim etiam miraculorum majestatis damnis, culmen auctoritatis obtinuit.* Et parum post: *Quid est aliud, quod tam ingratum potest esse opinioni, atque auxilio divino, quàm tanto labore prædictæ auctoritati velle resistere?* Undè Gamaliel, *Act.* 5. *Si est ex hominibus consilium hoc, aut opus dissolvatur: si vero ex Deo est, non poteritis dissolvere illud, ne forte & Deo repugnare videamini.* Et *Lucæ* 22. ait Dominus Petro; *Ego rogaui pro te Petre, ut non deficiat fides tua: & tu aliquando conversus confirma fratres tuos.* Firmitatem autem Ecclesiæ in membris declarat Augustinus, de utilitate credendi, c. 17. *Imperitum etiam vulgus, inquit, marium, faminarumque in tam multis, diversisque gentibus, & credit, & prædicat.* Consimilem sententiam dicit contra Epistolam Fundamenti. *Quis enim tantam multitudinem ad peccata pronam, ad Legem contrariam carni, & sanguini servandam, induceret, nisi Deus?*

Ostavo denique, urgeri potest miraculorum in Ecclesiæ representatorum claritas sic: Deus cum sit infima sincerissima veritas esse nequit testis falsitatis: Sed Deus invocatus à prædicante Scripturam, ut ostenderet doctrinam ejus esse veram, id ostendere dignatus est, per opera soli Deo propria, cujusmodi sunt miracula, ac per hoc testificatus est, veracem esse doctrinam invocantis; ergo omnino credendum est, Scripturam hanc nobis traditam esse auctoritate divina. Quod si contentas, nulla hic miracula intervenisse; acutissimè instat Augustinus 22. de Civit. cap. 5. *Si illa miracula facta essent non creduntur, hoc unum nobis grande miraculum sufficit, quod jam terrarum orbis sine ullis miraculis credidit.* Et præclara omnino sunt, quæ eo loci differuntur ab Augustino. Si enim dicantur incredibilia esse, quæ credimus, non minus est incredibile, inquit *homines ignobiles, infimos, paucissimos, imperitos rem tam incredibilem, tam efficaciter mundo, & in illo etiam doctis persuadere potuisse, ut mundus illud credat, sicut jam credibile videtur, nisi per illos aliqua miracula fierent, per quæ mundus ad credendum induceretur.* Undè subdit. *Qui propterea exiguo numero ignobilium, infirmorum, imperitorum hominum credidit; quæ in tam contemptibilibus testibus, multò mirabilius divinitas se ipsa persuasit.* Et profectò quid incredibile, paucos, & rudes, & pauperes ad Legem carni, & sanguini contrariam plurimos potentes, & sapientes pertrahere potuisse? Et quidem legenti Ecclesiasticam Historiam, per omnes ætates occurrunt, mundi Sapientes, & fidei hostes ad veritatis lumen conversos, in Ecclesiæ gremium per Baptismum se contulisse, uti evenit in Paulo, Dionysio Areopagita, Justino, Cypriano, Augustino, & innumeris aliis. Accedit etiam, quod Deus non deest querentibus toto corde salutem; complures autem inquirentes eam, ad Legem Christianorum conversi sunt; imò quò ferventiùs salutem, & veritatem perquisivisse perhibentur, eò magis in Religione Christiana confirmati, ac de præteritis erratis poenitentes, sanctè, pieque vixerunt. Insuper & tormento, maximosque cruciatus in magna spiritus exultatione complures tolerare non dubitarunt. Quæ non videtur probabile evenire potuisse,

B 2

nisi

Ostium propter claritatem miraculorum.

Urget etiam hic Doctores alimonia exororum, ut in sepius re. de quo, cap. 18. Synodus, quæ vultur Angli. 18. de Civit.

Sextus ab irrationabilitate Angulorum et rationum.

Videndus Augustinus contra Faustum, & signat. c. 20. & orationes adversus Judæos, tomus 6.

Asen. de nat. m. hni, & alibi frequenter.

relogi q. 1. g. res rationes rima.

Optimum ab ecclesiæ stabilitate accipitur.



nisi Deus hanc Communitatem Sacrae Scripturae innitentem irrefragabiliter approbaret, & dirigere ad salutem.

AD ARGUMENTA. Ad primum respondet Augustinus, 18. de Civit. c. 41. Philosophos, qui labore literario monumenta suorum dogmatum reliquerunt, inter sese in pluribus, & quidem necessariis dissentire, quamvis unum interdum habuerint communem Magistrum, ut de dogmatibus Aristippi, & Antisthenis liquet, etsi ambo Socratici fuerint, & nihilominus ille in voluptate corporis summum bonum reponebat: Antisthenes vero virtute animi fieri hominem beatum, asseverabat. Eadem igitur Canonis Scriptoris evenissent, & posteriores prioribus contraxissent saltem in aliquibus, nisi doctrina communi edocti essent, inclinante eorum intellectu ad assentiendum iis, quae minimè erant evidèntia.

Responderi potest, non esse parem rationem de Philosophis, & Scripturae Sacrae Authoribus; quia enim illi ratione procedebant, poterant Magistros improbare, & ab illis dissentire, ut fecisse constat. At primi Canonis Authores, non modo literis mandaverunt, quae minimè evidèntia erant ex se ipsis, sed ne per rationem quidem naturalem attingibilia, ideo posterioribus non licuit illos rationibus improbare, ac propterea in omnibus assenserunt, nihil omnino discrepantes. Contra, Ezechiel propheta in Babylone, tempore eodem, quo Ieremias in Iudaea propheta vit, cum non solum illa loquerentur, quae à Moysè, tanquam à communi Magistro acceperant, sed & alia insuper multa, ut liquet legenti eorum volumina, saltem in his potuissent non concordare, aut etiam quae unus assererat, alius negare, cum ex terminis evidèntiam non haberent; ergo cum hoc non eveniret eis, manifestum est, Doctorem aliquem supra intellectum humanum ad assentiendum iisdem latentibus veritatibus illos impulsisse.

Ad secundum respondeo, negandum evenire omnino potuisse, ut Scriptores Sacri in excipendis divinis revelationibus, quas Ecclesiae traderent, deciperentur. Nam Paulus, 2. ad Corinth. c. 12. Scio, inquit, hominem in Christo, & subdit, verba arcana audivisse, quae non licet homini loqui. Nisi certus prorsus fuisset, se his in revelationibus non decipi, non potuisset ea affirmare citra mendacium, quia asserere dubium, vel est mendacium, vel certè non longè à mendacio abest. Ex iis ergo revelationibus, quas Paulus excepit, & compluribus aliis, quas ad se ipsos factas affirmant Prophetæ, constat, eos assensum firmissimum prestavisse illis, quorum notitiam ex naturalibus haudire non potuerunt, quia certissimi erant, imo experiebantur, se non errare, ita firmè assentientes. Quod tangitur, propter lucrum mentiri voluisse, nullam habet apparentiam. Nam non lucrum captantes, aut cupientes nitebantur perducere homines ad credendum his, quae dicebant, sed magis tribulationes, persecutiones, & mortem ipsam expectabant.

Ad Tertium dicimus, Fideli aut esse controverfiam cum infideli, aut cum eo, qui Scripturatum, aut partem ejus admittit, negans interim Ecclesiae infallibile testimonium. Si Scriptura admittatur, ex ea probabimus Ecclesiae infallibilitatem; Scriptum est enim Lucæ 22. Ego, inquit, Salvator rogavi pro te à Patre, ut non deficiat fides tua; & tu aliquando conversus confirma fratres tuos: & Matt. 16. Tu es Petrus, & super hanc petram aedificabo Ecclesiam meam; & portæ inferi non prævalent adversus eam; & tibi dabo claves Regni Caelorum.

Petro autem succedunt Romani Pontifices in pari potestate, & auctoritate; quicquid ergo is pronunciat, veritatem ita esse tenendum in materia fidei, & morum; incunctanter est ei adhaerendum, quia de Spiritu Sancti assistentia loquitur. Ex Scriptura ergo probantes Ecclesiae infallibilitatem, contra illam amplectentes, rectissime proceditur. Consimiliter vetus Testamentum conditum fuisse Dei instinctu, ac pollere subinde infallibili auctoritate, ex novo constat Testamento, & vicissim istud in illo promittitur. Si autem contra gentilem, & infidelem sit nobis disputatio, qui nec Scripturae, nec Ecclesiae credit, nos probamus, Ecclesiae fuisse revelata eloquia divina, eique subinde esse credendum in iis, quae spectant ad salutem, ex omnibus capitibus, & notis, quibus usi sumus in probanda solutione.

Ad Quartum dicendum, utique Deum innumera fecisse miracula ad testificandum veritates doctrinae, quae in Ecclesia & creditur, & praedicatur; & cum dicitur, non convinci propositum ex miraculis, quia & Antichristus est miracula facturum in confirmationem falsitatis suae doctrinae. Respondeo sic: Si quis invocatus in testem, signum consuetum testificandae veritatis, permittat adduci, nihil interim contradicens, ea taciturnitas non stat cum veritate perfecta. Miraculum autem est tale signum Dei, ut testis: Si igitur permittat fieri miracula à Demonibus, non contradicens, non videtur esse perfectè verax, quod est impossibile. Et revera Deus contradixit miraculis, quae facturus est Antichristus, annuncians ea non fore testimonia veritatis, ut legitur Matthæi 24. & 2. ad Thesalon. cap. 2.

Ad ultimum concedimus, stabilitatem Reipublice Christianorum esse notam significativam, penes ipsam tantummodo asservari, ac profiteri veracem, ac Dei instinctu revelatam doctrinam; quae doctrina eadem perpetuo in ipsa est, quam Christus, ac Apostoli tradiderunt, idem Princeps sacrorum, idest, similis Petro in potestate, & auctoritate, eadem Sacramenta à Christo instituta, eadem praecepta ab initio tradita; etsi Romanus Pontifex pro opportunitate, & exigentia temporum nonnulla sepe magis declaraverit, quae nihilominus continebantur in generalibus revelationibus, aut traditionibus Ecclesiae ab Apostolis consignatis. Nulla alia Secta, aut Respublica eadem de se ipsa docere potest. Nec obstat principatus Mahometanorum, quia tantam illuviem hominum ignavorum caro, & sanguis, & pronitas in libidinem sub illa tyrannide detinet, profitentes Legem eorum immundissimis moribus congruentem. Respublica Hebreorum nusquam est; Nam toto orbe dispersi (ut praedixerunt Daniel cap. 9. & Osea 3. futurum propter necem Christo illatam) sunt sine principè, sine templo, sine Sacerdote; & quam modica est apud illos observantia praeceptorum, quae Deus per Moysen eis praescripsit! Si enim illa servarent, fortè auferretur velamen ab oculis eorum, ut dixit Salvator, Ioan. 9. Si enim crederetis Moysi, crederetis forsitan & mihi; de me enim ille scripsit.

#### ARTICULUS INCIDENS.

Utrum cognitio supernaturalis necessaria viatori sit sufficienter tradita in Sacra Scriptura.

Doct. Prologi q. 2. §. Habito igitur. S. Th. 1. p. q. 1. a. 1.

VIDETUR supernaturalis cognitio homini viatori necessaria haud sufficienter, & præcisè contineri in Sacra Scriptura, Nam

Prolog. q. 2. cit. §. De oblatione. V. Contra secundum.

Ubi supra §. De septimo.

1. d. 11. a. 1. §. Ad rationem illam.

August. serm. 1. de Adventu. Videndus The mas Campa la Angulæsi me adversus Judeos. Et contra Mahometanos in Athesmo triumphato, & i. Prophetis libris.

Prolog. q. 2. cit. §. De oblatione.

Ubi supra §. De septimo.

Ubi supra §. De septimo.

1. d. 11. a. 1.



Legis naturæ decurrente tempore, non exstabat hæc, quæ appellatur, Sacra Scriptura: Moyses enim primo scripsit Pentateuchum, & exinde alii alia scripserunt volumina; nec uno tempore totum vetus Testamentum confectum fuit. Sed omnino ætate Deus providit generi humano de doctrina necessaria, qua mediante posset salvari; non est igitur Scriptura necessaria ad salutem.

Præterea, Quicumque Author scientiarum humanarum, quo acutior intellectu, eo magis vitat superfluitatem in tradendis disciplinis: Sed in Sacra Scriptura videntur complura superflua contineri, cujusmodi sunt cæremoniæ, & historiæ multæ, quarum cognitio nihil est saluti profutura; ergo doctrina ad salutem necessaria non exactè contribuitur in Sacra Scriptura.

Præterea, Complura occurrunt, de quibus non certo cognoscitur in Sacra Scriptura, utrum sint peccata mortalia. Sed omnium ejusmodi peccatorum cognitio est omnino necessaria ad salutem: ignorans enim per aliquem actum se incidere in mortale peccatum, non sufficienter cavet illud, & ita excidet ab æternæ salutis consequutione; igitur in Sacra Scriptura non continetur sufficienter doctrina necessaria viatori pro assequenda æterna salute.

CONTRA, Augustinus II. de Civit. cap. 3. loquens de Scriptura Canonica, ait: *Cui fidem habemus de his rebus, quas ignorare non expedit, nec per nos ipsos nosse idonei sumus.*

RESPONDEO dicendum, revera in Sacra Scriptura contineri necessaria quæque homini viatori ad salutem, & in ea quidem sufficientia, ut membris Ecclesiæ Catholicæ à suo visibili capite influxum excipientibus, non sit ultra quærendum. Declaratio; Nam ex dictis articulo primo. Homini viatori necessaria est distincta cognitio sui finis; insuper quomodo is finis acquiratur, & omnium necessariorum ad finem, & quod denique ea fini assequendo sufficiant. Sed in Scriptura divinitus inspirata continetur disertè qui sit finis hominis in particulari, quia visio, & fructio Dei; & quidem secundum circumstantias maxime inducentes ad quærendum, & desiderandum consequutionem ejus, docens possessionem finis fore sempiternam, non animæ solius, sed animæ iterum corpori unitæ in resurrectione generali; determinantur præterea in Canone, quæ sunt necessaria ad finem: sunt autem decem Legis mandata, de quibus Exodus 20. eorumque observantia sufficere pro consequenda æterna salute, habetur Matthæi 23. *Si vis ad vitam ingredi, serva mandata.* Horum etiam explicatio, & quantum ad credenda, & quantum ad speranda, & quantum ad operanda, continetur, atque colligitur ex diversis locis Sacre Scripturæ, Proprietates denique substantiarum immaterialium traduntur in ipsa, quantum possibile est, & utile viatori nosse. Continetur ergo, atque docetur in divina Scriptura talis, tantaque supernaturalis, seu revelata cognitio, & instructio, quæ satis sit perducendo homini viatori ad finem vitæ beatæ, propter quem conditus fuit.

AD ARGUMENTA. Ad primum, concedo majorem; & cum subditur: In Lege naturæ Deus non desuit generi humano de necessariis ad salutem. Responsio: Legis naturæ statui pauciora sufficientia, quæ filiis parentes ore tenus tradentes, memoria tenere poterant, & subinde tradere aliis servanda ad salutem. Illi enim homines longè præstabant aliis secuutarum ætatum in naturalibus, ideoque modica doctrina inspirata, satis fuit, ut in veri Dei cultu detinerentur, & tandem ad præmia

vitæ æternæ pervenirent; donec humana natura in deterius vergente, malitiaeque in immensum aucta subventum est per Legem Moyfi propagatis de Abrahamo, & universo orbi per Legem Evangelicam.

Aliter etiam potest responderi ad id, quod adducitur de Legis naturæ decursu, & Legis moysæ conditione, juxta Augustinum lib. 83. qq. q. 5. scribentem, *Quisquis duorum Testamentorum dispensationes pro temporum congruentia generis humani diligenter ætatibus distributa intuetur satis, quantum existimo, intelligit, quid propriè priori ætati generis humani, quid posteriori conveniat.* Nempe ex hoc ipso cognosci potest, ejus doctrinæ Authorem alium esse non potuisse, nisi Deum, qui solum convenientem cuilibet ætati potuit dedisse doctrinam, ut instruerentur homines, qua ratione essent æternam salutem consequuturi.

Ad secundum neganda est minor; & cum probatur ex cæremoniis multis in Lege Moyfi scriptis. Responsio: Cæremoniæ illæ utiles sunt ad excitandum legentium devotionem; illæ enim figure sunt eorum, quæ in novo Testamento representata fuere: Quis dignè ergo commendabit bonitatem, & sapientiam divinam, dum novit, gesta in Lege Evangelica sub figura velata fuisse in Lege moysæ? Quia ergo dulcius, majorique cum devotione intelligitur quod latet sub aliqua sententia literalis, ac si foret expressè dictum; ideo non superflue, sed utilimè, ut dictum est, servat Ecclesia Scripturam cæremonias veteris Legis complectentem. Historias quod attinet, dicimus, in eis contineri exempla Legis declarativa, quæ quantum profint dirigendis actibus nostris, nemo est, qui non intelligat. Denique ex ipso totius Scripturæ processu utenti recta ratione evidens est ordinatissima Dei gubernatio hominis, & rerum universitatis.

Ad Tertium respondeo sic. Nulla scientia omnia scienda explicavit, sed illa, ex quibus possunt alia sufficienter elici. Nec igitur in Sacra Scripturæ traditione oportuit aliter factum esse; satis est enim exactè explicari illa, in quibus aliæ veritates minus explicitè traditæ virtualiter continentur, sicut conclusiones in principiis, circa quarum investigationem utilis fuit labor Doctorum, & Expositorum.

Et si dicas; suppositis Doctorum, & Expositorum Doctrinis omnibus, adhuc multa in actibus humanis sunt ambigua, utrum sint peccata mortalia, an non; ergo non est satis provisum salutis hominis viatoris per Sacram Scripturam, etiam additis Doctorum expositionibus, & doctrinis. Responsio: Via salutis non est dicenda simpliciter dubia, aut perplexa volentibus in sinceritate cordis ingredi per illam: nam ab his actibus, de quibus sic dubitatur, debet homo sibi cavere, & custodire se, ne dum minus vitat periculum, incidat in peccatum, donec veritas explorata sit, vel per se ipsum, vel per alios conscientia probata. Quod si noluerit quærere salutem, sed contemnendo exponat se periculo, peccabit mortaliter se tali periculo exponendo, etiam si fortasse de genere actus non sit peccatum mortale.

Diamsc. 1. 1. cap. 1. Nant, cum Deus bonitate præstet, hanc præfecto omni mappulatore est ut qui nec iustitia, nec ullis ascedibus laborat. Procul enim à divina natura abest individui quippe quo perversione omni vocat, solaque bona est. Proinde cuncta, respectu, & explorata habens, & quod tunc conducebat procurant, id quod nostro scire intererat, aperuit, quod autem ejusmodi erat, ut vires nostras, & eamque excederet, retineat. Hæc ille.

De his 4. distino  
1. q. 7. §. Resp.  
pondit.



## ARTICULUS II.

Utrum Sacra Doctrina sit Scientia.

Post. in Oxon. q. 4. Prologi. In Report. ibidem  
q. 2. & 3. dist. 24. utriusque scripti.  
S. Thom. 1. p. q. 1. art. 2.

**V**idetur sacra doctrina esse scientia. Nam  
Apostolus 1. ad Corinth. cap. 12. distin-  
guens dona, quæ distribuuntur membris Christi,  
propter Spiritus vult, ait: *Alii datur sermo scientiæ*  
et c. Sed scientia, de qua Paulus loquitur,  
Theologia est, & scientia Scripturæ divinæ; igitur  
Theologia, vel sacra doctrina est scientia, de  
qua dicit Augustinus allegans verbum citatum  
Apostoli, 14. de Trin. cap. 1. *Huius scientiæ*  
*tribus illud, quo fides saluberrima gignitur, nu-*  
*tritur, defenditur, & roboratur.*

Præterea, Si Theologia non esset scientia, maxi-  
mè quia principia, ex quibus conclusiones deducit,  
non sunt evidentiæ ex natura rei, sed duntaxat  
credita: sed hoc non impedit quominus ipsa sit verè  
scientia; & probatur: quia scientia subalternata  
quæ talis, scientia est; sed si subalternata non habet  
principia suarum conclusionum evidentiæ, sed magis  
supponit ea, & accipit à subalternante; ergo  
scire potest, notitiā aliquam verè scientiam esse,  
et si supponat sua principia, & non sint sibi eviden-  
tia ex natura rei.

Præterea, Scientia est habitus simpliciter perfe-  
ctior quocunque alio habitu cognitivo, & loquor  
de scientia communiter, prout includit & sapien-  
tiam; igitur si viator non potest habere scientiam  
de Deo, sub ratione deitatis; haberet notitiā in-  
feriorem, & habitum imperfectiorem ipsa scientia;  
Sed hoc falsum est, cum sit perfectio portionis su-  
perioris, secundum August. 12. de Trin. cap. 4. ex  
quo circa divinam versatur; igitur oportet talem ha-  
bitum esse propriè scientificum.

Præterea, Lumen naturale sufficit ad habendum  
scientiam viribus naturæ acquisitam de objecto natu-  
rali; ergo cum lumen supernaturale non sit im-  
perfectius lumine naturali, intellectus viatoris in  
lumine supernaturali poterit habere scientiam de  
objecto supernaturali.

Præterea, Ubi est notitia cum majori certitudi-  
ne, ibi est major ratio scientiæ; quia certitudo per  
se convenit scientiæ; igitur notitia, quæ est magis  
certa, potiora scientiæ rationem habebit: sed  
nunquam contingit Theologum dubitare de veri-  
tate à Deo revelata; imo persuasum sibi omnino  
est, ea esse longè veriora, certioraque quacunque  
alia apprehensa, vel scita lumine naturali; ergo no-  
titiā habita ex principiis à Deo revelatis est pro-  
priè scientia.

**CONTRA**, 2. ad Corinth. cap. 5. *Dum sumus in*  
*corpore, peregrinamur à Domino: Per fidem enim*  
*ambulamus, non per speciem.* Glossa: *modò per*  
*fidem tantum illuminamur, non per speciem.* Non  
ergo illuminamur per cognitionem scientificam de  
mysteriis revelatis. Rursus per rationem: Impos-  
sibile est, ex principiis opinatis sequi conclusio-  
nem nisi opinatam; igitur perinde impossibile est,  
ex principiis creditis sequi aliam conclusionem,  
quàm creditam: certitudo enim conclusionis non  
excedit certitudinem principiorum.

**RESPONDEO**, quoniam alia est Theologia in se,  
alia est in nobis; & rursus alia ut in comprehen-  
sibus, alia in viatoribus; de omnibus singillatim  
videndum, an ipsis ratio scientiæ competat. Et ab  
ultimo membro incipiendo, dicendum, eam non

esse scientiam secundum quod de scientia loquitur  
Philosophus, 1. Poster. c. 2. Porro per sacram do-  
ctrinam, seu per Theologiam nostram intelligimus  
habitum tendentem in ea, quæ continentur in Scri-  
ptura divina, & quæ possunt elici ex ipsis; Nam  
Biblia complectitur quæcumque Deus per revela-  
tionem generalem tradidit Ecclesiæ. Hanc ergo  
sacram doctrinam non esse scientiam, declaratur  
ex Philosopho loco citato, ubi de scientia differens,  
ait, *Quia scire opinamur unumquodque simpliciter,*  
*& non sophistico modo, cum causas arbitramur co-*  
*gnoscere, & quoniam illius est causa, & quoniam*  
*impossibile est aliter se habere.* Hæc ex sententia  
dicens, scientiæ quatuor condiciones attribuit: Pri-  
ma est notitiæ certitudo, quam exprimit Philoso-  
phus illis verbis: *scire opinamur unumquodque sim-*  
*pliciter, & non sophistico modo* omnem dubitatio-  
nem, atque incertitudinem subinde à scientiæ ra-  
tione excludens. Secunda conditio est, ut sit de  
cognito necessario; quare ait, *quoniam impossibile,*  
*est aliter se habere*; nempe quod scitur. Tertia con-  
ditio, ut scientia causata sit à causa intellectui evi-  
dente; & ideo dicit: *scire arbitramur, cum causas*  
*arbitramur cognoscere.* Quarta denique conditio  
est, eam causam esse debere applicatam ad conclu-  
sionem per discursum syllogisticum; unde & sub-  
dit, *quoniam illius est causa*; id est, oportet scire,  
rem ita se habere, actu cognoscendo causam, & ap-  
plicando ad conclusiones cognitatas atque scitas.  
Ex quibus concludit, scientiam demonstrativam  
procedere ex primis, & veris, & notioribus, cau-  
sisque conclusionis.

Cum igitur sacra doctrina, nostræque Theolo-  
giæ manifestè desit evidentiæ ex natura rei; nequit  
ei convenire hæc scientiæ ratio. Etenim Theolo-  
gia nostra ex principiis revelatis suas deducit con-  
clusiones; accipiendo vel ex Scriptura sententiam  
clariorem, ut exponat minus claram; vel adhiben-  
do alias scientias naturales, & præsertim metaphy-  
sicas: Si primo modo quis procedat; tunc non ha-  
bet maiorem certitudinem, nec evidentiā clario-  
rem de Scriptura exposita, quàm de exponente: Si  
adhibeat scientias naturales, tunc conclusio non  
erit ex natura rei magis evidens intellectui, quàm  
altera præmissarum, quæ minorem habet & certi-  
tudinem, & evidentiā. Quemadmodum & in  
omni mixtione, certitudo conclusionis, est certitu-  
do præmissæ minus certæ. Cum igitur præmissa  
sumpta ex scriptura, aut ex articulis revelatis, &  
ex his, quæ necessariò sequuntur ex illis, non sit  
evidens ex terminis, sed credita; igitur & credita,  
seu non evidens erit conclusio, ac proinde non de-  
monstrata, nec generans scientiam; quamvis pos-  
sit, ac defacto exinde innascatur in intellectu ha-  
bitus alius a fide. Quæ dicta sunt de expositione,  
procedunt quoque de contrariorum solutione;  
Nam solutio argumentorum habet tantam certitu-  
dinem, & evidentiā, quantam ea, quæ ad id ad-  
hibetur: si igitur accipiantur illa ex scripturis, so-  
lutio credita solummodo erit; si aliunde, eam ha-  
bitura est certitudinem, quam habere potest scri-  
ptura cui innititur: nunquam tamen certitudinem  
ex evidentiā.

Veruntamen his de facto ita procedentibus, de  
possibili tamen viatori posset ex speciali privile-  
gio communicari Theologia, quæ sibi esset pro-  
priissimè scientia, habens nimirum omnes condi-  
tiones, quas scientia, de communi sententia, in-  
trinsecè exigit. Siquidem (ut declarabitur infra,  
q. 12. art. 2.) viatori potest infundi habitus, vel si-  
militudo, in qua divina essentia distinctè, & abstra-  
ctivè cognoscatur, stante ipso statu viæ; huius enim

Ubi supra §.  
Sed dubium est.

Ex 3. Report.  
loco. cit. n. 16.

Scientiæ pro-  
priè sumptæ  
quatuor condi-  
tiones.

Ex Oxon. 3.  
cit. §. Si loquar  
mur.

Theologia  
nostra de facto  
non est scientia.

Quod. 1. 7.

Re-

Ex 4. citat. §.  
Ex hoc argu-  
mentum.

Ex Report. loco  
cit. Prologi.

Prolog. q. 9. §.  
circa solutio-  
nem: V. De  
vitiis.



statui tantum illa Dei cognitio repugnat, quam habent Beati in Patria) sed intellectus potens habere conceptum virtualiter includentem omnes veritates ordinatas, quæ in objecto sic cognito continentur, potest de tali objecto habere scientiam propriè acceptam; ergo de possibili Theologia in intellectu viatoris potest habere omnes scientiæ conditiones. Minor est evidens; quia distinctissimus conceptus subiecti Theologiæ, quod est Deus, communicari potest citra cognitionem intuitivam: nam de quocunque objecto scientiæ potest haberi cognitio distinctissima abstractiva, citra intuitivam; omnis enim scientia est de re, non præcisè, ut existens est, quamvis alias ipsa existentia sit ratio intellecta in objecto. Is autem conceptus distinctissimus de objecto abstractivè cognito; virtualiter, & evidenter continet omnes veritates necessarias de subiecto, secundum quod sunt inter se ordinatæ, & patet inferri una ex alia. Et quamvis contingentes veritates non includantur in illo, quoad actum, quia tunc forent necessariae; tamen distinctè cognosceretur earum possibilitas, & ostenderetur per illam, veluti per causam, ex subiecti ratione distinctè intellecta. Viator ergo habens talem conceptum, haberet perfectam scientiam Theologiæ, cum per conceptum distinctissimum divinitatis, haberi in statu viæ possibilem, cognosceret ordinate veritates omnes necessarias, sive illas, quæ sunt de intrinsecis, sive illas, quæ sunt de possibili extrinseca respicientes.

Ad ARGUMENTA. Ad primum dico, scientiam, de qua loquuntur Apostolus, & Augustinus, non esse scientiam propriè dictam, quæ scilicet habet ex objecto evidentem certitudinem, sed scientiam magis, qua pollens idoneus est exponendi, declarandi, atque defendendi sensum Sacræ Scripturæ, quo utique habitu instructi sunt majores in Ecclesia; eorum est enim declarare fidei mysteria, & eadem tueri contra Ecclesiæ hostes. Veruntamen is habitus non est evidens, ut nuper exitit declaratum. Nec facit quod Apostolus loco citato distinguat donum scientiæ contra fidem: quia utique eam scientiam non habent simplices in Ecclesia, qui tamen tenent sinceram fidem, sed fidei mysteria nesciunt declarare, & multo minus defendere adversus contrariorum impugnationes.

Ad secundum respondeo sic: subalternata est scientia propriè dicta, & talis non esset, nisi sua principia (quæ sunt subalternantis conclusiones) possent reduci in principia prima, ex evidentia terminorum nota: In illo igitur intellectu dumtaxat est scientia, qui potest reducere ejus principia in alia principia, ex quibus illa propter quid demonstrantur, quod utique efficere non poterit ille, qui habet subalternatam, nisi pariter sciat & subalternantem. Si vero intellectus, qui præditus est subalternata, credat dumtaxat vera esse principia subalternantis, aut de illis habeat opinionem, ea, quæ subalternata dicitur, non erit in tali intellectu scientia, sed fides, vel credulitas, aut opinio. Quoniam igitur sacræ doctrinæ principia in intellectu viatoris nequeunt demonstrari per alia ex evidentia rei, cum talem evidentiam solus habeat comprehensor; non erit profecto scientia in viatoris intellectu, sed solummodo in comprehensore.

Ad tertium dicendum, fidei infusæ habitum esse longe nobiliorem omni scientia acquisita, cum ad eum producendum non sufficiat omnis naturæ conatus; Esti verò fatendum sit, hunc habitum non præcellere scientiæ, quoad evidentiam conditionem, cum tamen habeat aliam nobiliorem condi-

tionem, quia cum majori certitudine inclinatur ad objectum, scientiæ acquisitæ est omnino præferendus.

Ad Quartum, neganda est paritas; quia in lumine naturali objectum est distinctè præsens intellectui; sed in lumine supernaturali fidei non est objectum supernaturale præsens intellectui, nisi in quibusdam conceptibus abstractis à creaturis; unde semper remanet non evidens ex natura rei.

Ad quintum respondeo sic: revelatum magis accedit ad rationem certitudinis, sed non ad perfectiorem evidentiam de objecto, & quoniam hoc est essentialis scientiæ, de qua nobis est hic sermo; ideo sacra doctrina, etsi certissima sit, non attingit tamen scientiæ naturam.

## ITERUM ARTICULUS II.

Utrum sacra doctrina sit scientia.

Doct. Prologi q. 4. laterali. S. Th. 1. p. q. 1. art. 2.

**V**idetur Theologia haud esse scientia in intellectu divino, & Beatorum. Nam acquirere scientiam per discursum, videtur esse imperfectioris in nobis; quia id importat necessario potentialitatem; ergo cum divinus intellectus, sit incapax omnis imperfectionis, non potest sibi cognitio Theologica esse scientia.

Præterea, In intellectu quoque Beatorum videtur Theologia non esse discursiva; ergo ne in Beatis quidem scientia esse potest. Probatur assumptum ex Augustino 15. de Trinit. cap. 16. ubi dicit; *Fortasse non erunt ibi volubiles nostræ cogitationes ab aliis in alia euntes, atque redeuntes, sed scientiam nostram unico intuitu videbimus*; ergo intellectus Beatorum non discurret, ac subinde in ipsis Theologia non est scientia.

Præterea, Quemadmodum ad Theologiam spectant necessaria, sic & contingentia. Et quidem Theologia nostra est de contingentibus quoad omnes articulos de Incarnatione, sed & Theologia Beatorum pariter est de contingentibus, secundum omnia cognoscibilia de Deo in respectu ad creaturas extra. Sed de contingentibus non potest esse scientia, ex ipsius scientiæ definitione; ergo Theologia, quatenus se extendit ad omnia, quæ complectitur, nequit habere rationem scientiæ, seu acquiratur cum discursu, seu non.

CONTRA, Theologia & in se, & Beatorum est certissima, atque evidentissima, & de objecto eminentissimo; ergo est scientia perfectissima.

RESPONDEO, Quemadmodum cognitio quælibet in se, est illa, quæ nata est haberi de objecto ejus, secundum quod natum est manifestare se intellectui proportionato; ita Theologia in se est talis cognitio, qualem natum est facere objectum Theologicum in intellectu sibi proportionato. Cum igitur objectum primum Theologicum sit ens infinitum, continens omnia intelligibilia; plane non nisi intellectu infinito erit proportionatum, cui innatescere facit omnia, quæ virtualiter continet; quandoquidem id objectum à tali intellectu comprehendatur. At Beatorum Theologia habet terminum ex voluntate Dei revelantis; Esti enim & ipsi clare intueantur objectum Theologicum, in quo & beatificantur; non tamen ex eo intuentur omnia, quæ in illo continentur, sed dumtaxat quæcunque Deus vult ipsis innatescere.

Tunc dicendum, Theologiam in se, quæ eadem est ac Theologia Dei, non esse scientiam, quoad quartam conditionem, articulo præcedenti anno-

Agitur hic de Theologia in intellectu divino, & Beatorum.

Prolog. q. 3. §. 1. Circa solutio nem.

Prolog. q. 2. §. 1. Sed dubium.

Theologia in intellectu divino non est scientia certissima sine



Ad tertium dico, in scientia perfectionis est quod sit evidens, & certa. Quod autem sit de necessario objecto, hæc est conditio objecti, non cognitionis; quia quantumcumque scientia sit de necessario, ipsa in se potest esse contingens, & per oblivionem deleri. Si igitur aliqua alia cognitio est certa, & evidens, & quantum est de se perpetua; ipsa in se videtur formaliter perfectior, quam scientia, quæ requirit necessitatem objecti. Contingentia autem, ut pertinent ad Theologiam, nata sunt habere cognitionem certam, & evidentem, & quantum est ex parte sui, evidentiam perpetuam: Eiusdem enim contingentia nata sunt videri in primo objecto Theologico, & in eodem nata est videri conjunctio istarum veritatum contingentium; unde inveniunt illa, sunt evidenter vera, & certa. Quantum etiam est ex parte objecti Theologici, nata sunt videri in tali objecto perpetuo; quatenus igitur contingentia pertinent ad Theologiam, nata sunt habere perfectiorem cognitionem, quam scientia acquisita de necessariis. Et nihilominus hujusmodi cognitio contingentium certa, & evidens non potest appellari scientia, secundum quod scientia requirit necessitatem objecti; quia cognoscere contingens ut necessarium, non est cognoscere contingens: tamen secundum quod accipitur à Philosopho scientia, 6. *Ethic.* cap. 3. ut dividitur contra opinionem, ac suspensionem, bene potest esse scientia; quia est habitus, quo determinatè verum dicimus.

Respondeo dicendum, Viatorum Theologiam minimè esse subalternatam Theologiæ Dei, & Beatorum. Nam ex Philosophi doctrina communiter recepta, 1. *Pyster. Tex. 69.* subiectum subalternatæ se habet per additionem respectu scientiæ subalternantis, idest minus latè patet per differentiam accidentalem additam illi, ubi quæ limitatione subalternata considerat, & veratur circa subalternantis objectum. Theologiæ autem nostræ, & Beatorum, & Dei, est idem omnino subiectum, nempe Deus sub ratione deitatis, ut infra declarabitur *artic. 7.* & tenent illi, qui oppositum adstruere co-

Cajetanus in  
Commen. nitur  
solvere hæc  
Doctoris argu  
menta; Sed Ma  
gister Lyche  
tus efficacie  
confutat eju  
s resolutiones;  
attendens sub  
inde Scoti ra  
tione, stare in  
suo robore, &  
Cajetanium;



communis via  
Philosophiæ  
& Theologiæ  
quoad ratio-  
nem scientiæ  
subalternanti-  
& subalternatæ  
recedere.

nantur; igitur etiam in illorum principiis Theologia nostra non est dicenda subalternata. Deinde, oppositam conclusionem defendens, 2. 2. qu. 1. art. 5. dicit ex Sententia, fidem & scientiam non posse stare simul, de eodem objecto; Sed si Theologia nostra sit scientia subalternata Theologiæ Beatorum, scientia sub propria ratione scientiæ subalternatæ stat cum fide in Viatore, & de iisdem: Nam eadem forent & credita, & scita. Nec solvitur, etiam si dicatur in 2. 2. loquutum de scientia subalternante, non verò de subalternata; nam perinde implicat, scientiam subalternantem esse simul cum fide, ac subalternatam, cum utraque exigat evidentiam ex natura rei, quam fides essentialiter excludit. Nam qui novit principia conclusionum, potest & ipsas scire conclusiones: subalternantem igitur scientiam tenens; potest & unâ addicere subalternatam. Et consimiliter quoniam principia subalternantis sunt universaliora, & priora, subinde faciliora sunt intellectu, quam principia subalternatæ: illa enim cognoscibilia sunt ex evidentiâ terminorum, citra discursum, quo pacto non sunt cognoscibilia principia subalternatæ. At in casu est impossibile utrumque; Nam tam repugnat, Beatos habere Theologiam nostram, quam Viatori inesse illam Beatorum. Denique scientia subalternata dependet à scientia subalternante, quatenus cognitio principiorum subalternatæ causatur à notitia principiorum subalternantis; vel saltem ab objecto subalternantis, vel à principiis ejus: Sed notitia Theologica nobis revelata, quod *Deus sit trinus, & unus*, non causatur aliquo modo à notitia Beatorum, quæ est clara visio revalorum mysteriorum; ergo nostra Theologia non est Beatorum Theologiæ subalternata. Minor est evidens ex eo, quia scientia non dependet essentialiter nisi ex potentia, & objecto in se, vel in specie sua: Theologia autem Beatorum non est objectum Theologiæ nostræ, adeo ut cognita illorum notitia, cognoscamus mysteria revelata; nec est potentia anime, nec species objecti; igitur habitus Theologiæ Viatorum in nullo dependet essentialiter, tanquam à causa, à visione Beatorum: ac proinde ex eo quod scientia intuitiva illorum sit de illis, quæ nos fide tenemus, non sequitur, habitum nostrum Theologicum subalternari notitiæ Beatorum.

Ad uberiorem hujus argumenti declarationem, addendum, Theologiam in se nulli scientiæ subalternari, nec esse respectu alterius subalternantem. Nam etsi subiectum ipsius possit aliquo modo contineri sub objecto metaphysicæ; quia tamen nulla omnino principia accipit à metaphysica, cum nulla passio Theologica demonstrabilis sit per principia entis, vel per rationem sumptam ex ratione entis; non est metaphysicæ subalternata. Nec item est alicujus alterius subalternans; nam nulla alia scientia accipit principia ab ipsa: Quælibet enim alia in linea cognitionis naturalis habet resolutionem suam ultimo ad aliqua principia immediata naturaliter nota.

Nec per hoc quod resolutio ultima quorumcumque principiorum, & conclusionum stet ad visionem eorum in Verbo, in quo utique perfectius omnia cognoscuntur, quam in se ipsis; sequitur, scientiam Theologicam subalternare sibi omnes alias scientias naturales; Quia, etsi revera, ut dictum est, perfectius cuncta cognoscantur in Verbo, quam in se ipsis, satis est tamen, ut principia, ad quæ ultimo stat resolutio naturalium scientiarum, evidenter cognoscantur ex terminis, adeo ut scientiæ inde deduci queant conclusiones,

Tomus I.

sive ea principia perfectius possint cognosci, si-  
vè non. Exemplum: Metaphysicus perfectius, ac distinctius cognoscit quidditatem lineæ quam Geometra, qui ex conceptu confuso terminorum deducit suas conclusiones scientificæ; nec probat per distinctiorem cognitionem Metaphysicæ, sed ultima sua resolutio stat ad terminos confusè cognitos, habentes tamen evidentem, ac necessariam connexionem: eadem ergo propositio potest esse per se nota, terminis distinctè, & confusè conceptis; nec tamen ipsa, ut distinctè termini cognoscantur, causat evidentiam sui ipsius, ut termini confusè apprehenduntur; sed utroque modo est per se nota, licet clarius videatur in uno ordine, quam in alio. Theologia igitur in se, videns omnium scientiarum principia, longè perfectius ac ipsæmet scientiæ apprehendere valeant, non propterea eas omnes sibi subalternat scientias; quia notitia hæc Theologica non est causa notitiæ principiorum inferioris scientiæ; quod ipsa subalternationis ratio intrinsecè postulat.

AD ARGUMENTA. Ad primum respondeo sic: ex eo quod Theologia nostra supponat, atque credat principia, ex quibus conclusiones deducit, ipsa nequit esse scientia, ut declaratum fuit *articulo præcedenti*; at quia habet idem objectum, estque de omnibus, de quibus est Theologia Beatorum, à qua non habet eam dependentiam, qualem habet subalternata respectu subalternantis, nequit dici subalternari illi, ut probatum est *in solutione*.

Ad secundum dico, utique Perspectivam propriè Geometriæ subalternari; sed planè non ita subalternaretur, nisi forent Perspectivo evidentia, atque nota ex natura rei principia illa, ex quibus ipsæ suas deducit conclusiones: Si dumtaxat ergo credat, atque opinetur, vera esse principia demonstrata in Geometria, sibi Perspectiva non erit scientia, sed fides, vel opinio. Undè quoniam nostra Theologia credit principia sua; non enim sunt nota ex natura rei, nisi Comprehensibilibus, nec scientia esse potest, nec subalternata, ut explicatum est.

Ad confirmationem, quæ fundatur in auctoritate Commentatoris: dicendum: *Inductionem* posse dupliciter accipi. Primo quatenus est una species argumentationis: secundo prout inductio appellatur omnis cognitio, quæ oritur ex sensu, sicut dicimus principia cognoscere, quia per sensum terminos apprehendimus. Iuxta priorem intellectum, negamus inductionem sufficere scientiæ acquirendæ. Nam non ideo scitur universale, quia ex particularibus deducitur; sed potius virtute terminorum est evidens, & nota intellectui connexio eorum; idque perinde eveniret existentibus, ac sublati particularibus. Exemplum; *omne totum est majus sui parte*: non est ea propositio perspecta intellectui ex hoc, & illo toto, sed ex terminis ipsis in universali conceptis. Quare scientificè quidem deducitur, *omne totum est majus sui parte*; igitur, *hoc, & illud totum*; sed non æquè scientificè, quàm è converso: *Hoc, & illud totum est majus sui parte*; igitur, *omne*.

At juxta posteriorem acceptionem; verum est, notitiam principiorum dependere à sensu; verum tamen non quæcumque terminorum notitia satis est, ut cognoscantur principia esse prima, seu talia, ex quibus conclusio necessaria inferri queat. Præexigitur ergo cognitio terminorum sub propriis rationibus ex evidentiâ illorum; sed non semper immediate, & distinctè: siquidem in aliquibus scientiis sufficit notitia terminorum confusa, sicut in subalternatis, tamen si earum cognitio con-

3. distin. 24. 6.  
Sed si loquamur . V. Ad  
Commentatoris .



De his infra q.  
3. art. 1.

fusa possit reduci in distinctam. Nam omnis propositio nota de se, terminis confusè cognitis, est pariter per se nota, terminis distinctè cognitis, quamvis non è converso. Quamvis ergo ratio scientiæ subalternatæ non postulet cognoscere terminos suorum principiorum distinctè; opus est tamen, ut notitia complexionis eorum, vel confusè cognitorum, sit sibi evidens, alioquin, ut dictum est supra, deductio conclusionum ex eis, non erit scientia, sed opinio, vel fides; & ita evenit in Theologia Viatorum, quæ eum sit præterea de eodem objecto, iisdemque veritatibus, quas intuentur in patria Beati, propriè dici non debet illi subalternari.

## ARTICULUS III.

Utrum Sacra Doctrina sit una Scientia.

Dof. 1. Report. quæstiuncula 2. Prologi. S. Thom.  
1. p. q. 1. art. 3

Quest. 9. Prologi 9. Aliter  
distinguitur.

**V**IDETUR Sacra Doctrina non esse una Scientia. Etenim tunc dicenda esset una Scientia, cum subiecta partium ejus continerentur sub subiecto totius, vel tanquam partes subiectivæ, vel integrales objecti primi: Hoc est falsum; & probatur per Glossas multas in principiis librorum Scripturæ divinæ assignantes causas aliquas materiales illorum, quæ non sunt aliquid Dei. Undè super Oseam dicit Glossa, quod materia libri Oseæ est *Decem tribus*; ergo ejusmodi objectorum, quæ reduci nequeunt ad objectum primum Scientiæ Theologicæ, esse non potest idem habitus; non est igitur Sacra Doctrina Scientia una.

Præterea, In aliquo libro Sacræ Scripturæ nihil ad Deum propriè spectans, narratur; quia nullum factum in eo describitur, nec continet, propter quod significetur, aliquid ex parte Dei specialius intervenisse, aut intervenire oportuisse, præter solam influentiam generalem; ergo tale objectum, vel liber non eadit sub eodem habitu Theologiæ, qui circa Deum, & divina versatur.

Præterea, si Sacra Doctrina dicenda esset Scientia una, maxime quia ipsius principia omnia videntur in uno lumine supernaturalis revelationis; sed ex hoc sequeretur, omnes scientias Philosophicas esse scientiam unam; cum earum principia apprehendantur in eodem lumine naturalis intelligentiæ; ergo si scientiæ omnes naturaliter acquisitæ non sunt una scientia, nec Sacra Doctrina talis erit.

**CONTRA**, In omnibus ordinatis, & unitatem habentibus necesse est stare ad aliquod principium in illo genere; igitur in genere scientiarum standum est ad aliquam primam Scientiam, quæ sit maxime una. Cum igitur Sacra Doctrina sit omnium scientiarum prima, quia de objecto simpliciter primo, oportet & unam esse, & maxime unam.

**RESPONDEO** dicendum, Sacram Doctrinam esse unam scientiam. Etenim Scientiæ unitas ab subiecti primi ipsius unitate accipienda est; In illo enim virtualiter continentur principia ipsius; & conclusiones ex illis deducendæ. Cum igitur Deus sub ratione Deitatis sit Sacræ Doctrinæ subiectum; in illo enim continentur omnia principia nobis revelata, & nota clarè intuentibus illud objectum, & subinde conclusiones omnes in ejusmodi principiis inclusæ virtualiter; igitur Sacra Doctrina est scientia una, nobis tradita in Sacra

Scriptura, quantum ad revelationem generalem; de quibus proinde est Theologia nostra de facto, & de his, quæ possunt ex illis deduci. Deinde, si Sacra Doctrina duobus, vel pluribus habitibus integraretur, alter profectò foret speculabilium, alter operabilium. Sed si hac de causa distinguenda ipsa foret in duos habitus, eadem ratione oporteret ponere duos habitus fidei infusæ tendentes in duo illa genera objectorum. Hoc autem est falsum; quia unico fidei habitu tendimus in omnia revelata, cujusvis generis sint; ergo pariter unico habitu tendimus, & versamur circa omnia ea, quæ in Sacra Scriptura continentur, quantumvis generum diversorum; quia habitus non habens evidentiam ex objecto, non distinguitur secundum distinctionem objectorum; cujusmodi est habitus Sacræ Doctrinæ; adeoque una omnino est, non mutans distinctionem ab objectis sibi non evidentibus, sed accipiens unitatem ab objecto primo, in quo omnia revelata mysteria, & omnes Theologicæ veritates continentur.

**Ad ARGUMENTA**. Ad primum respondeo, factis esse ad scientiæ unitatem, si partialia ipsius subiecta dicant attributionem ad primum; & hanc profectò attributionem ad Deum dicit quævis materia reperta in Sacra Scriptura, etiam prout per Glossas diversis Scripturæ libris adscribitur. Alièr etiam potest dici, materiam, seu objectum primum cujuslibet libri esse Deum; de quo nempe narratur, qua ratione genus humanum per ejus providentiam gubernatum sit; gentem autem, aut personam, circaquam Dei providentissima sapientia describitur, esse materiam remotam; de qua materia remota subinde sunt intelligendæ *Glossæ citatæ*.

**Ad secundum respondeo** ex statim dictis; Nam licet exstaret aliquis liber in Canone Bibliæ, in quo nullum Dei speciale miraculum contineretur, tamen in quolibet elucet providentia, ac regimen Dei circa genus humanum, id est, vel determinatam gentem, vel personam: adeout, si eandem historiam, quam de Pharaone scripsit Moyses in *Exodo*, pariter aliquis Ægyptiorum digessisset in Chronicis ejus Regni; quemadmodum subiectum historiæ Moyse est Deus, cujus ille potissimum describit mirabilem, sapientissimamque providentiam generi Israelitico impositam, subductis Hebræis tyrannidi Ægyptiorum gravissimè illos opprimentium; atque ita ejus liberationis forma ordinata aptissimè, interventu mirabilium signorum, ut inde populus ille inveniretur dispositus recipiendæ Legi, quam erat laturus, ea animi promptitudine, devotoque affectu, qui rem tantam decebat; ita subiectum primum historiæ prophani Scriptoris esset Regnum, vel Rex, vel populus Ægyptiacus, cujus gesta, & casus, qui in eis repræsentati sunt, ille scribere intendit; ita quod incidens est sibi quod Deus fecerit; sed principale, quid gens sua gesserit, aut passa sit: contra verò Scriptori Canonico præcipuum est enarrare Sapientiam, & providentiam Dei; ac secundarium, & quasi accessorium subiectum, circa quod talia repræsentata fuere.

Et quamvis verum esset, aliquo in Scripturæ libro nullum Dei miraculum enarrari; hoc ipso tamen quod describatur in illo quid Deus permiserit, assistendo secundum influentiam generalem, & non impedierit, ut potuisset, id principaliter intenditur in libro illo, quatenus est pars Sacræ Scripturæ, & quatenus convenienter ordinatum sit ad bonum aliorum, si fuit ordinabile, vel justè punitum, si extitit malum. Vel si fortè eadem in narratione non addatur, inflicta fuisse penam

Prologi 9. 3. 9.  
Aliter tamen  
ponitur.

Sacra Theologia  
est una et  
habitus.



condignam patris peccatis; tamen Scriptura frequenter loquitur in generali, quod omnia mala, si non puniuntur in presenti sæculo, in futuro tamen flagitiis omnibus esse rependendas condignas penas. Cum igitur nihil inveniri possit in Sacra Doctrina, quod non sit sermo de ipso Deo, aut de Creaturis, ut in eis elucet misericordia, & iustitia divina, & regimen, & providentia Conditoris, manifestum est, unam prorsus esse scientiam, quæ est Sacra Doctrina.

Ad tertium respondeo ex dictis in solutione, quamvis principia naturalium disciplinarum videantur in uno lumine naturalis intelligentiæ; quia tamen habent evidentiam ex objectis, ab iisdem ut accipitur unitatem, ita & distinctionem: At Sacra Doctrina non habet evidentiam ex objectis, unde propria efformet principia causa inferendarum conclusionum: sed ea omnia accipit per revelationem. Accedit etiam, quod scientiarum naturalium consideratio non est de uno subiecto, in quo omnia contineantur, & ad quod omnia dicant attributionem; uti omnia, quæ in Sacra Doctrina traduntur, aut in eo virtualiter continentur, aut ad illud attributionis dependentiam involvunt.

#### ARTICULUS IV.

Utrum Sacra Doctrina sit scientia practica.

Doct. q. 4. Proligi, & 1. Metaphys. q. 7. & 8. S. Thom. 1. p. q. 1. art. 4.

Quoniam presentis quaestio solutio penitus perspecta esse non potest, nisi sciatur unde nam scientia aliqua sit practica, vel speculativa? ideo quaeritur.

#### ARTICULUS INCIDENS.

Utrum scientia sit practica à fine, vel ab objecto.

Doct., & S. Thom. locis nuper citatis.

Videtur scientia practica esse non ab objecto, sed à fine. Etenim quod habitus sit practicus, profecto aut ab objecto est aut à fine: non ab objecto; quia intellectus extensione sit practicus: id autem non est verum, nisi de eodem intellectu prius speculativo, & postea practico extenso ad opus; igitur cum idem objectum possit esse consideratio practica, & speculativa, ipso fine una ab altera distinguetur.

Præterea, Medicina dividitur in speculativam, & practicam; & nihilominus utraque de eodem objecto est, nempe de sanitate, vel de corpore sanabili; igitur non ab objecto, sed à fine accipienda est distinctio practici à speculativo.

Præterea, Actus dicitur practicus, quia bonus, vel malus moraliter: bonitas, & malitia moris competunt actui ex circumstantiis, quas inter prima & præcipua est circumstantia finis; Est igitur habitus practicus à fine.

Præterea, Idem probatur Aristotelis auctoritatibus: nam 3. de An. Tex. c. 49. *Intellectus extensione* (ut communiter deducitur) *fit practicus, & differt à speculativo fine.* Item p. Metaphysic. in præmio; *Practica est minus nobilis, quam speculativa, quia illa est gratia usus.* Hæc ratio nulla esset, nisi usus esset per se finis habitus practici. Rursum, 2. Metaphys. Tex. c. 3. *Finis speculativæ veritas, practica autem opus:* Vult ergo expresse scientiam esse practicam, non ab objecto, sed à fine.

Tomus I.

CONTRA, 6. Metaphys. Tex. c. 2. distinguit Philosophus practica facultates à speculativis penes objecta; & non ex finibus. Item 6. Ethic. cap. 2. distinguit ratiocinativum à scientifico penes objectum necessarium, & contingens & 3. de Anim. Tex. c. 51. dicit, objectum practicæ esse bonum, non quodcumque, sed agibile, & contingens; ergo scientia est practica per se ex objecto, non igitur ex praxi, ut à fine.

RESPONDEO, supponendum esse hic, tanquam concessum ab omnibus, habitum practicum aliquo modo extendi ad praxim: Nomine item praxis intelligendam esse operationem, quæ ex se potest bene, vel male fieri. Et bene quidem fit, cum suæ est regulæ conformis; malè verò, cum ab illa aberrat. Ejusmodi regulæ scientia est, vel habitus qui quatenus est directivus operationis, vel praxeos, dicitur, & rectè ad illam extendi. Sed proprius ad rem accedendo, fit.

Primum dictum, *Praxis* (cujus cognitio practica est directiva, & regulativa) *est actus alterius potentie, quam intellectus, naturaliter posterior intellectione, natus elici conformiter rationi rectæ, ad hoc ut sit actus rectus.* Porro dicitur, *Actus alterius potentie quàm intellectus*; eo quod sistendo præcisè in actibus intellectus, nulla est praxis; quia nec extensio ejusdem intellectus: tunc enim verè extenditur, cum extra se tendit regulando, & dirigendo actus alterius potentie. Dicitur, *naturaliter posterior intellectione*: quia actus non habentes ordinem ad intellectum, vel illum præcedentes, ut actus negativi, & sensitivi, non sunt praxes, nec ad illos ut tales extenditur notitia practica, nisi quatenus est aliquo modo illorum moderativa. Ex quibus sequitur, praxim, ad quam extenditur habitus practicus, non esse, nisi actum voluntatis elicito, vel imperatum: ii enim tantum sunt essentialiter intellectione posteriores: Et rursus, primam rationem praxis inesse ipsi actui voluntatis elicito, quia is est essentialiter intellectione posterior, ac proinde regulabilis ab illa. Actus igitur imperati sunt quidem praxes, sed secundariò, & per acciden. Additur denique, *natus elici conformiter rationi rectæ ad hoc ut sit actus rectus*; quia, secundum Philosophum 6. Ethic. cap. 3., electio recta necessario requirit rationem rectam: & nedum ipsa electio id postulat, sed etiam qualibet recta volitio exigit rationem rectam, secundum quam eliciatur; cum igitur omnis praxis sit ipsa volitio, aut sequens volitionem, evidens est, qualiter nata est elici secundum rationem rectam, ad hoc ut & ipsa recta sit.

eam esse habitus practicos, quia directivos aliorum habituum intellectuum. Ceterum enim, respectum activitatis esse illum, ex quo habitus induit practici rationem. Denique præterea speculativum, & practicum esse essentielles differentias scientiæ divini. Sed tortasse (ut quidam, ex nostris annotaverunt) pars magna harum disquisitionum spectat ad nomen usurpationem.

Ex hoc igitur intelligitur practica notitia extendi ad praxim, quatenus illa est naturaliter prior, & conformativa praxis, idest, potens dirigere, & regulare praxim. Extensio ergo ista integratur duplici respectu aptitudinali, scilicet conformitatis, & prioritatis naturalis; Etenim non oportet eos respectus esse actuales: nam si ab actuali extensione fieret aliqua notitia practica, nulla profecto foret necessario talis, sed quandoque esset practica quandoque speculativa, quod nihil est dictum.

Practicum itaque, & speculativum non sunt differentie essentielles scientiæ, vel notitiæ in

6. Contra hoc v. Ex istis duobus, & 3. Illa tres v. v. sed quare.

Faber, Ma. Arius, Boncius, Scotius. Recentē purant. actum intellectus in portarum, cū est bonus, vel malus esse. praxim ex Doct. 2. dist. 42. & dist. 6. & alibi At oppositum videtur verius, Tarareto, Licheto Smiſingho, & aliis opinantibus tunc quoque in intellectione, dicenda esse practicam, non praxim. Aureolus in Prælogo putat Logicam & Rethoricam.

Practicum, & speculativum.



omni sunt dis-  
tinctione acci-  
dentales scienti-  
æ.

communi, quæ utique quoddam absolutum est. Nam practicum dicitur duplicem respectum, conformitatis, & prioritatis ad praxim: speculativum vero privat habitum ejusmodi respectibus; Atque neque privatio ejus est de essentia absoluti. Est igitur quasi divisio generis per proprias passionem specierum: sicuti dividitur numerus per par, & impar; linea per rectum, & curvum.

Habitus practica  
est talis non a  
fine, qui est  
causa finalis, sed  
ab objecto.

Secundum dictum, Notitia practica dicitur, & accipit esse practicum ab objecto, non à fine qui est causa finalis. Probatur: Habitus practicus talis dicitur, propter extensionem ad praxim; non quidem actualem; quia tunc fabro non actu operanti, non foret practica ars, quæ pollet agendorum; sed aptitudinalem. Aptitudo autem non convenit uni naturæ, & alteri repugnat; nisi propter aliquod absolutum in tali natura (quia enim hæc natura est talis, ideo sibi convenit talis aptitudo) igitur præsupponit in ista natura habitus aliquam conditionem intrinsecam, per quam sibi conveniat aptitudo talis; igitur à quo essentia illius naturæ, ab eodem est & aptitudo ejus. Causæ autem priores habitus sunt intellectus, & objectum; ergo, cum causa specificativa nequeat esse intellectus; quia tunc quilibet notitia foret practica, superest, ut ab objecto accipiat notitia practica esse praxeos ipsius regulativa, & directiva. Neque ex eo quod finis est causa prior, imo prima inter omnes, secundum *Averroem*. 6. *Metaphys. cap. ult.*, potest deduci, ipsum finem influere in hanc naturam; & in aptitudinem ejus; quia finis non est causa, nisi in quantum amatus, & desideratus movet efficiens ad opus; sed aptitudo dirigendi praxim inest notitiæ practice, seu sit finis amatus, seu non; potest enim in intellectu esse talis cognitio, qualitercunque voluntas se habeat; igitur à fine, tanquam à finali causa, non inest cognitioni hæc aptitudo proxima dirigendi. Deinde, si finis, qui est causa finalis, tribuit habitui rationem practici; igitur aut finis habitus extra id præstat; aut ut consideratus, & intentus. Non finis extra; quia sub hac consideratione est habitus posterior, & effectus: causa autem non distinguitur ab effectibus ejus. Si ut cognitus; tunc habet rationem objecti; ergo objectum distinguit, & specificat habitum: si ut intentus; jam id improbatum est nuper; quia naturaliter antequam intendatur, est practica cognitio; imo etiam si voluntas non foret conjuncta intellectui, adhuc cognitio perinde se haberet, quoad rationem practici, & speculativi; ergo independentem à voluntate aliqua notitia est directiva praxis, & aliqua non directiva. Denique, si scientiam esse practicam, & ordinari ad praxim ut ad finem, convertantur; ergo moralis scientia non est practica. Consequens est contra Philosophum, 1. *Ethic. cap. 11.* consequentia probatur; quia finis ejus est felicitas, quæ secundum ipsum 20. *Ethic. cap. 8.* consistit in speculatione, non in praxi; quamquam in hoc errasse videatur, putans notitiam ultimi finis esse tantum ostensivam, & non directivam volitionis illius: existimavit enim, actum amandi ultimum finem necessitate naturali inesse voluntati intelligentiarum, ut amatum, & desideratum, ex 12. *Metaphys. Text. c. 36.*

AD ARGUMENTA. Ad primum respondeo, fieri non posse, ut circa idem objectum sub eadem ratione, sit habitus practicus, & speculativus. Et cum probatur; quia intellectus extensione fit practicus. Dico, Aristotelem nunquam posuisse, intellectum speculativum quacunque extensione

evadere practicum: Sed, cum distinxisset tres gradus intellectus, quorum prius est considerare speculabilia tantum: Secundus, considerare agibilia, non distando de mediis, quibus attingi possint: Tertius denique, cum ea consideratio distat de mediis in particulari: unde efficaciter prosequenda sint, vel fugienda; in tertio gradu statuit cognitionem perfectè practicam; quia proximè distat, & regulat praxim: respectu cujus notitia in secundo gradu potest dici speculativa, etsi verè, & essentialiter practica. Non extenditur igitur cognitio objecti speculabilis ad praxim dirigendam, sed imperfectè, vel remotè practica evadit proximè, & completè directiva praxis, per ostensionem mediorum in particulari.

Et quamvis concederemus intellectum speculativum extensione evadere practicum, non propterea inferretur propositum; quia *speculativum, & practicum* sunt differentie accidentales intellectus, licet sint essentielles, id est necessario consequentes essentiam habitus, & actus, qui sunt vel practici, vel speculativi; quæ propterea, etsi intellectus extendi queat, non tamen extendi, seu mutari possunt habitus, & actus.

Ad secundum dico, Quando sunt aliqua duo extrema opposita, quando aliquid recedit ab uno oppositorum, tanto aliud accedit: nunc autem ea notitia habet actualissimam rationem practici, quæ nata est immediatè esse conformis formaliter praxi elicendæ; quanto itaque magis aliquid ab hac ratione recedit, tanto magis accedit ad speculativum. Habitus igitur universalis, qui non est immediatè natus esse conformis praxi elicendæ; potest dici speculativus respectu ejus habitus, qui proximè natus est esse conformis praxi elicendæ. Quæ ratio Ars potest vocari speculativa in comparatione ad habitum Experti; quatenus Ars tanquam universalior habitus, non est ita immediatè directiva. Unde 1. *Metaphys. in proemio* habetur: Artifex frequenter errabit, Consimiliter potest distinguere medicina in speculativam, quæ nempe est de universalioribus causis, & certis, veluti cognitio remotior à praxi elicendâ; & in practicam, quæ est de particularibus, & propinquioribus, & immediatius conformibus praxi. Tamen secundum veritatem, illa universalior (quæ in comparatione vocatur speculativa) est simpliciter practica; quia virtualiter includit illam particularem ipsi praxi formaliter conformem, id est, directivam, & regulativam.

Ad tertium respondeo, negando, quemlibet actum bonum esse primo talem à circumstantia finis: imo est aliquis bonus à circumstantia objecti: cum scilicet finis est objectum: & tunc circumstantia finis, ut objecti; primo dat rectitudinem actui. Actus enim diligendi Deum ex objecto est simpliciter bonus, citra alias circumstantias. Falsum est igitur à fine, quatenus finis distinguitur contra objectum, accipi primo bonitatem actus moralis; de quo magis in sequenti articulo.

Sed directæ argumenti solutio est ista: Quamvis circumstantia formaliter circumstet praxim, ut sit bona; non tamen formaliter circumstet intellectionem practicam. Non enim intellectus moderatè, sive medio modo distat actum, ita quod directè circumstantionetur hac circumstantia *mediocritatis*: sed intellectus distat secundum ultimum suæ potentie. Est autem illud distare rectum à principio, & principium sumitur à primo objecto, non a fine, ut distinguitur ab objecto.

quædam Pelegrini  
6. l. 1. c. 1. c. 2.  
V. sed præ  
termissa.

Idem 8. Ad  
rationes pro obie-  
ctionem opposita.



Ad argumen-  
ta secundæ quæ-  
stionis.

Ad inductas auctoritates respondeo. Ad primam ex 3. de Anima, dicendum, Philosopho eo loci sermonem esse de fine, ut cognito; qua ratione est ipsum objectum. Nam intellectus propter aliquid ratiocinans, ratiocinatur propter finem cognitum, ut est principium demonstrationis. Ad aliam ex primo Metaphys. dicendum, practicam non esse gratia usus, ut per se finis, sed magis objectum cognitum esse per se finem practicæ; quatenus id objectum natum est dare rectitudinem tali notitiæ. Fatendum est tamen practicam habere aliquam habitudinem ad usum, adeo ut usus sit per se objectum ejus, vel aliquid virtualiter includens usum. Quod verò Philosophus posuerit speculativam practica nobiliorem, ex eo evenit, quia putavit practicam non esse circa finem, sed circa ens ad finem; quo posito speculativa circa finem, erit nobilior omni practica; at Philosophus in hoc erravit; quia dilectio finis est verissimè praxis, regulabilis per notitiam practicam, ut magis declarabitur in sequentibus. Ad aliam auctoritatem ex 2. Metaphys. est responsio, speculativa, & practica habent diversos fines, loquendo de per se finibus infra genus cognitionis, sed illi fines non distinguunt primo, sed prior est distinctio ex objectis, nam habitus isti causantur ex consimilibus actibus; actus vero accipiunt primo ex objectis, ut dicantur practici, vel speculativi; Ex quibus proinde habitus speculativus sistit in consideratione sui objecti; practicus vero distat, & regulat praxim eliciendam; non ergo ex his per se finibus est accipienda prima distinctio practici a speculativo, sed à propriis objectis.

#### ITERUM ARTICULUS INCIDENS.

Utrum scientia sit practica à fine, vel ab objecto.

Doct., & S. Thom. locis artic. antecedenti citatis.

**V**idetur Scientia esse practica a fine, non ab objecto. Etenim principia prima practica semper sumuntur à fine; ergo semper finis includit virtualiter notitiam principiorum, & conclusionum subinde in illis inclusarum; ergo notitia practica est talis à fine, & non ab objecto.

Præterea, Omne formaliter tale, profecto est tale per aliquid sibi intrinsicum; ergo habitus formaliter practicus nequit eam rationem habere per objectum omnino illi extrinsecum, sed magis per aliquid sibi intrinsicum; igitur notitiæ non inest ratio practici, aut speculativi ab objectis, sed à fine.

Præterea, Objectum non est habitus distinctivum, nisi ut causa efficiens: sed causæ efficientes non distinguunt effectus specie. Nam a causis specie differentibus potest esse idem effectus specie; sicut idem calidum potest gigni univocè ab igne, & æquivocè à sole: igitur distinctio speculativi à practico, non potest à diversis objectis provenire.

**CONTRA**, Finis, ut causa finalis, seu ut ab objecto contradiistinguitur, non causat, nisi ut amatus, & desideratus: sed seu ametur, seu non ametur; imo etiamsi voluntas non esset intellectui unita, adhuc aliqua notitia foret practica, & aliqua speculativa: igitur ratio practici, vel speculativi inest notitiæ ex objecto.

**RESPONDEO** dicendum, notitiam practicam habere talem rationem, non à fine: seu causa finali;

sed ab objecto dante illi conformitatem, seu aptitudinem diligendi, & regulandi praxim. Et quamvis interdum habeat eam conformitatem ad praxim à fine ipsius praxis: non tamen in quantum est finis, seu causa finalis, sed in quantum est primum objectum. Et quidem quod aliquando notitia practica accipiat extensionem, seu rationem dirigendi praxim à fine ipsius praxis, declaratur: Nam quandoque prima principia practica accipiuntur à fine ipsius praxis; igitur is finis veluti causa prima in tali genere, includit virtualiter & principia, & conclusiones subinde, & ita totam notitiam practicam: ergo tali practica notitia habet quiditatem suam, & consequenter quamlibet proprietatem, & aptitudinem à fine. Exemplum: Deus est ultimus finis intellectualis creaturæ attingibilis per operationem: in eo itaque virtualiter includitur hoc practicum principium: ens infinitum est super omnia diligibile: ac proinde, cum Deus sit tale ens, super omnia est diligibilis. Et ita pariter à fine Scientiæ moralis accipiuntur principia practica: in eo igitur fine continentur virtualiter, & principia, & conclusiones Scientiæ moralis, quæ est verè practica, quia directiva, & regulativa praxeos.

Quod vero tunc finis praxis non se habeat ut finis, sed tanquam objectum cognitum, declaratur: Siquidem ideo finis praxis dat talem aptitudinem, sive naturam habentem talem aptitudinem, quia ut objectum primum includit principia, & mediantibus illis, conclusiones, & ita totam notitiam practicam: sed id efficit, non in quantum causa finalis: quia ab hac causa nulla natura, vel aptitudo naturalis habetur, nisi ut amata, & desiderata, & sic movente efficiens ad agendum. Sed prius natura, quam ametur, includit talia principia, & conclusiones. Veritas enim principii practici necessarii non dependet a voluntate magis quam veritas principii speculativi, nec conclusiones necessario illatae ex his principiis. Quum igitur principia practica accipiuntur à fine praxis, non se habet is finis, ut causa finalis, sed tanquam objectum cognitum.

**AD ARGUMENTA.** Ad primum potest admitti argumentum in sensu statim declarato, nempe, etsi semper accipiantur principia à fine, non tamen ut finis est, sed ut objectum cognitum. Et licet ea principia non semper accipi queant à fine proximo: quia fortasse notitia practica Scientiæ moralis non continetur virtualiter in felicitate naturali, quæ est finis proximus ejus: continetur tamen in fine remoto, qui est ipse homo, quoad animam, non tamen ut finis, sed ut subiectum illius Scientiæ: sicut idem homo, secundum corpus, est subiectum medicinæ.

Potest aliter responderi, negando antecedens: Non semper enim principia practica desumuntur à fine ejus scientiæ: sed duntaxat cum ratio finis non concluditur ex aliquo pertinente ad scientiam practicam. Itaque cum felicitas naturalis, qui est finis moralis Scientiæ, concludatur ex ratione ipsius hominis secundum animam, non ab ipsa felicitate accipiuntur principia scientiæ moralis, sed magis ex ratione hominis, qui est subiectum in tali scientia. Antecedens igitur est verum duntaxat in casu particulari, cum scilicet finis non includitur virtualiter in aliquo alio spectante ad eandem Scientiam practicam.

**Ad secundum**, utique concedo, esse practicum importare aliquid intrinsicum notitiæ: sicut respectus aptitudinalis est intrinsicus fundamento, Quod enim notitia aliqua sit apta nata referri, id

sanè

Proliq. q. 9. Censura istud arguitur.

Ubi supra, aliter dicitur. V. Si dicatur.

S. Concedo ergo.



sanè debet inesse per rationem ipsi notitiæ in rati-  
ficam. At eam rationem notitia accipit ab obje-  
cto, ut à causa extrinseca. Habitus igitur practi-  
cus est per quid intrinsecum, ut per causam for-  
malem: per objectum vero, ut per causam effi-  
cientem.

Ad tertium respondeo, Quamvis à causis essen-  
tialiter ordinatis, quarum una est univoca, alte-  
ra æquivoca possit pro luci effectus unius rationis,  
sicut exemplificatur de calore: tamen quando  
causæ efficientes proximè ejusdem ordinis causant  
aliqua, in quantum ipsæ causæ sunt distinctæ, ma-  
ximè si utraque sit univoca effectui, sive univoca-  
tione completa, sive diminuta; nequit ab ejusmo-  
di causis sic distinctis procedere effectus unius ra-  
tionis: *Univocationem completam* dico, quando  
est similitudo in forma, & in modo essendi forme:  
*Diminutam*, quando est similitudo in forma, sub  
alio modo essendi; quomodo Domus extra, est à  
Domo in mente, undè & productionem hanc ali-  
quo modo univocam appellat Philosophus 7. *Me-  
taphys. T. c. 30.* Quia igitur objectum est causa  
proxima respectu notitiæ, & univoca, licet dimi-  
nutè; sequitur ut distinctio formalis objectorum  
cum causant notitias, in quantum ipsa sunt distin-  
cta, necessario concludat distinctionem formalem  
notitiarum.

#### ARTICULUS IV.

Utrum Sacra Doctrina sit Scientia practica.

*Doct. Prologi q. 4. S. Thom. 1. part. quæst. 1.  
artic. 4.*

**V**idetur Sacra Doctrina esse speculativa, non  
practica. Siquidem Joan. 20. habetur:  
*Hæc autem scripta sunt, ut credatis;* Sed credere  
est speculativum: ei enim succedit visio: igitur &  
speculativa Sacra Doctrina erit.

Præterea, 3. *de Anim. Tex. c. 46. § 51. § 1.*  
*Ethic. in præmio:* Practica ponitur esse circa con-  
tingens: sed Sacra Doctrinæ objectum non est  
contingens, sed necessarium: ergo ejus objecti  
Scientia non est practica, sed speculativa.

Præterea, Boetius de *Trinitate*, assignat tres  
partes speculative: quarum una est Theologia,  
secundum ipsum: & quod loquatur de ista, vide-  
tur: quia subdit *ibi* de subiecto illius, quod sit  
prima substantia, de qua dicit, quod *substantia  
Dei materia caret*.

Præterea Omnis practica aliqua speculativa est  
nobilior: nulla autem est Sacra Doctrina nobi-  
lior; ergo oportet hanc Scientiam esse speculati-  
vam. Probatio majoris: Tum quia speculativa est  
sui gratia practica vero gratia usus. Quia specu-  
lativa est certior; 1. *Metaphys. in præmio.* Rur-  
sus, hæc inventa est omnibus necessariis existen-  
tibus, propter fugam ignorantie: Quod apparet  
quia sollicitudo circa necessaria impedit ab inqui-  
sitione hujus Doctrinæ: ergo ipsa est speculativa.  
Hac ratione probat Philosophus 1. *Metaphys. in  
præmio*, Metaphysicam esse speculativam.

CONTRA, ad Rom. 13. *Finis Legis est dilectio.*  
Item Matth. 22. *In his duobus præceptis tota Lex  
pendet, & Prophetia.* Item August. de laude cha-  
ritatis; *Ille tenet quicquid latet, & quicquid patet  
in divinis sermonibus, qui charitatem servat in  
moribus.* Hæc autem auctoritates probant, hanc  
scientiam non esse præcisè propter speculari: spe-  
culativè vero ultra speculari nihil requirit, secun-  
dam Avicennam 1. *Metaphys. cap. 1.*

RESPONDEO, Aliqui sentientes Sacram Doctri-  
nam esse unum habitum, juxta dicta supra *articu-  
lo tertio*, putant nihilominus hunc unum habitum  
simul esse speculativum, & practicum. Cum enim  
Sacra Doctrina una existens se extendat ad ea,  
quæ pertinent ad diversas scientias Philosophicas,  
prout sunt divino lumine cognoscibilia, ex eo  
evenit, ut licet in Scientiis Philosophicis alia sit  
speculativa, alia practica, ipsa tamen Sacra Do-  
ctrina comprehendat sub se utramque, sicut &  
Deus eadem Scientia cognoscit se, & ea, quæ fa-  
cit. Magis tamen arbitrantur esse speculativam,  
quia principaliter agit de rebus divinis, quam de  
actibus humanis. Quæ opinio non videtur vera,  
quia quando aliquid commune primo dividitur  
per oppositas differentias, impossibile est, utram-  
que differentiam inveniri in aliquo uno contento  
sub communi: sed Scientia in communi dividitur  
primo in practicam, & speculativam: ergo fieri  
non potest, ut hæc duæ differentiæ simul invenian-  
tur in Scientia una. Major est manifesta; quia si  
differentiæ condividentes aliquod commune, pos-  
sent se compati in aliquo contento sub communi,  
tunc idem corpus posset esse corporeum, & incor-  
poreum, & idem animal sensibile, & insensibile,  
& idem homo rationalis, & irrationalis, quæ pla-  
nè sunt absurda. Minor patet per Avicennam 1.  
*Metaphys. in principio*, & per Comment. 1. *Ethic.  
comm. 1.* Deinde juxta dicta, *artic. antecedenti  
primum*: Practicum essentialiter dicit duplicem  
respectum aptitudinalem, scilicet, conformitatis,  
& prioritatis ad praxim: speculativum vero impor-  
tat negationem horum respectuum: igitur fieri  
omnino non potest, ut hæc duæ rationes in uno,  
eodemque habitu unitè reperiantur: Nam notitia  
practica extenditur ad praxim per conformitatis,  
& prioritatis respectus ad illam: inde enim fit, ut  
notitia practica regulet, & dirigat praxim: con-  
tra vero speculativa notitia de se extendi non po-  
test ad praxim: imo sibi intrinsecè talis extensio  
repugnat: igitur si hæc rationes in uno habitu re-  
perirentur, de eodem duo contradictoria seque-  
rentur, quæ sunt extendi, & non extendi ad pra-  
xim dirigendam.

Dicendum est ergo aliter: Et quoniam in Sa-  
cra Doctrina agitur de veritatibus necessariis, &  
contingentibus: Aliæ enim sunt objectorum ne-  
cessariorum, aliæ contingentium: de utriusque per  
ordinem singillatim differentes censemus, Sacram  
Doctrinam, quoad veritates necessarias esse abso-  
lutè, & simpliciter practicam in intellectu creato.  
Probatio: Nam ex dictis *articulo primo incidenti*:  
Actus voluntatis est verissimè praxis, cujus intel-  
ligitur esse directiva cognitio practica, per hoc,  
quod est prior praxi, & conformis, id est, con-  
formativa ipsius praxis; igitur ea profecto est co-  
gnitio practica, quæ est aptitudinaliter conformis  
volitioni rectæ, & naturaliter illa prior: Sed  
omnis Theologia necessariorum in intellectu crea-  
to est sic conformis actui voluntatis creatæ, & ta-  
li volitione prior: ergo est simpliciter practica.  
Probatio minoris. Primum subiectum Theologiæ  
est virtualiter conforme volitioni rectæ: volitio  
enim recta ex hoc dicitur recta, quia conformis  
objecto sic cognito. Cum enim à ratione formali  
ejus objecti accipiantur principia prima: ea voli-  
tio recta erit, quæ conformiter ad ea principia  
formaliter recta, elicitur. Undè quandoquidem  
ex ratione entis infiniti, sequitur ipsum esse super  
omnia diligibile: volitio huic principio conformis,  
erit recta. Ipsum etiam objectum Theologicum  
determinat intellectum creatum ad notitiam recti-  
tudi-

Differt hic  
duobus sequen-  
tibus articulis  
de Theologia  
necessariorum:  
in quarto de  
Theologia con-  
tingentium.

Theologia no-  
stra necessari-  
um est simpli-  
citer practica.



rudinis determinatæ ipsius praxis, quoad omnia Theologica necessaria, prius naturaliter, quam aliqua voluntas creata velit; ergo, cum ex primo subiecto Theologicæ sequatur tam conformitas, quam prioritas Theologicæ necessariorum ad volitionem, necessariò hæc Theologia practica erit, quia praxis regulativa, & directiva.

AD ARGUMENTA. Ad primum respondeo, negando minorem; quia sicuti visio succedens actui credendi, non est speculativa, sed practica; ita nec credendi actus est speculativus, sed practicus; quia ordinatur ad praxim, seu dilectionem credendorum. Visio consimiliter objecti beatifici, nata est conformis esse fruitioni; & prius naturaliter habetur in intellectu creato, ut recta fruitio conformiter illi eliciatur.

Ad secundum dico sic: quamvis objectum agibile, quod præsupponitur cognitioni practicæ Theologicæ, sit ex se necessarium, & non contingens: quia tamen finis agibilis objecti, est actio, secundum Philosophum, 6. *Ethic. cap. 3.*; quæ scilicet actio, quia contingenter causatur, practica est circa objectum contingens; quia citra illam actionem contingentem. Neque obstat, quod Scientia est objecti necessarii, ex 1. *Post. cap. 2.* quia de ipsis contingentibus sunt multæ veritates necessariæ. Actus itaque, qui contingenter elicitur, concluditur necessario debere esse talis, ad hoc ut sit rectus. De ipso ergo est Scientia, quantum ad conclusionem demonstratam necessario, licet in se sit contingens, in quantum elicitur à potentia propria.

Ad tertium respondeo, Boetium nomine Theologicæ intelligere Metaphysicam, quam esse speculativam ultro concedimus. Et cum probatur, quia exprimendo objectum ejus, significavit loqui se de Theologia nostra. Dico, Metaphysicam considerare primam substantiam, quantum fieri potest, & possibile est speculari de illa in scientiis humanis acquisitis. Verum quia non agitur de prima substantia in Metaphysica, quatenus est attingibilis per actum voluntatis, sed dumtaxat ut intelligitur per conceptus quosdam sibi, ac sensibilibus communes, vel saltem abstractos ab iis, quæ sensu percipiuntur; hæc metaphysicæ consideratio de Deo non dirigit praxim, ideo non est practica, sed speculativa; & per contrariam rationem practica debet esse nostra Theologica consideratio de eodem objecto, quod qua ratione esse queat, declarabitur articulo sequenti.

Ad quartum dico, nobilitatis esse in inferiori attingere suum superius, secundum Philosophum 7. *Polit. cap. 9.* Unde sensitiva hominis est nobilior sensitiva brutorum; quia ordinatur ad intellectivam, cui non unitur in cæteris animalibus. Nobilitatis igitur est in Scientia, ordinari ad actum nobilioris potentie. Sed Philosophus non putat aliquam Scientiam esse conformem praxi voluntatis circa finem; quia nec existimavit, voluntatem circa finem habere praxim, sed quandam motionem simplicem naturalem: Ideo nullam posuit esse nobiliorem per conformitatem ad finem. Quod si statuisset, aliquam praxim circa finem, non negasset (ut videtur) Scientiam practicam respectu illius praxis, esse nobiliorem speculativa Scientia circa idem. Et si aliqua esset speculativa de illis, circa quæ versatur moralis Scientia, non diceret Philosophus, eam speculativam nobiliorum esse morali Scientia. Ponentibus igitur nobis veram praxim circa finem, & subinde cognitionem practicam illius directivam, neganda est major assumpta, quæ videtur posse delumi ex 1.

*Metaphys.* quia talis practica cognitio nobilior est quacunque speculativa.

Et cum probatur primo, quia speculativa est sui gratia. Respondeo, eam Scientiam, quæ est sui gratia, utique esse nobiliorem illa, quæ est gratia alterius actus nobilioris suo actu proprio, quia gratia praxis eliciendæ circa ultimum finem, non est ignobilior speculativa notitia, propter talem ordinem; quia tunc sensitiva nostra foret ignobilior sensitiva bruti.

Ad aliam probationem, cum dicitur, speculativa est certior. Respondeo sic: quælibet Scientia respectu sui objecti est æquæ certa, secundum proportionem; quia quælibet resolvitur in sua principia immediata: non tamen æquæ certa secundum quantitatem; nam quæ est objecti perfectioris, & certioris, est certior. Quia igitur Philosophus posuit Scientiam practicam tantum circa media ad finem, & aliquam speculativam circa ipsum finem, & substantias separatas; ideo putat, aliquam speculativam nobiliorem, & certioram omni practica. At nos ponimus cognoscibile operabile, id est natum attingi per operationem, quæ est vera praxis, esse maxime cognoscibile, quia infinitæ cognoscibilitatis; & ideo censemus Scientiam de ipso, operationis utique directivam, nec secundum proportionem ab aliqua alia posse superari.

Ad ultimam probationem de necessariis existentibus, dico, Theologiam non esse inventam propter necessaria extrinseca, sed ob necessaria intrinseca, scilicet, moderantiam passionum, & regimen operationum; & ideo practica omnino est: quemadmodum & moralis Scientia est practica; & talis quoque esset, etiam si foret adinventæ, post omnia necessaria extrinseca. Non est autem Theologia inventa, propter fugam ignorantie, quia longè plura tradi potuissent in hac doctrina: Sed hæc eadem nihilominus replicantur frequenter, quo efficacius inducantur auditores ad exequenda quæcunque ibi tanquam ad salutem necessaria proponuntur.

#### ITERUM ARTICULUS IV.

Utrum Sacra Doctrina sit Scientia practica.

Doct., & S. Thom. locis artic. antecedenti.

**V**IDETUR Sacra Doctrina esse speculativa. Etenim si Sacra Doctrina practica esset, & diceretur; non alia utique ratione, nisi quia versatur circa ultimum finem, ut attingibilem per operationem, quæ est praxis: sed etiam Metaphysica tractat de eodem ultimo fine: ergo & ipsa ab illo acciperet principia perinde practica, unde practica deducerentur conclusiones; foret ergo etiam Metaphysica practica: quod videtur esse contra communem sententiam.

Præterea, Quamvis primum objectum Theologicæ includat virtualiter conformitatem ad praxim rectam; non tamen solam cognitionem sic conformem includit; alioquin non posset esse de illo cognitio ulla speculativa; quod videtur inconveniens: Nam illa, *Deus est trinus; Pater generat Filium*, & consimiles, videntur speculativæ; ergo primum objectum includit aliquam veritatem speculativam; igitur ex conformitate illa virtuali primi objecti ad praxim, non sequitur, Theologiam esse practicam, cum multæ veritates, quæ sunt maxime Theologicæ, quatenus Theologia distinguitur à Metaphysica, sint speculative.

Pre-

Doct. 1. *Metaphys.* 229. q. 9.

Prolog. ad *1. Metaphys.* 229. q. 9.



Præterea, Ratio terminandi praxim, seu actum dilectionis voluntatis, continetur inter Dei essentialia: sed Theologia est magis propriè de personalibus, quàm de essentialibus: essentialia enim plurima possunt a nobis cognosci in Metaphysica; ergo Theologia, ut à Metaphysica distinguitur, non est practica, sed speculativa. Major patet, ex eo quia alioquin esset aliqua ratio diligibilitatis in una persona, quæ non esset in alia; quod falsum est, quia tunc nulla beatificaretur in se ipsa.

Præterea, Prima principia practica accipiuntur à fine: sed Deus non sub ratione finis, sed quatenus hæc essentia, est Sacre Doctrinæ subiectum; ergo ab ipso, ut subiectum, nequeunt accipi principia practica; igitur Sacra Doctrina magis erit speculativa.

Præterea, Si Sacra Doctrina foret practica, quia de Deo, ut de subiecto primo; igitur pariter & Scientia Dei foret practica; quia de eodem subiecto primo: id autem videtur falsum; quia Dei voluntas cum sit prima regula, non indiget aliqua Scientia directiva, & regulativa ipsius; igitur omnis Scientia Dei est penitus speculativa.

CONTRA, Primum subiectum Theologiæ, est ens, habens rationem finis ultimi: Sed principia accepta ab ultimo fine, in intellectu creato sunt practica; igitur, cum Theologiæ principia sint practica, & à practiciis principiis, nonnisi practica possint deduci conclusiones, Theologiæ habitus practicus erit.

RESPONDEO, Theologiam in intellectu creato esse practicam, ut articulo precedenti fuit probatum; & rursus declaratur: quia illa Doctrina est simpliciter practica, in qua non agitur de speculabilibus, nisi quatenus eorum cognitio inseruit praxi dirigendæ: in Theologia autem non tractatur de speculabilibus, nisi ut per illorum notitiam dirigantur operationes voluntatis creatæ circa finem, vel in ordine ad ea, quæ sunt ad finem; ergo Theologia est verissimè practica. Probatio minoris; nam qualibet cognitio de conditionibus appetibilitatis finis, & de conditionibus eorum, quæ sunt ad finem, & de conditionibus utrorumque, circa quas contingit potentiam operantem errare, nisi dirigatur, & regulatur, ut oportet; non intenditur in Theologia, nisi in ordine ad praxim dirigendam, neve potentia operativa erret circa finem, & ea, quæ sunt ad finem; igitur hæc Doctrina est simpliciter practica. Licet enim Trinitas personarum non ostendat finem appetibilem, quàm si esset non Trinus; quia est finis, in quantum unus Deus, non in quantum Trinus; tamen voluntatem ignorantem Trinitatem contingit errare in amando, vel desiderando finem. Consimiliter nescientem Deum fecisse mundum, oportet errare, non rependendo amorem, qualem gratitudo requireret propter tantam communicationem bonitatis suæ, & exhibitam propter utilitatem nostram. Pariter necesse est à via salutis aberrare eum, quem latent articuli pertinentes ad nostram reparationem non solum quia tam impensè diligenti ab eo, qui præstita beneficia ignorat, non rependeretur debitus amor, & honor; verum etiam quia non uteretur mediis necessariis à Christo institutis pro æternæ vitæ consequitione; & ita de aliis Theologicis; igitur omnis Theologica traditio ordinata evidenter cognoscitur ad praxim dirigendam; est ergo simpliciter, & absolute practica.

AD ARGUMENTA. Ad primum, negandum Metaphysicam esse practicam; quia nullam habet

extensionem ad praxim: omnibus enim existentibus, quæ sunt necessaria ad voluptatem, & eruditionem (ut ait Aristoteles 1. *Metaphys.* T. c. 5.) inventa est, adeoque propter seipsam, & ipsum scire. Theologia vero tradita est, ut per eam dirigantur operationes, quæ sunt circa finem, & ea, quæ sunt ad finem. Et cum arguitur, quia Metaphysica est de eodem subiecto, de quo, & à quo Theologia accipit prima principia practica. Dicendum Metaphysicam considerare idem obiectum materiale, sed sub diversis rationibus, ac Theologia; quia et si investiget de primo Ente, & infinitatem, & sapientiam, & bonitatem, & potentiam, & alia id genus, tamen dumtaxat quærit, & speculatur de illis *An finem*; non autem investigat, nec quærit, qua ratione sit ultimus finis hominis, & quibus mediis attingibilis: Hoc enim excedit lumen naturale intellectus; & opus est alio lumine, in quo id doceatur; & porro docetur, & traditur in Sacra Doctrina; hæc igitur dirigit praxim: Metaphysica non item; ideòque est gratia ipsius scire simpliciter speculativa.

Ad secundum dico sic: Primum Theologiæ obiectum includit dumtaxat notitiam conformem volitioni rectæ; quia virtute ejus nihil de ipso cognoscitur, quod non sit vel reconditio volitionis alicujus, vel virtualiter includens notitiam talis reconditio. Concedo ergo quod inferatur, nullam esse posse de tali obiecto Scientiam speculativam: Necessario enim notitia ejus, & cujuscumque intrinseci per ipsum cogniti, conformis est praxi aptitudinaliter, & prior, si cognitum est necessarium. Cum itaque instatur de illis veritatibus, quæ videntur maximè Theologicæ, & non Metaphysicæ, ut *Deus est Trinus, Pater generat Filium*. Dico, eas esse practicas, & non speculativas. Prima enim includit virtualiter notitiam reconditiois dilectionis, tendentis in tres personas; esset enim actus non rectus, si in unam tantum traderet, excludendo alias, utque infidelis actum illum eliceret. Secunda etiam includit notitiam reconditiois, quatenus actus est circa duas personas, quarum una est ab alia: & sic de cæteris complexionibus in primo obiecto Theologico inclusis, & virtute illius cognitis, vel virtuale alterius perfectè suppletis vicem illius primi obiecti: tunc profecto, ut dictum est, illæ complexioniones sunt practicae, quia virtualiter directivæ praxi. At si præcisè eæ considerentur, & inadæquate, nempe, non sub ea ratione, sub qua obiectum Theologicum natum est causare notitiam illarum, seu non sub ratione, qua ab illo accipiuntur principia practica, in quibus saltem virtualiter includitur notitia mediorum, tunc profecto ejusmodi complexioniones sunt speculativæ, quia non dirigunt ne virtualiter quidem ipsam praxim: Eam enim nata sunt dirigere, vel quatenus obiectum est motivum ad notitiam earum; vel in quantum aliud agens supplet vicem illius. Cum autem concipiuntur in suis terminis præcisè, & inadæquate, nec sunt notitiæ complexionum, ad quas movet obiectum; nec prout proponuntur per revelationem, qua reconditum est, primum obiectum Theologicum esse ultimum finem attingibilem per operationes rectas, quas regulant, & dirigunt practicae cognitiones.

Ad Tertium respondeo, *Essentiale* in divinis esse rationem formalem terminandi actum dilectionis: *personale* vero esse rem, quæ terminat eundem actum dilectionis. Ad reconditum autem actus, satis non est, ipsum habere rationem formalem convenientem in obiecto, sed etiam ulterius

Doctrina Communis per primum Metaphysicæ cap. 1. n. 29. Cavel. Scho. 2. super q. 7. 1. Metaphys.

Lychet, super q. 4. Prologi q. 4. Ad questionem 6. 9.

Prologi quæst. 1. Smaifingus q. 4. n. 134.

Prologi q. 4. Quodlib. 4. 1.

Ita intelligendus Doctor.

4. dist. 14. q. 5. Dico ergo V. Ad propositum Smaifingus, citat.

Prologi q. 4. His verbis. Præterea ad genus.

§. Alia est opinio Asfordans. V. Præterea de Duns.



terius requiri, ut tendat, habeatque objectum conveniens in quo illa ratio formaliter reperitur. Præter igitur notitiam rectitudinis, quam includit essentialiter in actu amandi Deum, personalia includunt propriam notitiam rectitudinis requisitam; hæc igitur notitia est propriè practica, cum ad hoc ut actus sit rectus, debeat necessariò ei conformari.

Ad Quartum dico, respectum finis utique non esse id, à quo accipiuntur principia in aliqua scientia; sed potius absolutum, in quo fundatur ille respectus: Absolutum autem, in quo fundatur ratio finis, est essentialiter divina; ut hæc.

Ad Quintum respondeo, concedendo Theologiam Deide necessariis non esse practicam, sed speculativam; quia etsi cognitio prior sit volitione, est tamen dumtaxat offensiva, & non regulativa illius; quia ipsa cum sit essentialiter recta, non est regulabilis: sed de hoc iterum redibit prolixior sermo infra, q. 14. articulo ultimo.

### TERTIO ARTICULUS IV.

Utrum sacra doctrina sit scientia practica.

Doct. Prolegi q. 4. §. His visis S. Thom. 1. p. quæst. 1. artic. 4.

**V**IDETUR sacra doctrina esse simpliciter speculativa. Nam actus principaliter intentus in ista scientia, est actus voluntatis circa finem: sed voluntas tendens circa ultimum finem, non indiget notitia ulla dirigente ipsam, sed tantum opus est, ut sibi ostendatur objectum, circa quod non contingit ipsam errare, & rectè agere; ergo sacra doctrina non est practica, sed omninò speculativa.

Præterea, Augustinus in sermone de Iacob, & Esau; omnia, inquit, opera nostra sunt, ut mundetur oculus interior, quo videatur Deus; igitur Dei visio est ultimum, ad quod opera nostra ordinantur: adeoque talis visio non est practica, sed speculativa.

Præterea, Ubi nullus potest esse error, nec aliqua ibi requiritur scientia directiva, seu regulativa; sed Sancti, & Beati non possunt errare circa ultimum finem, quem clare inveniunt, & fruuntur; ergo Theologia Beatorum est propriè speculativa, & non practica; ergo nec nostra practica erit, cum sit eadem, quia de eodem objecto, ac illa Beatorum.

Præterea; Deus non habet scientiam practicam: maxime autem habet Theologiam, vel solus habet, cum possideat eam perfectissimè ex se ipso; ergo si in Deo hæc non est practica, nec in aliquo alio intellectu.

CONTRA, Inconveniens est, ponere aliquam operationem esse in potestate hominis, adeò ut verè sit actus humanus, nec sit propriè speculatio, nec praxis; talis operatio foret amor finis. Rursus, inconveniens est, cognitionem directivam volitionis cujuscunque, non esse practicam, cum sit veritas confessè se habens appetitui recto, ex 6. Ethic. cap. 3. id est, talis cognitio est conformativa appetitus recti: sed appetitus nequit esse rectus, nisi in eliciendo actum conformiter se habeat tali cognitioni; Quoniam igitur cognitio Theologica est directiva voluntatis creatæ, tendentis in ultimum finem, erit verissimè practica.

RESPONDEO dicendum, Theologiam in intellectu creato esse simpliciter practicam. Declaratur; nam etsi voluntas creatæ nequeat errare circa fi-

nem in universali ostensum; potest tamen errare circa finem ostensum in particulari; ut patet ex variis, diversisque Philosophorum opinionibus, de ultimo fine, primo Ethic.; ergo ad hoc ut rectè agat, ac sine errore tendat in ultimum finem, in cuius assequutione fiat vera, & unica naturæ intellectualis felicitas, requiritur directiva notitia, & ostensio. Sed Theologia ostendit finem non in universali, ut Metaphysica; sed in particulari; ergo hæc doctrina directiva voluntatis in verum finem, est verè practica. Deinde; habitus directivus non ponitur propter substantiam actus; sed propter circumstantias ejusdem: temperantiæ enim habitus non ponitur propter substantiam actus comedendi, vel alterius hujusmodi, sed ob circumstantias; ergo quamvis voluntas esset determinata ad substantiam actus tendentis in finem in particulari, requireretur tamen directio quantum ad circumstantias illius actus, ad quam sanè non extenditur directio, quæ est circa substantiam actus. Deinde, Cujus dilectio principaliter intenditur extra genus cognitionis, ejus cognitio principaliter intenditur intra genus cognitionis: dilectio finis principaliter intenditur in Theologia extra genus cognitionis; ergo cognitio finis principaliter intenditur in genere cognitionis. Sed in quolibet scientia intenditur principaliter cognitio sui subiecti primi; ergo finis est principale subiectum istius scientiæ. A fine autem sumuntur principia practica: principia practica concludunt conclusiones practicas; igitur ista scientia, quæ primo intendit dilectionem finis extra genus cognitionis, est practica. Postremo, Ad idem genus secundum praxim, vel speculationem pertinent principia, & conclusiones: conclusiones autem practicæ resolvuntur in principia practica, non in speculativa; ergo cum cognitio finis sit directiva in actibus, circa ea, quæ sunt ad finem; & cognitio eorum, quæ sunt ad finem, sit quasi inclusa virtualiter in cognitione finis, quasi principii. Ab entitate enim finis accipiuntur principia practica: si cognitio eorum, quæ sunt ad finem sit cognitio conclusionum practicarum; ergo cognitio finis erit cognitio practica, quia de principio practico, alioquin cognitio practica virtualiter includeretur in cognitione speculativa, quod est impossibile.

AD ARGUMENTA. Ad primum respondeo, voluntatem creatam posse errare circa finem, solum in particulari, ut declaratum est in solutione. Potest etiam errare circa circumstantias actus: Voluntas enim creata respectu cujuscunque objecti, non est determinata ad actum rectum; id enim proprium est solius voluntatis infinitæ. Et etiam si foret determinata sic, ut non posset errare, adhuc cognitio ultimi finis erit verè practica, ut probant duæ ultimæ rationes.

Ad secundum respondeo, Augustinum loqui de operationibus exterioribus, quales sunt jejunia, vigiliæ, orationes, & alia id genus: hæc igitur non sunt bona moraliter, nisi sint conformia actui interiori recto, à quo mutuantur, quam habent, bonitatem; & insuper ad alium actum interiorum ordinantur, nempe ad perfectiorem cognitionem Dei: & tandem ea cognitio ad intensiorem dilectionem ipsius Dei ordinatur; non est ergo visio ultimum ad quod cætera ordinantur, sed magis dilectio ipsius finis, adeoque practica sunt ea omnia, quæ dirigunt, & regulant illam.

Ad Tertium dicendum, quemadmodum agens per se intendit inducere formam, per accidens vero vult remotionem contrarii, cum quo est incompossibilis forma inducenda; ita Theologia habet



bitus per se dirigit, seu dirigere intendit voluntatem in actibus suis, ne forte in operando erret; sed per accidens excludit errorem, tanquam aliquid impossibile sibi. Et quidem si habitus est perfectus, non compatitur secum errorem, & si compatitur, utique perfectus non est. Beati igitur, quanquam ex perfectione habitus Theologici, nequeant errare, non propterea sequitur, eos non habere habitum per se directivum; quia per impossibile, eo habitu ablato, possent errare; etsi ex illius positione, propter sui perfectionem omnis error excludatur.

Ad Quartum est responsio *Ad ultimum in precedenti articulo*. Etsi igitur in Dei intellectu Theologia sit omnino speculativa, quia ejus voluntas non est regulabilis, ob sui perfectionem: non propterea tamen perinde speculativa est ponenda in intellectu creato; quia voluntas creata cujuscumque sit perfectionis, est regulabilis, & nisi reguletur, errabit.

#### RURSUS ARTICULUS IV.

Utrum sacra doctrina sit scientia practica.

*Doct. Prologi q. 4. §. Secundus Articulus. S. Thom. 1. p. q. 1. art. 4.*

*Est hic sermo de Theologia contingentium.*

**V**IDETUR sacra doctrina, prout complectitur contingentia, esse speculativa respectu cujuscunque intellectus. Nam hæc Theologiæ pars est per se speculativa: ex se enim non est directiva, & regulativa praxis; igitur in nullo intellectu debet sibi attribui ratio practici: Probatio consequentis; cui unum oppositorum inest per se, reliquum nec per se, nec per accidens inesse potest; ergo si Theologia contingentium est per se speculativa, nec per accidens quidem practica erit respectu cujuscunque intellectus.

Præterea, Theologia contingentium ex objecti ratione est speculativa; quia ex objecto non est nata haberi aliqua notitia determinatæ rectitudinis contingentis; ergo si hæc notitia posset esse alicui intellectui practica, practicum non repugnat speculativo: & per consequens hæc duæ rationes non sequerentur differentias essentielles divinis habitus in communi; & ulterius neque Theologiæ necessariorum repugnaret esse practicam, & speculativam, cujus oppositum dictum est supra, *hoc articulo 4. primum*.

**CONTRA, Colere Deum in Sacrificio Altaris**, est unum de Theologicis contingentibus; quia sane cultus rectus est in novo Testamento, ut fuisset non rectus in veteri; igitur notitia dirigens eum actum colendi Deum, est practica; quia extenditur ad praxim dirigendam.

**RESPONDEO** dicendum, Quamvis Theologia contingentium in se, & ex objecto, simpliciter sit speculativa; in intellectu tamen creato esse practicam. Declaratio primæ partis: Talis enim est Theologia contingentium in se, qualis ex objecto est, Ex objecto autem ipsa non est conformativa, seu apta nata dare rectitudinem, & conformitatem praxi, ante omnem actum voluntatis; qualis est Theologia necessariorum; Si enim contingentia quæque præferrent determinatam rectitudinem, perfectio id acciperet à voluntate divina, & non ex objectis eorum; ergo talis notitia ratione objecti non dirigit praxim; est ergo per se speculativa. Huc quoque facit, quod in in-

tellectu divino negatur esse practica; talis autem est in se, qualis est in perfecto genere illo, non autem in imperfecto; Si ergo in intellectu divino est speculativa; in se, & ex objecto simpliciter erit speculativa. Sed de his infra, q. 24. art. 16.

Quod vero respectu intellectus creati sit practica, declaratur: Nam notitia objectorum contingentium est directiva, & conformativa praxis, & prior eâ in intellectu creato; est igitur practica. Assumptum patet in exemplo allato, de cultu Dei in sacrificio Altaris: notitia enim hujus veritatis contingentis revelata dirigit, & regulat praxim, seu actum voluntatis ne erret in cultu divino; prout revelatum est, Deum velle coli in Legge novi Testamenti; est igitur practica.

**AD ARGUMENTA.** Ad primum respondeo, utique Theologiam contingentium esse speculativam per se secundo modo; sed practicum per accidens, quale est ab extrinseca causa, & non ab objecto, non opponitur speculativo nec per se, nec per accidens: imo stant simul, quemadmodum esse nigrum simpliciter, & esse album secundum quid non opponuntur; bene tamen opponuntur practicum per se, quod ex objecto est, & speculativum per se.

Ad Secundum dico sic: sicut esse ex objecto speculativum, est esse per se speculativum: ita esse practicum ex objecto, sufficienter determinante intellectum ad noticiam rectitudinis, est esse per se practicum, & quidem ante omnem volitionem; & sic opponuntur ista duo, *practicum*, & *speculativum*: ut ista, *non extendibile ad praxim*, & *extendibile ad praxim*. At esse practicum aliunde quam ex objecto, nempe à causa extrinseca, scilicet à voluntate determinante intellectum ad noticiam praxis elicientem, est esse accidentaliter practicum; atque concedo, Theologiam contingentium esse practicam nobis, licet in se sit speculativa: quod sanè dici non potest de Theologia necessariorum, quæ est per se practica ex objecto, ut in *antecedentibus* extitit declaratum.

#### ARTICULUS V.

Utrum sacra doctrina sit dignior aliis scientiis.

*Doct. locis in margine citat. S. Thom. 1. p. q. 1. art. 5.*

**V**IDETUR sacra doctrina non esse dignior aliis scientiis. Nam sacra doctrina magna ex parte est de cognoscibilibus contingentibus: omnes enim articuli de Incarnatione sunt de contingentibus; & omnia cognoscibilia de Deo in respectu ad creaturas extra, sunt pariter de contingentibus: De contingentibus autem non videtur esse scientia, ex ipsius *scire* definitione 1. *Post. cap. 2.* igitur Theologia digniores censendæ sunt illæ scientiæ, quæ sunt de objectis omnino necessariis.

Præterea, Theologia nostra est habitus non accipiens evidentiam ex objecto, non solum quoad contingentia, verum etiam quoad necessaria. Sed doctrina habens evidentiam ex objecto, præferenda est illi quæ est inevidens; ergo cum multæ disciplinæ sint ex propriis objectis evidentes, hæc Theologia excellentiores videtur.

Præterea, Sacra doctrina ut sit utilis communitati fidelium indiget aliis scientiis philosophicis, & præsertim metaphysica, quibus ipsa in difficultioribus, & obscurioribus sententiis declaratur; igitur

*Prolog. q. 4. §. Si curis. V. Contra hoc.*

*Ubi supra §. Si curis. V. Si obiciatur.*

*§. Ex hoc patet. V. Ex objecto igitur.*

*Theologia contingentium in se est speculativa, in intellectu creato vero non practica.*

*Prolog. q. 3. §. Sed aliud dubium. in 5. q. laterali.*

*Prolog. q. 3. §. Ad primam questionem.*

*3. dist. 24. §. Si loquamur a secundo modo*







tia conclusionum; est igitur Theologia secundum se simpliciter sapientia.

AD ARGUMENTA. Ad primum respondeo, concedendo sapientiam, prout est Spiritus Sancti donum, cum charitate coincidere, ac subinde esse habitum appetitivum: at Theologiam, vel scientiam Sacre Scripturæ, quamvis practica sit, non esse ipsam charitatem, sed habitum intellectivum, qui sapientia recte vocatur, ut declaratum est in solutione.

Ad Secundum dico, propterea Philosophum attribuisse eam conditionem Metaphysicæ, quam sapientiam appellat; quia existimavit, circa ultimum finem nullam esse praxim dirigendam per notitiam practicam: quam praxim si posuisset, profecto notitiam directivam illius censuisset longè nobiliorem scientia, quæ est propter ipsum scire præcisè. Quare Theologiam esse ordinatam ad dirigendam praxim circa ultimum finem, nihil detrahit illi, quominus sapientia dici queat. Sed de hoc fufius actum supra, articulo quarto primum.

Ad Tertium concedo assumptum, & dico, Theologiam secundum se esse de omnibus scibilibus, ut tactum est supra articulo secundo iterum repetito: quia omnia nata sunt sciri virtute primi objecti Theologici; est Theologia tum nostra, tum Beatorum habeat terminum ex voluntate Dei, vel revelantis, vel ostendentis hæc & non alia in objecto Theologico. Et cum subditur; igitur oportet subiectum ejus esse commune omnibus. Dicendum, non esse commune per prædicationem, sed per originariam, & radicalem continentiam, qua complectitur omnia, ut fons, & causa omnium, quæ sunt, & sciri possunt per ipsum. Est ergo Theologia secundum se altissima sapientia, & universalissima, quia de omnibus, & omnis cognitio non includens imperfectionem: & ideo in intellectu divino est omnis cognitio: quamvis non sit omnis cognitio simpliciter respectu intellectus creati, qui ultra eam, potest ex sui imperfectione non habere alias notitias de objectis creatis; & nihilominus etiam Theologia nostra est de omnibus entibus quantum ad aliqua cognoscibilia de illis, quoad respectus nimirum, quos habent ad essentiam divinam, ut hæc essentia. Sed de his infra, post articulum 7. in Incidenti.

Ad Quartum respondeo, Theologia nostra de facto non est nisi de his, quæ continentur in Scriptura, & quæ possunt elici ex ipsis revelatis. Revelatio autem secundum communem Legem, non est, nisi de his, quorum termini naturaliter possunt concipi à nobis; oportet igitur quemque rationis compotem concipere terminos articulo fidei, saltem eorum, qui sunt necessarij ad salutem; Sed non propterea sequitur eos intelligere illorum terminorum quiditates, aut non esse Theologiam de difficillimis, & remissis à sensu humano. Cum ad ea, quæ in Theologia docentur de fine hominis, & medijs, per quæ ad illum pervenitur, nulla humana investigatio aliquando pervenire potuisset.

Ad Ultimum dico, nostram Theologiam esse de his, quæ continentur in Scriptura, & eliciuntur ex ea, ut supra dictum fuit: studio autem fieri, ut quis acquirat habitum exponendi Sacram Scripturam, vel adhibendo Sententiam clariorem ejusdem Scripturæ, vel utendo alijs scientijs humanis; per hoc autem non excidit à ratione sapientia, quia & ipsa est de subiecto altissimo, nempe de ente infinito, ut de primo noto, & sua principia à nulla alia accipit priori se, sed revela-

ta, & certissima supponit: ac denique est de omnibus scibilibus, secundum quod dicunt respectum ad divinam Essentiam, ut hæc.

## ARTICULUS VII.

Utrum Deus sit subiectum hujus scientiæ.

Doct. Prologi q. 3. in Report. ibidem q. 1. S. Thom. 1. p. q. 1. artic. 7.

*Acturi de primo Theologiæ objecto, opportune præmittendum putamus, ac declarandum, quid nomine primi objecti scientiæ intelligendum veniat. Sit ergo.*

## ARTICULUS INCIDENTS.

Quænam sit ratio primi subiecti scientiæ: An sit primò continere virtualiter veritates habitus scientifici.

Doct. Prologi q. 3. §. De secundo. In Report. ibidem q. 1. art. 2. S. Thom. 1. p. q. 1. artic. 7. in solutione.

**V**IDETUR ratio primi objecti scientiæ non esse continere primo virtualiter omnes veritates habitus, cujus est. Nam sicut se habet objectum primum potentia ad potentiam; ita se habet objectum primum habitus ad habitum: Sed objectum primum potentia est aliquid commune ad omnia per se objecta illius potentia; ergo, & primum objectum habitus oportet esse aliquid commune ad omnia per se objecta ejus, & aliquid virtualiter continens alia,

Confirmatur, quia alioquin non inveniretur adequatio in tali objecto; quæ tamen requiritur in primo objecto cujuscumque sive potentia, sive habitus.

Præterea, In scientijs communiter assignatur pro primo subiecto aliquid commune ad illa, quæ scientia sua extensione complectitur; sicut in Metaphysica ens; in scientia naturali corpus, vel ens mobile; in Geometria magnitudo; & sic de alijs: sed ejusmodi communia non continent virtualiter ea omnia, quæ per habitum attinguntur; ergo continere virtualiter non est ratio primi subiecti scientiarum.

CONTRA, In essentialiter ordinatis, necesse est, omnia reduci ad aliquid primum simpliciter: er: cognoscibilia autem cujuscumque scientiæ habent ordinem essentialem inter se in cognoscibilitate; quia conclusiones cognoscuntur ex principiis, & principia ex terminis: termini verò ex ratione ipsius subiecti; ergo omnia ad quæ se habitus extendit, virtualiter includuntur in subiecto primo.

RESPONDEO dicendum, rationem primi subiecti scientiæ esse, continere in se primo virtualiter omnes veritates illius habitus, cujus est. Declaratur: Cum enim conclusiones sint in principiis virtualiter: & principia virtualiter in subiecto: nam subiectum virtualiter includit prædicatum in principiis primis: idque essentialiter, si sint per se primo modo: vel virtualiter, si sint per se secundo modo; sequitur in subiecto incomplexo quiditativè cognitio, virtualiter contineri principia, & conclusiones de tali subiecto: atque ita tota notitia, quæ de ipso subiecto nata est haberi: & etiam ulterius, quæ nata est haberi de alijs per rationem ejus, sive sint inferiora contenta sub ipso, sive sint alia attributa ad ipsum, tanquam ad primum

Prolog. q. 4. §. ad argumentum. 1. prima quest. V. Ad aliud dico.

Prolog. q. 3. §. Sed autem.

De rerum primis. q. 1. d. art. 1. §. Ex quo n. 8.

Ibidem §. Sic ergo.

§. De possibilitate.

§. De Theologia autem nostra.

§. d. 2. §. Aliter potest prius. & d. 2. §. d. ult. prim. cip.

Prolog. q. 1. & 2.

3. d. 2. 24.

Ex Rep. loco cit.

Ex Rep. loco cit.

Doct. 5. metaph. q. 1. 6. Inter dictas arg. opiniones.

Hæc subtilissima ex omniura Magistro. Ludovico m. Comment.



mum: *Habitus* igitur inclinans formaliter ad speculandum tale subiectum secundum rationem quiditativam, inclinatur virtualiter ad omnia complexa cognoscenda, quæ attingi possunt per rationem illius modo prædicto.

Porro *primitas* hic accipitur ex primo Posterior. *Tex.* c. 14. § 15. in definitione Universalis, secundum quod dicit adæquationem: objectum autem se habet ad habitum, sicut causa ad effectum; non est enim causa adæquata, nisi contineat primum virtualiter totum effectum. Expono quod dixi, *primum virtualiter*: quia sicut illud est primum ens, quod non dependet ab alio: sed magis alia ab illo: ita primum continere, est ab aliis non dependere in continendo, sed alia ab ipso, hoc est circumscripto per impossibile omni alio manente intellectu ejus, adhuc contineret: & nihil aliud continet, nisi per rationem ejus.

Ad ARGUMENTA. Ad primum respondeo, proportio objecti ad potentiam, est proportio motivi ad mobile, vel activi ad passivum: At proportio subiecti ad habitum, est sicut proportio causæ ad effectum: Quodcumque autem aliquid agens agit in aliquod passum, potest quodlibet agens ejusdem rationis, in quodlibet passum ejusdem rationis agere; ergo prima extrema proportionis activi ad passivum, sunt communia ad omnia per se extrema istius proportionis. Nam inter illa communissima est adæquatio, quia in quocumque est ratio unius, illud respicit quodlibet, in quo est ratio alterius. Prima verò extrema proportionis causæ ad effectum non sunt communissima, quia inter illa non est adæquatio. Non enim sequitur: si commune potest causare habitum: igitur & speciale poterit, aut è converso; non enim quodlibet contentum sub illo communi respicit habitum, ut effectum ejus: sed tantum aliquod primum objectum, quod virtualiter continet omnia, ad quæ ipse habitus se extendit: ac proinde subiectum scientiæ non est commune ad omnia considerata in scientia, nisi per eorum continentiam virtutalem.

Et ex his ad confirmationem; Nam potentia non potest adæquari, nisi commune, quod prædicatur de omnibus subiectis: at scientiæ habitui adæquatur aliquid commune contentivum omnium, secundum continentiam virtutalem, non autem commune per prædicationem.

Ad secundum dico sic: Multorum habituum specie differentium potest esse aliquod objectum commune, sicut ab objectis eorum habituum potest abstrahi objectum commune. Et hoc modo in scientiis assignatur objectum commune, à quo proinde non est unus habitus secundum speciem, sed tantum secundum genus. Et ideo ejusmodi commune secundum quid tantum, & diminutè est objectum primum: quia, etsi habeat conditionem adæquationis respectu habitus; quia tamen nec ipsum habitum continet virtualiter: nec est subinde mensura illius, ex 5. *Metaphys.* cap. de *Al. aliquid*, defunt ei potissimæ conditiones, seu ratio formalis objecti scientiæ, habentis adæquationem, & continentiam virtutalem, & rationem mensuræ habitus tendentis in illud.

ARTICULUS VII.

Utrum Deus sit subiectum primum hujus scientiæ.

*Doct. Prologi q. 3. in Report. ibidem q. 1. art. 4. S. Thom. 1. p. q. 1. art. 7.*

**V**IDETUR Deus haud esse hujus scientiæ subiectum. Siquidem Boetius primo de Trinit. *Forma simplex*, inquit, *subiectum esse non potest*: Deus autem est forma summè simplex; ergo incapax videtur fundandi rationem subiecti scientiæ hujus.

Præterea, Materia non coincidit cum aliis causis, neque in idem numero, neque in idem specie, ex 2. *Physic. Tex.* com. 43. Deus autem est finis hujus scientiæ, & efficiens; ergo esse nequit ejusdem subiectum, sive materia, cui considerandæ, & meditandæ incumbat.

Præterea, Ex 1. *Posterior. cap. 1.* subiectum scientiæ oportet habere partes, principia, & passionem: Deus autem expertus est partium omnium, seu integralium, cum sit omnino simplex: sive subiectivarum, cum ex se sit singularissimum esse. Neque habet principia, cum ipse sit primum omnium principiorum, neque passionem: nam passio inest subiecto sic, ut sit extra essentiam ipsius; nihil autem hoc modo inesse potest Deo.

Præterea, Sacra doctrinæ subiectum est aliud quid à Deo; ergo cum unius scientiæ unica sit prima materia circa quam versatur, Deus non erit Theologiæ subiectum. Antecedens probatur multipliciter: Tum per Augustinum de doctrina Christiana l. 1. cap. 1. *Omnis doctrina vel verum est, vel signorum*: igitur res, vel signa sunt hujus doctrinæ subiectum.

Deinde Scriptura habet quatuor sensus, scilicet, Anagogicum, Tropologicum, Allegoricum, & Literalem: sed cuilibet sensui correspondet aliquod subiectum, secundum illum sensum; igitur sacra doctrinæ quatuor erunt subiecta.

Tertiò, quia, secundum Eustachium in *Prologo 1. Eccl. b.* Moralis est de homine quoad animam: Medicinalis est de eodem quoad corpus. Ex hoc ergo accipitur hæc propositio: omnis scientia practica habet pro subiecto primo illud, cui acquiritur finis practicus, & non ipsum finem: sed finis istius scientiæ acquiritur homini, & non Deo; ergo ipse homo, & non Deus est Theologiæ primum subiectum.

Denique, (& quasi redit in idem) Finis scientiæ est per actum suum attingere objectum primum inducendo in ipsum formam principaliter intentam à scientia; puta, in speculativa inducere in illud esse cognitum, quia cognitio ibi intenditur: & in practica inducere formam, ad quam ordinatur ejus praxis: finis autem hic intentus, est bonitas moralis utique in homine, & non in Deo inducenda; igitur homo est objectum primum sacrae doctrinæ.

CONTRA, Augustinus 8. de Civit Dei, cap. 1. *Theologia, verbo Greco, significari intelligimus de divinitate rationem, sive sermonem*. Si igitur Theologia est sermo, vel ratio de Deo, profectò ipse Deus est primum Theologiæ subiectum.

RESPONDEO, Quoniam cognitio qualibet in se est illa, quæ nata est haberi de objecto ejus, secundum quod natum est manifestare se intellectui proportionato: & eadem cognitio in nobis ea est, quæ nata est haberi in intellectu nostro de objecto illo intellecto: Theologia in se talis erit cognitio, qualem natum est facere objectum Theologicum

Agatur hic de  
primis subiectis  
scientiarum, nec  
videtur necesse  
Theologiæ esse  
se, in quo  
non inest in  
proposito sub-  
iecto.



Quid interit  
inter Theolo-  
giam et  
Theologiam  
in se est  
Theologia

in intellectu sibi præportionato: Theologia verò in nobis, talis cognitio, qualem intellectus noster natus est habere de illo objecto. Exemplum: si aliquis intellectus nequiret intelligere Geometricalia, posset autem alicui credere de Geometricis, Geometria esset ei fides, non scientia; esset tamen in se scientia, quia objectum Geometriæ natum est facere de se scientiam in intellectu proportionato. Rursùm, veritatum Theologicarum aliæ sunt necessariæ, quæ nempe insunt Deitati, independentes à principio libero: aliæ vero sunt contingentes, quarum nimirum causa prima est divina voluntas. Juxta ergo hæc omnia membra soluturi Quæstionem.

Subiectum  
Theologiæ in  
se est ipse  
Deus quæ-  
ritur hæc essen-  
tia

Dicendum primo, Primum subiectum Theologiæ in se, quantum ad veritates necessarias, est ipse Deus; non sub ratione aliqua universali, attributali vel respectiva, sed quæ est *hæc essentia*. Prior conclusionis pars probatur primo: Nam objectum primum scientiæ continet virtualiter omnes veritates illius habitus, cujus est primum subiectum: sed nihil continet veritates Theologicas, nisi Deus; ergo ipse Deus sit oportet Theologiæ subiectum. Probatio minoris; Nihil aliud continet ens ut causa, sive illud, ad quod omnia reducuntur per attributionem: Nec aliquid continet ens ut effectus *demonstratione quia*: nam nullus effectus ostendit Deum Trinum, quæ nihilominus est potissima veritas Theologica; & similia; quandoquidem igitur omnes Theologicæ veritates in Deo continentur, nihil aliud ab ipso est primum Theologiæ subiectum. Deinde, Theologia in se est de his, quæ soli intellectui divino sunt naturaliter cognita: ergo est de aliquo soli Deo naturaliter noto; sed solus Deus est sibi naturaliter notus; ergo Theologia est de Deo, ut de primo ejus subiecto. Probatio antecedentis: si ista scientia est de aliquibus alicui alii intellectui naturaliter notis; ergo præter ista, aliqua alia sunt cognoscibilia naturaliter soli intellectui divino: cum infinitus sit, ac subinde longè plurimum cognoscitivus, quàm intellectus finitus, cui potest esse naturaliter cognita omnis essentia creata, igitur alia scientia est superior Theologia, nempe ea, quæ est de naturaliter notis tantum intellectui infinito, quia est erit de naturaliter notis intellectui creato. Denique probatur: quia in nulla scientia traditur ita distincta cognitio de non per se subiecto, sicut de per se ejus subiecto: alioquin non esset ratio, quare illud subiectum poneretur magis subiectum ejus, quàm aliud: igitur si Deus non esset Theologiæ in se subiectum, non traderetur ita distincta cognitio de ipso, sicut traderetur in alia, cujus posset esse subiectum. Potest autem revera esse subiectum scientiæ: igitur illa foret Theologia in se prior: ergo cum nulla scientia sit prior, & altior Theologia in se, ipsius subiectum non est aliud, nisi Deus. Accedit etiam, quod secundum Augustinum, 14. de Trinit. cap. 1. & 4. Ista scientia est de illis, quibus fides gignitur, defenditur, & roboratur: ergo est de illo eodem subiecto, quod est primum subiectum fidei: sed fides est de veritate prima, quæ Deus est: ergo & Theologia in se erit de eodem Deo, ut de ipsius primo subiecto.

Posterior conclusionis pars, nempe, Deum sub ratione, quæ est *hæc essentia*, esse subiectum Theologiæ in se, seu intellectus divini: & non sub ratione aliqua universali, attributali, vel respectiva: probatur: Nam nullus conceptus communis, attributalis, vel respectivus, continet virtualiter omnes veritates propriæ Theologicas, pertinentes ad pluralitatem personarum: Etenim si contineret,

cum ejusmodi conceptus naturaliter concipiatur à nobis, & propositiones subinde immediatæ de illis conceptibus possent à nobis naturaliter concipi, & intelligi: & per illas propositiones immediatas, scire possemus conclusiones, & ita totam Theologiam naturaliter, & citra omnem revelationem, addiscere, quod nemo dixerit. Deinde conceptus illi communes, attributales, vel respectivi, ex quo non sunt soli Deo naturaliter noti: quia attingibiles per Metaphysicam: nec veritates in illis inclusæ conceptibus, de quibus est Theologia, erunt soli Deo naturaliter notæ. Theologia autem in se dumtaxat intellectui divino est proportionata, & naturaliter nota: ergo ipso subiectum formale est naturaliter immutativum solius intellectus divini: est ergo talis ratio prior omni alia ratione vel communi, vel attributali, vel respectiva. Denique Theologia in se est scientia eminentissima omnium; ergo de altissimo objecto, & sub ratione perfectissima: cognitio autem ipsius *quodquid est*, est perfectissima, ut ait Philosophus 7. Metaphys. Tex. com. 4. igitur cognitio illius essentiae, ut hæc essentia, est perfectior omni alia cognitione, quæ posset haberi de eodem sub præfatis conceptibus: Theologia igitur in se erit de objecto perfectissimo, & sub ratione item perfectissima, absoluta, & priori omni alia speciali, & contracta per conceptus, seu universales, seu attributales, seu respectivos. Exemplum: Homo intelligitur ut animal rationale, ut substantia, ut mansuetum natura, ut nobilissimum animalium. In primo intellectu concipitur secundum rationem quidativam propriam: in secundo, in communi: in tertio, per accidens, idest, in propria passione: in quarto, per respectum ad aliud. Sed perfectissima notitia de homine non potest esse in respectu ad aliud: quia ista præsupponit notitiam absoluti: nec sub propria passione: quia hæc notitia præsupponit cognitionem subiecti: nec de homine in universali: quia illa est confusa, igitur nobilissima cognitio de homine est secundum rationem quidativam. Ita & in Deo.

Dicendum Secundo, Theologiæ nostræ in se consideratæ subiectum continentis veritatum necessariarum, est ipse Deus sub ratione Deitatis. Quatenus verò *Theologia nostra est*, ejus subiectum evidentis est ens infinitum. Prima pars ex eo patet, quia inter Theologiam in se, & nostram non interest, nisi quidam respectus rationis, secundum quem Theologica notitia refertur ad intellectum, qui ipsa præditus est notitia: ergo & Theologiæ in se, & ut in intellectu creato reperitur, est idem continentis subiectum: quod objectum adæquatè notum est soli intellectui divino, Beatis vero inadæquatè; nobis autem dumtaxat ex determinata revelatione aliquorum ex infinitis: quæ in tali objecto continentur. Cum igitur habitus ex objecto evidentiam accipiat, primum objectum ejus & virtualiter continet ipsum habitum & in se, & quatenus est notum ex parte intellectui creato. Ex quo declaratur secunda pars: Etenim Theologia nostra, etiam quoad veritates necessarias, non habet evidentiam ex objecto, sed ut accepta per revelationem: aliter propterea se habere non potest, ac illa, quæ est evidens ex objecto: dumtaxat ergo *nostræ Theologiæ*, ut *nostræ* est assignandum primum objectum notum, de quo immediatè cognoscuntur primæ veritates. Illud autem primum notum est ens infinitum, quia iste est conceptus perfectissimus, quem possumus habere de illo, quod est in se primum continentis subiectum. Ab hoc ergo conceptu perfectissimo accipitur evidentiam Theo-

Subiectum  
continentis  
Theologiæ  
nostræ: est  
Deus sub  
ratione  
Deitatis. Sub-  
iectum a con-  
sideratæ est  
ens infinitum.

S. Ad primam  
quæstionem de  
Theologia no-  
stra.

Videnda glossa  
Magistri Ly-  
celli.







est nisi per intuitionem extremorum; ergo primum intuitibile, cui inest primum prædicatum primæ veritatis contingentis, est primum subiectum omnium veritatum contingentium ordinarum. Cum igitur tale intuitibile primum sit essentia divina ut *hec*: ea enim visa, nata sunt videri conjuncta extrema complexionum contingentium, scilicet primæ, & reliquarum pendentium ab illa; igitur essentia divina ut *hec* est subiectum primum Theologiæ contingentium in se, in intellectu Dei, & Beatorum. Ceterum visio essentie diving in Beatis, est sicut cognitio entis in Metaphysicis; & ideo beata visio non est Theologia, quæ est de veritatibus complexis, sed est quasi perfecta incomplexa apprehensio subiecti, præcedens naturaliter scientiam Theologiæ.

Dicendum Secundo, Theologiæ nostræ contingentis subiectum primum est Deus, sub ratione entis infiniti, sub qua est quoque subiectum primum Theologiæ necessariorum. Non quia eo in conceptu virtualiter contineatur habitus Theologiæ contingentium, etiam si intuitivè videretur; sed quia ut à nobis cognoscibilis, proximus est illi, cui intuitivè noto, natum esset prædicatum primæ contingentis cognosci evidentè, suo inhærere subiecto. Et profecto veritates contingentes in Theologia magis persuaderi possunt nobis per rationem entis infiniti, quàm per aliam quamcumque pro præsentī statu notam.

Ad ARGUMENTA. Ad primum respondeo, aliquod contingens potest primo dici de Verbo, & aliquod de Spiritu Sancto, & aliquod de Deo Trino, ut, *create*; erunt igitur Personæ divinæ quasi partes subiecti primi, qui est Deus, ut *hec essentia*: sicut enim, quamvis aliqua necessaria sint primo vera de diversis personis, non propterea ipsæ, aut aliqua earum, est primum subiectum necessariorum, sed Deus: ita & contingentium, ut exitit declaratum.

Ad confirmationem dicendum, Hugonem, & Cassiodorum non expressisse subiectum formale Theologiæ contingentium in se, & in intellectu divino, & Beatorum, quod aliud esse nequit, quam subiectum necessariorum; sed esse loquutos de materia proxima: materia enim proxima subiecto Theologiæ contingentium, est Christus ut resuscitator, & ut caput Ecclesiæ; at tamen involvit ulteriorem ordinem ad ipsum subiectum formale.

Ad Secundum dico, veritates enunciata contingenter de Christo, in nullo subiecto continenter virtualiter; quia tunc inessent necessario, ut tactum fuit *supra*: habent nihilominus aliquod subiectum, de quo primo, & immediatè enunciantur; & illud est Verbum. Nam veritates Theologiæ de Incarnatione, Passione, Nativitate &c. sunt istæ: *Verbum est factum homo: Verbum est homo natus: Verbum est homo passus* &c. Cum itaque dicitur, Passio inhæret secundam naturam humanitatis: Respondeo, humanitas non est ratio primi subiecti, ad quod fit resolutio; sed est quasi passio prior medians inter primum subiectum istarum veritatum, quod est *Verbum*, & alias posteriores passionis, ut *natur*, *passus* &c. Est enim evidens, qualiter humanitas nequit esse ratio subiecti respectu passionis primæ, quæ est, *esse incarnatum*; quia illud dicitur de Verbo, non præintellecta humanitate in ipso. Quæcumque igitur ratione humanitatis inesse intelliguntur Christo, ad Verbum reducuntur; & tandem ad primam contingentem, quæ est, *Voluntas vult*: & quoniam ejus complexionis veritas nata est esse evidens intuenti divinam essentiam in se; *hec essentia*

statuenda est primum obiectum totius Theologiæ necessariorum, & contingentium in se, & in intellectu divino, & Beatorum, ut declaratum est in *solutione*.

## ARTICULUS INCIDENTS.

Utrum Theologia sit de omnibus ex attributione ipsorum ad primum ejus subiectum.

*Doct. Prologi q. 3. in 2. laterali. In Report. ibidem, Quæstioncula 5. S. Thom. 1. p. q. 1. artic. 7. in solutione.*

**V**IDETUR Theologia non esse de omnibus, ex attributione ad primum subiectum ejus. Nam Augustinus 14. de Trinit. cap. 1. *Non utique*, inquit, *quicquid sciri ab homine potest in rebus humanis &c. huic scientiæ tribuens, sed illud tantummodo, quo fides saluberrima, quæ ad veram beatitudinem ducit, gignitur, nutritur, defenditur, roboratur*; igitur Theologia non est omnino de omnibus per attributionem ad ejus subiectum primum.

Præterea, Quiditates distinctæ ab essentia divina, ut est *hec essentia* singularis, continent primo multas veritates de se: quia per impossibile circumscripto omni alio, si illæ quiditates essent increatae, adhuc eas veritates continerent; igitur essentia divina ut *hec*, præcisè causat Theologiam in intellectu divino: Geometriam autem causat linea: & Arithmeticam numerus; & sic de aliis habitibus; igitur Theologia non est ita de omnibus, ut omnia sint nota virtute primi obiecti ejus intellectui proportionato.

CONTRA, Philosophus 4. Metaphys. Tex. c. 2. *Eadem est scientia de aliquo, & de attributis ad ipsum*: Et exemplificat de sano. Sed omnia alia attribuuntur essentialiter ad subiectum primum hujus; ergo Theologia est de omnibus per attributionem ad primum subiectum ipsum.

RESPONDEO, dicendum primo, Theologiam Dei esse de omnibus omnino cognoscibilibus, ac proinde etiam Theologiam in se involvere cognitionem omnium scibilium. Nam obiectum primum Theologicum facit omnia actu cognita intellectui divino; nam post cognitionem sui, & omnium necessariorum ad intra, in secundo signo naturæ movet ad cognitionem omnium virtualiter contentorum in ente infinito: & in tertio signo movet ad intelligendas veritates virtualiter inclusas in illis quiditatibus; adeo ut non sit ordo secundum ad tertium ratione causalitatis, quia illæ quiditates nihil causant in intellectu divino; sed dumtaxat est ordo effectuum essentialiter ordinarum respectu ejusdem causæ, itaut, si in tertio instanti naturæ essentia divina non moveret ad notationem illarum veritatum, essent divino intellectui ignotæ: Cum enim sit infinitus, non est natus perfici à quiditatibus finitis; quia infinitum nullo modo perfici potest à finito: Nam alioquin divinus intellectus vilesceat, si immutaretur ab aliquo alio ab essentia sua. Nam in illo instanti naturæ in quo intelligit lineam, adhuc esset quasi in potentia ad cognoscendas veritates in linea existentes, virtute ipsius lineæ; ergo linea quasi effectivè imprimeret cognitionem istarum veritatum intellectui divino, qui à linea proinde immutaretur. Deinde, omnis potentie potentis actuari à diversis objectis per se virtute propria eorum, primum obiectum est aliquid commune eis: sed si linea virtute sui causaret veritatem in intellectu divino,

Henric. quod lib. 5. c. 9.

Theologia Dei est de omnibus prædictis cognoscibilibus.

Ex Quodlib. 4. 14. 9. Hic intelligendum.

Subiectum evidentis Theologiæ nostræ est contingentibus est Deus infinitum.

S. Ad primum argumentum. Secundo quæstio.



pariter, & cæteræ quidditates causabunt; igitur primum objectum intellectus divini foret quid his omnibus commune, & non essentia divina singularis. Nec obstat quod alia objecta attribuantur ad essentiam suam; quia etiam alia etiam attribuantur ad substantiam, & tamen objectum intellectus nostri est ens. Est igitur Theologia in se, & in intellectu divino de omnibus prorsus cognoscibilibus, ac proinde Deus de omnibus illis dumtaxat habet cognitionem Theologicam, quia omnia cognoscit virtute solius objecti Theologici æstuantis intellectum ejus.

Dicendum Secundo, Theologiam in intellectu Beatorum non esse de omnibus cognoscibilibus; quia intellectus eorum nati sunt immutari à quidditatibus creatis ad cognitionem veritatum includarum in eis; & ideo præter istam veritatem Theologicam, quam habent de illis quidditatibus, ut ostensis in essentia Dei, possunt habere naturalem cognitionem de eisdem ex propria motione earundem quidditatum. Theologia igitur Beatorum de quibuscunque creatis, non est omnis cognitio possibilis de ipsis tali intellectu.

Dicendum tertio, Theologiam, ut est habitus perficiens intellectus Beatorum, esse posse de omnibus scibilibus, esse de facto non sit de omnibus. Nam nullum est scibile, ad quod cognoscendum non possint determinari ab effectu divina intuitivè ab ipsis visa; præsertim cum scibilia specificè distincta non sint infinita. De facto autem non habet limitationem, nisi ex voluntate Dei ostendentis aliquid in essentia sua; & ideo actualiter Theologia eorum est de tot, quot voluntariè Deus ostendit eis in essentia sua.

Dicendum quarto, Theologiam nostram non esse actum de omnibus scibilibus, sed de his dumtaxat, quæ Deus revelavit. Nam sicut Theologia Beatorum habet terminum, ex voluntate Dei ostendentis tot, & non plura in essentia sua; ita & Theologia nostra terminum habet ex voluntate Dei revelantis. Terminus autem præfixus à voluntate divina, quantum ad revelationem generalem, est eorum, quæ continentur in Sacra Scriptura; quia, sicut habetur Apocalyp. ultimo: *Si quis appoverit ad hæc, apponet Deus super illum plagas scriptas in libro isto*. Igitur Theologia nostra de facto non est, nisi de his, quæ continentur in Scriptura, & de his, quæ possunt elici ex ipsis.

Tandem dicendum, nostram Theologiam esse non posse de omnibus cognoscibilibus, secundum præsentem statum. Tum propter defectum intellectus nostri, nequeunt in speciali concipere multas quidditates: revelatio autem, secundum communem Legem, non est, nisi de his, quorum termini possunt naturaliter concipi à nobis. Tum propter defectum Theologiæ, quæ cum sit de revelatis, de quibus est & fides, nequit simul esse cum evidenti cognitione de eisdem cognoscibilibus; cum igitur pleraque sint nobis naturaliter cognita, de illis nequit esse nostra Theologia revelata. Tamen omnis Theologia sive nostra, sive Beatorum, est de omnibus entibus, quantum ad aliqua de eis cognoscibilia, scilicet, quantum ad respectus, quos habent ad essentiam divinam, ut *hæc essentia*; ad quam omnes creaturæ dicunt essentialem dependentiam, prohi cognoscimus in nostra Theologia. Nam, si id intelligeretur à nobis per metaphysicam inquisitionem, talis cognitio non spectaret ad nostram Theologiam, quæ est de his, quæ habentur in Scriptura per revelationem Dei, & de omnibus, quæ eliciuntur ab illis.

Ad ARGUMENTA. Ad primum dico, Augustinum loqui utique de Theologia, sed non in se, sed prout traditur in Sacra Scriptura, unde subdit; *quæ scientia non possunt fidei plurimi, quamvis polleant ipsa fide plurimum*. Non vulgi igitur, Theologiam sive in se, sive in intellectu divino, non esse de omnibus prorsus scibilibus; sed dicit, nostram Theologiam non esse de omnibus, quod ultro est omnibus fatendum.

Ad secundum patet ex dictis, in declaratione primæ conclusionis: Etsi enim quidditates omnes includant aliquas veritates per se, nihilominus, ut comparantur ad intellectum infinitum, non movent ad cognitionem earum; sed movetur ab objecto infinito ad cognoscendas eas quidditates, & tandem ad notitiam earundem passionum.

## ARTICULUS VIII.

Utrum hæc doctrina sit argumentativa.

Doct. locis in margine citat. S. Thom. 1. p. q. 1. articulo 8.

VIDETUR sacra doctrina minimè esse argumentativa. Nam Joann. 20. habetur: *Hæc autem scripta sunt, ut credatis*; sed iis, in quæ credimus, non assentimur propter discursum extorquentem assensum nostrum; sed magis, quia Deus ita revelavit; ergo hæc doctrina non est argumentativa.

Præterea, in facultatibus argumentativis assentimur conclusioni propter argumentum, & ejus evidentiam: sed in hac doctrina non assentimur uni propositioni propter aliam, ut conclusioni assensum præstamus propter principium; sed ex æquo fide tenemus tam ea, quæ videntur principia, quam conclusiones; ergo non est hæc doctrina argumentativa. Minor declaratur: cum enim dicit Paulus 1. ad Corinth. cap. 15. *si mortui non resurgent, nec Christus resurrexerit*; ex æquo credimus Christum resurrexisse, sicuti mortuos esse resurrecturos: nec unum per aliud.

Præterea, si Theologia foret argumentativa, maximè, ut probaret veritatem articulorum fidei: sed articuli fidei hoc ipso, quod proponuntur credendi, vel sunt indemonstrabiles, vel inutile est conari eos ostendere per argumentationes; quia tunc & evacuaretur meritum fidei inter credentes; & infideles putarent, nos eos articulos credere, propter rationes fortasse solubiles, & non propter auctoritatem Dei revelantis, & Ecclesiæ asserentis ea revelata fuisse ab illo, qui nec potest fallere, nec falli; & ideo tales disputationes in fidei potius præjudicium cadere videntur.

CONTRA, Augustinus 14. de Trinit. cap. 1. *Huic scientiæ, inquit, tribuo illud, quo fides saluberrima gignitur, nutritur, defenditur, & corroboratur*; sed hæc omnia Theologia præstare nequireret, nisi esset argumentativa; ergo revera argumentativa est, & argumentis ipsam fidem contra adversantes tuetur.

RESPONDEO dicendum, Theologiam esse argumentativam. Etenim Theologia nostra de facto est de his, quæ continentur in Sacra Scriptura, & de iis, quæ possunt elici ex illis; sed cum ex aliquo prius noto in quocunque lumine, elicitur aliud inclusum virtualiter in illo, exerceatur formaliter discursus; qui aliud essentialiter non requirit, nisi quod principium ejus sit naturaliter prius notum, & ut ita notum sit causativum alterius extremi discursus; igitur nostra Theologia est

Prolog. c. 4. de primo principio.

3. dist. 23.

2. dist. 24. 3. ad 2. questionem. V. 1. articulo.

1. dist. 20. 2. ad 1. questionem.

2. dist. 20. 3. ad 1. questionem. Hæc autem.

1. Metaph. q. 1. 3. ad 3.

2. dist. 20. 3. ad 1. questionem. capitulum.

Prolog. c. 4. de primo principio. V. 1. articulo. Hæc autem.

Theologia Beatorum de omnibus scibilibus, non est de omnibus cognoscibilibus, sed de eis, quæ continentur in Scriptura.

Theologia nostra est præterea, quæ elicitur ex Scriptura.

Theologia nostra est de omnibus entibus, quantum ad aliqua de eis cognoscibilia, scilicet, quantum ad respectus, quos habent ad essentiam divinam, ut hæc essentia.



et argumentativa. Rursum, secundum Augustinum 14. de Trinit. cap. 1. *Aliud est scire tantummodo, quid homo credere debeat propter vitam æternam adipiscendam: aliud est scire quemadmodum hoc ipsum & piis opituletur, & contra impios defendatur, quam proprio appellare vocabulo scientiam videtur Apostolus.* Porro hæc scientia, & piis opitulatur, & contra impios insurgit, ut propugnet quæ in Scripturis Sanctis divinitus tradita sunt: vel exponendo Scripturæ locum obscurum per clariorem, evidentiorumque: vel adhibendo alias scientias in conclusionum latentium deductione, & contrariorum solutione, & præsertim per ulum, & applicationem Metaphysicæ, ut veritas Scripturæ de Trinitate, & Intelligentiis, cæteri que abstractis, intelligatur. Hæc omnia Theologia præstare non possit, nisi facta argumentatione, & deductione unius ex altero, minus scilicet noti ex notioribus in lumine fidei. Unde & oportet habitum Theologicum omnino esse alium ab habitu fidei infuso: quia scientia Theologiæ (inquit Augustinus 14. de Trinit. cap. 1.) non pollent plurimi fideles, quamvis egregie credant, polleantque subinde ipsa fide. Simples itaque credunt omnia implicitè, quæ Ecclesia syn-cera fide explicitè tenet: nec sciunt fidem explicare, nec defendere: hæc igitur scientes habeant oportet habitum distinctum à fide, quamvis non alio lumine, quam fidei: quia is habitus non in-nititur principiis notis, nisi in lumine fidei: & ideo conclusio nequit habere majorem evidentiam, quam habeat altera præmissarum minus evidens: quemadmodum & in oratione, certitudo conclusionis est certitudo præmissæ minus certæ.

AD ARGUMENTA. Ad primum est responsio ex statim dictis; quia Theologiæ habitus est alias à fide infusa, & propterea Theologia potest esse discussiva, etsi in lei habitus non esset argumentativus. Et per idem ad secundum.

Ad Tertium respondeo, dictum esse in solutione, quid præstet Theologia per hoc quod est argumentativa: deducit enim conclusiones inclusas in Scripturis divinis, easque declarat in Ecclesiæ ædificationem, & tuetur contra infideles ad errorem confutationem. Qui infideles exinde intelligentes possibilitatem credibilium, & sophisticas esse eorum rationes, a protervia recedentes, facilius disponunt ad amplectendam veritatem. Nec per hoc quod Articuli proponuntur credendi, propterea sunt indemonstrabiles etiam nobis, quia plerumque demonstrare possumus, sicuti sunt dogmata de existentia, & unitate Dei, & quædam alia. Hæc ipsa nihilominus, quæ possunt demonstrari, utile est communitati tradi per viam autoritatis, tum propter negligentiam communitatis in inquirendo veritatem, tum ob impotentiam intellectus nostri. Non omnes enim eas demonstrationes valent aut conficere, aut ab aliis inventas intelligere: & denique propter errores inquirentium per demonstrationem: quia veritatibus suis multa falsâ permiscunt, ut ait Augustinus 18. de Civit. cap. 41. ideo tuta, ut dictum est, via & facilis est autoritas certa, quæ non potest fallere, nec falli: cuique assentientes simplices, certissimi sint de veritate reuelatorum, qui aliâ dubii remanere potuissent ob falsitates admixtas demonstrationibus.

Et cum subditur, inutile esse, declarare per demonstrationes fidei articulos, quia deperit fidei meritum. Respondeo, Doctores Catholicos inquirentes veritatem creditorum haud existimâs visse imminui, aut deperire meritum fidei: imo Au-

gustum, Anselmum, & alios innumeros putavisse meritorie laborare in Ecclesiæ ædificationem, & errorum destructionem. Credentes enim inquirebant, ut intelligerent ea, quæ crediderunt per rationes. Etsi fatendum sit, scientiam, & fidem de eodem minimè compati posse in eodem intellectu.

Quantum ad infideles attinet, si rationes necessariæ occurrant, utile foret eas adducere, ad extorquendum ab eis assensum circa Articulos ita evidenter demonstratos. Quod si tantum ostendatur eorum possibilitas, adhuc id cederet in emolumentum Ecclesiæ: quia exinde infideles aliquantulum persuaderentur: ne resisterent pertinacius, tanquam impossibilibus. Adducere nihilominus sophismata pro demonstrationibus contra infideles, periculosum esset: quia ex hoc exponeretur fides derisioni. Arguentes tamen contra fidei hostes arbitrantur se non adducere sophismata, sed rationes necessarias, & veras demonstrationes: & ideo nullum præjudicium videntur fidei inferre, nec respectu fidelium, nec in ordine ad infideles.

## ARTICULUS IX.

Utrum Sacra Scriptura debeat uti metaphoris.

Doct. locis in margine citatis. S. Thom. 1. p. q. 1. articulo 9.

VIDETUR minus convenire Sacra Scripturæ usus metaphorarum. Siquidem Scripturæ Sacra doctrina argumentativa est uti articulo antecedenti exitit declaratum: ergo non debet uti metaphoris. Probatio consequentiæ: siquidem Philosophus 3. Metaphys. T. com. 5. deridet modum procedendi Poetarum, qui in tradenda doctrina philosophica metaphoris uti consuevere, eo quod non possit satis intelligi, quid dicatur, & significetur per tales sermones parabolicos, vel metaphoricos: igitur tradentibus scientiam, & doctrinam abstinendum est à metaphoricis loquutionibus.

Præterea, In Scriptura continentur quæ sunt necessaria ad salutem: ergo non oportet eam uti metaphoris. Probatio consequentiæ: remedia pro omnibus tradita, debent esse pariter communia omnibus eadem sibi adhibere volentibus, ut patet de Sacramentis. Per hoc autem quod Scriptura utatur parabolis, & metaphoris, non est omnibus communis: imo vix pauci cum multo labore ejus assequuntur intelligentiam: ergo præstaret, nullas esse in divina Scriptura metaphoras, propter quas ejus intellectus esse nequit omnibus obvis, atque exploratus.

Præterea, Ejusmodi figuratæ loquutiones, & metaphoricæ ducunt in errorem: aut saltem ancipites reddunt legentes: ergo debent abesse à Scriptura, in qua veritas, & doctrina necessaria ad salutem proponitur. Assumptum declarat: quia cum ait Apostolus 1. ad Corinth. cap. 10. *Petra autem erat Christus.* Et Joan. 15. *Ego sum vitis vera.* inquit Salvator, simplices, & imperiti possent duci in errorem, & perperam sentire de Christo, quodam illi attribuentes, quæ omnino sibi repugnant.

CONTRA, Danielis 10. *Intelligentia opus est in visione:* quæ ergo ostensa sunt Prophetis in visione, habebant sensum occultum, & mysticum, rebus visis significatum, qui non erat perspectus per ipsam visionem, sed per aliam intelligentiam erat investigandus, & prosequendus: ut cum Hiere-

Videndus Augustinus lib. 83. 22. q. 52.

Sed. & M. 2. Re. Alen. 1. p. q. 1. memor. 4. art. 4. & 5.

2. dist. 7. 5. Contra secundum. 2. p. Præterea contra exemplum.

Prol. 8. q. 2.

4. dist. 2. q. 1. Respondeo.

4. dist. 10. q. 1. 5. Hic duo.

Doct. Miscell. 99. q. 6. 5. Ad evidentiam 7.

2. dist. 24. 5. Aliud est opinari, & 5. Aliud agere.

Ubi supra 6. Ad aliud pro opinione secundum da.

3. Repert. dist. 1. q. 4. 5. Et cum dicitur n. 18.

1. dist. 2. q. 3. 5. Ad idem.

2. dist. 1. q. 3. 5. Tenentes. V. Ad secundum.



mias posuit lumbare in Euphrate, & invenit illud purcatum: & Pharo vidit spicas; & Balthasar manum scribentem; & innumera alia metaphora, & figurata, tam in verbis, quam in factis; ut cum Jacob simulando se esse primogenitum, extorset paternam benedictionem; & consimilia: Ad Scripturam igitur spectat maximè uti metaphoris, quibus intelligibilia significantur, non per verba tantum, sed etiam per res verbis significatas.

RESPONDEO dicendum, apprimè convenire Scripture divine usum metaphorarum, ad exprimenda, & significanda, quantum fieri potest, divina, & intelligibilia, mediantibus sensibilibus, & corporalibus figuris, & formis. Etenim pro presenti statu ipsa intelligibilia nequeunt immutari nostrum intellectum; quia is immediatè non est natus moveri, nisi ab aliquo imaginabili, vel sensibili prius moveatur; non quidem ex natura ipsius intellectus; sed magis ex infirmitate, & conditione presentis status, orta ex. Ad prævaricationem: unde Augustinus 13. de Trinit. cap. ult. *Ait ille, inquit, oculos ad ipsam litteram, & cum in eam fige, si potes &c. Quæ igitur est causa, cur acie fixa ipsam videre non possis, nisi quia infirmitas? Et quæ causa infirmitatis, nisi iniquitas?* Stante igitur nostri intellectus conditione imperfecta, caligantibus ad ea, quæ sunt manifestissima naturæ, opus fuit, ad utcumque percipienda intelligibilia, & divina, manduci quibusdam dissimilibus similitudinibus, ac proinde ostendentibus analogicam attributionem, submota dissimilitudine, ac præstante debito gradu proportionis fundantis sibi correspondentem similitudinem: Quamvis enim revelatorum in Scriptura contentorum termini sint naturaliter conceptibiles: (revelatio enim, secundum communem Legem, est de his, quorum termini possunt naturaliter concipi à nobis) impotens nihilominus noster intellectus est, ad intelligendum ea omnia, quæ sunt revelata, & quæ possunt elici ex illis; ideo mediis figuris, & verborum, & rerum sensibilibus, elevatur, & manducitur ad intelligenda pro modulo suo, quæ aliquin ipsum laterent, ob causam prædictam.

AD ARGUMENTA. Ad primum respondeo, concedendo, non oportere in traderis Philosophicis disciplinis introducere metaphoras, quia tunc fortassis non est aliqua utilitas in eis. Philosophorum enim dogmata de rebus naturalibus, & de his, quæ possunt deduci ex illis, non sunt supra captum intellectus creati, ut is excedatur à Theologicis revelatis, ac propterea, si metaphoricè, & figuratè loquutiones non sunt adhibendæ in Philosophia, quia inutiles, earum tamen usus in Theologia est planè necessarius.

per quam ad aliora feratur, benignissime propiciant, ac ipsius modo, in sacris literis lausumque avaritiam vitare sternerent. Hæc ille pergens declarare earum faciatum, additionem additas rationes, ac consutans existimantes, melius nobis consulum fuisse, si incorporata quæque per memorabilia essent signa explicata; At id profecto, inquit, equum est, ut & divinas virtutes nefarie injuriis violer, & nostram etiam fortassis mentem in præcipua erroris impellat, prophanis illam capax similitudinibus effundat. Ac denique aptius, ac congruentius nobis divina tradi non potuisse concludens: Si ergo, ait, in divinis rebus negotiationes quidam vere sunt, & similitudines verè nequaquam tantis errorum lateribus congruunt illa sunt convenienter in rebus invisibilibus erit expressio, quæ per dissimilia signa monstratur.

Ad secundum dicimus, ea, quæ sunt necessaria ad salubrem clarè, & disertè in Scriptura divina contineri: Nam ipsa tradit quis si suis particularis hominis, scilicet visio, & fides perpetua Dei,

& quænam præterea sint necessaria pro ejus finis assequutione, nempe decem Legis mandata: cetera autem revelata perinde nosse, non esse necessarium vivis hominum, sed iis dumtaxat, quorum interest alios edocere, & instruere in via salutis, eò quod illorum regimen suscipere; vel ad quos spectat fidei dogmata adversus infideles propugnare, & tueri. Veruntamen pleraque esse in divinis Scripturis obscura, & difficilia intellectu, non casu, sed Dei sapientissima dispensatione factum esse, docet Augustinus 11. de Civit. cap. 19. Præterquam quod dulcius capitur, quod latet sub aliqua sententia literali, ac si esset nudè, & expressè dictum; & ideo ad devotionis affectum inflammandum, & acuendum, conferunt illa. Quare earum cognitio figurarum, & metaphorarum promovet sine dubio christianam pietatem. Ad quam excitare in Ecclesiæ ædificationem possunt quicumque, ultra sensum literæ, habent intelligentiam exponendi illam magistraliter secundum sensus latentes in litera.

Ad Tertium est responsio, ex statim dictis; quin quemadmodum necessaria quæque ad salutem dilucidè, & citrà omnem figuram, & metaphoram continentur in Scriptura: ita difficilia intellectu, & per figuram prolatis sermones, ut percipiantur ab omnibus non oportet. Veruntamen illi, quorum interest talia declarare ad Ecclesiæ ædificationem, habent regulam non errandi, nempe, vel Patrum expositiones, vel alia ejusdem Scripturæ, loca. Universaliter enim intellectus Scripturæ, an scilicet loquutioni subistat figura, & metaphora, colligi potest ex præcedentibus, vel consequentibus ibidem, vel ex aliis. Unde appositè Augustinus lib. 83. qq. q. 65. solet, inquit, *circumstantia Scripturæ unius terminare sententiam.* Et cum ait Salvator, *Ego sum vitis vera*, subjunxit, *Et vos palmites*: Constat autem, Discipulos haud extitisse palmites naturales, sed dumtaxat figurativè; & ita de aliis figuris, & metaphoris.

## ARTICULUS X.

Utrum Sacra Scriptura sub una litera habeat plures sensus.

Dei. Miscell. qq. q. 6. §. Circa primum, & §. Circa secundum. S. Thom. 1. p. q. 1. art. decimo.

VIDETUR Sacra Scriptura haud continere sub una litera multiplicem sensum. Nam Sacra Scriptura, (quæ veteri, & novo Testamento concluditur) est regula infallibilis, per quam aliquid probari, aut reici potest; Sed si hæc Scriptura multiplicem sensum contineret, per ipsam nequiret aliquid certo probari: ergo præstat fateri, unicum, simplicemque sensum sub litera latere. Minor constat; quia cum in argumentum assumitur vox variæ, multiplicisque significationis, committitur fallacia equivocationis, & amphibologiæ.

Præterea. Scripture Sacræ subiectum est unicum; ergo & unicum oportet in ea sensum, ac intelligentiam contineri. Probatio consequentiæ; si multipliciter posset, aut intelligi deberet, utique cuilibet sensui corresponderet proprium subiectum, sed circa tot subiecta versaretur, quot modis litera intelligi posset, & deberet.

Præterea, In cæteris disciplinis omnibus unicus est sensus, quem præfert litera ipsius disciplinæ; imo si multiplex foret, id profecto esset imperfectio talis scientiæ, quia cederet in detrimentum



tum ad litterentium illam; igitur si sacra doctrinæ litera abundat sensibus, id non videtur stare cum maxima perfectione ejus; quia cum unus sit satis, reliqui videntur esse superflui, & efficere quominus facilius addiscatur.

Tropolog. q. 2. §.  
De generis.

CONTRA, Ad Galat. 3. *Lex pædagogus noster fuit in Christo*, nempe, quia Moysæca Lex exitit dispositio ad evangelicam latam à Christo; igitur cum hæc omnia (Nam pleraque diserte exprimuntur) non contineantur in Lege Moysis secundum litteram, Scriptura divina ultra sensum litteralem, alium habet, mysticum, & spirituale.

RESPONDEO dicendum, divinæ Scripturæ (de qua ait Augustinus 2. super Genes. ad lit. cap. 9. *Major est hujus Scripturæ auctoritas, quam omnis humani ingenii perspicacitas*) sensum esse multiplicem; scilicet litteralem, quem ipsa præfert littera, estque primus & spirituale, seu mysticum: Porro mysticus in tres alios dividitur, nempe Allegoricum; Tropologicum, seu Moralem, & Anagogicum. Litteralis itaque significat quasi rem gestam; Moralis autem, seu Tropologicus est, quum ex re gesta exprimitur, aut deducitur quid agendum sit in moribus. Allegoricus vero sensus spectat ad ea, quæ credenda sunt: Et Anagogico denique sensu significantur ea, quæ sperare debemus. Exemplum, vox *Jerusalem* sensu litterali importat, exprimitque Civitatem regiam in terra Promissionis: secundum sensum vero Moralem, animam sanctam: Allegoricè, Ecclesiam militantem: sensu denique Anagogico exprimitur Ecclesia triumphans. Scriptura igitur divina multiplicem sensum in se necessario claudit.

AD ARGUMENTA. Ad primum respondeo, divinam Scripturam, quatenus est regula infallibilis stabiliendi dogmata, seu probandi vera, & rejiciendi falsa, unicum continere sensum litteralem, secundum quem dumtaxat sensum potest adduci ad probandum aliquid, & rejiciendum quic-

quid Scripturæ adveniat. Unde Augustinus Epistola ad Vincentium, quæ est 48. *Quis*, inquit, *non imprudentissimè nitatur aliquid in allegoria positum pro se interpretari, nisi habeat & manifesta testimonia, quorum lumine illustrantur obscura?*

Alii ergo sensus, quos Sacra Scriptura in se condit à litterali, non sunt adducendi in dogmatum propugnatione, aut errorum exclusionem, nisi ab ipso litterali habeant evidentiam; ac proinde nulla æquivocatio, aut amphibologia est percipienda ex multiplici sensu Scripturarum.

Ad secundum dicendum, (ut etiam supra tactum fuit *art. 7. primum*) etsi Scriptura abundet sensibus, unicum tamen esse ejusdem subjectum primum, & non multiplex, quia omnes ad unum ordinantur. Respondeo præterea sic: sensus, qui in una parte Scripturæ non est litteralis, in alia parte est litteralis, Exemplum: cum Luca 15. scribitur: *Abiet in regionem longinquam*: sensu morali significatur, recessisse per peccatum à gratia Dei: & is ipse sensus moralis, alibi litteralis est: puta, cum dicit Scriptura: *Longè a peccatoribus solus*: & ita de reliquis. Etsi igitur aliqua Scripturæ pars contineat diversos sensus, tota nihilominus Scriptura habet omnes sensus istos pro sensu litterali, ex quo desumuntur argumenta, & per quem est regula infallibilis veritatis: ac propterea unicum debet esse ejus primum subjectum, ut *art. 7. fuit declaratum*.

Ad Tertium respondeo, spectare ad eminentiam Scripturæ divinæ abundare sensibus morali, & mystico, ultra litteralem. Unde quamvis in disciplinis humanitus inventis, & acquisitis metaphoricæ loquutiones ingerant inutilem difficultatem, & confusionem addiscere satagentibus, nihilominus contraria omnino est ratio in his, quæ excedunt captum intellectus humani, ut *articulo præcedenti* expositum est.





- I. Tractabimus de Deo.
- II. De motu rationalis creaturæ in Deum.
- III. De Christo, qui secundum quod homo *via est nobis tendendi in Deum.*


- I. Namque considerabimus ea, quæ ad essentiam divinam pertinent.
- II. Ea, quæ pertinent ad distinctionem Personarum.
- III. Ea, quæ pertinent ad processum creaturarum ab ipso.

- I. Considerandum est, an Deus sit.
- II. Quomodo sit; vel potius, quomodo non sit.
- III. Considerandum erit de his, quæ ad operationem ipsius pertinent, scilicet, de scientia & de voluntate, & de potentia.

- I. Utrum Deum esse sit per se notum.
- II. Utrum sit demonstrabile.
- III. An Deus sit.

*Cum præsentis quesiti solutio necessario præexi-  
gat: notitiam propositionis per se notæ, ordine con-  
gruo procedentes, videndum est primum, quid sit  
propositio nota de se; Erit igitur.*

*De H. & S. Thom. locis articulo antecedenti citatis.*



Quoniam itaque propositio interdum est nota de se, & ex se, terminis confusè conceptis; (evidens est enim. Geometram, cui sunt præfata propositiones per se note, haud distinctè intelliger quantitatē; nec scire ad quod genus spectent & lineā, & figurā, & similia, quæ Metaphysicum non latent) aliquando vero est per se nota ex distincta notitia terminorum, ex quibus constatur: sequitur primo, aliud terminum esse definitionem, aliud vero definitum, seu accipiantur termini propositionis pro vocibus significantibus; five sumantur pro conceptibus per voces importatis, & significatis: quod ex eo constat, quia 1. Post. Tex. 10. & 10. & 2. Post. Tex. 8. *Quodquid est alterius extremi, est medium in demonstratione*: ergo altera præmissarum non differt à conclusione, nisi sicut definitum à definitione, Exemplum: *Animal rationale est risibile: Homo est animal rationale: ergo Homo est risibilis*. Prima præ-

Ex Amicula 1.  
Post.Tex.com.  
25.

Avien. de cos-  
to, & 1420  
142, 143

Quodlib. 8. 4.  
§. The present  
state of the  
universe.

Videndi May-  
ron. 1. d. d. 2.  
q. 1. l. ychei-  
super. De or-  
cizat. & F bar  
Theorem te  
de p. politione  
per se in hem  
pones in  
Com. x. Mi-  
Amis in Logi-  
ca.



præmissarum est principium per se notum; & conclusio non est nota de se, sed demonstrata, seu nota, non per rationem propriorum terminorum, sed ex præmissis: est igitur definitio alius terminus à definito, alioquin in demonstratione potissima esset petitio principii; nec tribus terminis constaret, sed tantum duobus; quod planè est falsum.

Sequitur secundo; quamvis propositio, quæ est per se nota ex confusa, & indistincta terminorum intelligentia, sit etiam per se nota istis terminis distinctè intellectis; attamen si per se nota sit per distinctum conceptum terminorum, nequire perinde per se notam esse terminis confusè conceptis. Cum enim alius terminus sit definitio, alius definitum, non oportet eam evidentiam, quam habet prædicatum cum definitione, pariter habere, cum uniter, & comparatur ad definitum; & ideo (ut tactum est supra) quamvis per se notum sit, *animal rationale est visibile*, non propterea tamen notum evidenter est, *Hominem esse visibilem*: sed id magis probatur per hominis ipsius definitionem. Similiter, *habere tres angulos aequales duobus rectis*: est per se notum Geometræ scienti trianguli definitionem, quæ est ista: *omnis figura plana tribus lineis contenta, habet tres angulos aequales duobus rectis*. At concipienti definitum, sive triangulum confusè, non est id per se notum; sed probandum per ipsius definitionem, quod habeat *tres angulos aequales duobus rectis*. Rursum, si propositio nota de se, terminis distinctè conceptis, haberet parem evidentiam cum termini confusè concipiuntur; igitur definitio nullo modo distingueretur a definito; & tunc (præter absurda deducta superius) Geometræ, cui sunt per se notæ plures propositiones, per confusam apprehensionem terminorum, eadem forent pariter per se notæ, eodem pacto, & ratione, qua intelliguntur à Metaphysico, cujus est, distinctè comprehendere, ad quod genus pertineat linea; & quod sit species quantitatis continuæ, distincta contra superficiem, & corpus. Id vero est planè falsum, quia Geometra, quamvis sine notissimum sit, lineam esse longitudinem sine latitudine; ignorat nihilominus quæ talis, ea omnia, quæ præterea declarantur, & sciuntur de linea in Metaphysicis; cum igitur evidens est, prædicatum convenire subiecto distinctè intellecto, non proinde notum de se erit, inesse eidem confusè intellecto.

Sequitur tertio, non esse probandam notificationem propositionis per se notæ, dicentium, eam propositionem *esse per se notam*, in qua prædicatum includitur in ratione subiecti: ut homo est animal: redum quia, cum passio (quæ non includitur in ratione subiecti) prædicatur de definitione. efficitur propositio de se nota: non enim indiget ope alterius, ut evidenter vera appareat. Sed etiam quia non qualibet propositio, quæ est vera in primo modo, ut Homo est animal, & corpus, usque ad substantiam, est per se nota: quamvis enim si termini distinctè concipiuntur, evidenter verè appareant intellectui, id nihilominus non evenit terminis confusè conceptis: quia non est manifestum, unum extremum includi in alio, quomodocumque subiectum concipiatur: Non enim apprehendenti hominem confusè modo, statim notum est de se, ipsum esse animal: imo potest de hoc dubitare, quod sanè non accidit in propositionibus per se notis, cum nullius indigeant, ut evidenter verè appareant intellectui terminos earum percipienti.

Ex hætenus dictis constat, non esse distinguendum inter propositionem per se notam, & per se noscibilem: Nam idem omnino est, propositionem esse per se notam, & esse per se noscibilem: Non enim appellamus, neque jure vocanda est propositio per se nota, eo quod actu cognoscatur: quia tunc si nullus intellectus actualiter cognosceret, nulla esset propositio per se nota, quod nemo dixerit. Est igitur aliqua propositio per se, & de se nota, propterea quod, quantum est ex natura, & ratione terminorum componentium ipsam, nata est habere evidentem veritatem, seu causare assensum intellectus percipientis talem extremorum complexione, ut hic, *Totum est majus sui parte*: idque seu apprehendatur ab aliquo intellectu, seu non. Non alia autem est propositio per se noscibilis. Cum igitur hæc membra re ipsa coincidunt, nulla est ejusmodi divisio.

Consimiliter, nulla est distinctio propositionis per se notæ in se, & notæ quoad nos: Etenim quæcunque propositio est in se, & per se nota, cuicumque intellectui est per se nota, licet non actu cognita: tamen quantum est ex terminis ejus est evidenter nota, si termini concipiuntur: quia opus non est ei aliqua ratione extranea, a quæ evidentiam mutuetur, sicut dicit Aristoteles 1. *Poster. c. 1.* de syllogismo perfectò, quia nullius indiget, ut appareat necessarius. Nam da oppositum, & perfectò perfectus non erit.

Uterius, nec probanda est distinctio putantium, aliquid esse per se notum sapientibus, quod insipientibus non est notum. Nam quod aliqua talis propositio non sit perinde nota sapientibus, ac insipientibus, non evenit ex eo quod non sit per se nota (modo talis sit) respectu cujuscunque intellectus; sed potius quia insipientes non percipiunt terminos illius: Siquidem illorum significatione percepta, impossibile est quemcunque intellectum ejusmodi complexioni non assentiri, ut *omne totum est majus sui parte*. Neque obstat, quod Boetius in *Hebdomadibus* ita distinctisse inveniatur communem animi conceptionem: quia vel non est idem communis animi conceptio, ac propositio per se nota: vel si eadem sint, ipse intelligit de propositione, quæ concipitur: non de conceptibili per se nota, modo supra explicato: manifestum est autem sapientes multas propositiones concipere, quæ latent insipientes: illarum tamen per se notarum terminos si intelligerent, & eorum complexio foret ipsis æquè perspecta, ac sapientibus: ut dictum est.

Postremo, nec illa divisio est amplectenda, secundum quam aliqui distinguendum putant inter propositiones per se notas primi ordinis, & notas per se secundi Ordinis: Nam quæcunque per se notæ propositiones conceptis terminis propriis, sicuti sunt termini ejus habent evidentem veritatem in ordine suo, qua evidentia si careant, etiam perceptis terminis propositio per se nota dici non potest: quia nec talis revera est.

Guliel. Var. sent. dist. 2. q. 8.



Utrum Deum esse , sit per se notum .

*Doct. 1. dist. 2. quasi. 2. S. Thom. 1. part. q. 2.  
artic. primo.*

**V**IDETUR hæc propositio, *Deus est,*  
esse per se nota. Nam Damascen. lib. 1.  
de fide Ortod. cap. 1. & 2. ejus, inquit, *quod*  
*est, Deum est, cognitum omnibus est naturæ altere in-*  
*ferta* sed illud, cujus notitia est omnibus indita,  
est per se notum; Undè Philo'sophus 2. *Metaphys.*  
*Tex. c. 1. & 4.* vult prima principia esse per se no-  
ta; quia sunt quasi janua, à qua nemo aberrat.

Præterea, Illud quo nihil majus cogitari potest per se notum est existere, & esse: Deus autem talis est, secundum Ansel. Prosol. cap. 2. *Et quidem credimus, inquit, Domine te esse aliquid, quo nihil majus cogitari possit*. Illud autem non est aliquid finitum; ergo infinitum. Prima propositio probatur; quia oppositum prædicari repugnat subjecto: si enim non est in re, non est profecto quo nihil majus cogitari potest; nam si foret existens; majus omnino esset, quam si dumtaxat in intellectu esset.

Præterea, Veritatem esse, est per se notum ; *Deus autem est veritas* : ergo Deum esse est per se notum. Probatio majoris ; quia sequitur ex suo opposito : si enim nulla veritas est ; ergo verum est, nullam veritatem esse ; ergo veritas est.

Præterea, Propositiones, necessariæ secundum quid ex terminis habentibus entitatem secundum quid, sunt per se notæ. Sicuti prima principia, quæ sunt per se nota ex terminis habentibus esse in intellectu; ergo multo magis erit illa per se nota, quæ necessariæ est ex terminis simpliciter necessariis, qualis est ista, *Deus est*. Assumptum patet, quia veritas, & necessitas primorum principiorum, non pendet ab existentia terminorum in re, sed sunt talia ex connexionе extremorum, ut sunt in intellectu concipiente.

Præterea, Hanc, *Necesse esse est* oportet esse per se notam; quia oppositum prædicati repugnat subiecto; si enim non est, non est *necesse esse*: Deum autem esse necesse est; est igitur per se notum, Deum existere. Rursum, secundum Damascerum, lib. 1. cap. 12. *Deus juxta communem expositionem; dicitur ab operatione actuali, fovere, vel ardere, vel considerare*; ergo secundum communem acceptionem idem est, *Deus est*, sicut *operans actu est*. Cum igitur per se notum sit, actu operantem existere, quia oppositum prædicati repugnat subiecto; pariter & per se notum erit, *Deum esse*.

CONTRA, cuicumque propositioni per se nota  
ita assentitur intellectus, ut oppositum judicare  
non possit, ut constat de principiis primis : Sed  
*dixit insipiens in corde suo; non est Deus*, Plal. 13.  
igitur Deum esse non est per se notum . Unde  
Avicenna 1. Metaphys. suæ cap. 1. lit. C. *Deum*  
*esse, inquit, non est manifestum per se: nec est*  
*desperatum posse manifestari: quia signa habemus*  
*de eo.* Quæ autem sunt manifesta aliunde, ac per  
proprijs rationes, non sunt nota de se, sed ex  
alijs.

RESPONDEO, Aliqui, præmissa distinctione propositionis per se notæ in se, & quoad nos (quam articulo præcedenti, non esse probandam ostendimus) putant hanc, *Deus est*, quantum est in se, per se notari esse: Sed quoniam nos non peruenimus ad cognoscendam de Deo *quid est*,

ideò nobis non esse de se notam ; sed magis indigere demonstrari per ea , quæ sunt magis nota quoad nos .

CONTRA, Etiam si illa distinctio subsisteret, & rectè explicare propositio per se nota, dicens, illam esse, in qua prædicatum includitur in ratione subiecti. (quod non putamus) juxta hæc principia, præfata propositio esset per se nota. Nam nedum possumus habere naturaliter conceptum proprium de Deo sub ratione attributali, verum etiam quiditativum; ergo ex hoc foret per se notum, Deum esse. Assumptum probatur quoad conceptum quiditativum; quia concipientibus Deum, ut summè sapiens, innitum, bonum &c. obicitur per modum entis exigentis necessariò habere summam sapientiam, bonitatem &c. sed talis conceptus est proprius, & quiditativus Dei; cum non sit attributalis: is enim semper præsupponit alium, cui attribuitur; ergo ille est quiditativus, quem attributales respiciunt, eique attribuuntur. Illum ergo conceptum, in quo est status, oportet esse Dei quiditativum: & multa talia affirmantur convenire Deo: adeoque cognoscere possumus de illo *quid* est.

Dicendum est ergo primò, hanc propositionem, *Deus est*, esse per se notam. Nam distinctè apprehenduntur terminos illius, scilicet *Deum*, & *esse vel existentiam*; mox ex ratione ipsorum, citra omne aliud motivum, determinatur intellectus ad assentiendum illi. Hoc autem porro est aliquid esse notum per se, vel de se intellectui apprehendenti, & ita Deo, ac Beatis intuitibus divinam essentiam ut *hec*, notissimum, ac exploratissimum est, illi essentiae competere esse, vel existens; idque ex natura horum extremorum, & non aliunde: Nam si *esse* includatur in illa essentia ut prædicatum essentiale, dist. nōtè concipienti illam, notum est, ipsi inesse id prædicatum. Si vero ponatur modus ipsius essentiae Dei, aut ejusdem proprietates: adhuc per se nota erit; quemadmodum per se notum est concipienti animal rationale, ipsum esse *rationale*, vel *spiritum*; quia hæc propositiones ex natura ipsorum terminorum habent evidentiam, nec indigent ore alietius, per quod flectatur intellectus ad assentiendum; ut expositum fuit articulo præcedenti.

Veruntamen illa videtur in primo modo dicendi per se, quia *esse* non est extra rationem subiecti, sed per se primo modo; quia est immediatissima, ad quam resolvuntur omnes propositiones enunciantes aliquid de Deo, qualitercunque concepto; concipienti ergo subiectum illius dicitur *esse*, ipsum existere notum est, ex ratione ipsorum extremorum.

Dicendum secundo, Quatenus *esse* enunciatur de Deo, prout à nobis pro præfati statu concipitur, in conceptibus *entis infiniti, entis necessarij, summi boni, primæ causæ*, & similibus (qui sunt Deo proprii, adeo repugnant creaturæ) hanc, *Deus est*, non esse per se notam. Probatio: Propositio per se nota, ex cognitione terminorum ejus, evidens est cuilibet intellectui; Sed ejusmodi propositiones, *Entis infiniti* est: *summi boni* existit: *Prima causa* datur &c. non sunt nobis evidenter notæ ex cognitione terminorum earum; ergo non sunt nobis per se notæ. Minor probatur nam prius concipimus terminos earum, quàm eas credamus, vel sciamus per demonstrationes: in illo autem priori non sunt evidentes concipientibus; sed ut simiter eis adhareamus, fide nobis opus est: aut certè demonstratione: Si forent autem per se notæ, non indigerent fide.

Qualiter " fit  
per se nota,  
Dousset, inter  
lesui dicitur,  
& Beatorum.

Ut abstergeretur  
a controversia  
illa, *Ad hoc*  
de *quatuor*  
*Dei*.

Պարզեմ. Գ. 7.

Hæc, Deus eli,  
non est  
sepe...

Ex his manifestum est, quod  
vulgatum est, quod  
est, quod est  
se equivocam,  
et non agitur  
eandem  
objektivam.  
A. et est  
est, quod  
significat non







## ARTICULUS II.

Utrum Deum esse sit demonstrabile.

*Doct. locis in margine citat. S. Thom. 1. part.  
q. 2. artic. 2.*

**V**IDETUR haud esse demonstrabilis existentia Dei . Nam fides, & scientia sunt incompossibiles in eodem intellectu de objecto eodem : Sed *Deum esse* articulus fidei est. *Credere enim oportet accedentem ad Deum, quia est*, inquit Apostolus 11. ad *Hebræos*; igitur fieri non potest, ut de eodem articulo sit & demonstratio evidens, à qua necessario fides destrueretur .

Præterea, Nequit ostendi Deum, seu Primum principium esse, nisi prius probetur, aut supponatur, ordinem essentialem esse in causis efficientibus, in quibus procedi nequeat in infinitum: Sed ejusmodi ordinem essentialem reperiri in causis efficientibus probari non potest: Tum quia tunc nulla duo reperiri possent non ita inter se ordinata; quod tamen est evidenter falsum: Tum, quia talis ordo non reperitur inter effectus; ergo nec in causis est admitterendus: igitur ostendi non potest, Deum existere.

Præterea, Si hæc, *Deus est*, foret conclusio demonstrabilis, utique ostenderetur ex effectibus: Sed effectus id non ostendunt. Probatio: effectus quicunque creati sunt ex æquo à tribus Personis, ut instrumitur per fidem: per nullam autem creaturam hoc cognoscere possumus: quia vel relinquunt intellectum dubium, vel ducunt in errorem: ergo, cum nequeamus ostendere ex effectibus Deum Trinum, nec ipsum omnino esse effectus demonstrabunt, qui non est, nisi Trinitas in Personis.

CONTRA, Philoſophi perſuaſiſſimum erat, Deum exiſtere: idque rationibus ſe oſtendere putabant: Et inter eos Ariſtoteles, 12. *Metaphyſ. à Tex. 30. eſſe ſequentiſ*, tandem concludit, oportere unum eſſe Principem univerſitatis rerum. Undè & Apoſtolus 1. ad Rom. *Inviſibilita Dei*, inquit, *à creatura mundi per ea, quæ facta ſunt, intellectu conſpiciuntur*, recta igitur ratione utentibus demonſtrabile eſt per ipſas creaturas, Deum earum eſſectorem exiſtere.

RESPONDEO dicendum, *Deum existere* ostendi posse demonstratione *quia*, non autem *propter quid*. Et intelligendum ex 1. *Pust. tex. c. 30.* demonstrationem aliam esse *propter quid*, sive per causam; aliam *quia*, sive per effectum. Nam omne necessarium verum non evidens ex terminis, habens tamen connexionem necessariam & evidentem ad aliud, ut necessarium evidens ex terminis, potest demonstrari per illud verum evidens; aliquid autem verum necessarium non evidens ex terminis, habet connexionem necessariam ad aliquod verum acceptum à causa: & aliquod ad verum acceptum ab effectu: igitur potest aliquod verum demonstrari per aliquod verum evidens acceptum à causa, & tunc *propter quid*: vel per aliquod verum acceptum ab effectu, & tunc *quia*. Tunc declaratur conclusio, quoad partem negativam: *Esse* inest Deo per se immediatè: prædicatum autem non habens causam suam inhaerentem, nequit *propter quid* demonstrari de subiecto. Et etiam si *esse* conveiret essentiae divinae ratione alterius per prius inhaerentis, adhuc nequiret *propter quid* demonstrari de subiecto, nisi id subiectum continens virtualiter prædicatum, & ita totam notitiam, esset intellectui notum in eo genere, in quo demonstratio fit: non

habemus autem pro præfenti statu ejusmodi notitiam de essentia divina . Quod vero demonstratione *quia* ostendatur, *Deum esse*; probatur; quia pro omnem conditionem effectus, potest demonstrari de causa, *quia est*, quam conditionem impossibile est inesse effectui, nisi causa sit: Sed maxime passiones, & conditiones creaturarum cognoscuntur præsertim in Metaphysica, quas impossibile est inesse, nisi ab aliqua causa prima accipiant esse in effectui; ergo ex illis passionibus Metaphysicis potest demonstrari, aliquam primam causam istorum entium esse . Minor probatur; quia multitudo entium, dependentia, & compositio, & ejusmodi conditiones, & passiones nobis evidentes, eam connexionem habent cum evidenti causa, ut persuadeant, atque ostendant, aliquid esse actu simplex, independents, ac necesse esse, à quo ea omnia sint; cum enim ex se ipsis esse nequeant, necessariò ab aliqua causa supra omnes creaturas existente, esse accipiant oportet . Sed de hoc articulo sequenti .

AD ARGUMENTA. Ad primum concedo majorem; & pariter esse fidei Articulum, Deum existere; negandum est tamen, *Deum esse demonstrari non posse*. Et cum dicitur; *Hac demonstratione destruitur fides de existentia Dei*. Respondeo; Si omnium Articulorum sit una fides infusa, (ut videtur, cum nulla sit necessitas eos habitus multiplicandi) per hoc quod non se extendat ad unum ex illis, de quo habetur demonstratio, non proinde fidei habitus definiret, aut evacueretur; quia quamplura adhuc superessent credenda, nempe ea omnia, de quibus nequeunt fieri demonstrationes.

Ad Secundum respondeo, ordinem essentialē esse in causis efficientibus, demonstrari posse, ut patebit *articulo sequenti*; ac proinde neganda est minor: & cūm probatur; quia tunc omnia forent ita ordinata. Respondeo, Aristotelem 12. *Metaphys. Tex. com. 52.* ex ordine partium universi ad invicem, qui est intrinseca perfectio ipsius, concludere existentiam, & unitatem primi principii. Unde dicitur *omnia verò sunt aliquantulum ordinata, sed non similiter*: Nam plantæ, & vegetabilia sunt propter animalia; & bruta propter homines: & homo, & reliqua omnia subinde, gratia Primi principii, ut Exercitus propter Ducem. Cæterū nō ordo iste essentialis ipsas species per se afficit, quas proinde Aristoteles 10. *Metaphys. Tex. c. 10.* numeris comparat, in quibus quodcunque additum, vel subtractum variat speciem: ita & in formis. Si igitur non inveniatur idem ordo inter individua, non exinde concludendum est, nec esse in speciebus. Cūm secundò probatur: quia ejusmodi ordo non invenitur inter effectus: ergo nec in causis, Neganda est consequentia: si unus effectus non dependet ab alio effectu (si diversarum causarum effectus considerentur) quemadmodum quisque à sua causa essentialē præferat dependentiam. Quod si de duobus effectibus respectu causæ ejusdem sit sermo: tunc quoque essentialiorem ordinem dicit uterque ad causam, quam inter se: non propter dependentiam eorum ad causam eandem, ordinatè dependent ad invicem, & non è converso. Igitur etiam si destrueretur ordo effectuum inter se ordinatum, non propterea deperiret ordo & dependentia utriusque ad causam: quia propter minus impossibile non est concedendum majus impossibile, nec propter minus necessarium, est negandum majus necessarium.

Ad Tertium, concedo, nullum effectum creatum ostendere intellectui via naturali procedenti

Prolog. q. 2. Ad  
primum argu-  
mentum secun-  
da rationis V.  
secundo.

r. dist. 2.9. 3.9.  
A l l e s .

3. dñ. 24 §. A  
primum prin-  
cipale.

Dr. A. in Com,  
12. Metaphys.  
p. 81.

argum. princ  
pali.

2. di R. 1. q. 1. 5  
Quoniam  
seruare apud  
lum;

*Tonies L.*

F

Tri-



Trinitatem Personarum; nego tamen, neque demonstrari ex eis existentiam Primi principii incausati; patet articulo sequenti. Et cum probatur; quia Deus causat, ut Trinus est in Personis. Respondeo, etsi revera tres Personæ habeant parvam virtutem causandi, eas nihilominus causare ut unum suppositum; quia si per impossibile in divinis una duntaxat esset Persona, non minus foret omnipotens, & posset causare omne causabile.

## ARTICULUS III.

Utrum Deus sit.

Doct. 1. Sent. dist. 2. q. 1. articulo primo. In Report. ibidem c. 1 & 2. & de Primo principio cap. 3. & 3. Metaphys. q. 6. à n. 9 & seq. & 12. Metaphys. q. 4. S. Thom. 1. p. q. 2. artic. 3.

Quandoquidem rationes, quæ adduci possunt ad ostendendam existentiam primi principii, supponunt ordinem essentialem esse in entibus, priusquam ea in medium adducantur; de ejusmodi ordine essentiali entium putavimus esse differendum.

## ARTICULUS INCIDENS.

An, & quotuplex sit ordo essentialis in entibus.

Doct. de Primo Principio. 1. dist. 2. q. 1. & 2. Metaphys. q. 6. n. 13. S. Thom. 1. p. q. 2. in articulo 3.

**V**IDETUR non esse admittendus in entibus aliquis ordo essentialis, in quo ordine sit status ad unum primum. Nam secundum Philosophos, possibilis est infinitas in ascendendo unde putabant, generationes esse perduras tempore infinite; igitur consuevit citra omnem impossibilitatem possumus intelligere, non esse statum in causis; ac proinde nullum inter eas ordinem essentialem fore adsternendum.

P. æterea, In numeris est processus in infinitum; Sed entia, quibus constat universum, se habent ut numeri, 8. Metaphys. Text. 10. ergo in entibus non fit ut ad aliquid unum, atque ita nullus est ordo essentialis in eis.

**C**ONTRA, 12. Metaphys. Text. c. 52. cuncta autem, inquit Aristoteles, coordinata quodammodo sunt, ærum non similiter, & nata, & volatilia, & plantæ, nec ita se habent, ut sit ullum alteri ad alterum, sed sunt ad quippiam: ad unum namque coordinata sunt omnia; est ergo ordo essentialis in entibus, secundum Philosophum.

**R**ESPONDEO, In omni genere causarum esse ordinem essentialem. Et declaratio est ista: Ordo, secundum Augustinum, 19. de Civit. cap. 13. est parium, impariumque rerum unicuique loca sua distribuens, congrua dispositio. Ratio igitur ordinis requirit, & reperitur, & in imparitate naturarum, seu specierum, & in paritate individuum speciem eandem participantium.

Veruntamen Ordo passio relativa est: quæmadmodum enim ens dividitur in unum, & multa, posterius membrum hujus divisionis consequitur ordo, per quem tam species multa universum integrantes ordinantur & inter se, & ad unum, sicuti ordinatur exercitus ad ducem, & domus ad Patremfamilias; quamvis non eodem modo, ut ait Aristoteles 12. Metaphys. Text. c. 52. cit. Nam

si multitudo non foret ordinata, aut si vel unum entium extra ordinis rationem reperiretur, caret entium multitudo ea perfectione, quæ est in ordine, & entia, aut saltem ens non ordinatum, essent frustra: Quod enim non est finis, nec ad finem aliquem, est frustra; in entibus autem nihil est frustra, oportet ergo omne ens in universo esse ordinatum, & subinde ad aliquem finem, si non sit ipse finis. Hunc ordinem necessario inhaerentem entibus ordinatis ad finem, appellamus ordinem essentialem in genere causæ finalis. Rursus, aliquam naturam esse causatam, constat ad sensum; oportet igitur, & causam ejus effectus esse. Hæc autem causa, aut causat, efficitque per virtutem sibi propriam, suamque formam consequentem: aut causat per aliquid sibi extrinsecus inhaerens. Et priori quidem modo vocamus causam per se, ut homo generans hominem; posteriori verò, causam per accidens, ut lignum calidum respectu caloris in alio causati. Ulterius ad unum, eundemque effectum non una duntaxat causa per se concurrir; sed ultra proximam, & univocam alia requiritur necessario, ut Cælum, vel Sol. Hæc igitur causæ unum effectum simul causantes, non solum sunt per se causæ, sed præterea sunt ordinatæ, & quidem ordine necessario, quia alterutra ex illis deficiente, effectus non sequeretur. At causæ non ita necessario simul requiritæ, non dicuntur, nec sanè sunt essentialiter ordinatæ sed solum accidentaliter, ut Pater, Avus, Abavus respectu filii, qui perinde esse potest à Patre, seu existant Avus, & Abavus, seu non existant. In ejusmodi ergo per se causis, quas omnes simul necessario præexigunt effectus, ad hoc ut sit, est ordo essentialis, qualis esse nequit in iis causis, quarum simultatem in existendo, nec influxum effectus prærequirit.

Porro causæ necessario, vel essentialiter ordinatæ differunt à causis accidentaliter ordinatis in tribus. Primo quidem, quia in causis necessario ordinatis, & requisitis ad aliquem effectum, causa secunda, in quantum causa, dependet à prima, non quasi aliquid recipiat à prima, dum causat, sed quoniam prima non agente, nec secunda agere valeret. At in iis quæ sunt per accidens ordinatæ, non est talis dependentia, licet secunda in esse à prima dependeat; ut Filius à Patre, at respectu alterius Filii producendi, ille non dependet à Patre, ut est evidens. Secundo, in per se ordinatis est causalitas alterius rationis, & alterius ordinis; quia superior est perfectior; ad plures enim effectus per se concurrir, ac proinde, cum in virtute eos omnes contineat, oportet & perfectiorem esse causam proximam, quæ duntaxat unum effectum per se efficere valet. In accidentalibus autem ordinatis non est ita; quia individua ejusdem speciei non admittunt hunc ordinem, cum in omnibus sit eadem forma, & natura. Tercio denique differunt, quia omnes causæ per se, respectu unius effectus, simul necessario requiruntur ad causandum; alioquin aliqua per se causalitas deesset effectui; contra vero in accidentaliter ordinatis, id non requiritur, cum una non dependeat ab altera in causando.

Ulterius, non possumus intelligere aliquod ens nullum habere perfectionis gradum; imo unumquodque si est, aliquem gradum propriæ possidet perfectionis; nam alioquin tale ens nihil esset; quod planè contradictionem involvit; igitur omne ens, quod non est supremum, est ab alio excessum: Ex hoc enim Aristoteles 8. Metaphys. Text. c. 10. species rerum assimilavit numeris in quorum coordinatione unus excedit alium in perfe-

9. cap. de Primo Principio conclus. 16.

3. ubi supra. 5. Ad questionem.

9. Report. dist. 2. q. 1. & 2. de Primo principio cap. 3. & 3. Metaphys. q. 6. à n. 9 & seq. & 12. Metaphys. q. 4. S. Thom. 1. p. q. 2. artic. 3.

4. dist. 1. lq. 1.

Triplex differtur causa per se ordinata ab his, quæ accidentaliter ordinantur.

In Report. 1. dist. 2. q. 1. in articulo primo cap.

Conclib. 2. c. 6. Secundum philosophos, quod Aristoteles.

3. dist. 2. c. 6. Ad prima princip. cap. 3. V. Ad aliud dico.

De Primo principio. cap. 3. 6. Similiter de eminente 11. 14.

Ibidem conclus. 6.



perfectiōe, & alius est excessus, per unitatis subtractionem. Et consimiliter duæ sub eodem communi nequeunt habere gradum æqualem. Nam differentiæ dividentes genus, ut sunt dissimiles, & oppositæ, ita & inæquales. Intellectui igitur rationabiliter differenti, apparet, omnes ens esse ordinatum ordine eminentiæ; & esse ordinatum ad aliquem finem; & esse ordinatum ad suam causam, a qua est productum. Et quia omnis ens est ordinatum, ita ut quodlibet non sit posterius, & non quodlibet prius: quia tunc vel idem ad se ordinaretur, vel circulus in ordine poneretur. Quemadmodum igitur nulla res est, quæ se ipsam gignit: ita nulla omnino res essentialiter ordinem habere potest ad se. Nam impossibile est, idem se ipsum excedere secundum perfectiōnem essentiali-lem, secundum quam est ordo eminentiæ, & ita pariter impossibile, idem a se ipso dependere in genere causæ finalis, aut efficientis. Ratio igitur naturalis recta dicat, ordinem essentialiter esse in entibus.

Loquendo itaque de ejusmodi ordine communiter (id est, non prout quidam volunt, posteriora quæquæ ordinari quidem ad prius, sed ipsum primum esse supra ordinem) ordo relatio quædam æquiparantiæ est, dicta de priori respectu posterioris, & è converso, ac proinde ordinatum sufficienter dividitur per prius, & posterius. Is itaque ordo primaria sui divisione dividitur sicuti æquivocum in sua equivocata, in ordinem eminentiæ, & in ordinem dependentiæ. Juxta eminentiæ ordinem, prius dicitur eminens, & posterius excessum; quicquid igitur est nobilius, & perfectius secundum essentialiam, est ita prius, vel eminens respectu excessi vel ignobilioris, & imperfectioris se. Quod dependentiæ autem ordinem, prius dicitur, a quo aliquid dependet; & posterius, quod dependet ab illo. Et licet ad prius necessario sit posterius, ita ut sine posteriori esse non possit; id tamen evenit, non quia ad esse suum egeat posteriori, sed è converso: nam si ponatur non esse posterius, non minus prius erit sine inclusione contradictionis; at non ita de posteriori. Omne igitur posterius essentialiter a priori necessario dependet, sed non è converso.

Rursus dependens essentialiter, aut est causatum, & illud, a quo dependet est causa ejusdem: aut dependens est causatum remotius alicujus causæ, & illud, a quo dependet causatum propinquius ejusdem causæ. Effectus ille remotior dependet essentialiter à propinquiore: nam nequit esse, illo non existente. Causa etiam respicit illos ordinatè; igitur & effectus habent ordinem essentialiter inter se, ut comparantur ad tertium, quod est causa amborum. Quæ causa communis intelligitur esse remota respectu remotioris, priori effectui non causato; ad hunc ergo remotior dicit ordinem essentialiter, per quem respicit causam, ut proximè dantem sibi esse; ergo & essentialiter dependet ab eo, ex quo causa est in potentia proxima ad ipsum.

Primum membrum secundæ divisionis, quod est causa, famosè subdividitur in quatuor causas: finale scilicet, efficientem, materialem, & formalem. Et posterius sibi oppositum pariter dividitur in quatuor sibi correspondentia, unumquodque respectu ad suam propriam causam. Ordo igitur essentialis per sex ordines dividentes evacuat, scilicet, & per quatuor ordines causæ ad causatum; & per unum causati posterioris ad causatum prius: & alterum secundum essentialiam eminentis ad minus nobile.

Tomus I.

Ex his tres subiicimus propositiones. Prima est ista. Infinitas in essentialiter ordinatis est impossibilis. Secunda: Infinitas non accidentaliter ordinatis est pariter impossibilis, nisi ponatur status in essentialiter ordinatis. Tertia: ex suppositione quod tolleretur è medio ordo essentialis, adhuc infinitas est impossibilis; adeoque cum in omni casu ponendus sit status in rebus seu ordinatis per se, seu non ordinatis, est statuendum ali-quod ens simpliciter primum.

Quantum ad primam propositionem attinet, fieri, nimirum non posse, ut in essentialiter ordinatis sit processus in infinitum, multiplicitèr declaratur. Primo; quia universalitas causarum essentialiter ordinatarum est causata; ergo oportet causatum esse ab aliqua causa, quæ non sit illius universalitatis, quia tunc foret causa sui ipsius, quod nemo dixerit. Tota enim universalitas dependentium dependet; a nullo igitur illius universalitatis dependere potest. Secundò, ex tertia differentia causarum essentialiter, & accidentaliter ordinatarum, causas omnes necessario ordinatas oportet existere actu, dum aliquis effectus causatur; igitur si in illo ordine iretur in infinitum, causæ infinitæ essent simul in actu: consequens nemo Philosophorum concedit; ergo lumine naturali intellectus constat, statum esse in essentialiter ordinatis. Tertiò, ex 5. Metaphys. cap. de priori: Prius est, quod est primo propinquius; ergo ubi nullum primum, nihil essentialiter prius. Quartò; Superior causa est perfectior in causando, ex secunda differentia; ergo in infinitum superior est in infinitum perfectior: & ita infinita perfectiōnis in causando, & per consequens non causans in virtute alterius; quia qualibet in virtute alterius causans, est imperfectè causans, cum dependeat ab alia in causando. Quinta denique probatio est ista; Ratio effectivi nullam imperfectiōnem per se involvit; ergo potest esse in alio quo sine ulla imperfectiōne. Sed si ea ratio in nullo sit sine dependentia ad aliud prius, in nullo perfecto est sine imperfectiōne: ergo si vis effectiva independens potest inesse alicui naturæ, quæ proinde sit prima: igitur est & in effectu, quia alioquin non foret independens, & ita nec simpliciter prima. Est ergo in causis ordinatis essentialiter processum in infinitum planè impossibilis.

Secunda etiam propositio, nempe, impossibilem esse infinitatem in ordinatis per accidens, nisi ponatur status in iis, quæ per se ordinantur, probatur: Etenim infinitas per accidens ordinatarum non est simul, sed successivè dantaxat, ut alterum post alterum; adeo ut si secundum suat aliquo modo à priori, non tamen dependeat ab illo in causando, ut evenit causis per se ordinatis. Undè filius perinde potest generare patre suo demortuo, ac in vivis agente. Ejusmodi autem successio infinita est planè impossibilis, nisi continuetur, vel perpetuetur ab aliqua natura infinitè durante à qua tota successio, & quodlibet ejus dependeat. Nam nulla difformitas perpetuatur, nisi in virtute alicujus permanentis, quod nihil sit ejus successiōnis. Cum enim omnia successiva sint ejusdem rationis; oportet esse aliquid prius essentialiter à quo quodlibet ejus successiōnis dependeat: & quidem in alio ordine, quàm à causa proxima, quæ est aliquid illius successiōnis.

Tertia denique propositio, scilicet, infinitatem esse impossibilem, etiamsi negetur ordo essentialis, probatur. Nam cum à nihilo nihil effici possit, sequitur aliquam naturam esse effectivam alterius entis. Si negetur ordo essentialis activorum; igitur

ibidem cap. 2.  
à principio.

ibidem cap. 2.

De multiplici-  
tate ordinis es-  
sentialis.



tur natura illa effectiva in nullius alterius virtute causat: & licet ipsa in aliquo singulari ponatur causata, tamen in aliquo erit non causata; in ipâ igitur erit status. Si enim in quolibet ponatur causata, statim implicatur contradictio, negando ordinem essentialem; quia nulla natura potest poni in quolibet causata, ita quod sit ordo accidentaliter sub ipsâ, sine ordine essentiali ad aliam naturam: ut in secunda propositione exitit declaratum. Est igitur ordo essentialis in entibus, in quo non est procedere in infinitum, & cuius virtute extenditur successio per accidens ordinum in infinitum; Et si per impossibile is ordo tolleretur, adhuc in causis esset impossibilis processus in infinitum.

AD ARGUMENTA. Ad primum respondeo, Philosophos non posuisse infinitatem in causis per se & essentialiter ordinatis, sed tantum in iis, quæ sunt accidentaliter ordinatæ; ut patet per Avicennam 6. *Metaphys. cap. 5.* de infinitate individuum in specie. Cur autem impossibile sit, esse infinitatem in causis per se ordinatis: ultra exposita, patebit articulo sequenti. Nam nisi staretur in aliqua una causa in his, quæ essentialiter ordinantur, neque possibilis esset processus in infinitum in causis, quæ sunt accidentaliter ordinatæ; ut significatur per differentias inter utraq; causas assignatas.

Ad secundum dicendum, species quidem esse sicuti numeros in quibusdam, non autem in omnibus, adeo ut si in numeris sit processus in infinitum, idem processus pariter debeat admitti & in speciebus, ex quibus rerum universitas essentialiter constat. Itaque species sunt sicuti numeri, quia quemadmodum unus numerus dependet ab alio: ita & in ordine essentialium quælibet dependet ab alia, vel in ordine eminentiæ, vel finalis vel efficientiæ; sunt etiam sicuti numeri: quia quemadmodum per unitatis additionem, vel subtractionem variatur species, ita per additamentum gradus essentialis variatur & species; sunt denique sicuti numeri; quia sicuti nequeunt esse duæ species numerorum similes, ita nec duæ species in universo paris perfectionis; nam una erit altera perfectior, ac perfectissimo proximior. Contra vero, numeri perfectiores dependent ab imperfectioribus in ascendendo; quia à prioribus, qui sunt imperfectiores, & partes posteriorum: At in speciebus nec imperfectior est pars perfectioris, nec perfectiores species ab imperfectioribus dependent. Denique unitas, quæ est principium numeri, reperitur in omnibus numerorum speciebus per sui multiplicationem, vel alia ratione, ac intelligantur numerorum species oriri ab unitate; at in ordine specierum, intelliguntur proficisci quidem ab uno, non per ejus multiplicationem; sed sicuti principiata à principio, & imperfecta à perfectissimo in eo ordine; in quo perfectissimo continentur omnia, quæ sunt post ipsum eminentissimè, & unitissima virtute, per quam illa omnia producentur, & consistunt. Sed de his articulo sequenti.

## ARTICULUS. III.

Utrum Deus sit.

Doct., &amp; S. Thom. locis articulo 3. citatis.

VIDETUR Deus non esse. Nam 8. *Physic. Tex. c. 1.* & infra: Motus nunquam incæpit, & maximè circularis; igitur nec generatio initium agnoscit, ex 2. de *Generat. Tex. Com. 56.* ergo infinitæ generationes fiunt; & quælibet generatio habet propriam causam efficientem proximam, & finem, & materiam in his, quæ generantur per propagationem; igitur omnes causæ sunt infinitæ, ac proinde nulla causa est omnium prima, quæ appellanda sit Deus.

Præterea, Multi effectus ita se habent, ut unus respectu alterius non subeat rationem effectus, ut bos, asinus, & ejusmodi; ergo nulla est ratio, ob quam putandum sit, omnes causas ita esse ordinatas, ut una sit causa alterius, atque ita necessario standum esse in una omnium prima.

Præterea, In causis accidentaliter ordinatis negant Philosophi primum: in iis enim Avicenna admittit processum in infinitum, 6. *Metaphys. cap. 5.* ergo nec probari potest in essentialiter ordinatis standum esse in uno primo: Probatio consequentiæ; nam utrobique causa secunda præsupponit priorem causare, & utrobique datur prius; ergo si in accidentaliter ordinatis non datur primum: neque in his, quæ dicuntur ordinatæ essentialiter.

Præterea, Multa mala sunt in universo: ergo non est Deus. Probatio consequentiæ: quia Deus ponitur bonum quoddam infinitum: posita autem à parte rei infinita bonitate, nullum malum videtur superfuturum: nam quodlibet excluderet infinita bonitas: sicuti si in universo existeret unum corpus infinitum, nullum aliud corpus secum compateretur, sed omne aliud loco propelleret.

CONTRA, 2. *Metaphys. Tex. ultimo:* Est primum efficiens: igitur primum in actu existens: quia unumquodque agit secundum quod est in actu & consequenter tale agens est primum in entitate, & perfectione.

RESPONDEO, dicendum, Deum existere. At quoniam juxta dicta articulo secundo, demonstratione quia ostendi potest existentia primi Principii: cum proprietates illius relativæ ad creaturas immediatius se habeant ad ea, quæ sunt media in demonstratione quia, quàm proprietates absolute: nam immediatè de esse unius relativi inferitur esse sui correlativi: ex ejusmodi proprietatibus relativis, Deum existere adstruendum, & declarandum arbitramur. Porro proprietates relativæ primi Principii ad creaturas, aut sunt proprietates causalitatis, aut eminentiæ. Causalitatis autem, aut efficientis, aut finis. Causa vero exemplaris non est aliud genus causæ ab efficiente distinctum imò est ipsum agens per intellectum, prout ab agente per naturam contradistinguitur.

Quò autem exactius propositum ostendatur, tres conclusiones sunt per ordinem declarandæ, Prima; Aliquod dari actu existens, quod est simpliciter primum, secundum efficientiam: Aliquod simpliciter primum, secundum rationem finis; Et aliquod simpliciter primum, secundum eminentiam.

Secunda; Illud ipsum, quod est primum secundum unam primitatem, idem esse primum, secundum alias duas primitates.

Tertia denique; Hanc triplicem primitatem uni soli

Doct. 2. Metaphys. 10. 4. in primo principio.

Theorem. 15. §. Secunda peritio.

Ibid. §. Hic peritio.

De rerum principio q. 16. artic. 1.

In Report. 1. dist. 2. qu. 2. n. 9.

In Report. 1. dist. 2. qu. 1. cit. §. Ad oppositum.



foli naturæ convenire; ita quod, non pluribus naturis differentibus specie, vel quiditative: Eamque naturam ita primam, effectricem, ac ultimum finem omnium, & excellentissimè eminentem, esse Deum.

Primæ conclusionis declaratio de primo effectivo, quod non sit effectibile, nec effectivum virtute alterius, sed à se, est ista: Aliquod ens est effectibile (ut argumentum procedat ex necessariis, & non ex contingentibus, quale esset, si constaret propositionibus exprimentibus actualem factionem) Aliquod, inquam, ens est effectibile; aut igitur à se, aut à nullo, aut ab aliquo alio. Non à nullo; quia quod nihil est, nullius potest esse causa. Nec à se; non est enim intelligibile, aliquid se ipsum eignere, aut efficere; ergo ab alio effectivo: illud aliud appellatur *A*: Si *A* est primum modo exposito habetur intentum. Si non est primum; ergo est posterius effectivum, quia effectibile ab alio, vel virtute alterius effectivum: Si enim negetur negatio, ponitur affirmatio. Detur illud alterum, & sit *B*, de quo arguitur, sicut de *A*; & ita aut procedendum est in infinitum, aut stabitur in aliquo non habente aliud prius se. Infinitas autem est impossibilis in ascendendo; ut ostensum est articulo precedenti; ergo standum in aliquo primo effectivo, quod nec efficiat virtute alterius, nec subinde aliqua ratione sit effectibile, utpotè non habens aliud effectivum prius se.

Ex his sequitur primo, hoc primum effectivum esse simpliciter incausabile. Nam est ineffectibile, & independens effectivum; igitur est omnino incausabile; quia non finibile, nec materiabile, nec formabile. Quod non finibile, ex eo constat, quia finis non est causa, nisi inquantum ab ipso, tanquam à priori essentialiter dependet esse finiti: non dependet autem finitum, quantum ad esse, à fine ita priori, nisi quatenus finis, ut amatus, movet efficiens ad dandum sibi esse; nihil igitur causat finis, nisi quod efficitur ab efficiente amante finem. Cum ergo primum effectivum sit ineffectibile, quia independens effectivum, nec finalem causam potest habere. Quod vero non sit materiabile, nec formabile, declaratur; quia causæ intrinsecæ sunt causatæ ab extrinseca, vel secundum esse earum, vel in quantum causant compositum, vel utroque modo; causæ enim istæ non causant compositum, vel constituent se ipsis, sed requirunt agens de necessitate: si igitur primum effectivum sit causatum à materia, & forma intrinsecè, oportet & causatum esse ab aliquo agente: à quo illæ causæ dependent in causando. Cum ergo contradictionem involvat, primum effectivum habere causam efficientem, impossibile quoque erit habere causas intrinsecas.

Sequitur secundo, primum effectivum esse in actu existens. Nam cuius rationi repugnat simpliciter esse ab alio, illud si potest esse, potest esse à se: rationi autem primi effectivi repugnat esse ab alio: alioquin non foret primum effectivum: & ipsum potest esse, quia effectivi ratio nullam imperfectionem involvit necessario: adeoque non repugnat esse in aliquo sine imperfectione: igitur effectivum simpliciter primum potest esse à se: ergo est à se: Quia, quod non est à se non potest esse à se: alioquin enim non ens traheret aliquid ad esse, quod est impossibile. Et præterea idem causaret se, & ita non erit incausabile omnino. Cum itaque primum effectivum sit necessarium incausabile, & entitati talem ineffe primam non repugnet, imo inconveniens sit uni-

versitati rerum deesse supremum gradum possibilem, & contradictionem subinde involvat, aliquid esse prius eo: oportet Primum omnino posse esse à se, & ita de facto est à se, quia repugnat sibi accipere esse ab alio.

Secunda pars primæ conclusionis, dari nempe aliquid finitivum, quo nullum aliud sit prius, seu ita primum in finibus, ut ad nullum aliud sit ordinabile, probatur ipsdem omnino argumentis, quibus articulo precedenti, ostensum fuit, infinitatem in essentialiter ordinatis esse impossibilem: sed primum illorum satis erit tetigisse sic: Universalitas causatorum est finita; ergo dependet ab aliquo tanquam à fine; non ab aliquo illius universalitatis; quia tunc idem esset finis sui ipsius, ergo ab alio extra illam universalitatem finitorum, ad quod tota universalitas ordinatur.

Ex hoc sequitur primum finitivum esse incausabile, actuque existeret. Nam ipsum est infinitabile, alioquin non esset primum: igitur est ineffectibile: quia cum omne per se agens agat propter finem: cuius non est finis, profecto nec ejus erit per se agens: primum ergo finitivum est incausabile. Ipsum vero actu existeret, probatur: Etenim cui repugnat esse ab alio, si potest esse à se: ergo est à se: Primo autem finitivo repugnat esse ab alio, cum sit ineffectibile: igitur si potest esse, potest esse à se: est igitur à se, cum fieri non possit, ut sit ab alio.

Tertia denique conclusionis pars, quæ est de eminente simpliciter primo, declaratur: Cum enim in universo omnes naturæ, quæ sunt ad finem, sint finitæ, subinde exceduntur ab illa, ad quam ordinantur: illa ergo natura, quæ est aliarum finis, simpliciter præcellit, eminetque ceteris omnibus secundum perfectionem. Formæ enim se habent ut numeri, Teste Aristotele 8. *Metaphys. Tex. 10*. Ac proinde in hoc ordine essentiali, standum est in uno: ut articulo precedenti fuit declaratum.

Hanc autem naturam omnium eminentissimam oportere esse & incausabilem, constat ex eo, quia ipsa est infinitabilis; Nam finibile excellitur a fine in bonitate, & subinde in perfectione, est igitur ineffectibilis, & prorsus incausabilis; cuius enim non est finis, ejus nec est per se agens: & ita multo magis est incapax alterius causæ causalitatis. Et insuper est a parte rei existens; quia quod omnem causam excludit, si potest esse, potest esse à se, & ita est à se; cum à nullo alio accipere esse queat.

Declaranda est nunc secunda conclusio proposita, & ostendendum triplicem primitatem, efficientiæ, finis, & eminentiæ uni tantum naturæ convenire. Nam primum efficiens est ultimus finis, idemque entium eminentissimum: ergo triplex primitas eidem omnino naturæ convenit. Probatur assumptum quoad primam partem: omne per se efficiens agit propter finem, & altior efficiens agit propter finem altioris; ergo primum efficiens agit propter ultimum finem: Sed propter nihil aliud à se principaliter, & ultimate agit; quia nihil aliud à se potest esse finis ejus; igitur agit propter se sicut propter ultimum finem; ergo primum efficiens est ultimus finis. Assumpti secunda pars probatur: Primum efficiens non est univocum respectu entium a se causatorum, sed æquivocum; ergo eminentius, & nobilior illis; adeoque ipsum primum efficiens, qui est & ultimus finis, est ipse omnium eminentissimus.

Tertiæ conclusioni probandæ (quæ erat, triplicem primitatem, quæ pollet primum efficiens, non posse pluribus naturis quiditative diversis competere) præmittendum est hoc dictum: Illud, cui

Secundo Phys. Tex. c. 49.

Secundo Top. cor. 22. 29.



cui triplex convenit primitas, ut in *secunda conclusione*, habere omnino necessitatem efficiendi, recteque proinde appellari *necesse esse*. Nam tate primum est prorsus incausabile, ut in superioribus fuit ostensum: siquidem omnino contradictionem includit, aliquid esse prius eo in genere causæ efficientis, vel finis; & per consequens in genere cujuscunque causæ; ergo est prorsus incausabile; igitur habet necessitatem efficiendi. Hæc consequentia probatur: Nihil potest non esse, nisi cui aliquid impossibile positive, vel privative potest inesse: Sed ei, quod est à se, & penitus incausabile, non potest aliquid inesse, quod sit ei impossibile positive, vel privative; ergo est *necesse esse*. Major patet, quia nullum ens potest destrui: nisi per impossibile sibi positive, vel privative. Minor probatur: Nam illud impossibile, aut potest esse à se, vel ab alio: si à se: ergo est à se; adeoque impossibile sunt simul: vel neutrum erit, quia utrumque destruit esse alterius. Si ab alio: Contra. Nulla causa potest destruere aliquid ens prout repugnantiam sui effectus aut illud, nisi suo effectui det perfectius, & interius esse, quam sit esse alterius destructibilis: nulli autem enti ab alio inest perfectius esse à sua causa, quam sit esse entis à se; nam omne causarum habet esse dependens: quod autem est ex se, habet esse independens: Primum igitur efficient, est simpliciter *necesse esse*.

Probatum nunc præfaram triplicem primitatem pluribus naturis alterius rationis competere non posse, sed unam penitus esse debere naturam ita primam. Nam si pluribus naturis inesset talis primitas, aut respectu eorundem posteriorum, aut diversorum: Utrumque est impossibile: ergo & impossibile est pariter eam triplicem primitatem inesse pluribus naturis quiditativè diversis. Probatio minoris quoad primam partem: Etenim impossibile est, idem quacunque dependentia dependere à duobus, quorum alterum ejus dependentiam penitus terminat: ita enim alterum non sufficienter terminaret, si adhuc ad reliquum dependeret: igitur fieri omnino non potest, ut idem effectus posterior sit pluribus principiis primis in aliquo genere causæ: Una enim causa totali causante in aliquo genere causæ: impossibile est aliam causare idem in eodem genere causæ; quia tunc idem bis causaretur, vel certè neutra foret causa totalis: contra id, quod supponitur: igitur respectu eorundem effectuum nequeunt esse plura principia prima. Sed neque respectu diversorum: quia tunc duæ essent entium coordinationes inter sese minimè ordinatæ, ac subinde non constituentes unum universum, sed aliud, & aliud; nam entia unius coordinationis non ordinarentur inter se, nec ad idem principium: finè autem ordinis unitate, non est universi unitas. Unde in ipso fine uno ponit Aristoteles 12. *Metaphys. Tex. c. 52. & inde* bonitatem universi principalem: quia ad unum summum est unus ordo. Cum igitur fieri non possit, ut plura principia prima sint respectu entium eorundem, nec respectu diversorum, oportet omnino unum esse primum principium, quod sit primum effectivum actualissimum; quia virtualiter continens omnem actualitatem possibilem: & ultimus finis omnium, & optimus, utpote virtualiter continens omnem bonitatem possibilem: & primum denique eminens, idest, entium eminentissimum, & perfectissimum, in quo sit eminenter omnis perfectio possibilis.

Naturam igitur habentem hanc triplicem primitatem, necessario in uno duntaxat concurren-

tem (si enim una sit in una natura, & aliæ in diversis naturis, quænam reliquis eminentior foret, non posset dari) appellamus Deum, cujus triplex primitas exprimit tres rationes summæ bonitatis, quæ sunt summa communicabilitas, summa amabilitas, & summa integritas. Bonum enim est appetibile, ex 1. *Ethic.* & sui communicativum, per Avicennam 6. *Metaphys. cap. 5.* nullum autem perfectè communicat, nisi quod liberaliter communicat: Bonum vero, & perfectum idem sunt: 5. *Metaphys. Tex. c. 21.* & perfectum, & totum ex 3. *Phys. Tex. c. 63.* Unica igitur natura existens est prima triplici hac primitate respectu cujuslibet alterius naturæ, adeout quælibet alia est simpliciter posterior illa, secundum triplicem ordinem, in quo unica illa natura est prima, idest, perfectissimum omnium entium, & summum in omni differentia entis, quæ simpliciter importat perfectionem; cujusmodi sunt verum, bonum, necessarium &c. Atque is est Deus gloriosus, & excellentus

AD ARGUMENTA. Ad primum dicendum, utique ejus mentis philosophum fuisse, ut putaverit, causas accidentaliter ordinatas procedere in infinitum; arbitratus est enim generationes esse perpetuas; quamvis eadem sit materia successivè generatorum, nempe, eadem in generato, & corrupto: Sed non propterea posuisse existimandum est eundem processum in essentialiter ordinatis; imo 2. *Metaphys. cap. 2.* oppositum ostendere conatus est, scilicet, in omni genere causarum per se ordinarum esse statum. Non sunt ergo omnes causæ infinitæ; imo si forent infinitæ per se ordinatæ, jam nullæ essent ejusmodi causæ. Nam si sunt infinitæ, nulla est prima, atque ita nec aliqua esse potest media: igitur nulla erit causa. Ex ordine igitur philosophus deducere intendit primitatem; at ex infinitate sequitur, nullum esse primum, & ita ex ordine nullam esse causam; quod est impossibile, ut articulo præcedente extitit declaratum.

Ad Secundum respondeo, quamvis effectus plerique, ut comparatur ad invicem, videantur minimè inter sese ordinati nihilominus inveniuntur respectu aliorum, sicuti & speciei, quæ in ipsis quodammodo perpetuantur, ordinatæ compariuntur. Quare, etsi unum vegetabile ad aliud non inveniatur ordinatum, omnia tamen vegetabilia ordinantur ad genus sensibilem; & hæc ad hominem, qui est finis quodammodo omnium. Species igitur sunt ordinatæ sicut numeri, & etiam individua earum, ut in specie considerantur, & non unum ad aliud comparatur intra id genus; ut expositum est.

Ad Tertium respondeo, articulo antecedenti assignatam esse rationem, cur in accidentaliter ordinatis non sit impossibilis processus in infinitum, ex ratione scilicet taliter ordinatorum, ut impossibilis est in essentialiter ordinatis. Cum enim causæ per se ordinatæ respectu unius effectus aliam, & aliam habeant rationem cauſandi; per accidens vero ordinatæ eandem omnino; oportet per se ordinatas omnes prorsus simul existere, alioquin aliqua per se causa deesset effectui. At secus evenit in eis, quæ per accidens ordinantur; quia una duntaxat earum est necessaria effectui cauſando, nec opus est, aliquam ex præcedentibus simul cum proxima existere; ac proinde sicuti ex processu in infinitum in his, non sequitur, infinitas causas simul esse; ita admissa infinitate causarum per se ordinarum, oportet omnes eas simul existere in effectui. Nulla est ergo consequen-

Theorem. 15. 8.  
Ex secunda con-  
clusionem.

Doct. 2. *Metaph.*  
phil. q. 6. a. 2.  
12. & sequens.

Doct. super 12.  
Metaph. Tex. c.  
52.

g. dist. 32.

Doct. 2. *Meta-*  
phys. q. 6. in. 12.



sequeſtia, cùm arguitur ex infinitate cauſarum per ſe ordinatarum; imo in his ſtandum eſſe in una prima pluribus declaratum fuit articulo præcedenti, & præſertim, quia cauſare eſt ſimpliciter perfectionis, omni cauſæ cauſatæ hoc imperfectè ineſt; nam in quantum cauſat, dependet ab alia; igitur iſtud erit in aliquo, ſine ulla imperfectione (quicquid enim eſt ſimpliciter perfectionis, ſi in aliquo eſt imperfectè, eſt à perfectò in eo ordine) ſed illud, in quo eſt cauſare, ſine aliqua imperfectione, non cauſatur, quia tunc dependeret; igitur eſt primum Principium à quo omnia dependent.

Ad Quartum dico, cauſa infinita, agens ex neceſſitate naturæ, non compatitur ſecum aliquod contrarium, ſive ſit contrarium formaliter, ſcilicet, ſecundum, quod convenit ſibi eſſentialiter ſive vir-

tualiter, nempe, ſecundum rationem eſſetis ui, quem virtualiter includit. U-roque enim modo impediret quodlibet incompoſibile ſuo eſſectui. Deus autem eſt liberè, & voluntariè agens reſpectu omnium, quæ ſunt extra ipſum; & ideo, et ſi infinita ſit bonitatis, non excludit omne malum, ſed multa talia fieri permittit; quia id eſt melius univerſo, quàm omnia omnino impediri: ex hoc enim tolleretur bonitas, quæ eſt juſta correſpondentia pœnæ ad culpam, quæ nulla eſſe poſſet ſublata è medio omni malitia in moribus. Et quamvis id non ſit melius perſonæ peccanti, & ita puniendæ, eſt tamen melius rerum univerſitati, quia pluralitas graduum bonitatis facit ad perfectionem Univerſitatis rerum, quæ Mundus appellatur.

De primo Principio cap. 4.

1. diſt. 8. q. 1.

4. diſt. 46. q. 4.  
5. Determi. articulo in addito

12. Metaph. 9. 28.

## QUÆSTIO TERTIA DE DEI SIMPLICITATE, IN OCTO ARTICULOS DIVISA.

*Cognito de aliquo, an ſit, inquirendum reſtat quomodo ſit, ut ſciatur de eo quid ſit. Sed quia de Deo ſcire non poſſumus quid ſit: ſed quid non ſit: non poſſumus conſiderare de Deo, quomodo ſit, ſed potiùs quomodo non ſit.*

- I. Ergo, conſiderandum eſt, quomodo non ſit.
- II. Quomodo à nobis cognoscatur.
- III. Quomodo nominetur.

*Poteſt autem oſtendi de Deo quomodo non ſit, removendo ab eo ea, quæ ei non conveniunt, utpote, compoſitionem, motum, & alia huiusmodi.*

- I. Ergo inquiretur de ſimplicitate ipſius, per quam removetur ab eo compoſitio. Et quia ſimplicia in rebus corporalibus ſunt imperfecta, & partes.
- II. Inquiretur de perfectione ipſius.
- III. De infinitate ejus.
- IV. De immutabilitate.
- V. De Unitate.

### CIRCA PRIMUM QUÆRUNTUR OCTO.

- I. Utrum Deus ſit corpus.
- II. Utrum ſit in eo compoſitio formæ, & materiæ.
- III. Utrum ſit in eo compoſitio quiditatis, ſive eſſentiæ, vel uaturæ, & ſubjecti.
- IV. Utrum ſit in eo compoſitio, quæ eſt ex eſſentia, & eſſe.
- V. Utrum ſit in eo compoſitio generis, & differentię.
- VI. Utrum ſit in eo compoſitio ſubjecti, & accidentis.
- VII. Utrum ſit quocunque modo compoſitus, vel totaliter ſimplex.
- VIII. Utrum veniat in compoſitionem cum aliis.

### ARTICULUS I.

Utrum Deus ſit corpus.

*Doſt. 1. diſt. 8. q. 1. §. Secundo. S. Thom. 1. p. q. 3. ar. 1.*



VIDETUR Deus eſſe corpus, ſive corporeus, vel habens corpus. Nam Genef. 1. ſcribit Moyses, *Formavit Deus hominem, & inſpiravit in faciem ejus ſpiraculum vitæ*: Inſpiratio autem procedere non poteſt, niſi ab habente corpus, ſicut legitur de Chriſto: *Joann. 20.* quod inſufflavit in Diſcipulos, dando eis Spiritum Sanctum; ergo Deus eſt habens corpus.

Præterea. *Psalm. 118.* *Manus tuæ Domine fecerunt me, & plasmaverunt me*: Et alibi frequenter in divinis Scripturis attribuntur Deo membra corporis humani viventis: Divinæ autem Scripturæ nullum omnino, ne leviffimum quidem continent mendacium; igitur verè Deus pollet membris corporis perfectiffimi ad inſtar corporis humani viventis; ergo eſt corporeus.

Præterea, *Deus eſt, quo cogitato, ſine contradi- ctione majus quid cogitari non poteſt*, ex Anſel. Proſol. 2. Sed intelligendo Deum corporis, vel corporeæ magnitudinis expertem, poſſet intelligi quid majus, nempe, mentem perfectiffimam in corpore perfectiffimo; ex quo tamen nullum in- commodum, vel impedimentum in illam redun- det, ſed magis ad cumulum perfectionis ſpe- ctans; ut corpus immortale animæ beatæ poſt reſurrectionem; ergo videtur ponendus Deus cor- poreus.

De verum principio q. 9. 28.

Prolog. q. 1. & 4. diſt. 3. q. 4.

Ex cap. 4. de primo principio

4. diſt. 49. q. 15.



Theorem. 16.  
concuss. 14.

Præterea, Si cogeremur admittere Deum care-  
re omni corporea magnitudine, utique id esset ex  
ordine rerum: nam aliunde non est via de venien-  
di ad primum Principium lumine naturalis ratio-  
nis procedentibus. Sed ex ordine conclusioni non  
potest, Deum esse incorporeum: Si quidem supe-  
riora non sunt minus quanta, imò longè majora  
cunctis sublimitatibus: igitur magis concluden-  
dum videtur, Deum habere corpus omnium ma-  
ximum, & nobilissimum.

Quodlibet. q. 7. §.  
ad 2. ubi dicitur  
quodlibet. 14. m.  
R. 7. 3.

CONTRA, Natura intellectualis non habens  
materiam corpoream, caret magnitudine: Nam  
si aliquid intellectuale est quantum, utique con-  
stat materia, cujus est corporea magnitudo ne-  
cessaria sequela, sicut est in homine: Deus autem  
est natura intellectualis, omnis penitus expers  
materie: ergo sibi intrinsecè repugnat omnis ma-  
gnitudo.

Videnda q. 14.  
12. M. sup. 15.  
L. 6.

RESPONDEO dicendum, impossibile omnino  
esse, Deum habere magnitudinem, vel esse in  
corpore. Quod & probatur à Philosopho 8. *Phys.*  
*Tex. c. 78*, & inde, & 12. *Metaphys. Tex. c. 41.*  
& inde, per hoc, quia Deus est potentia infinita:  
potentia autem infinita non est in magnitudine.  
Nam major potentia est in majori magnitudine:  
igitur infinitam potentiam existeret oporteret in  
infinita magnitudine: Nulla est autem magnitudo  
infinita; ergo nec aliqua infinita potentia in ma-  
gnitudine.

Quæ Philosophi probatio, etsi habeat instan-  
tiam de anima intellectiva, quæ non est major in  
majori, nec minor in minori magnitudine; nifi-  
lominus efficax est ex alia conclusione ab eodem  
præstentia 12. *Metaphys. Tex. c. 30.* Deum scilicet  
esse prorsus sine materia. Cum igitur Deus  
potentiæ sit infinitæ, & omnino immaterialis, se-  
quitur ipsum carere omni magnitudine. Nam si  
sit in magnitudine, quero quid est illud, quod est  
extensum ipsa magnitudine: Non potentia infinita;  
quia hæc non potest esse extensum, nisi in ma-  
gnitudine infinita: Magnitudo autem infinita,  
nulla est: nec magnitudinem quamlibet perficit  
potentia infinita, ut forma materiam: quia poten-  
tia infinita non est in materia; ergo oportet po-  
nere materiam extensam ista magnitudine, quæ  
materia permearetur potentia infinita, sicut cor-  
pus multum extenditur magnitudine per se exten-  
sa, & peritur per animam intellectivam non  
extensam. At nulla materia omnino est in primo  
habente potentiam infinitam; non habet igitur ma-  
gnitudinem: ex immaterialitate itaque præstenta  
accipit ea Philosophi ratio efficaciam.

Porcius in 2. 6.  
m. 1. 1. 1. 1. 1.  
1. 1. 1. 1. 1. 1.  
quæ S. Thomas  
ad 1. 1. 1. 1. 1.  
1. 1. 1. 1. 1. 1.  
1. 1. 1. 1. 1. 1.  
1. 1. 1. 1. 1. 1.

Sed evidentioribus, & efficacioribus mediis de-  
claratur conclusio: primum scilicet primum Principium  
sit corporeum, reuocans corpore, ex quo com-  
ponatur: igitur istud componens aut formaliter  
ex se est *neceffe esse*, aut *possibile esse*: alterutrum  
enim necessarium oportet dari. Si igitur sit *possibile  
esse*: ergo *neceffe esse* ex se constat parte aliqua,  
quæ est, *possibile esse*: atque ita esse non poterit  
*neceffe esse* ex se. Quod si propterea dicatur, il-  
lud componens *neceffe esse*. Contra: quodcumque  
*neceffe esse* sit ex se in ultima actualitate: quod  
est autem in ultima actualitate, est impossibile  
alteri, cum quo faciat per se unum. Nam da  
oppositum, & non erit in ultima actualitate. Rur-  
sum, si magnitudo, qua consistat fingitur Primum,  
sit *neceffe esse*: igitur erit bis *neceffe esse*. Et deni-  
que, Primum componeretur per aliquid, quo sub-  
lato, adhuc foret *neceffe esse*: cum utrique parti  
componenti dicatur perinde competere ratio  
essendi necessarium.

Secundo probatur, Deum necessario carere om-  
ni magnitudine, ex ratione infinitatis. Nam, cum  
Deus sit infinitus (ut infra q. 7. artic. 1. declarabi-  
tur) non est cum alio componibilis: igitur repu-  
gnat sibi corpus habere. Assumptum probatur;  
evenim omne componibile potest esse pars alicu-  
jus totius compositi: quod, nempe, constat ex  
partibus componentibus: quælibet autem pars  
exceditur à toto, cujus pars esse intelligitur: con-  
tra rationem vero infiniti est, posse excedi: ergo  
infinitum non est componibile: repugnat igitur  
Deo ex ratione infinitatis, habere magnitudinem,  
vel esse corporeum.

Deinde, omne componibile caret perfectione  
illius, cum quo componitur, ita quod illud aliud  
componibile non contineat in se omnem perfe-  
ctionem, & omnimodam identitatem cum illo;  
quia tunc profecto nequirit cum eo componi: nul-  
lum autem infinitum caret eo, cum quo potest esse  
idem, imò omne tale necessario includit per iden-  
tatem, quia alioquin posset intelligi perfectius,  
putà si haberet illud in se, sicut compositum ha-  
bet, & illud infinitum non habet: contra ratio-  
nem autem infiniti est, simpliciter ipsum posse in-  
telligi perfectius ac sit, vel aliquid perfectius eo  
excogitari posse. Nam profecto tunc non esset di-  
cendum simpliciter infinitum.

AD ARGUMENTA. Ad primum respondet Ma-  
gister 2. *diff. 17.*, cum ait Scriptura homini inspi-  
ratum fuisse à Deo spiraculum vitæ, ea loquendi  
forma aliud non significari, quam animam ratio-  
nalem in corpore creatam esse: & sanè rectè sen-  
tientem, & concipientem Dei substantiam, opor-  
tet intelligat illam indivisibilem, & inalterabilem,  
ac proinde fieri non posse, ut de ipsius Dei sub-  
stantia factus sit homo in animam viventem, ac  
omnino dissimilem existisse Christi insufflationem  
in Apostolos, quippe, quæ secundum organa cor-  
poris, quo Christi humanitas constat, peracta  
fuit.

2. diff. 17. q. 1.

Ad Secundum respondeo, quum humana mem-  
bra in Scripturis Dei attribuantur, id esse per me-  
taphoram dictum: quarum metaphorarum usum  
utillimè in divinis sermonibus adhiberi q. 1. artic. 9.  
declaratum fuit. Quod autem ita sit intelligenda  
& exponenda Scriptura, quoties corporea mem-  
bra, corporeosque actus Deum habere comme-  
morat, exinde constat, quod in ipsa differtè ap-  
pellatur Deus Spiritus, infinitus, infinitæ sapientiæ,  
& potentiæ, & intelligentiæ, ac replens omnia,  
& alia id genus innumera, quæ manifestè nemo,  
nisi planè insaniat, corpori, aut corporis mag-  
nitudinem habenti attribuet.

Videntur Aug.  
gustinus lib. 83.  
91. q. 52.

Magister 1. diff.  
37. lit. A. Et  
porro Testalia  
mus lib. 2. con-  
tra Marcionem  
cap. 16. Et con-  
tra Praxeam  
cap. 7. & de  
Anim. cap. 3.  
videtur sentire  
Deum esse cor-  
poris, & tan-  
tò in eo illu-  
strior est, hæc  
infantia, quan-  
tò & eruditior  
major.

Ad Tertium respondeo, concedendo majorem.  
Ad minorem verò dico, qui concipit Deum habe-  
re magnitudinem, nedum non percipere quid Deo  
majus, sed absolute non intelligere Deum. Ens  
enim illud omnium maximum, & eminentissimum,  
quo nihil majus cogitari potest, non debet, nec  
potest continere in se omnia entia formaliter; Sed  
duntaxat ea, quæ sunt simpliciter perfectionis, &  
nullam involventia imperfectionem; cætera verò  
entia imperfecta continentur in Primo tantum vir-  
tualiter, & eminenter. Non esset igitur Deus  
major, vel perfectior, si corpus haberet, sed pla-  
nè non esset Deus; quia in quo est aliqua, vel  
minima imperfectio, non est ens omnium opti-  
mum, sed eò cogitari potest, & esse majus, illud  
nimirum, in quo nulla sit imperfectio; quia nul-  
la talis habet locum, ubi infinita est perfectio.

3. diff. 1. q. 1.  
6. Ad argumen-  
tum V. cum addi-  
tur.

1. diff. 8. q. 4.  
§. Ista etiam opi-  
nio V. Notum  
Addit.

Ad quartum dico, utique ex ordine nos decla-  
rare existentiam primi Principii gloriosi, ut latè  
dedu-



deductum est, *quæst. præcedenti articulo tertio*. Stabilita autem existentia primi Principii, mox evidenter concluditur, ipsum oportere esse ens prorsus necessarium, cum non sit dabile aliud, à quo sit. Quoniam autem est à se, omnem perfectionem habeat oportet; quia quæ partem duntaxat perfectionis nanciscuntur, ab aliis accipiunt. Erit igitur tale Principium primum infinitæ perfectionis. Enti autem infinito in perfectione, & prorsus necessario repugnare esse in magnitudine, evidenter ostendunt rationes adductæ in *solutione*.

## ARTICULUS II.

Utrum in Deo sit compositio formæ, & materiæ.

*Doct. 1. dist. 8. q. 1. §. Ad quæstionem V. Primum sic, & dist. 2. q. 2. §. In primo articulo V. Secunda conclusio de primo effectivo, & de primo P. incipio, cap. 4. §. 12. Metaphys. q. 6. S. Thom. 1. p. q. 3. artic. 2.*

**V**IDETUR in Deo esse compositio formæ, & materiæ. Etenim perfectionis est in forma, ipsam dare esse materiæ, etsi imperfectionis deinde sit, ab ea lem materia dependere: Sed primam rationem separari à secunda possibile est; cum nullam id involvat contradictionem; ergo Deitati possumus attribuire rationem formæ dantis esse sine dependentia ab illo, cui esse datur; igitur sine ulla imperfectione poni potest in Deo compositio materiæ, & formæ: vel saltem componibiles Dei ut formæ.

Præterea, Ex divina essentia, & tribus relationibus, vel proprietatibus personalibus tribus, exurgunt tres Personæ divinæ; ergo oportet essentiam tribus illis relationibus determinari; ac per consequens ipsa erit materia sine ulla imperfectione respectu personalium proprietatum. Probatio consequentiæ, nam nisi intelligatur essentia determinari relationibus, adeo ut ipsa sit purus actus, uterque actus erit per se subsistens; ergo non erunt in eodem per se subsistente; igitur ex his non fit unum per se: Unitas enim qualitercunque distinctorum esse non videtur, secundum Aristotelem, nisi per rationem actus, & potentie.

Præterea, Causa non dat esse effectui, nisi quia continet effectum; igitur quicquid est in effectu, veriùs in causa ipsius reperitur: Sed materia est in causatis; ergo veriùs debet esse in prima omnium causa. Ubi autem est materia, ibi & forma fit oportet; igitur est in Deo compositio materiæ, & formæ.

CONTRA, Philosophus 12. *Metaphys. Text. 30*. Primum principium est expertus omnis materiæ, quia actus purus, Rursus, omne habens materiam, habet magnitudinem: substantia autem prima non habet magnitudinem; est igitur omnino expertus materiæ, ac omnimodæ compositionis.

RESPONDEO dicendum, compositionem materiæ, & formæ Deo omnino repugnare. Nam causalitas materiæ, & formæ non est simpliciter prima; necessario enim præsupponit causalitatem efficientis, unientis formam materiæ; ergo si Primum esset compositum ex materia, & forma, præsupponeret causalitatem causæ efficientis. Non autem causalitatem ejus, quod appellamus Primum, quia idem non efficit se, conjungendo materiam sui cum forma; ergo alterius efficientis prioris; ergo admissa compositione materiæ, &

formæ in Deo, ipse non esset primum efficiens, contra communem suppositionem, quam declaravimus *q. 2. art. 3*. Quod vero causalitas materiæ, & formæ non sit simpliciter prima, probatur.

Etenim ea causalitas involvit imperfectionem necessario; quia rationem partis; ac causalitas efficientis, & finis nullam imperfectionem includit, sed perfectionem omnino. Omne autem imperfectum reducitur ad perfectum, sicut ad prius se essentialiter; ergo causalitas materiæ, & formæ non est simpliciter prima. Deinde, materia de se, & ex se est in potentia passiva, & contradictionis ad formam; ergo non est ex se sub forma, sed fit sub forma per aliam causam reducens ipsam materiam ad actum formæ. Ibi autem causa reducens nequit esse, nec dici forma in quantum forma, quia sic non reducit materiam, nisi actuando formaliter ipsam materiam; ergo oportet ponere aliquid reducens effectivè ipsam materiam ad istam actualitatem; adeoque si Primum esset compositum ex materia & forma, existeret aliquid efficiens, per cuius causalitatem effectivam foret materia prima sub forma ejus, ac subinde ipsum non esset Primum efficiens, quod est impossibile ut prius. Tandem, omnis entitas una causata habet aliquam unam causam, à qua est ejus unitas. Non potest enim poni unitas in causato, sine unitate in causa. Unitas igitur compositi cum sit causata requirit aliquam unam causam, à qua sit ipsum causatum: Illa causa non est materia, aut forma; quia utraque est composita imperfectior; igitur necessario aliqua alia est ponenda; quæ non erit alia, quam efficiens: omni igitur composito ex materia, & forma est efficiens prius. Primum ergo efficienti ita repugnat esse compositum ex materia & forma, sicuti repugnat non esse primum.

AD ARGUMENTA. Ad primum respondeo, esse inseparabilem imperfectionem ab illo, quod per modum formæ dat esse alteri à se realiter distincto: quia necessario includit limitationem ejus, quod ita dat esse: cum non includat per identitatem illud, cui dat esse. Insuper nec dependentia omnimoda potest ab eo separari: licet enim separaretur ab eo dependentia ad materiam, semper tamen manet dependentia ad efficiens, virtute cuius forma materiam informat.

Ad secundum dicendum, utique relatione, atque essentia constare Personam, at neutram esse formam, aut materiam alterius, sed per perfectam identitatem, unum esse alterum, quamvis non formaliter. Cum igitur persona non sit composita, nec quasi composita, quia perfectio identitatis ex innitate excludit omnem compositionem: non est ibi materia, vel quasi materia, id est, materia sine imperfectione. Et cum dicatur, quia si uterque actus est per se subsistens, non intelliguntur esse in eodem supposito. Dicitur est, esse illa duo unum per perfectam identitatem realem: ceterum, relatio non permittit essentiam: nec est terminus formalis receptus in essentia: quia relatio (ut inquit Damascenus) non determinat naturam, sed hypostasim. Non intelligitur itaque relatio esse in essentia ut actus in potentia, sed ut relatio in fundamento suo, sive radice, quatenus identitatis contentus in pelago infinito. Sed de hoc infra *q. 41. art. 3*.

Ad Tertium, concedimus, esse in causa quicquid in causatis reperitur, sed modo eminentiori, ac perfectiori, quam sit in ipsis causatis. Non enim omne quod est in causato formaliter perinde in causa continetur: imo causa quævis equivoca

Quodlib. q. 7.

1. dist. 4. q. 2. §. Tertio principio inter V. Sed quomodo.

Ex 12. *Metaphys.* p. 611.

In Deo habere locum non posse compositionem ex materia, & forma.

1. dist. 5. q. 3. §. Respondeo unitas composita V. Quæstio autem stat, q. 6. Ita intelligitur Deitas.

12. *Metaphys.* c. 6. citata.



non nisi virtualiter proprios continet effectus. Materia igitur licet in effectibus causatis ex stat, non est tamen in causa prima, nisi virtualiter, quatenus nimirum ipsa est materię productiva.

## ARTICULUS III.

Utrum sit idem Deus, quod sua essentia, vel natura.

Doct. lucis in margine citat. S. Thom. 1. par. quasi. 3. artic. 3.

**V**IDETUR haud esse idem Deus, ac sua essentia, vel natura. Nam ea, quibus conveniunt alia, & alia prædicata realia, non possunt esse idem in re: sed hæc est vera, *Deus generat Deum*; ista autem falsa. *Essentia divina generat*; ergo non est idem Deus, ac si essentia, vel natura. Minor constat, & ex symbolo, & ex Cap. Damascenus de Sum. Trin. & c. ubi expressè habetur qualiter una summa res, quæ est essentia, vel natura divina, nec generat, nec generatur.

Præterea, Divina essentia, vel natura ea est, quæ constat prædicatis quiditativis, ipse tantibus ad ipsam præcisè; Deus autem ultra iditatem, seu prædicata quiditativa, involvit præterea prædicatum dans individuationem prædictis quiditativis; sed hæc prædicata respectivè realiter insunt, tam essentia, vel naturæ Dei, quam ipsi Deo; ergo non est omnino idem Deus, ac sua ipsius essentia, vel natura.

Confirmatur, 7. Metaphys. Text. c. 20. *In eis, quæ sunt sine materia: quod quid est, est idem cum eo, cujus est*, idest in iis, quæ non constituuntur per materiam, quæ est entitas individualis, contrahens quiditatem: Sed in Deo est entitas individualis, quæ est summè unum ens, & hoc ens infinitum; igitur ejus *quidquid est*, seu essentia ipsius, vel natura non est idem cum eo, cujus est ea quiditas, quæ est ipse Deus.

CONTRA, Magister 1. dist. 8. cap. Hujus; *Hujus autem essentie*, (inquit) *implicitas, ac sinceritas tanta est, quod non est in ea aliquid, quod non sit ipsa: Sed idem est habens, & quod habetur*; idque per se declarare variis Sancto-um auctoritatibus: de quo etiam cap. primo. Idem igitur est Deus, ac sua essentia.

RESPONDEO dicendum, in Deo coincidere omnino quod est, et idem, cujus est ipsum quodquid est, seu essentia, & claracio hujus est ita: Primum principium, cum sit necessario incausabile, oportet esse a se, & habere entitatem à se; quod autem habet a se aliquid, accipit, & possidet illud in tota plenitudine, quæ sibi potest competere. Nihil enim habetur limitatè in aliquo, nisi id ab alio agente detur, determinante illud ad certum gradum. Quoniam igitur Primo principio repugnat habere causam, à qua accipiat esse, habet à se esse in tota plenitudine omnimodæ perfectionis, ut nihil ei deesse possit; est ergo sibi esse universalissimum, quia tota plenitudo enjiraris; & simul maximè particulare & individuum, quia extra ipsum est nihil, cum à se acceperit omne, idest, quidquid potuit in uno contineri, & uniri per nexum infinitæ necessitatis; igitur prorsus incidit in ipso essentia, cum eo, qui essentiam illam habet; quia nequit intelligi ipsum quodquid est, nisi maximè unum. Nam quando aliquid est de se esse, & non tantum capax illius esse, tunc etiam de se est habens quamlibet conditionem necessario requisitam ad esse: Hoc

autem esse de se, seu per essentiam convenit Deo; ergo essentialiter involvit quamlibet conditionem spectantem ad ipsum esse; potissima autem conditionum est, ut tale ens per essentiam sit omne esse acceptum, nempe, quicquid potest accipi; ergo sicuti de se est omne esse, seu infinitum esse, ita de se est hoc esse, adeout ea præcisè de causa repugnet sibi dividi, & multiplicari in plura, quia est de se esse, sive totum esse, vel ens per essentiam. Non est aliud igitur ab ipso esse, id, quod habet tale esse; idem est ergo Deus, ac sua essentia, vel natura Deitatis; & ideo, quia id, quod exprimitur per *Hic Deus*, non est quid diversum ab quiditate Dei, sed omnino coincidens cum illa; ideo, inquam sicuti est Dei quiditas communicabilis tribus, ita & tribus communicatur ille, qui est Deus Deitate, vel natura divina.

AD ARGUMENTA. Ad primum concedo hanc *Deus generat Deum*, esse veram; quia terminus concretus in suppositione personali potest supponere pro suppositis. Quemadmodum igitur hæc est vera, *Deus Pater generat Deum Filium*; ita & ista, *Deus generat Deum*. Et concedo pariter illam, *Essentia divina generat*, esse falsam; quia de ipsa non est nam prædicari verbum generat; cum subiectum illud sit abstractum ultimata abstractione, ac proinde nil verè de ipso prædicari possit, nisi quiditativè includatur in illo; de quo infra, c. 39. artic. 5. Sed cum infertur, igitur Deus non est idem ac sua essentia; neganda est consequentia; quia diversa suppositio orta ex diverso modo significandi abstracti, & concreti, non ponit diversitatem realem: concretum enim, & abstractum idem immortant, nempe, ipsam formam diversimodo significatam, scilicet cum concernentia, & sine concernentia ad subiectum. Etsi igitur ob concernentiam subiecti prior propositio supponat personaliter; non autem secunda; non propterea tamen *hic Deus* est alius à Deitate; quia natura illa deitatis involvit essentialiter esse innumerabilem, & immultiplicabilem: ac proinde alius esse non potest ipse Deus, ac sua natura, & essentia; nec propterea tamen oportet eandem prædicata realia de utrisque verificari; sicut enim de Deo, ut est talis Deitate, verificantur quædam prædicata realia independentè à personalitatibus, sed præcisè ut existens est, & subsistens Deitate, ut *Deus creat*, & ejusmodi, quod profecto verum esset, etiam si per impossibile unica duntaxat persona divina absoluta subsisteret; ita, quamvis idem sit Deus, & sua essentia, non exinde tamèn ex hoc, *Deus generat*, est inferendum idem prædicatum de sua essentia verificari.

Ad secundum respondeo, declaratum extitisse in solutione, qualiter, etsi Deus sit maximè unus, & singularis, ejus nihilominus individuatō nequid esse distinctum quid, vel additum ipsi prædicatis quiditativis; imo re, & ratione cum illis coincidat oportet.

Ex quibus patet ad confirmationem; quia enim quicquid est Dei est totum esse, utpote non ab alio, sed à se acceptum, nihil perfectionis simpliciter potest esse extra ipsum; ac propterea quia de ratione ejusmodi plenitudinis perfectionis est, multiplicari, & numerari non posse, alioquin nec tota foret accepta, nec ex se, & à se in uno haberetur, evidens est, idem omnino re, & ratione esse quodquid est, cum eo cujus est in illo, qui habet omnimodam plenitudinem perfectionis, etsi in aliis pariter duntaxat perfectionis possidentibus, indi-

1. dist. 8. q. 3. §. Ad primum principale. V. Sed saltem quas.

Avicenna. 8. Metaphys. cap. 4. lit. B.

1. dist. 4. q. 2. §. Sed pro quo supponitur.

1. dist. 4. q. 1. §. Ad primum Arg.

Ibidem §. Ad probationem per Damascenum.

1. dist. 4. q. 2. §. Ad evidentiam.

Idem §. Sed numquid.

Oppositum videtur sentire Lycheus super q. 3. dist. 6. primi Sent. ad §. Sed saltem quas.

2. dist. 3. q. 9.

1. dist. 5. q. 1.

2. dist. 3. q. 6. 2. dist. 3. q. 5. §. Ad illud 7. Metaph.

Quæstio. n. m. §. Ad probationem. V. Sed saltem quas.

De Primo Principio cap. 1. §. 4. conclus. 11.

Ibidem conclus. 2. & 3.



individuationis ratio sit necessario extra eorum essentiam, cum quælibet essentia creata sit numerabilis, & in plura individua multiplicabilis.

ARTICULUS IV.

Utrum in Deo sit idem essentia, & esse.

Doct. 1. Report. dist. 8. q. 1. S. Thom. 1. p. q. 3. art. 4.

**V**IDETUR in Deo haud coincidere essentia, & esse. Siquidem ens ut convenit Deo, est ens per essentiam, sive ipsum esse infinitum; ut quasi per prius intelligatur aliquo modo infinitas modus entitatis per essentiam, quam ipsum intelligatur esse hoc; sed infinitas non ingreditur rationem formalem entitatis illius, sed duntaxat modus ejus est; ergo multo minus esse, sive existentia potest esse de ratione formali, & quiditate essentiae divinæ.

Præterea, Cognitio abstractiva est notitia objecti, ut à propria existentia abstrahentis: intuitiva vero est notitia ejusdem quatenus in propria existentia præsentis. Possibile est autem Deum infundere intellectui creato notitia sui abstractivam; imo talem videtur de facto infudisse Angelis, dum erant in via, & Paulo in rapui; igitur in ratione formali divinæ essentiae non includitur esse, alioquin impossibile foret ipsam cognosci cognitione abstractiva; quia non cognosceretur essentia divina: quemadmodum non intelligeret hominem, qui cognosceret ipsum non quatenus est animal rationale.

Præterea, Quæ univocè dicuntur de Deo, & creatura, eodem modo se habent respectu eorum extremorum. Et ita ens, & sapientia, quæ univocè dicuntur de Deo, & creaturis: quia ens quiditativè enunciat de Deo, pariter & de creatura: & quia sapientia denominativè dicitur de uno, & de altero pariter extremo. Sed esse, sive existentia univocè dicitur de esse Dei, & creaturarum: (quæcunque enim argumenta probant univocationem entis, & transcenditium, perinde probant, & esse præferre conceptum unum, univocè de omnibus existentibus prædicabilem) igitur aut est de essentia utriusque extremi, aut nullius. Cum autem constet, existentiam non includi in conceptu essentiali creaturarum: est enim modus intrinsecus creaturæ: ita pariter nec erit de quiditate Dei.

Præterea, De primo Principio scire possumus, An sit: non tamen quid sit: Sed nisi suum esse foret aliud a quiditate ipsius, hoc ipso quod innotescere An sit, sciretur una, & quid sit: igitur in Deo esse est aliud ab essentia.

CONTRA, Magister 1. dist. 8. cap. 1. Sicut ab eo quod est sapere dicta est sapientia, ita ab eo quod est esse, dicta est essentia. Et quis magis est quam ille, qui dixit famulosuo Moysi: Ego sum qui sum, & dices Filiis Israel: qui est misit me ad vos? Hæc ille ex Augustino, 5. de Trinit. esse igitur est de quiditate Dei.

RESPONDEO dicendum, Essentiam, & existentiam ita esse idem in Deo, ut elaudatur ipsum esse in ratione formali essentiae. Et declaratio hujus est ista: Nam ideo creatura quælibet non est de se esse, sed tantum capax recipiendi esse, quia caret aliquo gradu entitatis, & perfectionis, cujus esset capax, quatenus ens est: & propterea quævis creatura est possibile esse, & terminis potentie dantis esse, nam ens infinitum, quia nulla sibi deesse potest perfectio, nec terminus alicujus potentie simpliciter potest esse. Ex carentia igitur perfectionis

nis entitativæ sit, ut omnis creatura sit po sibilis & potens recipere esse ab alio. Cum itaque ens per essentiam omnis insit perfectio possibilis: ad hoc ut infinitæ perfectionis entitativæ sit, non est possibile, sed potius ens summe necessarium: igitur clauditur in ejus quiditativo conceptu ipsum esse, quod de se non involvit possibile esse, quia illud accipit ab alio. Quoniam ergo necesse esse habet essentiam à se, & ipà essentia ex se existentiam, vel esse involvat oportet; quia & ipsum esse est à se, perinde ac essentia, & plenitudo perfectionis entitativæ est à se. Appositè admodum Damascenus lib. 1. cap. 12. Videtur quidem, inquit principalis omnium, quæ de Deo dicuntur nominum, esse qui est; & subdit; totum enim in se comprehendens habet esse, velut quoddam pelagus substantie infinitum, & interminatum. Et Augustinus 7. de Trinit. cap. 4. Ab eo, inquit, quod est esse appellatur essentia, propter quod Deus ipse, cui propriissime, & verissime convenit esse, verissime dicitur essentia. In Deo igitur idem est essentia, & esse sed non in aliquo alio, quia ipse solus verissime est, eo quod à se sit: cætera vero quia ab alio sunt, in se ipsis nihil sunt, & ideo in eorum quiditativis rationibus non cadit ipsum esse.

AD ARGUMENTA. Ad primum respondeo, concedendo Deum esse singularissimam unitatem, eo quod sibi conveniat esse per essentiam, & infinitum, atque ejus maxima singularitas non aliunde sit, quam ex infinitate. Per hanc enim, cum sit pelagus quoddam omnem ab orbens substantiæ perfectionem, nequit esse ei par, aut simile extre ipsum, quia tunc non omnem completeretur possibilem perfectionem, est ergo Deus immultiplicabilis, & unus, quia infinitus. Verum est ergo aliquo modo intelligi per prius infinitatem esse modum entitatis per essentiam, quam tale ens esse hoc. Sed inde non debet inferri, existentiam non involvi in quiditativa ratione talis entis, imo nisi caderet in conceptum ejus quiditativum, non foret infinitum ens: nec per essentiam habens à se quicquid est simpliciter perfectionis, quod si per essentiam est, habens à se quicquid est simpliciter perfectionis, profecto verissime est: & talis non esse, si essentialiter existeret: quia cætera quæ existunt per esse ab essentia distinctum, verissime non sunt: sed esse ab alio cum accipiant, duntaxat partem aliquam entitativæ perfectionis capiunt, & à largiente accipiunt; sed quod habet à se omnem perfectionem, & esse proinde possidet: & ideo essentialiter est, ita ut idem in eo essentia sit, & esse. Eatenus ergo infinitas videtur appellanda modus intrinsecus, quatenus fundat prædicationem in quale: Sed revera est quod formaliter constituit essentiam Dei, & inde esse ordine quodam consequi videtur, & necessitas, & aeternitas, & omnis perfectio: cum è converso in creatura à finitate sit & possibile esse & ab alio esse, & rel quæ imperfectiones consequentes finitatem entis ab alio, & participati, quamvis nos ordine inverso rem intelligamus.

AD SECUNDUM dicendum, Angelos viatores habuisse Dei notitiam abstractivam, non quia viderint in illa specie, aut puta verint existentiam non claudi in Dei conceptu quiditativo, quia nec nos putamus, quamvis specie Deum distinctè representante præditi non simus, scientes ens summe necessarium includere esse in sui ratione quiditativa: Sed abstractivam, quia non erat facialis, seu objecti in se præsentis, & immutatis intellectum per suam realem præsentiam, cum præcisè id gestu existimamus per sui distinctum representativum.

1. dist. 8. q. 2. & 3. hanc rationem, in distinctione, articulo, procedo.

Videndus Avicenna 8. Metaph. cap. 4. lib. B.

Quodlib. q. 1. § 2. De primo.

1. dist. 8. q. 3. & 4. hanc rationem, in distinctione, articulo, procedo.

2. dist. 8. q. 3. & 4. hanc rationem, in distinctione, articulo, procedo.

3. dist. 7. q. 3. & 4. hanc rationem, in distinctione, articulo, procedo.

Doct. 13. Metaphys. q. 15. in argumentum, primo tripalibus.

1. dist. 2. q. 3. & 4. Ad illa & dist. 12. q. 1. & q. 2. Ad oppositum. De Primo principio cap. 1.

1. dist. 8. q. 2

1. Report. dist. 8. q. 5. n. 9.

Appositum est ad illam & dist. 6. hanc rationem, in distinctione, articulo, procedo.



2. dñs. 9. q. 2. 6.  
Ad questionem.

Ad Tertium respondeo; Si creata existentia modus intrinsicus essentia sit, cum habeat s. modum conceptum simpliciter simplicem, & subinde primo diversus a quovis alio conceptu, non potest univocè dici de illa, & existentia Dei quid commane; cum nihil tale sit abstrahibile à modis intrinsicis, ut nec ab ultimis differentis. Ex hoc igitur quod existentia creata sit extra essentiam, entis finiti, & participati, non sequitur perinde contingere in ente per essentiam, & imparticipato; imo contrarium tanquam verum debet inferri, ut declaratum fuit in solutione.

Ad Quartum, est responsio dicentium, esse dupliciter dici; & uno modo quidem significare actum essendi: alio modo autem importare compositionem propositionis, quam anima advenit, conjungens prædicatum subiecto. Juxta primum intellectum accipiendo esse, non posse nos scire esse Dei, sicuti nec ipsius essentiam; at in posteriori acceptione, posse. Nam scimus, hanc propositionem *Deus est*, veram esse. Porro non aliunde id scire possumus, quam ex effectibus ipsius Dei.

CONTRA, Hæc distinctio est nulla in casu: Nam si potest esse questio de veritate propositionis, in qua esse tanquam prædicatum quaeritur de subiecto, ad concipiendam veritatem illius questionis; utque oportet præconicipere terminos ejusmodi questionis, & de conceptu simplici illius subiecti, si est possibilis naturaliter, nunc est questio.

RESPONDEO igitur ex dictis *Ad secundum*, eodem modo concipere nos *quicquid est* Dei, quo & ipsius existentiam, seu *An sit* intelligimus. Nam non solum possumus habere naturaliter conceptus, in quibus quasi per accidens concipitur Deus, ut puta sub aliqua ratione attributali, sed etiam aliquem conceptum, in quo per se, & quidamvis concipiatur Deus; ut cum intelligimus ens, cui necessario inlunt attributa, ut infinita sapientia, omnipotentia, & alia id genus; & ita pariter cum concipimus ex itere primum ens, causam primam &c., cū si conceptus sint omnino confusi, & indistincti.

## ARTICULUS V.

Utrum Deus sit in genere aliquo.

*De Et. 1. d. f. 8. c. 3. in Report. ibidem q. 5. & 10. Metaphys. qu. 3. 5. Thom. 1. par. 9. 3. artic. 5.*

**V**IDEATUR aliquid formaliter dictum de Deo ac proinde ipse Deus sub genere aliquo contineri. Nam si Deus ad nallum genus pertineret, maxime quia est infinitum ens, & genera omnia finita sunt: Sed propter infinitatem non est à genere excludendus, ergo sub genere aliquo Deus continetur, Probatio minoris: Si daretur linea aliqua infinite protensa, profecto ad genus quantitatis spectaret; ergo infinitas Dei non impedit quin ipse sit in genere substantiæ, veluti entium perfectissimum.

Præterea, substantia creata, & substantia increata non habent conceptum simpliciter simplicem, sed resolvablem potius in conceptum substantię contrahibilis, & in alios contrahentes ad creaturam, & ad Deum; ergo ratio substantiæ in se indifferens est ad utramque substantiam, creatam scilicet, & incretam. Sic autem intellecta substantia habet rationem generis; igitur Deus est in genere substantiæ. Quod & expresse posuisse Damascenus videtur, dum *lib. 3. de fide Orthodox. cap. 4.* vult essentiam divinam prædicari de Personis, ut species de individuis: constat autem,

speciem non esse sine genere; secundum Porphyrium, *cap. de specie*: igitur Deus est in genere.

Confirmatur, 10. *Metaphys. Tex. c. 7.* vult Aristoteles, aliquam esse primam substantiam, quæ sit mensura aliarum. Et Commentator dicit, eam substantiam esse primum motorem; ergo sicut in aliis generibus Primum est aliquid illius generis: ita Primum motor est aliquid de genere substantiæ.

Præterea, Deus formaliter, & quiditative est ens; is autem conceptus non est proprius Deo, sed sibi, & creaturis communis; ergo ad hoc ut sit proprius, oportet ut determinetur per aliquem alium conceptum contrahentem, & determinantem. Ejusmodi determinans se habet ad conceptum entis, sicut conceptus *qualis* ad conceptum *quid*; & per consequens, ut conceptus differentię ad conceptum generis; igitur prædicatio entis de Deo est ut generis de inferioribus: omnis enim conceptus dictus *in quid*, si est communis, velet conceptus generis, vel definitionis.

Præterea, Sapientia formaliter dicitur de Deo & quidem secundum eandem rationem, secundum quam dicitur de nobis; igitur sub ea ratione qua Sapientia dicitur de Deo, est species generis: Quod & probatur per dictum antiquorum Doctorum, asserentium speciem transferri ad divina, quia dicit perfectionem, licet non genus, ob imperfectionem sui: ut sapientia transferatur ad divina, etsi non transferatur genus qualitatis.

Confirmatur; Boetius in *libello suo de Trinit.* videtur sentire, duo genera manere in divinis, scilicet substantiæ, & relationis. Neque exponi potest, id intellexisse Boetium quoad modum similem prædicandi; quia secundum Augustinum 15. de Trinit. cap. 5. *Si dicam eternus, immortalis &c. Spiritus horum omnium novissimum, quod posui, quasi tantum videtur significare substantiam*; est igitur revera in Deo genus substantiæ, sicut & relationis.

CONTRA, Magister 1. dist. 8. lit. G. *Ecce si subtiliter*, inquit, *intendas, ex his, atque prædictis aperitur, illa prædicamenta artis dialecticæ Dei nature minime convenire, quæ nullis est subiecta accidentibus.* Porro *Tò ex his* refert ad ea, quæ adducit ex Augustino 5. de Trinit. cap. 1. diserte removens à Deo novem ultima Prædicamenta. Et 7. de Trinit. cap. 4. 5. substantiæ Prædicamentum, dicens, Deum abusive vocari substantiam; eo quod substantia ea sit, in qua aliqua, ut in subiecto subsistunt; sed propriè esse appellandam Essentiam.

RESPONDEO dicendum, nihil dictum de Deo, nec subinde ipsum Deum esse in genere. Probatio; conceptus habens indifferentiam ad aliqua, ad quæ conceptus generis non potest esse indifferens, profecto rationem generis nequit habere: Sed conceptus, qui de Deo prædicantur, & creatura, indifferentes sunt ad finitum, & infinitum, ad quæ extrema genus nequit esse indifferens; ergo nihil dictum de Deo, nec subinde ipse Deus est in genere. Secunda pars minoris probatur; Etenim genus sumitur ab aliqua realitate, quæ de se est potentialis ad realitatem, à qua accipitur differentia: infinito autem repugnat esse potentiale respectu alterius; quia sibi deesset perfectio actus æquantis potentialitatem suam, atque ita infinitum non foret. Assumptum vero patet autoritate Aristotelis 3. *Metaphys. cap. 4. oportet terminum, id est, definitionem esse rationem longam; quia significat aliquod de aliquo*; & oportet hoc quidem ut materiam, illud verò ut formam esse. Et sanè illa realitas, à qua accipitur genus, esset tota quiditas rei,

Ponitur, ut statuat, Deum esse in genere, communicatur aliud quoddam genus a prædicamentali in quo, sit contra quem subtiliter agit Magister disput. 2. Metaphys. & alibi.

2. dñs. 3. q. 2.  
In prima non  
statuitur. V. Nec  
omne est distinctum  
quæritur.

Ubi supra 5.  
Respondet aliter  
ad primam questionem.



rei, solum genus completè definiret, nec oportet definitionem constare differentia; quia quicquid primo inest definitio, per solum genus exprimeretur, & significaretur; quod nemo dixerit.

Porro hæc generis, & differentie intentiones aliquando accipiuntur in creaturis ab alia, & alia re, ut ponendo plures formas in homine, animal accipitur a sensitiva, & rationale ab intellectiva; & tunc res, à qua accipitur genus, verè est potentialis, & perfectibilis ab re, à qua accipitur differentia. Aliquando vero non sunt res, & res, sicut in accidentibus, & in substantiis spiritualibus, ut aliqui arbitrantur: sed nihilominus realitas, à qua accipitur genus, est potentialis respectu realitatis, à qua desumitur differentia: sed quod unum non perficiatur realiter ab alio, ex identitate est, qua sublata, unum esset realiter perfectivum alterius. Est tamen compositio realitatum potentialis, & actualis, quæ compositio est omnino impossibilis in eo, cujus omnis realitas est formaliter infinita.

Deinde, conceptus speciei non est tantum conceptus realitatis: & modi intrinseci ejusdem realitatis: quia tunc albedo posset esse genus: & gradus intrinseci albedinis posset esse differentia specificæ: illa autem, per quæ commune aliquid contrahitur ad Deum, & creaturam, sunt finitum, & infinitum, quæ dicunt gradus intrinsecos eorum extremorum; Infinitas enim profecto non dicit nisi modum, & gradum intrinsecum quantitatis virtutis, sive quiditatis Dei: igitur conceptus ipsius Dei non potest esse conceptus speciei habentis genus, & differentiam.

Ex quo medio de Dei infinitate, habet evidentiam ratio Augustini, tacta ad oppositum. Nam substantia, ut est genus, limitata est: qualibet autem substantia limitata, capax est recipiendi accidentia: adeoque substantia omnis, quæ est in genere, potest recipere, & subsistere accidentibus: quod cum Deo repugnet ex sui infinitate, minime substantia appellandus est, quæ sit in genere, sed magis essentia: cum solus verissimè sit, & incommunicabilis sit.

Postremo, Avicenna 8. *Metaphys. sue cap. 4.* probat Deum non esse in genere. Primo: quia Primum Principium non habet quidditatem: Sed quod non habet quidditatem, non habet genus. Nomine autem quidditatis intelligit perfectionem participatam, & de se possibilem, cui accidit esse extrinsecum: Deus autem est ipsum esse, & ipsum unum, & necesse esse de se: ideo est supra omnem quidditatem, & nulla sit ei additio, sed debemus intelligere ipsum esse per essentiam, & de se infinitum, & ideo claudens in sua essentia unitatem maximam, cui repugnat omnis multiplicatio: juxta dicta in duobus precedentibus articulis. Secundò, arguit Avicenna: Genus aliquo modo est pars rei, cujus est genus: Sed Primum est omnino simplex, expers omnis partis: ergo non est in genere. Hæc ratio declaratur per primum argumentum ex medio infinitatis. Tertio tandem probat sic: Intentio generis non potest esse, quin sit vel necesse esse: vel non. Si ponatur necesse esse: tunc non cessabit, quousque sit ibi differentia: id est, dato quod genus sit necesse esse, tunc ipsum genus includeret formaliter differentiam: nam necesse esse est in ultima actualitate: si quippiam enim ei desit, profecto non erit necesse esse: igitur oporteret intelligere genus formaliter includere differentiam, per quam esset in ultima sui actualitate, quod si genus includat differentiam,

igitur non est genus. Si vero intentio generis non sit necesse esse, sed tantum constitutum ipsum necesse esse; igitur necesse esse erit constitutum per id, quod non est necesse esse; quod est inconveniens. Primum igitur non habet genus; ideo nec differentiam; nec proinde explicari potest definitione, quæ sit medium demonstrationis. Hæc Avicenna.

Aliis videtur probandum, Deum non esse in genere, per hoc: quia principium, quod reducit in aliquod genus, non se extendit ultra genus, illud; Deus autem continet in se perfectiones omnium generum, cum sit principium totius esse; adeoque minime contineri potest in aliquo genere, sicut principium ipsum.

Verum hac ratione non videtur declarari propositum, quia continens aliquid, continet illud per modum sui. Substantia enim, quæ est genus generalissimum, ut accipitur pro omnibus speciebus inferioribus, continet virtualiter omnia accidentia; ita ut si Deus sola individua substantiarum causeret, illa haberent in se virtutem, unde causerent omnia accidentia. Et tamen non propter hoc negantur substantiæ creatæ esse in genere, quia continet virtualiter accidentaliter accidentia per modum sui, non per modum accidentium; igitur ex hoc solo, quod Deus continet perfectiones omnium generum, non sequitur, ipsum non esse in genere; quemadmodum ex sola continentia generum omnium, non excluditur finitas; nam illa genera continere virtualiter, non est esse infinitum: at sequitur ipsum omnino non esse in genere, nec aliquid formaliter dictum de illo, ex absoluta infinitate ejus: ut deductum est prius.

Ad ARGUMENTA. Ad primum concedo, lineam infinitam esse collocandam in genere quantitatis; nego tamen propterea & Deum, seu ens infinitum esse in genere: & rationem esse: quia si daretur linea infinita, non foret infinitum ens, seu infinitum simpliciter, sed duntaxat infinitum secundum quid, scilicet secundum quantitatem: quia igitur hæc infinitas non tollit limitationem simpliciter, nec aufert quamlibet potentialitatem: potest utique esse in tali ente infinito secundum quid compositio ex genere, & differentia: at in simpliciter infinito, cum nulla possit esse potentialitas realitatis ad realitatem, nulla pariter potest excogitari ibi compositio, & ita nullum est in eo genus, nec differentia. Quod vero ex infinitate secundum quid, non sequatur, illud oportere esse & simpliciter infinitum, ex eo convincitur, quia ad summum in inferiori, numquam sequitur summum in superiori, nisi illud inferius sit nobilissimum contentum sub illo superiori. Unde non sequitur, perfectissimus animus; ergo perfectissimum animal; sed gratia materia sequitur, perfectissimus homo, ergo perfectissimum animal: quia homo utique est animal perfectissimum. Dàm igitur quantitas non sit entium perfectissimum, etsi detur infinita quantitas, non proinde erit infinitum ens; quia nec quantitas est perfectio simpliciter, cui solummodo non repugnat infinitas omnimoda, unde etiam sequitur, perfectissima veritas, aut bonitas, ergo perfectissima ens.

Ad Secundum respondeo: conceptus substantiæ abstrahentis ab increata, & creata substantia, non est conceptus generis generalissimi, nam substantia genus includit essentialiter limitationem, igitur non completitur increatam substantiam, quæ est formaliter illimitata, & infinita. Conceptus

quia conceptus  
poteat sine per-  
fectione entia-  
tiva; & ita  
non sit realitas,  
sed realitatis  
conceptus. Ubi  
tamen est  
de intentione  
generis, quæ  
cum sit neces-  
sario unita  
quia perfectio  
est pariter  
necessario  
necesse esse  
aut possibile  
etc. Et hoc  
dicit Doct.  
ut q. 4. Quæ-  
stio ad illud n.  
18. cum ait,  
quicquid autem  
est aliquid ge-  
neris quomodocumque sit illius  
generis, est ne-  
cessario limita-  
tum; igitur ra-  
tio generis ne-  
quit abstrahere  
ab omni per-  
fectione, ut con-  
ceptus entia-

Poncius in  
Com. contra  
hanc rationem  
dat quantitatem  
de ente, quod  
ex se non est  
necesse esse,  
nec possibile  
esse. ita dicitur  
et de ge-  
neris intencio-  
ne. Verum,  
cui ens ab-  
strahit sit ab  
accid. ratione,



itaque substantiæ ut sic, idem est ac conceptus entis in se, & non in alio: quicunque conceptus prior est, & communior conceptui substantiæ, quatenus generalissimum est genus. Ad id quod additur ex Damasceno, respondet Magister 1. dist. 19. lit. O. Damascenum propter aliam similitudinem essentiali divinæ cum specie florum individuum, appellandam censuisse essentiali divinam, speciem, sed non propterea speciem esse, & concludit, Augustinus vero majorem videns dissimilitudinem, quoniam similitudinem inter res prædictas, ab excellentia Trinitatis prædicta nomina removit. Unde Porphyrii definitio: *Species dicitur, quæ prædicatur de pluribus in quid*, debet intelligi, speciem secundum naturam purificari in illis pluribus, de quibus prædicatur. At in Personis divinis non plurificatur natura, sed una, eademque indivisibilis in tribus reperitur.

Ceterum si inveniat, Damascenum aliquando dixisse, Deum esse in genere, non aliter id accipiendum est, ac juxta sensum; quem explicat in Elementario, cap. 8. substantia, inquit, quæ continet super substantialiter increatam Deitatem cognoscibiliter autem, & contentivè omnem creaturam, generalissimum est genus. Non vult igitur substantiam, quæ est generalissimum, continere Deitatem, sicut continet creaturam; sed super substantialiter. Id est, accipiendo illud, quod est perfecti et onis in substantia, quæ est genus; id autem est esse ens per se; & relinquendo quicquid est in ipsa imperfectionis, scilicet esse limitatum, subsistere accidentibus, & alia ejusmodi.

Ad confirmationem dicendum, primam mensuram intrinsecam generis substantiæ, esse substantiam aliquam, cui convenit unitas, & non primum motorem, sicut nec aliorum generum: non recipimus itaque Glossam Averrois; nisi intelligat, primum motorem esse mensuram extrinsecam, quo sensu ultro concedimus, immediatius esse mensuram substantiarum, quam accidentium, eo quod perfectiora entia sint: & magis subinde accedant ad perfectionem primæ causæ.

Ad Tertium dico sic: conceptus entis dictus de Deo, & de Creatura in quid utique contrahitur per alios conceptus dicentes qualem; sed ipse conceptus dictus in quid, non est conceptus generis; nec illi conceptus dicentes qualem, sunt conceptus differentiarum; quia iste conceptus quidativus est communis ad finitum, & infinitum, quæ communis non potest esse in conceptu generis, ut exitit declarationem in solutione. Isti etiam conceptus contrahentes dicunt modum intrinsecum ipsius contracti, & non aliquam realitatem perfectientem illud. Differentiæ autem non dicunt modum intrinsecum realitatis alicujus generis; quia in quocunque gradu intelligatur animalitas, non propter hoc invenitur rationalitas, & irrationalitas esse modus intrinsecus animalitatis, sed adhuc intelligitur animalitas in tali gradu ut perfectibilis à rationalitate, vel irrationalitate. Sed de hoc magis dicitur quæst. sequenti artic. 3. §. Ad tertium.

Qualia sunt ergo prædicata dicta de Deo formaliter; cum non sint prædicata generis, nec speciei? Dicimus; ea esse prædicata transcendentia: Nam ens prius dividitur in infinitum, & finitum, quam in decem Genera; alterum enim istorum, scilicet ipsum ens finitum est commune ad decem Genera; ergo quæcunque conveniunt enti ut indifferens ad finitum, & infinitum, vel ut est quid proprium enti infinito, conveniunt sibi, non ut determinatur ad Genus, sed ut prius; & per con-

sequens ut est transcendens, & extra omne Genus: quæcunque sunt communia Deo, & Creaturæ, conveniunt enti, ut est indifferens ad infinitum, & finitum: ut enim conveniunt Deo, infinita sunt, ut creaturæ infunt, finita; ergo illa per prius conveniunt enti, quàm ens dividatur in decem Genera; ac subinde quodcumque tale prædicatum est transcendens.

Ad Quartum dicendum, Sapientiam, ut transfertur ad divinam, non esse speciem generis; nec secundum eam rationem transferri, sed dumtaxat secundum rationem Sapientiæ, ut est transcendens juxta statim dicta. Sapientia igitur in nobis videtur individuum Sapientiæ transcendens: est enim perfectio simpliciter: quia attribuitur Deo sub una, eademque ratione, demptis imperfectionibus; ac subinde habitus importantes perfectionem simpliciter: non videtur esse in genere Qualitatis, sed magis transcendere omne Genus.

Ad confirmationem ex Boetio, respondeo, nusquam in citato libello inveniri dictum ab eo, duo Genera manere in divinis. Dicit tamen, cap. 6. post enumerationem Prædicamentorum; *Hæc si quis in divinam prædicationem convertit, omnia mutantur, quæ mutari possunt: ad aliquid verò omnino non mutantur*. Et infra: *Essentia*, inquit, *continet unitatem, relationem multiplicatam*. Ex quibus accipitur, ipsum innuere voluisse, substantiam, & relationem manere in divinis. Sed expresse fatetur, nec substantiam, quæ est Genus, nec aliquid ejus ibi inveniri. Unde ait cum dicimus *Deus, substantiam significare videtur*: Sed eam tamen, quæ sit ultra substantiam: quo etiam sensu (ut retulimus supra) Damascenus appellat Deum substantiam continentem omnia super substantialiter. Intendit ergo Boetius, duos modos prædicandi esse in divinis, scilicet, prædicati relativi, & essentialis, quos modos Augustinus §. de Trinit. cap. 6. expressius vocat, *Ad se*, & *ad Aliud*: adeo ut omnia, quæ formaliter de Deo enunciari verè dicuntur, sub altero eorum continentur. Sed sub priori modo continentur multa prædicata, quæ habent similem modum prædicandi Qualitati, & Quantitati: & non tantum illa, quæ instar modi Prædicamenti substantiæ enunciantur: sub posteriori autem modo continentur omnia, quæ habent similem modum prædicandi quibuscumque relativis, sive sint relativa propria, sive communia.

## ARTICULUS VI.

Utrum in Deo sint aliqua accidentia.

Doct. dist. 8. q. 1. §. Tertia conclusio. De primo Principio, cap. 4. conclus. 10. §. Tertio ex hoc concluditur. S. Thom. 1. part. quæst. 3. artic. 6.

VIDENTUR accidentia esse in Deo, ut in subiecto. Nam quod uni est non substantia, nulli est substantia ex 1. Phys. Tex. c. 26. & inde: Sed Sapientia, (& alia id genus) in nobis est accidens; ergo in nullo est substantia, vel non accidens. Sapientia autem & in Deo, & in nobis est ejusdem rationis formalis: igitur & Deo accidit, sicut & nobis.

Præterea, Deus nunc producit hanc animam; igitur ea actio aut est eadem substantiæ ipsius, aut diversa: Si est aliud quid ab illius substantia: ergo est in ipso compositio accidentis, & subiecti: Si est eadem cum substantia primi Principii: igitur cum

Videnda con-  
siderationes  
Magistri. & Pa-  
triæ super  
Sapientiam  
de invocatione  
præ. & de  
& contractione  
entis. Et Ponit  
difficultatem con-  
trahentem doctrinam  
Magistri.

Videnda q. 1.  
Quodlibetalis.

Videndus etiam  
Magister de  
Invocatione  
entis. Et Ponit  
in Meta-  
physica, & Ly-  
ceus in Com-  
mentis.

Doct. 22. Me-  
taph. q. 15. in  
argumento primi  
capituli.



cum ipsius substantia fuerit ab æterno pariter ab æterno hanc animam dicendum est produxisse Hoc autem non conceditur; ergo videtur sibi aliquid accidens ex tempore advenire, eique subiecto inesse.

Præterea, Si Deus careret omni accidente, utique quia est prima omnium Causa; igitur quo magis entia ad ipsum accederent, eo magis accidentibus carere deberet: alioquin Primo non ex perfectione sui repugnaret compositioni ex subiecto, & accidente. Sed hoc est falsum, quia superiora, ut corpora cælestia non sunt minus quanta, ac sint inferiora; imò longè maiora; igitur ex ordine entium non possumus concludere, Deum omni accidente penitus carere.

CONTRA, Magister 1. dist. 8. cap. 4. *Sola*, inquit *divinitatis essentia propriè, ac verè simplex est, ubi nec partium, nec accidentium, nec quarumlibet formarum ulla est diversitas, sive variatio, vel multitudo*. Quod & probat, & declarat ex Augustino, 6. de *Trinit.* c. 6. Huc quoque respexit Boetius, cum de *Trinit.* cap. 1. dixit; *Forma simplex subiectum esse non potest*, nempe, accidentium.

RESPONDEO dicendum, in Deo esse non posse aliquid accidens à se realiter distinctum, ac subinde sibi repugnare omnem compositionem ex subiecto, & accidente. Etenim Deus expers omnino est omnis compositionis, quæ coalescit ex partibus essentialibus, & quantitativis, juxta dicta, articulo primo, & secundo præsentis quæstionis; igitur ea omnia accidentia, quæ sequuntur, ac inhærent ratione earum compositionum, necessario Deo repugnant; sicuti & sibi repugnat componi ex materia, & forma, aut habere ullam magnitudinem materialem. Sed nec est capax ullius accidentis immaterialis; Nam si sibi ea accidentia inessent, quæ conveniunt spiritibus, maxime forent intellectus, & volitio, & habitus illis potentiis correspondentes. Hæc omnia non sunt accidentia in Deo, sed magis ipsius substantia, ut declarabitur infra, q. 14. art. 4.; igitur cum Deo omnia accidentia sint impossibilia, profecto nulla esse potest in eo compositio ex subiecto, & accidentibus.

Deinde probatur ex ratione infinitatis, (quæ ratio, etiam tacta fuit supra articulo primo) siquidem omne perfectibile caret, secundum se, entitate suæ perfectionis, alioquin non intelligeretur in potentia ad ipsam, igitur perfectio additur perfectibili carenti illa perfectione, totum igitur est aliquid perfectius alterutro unitorum. Infinito autem nihil deest, aut deesse potest perfectionis, nequit ergo sibi fieri aliqua additio, undè perfectio inest sibi, quia carere intelligebatur, quia alias infinitum non extitisset: & infinito aliquid esset majus, impossibile est ergo in Deo esse compositionem ex subiecto, & accidente ab ipso realiter distincto.

Postremo, omne accidens realiter distinctum à subiecto vel est causatum ex principiis essentialibus subiecti ipsius, vel ab aliquo extrinseco: in Primo autem Principio nihil potest esse causatum, cum sit causa prima, est ergo perfectissimè simplex & omnino abolutus à qualibet compositione. Et profecto quippiam imaginari Deo inhære, realiter ab illo distinctum, & ab se causatum, videtur fictio exorbitans à communi sensu Theologorum, & Patrum; & abusus vocum, quibus admittitur in Deo & mutatio, & compositio citra imperfectionem; cum nusquam tale quid inveniri, aut concipi possit, sine fictione, in qua sentitur de Deo minus dignè, & affirmatur de ipso, quod omnes Sancti negant.

AD ARGUMENTA. Ad primum respondeo, negando Sapientiam in Deo esse accidens. Et cum probatur, quia in nobis est accidens, & secundum eandem rationem convenit Deo; dicendum (prout & dictum fuit, *Ad quantum, articulo præcedenti*) non transferri Sapientiam, & alia id genus ad Deum, quatenus est accidens, & qualitas, sed secundum quod est perfectio simpliciter, & ratio quædam transcendens, & abstrahens subinde à rationibus accidentis, & qualitatibus. Quamvis ergo Sapientia in nobis, & in Deo univocè conveniant in conceptu transcendenti; in realitate tamen nedom sunt alterius, & alterius rationis, sed omnino primo diversa, nam altera finita, altera infinita est.

Ad Secundum dicendum, esse quidem quædam nomina dicta de Deo principaliter, quæ significant habitum ejus ad creaturas, & substantiam ipsius indirectè, sicut *Dominus*: Et quædam nomina principaliter significant directè ejus substantiam, & ex consequenti indirectè habitudinem, sicut *Creator, produciens, motor*, & hujusmodi; & ideo tam hæc nomina, quam illa haud cum veritate dici de Primo Principio ab æterno, propter habitudinem, quam important, live directè, live indirectè. Cum igitur Deus creat animam, *creatio* activè significat *esse* ipsius substantiæ, vel essentiæ. Verùm quia *creatio* præterea importat habitudinem terminatam ad ens productum ex nihilo, nequit enunciarì de Creatore ab æterno, quia non semper terminabatur actio ad creaturam, sed duntaxat in tempore; & propterea *Creatorem esse*, dicitur de Deo tantum in tempore. Sed de nominibus, quæ dicuntur de Deo ex tempore, *infra* q. 13. art. 7.

Ad Tertium respondeo, ex ordine essentiali rectè ostendi existentiam Primi Principii, ut ex *quæstione præcedenti* patet. Porro ostensa Causæ primæ existentia, una ostenditur, oportere esse incausatam, alioquin non foret prima. Cum autem datum fuerit esse incausatam, evidenter sequitur, oportere esse ens necessarium, quia à se, & non ab alio. Ex hoc autem quod est à se, subinde, & infinita erit; quia cuncta finita ab alio accipiunt *esse*, à quo determinantur ad tantam, & tantam perfectionem. Ex infinitate autem evidenter concluditur, Primum esse incapax omnis accidentis; quia si sibi non repugnaret perfectionem aliquam ab alio ab se distincto realiter accipere, profecto non esset infinitum.

## ITERUM ARTICULUS VI.

Utrum in Deo sint aliqua accidentia.

Doct. 1. dist. 30. q. 2. in *Report. ibidem*, q. unica. S. Thom. 1. p. q. 3. art. 6.

VIDENTUR in Deo esse aliqua accidentia, saltem relativa. Etenim Deus ex sui natura absque ulla intellectus consideratione est omnipotens, ac omnisciens: omnipotentia enim, & vis comprehensiva omnium sunt perfectiones simpliciter; ac proinde in Deo ex natura rei reperiuntur formaliter infinite, juxta Anselmi doctrinam *Monologii* cap. 15. Sed hæc perfectiones essentialiter involvunt respectum potentiæ, & scibilitatis ad creaturas possibiles, & scibiles; ergo in Deo sunt accidentia relativa.

Præterea, Deus ab æterno voluit omne creaturam esse pro eo tempore, quo unumquodque *esse* accipit: Sed istud velle divinum includit relationem

1. dist. 8. q. 2. S. Augustinus de *Trinitate* N. Augustinus.

12. Metaph. q. 1. c. 5. Ad quintum.

Quodlib. 4. c. 6. Ad primum, principale. V. Sed nunquid intensivè.

Theorem. 16. Boncomp. 15.

Prolog. q. 2. in prim. principali.

Contra hanc virescentem Boncomp. in *Compendio* q. 1. c. 5. dist. 8. Prim. c. 1. 39. recitatus Cajetanum.

De Primo Principio c. 4. cit.

Quodlib. 4. c. 5. S. De primo.

Doct. 12. Metaph. q. 15. in *solutione*.

Mayron. 1. dist. 30. q. 2.



nem ad creaturam volitam; nec tamen rati nis: Probatio: per prius voluit Deus futuriorē creaturā, ac intellexerit se velle eam; Non enim quia scivit creaturam, ideo voluit eam, sed quia voluit eam, ideo scivit se velle eam; ergo ea relatio æterna voluntatis Dei ad creaturam, est realis, quia non est in voluntate per alium alicujus intellectus comparantis eam ad aliquid.

Præterea, Relationes fundatæ super quantitatem, sunt relationes reales, ex 4. *Metaphys.* 7. ex. c. 10.: ergo inæqualitas Dei ad creaturam fundata super quantitatem virtutis in Deo, scilicet, super infinitatem magnitudinis ejus, & super magnitudinem finitæ creaturæ, est relatio realis, necessarius consequens Deitatem: Sicut enim magnitudo in creatura fundat realem relationem ad aliud ens creatum; & magnitudo item in divinis, est radix æqualitatis Personarum, ita cum comparantur ad invicem finita, & infinita, videntur esse extrema relationis realis inæqualitatis.

Præterea, Relationes secundi modi relativorum, quæ nimirum fundantur super actionem, & passionem, sunt relationes reales, seu sint à causa naturali, seu libera, & mutue, per quam conditionem distinguuntur duo modi priores à tertio, secundum Philosophum 5. *Metaphys.* cap. de Aliquid: Sed ejusmodi videntur relationes Dei ad creaturas, in quantum Deus est causa creaturarum, igitur sunt in Deo accidentia relativa.

Præterea, Sicuti forma est in aliquo, ita & denominat illud, quod afficit, ergo nisi sit aliqua relatio in Deo ad creaturam realiter, Deus non est realiter Creator creaturæ. Id verò est maxime absurdum, ergo, ut est Creator, ita & ad creaturam refertur.

CONTRA, Relatio realis est ad terminum, secundum esse ejus reale. Sed terminus necessarius existit ad relationem realem; ergo si Deus referretur realiter ad creaturam, hæc secundum esse reale ipsius fuisset æterna, ergo nulla esse potest Dei ad creaturam relatio realis.

RESPONDEO dicendum, in Deo nullatenus reperiri posse aliquid accidens respectivum reale ad creaturas. Et declaratio hujus est accipienda ex hæcenus dictis de perfectissima Dei simplicitate, propter quam, ut omnis compositio sibi repugnat, ita nihil est in eo, quod non sit ipsum, dicente Augustino 11. de Civit. cap. 10. *Deus simplex est, quia hoc est quod habet*; & ex pari ejusdem necessitate, à qua Deus est tale ex se, ut simpliciter impossibile sit, subire quamlibet variationem, aut mutationem, vel mutabilitatem, quacunque hypothefi data, etiam impossibili, circa quodcumque aliud à se. Nam alia quæcumque, vel sunt essentialiter contingentia, ut existentia in esse reali, vel necessaria secundario, vel necessitate participata à Primo, quod est à se, & ex se necessario. Ex hypothefi ergo impossibili, quod tale necessarium secundarium designaret esse, profecto & deficere oporteret esse illius, quod necessario coexigeret necessarium participatum. Relatio autem realis de necessitate coexistit ad suum esse, terminum, ad quem est ipsa relatio, & deficiente termino, & relatio desinat oportet: igitur aliquid, quod perfectè esset idem Deo, esse definiret, aliquo alio, quod non foret ex se necessarium, non existente. Dei igitur esse necessarium non perinde se haberet, quacunque suppositione facta, circa alia à se, etiam impossibili: videtur autem notum de se intellectui, omnino repugnare, necessarium simpliciter, à se, & ex se incausatum,

secundum aliquid, ut, paris subinde necessitatis, posse, non esse, eo quod amplius non sit aliud à se, per infinitam subinde distantiam minus se necessarium. Quoniam ergo Primum Principium est simpliciter necesse esse, & immutabile, & omnimodè simplicitatis; ideo sibi repugnat referri relatione reali ad aliud extra se; quia tunc ex minus impossibili, sicuti est, non esse necessarii participati, sequeretur impossibilius, uti est defectus summè necessarii. Et quia de facto tantæ necessitati est impossibilis nedum variatio, & mutatio, sed etiam mutabilitas; sicuti ex simplicitate repugnat ei componibilitas; ideo impossibile est, posse deficere per defectum minus necessarii: ac proinde pariter repugnat sibi ad illud reali relatione referri; quia ex hoc non esset penitus immutabilis; idest, non perinde sibi repugnaret immutabilitas, sicuti est necessarium: de qua re iterato infra qu. 9. redibit sermo, & q. 19. artic. 3. Neque instantia de esse possibili creaturarum, quod videtur necessarium, quidquam contra hanc declarationem procedit; quia illud esse possibile, non est ex se necessarium in tali esse, sicuti Deus est ex se actus necessarius; sunt ergo illæ quiditates necessariae per participationem necessarii simpliciter; quatenus divinus intellectus, comprehendens objectum infinitum, dat illis primum esse intelligibile, & possibile. Stat ergo necessarium ex se habere mutationem subiturum, secundum aliquid perfectè sibi idem, quacunque positione possibili, vel impossibili facta circa aliud à se; ac proinde deficientibus omnibus creaturis, in quocunque tandem esse considerentur, non exinde sequitur, esse deficiturum aliquid necessarium ex se; quia, ut dictum est, tunc ex minus impossibili sequeretur impossibilitas.

AD ARGUMENTA. Ad primum, neganda est minor, propter statim dicta; quia si per impossibile creaturæ omnes implicarent, non propterea non adesset Deo omnis perfectio, quam habet, stante earundem possibilitate naturarum. Itaque omnipotentia, & omniscientia possunt considerari, & fundamentaliter, & formaliter: Primo modo sunt ipsæmet perfectiones divinæ sub ratione absoluta. Secundo modo involvunt respectus rationis ad creaturas; qui solus respectus deperiret implicantibus creaturis; & supersessent illæ rationes fundamentales absolutæ omnipotentiae, & omniscientiae divinæ: Sicuti de facto Deus nequit chymeram producere, non quia desit sibi aliqua vis productiva, sed quoniam chymera nulla est potentia passiva, ut producat. Si igitur perinde omnis creatura repugnaret, non ob id Deus non esset omnipotens quoad omnem perfectionem sui absolutam; quæ quæcumque sit necessitatis, impossibile est involvere respectum realem transcendentalem ad minus necessarium; ut extitit declaratum.

Et per idem ad Secundum. Videndus tamen art. primus q. 9.

Ad Tertium est eadem responsio; quia etsi creaturæ essentia finita sit realiter inæqualis essentiae infinitæ, & etiam, ut inter se quanta finita comparantur, fundant respectum realem, propterea quod ordo à quo est unitas universi, potest attendi inter ea quanta. At alia est ratio Deitatis, ut comparatur ad creaturas, ut dictum fuit. Veruntamen inter divinas Personas est realis similitudo; quia stat cum simplicitate, & necessitate relati in se; cum utrumque extremum sit paris simplicitatis, & necessitatis; que non supersessent in Deo, si realiter referretur ad quantitatem finitam.

Ad

1. dist. 30. q. 2.  
5. Ad secundum  
quod 1. & tunc  
ad duos.

Quodlib. q. 8.  
8. Ad 1. & 2.  
Ad secundum.

1. dist. 35.

1. dist. 43.

Videndum est  
quod 1. & tunc  
ad duos.

Contra hoc dicit  
Aurum sentit  
Mayron 1. dist.  
30. q. 2.



Ad Quartum respondeo, Philosophum non dicere relationes secundi modi esse reales, sed vel le tantum esse mutuas, per quod duos primos modos à tertio distinguit: & in casu potest salvari Philosophus per respectum rationis in altero extremo. Sed quicquid sit de dicto Philosophi, propositio non est universaliter vera, sed deficit, quum agens est ex se necessarium, & perfecte simplex, & comparatur ad minus necessarium, & compositum, vel componibile. Cæterum in creatis est vera; quia quæcunque possunt esse partes alieius totius, sunt possibilia ad formam illius totius, eo modo, quo illud est unum, seu unitate per se, seu unum unitate ordinis. Quapropter Aristoteles 5. *Metaphys. Text. 34. & 30.* vult partes se habere, ut materiam respectu totius. Cunctis autem creatis a natura sunt esse partes totius universi, cum sit unum unitate ordinis, ex 12. *Metaphys. Text. 52.* & ideo quodlibet illorum est potentiale ad istam formam, quæ estordo: ut nempe habeamus unum ad aliam partem, vel secundum eminentiam, quæ est in naturis diversis in universo: vel secundum æqualitatem, quia ordo est paritatem, & partemque rerum dispositio, juxta Augustinum, 19. de Civit. c. 13., vel secundum actionem, & passionem; sive secundum causalitatem; & ideo quodcunque agens creatum produciens effectum, ita potentiale est, quia ad ipsum, & ad effectum productum potest consequi ordo inter ea: non sic inter agens illimitatum, & ejus effectum; quia illud agens non est potentiale, nec ad formam absolutam, nec ad relationem, propter ejus infinitatem.

Ad Quintum dicendum sic, non realiter vel determinat totam compositionem, vel propositionem, ut idem sit, *realiter* est, ac verè est: aut illud fincarhegorema determinat ipsam prædicationem. Primo modo, Deus est realiter, id est, verè creator, & Dominus: Sed secundum aliam acceptionem, est neganda; quia non est Deus creatos per aliquam formam realem, de novo sibi advenientem, sed duntaxat per terminationem relationis realis creaturæ ad ipsum: de quo infra quæst. 13. artic. 7.

## ARTICULUS VII.

Utrum Deus sit omnino simplex.

Doct. 1. dist. 5. art. 3. cap. 4. de Primo Principio. S. Thom. 1. p. q. 3. artic. 7.

VIDETUR omnimoda simplicitas haud esse Deo attribuenda. E enim simplicitas non est omnimoda perfectionis; ergo non est ponenda in Deo, ut essentiale. Probatio antecedens; Si simplicitas foret perfectio simpliciter; igitur quælibet res habens simplicitatem, esset simpliciter perfectior non habentibus illam: Hoc autem est manifestè falsum; quia materia prima, quanto est homine simplicior, tanto est illo imperfectior; oppositum autem foret a statuendam, si simplicitas esset in Deo perfectio.

Præterea, Illud quod est optimum attribuendum est Primo Principio: Sed composita apud nos meliora sunt simplicibus; & compositiora sunt minus compositis perfectiora; ergo Primo Principio potius est attribuenda perfectissima compositio, non vero simplicitas.

Præterea, Secundum Anselmum in *Metaphys. cap. 15.* De ratione simpliciter perfectionis, est ut sit melior ipsa, quam non ipsa in unoquoque; ergo

si oporteret Deo attribui maximam simplicitatem, veluti quid simpliciter perfectionis; ejusmodi simplicitas esset melior ipsa, quam non ipsa in unoquoque. Id vero est manifestè falsum; quia si simplicitas nec inesset homini, profecto ipsius naturam destrueret.

CONTRA, Augustinus 6. de Trinit. cap. 6. Deus verè, & summè simplex est.

RESPONDEO dicendum, Deum esse maximè simplicem, id est, omnis prorsus compositionis expertem, & etiam componibilitatis, (ut articulo sequenti declarabitur) tanquam actum purissimum, & ens summè necessarium. Et declaratio hujus ex hæcenus dictis est evidens: Nam omnis compositio, aut est partium quantitativarum, aut materiæ, & formæ: aut generis, & differentiæ: aut esse, & essentia: aut suppositi, & naturæ: aut accidentis, & subjecti: Sed nulla harum compositionum potest poni in primo Principio; ostensum est enim in antecedentibus renuere omnino illi compositionem ex partibus quantitativis, ut ex materia, & forma. Nec esse item compositum ex genere, & differentia: nec ex esse & essentia, cum in ipsius essentia necessario claudatur esse. Ac idem esse Deum, ac suam essentiam, vel naturam, nec eas quod quod possit aliud esse ab eo cuius est. Et denique nullam accedens realiter distinctam in illo reperiri posse. Est ergo omnino, & maximè simplex, veluti actus purissimus, & infinitus, cum nullo componibilis, nec alterius indigens perfectionis. Multa insuper de eo, quod est a se, necesse esse, & infinitum, prædicta articulo primo ut omnino arcant à Deo quælibet compositionem, ita evincunt maximam in ipsis simplicitatem.

Denique, si aliquam Deus admitteret compositionem, propter quam non esset perfectè summè simplex: igitur erit compositus aut ex finitis, aut ex infinitis: Si ex finitis; nullum tale est componibile; quia infinitum non est sic; nam sibi deesset alterius partis perfectio, & excederet à toto, quod ex utrisque coalesceret, & componentibus constaret. Si ex finitis componatur; ipsum sanè non erit infinitum; quia ex quibuslibet finitis non fit aliquo finitum in perfectione.

Ad ARGUMENTA. Ad primum, concedo, simplicitatem, quatenus excludit omnem compositionem, & componibilitatem, esse simpliciter perfectionis; at non propterea omnem creaturam simplicem esse perfectiorem non simplici, quia aliquid, quod est simpliciter perfectionis potest repugnare alicui naturæ limitate, & sic haud foret talis natura perfecta, si prædicta esset eo, quod sibi repugnat. Exemplum: Canis haud esset perfectus in sua natura, si sapiens foret; cum Sapiencia repugnet naturæ irrationali. Uterius, alicui naturæ limitatæ potest repugnare aliqua perfectio simpliciter, & aliqua non repugnare: Exinde tamen non sequitur, eam naturam, cui talis perfectio non repugnat, esse perfectiorem illa, cui repugnat; præsertim quando illi, cui ista perfectio repugnat, alia perfectio simpliciter inest, quæ fortè est simpliciter perfectior altera, quæ repugnat. Exemplum: actualitas est perfectio simpliciter, & simplicitas item est perfectio simpliciter: composito autem convenit major actualitas, licet non major simplicitas: materię vero licet conveniat simplicitas, non tamen tanta actualitas, quanta competit composito. Simpliciter autem actualitas est perfectior simplicitate; & subinde simpliciter perfectior potest esse illa, cui convenit actualitas sine simplicitate, quam illa cui convenit simplicitas sine actualitate.

12. Metaph. 4  
13. in scientiam

12. Metaph. 4  
13. in scientiam



Ad Secundum dicendum, in his, quæ nata sunt componi, etque compositum melius esse partibus illud componentibus. Exinde tamen haud sequi, composita quæq; meliora, perfectioraque esse quomodocunque simplicia; cui scilicet repugnet quæcunque compositio, & componibilitas. Nam cum alia qualibet ab tali simplici esse accipiant, adeo ut in omnibus omnino sit saltem compositio participantis, & participati; & primum à se habeat totum esse, requit in ipso esse ulla compositio; ac proinde est omnium finis, & causa eminentissima, & simplicissima.

Ad Tertium, dico, Anselmi descriptionem debere sic intelligi: Melior ipsa, quam non ipsa; non tantum suo contradictorio: ita enim perfectio quodvis positivum est melius, & simpliciter perfectius sua negatione: imò nulla negatio est formaliter aliqua perfectio. Est igitur melior ipsa, quam non ipsa, nimirum, quocunque sibi impossibile. Porro cum ait, *in quocunque*; accipere oportet *quolibet* in quantum suppositum præcisè, non considerando, in quantum tandem natura illud suppositum subsistat; nam cum suppositum in hac natura subsistat, potest aliquid simpliciter perfectionis in se, non esse sibi melius, sed magis nature illius destructivum, ut exemplificatum fuit, *in responsione*. Ad primum, de Sapientia respectu nature rationalis; & nihilominus nulli supposito in quantum præcisè est ubi tens, Sapientia, & quævis alia perfectio simpliciter repugnat. Hoc igitur patet, considerata ratione suppositi, quod habet perfectionem simpliciter, erit simpliciter perfectius ens, quam si haberet quodcunque sibi impossibile.

#### ARTICULUS INCIDENS.

Utrum aliqua creatura sit simplex.

*De 1. d. 1. 8. q. 2. 1. Thom. 1. p. 9. 3. a. 1. c. 7.*  
6. Ad primum.

**V**IDETUR nulla creatura esse simplex, sed qualibet magis composita ex actu, & potentia. Etenim nulla creaturarum est pura potentia; quia tunc non existeret; nec purus actus; Nam purus actus est Deus; ergo quamlibet oportet compositam esse ex actu, & potentia.

Præterea, Omnis creatura est ens per participationem; igitur est composita ex participante, & participato; omnis itaque creatura componitur ex actu, & potentia, tanquam entitatibus inter se realiter distinctis.

Præterea, Augustinus 6. de Trinit. cap. 6. ex intentione probat, nullam creaturam esse simplicem; sed magis multiplicem, & compositam: & non tantum creaturam corporalem, sed etiam spiritualem, & incorpoream, unde ait: *Creatura quoque spiritualis, sicut est anima, est quidem in corporis comparatione simplex; sine comparatione autem corporis, multiplex est etiam ipsa, non simplex.* Hac illi.

CONTRA, Compositum componitur ex partibus, & illæ non ex aliis: ergo partes illæ in se sunt simplices.

RESPONDO, Aliqui dicere voluerunt, nullam creaturam esse simplicem, sed quamlibet compositam ex actu, & potentia, quod & rationibus jam allatis persuadere conantur. Verum contra hanc positionem est difficultas, quam statim inuimus. Nam si in qualibet creatura est adinvenire compositionem partium realiter distinctarum, unum quid componentium, accipio partes ipsas compo-

nentes, & quæ, sunt ne simplices, an compositæ ex actu, & potentia? Si simplices: igitur non qualibet res creatæ constat partibus realiter distinctis: Si compositæ perhibeantur: igitur dabitur processus in infinitum in rebus componentibus, & compositis.

Dicendum est ergo, aliquam creaturam esse simplicem, id est, non compositam ex rebus distinctis realiter: at nullam nihilominus creaturarum esse ita perfectè simplicem, quin aliquo modo composita sit, vel certè componibilis alteri, quod enti prorsus simplici omnino repugnare, & declaratum fuit in antecedentibus, & dicitur etiam articulo sequenti.

Qua igitur ratione nulla sit, aut esse possit creatura, quæ composita non sit, aut certè alteri componibilis, declaratur sic: Quoniam Deus est ens per essentiam, possidet in se omnem perfectionem entitatis: contra igitur, quia creatura omnis accipit ab altero entitatem, nequit habere plenitudinem perfectionis entis, sed eam duntaxat partem, quam ei agens impartitur: necessariò itaque caret aliqua perfectione, cujus foret capax, quatenus ens: (enti enim nulla perfectio repugnat, alioquin in infinitum in perfectione repugnaret) non verò, ut tale ens. Nam talæ, ut animal est, non repugnat visio, sed visionis est incapax, ut tale animal, ex 5. Metaph. cap. de privatione. Omne igitur aliud à Deo necessariò componitur non ex re, & re positivo, sed ex re positiva, & privatione, id est, ex entitate aliqua, quam habet, & carentia alicujus gradus perfectionis entitativæ, cujus foret capax, quatenus ens. Nec tamen ejusmodi compositio ex positivo, & privato, est in essentia rei: quia privatio non est de essentia alicujus positivi.

Adeam verò compositionem sequitur alia compositio, actus, scilicet, & potentiæ objectivæ. Omne enim, quod est ens, & caret aliqua perfectione entis, est simpliciter possibile: quia potest fieri actu existens, per actum agentis, trahentis illud de potentia objectiva ad existentie actum. Quod utique repugnat enti necessario, habenti plenitudinem perfectionis ex infinitate. Quemadmodum igitur creature cuilibet ex carentia perfectionis entitativæ convenit necessariò componi, atque constare positivo, & privatione: ita pariter quamlibet oportet, & compositam esse ex potentia objectiva, & actu entitativo: propter carentiam entitativæ perfectionis, ob quam quæcunque (ut dictum fuit) est ens finitum, & possibile.

Deinde, qualibet creatura est alteri componibilis: quod constat in primis de accidentibus quibuscunque, quæ comparantur cum suis respectivè subiectis. Rursus, id evidens est in substantiis, & præsertim in materia, & forma, ex quarum concursu, & compositione exurgunt, constanque composita quæque. Substantia insuper quæcunque per se generabilis, & corruptibilis, receptiva est accidentium, ac componibilis illis. Nulla igitur substantia existimanda esset non receptiva accidentium, nisi ob perfectionem sui. Sed perfectissima intelligentia est receptiva accidentium, quia capax est suæ intellectiōis & volitionis, quæ non sunt substantiæ ejus. Probatio: nam nisi essent accidentia, identificarentur substantiæ intelligentiæ perfectissime: id verò non esse probabile, constat ex eo, quia tunc esset naturaliter beata: cum naturæ intellectuales beatitudo consistat in intellectiōe, & volitione. Sequeretur etiam, cum ipsa possit intelligere infinita, quia omne intelligibile, si ejus intellectio esset eadem ac sua essentia,

Qualibet creatura est multipliciter composita.







& multiplicaretur juxta multitudinem eorum, in quorum compositionem veniunt; sicuti etiam multiplicatur ex actibus; vel sicuti numeratur natura in individuis, in quibus est, propterea quod non sit de se individua, sed sit talis per aliquid, quod non est inclusum in sua essentia.

AD ARGUMENTA. Ad primum respondeo, materiam esse totius naturæ fundamentum, eo quod omnia innitantur illi, quæ in omnium veniunt compositionem, ut potentia prima in genere passivorum. At primum omnium principium sustentare omnia in genere potentie activæ dantis esse, & conservantis, per influxum sequentem suum esse abstrahendum, & illimitatum in genere entis. Et ideo, cum omnia non innitantur illi, sed magis ipsa efficiat, ut sint; non venit in compositionem illorum: imò venire impossibile est; cum actus sit nulli potentie passivæ permixtus; materia vero naturæ sit fulcrum in ratione potentie passivæ.

Ad Secundum respondeo, dictum illud Philosophi esse accipiendum per metaphoram; Cum enim in dicto: *ibidem* dicitur, Deum esse ipsam vitam, opt mam, & sempiternam; profecto non vult Deum esse animal; quia de nullo animali id potest cum veritate dici. Quoniam igitur nihil vivit

apud nos vita intellectiva, nisi animal (rationale) hincquidem arbitrati sunt. Primum Principium appellandum esse animal: Sed planè in animali aliud est principium vitæ, nempe anima; aliud est quod vivit; quæ conceptibiles rationes locum minime habere possunt in Primo Principio.

Ad Tertium respondeo, cum ait Philosophus, primum Movers esse in circumferentia, non vult esse ibi secundum determinationem suæ substantiæ sed potius secundum amplitudinem suæ virtutis. Et ita pariter cum dicitur, primum esse in Oriente, est intelligendum. Nam non est in Oriente, quasi ibi ejus substantia sit determinatè affixa, sed propter ampliorem, & efficaciorum influentiam, attribuitur ei locus, unde incipit motus.

Ad Quartum dicendum, ideo Deum non posse in compositionem alicujus venire, quia est actus purus, omnem, idest, infinitam complectens perfectionem; Exinde enim sibi repugnat ratio partis quam rationem essentialiter præferret quicquid in alterius cadit compositionem: Sed nec ab omni prorsus dependentia foret immunis, si alteri daret esse per motum actus, ut declaratum est articulo secundo. Ad primum.

12. Metaph. c. 9. Ad primum.

## QUÆSTIO QUARTA DE DEI PERFECTIÖNE.

### IN TRES ARTICULOS DIVISA.

*Post considerationem divinæ simplicitatis, de perfectione ipsius Dei dicendum est. Et quia unumquodque, secundum quod perfectum est, sic dicitur bonum. Primo, agendum est de perfectione divinæ; Secundo, de ejus bonitate.*

### CIRCA PRIMUM QUÆRUNTUR TRIA.

- I. Utrum Deus sit perfectus,
- II. Utrum Deus sit universaliter perfectus, omnium in se perfectiones habens.
- III. Utrum creaturæ similes Deo dici possint,

#### ARTICULUS I.

Utrum Deus sit perfectus.

Doct. 12. Metaphys. q. 12. S. Thom. 1. p. q. 4. art. 1.



VIDETUR Primum Principium, quod est Deus Altissimus, haud esse perfectum. Nam quod non est factum non est perfectum. Primum autem Principium non est factum imò si factum esset, primitas in ratione principii nisi competere non posset ergo; neque perfectum dici, aut esse potest.

Præterea, Principia rerum, apud nos, sunt imperfecta, ut semina plantarum, & animalium; Sed in cognitionem separatarum substantiarum non devenimus, nisi per cognitionem sensibilem; igitur videtur Primum omnium Principium perfectum appellari non posse.

Præterea, Primum Principium est ipsum esse, juxta dicta, artic. 3. & 4. quæst. præcedentis. Sed ipsum esse videtur longe imperfectissimum, cum tot additiones recipiat, quot sunt entia particularia, de quibus ens prædicatur. Nam naturæ illæ,

seu perfectiones particulares additæ sunt ad esse; ergo Primum Principium non habet completam perfectionem.

CONTRA, Matthei 5. *Estote perfecti* inquit Salvator; sicut & Puer vester caelestis perfectus est, ergo quemadmodum jubet Dominus nos esse perfectos perfectione nobis competente; ita asserit; Deum esse perfectum perfectione sibi naturali; est igitur Deus perfectus.

RESPONDEO, referente Aristotele 12. Metaph. Tex. c. 40. Speusippus, ac Pythagorici existimabant optimum, & nobilissimum non esse in Primo Principio: propterea quod considerantes rerum naturalium principia, ac animadvertentes, materiam primam corruptibilem, & generabilem principium esse maxime in potentia, ac subinde entium longe imperfectissimum, putaverunt idem evenire, ac dicendum de Primo omnium Principio: Quod error per Philosophiam facili negotio refellitur; Nam nefas est, putare Primum omnium Principium esse materiale: imò est efficiens: quas causas in unum coincidere, impossibile est, de communi Sententia. Sicuti ergo oportet: materiam esse in potentia, ita de efficientis causæ ratione est actualitas, vel elongatio à materiæ potentialitate, adeo ut quo perfectius efficiens, eo magis in actu sit; quia in plures se extendens effectus: cum igitur à Primo omnium Principio rerum

1. dist. 5. q. 14. Ibid. secundum.

1. dist. 3. c. 4. S. Ad oppositum.



is. *Metaph.* 7.  
638

rum universitas pendeat, oportet ipsum esse maximè in actû; tale autem est maximè perfectum: igitur in Primo Principio est optimum, & nobilissimum: quod illi perperam negandum esse opinantur.

Deinde, ex dictis *qu. 2. art. 3.* Primo Principio inest triplex primitas: in genere nimirum causæ efficientis finalis, & eminentis: & nedam ea triplex sibi convenit primitas, sed etiam impossibile est alteri convenire, cum omnis ea primitas, tum una, vel altera ex ipsis. Si ergo perfectum est, cui nihil deest, sive extra quod non est ullam accipere particulam, 5. *Metaphys.* cap. de Perfecto vel, *cujus nihil est extra, id est perfectum*; & totum, *Phys. Text. c. 63.* Primum Principium longè perfectissimum esse oportet. Nam ut Primum effectivum est actualissimum, quia virtualiter continet omnes actualitates possibiles: ita tanquam Finis primus, & optimus virtualiter possidet omnem bonitatem possibilem: quatenus denique Primum eminens, eminetur completitur omnem perfectionem possibilem. Cum igitur quicquid est intelligibilis, & possibilis perfectionis, uniatur in Primo, in gradu eminentissimo, & cumulatissimo, & inseparabiliter, acout extra ipsum nihil sit, aut esse queat simile, vel par, omnem possibilem perfectionem, & nobilitatem, & excellentiam esse in illo, necessarium est.

Ad ARGUMENTA. Ad primum respondeo sic: utique de Primo Principio propriè dici non potest quod sit perfectum: Nam perfectum illud propriè dicitur, quod per factionem, de potentia trahitur ad actum: quæ nullo modo, locum habent in Deo: & ideo ab Avicenna 8. *Metaphys.* cap. 6. necesse esse appellatur, non perfectum: id *plusquam perfectum*. Tamen quia rei habenti actum, qualitercunque illum possideat, attribuiamus intentionem perfecti: hac ratione actus purus appellandus est perfectissimus.

Ad Secundum dicendum, semina haud esse Prima Principia: semen enim dependet ab aliquo priori perfecto: deciditur enim vel ex animalibus, vel ex plantis. Non est ergo mirum, ejusmodi semina haud esse perfecta, cum non sint principia prima naturalium: At primo omnium Principio nihil est prius: ideo ut est actualissimum, & nobilissimum, ita & perfectissimum.

Ad Tertium patet ex dictis, *art. 3. & 4. quæst. præcedent.* Nam quia esse, quod est Primum Principium, nullam recipere potest additionem, cum perinde sit universalissimum, ac singularissimum: ideo incapax est omnis multiplicationis, ratione perfectionis ejus esse: id enim est esse per essentiam, complectens omne id, quod est possibilis perfectionis. Quare in argumento neganda est hypothesis falsa; esse enim, quod recipit additiones, non est ipsum esse per essentiam.

## ARTICULUS II.

Utrum in Deo sint perfectiones omnium rerum.

*Dof. 1. dist. 8. q. 4. §. Ad quæstionem V. Nota pro dicto Damasc. Addit. S. Thom. 1. par. quæst. 4. artic. 2.*

**V**IDETUR omnium rerum perfectiones haud in Deo reperiri. Etenim juxta dicta *quæst. 3. art. 3.* Quidquid in Deo continetur, est ipsum esse abstractum, & universalissimum, & maximè unum: Sed in conceptu ejusmodi essentiae non involvitur vitæ conceptus: qui nihilominus videtur

omnium nobilissimus; ergo in Deo non reperiuntur perfectiones omnium rerum. Minor probatur: quia vitæ conceptus addit supra in *esse*; alioquin nihil eorum, quæ sunt, esset non vitæ; ergo vitæ, vel viventis ratio non convenit Deo.

Præterea, Cum Deo attribuuntur in Scriptura potentiae, & organa viventium, ut oculi, aures & ejusmodi, in confesso est apud omnes, id per metaphoram dici; non secus ac cum Christus appellatur, *leo, petra, lapis*, & alia id genus. Sed si in Deo omnium rerum continerentur perfectiones, ea non essent censenda dici per metaphoram, seu figuratè: verè etenim Deo propriè convenirent, cum sint rerum viventium præcipuæ perfectiones; ergo non quidquid in creaturis est perfectionis, debet attribui Deo.

Præterea, Si Deo rerum omnium perfectiones attribuendæ forent, maximè propter ordinem essentialem; quo omnia ordinantur ad Primum Principium: Sed propter talem ordinem non urgemur id affirmare: quod & probatur: nam etsi bos vivat, sol tamen non vivit: quamvis sit causa superior, & universalior viventibus inferioribus; habent igitur superiores causæ superiores, & altiores perfectiones, ac sint in rebus factis; ergo & Primo Principio potiori jure attribuere oportet non rerum creaturarum perfectiones, sed alias omnibus creatis perfectionibus altiores, & sublimiores.

CONTRA, Primum Principium est causa omnium; ab eo enim cælum, & natura dependet, 12. *Metaphys.* *Text. c. 38.* quicquid igitur entitatis, & perfectionis est in rebus omnibus, ab Primo est; si uti quæ sunt calida per participationem, à primo calido sunt, & quæ sunt vera, à primo vero, 2. *Metaphys.* *Text. c. 1.* Nihil autem potest reperiri in effectu, quin in causa præhabeatur, vel secundum formalem entitatem, vel in ejus virtute: igitur omnes perfectiones, quæ sunt in rebus omnibus, necesse est præhaberi in Primo omnium Principio.

RESPONDEO dicendum, perfectiones omnium rerum omnino esse, & reperiri in Deo, veluti in Primo Principio rerum universalitatis; Sed diversimodè, pro diversitate nimirum earumdem perfectionum, quæ sunt alterius, & alterius rationis. Aliæ enim propterea quod ipsis non repugnet infinita perfectio, simpliciter perfectiones rectè appellantur. Aliæ vero contra, quoniam oportet limitatas esse, & gradum determinatum excedere non possunt, secundum quid, seu diminutæ perfectiones aptè dicuntur. Prioris generis perfectiones sunt in Deo formaliter; posterioris verò non nisi virtualiter (ut effectus scilicet in causa æquivoca) in Principio reperiuntur.

Porrò, rationem perfectionis simpliciter tradens Anselm. *Monol. cap. 15.* ait eam esse, *quæ est melior ipsa, quam non ipsa in unoquoque*; id est, melior ipsa, quam non ipsa, non prout contradictorium excluditur; quia tunc omne positivum, tanquam melius sui negatione, foret perfectio simpliciter; sed non ipsa, nempe omni eo, quod est ei impossibile; ut dictum fuit, *quæst. præcedenti; artic. 7. Ad tertium.* Rursus *in unoquoque*, accipiendum est pro quolibet supposito in se, non vero ut subsistit in hac, aut illa natura.

Hanc igitur omnem perfectionem simpliciter esse & reperiri formaliter in Primo omnium Principio, probatur sic: Infinito nihil d. est entitatis, eo modo, quo possibile est, omnia haberi in uno: Sed omnem perfectionem simpliciter possibile est reali-

4. dist. 2. q. 1.

Theorem. 14.  
conclus. prima.

Dof. 12. Metaphys. q. 11.

Quodlib. q. 1.  
De primo & 1.  
dist. 8. q. 3.

1. dist. 8. q. 4.  
§. 1. contra istam  
p. sectionem.

Quodlib. q. 1. & 6.  
De secundis  
memb.

Quodlib. q. 4. §. 5.  
De secundis.

Videandas May-  
ron 11.



dist. 35. art. 10.

realiter, & per identitatem haberi in uno summè perfecto: ergo Deus, qui est infinitus, habet in se realiter, & unitivè omnem perfectionem simpliciter: alioquin aliquid perfectionis sibi desset, quod est impossibile. Quod vero possibile sit, omnem perfectionem simpliciter, per identitatem haberi in summè perfecto, probatur: Nam si non omnis, & quilibet perfectio simpliciter reperiretur per identitatem in summo perfecto: id sanè eveniret, propterea quod aliqua esset cæteris incompossibilis, atque ideo oporteret ea carere summè perfectum. Sed nulla perfectio simpliciter est alteri incompossibilis: Ex eo enim quod perfectio hæc sit melior ipsa, quam sum incompossibile, in unoquoque supposito: si una foret alteri perfectioni incompossibilis, perfectio erit melior illa: & consimiliter altera esset isti incompossibilis, & ita melior: talis autem circularis est impossibilis, quia tunc idem esset se ipso imperfectius. Oportet igitur omnem, & quamlibet ejusmodi perfectionem (cui nempe de se infinitas non renuat, ac proinde nullam imperfectionem formaliter, & per se includit) esse formaliter in Deo: quia esse formale infinitum est omnium excellentissimum, & nobilissimum. At ipsum reale, & formale, quod est in Deo, cum sit prima ratio essendi simpliciter, rationabiliter à Sanctis vocatur *essentia*: Unde Augustinus 7. de Trinit. cap. 4. *Ab eo, inquit, quod est esse, appellatur essentia, propter quod Deus ipse; cui propriissimè, & verissimè convenit esse, verissimè dicitur essentia*. Hanc igitur essentiam concipiendo unitativè infinitam, intelligimus formaliter, & cumulatissimè habere, & possidere omnem, & quamlibet perfectionem, quæ pariter potest esse in suo genere, & ordine infinita: alioquin haud completè perfectæ intelligeretur: ut dictum est.

Atque exinde perspicue constat, in ipso reperi haud posse formaliter, & identicè reliquas perfectiones diminutas, quæ dicuntur perfectiones secundum quid. Nam ex eo quod repugnet ipsis infinitas: (nemo enim dixerit infinitum hominem, infinitum lapidem, infinitam quantitatē, & ejusmodi) & nihil sit in infinitè perfecto, quod non sit infinitum, nequit esse in ipso aliqua perfectio diminuta: quæ subinde tribus esset communis, sicuti ab uno in tribus existente, quilibet talis producit. (Si quid enim est in Deo non infinitum, non est perfectio commune tribus: & rursus id non est positivè finitum, ut finitas formaliter oportet esse omnes perfectiones diminutas). Ideo ergo nequeunt esse formaliter in Deo, sed sunt virtualiter in illo, ut prima, & eminentissima omnium, causa. Et hoc intelligit Damascenus lib. 1. cap. 12. cum ait, *Totum enim in se comprehendens habet esse, velut quoddam pelagus substantiæ infinitum, & interminatum*. Non intelligens quippe, Deum esse pelagus infinitum, & interminatum, quasi sit unum quid formaliter in se continens perfectiones omnino omnes sub propriis rationibus formalibus: quia id destrueret rationem completè perfecti, & infiniti. Nam si ponatur, uti est, infinitum; igitur non sunt in ipso perfectiones limitatæ: Si has enim effinxeris infinitas, sanè in alteram naturam transisse intelliguntur, & non amplius sunt formaliter ipsæ. Sentit igitur, Dei essentiam esse pelagus interminatum, quia contentiva omnium. eo modo, quo possibile est omnia in uno haberi, & contineri. Nam propter infinitatem continentis, quæ non sunt formaliter in illo, continentur ut in prima causa, & universalissima, quia omnia continente. Hoc itaque modo hæc essentia est pelagus: quæ nedom est formaliter infinita, ac uniens

sibi formaliter qui quid est capax infinitatis, sed etiam virtualiter continens quicquid nequit esse infinitum ob intrinsecam finitatem. Nec tantum quædam sicut fortè intellectus infinitus continet sapientiam, & intelligere, & voluntas charitatem, & diligere: Sed omnia: nec virtute alterius, sed à se, & ex se. Itaque habet infinitatem formaliter primariam, tam scilicet, à se, quam respectu omnium universaliter causalem, & virtualiter contentivam: & ideo pelagus continens omnia, sicut queunt in uno unitivè præhaberi.

Ad ARGUMENTA. Ad primum respondeo: quum esse quod competit Deo, sit esse per essentiam, & à se: involvit necessario omnem conditionem spectantem ad esse: alioquin non intelligeretur à se sed ab alio determinante potius ad certum gradum perfectionis, illud esse accepisse: igitur conceptum, & gradum vitæ involvat essentialiter oportet: nam *vivere viventibus est esse*, ex 2. de Anim. Tex. 37. Neque huic gradui essendi repugnat infinitas, cum melius sit ipsum, quam non ipsum in quolibet. Infinitate ergo necessario cogitur, & involvitur in illo esse universalissimo, & abstrahitimo gradus vitæ, quo pollens, præferendum judicamus non habenti illum, ut ait Augustinus 15. de Trinit. cap. 4. de qua re infra q. 18. art. 3.

Ad Secundum dico, jam declaratum exiit, qualiter perfectiones limitatæ nequeunt esse formaliter in Deo, quia ipsis repugnat infinitas: ac subinde haud posse prædicari de illo formaliter, quemadmodum enunciantur quæcumque sunt simpliciter perfectionis. Non quia ergo non continentur omnia in Deo, ea ratione, qua contineri possunt, non perinde cuncta prædicantur de illo: sed quia diversimodè in eo reperiuntur: & ideo, & si vera sit ista, *Deus est sapiens*, non tamen hæc *Deus est lapis*: cum ipse non sit lapis. nec ulla perfectio limitata, sed earum productivus.

Ad Tertium respondeo, cum de Deo rectissimè prædicentur & bonitas, & veritas, & sapientia, sub eadem ratione formali, qua reperiuntur in creaturis, demptis imperfectionibus, quas illæ essentialiter non includunt: sine ullo fundamento diceretur, Primum Principium habere perfectiones his, & consimilibus altiores. Nam hoc ipso quod illæ in ipso infinitæ formaliter sunt, ab omni intellectu creato comprehendi nequeunt sub ratione adæquata, & distincta: licet concipiantur in conceptu inadæquato, ut dicitur, *articulo sequenti*. Et cum instatur, quia causæ intermediae, & altiores, ut Cæli, non vivunt: ergo nec vita est attribuenda Primo Principio. Respondeo, Quamvis Sol sit causa altior homine, quoad universaliorē influentiam respectu corruptibilium: tamen homo est longè Sole perfectior, & nobilior: & nedom homini, sed vel imperfectissimo viventi, ut noctuæ, non est Sol in perfectione comparandus, secundum Augustinum, quum corpora cælestia non vivant. Non oportet ergo Cælum habere eas perfectiones, quibus ornantur, quædam causæ inferiores, quia ob aliquam imperfectionem sibi propriam, quædam perfectiones nequeunt sibi convenire. At primo, quia nulla potest repugnare perfectio modo sibi non repugnet infinitas, in ipso formaliter reperitur, cæteræ verò duntaxat virtualiter.

1. dist. 8. q. 3. &amp; Quodlib. q. 7.

3. dist. 6. q. 1.

De rerum principio q. 6. n. 4.

1. dist. 8. q. 3.

Quodlib. q. 4.

1. dist. 3. q. 3. &amp; dist. 8. q. 3. &amp; 4.

1. dist. 3. q. 7.

4. dist. 12. q. 2.

1. dist. 8. q. 1. §. 11. primum argumentum.



*Dist. 1. dist. 3. q. 2. § Secundo non asserendo, &  
§ Quarto dico, & q. 3. §. Ad quæstionem  
de dist. 3. §. Hic sunt duæ opiniones.  
S. Thom. 1. p. q. 4. art. 3.*

Præterea, & alterum secundum quid tale, nihil est commune univocum; nec proinde similia in aliquo esse queunt: Sed Deus est ens per essen-

Deinde, Nisi ens, ac perfectiones simplices simplices dicerent conceptum univocum de Deo, & creaturis, via naturali nullum realem conceptum de Deo habere possemus. Hoc autem est inconveniens manifestum. Ergo oportet, Deum, & creaturam in aliquibus rationibus univocè convenire. Probatio sequela: quæcumque naturaliter cognoscuntur à viatoribus, non causant in intellectu eorum conceptum alterius objecti, nisi contineant illud essentialiter, vel virtualiter. Exemplum:

De return  
princ p. 10 q. 4.  
art. 1. sect 2. n.  
24. & 26.

Vilendus Mayo-  
ren q. de ente  
univocat. Bon-  
netas in Meta-  
phys. & Metri-  
us, & Pontius  
Scotus recentio-  
res, qui f. si-  
sine materiam  
hanc in Meta-  
physica versa-  
runt.

Procius in Cō.  
super e. d. d.  
3. primi contra  
Ciceronem, &  
Recapitulum  
optimi ecclē  
ratho D. G. r. s.  
argumentum.

Henrici argu  
mentum in Jura.  
art. 22. q. 1.  
c. 1. et s.  
ambiguitate.

v. dist. 29. 6. Ad  
questionem.



plam: Homo causat notitiam animalis, corporis, substantiæ &c. in cognoscente ipsum hominem: quia essentialiter conitatur illis gradibus, & entitatibus: causat vero notitiam risibilitatis, propterea quod virtualiter contineat passiones proprias. Si autem in nullo Deus conueniat univocè cum creaturis: ipsa objecta creata non continent essentialiter aliquid repperitum in Deo, nec virtualiter, quia essentialiter perfectius non potest contineri in imperfectiori sic, ut imperfectius causet notitiam ejus: quia tunc perfectius, & prius essentialiter contineretur in essentialiter imperfectiori, & posteriori se, secundum suam entitatem: quod est impossibile: Si quidem objectum causare non potest aliam notitiam, nisi eorum, quæ reperiuntur in eo essentialiter, vel virtualiter, idque tanquam causa adæquata, etsi partialis: quia causa una cum intellectu. Revertitur igitur nullum conceptum realem de Deo naturaliter quis habere posset, si ens, & aliz perfectiones simpliciter non dicerentur univocè de Deo, & creaturis. Arqui tales conceptus plurimos habemus, & dignè Deo attribuuntur, non solum de divinorum librorum autoritate, sed etiam naturali dictante ratione: *Unusquisque suarum naturarum* (inquit Augustinus 1. de Trin. cap. 4.) *proclama, habere se præstantissimum conditorem, qui nobis mentem, rationem, naturalem edidit, qua viventes non viventes, sensus prædita non sensentibus, intelligentiam in intelligentibus, immortalis mortalibus, impotentibus potentibus, injustis justis, sanctis deforibus, bona malis, incorruptibilibus corruptibilibus, immutabilibus mutabilibus, indivisibilibus divisibilibus, inextinguibilibus extingui- bilibus, inextinguibilibus, beatam miseris præferenda videamus: & concludendo subdit: Ac per hoc, quoniam tu res es creata, is Creatorum suum sine dubio. Hæc præposita, oportet eum, & summe credere, & summe a sentire, & summe intelligere. Quæ anè Augustini ratio cinatio non videtur valere, si, quæ ipse conteras prædicata in creaturis reperia, non fuerint eiisdem rationis cum illis, quæ de ipsis imperfectioribus omnibus, cum omni- moda perfectione, & imitate attribuitur Deo: nec omnino ullum conceptum realem de ipsis habere potabile fore: quia divinam perfectionum notitiam aliquam in nobis parere nequirent. Rursus Anselmus, de Libertate arbitrii, cap. 1, improbat Iberi arbitrii definitionem illam, qua dicitur, aliud non esse, quàm peccandi potestatem: per hoc, quia tunc liberum arbitrium in Deo non esset, cum peccare non possit. Quæ improbatio, quæ o, est ista, si propter Deum non aliam rationem dicitur liberum arbitrium de Deo, & creatura? Et nullum profectus est effugium dicentium, nos plurima concludere de Deo, illique rectè attribuire, non propter aliquam univocam convenientiam, sed per rationem effectus: ratio est tantum proportio, & non similitudo. Nullum est, inquam, hoc effugium: quia etsi considerantes Deum sub conceptu primæ causæ, ex creaturis cognoscatur per proportionem, tamen nulla interim intelligitur perfectio Deo attributa formaliter, ex creaturis, sed duntaxat quia est causa earum perfectæ omnium, & non ipsi perfectus formaliter. Perfectiones autem simpliciter simpliciter dicuntur formaliter de prima causa: ergo nedum eas cognoscuntur de illa per viam proportionis, sed etiam per rationem similitudinis univocæ: Oportet ergo ponere conceptum communem respectu Dei, & creaturæ de his perfectionibus: alioquin per creaturas non cognoscerentur Deo formaliter in se; quia proportio non concludit earum continentiam formalem (quæ nihilominus est perfectissima) sed*

duntaxat virtutalem. Sentire igitur debemus, in compluribus rationibus, & realibus prædicatis creaturas esse similes Deo, nimirum in his omnibus, in quibus ea extrema univocè conveniunt.

Atque ex his improbat, positio dicentium, ea quæ sunt à Deo, assimilari utique illi inquantum sunt entia, ut primo, & universalis principio totius esse: non quasi ea similitudo fundetur super aliqua convenientia univoca, sed duntaxat secundum aliqualem analogiam, sicut ipsum esse est commune omnibus, non univocè, sed analogicè. Improbatur, inquam, nam alia est formalis ratio entis in Deo, & in creaturis, & cæterarum perfectionum: igitur ex nulla ratione propria earum, prout sunt in creaturis potest concludi aliquid de Deo; quod tamen negant Anselmus, & Augustinus citati. Etenim objectum relucens in specie intelligibili causat, ut effectum sibi adæquatum, notitiam duntaxat eorum, quæ essentialiter includuntur in eo, Sed ille alius conceptus, qui ponitur analogus, non est essentialiter, vel virtualiter inclusus in illo, qui causatur per speciem acceptam ex creaturis: nec est ipse conceptus entis, vel alterius rationis reperia in creaturis; ergo is conceptus analogus non fiet, nec causari poterit per speciem ullam creaturarum. Rursus, ultra conceptum adæquatum sibi, nihil causat objectum relucens in specie, nec quidpiam potest cognosci ex illo, nisi per discursum; sed discursus præsupponit cognitionem simplicis, ad quod discurrendum est; ergo oportet ipsum præcognitum esse. Eturgent argumenta facta; quia nec potest cognosci naturaliter ex creaturis, nec aliquid ei attribui ex iisdem, modo declarato, si negetur univocatio. Denique, si propter aliqualem analogiam attribuantur perfectiones creaturarum Deo, adeo ut verè, & realiter prædicentur de illo; igitur perinde vera esset hæc, *Deus est sapiens*; ac ista, *Deus est lapis*. Probatio consequentiæ; quia etiam lapis creatus habet attributionem ad ideam lapidis in Deo (præsertim in sententia eorum, qui putant ideam esse divinam essentiam, ut imitabilem) aut ad esse ipsum divinum, cuius iste lapis est participatio quædam: ergo si propter conceptum analogicum verè enunciatur sapientia de Deo, pariter verè prædicabitur de illo, quod sit lapis, propter eandem analogiam: quod nemo dixerit.

AD ARGUMENTA. Ad primum respondeo, extrema contradictionis accipi posse dupliciter: scilicet, per se, & præcisè, sicut esse, & non esse, dependere, & non dependere: & pro fundamentis, quibus illa extrema insunt. Sub priori acceptione concedo nihil esse ejusmodi extremis commune univocum, at Deum, & creaturam non ita opponi præcisè, ut est de se evidens: Deus enim non est præcisè hoc, quod est non ab alio: nec creatura duntaxat hæc negatio, non necesse esse. Sunt igitur aliud quid in se ipsis, ad quæ sequuntur illæ negationes. Rationes itaque univocæ Deo, & creaturis, non accipiuntur ab extremis contradictionis pro formali, sed ab his, quibus illa contradictoria insunt: alioquin extremis quidvis unum dividendibus nihil esset commune univocum, quia de ipsis dicuntur extrema contradictionis, quod tamen est manifeste falsum: quia dividentia univocantur in ipso diviso.

Ad Secundum, concessa majori, neganda est minor: quia conceptus entis non est formaliter conceptus creati, nec increati: quemadmodum conceptus animalis neuter est formaliter non includens inferiora, ad quæ per dividentia contrahitur. Si autem intelligatur, entis conceptus ita esse

1. dist. 23. cit.  
S. Consimilia argu-  
menta. V. Re-  
spondeo Adit.  
Videlis hanc  
rationem con-  
cernentiam.



esse neuter, ut neutrum contradictorium dicatur de eo; falsum est; quia conceptus entis est ens positivè, quod est unum extremum contradictionis.

Ad tertium, concedo, Deum, & creaturam esse extrema primò diversa in realitate, & nihilominus univocè convenire in entis, & perfectionum simpliciter conceptibus. Citra igitur omnem convenientiam in re, vel realitate, stat univocatio in conceptibus. Et declaratio hujus dicti est ista: Cum intelligitur aliqua realitas modo intrinseco affecta, seu cum entitativa perfectione ejus, is conceptus non est sanè adeò simplex, quin concipi queat illa realitas, non concepta ejus entitativa perfectione, quam modum intrinsecum appellamus. Sed interest inter utrumque conceptum: nam intellectus attingens realitatem cum suo modo, perfectum ipsius conceptum habet; at eadem, ut à sua abstrahit perfectione apprehensa, imperfectum conceptum parit; quia non exprimit, nec attingit rem secundum quod est in entibus, sed solum secundum aliquid sui. Exemplum: Est à parte rei albedo intensissima, etsi eadem sit entitas ipsa, & suamet intrinseca perfectio, qua est adeò intensa, potest tamen concipi abstractivè sub ratione albedinis præcisè; & potest item intelligi quatenus tantam habet perfectionem, ut posterior conceptus est rei intellectus adæquatus, quia objecti extensi expressivus; ita prior imperfectus est, & inadæquatus. Quamvis igitur adæquatus conceptus sit adeò ei objecto proprius, ut nequeat alteri albedini, non tantam perfectionem habenti, convenire; tamen conceptus ille, quo concipitur id objectum sub ratione præcisæ albedinis, verè est alteri albedini, vel imperfectissimè communis, & rectè de utraque albedine prædicari potest, sub una, eademque univoca ratione; Etsi duæ illæ albedines in nullo à parte rei convenirent; (uti Deus & creatura à parte rei in nullo convenire possunt; juxta dicta q. 3. artic. 3. & 4.) Exemplum in omnibus rei declarandæ quadraret; sed in creatis hanc conditionem deesse oportet: præsertim in iis, quæ sunt generis ejusdem; fieri ergo potest, ut conceptus adæquatus objecto sit ei proprius, & inadæquatus, atque imperfectus sit alteri communis, etiam illi, cum quo nullam habet convenientiam à parte rei. Requiritur igitur distinctio illius, à quo accipitur conceptus proprius, & adæquatus ab eo, à quo sumit intellectus conceptum imperfectum, communem, & inadæquatum. Nam iste accipitur à realitate ab sua entitativa perfectione præcendente; ille verò ab eadem realitate cum suo modo intrinseco considerata. Veruntamen hæc distinctio non est ea, secundum quam distinguitur realitas à realitate, sed quæ reperitur inter realitatem, & modum intrinsecum ejusdem; quæ utique satis est ad habendum perfectum conceptum, vel imperfectum de eodem. Sed conceptus generis, & differentię exigunt distinctionem realitatum, & non tantum ejusdem realitatis perfectè, vel imperfectè conceptæ, & consideratæ, ut tactum quoque fuit, quæst. præcedenti, artic. 5. §. Ad Tertium. Quantumvis enim intellectus perfectè concipiat realitatem generis alicujus, ut coloris; non tamen propterea habebit conceptum realitatis, à qua accipitur differentia; nec è converso: sunt ergo eæ realitates duo objecta formalia, circa quæ intellectus accipere potest duos conceptus adæquatos, & distinctos. At secus est de realitate & suo modo; quia nequit intellectus habere conceptum realitatis adæquatum, non intellectu modo intrinseco

ipius: imò erit imperfectus, & inadæquatus, ut dictum est: manifestum est ergo, modum intrinsecum non præferre distinctam realitatem ab eo, cujus est modus, sed in eandem prorsus coincidere realitatem, & objectum, natum facere de se unum tantum conceptum adæquatum,

Quemadmodum igitur conceptus adæquatus entis infiniti; nulli enti finito congruit; nec cum veritate potest de eo prædicari: ita id, à quo adæquatè is conceptus accipitur, nihil habet commune à parte rei cum ente finito; oportet ergo Deum, & creaturam in realitatibus, idest, secundum eas, à quibus accipiuntur conceptus adæquati, esse omnino primo diversa, & in nullo prorsus convenire. Et nihilominus cum intellectus creatus abstractivè intelligit, propter imperfectionem talis actus potest habere pro objecto formali realitatem entis, non intellecta infinitate perfectionis entis, quod est ens per essentiam; & conceptus ejus objecti inadæquatè intellecti univocè, & verè prædicari de omnibus entibus, ut exemplificavimus de albedinis perfectissimæ conceptu inadæquato, respectu albedinis imperfectissimæ. Qui sanè entis conceptus in se, nec positive finitus, nec infinitus est: sed potestativè uterque, nec acceptus ab aliqua realitate, tanquam adæquatus illi, sed diminutus, & inadæquatus, & imperfectus; quia abstrahens ab iis modis, per quos conceptus realitatum sunt adæquati, & perfecti. Stante igitur omnimoda diversitate Dei, & creaturæ in realitate à parte rei, conveniunt univocè in conceptibus inadæquatis, & imperfectis, citra omnem imperfectionem; quia nulla omnino exinde sequitur ex parte Dei.

Ad Quartum dico sic: Attributio sola non ponit unitatem univocationis; quia illa unitas minor est unitate univocationis, & minor unitas non infert majorem; tamen minor unitas bene potest stare cum unitate majori; sicut quæ sunt unum genere, sunt unum specie, licet unitas generis sit minor unitate speciei. Ita in proposito utraque hæc unitas potest stare simul, esto una non sit alia formaliter. Exemplum: Species ejusdem generis involvit essentialium ordinem, sive attributionem ad primum illius generis, ex 10. *Metaphys. Text. c. 2. & inde*; & tamen cum hac attributione stat ipsum genus univocè dici de omnibus suis speciebus: ita & in casu; quamvis entia omnia dicant attributionem ad primum; tamen ipsa ratio, & conceptus entis est in omnibus ejusdem rationis; quia nunquam aliqua comparantur ut mensurate ad mensuram, vel excessa ad excedens, nisi convenient in aliquo uno. Sicut enim comparatio simpliciter est in simpliciter univoca, 7. *Phy. Text. c. 24. & inde*: ita omnis comparatio est in aliquali-ter univoca. Quando enim dicitur, *Hoc est illo perfectius*; Si quærat quid perfectius? oportet utique assignare aliquid commune utrique: ita quod omnis comparativè determinabile, commune est utrique extremo comparationis. Non enim homo est perfectior homo, quam asinus, sed perfectius animal. Et ita si aliqua comparantur inentitate, in qua est attributio unius ad alterum, hoc profecto perfectius est illo, quod attribuitur ad se. Quid ergo perfectius? Ens utique perfectius; ergo oportet unitatem esse aliquo modo communem utrique extremo. Etsi igitur unitas attributionis formaliter non sit unitas univocationis, hic tamen rectè ex illa minori infertur major, quæ est unitas univocationis, conceptus entis, & cæterorum transcendentium, secundum quæ entia per participationem attribuuntur ad primum ens per essentiam,

Vide etiam 2. dist. 8. q. 2. & quæst. 5. Quodlib. & Lyche. super q. 3. dist. 2. Primi.

1. dist. 8. q. 3.  
§. Ad primum.

Deus & creatura  
sunt primo  
diversi in realitate,  
conveniunt tamen  
univocè in conceptibus.

Vide an Magistri  
sunt hic memorem  
Magistri, & an ipsius  
positio faciat  
contra distinctionem  
formalem Scotistarum.

Considera,  
quantum exordietur  
Poncilii doctrina à mente  
Magistri dum  
vult modum  
ininitatis sequi  
ad realitatem,  
quæ est Primi  
differentia: cum  
eius ipsum  
sit essentialiter  
non intuitiva per  
eius; quare  
et eandem.

Qualiter unitas  
est univocationis  
hic cum  
unitate attributionis  
omnis  
ad Deum



tiam, à quo accipiunt & unitatem, & reliquas perfectiones, quæ in ipsis sunt.

Ad primam auctoritatem ex Dionysio, respondeo unique Dionysium velle nos attingere ad cognitionem Dei, & divinarum perfectionum, per abnegationem creaturarum, id est, imperfectionum in rebus creatis reperitur. At mentem illius non esse, siltare tunc intellectum in solis negationibus, sed magis in aliquo ente positivo, cui verissime attribuitur omnis imperfectionis negatio. Ejus ergo entis positivi conceptum imperfectum nos putamus univocè prædicari de Deo, & creaturis.

Ad secundam auctoritatem dicimus, Augustini mentem esse, nos eum intelligimus bonum hoc, aut illud, necessarius infimul intelligere & bonum in communi, ejus participatione, ut generis, speciales bonitates bonæ sunt: ac etiam ipsum bonum per essentiam ejus, ut causæ, participatione alia bona sunt; non quidem positive, & in particulari, sub conceptu nimirum boni per essentiam; sed duntaxat in communi, quatenus in eis conceptu intelligitur quodcumque ens in universali. Et cum subdit, *si potueris perspicere per se ipsum bonum*. Respondeo, si res per se reatur non ad actum intelligendi, sed ad objectum cognitum, sensum esse, cum cognoscitur ipsum per se bonum, non tantum attingi bonum in universali, ut primum, sed ipsum bonum, quod est per se tale, & per essentiam; atque ita cognosci Deum, qui est bonum per se, & per essentiam. Bonum igitur in universali, quod cognoscitur ex particularibus bonitatibus, contrahitur ad Deum per hoc, quod dicitur *per se bonum*. Ex hoc ergo non sequitur bonum in communi non esse univocum ad bonum per essentiam, & per participationem; aut conceptum entis non dici univocè de omnibus entibus; imò sequitur ita esse. Hanc autem fuisse mentem Augustini, ex eo constat; quia 8. de Trinit. cap. 3. dicit, *Noli quærere quid sit veritas, statim enim se opponunt caligines imaginum corporalium, & nebula phantasmatum, & perturbant serenitatem, quæ primo intuitu diluxit tibi, cum dicerem, Veritas*. Si enim esset alius conceptus veritatis in Deo, ac in creaturis, tunc profecto quærendum foret, quid veritas? quia quæ est Deo propria, non habet phantasmata perturbantia conceptum ejus. Id autem est falsum, quia conceptus veritatis in communi perturbatur à phantasmatibus; atque ita is conceptus (sic de cæteris ejusmodi) formalis univocè dicitur de Deo, & creaturis.

Ad quintum, est responsio ex dictis ad primum quia illis, quæ subsunt illis determinationibus secundum quid, & simpliciter, est aliquid commune univocum, non vero ipsis syncategorematicis, per se consideratis. Accedit quod creatura non est secundum quid ens, ut talia dicuntur entia rationis; igitur secundum quid non distrahit à significato entis, imò creatura est simpliciter ens; licet non sit tale per essentiam, sed per participationem: & quamvis ex parte rei nullam talia extrema habere queant convenientiam, posse nihilominus convenire in uno conceptu reali, declaratum fuit responsione Ad Tertium.

Ad sextum respondeo, etsi similitudinis relatio strictè sumpta approprietur generi Qualitatis, nihilominus similitudo, & ita dissimilitudo communiter accepta potest fundari super quodcumque ens, in quantum est quale, & qualitas quædam substantialis. Unde Philosoph. 5. Metaphys. cap. de Qualitate, dicit unum modum Qualitatis esse differentiam substantiæ, quæ ratione individua ejusdem speciei eandem proinde differentiam specificam habentia, rectè dicuntur essentialiter similia. Similitudo igitur est relatio transcendens, sicut & identitas, & æqualitas, quarum fundamentum est ens in communi, comparatum ad quodcumque ens in communi; nec oportet semper in altero extremorum ipsis correspondere relationem realem. Est igitur creatura Deo similis in his omnibus prædictis, quæ possunt terminare relationem similitudinis, secundum quod dicit Augustinus 15. de Trinit. cap. 5. *Si dicamus æternus, sapiens, potens, speciosus, iustus, bonus, beatus, spiritus, horum omnium novissimum, quod posui, quasi tantummodo videtur significare substantiam, cætera vero hujus substantiæ qualitates*, scilicet, quia non ipsam naturam divinam videntur importare, sed quæ circa naturam, ut ait Damascen. lib. 1. cap. 4. Sunt ergo creaturæ Deo similes; non completa, & perfecta similitudine, quæ nempe versatur inter duo habentia eandem formam, & modum eundem, ut inter individua ejusdem speciei; sed similitudine maxime diminuta; quia etsi conveniant in hisdem conceptibus realibus univocè; tamen à parte rei sunt primo diversa, ac proinde conceptus illos oportet esse inadæquatos, diminutos, ac maxime deficientes ab his conceptibus, quos extrema illa ex se ipsis causarent, prout & causant in intellectu proportionato.

1. dist. 19. q. 10.  
5. De Secundo.

1. dist. 8. q. 4.

Prologi q. 4.  
5. Ad secundum  
prope finem.



# QUÆSTIO QUINTA

## DE BONO IN COMMUNI,

### IN SEX ARTICULOS DIVISA.

Deinde quaritur de bono. Et primo de bono in communi. Secundò de bonitate Dei.

#### CIRCA PRIMUM QUÆRUNTUR SEX.

- I. Utrum bonum, & ens sint idem secundum rem.
- II. Supposito quod differant ratione tantum, quid sit prius secundum rationem, utrum bonum, vel ens.
- III. Supposito quod ens sit prius, utrum omne ens sit bonum.
- IV. Ad quam causam ratio boni reducatur.
- V. Utrum ratio boni consistat in modo, specie & ordine.
- VI. Quomodo dividatur bonum in honestum, utile: & delectabile.

#### ARTICULUS I.

Utrum bonum differat secundum rem ab ente.

Doct. locis in margine citatis. S. Thom. 1. p. quæst. 5. artic. primo.



VIDETUR bonum secundum rem ab ente differre. Etenim ratio boni addit supra ens, respectum quemdam ad appetitum, à quo potest prosequi, vel amari; igitur is respectus aut est rationis, aut realis: Si

rationis; ergo nequit esse enti reali identificatus: Si realis igitur ad Prædicamentum relationis spectabit. Ad hoc autem Prædicamentum non reducitur ens ut ens; imò ad nullum est reducibile, cum omnia Genera transcendat; ergo bonum differt ab ente differentia reali.

Præterea, Eadem est ratio de bonitate, ac de cæteris passionibus, quæ simplices appellantur: Sed unum, differt ab ente secundum rem, de quo tamen minus videtur; ergo oportet, pariter & bonum ab ente realiter differre. Probatio minoris; nam Avicenna 3. Metaphys. suæ cap. 3. dicit ex Sententia, unum esse accidens entis, ac subinde alterius naturæ: quod & probat *ibidem*, primò, quia *unum* nec genus, nec differentia est, sed præsupponit naturaliter ens in actu specifico; estque in illo non sicut pars; est ergo accidens, cuius & habet modum prædicandi. Rursus, unitas de genere quantitatis est; ergo unum non est convertible cum ente, tanquam ejus passio: ac proinde sit oportet alterius naturæ ab ente. Antecedens probatur; quia omnis unitas cum alia constituit numerum: numerus autem est de genere quantitatis. Si igitur unum distinguitur re ab ente; pariter & bonum erit secundum rem ab ente diversum, & distinctum.

Præterea, Boetius, de Hebdomadibus cap. 2. ex suppositione impossibili, quod non esset primum bonum, concludit in hæc verba: *Hinc invenio aliud in eis esse, quod bona sunt, aliud quod sunt.* Si autem bonum secundum rem non differret ab ente, facta, quacunque suppositione, si superesset in entibus per participationem ratio entis, perinde intelligeretur manere & ratio boni; nec foret aliud in eis ratio, secundum quam bona sunt,

& aliud quod sunt; igitur natura boni differt secundum rem ab entis ratione.

CONTRA, Genes. primo, *Vidit Deus cuncta quæ fecerat, & erant valde bona*; igitur unumquodque secundum quod est, bonum est. Nam non dicit Scriptura vidisse Deum bonitatem in iis, quæ facta erant, sed eademmet, quæ erant, bona existisse. Hinc 1. Ethic. cap. 7. Philosophus, & Comment; determinat qualiter, quemadmodum ens, & unum sunt in omni genere; ita & bonum, quod convertitur cum ente, adstruendum esse in quolibet genere. *Ens autem, & unum* (ex 4. Metaphys. Tex. 3. *idem ac una natura sunt, propterea quod se invicem sequuntur*; ergo quoniam ens, & bonum se invicem sequuntur, ac omnino adæquantur, una, eademque natura erunt.

RESPONDEO dicendum, bonum re non differre ab ente; sed magis realiter identificari illi, ut passionem proprio subiecto; attamen ab eo non ratione distingui, nec aliud ipsi enti addere, quam aptitudinalis appetibilitatis rationem. Cum enim Metaphysica scientia sit realis de proprio subiecto quod est ens, reales passionibus ostendat oportet; inter illas autem & bonum connumeratur; est igitur bonum unum re cum ente, cujus est passio, sicut & unitas, & veritas, quæ omnes in ente unitivè continentur, quasi posteriora ipso continente, utpotè passionibus ab eo emanantes; quas esse idem re cum ente probat Philosophus 4. Metaphys. Tex. c. 3. & 5., ut tactum est *Ad oppositum*. Hæc porro passionibus non coincidunt in eandem formalitatem cum ente; quia ens continet omnes inadæquate; & unaquæque ex ipsis non continet reliquas: quia præcisè non est unaquæque ex ipsis, sed magis quamlibet excedit. At qualiter cum identitate reali stet distinctio aliquarum rationum formalium, declarabitur infra q. 28. art. 2.

Cæterum, ut appareat, quænam sit formalis ratio bonitatis, ut entis est passio, sciendum, duplicem posse nos intelligere entis bonitatem; alteram scilicet absolutam, quæ rectè appellatur primariam, & essentialiter alteram vero respectivam, secundariam, & accidentalem. Prior autem aliud non est, quam integritas, vel perfectio entis in se, importatque positivè negationem imperfecti omnis; per omnimodam enim integritatem in hoc, aut illo ordine, seu gradu, excluditur & diminutio, & imperfectio: Ad quem sensum dicit Philosophus, 5. Metaphys. Tex. 21. bonum, & perfectum idem esse. Posterior verò bonitas; quæ supervenit entitati essentialiter perfectæ, est integritas convenientiæ, vel integra convenientia ejus

De bonitate. capio q. 4. a. 13.

1. dist. 1. q. 2. in primo principio.

2. dist. 1. q. 2. in primo principio.

Quæstio 5. p. 1. §. 2. de bono.



alteri, cui debet convenire, vel alteras sibi. Exemplum: sanitas dicitur bona homini, quia sibi conveniens; & cibus dicitur bonus, quia habet saporem sibi convenientem.

Veruntamen neutra ex his bonitatibus censenda est entis passio: Siquidem prior, quæ absoluta est, & essentialis bonitas, non est passio quædam: sed modus intrinsecus essentia ejusdemque, secundum quam una res, vel species est melior, vel major, aut minor alia; & de qua Augustinus, 6. de Trinit. cap. 8. inquit, *Idem est majus esse, quod melius esse*. Hanc igitur bonitatem non esse entis passionem, sed omni potius passione intimiorem, ex eo constat, quia omni proprietate, vel quasi proprietate circumscripta per intellectum ab omni ente, adhuc ens quodcumque in tanta, vel tanta entitativa perfectione constitutum, & constare necessaria intelligitur: & profecto circumscripta ab homine omni sua proprietate, adhuc finitus est in ordine entium. Rursum, ens, ut ens, cum sit communis Deo, & creaturæ, præcindat oportet ab omni graduali perfectione. Nam si certam aliquam sibi determinaret, esse non posset, nisi in eo, cui tanta perfectio convertere posset, atque ita non foret ad omnem perfectionem indifferens; igitur etiam passiones, quæ ejusdem sunt ambitus; & sibi æquiparantur, ipsumque necessario consequuntur: non solum non possunt constitui in aliqua graduali perfectione, verum etiam ab omni tali abstrahere, ac præcindere debent. Non est igitur bonitas essentialis entis passio: Nec item fieri potest, ut ea proprietates coincident cum bonitate secundaria, accidentali, & relativa; quia hæc bonitas relativa supervenit ipsi entitati; ergo non est bonitas entis, quæ ipsum ut propria passio consequitur. Cum enim ejusmodi relativa bonitas consistat in convenientia unius ad alterum; non inest entibus intrinseca ratione entis, sed enti superveniens, fundatur in tali ente determinato quatenus alteri comparata est illi conveniens: De qua est exemplum Augustini 8. de Trinit. cap. 3. *Et bona facies b. minis (inquit) timensia pariter, & affectibus biliter, & luculenter colorata*. Et sic cibus est bonus, quia habet saporem sibi convenientem. Cum igitur hæc bonitas extrinseca ratione entis, non oriatur, aut inest; sed ab extrinseca potius differentia, symmetria, ac dispositione proveniat, propter quam unum est alteri conveniens, profecto non erit entis passio, sed potius est illi adventitia, & accidentalis.

Quænam est igitur ratio boni, quatenus entis passio? Respondeo, quemadmodum ens abstrahit ab absoluto, & respectivo, ita oportet ejusdem adequatas passiones, id est, ejusdem ambitus cum ipso, formaliter non esse respectivas, nec absolutas, sed quæ reperiri valeant, & contrahi ab utrisque. Veruntamen in ordine ad oppositum boni ratio rectè declaranda videtur; quia quicquid boni est in entibus appetitu prosequimur, seu naturali, seu elicto, & nihil amatur, in quo aliqua ratio boni non sit; videtur igitur rectè explicari bonum, quod est passio entis per hoc, quod pro formali aliud non importet, nec addat ipsi enti, nisi rationem aptitudinalis appetibilitatis. Ens enim etsi ab omni respectu abstrahat, præcindatque; quia tamen est essentialiter, & quiditative contrahibile ab omnibus, quæ esse possunt, est subinde sui communicativum; ex eo igitur ens est bonum; dicente Augustino 1. de doctr. Christ. c. 32. *Quia Deus bonus est, sumus; & in quantum sumus, boni sumus*. Quia ergo ens est sui diffusivum, bonum est, & quatenus bonum est, appetibile est.

Si enim boni a-i divinæ attribuendum est quod sumus, id est, quod communicaverit suum esse omnibus, quæ sunt, profecto eatenus ens bonum est, quia sui communicativum est, & quia bonum est, appetitum ad se trahit aptitudinaliter, id est, aptum est ut ametur, ac prosequatur ab appetitu quolibet, sive naturali, sive libero. Nihil enim potest simpliciter apperi, nisi esse. Quemadmodum ergo ens ideo verum, quia sui manifestativum; ita propterea bonum est; quia ab omnibus contrahitur, in omnia sui diffusivum est. Nec verum igitur, nec bonum ultra ens dicunt rationes absolutas, quia unaquæque ratio ei inest in ordine ad alterum, sine quo ordine nequeunt completè intelligi, nec explicari. Nec item id habet per respectus aliquos actuales prædicamentales, imo ens cum suis proprietatibus est commune, & indifferens ad respectivum, & absolutum, sed est verum, & bonum ex respectibus transcendentibus, atque aptitudinalibus, ac necessario fundamentum consequentibus. Adeoque ens præcisissimè acceptum, quemadmodum unam, eandemque rationem importat respecta omnium, quæ sunt, ita & ipsius simplices, atque adequatæ passiones, ipsum in tali perfectione consequentes (est enim tunc & sui manifestativum, seu intelligibile; ac diffusivum perfectionis essendi, seu contrahibile ab iis omnibus, quibus reale esse non repugnat) non suscipiunt magis, & minus, sed eamdem sunt in omnibus, respectu quorum ens, ut ens comparatur. Ex quo constat, bonitatem, quæ est entis passio, necessarii esse aliam à bonitate entis essentiali, & absoluta; cum per hanc unum ens sit alio essentialiter perfectius, aut imperfectius, mensuratum, aut mensura; ac appetibile subinde, vel propter se, vel in ordine ad aliud: etsi etiam ipsa entis passio, ut inest realitati entis, necessario est magis, vel minus perfecta, juxta perfectionem majorem, vel minorem entis realitatis, quam consequitur, estque modo intrinseco posterior.

Ad ARGUMENTA. A! primum est responsio ex proxime dictis. Nam ratio boni, si addat supra ens respectum aliquem ad oppositum, non est is respectus rationis, nec prædicamentalis; sed transcendens, & aptitudinalis, id est, suo fundamento identificatus, atque ab eo inseparabilis. Si autem idem est cum ente, profecto secundum rem non differt ab ente. Sed ipsum ens, quatenus est diffusivum perfectionis suæ, ideo est bonum; & quæ tale illud omnia appetunt, ut inquit Aristoteles 1. *Ethic. cap. 4.* Undè respectus ad appetitum non est ratio bonitatis, sed fundatur in ipsa entis bonitate, necessario quidem illam consequens, & ideo neque ejusmodi respectus alius est à natura entis; quia identificatus entis bonitati.

Ad secundum respondeo, concedendo majorem, at minorem esse falsam. Et cum probatur primo ex Avicenna: quamvis de his nobis sit rediturus sermo infra *quest. 11. artic. 1.*, interim tamen dicendum breviter, Avicennam censuisse, unum esse entis accidens, non quidem metaphysicum, sed Logicum, quatenus scilicet non clauditur in conceptu quiditativo entis. Undè 5. *Metaphys. cap. 1.* dicit, equitatem esse tantum ipsam, nec unum, nec multa &c., nempe quia ea, & consimilia prædicata sunt extra rationem formalem equitatis; sed exinde haud deduci posse, unum, & reliquas entis passiones, re ab ipso differre, cum potius sint illi identificate, rem unam subinde simul cum ente conficientes. Ad probationem secundam, dicendum, unitatem, quæ est de genere quantitatis discretæ, seu numeri principium

4. dist. 50. q. 2.  
5. Responleo ergo ad questionem.

4. dist. 49. q. 4.  
Int. 5. Similiter.

4. dist. 48. q. 1.  
5. Contra se ipsum  
dam conclus. V.  
Ratio illa non  
valet.

4. dist. 49. q. 2.  
5. Ad primum  
q. V. Secunda  
conclusio.

Non recipimus  
expositionem  
Mastrici super  
hunc textum;  
ex illi mantis  
entia esse appe-  
tibile in ordi-  
ne ad finem ex  
bonitate, quæ  
est entis passio.

4. dist. 49. q. 9

Doa. 4. Metaphys.  
q. 2. 5.  
Nota ergo n. 24

Quodlib. 6. c. 6.  
5. Contra ista  
arguuntur.

2. dist. 8. q. 2.  
5. ad primum.

Quodlib. q. 18.  
5. De primo.

7. dist. 3. q. 2.  
8. dist. 8. q. 3.

4. dist. 49. q. 4.  
5. Aliter di-  
citur.



pium, esse per intellectum, sicuti de tempore dicit Augustinus, *Confess.* 11. entis autem unitatem à parte rei reperi, perinde ac ipsius subiectum, cuius est passio. Et cum arguitur, quia unitati entis, addita alia unitate, exurgit numerus. Respondet, tunc unitati entis applicari per intellectum unitatem, quæ est in anima: Sed de his infra q. 30. artic. 3. Numerus igitur confurgit ex unitatibus, quæ sunt de genere quantitatis, non ex transcendensibus; esto hæ unitates sint fundamentum numeri, Nam nihil potest esse pars numeri, nisi inquantum limitatum est; quia de ratione partis, est possibilis ad formam totius: unum autem quatenus convertible cum ente, non dicit limitationem; imo est indifferens ad limitatum, & illimitatum; adeoque ex hac unitate pro formali haud potest confurgere numerus: licet possint ejusmodi unitates numerari per numerum, quæ est discreta quantitas, cuius esse perficitur per animam. Ex unitate igitur entis non sequitur, bonum re ab ipso ente differre; imo magis esse idem re, sicuti & de unitate tenendum.

Ad tertium, Quicquid sit de mente Boetii, ex positione hypotesis impossibilis, dicendum, cum alia sit ratio entis, & boni, ut declaravimus, recte dic omnia que sunt per aliud esse, & per aliud bona esse; etiam si hæ rationes duntaxat formaliter dicantur differre.

Aliter etiam respondeo, Boetio ec. loci sermonem non esse de bonitate essentiali, & absoluta, nec de bonitate, quæ est entis passio, sed de bonitate extrinseca, & accidentali, quam exprimimus dicentes, *Huius rei bene est*; recte igitur dixit aliud esse per quod sumus, & aliud quod boni sumus, quia etsi quodcumque ens sit bonum bonitate sibi intrinseca: non tamen omnia sunt bona hæ accidentali bonitate, sed præcisè illa, quibus bene est.

## ARTICULUS II.

Utrum bonum secundum rationem sit prius, quam ens.

Doctor locis in margine citatis. S. Thom. 1. p. quasi. 5. artic. 2.

**V**IDETUR ratio boni secundum rationem esse prior, quam ens. Etenim juxta Augustinum, 1. de doctrin. Christ. cap. 32. *Quia Deus bonus est, sumus*; igitur bonitati ascribendum est, quod conditi sumus, atque esse habeamus; sed causa, secundum rationem saltem, præcedit suum effectum; ergo & bonitas præcedat esse oportet: cum esse à bonitate, seu per bonitatem sit.

Præterea, Illud est alio prius secundum rationem, quod per rationem communior pluribus est commune, ad quæ se extendit. Sed boni ratio est reperibilis in his, quæ entia non sunt; ergo ratio boni est communior, ac subinde prior ratione entis. Non probatur ex *Matthæi* 26. ubi dicitur de Juda, *Bonum erat ei, si natus non fuisset homo ille*; ergo boni natura afficit etiam non ens; est igitur ante prior.

Præterea, Secundum Philosophum 2. *Rhet. cap. 2.* carentia mali est delectabilis; sed delectabile est appetibile; ergo carentia mali est appetibilis: quicquid autem appetitur, sub ratione boni appetitur: igitur ratio boni est prior ente; cum & carentia mali inesse possit, quæ profecto est non ens.

Præterea, Angelus malus potuit appetuisse Dei

æqualitatem: Id autem est planè impossibile; igitur voluntas potest sibi appetere ipsa impossibilia: & utique sub ratione boni. Impossibile autem nihil est tam in re, quam in intellectu: igitur boni ratio ad ipsa non entia se extendit: ac proinde est secundum rationem ente prior.

Præterea, Non solum esse tanquam bonum appetimus, sed etiam, & fortè magis bene esse, quale est in consequentia beatitudinis; ergo ratio bonitatis extenditur ad totum id, quod spectat ad bene esse, ut contradistinguitur ab ipso esse; igitur secundum rationem oportet bonitatem communior esse ipso essendi conceptu.

**CONTRA**, Damascenus. *lib. 1. cap. 12.* Esse divinum dicit quoddam pelagus diviæ substantiæ: cetera autem sunt illa, quæ circumstant naturam; ergo bonitas in Deo sequitur ad esse ipsius: atque ita etiam in creaturis, quæ quoniam sunt, bonæ sunt: igitur etiam est posterior ente in se, sicut passio sequitur ad subiectum, cuius est.

RESPONDEO dicendum, entis rationem esse priorem bonitatis conceptu. Quod sanè est evidens ex dictis articulo præcedenti. Si enim bonum passio quædam sit entis, consequens ipsum, quatenus est ab omnibus participabile: necessario debet esse ente posterius, sicut passio est subiecto posterior ex principiis intrinsecis ejus exorients, si compositum sit: sin per prius concipitur ratio ipsa subiecti simplicis, ac in signo sequenti passionem, quæ necessario illud consequuntur, & in quo unitivè continentur: & talis passio est bonum respectu entis, quod est Metaphysicæ subiectum: est igitur ente posterius. Deinde, secundum Avicennam, 1. *Metaphys.* cap. 6. *Ens & res alia sunt, quod ita in imprimuntur in anima prima impressione: quæ non acquiruntur ex aliis notioribus se.* Quod igitur primo concipimus (& quidem distinctè, utpote habens conceptum simpliciter simplicem) est communissimum: & exinde quæ sunt illi propinquiora. Bonum autem non imprimitur in anima prima impressione: quia, ut ait Avicenna *ibidem* *lit. B.* *Omnes homines imaginantur certitudinem entis: non perinde autem sunt certi, quod omne ens, in quantum ens, bonum sit: imo quidam imaginantur, aliqua entia esse mala: igitur cum ratio entis communissima sit, prior profecto erit conceptu boni, imo hæc entis passio videtur posse declarari, & demonstrari de ente, per passionem priorem, puta, per unum, tanquam per medium propter quod, sive a priori, sic omne unum est bonum; omne ens est unum: ergo omne ens est bonum.*

Ad Argumenta. Ad primum respondeo, utique Dei bonitatem existisse causam, propter quam Deus condidit omnia, *Universa enim propter se meti ipsum operatus est Dominus*, Proverb. 16. Cum enim ipse sit bonum infinitum, & universalissimum, nequit participatas bonitates ad se non ordinasse. Est igitur bonitas causa finalis rerum omnium ordinabilium ad primum, & summum bonum: quod bonum Deus cum necessario voluisset, voluit, sed liberè, & alia à se gratia sui ipsius: sed non propterea tamen bonitas est ratione essendi prior. Bonitas enim summa non est aliud, quam Dei perfectio infinita, ut bonitates limitatæ perfectiones entium conditorum finitæ: Perfectio autem cum dicat prædicatum qualitativum, necessario secundum rationem præsupponit prædicatum quidrativum essendi quod actum q. 4. artic. ultimo.

Ad secundum respondeo, ipsum non esse absolute, neque boni ullius, neque melioris subinde rationem posse habere: veruntamen comparatum

q. dist. 6. q. 1.

Quodlib. 2. q. 3. De primo.

4. dist. 45. q. 4. & 10.

1. dist. 8. q. 4. & 2. dist. 16. q. 1. De primo.

2. dist. 16. Addit.

2. dist. 16. q. 5. De dicto aliter.

Quodlib. q. 1. q. 5. De primo, & 1. dist. 3. q. 3. q. 5. Ad secundum. Quod V. Secundo dico.

Prolog. q. 2. q. 5. De sexto.

Quodlib. q. 6. q. 6. Tertia conclusio. Vnde addit.

3. dist. 1. q. 1. Ad primum.

1. dist. 1. q. 2.

De ratione boni dist. 4. q. 4. & 2. q. 2.

1. dist. 8. q. 1. Ad primum pro capite.

4. dist. 45. q. 4. & 10. ad oppositum.



idem §. Re-  
spondet ergo ad  
questionem. V.  
Ad primum  
principale.

ad majus malum, indat rationem boni, id est, mi-  
noris mali, Ex 5. *Eschic. cap. 6.* Cum igitur secundum  
rectam rationem quicque deberet magis eligere  
non esse creatum à Deo, quam injuriam illi intul-  
isse; profecto melius Jude fasset non esse, quam  
Salvatorem tradidisse; id est, minus malum fasset,  
si elegeret non esse, si in ejus id potestate fuisset,  
quam tam enormiter Deum offendisse.

4. ubi supra §.  
Ad secundum.

Ad Tertium, respondeo, revera mali carentiam  
esse delectabilem, & expectandam ei, qui est; at  
non existenti, non esse delectabilem, cum nihil  
præsupponatur, quem delectet sine miseria, &  
malis esse. Nec aliud velle Philosophum, loco  
præallegato, nec sequi exinde, entis rationem bo-  
nitatis conceptu posterioriorem esse, sed magis op-  
positum, ut liquet.

Ad Quartum dico, si Angeli mali re ipsa Dei  
æqualitate appetiverunt, in eo sibi ipsis bonum  
præstasse, etsi ingens malicia fuerit in tanta vo-  
luntatis inordinatione: id autem bonum præfixum  
in entitate pariter facta præextitisse. Et cum dicitur  
: id est planè impossibile: impossibilia autem  
nihil sunt. Respondeo, etsi totum illud complexum  
nihil sit, & impossibile; tamen partes ipsius sim-  
plices per se includere rationem entis, & boni:  
atque id satis esse, ut voluntas velit unam in ordi-  
ne ad aliam, scilicet Dei æqualitatem sibi: sicuti  
intellectus potest comparare quodlibet simplex ad  
aliud simplex, & sicuti ad hanc comparisonem  
aliud non requiritur, nisi quod intellectus extrema  
apprehendere queat: ita ad hoc ut voluntas velit  
unum in ordine ad aliud, aliud non præexigi, nisi  
ut ea extrema sub objecto voluntatis cadant. Bre-  
viter, sicut voluntas interdum præfigit sibi bonum,  
vel præfigere potest: ita & eam bonita om pariter  
facta, entitati superimponere: atque ita semper  
quodvis bonum in entitate subiecti: id est, ac proinde  
semper entitate posterioris.

Ad Quintum respondeo, bonitates, *bonè esse*  
cujusvis componentes, fundari in entitate illius,  
cui *bonè est*. Et cum dicitur, illa bona, ut ab *esse*  
contradistincta sunt; appetuntur. Respondeo, si  
contradistincta sint ab entitate, vel natura, cui in-  
sunt; & ipsa tamen entia esse, ad quæ sequuntur illæ  
bonitates. Exemplum: Anima beata *bonè est* per  
Dei fruitionem, & visionem. Hæ operationes entia  
sunt, ex quibus sequitur unio cum objecto beati-  
ficæ, & delectatio, & quies, ex quo fit, ut animæ  
completè *bonè sit*.

### ARTICULUS III.

Utrum omne ens sit bonum.

*Doct. locis in margine citatis. S. Thom. 1. p.  
quest. 5. artic. 3.*

**V**IDETUR non omne quod est, bonum esse.  
Nam Aristoteles 3. *Metaphys. Text. 10. 3.* probat,  
in mathematicis non esse rationem boni: quia  
nihil ostenditur in ejusmodi disciplinis per causam  
finalem, quæ habet rationem boni. Nemo enim  
hactenus aliquam conclusionem demonstravit, ex  
eo quod melius est hoc modo esse: vel quod deter-  
ius foret, si aliter evenisset, ut puta, quod melius  
sit triangulum habere tres, quam non habere; ergo  
non omne quod est ens, bonum est. Porro Mathe-  
matica scientia realis est, ac de subiecto subinde  
reali.

Præterea, Materie nulla videtur inesse ratio bo-  
nitatis: siquidem materia cum appetat omnes for-  
mas, omnium est receptiva formarum, ac proinde

in potentia ad illas; & ideo desinitur per *esse in po-  
tentia*, secundum Aristotelem; crearet igitur oportet  
omni actu distinguente, & dante sibi esse speci-  
ficum. Sed quicquid est bonitatis in entibus, aut  
ab actu, aut actus est: Hinc summum bonum est  
actus purissimus; ergo materia prima expers omnis  
actus, caret omni bonitate, & perfectione actus  
rationem consequente.

Præterea, In materia non videtur esse aliquis  
numerus, vel pondus, vel mensura, in quibus *Sa-  
pientia* 11. dicitur Deum condidisse omnia in illis  
autem consistit rerum perfectio, & bonitas; igitur  
ad materiam non se extendit ipsa ratio bonitatis.  
Probatur assumptum, ex Augustino 4. super *Ge-  
nesin* cap. 3. *Mensura, inquit, omni rei modum præfi-  
git: Numerus omni rei speciem præbet: & pondus  
ad quietem, ac stabilitatem trahit.* Materia autem  
ab forma modum accipit; quia sine illa est indeter-  
minata, ac omnium appetens formarum, atque ab  
eadem habet speciem, & appetitus satietatem; igitur  
ea sine forma intellecta, bonitatem nullam in-  
tellegitur sortita.

Præterea, Odium Dei nullam habere potest ra-  
tionem boni; sed damnati odio habent Deum, ex  
illo *Psalm. 73. Superbia eorum, qui te oderunt* igitur  
aliquid est ens non bonum. Probatio assumpti. Si-  
quidem actus odio habendi Deum, est intrinsicè  
malus; eo enim odians vult Deum non esse, juxta  
Philosophum 2. *Rhetoricorum*: actui autem, quo  
expetitur summum bonum non esse, nihil intrin-  
secæ bonitatis inesse potest.

CONTRA, Genesi primo, *Vidit Deus cuncta, quæ  
fecerat, & erant valde bona*; quicquid igitur à Deo  
factum est, bonum est; eo quod in aliquo gradu  
participant omnia quæ facta sunt primi principii  
bonitatem. Omne autem quod est, à Deo factum  
est: alioquin oporteret ponere è regione primi, &  
summi boni, summum malum. Hæc autem Mani-  
chæorum positio absurdissimus est sermo, & nedum  
contra fidem, sed etiam contradictionem invol-  
vens in Philosophia. Nam primum ejusmodi ma-  
lum oporteret esse independens, infinitum, necesse  
esse, & consimilia, quæ competere nequeunt alte-  
ri, quam enti perfectissimo, & optimo; summo igitur  
malo inessent condiciones summi boni.

RESPONDEO dicendum, quicquid in aliquo gradu  
rationem essendi participat, idem & in eodem  
gradu bonitatem participare, & bonum esse. Et  
quidem ex suppositione, quod bonum entis sit pas-  
sio, ne cessario consequens illud, profecto ubicun-  
que passionis subiectum reperitur, cum propria  
passione consistat oportet. Hinc scripsit Augustinus  
1. de *Doctrina Christiana* cap. 32. *Quia Deus bonus  
est, sumus; & in quantum sumus, boni sumus.* Rur-  
sus, ex 5. *Metaphys. Text. com. 21.* Bonum idem est,  
ac perfectum. Ex 3. autem *Physic. Text. com. 63.* per-  
fectum, & totum idem sunt, quia sicuti nomine to-  
tius intelligimus id, cui nihil deest, ita & perfecti.  
Quicquid autem esse accepisse intelligitur, neces-  
sario gradum entitatis determinatum habet (solus  
enim ille, qui est à se, totum esse, omnemque per-  
fectionem præcepit, & infinitus est) juxta igitur  
naturæ exigentiam, nihil sibi deest eorum, quæ  
in tali natura, graduque perfectionis esse debe-  
bant; quicquid igitur est, bonum est: nempe habens  
gradum intrinsicæ suæ entitativæ perfectionis,  
citra quam nequit intelligi aliquid esse, five exi-  
stere: nam nihil esse potest sine sua integritate en-  
titativa, quæ est bonitas ejus essentialis, ea namque  
si desit, profecto amplius tale ens non erit; mani-  
festum est ergo qualiter quodlibet, quatenus ens  
existens, bonum esse oportet. Denique entia dupli-  
cem

1. dist. 3. q. 5. §.  
Quantum ergo  
ad secundum. V.  
Augustinus Ad  
dico.

2. dist. 6. q. 1. §.  
Quia tamen. V.  
Hoc etiam præ-  
batur.

De rerum  
principio q. 4.  
Artic. 2. lect. 2.  
n. 16.

2. dist. 37. q. 1.  
Ad aliam qua-  
sionem.

4. dist. 49. q. 4.  
lat.

De primo prin-  
cipio. ca. 1. §.  
Item probatio  
nec au. 12.

Quodlib. q. 6.  
& 18. §. Depre-  
mo.

De 1. in Com-  
ment. 1. Juner  
Terc. Metaphysic.  
Text. 3.

6. Metaphysic.  
cap. 1.

7. dist. 17. q. 1.  
§. Deo dicitur.



cem ordinem habent, secundum naturam, ex Aristotele, 12. *Metaphys. Text. c. 52.* alterum scilicet ad invicem, alterum vero ad primum Principium; sed prior gratia posterioris ordinis est: Quemadmodum ordo, quo ordinantur inter sese milites, est gratia ordinis, quem dicunt ad Ducem, igitur entia volubilia sunt, juxta hunc duplicem ordinem, nempe unum finitum est appetibile propter aliud ens finitum, secundum quod alterum gratia alterius conditum est: & omnia propter ens infinitum, à quo esse accipiunt; & ordinem consequentem ipsorum esse. Quicquid autem est volubile, & appetibile, à bonitate id habeat oportet: nec alioquin ad summum bonum est quippiam ordinabile, & ordinatum ex sui natura, nisi ipsum sit bonum, omne igitur quod est, in quantum est bonum est.

AD ARGUMENTA. Ad primum respondeo, in Mathematicis non esse bonum, quod est ex motu vel actione agentis propter finem. Cum enim Mathematicus abstrahat, & à qualitatibus naturalibus, & à forma substantiali, abstrahit subinde à motu, & ab actione agentis. Sed non propterea negandum est, mathematica quæque carere bonitate entis, & etiam talis entis; ut enim necessario ad alia entia realia comparata, perfectiora, vel imperfectiora.

Ad secundum est responsio dicentium, materiam esse bonam in potentia, sicuti est ens in potentia. Quod si intelligatur de potentia, ut est terminus potentie, sive ad quod est potentia, ut albedo generanda, non videtur verum; quia materia est subiectum transmutationis, non terminus. Rursus, ejusmodi potentia multiplex est, secundum numerum actuum producendorum; materia autem una est respectu formarum oppositarum; non est ergo potentie terminus, sed magis potentie subiectum. Denique, quod est per se principium compositi; & per se causa ejusdem, est necessario ens actu existens: Materia est principium per se, & causa per se, ex 1. *Phys. Text. c. 52.* & 2. *Phys. Text. c. 28.* est igitur materia aliquid, in quo est potentia, cum ens existens esse oporteat. Concedo ergo, materiam omnes suapte natura formas appetere, atque ad easdem esse in potentia, per quam potentiam etiam definitur; ac proinde carere actu distinguente, & dante sibi esse specificum: hæc enim omnia mutuatur materia à forma, per quam, & cum qua constituit compositum physicum determinatæ speciei. Et nihilominus hoc ipso, quod est tale ens definibile per potentiam, habet determinatum esse in tali gradu entitatis, unde est per se principium, & subiectum formarum, & per se causa compositi: in eo lem ergo ordine, & gradu, quo est ens, est etiam bonum, id est, perfectum in sua entitate, adeo ut verissimè nihil materiæ desit in suo ordine, ut nempe sit, & nature fundamentum, & prima potentia, & principium, & causa rerum materialium; est ergo experta revera omnis actus physici quo constant composita, sed non actus entitativi, ut ita dicam, per quem actum est extra nihil, & non producenda amplius; sed producta, & tantam perfectionem, atque bonitatem nata à causa ejus productiva.

Ad Tertium respondeo, haud profecto materiæ inesse eam bonitatem, quæ inest habentibus actum physicum, aut iis, quæ nulla, vel non conceptibili constant materia; non quasi corruptioni subiaceat materia, sed nexus, quo formæ unitur, & nihilominus ut entitatem participat, ita & bonitatem habere. Cum enim intentà à natura sit, ut esset fulcrum, & receptaculum formarum; si ei muneri

obeundo idonea sit, tanè sicuti facta est, & quatenus est, materia bona erit, nec carebit modo, specie, & ordine pro modulo suo: Nam hæc tria, ubi magna sunt, magna bona sunt: ubi parva, parva bona sunt. Appositè Augustinus, de natura boni cap. 18. *Hylem dico quandam penitus informem, & sine qualitate materiam, unde istæ, quæ sentimus, qualitates formantur; & infra: Quæ (nempe materia) non per aliquam speciem sentiri, sed per omnimodam speciei privationem cogitari vix potest: habet enim & ipsa capacitatem formarum: nam si capere impossibilem ab artifice formam non posset, nec materies utique diceretur. Porro, si bonum aliquid est forma, proculdubio bonum aliquid est etiam capacitatis forma.* Hæc Augustinus, quod & prædixerat cap. 8.

Ad Quartum respondeo, fieri non posse, ut voluntas aliqua odio habeat Deum, aut aliquam Dei perfectionem in se; quia quemadmodum circa malum ostensum voluntas nequit alium actum habere, quam nolitionis; ita & circa bonum, in quo nulla est ratio mali, nequit actum habere, nisi volitionis; etsi, quia liberè vult, aut non vult, ab utroque se abstinere queat; impossibile est igitur, damnatos odio habere Deum: & cum probatur ex Scriptura, dicendum, damnatos utique odisse effectum justitiæ vindicativæ Dei; non quia is effectus sit malus in se, sed quatenus est inflictorius miserationum omnium; ex inordinato igitur amore, quo seipsos prosequuntur, nollent Deum esse punitivum: id autem non est nolle esse Deum, aut perfectionem Dei, sed aliquem illius effectum optarent, & vellent non esse, quia malum inferre affectioni commodi ipsorum. Positivum itaque talis actus inordinati bonum est, quia & Deus ad illud concurrat, non autem ad inordinationem ejus, quam totam efficit voluntas creata: vel potius sequitur ad actum, quatenus non elicitur secundum regulam primam, cui deberet esse conformis, & non est. Et non secus esset dicendum, si per impossibile odium Dei diceretur: Is enim actus moraliter pessimus, physice bonus esset: voluntati enim conveniret tanquam ipsius perfectivus.

#### ARTICULUS IV.

Utrum bonum habeat rationem causæ finalis.

Doct. locis in margine citatis. S. Thom.  
1. part. quæst. 5. artic. 4.

VIDETUR bonum haud habere rationem causæ finalis. Etenim bonum est integritas, & perfectio absoluta, & entitativa rerum, secundum quam perfectio nem una species est alia major, & melior in entium coordinatione, donec perveniatur ad bonum summum, & perfectissimum; sed id, per quod una species est altera perfectior, & primum infinitè perfectum, non fundat rationem causæ finalis, sed magis ordinem eminentiæ, in quo ordine primum est eminentissimum, quia optimum, & perfectissimum: igitur bonum non habet rationem causæ finalis.

Præterea, Bonum, & perfectum idem, ex 5. *Metaphys. Text. c. 21.* sed perfectum est, quod potest facere sibi simile, 4. *Metaphys. Text. c. 54.* Id autem ad genus causæ efficientis spectat: ergo bonum magis habet rationem causæ effectivæ, quam finalis. Undè Augustinus 1. de doctrina Christiana, cap. 32. *Quia Deus, inquit, bonus est, sumus.* Sumus autem per causam effectivam omnium, bonitati igitur

De rerum principio q. 7. art. 1. n. 4.

1. dist. 36.

4. dist. 49. q. 10. §. Sed sic est unum in unum V. Respondeo.

2. Report. dist. 6. q. 1. n. 9.

1. dist. 41. §. Primum: formæ sibi videntur.

Quodlib. q. 5. & 10.

De primo Principio q. 1. art. 1. c. 12.

Theorem 23. conclus. 1. & 2.

4. dist. 49. q. 4. latior.



tur est attribuenda ratio causæ effectivæ, & non finalis.

Præterea, si bonum haberet rationem causæ finalis, utique quia bonum ipsum concupiscitur, atque appetitur; eo quod in ipso sit appetentis perfectio: sed interdum evenit, ut quis appetat nedium ea, in quibus deterior evadit: sed etiam ipsum non esse, in quo nulla esse potest ratio boni: ergo bono non est attribuenda ratio causæ finalis: cum istius causæ conceptus salvetur in iis, quæ habent rationem mali, vel deterioris boni: quia apparentis, & non verè boni.

CONTRA, 3. Metaphys. Text. c. 3. Bonum, & finis idem sunt. Bonum ergo habet rationem finis.

RESPONDEO dicendum, rationem finis bono attribuendam esse. Etenim ratio causæ finalis est movere efficiens ad agendum, non quidem ut cognoscitur, sed quatenus amatur, & desideratur. Unde Aristoteles 5. Metaphys. cap. 2. *Finis, inquit causa est: Hæc autem est cuius causa; ut ambulandi sanitas: nam propter quid ambulat: ut sanetur: & dicitur ita, putamus reddidisse causam.* Et infra: *alia vero causa, ut finis, & bonum aliorum nam quod est cuius causa est optimum, & finis aliorum vult esse: ratio igitur finis, omnino congruit bono: imo quod est bonum aliorum, idem est, ac eorumdem finis.* Quare ultimus omnium finis, est summum bonum: idemque summum appetibile, & tanquam appetibile movet, & rapit naturalem appetitum ad se. Cum igitur finis est intentus, & amatus, tunc ipse rovera causa est, & principium motivum agentis.

Efficiens jam causa effectus, vel actu motus a fine producit formam in materia: cuius causalitas utique est, materiam informare: causalitas vero materiæ est subire formæ: igitur omnium causalitas causarum a fine est. Quæ omnia diserte traduntur ab Avicenna 6. Metaphysic. cap. 5. lit. E. *Facile est inquit, intelligere, quod causa finalis in causalitate præcedit causas agentes recipientes: causa enim finalis in suo esse in anima prior est cæteris causis. In anima enim prior est agente: quia anima advenit ea prius: & postea imaginatur apud se actionem, & inquisitionem recipientis, & qualitatem formæ: respectu igitur causalitatis, & respectu essendi in intellectu, non est aliqua causa prior causa finali: imo ipsa est causa essendi causarum, cæteras causas esse verò aliarum causarum in effectu causa est essendi illam in effectu.* Hæc Avicenna. Revera igitur bonum ipsum, quippe quod omnia appetant, 1. Ethic. cap. 4. habet rationem causæ finalis: seu finis accipiat esse reale per agens motum intentionaliter ab illo: seu hinc sit extrinseca perfectio appetentis, non accipiens esse ab amante fine.

Ad Argumenta. Ad primum respondeo, species posse & ad invicem comparari, & quatenus immutari possunt appetitum, & excitare agens ad opus quodlibet: & sub priori consideratione, eas fundare ordinem eminentiæ, quia necessario una est alia perfectior perfectione, seu bonitate essentiali, & entitativa, donec perveniatur ad primum omnium eminentissimum, & infinitum in linea essendi: quatenus vero species, vel perfectæ quæque intelliguntur imputare posse appetitum, & excitare agens ad opus: tunc competere ipsis rationem causæ finalis: & utique quatenus bonæ sunt, & perfectæ: quia finis non movet, nisi prout amatur, & desideratur ab agente; ut dictum est.

Ad secundum respondetur per idem; nam perfectum prout formaliter continet virtutem, & perfectionem sibi competentem, potest producere sibi simile: ut vero appeti potest, & movere agens ad

opus, est causa finalis: id est, fundamentum relationis causæ finalis. Ad id quod additur ex Augustino responsum fuit supra art. 2. *Ad primum.* Nam a causa effectiva accepimus esse: sed ea causa mota fuit ab infinita bonitate, cuius gratia, & propter quam ea causa condidit omnia.

Ad Tertium dico sic: Finis, qui non producitur per agentis operationem, ex sui natura, & secundum voluntatem ordinatam, est perfectio appetentis ipsum, & tendentis ad illum per immanentem operationem. Nam finis naturæ optimum est, & præstantissimum, & perfectivum omnium, quæ ordinantur ad illum. Cum igitur quis sibi præfigit finem, in quo, & per quem deterior evadit, non est finis naturæ, sed voluntatis aberrantis à recta ratione. Et nihilominus stat quæsitæ resolutio: quia adhuc agens tendit, atque exequitur actionem pravam propter id, quod sibi apparet bonum, atque id per se intendit, est id reipsa sit malum: ut cum Latro furatur, & homicida hominem interficit: ditari enim, quod latronem movet, & ultio injuriæ, quam homicida intendit, videntur illis magis bona, quam opposita: nullum enim agens agit respiciens per se ad malum, bonum igitur est apprens, & non verum, habet etiam rationem causæ finalis. Et cum dicitur, quia interdum appetitur non esse, in quo nulla esse potest ratio boni. Responsum est supra articulo secundo: quia esse non esse non fit de se appetibile, comparatum nihilominus ad id quod est majus malum, ut Dei offensâ, secundum rectam rationem, est appetibile: quia minus malum: sicuti & damnati de facto appetunt non esse, quia nollent affici tantis pœnis, quamvis inordinatè: quia id ipsis à ratione recta aberrantibus magis eligibile videtur.

## ARTICULUS V.

Utrum ratio boni consistat in modo, specie, & ordine.

Doct. 1. dist. 3. q. 5. 8. Quantum ergo ad secundum articulo 5. Thom. 1. p. q. 5. art. 5.

VIDETUR ratio boni haud consistere in modo, specie, & ordine. Nam si ratio boni in illis consistere ponatur, profecto ea ratio ad primum omnium materiam non se se extenderet: articulo autem tertio, dictum fuit, omne quod est, bonum esse: ergo boni natura, vel ratio nequit esse sita in modo, specie, & ordine. Assumptum probatur ex Augustino, de natura boni cap. 18. *Materia, inquit, non per aliquam speciem sentiri, sed per omnimodum speciei privationem cogitari vix potest.* Si igitur ex se caret omni specie, adeo ut cogitari aliter nequeat: sanè bonum, quod in specie reperitur, ad ipsam pertinere non potest.

Præterea juxta dicta supra articulo primo: Ens quatenus ens bonum est: Hinc quicquid est, bonum esse oportet. Sed entis bonitas nequit consistere in modo, specie, & ordine: ergo ratio boni non integratur ex his tribus. Minor probatur: quia entis bonitas videtur abstrahere ab omni modo, specie, & ordine: quemadmodum & subiectum, cuius est passio: illa vero tria videntur esse, vel consequi naturas entium particulares.

CONTRA, Augustinus, de natura boni cap. 4. *Hæc ergo tria (inquit) modus, species, & ordo, tanquam generalia bona sunt, in rebus à Deo factis sive in spiritu, sive in corpore &c.* Et infra, *Ubi hæc tria magna sunt, magna bona sunt: ubi parva parva bona sunt, ubi nulla sunt, nullum bonum est.* Et rursum, *Ubi hæc tria magna sunt, magna natura sunt:*

Prologi qu. 3. Ad argumenta, secunda quæstio nis.

De primo Principio c. 2. c. 16.

Doct. super secundum c. 5. Metaphysic. no. 12.

4. dist. 50. q. 2.

De rerum principio q. 7. art. primo.

De primo Principio c. 2. c. 16.

De rerum principio q. 7. art. 25.

Prologi q. 4.

1. dist. 4. q. 5. Contra illam opinionem.

4. dist. 49. q. 10.

Doct. 5. Metaphysic. q. 3. n. 2.

Ubi supra n. 8.

4. dist. 49. q. 9. Ad oppositum. V. Præterea, quod.

Quodlib. q. 6. 8. Contra illa, & q. 9. secundum sententiam.



*Sancti ubi parva sunt, parva nature sancti ubi nulla sunt, nulla natura est.*

RESPONDEO, cuncta quæ sunt modum, speciem, & ordinem habere, atque ideo bona esse, quod idem est, ac omnia condita fuisse in numero, pondere, & mensura, ut scribitur *Sapientia* 11. Eum prope Scripturæ locum declarat Augustinus, 4. super Genes. cap. 3. *Mensura, inquit, omni rei modum præfigit: Numerus omni rei speciem præbet: & pondus ad quietem, & stabilitatem trahit.* Et cap. 5. *Fatemur, ait, ita dictum esse, omnia in mensura, & numero, & pondere disposita, tanquam dictum esset. Ita disposita, ut haberent proprias mensuras suas, & proprios numeros, & proprium pondus, quæ in eis pro suis cuiusque generis mutabilitate mutarentur, augmentis, & diminutionibus, multitudine, & paucitate, levitate, & gravitate, secundum dispositionem Dei.* Cum igitur dicit Scriptura, omnia esse condita in numero, pondere, & mensura, sanè mensura accipienda videtur pro limitatione cuiusque entis conditi, quatenus unumquodque certum gradum determinatum tenet, quo hæc, aut illa rerum species constat; major utique, aut minor, secundum entitativam, & essentialem perfectionem cuique ab omnium conditore impartitam; nec aliud quippe exprimitur, cum dicitur omnia secundum modum facta esse; modus igitur in entibus, idem est, ac eorum intrinseca, atque essentialis mensura. At pondus rerum, cuiusque inclinatio naturalis est; nec aliud intelligitur nomine ordinis. Numerus denique pro specie accipitur: perinde est ergo creata cuncta modum, speciem, atque ordinem habere, ac condita esse in numero, pondere, & mensura. Itaque quatenus omne ens creatum accipit à Deo determinatum quemdam perfectionis gradum, & non omnem, ejus bonitas rectè dicitur consistere in modo, seu mensura. Ex eo quod autem ii gradus perfectionis species constituentes invariabiles omnino sunt, intantum ut nihil ipsis adimi, vel addi queat, dicuntur conditi in numero, & specie, seu habere bonitatem invariabilitatis specificæ: nam species sunt sicut numeri, quibus si vel unitatem detrahas, aut addas, mox in alienam transeunt speciem. Ac denique propterea quod cuncta creata determinatum, atque invariabilem essentiam habentia, suapte natura ad aliquid inclinantur; ac propriam, naturalemque exercent operationem, vel illatam patiuntur; ne sint frustra, habent bonitatem ponderis, sive ordinis; ratio igitur boni in entibus creatis consistit completè in modo, specie, & ordine; seu in numero pondere: & mensura. At modum, sive mensuram Augustinus un' tatis nomine exprimit, 6. *Trinit. cap. 10.* dicens; *Hæc igitur omnia, quæ arte divina facta sunt, & unitatem quandam in se ostendunt, & speciem, & ordinem.* Nam unitatem declaraturus exemplis subdit: *Quicquid enim horum est, & unum aliquid, est sicut sunt natura corporum, ingeniaque animarum:* Et pergit exemplificando de specie, & ordine, dicens: *Et aliqua specie formantur, sicut sunt figura, & qualitates corporum, ac doctrina, vel artes animarum; & ordinem aliquem petit, aut renet, sicut sunt pondera, vel collocationes corporum, atque amores, & delectationes animarum.* Hæc Augustinus.

AD ARGUMENTA. Ad primum respondeo, supra, articulo tertio declaratum esse ex Augustino, qualiter materia in suo ordine est bona: Esi enim careat specie, & perfectione, quæ à forma est, hoc ipso nihilominus, quod illius est capax, bona est. Cum enim sit quid creatum, modum suæ entitatis habere oportet: & exinde pollet, & specie, & nu-

Tomus I.

mero; atque inde est ordo, vel pondus, sive inclinatio naturalis ad formas.

Ad secundum dicendum, aliam esse bonitatem, quæ est entis passio, & aliam, quæ integratur modo, specie, & ordine. Hæc enim est bonitas essentialis, & entitativa illorum, quæ sunt per participationem: id est, in hac essentiali bonitate, & absoluta entium, qui est modus eorum, fundatur & species, & numerus, ut expositum est. Bonitas autem entis inest omnibus, de quibus prædicatur ens, qua entis passione circumscripta per intellectum, adhuc bonitas essentialis superest, per quam unumquodque est quiditativè tale ens perfectius, aut imperfectius alio essentialiter.

## ARTICULUS VI.

Utrum convenienter dividatur bonum per honestum, utile, & delectabile.

Doct. locis in margine citat. S. Thom. 1. par. quæst. 5. artic. 5.

VIDETUR haud convenienter dividi bonum per honestum, utile, & delectabile. Ecce enim membra aliquod unum dividuntia, se se mutuo excludunt; opposita enim oportet esse; sed honestum, & delectabile non ita se excludunt; imo universaliter omne honestum est commodum, & quo magis honestum, eo magis commodum; ut fructio Dei, quæ simul est honestissima, & maxime delectabilis, & naturæ fruendi conveniens; igitur bonum nec aptè, nec verè dividitur per commodum, & delectabile.

Præterea, Quicquid est utile, non ratione sui eam habet rationem, sed propterea quod ordinatur ad aliud, nempe, vel ad bonum honestum, vel ad bonum delectabile, quatenus idoneum est consequutioni illorum; ergo utile non constituit tertium membrum boni, distinctum à bono honesto, vel delectabili; imo ad alterutrum illorum reducitur, prout uni, aut alteri consequendo est utile.

Præterea, Bonum utile est quoddam medium respectu boni honesti, vel delectabilis assequendi tanquam finis; igitur utile non habet intrinsecam bonitatem, sed illam mutuatur a bono, ad quod ut medium ordinatur, inestque sibi junctat extrinsecè; igitur bonum in communi, quod perhibetur divisum ab his tribus membris, æquivocè dicitur de ipsis: quia duobus intrinsecus inest bonitas, reliquo tantum extrinsecè, & aliunde. Si autem bonum convenienter divideretur per honestum, utile, & delectabile, diceretur univocè de omnibus ut cætera transcendencia prædicantur de his, in quibus reperiuntur per differentias, vel modos dividentes, eaque ad inferiora contrahentes.

Præterea, ex dictis supra, articulo 4. Bonum habet rationem causæ finalis; igitur quicquid finis rationem non possidet, nec sibi aliqua bonitas inesse potest, nisi extrinsecè: sed quod dicitur bonum utile, rationem finis habere nequit, sed tantum mediorum. Utile enim est utile propter aliud, ad quod ordinatur; ergo ad utile bonitas extenditur, ex eo quod mutuatur ab illo, ad quod ordinatur; igitur minus convenienter bonum dividitur per honestum, utile, & delectabile.

CONTRA, 4. *Ethicorum, cap. 1. expressius* 8. *Ethic. cap. 2. & 3.* triplex est bonum, scilicet bonum honestum, utile, & delectabile; ergo bonum in communi convenienter in illa tria bona dividitur.

RESPONDEO dicendum, rectè, & convenienter dividi bonum in honestum, utile, & delectabile.

K

Nam

Quodlib. q. 18.

Quodlib. q. 5. & 6.

4. dist. 46. q. 4. & 5. Ad questionem. V. De primo.

4. dist. 46. q. 4. ubi supra.

1. dist. 2. q. 3.

Prædictum Comm. super 3. Metaphysic. cap. 1. n. 9. 9. Notandum. etiam 2. dist. 6. q. 2. 6. Secunda prædicatur.

De enim prim. cap. 9. 19. art. 1.



Nam bonum naturæ intellectualis in genere est duplex, scilicet bonum honestum, & bonum delectabile. Et primum quidem bonum est quod voluntas appetit; quia est secundum se bonum, ac congruens affectioni iustitiæ ipsius: posterius vero est quod voluntas vult, quia delectat, ac congruit affectioni commodi ejus, quamvis de se alioquin non foret volendum. Et insuper est aliud bonum non propter se volibile, sed gratia alterius boni, ideoque non habens rationem finis, sed mediorum & tale est bonum utile, quod inservit nimirum consequendo bono honesto, vel delectabili. Cum enim media ipsa propriam, ac innatam habeant bonitatem à forma ipsorum intrinseca, & naturali, à qua, & per quam consequitur finis in esse reali, ut medicina respectu sanitatis; perinde ac conclusiones propria, & intrinseca pollent veritate, secundum quam sunt objecta cognoscibilia ex se ipsis; quamvis media sint appetibilia propter finem, ut conclusiones cognoscuntur per principia: nihilominus propriam, & intrinsecam possident bonitatem, per quam sunt utilia bono honesto, vel concupiscibili consequendo; igitur esto ordinetur id bonum ad unum, vel alterum illorum, tamen est quid distinctum, & diversum ab illis; Constituit ergo tertium membrum bonitatis; ac proinde bonum in se rectè in ea tria membra dividitur. Ex hoc enim quod ordinetur bonum utile ad aliud, illud solummodo consequitur, quod non sit concupiscibile propter se, nec sit primo motivum ad concupiscendum: non autem quod non sit bonum per se, seu propriam, & intrinsecam, habens bonitatem mediorum, qua naturaliter illa ordinantur ad finis effectuationem.

**AD ARGUMENTA.** Ad primum, concedo interdum honestum, & delectabile materialiter concurrere, ut in fruitione Dei in patria; imo etiam si generaliter omne honestum sit commodum; tamen è converso multa commoda, & delectabilia honesta non sunt. Per accidens ergo, & materialiter concurrunt; quia beatitudo, etsi sit summum commodum, & honestum; tamen maximè conveniens foret, & delectabilis naturæ intellectuali, etiam si per

impossibile simul non esset bonum honestum. Et charitas, quæ est maximè bonum honestum, tale quoque foret bonum, etiam si per impossibile rationem commodi non haberet.

Ad Secundum est responsio ex dictis; quia etsi utile tale dicatur respectu alterius boni, cui consequendo aliquid est utile ut medium; si nihilominus id ipsi inest ex natura sui, propriam, & intrinsecam possidet bonitatem utilitatis; ac proinde bonum utile constituit tertium membrum in boni divisione.

Ad Tertium dicendum, duntaxat ea utilia, seu media mutuare bonitatem à fine, quum media ejusmodi sunt ex humana institutione, non vero quando inest eis talis ratio per formam naturalem. Concedo igitur bonum, quod dividitur dici de membris dividendis univocè; quia contingit intellectum esse certum quippiam esse bonum, & ambigere quodnam bonum sit, honestum ne, utile, ac delectabile. Et quamvis utile bonitatem habere intelligatur cum attributione ad aliud bonum, tanquam finem ejus, propter quem est appetibile, & volendum; nihilominus ejusmodi attributio, & analogia non destruit boni univocationem: Nam & hæc bonitas præter intellectus operationem, & citrà extrinsecam denominationem, inest utili, vel mediis, ex natura eorum id subeuntibus, perinde ac reliquis membris divisionis; etsi bona honesta, & delectabilia veriùs, & magis de bonitate participent, utpote propter se ipsa appetibilia, & volenda.

Ad quartum respondeo, utique dictum esse loco citato bonum habere rationem causæ finalis, nempe illud bonum, quod propter se est volendum, & appetibile, cujusmodi est bonum honestum, & delectabile. Sed proinde haud negare voluisse, aliquam bonitatem & mediis inesse. Cum enim hæc media causent finem, & bonum subinde, & perfectum in esse reali, propriam virtutem, ac bonitatem habere necesse est; etsi bonitas hæc non moveat voluntatem ad volendum, nisi intuitu finis consequendi, ad quem & media ex natura rei ordinantur.

2. dist. 46. q. 4. §. 2. primo.

Quodlib. q. 16. §. Ille patet, dicitur. V. ad secundam probationem.

1. dist. 1. q. 3. §. Quantum ad primum, q. 4.

3. dist. 14. §. His suppositis. V. Uterius.

4. dist. 46. q. 4. §. De primo.

1. dist. 3. q. 5. & dist. 8. q. 3.

2. dist. 8. q. 3.

Oppositum docet sanctus Thomas hic §. Ad Tertium.

4. dist. 46. q. 4.



# QUÆSTIO SEXTA

## DE BONITATE DEI,

### IN QUATUOR ARTICULOS DIVISA.

*Deinde quaritur de bonitate Dei.*

#### ET CIRCA HOC QUÆRUNTUR QUATUOR,

- I. Utrum esse bonum conveniat Deo.
- II. Utrum Deus sit summum bonum.
- III. Utrum ipse solus sit bonum per suam essentiam.
- IV. Utrum omnia sint bona bonitate divina.

#### ARTICULUS I.

Utrum esse bonum Deo conveniat.

*Doct. locis in margine citatis. S. Thom. 1. p. quæst. 6. artic. 1.*



VIDETUR ratio boni haud Deo convenire: Si quidem quæst. præcedenti artic. 5. dictum est, boni rationem sitam esse in modo, specie, & ordine; Atqui Deus, etsi pulcherrimus sit, ipsaque pulchritudo, sibi que beatissima in sit delectatio (ut ait Augustinus 6. de Trin. cap. 10.) quæ ad speciem, & ordinem spectare videntur; modus tamen ei nullatenus congruere potest: modus enim unicuique mensuram prægit, ut ait idem, 4. Super Genes. cap. 3. Deus autem est sine mensura, cum omnino sit infinitus in linea essendi; igitur non pertingit ad completam boni rationem.

Præterea, Aristoteles, 3. Metaphys. Text. c. 3. negat in mobilibus esse rationem boni, & finis; Quo, namque modo, inquit, possibile est, majus principium esse in immobilibus, aut boni naturam? igitur cum Deus sit omnino immobilis, boni natura videtur carere.

Præterea, 1. Ethic. 4. Bonum est quod omnia appetunt: igitur si Deo inesset ratio boni, ab omnibus appeteretur: sed non omnium appetitum actus feruntur in Deum: Tum, quia voluntas nequit amare incognitum: Deus autem quamplures latet: Tum, quia peccantes non appetunt, nec diligunt Deum: Homines autem frequenter peccant.

CONTRA, 3. Metaphys. Text. 3. Bonum & finis idem: Deus autem est finis propter quem facta sunt omnia, omnia enim propter se operatus est, Proverb. 16. ergo inest Deo ratio boni: ob quam bonitatem, ex liberalitate exprimere se voluit in creaturis à se conditis.

RESPONDEO dicendum, verissimè Deo, primoque rerum omnium principio inesse rationem boni. Et declaratio est, quia ex dictis, quæstione 4. art. primo: Deus, cum sit primum Principium rerum omnium in genere causæ effective; est quoque perfectum: nihil enim deesse potest summæ actualitati illius, qui quatenus actus est, causat: Efficiens enim causa effectum attingit, ut contradistinguitur à materia, quæ ens potentiale est. Perfectum autem & bonum idem sunt, ex 5. Metaphys. Text. c. 21. igitur Deo in tantum convenit bonum esse, In-

quantum est perfectum: atque perfectissimus est: quia actus purissimus: ergo maxima, supremæque pollet bonitate. Deinde, juxta dicta, quæst. præcedenti, artic. 3. Quicquid est, quatenus esse participat, bonum sit oportet: quia gradum suæ entitativæ perfectionis tenet, citra quem nulla essentia, siue natura esset. Quoniam igitur ex eo quod cuncta, quæ facta sunt, esse participant, rectè inferimus, causam omnium esse: Et quidem à se, siue per essentiam: ita si que esse accipiant, & bonitatem pariter accipiant, oportet & primariam boni rationem primo Principio, atque omnium causæ inesse. Rursus, si omnia, quæ facta sunt, bona sunt, ut ait Augustinus 1. de doctrina Christi. cap. 32. utique appetibilia dicenda sunt: cum bonum sit, quod omnia appetunt. Aut igitur appetibilia, & volubilia sunt propter seipsa: aut propter aliud. Non utique volubilia gratia ipsorum: quia cum condita sint propter aliud, ad quod naturaliter ordinantur, inordinata foret ejusmodi volitio: sunt igitur volubilia propter aliud, quod propter se est appetibile, & amandum. Nam in appetibilibus est ordo essentialis, & in tali ordine non est ire in infinitum. Cum igitur appetibile, & diligendum propter se sit primum principium, & Deus gloriosus, & excellentissimus, oportet & rationem boni sibi verissimè inesse, propter quam est maximè, & propter se appetibilis; & desiderabilis. Denique ratio bonitatis melior est ipsa, quam non ipsa in unoquoque. Nam si bonitas talis ratio non sit, quænam tandem erit? Est igitur juxta Doctrinam Anselmi, Menol. cap. 15. perfectio simpliciter simplex: ejusmodi autem perfectiones esse formaliter in Deo, declaratum fuit, quæst. 4. artic. 2. & ejusdem rationis formalis cum iisdem, ut reperiuntur in creaturis, ut extitit declaratum, eadem quæstione, artic. 3. Est igitur in Deo formaliter perfectio, quæ est ratio bonitatis.

AD ARGUMENTA. Ad primum respondeo, modum, speciem, & ordinem constare rationem boni in iis, quæ modum, seu mensuram suæ perfectionis ab agente largiente esse acceperunt. In eo igitur, quod esse non ab alio possidet, sed a se ipso omnimodam perfectionem habet, tantundem præcellit ratio bonitatis, aliis modum, mensuramque habentibus, quantum infinitum esse superat ea, quæ entitatem limitatam vi factionis passivæ necessario acceperunt: fieri enim non potest, ut aliquid factum sit, & certis quibusdam limitibus suum esse non claudatur: & majoris subinde perfectionis capax non intelligatur, quatenus ens est.

Ad secundum dico, dupliciter posse nos intelligere finem: primo, cum finis præexistit motui: Secundo, cum finis acquiritur per motum, ut esse deorsum acquiritur per motum gravis, & sanitas per virtutem operatricem medicinalium. Et sub

2. dist. 3. q. 5. 4. Quantum ad secundum articulum.

Doct. super cit. Ten.

4. dist. 49. q. 9. 5. Ad oppositum. V. Præterea.

De rerum principio q. 3. art. 4. n. 32. & q. 4. art. 5.

De primo principio q. 3.

4. dist. 49. q. 4. later.

Quodlib. q. 7. 6. Secundum scilicet.

4. dist. 49. q. 3. 5. Ad primum quæstionem.

1. dist. 2. q. 2.

Doct. 13. Metaphys. q. 8. 9. ad primum.



hac acceptione quidem concedendam est, finem non habere locum in immobili bus, & separatis, sed sub prima consideratione. Nihil enim prohibet aliqui moveri, ut particeps fiat alicujus immobilis, non per motum, sed ante omnem operationem eorum, quæ ad illud accedere, ac inde haurire propriam perfectionem, quantum fieri potest, connituntur.

Ad Tertium respondeo, appetitu naturali omnes, & quidem summè appetere bonum, in quo consistit ultimata intellectualis appetitus quies, & perfectio; non tamen appetitu elicto. Appetitus enim naturalis ad quæcumque, est in ordine ad perfectionem ipsius appetentis; ac propterea unicuique cum inhi sit natura, ut unumquodque ad propriam perfectionem consequendam propendat, atque inclinetur. At de elicto appetitu non oportet, cum (ut arguitur) tale bonum possit latere, aut cognitum non diligimus, aliquid eligi, quod nullo modo est ordinabile ad illud, ut divinorum transgressio mandatorum.

## ARTICULUS II.

Utrum Deus sit summum bonum.

Doct. locis in margine citatis. S. Thom. 1. p. q. 6. artic. 2.

**V**IDETUR Deus haud esse summum bonum. Nam bonitas in Deo est infinita, seu infinitè perfectà; sed summum non est infinitum; ergo nec bonum, ut est in Deo, est summum. Probatio minoris; quia nomine summi boni non exprimitur utrum finitum, & infinitum sit, quia aliquid finitum potest esse summum: uti decem Genera generalissima; Adeoque Deus non est summum bonum.

Præterea, Bonum in Deo reperitur citra omnem respectum ad alia extra se: imo etiam si foret impossibile omne aliud bonum. Sed summum bonum est tale per respectum ad alia in ordine ad quæ est summum; ergo bonum, quod est in Deo, non est, nec potest appellari summum.

Præterea, Si Dei bonitas summa sit, ideoque excedens cæteras omnes bonitates, profecto oportet tam excessas bonitates, quàm excedentem, & summam in aliquo uno convenire; quia nunquam aliqua comparantur ut mensurata ad mensuram, vel excessa ad excedens, nisi in aliquo uno conveniant, ex 7. *Phys. Tex. 24. & inde*. Sed Dei bonitas in nullo potest convenire cum bonitatibus participatis: Deus enim & creatura à parte rei sunt primo diversa, ac in nullo prorsus convenientia; ergo Dei bonitas ex natura rei non est summa.

Præterea, Juxta dicta, *questione præcedenti artic. primo*, propterea ens bonum est, quia sui diffusivum, & ab omnibus contrahibile; igitur quod est summum bonum, oportet esse summè sui diffusivum, ac communicativum. Si igitur Deus summum bonum sit, summè se se communicabit, & suam perfectionem in alios redundare faciet; ac propterea, quemadmodum supra summum communicativum nihil est, ita nec aliquid esse posset supra ea, quibus summè est impertita divina perfectio. Non videtur autem probabile, magis, magisque communicare se posse divinam perfectionem; ergo non est summè communicata, nec aliquid erit summum bonum.

Præterea, Si Deo competeret ratio summi boni, ipse foret compositus; est autem Deus summè simplex; ergo non summum bonum. Probatur assumptum; nam *τὸ summum* aliquid addat oportet supra rationem bonitatis; alioquin non distingueretur ab

aliis, quæ non dicuntur habere summam bonitatem; igitur quod est summum bonum debet esse compositum.

Præterea, Omnia appetunt suum finem; si igitur omnia ordinata essent ad primum, tanquam ad summum bonum, omnia appeterent ejusmodi summum bonum; Id autem falsum videtur; cum appetere ultimum finem sit solius creaturæ intellectualis, quæ est capax ejus finis.

CONTRA, Augustinus 8. de Trinit. cap. 3. *Deus non est alio bono bonus, sed est bonum omnis boni*: Quod autem est bonum omnis boni, est profecto summum bonum.

RESPONDEO. summum posse accipi dupliciter, nempe & *positive* per excessum ad omnia alia: & *negative* per non excedi ab aliquo alio. Juxta primam acceptionem, quod per superabundantiam dicitur, uni soli convenit, ut dicit Aristoteles, 5. *Topic. cap. 3.* Contradictio est enim, quidpiam positive excedere omnia alia, & nihilominus posse habere superius, vel æquale. At in posteriori acceptione, quamvis repugnet *summo* habere superius, compossibile est tamen ei aliud æquale; Unde etsi decem generalissimis non sit Genus superius, cuncta tamen sunt æqualis ambitus, & excessus respectu eorum, quæ in iis respectivè generibus continentur. Dicendum est tunc, Deum esse summum bonum, quatenus *summum* intelligitur positive. Nam tanta est bonitas, & perfectio Dei, quanta & ipsius entitas, & actualitas; cum igitur ipse sit totum esse, totamque entis rationem complectatur, sic, ut extra ipsum sit nihil, tanta pariter erit illius bonitas, & perfectio, ut extra eam nihil bonitatis, & perfectionis sit reperibile; ergo quemadmodum tota, & omnimoda entitate, esseque universalissimo nihil potest esse, aut excogitari superius, vel æquale; quia eadem ratione formali, qua est universalissimum, est & singularissimum, & maxime indivisibile; ita & omnimoda perfectione, & bonitate nulla potest esse bonitas major, vel æqualis; est ergo in Deo summa bonitas, vel est ipsum summum bonum, & perfectio entitativa. Deinde, Deus est universalis omnium finis, propter quem & condita sunt omnia: finis autem, & bonum, idem sunt, 2. *Metaphys. Tex. c. 3.* igitur est quoque universale, & summum bonum, de quo procedunt cætera bona. Si enim aliquid vel minimum bonum in eo non esset, secundum tale bonum, quod sibi deesset, excideret à ratione universalis finis; ergo sicut Deus est omnium conditorum, & possibilium finis ita pariter est & summum bonum. Est autem universalis omnium finis; ad quem sunt omnia, secundum Aristotelem, 12. *Metaphys. Tex. c. 52.* ergo & summum bonum, quod nec superius, nec æquale est possibile bonum; quia æquale extra illud esset, & ultimus proinde omnium finis non esset. Tandem, Augustinus, 8. de Trinit. cap. 3. loquens de isto summo bono, & ostendens Deum non esse hoc, aut illud bonum, sed bonum omnis boni, dicit, qualiter nisi esset aliquid bonum summum, & interminabile, nullum esset bonum mutabile, nec animus bonus fieret bonus; quia bonus animus non fit malus nisi quia avertitur à bono: nec malus fit bonus, nisi quia convertitur ad id, quod est bonum: nec unum melius altero, nisi quia plus appropinquat ad summum bonum. Et concludens, dicit, *Quapropter nulla essent mutabilia bona, nisi esset incommutabile bonum*. Quod vero incommutabile bonum, sit ipsum summum bonum, probat; *Non enim*, inquiens, *minui, vel augeri bonum potest, nisi quod ex alio bono bonum est*.

AD ARGUMENTA. Ad primum respondeo, quam-

De rem principio q. 1. n. 25.

3. dist. 13. q. 4. 5. Ad primum q.

In Report. ibidem n. 5.

De rem principio q. 1. art. 5.

Ibidem q. 3. art. 2. n. 12. & 13.

Doct. 12. Metaphys. q. 2. 5. Dicendum ergo.

4. dist. 9. q. 10. 5. Ad primum principale, & 6. Ex his.

1. dist. 2. q. 6. 2. Ad primum. 3. Quæstio 1. art. 1.

5. dist. 2. q. 6. 3. dist. 13. q. 4. 5. Ad primum. 4. Quæstio 1. art. 1.

2. dist. 2. q. 6. 3. dist. 13. q. 4. 5. Ad primum. 4. Quæstio 1. art. 1.

5. dist. 2. q. 6. 3. dist. 13. q. 4. 5. Ad primum. 4. Quæstio 1. art. 1.

De rem principio q. 1. art. 5.

Doct. 12. Metaphys. q. 2. 5. Dicendum ergo.



quamvis summa, & eminentissima perfectio Dei expressius concipiatur, vel exprimitur nomine infiniti; tamen ex natura rei in Deo idem est *summum* esse, ac *infinitum*; quia illud summum dicitur per superabundantiam, adeoque ut impossibile sit habere superius, aut æquale. Et cum arguitur; quia dicendo *summum bonum*, non intelligitur utrum finitum, vel infinitum sit. Respondeo, id esse verum, cum *summum* accipitur *negativè*, non verò cum significat positivum excessum respectu omnium, ut dictum est.

Ad secundum dico, *summum* accipi posse & comparativè, ad ea, quæ exceduntur: & absolutè, quatenus significatur id, quod impossibile est excedi, aut sibi esse æquale. Primo modo, utique summum dicit respectum ad ea, quæ exceduntur. Sed cum dicimus, & appellamus Deum summum bonum, intelligimus significare perfectionem excedentem alia omnia ultra quamlibet proportionem datam, & dandam; scilicet, simpliciter infinitam: quæ sibi perinde inesset, ac si quodcunque aliud extra se repugnaret.

Ad Tertium, est responsio talis: ea quæ non sunt in eodem genere, sed sub diversis contenta generibus, nullo modo sunt comparabilia. Deus autem negatur esse in eodem genere cum aliis bonis, cum sit extra genus, & principium omnis generis: & sic comparatur ad alia per excessum, & huiusmodi comparatio non importat summum bonum. Verum supra *quæst. 3. articulo 5* jam declaravimus, Deum tunc nullo posse genere comprehendere: non quia principium omnis generis sit: Hac enim ratione, ne substantia quidem esset in genere, principium est enim omnium accidentium: sed magis quia est ens infinitum, ac proinde incapax ab intrinseco, ut de illo conceptus generis accipiatur. Sed nec *summum*, ut accipitur comparativè exprimit Dei bonitatem, quæ intensivè infinita est: Summum enim cum tali respectu ad excessum, non indicat infinitatem excedentis: cum summum *negativè*, sive cum respectu ad excessum ab ipso esse queat etiam quiditativè finitum.

RESPONDEO igitur concedendo, Dei summam bonitatem, ac quodcunque aliud ex natura rei in eo repertum, in nullo profusum convenire cum creaturis in realitate, ac subinde ea extrema fore dicenda, & porro esse primo diversa, & nihilominus unum esse, & quidem univocum utrarumque bonitatum reale conceptum, uti explicatum fuit supra *quæst. 4. artic. 3* Juxta igitur hanc univocam convenientiam rectè dicitur Dei bonitas summa, respectu aliarum bonitatum participatarum. Non intelligentes excedere illam, aut excedi has per aliquos gradus determinatos, sed ultra omnem proportionem assignabilem, quia non potest intelligi ulla bonitas ei æqualis, etiam si producerentur omnes possibiles. Unde summa perfectio, & bonitas Dei involvere non potest aliquem respectum ad bona participata, sed magis hæc bona dicere necesse est essentiali ordinem ad bonitatem per essentiam, à qua sunt; nec adæquatè, & completè sunt conceptibilia, sine tali respectu ad bonitatem imparticipatam, & summam. Hæc igitur revera concipiuntur excessum, per comparisonem realem ad bonitatem per essentiam: sed hanc minime referri ad ea, quæ excedit per aliquem respectum, quia incapax est omnis respectus realis ad creaturas.

Ad Quartum respondeo, argumentum procedere perinde ac si summa bonitas necessario, & non liberè se communicaret ad extra: quia ergo is actus liber est, tot gradus bonitatis creaturis impartitur

quot vult, & cujusque natura exposcit. Porro, quia nulla creaturam natura capax est perfectionis infinitæ: (Tunc enim haud foret ens participatum, & causatum, sed potius ens per essentiam) ideo quacunque profectus, melior est factibilis, & producibilis. Etsi ergo summe communicata non sit divina bonitas, non propterea summa dicenda non estimo, quia summa, & infinita est, ideo penitus creaturis non potest esse communicata.

Ad Quintum dicendum, idem esse summum bonum, ac bonum simpliciter; ac proinde *summum* non præferat aliquam realitatem, quæ faciat compositionem cum bono: nisi secundum rationem, quatenus scilicet bonum summum dicitur per respectum ad alia bona, quæ ordinantur ad ipsum: is respectus est duntaxat per intellectum in Deo, licet realiter in sit ipsis bonis, quæ in infinitum superantur à bono per essentiam.

Ad ultimum respondeo sic: perfectiones omnium entium quædam sunt primi Principii imitationes: cum igitur unumquodque appetat suam perfectionem: eam appetendo, quodammodo appetit suum principium: seu appetat appetitu naturali, seu rationali, seu sensitivo.

### ARTICULUS III.

Utrum esse bonum per essentiam sit proprium Dei.

Doct. locis in margine citatis. S. Thom. 1. p. q. 6. artic. 3.

VIDETUR non convenire Deo tanquam proprium esse bonum per essentiam. Etenim juxta dicta *q. 5. artic. primo*. Boni ratio vel constituitur, vel exprimitur in ordine ad appetitum, vel est ipsa passiva entis appetibilitas. Sed *esse* maxime appetitur: etiam secundum naturalem inclinationem, utique consonam voluntati divinæ: Unde extrema perversitas est, cum quis suum *esse* destruit. Igitur cum *esse* unicuique conveniat per essentiam: pariter & per essentiam inest cuique bonum esse: non igitur est Deo proprium esse bonum per essentiam.

Præterea, Potior bonitas entium, est perfectio eorum essentialis, & absoluta, secundum quam certum, & proprium gradum tenent in entium coordinatione: ea enim una species est altera essentialiter perfectior, vel imperfectior. Sed nullum ens est, ne imperfectissimum quidem, quod hac entitativa perfectione, bonitateque propriam essentiam constituyente careat: (ut dictum est, *quæst. 5. artic. 3.*) ergo etiam creata entia bona sunt per essentiam, ac proinde sic esse bonum non est proprium Deo.

Præterea, Si solus Deus bonus sit per essentiam, igitur cætera bona erunt per aliquid aliud minime spectans ad essentiam eorum. Quæro de illo alio, per quod bona sunt. (ut arguit Commentator contra Avicennam, statuentem unitatem quid diversum ab esse) aut est bonum per suam essentiam: aut per aliud additum. Et si per aliud, profecto erit processus in infinitum. Si dicatur bonum esse de se; ergo pariter & primum esse bonum de se, & non per aliud additum, atque ita per propriam essentiam, sicuti ponitur esse bonus Deus.

CONTRA, Augustinus 8. de Trinit. cap. 3. *Bonum hoc, inquit, & illud. Tolle hoc, & illud, & vide ipsam bonum, si potes: ita Deum videbis, non alio bono bonum, sed bonum omnis boni.* Cum igitur solus Deus sit bonum omnis boni, ipse solus erit bonum

1. diff. 1. q. 2. 3. 4.  
2. diff. 3. q. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

2. diff. 3. q. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

Quodlib. q. 1.

S. Thomas hic  
§. Ad Tertium.

1. diff. 8. q. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

1. diff. 3. q. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

1. diff. 8. q. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

1. diff. 8. q. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

4. diff. 30. q. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

Quodlib. q. 18.  
& quæst. 6.

4. Metaphysic.  
q. 2.

De rerum principio  
dispositio 1. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.



s. dist. 8. q. 3.

De rerum  
principio. q. 2.  
art. 3.

Quodlib. q. 5.

Quodlib. q. 18.  
De primo.s. dist. 8. q. 16.  
Ad primam V.  
sed saltem quæ  
rat & Quodlib.  
q. 7.

s. dist. 2. q. 3.

s. dist. 8. q. 5.

2. dist. 7. q. Ad  
soluti nem: lras  
quæ bonis  
Quodlib. q. 6.  
1. dist. 8. q. 3. 6.  
Ad primum V.  
Requiruntur igitur  
distingtio.

num per essentiam, & nullum aliud: quod expressius dicit idem Augustinus 11. Confess. cap. 4. *Tu ergo Domine, inquit, fecisti ea, qui pulcher es, pulchra sunt enim: qui bonus es, bona sunt enim; qui es; sunt enim, nec ita pulchra sunt, nec ita bona sunt, nec ita sunt, sicut tu conditor eorum, cui comparas, nec pulchra sunt, nec bona sunt, nec sunt.* Esse igitur bonum per essentiam est ita proprium Deo, ut nulli creaturarum competere possit; quippe quantumvis bonæ, respectu ejus, qui est bonum omnis boni, bonæ vix dicendæ sunt; imo non dicendæ, cum à summo bono ultra omnem gradum, & proportionem imaginabilem, in bonitate excedantur.

RESPONDEO dicendum, esse bonum per essentiam ita competere Deo, ut impossibile sit, alteri ab illo convenire. Et declaratio est ista: Bonitas (quantum attinet ad rem præsentem) triplex est, juxta dicta, *quest. 5. artic. 1.*: nempe una, quæ est entis passio, ejusdem ambitus cum ipso: altera essentialis, & absoluta, secundum quam unumquodque entium gradum proprium tenet in essentialium coordinatione: & tertia denique, est bonitas accidentaliter entitati adveniens, estque integritas convenientiæ, vel integra convenientia unius ad alteram, cui debet convenire: vel alterius ei, quod exigit, ut sibi conveniat *ut bona facies hominis dicitur, quia dimensu pariter, & affectu hilariter, & lucculentius colorata*, inquit Augustinus 8. de Trinit. cap. 3. Secundum unamquamque harum bonitatum Deus ita est bonus, ut nemini alteri possibile sit taliter bonitatem convenire. Nam, cum Deus sit de se esse, est quoque de se, & de se habens omnem conditionem necessario requisitam ad esse; adeoque involvat oportet perfectionem omnem, id est infinitam: quia habenti perfectionis gradum determinatum, ab alio datur, & participat ab agente dante essentiam necessario finitam. Igitur ipsum esse per essentiam: eo quod nihil sit, aut esse possit extra ipsum, ex se est hoc, & ex se est infinitum: ita tamen, ut summa unitas ex infinitate sequatur: propterea quod enim omnis perfectio constituat esse per essentiam: ideo nulla alia extra illam, quæ est omnis potest esse perfectio: igitur perinde impossibile est aliud bonum per essentiam extra Deum, ac omnem, seu infinitam perfectionem non involvere quamlibet possibilem perfectionem. Bonum ergo esse per essentiam ita convenit Deo, ut impossibile sit, alteri convenire: quia nihil potest habere entitatem, & bonitatem per essentiam, nisi omnem habeat, & infinitam. Accipiens autem esse, & perfectionem ab alio, ut est omnis creatura, necessario accipit esse, & perfectionem finitam: quia quod ab alio aliquid participat, partem, & non totum capit: nec totum potest alicui largiri: quia tunc necessario produceretur, & omne malum necessario ea productione excluderetur: & creator a creatura dependeret, quod est impossibile. At bonitas, quæ est entis passio, ut concipitur sequi, ac adæquari conceptui entis, non videtur suscipere magis, & minus, ut ne ipse quidem conceptus entis inadæquatus, & imperfectus. Ut vero est talis entis, & realitati ipsius adæquatus, tunc magis, & minus intensè dicenda est, quemadmodum & entitas, ad quam sequitur, & cujus est passio. Qua passione bonitatis est inferior sit bonitas essentialis quæ est gradus intrinsecus ejus, cujus est; non videtur tamen illa distingui à bonitate essentiali, alia distinctione ab ea, qua distinguitur conceptus inadæquatus à realitate.

Ad tertium genus bonitatis quod attinet, quæ accidentaliter est: ac entitati in sua quiditate consti-

tutæ advenit; secundum rationem, quæ convenit Deo, nulli creaturarum vel perfectissimæ congruere posse, exinde constat; quia, Deus, cum incapax sit omnis accidentis, compositionis, & componibilitatis, accidentibus perfectiorum creaturarum, per quæ ultimam earum attingunt perfectionem, ac sunt accidentali, & secundaria bonitate perfectæ, correspondet in ente infinitè perfectò substantia. Unde quoniam creatura intellectualis attingit ultimam sui perfectionem, & objectum in quo completè quietatur, per operationem ab se realiter distinctam, divina voluntas contra attingit objectum infinitè bonum, per actum, seu operationem sibi identificatam, ob intensivam infinitatem ejus. Ut intelligitur ergo Dei voluntas in plena possessione divinæ bonitatis, quæ & est Deus perfectè beatus, ea operatio est immutabiliter sibi conjuncta, & per rationem conceptibilem duntaxat à potentia, & objecto differens. Nam non perficitur potentia infinita, nisi secundum modum intelligendi, etsi interim quæ actus secundus ex natura rei, non sit potentia, vel actus primus; igitur quoniam creaturæ, vel perfectissimæ convenit attingere suam perfectionem, & bonitatem secundariam per operationem à se distinctam, & non in se profecto sibi non competit esse bonum hoc genere bonitatis, quod est, per suam essentiam: sed magis quatenus objecto perfectissimo extra se existenti, unitur, quod nimirum simpliciter est propter se volendum, & amandum; quia in nullo alio est natura intellectualis completa, perfectæque quies; quæ adepta, tunc ei naturæ completè bene est; de qua bonitate loquitur Boetius, *libello de Hebdomadibus*, cum dicit, bonitatem esse accedens, ac res non in eo, quod sunt, bonas esse.

AD ARGUMENTA. Ad primum respondeo, esse quod maxime appetitur, constitui tale per essentialem perfectionem cujusque, vel etiam accidentalem, cum scilicet completè huic, aut illi bene est, ex objecto infinito, in quo solum potest natura intellectualis perfectè quietari, atque id esse, & bene esse maxime natura intellectualis naturaliter appetit. Et cum infertur: Enti cuique id convenit per essentiam; ergo etiam & bonum, vel appetibile esse. Respondeo; esse per essentiam nemini convenit, nisi illi, qui cum sit à se, omnem, & infinitam perfectionem accipit, & completitur; cetera ergo non sunt per essentiam, nec involvunt ipsum esse, sed sunt capacia recipiendi esse ab alio; ideo nec involvunt omnem conditionem, & perfectionem essendi, sed necessario excidunt à perfectione summa, quæ ipsis non repugnaret, quatenus entia. Ut ergo sunt entia per participationem, ita & bonitas non inest ipsis, seu intrinseca, & essentialis, seu extrinseca, nisi per partem, & neutiquam per essentiam. Et huc respiciebat Augustinus, *supra* relatus, cum dixit: cuncta quæ sunt, quantum vis & pulchra & bona, & existentia; in comparatione nihilominus ad Conditorum excelsum, nec bona, nec pulchra existere.

Ad Secundum patet ex statim dictis; quia est entia, ob intrinsecam, & extrinsecam bonitatem, & gradum essendi rectè secundum se appellantur & esse, & bona esse bonitate essentiali, vel accidentaliter; nequaquam tamen dicenda sunt bona per essentiam, cum non nisi per participationem primi boni, talia esse possint. Per essentiam itaque bonum non est nisi, qui habet omnem plenitudinem bonitatis; isque unus est, nec fieri potest, nec intelligi ut id alteri ab ipso conveniat.

Ad Tertium dicendum, bonitatem, quæ est entis passio, & quæ est modus intrinsecus rerum, non

s. dist. 8. q. 1. &amp; 2.

De rerum  
principio. q. 4.  
art. 2. sed. 1. 6.4. dist. 49. ubi  
supra V. Tertia  
conclusio.

4. dist. 49. q. 10.

s. dist. 8. q. 3. 6.  
Ad primum.

s. dist. 8. q. 2.

Quodlib. q. 1. & 2.  
1. dist. 8. q. 4.

2. dist. 2. q. 5.



non esse quid re diversum ab iis, quorum sunt bonitates; & ideo in his cessat argumentum, nec igitur in infinitum: quia in omni ordine standum est ad unum, quod de se sit tale, & non per aliud distinctum, atque diversum. Quod bonitatem accidentalem spectat, ut distinguitur realiter à subiecto, quod supponit, & cui convenit, & quod perficit, ipsa est statuenda in entitate, vel entitatibus diversis, id est, unum ens in se bonum, essentialiter: & quatenus ens: alteri comparatum, est bonum ei accidentaliter: ut cibis dicitur bonus stomacho, & comedenti, quia habet saporem sibi convenientem. Hæc ergo bonitas exurgit ex integra convenientia unius alteri: & non in aliquo indivisibili: ut duæ priores absolutæ bonitates: non est ergo hæc accidentalitatis bonitas talis per aliud quid ab ea diversum, sed entia, ex se ipsis cum ad invicem comparantur, resultat hæc accidentalitatis, & secundaria bonitas.

#### ARTICULUS IV.

Utrum omnia sint bona bonitate divina.

Doct. locis in margine citatis. S. Tom. 1. p. quæst. 6. artic. 4.

**V**IDETUR omnia esse bona bonitate divina. Nam Augustinus, 8. de Trinit. cap. 3. vocat Deum bonum omnis boni: Cum itaque audis, inquiens, bonum hoc, & bonum illud, quæ possunt etiam alias dici non bona, si potueris sine illis quæ participatione boni bona sunt perspicere per se bonum, perspexeris Deum: non alio bono bonum, sed bonum omnis boni. Si igitur Deus est bonum omnis boni, cætera omnia ab ipso, sunt bona bonitate divina.

Præterea, Ea bonitate cætera omnia à Deo sunt bona, quæ detracta, vel circumscripta per intellectum, bona insuper non sunt: sed secundum Boetium, de Hebdomadibus, si paulisper per intellectum amoveas ipsum primum bonum, tunc licet sint bona, non tamen in eo quod sunt, erunt bona; igitur quicquid est bonum, in quantum est, bonitate divina bonum est.

Præterea, Deus est ipsum bonum per essentiam, cetera vero, in eo quod sunt, bonitatem habent participatam, atque ejusdem rationis cum bonitate, quæ dicitur per essentiam: est enim perfectio simpliciter: igitur omnia bona causata, sunt talia bonitate illa incausata; si enim sol fons sit omnis caloris, & lucis, perfectio cætera, in quibus & lux, & calor reperitur, lucida, & calida erunt calore, ac lumine solis.

**CONTRA**, Deus & creatura à parte rei adeo sunt primò diversa, ut in nullo prorsus convenient secundum realitatem: si autem creata quæque bona essent divina bonitate, non forent perfectio ea extrema primò diversa, imò una, eademque in utriusque existeret realitas bonitatis.

**RESPONDEO** dicendum; ea, quæ facta sunt haud esse bona divina bonitate, quæ tali; participare tamen divinam bonitatem, ut effectus causam, in qua illa virtualiter, & eminenter continentur. Et primum quidem declaratur; quia creaturæ omnes non sunt factæ, (nec sanè fieri potuissent) de Dei substantia, & bonitate, sed de nihilo. Nam aliquin necessariæ forent, & æternæ & Creator ab his dependeret per necessariam habitudinem. Potentia enim infinita duntaxat per se movetur ab objecto infinito, ab aliis vero nulla ratione moveri, & immutari potest, sed fertur

super illa, ratione ejus, quod per se, & necessario respicit. Cum igitur creaturæ omnes finitæ ab intrinseco sint, quia omnibus deest aliquis gradus perfectionis, quatenus entia sunt; cui scilicet rationi entis ea perfectio non repugnare; perfectio nec necessario productæ sunt, nec de substantia, & bonitate Dei; igitur igitur omnia, quæ sunt, bona sint, eorum tamen bonitas nequit esse bonitas divina, quia hæc necessaria, æterna, increata, & infinita est: sed est bonitas ex nihilo creata, contingens, diminuta, & imperfecta, imitativa quidem ejus bonitatis, quæ in Deo est, sed interim nihil habens commune cum illa, cum per infinitatem ab ea distet. Non sunt ergo creature bonæ bonitate divina.

Verum, quia bonum ipsum per essentiam, causa est, cur sint cetera ab ipso, ac bona sint; dicente Augustino; Quia Deus bonus est, sumus: & in quantum sumus, boni sumus: 1. de doctrina Christi. cap. 32. perfectio, quemadmodum dicuntur alia à Deo esse, ex bonitate divina, ita & recte appellantur bona eadem bonitate divina; non quasi sit forma crearuræ, sed magis causa ejus, quæ in ipsis est, bonitatis. Quamvis enim Deus efficiat omnia per immensam potestatem, & sapientiam, prima nihilominus ratio causalitatis est, ad quam spectat ratio communicabilitatis: hæc autem ratio est boni, in quantum bonum. Voluntas igitur divina infinitè quidem potens est, sed quia infinitè bona, largitur esse, & bonitatem aliis omnibus à se: ac proinde creata cuncta & sunt, & bona sunt bonitate divina, tanquam omnium causa, vel prima ratione causalitatis. Cum enim Deus habeat infinitam rationem perfectionis, est imitabilis ab omni creatura, tam facta, quam possibili, nec omnes, quamvis forent infinitæ exhauriunt gradus imitabiles ex parte Dei; sicut igitur secundum gradus diversos, illum imitantur; ita sunt, & bona sunt; nec aliud est participare esse, & reliquas perfectiones ab eo, qui habet esse ex se, & plenitudinem omnis perfectionis; unde omnia comparantur ad Deum, ut artificialia ad artificem; sicut scribitur sapientiæ 7. omnium est artifex, omnem habens virtutem.

**AD ARGUMENTA.** Ad primum, concedo Deum esse bonum omnis boni, seu bonum per essentiam; eo quod ab eo, ut à causa, sint cætera bona, à quibus omnibus imitatur, quatenus habent aliquem gradum essendi, & bonitatis ex infinitis reperiis in illo, qui est per essentiam suam. Et cum dicit Augustinus, si absque rationibus peculiaribus participantibus intueatur, vel consideretur bonum, in eo intelligi, seu perspicere Deum. Respondet, illud bonum, cujus participatione alia bona sunt, quodve intelligitur, intelligendo hoc bonum, vel illud; potest poni vel universale ad omnia bona; & tunc ejus participatione sunt alia bona, sicut inferiora participant superius. Vel potest intelligi bonum per essentiam, cujus, ut causæ, participatione alia bona sunt, & tunc utique intelligendo illud bonum, intelligitur bonum per essentiam, in universali ratione bonitatis: perinde ac intelligendo hoc ens, intelligitur ens in universali, ut pars conceptus. Cum igitur subdit, si potueris perspicere per se bonum &c. id est, si bonum, quod cognoscitur in universali, concipiatur cum hac determinatione per se, utique intelligitur Deus, non solum in conceptu communi, sed in conceptu proprio: bonum enim per se, est ipsum bonum per essentiam, quod est Deus. Ac proinde quoniam bonis creatis, ac participantibus illud bonum intrinsece repugnat ejusmodi con-

Quodlib. q. 10.  
9. De primo.

1. dist. 2. q. 2. 6.  
110. sunt duæ  
opiniones.

1. dist. 2. q. 5. V.  
Adducitur ad  
hoc Augustinus.

1. dist. 8. q. 4.

1. dist. 2. q. 3.

videndus artic.  
6. q. 16.

De rerum principio q. 4. art. 2.  
sect. 1. & 2. & 4.

1. dist. 8. q. 5. &  
9. 2.

4. dist. 49. q. 4.  
later.

De rerum principio q. 4. art. 2.  
sect. 2. n. 18.

Idem, q. 2.  
art. 1. n. 15.

1. dist. 8. q. 2. 6.  
Ad argumentum  
opinionis. V. ad  
Augustinum.



conceptus bonitatis *per se* esse perfectio nequeunt bona divina bonitate, sed duntaxat per illam erunt bona, sicuti effectus habet esse, & reliquas sibi proprias perfectiones à sua causa.

Ad Secundum ex Boetio, dico, ipsum intelligere bonitatem in entibus creatis fluxum quemdam a primo bono, cujus voluntate cetera sunt, & in quantum sunt, bona sunt. Si igitur cetera à Deo ab ipso fluunt, non fluunt sanè, nisi sicuti effectus alterius omnino rationis de sua causa procedunt. Quemadmodum ergo per hoc quod fluunt in alteritate effendi, dici nequeunt esse entitate divina,

ita nec intelligi perfectio possunt, nec sunt bona bonitate divina.

Ad Tertium, patet responsio ex dictis; quia sicut esse per essentiam est omnino alterius rationis ab entibus participantibus esse ab illa, & duntaxat conveniunt in conceptu imperfecto, & inadæquato; ita & reliquæ perfectiones simpliciter, quæ in primo sunt formaliter infinitæ, in creaturis vero limitatæ, & finitæ; ideoque sunt necessario aliæ, & aliæ ab illis, quibus est perfectum ens per essentiam,

1. dist. 8. q. 3 & 4.

1. dist. 7. q. 5. §. Ad Secundum.

## QUÆSTIO SEPTIMA DE INFINITATE DEI, IN QUATUOR ARTICULOS DIVISA.

*Post considerationem divinæ perfectionis, considerandum est de ejus infinitate, & de existentia ejus in rebus: attribuitur enim Deo quod sit ubique, & in omnibus rebus, in quantum est incircumscribibilis, & infinitus.*

### CIRCA PRIMUM QUÆRUNTUR QUATUOR.

- I. Utrum Deus sit infinitus.
- II. Utrum aliquid præter ipsum sit infinitum secundum essentiam,
- III. Utrum aliquid possit esse infinitum secundum magnitudinem.
- IV. Utrum possit esse infinitum in rebus secundum multitudinem.

#### ARTICULUS I.

Utrum Deus sit infinitus.

*Doct. 1. dist. 2. q. 1., in Report. ibidem, q. 3. Quodlib. q. 7. §. Ad primum, de primo Principio, cap. 4. S. Thom. 1. part. quæst. 7. artic. primo.*



**V**IDETUR Deus non esse infinitus. Siquidem cum intelligitur in entibus aliquid actu existens infinitum, nullum illi contrarium potest unum consistere, seu sit contrarium formaliter, seu virtualiter, idest, ratione, effectus ab infinito producibilis: Ab eo enim perinde quodvis contrarium excluderetur. Nam si sol foret infinite calidus virtualiter, nihil frigiditatis secum compateretur in Universo. Cum igitur infinitum ens sit & infinite bonum, ejusmodi bonum infinitum omne malum arceret ab entibus; ergo cum multa mala esse constet, nullum est bonum, nec ens infinitum in Universo.

Præterea, Posito à parte rei corpore infinito, nullum aliud corpus esset illi compossibile; ergo pariter neque enti infinito, est aliud ens compossibile; igitur cuncta in Universo oportet esse finita. Probatio primæ consequentiæ; Tum quia, sicut repugnat dimensio dimensioni, ita videtur actualitas actualitati repugnare: Tum quia, si existeret aliud corpus ab infinito faceret cum illo aliquid infinito majus; ergo etiam si enti infinito coexisterent alia entia finita, aliquid majus infinito coalesceret ex illis; quod est impossibile, cum infinito nihil majus, nedum esse; sed ne ex cogitari quidem possit.

Præterea, Quod ita est hic, quod non alibi, est finitum respectu ubi; & quod ita est nunc, quod

non aliàs, est finitum respectu Quando; & quod ita agit hoc, quod non aliud, est finitum secundum Actionem; & ita de aliis; ergo quod est ita hoc aliquid, quod non aliud, est finitum secundum entitatem: Deus autem est summè hoc; quia ex se est quædam singularitas; ergo non est infinitus.

Præterea, Secundum Aristotelem 8. Physic. Tex. c. 79. *Virtus infinita, si esset, moveret in non tempore.* Sed nulla virtus potest movere in non tempore: Motus enim est essentialiter successivus, ac proinde est necessario in tempore; ergo nulla est virtus infinita, ac ens subinde infinitum in natura; & entium coordinatione.

CONTRA; In Psalmo 47. scribitur, *Magnus Dominus, & laudabilis nimis, & magnitudinis ejus non est finis.* Item Damascenus, libro primo cap. 12. *Totum enim in se comprehendens habet esse, velut quoddam pelagus substantiæ infinitum, & interminatum.* Sed & Philosophus 3. Phys. Tex. 30. ait, omnes concedere, primum Principium esse infinitum, & omnia continere.

RESPONDEO dicendum, Deum esse formaliter, & intensivè infinitum, idest, secundum virtutem, seu perfectionem omnimodam in linea entis. Quam porro infinitatem virtutis, & perfectionis entitativæ, proût est possibile intellectui finito, attingere quodammodo fatigantes, efformemus oportet contrarium conceptum illius, quem de infinito in magnitudine sibi rectè prefixisse Aristotelem, 3. Physic. Tex. 63. communis consensus persuadet, dicentem, *Infinitum est, cujus quantitatem accipientibus, (idest, quantumcunque accipientibus) semper aliquid restat accipere.* Est igitur ejusmodi infinitum in potentia, non habens rationem totius, nec perfecti; quia perfectum est, cui nihil perfectionis deest, sed huic infinito semper aliquid deest, insuper accipiendum. Quod si imaginaremur omnes partes acceptibiles simul esse acceptas, nunquæ haberemus infinitam quantitatem

Quodlib. 4. §. 5. De primo.



tatem in actu; quia tanta esset in actu, quanta & in potentia: quod infinitum verè foret totum, & perfectum totum, quia nihil sibi deesset: nec quidpiam ei posset addi, nam alioquin posset excedi. Ab intelligentibus igitur aliquid actu infinitum in entitate, profecto debet concipi proportionabiliter ad quantitatem, quæ infinita in actu attingitur; adeò ut illud ens dicatur infinitum, quod non potest ab aliquo in entitate excedi; cui proinde insit oportet ratio totius, & perfecti: non quidem quantum infinitum, quia id necessariò constaret partibus imperfectis, quarum una esset extra aliam; & ita quique deesset quidquid in alia reperiri intelligeretur. At ens infinitum sic est perfectum, ut nec sibi, nec alicui quod sit ejus deesse aliquid possit; quia id totum nec dependet ex aliquibus imperfectis, nec aliqua pars est extra aliam. Ex ratione igitur infiniti posita 3. *Phys.* applicata secundum imaginationem ad infinitatem actualem in magnitudine, & rursus ad infinitatem actualem in entitate, habetur quod significare intendimus nomine entis infiniti intensivè, sive in perfectione, vel in virtute.

Ex his possumus ens infinitum in entitate ita describere; *Infinitum est, cui nihil entitatis deest, eo modo, quo possibile est illud haberi in aliquo uno.* Nimirum, quia fieri non potest, ut infinitum in perfectione habeat in se realiter, & formaliter omnem entitatem, uti extitit declaratum supra, *quæst. 4. artic. 2.* Potest etiam describi per excessum ad quodcumque ens finitum sic: *Ens infinitum est, quod excedit quodcumque ens finitum, non secundum aliquam determinatam proportionem, sed ultra omnem determinatam proportionem, vel determinabilem.* Cum enim omne ens finitum ad aliud comparatum, excedat, vel excedatur secundum aliquam proportionem determinatam, quatenus est unum altero perfectius, vel imperfectius in entitate, & essentiali perfectione; contra ens infinite perfectum excedit in perfectione omne finitum ultra omnem proportionem assignabilem.

Hunc autem conceptum entis infiniti ita declaratum, non involvere aliquid impossibile, & repugnans, ex eo constat; quia si infinitas foret enti impossibilis, profecto ea impossibilitas appareret; quam cum nullus intellectus deprehendat, nulla hic quidem erit: sicut enim quodlibet ponendum est possibile, cujus non apparet impossibilitas, ita & compossibile, cujus non innotescit impossibilitas. Componendo autem infinitatem enti, nulla apparet; quia nec de ratione entis est finitas; nec est passio convertibilis cum ente; ex alterutro autem istorum duntaxat posset concludi impossibilitas. Et sanè, cum ens sit obiectum intellectus, haud latere posset repugnantia, si inesset conceptui entis infiniti. Mirum est autem, si nulli intellectui talis contradictio patens fiat, circa ejus primum obiectum, cum discordia in foro ita faciliter offendat auditum: si enim est disconveniens, statim recipitur, & offendit, cur nullus intellectus ab intelligibili infinito naturaliter refugit, sicut a non conveniente; imò contra veluti perfectissimum intelligibile apprehensum, in eo mirificè delectetur, & conquiescat.

Supponendo igitur nullam impossibilitatem subesse conceptui entis infiniti, declaratum, Deum esse infinitum in virtute, & perfectione, & quidem in ipsa linea entis. Et primo ex ratione causæ efficientis; quæ via Aristoteles, 8. *Phys. Text. c. 78.*, & 12. *Metaphys. Text. c. 41.* conatus est ostendere potentiam intensivè infinitam primi Principij, sic arguendo: *Primum movet motu infinito; ergo habet*

potentiam infinitam, & per consequens est infinitum. Quantum atinet ad ejus argumenti assumptum, sciendum, tantam perfectionem posse concludi de potentia aliqua, ex hoc quod sufficienter ex se potest in talem actum, quanta deducitur ex eo quod exit in talem actum: Esti ergo antecedens Aristotelis falsum sit; quia de facto mundus in tempore fuit; atamen multi Theologorum putant incipere ab æterno potuisse, atque omnes fatentur, nullam repugnantiam ex parte Dei extitisse, quominus ita factus sit; etiamsi talis modus ei effectui fuerit impossibilis. Igitur ex hac non repugnantia respectu potestatis divinæ, non minus potest rectè concludi infinitas potentiæ illius, ac si semper mundus extitisset. Probatur igitur consequentia: Nam tale movens, vel potens movere motu infinito; vel movet virtute alterius, vel movet à se: Non virtute alterius; quia tunc non esset primum movens; juxta dicta, *quæstione secunda artic. 3.*, igitur movet à se, propria nimirum virtute, & non virtute alterius; igitur ea virtus est intensivè infinita, & entis habentis potentiam intensivè infinitam. Probatio: Quod habet à se potentiam activam, pariter à se habeat oportet & entitatem, cujus est ea virtus, & potentia. Habens autem à se aliquid, possidet illud in tota plenitudine, quæ sibi potest competere: Alioquin si quidpiam perfectionis sibi deest, cur & illam non accipit, cum reliqua omnia habeat à se? Esti ex se sibi is defectus insit: igitur est ostendenda impossibilitas infinitæ perfectionis ad ens. Contra vero constat, nihil h. beri limitatè in aliquo, nisi quia Agens ei largitur esse, & totam perfectionem: adeoque quæ sunt ab alio, finita, ac limitata sunt: ergo quod est à se, illimitatum, ac infinitum est: quia plenitudo omnimodæ perfectionis esse non potest sine infinitate intensiva: Ex hoc igitur quod primum movere possit motu infinito à se, sequitur ipsum habere virtutem, & potentiam intensivè infinitam.

Deinde, Intellectus divinus actu intelligit infinita intelligibilia, ex Augustino 12; de Civit. cap. 18. *Abstinet, inquit, ut dabilemus, quod ei notus non sit omnis numerus, cujus intelligentia, sicut in Psalmo canitur, non est numerus. Infinitas itaque numeri, quamvis infinitorum numerorum, nullus sit numerus, non est tamen incomprehensibilis ei, cujus intelligentia non est numerus:* igitur is intellectus est infinitus. Probatio consequentiæ: ubi pluralitas concludit majorem perfectionem, ibi ex infinita multitudine rectè inferitur infinitas perfectionis: sed unumquodque intelligibile natum est intelligi propria intellectione ab intellectu creato, quæ intellectio dicit perfectionem: ergo infinita intelligibilia actu intelligens, & distinctè, ex sui natura, est infinitæ perfectionis. Atque id ipsum sequitur ex ratione intelligendi infinitorum. Nam majoris profecto perfectionis est ratio intelligendi, quæ est plurium representativa: quæ igitur est infinitorum representativa, infinitæ omnino debet esse perfectionis: quia oportet eam includere e minenter perfectiones omnium propriarum rationum intelligendi, quarum qualibet, secundum propriam rationem, perfectionem ponit. Cum igitur hæc ratio intelligendi distinctè, sit essentiæ divina, erit continens infinitarum perfectionum: ac proinde intensivè infinita: quia unumquodque, sicut se habet ad esse, sic ad cognoscibilitatem, ex 2. *Metaphys. Text. c. 4.*

Tandem, juxta dicta, *quæst. 2. artic. 3.* in ordine efficientis, finis, & eminentiæ, standum est in uno, atque ea triplex primitas uni naturæ duntaxat

Descriptio Infinitum entitativa perfectione.

Si infinitas enti repugneret, statim ab intellectu deprehenderetur.

Videndus Mayron. 1. dist. 2. 4. 8.

Quodlib. 4. 7.



convenit; ut idem sit primum efficiens, ultimus finis; ac entium omnium eminentissimum; cui perinde est impossibile superius, & æquale; igitur oportet ipsum esse intensivè infinitum. Nam si eminentissimo impossibile est aliquid esse superius, vel perfectius, aut par, quia finito, nedum æquale, verum etiam perfectius non est impossibile omnino oportet primum efficiens, ultimum finem, ac primum continens esse intensivè infinitum.

Quibusdam videtur declaranda Dei intensiva infinitas per hoc, quia forma finitur per materiam; ergo quoniam primæ formæ penitus repugnat esse in materia, est infinita. Verum hæc ratio inefficax est: quia tunc etiam natura Angelica esset infinita, cum sit immaterialis secundum illos. Nec per hoc quod *esse* Angeli finiret ipsius essentiam, evitaretur inconveniens. Nam cum ponat *esse* accidere essentie, tanquam quid naturaliter posterius, in primo signo naturæ, essentia secundum se ut prior, videretur esse intensivè infinita: ac per consequens in secundo signo naturæ, non erit finibilis per *esse*, quia quælibet entitas habet intensivum gradum suæ perfectiōis, à quo est finita, vel infinita in se, ut præintelligitur prior omni comparatione sui ad aliam essentiam, à qua proinde ut accipere nequit gradum intrinsecum suæ perfectiōis, ita nec finitatem.

Cum igitur arguitur; Forma finitur ad materiam: ergo si non est ad materiam, non finitur: Fallacia est consequentis, Corpus finitur ad corpus: ergo si non est ad corpus, est infinitum: ultimum cælum ergo erit infinitum. Sophisma est, 3. *Phys. Tex. c. 31. & 74.* Quia sicut prius corpus in se finitur antequam finitur per aliud corpus, ita forma finita in se, prius finitur: quia est talis natura in entibus, quæ finitur, quàm finitur per materiam; nam secunda finitas præsupponit primam, & non causat eam.

AD ARGUMENTA. Ad primum respondeo, ex dictis, c. 2. artic. tertio §. Ad quartum, si bonum infinitum, quod est Deus, ageret extra se ex naturæ necessitate, ut sol necessarius est productivus caloris, & lucis, utique quicquid esset malorum in entibus excluderet: si tamen ea, quæ dicuntur mala opposita forent illi vel formaliter, vel virtualiter. At si summi boni actio sit libera, uti revera est, non oportet impediri per illam quodvis malum; quia posset quædam permittere, sicut de facto permittuntur mala propter fines altissimæ, & abditissimæ providentiæ nobis ignotos.

Verum, suboritur hic instantia: quia Philosophi putantes, Deum agere ex naturæ necessitate, ponebant nihilominus mala in Universo; igitur non accident mala propterea quod Deus sit causa libera, respectu creaturarum. Respondeo, Philosophos lumine fidei destitutos, non raro admisisse latentes contradictiones, sicut est, Deum summum bonum esse causam necessariam, & aliquod malum venire contingenter in entibus, ita ut sit imputabile facientibus, & subinde puniendum. At tamen ex falsa positione Philosophorum possibile fuisset aliquod malum in natura ex occurrere, & incidentia causarum naturalium sibi mutuo adversantium; adeoque effectus, qui erat sequenturus ex his causis naturalibus, interventu potentiorum causarum, contrarius, vel deficiens exiit effectus, atque id fuit eis malum in natura. Sed qua ratione fuerit imputabile, & ordinandum per penam, nec declaraverunt, nec explicari potest in falsa hypotesi illorum.

Ad Secundum, neganda est consequentia. Ad

primam probationem ejus, dicimus non esse similem impossibilitatem dimensionum in replendo locum, & essentialium in simul essendo: Non enim una entitas sic replet totam naturam entitatis: quin cum ista alia entitas possit stare; quod non est intelligendum de repletionem locali, sed quodammodo de commensuratione essentiali. Una autem dimensio replet locum secundum ultimum capacitatis suæ, & ideo nequit esse cum eo aliud corpus eundem locum replens: etsi posset reperiri cum alio corpore non replente locum. Itaque una entitas simul potest esse cum alia, sicut potest respectu loci, cum corpore replente locum, esse aliud corpus non replens locum. Ad aliam consequentiæ probationem, concedo ex corpore infinito, & finito fieri aliquid majus utroque, si una essent, ratione dimensionum; quia dimensiones alterius corporis essent aliæ à dimensionibus corporis infiniti, & ejusdem rationis cum illis; & propterea exinde totum majus constaretur. Altera vero ex parte illud totum majus esse non posset, quia dimensio infinita nequit excedi. At tota quantitas infinitæ perfectiōis nullam omnino recipit additionem in ratione talis quantitatis, ex coexistentia alterius finiti, secundum quantitatem virtutis; quia sunt extrema alterius omnino rationis, & primo diversa; & quicquid esse potest perfectiōis in ente finito, longè excellentius reperitur in infinito, quàm sit in se ipso.

Ad Tertium respondeo, consequentiam esse negandam, nisi illud, quod demonstratur in antecedente, sit finitum. Exemplum si per impossibile daretur *Ubi* infinitum, & corpus infinitum tale *Ubi* repleret, profecto non sequeretur: *Hoc corpus est hic, ita quod non alibi; ergo est finitum secundum Ubi*; cum *hic* non demonstraret, nisi finitum. Est igitur probandum in casu id quod demonstratur per hoc esse finitum; alioquin petitur manifeste, quod est probandum.

Ad Quartum respondeo; etsi argumentum sit difficile falso opinantibus, Deum esse causam necessariam, nec habentem subinde in potestate sua propriam actionem; tamen rectè sentientibus, Deum esse causam liberam, ut comparatur ad alia à se ipso, nullam habet difficultatem; quia licet sit virtutis infinitæ, tamen quia liberè, & contingenter agit ad extra, sicuti in potestate ejus est agere, & non agere, ita & in potestate ejus, agere in tempore, & agere in non tempore. Potest igitur Primum agens movere corpus in tempore; esto sit infinitæ virtutis; quia non necessario agit, secundum ultimum potentie suæ; nec in tam brevi tempore causat, quin in breviori posset agere.

## ARTICULUS II.

Utrum aliquid aliud, quàm Deus possit esse infinitum per essentiam.

Doct. locis in margine citatis. S. Thom. 1. p. q. 7. artic. 2.

VIDETUR aliquid aliud, quàm Deus, esse infinitum per essentiam. Etenim Philosophus 6. *Topic.* reprehendit definitionem lineæ rectæ, hanc scilicet; *Linea recta est, cujus medium non exit extrema*; per hoc, quia si linea infinita foret, recta esse posset, quæ nihilominus careret medio, atque extremis: Non est autem aliqua definitio reiicienda, propterea quod non conveniat aliqui, quod impossibile est comprehendere, eo quod tale nec esse possit; igitur est possibile aliquod per essen-

1. diff. 8. q. 3. 5.  
Alii probant  
quarto modo.  
V. Sed contra.



essentiam infinitum, quod non sit Deus.

Præterea, 3. *Phys. Tex. c. 64.* Quantam magnitudinem contingit esse in potentia, tantam contingit esse in actu; sed in potentia contingit esse infinitum; quia 2. *de Anima, Tex. c. 41.* ignis crescit in infinitum, appositis combustilibus; igitur est aut esse potest infinitum per essentiam aliud à Deo.

Præterea, 6. *Phys. Tex. c. 3.* continuum est divisibile in semper divisibilia: sed numerus sequitur divisionem continui, ex 3. *Phys. Tex. c. 68.*, ergo numerus est infinitus.

Et si dicatur, quia numerus est infinitus in potentia, sicut & continui divisio. Contra; primo de Cælo, & Mundo: *Quod impossibile est factum esse impossibile est fieri*; ergo si impossibile est continuum esse divisum in infinitum, ergo impossibile est dividi in infinitum in potentia. Quod si possibile est dividi in infinitum, ut omnes fatentur; igitur est aliud infinitum per essentiam, quam Deus.

Præterea, Ex eo quod intellectus divinus sit infinitorum intelligibilium, intulimus articulo præcedenti, ipsum esse infinitum, ac intellectus, & essentia proinde infinita; sed ea pariter est cuiusvis intellectus vis, & potestas, ut ad infinita intelligibilia se se extendere queat; ergo ipsius virtutem oportet esse infinitam, secundum suam rationem, & essentiam. Idem potest argui de materia, quæ de se est receptiva infinitarum formarum.

CONTRA, Perfectio, vel bonitas essentialis cuiusvis entis creati, consistit in modo, specie, & ordine, juxta Augustinum, *de natura boni, cap. 4.* secundum quod & Scriptura dicit, omnia condita esse in numero, pondere, & mensura, Sapient. xi. modus autem, vel mensura præfigit unicuique rei gradum determinatum suæ perfectionis essentialis; ergo nihil ex his, quæ facta sunt in numero, pondere, & mensura, potest esse infinitum per essentiam: quia oportet secundum essentiam esse limitatum, & non infinitum.

RESPONDEO dicendum, unicum esse infinitum per essentiam, quod est Deus: & nihil aliud ab illo esse posse esse infinitum. Declaratio: Quando aliquid est de se esse, & non tantum capax illius esse, seu existentia: tunc id, quod in suo essentiali conceptu involvit esse, de se, & ex se habet quamlibet conditionem, & perfectionem requisitam ad esse: adeo ut nihil perfectionis possit reperiri extra illud: ens autem, ut convenit Deo, tale est: nam est de se esse, cum a se sit, ipsique repugnet ab alio esse, & causari: est igitur ipsum esse per essentiam, involvens omnem perfectionem possibilem, & formaliter infinitum: nequit ergo extra ipsum esse possibile aliud infinitum per essentiam: quia tunc non præceperisset sibi omnem perfectionem possibilem: reliqua ergo erunt necessario limitata, ac propterea nihil ex se esse, sed duntaxat aliquid cui non repugnat esse. Cætera ergo omnia à Deo imperfectionem, & limitationem necessario habent annexam, atque ita non infinita per essentiam. Rursus: Non possunt esse plura realiter distincta, & formaliter infinita: ergo non nisi unicum est infinitum per essentiam. Probatum assumptum: Infinito nihil deficit entitatis, eo modo quo possibile est illud haberi in uno: sed omnem perfectionem simpliciter possibile est realiter, & per identitatem haberi in uno summè perfectio: infinitum ergo habet in se realiter, & per identitatem quicquid est perfectionis simpliciter. Non habet autem in se realiter, & per identitatem illud, quod realiter est distinctum ab eo: ergo ab infinito nullum perfectum simpliciter potest esse realiter distinctum: infinitum verò per essentiam aliud

à Deo oportet esse perfectum simpliciter: ergo repugnat tale infinitum distinctum realiter à Deo. Quod vero possibile sit omnem perfectionem simpliciter haberi in uno summè perfectio: probatur: quia, si quicquid est perfectionis simpliciter, non posset esse in uno, utique id eveniret ob aliquam impossibilitatem ejusmodi perfectionum inter se: nulla est autem talis impossibilitas: quia perfectio simpliciter est melior ipsa, quam non ipsa in quolibet, id est, quam impossibile sibi: si una igitur esset alteri impossibilis foret melior altera perfectione: & illa, cui pariter impossibilis, è contra esset melior reliqua sibi impossibili: & ita idem esset perfectius, & imperfectius se ipso: quod est impossibile. Quia igitur omnes simpliciter perfectiones sunt ad invicem composibiles, & de facto uniuntur in summè perfectio: nil ita perfectum, & infinitum per essentiam reperiri potest extra illud.

AD ARGUMENTA. Ad primum respondeo sic: Philosophus non coarguit definitionem lineæ rectæ, quia est lineæ: nam nulla definitio redarguenda est, eo quod non verificetur de illo, quod esse non potest sub definito, sine positione impossibili. Reicitur ergo ea definitio, eo quod sit lineæ rectæ: quia etsi lineæ rectæ repugnet infinitas, propter ipsam lineam, quæ subest: tamen rationi recti simpliciter non repugnat infinitas; quia rectitudo essentialiter non importat finitatem: est enim longitudo in directum protensa. At habere medium comprehensum extremis, quæ est ratio lineæ, repugnat infinito. Non vult ergo Philosophus esse possibilem lineam infinitam, sed dicit, si daretur linea infinita, haud comprehendere sub allata definitione, quam redarguit. Quod si etiam talis linea infinita daretur, non propterea foret quid infinitum per essentiam: imò esset simpliciter quid finitum in ratione entis: quia ad perfectissimum in inferiori, non sequitur perfectissimum in superiori, nisi illud inferius sit nobilissimum contentum sub illo superiori. Quantitas autem non est perfectissimum contentum sub ente: ideo etsi daretur infinita quantitas, non foret tamen infinitum ens: ac proinde duntaxat esset dicendum infinitum secundum quid, & non simpliciter, seu per essentiam.

Ad Secundum, concedo majorem; quando est unus actus adequatus correspondens uni potentia determinata: & una pariter potentia ad supremum actum, in quo continentur omnes actus, ad quos sunt multe potentia complentes potentiam unam demonstratam; tunc utique quantum contingit esse in potentia, tantum contingit esse in actu. Et cum additur; contingit esse magnitudinem infinitam in potentia, ex 2. *de Anim. Tex. com. 41.* Respondeo eo loci Philosophum disertè oppositum docere: siquidem ait: *omnium natura constantem est determinatam quantitatem in magnitudine, & augmento.* Unde mens Philosophi est, ignem non agere principaliter in augmentatione; quia augmentatio est in determinata quantitate, vel ad determinatam quantitatem de se in tali specie: at ignis non agit ad determinatam quantitatem de se, sed ultra potest: nunquam tamen ad infinitam quantitatem; quod expressè dicit, 3. *Phys. Tex. 69. cit. Et enim dividitur, in quatuor, in infinita continuum; & versus autem majus non est infinitum: quantum enim contingit potentia esse, & actu contingit tantum esse. Quare cum infinita nulla sit magnitudo sensibilis, non continet excessum esse omnis determinatæ magnitudinis.*

Ad Tertium, cum instatur contra responsum,em,

2. Metaph. q. 5. in argum. principal.

2. Metaph. ubi supra.

Et 6. Phys. Tex. 92.

De rerum principio q. 8. art. 4. 1. dist. 8. q. 6. Continuum ergo ad secundum gradum.

1. dist. 8. q. 6. Ad primum V. Sed saltem quatuor.

Quilibet q. 5. 6. De secundo articulo.

2. Metaph. q. 6. n. 19.

1. dist. 9. q. 8. 6. Sed ultra 2. 8. difficultas.

3. dist. 13. q. 4. 8. Ad hoc ergo V. Et illud 109 intellectum.

2. Metaph. q. 5. n. 19.



2. Metaphys.  
ubi supra n. 20.

*Quid impossibile est factum esse, impossibile est fieri.* Dico, id verum esse de qualibet factione una; juxta dicta supra, *Ad secundum*; non de infinitis, quæ habent terminum infinitum in potentia, ubi semper cum uno *facto esse*, necessario stat potentia ad aliam factionem: nunc autem cum quocunque *diviso esse* necessario reperitur, & concomitatur potentia ad aliam divisionem. Nam divisum est totum, & utrumque istorum necessario est continuum, & ita necessario in potentia ad divisionem.

3. dist. 14. q. 2.  
6. Ad illa pro  
secundâ opinionem.  
V. Ad tertium.

*Ad Quartum* respondeo, haud concludi posse infinitatem intellectus, ob quamcunque extensionem ad infinita intelligibilia: sicuti nec materiæ, si sit receptiva de se infinitarum formarum; imo magis est exinde inferenda maxima ejus imperfectio, ob carentiam omnis actus specifici: rectè tamen concluditur infinita perfectio intellectus, & intellectus divini quia ex sui natura actus, & distinctè comprehendit infinita intelligibilia, perinde ac singulis intellectibus singula, & omnia perciperet; & proinde continet eminenter perfectiones infinitarum intellectuum. At intellectus creatus nequit de se simul ea omnia attingere, sed successive duntaxat. Quod si à Deo alicui intellectui una omnia intelligibilia præstarentur; non argueretur propterea infinita perfectio in ipso; quia non compararentur ad illa intelligibilia, nisi in ratione receptivi, & nullatenus ut causa respectu infinitorum effectuum. Quod si ponatur intellectus elicius infinitarum intellectuum; nec ejusmodi infinitas extensiva concludit infinitam intensionem intellectus, sed objectum: objectum enim, in quo relucent infinita intelligibilia, est causa principalis activa respectu illarum visionum & non intellectus; qui ad illa omnia extenderetur per novos respectus rationis, nihil subinde addentes intrinsecæ perfectioni intellectus.

### ARTICULUS III.

Utrum possit esse aliquid infinitum actu secundum magnitudinem.

*Doct. locis in margine citatis. S. Thom.*  
1. p. q. 7. artic. 3.

D. A. 2. Metaphys.  
q. 8. in  
primis principibus.

**V**IDETUR esse possibile aliquid infinitum actu secundum magnitudinem. Etenim omni differentia alicujus generis est differentia opposita dividens secum illud genus, seu contrahibile superius. Sed finitum in actu est differentia Quantitatis; ergo habeat oportet infinitum pro altera differentia opposita sibi; & quidem infinitum in actu, non in potentia: Nam differentia opposita se mutuo excludunt, tanquam impossibiles: idem autem est infinitum in actu, & infinitum in potentia; ergo finitum in actu habet pro differentia opposita finitum in actu.

Quodlibet. 5. q. 5.  
Ad argumentum  
principale. V.  
Dico ergo.

Præterea, Secundum Philosophum 1. Phys. c. 15. Finitum, & infinitum quantitati congruunt; ubi Commentator, *Quantum, inquit, est genus infiniti.* Quod & probat per denominationem; quia infinitum est quantum non terminatum. Si autem infinitum in actu repugnaret quantitati, nec infinitum quantitati congrueret, nec quantum foret genus infiniti; igitur esse potest aliquid infinitum secundum magnitudinem.

3. Metaphys.  
q. 6. n. 17.

Præterea, Ex Aristotele, 3. Phys. Tex. c. 69. *Quantam magnitudinem contingit esse in potentia: tantam contingit esse in actu.* Esse magnitudo est divisibilis in infinitum; constans subinde infinitis partibus reducibilibus ad actum per divisionem;

3. Metaphys.  
ubi supra n. 6.

ergo est quoque possibilis magnitudo actu infinita.

Præterea, Si daretur linea, vel alia magnitudo molis infinita non propterea ea infinitas tantam perfectionem adunaret, & cogeret in illa, quanta est in infinito per essentiam; imo infinita linea esset simpliciter finitum ens, & dependens, & limitatum; igitur intelligendo magnitudinem auctam in infinitum, nullum impossibile videtur sequi, nec impossibile poni ex parte talis entis secundum quid, id est, penes solam quantitatem infiniti.

1. dist. 8. q. 2. §.  
Alij probant.  
V. Sed alia est  
difficultas.

**CONTRA**, Data dimensione infinita. possibile est aliam fieri ab illa diversam, (Nam solius infiniti per essentiam est completi totam perfectionem sic, ut nil perfectionis extra ipsum esse queat) igitur quia hæc dimensiones forent ejusdem rationis, totum conflatum ex eis majus esset alterutra ex ipsis. Atqui tale totum impossibile est majus esse; quia dimensio infinita non potest excedi; igitur dimensio infinita est impossibilis; quia infinitas actualis est dimensionis, & quantitati molis incompossibilis: nam esset, & non esset infinita.

1. dist. 2. q. 1. §.  
Ad secundum  
principale.

**RESPONDEO** dicendum, non esse possibilem magnitudinem corpoream actu infinitam: quod & frequenter dixisse Aristotelem invenitur, ut 3. Phys. Tex. com. 37., & locis cit. articulo precedenti, §. *Ad secundum*: & ex intentione probat multis rationibus 1. de Caelo & Tex. 33., & sequentibus, concludens esse impossibile corpus infinitum, quia de ratione ejus est, terminari superficie, & sic de aliis magnitudinibus. Et rursus, 5. Metaphys. cap. de Quanto, docet, omnem numerum, & omnem magnitudinem esse finitam, quia quilibet numerus est numerabilis, & magnitudo mensurabilis: infinitum autem nec potest numerari, nec mensurari.

2. Metaphys.  
q. 6. n. 8.  
Videndus epy-  
ron. 1. dist. 44.  
q. 1. art. 2. ubi  
mirabiles lo-  
quitur imagi-  
nationes de In-  
finito.  
Doct. in Comm.  
num. 102.

Deinde, magnitudo infinita si daretur, utique constaret partibus igitur aut finitis, aut infinitis. Si finitæ dicantur partes componentes magnitudinem actu infinitam: ergo ipsa non erit infinita: quia ex partibus finitis nequit fieri in infinitum: si vero ponatur infinite: igitur non erit composita ex his partibus: nam infinitum alteri componibile esse non potest. Rursus, cum infinitum in potentia, 3. Phys. Tex. c. 63. sit, cujus quantitatem accipientibus, semper aliquid restat accipere: planè infinitum in actu illud erit, in quo una sunt omnes partes acceptæ, adeo ut nihil super sit insuper accipiendum: alicui non infinitum in actu intelligitur, sed in potentia. Data igitur infinita magnitudine, nulla alia deberet posse accipi: Id vero est manifeste falsum: quia cum talis magnitudo inadæquatissima adhuc esset potentia infinitæ, excedenti eam supra omnem proportionem, alia esse potest magnitudo, etiam ei æqualis, id est, infinita: ac proinde prior non infinita: quia secunda esset ejusdem rationis cum illa, & extra ipsam: & ita utraque esset majus totum: quod contra rationem infiniti est: Eo enim nihil potest esse majus: nec recipere additionem ullam: nec aliquid extra ipsum reperiri, quod sit ejusdem rationis cum illo. Quod si hæc minime convenire queant quantæcunque magnitudini datæ, aut factu possibili: nec ulia talis potest esse infinita.

1. dist. 8. q. 1. §.  
Secunda proba  
generaliter. V.  
Et ex hoc sequi-  
tur.

Quodlibet. q. 5.  
§. De primo.

Postremo aliis solutio probanda videtur per hoc: quia omne corpus naturale aliquam formam substantialem habet determinatam: cum igitur ad formam substantialem consequantur accidentia, necesse est, ad determinatam formam & determinatam consequi accidentia, inter quæ est quantitas. Omne igitur corpus naturale habet determinatam quantitatem & in majus, & in minus. Contra, quamvis id verum sit de viventibus animatis, quorum est certa magnitudo ex augmento, ut ait Aristoteles

S. Thomæ hic  
in solutione.

2. dist. 8. q. 6. §.  
Secunda res-  
ponsio, & §.  
Ad alia de 2.  
de Anima.



stoteles 2. de Ani. Tex. c. 41. *Omnium natura constantium, est determinata quantitas in magnitudine, & augmento*: non viventia tamen nullum habent terminum præfixum, seu versis magnitudinem, seu versus parvitatem. Nam sicut essentialia est quanto posse dividi in partes, ita est ei essentialia, ut singulæ partes ipsius, in quas dividitur, possint iterum dividi sic, ut divisæ sint hoc aliquid, adeoque nulli earum repugnet per se esse; ac proinde versus parvitatem non viventium non est terminus præfixus. Probatio consequentiæ: Partes divise sunt ejusdem rationis, quantum ad formam, & materiam cum toto; igitur possunt habere per se existentiam, sicut & totum potest; sunt ergo divisibiles (nisi continuum ex indivisibilibus componatur) in semper divisibilia; non habent ergo terminum parvitatæ præfixum corpora naturalia omnia, cum in non viventibus non sit aliquis assignabilis. Sed nec versus magnitudinem ullum terminum agnoscunt. Etenim ignis (de quo exemplificat Aristoteles, loco mox citato) quantumvis auctus, semper magis, magisque augeri potest, & planè augetur appositis combustibilibus; quod si non eveniat, extrinseco impedimento attribuendum est, non propriæ naturæ constitutioni. Nam si non maximè auctus potest sibi approximata combustibilia in se convertere, multò magis id poterit, cum majorem agendo acquisivit virtutem. Non igitur infinitas repugnat magnitudini, quia quantitas in omnibus substantiis habet determinatum sui augmenti terminum; sed quia intentio infiniti non est composibilis quantitati molis. Nam data infinita, nulla alia esset possibilis; id verò repugnat infinitæ potentiæ Dei; & si est alia possibilis, prior nequit esse infinita, ut deductum est.

AD ARGUMENTA. Ad primum est responsio dicentium, quamvis infinitum non sit contra rationem magnitudinis in communi, esse tamen contra rationem cujuslibet speciei ipsius, nempe, contra rationem magnitudinis bicubitæ, vel tricubitæ, sive circularis, sive triangularis, & similium: fieri autem non posse; ut sit in genere, quod in nulla specie reperitur. Ac proinde cum nulla species magnitudinis esse queat infinita, nec aliquam magnitudinem infinitam fieri erit possibile. Contra hoc: Quamvis hæc regula non subsistat; *Quicquid repugnat antecedenti, repugnat & consequenti*; tamen quod repugnat cuilibet antecedenti, repugnet & consequenti necesse est. Probatio, omne repugnans alicui, repugnat, quia aliud inest; negativa enim est vera, propter affirmativam veram. Si ergo aliquid repugnat aliquibus, id sanè est, quia aliquid inest illis multis: sed nihil inest omnibus speciebus quantitatæ, nisi quantitas, quæ est Genus, univocè dictum de omnibus speciebus; ergo videtur infinitas repugnare omnibus speciebus quantitatæ, ratione ipsius Generis, quod univocè dicitur de quavis specie quantitatæ: magnitudini enim corporeæ in se repugnat infinitas primo; & per se non primo omnibus speciebus ipsius.

RESPONDEO ergo, infinitum in actu non esse differentiam quantitatæ, seu convertibile cum quantitate, per disfunctionem; bene tamen finitum, & infinitum in potentia. Et cum instatur, quia differentia opposita non se compatiuntur: idem vero quantum actu finitum, est infinitum in potentia. Respondeo, per finitum in actu nos intelligere id, cujus quantitatem accipientibus, non superest semper aliquid extra accipiendum: atque ita in tricubitali quantitate post acceptos tres cubitos, non superest aliquid quod ultra capias. Hanc autem rationem manifestè opponi infinito in poten-

tia, veluti differentia alteri contrariatur differentia: nec infinitum in potentia sequi ad finitum in actu: neganda est igitur consequentia: quia nec est, nec esse potest in magnitudine infinitum in actu.

Ad Secundum respondeo, Philosophum docere finitum, & infinitum quantitati congruere, secundum opinionem Melissi, qui existimavit finitum, & infinitum in actu minimè quantitati repugnare; revera tamen infinitum non est differentia quantitatæ in actu, sed in potentia, ut dictum est nuper. Quoniam igitur ad redarguendum Adversarium sufficit accipere, quæ ipse esse vera putat, (tunc enim non sequitur inconveniens, nisi secundum dicta ipsius) si daretur infinitum, ut Melissus existimavit, actu extensum sine terminis, tale infinitum utique quantitati congrueret; ac propterea evitari non posset, infinitam quantitatem non esse: & substantiam subinde, veluti subiectum ejus; & ita multa: quod est contra opinantem: Et hæc est intentio Aristotelis *ibidem*. Ad hunc itaque sensum Philosophus dixit, infinitum quantitati congruere, non quod putaverit possibile esse actu infinitum in magnitudine, quod toties disertè negat. Et eo etiam respicit Commentator, cum ait, *Quantum est Genus infiniti*, id est, commune ad finitum, & infinitum, si esset, sicut Melissus existimavit. Et cum additur, quia infinitum definitur, quod sit quantum interminatum. Responsio: ex 2. *Poster. Tex. c. 7.* duplex est definitio: altera reialtera nominis: & posterior hæc est etiam non entium, & impossibile: & ejusmodi est præfata infiniti definitio: est enim impossibilis infiniti ratio quantitati actu existenti; ut fuit declaratum.

Ad Tertium est responsio dicentium sic: magnitudo utique est divisibilis in infinitum; sed quia partes totius se habent in ratione materiæ, per divisionem fit accessus ad materiam. At per additionem acceditur ad totum: secundum quod se habet in ratione formæ: & ideo, quamvis invenitur infinitum in magnitudine, per ipsius divisionem: minimè tamen inveniri potest in additione. Contra hoc: In augmento numerorum est progressus ad formam: quia ad speciem numeri: in divisione vero, seu diminutione est accessus ad unitatem, & materiam: ergo quantus est numerus in potentia, tantus poterit esse in actu: quod est contra Philosophum, concedentem id de magnitudine, non autem de numeris. Respondetur secundum Averroem sic: appositio in numeris est secundum divisionem continui: in divisione autem continui proceditur ad materiam, & per consequens numeri crescunt ex processu ad materiam: sed continuum crescit, & augetur eundo ad formam. In processu autem ad formam necesse est esse statum non autem in processu ad materiam: & ideo in quantitate est status, non autem in numeris. Contra hoc: si quilibet numerus est per se unus: ergo quilibet numerus habet propriam formam: ergo procedendo ad quemlibet numerum majorem, est processus ad propriam formam, includentem virtualiter formas præcedentes: ergo non erit secundum hoc processus in infinitum, ne in numeris quidem.

Dicendum est ergo ad mentem Philosophi, revera quantam magnitudinem contingit esse in potentia, tantam existere posse & in actu: quia secundum ipsum, 3. *Phys. Tex. c. 59.*, non contingit quantum crescere, nisi per hoc, quod partes ablatæ ab uno continuo per divisionem, apponuntur alteri continuo augmentum capienti ex illis. Et quia appositio nequit esse infinita, ita nec quantum infinitum est in potentia.

Ubi supra n. 17. & 18.

S. Thomæ hic §. Ad Tertium.

2. Metaph. 9. 6. n. 6.

3. diff. 13. q. 4. §. ad primam questionem. V. 6. Sed contra istam propositionem.

2. Metaph. 9. 6. n. 6.



1. dist. 17. q. 2.  
S. Hic accipitur  
V. Contra.

Ad quartum respondeo, imaginari unam speciem magnitudinis infinitam, cui annectantur gradus generici omnes cum limitatione, & finite, esse unam ex suppositionibus impossibilibus, quibus frequenter utimur ad declarandas veritates Theologicas, quæ non perinde patere possent, si ne ejusmodi impossibilibus hypothesebus: quæ pariter hypotheses passim occurrunt in Mathematicis, & Philosophicis, ad eundem utique finem adinventæ, & ab omnibus admittæ. Et una ex istis est imaginatio lineæ, vel alterius entis creati, secundum differentiam infiniti, & finitatem habentis ex gradibus superioribus. Est igitur ejusmodi impossibilis imaginatio nequeat subesse conceptus realis, & verus, nec ulla sit definitio illis proinde correspondens; habent tamen definitionem nominis, (ut supra *Ad secundum dictum* fuit) qualem nempe attribuimus cæteris impossibilibus, & impossibilibus.

## ARTICULUS IV.

Utrum possit esse infinitum in rebus, secundum multitudinem.

*Doct. lectis in margine citatis. S. Thom.  
1. part. quest. 7. artic. 4.*

**V**IDETUR, citra omnem implicantiā, fieri posse à Deo multitudinem actu infinitam. Nam, quantumcumque multitudinem Deus potest creare, tantam potest creare; (subiectum includit prædicatum) ponatur ergo in esse, quod tantum creet, quantum potest creare; ergo non potest majorem multitudinem creare; igitur oportet esse infinitam, quia qualibet infinita minori, majorem multitudinem potest creare. Non ergo repugnat multitudo infinita.

Præterea, Intellectus divinus actu, distinctè, & necessario intelligit infinita intelligibilia numero; ex eo enim, *articulo primo*, intulimus, ejus intellectum oportere esse infinitum; ergo pariter & divina voluntas poterit producere actu infinita numero, quæ divinus intellectus distinctè comprehendit, ut ait Augustinus 12. *de Civit. cap. 18*. Probatio consequentiæ; quia intelligere est perfectionis in intellectu, & plura intelligere majoris perfectionis, rectè inferitur, primam substantiam debere intelligere omnia, & infinita, quia omnis est illi attribuenda perfectio; ergo pariter cum omnem perfectionem attribui debemus ejusdem voluntati, oportet & hanc posse producere simul multitudinem infinitam; quæ cum nullam præferat repugnantiam, & impossibilitatem respectu intellectus infiniti comprehendentis omnia; mirum est hanc impossibilitatem sibi innasci mox ut ad voluntatem, seu potentiam infinitam comparatur: omnia enim inconvenientia, quæ sequuntur, si ponantur actu infinita in re extra, videntur sequi, si ponantur infinita à Deo esse cognita.

Præterea; Fieri potuit, ( & fortasse factum est) ut anima Christi ornaretur infinitis speciebus, quibus omnia ea attingeret, de Dei largitate, quæ divinus intellectus comprehendit ex sui infinita perfectione; igitur nedum est possibile infinitum in multitudine, sed de facto videtur extitisse in intellectu animæ Christi, si omnia possibilia novit; seu id eveniat per infinitas species, seu per infinitas intellectiones, seu quacunque alia ratione.

Præterea, Possibile est, mundum factum fuisse ab æterno, etsi de facto conditus sit in principio temporis; ergo perinde est possibile infinitum in

multitudine. Probatio consequentiæ; Nam mundum factum esse ab æterno, includit necessario infinitos dies, quia sine principio durationis; igitur poterant in infinitis diebus esse creatæ infinitæ animæ rationales, vel infiniti Angeli: non repugnat ergo infinitum in multitudine.

Præterea, Omnis natura creata, five, quæ non est actus purus, est multiplicabilis in infinita individua, & reipsa multiplicaretur, si per infinitum tempus existeret: igitur infinita individua sunt possibilia: adeoque ipsis non repugnat existentia: per hoc enim distinguuntur possibilia à figmentis. Sed neque sunt impossibilia: Probatio: Nam quodlibet ipsorum possibilium potest per se existere, & insuper plura simul: quia nullam habent impossibilitatem: ergo etiam si omnia possibilia existerent simul, nec aliqua exinde est impossibilitas: cum eam non habeant in statu possibilitatis, nec ut comparantur ad intellectum divinum.

**CONTRA**, Fieri nequit magnitudo aliqua infinita, ex *articulo precedenti*: ergo nec multitudo infinita. Nam perinde videtur infinitas actualis incompossibilis esse magnitudini, ac multitudini in esse existentie realis. Unde Philosophus, 3. *Phys. Tex. c. 37.*, & 61. utramque infinitatem in numero scilicet, & in mole putavit esse impossibilem.

**RESPONDEO** dicendum, omnino repugnare multitudinem aliquam infinitam à parte rei: quamvis Deus actu cognoscat infinitam multitudinem & numerorum, & individuum sub quavis specie certa, possibilem. Nam de ratione infiniti in actu est, totum esse, & perfectum totum esse: alioquin si intelligatur aliquid sibi deesse eorum, quæ potest habere, haud infinitum in actu erit, sed magis in potentia; ex infiniti definitione, 3. *Phys. Tex. c. 63.*, est enim *cujus quantitatem accipientibus, semper aliquid restat accipere*; igitur ratio infiniti in actu essentialiter præferet, ut nihil in eo ordine, in quo ponitur infinitum, restet accipiendum, nec addendum illi, quod perfectum totum est, & summum in eo ordine, adeo ut nequeat excedi. Posita autem qualibet multitudine infinita, non est exhausta infinita potentia Dei, nec reducti ad actum omnes gradus imitabilitatis essentie ejus; quia ultra omnem proportionem, excedunt omne id, quod creatum est, & creati potest igitur potest efficere aliam multitudinem, jam productæ parem in numero, vel inferioriorem; non erat ergo prior multitudo infinita; quia nec completè perfectæ, nec talis, ut nihil sibi addi posset, nec aliquid extra ipsam possibile esset; est ergo impossibilis enti cuivis creato extra Deum infinitas; cuivis tandem comparetur, eique uniatur.

Deinde, sunt rationes Aristotelis, quibus probat impossibilitatem infinitatis, secundum multitudinem. Prima, ex 3. *Phys. Tex. c. 41. omnis numerus est numerabilis*, sed omne numerabile est pertransibile; omne autem pertransibile oportet esse finitum; ergo nullus est possibilis in actu numerus, vel multitudo infinita. Rursus, Impossibile est, omne continuum esse divinum in infinitum: quia aut in indivisibilia, aut in indivisibilia: si ad indivisibilia divisio reduci dicatur; igitur ex his continuum oportet compositum esse: si vero diviabilia sint ea, in quæ continuum dividitur; igitur qualibet divisione data, semper est magis, magisque divisibile; quia ex actu dividendi, semper exurgit duplex potentia, scilicet in utraque divisionis parte ad ulteriorem passivam divisionem usque in infinitum: Numerus autem causatur ex divisione continui; ergo numerus nequit esse actu infinitus, sed

Ex Henrico.

2. Metaph. q. 6.

2. dist. 3. q. 6. &  
7. §. Dico igitur.

3. dist. 14. q. 2.  
§. Tercio modo.

2. dist. 1. q. 3.  
in ultimo principio.

Quodlibet. 5. §.  
De primo.

De rerum  
principio q. 2.  
art. 2. m. 13. &  
14.

2. Metaph. q. 6.  
n. 19.

2. Metaph. q. 6.  
n. 3. §. De  
multitudine.  
tantum primo  
dico.

Ad has respondeo  
det singillatim  
Doct. ibidem  
n. 5. §. Sustinēdo.

2. dist. 13. q. 4.  
§. Ad primam  
Illum rationem.

2. dist. 13. q. 4.  
§. Ad primam  
questionem.

1. dist. 2. q. 2. &  
Ostendo propositio.

Ibidem, 6.  
Quantum  
ad principium  
præambula.

De rerum  
principio q. 16.  
m. 44. §. Sed  
hoc est valde  
dubium.

2. dist. 1. q. 2.  
§. Tercio modo.

2. dist. 1. q. 3.



finitus magis in infinitum . Uterius, 5. *Metaphys.* cap. de quanto, *Tex.* c. 18. Multitudo si sit finita, numerus est; ergo omnis numerus est multitudo finita: nullus ergo esse potest numerus actu infinitus. Denique 10. *Metaphys.* *Tex.* c. 2. § 4. *Numerus est multitudo mensurata uno*: sed contra rationem infiniti est, mensurari à finito; sicut probatur, 6. *Phys.* *Tex.* c. 19. quod infinitum non potest mensurari à finito; ergo nullus numerus potest esse infinitus. Hæ Aristotelis rationes sunt probabiles.

AD ARGUMENTA. Ad primum respondeo, committi in eo fallaciam consequentis, perinde ac si argueretur, *si tu potes currere, tu moveris*. Assumptum enim æquivaleret huic: *si tantum potest creare, tantum potest creare*, quæ utique vera est; nam si tantum potest efficere, sanè tantam potest efficere, vel creare multitudinem; sed consequens non debet inferri de *in esse*, cum antecedens duntaxat conditionalis propositio sit, ut exemplificatum fuit: ex eo enim quod quis currere possit, non sequitur de facto moveri; quia & si potentia sequatur ad potentiam, non tamen actus consequentis sequitur ad illam potentiam; idè debet ita argui, *si tu curris, tu moveris*, ponendo simul antecedens, & consequens. Non potest autem creare Deus multitudinem actu infinitam, non ex defectu potentia suæ, sed ex impossibilitate infinitatis actualis cum ipsa multitudine, ut dictum est in *solutione*.

Ad Secundum, concedo, intellectum divinum cognoscere infinita intelligibilia actu, & numerum infinitum, & infinitas numerorum species, ut ait Augustinus: idque esse perfectionis in illo. Cum enim comprehendat objectum intensivè infinitum, necessario, actu, & distinctissimè videt omnia, quæ continentur in objecto illo, & continivo infinitorum. Sed non proinde oportet ea omnia simul effici posse a potentia infinita; quia producere terminum infinitum nulla est perfectio potentia infinita; quia alioquin semper, & necessario produxisset, sicuti necessario ei inest perfectio infinita.

Cum igitur arguitur, multitudo actu infinita, nullam involvit impossibilitatem respectu intellectus divini; ergo neque prout comparatur ad voluntatem divinam, seu ad potentiam infinitam ejus: Nam alioquin, esse oportet talem repugnantiam etiam respectu intellectus; quia quicquid repugnat entitati, repugnat quoque cognoscibilitati. Respondeo sic: Quicquid repugnat entitati secundum aliquem modum essendi, non repugnat cognoscibilitati; Exemplum: albedini, & nigredini repugnat simul esse in subiecto eodem, & tamen ipsis non repugnat simul cognosci, & una cum repugnantia ita existendi. Ita in proposito, his, aut illis de infinita multitudine non repugnat esse simpliciter; tamen simul esse omnia, implicantiæ involvit. At intellectus infinitus actu comprehendit omnia, cum comprehendat id, in quo continentur infinita, & una videt impossibilitatem coexistendi simul actu illa omnia. Ipsa ergo intelligibilia infinita, ut ad intellectum divinum comparantur, actu sunt infinita, quia is intellectus pervadit quicquid continetur in objecto infinito, dantes eis primum esse intelligibile, & possibile: sed non sequitur perinde esse factibilia; quia etsi una cognoscat Deus omne tempus, omnemque motum, non tamen simul omne tempus, & motus est factibilis. Quibusdam ergo simul cognitis ab intellectu divino, innascitur repugnantia ad simul coexistendum, ut comparantur ad potentiam divinam; vel quia eorum natura exigit successionem in existendo: vel quia infinitas actualis est impossi-

bilis omni alii extra Deum; & sicuti nulli creaturarum est communicabilis & necessitas, & simplicitas, ita nec infinitas, quæ est radix cæterarum perfectionum.

Et cum subditur; quia inconvenientia quæ videntur sequi ad infinitatem, si ponatur in esse objectivo divini intellectus. Inconvenientia autem sunt, quia pars esset æqualis toto; & alia id genus, prorsus aliena à veritate & contraria communibus animi conceptionibus. Nam si ab eo infinito praeceperetur unum millenarium, multitudo quæ superest, adhuc infinita erit: sicut enim per finiti additionem nequit quidquam evadere infinitum, ita nec per ablationem finiti, destruitur infinitum. Cum igitur millenarium acceptum unà cum multitudine, quæ superfuit, sit quoddam totum respectu partium prædictorum, pars foret æqualis toti. Respondeo, æquale, inæquale, majus, & minus congruere quidem quantitati, sed finiti; Nam de ratione quantitatis majoris est excedere, & minoris excedi, & æqualis commensurari, quæ omnia videntur concludere finitatem. Si daretur ergo à parte rei quantitas molis, seu continua, seu discreta, quæ actu existeret infinita, perperam aptarentur ei proprietates quantitatis finitæ; cum illam alterius omnino rationis consequerentur proprietates; atque ita ex proprietatibus quantitatis finitæ, nulla est deductio adversus infinitum in mente divina, quod nec æquale, nec inæquale est, nec majus, nec minus, sed est infinitum ei soli notum, per cuius intellectionem infinitam accipit esse.

Deinde, alia omnino est ratio infiniti in mente divina existentis, & infiniti à parte rei. Siquidem illud non est aliquid in entitate reali diversum a primo objecto; quia esse cognitum ab intellectu divino, non ponit illud esse in se, sed in intellectu duntaxat: at esse volitum, volitione efficaci, ponit illud habere aliud esse à voluntate. Non perinde igitur intellectus divinus se habet ad intelligibilia alia se, ac voluntas ad volita; potest ergo objectum intellectus secundarium esse infinitum, quia non est reipsa aliud à primo; at nequam volibilia erunt infinita, quia hæc perfectio nulli alteri à Deo esse communicabilis, ut nec necessitas, & simplicitas, ut dictum est. Fortasse etiam ab infinito existente in mente divina non licet, nè per intellectum quidem, abscondere aliquam partem, ut fieri non potest quin sit tale objectum, & sit infinitum. Ipsum enim objectum secundarium divini intellectus, est necessarium, eo quod necessario consequatur ad esse necessarium divinæ intellectionis: Et propterea, quævis suppositio facta circa diminutionem illius est simpliciter implicatoria, & destructiva subiecti; quia necessario tale, id est, constans omnibus, aut infinitis intelligibilibus; ac propterea mirum non est, si ex hypothese prorsus impossibili, sequatur aliud impossibile.

Fortasse etiam infinitas, ut non convenit, nisi enti reali, nimirum divinæ essentia, quam appellat Damascenus, *pelagus quoddam substantia infinitum*; ita nec repugnat nisi enti realiter existenti: ac proinde objectum divini intellectus propriè non videtur appellandum infinitum; sed potius unum quid constans omnibus intelligibilibus, quæ appellantur ideo infinita, quia extra non est aliud intelligibile: non quod revera infinitum sit, quia nonnisi unicum potest esse, estque ens infinitum, singularissimum, & maxime unum; adeoque ut entia cadunt ab illa unitate, & redduntur multiplicia, incapacia evadunt propriæ, & incommunicabilis infinitatis. Ex una itaque proprietate entis infi-

1. dist. 8. q. 2.

De rerum principio quædam n. 44. §. Sed hoc est valde dubium.

2. dist. 1. q. 3. §. ad ultimum argumentum dicit potest.

1. dist. 8. q. 5. §. Contra istam conclusionem. V. Quod infinitum.

Quolib. q. 8. §. Alia. V. dist. secundum.

Quolib. q. 8. §. Quodammodo secundum.

2. Report. dist. 1. q. 3. n. 9. §. Sed ista ratio.

Propter hoc argumentum ponitur in *Physica* disput. de infinito; i. e. nec non repugnare infinitum in multitudine.

Report. 1. dist. 3. q. 4. n. 32. §. Ideo responleo.



infiniti, quæ est, nihil esse extra illud, inferre infinitatem, est fallacia à secundum quid ad simpliciter; quia deest fundamentum infinitatis, nimirum esse reale extra causam. Unde non nisi aquivocè convenit illa proprietas enti infinito, & objecto divini intellectus.

Postremò, quamvis hic quædam dubia incidenter difficilis solutionis, non propterea deserenda foret veritas quam ex sacris literis proficitur se haurire Augustinus, 12. de Civit. cap. 18., scribens, *Numeros qui per infinitos esse, certissimum est, ita verò suis proprietatibus unusquisque numerus terminatur, ut nullus eorum par esse cuicunque alteri possit: ergo & disparēs inter se, atque diversifunt, & singuli quique finiti sunt, & omnes infiniti sunt.* Et pergit: *Itane numeros propter infinitatem vocat omnipotens Deus, & usque ad quandam summam numerorum scientia Dei pervenit, ceteros ignorat? Quis hoc etiam vel dementissimus dixerit? Alsit itaque ut dubitemus, quod ei notus sit omnis numerus, cujus intelligentia, sicut in Psalmis canitur, non est numerus.* Hæc ille. Nota sunt ergo Dei intellectui omnia intelligibilia, distinctissima, actualique intelligentia, qua & illa exoriantur in esse intelligibili, seu verè de eis omnibus infinitas dicatur, seu non dicatur propriè, quia infinitas est modus essentia, sicut æternitas existentia. Hanc veritatem, quæ ab omnibus sanæ mentis concipitur, non evertunt humani intellectus errantes discursus, et si nobis videantur difficillimæ solutionis; quia nedum tantam habere non possunt, sed nulla omnino potest eis inesse ostensiva necessitas, nisi secundum apparentiam fallarum suppositionum.

Ad Tertium respondeo, utrum anima Christi in Verbo cognoverit omnia actu, vel infinita, multiplex est opinio Theologorum, de quo, 3. part. q. 10. art. 2. & 3. Quod per certo constat apud omnes, est, attribuendam esse animæ illi felicissimæ omnem perfectionem, quæ creaturæ non repugnat. Quoniam igitur intelligere omnia actu in Verbo, perfectionis esse videtur, non est id Christo denegandum, si rationibus, quibus oppositum probatur, satisfieri queat, prout & solvuntur, 3. 3. part. q. 10. cit. art. 2. Supponendo ergo Christum de facto attingere omnia, vel infinita in Verbo; exinde tamen haud est inferendum id evenire per species infinitas; (imo id repugnare ostendetur infra, quest. 12. art. 9., cum ea visio sit intuitiva, quæ per species intelligibiles fieri non potest) vel per infinitas intelligentiones creatas in intellectu animæ Christi; quia unica intelligentia ad objectum primum per se terminata, & ad alia omnia per accedens, quippe à quibus non dependeat essentialiter, id consequi potest, citra omnem infinitatem spectantem ad entia creata. Ea enim infinitas, quæ Christi scientiam beatam consequitur, spectat non ad esse reale creaturarum, de quibus est nobis sermo ad præsens, sed ad esse intentionale, & rationis: attingentia enim illæ infinitæ in unica intelligentia fundata, non sunt nisi respectus rationis, pro quanto, ostendente voluntate divina, quæcumque in Verbo relucent Christi intellectui, intelligentio, qua est illius anima beata, terminatur ad secundaria objecta, sine quibus eadem foret in sua substantia invariata. Sicuti autem objecto secundario divini intellectus, eò quod intentionale sit, & esse cognitum omnium, non repugnat infinitas, ita nec implicat respectus rationis attingentia esse infinitos. Sed non propterea inferre debemus, pariter convenire posse infinitatem enti reali extra Deum; ut in superioribus extitit declaratum,

Ad Quartam respondeo sic: Quicquid non potest fieri à Deo in uno die, quia includit contradictionem, id ipsum ne in infinito quidem tempore præterito potuit factum esse, propter eandem rationem. Cum igitur repugnet fieri infinita multitudo à parte rei in uno die, perinde factum erit impossibile, si ponatur infinitum tempus præterisse. Posita ergo generatione perpetua à parte ante animæ actu forent infinita in potentia; quia in potentia accipiendo unam post aliam, nec aliter ipsis competeat infinitas: sed non essent infinitæ actu, quia non tot intelliguntur posita in effectu, quin plures possint esse: infinita autem in actu, tot oportet esse, ut nequeant eis plura compossibilia addi. Et si instetur: Quot fuerunt homines: tot sunt animæ: Homines fuerunt infiniti; quia generatio perpetua, vel infinita; ego actu sunt animæ infinitæ. Dicendum, successiva infinita, si essent simul, haud fore infinita: Unde si essent tot homines simul, quot successivè extiterunt, in falsa hypothese de Mundi æternitate, non essent infiniti actu, quia infiniti fuerunt in accipiendo unum post alium, & in potentia; idèoque nunquam sequitur ex illis, si una existerent, infinitas actualis; quia cum alterius omnino rationis sint infinitas actualis, & potentialis, ex infinitate potentiali nunquam potest concludi infinitas actualis: sed est fallacia compositionis, & divisionis. Infinitas itaque in potentia est in accipiendo non tot quin plura: infinitas autem in actu est in accepto esse tot, ut non plura compossibilia accipi queant: alioquin infinita in actu possent excedi, atque ita finita forent. Non ergo sequitur, Animæ fuerunt non tot, quin plures in accipiendo; ergo sunt modo in actu tot, ut non plures sint factibiles; quia omnibus istis actu existentibus, posset Deus creare unam animam, & addere multitudini creaturarum; ergo non fuerunt prius tot, ut non plures accipi potuissent. Infinitas igitur actualis includit contradictionem in omnibus citra Deum; ex possibilibus autem, & compossibilibus nunquam sequitur contradictio, vel impossibile: sed numerum esse infinitum in potentia, est possibile secundum omnes; & animas semper manere, est possibile, & sunt compossibilia ad invicem; quia necessarium nulli est impossibile, nisi impossibili: Infinitum vero numerum esse in potentia, est necessarium, & animam semper manere est possibile; ergo numerum esse infinitum in potentia, est compossibile huic possibili, animas semper manere; ergo ex istis, anima semper manet; & numerus animarum est infinitus in potentia, non sequitur infinitum in actu esse.

Ad Quintum est responsio ex dictis: est enim infinita individua sint possibilia, adeo ut ipsis non repugnet existentia realis; nihilominus sunt incompossibilia, id est, habent incompossibilitatem simul coexistendi: & dato, quod una essent, haud forent actu infinita; quia omnia sunt infinita in potentia, & ex tali infinito non sequitur infinitum in actu, quia quibuscunque creatis, Deus posset addere etiam alia in infinitum. Et tamen si omnibus individuis naturæ humanæ in mente divina existentibus alia insuper addi non possint; quia infinitus intellectus perfectissimè comprehendit objectum infinitum, & omnia subinde, quæ continentur in illo; alia nihilominus est ratio illorum, ut accipiunt esse reale existentia; ut dictum fuit in responsione *Ad secundum*.

2. dist. 1. q. 3.

2. Metaph. q. 6. n. 4.

Quodlib. 5. De primo.

2. Metaph. q. 6. cit. n. 19.



# QUÆSTIO OCTAVA

## DE EXISTENTIA DEI IN REBUS,

### IN QUATUOR ARTICULOS DIVISA.

*Quia verò infinito convenire videtur, quod ubique, & in omnibus sit : considerandum est, utrum hoc Deo conveniat.*

### CIRCA HOC QUÆRUNTUR QUATUOR.

- I. Utrum Deus sit in omnibus rebus.
- II. Utrum Deus sit ubique.
- III. Utrum Deus sit ubique per essentiam, & potentiam, & præsentiam.
- IV. Utrum esse ubique sit proprium Dei.

#### ARTICULUS I.

Utrum Deus sit in omnibus rebus :

*Doct. 1. dist. 37. q. unic. In Report. ibidem q. 1.  
S. Thom. 1. p. q. 8. art. 1.*



VIDETUR Deus minime esse in omnibus rebus. Nam Augustinus lib. 83. quæst. q. 20. *In illo, inquit, sunt potius omnia; ergo Deus non est in omnibus: quia tunc idem videretur esse in se ipso.*

Præterea, Quanto aliquod agens est virtuosius, tanto ad magis distans ejus actio procedit, & extenditur: sed Deus est virtuosissimum agens: ergo ejus actio perungere potest ad ea etiam, quæ ab ipso distant: non oportet ergo Deum esse in omnibus.

Præterea, Constat Deum quosdam impensè odisse, atque irrevocabiliter irasci, plectendo ipsos cumulo poenarum nunquam desiturarum: igitur non est dicendum esse in iis, quos tantopere odit, atque adversatur. Probatio consequentiæ Deus rectè dicitur esse in illis, quos diligit, ac inhabitat, tanquam templum Spiritus Sancti: ergo non est in his, quos nedum non diligit, sed tanquam hostes suos odit.

CONTRA, Hieremiæ 23. *Cælum & terram ego impleo*, & complures alias auctoritates adducit Magister, 1. dist. 37. cap. 1. & 2. Sed ratione arguitur sic: Ubicumque operatur aliquid, ibi est: sed Deus operatur in omnibus, secundum illud Isaïæ 26. *omnia opera nostra operatus es in nobis Domine*. ergo Deus est in omnibus rebus. Rursus, omne agens est præsens passio, secundum Philosophum, 7. Phys. Text. c. 1. & inde, & hoc immediate, si immediate potest agere in illud, vel mediate, si agat in illud mediate: omnipotens autem potest agere in quodlibet immediate; ergo est præsens cuilibet immediate.

RESPONDEO dicendum, verissimè Deum esse in omnibus rebus: sed nequaquam id per necessitatem, & formalem consequentiam, & per locum intrinsicè deduci ex ipsius operatione. Verùm opinantes ex Dei operatione, vel omnipotentia rectè inferri ipsius immensitatem, rem ita declarant. Cum dicitur Deus esse in omnibus rebus, non est arbitrandum reperiri in rerum universitate, sicut pars essentia, vel tanquam accidens: sed magis quemadmodum agens adest ei, in quod agit: Nam omne agens oportet conjunctum esse ei, in

quod immediate agit, ut sua virtute illud attingat, 7. Phys. Text. 4. Cùm autem Deus sit ipsum esse per essentiam, esse creatum necessario erit proprius effectus ejus. Nunc autem effectum causat Deus in rebus, non solum quando primo esse incipiunt, sed quandiu in esse conservantur: sicut lumen causatur in aere à sole, quandiu aer illuminatus manet. Secundum igitur modum, quo unumquodque esse habet, oportet Deum cuique adesse, quandiu est: At esse est unicuique rei præ omnibus initium: igitur Deus est omnibus rebus maxime intimus, & penitissimè præsens.

Quod illatum est recipiendum, & amplectendum, tanquam fidei dogma: verissime enim Deus est in omnibus, sua immensitate implens omnia, ut scriptura testatur Hierem. 23. cit. sap. 1. & alibi sæpe. Sed non rectè inferri ex Dei operatione, probatur primo: Nam agens, quo virtuosius, & efficacius, eo magis potest agere in distans, utique per formam, secundum quam distat: igitur, cùm Deus sit agens perfectissimum, non poterit concludi de eo, per rationem actionis, oportere esse simul cum aliquo effectu causato ab ipso, sed magis distare ab productis à se. Assumptum declaratur ex his, quæ sunt naturaliter nota: sol enim utpote causarum naturalium efficacissima: agit in passum à se longissimè distans, producendo nedum plantas, & animalia, sed etiam aurum, & alia id genus in fodinis, & visceribus terræ, idque non per radios, aut lumen, quibus inferiora perfundit, sed per formam substantialem, secundum quam distat. Esi enim sol mediis accidentibus valeat disponere passum: nequaquam tamen potest attingere per accidentia formas substantiales: impossibile est enim, imperfectius producere perfectius se: sicuti est omne accidens respectu substantia. Tanta etiam diversitas formarum in iis, quæ generantur per putrefactionem, non videtur habere posse proprias causas correspondentes, nisi corpus coeleste, in quo virtualiter continentur omnes. Quo igitur agens est virtuosius, eo magis agit in distans per propriam formam substantialem, qua distat, etsi interim per formas alias accidentales disponat ea, in quæ introducere intendit formas substantiales.

Deinde omnipotentia voluntate causat quicquid vult: sed voluntate aliquid velle, non oportet volentem rei volitæ esse intinè præsentem: ut etiam in nobis experimur: ergo agens per voluntatem agere potest ubi præsens non est. Quamvis igitur Deus non esset præsens effectui, quem causat, sed ex loco aliquo determinato fieri juberet quidpiam, non minus adhuc id effici, ac causari posset per voluntatem suam, perinde ac modo sit

Non inferri  
Dei immensitatem  
ex his quæ  
in scriptura  
testatur.

Hanc sequitur  
Aureolus 1. dist.  
37. art. 2. præ-  
positione prima.

2. dist. 3. q. 8.  
S. Thomas in  
solutione.

S. Thom. hic

1. dist. 17. q. 2.

3. dist. 32.

S. Thom. hic  
Ad oppositum.

S. Thomas hic  
in solutione.



quicquid sibi causare placuerit; ergo ex actione divina nequit concludi agentis præsentia rei, quam causat, sive in quam aliqua ratione agit.

Rursus, Ante universi creationem, non magis fuit Deus hic, ubi est modò universum, quam extra universum, ubi nihil est; ergo Deus non condidit universum ut existens ibi præsens per essentiam suam: igitur non ut actu præsens alicui per essentiam, potest ibi agere, & esse præsens per potentiam, sicut & modo. Nam extra universum, ubi nihil est, nec ubi ipse est per essentiam, potest creare Angelum. Prius igitur est præsens secundum potentiam, & actionem divinam, quam secundum essentiam. Prius autem non habet repugnantiam, quantum est ex se, quin sit siue posteriori; non ergo ex præsentia secundum potentiam activam divinam, potest concludi, per necessariam, & formalem consequentiam præsentia sua per essentiam. Unde cum prius intelligatur causare res, quam res ipsæ sint, & per consequens, prius quam sit eis conjunctus per essentiam, non sequitur profecto ratione sue actionis conjunctio per essentiam.

Postremo, declaratur sic: Nam non est transitus à contrario in contrarium, nisi propter mutationem in aliquo; aliter enim eodem modo dicerentur contradictoria de aliquo, sicut prius: sed cum Deus creat aliquam rem, de non præsentem per essentiam illi rei, sit præsens; ea mutatio utique non est ex parte Dei, sed ex parte creaturæ; ergo oportet præintelligere mutationem creaturæ, à non esse, ad esse, antequam Deus sit illi præsens per essentiam: mutatur autem creatura à non esse, ad esse, per divinam actionem; ergo prius intelligitur Deus per potentiam agere aliquid, quam ei per essentiam suam præsentem esse; adeoque ex hoc quod Deus est agens, minimè potest concludi, esse intimè præsentem per essentiam effectui ab se producto.

Deum igitur esse per suam substantiam rebus omnibus intimè, ac necessario præsentem, adeo ut ea perfectio, quam immensitatem appellamus, non subistat imperio voluntatis suæ, ut cætera omnes, quæ de necessitate consequuntur ens intensivè infinitum, dogma est fidei, quod non concluditur per locum intrinsecum, ex ipsius Dei operatione, sive omnipotentia: & quoniam id medium cæteris videtur efficacius, multo minus Dei immensitatem inferunt cætera, quæ solent adduci, nempe ex infinitate, immutabilitate, æternitate &c.

AD ARGUMENTA. Ad primum, cum dicitur, Deus non est in omnibus, quia tunc videretur esse in se ipso; respondeo, haud id posse inferri, nisi ubi accipitur uniformis modus essendi: Deus autem creditur esse in rebus per præsentiam, & essentiam; at res sint in ipso, secundum esse cognatum, & objectivè, & virtualiter; ac propterea non sequitur, Deum esse in se ipso; cum dissimili prorsus modo Deus sit in omnibus rebus, ab eo, quo omnia sunt in illo.

Ad secundum esse responsio dicentium sic: Nullius agentis quantumcunque virtuosi actio procedit ad aliquid distans, nisi in quantum in illud per mediā agit. Hoc autem ad maximam virtutem Dei pertinet, quod immediate in omnibus agit. Unde nihil est distans ab eo, quasi in se illud Deum non habeat; etsi res distent à Deo per dissimilitudinem naturæ vel gratiæ. Verum huic responsioni obviandum est supra prima ratione, qua probatum est, agentia naturalia, quo efficaciora, eo in magis distans agere per formam ipsam

substantiali, qua distans ab iis, in quæ agunt.

Deinde quamvis de facto agens creatum non agat communiter in distans, quin agat in medio sibi proximo aliqua actione, sive simili actione, qua agit in distans, sive dissimili; id nihilominus evenit, vel quia ex æquo & medium, & terminus sunt ejus actionis capaces; vel quia habet duas potentias determinatas, quibus in ambas potest actiones, & secundum unam agit in medium, secundum verò aliam in distantem terminum; vel denique, quia ex ejus actionis imperfectione, cogitur prius producere imperfectius in medio, & exinde perfectius in termino remoto: quæ omnia si supponerentur abesse ab agente creato, nihil obstarat, quin agere valeret in distans, non agendo in medium. Si igitur per impossibile Deus esset in determinato loco, haberet tamen potentiam infinitam, quandoquidem ipse careat iis conditionibus, quibus necessario subest agens naturale; non determinatur enim ad aliquid producendum in medio, ut agens limitatum, nec cogitur producere prius imperfectius, quo ad perfectiora producenda pertingere posset, quando imperfectius non est dispositio essentialiter exacta ab perfectiori, nec per duas potentias ordinatas attingit producta, nihil omnino impediret, quominus producere valeret aliquid in distans, nihil producendo in medio.

Porro, dictum est, id evenire communiter, & regulariter: quia etiam aliquid agens creatum de facto agit in distans, nihil producendo in medio: Angelus enim alteri Angelo distanti loquens causat in illo conceptum, quem vult illi esse manifestum, nihil interim imprimendo in mediis, quippe quæ cum sint corporalia, incapacia sunt omnis spiritualis impressionis.

Ex his ergo ad argumentum respondeo, etsi agenti naturali regulariter non liceat quidpiam agere in distans, nisi per mediā, id nihilominus evenire, atque accidere ei ex imperfectione sui, ut dictum est: quæ imperfectio, cum locum non habeat in agente infinito, si per impossibile uno loco contineretur, & ubique non esset, adhuc in distans agere posset.

Ad Tertium, concedo, non eodem modo Deum esse in bonis, quos diligit, atque per charitatem inhabitat: ac in malis, quibus irascitur, ac pœnis condignis punit: quod & Magister 1. dist. 37. cap. 2. docet ex Augustino, Deus, inquit, cum sit in omnibus essentialiter, ac totus in illis, tamen plenius esse dicitur, quos inhabitat, id est, in quibus ita est, ut faciat eos templum suum. Mali verò, & si ibi sint, ubi ipse est, qui nunquam deest, non tamen sunt cum eo. Quod & exemplo declarans Augustinus, Tract. 111. super Joann. ut cæci, inquit, in luce non sunt cum luce.

AD ARGUMENTA, quæ adducuntur pro solutione, quatenus videntur concludere Dei præsentiam in omnibus per operationem. Ad primum respondeo distinguendo majorem: Ubicunque operatur aliquid, ibi est: vel per præsentiam suæ essentiae, vel per virtutem proveniente ab illa: concedo: aliter; nego: ostensum est enim, non oportere semper essentiam agentis esse passivè præsentem.

Ad secundum ex Philosopho: respondeo, dictum ejus verum esse de agentibus naturalibus, quæ agunt per formas, seu qualitates naturales, quibus nequeunt agere in remotum, nisi prius per alias formas operentur in propinquum. Id autem locum habere non potest in Deo, qui per voluntatem liberam agit, nec indiget ullis formis activis ad quodvis producendum: ideo nihil agendo,

2. dist. 9. q. 2.  
Sed ista excludenda.

De Theorem.  
10. conc. 11.

Videntur M. S.  
ro. 1. dist. 37.  
q. 2. art. 2. c.  
Recentiores.

S. Thomas hic  
S. Ad Tertium.

2. dist. 9. q. 2.  
Ad ista. V. E.  
per idem patet.



aut producendo in propinquo, possit agere in remotius, si per impossibile ibi non adesset.

## ARTICULUS II.

Utrum Deus sit ubique.

Doct. 1. dist. 37. q. Unic. In Report. ibidem quæst. prima. S. Thom. 1. part. q. 8. artic. 2.

**V**IDETUR dici non posse, Deum ubique esse, & reperiri. Nam Augustinus, 83 qq. quæst. 20. Deus, inquit, *non est alicubi*; quod & probat per hoc; quia *quod alicubi est, continetur loco: quod continetur loco, corpus est. Deus autem non est corpus: non ergo alicubi est.* Quod autem alicubi non est, profecto non est ubique: cum ubique esse, involvat necessario alicubi esse. Hinc Boetius, de Hebdomadibus; *Communis animi conceptio est*, inquit, *incorporalia in loco non esse* Non est ergo dicendus Deus ubique esse.

Præterea; Totum est, extra quod nihil est; sed Deus totus est in uno loco; igitur extra illum locum non est; non est igitur ubique.

Præterea, Si Deus esset ubique; igitur cum crea: rem aliquam, incipit esse ubi prius non erat; & similiter desinit esse ubi prius erat, cum aliquid annihilat; igitur mutatur. Non est autem attribuenda mutatio ulla Deo prorsus immutabili; igitur nec fieri potest, ut sit ubique. Probatio majoris: Deum esse in lapide non dicit solam relationem, & habitudinem lapidis ad Deum; imò importat relationem in utroque extremo, quoniam dum est in lapide, est simul cum lapide; si igitur sint simul, mutuo referantur oportet. Sed lapide non existente, non refertur Deus ad lapidem ista relatione; igitur mox ac incipit esse cum lapide, mutatur per novam relationem.

Confirmatur, Angelus conceditur mutari, quia nunc est in loco, in quo non fuit prius; non quidem quasi ex novo loco acquirat aliquam formam de novo; sed quatenus per præsentiam nunc est in aliquo loco, in quo prius non fuit; igitur si Deus nunc sit præsens alicui rei, de novo creatæ, cui antea non erat præsens, planè mutatur; adeoque si ipse esset ubique, mutationi subiectus foret, quod non est dicendum.

**CONTRA**, Hierem 23. *Nunquid non caelum, & terram ego impleo, dicit Dominus?* Est igitur ubique. Quod & pluribus Sanctorum auctoritatibus confirmat Magister 1. dist. 37. cap. 1. & 2. Et inter alios producit Hilarium, 8. de Trinit. ita scribentem; *Deus immensæ virtutis, vivens potestas, quæ nusquam non adsit, non desit usquam, se omnem per sua edocet, ut ubi suasint, ipse esse intelligatur.*

Respondendo dicendum, Deum esse ubique, idest, sua immeritate ita pervadere penitissimè omnia, ut nihil omnino sit, cui non adsit Dei substantia infinite diffusa. Id tamen potius esse creditum, quam demonstrativè probatum; (de quo articulo præcedenti actum) nihilominus ad id adduci posse Magistri rationem ex 1. dist. 37. lit. H., veluti cæteris probabiliorem; igitur autem ista; Deus per essentiam suam aut est ubique, aut nusquam est, aut alicubi, ita ut non ubique. Non est autem dicen-  
tibus esse alicubi tantum; quia tunc foret limitatus, & contentus à loco; vel (ut ait ille) localis esset. Neque rursus dici potest, Deum nusquam esse: quod enim nusquam est, nihil videtur esse in rerum natura; relinquatur ergo, Deus esse ubique per suam essentiam. Itaque,

Tomus I.

concludit Magister; *Ergo ubique tota divina essentia, quæ continet totum, & penetrat totum: quæ nec pro sui immensitate ullo modo comprehendi potest.* Unde Augustinus: *Deus ubique est, cui non locus, sed actionibus propinquamus.* Hæc ille.

**AD ARGUMENTA.** Ad primum respondeo, non alio sensu Augustinum & Boetium negare, Deum, & spiritualia in loco esse: nisi eo modo, quo corpora sunt in loco. Undè revera Deus non est alicubi: quia non est ita in uno loco, ut non sit in omnibus aliis: tunc enim oporteret esse commensuratum ei loco: quod incorporalibus repugnat.

Ad Secundum, cum dicitur: *Totum est, extra quod nihil est*; & potest referri ad totum; & ad locum in quo est. Primo modo, est vera, sic exponendo: Totum est, extra quod nihil est totius, undè sic totum est, cuius nihil est extra. Si autem referatur ad locum, in quo est, propositio est falsa: quia ipsummet totum potest esse extra locum illum, sicut potest dici de anima rationali, quæ tota est in toto: extra enim ipsam in digito, nihil est ejus, tamen ipsa tota bene est extra digitem.

Ad Tertium dicendum, non sequi, Deus incipit esse ubi prius non fuit: igitur mutatur. Id enim evenit propter mutationem ejus, in quo est. Et ad probationem respondeo sic: ea similitudo non dicit relationem in utroque extremo, sed tantum in altero, scilicet in creatura: refertur enim creatura ad Deum secundum illam relationem, & Deus sub ratione absoluta terminat ipsam relationem, à qua determinatur & Deus, & ideo talis relatio, non nisi appellativè est in Deo. Ea igitur similitudo non est unitas rationis, quamvis eo nomine significetur.

Ad confirmationem respondeo, in Angelo, & in loco esse similitudinem mutuam, & ejusdem rationis in utroque. Nam Angelus habet latitudinem definitivam ad locum: quia ita est hic, ut non alibi: ac propterea, cum locum mutat, aliter se habere necesse est.

## ARTICULUS III.

Utrum Deus sit ubique per essentiam, præsentiam, & potentiam.

Doct. 1. Report. dist. 37. q. 2. S. Thom. 1. part. q. 8. artic. 3.

**V**IDENTUR haud rectè assignari modi, quibus Deus dicitur esse in omnibus rebus. Nam ubi Deus est præsens per præsentiam, ibi etiam oportet esse præsentem per essentiam, & potentiam: igitur ii modi existendi unum involvit reliquos, nec proinde rectè tanquam distincti assignantur.

Præterea, Si ex eo quod aliquibus concessa sit gratia, dicatur Deus esse in his speciali aliquo modo: innumeræ profecto forent excogitandæ rationes, secundum quas diceretur Deus existere in rebus: Id vero minus convenienter poneretur: igitur nec specialis modus est dicendus, cum inhabitat per gratiam. Probatio sequelæ: Gratia quædam forma supernaturalis est: igitur si ex hac forma innasceretur novus modus existendi, pariter multiplicandæ forent ejusmodi rationes existentiæ divinæ, secundum numerum formarum, quas creaturis largitur.

**CONTRA**, Gregorius super Ezechielem (& adducitur à Magistro, 1. dist. 37. cap. 1.) *Licet Deus, inquit, communis modo omnibus rebus insit, præsentia,*



*tia, potentia, substantia: tamen familiariori modo per gratiam dicitur esse in illis, qui misericordiam operum Dei acutius & fidelius considerant.*

RESPONDEO dicendum, competenter esse assignatos modos, quibus Deus esse creditur in creaturis. Nam si consideratur Deus ut causa effectiva, & conservativa omnium, sic rectè dicitur esse in rebus per potentiam: Hæc enim respiciunt, & spectant ad infinitam potentiam primæ causæ. Si autem intelligatur Deus, ut omnia cognoscens nudè, & apertè per scientiam infinitam; omnia profecto sunt sibi præsentia: ratione igitur determinationis suæ substantiæ dicitur esse in rebus per præsentiam. Quia autem omni rei illabitur ratione sue illimitatæ immensitatis, sic est in omnibus per essentiam. Ut autem dat quandam formam ad operationem eliciendam, cujus actionis ipse est terminus, sic specialiter est in sanctis, per gratiam, & charitatem; rectè igitur assignantur illi modi existentie divine in rebus.

AD ARGUMENTA. Ad primum respondeo sic: Quamvis ubi Deus est per essentiam, ibi sit & per præsentiam, & è converso; alia nihilominus est ratio essendi per præsentiam, ac sit per essentiam, vel potentiam, & gratiam, ut extitit declaratum.

AD Secundum dicendum, licet Deus det multas formas ad operandum, non tamen est terminus immediatus earum actionum, sive operationum, sed duntaxat mediatus: Etsi tamen terminus operationis immediatus, in quantum inclinatur animam per charitatem, & gratiam; ideo non est par ratio de hac forma, ac de aliis.

#### ARTICULUS IV.

Utrum esse ubique sit proprium Dei.

*Doct. locis in margine citatis. S. Thom. 1. p. quæst. 8. artic. 4.*

VIDETUR esse ubique haud esse proprium Deo. Etenim quod inest alicui ut proprium, impossibile est alteri communicari; sed esse ubique competere potest alteri à Deo; ergo id non est Dei proprium. Probatio minoris; si Deus converteret in corpus Christi omnia corpora universi, quemadmodum convertit panem, Christi corpus esset ubique; loca enim omnia occuparet; igitur occupare omnem locum, non est solius Dei proprietas.

Præterea, Prima materia una est in rebus omnibus, tam corporalibus, quam spiritualibus; sed unum existens in rebus omnibus sensibilibus, & intelligibilibus, ubique est: omnia enim quæ sunt in loco, seu circumscriptivè, seu diffinitivè, omnem sanè occupant locum; cum igitur alteri à Deo conveniat esse in omni loco, non est Dei proprium esse ubique.

CONTRA, Deus est ubique ex immensitate; pro-

prium autem est Dei, esse immensum, sicuti & esse infinitum per essentiam; ergo perinde proprium est illi esse ubique.

RESPONDEO dicendum, ita convenire Deo esse ubique, ut nulli alteri ab ipso competere queat, ac proinde id esse illi proprium. Et declaratio est ista: Naturam divinam necessario esse intimè præsentem unicuique rei, adeo ut aliter evenire nequeat, id profecto consequitur infinitam perfectionem ejus, quatenus nimirum est ipsum esse per essentiam, habens, & complectens omnem possibilem perfectionem; & si id nequeat à nobis per necessariam consequentiam concludi, & declarari; quicquid autem necessario consequitur divinam naturam, est adeo illi proprium, ut impossibile sit, alteri communicari; sicuti & omni alii enti ab ipso repugnat inesse eam rationem, ex qua proficiunt, & quam consequuntur ejusmodi necessariæ perfectiones: igitur Deum esse ubique, tanquam proprium inest ei, ac proinde cujusvis alteri incommunicabile. Hinc rectè Ambrosius, lib. 1. de Spiritu Sancto, probat, Spiritum Sanctum non esse creaturam, quia ubique est, ita dicens: *Cum omnis creatura certis naturæ suæ sit circumscripta limitibus, quomodo quis audeat, creaturam appellare Spiritum Sanctum, qui non habet circumscriptam, determinatamque virtutem quæ in omnibus, & ubique semper est: quod utique divinitatis, & dominationis est proprium?* Hæc Ambrosius.

AD ARGUMENTA. Ad primum, concedo, posse Christi corpus sacramentaliter esse ubique, seu etiam non sacramentaliter; sed nego proinde fore tunc ei communicatam eam perfectionem eo modo, quo inest Deo: siquidem illud corpus per replicatam præsentiam sui in omni loco, non evaderet immensum, nec majoris perfectionis entitativæ, etsi in uno duntaxat loco reperiretur. Deus igitur ex sua immensitate necessario est ubique, quia nullum potest esse ubi, in quo non sit secundum potentiam, præsentiam, & essentiam: & hoc pacto ita impossibile est alteri à Deo esse ubique, sicuti repugnat esse infinitum, & immensum: At non repugnat (ut dictum est) aliquid ens finitum, per Dei potentiam esse in quocunque ubi; nec propter hoc propriè tale ens esset dicendum esse ubique, sicut Deus, cum non sit immensum, ex quo necessario Deus est ubique.

AD Secundum respondeo, etsi omnia & spiritualia, & corporalia constarent materia unius rationis; nihilominus eam neque esse ubique, neque immensam subinde. Nam materia est una instar aliarum specierum, cæterum est distincta numero, pro distinctione individuorum, quæ materia constant. Undè Philosophus 12. *Metaphys.* cap. 2., ex intentione determinat, principia per se principiatorum esse alia, sicuti alia sunt principia; idque & secundum genus, & speciem, & numerum.

1. dist. 39.

1. dist. 39. §. Consequens. Trajstul.

1. dist. 8. q. 30. §. Ad primum.

Magist. 1. dist. 87. cap. primo.

Sapientia primo.

2. dist. 10. q. 2. §. Tertia propositio.

4. dist. 11. q. 3. §. De secund. articulo principio palii. V. Sed contra.

4. dist. 10. q. 2. §. certus propositio. V. ad primum.

De rerum principio q. 7. c. 8.



# QUÆSTIO NONA

## DE DEI IMMUTABILITATE ,

### IN DUOS ARTICULOS DIVISA.

*Consequenter considerandum est de immutabilitate , & æternitate divina , quæ immutabilitatem consequitur .*

CIRCA IMMUTABILITATEM VERO QUÆRUNTUR DUO.

- I. Utrum Deus , sit omninò immutabilis .
- II. Utrum esse immutabile sit proprium Dei .

#### ARTICULUS I.

Utrum Deus sit omnino immutabilis .

*Dott. 1. dist. 8. q. 5. In Report. ibidem q. 2. De rerum principio, q. 3. S. Thom. 1. part. quæst. 9. artic. primo .*



VIDETUR Deus non esse omninò immutabilis . Etenim Deus habet habitudinem ad mutabile ; ergo est mutabilis : Antecedens ex eo constat ; quia Deus respectu creaturarum mutabilium habet rationem primi Principij , sive causæ primæ :

causâ autem , & principium dicunt habitudinem ad causatum , & principiatum . Probatur itaque consequentia : mutato uno correlativorum , oportet mutari & illud , quod habet habitudinem ad ipsum , saltem secundum talem habitudinem ; principium autem , & principatum correlativa sunt ; ergo ad mutationem principiatorum , necessàriò mutatur principium , propter habitudinem ad principia .

Præterea , Deus habet operationem proximæ causæ efficientis ad aliquid mutabile , quod immediatè est ab ipso ; igitur aliter se habet nunc , quàm priùs . Nam si eodem modo se haberet nunc , sicut prius , cur aliquid magis producit nunc quàm prius ? Ratio enim istius profecto non est ex parte mutabilitatis effectus ; quia hujus causâ quæritur , quare nunc producit , & non ante productus fuit : neq. ex parte passî : quia nullum requirit : igitur causâ erit ex parte agentis , quatenus nunc producit , & non priùs : adeoque ipsum agens necessàriò mutatur .

Præterea , Causâ æquè determinata ad effectum , semper æquè agit : Nam si nunc agit , & aliquando non exiit in effectum , sanè non potest intelligi æquè determinata . Deus autem non semper mundum causavit , sed in principio temporis : igitur ab æterno extitit indeterminatus ad agendum : determinatio autem ei accessit , cum in opus exiit , condendo mundum : Atqui non videtur fieri posse transitum ab indeterminato ad determinatum sinè mutatione ita transeuntis : ergo Deus in mundi creatione subiit mutationem .

Præterea , Deus , etsi cognoverit omnia in æternitate , cum tamen ipse creat lapidem in tempore , noviter intelligit se creantem lapidem : si enim intellectus creatus potest id cognoscere , multo magis infinitus : ex ea autem cognitione comparativa potentiæ suæ ad lapidem creatum , exurgit in ipso nova relatio rationis : igitur si non

repugnat , Deum ex nova comparatione sui intellectus , recipere novum respectum rationis , non est omnino immutabilis .

CONTRA , Apostolus 1. ad Timot. cap. 6. *Qui solus , inquit , habet immortalitatem :* Quod declarans Augustinus , 1. de Trinit. cap. 1. *Solus Deus , ait , habet immortalitatem , quia vera immortalitas , incommutabilitas est .*

RESPONDEO dicendum , Deum esse omnino immutabilem . Quod sanè necessàriò sequitur ex omnimoda simplicitate ejus . Cum enim ob maximam simplicitatem , Deus sit expers , nedum omnis compositionis tam intrinsecæ , ex partibus essentialibus , ( ut vocant ) provenientis ; quàm extrinsecæ , ratione accidentium , quippe quæ in primo locum non habeant : verum etiam omnis componibilitas ( ut tute extitit declaratum supra quæst. 3. ) infinito enim penitus repugnat in compositionem alterius venire ; est namque infinitum essentialiter totum , ideoque rationem partis habere contradictionem implicat ; quicquid autem alteri compossibile est , pars totius , quod ex illis componitur , sit oportet ; eadem ergo necessitate Deus simplex est : ac immutabilis , si enim aliquam , vel minimam intelligatur subire mutationem , statim ab omnimoda simplicitate excidisse probatur ; quia in compositionem illius per quod , vel à quo mutaretur , veniret , atque ita componibilis foret , ac proinde non omnimoda simplicitate polleret . Ut ergo repugnat Deo non esse perfectè simplicem : ita & esse mutabilem : Undè Augustinus , 11. de Civit. cap. 15 *Est itaque , inquit , bonum solum simplex , & ab hoc solum incommutabile , quod est Deus .* Ac propterea per Malachiam dicit , *Ego Deus , & non mutor .* cap. 3.

Et quamvis huic veritati declarandæ jam dicta satis esse possint : quia tamen Dei immutabilitas ægrè admodum intelligitur ab his , in quibus virtus imaginativa dominatur super intellectivam virtutem , nequeuntibus proinde intelligere divinum velle , nisi ad modum humanæ volitionis , juvabit , ordine congruo procedentes , enucleatius rem declarare .

Quoniam igitur primum Principium tripliciter potest considerari . Primo , ut est quoddam perfectum ens in se : Secundo , quatenus ab æterno potest producere creaturas : Tertio denique , ut actu creat , vel causat creaturas : sub nulla harum considerationum Deo advenire posse aliquam mutationem , ex his , quæ subiciuntur , manifestum erit .

Et primo quidem , quatenus Deus est quoddam ens perfectissimum , utpote independens , necesse est , actualissimum , & alia id genus , quæ illi rectissime attribuuntur , nullam subire posse mutationem , probatur : Impossibile est quidpiam mutari , vel posse mutari quocunque genere mutationis ,

Quodlib. q. 5.

De rerum principio q. 3. citato .

2. Report. dist. 1. q. 3. in argument. principal.



nisi, nisi aut aliquid acquirat, vel intelligatur posse acquirere: vel penitus novum esse acquirat: vel totum, quod habet deperdat. Sed in primo Principio nulla ex his mutationibus seu secundum partem, seu secundum totum, locum habere potest: ergo est omnino immutabile. Probatio minoris: Ens, quod est infinita actualitatis re, & ratione, non potest ad aliquam ulteriorem perfectionem moveri, vel intelligi moveri; quia tunc perfectio non foret re, & ratione in fine actualitatis: nihil enim movetur ad id quod est, vel quod possidet, vel præhabet. Nec etiam potest moveri, ut quidpiam amittat, quia tunc nec simplex, nec summè necessarius esset. Nec potest moveri, ut novum esse acquirat ex integro: quia tunc non a se, sed ab alio esset: Ut enim inquit Augustinus 1. de Trinit. cap. 1. *Nihil se ipsum gignit, ut sit.* Nec fieri, aut intelligi denique potest, ut secundum totum esse amittat: quia tunc actualissimum non esset: Quia enim aliquid plus habet de actualitate, tanto minus est in potentia ad non esse: actus itaque purus, & infinitus, & summè necessarius caret prorsus potentia omni tendendi in non esse: & pariter repugnat sibi potentia transiendi ex non esse ad esse: quod genus mutationis *Per se* appellatur à Dima Beno. Primam igitur Principium, quatenus est in se entium omnium perfectissimum, necesse esse, à è, simplicissimum, actus ab omni materia, & potentialitate separatus, nec re, nec ratione est capax subeundi ullum genus mutationis.

Quod vero perinde Deus incapax sit alicujus mutationis, ut intelligitur habituale principium creaturæ, sub ratione triplicis causæ, scilicet efficientis formalis, exemplaris, & analis, declaratur singillatim de unaquaque ratione causalitatis. Et primo de efficiente. Nam Aristoteles 8. *Physic. Tex. c. 27. & inde, §. 11. Metaphys. sum. 4. cap. 1. & de motibus animalium*: vult ex seientia, omnia mobilia reduci ad unum primum immobile & per se, & per accidens: quia alioquin (ut dicit 2. *Metaphys. cap. 2.*) in moventibus, & motis daretur processus in infinitum: id autem non esse admittendum probat *ibidem*: est igitur standum in aliquo uno immobili, quod est principium totius motus. Id ipsum ostendit Augustinus, 8. *super Gen. serm.*, cap. 19. 20. & 21. declarans qualiter omnis motus ab immobili fuit, & in immobili radicatur: si enim movetur digitus, stat cubitus, si cubitus, stat humerus, si humerus, stat corpus: si movetur unus pes, stat alter: oportet ergo primum omnium motorem esse omnino immobilem, & immutabilem.

Quod vero nulla in eo cadere possit mutatio, ut habet rationem causæ formalis, declaratur: Nam nihil omnino pati potest, nisi per principium materiale, sicut nec agere, nisi per principium formale: ergo impossibile est, primum formam pati, nisi aliquid materialitatis involvat: Deus autem prorsus immaterialis est: ergo ut prima forma, omnino impassibilis, ac immutabilis est. Hinc Augustinus, 7. de Trinit. cap. 5. vult, Deum non nisi abusive vocari substantiam: quoniam substantia accidentibus substat, Deus vero alteri subesse non potest: atque ita nihil in eo fit, quod alteri inesse dicatur. Quod eoque verum est, ut neque ceteræ formæ subiectæ accidentibus sint, nisi ratione materiæ, ut humanitas: non enim suscipit accidentia, in eo quod ipsa est, sed in eo quod materia sibi est subiecta.

Quantum ad rationem causæ finalis attinet, Deum ut omnium finem, nullam subire mutatio-

nem, probatur; quia finis, & bonum idem sunt, 3. *Metaphys. Tex. 3.* igitur quod habet rationem universalis finis, oportet esse omne bonum: & si cadat a ratione alicujus boni, cadit a ratione universalis finis. Si igitur Deus aliquam subiret mutationem, dñe eveniret. vel quia aliquid acquireret, vel aliquid amitteret: ex acquisitione ei mutatio accideret; igitur non existeret omne bonum, nec universalis omnium finis: si mutari dicatur, quia aliquid amittit; ergo excidit a ratione universalis boni, & subinde amittit rationem universalis finis; est igitur omnino immutabilis Deus, ut omnium finis.

Superest igitur ostendenda Dei immutabilitas, ut consideratur principium actuale nove creaturæ. Pro cuius declaratione sciendum, Dei voluntatem semper esse suo actui conjunctam. Nam perfectior est potentia proprio actui conjuncta, cum actus ad potentiam naturaliter ordinetur. Aut ergo potentia Dei est semper, aut nunquam, aut aliquando actui conjuncta; Nunquam habere proprium actum, est impossibile. Nec aliquando; quia tunc cum actu careret, imperfecta intelligeretur; superest ergo semper eam, & necessario actum proprium habere; nec alud esse ab ipso actu. Ex quo statim sequitur, actum volendi in Deo esse tanti, & ejusdem ambitus, ac ipsam potentiam; ac subinde, quemadmodum potentia eadem est respectu oppositorum, & respectu differentiarum omnium temporis, ita & actum: perinde enim est immensus, & illimitatus, ac ipsa voluntas. Unde sicuti esse, & essentia idem sunt in eo, & ejusdem sunt in Deo, & ejusdem ambitus, ita voluntas, & velle.

Ex his igitur proposuimus ostenditur sit: Nam Deus eadem potentia volitiva invariata, & immutata potest velle aliquid esse, & non esse divisum; & in qualibet temporis differentia; ergo pariter uno, eodemque actu invariato, & immutato potest velle aliquid esse, & velle non esse; & in quacunque temporis differentia. Etenim is actus est idem ac potentia, & æqualis ambitus cum illa; adeoque quemadmodum omnis differentia entis, velle esse clauditur sub eadem essentia indivisibili: sic omne velle, & omne nolle, pro quacunque temporis differentia, clauditur sub actu volendi, necessario conjuncto voluntati divinæ. Quare, Deum velle hoc esse, & nolle hoc esse, vel velle non esse, est idem actus volendi, qui fortitur diversa vocabula, secundum quod comparatur diversimodè ad creaturas. Et sicut ad idem esse, eandemque essentiam invariabilem diversimodè comparantur creaturæ, secundum diversos gradus imitationis, & imitabilitatis; ita ad idem velle illimitatum comparantur omnia, quæ accipiunt esse, vel desinunt esse per illud, citra omnem ejus actus mutationem.

AD ARGUMENTA. Ad primum respondeo, primum Principium haud dicere necessariam habitudinem ad principia; imò nullam, ne accidentalem quidem fundare relationem ad ipsa; adeoque per mutationem principiatorum, nullam redundare posse mutationem in Principium. Ratio autem cur nullam fundare queat ejusmodi habitudinem ad principia, est; quia primum Principium libere causat quicquid causat, causata proinde libere, & contingenter cum causentur, necessario finita, & contingentia sunt, principium vero summè necessarium: nequit igitur ullam habitudinem, & præsertim necessariam importare ad principia; quia exinde haud esse summè necessarium; de quo actum, 9. 3. artic. sexto iterum repetito.

Ad Secundum, neganda est consequentia; quia si velle

1. dist. 30 §. 1. iuxta prædicta.

4. dist. 16. q. 2.

3. dist. 32.



si velle meum esset sufficiens causa effectus, & hodie vellem aliquid crastina die ponendum à parte rei: illud cras produceretur nulla facta mutatione in me, & abique novo actu volendi. Voluntate igitur æterna Deus producit quicquid in tempore accipit *esse* citra omnem sui mutationem: nam uno actu volendi illimitatio, decrevit, & voluit omnia contraria, & opposita, & pro qualibet temporis differentia: quæ cum successive accipiant *esse*, nihil novi ex parte Dei exurgit, sed duntaxat terminat habitudines, quibus creaturæ necessario referuntur ad ipsum, de quo *infra*, q. 13. art. 7.

Ad Tertium respondeo sic: Agens voluntarium potest esse determinatum ultima determinatione, & tamen non æqualiter agere nunc, ac prius, vel postea: quia est nunc fit ultimatè determinatum, non tamen pro hoc instanti, sed pro alio. Ideo nunc semper eodem modo causatur effectus, quia ultimata determinatione potest velle in hoc *quando* rem esse, pro illo *quando*, cum vult eam ponere in *esse*: quamvis alias præsupponatur passum optimè dispositum. Ad hanc solutionem spectant dicta *artic. 6. citat. quæstionis tertia.*

Ad Quartum respondeo, Deum quicquid cognoscit, atque intelligit, in æternitate cognovisse, nec ullam novam cognitionem, vel comparisonem, aut respectum subinde rationis novum ei advenire posse. Sicut igitur in æternitate cognoscit se pro aliquo tempore creaturæ lapidem: ita & novit in æternitate se creantem lapidem. Hoc est dicta, in æternitate cognoscit relationem actua-lem ejus ad illud, quod pro instanti A. erit, & cognoscit relationem sui quasi potentialem, rationis tamen, pro aliquo tempore; quatenus scilicet relationis realis novæ creaturæ ad ipsum est suo tempore terminanda. Et ratio cur ita rem hanc ita explicandam putemus, est eadem, quæ in argumento adducitur; quia Deus est *re*, & ratione tanta necessitate immutabilis, quanta est infinitum esse, & necessarium esse, & actus purissimus, cui subinde in intellectu est impossibilis omnis ratio potentia, & mutationis, & mutabilitatis; non est ergo ad novum respectum rationis mutabilis; non igitur ex tempore sibi est comparatio nova lapidis creati ad se ut creantem; quia accideret mutatio: si quidem non contingit intelligere transitum à contradictorio in contradictorium, sine mutatione: si enim nulla mutatio esset in aliquo, nec esset ratio, quare magis unum contradictorium modo sit verum, quam reliquum, & è converso: Et ita vel ambo simul vera, vel simul falsa; quod est impossibile. Deo autem producente in se novum respectum rationis, alterum contradictorii extremum modo foret verum de aliquo, quod prius non erat verum; nam modo consideratur sub aliqua ratione, sub qua prius non considerabatur ab intellectu divino; atque ita is intellectus aliquam mutationem subiret.

## ARTICULUS II.

Utrum esse immutabile sit Dei proprium.

*Doct. 1. dist. 8. q. 5. In Report. ibidem, q. 3. De rerum principio, quæst. 4. S. Thom. 1. part. quæst. 9. art. 2.*

**V**IDETUR immutabilitas haud esse proprietas Dei. Siquidem, secundum Auctorem sex principiorum, *Forma est simpliciter invariabilis essentialiter constans*. Sed invariabile est immutabile; igitur si forma invariabilis est; non solius Dei

est esse immutabile. Atque idem de forma simpliciter videtur affirmasse Boetius in libro de Trinitate, cum dixit, *Forma simplex subiectum esse non potest*. Non mutaretur autem, seu variaretur, nisi aliquid recipiendo in se; igitur alteri à Deo convenit esse immutabile.

Præterea, 2. Metaphys. Text. 4. *Sempiternorum principia verissima esse necesse est: quia aliis sunt causa veritatis*. Unde Augustinus, 2. sermone, *speculamina inquit, disciplinarum quibusque verissima esse nulla subitatione concedit*. Et Boetius de Hebdomadibus, *Communis animi conceptio est, quam quisque probat audiam*; igitur prima principia pollent incommutabili veritate: sunt autem principia ejusmodi in unaquaque disciplina; igitur non solius Dei est, esse immutabile.

Præterea, si Deus necessario se haberet ad primum productum, tale causatum foret immutabile; quia necessario dependens ab immutabili: sed Deus necessitate naturæ videtur produxisse primum causatum, ut existimant Philosophi; igitur non solus Deus est immutabilis. Probatio minoris: In omni differentia entis, necessitas est perfectior contingentia; ergo in illa differentia entis, quæ est causa, necessitas est contingentia perfectior; perfectissima igitur causa necessario causat.

Præterea, Deus est immutabilis, ex *articulo precedenti*; ergo immutabiliter se habet ad illud, quod immediatè respicit; ergo illud aliud est pariter immutabile. Probatio primæ consequentiæ: Immutabile, quod est primum agens, primæque causa, non potest diversimode se habere ad effectum suum: nam si diversimode se haberet, videretur mutationem subire. Probatio secundæ consequentiæ: Necessarium ex illud, ad quod necessarium immutabiliter, & necessario se habet: necessarium autem est immutabile: igitur aliud quid à Deo est immutabile.

Præterea, Omne necessarium est immutabile: sed creaturæ, licet in existentia reali sint contingentes, sunt tamen necessariæ in *esse* possibili: quia ipsum possibile *esse* est necessarium, quod respicit omnipotentia Dei: non est enim circa impossibilia: igitur sunt in tali *esse* immutabiles: fieri enim non potest, ut earum *esse* quiditativum varietur: secundum quod sempiternam habent veritatem: non est ergo solus Deus immutabilis.

CONTRA, Apostolus, 1. ad Thimotheum, cap. 6. *Qui solus*, inquit, *habet immortalitatem*: Quem locum commentans Augustinus, 1. de Trinitate, cap. 1, ait, *Cum & anima immortalis esse dicatur, & sit: non autem diceret, solus habet, nisi quia vera immortalitas incommutabilitas est, quam nulla potest habere creatura, quoniam solius est Creatoris*: expressè ergo docet, & proficitur, immutabilitatem ita esse Dei propriam, ut nulli possint competere creaturarum.

RESPONDEO dicendum, *immutabile* eousque esse Deo proprium, ut talis immutabilitas omni repugnet creaturæ. Et Declaratio est ista: Nam cum nulli creaturarum conveniat *esse*, secundum totam perfectionem possibilem: (tunc enim creatura foret de se *esse*, & non acciperet *esse* ab alio, & subinde creatura non *esse*) necessarium enti creato inest privatio alicujus gradus entitatis, qui non repugnaret ei, quatenus ens est: Ex quo fit, ut creatura omnis possibilis sit, id est, possit esse terminus potentia simpliciter, ejus terminus esse nequit ens infinitum, eo quod sit necesse *esse*, & non possibile *esse*. Quod autem possibile est, ut potest esse terminus potentia effectivè iphus, ita cum factum fuerit, ab eodem potentia potest destrui.

Non

1. dist. 3. q. 4. S. Primum ista rationes.

2. dist. 20. q. 2. S. Respondetur igitur ad primum questionem.

Mayron. 1. dist. 30. q. 2. S. Sed est difficultas.

3. dist. 30. q. 2. S. Absolute igitur dico. V. Ex hoc apparet.

Opusculum videtur sentire hic Lycheus.

1. dist. 5. q. 1.

1. dist. 20. q. 2. S. Ad secundam quæst.

1. dist. 8. q. 1. S. Concedo igitur.

4. dist. 13. q. 1. in argum. principii.



N. n. en. m. est majoris virtutis, sed ejusdem, redigere in nihilum quod factum est: & dare esse ei, quod in se nihil est; ergo si omnis creatura est possibile esse, omnis creatura est mutabilis, eo genere mutationis, quod *Tertio* appellatur à Damasceno. Deinde, nulla est creatura, quæ alteri componibilis non sit; (ut extitit declaratum supra, *quest. 3. artic. 8.*) quod in primis de accidentibus constat; ad quorum naturam necessario sequitur, substantiæ inherere, & proinde esse componibile cum subiecto; ergo tam subiectum, quàm id, quod in ipso recipitur, mutabilia esse oportet. Rursus, id evidens est de materia, & forma, ex quibus constituitur totum substantiale: substantiam pariter per se generabilem, & corruptibilem esse receptivam accidentium, & subinde componibilem cum illis, dubitari non potest. Nulla igitur substantia creata foret alteri non componibilis, nisi propter perfectionem sui. Sed perfectissima intelligentia est receptiva accidentis; quia capax suæ intellectiōnis, & volitionis, quæ est, nequeunt sua ipsius substantia. Nam cum qualibet intelligentia possit intelligere infinita, quia omne intelligibile, si jus intellectiōis foret sua essentia, esset infinita, quia haberet intellectiōnem unam (sicuti & essentia est) infinitorum; quod est impossibile. Etenim quoniam ab alio est, non est de se esse, sed tantum aliquid, cui non repugnat esse; nequit ergo habere perfectionem infinitam. Neque fieri potest, ut habeat simul infinitas intellectiōnes, respectu nimirum infinitorum intelligibilium; quia tunc is intellectus distinctè præceptivus omnium intelligibilium, pariter videretur esse infinitus; oportet igitur etiam intelligentiam perfectissimam, post intellectiōnem unius intelligibilis, habere aliam intellectiōnem, qua illud attingat intelligibile: ac proinde est necessario mutabilis. Si igitur omnis creatura necessario alteri componibilis est, utique eadem necessitate & mutabilis erit; quemadmodum aliquid nequit alteri componi, & uniri, nisi ut à mutetur: id enim est mutari, ut dictum fuit *articulo precedenti*, nempe, aliter se habere nunc quàm prius. Nequit autem intelligi quidpiam alteri componi, nisi simul concipiatur, nunc non eodem modo se habere, ac prius se habuerit; omnis ergo creatura est mutabilis: atque ita immutabilitas utique adeo est Dei propria, ut impossibile sit, alteri ab ipso communicari.

Postremo, est aliquid à Deo, propter sui maximam imperfectionem, ut ultimum accidens, non sit mutabile subiectivè, eo quod tale ens capax non sit ulterioris perfectionis recipiendæ; nihilominus, cum veri possit in nihilum: & rursus alteri componatur, & inherere simpliciter, & absolute id ens maximè imperfectum, mutabile est, & rectè dicitur.

Ad Argumenta. Ad primum respondeo, Auctori sex principiorum non esse sermonem de omni forma, sed duntaxat de ultimis, seu Prædicamentis, seu principiis, de quibus differit: ejusmodi igitur formæ, quævis ponerentur immutabiles subiectivè, quatenus incapaces ulteriori perfectionis (Alioquin enim non repugnat, imò est necessarium ponere, aliquas relationes fundare alios respectus, uti proportionalitas in proportione radicata dicitur, in quibus tamen est status) sunt nihilominus mutabiles alio genere mutationis, ut nuper dictum fuit *in solutione*. Similiter ad Boetium dicendum, ipsum loqui de forma, quæ est prorsus actus, qualis est Deus. Hanc igitur formam, quæ non est nata perficere aliquod potentiale, non omnino perfici alia forma satendum est,

subiectum omnino esse non posse; & ideo sola est immutabilis, reliquis omnibus, ob contrariam rationem mutationi obnoxii.

Ad Secundum respondeo, prima principia, cujusmodi sunt, *impossibile est idem simul esse, & non esse*: & *omne totum est majus sui parte*: & *si ab æqualibus æqualia demas, quæ super sunt æqualia sunt*: Et alia id genus, utique habere incommutabilem, & infalibilem veritatem; at exinde minime inferendum esse, aliis à Deo competere immutabilitatem. Namea principia pollent veritate immutabili, ex ratione terminorum, inter quæ, vel ex quibus prædictæ veritates resultant; termini autem illi possident primum esse intelligibile ab actu intellectus divini; qui ex comprehensione essentia, & obiecti infiniti, dat esse primum intelligibile, & possibile omnibus intelligibilibus. At ea intelligibilia, ut intelliguntur ab intellectu dante ipsis tale esse, non possident, nisi esse secundum quid, & diminutum: Alioquin si esse reale habere dicenda forent, ut in signo posteriori comparantur ad omnipotentiam, nequirent iterato accipere esse reale novum in tempore. Quamvis igitur necessario in tali esse, extrema illarum veritatum producantur ab intellectu divino, quia tamen est esse duntaxat diminutum, haud dici possunt alia ab intellectu divino: quia nullum habent esse reale, & verum (prout tale esse à diminuto, & secundum quid distinguitur) nisi ipsius intellectiōnis divinæ. Nihil aliud igitur à Deo (quod scilicet habeat esse reale essentia, & existentia) est immutabile, & invariabile. Nam quæ sunt in intellectu divino, nec habent esse reale, sed diminutum; nec agnoscunt aliud principium reale, præter actum intellectus divini, à quo accipiunt, ut dictum est, primum esse intelligibile, & possibile, Sed videndus *articulus sextus iterum repetit. q. 3. & q. 13. art. 3.*

Ad Tertium concedo, ex suppositione, qua diceretur Deus causa necessaria alicujus creaturæ, forent necessaria habitudine referretur ad productum, quod & invariabile, & immutabile, tanquam necessarium ens, & diceretur, & esset. Verum illam suppositionem esse planè impossibilem, & incompossibilem, ex eo constat, quia cum Deus sit ens summè necessarium, tanquam ex se habens rationem necessitatis, quæ est intensiva infinitas, nequit non esse, quocunque alio à se non existente; posita verò ejus necessaria habitudine ad aliquam creaturam; per non esse creaturæ, oporteret & ipsum summè necessarium definire esse; igitur ex minus impossibili, sequeretur impossibilibus; & falsus ex minus falsò procederet: minus autem impossibile est deficere quod est necessarium ex alio, quàm id quod habet necessitatem ex se. Cum igitur probatur minor, quia in omni differentia entis necessitas est perfectior contingentia. Respondeo; necessarium utique esse conditionem perfectiorem in omni entitate, conditione possibilitatis; modò necessitas sit composibilis. At in prima causa necessitas non est composibilis respectu causatorum: Ex quo enim omne causatum à prima causa est necessario alterius naturæ ab illa, eaque essentialiter posterius, repugnat sibi ea necessitatis ratio, quæ inest primæ causæ, eo quod sit actus purus, à se, & infinitus: est ergo quid repugnans, & incompossibile huic causæ, dicere necessariam habitudinem ad aliquid se essentialiter posterius, ac proinde alterius naturæ ab ipsa: sed videndus *citat. art. 3. q. 10.*

Ad Quartum respondeo sic: Volantate antiqua potest fieri novus effectus, sine mutatione voluntatis:

1. dist. 3. q. 4.  
§. Ad questio-  
nem.

1. dist. 36. & dist.  
43.

1. dist. 2. q. 5.  
§. Ut ratio-  
nibus.

2. dist. 30. q. 2.  
§. Ad secundum  
quest.

1. ubi supra  
§. Ad argumen-  
ta posita pro  
philosophis.

2. dist. 12. q. 5.  
§. De necessitate.

1. dist. 19. q. 1.  
2. dist. 1. q. 5.  
Quodlibet q. 6.  
§. De tertio.



tatis; sicut ergo volitione mea eadem continuata, qua volo aliquid fieri facio illud tunc, pro quando determinatum fuit, à me faciendum esse: ita Deus in æternitate voluit aliquid aliud à se esse pro aliquo tempore, pro quo & efficitur secundum æternam, & invariata determinationem voluntatis illius. Igitur cum necessitate Dei ita, quod illud, ad quod immediatè se habet, sit mutabile; quia immediatè ab immutabili est mutabile sine mutatione immutabilis, propter contingentem habitudinem immutabilis ad omne aliud à se; ac propterea ejus habitudinis extremum est contingens, & mutabile, quamvis fundamentum sit omnino invariabile, & immutabile.

Ad Quintum, respondeo, juxta dicta supra §. Ad secundum esse possibile creaturarum concipi non posse necessarium ex se, sicuti est Deus ex se

actus necessarius; sunt ergo illæ quidditates necessariae duntaxat per participationem, & cum essentiali dependentia ad primum necessarium. Supponendo ergo ista sic necessaria non esse, non intelligitur ea impossibilitas, quæ sequeretur ex hypothese impossibili, quod primum necesse esse non existeret. Sunt ergo immutabiles, ut necessariae: Necessitatem vero habent participatam, & extrinsecam, quatenus earum principium, quod est actus intellectus divini, semper, & necessario dat illis esse intelligibile; secundum igitur rationem intrinsecam ipsarum, non sunt immutabiles: quia ponendo ea mutari, aut verti in nihilum, nulla intrinsecus sequitur impossibilitas, sed duntaxat per locum extrinsecum: Unde alteri cuique à Deo non convenit ex se immutabilitas: quanquam hæc solummodo de actu existentibus verè dicatur.

## QUÆSTIO DECIMA

### DE DEI ÆTERNITATE,

#### IN SEX ARTICULOS DIVISA.

Deinde quæritur de Æternitate.

#### CIRCA HOC QUÆRUNTUR SEX.

- I. Quid sit Æternitas
- II. Utrum Deus sit Æternus.
- III. Utrum esse Æternum sit proprium Dei.
- IV. Utrum Æternitas differat ab Ævo, & tempore.
- V. De differentia Ævi, & temporis.
- VI. Utrum sit unum Ævum tantum, sicut est unum tempus, & una Æternitas.

#### ARTICULUS I.

Utrum convenienter diffiniatur Æternitas, quod est interminabilis vita tota simul, & perfecta possessio.

Doct. Quodlib. q. 6 §. Restat nunc videre.  
S. Thom. 1. part. q. 10. art. 1.



VIDETUR præfata Boetii diffinitione minus convenienter explicari conceptus, & ratio Æternitatis. Etenim Æternitas est modus intrinsecus existentiae Dei sicuti intensiva infinitas est modus intrinsecus essentiae, ut essentia est: igitur æternitas eodem modo est, quo & existentia, cujus est modus: Existentia autem est gradus, & prædicatum essentiale Dei: igitur pariter æternitas est ratio quædam positiva, efficiens eum gradum existendi. Non est ergo quid negativum, quod exprimitur in Boetii descriptione: *Interminabile* enim non est aliud, quam negativa dictio significans carere principio, & fine id, de quo dicitur: Non igitur ea diffinitio est convenienter expressiva æternitatis.

Confirmatur, Dionysius de divinis nomin. cap. 5. Deus, inquit, non quodammodo est existens, sed simpliciter, & incircumscriptè totum esse accipit in seipso, & præcipit, propter quod dicitur Rex seculorum. Et sequitur: Ipse est esse existentibus, & ipsum esse existentium, & existens ante secula:

Tomus I.

ipse est enim ævum ævorum, qui est ante secula. Per ævum autem ævorum, quod Deo attribuit, rectè intelligitur æternitas, secundum, quod Deus est existens simpliciter, & circumscriptè: igitur videtur sentire Dionysius, æternitatem esse modum existentiae, quatenus est existentia simpliciter, & à se.

Præterea, Totum, & perfectum idem, 3. Phys. Tex. c. 64 igitur superflue Boetius, 5. de Consol. profa 6. videtur addidisse rationem perfecti ad conceptum Totius, dicens, æternitas est interminabilis vita tota simul, & perfecta possessio: proinde ea descriptio est minus convenienter tradita.

Præterea, Æternitatis descriptio præallegata similis est diffinitioni Personæ, quam tradit Richardus, 4. de Trinit. cap. 22 nempe, *Intellectualis natura incommunicabilis existentia*: utrobique enim negatio importatur in recto, & negationis fundamentum in obliquo. Sed ea Personæ diffinitio eatenus probatur, quatenus ratio personalitatis revera in negatione consistit: estque existentiae incommunicabilitas; ergo quandoquidem æternitatis conceptus quid positivum importet ut probat primum argumentum: nequaquam est recipienda Boetiana descriptio.

Præterea, Æternitas est duratio existentis infinitè: igitur minus convenienter dictum videtur, *interminabilis vita*, cum dici potius oportuisset *interminabilis existentia*, quod existentis conceptus siquidem essendi, & existendi, prior est conceptu vitæ.

CONTRA, Anselmus, Monol. cap. 17. de æternitate differens, exprimit conceptum ipsius conformiter ad Boetii descriptionem, dicens, *Vera æternitas principii sui finis caret intelligitur igitur*

Theorem. 25.  
Contingit 8.

1. dist. 23.

3. dist. 1. q. 1.



tur convenienter ita æternitas diffinitur.

RESPONDEO dicendum, Boetii definitionem præaiegatam, quæ æternitas declaratur, esse convenienter traditam. Etenim cum dicitur, *Interminabilis vitæ tota simul: & perfecta possessio: Vita* accipitur pro existentia actuali perfecta, juxta illud Joann. 5. *Sicut Pater habet vitam in semetipso, sic dedit & Filio habere vitam in semetipso.* Veruntamen ponitur in obliquo, & tanquam connotatum, quia quasi subiectum, & fundamentum est æternitatis. Quod fundamentum certum est esse in Deo ex natura rei, sicuti & existentiam perfectam. At reliqua tria, id est, *interminabilis* quo excluditur defectio: & *tota simul*, per quod removetur successio: & *perfecta possessio*, quo significatur, & intelligitur æternitas expers omnis dependentiæ, & participationis: hæc, inquam, omnia, ultra conceptum vitæ, non videntur importare, nisi relationem positivam, vel negativam. Negativam quidem propter negationem terminationis, negationem successioneis, & negationem dependentiæ: & relationem positivam potentialem, vel aptitudinalem. *Interminabilis* enim videtur dicere, posse per se coexistere cuicunque durationi, vel existentie: *tota simul*, sine variatione, & successione posse coexistere cuicunque: *perfecta possessio*, à se ipso existeret, & non dependere in existendo. Igitur unum duntaxat, scilicet, *vita*, est ex natura rei in diffinitione æternitatis: at reliqua tria, quibus completur ratio ipsius, non sunt ex natura rei, ut videtur: quia per se, & formaliter important vel negationem alicujus imperfectionis extrinsecæ: vel relationem aptitudinalem, aut potentialem ad aliquid extrinsecum: & neutro modo est aliquid eorum ibi ex natura rei: & per consequens nec æternitas ut æternitas, erit ibi ex natura rei. Infinitas igitur durativa juxta hoc, ultra infinitatem intensivam, non addit, nisi negationem deficiendi, vel relationem rationis potentialitatis, quatenus valet coexistere cuicunque possibili, quæ relatio utique est rationis. Quandoquidem ergo æternitas connotat positivum, quod est interminabilis vita essentia divinæ, & formaliter importat triplicem negationem nimirum, defitionis, successioneis, & dependentiæ: vel relationem rationis potentialitatis, quatenus coexistere potest omni durationi, citra omnem sui variationem, ac dependentiam, rectè omnia hæc significantur, cum dicitur, *Æternitas est interminabilis vitæ tota simul, & perfecta possessio*: secundum quam Boetii descriptionem, supplenda, & intelligenda est sententia Richardi, cum 2. de Trinit. cap. 9. dicit, *Quære initio. & fine. & omni mirabilitate. dat æternum esse.* Atque hæc est negativa explicatio æternitatis, prout exigere videntur præmissæ descriptionis verba.

Verum quia probabile est, æternitatem esse modum intrinsecum divinæ existentie, juxta hanc viam declarando æternitatem positivè, in recto importat vitam perfectam, seu esse indefectibile, & pro connotato relationem potentialem, vel aptitudinalem coexistendi omni, vel infinite durationi, perinde ac immensitas, quæ connotat potentialem aptitudinem coexistendi omni loco possibili; & citra hæc connotata nequeunt quietativo conceptu intelligi hæc perfectiones divinæ, quæ sunt relative secundum divi: & ita pariter est de omnipotentia, & omniscientia Dei. Æternitas igitur est in Deo à parte rei, ut existentia, & pro formali dicit perfectionem absolutam, sed connotat omnem possibilem durationem: quia est virtualiter extensibilis ad omnem, ac infinitam: licet

formaliter sit indivisibilis. Utraque via est probabilis, sed teneatur, quæ inquirenti videtur probabilior.

AD ARGUMENTA. Ad primum respondeo, quamvis non videatur improbabile, æternitatem esse modum existentie, ut pariter infinitas modus essentie divinæ, ut dictum est: tamen juxta præmissam declarationem descriptionis Boetianæ negandum est assumptum; quia intensiva infinitas est unicus modus tam essentie, quam existentie divinæ, ultra quam infinitatem, nihil aliud pro formali æternitas importat, nisi triplicem negationem, aut respectum rationis, ut explicatum est: nam æternitas, ut æternitas, sive interminabilis duratio ut talis, non est intensiva infinitas. Quamvis ergo existentie Dei sit idem modus intrinsecus, qui est & essentie, scilicet, infinitas; hæc tamen pro formali non est æternitas. Et sanè si Angelus annihilaretur cras, non haberet alium modum intrinsecum in natura sua, quam si maneat in æternum, sicut manebit; Et secundum aliquos, sine successione, quia negant successione in ævo. Non videtur ergo, ultra infinitatem intrinsecam divinæ essentie, oportere intelligere aliquem modum ex natura rei, qui sit quantitas durationis interminatæ; imo quicquid intensivæ magnitudinis infinitæ superadditum apprehenditur, pro formali non videtur esse, nisi relatio rationis, vel negatio.

Ad confirmationem ex Dionysio, sustinendo Boetii descriptionem, respondeo: utique ex natura rei Deum esse existentiam incircumscriptam, id est, intensivè infinitam, adeo ut magnitudo propriæ existentie sit infinitas intensiva, quæ non est interminabilis duratio formaliter; quia si per impossibile Deus desineret esse, foret infinitus, sed non æternus. Cum igitur Deus appellatur à Dionysio *Ævum Ævorum*, hoc est, æternus, vel æternitas; verum quidem est hoc; quia ejus existentie repugnat desinere esse, & fundamentum quidem talis repugnantie est ibi ex natura rei, quod aliud non est, quam eadem existentia: at non oportet proinde formalem rationem repugnantie pariter inexistere ex natura rei: Non quod repugnantie illæ non sequatur citra operationem intellectus; sed quia non sunt, sicuti esset æternitas, si intelligatur esse ponenda modus existentie: ac propterea in recto non importat nisi triplicem illam negationem, & non obliquo *vitam perfectam*, ad quam sequuntur negationes prædictæ triplicis imperfectionis.

Ad Secundum, concedo, totum & perfectum in se esse idem; at minus rationem alteri esse additam in prædicta descriptione, ut habeatur quietativus conceptus æternitatis; utque ab æterna duratione removeatur omnis imperfectio, quæ est in duratione creaturæ; Nam cum dicitur *tota simul*, removetur variatio, & successio, quæ est in duratione temporalium rerum: at cum additur, *perfecta possessio*, innuitur, æternum à se, & ex se existere, nec ab alio dependere posse in existendo; ac proinde non incongruè utramque rationem hic fuisse expressam.

Ad Tertium, respondeo ex dictis. Nam ut declaratur æternitas negativè, in recto importat triplicem negationem, scilicet defitionis, successioneis, & dependentie: & in obliquo existentiam, seu vitam perfectam. At ponendo esse modum existentie in recto dicit vitam, & existentiam perfectam; & in obliquo connotat relationem potentialem, & aptitudinalem coexistendi omni durationi possibili, seu infinite (secundum quam relationem utique æter-

Lychet. *Supra*  
6. q. Quæst.  
lib. Maius  
disp. 14. *Ubi*  
& *super* primum  
sensu.



æternitas reponenda est inter Dei attributa, cum secundum rationem absoluti spectet ad Dei essentiam, quemadmodum & *esse*; Utraque autem via cum sit probabilis, ut dictum est; & potest defendi Boetii descriptio, & etiam alia sententia tueri, quæ videtur fundari in auctoritate Dionysii. Quam sententiam exprimeret quoque Boetius, si in ejus oratione, constructio transitiva intelligatur sit, *æternitas, est vita interminabilis tota simul, & perfecta*. Sed quia de facto intransitiva est, videtur putavisse æternitatem pro formali importare quid negativum, & pro connotato duntaxat positivum vitæ perfectæ.

Ad Ultimum, respondeo, in conceptu essentiali ejus, quod est ex se *esse*, includi quoque conceptum vitæ, sine quo nequit intelligi infinitum, quod est ex se *esse*; perinde est igitur in eo existentia, ac vita; Nam *vita* in ea descriptione accipitur pro existentia actuali perfectæ, prout dictum fuit in illius explicatione.

## ARTICULUS II.

Utrum Deus sit Æternus.

Doct. locis in margine citatis. S. Thom.

1. p. q. 10. artic. 2.

**V**IDETUR Deus haud esse, nec dici debere æternus. Nam æternum, & temporale nedum differunt, sed planè contraria sunt: Temporalia enim sunt in motu, & successione, in æternis autem nulla potest esse successio, nec variatio, sed stabilitas maxima, & plena possessio omnium, eo modo, quo possunt ab æternis possideri; igitur quod verè convenit his, quæ sunt in tempore, falso attribuantur æternis: vel si rectè de his dicantur, profecto non erunt æterna. Sed secundum Augustinum, *Homilia 99. super Joannem*; verba cujuscunque temporis verè prædicantur de Deo, ut verum sit ipsum fuisse, esse, & fore; igitur Deus non est æternus.

Præterea, Quemadmodum temporalia mensurantur tempore, ita æterna æternitate; Sed Deo repugnat dimetiri, & mensurari; ergo pariter & esse æternum. Probatio minoris: Tum quia mensuratum innotescit per mensuram sui, tanquam per notius: Deus autem non innotescit per æternitatem, sed per effectus ab se productos. Tum quia mensuratum dependet à mensura: dependere autem ab aliquo repugnat primo enti; ergo & esse mensuratum; ac proinde Deus rectè dici nequit æternus.

Præterea, Id quod factum est, nequaquam potest adæquari ei, quod est non factum: sed æternitas facta est, & efficitur ab instanti, quatenus fixum, & permanens est, secundum Boetium, 1. *de Trinit.* igitur Deus non est dicendus ab tali æternitate, æternus. Minor declaratur ex doctrina Boetii citata; quia idem *nunc*, ut est fluens à priori in posterius, & à præterito in futurum, facit tempus; Ut vero stat idem *nunc* premanenter fixum, & non transiens, efficit æternitatem.

Præterea, ex dictis articulo præcedenti, æternitas importat in recto existentiam à se, seu vitam perfectam; & in obliquo aptitudinalem respectum coexistendi omni tempori, etiam infinito; igitur saltem in suo conceptu quietativo involvit successionem, & novitatem, idest potentiam ad coexistendum infinitis partibus temporis, sibi succedentibus. Sed is conceptus repugnat Deo, sicuti expers probatur omnis successionis seu mutationis,

Tomus I.

& mutabilitatis; juxta illud Psal. 10 *Tu autem idem ipse es, & anni tui non deficient*, & declaratum est quæst. præcedenti artic. 1. & 2.; igitur repugnat sibi conceptus æterni ab ejusmodi æternitate.

CONTRA, Richard. 2. de Trinit. cap. 9. *Carere*, inquit, *initio, & fine, & omni mutabilitate dat æternum esse*. Deus autem cum à se sit, & necesse esse, ut caret principio, ita finem non est habiturus; est igitur æternus.

RESPONDEO dicendum, Deum verissimè æternum esse, ac talem proinde propriissimè appellari. Nam nomine æterni illud rectissimè intelligitur, cui per se, & primo inest æternitas; eternitatis autem ratio importat vitam interminabilem, seu existentiam adeo perfectam, ut sibi omnis imperfectio repugnet; ac proinde non sit in ipsa potentia ulla ad deficientium; nec subiecta alicui successioni, aut mutationi, ac penitus denique independens. Ac talis est vita, & existentia Dei; est enim interminabilis, quia à se est, & necessaria est: ideoque tota simul, & longè perfectissima; est igitur is, cui tale esse inest, æternus, atque (ut ait Dionysius, 5. de divinis nominibus: de hac vita differens) *existens ante secula: ipse est enim æternum ævorum, qui est ante secula*. Rursus, quæst. præcedenti, artic. primo, extitit declaratum, qualiter Deus, eo quod simplicissimus sit, expers omnino est omnis mutationis, & mutabilitatis; Igitur si esse ejus est omnino immutabile, & invariabile, totum est simul incapax omnis additionis, & successionis; ergo quantitas durativa talis existentie immutabilis non est alia, quam æternitas, dans proinde esse æternum immensurabiliter duranti per eam.

AD ARGUMENTA. Ad primum respondeo, concedendo, verba cujusque temporis verè enunciari de Deo, quia verissimè Deus extitit sine principio, est, atque erit sine fine: at nego proinde Deum non esse æternum; quia etsi verba cujuscunque temporis verè prædicentur de æterno Deo, seu exprimantur actus notionales, seu essentialiter: nihilominus quia verba illa magis propriè significant *nunc* æternitatis, quam temporis differentias, non quidem ipsum *nunc* absolute; quia alioquin non esset invariatio diversorum modorum significandi temporis; sed in quantum tale *nunc* variabile coexistit partibus; ideo cum veritate earum prædicationum per temporis differentias, stat veritas æternitatis Dei, & omnium divinorum. Cum itaque dicitur, *Deus genuit Filium*, significatur *nunc* æternitatis; ut sit sensus; Deus habet actum gignendi in *nunc* æternitatis, in quantum illud *nunc* coexistit præterito.

Ad Secundum, negandum est, æternitatem esse Dei mensuram; ac proinde eodem modo se habere respectu Dei æternitatem, ac tempus respectu successionum. Nam successiva ultra tempus intrinsecum, præterea subsunt motui primi mobilis, à quo est tempus extrinsecum, unde pariter accipitur rerum temporalium extrinseca mensura. Dei autem æternitas, cum aliud non sit, quam ejusdem existentia, ut necessario, & intrinsecè potest coexistere omni possibili durationi, ita nequit esse sui ipsius mensura; quia sibi talis ratio competere nequit, respectu sui ipsius; quia perinde est nota. Æternitati igitur non competit ratio mensuræ, ut de mensura loquitur Aristoteles 10. *Metaphys.* Est itaque mensura extensivè duntaxat, quatenus accipitur pro duratione rerum: Mensuratum vero dependere à mensura, non est verum, nisi de mensura rerum in esse quidativo, ex 5. *Metaphys.*

N 2

Videndus Doct. de modis significandi cap. 46.

1. dist. 8. q. 3. §. Ad primum.

Magist. 1. dist. 3. lit. B.

Doct. 10. Metaphys. q. 2. in argumentis principalibus 4. dist. 46. q. 2. §. Ad questionem.

De rerum principio q. 22. art. 15.

2. dist. 2. q. 1. §. Pro ista epistola.

Quodlib. q. 6. §. Respondeo nunc.

Quodlib. ubi supra.

De rerum principio q. 22. art. 15.

1. dist. 8. q. 3. §. Ad primum.

2. dist. 2. q. 1. §. Ad questionem partem questionis. V. ad primum.

4. dist. 22. q. 2. §. Ad primum.



De rerum prin-  
cipio q. 23. n. 5.

cap. de *aliquid*, quia refertur ad ipsam, & non  
è converso, sicut scibile est mensura scientiæ; quod  
utique locum non habet in casu.

Ad Tertium respondeo, Boetium esse intelligen-  
dum in genere causæ formalis, & non effectivæ,  
ut idem sit instans, quatenus immobiliter stat, ef-  
ficere æternitatem, ac esse ipsam æternitatem, eo  
sensu, quo dicitur albedine effici paries albus,  
id est, esse albus.

De rerum prin-  
cipio q. 23. n. 11.  
13. §. Et judicas.

Ad Quartum respondeo juxta dicta articulo  
*precedenti*, idem argumentum posse urgeri contra  
omnia attributa, seu perfectiones divinas, quæ  
cum sint relativa *secundum dici*, nequeunt concipi,  
nisi cum respectu ad creaturas, quemadmodum  
sunt omnipotentia, omniscientia, & alia id genus.  
Itaque sicuti propter relationes, sub quibus illæ  
perfectiones concipiuntur, nemo putat non esse  
Deo attribuendas, aut sentit tales respectus in-  
volui essentialiter in ipsis divinis attributis; ita  
et si nequeamus quietativè concipere Dei æterni-  
tatem, nisi cum illa necessaria extensione ad om-  
nem successionem, & durationem extra Deum,  
non propterea is respectus rationis aut repugnat  
perfectioni æternitatis, aut dicimus includi in exis-  
tentia Dei: imo existimamus eam successionem  
non esse, nisi ex parte nostri intellectus, & ne-  
quam afficere Dei existentiam æternam; sicuti  
pariter in unico esse infinito est eminenter omne  
esse participatum, nullam subiens distinctionem,  
nisi rationis; quatenus intellectus ex distinctione  
perfectionum participatarum, distinguit eas in il-  
lo, cujus participatione sunt: cum interim in ipso  
sint unum indivisibile.

## ARTICULUS III.

Utrum esse Æternum sit proprium Dei,

*Dost. locis in margine citatis. S. Thom.*  
1. part. q. 10. artic. 3.

q. dist. 8. q. 3.

**V**IDETUR æternitas non ita competere  
Deo, ut nihil aliud ab ipso sit, aut dici  
queat æternum. Nam quæ ut propria consequuntur  
Deitati, nemo Philosophorum attribuit aliis ab  
ipso; ut patet de scientia, & potentia respectu  
omnium, infinitate, & aliis id genus. Sed Phi-  
losophi putaverunt, Mundum, intelligentias, &  
materiam extitisse ab æterno; igitur existimabant  
æternitatem non esse Dei sic propriam, ut alteri  
non conveniret. Et quamvis in hoc illos errasse  
constet; tamen ex unitate, necessitate, primate,  
& aliis prædicatis lumine naturali intellectus no-  
tis, non licet inferre, æternitatem tanquam pro-  
prium inesse Deitati.

2. dist. 8. q. 3.

Præterea, quamvis de facto Deus produxerit  
creaturam spiritualementem, & corporalem in initio  
temporis, nihilominus problema Theologicum  
est, fieri potuisse ab æterno, & certum durare  
posse per infinitum tempus, saltem quoad aliquas  
partes ejus. Si autem æternitas foret proprietas  
primi principii, non videtur aliquem effectum illi  
coævum produci potuisse: quia incommunicabile  
foret esse abque principio durationis: igitur esse  
æternum non est proprium Dei.

1. dist. 3. q. 4.

Præterea, 2. Metaphys. Tex. c. 4. *Sempiternorum*  
*principia verissima esse neceesse est; quia aliis sunt*  
*causa veritatis.* Sed si neceesse est ea principia ve-  
rissima esse, æterna sunt: Alioquin contingenter  
ipsis inesset veritas, & ita haud verissima forent:  
igitur habent æternitatem parem primo principio,  
à quo longissimè abest omnis contingentia.

Præterea, Intellectus divinus ab æterno dedit  
primum esse intelligibile omnium rerum quidita-  
tibus; igitur hæc quiditates sunt æternæ, ut intel-  
lectio divina. Probatio consequentiæ: Nam nisi  
ab æterno omnia omnino intelligibilia Dei intel-  
lectus præcepisset, non esset divinæ essentiae com-  
prehensivus, nec infinitus; ex comprehensione  
enim divinæ essentiae fit, ut det esse intelligibile  
omnibus, quæ virtualiter continentur in objecto  
infinito.

Præterea, In scriptura frequenter attribuitur  
æternitas aliis Deo; igitur non convenit Deo ut  
proprium, esse æternum. Assumptum constat ex  
Matthæi 25. *Ibunt Iusti in vitam æternam*; & de  
maïis: *Ibunt bi in supplicium ævum*; & Psal.  
83. de Sanctis scribitur: *In sæcula sæculorum lau-  
dabunt te*; & alibi frequenter eadem sententia ha-  
betur; igitur aliis à Deo convenit æternitas.

CONTRA, Dei æternitas ea est, propter quam  
esse divinum necessario coexistit omnibus parti-  
bus temporis. Nihil autem à Deo necessario ha-  
bet talem coexistentiam: sed si habeat, contingen-  
ter duntaxat eam perfectionem possidet; quia ex  
se potest desinere esse, & ita non coexistere omni  
tempori, & durationi; est igitur æternitas Dei  
proprietas, ut nemini ab illo possit convenire.

RESPONDEO, æternitatem esse Dei proprietatem  
nulli creaturarum communicabilem, sicuti nec in-  
finitatem, ex qua est actualitas omnimoda, & ne-  
cessitas, & immutabilitas essendi, ac denique æter-  
nitas, modo in *precedentibus* explicato: quatenus  
scilicet, esse divinum, & vita perfecta de necessita-  
te potest coexistere infinitæ durationi, distinctæ à  
prima duratione vitæ perfectæ, & existentiae in-  
dependentis, & invariabilis. Nam esse actuale ita  
perfectum, est infinitæ perfectionis, seu magnitu-  
dinis entitativæ, & secundum id, quod æternitas  
importat in recto, seu in obliquo, (juxta Boetii  
descriptionem) non est aliud ab ipsa magnitudine  
infinita; Sed eatenus æternitas, & infinita duratio,  
non est infinita perfectio formaliter, quatenus vel  
intelligitur quietativo conceptu per coexistentiam  
prædictam, vel per negationem triplicem, juxta  
unam, aut alteram æternitatis explicationem.  
Quemadmodum autem nihil à se esse potest, citra  
primum; ita nec à se existere, nec alicui necessario  
coexistere; igitur nulli ab eo, qui à se incommu-  
tabiliter existit, & necessario infinito tempori coe-  
xistit, potest æternitas convenire; Uni igitur  
duntaxat, tanquam ejus proprium, inest. Quare,  
& Dionysius de divinis nomin. cap. 5. *Deus*, inquit,  
*non quodammodo est existens, sed simpliciter, & cir-*  
*cumscriptè totum esse accipit in se ipso, & præac-*  
*cipit, propter quod dicitur Rex sæculorum.* Quem-  
admodum igitur est proprium primi entis com-  
plecti in se uno omnem perfectionem possibilem,  
& esse necessarium, à se, independentem ab omni  
causa: ita & propriissimè ac incommunicabiliter  
sibi convenit esse æternum.

Rursus, esse divinum, eodque simplex omnino  
sit, & immutabile, & invariabile actu, & potentia,  
re, & intellectu, est, & rectissimè dicitur æternum.  
Atqui in aliis, quæ habent esse, non est, nec esse  
potest immutabilitas, & invariabilitas actu, & po-  
tentia, re, & intellectu: imo esse rerum incorpo-  
ralium, quamvis sit totum simul, & actu invari-  
abile, est tamen potentia variabile, & vertibile in  
nihilum: esse verò corporaliū, quale est esse re-  
rum generabilium, & corruptibilium, est variabile  
actu, & potentia, subiectum motui, & mutationi;  
igitur nihil ex his, quibus est esse variabile seu  
actu, seu potentia, rectè attribui potest æternitas:  
imo

1. dist. 3. q. 4.  
& dist. 26. & 43.  
& 2. dist. 1. q. 1.  
& Quodlib. q.  
14. & alibi.2. dist. 2. q. 1.  
§. Ad argumen-  
ta pro prima  
opinionem V. ad  
Tertium.Quodlib. q. 4. 6.  
§. Sed resolat.

Quodlib. q. 1.

De rerum prin-  
cipio q. 19. art. 3.  
n. 21.



imo nec ipsis competere: quamvis enim per extrinsecam manutentionem omnipotentis pleraque ex illis non sint aliquando desitura: non propterea æterna propriè censenda sunt, sed sempiterna magis appellanda, vel æviterna, seu habentia durationem, quæ finem habitura.

Ad ARGUMENTA. Ad primum respondeo, Philosophos opinantes, Deum esse causam necessariam, multa falsa ex falso principio intulisse: quod fuit necessarium: quia ex antecedente includente impossibilia, sequitur consequens pariter includens impossibilia. Cum autem causare importet productionem diversi in esse, repugnat primæ causæ conditio cauſandi necessario: quia tunc sublato minus necessario, oporteret & deficere magis necessarium, quod est impossibile. Ex illo igitur principio falso intulerunt complura producta esse necessaria, & æterna. Sed quia veritas est, nihil fuisse, nec esse posse necessario productum à Deo: ita alicui convenire ab intrinseco, seu ratione suæ existentia esse æternum, est impossibile. Et cum dicitur: saltem sequitur, non rectè deduci ex his, quæ naturaliter innoteſcunt de Deo, & de quibus Philosophi rectè senserunt, æternitatem esse propriam Deitatis. Respondeo, quemadmodum Deum esse causam liberam, demonstrari potest lumine naturali intellectus, (ut declarabitur infra, q. 19. art. 3.) & tamen Philosophi oppositum putaverunt: ita mirum non est, nec vidisse æternitatem esse Dei proprium sic, ut nemini alteri à se communicari queat: quia ex uno principio falso, multa pariter falsa inferri necesse est. Cæterum ex necessitate primi principii, ejusdemque unitate, simplicitate, & immutabilitate, concludere debuissent, talem esse ipsius durationem, ut in ea nulum possit esse ei par, quemadmodum nec in ratione essendi.

Ad secundum dico, quemadmodum si aliquod corpus per Dei potentiam omnem locum imple-ret, rectè esse ubi que diceretur, nec proinde foret immensum, & illimitatum; quia stante propria finitate, ex causâ intrinsecâ operatione esset ipsius præſentia in omnibus locis replicata: Deus autem ob sui immensitatem necessario est ubique secundum essentiam, præſentiam, & potentiam; ita si aliqua creatura ab æterno condita fuisset, (quod præſertim de permanentibus haud improbabile existimamus) polleret quidem duratione interminata, sed non propterea ea propriè foret æterna. Nam id, cui competit æternitas, caret principio, & sine necessario, adeo ut impossibile sit, circa ipsum aliquam contingere immutationem. Creatura vero à Deo producta sine principio durationis, potuisset non produci ab æterno, sed in tempore: & posteaquam ita esset producta, cum plenissimè subſit omnipotentia Dei, posset non esse. Quod si per totam æternitatem permaneret, id extrinsecè, & contingenter ei obveniret, & ex suppositione decreti Dei de illius conservatione: quæ profecto necessitas, est duntaxat secundum quid; & ideo non vera necessitas.

Ad Tertium, dictum fuit questione præcedenti, articulo secundo, §. Ad secundum. Primorum principiorum terminos esse primum intelligibile accepisse ab actu divini intellectus; à quo subinde habent esse, invariabile quidem, sed secundum quid, ac diminutum. Ut autem esse reale intelliguntur habere, aliud non invenitur, quàm ipsius intellectus divini, quæ est eorum causa. Propter igitur infinitatem comprehensionis talis actus, nihil æternum est extra Deum; quia cum duratio uniuscujusque non sit aliud ab existentia reali, se-

cundum id, quod importat positivè, nihil verè dicitur æternum, aut temporale, nisi acceperit esse verum, & reale per omnipotentiam divinam.

Et per idem patet responsio ad quartum.

Ad Ultimum respondeo, cum inscriptura attribuit æternitas aliis à Deo, ut vitæ beatæ, vel supplicii damnatorum, quæ æterna dicuntur; non esse id intelligendum de æternitate in eo sensu, ut loquitur ad præſens; sed potius ut idem est, ac æviternitas, vel tempus perpetuum. Siquidem manifestè falsum est, aliquid creatum, ut distinguitur contra æternum, mensurari æternitate, & non ævo, vel tempore perpetuo. Nam si ævum includat successionem, siue possibilitatem ad deficiendum, sic videtur competere cuicunque creato, quod non est propriè temporale: Æternum autem sicut est totum simul actu, ita caret potentia non essendi. Quicquid igitur habet potentiam deficiendi, non est propriè æternum, sed æviternum, vel durans tempore perpetuo; Esse igitur æternum est proprium Dei.

#### ARTICULUS IV.

Utrum Æternitas differat à tempore.

Doct. de rerum principio, q. 22. S. Thom.  
1. p. quæst. 10. art. 4.

VIDETUR æternitas haud à tempore differre. Etenim idem omnino nunc secundum substantiam est, in quo existunt Deus, & motus; ergo nunc æternitatis, quod aliud non est, quam ipsa æternitas, non differt à nunc temporis, quod secundum substantiam, est unum, idemque in tempore, diversum autem præcisè quoad esse, seu existentia actualitatem. Declaratur assumptum: siquidem idem nunc ut fluens, est nunc temporis; quatenus stare, nec actu, nec potentia fluere intelligitur, est nunc æternitatis, ut ait Augustinus, 11. Confess. cap. 14. sublati igitur his differentiiis, quæ pertinere videntur ad aliud, & aliud esse, superest idem nunc secundum substantiam: Quemadmodum idem corpus est delatum, & non delatum; est aliud, & aliud reputetur quoad differentias accidentales.

Præterea, Aristoteles, 4. Phys. Text. 104. videtur dicere in sententia, unicum esse nunc, seu instanti in toto tempore, secundum substantiam, fluens cum toto tempore secundum aliud, & aliud esse: Quod & probatur à Philosopho; quia nisi idem nunc ponatur in toto tempore; igitur aut nunc immediatè sequitur aliud nunc in tempore; & ita componeretur ex indivisibilibus: aut ipsum nunc committeretur se tempori in durando; in quo nimirum tempore corrumpitur, atque definit esse. Nam alioquin in eodem instanti esset, & non esset; quæ omnia sunt impossibilia. Est igitur idem nunc secundum substantiam in toto tempore; ac proinde non differt ab æternitate, nisi accidentaliter.

Præterea, Æternitas aut est modus intrinsecus existentia divinæ, sicut infinitas essentia; aut non est, nisi esse divinum cum negatione deficiendi, vel relatione rationis coexistendi infinito tempori, vel durationi omni possibili. Sed juxta Dionysium cap. 5. de divin. nomin. Deus est esse existentibus, & ipsam esse existentium, & existens antefecula; igitur est duratio omnium existentium; ac proinde creaturæ omnes unica duratione Dei æterna existunt, ac durant; tamen si juxta diversitatem essentiarum ipsarum, diversificetur & duratio secundum esse, seu actualitatem existentia,

4. dist. 49. q. 6.  
§. De secundo  
dubio

2. dist. 2. q. 1.  
§. Pro qua opinionione.

De rerum prin.  
dist. 4. q. 2. art. 1.  
2. de hoc est  
sententia.  
2. dist. 2. q. 2.  
§. Duratio contra  
istud.

Quælibet. 4. §.  
Instat nunc.

g. dist. 8. q. 5.  
§. Ad argumen-  
ta posita V. Ad  
aliud,

g. dist. 10. q. 2.  
§. Tertia propo-  
sicio.

1. dist. 39.

1. dist. 8. §. Con-  
tra istam con-  
clusionem V.  
Quod instatur.



4. dist. 45. q. 1. -  
§. Circa istam  
quest. N. Sed non  
est probatio.

flentia, huius, aut illi essentia proportionate.  
CONTRA, Ex Boetio, 5. de Consol. Pro a 6.  
*Æternitas est interminabilis vita tota simul, & perfecta possessio*: ergo est alterius omnino rationis à tempore, quod secundum Philosophum, 4. Phys. Tex. c. 101. *Est numerus motus secundum prius, & posterius*.

RESPONDEO, Aliquid distinguendum putant inter æternitatem, & tempus, ex eo quia, sicut æternitas omni principio durationis suæ caret, ita & nullo sine circumscribi potest: Contra vero tempus, quemadmodum sui principium admittit; sic & aliquando est finem habiturum, ac desitutum. Verum hæc differentia probanda non est: propterea quod nec per se, nec essentialiter distinguat ea, inter quæ assignatur. Etenim quamvis tempus initium durationis suæ non accepisset, quod sequeretur in sententia illorum, qui opinantur, mundum ab æterno produci potuisse; adhuc æternitas à tempore propria, essentialique ratione differret. Æternitas enim est tota simul: tempus autem de intrinseca sui ratione successivum; prælata igitur differentia non intelligitur æternitas à tempore distingui quoad essentialia prædicta.

Verumtamen aliqui opinantur, motum cæli, si esset æternus, haud dicendum fore tempore mensurari, secundum totam suam durationem, cum infinitum non sit mensurabile: tamen si adhuc tempore dimetiretur quolibet circulo; cum quolibet earum circulationum habeat principium, & finem in tempore. Nam secundum Philosophum, 4. Phys. Tex. c. 120. *Omne quod est in tempore, excedit a tempore, & corrumpitur, & tabescit in tempore: & ideo necessarium, & impossibilia non sunt in tempore*. Primus igitur motus si ponatur æternus, quandoquidem principio, ac fine careret, nec intelligeretur corrumpi in tempore, nec excedi ab eo; adeoque tempore non mensuraretur.

CONTRA, Aliquid esse in tempore, est sicut aliquid esse in numero: non est autem de ratione existentis in numero, excedi a numero: imo si accipiamus primum numeratum, id est, adequatum numeratum, illud adequatur ipsi numero: sed de ratione numerati est, partem ejus excedi à numero. Confimiliter de iis quæ sunt in tempore; ex eo enim quod omne tale fit de necessitate variabile secundum aliud, & aliud esse, necesse est secundum aliud sui, scilicet, secundum aliquam dispositionem, quam habet ex parte temporis, ut excedatur à tempore: quia aliter haberet in alia parte temporis: & ideo necessaria, & impossibilia non sunt in tempore: quia non est alia, & alia dispositio in eis, ut excedi queant à tempore, vel aliter se haberi. Primus igitur motus, licet secundum se totum non excedatur à tempore: exceditur tamen secundum quamlibet ejus partem, quod sane sufficit, adhuc ut verè dicatur mensurari tempore. Et quidem videtur inconveniens, tempus, cum sit mensura uniformis, non habere aliquod primum mensuratum uniforme: quod perfectio mensuratum uniforme aliud esse non potest, quam primus motus, etiam si ponatur æternus.

Quandoquidem igitur assignata differentia inter tempus, & æternitatem, per accidentalia tradita esse probetur: dicendum est, propriè æternitatem ab ævo, & à tempore distingui per hoc: quia æternitas est duratio entis, quod est totum esse, summè necessarium, independens, & immutabile in substantia, ac ex parte proinde principii, & finis. Ex quo fit, ut talis duratio æternitatis sit idem re, & æqualis ambitus cum instanti ejusdem durationis, quæ est æternitas. At tempus est duratio eorum,

quæ incipiunt, & desinant esse: non habentia præterea fixationem in durando. Nec durare, vel perseverare dicuntur, quasi secundum idem esse permaneant: cum eorum esse in fluxu sit, & continua innovatione: sed eatenus durant, quatenus semper secundum aliud, & aliud sibi succedunt: & ejusmodi est motus primo, & per se: & generabilia, & corruptibilia quæque, ut subsunt motibus generationis, & corruptionis. Horum igitur duratio, siue quantitas durationis, ob fluxum, & continuam innovationem, & successionem, distinguitur ab æternitate, cui perinde repugnat successio, ac initium habere, & finem.

AD ARGUMENTA. Ad primum respondeo; quoniam æternitas coexistit toti fluxui temporis, ideo dicitur simul esse cum omni ente temporalit: quia *nunc* æternitatis idem est, ac ipsa æternitas immobilitate stans, ac infinita: sicuti tempus non est æternitas, ita nec instans temporis esse potest instans æternitas. Non est enim accidens temporis semper fluere; imo est ejus differentia essentialis: nam necessario fluit de preterito in futurum, seu de priori in posterius. Est igitur æternum in eodem instanti cum temporali; non quia eadem duratione perseverent, ac mensurentur; sed quatenus duratio æterni semper est præsens, & coexistens omni alii durationi. Et cum exemplificatur de corpore; quia unum secundum essentiam potest esse delatum, & non delatum. Est id verum sit: impossibile est tamen, idem corpus secundum essentiam, esse mutabile, & non mutabile, fluens, & stans: ac proinde cum æternitatis instans simpliciter immutabile sit, contra vero instans temporis mutabile, & fluens, impossibile est has durationes coincidere secundum substantiam, & essentiam.

Ad id quod addebatur ex Augustino, 11. Confess. *Nunc temporis si semper fleret, & non fluere, non esset tempus, sed æternitas*. Respondeo; si idem *nunc* semper esset præsens, id est, independens, & indefectibile, utique haberet rationem æternitatis. At intelligendo dependere a prima causa, & necessario ex vi propriæ nature, & entitatis fluere, diversum sit oportet in substantia ab illo *nunc*, quod semper stat independentem, & indefectibiliter, quodque ejusdem est ambitus cum æterna duratione primi entis; totum esse in se habentis, & præaccipientis.

Ad Secundum est responsio dicentium sic: *Nunc* temporis est idem subiecto in toto tempore, sed differens ratione; eo quod scit tempus respondet motui, ita *nunc* temporis respondet mobili: mobile autem est idem subiecto in toto decursu temporis, sed differens ratione, in quantum est hic, & ibi & ista alternatio est motus. Simpliciter fluxus ipsius *nunc*, secundum quod alternatur ratione, est tempus: Æternitas autem manet eadem & subiecto, & ratione.

Sed contra, ostendo falsum esse illud, quod supponitur in ista responsione de *nunc* eodem secundum substantiam; imo & alienum ab intentione Philosophi. Nam si intendens probare *nunc* sequi illud, quod fertur, ex hoc probat; quia eo, quod fertur, cognoscimus prius, & posterius in motu: & ipso *nunc* cognoscimus prius & posterius in tempore. Sed hæc non sunt vera de mobili secundum substantiam, sed secundum quod est sub mutatione alia, & alia; quia si accipiamus mobile secundum substantiam absolutè, non cognoscitur per ipsum prius, & posterius in motu; igitur nec per idem *nunc* secundum substantiam cognoscimus prius, & posterius in tempore, sed per aliud, & aliud.

3. dist. 1. q. 9. §.  
Tenentes autem  
primam opinionem  
nem.

8. Thomas hic  
in solutione §.  
Unus sit motus  
cæli.

Dist. 2. dist. 2.  
q. 3. §. Conceditur  
consequens  
propter istam rationem.

4. dist. 48. q. 9.  
dicens tempus  
non esse in motu  
cæli sicut unam  
quantitatem in  
alia; loquitur  
de mensura tota  
tali coadquata:  
ut hic se cæli  
rat.

2. dist. 2. q. 1.  
§. Autoritates  
adducias.

Videndæ expositiones Lychetti, & Tatarini, & Fabri, Theoprem: 51. qualiter Capreolus, Javellus, & c. nuntantur dissolvere argumenta Doctoris per instantans extrinsecum, quod unum opinantur; & intrinsecum, cum quod multiplicari putant, iuxta demonstrationes Doctoris. Et vice qualiter ex his etiam illorum



Deinde, quomodo possit ipsum *nunc* in se  
le *esse* secundum diversam *esse*, quæ necessario  
sunt indivisibilia; quia totus fluxus ejus com-  
poneretur ex indivisibilibus? Probat autem Phi-  
losophus 6. *Phys. Tex. 98.*, indivisibile non posse  
moveri quia tunc motus ejus componeretur ex  
indivisibilibus: quia prius pertransiret minus, vel  
sibi æquale, quam majus; ergo tempus compone-  
retur ex indivisibilibus: quod expressè negat  
Philosophus.

Amplius, huc faciunt etiam duæ rationes Ari-  
stotelis. Prima est talis; Illa dicuntur simul, quæ  
sunt in eodem indivisibili, 6. *Phys. Tex. c. 10.* igitur  
si in toto tempore idem est instans secundum  
substantiam: omnia sunt æquè præsentia, & si nul-  
& quæ nunc, & quæ in millefimo anno, 4. *Phys. Tex. 91. & 92.* Alia ratio est; quia cujuslibet con-  
tinui sunt duo termini distincti: quam rationem sic  
declaro: *Nunc* secundum substantiam, si ponatur  
esse ipsa substantia mobilis, non est nisi contende-  
re de verbis. Si autem est aliud ab ipsa, puta,  
aliquod indivisibile de genere Quantitatis; quæro,  
cujus continui sit terminus, vel cujus discreti pars?  
Nam omne indivisibile de genere Quantitatis per  
se, vel est terminus continui, vel pars discreti: si  
ponatur pars discreti; ergo ponitur tempus dis-  
cretum; quod Philosophus non concessit: Si di-  
catur esse terminus continui; ergo oportet omni-  
no esse aliud, & aliud secundum substantiam, se-  
cundum quod terminat aliam, & aliam partem  
continui, scilicet temporis; impossibile est enim,  
idem secundum substantiam esse per se terminum  
alicujus quantitatis, & ejus principium.

Postremo, Alienum à veritate videtur, *nunc* se-  
qui illud, ad quod refertur, scilicet, mobile, sicut  
tempus sequitur motum; imo contra statuendum  
est, *nunc* potius sequi *mutatum esse*, quam mobile.  
Unde *nunc* in actu sequitur *mutatum esse* in actu;  
quod sanè non evenit, nisi in fine motus, vel in  
initio, quamvis in principio motus non sit pro-  
priè *mutatum esse*; & *nunc* in potentia sequitur  
*mutatum esse* in potentia, quemadmodum & tem-  
pus sequitur motum & actu, & potentia. Rursus  
si est unum *nunc* in toto tempore, sicut mobile est  
unum subiectum motus; ergo sicut mobile, utpo-  
tè, cælum, quia unum idem est secundum substan-  
tiam, ævo mensuratur; ejus autem fluxus, sive  
motus tempus esset mensura: sic idem instans men-  
surabitur ævo: & ejus fluxus tempore: atque ita  
ævo erit mensura substantiæ temporis, cum idem  
instans ponatur esse tota substantia temporis.

RESPONDEO igitur, Aristotelem non esse intel-  
ligendum juxta præmissam expositionem, quæ  
aliena videtur à mente ipsius: sed potius voluisse,  
idem *nunc* dici esse idem in toto tempore secun-  
dum substantiam, quatenus quodcumque unum  
*nunc* consideratum secundum se, esse idem: quia  
in substantia ejus nulla est diversitas ex natura rei:  
intelligi autem diversum secundum *esse*, quatenus  
sub alia, & alia consideratione cadit: nimirum,  
quia intelligitur & principium futuri temporis, &  
finis præteriti, propterea videri, & appellari dis-  
ferre secundum *esse*.

Cum itaque dicitur *instans*, aut corrumpitur in  
*nunc*, aut in tempore. Respondeo: si accipiat  
instans pro principio, & fine temporis, & instans  
in principio dicat privationem anterioris duratio-  
nis, & positionem posterioris: & in fine privatio-  
nem ulterioris durationis, & positionem prioris,  
tunc ejusmodi instans propriè non corrumpitur,  
sed est terminus corruptionis, & desitionis tempo-  
ris. Si autem ea instantia dicant aliquod positivum:

variis instantis accipitur pro præterito *nunc*, quod  
ut quæ dicit aliquid positivum, tunc *instans* cor-  
rumpitur in instanti, id est, in se ipso; nec tam-  
sequitur; ergo simul est, & non est in eodem in-  
stanti. Nam argumentum ex ea imaginatione præ-  
cedit, quasi instans corrumpatur, & interit in  
aliud instans, quo mensuretur *esse* ejus, quod cor-  
ruptum est, & una non *esse* ejusdem. At tunc illa  
imaginatio est corrigenda, tanquam aliena à veri-  
tate; quia instans, quod corrumpitur, definit om-  
nino *esse* in se ipso; nec suum *nunc esse* alio in-  
stanti agnoscit, nisi tempus sequutum, quod est  
mensura sui *non esse* per accidens, in quo aliter  
tempore sequenti habet suum *nunc esse*; & idem in  
tempore sequenti corrumpitur, si corruptio vocetur  
*non esse*. Si vero vocetur *desinere esse*, in se  
ipso corrumpitur. Non etiam est mensura in suo  
*esse* & in suo *non esse*.

Atque ex his convincitur falsitas opinio di-  
centium, *nunc ævi*, *nunc temporis esse* idem, & ut  
per essentiam, diversa autem sola comparatione;  
perinde ac eadem quantitas per comparationem  
ad corpus ambiens dicitur superflua; & apud  
autem locus quatenus comparatur ad corpus am-  
bitum. Adducen. es a hac auctoritatem. Com-  
ment. ex 4. *Phys. com. 104.* ubi dicitur, quod *nunc*  
*nunc* secundum suam essentiam consideratum, im-  
mutabile est, & stat: in quantum vero per ipsum  
fluxum causat tempus, mobile, & variabile est, se-  
cundum *esse*. Primo autem modo consideratum,  
dicitur *nunc ævi*; secundo modo *nunc temporis*  
cum tamen sit unum, idemque numero. Patet, in-  
quam, ex dictis falsam esse hanc opinionem, quæ  
nunc innititur expositioni Averrois; cum alia om-  
nino sit mens Aristotelis; & fieri alioquin non  
posset, ut in toto tempore maneat idem *nunc* se-  
cundum substantiam. Et rursus, non est probabi-  
lis in se, quia non est aliqua connexio necessaria  
inter ævum, & tempus: imo si nulla existens  
temporalia, æterna non minus propriam dura-  
tionem, & mensuram haberent. Sed de hoc ar-  
ticulo sequenti, iterum repetito. Neque est ad rem  
exemplum de quantitate eadem; quia superficiem  
accidit extrinsecus ambire corpus, ac denominari  
locum ejus: propria autem cujusque entis duratio,  
aliud non est, quam ipsius existentia, ut conser-  
vatur in *esse*, atque alteri coexistit durationi vel  
reali, vel possibili; ut de æternitate dicimus, ar-  
ticulo primo; & rursus dicitur sumus infra articulo  
quinto in incidenti secundo.

Ad Tertium dicendum; Deum nuncupari à  
Dionysio ipsum *esse existentium*, non formaliter,  
quasi esse divino cuncta creata existerent; sed  
planè est impossibile: sed magis causaliter, &  
participativè: quemadmodum supra, q. 6. articulo  
quarto declaratum fuit, cuncta esse bona bonitate  
divina. Sicut enim ex prima essentia omnia sunt,  
ita ex primo esse, omnia existant oportet. Non  
sic intelligendo, quod *esse* non claudat internam  
quiditatem primi principii, sed præterindendo  
unum ab altero per intellectum, & reducendo  
unumquodque ad suum principium præteritum.



## ARTICULUS INCIDENS.

Utrum *esse* rerum generabilium, & corruptibilium<sup>m</sup> mensuretur tempore vel ævo.

*Doct. 2. dist. 2. q. 4. §. Concedo conclusionem.*

*1. Sed contra. In Report. ibidem qu. 1.*

*§. De tertio membro. S. Thom.*

*1. part. q. 10. artic. 4. §. Ad Tertium.*

**V**IDETUR *esse* rerum generabilium, & corruptibilium mensurari tempore, non autem ævo siquidem, quantum aliquid recedit à permanentia essendi, & subditur transmutationi, tantum ab æternitate recedit, & subditur tempori; igitur *esse* rerum corruptibilium, quia est transmutabile, non æternitate, sed tempore mensurabitur. Probatio consequentia; secundum Philosophum, 4. *Physic. Text. c. 118.* Quies mensuratur tempore; ergo illa, circa quæ natus est *esse* motus, quando non sunt in motu, nec actu transmutantur; perinde mensurantur tempore, ac si actualiter transmutarentur.

Præterea, Omnium generabilium, & corruptibilium generationes, & corruptiones mensurantur instanti temporis; igitur & *esse* rerum earumdem subiectum erit temporis mensuræ. Probatur consequentia: quotiescunque primum *esse* alicujus mensuratur *nunc* temporis, ejus *esse* habitum mensuratur tempore: ergo si primum *esse* generabilium, & corruptibilium mensuratur instanti temporis, pariter & eorum *esse* habitum, subiectum erit mensuræ temporis.

Præterea, Si formæ substantiales generationi, & corruptioni subiectæ, ævo, & non tempore mensurarentur: id profecto erit propterea quod dum manent, habent *esse* invariaturum: sed etiam formæ accidentales, quæ partibiliter acquirunt, eo quod successive sit earum fluxus: postquam cessavit subiectum moveri ad illas, pollent existentia invariata, dum manent: ergo & hæc pariter non tempore, sed ævo mensurarentur. Hoc autem affirmare videtur absurdum, cum in eis *esse* queat motus, & prius, & posterius: quæ est essentia temporis.

RESPONDEO dicendum, *esse* rerum generabilium, & corruptibilium, quibus est existentia actualis invariabilis (adeoque ipsis repugnet variatio, sicut fluxus, vel acquisitio partis post partem) mensurari non tempore, sed ævo. Nam propria cujus que rei mensura non attenditur penes ejus perpetuitatem, vel corruptionem: hæc siquidem conditiones essendi sunt extraneæ omnino rationi formali mensuræ cujusque entis. Unde, si per impossibile *esse* infinitum defineret, & *esse* Angeli fuisset sine principio durationis, ac nec finem esset habiturum, adhuc illud *esse* æternitate mensurarentur, & Angeli existentia ævum habere pro mensura, quia utriusque *esse*, dum manet, est idem, nec difformis modus manendi, qui nimirum, respectivè utrique debet correspondere. Quoniam igitur *esse* rerum generabilium, & corruptibilium, dum est, habet uniformem modum manendi, ipsorum mensura excludit formaliter prius & posterius: ac proinde ævum eis pro mensura erit; quemadmodum æterna quæque, uniformem, dum sunt, existentiam habentia, non aliam ab ævo mensuram agnoscunt.

AD ARGUMENTA. Ad primum, concedo, permanentia quæque mensurari ævo, non tempore, eo quod cum sunt, uniformi polleant existentia, quod potissimum attendi debet in mensuræ ratione, non vero transmutabilis, vel intransmutabilis

ratio. Et cum arguitur; quia hoc ipso quod aliquid est transmutabile, recedit ab æternitate, & subditur tempori. Respondeo, in entibus hæc se habere secundum quemdam ordinem. Primo, fluxus formæ; Deinde, forma, secundum quam est actuali fluxus; Tertio forma, secundum quam potest *esse* fluxus partis post partem: Quarto, permanens, in quo non est natus *esse* fluxus partium, tamen necessario habet formam consequentem, in qua natus est *esse* fluxus; Et quinto denique id, in quo nec fluxus *esse* potest, nec in aliquo antecedente ipsum naturaliter: ut Angelus, & Anima, quæ ne per accidens quidem mensurantur tempore.

At primum, quod est ipsa successio & motus, essentialiter mensuratur tempore: quia contra rationem formalem ejus est permanentia; vel quod aliqua pars ejus maneat eadem, cum una necessario alteri succedat. Secundum, & tertium est eadem forma, ut qualitas, licet secundum diversam dispositionem accepta; nimirum, vel quatenus subiicitur actuali successioni, vel prout divisibilis manet sub quiete (ut fusiùs declarabitur infra, artic. sequenti, in incidenti tertio) Quartum vero, nempe, forma substantialis corruptibilis non mensuratur tempore per se, cum excludat prius, & posterius formaliter: nec secundum ipsum est propriè quies, quasi non sit natum moveri: quiescit tamen per accidens, quia quies est secundum aliquam formam consequentem ipsum, cujusmodi sunt qualitates. Cum igitur *esse* formam corruptibilium non sit natum moveri, nec quiescere, quia indivisibile est; ac manens, uniformem prorsus habeat modum manendi, non habebit pro mensura tempus, sed ævum.

Et cum probatur ex Aristotele, 4. *Physic.* quia quies mensuratur tempore. Dicitur est statim, *esse* permanens formalium substantialium corruptibilium, ut non subiicitur motui, ita nec per se quiescere: quies enim est duntaxat quoad illam formam, quæ naturaliter acquirunt per motum; itaque, sicuti substantiales formæ per accidens subduntur qualitatibus, quæ acquiruntur per motum, ita per accidens dicuntur moveri, & quiescere; & per accidens proinde necesse est tempore mensurari, & non per se, & propriè: sed earum mensura est ævum.

Ad Secundum respondeo, formarum naturalium generationes mensurari instanti temporis, non per se, sed per accidens, quatenus nimirum est generatio per motum præcedentem, qui per se tempore mensuratur. Veruntamen id omnino incæptioni illi accidit, & in quantum comparatur ab agentis particulare. Si enim eadem forma, quæ aq agente naturali est per prævias dispositiones successive procedentes, foret immediatè à Deo, opus non esset præcedere eas mutationes, & motus; nec ejus incæptio proinde diceretur in instanti temporis: sed in ævo, quod ponimus mensuram *esse* earumdem formarum.

Ad Tertium respondeo, formas accidentales successive acquisibiles, etsi earum *esse* sit invariaturum, cum habuerint statum perfectum: quia nihilominus tale *esse* intrinsecus variabile est, tempore, non ævo mensurari: propterea quod ævum requirit in suo mensurato, nedum *esse* invariaturum, verum etiam invariabile: adeo ut ei repugnet successio partis post partem, Quod si omne *esse* non actu variaturum, dicatur mensurari ævo: tunc potest concedi, & eas formas accidentales, cum secundum ipsas non est actu motus, mensurari ævo, at mensuram quietis earumdem *esse* tempus. Nam hæc

De rerum Principio q. 20. à 26. 7. & seq.

2. dist. 2. q. 2.  
Cajetanus super  
5. art. q. 10. pri-  
ma partis, im-  
pugnat hanc co-  
clusionem. Sed  
videnda defen-  
sionis Lycheti  
super q. 4. dist.  
2. a. sentent.



hæc quies non est, nisi privatio successione partis per partem, ex 5. *Phys. Tex. c. 52. & 53.* quæ privatio etique præsupponit existentiam earum formarum. Fieri igitur potest, ut privatio mensuretur tempore (non positivè, sed negativè per motum: sicuti si daretur vacuum, mensuraretur eadem magnitudine, quæ plenum) & existentia, vel subiectam privationis alia mensura priori, vel ævo. Hæc quidem non videntur carere probabilitate; minus tamen probabile eo, quod prius dictum est: Ut proinde concedendum sit, formas accidentales seu actu, seu potentia moveantur, tempore mensurari, non ævo: at longè diversam esse rationem de formis substantialibus; ut extitit declaratum.

# ARTICULUS V.

De Differentia ævi, & temporis.

*Doct. 2. dist. 2. q. 1. S. Thom. 1. part.  
q. 10. artic. 5.*

**V**IDENTUR ævum, & tempus minimè inter se differre. Etenim intelligenter durationem successivam secundum prius, & posterius, dicimur tempus intelligere: Sed talis duratio successiva secundum prius, & posterius, ævum est; ergo ævum non differt à tempore quoad substantiam, & essentiam. Probatio minoris, ex Boetio de Trinitate. 9. *Quamvis secundum Philosophos, de corporibus, & Spiritibus, possit dici, quod sunt semper: magna tamen est differentia in semper esse, in Deo enim tantum præsens est, non currenti: nunc autem fluens facit sempiternam ætem, id est, ævum.* Vult igitur expressè, ævum esse mensuram successivam, & concordat cum Augustino. 8. super Genes. cap. 19. dicente, *sicut aer resp. solis, non est factus lucidus, alioquin absque sole remaneret aer lucidus: ita se habet creatura respectu Dei.* Ex his arguitur; Si creatura respectu Dei non est facta in esse sed est quasi in fieri formaliter; ergo formaliter semper ponitur in esse à Deo; & ita sicut continuè manet, ita continua est creatio ejus à Deo; quia conservare non est tantum non destruere, sed magis est actio positiva, per quam actionem nunc fluens efficit sempiternitatem, id est, ævum: non differt ergo ævum à tempore secundum substantiam: præsertim cum Sancti Patres frequenter solè eternitati tribuant hoc, quod est possidere esse simul totum, & omni penitus successione carere: sic Hieronymus ad Marcellum: sic Anselm. *Prosol. 24.* sic Damascenus, *lib. 1. cap. 25.* & alii passim.

Nec satisfit huic rationi dicendo, Deum in conservatione æterni agere una, eademque actione, qua conservatur eadem forma, nullam in se admittens successione. Non solvitur, inquam; quia hæc actione non habetur formaliter, & ultimè illud esse, quod potest non haberi, posita hac actione; igitur si cum hac causatione possit stare effectum non esse, proinde ea causatione non habetur effectus ultimè; stante autem esse æterni, fieri potest, ut crastina die desinat esse; igitur est successivo formaliter in æterno, & subinde in ævo.

Præterea, In eo, qui habet totum esse simul, idem est fuisse, esse, & futurum esse; sed quod fuit impossibile est non fuisse; ergo si in æterno totum esse de præfenti habente, idem est fuisse, & fore: perinde ei repugnat non esse futurum, ac

non fuisse. Id autem est solius Dei proprium; igitur nulli creaturarum id attribui potest.

Confirmatur; In æternitate volitio divina non est respectu contradictorium, ut talia sunt; Deus autem potuisse ab æterno voluisse unum æviter-norum esse, idemque annihilare: esse igitur, & non esse, ut super ipsa transit volitio divina, nequeunt esse contradictoria; & talia sanè non sunt, quatenus pro diversis nunc terminat volitionem divinam; igitur in nunc evi est alietas, & alietas citra omnem respectum ad tempus, etiam imaginarium.

Præterea, Nunc quod in se est tale, ut possit coexistere infinito, est formaliter infinitum; igitur si æviternum, ut Angelus, est duraturum in infinitum, & cum infinita duratione, vel imaginabili, nunc ævi habet formaliter durationem infinitam. Quemadmodum si aliquid ens haberet in se, undè posset coexistere omni loco, esset infinitum secundum locum; id est formaliter immensum ex se, licet effectivè à Deo. Undè quamvis ejus immensitas non æqueretur divinæ immensitati secundum intensionem, foret tamen illi æqualis secundum extensionem; si nullibi posset esse Deus, ubi & illud ens ex se esse non valeret, quamvis ab alio ubique poni indigeret.

Præterea, Potuit Angelus fuisse creatus non peccator, sed innocens; & potuit postea peccare & non peccare, circumscripto omni tempore; igitur iste Angelus prius fuisset innocens, quam peccator; ergo prius & posterius sunt in ejus duratione. Consimiliter potuit unus Angelus prius creari, & postea statim annihilari, & exinde alius creari: Primus nunquam fuit, illo secundo existente; ergo nec in eodem nunc cum illo; igitur est unus prius, & alius posterius. Nam fuerunt, & non simul; ergo unus post alium; igitur si unus alius extitisset cum illis, ambobus fuisset in esse ejus prius, & posterius, sicut esse unius istorum, est prius, quam esse alterius.

CONTRA, Augustinus 83. qq. q. 72. *Ævum est stabile; tempus autem mutabile;* quia per hoc differt ævum à tempore, quod illud est duratio stantium, & permanentium, tempus vero duratio successivorum; nullum est ergo in ævo prius, & posterius, secundum rationem formalem ejus, atque essentiam.

RESPONDEO dicendum, ævum. (quod ponitur mensuræ æviter-norum) revera differre à tempore, uti prædiximus diversum esse ab æternitate. Quemadmodum enim æviter-na, cujusmodi sunt substantiæ spirituales, atque omnia esse fixum, ac stabile habentia, medium quodammodo tenent inter æterna, & temporalia, ita & propria eorumdem mensura (quatenus mensura accipitur pro cujusque entis duratione) alia est ab mensuris temporalium, & æternorum. Sed proprius accedentes; Aliqui putant, ævum ab tempore distinguì per hoc, quia ævum, et si principium sui esse habuerit, finem tamen non est habiturum: at tempori ut extit principium, ita & finis aliquando erit. Verum tamen hanc differentiam rejecimus articulo præcedenti; quia omnino accidentaliter est; Undè et si ævum, ut ponitur semper duraturum, sic semper fuisset, adhuc essentialiter à tempore distingueretur. Sed opinantes ævum esse positivè ab eterno, non item tempus; & distinguentes ævum à tempore per habere principium, & finem, non actu, sed potentia; ea differentia nunque utraque retinetur per prædicata, quæ per se inesset ævo, & tempori.

Veram ali opinantur in eo distinguì ævum ab

Daratum prius  
est. 3. 2. 2. artic.  
primus.

Ubi supra no. 99

3. 2. 2. 1. q. 8  
8. Tenentes au  
tem.







poris, quibus coexistit. Est igitur creatura omnis respectu Dei, quasi *in fieri*, atque illud ipsum *nunc*, in quo condita fuit, ut fluere apprehenditur, atque extendere se ad partes temporis, per conservationem efficit sempiternitatem: & nihilominus ipsa sempiternitas, vel ævum in se indivisibile est, nullam admittens successionem, nisi extrinsecam, respectu temporis nimirum, cui coexistit. Et ita, pariter habet esse completum, & perfectum id quod ævo mensuratur, quamvis tale *esse* dicatur in fieri respectu Dei conservantis. Imo eadem ratione productio Personæ divinæ est *in fieri*, quia numquam persona producta potest habere *esse*, nisi accipiendo à producente; & tamen *esse* personæ est maximè permanens, necessarium, & invariabile.

Et cum instatur contra hanc responsionem; quia illud non habetur completivè aliqua causatione, cujus oppositum videtur stare, posita tali causatione. Respondeo, hanc propositionem esse veram duntaxat in sensu compositionis; quia stante causatione æterni, simul oppositum stare nequit: at nequaquam in sensu divisionis; quia & ipsum æviternum poterat non esse; licet posita fuerit causatio, quæ æviternum habuit totum suum *esse* ultimatum.

Ad quolibet factorum autoritates, quibus soli Deo attribuitur *esse* fixum, stabile, & æternum, & non alicui creaturarum. Verum est omnem creaturam esse intrinsecus defectibilem, prout & deficeret, nisi à Deo conservaretur; sed exinde non sequitur, aliquas ex creaturis non habere existentias fixas, & stantes, & successionis expertes, uti sunt permanentia quæque, seu æterna.

Ad Secundum respondeo, quamvis in æviterno idem sit esse, fuisse, & fore, per has differentias tamen aliam, & aliam habitudinem notari ipsius æviterni ad tempus, quatenus idem *nunc* ævi potest coexistere omnibus partibus temporis. Et cum subditur; quo fuit, impossibile est non fuisse. Negandum est, ut refertur ad rem significatam per *fuisse*. Res enim significata, sive æviternum, ut simpliciter potest non esse, futurum ita potuit non fuisse; quamvis idem omnino sit, invariatum, & fixum habens *esse*; ideoque non est in se præteritum, etsi coexistit differentia temporis præteriti.

Ad confirmationem respondeo, ævum esse indivisibile, nec ullam involvere contradictionem, Deum pro eodem instanti indivisibili, velle æviternum, & non velle, seu velle non *esse*; quia cum vult illud *esse*, non vult pro omni præsentia æternitatis, sed pro aliqua: pro alia ergo præsentia ad æternitatem, vult non *esse* idem citra omnem sanè contradictionem.

Ad Tertium dico sic: quemadmodum quantum molis non esset formaliter infinitum, nisi actu haberet necessario omnes partes sui possibiles; ita nequit concludi infinitas virtualis alterius quanti ex coexistentia ad quantum molis, nisi necessario coexistat cum omnibus partibus illius. Æviternum igitur tunc foret infinitum, quando ex se necessario haberet unde coexistere omnibus partibus temporis. Non habet autem id æviternum ex se, sed ex extrinseca virtute omnipotentis; non est ergo infinitum.

Et cum probatur ex immensitate; neganda est paritas: quia ratio per quam aliquid esset in omni loco, formaliter, & tota simul inesset occupanti omnem locum: at id, per quod æviternum omni temporis coexistere, non est in ipso formaliter, & simul; Nam ævum coexistit successivè partibus

temporis per actionem causæ extrinsecæ successivè ipsum conservantis. Deinde, nec immensum dici potest aliquid occupans omnem locum, per replicationem suæ præsentie duntaxat; imo perinde foret finitum, ac si in uno tantum loco reperiretur. Immensum est igitur solummodo illud, quod vi perfectionis suæ infinitæ, necessario omnem occupat locum: & ita nec æviternum foret infinita duratio, etiam si per impossibile simul omni temporis coexistere.

Ad Quartum concedendum est, unum ævum alteri ævo succedere: sicut & æviternorum existentias unam esse ante aliam: at non propterea reperiri in unius existentia prius, & posterius, juxta sensum quæstionis. Et sanè si his argumentis probaretur successio in ævo, pariter ostenderent, æternitatem subesse successioni, eo quod dies hodiernus, & crastinus illi coexistent.

## ITERUM ARTICULUS V.

De differentia ævi, & temporis.

Doct., & S. Thomas locis antiquè præcedenti citatis.

**V**IDETUR ævum, & tempus minimè differre. Nam si oporteret inter has durationes aliquam assignare differentiam, præsertim exinde foret accipienda, quod tempus sit mensura motus secundum prius, & posterius; ævum non item, sed totum simul respectu omnium temporis differentiarum: Id autem falsum videtur; quia prius, & posterius perinde inveniuntur in ævo; igitur non differunt. Probatio minoris: Potest unus Angelus, vel aliud æviternum creari, altero non existente, & exinde creari alius Angelus, qui sit, alio existente; igitur ille qui fuit, isto non existente, est prior isto, & *esse* ejus, ut non cum isto videtur præcedere *esse* ejus, ut cum isto; est igitur in unius existentia æviterni prius, & posterius, ac proinde etiam in ævo.

Præterea, Angelus potest annihilari, circumscripto tempore: quæro in quo *nunc*. Uti que non in *nunc* temporis, quod non esse supponimus. Nec in *nunc* æternitatis formaliter: nec in *nunc* ævi, quia *nunc* illud manet unum, idemque, ut existimatur: igitur in eodem erit, & non erit. Id vero implicat contradictionem: igitur omnino potere oportet, *nunc* ævi subire successionem, verèque in ipso prius, & posterius reperiri.

Prius, Al quod æviternorum postquam fuit creatum, ponatur annihilari, & iterum reparari. *Esse* reparatum ejus, non est ita unum cum *esse* creato, sicut si nulla interruptio extitisset, ut est evidens: igitur in alio *nunc* oportet fuisse *esse* æviterni reparatum, ac fuerit dum primum creabatur: ergo pariter si nulla intervenisset interruptio, extitisset aliud *nunc* ab illo *nunc* creationis. Probatio hujus consequentiæ: quia tanta mora fuisset quiescentis, quanta & quietis: & per consequens tanta mora non tendentis, potentis tamen tendere in nihilum, quanta esset, si actu tenderet.

CONTRA, Quantitas nequit recipi in non quanto; igitur nec successio, quæ quantitas est, potest recipi in existentia æviterni, quæ indivisibilis est. Confirmatur: quantitas permanens, non potest recipi in indivisibili: ergo nec quantitas successiva.

RESPONDEO, Aliqui arbitrantur inter mensuras durationum triplex *esse*, æterni nimirum, æviterni, & temporalis, ita esse distinguendum, ut æternitas sit mensura indeficientis, & indefectibilis.



lis; ævum mensura indeficientis quidem, sed tamen deficere potentis, & mutationi subiectorum non in se, sed quatenus necessario annectitur mutationi, & tempori. Tempus denique mensura defectibilis, & deficientis. Cæterum, quantum attinet ad ævum, quod putat habere necessariam connexionem cum tempore, ac propter talem connexionem subijci successioni, quam alioquin, ut in se consideratum, non reciperet; non videtur subsistere. Primò, quia ita opinans vult, esse æviterni, quantum est ex se, habere terminari, ac deficere in quolibet *nunc*; igitur si esse æviterni perseverat in alio *nunc*, id profecto non erit, secundum illud idem esse, quod habuit in alio *nunc*; quia illud habuit terminari cum eodem *nunc*; igitur esse quod possidet in isto *nunc*, vel erit aliud ab illo, vel, idem iterato positum: videtur ergo æviternum subire in se successionem. Non est igitur verum, ævum posse deficere sine ulla successione in se. Deinde, alienum est à veritate, ævum differre ab æternitate propter connexionem cum tempore; Nam ejusmodi connexio est prorsus accidentalitatis, & non spectans ad rationem ævi: si quidem æviterno non repugnat esse prius duratione, & subsistere nullo existente tempore; Potuerunt enim creati à Deo æviterna, ut Angeli, etiam si nullum tempus fuisset faciendum. Cum igitur tunc ea æviterna propriæ durationis habuissent mensuram, atque hæc nullam involueret connexionem ad tempus; manifestè convincitur, omnino per accidens ævum connecti cum tempore; ac proinde ex hoc non esse accipiendam differentiam ævi ab æternitate. Denique, opinans refundit, & accipit necessitatem concomitantia temporis ad ævum, ex ordine perfectioris ad imperfectius: Hoc autem nihil est; quia ex eo solum potest concludi continentia essentialis; sicut quidditas superior continet inferiorem. Sed stante ejusmodi continentia, potest superior quidditas esse sine inferiori, & pariter inesse illi quicquid ut proprium consequitur eam, independentem ab inferiori; igitur non existente tempore, posset esse ævum: nihil igitur quod necessario consequitur ævum, sibi inesse potest ex habitudine ad tempus.

Dicendum est ergo, (ut prædictum fuit supra articulo 4) ex eo distingui ævum à tempore, quod esse, cujus est ævum mensura (postea enim determinabitur quidnam sit ejusmodi esse) immutabile quidem est, quia nec contrarium habet, nec componitur ex contrariis, nec alterabile actione agentis creati, ac per hoc est esse fixum, manens invariantum; in eo tamen habet debilitatem, quod ab alio est, atque dependet; atque ita ut incipere, ita desinere potest. Et ejusmodi profecto est esse substantiarum separatarum. At tempus mensura est entis incipientis, & desinentis, fixationem non habentis, nec perseverantiam in durando: nec quando est, dicitur durare, nec perseverare secundum idem esse, sed id esse magis est in continuo fluxu, & innovatione; ut rectè proinde ratio temporis exprimitur per hoc, quod est mensura motus secundum prius & posterius.

Ad ARGUMENTA. Ad primum conceditur, unum quævis creatorum creati posse prius altero; sed non exinde tamen inferendum, in esse illius, quod prius conditum est, esse prius, & posterius.

Ad Secundum respondeo, aut *nunc* ævi ponitur esse aliud quid ab existentia æviterni, aut esse idem ac existentia ejusdem. In prima suppositione dicendum, Angelum tunc annihilatum iri in eodem *nunc* negativè; id est, una cum eodem *nunc* esse desitutum: nec ejus annihilationis assignandam esse

mensuram positivam. Quod si posteriori suppositioni innitendum sit, (ut videtur) tunc æviternum annihilandum esse cum æternitate; & quemadmodum dum est, cum æternitate existit, ita dum non est, cum æternitate desinere esse; secundum aliam, & aliam rationem præsentialitatis cum æternitate.

Ad Tertium respondeo sic: Utique esse reparati, sequitur non esse annihilati; & illud non esse præcessit esse creati, quod esse præcessit non esse creabilis: & ita idem esse sequitur se ipsum idem esse, mediante non esse interruptente; nec sequitur ex hoc aliqua successio in ipso esse, si non fuisset annihilatum: quia modo non est successio in aliquo uno, sed unius oppositi ad alterum.

Et si instetur, ergo ita simul est ex stentia interrupta cum se ipsa reparata, sicut non interrupta. Responso: si non esset ibi successio oppositi ad oppositum; quod oppositum ibi mediat inter hoc esse, & seipsum, sequeretur, quod esset tanta similitudo, sicut si oppositum non interveniret; nunc autem oppositum quasi mediat inter esse creatum & ipsum esse reparatum: & hoc oppositum est aliquod medium, aliquam habitudinem habens ad utrumque extremum: & ideo non sunt ita simul, sicut si non esse non intervenisset.

#### ARTICULUS INCIDENS I.

An operationes Angelorum mensurentur tempore, vel ævo?

Doct. 2. dist. 2. q. 4. In Report. ibidem q. 1. De rerum principio q. 21. artic. secundo.

S. Thom. 1. part. q. 10. art. 5.

§. Ad primum.

**V**IDETUR, operationes Angelorum mensurari tempore, non ævo. Nam lib. de Causis, propositione penultima scribitur sic: *Inter rem, cujus substantia, & actio mensuratur tempore: & rem, cujus substantia, & actio mensuratur æternitate, est res media, cujus substantia mensuratur æternitate vel ævo, & actio mensuratur tempore.* Angelus est ejusmodi substantia media, ex dictis in antecedentibus; ergo ejus actio mensuratur tempore, non ævo.

Præterea, Augustinus, 8. super Genes. cap. 20. Deus, inquit, *movet creaturam spirituales per locum, & tempus: sed motio per tempus esse potest in tempore, ac proinde tempore mensurari, licet substantia non sit in tempore; igitur actiones Angelorum mensurantur tempore.*

Præterea, 8. Physic. Text. c. 6. *Nihil generatur, ut statim non sit*; ergo omnis operatio Angeli durat per tempus; non est igitur in instanti. Sed si ea operatio ævo mensuraretur, esset præcisè in instanti: cum non sit sempiterna; ergo ejus propria mensura est tempus.

Præterea, Quam Angeli intelligunt unum objectum post aliud, in illorum intellectionibus est successio, perinde ac in nostris; igitur illarum operationum non est alia mensura, quam tempus. Probatio consequentia: etenim ubi est successio, ibi est innovatio, & mutatio; mutatio autem mensuratur in instanti temporis: igitur quavis Angelorum substantia æviternæ sint, ipsorum tamen operationes mensurantur tempore, non quidem nostro, quo mensurantur motus cæli, & omnia corporalia, quæ ex motu cæli habent mutabilitatem: sed tempore sublimiori, & Angelico: Motus enim Angeli non dependet ex motu cæli.

CON-



**CONTRA**, Angelorum operationes non mensurantur tempore, nec æternitate: igitur ævo. Consequentia ex eo est evidens, quia non ponuntur plures mensuræ rerum à prædictis. Assumptum ergo probatur de tempore: (nam de æternitate patet) quia Angelus possit habere operationem, non existente motu cæli: sed motu cæli non existente non est tempus: ergo Angelorum operationes non mensurantur tempore.

**RESPONDEO**, Aliquibus videtur dicendum, operationes Angelorum intrinsecas mensurari tempore discreto: quod tempus discretum videntur illi excogitasse, ne Intelligentiarum intelligentiones, & volitiones solæ in entibus remanerent absque mensura. Etenim, quoniam mensuram oportet mensurato proportionari, quemadmodum permanentis est mensura permanens, & transeuntis est transiens, & fluentis fluens: ita operationibus ejusmodi Angelorum dimetiendis aptanda est mensura idonea, eisque proportionaria. Atqui multæ omnino sunt intelligentiones Intelligentiarum, nullam inter se habentes continuationem, fluentes præterea ordine quodam, ac transeunt, una est enim necessaria post aliam: opus est igitur his operationibus assignare mensuram, habentem partes transeuntis ordinatas, & indivisibiles: quæ sanè mensura alia esse non potest, nisi tempus discretum. Id vero tempus, quantitas discreta est, specie distincta a continua, & etiam ab aliis discretæ quantitatis speciebus, nempe ab oratione, & numero. Et additur: discreti temporis instantia nullam habere proportionem cum instantibus temporis nostri: quia idem nunc temporis discreti potest coexistere cum quantocunque nostro tempore, secundum quod magis, & minus Angelus unam continuat intrinsecam operationem.

Verum, quia infra *quæstione 53. articulo tertio*, ostensuri sumus, ejusmodi tempus discretum nulla necessitate fuisse excogitatum, ac proinde haud esse statuendum, seu intrinsecas, seu extrinsecas Angelorum operationes hoc discreto tempore mensurari: nunc pro *quæsti solutione* dicendum, Intelligentiarum operationes mensurari ævo. Probatio: His quæ habent uniformem modum manendi, dum minores, est mensura ejusdem rationis in manendo, tamen unum diutius perduret, quam aliud. Sed cognitio Angeli, dum est, habet modum manendi eundem cum existentia Angeli, licet non parem durationem: igitur utrique est eadem mensura: atque ita Angeli operatio non tempore, sed ævo mensuratur. Declaratur assumptum: Nam formali rationi existentia Angeli, secundum uniformitatem, vel diffinitam correspondet propria ratio mensuræ, etiam juxta sententiam asserentium tempus discretum: distinguentes tres modos mensuram secundum triplex esse rerum. Minoretiam declaratur: quia & iidem statuunt mensuram mediam, quod est ævum, correspondere illi, quod habet motum indivisibilem, & tamen non defectibilem, ut possit ex se non esse. Atqui ita est indivisibilis intelligentia Angeli, sicut & existentia ejus est indivisibilis, & ex se defectibilis: igitur eadem omnino mensura ævi correspondet & existentia Angeli, & operationi eius. Nec ex eo quod cognitio Angeli non semper erit, ut semper est futura existentia illius, est operatio attributum aliud genus mensuræ. Nam etiam si Angelus foret statim annihilandus, aut desineret esse cum sua ipsius intelligentione, non propterea non mensuraretur ævo, dum manet: ergo etiam & operatio, quantumvis brevissimæ durationis.

Deinde, Nemonegat, actum beatificum An-

geli mensurari ævo, ut etiam dicit Fulgentius *de fide ad Petrum*, cap. 28. ass. rens, justos qui ad statum beatitudinis futuros esse Angelis æquales, id est, quantum ad durationem Angelorum, & etiam æquales juxta modum durationis suæ. Atqui is actus beatificus necessario includit, vel præsupponit actum naturalem: Videtur enim Angelus habere se quodammodo activè respectu actuum, quibus videt, & fruitur objecto beatifico, quamvis ex se non possit in omnimodam productionem eorum. Porro, idem omnino est actus, quo influunt in ipsum agens supernaturale, & naturale; igitur una ex natura rei huic actui mensura correspondet, quæ est ævum. Impossibile est autem ævum necessario includere, vel præsupponere aliquid posterius ævum; cui posteriori utique posterior est assignanda mensura. Cum igitur, sicut ævum est prius temporali, ita ævum sit prius tempore; nequeunt perfectio Angelorum operationes mensurari tempore, quod necessario est posterius ævo.

Denique, Nulla urgente necessitate, videtur excogitatum ejusmodi tempus discretum; cum internæ Angelorum operationi, propter uniformem modum manendi cum ipsis, quorum sunt operationes, optimè corresponderet quæ eadem mensura ævi, ut argutum est. Et quandoquidem exinde complura sequuntur inconvenientia, loco *supracitato*, in medium adducenda, ultra mensuras æternitatis, ævi, & temporis, quod sequitur ad continuum motum, alia mensura non est probanda.

**AD ARGUMENTA**. Ad primum dico, Authorem *libri de causis* tradidisse suam doctrinam juxta principia Avicennæ erronea. Avicenna enim putavit, Intelligentias esse entia necessaria, & a primo Principio naturaliter producta: ac proinde earum intrinsecas operationes non differre à substantia. Quare, in allata auctoritate, cum dicitur *operatio, cujus substantia mensuratur æternitate, vel ævo, ipsa mensuratur tempore*, videtur esse accipiendum de extrinseca operatione Intelligentiæ, quæ moveat cælum; atque is quidem motus potest concedi mensurari tempore.

Ad Secundum, cum ait Augustinus, *Deus movet per tempus creaturam spiritalem*; Potest dici, eum accipere ibi *tempus* pro omni eo, quod potest habere esse post non esse, secundum quem intellectum, quodlibet aliud à Deo est temporale: Unde id movetur per tempus, quod habet aliquid succedens alteri, ut esse post non esse; licet succedens, vel aliud cui succedit, non sit propriè temporale: quia non esse, vel nihil, nullam habet mensuram.

Ad Tertium concedo, Angeli operationem posse se perdurare, & tamen mensurari ævo, quod respondeat tempori nostro, juxta durationem operationis illius. Fieri etiam posse, ut aliqua intelligentia Angeli respondeat instanti præcisè temporis nostri: alia intelligentia immediatè sequens respondeat tempori immediato. Sed de hoc agendum infra, q. 53. art. 3.

Ad Quartum dicendum sic. Non omnis forma, secundum quam est innovatio vel variatio, mensuraretur tempore, vel instanti temporis: sed solum illa, secundum quam mutabile aliter se habuit successivè, quam nunc se habet indivisibiliter. Nisi formaliter successivè inducta in subiectum, ut calor, cum perveniret ad ultimum gradum: quia is gradus acquiritur indivisibiliter, mobile, vel subiectum aliter se habet nunc, quam prius indivisibiliter. Sola igitur hæc forma, quæ acquiritur

De hac Doctrina  
4. d. 1. q. 1. 6.  
8. De secundo  
dubio.

sed & 1. secundum  
d. 1. q. 5. art. 4.

De remm prin-  
cipio, q. 1. art. 3.

Cæterum hic  
necesse est  
generare hanc Do-  
ctrinam  
Sed Pontius in  
Comment. bene  
ostendit, ipsum  
à proposito ab-  
errare.  
sed nec satis  
Sed & discursum  
percepisse.



ritur partibiliter, & successivè mensuratur tempore, vel instanti temporis. Ac proinde est intellectus Angelicustransleat de privatione ad habitum perveniam, & novam intellectum: quia tamen acquiruntur hæ operationes impartibiliter: non tempore, sed ego mensurantur, ut existentia ipsorum Angelorum.

Quod attinet ad id quod additur de motu Angelorum, qui non pendet ex motu cæli. Respondet, loco supracitato, q. 53. acturos nos esse de motu Angelorum, & ostendit, nec propter ejusmodi extrinsecas operationes esse adstruendum ejusmodi tempus discretum, cum omnia optimè salvari queant per tempus commune continuum. Quod si propter independentiam à motu cæli, inveniendâ sit alia mensura à tempore continuo: pariter, cum post resurrectionem cessaturus sit motus cæli, nova mensura erit adveniendâ, qua dimentiantur motus hominum beatorum.

### ITERUM ARTICULUS INCIDENTS.

Utrum Ævum realiter distinguatur ab æviterno, cui est intrinseca mensura.

Doct. 2. dist. 2. q. 2. De rerum principio, q. 19. artic. 2. S. Thom. 1. part. q. 16. art. 5. Ubi Thomista.

**V**IDETUR ævum realiter distinguari ab æviterno, cujus est propria mensura. Etenim tempus differt re à motu propterea quod sit ipsius motus mensura, sicut probatur à Philosopho, 4. Phys. Text. com. 96. cujus ratio est: quia tempus non est velox, nec tardum: motus autem dicitur velox, & tardus: ergo consimiliter ævum mensurare distinguitur ab æviterno, quod per illud mensuratur.

Præterea, Quantitas permanens, & successiva sunt ejusdem generis: ergo perinde se habent respectu subiecti, præsertim si pertinere dicatur ad genus substantię. Sed quantitas permanens est aliud ab eo, cujus est mensura: ergo pariter & successiva quantitas aliud quid erit ab eo, quod per ipsam mensuratur. Porro, ævum seu successivum, seu permanens, ac indivisibile sit: spectat ad Genus quantitatis; est igitur re ab æviterno distinctum.

Præterea, sicuti se habet *nunc* temporis ad substantiam nobilis, ita *nunc* ævi ad æviternum: sed *nunc* temporis distinguitur realiter à substantia mobilis; ergo & *nunc* ævi realiter distinguitur ab existentia æviterni. Assumptum ex eo constat, quia quemadmodum existentia æviterni semper eadem invariata manens, mensuratur indivisibili ævi; ita & substantia mobilis mensuratur *nunc* seu indivisibili temporis utique realiter distincto à mobili. Vult enim Philosophus, 4. Phys. Text. c. 104. in toto tempore reperiri unum, *idemque instans secundum substantiam, differens secundum esse*.

**CONTRA**, Si æviterni mensura distinguatur realiter à mensurato; quæro, quo durat in *esse* ipsa mensura? (siquidem propria existentia oportet existere, seu res, seu modus rei distinctus ponatur) si seipsa; ergo pari ratione & existentia æviterni poterit se ipsa durare formaliter. Nam mensura non erit profecto perfectior existentia æviterni mensurati; cum sit quasi possessio ejus. Quod si mensura alio à se absoluto ponatur durare in *esse*, erit processus in infinitum in mensuratis, & mensuris.

**RESPONDEO**, opinantibus, ævum esse mensuram successivam æviternorum, quamvis eorum *esse* sit indivisibile, ac expers omnis immutationis, & innovationis (uti tactum fuit supra, articulo quinto) subinde est concedendum, ejusmodi mensuram realiter distingi ab re mensurata: cum hæc substantia ponatur indivisibilis, nulli subiecta innovationi, & successioni: mensura vero ad Genus quantitatis spectet. Nam coalescat oportet ex diversis *nunc* sibi invicem succedentibus; quæ *nunc* sunt indivisibilia de Genere quantitatis. Consimiliter, putantes, ævum esse indivisibile, spectans pariter ad Genus quantitatis; adeo ex multis indivisibilibus ejusdem speciei dimerientibus existentias plurium æviternorum ejusdem speciei componatur quantitas discreta, quæ sit numerus, & mensura in æviternis; oportet eos concedere, mensuram æviternorum re distinguere ab mensuratis. Cæterum hæc positio non videtur probanda; Nam distinctio realis aliquorum concluditur vel propter separationem actualem, vel potentialem, vel ex proportionem ad alia separabilia. Hinc enim rectè concluditur, rigredinem re distinguere à Corvo, quamvis inseparabilis ab illo; quia separabilis est ab alio subiecto cui inest. Non est autem separabile ævum ab æviterno, ne potentia quidem; quia tunc æviternum posset existere abique omni duratione. Sed nec habent proportionem ad alia consimiliter distincta. Etenim nihil distinctum ab alio realiter, sine quo esse nequit citra contradictionem, est prius eo: imo vel est simul natura, ut causa, & causatum: vel est illo posterius naturaliter, ut passio respectu subiecti. Ævum autem, quod ponitur re ab æviterno distinctum, esset posterius naturaliter mensurato; ergo abique ulla contradictione existere posset æviternum sine ævo. Si igitur est impossibile, unum esse sine alio, non erunt distincta, sed magis realiter identificata.

Propter hæc igitur dicendum est, ævum non esse quid additum, & re distinctum ab existentia æviterni: ac proinde æviterni durationem formaliter aliud non importare, quam existentiam actualem ejus; est autem quietativè concipiendam ævum durationem opus sit intelligere coexistentiam ad alia, seu verè existentia, seu possibilia, aut etiam imaginata, uti declaravimus supra, articulo primo, agentes de æternitate. Porro negata reali distinctione inter ævum, & æviternum, duratio, quod est ævum, habere nequit propriam mensuræ rationem, respectu existentie perdurantis. Mensurare enim est *quantitatem ignota mensura certificare, per quantitatem magis notam*. Et quoniam mensura verè existens, aut est excedens mensuratum, & nunc intellectui ignota quantitas innotescit per majorem, aut minorem accessum ad mensuram; cujusmodi est ratio mensuræ in quiditatibus, & Deus dicitur mensura omnium rerum: Aut est excessiva, cum nota quantitas minor est quantitate ignota, quo pacto minor motus ex natura rei mensura esse potest motus majoris: Aut denique est æqualis, quo in casu quod latet, scitur per mensuræ applicationem, sive suprapositionem. Cum autem mensura ex natura rei, notior debeat esse ipso mensurato, profecto unum æqualium non est alterius mensura, nisi ea æqualitas prius fuerit nota; qua ratione tempus potest esse mensura motus ex natura rei, si tamen ipso motu notius esse ponatur.

Itaque, si æviterna propriam atque intrinsecam mensuram habere dicantur, ea sanè mensura non erit excedens, aut excessiva, sed æqualis, & aliud quid

2. dist. 2. q. 10.  
S. Dico ergo ad  
questionem.

2. dist. 2. q. 4.  
S. Contra istam  
opinionem.



quid diversum à mensura ex natura rei. Declaratum est autem, æviteriorum existentis nihil addi oportere ex natura rei. Nec eadem existentia videtur esse posse mensura sui ipsius. Etsi enim quantitas, ut distinctè cognita, valeat esse mensura, secundum partes sui non adeo distinctè cognitas: æviteriorum nihilominus existentia, quia indivisibilis est, nequeunt aliquæ partes ejus ignorari per cognitas, quæ partes ibi non sunt. Ævum igitur neque est quid distinctum ab existentia æviteriorum; nec proinde ei propriè ratio mensuræ attribuenda: Cùm non sit ulla pluralitas ponenda sinè necessitate, hic autem ejusmodi pluralitatem ponendi nulla urget necessitas.

Ad ARGUMENTA. Ad primum respondeo, si propter factam rationem concedendum esset, tempus distingui à motu, uti differt quantitas à quantitate; quoniam unus partes ejusdem proportionis, & quantitatis, non sunt æquales partibus ejusdem pariter proportionis, & quantitatis in altera, atque insuper æqualitas est tam in numero, quam in magnitudine; exinde nihilominus haud inferri posse in permanentibus esse semper uniformæ habentibus, necessario ponendum aliquid aliud re distinctum pro mensura; quia non habet locum ratio Aristotelis in argumento allata. Et si igitur inter motum, & mensuram ejus, quæ est tempus, concedatur distinctio, (de quo tamen infra, articulo sequenti) non est tamen talis distinctio inter esse permanentium, & mensuram illius esse, quæ mensura non est aliud, quam duratio, & existentia eorundem; quavis duratio supra esse addat respectum coexistentiæ pro connotato, ut de æternitate differentes, explicatum fuit supra, articulo primo. Cùm igitur æviteria, & successiva sint alterius, & alterius rationis, ex distinctione temporis à motu, arguere parem diversitatem in permanentibus, est fallacia consequentis à majori affirmativè.

Ad Secundum, negandum est, aliquid reperiri in actuali existentia Angeli, quod sit propriè quantitas, aut indivisibile de genere quantitatis; quia citra omne additum quod sit pro mensura, potest cognosci existentia æviteriorum, sic ut per nihil notius ipsa existentia intelligatur. Mensura autem ejusmodi esse, oportet utique ex natura rei magis notam esse, quam mensuratum per illam.

Ad Tertium respondeo: si aliquid nunc similiter se habet ad substantiam mobilis (juxta dicta supra, articulo quarto, in Incidenti) (sicut ævum ad substantiam Angeli, illud nunc non est aliud quid à substantia mobilis, nec est aliquid indivisibile de genere quantitatis. Quod si fingatur aliquid nunc de genere quantitatis mensurare mobile secundum substantiam; nihil tale est in Angelo actu existenti; sicut extitit declaratum. Ad id, quod additur ex Philosopho, 4. Physic. responsum fuit supra, articulo quarto §. Ad secundum.

## ARTICULUS VI.

Utrum sit unum ævum tantum.

Dost. 2. dist. 2. q. 3. De rerum principio, quæst. 19. artic. 3. nu. 28. S. Thom. 1. part. quæst. 10. artic. 6.

**V**IDETUR unum duntaxat esse omnium æviteriorum ævum. Siquidem unum tantummodo est temporalium omnium tempus, ex 4.

Physic. Tex. c. 95. §. 110. ergo & unum pariter erit æviteriorum ævum. Probatur consequentiæ; Nam eodem modo videtur se habere tempus respectu temporalium, ac ævum respectu æviteriorum; ac proinde si non multiplicatur tempus pro temporalium pluralitate, nec ævum pro multitudine æviteriorum.

Præterea, si pro æviteriorum pluralitate forent æva multiplicanda, id profecto ex eo eveniret, quia unicuique æviteriorum proprium responderet ævum, veluti propria ipsius mensura. Sed juxta dicta, articulo præcedenti, in 2. incidenti, nusquam est ejusmodi æviteriorum intrinseca mensura; ergo non plura, sed unum tantum est æviteriorum ævum.

Præterea, In quolibet genere est unum habens rationem metri, & mensuræ respectu cæterorum, quæ ad ipsum spectant Genus, ex Aristotele, 10. Metaphysic. Tex. com. 2. §. inde. Sed unum est Genus æviteriorum omnium; quatenus habent fixum esse, atque invariatur, dum manet; in quo distinguitur à Genere temporalium, quorum esse consistit in successione continua, atque immutatione, ex dictis in antecedentibus; & præsertim artic. 4. in incidenti: igitur unum est omnium æviteriorum ævum, à quo uno & cætera alia dimituntur æviteria.

CONTRA, Dionysius de divin nomin. cap. 5. *Itse est*, (inquit) *ævum ævorum, qui est ante sæcula*. Ponit igitur expressè pluralitatem ævorum. Rursus, si unum foret omnium æviteriorum ævum; eo destructo, vel mutato, cætera æviteria subijcerentur mutationi; quam pariter mutationem subiret illud unum, si mutarentur reliqua. Id autem videtur inconveniens; quia illi uno non inesset ævi ratio respectu aliorum, sed in ordine ad se. Videntur ergo ponenda tot æva, quot æviteria habent esse. Denique, esto unum omnibus æviteriis ævum; Id tanè aliud non erit, quàm primum æviteriorum, seu perfectissima Intelligentiarum; igitur tale æviterium non mensurabitur ævo; quia aliquin eo perfectius intelligeretur; ex hoc autem sequeretur, ne primum quidem motum habere mensuram, cùm sit par ratio utrobique. Dæctum autem fuit, super artic. quarto, primum motum mensurari tempore; igitur nullum est æviterium, quin ævo mensuretur: ac proinde necesse est, æva multiplicari pro æviteriorum pluralitate.

RESPONDEO dicendum, Articulo præcedenti extitisse declaratum, qualiter nomine ævi non importatur aliquid re distinctum, atque additum intrinsecus existentia æviteriorum, tamquam propria cujusque mensura; imò aliud non esse, quam ipsam actualem æviterii existentiam, quatenus intelligitur durare, seu potens alteri durationi coexistere. Juxta hæc igitur, manifestum est, tot esse æva admittenda, quot æviteria reipsa à parte rei existunt. Presentis itaque quæstioni aliud est sensus, & scopus. Nam supponitur, ævum aliquid extrinsecum esse, ac quidem re diversum ab actuali existentia æviteriorum, nam utique ex sui natura mensurare actuali existentiam æviteriorum. Et circa id ævum extrinsecum triplex est sententia: Prima est negantium, ullum æviterium esse alterius ævum. Etenim quandoquidem omnia æviteria habeant existentia æque invariabilem, eo quod cuique æviteriorum perinde repugnet successio partium: fieri sanè nequit, ut uni insit ratio mensuræ respectu cæterorum. Nam ei oporteret inesse existentiam magis fixam, atque invariabilem quàm aliis mensuratis: Et insuper inquantum

Quodlibet, q. 6. l. 2. p. 1. nu. 1.

Videnda glossa  
Lyneii super  
§. Respondeo ci-  
rata, quæstionis  
et articuli ultimi  
prædicti, quæst.  
§. Ad primum.



invariabiliter durans, esse notius ex natura rei. Ceteris eviternis, quae per illam existentiam mensurarentur. Inter existentias autem aeviternorum non apparet talis differentia, ac proinde unum aeviternorum non est alterius aevum. Ceterum haec opinio non negat, unam existentiam aeviternam esse aliam perfectiorem, ac proinde habere rationem mensurae respectu imperfectioris: mensurae, inquam, quiditative, de qua loquitur Philosophus, 10. *Metaphys. Tex. c.2. & inde*. Sed nobis hic est sermo de mensura durativa, quae dicitur aliquo modo reduci ad genus quantitatis.

Secunda vero sententia est, unumquodque eviternum superius esse aevum respectu inferioris. Nam eviterni superioris existentia, ut est perfectior, ita & simplicior inferiori; recte igitur dici potest inferioris mensura, quia ratione suae simplicitatis, nata est ex natura rei certificare de existentia potest inferioris, Ex quo statim sequitur, eva fore multiplicanda juxta numerum eviternorum; (si tamen cuncta aeviterna inter se ponantur specie differre) exceptis primo, atque ultimo ex ipsis. Nam inimum eviternorum non est aevum respectu alterius; quia existentia ejus, utpote infima, nullam aliam invariabilem existentiam mensurat: Et supremum est praecise aevum respectu aliorum inferiorum, quorum est & mensura; sed quum non habeat existentiam aliam superiorem se, nec subinde est ab alio aeviterno mensuratum.

Tertia denique sententia est, unum solummodo esse eviternorum omnium evum: ac proinde non quamlibet eviterni existentiam, etsi alia simplicissima, & notior sit ex natura rei; sed tantum simplicissima, ac perfectissima supremi aeviterni: ea enim tanquam simplicissima ceterarum ex ratione sua formali, & in se est certissima, & primo nota, ac proinde nata certificare de aliis eviternorum existentibus; sola igitur est illorum mensura, quia existentia inferioris aeviterni pro quacunque duratione ei comparatur, redditur certior. Hic sententiae adherentes, recte quidem opinantur, ponendo in supremo eviterno; (quae est existentia primi Angeli) evum respectu omnium aeviternorum, at nequaquam (ut videtur): tale eviternum mensurari aevum; quia nullum aevum est fingendum mensura intrinseca illius existentiae, juxta dicta *articulo precedenti*. Nam ex ipsa mensura oportet innotescere mensuratum: nihil autem supremo Angelo intrinsecum esse notius existentia ipsius. Sed neque potest certificari per aliquid extrinsecum illi: quia qualibet alia existentia aeviternorum, ut est minus simplex, & perfecta, ita & minus certa esse primi aeviterni: ipsius igitur quantitas durativa nequit discerni per aliam, nec sciri, quanta sit: quia esse mensurans foret nobilior mensurato.

Ad Argumenta. Ad primum respondeo: Putantes unicum esse ponendum in primo eviterno evum omnium eviternorum, ex temporis unitate id potissimum ostendere contendunt. Tertia itaque opinio hoc argumento comprobatur. Secunda etiam sententia ponit in supremo eviterno evum respectu omnium inferiorum: etsi complura alia putet esse admittenda eva, ut extitit declaratum. Primum ergo sententiae inhaerentes duntaxat negarent, esse unum aevum extrinsecum respectu eviternorum.

Cum igitur arguitur contra ponentes plura eva, ut in secunda sententia. Est tantum unum tempus omnium temporalium: ergo & unicum evum respectu eviternorum. Neganda est consequentia: quia non omnis motus superior habet

rationem non ut ex natura rei respectu inferioris, nec habet conditiones mensurae, quae duntaxat competunt primo motui, quo est & temporis unitas. At cuius existentiae superiori in aeviternis congruunt conditiones mensurae, ex natura rei respectu inferioris: & ideo qualibet superiori mensuratur inferior existentia: estque proinde aevum in omnibus eviternis multiplicatum, quibus sunt inferiores, seu minus perfectae existentiae. Non est ergo concludenda unitas evi ex unitate temporis, cum dissimilis, ac diversa omnino sit ratio utrobique.

Ad Secundum, si evum intrinsecum ponatur esse uniuscujusque aeviterni, ut coexistens alteri durationi, (nullum enim est imaginandum re diversum ab existentia, e qua additum, ut extitit declaratum in *articulo precedenti*) utique tot sunt necessaria eva, quo eviterna exsunt; quamvis nequeant subinde habere propriam rationem mensurae, quia indivisibile non est secundum aliquid sui notius seipso, nam ut partibus crearet oportet. Loquendo igitur de evum extrinsecum, potest poni unum, aut multiplex, secundum tertiam, aut secundam sententiam antea declaratam.

Ad Tertium, concedo in unoquoque Genere esse mensuram unam quiditative, de qua loquitur Aristoteles *loco citato*; & nihilominus posse poni alteram mensuram in genere durationis, unam omnium aeviternorum, ut extitit declaratum.

Ad Argumenta in oppositum, quibus improbat unitas aevi. Ad Dionysium dicendum, ipsi esse sermonem *ibi* de aevum intrinsecum, quod est ipsum esse aeviternorum, quod concedo multiplex esse pro multiplicata aeviternorum. Vel si de extrinsecum dicatur esse loquutus, potest exponi sic ut dictis ejus confirmetur secunda sententia, quae ponit plura eva.

Ad Secundum respondeo, si destrueretur primum eviternum, quod est ceterorum mensura, non propterea alia mutarentur, nisi secundum relationem mensurati ad mensuram; quam mutationem, si paterentur alia eviterna a primo, nullam sequeretur inconveniens. Consimiliter, si contingeret ipsa mensurata *desinere esse*, primum eviternum non foret obnoxium ulli mutationi reali, sed duntaxat rationis: quia non se habuit ad illa, sicut mensura dependens ad mensurata, sed potius tanquam excedens; quia ergo nulla relatione reali prius referebatur ad eviterna mensurata, ideo his deficientibus non mutaretur, nisi secundum respectum rationis.

Ad Tertium, concedo primum eviternorum non mensurari aevum; quia ei nulla est talis mensura intrinseca, ab ipso distincta; & extrinsecum nusquam invenitur, ut supponitur. Et cum arguitur: igitur nec primo motui est attribuenda mensura, cum sit par ratio utrobique. Respondeo, *articulo quarto* jam extitisse declaratum, qualiter primus motus tempore mensuratur; quia etsi secundum se totum non excedatur a tempore primus motus, cum tamen excedatur secundum quamlibet ejus partem, satis est, ut dicatur mensurari a tempore. At primi aeviterni existentia non habet mensuram quae saltem excedat mensuratum secundum aliquam sui partem, cum sit prorsus indivisibilis. Quamvis igitur primus motus cadat sub temporis mensura, non tamen primo aeviterno competere potest alio mensurari.

Amplius, quod primus motus mensuretur tempore, id est, quia vel motus est aliquid diversum a tempore, secundum rationem Aristotelis, 4. *Physic. Tex.*

Hunc dicendi modum sequitur S. Thomas hic in solutione

De rerum primo principio q. 20. n. 14.

4. p. 48. q. 2. S. Ad questionem 1027.



*Tex. 96.*, de qua re infra: Vel si sit idem motui, potest is motus mensurare se, non quidem primo; sed secundum partem, quæ tanquam notior nata est mensurare totum: Quantitas enim ut distinctè cognita, potest esse mensura sui ipsius, secundum partes suas confusè cognitæ. Sicut etiam dicit Philosophus, 4. *Physic. Tex. c. 114.* Tempus mensurat ipsum motum in determinando quemdam motum, qui postea mensurabit totum motum: sicut longitudinem cubitus in determinando aliquam magnitudinem, quæ metiatur totum. Neutra tamen ratio potest esse in proposito: quia non est aliquid in æterno primo aliud ab existentia sua; nec ipsa existentia sua est quanta, ut mensurare queat se ipsam, secundum aliquam partem notam sibi; stat igitur tempus esse mensuram primi motus, non autem ævum primi æterni; ac proinde nulla hinc apparet causa multiplicandi extrinseca æva.

# ARTICULUS INCIDENS.

Utrum tempus sit unum, idemque numero.

*Doct. De rerum principio, q. 20., 4. dist. 48. q. 2.*  
§. Si arguatur, & 5. *Metaphysic. q. 10. S. Thom.*  
1. p. q. 10. art. 6. in solutione.

**V**IDETUR tempus haud esse unum, idemque numero. Nam si hanc unitatem temporis attribueretur deberemus maximè ex unitate primi motus, ut fertur: Id autem esse falsum ostenditur multipliciter. Primo, quia quicquid tempus est, in relatione ad motum est: Non enim est aliud tempus, quam duratio motus & mensura ejus essentiam, & successivam permanentiam: Cum ergo quilibet motus habeat propriam durationem ab alia distinctam, ad numerum motuum, sunt multiplicanda & tempora, non ergo ex unitate primi motus, est & unicum tempus: Tempus enim non sequitur ad aliquam determinatam speciem motus, sed magis ex generali ratione ipsius: id verò æqualiter inest omni motui; ergo & tempus æqualiter sequitur omnem motum. Non est ergo duntaxat in primo mobili, ut in subiecto.

Secundò, quia si temporis unitas ab unitate primi motus dependeret; igitur cessante tali motu primo, nunquam esset tempus: Consequens ut falsum improbat ab Augustino, 11. *Confess. cap. 23.* Tum quia si cessaret motus cæli, & moveretur rota figuli, moveretur in tempore. Tum, quia, cum stante cælo, pugnavit Josue, ea pugna per suum temporis spatium gesta, atque finita est; igitur tempus non est à motu cæli, ut unum dici debeat, ob unitatem motus illius: imò potius omnium corporum motus videntur esse tempora, atque ita non unum.

Tertiò, quia si Deus crearet alium mundum, circa quem volueretur aliud Cælum, ex hoc videretur ad illius motum sequuturum esse aliud tempus: consequens autem negatur ab Aristotele, 4. *Physic. Tex. c. 93.* dicente: si essent duo mobilia æquè prima, adhuc esset tempus unum. Quod esse omnino non posset, si propter unitatem primi motus, unicum tantum tempus daretur.

Præterea, Quilibet res sicut habet esse, & existere proprium, ita & propriam durationem. Porro, non aliud vocamus durationem, quam permanentiam, & continuationem propriæ existentia, sive id fiat per continuam partium ejus generationem, ut in motu; sive per partium earundem continuationem, ut in permanentibus; ergo cum qui-

libet motus habeat propriam existentiam, verè, & propriè in se durabit, dante est, a que in tempore proprio erit, seu in sua duratione; omnis igitur motus proprium habet tempus, seu propriam durationem, & non tantum primus motus.

Præterea, Secundum Philosophum, 1. *Physic. Tex. c. 118.* Quies mensuratur tempore; igitur tempus non pendet sic à motu, ut ab hujus unitate sit & unitas illius. Consequentia est evidens; quia si tempus essentialiter specificaretur à motu, jam nullius foret mensura, nisi motus ipsius, vel ejus, quod subesset motui; adeoque quies non mensuraretur tempore.

**C**ONTRA, Tempus esse unum numero omnium temporalium, dicit Philosophus, 4. *Physic. Tex. c. 95.*

**R**ESPONDEO dicendum, consonum esse communi conceptui omnium, temporalia cuncta ubique agi, ac mensurari uno, eodemque tempore numero: quam veritatem tanquam communiter concessam supponit Aristoteles, & loco nuper citato, & frequenter, prout & sibi familiare est procedere semper, & accipere quæcunque communiter ab omnibus conceduntur, & quæ sunt magis consona illis, quamvis alioquin per rationem occurrant aliquæ difficultates. Et si igitur communis omnium animi conceptio sit, tempus ubique esse unum numero; undè tamen ea unitas sit accipienda, non una est omnium sententia. Aliqui itaque putaverunt, tempus esse unum propter materiæ primæ unitatem: Prima enim materia, cum sit causa omnis mutationis, & variationis in rebus, eaque sit una in omnibus, merito ab ipsa tempus est, & dicitur unum. At is modus dicendi non subsistit: Etenim materia omnium materialium non est una unitate reali, & signata, qualem unitatem querimus in tempore; sed una duntaxat unitate rationis: quatenus eadem est ratio hujus, & illius materiæ, perinde ac una dicitur ratio omnium hominum. Tempus ergo cum sit accidens reale, nequit esse unum ab unitate materiæ, nisi unitate rationis. Rursus, Tempus est numerus; ergo de ratione sui respicit aliquam multitudinem numeratam: in materiam autem primam, secundum suam essentiam non cadit numerus, sed solum in esse, & secundum suum esse non est eadem materia omnium; ergo nec tempus est unum, idemque numero ab ejus unitate. Ideo aliis videtur esse declaranda unitas temporis, ex eo quod tempus sit essentialiter numerus motus secundum prius, & posterius. Cum igitur idem sit numerus, quo numerantur decem homines, & decem canes, ut dicitur, 4. *Physic. Tex. 134.* sic necessario est idem tempus, quo mensurantur omnes motus. Sed istam positionem expressè reprobatur Comm. super cit. *tex. 134. 4. Physic.*, quia unitas numeri, qua decem homines, decemque canes numerantur, est unitas numeri mathematici, & quædam proinde unitas rationis: tempus autem est accidens reale, non mathematicum. Deinde, ab eodem unumquodque habet unitatem, & entitatem; ergo si tempus est unum per conceptum mentis, ab ejusdem intellectus consideratione accipit & esse; non est igitur tempus accidens reale, nec includens motum realem, tanquam materiale ejus, ex dicendis infra, articulo statim sequenti.

Proinde, ad intelligendum temporis unitatem, distinguendum arbitramur inter tempus, quantum ad ipsius esse reale (quod non esse aliud, quam motum longo sermone inferius declarabitur articulo sequenti citato) & quatenus convenit ei ratio mensuræ; & in quantum denique rebus temporalibus, & sensibilibus est causa variationis. Quan-

2. dist. 2. q. 4.  
5. *Conceditur*  
consequens. V.  
Consequens 7.  
dicitur.

2. dist. 2. q. 9

Quodlib. q. 21.  
§. Quantum ad  
primum.

Tempus ut  
habet rationem  
perfectam me-  
taphysicam  
Motus vero  
seu unum esse  
causæ illius.



tum igitur attinet ad tempus, secundum ipsius realem entitatem, cum hæc aliud non sit, quam ipsa continuatio, vel duratio, vel successio motus, non unum quippe potest esse tempus, sed multiplex erit, pro multiplicitate motuum. Motus enim quilibet per se, & essentialiter est quantus, ac subinde essentialiter debetur sibi mensura, quæ est ejus intrinseca duratio, & tempus. Cum igitur omnis motus æqualiter respiciat tempus, tanquam propriam ipsius durationem, & mensuram essendi, profecto tempus ita acceptum, & consideratum plurificatur secundum motuum pluralitatem. Hinc fit, fore & mensurari etiam tempore, ut propria, & intrinseca duratione ipsius, quemlibet motum, si esset, cessante motu corporum cælestium, ut evenisse narrat Scriptura, cum Iosue pugnaret pro Gabaonitis; & etiam tempore dimetiendos esse motus corporum beatorum post judicium, quando cælum non movebitur amplius. Imo si nunc aliquis Beatorum reasumpto corpore moveretur, ejus motus posset esse velocior motu primi mobilis; non ergo mensuraretur tempore consequente motum primi mobilis, sed proprio, quod scilicet esset mensura sui motus: quot ergo sunt motus, totidem & tempora, quatenus tempus realiter est motus.

Verum, quatenus tempori convenit ratio mensuræ, seu ut habet perfectam temporis rationem; addit supra motum, & successivam permanentiam ejus, rationem mensuræ, prout ipsum motum dimetitur secundum prius, & posterius, longius, & tardius. Quemadmodum igitur motus realis accipit ab intellectu eam partium suarum discretionem (siquidem in se est realis partium formæ successio, potentia duntaxat distinctarum) ita quoniam intellectus non nisi in motu primi mobilis invenit ea omnia, quæ requirit perfecta ratio mensuræ; ideo tempus secundum perfectam rationem ipsius, est in primi mobilis motu, ut in subiecto: in reliquis vero pro illud mensuratis, non est ut in subiecto, sed ea respicit ut extrinseca mensura. Non ergo intelligimus tempus addere motui primi mobilis quantitatem aliquam diversam à motu; sed duntaxat rationem mensuræ, formaliter connotando ipsum motum materialiter, ut est uniformis, regularis, & omnium certissimus. Semper enim est æqualis velocitatis, & uniformitatis, de quibus constat apud omnes. Est igitur tempus secundum sui perfectam, & completam rationem, duntaxat unumjuxta motus primi mobilis unitatem, quatenus ei soli competunt (ut dictum est) conditiones perfectæ mensuræ. Propterea quod ergo motus primi cæli est simplicissimus, & notissimus, tempus quod est ejus motus mensura, ipsumque sequitur ut proprium subiectum, recte ponitur pariter mensura cæterorum motuum, aliorumque temporum; non quasi sit in ipsis, ut in subiecto: sed quoniam per comparisonem ad tempus notissimum, & simplicissimum, quia maximæ velocitatis, ac uniformitatis, certificatur intellectus de duratione aliorum motuum, vel tempore, in quo poterant moveri.

Et quamquam hoc ita sit, & sicuti in aliis Genibus, pariter & in isto ratio perfectæ mensuræ invenitur principaliter in aliquo primo, cui per se insunt mensuræ conditiones, præ omnibus ad id genus spectantibus, ut unciæ in ponderibus; nihilominus secundum quod natura illius primi magis, & minus reperitur in iis, quæ sunt ejus generis, ita & ratio mensuræ in iisdem sit oportet. Unde, eum per aliquem motum particularem nobis notum dimetitur alium ignotum; est in ta-

li motu ratio mensuræ & temporis, ut in subiecto, aliud à tempore illo universali, uno & simplicissimo primi mobilis: & ita de nocte per horologii motum, alii motus dimetiuntur, nobisque innotescent; ac per eundem mensurantes noctem, dimetitur subinde motum cæli. Esti igitur tempus sub ratione perfectæ mensuræ, primo, & principaliter motum primi mobilis sequatur, est nihilominus tempus mensuræ rationem quodammodo habens, etiam in aliis motibus, ut in subiecto; in his scilicet, quorum quantitas est magis nota, & à quibus intellectus format sibi rationes mensuræ respectu aliorum motuum, secundum prius, & posterius, velocius, & tardius, longius, & brevius. Quamvis revera hæc mensuræ magis nobis notæ, signa quædam sint motus illius primi, maxime uniformitatis, & velocitatis; in quo proinde salvatur, & cui per se, & primo convenit ratio perfectæ mensuræ respectu cæterorum motuum, & temporum.

Denique, quantum ad tempus, ut est causa variationis rerum sensibilium, manifestum est, unicum esse tempus, cujus sunt partes tempora, quæ in mundo sensibili variantur, atque reperiuntur in motu primi mobilis ut in subiecto: siquidem ætas, hyems, ver, & autumnus, dies, & nox, non sunt partes, nisi illius temporis; nec est in istis variatio, nisi secundum varium scium corporum cælestium; est ergo unicum duntaxat id tempus.

Ad ARGUMENTA. Ad primum, loquendo de tempore, quatenus habet rationem perfectam mensuræ superadditam motui reali ab intellectu, neganda est minor; quia in nullo alio motu à latione primi mobilis possunt inveniri conditiones perfectæ mensuræ. Et cum probatur primo; quia tempus videtur sequela cujuslibet motus, & non tantum primi cæli. Responsio patet ex dictis: Id enim verum est de tempore, secundum esse reale, quod habet; pro quanto nimirum accipitur pro intrinseca duratione motus; & tunc utique sunt tempora multiplicanda pro multiplicitate motuum: Non autem ut tempus habet rationem perfectæ mensuræ; quia tale tempus nequit inveniri, nisi in motu primi mobilis, ut in subiecto; ut dictum fuit.

Ad Secundam probationem, concedendum est, ad definitionem motus primi mobilis posse moveri inferiora, atque eorum motum esse in tempore, eo quod talium motuum duratio apprehenderetur longa, vel brevis, per comparisonem ejus ad durationem alterius motus, utique notioris, atque certioris. Esti itaque tempus, quod est in motu primi cæli, sit communiter mensura, & certior ad mensurandum durationem aliorum motuum, propter conditiones illius primi motus; nihilo minus eo cessante, vel non apprehenso, vel non relatis inferioribus motibus ad illum, sed ad alium, adhuc possunt mensurari tempore, quod sequitur ad motum, per cujus durationem mensuratur duratio alterius.

Ad Tertiam instantiam dicendum, si essent duo mobilia æquæ prima, tunc & secundum rem, & in ratione mensuræ comparata ad intellectum, futura duo item tempora; per quæ proinde possent cætera omnia mensurari. Quod si per unum duntaxat cæteri motus, & tempora dimetirentur; ut fieri posset (nam non magis, sed æquæ per aliam mensuram innotescerent mensurata) tunc unum duntaxat fore tempus, & non plura.

Ad Secundum patet responsio ex dictis, quia procedit de tempore secundum esse reale, quod habet per motum, & à motu; ac subinde conce-



dendum, tot esse tempora, quot motus.

Ad Tertium respondeo, quæ possunt moveri, & quiescunt, mensurari quidem tempore, sed non perinde ac motus. Etenim illorum duratio sub quiete, innoscitur per comparisonem ad motus durationem, quo possunt moveri: mensurantur igitur tempore negativè; nec talis mensura quiescentibus conveniret, nisi per respectum ad motum, cujus tempus est per se mensura: & is denique innotescit per alium motum notiozem; donec deveniatur ad perfectam mensuram, & tempus, quod unum est, sicut & primi mobilis ratio, cujus est sequela.

### ITERUM ARTICULUS INCIDENTS.

Utrum tempus differat realiter à motu.

*Dist. De rerum principio, q. 18. 4. dist. 48. q. 2.*

§. Ad primum dicitur sic (*Nam 2. dist. 2. q. 2.*

§. Respondeo, si oportet, in sententia loquitur aliorum, vel problematicus est) 5. *Metaphys. q. 10. S. Thom.*

1. part. q. 10. artic. 6. in solutione.

**V**IDENTUR tempus, & motus realiter differre. Etenim si idem essent, tunc quanto motus esset velocior, ac intensior, tanto tempus oporteret esse majus; propterea quod tarditas, & velocitas perinde convenirent tempori, ac motui. Oppositum autem vult expressè Philosophus, 4. *Phys. Tex. c. 96.* & probat per hoc, quia tempus non est velox, vel tardum: motus autem dicitur velox, vel tardus; igitur realiter inter se differunt, etiam si tempus sit à motu inseparabile, ipsumque necessario concomitans, ut ignem caliditas.

Præterea, Secundum Comment. super 3. *Phys. com. 4.* Motus per se non est in distincto Prædicamento, sed ad illud Genus reducitur, in quo est res per motum acquisita: ut motus ad Qualitatem, est in prædicamento Qualitatis, & sic de aliis. Sed tempus non spectat ad Genus Qualitatis, nec ad aliud quidem, nisi ad proprium Genus, quod est Quantitas; ergo tempus differt realiter à motu.

Præterea, Impossibile est, duo tempora esse simul, nisi unum sit pars alterius: non enim sunt simul duo dies, vel duæ horæ, vel duo anni; sed dies, & hora, & annus simul sunt: Atqui duo motus, & plures etiam sunt simul, & æqualiter fluunt, quorum unus non est pars alterius; quia simul currimus ego, & tu; & simul moventur cælum, & homo; ergo motus non est tempus.

Præterea, Ex partialibus motibus omnium partium cæli integratur unus totalis motus totius cæli; ergo si tempus est motus, similiter fieret unum totale tempus ex partibus temporis simul coexistentibus, sicut & motus partium simul coexistentium: nemo autem imaginatur, tempus quantum esse non solum per suam successionem, sed etiam extensè diffusum, secundum extensionem partium mobilis; ergo non est idem ac motus.

Præterea, Tempus de se est causa antiquitatis, & senectutis, & corruptionis in rebus temporalibus, ex 4. *Phys. Tex. c. 117.* Sed motus, in quantum motus, non est causa senectutis, & corruptionis; ergo tempus non est motus. Minor probatur, ex eo quia si motus foret ejusmodi causa, tunc omnis motus in rebus temporalibus eundem effectum causaret; & quanto motus major, tanto res effect

tenior, quod est manifestè falsum in motu locali, & augmentationis.

Præterea, Motus est ens reale independentè ab anima existens: tempus autem nullum habet esse, nisi in intellectu considerante id, quod præterit, quodque futurum est; igitur necessario hæc re distinguuntur. Minor probatur auctoritate Augustini, 11. *Confess. à cap. 13. & sequentibus*; ubi videtur fuisse constans sententia ejus, tempus nihil aliud esse, quam conceptum intellectus, vel transitum rerum præterlabentium unà in anima manentem; perinde ac numerum, quem ex discretis unitatibus efformat intellectus: & secundum mentis conceptus videtur existimasse, tempus vici longum, vel breve; non secundum quod est à parte rei; cum ea, quæ non sunt, nec longa, nec breviter rectè dici queant.

CONTRA, Augustinus, 5. super Genesim, cap. 5. *Potius tempus*, inquit, *à creatura, quam creatura caput à tempore: utrumque autem ex Deo. Nec sic accipiatur quod dictum est, tempus à creatura caput, quasi tempus creatum non sit, cum sit creatura motus ex alio in aliud, consequentibus verbis. Dicit ergo expresse, tempus non esse aliud, quam creature motum; Non ergo tempus est aliud quid diversum à motu.*

RESPONDEO dicendum, Tempus secundum quod est accidens reale, idem esse ac motus; etsi a motu differat formaliter ratione; (per quam rationem vocatur verè tempus) ac propterea secundum suum esse materiale est tempus in rebus independentè ab anima; at ratio formalis ipsius ab anima est, & nullibi extra animam reperitur. Ad cujus solutionis intelligentiam, sciendum, qualiter hæc tria, tempus, motus, forma, per motum inducta, etsi differentes importent rationes formales, à quibus & diversa sortiuntur vocabula, verè nihilominus eandem rem absolutam præferre, dicenda sunt. Et forma quidem per motum inducta, ut albedo, potest considerari & ut est in *fieri* esse, & ut est in *fieri*. Primo modo habet esse quiescens, & permanens, & per modum informantis respicit subiectum, ac forma appellatur. At sub secunda consideratione, non dicit rem permanentem, & quiescentem; est enim in continuo *fieri*, nedum respiciens subiectum ut mobile, verum etiam agens, respectu cujus est actio, & motus. Igitur illud idem, quod ut est quiescens dicitur forma, quatenus est in *fieri* dicitur motus: ac per consequens oportet hæc duo habere aliam, & aliam rationem formalem, cum formæ conceptus sit absolutus, per modum quiescentis; motus vero dicitur essentiam suam per modum respectivi continui fluentis. Nec propterea eadem res dici debet fluere, & quiescere, manere, & præterire; quia dum sit, fuit secundum aliam, & aliam partem, cum vero omnes partes fuerint acquisitæ, quiescit, & manet. Quomodo igitur idem sunt re quod sit, & quod factum est; sic idem sunt re forma per motum inducta, & ipse motus. Motus ergo, quo forma introducit, non est aliud, quam successio, & continuas formæ: & quamvis ea successio formaliter desinat esse, manet tamen res ipsius; quia partes formarum acquisitæ lum per motum, manent in subiecto mobili, quanquam non semper moveantur, ac per hoc desierit esse ipsa successio, & motus eandem. Ex quo fit, si introduceretur albedo in subiectum sine motu, fore quidem tunc rem ipsam motus, non vero ipsum motum. Sicut ergo in hac forma instantanea inductione non est aliud forma à *fieri* ipsius; sic nec aliud esse potest *fieri* ejusdem, cum sit successivè:



& quemadmodum in instantanea productione *fieri* sola ratione differt à forma, quæ producitur; ita cum per motum introducitur, sunt idem re, & sola ratione formali differunt forma, & motus; cuius motus forma per ipsum acquisita, est terminus intrinsecus, adeoque fieri non potest, ut sit res diversa ab illo; quia alioquin non repugnaret esse motum alterationis, & nullam formam generari. Quapropter intelligendo terminum alterationis, ut denudatam à propria ratione formali, quæ est *factum esse, quiescere, partes simul habere*, & ejusmodi, quæ motui opponuntur, eumque formaliter excludunt: Talis, inquam, terminus, & res formæ, ut caloris, vel albedinis, est materialiter in constitutione motus; adeoque is motus essentialiter componitur ex ipsa re formæ, quatenus à rationibus formæ denudatur, & ex propria ratione formali, & continua successione partium, quasi ex formali ratione. Et in hoc completur sermo inceptus supra articulo 4. in *Incidenti*. §. *Ad primum*.

Considerandum est nunc, quomodo se habeat motus ad tempus; videtur enim eadem comparatio formæ ad motum, ac motus ad tempus. Cæterum cum ipse motus aliud non sit, quam continua successio transmutationis ipsius mobilis à priori in posterius ejus, secundum quod movetur, atque ipsius successionis nihil actu esse queat, nisi simplex mutatio, profecto ratione solius mutationis instantaneæ, motus motus erit in actu. Et porro tali in transmutatione continuè successiva, quam motum vocamus, tria consideranda occurrunt. Primum est ipsa continuatio, qua fluxus ipse, qui motus est, non cessat, nec sinit, nec deficit, abque ratione alia. Secundum est, quod de tali fluxu, & successione acceptum est, quatenus distinctum per rationem prioris ab eo, quod de eodem accipiendum est, distinctum utique per rationem posterioris: & utrumque secundum se distinguitur ab illo, quod de ipsa translatione, vel successione, seu fluxu de præsentī instat: idque subinde distinctum est à duobus prædictis, secundum rationem præsentis. Tertio denique considerandum est, qualiter in tali fluxu, & successione prius & posterius, sive acceptum, & accipiendum continuantur secundum rem, ad id, quod instat de illa successione, sive ad præsens: & interim distinguuntur ab eodem instanti per rationem prioris, & posterioris. Sub prima consideratione, motus est res quædam existens de se, citra omnem operationem intellectus. Secundo modo, motus est in conceptu mentis tantum. Nam etsi à parte rei existat quævis successio, & fluxus, partes nihilominus fluentes, sibi que succedentes, non habent in seipsis rationem prioris, & posterioris, & præsentis, nisi in potentia duntaxat, ac proinde ab anima est, quod ita dicantur: nam successio ut intellectus operationem præcedit, est continua, non discreta. Unde rectè Avicenna, 3. *Metaphysicæ* cap. 10. *Scias*, inquit, *quod res in se non est prius res, nisi eo, quod est simul in intellectu cum ea, quæ est posterius*; & *hec species prioris, & posterioris est, cum utraque simul sit in intellectu*. In postrema denique consideratione, ipse motus, quatenus id quod acceptum est, & quod insuper accipiendum continuatur ad id, quod instat, est in re extra. Ut vero, quæ realiter continuantur cum præsentī, distinguuntur inter se, & ab illo secundum rationem præteritæ, præsentis, & futuri: est in conceptu animæ.

Cum autem tempus involvat necessario rem motus, cuius & dicitur mensura, secundum unamquamque ex his considerationibus comparandus

est motus ad tempus, ex quo evidens erit, qualiter motus est tempus, & quid tempus addat ad motum, ut propterea hujus mensura esse ponatur. Juxta igitur primam motus considerationem, tempus habet rationem continui, sicuti & motus; estque tale in re, non secus ac mobile, quod per motum movetur; non autem per animam, quemadmodum nec motus: Et in hac acceptione loquitur Philosophus 4. *Physicæ*. *Text. c. 130.* cum ait, tempus est in terra, in mari, & in cælo. At non propterea existimandum est, verè tempus esse à parte rei, aut propriam rationem ejus habere: Siquidem tempus, in quantum tale, est mensura motus secundum prius & posterius. Has autem rationes, ut inter sese discretæ, non esse in aliquo continuo ex natura rei, seu permanens sit, seu successivum, diximus supra, ex Avicenna etiam id comprobantes. Tempus igitur ut sequitur motum, ratione solius continuitatis ejus, nequit perfectam rationem temporis habere.

Quantum ad secundam considerationem motus attinet, quod scilicet in continuo fluxu anima distinguit rationes prioris, & posterioris, quæ non sunt in motu, nisi posteriori. Ad talem, inquam, motum comparando tempus, ipsum verè est quantitas discreta pendens ab anima, non habens esse à parte rei, nisi potentia. Verum ne sub ista quidem consideratione est tunc propriè tempus, quod est mensura motus continui, secundum prius & posterius. Nam nullam continuitatem successionis ea in acceptione mensuraret. Imo si nullus esset motus in rebus, adhuc possent esse in mente discretæ rationes prioris, & posterioris: & juxta hunc sensum videtur instituisse sermonem de Tempore Augustinus. 11. *Confess.* à cap. 20. & seqq.

Restat igitur comparatio temporis ad motum, quatenus motus secundum unam rationem est in rebus, quæ moventur, & secundum aliam est ab anima; & in hac comparatione consistit completa ratio temporis, ut est mensura motus, secundum prius, & posterius. Etenim partes motus, quæ sunt præteritum, & futurum, continuantur ad præsens realiter: quandiu enim durat motus, tandiu in ipso est dare realiter, & verè aliquid instans indivisibile, licet semper sit aliud, & aliud; ac proinde alæ & alæ partes motus; quæ profecto partes quamvis non entia, ex continuatione tamen, & copulatione ad instans præsens, quod verè est actus in re extra, habent illæ partes sufficientem entitatem, nec alium modum essendi requirit continuum successivum, nec partes ejus. Ad hanc igitur realem continuitatem partium fluxus omnis, & motus, addendo discretionem, vel distinctionem earum, secundum rationem prioris, & posterioris ab ipso *nunc* medio, in quo realiter continuantur, habetur completa, & perfectæ ratio temporis. Rationes enim prioris, & posterioris, ut accipiuntur in ducendo, non ut accipiuntur in situ, complent naturam, & formalem rationem successivi. Non enim consistit natura successivi in ratione continuationis; quia & id permanentibus ipsis convenit: sed consistit magis in ratione prioris, & posterioris, sub istis rationibus, quæ sunt ab anima. Quare sicuti res formæ per motum introductæ, est quasi materiale in constitutione motus: ipsum autem *fieri*, sive fluxus continuus est ratio formalis constituens ipsum motum: ita & ipse motus, sub ratione, qua est fluxus quidam continuus, existens in rebus extra animam, est materiale in constitutione temporis: ipsæ autem rationes prioris, & posterioris, quas rationes anima format de partibus motus, & secundum quas

Quælibet a re  
§. Dicitur a re  
Tempus prædict

Tempus secundum  
esse reale  
ipsi & idem est  
ac motus.

men-



mensura, & numerat ipsum motum per comparisonem ad *præsens*; ut cum dico, priorem esse illam, quæ plus distat à præsentī *nunc*; eam vero posteriorem, quæ minus distat: Hæc, inquam, rationes prioris, & posterioris, quæ sunt in conceptu intellectus, complent rationem formalem temporis. Nam per illas duntaxat habet tempus esse motus mensuram, secundum longitudinem & brevitatem, sive secundum prius & posterius: adeout per prius & posterius ut formantur ab intellectu, & sunt formales rationes temporis, mensuratur prius & posterius ut sunt in motu extra animam, quasi quædam materialia, & tantum indistinctè, & in potentia habentia rationem prioris, & posterioris. Ex quo evidens est, cur tempus est mensura motus, non autem è contra. Nam oportet mensuram esse magis notam, atque distinctam, cum per illam innoteat mensuratum. Sed de his *artic. præcedenti* actum. Constat etiam, motum completè habere rationem entis realis; tempus autem non item: Ex quo fit debiliorem entitatem inesse temporis, quàm motui; cum illud ex parte ab anima sit, scilicet quoad rationem ejus formalem. Nec propterea tamen dicendum est tempus accidens intentionale, & non reale, & physicum; aut quantitas discreta, & non continua. Nam (juxta Comment. 2. de Anima com. 8.) licet in rebus naturalibus ex materia, & forma constitutis denominatio fiat à forma, quippe quæ plus habeat realitatis: in rebus tamen artificialibus contra evenit; quia materia est tota substantia earum. Quam igitur tota temporis realitas sit motus, ejusque realis continuïtas: formalis verò ratio discretio prioris, & posterioris, ab intellectu efformata, rectè appellatur quantitas continua, non discreta, accidens naturale, non intentionale; perinde ac artificialia prius substantiæ, quam accidentia dicuntur; quamvis forma non alia ipsis sit, quàm accidentalis. Secundum id igitur quod habet tempus realitatis, est a parte rei independentè ab anima; & quidem idem ac ipse motus realis. At ab intellectu omnino pendet secundum suam rationem formalem, juxta quam ad motum addit rationem mensuræ; quod erat declarandum.

Ad ARGUMENTA. Et si quatenus probant motum, & tempus differre, ex præmissis evidenter solvantur. Nam reverà motus, & tempus non sunt idem, secundum rationem formalem, ac propterea verè quædam dicuntur de uno, quæ falsò affirmarentur de altero: quemadmodum etiam contraria dicuntur de motu, & forma per motum introducta; quia differunt ratione formali, quamvis re sint idem, ut exitit declaratum. Nihilominus ad omnia respondeo singillatim.

Ad primum potest dici, majorem, & minorem intensiōnem, & velocitatem convenire motui ratione continuïtatis ipsius, non ratione prioris, & posterioris, qua re constituitur tempus formaliter. Undè si à mane usque ad tertiam quis moveatur per unam leucam, & alius eodem tempore per mediam duntaxat; major utique velocitas est in primo motu, quàm in secundo; sed tamen prima pars motus unius tantum distat ab ultima parte sui in uno motu, sicut in alio; quia distantia unius ab altero in motu non est, nisi secundum tempus. Major igitur, & minor velocitas in fine motui secundum realitatem motus, non verò per rationem prioris, & posterioris, quam addit tempus supra motum; ac propterea, quamvis motus sit magis & minus velox, non oportet tamen eadem prædicata dici de tempore.

Potest etiam dici; sicut formæ extensæ dupli-

cum habent contrarietatem: unam quippe secundum intensiōnem; aliam vero penes extensiōnem; sic & motus unam habet secundum durationem alteram autem secundum partium motus accelerationem, sive quendam condensationem, vel celeritatem earundem venerationem. Et quantitas quidem correspondens motui secundum durationem, tempus est: At quæ inest ei secundum celeritatem partium generationem, exprimitur nomine *velocitatis*. Ratio prioris quantitatis durativæ, non est unus motus alio tardior, vel velocior; quia si quis à mane usque ad tertiam pertransierit decem leucas, & alius eodem tempore tantum unam leucam confecerit, comparando utrumque motus ad tempus, æquè citò, & eadem velocitate uterque suum inter explevit. At secundum aliam quantitatem, quæ est quasi intensiva, ratione hujus unus motus est alio tardior, aut velocior; & secundum hanc quantitatem non ponimus identitatem temporis ad motum, sed potius secundum priorem, quæ est quantitas durativa; & per hanc sicut unus motus est major alio, sic tempus ejus motus est majus, vel longius tempore alterius. Sed non per quantitatem intensivam, quæ non est in durando, sed in partium aggregatione, & in situ earum; & ideo in ordine ad alium, & alium sicut partium exactum a diverso modo productionis earundem, fieri, & contingere potest major, & minor velocitas in motu in eadem temporis duratione.

Ad Secundum dicendum, sicuti motus est in diversis Generibus; ita & tempus in iisdem reperiri secundum materiale esse ipsius, quod est motus; esto secundum suam rationem formalem sit in solo Prædicamento Quantitatis.

Ad Tertium respondeo sic: Quemadmodum duo motus simul sunt; ita etiam & duo tempora è diversis motibus accepta, quorum unum non est pars alterius, simul sunt. Sed duo tempora ab eodem motu sumpta, qualia sunt dies, mensis, annus & ejusmodi; quæ sumuntur ab uno motu uniformi, hæc utique simul non sunt, nisi unum sit pars alterius: & consimiliter nec duo motus simul sunt, nisi unus sit pars alterius.

Ad Quartum dico, Tempus non sequitur motum secundum multitudinem partium, sive penes extensiōnem earum in situ, vel etiam ratione intensiōnis in velocis generatione, sed solum secundum extensiōnem in duratione, quasi in modo. Et ideo cum omnes partes earum simul moveantur non respondet tempus motui earum, ut sunt multæ, sed quatenus habent durationem in suo actu.

Ad Quintum dicendum, tempus esse causam corruptionis, & senectutis per motum, & non aliter. Quod si alicui motus longior non sit ejus modi causa, nec tempus quidem, etsi longum, afferet illi senectutem, vel corruptionem.

Ad ultimum respondeo, jam declaratum fuisse qua ratione tempus idem est, ac motus, & qualiter non sunt idem. Et cum subditur, ex Augustini sententia, Tempus non habet aliud esse, quam in anima considerante, & distinguente partes præterlagentis motus continuè successivi. Respondeo, etsi ille sensu dicatur Augustinus, *lib. 11. Confess. cap. 20. & sequenti*; Temporis nihilominus aliam esse considerationem veram, secundum quam præteritum, præteritum, & futurum habent esse in re extra, & verum tempus constituitur, ut verè subinde dicitur, *est tempus longum, & breve*, ratione scilicet majoris, & minoris recessus ab instanti præsentī, cui verè copulantur præteritum, & futurum, ut exitit declaratum in *solutione*.

QUÆ.

Quare tempus sit mensura motus, non autem motus mensura temporis.

Tempus est accidens physicum, non intentionale, nec discretivum esse formale sit ab anima.

2. de Anima. 2. q. 1. 2. 5. Responsio.



# QUÆSTIO UNDECIMA

## DE UNITATE DEI,

### IN QUATUOR ARTICULOS DIVISA.

*Post præmissa, considerandum est de divina unitate.*

#### CIRCA HOC QUÆRUNTUR QUATUOR.

- I. Utrum unum addat aliquid supra ens.
- II. Utrum opponantur unum, & multa.
- III. Utrum Deus sit unus.
- IV. Utrum sit maximè unus.

#### ARTICULUS I.

Utrum unum addat aliquid supra ens.

*Doct. 2. dist. 3. q. 2. 4. Metaphys. q. 2. §. Notandum quod hæc quæstio, nu. 13. S. Thom. 1. part. quæst. 11. artic. primo.*



**V**IDETUR unum minime addere supra ens aliquid positivum. Etenim *unum* non dicit nisi privationem divisionis in se & privationem identitatis ad aliud; igitur *unum* formaliter non importat, nisi aliquid negativum. Probatio antecedentis: si *unum* esset ratio aliqua positiva, vel foret eadem ac ratio entis, vel alia enti supradaddita: si primum; igitur nugatio est, dicendo, *ens unum*, quod negat Aristoteles: si secundum; ergo in quocunque ente reperitur entitas addita entitati; cum quodlibet ens sit unum. Illud autem est inconveniens: ergo ratio *unius* pro formali omnimoda negatio est.

Præterea, Si ponatur unum esse quid enti superadditum, ipsum unum aut e: it tale seipso, aut certe alia unitate. Si per aliud dicatur unum, pariter de illo alio est eadem quæstio, & ita processus in infinitum. Quod si *unum* sit seipso unum, & non alia unitate; igitur eadem ratione ipsum ens seipso erit unum; non ergo oportet intelligere superadditum esse enti quid positivum, per quod fit, & dicatur *unum*.

Præterea, *Unum* videtur comparari ad *multum*, sicuti comparantur privatio ad habitum. Nam *unum* formaliter dicit indivisibilitatem, quæ privatio est: utique opposita divisibilitati, quæ est multitudo. Unde non aliter ab Aristotele 5. *Metaphys. cap. 6.* & 10. *Metaphys. cap. 4. & 5.* explicatur ratio *unius*, quam per esse indivisum, vel esse indivisibile: igitur hæc ratio addit enti præcisè negationem indivisionis, vel indivisibilitatis.

Præterea, Intelligendo ipsam entis rationem affici immediate duplici negatione, scilicet indivisionis in se, & divisionis à quolibet alio, intelligitur perfectè ratio *unius*, ipsumque ens unum: igitur superflue ponitur in ente aliud positivum, tanquam subiectum earum negationem.

**CONTRA**, Omne quod est in aliquo Genere determinato, se habet ex additione ad ens, quod circuit omnia genera: Sed *unum* est in genere determinato: est enim principium numeri, qui est species Quantitatis: ergo unum addit aliquid supra ens.

**RESPONDEO** dicendum, Unitatem non addere supra ens rem aliquam, realiter ab eo distinctam, sed duntaxat rationem quandam formaliter de se positivam, connotantem tamen negationem divisionis, & divisibilitatis, per quod connotatum à nobis unum & intelligitur, & explicatur, ut in aliis intellectu difficillimis frequenter evenire solet. Et quidem unitatem non esse rem ab ente distinctam, sed magis quid illi identificatum, ut passionem subiecto, declaratum fuit supra, *quæstione quinta, artic. primo*, agentes de bonitate, quæ necessario sequitur ad omne ens, quatenus ens. Etenim ens, de quo est Metaphysica, unitivè, & adæquate continet suas passiones, quæ sunt, unitas, veritas, bonitas; non autem unaquæque ex his ita continet reliquas; oportet ergo quamlibet enti propriam rationem pro formali addere: quod & significasse videtur Aristoteles, 4. *Metaphys. Tex. c. 3.* cum ait; *Si igitur ens, & unum idem, & una natura, eo quod se ad invicem consequuntur, sicut principium & causa: sed non ut una ratione ostensa.* Et 10. *Metaphys. Tex. c. 6.* dicit, eundem esse modum consequutionis entis, & unius ad Prædicamenta. Unde Boetius de Unitate, & Uno, cap. 1. *tandiu*, inquit, *est quicquid id quod est, quandiu in se unitas est: cum autem defuerit esse unum, defuit esse id, quod est.* Eadem ergo realiter est ratio entis, & unius, quod convertitur cum ente: licet unum dicat aliam rationem formalem, & alium modum significandi ab ente, ut exponit *Comm. super Tex. cit. 4. Metaph.* Nam modus significationis entis imponitur, atque accipitur à ratione simpliciori, quam modus significationis *unius*: *Ens* enim imponitur ab actu essendi absoluto, & positivo. At *unum* in significato suo includit rationem entis cum determinatione, addente quippiam supra rationem entis. Significatio ergo *unius* præsupponit significationem *entis*: Verum modus, quem addit ratio *unius*, non est positivus, sed privativus duntaxat, non privando quidem aliquo positivo: alioquin *unum* non diceretur de Deo: sed excludit aliquid negativè tantum: sed hæc in *soluzione argumentorum exactius* declarabuntur.

Interim probatur, id, quod *unum* ent superaddit, de sua ratione formali esse oportere quid positivum: Nam nulla negatio est propria alicui subiecto, quod sequitur necessario, & inseparabiliter, nisi per aliquod positivum proprium ejus, cujus est talis negatio necessaria sequela. Sed omne ens est necessario indivisum in se, & divisum à quolibet alio: ergo hæc negatio, vel negationes non insunt ei primo, & per se, sed ratione potius alicuius positivi, ad quod illæ negationes necessario sequuntur: Illud autem positivum appellamus unitatem entis passionem, Neque fieri potest ut

Mayron. 1. dist. 24. q. 2. videtur sentire oppositum.

2. dist. 16. §. Ideo dico aliter.

Videnda exponit. si Doctoris §. Notandum.

De rerum principio q. 16. n. 3. & 4.

1. dist. 28. q. 2.

Doct. 10. Metaphys. q. 6. in argum. principibus.

1. Thom. hic in primo principio.



ut nullo positivo modo, ipsum ens de se, & ex se afficiatur ejusmodi negationibus: Nam alia est ratio entis, alia unius; etsi ratio essendi sit positivè indivisa, profecto non erit entis ratio, ubi abest divisio: ut in multitudine, de qua rectè dicitur, quod sit ens. Undè verè dicit Avicenna, 5. *Metaph. f. sue cap. 1.* quiditatem præcisissimè consideratam nihil includere quod non spectet ad per se rationem ipsius: ac propterea quiditatem nec esse unam, nec plures; quamvis aliquin unitas ejus non sit res alia sibi addita, sed eadem magis. Ens igitur præcisissimè acceptum non est formaliter unum, seu indivisum, sed evadit formaliter tale per rationem sibi superadditam, propter quam & inest sibi duplex illa negatio, non excludens aliquam positionem, sed præcisè negans divisionem, quæ est formaliter carentia unitatis. Quemadmodum ergo indivisio specifica, ab unitate specifica est, quam nemo dixerit esse meram negationem; & indivisio indivisibilis ab eo, per quod individuum est positivè unum numero: ita & unitas entis conservativa non est formaliter negatio, sed id, ad quod necessario sequitur talis negatio.

Deinde, negatio ex sui ratione formali nullam præferat perfectionem: sed unitas dicit formaliter perfectionem; ergo unitas formaliter haud esse potest negatio. Probatio minoris; quia ratio unius melior est suo opposito in unoquoque; nam divisio ubique importat imperfectionem; ergo ratio unitatis est perfectio, & quidem simpliciter; igitur formaliter consistere nequit in aliqua negatione. Rursum, in imperfectionibus, & negationibus non est devenire ad summum: Nullum est enim summum malum, & summè imperfectum; sed omnia una reducuntur ad summum unum, quod est primum principium; ergo unitas non est præcisè negatio. Rursum privatio non recipit magis & minus formaliter: aliquid autem est magis unum alio, ut simplex compositum; igitur unius ratio non est sibi formaliter in negatione.

Postremo, Nulla imperfectio repugnat alicui, nisi propter aliquid positivum in eo; in tantum ut nulla imperfectio repugnet alicui entium, nisi ex perfectione aliqua ipsius: quæ profecto perfectio in ratione positiva est statuenda. Divisio autem, quam excludit unitas, est formaliter imperfectio, & ideo repugnat simpliciter perfectio; ergo unitas est pro formali ratio quedam positiva.

AD ARGUMENTA. Ad primum respondeo, etsi unum formaliter importaret illam duplicem negationem; (quæ nihilominus duntaxat connotatur, quia non spectat ad rationem formalem ipsius unitatis) non tamen sequitur non habere causam aliquam positivam, ad quam necessario sequatur; nam & unitas specifica, (ut supra tactum fuit) pariter significat duplicem illam negationem, & tamen non negatur eam unitatem esse quid positivum: igitur pariter & prima unitas, quæ sequitur ens, ut ens, est statuenda in aliquo positivo, quamvis explicetur per duplicem negationem. Et cum arguitur, quia aut erit eadem res, ac ens aut aliquid enti superadditum. Dictum fuit in solutione, non esse rem aliam ab ente, sed rationem formalem illi superadditam, per quam intelligitur omne ens positivè indivisum in se, & divisum ab omni alio. Quod nescum non est inconveniens, sed necessario statuendum in omnibus passionibus respectu subiectorum, ad quæ illæ consequuntur; ac propterea nulla est hic negatio, sicuti nec cum passionibus de proprio enunciatur subiecto.

Ad Secundum respondeo, eo argumento Averroem impugnare opinionem, quæ tribuitur Avicennæ existenti unitatem re ab ente distinguere. At statuentes, unum dicere eandem naturam, ac ens, non sequitur processus in infinitum; quia ens præcisè consideratum, est differens ad unum, & multa adveniente ergo sibi unitate in secundo signo naturæ, evadit positivè indivisum. At unitas non est alia unitate una, sed formaliter seipsa, sicuti similitudo non est alia relatione talis, sed seipsa. Quia igitur eadem est ratio realis entis, & unius entis, ideo non oportet unitatem addere unitati, licet hæc ratio formalis sit necessario enti adjungenda.

Ad Tertium, Quoniam ex 1. Perihermen. cap. 1. Voces sunt eorum, quæ sunt in anima passionum nota: non contingit nomen imponere rei, nisi ea res sit cognita. Quo igitur magis percipere videmur quidpiam, eo expressiori nomine illud significamus; cuiusmodi est positivum vocabulum præ negativo. Etsi igitur revera unum habitus quidam sit, à forma rei partes continente causatus; & divisio è contra privatio illius habitus, tamen divisionem, vel multitudinem exprimimus nomine positivo, & unum nomine negativo: quemadmodum & corporeum, & limitatum, & finitum; licet hæc privationes quedam sint, significantur nominibus positivis; & incorporeum (quod corporalibus præstat) & illimitatum, & infinitum, exprimuntur nihilominus nominibus negativis: idque nonnisi, quia quæ per positivas voces significare intendimus, melius à nobis intelliguntur. Indivisionis itaque ratio, quam includit unum, est sanè privativa, non quidem privativa affirmationis; qui tunc unum non diceretur de Deo: sed exclusiva potiùs privationis, quam privationem dicit divisio, quæ subinde excludit habitum, & positionem importatam per unum. Revera igitur unum significat positionem; secundum vero modum significandi, qui sequitur modum intelligendi, præferat privationem privationis, importatæ per multum. Sicut & multum dicit privationem habitus importati per unum. Et quævis propterea unum sit naturaliter multitudine prius: est tamen posterius cognitione. Siquidem cognitio nostra acquiritur per sensum: sensui autem sunt magis nota multa, quam unum; & composita item magis, quam simplicia. Hinc simpliciter prima non notificantur nisi per privationem; quamvis revera sint positiva formaliter: ut dictum fuit.

Ad Quartum respondeo, declaratum fuisse in solutione, qualiter necessarium est ponere rationem quandam positivam supra entis realem conceptum, ad quam consequantur prædictæ negationes. Nam negatio indivisionis non intelligitur propria enti, nisi & affirmatio propria præcedere concipiatur. Exemplum: cæcus non connotat nisi oculum, quod est commune subiectum cæcitatis, & visioni: & tamen cæcitas non inest oculo per solam rationem ipsius, sed per aliam entitatem positivam, quam consequitur privatio visionis. Ita, quamvis omne ens sit indivisum in se, & divisum à quoquoque alio; non inest tamen, nec inesse queunt istæ negationes ipsi ensi rationi, sed alteri positivo ab ente, per quod, sicut per fundamentum proximum, simpliciter repugnat sibi divisio opposita unitati, quæ non repugnat enti præcisè considerato; quia multum est ens: quandoquidem ens dividitur per unum, & multa, ex 10. *Metaph. Tex. c. 9.*

Ad Argumentum in oppositum est responsio talis: Quidam existimantes, idem esse unum, quod con-

De rerum principiis q. 10. ad 5.

16. Metaph. q. 6. de div. princip. 1. c. 1. q. 1. sub 1. item.

1. dist. 28. q. 2. q. 1. c. 1. q. 1. pro opinione prima.

1. dist. 2. q. 1. 4. h. 1. c. 1.

1. dist. 3. q. 4. 5. ad Avicennam.

4. Metaph. q. 2. c. 1.



2. Thomashie  
3. Al primum.

convertitur cum ente, & quod est principium numeri, opinati sunt, numeros esse substantiam omnium rerum. Nam cum unum passio entis non addat rem aliquam supra ens, non aliud significat unitas entis, quam substantiam ipsius, quatenus indivisam; igitur pariter & numeri eandem substantiam significant, quæ proinde ipsis numeris constat. At Avicenna videns, unum quo est principium numeri, addere rem aliquam supra substantiam entis; (est enim numerus species Quantitatis) pariter putavit & unum quod convertitur cum ente, importare rem aliquam supra entis substantiam, sicut album supra hominem. Quæ opinio non est tenenda; quia & res supradicta foret una alia unitate, & ita processus in infinitum. Solutio ergo argumenti est ista: unum, quod convertitur cum ente, non addit aliquam rem supra ens; sed unum, quod est principium numeri, addit aliquid supra ens ad Genus Quantitatis pertinens.

2. dist. 20. q. 3.  
ad Avicennam.

Quia in solutione, quantum ad Avicennæ opinionem attinet, putamus (ut etiam dictum fuit, *quest. 5. artic. 1. §. Al secundum*) eum consuisse, unum esse quidem accidens entis, non physicum, cuiusmodi est albedo respectu subiecti; sed logicum: quo sensu quicquid non spectat ad per se rationem formalem alicuius, dicitur accidens ejus, uti sunt omnia prædicata secundi modi. Unde ille, 5. *Metaphysicæ cap. 1.* dicit, equitatem esse tantum ipsam, nec unam, nec plures: quod sanè verissimum est, quamvis unitas ipsius non sit alia res sibi addita, sed quasi passio consequens quiditatem; quæ omnia apud logicos vocantur accidentia: quo posito, non sequitur inconveniens, quod obijciatur de processu in infinitum, ut dictum est prius.

20. Metaph. q. 3.  
6. §. Dicendum.

Cæterum, unum principium numeri nihil aliud addere videtur unitati, quæ est entis passio, nisi rationem mensuræ; itaut hac ratione circumscripta, non super sit, nisi unum transcendens: similiter per multum, quod est numerus, nihil aliud accedere apparet multo transcendenti, quam ratio mensurati; Nam hac ratione non intellecta, aliud non superest, nisi multum transcendens. Ratio autem mensuræ, & mensurati accedit, atque evenit ab intellectu, juxta dicta supra q. 10. *artic. 5. in incid. 2. & artic. 6. pariter in incidenti.* Sed videndus articulus 1. q. 5. cit.

RESPONDEO igitur ad argumentum, non ex eo quia unum, quod est numeri principium, addit aliquid supra ens, concludi posse pariter, & unum transcendens addere quippiam rationi entis; cum numerus, ultra numerata, non sit nisi actus rationis; sed potius propter dicta in solutione.

## ARTICULUS II.

Utrum unum, & multa opponantur.

Dist. 10. *Metaphysicæ q. 5. S. Thom. 1. p. q. 10. art. 2.*

VIDETUR unum, & multa minimè opponi. Nam non contingit uni, eidemque plura contraria subesse, ut habetur 10. *Metaphysicæ Tex. c. 14.* sed multum contrariatur paucis; ergo multum non contrariatur uni; alioquin unum, & paucum idem erit; quod expresse negat Aristoteles eodem 10. *Tex. c. 20.*

20. Metaph. q. 3.  
13. in argum. principal.

lib. 2. q. 11. in argum. princip.

Præterea, Oppositum non prædicatur de suo opposito; Sed omnis multitudo est quodammodo una dicente Dionysio, de divin. Nomin. cap. 13. *Neque enim est multitudo, quæ non sit unius*

particeps: Undè, quod est multa secundum partes, est unum toto: multa numero, unum specie: multa specie, unum genere; igitur fieri non potest, ut sit oppositio inter unum, & multa.

Præterea, Unum contrariorum non est alterius constitutum; ut est evidens in omnibus contrarietate inter se habentibus: sed unum constituit multum; omnis enim multitudo constat unitatibus; igitur unum, & multa opponuntur.

Præterea, Si inter unum, & multa aliqua versaretur oppositio, maximè foret oppositio contraria: cum dictum sit in *precedenti articulo*, unum quiditativè esse rationem positivam; & contrarietas sit oppositio secundum formam positivam. Hoc autem est falsum; & probatur: quia pars non habet formam distinctam à toto; ergo cum unum sit pars multitudinis, nequit habere rationem contrariam formæ totius.

Præterea, Inter unum, & multum talis videtur esse oppositio, qualis inter indivisum, & divisum: sed hæc extrema non nisi privativè opponuntur: cum alterum extremorum sit privatio, vel quid privativum: ergo pariter ad summum sic opponuntur unum, & multa: sed privatio est posterior habitu; ergo unum posterius foret multo, si dicantur opponi. Id autem videtur falsum, cum ea unitatibus componatur multitudo.

Præterea, Unum se habet ad multum, sicut mensura ad mensuratum: sed inter mensuram, & mensuratum non est alia oppositio, quam relativa: ergo unum & multa opponuntur oppositione præcisè relativa.

CONTRA, 10. *Metaphysicæ Tex. c. 9. opponuntur autem* (inquit Aristoteles) *unum & multa secundum plures modos.*

RESPONDEO: Aliqui putaverunt, unum quod convertitur cum ente, opponi quidem multitudini, sed non alia oppositione, quam privativa: sicut indivisum opponitur diviso: etsi unum, quod est principium numeri, opponatur multo, ut mensura mensurato. Nec sanè aliud inferendum erat putantibus, unum aliud formaliter non esse, quam ipsum ens indivisum, & unitatis indivisionem. At nos arbitramur, unitatis rationem quiditativè esse quid positivum, & indivisionem subinde non spectare ad formalem rationem unius, cum quædam privatio sit, atque ita ipsa unitate posterior. Dicendum est igitur, unum, & multa propriè, & per se contrariè opponi: sed impropriè, & per accidens privativè, relativè, & contradictoriè. Declaratio est ista: Altera pars contradictionis est pura negatio: atqui unum & multa non dicunt puram negationem: ergo inter hæc non versatur oppositio contradictoria. Et quidem unum non esse puram negationem, est manifestum, eoquod convertatur cum ente. Confimiliter multum non reperitur nisi in entibus. Nam multum aut est diversum, seu non idem, aut dissimile, aut inæquale: ii autem respectus sunt reales, & positivi: ergo & positiva pariter sunt eorum extrema: non igitur unum, & multa opponuntur contradictoriè. Sed nec privativè: quia tunc oporteret, alterum extremorum esse privationem, alterum vero habitum. Id autem est falsum: quia utrumque est quid positivum. Nec denique opponuntur relativè de ipsorum formali ratione: quia secundum hanc dicuntur absolutè, & ad se. Superest igitur, ut per se & propriè unum, & multa opponantur contrariè: quia quatenus opposita sunt, naturam ponunt. Veruntamen considerando, unum & multa, secundum ea, quæ ipsis accidunt, etiam privativè, & relativè dicuntur opponi. Cum enim

De rerum principio q. 16.  
n. 35.

S. Thomashie  
in solutione.

Dist. 10. *Metaphysicæ q. 14. Ad primum q. 4. Metaphysicæ q. 25. De secundis hic, dicit, unum, & multa non opponi propriè, ut contraria, sed quatenus contrarietas extenditur ad diversitatem, ut hæc non sit qualis est inter diversas species sed quasi inter individua, quæ propriè dicuntur discreta. Undè nec est divisio propriè per opposita, ex Avicenna 3. *Metaphysicæ cap. 6.* Sed perinde ac si diceretur ens aliud ens, unum aliud entia: ita quod multa propriè non sunt ens, sed entia; sed ipsa multitudo una.*



*multum* significet ens sub divisione, & *unum* ens sub indivisione, profecto inter ipsa versatur oppositio privativa; sed quia unitas non est privatio, sed duntaxat privationem, vel negationem connotat; ideo hac oppositione improprie duntaxat, & per rationes accidentales contrariari intelliguntur *unum*, & *multa*. Et consimiliter quatenus *multum* consideratur ut mensurabile, vel mensuratum per *unum*, relative opponuntur. Sed hæc relative rationes sunt extra conceptum objectivum ejusmodi extremorum, quæ propterea sola contraria oppositione proprie opponi dicenda sunt.

Ad ARGUMENTA. Ad primum, concedo majorem, loquendo de propria, & perfecta contrarietate. Ad minorem autem dicendum, *multum*, vel *multitudo* posse considerari dupliciter: Primo, prout denominat pluralitatem excedentem; ut idem si *multum*, ac pluralitas excedens: & tunc profecto opponitur pluralitati excessæ, vel *pauco*, quod aliud non est, quam pluralitas excessæ. Secundo, potest accipi *multitudo* quatenus importat pluralitatem simpliciter: quo sensu *multum* duntaxat *uni* opponitur; nam quia *unum* non est multitudo excessæ, nequit dici *pauca*. Cum autem dicimus *unum*, & *multa* per se contrarie opponi, accipitur *multum*, ut idem est, ac multitudo simpliciter.

Ad Secundum respondeo, concessa majori, negando minorem, scilicet *unum* esse *multum*, & è converso *multum* *unum*, secundum quod opponuntur. Nam *multum* in substantia opponitur *uni* in substantia, & *multum* in qualitate *uni* in qualitate. Quod ergo est *multum*, non sub eadem ratione est *unum*; sed sub alia omnino, secundum quam non opponuntur. Nec est mirum, omne *multum* esse quodammodo *unum*; quia sicuti non est malum, nisi in ente, quamvis ens, & bonum convertantur: nec falsum vero opponitur, nisi in ente vero; sic *multum* non est nisi in *uno*, etsi alioquin *unum*, & *multum* opponantur.

Ad Tertium dicendum, *unum* contrariari *multo*, secundum quod formam oppositam habet in actu; quo sensu haud constituere *multum*. Ut autem consideratur quatenus non est perfectum per formam specificam ejus, sed potius ut perfectibile per formam *multitudinis*, sic revera *unum* esse constitutivum *multi*, & tunc haud esse opposita extrema; exemplum: binarius consideratus ut est quædam species numeri, non est pars ternarij; at ut est in potentia ad formam ternarij, sic potest esse pars ejus constitutiva.

Ad Quartum, concedo, *unum* multo contrarie opponi. Et cum contra arguitur, quia pars non habet formam distinctam à toto. Respondeo; si *unum* consideretur, ut est pars multitudinis, sic non contrariari *multo*, propter rationem, quæ tangitur. At ut intelligitur habere formam diversam à forma multitudinis, sic ipsi *multo* contrariari, ut expositum est.

Ad Quintum, & sextum, patet responsio ex dictis in solutione: Declaratum siquidem fuit, qualiter concedendum est, *unum*, & *multa* opponi etiam privative, & relative; improprie tamen, & per accidens; quia sola contraria oppositione inter se se opponuntur proprie, & directe. Nam neque privatio, vel negatio, quæ est sequela necessarii unius, neque ratio mensuræ ingrediuntur rationem formalem unitatis; quæ igitur sequuntur propter ea, quæ circumstant unitatem, haud spectare queunt ad veram, & propriam oppositionem ipsius unitatis, qua *multo* contrariatur.

Cum autem subditur in quarta objectione, se-

quod *unum* esse *multo* potterius, si dicantur opponi; cum privatio posterior sit suo habitu; qualem privationem *unitatis* ratio videtur præterire. Responsio: In *unius* quiditativa ratione duo consideranda sunt, nimirum & ipsa indivisio formaliter, & id, ex quo eadem consequitur indivisio. Primo modo, necessario indivisio est divisione posterior, sicuti privatio habitus: & ita *multum* prius conceptu unius; (ut tæctum quoque fuit in articulo precedenti, §. *Ad tertium*) At sub posteriori consideratione, quantum scilicet ad materiam ei indivisioni subjectam, *unum* prius est *multo*, imo principium cognoscendi ipsum *multum* in ordine naturæ; licet è contra res habeat respectu nostri, qui ex sensibilibus cognoscimus intelligibilia, & composita, vel plura sunt sensui notiora, quam simplicia, quæ non nisi per privationem notificamus. Unde *punctum* dicimus esse, *cujus nulla pars est*: & primam causam, quid immateriale, & immensum, & infinitum: & ideo, etsi *unum* sit naturaliter prius, multitudo tamen est notior nobis. Quapropter, quemadmodum partes distinctionis, secundum unam considerationem, sunt distincto notiores, secundum aliam, minus notæ, ut ait Aristoteles, 1. *Physicæ*. Text. c. 4. ita evenit in casu: & *unum* ordine naturæ est prius, & notius multitudi-  
dine; respectu nostri è contra res se habet, ut in alijs pluribus. Quod & disertè docet Avicenna 3. *Metaphysicæ* cap. 3. *Videtur autem dicens, quod multitudo notior sit apud imaginationem nostram, quam unum: & videtur quod unitas, & multitudo sit de his, quæ prius formamus, prius autem imaginamur multitudinem: & prius intelligimus unitatem.* Et subdit: *Unum est causa, & principium multitudinis: & multitudo est id, quod numeratur per unum.* Hæc ille.

### ARTICULUS III.

Utrum Deus sit unus.

Doct. 1. dist. 2. q. 3. In Report. ibidem q. 4. De primo Principio, cap. 4. conclus. 1. ad de verum principio q. 1. Quodlib. q. 7. §. Sed contra hoc: 12. *Metaphysicæ* q. 29. S. Thom. 1. p. quæst. 11. artic. 3.

**V**IDETUR Deus non esse unus, sed plures. Nam id disertè scribit Paulus 1. ad Corinth. h. cap. 8. dicens, *siquidem sunt D'i multi, & Domini multi*; igitur non est tantum unus Deus.

Præterea, Esto tantum unus Deus; igitur unitas, quæ dicitur de Deo, aut est unum, quod est principium numeri: aut unum, quod convertitur cum ente: Si unum principium numeri; ergo quoniam ea unitas spectat ad Prædicamentum Quantitatis, de Deo prædicabitur aliquid, quod est in genere; quod negatum est suprâ, quæst. 3. artic. 5. Si autem unum passio entis prædicatur de Deo; ergo cum hæc unitas importet privationem divisionis; de Deo prædicaretur privatio: in Deo autem nulla est privatio; ergo neque potest esse unus.

Præterea, Plura bona meliora sunt paucioribus bonis: sed unum versum est quoddam bonum; ergo plura universalia meliora sunt quam unum. Atqui unicuique universo oportet correspondere summum bonum, ad quod ordinantur omnia ejus universalitatis, illudque appellamus Deum; ergo non unus, sed plures nonendi sunt D'i.

Præterea, Sicut Deum dicimus, quo majus cogitari non potest, ita D'i sunt, quibus majores excogitari non possunt. Atqui ut aliquid sit, quo majus excogitari nequit, oportet ut sit in effectu;

Doct. 12. *Metaphysicæ* q. 1. §. 2. *Ad primum*.

Idem q. 1. art. 3.

De verum principio q. 12. n. 15.

Doct. 10. *Metaphysicæ* q. 13. §. 2. *Ad primum*.

Doct. 10. *Metaphysicæ* q. 13. §. 2. *Ad primum*.



alioquin quod in effectu existeret, majus foret eo, quod solum in intellectu esse haberet; igitur omnia ea, quibus majora intellectui occurrere non possunt, sunt necessario in actu; ac proinde non est unus solummodo Deus.

Præterea, Deus est; ergo Dij sunt. Probatio consequentiæ: singulare, & plurale idem significant, quamvis differant in modo significandi; igitur includunt idem prædicatum proportionaliter acceptum; ergo sicut singulare includit singulare; ita & plurale involvit plurale; ex eo igitur quod sit unus Deus, plures erunt Dij.

CONTRA, Deuteron. 6. *Audi Israel, Dominus Deus tuus unus est.*

RESPONDEO dicendum, Deum esse ita unum, ut impossibile sit, esse alium Deum ab ipso. Ad quod ostendendum multiplex ratio occurrit intellectui etiam lumine naturali rem hanc consideranti; etsi nemo dicere voluerit, id non posse ratione naturali demonstrari, eo quod fidei dogma sit; qua ratione profecto pariter concludendum foret, ne existentiam quidem Dei nos ostendere valere, cum perinde instruiamus per doctrinam revelatam, & Deum existere, & unicum esse: & tamen primum Principium esse, non negatur persuaderi posse, argumentis fidem facientibus. De qua re actum supra, q. 2. art. 3. Imò *conclusio tertia ejusdem articuli*, ostenditur unitas Dei; cum scopus ejus sit demonstrare primitatem in triplici genere causæ efficientis, finalis, & eminentiæ, reperiri non posse in pluribus, diversisque naturis; sed idem, quod est primum efficiens oportere omnino esse & finem ultimum omnium, & entium eminentissimum sic, ut impossibile sit, quidquam eo superius, vel æquale existere. Sed ulterius solutio certissima veritatis ostenditur, cum per media deducenda ad impossibile, tum ostensivè: Nam Deus (juxta dicta *quest. 7. art. primo*) est intensivè intinitus; igitur per perfectio esset attribuenda alteri Deo: uterque ergo haberet intellectum, & voluntatem perfectionis infinitæ; adeoque uterque perfectissimè intelligeret, quantum scilicet est intelligibilis; aut igitur per essentiam propriam, aut per quiditatem alter us: si per essentiam propriam; quia tantum hæc est alteri similis, & non continens alterum virtualiter; (infinita enim essentia in nullo potest virtualiter contineri) exinde non foret perfectissima intellectio, qualis est, cum quidpiam per seipsum intelligitur, & comprehenditur. Si verò dicantur uterque intelligere utrumque per essentiam ejus, qui intelligitur; ergo unus dependet ab altero in intelligendo; adeoque neuter est Deus; qui quoad omnes ipsius perfectiones, est omnino independens ab alio extra se. Consimiliter de voluntate; quia aut unus diligit alterum Deorum, quantum est diligibilis, & fruitur eo; aut non diligit, sed utitur: Hoc nemo dixerit: quia voluntas infinitè recta nequit uti infinito diligibili. Si autem diligit infinitè fruendo, pariter id est impossibile: quia naturaliter quisque magis amat se, quam alium, cujus non est pars, vel effectus; & insuper beatificaretur in duobus objectis adequatis: & ita neutrum de se quietaret voluntatem: quod est impossibile, cum utrumque ponatur objectum infinitum.

Deinde, si existerent, vel esse possent duo Dij, jam de facto infiniti essent: quo nihil stultius dici potest. Sed probatur sequela: omnis natura, quæ de se non est determinata ad unum individuum, sed est determinata ad plura ejusdem rationis, quantum est ex se, potest esse in infinitis, ut est evidens

in ipse diebus corruptibilibus. Si autem entis infiniti natura est reperibilis in duobus re distinctis, ex se ipsa non determinatur ad unum: igitur quantum ex sui ratione posset reperiri in infinitis. Atqui infinitum est necesse esse: quia alioquin foret possibile esse, & non infinitum. In simpliciter autem necessario quicquid potest esse, de facto est: igitur infinitus esset actu Deorum numerus, si unus alius saltem poneretur esse. Rursus, Infinita potentia est causa totalis respectu cujuslibet effectus in ratione primæ causæ: impossibile est autem esse duas causas totales ejusdem effectus in eodem ordine causæ: ergo respectu alicujus effectus nequit esse duplex potentia prima infinita: quia tunc una foret causa effectus ejus, à quo tamen is effectus necessario non dependeret essentialiter: quia in eo genere dependendi adæquatè dependet à potentia una infinita: quælibet ergo alia, ut comparatur ad effectum, implicat contradictionem: quæ contradictio, etsi formaliter respiciat aliquid posterius ipsa potentia infinita, tamen talis potentia virtualiter, & eminenter continet omne causabile per ipsam: & ex compossibilitatibus non sequitur impossibilitas aliqua. Unde si forent compossibiles duæ potentiæ primæ infinitæ, compossibilis quoque foret utriusque actio respectu producendorum ab ipsis: quod tamen ratio naturalis reprobatur: quia vel altera earum nihil ageret, vel idem bis produceretur, vel aliquid essentialiter dependeret à causa, quæ circumscripta, adhuc esse posset: quod est contra suppositum.

Ad hæc argui potest ex eadem potentia infinita, ut creditur omnipotentia: (sub qua ratione non esse nobis notum declarabitur infra, q. 25. artic. 3.) etenim omnipotens quemadmodum suo velle potest producere omne possibile: ita actu nolendi valet impedire, vel destruere quicquid fieri potuit, & factum est. Si unus itaque Deorum velit omnia possibilia accipere esse, non oportet sanè alterum Deorum pariter eadem fieri velle: imò potest fieri nolle: cum ejus voluntas, ut & alterius Dei, contingenter se habeat ad illa, quæ vult unus Deorum: alioquin Deus non erit. Si autem nolit illa esse: ergo nullum eorum est: igitur si sint duo omnipotentes, uterque illorum faceret alterum nullipotentem: non quidem destruendo illum: nam esse deberet summè necessarium: sed prohibendo per suum nolle esse volutorum ab alio. Quod si dicas utrumque Deum concordare in volitione eorumdem objectorum, quasi ex condictione. Contra, in ejusmodi ficta hypothesi, adhuc neuter eorum erit omnipotens. Nam si unus Deorum est omnipotens, potest suo velle producere quodcumque possibile aliud à se: igitur alter Deorum nullum ex illis potest producere: Nam fieri non potest, ut ejusdem effectus sint duæ causæ totales: quia ex quo causatus est ab una, impossibile est fieri ab alia: ergo hæc non erit omnipotens: & ita pariter sequitur de alia: atque ita neuter Deorum esse posset omnipotens: & ita nec Deus: simpliciter igitur repugnat pluralitas Deorum.

Tandem, ex his, quæ tacta sunt supra *quest. 3. artic. 3. & 4. quest. 7. artic. primo*, de Dei infinitate, ostenditur propositum sic: Deus est ipsum esse infinitum, seu esse per essentiam; esse infinitum est ita implurificabile, ut si multiplicaretur, non foret infinitum; ergo Deus intensivè infinitus est necessario unicus, & implurificabilis. Minor declaratur; quia quod habet à se aliquid, possidet illud in tota plenitudine, quæ sibi potest competere. Nihil enim habetur limitatè in aliquo, nisi

Videndus Mag.  
Ymag. 1. dicit. 2.  
q. 2. §. Secun-  
do.

Lychens in  
Comm. ostendit  
impugnatio-  
nem Magistri  
Ochami ten-  
infingere a-  
ctiones Doct-  
ris.

Damasen. lib.  
1. c. 5. Si esset  
div. Dei, non  
esset perfectus.  
1. Report. dist.  
19. q. 5. n. 7.  
Quodlib. q. 7.  
Al. primum  
principale. V.  
Set aliquid in-  
sensibile.



fit ab aliquo agente determinante illud ad certum gradum; & ita omnia entia circa primam, limitata sunt, quia ab alio esse acceperunt. Et quidem si habenti à se esse aliquid entitatis deesset, vel noluisse omnem perfectionem essendi accipere, vel una perfectionum alteri esset incompossibilis. Utrumque est falsum; & quia voluntas sequitur ad esse, & quia etiam si formaliter involueretur in ratione essendi, haud foret recta in volendo: Et si perfectio repugnaret perfecti-<sup>1</sup>oni, omne infinitum intensivè impossibile esset; cujus oppositum declaravimus, *quæst. 7. citata*; Ergo si omnis perfectio possibilis est in eo, qui est à se, & esse per essentiam; jam nihil perfectionis reperiri potest extra ipsum, ut ea confici queat alius Deus. Quemadmodum ergo infinitum est totum esse, sic ut nihil perfectionis ei desit, ut est universalissimum esse, ita & singularissimum, adeo ut unitas & singularitas, & immultiplicabilitas idem sit in ipso, ac totalitas, & universalitas essendi, ut rectissime subinde dicatur, divinum esse de se, & ex se existere *hoc*, & singulare; quia per suam ipsius essentiam est tale, unicum scilicet, & immultiplicabile adeout, si multiplicaretur, atque esse intelligeretur vel in unica altera natura, jam desineret esse infinitum, & universale, & per essentiam, & à se; quia non haberet entitatem in tota plenitudine perfectionis; ac propterea primum omnium Principium dicit per Prophetam, *Extra me non est Deus*, Isaïæ 45.

AD ARGUMENTA. Ad primum patet responsio ex contextu Apostoli; loquitur enim de rebus, quæ à Gentibus dicuntur, & putantur Deum, & non sunt nisi ligna, & lapides, & metalla. Unde subdit. *Nobis autem unus est Deus: quia omnes Dii Gentibus Dæmonia*.

Ad Secundum respondeo, Deum esse essentialiter unum, unitate, quæ est sequela entis; atque eidem quoque attribuendam esse unitatem secundum proportionem & analogiam, quæ convenit principio numerorum, quatenus scilicet, quemadmodum *uni*, ob ejus simplicitatem, & primatatem rectè adscribitur ratio mensuræ; ita & primum Principium, propter ejus simplicissimam unitatem, & eminentissimam, & universalissimam entitatem, verè est omnium entium, atque omnium substantiarum extrinseca mensura. Non ergo unitas principium numeri inest Deo formaliter; sed analogicè, & per proportionem. Cum autem instatur, quia *unum* quod est passio entis involvit privationem, quæ non dicitur de Deo. Responsio: *Unum* non importat indivisionem, vel privationem de suo formali, & quiditativo significato, sed solum secundum modum apprehensionis nostræ; eoquod non apprehendimus *unum*, nisi ut eas indivisum; de quo fusè dictum est, *in duobus præcedentibus articulis*.

Ad Tertium esse responsio dicentium, plura bona finita utique esse meliora paucioribus ejusmodi bonis; non verò plura bona infinita. Sed hoc nihil est dictum; quia si plura bona finita meliora sunt paucioribus, multo magis plura infinita si essent, meliora essent: ac proinde viderentur talia bono ponenda in entibus: præsertim cum in necesse esse, quicquid potest esse, de facto sit. Respondeo ergo plura bona meliora esse paucioribus, si sint possibilis: at si sint impossibilia, cujusmodi sunt duo intensivè infinita, nedum non fore meliora, sed nihil boni posse præferre, eo quod contradictionem implicent: & talia impossibilia nihil esse, neque à parte rei, neque in intellectu.

Tomus I.

Ad Quartum est eadem responsio; quia plures Dii sine contradictione excogitari non possunt, ut fusè extitit declaratum *in solutione*.

Ad Quintum dicendum, consequentiam esse nullam, quia numerus non est talis modus significandi, quales alii modi grammaticales, qui præcisè dicunt modum concipiendi rem, ab quæ aliquo reali correspondente ei modo cogitandi. Exemplum: ut aliquod nomen sit generis masculini, satis est, ut ab aliqua activitate sit acceptus talis modus concipiendi, nec oportet ei correspondere sexum masculinum. At numerus (ut diximus) non est talis modus, imò verè includere debet rem substratam, unde sequitur; *Homines currunt*: ergo *plures homines currunt*. Quoniam igitur subjectum illud, *Dii sunt*, includitur impossibilitatem; ideo, etsi verissimum sit, *Unum Deum esse*: non propterea verum erit, & *plures Deos esse*. Cum impossibilia sint duo infinita in entitate.

## ARTICULUS IV.

Utrum Deus sit maximè unus.

Doct. de rerum princip. quæst. 1. n. 27. & prout in margine citatur S. Thom. 1. part. quæst. 11. artic. 4.

VIDETUR Deus nequaquam esse maximè unus. Etenim unum per participationem reducitur ad unum per essentiam: sed individua cujuscunque speciei creatæ sunt etiam per participationem; alioquin haud essent multa; ergo reducuntur ad aliquid tale per essentiam; est igitur aliquis homo per essentiam, & aliquis bos per essentiam, & ita de cæteris. Sed quod est unum quid per essentiam, est maximè unum; ergo non tantum Deus est maximè unus, sed etiam quicquid est per essentiam unum.

Præterea, Unum aut est entis accidens (ut fertur sensitse Avicenna) aut est ejus passio, consequens necessario ens ut ens, & cætera, de quibus dicitur ipsa ratio entis. Si primum; ergo non Deus est maximè unus, sed potius id accidens, per quod reliqua sunt, & dicuntur una: ei enim inest per essentiam esse unum: si secundum: igitur cum passio eodem modo dicatur de proprio subjecto, in quocunque tandem reperiatur, omnia entia perinde erunt una per unitatem, quæ convertitur cum ente: nec aliquid erit magis unum, quam aliud.

Præterea, Unum est negatio divisionis in se, & divisionis à quocunque alio: sed negatio, vel privatio non suscipit magis, & minus: ergo nec unum est magis unum præ alio: igitur nec Deus erit maximè unus, sed omnia entia potius paria in unitate.

Præterea, Illud consensum est maximè unum, cujus definitio est omnium partium exclusio: sed solummodo *punctum est, cujus nulla pars est*: ergo vel punctum duntaxat est maximè unum: vel non solus Deus habet præ cæteris omnimodam, maximamque unitatem.

CONTRA, Deus est maximè ens: cum contineat omnia entia virtualiter, & eminenter: ergo est maximè unus.

RESPONDEO dicendum, Primum Principium, (qui est Deus gloriosus, & excelsus) esse maximè unum, adeout in perfectione unitatis, ut in reliquis omnibus, in entium universitate nihil possit illicomparari. Etenim omnis perfectio simplici-

1. Report. di. 1.  
2. q. 4. in argum. princip. passib.

Ibidem in Oxon. q. 3.

4. Metaph. q. 2.

4. di. 1. cor. q. 6. in argum. princip. cap.

10. Metaph. q. 2. 6. §. Ad prim.

11. Metaph. q. 2. 11.

4. Metaph. q. 2. 11. 15.

1. di. 1. q. 1. & 2.

10. Metaph. q. 1. 6. §. Idem etiam, & q. 3.

De his, q. 30. artic. 3. agendum.

11. Metaph. q. 2. §. Ad prim.

5. Bonav. ad di. 2. q. 1.

Aliam resolutionem dat D. 1. 12. Metaph. q. 2. §. Ad ultimum. Quodlibet, q. 3. §. De primo.



ter, quæ est entis, in quantum ens, perfectiori modo est in perfectiori ente: Sed in primo Principio est entitas secundum omnimodam perfectionem efficiendi; cum ipsum sit causa, & principium universitatis rerum omnium. Ergo oportet omnino esse in illo omnes perfectiones, quæ consequuntur ens in quantum ens, in gradu optimo, atque eminentissimo: ejusmodi autem est unitas, sicuti & bonitas, & veritas, & cetera, quibus non repugnat infinitas; igitur, quemadmodum in primo est sapientia maxima, & bonitas immensa, & vita infinita; ita & unitas omnium maxima: quandoquidem quicquid est ab illo, cum esse nequeat, nisi per recessum ab ipso, sit oportet alicui multitudini, & compositioni subiectum, saltem ex positivo, & negativo; ergo sicuti nullus numerus est unitati in simplicitate, & potestate comparandus, ita & nulla creatura esse potest par unitati Creatoris; est ergo solus Deus maximè unus. Præclare Dionysius, cap. 5. de divin. Nomin. *In monade enim (inquit) omnis numerus uno modo ante consistat: continetque omnem numerum monas in se uno modo, & numerus omnis conjunctus est quidem in monade: sed quatenus à monade proficiscitur, eam tenus distinguitur, & crescit.*

Deinde, Propterea Deus est essentialiter immultiplicabilis, (juxta dicta in precedenti articulo) quia cum sit totum esse per essentiam, nequit extra ipsum aliud esse pariter reperiri: ac proinde tale esse est ex se individuum, & singularissimum, scilicet per propriam rationem talis essentia: Sed non est intelligibile aliquid magis unum eo, in cujus essentia clauditur unitas, ex plenitudine perfectionis efficiendi: ergo quia tale est esse divinum, ipse Deus est maximè unus.

Denique, essentia divine unitas talis est, ut sibi repugnet, atque formaliter excludat quicquid summæ unitatis in omni ordine conceptui opponitur: Sed hac unitate major nulla est intelligibilis: igitur illa est maxima unitas, qua Deus est in sua substantia maximè unus. Declaratur assumptum per locum à contrariis ex iis, quæ obvia sunt in creaturis: Harum enim unitas stat cum ipsarum substantiali pluralitate: siquidem procedunt ab uno ipsarum principio sub ratione pluralitatis: est enim in earundem naturis mensura sub qua processerunt, secundum gradus creationis, & essentiarum numeros. Rursus, unitas earum stat cum inæqualitate, quatenus una est alia perfectior, aut imperfectior: & denique per unitatem non excluditur in ipsis compositio: nam saltem ex esse, & essentia, ex positivo, & negativo componuntur: ex quo inest ipsis pondus inclinationis ad casum dissolutionis, juxta illud sapient. 11. *omnia fecisti in numero, pondere, & mensura.* Contra vero unitas divinæ substantiæ habet omnem modum singularitatis: cum sibi plurificatio omnis repugnet, eadem ratione, qua illa est totum, & infinitum esse. Rursus, habet unitatem æqualitatis eorum, quæ sibi insunt: cum sint infinita intensivè: ac subinde omnem excludentia gradum inæqualitatis: potentia enim æqualis est scientiæ, & bonitari, & è converso. Ac denique pollet unitate simplicitatis omnem arcens compositionem, eo quod perfectissimum sit impossibile vel minima imperfectio, quam imperfectionem necessario præferret omnis compositio. Cum igitur nulla unitas aut gradus unitatis sit intelligibilis, quæ non sit in primo omnium principio, & substantia divinæ essentia, rectissime, ac verissime Deus est dicendus maximè unus, utpotè apicem tenens omnis, & singularissimæ ac excellentissi-

mæ unitatis, & in ratione efficientis, & causæ formalis exemplaris, & in ratione finis.

AD ARGUMENTA. Ad primum respondeo, assumptam propositionem habere veritatem ab altera priori, estque ista: omne imperfectum reducitur ad perfectum: & cum omne ens per participationem sit imperfectum, & solum perfectum, quod est ens per essentiam; ideo ens per participationem reducitur ad id, quod est per essentiam, & ab aliis participatur. Veruntamen imperfectum, aut est tale secundum perfectionem simpliciter, quæ ex sui ratione non includit imperfectionem, ut hoc bonum, hoc verum, hoc ens; & de his imperfectis verè affirmatur, reduci ad perfectum ejusdem rationis per essentiam, scilicet ad bonum, verum, & ens per essentiam, quod est ipsum esse infinitum. Aliud autem est imperfectum, secundum perfectionem, quæ ex sui ratione involuit imperfectionem, quia limitationem, ut hic homo, hic lapis, & ceteræ naturæ specificæ creatæ. Et ejusmodi imperfectum non reducitur ad aliquid perfectum simpliciter, secundum perfectionem ejusdem rationis, quasi forent naturæ specificæ perfectæ per essentiam, nullas involuentes imperfectiones; quia tales naturæ ob intrinsecam earum limitationem nequeunt esse simpliciter perfectæ, ut extitit declaratum supra, *quest. 4. artic. secundo.* Satis est ergo has naturas, & quæ entia participata reduci ad simpliciter perfectum, quatenus contentivum ex virtute sua, & plusquam æquipollenter eas perfectiones, quibus interius repugnat summa perfectio. Sunt igitur reducibiles perfectiones participatæ ad aliquid per essentiam, idque maximè unum, & solum tale; quia perfectiones simpliciter coincidunt in eandem rationem formalem cum illis, quibus pollet ens unum per essentiam; & perfectiones secundum quid reducuntur item ad maximè unum, quatenus sunt virtualiter, & eminenter unum cum eodem esse per essentiam. Sed videndus citat. *articulus 2. quest. 4.*

Ad Secundum dicendum, Avicennæ mentem circa tactam dubitationem extitisse declaravi supra, *artic. primo*, respondendo ad oppositum, & loco ibidem citato. Est igitur unum entis passio, sicuti & verum, & bonum. Et cum instatur, ergo talis passio erit maximè una, per quam cetera sunt talia, & non Deus. Respondeo, quia totum, quod est passio, à proprio habet subiecto, & non è converso; nec passio est talis, sed potius subiectum per passionem, ex suis principis egredientem: Homo enim est risibilis, & non aliqua ipsius passio. Sequitur evidenter, eo perfectiorem rationem habere omnem passionem, quo perfectus est id, ex quo sequitur, subiectum. Non ergo aliqua entis passio est dicenda una, sed ens per talem passionem est unum; & ideo quo perfectus ens, eo & unum, & ita maximè ens, maximè unum. Cum arguitur, quia passio perinde convenit omni subiecto, cujus est passio; adeoque omne ens eodem modo est unum. Respondeo, ens præcisissimè acceptum dici, & quidem univocè de omnibus entibus, atque ita de Deo, & creatura, & secundum hunc conceptum unumquodque ens esse perinde unum; quia eodem modo se habens respectu ejus passionis: aut unitatem, secundum quam Deus est maximè unus, non sequi ad conceptum entis inadæquatam, & imperfectam; sed potius spectare ad entis realitatem, in qua Deus & creatura sunt extrema primò diversa, & in nullo prorsus convenientia, ut longo sermone extitit declaratum supra, *questionè quarta, articulo 3. Ad ver.*

1. dist. 2. q. 2.

De rerum principio q. 10. s. 6.

2. Metaph. q. 29.



3. dist. 4. q. 1.  
ad 2.

tertium. Hæc enim unitas idem est, ac esse primi entis; ut idem proinde sit *Hic Deus*, ac natura, & quiditas Dei; quia de se, & ex se est hæc: & rursus ratione realitatem, & graduum essendi omnia entia sunt magis, & minus unum quid, secundum scilicet commensurationem eorum graduum cum propriis passionibus.

Ad Tertium respondeo, dictum esse frequenter in antecedentibus, negationes importatas per unum non spectare ad rationem formalem ejus sicuti nec privatio ingredi potest conceptum alicujus positivi. Quomodo ergo entium est aliud alio magis & minus unum positivè; simplicia enim veriùs sunt unum, quam composita; ita & nega-

tiones sequentes ratione fundamentorum suscipiunt magis, & minus; licet formaliter idem importare videantur, vel proinde connotentur ab positivis in rationibus diversarum unitatum.

Ad Quartum dicendum, dubium valde esse, an punctum (ut & cætera indivisibilia) sit à parte rei quid positivum in continuo; vel potius mera privatio ulterioris, vel anterioris extensionis in linea; ut tactum fuit supra, *quæst. 10. artic. 4. §. Cum itaque*. Dato tamen quod sit accidens, unitatem hanc, quæ maxima dicitur, ac punctum consequitur, cæteraque indivisibilia, ex imperfectione entitativa ipsorum oriri formaliter; ac effectivè esse ab eo, qui dedit esse iis, quorum sunt indivisibilia.

De verum  
principio q. 2.  
artic. 1.

## QUÆSTIO DUODECIMA

### QUOMODO DEUS A NOBIS COGNOSCATUR,

#### IN TREDECIM ARTICULOS DIVISA.

*Quia in superioribus consideravimus, qualiter Deus sit secundum se ipsum; restat considerandum, qualiter sit in cognitione nostra, id est, quomodo cognoscatur à creaturis.*

#### CIRCA HOC QUÆRUNTUR TREDECIM.

- I. Utrum aliquis intellectus creatus possit videre essentiam Dei.
- II. Utrum Dei essentia videatur ab intellectu per aliquam speciem creatam.
- III. Utrum oculo corporeo Dei essentia possit videri.
- IV. Utrum aliqua substantia intellectualis creata ex suis naturalibus, sufficiens sit videre Dei essentiam.
- V. Utrum intellectus creatus ad videndum Dei essentiam, indigeat aliquo lumine creato.
- VI. Utrum videndum essentiam Dei unus alio perfectiùs videat.
- VII. Utrum aliquis intellectus creatus possit comprehendere Dei essentiam.
- VIII. Utrum intellectus creatus videns Dei essentiam, omnia in ipsa cognoscat.
- IX. Utrum ea, quæ ibi cognoscit, per aliquas similitudines cognoscat.
- X. Utrum simul cognoscat omnia, quæ in Deo videt.
- XI. Utrum in statu hujus vite possit aliquis homo essentiam Dei videre.
- XII. Utrum per rationem naturalem Deum in hac vita possimus cognoscere.
- XIII. Utrum supra cognitionem naturalis rationis, sit in præsentì vita aliqua cognitio Dei per gratiam.

#### ARTICULUS I.

Utrum aliquis intellectus creatus possit videre Deum per essentiam.

*Doct. 1. quæst. 1. in utroque scripto, & dist. 22. quæst. 2. in Report. ibidem, q. Unic. & Collat. 20. s. Thom. 1. p. quæst. 12. artic. 1.*



VIDETUR nullus intellectus creatus posse Deum videre per essentiam. Etenim videns Deum per essentiam, cognoscit, atque intuetur ipsum esse infinitum: sed nulla potentia finita attingere valet objectum infinitum; ergo nec videre Deum per essentiam. Minor probatur ex 1. Phyl. Tex. 35. *Infinitum in quantum infinitum est ignotum*. Nimirum, quia ex cedit in infinitum capacitatem potentie finitæ.

Præterea, Essentia divina sub ratione infinitatis, & immensitatis, est notata & quidem compræhensivè intellectui infinito: ergo sub hac eadem ratione nequit attingi ab intellectu finito. Probatio consequentiæ; Actus specificantur ab objecto; ergo si actus potentie finitæ, & infinitæ attinge-

rent idem objectum, & sub eadem ratione infinitatis, necessario ii actus forent ejusdem speciei; quod nullum habet apparentiam veritatis.

Præterea, Inter potentiam, & objectum oportet esse aliquam proportionem: Intellectus autem creatus est finitus in essendo, ac proinde etiam in operando; ergo necessario omne ejus objectum est finitum; igitur nequit attingere infinitum: cum nulla inter hæc extrema inveniri queat propor-

tionem. Præterea, Objectum per se intellectus creati est ens in quantum ens; Nam omne per se intelligibile, aut includit essentialiter rationem entis, vel continetur virtualiter, vel essentialiter in includente essentialiter rationem entis: Sed Deus non est ens, sed *ipsam esse* per essentiam, à se præaccipiens omnem perfectionem entis: ergo est supra omnem intellectum creatum immensæ intelligibilitatis, & est pelagus infinitæ perfectionis; igitur illius intelligibilitas ita superat omnem vim potentie creatæ, sicuti & *esse* est supra omne *esse* creatum, & participatum.

Præterea, Si intellectus creatus pertingere posset ad claram visionem Dei sub ratione infinitatis; profecto vel tota causa ejus visionis foret tale objectum immensum, vel præcipua causa ejus: sed ex hoc videretur in actus esse infinitus, & excedens captum potentie finitæ; ergo talis visio repugnat. Probatio minoris; Intellectus attingens ob-

2. Metaph. q. 8.  
m. 23.

1. dist. 4. q. 3. 6.  
Quantum ad  
secundum artis  
solum.

1. dist. 8. q. 2. 6.  
Ad argumentum  
principale. V.  
Respondetur, quod  
quando aliquid  
quid.

1. dist. 4. q. 3. 6.  
Respondetur.

1. dist. 9. q. 1.  
in argumentum  
principale.

3. dist. 14. q. 1.  
in argumentum  
principale.



objecta finita naturaliter, quia est pars patiens causam earum intellectuum, est causa, & receptivum subiectum earum; ergo nequit eas recipere, cum producantur ab objecto infinito, vel omnino, vel tanquam à causa principalior.

CONTRA. Omnis perfectio cognitionis absolute, quæ potest competere potentie cognitive sensitivæ, potest eminentius competere potentie cognitive intellectivæ: Est autem perfectionis in actu cognoscendi, ut cognitivus est, perfectè attingere primum cognitum, quod sanè non ita attingitur, nisi in sua existentia reali sit potentia præsens; ergo cum sensitiva habeat hanc perfectionem in cognitione sua, est attribuenda etiam intellectivæ, respectu primi intelligibilis ipsius. Quam veritatem frequenter scriptura divina testatur, ut 1. ad Corinth. cap. 13. *Videmus nunc per speculum, & in enigmate, tunc autem facie ad faciem.* Item 1. Joan. 3. *Cum apparuerit, similes ei erimus: quoniam videbimus eum sicuti est.* Et Apocalyp. 22. *Et videbunt faciem ejus.* Et alibi.

RESPONDEO. Aliqui Catholicorum putaverunt, divinam essentiam sub ratione immensitatis, esse intellectui divino duntaxat notam; ac proinde Beatos intueri quidem primum objectum beatificum, eoque sui perfectæ, ac quietativa fruitione, at nequaquam sub ratione infinitatis, vel immensitatis. Verutamen hæc opinio videtur minus concors sententiis scripturarum adductarum; cum Deus sit ipsum esse infinitum per essentiam: ac proinde si Beati intuentur eum sicuti est, perfectio ejusdem objecti infinitatem attingunt. Ideo dicendum, revera intellectum creatum posse videre Deum per essentiam, quatenus est immensus, & infinitus. Probatio: Nulla potentia operativa potest perfectissime quietari, nisi in objecto, includente summam perfectionem possibilem objecto adæquato ipsius potentie: sed immeritas, sive infinitas est perfectio simpliciter possibilis enti; juxta dicta, *quest. 7. artic. 1.*, quod ens, vel verum, vel aliquod ejusmodi transcendens infinitati compossibile, est objectum adæquatum intellectus; ergo intellectus creatus non perfectè quietatur nisi in Deo sub ratione immensitatis, seu infinitatis sue. Minor ex eo constat, quia quocunque alio habito adhuc inclinato potentie est ad aliud non habitum; & eo magis inclinatur ad non habitum, quo illud est perfectius eo, quod per propriam operationem attingit: at cum infinito conjuncta est, illico quiescit, quippe quæ non habeat quid ulterius querat; ergo sub ratione infiniti Deus est attingibilis ab intellectu creato; ac certissime sub hac ratione intuetur à Beatis. Deinde, cognitio intuitiva deitatis sub ratione immensitatis, haud esset comprehensiva intellectui creato: sed nulla cognitio Dei repugnat Beatiss, nisi dicatur comprehensiva ejus; ergo nulla est repugnantia, Beatos intueri Deitatem quatenus immensa, & infinita est. Probatio minoris: Actus comprehensivus objecti infiniti, est infinitus intensivè; nam est perfectus in ratione actus, sicut objectum in ratione objecti, ideo simpliciter adæquatus: sed objecti ut immensi, potest esse actus non infinitus: quia sicut objectum potest esse simpliciter perfectius actu, sub ea ratione, qua attingitur ab actu; ita & infinitum, sine infinitate actus; igitur Beatorum intellectus objectum intuentes infinitum, non oportet habere actus infinitos; nec proinde objecti infiniti comprehensivos. Nulla est ergo repugnantia, objectum infinitum sub ratione infinitatis, & immensitatis attingi à potentia finita.

Postremo, Potentia tendens in diversa objecta

per se, non quietatur in uno eorum, nisi sub ea ratione, qua continentur, atque includuntur eminenter perfectiones cæterorum in illo uno. Unde potentia visiva tendens in omnia visibilia, non quietatur in aliquo uno, nisi quatenus includuntur in eo perfectiones omnium visibilium. Intellectus autem creatus est cognitivus infinitorum; non igitur quietatur in essentia divina, nisi sub ratione, qua includit perfectiones infinitorum intelligibilium. Hæc porro ratio alia non est, quam infinitatis: ex ea enim involuit, ac præcipit perfectiones omnes possibiles; & ideo est necesse esse, & à se, atque pollet cæteris perfectionibus in gradu eminentissimo; igitur sub hac præcisè ratione est divina essentia quietativa mentium beatarum, adeo ut hac non visâ, nequeat mens esse beata: Alioquin posset quis esse beatus in cognitione abstractiva, qua cognosceretur primum ens non sub ratione infiniti. Quod si id videatur esse contra rationem objecti beatifici, cum hoc a parte rei includat necessarium, & per se infinitatem, nequit attingi intuitivè, nec beatificare, nisi sub ratione, qua includit omnium possibilem, id est, infinitas perfectiones.

Quidam hanc veritatem ita fore persuadendam putant: Quia in eo est ultima perfectio rationalis, & intellectualis creaturæ, quod ipsis est principium essendi: Intantum enim unumquodque perfectum est, in quantum ad suum principium attingit. Deus autem sub propria ratione est principium rationalis, & intellectualis creaturæ; ergo pariter ita est ultimus finis perfectè quietativus earum. Cujus rationis assumptum cum sit tantum creditum, non procedit nisi contra fideles. Iltis tamen consequentia non est necessaria, concessio antecedente. Nam etsi de facto idem sit primum efficiens, & ultimus finis; tamen non quietat in quantum principium effectivum, sed in quantum objectum perfectissimum; alioquin secundum ponentes animam sensitivam in nobis esse à Deo, concedendum esset, eam perfectè non quietari in alio, quam in Deo. Si aliud igitur non habens infinitam perfectionem foret principium essendi rationali creaturæ, non propterea ipsius quies, & beatitudo in tali principio esset statuenda, ut declaratur in *solutione*. Sed nunc idem est efficiens, & finis; quia in efficiente est plenitudo perfectionis objecti, quamvis in ipsa efficientis ratione, ut efficiens est, non includatur formaliter ratio finis, & quietativi.

AD ARGUMENTA. Ad primum neganda est minor; quia intellectio alicujus infiniti intensivè non concludit infinitatem actus; siquidem non oportet actum habere talem modum, qualem habet objectum. Actus enim sub ratione finis potest esse ad objectum sub ratione infiniti, nisi sit actus infiniti comprehensivus, qualem actum concedimus repugnare intellectui finito. Et cum probatur, quia *infinitum est ignotum*. Dico, infinitum potentiale utique esse finito intellectui ignotum. Unumquodque enim cognoscibile est, in quantum est in actu: modus autem infinitatis ejus est accipiendo alterum post alterum, & intellectus cognoscens sic alterum post alterum, semper attingit aliquid finitum; ac proinde omni potentie cognitive creatæ id infinitum esse ignotum oportet: At non proinde repugnat intelligi ab intellectu infinito; imo ab hoc intellectu comprehenditur totum simul, & non pars post partem. Etsi igitur creato intellectui repugnet attingere infinitum potentiale, valet tamen intueri infinitum categorematicum, seu infinitum virtutis, in quo est

Ex Collat. c. 10  
& Quolib. 6.

1. dist. 8. q. 2.

S. Thomas hic  
in solutione.

1. dist. 1. q. 1.  
c. 6. Quantum  
ad secundum. V.  
Alii arguunt  
contra.

1. dist. 3. q. 2. 6.  
Ad argumentum  
prima quest. V.  
Ad tertium nu.  
20. & de rerum  
principio q. 16.

Quodlib. q. 6.

Henric. Sum.  
Artic. 93.

Poncius intuitivè sonatur vindicare Doctorem à contradictione, ex dict. 1. q. 2. 1. quia hic non loquitur de immensitate, ut est attributivum sed ut formaliter coincidit eum infinitate; sine qua nequit intueri Deitas à parte rei, nec ea circumscripta, beatificare.



est perfecta quies naturæ intellectualis.

Ad Secundum, neganda est consequentia; omnino enim sentiendum putamus, objectum beatificum sub ratione infiniti videri ab intellectu beato; quia nihil, nisi sub ratione infiniti formaliter potest quietare intellectum; adeo ut si non in quantum infinitum formaliter apprehenderetur, sed infinitas tantum concerneretur, (ut quidam dicere voluerunt) non plus quietaret potentiam apprehensivam, quam aliud intelligibile: quæ admodum non plus quietaret visum triangulus ut albus, quam ut niger, si triangulus solum in quantum triangulus comparatur ad potentiam illam, & non apprehendatur per se illud concomitans. Quoniam igitur essentia divina non fatiat mentis creatæ capacitatem, nisi ut est essentia visa existens in tribus suppositis; atque id sibi non conveniat, nisi ratione infinitatis, sub hac ratione formaliter oportet ut attingatur à Beatis, ut etiam suadent inducta argumenta. Cum itaque instatur, quia tunc actus infinitus potentie infinitæ, & finitus intellectus creati viderentur ejusdem rationis; quia essent ab objecto secundum eandem rationem infinitatis. Respondeo; eodem argumento concluderetur, ejusdem rationis esse oportere actus intellectus, & voluntatis Beatorum; quia idem est objectum utriusque potentie: quamvis igitur ex distinctione specifica objectorum rectè inferatur distinctio actuum, non propterea ex indistinctione, seu unitate objecti deducenda est unitas specifica actuum: quia causaliter possunt distingui à diversis potentiis, ut in casu: sicuti ad idem ubi potest perveniri motibus diversis, nempe, recto, & circulari, qui tamen eundem speciem distinguuntur: sed etiam sunt incomparabiles, secundum Philosophum, 7. *Phys. Tex. c. 21. §. inde.*

Ad Tertium respondeo, inter finitum, & infinitum esse proportionem perfectè bilis ad perfectionem: nec aliam requiri. Nam si exigeretur aliqua alia proportio, ut puta in essentia: sic nec Angelus inferior posset intelligere superiorem: quia modus essendi superioris excedit inferiorem, secundum hanc rationem. Imo nec cum lumine gloriæ, aut quovis alio habitu, possibile foret creaturæ videre Deum: quia modus essendi ipsius Dei præcellit ultra omnem proportionem omni intellectui creato, & creabili: & multo magis superat omne lumen, omnemque habitum. Non requiritur ergo inter objectum, & intellectum, nisi proportio motui ad mobile: objectum enim se habet per modum moventis potentiam: & inter talia magis requiritur dissimilitudo, quam similitudo. Quemadmodum ergo infinita distantia inter finem ultimum, & ea quæ sunt ad finem, non impedit, quin sit necessaria proportio, qualem exigunt ordinata ad finem: ita nec similis dissimilitudo, & quantitativa dissimilitudo efficere potest, quin ipse finis sit terminus, & præsens objectum potentie cognitivæ.

Ad Quartum respondeo, eodem modo, quo primum est esse per essentiam, ita est intelligibile, seu infinitè intelligibilitatis, ut est & entitatis. Cum ergo intellectus quilibet ad omne intelligibile cognoscendum habeat naturalem inclinationem, maximum habebit ad maximum intelligibile attingendum, in quo omne aliud cognoscibile continetur. Per hoc autem quod illius esse superat omnem aliam entitatem, & subinde intelligibilitatem, tantum sequitur, non esse objectum naturalis attingentiæ intellectus creati: non autem quod nequeat esse objectum absolute ipsius.

Sed adhuc videtur ratio habere difficultatem,

quia objectum, quod est essentia divina, excedit improporcionabiliter in entitate potentiam cognoscitivam intellectus creati, quod veniatur circa ens: ergo improporcionabiliter excedit intelligibilitatem: ergo non est objectum intelligibile sibi proportionatum. Respondeo, si loquamur de proportionem Geometrica, qua continens est excedens contentum in aliquo certo gradu, tunc nulla est proportio finiti ad infinitum, quippe, quod finitum excedat ultra omnem gradum exco-gitabilem: sed tamen ex hoc non sequitur, absolute non esse intelligibile infinitum ab intellectu finito: Esi enim ea sint improporcionata proportionem Geometrica, non propterea sunt improporcionata proportionem alterius generis, puta, proportionem operationis ad suum terminum, sive cognitionis, vel potentie ad objectum.

At Quin um responleo, solam intellectionem Dei comprehensivam repugnare intellectui creato: sed aliam respectu ejusdem objecti sub ratione immensitatis esse posse non comprehensivam, atque ita recipi in potentia finita: quia objecti ut immensi potest esse actus non infinitus: non enim apparet, cur circa objectum sub ratione infinitatis nequeat actus esse perfectior in uno, & minus perfectus in alio. Et cum arguitur, quia objectum in tota, vel principaliter causa ejus actus. Dico, Divinam essentiam nihil causare ad extra: quia tunc foret causa necessaria: sed Deum voluntate libera omnia producere: unde non oportet actum illum commensurari objecto, à quo immediate non causatur, nec debet esse ejus comprehensivus, sed tantæ præcisè perfectionis, quantum vult Dei voluntas ipsum habere.

## ARTICULUS II.

Utrum essentia Dei ab intellectu creato per aliquam similitudinem videatur.

*Doct. De cognitione Dei, quæst. 1. §. 4. 2. dist. 3. q. 9. in Reportat. ibidem, q. 4. S. Thom. 1. part. quæst. 12. artic. 2.*

**V**IDETUR haud possibile esse, divinam essentiam videri ab intellectu creato per aliquam similitudinem. Nam Dionys. cap. 1. de divinis Nominibus. *Per similitudines*, inquit, *inferioris ordinis rerum, nullo modo superiora possunt cognosci*: sicut per speciem corporis non potest cognosci essentia rei incorporeæ: ergo multo minus per speciem creatam quicunque potest essentia Dei videri: cum plus distet ab omni creatura, quam incorporea quælibet sub tanta à corpore.

Pæterea, Essentia Dei: est ipsum esse ipsius, ut quæst. 3. art. 4. exiit de matum: ed nulla creatura esse potest, in cujus essentia claudatur existantia: quicquid enim ab alio est, de se non est esse, sed ab alio existit oportet: ergo nec potest, ut aliqua forma creata sit similitudo representans videnti essentiam Dei.

Pæterea, Divina essentia est aliquo modo in se scriptam continens in se supereminenter quicquid potest significari, vel intelligi ab intellectu creato: sed hoc ipsum nullo modo representari potest per aliquam speciem creatam: omnis enim forma creata determinata est secundum aliquam rationem vel sapientiam, vel virtutis, vel ipsius esse. Unde dicere, Deum per similitudinem videri, est dicere divinam essentiam non videri: Est igitur impossibilis divinæ essentiae aliqua similitudo creata.

Præ-

3. dist. 14. §. 4. Ad secundum præcipue præstatur quæstiones.

4. dist. 49. q. 17. Unijpura.

2. dist. 22. q. 2. §. De ratione.

1. Metaph. q. 6. n. 39.

4. dist. 49. q. 13. §. Respondeo ad primam rationem.







per similitudinem eo modo, quo talis potentia actum valet elicere.

Ad Quartum respondeo sic: Assumpta propositio est manifestè falsa, quia intellectus viatoris se ipsum intelligens est realiter sibi præsens, & tamen non intuitiva, sed abstractiva est ea cognitio. Igitur cognitio intuitiva ulterius requirit, ut id, quod est potentia cognitiva præsens, moveat ad sui cognitionem, quatenus in se existens est, & non cognitum per sui similitudinem; quo pacto eveniret, si Deus similitudine suæ essentia intellectum aliquem ornaret.

Ad Quintum concedo assumptum, & nego speciem divinæ essentia, exinde fore inter se infinitam; quia non repræsentaret objectum infinitum secundum ea, quæ virtualiter, & eminenter continet in se, sed quatenus est formaliter infinitum secundum quod nimirum est à parte rei unus, & trinus; præterea cum hæc species repræsentet infinitum finito modo, quantum se licet potest esse entitativè perfectus actus, cuius est species causa partialis. Quomodo ergo non est ejusmodi actus ad infinitum terminatus, perfectus omnis infinitæ; ita nec species ejusdem objecti erit infinita: de quo magis infra, articulo octavo.

## ITERUM ARTICULUS II.

Utrum essentia Dei ab intellectu creato per aliquam similitudinem videatur.

Dott. & S. Thom. locis artic. precedenti citatis.  
Item Henric. apud Doctorem.

**V**IDETUR minimè fieri posse, ut divina essentia videatur ab intellectu creato per aliquam similitudinem. Etenim omnis propria ratio intelligendi aliquid objectum per adæquationem, repræsentat illud objectum: nulla autem species, vel essentia creata potest adæquatè repræsentare efficiem divinam increatam; ergo hæc species est prorsus impossibilis. Probatio minoris; Primò, quia species creata unius rei magis assimilatur alteri rei creatæ, quàm Deo: utrumque enim est finitum; distinctis igitur repræsentat creaturam, quàm Deum: Secundò, quia essentia divina est finita: omne autem repræsentativum creatum est finitum; cum igitur finiti ad infinitum nulla sit proportio, nullum finitum esse potest infiniti repræsentativum.

Præterea, Ratio formalis, secundum quam cognoscitur objectum, debet esse determinata, sicuti & objectum coenitum, vel repræsentatum: alioquin non magis hoc, quàm illud objectum foret repræsentatum: sed Deus est maximè indeterminatus, dicitur Augustino, 8. de Trinit. cap. 4. *Tolle hoc, & tolle illud, & vide ipsum bonum si potes*; ergo non est repræsentabilis per aliquam similitudinem creatam.

Præterea, Si species divinæ essentia esse posset in intellectu Angeli; igitur Angelus naturaliter cognosceret non solum essentiam, sed etiam Personarum Trinitatem: est enim ea essentia indivisa in tribus suppositis, propter ipsius infinitatem. Nemo autem dixerit, Trinitatem esse naturaliter cognoscibilem; ergo nequè possibilis erit species divinæ essentia repræsentativa.

Præterea, Si ejusmodi species existeret in intellectu alicujus Beati, nunquè Angelus acuminis intellectus sui eam speciem posset attingere; igitur is naturaliter cognosceret, quicquid illa species repræsentaret, ac subinde sciret divinam essentiam, &

ita omnia, quæ in essentia continentur intelligeret. Id autem est impossibile; quia tunc naturaliter possent attingi ea, quæ nos fide, ac divina revelatione tenemus.

Præterea, In eo distinguuntur cognitio intuitiva, & abstractiva, quod illa ad rei existentiam terminatur, hæc verò ab omni abstractat existentia: sed cognitio abstractiva ab Dei existentia, non est cognitio Dei: Nam in quiditate ejus includitur esse; igitur intelligens essentiam abstractantem ab esse, non intelligit essentiam Dei; ergo cum abstractivè cognoscitur, non attingitur essentia ejus: ac ubinde est impossibilis species, in qua Dei essentia repræsentetur distinctè.

CONTRA, Visio beatifica est perfectior actus quocunque alio intellectus creati: sed ex quocunque alio actu, juxta Augustinum 14. de Trinit. cap. 9. derelinquitur quoddam vestigium in memoria, per quod potest recordari, se habuisse eum actum; ergo pariter id eventurum sentiendum est de visione beata, si quis excideret ab ea: Id autem vestigium derelictum ad memoriam est repræsentativum objecti beatifici; igitur est possibilis species, per quam divina essentia distinctè cognoscatur.

RESPONDEO dicendum, Deum creare posse speciem, & infundere intellectui creato, per quam distinctè, & abstractivè videatur ipsius essentia. Cujus speciei possibilitatem ostendunt adducta in precedente solutione; sed libet addere etiam, quia cuicunque propter suam imperfectionem non repugnat id, quod est magis perfectum, nec sanè repugnare potest, quod est minus perfectum: siquidem imperfectum in quantum tale, non repugnat alicui, nisi ratione perfectionis suæ: at qui exprimere essentiam divinam per modum actus ultimi est perfectius, quàm exprimere eam per modum speciei; igitur quancquidem cognitioni habite de Deo, vel possibilibi haberi, non repugnat exprimi per actum, pariter minus, vel certè non repugnat exprimi per speciem repræsentativam ejusdem objecti, quod perfectius repræsentat actus intuitivus, quàm species, quæ potest distinctè quidem, sed abstractivè cognosci.

AD ARGUMENTA. Ad primum, cum dicitur in minori; nulla essentia creata potest adæquatè repræsentare efficiem divinam. Hæc loquutio impropria est; quia effigiat nomen propriè non dicitur nisi de eo, quod figuratum esse potest; ac proinde non congruit Deo. Utendo igitur verbis propriis, hæc propositio, omnis propria ratio intelligendi aliquid objectum, per adæquationem repræsentat illud objectum: est distinguenda; nam alia est adæquatio omnimoda entitatis ad entitatem; alia secundum proportionem repræsentantis ad repræsentatum absolutè; & tertio denique est adæquatio secundum proportionem non ab absolute, sed per comparisonem ad actum talem; idest, dicuntur adequari repræsentativum, & repræsentatum; quia tantum repræsentat, quantum est repræsentabile huic potentia; ac proinde satis est actui eliciendo ab ipsa, per quem actum perfectum ratione potentia, & repræsentativi perfectè attingitur objectum repræsentatum; non quia perfectius attingi nequeat: sed quia ab hac potentia tantum cognoscitur, atque exprimitur, quantum fieri potest.

Quantum ad primam adæquationem attinet, nulla ratio repræsentandi, vel cognoscendi, non cognita adequatur ei, quod per ipsam attingitur; ut constat de albedine, & specie ipsius. At secundo modo aliqua ratio repræsentat per adæqua-

De cognitione  
Dei, q. 1. art. 1.

Ibidem, q. 4. art. 1.



tionem, ut species perfectissima albi representat album, & ipsa est ratio quasi comprehensive videndi album illud. Tertio denique modo, quæcunque albi species, etiam in oculo cecutiente, recte dicitur esse adequata objecto, non absolute; quia non representaret album, quantum foret representabile; sed duntaxat per comparisonem ad actum sequentem, quia ita perfecte representat, sicut requiritur ad habendum talem actum circa id objectum. Nulla igitur species creata per adæquationem potest essentiam divinam representare primo, nec item secundo modo; quia cum ea essentia comprehendatur duntaxat ab intellectu infinito, non potest comprehendere, nisi per essentiam, ut per rationem; ac proinde nihil ab essentia diversum illam representat, quantum est representabilis. Sed tertio modo intellectui creato potest infundi species illius, qua nempe specie, vel similitudine ita perfecte essentia Dei representatur, quemadmodum ab actu intellectus finiti abstractivè intelligentis attingitur.

Cum primo probatur minor, quia species quælibet creata magis assimilatur creaturæ cuilibet, quam Deo. Respondeo, similitudo naturalis in essendo non est per se ratio representandi unum respectu alterius; quia etsi album alteri albo sit simile, non est tamen ratio representandi illud; quod nihilominus species præstat, quæ in entitate est dissimilissima illius representati. Quamvis igitur species in casu ob suam finitatem in entitate, magis conveniat cum essentia creata, quam cum divina; tamen cum hac habet convenientiam proportionis, quæ est representantis ad representatum, cujus cum sit expers respectu creaturarum, has nequit representare.

Ad aliam probationem, qua dicitur, objectum infinitum nequit representari per speciem finitam. Dico, quemadmodum actus finitus potest attingere objectum ex parte sui infinitum, quamvis actus immediatus attingat objectum, quam species tamen species potest representare objectum infinitum sub ratione infinita; etsi ipsa interim non sit objecto adequata, eo adæquationis genere, quæ est in essendo, aut in cognoscendo, quantum objectum est intelligibile.

Ad Secundum respondeo; Deum esse maxime determinatum, & singulare (ut dictum est articulo præcedenti). Ad tertium accipiendo determinationem, ut dicit singularitatem oppositam universalitati; ac proinde talem representatum iri per speciem intellectui creato. Hac itaque determinatio non improbat speciem divinæ essentia, quia non aliter ostenderetur habenti ipsam similitudinem, quam sit in se; At non intelligeretur Deus, si representaretur bonum aliquod limitatum, & determinatum, & ideo dicit Augustinus, *Tolle hoc, & tolle illud &c.* quia ista bona particularia includunt limitationem, qua sublata, statim in bono illimitato in communi, in quo intelligitur Deus in universaliter. Sed ulterius cum acies figitur in bono universalissimo secundum perfectionem, intelligitur Deus magis in particulari. Et tale bonum illimitatum ostenderet species divinæ essentia creata.

Ad Tertium potest dici, speciem divinæ essentia in intellectu Angeli existentem, quamvis sit ratio distinctè cognoscendi objectum, cujus est similitudo; attamen non esse medium, per quod distinctè cognoscatur modus, quo in suppositis ea essentia subsistit. Quemadmodum & in creatis potest quidem distinctè cognosci aliqua quidditas finita, licet non cognoscatur in quibus suppositis sit,

vel qua demum ratione in ipsis reperitur. Potest etiam dici, eam cognitionem, qua Angelus attingeret Trinitatem Personarum, non esse sibi naturalem; nec verè affirmari id objectum ab Angelo naturaliter attingi; quia nec ex naturalibus suis, nec ex causis necessariis quorumcumque agentium virtute naturali valet quis ejusmodi speciem sibi acquirere. Itaque quamvis Angelus habens speciem essentia divinæ posset naturaliter uti ea; tamen ipsa species est à causa supernaturali, ac supernaturaliter agente.

Ad Quartum respondeo; Aut habens speciem Deitatis, per ipsam novit supernaturalia revelata, aut non novit. Si scit, & videt, concedi potest, pariter & alium videntem existentiam ejus speciei, scire, ac nosse eadem, quæ per speciem representantur: At non propterea ejusmodi visionem esse naturalem, nisi quatenus intellectus specie illa ornatus, naturaliter potest uti ea, ut dictum est in præcedente solutione. Si verò Angelus polletens tali specie Deitatis nesciat citra speciem revelationem supernaturalia, tunc nec alius videns eam, quidpiam de ejusmodi revelatis sciet.

Ad Quintum dicendum, majorem esse falsam, aut saltem non esse veram, nisi de cognitione abstractiva confusa, non vero de distincta, qualem ponimus parituram speciem deitatis in intellectu creato; quæ proinde species erit ratio cognoscendi existentiam Dei, ut & cetera ipsius quidditativa prædicata. Ipsa igitur rei existentia potest cognosci in cognitione abstractiva; & revera cum recordamur præteritorum, attingimus existentiam eorum cognitione abstractiva; quia menti occurrunt per species exitisse tali, & tali tempore, & sub aliis circumstantiis existentiam concernentibus. Non in eo igitur distinguuntur intuitiva ab abstractiva, quod illa ad existentiam terminetur, hæc verò ab existentia omni præscindat, cum & abstractivè existentia cognosci queat, imo & debeat, quoniam aliquid distinctè intelligitur eo genere cognitionis. Distinguuntur itaque non ratione existentia, sed per aliquid necessario coexactum, nempe, quia intuitiva coexistit rem secum actualiter coexistere, atque in ratione cognoscibilis esse præsentem potentia in ipsam tendenti. Abstractiva vero id non exigit, imo etiam si id quod cognoscitur, non existeret, adhuc eadem permaneret cognitio per speciem inexistentem cognoscens objectum in illa representatum. Hac itaque specie divinæ essentia cognosceretur existentia Dei; & quia eam representat objectum, non ut in se præsentialiter existens, propterea cognosceretur cognitione duntaxat abstractiva, & distinctè.

### ARTICULUS III.

Utrum essentia Dei videri possit oculis corporalibus.

Doct. locis in margine citatis. S. Thom. 1. p. quæst. 12. artic. 3.

VIDETUR Divina essentia esse visibilis, & attingibilis oculo corporeo per Dei potentiam. Etenim si actus ad Dei essentiam terminatus oculo repugnaret, utique quia potentia organica est, & divisibilis, incapax proinde habendi visionem objecti indivisibilis: Sed hac de causa ea visio sibi non repugnat; ergo absolute possibile est, oculum divinitus ad visionem Dei elevari. Probatio minoris; quamvis de facto anima in corpore moveat ipsum organum; tamen post resurrectionem

Quodlib. q. 13.  
4. cit. 45. quæst. 3. 2. ult. 3. q. 11.

De cognitione  
Dei q. 1. 6. 4. 11.  
cundum.

De his infra  
quæst. 20. artic. 1.

4. dist. 49. q. 14.  
5. Tertio.



ne est motura proprium corpus inorganice, & non unam partem mediante alia, sed omnes simul; ergo pariter est visus videndi de facto organica sit fieri tamen poterit, ut oculus inorganice videat, atque ita talis potentia operativa attingat objectum indivisibile.

Præterea, Constat Beatos post resurrectionem habituros sensum visus in actu, sicut & reliquos sensus, quorum actus non requirunt imperfectiorem concomitantem; igitur visione pertingent ad videndum Deum. Probatio consequentia ex Augustino, 22. de Civit. cap. 29, ubi hæc habet; *Vis itaque præpollentior oculorum erit illorum, non ut acutius videant, quod quidem perhibentur videre serpentes, vel aquile. Quantalibet enim acrimonia cernendi eadem quoque animalia nihil aliud possunt videre, quam corpora; sed ut videant incorporea*. Et huc pertinet illud Job. 19., quod etiam adducit ibi lem Augustinus: *Fit in carne mea videbo Deum Salvatorem meum*.

Præterea, Fieri potest, ut intellectus separatim accipiat immediatè cognitionem à rebus corporalibus, à quibus proinde immutetur; ergo etiam corpus immediatè attingere poterit & spiritum: neque enim magis distare, vel esse major improportio videtur spiritus ad corpus, quam corporis ad spiritum. Quod & tangit Augustinus, loco supracitato, sicut ergo constat, inquit, *videri corpora spiritibus. Quid si tantu erit potentia spiritus corporis, ut corpore videatur, & spiritus?* Aut ergo repugnat spiritum immediatè immutari à corpore, aut fieri poterit, ut & sensus corporeus immediatè immutetur à spiritu.

Præterea, Quamvis Corpus Christi nullibi esset, nisi in Eucharistia, tamen Deus posset causare visionem ejus in oculo seu glorioso, seu non glorioso: Sed Christi Corpus existens in Eucharistia habet modum existendi indivisibilem, & spiritualem; ergo nulla est repugnantia, oculo corporali attingi aliquid spirituale, & indivisibile; igitur videri potest essentia Dei oculis corporalibus.

CONTRA, 1. *Timoth. cap. 1.* Paulus appellat Deum immortalem, & invisibilem: *Regni autem seculorum (inquit) immortalis, invisibilis*; ergo perinde Deo repugnat videri, & attingi visione corporali, sicuti & esse subiectus mortalitati.

RESPONDEO dicendum, fieri omnino non posse & absolutè repugnare, Deum attingi visione corporali, aut quovis alio sensu materiali. Declaratio: Nullum objectum attingitur per visionem corporalem, nisi id objectum aut sit causa ejus visionis, aut saltem terminus: alioquin non esset ratio, cur potius unum, quam aliud videretur. Sed impossibile est objectum immateriale esse causam, vel terminum visionis corporeæ; ergo repugnat Dei essentiam attingi per visionem, aut alium sensum corporalem, de quibus omnibus in casu est eadem ratio. Probatio minoris: Primò, quia quicquid videtur, sub pyramide attingitur, cujus basis est in re visa, & conus in oculo: impossibile est autem objectum incorporeum fundare basim ullam, quæ necessario exigit extensionem rei visæ, super quam fundatur; igitur sub tali pyramide non videretur objectum immateriale, sed aliquid extensum, & divisibile: non est igitur attingibilis per visionem oculi corporei Dei essentia. Secundò, quia objectum visione attingendum, ad hoc ut causet, aut terminet visionem sui, requirit necessario dispositionem debitam secundum locum nempe approximationem congruam, & distantiam proportionatam: Quod autem non est in loco divisibili, ut immaterialia, non potest congruè, &

juxta necessariam proportionem approximari, aut distare ab oculo; quod præsertim verificatur de Deo, quem nullus locus capere potest, atque intimissimè est præsens omni enti creato. Deinde Philolophus, 2. de Anima Tex. com. 128. ex determinato numero potentialium organicarum, concludit determinatum numerum actionum, vel objectorum; quia ergo unumquodque organum requirit, atque constat specificis, & diversis dispositionibus, ideo, unaqueque potentia organica præcisè attingit propria sensibilia, & non ea quæ congruunt alterius potentia sensitivæ dispositionibus: adeo ut nemo dixerit fieri posse, ut sonum percipiat visiva, aut colorem auditiva. Contra vero, eo quod intellectus non sit potentia organica, non aliquid genus intelligibilium duntaxat sub ipsius potestate cadit, sed absolutè omnia intelligibilia, ac ad totum ens se extendere potest; ergo potentia organica, & materialis, ut visiva, non potest per ullam potestatem elevari ad attingendum aliquid extra, & supra suum proprium objectum, quod scilicet suæ specificæ constitutioni congruit, cujusmodi est omne visibile materiale, & extensum, sive per se, sive per accidentia. Alioquin non videretur esse ratio, cur unica potentia organica non satis foret omnibus sensibilibus percipiendis; quod tamen est omnino impossibile, stante specifica constitutione sensuum exteriorum. Denique, quamvis visus corporis gloriosi possit elevari ad attingendum excellens sensibile; quia tamen gloria, cujus sit particeps, non immutat speciem constitutionem ejus, sed perficit quantum fieri potest, remanet potentia organica, ut prius. Neque enim sensus potest esse potentia non organica; velle non potest non esse potentia non organica; ergo nequit, ne divinitus quidem, elevari ad videntia immaterialia. Probatio consequentiæ: Potentia organica ea est, cujus operatio per se, & primo recipitur in toto composito ex organo, & illa potentia; ergo contradictio est, talem operationem recipi, vel in alterutro eorum, vel indivisibiliter in toto composito; cum tale subiectum ex sui constitutione divisibile, non sit natum recipere operationem, nisi divisibiliter: operatio autem quælibet potentialium sensuivarum est essentialiter materialis, & subinde divisibilis.

AD ARGUMENTA. Ad primum concedo, Animam rationalem post resurrectionem movere posse proprium corpus inorganice: Potentia enim locomotiva, cum sit activa, sive factiva, eadem invariata existens, potest esse organica, & non organica; quia non causat actum informantem se, sed effectum in alio. At potentia operativa eadem nequit esse organica, & non organica; quia quando totum est immediatum susceptivum alicujus forme, non una pars mediante alia, impossibile est eam formam recipi in altera parte, ut tactum fuit nuper in solutione. Visus igitur cum sit potentia operativa, excipit in se propriam operationem: si evaderet potentia non organica, tunc & operatio non in organo, sed in potentia sola, vel virtute animæ reciperetur, quod includit contradictionem; quia non oculus, sed ipsa anima diceretur videns.

Ad Secundum concedo Beatos post resurrectionem habituros in actu eos sensus, quorum operationibus non est annexa aliqua imperfectio repugnans statui Beatorum; atque ita per visivam potentiam, cum sit sensitivam potentiarum nobilissima, modo inenarrabili, & mirabili esse visuros, & perspecturos opera sapientiæ, & bonitatis Dei: Attamen non propterea intuituros eadem

4. dist. 20. q. 11.  
5. Ad secundum principale.

4. dist. 45. q. 10.  
Ad oppositum.

4. dist. 3. q. 11.

4. dist. 10. q. 5.  
5. Ad questionem.

Augustinus  
Epist. 112. cap.  
24. & 18 & c.  
sequenter.

4. dist. 10. q. 9.  
5. Ad questionem,  
& 5. Ad oppositum  
2999.

2. dist. 9. q. 6.  
Ad tertium.

De Anima q. 6.

4. dist. 49. q. 10.  
5. Ad secundum  
principale.

Ibidem q. 14. q.  
Ad primum  
respondetur.



dem corporali virtute essentiam Deitatis. Ad Augustini auctoritatem, dicendum, eo loci ipsam disputativè tantum procedere, & nihil interim circa præsentem questionem definire. Sed deinde *Epistola sexta* luculentissimè confutasse opinionem dicentium, Deum corporeis oculis videri; inter alia scribens; *omne quippe quod oculis corporeis conspici potest, in loco aliquo sit necesse est, nec ubique sit totum. sed minore sui parte minorem locum occupet, & majore majorem.* Sed loco cit. de Civit. hanc suam sententiam vilis est significasse, cum ait: *Aut ergo per illos oculos sic videbitur Deus, ut aliquid habeat in tanta excellentia menti simile, quo & incorporea natura cernatur, quod nullis exemplis, sive scripturarum testimoniis divinarum, vel difficile, vel impossibile est ostendere.* Vult ergo expressè nulli in scriptura traditum esse, Deum oculis corporeis visum, aut posse videri. Et pergit; *Aut quod est ad intelligendum facilius, ita Deus nobis erit notus, atque conspicuus, ut videatur spiritui a singulis nobis, in singulis nobis &c.*

Illud etiam quod ait Job; & in carne mea video Deum: *resurrectionem quidem carnis* (subdit ibidem Augustinus) *sine dubio prophetavit, non tamen dixit, per carnem meam. Quod quidem si dixisset, posset Deus Christus intelligi, qui per carnem in carne videbitur.*

Ad Tertium, concedo assumptum; quia revera sensibilia quæque immutare possunt intellectum separatim ad eorum cognitionem intuitivam, quæ ab objecto sensibili, ab intellectu producitur, tanquam a causis partialibus: non quasi intellectus producatur à sensibili, ut sensibile est; sed quatenus est intelligibile, in qua ratione omnia entia univocè conveniunt, quantumvis inter se dicantur differre. Neganda est tamen consequentia; Nam sensibilia immediatè immutare queunt intellectum, quia is est potentia inorganica, ac proinde totius entis; at visus ob contrariam rationem duntaxat proprium objectum sensibile valet attingere; & quemadmodum ejus actio non recipitur, nisi in quanto, sic nihil habens modum indivisibilem attingere potest. Ad Augustinum dictum est eo loci ipsam disputativè procedere, utrumque asserens motiva dubitandi: de ejus tamen mente liquido constat ex *Epist. 6. citata*, ut dictum est in præcedenti responsione.

Ad Quartum concedo, Deum de potentia absoluta posse causare visionem Corporis Christi in quovis oculo: visio enim est forma absoluta; ac proinde nulla est contradictio, ipsam fieri sine respectu præsentia litatis ad objectum: nego tamen ea visione attingi posse Christi Corpus, quatenus indivisibiliter existens in Eucharistia; nam ut ibi existens, nequit esse causa, aut terminus ejusmodi visionis: cum non sit in loco, nec subinde habeat debitam approximationem, & distantiam ad potentiam visivam: cerneret ergo tunc oculus Christi Corpus, sed non ut existens in Eucharistia. Undè nihil hinc potest inferri contra *solutionem*.

#### ARTICULUS IV.

Utrum aliquis intellectus creatus per sua naturalia divinam essentiam videre possit.

*Doct. 4. dist. 49. q. 11. in Report. ibidem, q. 10. S. Thom. 1. p. q. 12. art. 4.*

**V**IDETUR aliquis intellectus creatus per sua naturalia, Dei essentiam videre posse. Si-

quidem juxta dicta in *articulo secundo*; esse potest aliqua creata similitudo in intellectu finito Deitatis repræsentativa, secundum ea omnia, quæ sibi formaliter insunt: Sed habens sibi inditum ejusmodi repræsentativum propriis viribus, distinctè videret, etsi astractivè Dei essentiam; ergo Deus est attingibilis ab intellectu creato per sua naturalia.

Præterea, Omnis potentia habens aliquod commune pro primo objecto naturali, potest in quolibet contentum sub illo, sicut in per se objectum naturale; ut patet de primo objecto visus, & aliis contentis sub illo: alioquin id objectum minimè appellandum foret potentie adequatum, si in aliquo reperiretur ratio ejus, quod non esset à potentia naturaliter attingibile: Primum autem objectum intellectus nostri naturale, est ens, in quantum ens; ergo intellectus noster potest naturaliter attingere quodcunque ens: igitur & habere actum circa Deum, qui verissimè est ens.

Præterea, Unicus data sunt ea, quæ necessario requiruntur pro consecutione propriæ perfectionis; Undè Philosophus, 2. de Cælo, & Mundo, Text. c. 50. & 59. dicit in sententia, eatenus stellis data non esse organa ad motum progressivum, quatenus carent potentia se movendi ejus generis motu, Sed visio divine essentie est maxima perfectio hominis; ergo natura frustra ei tribuisset potentiam ad talem visionem, nisi simul & necessaria quæque tribuisset, quibus ad eam valeret pertinere perfectionem.

Præterea, Sensus non est capax illius, quod excedit ipsius naturalem facultatem; adeo ut verum sit, potentiam sensitivam propriis viribus attingere, & potiri posse omni perfectione, cujus est capax; ergo par ratio erit de intellectu: ac proinde si objectum beatificum, quod est divina essentia, nequit attingere propria virtute, nec ad illud aliquem ordinem videtur habere; quia in natura omni potentie passivæ, correspondet propria activæ: alioquin illa frustra esset.

CONTRA, Ad Roman. 6. *Gratia Dei vita æterna*: In visione autem divine essentie, vel consistit vita æterna, vel in ea necessario includitur talis visio; ergo videre Deitatem non est naturæ intellectus creati, sed gratiæ Dei.

Rursus id ipsum arguitur ratione; Etenim cognitio alicujus contingit secundum quod cognitum est in cognoscente, secundum modum cognoscentis, vel per modum naturæ sue. Si igitur modus essendi alicujus rei cognitæ excedat modum naturæ cognoscentis, necessario cognitio ejus rei erit supra naturam illius cognoscentis: Atqui modus essendi ipsius Dei excedit omnem creaturam, nec esse potest modus essendi alicujus creaturæ; ergo si alicui creaturæ conveniat cognitio Dei distincta, id planè erit supra modum naturalem cognoscendi creaturæ, atque ita non nisi supernaturaliter potest Dei essentia distinctè cognosci, & videri.

RESPONDEO dicendum, nullum creatum intellectum per sua naturalia Dei essentiam videre posse. Et declaratio est ista: Impossibile est, intellectum creatum esse causam visionis, nisi ipse habeat in se objectum cognitum, vel, aliud, in quo eminentius contineatur ejusmodi objectum cognitum: sed creatus intellectus non habet Deum in se, sibi in ratione objecti, præsentem, nec in alio, in quo eminentius contineatur; cum impossibile sit in alio sic contineri; ergo fieri nequit, ut creatus intellectus ex suis naturalibus causet visionem divine essentie. Rursus, visio est cognitio intuitiva rei in se;

Prologi quart.  
in primo principio.

a dist. 9. q. 2. 6.  
Solutio obij.  
citatur.

4. dist. 49. q. 11.  
6. Responsio.  
V. ad idem.

Magister Hieronymus  
egregio  
Commentario  
in certum hanc  
litteraturam.



in se; sed creatus intellectus non potest habere in se præsentem Deum in ratione objecti, licet sit sibi præsens per illapsum; ergo ex se nequit videre naturam divinam: supra igitur ipsius naturam est, intueri objectum beatificum.

Deinde, Deitas sub ratione distincta, ut hac essentia in se, non cognoscitur naturaliter ab illo intellectu, cui, quatenus ita cognoscibilis, est objectum voluntarium, & non naturale: Atqui ut comparatur ad intellectum finitum, est objectum voluntarium; (ut articulo sequenti magis declarabitur) est enim objectum naturale duntaxat intellectus infiniti. Nec etiam aliquod objectum a nobis naturaliter cognoscibile ostendit sufficienter Deitatem, ut est hac essentia: nec per similitudinem univocationis, nec imitationis: Nam univocatio non est, nisi in generalibus rationibus; imitatio etiam deficit, quia imperfecta est. Creaturæ siquidem imperfecte admodum imitantur illam essentiam; est igitur nobis naturaliter incognita, & omnino latens.

Postremo cognitionem omnem de Deo, quam naturaliter possumus acquirere, ab effectibus ejus accipimus. Sed effectus non pariunt notitiam distinctam, & certam illius, sed vel dubiam, vel ducens in errorem. Nam na ulla in se una existens communicatur tribus: nihil tale ostendunt effectus: quia non sunt ab illa natura, in quantum est in tribus. Nec in creatis invenitur aliqua una natura in tribus, sed una in uno supposito. Est etiam proprium illius causare omnia ad extra liberè, & contingenter: & nihilominus eruditissimi Philosophorum oppositum tradiderunt. Nullis igitur naturæ viribus potest divina essentia videri, aut distinctè cognosci.

Ad ARGUMENTA. Ad primum respondeo, speciem divinæ essentiae representativam, (ut tactum fuit in secundo articulo) non esse ita naturalem quasi intellectus creatus propriis viribus, aut ex causis naturaliter agentibus causari, & acquiri possit: cum aliam causam habere nequeat, nisi voluntatem divinam. Naturalis igitur eo duntaxat sensu appellari potest, quatenus contradistinguitur à perfectionibus prout supernaturalibus gratiæ, & gloriæ: qua ratione dicuntur pariter naturales perfectiones datæ Angelo in sua prima creatione: quamvis non necessario sequantur naturam ejus: Intellectus igitur virtute infusæ speciei Deum cognoscens distinctè, naturaliter quidem diceretur cognoscere, in quantum talis species non est principium gratuiti actus, nec gloriosi; non naturaliter verò, quatenus ad istam speciem acquirendam non posset intellectus pertingere ex naturalibus suis, neque ulla alia actione naturali. Sed utrum intellectus creatus saltem per speciem ex suis naturalibus possit attingere ad Dei visionem, articulo sequenti.

Ad Secundum, respondeo ex dictis supra, quæst. prima, artic. iterum repetito, §. Ad primum. Ens quatenus commune Deo, & creaturis, esse quidem objectum naturalis inclinationis intellectus creati, at nequaquam ab eo naturaliter attingibile. Omne igitur ad quod naturaliter virtus intellectus humani, vel Angelici ex natura potentiæ se se extendere potest, est præcisè ens limitatum. Illud enim est naturale objectum attingibile propriis viribus à potentia, à qua potest moveri, & immutari: tale autem respectu intellectus finiti est solummodo ens finitum; illud enim est adæquatum intellectui nostro ex natura potentiæ, & intellectui Angelico; quia quicquid potest intelligi naturaliter ab uno, & ab altero. Qualiter au-

tem nequeat finita potentia ab objecto infinito immutari, declarabitur, articulo sequenti.

Ad Tertium pariter responsum fuit, artic. primo citato quæst. prima. Sed nunc dicendum, assumptum esse verum, & verificari etiam de hominibus; Nam ipsi data sunt necessaria quæque pro consequutione ultimæ suæ perfectionis, visionis scilicet, & fruitionis Dei; eaque sunt organa, quibus meritorie operari potest, sic, ut consequatur divinæ essentiae visionem; sicut & potentiæ activæ, & passivæ; non tamen ut statim exinde ad eam pertingat perfectionem, sed mediis dispositionibus a divina sapientia prædestinitis.

Ad Quartum respondeo, intellectum ordinari ad aliquam perfectionem, quæ non subest propriæ causalitati spectare ad amplissimam dignitatem ejus, ob quam, cum attingere queat omne intelligibile, & unum ex istis non possit esse objectum naturaliter motivum illius, non est sibi sufficiens propria virtus ad habendum actum perfectum circa illud. Contra verò, cum sensus tendat circa determinata sensibilia, quisque proprium objectum, & quicquid sub eo continetur, naturali virtute attingit. Et cum subditur, quia potentiæ passivæ in natura oportet & activam correspondere. Vera est propositio in coordinatione entium, in qua utique omni passivæ invenitur activa proportionata; non vero in ipsa natura: Nam potentia receptiva animæ intellectivæ est in corpore organico, quam tamen animam omnis natura creata nequit inducere in corpus.

Ad rationem quæ subicitur pro solutione, quia inefficax videtur; respondeo, concedendo assumptum, cognitum nimirum esse in cognoscente, suo modo essendi in, nempe intentionaliter; seu per speciem objecti cogniti id eveniat, seu per habitum, ut Henricus opinatur; sive per actum, ut omnes fatentur. Deinde, cum additur, cognitum est in cognoscente per modum naturæ suæ: Hac propositione aliud verè non significatur, nisi cognitionem esse naturæ cognoscentis perfectionem proportionatam, qua mediante & ipsum objectum cognitum proportionatur naturæ cognoscentis. Cum autem concluditur per conditionalem sic: Si igitur modus essendi aliqujus rei cogniti excedat naturam cognoscentis, necessario cognitio ejus erit supra naturam cognoscentis. Respondeo; hanc conditionalem illationem inferri virtute hujus propositionis. Sicut se habet modus essendi cognoscibilis ad modum essendi cognoscentis: ita se habet cognoscibilitas ejus ad ipsum cognoscentem; quæ est evidenter falsa; quia cognitio potest esse objecti habentis modum essendi superiorem, ac si modus essendi cognoscentis; alioquin Angelus inferior non posset cognoscere superiorem; nec intellectus creatus etiam qualitercunque elevatus valeret attingere Dei: atem, ultra omnem proportionem Geometricam excedentem omne creatum; (de quo actum supra, artic. primo, §. Ad tertium, & Ad quartum). Nec propterea repugnat sibi attingi ab intellectu creato, cum fuerit in ipso per modum ipsius cognoscentis: id est, intentionaliter in specie, aut in propria existentia præsens. Cum igitur inter intellectum, & objectum non requiratur alia proportio, quam motivi ad mobile, atque hæc extrema magis exigant dissimilitudinem, quàm è converso, sequitur non oportere cognoscentem aliquod objectum habere eundem modum essendi, ac cognitum: aut ea extrema proportionari inter se quoad cognoscibilitatem, sicuti se habent, & proportionantur in modo essendi: quia proportio quæ est potentiæ ad objectum, non est æqua-

Materia magna, con-  
tinetur in  
tota, inter  
quæ, S. Tho-  
mas, & Senti-  
entia, Ma-  
gister, Hæc  
in, omni & Simi-  
litudinem  
se, & Respon-  
sio, & Senti-  
entia.

1. dist. 3. q. 3. §.  
Tertio dico.

Prologi q. 1. §.  
Tertio arguitur  
principaliter.

2. dist. 3. q. 3. §.  
Ad questionem.



æquivalens, ut dictum est, sed quædam proportionalitas similis illi, quæ est materiæ ad formam, entis initi ad ipsum finem, & motivi ad mobile.

Reducendo autem argumentum ad formam syllogisticam, ita est efformandum: Si modus cognitionis est secundum modum naturæ cognoscentis; ergo nulla cognitio naturalis excedit modum naturæ cognoscentis; igitur nulla cognitio naturalis est de objecto, cujus natura excedit modum naturæ cognoscentis. Itaque cum modus cognitionis sit secundum modum cognoscibilis, si modus essendi rei cognitæ excedit modum essendi cognoscentis, illa cognitio erit supra naturam cognoscentis, quæ est rei excedentis modum essendi cognoscentis. Veruntamen hujus argumentationis falsa est hæc propositio: *Modus cognitionis est secundum modum essendi cognoscibilis*. Item falsa altera quæ dicitur: *Nulla cognitio naturalis est de objecto, cujus natura excedit modum naturæ cognoscentis*; quia tunc perfectius nunquam cognoscitur naturaliter ab imperfectiori; quod nemo concesserit.

#### ITERUM ARTICULUS IV.

Utrum aliquis intellectus creatus per suam naturalia divinam essentiam videre possit.

*Dist. Quodlib. q. 14 §. De secundo.  
S. Thom. 1. p. quest. 12. art. 4.*

**V**IDETUR aliquis intellectus creatus ex suis naturalibus divinam essentiam videre posse. Nam objectum potentie adequatum habet unum, eundemque modum immutandi potentiam, cujus est objectum, naturalem scilicet, vel non naturalem: Atqui ens illimitatum movet naturaliter intellectum divinum; & aliquid ens movet naturaliter intellectum creatum; ergo simili modo quilibet intellectus ab omni ente movetur, seu illimitatum, seu limitatum sit. Major probatur; objectum proprium secundum totam suam indifferenciam, est adequatum objectum, & respicit potentiam suam secundum totum genus suum, ut proprium extremum; aliquis igitur est modus proprius, secundum quem hoc extremum respicit aliud; igitur eundem modum habere debent omnia extrema particulariter contenta sub illis primis extremis. Cum enim particularia quæque se respiciant secundum quod includunt prima extrema, eodem modo se respiciunt, quo illa prima.

Præterea, Omnis actus præcedens actum voluntatis est merè naturalis: Sed actio essentia divinæ, etiam ut est objectum movens intellectum creatum, præcedit actum voluntatis; ergo movet naturaliter omnem intellectum; ac proinde poterit à quocunque intellectu naturaliter cognosci. Probatio minoris; essentia ut essentia est objectum beatificum, non autem essentia ut voluntas, vel ut volens; igitur movere ad actum beatificum convenit essentia ratione, quia essentia est; & per consequens talis motio est prior actione voluntatis. Antecedens declaratur; nam sub eadem ratione Deus est objectum intellectus sui, & intellectus Beati in Patria; alioquin non haberet se intuentes; est autem objectum intellectus divini essentia quatenus essentia, & non ut volens; quia hæc ratio sequitur ad essentiam.

Confirmatur, si per impossibile Deus non effet volens, essentia sua naturaliter moveret intel-

lectum ad videndum ipsam; igitur & modo similiter movebit; cum non moveat in quantum volens; sicut nec quatenus volens est objectum primum.

Præterea, Objectum omne gignit notitiam actualem sui: ea autem gignitio naturalis est, & propterea genitum dicitur proles, secundum Augustinum, *g. de Trinit. cap. ul. imo*: igitur visio essentia divinæ in intellectu Beati naturaliter, & non liberè producitur ab illa essentia: ac proinde ad sui cognitionem necessario immutabit omnem intellectum.

Præterea, Si voluntas necessario concurret cum essentia in ratione principii motivi ad actum beatificum intellectus creati: quare, quis est ordo essentia, & voluntatis in movendo? Voluntas enim nequit dici prima ratio motiva potentia, & essentia secunda, quasi virtute ejus movens: oportet igitur essentiam esse primam rationem movendi: sed prima ratio motiva in movendo tenet suum proprium modum: nec determinatur à secundaria ratione, sed magis est illius determinativa. Unde activum naturaliter quantum est de se, necessario agit: in illa tamen actione, in qua subiacet voluntati, non necessario agit: igitur essentia tanquam primaria ratio, necessario omnem potentiam movebit ad notitiam sui.

Præterea, Voluntas ut voluntas non potest movere, nisi ad videndum voluntatem, ut voluntas est: non autem ad videndum essentiam, ut essentia est. Sed videre voluntatem ut voluntas est, & non essentiam quæ essentia est, non est videre objectum beatificum: quia sicut intellectus divinus non beatificatur in voluntatis visione, sed in essentia: ita & intellectus Beati. Probatio minoris: nam voluntas est quasi posterior ipsa natura: ergo nequit esse principium causandi perfectam visionem essentie, quæ est quodammodo prior & perfectior, juxta illud Damasceni: *Fortum in se ipso comprehendens, habet esse, velut quoddam pelagus substantia infinitum* &c.

CONTRA, Ambrosius super Lucam, l. b. i. cap. 1. (& adducitur, atque approbatur ab Augustino, Epist. 112. cap. 5.) *Non enim, inquit, similiter sensibilia videntur, & is, in cujus voluntate suum est videri, & cujus natura est non videri, voluntatis, videri. Nam si non vult, non videtur; si vult, videtur.*

Sed probatur hoc ipsum ratione primo: quia illud objectum nequit naturaliter cognosci, quod non potest esse in cognoscente secundum modum, qui sibi competit: sed bonum increatum nequit esse in creatura per modum, qui competit nature cognoscentis; ergo non potest naturaliter cognosci ab intellectu creato. Minor probatur; nihil intelligitur nisi quod se habet ad intellectum per modum informantis: sed Deus non ita se habet ad intellectum; quia non potest per speciem esse in intellectu creato.

Secundo, objectum cognoscibile habeat oportet quantitatem determinatam, & simplicem respectu potentia cognoscentis: sed essentia divina non habet quantitatem determinatam ad intellectum creatum; cum finitus sit, illa vero infinita; ergo non est naturaliter attingibilis ab tali potentia. Probatio minoris; milleima pars grani millii est objectum magis proportionatum visui, quam simplicitas divina intellectui nostro: sed illa pars ob exiguitatem sui fallit visum; ergo multo magis divinæ essentie simplicitas intellectum creatum. Major patet; quia virtus visiva potest augeri quoadusque attingat illam particulam grani millii: nam est inter ea determinata distantia; non autem

*S. Thom. 4.  
sent. dist. 49.  
artic. 2. quest. 6.*



autem inter creatum intellectum, & objectum in finium.

RESPONDEO dicendum, creatum intellectum ex perfectione sua naturali attingere non posse ad notitiam Dei propriam, immediatam, atque distinctam, concurrentibus etiam quibuscunque causis naturaliter motivis ipsius intellectus creati ad cognoscendum. Probatio; Notitia per se, propria, & immediata alicujus objecti, aut est intuitiva, aut abstractiva: si intuitiva, oportet objectum esse præsens in ratione objecti, in sua existentia immutantis potentiam ipsam in se intuentem. Si verò cognoscatur abstractivè, pariter necesse est, ut sit præsens in aliquo perfectè repræsentante ipsam sub propria ratione objecti distinctè cognoscibilis: Sed Deus sub propria ratione divinitatis, est præsens duntaxat intellectui infinito; creato autem non nisi voluntariè; ut disertè testatur Ambrosius, *ejus natura, inquit, est non videri, voluntatis videri*: nempe, quia ejus natura non est causa naturaliter productiva hujus visionis respectu intellectus finiti. Nec etiam aliqua natura creata, quæ est naturaliter activa, potest esse causa hujus visionis, vel perfectè præsentia objecti; quia non potest continere in se perfectè essentiam illam re-ferendam entitatem suam; igitur nec secundum suam intelligibilitatem. Non est igitur divina essentia naturaliter attingibilis ab aliquo intellectu creato visione intuitiva, & terminata ad ipsam sub propria ratione objecti, ut in sua existentia immutantis potentiam. Sed ne abstractivè quidem: Nam repræsentativum per quod, & in quo distincta abstractiva cognitione per se attingeretur Deus, nequit causari, nisi vel ab ipso met objecto, cuius est repræsentativum; vel ab aliquo continente ipsum sub ratione suæ cognoscibilitatis; quod continens ullum est, nec esse potest. Erit igitur Deus distinctè cognosci queat in aliquo repræsentativo (ut in supra, articulo secundo ex titit declaratum) illud tamen repræsentativum nullis causarum naturalium viribus effici potest; sed duntaxat esse immediatè ab ipso Deo voluntariè causante.

Deinde, Causæ primæ est impossibilis necessaria habitudo ad aliquid posterius se, & causabile; ergo divinæ essentia repugnat movere naturaliter, & necessariò aliquem intellectum creatum. Assumptum declaratur; ex hoc enim, quod aliquid est posterius esse infinito, & ab illo causatum, est necessarium alterius rationis, & naturæ à sua causa, quæ est à se, & incausata. Erit igitur omne causatum ab ea, & finitum, & imperfectum; non habens scilicet omnem perfectionem; ac subinde possibile, & contingens, seu potens non esse: Nam Causa prima non potest non esse, quia est à se, & necessaria, & infinita. Cum igitur nullum causatum sit necesse esse, quia nec à se habet esse; oportet, ut sit potens non esse; ergo repugnat necesse esse involvere necessariam habitudinem ad tale esse; quia tunc magis necessarium posset non esse per defectum minus necessarii. Si autem prima Causa necessaria causaret, vel essentia Dei naturaliter movere posset intellectum creatum, diceret necessariam habitudinem ad minus necessarium; hæc ergo conditio causandi necessario repugnat primæ causæ; adeoque quicquid extra se causat, voluntariè, & contingenter causat; ideoque cum videtur, per suam voluntatem videtur: ac proinde fatendum, verissimè, ac rectissimè pronunciatum fuisse ab Ambrosio, & Augustino: *Si non vult, non videtur; si vult, videtur; quia ejus natura est, non videri, voluntatis videri*.

AD ARGUMENTA. Ad primum respondeo, majorem esse veram de objecto immediatè motivo sue potentia; ejusmodi enim objecto verè inest unus, idemque modus immutandi potentiam sibi primò correspondentem, nempe, vel per modum naturæ, vel liberè. Et cum subditur; ens illimitatum movet naturaliter intellectum infinitum; Verum est, sed non perinde movet intellectum creatum. Cum enim prima motio in entibus sit necessario naturalis, & primum mobile motione naturali (extensivè loquendo de motione) sit intellectus divinus, primum ejus motum non erit aliud, quàm essentia divina. Tale igitur motum semper unum, eundemque modum habet respectu potentia, quam movet; & hæc solus est intellectus infinitus, & nulla alia potentia potest immediatè ab illo motivo moveri: nam, quia nequit habere alium modum movendi, quàm naturalem, nihil natum est immediatè immutari à prima forma, nisi primum mobile, quod est intellectus infinitus. Consimiliter enti limitato absoluto unus in est, idemque modus immutandi immediatè, per modum naturæ intellectum finitum; sed non proinde immediatè immutare potest intellectum illimitatum; quia is non est natus immediatè immutari, nisi à prima forma, mediante cujus motione attingit omnia alia intellectus infinitus. Nec mirum; intellectum creatum semper immutari naturaliter ab objecto finito; quia nulla voluntas creata est motiva ad intellectum perfectam alicujus essentia, ut essentia est; eo quod nec perfectè eam contineat eminenter, vel unitivè, sicut prima forma continet omnia eminenter, & eadem continetur à voluntate divina, quæ est eadem illi unitivè.

Ad Secundum negandum est, movere ad actum beatificum creaturæ intellectualis esse proprium actum essentia divina. Ad eum namque actum non movet essentia, sed voluntas divina, licet ad essentiam infinitam terminetur. Essentia igitur ut quodammodo voluntate prior, licet sit objectum primum, & immediatum illius visionis in ratione terminantis, nequaquam tamen est objectum immediatum in ratione moventis; sed duntaxat est movens remotum, quatenus nimirum movet intellectum divinum ad visionem, quæ præcedit actum voluntatis infinitæ, quo tandem actu movetur intellectus Beati ad visionem terminatam ad objectum beatificum. Et cum instatur, quia idem est objectum intellectus divini, ac Beatorum. Respondeo, idem esse objectum terminativum utriusque actus, sed non oportere ab eodem objecto utramque potentiam moveri, cum una supra omnem proportionem alteram excedat: ideoque excedentis est motiva prima forma: finitæ, & excessæ est voluntas divina, à qua fit, ut tale objectum videatur, cum voluerit, & non videatur, si noluerit.

Et cum dicitur in confirmatione, si per impossibile Deus non esset volens &c. Dicendum: si Dei essentia deesset voluntas, nihil omnino extra se causare posset: ea enim in hypothesei quicquid causaret necessario causaret: omne autem quod est extrinsecum illi, cum sit formaliter possibile, non posset esse à necessario productum naturali necessitate, sed oporteret esse contingens, aut penitus non esse: impossibile est ergo intelligere, Primum principium quidpiam producere extra se non contingenter, uti contingentia sunt omnia possibilia extra Deum.

Ad Tertium respondeo, Augustino eo loci sermonem esse de notitia, quæ est Verbum. Undè cum dixisset: *Nescimus proles ipsa Trinitatis notitia,*

De hoc notitia dicitur in 1. 2. 2. q. 2. 5. dicitur, & notitia dicitur supra animam: scilicet ad actum.

1. 2. 2. q. 2. 5. dicitur, & notitia dicitur supra animam: scilicet ad actum.

De his infra, q. 13. art. 3.



Aliam quoque  
responsionem  
ad hanc Augu-  
stini ad Scotum  
tem. Summa  
Dator, cam-  
que vobis n.  
13. Nam quæ  
causam præ-  
sens instituit  
sufficit.

*notitia*, suble in fine capituli : *est quedam imago Trinitatis ipsa mens, & notitia ejus, quæ est proles ejus, ac de se ipsa Verbum ejus, & amor tertius*. Hæc ille. Non igitur quæcunque notitia actualis objecti est verbum ejus, sed illa sola, quæ de ipso nascitur tanquam proles : hoc est non tantum est naturalis similitudo ejus, sed naturaliter quoque gignitur ab ipso gignente prolem. Ea itaque notitia actualis, quæ producitur immediate per voluntatem, non est verbum objecti; quia etsi sit ejus similitudo naturalis, non tamen est naturaliter genita: ac proinde juxta hæc, Beati non sunt dicendi habere Verbum de Deo; quia quamvis visio, qua attingunt objectum beatificum, sit imago divinæ essentiae, ipsam naturaliter representans; non tamen est imago naturalis, naturaliter ab ipsa procedens : sed illius essentiae est tantum unicuique Verbum; idque in solo intellectu increato, in quo duntaxat potest esse notitia illius objecti naturaliter geniti.

Ad Quartum negandum, essentiam, & voluntatem se habere ut movens superius, & inferius respectu intellectus creati, quasi utraque attingat ipsum motum; cum sola voluntas id efficiat. Essentia tamen non potest terminare visionem sui in intellectu creato, nisi in quantum præsupponitur jam movisse intellectum divinum ad visionem, quæ præsupponitur ipsi velle divino, in quo movetur intellectus creatus: ut in responsione *Ad secundum*, magis extitit declaratum.

Ad Quintum respondeo sic: Quoniam voluntas est perfectissime idem unum cum essentia, potest esse principium motivum videndi essentiam, ut essentia est: neganda est igitur major. Nam etsi verum sit, voluntatem movere posse ad visionem sui: falsum est tamen requirere esse causam effectivam visionis essentiae, quatenus essentia est. Et cum probatur: quia essentia est quodammodo prior voluntate. Dicendum: prioritas illa est quasi prioritas fundamenti: & fundamentum tale nedum est perfecte idem cum illo, quod intelligitur fundari in ipso: verum etiam ea voluntas, vel proprietas est perfectionis formaliter infinitæ: propter quod perfecte identice, & unitivè continet perfectionem fundamenti: ob quam continentiam eadem voluntas est principium communicandi essentiam infinitam: ita & multo magis erit principium communicandi esse omnibus finitis, & movendi ad visionem objecti infiniti: quandoquidem ipsa est identice omnino, ejusdemque perfectionis cum objecto infinito.

Rationes in oppositum adductæ, quibus aliqui persuadere putant conclusionem omnibus Catholicis communem (siquidem asserere, Deum viribus naturæ videri posse, est major, & detestabilior error hæresi Pelagi, qui bello indicto gratiæ Christi, posuit hominem sine gratia posse justificari) quia videntur inefficaces, respondeo ad primam, secundum omnem opinionem oportere negare majorem, vel minorem destruere se ipsam. Nam si ad objecti cognitionem non requiratur species impressa, tunc ab ita opinantibus neganda est major: scilicet, objectum non potest cognosci naturaliter ab intellectu, in quo non potest esse secundum modum sui, nimirum per informationem: siquidem tunc objectum præsens satis esset ad imprimendum actum cognoscendi. Quod si ponatur objectum præsens per speciem, & speciem subinde esse necessariam ad cognitionem: tunc minor est falsa. Porro, Deum distinctè posse cognosci per speciem ab intellectu creato, supra, articulo secundum extitit declaratum.

Ad Secundum, cum dicitur, *objectum requirere determinatam distantiam ad potentiam, secundum quantitatem &c.* Respondeo, id per metaphoram dictum esse: nam quamvis in corporalibus activum, & passivum exigant determinatam distantiam, vel quantitatem, ad hoc ut agant, & patiantur: eo quod corporalis actio recipiatur in quanto: in intellectu tamen, qui est totius entis, id locum habere non potest. Unde neganda est minor: quia quantitas virtutis objecti, de quo agitur, & ejus simplicitas est proportionalis in ratione objecti cognoscibilis quantitati virtuali potentie intellectivæ cognoscentis. Ad probationem, cum accipitur, magis esse proportionatam visui millesimam partem grani milij, quam infinitum objectum potentie finitæ. Nonne hic assumitur quod est probandum? Et sanè licet essentia divina secundum esse infinitum plus distet à potentia omni creata, quam finita quæcunque inter se: in ratione tamen objecti cognoscibilis non distat in uno gradu à virtute cognitiva intellectus. Alioquin non possemus videre Deum quibuscunque additis, quia totum finitum est: nec poterit intellectus fieri proportionatus per ullum habitum sui informativum: quia cum semper limitata virtute finiatur, erit magis improporcionatus eliciendæ visioni objecti infiniti, quam sit potentie visivæ millesima pars grani milij improporcionata.

## ARTICULUS INCIDENTS.

Utrum primum objectum intellectus nostri sit quiditas rei materialis, vel aliquid aliud?

*Doct. 1. dist. 3. q. 3. in Report. ibidem, q. 1. Quodlib. 9. 14. §. De secundo. De Anima, quæst. 19. Metaphys. lib. 2. q. 3. a nu. 4. S. Thom. 1. p. q. 12. art. 4. §. In solutione.*

**V**IDETUR quiditas rei materialis esse primum objectum intellectus nostri. Nam triplex est potentia cognitiva: quædam omnino separata à materia quoad esse, & operari, ut intellectus Angelicus: quædam conjuncta materiæ, & quantum ad esse, & operari, ut potentia organica: alia denique est conjuncta quidem materiæ in essendo, sed non utitur organo corporali in operando, ut intellectus noster. Istis omnibus oportet correspondere objecta proportionata: ergo sicuti cognitivæ penitus à materia segregatæ correspondere debet quiditas à materia separata: & secundæ singulare materiale: ita tertiæ assignanda est pro objecto primo quiditas rei materialis, quæ etsi in materia, tamen cognoscitur non ut in materia singulari.

Præterea, potentia passiva tantum se extendit ad illa recipienda, ad quæ potentia activa correspondens se extendit facienda: sed intellectus agens ea tantum, quæ in phantasmatibus representantur, potest facere actu intelligibilia: ergo intellectus possibilis est in potentia ad illa tantum intelligenda: Ea autem sub ratione quiditatis materialis percipiuntur, & attinguntur: ergo talis quiditas est primum objectum intellectus nostri.

Præterea, *Sicut oculus respectu visionis ad lucem solis, vel diei; ita anima nostra intellectus ad ea, quæ sunt manifestissima natura, &c.* Metaphys. Text. c. 1. Sed manifestissima naturæ sunt substantiæ separatæ, omnis expertes materiæ: ergo nos non pertingimus ad illorum cognitionem, nisi quatenus in materialibus quodammodo relucet, atque







AD ARGUMENTA. Ad primum respondeo sicut ex modo essendi potentia non potest concludi similis modus essendi objecti, quod ex sui natura primo respicit; imo magis oppositum: Potentia enim & objectum se habent ut motivum, & mobile, adeoque oportet ea extrema esse dissimilia; quia ut actus, & potentia: & nihilominus interim sunt appropinquate proportionata; quia proportio hæc exigit dissimilitudinem proportionatorum, sicut patet de materia & forma, parte, & toto, causa, & causato. Et quamvis potentia cognoscens assimilatur cognito per actum suum cognoscendi, qui est quædam objecti similitudo: vel per speciem disponentem de proximo ad cognoscendum; ex hoc tamen inferre, oportere intellectum habere modum essendi similem modo essendi objecti, aut è converso, est fallacia Accidentis, & Figuræ dictionis, ac si argueretur, Idem in mente divina, quæ est objecti similitudo, immaterialis est; ergo pariter & lapis, cujus est idem, immaterialis erit: vel, oculus videns per speciem objecti, assimilatur objecto; ergo visus habet modum essendi similem modo essendi objecti: Quod nemo concessit; quia sicut non recipit speciem cum materia, ita multo minus immutatur ab objecto, secundum modum essendi ejus. Quomodo enim igitur non est alius visus, qui videt Cælum, & inferiora, quæ tamen differunt secundum corruptibile, & incorruptibile, ita multo fortius intellectus idem potest intelligere sensibile, & insensibile. Alioquin si ex natura sua pro primo objecto respiceret quiddam rei materialis, cum post resurrectionem naturaliter informet corpus, pariter & tunc non aliud erit statuendum illius objectum, quam eandem quidditatem substantiæ materialis. Imo si propter proportionem objecti ad virtutem per se primum objectum nostri intellectus sit materialis quidditas, Angelus haud cognoscere valeret quidditatem substantiæ materialis, quæ est in materia; quia intellectui omnino separato putant esse attribuentum objectum ita proportionatum, & similem in modo essendi, ut perinde sit abstractum, & à materia segregatum. Sed de his iterum est rediturus erim infra, *quæst. 84. artic. 7.*

Ad Secundum dicendum, assumptum esse verum, quantum ad primam receptionem potentia passivæ, & primam pariter operationem actus; potentia tamen passiva mox atque receperit speciem efformatam ex sensibilibus, vel phantasmatibus relucens in illis, potest in plura, quam activa poterit in prima operatione. Nam postquam intellectus est factus in actu per speciem intelligibilem, potest abstrahere conceptus, & intentiones, & ad invicem copulare (ut declarabitur *infra artic. 12.*) utquequo habeat conceptum proprium Dei, vel spiritualium substantiarum.

Ad Tertium respondeo, Averroem ita exponere præfatum Aristotelis textum, quasi Philosophus voluerit non esse prorsus impossibile nobis cognoscere quodammodo manifestissimam naturam, sed à mox difficile, sicuti difficile est vespertilioni videre lumen solis. Et reddens Commentator rationem suæ expositionis, subdit; quia si impossibile nobis foret intelligere substantias separatas, tunc natura illas otiosas, & frustra fecisset. Quæ ratio non videtur probanda; quia etiam si à nobis nequirent aliquo modo intelligi, non propterea frustra essent: quia non est finis illarum substantiarum, in quantum intelligibiles sunt, ut intelligantur ab intellectu nostro. Deinde, nulla est hæc argumentatio: Non sunt intelligibiles ab intellectu nostro; ergo à nullo: Possent enim in-

telligi à se ipsis; & ideo est fallacia Consequentis.

## ARTICULUS V.

Utrum intellectus creatus ad videndum Dei essentiam al quo creato lumine indigeat.

*Doct. locis in margine citatis. S. Thom. 1. p. quæst. 12. artic. 5.*

VIDETUR intellectus creatus ad videndum divinam essentiam minime aliquo lumine creato indigere. Nam in intelligentia naturali lumen præcedens visionem requiritur propter objecti imperfectiorem; vel quia cum sit tantum in potentia intelligibile, ad hoc ut attingatur, oportet fieri actu intelligibile virtute intellectus agentis; Vel si est actu intelligibile, non est de se sufficiens movendi intellectum ad actum secundum: sed essentia divina est ex se summa lux & de se intelligibilis, & perfectissime motiva intellectus; ergo nullum lumen requiritur cooperativum sibi: Quo magis enim objectum habet de se rationem, & perfectionem luminis, eo minus coexigit ipsum lumen: ergo objectum ex se summa lux nullum videtur coexigere lumen, ut perfecte videatur ab intellectu creato.

Præterea, Si lumen vel habitus præcedens visionem ponatur necessarius, vel sufficiens ratio visioni deitatis eliciendæ: igitur recte, & verè dici posset, intellectum ex puris naturalibus videre divinam essentiam: Hoc autem fuit improbatum in articulis immediatè præcedentibus; ergo nec subsistit id, unde sequitur. Probatio antecedentis: Quamvis cæcus ex miraculo lumen recipiat, tamen semel illuminatus, exinde naturaliter videntia videt: ergo pariter etsi non nisi divinitus ornari queat intellectus lumine, quo ut forma sufficiens attingere possit Deum: cum id lumen, vel habitus sit quid creatum, & naturaliter intellectus perfectivum, ipse suis viribus, & naturaliter videre poterit Deum.

Præterea, Quo quis potest simpliciter operari, illud est potentia: ergo si intellectus nequit habere actum circa objectum supernaturale sibi præsens sine habitu luminis, is habitus est simpliciter potentia intellectiva, aut pars ejus: utrumque est manifestè falsum: ergo intellectus non indiget hoc habitu luminis, ad hoc ut videre queat divinam essentiam.

Præterea, Perfectio inferioris ordinis potest contineri in specie superiori: sed habitus luminis gloriæ, quo potest potentia ad actum visionis Dei, est perfectio ordinis inferioris: est enim accedens perfectivum intellectus; ergo est possibilis intellectus, in quo includatur perfectio inferioris intellectus, & habitus. Is autem intellectus posset in visionem deitatis sine habitu à se distincto.

Præterea, Non oportet ponere in Beatis speciem intelligibilem in memoria, ad hoc ut sit perfecta ex parte intellectus; quia objectum in se præsens sufficit visioni causandæ: sed minus videtur necessarius habitus luminis, quam species; ergo nulla necessitate adstruitur tale lumen in intellectu Beati. Probatio minoris: quanto objectum est magis in se lux, tanto minus propter ipsum requiritur de lumine: ergo cum objectum beatificum sit summè lux, nullo lumine opus erit Beato ad illud contendum.

CONTRA, Est ponendus in Beatis habitus charitatis, dicente Apostolo, 1. ad Corinth. cap. 13.

3. dist. 14. q. 1. & 2. 5. Itaque potest dici.

1. dist. 1. q. 1. 4. Contra istud. V. Contra objectum.

3. dist. 14. ubi supra.

1. dist. 1. q. 1. 4. 5. Contra 4. articulum.

4. dist. 49. q. 11. in argum. primo.

Ibidem 6. Secundo. sic. V. Ex hoc sequitur.

Ex q. cit. de Animi.

Ex 3. Metaph. 11. 3. ult. 11. 16.



3. dist. 21. §. 11.  
Thom. hic  
Ad oppositum.  
2. dist. 17. q. 2.  
in fine & 6. ad  
solucionem.  
Vicenda Colla-  
tio 11. Docto-  
ris, & Recen-  
sentes Scoti-  
stas. Hic rem  
hanc tradan-  
tes.  
4. dist. 49. q. 11.  
5. Respondet  
Magister  
Aquinas.

*Charitas nunquam excidit*: ergo pariter & ha-  
bitus luminis gloriæ in intellectu. Unde & scriptum  
est: *In lumine tuo videbimus lumen*, Pl. 35.

RESPONDEO, Etsi non sit qui communiter ne-  
get in patria habitum luminis gloriæ in intellectu,  
qui habitus, & lumen correspondeat charitatis ha-  
bitui ex parte voluntatis, per quem & habitus, &  
actus ipsius sunt grati, acceptique Deo: ut con-  
sistat tamen de ipsius ratione, necessitate, fine, atque  
energia, esto.

Primum dictum, si intellectus creatus tantum  
passive se habeat respectu visionis beatæ, non in-  
diget habitu luminis gloriæ, ut sit aptus recipien-  
dæ visioni: Probatio: Nam quamvis nihil intelli-  
gatur superaddi naturæ humanæ aut Angelicæ, ip-  
sa de se est capax beatitudinis: & ut summè incli-  
nata ad maximam sui perfectionem, ita & optimè  
disposita ex se ad illam recipiendam. Nam si eva-  
deret disposita, vel capax illius per habitum sibi  
superadditum, igitur natura intellectus manens  
ealem non beatificaretur, nisi per aliquid sibi ac-  
cidentalitè extrinsecum: Id autem non videtur pro-  
babili: quia ipsa creatura intellectualis per pro-  
prias potentias est beatificabilis, atque mediis ear-  
undem operationibus unitur objecto beatifico:  
qui proinde actus recipiuntur citra omne medium  
in potentiis: igitur hæc receptio actuum, quibus  
potentiæ animæ uniantur objecto beatifico, non  
indiget aliquo habitu supernaturali, per quem  
actus recipi queant in illis. Rursus, Ratio reci-  
piendi visionem objecti beatifici, non potest esse  
habitus aliquis in intellectu: quia nec modo per  
habitum recipitur actus: Cum enim habitus gene-  
retur ex actibus, habitus sequitur actus, ex qui-  
bus fit, non è converso. Quod nedum est evidens  
in habitibus acquisitis, verum etiam in infusis: Nam  
cum ex actibus supernaturalibus justificatur pec-  
cator, utique non recipiuntur in anima mediis ha-  
bitibus: ergo si habitus in via non est ratio reci-  
piendi actum, multo minus in patria. Rursus, su-  
ceptivum, quod ordinatur ad plures formas or-  
dine quodam recipiendas, maximè ex se propen-  
dit ad perfectissimam, qua maximè perfici potest:  
sed intellectus se ipso ordinatur ad multas intelle-  
ctiones, quibus immediatè afficitur, & non me-  
diante alio subiecto: ergo maximè ordinatur ad  
recipiendum perfectissimam, quæ est intuitio Dei-  
tatis. Si enim aliquam intellectionem sine melio-  
ullo in se recipit, ut constat: quia ex actibus gi-  
gnitur habitus, sanè multo magis de se ordinatur  
ad perfectissimam, qua maximè perfici potest.

Deinde, si lumen necessario requiritur, ad hoc  
ut intellectus recipere queat visionem Deitatis, ma-  
ximè ut per illud habeatur præsentia objecti: sed  
per habitum luminis gloriæ non aliter esset ob-  
jectum intellectui præsens, quam sine eo: objecto  
autem eodem modo præsentem intellectui, potest in-  
tellectus perinde recipere visionem objecti: ergo  
si intellectus sit tantum susceptivus visionis beati-  
ficæ, non est sibi necessarium aliquid lumen præ-  
vium. Probatio maioris: nam posito luminis ha-  
bitu in intellectu, non propterea est objectum  
præsens, nisi voluntariè se repræsentet, ut existit  
declaratum supra, articulo quarto: ergo id lumen  
nihil conferre potest ad hoc ut objectum sit præ-  
sens potentiæ tanquam visum: imo eo non posito  
objectum potest voluntariè fieri præsens intelle-  
ctui recipienti visionem ad ipsum terminatam.

Tandem, si in intellectu necessario aliqua for-  
ma foret ponenda prior visionem deitatis: aut ergo  
se haberet ad visionem in ratione causæ efficientis,  
aut in ratione causæ materialis, ut proprium ejus

receptivum, sicut superficies respectu coloris. Si  
primo modo: ergo absolute sine ejusmodi habitu  
potest visio in potentia recipi: quia quicquid Deus  
potest per causam efficientem medium, potest etiam  
immediatè seclusa tali causa. Sed neque secundo  
modo potest poni lumen esse necessarium: Tum  
quia, tunc intellectus, ut est aliquid animæ, esset  
beatus in tali lumine: quia receptivum multarum  
formarum, cum habuerit perfectissimam illarum  
immediatè quietatur: ejusmodi est lumen in con-  
traria hypothesi, quia intellectus ex se nequit alias  
recipere formas, nisi per illam: & ita intellectus,  
ut est aliquid animæ, quietaretur naturaliter prius,  
quam sibi inesset, visio verbi, quod est impossibile.  
Tum quia intellectus non beatificaretur, nisi per  
accidens, sicut substantia, quantum ad potentiam  
passivam ejus quietaretur per accidens, per colo-  
rem possibilem inesse superficies. Imo, si luminis  
habitus per se esset, cum sit quid absolutum, & ra-  
tio recipiendi visionem (ut putatur) posset illam  
recipere: & ita is habitus per se existens, posset  
beatificari visione: quod nemo dixerit. Et insuper  
anima rationalis secundum quid tantum perficeretur  
beatitudine, sed habitus visioni præexactus  
simpliciter: atque ita habitui conveniret videre  
Deum, & non animæ, nisi per accidens, & secun-  
dum quid. Præstat ergo dicere, naturam intelle-  
ctualem, citra omnem habitum prævium, recipere  
visionem divinæ essentiae, si potentia intellectu-  
va se habeat tantum passivè ad illam.

Secundum dictum: sicuti lumen gloriæ non est  
ponendum in intellectu Beatorum, si intellectus  
sit potentia duntaxat visionis receptiva: ita si in-  
tellectus activè concurrat ad omnem sui intelle-  
ctionem, sibi non est necessarium lumen prævium  
ad visionem, ex parte objecti: tanquam species  
ipsum, qua nimirum actu objectum evadat visibi-  
le. Neque rursus est necessarium sibi, ut gerat vi-  
cem in potentia habitura actus ab oculis: Nec de-  
nique quasi sit intellectui principium totale simpli-  
citer operandi. Declarantur singula: Primum;  
quia in naturali intellectione ideo est necessarium  
lumen præcedens visionem, quia objectum vel non  
est de se actu intelligibile, sed potentia solummo-  
do: vel quia per se non est sufficiens ad movendum  
intellectum: essentia autem divina est summè lux  
ex se, & esset acissima ad novandum, cum immu-  
tare voluerit intellectum ad noticiam sui: ergo in-  
tellectui activè se habenti ad suas operationes  
opus non est habitus luminis, per quem objectum  
fiat sibi actu intelligibile, vel tanquam cooperati-  
vum sibi, evadat sufficiens ratio movendi ipsum  
intellectum.

Secundum declaratur: Habitus in nobis habet  
hanc perfectionem, ut maneat in anima transeun-  
te actu: eoque fit, ut intellectus, qui nequit habe-  
re noticiam plurium objectorum simul, habeat sal-  
tem noticiam eorum sicut potest, nempe per habi-  
tum: sed si aliquis actus ex natura sua foret ita  
permanens, sicut habitus dicitur permanere, equi-  
dem respectu ejus actus non oporteret ponere ha-  
bitum. Atqui visio beata ex natura sui est forma  
ita permanens in intellectu, sicut habitus, qui po-  
nitur prior: ob præsentiam enim perpetuam ob-  
jecti, perpetuus est talis actus: cum ergo habeat  
perfectionem actus primi, & secundi, nullus est  
huic visioni necessarius habitus, quasi gerens vi-  
cem actus: quippe qui in se perinde maneat, ac  
habitus.

Tertium denique probatur: quia si lumen sit  
intellectui omnimoda ratio simpliciter agendi: er-  
go tunc ipse merè passivè se habebit respectu visio-

4. dist. 49. q. 11.  
c. 11.

2. dist. 14. q. 2.  
c. 11.

3. dist. 14. q. 2.  
§. 1. in prima quæ-  
stione.  
Vicenda expo-  
sitiones Pontii,  
& Lycheri 1.  
dist. 3. q. 3. su-  
per §. Et si di-  
cas.



nis, contra suppositum; sicut aqua, quæ per calorem sibi extrinsecus advenientem, calefacit; & rursus, quomodo illa visio erit vitalis, & intellectiva, cum lumen non habeat in se eas rationes: Sicut ergo à lumine visio est supernaturalis, ita ab intellectu vitalis; nequit igitur lumen esse ratio simpliciter agendi intellectui, sed partialis. Non cogimur ergo admittere lumen in intellectu Beatorum, neque ut necessaria dispositio recipiendi visionem; si solummodo is visionem recipiat: neque si sit causa actus illius, oportet habitum luminis ponere, quasi coadiuvans objectum ad suam filtrationem; neque ut gerens vicem actus; qui non præterlabitur, sed semper manet; nec tandem ut totalis, & omnimoda ratio agendi intellectui, objectum beatificum attingenti.

Tertium dictum: Intellectu activè se habente ad visionem, est admittendus in ipso habitus luminis gloriæ, quo supernaturaliter & perficiatur, & elevetur ad attingendam visionem Dei supernaturalem; idque de facto, & de potentia ordinaria; absolute enim valeret eandem attingere visionem Deo supplente concursum causæ alterius, vel habitus spectantis ad actum primum. Declaratio: siquidem sicuti eadem est natura intellectus nostri in via, & in patria, ita eandem pariter utrobique habet potentiam videndi objectum beatificum: at in via ea potentia est remota, in patria vero propinqua; igitur oportet ut fiat potentia proxima virtute alicujus formæ sibi inhærentis, ac spectantis ad actum primum, per quam actus supernaturalis secundus, vel visio fit illi proportionata: eju modi autem forma, vel habitus appellatur lumen gloriæ, eo quod detur intellectui, ac per ipsam eliciatur actum perfectum, prout sibi objectum ostenditur, juxta leges à divina providentia præfixas. Cum ergo possit intellectus activè se habens recipere duas perfectiones ordinatas, scilicet habitum luminis, ut actum primum, & visionem ut actum secundum, congruum est, ut illis ordinate perficiatur. Nec aliter de facto evenire potest, ut est evidens in voluntate recipiente actum primum charitatis, cum quo exinde exit in actum secundum fruitionis: Quamvis uterque actus absolute possit esse sine alio; igitur de facto est in intellectu forma supernaturalis in ordine ad actum supernaturalem, seu visionem, sicuti datur in voluntate respectu fruitionis. Deinde, voluntati non elevatur per charitatem, & habenti actum dilectionis erga ultimum finem clarè visum, non foret is actus supernaturalis; imò nec beatificus: eju modi enim actus cum non excederet facultatem potentie elicientis, profecto esset sibi naturalis; & quoniam ea voluntas ordinatè posset, & deberet velle habere sibi inherentem charitatem, quæ ipsa, eju que fruitio foret Deo accepta, haud esset beata, quia non haberet quicquid ordinatè potest desiderare; ergo consimiliter videns objectum beatificum, & carens habitu supernaturali, unde potentia elevatur, & completur, & redditur potens supernaturaliter operari: nec is actus videndi esset supernaturalis, nec visio beatifica; requiritur ergo, ac de facto reperitur in Beatis ex parte intellectus, forma elevans potentiam hanc sicuti per charitatem elevatur, & perficitur voluntas ad eliciendum fruitionem beatificam, & supernaturalem. Confirmatur, quemadmodum ex habitu naturali est, ut potentia habituada facilius, delectabilius, & intensius operetur: ita ab habitu supernaturali est, quod potentia simpliciter supernaturaliter operetur; adeo ut citra eum regulariter nequeat operari, nisi naturaliter: is itaque

habitus est principium, quo quis potest in actum supernaturalem: ergo cum visio essentia divina sit supernaturalis, omnino talis actus erit à potentia elevata, & constituta per formam supernaturalem, supra sphaeram suæ naturalis potestatis, & activitatis.

Quod autem absolute possibile sit, Deum ab intellectu creato videri supernaturaliter sine ullo habitu prævio in intellectu, ex eo constat; quia ipse potest supplere quicquid præstat lumen intellectu. Cum enim hæc forma adstruenda sit in Beatis gratia operationis intellectivæ eliciendæ: (non enim propter receptionem operationum ponitur; neque est ponenda aliqua forma in intellectu, & voluntate Beatorum solum ad decorem, & pulchritudinem) & Deus omnem causam secundam in genere efficientis valeat supplere, posset intellectui activè videre divinam essentiam sine omni lumine, vel forma, per quam regulariter, & de facto Beatorum intellectus evadunt proximè apti ad visionem Dei supernaturalem, atque eadem est ratio de voluntate respectu charitatis.

AD ARGUMENTA. Ad primum respondeo, ex dictis in secunda assertionem, revera ex parte objecti nullum esse necessarium lumen: quia verissimè ipsum de se est summè lux intellectualis, & infinitæ efficacis ad movendum: adeoque intellectui attingenti tale objectum nullum est necessarium lumen, quo fiat objectum visibile. Veruntamen de facto, nisi prævio lumine, vel forma aliqua supernaturali reducatur ad actum intellectus creati potentia remota, & subinde evadat proximè apta eliciendæ operationi supernaturali, licet possit habere actum naturalem, & attingere objectum sibi præsens, haud tamen eliceret valeret intellectus supernaturalem, & beatificam. Hac igitur de causa adstruendus est habitus luminis in intellectu Beatorum: scilicet, non ex parte objecti, sed potentia indigentis elevari supra naturales vires ad eliciendos actus supernaturales: nisi quicquid præstatis habitus, aliunde suppleatur: qui tamen casus non comprehenditur in dispositione præsentis providentiæ divinæ.

Ad Secundum dico, declaratum esse in 2<sup>o</sup> & 3<sup>o</sup> assertionem, habitum infusum tribuere quidem potentis intellectivis vim operandi supernaturaliter, sed non tamen dare illis omnimodam potestatem simpliciter operandi, si ponantur activæ respectu objecti beatifici. Nam visio Dei: quæ necum est supernaturalis, sed etiam vitalis, & intellectiva, quæ rationes ab lumine sibi communicari nequeunt itaque visio beatifica, quia pendet ab habitu supernaturaliter infuso, & a voluntaria præsentia objecti, nequaquam appellari potest naturalis: imò ex parte principii, & termini absolute est supernaturalis. Et quamvis regulariter ad eum habitum sequatur præsentia objecti, & visio subinde eju dem, absolute nihilominus & habitus esse potest sine visione, & ipsa visio, è converso, sine lumine: licet tunc non foret appellanda supernaturalis, nisi supernaturaliter Deus suppleret omne id, quod sibi tribueretur à lumine, si inesset.

Ad Tertium, respondeo ex proximè dictis: Habitum non præbere potentia simpliciter operari, sed duntaxat supernaturaliter operari: ac proinde non sequi, quod inferatur.

Ad Quartum respondeo, non omnem perfectionem inferioris posse contineri in superiori, e si aliqua contineatur. Igitur, quoniam potentia, & habitus, non eju dem, sed alterius rationis, habent causalitatem, et si ad unum, eundemque actum simul concurrant: habitus enim ex ratione sui est causa

4. dist. 49. qu. 1.  
5. dist. hoc sequitur.

3. dist. 14. qu. 4.

4. dist. 49. qu. 1.  
5. dist. hoc sequitur.

3. dist. 14. qu. 1.  
5. dist. hoc sequitur.

4. loc. citato 5.  
Ad argumentum principale  
1. dist. 10. qu. 4.  
Ad argumentum principale  
1. dist. 10. qu. 4.  
2. dist. 10. qu. 4.  
3. dist. 10. qu. 4.

4. dist. 49. qu. 1.  
Respondeo: 1. 50.

1. dist. 17. qu. 3.  
Ad argumentum, quæ facta sunt.  
V. Adversum.



secunda, & potentia prima; quantumvis poterit virtus augetur, nequaquam evaderet causa secunda, sed semper foret prima, productiva actus una cum habitu, & ita pariter quantumvis habitus virtute auctus intelligatur, semper causa secunda erit. Quemadmodum virtus generativa patris quantumcumque augetur, non posset fieri virtus generativa matris; imo quo major esset potentia virtus, eo finè habitu foret imperfectior: quia quanto aliquid est aptum ad maiorem perfectionem, si ea careat, tanto est imperfectius. Intellectus igitur finè habitu supernaturali posset in visionem Deitatis, si fieret sibi præsens, sed nequaquam ei visioni inesset perfectio, quam alias nata esset habere ex habitu infuso; itaque neque supernaturalis, neque beatifica esse posset.

Ad Quintum, concedo maiorem, ob probationem, quæ subjungitur. Et cum dicitur, minus videtur necessarius habitus luminis, propterea quod objectum sit in se lux. Respondeo, utique minus esse necessarium lumen ex parte objecti quam speciem: sed jam expositum fuit in præmissis, qualiter non gratia objecti adstruitur, sed ob diminutam virtutem potentia, quæ aliter nequireret elicere operationem supernaturalem. Cæterum forma hæc supernaturalis in intellectu, prævia ad visionem essentia divina, non nisi per metaphoram appellatur lumen, eique id vocabulum aptatur, ex eo quod spectet ad intellectum, cuius est intellectu aliter videre: veruntamen hic non exercet hæc forma aliquid proprium munus luminis materialis, per quod colores redduntur actu visibiles, ob rationem jam dictam; quia objectum beatificum de se est intelligibile actu, & summe visibile. Ad hoc igitur munus obeundum, concedendum est, minus esse necessarium lumen, quam speciem objecti intelligibilem. Sed non ideo negatur, aut rectè neganda est forma aliqua supernaturalis in intellectu Beatorum, sicut docet fides, dari aliam in ipsis ex parte voluntatis; quæ charitas à scriptura appellatur.

Ad Argumentum in oppositum respondeo, necessario ponendam esse charitatem in voluntate Beatorum, juxta Apostolum citatum; idque propter operationem elicendam: unde minus rectè sentire videntur; qui putant, voluntatem tantum passivè se habere ad fruitionem; quia tunc voluntati opus non esset charitate, qua tamen, secundum fidem, in patria Beati ornati reperiuntur. Sed non eadem certitudine constat dari pariter lumen in intellectu Beatorum, per modum habitus; quia id in scriptura expressum non reperitur. Et cum adducitur illud Psalmi: *in lumine tuo videbimus lumen*. Respondeo, cum ipsa visio sit lumen perfectum, eadem facilitate diceretur ipsam esse lumen, quo formaliter videtur Deus in patria, & non aliquis habitus intellectui inhærens. Cum enim creatus omnis intellectus indigeat auxilio supernaturali ad videndam divinam essentiam; neque ullæ naturæ vires ad id satis esse queant; ipsum auxilium actuale, quo elevatur potentia ad visionem Dei, rectè potest appellari lumen, ut idem sit *in lumine tuo*, ac in auxilio, vel per tuum auxilium videbimus te.

ARTICULUS INCIDENTS.

Utrum fieri possit creatura, quæ Deum naturali sua virtute videat.

Doct. locis in margine citatis. S. Thom. 1. p. quæst. 12. artic. 5. §. Ad tertium.

**V**IDETUR possibilis creatura intellectualis, quæ Deum ex naturalibus suis videat. Nam Deus intuetur ab intellectu habitu luminis gloriæ ornato, & instructo, ex præcedenti articulo; sed nulla est repugnantia fieri intellectum unitivè continentem perfectionem habitus luminis gloriæ; ergo is intellectus tunc naturali sua virtute Deum intuitivè videret.

Præterea, Deus potest facere in creatura quicquid non repugnat limitationi ipsius: sed non videtur esse contra rationem creaturæ, Deum creare unam ex ipsis, in qua contineatur perfectio habitus luminis gloriæ: Is enim habitus est quid finitum; addita ergo ejus perfectione alteri finitæ non constatur aliquid infinitum, vel repugnans creaturarum limitationi; ergo cum Deus possit omni creatura data nobiliorem creare, poterit & in tali gradu aliquam condere, quæ contineat unitivè perfectionem habitus luminis gloriæ, ac potentem subinde ex sua naturali perfectione Deum videre.

Præterea, Voluntas non informata habitu charitatis posset elicere actum fruitionis circa objectum beatificum clarè visum; etsi interim concedatur non esse beatam, quia deberet velle actum suum esse Deo acceptum per charitatem, qua caret; ergo Deus tantum perfectionis posset addere illi actui fruitionis, ut nihil in eo foret desiderandum: & consimiliter in actu visionis. Probatio consequentiæ; Deus absolutè posset acceptare actum fruitionis elicicum à sola voluntate; ergo in alterius Providentiæ ordine, non repugnat fruitionis actus sine charitate: eadem autem est ratio de actu intellectu; ergo sicuti tunc voluntas ex naturalibus fruere Deo, ita & intellectus videret.

CONTRA, 1. ad Thimotheum, cap. 6. Apostolus dicit de Deo: *Qui lucem habet inaccessibilem, quam vidit nullus hominum, sed nec videre potest*; est igitur impossibilis intellectus creatus, qui ex naturalibus suis Deum videat.

RESPONDEO dicendum, esse impossibilem creaturam intellectualem, cui fiat connaturales habitus supernaturales luminis, & gratiæ. Nam si creatura aliqua intellectualis unitivè contineret perfectionem habitus luminis gloriæ, sic ut habitus evasisset substantia, ut calor ignis; igitur intellectus inferior non esset capax talis habitus supernaturalis, nec posset elevari ad visionem essentia divina: Id autem nemo dixerit; ergo existimandum impossibile id, unde sequitur. Probatio sequentiæ: etenim quod est intrinsicè alicui, ut proprius, & supremus gradus substantiæ ejus, aut se quæ, vel passio, talis perfectio sibi propria nulli alteri ab illo potest convenire: Per eam namque rationem distinguitur ab aliis, & præsertim inferioris gradus, & perfectionis; ergo si natura esset intellectus perfectissimus intueri Deum clarè, jam hæc perfectio repugnaret omni alii intellectui, qui non foret perfectissimus.

Deinde, Deus est tale objectum: ut ejus naturæ sit non videri, voluntatis videre, ut ait Ambrosius super 1. Lucæ; nempe, quia ejus natura non est causa naturaliter activa visionis creatæ, terminatæ ad

4. dist. 49. art. 1. §. Ad tertium.

2. dist. 27. §. Ad primum.

4. dist. 49. q. 1. in argum. præcip.

Ex dist. 27. 2. in argum. præcipalibus.

1. dist. 1. q. 4. §. Ad argumentum præ quæst. articulo.

4. dist. 49. q. 11. citata.

2. dist. 31. §. Respondeo. V. Sed hic est unum dubium.

3. dist. 14. q. 2. §. Itaque potest dici.

Prolog. Report. Lib. 2. B. 10.

4. dist. 49. q. 11. in fine. Un. Magister Hæreticus. & Recentiores. S. 1. dist. 1. q. 2. de virtute Beati.

Quodlibet. 14. §. Descriptio.



adipsum; (ut supra articulo quarto extitit declaratum) sed creata intellectuali natura cum omni perfectione sibi possibili, non propterea alia posset intelligi natura Deitatis, vel objecti beatifici; nam adhuc illius *natura esset non videri, & omnino voluntatis, & libertatis videri*; ergo impossibilis est creatura, cui sit connaturalis visio essentialis divinæ: etenim omnem creaturam seu factam, seu possibilem perinde in infinitum, & ultra omnem proportionem Deitas excederet, & eodem modo sibi repugnaret immutare naturali concursu intellectum perfectissimum, ac infinitum. Si ergo reputat intelligere potentiam creatam, cui sit connaturalis visio essentialis divinæ (quia nequit contingere, nisi ex voluntate, & gratia objecti illius) pariter fieri non poterit intellectus, in cuius natura includatur habitus luminis gloriæ sic, ut in ipso unitivè contineatur.

Denique, Quando aliquid ex sui ratione formali habet esse perfectivum alterius, alterum vero esse ejus perfectionis susceptivum, & perfectibile ab illo, fieri non potest, ut unum in altero unitivè contineatur: siquidem hæ rationes, ut tales, sunt primo diversæ; ergo impossibile est, unum continere reliquum unitivè, quantumcunque intelligatur augeri in sua perfectione substantiali, & essentiali in suo genere: exemplum de materia, & forma, substantia, & accidente; imò quo magis intelligitur unum in sua perfectione essentiali crescere, eo magis alterum excludat oportet. Unde, quo perfectior est forma, eo actualior, & excludens rationem formalem materiæ, quæ est potentia receptiva formarum: Atqui habitus supernaturales sunt perfectiones potentiarum finitarum; ergo quantumcunque hæ potentiæ producantur perfectæ, non poterunt continere unitivè perfectionem habituum; imò quo perfectiores, eo magis capaces perfectionum, quas ab habitus supernaturalibus mutuare possunt, & tandem sine habitibus imperfectiores.

Ad ARGUMENTA. Ad primum respondeo, quantumvis potentia finita intelligatur habituata supernaturaliter, semper nihilominus objectum beatificum est ipsi voluntariè, & non naturaliter ostensum: sicut ergo non ex intrinseca virtute habitus de facto videtur Deus intuitivè, sed ex gratuita voluntate, qua vult videri; ita de possibili intelligendo habitus virtutem esse alicui intellectui connaturalem, non propterea naturaliter videtur; quia nullus intellectus possibilis potest esse objectum necessario motivum, iuxta dicta supra, articulo quarto. Cæterum, cum implicet talis creatura unitivè continens perfectionem habitus gloriæ, vel charitatis (eadem enim est ratio de uno, ac de reliquis habitibus supernaturalibus) dictum fuit in assertionis declaratione. Non enim quia aliqua perfectio inferioris potest contineri in superiori, ideo quæcunque potest contineri: imò si fieret summa voluntas, & summus intellectus, eodem modo se haberent respectu visionis, & fruitionis divinæ essentialis, sicuti de facto ad eandem actus comparantur intellectus, & voluntas finitæ perfectionis. Imò, (ut tactum fuit in solutione) ut suprema, & finita potentia intelliguntur careere habitibus, quibus possunt perfici, eo est imperfectior suprema reliqua infimæ perfectionis, quo magis est capax habituari, & perfici per habitum supernaturalem. Et si fingas, supremæ potentiæ habitum transisse in ejus naturam, tunc profecto, (ut deduximus in prima ratione) infima potentia non posset habituari per talem perfectionem, cujus nempe ratio sit unire animam objecto beatifico

median e acta, per quem attingitur, atque illi unitur natura intellectualis.

Ad Secundum respondeo, fieri non posse, ut natura perfectionis limitatæ contineat unitivè suas extrinsecas perfectiones, ut exemplificatum fuit de materiæ, & forma: quo enim perfectior intelligitur forma, eo in sua formali ratione excludat oportet id, quod sibi est primo diversum, sicuti est potentia receptiva: oporteret ergo talem substantiam esse formaliter infinitam, ad hoc ut unitivè contineret suas perfectiones. Et si ergo habitus supernaturales sint finitæ perfectionis, tamen nullus gradus entis, vel substantiæ, vel maximus est possibilis, in quo contineantur unitivè perfectiones habituum supernaturalium. Quomocunque igitur, & qualitercunque contrarietur gratia, vel alius habitus supernaturalis alicui creaturarum, semper tamen gratia esset gratiæ, & liberæ voluntatis divini, nec esse posset naturalis, nec intelligi ut consequens necessariò naturam.

Ad Tertium, concedo majorem, ob causam, quæ subicitur: & cum inferitur; ergo Deus posset addere quicquid ei deest ad fruitionem: est responsio, id fieri non posse de lege communi; quia nulla potentia habitualis potest habere actum ita perfectum sine habitu, sicut cum illo: imò, quanto potentia est perfectior, tanto minus est habitura actum proportionabilem suæ perfectioni, si careat omni habitu, ut dictum est in antecedentibus. Ad probationem, qua dicitur; Deus in alterius providentiæ ordinatione acceptare posset actus fruitionis sine charitate. Verum est, quia potuisset disponere esse acceptandam naturam beatificabilem, existentem in puris naturalibus, & ita actum fruitionis ejus. Sed ex his nulla est illatio ultimæ consequentiæ; quia nec tunc voluntas ex natura sua frueretur Deo, quasi naturæ illi deberetur ea fruitio, quia foret ex gratuita Dei voluntate, & liberalitate: nec pariter intellectus de sua naturali virtute, & perfectione Deum videret, sed ex gratia, qua liberè, & volens ostenderet se videndum intellectui creato.

## ARTICULUS VI.

Utrum videntium essentiam Dei, unus alio perfectius videat,

Doct. 4. dist. 50. q. 5. S. Thom. 1. p. q. 12. art. 6.

**V**IDENTUR omnes contuentes divinam essentiam, æqualiter omnino videre. Siquidem Matthæi 20. scribitur; *singuli acceperunt singulos denarios*. Ubi est sermo de redditione sempiternæ mercedis ob temporales labores; ergo si pars merces retribuitur laborantibus in vinea, omnes Beati Deum videntes in patria, æqualiter vident. *Visio enim est tota merces*, secundum Augustinum, 1. de Trinit. cap. penultimo.

Præterea, Augustinus, 83. qq. q. 32. *eandem rem non posse alium alio plus intelligere, non est dubitandum*. Quod & probat per hoc, quia aliter intelligens rem, quàm est, fallitur; ergo cum Beati contuentes Deum sicuti est, falli nequeant, profecto omnes, qui eandem summam rem vident, æqualiter vident.

Præterea, Augustinus super Joannem, homilia 67. (& adducitur à Magistro, 4. dist. 49. cap. 4.) *omnium, (inquit) erit par gaudium*. Gaudium autem vel est idem quod operatio, vel certè consequitur operationem; ergo æqualis delectatio sequitur ad parem operationem; igitur videntium essentiam Dei,

3. dist. 93. c. 10.

3. dist. 17. q. 5. 5. Ad argumenta præopinione V. Respondeo.

Ibidem 5. dist. secundo articulo.

4. dist. 49. q. 11.

2. dist. 27. q. 1. Ad secundum.

4. dist. 49. q. 11. loc. cit.



Dei, unus alio perfectius non videt, sed magis æqualiter intuentur.

Præterea, Sint duo Beatorum inæqualiter essentiæ divinam contuentes; igitur ea inæqualitas in actu aut est ab influxu intellectus, activè se habentis ad illum, aut à luminis habitu. Si ab intellectu esse dicatur; ergo inæqualitatem actus supernaturalis causat intellectus secundum proprias vires naturales: si verò sit per habitum infusum; igitur nobilior intellectus non habens intensum habitum, ut ignobilior, non poterit æqualiter videre objectum beatificum; quod videtur inconveniens.

Præterea, Esto intellectus nobilior, & ignobilior habeant æqualem habitum supernaturalem: si dispares sunt actus videndi in patria, utique perfectior est habiturus actum perfectiorem: atqui habitus supernaturales in patria regulariter correspondent meritis acquisitis in via; ergo paribus meritis non retribueretur par gloria, & beatitudo; quod est inconveniens.

CONTRA, Plal. 61. *Reddes unicuique secundum opera sua*; opera sunt inæqualia; ergo etiam videntes essentiæ Dei, eaque fruentes, inæqualiter vident, atque fruuntur.

RESPONDEO dicendum, seu Beatorum potentia (per quarum actus illi objecto uniuntur beatifico) sint æquales, habitus verò, quibus eleantur supra vires naturales, inæquales: vel contra, habitus æquales, & potentia inæquales, visionem, & fructum essentiæ divinæ esse inæqualem: ut proinde sit indubitatum, mercedem esse reddendam pro operum mensura: & sicuti differt stella à stella in claritate, ita distinguendum esse Beatos, ut ait Apostolus, 1. ad Corin. cap. 15. per magis scilicet, & minus intensam Dei fructum. Probatio: effectus ordinarum causarum communis, potest esse majoris & minoris perfectionis, tam ex perfectione causæ primæ, quam secundæ: Si enim natus est esse minus intensæ perfectionis, & intensioris pro mensura causarum ejus: profecto aucta una ex illis causis, major perfectio est in effectum redundatura: Sed potentia est causa prima, habitus vero causa secunda respectu effectus communis: ergo pro diversitate alterutrius causæ, alius & alius erit effectus. Sive igitur videntium Deum intellectus sit nobilior, & efficacioris subinde operationis, ut Angelicus respectu intellectus humani: si quis intensiorem habitum promeruerit, semper visio, & fructio erit his in casibus inæqualis: & alioquin non apparet ulla repugnantia, quin circa objectum sub ratione infiniti cognitum possit esse, vel haberi actus perfectior in uno quam in alio. Huc faciunt dicta *art. 2. §. 3. q. 97. Supplementi*. Et porro videnda pro præsentis quaestioni exactiori intelligentia.

Deinde in Principe Deo, & Rectore universitatis rerum est ponenda iustitia commutativa, quæ propriè est in ordine ad præmia, & pœnas rependendas: ut scilicet pro meritis, quasi commutando reddantur præmia, & pro peccatis supplicia: non quasi propriè sit in Deo talis iustitia, cum nequeat esse, nisi inter æquales: sed secundum aliqualem proportionem, sicuti inter servum, & Dominum: ut quemadmodum servus facit quod suum est, ita & Dominus reddat, prout decet suam magnificentiam, retribuendo majus bonum, quam servus possit mereri, ac puniendo citra id, quod meritis fuit: Atqui hunc Principem, & Rectorem non decet paria omnibus irrogare supplicia, ac iidem plectere pœnis, quos legem à se latam constat non pariter esse transgressos: ergo consimili-

ter nec paria præmia reddere omnibus: qui non omnes pari affectu, studio, & diligentia ejus mandatis obtemperaverunt. Quoties ergo cum paribus meritis redire ad patriam contigerit, his paria præmia rependenda esse, non est dubitandum: Et qui cum sola gratia baptismali hinc emigrant: vel sanguinis Baptismo abluti, priorum meritorum prærogativa carentes, pares in gloria futuros esse, pro certo tenemus. Credibile est etiam, aliquos ex hominibus, de largitate gratiæ divinæ, sibi acquisivisse merita Angelorum, ac pari gloria cum illis esse donatos, juxta promissum Salvatoris: *Erunt sicut Angeli Dei in Cælo*, Matth. 22.

AD ARGUMENTA. Ad primum respondeo, nomine *denarii* Patres intelligere vitam æternam, quam parem urumquemque Beatorum accipere certum est. Et tamen interim unum esse alio beatiorum, prout causæ effectivæ actus beatitudinis sunt magis, & minus perfectæ; pro indubitato tenemus.

Ad Secundum, cum ait Augustinus, *qui intelligit rem aliter ac est fallitur*; Ea alietas vel determinat actum intelligendi: & sic est propositio falsa: quia omnis intellectus creatus intelligit rem aliter, ac est, cum intellectus sit accidens: quod autem intelligitur, esse possit substantia. Quo sensu Augustini propositio non est alia ab illa Philosophi dicentis: *ab eo quod res est vel non est, ratio dicitur vera, vel falsa*. Vel alie, as refertur, & afficit rem, quæ intelligitur: quo pæto intellectus intelligens rem aliter, ac in se sit, planè fallitur: quia non intelligit rem, quam cognoscere opinatur. Cum hoc tamen bene stat, unum clariorem intelligendi modum habere præ alio, pro ratione, & mensura perfectionis suæ potentiaæ intellectivæ.

Ad Tertium dicimus sic: Interest referre antecedentia, & subsequenda verba Augustini: *Multa, inquit, mansiones in una Domo erunt, scilicet, variae præmiorum dignitates: sed ubi Deus erit, omnia in omnibus, erit etiam in dispari claritate par gaudium*. Vult igitur præmiorum dignitates in dispari gradu futuras in illa domo, ubi mansiones multæ sunt: sed & disparem esse claritatem continentium Deum. Cum itaque fudigat disparem claritatem sequi par gaudium in omnibus: profecto non intensivè intelligit id esse eventurum sed extensivè, quatenus de omni re, undè gaudebit unus, gaudent & cæteri omnes. Actus ergo fructiois, ac visionis, quoad sui intensivam perfectionem, dispar erit, secundum inæqualitatem causæ productivæ ipsius, & subinde delectatio inde sequens, magis, & minus intensa sit oportet: quippe quæ ad actus proportionem crescat, & diminuat.

Ad Quartum dicendum, non esse in actu visionis beatificæ aliquid præcisè correspondens unicuique causarum ejus, & aliquid alteri: sed totus ille effectus ex æquo correspondet totali causæ, etsi integretur ex duabus necessario. Si esset enim à solo lumine, non foret vitalis nec intellectivus: & si duntaxat ab intellectu produceretur, minimè esset supernaturalis: totus igitur secundum omnem sui perfectionem, est à duobus principis ordinatis in diverso ordine principiandi. Et cum subditur: igitur perfectior intellectus habens habitum minus intensum ac imperfectior, non eliciet visionem parem imperfectioris intellectus: Respondeo, ad scopum præsentis quaestioni, satis esse, ut producat visionem, juxta perfectionem causæ integratæ ex intellectu, & lumine.

Ad Quintum respondeo, si in dispari intellectu repe-

4. dist. 40. quæst. 6. §. Quarta conclusio.

4. dist. 4. q. 7. & 9.

2. dist. 11.

Videndus Magister Hiquens super quæst. 6. dist. 50. Quartum, d. num. 13. docens, eundem esse sensum, hic S. Thomæ, & Scoti.

1. dist. 17. q. 2. §. Tercio modo.

1. dist. 22. quæst. 9. §. De ratione. V. Secundo concluditur.

4. dist. 46. q. 1. §. Ad propositum.

1. dist. 11. num. 1. §. Argumenta. Quia iustitia ponitur.



reperitur habitus luminis æquè perfectus, par emfore visionem utriusque; quia perfectior intellectus non aget toto conatu, secundum quem conatum producit actum suum imperfectior. Neque tali in casu perfectior non erit perfectè beatus, aut conabitur perfectiorem actum producere, nempe, juxta vires sibi innatas: quia Beatus non potest velle aliquid contra beneplacitum divinum, & præsentis providentiæ leges; secundum quas Deus attemperat suum concursum cum Beatis, ut actus, quibus uniuntur objecto beatifico, cor respondeant prærogativæ meritorum. Nihil ergo Beati vivacioris intelligentiæ, & parium meritorum, cum minus natura præstantioribus habent intuitu naturalium præa iis, quibus sunt in merito pares: nec propterea ulla vis his infertur, per subtractionem concursus attemperati propriæ capacitati, sicuti nec aliqua intervenit violentia, ex eo quod non expleatur eorum capacitas naturalis, quæ in omnibus est ad summam fruitionem. Quemadmodum ergo hæc regitur, & moderatur per rationalem appetitum; ita & is regulari debet secundum leges à divina sapientia præscriptas, quibus statutum est, singulis esse reddendam mercedem juxta eos, quos sustinuerunt labores in præsentis vita, pro observantia mandatorum Dei.

## ARTICULUS VII.

Utrum videntes Deum per essentiam, ipsum comprehendant.

*Doct. locis in margine citatis. S. Thom. 1. p. quæst. 12. artic. 7.*

**V**IDETUR visio intuitiva Dei esse comprehensiva ipsius; ac proinde videntes Deum per essentiam, eum comprehendere. Nam comprehensores contuentes Deum, vident ipsum per essentiam, & ut infinitum bonum, ex dictis supra, articulo primo, nec sub alia ratione foret quietativus se contuentium: Sed ex hoc vident ipsum unum in tribus Personis, in quibus subsistit, eo quod nūntius; & exinde omnes aliæ perfectiones illis innoscunt; ergo planè comprehenditur à Beatis. Tunc enim dicimur aliquid comprehendere, cum nihil ejus, quod cognoscitur, latet videntem: quæ fuit Augustini doctrina, *Epist. 112. cap. 8.*

Præterea, Possibile est intellectum creatum cognoscere omnia, quæ refulcent in Verbo (ut de Christi anima dicitur 3. part. q. 10. art. 2. & 3.) sed exinde sequitur eum intellectum videntem omnia in Verbo, ipsum comprehendere Verbum; ergo saltem fieri potest, ut videntes Deum per essentiam, eum comprehendant. Probatio minoris. Quo plures effectus cognoscuntur, eo perfectiùs attingitur causa illorum; ergo potens attingere omnes, vel infinitos effectus causæ præe, potest & ipsam comprehendere causam primam.

Præterea, Si repugnaret intellectui Beatorum visio comprehensiva essentiae divinæ, maximè ob intensivam infinitatem illius; igitur eo quod relationes, & personalitates divine non sint formaliter, & intensivè infinite, poterunt comprehendere ab intellectu creato: sed non videtur posse perfectè comprehendere aliquid, nisi simul comprehendatur quicquid est unum realiter cum illo; ergo si comprehendere queunt relationes in divinis, non videretur essentia, cui sunt identificatæ, incomprehensibilis.

CONTRA, Ambrosius super Lucam lib. 1. cap. 1.

( & approbatur ab Augustino, *Epist. 112. cap. 5.*) Et ideo (inquit) Deum nemo vidit unquam, quia eam, quæ in Deo habitat, plenitudinem divinitatis nemo conspexit, nemo mente, aut oculis comprehendit.

RESPONDEO dicendum, videntes essentiam divinam nec comprehendere id objectum, nec fieri posse ut comprehendant. Nam objectum tunc verè ab intellectu comprehenditur, cum inter ea est perfecta commensuratio, & adæquatio; adeo ut tanta sit intelligibilitas objecti, quanta perfectio potentiae tendentis in illud: tunc enim neutrum est respectu alterius excellens, & ita utrumque quasi finitum alteri, quia penitus adæquatum. Unde Augustinus, 12. de Civit. cap. 18. *Quicquid, inquit, scientia comprehenditur, scientis cognitione finitur.* Non quod absolute finiatur per cognitionem intelligentis, sed quia respectu ejus perinde se habet ac si foret finitum: Atqui impossibile omnino est talis adæquatio, & commensuratio inter potentiam finitam, & objectum infinitum; ergo pariter impossibile est, infinitum ab intellectu finito comprehendere. Minor declaratur; quia nomine entis infiniti intelligimus id quod excedit quodcumque ens finitum, non secundum aliquam determinatam proportionem, sed ultra omnem prorsus proportionem determinatam, vel determinabilem; ergo si objectum infinitum excedit omnem potentiam finitam, non in al quo certo gradu perfectionis, sed ultra omnem gradum assignabilem, perfectio contradictio est, tale objectum comprehendere ab ullo intellectu finito; quia tunc non ultra omnem proportionem finitum excederet, sed magis finito commensuraretur, & adquaretur, & subinde non esset infinitum. Beati igitur videntes Deum minime dicendi sunt, ipsum comprehendere; quia id duntaxat competere potest intellectui divino infinito, inter quem & objectum infinitum completa, & perfecta adæquatio reperitur. Idque perinde esse verum de intellectu animæ Christi, dicitur 3. part. quæst. 10. artic. 1.

AD ARGUMENTA. Ad primum respondeo, Beatos non dici comprehensores, eo quod perfectè comprehendant objectum, quo fruuntur, vel cui uniuntur per visionem, & dilectionem; sed ita magis appellari, quia jam tenent id, in quod desideriose ebantur, dum essent in via; juxta illud Augustini, 4. de Trinit. cap. ult. *Appetitus inbiantis fit amor fraentis.* Comprehensores igitur dicuntur, qui sunt in termino, ad differentiam eorum, qui in vita mortali dies ducunt malos; eoquod iis frequenter incommoda multa accidere necesse est. Contra verò illis nihil obvenire potest contra affectionem commodi; quia enim conjuncti sunt Deo aff. & one iustitiæ perfectissimè, etiam exinde summum commodum sentiunt, propter unionem cum summo bono, in quo possident quicquid est desiderabile ad cumulum sempiternæ felicitatis. Cum ergo arguitur, Comprehensores vident Deum sub ratione infiniti, quia unum in tribus: concedo, infinitatem illis perspectam esse felicissimè; at nego proinde eam visionem esse comprehensivam. Talis quippe nulla dici potest, nisi objecto adequetur; huic autem visioni objectum præcellit in infinitum. At instatur: quia hos videntes nihil latet objecti, quod cognoscitur. Falsum est: imo infinita ejus objecti latent omnem facultatem creatam: etsi enim attingatur uti est à parte rei, infinitas: cognoscitur tamen finita cognitione, & finitè. Actus autem comprehensivus objecti infiniti est necessario infinitus intensivè, quia oportet esse perfectum in ratione actus, sicut objectum in

3. dist. 14. qu. 2.  
§. Ad secundum.

Quodlib. qu. 5.  
§. De primo.

Quodlib. qu. 1.  
§. De secundo.  
V. Quarta ratio.

3. dist. 31. &  
dist. 18.

3. dist. 20. qu. 1.

q. dist. 1. q. 1. &  
§. Respondetur. V.  
Ad primum.  
a. dist. 1. q. 6. §.  
Ad secundum.

q. dist. 1. q. 1. &  
ultima.

3. dist. 14. qu. 2.  
§. Ad secundum  
questionem.

Quodlib. q. 5.  
§. Circa tertium  
articulum.

1. dist. 32. qu. 2.  
§. De ratione. V.  
Secundo sic.



ARTICULUS VIII.

Utrum videntes Deum per essentiam , omnia in Deo videant .

*Doct. 3. dist. 14. q. 2. §. Ad secundam quæstionem. Collat. 20. nu. 4. S. Thom. 1. part. quæst. 12. artic. 8.*

ratione objecti, igitur infinitum potest esse actus non infinitus; quia sicuti objectum potest esse simpliciter perfectius actu, quatenus est objectum ejus, ita & infinitum sine infinitate actus. Et si igitur Beati videant Deum sicuti est, unum nempe in tribus, & infinitum, tamen intelligibilitas ejus objecti, tanquam in infinitum excedens facultatem intellectus creati ultra omnem proportionem superest intelligenda, & tantumdem latet videntes. Videt ergo infinitum, sed finitè, ac propterea perfectio ipsius patens est finita, infinita quæ non attingitur; & nihilominus in eo perfectè quiescant, quia quod prospectui eorum obicitur, excedere eorum intelligentiam in infinitum distinctè cognoscunt. Arque hæc fuit expressa mens Augustini loco citato: Ubi ad quem sensum dixerit tunc aliquid comprehendi, cum nihil ejus latet videntem, declarat, subdit: *aut cujus fines circumspici possunt, sicut te nihil latet presentis voluntatis tue, circumspicere autem potes fines oculi tui.* Loquitur igitur expressè de cognitione perfecta finiti objecti, quod subinde potest comprehendere potentia finita.

Ad Secundum dicendum, cum visio distincta divinæ essentia, vel infiniti intensivè non sit comprehensiva ejus objecti; quia inter actum, qui ad objectum terminatur, & ipsum objectum est infinita distantia; multo minus sequitur, aut inferri potest, fore ut sit objecti comprehensivus, si terminari dicatur ad infinitum extensivè, quod in illo relacet, vel ad infinitos effectus causæ primæ. Exemplum; si intelligens destinationem non comprehendit subiectum, multo minus comprehenditur ex eo quod passio illius intelligatur. Confirmatur infinita relucere in essentia divina, vel posse in effectus infinitos, est ab infinitate intensiva illius; quandoquidem igitur non sequeretur comprehendi, per hoc quod videatur intensiva infinitas, minus potest id deduci ex visione infiniti extensivè, quod ab infinito intensivè est, veluti passio ab essentia. Sed de hoc magis articulo sequenti.

Ad Tertium, concedo assumptum, & nego consequentiam, quia & relationes divinæ sunt incomprehensibiles ab intellectu creato, juxta illud Isaia 53. *Generationem ejus quis enarrabit?* Quod exponens Hieronymus super 1. cap. *Matthæi*, de generatione æterna Filii, dicit esse intelligendum; Quod, inquit, impossibile Prophetæ dixit effectum &c. quod autem est impossibile effectum, est incomprehensibile ab intellectu finito. Cum itaque arguitur; Illæ relationes non sunt formaliter infinitæ; ergo intellectus finitus valet eas comprehendere. Respondeo, intellectui finito est comprehensibile id quod formaliter, & positivè finitum est: sed quod ita non est finitum, est ab eo incomprehensibile. Et si autem relationes in divinis non sint infinitæ, attamen non sunt finitæ; & cum ad illarum intellectionem moveat objectum formaliter infinitum, & subinde incomprehensibile, & ipsæ similiter incomprehensibiles erunt, utpote incomprehensibili identificatæ, non quidem ratione infinitatis formalis; sed quia nec finitæ sunt, nec sanè esse possunt: & quia eadem nec movent intellectum creatum, nec aliquid creatum sic motum ejus illas virtualiter continere potest.

**V**IDENTUR ij, qui contuentur Deum per essentiam, pariter, & videre quæcunque in Deo continentur. Etenim si quædam duntaxat & non omnia, quæ sunt in objecto illo, cernerent, profecto id eveniret aut propter diversitatem speculi repræsentantis, aut propter impotentiam intellectus nequeuntis omnia illa attingere. Non primum; quia essentia divina simplicissima omnia uniformiter repræsentat: Nec secundum; quia ea intellectus impotentia in eo sita esset, quod unum objectum foret perfectius cognoscibile, præ aliis, quæ conspici, & intelligit: Sed nihil perfectius esse, aut excogitari potest essentia divina; ergo cum intellectus creatus eam videre queat, multo magis poterit videre quæcunque in illa continentur; cum in perfectione non sint ei comparanda.

Prioreo, intellectus lumine gloriæ perfusus, contuens Dei essentiam, ut infinitam, in ea perfectissime conquiescit: sed nisi una videret quæcunque in illa continentur, seu infinita, sanè non quiesceret; ergo iis, quem latent contenta in essentia divina, non est beatus. Probatio minoris; nam cognitis quibusdam duntaxat, posset concupiscere & reliqua conspiciere: id enim videtur Beatos recta ratione appetere posse; igitur ejus desiderium non esset completè expletum; nec possideret quicquid vellet, contra rationem status Beatorum.

Prioreo, Beati aut intuentur Dei essentiam ut formaliter infinitam, aut non ut ex se infinitam: si non vident eam infinitam; ergo desiderium eorum non potitur ultimo fine, in quo quiescat, atque ita non erunt Beati. Si perspecta ipsis sit infinitas objecti beati; ergo in eo vident omnia, quæ Deus novit. Probatio consequentiæ; infinitum est indivisibile, & simplicissimum; ergo cum attingitur uti est a parte rei, semper continet infinita, tanquam causa illorum; igitur ea omnia patent, manifestæque sunt intuentibus causæ primæ infinitatem.

**C**ONTRA, Creature omnes, quæ relucunt in Verbo Dei, atque continentur in eo ut effectus in causa omnium prima, non spectant ad rationem beatitudinis; nec ad visionem objecti beatorum sequitur intellectionem illarum, tanquam per necessariam sequelam; ergo non ex eo quod Beati Deum videant ut ens infinitum, & causam primam, cernunt omnes illius effectus. Assumptum probatur ex Augustino 5. *Confess. cap. 4. Beatus est qui se, & illa novit, nec propter illa beator.*

**R**ESPONDEO dicendum, Beatos videndo divinam essentiam, non contueri in illa omnia, quæ facit ipse Deus, aut facere potest. Et declaratur ab aliquibus per hoc; quia non aliter videntur ea omnia in Deo, nisi secundum quod sunt in ipsis: sunt autem cuncta, quæ sunt, vel possibilia sunt, sicut effectus sunt virtute in sua causa: Sed manifestum est, quo aliqua causa perfectius videtur, eo plures effectus ejus in ipsa cognosci; is igitur solus intellectus potest omnes causæ cognoscere effectus, qui causam penitus comprehendit; ergo quoniam nullus creatus intellectus Deum comprehendere potest, restat, ut nulla ejusmodi potentia creata attingere valeat quæcunque Deus facit, aut facere potest, sive omnes effectus primæ causæ,

*3. dist. 14. q. 2. §. Ad 2. quæst. V. Contra rationem.*

*Quodlibet 4. q. 4. Creaturæ. V. Respondeo.*

*1. dist. 20. q. 2. Ad 2. quæst. V. Contra rationem.*

*S. Thom. 1. part. quæst. 12. artic. 8.*



apud Recen-  
tiores Scotistas  
habes explosas  
(Caietani) vel-  
li, & aliarum  
Thomistarum  
defensiones.

se, qui planè sunt infiniti. Tanto igitur aliquis intellectus plura cognoscit, quanto perfectius Deum videt. Verùm hæc declaratio non videtur probanda, quia (ut innuimus articulo præcedenti, *Ad Secundum*) etiam si creatus intellectus attingeret omnes effectus primæ causæ, non propterea ipsam comprehenderet causam: nam ex infinitate intensiva Dei est, ipsum continere, & posse producere infinitos effectus, quod ad infinitatem extensivam spectat; igitur si Beati non comprehendunt Deum, attingendo ipsius infinitatem intensivam, multo minus sequitur ejusdem comprehensio ex visione infinitatis extensivæ: Ut si nequeat quis hominem comprehendere intelligendo ejus destinationem, multo minus comprehendere poterit, cognoscendo aliquam ejus proprietatem. Nam cum causa equivoca respectu effectuum habeat virtutem activam eminentem, & non formalem; quia tunc foret causa univoca, cognitis etiam omnibus ejusdem effectibus, adhuc superest cognoscenda ipsius virtus eminentialis per comprehensionem omnium, quæ formaliter sunt in ea, quoad omnem gradum intelligibilitatis; ergo etsi liceat inferre ex causæ æqui vocæ comprehensione, cognosci omnes effectus ejus, non tamen è converso; quia cognitio etiam comprehensiva effectuum ejus causæ, non manifestat videnti gradus virtutis eminentialis ipsius causæ, sed duntaxat eorum, quæ continentur formaliter, vel etiam virtualiter in tali effectu. Quoniam ergo actus attingens omnes effectus primæ causæ, non foret ex eo adequatus, nec proportionatus objecto beatifico, in cujus virtute omnes continentur, manifestum est, juxta dicta in *præcedenti articulo*, non fore ejusmodi actum causæ primæ comprehensivum; quia cognitis omnibus ejus effectibus, adhuc infinita, & ultra omnem proportionem est distantia inter intensivam infinitatem illius, & extensivam creaturarum. Exemplum: sit impossibile alicui intellectui concipere triangulum sub propria ratione, sub qua nihil prius ejus latet intelligentem, possit tamen abstrahere rationem figuræ à quadrangulo, eamque intelligere: certè perinde est illi impossibile concipere primitatem, quatenus est propria passio trianguli, qui est prima figurarum. Nam hæc passio non est nata sciri, nisi per trianguli rationem, in cujus virtute ejusmodi passio continetur: posset tamen conceptum primitatis abstrahere ex aliis primitatibus, atque hanc complexonem formare; *Aliqua figura est prima*; at non ex ea sequeretur, eam habere distinctam, & adequatam cognitionem de triangulo, quod sit prima figura; quia id non est natum sciri, nisi per trianguli comprehensionem, quod est sibi (uti supponitur) scitu impossibile. Ita, cum planè impossibile sit, Dei infinitatem à potentia finita comprehendere; etsi ad aliam inferiorem infinitatem cognitio ejus terminetur, non sequitur tamen comprehensio illius: imo est fallacia consequentis, & à secundum quid ad simpliciter; quia illud infinitum non est natum comprehendere, nisi ab actu sibi commensurato: & adequatè pervadente gradus omnes infinitos intelligibilitatis. Deinde, videns unum causatum, non propter hoc comprehendit causam, ut causa ejus effectus perfectè: neque videns effectum secundum, propterea videt causam illius effectus, ut causa est perfectè: neque plus de causa, in quantum est causa primi effectus; cum ista sint objecta disparata; igitur non ex eo quod videat quis omnes effectus, perfectius cognoscit causam, in quantum hujus effectus; ergo ex visione omnium effectuum, non sequitur comprehendere & causam, in

quantum causa. Sed complementum hujus sermonis habes 3. *part. q. 10. artic. 2.*

Est ergo accipienda ratio solutionis ex dictis supra, articulo quarto (quicquid sit de intellectu animæ Christi, qui sanè quoad dona gratiarum non venit in numerum cum aliis Beatis, etsi ex his, quæ sibi attribuuntur de facto, juxta ea, quæ differuntur, constet de possibilitate respectu cæterorum Beatorum. 3. *p. q. 10. artic. 2. & 3.*) Nam essentia divina intellectui finito est objectum voluntarium: *ejus enim natu æ est non videri, voluntatis videri* (ut inquit S. Ambrosius) quemadmodum ergo ex gratuita voluntate, & liberè se præbet contuendum illis, qui illius visionem meruerunt; ita eadem libertate, & voluntate hæc, & illa, his, vel illis Beatis revelat, & alia non revelat, quia non vult talia eis innotescere, sed magis in thesauris scientiæ suæ inenarrabilis, & abyssi judiciorum suorum latere, & penitus abdita esse. Nam ea nosse non spectat ad beatitudinem essentialem, ac subinde stante visione, & fruitione objecti infiniti, citra omnem visionem aliorum, quisque est perfectè, & completè beatus: Beatus enim non distinguitur à non Beato, nisi per visionem, & fruitionem objecti beatifici, & eorum, quæ includuntur in ipso, ut est tale objectum; ergo cum omnia quæ de objectis creatis sciri, & Deus revelare potest, nec sint objectum beatificum, nec inclusa in illo, ut tale objectum est, quia cuncta finita; sequitur eorum scientiam non pertinere ad essentialem beatitudinem comprehensionum, sed duntaxat ad accidentale gaudium, & gloriam, & ut sint coadiutores Dei in procuranda salute electorum, ea ratione, & modo, quo id ipsis competere potest; ei igitur muneri obeundo, necesse est plerumque ipsis a Deo revelari, quo divinam Majestatem interpellent pro illis, qui inter sæculi ærumas, perpetuasque vicissitudines, stationem supernæ felicitatis intenta acie spectantes, eorum auxilium, & patrocinium interno devotionis affectu implorant.

AD ARGUMENTA. Ad primum respondeo: quia ad visionem objecti beatifici non essentia, sed divina voluntas movet intellectum creatum, sicuti in potestate moventis est actus substantia, ita & modus ejusdem. Quare etsi essentia sit simplicissimum, & uniforme representativum omnium, vel infinitorum intelligibilium, tamen non ostendit ea omnia, nisi cum voluntas voluerit, & quomodo & qualia ostendere voluerit. Quod tangitur de intellectu virtute, quæ attingit infinitum intensivè; non probat debere propterea intellectum creatum intelligere & infinitum extensivè; quia id est in potestate voluntatis ostendentis. Potest tamen inde deduci possibilitas intelligendi omnia simul; pro qua re videndus *artic. 3. quest. 10. 3. partis*.

Ad Secundum est responsio ex dictis; Cum enim finita omnia non spectent ad rationem objecti beatifici; ideo hoc unico ostensio, & visio, & reliquis ignoratis, adhuc stat essentialis beatitudo, & quies perfectæ; in tantum ut nil aliud Beati cupiant scire, & videre, nisi quod Deus eis revelare voluerit; ex quibus lætitia quadam, & gaudium accidentale in Beatis redundat quidem, sed tamen si lateant, nulla exinde molestia afficiuntur, aut desiderio tanguntur eadem videndi: nec eorum beatitudo aliquod patitur detrimentum; quia (ut dictum est) in tali objecto non consistit naturæ intellectualis felicitas, sed in clara Dei visione, & fruitione.

Ad Tertium dicendum, Beatos intueri objectum beatificum infinitum, alioquin haud quieturos: sed negandum propterea videre omnia, quæ Deus videt.

Quodlib. q. 14.  
§. Desecundo.

quodlib. 10. qu. 8.  
§. Tertia conclusio.

Facili. 45. qu. 4.  
Desecundo.

Quodlib. q. 7.  
§. De tertio tenendum.

Prologi qu. 1.  
§. Tertio arguitur.  
V. exemplum.

Ex Reportat.  
Inc. cit.

Quodlib. q. 19.  
§. De secundo  
artic. in additione.



videt. Et cum proinde usque ad tale obiectum a parte rei continet infinita. Respondeo, continere infinita videnda respectu intellectus, quem naturaliter movet; nam ab ea in perfectè, & adequatè infinitum cum comprehendatur, necessario ostendit ea omnia, quæ in ipso relucet; sed respectu intellectus liberè, & contingenter moti est continens præcisè eorum, quæ illi liberè ostenduntur: non quasi sic comparatum non pariter contineat omnia, sed quia perinde se habet ac si in determinato numero contineret.

# ARTICULUS IX.

Utrum ea, quæ videntur in Deo à videntibus divinam essentiam, per aliquam similitudinem videantur.

*Dott. locis in margine citatis. S. Thom. 1. part. quæst. 12. artic. nono.*

**V**IDETUR quæcunque in Deo à Beatis intuentur, per aliquam similitudinem videri. Etenim in anima separata manent eadem species intelligibiles, quas conjuncta acquisivit, memoriam intellectivam constituentes: Sed irrationabile videtur, species in anima separata manere, & actus producere nequire; igitur intellectus una cum speciebus, potest elicere intellectionem eorum, quæ in illis relucet, obiectorum; igitur si contingat eadem ipsis ostendi in essentia divina, per eas, quibus pollent, similitudines, ab ipsis intelliguntur: & si quædam per species attinguntur in Deo, pari ratione poterunt attingi & reliqua, quæ ibi intuentur.

Præterea, Angelis, & Animæ beatissimæ Christi Domini indigæ fuerunt species intelligibiles omnium quiditatum: sed per visionem essentia divinæ non eas perdiderunt, nec deterioris conditionis effecti sunt, imò sublimioris, & præstantioris; ergo per ipsas intelligunt rerum quiditates in Verbo: Alioquin cum Deum contuerentur, nulli usui ipsis eæ species forent; imo frustra collatæ, atque indigæ viderentur.

Præterea, Si quæ à Beatis cernuntur in Deo, per rerum species intelligibiles non viderentur, maxime id esset eo quod dicantur Deum, & quæ ipsis ostenduntur intuitivè videre: sed non est dicenda ea cognitio intuitiva; quia Beatus nequit habere cognitionem intuitivam singularium in Verbo: & etiam si cognoscerent intuitivè creaturas in essentia divina, non propterea negandæ sunt species intelligibiles respectu ejus visionis: Quod probatur; Nam sensitiva cognitiva intuitivè dicitur sentire, & attingere proprium obiectum: sed visiva (& alii sensus externi) habet speciem obiecti, quod intuetur; ergo & visio intuitiva potest esse per speciem. Amplius, Angelis beatis indita fuit species divinæ essentia, dum essent in via: sed stantibus his speciebus vident Deum intuitivè; ergo visio intuitiva intellectus est à specie obiecti, quod intuetur.

**CONTRA**, Visio Dei, quam expectamus, est facialis, seu terminata ad ipsum Deum ut in se existentem, & non per aliquam ipsius similitudinem: unde Apostolus 1. Ad Cor. xiii. cap. 12. *Videmus, inquit, nunc per speculum, & in enigmate; tunc autem facie ad faciem*; ergo si visio intuitiva Dei non est futura per aliquam similitudinem (cum enim abstractiva sit æquæ existentis, & non existentis; tunc beatitudo posset esse in obiecto non existente, quod est impossibile) neque visio eorum,

quæ cernunt Beati in Deo, potest esse per aliquam similitudinem.

**RESPONDEO** dicendum, continentes Deum per suam essentiam, ea quæ in Verbo vident non attingere per aliquas species, sed per eandem essentiam divinam, ad quam visio eorum terminatur, juxta dicta *artic. quanto iterum repetitio*. Declaratio; Quæ à Beatis videntur in essentia divina, attinguntur per visionem intuitivam. Ad hanc cognitionem intuitivam non requiruntur, nec facere possunt similitudines illorum ita visorum; ergo eorum quæ in Verbo Beati vident, non habent similitudines, vel species intelligibiles efficientes, vel quomodolibet deservientes intuitivæ visioni. Probatio majoris; tunc aliquid dicitur intuitivè cognosci, cum vel attingitur in sua actuali existentia, sicut terminet actum potentæ, ut obiectum ei præsens, atque realiter in se existens, vel in alio eminenter continente totam entitatem ipsius: Deus autem eminenter continet quicquid entitatis est in omnibus, quæ sunt per participationem entis in finiti; ergo & quoad cognoscibilitatem eorum omnium; ergo intellectus attingens contenta eminenter in essentia divina, intuitivè ea videt, & longè perfectius cognoscit, ac si in propria eorum existentia cognosceret. Probatur itaque minor principalis: species intelligibilis unquam formiter representat rem, cujus est, seu existit, seu non existit; seu sit præsens, seu abens; etiam si per ipsam existentia rei cognoscatur. Non enim oportet cognoscentem existentiam rei attingere ipsam rem intuitivè. Cum igitur ad cognitionem intuitivam necessario debeat concurrere obiectum reale, vel ipsa res ut præsens in se, vel in alio eminenter ejus contentivo, profecto hæc cognitio esse nequit ab specie, vel similitudine aliqua, quæ non necessario pendet ab re in sua reali existentia præsemente potentia tendenti in illam. Major ex eo patet, quia communiter ponuntur species intelligibiles, ut intellectus habitaliter perfectus per illas, in absentia eorum, quæ representant obiectorum, existeret in actum, atque intelligere ea, quæ alius sine his similitudinibus haud cognoscere valeret: quæcunque igitur à Beatis in divina essentia videntur, minime per eorum similitudines attinguntur.

**AD ARGUMENTA**. Ad primum & secundum est eadem responsio. Concedendum est enim in anima separata superesse species, quas in corpore acquisivit: & Angelos, animamque Christi beatissimam ornari speciebus inditis, vel insusis in primo instanti creationis; hisque subinde speciebus posse uti cum libuerit, nec proinde ipsis fore superfluas, sed potius complentes naturalem potentiam, omnemque ad lenses perfectiorem ejus sunt naturaliter capaces: Sed tamquam per ipsas species cognoscuntur non attingi in Verbo, sed magis in genere proprio; propterea quod quum aliquid per suam propriam speciem cognoscitur, ea cognitio terminatur ad ipsam rem in se, seu in specie relucens: cognitio vero eorum, quæ attinguntur in essentia divina, non terminatur ad ipsas res in se, sed quatenus relucet in obiecto, in quo eminentialiter continentur, divina voluntate movente intellectum creatum ad eorum intellectionem terminatam: non quidem ad obiecta cognita, sed ad id, in quo relucet. Essi igitur Beati habeant species eorum, quæ ipsis ostenduntur in essentia divina; nihil tamen eos juvant ad intelligenda quæ representantur in Verbo, cum intuitivè attingantur: sed intersunt intellectioni abstractivæ, quam habere possunt de indem obiecti co-

1. dist. 2. art. 4.  
6. vel intuentur  
V. Essi dicitur.

3. dist. 14. q. 3.

Videntur Beati  
habetur in  
dist. 14. q. 3.  
V. Essi dicitur.

4. dist. 45. q. 7.  
8. id quod dicitur.

2. dist. 2. q. 11.  
8. dicitur alio.

Quodlib. 9. q. 6.  
respondetur.

2. dist. 14. q. 3.  
4.

Quodlib. 9. q. 11.  
8. dicitur alio.



Quodlib. 9. 15.  
§. De 3. mundo.

gnoſcendis in genere proprio, de quibus propterea verbum proprium gignitur à memoria præexſtente: quod tamen verbum non gignitur per viſionem eorundem objectorum in eſſentia; quia nulla præexiſtit eorum memoria diſtincta: ſed primùm inſunt in intelligentia, quæ non gignit verbum, ſed ſolius memoriæ eſt proles.

Ad Tertium reſpondeo, concedendo ſequelam majoris, juxta dicta in ſolutione. Et cùm improbatum primo, quia Beatus non habet cognitionem intuitivam ſingularium in Verbo. Dico, id verum eſſe, quatenus ad cognitionem intuitivam concurrat objectum, ut in ſe præſens. Nam revera lapis relucens in Verbo non concurrat ad viſionem intuitivam ſui cauſandam ab intellectu creato. Cùm enim ut relucens habeat duntaxat eſſe cognitum, nequit movere aliquem intellectum ad cognitionem intuitivam ſui: movetur ergo intellectus creatus ad talem cognitionem à voluntate divina, liberè cauſante eam, & non ab objectis cognitis, ad quæ deinde terminatur, quatenus relucens in objecto primario.

Ad ſecundam improbationem, concedendum eſt ſenſus externos, ſaltem aliquos, attingere intuitivè propria ſenſibilia per ſpecies, concurrentibus unà cum iſtis ſenſibus ad eas ſenſationes. Nam quia ſpecies ſenſibilis præciſè repræſentat objectum quatenus actu exiſtens, adeo ut ſi non exiſteret, nequiret ita repræſentare, imò nec produci ab objecto ſenſibili, hinc fit, ut ſenſus per ſpeciem attingat ſenſibile ſenſatione intuitiva, id eſt, terminata ad objecti exiſtentiam, ut ſibi per ſpeciem præſentem. Undè ſi viſus poſſet habere ſpeciem in abſentia objecti, nunquam illa ſpecies eſſet principium intuitivè cognoscendi, ſive videndi objecta viſibilia. At alia eſt ratio ſenſuum interiorum, & intellectus: Cùm enim hæ potentie organice, & inorganice ob ampliorem virtutem attingere queant objecta, etiam abſentia, & non exiſtentia, non debuerunt ſimilitudines, quibus ornantur & inſtruantur, repræſentare objecta duntaxat ſub ratione qua exiſtunt, & præſentia ſunt; quia tunc haud data iſtis fuiſſet virtus illimitatioe ea, qua pollent ſenſus externi. Etſi igitur intellectus ornetur ſpecie intelligibili rei viſæ in eſſentia divina, ea res ſi moveret intellectum tendentem in ipſam, non ageret in potentiam ut in ſpecie relucens, ſed magis quatenus in ſe præſens; ergo quoniam objectum ut relucens non movet, ſed id eſſicit, ac præſtat voluntas divina, gerens vicem, ac ſupplens ea, quæ faceret objectum in ſe præſens; nequaquam dici poſſe nec debet viſio illa intuitiva procedere à ſimilitudine objecti, ſi intellectui in eſt. Non negamus ergo intellectum intuitivè videntem lapidem in Verbo, habere ejus ſimilitudinem intelligibilem; ſed affirmamus, ad eam viſionem tunc ſpeciem non agere, ſed tantum vel objectum in ſe præſens, vel aliquid efficiens id, quod objectum in ſe præſens eſſet præſtaturum, atque effecturum.

Ad Tertiam improbationem, concedo Angelis inditam fuiſſe ſpeciem divinæ eſſentiæ, pro eorum ſtatu viæ; ac Beatos eam retinere in facili Dei viſione: ſiquidem intuitiva, & abſtractiva ejusdem objecti ſimul ſeſe compatiuntur, cùm aliud & aliud ſit formale motivum utriuſque. Et ſicuti Angelus poſſeſt ſe cognoscere intuitivè, & abſtractivè; ita & alia quæcunque objecta. Undè & Beati dicuntur habere de creaturis cognitionem matutinam; ſcilicet intuitivam in Verbo; & abſtractivam prout cognoscuntur in genere proprio per proprias eorum ſimilitudines, quæ cognitio vespertina appellatur.

2. diſt. 3. q. 4. &  
diſt. 36.

9. Metaphyſ. 9.  
3. nu. 19.

3. diſt. 14. q. 4.  
§. De intuitiva  
visione.

Quodlib. 9. 15.  
§. Circuſſionis  
V. Ad ſecundam  
2. diſt. 3. q. 10.  
§. Ad quæſtionem  
& quæſt. 9. §.  
Ad quæſtionem.

Utrum videntes Deum per eſſentiam, ſimul videant omnia, quæ in ipſo vident.

Doſt. 3. diſt. 14. q. 2. §. Tertio modo poſſeſt dici in Report. ibidem. §. Dico igitur ad quæſtionem. S. Thom. 1. p. quæſt. 12. artic. 10.

**V**IDENTUR Beati contuentes Deum per eſſentiam, ſimul inſpicere omnia, quæ in ipſo vident. Etenim ſecundum Auguſtinum, 15. de Trinit. cap. 16. *Non erunt volubiles (in patria ſcilicet) noſtræ cogitationes, ab aliis in alia euntes, atque redeuntes: ſed omnem ſcientiam noſtram uno ſimul conſpectu videbimus;* igitur videntes Deum viſione intuitiva, ſimul unicoque actu conſpiciunt quæcunque Deo iſtis oſtendere placuerit.

Præterea, Ideo nos nequimus plura ſimul intelligere, quia multa per diverſas ſpecies intelligimus: diverſis autem ſpeciebus non poſſeſt intellectus unicus ſimul actu informari ad intelligendum per eas: ſicut nec unum corpus poſſeſt una diverſis figuris figurari; ergo quum aliqua plura intelliguntur; una eademque ſpecie ſimul intelliguntur: ſed quæ in Deo conſpiciuntur, non videntur per proprias ſimilitudines, ſed per unam Dei eſſentiam, juxta dicta in præcedenti articulo; ergo ſimul, & non ſucceſſivè ea omnia videntur: quemadmodum in unica ſpecie hominis intelligimus animal, & rationale; & in ſpecie domus parietem, & tectum, & cætera, quibus integratur, & conſiſtit.

Præterea, Si repugnaret Beatis ſimul intelligere omnia, quæ Deus iſtis manifeſtat, id verum perinde eſſet de intellectu animæ Chriſti; cùm ſit finitus in entitate, ut intellectus cæterorum Beatorum: Id autem videtur inconveniens, & contrarium dictis Sanctorum, aſſerentium in primo inſtanti ſuæ conceptionis ſimul vididiſſe omnia, & præterita, & futura; & ſi poſſuit omnia futura unico contuitu in Verbo videre, non eſt ratio, cur non poſſerit & cætera omnia, quæ non ſunt aliquando futura, ſed ſolùm poſſibilia pariter in eodem objecto cognito contueri.

**CONTRA,** Quo plura numero à potentia finita attinguntur, eo indiſtinctius videntur; quia nequit potentia finita eadem attentione perinde attingere plura, ac pauciora: quæcunque autem in Verbo à Beatis cernuntur, diſtinctiſſimè, & perfectiſſimè videntur; ergo non uno eodemque actu ſimul omnia inſpiciuntur.

**RESPONDEO** dicendum, & ſi probabile ſit intellectum animæ Chriſti ſimul attingere in Verbo quæcunque videt, alios nihilominus Beatos non omnia ſimul contueri, ſed cum ſucceſſione: quantum quæcunque aſſeruntur de facto conceſſa fuiſſe intellectui animæ Chriſti, de poſſibili non repugnent intellectui creato, ex ratione intellectus. Et quidem quantum attinet ad intellectum animæ Chriſti, eſt videndus artic. 3. q. 10. *tertia partis* Ubi habes modum defendendi, ejus animam in Verbo vididiſſe, ac videre actu infinita, ſibi à primo inſtanti conceptionis ſuæ in Verbo oſtenſa. Etenim attribuenda eſt illi omnis perfectio, cujus eſt capax aliqua creatura: perfectionis eſt autem in ipſo, attingere ſimul omnia, quæ in Verbo relucunt, uno, eodemque actu intelligendi ad infinita terminato; ergo ſi rationes, quibus contrarium quidam perſuadere nituntur, ſunt ſolubiles, opoſitum earum veluti probabilius eſt tenendum: *Quicquid enim* (inquit Auguſtinus 3. de lib. arbit.)



bit.) tibi vera ratio et mens occurrat, *scilicet* Deum magis fecisse, quam non fecisse. Unde Magister 3. dist. 14. cap. 2. dicit, Christum, quemadmodum cætera Spiritus Sancti dona sibi est mentis accepit, ita & sapientiam accepisse non ad mensuram; ac propterea simul videre omnia, quæ Verbum videt, licet aliquin intellectio infinita Dei in infinitum excedat intellectionem animæ Christi. Quamvis etiam haud improbabile sit, Christi animam videre omnia non actu, sed quasi habitualiter, pro quanto habet sibi prærens Verbum ostensivum omnium, quæ sibi placuerit videre successivè, ut declarabitur 3. part. quæst. 10. artic. 2., quia cuicunque virtuti activæ finitæ correspondet aliquis effectus adequatus intensivè, & extensivè plures; adeo ut supra illos se se extendere non possit: soli enim infinitæ virtuti nihil extra illam adequatur: magis tamen videtur congruere excellentiæ animæ Christi, & conformius esse dictis Sanctorum, attribuentium Christo omnem perfectionem, quæ infra Deum esse potest in creatura; præsertim cum non ponatur is intellectus activus respectu infinitarum intellectionum, sed receptivus unius visionis essentialis terminatæ ad objecta infinita, ut innuimus supra quæst. 7. artic. 4. §. Ad tertium.

At alia omnino est ratio de cæteris Beatis, qui omnes sunt membra unius Capitis, qui est Christus. Quemadmodum ergo caput decet habere omnem perfectionem facientem ad capitis eminentiam, undè in membra omnes descendunt influxus; ita cum nulli membrorum conveniat par excellentia, nec aliqua subinde earum perfectionum, quæ Christum consequuntur, recta ratione ipsis attribui potest. Cum enim nequeant ordinatè vellemus videre in Verbo, nisi ea, quæ divina voluntas ipsis ostendere voluerit; & ad conditionem membrorum corporis mystici non consequatur, debere omnia, quæ vident, simul videre; quemadmodum successivè decet divinam providentiam ipsis quædam revelare, quæ concernunt statum beatitudinis eorum, ut nempe sint coadjutores Dei in procuranda electorum salute, mediis eorundem intercessionibus; ita & successivè eadem contueantur oportet. Idque nunc est verum de orationibus videntium, quæ ipsis à Deo revelantur eo ordine, quo in Ecclesia fiunt, de quibus subinde dici posset, evenire, ut non simul intueantur; quia non simul revelantur, ut nec simul fiunt; sed etiam de compluribus complexionibus necessariis. Si enim immobilitati status eorum non repugnat de novo, & successivè intelligere contingentia, quæ à Deo ipsis ostenduntur; consimiliter nec repugnat, aut ullum inconveniens erit, eos de novo intelligere, ac cognoscere aliquod verum necessarium, quod prius perspectum non habebant; & ex una simili veritate necessaria aliam deducere veritatem: Esti hæc nova cognitio dicenda esset rei in genere proprio intellectus, & non scientia beata; quæ ratione negandum est Christi intellectum discurrere, aut ex noto vero aliud deducere ignotum; quia ipse novit omnia à principio, ac nihil omnino ejus intellectum latuit.

AD ARGUMENTA. Ad primum respondeo primo, juxta dicta in *solutione*, Augustini auctoritatem esse intelligendam de anima Christi, de qua sola tanquam beatissima, videtur probabile, non habere cogitationes volubiles, ac proinde omnia attingere in Verbo actualiter. At de cæteris Beatis de facto non videri concedendum; quamvis si uni intellectui creato id non repugnat, sit possibile respectu omnium aliorum.

RESPONDEO etiam, Augustini auctoritatem minus cogere, cum non assertivè id dicat, sed dubitando: *Fortasse*, inquit, *non erunt ibi volubiles* &c., nec intendit asserere eo loci id, ad quod adducitur, sed magis (ut constat ex litera) verbum nostrum, vel distinctam cognitionem essentialis divinæ, & contentorum in ea, non esse æquale Verbo Dei, quantumcumque perfectum esse intelligatur. Denique, potest etiam dici, Augustinum voluisse non esse in patria volubiles cogitationes nostras, sed scientiam nostram unico intuitu videre, quatenus unico intuitu videntur essentialia in Deo, & quæ ex natura rei insunt objecto beatifico: at prout respicit visio beata objecta secundaria, quæ in Deo continentur, non oportere unico intuitu omnia simul attingi.

Ad Secundum respondeo, cum simul stet intellectum creatum inveniendi essentialiam divinam, & præterea intelligere plura disparata in genere proprio, non eadem quidem intellectione, sed potius diversis, juxta diversitatem specierum unā concurrentium cum intellectu ad expressionem eorum, quæ virtualiter continentur objectorum, videtur assumptum negandum, præsertim cum ipsi potentiæ visivæ conveniat plura simul distinctè intueri, diversis visionibus. Et cum probatur, quia nequit intellectus informari diversis speciebus sic, ut per ipsas simul intelligat: sicut nec corpus diversis figuris figurari. Respondeo, nullam esse paritatem corporis, & specierum intelligibilium, vel intellectuum; quia species, & intellectiones carent in mente ea ratione impossibilitatis, quam habent diversæ figuræ respectu unius corporis. Unde secundum Aristotelem; & Comment. 7. *Metaphysicæ*. c. 23. rationes oppositorum non sunt oppositæ in intellectu: & sanè si duæ intellectiones objectorum diversorum haberent oppositionem in intellectu, eandem viderentur habere oppositionem & species illarum: Quapropter absolute negandum est, per unicam speciem plura disparata intelligi posse, nisi unum includatur in alio, ut pars ejus essentialis, sicuti exemplificatur de homine & animali; vel nisi sint objecta necessario connexa, ac veluti subordinata, ut paries & tectum, & alia id genus respectu domus unius. Et cum subditur; quæ in Deo videntur, non per eorum similitudines, sed per unicam Deo essentialiam videntur; ergo simul omnia conspiciuntur. Respondeo; si specietur deductio ad animam Christi, concedo id probabile esse, & fortè opposito probabilius; sed nequaquam extendi debere ad omnes Beatos; quia non repugnat immobilitati status eorum, aliquid de novo, & successivè intelligere in genere proprio: quemadmodum & successivè cognoscunt quæ ipsis in dies à Deo revelantur, ut dictum est in *solutione*; neque aliqua conditio membrorum Corporis mystici id necessario de facto videtur postulare.

Ad Tertium est responsio ex dictis: Putamus enim esse attribuendum omnem excellentiam animæ Christi; ac subinde intelligere, ac intellexisse omnia simul in Verbo à primo instanti suæ conceptionis: nec propterea repugnare omni intellectui creato parem perfectionem.

AD ARGUMENTUM in oppositum, quatenus videtur concludere impossibilitatem respectu intellectus creati videndi omnia simul in Verbo; dicendum, ea ratione probari intellectum creatum elicere non posse simul plures intellectiones, quibus pari distinctione, & claritate intelligat plura, ac pauciora. At si respiciat eas aliunde causatas, posse perinde cuncta intelligere, ad quæ illæ ter-

Prologi 9. §. 20.  
4. laterali §. 11.  
exta noc. V. An-  
dreas.

2. dist. 4. §. 4.  
§. Respondeo.

1. dist. 2. §. 9.  
§. Ad tertium  
principale.

1. dist. 2. §. 2.  
Quinto dico.

4. dist. 45. qu. 4.

3. dist. 33. §. 2.  
§. quæritur.

Prologi 4. §. in  
quarta laterali.

Ita intelligendū  
putat hunc pas-  
sum Lycheus  
super 3. dist. 14.  
qu. 2. ibi §. Con-  
firmatur ista po-  
stio.  
2. dist. 1. §. 6. §.  
Item quæritur.



minantur: sicuti putamus factum esse cum anima Christi: ac proinde eque distinctè vidisse omnia, ac quædam ex illis: Quæ autem conveniunt de facto intellectui animæ Christi, eadem posse competere omni intellectui creato, non est ambigendum. Sed videnda *quæst. 10. 3. partis.*

## ARTICULUS XI.

Utrum aliquis in hac vita possit videre Deum per essentiam.

*Doct. 4. dist. 49. q. 12. in Report. ibidem, quæst. 11. S. Thom. 1. part. quæst. 12. art. 11.*

**V**IDETUR aliquis in hac vita posse videre Deum per essentiam. Etenim Christus in hac vita erat nobiscum viator & mortalis, & tamen videbat Deum per essentiam: erat enim perfectè beatus: nulla est ergo repugnantia, aliquem in præsentī vita videre Deum per essentiam.

Præterea, Augustinus, 83. qq. *quæstione antepenultima*, disertis verbis affirmat, Paulum in raptu, cujus ipse meminit, 1. ad Corinth. cap. 13. vidisse Deum eo modo, quo Beati in Patria divinam essentiam contuentur: & tamen ea visio fuerit ad aliquod breve tempus, potuit nihilominus Dei potentia conservari, & continuari per totam vitam ejus; ergo fieri potest, ut factum est, ut aliquis in præsentī vita videat Deum per essentiam.

Præterea, Visio & fructio essentiae divinæ non recipiuntur in corpore, sed in anima, quæ mediis suarum potentiarum actibus objecto beatifico, unitur; igitur nihil ex parte corporis se tenens impedit, quin videatur Deus; ergo nec mortalitas, quæ conditio corporis est, ullum impedimentum afferre potest visioni essentiae divinæ.

Præterea, Si à mortalitate præsentis vitæ sit, ut stante tali conditione, Dei visione careamus; igitur cum nobis insit naturale desiderium videndi Deum per essentiam, pariter idem desiderium se extendet ad finem præsentis vitæ, adeo ut naturali appetitu desideraretur mors, quæ tolleretur impedimentum visionis divinæ. Hoc autem est contra Apostolum, 2. ad Corinth. cap. 5. dicentem, *Nolumus expoliari sed supervestiri*; ergo naturali appetitu non desideramus mortem, sed magis perseverare in vita, etiam mortali.

Præterea, Secundum Augustinum, 13. de Trinit. cap. 4. *Incognitum amari non potest*: quemadmodum igitur aliquis amatur, ita & cognoscitur: Sed Deus in præsentī vita immediatè diligitur; ergo & immediatè cognoscitur: ac per consequens in præsentī vita potest videri. Et si dicatur, quia in præsentī vita Deus cognoscitur abstractivè, non intuitivè, ut in vita immortalī. Contra; actus, quo nunc cognoscitur Deus, & quo cognoscetur in patria, sunt ejusdem speciei: objectum enim est idem, & potentia eadem; ergo si intellectus in vita mortali potest in unum illorum, poterit & in reliquum.

CONTRA, Exodi 33. *Non videbit me homo, & cives*, ubi Glosa, *Deus in hac vita mortali videri non potest*. Quod & Augustinus, 13. de Trinit. cap. 8. probat per hoc, quia tunc beatitudo amitteretur per mortem, idque homo sciret; nam non ignoraret si moriturum; igitur aut volens amitteret; & tunc beatitudo sibi non esset summum volubile: aut nolens; ergo timeret imminens damnum, & tristitia afficeretur: aut nec volens, nec nolens; & tunc is Beatus non curaret de maximo bono suo; quod est inconveniens: Nequit ergo homo in vita mortali esse beatus.

RESPONDEO, Deum videri non posse per essentiam à puro homine, nisi ab hac vita mortali reparetur; Aliqui ita declarandum putant: Modus cognitionis sequitur modum naturæ cognoscentis; ergo quamdiu anima nostra est in corpore mortali, aliud cognoscere nequit, nisi formas in materia; vel quæ per ejusmodi cognosci possunt: Per naturas autem rerum materialium divina essentia cognosci non potest; cum impossibilis sit aliqua similitudo divinæ essentiae repræsentativa; oportet ergo hominem excedere ex vita mortali, ut Deum videre queat. Cujus rei etiam signum est; quia quanto magis anima nostra à corporalibus abstractitur, tanto intelligibilium abstractorum fit capacior. Unde in somniis, & alienationibus à sensibus corporis magis divinæ revelationes percipiuntur; ergo elevatio ad supremum intelligibilem, quod est essentia divina, exigit separationem ab hac vita mortali. Quantum ad assumptum probationis attinet, supra artic. 4. fusè extitit declaratum, qualiter habet instantias, & negandum proinde absolute videtur; quia cognitio potest esse objecti habentis modum essendi superiores, ac sit modus essendi cognoscentis. Quare ex illo principio inferre, animam existentem in corpore mortali non posse Deum attingere per essentiam, conclusio vera de lucitur, atque innititur falso fundamento. Similiter possibilem esse speciem divinæ essentiae, ostensum est supra articulo secundo: Licet tunc anima non videret per illam Deum cognitione beata. Hæc enim cum sit perfectissima, necessario est intuitiva; possibilis vero haberi per similitudinem, est duntaxat abstractiva. Contra signum arguitur: nam non ideo in somno videntur vera, quia anima recedit à corpore in operando, ut ab objecto; quia tunc profecto quo somnus esset profundior, eo magis immaterialia viderentur. Id autem esse falsum constat, quia experimur somnia non accidere in somno profundissimo, sed in tenui. Nihil igitur aliquis in somno, vel extasi videt, nisi causa extrinseca intellectum ejus immutet; & si de congruo talis magis dispositus videatur, quatenus non est distractus circa alia objecta: tamen reverà majus miraculum est, à Deo revelari quædam in somno, quàm in vigilia; quia naturale est, hominem in somno carere usu rationis, quo tamen pollet in vigilia.

Dicendum est ergo, de potentia Dei absoluta non repugnare hominem in præsentī vita videre divinam essentiam; etsi id fieri nequeat secundum legem ordinariam à sapientia divina præfixam. Declaratio: nam si quæ hic occurreret repugnantia, sanè vel esset ex parte agentis, vel ex parte passivi, in quo reciperetur visio intuitiva divinæ essentiae: Respectu Dei nulla est implicantia, quia potest homini mortali infundere visionem intuitivam sui, vel immediatè, vel præviis dispositionibus ab ipso producendis, quæcunque tandem requiri dicantur: Ex parte autem hominis mortalis si absolute id repugnaret, ne animæ quidem Christi potuisset ea perfectio communicari, dum esset nobiscum viator, & mortalis: imo anima omnino esset incapax beatitudinis; omnis igitur ratio repugnantiae refundenda atque accipienda est ab effectu visionis beatæ, qui de lege ordinaria est incompossibilis mortalitati; quia enim gloria animæ regulariter redundat in corpus sibi unitum, & corpus gloriosum est impassibile, ac immortale, nequit visio beatifica communicari animæ in corpore mortali: quia tunc tale corpus foret mortale, & immortale, obnoxium passionibus mortalitatem consequentibus, & immune, ac incapax illarum:

2. dist. 2. q. 3. d.  
Contra istud. V.  
I. x. hoc apparet.

Quodlib. qu. 6.

2. dist. 45. q. 2. d.  
Rationes. V.  
Quæ autem.



rum; non est ergo repugnantia a qua forma is, sed duntaxat virtualis ratione effectuum incompossibilem, quatenus unus effectus alteri contrarius opponitur virtualiter causæ alterius effectus. Et quoniam hanc virtualem impossibilitatem Deus de potentia absoluta potest impedire, præveniendo ne effectus, qui alias consequeretur gloriam animæ, insit per non redundantiam gloriæ animæ in corpus, ejusque portionem inferiorem, quomodo locunque, & qualitercunque id evenire ponatur; ut factum esse cum Christo credimus; ideo absolute & simpliciter fatendum, est homini in vita mortali communicari posse visionem in vitam divinæ essentia: quo in facto duplex miraculum interveniret: alterum quidem, quod communicaretur beatitudo in via; alterum verò, quatenus impediretur effectus causæ naturalis per efficiens supernaturale.

AD ARGUMENTA. Ad primum concedo Christum, dum esset viator, extitisse simul beatum; at id per miraculum evenisse, ut simul fuerint beatitudo & mortalitas propter repugnantiam effectuum. Nam nec corpus Christi perfundebatur, nec participabat de animæ gloria, eo modo, quo ejus est capax, citrà quam participationem animæ beatitudo non est omnino perfecta: dolor enim partis sensitivæ redundabat usque ad superiorem partem animæ contra effectum beatitudinis.

Ad Secundum respondeo, si Paulus vidit divinam essentiam, ut ipse testari videtur 2. ad Corinth. c. 12. exinde evidenter concludi, simpliciter & absolute non repugnare purum hominem videre Deum per essentiam; quam subinde visionem Deus potuit per totam vitam continuasse. Verum id fieret, non juxta legem communem, qua statutum est, præmium sempiternæ vitæ esse rependendum in termino mortalis vitæ, sed per specialem Dei providentiam.

Ad Tertium concedendum est, corpus non esse susceptivum beatitudinis eo modo, quo anima beatur; esse tamen susceptivum suo modo, ex qua deinde corporis beatitudine quidam effectus naturaliter consequuntur, qui sunt mortalitati præsentis vitæ impossibiles, ut expositum est.

Ad Quartum respondeo sic: Vita præsens hominis, in quantum vita, non repugnat beatitudini; sed id solummodo evenit in quantum est mortalis. Unde nemo est, qui naturaliter appetat dissolvi, sed magis supervestiri; quia maximè concupiscit id, quo semper possit esse immortalis vita sua.

Ad Ultimum dico, Deum pro præsentis vitæ utique posse cognosci, ac diligi immediate, non distictè, & in particulari, sed in communi & confusè: ac ejusmodi cognitionem, & dilectionem Dei minimè esse per essentiam, aut quid hominis perfectè quietat vum, ut est evidens; quia ultima perfectio & quies ejus consistit in cognitione intuitiva, ac dilectione illi correspondente. Et cum instatur, quia intuitiva, & abstractiva ejusdem potentia circa idem objectum, sunt ejusdem rationis.

RESPONDEO, Quamvis eadem sit potentia abstractivè, & intuitivè cognoscens idem objectum; sunt tamen ij actus specie differentes: nam objectum est quidem idem materiale; sed quia actus sunt alterius & alterius status, exigentes dispositiones in potentia diversæ rationis; formale objectum unius status differt plura quam specie ab objecto formali alterius status. Confimiliter aliud est lumen in via, quod abstractivè cognoscitur Deus, & aliud in Patria, quo per essentiam attingitur: ideo actus sunt specie differentes. Denique, objectum motivum actus abstractivi, est species, vel simili-

tudo rei: intuitivi vero est ipsa res in se præsens: nequeunt ergo ij actus esse ejusdem rationis.

Ad Argumentum in oppositum, & ad omnes auctoritates scripturæ, & sanctorum, quatenus possunt adduci ad suadendam omnimodam rei impossibilitatem, est responsio ex dictis. Nam repugnat hominem videre Deum in vita mortali, nedum quia non nisi miraculo foret adscribendum, si alicui concederetur, ut Paulo: sed aliud miraculum præterea interveniret, quo scilicet impediretur causa naturalis, ne in productionem sui naturalis effectus exiret. Et ideo id esse possibile affirmamus de sola Dei potentia absoluta.

## ARTICULUS XII.

Utrum per rationem naturalem Deum in hac vita cognoscere possimus.

*Doct. dist. 3. quæst. 1. in utroque scripto. Miscellan. qq. 9. 5. n. 22. & Collat. 13. S. Thom. 1. part. quæst. 12. art. 12.*

**V**IDETUR per naturalem rationem haud nos posse cognoscere Deum in hac vita. Nam 2. Metaphys. Tex. c. 11. & 12. *Infinita non contingit cognoscere*: ergo nec infinitum. Probatio consequentiæ: eadem videtur esse proportio intellectus ad infinita, ac ad infinitum: quia æqualis excessus, vel non minor: cum utrobique sit infinitas: ergo si propter eum excessum nequimus intelligere infinita, pariter nec infinitum.

Præterea, Secundum Philosophum, 3. de Anima Tex. c. 20. & 39. *Phantasmata se habent ad intellectum sicut sensibilia ad sensum*; ergo intellectus nihil intelligit, nisi cujus phantasma potest per sensum apprehendere: Deus autem non habet, nec habere potest phantasma; ergo nec à nobis in hac vita est cognoscibilis.

Præterea, 2. Metaphys. Tex. c. 11. *Sicut se habet oculus nocturnus ad lumen Solis, sic intellectus noster ad ea, quæ sunt manifestissima nature*. Sed impossibile est, oculum nocturnum intueri lumen Solis; ergo & intellectum nostrum in hac vita cognoscere Deum qui est infinitæ intelligibilitatis. Unde Gregorius, lib. 1. Homil. 8. super Ezechielem; *Quantumcunque mens nostra, inquit, in contemplatione Dei profecerit, non ad illud, quod ipse est, sed ad illud, quod sub ipso est, attingit*.

CONTRA, Paulus, 4. ad Roman. cap. 1. disertè testatur, Philosophos naturali lumine intellectus agnovisse Deum rerum omnium Conditorum, per ea, quæ ab illo facta sunt: & quoniam, ut fas erat, ei gloriam non dederunt, nec gratias egerunt: ideo erravisse in cogitationibus suis, ac obcuratum esse insipientes cor eorum.

RESPONDEO dicendum, per rationem naturalem in hac vita Deum nos cognoscere posse. Et quoniam multiplex potest intelligi cognitio nostra, ut per ipsam attingimus Deum, ad videndum quæ, & qualis sit ea, de qua loquitur solutio, esto.

Primum dictum: ex parvis naturalibus nequimus habere eam cognitionem de Deo, qua attingitur res ut existens, vel quatenus in sua existentia præsens. Et quanquam hoc supra articulo 4. fusè extiterit declaratum, tamen rursus probatur breviter: quia eam Dei cognitionem nequit habere viator, per quam ipse ponitur extra statum viæ: sed cum attingitur Deus, ut in se existens, & in sua existentia præsens, talis cognoscens est extra statum viæ: ergo id viatori repugnat. Minor est evidens: quia cognitio, qua cognoscitur Deus ut in sua

1. dist. 3. quæst. 4.  
2. ad oppositum

Videndus Metaphys. c. 11. & 12. quæ 1. ex dictis hanc præsentiam

2. dist. 9. quæst. 9.  
6. Secundo modo







intellectum, ut expositum est. Huc faciunt etiam supra articulo 4. in incidenti.

Ad Tertium, quicquid dicat Commentator, respondeo sic: Quemadmodum nocturne impossibilis est naturaliter, & intuitivè (nec enim aliter potest videre solem) intueri lumen: ita intellectui nostro impossibile est naturaliter, & intuitivè videre Deum. Sed non proinde est hæc impossibilitas extendenda ad consulam, & abstractivam cognitionem, de qua nobis est sermo ad præsens. Sed de his iterum infra, q. 84. art. 7. & q. 88. art. 2.

Ad id quod subiicitur ex Gregorio, dico, non esse ita intelligendum, quasi contemplatio sistat sub Deo in aliquid creaturæ; quia id planè esset frui utendis, & summa perversitas, juxta Augustinum 83. qq. q. 3. Eatenus ergo dicit contemplationem attingere ad id, quod sub Deo est, quatenus conceptus essentia divini sub ratione entis, est longè imperfectior conceptu, quo attingeretur ut hæc essentia in se; & quia imperfectior est, ideo & inferior in intelligibilitate. Contemplatio autem de lege communitat in conceptu communi entis infiniti, summi boni, & ejusmodi; ac proinde sistit in aliquo objecto, quod est minoris intelligibilitatis, quam Deus in se, ut hæc essentia.

### ARTICULUS XIII.

Utrum per gratiam habeatur altior cognitio Dei, quam ea, quæ habetur per rationem naturalem.

Doct. locis in margine citatis. S. Thom. 1. part. quæst. 13. artic. 13.

**V**IDETUR non haberi altior cognitio Dei per gratiam, quàm sit illa, quæ habetur per rationem naturalem. Nam si altior cognitio esset de Deo per gratiam, quàm per rationem naturalem, utique non alia videretur esse ab illa, quam per idem habere dicimur; sed ea non videtur altior, & excellentior cognitione naturali de eodem objecto; & probatur; etenim in mixtione omni certitudo conclusionis sequitur ad præmissam minus certam, & minus necessariam; sed ad præmissam creditur addendo aliam notam in lumine naturali, sequitur conclusio, juxta præmissam, quæ est invidens; ergo illa præmissa non est altior, atque excellentior altera nota lumine naturali intellectus.

Præterea, Revelatorum necessariorum terminos possumus naturaliter cognoscere, ac intelligere: Revelatio enim secundum communem legem, non est nisi de his, quorum termini possunt naturaliter concipi à nobis; igitur ex gratia revelationis non habetur altior cognitio de Deo, quàm ex naturalibus. Probatur assumptum: quia fidelis, & infidelis contradicentes sibi invicem in hac propositione, *Deus est unus & unus*, non est ipsis tantum contentio de vocibus, sed de conceptibus per voces significatis. Rursus, fides, qua unus distinguitur ab alio, cum non sit habitus inclinans ad assentiendum ex notitia terminorum, non est profecto ratio intelligendi terminos, sed præsupponit notitiam eorum; igitur à fidei gratia non est altior cognitio Dei, quam per naturam haberi queat.

Hinc Richardus, lib. 1. de Trinitate, cap. 4. dicit nedum per fidem, sed etiam rationibus necessariis veritates de Deo in Trinitate personarum, & unitate essentia se esse ostensurum. Sed & Anselmus, de Incarnatione, cap. 33. protestatur se duo magna opu-

scula, Menologium, & Proselog. ad id fecisse, ut cer. a ratione, inquit, non auctoritate, quæ ad Deum per se sent manifestarem.

Præterea, Quæcunque tenemus per revelationis gratiam, possunt sciri via naturali; ergo ex revelatione non inest nobis altior cognitio de Deo quam ex naturalibus. Probatur assumptum; illud potest sciri à nobis esse possibile (& subinde existere de facto in ente necessario) ad quod constat, nullum se qui impossibile: sed possumus naturaliter scire ad revelata quæque non sequi ullum impossibile. Nam ex quo revelatae complexionis verissime sunt: omnis ratio in contrarium aut peccat in materia, aut in forma: si in forma: mox deprehenditur fallacia per artem certam, quam habemus: si in materia: destruitur per interemptionem, tanquam non necessariam.

CONTRA, Philosophi vel eruditissimi via naturali veritatem inquirentes, minimè pervenire potuerunt ad ea, quæ nobis ex revelatione divina innotuerunt, ut fusè extitit declaratum quæst. 1. artic. 2., ergo longè altior, ac præstantior cognitio nobis est ex gratia, quàm per quamecunque disputationem naturalem.

RESPONDEO dicendum, longè perfectiorem cognitionem de Deo à nobis haberi ex supernaturali revelatione, quàm per naturalem rationem. Declaratio: nobis ex naturalibus non est possibilis conceptus alius, nisi ille, qui potest causari virtute intellectus agentis, & phantasmatum: nihil enim aliud est naturaliter movens intellectum viatoris de communi lege: virtute autem earum causarum, nequit innasci in nobis conceptus distinctus de Deo, qui virtualiter, & evidenter includat veritates necessarias, quæ continentur in illo: ergo illæ veritates necessariae, quas ex revelatione tenemus de Deo, nos omnino ex naturalibus procedentes, latent: ergo altiozem cognitionem natum sumus de Deo per gratiam, quàm per naturam adipisci aliquando potuissimus. Minor probatur; viator habens conceptum simplicem & perfectissimum, ad quem attingere potest ex naturalibus, non transcendit cognitionem perfectissimam simplicem de Deo possibilem Metaphysico: sed conceptus perfectissimus, quem per Metaphysicam acquirere possumus de primo Principio, non includit virtualiter veritates necessarias revelatas, quia tunc multi Philosophorum, qui ad eos conceptus perfectissimos naturali indagine pervenerunt, pariter eas veritates exinde deduxissent: quod tamen factum non fuisse constat: ergo hæc veritates non includuntur virtualiter in conceptibus metaphysicis, quos naturaliter acquirere possumus.

Sed neque illæ veritates sciri possunt de Deo demonstratione quia. Nam ita arguendo. Aliquod ens est causatum: ergo aliquod ens est causa non causata. Vel aliquod ens est finitum: ergo aliud debet esse infinitum. Vel aliquod ens est possibile: ergo & aliud erit necessarium: cū hæc consequentiæ rectè deducantur virtute hujus propositionis: Condicio imperfecta non inest alicui enti, nisi insit alteri enti condicio perfectior: cū imperfectum essentialiter dependeat à perfecto: at tamen ea, quæ nata sunt sciri de Deo prout distinctè cognoscitur, non possunt sciri, nec inferri ex conceptibus communibus: sicuti non potens distinctè concipere triangulum, ignorat oportet, ipsum esse primam figurarum, cū aliunde sciat aliquam esse primam figuram: imo ipsi effectus primæ causæ vel relinquunt intellectum dubium, quoad revelata, vel ducunt in errorem: quia ex nulla creatura potest inferri, primam formam esse

Quæst. 2. Prologi Reportat. 1. supra.

Galat. 10.

Quæstio. q. 6. Tertia conclusio.

3. dist. 24. q. 1. Si loquamur de secundum modo.

Prologi q. 3. q. 1. Sed dubium est.

Quæstio. q. 14. q. 1. De primo.

1. Report. q. 1. Prologi n. 6.

Quæst. 1. Prologi.



uram in tribus. Sed de hoc actum, *quest. 1. artic. 2. citato* & rursus redibit sermo infra, *quest. 32. artic. primo*. Ex gratia igitur altiore, ac sublimiorem de Deo habemus cognitionem, quam ullis naturæ viribus possit comparari.

AD ARGUMENTA. Ad primum, concedo in mixtione qualibet conclusionem sequi conditionem præmissæ minus evidētis; & quantum ad hoc non diffitemur fidem esse credenti inevidentem, cum in eo sita sit ratio ipsius. Sed quod contendimus est, ad potiora, quæ fides docet, perveniri non posse per rationem naturalem, ut declaratum fuit in *solutione*; ac proinde longè sublimiorem esse eorum cognitionem, quam assèqui possit ex ratione naturali.

Ad Secundum concedimus, terminos implexos revelatorum posse à nobis naturaliter concipi; quia fidei habitus non tribuit intelligentiam conceptuum simplicium, sed tantummodo inclinatur ad assentiendum complexis revelatis. Cum igitur infertur; ergo ex fidei gratia non habetur altior cognitio, quam ex naturalibus possit acquiri; neganda est consequentia: Cum enim complexiones revelatæ non sint ex se notæ, nec ex notis naturaliter deducibiles, remota revelatione essent intellectu creato aut dubiæ, aut neutræ, & non necessariæ, sicuti sunt à parte rei, & sciri us ita esse ex Dei revelatione; de quo actum *questione prima, artic. 2. citato*.

Ad id quod additur ex Richardo, & Anselmo, dicendum; etsi ab ipsis adducantur rationes veræ, & necessariæ ad declarationem revelatorum, eas tamen ratiocinationes non esse evidenter necessa-

rias, ut ad earum assensum statatur necessario intellectus; nam non omne necessarium est evidenter tale.

Ad Tertium dicendum, non rectè inferri hanc consequentiam: Potest sciri, non bene deduci quod infertur tanquam impossibile contra revelata: igitur nullum impossibile sequitur: (Hæc enim est vis, & energia argumenti) quia non scitur, quin alia impossibilia possent deduci, & inferri, quorum nullum est illatum.

At arguebatur, quia omne argumentum contra verum necessarium potest solvi: quia vel peccat in materia, vel in forma. Concedo: quia etsi nesciam aliquam propositionem ejus esse falsam, scio tamen non esse per se notam: nam lumen naturale, sicut sufficit ad cognoscendum per se notam ex terminis, ita satis est ad deprehendendum, non esse per se notam, quæ revera talis non est. Hac ergo negata, non propterea est sibi necessario verum id, contra quod obiicitur: tum quia dubitat, an alia impossibilia lateant, ut dictum est: Tum quia etsi posset scire, nullum impossibile manifestius in impossibilitate sequi, non exinde tamen est inferendum, me scire illud possibile esse: quia potest esse principium in impossibilitate. quod ex aliquo impossibili non sequatur. Præmissis enim necessariis opponuntur prima impossibilia: sed revelatio nos certissimos reddit, nedum impossibile ullum non consequi ad revelata quæque: sed ea insuper adeo esse necessario vera, ut nihil impossibilius esse queat quam ea sic non se habere, & talia non esse. Huc faciunt dicta supra articulo 4.

Ubi supra articulo 2.





Tomus I. Pars I. Quæst. XIII. Art. I.

# QUÆSTIO TERTIADECIMA

## DE NOMINIBUS DEI,

155

IN DUODECIM ARTICULOS DIVISA.

Considerantio his, quæ ad divinam perfectionem pertinent, procedendum est ad considerationem divinorum Nominum.

ET CIRCA HOC QUÆRUNTUR DUODECIM.

- I. Utrum Deus sit nominabilis à nobis.
- II. Utrum aliqua nomina dicta de Deo, prædicentur de ipso substantialiter.
- III. Utrum aliqua nomina dicta de Deo, propriè dicantur de ipso, an omnia attribuantur ei metaphorice.
- IV. Utrum multa nomina dicta de Deo, sint synonyma.
- V. Utrum nomina aliqua dicantur de Deo, & creaturis univocè, vel æquivocè.
- VI. Supposito, quod dicantur analogicè, utrum dicantur de Deo per prius, vel de creaturis.
- VII. Utrum aliqua nomina dicantur de Deo ex tempore.
- VIII. Utrum hoc nomen *Deus* sit nomen naturæ, vel operationis.
- IX. Utrum hoc nomen *Deus* sit nomen communicabile.
- X. Utrum accipiatur univocè, vel æquivocè secundum quod significat, *Deum* per naturam, & per participationem, & secundum opinionem.
- XI. Utrum hoc nomen, *qui est*, sit maximè proprium nomen Dei.
- XII. Utrum propositiones affirmativæ possint formari de Deo.

### ARTICULUS I.

Utrum aliquod Nomen Deo conveniat.

Doct. 1. dist. 22. q. 1. & 2. in Report. ibidem q. unic.  
S. Thom. 1. p. q. 13. artic. 1.



VIDETUR nullum nomen Deo convenire. Si quidem *Proverb. 30.* post multas quæstiones motas de Deo, quærit Salomon, *Quod nomen ejus & quod nomen Filii ejus, si nosti*; Ex hoc arguitur sic: omnis quæstio aliquid certum supponit, & aliquid dubium quærit, ex 7. *Metaphys. cap. ult.* Certum autem quod hic supponit Salomon est, Deum esse, & etiam Filium ejus esse, & de utriusque sciscitatur nomine; ergo Deo vel nullum convenit nomen, vel certè id nomen omnes latet; quis enim scire poterit, quod Salomon ignoravit.

Præterea, Ex Augustino, *serm. 24.* de verbis Domini; *Quicquid potest furi est effabile*; sed Deus est ineffabilis; igitur Deus non potest fari, & per consequens nec nominari. Minor probatur, 2. *ad Corinth. cap. 12.* narrat, Apostolus se in raptu quodam audivisse ineffabilia verba; ergo si quæ Paulus tunc audivit ineffabilia sunt, multo magis est ineffabilis ille, qui talia facit.

Præterea, Augustinus, *Homilia 19. in Joann.* super illud *Filius nihil facit, nisi quæ viderit Patrem facientem*, Joan. 5. dicit, *videre Filii* aliud non significare, quam ipsum esse Verbum Patris, quod exprimi à nobis verè non potest, ergo nec nomine aliquo nominari.

Præterea, Quod nequit intelligi, nec significari potest, ex Philosopho 4. *Metaphys. Text. 10.* & probatur per Augustinum, 7. *de Trinit. cap. 4.* dicentem, *Deus veritas cognoscitur, quam dicitur, & veritas est, quam cognoscitur*. Sed essentia divina non cognoscitur in se sub propria ratione ab intellectu viatoris; quia tunc etiam cognosceret veritates necessarias, et illi essentie insunt sub propria ra-

tione, atque ita deprehenderet Trinitatem Personarum, & ea omnia, quæ fide tenemus. Ergo nec potest nominari.

CONTRA, *Psalm. 45.* *In Israel magnam nomen ejus.* Deus igitur aliquo nomine nominatur.

RESPONDEO, Aliquibus videtur, Deum posse quidem à nobis nominari ex creaturis, non autem secundum quod est in se. Cum enim secundum quod aliquid à nobis intellectu cognosci potest, ita & nominari contingat; & Deus nequeat à viatoribus per suam essentiam attingi, sed duntaxat aliquantulum cognosci ex creaturis, secundum habitudinem principii, & per modum excellentiæ, & remotiōis; consequens est, ut ex creaturis solummodo valeamus Deum nominare, non verò prout est in se; quia secundum hanc rationem nos latet, nec fieri potest ut ab ulla creatura cognoscatur.

Veruntamen propositio, quæ ad hoc declarandum assumitur, nempe, *sicut aliquid intelligitur, ita & nominatur*, non subsistit; quia distictius potest aliquid significari per nomen, quam intelligi; siquidem substantia nequit distinctè intelligi à viatore; alioquin deprehenderet absentiam ejus in Eucharistia; si igitur non posset distinctius significari, nullum nomen impositum à viatore exprimeret aliquam rem de genere substantiæ; sed sicut præcè concepitur à nobis aliqua proprietas, à qua & nomen imponitur, ita præcè ea proprietas significaretur per nomen. Exemplum: *lapis* dicitur, eo quod pedem lædat; si ergo sicut res intelligitur, ita & significatur, jam eo nomine non exprimitur aliqua substantia, sed tantum aliquid de Genere Actionis, scilicet *lædere potest*, quæ fuit ratio, à qua nomen *lapidis* imponebatur. Et universalius nomina imposita rebus de Genere substantiæ, significant juxta etymologiam accidentalem proprietatem, quæ intelligebatur ab imponente; & tamen ulterius exprimere imponentes intendebant aliud quid ultra accidentalem proprietatem, ad quæ distinctius nominabant substantiam, ac intellexerint: etenim non accidentibus illis ea nomina imponebant sed alteri, quod eis subsistere, & ejusmodi accidentibus affectum esse deprehenderant. Talibus igitur signis, vel nomi-

7. dist. 26. 6.  
Contra illam  
opinionem. V.  
Secundum.

S. Thom. hic  
injectione.

Venerat Com-  
mentatio ex  
Lectura. Super  
dist. 22. artic. 1.  
& 2. in Report.  
q. unic. & 2.  
in Report. q. unic.  
S. Thom. hic  
injectione.



bes significantur *substantia* sub propria ratione, qua distinguuntur ab aliis entibus; atque ita id nomen imponens intendit illam essentiam de Genere substantiæ significare: & sicut intendit significare, sic nomen impositum est signum; & nihilominus distinctè non intelligit, quod distinctè intendit significare per id nomen. Consimiliter, si nesciens Hebraicè loqui aliquot vocibus sibi notis significare intenderet characteres hebræos, nonne distinctè significaret scienti Hebræum idioma, quam ipse imponens intelligat? Et hoc ipsum magis est evidens in usu nominum ab alio impositorum; nam nomine *Roma* utor ad distinctè representandum illam Civitatem, quam nunquam vidi, nec cognovi.

Dicendum est igitur primo, fieri posse ut viator nominet Deum nomine proprio significante illam essentiam ut *est hæc*, nedum ab aliis, ut ab ipso Deo, vel à Beatis, imposito; verum etiam à se ad verito, quo exprimantur conceptus ita Deo proprii, ut nulli creaturarum competere queant. Et quidem posse nos uti nominibus Deo impositis, quibus in scripturis nominatur, evidens est: & consimiliter si aliud præerea nomen Dei revelaretur, perinde illo viator posset uti ad exprimendum Dei essentiam, ac utatur jam revelatis; nam tale nomen haud foret infinitum, etsi repræsentaret, & exprimeret essentiam infinitam. Verisimile est tamen de facto multa nomina in Sacra Scriptura distinctè illam essentiam significare, & videtur Deus innuere Exodi 3. *Hæc dices filiis Israel, qui est misit me ad vos. Hoc nomen mihi est in æternum.* Et cap. 6. *Ego Dominus qui apparui Abraham: nomen meum Adonai, non indicavi eis.* Similiter Rabbi Moyses lib. 1. cap. 6. vult nomen Dei *Tetragrammaton* (quod fuit datum, ut scriberetur tantum, & non legeretur) significare essentiam divinam significatione pura: & sicut in veteri Testamento traditum fuit tale nomen, ita verisimile est, in novo pariter & traditum à Christo fuisse, quo propriè significaretur essentia divina. Est ergo Deus nominabilis à viatore nomine significante propriam essentiam, ut *est hæc essentia*; quia viator potest uti signo, quo id significatur, & intendit simul exprimere quicquid tale signum significat. Nam omnino non oportet utentem nomine ita intelligere significatum nominis, ut per signum exprimitur: imo distinctè utens nomine potest rem significare, quam ipse intelligat.

Quantum vero ad impositionem nominis attinet: *questione præcedenti, articulo 12.* dictum fuit, posse nos pertingere ex naturalibus ad multos conceptus sic Dei proprios, ut omnino repugnent, creaturis, cujusmodi sunt conceptus puri actus summi boni, entis infiniti, conditoris rerum universitatis, intelligentis omnia necessario, & alia id genus.

Dicendum secundo, Viatorem imponere posse nomen, quo significetur ratio quiditativa Deitatis prout concipitur, & videtur à Beatis, & ab intellectu divino. Probatio; si id impossibile esset viatori, maxime quia oportet nominantem aliquid, ita intelligere sicut nominat, cum nequeat res distinctè exprimi per nomen, quam ab intellectu concipiatur. Hoc autem esse falsum extitit declaratum: Nam ab aliqua proprietate accidentali intellecta accipitur, estque nominis impositio alicujus substantiæ; & tamen haud exprimere intendimus, nec sanè significare volumus eo nomine illam proprietatem, sed aliquid de Genere substantiæ, subiectum illius, unde nomen accipitur, quatenus per se distinguitur à quocunque accidentente; atque hoc ipsum intendimus exprimere sub

pro a ratione, nec tamen sic illud intelligitur: potest tamen ita per nomen intelligi ab eo, cui est nota, ac perspecta essentia illius substantiæ; ergo distinctè exprimitur per nomen, ac intelligatur ab imponente illud nomen. Quemadmodum ergo viator imponit nomen ad significandum substantiam, sub ea ratione, qua ipsam non intelligit; ita pariter & poterit nomen imponere ad exprimendum essentiam divinam, ut *hæc*, sub qua ratione nequit illam viator ex naturalibus suis attingere. Et sicut imponens nomen exprimere intendit essentiam divinam, ita & audiens per idem nomen pariter concipere intendit eandem essentiam divinam, etsi neuter valeat id objectum distinctè intelligere: quod & usu venire frequenter in nostris sermonibus constat; nam distinguentes essentiam contra relationes, & perfectiones attributales, nitimur significare, atque exprimere per nomen alteri, essentiam ut in se est; nec alius conceptus gignitur in animo audientis.

Veruntamen, etsi viator nominare valeat Deum, atque uti nomine significante distinctè illam essentiam: Et insuper imponere nomina ita exprimentia proprios conceptus Dei, ut nulli convenient creature; ac denique imponere nomina significantia distinctè Deitatem, quamvis sic non concipiat ab ipso; non potest tamen viator ita perfectè nominare Deum nomine proprio, ut eo exprimat proprius conceptus Dei, sic ut ab ipso concipiatur, ut per nomen significatur. Etenim nihil movet intellectum viatoris ad distinctè concipiendum aliquid, nisi phantasma, & intellectus agens: de his ergo tantum potest intellectus habere conceptum distinctum, quorum phantasmata movent intellectum; alia vero, quorum non est phantasma, tantum cognoscuntur à nobis in generalibus conceptibus, quo pacto ex naturalibus cognoscitur Deus à viatore.

AD ARGUMENTA. Ad primum respondeo ex statim dictis, nullum nomen Deo congruere ex his, quæ viator illi appropriat, quasi exprimat proprius conceptus Dei, quem habeat penes se is, qui utitur nomine. Cum enim impossibile sit, viatorem ex naturalibus concipere Deum sub propria & distincta ratione; quodcumque nomen adinventiat, Deumque nominet, non est nomen illius, ut ipse concipit; unde notanter dicit Salomon, *Non scis?* Nam id nosse, viatori non suppetunt vires; ergo nec nominare nomine proprio secundum ea, quæ de Deo concipere potest. Cum hoc tamen bene stat, posse Deum significari distinctè, quam intelligatur, nomine aliquo, vel revelato in scripturis, vel etiam à viatoribus imposito: & præerea appellari omnibus illis nominibus, quæ expriment conceptus proprios Dei, qui nulla ratione aptari queunt creaturis.

Ad Secundum, concedo fatendum esse Deum ineffabilem, juxta Scripturam, & Patres: ac proinde à viatore haud imponi posse aliquod nomen, quo comprehenderetur (ad quem sensum potissimum Deus dicitur, & est verè ineffabilis, ac supra omnem mentem creatam, & narrationem) aut etiam distinctè, & in particulari cognosceretur per tale nomen; id enim est impossibile secundum vires naturales cujusvis intellectus creati: non proinde tamen Deus est ineffabilis quantum ad signum representativum ipsius, vel nomen aliquod vel revelatum vel impositum, per quod intelligitur distinctè, & confusè; etsi distinctè significetur, & etiam intelligatur ab aliquo, qui distinctam Dei notitiam habet, juxta dicta, articulo 2. *quest. præcedentis.*

Ad

Viator potest nominare Deum nomine significante essentiam divinam ut hæc.

1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

Ex Report. cito no. 11.

Oppositum videri potest B. Innotas hæc.



Ad Tertium dicendum, utique *Tò videre* etc. Filium natū à Patre: Filius enim quicquid habet, actu generationis accipit: sicut *audire* est spiritum Sanctum procedere; juxta illud Joan. 16. *Quæcunque audiet loquetur*. Concedo igitur & generationem Filii, & Spiritus Sancti processionem nos verè & distinctè non intelligere; nec subinde exprimi nominibus, prout intelliguntur, sed tamen exprimi & significari verbis in scriptura revelatis distinctiùs, ac à nobis intelligi queant.

Ad Quartum respondeo, nihil significari posse per vocem, nisi aliquo modo cognoscatur; quod & sufficit ad intentionem Philosophi, & Commentatoris: distinctiùs tamen per nomen aliquid potest significari, quàm intelligi. Cum igitur dicit Augustinus; *Deus verius cogitatur, quàm dicitur* &c. Dico, id verum esse, comparando cogitationem, ut est signum repræsentativum, ad vocem: sic enim verius est in cogitatione; quia cogitatio est naturale signum repræsentans Deum, vox autem est signum ad placitum.

## ARTICULUS II.

Utrum aliquod nomen dicatur de Deo substantialiter.

Doct. *Quælib. q. 1. §. De primo. S. Thom. 1. p. quæst. 13. artic. 2.*

**V**IDETUR nullum nomen dici de Deo substantialiter. Nomina, quibus exprimuntur perfectiones propriæ Dei, accipiuntur ex creaturis per inquisitionem metaphysicam, opere intellectus, removendo imperfectionem omnem, & contra attribuendo illi summam perfectionem; unde coalescunt conceptus summi boni, infinite sapientis, actus puri, alique per similes nulli creaturarum congruentes. Sed his omnibus nominibus non significatur, nec exprimitur Dei substantia, sed quæ illam quasi consequuntur; ergo nomina, quibus utimur, non dicuntur de Deo substantialiter. Probatio minoris; Damascenus lib. 1. cap. 4. *Si bonum, inquit, si justum, si sapiens, si quodcunque aliud dicas, non naturam dicis Dei, sed quæ circa naturam;* ergo nomina, quibus ex creaturis exprimuntur perfectiones Dei, non prædicant naturam, vel substantiam ipsius, sed quæ naturæ illi veluti adjacere perhibentur.

Præterea, Cuncta nomina, quibus à nobis Deus nominatur, videntur involvere respectum ad creaturas; sed Dei natura, & essentia est ab omni respectu ad creaturas longissimè semota, eo quod priusquam creaturæ habeant aliquod *esse*, vel intelligibile ab intellectu divino, ipsa exitit in tribus suppositis summa Deitas; ergo ejusmodi nomina non exprimunt Dei essentiam, nec dicuntur substantialiter de illo. Assumptum declaratur; nam cum dicitur omnipotens, creator, actus purus, omniscient, infinite bonus, justus &c. hæc omnia nomina, & perfectiones involvunt respectum ad creaturas, quia sine termino nequeunt quiditativè intelligi, vel declarari; ergo non dicuntur substantialiter de Deo.

Præterea, Dei substantia est ipsum *esse* infinitum per essentiam, seu à se; sed tale esse non contingit nominari, nec intelligi, nisi per excessum ad finitā; ergo & nomen entis per essentiam est involvens respectum ad creaturas excessas; igitur non dicitur de Deo substantialiter, nec est ejus essentia expressivum, prout à nobis concipitur, & effatur: Undè Gregorius, lib. 1. Homil. 8. super

Ezechiel. *Quantumque, inquit, mens nostra in contemplatione Dei profecerit, non ad illud, quod ipse est, sed ad illud, quod sub ipso est, attingit;* ergo quicquid possumus intelligere, & significare de Deo per nomina, totum est extra, id est infra substantiam Dei.

Præterea, Secundum hoc nominatur aliquid à nobis, secundum quod intelligitur. Sed non intelligitur Deus à nobis in hac vi a quo ad ejus substantiam; ergo nec aliquod nomen impositum à nobis dicitur de Deo, secundum suam substantiam.

CONTRA, Augustinus 15. de Trinit. cap. 5. *Si dicam aternus, immortalis, justus, bonus, beatus, Spiritus horum omnium novissimum quod posui videtur significare substantiam, cetera vero hujus substantia qualitates.* Est igitur aliquod nomen dictum de Deo substantialiter, secundum Augustinum.

RESPONDEO dicendum, complura nomina de Deo enunciari substantialiter, ac proinde significare ipsam Dei essentiam, vel substantiam. Etenim concipienti Deum esse sapientem, summè bonum, infinite justum, & alia ejusmodi ex creaturis, occurrit, debetque si necessario præintelligere aliquid, quasi subjectum, cui concipiuntur illæ quasi proprietates inesse, & quæ verè attribuuntur, illudque ad nihil aliud prius attribui intelligitur; ergo seu id a tributorum subjectum, ex iis, quæ sibi insunt, cognoscatur; seu ipsis quasi passionibus præintelligatur; ejus habetur conceptus causâ inquisitionis metaphysicæ, qui non est attributalis, sed quiditativus, Deoque essentialis, utpote in quo est status, & cui inesse intelliguntur quotquot ex creaturis illi attribuuntur; ergo is conceptus significatur nomine, quod de Deo enunciatur substantialiter. Deinde, secundum Augustinum, 7. de Trinit. cap. 1. *Quod est sapientiæ superius, & quod est potentia posse, & aternitati aternum esse, & justitiæ justum esse: hoc est essentia ipsam esse.* Et infra cap. 4. *Ab eo, quod est esse, appellatur essentia: propter quod Deus ipse, cui propriissime, & verissime convenit esse, verissime dicitur essentia.* Et quidem primò ita dicitur, & vocatur, sicuti, & primò sibi convenit esse: secundum quod & ibidem idem testatur cap. 5. *Est enim Deus verè solus, quia incommutabilis, idque nomen suum suo famulo enuntiavit Moysi, cum dixit: Ego sum qui sum; Ergo appellantes Deum ipsam essentiam, & ipsum esse, ejusdem substantiam omnino significant.* Postremo, si nobis non liceret appellare Deum nominibus significantibus illius substantiam, maxime quia videntur perfectiones divinæ per nomina à nobis significatæ, involvere respectum ad creaturas (ut tangitur in secundo principali) quod Dei substantiæ nequaquam convenire potest: Id autem est falsum de pluribus Dei prædicatis, ut enunciantur per nomina, quibus Deum nominare possumus, & solumus. Et declaratur; quia ipsa Dei essentia in se non involvit respectum aliquem ad creaturas: ergo nec talem respectum dicere possunt ea, quæ sunt de quiditate illius essentia. Atqui vitæ intellectualis ratio ita ingreditur illius essentiam, ut si definiretur, vita foret pars definitionis ejus: ergo hoc nomen dicitur substantialiter de Deo: Undè Augustinus, 6. de Trinit. cap. ultimo: *Ubi est prima, & summa vitæ, cui non est aliud vivere, & aliud esse: sed idem esse ac vivere.* Rursum, actus comprehensivus Dei est infinitus: alioquin haud posset eo objectum infinitum comprehendi: igitur is actus nullum includit respectum ad creaturas. Probatio consequentiæ: infinitas repugnat omni respectui, etiam reali: ergo actui formaliter in-

1. dicitur 2. q. 2. §. 1. in argum. principal.

3. Thomæ Trinitatis præcipue.

1. dicitur 2. q. 2. §. 1. Respondeo aliter.

Complura nomina dicuntur de Deo substantialiter.

1. dicitur 2. q. 2. §. 1. ad oppositum.

Quælib. q. 1. §. 1.

1. dicitur 1. q. 1.

1. dicitur 2. q. 2. §. 1.

Quælib. q. 1. §. 1. cit. 6. de secundis membris.



inimè repugnat referri ad creaturas: nomen igitur respectum dicit ad extra ex natura rei esse igitur, & vivere, & intelligere, & alia id genus sunt nomina substantialiter dicta de Deo.

AD ARGUMENTA. Ad primum respondeo, præmittendo doctrinam Augustini, 5. de Trinit. cap. 5. *In rebus creatis, inquit, atque mutabilibus, quod non secundum substantiam dicitur, refertur secundum accedens dicitur: nec tamen unum quod dicitur, secundum substantiam dicitur: dicitur enim ad aliud, sicut Pater ad Filium, & Filius ad Patrem.* Hæc ille. Nomina igitur quæ dicuntur de Deo substantialiter non omnia significant gradum quiditativum essentiae divinæ, sed complura pariter secundum substantiam enuncitari dicuntur, quamvis non sint naturæ constitutiva, sed duntaxat circa naturam sunt expriment. Omnia ergo illa nomina, quæ relationem ad creaturas non involvunt, vel non expriment divinas notiones ad intra, substantialiter de Deo dicuntur.

Ad Secundum, concedo nomina quibus exprimuntur perfectiones divinæ, involventes suum modo respectum ad creaturas, non dici de Deo substantialiter: ut dictum est in precedenti responsione. Ad assumpti declarationem, cum dicitur: esse perfectiones relativas, quæ significantur nominibus ætus puri, infiniti boni summè iusti, omnipotentis, creatoris, omniscientis &c. Dixerim tria ultima, & alia ejusmodi, esse relativa secundum dici: importantia subinde per se quid absolute: connotare tamen terminum, qui refertur realiter ad Deum: sed priora esse alterius rationis: quia non exigunt terminum ad quietativum eorum intellectum, ut relativa secundum dici. Et quamvis ratio illorum videatur removere à Deo & potentialitatem omnimodam, eo quod ætus purus sit, & omnem finitatem in perfectionibus simpliciter, tamen non apparet necessarii coexistentia earum necessarium in ipsa positivarum perfectionum intelligentia: de quo videndus articulus 12. questionis precedentis.

Ad Tertium respondeo, infinitum posse accipi & comparative per accessum ad alia, & positivè prout est in se: primo modo concedo, non esse nomen dictum de Deo substantialiter: eo quod involvat respectum rationis ad excessum: sed secundo modo nullum dicit respectum, sed significatur esse tale, ut ex natura rei impossibile sit excedi. Ad id quod adducitur ex B. Gregorio: responsum fuit questionis precedentis, artic. 12. §. Ad tertium.

Ad Quartum, dictum fuit articulo precedenti, assumptum esse falsum. Pariter miror esse negandam, constat ex dictis in solutione.

### ARTICULUS III.

Utrum aliquod nomen dicatur de Deo propriè.

Dei locis in margine citatis. S. Thom. 1. part. quæst. 13. artic. 3.

VIDETUR nullum nomen dici de Deo propriè. Etenim illud nomen propriè dicitur de aliquo, cujus significatum propriè convenit illi, ut exprimitur per nomen: sed nullius nominis significatum, ut à nobis concipitur & exprimitur, propriè convenit Deo: ergo nec propriè à nobis per aliquod nomen neminatur. Probatio minoris: quicquid à nobis concipitur, nequit Deo convenire ex natura rei: quia infra Deum est quicquid à creato intellectu intelligi potest: ergo quatenus ij

concep. spei nomina significantur, impropriè de Deo dicuntur.

Præterea, cum Apostolus 1. ad Corinth. cap. 10. dicit *Petra autem erat Christus: & Joan. 15. scribitur, Salvatore dicitur: Ego sum vitis vera, & vos palmites:* aut cum appellatur *Leo, lapis angularis,* & alia id genus plurima, rectè dicuntur ea nomina haud propriè convenire illi, sed duntaxat metaphoricè, & figuratè: quia Christo nedum non congrunt, sed etiam sibi repugnant eorum nominum significata: Sed pariter cum appellamus Deum *summè bonum, justum, sapientem,* & ejusmodi, ei non congrunt earum vocum significata: ergo non dicuntur propriè de illo. Probatio minoris: minus videtur distare Christus à significato nominum, quæ per metaphoram dicuntur de ipso, quam Deus à conceptibus intellectibus finiti, quicunque tandem esse dicantur: imo secundum Dionysium de divinis Nominibus tunc Deus veriùs cognoscitur, cum ab ipso removeantur omnia illa, quæ sunt communia creaturis: omnes igitur conceptus, vel nomina, quæ de Deo dicuntur ex creaturis, sunt impropriè Deo attributa.

Præterea, Si aliquod nomen propriè de Deo diceretur, maximè tale censendum esset vocabulum, substantia: sed Augustinus disertè testatur, id nomen impropriè dici de primo ente: ergo pariter & quodlibet aliud Minor constat ex 7. de Trinit. cap. 5. ubi ita scribit: *Manifestum est, Deum abusive vocari substantiam;* ergo multo magis abusive appellatur, cum ei applicantur nomina eorum: quæ sunt circa substantiam.

CONTRA. Vidor potest habere conceptum proprium de Deo: ergo & nomine proprio ipsum nominare. Antecedens proba utriusque naturali ratione potest cognoscere aliquod ens esse primum, & infinitum, & illud esse unicum, & esse hoc: ergo potest habere conceptum de illa essentia, ut est hæc. Talis conceptus maximè videtur proprius esse cuiusque objecto, scilicet, concipere ipsum, ut est hoc in se.

RESPONDEO dicendum, complura nomina de Deo propriè enuncitari, ut tactum fuit supra, articulo primo, assertionem primam. Nam profecto tunc aliquod nomen verè, & rectè de aliquo enunciat, cum ejus nominis expressum significatum verè & propriè convenit ei, de quo dicitur: sed omnium perfectionum simpliciter nomina per se significant ea, quæ propriè, & formaliter reperiuntur in Deo: ergo ejusmodi nomina verè & propriè de Deo dicuntur. Minor declaratur: nomine perfectionis simpliciter illud intelligimus (juxta doctrinam Anselmi Monolog. 15.) quod melius est ipsum, quam suum contrarium in quocunque supposito, ut suppositum est: omnis ergo talis ratio est formaliter, & infinita in Deo. Cum enim quælibet talis perfectio in creaturis habeat annexam limitationem, & finitatem, in Deo autem nequeat tales habere imperfectiones, his per intellectum ablati, superest illa ratio formalis cum infinita perfectione in Deo: ergo cum vocatur *Deus sapiens, bonus, justus, verus,* & aliis nominibus ex creaturis acceptis, atque illi rectè attributis, verè, & propriè nominatur: quia ita revera est à parte rei, ut illis exprimitur, & significatur nominibus: & pariter cum vocatur *intelligens, & volens, & vivens vita beatissima, ac felicissima,* propriè exprimitur, ut se habet ex natura sua primia rerum essentia, secundum Augustini deductionem, 15. de Trinit. c. 4. *Vivencia, inquit, non viventibus, intelligentia non intelligentibus, injustis justa, beata miseris præferenda judicamus. Ac per hoc quoviam*

4. dist. 20. q. 21  
Hic duo sunt.

1. dist. 8. q. 5. §.  
Hic sunt duo  
opiniones.

Quodlib. qu. 21  
§. De primo.

1. dist. 22. qu. 2.  
§. Ad oppositum.

1. dist. 8. q. 5. §.  
Contra istam  
positionem.

1. dist. 5. q. 2. §.  
Quartodico.

1. dist. 5. q. 1. in  
argumentis pri-  
cipalibus.

Quodlib. qu. 1.



*nam rebus creatis Creator em sine duratione p. p. ponimus, oportet ut eum summe vivere, & cuncta intelligere, iustumque, & benignissimum, & beatissimum faciamus.* Rursus, nomen essentiae de primo ente rectè simè enunciat de Augustini sententia, 7. de Trinit. cap. 4. *Ab eo quod est esse, in-quiens, appellatur essentia, propter quod Deus ipse, cui propriissime, & verissime convenit esse, verissime dicitur essentia:* Cui concordans Damascenus, lib. 1. cap. 12. scribit; *Videtur quidem principalis omnium, quæ de Deo dicuntur nomen, esse qui est, secundum quod Exodi 3. dicit Deus, qui est, misit me ad vos.* Et subdit: *Totum enim in se comprehendens habet esse, velut quoddam pelagus substantiae infinitum, & interminatum.* Ipsum esse igitur per essentiam, vel totum esse, summè unum per nexum infinitæ necessitatis, vel ipsum esse infinitum (nec enim aliter existere, nec intelligi potest ipsum esse per essentiam, juxta dicta, quæst. 3. artic. 3. & 4.) est verissimum, & propriissimum nomen Dei: Nam Moyses de eonimine nris Israel proponendo sciscitant à Doctore veracissimo Deo, audit ab eo, quod est verum esse ac totum esse; *Ego sum qui sum.* Exodi 3.

**AD ARGUMENTA.** Ad primum respondeo, admissa majori, negando minorem. Et cum probatur; quia quicquid à nobis concipitur, inf. a Deum est: dicendum, pro hoc statu Deum à nobis distinctè concipi non posse, ut tactum est frequenter in antecedentibus: concipi tamen & intelligi in quibusdam conceptibus illi ex creaturis rectè attributis. Undè quamvis ejusmodi conceptus sint infra Deum, quia in iis non attingitur illa essentia, ut talis essentia, propriè nihilominus dicuntur de illo. Exemplum; quamvis concipiens hominem, ut *ens, corpus, substantia, animal*, non habeat conceptum illius, ut tale ens specificè; non propterea tamen negandum est, illa nomina verè, & propriè dici de homine: revera enim talis est, uti illis vocabulis appellatur, & exprimitur.

**Ad Secundum** est responsio ex statim dictis; quia esto non concipiantur à nobis divine perfectiones formaliter infinitæ, nisi finito actu, ac finitè, tamen nomina *bonitatis infinitæ, actus puri, summe sapientis*, & ejusmodi, verè prædicantur de illo, utcumque à nobis concipiantur; quia talium vocum significata ex natura rei reperiuntur in Deo, de quo perinde rectè dicuntur. Et cum additur, quia plus distant conceptus à Deo, quam nomina, quæ per metaphoram sacræ litteræ attribuunt Christo. Respondeo, nominum per figuram Christo appropriatorum significata, non sunt formaliter in Christo, sed duntaxat virtualiter, & eminenter, ut finita continentur in infinito; & ideo necessario sunt accipienda tanquam figuratè dicta; at secus est de nominibus perfectionum simpliciter: Nam quemadmodum Deus à parte rei est ipsum esse per essentiam, & infinitè bonus, sapiens, iustus &c. ita cum hæc enunciantur de ipso, verissimè, ac propriissimè pronunciantur; e si sub ea distincta ratione, qua Deo conveniunt, a nobis intelligi nequeant: sicut ergo Christus formaliter non est lapis, sed virtualiter, & eminenter; est tamen formaliter bonus, & sapiens: (de qua re actum quæst. 4. artic. 2.) ita falsum est, plus distare à Deo conceptus perfectionum simpliciter, quam nomina metaphorica à Christo.

**Ad Tertium** respondeo, ex Augustini contextu constare, quo sensu, & ratione negaverit, Deum propriè vocari *substantiam*. Nam id dixit (quod & tangitur a Magistro 1. dist. 8. cap. Unde) quatenus *substantia* dicitur ab eo quod est *subsistere*: Si-

cut ab eo quod est esse appellatur essentia. *Subsistere* autem rectè intelligitur de his rebus, in quibus ut in subjectis sunt ea, quæ in aliquo subjecto esse dicuntur; sicut in corpore color, aut forma. Cum autem hæc ratio Deo repugnet, hinc abusivè *substantia* dici eum putat Augustinus. Sed verissimè, ac propriissimè vult appellari *essentiam*. Cæterum is substantiæ conceptus convertitur cum substantia unum Prædicamentorum constituit; sed aliam longè communiorē substantiæ rationem intelligimus cum de Deo illam prædicamus: quæ ratio & conceptus propriè de Deo dicitur quatenus nimirum nomine substantiæ significamus ens per se existens, & non in alio; de quo actum supra, quæst. 3. artic. 5. §. *Ad secundum*.

#### ARTICULUS IV.

Utrum nomina de Deo sint nomina synonyma.

Doct. locis in margine citatis S. Thom. 1. part. quæst. 13. artic. 4.

**VIDENTUR** nomina propriè dicta de Deo esse synonyma. Etenim illa rectè dicuntur synonyma, quorum idem est significatum: sed perfectionum simpliciter vocabula significativa idem important, atque eandem expriment Dei substantialem perfectionem. Cum enim hæc secundum substantiam dicantur, atque unica sit illius indivisibilis substantia, unicum quoque reale habent significatum: Quod & disertè testatur Anselmus Menol. 6. *Eodem modo*, inquit, *& una consideratione est quicquid est, & omnia illa nomina idem significant.* Nomina, inquam de quibus locutus fuerat prius: *bonus, iustus, sapiens* &c. Igitur nomina, quibus perfectiones simpliciter significantur, synonyma dicenda sunt.

Præterea, Augustinus, 6. de Trinit. cap. ultimo. *Ubi*, inquit, *est prima & summa vita, cui non est aliud vivere, & aliud esse: sed idem esse & vivere.* Et rursus 15. de Trinit. cap. 5. *Que vita*, inquit *dicatur in Deo, ipsa est essentia ejus, atque natura.* Vult igitur expresse vitam ingredi formaliter essentiam Dei; *vivere* igitur, & *esse*, & *infinitum esse*, seu à se, & per essentiam existere, idem omnino significant, importantque; sunt ergo synonyma ejusdem indivisibilis Deitatis vocabula significativa.

Præterea, Augustinus 15. de Trinit. cap. 5. *Bonitas etiam atque justitia*, inquit, *nunquid inter se in natura Dei, sicut in ejus operibus distant, tanquam duæ diverse sint qualitates Dei, una bonitas, alia justitia? Non utique; sed quæ justitia, ipsa bonitas, & quæ bonitas, ipsa beatitudo.* Et cap. 6. vult, nihil interesse, utrum plura attributa exprimentur, an unum; *in unius*, dicens, *singularitatem cetera similia redigi posse monstravimus.* Videtur igitur expresse docuisse, unum idemque esse nomen, quibus divina exprimentur attributa, significatum; & subinde synonyma.

**CONTRA**, Damascenus lib. 1. cap. 4. *Si bonum* inquit, *si iustum, si sapiens, si quodcumque aliud dicas, non naturam dicis Dei, sed quæ circa naturam.* Nomina igitur significantia Dei naturam, & quæ circa naturam, non sunt synonyma. At eadem est ratio de his, quæ sunt circa naturam.

**RESPONDEO** dicendum, nomina, quæ de Deo secundum substantiam dicuntur, non esse synonyma, sed aliud & aliud ex natura rei ipsis correspondere significatum. Aliqui putant esse declarandam

De Primo principio cap. 1. n. 8.

1. dist. 9. q. 2. §. Ad argumenta principalia. V. Ad Gregorium.

1. dist. 22. qu. 2.

De hoc 7. dist. 1. artic. 9.

Quodlib. q. 1. §. Ipsum ergo perfectum, simpliciter.

Quodlib. q. 1. n. 8. §. 1.

1. dist. 8. q. 1. §. An quædam prædicantur.

S. Thomas 1. part. in solutionem.



randam hanc assertionem ex eo, quia ratio, quam significat nomen, est conceptio intellectus de re significata per nomen: Intellectus autem noster cum cognoscat Deum ex creaturis, format ad intelligendum Deum conceptiones proportionatas perfectionibus procedentibus à Deo in creaturas; quæ quidem perfectioes præexistunt in Deo unitæ, & simplices, quod unum omnino simplex respondet multiplicibus conceptibus intellectus nostri: sicut & unum est principium simplex diversarum perfectionum in creaturis. Etsi ergo nomina Deo attributa significant unam rem; quia tamen significant eam sub rationibus multis, & diversis, non sunt synonyma. Veruntamen hic modus dicendi videtur deficere. Primo, quia quod per se & primo significatur per voces non sunt conceptus, sed magis ipse res, quibus sunt nomina imposita. Unde 4. Metaphys. Text. 28. *Ratio, inquit Philosophus, quam significat nomen, est definitio: definitione autem per se exprimitur verè essentia rei.* Rursus, illud per se & primo per vocem significatur, ad quod exprimendum, atque significandum est nomen impositum. Nomina autem imponuntur rebus, non conceptibus; ergo res ipsæ per se & primo significantur per nomina, quæ utique significata statim apprehenduntur per voces, etiam si nihil audiens cogitat de conceptibus ejus, qui talia loquitur. Vox ergo & conceptus sunt signa ordinata ejusdem rei significatæ, & non unum signum alterius, nisi quatenus unum prius est signum, & aliud posterius: Quare intellectus per cognitionem res apprehendit, quas exinde exprimit per nomina; rei autem significatæ per vocem tam conceptus, quam nomen sunt signa immediata. Deinde, quicquid fit de primario significato vocum, illæ rationes multæ, ac diversæ, ex quibus fit, ut synonyma non sint voces significantivæ divinorum attributorum: aut sunt rationes à parte rei repertæ formaliter in Deo: aut sunt alie & alie per actum collativum intellectus comparantis perfectionem unam imparticipatam ad creaturas, in quibus diversæ, & multiplices reperiuntur, aut certe utrumque. Si ponantur præcisè respectus rationis diversi; ergo attributa in Deo non sunt perfectiones simpliciter: Nam hæ perfectiones sunt formaliter infinite in infinite perfectio; infinitas autem repugnat respectui, nedum rationis, sed etiam realii. Si ambo esse dicantur; igitur totum erit tantum unum per accidens. Separando ergo respectum rationis à bonitate, sapientia, veritate &c. manent ex natura rei illæ perfectiones in Deo; quæ cum sint prorsus unum simplicissimum, nomina, quibus exprimiuntur, erunt omnino synonyma; nam omnium est unum, idemque reale, & formale significatum; Etsi respectus rationis sint diversi ex illorum sententia.

Quare nobis videtur declarandum, non esse synonyma vocabula, quibus divinas perfectiones exprimere intendimus, propterea quod, cum proprium significatum nominum sit res; atque alie, & alie sint ex natura rei, & independentes ab omni intellectus operatione divinæ perfectiones, fieri non possunt, ut veritas, ac bonitas synonyma sint, cum aliud, & aliud sit utriusque verum, & reale significatum, & quidem non aliud potuerunt sensisse omnes illi Doctores, qui conati sunt unum attributum, vel divinam perfectionem ex alia ostendere, & declarare; alioquin vanus, & superfluous deberet reputari omnis ejusmodi labor, & curatus, si præcisè ex perfectiones distinctæ forent inter se se per differentiam rationis. Nam tunc ita perfectè videretur Deus cognosci quan-

tum ad omnem conceptum realem, quatenus attingitur sub uno attributo, ac sub ratione omnium attributorum; quia cognitio plurium relationum rationis non facit ad perfectiorem cognitionem realem habendam de aliquo. Si ergo hi omnes Doctores putaverunt haud esse synonymas voces divinarum perfectionum significantivas, necessarium fuit eos admittere, unamquamque earum aliud & aliud habere reale significatum ex parte rei, quorum unum formaliter non est aliud quiditative & formaliter.

Et hoc ipsum ex alio capite declaratur: Et enim quælibet perfectio simpliciter est formaliter in ente perfectio ex natura rei: veritas formaliter est perfectio simpliciter, & bonitas simpliciter; ergo sunt formaliter in ente perfectissimo. Major constat exinde, quia alias non esset Deus simpliciter ens perfectum; nam nec esset id, quo majus excogitari non potest: cogitarer enim majus, si aliud ens reperiretur formaliter perfectum omni perfectione, cui non repugnat formalis infinitas. Rursus, alioquin perfectio simpliciter in nullo esset perfectio: Nam in creatura imperfecta est, cum finitati annectatur; nec in Deo statum perfectissimum haberet, si non esset in ipso ut ex se ens est, formaliter infinita. A qui hæ perfectiones, ut alie excludunt se se mutuo formaliter: si enim una definitur, altera non esset ejus definitio, vel pars definitionis, in quo stat ratio unionis, vel inclusionis formalis; idque à parte rei; nam nullo intellectu cogitante, Deus intellectu, & intellectione intelligit, & voluntate non intelligit: & ita de reliquis perfectionibus ex natura rei; una igitur non est definitio, nec pars definitionis alterius: ac proinde mutuo se se formaliter ex natura rei excludunt, ex quo necessarium fit, ut voces, quibus significantur, & exprimiuntur, non sint synonymæ; quæ alioquin tales dicendæ essent, si omnes unum duntaxat conceptum realem, vel rationem conceptibilem ex natura rei adæquatè exprimerent.

Ad ARGUMENTA. Ad primum respondeo, ex Augustini doctrina supra articulo secundo, §. Ad primum, ea prædicari dici de Deo secundum substantiam, quæ non relativè enunciantur. Complura igitur ex his nominibus perinde substantialiter dicuntur, quia nullam relationem nec ad intra, nec ad creaturas præferunt. E si autem in eo modo prædicandi conveniant, non proinde unum, idemque habent reale significatum; imo unicuique proprium correspondeat oportet: proprium, inquam, quia non inclusum formaliter in significato alterius; idque ante omnem intellectus operationem. Et quemadmodum secundum Damascenum, pleraque ex illis non Dei naturam, sed quæ circa illam sunt, exprimiunt; ut propterea fieri non queat, utrorumque nominum idem esse significatum, & synonyma subinde appellari, ita cum ipsis nominibus, quibus significantur quæ circa naturam sunt, diversi omnino correspondeant reales conceptus ex natura rei, nec synonyma dicenda erunt. Ad Anselmum respondeo, esse intelligendum de prædicatis essentialibus Dei, sic enim scribit: *Quemadmodum itaque unum est quicquid essentialiter de summa substantia dicitur, ita ipsa uno modo una consideratione est quicquid est essentialiter.* Hæc igitur prædicta esse synonyma concedimus. Quod si contentas, ab Anselmo accipi *Tò essentialiter* prout distinguitur contra id quod est ad aliud; dicimus ipsum uti phrasi Augustini, 15. de Trinit. cap. 6. undè dicit: *Idem igitur est quodlibet unum illorum, quod omnia sunt simul, sicut singula, ut cum dicitur justitia, vel essentia, unum significat, quod*

1. dist. 3. q. 2. ut sit 6. Alia ponitur 10. V. Quidam igitur.

Indem §. Ad questionem.

Doctores. Perihier. q. 2. & 2. op. 9. 10. & 2. nm. 7.

1. dist. 3. q. 6. Ad secundum. secundum igitur.

1. dist. 3. q. 4. 6. Alia est p. sitio. V. Ulterius predo.

Videndum Lycheus super cit. questionem. Ad argumenta principalia n. 65.

1. dist. 3. q. 4. 2. 1. om. p. 10. V. Ad questionem.

Quodlib. qu. 10.



quod alia, vel omnia simul, vel lingua. Hæc illi; loquitur igitur quantum ad æquivalentiam; ut *Ad tertium* dicitur.

Quodlibet qu. 1.

*Ad Secundum* concedendum est, juxta dicta in *solutione*, nomina significantia Dei essentiam, esse synonyma; quia unum & indivisibile est omnium significatum ex natura rei. Nam si definiretur natura divina, vita intellectualis ingrederetur ejus definitionem; & ita pariter de significatio aliorum nominum Dei naturam exprimentium: quamvis alia, & alia sit ratio conceptuum inæquarum.

*Ad Tertium* dicendum, utique Dei attributa non differre ab natura divina, tanquam due qualitates, cum sint unum per realem identitatem, eam qua tamen stat, unam ex illis perfectionibus alteram formam ex natura rei non includere, ac propterea diversis nominibus significari. *Ad aliam auctoritatem ex cap. 6.* Respondeo, non interesse unum dicere attributum, aut multa, quantum ad æquivalentiam; quia tantum perfectionis exprimitur ex uno, quantum ex multis: cum infinita sint, quæ significantur, & exprimentur; atque hanc esse mentem Augustini.

# ARTICULUS V.

Utrum ea, quæ de Deo dicuntur & creaturis, univocè dicantur de ipsis.

*Doct. 1. dist. 3. q. 2. §.* Secundo non asserendo, & *q. 3. §.* *Ad quæstionem & dist. 8. q. 3. §.* Teneo opinionem meam: *De Anima, q. 21.*

*1. Metaphys. q. 1. §. 4. Metaphys. q. 1.*

*S. Thom. 1. part. quæst. 13. artic. quinto.*

**V**IDENTUR ea, quæ dicuntur de Deo & creaturis, omnino æquivocè dici. Etenim etsi nomen quorundam prædicatorum talium sit idem, ratio nihilominus per nomen importata, est prorsus diversa; ergo æquivoca absolutè est ejusmodi prædicatio. Probatio assumpti; *sapientia* nomen dicitur de Deo, & creaturis: in his tamen qualitas est: in Deo vero habet aliam rationem; absit enim ut in Deo aliquid esse qualitatem dicamus, secundum Augustinum *15. de Trinit. cap. 5.*, & ita de aliis nominibus; ergo æquivocè prædicantur.

Præterea, Longè major est distantia Dei ad creaturas, quàm creaturarum quarumcunque inter se: sed propter distantiam quarundam creaturarum sit, ut nihil univocè de ipsis dicatur; ut constat de his, quæ non conveniunt in aliquo genere; ergo minus de Deo & creaturis aliquid univocè enunciari poterit, sed magis omnia prædicantur æquivocè.

Præterea, Omnis effectus non adæquans virtutem suæ causæ agentis, nihil habet commune univocum cum ea; sed creaturæ omnes non adæquant, nec adæquare possunt virtutem causæ primæ: cum perinde in infinitum distet à productis, atque à quibusvis producendis: ergo nullum nomen dicitur univocè de utrisque. Major probatur: quia hoc ipso quod effectus non adæquat causæ suæ virtutem, est alterius rationis ab illa.

Præterea, Si ens univocè diceretur de Deo, & creaturis, esset quid unum in se distinctum in diversis per aliqua additamenta: ergo ejusmodi addita, per quæ est in Deo & creaturis, aut sunt entia, aut non entia: si primum: ergo in conceptu inferiorum adens bis ejus ratio includeretur: & esse nugatio, cum dicitur substantia est ens: si

*Tomus I.*

secundum: ergo non ens includitur in per se conceptu entis.

Præterea, Ponendo ens dici univocè de Deo & creaturis, ipsum esset Genus respectu eorum, de quibus prædicatur *in quid*. Hoc autem est expresse contra Philosophum, *3. Metaphys. Tex. c. 10.* negantem ens esse genus per hoc, quia tunc differentia non esset ens: cum genus nequeat de suis differentiis prædicari: & ulterius Deus reperiretur in genere, cujus oppositum dictum fuit supra, *quæst. 3. artic. 5.*

Præterea, Aristoteles *4. Metaphys. Tex. c. 2.* differtè dicit, ens dici de entibus, sicut sanum de sanis, nempe per attributionem ad unum. Undè & docet, Metaphysicam esse scientiam unam, non ex eo quod omnia illa, de quibus est Metaphysica, dicantur secundum unum, sed ad unum: ergo ens dicitur de Deo & creaturis, secundum Philosophum, non univocè, sed analogicè.

CONTRA, *2. Metaphys. Tex. c. 4.* Unumquodque est magis tale, quod est ratio alius, ut talia dicantur; ideo principia sempiternorum maximè sunt vera, quia aliis sunt causa veritatis. Sed sicut ad esse, ita ad verum; ergo si comparantur in veritate, comparabilia sunt in entitate: comparatio autem necessario fundatur in aliqua unitate: quod & tangit Philosophus ibidem dicens: *Unumquodque verò maxime ipsum aliorum dicitur, secundum quod etiam aliis inest univocatio: puta, ignis est calidissimus, etenim est causa aliis caloris.*

RESPONDEO dicendum, nomina perfectionum simpliciter, quæ de Deo & creaturis dicuntur, univocè de ipsis enunciari, atque eundem importare conceptum realem, juxta dicta supra *quæstione 4. artic. 3.* Porro nomine conceptus univoci intelligimus, qui ita est unus, ut ejus unitas satis sit ad contradictionem constabiliendam, ad quam profecto non sufficit conceptus equivocus: imo quum assumitur pro medio, committitur fallacia æquivocationis. Probatio: omnis intellectus certus de uno conceptu, & dubius de diversis, habet conceptum, de quo est certus, alium à conceptibus de quibus dubitat. Sed intellectus viatoris potest esse certus, aliquid esse ens, & dubitare utrum sit finitum, vel infinitum, creatum, vel increatum: ergo is entis conceptus certus est alius à conceptibus, de quibus est intellectus incertus, & anceps: adeoque ille de se est neuter, & in utroque illorum inclusus: ergo univocus. Probatio majoris: nam nullus idem conceptus est certus, & dubius: igitur vel alius à dubiis, quod intendimus: vel nullus, & tunc non erit certitudo de aliquo conceptu, contra id, quod supponitur. Probatio minoris: quia Philosophi disputantes, & inquirentes primum Principium, sanè certi erant, illud, cui primi Principii attribuebant rationem, esse ens: neque in hoc aliquando unus alteri contradixit, sed dubitabant de ipsis in particulari utrum esset ignis, vel aqua: aliquid creatum, vel increatum, primum, vel non primum: conceptus igitur entis certus erat apud illos, & alius subinde à conceptibus particularibus, de quibus dubij erant. Neque evadit hæc ratio dicendo, quemque ex illis Philosophis sibi contradicentibus, habuisse duos conceptus in intellectu, qui ob propinquitatem Analogiæ videbantur esse unus. Nihil, inquam, est hoc dictu; quia si id subsisteret, non superesset ullus modus probandi unitatem alicujus conceptus univocam: imo dicenti hominis esse unum conceptum respectu Socratis, & Platonis, reponeretur statim esse duos, sed tamen unus videri propter magnam eorum duorum similitudinem. Deinde, si ea quæ

Avicenna ratio, tenentis univocationem, 1. *Avicenna* *3. Metaphys. cap. 1. §. 5.* unum tenetur Dilogia quænet.

B. Thomæ ratione hic & ad oppositum, & in solutione.

Scoti obiectio 13.

Videndus Lycheus super quæ 2. dist. 2. Primi Sent. & Recentiores Metaphysici.



dicuntur de Deo, & creaturis non prædicarentur univocè, Deus non foret naturaliter cognoscibilis à viatore, secundum aliquem conceptum realem. Id vero tanquam falsum communiter relictur. Ad summum declaratur ( juxta dicta supra *quest. 4. artic. 1.* ) Nullus conceptus realis causatur in intellectu viatoris naturaliter, nisi per ea, quæ sunt naturaliter motiva intellectus nostri: Illa autem sunt phantasma a, vel objectum relucens in phantasmate, & intellectus agens; igitur nullum conceptum naturaliter habere possumus, nisi qui potest fieri, vel causari ex istis causis. Sed conceptus, qui non est univocus alicui objecto relucenti in phantasmate, nequit virtute ipsius phantasmatis causari; ergo non si statuatur, nomina, quæ de creaturis, & Deo dicuntur, univocè prædicari, nihil omnino valemus naturaliter cognoscere de Deo. Hic est responsio dicentium, argumentum procedere contra asserentes ejusmodi nomina esse proprius æquivoca; quod non videtur, quia tunc revera ex creaturis nihil posset cognosci de Deo; imo nec demonstrari: sed semper incideret fallacia æquivocationis. At ponentes ejusmodi nomina dici de Deo, & creaturis secundum analogiam, id est, proportionem, & ordinem, quem dicunt creaturæ ad Deum, ut ad principium, & causam; ostenderent argumentum non concludere; quia horum nominum univocatione negata, adhuc est Deus naturaliter ex creaturis cognoscibilis per analogiam, qua omnia attribuantur ad unum; ac proinde talia nomina nec univoca, nec æquivoca sunt appellanda, sed solummodo analogia. Cæterum hac responsione factum argumentum non infringi, declaratur: Nam conceptus ille non univocus, sed analogus, ut putant, ad quem dicunt ordinem alii conceptus creaturarum, non posset causari virtute intellectus agentis, & phantasmatis: ergo ejusmodi conceptus analogus, qui ponitur in intellectu viatoris, nusquam potest haberi naturaliter; & ita erit Deus non cognoscibilis ex naturalibus, quod est falsum, & contra Apostolum, *cap. 1. ad Roman.* Probatio assumpti objectum quodcunque, siue relucens in phantasmate, siue in specie intelligibili, ura cum intellectu cooperante, secundum altimum suæ virtutis, causat in intellectu, sicut est, cum sit adæquatum, conceptum suum proprium, & conceptum omnium essentialiter, vel virtualiter inclusum in ipso. Sed ille conceptus, qui ponitur analogus, non est essentialiter, vel virtualiter inclusus in ipso; ergo nequit produci ab ulla causa naturaliter agente. Quod vero non ita includatur, ex eo constat; quia est alius, & prior quovis conceptu creaturarum, quippe qui ad illum omnes dicant ordinem, & attributionem. Sed contra rationem continentæ est, aliquid essentialiter prius virtualiter contineri in posteriori se; ergo nisi iis nominibus ponatur subesse conceptus univocus, nihil naturaliter potest sciri de Deo. Sed videndus *articulus 10. §. Ad tertium.*

AD ARGUMENTA. Ad primum, nego rationem importatam nomine *sapientiæ* (& ita de reliquis perfectionibus simpliciter) esse diversam, prout est in Deo & creaturis; intelligendo de ipsa formalitate sapientiæ in se, secundum quod extitit declaratum, *quest. 4. citat. artic. 3.* Siquidem eidem rationi formali sapientiæ, bonitatis &c. repertæ in creaturis, loco imperfectionum, attribuentes summam perfectionem, dicimus tali sapientiæ, bonitatis &c. prædictum esse Deum, ac verè & rectè enunciari de illo. Et cum probatur, quia sapientiæ in creaturis est qualitas, in Deo verò substantia est. Ad hoc supra, *quest. 3. artic. 5.* responsum

fuit, non transferri ex creaturis ad Deum eas perfectiones sub ea ratione, qua reperiuntur contractæ in creaturis, sed quatenus transcendentes sunt, ipsique non repugnat illimitatio, & infinitas. Cæterum ne animal quidem ut est contractum per irrationalitatem, prædicatur univocè de homine; ac proinde est in creatis sapientiæ ratio annexatur accidenti, quia extra substantiam esse non debet; non propterea tamen quatenus ab his imperfectionibus communis consideratur, est alterius rationis in nobis, & in Deo.

Ad Secundum respondeo, nullas creaturas inter se ita distare, quin de ipsis univocè ens prædicetur ut patet ex dictis *quest. 4. artic. 3.*, & in præfenti *solutione*.

Ad Tertium dicendum, solum eo probari, Deum & creaturam non habere univocam convenientiam in realitate, juxta dicta, *quest. 4. artic. 3. §. Ad tertium*, in qua realitate revera Deus, & creatura sunt à parte rei primò diversa: sed nos sentimus nomina dicta de Deo, & creaturis univocè, non aliquam realitatem significare, sed duntaxat conceptum unum exprimere utrique realiter communem. Cæterum, si assumptum argumenti universaliter intelligatur, nullus effectus æquivocus haberet aliquid commune cum sua causa; ex hoc enim quod causa ejus æquivoca est, nullus effectus ex se spectatus, virtutem illius adæquare potest; quia tunc planè univocus effectus foret.

Ad Quartum, concedo, conceptum realem, qui est communis Deo, & creaturis, fieri proprium ipsis per aliquid additum; id est per alium conceptum determinativum illius, habentem utique modum prædicandi similem differentiis contrahentibus genus ad inferiora, quamvis non sint *differentiæ*; quia ratio differentiæ est realis, qua actualiter contrahibile, quod subinde oportet esse potentiale ad differentiam: ens autem ut est dictum de Deo, nullam realitatem contrahibilem importat, sed duntaxat conceptum realem, ut alibi extitit declaratum. Cum ergo subditur; ea quæ enti superaddi intelliguntur, aut sunt entia formaliter, aut non sunt entia. Danda est secunda pars: Cum enim i conceptus dicuntur *es quales* sint modi intrinseci ipsius entis, seu perfectionis entitativa Dei, & creaturæ, nequeunt esse formaliter entia; ens enim dicitur *in quid*, modi autem *in quales* prædicantur. Sed restat instantia; quia tunc non ens includeretur in conceptu entis. Responsio: con sequentia est nulla; nam quamvis formaliter entia non sint, non tamen sunt nihil; quia entis determinativa: sicut ergo non sequitur, homo non est de se albus; ergo est de se non albus; quia neutrum spectat ad per se rationem hominis; ita etsi modi entia formaliter non sint, non propterea nihil formaliter erunt; quia perfectio, ut dictum est, entitativa, seu infinita, seu finita; realiter subinde est ipsi enti identificata.

Nec mirum videri debet, modos intrinsecos entia formaliter non esse; quia nec differentiæ ultimæ rerum, nec ipsius entis passionis formaliter ens includere possunt. Nam si differentiæ ultimæ essent entia formaliter; igitur dicendæ forent differentes alis differentiis, & illæ aliæ pariter includerent ens, & ita in infinitum. Quare quemadmodum compositum physicum resolvitur in partes sic inter se diversas, ut nihil unius includatur in altera, ut tales partes sunt; ita & compositum metaphysicum resolvitur in partes ita diversas, ut se totis, & primò differant, in nullo prorsus convenientes, quatenus sunt conceptus determinabilis, quo exprimitur ens; & determinantis, quo significatur ultima differentia ulterius non determinabilis. De

passio.

5. Thomas hic  
in solutione.

4. Metaph. q. 2.  
cit. 10. quæ-  
tuor Doctor ad  
hoc argumen-  
tum adducit  
responsiones.

Quæst. 4. artic.  
3. §. Ad tertium,  
& q. 3. artic. 5.

Videndus Ly-  
cheus ubi su-  
per hoc loquitur  
propter motum  
in intellectu  
intelligibilem  
sensu cogni-  
tione.



passionibus entis idipsum conitatur; quia ens ut additum ponitur in definitione passionis, ex primo *Poster. 3. 7. Metaphys.* ergo non predicatur de passionibus suis in quid, quia tunc non ut additum, sed tanquam pars essentialis ipsius constaret definitionem:

Ad Quintum est responsio, ens non esse Genus; quia ratio generis accipitur ex aliqua realitate potentiali, quæ non sit indifferens ad finitum, & infinitum, sed necessario finita, ut extitit declaratum *quæst. 3. artic. 5.* Ens igitur commune Deo & creaturis, cum non importet ejusmodi realitatem potentialem, nequit esse genus. Ad probationem ex Aristotele, dicendum, Genus utique non predicari in quid de differentiis, quibus ad species contrahitur; & ens non includi quiditativè in differentiis ultimis; ita tamen esse inclusum, & subinde in quid enunciari de differentiis non ultimis; unde si rationalitas sit differentia non ultima, hæc rationalitas est ens, est quiditativa prædicatio.

Ad Sextum dicendum, cum attributione ad unum stare univocationem nedum conceptum realium, verum etiam & realitatum; siquidem Philosophus, 10. *Metaphys. Tex. c. 2. & inde*, concedit ordinem essentialem inter species ejusdem generis: quandoquidem docet in unoquoque genere esse unum primum, quod est mensura aliorum; mensurata autem habent essentialem ordinem ad mensuram; & tamen tali non obstante attributione, genus univocè predicatur de omnibus suis inferioribus, ut est evidens.

## ARTICULUS VI.

Utrum nomina per prius dicantur de creaturis, quàm de Deo.

*Doct. locis in margine citatis. S. Thom. 1. part. quæst. 13. artic. 6.*

**V**IDENTUR nomina Deo, & creaturis communia per prius dici de creaturis, quàm de Deo. Etenim ex dictis supra, articulo 3. cum Deus appellatur *leo, petra, lapis, vitis*, & ejusmodi; eorum, & similia nomina per se significatum, non reperitur in Deo; quia alioquin non per metaphoram, sed propriè Deo convenirent. Sed de illo per prius nomen enunciat, cui primo inest ejus proprium significatum; ergo ejusmodi nomina per prius dicuntur de creaturis, quàm de Deo.

Præterea, Deus à nobis naturaliter non est cognoscibilis, nisi ex creaturis, ut *quæst. 12. artic. 12. & præcedenti, & alibi* extitit declaratum. Nam illi attribuiamus perfectiones, quæ in creaturis concipiuntur citra omnem imperfectionem, appellantes *summè bonum, sapientem, justum* &c. Sed id à nobis fieri nequit, nisi cognitis bonitate, sapientia, justitia &c. in creaturis; igitur manifestè ea nomina per prius dicuntur de creaturis, & postea de Deo, cui ex rebus conditis attribuantur.

Confirmatur, significare sequitur intelligere; quod ergo per prius intelligitur, per prius & significatur: sed evidens est, primum nos intelligere creaturas, & exinde extendi nostram cognitionem ad Deum, veluti ad ipsarum principium, & causam: ergo nomina utriusque communia per prius enunciantur de creaturis primo cognitis, & postea de Deo.

Præterea, Si nomina Deo, & creaturis communia per prius dicerentur de Deo, quàm de creaturis, maximè propter attributionem horum ad illud: sed nulla est ejusmodi attributio, vel analogia

in his omnibus: ergo non dicuntur per prius de Deo, quàm de creaturis. Probatio minoris: *Ens* significat ens, quod est substantia, & ens, quod est accidens: & quamvis ex natura rei accidens dicat ordinem ad substantiam, in voce tamen significante, nullam habet habitudinem ad substantiam. ergo nomina significantia communes perfectiones Dei, & creaturarum, vel per prius dicuntur de creaturis, juxta præmissa argumenta, vel ex æquo utrumque significant, ut hic probatur.

CONTRA, Apostolus 3. ad Ephes. *Propterea, inquit, flecto genua ad Deum, & Patrem Domini nostri Jesu Christi, ex quo omnis paternitas in Cælo, & in terra nominatur*; igitur ea nomina non sunt accepta, atque translata ex creaturis ad Deum sed magis è converso, ex Deo ad nos descendunt: igitur per prius de Deo dicuntur, ut dicit Damascenus lib. 1. cap. 9.

RESPONDEO, Quorundam talis est hic sententia. In omnibus, quæ de pluribus analogicè dicuntur, oportere omnia dici per respectum ad unum: quod unum proinde necessario venit in definitione omnium, Et quia ratio, quam significat nomen est definitio, 4. *Metaphys. Tex. c. 28.*, necesse est illud nomen per prius dici de eo, quod ponitur in definitione aliorum, & per posterius de aliis, secundum ordinem, quo illi primo magis & minus appropinquant. Quæ solutio non est improbanda, excepta prima propositione: siquidem quantum est ex parte vocis significantis, fieri non potest, ut unum per prius, & reliquum per posterius significetur. Nam *significare est aliquid intellectui representare*; quod ergo significatur ab intellectu concipitur: Quod autem intellectus concipit, sub determinata ratione apprehendit: quia quodcumque intellectus intelligit, ab omni alio distinguit. Cum igitur dictio analogæ diversis imponitur rebus, necesse est sub ratione determinata ipsis imponi: igitur quantum est ex parte vocis significantis, necesse est eam æqualiter representare: est ergo ex natura rei reperiatur analogia, in voce tamen significante nulla cadit prioritas, vel posterioritas: sed ex æquo omnia illa significat, quibus exprimendus est imposita. Aliqua enim est proprietas, quæ magis convenit uni rei, quàm alteri, sed non propterea aliqua est proprietas, quæ magis conveniat substantiæ vocis, quàm alia.

Et nihilominus quamvis ex parte vocis significantis nulla occurrat prioritas, & posterioritas, est tamen inter res significatas nominibus, analogis, vel univocis admittentibus analogiam (cujusmodi sunt quæcumque dicuntur de Deo, & creaturis) habitudo, seu ordo unius ad alterum, vel plurium ad unum, ratione cujus ordinis, vel attributionis per prius conveniunt ex natura rei nomina ei, ad quod attribuantur, & exinde ipsis, quæ sunt ad unum: atque ita quotiescunque uno nomine exprimitur aliqua perfectio communis Deo, & creaturis, id nomen tanta, talique primitate convenit Deo respectu creaturarum, quanta majori perfectione ipsum, quod nominatur prædictum esse, aliisque præcellere reperitur. Porro ita esse intelliguntur ex perfectiones in Deo, ut ibi sint formaliter infinitæ, in creaturis vero omnibus necessario finitæ: ergo quandoquidem perfectum dependere nequit ab imperfecto, sed è contra imperfectum ab perfecto) cui enim deest aliquid perfectionis, à se esse non potest: unde sit oportet ab eo, quod omnimodam possidet perfectionem) vita, sapientia, & bonitas, & veritas propriissimè iis nominibus significantur, cum in Deo esse intelliguntur infinitè: ergo quantum deficiunt in perfectione,

1. Report. dist. 20. q. 2. & Responsio ad 13.

B. Thomas hic in solutione.

Doct. super lib. Eleonora q. 15. n. 6. & ad questionem.

Supra q. 4. art. 2. q. 5. Ad quartum.

Doct. 1. Perhierem. qu. 1. oper. 2. q. 2. ad oppositum. V. Item significare.

Doct. super lib. Eleonora q. 15. n. 6. & ad questionem.

1. dist. 8. c. 6. Contra istam positionem.



ne, quatenus sunt creaturis communicata, tantum à ratione veræ, ac propriæ appellatōis recipienda excedere necesse est; ac proinde eò posterius illa nomina de ipsis dicuntur, quo ordine, & gradu à vera vita, sapientia, bonitate, & veritate distant; igitur omnia nomina Deo, & nobis communia, tanta necessitate de Deo per prius dicuntur, quanta enti infinito nihil potest inesse, nisi infinite perfectum, ex his, quorum quodlibet melius est ipsum, quam non ipsum in unoquoque, juxta Anselmi doctrinam. Quod vero ista nomina, ut creaturis communia duntaxat exprimant, significantque rationes illas, quatenus est ipsis multiplex imperfectio admixta; quamvis alibi fuerit declaratum, tamen probatur breviter; Nam primum Principium cum sit à se (alioquin primum non esset) cunctum possibilem præcipiat oportet perfectionem, nempe infinitam, ideo est ipsum esse infinitum, & per essentiam; quodcurque ergo aliud quod est, aut potest esse, ab ipso erit; & illuc quatenus participat aliquid de perfectione ejus quod est totum esse: & quia quod est totum esse, indivisibile est, quicquid ab illo est, produciatur, & causatur in entitate alterius prorsus rationis ab entitate primi; sed est tamen ab illo participatum, quia nihil potest esse in productis istis, nisi sit vel formaliter infinitum in primo, vel virtualiter, & eminenter contentum in eodem; omnia hæc igitur commune nomen, & conceptum realem habentia cum primo Principio, appellationem quidem eandem recipiunt, & admittunt; sed improporcionabiliter, & in infinito posteriore illa, qua significatur, ut sunt in prima ipsorum causa.

Ad ARGUMENTA. Ad primum concedendum est, nomina per metaphoram Deo attributa per prius dici de creaturis, respectu quarum proprium habent significatum: sicut dicit Aristoteles cap. 2. *Elenchorum: videre* propriè significat actum hominis, & perquam translationem, floritionem, & florigerationem pratorum: ex quo fit, ut æquivocè omnino dicatur de utrisque id nomen; translatio enim à propria significatione ad impropriam, per aliquam similitudinem inducit æquivocacionem. Ideo articulo tertio cit. dictum fuit, his metaphoris loquutionibus nihil commune Deo, & creaturis significari, quia proprium illarum significatum duntaxat virtualiter, & eminenter in Deo reperitur. At alia omnino est ratio de perfectionibus, quæ sunt in illo formaliter infinitæ, & in nobis finitæ & imperfectæ, quarum secundum ea, ad quæ significanda in Deo, transferuntur, pariter per posterius de creaturis enunciantur, ut evidens est ex dictis.

Ad Secundum respondeo, revera nos ex creaturis venire in cognitionem primæ causæ eamque; atque etiam nomina perfectiorum, quibus non repugnat infinitas, attribuire illi. Sed quemadmodum illæ perfectiones præexistunt in primo Principio, à quo & descendunt in creaturas, ita per prius, & ultra omnem proportionem nomina conveniunt ipsis jam præexistentibus in ente infinito.

Ad Confirmationem patet ex dictis; quia enim posterius in re potest esse magis, & prius notum intellectui, illi prius potest nomen imponi, sed non exinde sequitur, per prius idem convenire; sicut nec inest per prius, quod per tale nomen significatur.

Ad Tertium concedo majorem; & nego minorem: & ad probationem respondeo; quamvis in aliquot nominibus Deo & nobis communibus, cujusmodi sunt illa, quæ prima impressione imprimuntur in anima, ut ait Avicenna, 1. *Metaphys.*

*Jue cap. 5. a. 1. et, et, & similia, item causa principium, & ejusmodi; quæ voces revera, quatenus significant vā, ex æquo videntur exprimere ea, de quibus dicuntur; tamen aliarum vocum est expressa analogia, & attributio, ut Accidentis ad substantiam, & finitorum ad infinitum. Fatendum est tamen, ubi incipit analogia creaturarum ad unum, ibi statim, ac in eodem signo exoriri æquivocationem, quia attribuntur finita ad infinitum, ut sunt res à parte rei: Deum autem, & creaturarum in realitatibus esse extrema primò diversa, extitit declaratum supra, *quest. 3. artic. 5.* Quatenus ergo nomina univocè dicuntur de Deo, & creaturis, significant omnia æqualiter, atque representant, quia unam rationem primò; tamen si res significant, ac representantur dicant inter se analogiam, & attributionem, cum qua proinde stat univocatio. Qua igitur ratione omnia ad unum ordinantur, à quo & habent ut ita nominentur, eadem prior us ipsis nomina convenire, atque de eis enunciari oportet.*

## ARTICULUS VII.

Utrum nomina, quæ important relationem ad creaturas, dicantur de Deo ex tempore.

*Dist. 1. diff. 30. q. 2. §. Ad primam questionem in Report. ibidem, quest. unica. S. Thom. 1. part. quest. 14. artic. 7.*

**V**IDENTUR nomina, quæ important relationem ad creaturas, non dici de Deo ex tempore. Etenim quicquid de Deo dicitur, est ipse Deus. Cum enim sit immutabilis, quidpiam ei de novo advenire non potest; igitur ejusmodi prædicata sint oportet æterna, ut est Deus æternus; ergo nequeunt esse nova, sive ex tempore.

Præterea, Nihil æternum verè enunciari potest de aliquo tempore; orali; ergo consimiliter nec aliquid temporale cum veritate dici poterit de æterno; igitur Deo nullum prædicatum advenire potest ex tempore.

Præterea, *Falsio* non videtur accidere posse sine mutatione: Deus autem est immutabilis; ergo aliquid de novo fieri ab eo, sibi planè repugnat; sed si al qua relatio nova diceretur de ipso, verè diceretur fieri secundum illam relationem: ergo cum id suæ non sit compossibile immutabilitati, nihil temporale novum poterit de illo prædicari.

CONTRA, Augustinus 5. de Trinit. cap. ultimo. *Nec moveat, inquit, quod Spiritus Sanctus, cum sit coæternus Patri & Filio, dicitur tamen aliquid ex tempore, veluti hoc ipsum, quod donatum diximus. Nam semper erit Spiritus donum, temporaliter autem donatum. Nam est Dominus non dicitur, nisi cum jam habere incipit servum, etiam ista appellatio relativa ex tempore est Deo.* Vult ergo expressè, nomina exprimant relationem ad creaturas, dici de Deo ex tempore.

RESPONDEO, Aliqui admittunt in Deo novam appellationem ex tempore, ex verbis Augustini statim relatis, negant novam relationem dici de illo, per hoc, quia sicut eadem est actio in Deo, quatenus creativus, & creans, ita & relatio super illam fundata est eadem, est aliā, & aliā recipiat de nominatione, ex diverso statu creaturæ. Quæ opinio non videtur rationalis: Nam si una eademque est relatio aptitudinalis, & actualis in Deo: igitur & eadem pariter erit relatio, à qua

*Dist. q. 4. sit per tridicamenta n. 4. §. Pontur autem analogia.*

*Videndus Mayron. c. 2. entis univocatione.*

*S. p. quest. 3. artic. 7. & n. incidenti. &c. q. artic. 1. & 2.*

*1. dist. 8. q. 2.*

*Dist. 1. 1. c. 1. Elenchorum. 8. & q. 4. super Tridicamenta n. 4. §. Tertio modo.*

*Henrici sententia.*



creatura est potens creati, & acta creata: Id vero esse fallum ex eo probatur; quia tunc nulla esset dicenda creatura de novo facta: Si enim de novo facta sit; ergo & nova erit ratio ipsius ad Deum; si vero æterna dicatur, pariter & essentia, in qua est ratio, erit æterna, nec condita in tempore. Accedit, quod sic opinans, putat ratitudinem, seu esse quiditativum creaturarum consistere in respectu ad Deum; ergo si is respectus sit æternus, & essentia quælibet æterna, non erit in tempore creata.

Propterea, alij negantes omnem realem relationem in Deo ad creaturas, sola relatione rationis censent eum ad extra referri, undè & novas subit denominationes. Porro ita propositum declarant; Creaturæ omnes ordinantur ad Deum, & non è converso; ergo etsi creaturæ realiter referantur ad Deum, ipse tamen nequit referri ad illas, nisi per rationem, in quantum creaturæ referuntur id ipsum, qui est extra totum ordinem creaturæ. Contra, hac in declaratione videntur concurrere & petitio principij, & fallacia consequentis. Probatio primi; Deus est prior creatura multiplici primitate; ergo videtur habere ordinem ad creaturas se multipliciter posteriores. Sicut enim posterius dicitur ordinatum ad prius, ita & prius ad posterius, extendendo nomen ordinis. Quamvis alio medio esset probandum, hanc prioritatem, quæ potest dici ordo non esse realem relationem in Deo. Hoc ergo petitur, nec sequitur ex isto noto, *Deus est supra ordinem*; ex hoc enim duntaxat sequitur, Deum non esse quid creaturis posterius: sed non propterea rectè concluditur, carere ordine, generaliter accipiendo ordinem. Deinde probatur, rationem peccare secundum consequens. Nam etsi ordo sit quædam ratio; non tamen omnis ratio est ordo; quia relationes communes fundatæ super unum, ut æquiparantiæ, non dicunt ordinem, sed duntaxat ordo est in relationibus disjunctarum. Arguendo igitur à negatione ordinis ad negationem relationis, perinde est, ac negare communius ex negatione minus communis.

Est igitur dicendum, nomina quibus significantur respectus ad creaturas, vere dici de Deo ex tempore, eo quod relationes reales creaturarum ad Deum sint novæ, & ex tempore; nec tamen propter eas esse ponendas aliquas relationes in Deo novas terminantes istos respectus creaturarum, ne rationis quidem. Declaratur prima pars solutionis; Nam una, eademque relatione reali noviter in creatura fundata, & ad Deum sub ratione absoluti terminata, rectè, & verè appellatur Deus de novo *Dominus* & *Creator*. Non enim fieri potest, ut duplex sit ratio realis in creatura, quarum altera ipsa denominetur *severa*, & *creatura*; altera dicatur Deus *Dominus* & *Creator*; quia duæ relationes oppositæ causæ, & causati sunt incompossibiles in eodem supposito; & magis, quam producentis, & producti, quæ tamen nequeunt reperiri in eodem supposito, licet sint in eadem natura. Unà igitur duntaxat nova relatione in creatura fundata, & ad Deum ut ad absolutum terminata (quæ nova ratio sequitur novum fundamentum, estque ejus rei creatio passiva) denominatur ab illa, quasi esset in ipso nova ratio correspondens: quemadmodum opus factum ab homine, dicitur humanum, non propter aliquid humanitatis quod sit formaliter in opere, sed propter humanitatem, quæ est formaliter in homine, ad quam opus habet habitudinem. Atque hæc est expressa mens Magistri, 1. dist. 30. cap. 2. ex verbis

Augustini 5. de Trinitate, cap. 16. ita concludentis: *Appellatio, quæ creatura relativè ad Creatorem dicitur, relativè est; & relationem notat, quæ est in ipsa creatura. Appellatio verò illa, quæ Creator relativè dicitur ad creaturam, relativè quidem est, sed nullam notat relationem, quæ sit in Creatore* (quod & disertè dicit Augustinus, loco citato, prout à Magistro adducitur) *Quod temporaliter incipit dici Dominus, quod antea non dicebatur, manifestum est relativè dici: non tamen secundum accedens Dei, quod ei aliquid acciderit, sed plane secundum accedens ejus, ad quod incipit dici Dominus relativè.* Subicit quoque ibidem Augustinus aptum exemplum de nummo, qui citra omnem sui mutationem dicitur modo pretium, modo pignus, & ejusmodi; & concludit; *Si ergo nummus potest nulla sui mutatione toties dici relativè, ut neque cum incipit dici, neque cum desinit, aliquid in ejus natura, vel forma, quæ nummus est, mutationis fiat, quanto facilius de illa incommutabili Dei substantia debemus accipere, ut ita dicatur relativè aliquid ad creaturam, ut quamvis temporaliter incipiat dici, non tamen ipsi substantiæ Dei accidisse aliquid intelligatur, sed illi creaturæ, ad quam dicitur.* Atque hæc quidem Augustinus.

Quod vero ex parte Dei nulla sit necessario ponenda ratio nova, ad quam terminetur ratio dependentiæ essentialis creaturæ, ut expressè innuitur in præcatis autoritatibus: & erat secunda pars solutionis: probatur: Etenim in creatis nullo relativum primo refertur ad correlativum, ut ad terminum ejus: imo relationis per se terminus est absolutum, super quod si fundetur ratio, accidit relationi per se ad ejus fundamentum terminatæ. Nam cum relativum primo definitur per terminum, qui proinde est prior definitione, ex 7. *Metaphys. Text. 4. & inde*: Si pariter terminus ut terminus refertur ad relatum, in quantum fuit relatum, primo definitur per illud: ergo idem, idest, Pater esset prior Filio, secundum definitionem, & è converso. Impossibile igitur autem circum esse in prioritate essentiali quacunque: ergo & pariter impossibile est, Patrem primo referri ad Filium, in quantum Filius primo refertur ad Patrem: ergo refertur primo ad illud absolutum, quod est proximum fundamentum relationis, & illud est prius Patre, ut Pater est, & è converso. Si igitur in creatis ratio per se, & primo terminatur ad absolutum, nec coexistit in altero extremo relationem necessario, etsi aliter frequenter accidat: multo magis id verum erit, cum refertur in tempore creatura ad Deum per realem relationem creationis passivæ: præsertim cum hæc ratio ad tertium modum spectet relativorum, qui in eo distinguitur à reliquis duobus, ex Aristotele 5. *Metaphys. cap. de Aliquid*, quod in eo non sit relatio mutua, sicuti mutua est in aliis duobus. Sed alterum præcisè refertur ad reliquum: illud vero non refertur, sed tantum aliquid est ejus, ut mensura ad mensuratum. Est igitur terminus relationum tertii modi talis sub ratione absoluti, & non relativi: ac proinde propter terminationem relationum creaturarum ex tempore ad Deum, non oportet ponere aliquam relationem ex parte ipsius termini, nec novam, nec antiquam, nedum realem, sed ne rationis quidem. Nam etsi divina essentia possit ad creaturam comparari per actum intellectus creati, & increati, & ita in ipsa respectus rationis causari: is tamen respectus nequit esse ratio terminandi relationem creaturæ ad ipsum. Non illè, qui causatur per actum intellectus finiti: quia tunc non referretur realiter creatura

ad

1. dist. 3. q. 5. c.

B. Thomas hic in solutione.

Respondet Cajetanus S. Thomæ esse sermonem non de ordine formali, qui est ratio, sed de ordine fundamentalis, quæ est natura fundans relationem. Sed utrum hæc expressio sit ad mentem S. Thomæ, valde dubium est: Nam dicitur in littera, quod creaturæ ordinantur, & referuntur ad Deum; videtur ergo loqui de ordine pro formali, qui ratio est. Quod si etiam sit sermo de fundamento ordinis, arguementum Doctoris procedit: Nam Deus est prior creatura multiplici primitate, ut est natura primi omnium, & alterius rationis.

Hæc fufius declarantur à Doctoribus creat. contra unumquemque Commentariorum plurimè arguit, existimantes rationem Doctoris confectam se; sed nostri contrarium ostendunt. Videnda defensionem Lybetti super q. 2. dist. 20. Primi. Et Scotiæ super 5. Metaph. & Recentiores in Logica & Mayroni. 1. dist. 30. Angliæ fufius materiam hanc expendunt, nulli in eodem sententia: Et Doctor q. 11. 5. dist. 30.



ad creatorem, intellectu creato non considerante; quod nemo dixerit. Neceriam ille, quem in sua essentia causat intellectus divinus; quia si per impossibile Deus non esset natura intellectualis (sicut quidam delirantes posuerunt solem esse primum Principium) & produceret lapidem: lapis referretur realiter ad sui principium, & tamen nulla relatio rationis foret ratio terminandi eam relationem. Nomina igitur quæ important relationem ad creaturas, verè, & rectè dicuntur de Deo ex tempore; non quod in ipso sit aliqua relatio nova illi correspondens, sed quatenus sub ratione absoluta terminat novas relationes, ex qua terminantur novas & veras sub denominationes.

AD ARGUMENTA. Ad primum concedo, utique omne quod est in Deo per identitatem esse æternum, sicut & ipse æternus, ac immutabilis est: sed exinde tamen haud oportere æternum patenter esse quicquid prædicatur de eo, per hoc quod aliud dicitur habitudinem ad ipsum; quia nihil aliud habet ejusmodi æternam habitudinem ad ipsum: Exemplum: Deus æternus diligitur in tempore à voluntate creatæ; dicitur quidem dilectus à nobis, sed non dilectus æternaliter, quia non ab æterno terminus fuit ejus dilectionis, sed de novo, & ex tempore.

Ad Secundum, neganda est consequentia, quum extrema sunt alterius rationis, ut in casu. Nam quoniam tunc unum excedit alterum, non oportet parum esse coexistentiam unius ad alterum, & è converso. Sicut nec sequitur; Quodcumque æternum est cum toto tempore; ergo omne temporale est cum tota æternitate: Prima siquidem vera est, ratione immensitatis æternitatis; at quia id deficit in consequenti; ideo perperam inferitur. Itaque quia æternum potest esse terminus novæ habitudinis ad ipsum; quum valeat aliquid de novo producere, subinde & potest de co aliqua appellatio dici ex tempore: sed temporale nequit perinde habere habitudinem alicujus æterni ad ipsum.

Vel potest concedi, temporale etiam denominari posse ab habitudine æterni ad ipsum; quia lapis (non tantum ut quid ideatum, sed ut existens) est æternaliter factus à Deo.

Ad Tertium respondeo, *Tò fieri* aut prædicat secundum adjacens; & tunc notat factionem simpliciter, ut dicendo, *Homo fit*: aut prædicat tertium adjacens; & tunc exprimitur factio secundum id, quod speciat ipsum, ut *Homo fit albus*. Aliquis igitur putat, concedendam esse hanc, *Deus fit Dominus*; quia non significatur, nisi factio secundum quid, scilicet, factionem secundum aliquam relationem rationis, vel secundum terminationem à hujus relationis realis. Videtur tamen prior esse hic sermo; *Deus incipit esse Dominus*, quam *fieri Dominus*; quia ille non significat imperfectum, qualis videtur importari per *fieri*. Hac igitur nomina, quæ important relationem ad creaturas, rectè dicuntur de Deo ex tempore; quamvis nullus novus respectus ipsis ex parte Dei correspondeat.

## ARTICULUS VIII.

Utrum hoc nomen Deus sit nomen naturæ.

Doct. 1. dist. 22. in utroque scripto. S. Thom. 1. p. quæst. 13. artic. 8.

**V**IDETUR nomen *Deus* haud esse nomen naturæ. Etenim secundum Damascenum lib. 1.

cap. 12. *Deus dicitur ab operatione actuali, fovere, vel ardere, vel considerare*; igitur nomine Dei significatur, ac intelligitur quiddam actum operans: operatio autem cujuslibet entis seu finiti, seu infiniti, ab ejus natura est; ergo si nomen *Deus* dicitur ab actuali aliqua operatione, per illud non exprimitur natura Dei, sed operatio.

Præterea, Dei nomen audientibus statim occurrunt infinita bonitas, & sapientia, & justitia, & alia id genus. Sed hæc omnia non Dei naturam exprimunt, sed quæ circa illius naturam sunt, juxta Damascenum, lib. 1. cap. 4. nempe quia cum Dei naturam oporteat ab omni respectu ad creaturas quam longissimè esse segregatam; ea non nisi in comparisonem ad terminum extra Deum intelliguntur: nam ab infinita bonitate est rerum universitas, ab justitia earundem moderatio, ab sapientia ordo, &c. ergo nomine Dei nec significatur, nec intelligitur ipsius natura.

Præterea, secundum hoc aliquid nominatur à nobis, secundum quod cognoscitur. Sed divina natura est nobis ignota; ergo hoc nomen *Deus* non significat naturam divinam.

CONTRA, Ambrosius lib. 1. de fide ad Gratianum, cap. 1. *Deus nomen est nature, & Dominus nomen est potestatis*. Et Boetius 1. de Trinit. cap. 6. *Cum dicimus Deus, substantiam significare videmur*; per substantiam Dei naturam intelligens.

RESPONDEO dicendum, revera per nomen *Deus* exprimi atque significari Dei naturam. Dei quippe natura est ipsum esse infinitum, seu esse per essentiam; id est, totum esse universalissimum non contractum, nec contrahibile, & ideo singularissimum: quippe cui ex ratione universalitatis, & omnimodæ entitatis, repugnat esse par, aut simile; ac propterea quicquid est necessario alterius, & in infinitum diversæ naturæ, ab illo sit oportet. Atqui hoc ipsum esse per essentiam, & à se exprimit, significatque nomen *Deus*. Nam Exodi 3. *Deus est*, qui ait ad Moysen: *Hæc dices Filius Israel Qui est misit me ad vos: hæc nomen mihi est in æternum*; igitur cum aliud non sit *Qui est*, ac nomen *Deus*, dicente Damasceno, lib. 1. cap. 12. *Videtur quidem principaliter omnium, quæ de Deo dicuntur nominum, esse*, Qui est, profero illud est natura divinæ nomen, quod esse ipsius, atque substantia exprimitur. Rursum, juxta dicta, quæst. 2. articulo 3. nomine Dei significare intendimus ens simpliciter primum triplici primitate, efficientis nimirum, finis, & eminentiæ; & ita quidem primum, ut impossibile sit eo aliquid prius esse, aut intelligi sine contradictione; nedum ergo oportet tale ens actu existere, sed præterea ipsum esse claudii in ipsius substantia, atque essentia. Nam reliqua extra illud si ab alio accipiunt esse, non sunt de se esse; ergo quia primum est à se, est ipsum esse per essentiam, & prima essentia ab tale esse. Unde Augustinus 7. de Trinit. cap. 4. *Ab eo, inquit, quod est esse, appellatur essentia, proprie quod Deus ipse, cui propriissimè, & verissimè convenit esse, verissimè dicitur essentia*. Cum ergo per Dei nomen id significetur, atque intelligatur rectè *Tò Deus* dicitur naturæ divinæ nomen. Et etiam si nomine Dei significaretur ea proprietates, undè est acceptum: quo ad modum significandi foret quidem diversum à nomine significante præ se essentiam ut ab omni abstrahente operatione: sed tamen idem est utriusque potissimum, ac propriissimum significatum.

AD ARGUMENTA. Ad primum respondeo ex dictis artic. primo, aliam esse rationem, ob quam imponitur nomen, & aliud exprimi nomine imposito.

1. dist. 2. q. 2. 8a  
Dico quod 1. V.  
Ex ista ratione

1. dist. 2. q. 4a

B. Thomæ secundum principalem

1. dist. 3. q. 2a

10. dist. 8. q. 3a

De primo principio cap. 1. m. 1.

Quodlibet quæst. 1.

1. dist. 2. q. 2. 8a  
Ex prædictis

S. Thomas hic ad secundum.



sito rei de Genere substantiæ: nam nomen *lapis* est impositum alicui proprietati de Genere actionis, eo quod pedes in lapidem offendentes, lædantur; & tamen imponens non eam nominis etymologiam per se intendit significare, sed magis aliquid de Genere substantiæ ab omnibus distinctum accidentibus. Itaque etsi Dei nomen sit impositum, & acceptum ab actuali ejus operatione; tamen præcipua, ac primaria ejus significatio, & imponentis intentio fuit exprimere naturam primæntis, primæque essentiæ; ut disertè ad Moysen testatus est ipse Deus.

Ad Secundum dicendum, etsi nomine Dei significantur, atque intelligantur etiam perfectiones illæ, quæ, ut ait Damascenus, circumstant ipsius naturam; exprimi tamen etiam & naturam cui illæ verissimè attribuantur (de quo *quæst. præcedenti, art. 2.* actum) illam igitur per se, & primò significat, quàmvis alia dicatur fuisse ratio ejus impositionis. Quod non solum videtur affirmandum de prædicto nomine *Deus*, sed etiam verissimè est & alia nomina traditi in Sacra Scriptura, quibus exprimitur distinctè Dei natura, & essentia; ut frequenter dictum est in antecedentibus, & præsertim *artic. 1. 2. & tertio*.

Ad Tertium respondeo, majorem non esse admittendam, juxta dicta, *artic. primo*; quia distinctus quidpiam potest per nomen significari, quàm intelligatur. Quamvis igitur Dei essentia sub propria, & distincta ratione nequeat attingi à viatore, tamen potest distinctus significari per nomen præsertim impositum à distinctè cognoscente illam naturam; & ejusmodi est *Dei* nomen.

## ARTICULUS IX.

Utrum hoc nomen *Deus* sit communicabile.

*De h. locis in margine citatis S. Thom. 1. part. quæst. 13. artic. 9.*

**V**IDETUR hoc nomen *Deus* esse communicabile. Hænim ex dictis *articulo præcedenti*, id vocabulum est naturæ nomen, non suppositi: sed naturæ, ut natura est, non repugnat pluribus communicari; siquidem natura incommunicabilis redditur ratione supervenientis suppositi, propter quam ei omnimoda accedit incommunicabilitas; igitur Dei nomen est de se aliis communicabile.

Præterea, juxta dicta, *quæst. 6. artic. 1. & 2.* Deus est bonus, & quidem non utcumque, sed maxirè: quippe qui non fit alio bono bonus, sed bonum omnis boni; secundum Augustinum, 8. de *Trinit. cap. 3.* Sed bonum de sui natura est aliis communicabile, imò de facto communicatum; ergo si Dei nomen est summæ bonitatis significativum, est de se communicabile, perinde ac bonum.

Præterea, Quicquid est, à Deo participatum est, quemadmodum quæcunque posteriora participant primum, vel de primo in unoquoque ordine: Sed perfectiones participatæ, vel in creaturis repetitæ, univocè conveniunt cum iis, quæ in Deo reperiuntur: ne dum eæ, quæ circumstant illius naturam, sed etiam illæ, quibus desinitur eadem divina natura; ergo de facto Dei nomen est aliis communicatum, sicut & in aliis à Deo reperiitur ejus nominis significatum.

Præterea, Damascenus, *lib. 3. cap. 6.* finè ambiguitate asserit, divinam essentiam esse quiddam commune, & universale, veluti *speciem*. Sed ex eo est species, quia est aliis communicabilis; ergo

Dei nomen ejus essentiæ significativum est aliis communicabile.

Præterea, *Deus charitas est*; Joan. Epist. 1. cap. 4. sed charitas, & gratia sunt idem habitus; utrique enim idem conveniunt effectus; ergo cum Deus gratiæ habieum infundat naturis intellectualibus, per quem illas inhabitat: ipsa ejus essentia aliis, qui dignantur gratia Dei, communicatur, & consequenter ejus nomen non est incommunicabile.

CONTRA, Deuteronom. 6. *Audi Israel, Dominus Deus tuus unus est*; ergo nomen Dei nequit alteri communicari: quia tunc unus non esset Deus.

RESPONDEO dicendum, Dei sanctum nomen quatenus naturæ divinæ significativum, esse penitus incommunicabile. Declaratio: Quemadmodum homo est humanitate homo, & omne aliud ens est tale creata quiditate: ita Deus est Deus Deitate: Ratio autem deitatis est de se, & ex se hæc: sicuti è contra humanitas non est de se hæc sed fit talis per aliquid illi additum: igitur pariter & Deus est de se hæc ens: id est, non expectans aliquid extra suam rationem formalem, quo fiat hæc ens: sed id habens à sua natura, & essentia. Sicuti ergo humanitati, postquam facta fuerit hæc repugnat alteri communicari (definitio enim individui est incommunicabilitas) ita deitati, eo quod fit de se hæc, repugnat alteri à se communicari: Dei igitur natura nequit esse in alio extra Deum, & per consequens Dei nomen, ejus naturæ de se individue significativum, incommunicabile erit. Quod vero Deitas fit de se hæc, & non per aliquid, quod sit extra rationem ipsius, declaratur: Nam humanitas, quia imperfectæ actualitatis, ideo divisibilis est per illud, quodcumque tandem fit, quo contrahitur ad individuum: recipit igitur ab ea ratione dividente, & contrahente aliquid actualitatis, cum mox intelligatur, sique ulterius incommunicabilis: ergo etsi Deitas sit, qua Deus est Deus, ut homo est talis humanitate, nihilominus cum intensivè infinita sit, & omnimodè proinde actualitatis, non expectat aliunde qualitercumque actuali, sed de se, & ex se intelligitur præcepisse quicquid perfectionis, & actualitatis reperiri potest in uno. Sit ergo oportet ex se individua, & penitissimè indivisibilibus, etsi interim una eademque indivia communicari queat pluribus suppositis. Hæc itaque indivisio, & omnimoda indivisibilitas clauditur in essentia illa, tanquam quid spectans ad ipsam, adeout si definiretur ratio indivisibilitatis, foret pars definitionis ipsius. Sicuti ergo repugnat alteri a Deo communicari quod est quiditative incommunicabile, id est indivisibile; ita & Dei nomen alteri cuique incommunicabile erit, quatenus per illud ipsius natura verè, & propriè significatur, atque intelligitur. Huc faciunt dicta *quæst. 6. artic. 2.* ubi declaratur, Deum esse summum bonum, & *quæst. 7.* de Dei intensiva infinitate; & *quæst. 11. art. 4.* de Dei maxima, & indivisibili unitate.

AD ARGUMENTA. Ad primum respondeo, minorem esse veram de illa natura, quæ ex se non est hæc, sed fit talis per aliquid additum rationi formali ipsius. At secus est de natura divina, quæ cum fit totum esse, seu esse infinitum, universalissimum, & non contractum, hoc ipso oportet esse essentialiter indivisibile; quia alioquin non fuisset ipsa totum esse admodum, & præceptum. Etsi vero hæc ratio non reddat tale esse infinitum incommunicabile pluribus suppositis, est tamen exinde deitas individua, & indivisibilis, & innumerabilis.

Ad Secundum, concedo Deum rerum universitatem

2. diff. 27. q. unic.

1. diff. 4. q. 1.

1. diff. 5. q. 2. 6. Tertio. princip. pariter. V. utrum ma. distinctio.

De rerum. principio q. 1. num. 25.

1. diff. 8. q. 3.

Summ. q. 3. art. 9. & q. 4. art. 3.

1. diff. 8. q. 3.

De his præclarè Mag. Aureolus 2. diff. 45. art. 1. præpositione prima.



fitatem condidisse; quia bonus est; sed quia est omne bonum aliquid produciens extra se, quoniam necessario habet omne tale imperfectionem annexam, & dependentiam, nequit esse omne horum; nam id quamlibet excludit imperfectionem. Quicquid ergo est effectum, & causatum, est alterius naturae a deitate; ac subinde ipsa nulli communicari potest, ut & sibi conveniat nomen deitatis.

Ad Tertium respondeo, frequenter in antecedentibus dictum esse, perfectiones simpliciter reperiuntur in creaturis convenire quidem univocè in reali conceptu cum iisdem, ut sunt in Deo; esse nihilominus in realitatibus ad invicem primo diversas, ac in nullo prorsus convenientes: habere subinde, ac competere ipsis alia nomina earum propriè significativa alterius rationis ab illis, quae sunt expressiva earundem perfectionum, ut sunt in Deo.

Ad Quartum est responsio ex dictis, *quest. 3. art. 5.* Damascenum, propter similitudinem praedicationis, quatenus essentia praedicatur de tribus personis, appellavisse Dei substantiam quasi speciem, & universalem, sicuti species de suis praedicatur individuis. At Augustinum, (ex Magistro 1. *dist. 19. cap. Hec autem*) ab excellentia Trinitatis praedicta nomina removisse, cum seriò animadvertisset, majorem esse dissimilitudinem, quam similitudinem inter res praedictas.

Ad Quintum respondeo, Deum esse charitatem per essentiam, gratiae verò habitum, charitatem tantum appropriatè. Idem enim habitus, quatenus per ipsum est Deus charum habenti, *charitas* dicitur; & *gratia* appellatur, propterea quod Deo est acceptus, & gratus ille, qui eo habitu dignatur. Deus igitur eum habitum infundens, non communicat suam naturam alteri à se incommunicabilem, sed formam supernaturalem, qua habentes sunt Filii Dei adoptivi, & haeredes Regni caelestis; ad quam imitationem infundens Salvator, cum ait: *Estote perfecti, sicut & Pater vester caelestis perfectus est*: non quidem perfectione illa, qua Pater ex se naturaliter est beatus, & perfectus; sed perfectione nobis competente, scilicet gratiae, & virtutum; propter quam perfectionem in scriptura aliquando ita appellantur Filii; *Ego dixi*, inquit, *Dei estis, & filii ex celsionibus*, Psal. 81. Non Filii sicut Pater est Deus, & Filius, & Spiritus Sanctus: sed per gratiae communicationem, & adoptionem in numerum filiorum Dei adsciti. Quotiescunque igitur Dei nomen invenitur additus numerus multitudinis, vel juxta praemissam expositionem est intelligendum; vel aliquis interdum appellatur Deus, ex ministerio quod gerit, vel persona, quam representat. Denique in sacris literis dicitur, esse multos Deos, juxta Gentilium opinionem ita putantium: ideo & subdit: *Omnes Filii Gentium Daemonia*, 1. ad Corinth. 8, cum aliquin diserte testetur, proprium Dei nomen esse incommunicabile, *sup. 14.*

## ARTICULUS X.

Utrum hoc nomen *Deus* univocè dicatur de Deo per participationem secundum naturam, & secundum opinionem.

Doct. locis in margine citatis. S. Thom. 1. p. *quest. 13. artic. 10.*

**V**IDETUR Dei nomen univocè dici de Deo per naturam, per participationem, & se-

cundum opinionem; Vel de Deo, quod est ipsum esse per essentiam, de filiis Dei adoptivis per gratiam, & de idolis, quae Gentes opinantur esse Deos, & non sunt. Nam tunc nomen habet conceptum univocum respectu illorum, de quibus dicitur, quum ita est unum, ut ejus unitas satis fit ad contradictionem, affirmando, & negando ipsum de eodem. Sed Fidelis dicens idolum non esse Deum, contradicit Pagano affirmanti illud esse Deum; ergo id nomen habet conceptum univocum respectu Dei veri per naturam, & Dei, secundum falsam hominum opinionem.

Præterea, Stante attributione accidentium ad substantiam, conveniunt ea extrema univocè in ratione entis: & stante ordine, quem dicunt omnes creaturae ad Deum, subsistit earum univocatio in gradibus transcendentibus; ergo etsi Beati participes facti divinae naturae non sint vocandi Filii, nisi per ordinem ad divinam naturam, cujus potiuntur consortio per visionem, vel gratiam; tamen *Deus* de utriusque dicitur univocè.

CONTRA, Illud nomen non est censendum univocum, nec æquivocum, sed analogum, quod juxta unam significationem acceptum, ponitur in definitione ejusdem nominis, si secundum alias significationes accepti; ut *sanum* dictum de animali ponitur in definitione urinae ut signum, & medicinae tanquam causa sanitatis. Tale autem est nomen *Deus*: Cum enim aliquem nominamus *Deum* secundum participationem, intelligimus aliquid habens similitudinem veri Dei, & cum idolum vocatur *Deus*, intelligimus significatum esse, quod homines opinantur esse Deum; igitur una ejus nominis significatio clauditur in illis significationibus: est ergo id nomen non univocum, nec æquivocum, quia nec omnino eadem, nec omnino diversa ratio; sed analogum.

RESPONDEO dicendum, nomen *Deus*, quatenus per ipsum significatur natura veri Dei, & natura intellectualis participans illam per gratiam, & gloriam, & insuper intelligitur *Deus* juxta falsam opinionem, esse omnino æquivocum, id est nullius veri, & realis conceptus expressivum, qui sit omnibus illis communis. Declaratio; etenim per nomen *Deus* exprimitur, & significatur divina natura, quod est ipsum esse infinitum, ex dictis supra, *artic. 8.* Naturae autem divinae contradictione repugnat alteri à se communicari, ut declaratum fuit *articulo precedenti*: ex eo enim quod illa celsissima natura sit totum esse universalissimum, adeo ut nihil simpliciter perfectionis extra ipsum reperiri queat, rectè intulimus, oportere esse singularissimum, & de se, & ex se, id est, ex ratione talis essentiae innumerabilem, & indivisibilem, & incommunicabilem cuicumque ex se habet aliquam imperfectionem, cujusmodi est quicquid ab alio est; propterea igitur perinde incommunicabile ceteri debere ejus essentiae nomen propriè significativum. Quoniam ergo ea essentia est prius alteri à se incommunicabilis, & secundum totum, & secundum quicquid in ipsa reperitur, consequenter nomen *Deus*, cum alteri ab illa sub quavis ratione attribuitur, penitus equivocè dicitur; quia non significativum alicujus rationis univocè reperiatur in illis. Quantumvis ergo natura intellectualis dicatur participare naturam divinam per gratiam, atque effecta illi similis per gloriam, incommunicabile tamen nomen Dei nihil ei commune univocum significare, & importare potest. Et idipsum est evidentiùs, ut intelligitur exprimere deitatem secundum opinionem:

6. *dist. 3. q. 2. 9.*  
Secundo non  
asserendo, &  
Quodlib. qu.  
14. §. De primo.

1. *dist. 2. q. 3.*  
& *dist. 2. q. 3.*

B. Thomas hic  
in solutione.

1. *dist. 5. q. 1.*  
2. *dist. 27.*

1. *dist. 5. q. 1. cit.*

1. *dist. 22. quest. 1.*

1. *dist. 2. q. 3.*



nem: Nam *idolum nihil est in mundo*, ut ait Apollonius. *1. ad Corinth. c. 18.* id est, excellentia, quæ attribuitur idolo, propter quam & illi cultus adhibetur, non est quid verum, & reale sed fictum, descendens de stulta opinione hominum insanorum; igitur ejusmodi ficta deitas aliud non est, quam esse opinatum, & rationis, vel denominatio extrinseca, accepta à vera forma deitatis, & applicata de humani intellectus perversa opinione ei, cui Deitas est incommunicabilis. Atqui formæ reali, & rationis, vel formæ reali intrinsecus inexistenti, & extrinsecæ denominationi ab illa forma provenienti, & quatenus per opus intellectus errantis applicantur, nihil potest esse commune univocum: ei enim, quod est secundum quid tale, & ei quod est simpliciter tale, in quantum tale, non est commune univocum illud, quod accipitur in eis secundum quid, & simpliciter; igitur Dei nomen omnino æquivocè dicitur de ipso Deo, de illo, quod dicitur Deus per participationem, & secundum opinionem.

AD ARGUMENTA. Ad primum respondeo sic: Fidelis negans, & Gentilis affirmans idolum esse Deum, habent unum, eundemque conceptum univocum nempe, Deum esse, & omnipotentem esse, cultum illi à creaturis suis exhibendum esse, atque ab eo bona rependi piis hominibus, cultoribusque suis; mala vero, ac supplicia impendere ijs, qui Deum colere contemnunt, hominesque injuria afficere non cessant. Veruntamen Fidelis rectè sentiens, eum conceptum attribuit summo omnium enti: Gentilis vero putat convenire ligno, & lapidi, atque ita idolum cultu profecutur tanquam Deum. Itaque Deitas idoli de falsa opinione Gentilium procedit; ac esse infinitum, & summum bonum ut idolo attribuitur, aliud non est, quam esse rationis, & fictum, propterea quod ei, cui intrinsecè repugnat, attribuitur: contra vero Fidelis tantam excellentiam soli primo omnium Principio rectè dicit convenire ex natura rei, & nullum entium creatorum Deum existimari posse, & debere. Esi igitur conceptus ille Deitatis in se, in intellectu utriusque sit unus, & univocus, tamen in intellectu Gentilis, cum attribuitur creature, evadit esse fictum, opinatum, & rationis, quod proinde nequit univocè convenire cum natura veri Dei.

Ad Secundum, concedo, analogiam attributionis, quæ accidentia ad substantiam, & omnes creature ad Deum ordinantur, stare simul cum univocatione conceptus entis, & transcendentium in utrisque extremis: At nego perinde nomen Dei significare univocum conceptum, cum exprimitur ii, qui per gratiam sunt Filii Dei adoptivi; non quasi nullus his sit conceptus univocus cum Deo, quia perinde ut cætera entia creata in prædictis transcendentibus conveniunt cum illo; sed quoniam in ratione Deitatis nihil potest esse ipsius univocum; ut declaratum est in *solutione*.

Ad Argumentum in oppositum, quo probatur nomen Dei, ut ad tres illas extenditur significationes, non esse nec univocum, nec æquivocum, sed analogum; respondeo, si intelligatur prædictum analogum reperiri absque eo quod coincidat cum univoco, aut æquivoco; falsum putamus & negandum; quia etsi ratio formalis analogiæ alia, & diversa sit à rationibus formalibus univoci, & æquivoci; tamen semper stat cum alterutro illorum: nam inter idem, & diversum non cadit medium; ergo omne quod concipitur, sub eadem ratione, vel diversa concipitur; atque ita vel univocè conveniunt in re, & nomine, vel duntaxat

in nomine: licet significatorum interdum si unum ad aliud, & proinde fundet aliquam analogiam, quæ est alia subinde ratio à prædictis. Hinc Aristoteles in *libro Prædicamentorum*, ubi determinat de vocibus significativis, nullam mentionem facit de his, quæ in re sunt analogæ, sed solum differit de Univocis, & Æquivocis; nempe, quia non sunt aliqua analogæ, quin cum illis coincident. Unde Boetius super illam definitionem æquivocorum Aristotelis: *Æquivoca sunt, quorum nomen est commune, & ratio substantiæ diversa*; dicit, Philolophum sub ea notificatione, & quæ in re sunt analogæ, & omne genus æquivocationis comprehendisse.

Veruntamen tam præsentis, quam 5. & 6. articuli interest adnotasse, duas esse præcipuas Analogiæ species, nempe attributionis, & proportionis, seu proportionalitatis. Prior Analogiæ species, ab Aristotele *1. Ethic. cap. 6.* appellatur *ab uno ad unum*: Nempe, hæc Analogia incidit, quum ab una forma omnia denominantur analogatæ, & ad illam unam formam pariter ordinantur: Unde ab sanitate intrinsecus animali convenienter, sana extrinsecè dicuntur, & medicina, & diætæ, & pulsus, & urina ab una, eademque verè sanitatis forma, ad quam ea omnia ordinantur. At interdum illud unum, ad quod est attributio, est omnibus analogatis intrinsecum. In priori exemplo unitas analogiæ reperitur cum æquivocatione: cum univocatione verò potius eadem forma est analogatis intrinsecæ, ut Genus respectu specierum, & ens in ordine ad Deum, & creaturas, substantiam, & accidens. Altera verò Analogiæ species est, quum aliqua penitus diversa participant idem nomen, ex aliqua consimili proportionem: ut sicut se habet serenitas ad aerem, ita tranquillitas ad mare, quæ perinde sunt unum proportionem. Consimiliter & risus respectu hominis, & prati virentis: Et Gubernatoris nomen respectu rectoris civitatis, navis, & domus. Et pariter Analogia contingere potest per applicationem metaphoricam formæ alteri realiter inexistentis, ut quum per nomen *risus* significantur prata florentia: vel quando unicuique analogatorum inest forma propria, quæ est fundamentum convenientiæ secundum proportionem, ut in exemplo de *Gubernatore*, & ejusmodi. Ex quibus est evidens, nomen *Deus* esse analogum respectu veri Dei, per participationem, & secundum opinionem; sed in casu coincidere cum omnimoda æquivocatione: ut probatum est in *solutione*. Sed arguebatur: quia ratio ejus nominis, non est omnino diversa. Respondeo, non habere aliam convenientiam, quam in nomine, uti convenire diceretur risus hominis, & pratum vernans: ac proinde omnino æquivocum ejus nominis significatum. Nec exemplum de nomine *sanum* est ad rem: quia non minus est æquivocum: nam non est idem conceptus sanitatis, qui dicitur de urina, & de animali, & de diætæ: imo in his tribus sunt formaliter diversi siquidem in animali sanitatis conceptus dicitur quandam equalitatem humorum, in diætæ importat causæ rationem, & in urina denique signum esse illius: qui conceptus non habent quid commune univocum in reali conceptu sanitatis.

1. dist. 3. q. 3.  
& dist. 8. q. 3.

Doct. 14. Metaphys. Textus 12.

Ex p. 4. super Prædicamentis, & q. 15. super libris Ethicis.

2. dist. 13. q. 2. 6. Ad aliud de analogia, & dist. 13. q. 1. 6. Cum arguitur per analogiam.

8. dist. 8. q. 2. 6. Ad argumenta V. Ad aliud de attributione.

Super lib. Ethic. ch. 9. 15. n. 3. 6. 7.



## ARTICULUS XI.

Utrum hoc nomen, *Qui est*, sit maximè nomen Dei proprium.

Doct. 1. dist. 22. in utroque scripto. S. Thom. 1. p. quæst. 13. artic. 11.

**V**IDETUR Tò *Qui est*, non esse maximè proprium nomen Dei. Nam juxta dicta, articulo nono, Dei proprium nomen est incommunicabile: est enim expressivum esse prorsus incommunicabilis. Sed nomen *Qui est* non est incommunicabile; alioquin extra Deum nihil posset produci in existentiam realem; ergo Tò *Qui est* non est nomen Dei proprium.

Præterea, Boetius de Trinit. cap. 6. Cum dicimus *Deus, substantiam significare videmur*. *Qui est* autem non videtur significare substantiam, seu naturam Dei completè; sed vel gradum aliquem ejusdem naturæ, secundum tenentes existentiam claudi in quiditate Deitatis, vel ipsam duntaxat existentiam, quæ ex aliquorum opinione non prædicatur de Deo quiditativè; igitur Tò *Qui est* propriissimum non videtur omnium nominum divinum.

Præterea, Deum ex creaturis nominamus, nec aliunde illum cognoscimus. Sed potissima ratio, quam exinde possumus illi attribuere, est conceptus bonitatis summæ; ergo id erit maxime proprium Dei nomen. Probatio minoris ex Augustino, de doctrina Christiana, cap. 32. *Quia Deus bonus est, sumus*: igitur causa essendi rerum universitatis, ex qua ille cognoscitur, est bonitas ejus.

CONTRA, Damascenus lib. 1. cap. 12. *Videatur quidem, inquit, principalius omnium, quæ de Deo dicuntur nomen, esse Qui est*.

RESPONDEO dicendum, Tò *Qui est* maximè proprium nomen Dei esse. Declaratio; sentiendum est, inter plura nomina, quibus aliquid unum significatur, & exprimitur, illud proprius, & verius illi convenire, quod fuit impositum à perfectè sciente naturam ejus, quod per nomen alteri declaratur. Unde inter homines nemo melius Adamo rebus nomina imposuit, quippe cui optimè perfecta erant quæcunque nominibus propriis appellavit. Atqui Deus ipse semet eo nomine appellavit, *Qui est* (dicens ad Moysen) *misit me ad vos*, Exodi 3. ergo inter nomina divina illud est magis proprium, & verum; quia expressivum ejus, quod significatur, sicuti est. Rursus, Dei essentia est ipsum esse infinitum, totum, atque universalissimum, per nullam sibi advenientem rationem contractum, quippe quod sit de se, & ex se hoc; id est, immultiplicabile propter sui universalitatem essendi. Sed hoc ipsum exprimitur per nomen, *Qui est*: ergo est propriissimè, atque verissimè Dei essentia significativum. Declaratur minor: nam cum dicit Deus, *Ego sum, qui sum*: & *Qui est misit me ad vos*, expressè innuit, ipsum esse à se, & per essentiam, id est, in ipsius essentia claudi ipsum esse; nam alioquin non esset. *Qui est* nec per essentiam suam, sed per aliam esset: sicuti sunt omnia, quorum essentia non est esse. Quod autem à se est, possidet entitatem secundum totam plenitudinem perfectionis, quæ sibi potest competere: quia nihil habetur limitate in aliquo, nisi ab aliquo agente determinante illud ad certum gradum: igitur quod est à se, illimitatissimum, ac universalissimum habet esse, quod proinde rectissimè Damascenus appellat *pelagus substantia infini-*

*titum*: cum ergo hoc ipsum significetur per nomen, *Qui est*, illud erit omnium, quæ de Deo dicuntur, nominum verius, ac principalius. Huc faciunt dicta supra, artic. 3.

AD ARGUMENTA. Ad primum respondeo ex dictis articulo nono: ideo Dei proprium nomen esse incommunicabile: quia esse, cujus est significativum, est immultiplicabile, & illud ipsum esse infinitum, & innumerabile significari per nomen *Qui est*, ut declaratum est in solutione. Veruntamen si nomine *Deus* detur intelligi operatio, à qua acceptum, & impositum perhibetur: utique debet esse alius modus significandi ipsius à modo significandi nominis, *Qui est*: quia hoc posteriori, etsi propriissimè Deo conveniat, non exprimitur ulla operatio Dei: quia nec ab operatione ulla fuit impositum, sed per illud significatum est esse ipsum à se, & infinitum, & universalissimum: & penitus proinde immultiplicabile.

AD Secundum respondeo, fieri non posse, ut per nomen *Qui est*, non significetur omnimoda, atque completa substantia Dei, quæ est ipsum esse infinitum, & necessarium, & à se: ut extitit declaratum in solutione. Impossibile est igitur intra rationem talis substantia non claudi ipsum esse: significatur ergo utroque nomine Dei substantia completè, etsi quoad modum significandi inter se videantur differre: quatenus per nomen *Qui est* nulla exprimitur operatio, quam præferre intelligitur nomen *Deus*: juxta Damascenum, lib. 1. cap. 12., licet mens instituentis, & imponentis fuerit significare potissimum eandem illam substantiam, quæ exprimitur nomine *Qui est*.

AD Tertium est responsio dicentium, *bonum* esse quidem principale Dei nomen, in quantum est causa non tamen simpliciter: nam esse absolute præintelligitur causæ. Contra, quatenus Deus est causa universitatis rerum, magis propriè est appellandus ens infinitum, quam bonum: ergo illud non est principale Dei nomen, quatenus causa. Probatio assumpti: Conceptus entis infiniti nedom est simpliciter conceptus entis boni (bonitas enim est attributum, & quasi passio Deitatis, cum infinitas sit modus intrinsecus entitatis per essentiam) verum etiam contentivus conceptuum attributorum: adeo ut ex intensiva infinitate rectè deducatur infinita bonitas, veritas &c. & sub ea ratione est causa omnium omnipotentissima: ergo entis infiniti nomen est magis Deo proprium, & principale, quam boni, etiam ut est causa.

RESPONDEO ergo ad argumentum: etsi non liceret ex creaturis devenire ad notitiam ejus, *Qui est*: tamen uti possemus nominibus impositis ab iis, qui distinctè intuentur primum ens, & appellari revelaverunt, *Qui est*. Veruntamen esse absolute falsum, ex creaturis nequire nos cognoscere ens primum à se, necessarium, atque infinitè perfectum, ut quæst. 2. art. 3. pluribus extitit declaratum. Quia igitur ultimum, quod de primo ente concluditur demonstratione quia, est esse infinitum ipsius; atque ea sunt perfectiora, quæ ultimò tali demonstratione cognoscuntur ex creaturis, superest principale Dei nomen aliud non esse, quam *ens infinitum*: Atque hoc ipsum exprimi nomine *Qui est*, declaravimus in solutione. Augustini verò auctoritas est intelligenda in genere causæ finalis; quia revera Deus intuitu suæ bonitatis rerum universitatem condidit; eam tamen effecit per infinitam sui perfectionem.

1. dist. 8. q. 1. §. Ad argumenta pro secunda opinionione. V. Ad Boetium.

4. dist. 49. q. 4. Lateral.

Quodlib. q. 1. §. De primo.

1. dist. 2. q. 2. §. Ex his ad questionem.

B. Thomas hic §. Ad secundum.

Doct. 1. dist. 3. quæst. 2. §. Quarto dico.

Videndi Poppius, & Licheus, Faber, & alij Recentiores super citatum.

1. dist. 3. q. 2. loco citato.

Quodlib. q. 7. §. Contra dupliciter.



ARTICULUS XII.

Utrum propositiones affirmativæ possint formari de Deo.

*Doct. locis in margine citatis. S. Thom. 1. p. quæst. 13. artic. 12.*

**V**IDENTUR propositiones affirmativæ haud esse formabiles de Deo: Siquidem secundum Boetium de Trinit. cap. 3. *Forma simplex subiectum esse non potest*: Deus autem est forma excellentissimè simplex; ergo ei repugnat subiectum esse. Si vero formari possent affirmativæ propositiones de Deo ipse foret subiectum respectu prædicationum, quæ de illa enunciarentur.

Præterea, Deus usqueadeo est simplex, ut sibi re, & ratione repugnet quæcunque compositio, & componibilitas, ut *quæst. 3.* extitit declaratum; igitur sibi repugnat intelligi modo opposito omnimodæ simplicitati; quia secundum Augustinum lib. 83. qq. quæst. 32. *Quisquis aliquam rem aliter, quam illa res est, intelligit fallitur*. Sed cum affirmativè aliquid de alio enunciat, incidit compositio quædam; ergo nequeunt affirmativæ propositiones efformari de Deo.

Præterea, Dionysius de *Divinis nomin. cap. 7.* vult Deum cognosci à nobis per viam causalitatis, eminentiæ, & abnegationis omnium, quæ à creaturis accipiuntur, & dicit modum cognoscendi per abnegationem esse cæteris perfectiorem, & veriozem; igitur verius de Deo formantur propositiones negativæ, quam affirmativæ.

**CONTRA**, Fides certissima docet, Deum esse unum in essentia, & trinum in personis, quæ verissimè dicuntur Pater, Filius, & Spiritus Sanctus; ergo propositiones affirmativæ possunt formari, & rectissimè dicuntur de Deo.

**RESPONDEO** dicendum, affirmativas propositiones verè, & rectè formari posse, ac enuncari de Deo. Etenim terminus subiectus, quod primò significat, id primò ponit in oratione, & si illi aliud extremum quod enunciat, sit idem, propositio affirmativa denotans talem identitatem, vera est: omnes autem perfectiones simpliciter in Deo, ratione intensivæ infinitatis, sunt perfectissimè idem, vel eadem res; ergo cum affirmatur de Deo quod sit bonus, sapiens, iustus, misericors, vivens, intelligens, & ejusmodi, verissimè de illo prædicantur; quia his enunciationibus exprimitur, atque significatur vera identitas talium perfectionum. Imò ob eam infinitatem, nedum sunt veræ in concreto, sed etiam in abstracto, ut *su-*

*perientia, est bonitas*; quia superest in his extremis causa identitatis, quæ est infinitas, ac proinde *Tu est* cum nota sit ipsius identitatis, veræ sunt tales enunciationes; quæ ob contrariam rationem sunt falsæ in creatis: & in divinis, cum enunciantur inter se relationes, quas non putamus esse formaliter infinitas: ut *Paternitas est spiratio activa*, quemadmodum enim in creatis *veritas non est bonitas*, quia nullam ea extrema servant in abstractione identitatem, quam habebant in tertio; ita cum relationibus non insit intensiva infinitas, ne ipse quidem ad invicem affirmari poterunt, quia non habent ullam unitatem; habituræ si saltem alterum extremorum sit infinitum, ut hic, *Deitas est paternitas*.

**AD ARGUMENTA**. Ad primum respondeo, Boetium negare, formam simplicem subiectum accidentis ullius esse posse, quod utique verum est: non vero subiectum considerationis; imò sicuti de Deo est Theologia, ut *quæst. 1. artic. 7.* explicatum fuit: ita & Deus ipse est subiectum earum enunciationum, quæ cum veritate de ipso dicuntur.

Ad Secundum, concedo assumptum, & consequentiam; sed falsum supponitur, nimirum, cum quippiam de Deo affirmatur, tunc concipi modo opposito suæ perfectissimæ simplicitati: nam quoniam à parte rei est verissimè iustus, sapiens, misericors &c. citra omnem compositionem, & componibilitatem ob infinitatem intensivam, in qua, & per quam omnia sunt perfectissimè unum; etiam si ratio unius perfectionis formaliter non sit ratio alterius: ita nec intellectu exprimente illam perfectam identitatem, ac enunciante affirmativè unum de alio, ulla incidit compositio, sed duntaxat exprimitur, & significatur perfectissima identitas prædicati cum subiecto.

Ad Tertium ex Dionysio respondeo ex dictis supra, *quæst. 4. artic. 3. §.* *Ad primam auctoritatem*, nolle Dionysium, cum perventum fuerit ad illum gradum cognoscendi Deum per abnegationem, sibi ipsis in negationibus; nam illæ sunt communes enti & non enti, & ita non magis intelligeretur Deus, ac non ens. Est igitur notum intellectui, esse aliquod ens positivum, à quo removendi sunt conceptus omnes accepti ex creaturis; id est, segregandum esse ab his quicquid est imperfectioris, & contra attribuendam summam perfectionem, quo facto verissimè hi conceptus enunciantur affirmativè de Deo, dicendo, esse primum ens, summum bonum, infinitum, omnium comprehensivum, & alia id genus. Nam cum revera illi tales infint perfectiones, intellectus expressivus identitatis earum cum primo ente, nequit esse aliù verus.

Prolegi 4. 3. in argum. principali.

3. dist. 14. q. 1. in argum. principali.

7. dist. 2. q. 3. Hic sunt.

1. dist. 25.

7. dist. 4. q. 2. §. Respondeo 1. dist. 5. q. 4. §. Ad argumentum principale.

1. dist. 8. q. 4. 3. dist. 2. q. 2. & dist. 6. q. 2.



# QUÆSTIO DECIMAQUARTA DE SCIENTIA DEI,

## IN SEXDECIM ARTICULOS DIVISA.

*Post considerationem eorum, quæ ad divinam substantiam pertinent: restat considerandum de his, quæ pertinent ad operationem ipsius. Et quia operatio quadam est, quæ manet in operante: quadam vero, quæ procedit in exteriorem effectum: Primo agemus de scientia, & voluntate, (nam intelligere in intelligente est, & velle in volente) & postmodum de potentia Dei, quæ consideratur ut principium operationis divine in effectum exteriorem procedentis; quia vero intelligere quoddam vivere est: post considerationem divine scientiæ, considerandum est de vita divina. Et quia scientia verorum est, erit etiam considerandum de veritate, & falsitate. Rursum, quia omne cognitum in cognoscente est, rationes autem rerum, secundum quod sunt in Deo cognoscente, ideæ vocantur, cum consideratione scientiæ erit etiam adiungenda consideratio de Ideis.*

## CIRCA SCIENTIAM VERO QUÆRUNTUR SEXDECIM.

- |   |  |
|---|--|
| <p>I. Utrum in Deo sit scientia.<br/>II. Utrum Deus intelligat seipsum.<br/>III. Utrum comprehendat se.<br/>IV. Utrum suum intelligere sit sua substantia.<br/>V. Utrum intelligat alia à se.<br/>VI. Utrum habeat de eis propriam cognitionem.<br/>VII. Utrum scientia Dei sit discursiva.<br/>VIII. Utrum scientia Dei sit causa rerum.<br/>IX. Utrum scientia Dei sit eorum, quæ non sunt.</p> | <p>X. Utrum sit malorum;<br/>XI. Utrum sit singularium.<br/>XII. Utrum sit infinitorum.<br/>XIII. Utrum sit contingentium futurorum.<br/>XIV. Utrum sit enuntiabile.<br/>XV. Utrum scientia Dei sit variabilis.<br/>XVI. Utrum Deus de rebus habeat speculativam scientiam, vel practicam.</p> |
|---|--|

### ARTICULUS I.

#### Utrum in Deo sit scientia.

*Dost. 1. dist. 2. q. 2. §. Ostenso esse de proprietatibus relativis. De primo Principio, cap. 4. conclus. 4. item 1. Report. dist. 35. quæst. 1. artic. 1. S. Thom. 1. p. quæst. 14. artic. 1.*



**V**IDETUR in Deo nulla scientia esse statuenda. Etenim idem nequit reperiri in eodem modo nobiliori, & ignobiliori; sicut calor ex eo quod sit in sole virtualiter, & æquivocè, non est in eo formaliter, & univocè. Sed Deo inest *intelligere* longe nobiliori modo, ac reperitur in ipso formaliter, habet enim omnia per essentiam, in qua cuncta continentur eminenter, & virtualiter; ergo non est in Deo scientia sub propria, & formali ratione scientiæ.

Præterea, In quocunque sunt ex natura rei intellectus. & intelligere formaliter, est in illo potentia ad actum nobiliorem se; quia actus universaliter nobilior est potentia, 9. *Metaphys. cap. 5. & 12.* In Deo nequit esse intellectus ad actum nobiliorem se; ergo nec reperiri potest in ipso scientia, vel intelligere formaliter. Probatio minoris; intellectus divinus respicit essentiam suam prius, ac perfectius, quam *intelligere*: sed quod immediatius se habet ad primum perfectissimum, perfectius oportet esse eo, quod non est ita immediatius; ergo intelligere haud esse potest in Deo po-

tentia intellectiva perfectius: ac per consequens nulla est ibi scientia ex natura rei.

Præterea, Intellectus refertur ad intelligibile; ergo ubi est intellectus ex natura rei, ibi realiter ad intelligibile refertur per scientiam: sed in Deo nulla est relatio realis ad intelligibile extra, ut ad mensuram; nec etiam ad intelligibile ad intra; quia ad intra idem sunt intellectus, & intelligibile; ergo non est in Deo intellectus, nec intelligere, vel scientia.

CONTRA, Augustinus 15. de Trinit. cap. 4. *Conditor nobis rationem naturalem dedit; qua viventes non viventibus; sensu prædita non sentientibus intelligentia non intelligentibus præferenda judicamus: ac per hoc quia rebus creatis Creatorem sine dubitatione præponimus, ideo oportet ut eum & summè vivere, & cuncta sentire, ac intelligere, fateamur.* Si igitur ex eo quod Creatorem rebus creatis præponimus, oportet eum & summè vivere, & summè intelligere, quoniam ex natura rei ille est omnibus præferendus, ex natura rei debet ei summa, ac infinita scientia inesse, & præpollere.

RESPONDEO dicendum, in Deo scientiam esse perfectissimè, quod pluribus, ac magnificè ex scripturis divinis, frequentissimè id asserentibus, declarat Augustinus, 15. de Trinit. Sed & Aristoteles, 12. *Metaphys. Text. c. 39.* dicit, primum Principium vivere vita intellectuali, atque inde esse illi summam delectationem, ac æternam felicitatem. Sed à posteriori sic veritas certissima declaratur; Nam juxta dicta, *quæst. 2. artic. 3.* In primo omnium principio triplex necessario concurret primitas, scilicet efficientiæ, eminentiæ, & finalitatis. Cum igitur sit primum agens, est per se agens, quia *omni causa per accidens prior est aliqua causa per se*, 2. *Phys. Text. c. 66.* Sed omne agens per se, agit propter finem, ex 2. *Phys. Text. c. 49. 61. & 75.* ubi



ubi hoc Philosophus asserit: de natura, de qua minus videtur; ergo multo magis primum efficiens agit propter finem: non propter finem, quem naturaliter diligit, vel vult finē cognitione; quia non amat naturaliter alium finem à se, ut grave centrum; alioquin esset aliquo modo ad finem, quia inclinatus ad illum; igitur agit propter finem, quem cognoscit, dirigendo effectum suum ad finem: nam non cognoscens nihil dirigit, nisi in virtute cognoscens. Primum autem non dirigit, & ordinat effectum suum ad finem in virtute alterius dirigentis, quia tunc non esset primum; ergo ordinat effectum suum ad finem, quem ipse cognoscit; oportet ergo omnino in Primo intellectum, & scientiam esse eadem necessitate, qua est primum per se agens. Deinde, primum agens est pariter primus finis; ergo præfigit finem omnibus aliis agentibus propter finem; sed nequit præstitueret, & præfigere finem aliis agentibus, nisi & omnium illorum fines proprios cognosceret, ad quos singillatim singula exactissime, ac sapientissime dirigit; ergo est in Primo scientia ea in perfectione, qua est ipse perfectus. Denique, sapientis est prima ordinatio, i. *Metaphys. in 1. c. 1. m. 10*; Sed primi finis est omnia ordinare in se, & ad se, tanquam existentia propter ipsum, ut natura participantium exigit, dirigendum, & ordinari in omnium principium, & ultimum finem; ergo illi ita ordinantis omnia est sapientia inenarrabilis, & infinita, & intellectus, cujus est sapere, ac intelligere infinitum.

Aliqui hoc ipsum demonstrari posse putant: quasi à priori, ex eo quia immaterialitas est ratio, quod aliquid sit cognoscitivum; adeo ut secundum modum immaterialitatis sit & modus cognitionis: Unde plantæ non cognoscunt propter earum materialitatem; sensus autem cognoscitivus est, quia receptivus specierum finē materia: & intellectus adhuc magis cognoscitivus, quia magis separatus à materia, & immixtus, ut dicitur 3. de Anima, Text. 4. & inde. Cum igitur Deus sit in summo immaterialitatis, est in summo cognitionis, Contra, sicuti hominem esse talem humanitate nequit probari per alquem conceptum priorem, vel immediatiorem; quia tunc humanitas non foret prima ratio constitutiva ipsius: ita nec declarari potest per conceptum priorem, Deum esse naturæ intellectuales. Etenim vita intellectualis est ratio quiditativa ipsius Dei, adeo ut si Deus definiretur, vita intellectualis, sive intellectuales non esset extra ejus definitionem, sicuti sapiens, vel bonum. Unde Augustinus 15. de Trinit. cap. 5. *Quæ vita*, inquit, *dicatur de Deo, ipsa est essentia ejus, atque natura*; ergo nequit inferri ipsum esse summè cognitivum ex omnimoda immaterialitate, quasi actum, vel conceptum priorem haberet vita intellectualis. Deinde, si secundum gradus immaterialitatis essent & gradus intellectualitatis; ergo cum anima non sit adeo immaterialis, ut natura Angelica, quilibet intellectus humanus foret imperfectioris intelligibilitatis, & quicunque Angelorum perfectioris; quia quando aliquid secundum totam speciem suam est imperfectius alio, & quolibet individuo illius est imperfectius quolibet individuo alterius; alioquin non esset ordo essentialis in speciebus. Atqui falsa est consequentia, ut patet in anima Christi, quæ perfectiorem intellectionem habet de essentia divina, quàm quicunque Angelorum; ergo ex immaterialitate non sequitur veluti per causam vita intellectualis: Quæmodum nec immaterialitas est ratio, cur aliquid sit magis intelligibile in actu; cum materia-

lia quæque, secundum quamlibet conditionem eorum sint actu intelligibilia ab intellectu non dependente à phantasmatis, perinde ac immaterialia.

AD ARGUMENTA. Ad primum, concedo, non esse in Deo intellectum modo nobiliori, & ignobiliiori propriè; quia nec propriè producit ab essentia, ut effectus à causa, in qua virtualiter contineatur: quia infinitum in aliquo contineri non potest, ut in potentia, sed ut in radice, & pelago substantiæ entitativæ continente omnia. Ab vita ergo intellectuali, quæ est essentia primi Principij, originantur tanquam à fundamento, vel pelago substantiæ infinito intellectus, & voluntas, per quas potentias formaliter Deus est intelligens, & volens, & scit omnia, eaque sapientia infinita, & inenarrabili ordinat, & dirigit per voluntatem ad proprios fines.

Ad Secundum respondeo, inter aliqua esse non posse excessum in nobilitate, nisi realiter distinguantur: intellectus autem divinus est idem simpliciter cum actu suo. Cum enim ultima perfectio naturæ intellectualis sit ejus operatio, qua conjungitur opinio, si primi Principij operatio non sit ejus substantia, non foret talis substantia optima, quia aliud à se distinctum esset suum opus. Assumptum igitur est verum dantat quum utum ordinatur ad aliud ab se simpliciter distinctum, ut ad extrinsecum finem sui perfectivum; nam alioquin nihil efficit aliquid nobilior se, ac propterea actus substantialis est nobilior in entitate quocunque accidente. Et cum arguitur, quia intellectus est immediatior perfectissimo, nempe, essentia divinæ; ergo oportet esse perfectiorem suo actu. Dicendum, utique eundem ordinem habere aliqua, ubi distinguuntur ratione, quem servant, si realiter distinguantur; unde primæ essentia sunt immediatiora essentialia, à quibus sunt actus secundum, quàm ipse operationes, præsertim si dicant respectum ad extra. Sed tamen unum non esse dicendum alio perfectius: etsi enim actus secundus præsupponat primum re, & ratione, ubi tamen sunt eadem res infinita, unum non est altero perfectius. Et quamvis unum ex sui ratione possit esse immediatius essentia, ut pelago infinitæ perfectionis, id tamen non arguit in posteriori ullam ignobilitatem, sed existentiam præsuppositionis alterius, non ex aliqua imperfectione, sed de natura talium extremorum, ut voluntas respectu intellectus, & sicuti actus productivus Filij prærequiritur ad productionem Spiritus Sancti.

Ad Tertium dicendum, intellectum ad intelligibile referri, ubi est realis distinctio extremorum: At in Deo intellectum, & intelligibile esse unum quid re indistinctum. Sed nec importare talem relationem ad creaturas in esse intelligibili, etiam si intelligantur habere esse necessarium per actum intellectus divini; quia impossibile est simpliciter necessario esse idem realiter aliquid, quod possit non esse ex deficientia possibili, vel impossibili minus necessarij: de quo actum q. 3. art. 6. iterum repetito, & quæst. 11. de Dei immutabilitate.

Thomas hic  
saintiæ.

Quodlib. q. 1.  
De secundo  
membro V. Sec-  
unda ratio.

Quodlib. q. 1.  
Prolog. Res-  
pond. q. 1. n. 43.



## ARTICULUS II.

An Deus intelligat se.

*Doct. locis citat. artic. præcedenti; Prologi q. 3.  
Quodlib. quæst. 14. §. Hic intelligendum,  
12. Metaphys. q. 22. S. Thom. 1. part.  
quæst. 14. artic. 2.*

**VIDETUR** Deus haud intelligere se. Nam secundum Auctorem de Causis, Proposit. 15. *Omnis sciens essentiam suam, redit ad ipsam rediitione completa.* Sed primum Principium nunquam suam exit essentiam; quia nullo modo movetur; ergo sibi non convenit redire ad essentiam suam, atque ita nec intelligere seipsum.

Præterea, *Intelligere* est quoddam moveri, vel pati, seu pericli; sed nihil movetur, vel patitur, vel perficitur à se ipso; ergo nihil intelligit seipsum.

Præterea, Intellectus intelligit se eodem modo, quo percipit alia, per Aristotelem, 3. de Anima *Tex. c. 15* ergo si primum Principium intelligeret se ipsum, intelligeret se per aliud, sicut anima novit se per alia intelligibilia: vel intelligeret se intelligendo alia; quod etiam à Philosopho negatur, 12. *Metaphys. Tex. c. 51.*

Præterea (& est argumentum Aristotelis 12. *Metaphys. Tex. c. 51.*) Si primum intelligit se ipsum, quoniam ipsum est sua intelligentia, sive suum intelligere, in tali intelligere non est aliud, quam intelligens intelligentia: Sed hoc non videtur; quia sensus, & opinio, & scientia, & meditatio semper videntur esse alterius principaliter; & si aliquid istorum est sui ipsius, sicut aliquis se sentit sentire, & scit se scire, id est ex annexo, & minus principaliter.

**CONTRA**, In primo Principio est scientia, ex articulo præcedenti; ergo oportet esse scientiam perfectissimam, nimirum, in eo gradu perfectionis, & nobilitatis, qua præditæ sunt cæteræ divinæ perfectiones: scientia autem mutuatur suam nobilitatem, & perfectionem ab objecto; ergo cum Deus sit entium eminentissimum, de tali objecto scientia sua potissimum erit; ergo intelligit seipsum.

**RESPONDEO** dicendum, Deum intelligere seipsum. Etenim divina essentia ex se, & de se existens, eo quod infinitate præaccipiat, contineatque quicquid perfectionis in uno potest esse, est actus purissimus re, & ratione, omnem excludens potentialitatem. Est ergo infinite intelligibilis, ac infinite subinde virtutis ad movendum intellectum etiam infinitum ad sui exactam, completamque intellectionem; igitur tale ens, vel esse infinitum in entibus est omnino primum motivum motione naturali. Nam motio omnium prima in entibus est necessario naturalis; quia omni motioni voluntatis, vel non naturalis est alia præsupposita; igitur sicut primum motivum naturale est ipsum esse infinitum, ita primum mobile naturale est intellectus infinitus; prima itaque naturalis, & omnino necessaria motio est intellectus infiniti ad intelligendum objectum infinitum: siquidem etsi possit quoque primum motivum movere ad intelligendum terminum finitum in infinito virtualiter, & eminenter contentum; hæc tamen motio est necessario posterior illa, quia impossibile est infinitum præexigere finitum; igitur primum principium necessario intelligit seipsum, vel essentiam suam: quæ est infinite intelligibilis, & activitatis ad mo-

vendum primum mobile ad sui intellectionem.

Deinde, in primo omnium principio est necessario ponenda scientia omnium, quorum ex ratione primæ causæ per se, & ultimi finis est directivum, & ordinativum ad proprios fines, & ad seipsum, cujus gratia sunt omnia, atque ad illud oportet ordinari, à quo & esse acceperunt: igitur aut se illa omnia in seipso, & per seipsum, aut per aliud quid ab ipso: si per se ipsum: ergo scit, atque intelligit se, per cujus scientiam scit omnia, id est, infinita, quæ continentur in ipso: si per aliud intelligit: igitur infinitum mobile movetur ab motivo finito, quod est impossibile, quia tunc infinitum præexigeret finitum, à quo & perficeretur, & ita ille intellectus vilesceret, nec esset optima substantia nullius alterius à se indiga: quia opus illi forent omnia illa, quorum haberet scientiam per immutationem sui intellectus ab illis. Postremo sunt rationes, quibus Aristoteles, 12. *Metaphys. Tex. c. 51.* conatur ostendere, Primum principium intelligere seipsum, ejusdemque intellectionem non esse aliud ab ejusdem substantia. Et quidem quoniam intellectus perfectio est intelligere in actu, non est arbitrandum intellectum Primi intelligere in potentia: quia tunc non erit quid insigne, & venerabile, sed se haberet ut dormiens: est igitur intelligens in actu, & non per aliud à se, quia tunc aliunde perficeretur: nec esset optima substantia, quia nihil est optimum, & nobilissimum per aliud à se ipso: sua igitur intellectio est ejus substantia. Rursus, actus specificatur principaliter ex objecto: quanto igitur objectum nobilior, tanto & actus nobilior: est ergo manifestum, oportere primum nobilissimum, & honorabilissimum intelligere, nec de uno objecto intelligibili in aliud transmutari, quia transmutatio esset in indignius, quod illius nobilitati non congruit.

**AD ARGUMENTA.** Ad primum respondeo, redire super suam essentiam nihil aliud esse, quam per se subsistere: Forma enim, quæ perficit materiam, quodammodo effundit se, vel diffunditur super materiam: & ideo virtutes cognitivæ non per se subsistentes, non dicuntur ad suam essentiam redire: sed virtutes cognitivæ per se subsistentes. Cum ergo primo Principio maxime conveniat per se subsistere, maxime, ut ita dicatur, potest in se redire, vel ad suam essentiam.

**Ad Secundum dicendum, intelligere** haud esse pati, vel moveri, secundum quod motus est imperfecti, ut dicit Philosophus, 3. de Anima, *Tex. c. 22.* sed magis secundum quod est actus perfecti, & præsertim intelligere Primi principij. Ejus itaque *Intelligere* dicitur pati, vel moveri, vel etiam perfici, non re ipsa, sed duntaxat juxta modum quemdam apprehensionis nostræ.

**Ad Tertium respondeo** sic: quemadmodum se habet materia prima in ordine entium, ita & intellectus noster in ordine substantiarum intellectualium. Materia autem non possidet esse naturale, nisi per formam, quæ perficit ipsam; & pariter intellectus noster est in actu per formam, & similitudinem intellectualem: Ex quo fit, ut per similitudinem hanc intelligibile intelligat: attingendo autem intelligibile, potest & suum percipere *intelligere*; & intelligendo tale *intelligere*, novit & seipsum. Intellectus ergo noster non intelligit se, nisi per aliud, ex eo quod ultimum gradum teneat in ordine substantiarum intelligibilium: vel fortè ex infirmitate, cui implicatur, & præmitur pro conditione præsentis status. At contraria omnino est ratio in intellectu divino: quoniam

Doct. in  
in Conclus. per  
per 12. Metaph.  
p.

2. c. 10. 3. q. 8.  
in primo principij.

Doct. in Com-  
ment & in  
conclusion. lib.  
12. Metaphys.

gr. Report. dist.  
35. q. 2. obier-  
te declaratur  
qualiter essen-  
tia divina est  
primum ob-  
jectum intelli-  
gendi: immo  
primitate per-  
fectionis, &  
comparationis;  
& cum eo fiat  
ratio essen-  
tia; quia sub  
easdem condi-  
tiones cetera  
omnia, quæ  
intellectui di-  
vino obijciun-  
tur.



niam enim est actus purus, & infinitus, esse nequit in potentia ad aliud, sicut intellectus finitus, ac propterea non per aliud, sed per se ipsum intelligit se unum; atque in eo cætera omnia, nempe infinita, quæ in omnium causa continentur, longè perfectiori modo attingit, ac sint in se ipsis.

Ad Quartum est responso Philosophi, loco citato §. *Aut in quibusdam*, in rebus materialibus, prout sunt scitæ, sive practicæ, sive speculative, idem est scientia, & res scita: idem est enim domus in mente artificis, & scientia domus: & similiter in Theoricis ratio rei, & ipsa res, prout est in anima, ejusque intelligentia idem sunt eo modo, quo fit unum ex cognoscente, & cognito. Si igitur ita evenit in intellectu finito, multo magis in intellectu infinito idem erit intelligens, & intellectum, non secundum considerationem, sed secundum rem, cum intelligat se ipsum. Idem est igitur in solo Deo intelligentia, & intellectum, & subsistens idem quoque est intelligentia intelligentiæ, & intelligentia intelligibilis, eo quod idem sit intelligens, & intelligibile. In aliis vero contraria est ratio; quia alia sunt intelligibilia, à quibus perficiuntur, & ad quæ sunt in potentia, ideo per se illarum sunt, & principaliter. Primum autem unum duntaxat per se intelligit, quod est primum intelligibile, & primum motivum; & exinde ad reliqua intelligenda ab eodem illo unico pariter movetur, per cujus motionem intellectus divini prospectui apparent, & videtur quæcunque sunt intelligibilia: etsi hæc duos ordines, duplexque genus constituent, quibus & duplex in Deo correspondet scientia, scilicet, necessarium, & contingentem, de quibus in sequentibus.

### ARTICULUS III.

Utrum Deus comprehendat se ipsum.

Doct. locis in margine citatis S. Thom. 1. part. quæst. 14. artic. 3.

**V**IDETUR Deus minimè comprehendere se ipsum. Nam juxta Augustinum l. b. 12. de Civit. Dei, cap. 18. *Quicquid scientia comprehenditur, scientis cognitione finitur*: Sed Deus est in se intensivè infinitus, & quid prius naturaliter sua operatione: ergo nequit sua scientia finire, ac per consequens nec comprehendere.

Præterea, Essentia divina ut essentia est, quodammodo est prior, ac perfectior ipsius proprietatibus, & operationibus, quarum sunt principia proprietates, juxta illud Damasceni lib. 1. cap. 12. *Totum in se ipso comprehendens habet esse velut quoddam pelagus substantiæ infinitum*. Sed intelligere est operatio intellectus ergo hac operatione non comprehenditur totum esse infinitum, quod est prius, & perfectius tali actu intelligendi: quippe qui infinitus non fit in linea essendi, sed duntaxat in esse determinati intelligendi.

CONTRA, Augustinus Epist. 112. cap. 8. *Totum, inquit, comprehenditur videndo, quod ita videtur, ut nihil ejus lateat videntem*. Nihil autem essentia Dei latere potest intellectum ipsius: quia tunc ea scientia non foret infinitè perfecta, & honorabilissima: non attingeret enim, nec pervaderet quicquid in entibus est intelligibilitatis.

RESPONDEO dicendum, Deum actu suo intelligendi certissimè comprehendere se ipsum. Nam tunc intelligibile scientia comprehenditur, cum tanta est objecti intelligibilitas in ratione objecti intelligibilis, quanta & vis intelligendi actus cir-

ca illud tendentis: quia tunc est perfecta adæquatio, & commensuratio, & nullus excessus unius respectu alterius. Atqui intelligere divinum est intensivè infinitum, cum perfectio simpliciter sit, habeatque in primo principio statum in ultimo perfectionis suæ: ergo perfectè adæquatur, atque commensuratur objecto item intensivè infinito, & infinitæ intelligibilitatis: ergo perfectissimè comprehenditur ab actu pariter intensivè infinito: quia nihil potest reperiri, & esse in tali objecto, quod ipsum lateat videntem: de qua re actum supra, quæst. 12. artic. 7. acturique 3. part. quæst. 10. artic. 1.

AD ARGUMENTA. Ad primum respondeo, dictum Augustini non esse accipiendum, quasi absolute finiatur omne id, quod scientia comprehenditur; quia tunc cum primum principium sit revera necessario infinitum, nequiret scientia comprehendendi, ne infinita quidem, quod erroneum est. Vult igitur Augustinus, finiri quod comprehenditur, non in se, & absolute, sed cognoscenti, quatenus respectu cognitionis comprehendivæ perinde se habet, ac si esset finitum; quamvis alioquin sit infinitum, ac intelligibilitatis infinitæ, quia adest perfecta adæquatio, & commensuratio, ut dictum est.

Ad Secundum dicendum, quoniam essentia divinæ est perfectè idem potentia intellectiva, ipsumque intelligere, ideo & infinita vis illa intellectiva potest esse principium operationis itidem infinitæ, secundum intensionem, qua subinde comprehendatur objectum infinitum, quod est totum esse sic, ut nihil in eo super sit, quod perfectissimè ab illa operatione infinitè perfectè non attingatur. Et cum probatur ex ratione prioritatis, respondeo sic: prioritas illa est quasi prioritas fundamenti: illud autem fundamentum non solum est perfectè idem cum illo, quod intelligitur fundari in eo: verum etiam illud habet perfectionem formalem intensivè infinitam; ac propterea perfectè, identicè, & unitivè continet perfectionem fundamenti: sicut ergo est operatio illa intelligentiæ intelligere, & quidem comprehensivum, ita & eadem scientia perfectissimè comprehenditur fundamentum, cui est pariter perfectissimè idem, ejusque unitivè contentivum.

### ARTICULUS IV.

Utrum ipsum intelligere Dei sit ejus substantia.

Doct. 1. dist. 2. q. 2. §. Nunc ulterius, & §. Ostendo De primo Principio, cap. 4. conclus. 56. 12. Metaphys. quæst. 23. S. Thom. 1. part. quæst. 14. artic. 4.

**V**IDETUR ipsum intelligere Dei non esse ejus substantia. Etenim operatio dicit aliquid procedens ab eo, cujus dicitur esse operatio: sed intelligere est quædam operatio naturæ intellectualis; ergo cum primum Principium ab alio non procedat, nec procedere possit, operatio intelligentia minimè spectare potest ad ipsius substantiam, sed magis esse substantiæ intellectualis præsupponat oportet.

Præterea, Intelligentes se intelligere, non intelligit aliquid principale, sed quiddam accessorium, & secundarium, sicut dicit Philosophus 12. Metaphys. Text. c. 51., ergo si Primi principij substantia esset ipsum intelligere, profecto non aliud foret intelligere Deum, quam cum percipimus ipsum intelligere; ergo Dei intellectio non esset censenda aliquid magnum, & principale, sed potius quid

Doct. in  
Comment. m.  
77.

S. dist. 14. q. 2.

Quodlib. q. 14.  
§. Si arguitur  
contra hoc n.  
38.

Doct. Theo-  
sem. 8. n. 4.

S. dist. 22. q. 2.  
§. De ratione  
huius V. Secun-  
do sic.

Quodlib. q. 14.  
citatio. 19.



quid accessorium, & minus principale.

Præterea, Si Dei substantia sit suum intelligere, ergo Deum intelligere se, esset se intelligere: ac proinde cum ipsum sit suum intelligere, erit intelligere se intelligere, intelligere se, & sic in infinitum; ergo intelligere Dei non est sua substantia.

CONTRA, Augustinus 7. de Trinit. cap. 4. dicit, Deo hoc est esse, quod sapientem esse: & idem habet 15. de Trinit. cap. 13. Hoc autem est sapientem esse, quod intelligere. Sed esse Dei est ejus substantia, ut 9. 3. artic. 4. ostensum fuit: ergo intelligere Dei est ejus substantia.

RESPONDEO dicendum, omnino Dei intelligere aliud non esse, quam ipsius substantiam. Declaratio: Primum principium intelligit se, & quidem actu comprehensivo, nempe adequatissimo infinite intelligibilitati ipsius, ex dictis in præcedentibus articulis: ergo si is actus intelligendi intensivè infinitum non sit idem ac substantia ipsius intelligibilis infiniti, profecto aliud quid esse oportet ab illa: ergo est quid causabile, atque effectibile: Nam incausatum, & ineffabile non est aliud, quam substantia Primi principij, & quicquid est idem illi. A qui nihil causabile & effectibile est, aut esse potest intensivè infinitum: ergo actus, quo Deus intelligit, comprehenditque seipsum, non potest esse aliud quid à substantia ipsius. Rursus, prima omnium causa, cum sit à se, circumscripto quocunque alio, ex se habet, ut influat in omne causabile, saltem ut causa prima: sed circumscripta intellecti one, qua seipsum comprehendit, non habet unde per se influat in causabilia: quia causam primam oportet præcognoscere quicquid causat, alioquin non valeret ea ordinare ad proprios fines, & ad se ultimum finem: ergo evidenter ipsius intellectio nequit esse aliud à sua substantia, à qua & accipit omnium aliorum, & causarum cognitionem: quia tunc ex se non haberet unde cognosceret causanda, & dirigenda in proprios fines.

Deinde huc conclusioni declarandæ sunt rationes Aristotelis 12. Metaphys. Text. c. 51. Si is actus intelligendi non esset idem ac ipsum intelligibile, videretur continuatio talis operationis fore sibi laboriosa, sicut & nobis. Verum ad certam conclusionem adducit medium probabile: Non enim si potentia differat ab actu, propterea is actus erit laboriosus, ut constat in intelligentiis beatis; labor ergo, & defatigatio in nobis ortum habet ex aliis causis. Rursus arguit, si intelligere in Primo non sit ipsius substantia: igitur non esset optimum, & honorabilissimum, quia suum intelligere haberet ab alio. Hæc ratio declaratur sic: Prima natura cum sit intellectualis est activa, sive operativa: sed perfectio ultima entis in actu primo, consistit in actu secundo, sive in ipsius operatione, quo conjungitur optimo: ergo si id, per quod prima natura est in ultimo suæ perfectionis, quoque conjungitur optimo, est quid diversum ab ipsius substantia, talis natura non erit optima, quia aliud est suum optimum. Præterea, innuit hæc rationem, §. Nam si non intelligat: si intelligere in Primo principio sit aliud ab ipsius substantia: tunc profecto talis essentia compararetur ad intelligere, sicut potentia ad actum: ergo cum in primo nulla sit potentia ad perfectionem ab se distinctam, nec intelligere erit aliud ab ejus substantia.

Denique, aliis hæc veritas ita declaranda videtur: Potentia intellectualis Primi principij, & objectum ejus sunt idem; ut articulo 2. præostensum fuit; ergo & actus, quo potentia hæc suum attingit objectum, est idem cum ipsis. Hæc ratio ines-

ficax est; habet enim manifestam instantiam: si quidem Angelus intelligit se, & amat se ipsum, & tamen ij actus realiter distinguuntur a substantia ipsius. Est ergo fallacia Accidentis, ex identitate aliquorum inter se, concludere identitatem respectu tertii, cui extranea sunt. Exemplum: intelligere divinum est idem suo velle; ergo si ipsam intelligere est alicujus, ipsum velle est ejusdem; non sequitur propter accidens.

AD ARGUMENTA. Ad primum dicendum, utique intelligere esse operationem nature intellectualis, non quidem in aliud procedentem, sed potius in operante manentem. Quod si intelligere est operatio immanens, multo magis in Primo principio erit immanens; non est enim aliud, nisi substantia intelligens: non procedit ergo ejus operatio in aliud, nisi secundum apprehensionem nostram; non quod ab intellectu non sit, sed quoniam est eadem ac ipsius substantia.

Ad Secundum respondeo, majorem esse veram, quum intelligens se intelligere, non intelligit quiddam in se subsistens; tunc quidem id intelligere existimandum quid accessorium, & non principale. Sed quoniam intelligere Primi est in se subsistens, & una res cum ipsius substantia, ideo ipsum intelligere non est accessorium intelligere.

Ad Tertium, dicendum, ipsum intelligere non esse intelligere aliud, sed seipsum. Quare, si Primum principium foret intelligere: & intelligere suum esset aliud intelligere, utique procederetur in infinitum. Sed in proposito aliter rem se habere, ex dictis manifestum est.

Ad Argumentum ad oppositum, quod ex auctoritate Augustini procedit, propter quam aliqui putant, intelligere spectare ad substantiam, & quiditatem Dei, sicuti & ipsum esse. Respondeo, hanc sanè esse non potuisse mentem Augustini, constat ex dictis ejus, 15. de Trinit. cap. 5. Si dicimus, inquit, sapiens speciosus, potens, spiritus, horum quod novissimum per sui, videtur significare substantiam: cætera vero hujus substantiæ qualitates; ergo si idem est sapientem esse quod intelligere; utique id intelligere non erit gradus quiditativus substantiæ Dei, sed magis ejusdem qualitas. Eatenus igitur, atque ea mente Augustinus pronunciat idem sapere, ac esse, quia eodem 7. de Trinit. cap. 5. negat identitatem Deitatis, & paternitatis; Non eo, inquit, Pater, quo, Deus. Porro sapientia, vel operatio intellectiva, cum una eademque sit in tribus, unum ex essentialibus prædicatis est; (prout essentialia distinguuntur contra notionale) ea autem prædicata ob formalem infinitatem, quasi mutuo identificantur, quod relationi paternitatis deest; quia non formaliter infinita: idem est igitur sapere, & esse; quia eadem sapientia Dei est in tribus suppositis: sed non in tribus suppositis est paternitas, aut aliæ relationes personales; attamen quemadmodum cætera attributa, quæ appellantur ab Augustino substantiæ qualitates, non spectant ad rationem quiditativam illius, ita nec intelligere, vel sapere est gradus Dei quiditativus: est talis dicendus sit vita intellectualis; de quo infra quæst. 18. artic. 3.

De primo principio cap. 4. 13.

6. Thom. hic  
§. Ad oppositum.

B. Thom. hic  
§. Ad oppositum.

Doct. 1. dist. 8.  
c. 4. §. Contra  
id. V. Ad  
cuncta dubium.

Doct. in  
Comment. &  
Concl. super  
12. Metaph.

Videndus Ly-  
cheus super q.  
1. Quodlib. &  
Recentiores  
Scotitæ super  
1. Sent.

B. Thom. hic  
in solutione.



ARTICULUS V.

Utrum Deus cognoscat alia à se.

*Doct. 12. Metaphys. q. 24. 1. dist. 2. q. 2. §. Quarta conclusio item 1. Report. dist. 36. q. 1. de primo principio, cap. 4. conclus. 8. S. Thom. 1. p. quæst. 14. artic. 5.*

**V**IDETUR Deus haud cognoscere alia à se, per argumentum Philosophi 12. *Metaphys. Tex. c. 15.* Nam si intellectus Primi principii intelligat alia à se; ergo aliquid est illo dignius: consequens est falsum; ergo & antecedens. Probatio consequentiæ: intelligibile est perfectio intelligentis, & ex ipso intelligibili nobilitatur intelligere, ergo si Deus cognoscit alia à se ipso, acciperet nobilitatem ab illis, & subinde perfectionem; ergo illa, à quibus perficitur, sunt digniora se: aut saltem ejus intellectus vilesceret, si à villioribus mutuaret suam perfectionem, & actum intelligendi.

Præterea, Potentia non excedit suum proprium objectum in operando: objectum autem intellectus divini est prima essentia, primumque motum; ergo is intellectus intelligendo non excedit primum intelligibile, cui est idem. Si verò ferretur præterea in alia intelligibilia ab ipso intelligibili primo, excederet primum ejus objectum; ergo Deus non cognoscit alia à se.

Præterea, Cum plura cognoscuntur unica ratione, cognoscuntur indistinctè, sed quicquid ab intellectu divino cognoscitur, distinctissimè cognoscitur; quia per rationem unicam essentia suæ; igitur intellectus divinus non scit aliud ab essentia sua, alioquin cognosceret plura distinctè per unicam rationem cognoscendi; quod videtur impossibile.

Præterea, Intellectio præcipuam perfectionem seu specificationem mutuatur ex objecto; ergo si intellectus divinus se extenderet ad cognoscenda alia ab objecto infinito, ratione cognitorum foret sua ipsius intellectio non infinita; vel essent in ipso alia intellectiones accidentales, ab unica illa infinita, qua comprehendit objectum infinitum. Id verò est planè inconveniens; ergo unicum duntaxat est intelligibile, & intellectum intellectus divini.

**CONTRA,** Ad Hebræos 4. *Omnia nuda, & aperta sunt oculis ejus.* Ergo divinus intellectus extenditur ad cognoscendum omnia prorsus intelligibilia.

**RESPONDEO** dicendum, Deum necessario intelligere omnia alia à se: Declaratio; contradictio est, primam omnium causam esse à se, & non habere ex se undè influat in omnia, tanquam prima eorum causa: sed nisi ex se illa omnia intelligeret, non haberet ex se undè influeret in illa; quia agens à proposito, agit prævia cognitione, in quo distinguitur ab agente naturali: & agit amore finis, quem non potest diligere, nisi præcognoscat; ergo necessario Deus cognoscit omnia alia à se. Deinde, perfectionis est in intellectu, posse distinctè, & actu intelligere; imò necessarium ad rationem intellectus; quia intellectus omnis est totius entis communissimè sumptis; ad omne enim intelligendum necessario inclinatur; ergo intellectus primi, cui inest omnis perfectio, actu, & perfectissimè intelligit omne intelligibile, intellectio-

ne sibi substantiali, ac identificata; ac proinde non expectat tendere in alia à se, eorum existere reale; nam quicquid est idem primo necessario, est *neceffe esse*: alia autem intelligibilia non sunt *neceffe esse*; ergo hæc intelliguntur distinctè, ac perfectissimè actu necessario, & eterno, priusquam sint in *esse* realis existentia, scilicet eodem actu, quo intelligit se; non quasi ab his moveatur: id enim est impossibile, potentiam nempe moveri ab objecto non sibi proportionato, uti est finitum respectu infiniti; sed quatenus post motionem ad intelligendum infinitum, movetur ad alia percipienda, quæ subinde intelliguntur ut objecta secundaria in objecto primario prius cognito.

Tandem, continens aliquid virtualiter in suo *esse* reali, continet illud in *esse* cognoscibili. Sed Deus in *esse reali* continet omnia alia à se virtualiter; ergo & eadem continet in *esse* cognoscibili: ergo omnia alia à se cognoscit in se ipso. Probatio minoris: nam nisi in prima forma continerentur omnia, in nullo alio continerentur virtualiter, nec formaliter: quia nihil potest esse in effectu, nec in causa secunda virtualiter, nisi eminentius sit in causa prima: causa enim proxima continet quidem effectum suum, sed non à se: ab alio ergo habet sic continere, quod proinde debet esse omnium contentivum longè eminentissimum, propter quam continentiam omnium perfectionum est ratio intelligendi alia à se, ut exactius declarabitur *artic. sequenti*.

hic in solutione.

Veruntamen alii declarant Deum intelligere alia à se per hoc, quia Deus est omnium aliorum causa: omnia enim in Dei virtute continentur. Virtus autem alicujus rei perfectè cognosci non potest, nisi cognoscantur ea, ad quæ virtus se extendit: ergo cum virtus divina se extendat ad alia, eo quod sit causa prima effectiva omnium entium, necesse est Deum alia à se cognoscere. Contra, Virtus divina respectu creaturarum est omnipotentia: sed Deus non scit possibilia, quia omnipotens: imo est potens producere illa, quatenus voluntati ab intellectu ostenduntur non repugnare, seu esse possibilia: ergo prius natura Deus necessario scit omnia possibilia, quàm ea ad omnipotentiam comparentur; à qua & physicam, seu objectivam possibilitatem accipiunt, quam non recipit chymera, eo quod intrinsecè repugnare cognoscatur. Undè per impossibile circumscripta omnipotentia, non propterea per locum intrinsecum aufertur à Deo omni scientia possibilibum. Rursus, in eo signo, quo intellectus infinitus movetur ab essentia divina, comprehendit eam: sed tunc non novit quæ continentur virtualiter in causa: ergo potest causa perfectè cognosci, non cognitis quæ in ea virtualiter includuntur. Probatio minoris: si eo in actu, quo Deus cognoscit se, includeretur cognitio alterius à se, perfectio esset beatus per cognitionem aliorum à se: Id autem est falsum, secundum Augustinum 5. Confessi cap. 4. *Qui verò & te, & illa novit, non propter illa beator, sed propter te solum beatus est*; ergo visio aliorum à Deo non includitur formaliter in visione Dei per quam Deus est beatus: igitur comprehensio causæ non includit comprehensionem effectuum: sicuti nec comprehensio principii postulat ut comprehendantur conclusiones ex eo deducendæ: quia stat perfecta principii cognitio, quamvis nulla conclusio exinde inferenda cognoscere-tur. Non negamus tamen, intellectum divinum comprehendendo virtutem potentis deitatis, quantum est cognoscibilis, videre quæcunque possunt ab illa produci: sed tamen in priori signo videt

1. dist. 42.

1. Report. loc. cit. n. 9.



possibilia non repugnare ab intrinseco, & ideo esse posse objectum divinæ virtutis, vel omnipotentie.

AD ARGUMENTA. Ad primum respondeo, Philosophi rationem procedere de *alio*, quod est objectum motivum, & per se terminativum actus intellectus. Tale enim objectum, cum natura præcedat actum, si foret aliud ab essentia divina, intellectus mutaret suam secundariam perfectionem ab alio extra seipsum: quod est impossibile, cum per intelligere suum uniat intellectus alia intelligibili. In proposito autem intellectus alia intelligit, quæ non movent ipsum, nec terminant, nisi quatenus per prius terminatur ad objectum motivum, neque ab his recipit ullam perfectionem, nec vilescit per attingentiam eorum; quia actus quoad suum esse non est coexigativus talium objectorum: imo illa consequuntur ex perfectione actus infiniti, atque ab ipso dependent.

Ad secundum dicendum, verum esse assumptum, propriè loquendo de excessu. Sed intellectus divinus intelligendo aliquid inclusum virtualiter in primario ejus objecto, illud propriè non excedit. Ut ergo potentia, & objectum proprium sint adæquata, atque proportionata, satis est id objectum in ratione motivi, & terminativi potentiam non excedere; quod sanè evenit in casu; nam alia ab divina essentia nec movent, nec terminant actum divini intellectus, nisi quatenus per prius terminatur ad objectum ejus motivum, atque ita secundario ad eadem intelligibilia terminatur, quæ sunt necessaria sequela actus intensivè infiniti.

Ad tertium respondeo, si illud unum, per quod plura cognoscuntur, sit illimitatum, optime per illud posse plura, imo omnia, quæ in illo continentur, distinctissimè cognosci. Tale autem illimitatum est divina essentia intensivè infinita, atque ex se omnium repræsentativa; itaque est ratio distinctè cognoscendi omnia, perinde ac si unus duntaxat intelligibilis esse repræsentativa. Cum enim continere sic omnia virtualiter, & eminenter sit proprium ejus essentia solius, per hoc quod moveat intellectum ad intellectionem unius, non propterea aliquid ablatum est de perfectione ejus, ob quam continet reliqua omnia: potest ergo simul omnium esse repræsentativa ex ratione suæ illimitatæ perfectionis.

Ad Quartum dico, assumptum esse intelligendum de objecto motivo, & per se terminativo, non verò de aliis, à quibus nec specificantur, nec aliquam exinde hauriunt potentia perfectionem, ut evenit in secundis intentionibus intelligendis. Et cum infertur, fore ratione talium cognitorum intelligere divinum finitum: Falsum est; quia sicuti intellectio Beatorum non est infinita ob visionem objecti infiniti: ita nec intelligere divinum finitur ex lapidis intellectione, quia infinitè intelligit lapidem; nam modus agendi sequitur virtutem agentis, nec esse queunt intellectiones finitorum in Deo accidentales; quia unico actu intelligendi infinito, quo scit se, intelligit & reliqua omnia, quatenus secundario terminatur ad illa: sicuti ergo suum intelligere est ipsius substantia, ita & intellectio omnium aliorum non est aliud quid à sua ipsius substantia.

Utrum Deus cognoscat alia à se propria cognitione.

Doct. 12. *Metaphys.* q. 25. 1. dist. 35. q. *Unic. in Report. ibidem* dist. 36. quæst. 2. artic. 6.

VIDETUR Deus non cognoscere alia à se propria cognitione. Etenim non alia ratione, & modo Deus novit alia à se nisi secundum quod alia sunt in ipso: nequit enim alia cognoscere, nisi in se ipso, ut articulo antecedente extitit declaratum: Sed cætera quæ intelligit ab ipso, sunt in eo sicuti in omnium causa; ergo omnia quæ novit, cognoscuntur ut in causa, scilicet in universalis, & non propria cognitione, qua unumquodque ex his natum esset cognosci.

Præterea, Eadem est discretio, atque distantia Primi principii à quocunque causatorem, & possibilem, ac horum ad ipsam primam causam: sed ex ea discretione, per nullum causatum potest distinctè apprehendi, & cognosci prima omnium causa; ergo neque per ipsius causæ cognitionem distinctè & propriè queunt intelligi causata.

Præterea, Propria & distincta cognitio rerum habetur per propriam uniuscujusque rationem; sed idem nequit esse propria, & distincta ratio quæque cognoscendi, sicuti nec essendi; ergo cum Deus sciat omnia per se ipsum, propriam & distinctam cognitionem illorum non potest habere.

Præterea, Ex dictis supra, q. 4. art. 2. Perfectiones simpliciter communes Deo & creaturis, sunt in illo formaliter, reliquæ vero, nempe perfectiones finitæ, & secundum quid, duntaxat virtualiter. Sed hæc virtualis continentia non videtur satis esse causandæ distinctæ cognitioni ejus, quod ita continetur; ergo etsi Deus distincta cognitione attingat creaturas quoad perfectiones simpliciter in ipsis repertas, non tamen quoad cæteros gradus limitatos.

CONTRA, Ad Hebræos 4. *Omnia nuda & aperta sunt oculis ejus*; ergo cætera omnia à se cognoscit Deus propria, ac distinctissima cognitione.

RESPONDEO dicendum, Deum cognoscere unumquodque propria cognitione, id est, secundum omne id, quod entia sunt in se cognoscibilia. Et quidem quod ita sit, evidens est ex dictis in *antecedentibus articulis*. Cum enim Deus sit prima omnium causa, quia à se, necessario agit gratia finis; id namque convenit etiam causis secundis per se causantibus. Finem autem nequiret velle; nec dirigere effectus, ad congruos, ac necessarios fines, nisi præcognosceret quæ ordinantur ad finem propria, ac distincta cognitione: quoniam ergo ipse est finis omnium, quæ sunt, oportet per ipsum omnibus præscribi fines proprios, quibus deinde reducuntur ad ultimum finem. Argui manifestum est fieri non posse, ut alicui proprius præscribatur finis, & ordinetur ad illum, nisi propria, & distincta cognitione perfectè attingatur: Nam unumquodque ad proprium, & particularem finem ordinatur, quatenus ab aliis distinguitur: ergo sibi is finis præscribitur, ut ita distinctum cognoscitur. Denique ea, quibus articulo præcedenti ostensum est, oportere Deum cognoscere alia à se, perinde hoc ipsum demonstrant: nam cum perfectionis sit, quod cognoscitur, distinctè cognosci, perfectio intellectus divinus nequit quidquam intelligere, nisi modo perfectissimo, ac consequente infinitam perfectionem ejus: sic ergo omnia attingit, ac si

Doct. in Comm. super 13. *Metaphys.* Tex. 51. cit. q. 74.

Quælib. q. 12. §. *Hic intelligendum.*

s. Report. loc. cit.



ac si unicuique propria corresponderet comprehensiva intellectio.

Qualiter autem id ita sit, ex eo potest intelligi, quod cum in primo omnium principio contineantur omnia quæ sunt, quæve possunt esse virtualiter, ipsum esse infinitum est omnium virtuale exemplar eminentissimum. Porro non est intelligendum, contineri virtualiter, & eminenter in ipso perfectiones simpliciter, quia has oportet esse in illo formaliter; sed de omnibus penitus perfectionibus finitis, quæ nisi virtualiter in primo essent, nec virtualiter, nec formaliter aliquid essent: omne enim quod potest esse, & non esse, non ex se, sed ab aliquo est, in cuius proinde virtute, & perfectione contineatur oportet. Quoniam ergo primum est simpliciter in linea essendi infinite perfectum, necessario est, & plusquam æquipollenter omnis finita perfectio: non formaliter, cum infinitum sit; ergo virtualiter. Atqui perfectio omnis est in unoquoque posse causare (qualitercunque id accidere dicatur) notitiam sui, quoad omnem gradum intelligibilitatis, & veritatis: & maxime notitiam, quæ est visio, sive intellectio intuitiva: igitur hæc perfectio propria unicuique finitorum, est eminenter in infinite perfecto, in quo subinde includuntur necessario omnes rationes particulares intelligendi omnium intelligibilium, quoad omnem gradum intelligibilitatis, quia quicunque est alicujus perfectionis. Essentia igitur divina ex infinita perfectione illimitatissima, atque omnium perfectionum finitarum virtualiter contentiva, movet intellectum infinitum ad notitiam sui, unde est infinite sapiens, & perfectus, & beatissimus: & quia præterea continet in sua virtute omnes proprias rationes intelligibilium, sub eadem ratione absoluta in secundo signo movet ad omnium intelligibilium visionem, & eo in signo videntur in ipso tanquam in objecto prius cognitum: & quia exinde fit, ut eadem verè intellecta dicantur: intelliguntur coniequi ad actum, per quem accipiunt primum esse intelligibile distinctum, & cognitum atque ita cognoscuntur ex se ipsis possibilia, seu nullam involvere intrinsecam repugnantiam: ut conceptus figmentorum includunt; quanquam id esse accipiant per actum intelligentiæ divinæ, quia nullum habent esse distinctum in memoria; imo tunc sunt ipsammet divinam essentiam contentiva omnium in esse intelligibili, & hoc ipsum esse intelligibile distinctum, & cognitum per divinam intelligentiam, & possibile, est objectum divinæ omnipotentiae, quæ utique non fertur super impossibile. Ab omnipotentia igitur est proximè, & physice possibile, ut per intellectus actum principiati vè, & ex se formaliter erat remotè, & logicè possibile. Itaque essentia Dei movet intellectum infinitum, & ut est primum movitum, ita & primum terminativum ejusdem, & in eo signo nihil aliud obicitur illi intellectui: at quia in secundo signo movetur ad alia intelligenda, quæ in illius objecti virtute continentur; in eodem objecto illimitato jam cognito eadem intelligit, ex quo fit, ut ejusmodi intelligibilia sint objectum ejusdem actus infiniti secundario terminans. Nec sanè oportet objectum illimitatum esse præcisè terminans quomodocunque actum, sicut præcisè est movens; quia aliquid potest sequi terminum proprium, & esse terminus secundarius: nihil autem potest esse secundario movens ad actum; quia omne movens aqualiter præcedit actum, non autem quomodocunque terminus præcedit, nec coexistit ad actum; & secundario terminans sequitur actum, sicut mensuratum, & causatum; & sicuti intel-

lectus finiti intellectio sequitur objectum, ita objecta sequuntur actum intellectus infiniti, a quæ intelligenda non potest moveri, nisi ab objecto infinito.

Veruntamen alii sic declarandum putant, Deum propria cognitione intelligere alia à se: In divina essentia præhabetur quicquid perfectionis reperitur in natura uniuscujusque. Propria autem natura cujusque entium consistit secundum quod per aliquem modum divinam perfectionem participat; cum igitur Deus perfectissimè seipsum cognoscat, & sciat oportet omnem rationem, & modum, secundum quem ab aliis est sua perfectio perceptibilis; igitur in seipso omnia propria cognitione cognoscit. Contra, creaturæ non intelliguntur esse formaliter participationes essentiae divinæ, nisi quatenus comparantur ad omnipotentiam, a qua accipiunt esse reale: sed in signo priori perfectissimè intelliguntur ab intellectu divino in essentia prius cognita, tanquam objectum secundarium in primario; ergo divina essentia non est ratio intelligendi distinctè creaturas, quatenus participant, sed sub ratione omnino absoluta. Siquidem non intelligitur esse sub illis respectibus rationis participabilitatis, nisi quatenus comparatur ad objecta possibilia, quæ exinde dicuntur esse in potentia objectiva, quamvis illa activa potentia secundum suum esse absolutum sit simpliciter prior creatura in omni esse ipsius. Deinde, relatio non cognoscitur, nisi cognito termino; nec intellectus comparat unum alteri, nisi cognitis utrisque extremis; ergo non contingit essentiam comparari, ut participabilem ad creaturas participantes, nisi per prius ipsæ creaturæ cognoscantur; ergo essentia ut participabilis non est ratio distinctè intelligendi creaturas, sed ipsa sub ratione omnino absoluta.

AD ARGUMENTA. Ad primum respondeo 2<sup>o</sup> secundum quod posse intelligi determinare vel objectum cognitum, vel ipsam cognitionem. Primo modo propositio est neganda, quia divinus intellectus non intelligit objecta secundaria, secundum quod sunt in essentia, nam juxta eum modum non sunt quod distinctum ab illa: intelligit autem prout movetur in secundo signo ad intellectionem eorum omnium, quorum rationes sunt in ipsa virtualiter secundum esse intelligibile, atque ita secundario terminant divinam cognitionem per esse cognitum, & possibile, & intelligibile distinctum ab objecto, in quo continentur virtualiter. Igitur prout 2<sup>o</sup> secundum quod refertur ad ipsam cognitionem, propositio est vera; quia nempe verissimè intelligantur prout sunt, vel accipiunt esse distinctum, & intelligibile proprium per ipsam Dei intelligentiam; sicut exitit declaratum. Et cum subditur, cetera à Deo esse in ipso ut in omnium causa. Respondeo ex dictis, nedum creaturæ sunt in Deo ut in causa, quæ potest producere illas: quia in tali causa non habent esse, nisi virtuale: sed præterea sunt in Primo, ut in forma continente eminentissimè, & plusquam æquipollenter quicquid perfectionis esse potest in omnibus: & quoniam perfectionis est in unoquoque posse producere notitiam sui intuitivam in intellectum, & omnis ejusmodi perfectio in prima forma necessario requiritur: propter quod & una movet ad omnia illa intelligenda, perinde ac si præsto essent singulæ eorum rationes, ex quibus innoscere possunt potentie videnti illa: quia in intellectu producta cognitione, exinde cognoscuntur possibilia potentia proxima in ordine ad realem existentiam.

Ad Secundum dicendum, nullam esse illationem deductam: quia etsi imperfectum nequeat ef-

S. Thomas 2<sup>o</sup> 2<sup>a</sup> in 1<sup>a</sup> sententia.

1. dist. 43.

1. dist. 25. cit. 6. Hoc potest poni se.

1. dist. 20. 2<sup>a</sup>.  
6. citentur per  
2<sup>a</sup> 2<sup>a</sup> 30.

Collatione 32.

1. dist. 35. cit.  
5. Ad secundum  
quod qualiter.

Quæstio 9. 14.  
5. Hic intelli-  
gendum.

2. dist. 1. q. 1.

6. dist. 35. cit.  
6. Ad tertium.



se ratio cognoscendi perfectum; non tamen e converso eadem est ratio: imo contrarium evidenter sequitur. Quamvis igitur per nullum causatum possit apprehendi essentia Primi principii ut hæc: tamen ex illa, & per illam potest cognosci quodcunque aliud; ut dictum est.

Ad Tertium respondeo, majorem esse veram hoc addito, nempe vel per propriam rationem, vel per aliud, in quo perfectiori modo continetur propria ratio, ut in casu. Unde et si idem limitatum nequeat esse propria ratio, distinctè repræsentativa plurium; in illimitato tamen, & simpliciter infinito, regula fallit: imo necessario illud est tale, ut ex prædictis est evidens.

Ad Quartum est responsio ex dictis. Nam nequit intelligi infinita, atque illimitatissima perfectio formalis, quin intelligatur includere omnem omnino perfectionem modo sibi possibili. Est igitur quantum attinet ad gradus includentes intrinsecè limitationem, nequeant in Deo reperiri, & contineri, nisi virtualiter, propter quam continentiam potest in eos, ut causa æquivoca in effectus: tamen iidem gradus finiti, una cum perfectionibus simpliciter, quibus in creaturis uniuntur, possunt causare suo modo notitiam ejus, cujus sunt, quoad omnem gradum intelligibilitatis eorum; idque est perfectionis in ipsis. Hæc igitur perfectio finita, & limitata est necessario in infinitè perfecto. Illud ergo debet necessario continere omnia in esse intelligibili eminentissimè; adeout ejus infinitè perfecta illimitatio nihil officiat, aut aliquod impedimentum afferat singulorum intelligibilium distinctis cognitionibus, perinde ac si unus duntaxat foret repræsentativum. Non enim quia est illimitata, ideo est dicenda indeterminata; quia determinatissima est ad omnia repræsentanda sicuti ad unumquodque ergo non fit ex se determinata determinatione limitationis, est tamen de se determinata determinatione opposita indeterminati, quæ est ad contradictoria. Sed de his pluræ questione sequenti de Ideis.

## ARTICULUS VII.

Utrum scientia Dei sit discursiva.

*Doct. 12. Metaphys. quest. 26. Prologi quest. 3.  
§. Ad tertiam questionem. S. Thom.  
1. part. quest. 14. artic. 7.*

**V**IDETUR Dei scientia esse discursiva. Etenim ex dictis in præcedentibus articulis, Deus scit, seipsum, & alia omnia, & quidem propria ac distinctissima cognitione: Sed secundum Philosophum, 2. Topic. cap. 4. non contingit multa intelligere simul; ergo cum Deus plura intelligat, unum post aliud intelligit; ergo est in illius scientia discursus, quia successio.

Præterea, Intelligere unum per aliud, est discurrere ab uno ad alterum; sed Primum principium per seipsum intelligit alia, tanquam per causam scientiæ aliorum, siquidem in se, & per se intelligit alia; ergo ejus scientia est propriè discursiva.

Præterea, Quicquid potest virtus inferior, potest & superior: sed nos in causatis considerantes effectus, discurremus à causis ad effectus; igitur magis vis intellectiva infinita discurrere ita poterit, ac per causas scire earum effectus.

CONTRA, Augustinus, 15. de Trinit. cap. 14. *Et omnia inquit, quæ sunt in eorum scientia, in eorum sapientia, in eorum essentia unusquisque eo-*

*rum simul videt: non particulatim, aut singillatim velut alternante conspectu, hinc illuc, & inde huc, & rursus inde vel inde in aliud, atque aliud, ut aliqua videre non possit, nisi non videns alia: sed ut dixi, simul omnia videt, quorum nullum est, quod non semper videt.* Idipsum videtur sentire Aristoteles 12. *Metaphys. ex c. 51. ubi, & non transmutatur;* quia alioquin si de uno in aliud intelligibile discurreret, igitur de objecto divinissimo transiret in aliud indignius, quod illius perfecti omni non congruit. Is etiam transitus, & discursus est quidam motus; debet ergo procul abesse à primo inmovente, cum sit omnino immobile.

RESPONDEO dicendum, in scientia Dei nullum esse discursum, aut successionem, vel transmutationem, ut loquitur Aristoteles. Declaratio: Discursus, etsi essentialiter non respiciat successionem temporis, sed duntaxat ordine n naturæ: tamen oportet, ut principium discursus sit naturaliter prius notum, atque veluti ita notum, sit causativum alterius extremi discursus: necesse est ergo ut conclusio scita per discursum, nota sit per notum principiorum; Atqui impossibile est intellectum divinum mutare notitiam alicujus ignoti ex aliquo principio prius noto, intantum ut scientia, & notitia istius de cognitione principii procedat. Nam tunc intellectus ille moveretur ab objecto includente notitiam principii, & conclusionis per principium; fieri autem non potest, ut ab aliquo alio moveatur, quam ab essentia infinita; ergo omnem scientiam, qua pollet per motionem illius primi objecti, habet; igitur hæc scientia omnem excludit discursum; quia nihil scit, nec esse potest in tali scientia notum ex proprio principio alicujus conclusionis; sed ex æquo scire oportet principia omnia, & conclusiones ex eadem causa, seu per motionem ejusdem essentia, quæ est objectum primum virtutis, idest contentivum cæterorum omnium scilicet sum in sua virtute juxta dicta in præcedenti articulo. Et quanquam in primo signo naturæ sit præcisè nota intellectui illi essentia, à qua movetur; & in secundo signo (noti scilicet motionem ad intra) moveat ad intelligendas quidditates scibilium inclusorum in virtute illius, & exinde ad videndas veritates illis in quidditatibus inclusas; non est tamen hic ordo secundus ad tertium, secundum causalitatem: quasi illæ quidditates causent notitiam propriam veritatum in intellectu divino: sed est tantum ordo effectuum essentialiter ordinatorum, respectu ejusdem causæ; propterea quod per prius natura causatur ab essentia divina notitia quidditatum, & exinde scientia proprietatum earum; adeout si per impossibile non moveret in tertio signo ad notitiam earum, intellectui nequaquam innotescerent, quia nequit scire aliquid, nisi moveatur ab objecto infinito. Non discurret igitur hic intellectus à noto ad ignotum, nec sibi innotescit unum per notitiam alterius in quo includatur, sed scit & cognoscit creaturas in essentia sua, & quicquid intelligibilitatis est in illis, non per creaturas ipsas, tanquam per objectum immediatum: quia tunc perficeretur ab alio deteriori, & indigniori objecto suo adequato, & vilesceret subinde: sed per idemmet primum motivum, eo ordine, quo sunt nata cognosci. Sicuti sol prius propinquiore sibi partes illuminat, & exinde remotiores: non quasi prior illuminatio sit causa alterius: cum omnium sit eadem causa: sed quia earum partium natura exigit, ut ordine illo illuminentur: ita & intellectui infinito sunt quidem omnia intelligibilia præsentia, unicaque intuitiva visione compræhensa, eo quod terminetur ipse de ad idem

Magister 1.  
dist. 29. n. 1.

Doctor 1.  
Comm. n. 72.

Prolog. q. 5.  
lat. 6. Juxta  
hoc. V. Sed op-  
positum videtur.

Quodlibet. q. 15.  
§. De seculo  
articulo. V. 11  
primum igitur  
tunc.



idem objectum infinitum, à quo & movetur: amen per illam eandem motionem intelligit, pervaditque omnia eo ordine, & ratione, qua postulant cognosci. De quo actum quoque est supra questione prima articulo 7. in incidenti.

Ad ARGUMENTA. Ad primum dicendum, dictum Philosophi procedere de intellectu finito, cuius scientia necessario requirit successione, & discursum ex impotentia nequeuntis omnia percipere simul, præsertim cum intelligantur in se ipsis. At intellectui infinito compræhendenti infinitum intensivè, minus longè est intuitivè exinde contueri omnia intelligibilia, ad quæ intelligenda simul movetur; quamquam ordine quodam ad ea ejus contuitus terminetur, quo nempe nata sunt perfectè attingi, atque intuitivè cognosci.

Ad Secundum respondeo, declaratum exiitisse, qualiter, & quando in sciendo unum ex alio, vel per aliud interveniat discursum. Siquidem oportet notitiam ignoti causari per notitiam prius noti, ut per causam immediatam; at nihil hoc modo potest esse notum intellectui infinito; quia nec moveri ab ullo objecto, citrà infinitum; ad intelligendas veritates inclusas in principiis ipsius objecti.

Ad Tertium dicendum, utique virtutem superiorem posse quicquid cadit sub inferiori virtute; sed non eodem modo, quo potest inferior; sed magis superiori conveniente. Etsi igitur noster intellectus successivè, & per discursum quadam intelligat, atque eadem, & omnia penitus videat intellectus infinitus, aliter profecto oportet illum intelligere, & diverso modo, & contraria ratione, ac nos intelligamus, ac subindè simul omnia percipere, & nulla interveniente successione, ex parte ipsius intellectus infiniti, nisi quod terminetur ad eadem intelligibilia eo ordine, quo postulant cognosci.

## ARTICULUS VIII.

Utrum scientia Dei sit causa rerum.

Doct. 1. dist. 43. quæst. in Report. ibidem q. 1. S. Thom. 1. par. quæst. 14. artic. 8.

**V**IDETUR Dei scientia esse causa rerum. Nam omnia naturalia se habent ad scientiam Dei, sicuti artificialia ad nostram: Sed artificialia causantur à scientia practica, ubi scibile est mensurabile, & scientia mensura scibilis; ergo rerum omnium naturalium scientia Dei est causa, quarum pariter & ipsa est mensura.

Præterea, secundum Aristotelem 6. Ethic. cap. 5. *Ars est habitus cum recta ratione factivus.* Sed divina scientia habet rationem artis respectu rerum omnium, quarum in scriptura Dei sapientia dicitur *artifex*: & id ipsum testatur Augustinus 6. de Trinit. cap. ult. *Est ars quedam, dicens, omnipotentis, atque sapientis Dei, plena omnium rationum viventium incommutabilium; ergo Dei scientia est causa rerum.*

Præterea, Scientia Dei est ars omnium producendorum, non utcunque, sed ars perfectissima; igitur determinat, vel dicat modum nobiliorem cæteris omnibus; adeo ut ita exigente sui maxima perfectione, nequeat alium determinare, vel dicere modum; ergo talis scientia habet propriam, & determinatam rationem causæ effectivæ; quia & scientiæ practiciæ.

Præterea, Augustinus 15. de Trinit. cap. 13. *Univerfus inquit, creaturas & spirituales, & corporales, non quia sunt ideo novit, sed ideo sunt quia novit: non enim nescivit quæ fuerat creaturus. Quia ergo servit, creavit, non quia creavit, servit; igitur expressè innuere videtur, scientiam Dei causam esse eorum, quæ sunt.*

Præterea, esse Dei est suum intelligere; ergo Deus est agens per intellectum; ergo per scientiam est causa rerum.

CONTRA, Origenes lib. 7. in Enist. ad Roman. c. 8. *Non propterea, inquit, aliquid erit, quia id scit Deus futurum, sed quia futurum est, scitur à Deo antequam fiat.*

RESPONDEO dicendum, Dei scientiam minimè esse causam rerum. Etenim quum per intelligere divinum accipiant primum esse intelligibile omnia possibilia, nullum eorum, quæ in eo signo intelliguntur ab intellectu infinito est futurum, sed duntaxat possibile; nec factum, nec sciendum, sed fieri possibile. Non enim Deus est causa rerum per potentiam necessario operantem; quia tunc & omnia evenirent necessario, & præterea cuncta esse acceperissent, vel consequta essent ad necessariam operationem sine principio durationis. Quandoquidem ergo potentia activa Dei, qua condidit rerum universitatem, libera est, & contingenter agens, quasi præsupponat oportet operationem intellectus, per quam producuntur omnia in esse intelligibili, in quo esse intelliguntur omnia esse possibilia ex se ipsis formaliter, sed principativè ab intellectu divino, & propterea constituere objectum divinæ omnipotentiae, quæ non impossibilibus, sed iis, quibus existentia realis non repugnat, dat esse; igitur etsi intellectus divinus per intelligere infinitum det primum esse intelligibile omnibus possibilibus, non est tamen causa rerum; quia earum productio in tali esse, non est causalitas, cujus terminus est verum esse reale, & simpliciter: sed alterius omnino rationis ab omni esse realis existentiae; quia Deus nequit esse causa necessaria rerum ad extra: causat igitur Deus res per potentiam non necessariam formaliter, sed liberam; ergo non est causa per intellectum, quo operatur necessario: sed solummodo ab intellectu ostenduntur voluntati omnia prorsus possibilia, eorumque necessariæ complexiones, & quodcunque operabiles; & universalia principia eorum, & cuncta operabilia particularia. Ex quibus omnibus voluntas aliqua seligit, qua determinatione facta, mox quæ erunt, intellectui innotescent pari certitudine, ac ipsa sciat possibilia; essentia eadem & possibilia futura illi ostendente, sed ad illa intelligenda ordine quodam movente. Quemadmodum igitur à divina voluntate est æterna determinatio futurorum, ita & eadem potentia activa libera est causa largiens illis esse in tempore; non igitur intellectus; aut scientia est causa rerum, sed potius potentia activa Dei, liberè producens quicquid accipit esse, quæ omnia intellectui non innotescent, nisi prius natura fuerint à voluntate volita, & determinata; ac proinde impossibile est, ipsum esse causam eorum, quorum esse præsupponitur ejus operationi. Accedit etiam, quod dicentes Dei scientiam esse causam omnium, quæ ei subiungunt, coguntur fateri, Deum esse pariter causam omnium malorum, cum & hæc sciantur, & præsciantur à Deo; quod alienum est à veritate. Ita Magister loco citat. lit. B.

Ad ARGUMENTA. Ad primum concedo possibilia quæque respectu intellectus divini, se habere instar artificialium in ordine ad intellectum creatum,

Magister. lit. 38. & alibi ipsum signantes ad hunc censum auctoritates.

S. Thomas hic in solutione. Magister ubi supra lit. C.

1. dist. 36.

1. dist. 2. q. 5.

1. dist. 39. n. 13

Doct. 9. Metaphys. q. 13. num. 3.

1. dist. 35. q. 2. Postest dici ad quæst.

Quodlib. q. 8.

1. dist. 38.

De rerum. Prologo q. 4. num. 8.



tum, quantum ad hoc; quia sicuti idæ practica accipiunt primum esse ab intellectu artificis, ita & possibilia primum esse eorum habent per actum intelligentiæ divinæ. Veruntamen interest plurimum inter utrunque objectum, quia Domus in mente artificis est propriè ars proximè dirigens, ac dictans, qua ratione sit efformanda domus extra: at possibilia ipsa non dirigunt, nec distant de faciendis ad extra, nisi voluntas determinaverit hoc, aut illud esse faciendum; non ergo abicientia habet esse ipsa futura, sed ab alia causa, à qua est libera determinatio, & repræsentatio ipsius determinationis.

Ad Secundum respondeo sic: completa ratio artis prout ab Aristotele definitur, exigit ut ratio recta dirigat, sive rectificet potentiam illam, cujus est operari secundum artem. Diminutè igitur ars est habitus cum vera ratione, quotiescunque est solummodo habitus apprehensivus rectitudinis agendorum, & non directivus, sive rectificativus in agendis; quo pacto revera potest concedi ars in Deo. Nam voluntate determinante quæcunque operabilia sibi placuerit exhibere, & repræsentare in tempore, exinde intellectus cognoscit eum ordinem operandorum; & est ibi recta ratio, quia cognitio rectitudinis determinationis divinæ: non tamen recta ratio, quasi directiva sit ipsius potentia operantis; præsertim si ea potentia effectiva immediatè sit ipsa voluntas; quia hæc est prima regula quorumcunque agibilium, nec expectat proinde regulam aliunde. Atque eadem ratione, qua dicitur Ars, est & Artifex Dei sapientia, in qua verè omnia sunt condita, sicuti & in arte, non dirigente tanquam regula operationum, & rerum agendarum, sed in arte ostendente rectitudinem, modum, & ordinem determinationum divinæ voluntatis.

Ad Tertium est responsio ex proximè dictis; quia ex omnibus, quæ ab intellectu divinæ voluntati ostenduntur; ipsa omnino liberè eligit, atque determinat quæcunque aliquando est repræsentatura, secundum quod scriptum est, *omnia quæcunque voluit, fecit*, Psal. 113. Non est ergo putandum (ut Avicenna 9. suæ *Metaphys. cap. 1.* sensisse videtur) ab aliquo alio ab ipsa accipere, ut rectè, rationabiliter, ac citra omnem obliquitatem exeat in opus: nam tunc necessarius sua perfectio deberet à rebus extra, idest, ab objecto secundario intellectus divini, quod est impossibile. Igitur inter omnes ordines, & rationes rectitudinis, & convenientiæ, finium cum mediis, & mediorum cum finibus, quæ voluntati per intelligere divinum obijciuntur, nullum est quod magis voluntatem afficiat præ aliis, imo omnium ex æquo est eadem comparatio ad illam; adeo ut, si nihil eorum vellet, eadem rectitudo esset in tali volitione, ac si quadam eligat, & alia non eligat, vel decernat, nil enim contra veram, rectamque justitiam accidit; quia illud solum est rectum, & justum, quod vult, & non justum, quod non vult, secundum *Ansel. Profel. 11.*

Ad Quartum respondeo, Augustini auctoritatem, & si quæ alia inveniuntur consimilia Sanctorum dicta, esse intelligendam, non quasi *Tò quia* sit nota causæ necessitatis absolutæ, & consequentis; sed duntaxat conditionatæ, & consequentiæ, ut sensus sit, *si Deus scit illa esse futura, illa erunt*. Nam ab scientia rerum futuritio omnino esse non potest, cum earum causam liberam esse oporteat. Præscientia igitur Dei est præcisè signum futuritionis, non causæ; quemadmodum ergo ex effectibus rectè arguitur causæ, ita ex præscientia Dei

infallibili, per necessariam consequentiam licet inferre certissimam rerum ita scigarum futuritionem.

Ad Quintum cum dicitur esse Dei est suum intelligere, supra articulo 5. declaratum fuit, eam propositionem haud esse quiditativam, sed duntaxat identicam, quo sensu & velle, & cæteræ perfectiones, quæ ab Augustino, Damasceno, & aliis dicuntur circumstare Dei substantiam, vere sunt ipsum esse Dei; sed ex eo non rectè inferitur, ipsum esse primum agens per intellectum: sicuti nemo diceret, velle per intellectum, misereri per sapientiam, esse justum per bonitatem; quia ut per intellectum intelligit, ita vult per voluntatem, & sicuti per misericordiam miseretur, ita per justitiam judicat. Igitur non alia ratione Deus per scientiam, & intellectum est causa rerum, nisi quatenus scientia infinita comprehendens omnia necessaria, & operabilia in primo signo, illa omnia repræsentat ostenditque voluntati, ut supra expositum est; à qua deinde est determinatio omnis respectu rerum futuritionis.

## ARTICULUS IX.

Utrum Deus habeat scientiam non entium.

*Doct. 1. dist. 43. q. unic. in Report. ibidem quæst. 1. S. Thom. 1. par. quæst. 14. artic. 9.*

**V**IDETUR Dei scientia nequaquam extendere se ad non entia. Etenim illud verissimè est nihil & non ens, quod includit contradictionem, ut *hominem esse irrationalem*. Sed ejusmodi non ens, sicuti nequit esse aliquid extra animam, ita non est aliquid intelligibile sic, ut scientia comprehendi possit; ergo Deus haud novit talia non entia: cum sciat, & scire queat duntaxat intelligibilia.

Præterea, Scientia Dei adæquatè constat, atque se extendit ad omnia possibilia, & futura: & illorum quidem principium est divina intelligentia, per quam accipitur primum eorum esse: futurorum vero est causa divina voluntas, à qua liberè decernuntur, juxta dicta in articulo præcedenti. Sed non entium Dei intelligentia nequit esse causa initiativa; nec voluntas; quia terminus causæ realis est reale, vel saltem quid positivum intentionale, & rationis; ergo non entia non continentur sub objecto scientiæ divinæ.

Præterea, Nihil attingitur ab intellectu, nisi cognoscibile; nam contradictio est, cognosci, quod non est cognoscibile. Sed cognoscibilitas sequitur ad entitatem, ut passio illi omnino proportionata; ergo cum non ens nihil includat entitatis, non est ab aliquo intellectu attingibile.

Præterea, Operans cognitiva operatione oportet assimilari objecto, circa quod operatur: quia non est passum, sed magis agens, & assimilans; sed non ens nequit agere, aut imprimere intellectui similitudinem sui: quam enim similitudinem præferre potest non ens ad ipsum esse? ergo non entia non continentur sub objecto scientiæ divinæ.

CONTRA, Magister, 1. dist. 36. cap. 1. adducens Augustinum dicit in sententia, Deum ab æterno ea, quæ non erant, perinde ac si essent, novisse.

RESPONDEO Deum habere scientiam certissimam, atque infallibilem non entium. Porro non ens dicitur primo, non propter repugnantiam alicujus positivi ad affirmationem illius negationis; sed propter negationem causæ non ponentis illum effectum. Exemplum: lignum non est calidum, quia ignis non calefacit illud. Secundo inest negatio

Vult tamen B. Thomas scientiam esse causam rerum secundum quod habet voluntatem conjunctam: ita hic in solutione, & 8. Ad primum, & artic. sequenti 9. Ad tertium.

Quodlib. q. 3. §. De primo.

1. dist. 3. q. 3. §. Ad secundum principale.

Ibidem §. Pro hoc apparet.

1. dist. 36. §. Ad oppositum.

Ibidem §. Ad primum principale. V. Et quod additur.

9. dist. 38. §. Ad auctoritatem.

De rerum principio q. 4. conclusa.

4. dist. 46. q. 1.

2. dist. 29. §. Ad primum pro contra opinionem.



gatio positivi propter repugnantiam ejus ad affirmationem oppositam illi negationi: & tot sunt negationes, quot prædicata dæta in quid de utroque in suo genere. Exemplum; Petrus non est albedo, quia homo, substantia, animal, corpus; unaquæque enim ex his rationibus est medium ostendendi illam propositionem; & est conversio nihil dicitur in quid de albedine, quod non sit medium demonstrativum ejusdem. *Non ens* igitur vel est quod non habet actuale existentiam, licet ex se sit possibile esse, vel d, cui omnino repugnat esse, ut hominem esse lapidem. Declaratur igitur Deum verissimam scientiam habere eorum, quæ diximus *non entia*: Nam ea, quæ non sunt, & possunt esse, quia ex se ipsis sunt logicè possibilis tanta necessitate ab divino intellectu cognoscuntur, quantum & per illius operationem accipiunt, tanquam per principium primum, esse cognitum, & possibile; ita autem necessario intellectus dat esse cognitum illis, sicuti & necessario movetur ab essentia divina ad intelligenda omnia, quæ in ipsa virtualiter continentur; ergo ejusmodi non entia distinctissimè ab intellectu infinito cognoscuntur; quippe quæ per tale intelligere accipiunt esse distinctum ab objecto, in quo in priori signo virtualiter continebantur; ergo sicuti accipiunt esse, ita intelliguntur; cum id esse sit esse cognitum, & ex se possibile; ad quod possibile exinde consequitur possibilitas objecti, in ordine ad Dei omnipotentiam respicientem omne possibile, aliud ab essentia divina. Deus igitur simpliciter intelligentia, & necessario, seu naturali intuitu fertur super omnia possibilis, quibus scilicet ex se ipsis esse non repugnat. Et pari necessitate fertur super ea, quæ ab voluntate decernuntur futura ex parte principij, & etiam ratione objecti, naturaliter moventis ad illorum intellectum; etsi quoniam divinus intuitus terminetur ad eorum existentiam, dicatur proinde scientia visionis, ex oculari visione ad rem existentem terminata, apud vocabulo translato, & scientia etiam libera, quatenus ea objecta sunt terminus potentie liberè operantis; ejusmodi ergo non entium Deus habet certissimam scientiam.

Et pari certitudine sunt ei perspecta *non entia*, quæ impossibilia, & existentia realis incapacia dicuntur. Nam impossibile simpliciter includit impossibilia, quæ ex rationibus suis formalibus sunt impossibilia, & ab eo sunt principiativè impossibilia, à quo principiativè habent suas rationes formales; ergo sicuti Deus necessario intelligit omnia intelligibilia, quibus per actum intellectus dat esse primum, ita & necessario attingit, comprehenditque quamlibet illorum impossibilitatem, & non entitatem. Declaratur assumptum; Etenim sicut Deus per intelligentiam producit possibile in esse possibili, ita ejusmodi producta se ipsis sunt impossibilia, ut non possint simul esse unum, neque aliquid tertium fieri ex eis. Hanc vero impossibilitatem, quam formaliter præferunt, habent ex se, & principiativè quodammodo ab eo, qui ea produxit extrema; igitur quemadmodum homo ex se formaliter est animal rationale, ita ex se formaliter sibi repugnat esse lapis: quoniam ergo & hominis, & lapidis in esse possibili principium exitit divinus intellectus, consequenter & initium dedit ei impossibilitati, propter quam, hæc, *Homo est lapis*, est non ens, & nihil; igitur pari necessitate ei intellectui perspecta, atque nota sunt ejusmodi *non entia*, quatenus novit ea extrema, unde est formaliter talis impossibilitas.

AD ARGUMENTA. Ad primum concedo, *hominem esse irrationalem*, non esse quid intelligibile ad instar unius, quasi intellectus componere queat contradictoria, prædicando irrationalitatem de ultima hominis differentia. Id enim ut est verissimè nihil extra animam, ita non est intelligibile ab ullo intellectu per modum compositionis. Intelligitur tamen rectè, estque subinde attingibilis talis repugnantia per diffensum ab intellectu concipiente extrema sub propriis rationibus; & ita multo magis ab illo, qui est primum principium talium extremorum, uti est intellectus divinus. Unde Aristoteles, 4. Metaphys. tex. c. 9. *Impossibile namque, inquit, quæcumque idem existimare esse, & non esse, quemadmodum quidam putant dicere Heraclitum; non enim est necesse, quæ aliquis dicit, hoc existimare*. Vult igitur oppositum primi principij, nempe, *idem simul esse, & non esse secundum idem*, esse inopinabile, & intelligibile; & si aliqui contrarium dicere videantur, id evenire vocetenus, & non secundum rei veritatem. Contingere etiam potest, ut, secundum quod unum extremum de altero dicitur, non accidat impossibilitas, etsi enim hæc, *albedo est homo*, sit impossibilis, quatenus homo, substantia, corpus, animal, vivens est, non tamen est involvens impossibilitatem, quatenus homo est ens: nec hominem esse irrationalem, est contradictio, in quantum homo est animal, vivens, corpus, substantia, & ejusmodi; quia his rationibus subjectis non repugnat prædicatum irrationalitatis; quamvis sit impossibile ultimæ differentie hominis: secundum quod, ut nihil esse potest extra animam, ita & non est quid intelligibile ab intellectu componente; cognoscitur tamen per resolutionem, & quasi in actu signato attingitur ea impossibilitas per diffensum postquam fuerint intellectui nota extrema possibilis, ut explicatum est.

Ad Secundum, cum dicitur *non entium nulla est causa realis*. Respondeo, jam declaratum fuisse, quia ratione *non entium* sit principium intellectus divinus. Nam per motionem divinæ essentie intelligendo quæcumque continentur in ipsa, verè illa sunt, & dicuntur cognita, & ex se ipsis possibilis, & quasi effectivè ab intellectu cognoscente. Hoc ipso, ut non entia; quia deest illi esse actualis existentie, seu esse simpliciter. Non enim intellectus esse potest causa realis; quia tunc Deus necessario ageret: dat igitur esse duntaxat secundum quid; ut propterea verè possibilis dicantur *non entia*: quia non habent verum esse realis existentie. Eatenus igitur Dei intellectus est causa *non entium*, quatenus dat primum esse cognitum, & intelligibile creaturis, quibus non repugnat formaliter esse; & est causa *non entis*, quod verissimè est nihil, in quantum est principium extremorum ex se ipsis impossibile.

Ad Tertium dicendum, *non entia*, de quibus est fermo ad præsens, non esse prorsus negationes, ut *non lapis*, quæ negatio ex æquo dicitur de omnibus, imo de ente, & non ente; & nihilominus has cognosci per affirmationes, testatur Aristoteles, 2. Perihym. in fine, & 4. Metaphys. tex. c. 2. & 10. Igitur hæc *non entia* sequuntur subjecta determinata, id est, vel extrema impossibilia, vel creaturas posibles, ut sunt terminus intellectus divini veræ, & realis. Cognoscuntur ergo ab eo, qui est principium earum, ipsis ex se non competere esse, sed fieri posse, ut recipiant esse ab alio. Hac itaque cognitione attinguntur quidem secundum illud esse cognitum, & possibile, sed una etiam deprehenditur illorum *non entitas*: quia cum ipsis

De reman  
principio 4. 4.  
nus 10. 5. S. S. S. S.  
dicatur.

1. dist. 39. n. 7.  
§. Præterea de  
ideæ

Doctor in  
Comm. n. 32.  
1. dist. 1. q. 4.  
§. Quædam a l  
terum n. V. Sed  
adhuc.

1. dist. 39. §. 17.  
de contingen  
tia.

1. dist. 3. q. 2.  
§. In prima quæ  
stione.

1. dist. 36.







ARTICULUS XI.

Utrum Deus cognoscat singularia.

Doct. 7. *Metaph. q. 14. & 15., & de Anima q. 22.*  
1. dist. 2. q. 2. de primo principio cap. 4.  
conclus. 8. S. Thom. 1. par. q. 14.  
artic. 11.

**V**IDETUR Deus haud cognoscere singularia. Nam secundum Aristotelem 12. *Metaph. Tex. c. 51.* Præstat quædam non videre magis, quam videre; & dignius est quædam non intelligere, quam intelligere, ob eorum vilitatem, & indignitatem; ergo intellectui primi principii non poterunt esse perspecta individua, quorum aliqua sunt vilissima, & longè indignissima: tunc enim intellectus ille vilesceret, nec per intelligere inesset primo optimum, & honorabilissimum per intellectionem scilicet objecti divinissimi, & honorabilissimi.

Præterea, Si oporteret Deum cognoscere singularia, maximè quia est prima omnium causa à proposito, & per se; agens proinde propter finem. Sed hac de re opus non est illi intelligere singularia; ergo non cogitur adstruere in Deo scientiam individuum. Probatio minoris; Ars universalis sufficit singularibus producendis; quæ artifex scit rem per causam, & perfectius, ac nosse queat agens particulare five per experientiam; igitur cum artifex sciat *quidquid est* sanationis, perfectius novit sanare, ac ille qui non ita scit, quid sit sanitas. Igitur primo omnium artifici non est opus nosse singularia, ut eorum sit causa.

Præterea, Singulare non est per se intelligibile: ergo ne intellectus quidem divinus habet scientiam singularium: scientia enim est eorum, quæ intelliguntur. Probatio assumpti: omnis cognitio est per aliquam similitudinem: sed similitudo singularium, in quantum sunt singularia, non videtur esse in Deo: quia principium singularitatis est materia, quæ dissimilima est Deo, cum sit actus purus.

Præterea, Species specialissima de se est athoma ergo & indivisibilis, & per consequens scientia Dei ad ipsas se extendens naturas specificas non ultra progreditur. Confirmatur ex Porphyrio, cap. de specie: *Descendentibus nobis*, inquit, *per divisionem a generalissimis, ad specialissima jubet Plato quiescere*; sed si possibile fore: naturam athomam ulterius dividi, non esset quiescendum in illa, sed magis adhuc progrediendum. Primum igitur videtur per se intelligere omnes naturas in communibus: ibique sistere, non vero peculiare naturarum designationes ex quantitate provenientes.

CONTRA, Ad Hebræos 4. *omnia nuda, & aperta sunt oculis ejus.* Si ignoraret autem singularia, eum necessario laterent, quæ ipsa consequuntur singularia: ergo oportet ea esse Deo perspectissima.

RESPONDEO dicendum, Deo exactissimè, ac distinctè simè singularia omnia esse perspecta. Etenim quanquam Dei scientia non sit completè ars, quia non directiva in agendis; nulla est enim in Dei voluntate rectitudo regulata ab alia, quasi priori respectu agendorum ad extra: est nihilominus ars, (ut dictum fuit supra articulo 8.) quia habitus cum vera, rectaque ratione, quatenus apprehendit rectitudinem operabilium, non vero facit, aut dicitur. Cognitio igitur agendorum in primo omnium Artifice, est mensura juxta quam opera-

tur, etsi non directiva operis faciendi. Atqui prima causa attingit quicquid est entitatis in indivis: nullus enim gradus entitatis potest esse improductus in eis: ergo ejus cognitio extenditur, atque pervadit omne producendum in ipsis, quoad omnem penitus gradum cognoscibilitatis reperiuntur in eis: igitur ex eo quod Deus sit Artifex perfectissimum agendorum, perfectissimam, atque exactissimam scientiam habet individuum omnium, ad quæ ejus actio terminatur: non solum quatenus inest ipsis ratio specifica, sed quoad gradum singularitatis eorum, qui gradus additur rationi specie, propter quam repugnat individuo divisibilitas; sicut igitur à ratione specifica non est individuatio, ita per speciem non cognoscitur individuum. Sed quemadmodum exigit specialem gradum entitatis, ita & propriam habet cognoscibilitatem; ergo scientia Dei distinctè simè ea attingit, sicut & ipsius virtus activa producit. Deinde singulare est per se intelligibile, nec adæquate intelligitur per quodcumque superius inclusum in illo; quamvis quicquid est intelligibilis in quocumque superiori, per cognitionem distinctam ipsius singularis perfectè cognoscatur. Atqui perfectionis est in unoquoque producere notitiam sui in intellectum, qui ex se capax est omnis cognoscibilis; idque maximè est verum de notitia intuitiva omnium perfectissima; igitur hæc perfectio reperta in cunctis intelligibilibus est virtualiter in essentia divina; ergo cum movet intellectum infinitum ad cognitionem omnium contentorum in ipsa, necessario facit intellectui sibi proportionato nota omnia, & singula cognoscibilia, quoad omnem gradum, & perfectionem, ac proinde quoad gradum singularitatis, maximè, cum in ipsis individuis includantur essentia alterius gradus superiores, & non è converso. Postremo, singularia sunt cognoscibilia ab intellectu creato sub propria ratione singularitatis; quia hæc cognitio nec sibi repugnat, neque est tali potentie cognitive improportionata; ergo multo magis intellectus infinitus est eorum cognoscitivus; cum id sit perfectionis in omni intellectu, qui est omnis intelligibilis, inter quæ locum habere ipsa singularia maximè oportet. His enim consultis Princeps universalis, atque unum voluit gratia alterius; unicuique præscribendo proprium finem, attingendum ab unoquoque mediis operationibus, & tandem omnia ordinando ad se ipsum, à quo & acceperunt esse; nec aliter rectè ordinata atque disposita fuissent. *Ordo enim est parium, impariumque rerum unicuique loca sua distribuens congrua dispositio*; ex August. 19 de Civit. cap. 13. igitur ab illo, qui hunc ordinem universi intendit, sicut bonum in se ipsum ejus, non tantum intenditur imparitas, quæ ex diversitate specierum est, sed etiam paritas individuum in unaquaque specie: Et porro hanc individuum paritatem tanquam ordini essentialem, & primo intendit eam, ut aliquid ad finem; non potuissent autem intendi ut ordini necessaria, nec ordinari ad finem, nisi exactissimè cognita fuisset tanta rerum paritas, seu æqualis participatio specierum ab individuis uniuscuiusque, secundum omnem modum, & gradum, in quo conveniunt, & secundum quod ab invicem distinguuntur.

AD ARGUMENTA. Ad primum respondeo dictum Philosophi procedere, cum intellectus sistit in vilius quæ intelligit, vel impeditur propter ea ab intellectu digniorum. Quod si intellectus semper intelligat aliquid dignissimum, & exinde moveatur ad intelligenda viliora, id non derogat

Doct. 12. *Metaph. q. 14. argum. princ.*

Doct. 7. *Metaph. q. 14. argum. princ.*

S. Thom. *Tertium principium.*

2. dist. 2. q. 6. §. hic dicitur.

2. dist. 2. q. 6. §. hic dicitur.

2. dist. 2. q. 11. §. Ad primam rationem.

§. ubi supra §. Respondeo.

11. *Metaph. q. 14.*

2. dist. 2. q. 8.



dignitati intellectus, nec propterea dicendus est vilesce: Et ita sanè intelligit primum principium, ut in antecedentibus fuit declaratum.

Ad Secundum Respondeo; quoniam quis artem sibi acquirere potest & per experimentum, & per doctrinam: qui artem didicit citra experimentum, minus certo operabitur, quam expertus: & nihilominus erit perfectus artifex ex habitu perfecto artis universalis. Quia igitur Deus est sapientissimè, ac certissimè operans; non est in eo ars sub ratione universalis habitus, sed quemadmodum est in eo, qui per multa experimenta Artifex perfectus evasit. Is autem scit applicationem artis universalis, ex scientia individuum, & circumstantiarum, ex quibus pendet felix exitus operabilis; igitur multo magis Deus habet certissimam cognitionem individuum, & cunctorum ipsa circumstantium, quippe in cujus operatione nullus contingere possit error.

Ad Tertium dicendum, Singulare esse per se intelligibile, quantum est ex parte sui: sicuti est per se ens. Et cum subditur; quia singularitatis principium est materia, quæ nullam habet similitudinem in Deo. Respondeo, materiam, quæ est altera pars compositi, esse non posse principium individuationis, explicabitur infra, q. 50. art. 4. Cæterum abstrahendo ab hac controversia, materiam habere propriam ideam, vel similitudinem in Deo; ac proinde esse per se intelligibilem patebit questione sequenti, articulo 3.

Ad Quartum Respondeo: Per hoc quod species est athoma, est indivisibilis in pures species: sed cum tali indivisibilitate stat divisibilitas in partem ejusdem speciei. Ad confirmationem dicendum artificialem divisionem statum habere in specie specialissima: quia ulterius procedere est incidere in infinitum, quod est ab arte relinquendum: Individua enim in eadem specie possunt procedere in infinitum, ex eo quod nihil sit ex parte eorum, unde ad certum numerum determinentur. Strictè igitur divisionem accipiendos, prout afficit illud, quod requirit determinatas partes in multitudine, species non dividitur in individua: Etsi revera alioquin unumquodque individuum proprio actu substantiali constituitur, & ab altero distinguitur: non verò per quantitatis designationes: cæterum intelligentia primo si fisteret in ratione specifica, imperfecta esset, & in potentia ad perfectiorem cognitionem, qua nempe attingerentur individua, quæ per se ordinantur ad summum bonum: atque subinde sub providentia Reſtoris universitatis rerum primo veniunt, eique directè subiiciuntur.

## ARTICULUS XII.

Utrum Deus possit cognoscere infinita.

Doct. de rerum principio, q. 16. n. 43. 1. dist. 2. qu. 2. §. Ostensio proposito. De primo principio, cap. 4. conclusi. 9: 1. Report. dist. 36. q. 4. S. Thom. 1. p. q. 14. articulo 12.

**V**IDETUR Deus haud cognoscere posse infinita. Nam infinitum, secundum quod infinitum, est ignotum, ex 1. Phys. tex. c. 35. & 2. Metaphys. tex. c. 13. dicitur eos, qui ponunt infinitatem in causis destruere scientiam. Dei autem scientiam oportet esse exactissimam, ac distinctissimam: ergo non se extendit, nec attingit infinita, unde aliqua imperfectio in illam redundaret.

Præterea, Ex Augustino, 12. de Civit. cap. 18. *Quidquid scientia comprehenditur, hoc scientis comprehensione finitur.* Sed infinita non possunt finire: quia jam infinita non essent: ergo nullius scientia, ne Dei quidem valent infinita comprehendere: Exinde enim evaderent finita: nec proinde ab illo intelligerentur infinita.

Neque juvat respondere, tunc ea fore finita respectu ejus comprehensionis, sed non in se. Non juvat, inquam: quia unumquodque tale est in se, quale apparet verè cognoscenti illud: alioquin enim deciperetur: ergo si respectu scientiæ divinæ verissimè, ac penitissimè comprehenditis omnia, sunt finita: & in se ipsi erunt finita: igitur si Dei scientia terminaretur ad infinita, non forent amplius infinita: ac proinde non contingit Deum cognoscere infinita.

Præterea, *Infinitum non est majus infinito*, ex 3. Phys. cap. de inf. si autem Dei cognitio esset infinitorum, unum infinitum foret majus alio: ergo Dei scientia non terminatur ad infinita. Probatur minor. Nam objectum primum scientiæ, & intellectus Dei, est intensivè infinitum; ergo si præterea aliud esset infinitum cognitum ab eo, unum infinitum aliud excederet; vel certè essentia divina non intelligeretur ut excedens aliud infinitum: atque ita ex æquo beati quiescerent, & beatificarentur in utroque infinito: quod negat Augustinus 5. Confess. cap. 4. *Beatus est qui te, & illa novit, nec tamen propter illa beator.*

Præterea, Eadem inconvenientia, quæ sequuntur, si ponantur actu infinita in esse reali, sequuntur ad infinitum in esse cognito: ergo utrumque infinitum ex æquo repugnat. Probatio assumpti: Posito infinito in re extra, sequitur partem esse æqualem toti: imo & toto majorem: id ipsum autem rectè infertur ex infinito in mente divina. Si enim Deus cognoscit infinita: exinde dematur per intellectum pars, ut centum: quæ remanent adhuc sunt infinita: quia sicut additio finiti non facit infinitum: ita nec ablatio finiti de infinito, efficit finitum. Ex his igitur, quæ supersunt, & quæ præcisa sunt, fiat totum, pars est equalis toti. Nam vel tot millenarii sunt in numero infinito, quot binarii: & ita pars est equalis toti conflato ex multis partibus: vel si plures sunt binarii, quam millenarii: profecto pars erit major toto. Propter hæc omnia, & consimilia negatur infinitum in re extra: ergo non est concedendum in mente divina iisdem absurditatibus recurrentibus.

CONTRA, Augustinus 12. de Civit. cap. 18. *Eos quippe (nempe numeros) infinitos esse, certissimum est, ita vero suis proprietatibus unusquisque numerus terminatur, ut nullus eorum par esse cuicunque alteri possit: ergo & dispar es inter se, & atque diversi sunt, & singuli quique finiti sunt, & omnes infiniti sunt.* Et pergit: *Itane numeros propter infinitatem nescit Omnipotens Deus, & usque ad quandam summam numerorum scientia Dei pervenit, ceteros ignorat? quis hoc etiam vel dementissimus dixerit? Absit itaque ut dubitemus, quod ei notus sit omnis numerus, cujus intelligentiæ, sicut in Psalmo canitur, non est numerus.*

RESPONDEO dicendum, Deum certissimè cognoscere actu infinita. Nam quæcunque sunt infinita in potentia, adeo ut accipiendos aliterum post alterum, nullum possunt habere finem, ea omnia si simul sunt, oportet esse actu infinita. Atqui intelligibilia sunt infinita in potentia respectu intellectus creati. Siquidem quibuscunque

Videndus Mag. rons. 1. dist. 36. q. 5. 2. dist. 3. q. 7. Videtur etiam argumentum, procedere de scientia visionis respectu operationum substantiarum spiritualium per totam æternitatem est ciendarum.



individui cujusque speciei intellectus, semper alia superiunt intelligenda, & accipienda; quandoquidem ex se ipsis nullam cognoscant intrinsecam determinationem ad certum numerum; sunt ergo infinita in potentia. Sunt rursus hæc omnia actu cognita intellectui divino; ergo Deus cognoscit infinita. Probatio majoris: Omnia accipiabilia, non possunt esse prorsus simul accepta, quia tunc aliquando non superesset aliud accipiendum; ergo si actu simul sunt in aliquo esse, sunt infinita actu. Quod verò omnia sint actu cognita intellectui infinito, constat ex dictis, articulo 5. & 6. nam unumquodque potest producere noticiam sui in intellectu, qui ex se est omnis intelligibilis; intelligibilitas autem est perfectionis in entibus; imò proportionatur entitati uniuscujusque; ergo hæc distincta, & divisa perfectio infinitorum intelligibilium est unita, & simul in infinitè perfectio; igitur simul omnia cognoscit, quorum intelligibilitatem continet, atque præsens est ipsius intellectui. Deinde, intellectus, qui est comprehensivus entitatis, vel objecti intensivè infiniti, est multò magis comprehensivus infinitatis extensivæ, participatæ ab infinitate intensivæ. Divina essentia est intensivè infinita in linea essendi, & exactissimè adequata intellectui infinito; ergo multò magis huic intellectui erit cognitum infinitum extensivè; quod est objectum secundarium ejus, causatum per intelligentiam, a qua accipit primum esse cognitum & possibile, & intelligibile: ac proinde est infinitum quadam infinitate participata, cujus est quasi causa infinitas intensiva.

AD ARGUMENTA. Ad primum dicendum Aristotelis esse sermonem de infinito in potentia; unumquodque enim cum sit cognoscibile, quatenus in actu, atque ejus infiniti ratio postulet, ut quibuscunque acceptis semper sit aliud, & aliud accipiendum, necessariò est ignotum cognoscenti, ipsum secundum hunc modum: at non propterea latere debet intellectum infinitum, respectu cujus sunt omnes partes simul acceptæ in esse objectivo, & cognito; quia simul acceperunt per ejus operationem primum esse intelligibile, adeo ut nihil supersit intelligendum, vel quod possit accipere esse cognitum, & non acceperit. Nam quoniam eo actu adequatè comprehenditur infinitum intensivè: in signo posteriori necessariò accipit esse intelligibile quicquid reperitur in virtute illius objecti intensivè infiniti. Eteadem est responsio ad auctoritatem ex 2. Metaphysicæ; loquitur enim de scientia respectu intellectus finiti, unde dicit: *Tunc enim scire putamus, cum causas ipsas noverimus. Infinitum verò non est pertransfere in finito tempore.* Si igitur per impossibile causæ forent infinitæ, profecto non minus notæ essent intellectui infinito, sicuti & comprehendit numeros infinitos.

Ad Secundum patet solutio ex iis, quæ ibidem subjicit Augustinus, dicens, *perfectio, & omnis infinitas, quodam ineffabili modo Deo finita est,*

*quia scientia ipsius incomprehensibilis non est.* Quare infinitas numerorum respectu scientiæ Dei non potest esse infinita. Et secundum hoc est concedenda prima responsio, quia sicuti numeri finiti scientiæ Dei comprehenduntur, ita respectu ejus finiuntur, non tamen in se ipsis. Et cum arguitur contra, quia numeri essent quoque finiti in se, si finirentur scientiæ Dei comprehendendis. Dicendum, numeros infinitos respectu scientiæ Dei non finire simpliciter; sed duntaxat secundum quandam proportionem, quatenus infinita se habent ad intellectum infinitum, sicut finita ad finitum. Unde quia infinitas numerorum non excedit scientiam Dei, in ordine ad illam tale infinitum habet modum finiti, quamvis simpliciter, & in se, & ut objectum intellectus divini, sint numeri omnes verè finiti. Ac eadem est ratio de essentia intensivè infinita, quatenus comprehenditur ab intellectu infinito: ut supra articulo 3. dictum est.

Ad Tertium respondeo, assumptum non esse verum cum infinita sunt alterius, & alterius rationis, ut in casu. Exemplum: si superficies, & linea forent infinitæ, quia diversæ rationis, linea excederetur à superficie in infinitum. Ita in proposito, Essentiæ divinæ intensiva infinitas est objectum fruitionis, & ultima quies naturæ intellectualis: est enim prima infinitas, imparticipata, & fons, atque origo omnis boni: At aliorum quorumcunque infinitas, quoniam ab alia participata, & suo modo causata, est infinitas secundum quid, atque ab alia infinitate in infinitum deficiens: nec propterea naturæ intellectualis quietativa.

Ad quartum, supra, q. 7. art. 4. §. *Ad secundum* pro hujus argumenti solutione plura in medium adducta fuere, hic non repetenda: Satis erit breviter dixisse, longe aliam esse rationem creaturarum, vel intelligibilium, quatenus sunt objectum intellectus divini, & prout comparantur ad Omnipotentiam, vel voluntatem infinitam cum ordine ad realem existentiam. Nam contraria simul sunt in intellectu, non tamen à parte rei, & tempus omne, & motus omnis simul, unicoque intuitu à Deo videntur, nec tamen fieri potest, ut perinde producantur in esse realis existentiae. Ex quo evidens est, non eadem inconvenientia consequi esse cognitum intellectus, & esse reale potentiae productivæ: ac proinde nullam esse hanc consequentiam. *Infinitum repugnat à parte rei; ergo & in intellectu comprehendente omnia.* Accedit, quod suppositio illa de ablatione partis ab infinito, non videatur admittenda. Infinitum enim est extra quod nihil est: ac subinde oportet esse totum, & perfectum: præcisè autem ab infinitate intelligibilium, vel minima parte, quod superest non est amplius infinitum: quia extra est aliquid, quod illi addatur, nec consequenter erit totum, & perfectum. Sed videbis citatum articulum 4. & articulum primum ejusdem quæstionis 7.

Quodl. q. 5.



## ARTICULUS XIII.

Utrum scientia Dei sit futurorum contingentium.

Doctor 1. dist. 39. in Report. ibidem. q. 2. S. Thom. 1. p. q. 14. articulo 13.

Quoniam ad exactiorem intelligentiam dicendorum refert plurimum primariam contingentiam radicem nosse, ideo solutioni presentis quesiti sequentem pramittendum duximus.

## ARTICULUS INCIDENS.

An prima radix contingentiae sit statuenda in prima omnium causa, vel in causis proximis contingententer productorum.

Doctor 1. dist. 2. q. 2. §. Ostenso esse. V. Item Tertio. dist. 8. q. 5 & dist. 39. In Report. ibidem. dist. 40. de primo principio cap. 4. & de rerum principio, q. 4. S. Thom. 1. p. q. 14. art. 13. in solutione principali & argumentorum.

Videtur prima contingentiae radix esse statuenda in causa proxima effectus contingentis, non verò in causa prima. Siquidem simulant scitorum aliqua, ut futura, esse necessaria respectu scientiae Dei, & contingentia in ordine ad causas proximas; igitur inest eis contingentia ab his causis, ac proinde in ipsis est statuenda prima contingentiae radix.

Confirmatur per Boetium 5. de Consol. profa 6. Si dicas inquit, quod eventurum Deus videt illud non evenire non posse: quod autem non potest non evenire, illud necessitate contingere, meque ad hoc nomen necessitatis adstringas. Respondeo, idem futurum cum ad divinam notitiam refertur, est necessarium: cum verò in sua natura penditur, liberum prorsus est, & à vinculis necessitatis absolutum.

Præterea, Concurrentibus ad ejusdem effectus productionem causa remota, & proxima, potest aliqua imperfectio inesse effectui à causa proxima, & non à remota. Et quidem deformitas in actu peccamirò non à causa prima, sed à secunda est, quamvis idem positivum cui annectitur culpa, ab utraque causa sit; hinc voluntati creatæ culpa rectissime imputatur; ergo quamvis ex parte causæ remotæ esset necessitas, atque ita quantum ad ipsam spectat, necessariò cuncta evenirent: tamen à causis proximis possent contingentiam mutuare, ac verè complura contingentia reperiri in rerum universitate.

Præterea, Philosophis, & quidem perspicacissimis, ut Aristoteli, & Avicennæ erat persuasum, omninò esse contingentiam in entibus, atque aliquod contingententer causari, & nihilominus opinabantur; Deum esse causam necessariam: ergo istis non videbatur primam contingentiam radicem esse ponendam in causa remota, sed magis in causis proximis: quatenus ex motu, qui necessariò causatur, in quantum uniformis, sequitur diffinitas in partibus ejus, & ita contingentia: igitur non quia primum principium contingententer causat, isti putabant contingentiam in entibus reperiri: sed quia aliqua naturaliter mota possunt impediri, & ita oppositum contingententer, & violenter fieri, & evenire.

Contra, in omni genere, & ordine est unum, quod est principium, & causa cæterorum ejus or-

dinis, ac subinde mensura quoque illorum: ergo in ordine principii liberè, & contingententer operantis, est unum, à quo sit talis modus agendi in cæteris, & mensura cæterorum. Primum liberum non potest esse aliud à primo principio, in quo omnis primitas simpliciter perfectionis concurret; ergo respectu aliorum à se erit liberè, & contingententer causans: quia alioquin diceret necessariam habitudinem ad aliud minus necessarium se, quod est impossibile: est igitur in illo prima contingentiae radix.

Respondeo dicendum, primam radicem contingentiae ita esse in primo libero, quod est prima omnium causa, ut si per impossibile in eo non esset, nihil contingententer fieri, & evenire posset in entibus, ac subinde nulla actio causarum secundarum foret rectè imputabilis ipsis, nec digna laude, aut vituperio. Porro ens esse contingens, & contingentiam esse in entibus; non esse quid demonstrabile à priori de ente, ex eo constat, quia entis cum sit conceptus simpliciter simplex, nequit esse definitio, per quam de ipso aliqua passio demonstretur: nec rursus demonstrari id potest per passionem priorem; quia talis ordo passionum, vel nos latet, vel si deprehendatur, præmissæ inde assumptæ non forent multum evidenciores conclusionibus. Hæc igitur, aliquod ens est contingens, est primò vera, & non demonstrabilis propter quid. Unde Philosophus 1. Periberm. cap. ultimo arguens contra necessitatem futurorum, non deducit ad aliquod impossibile hypothese, sed ad aliquid impossibile nobis manifestius, scilicet, quoniam si omnia de necessitate evenirent, profectò non oporteret consilium capere de rerum eventibus; nec negotiari: quod nemo sanæ mentis concederet. Est ergo de se notum contingentiam esse in entibus. Hanc itaque tanquam à primaria causâ, & principio pendere, & in voluntate primi liberi, veluti in prima radice contineri, declaratur. Nam causa secunda producit effectum, in quantum movetur à prima causâ, id est quatenus prima omnium causâ una ad illius productionem concurret sic, ut ea non concurrente, impossibile foret, causam secundam quidquam agere, ergo cum causâ secundam producat in quantum movetur à primâ, si necessario movetur à primâ (quod planè eveniret, si hæc naturaliter, & non contingententer ageret) necessario movet proximum sibi, nempe necessario producit effectum suum, ergo omnis effectus causarum proximarum de necessitate eveniret, semel posita necessaria habitudine primæ causæ ad causam secundam: ergo si aliquod contingententer sit, atque producit, oportet eam contingentiam de modo agendi liberè primæ causæ omninò descendere. Deinde, causâ prior prius natura respicit effectum suum, quam causâ posterior; Ex prima propositione de causis; ergo in illo priori, si primum habet necessariam habitudinem ad ipsum, dabit ei esse necessarium. In secundo autem instanti naturæ nequit causâ propinqua dare eidem esse contingens: quia jam præintelligitur habere à primâ causâ esse repugnans contingentiae. Neque fieri potest ut in eodem instanti illæ duæ causæ dent esse causato: quia super illud esse non potest fundari necessaria habitudine ad primam causam perfectè, ac necessariò dantem esse, & contingens habitudine ad causam proximam. Rursus quicquid producit à causis secundis, & proximis, potest immediatè produci à primâ. Si autem producta quæque immediatè producerentur duntaxat à causâ primâ, haberent profectò eandem entitatem, quam habent concurrentibus etiam causis proximis; forent ergo

12. Metaph. q. 2.

Cajetanus super art. 13. c. 10. p. 2. nititur solvere has Scoti rationes. Sed Lychetus super dist. 49. primi ostendit earum insufficientiam in solutionem, S. Thom. infra q. 19. art. 8. contingentiam in entibus dicit esse à divina voluntate, quatenus efficacissima est. Sed nos putamus exinde pètere & descendere contingentiam quia liberè, & contingententer extra se agit. Obicit Cajetanus ibi; quia tunc contingentia non esset volitæ à Deo. Respondo Contingentia est sequela entis finiti, atque in ipso volitæ, sicuti necessitas sequitur ad ens ianiticum.



ea in hypothefi contingentia, quemadmodum & modo funt contingentia; ergo talis contingentia nunc non ineft ipsis præciſe à cauſis proximis, ſed etiam à cauſa prima, & maximè; quandoquidem ea neceſſario agente, nulla eſſet contingentia in entibus, ut inducta oftendunt argumenta. Poſtremo Deus immediatè produxit mundum, Cælum, & terram, ita contingenter cuncta fecit: (potuit enim non produxiſſe; quæ eſt formalis ratio productionis contingentis) & nunc eodem modo produçendi utitur in iis, quæ creat, cum ſimpliciter poſſit non creare, ergo de cauſa prima primo deſcendit contingentia in entibus, adeo ut ſi per impoſſibile ſibi ineſſet contrarius modus cauſandi, quod eſt contingentia contrarium, illi correfponderet in effectu.

AD ARGUMENTA. Ad primum dicendum fieri omnino non poſſe, ut aliquid in ſe fit abſolutè neceſſarium reſpectu cauſæ primæ, & contingens in ordine ad cauſam ſecundam, vel proximam, quia (ut dictum eſt) cauſa prima largiente per neceſſariam habitudinem perfectum eſſe effectui, incapax exinde eſt (nempe in ſigno poſteriori naturæ, in quo cauſam ſecundam agere oportet) fundandi habitudinem contingentem ad cauſam proximam. Si igitur non ſecundum eandem habitudinem ad utranque cauſam idem effectus comparatur, habituſque, vel ordo, vel dependentia inerit ſecundum aliam, & aliam rationem. Itaque cum ait Boetius futura reſpectu ſcientiæ divini eſſe neceſſaria, in ſe ipsis vero, vel in ordine ad cauſas proximas contingentia, intelligendus proſecto eſt (prout & ibidem ſe diſertè exponit) non, de neceſſitate abſoluta, & conſequentis, ſed duntaxat de neceſſitate conditionata, & conſequentiæ: quatenus ſcilicet, hæc eſt neceſſaria conſequentia; ſi Deus ſcit Antichriſtum eſſe futurum, Antichriſtus certiſimè erit; ſed non propterea tale futurum à prima cauſa accipit abſolutam neceſſitatem, imo ſicuti contingenter produçetur ſuo tempore, ita nullam neceſſitatem abſolutam recipit à prima cauſa; & ſi hanc inde acciperet, per nullam aliam poſſet eſſe effectus contingenter produçtus.

Ad ſecundum reſpondeo, contingentiam non eſſe tantum privationem, aut defectum entitatis, quemadmodum deformitas in actu peccaminoso, eſt carentia reſtitutionis, quæ illi ineſſe deberet, & non ineſt; igitur exiſtimandum eſt, contingentiam conſequi ad entitatem, tanquam modum poſitivum ejus, ſicuti & neceſſitas eſt & modus poſitivus entis infiniti contingentia oppoſitus. Cum igitur omne poſitivum, quod eſt in effectu, principaliter ſit à cauſa priori, contingentia in entibus haud eſſe poteſt duntaxat à cauſa ſecunda, de qua præciſe eſt obliquitas in actu libero: ſed præcipuè & per priuſeſta cauſa prima, adeo ut in nullo cauſato reperiretur contingentia, niſi cauſa prima contingenter cauſaret; ut oſtenſum eſt.

Ad tertium dico, Philoſophos lumine fidei deſtitutos multas latentes contradictiones ultro admiſſiſſe, cujuſmodi eſt, aliquid contingenter fieri in entibus, & primum principium naturali neceſſitate cauſare: ex hoc enim antecedente evidenter ſequitur omnia de neceſſitate evenire, ac nihil ita fieri, cujuſ oppoſitum poſſet evenire, quando illud fit. Hoc enim admiſſo, ſcilicet aliquid contingenter fieri in entibus, & negare primam cauſam contingenter cauſare, manifeſta contradicção eſt. Nec poteſt ſalvari contingentia in entibus per motum. Nam ſi totus motus uniformis neceſſario eſt à cauſa ſua, quolibet pars ejus neceſſario cauſatur quando cauſatur, & inevitabiliter, adeo ut op-

politum nequiret tunc cauſari, nec aliter; & proinde quicquid cauſatur per quæcumque partem motus pari neceſſitate accipit eſſe, & inevitabiliter. Veligitur nihil contingenter, id eſt, evitabiliter cauſatur, vel primum ita cauſat, ut poſſit etiam non cauſare. Cœterum, eſti concurrentibus cauſis naturaliter agentibus, ac contrariam habentibus activitatem, non niſi fortiorum cauſarum evenirent effectus, non tamen ex eo ſalvatur contingentia in entibus; quia illi effectus inevitabiliter cauſarentur, nec aliquid malum imputabile exinde reſultaret, ſed duntaxat malum in natura cauſarum illarum, quæ impedit à valentioribus proprium effectum habere non potuerunt.

## ARTICULUS XIII.

Utrum ſcientia Dei ſit futurorum contingentium.

Doct. & S. Thom. locis ſupra citatis.

VIDETUR Dei ſcientia non eſſe futurorum contingentium. Etenim ſcientia Dei eſt certiſſima, ac determinatiſſima, determinatione oppoſita incertiſſimæ, vel opinabili conjecturæ: ſed ſecundum Philoſophum 1. *Periberm. cap. ult.* in futuris contingentibus non eſt determinata veritas, nec ſcibilitas ſubinde; quia alioquin ſuperfluum foret conſiliari, & negotiari; nam eadem prorsus evenirent, ſive conſilia adhiberentur, ſive non; igitur intellectus divinus non attingit futura contingentia: ex quibus objectis in ipſum aliqua imperfectio redundaret.

Præterea, Potentia Dei ſi foret limitata ad unam partem, eſſet imperfecta: ſac enim Deum ita poſſe aliquid, ut nequeat oppoſitum efficere, non foret potentiæ illimitatæ, vel omnipotens, ſed potius determinatæ virtutis ad hanc partem; ergo pariter ſi ſciat unam partem eventuram futurorum, ut non aliam, ſicuti ipſum ſcire oporteret, ſi ei attribueretur ejuſmodi ſcientia, proſecto non eſſet omniſciens, ſed potius determinatus ſecundum ſcientiam.

Præterea, Si Deus noſſet futura contingentia, hoc ipſo eſſent neceſſario futura, & non amplius contingentia; ergo Dei ſcientia non extenditur ad ejuſmodi objecta. Probatio aſſumpti etenim ſequitur: Deus ſcit aliquid contingenter futurum: ergo neceſſario erit. Deinde, Deus immutabiliter ſciat ea futura: ergo neceſſario: nam quicquid in Deo eſt, immutabiliter eſt neceſſario: non enim eſt alia neceſſitas in illo, quàm immutabilitatis. Rurſus, quicquid poteſt eſſe in Deo, poteſt eſſe idem Deo, & per conſequens Deus: ergo ſi ſcientia futurorum contingentium poteſt eſſe in Deo: ergo de neceſſitate eſt Deus & neceſſaria, & ſimpliciter perfectio.

Præterea, à cauſa neceſſaria procedit effectus neceſſarius: ſed Dei ſcientia eſt cauſa rerum, & quidem neceſſaria: igitur ejuſ ſcientiæ objecta oportet eſſe neceſſaria: non igitur cadunt ſub ipſam, quæ ſunt futura contingentia.

CONTRA, perfectiſſimo nulla de eſſe poteſt perfectio: attingere autem omnia ſcibilia, & futura, & poſſibilia, eſt perfectio: ergo in Deo eſt ſcientia contingentium futurorum. Hinc Auguſtinus 5. ſuper Genef. cap. 7. *Non aliter*, inquit, *novit Deus fuſta, quàm fienda.*

Reſpondeo dicendum, Deum ſcientiam certiſſimam habere contingentium futurorum. Et quidem rem ita eſſe, oſtenſum fuit in antecedentibus, & præ-



& præsertim articulo 3. *¶* nono, & sequentibus: nihil enim latere potest intellectum scientem infinita, & entia cuncta, & non entia, & singularia omnia, & mala per oppositas rectitudines, & bonitates. Hinc ipse solus revelat futura, atque edicit per Prophetas suos, & nemini alteri à Deo id esse possibile, testatur Scriptura divina dicens: *Annunciate quæ ventura sunt, & sciemus, quia Dicitis vos*, Isaiæ cap. 41. At qualiter id esse possit, declaratur ab aliquibus per hoc: quia totus fluxus temporis, & omnia, quæ sunt in tempore, præsentia sunt æternitati. Nam æternitas immensa est, & infinita: ergo sicut immensum est simul præsens omni loco, ita æternum est simul præsens toti fluxui temporis, & temporalium cæterorum: *nunc* enim æternitatis non cœquatur instanti temporis, sed magis excedit ipsum: ergo coexistit etiam instanti futuro, & ita de cæteris omnibus. Additur etiam exemplum: tota circuli circumferentia præsens est centro: imaginando ergo totum tempus se habere instar circumferentie, cujus centrum sit *nunc* æternitatis, quamvis circumferentia ipsa fluat, tamen totus fluxus, & quælibet pars ejus est semper centro præsens; omnia ergo temporalia, sive præterita, sive præsentia, sive futura coexistunt, atque præsentia sunt æternitati, intantum, ut qui est in æternitate, videt ea præsentialiter, ob talem coexistentiam. Contra hunc modum declarandi Dei scientiam respectu contingentium futurorum; & primo quidem ex ratione ipsius immensitatis, qua putant propositum egregiè declarari. Nam etsi Deus per immensitatem sit præsens omni loco, adeo ut omni bus locis, atque locatis coexistat: tamen per immensitatem nec est, nec rectè dicitur coexistere locis possibilibus, & non actu existentibus: coexistere enim involvit respectum realem, ac subinde realia exigit extrema. Nec aliquis dixerit, Deum per immensitatem coexistere iis, quæ existere, seu creari possunt extra universum, cum actu nihil sint; ergo quemadmodum immensitas non est ratio coexistendi loco potentiali, sed duntaxat actuali; ita nec æternitas esse potest ratio coexistendi alicui, nisi secundum suum esse reale existat: illud enim, quod non est, nulli coexistere potest. Deinde, si futurum contingens habet esse in se ipso, propter quod verè, & realiter coexistit Deo, profecto ejusmodi futurum est realiter in se existens; quia respectu nullius alterius causæ à prima, habere potest verius esse: atque ita impossibile foret in tempore id futurum poni in actu, quod nemo dixerit; ergo non sunt dicenda futura coexistere æternitati; cum nihil sint in æternitate, nisi secundum esse cognitum. Rursus, si Antichristus futurus non tantum quoad esse cognoscibile, sed etiam quantum ad entitatem, quam habiturus est in esse existentia: est nunc præsens æternitati; ergo oportet ipsum esse productum à Deo, secundum illud esse. Sed hoc ipso quod Antichristus est futurus, alquando Deus illum producturus est; ergo idem bis produceretur in esse, quod est absurdum vel opinari. Denique præsentia hæc futurorum æternitati non sufficit infallibilitati, & certitudini scientiæ eorum: ergo Deus aliunde illa novit, & non per hanc coexistentiam (ut putant) Probatio assumpti: nam per hoc quod Antichristus sit præsens æternitati, adhue est futurus pro aliqua differentia temporis. Per quid ergo ejus futuritatem, & ut aliquando producendam certissimè cognoscit? non per coexistentiam æternitati: quia Antichristus non est præ-

sens, sed futurus: ergo id Deus novit per aliquid aliud: ergo illud satis est omni cognitioni certæ habendæ de existentia cujuscumque futuri, abstrahendo ab omni præsentia, vel coexistentia eorum æternitati. Accedit etiam, quod ita opinantes ponunt ævum Angeli omnino simplex coexistere indivisibiliter omni tempori: igitur Angelus æternus præsens est toti fluxui temporis, & omnibus partibus ejus: ergo ex primaria ratione eorum, Angelus deberet naturaliter cognoscere futura contingentia, quod diserte Scriptura divina negat. Qualitercumque igitur declaret contingentia futura esse præsentia æternitati, non ab hac veluti ex præcisa ratione Deus videtur habere scientiam contingentium futurorum.

Est igitur Deus sciens futurorum contingentium non ex eo, quod æternitati coexistunt, sed quia eorum futurorum est representativa divina essentia, à qua movetur intellectus infinitus ad intellectionem omnium omnino scibilium, quantum diversimode. Nam ad intellectionem omnium possibilium movet necessario in primo instanti independentem ab omni actu voluntatis; incuti enim Deus necessitate, non voluntate est Deus, ita necessario, & non voluntate est sciens propriè, quantum non sine voluntate complacente. Exinde ostensis voluntati omnibus possibilibus, atque operabilibus, eorumque principiis, aliqua ex his omnibus acceperant à voluntate, & decernuntur futura, quia efficaciter volita pro aliqua temporis differentia; respectu itaque omnium agendorum, atque operabilium prima determinatio est in divina voluntate, qua posita determinatione, extemplo omnium est ostensiva intellectui essentia divina, idque naturaliter, & necessario ex parte sui; ita quod sicut essentia est ratio cognoscendi simplicia, ita & complexa talia, quæ voluntas voluit esse futura. Nam ante actum voluntatis determinativum eorum non sunt vera contingentia, aut sunt duntaxat neutra intellectui, cum non habeant veritatem determinatam; perinde enim in illo instanti *Antichristus potest esse, ac non esse*. At posita determinatione voluntatis divinæ decernentis futuritatem illius possibilis, complexio evadit vera determinatè; ac eadem essentia, quæ fuerat ratio intelligendi simplicia, & complexa tanquam neutra, est item ratio ostendendi intellectui in secundo instanti, illa complexa habere veritatem determinatam, atque verissimè pro aliquo tempore futura, ac ponenda in esse existentia realis. Ratio itaque intelligendi est eadem, & eodem modo se habens respectu simplicium, & complexorum determinatè veritatem habentium, sed scitorum aliqua habent necessario determinatam veritatem, nempe omniaabilia; aliqua vero scilicet futura, duntaxat sunt determinatè vera à principio libero; sed perinde necessario ab essentia intellectui ostenduntur, atque ita determinatè, & immutabiliter apprehenduntur, & eodem modo, quoabilia, quantum in signo posteriori, id est, post actum voluntatis, sciuntur. Nec aliquam diversitatem exinde subit scientia, nisi secundum alium, & alium respectum rationis terminatum ad scita non eodem modo veritatem determinatam habentia, sedabilia ab intrinseco, & necessario futura ab actu voluntatis divinæ, & contingentem. Aptum exemplum esset, si stante in potentia viviva eadem visione, nunc fieret ei præsens iste color, nunc ille, non foret quippe alia differentia in visione nisi secundum prius, & posterius; quatenus visibilia ordine quodam illi obicerentur. Et etiam si

Qua ratione  
Deus intelligat  
futura contingencia.

1. dist. 38. §. Ad  
primum. Quod  
lib. 1. q. 16. §. De  
secundo articulo.  
V. Et igitur ad  
dit.

Prolept. §. 3. De  
primo.

§. Thomas hic  
in solutione 1.  
contra Gen. c. 66.  
& 1. dist. 39.

Magist. Lychet-  
us 1. per dist.  
39. primi ad  
§. Ad argumen-  
ta pro 2. opinio-  
ne ostendit co-  
existentiam respon-  
dentes ad ratio-  
nes Scoti non  
subsistere. Vid.  
quoque Bonci  
Commentatio-  
2cs.



unus color fieret naturali et præsens, & alius liberè, adhuc oculus videret naturaliter utrumque, tamen contingenter diceretur videre unum objectum, & aliud necessario; quia sicut illud posset non videre, ita istud non posset non videre. Est igitur in intellectu divino scientia certissima omnium contingentium futurorum per eandem rationem intelligendi, per quam intelligit omnia possibilis necessaria.

Ad ARGUMENTA. Ad primum respondeo, respectu intellectus divini, & in se futura omnia contingentia habere veritatem determinatam, etiam si nullus intellectus super illa ferretur. Cum enim intelligantur futura præcisè post actum divinæ voluntatis, decernentis in æternitate ea in aliqua differentia temporis acceptura esse reale, hanc determinationem ostendit essentia intellectui infinito, qui subinde determinatè illa cognoscit in signo posteriori ad actum voluntatis liberum, sicuti in signo priori novit extrema simplicia, & possibilia, & complexiones ex illis neutras, id est posse habere hanc determinationem, seu futuritionem, & non futuritionem. Et cum inferitur; igitur superfluum est consiliari, & negotiari, si altera pars est determinatè futura: Dicendum, illationem esse negandam; quia licet una pars sit vera in se determinatè, non tamen ita, quin in potestate causæ sit pro illo instanti ponere oppositum, & ista indeterminatio sufficit ad consiliandum, & negotiandum: quod fieri nequit circa præsentia, & præterita; quia cum sint jam posita à parte rei, amplius non sunt in potestate causæ, ut ponantur, vel non ponantur. Quia igitur respectu futurorum quoadusque futura sunt, semper altera pars potest evenire, quamvis opposita sit in se determinatè, quisque potest, & debet circa illa consilia capere, & negotiari.

Ad Secundum respondeo sic: Quemadmodum non est imperfectio Dei potentiam producere hunc effectum determinatum, & non oppositum, imò nec posse, in sensu composito; ita scire hanc partem, nempe futuritionem Antichristi, non est ulla imperfectio in Dei scientia infinita; quia sicut ad omnipotentiam satis est posse omnia possibilia, & non unum magis, quam aliud, ita ad scientiam infinitam sufficit posse tendere in omnem divinæ voluntatis determinationem respectu futurorum; atque ita ut intelligit Antichristi futuritionem, ita & nosse potuisset non futuritionem ejus, si ita voluntati divinæ decernere placuisset.

Ad Tertium respondeo, assumptum esse falsum. Et cum probatur primo, quia quicquid Deus certa scientia attingit esse futurum, necessario erit. Huic responsum fuit supra, articulo octavo, non esse ibi aliam necessitatem, quam consequentiæ, & conditionalem; perinde ac si diceretur, si Petrus currit, necessario currit, quum tamen simpliciter liberè currat. Ita si Deus scit Antichristum fore, utique necessario sequitur, ipsum aliquando futurum. Sed nihilominus liberè omnino est a suis causis producendus. Ad secundam probationem, concedo in Deo reperiri necessitatem immutabilitatis, sed hanc non esse necessitatem simpliciter; sed alterius rationis ab ista. Nam immutabilitas ex se non privat, nisi possibilem successionem oppositi ad oppositum. At necessitas simpliciter absolutè privat possibilitatem hujus oppositi; & ideo non sequitur, oppositum nequit succedere opposito; ergo oppositum non potest succedere. Itaque divina voluntas etsi possit velle Antichristum fore, & non fore;

non tamen cum successionem, quia subiret aliquam mutationem; & nihilominus ita vult ejus futuritionem, ut possit velle in eodem signo ejus oppositum, ac propterea simpliciter liberè, & contingenter vult, etsi immutabiliter. Si vero simpliciter necessario vellet, impossibile sibi esset non ita velle, sicuti impossibile est intellectum non intelligere divinam essentiam, & objecta omnia secundaria, quæ attinguntur per essentiam, & in essentia, ut in objecto prius cognito.

Tertiæ probationi respondeo sic: aliquid potest inesse Deo dupliciter, vel formaliter, & intrinsecè, ut omnis perfectio divina, & omne tale est realiter Deus: & potest inesse per prædicationem, sicut logicè quodlibet prædicatum dicitur inesse subiecto: Et secundum hanc rationem, non est Deus quicquid est in Deo, sicuti appellationes relativæ, quæ ex tempore dicuntur de Deo, ut Dominus, Creator, Conservator, & ejusmodi denominationes manifestè haud significare possunt aliquid idem Deo; quia tunc non essent ex tempore. Itaque in scientia Dei respectu futurorum duo sunt consideranda & ipsum scire formaliter & absolutè, & de hoc concedendum est esse idem Deo, & Deum realiter; & qualiter est scire hujus objecti; quo sensu non inest Deo nisi secundo modo. Est enim illud scire hujus termini, quia hoc scitum habet respectum ad scientiam divinam, unde aliqua appellatio relati vae inest Deo, sicut prædicatum subiecto: quæ sanè appellatio non est de numero perfectionum simpliciter; quia sibi repugnat intensiva infinitas; ac pròinde haud dependere potest à creatura; aut coexistere creaturæ in quocunque esse; & ideo Deum scire Antichristi futuritionem, prout intelligitur transire super illum terminum, vel objectum, non est perfectio simpliciter, sed perfectio simpliciter cum addito, quod necessario concomitatur perfectionem simpliciter.

Ad Quartum, Est responsio talis: licet causa suprema sit necessaria; effectus tamen potest esse contingens propter causam proximam contingentem. Sicut germinatio plantæ est contingens propter causam proximam contingentem, licet motus solis, qui est causa prima, sit necessarius. Et similiter scita à Deo sunt contingentia, propter causas proximas, licet scientia Dei, quæ est causa prima, sit necessaria. Contra hoc, scientia Dei non dat futuritionem rebus, sed voluntas primi liberi. ex dictis, articulo octavo: impossibile est enim summè necessarium involvere necessariam habitudinem ad aliquid minus necessarium; ergo contingentia non inest rebus à causis proximis præcisè, sed potissimum à prima causa contingenter causante. Imo posita necessitate in prima omnium causa respectu causandorum, nihil contingenter evenire posse, & omnia ab illa necessario causatum iri, ostensum est in articulo immediate præcedenti.

Est igitur dicendum, assumptum esse verum, & ideo respectu factibilium esse Deo impossibilem omnem necessitatem præter eam, quæ est necessitas immutabilitatis; tamen cum hac stare posse omnimodam libertatem ad extra; ut in antecedentibus extitit declaratum.

Ad ea, quæ adducuntur pro altera opinione. Cum dicitur æternitas est immensa, atque infinita; ergo complectitur omne tempus, & quicquid est in tempore; adeoque futura quæque in aliqua temporis differentia oportet præsentia esse æternitati. Est responsio ex his, quæ objiciebantur contra illam explicationem scientiæ Dei de futuris

Quodlib. q. 15

S. Thomas h'c  
§. Ad primum.

Quodlib. 16.  
§. Ad argumentum contrarium.



turis contingentibus. Ex eo enim quod æternitas sit duratio infinita habet ex se, ut possit coexistere omni tempori, ac actu coexistere non oportet nisi tempori præsentī. Sicuti nec Deus per immensitatem est præsens locis, quæ possunt esse, & non sunt, sed duntaxat est præsens omni loco, & locatis actu existentibus; coexistentia enim duorum exigit esse reale utriusque extremi, inter quæ tantum reperitur realis coexistentiæ relatio; pariter igitur & æternitas solummodo tempori præsentī coexistit. Excessus itaque *nunc* æternitatis supra nunc temporis, non efficit, ut ipsi sint præsentia tempora futura, quæ non sunt; sed indetantum sequitur posse coexistere temporibus futuris, pro quando erunt, id enim necessario postulat realis coexistentiæ respectus; ergo futura non esse æternitati præsentia, non accidit ex parte æternitatis, sed ratione ipsorum futurorum, nequentium fundare eam relationem, nisi quatenus realiter existunt. Nec aliquid majoris probabilitatis accedit huic sententiæ exemplo allato; ex eo quod enim circumferentia illa sit successiva, ac tempus fluat circa centrum æternitatis, nihil ejus potest esse præsens centro, nisi unicum *nunc* præsens, atque ea omnia, quæ illi instanti coexistunt.

Quod si inveniantur aliqua Sanctorum dicta, quæ illi sententiæ favere videntur, quatenus significant, omnia esse præsentia æternitati, exponenda sunt, & porro intelligenda de præsentia in ratione cognoscibilis, non utcumque, sed de cognitione vera intuitiva; nam non aliter cognoscit Deus facta, quam fienda, sed eadem, ac perfectissima cognitione attingit omnia, seu existant, seu non existant, seu futura, seu tantum possibilia; aliam vero præsentiam futurorum æternitati ab ista comminisci videtur alienum à veritate. Atque ita exponuntur à Magistro 1. *dist.* 35. *cap. finali*, in medium adductis verbis Augustini super illud Psalmi 49. *Et pulchritudo agri mecum est*, disertè scribentis: *cum illo sunt omnia futura, & ei non derabuntur jam præterita: cum illo sunt omnia cognitione quadam ineffabili sapientiæ Dei.*

### ITERUM ARTICULUS XIII.

Utrum scientia Dei sit futurorum contingentium.

*Doctor, & S. Tomas locis ant. præcedenti citatis.*

**V**IDETUR Dei scientia haud esse futurorum contingentium. Nam si ponatur Deus attingere per scientiam suam futura contingentia, ex eo sequeretur in ipso aliqua imperfectio; id autem est impossibile; ergo fieri non potest, ut ejus scientia se extendat ad futura contingentia. Probatio assumpti. Siquidem sequitur, Deus novit me sessurum cras; & non sededo cras; ergo decipitur; igitur pariter sequitur, Deus novit me sessurum cras, & possum non sedere; ergo Deus potest decipi. Prima illatio est manifesta; quia credens illud, quod non est in re, decipitur. Ex quo ostenditur secundam illationem tenere; quia sicuti ad duas de *in esse* sequitur conclusio de *in esse*; ita ex una de *in esse*, & altera de possibili, sequitur conclusio de possibili.

Præterea, Si Deus scit me sessurum cras, & possibile est me non sedere cras, ponatur in esse, *non sededo cras*, sequitur Deum subiectum esse dece-

pioni. Sed ex positione possibilis *in esse*, non sequitur impossibile; ergo ista, *Deum decipi*, non erit impossibilis, quod est erroneum.

Præterea, Si Deus sua scientia comprehenderet futura contingentia, ipsa jam coexisterent scientiæ Dei eterne, & forent æterna: id autem est planè absurdum: ergo non attinguntur ab scientia divina, quæ sunt futura contingentia. Probatio minoris. Nam intelligendo Dei scientiam se extendere ad futura, utique Deus intueretur præsentia actualitatem futuram in ratione objecti cogniti, sicuti attingitur cursus ab illo qui videt alium currentem: scilicet cursus est ei præsens quoad suam actualitatem in ratione cogniti: nec fieri potest ut non sit cursus illius, qui currere conspicitur; ergo nec fieri potest, ut non sit existentia actualitas rei futuræ, si alicui in ratione objecti cognita ipsa sit præsens.

Præterea, Quotiescunque antecedens in aliqua conditionalis habet necessitatem absolutam, pariter & consequens habet necessitatem absolutam: Sed Dei præsentia est simpliciter necessaria; ergo si Deus scit futura contingentia ipsa erunt necessario; ergo Deus scit duntaxat necessaria, & non futura contingentia.

**CONTRA**, Deus revelavit futura contingentia, quæ continentur in Scriptura, quorum plurima uti prænuntiata fuere, adimpleta esse, constat; unde pariter & quæ restant suo tempore repræsentanda fore, dubitari non potest, quin uti prænuntiata sunt, sint futura; ergo pari certitudine contingentia quoque Deo nota sunt ac ipsa necessaria.

**RESPONDEO** dicendum, Deum certissimam scientiam habere de futuris contingentibus. Sed undenam sit ea certitudo futurorum, ut intellectus divinus potius hanc partem, quam oppositum certo eventurum sciat. Aliqui opinantur, id refundendum esse, atque attribuendum potestati idearum divinarum. Cum enim ideæ exactissime representent ea, quorum sunt, nedum secundum se, sed etiam secundum omnem rationem, atque habitudinem extremorum, subinde intellectui divino erunt rationes apprehendendi & ipsa ideata, & etiam omnem unionem illorum, & insuper modum quemlibet ideatorum, & quæcumque tandem spectant ad existentiam illorum. Contra hunc modum dicendi: Ideæ sunt in Deo naturaliter, independentes subinde ab omni actu voluntatis; ergo quicquid per ideam intellectui divino repræsentatur, pariter citra omnem dependentiam ab actu voluntatis repræsentatur. Si igitur ideæ sint rationes intelligendi futura, Deus futurorum habet certam, & infallibilem scientiam ante omnem actum voluntatis suæ, id autem est impossibile, quia nihil est futurum, nisi quod Deus vult aliquando existere. Et præterea non magis ideæ ex se possunt repræsentare aliquid fore, ut Antichristum aliquando futurum, quam non esse futurum; utrumque enim simpliciter evenire potest, & subinde cognosci à Deo; ergo quoniam utrumque simul nequit per ideam repræsentari; nam scire contradictoria esse vera, est nihil scire; profectò ideæ esse non possunt intellectui divino rationes cognoscendi futura; cum non magis repræsentent ex se tantum possibilia, quam futura, nec potius unum futurorum producendum esse in tali differentia temporis, quam in alia. Hæc enim omnia, nempe & futuritio rei, & circumstantiæ concernentes existentiam essentialiter pendunt ab actu voluntatis divinæ. Deinde, rationes cognoscendi terminos alicujus complexio-

De rerum principio q. 4. n. 4. p. 1. antem.

Ubi supra n. 26.

Prologi q. 2. §. De primo.

D. Bonav. 1. dist. 35.

Prologi q. 2. dist. 2. §. 1. secundum.



nis non causant sufficienter notitiam illius complexioni, nisi ea complexio sit immediata, quæ nimirum nata sit cognosci ex terminis ipsius. Sed complexio contingens non est nata cognosci ex terminis; quia tunc non contingens, sed necessaria esset, & insuper prima, & immediata; quod est planè falsum. Nam Antichristi futuritio, cum simpliciter possit non esse, non est evidens ex terminis; ergo nec cognoscibilis ex rationibus idearum. Alia igitur ratione, ac modo existimandum est, Deum habere verissimam scientiam futurorum. Quoniam ergo ab actu intellectus divini, quatenus intelligitur præcedere actum voluntatis nulla esse potest contingentia in rebus, nequit, profecto esse principium futurorum; quia tunc hæc non forent essentialiter contingentia, sed magis evenirent naturali necessitate: nullum igitur est futurum, nisi à prima causa libera futuritio statuatur. Habet itaque Deus scientiam infallibilem futurorum, vel quatenus intellectus videt determinationem voluntatis, ut Antichristum fore pro tali differentia temporis; & quia novit illam voluntatem esse immutabilem, & non impedibilem, consequenter certissimè scit Antichristi atque consimilium, futuritionem. Vel, si hæc explicatio minus placet, propterea quod exinde adstrui videatur in intellectu divino aliquis defectus, quasi ex immutabilitate voluntatis concluderet certo rerum futuritionem. Est aptior modus declarandi scientiam Dei respectu contingentium futurorum. Nam intellectu divino pervadente omnia intelligibilia, ad quæ intelligenda in primo signo movet divina essentia post processionem tertie personæ divinæ, omnia illa voluntati obijciuntur; ea autem pro sua infinita libertate respectu factibilium, decernente his & illis dare futuritionem pro una; aut altera differentia temporis, illico quæ erant tantum possibilia, evadunt futura; & ut determinatè vera ostenduntur intellectui in essentia, & videntur in ipsa, ut in objecto primario prius cognito; intelliguntur ergo futura pari necessitate, ac certitudine, ac ipsa necessaria, & possibilia; ut in articulo præcedenti extitit declaratum.

AD ARGUMENTA. Ad primum respondeo, falso inferri, Deum decipi posse circa futura contingentia, ex eo quod ea possint non esse. Sed tantum inde esse deducendum, Deum ea non necessario scire. Nam cum contingerent sint futura, ut determinata fuit hujus partis futuritio, potuit fuisse determinata altera pars, ac proinde non scitur necessario ab intellectu divino futura sessio Petri. Sed posteaquam liberè ipsa fuit volita, necessario scitur, quia immutabiliter. Non est enim potentia in libera voluntate Petri eligentis sessionem, simul ponere contrarium, seu non sedere; sed duntaxat potuit divisim noluisse sessionem. Quemadmodum igitur non est potentia in causa proxima sessionis ad utrumque oppositum simul; ita nec sequitur, Deum posse decipi; sed tantum ut dictum est, sequitur ita sciri futuram sessionem, ut potuerit nescisse illam, si nempe oppositum liberè fuisset determinatum. Licet enim intellectus divinus non squatur res, sicut effectus causam; quia ejus scientia nèn est ex rebus, nec ab objectis secundariis mensuratur; tamen concomitantia est ibi, adeo ut quemadmodum res potest non esse, ita intellectus divinus potest non scire, & ideo nunquam sequitur intellectum divinum cognoscere rem aliter ac sit; quia si non erit, non sciet esse futuram.

Tolm. I.

Ad secundum respondeo, cum ponitur *inesse* aliqua de possibili, nulla sequitur impossibilitas spectata ratione ipsius præcisè: Unde quoniam possibile est me non sedere cras, si stetero, nullum inde sequitur inconveniens. Sed ex illa, & ista, scilicet, Deus scit me sessurum cras, sequitur impossibile, nempe *Deum falli*: licet ergo non sequatur impossibilitas ulla cum ponitur *inesse*, quod erat possibile, sequi tamen potest ex aliis adjunctis. Siquidem stantibus divinæ voluntatis decreto de futura sessione, & scientia Dei infallibili, impossibile omnino est sessionem non esse futuram, etsi potuerit non esse futura, si causæ liberè concurrentes ad illam, maluissent aliud statuere, & futurum determinare.

Ad Tertium dico, utique oportere videntem alterum currere, ejus contuitum terminari ad rem in propria præsentia existentem; quia enim visio pendet, atque accipitur ab ipsa re, quam quis contuetur, ipsa haberi omnino non potest, nisi res visâ in se existat. At Deus scientiam suam non accipit à rebus, quas ab omni æternitate novit, sed magis omnia in sua essentia attingit, a qua & movetur ad infinita intelligenda; non oportet ergo respectu ita scientis res in proprio genere *existere*, esseque illi præsentis, ac coexistentes; imo nunc Deus videt actualitates rerum futurarum quas habebunt, quum in proprio genere existant. Nam idem potest esse præsentialiter alteri in ratione cogniti, & non esse præsens eidem in ratione entis in proprio genere existentis, etsi in se ipso cuncta distinctissimè, ac perfectissimè intueatur, ut articulo 11. fuit declaratum.

Ad Quartum dicendum sic: quoniam Dei præscientia non est causa futuritionis rerum, ut constat ex *solutione borum duorum articulorum*: imo sit per impossibile à Dei intellectu non præsciretur, adhuc essent futura à causa dante *esse*: evidens est inter Dei præscientiam, & contingentia futura non versari connexionem necessariam, qualis est inter antecedentes, & consequens inde necessario deductum, sed duntaxat *secundum quid*, & extrinsecam, seu non absolutam, sed conditionatam, & consequentiæ, & per locum ab extrinseco. Verum est enim quicquid à Deo scitur aliquando futurum, necessario fore quia non præscit quidquam futurum, nisi post determinationem voluntatis; sed quia potuit aliter determinatum fuisse, omnino liberè, & contingerenter eveniet quicquid ita fore prævisum fuit. Unde Deus nescit contingentia; sed etiam scit contingerenter futura contingentia, quippe quæ potuerint non esse, & ita nec à Deo præscita fuisse.

Veruntamen aliquorum alia est solutio: putant enim Dei scire tam respectu futurorum esse absolute, & simpliciter necessariam, propter hanc rationem: actus rationalis non distrahitur per materiam, super quam transit; perinde enim sequitur, dico me nihil dicere: ergo dico: ac, dico me aliquid dicere: ergo dico: igitur scientia divina non distrahitur per materiam, super quam transit, quia par illi insit necessitas, quodcumque tandem objectum attingat; ac proinde consequens, dicunt, esse necessariam, sicut & antecedens. Respondeo, verum est actum rationalem non subire distractionem ex materia, quasi exinde evadat actus *secundum quid*; nam revera scire non dicitur *secundum quid* propter quamlibet materiam. Nihilominus scientia Dei in se simpliciter necessaria, ut transit super contingentia, non est absolute necessaria, cum possit ad ea non terminari; sicut nec velle divinum est simpliciter necessarium, ut

De rerum principio q. 4. a. 54.

1. dist. 39. §. Quantum ad quartam questionem in Report. 10idem dist. 40. §. ad secundam questionem.

S. Thom. hic §. ad secundum.

Logica quæ pro solutione primi & secundæ a Doctore adducuntur, videbis declarata in Commentariis veterum, Scollarum, & super. 1. Primum.



transit super objecta secundaria; alioquin Deus necessario vellet alia à se. Exemplum si actus loquendi foret idem virtuti motiva, & is actus posset transire super diversa objecta, etsi necessario quis haberet actum sicut potentiam, non tamen sequeretur gratia formæ. *Necessario dico; ergo necessario dico istud.* Imo dictio in se posset esse absolutè necessaria & centingens respectu hujus objecti; quamvis alioquin etiam ut est hujus objecti, dicenda esset dictio simpliciter, & non *secundum quid* propter materiam.

## ARTICULUS XIV.

Utrum Deus cognoscat enuntiabilia.

*Doctor 1. dist. 38. §. Ad secundum in Report, ibidem q. 1. S. Thom. 1. p. q. 14. art. 14.*

**V**IDETUR Deus non cognoscere enuntiabilia. Nam si divinus intellectus rectè diceretur cognoscere enuntiabilia, profectò cognosceret componendo, & dividendo, enunciando unum de altero, affirmando, vel removendo prædicatum à subiecto. Sed Dei intellectus non est compositivus, & divisivus; ergo sibi non convenit cognoscere enuntiabilia.

Præterea, Enunciatio ordinatur ad discursum, sicut simplex conceptus ad enunciationem; nempe prima intellectus operatio ad secundam; & hæc ad tertiam; sed intellectui divino nullus est discursus; quippe qui non cognoscit unum ex alio, sed ad omnia unico intuitu intelligenda movetur ab essentia infinita, ergo non cognoscit enuntiabilia.

Præterea enuncians unum de altero componendo, vel dividendo, aliqua cum successione extrema ejus enunciationis attingit: sed Dei intellectus simul omnia videt, secundum Augustinum, 15. de Trinit. cap. 14. ergo sub intuitum talis intellectus, nulla cadit enunciatio.

CONTRA, Ad Hebræos 4 omnia nuda, & aperta sunt oculis ejus. Ubi Glos. omni ex parte, inquit, plenè visus; habet igitur certam, & determinatam notitiam de omnibus, quantum ad omne cognoscibile in eis. Si laterent autem illum intellectum enuntiabilia, non attingeret omnia quoad omnem rationem cognoscibilitatis, quod est erroneum.

Respondeo dicendum, Deum necessario, ac certissime scire omnia enuntiabilia, non quidem unum de altero enunciando per formalem compositionem, & divisionem, sed per intuitum simplicem convenientiæ, & disconvenientiæ omnium intelligibilium. Etenim, juxta dicta supra articulo 7. intellectui divino innotescunt omnia intelligibilia per primum objectum virtute contentivum omnium; adeo ut non intelligat unum intelligibile per aliud, vel ex alio prius noto; sed omnium est ostensiva essentia infinita, eo ordine, quo possulant cognosci; quasi ergo per prius movet ad intuitum simplicem omnium essentiarum, & exinde movet, vel representat intellectui omnia prædicata secundaria cognitorum objectorum, inquantum ut non innotescant hæc illi ex essentia prius cognitis, sed quoniam ad eorum intellectum movet essentia; ergo intellectui divino sunt in eo signo exploratissima cuncta enuntiabilia, in quibus prædicatur passio de propria essentia; non quasi revera sit ibi hæc formalis enunciatio: sed quia exactissimè, atque intuitivè videt eorundem prædicatorum vel identitatem, vel

convenientiam cum propriis subiectis; & una pariter intuetur omnem aliorum disconvenientiam, & repugnantiam; non removendo unum ab altero per actum intellectus; sed quoniam per simplicem intelligentiam extremorum, novit unum non esse enuntiabile de altero; videns enim lapidem & hominem, atque perfectè comprehendens extrema illa simplicia, simul novit unum non esse, nec fieri posse, ut sit aliud, (de quo supra articulo nono actum). Est ergo in actu intelligentiæ divinæ enunciatio omnis, non ejusdem rationis, ut est in nobis, sed quantum ad omnem ejus perfectionem, quæ est nosse convenientiam, & disconvenientiam omnium omnino prædicatorum, ut ad invicem comparantur per intellectum, qui proficere potest per talem comparisonem. In nobis enim compositio est actus intellectus, quo exprimimus conjunctionem aliorum in re, sicuti & divisio est signum separationis, vel repugnantia aliorum à parte rei; Cum igitur intellectui divino repræsentantur omnia intelligibilia, ac subinde omnes actus intellectus nostri, oportet cognoscit omnes conjunctiones extremorum, & identitates, & diversitates, quæ significantur per compositiones, & divisiones, quæ efficiuntur, atque effici possunt ab intellectu creato, non quidem iisdem actibus, quibus utitur intellectus finitus, sed per simplicem intuitum (ut dictum est) extremorum & convenientiæ, & disconvenientiæ ipsorum. Nullum ergo enuntiabile est absconditum intellectui divino, quia seu effectibilia ab intellectu creato, sive sint propria divinæ intelligentiæ, omnia omnino attingantur oportet, ut expositum est.

AD ARGUMENTA. Ad primum concedo in Deo non esse compositionem, & divisionem, qualem experimur intellectu nostro; cum uno simplici actu attingat omnia; est igitur in ipso cognitio enuntiabilium, sub alia ratione, secundum scilicet exigentiam actus intellectus infiniti. Quod si intellectus divinus diceretur componere, inquantum simplici actu comparat extrema secundum unionem, & dividere prout comparat alia extrema secundum divisionem, idest, simplici intuitu apprehendit extremorum comparisonem, non esset id improbandum.

Ad Secundum respondeo, argumentum procedere de enunciatione formali, quam non esse ponendam in Deo putamus, sicuti ab eo removetur omnis discursus; quemadmodum ergo hoc non obstante, Deus attingit discursum intellectus creati, ita & patent ei omnia enuntiabilia, per actum simplicissimum extrema attingentem.

Ad Tertium est responsio ex dictis. Nam utique Deus simul videt omnia intelligibilia, & pariter intelligit extrema ad invicem convenire, aut repugnare; ex quo fit, illi perspecta esse omnia enuntiabilia per modum altioris, etique convenientem, & non per formalem enunciationem.

## ARTICULUS XV.

Utrum scientia Dei sit variabilis.

*Doctor 1. dist. 39. q. 3. in Report. ibidem q. 1. S. Thom. 1. p. quest. 14. art. 15.*

**V**IDETUR Dei scientia esse variabilis, & mutabilis: Nam à contradictorio in contradictorium non potest esse transitus sine aliqua mutatione; siquidem nulla intellecta mutatione, nec intelligitur aliquis ejusmodi transitus. Sed Deus sciens

1. dist. 43.

Super. 2. Perih. q. 3. §. Sed sciendum.

Juxta hæc est intelligendus Doctor 1. dist. 38. §. Potest dici ad questionem. V. Hoc potest poni. Nam ibi omnino dubitative loquitur, ut & Poncius in Comment. notavit. sed dist. 41. sua sententiam prædicatam revertit in Dei intellectu nulla est formalis comparatio sed perfecta intuitu omnia possibilibus comparationis.

Ex Report. loco cit.

Doctor. 1. Perih. q. 1. & super Prædicam. q. 1.

Magist. 1. dist. 39. q. 1.

1. dist. 39. §. Ad oppositum.

1. dist. 39. §. Tis de contentivitate.



sciens Antichristi futuritionem, potuit eandem nescisse; igitur id omnino erit per aliquam mutationem possibilem inesse ipsi futuro, quatenus est scitum à Deo. Non habet enim *esse* nisi in scientia Dei, & per consequens ejus mutatio nequit esse sine mutatione scientiæ Dei.

Præterea, Quicquid non est aliquid secundum aliquam formam, & potest esse tale, potest incipere *esse* secundum illam formam, sic paries non albus, potest esse talis per albedinem, & incipere fieri albus: non videtur enim intelligibile, inesse affirmationem negationis, quæ non inerat, nisi ipsa affirmatio esse incipiat: ergo si Deus nescit parietem esse album, & potest eam nosse enunciationem, cum paries factus fuerit albus, potest incipere scire id objectum; ergo potest ejus scientia mutari, cum potens sit attingere nova objecta.

Præterea, Si Deus potest scire aliquid, quod non est ab eo scitum; quæro, quæ est illa potentia? Aut enim est passiva, & tunc est ad formam, & manifesta est mutatio; aut est activa, & subinde naturalis; quia intellectus non est potentia libera, sed naturaliter agens: talis autem potentia non potest agere, postquam non egit, nisi mutetur; ergo nequit esse in Deo potentia sciendi aliquid, quod non est scitum, nisi ejus scientia subeat mutationem.

Præterea, Deus scivit Christum nasciturum, nunc autem nescit Christum nasciturum, quia Christus non est amplius nasciturus; ergo non quicquid Deus scivit, scit, ergo Dei scientia videtur esse variabilis.

CONTRA, Augustinus, 7. de Trinit. cap. 6. *Omnis creatura mutabilis, solus Deus immutabilis.* Si autem ejus scientia foret variabilis, & mutabilis, non esset immutabilis omnino, cujus oppositum dicit Apostolus ad Timoth. cap. ult. & longo sermone extitit declaratum superius, *quæstione nona* per totum.

RESPONDEO dicendum Dei scientiam de futuris contingentibus, quantum ad omnem conditionem existentia eorum, esse prorsus invariabilem, & immutabilem. Etenim divinus intellectus ita novit futura omnia scientia exactissima, & intuitiva quantum ad omnem conditionem existentia eorum, sicuti statuisse cernit divinam voluntatem; nequit enim voluntas quidpiam determinare, quin intellectus determinatè apprehendat illud, quod voluntas decernit. Atqui decreta voluntatis divinæ sunt immutabilia, quia immutabilis est voluntas, cujus est decernere, ac statuere circa futura, ac operabilia omnia; ergo pari immutabilitate, & penitus invariabili contuitu intellectus fertur super omnia illa; ac proinde ipsius scientia, vel præscientia futurorum est invariabilis, ac immutabilis. Huc faciunt diserta citata *quæstione nona*, & dicenda infra, q. 19. articulo 7.

AD ARGUMENTA. Ad primum respondeo, concedendo majorem. Sed hic nullus est ejusmodi transitus, imo nec esse potest, quia transitus non est sine successione, sic ut oppositum succedat opposito, talis autem omnis omnino hic esse nequit; nam sicut non possunt simul itare scire, & non scire ita nec fieri potest, ut aliquando sciat, & aliquando non sciat. Cum ergo in casu transitus non habeat locum, nulla est intelligibilis variatio in scientia Dei. Et quamvis ut de facto Deus scit Antichristum futurum, ita potuit non scivisse, si aliud voluntati divinæ statuere placuisset, non propterea tamen unum oppositum alteri succedere intelligitur, sed duntaxat alterum oppositorum inesse potuisse in eodem instanti, quo altera pars, id est,

Antichristi futuritio à Deo volita fuit; quod profecto nihil facit ad variationem præscientiæ Dei, de qua re est sermo institutus.

Ad secundum respondeo, assumptum esse verum in creatis gratia materiæ, quatenus scilicet susceptivum est potens recipere novam formam, & secundum illam incipere *esse*, sed in casu nihil ex ea deduci potest contra *solutionem*. Sicut enim de facto Deus ab æterno novit omnem contingentem complexionem futuram in essentia post voluntatis determinationem, ita & ab æterno novisset quæcunque contraria illarum, si Deus ita fieri decrevisset; atque ita nihil scit de novo post non scientiam, nec quidquam eum fugit postquam scivit; nec proinde incipisset habere scientiam oppositarum complexionum, si a Deo volita fuissent; quia perspectæ illi fuissent in æternitate, quemadmodum & novit quæcunque in præsentii providentiæ ordine sunt futura: falsum est igitur Dei scientiam esse posse novorum objectorum, nisi in sensu explicato, quatenus scilicet alia futura à Deo decerni ab æterno potuissent.

Ad tertium, potest concedi potentiam, quam habet intellectus divinus cognoscendi *Antichristum non esse futurum*, esse potentiam activam, quia intellectione infinita dat *esse* cognitum quibuscunque intelligibilibus, ad quæ secundario terminatur. Sed negandum hanc potentiam tendere non posse in aliquid, circa quod actionem non habuit, sine sui mutatione, quando potentiæ præsentatur objectum, in quod agit. Falsum est enim tunc oportere concomitari mutationem. Imo ne in agentibus quidem creatis mutatio intervenit necessario. Si enim calori prææstenti appropinquetur passum, & si agens de novo alteri calorem communicat, id tamen fit citra omnem sui mutationem; nihil enim exinde advenit agenti, etsi passum de non calido evadat calidum. Ita in casu, voluntate determinante Antichristi futuritionem intellectus naturaliter intelligit illud verum; & sicuti potuisset non esse volitum tale objectum, & ita verum non fuisse; sic potuit non intelligi ab intellectu; non quasi sit in ista potentia naturali aliqua contingentia, sed propter contingentiam ex parte objecti, quatenus contingenter est verum, propter actum voluntatis verificantis. Cæterum etsi id objectum contingenter accipiat *esse*, postquam tamen fuerit volitum, & verificatum per actum voluntatis, non amplius mutatur, quia non potest ei succedere oppositum, ut nulla est intelligibilis mutatio ex parte voluntatis volentis illud æterna, ac invariabili volitione.

Ad quartum respondeo sic: hæc complexio, *Christus natus est*, vera est nunc; contra vero falsa hæc alia, *Christus nasciturus est*; Et utraque intellectui divino per simplicem contuitum terminorum, est perfectissima. Ut ergo videt veram esse priorem complexionem, ita novit falsitatem posteroris; non quia ullam mutationem ejus scientia passa sit, propterea quod ab æterno sciverit Christum nasciturum, nunc vero sciat jam natum, nec amplius nasciturum; sed potius ex eo quod eadem res diversis temporibus coexistens, diversis subinde verbis scientiam ejusdem rei exprimere compellamur. Sicut antiqui patres crediderunt Christum nasciturum, & moriturum, nos autem credimus jam natum, & mortuum. Nec tamen diversa credimus nos, & illi, sed eadem. Tempora enim variata sunt, & ideo verba sunt mutata, non fides. Ita Magist. 1. dist. 41. lit. C.

1. dist. 2. q. 5.

1. dist. 29. q. 1. in sede contingentia 1. Report. dist. 40. n. 10.

2. dist. 25. q. 16. §. Ultima.



## ARTICULUS XVI.

Utrum Deus de rebus habeat scientiam speculativam.

*Doctor Prologi q. 4. §. Ad quantum posset concedi n. 33. & sequent. videnda Collatio 30. S. Thom. 1. p. q. 14. art. 16. ad §. Tertio agitur de scientia Dei respectu necessariorum.*

**V**IDETUR Dei scientia de se ipso esse duntaxat speculativa. Etenim si scientia Dei respectu sui ipsius foret practica, ex dictis supra, *quæst. 1. articulo 4. in incidenti primo*, esset directiva, & regulativa praxeos, seu actus voluntatis divinæ; id autem videtur inconveniens; quia tunc divina voluntas non esset prima regula in actibus suis, si prævia notitia indigeret, cui in agendo conformaretur. Et ulterius ex eo videretur præjudicium inferri summæ libertati ipsius; nam ab alio determinaretur, & non ex se primo, quoad actum dilectionis essentia infinitæ; & utique ita determinaretur ut non valeret dissentire notitiæ practicae; alioquin enim posset à regula deficere; igitur scientia Dei de se ipso est simpliciter speculativa.

Præterea, Si intelligentiæ ponantur diligere naturaliter primum principium, rectè diceretur illarum felicitas, vel notitia præcedens amorem, esse speculativa, ut Aristoteles putavit, *10. Ethic. cap. 10.* quia non directiva operationis rectè, vel non rectè eliciendæ; imo semper eodem modo, & de necessitate processuræ. Sed Deus diligit se ipsum necessario: ergo scientia præcedens naturaliter hanc dilectionem non est practica; quia nec praxis directiva.

Præterea, Dirigens ut tale, est aliqua causa respectu directi; est igitur realis distinctio inter dirigens, & directum. Sed non est talis distinctio inter intelligere, & velle divinum; ergo unum non est regulativum, & directivum alterius.

Confirmatur, quia intelligendo jam velle esse elicited, intellectus non dirigit; Est enim duntaxat directivus actus eliciendi, quasi prior ipso. Sed in Deo velle, seu dilectio sui non sequitur voluntatem in esse; ergo non est in Deo volitio sui quasi elicienda, sed potius semper quasi elicitæ; ergo nec dirigibilis per intellectum.

CONTRA, hæc *Deus est amandus à voluntate*, practica est in intellectu creato: quia habet ab objecto rectitudinem, & directivitatem: ergo etiam in intellectu increato, quia objectum illud natum est ex se determinare intellectum quemcumque ante volitionem eliciendam.

Respondeo dicendum, Si ratio notitiæ practicae exigit necessario potentiam rectificabilem per ipsam, Dei scientiam respectu necessariorum, esse omnino speculativam. Si vero practicae notitiæ satis sit prioritas respectu praxis, & ex objecto habere vim praxim dirigendi, quantum attinet ad ipsam, etsi alioquin voluntas non sit aliunde rectificabilis; practica esse, & non speculativam. Declaratio primi. Revera ad practicae notitiæ rationem spectare videtur, ut est praxi prior, ejusdem esse & directivam, & conformativam, nempe ut possit elici conformiter ad ipsius notitiæ dictamen, & non elici. Alioquin quomodo ad praxim extendi intelligitur? Sed scientia Dei de se ipso non est ita prior amore infinito ejus, quod voluntas amat objectum infinitum: ergo esse nequit practica, ac subinde est speculativa. Probatio minoris:

quamvis notitia objecti infiniti sit ex sui natura rectificativa praxeos, quatenus dicat esse tale objectum infinite amandum: voluntas tamen infinita non rectificatur aliunde, nec indiget ulla regula alia ab actu suo formali: nam vel tendit in illud naturaliter: vel si liberè, non est ex se indifferens ad rectitudinem, quasi aliunde aliquo modo habens eam. Ergo notitia determinativa rectitudinis non est necessario prior volitione, ut rectificativa ejus: imo si per impossibile illa notitia foret duntaxat ostensiva objecti, & exinde sequeretur ratio directivi, ut dictum est *in antecedentibus* evenire respectu contingentium, adhuc illa volitio, & amor objecti infiniti esset æquè rectus, & infinite perfectus, perinde ac si notitia extitisset illius regulativa; ergo si satis non sit ad practicam notitiam esse regulativam de se, quamvis in Deo non dirigat amorem infinitum, planè scientia Dei de se ipso est simpliciter speculativa.

Atque ex his est evidens secunda pars *solutionis*. Nam intellectus divinus prius naturaliter intelligit objectum ejus primum, quam voluntas illud amet; igitur prius natura ipsa volitione habet omnem notitiam virtualiter inclusam in primi objecti intelligentione; talis profecto est quæcumque notitia necessaria de primo objecto. Atque ejusmodi notitia est conformis volitioni rectæ; id est, ex sui natura apta, ut ei conformetur volitio recta de objecto: dicat enim illa notitia, objectum infinitam esse infinite diligendum, ac subinde infinitus amor est præviæ notitiæ exactissime conformis: ergo etiam si voluntas ex sui infinita perfectione non indigeat regulari aliunde, sed à sua naturali, & infinita rectitudine habeat tendere in objectum rectissime: nihilominus prævia notitia de objecto infinito, utpote ex se directiva, & regulativa, & prior, videtur esse practica: nam quasi accidere sibi, & quid extrinsecum putandum est actu ipsam non dirigere voluntatem non dirigibilem aliunde; modo de se sit potens dirigere, & prior, idque insit sibi ex objecti ratione.

AD ARGUMENTA. Ad primum: cum adducitur tanquam inconveniens, ex hypothesi quod Dei scientia necessariorum ponatur practica fore ut ejus voluntas non sit prima regula in actibus suis, quippe quæ per scientiam practicam esset dirigibilis, respondeo id putari quidem, sed non esse ullum inconveniens: nam accipiendo regulam pro eo quod dirigit praxim, prima regula est ipse finis ultimus, qui virtualiter includit primo notitiam omnis rectitudinis necessariæ cujuscunque praxis, sicut primum subiectum scientiæ speculativæ primo virtualiter includit notitiam omnium veritatum speculabilium. Hæc autem prima regula, quæ est finis, ordinatè rectificat intellectum, & voluntatem, sicut ipse potentia naturæ sunt agere ordinatè, adeo ut quasi per prius gignit notitiam conformem rectæ praxi, quam rectificet praxim: quare ipsa potentia praxis elicitiva, est alia potentia prior, & prius recta. Concedendum itaque videtur voluntatem divinam non esse primam regulam in actibus suis. Et cum contra arguitur: quia tunc non foret summè libera, responderi potest: sicuti universaliter libertas stat cum prævia apprehensione, ita & summa libertas cum summa apprehensione prævia. Apprehensio autem praxis perfectissima, includit notitiam conformitatis, quando ipsa necessario convenit praxi.

Cum ulterius additur, quia aliunde determinatur, & non ex se primo ad actum dilectionis objecti infiniti. Hæc negandum est, loquendo de determinatione, quæ sit per agens sufficiens.

Licet

33. idque congruit illi quæ tractatur de notitia Practica. Unde dicitur in *super Iudic. articulum* minus rectè videtur sentire, oppositum potius voluisse Scoti. Veruntamen Magister Lycheus, & Pontius super 28. dist. primi ostendunt inutilem Cajetanus laborem elevare sententiam Magistri Scoti in hoc qualitate doctrinam.

*Esti quæ q. 4. art. 4. in duobus incidentibus quæ sunt, sub presenti articulo. S. Thom. textum pro indituti nostri ratione collocanda, fuissent; oportune tamen præmissa sunt, & eo loci disiecta ad intelligentiam eorum quæ ipse quatuor articulis continet. Quatenus ergo huc spectant, ac elucidandisque diduci sumus interveniunt illinc accipienda q. 4. Prologi. S. Ista tria via, sed quare.*

*Quoniam Dei scientia est de objecto infinito, & per ipsum, & in ipso de omnibus illis intelligibilibus, cum inter esse ordinatum rei intelligentiæ congruere potius que scientiæ, singulatim considerandum Vbi sup. 6. secundus articulus 6. si obijciatur.*

*Verum scientia Dei necessarium sit practica, problema est apud Doctorem, magister tamen prevideat ut videtur ad negativam, quod & censuit Lycheus art. 6. si obijciatur.*

*Si voluntati insit ab ultimo fine esse infinita recta; non ergo rectificatur a notitia intellectus in actibus suis.*

*Hæc summas apprehensio præcedens volitionem, facit ad ostensionem simplicem objecti, & non insit regulandæ praxi quam esse rectam necessario habet voluntas ab eodem objecto, a quo est notitia recta; ergo si non habet influxum determinativum praxis, neque notitia practica erit.*



Licet enim voluntas nequeat dissentire notitiæ in intellectu, priori praxi, & rectificativæ ejusdem; id tamen non est ex eo quod intellectus per notitiam sit causa sufficienter activa, determinans voluntatem ad actum, sed potius ex innata perfectione ipsius voluntatis, propter quam agere debet conformiter potentia priori circa objectum necessarium; licet aliter eveniat in contingentibus, ut exponetur articulo sequenti.

Ad secundum potest responderi, similitudinem non procedere, quia in intelligentiis est simplex contentia: hic vero efficaciam circumstantionata volitio. Similiter non solum intellectus divinus est ostensivus, sed æquivalenter saltem regulativus: quod non posuit Philosophus. Vel aliter, quod est regulatio, & determinatio objectalis, etsi non potentialis.

Ad tertium respondeo, necando assumptum, propriè loquendo de causa; potest ergo ex hoc capite intellectus esse voluntatis directivus.

Ad confirmationem dico Sic: sufficit ordo naturæ, qui stat cum similitudine durationis cognitionis ad praxim, & voluntatis ad velle.

AD ARGUMENTA in oppositum patet ex dictis, qualiter illa notitia practica sit in intellectu creato, non autem in intellectu divino, ubi nullam habere potest ad praxim extensionem. Contra, licet speculativum ex objecto possit esse practicum aliunde, ut à causa extrinseca, ex dictis supra q. 1. art. 4. iterum repet. tamen speculativum ex objecto impossibile est pariter esse practicum ex objecto: in casu ita eveniret. Nam in Deo est speculativa ratione objecti, & in nobis practica, ex eadem ratione. Est responsio; In Deo ex objecti ratione dicenda esset practica: sed quia volitio non indiget, nec potest regulari aliunde, id est est speculativa, & videtur evenire, ut in notitia contingentium, quæ in Deo est speculativa, in nobis verò practica per causam extrinsecam, ita videtur hic ut supra significatum fuit.

## ITERUM ARTICULUS XVI.

Utrum Deus de rebus habeat scientiam speculativam.

*Doct. Prologi quest. 4. §. Secundus articulus 1. dist. 38. & 39. §. VI. de contingentia S. Thom. 1. p. q. 14. artic. 16. Agitur de scientia Dei respectu factibilium.*

**V**IDETUR Deus de rebus non habere scientiam speculativam; siquidem ex Augustino 6. de Trinit. cap. ult. Est ars quædam omnipotentis, atque sapientis Dei plena omnium rationum viventium incommutabilium; sed ars est habitus practicus; ergo & Dei scientia de rebus ad extra faciendis sapientissimæ; ita enim id est, summa cum arte efformandis sapientia adest dirigens, ac dictans quæcunque supremus Artifex extra se efficit.

Præterea, Augustinus 83. qq. q. 46. *Ideæ sunt rationes, secundum quas formatur omne formabile. Ideæ autem pertinent ad scientiam Dei de rebus; ergo hæc scientia est practica, directiva scilicet Artis in rebus efformandis.*

Præterea, Si primo obiciatur intellectui divino aliqua lex universalis, puta *omnis glorificandus est gratificandus*, eamque acceptet voluntas divina, sic ut exinde statuatur aliqua lex sapientiæ: & secundò offerat intellectus voluntati, *Petrum esse beatificandum*, ponendo voluntati id placere, ac

re ipsa statueret, videretur intellectus immediatè, ac certo cognoscere, *Petrum esse gratificandum*, id. quæ cognitione dictativa, non accepta formaliter à voluntate, licet voluntas suo decreto verificaverit præmissas sibi ab intellectu, quasi neutras oblatas, iis tamen verificatis intellectus certam, ac verè practicam conclusionem deducit.

Præterea, Hæc, *Deus est amandus à voluntate*, practica est in quocunque intellectu; ergo ista alia, *Homini quandoque est jejunandum: Angelo Calum est movendum*; practica erunt in omni intellectu apprehendente veritatem illarum; ergo intellectus divinus habet scientiam practicam de contingentibus faciendis.

CONTRA, 2. Metaph. tex. 3. *Finis practicae est opus*: nihil autem extra Deum est finis ejus; ergo Dei scientia de rebus extra se, est speculativa. Rursus arguitur; omne, quod est nobilius, Deo est attribuendum: sed scientia speculativa est nobilior practica, ut patet per Philosophum in principio Metaph.; ergo Deus habet de rebus scientiam speculativam.

RESPONDEO dicendum Dei scientiam de factibilibus esse absolutè, & simpliciter speculativam. Declaratio: Quamvis cognitio practica actualissima sit ipsum judicium de conclusione syllogismi practici, quæ conclusio finis est motus intelligentiæ, unde immediatè incipit operatio dictata per ipsius conclusionis notitiam; tamen practica quoque est cognitio practicum principiorum, in quibus virtualiter continetur conclusio, & denique etiam cognitio quiditativa terminorum, ex quibus principia constant, & virtualiter includuntur, quæ omnia pluribus explicabantur supra q. 1. art. 4. præsertim in incidentibus. Quodcumque igitur intellectus nequit habere cognitionem dictantem praxim, seu virtualiter, & remotè, quæ est notitia terminorum, atque principiorum practicum, seu proximè, & immediatissime, quæ talis est cognitio conclusionis syllogismi practici: hoc sane intellectui videtur impossibile cognitio practica, quantum ad cognitiones, quæ necessario requiruntur ad practicam cognitionem; eæ autem sunt conformitas ad objectum, & prioritas juxta dicta loco supracitato. Atqui intellectus divinus ut comparatur ad voluntatem, non præhabet ullam cognitionem dictantem aliquid esse faciendum, nempe neque principii, neque termini includentis practicum principium; ergo nec est illi aliqua cognitio conformis, & prior praxi elicienda, seu quocunque opere faciendi. Probatio minoris; omnis cognitio antecedens actum voluntatis divine, est intellectui naturalis, & necessaria; si ergo aliqua talis foret practica de necessitate cognosceret hæc, & illa esse facienda; igitur & voluntas, cui illa offeruntur, non posset non eadem velle; quia tunc intelligeretur, imò fieri posset, ut recta non esset. Nam voluntas potens discordare à ratione practica potest esse non recta: ergo de necessitate voluntas divina vellet alia extra se, quod est erroneum. Et sane si voluntas per intellectum practicum prædeterminaretur, nec posset salvari in ea libertas respectu factibilium, sed nec contingentia aliqua: quia intellectus naturalis necessitate prædeterminaret illam, & vicissim voluntas necessario sequitur ad aliquid simpliciter necessarium, est omnino necessarium simpliciter. Cum igitur divina voluntas libera simplicitè sit respectu factibilium, ut verissimè hæc omnia contingentem efficiantur, ab ipsa omnino erit prima eorum libera determinatio, & non ab intellectu naturali

S. Thomas hic §. Ad oppositum.

Videndus Mayron. 1. dist. 45. q. 1. & dist. 48. per totum.

Libera hæc voluntas solum præsupponit ostensivam a quo & habet rectificativum ejus; illius ergo æquivalenter quidem est directiva notitia naturaliter præcedens.

Prologi q. 4. §. Sequitur. V. Si obicitur.



necessitate cuncta apprehendente.

AD ARGUMENTA. Ad primum respondeo, secundum Aristotelem, 6. Ethic. cap. 5. *Ar est habitus cum vera ratione facilius*: Completa igitur ratio artis exigit rationem rectam, id est directivam alterius potentie, cujus est operari secundum artem. Quotiescunque autem ars est habitus apprehensivus duntaxat rectitudinis agendorum, & non directivus potentie operative secundum illum habitum, tunc ei notitie diminute convenit ratio artis; & secundum hunc intellectum præcisè est concedenda ars in Deo; quia intellectus ejus non cognoscit ordinem agendorum, nisi post determinationem voluntatis statuents illa ordine, & tempore congruo esse representanda. In his ergo cognoscendis est recta ratio, & ars, non directiva quidem potentie operate, sed apprehensiva duntaxat ordinis dispositi, & rectitudinis divinorum decretorum. Idque præsertim supponendo potentiam operativam ad extra in Deo esse ipsius voluntatem. Nam si talis potentia esset alia à voluntate executioni demandans jussa illius, fortasse posset tunc salvari recta ratio, & ars secundum propriam naturam in Deo; alio enim modo is habitus se haberet respectu illius potentie executivæ, operantis secundum artem, ac se habeat modo in ordine ad voluntatem.

Ad secundum dicendum, Ideas etsi representent operabilia ad extra, non proinde tamen includere aliquam notitiam dictativam de operando, vel non operando; cum hæc primo determinantur ab voluntate divina post ostensionem sibi factam simplicium terminorum, vel complexionum, veluti neutrarum; quæ proinde possunt verificari quoad utramque partem divisim; at simplex cognitio operabilium, non est scientia practica, nisi virtualiter includat principium, vel conclusionem practicam: uti venit in casu, ex dictis in solutione.

Ad tertium negandum est, intellectum divinum eo ordine intelligere, sicut accipitur in argumento. Imo in primo instanti nature apprehendendo quodcunque operabile, intelligit una & universalia principia operabilium, & ipsa pariter operabilia particularia; in secundo signo his omnibus voluntati oblati, determinata quæque ab ipsa acceptantur, verificantur, ac decernuntur fienda, & representanda, tam ex practicis principiis, quam ex particularibus operabilibus; & denique in tertio signo intellectus scit æquè immediatè & particularia, & universalia. Eorum enim omnium si-

mul est ostensiva essentia divina, ut declaratum fuit supra, articulo 13. Nulla igitur notitia practica de operabilibus esse potest in intellectu divino ante actum voluntatis decernentis fastidium omnium futuritionem.

Ad quartum respondeo, declaratum extitisse in articulo præcedenti, quam ob rem hæc, *Deus est amandus a voluntate*, propriè, & completè practica esse nequeat in intellectu divino; etsi respectu intellectus creati, sit verè practica, ac praxis conformativa, & regulativa. Et cum subditur, & hanc, *Homini est quandoque jejundandum*, practica videri respectu omnis intellectus illam apprehendentis, atque ita etiam in intellectu divino. Respondeo, cognitio practica, & praxis ad quam extenditur, videntur necessario esse respectu ejusdem persone; alioquin quam causalitatem, aut extensionem habere intelligeretur notitia practica ad ipsam praxim? Et ulterius in Deo, ut est operans ad extra, nulla est praxis, nisi volitio; quia igitur nulla cognitio conformis volitioni rectæ contingenti, præcedit volitionem Dei, sed cuicumque contingenti dat ipsa primam rectitudinem; nulla practica notitia respectu intellectus creati, potest esse illi practica, sed erit necessario speculativa; præsertim negata in Deo potentia executiva, ut tactum est in responsione ad primum. Contra igitur de eodem unus intellectus haberet notitiam practicam, alius speculativam. Ad hoc responsum est articulo præcedenti in solutione ad oppositum.

Ad argumentum ad oppositum, cum probatur oportere Dei scientiam de fastidiosis esse speculativam, quia hæc, secundum Philosophum, est practica nobilior. Respondeo, consequentiam esse veram gratia materie: quia falsum est absolute speculativam esse practica a notitia nobiliorem. Et quidem nobilitas est in inferiori attingere suum superius ex Aristotele, 7. Politic. cap. 9. unde cum Theologia in nobis eo quod sit practica attingat & ordinetur ad operationem nobiliorem se, nempe ad dilectionem finis ultimi, ad quem non ordinatur, si foret speculativa, profecto ut practica est seipsa perfectior speculativa, si talis esse possetur. Philosophus autem ideo existimavit speculativam omni practica nobiliorem, quia non posuit voluntatem circa finem praxim habere, ut fufius expofitum fuit, quæst. 1. artic. 4. citato. Quam si posuisset, non negasset scientiam practicam respectu ejusmodi praxis esse nobiliorem speculativa scientia circa idem objectum.

Circa hoc dubium, an notitia practica requiratur identitatem suppositi cognoscentis, & practicanis, & problematicus est Dodor. 4. Prologi. c. 1. Hoc videtur esse questio de nomine super dict. 38. primi. Utunque dicatur, hæc solutio videtur coherere principiis Dodoris; ex quibus & praxis solutio deducitur; & ea quæ differunt supra, articulo 13. Prologi, q. 4. Ad quartum principale.

Agens Augustinus videtur passim attribueret operari omnipotentia ipsi voluntati divina; ideo non videtur agnovisse in Deo potentiam executivam; promove putandum est non secundum propriam rationem posse esse artem in Deo, sed magis iuxta præsertim declarationem rationem, eo que infra q. 19. dicitur.



QUÆSTIO DECIMAQUINTA  
DE IDEIS

IN TRES ARTICULOS DIVISA.

*Post considerationem de Scientia Dei restat considerare de ideis.*

CIRCA QUOD QUÆRUNTUR TRIA

- I. An sint ideæ.
- II. Utrum sint plures.
- III. Utrum sint omnium, quæ cognoscuntur à Deo.

## ARTICULUS I.

Utrum Ideæ sint.

Doct. 1. dist. 35. q. 1. in Report. ibidem dist. 36.  
q. 2. S. Thom. 1. p. q. 15. art. 1.



VIDETUR nullas in Deo ponendas esse ideas. Nam quotiescunque aliquid ex se solo, citra omne medium repræsentativum, potest esse ratio cognoscendi objectum excellentius; id ipsum potest esse ex se ratio sufficiens cogno-

scendi quodecunque aliud inferius, modò continetur in excellentiori, secundum omnem sui intelligibilitatem: Sed essentia divina se sola est ratio cognoscendi se ipsam, citra omne repræsentativum, atque eminenter includit intelligibilitatem cujuscunque objecti secundarii; ergo se sola, absque omni medio; erit ratio cognoscendi cætera omnia intelligibilia; igitur frustra in Deo ponentur ideæ, tanquam profuturæ intelligendis ideatis.

Præterea, Ad quem usum sunt in Deo ideæ? Non propter intellectionem creaturarum: quia sola essentia est ratio intelligendi omnia. Non item propter productionem rerum: nam harum est causa adæquata omnipotentia, citra omnem influxum idearum: Et rursus hæc videntur spectare ad intellectum: productionis autem rerum prima causa determinativa est divina voluntas: superflue igitur in Deo adstruerentur.

Præterea, Aristoteles ideas, veluti Platonis inventum quoddam perpetuo & quavis occasione insectatur, redarguit, atque confutat: igitur nequaquam videntur admitteandæ.

CONTRA, Augustinus lib. 83 qq. q. 46. *Siquidem, inquit, in ideis tanta vis constituitur, ut nisi eis intellectis, sapiens esse nemo possit.* Cum igitur Deus sit sapientissimus, necessario in ipso sunt ideæ.

Respondeo dicendum, necessarium in divina mente esse ponendas ideas. Porro ideæ nomen (inquit Augustinus *quæst. præcitata*) Plato primus invenisse perhibetur: Cæterum proinde existimandum non est rem eo nomine significatam ante ipsum non exstitisse, aut cognitam non fuisse: sed verbum ex verbo transferendo, *Ideas* latine possum vel formas, vel species dicere: Nihilominus qui rationis vocabulo uti vellet ad ejus vocis significatum exprimendum, à re ipsa non errabit. *Sunt namque ideæ* (subdit ille) *principales formæ quædam, vel rationes rerum stabiles, atque incommutabiles quæ ipsæ formata non sunt, ac per hoc æterna, ac semper eodem modo se se habentes, quæ in divina intel-*

ligentia continentur. Et cum ipsæ neque oriantur, neque intereant, secundum eas tamen formari dicitur omne quod oriri, & interire potest, & omne quod oritur, & interit. De mente igitur Augustini *Idea est ratio in mente divina, secundum quam aliquid est formabile extra, ut secundum propriam rationem ejus.* Declaratio. Deus quæcunque causat aut causare potest, profecto non efficit irratio, nabiliter (id enim ne de homine quidem sanæ mentis aliquis dixerit: nam qui non insanit prævia ratione ad quolibet agenda ducitur): Ergo rationabiliter: habeat igitur oportet penes se rationem quandam, juxta quam efformat quicquid extra se producit. Non autem una, eademque ratione putandum est efficere cuncta quæ agit, aut efficere potest: ergo singula propriis format rationibus. Quia vero in rerum productione Deus alterius extra se existentis non indiget, eas rationes, ad quarum similitudinem eam condidit universitatem, omnino in mente sua, & non alibi esse, & reperiri sentire debemus. Verum in mente divina nihil esse potest, nisi incommutabile: ergo quicquid fieri, formarique potest, Deus efficere valet, ac re ipsa producit juxta propriam cujusque rationem æternam, atque incommutabilem, atque hanc, Ideam appellamus: necessario igitur sunt ideæ in mente divina admittendæ. Nec aliud sanè videntur, quam, ipsa objecta ab æterno à Deo intellecta, quæve per actum intelligentiæ primum esse intelligibile acceperunt, ad quorum similitudinem alia effingit, atque efformari potuerunt, uti rerum universitatem esse in effectu accepisse constat. Quemadmodum enim arca in mente Artificis, est ratio quædam, & forma, & exemplar, ad cujus similitudinem, alia fit in materia: ita mundus iste sensibilis, & quicquid in eo continetur processit à prima causa, per imitationem propriæ rationis, in divina mente latentis. Quarum rationum immensa, atque inenarrabilis congeries Dei intelligentia conclusa, apto vocabulo à Platone mundus intelligibilis vocatur.

AD ARGUMENTA. Ad primum respondeo, utique solam essentiam esse rationem formalem intelligendi & se ipsam, & quæcunque alia intelligibilia, sic ut actus intelligendi objectum motivum, & per se terminativum aliud non sit, quam ipsa essentia. Sed quia movet ad intelligendum pariter quicquid in ea virtualiter continetur; hinc dat esse cognitum, & intelligibile iis, quæ intelligit: ea igitur habent esse præcisè per intelligentiam, scilicet esse distinctum, & formale, quod non habebant, dum intelligebantur contineri in virtute divinæ essentiæ. Objecta ergo hæc, quæ habent esse per actum intellectus divini, secundario terminant eundem actum. Quamvis ergo essentia non sit idea, sunt tamen producibilia, vel possibilia omnium, quæ esse acceperunt per actum divinæ intelligentiæ.

Collat. 32. n. 6.

Solut. 35. &amp; 39.

Doct. 7. Metaph. q. 11.

Mayron. 1. dist. 47. mirabile de Ideis loquitur imaginatio.

1. dist. 3. q. 4.

4. dist. 1. q. 12. August. 7. de Civ. c. 18. c. 11. cap. 10.

Quodlib. 9. 14. 8. Hic intelligendi.

1. dist. 3. q. 4. 6. Ad præcitatam.



Ad secundum est responsio ex proximè dictis: nempe id eas esse rationes intelligendi possibile, & producibile terminativè, sed productionis in esse reale principium esse oportere voluntatem divinam à qua est & eorundem productorum futuritio. Concedo ergo ideis attribui non debere vim productivam rerum; quia idæ duntaxat ostendunt earundem possibilitatem; non sunt enim rationes producendorum, si d. factibilium, id est, ad quarum imitationem sunt producenda quæcunque divina voluntas effingere voluerit.

Ad Tertium respondeo, si positio Platonis de Ideis ea sit, quam passim illi Aristoteles imponit, dicens, illum voluisse ideas esse rerum quiditates per se in natura existentes, rectè à Philosopho reijci, ac etiam efficaciter refelli; quia revera ejusmodi opinio mera fictio est. Quod si Plato statuit ideas in mente divina, juxta exposuimus intellectum, & secundum Augustini interpretationem, malè, ac perperam ab Aristotele impugnari; etenim cum Dei opera sint sapientissimè disposita, ac undique perfecta, horum omnium, ac cujusque propriam rationem in ejus mente præcelsè oportuit. Nec ideas adstruentes aliud intelligimus, ut dictum est. Quo sensu Aristoteles nedum ideas non negasse, sed ultro à Immissis videtur; siquidem, 12. Metaph. text. c. 52. statuens, & rectè eum tum inter se, tum ad ultimum finem ordinari, à quo Cælum, ac natura pendere prædixerat, lex. 38. utique autorem ejus ordinis, & ordinatorum ad ipsum rationes omnes perfectas, explorataque habuisse oportuit. Alioquin quomodo ejus ineffabilis sapientia ex in se eluxisset ipsa aurem sapientia Conditoris excelsi est mundus intelligibilis Platonis, & Augustini.

## ARTICULUS II.

### Utrum sint plures idæ.

Doct. locis articulo antecedenti citatis

S. Thom. 1. p. q. 15. art. 2.

**V**identur plures idæ statuendæ non esse in mente divina; Nam divina essentia quatenus perfectissimè omnia repræsentans, habet rationem idæ, & exemplaris illimitati: Atqui essentia divina unica est; ergo pariter & una solummodo erit omnium ideatorum idea.

Præterea, Dionysius, cap. 7. de divin. nominibus: *Divina mens non ex iis qua sunt, ea novit, sed ex se, & in se secundum causam omnium notionem, & scientiam, atque substantiam anticipat, & luce comprehendit*; ergo si per unam causam, quæ p. est, omnia novit, non est illi attribuenda multiplicitas idearum. Ad hoc dicitur, revera Deum omnia per unam causam realem contemplari, quæ est essentia sua, sed tamen esse diversam secundum rationem, quia determinatur secundum diversos respectus.

CONTRA, Si Deus sit cognoscens omnia, quatenus sua essentia per respectus determinatur in esse cognito; per quid ergo Deus novit respectus illos? Si per alios respectus; proceditur in infinitum. Si per suam essentiam immediate; igitur pariter ipsa essentia ut est illimitata ad omnia; erit ratio cognoscendi hominem, & leonem; ac proinde frustra multiplicantes rationes ideales in Deo.

Præterea, Sint plures in divina mente idæ, quomodo ergo inter se distinguuntur? aut rationis distinctione, aut reali. Non reali; quia idæ po-

nendæ sunt in Deo, quatenus unus; & quicquid inest primo principio, ut unum, necessario est illi identificatum, & unum; igitur oportet ut distinguantur relatione, vel distinctione rationis. Atqui is rationis respectus est per actum reflexum, & compositum divini intellectus, ac proinde supponens actum rectum; ergo ut idæ terminant actum intelligentiæ divinæ, non distinguuntur, ac consequenter omnia Deus novit per unum indistinctum, & illimitatum, adeoque unica est omnium idea.

Præterea, Sicut se habet prudentia circa agibilia, ita ars circa factibilia; sed una est duntaxat prudentia respectu omnium agibilium; ergo & una ars satis est efficiendis omnibus factibilibus: Id autem maxime videtur verum in primo omnium artifice; ergo Deus per unam artem, quæ est omnium factibilium idea, cuncta extra se efformat; non ergo per plures ideas.

CONTRA, Augustinus, 83. qq. q. 46. *Sunt autem idæ, inquit, principales formæ quædam, vel rationes rerum stabiles, atque incommutabiles*; & infra. *Nec eadem ratione conditus est homo, quæ equus; hoc enim absurdum est estimare*; evult igitur expresse oportere tot esse ideas in Deo, quot sunt res formæ, atque conditæ; imo quot sunt efformabiles, factibiles, atque possibiles.

Respondeo dicendum, certissimè reperiri in divina mente immensam multitudinem idearum propter unam nimirum infinitorum factibilium, quibus una dat esse cognitum, & primam intelligibilitatem intellectus infinitus ad eadem intelligenda moventis objecto pariter infinito. Etenim quoniam summus rerum artifex infinita sapientia ducitur ad quodvis extra se efformandum, omnium factibilium per se se habet oportere proprias rationes; absurdum est enim estimare una eademque ratione conditum esse (ait ille) hominem, & equum. Si quidem Dei intellectus intelligendæ aliam esse hominis rationem, & aliam equi; (cum impossibile sit unius naturam, & essentiam inesse alteri) in iis effingendis diversa ratione idealis proculdubio ductus est. Quæ sanè veritas maenit ab eodem August. tractat. 11. de Civit. cap. 10. *Neque enim multe inquit, sed una sapientia est, in qua sunt immensi quidam, atque infiniti thesauri rerum intelligibilium, in quibus sunt omnes invisibiles, atque incommutabiles rationes rerum etiam visibilibus, & mutabilibus; quoniam Deus non aliquid nesciens fecit. Porro si sciens fecit omnia, ea utique fecit, quæ novit*.

AD ARGUMENTA. Ad primum respondeo, ex suppositione quod idea ponatur esse ratio intelligendi intellectui divino ipsa ideata, utique essentia divinæ esse attribuendam idæ rationem; quia ipsa sola est ratio intelligendi omnia intellectui divino. At nos putamus ideam non habere eam rationem, sed solummodo repræsentare factibilia; idque per secundariam terminationem intellectus divini, per cujus actum intelligendi esse illud ideale accipiunt.

Ad secundum dicendum, nobis videri non esse probandam responsum ad Dionysii auctoritatem, tum propter argumentum factum contra illam; tum etiam, quia intelligendo idæ rationem sitam esse in respectibus essentia determinativis, cognitio illorum, ad quæ sunt respectus illi, necessario presupponitur: essentia nequit comparari, nisi prius intelligatur illud ad quod sit comparatio: non enim fit comparatio ad ignotum. Per quid ergo cognoscitur illa, ad quæ comparatur essentia? Non per cognitionem respectuum; oportet

Doct. 7. Metaph. quæst. 11. M. yron. q. 3. dist. 47. 1. c. dicit Aristotelem petulum Metaphisicum fuisse, ac similem Metaphisicam e dicit se.

Idem vult Campanella 1. p. lib. 1. cap. 1. In Metaphisicis. At contra quanti fecerit Doct. hoc Aristotele is volummen, restantur ejus scripta siye scriptum edita.

U. Aor. 12. Metaph. y. q. 3. 1. 11. 37. & 38.

1. Metaph. q. 5.

1. dist. 12. q. 4. §. Ad questionem.

4. dist. 40. q. 3. §. Sed quid facit idea.

Collat. 32. n. 1.

4. dist. 50. q. 3. §. Sed quid facit idea?



det ergo cognita esse per essentiam, perfectissimè omnia representantem.

Est ergo responsio ex dictis ad primum, unicum duntaxat esse per se, & primum motivum, & rationem intelligendi omnia intellectui infinito. Si ergo nomine ideæ talis ratio intelligatur, multiplex non erit, sed una duntaxat idea, quæ est ratio prima, & formalis Deo cognoscendi omnia. Veruntamen ab Augustino ex Platone, ideæ conceptus non essentia divine attribuitur; sed rationibus in mente divina existentibus, secundum quas primus Artifex efformat quicquid producit.

Ad tertium respondeo ideas in mente divina distinguere; quemadmodum distinguuntur ideata, sed cum proportionem ad extremam sicuti equus, & homo distinguuntur distinctione reali actuali, quia versatur inter actu realiter existentia; ita quamvis alia sit ratio equi, alia ratio hominis in mente divina; quia tamen haud sunt entia esse reale actualia habentia, sed duntaxat esse possibile, & intelligibile ab intellectu divino, ideo distinctio, quæ inter illas reperitur rationes non potest esse realis actualis, sed potentialis duntaxat, consequens nimirum extrema, quorum est passio. Et cum dicitur in argumento; quicquid est in Deo ut unus, necessario est illi identificatum, & unum. Respondeo: Revera quod est in Deo formaliter, & subjektivè est illi identificatum; sed non quod est in illo duntaxat objectivè, cujusmodi sunt objecta scita, & ideæ, quibus intellectus divinus dat esse intelligibile, & possibile, & ad quarum similitudinem exinde divina voluntas efficit, atque dat esse reale ideatis.

Ad quartum respondeo, quicquid sit de majori, minorem esse negandam, imo tot sunt prudentiæ, quot particulares virtutes, quod & experientia ipsa ostendit: nam aliquis prudenter se gerens circa actus unius virtutis, potest esse valde imprudens quoad actus alterius virtutis. Et consimiliter Artifex indiget tot ideis, quot intendit ideata, efformare; non enim idea domus efficere valet arcam, sed propria uniuscujusque ratione; quæ omnes deinde reperiuntur, ac complectuntur una intelligentia Artificis. Ita in primo omnium artifice unica est sapientia, & ars, ut dicit Augustinus, 6. de Trinitate, cap. ultimo, sed tamen plena est omnium rationum viventium incommutabilium, quæ sunt omnium rerum factibilium ideæ.

### ARTICULUS INCIDENTS.

In quonam sit statuenda ratio formalis ideæ: an in respectibus divinam essentiam determinantibus; vel in ipsis rebus cognitis, ut factibilibus, & possibilibus à divino intellectu.

Doctor 1. dist. 35. in Report. ibidem dist. 36. quæst. 2. Collat. 32. S. Thom. 1. p. quæst. 15. artic. 2. per totum.

**V**IDETUR formalis ratio ideæ divinæ consistere in relatione, ac proinde esse statuenda in respectibus quibusdam, quibus divina essentia ex se illimitata, determinetur ad quæcunque intelligenda; Nam nihil esse potest ratio cognoscendi plura, nisi quatenus illa ratio appropriatur aliquo modo illis, quæ cognoscuntur; igitur eatenus essentia divina est principium, & radix, per quam ab intellectu divino cognoscuntur omnia, quatenus per respectus determinatur, atque ita per illos sit

Tomus I.

proxima causa distincta cognoscendi singillatim infinita.

Confirmatur, cognitio fit per simile; ergo oportet rationem cognoscendi assimilari quodammodo ipsis objectis cognitis; igitur ad hoc ut ratio cognoscendi illimitata ex se, approprietur singulis cognitis, atque unicuique illorum assimiletur, necessario sunt ponendæ relationes æternæ in Deo ad omnia scibilia; rationes igitur ideales sunt statuendæ in aliquo respectivo.

Præterea, Secundum Augustinum lib. 83. quæst. 46. *Ideæ sunt formæ æternæ, & immutabiles in mente divina; & non absolute; sunt enim ad ipsa ideata; ergo respectivæ.* Hinc Avicenna, 8. Metaphys. suæ cap. 7. dicit expressè Dei, ut intelligentis esse relatione ad formas intellectas.

Præterea, Ex Augustino loco citato: *siquidem, inquit, in ideis tanta vis constituitur, ut nisi eis intellectis sapiens esse nemo possit.* Sed Deus est perfectissimè sapiens intelligendo se ipsum, & non creaturas, quas profecto intelligit in essentia sua; ergo ratio ideæ est attribuenda ipsi essentia, quatenus subest respectibus ad creaturas, & non in ipsis creaturis cognitis. Nam ibidem subjicit Augustinus, *istorum visione fit anima beatissima; constat autem animam non beatificari per visionem creaturarum.*

Præterea, Secundum Augustinum, 5. super Genes. cap. 7. *Omnia in Deo sunt vita.* Atque idem significare videtur super illud Joan. 1. *Omnia in ipso vita erant, non vita,* inquit, *æterna creatura, sed creatrix.* Id autem profecto nequit intelligi de ipsis objectis formaliter in se, seu ut objectivè relucet in intelligentia divina; ergo de rationibus formalibus, quibus cognoscuntur. Has autem rationes appellamus ideas.

Præterea, Intellectus divinus est quasi passivus respectu intellectiōis; ergo oportet ponere in illo aliquam formam, antequam operetur actu, per quam scilicet determinetur ad hanc intellectiōem: talis autem forma est ratio idealis; ergo sunt in Deo ideæ, antequam cognoscantur creaturæ, quæ aliud esse nequeunt, nisi respectus rationis; non est ergo statuenda ratio idealis in ipsis creaturis cognitis.

CONTRA, Respectus isti, aut sunt secundum rem in creaturis tantum, aut etiam in Deo; si in creaturis tantum (cum creaturæ non sint ab æterno) pluralitas idearum non erit ab æterno, si multiplicentur solum secundum ejusmodi respectus. Si autem realiter in Deo, sequitur, quod alia pluralitas realis sit in Deo, quam pluralitas personarum.

RESPONDEO dicendum, rationem formalem ideæ juxta Augustini præallegatam descriptionem supra articulo primo; statuendam esse in ipsis objectis cognitis ab intellectu divino, unde est illi scientia naturalis, & simplicis intelligentiæ; non vero in aliquibus respectibus essentiam divinam quasi determinantibus. Declaratio primi: Nam lapidi in mente divina esistenti exactè conveniunt omnes omnino conditiones, quæ ab Augustino attribuantur divinis ideis; ergo ipsa objecta cognita, quæ per actum intelligentiæ divinæ accipiunt primum esse possibile, & intelligibile, sunt ideæ constituentes Mundum intelligibilem Platonis. Etenim lapis (qui ante actum intelligentiæ divini, nullum habebat esse distinctum, sed propterea quod continebatur virtualiter, & eminenter in ente infinito, erat ipsamet essentia creatrix) is, inquam, lapis mox ac per actum intelligentiæ infinitæ accipit esse distinctum & formale, quatenus terminando actum intellectus, verissimè est cognitus,

C c

& in-

1. dist. 35. Ad secundum quartæ quæstionis.

Collatione prima, & 3. dist. 36. n. 31.

1. dist. 38. 8. Ad oppositum.

S. Thomæ tertium principia in hoc articulo.

Videndi Resolventes Scotum super 3. Phys. de causis exemplari. Et super primum sententiarum.



& intelligibilis, est pariter & possibilis, seu factibilis; & ut talis ab intellectu ostenditur voluntati; Est ulterius factibilis ex propria, & specifica ratione. Siquidem, non est causabilis lapis per arboris, aut hominis rationem. Eaque ratio est æterna in mente divina, & planè incommutabilis, quemadmodum nullam mutationem subire possunt ea, per quæ tale esse cognitum lapis accepit: illa autem sunt essentia infinita, & intellectus infinitus. Cum igitur lapis cognitus sit ratio æterna in mente divina, secundum quam ipsemet est formabilis ad extra, ut secundum propriam rationem ipsius, verissime habet rationem ideæ, ad mentem Augustini: neque hæc multiplicitas rationum idealium est intelligibilis in essentia divina ante actum intelligentiæ, quia in illa essentia omnia sunt unum, sed in signo posteriori accipiunt esse formale ab intelligentia divina. Fatendum est tamen, esse reperibilem multipliciter in ipso actu formali, quatenus ad objecta cognita terminatur: sed sicuti hæc multiplicitas inest illi aliunde, & extrinsecè, ita ratio idealis primo, & per se convenit conceptui objectivo, reductivè conceptui formali: nam quod habet esse per illum actum propriè, & per se est formale ad extra.

Quod si ipsum objectum cognitum est idea, falso id attribuitur respectibus, seu ponantur in essentia divina, quatenus objectum cognitum illimitatum, seu inquantum est ratio intelligendi intellectui infinito: nullo enim modo relationes ejusmodi habere possunt rationem ideæ. Siquidem ij respectus, seu rationes ideales cognoscuntur ab intellectu infinito: aut ergo mediis alis relationibus, tanquam rationibus intelligendi, determinantibus essentiam, ut est ratio, vel ut est primum objectum, aut immediate: si primum ergo erit processus in infinitum. Si secundum: ergo pariter poterit cognoscere creaturas sine talibus rationibus cognoscendi, sola essentia ad earundem cognitionem movente intellectum infinitum: quemadmodum per essentiam, ut essentia est, cognoscuntur illi respectus, tanquam distincta objecta. Responsio: quemadmodum correlativa cognoscuntur simul, ita & isti respectus intelliguntur una cum objectis, quorum sunt ideales rationes: nec oportet objecta esse præintellecta illis respectibus: quia comparatione constituuntur, uti communiter dicimus de personis divinis. Contra, hoc videtur vilificare intellectum divinum: quia tunc esset passivus respectu aliorum objectorum cognitorum per istas rationes: per ea enim objecta actuaretur intellectus ad cognitionem idealium, vel respectuum una cum objectis intellectus. Ulterius, ratio intelligendi, ut est ratio, præcedit naturaliter intelligentiam, ac proinde nihil spectans ad talem intelligentiam rationem causatur per intelligentiam, nec sequitur intelligentiam. Cum igitur essentia ut subest respectui rationis sit ratio intelligendi lapidem, illa ratio non producit in essentia per intelligentiam lapidis: quia alioquin non foret ratio intelligendi ipsum lapidem: ergo implicat essentiam sub respectu esse rationem intelligendi, & respectum illum cognosci per objectum, cui est ratio intelligendi. Amplius, prius est divinum intellectum intelligere omnia possibile, & factibilia, quam essentiam esse formaliter imitabilem, & participabilem ab eis: ergo ij respectus imitabilitatis, & participabilitatis frustra ponuntur esse rationes intelligendi, ut essentia. Probatio assumpti, non contingit cognoscere relationem formaliter, nisi cognito termino: nec comparatio omnino aliqua est intelligibilis, nisi præcognito eo, cum quo

comparatio fit: ergo per prius cognoscuntur creaturæ possibile, & exinde intelligitur essentia infinita posse participari ab eis; intantum enim ut participabilis cognoscitur à lapide, quia is est possibilis potentia logica; contra vero nequit à figmentis participari, quia habent logicam impossibilitatem, & repugnantiam; ergo tunc demum divina essentia participabilis intelligitur, cum possibilia fuerint præintellecta.

Deinde, si divina essentia foret ratio limitata cognoscendi aliquid unum intelligibile determinatum, esset talis ratio cognoscendi absque omni respectu rei, & rationis: Nam propter illimitationem ponitur determinari ab respectibus rationis; ergo etiam quatenus illimitata est ratio cognoscendi omnia, citra omnem respectum rationis. Probatio consequentiæ: Illimitatio non admittit essentiam aliquam perfectionem, imo stante perfectione, qua est ratio cognoscendi unum, involvit similem perfectionem respectu alterius, & respectu omnium intelligibilium; ergo si potest esse ratio cognoscendi unum ex hypothese impossibili limitationis suæ citra omnem respectum; multo minus indigebit aliquo respectu in ordine ad intelligibilia cognoscenda ex infinita sui perfectione; præsertim cum essentia sit propria ratio cognoscendi se ipsam sive ut objectum primum, sive ut ratio cognoscendi illud objectum, absque omni respectu prævio tam rei, quam rationis; intellectio enim, qua Deus est beatissimus, non est collativa, vel comparativa: ergo nec causativa ullius respectus rationis: & multo minus indiget respectu reali: quia nemo dixerit, in eadem persona esse respectum realem ad seipsam. Rursus, ejusmodi respectus minus sufficere videtur ei fini, propter quem necessarij putantur. Siquidem divina essentia cum illis respectibus subesse intelligitur perinde est illimitata, ac sine illis: non est igitur magis ratio cognoscendi, ut ijs assignatur respectibus, ac sine illis. Declaratur assumptum: intellectus divinus quomodocumque comparet essentiam, ac subinde causat in ea relationem rationis, confert illam, ut est formaliter infinita: igitur etiam ut sub tali relatione intelligitur, est infinita, & indeterminata, sicut secundum se, & nullo respectu intellecto: ergo per relationem rationis non est determinatio ratio intelligendi cognoscibilia. Postremo, operationis perfectissimæ, qualis est intellectio divina oportet esse unum per se principium, à quo fit, & unum per se objectum, ad quod terminetur. Essentia autem divina, & respectus rationis sunt unum per accidens: ergo constatum ex utroque non est unum per se objectum, nec una ratio intelligendi per se: igitur id attribuendum est alteri ex illis. Non respectui rationis: nam relatio rationis nequit esse ratio cognoscendi lapidem, nec ut objectum cognitum, nec ut ratio cognoscendi: quia cognitio lapidis in Deo est perfectio simpliciter: adeo ut intellectus divinus non foret omnimode perfectus, nisi & lapidem intelligeret: nulla autem relatio, ne realis quidem est ratio, cur Deo in sit aliqua perfectio simpliciter: ergo superest, ut sola essentia ut objectum primum sit ratio, qua cognita, cognoscatur lapis, vel certè ut ratio per se intelligendi lapidem.

Itaque ipsa objecta cognita, vel intellecta, quatenus rationes æternæ in mente divina, ad quorum exemplar sunt res effectuales extra, sunt ideæ: nec ullis est id attribuendum respectibus. Siquidem citra omnem respectum rei, & rationis, est in Deo sua ipsius intellectio, & volitio, qua inhæret infinito bono: non oportet igitur ob intelligentiam

Huic confessioni probanda multa impendit Doctor locut. Report. à n. 21. & seq. sed rei, & nostro iudicio presentem sufficere putamus.

Quod addit hic Poncius in Com. absurdum videri, Deum nequire intelligere illa se sine entibus rationis hñus. Nihil est: quia nulla est hic hñus, sed vera comparatio. Illud verius videtur non esse per eam comparationem comminiscendos ullos respectus rationis formaliter, sed duntaxat fundamentaliter, quia nec vera est hic comparatio sicuti præcedenti articulo 14. dictum est de enunciabilibus respectibus intellectus divini.

g. dist. 3. q. 1.  
S. Ma ergo. V.  
ad primum.

Henr. Quodlib.  
4. q. 5. Thom.  
sent. hic.

Ex Report. cit.  
num. 19.



Relationem alicujus objecti præ se esse in intellectu, vel objecto ipsius aliquam relationem. Sed si relatio præterea concurrat, id profecto erit ex aliquo annexo: ut puta ex mutua coexistentia, si est relatio mutua, vel dependentia unius ad aliud. Cum autem Deus intelligit alia à se, nequit esse mutua coexistentia; quia intellectus divina est mensura aliorum à se intellectuum; erit igitur præcisè relatio in altero extremo, nempe in cognitis ipsis ut mensurata sunt ab intellectu infinita. Hoc igitur ordine videtur hæc res intelligenda, & declaranda: In primo instanti naturæ Deus essentiam suam intelligit sub ratione prorsus absolutâ: in secundo instanti movente eadem essentia, in qua continentur infinita intelligibilia eminenter, & virtualiter, producit lapidem in esse intelligibili, & intelligit lapidem, qui in primo naturæ instanti non intelligebatur, quia nullum esse distinctum habet in memoria priusquam sit in intelligentia, eo modo igitur quo est lapis productus intelligitur dependere ab intellectu divina, atque ad ipsam referri, sed tamen intellectio non refertur ad lapidem intellectum. In tertio instanti fortè intellectus divinus potest comparare suam intellectu ad quodcunque intelligibile, ad quæ nos possumus comparare, atque ita causare in se respectum rationis; & in quarto denique instanti potest quasi reflecti super illam relationem causatam in tertio instanti, & ita eum respectum cognoscere. Non est igitur relatio rationis necessaria lapidi intelligendo, tanquam lapide prior: imò ipsa ut causata est lapide cognito posterior, & denique adhuc posterior quatenus cognita; quia in quarto instanti, & ratio est, quia relatio non cognoscitur naturaliter, nisi cognitio termino, quod sane videtur ad modum probabile, licet ex contraria sententia oppositum sequatur, scilicet contingere posse, ut relatio, non cognitio termino, cognoscatur, & intellectum comparare unum ad aliud, quod prius non novit.

AD ARGUMENTA. Ad primum respondeo, divinam essentiam ex se esse determinatam determinatione opposita indeterminationi, quæ est ad contrarium, licet non determinata sit determinationem in terminis. Nec fatis hoc exitur ad determinationem intelligendum quodvis objectum, non sunt ergo comminiscendi respectus aliqui rationis, quibus singillatim determinetur, ac unicuique objectorum approprietur. imò Dei essentia est ex se ita determinata ratio intelligendi omnia, perinde ac si unum duntaxat intelligibilem contineret.

Ad confirmationem, cum dicitur, ratio intelligendi est similitudo intelligibilis. Respondeo, non est similitudo formalis, sed vel formalis, vel similitudo perfectè continens formalem secundum omne id, quod est perfectionis in eo, quod aliud non est, quam ipsam esse rationem intelligendi. Et hoc profecto est eminentissimè contineri in divina essentia.

Ad secundum dicendum, Ideas esse ipsa objecta cognita in mente divina incommutabiliter existentia; & cum dicitur, sunt ad ideata; ergo relativa. Responsio: ideæ in divina mente non sunt practicae, quasi involventes notitiam directivam de operando, vel non operando; sed duntaxat merè speculative ostendunt quid fieri sit possibile ad extra.

Ad Avicennæ auctoritatem dicendum, in Deo posse concedi relationes, ut intelligens est ad intellectum, vel quatenus terminat relationes intellectuum ad ipsum: sicuti *dominum esse* appellatio dicitur relativa, significans relationem *sepe* terminari ad dominum; vel certè prout intelligens dicitur

relationem rationis positivæ; non quidem dependentis intellectum aliorum à se, sed magis sequentis illam juxta prædicta.

Ad tertium respondeo, Deum utique esse infinitè sapientem per comprehensionem essentia infinitæ, quæ est beatissimus in primo instanti, nullius alterius indigens. Veruntamen, stante ea sapientia intensiva infinitate, non foret extensivè, & omnimodè sapiens, nisi ad illam intellectum sequeretur etiam comprehensio cæterorum omnium, quæ continentur virtualiter in objecto infinito; id ergo evenit in secundo signo, in quo dat esse intelligibile, atque intelligit infinita alia à se; & tunc est sapiens omni penitus modo, quo illi potest sapientia inesse. Quoniam ergo illis objectis cognitivis exactè congruunt conditiones, quas ideis attribuit Augustinus, rectè Dei sapientia extendi dicitur, ac completi cognitionem idearum, quas in se ipso, & non in alio novit. Si ergo invenitur aliquando Augustinus appellare ideas rationes cognoscendi, non est existimandum ipsum voluisse iis rationibus moveri intellectum divinum ad cognitionem creaturarum, cum à sola essentia moveatur; sed quatenus sunt rationes terminantes divinam cognitionem, unde est in sapientia conditoris distincta comprehensio infinitorum intelligibilium à se; & ideo ab illo appellantur rationes cognoscendi, scilicet terminatæ. Consimiliter aliud Augustini dictum, quod subicitur, est intelligendum de beatitudine animæ non essentiali quæ, in visione, & fruit one Deitatis consistit, quam & Augustinus ipse negat esse accipiendam ex visione creaturarum. Confessio, cap. 4. *Beatus est*, inquit, *qui te, & illa novit, nec propter illa beatus*; est, inquam, intelligendum de beatitudine non accidentali, & exteriori, hoc est, omnimoda beatitudine possibili beato; quatenus illarum intuitu circa urarum in objecto beatico, facit quod omnimodò ad gaudium, & felicitatis cumulum in beatis, quoniam citra omnem ejusmodi cognitionem sunt cumulativè felices, & beati.

Ad quartum dicendum, creaturæ ante actum intelligentiæ divinæ sunt in Deo ipsamet essentia infinita, ut est habens virtutem movendi intellectum ad distinctam cognitionem earum: in eo signo non sunt ideæ, ne Deus creaturas novit priusquam det ipsis esse intellectum; nec autem rationes formales, vel respectus in ipsa præexistunt essentia, ad hoc ut faciat intellecta formaliter, & perspicua intellectui infinito quæcunque in ipsa virtualiter continentur.

Ad quintum respondeo, ex suppositione quod intellectui divino, quasi passivo debet correspondere forma, vel quasi forma, quæ determinetur ad operationem, non aliam esse posse, nisi essentiam infinitam sub ratione essentia; quæ quatenus absoluta est ratio cognoscendi à se ipsa, & quæcunque alia ordine prænotato. Nam prout intellectus divinus est in actu per essentiam suam, ut est ratio intelligendi, præsto est sibi actus primus sufficientissimus ad producendum omne aliud à se in esse cognito; quia in productum productum involvit oportet dependentiam ad intelligentiam producentem, & sub ratione absoluta terminantem illam; quemadmodum enim causa reale dans esse, sub ratione absoluta est actus primus, à quo procedit effectus, qui mox ac productus est, id est relationem ad causam; quandoque ut ad absolutum, ut in relationibus tertii modi relativorum, ut dictum est supra, q. 13. art. 7. quandoque autem est relatio mutua, ita tamen ut nunquam prærequiratur relatio in causa ad effectum, sed duntaxat consequatur effectum

Quodlibet, q. 14. c. 1. in fine. *Deus* *intelligens* *omnia* *per* *se* *ipsum*.

2. d. 1. c. 1. *Deus* *intelligens* *omnia* *per* *se* *ipsum*.



factum positum *in esse*; ita & in ista productione intelligibilem cognitorum à Deo, ut jam declaratum fuit.

Ad argumentum in oppositum, est responsio dicentium, respectus multiplicantes ideas non esse in rebus creatis, sed in Deo. Nec tamen esse reales, sicut illi, quibus distinguuntur personæ; esse proinde respectus rationis à Deo intellectos, quatenus comparat essentiam suam ad res. Contra, isti respectus sunt essentiæ rationes intelligendi obiecta; ergo erunt reales; nam ratio intelligendi, ut realis præcedit naturaliter intellectionem, adeo ut nil spectans ad illam inesse queat per intellectionem; ergo si sub respectu rationis est essentia ratio intelligendi lapidem, is respectus non producit in ipsa per intellectionem lapidis, quia præcedit naturaliter illam intellectionem; ergo alia intellectione produceretur: sed lapidis intellectionem non præcedit nisi illa, quæ est essentia, ut essentia, qua non producit respectus, quod ultro ita respondentes concedunt; ergo si ponendæ sint tales relationes erunt reales, quod falsum pariter & illi rectè putant. Et sanè si proprietates relativæ, ubi minus videtur, non sunt productæ per intellectionem Dei, nec principia producendi illas proprietates; multo minus nec istæ relationes rationis erunt in essentia, ut est ratio intelligendi ex se, & se ipsam, & omne aliud intelligibile. Deinde, Deus prius intellexit alia à se quam intelligat se illa intelligere; quia actus reflexus præsupponit actum rectum; ergo illæ relationes, quæ essent in Deo ad alia, illi inessent ex natura rei, & non per actum intellectus considerantis illam intellectionem: sed quod est in Deo ex natura rei, & non in objecto, ut est cognitum, est reale; nulla est autem admittenda in Deo relatio realis ad creaturas, ex dictis, *quæst. 13. art. 7. citato*.

### ITERUM ARTICULUS INCIDENS.

Utrum creatura in quantum est fundamentum relationis æternæ ad Deum ut cognoscentem, habeat verè *esse* essentiæ.

*Doctor 1. dist. 36 in Report. 2. dist. 1. quæst. 2. Cajet, ac Thomista super hoc articulo.*

**V**IDETUR in creatura verum *esse* essentiæ reperiri, quatenus à Deo in æternitate cognoscitur. Etenim homo non est ex se ens ratum; quia solus Deus ex se habet *esse*; ergo ab alio accipiat oportet rationem, qua formaliter tale ens sit: id autem aliud *esse* nequit, nisi primum, quod à se est ratum, non quidem ut est ipsius causa efficiens; Nam de efficiente procedit existens in actu: definitio, qua exprimitur entis essentia, & ratio, ab omni abstrahit existentia: Est igitur homo ens ratum, in quantum terminat respectum in æternitate Dei ipsius intelligentis, ac exemplantis.

Præterea, Correlativa sunt simul natura: ergo simul natura Deus est intelligens lapidem, & lapis ab eo intellectus. Ab æterno autem intellectui divino erat lapis cognitus, idque quatenus aliud obiectum ab essentia divina; eaque intellectio extitit realis, & Metaphysica, & nequaquam logica; quod igitur fuit ejus intellectionis terminus, rem ratam fuisse oportuit.

Præterea, Uti se habet ens ad non ens, ita possibile ad impossibile; ergo permutatim, sicut ens ad possibile, ita non ens ad impossibile: sed omne ens est possibile; ergo omne, quod est purum non ens, est impossibile. Cum igitur lapis ab æterno fuerit

possibilis; alioquin nunquam extitisset, erat verum ens, veraque res.

Confirmatur, si aliquid purum non ens, sive nihil esset possibile, quia aliquid non ens, ut chymera, est omnino impossibile, profecto unum nihil, esset magis nihil, quam aliud; quod videtur absurdum; ergo possibile non est prorsus nihil, sed aliquid verum ens.

Præterea, Prima productio non est tantum aliquis relationis; quia relatio non est, nisi in absoluto fundetur; sed Deus producit res in *esse* intelligibili, unde & res ipsa cognita à nobis appellatur *idea*; igitur oportet etiam ponere entitatem absolutam rei productæ, in qua fundatur relatio ad producentem; igitur tale *esse* productum est verum *esse* simpliciter.

CONTRA, Primum productum non est tantum Augustini auctoritate, *serm. 11. de verbis Apostoli*, super illud, *elegit nos ante mundi constitutionem*, ac dicentis, *elegit tamen, & habet electos, quos creaturus est eligendos; quos habuit ad semetipsum non in natura sua, sed in presentia sua*. Hoc, inquam, declarans Magister, subdit: *illos (electos nimirum) habuit ab æterno apud se, non in natura sui, id est illorum, qui nondum erant: sed in sua presentia, quia eos ita novit, ac si essent*.

RESPONDEO, Aliquorum est hic opinio talis. Res dupliciter accipi potest, vel ut provenit, atque oritur à reor, *reor*, quod est opinari, vel ab ipsa *ratio*, iuxta priorem acceptionem, quodlibet dici potest *ens*, & *res*, modo sub opinionem cadere queat: unde seu vera, seu ficta quæcunque impossibilia, res sunt, & entia. At prout ex ratione *res* derivatur, illud duntaxat est ens ratum, verum, & firmum, cui est vera entitas, atque essentia, quo sensu hæritia, & impossibilia nomine *rei*, & *entis* significari non possunt, non enim entia sunt, & res. Hoc itaque ens ratum primo modo est indifferens ad ens verum, & fictum, sique ratum in secunda acceptione per realem sibi additam intentionem; nam verum evadit, quatenus exemplatur in mente divina; idque quoniam existere potest, & non existere, ad utrumque est indifferens; sed existens fit per respectum ad causam efficientem. Ut ergo secundus hic respectus est in tempore, ita respectus ad causam exemplantem est æternus. Quare res priusquam causetur in tempore, possidet verum *esse* ratum quiditativum in æternitate, sed non *esse* existentia; quia eadem res est prius intellecta, & postea accipit *esse* existentie, & adducuntur argumenta jam relata. Contra, hæc opinio non est probanda. Etenim ex hypothesi quod lapis habuerit ratum *esse* reale ab æterno per causam exemplantem; igitur quum causa efficiens dat illi *esse* existentie, non producit lapidem ex nihilo; ergo absolute nec creatur, nec revera creari potest, si creatio est productio rei ex nihilo sui. Rursus, isti putant, quum producit aliquid in tempore à Deo, non produci nisi novum respectum ad efficiens; *esse* enim reale verum jam præceperat *esse* per aliam causam; igitur efficiens nulli à se productorum tribuit *esse* simpliciter; sed tantum *esse* secundum quid; atque ita minus erit creatio productio simpliciter, ac sit alteratio; cuius terminus est alioquin, quantum ad *esse* absolutum. Quinimo uti nihil posset actu creari, ita nec annihilari. Sicut enim omne quod producit, fit de ente secundum essentiam, ita quomodocunque destruat quoad respectum ad efficiens, & existentiam, redit tamen in ens reale, secundum essentiam, & non in nihil; ergo creatura non posset annihilari; quod est erroneum. Deinde, *supra q. 9. art. 2.*

Aliud Doctoris argumentum, quod habebat, videlicet *quæst. sequent. art. 7.*

Henr. Summ. 2. q. 23.

Ex Report. loco cit. Valendus Doctor Collar. 33. & 34. ubi subtilissime exponebat hoc Henrici inventum.

Plura media, ac hic referantur, tangit, arguitque Doctor contra hanc Henrici opinionem. Non igitur inhiitio videtur hæc sufficere, præterea, quia putamus inter Doctorem, & Genuarium non esse hic aliam disputationem, quam de vocibus. Non enim est verisimile, utrumque aliud creditibile esse creaturis ab æterno, quam illud quod affirmat Doctor hic, & 1. dist. 36. & 37. & 38. & 39. & 40. & 41. & 42. & 43. & 44. & 45. & 46. & 47. & 48. & 49. & 50. & 51. & 52. & 53. & 54. & 55. & 56. & 57. & 58. & 59. & 60. & 61. & 62. & 63. & 64. & 65. & 66. & 67. & 68. & 69. & 70. & 71. & 72. & 73. & 74. & 75. & 76. & 77. & 78. & 79. & 80. & 81. & 82. & 83. & 84. & 85. & 86. & 87. & 88. & 89. & 90. & 91. & 92. & 93. & 94. & 95. & 96. & 97. & 98. & 99. & 100.



lib. de Intel.  
cap. 4. c. in  
Metaphys.

art. 2. contra Philosophos ostensum est, nihil aliud à Deo esse formaliter necessarium; quia tunc magis necessarium diceret necessarium habitutidem ad minus necessarium; atque ita ex hypothesi quod hoc deficeret, esse pariter definirer magis necessarium, & magis impossibile sequeretur ex minus impossibili, quæ omnia sunt absurda, & inconvenientia. Atqui hæc eadem recta consequentione inferri possunt de *esse* quiditativo creaturarum. Non enim voluntas magis necessario vult aliud à se in *esse* quiditativo, ac velut alia à se in *esse* existentia: nam eadem est ratio utrobique; ergo non est sentiendum creaturas ab eterno à Deo accepisse *esse* reale quiditativum. Denique, ex hoc etiam sequeretur, ideas fore perfectiores ipsis ideatis. Nam causa perfecta, & independens naturaliter in causando, ac non liberè, sed naturaliter dans *esse* effectui, videtur posse producere immediatiora sibi perfectiora, cum producat secundum ultimum suæ potentia: intellectus divinus, ut intellectus præcisè (juxta opinantem) producit in Deo rationes ideales, & ipsas essentias in ratione essentia, & quasi per prius in se rationes ideales, quam rationes istas in tali *esse* (sunt enim per hoc quod exemplatae sunt) ergo illæ ideæ habent verius *esse*; cum sint de naturaliter agente, quam ipsa ideata. Non causat autem ideas, nisi in *esse* rationis, & non in aliquo *esse* reali; ergo nec dat aliquod *esse* reale ipsis ideatis, quæ sunt causata quasi remotiora. Quod etiam ab istis attribuitur alius effectus causæ exemplari, & alius causæ efficienti, id minus probabile videtur: Siquidem causa exemplaris non est, nisi quoddam efficiens; efficiens enim dividitur in efficiens per intellectum, sive propositum; & efficiens per naturam, ex Aristotele, 5. *Physicor.* c. 40. Sicut igitur naturaliter produciens, non est alia causa ab efficiente, ita nec exemplariter produciens; ac proinde idem est effectum, ac exemplariter productum alicujus intelligentis; in quantum est intelligens, & in quantum exemplans.

Est igitur dicendum, creaturam, prout est fundamentum relationis æternæ ad Deum, ut cognoscentem, non habere verum *esse* reale essentia: Nam nedum *esse* essentia fundat ad Deum relationem, ut intelligentem illud *esse*, sed etiam *esse* existentia; quia secundum Augustinum, 5. super Genes. cap. 7. *Non aliter novit Deus facta, quam fienda*: præcognovit igitur *esse* existentia, sicut *esse* essentia; atqui ratione hujus relationis, nemo dixerit *esse* existentia fuisse ab æterno verum esse reale ab æterno; ergo neque est inferendum ex ejusmodi relatione cogniti ad cognoscentem verum *esse* reale essentia.

Accedit etiam, quod etiam intellectus creatus dat *esse* intelligibile non existentibus; intelligentes enim alium mundum, quo ad *esse* essentia, & existentia, verè alius mundus accipit *esse* intelligibile: at tale *esse* non est verum *esse* simpliciter; ergo neque ut tale objectum comparatur ad intellectum divinum, possidet aliud *esse*, quam secundum quid. Non negamus illud interesse inter divinum, & nostrum intellectum, quod ab illo intelligibilia accipiunt *esse* primo, nos autem non posse tribuere *esse* intelligibile primo. Sed quia id ex se est tale *esse*, ut non possit *esse* simpliciter, ut verè intelligatur, ac fundet relationem ad intelligentem, etiam ut comparatur ad intellectum dantem *esse* intelligibile primo; non exigit aliud *esse* nisi cognitum, & secundum quid: Hoc enim sufficit ipsius verissimæ intellectioni; ergo citra omnem necessitatem attribuitur illi *esse* simpliciter.

AD ARGUMENTA. Ad primum respondeo: Aus

ens ratum dicitur illud, quod habet firmum, & verum *esse* sive essentia, sive existentia, quia unum non est sine altero quomodocunque ponantur distinguit aut ens ratum appellatur illud, quod primo distinguitur à figmentis. Juxta priorem intellectum, utique lapis ex se non est ens ratum, sed à causa dante sibi tale *esse* verum tam essentia, quam existentia, ac proinde nunquam est *ratum ens*, nisi sit existens. Et cum dicitur, definitio exprimit essentiam, ut ab existentia abstrahentem; ergo lapis est ens ratum, ut est indifferens ad existere, & non existere. Responso: Definitio est distincta cognitio definiti secundum omnes ejus partes essentielles: distincta autem cognitio potest esse alicujus, esto non sit ens ratum, seu quamvis non habet verum, & firmum *esse* simpliciter. Non enim oportet, nisi quod ens ratum terminet cognitionem definitivam; ac proinde non sequitur, ens ratum definitivè intelligitur; ergo ens ratum est.

Juxta secundum modum accipiendi *ens ratum*, dicimus, lapidem ex se dici debere ens ratum, quia ex se formaliter non repugnat sibi *esse*. Sicut enim cuicumque repugnat aliquid primo, ei formaliter repugnat ex ratione ipsius; ita cui formaliter aliquid non repugnat, ex ratione ejus est non repugnans: ac propterea si lapidi repugnaret *esse* per nullum advenientem respectum, posset id sibi non repugnare. Et si tunc ex hoc inferas, lapis est ex se ens ratum; ergo est Deus. Nulla est consequentia, quia Deus non est tantum, cui non repugnat *esse*, sed est ipsum *esse* per essentiam.

Ad secundum, concedimus, Deum ab æterno lapidem verè intellexisse, ac vicissim lapidem fuisse intellectum, non Logica, sed Metaphysica, realique cognitione, & nedum quoad essentiam, sed etiam quantum ad existentiam ipsius. Quemadmodum igitur *esse* intellectum, vel cognitum existentia lapidis non facit nec tribuit illi *esse* simpliciter, alioquin extitisset ab æterno: ita nec ex eo quod fuerit cognitus quoad essentiam, inferri potest habuisse verum *esse* simpliciter, secundum essentiam; sed est fallacia secundum quid ad simpliciter.

Ad tertium de permutatio proportionem, acceptum ex 16. *propos. 5. elem.* Euclidis respondeo sic: Ubicumque potest haberi aliqua proportio correspondens proportioni exposita ab Euclide, per quam tenet ista permutatio, argumentatio est bona; sed quum nihil tale reperitur, necesse est, ut argumentum fallacia laboret.

Hæc præallato argumento applicantes, dicimus, eam permutationem non habere locum, quando comparantur extrema ad inferius, & superius; Nam evidenter tunc committitur fallacia consequentis. Etenim extrema duarum contradictionum, ad invicem comparata, habent proportionem conversam in inferendo, & non eandem. Oppositum enim consequentis infert oppositum antecedentis, & non è converso; & ideo arguere ita inferendo sicut primum ad tertium, ita secundum ad quartum, est fallacia consequentis. Siquidem è converso deberet argui, sicut primum ad tertium, inferendo, ita quartum ad secundum. Ita in proposito, si omne ens est possibile; ergo impossibile est non ens: sed non è converso; ergo omne non ens est impossibile.

Ad confirmationem respondemus. Homini in æternitate inest non *esse* aliquid, & chimæ pariter non *esse* aliquid: sed homini non repugnat affirmatio, quæ est *esse* aliquid: sed tantum inest negatio propter negationem causæ, non ponentis aliquid;

Hic Doctor præterea exornat qualiter triplici modo intelligi potest negationem inesse aliquid quæ de ob-



hunc videba-  
tur necessaria  
posita solutio-  
ni objectionis;  
si ens vacans in  
textu; carpm  
anim materiam  
hanc attingi-  
mus ex illis  
me discuti-  
mus non erno-  
s metaphysicos.

actum; at chimæ repugnat, quia nulla causa po-  
test illi dare *esse*. Sed quare homini non repugnat,  
chimæ autem intrinseca inest repugnantia, ratio  
est, quia homo est homo, chimæ autem chimæ-  
ra; idque penes quemcumque intellectum concipi-  
entem; quia sicut dictum est, quicquid alicui  
formaliter repugnat, ex se sibi repugnat; & quod  
non repugnat formaliter, ex se non repugnat: ne-  
que est fingendum, homini non repugnare, quod  
in potentia sit; contra verò chimæ repugna-  
re, quia non est in potentia; imo magis è con-  
verso, quia homini non repugnat, ideo possibile  
est potentia logica: & quia chimæ repugnat,  
ideo est impossibile impossibilitate opposita. Illam  
verò possibilitatem logicam in homine consequi-  
tur possibilitas objectiva, supposita tamen omni-  
potentia Dei, quæ reficit omne possibile, dum-  
modo sit aliud à se. Nihilominus illa logica possibili-  
tas absolute, ratione sui, posset stare, etsi per im-  
possibile nulla potentia eam respiceret.

Prima igitur omnino ratio, & ad aliam non re-  
ducibilis, quare homini non repugnat *esse*, est  
quia homo formaliter est homo, idque sive in re,  
sive in intellectu. Et prima ratio, quare chimæ  
repugnat *esse*, est chimæ in quantum talis. Ali-  
qua igitur inest negatio, aut *nihilitas* homini in  
æternitate, & chimæ, & tamen non propter hoc  
est unum magis nihil altero; quia quodlibet nihil,  
seu utraque negatio negat totam affirmationem sibi  
oppositam ex quacunque tandem ratione inest,  
sive propter unam rationem, sive propter plures.

Ad quartum dicimus, productionem, qua intel-  
lectus divinus dat *esse* intelligibile creaturis in  
æternitate cognitis, omnino differre ab ea, qua per  
omnipotentiam accipiunt *esse* in effectu; ac proin-  
de illud *esse* cognitum, quamvis non sit relationis  
tantum, sed etiam fundamenti absoluti, nihil habe-  
re commune cum *esse* simpliciter: est enim produ-  
ctio hæc in *esse* intelligibili, productio secundum  
*esse* diminutum, quod *esse* est secundum quid etiam  
entis absoluti. Exemplum: si Cæsar esset annihila-  
tus; & nihilominus statua Cæsar's extaret, uti-  
que per statuum repræsentaretur ille homo, qui  
quondam fuit Dictator Romanorum. Hoc *esse* re-  
præsentatum, est prorsus alterius rationis ab omni  
*esse* simpliciter, sive essentiali, sive existenti; nec  
est *esse* diminutum Cæsar's, quasi aliquid ejus ha-  
beat id *esse*, & aliquid non; sicut Æthiops est di-  
minutus albus, quia secundum partem tantum; sed  
totum Cæsarem repræsentat, secundum *esse* essen-  
tialitatis, & existentie. Ita *esse* cognitum creaturarum  
ab æterno est quidem earum repræsentativum se-  
cundum omne *esse* ipsarum; sed est *esse* diminutum,  
secundum quid, & diversè penitus rationis ab *esse*  
simpliciter.

Quod si pergas querere aliquid *esse* creatum  
huius objecti cogniti, nullum est querere, nisi  
secundum quid: nisi forte dicatur, hoc *esse* secun-  
dum quid reduci ad aliquid *esse* simpliciter, quod  
est *esse* ipsius intellectus divine: sed tamen istud  
*esse* simpliciter, non est *esse* formaliter ejus, quod  
dicitur *esse* secundum quid, sed est ejus terminati-  
vè, vel principiativè, adeo ut ad illud verum *esse*  
illud *esse* secundum quid reducatur, sic ut sine illo  
nunquam foret *esse* cognitum creaturarum, vel di-  
minutum, vel secundum quid,

## ARTICULUS III.

Utrum omnium, quæ cognoscit Deus,  
sint ideæ.

Doct. 1. Report. dist. 36. q. 3. in Oxoniensi 1.  
dist. 3. q. 4. & dist. 35. & 39. S. Thom. 1. p.  
quæst. 15. articulo 3.

**V**IDETUR non omnium, quæ cognoscit  
Deus, esse ideæ in ipso. Etenim Deus di-  
stinctissime novit malum culpæ, quemadmodum  
& iustissime infligit pœnas pro illo: quod sanè eve-  
nire non posset, si culpas plectendas ignoraret.  
Sed id genus mali in Deo non habet ideam: ergo  
nec omnium, quæ novit in se condit ideæ. Proba-  
tio minoris: si malitiæ in Deo esset ideæ: ergo ma-  
lum culpæ reperiretur in Deo, sicut & aliæ creatu-  
ræ sunt in ipso: propterea enim dicuntur esse in  
Deo, quia in illo sunt earundem ideæ.

Præterea, Materia prima est distinctè cognosci-  
bilis, & ita cognoscitur à Deo, cum sit ens: sed  
ejus entis non est in illo ideæ: ergo nec omnium,  
quæ novit. Probatur minor: materia non est di-  
stinctè cognoscibilis, nisi per analogiam ad for-  
mam, ex 1. Physic. text. c. 69. Sed sicut aliquid est  
cognoscibile, ita habet ideam in Deo, per quam  
cognoscitur: ergo materia non habet ideam distin-  
ctam ab ideâ forme.

Præterea, Nulla pars, nec essentialis, nec qui-  
ditativa habet ideam in Deo, & tamen ejusmodi  
partes distinctè cognoscuntur ab intellectu divino:  
igitur complura cognoscuntur à Deo, quorum non  
sunt in ipso ideæ. Probatio assumpti: nam totum  
habet per se ideam: si igitur & pars totius pariter  
haberet distinctam ideam, ipsius partis esset du-  
plex ideæ, altera nimirum propria, altera vero to-  
tius, quod est inconveniens: quia unumquodque  
per unam ideam sufficienter est cognoscibile.

**CONTRA**, Omne per se cognoscibile habet esse  
intellectum in mente divina, propriamque ratio-  
nem, secundum quam est efformabile ad extra:  
talis ratio est ideæ, juxta dicta in antecedentibus  
articulis; ergo omnium, quæ Deus per se, & non  
per aliud cognoscit (id est, quæ per se terminant in-  
tuitum cognitionis ejus) est ideæ.

**RESPONDEO** dicendum, positivorum omnium à  
Deo intellectorum, sive sint factibilia in se ipsis, si-  
ve ratione alterius, seu absoluta sint, seu relativa,  
esse in ipso distinctas ideæ. Declaratio: Et qui-  
dem inhærendo solutioni præcedentium articulo-  
rum, ideæ de sententia Augustini, cum aliud non  
sit, quam ratio in mente divina, secundum quam  
aliquid est factibile ad extra tanquam propriam  
rationem ejus, quandoquidem hæc omnia exactè  
convenient ipsi objectis cognitis à divino intelle-  
ctu, ut factibilibus ad extra, quicquid à Deo pre-  
cognoscitur ut formabile, factumque possibile, ne-  
cessario in ipso propriam habet ideam: omne igitur  
positivum, cum sit factibile, sive in se, sive in  
alio, sive absolutum, sive respectivum, atque ut  
tale cognoscatur ab intellectu divino, in illo suam  
propriam habet rationem, secundum quam accipit  
vel accipere potest *esse* reale. Et etiam ideæ di-  
ceretur ratio cognoscendi ideatum, (ut aliquando  
invenitur dixisse Augustinum) non quidem moti-  
vè, cum id soli objecto infinito competere queat,  
sed terminativè duntaxat, ut articulo præcedenti  
expositum fuit: adhuc pro multitudine intellecto-  
rum positivorum, sunt in mente divina ideæ: quia  
quamvis unica sit, & indivisibilis intellectio divina,

4. dist. 5. q. 2.  
5. Respons. 6.  
Quinta.



ex eo quod tamen per ipsam accipiunt esse distinctum intelligibile; & intellectum quæcunque possunt participare esse; & omnium horum sunt rationes intelligendi, & ideæ in intellectu divino.

Quod si juxta sententiam improbatam articulo præcedenti, ideæ ponantur respectus rationis in essentia divina ad objecta, adhuc omnium positivorum à Deo distinctè cognitum, sunt ideæ in ipso; nam ad quodcunque potest intellectus creatus aptè comparare essentiam divinam, potest & intellectus divinus pariter comparare: intellectus autem creatus potest conferre essentiam divinam, ut imitabilem ad omne positivum aliud ab ipsa, seu fit totum, seu pars, sive absolutum, sive respectivum; ergo & intellectus divinus valet comparare essentiam Dei ad quodcunque ens; nequit autem conferre de novo; quia nihil novi esse potest in ipso; igitur ad quodcunque distinctè cognoscibile ab æterno se comparasse sentiendum est, quatenus esse infinitum, & universale est participabile ab omni alio, cui non repugnat esse; ergo si ij respectus sunt ideæ divinæ, profecto ideæ ejusmodi sunt in Deo respectu omnis intelligibilis positivi. Quod vero ij respectus ideales sint distincti, ex eo constat; quia una relatio formaliter non potest esse ad duos terminos per se, etsi duorum respectuum idem terminus esse queat; ergo quot sunt distinctè cognoscibilia, tot sunt relationes ideales in Deo ad illa, atque ita cuilibet enti intelligibili positivo correspondet in Deo propria idea.

Sed in quocunque tandem statuatur ratio ideæ in Deo, omne positivum habere propriam rationem in illo, probatur: quia artifex produciens aliquod operabile per cognitionem, à quo est totum, quod reperitur in ipso operabili, oportet talem artificem penes se habere distinctam cognitionem omnium, quæ sunt, & quibus constat ipsum operabile; id est non solum oportet cognoscatur ipsum primum operabile, sed etiam quicquid in illo potest, & debet reperiri. Is autem artifex est Deus; ergo cognoscat oportet dist. nctè omne id, quod est in ipso operabilirationes autem distinctæ horum omnium necessario cognoscendorum sunt ideæ. Confirmatur per Avicennam super primum Physic. dicentem, principia prius sunt nota naturæ; scilicet: quia sunt prius cognoscibilia secundum naturam eorum existentiam. Cum igitur Deus recto ordine naturæ intelligat quæcunque intelligibilia, prius suo modo intelligit partes, sive principia, ex quibus est compositibile totum, & exinde ipsum totum ijs partibus constans: ergo non cognoscit partes per ideam totius, sed singulas per proprias ideæ.

AD ARGUMENTA. Ad primum respondet Magister 1. dist. 36. cap. 3. Deum mala nosse per simplicem notitiam, & non notitia acceptationis, uti bona novit, quæ sunt in ipso, & ab ipso.

Potest etiam responderi, secundum Augustinum, 13. de Trinit. cap. 10. in fine: privationem non cognosci per speciem propriam, sed per positivum illi oppositum: malum ergo, quia privativum est, non cognoscitur à Deo per propriam idealem rationem, quæ nunquam est in Deo, sed per rationem sui positivi habentis in Deo propriam ideam: quod quæsi. præcedenti articulo 10. fusè declaratum fuit.

Ad secundum, respondeo materiam habere in Deo distinctam ideam ab omnibus aliis, quocunque tandem modo idea accipitur, atque illam distinctè cognosci ab intellectu divino, & non per ideam formæ. Sicut enim materia est quid creabile distinctum à forma, sic est quoddam factibile,

cui propria correspondet idea: & etiam si idea dicatur ratio imitabilitatis essentia divina in tali gradu, est in Deo materia idea quatenus possidet proprium gradum entitatis à quovis alio ente distinctum. Et cum arguitur contra, quia materia est cognoscibilis per analogiam ad formam: ergo non habet rationem idealem distinctam ab idea formæ. Respondeo, materiam secundum se esse cognoscibilem, sed non à nobis: cum enim sit quædam entitas absoluta, profecto est ex se intelligibilis independentè à quocunque alio: quia vero est à sensibus nostris remotissima, nec nobis innoscitur nisi ex transmutatione, ideo non nisi per analogiam ad formam ipsam attingimus. Etsi autem non liceat nobis materiam nosse nisi per habitudinem ad formas contrarias sibi invicem succedentes, non exinde tamen est inferendum, nec cognosci ab intellectu infinito secundum propriam entitatem, cui propterea entitati sentiendum est propriam correspondere ideam.

Ad tertium negandum est assumptum juxta dicta in solutione. Et cum probatur: quia tunc ejusdem partis duplex in Deo reperiretur idea. Respondeo, quemadmodum in nobis est ejusdem rei duplex conceptus alter adæquatè objectum exprimens: alter inadæquatè: Et duplex item verbum: adæquatum quod est definitio, & inadæquatum: quod est commune sibi, & aliis, ut verbum generis sui: ita nullum est inconveniens in divino intellectu ejusdem partis duas esse ideæ, quarum una distinctè, & adæquatè sit ejus partis repræsentativa, altera vero, quæ nempe est totius, non ita illam repræsentet: concedendum est igitur duas esse in Deo ejusdem partis ideæ, sed non primo.

### ITERUM ARTICULUS III.

Utrum omnium, quæ cognoscit Deus, sint ideæ.

Doctor, & S. Thomas locis articulo præcedenti notatis. Sancti Thomæ sententia expenditur.

VIDETUR non omnium quæ cognoscit Deus esse in ipso ideæ. Nam Deus cognoscit ea, quæ nec sunt, nec erunt, nec fuerunt: sed horum non sunt ideæ, dicente Dionysio cap. 5. de divin. nom. n. Exemplaria sunt divine voluntatis determinationes, & effectiva rerum: ergo non omnium, quæ à Deo cognoscuntur, sunt in ipso ideæ.

Præterea, Materia secundum se neque esse habet, neque cognoscibilis est; sed cognoscitur per formam; ergo non habet in Deo propriam ideam, sed magis illam, per quam ab intellectu comprehenditur.

Præterea, Artifex per formam domus facit omnia accidentia, quæ à principio concomitantur domum, licet eorum, quæ domui superveniunt, diversam formam habeat oportet; ergo accidentium inseparabiliter concomitantium subjectum, non est idea in Deo; licet ijs, quæ subjecto superveniunt accidentibus correspondeat propria idea in ipso. Consimiliter quia nunquam genus fit sine aliqua specie, non aliam habet ideam in Deo, quàm speciei exemplar.

CONTRA, In præcedenti solutione probatum fuit omnium omnino positivorum à Deo esse necessario ponendas ideæ in ipso.

RESPONDEO, Aliqui præsentis quæsti solutioni præmittendam putant hanc distinctionem. Quoniam idea secundum positionem Platonis, ponitur pri-

1. dist. 27. q. 2. 2. ideo illis offe-  
nditur.

1. dist. 27. q. 2. 2. ideo illis offe-  
nditur.

S. Thomæ ac-  
cidentia in  
præsentia articulo  
10.

S. Thomæ hic  
in solutione  
principali, &  
arg. oppositi.



principium generationis, & cognitionis rei, ut refert Aristoteles, 7. *Metaphys. text. c. 53.* utrumque munus obit idea prout est in mente divina; & quidem quatenus est principium factionis rei, *exemplar* dici potest, pertinetque ad practicam cognitionem: at prout est principium cognitionis propriæ, *ratio* nuncupatur: estque generis scientiæ speculariæ. Porro in quantum idea dicitur ratio, est in Deo respectu omnium, quæ cognoscuntur secundum propriam rationem per modum speculationis, etiam si nullo unquam tempore futura sint, sed ut exemplar est, idea non est omnium, quæ à Deo cognoscuntur, sed eorum duntaxat, quæ in aliquo tempore sunt. Hac itaque distinctione præmissa, concluditur primo in Deo non esse ideas eorum, quæ nec sunt, nec erunt. Secundo, nec respectu materiæ primæ, ob rationem præmissam in *secundo principali*. Tercio nec generum poni debere ideas alias ab ideis suarum specierum, propter causam allatam. Quarto nec respectu accidentium inseparabilium, licet concedantur in ordine ad separabilia, seu supervenientia subiectis. Et quinto denique inferunt, nec individua ipsa per se habere propriam ideam, ut exemplar est, aliam ab idea speciei: & quia singularia individuuntur per materiam, cujus non est per se idea. Et quia intentio naturæ sistit per se in speciebus, nec individua producit, nisi ut in eis salvetur species, 2. de *Animali text. c. 35.* Sed providentia divina non solum se extendit ad species, verum etiam ad singularia.

Quoniam autem hæc omnia haud probanda videntur, singillatim refelluntur: & primo quod distinguendum putent ideam practicam à speculativa *per possibile fiendum, & non fiendum*: contra arguo sic: quæ uniformiter, & eodem modo respiciuntur ab ideis, minimè distinguere possunt ideam practicam à speculativa: Sed possibile *fiendum, & non fiendum* uniformiter respiciuntur ab ideis ante actum voluntatis: Cum igitur idee sint in intellectu ante quemcumque actum voluntatis, ex his non est distinctio practici, & speculativi. Probatio minoris, si idea ante actum voluntatis respiceret difformiter possibilia, quædam scilicet *ut fienda, reliqua ut non fienda*; igitur voluntas, cui hæc ira ostenduntur, aut non posset nolle esse futura fienda; & subinde libera non foret libertate contingentiae ad extra, aut si valeret velle eadem non fore: igitur posset esse non recta: quia talis volitio non esset conformis rectæ rationi dicenti illa esse facienda ac representanda: ergo penes possibile *futurum, & non futurum* non est accipienda distinctio inter practicum, & speculativum. Deinde, practicum, & speculativum non differunt accidentaliter: nam si accipiatur distinctio earum rationem ex objectis, essentialis est: & pariter essentialis, si ratione finium dicantur distinguuntur: quia si fines non erunt præstituti ab operante, sed ex natura rei: alioquin si artifex præstitueret suo habitui finem non operandi ejus ars haud practica esset, quod nihil est dictum. Sed *fiendum, & non fiendum* non sunt aliquæ determinationes essentielles in objectis, aut in finibus practici, & speculativi: cum duntaxat per voluntatem acceptantem habent esse in objectis: unde non sunt differentie essentielles ipsius possibilis: nullum enim possibile est *fiendum*, sed factibile duntaxat: ergo possibile *fiendum, & non fiendum* non possunt esse ratio distinguendi ideam practicam à speculativa in Deo. Quantum igitur ad hoc attinet sunt in Deo idee omnium possibilium, seu sunt fienda, seu non fienda: imo ipsa possi-

bilia cognita, ut factibilia ad extra, sunt idee ex sententia Augustini in antecedentibus explicata.

Quod vero materiæ primæ non sit per se idea (ut secundo inferebatur) articulo *præcedenti* oppositum ostensum fuit: sed rursus breviter improbat: sic: Materia secundum se est ens, ergo per se factibilis, atque ita habeat oportet per se ideam. Probatio assumpti: quod non est ens secundum se, non est ens in alio, quia ens, quod est in alio prius est ens in se, quam intelligatur esse in alio: quod enim nihil est in se, nihil est in alio: Sed materia est ens per se in alio, scilicet in compositotalioquin non esset pars compositi, & compositum constaret ex nihilo, & aliquo. Cum igitur sit ens factibile propria, & per se illi correspondet idea.

CONTRA tertium, ubi negantur in Deo generum propriæ idee arguo ex dictis in *præcedenti articulo*: quia artifex producens totum, & quamlibet partem ejus per se in toto, nedum cognoscit totum ipsum per se, verum etiam quicquid est in ipso, ut per se pars ejus: aliter produceret aliquid per se, quod distinctè non cognosceret. Deus autem non solum producit totum, sed est artifex producens quamlibet partem in toto distinctè; igitur quamlibet illarum distinctè cognoscit secundum propriam ideam cujuslibet, & non tantum per rationem totius; quamvis igitur natura generis nunquam fiat, nisi in aliqua specie, ipsius tamen erit per se idea. Accedit quod iste Author negans in Deo generum ideas, probaturus pluralitatem idearum in primo principio, dicit, rationem totius intellectui perfectam esse non posse, nisi pariter illi notæ sint, & propriæ rationes eorum, ex quibus totum constituitur. Exemplum: Aedificator speciem domus concipere non potest, nisi apud ipsum sit propria ratio cujuslibet partis ejus; igitur cum primus artifex verius cognoscat quodcumque totum producendum ab eo, quam quivis aedificator domum ab se faciendam, omnino oportet talem artificem distinctissimè cognoscere rationem partium earum, atque ita partes constitutivas specierum, quæ sunt genus, & differentia.

Quantum attinet ad accidentia inseparabilia, quorum negantur propriæ idee in Deo (quod erat quartum illatum) oppositum ostenditur sic. Quotiescunque nihil esse potest in effectu, nisi quod causatur ab aliqua causa agente per cognitionem, nihil omnino est in causato quocunque, nisi quod causatur ab aliquo cognoscente: Sed quicquid causatur ab eo, causatur in effectu; igitur nihil est in causato sive pars, sive accidens inseparabile, quin distinctè cognoscatur à Deo, & per consequens per distinctam ideam.

Ultimo excludebantur individua à numero eorum, quæ habent per se ideam, propterea quod & per materiam individuuntur, cujus non est idea, & quia naturæ intentio terminatur ad rationes specierum. Contra primum arguo: materia est pars quiditatis speciei, & non solum forma, secundum Aristotelem 7. *Metaphys. text. c. 35.* quod & ipse opinans exponendo eum locum Philoſophi sentit: igitur sicut individuum addit materiam, ita addit & formam: quia sicut addit aliquam conditionem materiæ, ita addit aliquam conditionem formæ, & per consequens sicut individuatur per materiam, ita individuatur per formam, si ergo repugnat individuo ratione materiæ habere ideam, pariter & ratione formæ ipsum sibi repugnat. Preterquam quod falsum sit & individuum esse tale per materiam, quæ est altera pars compositi

2. dist. 12. q. 10.  
3. Ad argumentum  
in 10. V. dico igitur.

5. Thom. 1. 2.  
q. 15. art. 2. in  
solutione.



& falsum pariter materiam non habere propriam ideam. Cum verò dicit individuum non esse de intentione per se naturæ, & tamen divinam providentiam extendi primo ad ipsa individua, id contradictionem implicare videtur: Nam natura non est agens propter finem, nisi quatenus dirigitur. à cognoscente finem; igitur natura non intendit finem, nisi ut directa in finem à cognoscente, & providente; ergo si natura producit individuum in quantum dirigitur à Deo, & Dei providentia, hæc non solum sistit in speciebus, sed principaliter est circa individua; pariter & naturæ intentio non sistit tantum in speciebus, sed etiam per se intendit individua. Rursus, natura maximè intendit illud, quod est maximæ entitatis, & perfectionis: tale est individuum, quod est maximè substantia, & prima substantia in comparatione ad substantias secundas, seu naturas specificas; ergo præcipue & maximè intenduntur à natura.

Abstrahendo etiam ab his suppositis, ex quibus illi id inferri putant; probo directè oportere individuum propriam esse ideam in mente divina. Illud requirit propriam rationem cognoscendi, quod per nullam rationem alterius distinctè posset cognosci: Sed tale est individuum. Probatio: quia si per alterius rationem potest distinctè intelligi, id profecto effet per rationem quiddam specificæ: hæc autem ratio non sufficit cognoscendis individuis: nam per illud quod est solum commune per prædicationem, & non communitate virtutis, non possunt ea, de quibus prædicatur, distinctè cognosci: quia tantum continet illa in potentia, & confusè, ut est evidens; ergo intellectui distinctè cognoscendi individua, non sunt illi nota per naturam specificam, sed per propriam individuum ideam. Denique, si perfectè per ideam speciei cognosceretur individuum; igitur quicquid positivi involvit individuum, ut tale, continetur in specifica ratione; ac subinde individuum nihil adderet supra speciem, nisi negationem, vel privationem; atque ita secundum propriam rationem individui esset non ens, si igitur per ideam speciei perfectè cognoscitur individuum; aut secundum nullam rationem positivam differunt species, & individuum; aut si ratio individualitatis aliquid addit supra speciem, per propriam ideam, & non aliter debet perfectè, & ad eam quæ cognosci. Et porro addere videtur: quia negatio quam dicit individuum, est inseparabilis, & propria illi, ac per consequens inest ratione proprii positivi, quemadmodum & aliæ negationes necessario consequentes fundamentum, ac inseparabiles ab illo.

Ad ARGUMENTA. Ad primum respondeo juxta dicta, quæst. præcedenti articulo 16. iterum repetito, fieri non posse ut idem, quæ sunt objecta secundariæ divinæ intelligentiæ, sint dictativæ, & regulativæ voluntatis Dei: quia tunc necessario deberet illis esse conformis, vel esse posset non recta, si dissentiret: sunt ergo omnino speculativæ non distantes praxim, sed ostendentes quicquid est operabile, & possibile divinæ voluntati. Cum ergo dicit Dionysius *Exemplaria esse divi-*

*nas voluntates verum effectrices*; non loquitur de ideis prout de his præsens sermo proce li juxta dicta Augustini, sed de divinis decretis, à quibus est, & pendet omnis rerum futuritio, & productio. Et porro ejusmodi decreta, & divinæ voluntates non abs re etiam dicuntur exemplaria, quia in iis divinus intellectus videt. & novit quicquid futurum est per scientiam visionis, & liberam, sicuti ante has divinas voluntates duntaxat sciebat quicquid factibile erat. Et quia ad instar earum rationum factibilem ab eterno mente divina comprehensarum, sunt res effectrices ad extra, illæ rationes propriissimè sunt idem, seu similes illarum aliarum res futuræ sint, sive non sint futuræ.

Ad secundum respondeo cum materia secundum se ex Aristotelis doctrina 1. & 2. *Phys.* & 1. *Metaphys.* & alibi frequenter, sit per se unum principium nature; & per se causa, & fundamentum formarum, subiectum mutationum substantialium, & per se causa compositi: contradictio est ipsam non esse ens verum, & reale: quia cum principium, & causatum necessario dependeat à suis causis, & principiis, si materia esse aliquod verum, & reale non haberet, dependeret ens à nihilo, vel à non ente, quod est impossibile. Neque obstat, Philosophum dixisse, materiam cognosci per formam: quia satis est id habere veritatem in nobis, ut dictum est articulo præcedenti. Unde nulla est hæc consequentia. Materia non est cognoscibilis à nobis, nisi per analogiam ad formam; ergo neque est cognoscibilis in se, nisi cum eadem attributione; quia nec substantiam cognoscimus; nisi per habitudinem ad accidentia; nec propterea est inferendum, & ita pariter secundum se esse cognoscibilem. Itaque quemadmodum nos concipere nequimus entia perfectissima, nisi per effectus, & per habitudinem ad efficiens, ita nec imperfectissima quæque nisi per entia perfectiora, & per sensibilia: at intellectui infinito perinde perspecta sunt omnia, & ideo omnium habet distinctas ideas.

Ad Tertium dicendum, ex artifice creato non esse extendendam consequentiam ad increatum; quia artifex creatus non producit omnia, quæ sunt in suo artefacto, nec habet cognitionem omnium, quæ sunt in producto, nec quæ consequuntur ad illud. Et quidem artifex producens arcam, non cognoscit per artem suam hanc arce proprietatem, quod est aquis supernatare; quæ nec efficit naturam lignorum, ad quam sequitur illa proprietas; nec in quantum talis artifex cognoscit eam, & ideo nec novit accidens suum inseparabile. Et si nihil esset in arca, nisi quod producit ab artifice, idque per cognitionem, si artifex non præcognosceret arcam supernatare, equidem non supernataret. At contra evenit in artifice Deo, quia in rebus ab ipso effectratis; omnia penitus sunt ab illo producta, & quidem per cognitionem: oportet ergo omnium, quæ sunt in effectu, sive sint accidentia separabilia, sive inseparabilia, habere proprias, & distinctas ideas. Ex quibus patet ad id quod additur de generibus.

Hæc obiicit Doctor contra Henricum existimantem solas species specialissimas habere proprias in Deo ideas. De quo fuisse scotus 1. *Repp.* cit. a n. 15. & seq. Sed quia directè sciunt contra præcedentem sententiam recte hic apposta putamus.

1. dist. 39. §. 1. f. 1. de contingentiis.

2. dist. 12. q. 1. §. 1. Dicitur igitur.

1. dist. 38.



# QUÆSTIO DECIMASEXTA DE VERITATE

IN OCTO ARTICULOS DIVISA.

*Quoniam autem scientia verorum est; post considerationem scientiæ Dei,  
de Veritate inquirendum est.*

CIRCA QUAM QUÆRUNTUR OCTO.

- I. Utrum veritas sit in re, vel tantum in intellectu.
- II. Utrum sit tantum in intellectu componente, & dividente.
- III. De comparatione veri ad ens.
- IV. De comparatione veri ad bonum.

- V. Utrum Deus sit veritas.
- VI. Utrum omnia sint vera veritate una, vel pluribus.
- VII. De eternitate veritatis.
- VIII. De incommutabilitate ipsius.

## ARTICULUS I.

Utrum veritas sit tantum in intellectu.

*Doctor 6. Metaphys. quæst. 3. n. 5. S. Thom. 1. p. quæst. 16. articulo 1.*

*S. Thomæ argum. hic a. dist. 49. quæst. 4. dat. 5. aliter sic.*



VIDETUR veritas esse tantum in intellectu, atque exinde derivari, & esse in rebus. Nam illud interest inter potentiam appetitivam, & cognitivam, quod appetitus est secundum quod appetens inclinatur in ipsam rem appetitam, seu concupitam, adeo ut terminus ejus sit res, quæ appetitur: at cognitio est secundum quod cognitum est in cognoscente, ejusque terminus est in ipso intellectu; ergo sicuti ratio bonitatis derivatur à re appetibili in appetitum secundum quod appetitus dicitur bonus, prout est boni, ita ratio veri ab intellectu ad rem intellectum derivatur, sic ut res intellecta vera sit, quatenus habet ordinem ad intellectum. Unde Aristoteles 6. Metaphys. tex. c. 8. *Verum, & falsum, inquit, sunt in anima, bonum & malum in rebus extra.*

Præterea, Res artificiales dicuntur veræ per ordinem ad intellectum nostrum; Dicitur enim domus vera, quæ assequitur similitudinem formæ, quæ est in mente artificis; & dicitur oratio vera, in quantum est signum intellectus vere: sed ita se habent naturalia respectu intellectus divini, sicuti artificialia ad intellectum nostrum; ergo est veritas in rebus omnibus naturaliter, quatenus assequuntur, atque imitantur ideam propriam in mente divina existentem; est igitur veritas principaliter in intellectu, secundario autem in rebus prout ad intellectum comparantur tanquam ad principium.

Præterea, Conceptus veritatis essentialiter includit conformitatem ad aliud in ratione cognoscentis, & producentis: sed solus intellectus divinus producit res omnes cognoscendo: ergo eatenus omnia vera sunt, quatenus ab intellectu divino accipiunt esse cognitum, & per consequens veritas per se, & primo est in intellectu, secundario vero in rebus cognitis.

CONTRA, Veritas, seu verum est passio entis cum ipso convertibilis ex 4. Metaphys., ergo non est tantum in intellectu.

RESPONDEO dicendum esse veritatem in rebus, & veritatem in intellectu, sed, hinc non derivari

illam, quæ est in rebus. Et quidem præsentis solutionis declaratio est potissimum accipienda ex dictis supra quæst. 5. art. 1. Nam entis realis simplices passionēs (de quibus est Metaphysica) sunt ejusdem ambitus, & abstractionis, ac ipsum ens, quod ut subiectum consequuntur, adeo ut quicquid est ens verissime sit unum, verum, & bonum: sed entis ratio non est duntaxat reperibilis in intellectu, quasi ex intellectu derivetur ad res extra intellectum: ergo nec ratio veritatis: quemadmodum ergo ens est indifferens ad Deum, & creaturas, creatum, & increatum, ad intellectum, & extra ipsum, ita & veritas: sicuti ergo independenter ab intellectu sunt entia extra intellectum, ita & veritas sit oportet non derivata ab intellectu ad ipsas res, sed ratione qua res sunt entia, quam rationem necessario consequuntur propriæ passionēs. Deinde, ex eo dicitur veritas derivari ab intellectu ad res extra, quatenus omnia sunt vera per conformitatem ad divinas ideas: sed hac ratione non omnia entia essent vera. Tum, quia ita opinantes complurium intelligibilium negant ideas in mente divina, de quo quæst. præcedenti articulo ultimo actum: quæ tamen intelligibilia nemo negaverit esse vera. Tum etiam, quia secundum Augustinum, idea est ratio æterna in mente Dei secundum quam aliquid est formabile ad extra ut secundum propriam rationem ejus igitur ratio hæc veritatis nequit congruere primo enti, quia inef-  
fectibile est: non est ergo sua ideæ conformis; quia propriam habere nequit ideam. Denique, entia quatenus vera, sunt intelligibilia naturaliter: sed si eorum veritas esset accipienda ab illa conformitate ad divina exemplaria, & ideas, jam non essent naturaliter intelligibilia: siquidem cum relatione non sit cognoscibilis, nisi cognitio termino ipsius, & divina exemplaria & ideæ nos lateant, nulla veritas nobis naturaliter innotesceret: qui fuit error Academicorum, contra quos agit Augustinus, cujus opinionis etiam meminit Aristoteles, 4. Metaphys. tex. c. 22. Fieri ergo non potest, ut ratio veritatis, quæ est entis passio cum illo convertibilis, eique adæquata, consistat in conformitate ad divinas ideas: ac proinde falsum est hanc veritatem ab intellectu in res ipsas derivari.

Quænam est igitur ratio veritatis, ut est entis passio consequens necessario ipsum ens, ut omnibus entibus commune? Respondeo consequenter ad dicta cit. articulo primo quæstionis 5. Cum ens ex sui transcendentali ratione sit commune enti creato, & increato, absoluto, & respectivo, substantiæ, & accidenti, ab horum omnibus rationibus abstrahat oportet, ut in omnibus reperiri & ab eis contrahi possit. Veruntamen est ita sen-

*2. dist. 16. §. Ideo dico aliter.*

*1. dist. 35. §. Ad ista.*

*1. dist. 2. n. 4. de 5. Circa intellectum articulum.*

*Quodlib. 9. 18. Contra ista.*

*Doctor. in. com. super 128. 3. 5.*

*Sermo de vero ritate, ut est Entis passio.*

tien-



tiendum sit, tamen rectè explicatur à nobis in ordine ad intellectum, sicuti & bonitas rei intelligitur, & declaratur per ordinem ad appetitum. Ut igitur ens, quoniam ex se sui communicativum omnibus esse habentibus, idcirco movet aptitudinaliter appetitum, seu intellectualem, seu rationalem, seu naturalem ad sui dilectionem, vel prosecutionem: ita idem ens, sive entis ratio, vel præcisiuè concepta, est de se sui manifestativa cuicunque intellectui potenti manifestationem ejus cognoscere; eam autem entis potentialem, vel aptitudinalem manifestationem, seu intelligibilitatem, appellamus ipsius veritatem, quatenus verum est entis passio. Is autem ordo entis, ut apti manifestare se intellectui omni, non est prædicamentalis, & separabilis, sed magis transcendentalis, illique identificatus, ac superadditus, quemadmodum passionem intelliguntur identificari, ac propriam rationem superaddere subiectis earum. Sicuti ergo intellectus est totius entis, ita totum ens ut tale, est sui manifestativum, & intelligibile ab intellectu; rectè ergo statuitur entis veritas, ut ejus passio, in hac passiva, ac potentiali sui manifestatione. Et etiamsi nullus esset intellectus actu intelligens, adhuc quilibet res secundum gradum suæ entitatis esset nata se manifestare. Et hæc notitia est, quæ respicitur nota naturæ; non quasi natura cogoscat illam, sed quia juxta gradum suæ entitatis nata est ex sui ratione perfectius, vel minus perfectè cognosci. Hæc igitur aptitudinalis cognitio, seu manifestatio, & intelligibilitas, & veritas, est essentialiter connexa cum intellectu; non quod hinc insit rebus illa potestas, aut è converso: sed quia unumquodque est intelligibile, secundum gradum suæ entitatis, & perfectionis, & vicissim omni intellectivo potest esse perspectum, & notum omne intelligibile. Veritas ergo ut entis passio, est in rebus, sed à nobis explicatur, & intelligitur per ordinem transcendentalem ad intellectum; sed ipsa interim ex se abstrahit ab absoluto, & respectivo, sicuti & ens, cujus est passio.

Rursus per comparisonem ad intellectum, dicitur res vera, quia assimilativa intellectus assimilabilis, qui non est nisi intellectus creatus. Nam esse assimilativum dicit rationem activi respectu assimilabilis, & supponit naturaliter esse manifestativum; Et tertio res est vera secundum hanc operationem; quia facta assimilatione res in intellectu est, sicut cognitum in cognoscente. Estque hoc genus veritatis posterius secundo; quia esse in intellectu est posterius natura ipso actu intelligendi, qui est assimilatio formaliter. Nam id esse in intellectu non est nisi relatio rationis fundata in objecto intellecto ad actum; relatio autem est posterior absoluto. Prima ergo duntaxat comparatione intelligitur, atque declaratur veritas quæ est entis passio.

Insuper est veritas in rebus per comparisonem ad producentem causam, ubi est veritas absolute, eum est conformitas producti ad producens: idque bifariam; Nam aut est hæc conformitas producti ad producens secundum adæquationem; aut conformitas tantum secundum imitationem, & licet primus istorum modorum videatur esse communis secundo, & tertio; tamen si nomen *veri* imponatur ad significandum quodcunque trium prædictorum, secundum propriam rationem, erit æquivocum. Secundus modus invenitur in Filio Dei, qui veritas est: quia est, juxta Augustinum, summa similitudo principii: hæc enim est conformitas cum adæquatione. Tertius modus inveni-

tur in creatura, quæ imitatur exemplar, cui aliquo modo assimilatur, defectivè tamen, alias non diceretur imitari.

Hi tres modi accipiendi, atque exprimendi veritatem in rebus distinguuntur à tribus prioribus; quia alia, & alia est habitudo ad producentem, & ad intelligentem; licet idem sit intelligens, & produciens. Nam si per impossibile Deus esset productivus similis, & æqualis, & produceret quoque ea, quæ se diminutè imitantur, & non esset intelligens, sciret una habitudo, & modus tripartitus veritatis in rebus, sine alia habitudine. Consimiliter, si esset alius Deus intelligens creaturas, non productivus earum, haberetur veritas in rebus per habitudinem ad cognoscentem, sine altera. Neque hac in suppositione impossibili, est alia implicantia nisi per locum ab extrinseco; cum non intellectus, sed voluntas sit causa dans esse reale rebus; etsi ab intellectu accipiant primum esse cognitum, & possibile, & ideale; cujusmodi tamen ideæ non præstunt quid sit faciendum voluntati, sed præcisè quid factu possibile sit; quia ergo una habitudo est alterius omnino, ac diversæ rationis ab alia, manifestè veritas æquivocè dicitur de utroque modo accipiendi veritatem in rebus.

AD ARGUMENTA. Ad primum respondeo: tam cognitio intuitiva, quam dilectio sequens tendit in objectum, ut existens in se: cognitio autem abstractiva, & dilectio sequens, tendunt in objectum habens esse cognitum; in hoc igitur nulla est differentia inter intellectum, & voluntatem: quia utraque potentia potest tendere in objectum suum, ut in se, & in objectum ut habet esse diminutum in intellectu.

Ad Philosophi auctoritatem, concedo verum, & falsum eo modo, quo ibi disertè loquitur esse in mente; nam est ibi Aristoteli sermo de veritate, & falsitate, quæ est in compositione, & divisione; nimirum penes secundam intellectus operationem: hanc autem non diximus esse in rebus extra intellectum; sed magis, quæ est entis passio, atque aliis modis supra enumeratis.

Ad secundum respondeo, ultro concedendum esse, unum genus, & modum veritatis in rebus inveniri per comparisonem ad proprium exemplar; illa enim est vera arca, & vera domus, quæ efformata est juxta domum mente præconceptam; & ita omnia naturalia rectè dici, ac porro esse vera quatenus assequuntur propriam ideam in mente divina latentem: Hoc igitur concedendum est, sed quod asserimus est, hæc veritatis acceptionem esse aliam omnino ab illa, quæ est entis passio; hanc enim veritatem ipsi enti, prout est commune Deo, & creaturis oportere adæquari, constat; & per comparisonem ad exemplaria divina, haud haberi potest talis passio enti adæquata, & cum ipso convertibilis, ut in *solutione* extitit declaratum: imo hæc veritas est reperibilis præcisè in creaturis, quatenus efformabiles secundum ideas, ut per proprias earum rationes: Neque est species veritatis transcendentalis, quia, ut dictum est, habitudo ad producentem causam est alterius omnino rationis ab ea, quæ est ad intelligentem, quia unaquæque per se stare posset, alterutra circumscripta. Contra vero ens ex sui natura posse intelligi ab intellectu, ut intellectus est, inest omni prorsus enti, quia est necessaria ipsius entis sequela, ut est commune Deo, & creaturis, absoluto, & respectivo, causæ, & causato.

Ad tertium est responso *ex dictis*, concedo enim omnem veritatis conceptum, prout est in rebus explicari per conformitatem ad producentem,

Hinc viles qualiter redarguerent putantes veritatem in rebus esse extrinsecam, denominationem acceptam ab intellectu, ut Thomistæ super hunc articulum, & opinantur; de quo infra articulo. Sed vicendi Scotistæ Recentiores in Metaphysica.

Veritas in rebus sextuplex est.

1. dist. 11, quæst. 1. Secunda, 36.

4. dist. 49, q. 4. 5. Ad auctoritatem Aristotelis 6. Metaphysicæ causam.

Doctores in Commento super textum.

1. dist. 3, q. 4. 5. Circa 4. articulo.

Et 6. Metaphysicæ, q. 3. cit. num. 19. 5. Secundum veritatem.



& intelligentem; sed uno duntaxat ordine ad intelligere valentem declarari veritatem, quæ est passio entis, non ad intelligentem actum, aut producentem omne intelligibile per intelligentiam; sed ad intellectum, ut intellectus est, quatenus attingere potest quicquid est. Omne autem, quod est de se, est sui manifestativum cuicunque intellectui. Quapropter per talem ordinem putamus rectè explicari veritatem in rebus, prout est quid commune omnibus entibus; quamvis admittebimus censeamus alios modos, vel conceptus veritatis, & nominatim per conformitatem ad proprias ideas in mente divina reconditas. Nec mirum nos declarare conari entis passionem ex se nec relativam nec absolutam per ordinem ad intellectum, & subinde per respectum transcendentalem, cum frequenter opus nobis sit ipsa positivam per negationes intelligere, & explicare, ut *infinitum, incorporum, immateriale*; cum tamen in se sint positiva, & formas etiam absolutas per earum operationem; & substantiam per ordinem ad accidentia, & materiam per analogiam ad formam.

## ARTICULUS II.

Utrum veritas sit in intellectu componente, & dividente.

Doct. 1. *Metaphys. quasi. 4. ad n. 12. & seqq. & 6. quasi. 3. a num. 6. & seqq. S. Thom. 1. par. quasi. 16. articulo secundo.*

**V**IDETUR veritas non esse duntaxat in intellectu componente, & dividente. Nam tunc est veritas in intellectu, quum ipse per suos actus commensuratur objecto, ut mensuratum mensuræ: sed intellectus natus est conformari objecto, non tantum per compositionem, & divisionem, sed etiam per simplicem objecti apprehensionem; unde dicit Aristoteles, 3. de *Anim. tex. c. 26. intellectum circa quod quid est semper esse verum, sicut sensus circa proprium sensibile, est verus*; quia illi conformatur; ergo veritas non est solummodo in intellectu componente, & dividente.

Præterea, Secundum Aristotelem, 5. *Metaph. cap. de Falso tex. c. 34. Est aliqua ratio in se falsa, non solum de aliquo falsa; sed illa ratio in se falsa, ut homo est lapis, simplici apprehensione intelligibilis est, secundum quod habet quid nominis; ergo & ratio in se vera, ut homo est risibilis, eadem intellectu operatione, est intelligibilis. Sed tunc manifestè est apprehensio vera; igitur est in intellectu veritas citra compositionem, & divisionem.*

Præterea, Hoc principium, *Impossibile est simul esse, & non esse*, est firmissimum, notissimum, & verissimum, 4. *Metaphys. tex. c. 4. sed contingit illud intelligere sine compositione, & divisione; ergo est tunc in intellectu veritas certissima, etsi non componat, aut dividat. Minor constat ex eo quod, cum quis audit aliquem illud pronunciantem, apprehendit ejus complexione, cui apprimè intellectus conformatur, absque eo quod extrema jam composita rursus componat.*

Præterea, Omnis conceptus verus est signum rei significatæ per illum, ut sit conformitas signi ad signatum: sed conceptus simplex ita est rei significatæ conformis, sicut & complexus; ergo perinde est veritas in utrisque conceptibus, simplici nimirum, & composito; imo complexus non videtur rei conformis, quantum ad complexione, sed tantum sibi, quia complexio non est in re.

Præterea, Quomodo & qualiter est veritas in compositione per intellectum? Utique quia apprehendit conformitatem actus componendi cum entitate extremorum hujus complexi. Igitur quando comparatur actus compositionis entitati extremorum complexi, id profecto evenit per actum compositionis; ergo hæc alia compositio aut intelligitur esse vera per aliam compositionem aut per se ipsam. Si per aliam, erit processus in infinitum. Si per se ipsam; ergo veritas primæ compositionis non cognoscetur per alium actum conferentem ejus conformitatem entitati compositorum. Quod si ignoretur esse vera secunda compositio; ergo nec vera esse intelligitur prima, quandoquidem hæc ab illa dependet.

CONTRA, Aristoteles, 6. *Metaphys. tex. c. 8. Non enim, inquit, est verum, & falsum in rebus, sed in mente. Circa vero simplicia, & quod est, nec in mente est.*

RESPONDEO dicendum veritatem, quæ est in cognoscendo, sive in representando esse in intellectu componente, & dividente tantum, quamvis vera sit, ac rectè talis dici queat prima ejusdem intellectus operatio, secundum quod objecto apprehenso conformatur, ut mensuratum mensuræ, secundum Aristotelem, 5. *Metaphys. tex. c. 20. & 10. tex. c. 3. & 3. tex. c. 26. Et enim quamvis in utraque operatione, in simplici nimirum apprehensione, & in compositione simplicium, esse possit illa conformatio objectis intellectis; quemadmodum suæ mensuræ conformatur mensuratum; ac proinde in utraque operatione sit formaliter propria veritas; nihilominus veritas objectivè, non in prima, sed in secunda tantum reperiri potest operatione. Siquidem, veritas non est in intellectu objectivè, nisi intellectus reflectat super actum suum comparando unum ad aliud; unde cognoscatur actum, super quem reflectit, esse similem, vel dissimilem rationibus comparatis. Id vero non peragitur sine compositione, & divisione; ergo in simplici apprehensione nequit esse veritas objectivè, quamvis possit is actus esse suo objecto conformis, ac per hoc formaliter verus.*

Sed nec ipsa in compositione, & divisione est veritas objectivè, nisi apprehendatur conformitas, vel diffinitas prædicari ad subiectum. Nam ex 1. *Topic. cap. 8. intellectus multas propositiones format componendo & dividendo, quæ nihilominus, secundum quod ita apprehenduntur, sunt sibi neutre; ergo quamvis in illo sit formaliter veritas, vel falsitas; nam vel est conformitas rei ad extra, vel diffinitas; quia tamen non apprehenditur tunc ea conformitas, vel diffinitas, non est in intellectu veritas objectivè. Cum igitur cognoscere verum, vel veritatem esse objectivè in mente aliud non sit, quam intelligere conformitatem intellectus ad rem; quod aliter ab intellectu fieri nequit, nisi judicando ita rem se habere, ut ipse cognoscit; profecto nullus intellectus præter componentem, & dividentem, verum cognoscere potest: atque ita est intellectus simplex verus esse queat, ex hoc quod sit conformis suo intelligibili, & sensus pariter verus, quia conformis suo sensibili: neuter tamen intelligit verum: imo sensus utpote materialis ne cognoscere quidem potest; & simplex intellectus si conformitatem sui actus ad objectum apprehenderet, simplex amplius non foret: quia unum ad alterum compareret, & per judicium cognosceret conformitatem, vel diffinitatem comparatorum.*

Porrò, Compositio est vera, quia complexione, quæ à ratione est, præcedit naturaliter identitas,

De rerum.  
principio. quæ. 16.  
artic. 1.

Sim. tex. 32. g.  
Metaphys. 7. 57.  
5. Notissimum.  
2. dist. 6. q. 1.  
5. Ad certum.

Metaph. 9. 3.

Over. 2. Perihermen. 9. 3. 3.



titas extremorum, & habitudo subinde virtualiter inclusa in ipsis, cui actum rationis esse conformem, est ipsum verum existere. Itaque illa complexio cognoscitur esse vera, intelligendo conformitatem ipsius ad illam habitudinem virtualiter inclusam in extremis. Hæc vero quandoque includitur in extremis ex ratione formali ipsorum non per aliud prius: quandoque per aliud prius includens; & aliquando denique non ex natura per se terminorum, vel includentium ipsos, sed è causa extrinseca conjungente extrema, vel certè separante. Primo modo est in principio demonstrationis; secundo modo in conclusione; & tertio modo est in propositione contingente. Itaque principii extrema absolute intellecta statim nata sunt causare ex se in intellectu apprehendentis notitiam habitudinis ipsorum. At termini conclusionis non item ex ratione ipsorum flectunt intellectum ad assensum, quia non videt suum actum esse conformem habitudini reali illorum, donec id imprimatur sibi ex notitia habitudinis terminorum principii, quæ includit notitiam habitudinis extremorum conclusionis. Quum vero intellectus componit propositiones contingentes, non videt actum esse conformem, nisi intuendo habitudinem terminorum in reali existentia: nam si causa extrinseca efficiat, ut sit talis habitudo, id sanè non in conceptu efficere potest, sed in esse reali terminorum.

AD ARGUMENTA. Ad primum respondeo ex dictis, intellectum simplicem posse esse quidem verum, cum est objecto apprehenso conformis, sed nequaquam cognoscere verum; quia verum intelligere est cognoscere conformitatem intellectus ad rem. Unde intellectui simplici non opponitur falsitas, sed ignorantia tantum; quia intellectus intelligens quod quid est semper est verus; aut certè quod concipit, ignorat; conceptus enim objectivus essentiae alicujus est indivisibilis quantum ad ultimam differentiam ipsius; a proinde aut omnino scitur, aut prorsus ignoratur, & latet. Ad secundum concedo intellectum simplicem esse posse circa conceptum complexum; quo existente vero, & intellectus pariter est verus, ut dictum est. Si autem complexio sit falsa; etsi intellectus esse nequeat formaliter falsus; quia falsitas non contingit circa intellectum simplicem, sed ignorantia; attamen tunc est virtualiter falsus, apprehendendo aliquid sub determinatione sibi non conveniente. Et eodem modo est exponendus Aristoteles, cum 9. *Metaphys. text. c. 21. & 22.* distinguere videtur de intelligentia simplicium, in quantum est circa quid simplicium, & circa quid compositorum; per hoc quia circa quid compositorum cadit deceptio per accidens; Nam eorum quid natum est facere conceptum non simpliciter simplicem, in quem potest cadere falsitas virtualiter: at quid simplicium, id est, indivisibilium rationum, aut omnino scitur, aut penitus ignoratur.

Ad tertium concedo, prima principia statim ac apprehenduntur: cognosci esse vera, & in compositione, & in simplici apprehensione; nam sicut propter evidentem habitudinem terminorum intellectus componens statim percipit, actum componendi esse conformem entitatis compositorum; sed actum illum conformitatis perceptivum esse alium actum à compositione, nempe reflexum, sed imperceptum, quia simul tempore cum illo, de quo judicat assentiendo; ita & in simplici intellectu principii, actus apprehendendi est verus ex objecto; & fortasse casus est impossibilis, ut sit sine alio actu assentiendi illi complexioni apprehensæ

sub propria ratione terminorum, ex quibus constat; tamen quotiescunque intelligitur intellectus simplex, non est in eo veritas objectivè, ut extitit declaratum.

Ad quartum est responsio ex dictis, quia etsi conceptus quilibet, sive simplex, sive compositus sit eodem modo signum, nempe naturale rei signatæ; & etiam verus, ut est rei conformis; tamen quia hæc conformitas non innotescit, nisi per comparisonem intellectus ad rem, ideo non in prima operatione intellectus est veritas, cum nec sit circa ipsam falsitas, sed duntaxat in secunda, in qua est judicium, & collatio unius ad alterum; ideo veritati, quæ est in secunda hac operatione, opponitur falsitas contrariè; (quando scilicet uniuntur, quæ in re non sunt unita) & ignorantia privativè.

Ad quintum respondeo sic: Actus, quo comparatur compositio entitati extremorum, est utique verus, sed non oportet cognoscere illum esse verum per alium actum. Est enim actus unus cognoscibilis naturaliter rectus, sicut dicitur de syllogismo perfecto, 1. *Prior. cap. 1.* qui usque adeo est evidens, ut nullius alterius indigeat, ut constat de tali perfectione ipsius. Non est ergo notus is syllogismus; ut objectum, sed ut actus cognoscendi rectus naturaliter: ita pariter & actus, quo cognoscitur conformitas intellectus ad rem; non postulat alium actum, per quem innotescat, sed ipsamet est naturaliter ex se notus intellectui.

## ARTICULUS III.

Utrum verum, & ens convertantur.

Doct. 6. *Metaph. q. 3. & 2. dist. 16 §. Ideo dico*  
S. Thom. 1. par. quæst. 16. art. 3.

VIDETUR verum & ens minimè converti. Nam juxta dicta articulo primo; in eo statuenda est ratio veritatis transcendentiissimè acceptæ, ut illud dicatur verum, quod potest se manifestare intellectu, eam manifestationem apprehendere valenti; idem est ergo verum esse, ac intelligibile esse: Atqui contingit complura esse intelligibilia, & porro intelligi, quæ longissimè abint à ratione entis; ergo has rationes haud reciprocari, dicendum est. Minor est evidens; nam intelligimus non esse eorum, quæ non sunt, nec esse possunt. Et insuper intelligimus entia, quæ dicuntur rationis, utpote nullum aliud esse habentia, nisi in intellectu objectivè, quatenus comparat unum ad aliud. Cujusmodi sunt logicæ intentiones, & aliæ relationes rationis.

Præterea, Ratio entis non involvit aliquem ordinem ad intellectum: verum autem præcipuè in intellectu est, ut ex articulo præcedenti constat: & per ordinem ad intellectum, ut probabitur: ergo non convertitur cum ente. Nam sicuti intellectus noster est mensura artificialium, quæ eatenus sunt, & dicuntur vera, quatenus propriæ conformantur mensuræ: ita & divinus intellectus est mensura naturalium, non obtinentium proinde rationem veri, nisi prout assequuntur modum mensuræ in divina mente existentis: igitur non contingit aliquid esse verum, nisi per ordinem ad intellectum, & per consequens non est convertibile cum ente, quod ex se ordinem ejusmodi non includit.

Præterea, Ratio veritatis est prior ratione entis: ergo non dicuntur ad convertentiam, sicuti nec mutuo convertuntur gradus genericus, & specificus.

1. dist. 2. q. 4.  
in argum. prin.  
cip.

Quodlibet q. 3.  
§. De primo.

Oper. secund.  
di. Peribem.  
q. 3. num. 3.

2. dist. 9. q. 5. §.  
De rationes.

Videndus artic.  
culus 3. quæst.  
sequ.

C. Metaph. q.  
2. cit. n. 10. ad  
tertium.



2. dist. 9. q. 3.  
3. dist. 9. q. 3.

cificus, eo quod ille sit prior, iste posterior. Probatio antecedentis, secundum Anselmum de Veritate, cap. 11. *Veritas est reſtitudo ſola mente perceptibilis*. Sed hanc reſtitutionem intellectus aſſequitur, atque attingit in iis, quæ formaliter, & quiditativè non ſunt entia, ut ultimæ differentię, modi intrinſeci, & quæ nuncupantur entis paſſiones: imo in ipſa abſoluta entis quiditate: ergo veritatis ratio eſt longè communior entis conceptu; ac proinde fieri non poteſt, ut ratio veri convertatur cum ente.

Præterea, Ens habere videtur rationem unam reſpectu omnium entium; nam eſſe poteſt in intellectu conceptus unus certus de ente, & dubius de inferioribus. Sed veritatis non eſt una ratio uniſſima omnibus veris, vel veritatis conceptibus; ergo non eſt convertibilis is conceptus cum ente. Minor patet ex primo articulo, ubi dictum eſt, veritatis nomen prout dicitur, & accipitur per comparationem ad producentem, & ad intelligentem eſſe æquivocum.

CONTRA, 2. Metaphyſ. tex. c. 4. *Unumquodque ſicut ſe habet, ut ſit, ita & ad veritatem*: ergo veritas convertitur cum ente, ſic ut omne ens ſit verum, & omne verum ens. Unde & Auguſtinus, ſoliloquiorum 2. cap. 5. *Verum, inquit, mihi videtur eſſe id quod eſt*.

RESPONDEO dicendum, verum converti cum ente, quemadmodum paſſiones cum propriis convertuntur ſubjectis, à quibus neceſſario dimanant, aut eſſiunt, aut quovis modo inſeparabiliter conſequuntur. Veruntamen ſex modorum accipienda veritatem in rebus articulo primo expoſitorum, priori tantummodo convenit ratio, quæ attribuitur ſubjecti paſſionibus; ea autem eſt ita proprio ſubjecto ineſſe, ut extra illud haud reperiri queat, ac proinde cum illo ſit convertibilis, mutuoque recipiuntur; & ſic revera ſe habet; poſſe ſe manifeſtare, vel de ſe eſſe ſui manifeſtativum intellectui, potenti eam manifeſtationem cognoscere; nam omni enti, ut ens, ineſt ea vis, & perfectio, ſecundum quam eſt cognoscibile, vel intelligibile à potentia intellectiva, ut realis eſt. Et viciffim omne, quod ex ſe ita perfectum eſt, ut manifeſtari alteri poſſit, qui eſt illius perceptivus manifeſtationis aptitudinalis; omne, inquam, tale, eſt reale ens, vel inclufum in aliquo, eſſentialiter ens involvente; igitur ratio veri eſt convertibilis cum ente, ut paſſio cum proprio convertitur ſubjecto. Quod vero illa vis aptitudinalis manifeſtationis ſit enti addita, ut paſſio propria ipſius, declaratum fuit ſupra, quaſt. 5. articulo primo; In altera ejuſdem entis paſſione, quæ eſt bonitas. Siquidem hæ rationes, unius, veri, & boni, continentur in ente unitivè, quaſi poſteriora illius, & non inclufæ eſſentialiter in eſſendi ratione, quæ ex ſe quid abſolutum eſt, ideſt, dicens duntaxat eſſendi conceptum; neque ſunt res alię ab ipſo ente, ut probat Ariſtoteles, 4. Metaphyſ. tex. c. 3. & 5. diſtinguuntur tamen ab invicem formaliter, & quiditativè, & etiam ab ente, formalitate, inquam, reali, & quiditativa; alioquin Metaphyſica concludens tales paſſiones de ente; illaſque conſiderans, non eſſet ſcientia realis. Quamvis igitur ob earum unitivam continentiam ſint adæquatè in ſubjecto, nihilominus altera non eſt alterius quomodolibet cauſa: ideo ſe ſe mutuò formaliter, & quiditativè excludunt, ut una eſſentialiter non ſit altera, nec quiditativè dicantur de ente, nec ens prædicetur in quid de ipſis, licet non ſint alię res ab ipſo continente, ſed magis ſibi realiter identificatæ. Cæterum hæc tranſcendentia determinant

ſe mutuò, ut verum ſit bonum, & bonum verum, & unum, & verum, & bonum: etſi verum quiditativè non ſit bonum, & è converſo, ſed ſolum quod eſt formaliter verum, eſt denominativè bonum, & eſſentialiter bonum eſt denominativè verum.

AD ARGUMENTA. Ad primum respondeo, revera veritatem juxta præmiſſam acceptionem ita enti ineſſe, & conſequi, ut ſit cum illo convertibilis, & nihil ex ſe exiſtere ſui manifeſtativum, niſi ens reale, & è converſo. Et cum inſtatur, quia intelliguntur non entia, quæ actu non ſunt, & etiam quæ non eſſe poſſunt. Reſpondeo, non ens, vel negationes non cognosci, niſi per oppoſitas affirmaciones, 2. Peribet. in fine & 4. Metaphyſ. tex. c. 2. & 16. Nam non intelligimus Deo repugnare compoſitionem, vel habere negationem compoſitionis, niſi quia illi attribuimus ſimplicitatem, & ita de reliquis negationibus. Et quod addebat, intelligi à nobis & entia rationis. Verum eſt eo modo quo ſunt entia; ſicuti ergo eſſinguntur, aut concipiuntur ad inſtar entium realium, ita & paſſiva manifeſtatio ut propria paſſio conſequitur illud eſſe fictum, aut effortatum ab intellectu comparante unum ens reale ad aliud. Quemadmodum ergo ab ente reali participant quandam entitatis umbram; ita & ab ente reali dimanat omnis eorum intelligibilitas, & veritas.

Ad ſecundum respondeo, declaratum extiſſe articulo primo, quali'er ex eo quod verum ſit entis paſſio, cujus ratio eſſe nequit reſpectiva, vel abſoluta poſitivè, ita & omnes illius paſſiones ex ſe ipſis abſtrahere debere ab abſoluto, & reſpectivo; alioquin ſi veritatis ratio formaliter eſſet ſtatueda in reſpectu aliquo, proſecto ſibi repugnaret eſſe in abſolutis, & è converſo. Eſt igitur veri ratio à parte rei, nec abſoluta, nec reſpectiva, ſicuti & proprium, quod conſequitur ſubjectum; quamvis nos cogamur illam declarare in ordine ad intellectum, nempe per habitudinem tranſcendentalem entis, ut eſt ſui ipſius manifeſtativum cuicunque intellectui. Et cum dicitur verum eſt in intellectu, & per ordinem ad intellectum; concedo, ſed præterea eſt veritas in rebus, & non ſolum in intellectu componente, & dividente; & etiam alia veritas, quæ eſt paſſio entis ut ens eſt. Eſi enim ultro admiramus illud genus veritatis per ordinem ad divinas ideas, tale nihilominus verum eſſe non poſſe entis paſſionem, dictum eſt articulo primo. Eſt igitur veritas, quæ eſt in rebus naturalibus non ut entia ſunt, ſed ut factibiles ad ſimilitudinem idearum divinarum: non eſt ergo talis veritas paſſio entis, ſed eſt quoddam verum conſequens ens creatum, ut creatura, vel ut effortabile eſt. Sed quatenus creatura eſt ens, eſt vera veritate tranſcendentali, ſibi, ac omnibus entibus communi.

Ad tertium, negandum eſt veritati competere reſpectu entis eam communitatem, quæ eſt graduum ſuperiorum reſpectu inferiorum, de quibus quiditativè prædicantur; imo ſentendum eſt ens ad veritatem tranſcendentalem præſupponi, ut ſubjectum propriis ſubſeſt paſſionibus. Et cum probatur; quia ratio veritatis reperitur in ente, & in iis etiam, quæ eſſentialiter entia non ſunt. Reſpondeo, ultimas differentias, & alia id genus rationem entis formaliter excludentia, eſſe ſui manifeſtativa, ratione entis, in quo formaliter, & quiditativè includuntur; Ens enim, quod quiditativè eſt tale per ultimam differentiam manifeſtando ſe intellectui, oſtendit etiam quæcunque in ipſo reperuntur, vel oſtendere, & manifeſtare po-

1. dist. 9. q. 4.  
lat. u. 2. 5. Ad  
rationem in  
contrarium.

1. dist. 9. q. 3.  
in prima qua  
ſtione.

1. dist. 3. q. 3. 6.  
Hic viſus V. l. 1.  
tiam, ad loco ad  
oppoſitum.

Theor. 3. num.  
7.



1. 118. 34. 9. Ad  
2. 118. 34. 9. Ad

ARTICULUS IV.

*Doct̃or locis in margine citatis S. Thom.*  
1. p. q. 15. art. 4.

*articulo. Eatenus extat verum, quatenus est & ens; quod consequitur verum, ut propria passio. Sed ens est ratione bonitatis, dicente Augustino, de doctrina Christiana cap. 32. quia Deus bonus est, sumus; ergo & ex bonitate est pariter verum: causa autem secundum rationem ad minus est effectus suo prior in omni genere causæ; ergo bonum veritatis conceptum omnino præcedit.*

Præterea, Ratio boni est nobilior conceptu veritatis; quia bonum est tale per essentiam; verum autem est bonum per participationem bonitatis per essentiam sibi participata: nobiliora autem, & perfectiora sunt priora secundum rationem iis, quæ illa participant; ergo secundum rationem bonum est prius, quam verum.

Præterea, Secundum Philosophum, 6. *Metaphysicæ*. c. 8. bonum est in rebus; verum autem in intellectu componente, & dividente, ex dictis *articulo secundo*. Sed, quæ sunt in re omnino oportet priora esse iis, quæ sunt in intellectu, ergo secundum rationem bonum prius est vero.

CONTRA, Quod est in pluribus, est prius secundum rationem: sed verum in quibusdam reperitur ubi non est bonum adinvenire, ut in Mathematicis; ergo verum est prius, quam bonum. Rursus, verum propinquius se habet ad ens, quod est prius, quam bonum. Nam verum respicit ipsum esse simpliciter & immediatè: ratio autem boni consequitur esse, secundum quod est aliquo modo perfectum; sic enim est appetibile, & non aliter.

Respondet dicendum, secundum quod à nobis intelliguntur, ac declarantur intentiones boni, & veri, veritatis rationem priorem esse conceptu bonitatis. At loquendo de his entis passionibus secundum se, spectata nimirum earundem natura, fortasse nullum inter se ordinem habent, sed immediate omnes ab entis ratione dimanant, atque effluunt. Declaratio; Nam nobis considerantibus entis naturam, videtur immediatissime illi inesse unitatem. Ex hoc enim quod ens est reale, quamvis ejusquiditatem conceptus sit simpliciter simplex, oportet tamen hanc rationem esse indivisam in se. Utenim in essentis particularibus, nisi hominis essentia foret in se indivisa, jam non esset ejus essentia, sed aliis quoque communis: ita & de ratione entis in se: est igitur ens unum.

Qua de causa Philosophus, 5. *Metaphysicæ* c. 5. dicit entis & unius esse eandem passionem: nempe quia *unum* cum sit prima illius passio, ac immediatus adhærens, ac profluens, quodammodo habet rationem subiecti respectu aliarum passionum, quæ subinde æqualiter dicuntur de ente, & uno. Exinde ens unum est sui manifestativum cuicunque intellectui potenti eam manifestationem apprehendere: Atqui id est ens verum esse, prout veritas cum ente reali convertitur, estque ejusdem abstractionis, & ambitus cum illo, juxta dicta in *antecedentibus*: igitur secundo loco videtur ordinem tenere passio *veri*. Denique, quoniam ens ita sui manifestativum, pariter ostendere potest diffusivam rationem sui in omnibus, ac reipsa reperiri in omnibus, quæ non implicat contradictionem, hoc ipso est suapte natura motivum appetitus omnis, ut ens est: declarandam autem communiter putamus hanc entis passionem per respectum aptitudinalem ad appetitum: ergo bonitas in ente reali sequitur ad unitatem, & veritatem: igitur bonum secundum rationem est veri conceptu posterius.

Quod vero ejusmodi entis passiones secundum earum naturam fortasse aliter dispositæ inveniantur,

4. dist. 45. 71. 2 ft.  
4. lat. 9. *Inxius*  
*hac*.

Ubi supra.

S. Thom. hic  
§. Ad oppositum  
ex in solutione.

Non differitur  
hic de d. lin.  
dione passi-  
nam entis qua  
in hypothe-  
S. Thomae  
testi propo-  
declari, ju-  
sta motum  
Doctoris Qua-  
lin. p. 1. q. 1.  
hac quaestio-  
Sed mone-  
fiam circa ta-  
len distinctione  
nō Scotus aper-  
tū. l. 1. c. 1. &  
alibi frequen-  
ter. Videndi  
Scoti te in Me-  
ta physice in pr-  
c. testum in  
10.



tur, nullum inter sese ordinem prioris, & posterioris servantes; ex eo probabiliter deducendum videtur, quod cum in se ipsis abstrahant à qualibet absolute, & respectivi ratione, ut earundem subiectum, in quo unitive continentur, ac realiter identificantur, respectus, per quos declarantur, non ingrediuntur ipsarum conceptum quiditativum: ille autem ordo est ex his respectibus; ergo talis dispositio non spectat ad naturam ipsarum in se. Sicut ergo entis realis ratio communissima, nihil est eorum, in quibus reperiri potest, sed est tantum ipsa, ita & simplices hæ ipsius passionis ejusdem abstractionis, ac indifferentiæ, ex æquo immediatè ab illo profluere videntur; spectantes quidem ad secundariam entis realis perfectionem, ideoque eo posteriores, & unitive contentæ in illa, sed nullum prioris, & posterioris ordinem inter se habentes. Deinde, si spectata natura earum entis passionum, statuendus esset inter eas ordo prioris, & posterioris, adeo ut una profluere, ac inesset subiecto mediante alia, videretur posteriore ostendi posse de ente per eam, quæ per prius illi inhærens, posset esse medium ostendendi secundam, sicuti est ratio ipsius inhærentiæ, seu sit inter eas ordo causalitatis, sive ordo effectuum respectu ejusdem causæ: Sed nulla passionum entis potest de ipso evidenter concludi per aliam quasi priorem, vel causam inhærentiæ posterioris; nam talis discursus assumptæ præmissæ non essent admodum evidentes conclusionibus; ut si argueretur: Omne unum est verum: ens est unum; ergo verum, & sic de aliis. Igitur ipsarum natura spectata, fortè ex æquo enti insunt immediatè, propterea quod ab eodem immediatè omnes emanant. Quoniam negandum non sit ex modo explicandi eas passiones, quasdam efformari posse demonstrationes de ipsis, ac unam ostendi per aliam; non vera tamen demonstratio, cujus medium est definitio subiecti. Nam entis, & passionum ejus, utpote simpliciter simplices esse nequit definitio; sed per expressiorem, aut majorem termini declarationem, per circumscriptiones congruas faciendam.

AD ARGUMENTA. Ad primum respondeo, supra q. 5. art. 2. declaratum fuisse, quia ratione bonitas sit causa entis; nam est causa finalis, quia Deus intuitu suæ bonitatis condidit rerum universitatem, atque ad se ipsum ordinavit, ut ordinatorum efflagitabat natura. Cæterum sicut ob talem causalitatem, bonitas non est esse prior, imo est entis perfectio, & bonitas infinita, perfectio item infinita ejus, qui à se est; ita nec esse potest secundum rationem veritate prior, quatenus ad ens comparantur, à quo profluunt, & explicantur per transcendentales respectus ad intellectum, & appetitum, quæ sunt potentiæ operativæ circa totum ens.

Ad secundum dicendum, quemadmodum verum est bonum participatione boni, quod est tale per essentiam; ita & bonum esse verum veritate sibi participata ab ea, quæ est per essentiam; ac proinde pariter perfectionis esse essentialiter verum, ac essentialiter bonum. Ex hoc ergo capite, quod procedit de entis passionibus secundum perfectionem, quam intrinsicè præferunt, non potest accipi medium, seu pro unius, seu pro alterius ampliori perfectione. Sed quia verum est enti propinquius in ordine ad potentias intellectualis naturæ, ideo secundum rationem bono præmittendum videtur.

Ad tertium dicendum, extitisse declaratum in antecedentibus qualiter aliud est verum in rebus,

& quod duplex, aliud vero in intellectu: at hic non esse comparisonem de his veris in genere; sed duntaxat de veritatis conceptu, ut est entis passio, in ordine ad bonum, ut pariter consequitur rationem entis realis; ac de his, ut a nobis explicantur, & intelliguntur solutionem procedere.

Ad primum in oppositum, putamus minorem non esse admittendam, ex dictis supra, q. 5. art. 5. §. Ad primum. Nam etsi ad Philosophi mentem, 3. Metaphys. text. c. 3. fatendum sit in Mathematicis non reperiri bonum, quatenus nihil in his demonstratur ex ratione boni, ut puta hoc, aut illud ita se habere, quia melius est hoc modo esse, & deterius aliter esse; Quia cum Mathematica abstrahant à forma substantiali, & à qualitatibus naturalibus, abstrahere subinde necesse est à motu, & ab actione agentis propter finem, & bonum. Sed non exinde est inferendum Mathematica carere bonitate entis, & talis entis: de iis est enim scientia realis, & cum aliis entibus comparantur, sunt necessario perfectiora, aut imperfectiora. Verum ergo ac bonum reperiuntur in omnibus entibus esse reale habentibus, ac æqualis ambitus cum subiecto, quod consequuntur.

Ad secundum, si ille ordo inter entis passiones statuatur respectu nostri, qui concipimus, & explicamus illas rationes per comparisonem ad potentias naturæ intellectualis, concedatur. Sed non ideo existimandum est, ita pariter esse dispositas ex natura earum; nam fortasse omnes immediatè se habent, ac pullulant ab communi subiecto. Vel si inter se aliquem ordinem prioris, & posterioris teneant, non exinde constare videtur, verum esse secundum rationem bonitate prius; quia bonum posset esse enti propinquius in ordine nobiliiori, vel secundum conditionem nobiliorem, qualis est ratio communicandi perfectiones, sive finaliter terminandi, & complendi perfectionem alterius; unde & bonum ab Augustino 1. de Doctrina Christiana dicitur communicativum suis; & finis, 2. Phys. §. 5. Metaphys. §. 1. Ethic. Qui porro conceptus videntur enti proximiores ratione veri, spectata eorum natura in se; quamquam in alio ordine, & dispositione intelligatur verum enti propinquius, ut d. scum est.

## ARTICULUS V.

Utrum Deus sit veritas.

Doctor de primo principio cap. 4. num. 36.

S. Thom. 1. p. q. 16. art. 5.

VIDETUR Deus non esse veritas. Etenim veritas, potissimum consistit in compositione, & divisione, ex dictis supra articulo secundo. Sed in divino intellectu locum habere nequit compositio, & divisio, ex quest. 14. articulo 14. novit enim omnia simplici contuitu, non componendo, aut dividendo; ergo non est in intellectu divino præcipua veritas, atque ita nec Deus videtur appellandus veritas.

Præterea, Veritas, ex articulo primo est per conformitatem ad producentem, & intelligentem; quatenus objectum intellectum, vel intelligibile potest suo exemplari conformari. Sed in Deo est impossibilis is respectus ad producentem, cum à se sit: nec rursus sit proprio exemplari, vel similitudini conformis, quæ in ipso non est, nisi in ordine ad alia à se; nec objectum ad intellectum refertur per conformitatem; cum idem sit sibi intelligens, in-

e. dist. 39. §. 1. cum sit ad primum.

De his videndi Metaphys. Recensiones; & etiam Veteres, ut Antonius, Andreas Tironius, Bonetus, & de Orbello.

4. dist. 49. q. 4. Item n. 11. & 12.

Doctor in Com. super cu. text. 12m.

4. dist. 12. quæst. 3.

Quodlib. 6.

4. dist. 49. quæst. 4. lat. §. Alio dicitur.



intellectus, & intellectum; ergo Deus non est veritas.

Præterea, Ex dictis in antecedentibus articulis. veritas est entis passio, cum ipso subinde convertibilis; igitur & omnis entis pariter erit passio; atque ita uti est proprietas entis finiti, & dependentis, ita & infiniti, & independentis. Sed ex hoc quod veritas est passio entis finiti, nullum tale ens est veritas, sed verum, seu habens veritatem; ergo nec ipsum ens infinitum est veritas nuncupandum, sed verum, quod ostendatur veritatem esse ejusdem passionem, & non ipsam ejus essentiam, quod insinuari videtur per hoc quod appelletur Deus veritas. Nam passio non prædicatur substantivè de subiecto.

CONTRA, quæst. 6. art. 2. ostensum est, Deum esse summum bonum, id est, bonum per essentiam, ipsamque bonitatem, ergo rectissime quoque dicitur Veritas, seu verum per essentiam, nec aliud velle videtur Aristoteles 1. Metaphys. tex. c. 14. cum ait, *sicut secundum esse unumquodque se habet, ita secundum veritatem*. Cum ergo Deus sit ens per essentiam, quod est ipsum esse infinitum; ita & per essentiam erit veritas, summumque intelligibile. Unde Magister veracissimus dicit; *Ego sum via, veritas, & vita*; Ioan. 14.

Respondeo dicendum, Deum verissimè esse ipsam Veritatem. Declaratio, primum principium ut est totum esse perfectum, & plusquam perfectum, ita nihil, cui aliqua connectatur imperfectio, includere potest; est itaque primum, & perfectissimum & infinitum intelligibile, secundum omnem sui intelligibilitatem perspectum, & comprehensum ab intellectu virtutis pariter infinitæ; hoc autem intelligere comprehensivum intelligibilis infiniti, idem est ac ipsum intelligibile ex dictis supra quæst. 14. art. 4. ergo tali in comprehensione, ac substantiali unione intelligentiæ, intellecti, ac intellectus est summa, prima, ac sincerissima veritas, uti intelligibilis actu intellecta eadem operatione, quæ est idem, ac substantia operans: Nam propterea aliis in intellectibus est alia operatio ab potentia operante, quia intellectus est in potentia ad intelligibile, antequam ipsum intelligat; in primo autem, ubi est ratio omnimoda actus & perfecti, nulla esse potest potentia; ergo nec aliqua diversitas; igitur intelligibile, & intelligens, & intellectio, est eadem omnino substantia, & subsistens veritas.

Rursus, intelligibilis communifuratur ei, cujus est intelligibilis, ut dictum est: ergo esse primum, & totum esse sequitur omnis, & infinita intelligibilis: Atqui hæc est penitus ex se, & per se, & non per aliud præfens intellectui naturaliter mobili ab hac intelligibilitate; ergo tale esse, hoc intelligibile est veritas prima. Nam quod non est id, quod apparet, & esse videtur, falsum est; ac propterea alia ab ipso esse potest ratio apparendi; quia si sola ejus natura foret sibi ratio ostendendi se, jam appareret quod est, & in eo falsitas non esset. Cum igitur intellectui infinito nihil esse queat ratio apparendi, nisi sua essentia, à qua naturali ordine immutatur, & a nullo alio sic immutari sit possibile, nihil non verissimum, ac sincerissimæ veritatis in eo locum habere potest. Tandem, in intelligibili infinito, & per ipsum, est intellectui divino præfens omne intelligibile sub perfectissima ratione intelligibilis; Siquidem quælibet forma rei est aliqua perfectio: in ipso autem sunt perfectiones omnium; igitur omnia intelligibilia comprehendit, secundum omnem intelligibilitatem, quam ex se ipsis nata sunt causare.

Tomus I.

Est igitur in Deo veritas infallibilis omnium intelligibilium, ad quæ comparatur ut simpliciter perfectum ad imperfectum: sibi ergo sua essentia apparente, quodlibet intelligibile, ex ejus infinita claritate, secundum propriam rationem apparet. Est itaque Deus veritas substantialis, prima, & infinita, quia infinita intelligibilis actu, & necessario intellecta secundum quicquid est in ipsa, atque eadem substantia est intelligere, intelligibile, & intellectus. Et denique est in ipso omnis veritas infinitorum intelligibilium, quæ sibi comprehensa sunt per motionem objecti infiniti, & per infinitam intelligentiam accipiunt primum esse cognitum, & intelligibile.

AD ARGUMENTA. Ad primum respondeo ex dictis, q. 14. art. 14. Etsi in Deo non sit formalis compositio, & divisio, sunt tamen sibi perspectissima extrema omnis compositionis, & divisionis, & subinde omnium eorundem convenientiam, & disconvenientiam, non per actum conferendi unum ad aliud: quia his comparationibus opus non habet intellectus infinitus; sed quia ex comprehensione omnium per simplicissimum intuitum, necessario quoque ei innotescunt quæcunque habent connexionem cum illis, uti sunt ipsorum mutux habitudines, & repugnantie; negato igitur in Deo omni actu collativo formaliter, adstruitur in eo eminentiori modo veritas, ac si formaliter illa extrema ad invicem compararet.

Ad secundum concedo veritatem in rebus adæquate intelligi per respectum ad producentem, & intelligentem, ac insuper unum modum veritatis per conformitatem ad proprium exemplar: quam sub hac ratione non possit intelligi entis passio, sed magis species una veritatis, quæ est in creaturis, non quatenus entia creata, vel eformabilia ad extra; de quibus articulo primo actum. Cum subditur, in Deo est impossibilis respectus ad producentem, cum à se sit. Respondeo, ut Deus est improductus, & improductibilis, sic est veritas per conformitatem intelligibilis infiniti ad intellectum pariter infinitum; quamquam prout veritas est conformitas producti ad producentem per adæquationem, inveniatur in Filio Dei, qui veritas est: est enim summa similitudo principii producentis, secundum Augustinum, & Hilarium 22. de Trinit. cap. 5. Et cum initatur contra conformitatem intelligibilis ad intellectum: quia unum ad aliud non refertur, sunt enim eadem substantia. Responso, eum actum operativum, quo Deus se ipsum comprehendit, nullum præexigere, aut concomitari respectum præferti rationis. Nam Deus eo actu est sapientissimus, & beatissimus, quia comprehensivus sui & infinitus subinde: infinitum autem intensivè ex natura rei non prærequirit, aut coexistit aliquid, cui repugnat infinitas; cujusmodi sunt omnes respectus, & præferti rationis: Quoniam igitur hic non est diversitas extremorum, sed omnia sunt unum per substantialem identitatem, ideo non est veritas inter objectum, & intellectum, ut in creatis, sed per essentiam, est prima veritas, ut dictum est in solutione.

Ad Tertium respondeo, quemadmodum bonitas passio entis realis, consequens proinde quicquid est ut propria passio ejus, uni duntaxat convenit per essentiam, primo scilicet principio, & aliis omnibus ab ipsa ex illius participatione, ex dictis q. 6. art. 3. ita & veritas. Ut ergo alia à primo sunt vera non per essentiam, quia per aliud distinctam ab ipsis est conformitas intellectus

E c

ENR

dist. 3. q. 4.

1. dist. 1. q. 2.

Doctor. 12. Metaphys. q. 22.

6. Metaphys. q. 3. 3. Licet adæquationem.

1. dist. 1. q. 4.

Quodlib. 1.

Ex Augustino de vera Relig. cap. 34.

22. Metaphys. q. 22. & supra q. 14. art. 6.



cum intelligibili, nec consequenter appellantur veritas; ita primum & totum esse rectissime dicitur veritas per essentiam; quia ejus essentia, & substantia est intelligibile, & intellectum, nec indiget Deus alio à se distincto, ut comprehendat essentiam suam. Unde 6. de Trinit. cap. ult., ait Augustinus, *primus, & summus intellectus, cui non est aliud vivere, aliud intelligere*. Et cum dicitur in argumento, passio non prædicatur substantivè de subiecto. Responsio, id verum esse in creaturis, ubi per abstractionem præcinditur à concernentia prædicati abstracti ad subiectum; sed in divinis aliter venit: cum enim abstracta, modo sint absoluta, sint formaliter infinita, retinent ex modo ipso infinitatis, identitatem cum subiecto: ac proinde vera est ibi talis prædicatio, non in creaturis, neque in iis, quæ formaliter infinitatem non includunt.

## ARTICULUS VI.

Utrum sit una sola veritas, secundum quam omnia sunt vera.

Doct. locis in margine citatis. S. Thom. 1. p. quest. 16. artic. 6.

**V**IDETUR una duntaxat esse veritas, secundum quam omnia sunt vera. Siquidem ex articulo præcedenti, Deus est veritas prima, & per essentiam, uti & ipsum esse per essentiam: sed hæc veritas prima, & lux increata est primum principium speculabilium, & ultimus finis rerum practicarum, sicut ut ab illa luce accipiantur principia tam speculabilia, quàm practica: ergo sicuti practica quæque non sunt bona nisi ex rectitudine ultimi finis (omne enim aliud bonum, videtur esse quædam participatio ultimi finis) ita nec aliud potest esse verum, nisi per veritatem lucis increatæ: una ergo est veritas, secundum quam omnia sunt vera.

Præterea, Augustinus 12. Confess. cap. 25. *Si ambo inquit, videmus verum esse quod dicis, & ambo videmus verum esse, quod dico, ubi quæso id videmus? Nec ego usque in te, nec tu in me, sed ambo in ipsa, quæ supra mentes nostras est, incommutabili veritate*. Veritas autem incommutabilis supra mentem, Deus est: igitur per primam veritatem omnia sunt vera, atque in illa, & per illam apparent, atque deprehenduntur esse vera.

Præterea, Quoniam ens univocè dicitur de omnibus omnino entibus, rectè omnia dicuntur, & sunt entia, secundum unam entis rationem: sed etiam veritas habere debet conceptum unum univocè dictum de omnibus veris: cum sit entis passio cum illo convertibilis: ergo una est veritas, secundum quam omnia sunt vera.

Præterea, Deus est primum, & perfectissimum cognoscibile omnium, atque verorum: *primum autem in quocunque genere, est causa essendi aliis in illo genere*, ex 2. Metaphys. text. c. 4. Sicuti primum calidum est causa caloris in omnibus aliis: ergo Deus est causa cognoscendi omnia alia ab ipso. Atqui omnia cognoscuntur, & intelliguntur, quatenus per veritatem se se manifestant intellectui: ergo à prima veritate, est, quod cætera sint vera.

Confirmatur, Unumquodque sicut se habet ad esse, sic se habet ad veritatem, ex Philosopho, loco statim citato: sed nihil est ens per participationem, nisi ab ente imparticipato: igitur nec est verum nisi per veritatem imparticipatam quæ unita est.

CONTRA, ad Roman. 1. *Invisibilia Dei à creatura mundi per ea, quæ facta sunt, intellecta conspiciuntur*: ergo creata quæque habent propriam intelligibilitatem, & veritatem: alioquin haud possent intelligi, & manifestare se intellectui ex ipsis cognoscenti summam veritatem, quæ sua luce inaccessiblei superat omnem vim intellectus creati.

RESPONDEO, hic est sententia talis, quoniam veritas per prius est in intellectu, & per posterius in rebus, secundum quod ordinantur ad intellectum divinum, manifestè veritas una logicè dicitur de omnibus veris; sicut sanum dicitur de animali, & urina, & medicina. Nam licet sanitas sit intrinsecè tantum in animali, ab ea tamen denominantur medicina sana, quatenus est illius effectiva, & urina in quantum est sanitatis significativa: ita & à veritate, quæ intrinsecè est in intellectu divino denominantur cætera vera per conformitatem ad illum: igitur veritas, quæ omnia sunt vera, quodammodo est una, & quodammodo multiplex, pro multiplicitate nimirum cognitorum in uno, vel diversis intellectibus creatis. Ac proinde licet plures sint essentie, vel formæ rerum, tamen una est veritas divini intellectus, secundum quam omnes res denominantur veræ. Contra, si veritas in rebus sit duntaxat extrinseca quædam denominatio à veritate divini intellectus derivata; igitur veritas non erit passio entis realis; nam passio ex intrinseca ratione subiecti dimanans illud necessario consequitur ubicunque reperitur, intrinsecam subinde tribuens denominationem; consequens frequenter negat Philosophus, & nominat 4. Metaphys. cap. 1. & 2. Metaphys. cap. 1., ubi disertè docet, ita res se habere ad veritatem, sicut ad esse. Ut igitur omnibus rebus, seu essentiam habentibus est intrinseca entis ratio, ita & veritas. Rursus, veritas ita proportionatur enti, ut quemadmodum res se habent ad esse ita ad cognosci: quo perfectius ergo aliquid est ens, eo perfectiorem, & intensiorem habet cognoscibilitatem; sed si entia præcisè essent vera, seu cognoscibilia ab intrinseca denominatione veritatis divinæ, omnia ex æquo viderentur vera: nam divinus intellectus æqualiter intelligit omnia perfectiora, & imperfectiora; ergo æqualiter omnia ab illo denominantur vera. Quod si hæc denominatio extrinseca petatur ab intellectu creato, perinde est: quia eadem est intellectualitas intellectus respectu omnium, seu substantiarum sint, seu accidentia; quod si intellectus plus intelligibilitatis inveniat in uno, quàm in alio, profecto unumquodque est propria, ac intrinseca intelligibilitate verum, & non per denominationem extrinsecam tantum. Deinde, falsum putamus veritatem in rebus esse per conformitatem ad divinum intellectum, seu ad exemplaria in illo existentia; quia ut dictum fuit articulo primo, hæc veritatis ratio non congruit, ipsi primo principio, utique verissimo, quippe quod sit veritas ipsa per essentiam: nec item quibusdam intelligibilibus, quorum ab ita opinantibus negantur exemplaria in Deo; ergo etsi ultro concedamus, hæc ratione, nempe per eam conformitatem ad ideas, inesse rebus effectibilibus veritatem, non tamen, quatenus veritas entis est passio; imo hæc statuenda videtur in ratione sui manifestativa. Nam hæc ratio consequitur omne ens creatum, & increatum, substantiam, & accidens, ut cit. articulo primo exitit declaratum. Denique, ad analogiam veritatis quod attinet, si intelligatur fundari, & concurrere cum conceptu univoco, sicuti entium attributio

1. dist. 3. q. 2.  
§. ad oppositum.

S. Thom. hic in solutione. Ubi Cajetanus, & complures alii putant res non esse veras formaliter, & intrinsecè, sed denominatione tantum extrinseca, accepta, ac derivata à divini intellectus veritate.

Quæst. 1. q. 1.

1. dist. 8. q. 4.  
§. Ad argumentum principale.

1. dist. 1. q. 4.

1. dist. 2. q. 4.  
§. Ita quæstio.  
¶ Secundo.

Idem in argumentis principalibus.

1. dist. 3. quest.  
3. in argum. primo  
et primo.



4. dist. 12. c. 2.

De his actum  
9. 13. art. 10.

butio ad primum ens, & itat cum univocatione, non refragatur. Sed id exemplo minus apto declaratur; quia sanitas omnino æquivocè dicitur de sanitate animalis, urina, & medicina; licet enim sanitas sit eadem, quæ est in animali formaliter, & quæ significatur per urinam; tamen *sanum* impositum ad denotandum habens sanitatem formaliter, & urinum, est omnino æquivocum; quia in urina, & in medicina non est aliqua forma absoluta, à qua dicantur sanæ; esto sit in ipsis aliquod absolutum, super quod fundatur ratio signi, & effectivi sanitatis, propter quem exinde ordinem ad sanitatem, extenditur ad ipsa nomen *sanum*, æquivocè tamen. Quod vero unus sit veritatis conceptus, prout est entis passio suaderetur iis omnibus, quibus probatur unica ratio subiecti ipsius, de quo actum supra, q. 4. art. 3. § 9. 13. art. 5. Et quidem esse sui manifestativum intellectui potenti eam manifestationem cognoscere, unum omnino conceptum dicit respectu omnium intelligibilium, etsi gradus deinde habeat juxta majorem, & minorem entium perfectionem essendi, quia tantumdem unumquodque est intelligibile, quantum habet entitatis. Sed si perfectio entis est bonitas ipsius, qui fieri potest, ut verum sit prius bono, cum ex bonitate sit intelligibilitas, & vis se manifestandi major, & minor? Responso: Hoc probat de bonitate essentiali, non de ea, quæ est entis passio; quod si hæc, & illa coincident in eandem rationem conceptibilem, hoc est quod dicebatur supra articulo 4. scilicet, eas entis passionem aliter esse dispositas ex natura earum, ac à nobis intelligantur, & declarentur.

Est ergo dicendum, unumquodque verorum esse tale propria, sibi que intrinseca, ac proportionata veritate, secundum gradum essendi, & non veritate divina, nisi secundum participationem, & effectivam causalitatem; sicuti in simili dictum fuit de bonitate, *quæstione 6. art. 4.* Nam veritas prima, & infinita nullum ordinem naturalem dicit ad intellectum creatum: quia accipiendo motionem extensivè, & improprie, omnino primum mobile motione naturali est intellectus divinus, & primum illius motivum essentia infinita, quæ est prima veritas, primumque intelligibile; non ergo est hæc veritas à nobis intelligibilis virtute causarum naturaliter ad nostram cognitionem agentium: Sed si intelligatur, id profecto erit non ex principio naturali, sed libero. Cum igitur virtute intellectus agentis complura objecta, imo omnia finita, sint nobis naturaliter intelligibilia, modo non includant ordinem essentialem ad terminum infinitum, evidens est quæcunque cognoscimus, atque intelligere possumus, non esse intelligibilia, seu sui manifestativa, & vera per veritatem increatam, quasi ex ejus motione & ipsam, & cætera intelligeremus imo finita movent intellectum nostrum propria virtute; ergo propria polent intelligibilitate, & veritate. Et quamvis hanc movendi, vel se utcunque intellectui manifestandi vim non haberent, nisi per rationem veritatis primæ, & imparticipatæ; sicuti nec esse possent, nisi per rationem entis à se, quod est principium primum; non propterea tamen intelligibilia sunt, aut cognoscuntur per illam veritatem, sed per propriam, ipsique intrinsecus inhærentem, ac proportionatam: sicuti nec sunt formaliter per rationem essendi imparticipatam, sed per propriam naturam, ab illo acceptam. Quamvis igitur ad participatam entitatem, sequatur necessario par cognoscibilitas, nempe participata, ac entitati commensurata, per veritatem primam, & intelli-

gibile imparticipatum; non tamen habent cognoscibi per cognoscibile imparticipatum, ut cognitum; sed tantum ut per causam dantem sibi esse. Porro cujus virtute, ut efficientis est aliquid intellectum, & cognitum, non oportet illud pariter esse scitum, & cognitum; sicut illud, quod est efficiens alicujus objecti visibilis, non oportet esse visum; non enim necesse est, ut prius videatur Deus oculo corporali, propterea quod quis intuetur colorem, qui est quædam participatio Dei, ut causæ efficientis. Quamvis igitur omnia vera sint talia per participationem Veritatis increatæ; attamen non sunt formaliter, & intrinsecè vera per illam, sed per propriam, & proportionatam veritatem, pro ratione scilicet entitatis ipsis ab illa communicatam, & participatam. Restat igitur, ut eo tantum sensu vera dicantur omnia una veritate, quatenus unus veritatis conceptus, prout est entis passio in omnibus veris reperitur sub univocatione; quemadmodum & ens reale, ad quod talis proprietas consequitur.

Ad ARGUMENTA. Ad primum respondeo, eatenus lux increata est principium primum speculabilem, quatenus divinus intellectus, qui est summa, & increata lux, dat esse primum intelligibile, & distinctum omnibus objectis secundariis divine sapientiæ, in quibus id esse habentibus refulcent omnes veritates necessariæ, quæ sunt de illis; in tantum ut intellectus videans illa, intelligat quoque omnes illorum necessarias veritates. Nihil ergo potest esse verum nisi per veritatem lucis increatæ, quia ea lux est, quæ dat primum esse intelligibile omnibus veritatibus necessariis. Veruntamen proxima causa movendi ad intelligendum hanc veritatem, *totum est majus sui parte*, non est lux increata, nec in illa videtur, nisi sicut in objecto remoto, quod qui cognoscit, intelligit illa, quorum est principium, & causa secundum quid: sed causatur illa veritas ab extremis apprehensis, habentibus respectivè rationem totius, & partis: licet ista objecta moveant virtute primæ veritatis, quæ est intellectus divinus, à quo primum sunt producta in esse intelligibili, & virtute cujus etiam moveant actualiter, ut sunt in esse realis existentia, intellectum creatum. Sed ex his non sequitur, quæ intelliguntur non habere propriam, & intrinsecam veritatem, tanquam sequelam esse intelligibilis accepti per actum intellectus divini. Et cum arguitur de bonitate: quia omne aliud bonum est quædam participatio ultimi finis. Est responso ex dictis in *solutione*. Verum esse enim, omnia esse bona participatione ultimi finis, ut efficientis: sed non participatione ejus, ut primi objecti, propter quod voluit, amentur & alia: sicut enim non oportet volentem aliquid bonum, actu referre ad Deum amatum, qui est ultimus finis, & primum appetibile, ita nec particularia bona sunt talia bonitate ultimi finis formaliter, sed tantum effectivè: Huc faciunt dicta, articulo 4. *quæst. 6. cit.*

Ad secundum respondeo ex proximè dictis: concedo enim vera omnia, quæ apprehenduntur, videri in incommutabili veritate intellectus divini, quatenus videntur ut in continente objectum proximum, vel sicut in eo, virtute cujus objectum proximum movet; Et tamen non videatur lux increata, & incommutabilis, intelliguntur tamen illæ veritates per motionem objectorum, quibus dat esse intelligibile intellectus divinus. Et quoniam id esse, non est nisi secundum quid, & operationem realem oportet esse à causa habente esse reale, his objectis secundariis intellectus divini

1. dist. 1. c. 1.  
6. dist. 1. c. 1.  
14. V. 11. c. 1.

1. dist. 3. q. 4.  
6. At quæstionem.

Quæstio 9. 14.  
9. Hæc est opinio.  
8. dist. 1.

8. dist. 9. c. 3.  
9. Alia est opinio.  
V. Præterea.

Ubi supra 6. Ad  
secundam rationem.

1. dist. 1. c. 4.  
Ico citato in  
arguendo.

1. dist. 3. q. 4.



non competit movere intellectum creatum, nisi virtute illius intellectus, per cuius operationem accipiunt esse secundum quid. Videntur igitur vera necessaria in incommutabili veritate, ut in continente obiectum proximum eorum, & sicut in eo, cuius virtute movet ad percipiendas eas completiones, quæ ex natura ipsorum extremorum necessario consequuntur.

Ad tertium est responsio ex dictis in solutione. Primum enim intelligibile est causa essendi omnibus, non formalis, sed effectiva, quæ non necessario cognoscitur, & intelligitur ex eo quod effectus moveat intellectum ad cognitionem sui. Unde tantum potest inferri, ens participatum cognosci non posse, nisi sit ab ente imparticipato: sed ex eo non est inferendum; ergo non possunt cognosci nisi per primam veritatem cognitam, à qua sunt vera. Sunt enim vera per illam effectiva, non formaliter, ut dictum est.

Ad confirmationem respondeo, dictum Philosophi esse verum de cognoscibilitate rei ex parte sui; at non oportere rem, uti se habet ad intelligibilitatem, ita se habere ad cognosci; nisi sit sermo de intellectu, qui respicit intelligibilia omnia secundum gradum proprium intelligibilitatis eorum, qualis non est creatus intellectus. Quare et si prima veritas sit maximè cognoscibilis in se; non est tamen necessario cognita, quum alia ab illa intelliguntur ab intellectu creato.

## ARTICULUS VII.

Utrum veritas creata sit æterna.

Doctor 1. dist. 3. q. 4. §. Ad questionem:  
 5. dist. 36. §. Thom. 1. p. quæst. 16.  
 articulo 7.

Videtur veritas creata esse æterna. Nam veritatis omnis creatæ principium est intellectus divinus dando esse intelligibile omnibus extremis necessariarum veritarum: Sed intellectus divinus est æternus, ac necessario causans omnium intelligibilium; ergo pariter & veritates illæ erunt æternæ.

Collat. 33. n. 1.

Præterea, Omni exemplari in actu correspondet exemplatum in actu: Sed Deus est causa exemplaris æterna in actu omnium intelligibilium veritatum; nam producit in esse intelligibili omnia, in quibus fundantur illæ veritates; ergo & ipsæ erunt æternæ, ut & causa earum: nam relativum postulat correlativum in actu; exemplar autem refertur ad exemplatum.

Præterea, Veritas creata (ut scilicet distinguitur à veritate, quæ est per essentiam) fundatur in vero esse reali: Sed tale esse est æternum; ergo & ipsa veritas est æterna; quippe quæ necessario consequatur illud esse. Probatio maioris: omne fundamentum relationis, ut tale, est necessario secundum illud esse, per quod fundat relationem: sed lapis secundum verum esse essentia fundat relationem æternam ad Deum, ut scientem in eternitate: ergo lapis in eternitate est secundum illud esse. Probatur minor: nam lapis secundum id esse fundat relationem ad Deum, ut scientem, secundum quod ut obiectum cognoscitur à Deo: intelligitur autem à Deo verissimè sub ratione essentia, & non sub ratione aliqua diminuta, vel secundum esse rationis: cum prima Dei intellectio, ut præcisè ad creaturas terminatur, non sit flexiva: igitur veritates omnes creatæ sunt æternæ.

Probatur etiam aliter ultima minor: Prima rerum productio non est tantum alicujus relationis: quia relatio non est nisi in absoluto: ergo cum Deus producat omnes creaturas in esse intelligibili, terminatur actus intellectus ad absolutum esse rerum productarum, in quo esse fundatur relatio ad producens, sive ad intelligens, quia producit per intellectionem; Illud autem æternum esse consequitur veritas creata; ergo est æterna.

Præterea, Æternum est, quod caret principio, & fine, & omni mutabilitate, Richar. 2. de Trinitate. cap. 9. ejusmodi est veritas, ut comparatur ad omnem intellectum; ergo æterna, probatio minoris: Si veritatis sit principium, adeo ut pro aliquo signo veritas non sit; igitur tunc verum erit, nullam veritatem esse; & ita pariter si veritati præscribatur finis, aut dicatur esse subiecta mutationi; cum igitur ex suo opposito, sequatur veritatem semper esse, profecto veritas est æterna.

CONTRA, Ex dictis quæst. 10. art. 3. æternitas ita est Deo propria, ut impossibile sit alteri ab ipso communicari; igitur creata veritas esse nequit æterna.

Respondeo dicendum, creatam veritatem, æternam nec esse, nec dici posse; Quamvis enim ex hoc quod omnia intelligibilia accipiant esse necessarium, & incommutabile per actum intellectus divini, & per hoc omnes veritates necessariae intelligantur in illis obiectis esse conformes illarum exemplari, intellectui scilicet divino eas expriment: propterea quod tamen æternitas est conditio existentis, atque veritates ibi relucens non habeant existentiam nisi secundum quid, æternæ minimè dici possunt. Siquidem non major nec perfectior eis competere potest existentia, ab illa, quam habent obiecta, de quibus sunt. Ea autem sicuti habent esse, ita & existentiam: esse autem illud est duntaxat intelligibile, quale nempe possunt accipere ab intellectu divino; ergo & parèm existentiam ipsis competere necesse est, nempe existentiam congruentem esse intelligibil, quod est alterius omnino rationis ab omni esse reali, quod esse largitur creaturis causa liberè, & continenter operans. Nec intellectus operatio ad reale esse extendi potest; quia tunc, cum necessario sit operans, prima rerum causa necessario daret esse aliis à se, quod est impossibile; sicut fieri non potest, ut infinitum necessario coexigat, & dicat habitudinem ad terminum finitum: tunc enim magis necessarium ad sui esse coexigeret minus necessarium, & ad defectum finiti, sequeretur nec superfuturum ipsum infinitum, atque ita ex minus impossibili sequeretur majus impossibile; quæ sunt admodum ab omni lumine naturali intellectus, & ab omni veritate aliena. Creatæ igitur quæcunque veritas, quatenus nimirum versatur, & est formaliter de iis, quæ sunt alia à Deitate, quamvis ejus principium sit actus intellectus divini, cuncta, & infinita in eternitate intelligentis, nec est, nec dici subindè potest æterna; quia esse quod obiectivè habent per intelligentiam infinitam, est incapax æternitatis, quæ est sequela entis infiniti, ac proinde necessarij, & à se; & ideo carens principio, & fine, ac ex se longissimè semotum ab omni mutatione, & mutabilitate, Veritati autem creatæ nequaquam quidquam tale inest ex sui natura, & ratione; nam præterquam quod extrema talis veritatis non habent esse nisi secundum quid, ut dictum est, ipsa non ex se, sed ab intellectu divini necessitate, & immutabilitate, habet semper eodem modo se habere,

Quælib. qu. 6.  
 §. Rejct.

1. dist. 1. q. 2.

1. dist. 3. q. 5.



here, atque ita semper fuisse, & fore, Accedit etiam, quod ratio æternitatis, *quæst. 10. articulo primo*, declarata, nullo modo adaptari potest veritati creatæ; ergo non est æterna.

Ad ARGUMENTA. Ad primum respondeo, ex eo aliud non concludi, nisi quod dictum fuit in *solutione*, nimirum veritatem creatam de necessariis esse eternam *secundum quid* pro ratione scilicet extremorum, de quibus est; iis nempe extremis, vel objectis intellectus divini nequit competere, quod est conditio realiter existentis, sicuti est æternitas.

Ad secundum dicendum, minus rectè attribui alium effectum causæ exemplari distinctum ab effectu causæ efficientis; nam causa exemplaris non est nisi quoddam efficiens. Genus enim causæ efficientis dividitur in efficiens per intellectum, siue propositum, & efficiens per naturam, ex *5. Phys. tex. c. 46*. Sicut igitur naturaliter produciens non est alia causa ab efficiente, ita nec exemplariter produciens, atque ita idem est effectum, & exemplariter productum alicujus intelligentis in quantum est intelligens, & in quantum exemplaris; ac proinde eædem proprietates, quæ conveniunt productio per intellectum, insunt eidem ut exemplatum.

Ad tertium respondeo, veritatem creatam, quatenus perpetua est, fundari in *esse* intelligibili quod acceperunt omnia ab intellectu divino in æternitate; Illud autem *esse* intelligibile diminutè tantum, & secundum *quid* appellari debere *esse*. Et cum probatur, quia lapis secundum illud *esse* fundat relationem ad Deum, ut scientem verissimè in eternitate ipsum lapidem: Est igitur verum, & reale *esse*, quemadmodum & certissimè scitur. Responsio: utique fundamentum relationis est secundum illud *esse*, secundum quod fundat relationem, nisi relatio talis sit diminuens simpliciter *esse* fundamenti: uti venit in casu: nam *esse* cognitum, vel exemplatum, est determinatio diminuens: At diminutum respectu diminuentis, non est diminutum, sed respectu tertii, ad quod comparatur ipsum sub determinatione diminuentis. Exemplum: *Æthiops est albus secundum dentes*. Hic sanè non diminuitur *albus*, sed accipitur pro albo simpliciter respectu hujus determinationis: at ut accipitur sub ea determinatione, dicitur de Æthiope tanquam diminutum. Hæc igitur determinatio, *esse cognitum, aut exemplatum, aut esse in intelligentia, aut in opinione*: hæc enim omnia æquivalent) est determinatio diminuens. Nam etsi *esse* in se non sit diminutum, tamen ut comparatur ad tertium omnino diminuitur. Quippe *esse* Homeri simpliciter, est objectum opinionis, sed idem *esse* ut in opinione, est *esse* secundum quid: & ideo non sequitur: *Homerus est in opinione: ergo Homerus simpliciter est*, aut, *Homerus est existens in opinione: ergo simpliciter existit*. Sed est fallacia secundum quid ad simpliciter. Itaque comparando ad intelligentiam divinam omne intelligibile: lapis simpliciter per illam attingitur, nedum secundum *esse* essentia, sed etiam secundum *esse* existentia: tamen ut sub tali comparatione omnino diminuitur. Non sanè distrahitur, quasi nequeat stare *esse* simpliciter cum eo respectu: sed diminuitur ita: quod talis respectus sciti ad scientem non infert necessario suum determinabile, nempe lapidem esse ens simpliciter.

Et ratio realis horum est, quia prima distinctio ensis videtur esse in ens extra animam, & in ens in anima. Ens extra animam potest distingui in actum, & potentiam essentia, & existentia: Et

quodcumque ex habentibus *esse* extra animam potest esse in anima, quod *esse* in anima aliud omnino est ab omni *esse* extra animam: & ideo de nullo ente, nec de aliquo *esse* sequitur, habet esse diminutum in anima: ergo habet *esse* simpliciter.

Cum secundo probatur minor, concedo productionem rerum in *esse* intelligibili non esse relationis tantum, sed etiam fundamenti absoluti: non quidem secundum *esse* essentia, & existentia, quod est *esse* simpliciter, quia hoc genus productionis est intellectui divino impossibilis: sed secundum *esse* diminutum, & secundum quid, ut extitit declaratum. Est igitur id *esse* intelligibile alterius omnino rationis ab omni *esse* simpliciter: quanquam sit totale, & adæquatam representationem ipsius *esse* simpliciter, quod accipere possunt intellecta per actum divinæ voluntatis: & ideo & *esse* intelligibili, & complexionibus necessariis de tali *esse*, duntaxat equivocè, & secundum quid convenit æternitas, quia non sub ea ratione, secundum quam est conditio, aut modus realiter existentis.

Ad quartum, respondeo tale argumentum urgeri non posse, nisi prout veritas consequitur res in tempore productas quarum est verum proprietas: vel prout est in intellectu creato: nam respectu intellectus divini quæcumque vera, in eternitate talia fuerunt, nunquam subitura variationem. Cum itaque arguitur: *Si nulla veritas est: ergo nullam veritatem esse est verum*. Consequentia est neganda: Siquidem si nulla veritas est, ut puta nec veritas rei, nec in intellectu componente, & dividente: quia in hypothesi nullus esset intellectus, tantum sequitur: *Se nulla veritas est: ergo non est verum, aliquam veritatem esse*: quia nulla est: sed exinde præterea inferre: *ergo verum est aliquam veritatem non esse*: est fallacia consequentis a negativa habente duas causas veritatis ad affirmativam, quæ est una illarum: sicut *quæst. 2. artic. 1.* etiam annotatum fuit.

1. dist. 2. q. 2.  
6. Ad tertium principale.

## ARTICULUS VIII.

Utrum veritas sit immutabilis.

Doctor 1. dist. 3. quæst. 4. S. Thom. 1. par. quæst. 16. artic. 8.

**V**IDETUR veritas esse omnino immutabilis. Nam complexionum necessariarum veritas non pendet per se nisi ex necessaria connexion extremorum, seu illa sint in *esse* realis existentia, siue tantum in intellectu: semper enim est verum *totum esse majus sui parte* qualecumque *esse* habeant totum, & partes ejus. Sed si veritas illa foris mutabilis, & variabilis, id profecto ex mutatione extremarum eveniret: ergo quandoquidem connexio ipsorum non oritur a variabilitate extremorum, quæ propter esse realis existentia sunt mutationi subiecta, veritas est immutabilis.

Præterea, Etiam si omnia continuè mutarentur: ut sensitisse Haracitum refert Aristoteles, 4. *Metaphys. tex. c. 22.* adhuc immutabiliter esset verum, omnia semper mutari, ut Philosophus Heraclito reponit. Sed quamvis illud falsum assumptum foret verum, adhuc veritas est immutabilis: & probatur, nam mutabilitas in objecto non est ratio gignendi representationem sui, sed natura ipsius objecti, quod est mutabile: ergo exemplar representat naturam per se: igitur si natura ut natura habet immutabilem habitudinem ad aliud, illud aliud per suum exemplar, & natura item per proprium

1. Periherm.  
q. 8. in fine.

Videnda Glossa  
in Lychni super  
dist. 36. primi.



primum exemplar representantur, ut immutabiliter unitas; igitur veritas de his objectis, esto continuè mutetur, est immutabilis, ut invariabilis est unio naturæ cum eo, ad quod dicit immutabilem habitudinem.

Præterea, Quamvis representativa objectorum essent in se mutabilia, adhuc representare possunt illa sub ratione immutabilis; ergo data quacunque mutabilitate, & variatione in objectis, semper est veritas immutabilis. Probatio assumpti: Essentia Dei sub ratione immutabilis representatur intellectui per aliquod omnino mutabile, sive illud sit species, sive actus: quod patet per simile, quia finitum potest representare aliquis sub ratione infiniti; ergo veritas est immutabilis.

Præterea, Augustinus 12. de Trinit. cap. 14. *Manent, inquit, intelligibiles, incorporealesque rationes in temporalibus transiuntium, sine temporali transiitu, sicut utique intelligibiles, non sensibiles* Et infra: *Manet quadrati corporis incorporealis, & incommutabilis ratio.* Hæc autem rationes incommutabiles, & intelligibiles non aliud sunt, quam veritas suapte natura immutabilis; unde dicit, eas præsto esse mentis aspectibus, sicut visibilia, vel contrætabilia corporis sensibus. Et 4. de Trinit. cap. 15 loquens de Philosophis; *Nonnulli eorum, inquit, potuerunt aciem mentis, ultra omnem creaturam transmittere, & lucem incommutabilis veritatis quantumcunque ex parte attingere.* Vult igitur expresse veritatem esse incommutabilem.

CONTRA, Augustinus, 8. de Trinit. cap. 2. *Non li quære quid sit veritas, statim enim se opponunt caligines imaginum corporalium, & nubila phantasmarum, & perturbant serenitatem, quæ primo intuitu diluxit tibi, cum diceretur Veritas.* Nam cum intellectus nequeat figere aciem in conceptu universalis, nisi phantasia tendat in singulare, in quo ille includitur; difficulter admodum diutius sistit in universalissimis conceptibus, utpote ab singularibus remotissimis; ergo cogitur intellectus descendere ad hanc, & illam veritatem intendum, tanquam magis in phantasmatis relucens; igitur quemadmodum phantasmata adveniunt, & abeunt, sequæ mutuò trahunt, ita & veritates in illis relucens, & per eadem intellectui perspectæ; sunt igitur mutabiles, ut earum phantasmata. Hinc spectat Augustini exemplum, 9. de Trinit. cap. 6. de eo, qui in celsitudine montis constituto, desuper intuetur aerem purum, & syncerum, inferius verò aerem nebulosum. Cum enim phantasmata rem representent confusæ, & per accidens, dum illa observantur phantasiæ, intellectus quasi in valle positus tenebris, æreque nebuloso obsiderur: sed separatas ab illis rerum quiditates intelligit in conceptu per se, & proprio, & synceram contuetur veritatem. *Sed paucorum est* (inquit 12. de Trinit. cap. 14.) *pervenire mentis acie ad rationes intelligibiles.*

RESPONDEO dicendum, respectu intellectus divini veritatem esse omnino immutabilem; ac in ordine ad creatum intellectum subire mutationem, modo infra exponendo. Declaratio. Nam omnia intelligibilia actu intellectus divini, accipiunt esse intelligibile; atque ita intellectus ea omnia attingens, simul videt omnes necessaria veritates consequentes illa objecta in tali esse intelligibili producta. Etenim ex, quia conformes suo exemplari, intellectui nimirum ea experimenti per operationem productivam, sunt veritates; subinde aptæ manifestare se ipsas omni intellectui, eam manifestationem percipere potenti. Cum ergo earum

principium productivum necessariò, ac immutabiliter eas producat; & ipsæ immutabiles erunt; tantum enim ipsis repugnat ullam subire mutationem, quantum impossibile est intellectum infinitum non necessariò immutari ab objecto infinito, à quo pariter & movetur ad intelligenda, & dandum esse intelligibile omnibus, quæ in divina essentia virtualiter continentur.

At quatenus veritas ad intellectum creatum comparatur, ipse intellectus potest intelligi bifariam mutabilis: Primò negativè, ab ignorantia ad notitiam cujuslibet objecti, & vicissim à scientia ad ignorantiam. Secundo quasi à contrario in contrarium, ut à rectitudine ad deceptionem, & è converso. Quantum ad priorem attinet mutabilitatem, intellectus creatus circa quæcunque objecta potest esse obnoxius mutationi, subireque varietatem, ut est evidens. Sed quoad posteriorem, circa prima principia de se nota, non potest mutari à rectitudine in deceptionem, stante ipsorum apprehensione terminorum; quia ii termini talem habent identitatem, ut alter necessariò reliquum includat; ac propterea intellectus componens illos terminos, habet apud se necessariam causam conformitatis sui actus ad ipsos terminos, & subinde necessariam, atque evidentem causam illius conformitatis, atque ita eadem necessitate est sibi evidens talis conformitas; igitur stante eorundem compositione extremorum nequit intellectus mutari ab rectitudine, seu à veritate ejus complexionis, in deceptionem, & falsitatem. Atque eodem modo repugnat subire hanc mutationem circa conclusiones illatas ex iis principiis de se notis. Nam certitudo conclusionis pendet à certitudine principiorum, & ab evidentia formæ syllogismi perfecti, qui nullus alterius indiget, ut evidens appareat, ex 1. *Post. 1. ex. 5.* igitur quicquid inferitur ex principiis per se notis per formam syllogisticam, est adeo evidens, & manifestum, ut incapax sit mutari in obliquitatem, aut falsitatem, aut esse omnino opinabile. Veritas igitur primorum principiorum, & conclusionum ex illis evidenter deductarum, est de se immutabilis: quamvis per accidens mutetur, quatenus nimirum primo generi mutationis creatus intellectus est necessariò subiectus, qui non per se ipsum, sed per actus à se realiter distinctos, attingit objecta, quæ novit; atque ita est mutabilis, & ab ignorantia ad scientiam, & è converso à scientia ad ignorantiam cujuslibet objecti.

Ut vero intellectus creatus comparatur ad veritates complexionum contingentium; quia extrema harum complexionum non ex natura ipsarum habent connexionem, sed magis a causa extrinseca, ut quod *paries sit albus*, & ejusmodi: hæc veritas in intellectu creato non est immutabilis. Cum enim ipsa res sit mensura intellectus, atque hæc veritas non sequatur rationem formalem extremorum: sed magis de se variabilis existat, pro libito causæ extrinsecæ anientis terminos, evidens est, propositiones contingentes esse veras, prout intellectus conformatur ipsis rebus: falsas vero si unio illorum a parte rei aliter se habeat, ac intellectus apprehendat: hæc igitur, *Socrates sedet*, vera est ipso sedente, falsa vero, si federe desierit. Mutatur ergo oratio contingens de vera in falsam, & è converso, ad mutationem habitudinis extremorum ejus: unde rectè ait Aristoteles in Prædicam, cap. de substantia, ex eo quod res est, vel non est, oratio est vera, vel falsa. Veritates igitur contingentium enunciationum sunt mutabiles respectu intellectus creati pro mutatione rerum, de quibus sunt:



sunt; quanquam ut comparantur ad scientiam divinam, sicut immutabiles, ut *quæst. 14. artic. 15.* extitit declaratum.

AD ARGUMENTA. Ad primum, concedo veritatem necessariarum complexionum non pendere, nisi ex ratione formali extremorum, seu existent, seu non existant: nempe à ratione illa, quam acceperunt in æternitate ab actu intellectus divini. Hæc enim propositio, *omne totum est majus sui parte*, non est primo vera, ut ratio totius est in lapide, vel ligno, sed ut abstrahitur ab omnibus, quibus conjungitur per accidens; est igitur talis veritas simpliciter invariabilis respectu intellectus dantis esse primum intelligibile extremis ipsius; & item invariabilis intellectui apprehendenti terminos sub ea ratione, qua habent necessariam connexionem; quanquam variari queat, & mutari, seu verius deficere, & verti per defectum actus intellectus, quo attingitur; nequaquam tamen fieri potest, ut mutetur de vera in falsam, & è converso, stante apprehensione terminorum.

Ad secundum, & tertium respondeo, directè probari per illa posse nos assequi synceram veritatem de complexionibus necessariis, & conclusio-

nibus inde deducendis, pro hoc statu, quod negasse Academicos constat ex *libris Augustini contra illos*, & Heraclitum, si Aristoteli credimus. Concedendum est ergo, hanc veritatem esse per se immutabilem; quia ratio formalis talium complexionum est necessaria, & parem præferat habitudinem, ex actu intelligentiæ divini, à qua necessarium acceperunt esse, & ita immutabiliter; & proinde pariter stante penes intellectum creatum ratione terminorum ejus, est ei immutabilis, & nullo pacto convertibilis de vera in falsam, & è converso; quanquam per accidens subiciantur mutationi, ut expositum est.

Ad ultimum, patet ex dictis; siquidem Augustinus in adductis, & consimilibus dictis, intelligit manere rationes intelligibiles, & incommutabiles omnium necessariarum, quatenus sunt objecta secundaria intellectus divini, à quo accipientes esse intelligibile, una mutantur, & derivantur in ipsas & necessitas, & incommutabilitas.

Argumentum in oppositum probat intellectum creatum posse mutari de scientia ad ignorantiam, & è converso, respectu utriusque objecti, ut dictum est in *solutione*.

## QUÆSTIO DECIMASEPTIMA DE FALSITATE, IN QUATUOR ARTICULOS DIVISA.

Deinde queritur de falsitate.

- I. Utrum falsitas sit in rebus.  
II. Utrum sit in sensu.

### ARTICULUS I.

Utrum falsitas sit in rebus.

Doct. 6. *Metaphys. q. 3. §. Respondeo nu. 7.*  
*S. Thom. 1. p. 1. 17. artic. 1.*



IDEATUR falsitas haud, esse in rebus. Nam ex dictis *quæst. præcedenti articulo 3. verum*, & ens ita convertuntur, & reciprocantur, ut quicquid est ens, sit oportet & verum, & quidem juxta entitatis perfectionem: sed si in rebus

reperiretur falsitas, exinde excluderetur veritas nec cum ente converteretur; ergo ipsis in rebus nulla potest esse falsitas, si nullum est ens, quin sit & verum.

Præterea, Omne quod est in rebus, est ex entis infiniti participatione; eo quod quicquid accipit, aut accipere potest esse, sit jam præceptum, & virtualiter inclusum in ipso esse per essentiam: sed impossibile est falsitatem virtualiter contineri in eo quod est Veritas per essentiam, juxta dicta, *quæst. præcedenti artic. 5.*, ergo nec falsitas reperiri potest in rebus, quæ de primo esse sunt, ac de summa veritate habent esse vera, secundum gradum, quem participant, entitatis.

Præterea, *Hominem esse irrationalem*, falsum est, & impossibile: sed impossibilia nihil sunt in re, & in intellectu; ergo hoc genus falsitatis esse nequit in rebus; sed nec aliud genus, quod Aristot-

- III. Utrum sit in intellectu.  
IV. De oppositione veri, & falsi,

teles assignat 5. *Metaphys. cap. de Falso*, nempe secundum apparentiam: Nam verum est quæcunque apparent, aliquid veritatis habere in rebus, secundum quod & entia sunt.

Præterea, Veritatem in rebus, *articulo primo quæst. præcedenti* diximus declarandam esse per aptitudinalem habitudinem manifestandi se intellectui, valentiam manifestationem percipere: sed quæcunque res eam habet aptitudinem manifestandi se qualis est: ergo quælibet falsa sunt intrinsecè vera, nec ullam præferunt ex se ipsis falsitatem: siquidem auricalchum, est verum auricalchum, & homo pictus est verè talis, & non falsus; igitur nulla est falsitas in rebus, sed duntaxat in falsa intellectus apprehensione.

CONTRA, Augustinus, *Soliloq. 2. cap. 8. Nisi fortè, inquit, id rectè dici falsum, quod habeat aliquam verisimilitudinem, cum prorsus mihi nihil aliud dignum falsi nomine occurrat: & cap. 9. Video tentatis, quantum potuimus, omnibus rebus, non remansisse, quod falsum jure dicatur, nisi aut, quod se fingit esse quod non est, aut omnino esse tendit, & non est.* Ea autem verisimilitudo, & tendentia essendi quamvis non sit, est in rebus. Nam auricalchum phantasie imprimit similitudinem veri auri: & homo pictus non est verus homo, quamvis hominis speciem ostendat: Est ergo falsitas in rebus.

RESPONDEO dicendum, esse falsitatem in rebus. Declaratio: falsitas formaliter consistit in negatione identitatis cum eo, quod esse apparet: & materialiter in ipsa apparentia, & similitudine cum illo, quod esse videtur, & non est: nam homo pictus per se importat negationem identitatis cum homine verò: apparet tamen esse verus ob accidentia

Sermo de falsitate prout in rebus reperitur.



dentia quædam, similitudinem quandam præferentia cum ijs, quæ sunt hominis veri accidentia. Falsum igitur dicit carentiam *talitatis*, quale, apparet. Itaque non apparet quidquam, quale est, non est principale, vel formale in significato falsitatis; quia tunc si quid esset, & sine omni apparentia, falsum esset: nec item apparere quale non est, per se & primo importatur in falsitate; quia tunc falsitas non foret privatio, sed formaliter positio. Falsum igitur materialiter dicit apparere, & formaliter carere talitate, quale videtur. Et quidem non intelligendo per talitatem, similitudinem: nam nihil est simile sibi, & ita per oppositam rationem nihil esset verum. Similiter si Socrates appareret Plato, Socrates esset verus Plato; quia tunc appareret talis, qualis est; hoc est, similis, quia Socrates est Platoni similis; igitur per tale, quale apprehenditur, est intelligenda identitas, nempe identitatis negatio. Verum est enim, Socratem esse talem, qualis est, licet & simile dicatur tale, quale est; igitur falsum est, quod caret identitate ad id quod esse apparet, ac subinde falsitas est ipsa non identitas entis, ut manifestatur ad ens, ut declarans, sive, apparens. Quemadmodum ergo propterea quod omne ens natum est se intellectui manifestare quale est, rectè dicimus esse veritatem in rebus; ita quoniam res aptæ sunt apparere, & videri aliter ac sint propter verisimilitudinem, & convenientiam apparentem in accidentibus, erit falsitas in rebus veritati opposita; & quamvis ejusmodi falsitas stet cum veritate transcendentali (auricalchum enim licet falsum aurum, est tamen verum auricalchum), ac proinde non excludat veritatem entis, in quo fundatur, ex consimili apparentia; tamen excludit, & opponitur veritati illius, cujus similibus nata est apparere, unde rectè dicitur estque auricalchum falsum aurum, & homo pictus, falsus homo. Unde evidens est, nullam esse in rebus falsitatem respectu intellectus, cui res non possunt aliter apparere, ac sint in se ipsis ex natura ipsarum; atque is solus est intellectus divinus.

Et quamvis Aristoteles, 5. *Metaphys. c. de Falso*, duos modos falsitatis in rebus agnoscat; primum quidem in eo, quod non est, nec esse potest; juxta quem modum omne impossibile est falsum: secundum autem in ijs, quæ sunt, inquit; quidem entia, & apta nata sunt videri, aut non qualia sunt, aut quæ non sunt, ut pictura, & somnia: hæc namque sunt aliquid quidem, sed non quorum faciunt phantasiam; at tamen posteriori hoc modo præsertim falsitas in rebus opponitur veritati, quæ est passio entis; nam hoc genus falsitatis respicit, estque in rebus incomplexis, quas pariter consequuntur entis passionem. Alia vero falsitas circa rerum complexionem, vel compositionem contingit, quatenus mutuam præferunt incompossibilitatem. Rursus prior modus attenditur circa res, quæ simpliciter non sunt: posterior vero est in ijs, quæ utique sunt, sed non sunt secundum quid; quia non sunt quales, & quomodo apparent; est ergo is modus falsitatis in rebus oppositus veritati, quæ ipsas res consequitur, quatenus entia sunt. Et sicuti veritas entis passio non est extrinseca quædam denominatio, ex articulo 6. *quest. præcedentis*; ita & falsitas illi opposita intrinsece inest, & consequitur res, quatenus aptitudinaliter aptæ natæ sunt apparere aliter ac sint in esse realis existentie, ob accidentia (ut dictum est) consimilia, ex quibus probabilem intellectus potest efformare conjecturam, ac re ipsa in suo judicio falli, de qua re tamen articulo 2., & 3.

AD ARGUMENTA. Ad primum respondeo, utique omne ens, ut tale verum esse transcendentali veritate; & secundum hoc nullum existere falsum, vel non verum ens. Veruntamen, quia res aptæ natæ sunt apparere, & videri aliter ac sint, ut pictura, & somnia, & alia id genus: per hoc est falsitas in rebus non excludens veritatem objectorum, quæ ita apta sunt apparere, sed veritatem ejus, quod videtur esse, & non est; quatenus quod apparet, non habet identitatem cum eo, quod putatur, vel existimari potest ob consimilia accidentia, ut exploratum est.

Ad secundum dicendum, in eo quod est veritas per essentiam nullam, ne virtualiter quidem contineri posse falsitatem; nec vicissim reperiri in rebus respectu intellectus omnia comprehendentis, uti sunt; esse tamen falsitatem in rebus, non quia illa à prima causa sit; sed quoniam res productas sequitur quædam aptitudo, secundum quam possunt videri, secus ac sint in natura; quatenus ergo causata, & participantia primum esse, & primam veritatem entia sunt, & bona, & vera; sed secundum habitudinem se manifestandi intellectui creato, sub specie alterius, cujus aliquam ferunt convenientiam, & similitudinem, est falsitas in ipsis rebus.

Ad tertium concedo; impossibilia nihil esse, & in intellectu, & extra illum; at nihilominus ipsa consequi suapte natura repugnantiam quandam, in eorundem natura fundatam, propter quam, ut mutuo se se respiciunt, falsum est, & impossibile unum esse, vel fieri aliud; adeoque hoc genus falsitatis esse in rebus. Et cum arguitur contra secundum modum, patet responsio ex dictis: Etsi enim picturae umbræ verae sint tales in se ipsis, natæ sunt tamen inducere in deceptionem intellectum nequeuntam apprehendere omnia, uti sunt; ac propterea rectè dicitur *leo pictus, falsus leo*.

Ad quartum respondeo; utique unumquodque posse manifestare se ipsum intellectui quale est; ideoque & omne ens esse verum; at in hoc non statui, nec esse in rebus falsitatem; sed magis quia res ob quandam similitudinem imaginis alterius rei, possunt inducere in deceptionem apprehendentem unam pro altera, quasi esset illa, cujus tamen cum ipsa nulla est identitas, nisi per quandam similem apparentiam.

## ARTICULUS II.

Utrum in sensu sit falsitas.

Doctor 1. *dist. 3. q. 4. & 1. Metaphys. q. 4. à n. 11. & seqq. & d. n. 23. & seqq.*  
S. Thom. 1. p. q. 17. art. 2.

Videtur nequaquam esse falsitas in sensu: 4. *dist. 49. q. 13. §. Respondeo.*

Nam eatenus esse potest in aliquo falsitas, quatenus est capax veritatis, quæ est falsitati contraria, scilicet quia contraria nata sunt fieri circa idem, & subinde sibi succedere circa idem. Sed in sensu non est veritas secundum Augustinum, 83. qq. q. 9. *Non est expectanda*, inquit, *synceritas veritatis à sensibus corporeis*; ergo nec in ipsis est falsitas.

Porro à sensibus corporeis non esse expectandam synceram veritatem, probat Augustinus primo ex eo, quia omne sensibile est continue mutabile; sed de iis, quæ subijciuntur mutationi sine ulla temporis intermissione, non est certa apprehensio sensitiva. Quod enim non manet, percipi non potest; igitur non est in sensitiva apprehensione veritas, atque ita nec falsitas.

Pro-

De primo principio exp. 4. n. 37.

Doctor In Commentariis Aristotelis sumendum n. 155.

Metaphys. q. 4. n. 6.



Probat secundo, cum omnia sensibilia sentiantur per sensum, nequit sensus percipere, an ab objecto vero patiat, vel ab illius similitudine duntaxat: sed ab nulla potentia apprehensiva est expectanda certa veritas, quæ non potest discernere inter objectum verum, & falsum; ergo per sensitivam cognitionem non est veritas certa, & proinde nec in tali potentia est falsitas veritati opposita.

Præterea, Non contingit nos quidpiam intelligere, nisi ex sensibilibus, & nisi phantasia actu tendat in phantasmata, in quibus includuntur ea, quæ speculamur, & intellectu attingimus: sed si falsitas esset in sensibus, nihil certi exinde posset intellectus haurire, quod conduceret ad veritatem assequendam; ergo statuendo falsitatem in sensu, è medio tolleretur omnis certa cognitio, & scientia; non est igitur falsitas ulla in sensu.

r. dist. 3. q. 6.

Præterea, Species est naturale representativum objecti, à quocunque tandem potentia imprimatur: Sed sensatio est à potentia, & specie repræsentante sensibile, cuius est naturalis similitudo: ergo quacunque specie posita in sensu, est in illa sensatio, cuius est & species naturale principium: igitur nulla esse potest in sensu falsitas: cum sensus specie habitatus sit naturalis causa ejus, cuius species est repræsentativum naturæ. Hinc Aristoteles 2. de Anima, tex. c. 63. dicitur testatur, sensum non decipi circa proprium sensibile.

Præterea, 4. Metaphys. tex. c. 24. expresse dicit Philosophus, falsitatem non esse propriam sensui, sed phantasia: ergo nulla falsitas est in sensu de sententia Aristotelis.

CONTRA, Augustinus, 2. Soliloq. cap. 6. Ergo apparet, inquit, nos in omnibus sensibus, sive aequalibus, sive in deterioribus rebus, aut similitudine lenocinante falli, aut etiam si non fallimur, suspendentes consensionem, seu differentiam dignoscentes, tamen eas res falsas nominare, quas verisimiles deprehendimus. Est ergo frequenter falsitas in sensu.

RESPONDEO dicendum, in sensu esse falsitatem. Porro sensum triplex est objectum, proprium commune, & per accidens. Primum est, quod per se, & primo respicitur à sensu, ita ut repugnet attingi ab alio sensu, ut sonus ita est proprium objectum auditus, ut ab oculo attingi non possit, & color sic proprium visus, ut sit imperceptibilis ab auditu: & sic de aliis commune vero quod à pluribus sensibus percipitur non primo, sed ratione objectorum propriorum: hæc autem objecta communia ab Aristotele, 2. de Anima tex. c. 161. quinque enumerantur scilicet, motus, quies; numerus, figura, & magnitudo. At sensibilia per accidens sunt quæ nec per se, nec primo immutant sensum, ut substantiæ materiales. Communia itaque sensibilia quasi media sunt inter sensibilia propria, & sensibilia per accidens. Nam hæc communia non immutant per se sensus proprios, faciunt tamen ad differentiam immutationis: aliter enim immutat magnitudo parva, & magna, & unum, quam multa, & circulare item aliter, ac triangulare, & quiescens, quam motum: sed quia mediante sensibili proprio movent, ideo non faciunt ad substantiam immutationis sensus proprii: nam propriam non imprimunt speciem sensibus, per se tamen sentiuntur per modificationem specierum propriarum sensibilibus.

Veruntamen, juxta dicta articulo secundo quæstionis præcedentis, sicuti veritas cognitionis est propriè in intellectu componente, & dividente, propterea quod eo actu duntaxat apprehenditur conformitas actus ad rem: ita & falsitas. Unde

Tomus I.

et si intellectus simplex esse possit verus, cum est conformis rei apprehensæ, ut mensuratum mensuræ; non est tamen eo in actu ejus veritatis, sive conformitatis apprehensio, ideo nec sibi propriè opponitur falsitas, sed ignorantia. Quia igitur sensus non est apprehensivus conformitatis sui actus ad sensibile, quod attingit, profecto nec alia falsitas reperiri potest in sensu, nisi ea, quæ proportionaliter correspondet intellectui simplici erranti in sua apprehensione; cum scilicet attingit sensibile aliter ac sit in re.

Descendendo nunc ad genera objectorum sensus, circa sensibilia per accidens induci posse sensum in deceptionem, & errorem, dubitari non potest. Nam illa objecta nec per se, nec primo sunt sensuum immutativa; quippe quæ nec species sensibiles emittunt; unde si divinitus, vel aliqua arte ovis, quoad extrinsecam accidentia mutaretur in lupum, ut lupus oculo appareret, profecto agnus ita fugeret, averteretur, atque horreret ovem præferentem inimici animalis externam formam, & figuram, ac si ipsum lupum oculis cerneret. Est igitur circa idem objectum per accidens deceptio in sensu apprehendente.

Consimiliter circa sensibilia propria, & communia sensum falli posse, atque ita inducere intellectum in errorem, nisi aliunde rectificetur, ex eo constat, quia visus judicat baculum, cuius una pars est in aqua, altera in aere, esse fractum, cum tamen aliter se habeat, & res eminus apparens judicatur, id est, apprehenditur minor, atque alterius figuræ, quàm sit; Et breviter quotiescunque objectum non est in debita distantia, aut medium aliter est dispositum, ac sensatio recta postulet, aut in organo sit illusio, ut si actus esset in organo, non ab objecto præsentè; semper est falsitas in sensu, tam respectu proprii sensibilibus, quàm communis. Et ratione quidem distantia sol, & astra videntur esse parvæ quantitatis, cum tamen sint molis ingentis; & turres longè distantes apparent rotundæ, etsi quadratam habeant figuram: ratione item medij, radij transeuntes per vitrum viride eundem referunt colorem; infirmis denique aliquando, ob organum gustus alteratum, dulcia sunt amara; Est igitur error, & falsitas in sensu ob multiplicem causam; quamvis hi errores ab intellectu haud difficulter deprehendantur, & corrigantur. Et quidem etsi omnes sensus errarent, vel quod plus facere videtur ad deceptionem, aliqui sensus errarent, & aliqui non: adhuc intellectui exploratissimum est, omne totum esse majus sui parte, & album non esse nigrum: & alia id genus. Nam sensus errantes, etsi falso ostendant intellectui terminos, quia tamen non sunt causæ veritatis illius complexionis veræ, sed duntaxat præbent occasionem illos concipiendi per terminorum ostensionem: ex quibus undecunque accipiantur, imprimuntur intellectui rationes entis, & rei, cum errore sensuum stat veritas in intellectu principiorum de se notorum, & conclusionum inde deductarum. Præterea interdum unius sensus error corrigitur per alium non errantem, ut per tactum deprehendi potest, decipi oculum videntem in aqua baculum fractum: & insuper verius rectificatur per hanc propositionem quiescentem in anima, nullum durius frangi ad tactum molli sibi cedentis. Denique si sensibilia diversis sensibus eadem appareant, certa existimanda est talis sensatio per hanc propositionem, quod evenit ut in pluribus ab aliquo est effectus naturalis ejus, si non sit causa liberæ; cum igitur ab eodem objecto est uniformis immutatio sensus, profecto sensatio, est spe-

Videntur 21. 6. Cimpanel. 1. Metaphys. 1. cap. 6.

1. dist. 3. q. 24. 6. Quinto dico V. Dico.

Doctor de Anima q. 6. 5. Ad secundum.

Videntur Cævellus super c. 1. quæstionem.

Sermo notabilis Doctoris de deceptione, & correctione sensuum.



& species genita est effectus naturalis ejus causæ; & sensibile erit tale, quale natum est representari per speciem genitam ab ipso, & tenendum subinde revera esse album, rubrum, calidum &c. tanquam commune sensuum judicium. Quod si diversi sensus habeant diversa judicia de aliquo sensibili, ut dictum est de baculo, qui in aqua videtur fractus, corrigitur per intellectum, cui est manifestum, quis sensus erret. Et cum visus judicat semper solem esse quantitatis minoris, ac revera sit: & ita de consimilibus, in his est certitudo, per propositionem quiescentem in anima certiore omni judicio sensus, & per actus plurium sensuum concurrentes: nam intellectui perspectum est, idem quantum applicatum quanto, omnino esse æquale sibi; insuper idem quantum posse applicari viso propinquo, & remoto, constat ex visu, & tactu: ergo quantum visum, sive prope, sive à longè, est æquale: igitur visus, dicens hoc esse minus, errat. Item oculi error deprehenditur per hoc: quia ratio naturalis distat, remotius agens debilius agere, cum sit finita virtutis. Hæc conclusio deducitur ex principiis per se notis, & ex actibus duorum sensuum cognoscentium ut in pluribus ita esse: Constat igitur sensus posse falli, & reipsa decipi circa sensibilia propria, & communia: & qualiter corrigantur illorum errores, vel alios per sensus non errantes, aut certè per intellectum, longè certiori, ac veriori judicio polentem, atque omni notitia possibili haberi per sensus evidenciori. Nam sensus sicut non sunt reflexivi, ita nec propriè judicium proferunt de suis sensibilibus.

AD ARGUMENTA. Ad primum, cujus vis stat in hoc, in sensibus non est veritas certa: ergo nec falsitas, vel deceptio. Respondeo, utique ex sensibus corporeis non esse expectandam sinceram veritatem, uti est in intellectu. Siquidem cognitio intellectiva simpliciter certior est quacunque sensitiva: & quia illa de hac judicat, & quia certitudo non est in apprehensione veri, nisi sciatur verum esse, quod apprehenditur: solus autem intellectus reflectitur judicando se apprehendere verum, at sensui id competere nequaquam potest: quod & tangitur ab Augustino in secunda probatione. Per sensum ergo non discernitur verum à falso, non quia verum apprehendere nequeat, præsertim dum tendit in proprium sensibile, & seculis impeditentis, ut dicitur infra: sed eo quod nequeat judicium ferre super conformitate sui actus ad sensibile, & discernere verum à falso. Sensus præterea nunquam percipit immutabilitatem objecti: etsi sentiat illud, quod immutabile est: non enim percipit nisi tantum objectum, ut disponitur tunc, quando tendit in ipsum: atque ita non est certior de immutabili, quod sit immutabile, quam si continuè mutaretur. Atque hæc est expositio primæ probationis Augustini: nam sensibilia respectu sensuum perinde se habent, ac si absque intermissione mutarentur, cum eorum immutabilitatis non sint perceptivi: etsi reverà non ita mutabilia videantur.

Cum ergo dicit Augustinus, non esse expectandam à sensibus corporeis sinceram veritatem. Respondeo in sensibus esse veritatem, cum citra omnem illusionem, tendunt in sensibilia in debita distantia constituta: etsi illam veritatem esse, & à falso distingui sensus non percipiant. Potest etiam exponi, non esse à sensibus sinceram veritatem, tanquam à causa principali effectiva: exinde tamen veluti à causa occasionali acquiri ab intellectu sinceritatem veritatis, & immutabilitatis.

Et cum præstatur primo, quia sensibilia sine intermissione mutantur. Aristoteles, 4. *Metaphysicæ*, c. 22. & seqq. ex illa suppositione oppositum concludit; quia motus sensibilium est per se sensibilis; igitur aliqua veritas potest haberi per sensum de sensibilibus continuè motis; nam verum esset, ea sine intermissione moveri. Sed porro non ita moventur secundum omnia: sol enim non continuè movetur secundum substantiam, neque secundum lucem, quæ est sensibilis; igitur secundum aliquid sensibilibus cognoscibile est permanens, licet incessanter feratur, & ita de aliis: quod & tactum fuit, *quæst. præcedenti articulo* 8. Est igitur negandum sensibilia continuè moveri, secundum omnia. Nec talitè sanè imprimunt species, ut per ipsa phantasmata deprehendi non possit, quando objectum est præsens, & quanto absens: quod præcipuè est verum de sensu particulari, qui non conservat speciem in absentia sensibilis. Tamen est exponenda Augustini auctoritas, ut supra dictum fuit.

Ad secundam Augustini probationem dicendum, sensus non reflectere supra speciem, ideo nec discernere posse, utrum specie tantum informetur, an objectum sit præsens, quod præsertim in phantasia habet locum. Sed & in sensu exteriori; quia secundum aliquos ex vehemenci imaginatione, potest imprimi species in sensum imaginati; sed est alia virtus superior ipsa sensitiva, quæ semper judicat de bona, & mala sensus dispositione.

Ad secundum respondeo ex dictis; nam stante errore, & deceptione in sensu, potest sincera veritas principiorum, & conclusionum ex his deductarum in intellectu reperiri; siquidem in his non dependet intellectus a sensu, tanquam à causa; sed duntaxat ab illis occasionem accipit componendi prima principia, & deducendi ex illis conclusiones necessarias, etiam si termini principiorum forent accepti à sensu errante. Nam si per somnium cæco nato imprimerentur species omnes colorum, etsi intellectualis apprehensio esset à sensu errante, quia à phantasia urente speciebus pro objectis; tamen intellectus posset formare propositiones omnes de coloribus, ac si per oculos ex coloribus species illorum accepisset; itaque per immediatas devenire posset ad mediatas. Et breviter nullius simpliciter demonstrabilis notitia deperet; sed tantum in cognitione propositionis alicujus deficeret, cujus connexio nequit per demonstrationem ostendi, sed duntaxat per sensum cognosci; ac propterea quicquid à tali propositione dependeret, necessario esset ei ignotum; ex eo quod igitur error, & falsitas est in sensibus, non sequitur reperiri non posse in intellectu sinceram veritatem.

Ad tertium respondeo, sensum semper habere perfectam operationem circa sensibile proprium, si nihil ex necessariis requisitis ad illam, desit: sensus enim habitatus specie proprii sensibilis, causa est naturalis, ideo cæteris concurrentibus necessario exit in sensationem perfectam, & in ipso nullus est error, deceptio, & falsitas. Ea autem quæ oportet illi præsto esse, sunt recta organi dispositio, medium item ita affectum, ut exinde sensibilis species nullam recipiat alterationem; & tandem debita distantia objecti: nam alioquin haud gignet speciem sui, ut postulat perfecta sensitio, quod perspicuum est in iis, quæ longius ac oportet, videntur. Quodcumque ergo ex his tribus non concurrat, erit necessario in sensu deceptio, & falsitas, ut in *solutione* extitit declaratum. Cum igitur dicit Aristoteles, sensum non errare circa præ-

Vilendus Doctor in Commentis super textum 21. 4. *Metaphysicæ* c. 22. & seqq. dicitur.



proprium obiectum, vel intelligendus, juxta hanc declarationem, amotis scilicet impedimentis, vel certe id ipsum intellexisse, existimandum est de proprio obiecto in genere: ut *ibidem* *tex. c. 161.* exponit, & ita revera non errat oculus circa colorem, nec auris respectu soni: est interdum ex nimia obiecti distantia, nec habeat perfectam sensationem, qualem alias haberet, si debite sensibilia distarent: at interim circa sensibile commune, sensus splendidæ subdatur falsitati.

Ad quantum respondeo, pro eo quod phantasia repræsentat obiectum etiam absens, facilius potest errare utendo specie pro obiecto, ut dictum est *supra ad secundum*: at sensui externo id competere nequit, ideo cognoscendo semper obiectum præsens, non errat, nisi impediatur aliquo ex prædictis modis.

### ARTICULUS III.

Utrum falsitas sit in intellectu.

*Doctor oper. 2. Periherm. q. 3. § 1. Metaphys. ex q. 4. § 6. q. 3. n. 6. S. Thom. 1. p. quæst. 17. articulo 3.*

**V**IDETUR falsitas nequaquam esse in intellectu. Nam secundum Augustinum 83. *q. 9. q. 32.* Qui fallitur, intelligit rem aliter, quam illa res est: Qui autem intelligit rem aliter acin se sit, profecto non ipsam intelligit: igitur in intellectu operatione, qua quidpiam attingit, nulla est falsitas: alias non illud intelligeretur.

Præterea, 3. *de Anima tex. c. 26.* habetur, intellectum intelligentem *quodquid est*, semper esse rectum, & verum, nec hic subesse ullam deceptionem: ergo non est falsitas in intellectu, secundum Aristotelem.

Præterea, In simplici intellectu apprehensione nulla est falsitas, ex dictis articulo secundo quæst. *præcedentis*. Sed neque in intellectu componente, & dividente: ergo nulla esse potest falsitas in intellectu. Probatio minoris: intellectus necessario assentitur veris apprehensis. Nam ut necessario assentitur complexionibus veræ principiorum, & conclusionum ex illis deductarum, ita & necessario dissentitur falsæ complexionibus terminorum impossibilium, propter carentiam libertatis: ergo in compositione, & divisione intellectus non est falsitas.

CONTRA, 6. *Metaphys. tex. c. 8.* vult Philosophus verum, & falsum non extare in rebus, sicut bonum, & malum, sed in intellectu, non omni, sed componente, & dividente.

RESPONDEO dicendum revera quandoque intellectui componenti, & dividenti falsitatem subesse. Et quidem juxta dicta in antecedentibus, & præsertim, *art. 2. quæst. præcedentis*. Etsi in simplici intellectu apprehensione possit esse conformitas ad rem intellectam, per quam intellectus est rectus, & verus; ea nihilominus conformitas non nisi per intellectum judicium ferentem super actus suos, & deprehendentem rebus conceptis conformari, reperiri non potest: atque hinc dicebamus, simplici intellectui ignorantiam, non falsitatem opponi, nisi fortasse per accidens, ut infra dicitur: cum nempe rationes in se falsæ attinguntur non per judicium, sed per simplicem apprehensionem. Et quidem non solum absit falsitas in prima intellectus operatione, cum terminos apprehendit per sensus non errantes: verum etiam incapax est falsitatis, esto sensum errantem se-

quatur: ita enim concipitur albedo, si visus apprehendit quidpiam esse album, quod est in re ipsa nigrum, sicuti si albedo conciperetur à sensu verè vidente album: nam satis est speciem albi repræsentativam obijci intellectui, ad hoc ut prima illius operatione rectè apprehendatur. At contra evenit in compositione, & divisione, quia errat intellectus sequens sensum errantem, & phantasia sibi phantasmata effingentem, in quibus vel non continentur rationes, quæ componuntur, & dividuntur, vel aliter se habent, ac intellectui sit persuasum, ostensum, sibi que videatur videre: ut igitur in intellectu est veritas, cum componit, & dividit secundum habitudinem rerum ad extra, ita est in eo falsitas, cum secus evenit. Etsi enim intellectus simplex rectus sit, atque ab ostensis sibi terminis etiam ab sensu errante, veram habeat simplicem apprehensionem, ex quibus efformare potest propositiones universalissimas, (in quacunque enim apprehensione sensitiva imprimuntur intellectui ens, & res) & prima principia de se nota; atque ex his deducere conclusiones in ipsis contentas; & ejusmodi in complexionibus nulla esse queat falsitas; nihilominus sensu errante, ut phantasia, & intellectu ex illius ostensione per compositionem attribuyente aliquod prædicatum subiecto, aut per divisionem secernente, est omnino falsitas, & error; quia hæ complexionibus non sunt conformes rebus ad extra, ut mensuratum est suæ mensuræ conforme. Quamvis igitur in intellectu non sit falsitas, & error circa prima principia, nec circa conclusiones, quas ex illis infert principia, est tamen in eo falsitas respectu aliarum conclusionum, de quibus aliam non habet notitiam, nisi ex sensu errante; ideoque per falsum judicium attribuit, aut removet prædicatum à subiecto; cum contra foret judicandum, ut suæ mensuræ corresponderet mensuratum.

AD ARGUMENTA. Ad primum respondeo, synkategorema *aliter* posse determinare aut intellectum, sive modum intelligendi, aut obiectum, & modum ipsius. Intelligendo *aliter* afficere obiectum, in quod fertur intellectus; profecto non accidit tunc falsitas, sed ignorantia; quia aliud est obiectum, quod putatur ab eo, quod menti obijcitur. Si vero *id aliter* determinet ipsam intellectum componentis, & dividentis, cum vera intellectione obiecti simplicis, potest stare falsitas in falso affirmando, vel negando aliquid de ipso, præeunte phantasia errante; eo quod non ita se habeat res in se ipsa, ut ab intellectu affirmatur, vel negatur. Porro eatenus fallitur, estque falsitas in compositione, & divisione, quia latet eum connexio prædicati cum subiecto; ideoque putat hanc esse illius habitudinis causam, quæ tamen non est; at totius processus falsitatis origo, principium, & causa est similitudo accidentium externorum, ex qua decepta phantasia, trahit in errorem intellectum componentem, atque dividendum.

Ad secundum respondeo, dictum Philosophi, intellectum circa *quodquid est*, semper verum esse, ut sensus respectu proprii sensibilis, debere intelligi: cum tendit, & attingit conceptum simpliciter simplicem, irresolubilem nimirum in alios conceptus. Nam intellectus simplex (ut tactum quoque fuit *quæst. præcedente art. 2.*) circa conceptum non simpliciter simplicem, licet esse nequeat formaliter falsus, potest tamen esse virtualiter talis, apprehendendo scilicet aliquid sub determinatione sibi non conveniente; Unde 5. *Metaphys. cap. de*

Doctor in som.  
super tex. 24. c.  
Metaphys. 5. No  
tradere.

3. dist. 24. q. 1.  
in argumentis  
principibus o. j

3. dist. 6. qu. 2  
quod videndum  
V. Ad secundum  
dicto.

3. dist. 24. q. 1.  
§. Ad primum.



cap. de Falso dicitur, est aliqua ratio in se falsa, non solum de aliquo falso; & tamen ratio in se falsa simplici apprehensione intelligibilis est; quamvis non sit ei *quid*, nisi *quid nominis*. Cum igitur Aristoteles, 9. *Metaphysicæ*. c. 22. dicit, in eo distinguatur intelligentiam simplicium, & compositorum, quod circa *quid* compositorum cadit deceptio per accidens, quæ nulla prorsus esse potest circa *quid* simplicium; est id dictum intelligendum, juxta præfatam explicationem; quia enim falsitas, & deceptio complexæ veritati opponitur; non vero incomplexæ, & simplici intellectui; circa *quid* compositorum cadit deceptio per accidens, quia scilicet compositum natum est facere conceptum non simpliciter simplicem, in quo proinde contingere potest falsitas virtualiter. Aliis videtur aliter esse exponendum *T<sup>o</sup> per accidens*, nimirum intellectum decipi per accidens circa *quodquid*, compositorum, propterea quod intellectus vel definitionem unius attribuat alteri; ut si per circuli definitionem exprimeretur hominis essentia; vel componendo partes definitionis, alias impossibiles; quæ sanè accidere nequeunt circa *quodquid* est simplicium; atque ita intellectus respectu horum ne quidem per accidens est falsus, sed aut est sciens, aut ignorans. Contra, etiam intellectu simplici potest attribui *quodquid* est incomplexi, alteri, cujus est aliud *quodquid* est; igitur & in ipso pariter esset deceptio, & falsitas per accidens, si ob talem attributionem talis dicatur intellectus circa *quodquid* est compositorum; hæc igitur expositio non est probanda.

Ad tertium concedo, intellectui non subesse falsitatem, cum prima principia ex se nota attingit, atque conclusiones necessariae ex illis deducit; ut extitit declaratum in *soluzione*; tunc enim habet necessariam causam assentiendi, aut dissentendi, ob evidentem connexionem, sive repugnantiam extremorum; in his ergo non contingit deceptio, & error. Sed quoniam alias non adeo notas inferendo conclusiones, non est sibi perspectum, ut oporteret, qua habitudine sint connexa cum principiis, & inter se se extrema earum propositionum, ideo subditur errori, & deceptioni affirmans aliquid de aliquo, quorum non est connexio ex natura rei, & contra removens quædam alia, quæ essent potius de subiectis affirmanda.

## ARTICULUS IV.

Utrum verum, & falsum sint contraria.

Doct. 6. *Metaphysicæ*. quest. 3. §. Respondeo quod superius n. 7. S. Thom. 1. p. q. 17. art. 4.

S. Thom. hic in *soluzione*, 9. *Metaphysicæ*. per text. 22.

**V**IDENTUR verum, & falsum esse contraria, ac contrariè opponi: Nam Philosophus 2. *Periberm. cap. ultimo*; vult, & ponit falsam opinionem esse veræ contrariam; igitur veritas, & falsitas contrariè opponuntur.

Præterea, Falsum est ex eo quod est, 4. *Metaphysicæ*. text. e. 27. sicut enim verum ponit acceptionem adæquatam rei, ita falsum acceptionem rei non adæquatam; igitur oppositione contraria opponuntur: nam contrarium & aliquid ponit, & subiectum determinat: uti evenit in rationibus veri, & falsi.

Præterea, Veritas ita opponitur falsitati, ut bonitas malitiei: Atqui malitia, & pravitas privativè, & contrariè opponitur bonitati: ergo pariter & falsitas privativè veritati contrariatur. Probatio minoris; nam malitia aliud non est,

quam privatio bonitatis; ergo & falsitas est privatio veritatis.

Præterea, Ex dictis articulo præcedenti, 3. art. 2. *quest. præced.* est veritas in intellectu cum conformatur intelligendo objectis, quæ attingit, seu simplici apprehensione, seu componendo, & dividendo; contra vero falsitas cum est difformitas actus intelligendi cum rebus, de quibus fert iudicium componendo, & dividendo: sed difformitas aliud non est, quam carentia conformitatis; ergo falsitas est conformitatis privatio, ac per consequens veritati privativè opposita.

Præterea, Juxta dicta articulo primo; falsa sunt omnia impossibilia, quicquid nimirum impossibile est esse: sed impossibile dicit negationem simpliciter; ergo hoc genus falsitatis contradictoriè veritati opponitur, ut absoluta negatio positioni.

CONTRA, Quoniam in rebus est verisimilitudo quædam apta nata inducere in errorem, & decipere apprehendentem, quum judicat unum esse aliud ob accidentalem convenientiam cum re vera, dictum fuit articulo primo esse falsitatem in rebus: illa autem verisimilitudo formaliter non est positio aliqua, sed carentia, ut ibi extitit declaratum: ergo prout veritati transcendentali in rebus opponitur falsitas, non contrariè, sed privativè opponitur.

RESPONDEO dicendum falsitatem, prout in rebus existit, non contrariè, sed privativè, vel contradictoriè veritati opponi: at quatenus est in intellectu componente, & dividente, juxta declarata, articulo præcedenti, contrariè esse veritati oppositam. Declaratio: etenim falsitas rerum formaliter consistit in negatione identitatis cum eo, quod esse apparet: & materialiter in ipsa verisimilitudinis apparentia: adeo ut falsum materialiter referat apparentiam, seu convenientiam in accidentibus extrinsecis cum alio per se vero, & formaliter carentiam *realitatis*, secundum quod esse videtur: ut articulo primo pluribus extitit declaratum: igitur falsitas rerum privativè duntaxat veritati opponitur, cum formaliter sit negatio identitatis, & carentia quædam veritatis essendi id, quod apparet esse: igitur non est hic contraria oppositio, quæ postulat extrema positiva, sed privativa, vel contradictoria, quatenus alterum extremorum est positivum, reliquum negatio absoluta, & extra genus; vel negatio in subiecto: atque ita accidens ad rationem privationis, ut proinde non immerito hæc oppositio appellari queat negativa. Deinde, si falsitas rerum formaliter sit quædam positio, formaliter quoque ipsi inesset ratio veritatis, ut cæteris positivis: id autem non videtur rationabile, idem nempe positivum esse formaliter verum, & falsum. Quamvis enim aurichalcum sit verum aurichalcum, & falsum aurum: tamen est falsum, quia formaliter dicit carentiam auri, cujus refert formam apparenter, & non verè: nec est falsum per positionem, ut est verum per positivam veritatem.

Quod vero inter veritatem complexam in intellectu componente, & dividente, & illi oppositam falsitatem, contraria versetur oppositio, declaratur. Propositionem esse veram, aliud non est, quam esse conformem rei conceptæ: falsam vero contra difformem: ex eo enim *quod res est, vel non est, est ratio vera, vel falsa*: de Prædicament. cap. de substantia. Et licet id non verificetur, nisi in materia contingenti: ex hoc tamen evidenter verificatur de propositionibus in qualibet materia eformatis. Veritas ergo propositionis est relatio accidentalis, quia potest inesse, & non inesse, si-

Doct. 6. *Metaphysicæ*. q. 2. cit. 8. *Secunda ad 2. veritati in 6. & in Comm. super text. 22. 9. Metaphysicæ*. 57. 4. dist. 8. q. 2. 5. *Breviter ergo dicitur.*

3. dist. 27. q. 2. §. *Concedo 25. 207.*



Quædlib. q. 13.

1. diff. 10. q. 1.  
5. Metaph. q. 11.

ut potest esse conformis, & difformis; fundamentum autem ejus relationis, est ipsa propositio ob-  
jectiva, quæ proinde prior est naturaliter relatio-  
ne veritatis in ipsa fundata. Est igitur veritas in  
repræsentando relatio conformitatis, qua intel-  
lectus intentionaliter evadit similis rei cognitæ,  
sicut imago est similis Cæsari, non in essendo, sed  
repræsentativè; ergo falsitas cognitionis non est  
aliud quam difformitas, seu dissimilitudo propo-  
sitionis efformatæ ad rem expressam, ut cum dico  
*Socrates sedes*, ipso stante; igitur falsitas hæc est  
quid positivum, relatio scilicet dissimilitudinis, &  
difformitatis, ut veritas conformitatis: sicut enim  
primi modi relationes fundantur super unum, ita  
& super multa; ad ea ergo quæ sunt fundamenta-  
liter multa, sequitur relatio dissimilitudinis; ac  
proinde falsitas aut erit talis relatio; aut quivis  
respectus super multa fundatus, non erit nisi ne-  
gatio relationis fundatæ super unum: est igitur  
inter veritatem, & falsitatem cognitionis contra-  
ria oppositio, sicuti inter rationes positivas natas  
fieri circa idem, & quarum una est alterius exclu-  
siva; quanquam in propositionibus necessario ve-  
ris, aut falsis, alterutrum necessario inest.

AD ARGUMENTA. Ad primum respondeo Phi-  
losophum esse intelligendum de veritate, & falsi-  
tate, quæ est in cognoscendo, & repræsentando,  
quas inter, concedendum est versari contrariam  
oppositionem.

Ad secundum quod procedit contra primam  
partem solutionis de falsitate in rebus, respondeo,  
hoc quod est falsum, importare apprehensionem  
rei non adæquatè, formaliter, aliud non esse,

quam carentiam identitatis ad aliud, quod esse  
videtur, & apparet; cum autem ea carentia in  
certo, ac determinato subjecto sit, & opponatur  
veritati, non ejus, in quo est apparentia, sed  
illius cujus simile natum est apparere, profecto  
potius privativè dicenda est opponi veritati, quam  
alia quavis oppositione.

Ad tertium dicendum est concludere juxta sta-  
tim dicta, scilicet de falsitate prout est in rebus;  
non vero de falsitate cognitionis, & in repræsen-  
tando.

Ad Quartum respondeo falsitatem in cognoscen-  
do esse difformitatem quidem, & dissimilitudinem  
sed nequaquam carentiam conformitatis, sed po-  
sitivum respectum, fundatum super multa: uti  
hæc veritas propositionis est accidens falsitati con-  
trarium. Quod si falsitatis respectus censendus  
esset pro formali carentia conformitatis; pariter  
& dissimilitudo omnis posset affirmari carentia si-  
militudinis pro formali.

Ad quintum concedo, illud genus falsitatis  
contradictoriè opponi veritati, quam excludit:  
Sed tamen falsitatem, quam diximus privativè  
contrariari veritati transcendentali non esse ejus-  
modi absolutam negationem extra genus; sed ne-  
gationem in subjectis determinatis, quæ nempe  
apta nata sunt gignere in sensum, ac intellectum  
probabilem verisimilitudinem alterius rei, atque  
ducere in errorem, & decipere intellectum ju-  
dicantem unum esse aliud, cujus nihilominus  
non refert nisi extremam similitudinem, ut di-  
ctum est.

Videndus Ma-  
trius Scotista  
disput. 10. in  
logica q. 2.

## QUÆSTIO DECIMA OCTAVA DE VITA DEI,

IN QUATUOR ARTICULOS DIVISA.

*Quoniam autem intelligere viventium est, post considerationem de scientia,  
& intellectu divino, considerandum est de vita ipsius*

ET CIRCA HOC QUÆRUNTUR QUATUOR.

- I. Quorum sit vivere.
- II. Quid sit vita.
- III. Utrum vita Deo conveniat.
- IV. Utrum omnia in Deo sint vita.

### ARTICULUS I.

Utrum omnium naturalium rerum sit vivere.

Doct. de rerum principio q. 9 & 10. prout in mar-  
gine annotatur. S. Thomas 1. p. q. 18. artic. 1.



IDENTUR res omnes  
naturales vivere. Si-  
quidem illud potissi-  
mum, quæ vivere dicun-  
tur, consequitur, ut con-  
venientia, ac proficua  
quælibet consueverint,  
atque appetant; noxia  
vero, ac disconvenien-  
tia evitent, ac pro vi-  
-

ribus declinent: Sed hæc passio, vel ratio viventis  
inest rebus omnibus naturalibus; ergo omnium est  
vivere pro ratione majoris, vel minoris propensio-  
nis ad propriam perfectionem. Probatio minoris;

nam gravia quæque feruntur ad proprium cen-  
trum, eam utique, qua destituuntur, perfectio-  
nem adeptura; & sic de reliquis omnibus naturali-  
bus: Omnium est enim propriam perfectionem  
appetere: atque ad illius acquisitionem tendere,  
& suapte natura moveri, notum est; igitur id est  
à principio vitæ magis, & minus se se in entibus  
explicante.

Præterea, Intentio naturæ est secundum in-  
tentionem principalis moventis in natura, cui  
productum simul assimilatur: sed virtus princi-  
palis movens agentia naturalia, est virtus vi-  
talis, scilicet virtus Intelligentis, quæ median-  
te Orbe, est principalis in naturalium rerum  
productione; ergo natura tota in sua univer-  
sali accepta intendit vivum; igitur nihil est  
in rerum natura productum, quin participet ali-  
quem vitæ gradum.

Præterea, Quæcunque sunt in eadem linea re-  
cta, omnia habent aspectum ad ultimum, & com-  
pletum illius lineæ pro modulo uniuscujusque  
eisdem

De ratione  
dracip. q. 104  
11. 17. 17. 17.

1. diff. 1. q. 1.  
5. Quæstio qua-  
drant.



eandem participantium perfectiones: sed quæcunque à natura producantur, sunt in linea recta cum homine, & propter ipsum generantur: ergo cum homo sit vivens, omnia producta à natura habent aliquo modo aspectum ad vitæ susceptionem.

Præterea, Etsi natura quantum præsuppositum augmentet, atque ad perfectionem statum, & gradum reducat: ipsa tamen nequit de non quanto absolute facere quantum; nec si materiam quantitatis expertem inveniret, in illam posset quantitatem inducere: ergo pariter nisi quidpiam habeat in se vitam, vel vitæ principium saltem imperfectè, non erit potens omnis natura vivum producere, vel aliquem gradum vivendi entibus dare; igitur ad hoc ut natura viventia producere dicatur, necessarius est ponendus in potentia passiva gradus vitæ imperfectus, perficiendus tantum per naturæ activam virtutem.

Præterea, Igni videtur inesse intrinsecus principium augmenti: nam quodlibet sibi oblatum combustibile depascitur sua intrinseca virtute, in se ipsum convertens, & semper magis, magisque augetur, nisi materia augmenti deficeret: ignis autem est unum de naturalibus, quæ vita esse destituta dicuntur: ergo cuncta naturalia aliquem gradum vitæ participant.

CONTRA, Augustin 15. de Trinit. cap. 4. *Univer-  
sa, inquit, rerum natura proclamat, habere se præ-  
stantissimum conditorem, qui nobis mentem, ratio-  
nemque naturalem dedit, qua viventia non viven-  
tibus, sensu prædita non sentientibus, intelligentia  
non intelligentibus &c. præferenda videamus.* Di-  
fert ergo testatur esse naturaliter notum, non ad  
omnia, quæ natura rerum complectitur, se vitæ  
gradum extendere. Unde & Damascenus lib. 2.  
cap. 2. *Nullus, inquit, in eam opinionem veniat, ut  
Cælos, aut sydera animata esse existimet; anima  
quippe, ac sensu carent.* Si igitur cælestia corpora,  
& sydera vitæ gradu destituuntur, esto longè  
præstantiora terrestribus: multo minus vivere, pu-  
tandum est, elementa, & lapides, & reliqua omnia,  
quæ infra vegetativi rationem constituta depre-  
henduntur.

RESPONDEO dicendum non omnia, quibus re-  
rum natura constat, inter viventia esse compu-  
tanda. Declaratio; v. vere viventibus est esse, sal-  
tem in actu primo: formæ autem à quibus est esse  
existentium, non omnes idem præstant esse, qua-  
le habent viventia; ergo vita, & esse non ita reci-  
procantur in natura, ut vivat quicquid est. Porro  
vivens ratio in actu primo, est quod eam habens  
valeat se movere ab intrinseco ad propriam acqui-  
rendam perfectionem, qua destituitur vi sue pro-  
ductionis: formæ autem elementorum, & mistorum  
carent ea vi intrinseca movendi se ad acquisitionem  
alicujus perfectionis, quam à principio non ha-  
buerint; sed si moventur ad ubi, atque gravitate,  
vel levitate feruntur ad propria loca, vel id ipsis  
inest ex naturalis passiva productione, vel certè  
non amplior est illis perfectio absoluta in uno lo-  
co, quam in alio: id vero ex ipsarum imbecillita-  
te formarum evenire necesse est. Quia enim sunt  
materie propinquiore, quali à materia ipsa tra-  
hantur ad suam fidem, & fines: nec earum opera-  
tiones, præ innata imbecillitate, ac infirmitate  
supra materiam admodum elevantur: nec quid-  
quam agunt, vel movent, nisi per qualitates ac-  
cidentales: sic etiam sunt materiales, & incom-  
pletæ, ut totum & partem denominent æqualiter,  
& cum eis extendantur, & contrahantur. Mistorum  
vero formæ quo perfectiores, eo magis in suis  
operationibus à materia deudantur, & exaltan-

tur, ut animadvertere est in virtutibus, quæ la-  
pides, atque metalla consequuntur. Horum si-  
quidem actiones, etsi de composito procedant,  
sunt tamen à forma, & per formam, & elongatæ  
à materia tanto altius super formam elementorum  
quanto forma in sti nobilior est, & actualior for-  
ma elementorum. In his tamen non est ratio vitæ,  
quia caret motu ab intrinseco ad propriæ perfe-  
ctionis acquisitionem; Nam ultra potestates ipsis  
à natura inditas nullius alterius sunt capaces per-  
fectionis. Exinde forma occurrit vegetativorum,  
in qua incipit primus gradus vitæ: ea quippe for-  
ma tantum appropinquat ad actum, & elevatur  
supra materiam, ut hic primum natura gradum  
quendam habere incipiat, quasi libertatis intermi-  
natæ, & dominativæ, suam materiam dilatando,  
augendo, & nutriendo. Vide ne in hoc genere  
entium jam quasi libertatis surgentis exordium?  
Quia ergo elementorum, & mistorum formis ex-  
eorum imperfectiore non inest hæc intrinseca po-  
testas, in ipsis non est gradus vitæ, qui in vegeta-  
bilibus reperitur. Sed rursus supra vegetativam est  
sensitivorum genus, multo magis à materia se  
elongans, & ampliorem gradum sortium liber-  
tatis cujusdam, magis dominativè movet. Nam  
elementa ad certam differentiam positionis mo-  
ventur: at animalia possunt se agere ad omnem  
differentiam positionis, & etiam citra terminum  
consistere, ut ait Philosophus, 8. *Phys. tex. c. 29.*  
sensitivorum ergo formæ pluribus gradibus à ma-  
teria elongantur, quam vegetativorum; & minus  
denominant eam; etsi enim qualibet pars anima-  
lis sentiat, non est propterea animal: est tamen  
ignis, & aqua, qualibet pars illarum formarum.  
quod pariter de his formis mistorum verificatur,  
quæ caret perfectione vitæ, vel non sunt ad vitam  
ordinatæ. Cæterum cognitio, quæ magis, & minus  
se se explicat in genere formarum sensivarum,  
& vis appetitiva quamdam libertatem nata in  
modo agendi earum; denique consummatur in in-  
tellectiva extendens se ad omne genus cognoscibi-  
lium, & in appetitu, qui est principium motus  
omnino liberi. Quicquid ergo est in rerum natu-  
ra non spectans ad aliquod ex tribus generibus  
viventium, est prorsus expers vitæ. Unde etsi  
gradus vegetativi esse nequeat nisi in misto, non  
tamen omne mistum ita vivit; sed quod est per-  
fectius, id est, non usque adeo immersum mate-  
riæ, ut sequatur omnino illius inclinationes, sed  
magis sua intrinseca vi valens habere motum ali-  
um ab illa, ac agere se ipsum ad propriæ acqui-  
sitionem perfectionis; & revera nutritur, augetur,  
dilatatur, ac multiplicat se, quod inferioribus  
formis denegatur. Rursus, subsistere nequit sen-  
sitiva, nisi in vegetativa, & nihilominus non om-  
ne vegetabile sentit, sed quod est perfectissimum  
vegetabile, scilicet animal, per externa organa in  
suas extens operationes; & denique perfectissima  
cognitiva, & appetitiva, non est in omni sensiti-  
va virtute, sed duntaxat in una specie humana,  
cujus gratia mundus sensibilis est conditus, & in  
ipso, ut in termino desinunt, & consummantur  
omnia.

AD ARGUMENTA. Ad primum; Quidam pu-  
tantes omne productum à natura (nam elementa  
ab ipso naturæ auctore creata, arbitrantur non  
vivere) participare aliquem vitæ gradum, conse-  
quenter concedunt revera entium ejusmodi natu-  
ralem propensionem sequi propriam cujusque vi-  
tæ rationem. Addentes, lapides, & metalla præ-  
terea ostendere intrinsecam vivendi perfectionem  
per dispositionem organorum, & venarum, quæ  
mul-

Quæst. 1. p. 2. 3.

Quæst. 1. q. 3.

De rerum prin-  
cip. q. 50 n. 47.

Quæstia formæ  
omnia quæ ex-  
citari possunt  
de Vita, exa-  
ctissime, eru-  
ditissimeque ex-  
penduntur a  
Magistro Alen-  
si 2. p. q. 77. per  
notum.

Ubi supra 2.  
n. 51.

Quæst. 10. cli.  
n. 22.

Ubi supra n. 17.



multiplex in illis conspicitur: etsi nobis sensus obtusioris non nisi in vegetativis innotescat primus vitæ gradus. Ad quem modum esse exponendos Philosophos, & Patres putant, si quando dixisse inveniuntur, infra gradum vegetandi, nihil vivere in natura: Nempe quia is gradus primus à nobis per sensus cognoscitur. At profecto hæc omnino voluntariè, & sine fundamento dicta esse videntur: Siquidem nobis nihil in natura innotescit, nisi via sensuum. Quomodo ergo perhibentur cuncta vivere, esto omnium vitam non deprehendamus, quia sensus habemus obtusiores? Sanè id debet saltem ab authoritate esse acceptum, aut ostensum per rationem: quorum neutrum huic sententiæ suffragatur; imo sapientes id negant, & rationes nullius esse roboris statim ostendimus.

Est itaque dicendum, naturalia quæque infra vegetandi virtutem semper habere eandem, in qua condita fuere, perfectionem, nec ad ejusdem augmentum perfectionis intrinsecus moveri, ut vegetabilia: at si quando extra naturalem situm exelusa, illuc feruntur intrinseca gravitate, aut levitate, nihil absolutæ perfectionis adeptura, sed duntaxat formam ubi relativam, ita exposcente universi dispositione per sapientiam ordinata. Cum autem naturalia proprium situm, & ubi fuerint adepta, nullam circa illud habent operationem, nec circa se ipsa, ut aliquam præterea nanciscantur perfectionem, ut evenit in vegetativis: ac proinde in ea forma incipit primus vitæ gradus. Et cum dicitur, quia omnium naturalium est propria appetere perfectionem, à noxiis refrigerare, atque evitare: quod quia evidenter in animalibus, & vegetativis à vita procedit, pariter & idem effectus in reliquis ex aliquo vitæ gradu sit oportet. Respondeo, sensitiva utique eorum appetitui convenientia consistere, & a disconvenientibus omnino nisi declinare; & in vegetativis quoque pro modulo, & conditione vitæ inexistentis perinde evenire, certo deprehenditur; non quod cognitione aliqua polleant, ut quidam opinati fuere; sed propter occultam sympathiam, vel antipathiam cum aliis ejusdem, aut diversi generis, vel propter influxum stellarum, & solis præsertim sit, ut vegetabilia ut plurimum umbras declinant, & ad solis influxum, & radios se flectant; ad id igitur moventur ab intrinseco propriæ perfectionis augendæ gratia: at in lapidibus, metallis, aliisque mixtis imperfectis nihil tale est advenire; quia etsi moveantur ad proprium centrum, motu elementi prædominantis, non tamen, ut dictum est, circa illud aliquam exercent operationem, aut aliquid faciunt, ut perfectiora evadant; igitur non est ipsis attribuendus aliquis vitæ gradus.

Ad secundum dico, intentionem naturæ coincidere cum intentione principalis agentis, est ipsam tendere, quo impellitur, & dirigitur ab illo, qui naturam condidit, atque administrat, sinens unumquodque juxta propriam essentiam habere & operationem. Ea igitur vis naturæ motrix utique est vitalis, immo & ipsa vita, loquendo de prima. Tamen seu prima, seu secunda scilicet Intelligentia, primo intendunt viventem, nempe illum, cujus gratia condita sunt, & reliqua visibilia. Quomodo igitur ex hac intentione primaria non sequitur omnia viventia esse homines; ita nec omnia volita propter hominem participare vitam. Quamvis enim natura semper optet id, quod melius est (ut ait Philosophus 2. de Gener. in fine) adeo ut non solum toti universo, sed etiam cuilibet partium ejus rectè attribuendum sit, quod melius est sibi; tamen si id ei repugnet, aut constet de

opposito, perperam, & falso unum de alio affirmatur; quia natura desiderat quidem melius, sed quantum fieri potest, estque possibile: non est autem possibile formas vegetativas inferiores vivere; quia ob earum approximationem ad materiam, nequeunt esse principia alicujus operationis, quasi supra materiam se se explicantis, sicuti sunt actus vegetativæ; ideo nec naturæ vis motiva cupit, nec vult illis quod melius esset, nempe vivere quia nec tenerent locum ipsis attributum, si viverent; forent enim altioris, & perfectioris gradus. Satis ergo est ad naturæ intentum, & mentem dirigentis naturam, illa ordinata esse suo modo ad principaliter intentum, & volitum, qui est homo vivens.

Ad Tertium respondeo, & ipsa elementa esse in eadem linea cum cæteris naturalibus, ac præferre aspectum ad hominem primo intentum, veluti ejus lineæ complementum, & tamen negantur ipsa elementa vivere; igitur non repugnat plerumque alia sub eadem linea contineri, & vitæ non participasse rationem. Etsi interim participare vitam queant, quatenus reperiri possunt, & re ipsa concurrunt ad constitutionem eorum mixtorum, quæ vivunt.

Ad quantum respondeo, operationem, seu actionem quam necessario recipi, atque fieri oportere circa materiam quantam; quoniam ergo ejusmodi est omnis actio, & operatio naturæ organica, necessario agentia cuncta naturalia præsupponunt materiam quantam, nihil omnino operatura, circa non quantam. Et cum inferitur, igitur neque viventia producere poterit, nisi & ea, ex quibus efficit, aliquo modo vivant. Responsio; Natura cum viventia producit, aut ex putri, aut ex semine generat: quæcunque ex semine fiunt, non oportet alia vita prædita esse, quam vita seminis. Semina autem non vivunt nisi potestate, quatenus à natura intendunt in ordine ad vitæ perfectionem, juxta ordinem; & distinctionem seminum eorumdem. Quæ vero ex putri materia natura ad vitam evehit; si inibi quidpiam seminali rationi correspondeat, pariter ex vivis in potentia facit viventia in actu; sin minus, causa effectiva animarum ex præviis quibusdam dispositionibus illa producit: eas autem dispositiones non est necesse habere vitam ullam in se ipsis, quemadmodum & de elementis affirmatur.

Ad quintum respondeo sic quoniam omnium viventium certa est magnitudo, & alimentum, ut ait Aristoteles, 2. de Ani. tex. c. 41. Ex eo quod ignis nesciat terminum versus magnitudinem, concludere debemus, non esse sibi vitam. Quod omnia ergo combustibilia in suam vertat naturam (ut tactum fuit supra quæst. 7. art. 3.) non est propter virtutem altricem, qua cuncta viventia polent, & à qua est ut intrinsecè, & virtualiter alantur; sed ex naturæ suæ vi, quatenus est mobilitate penetrativis eorum, quæ sibi approximantur, & ita minutissimè dividendo combustibilia, eandem illis virtutem communicat; vel si ob duritiem non valeat comminuere, saltem inflammat, ut ferum candens, aut lapides igniti.

4. dist. 49. q. 8.  
9. Etsi obiciat.

Videat Kirch-  
rum toto suo  
Itinerario, &  
in mundo sab-  
terraneo. Sed  
& Tertium Cas-  
endum in Phi-  
losophia Epicu-  
ri. Et Cam-  
panellam de  
sensu rerum.  
Et 1. Metaph.  
8. & 9.

9. dist. 27. §. 1. Ista  
rationes.

4. dist. 45. q. 2.  
Ite. tenetur V.  
Contra 4.

4. dist. 10. q. 7.

9. dist. 18. & 7.  
Metaph. q. 1.



## ARTICULUS II.

Utrum vita sit quædam operatio,

Doct̃or in Comm. super tex. 39. 12. Metaphys.  
§. Notandum sub num. 46. S. Thom. 1. p.  
quæst. 18. artic. 2.

4. dist. 48. quæ 2.

**V**IDETUR vita esse quædam operatio. Etenim actus intelligendi est vita, secundum Philosophum 12. Metaphys. tex. c. 39. is autem actus operatio est. Quæ etiam operatio ut tendens in Deum, ut objectivè præsentem, vita appellatur æterna, Ioan. 17. *Hæc est vita æterna ut cognoscant se.*

Quodlib. 13. §. Prima conclusio.

Præterea, Ex dictis articulo præcedenti, ratio vitæ in actu primo est se movere ab intrinseco ad propriæ acquisitionem perfectionis: sed talis motus saltem in vita sensitiva, & intellectiva est operatio, cui proportionaliter correspondet in vegetativa motus ab intrinseco respectu suæ perfectionis acquirendæ: ergo vitæ ratio est in operatione statuenda; cum operatio, vel internus motus in vitæ definitione includatur.

2. dist. 246.

Præterea, Secundum Augustinum, 14. de Trinit. cap. 4. Illud interest inter portionem superiorem, & inferiorem animæ, quod illa intendit regulis æternis, & superioribus contemplandis; hæc vero temporalibus agendis secundum regulas æternas: igitur vita contemplativa ab activa non nisi penes diversas differt operationes: ergo ipsa vita est quædam operatio.

3. dist. 60.

CONTRA, 2. de Anim. tex. c. 37. *vivere viventibus est esse*: operatio autem non est ipsum esse, cum ab illo sit: ergo vita nequit esse quædam operatio.

Quodlib. 9. §. 2. Prima conclusio.

RESPONDEO dicendum, vitam in actu secundo, quod est vitæ opus, esse quidem operationem, non vero quoad actum primum, qui actus est viventium esse: ac proinde nomine vitæ, quod est primum, & principaliter primo importari, ac significari, secundario vero vitalem operationem. Declaratio: Nam vegetare, sentire, & intelligere, sunt secundariæ perfectiones viventium vita vegetativa, sensitiva, atque intellectiva: & quamvis principium illorum actuum insit viventibus, ut per illos perficiantur ultimata perfectione, unde & operationes summè desiderantur à natura viventis appetitu naturali: nihilominus iis non intellectus operationibus, seu actibus viventium, adhuc formæ, seu viventia illa sunt in actu primo substantialiter, & essentialiter perfecta. Siquidem seu sufficientia, sive perfectio, vel completio, aut bonitas appellantur in actus, & viventium operationes: tamen quia sufficiens est alicui sufficiens, ac propter hoc præsupponit illud, cui sufficiat: completio etiam completio, quod iam præcessit, quod sine eo esset quasi vacuum, seu non plenum: perfectum pariter excludit defectum, qui est carentia ejus, quod est natum inesse: & bene esse denique non convenit alicui, nisi iam existenti per aliquid, quasi superadditum: evidens est fieri non posse, ut ejusmodi operationes ingrediantur, aut spectent ad essentialem, & formalem, rationem viventium in actu primo. Ordine igitur inest ipsis ratio vitæ; nam intellectio, & sensatio sunt, recteque dicuntur vita, seu vitales operationes, quia sunt viventium in actu primo; at non item homo, & animal dicuntur vivere ex his operationibus, sed potius à principio intrinseco, & formali ratione, à qua habent posse exire in illas operatio-

4. dist. 19. quæ 2. 2. §. de secundo scilicet.

nes, & secundum quam viventia sunt, adeo ut ipsa forma sit ipsorum viventium esse. Quamvis igitur nomine vitæ exprimantur, atque intelligantur vitales operationes, quæ sunt actuum primorum ultimæ, ipsisque immanentibus perfectiones, per prius tamen vita convenit actui primo, & exinde ipsis operationibus; quemadmodum & actibus primis veriùs, & per prius inest vita, quia idem ipsis est principium vivendi, & essendi. Huc faciunt dicta supra, quæst. 13. art. 6.

AD ARGUMENTA. Ad primum dicendum, revera actum intelligendi esse vitam in actu secundo; ac subinde per prius ejus nuncupationis significatum competere actui primo. Cæterum fatendum est Philosopho loco cit. sermonem esse de intellectione primi principii, de qua diversa est ratio, cum aliter omnino se habeat, ac intellectio aliorum intellectuum ab ipso. Siquidem in omni intellectu creato sua operatio est accidens (scilicet qualitas) ab ipso distinctum, at in Deo est eadem cum sua essentia. Cum enim sit actus purissimus respectu nullius potest esse in potentia, ac proinde repugnat sibi recipere aliquid à se realiter distinctum. Ad id quod additur ex scriptura, est responso, revera Dei visionem in suo ordine esse vitam æternam, quia is actus, qui secundario est vita, est in beatis per totam æternitatem duraturus.

4. dist. 49. quæ 2.

Ad secundum respondeo, non motum actualem, aut propriæ acquisitionem perfectionis constituisse vitæ rationem in actu primo, sed magis posse; ex eo enim constat inesse alicui formæ virtutem, seu potentiam se movendi ad acquisitionem perfectionis sibi non debitæ ab instanti suæ productionis: alioquin viventia, mox ac producta sunt intelligerentur esse in statu violento, quod nemo dixerit. Non ergo per operationem intelligitur vita in actu primo, sed per potentiam exeundi in operationem, quæ est ipsius secunda perfectio, & ultimus terminus, quo nihil ulterius est producibile; intellectione enim nihil producitur ad extra nec visionem immo his operationibus mediis uniuntur potentie objectis, in quæ respectivè tendunt.

Quodlib. 9. §. 13.

Ad Tertium est responso ex dictis: etsi enim vita activa, & contemplativa distinguuntur, ut censet Augustinus, quod hæc nimirum incumbat temporalibus agendis juxta regulas æternas, illa vero intendat æternorum contemplationi: tamen ij actus esse extra rationem formalem vitæ, quoad actum primum, rectè intelliguntur, ut exitit declaratum: ac proinde quantum ex tendentia in diversa objecta, & quasi per diversa officia, ut ait Augustinus, distinguantur activa, & contemplativa; aut etiam, si mavis, portio inferior, & superior; ex his tamen nequit inferri vitam esse quandam operationem, secundum principalis vitæ significatum.

2. dist. 24. Prob. leg. 4. §. Quæst. 1. a via.

## ARTICULUS III.

Utrum Deo conveniat vita.

Doct̃or Quodlib. 9. 1. §. De secundo membro nu. 10. & seq. 1. Report. dist. 35. quæst. 1.

§. Dico ergo n. 9 S. Thom. 1. p.  
quæst. 18. artic. 3.

**V**IDETUR haud esse attribuendam Deo rationem vitæ. Nam via in vestigandi Dei perfectiones est, cum adæquate dividentes ens, primo principio attribuimus perfectius dividens; ut entis aliud est finitum, aliud infinitum; item actus, vel

Theorem. 14. 2.



vel potentia, contingens, vel necessarium; hinc dicimus Deum ætæm, infinitum, necessarium &c. Sed vita non est differentia adæquata entis, nec communis omnibus entibus; sed tantum *vivum* & *nonvivum* sunt differentie corporis corruptibilis; ergo non est Deo attribuendus conceptus vite.

Præterea, Ordo essentialis entium non concludit primum vivere debere: sed ex ordine duntaxat essentiali entium possunt concludi Dei prædicata, atque perfectiones; ergo Deo non convenit vita. Assumptum declaratur; nam causæ altiores, ut sol, & cælestia corpora, non vivunt, vivunt tamen proximiores ut bos, & homo; ergo ex ordine potius inferre debemus Deum habere perfectionem vitæ nobiliorem, sicut & sol habet, nec tamen vivit; & ita pariter primo insunt & intensiva infinitas, & necessitas essendi, & æternitas, & alia id genus, quæ videntur gradus vitæ nobiliores.

Præterea, Si Deus viveret, utique vitæ nobilissima, scilicet intellectuali viveret; ergo gradum hunc vivendi in actu primo oportet spectare ad illius essentialiam, ex dictis in præcedenti articulo. Sed ex hoc sequeretur, pariter intellectum, & voluntatem, potentias nimirum naturæ intellectuales, ingredi ad constituendum Dei quiditatem; ergo cum hæc potentiæ magis videantur pullulare ab Dei perfectæ quiditate, non erunt de illius ratione essentiali. Minor probatur; quia etsi operatio intellectus vitæ dicenda sit in actu secundo, tamen intellectus, ut ad illam præsupponitur operatio, est vitæ in actu primo.

Præterea, Vitæ ratio consistit in intrinseco quodam motu, secundum quem vivencia ad acquisitionem completæ perfectionis agere se possunt: sed hæc ratio, & conceptus Deo repugnat. Nam ipse est natura immobilis, & ex se infinitè perfectus; ergo fieri non potest, ut sit mobilis ad suæ acquisitionem perfectionis; igitur sibi non inest conceptus vitæ.

Contra, Augustinus 15. de Trinit. cap. 4. *Conceditor nobis mentem, rationemque naturalem dedit qua vivencia non viventibus, sensu prædita non sentientibus, intelligentiam non intelligentibus, præferenda videamus. Ac per hoc quia rebus creatis creatorem sine dubitatione præponimus, oportet ut eum & summè vivere, & cuncta sentire, atque intelligere fateamur.* Est igitur naturali ratione notum, Deum vivere, vitamque excellentissimam, uti & esse summum, habere.

Respondeo dicendum, vitam maximè, ac proximè esse in Deo, ut nempe in principio primo, & fontali plenitudine, unde omnis gradus vitæ descendit in eis, quæ aliquali vivendi ratione sunt prædita: Declaratio: in primo omnium principio est ipsum esse infinitum, secundum omnem perfectionem essendi; non enim accipit esse ab alio, imò à se est præaccipiens omne esse, omnemque possibilem perfectionem, eo modo quo possibile est in aliquo uno reperiri, & coadunari. Si igitur est in primo ipsum esse per essentialiam, profecto nihil faciens, ac spectans ad cumulum infinitum istius perfectionis essentialis, & independentis, extra relinqui potuit; imò est simul totum quicquid est præacceptum, ac in uno implicitum, & unicum nexu infinite necessitatis; ergo hæc infinita necessitas præaccepta, ac univite pariter in illo uno esse per essentialiam, ideoque toto, & universalissimo, gradum vitæ, quippe qui, uti est secundum suam formalem rationem, spectet ad viventium esse; sic ut in eorum definitione quiditativa necessario sit accipiendus & gradus vitæ; igitur si vitæ est viventibus esse, & in eo, qui à se,

est, reperitur necessario omnis gradus essendi; (nam vel uno deficiente, non foret amplius à se esse, sed alius sibi determinasset modum essendi) evidens est primum oportere præditum esse vitæ omnium excellentissima, uti est & esse, ad quod ipsius vivere spectat, & in cuius definitione clauderetur vitæ, si definiendum foret. Unde Augustinus 6. de Trinit. cap. ultimo: *Ubi est prima, inquit, & summa vitæ, cui non est aliud vivere, & aliud esse: sed idem esse, & vivere.* Huc faciunt dicta supra, quæst. 4. articulo secundo.

Deinde, hoc primum esse, vel esse infinitum & per essentialiam, est principium, & auctor rerum universitatis; cum enim cætera omnia sint finita, ab alio sint oportet, scilicet ab uno quod à se est & cuius omnia sunt participationes quædam; ergo rerum conditarum ordo exigit, omnia, quæ producuntur, ordinari ad illud, de cuius largitate accipiunt essendi rationem; igitur fieri non potest, ut primum alia à se producat, quin simul ordinet omnia juxta naturarum productus, & productæ exigentiam: Atqui nequeunt ita produci, atque ad primum omnium finem dirigi, & etiam inter se ordinari, nisi ab producente exactissime præcognoscantur: ergo primum efficiens, & auctor omnium, est necessario omnium cognoscitivus; est igitur in illo intellectus, quo omnia attingit, atque sapientissimè ordinat: Intellectus autem ab vitæ intellectuali est; ergo primum, ut est primum efficiens, & intelligens, ita est & vivens vitæ infinita, à qua ordinatur intellectus infinitus, omnium scilicet comprehensivus. Appositè Augustinus, 6. de Trinit. cap. ultimo supra cit. *Idem est, inquit, in Deo vivere, & esse* (& quale sit illud vivere) subdit, *primus, ac summus intellectus, cui non est aliud vivere, aliud intelligere;* Est ergo primum intellectus à prima vitæ intellectuali.

Rursus, ex dictis articulo primo, quod mistorum quorumcunque formæ vitæ aliquem gradum non participant, est, quoniam non omnes intrinseca virtute pollent se se explicandi à materiæ potestate, cui adeo affixæ reperiuntur, ut propemodum ad ejus fines trahantur; unde aliæ vitam nanciscuntur, prout magis, & minus à materiæ coactione liberantur: Atqui duntaxat in primo omnium principio est omnimoda elongatio à materia: Nam cætera omnia, quæ ab illo sunt ut excidere oportet à ratione puri actus, propter intrinsecam atque ab eis inseparabilem finitatis rationem; ita de materiæ natura participant, unde & distincta ab ipsis realiter recipere possunt, & perfectiora quæque non per se ipsa sapere, atque intelligere valent, sed per actum alterius naturæ ab ipsis. Primum autem principium, cum actus sit purissimus, atque omnem à se arcens potentia rationem, est necessario infinite virtutis, & potestatis, infinita pariter præditus libertate; ergo est prima vitæ, & vis immensa se agens, & movens intelligibiliter ad sui ipsius comprehensionem, & aliorum omnium in ipso: Vis autem illa, & potestas se intrinsecus movendi est prima, quia infinita, ipsique actui primo commensurata; ergo pariter est primum, & summè vivens, unde descendit omnis gradus vivendi, qui in rerum universitate reperitur, præclare Augustinus, 15. de Trinit. cap. 5. *Quæ vitæ, inquit, dicitur in Deo, ipsa est essentialis ejus, atque natura: hæc autem vitæ non talis est, qualis inest arbori, nec qualis inest pecori, quod habet sensum, sed nullum habet intellectum: at illa vitæ, quæ Deus est, sentit, atque intelligit omnia, & sentis mense, non corpore, quia spiritus est Deus.*

7. Report. dist. 35. q. 5. art. 1.



Postremo, si essentia divina definiretur, bonitas, & sapientia, & iustitia, & cuiusmodi prædicata, non exprimerentur per illius definitionem: At vita intellectualis, sive intellectualitas non esset extra definitionem Deitatis, tanquam ratio attributalis, sed magis quid spectans ad rationem perfectionis omnino intimæ, ipsum esse infinitum veluti integrantis: ergo vita intellectualis verissimè ac propriè inest Deo. Probatio minoris: cuiusque non repugnat esse idem alicui substantiæ essentialiter, illud non convenit verissimè ei substantiæ, nisi spectet ad essentiam ipsius: Non repugnat autem intellectualitati constituere esse substantiarum, quibus convenit: est enim intra rationem ipsarum quiditativam: unde & de ratione essentiali hominis ponitur esse *rationale*: ac proinde intellectualitas, quæ intelligitur per *rationale*, est idem homini essentialiter: ergo cum Deus sit verissime intellectualis, ejus intellectualitas erit de ratione quiditativa ipsius: hæc autem est Dei vita, ergo maximè, & principaliter illi convenit vivere, quemadmodum & esse, in quo & per se clauditur vita intellectualis, ut *locis præcit.* testatur Augustinus.

AD ARGUMENTA. Ad primum respondeo ex dictis in *solutione*, infinitatem perfectionis, quæ sine ambiguitate primo principio est attribuenda, necessario involvere gradum vitæ intellectualis. Etenim vivere est viventibus esse; infinitum autem in perfectione est totum esse; oportet igitur pariter & vivere vita intellectuali, id est, omnium perfectissima, & infinita. Et cum dicitur *vivum*, & *non vivum*, non sunt differentie entis, sed corporis corruptibilis. Responsio, id verum esse, secundum quod vita primum nobis innotescit ex sensibilibus, & non per inquisitionem metaphysicam, quæ non nisi occasionaliter à sensibilibus pendet. Utique autem entis, vel substantiæ transcendentalis divisiones disponant, & vita prima coincidit cum ente infinito, cuius esse est vivere; & rursus potestas, & vis comprehensiva omnium, est ipsum esse infinitum; Etsi ergo concipientibus inadæquatè ens, non videatur ipsum diuidi adæquatè in vivum, & non vivum; nihilominus perfectius diuidens, quod attribuitur primo, est de necessitate includens gradum vitæ.

Ad secundum est responsio ex dictis, *quest. 4. articulo secundo* §. *Ad tertium*: Concedo enim ex ordine essentiali procedentibus tandem occurrere primum principium perfectissimum, cui omnem proinde rectissimè attribuiamus perfectionem in creaturis repertam, a motis imperfectionibus, & consequenter etiam vitam, quippe cui apprimè congruat infinitas. Et cum instatur, quia causæ altiores non vivunt, etsi proximioribus inest vitæ gradus. Responsio; solem, & astra esse causas altiores homine, & sensitivis, quatenus illarum influxus ad plura se extendit, quam vis productiva a causæ proximæ: attamen has, quia vivunt, esse longè nobiliores Sole, & Stellis carentibus vita. Cæterum his vitam non congruere propter aliquam imperfectionem sequentem proprias formas, cuius sunt expertes formæ vegetabilium, & aliorum viventium; primo igitur principio, cum sit omnis imperfectio impossibilis, gradus vitæ omnium perfectissimus omnino inesse debet.

Ad tertium respondeo, etsi talis vita intellectiva, nempe rationalis spectet ad hominum essentiam, & quiditatem, non exinde tamen est inferendum, & rationales potentias illam vitam necessario consequentes pariter pertinere ab hominis quiditatem; Ita & in Deo, intellectus, &

voluntas originantur ab esse infinito, in quo clauditur essentialiter vita in actu primo. Itaque potentia illæ operativæ non sunt reponendæ in linea attributorum, quia attributa perficiunt quasi in esse secundo rem præsuppositam in esse primo perfectæ: hæc vero sunt quedam perfectiones intrinsecæ in essentia ut præintelligitur omni rationi attributali. Cæterum ab vita intellectuali, ut à pelago substantiæ infinito suo modo originem trahunt potentie illæ, quæ sunt propriæ vitæ intellectualis.

de ipsa natura intellectuali, non de potentia illius, ut se declarat, exemplificando de rationalitate; & quia illa essentia ut de se hoc est intellectualis, & volitiva essentia; scilicet in actu primo. Porro eam naturam putat præcedere infinitatem, quia dicit *quid*, infinitas vero *quale*: illud autem prædicatum præsupponitur isti locutioni, & respectu nostri; at in se quantitas virtutis est constitutiva Deitatis; nam hæc est ipsum esse infinitum, ex quo est & necessitas, & aſſeſſitas, & æternitas.

Ad quartum respondeo cum omnimoda immutabilitate Dei, stat ipsum operatione intellectiva, quæ una res est cum intellectu, attingere comprehensive se ipsum, & omnia in se ipso, atque illa eadem operatione, ut est objecti infiniti, esse beatissimum, & sapientissimum; quanquam nisi & creaturas nosset, ejus sapientia non se extenderet quantum posset, nempe ad infinitorum intelligibilium comprehensionem in se ipso. Cum ergo se ipsum intelligit, reddit ad se reditione completa, juxta propos. 15. de *Causis*; quia scilicet maximè per se subsistit, nullius alterius indigens. Etsi ergo sit omnino immobilis, movetur tamen ab intrinseco rediens ad se per operationem infinitam reditione completa; quia *intelligere* non est motus quatenus est actus imperfecti, sed magis secundum quod est actus perfecti; quoniam ergo est ab actu infinito, id est, virtute infinite, *intelligere* illi reciprocatur, estque infinitum, ac infinitorum comprehensivum; & quandoquidem intelligibile, intellectus, & intellectio, sunt in illo una, eademque res, unam non est alterius perfectio, nisi secundum modum apprehensionis nostræ; quamvis revera intellectus, & intelligere originentur ab essentia tanquam à pelago substantiæ infinito, & interminato, juxta Damascenum, *lib. 1. cap. 12.*

#### ARTICULUS IV.

Utrum omnia sint vita in Deo.

Doctor 4. dist. 1. q. 1. §. Contra istam rationem n. 20. S. Thom. 1. p. quest. 18. articulo quarto.

VIDETUR non omnia esse vita in Deo. Etenim juxta dicta articulo primo, non omnium naturalium rerum est vivere, sed primus vitæ gradus est informis vegetativus; sunt autem omnia in Deo, ut in arte exemplante; omnium enim in illa arte est proprium exemplar, & idea: ergo si cuncta in Deo forent vita, aut omnia viverent ad extra; vel complura, nempe quæ non vivunt, non haberent proprium exemplar in Deo.

Præterea; Omnia sunt in Deo, quatenus per actum intellectus divini accipiunt primum esse intelligibile, possibile, & cognitum: non videtur autem quippiam rectè dici videre secundum tale esse intentionale, & possibile; quia vita est esse entis, veram, atque realem existentiam possidentis: ergo omnia non sunt vita in Deo.

Præterea, Si aliqua ratione dicenda essent omnia vivere in Deo, præsertim quia Dei scientia omnia comprehenduntur: ut ex Augustino videtur con-

1. dist. 26.

num 55.

Cum ait

hic Doctor

intellectum,

& voluntatem

præcedere omnem

quantitatem,

& quasi qualitatem.

Est intelligendus

1. dist. 35

Doct. 12. Metaphysicæ. 22.



cludere Magister, *1. dist. 35. lit. E* Std ex hoc sequetur etiam mala vivere debere in Deo, cum perinde à Deo sciuntur, ut cætera, quæ mala non sunt, ergo non omnia sunt vita in primo, quia ab ipso sciuntur, vel quia semper in Dei scientia erant.

CONTRA, Ioan. 1. *Quod factum est, in ipso vita erat.* Igitur creata cuncta sunt vita in Deo.

RESPONDEO, revera creaturas omnes ab omni æternitate vitam in Deo exiisse, secundum earum continentiam eminentialem, & virtualementem in ipso: at quatenus per actum intellectus formale, ac distinctum esse acceperunt, minimè Dei vitam vocari posse. Declaratio: siquidem creaturæ ut continentur in Deo eminenter, & virtualiter aliud non sunt, quam virtus infirmitas primi principii, à qua possunt produci, & creari: sunt ergo in tali esse omnia creabilia ipsa Dei essentia creatrix; igitur sunt in Deo vita intellectualis, spectans ad ipsius naturam, & quidditatem. Unde Augustinus, lib. 5. super Genes. cap. 14. *Eo modo ait, in illo vita est, quod factum est, quomodo dictum est: sicut habet Patrem vitam in semetipso, sic dedit Filio habere vitam in semetipso.* Necessario ergo creaturæ sunt vita in Deo, cum ut in illo continentur, aliud non sint, quam virtus creativa Dei. At quatenus terminant actum divinæ intelligentiæ, arque proprium, & formale esse distinctum accepisse intelliguntur, nullum esse verum, id est, simpliciter reale possident, sed duntaxat secundum quid, id est, cognitum, intelligibile, & possibile. Sed tamen id esse secundum quid reductivè est esse simpliciter divinæ intelligentiæ, licet ipsa Dei intelligentia essentialiter sit aliud quid, ab esse cognito creaturarum. Est tamen illud esse simpliciter principium, & terminus esse secundum quid aliorum intelligibilium; nam ut ab illo habet initium, ita ad illud reducitur. Ut igitur ita considerantur creaturæ, secundum scilicet esse proprium, & distinctum ab essentia divina, in qua eminenter, & virtualiter continentur, non sunt vita in Deo: quia cum habeant duntaxat esse secundum quid, diminutum, & cognitum, haud spectare possunt ad vitam, & esse primi principii, quod est esse infinitum. Nisi certe dicantur vita ab intelligentia divina, quæ vita est in actu secundo, & per quam attinguntur, dum esse primum accipiunt; ad quem sensum videtur loquutus Augustinus tract. 1. in Ioannem: *Res cognita*, inquit, *est in Verbo vita creatrix*; scilicet quia lapis in mente divina habet esse simpliciter verius, & perfectius, quam lapis extra: quatenus nimirum obiectum, ut cognitum dicitur habere illud esse, quod habet ipsa cognitio: quia ergo cognitio, qua Deus lapidem, omnesque creaturas comprehendit, est realiter vita creatrix, secundum id & ipsa obiecta cognita dicuntur esse vita in Deo, prout nempe reducuntur ad intelligere divinum, atque ab illa denominantur operatione. Sunt propterea creaturæ vita in Deo, quia sunt obiectum terminativum intelligentiæ divinæ, quæ realiter est vita creatrix. Secundum igitur continentiam eminentialem, & virtualementem omnia, quæ facta sunt, in Deo vita erant; id est, ab omni

æternitate erant, in qua & Verbum erat apud Deum, & Deus erat Verbum. At quatenus intelliguntur in se ipsis, esse formale habentia, & distinctum à principio ipsorum productivo, nequaquam sunt vita creatrix, quia esse quod habent in tali ordine rerum spectare non potest ad essentiam Dei: Ut tamen dicuntur, id est denominantur ab illo esse, quod habet intelligere divinum, (obiectum enim, ut cognitum, dicitur habere illud esse, quod possidet ipsa cognitio) & vivere in Deo dici possunt, quia intelligere divinum, per quod primum esse acceperunt, est verissimè vita creatrix, cum realiter sit idem, ac ipsa essentia divina.

AD ARGUMENTA. Ad primum concedo, non omnia naturaliter vitæ gradum participare: & concedendum pariter omnium esse ideas in Deo, quæ sunt ipsamet obiecta cognita ab ipso. Et cum inferitur igitur, si omnia sunt vita in ipso, oportet aut omnia vivere, aut non omnium esse ideas. Equivocatio accidit: nam ipsa obiecta cognita, ut in se ipsis considerantur, non sunt vita in Deo, ut declaratum est; esse sunt vita, quatenus sunt ipsamet infinita virtus Deitatis, in qua continentur virtualiter, & eminenter. Secundum se igitur creaturæ omnes in mente divinâ, sunt vita denominatione accepta, atque in illas derivata ab intelligentiæ actu, qui est vita in actu secundo: neque ex hoc potest deduci, omnia vivere extra Deum; quia eadem vivere in mente divina, idem est ac esse cognita, seu terminare actum vitalem intelligendi. Stat ergo vivere in Deo, id est, accipere esse intelligibile, & cognosci ab infinita intelligentiæ, & extra illa duntaxat gradum vitæ participare, quæ ab intrinseco valent se agere, & moveri ad acquirendam propriam perfectionem.

Ad secundum patet responsio ex dictis, qua ratione obiecta secundaria scientiæ divinæ dicantur esse vita in Deo, licet propriè sint vita in ipso, secundum continentiam eorum in divina essentia.

Ad Tertium respondeo, in malitia, quæ est imputabilis ad pœnam, esse distinguendum de ipsa formali ratione malitiæ, quæ est carentia rectitudinis, quæ deberet inesse actui liberè elicitò, & abesse invenitur; & de positivo actus, ad quod illa carentia sequitur, eo quod ita eliciatur. Quantum ad positivum attinet, illud est vita in Deo; est enim de se ens reale propriam habens bonitatem, suæ naturæ convenientem; accipiat igitur esse oportet per influxum, seu concursum primæ causæ, ut cætera, quæ producuntur, atque in Deo eminenter, & virtualiter continentur. At ad malitiam non concurrat effectivè causa prima, sed ipsius est adæquatam principium, auctor, & causa creatura deficiens à recta regula; ipsa ergo non est, nec esse potest vita in Deo; quia si virtualiter contineretur in essentia divina, coincideret cum bonitate, nec malitia esset; at nihilominus attingitur ab intellectu infinito, non per propriam ideam, aut exemplar, quod nusquam est; sed per oppositam rectitudinem, & bonitatem, ut quæst. 14. artic. 10, declaratum fuit.

Quodlib. 4. q. 16.  
§. De secundo.

1. dist. 41.



# QVÆSTIO DECIMANONA

## DE VOLUNTATE DEI,

### IN DUODECIM ARTICULOS DIVISA.

*Post considerationem eorum, quæ ad divinam scientiam pertinent, considerandum est de his, quæ pertinent ad voluntatem divinam: ut sit prima consideratio de ipsa Dei voluntate. Secunda de his, quæ ad voluntatem absolutè pertinent. Tertia de his, quæ ad intellectum in ordine ad voluntatem pertinent.*

- I. Utrum in Deo sit voluntas.
- II. Utrum Deus velit alia à se.
- III. Utrum Deus quicquid vult, ex necessitate velit.
- IV. Utrum voluntas Dei sit causa rerum.
- V. Utrum voluntatis Divinæ sit assignare aliquam causam.
- VI. Utrum voluntas Divina semper impleatur.
- VII. Utrum voluntas Dei sit mutabilis.
- VIII. Utrum voluntas Dei necessitatem rebus volitis imponat.
- IX. Utrum in Deo sit voluntas malorum.
- X. Utrum Deus habeat liberum arbitrium.
- XI. Utrum sit distinguenda in Deo voluntas signi.
- XII. Utrum convenienter circa divinam voluntatem ponantur quinque signa.

#### ARTICULUS I.

Utrum in Deo sit voluntas.

*Doct. 1. dist. 2. q. 2. §. Ostenso esse de proprietatibus, de primo principio, cap. 4. concl. 4. 1. Report. dist. 45. q. 1. 3. dist. 35. S. Thom. 1. p. quæst. 19. articulo primo.*



**VIDETUR** in Deo non esse voluntas. Nam voluntas tendit in bonum; ut proprium objectum, quod est & finis; ut inquit Philosophus 3. Ethic. cap. 2. *Voluntas est ipsius finis* : & r. Ethic. cap. 1. *Bonum est quod omnia appe-*

*tunt*; igitur objectum, in quod tenderet voluntas divina, esset bonum, & finis. Sed Dei nullus esse potest finis; ergo nec ei inerit voluntas, cujus est finis. Minor constat ex eo, quia respectu nullius est causa finalis aliqua, nisi respectu cujus est causa efficiens; nam causalitas causæ finalis est movere efficiens ad causandum; Dei igitur inefficibilis nihil est causa finalis.

Præterea, Habens voluntatem ex natura rei, potest voluntate velle; sed Deus nequit velle quidpiam voluntate; ergo nec ipsa voluntate est præditus. Probatur minor: eatenus voluntate polentes voluntate volunt, quatenus recipiunt ipsum velle, quod est actus voluntatis: Deo autem repugnat aliquid recipere; ergo & habere voluntatem.

Et si dicatur, quia identitas voluntatis cum sua operatione in Deo excludit omnem imperfectionem, & tamen ex ea dicitur velle voluntate. Contra, est eadem identitas voluntatis cum intellectu; ergo si rectè proinde dicitur velle voluntate, pariter verum erit ipsum velle per intellectum.

Præterea, Si in Deo esset admittenda voluntas ex natura rei, oportet pariter & ipsius voluntatis esse objectum ex natura rei: sed inter potentiam & objectum ex natura rei est relatio realis; ergo

divina voluntas realiter referretur ad objectum suum, quod est essentia infinita; & per consequens in eadem persona esset realis relatio ad essentiam, quod nemo dixerit.

Præterea. Voluntas appetitus est, quo potissimum propriam appetitus perfectionem: sed Deo, utpote perfectissimo non convenit ullam appetere perfectionem; nam tunc ea careret; igitur non sibi inest voluntas, cujus nullus esset in ipso usus. Minor est evidens, quia quoties quidpiam appetitur, illud necessario est appetentis perfectio; ut exemplis declarat Philosophus, 1. *Phys. text. c. 81.* ut materiæ respectu formæ, & semine appetentis virum.

CONTRA, Matthæi 6. *Fiat voluntas tua*, inquit veritas Christus ad Patrem. Et in Psal. 113. *striptum est. Omnia quæcumque voluit, fecit*: ergo primum principium præditum esse voluntate, qua voluit quicquid facere sibi collibitum fuit, est unum ex his fidei dogmatibus, quæ disertè exprimuntur in divina scriptura.

RESPONDEO dicendum, ex natura rei verissime in Deo reperiri voluntatem, sicuti & esse formaliter intelligentem per intellectum, ostensum fuit, 9. 14. artic. 1. & seq. Cum itaque Deus intelligat se ipsum, ac omnia alia in se ipso, sitque per sui comprehensionem felicissimus, ad completam rationem beatitudinis, ac infinitæ felicitatis, amet se ipsum oportet, id est, objectum infinitæ diligibilitatis, & bonitatis. Ut enim apprehensio sensitiva est in ordine ad sensitivum appetitum, ita intellectiva est gratia intellectivi appetitus; completa ergo beatitudo Dei est in comprehensione, & dilectione objecti infinitæ intelligibilitatis, & paræ amabilitatis: hæc autem operatio, quæ est dilectio qua fruitur, & unitur amans bono amato, à voluntate est, ipsamque præsupponit; sicut igitur Deus est perfectissime beatus, ita est in eo voluntas, alioquin haud foret infinitè perfectus per cumulum omnium perfectionum simpliciter, quas inter jure est collocanda voluntas, quippe cui non repugnet intensiva infinitas; Et insuper in omnibus dividendibus ens, nobilior dividens est perfectio simpliciter: si autem ens dividatur per voluntarium, & non voluntarium, simpliciter perfectius dividens est voluntarium; ergo est per-

4. dist. 49. q. 10.  
§. Respondet.

2. dist. 1. q. 5.

1. dist. 10. §. Ad  
questionem.

3. dist. 49. q. 4.  
includ. §. Justa  
hoc V. Præterea  
9. Metaph.



perfectio simpliciter. Deinde, primum, cum sit per se agens, ac subinde agens propter finem, utique is finis, aut movet primum efficiens, ut amatus actu voluntatis, aut ut tantum naturaliter amatus. Si amatus actu voluntatis; igitur est in primo principio eadem necessitate admittenda voluntas, qua est primum, & per se agens. Si vero dicatur tantum amatus naturaliter; Contra, id est impossibile, quia non amat naturaliter alium finem à se, ut grave centrum, & materia formam; nam alioquin esset aliquo modo ad finem, quia ad illum inclinatus: porro Deum naturaliter amare finem, qui est ipse, hoc nihil est, nisi ipsum esse ipsum; id autem non videtur salvare rationem causæ in primo principio; ac proinde cum sit causa omnium prima, agens per se, & propter finem, is finis ut est præcognitus actu intellectus, ita & voluntate amatus, & volitus, & gratia ejus finis ita amati, volita fuerunt & cætera omnia, quæ illius sunt participationes.

Tandem, aliquod causatur contingenter; ergo prima causa contingenter causat; ergo volens causat. Probatio primæ consequentiæ; quælibet causa secunda causat inquantum movetur à prima; ergo si prima necessario movet, quæcumque alia necessario causat: adeoque si aliqua causa secunda contingenter causat, & prima contingenter movebit, quia secunda non causat, nisi in virtute causæ primæ, in quantum movetur ab ipsa. Hinc q. 14. artic. 13. in incidenti concludebamus primam contingentiam radicem statuendam esse in causæ primæ libertate. Sed probatur secunda consequentia: Nullum est principium operandi contingenter nisi voluntas, vel aliquid concomitans voluntatem; nam quodlibet aliud agit ex necessitate naturæ, & ita non contingenter; ergo oportet in prima causa reperiri formaliter principium liberè, & contingenter operandi, à quo sit omnis participata libertas, & in quo salvetur prima radix contingentiarum.

Veruntamen ejus potentia volitivæ operationem, quæ & volitio appellatur, non esse aliud ab ipsa voluntate, ac subinde unum quid cum essentia primi principij; declaratur: nam secundum Avicennam, 6. *Metaphys. cap. ult.* causalitas, & causatio causæ finalis est simpliciter prima. Ipsa enim causa finalis quoad causalitatem præcedit causam efficientem; nam movet eam ad agendum; igitur causalitas primi finis, & ejus causatio, est penitus incausabilis, secundum quamlibet causationem in quolibet genere causæ. Causalitas autem primi finis est movere efficiens primum, sicut amatum ab ipso; quod est idem ac primum efficiens amare primum finem: quia non est aliud objectum amari à voluntate, quam voluntatem amare objectum; ergo primum efficiens amare primum finem, est penitus incausabile, & ita ex se necesse esse, ac per consequens idem omnino naturæ primæ: Quemadmodum igitur intelligere Dei, est ipsius substantia, ex dictis q. 14. artic. 4. ita & velle; nam si primum amare est aliud à natura prima; ergo est causabile, & subinde etiam effectibile; ergo ab aliquo per se efficiente amante finem; ergo primum amare se foret causatum ab aliquo amore finis, priore isto causato, quod est impossibile.

AD ARGUMENTA. Ad primum respondeo, finis rationem non esse propriè voluntatis objectum, nec quid fruibile, sed magis ipsum bonum sub ratione absoluti, cui convenit esse finem, qui finis est formaliter respectus rationis. Etsi igitur Deus non sit finis sui, est tamen respectu propriæ voluntatis objectum illud, & bonum, cui nata est per

se competere ratio finis, quia ex se est summum bonum, in quo infinitè quietatur infinita voluntas. Non igitur respectu sui Deus est causa finalis sed respectu omnium finibilium, qualia sunt bona omnia ad aliud ordinabilia. Cum itaque dicitur Deus agere propter finem, intelligendum est agere non propter finem sui; quia nec sui est effectivus, sed propter finem effectuum, quos amat propter se, ad quem proinde rectissime ordinantur omnia, à cognoscente, & dirigente rerum universitatem ad proprium cujusque finem, & ad finem superiorem, & universalissimum, cujus gratia & esse, & bonitate accipiunt.

Ad secundum respondeo sic: Quoniam voluntatis creatæ actus est realiter distinctus ab illa, necessario ad hoc ut eo dicatur velle, & re ipsa velit, oportet, ut in se recipiatur; sed si sibi identificaretur verius esset illo volens, ac modo sit talis per quid à se realiter distinctum. Cum igitur in Deo volitio, & voluntas sint eadem res, citra omnem receptionem, & imperfectionem, est verissime volens, sicuti & intelligens per intelligere, quod est idem intellectui. Et cum arguitur, quia tunc propter eandem identitatem pariter esset volens intellectio. Responso: qualem ordinem habent aliqua, ubi sunt distincta realiter, talem quoque habent, ubi tantum ratione distinguuntur. Quemadmodum igitur ubi volitio, & intellectio re sunt distincta ab intellectu, & voluntate, dici nequit, nec sanè voluntas vult intellectio; ita & in eo, ubi distinguuntur secundum rationem, vel distinctione aliqua minori distinctione reali, nequit voluntas dici velle intellectio, sed magis volitione sibi realiter identificata.

Ad tertium respondeo argumentum procedere, perinde ac si operatio, qua Deus est perfectissime beatus, & felicissimus, realiter distinguatur ab objecto, quod attingitur, ac per consequens uniretur illi per relationem realem, uti de facto evenit in beatitudine naturæ creatæ: operatio enim creata necessario requirit realem relationem ad objectum, in quo ultimè quiescit natura operans; quia nequit habere majorem unitatem cum objecto, quam unitatem relationis; ac proinde beatitudo creata non est ultimum naturæ nisi cum relatione annexa. At secus omnino est in beatitudine Dei, quia ejus beatifica operatio non requirit aliquam relationem; nam eadem res sunt operatio beatifica & objectum beatitudinis; unde illa sub ratione absoluti, est ultimum bonum, & secundaria perfectio naturæ divinæ. Sed nec ullum respectum rationis necessario exigit; quia etsi intellectus valeat comparare eam operationem cum objecto, nihilominus talis comparatio non per se includitur in operatione, quæ est beatitudo; cum nec sic includatur in beatitudine creata: cum esse nequeat is respectus naturæ creatæ talis perfectio, qualis est beatitudo, & operatio substantiæ viventis vita intellectuali, & rationali; etsi, ut dictum est, esse non possit unum cum objecto beatifico, nisi per unitatem relationis; quia est inter hæc extrema realis distinctio, & essentialis dependentia unius ad alterum: at in Dei voluntate nulla est dependentia ad objectum, sed tantum coexistentia præsuppositionis; est enim una, eademque res objectum beatificum, operatio, qua Dei voluntas primo, & per se, quia non participatione aliquis alterius à se immobiliter, & necessario inhaeret infinito bono, & ipsa denique potentia, cujus est operari.

Ad quartum dicendum, appetere propriam perfectionem contingere bifariam; scilicet & naturaliter,

1. dist. 1. q. 5. 6. Ad argumentum 1. primæ questionis.

4. dist. 40. q. 8. Ad ultimum principalem.

Et qu. 1. Quodlibet.

Quodlibet. q. 13. §. Nunc tertio in fine articulo.

1. dist. 1. q. 5. Ad propositum 2. respondendo.

4. dist. 49. q. 10. Cito.

Quodlibet. q. 14. §. Hic intellectus secundum.

1. dist. 2. q. 20. §. Nunc ultimum. Et dist. 35. §. Potest dici Et Quodlibet. q. 10. §. 13. Et 3. dist. 33. Et de primo principio. c. 4. conclusio 6.



liter, & elicite. Appetitus naturalis consequitur omnem rem, non quasi sit quidam actus ab essentia appetentis distinctus, sed duntaxat inclinatio rei ad propriam perfectionem, & de tali appetitu est Aristoteli sermo 1. *Physicis* exemplis adductis: At appetitus elicitus, seu non naturalis, est ipsa voluntas liberè tendens in objectum. Itaque voluntas ut voluntas est quidem appetitus, sed non naturalis, qui non est aliquid superadditum voluntati, sed ipsa potentie entitas, & natura. Cum subditur; Deo utpote perfectissimo non convenit ullam appetere perfectionem, quia necessario illa careret. Responso: nomine Dei propriè intelligendum venit ens triplici primate primum, optimum, & beatissimum, ideoque ne naturaliter quidem ullam appetit perfectionem, tanquam omni possibili, & intelligibili perfectione præditus. Sed si ad mentem argumenti intelligatur essentia in actu primo, ut aliquo modo præcedere apprehenditur actus secundos, nempe operationes, & attributa. Secundum rationem, qua est illa prioritas, & necessaria præexigentia, non abs re ponetur in illa naturalis quidam appetitus ad secundarias perfectiones, in quibus consistit & beatitudo intrinseca, & omnis extensiva perfectio ipsius. Sed erat instantia, quia tunc rectè apprehenderetur carere aliqua perfectione; nam appetitus est desiderantis perfecti eo, quo caret. Respondeo; quoniam privatio est carentia formæ in aliquo, potente illam recipere, 4. *Metaphysicæ*. c. 4. non inest carentia alicui, nisi pro eo signo, quo potest recipere, seu habere positionem; nam revera homo pro primo instanti naturæ, seu ut est humana natura, est, vel intelligitur non albus, non tamen caret albedine; quia pro tunc non est aptus recipere albedinem: ita nec Deitati inest privatio actus secundi, seu operationis, secundum quod intelligitur actus primus; quia cujusque operatio præsupponit completum actum primum, tanquam ordinis quasi posterioris; in primo ergo signo divina voluntas verè non intelligitur operans, quia tantum est actus primus, sed non exinde est dicenda carere actu secundo; quia tunc ex se involveret privationem actus secundi. Breviter quia hic nulla est realis distinctio inter actum primum, & secundum, nec dependentia subinde unius ad alterum; ut dictum est in *præcedenti responsione*; quia ordo essentialis non est ejusdem ad se ipsum, nec est verus appetitus naturalis, vel elicitus ad perfectionem, quasi quid extraneum appetenti.

## ARTICULUS II.

Utrum Deus velit alia à se.

Doct. 1. *dist. 45. de rerum principio* q. 4. art. 2. *sect. 2. & 3. & locis art. præcedenti citatis.*  
S. *Thom. 1. p. quæst. 19. artic. 2.*

**V**IDETUR Deus nequaquam velle alia à se. Etenim juxta dicta in *articulo præcedenti*, velle Dei non est aliud ab ejusdem substantia, sed magis unum, idemque esse; ergo si ipse vellet alia à se, profecto ea omnia videretur esse, quæ vellet. Id vero est plane impossibile; ergo nec Deus vult alia à se.

Præterea, Si divina voluntas ad volendum alia à se extenderetur; igitur in ipsa esset realis relatio ad creaturas volitas: hoc autem impossibile esse, extitit declaratum supra, q. 3. art. 6. *iterum repetito*; ergo Deus velle nequit alia à se. Probatio sequelæ: Deus prius vult aliquid, quam intelligat

se velle illud; nam certitudo divini intellectus circa futura contingentia, non est sine certitudine determinationis divine voluntatis; ergo cum Deus velle intelligitur Antichristi futuritionem, relatio volentis ad volitum præcedit omnem intellectus considerationem de illa volitione; ergo non inest ipsi volitioni, ut cognita, sed ut talis est in se; est igitur ibi ex natura rei, atque ita realis esset, quod *hæc supradicta* improbatum fuit.

Præterea, Primum principium movet sicut appetibile, & intelligibile, secundum Aristotelem, 12. *Metaphysicæ*. c. 36. quia scilicet bonum cognitum appetitum movet; ergo si pariter primi voluntas vellet alia à se, moveretur ab illis, quatenus appetibilia, & intelligibilia sunt: id autem absurdum est; tunc enim planè vilesceret voluntas primi principii, si rebus finitis, & vilibus inesset vis movendi voluntatem perfectionis infinitæ.

Præterea, Si primi principii voluntas vellet alia à se, cujus rei gratia ea velle posset? Non propter se ipsum; quia rerum universitas non cedit in utilitatem ullam primi principii, nec illius augeat perfectionem, & bonitatem; ergo perperam viderentur volita, & intenta: cum ille finis, vel præcipuus esse perhibeatur condendi rerum universitatem.

CONTRA, Psal. 113. *Omnia quæcumque voluit, fecit.* Quæcumque igitur facta sunt à Deo volita esse oportuit: hæc autem sunt alia ab ente infinito, cum sint intrinsecè, & necessario finita.

RESPONDEO dicendum, Deum nedum se ipsum, atque ejus infinitam bonitatem velle, sed etiam alia à se, non ex tempore, sed in æternitate. Declaratio: omnis potentia operativa perfecta esse potest principium operandi circa quodcumque objectum, ad quod talis potentia se extendere potest: sicut perfectus intellectus potest esse principium intelligendi quodcumque intelligibile: & perfectæ potentie visivæ inest vis attingendi omne visibile. Quum igitur in Deo sit ex natura rei voluntas, ex *articulo præcedenti*, & perfectissima, quia infinita, eademque res cum eo, quod est intensivè infinitum: evidens est ipsam esse posse principium volendi quodcumque volibile: Non quidem ex tempore: id enim evenire nequiret, non intellecta aliqua mutatione: & non in objecto volito: quia id objectum non habet esse, nisi quatenus volitum est in voluntate divina objecti: igitur mutatio spectaret ad ipsam voluntatem, quæ de non volente fieret volens. Cum itaque ex tempore nequeat esse principium volendi quodcumque volibile, profecto erit in æternitate. At, non est ratio volendi simul opposita: quia illa respectu nullius queunt esse simul: nec est ratio volendi neutrum, quia tunc nihil existeret extra Deum: ergo in æternitate est ratio volendi alterum oppositorum, ea nimirum, quæ accipiunt esse existentie realis.

Deinde medium, quo potissimum probatur esse in Deo voluntatem, una ostenditur ipsum velle alia à se. Etenim ex triplici primatate, efficientie scilicet, eminentie, & finalitatis in primo coincidente, constat ipsum esse per se agens, ac propterea agere propter finem non ab alio agente præcognito, quod nusquam esse potest, sed à se: igitur primum est agens propter finem, à se cognitum per intellectum, & voluntate volitum, atque amatum. Sed is finis est ipsemet, ad quem ordinantur omnia, & à quo illis omnibus præfiguntur proprii fines particulares, unde est ordinatio entium ad invicem; igitur primum cognoscens omnia, & ordinans ad finem per se, & à se amatum, vult ea omnia ita ad finem, & inter se ordinata: igitur.

Doct. 12. *Metaphysicæ*. q. 4.

12. *Metaphysicæ*. quæst. 27.

quodlibet.

3. *dist. 2. q. 1. & 2.*  
Et si arguatur.  
1. *dist. 25. q. 2.*  
Quantum ad primum V. Ad primum.

De primo principio.

Mag. 1. *dist. 45.*  
cap.



igitur diuina voluntas ad ea omnia extenditur, quæ vult propter se ipsam, quæue ad inuicem ordinat.

Rursus, quandoque alia potentia fertur in rationem formalem sui objecti, fertur quoque in ea omnia, quæ illam participant formalem rationem; ut visus ad omnia prorsus colorata: sed omnia alia à Deo participant aliquo modo bonitatem: cuncta enim quatenus sunt, bona sunt: ergo diuina voluntas per se, & primo tendens in bonum per essentiam, tendit, atque vult etiam alia à se, in quantum de ratione sui primarii objecti participant. Cum enim ipsa diuina voluntas sit in plena possessione diuinæ bonitatis; alioquin haud foret Deus perfectissimè beatus: impossibile est diuinam bonitatem alicui communicari, nisi ex imperio ejus voluntatis: ac proinde quoniam communicari omni, quod est quicquid est, aut erit, est necessario à diuina voluntate volitum.

Tandem, diuinus intellectus, intelligendo se ipsum, simul cognoscit omnia alia à se, ex dictis *quæst. 14. art. 5.*, ergo pariter & diuina voluntas volendo, atque amando suæ essentiae infinitam bonitatem, vult alia à se: non ita quidem, quasi necessario feratur in alia à se, ut diuinus intellectus, qui ex sui intrinseca, atque infinita perfectione non potest non intelligere omnia intelligibilia: sicut sicuti ita tendere in objecta secundaria est proprium diuini intellectus, ita repugnat voluntati, quæ iis duntaxat vult dare esse reale, quæ ad se ordinanda decreuit. Ratio autem discriminis est, quia intellectus necessario tendens in objecta, non producit ea in entitate reali: nam esse cognitum ab intellectu diuino non infert illud esse in se existens, sed solummodo esse intellectui obiectiue præsensat volitum esse efficaciter à voluntate diuina infert illud tunc, vel pro quando fuit volitum habere esse reale à voluntate distinctum: voluntas enim diuina non producit aliquid in esse volibili, ut intellectus in esse intelligibili: sed tantum producit in esse volito, id est, in esse realis existentiae: quod jam erat prius possibile per actum intellectus diuini. Quod enim Deus efficaci volitione decernit, est aliquando futurum in effectu. Quemadmodum igitur diuinus intellectus in objecto primario prius cognito, nouit omnia alia objectum secundarium constituentia; ita & diuina voluntas propter diuinam essentiam prius volitam vult omnia alia extra se, quæ sibi liberè ordinare placuit ad se ipsam, & in ostensionem suæ infinitæ bonitatis.

AD ARGUMENTA. Ad primum respondet Magister *loco citato*, consequentiam esse nullam: quia velle diuinum est idem essentiae, ut & intelligere: & nihilominus ex eo quod Deus intelligat omnia, non propterea dicitur esse illa, quæ intelligit, ita nec dici potest ea esse, quæ vult. Ratio autem, propter quam hic incidit accidens, est, quia diuinæ operationes inuolunt ordinem in subiecta, super quæ transeunt: quoniam ergo supra rationem Deitatis ordo intelligitur, non oportet & terminum ejus esse idem operanti, ex eo quia est illa eadem res cum sua operatione.

Ad secundum respondeo sic: voluntas diuina sub ratione merè consequentiam terminat respectum voliti ad ipsam: sicuti de rationibus creaturarum ad Deum, *art. 6. quæst. 3. cit.* extitit declaratum. Quemadmodum igitur intellectus sub ratione absoluta terminat in æternitate respectum productorum ab ipso in esse intelligibili: ita & voluntas in æternitate sub ratione absoluta terminat respectus volitorum ab ipsa.

Ad tertium dicendum, creaturas, quatenus realem existentiam includunt, non habere aliam appetibilitatem, nisi quæ earundem consequitur bonitatem: quicquid autem bonitatis est in eis, non ex se ipsis possidere, sed de diuina descendere largitate. Non ergo finita bonitates mouere possunt voluntatem infinitam, imo illa voluntas à sola essentia, & bonitate infinita mouetur ad communicandum esse reale quibusdam ex infinitis possibilibus, quæ sibi ab intellectu ostenduntur: finis enim est, qui movet ad agendum; unde primus agens nequit moveri nisi à prima bonitate, quæ est omnium finis; alioquin primum liberum re, vel saltem ratione arctaretur, & coarctaretur à creaturis mouentibus, ac in ipsum impressionem facientibus respectu operationis suæ. Nam omne mouens facit aliquam impressionem in moto, ac per ipsam aliquo modo diminuit de ratione libertatis ipsius mobilis. Fieri ergo non potest, ut diuina voluntas moveatur à creaturis, quas in esse volito producit; nec proinde vilescit per hoc quod ad eas terminetur, sicuti nec in intellectu aliqua redundat indignitas, ex eo quia ad objectum secundarium terminetur, de quo *quæst. 14. art. 5. cit.* actum fuit.

Ad quartum concedo producta cuncta non cedere in primi principij utilitatem aliquam, nec augere ejus perfectionem, & bonitatem; nec ad hunc finem ea volita fuisse; sed magis ad ostensionem suæ bonitatis infinitæ, ad quam subinde omnia ordinari exigebat producentis, & productorum natura. Cum enim per unius effectus productionem nequiverit illius bonitas sufficienter representari, multa producta fuisse oportuit, ut quod per unum manifestari non potuit, ostenderetur per multa; ac proinde bonitas infinita sufficientius manifestatur per innumeros entium gradus, & species, quibus constat universum, quam per unicam creaturam. Complura ergo volita ab illo, & recipia producta sunt non ut ex his aliquam perciperet utilitatem, ut dictum est, sed propter suam ostendam (quantum fieri potuit) bonitatem.

12. Metaph.  
q. 27. §. Oppos.  
situm.

### ARTICULUS III.

Utrum quicquid Deus vult, ex necessitate velit.

Doctor 1. *dist. 2. q. 2. §.* Ostenso esse de proprietatibus, & *dist. 8. quæst. 5. & dist. 39. de primo princip.*, cap. 4. conclus. 4. *item de rerum princip.* q. 4. S. Thom. 1. p. q. 19. art. 3.

VIDETUR Deus ex necessitate velle quicquid vult. Siquidem in omni differentia entis, necessitas est perfectior contingentia. Probatio: necessitas est perfectio in ente in se; ergo & in omni differentia entis; igitur in illa differentia entis, quæ est causa, necessitas est contingentia perfectior; ergo perfectissima omnium causarum necessario causat.

Est responsio: necessitatem utique esse perfectiorem contingentia, ubi est possibilis: at rationi causæ, ut causa est, repugnare; etsi id, quod est causa, sit necessarium.

CONTRA, nobis diuidentibus ens, occurrit alterum diuidens perfectius reliquo; & extrema diuisionum perfectiora, aut necessario concomitantur, aut se compatiuntur diuidentes enim ens per finitum, & infinitum; per necessarium, & possibile; per potentiam, & actum, inuenimus, actum, necessitatem, infinitatem, aut necessario concomitari,



mitari, aut certè se compati; ergo cum in diuisione entis per causam, & causatum, causa sit perfectius extremum, concomitabitur ipsum quodcumque perfectius diuidens ens, aut poterit stare cum eo, & per consequens *necessitas* non repugnabit causæ, ut causa est.

Præterea, Si primum principium naturaliter causaret, necessario causaret, atque suo causato necessitatem impertiret: sed nulla perfectio auferatur à causato propter modum causandi æquè perfectum; Causare enim voluntariè non est modus causandi minus perfectus, ac sit causare naturaliter; ergo ex eo quod causa voluntariè causat, non adimitur necessario aliqua perfectio effectui; ergo causa voluntariè causans potest tribuere necessitatem effectui.

Confirmatur, si Deus causaret naturaliter, posset producere plures differentias entis, scilicet *possibile* & *necessarium*: si ergo causans voluntariè nequeat causare, nisi tantum ens contingens, videretur esse causa imperfecta; quippe quæ haud attingere posset omnes eos effectus, quos necessario causans produceret.

Præterea, Aliqua causa necessario causat; ergo prima causa necessario causat suum causatum. Antecedens est manifestum ex causis naturaliter productiuis priorum effectuum. Probatio consequentiæ; in essentialiter ordinatis, posterius non potest habere necessitatem, nisi prius habeat esse necessarium: connexiones autem causarum ad suas causas, sunt essentialiter ordinatæ; ergo nulla talis connexio est necessaria, nisi illa, quæ est primi causati ad causam, sit necessaria.

Præterea, Et si Deus sit infinitè sapiens per comprehensionem essentia suæ, non foret tamen omnimodo possibilis sapiens, nisi intelligeret omne objectum secundarium, omnemque possibilem creaturam; ergo licet sit volens essentiam suam, videretur nihilominus deesse ei aliquid perfectionis, nisi etiam omne volibile vellet: Sed ex eo quod voluntas vult quicquid potest velle, necessitate trahitur ad ea volenda, alioquin haud operetur eam omnia velle; igitur Dei voluntas subiacet necessitati, ut transit, & fertur ad quælibet objecta.

Præterea, Si repugnaret Deum necessario velle quicquid vult, maxime quia tunc referretur realiter ad volitæ, vel causata; atque ita magis necessarium à minus necessario dependeret: Sed si hæc ratio valeret, tunc nulla creatura magis necessaria posset fundare respectum realem ad minus necessariam; ac subinde in corporibus celestibus non esset respectus realis ad generabilia, & corruptibilia. Cum igitur consequens sit falsum, pariter & illud unde sequitur.

Præterea, Ex dictis in articulo præcedenti. Quicquid Deus vult, est ei volitum, quia vult bonitatem suam: Sed vult vel diligit bonitatem suam necessario; ergo & eodem modo oportet eum velle omne aliud volitum propter illam, quam vult necessario.

Præterea, Nihil aliud à se Deus potest velle, nisi in æternitate velit; quia aliquam aliquam intelligeretur subire mutationem, juxta dicta in articulo præcedenti. Sed omne æternum est necessarium; ergo quicquid Deus in æternitate vult, necessario velit oportet.

CONTRA, Potentia respiciens aliquod objectum per se, & essentialiter, non necessario respicit illa, quæ non habent ordinem essentiali, sed accidentalem ad illud primum: voluntas divina respicit primo bonitatem divinam, ad quam creatu-

re habent ordinem contingentem, non necessarium: quia non sunt illi necessariae ad consequendam istam bonitatem, nec augent eam: ergo voluntas divina non necessario, sed tantum contingenter respicit creaturas omnes.

Confirmatur: Voluntas, quæ per se determinatur ad finem, non perinde determinatur ad aliquod eorum, quæ sunt ad finem, nisi quatenus per syllogismum practicum ex fine concluditur necessitas illius entis ad finem, scilicet vel necessitas ejus in *esse* vel *haberi*, ad hoc ut finis sit, vel habeatur, vel acquiratur; vel necessitas ejus in *diligi*, ad hoc nempe ut finis diligatur. Et profecto nulla voluntas, quæ est ipsius finis, determinatur per se respectu alicujus, quod est ad finem, nisi concludatur per syllogismum practicum, tale ens esse necessarium ad finem aliquo ex prædictis modis. Ergo cum intellectus diuinus non cognoscat aliud à se esse necessarium ad finem ultimum quomodocunque; voluntas illa ex hoc quod est necessario finis, non oportet & necessario pariter tendere in alia, quæ sunt ad finem.

RESPONDEO dicendum, Deum necessario velle bonitatem suam necessitate immutabilitatis, non coactionis: reliqua verò à se liberè, & contingenter. Declaratio primi: omnis potentia naturaliter fertur in suum objectum, maxime voluntas, quæ de se tendit in bonum; ergo Dei voluntas naturaliter fertur in bonum: sed impossibile est eam ferri naturaliter in bonum extrinsecum, quia tunc ab eo naturaliter dependeret; ergo fertur in bonum, quod est infinitum naturaliter. Assumptum declaratur; nam objectum per se, & potentia sunt ejusdem ambitus; si enim extaret color, qui non foret visibilis, virtus visiva esset imperfecta, & ille color frustra: Cum igitur primi voluntas sit infinita, ejus per se objectum sit oportet bonum infinitum, in quod naturaliter tendit ac necessario adhæret. Veruntamen hæc necessitas non est coactionis, subdens sibi voluntatem, quasi cadentem sub necessitate, à qua impellatur, & figatur in actu; quia tunc planè voluntas ageretur, & non ageret: Sed est *necessitas immutabilitatis*, actum concomitans, atque sub actum voluntatis cadens, quæ propter firmitatem libertatis suæ, sibi ipsi necessitatem imponit in eliciendo actum, & in perseverando, seu figendo se in actu immutabiliter. Necessitas enim in actione perfectissima voluntatis non auferit, sed magis ponit illud, quod est perfectionis, cujusmodi est libertas; ergo necessitas, qua Dei voluntas fertur in per se objectum, non impellit ipsam violentur, quasi vi illi illata, sed sequitur magis ad ipsius libertatem, de qua est velle immobiliter ei objecto adhærere. Alioquin nisi immutabiliter figeret se in objecto per actum, sed aliquando ab illo amando abstineret; igitur otio oblectaretur; cum nulum aliud objectum per se ab illa queat amari, sed omnia gratia suæ bonitatis amentur. Denique, unumquodque secundum quod magis est in actu, perfectius agit, siue ratio agendi sit naturalis, ut caliditas; siue de libertate procedat, ut amor; ergo in genere agentium per amorem, quantum major est amor, tanto actus dilectionis intimior est, & actualior, & magis continuus: divina autem essentia habet rationem boni infiniti; ergo per infinitum actum amoris fertur diuina voluntas in ipsam, & semper, & immutabiliter.

Est nunc secunda pars solutionis declaranda, cujus contrarium præclarissimos Philosophorum Aristotelem, & Auicennam, alioque plures sensisse constat. Porro Deum agere, seu velle liberè, & con-

1. dist. 29. §. 1. In  
ta prædicta v  
Quantitas se  
cundum.

Quodlib. q. 16. §.  
De secundo ar  
ticulo V. Sed se  
per.

1. dist. 9. §. 5.  
Ad secundum  
dubium.

1. dist. 25. §. 2.  
§. Ad secundam  
questio. V. Item  
quarto.

Henrici ratio.  
Quodlib. 5. q. 4.  
& 5. Thomæ,  
hic in solutio  
ne conueniunt  
per Da. Scotum.



novam & rem appellat  
dignitatis hanc  
hanc scilicet  
mentem; quia  
fina non est in  
quod in divina  
voluntate con  
tingentem si  
dere. Sed Do  
ctor eandem  
S. Thomæ con  
ceptu expellit  
communi ter  
mine; quia lo  
quendum ut  
plures. Cetero  
autem Ly  
chetus ostendit  
verum esse illud  
Hieronymianum:  
Cum diversis  
que volueris,  
audies que ne  
quaquam relis.

& contingenter quicquid extra se producit, & vult, est voluntatem divinam ita velle alia à se, ut esse queat oppositi; idque considerando ipsam, ut est prior naturaliter sua tendentia in illa objecta: sicut enim voluntas nostra, ut prior naturaliter suo actu, sic ipsum elicit, ut in eodem instanti oppositum elicere possit, ita voluntas divina est naturaliter prior tendentia in objectum; valet ergo in eodem instanti tendere in oppositum objectum finitæ bonitatis, uti sunt quæcunque alia ab essentia divina; tendit igitur in quodcunque tendit liberè, & contingenter. Contra vero causam necessario producere effectum est, non posse in eo instanti, quo agit oppositum ponere, aut suspendere se ab actione. Itaque Deum oportere esse causam liberè, & contingenter agentem, & non necessariam, probatur; Ens absolutum, quod ex se est summè necessarium, non potest non esse, quocunque alio à se non existente: Deus cum sit esse, est infinitè necessitatus; ergo quocunque alio à se non existente, non propterea sequitur non esse. Si autem necessario aliquid à se distinctum causaret, posset non esse, ex defectu minus necessarii; ergo cum id sit planè impossibile, oportet primum esse causam non necessariam, sed liberè, & contingenter causantem. Major declaratur: ex minus impossibili non sequitur impossibile, nec ex minus falso falsius. Nam falsiori cum insit duplex ratio falsitatis, & minus falso unica duntaxat; si à falsiori per intellectum amoveatur una falsitatis ratio, & à falso sua falsitas, falsius erit falsum, & id quod minus falsum erat, nullam falsitatis rationem habebit, erit igitur verum: igitur ex vero sequitur falsum, & pariter impossibile sequitur ex possibili: Primum autem secundum omnem opinionem est magis necessarium, quàm quodcunque aliud ab eo necessarium; ergo per defectum cujuscunque alterius nequit non esse. Quod vero sequatur magis necessarium non esse ex defectu minus necessarii, si ponatur causa necessaria ejus; probatur: nam habens necessariam habitudinem ad aliud non est, illa habitudine non existente: non existente autem extremo, non existit habitudo: non existente igitur extremo habitudinis, non existit fundamentum, ut etiam deductum fuit supra quæst. 3. art. 6. iterum repetito, probantes fieri non posse, ut in Deo sit aliqua relatio realis ad creaturas; nequit igitur causa prima esse causa necessaria creaturarum, ut perperam Philosophi dicuntur opinati. Deinde multa mala eveniunt, suntque in universo, & non solum, quæ sunt mala naturæ, ut naturales defectus, ex causarum impedimentis provenientes, sed etiam mala, quæ voluntati rectè imputantur, & ad culpam sibi adscribuntur; ergo Deus non necessario causat. Antecedens concedunt Philosophi, Probatio consequentiæ: nam agens necessario producit effectum suum in susceptivo, quantum potest produci in eo: sed effectus primæ, & summæ bonitatis, est bonitas, & perfectio; ergo si necessario agit, producit bonitatem in quolibet, quantum ipsum susceptivum potest recipere: habens autem bonitatem tantam quantæ ipsum est capax, nullam habet malitiam; ergo prima causa necessario agente, nullum superesset malum in universo: est autem malum, & malitia multa inter homines: igitur prima causa contingenter agit. Denique, omnis causa necessario agens, agit secundum ultimum potentie suæ: sicut enim non est in ejus potestate agere, & non agere, ita nec intensè, & remissè agere; ergo si prima causa necessario causat, profecto causat quicquid potest causare;

potest autem causare ex se omne causabile, ut probabo; ergo reipsa causaret, ac proinde nulla causa secunda quidquam ageret, vel produceret. Quod causare possit omne causabile; probatur, quia habet ex se causalitatem cujuscunque causæ secundæ, quantum ad id, quod est perfectionis: non requiritur autem aliqua imperfectio in effectiva causalitate, cum unumquodque agat in quantum est in actu & perfectum; ergo si primum agit necessario, attingit simul quicquid causarent omnes causæ secundæ, quarum omnium in se eminenter includit causalitates: atque ita secundæ causæ privarentur actionibus suis: imo omnia essent unum, quia sicut causaret omnia effectibilia, eo quod cuncta, quæ posset, attingeret; ita etiam in quacunque causatione efficere quantum posset causare, & ita perfectissimum produceret, atque omnia illa forent illud unum causatum; omnia ergo essent unum, id est, perfectissimum effectum, factum possibile à causa infinitè perfectâ, atque ex naturæ necessitate exeunte in effectum.

Ad ARGUMENTA. Ad primum, concedo necessitatem esse conditionem possibili perfectionem in omni entitate, cui conditio necessitatis est impossibilis: At in eo, cui est impossibilis, non esse perfectionis, quia contradictio nullam ponit perfectionem: nec est intelligendum necessitatem repugnare primæ causæ ratione sui, cum simpliciter necessaria sit, sibi ergo repugnat ut comparatur ad ens à se causatum; Est igitur necessitas impossibilis omni respectui ad posterius essentialiter: ex quo enim omne ita posterius non est necessarium, primo principio est impossibilis necessaria habitudo ad aliquid non perinde necessarium: cujusmodi est omne posterius essentialiter illo, & causatum: ratione enim passivæ causalitatis, est essentialiter factum possibile: non ergo intrinsecè necessarium.

Et cum instatur, quia quæcunque dividentia perfectiora concomitantur se, nec sunt ad invicem impossibilia. Responsio, id verum esse de dividentibus simpliciter perfectis, & absolutis, ut actus, infinitus, & alia id genus; non vero de illis, quæ involvunt respectum ad aliquid posterius; quia habere necessariam habitudinem ad aliquid ita posterius, non est perfectionis; non enim id fiat cum perfecta necessitate illius, quod talem habitudinem dicitur habere. Accedit etiam, quod ea habitudo non est formaliter infinita, cum sit ad terminum finitum; & nihilominus infinitas est nobilior extremum in divisione entis.

Ad secundum respondeo sic: quemadmodum ex antecedente includente impossibilia, sequitur consequens pariter includens impossibilia; ita sequitur, si primum naturaliter causaret, necessario causaret, ac daret productum essendi necessitatem; nempe ex impossibili, falsum, & impossibile. Nam ei quod est causare in primo repugnat modus ille, qui est naturaliter, quia causare dicit productionem diversi in esse, & ita est intrinsecus causato modus contrarius necessitati, nempe possibilis: est ergo in compossibilis causæ modus necessario, vel naturaliter causandi: quia is est duntaxat respectu necessarii, & ideo sequitur consequens includens simul duo opposita ratione causationis, & modi causandi. Sed tamen prima propositio conditionalis est vera, conditione verificata, seu admissa per hypothesein impossibilem. Et cum additur: nulla perfectio tollitur à causato, propter modum perfectiorem causandi causæ ipsius: concedo: nec modus etiam causandi voluntariè tollit aliquam perfectionem à causabili; sed



autert tamen à causabili necessitate, quæ etsi in se perfectio simpliciter, est nihilominus causabili impossibilis: & tribuit causato perfectionem sibi composibilem; quemadmodum & *voluntariè* causare dicit modum composibilem ipsi causationi.

Ad confirmationem dicendum, ens causabile habere non posse differentias *necessarii*, & *possibilis*, imo omne causabile est simpliciter *possibile*; igitur non est imperfectio in causa ad eas differentias se extendere non posse; quia ad impossibile nulla est potentia. Ceterum si per impossibile primum naturaliter causaret, ac subinde necessario, haud essent ab illo entia possibilia: imo quæcunque produceret, necessaria forent, non contingentia.

Ad tertium dicendum inter causas secundas naturales, & earum effectus non esse connexionem necessariam, nisi *secundum quid*. Nulla enim causa secunda necessario simpliciter causat: nam quælibet causa secunda dependet ab habitudine primæ causæ ad causatum. Deinde, nulla causa secunda causat, nisi prima causa causante causatum ejus, idque prius naturaliter, quàm ipsa causa proxima causet: prima autem non causat, nisi contingenter: ergo secunda simpliciter contingenter causat, cum dependeat ab causatione primæ, quæ simpliciter contingens est. Omnis igitur necessitas, quæ quædam causæ secundæ impelluntur ad effectus producendos, est *necessitas secundum quid* duntaxat, quatenus scilicet, quantum est ex parte earum nequeunt non causare effectus; à quibus tamen producendis simpliciter possunt prohiberi, & impediri per Dei potentiam, ut evenisse constat in fornice Babylonis (sicut scribitur *Dani. 3.*) in qua ignis non combussit tres pueros, alioquin consumpturus, si Dei concursus ad eum effectum ei prelo fuisset.

Ad quartum respondeo, ad adstruendam in Dei voluntate eam perfectionem, qua pollet intellectus divinus, satis esse, ut voluntas possit ad omne volibile volendum se extendere; ceterum non requiri, ut velit quicquid velle potest; quia tunc (ut dictum est in *articulo precedenti*) omnia omnino possibilia realem existentiam aliquando forent adeptura. At ex eo quod ab intellectu omnia accipiant esse intelligibilia, non propterea tamen esse aliquid reale extra Deum sunt habitura, nisi voluntas velit ipsis tale esse. Neque ex eo quod actu tendat, velitque volibilia, aliquid perfectionis sibi acquiritur; quia eum liberè velit, sic ut nolle queat, aliqua posset carere perfectione, quod est impossibile. Subjectiva ergo vitalitas, seu operativum esse, est in voluntate perfectionis infinitæ, & per independentiam summam, infinitè libera, & potens, unde & sequitur *esse* volitorum; sed actu tendere; vel esse determinatum ad hanc partem, ut à nobis apprehenditur, non est aliquid reale in ea, sed est reale in creatura, secundum rationem vero in voluntate divina, ut intelligitur ad effectum terminata.

Ad quintum, concedo assumptum, juxta dicta in *solutione*; & ad minorem respondeo, si magis necessarium in creatis esset etiam summè simplex, id est, nec compositum, nec componibile cum aliqua realitate non necessaria, tale magis necessarium ex se non haberetur respectum realem ad minus necessarium. Sed hypothesis est omnino impossibilis, ex dictis supra *quæst. 3. art. 7. in incidenti*: quia etiam si aliud corpus celeste poneretur in se esse necessarium, non tamen est summè, nec adeo simplex, quin possit recipere ali-

quam realitatem non necessariam, aliam à se. Deus autem sicut non potest esse illud, quod est in ordine ad aliquid non ex se necessarium: ita nequit habere aliquam realitatem in ordine ad aliquid tale, quia illa realitas esset ipsum.

Ad sextum patet ex dictis, qualiter Deus etsi necessario velit bonitatem suam, contingentem tamen vult ea, quæ ordine tantum accidentali ordinantur ad summum bonum: quippe quæ illi assequendo, aut habendo, aut amando amore ei adequato, minimè sint necessaria: nec quicquam additamenti in perfectione sibi obvenire queat ex illis.

Ad ultimum respondeo, Deum utique in æternitate velle quicquid vult: sed tamen ita velle, ut eligere queat oppositum ejus, in quod tendit in eodem instanti: Voluntas enim prior naturaliter est tendentia sua in objecta volita, ideoque quia liberè tendit, potest divisim utrumque oppositorum: uno tamen volito, sequitur esse necessarium, necessitate consequentiæ duntaxat, non consequentis, & absolutæ: cum simpliciter potuerit non evenire, si Deus oppositum, ut poterat, statueret maluisse. Hinc quæcunque sunt volita à Deo in æternitate, sunt necessario volita necessitate immutabilitatis; quia oppositum evenire nequit, neque ex parte actus neque ex parte objecti; sed non sunt necessaria necessitate inevitabilitatis, quæ potentiam excludit determinationis oppositæ, quia oppositum omnino potuit determinari,

#### ARTICULUS INCIDENTS.

An Deus de necessitate velit creaturas possibiles.

*Doct. 3. dist. 32. §. Hic tria V. Hæc conclusio Thomista ad art. 3. q. 19. primæ partis.*

**V**IDETUR Deus necessario velle, atque diligere creaturas possibiles: Potentia necessario tendens in suum per se objectum, necessario quoque tendit in quodlibet, ubi necessario reperitur ratio sui per se objecti: sed creaturæ possibiles necessario participant aliquam rationem divinæ bonitatis: Eo enim pacto, quo sunt entia, sunt pariter vera, & bona: ergo cum divina voluntas necessario amet suam bonitatem, tanquam per se objectum, diligit necessario oportet quicquid est sua bonitate bonum, cujusmodi sunt suo modo entia possibilia.

Præterea: Voluntas divina in æternitate est ratio volendi alterum oppositum in quibuscunque aliis à se: igitur sibi ab intellectu præsentatis infinitis prorsus possibilibus, aut ea vult diligendo, & complacendo se in illis, aut non vult odio habendo. Si primum, habetur propositum: quia saltem à sua perfectione sibi imponitur necessitas illa diligendi, eo quod nequeat circa objectum aliquid esse suspensa, & quasi perplexa: si non vult: igitur est in illis aliqua ratio mali, propter quam solummodo Deus odio habet quicquid odit.

Præterea, Dei ut intelligentis, & ut creativi est necessaria connexio cum creaturis cognitis, ac possibilibus: sed si ex necessitate non haberet complacentiæ affectum circa possibilia, id potissimum esset, quia sibi repugnaret connexio necessaria ad creaturas: igitur est in Deo amor complacentiæ necessarius circa possibilia.

CONTRA, Deus est essentialiter independens ab omni alio à se, & ratione finita: ergo per infinitam independentiam distat à creaturis ad illam essen-

De hoc etiam 4. dist. 46. q. 1.

Quodlib. q. 8. §. Secundum V. Et si quæritur.

Quodlib. q. 16. §. De secundo articulo.

4. dist. 46.

Quodlib. q. 2.

De rerum principio 4. n. 25.

4. dist. 46. q. 1.

De rerum principio 4. n. 25.



sentialem involventibus dependentiam : dependentia autem quælibet arcet voluntatem, quæ necessariam dicitur habitudinem ad rem amatam ; ergo cum Deus per infinitam libertatis rationem comparetur necessario ad creaturas ; ea enim cum independentia commensuratur, nullum aliud à se in quocunque esse necessario diligit, vel sibi complacet in illo.

RESPONDEO dicendum Deum diligere quidem affectu simplicis complacentiæ res possibiles, sibi ab intellectu divino præstentis ; at nequaquam eas velle necessario, sed liberè duntaxat, saltem quoad exercitium. Nam de specificationis necessitate non videtur ambigendum, cum Deus nihil eorum, quæ fecit, odio prosequatur, ut scribitur, *sapient. 11.* Etsi unicuique desit aliqua perfectio, cuius esset capax, ut ens ; & tamen eum defectum Deus non odit, sed magis diligit eam, quam dedit naturæ, bonitatem ; ita nec in possibilibus est aliqua ratio, cur Deus ea odio habeat. Nam quicquid odit in existentibus est sola malitia moris ; potius igitur sibi complacet in illis simplici affectu dilectionis, id est non efficaci, quia ad tale voluntatis velle nullus est sequuturus aliquando effectus.

Est igitur declarandum Deum simplicis complacentiæ affectum habere posse, & porro exercere circa possibilia, sed duntaxat liberè, non necessario. Nam sicut omnis intellectus potest in quodlibet intelligibile, ita & omnis voluntas in quodlibet volibile ; igitur divina voluntas potest diligere quæcunque diligibilia alia à se ; res autem possibiles sunt diligibiles, id est, aptæ naturæ terminare simplicis complacentiæ affectum : Quemadmodum enim ratione intrinsecæ veritatis sunt intelligibiles, ac re ipsa terminant divinum intuitum, cum sint objecta secundaria infiniti intellectus ; ita ob intrinsecam bonitatem, entis rationem consequentem, illique proportionatam aptæ sunt terminare Dei dilectionem inefficacem, quæ est simplicis complacentiæ affectus.

Quod vero ejusmodi dilectionis simplex affectus nequeat esse in Deo necessarius circa res possibiles, probatur : Deus sicuti est infinitus, ita & necessarius ; nam est necessarius, quia à se est ; autem à se, quia infinitus. Siquidem ideo aliquid est contingens, & possibile, quia ab alio ; & ab alio intantum aliquid esse potest, in quantum est finitum ; hinc enim est in potentia objectiva physica, & producibile. Igitur est Deus necessarius, quantum fieri potest, & intelligi necessarium ; ergo & ex quacunque hypothesi, seu possibili, seu impossibili circa ipsum ; igitur implicantibus omnibus creaturis, adhuc esset, & intelligeretur Deus ab intellectu infinito omni intrinseca perfectione sua præditus, ac modo est. Si autem utcumque intelligeretur habere necessariam habitudinem ad creaturas in statu possibilitatis, ex positione quod hæc destruerentur, oporteret deficere aliquid, quod est intrinseca perfectionis in Deo ; ergo ex defectu minus impossibilis deficeret impossibilis, uti est minus necessarium respectu simpliciter necessarij, ut deductum est in articulo præcedenti. Sed nonne intellectus necessario attingit omnia possibilia ? Sicuti igitur nullum sequeretur inconveniens ex hypothesi impossibili, qua subtraheretur id objectum intellectui divino ; ita nec valide inferitur ex consimili necessaria habitudine voluntatis ad entia possibilia. Est responsio ; intellectum divinum non referri ad possibilia, sed è contra : nam illa sunt producta in esse intelligibili ; ad absolutum autem in causa se-

quitur absolutum in effectu, exinde effectus refertur ad causam, à qua dependet, & in tertio signo sequitur relatio in causa ad effectum, si illum fundandi sit capax. At Dei voluntas supponit possibilita producta in esse intelligibili, nec ea producit in esse volito, quia tunc efficaciter amaret ; si ergo necessario sibi in illis complaceret, necessariam diceret habitudinem ad illa, quæ subinde destrueretur ex positione impossibili, quod ipsa deficerent possibilia, nam eo quod dicerentur terminare simplicem complacentiam divinæ voluntatis, nulla ipsis foret intelligibilis intrinseca mutatio. Deinde ; voluntas, quæ ex se, & necessario determinatur ad finem, eatenus eadem necessitate determinatur ad ea, quæ sunt ad finem, quatenus ex ratione ipsius finis concluditur necessitas eorum, quæ sunt ad finem, ut puta quia sine illis finis nequit acquiri, aut possideri, aut amari : sed omni ente finito circumscripto, seu realiter existat, seu sit tantum possibile, à voluntate infinita perinde possidetur, ac tenetur, & amatur bonum infinitum : ergo voluntas divina non necessario fertur ad quemcumque amorem illorum, quæ sunt ad finem, quippe quæ ordinem duntaxat accidentalem dicant ad illam, nec aliquam perfectionem ei addere possint. Quemadmodum igitur dilectione, vel volitione efficaci liberè, & contingenter fertur ad illa, quatenus includunt realem existentiam, ita pariter liberè fertur in eadem objecta in quantum ab existentia reali ex se præscindunt, sunt in statu meræ possibilitatis.

Denique, voluntatem divinam necessario diligere objectum infinitum, est & ex ratione voluntatis infinitæ, & objecti pariter infiniti simul ; adeo ut unum sine altero non sufficiat. Etenim, voluntas finita liberè tendit in objectum infinitum, & voluntas itidem infinita liberè vult objecta finita. Nam voluntas non est principium necessarium producendi aliquem amorem alicujus objecti, nisi sit & necessarium principium amandi illud objectum. Si autem voluntas infinita foret necessarium principium amandi objectum finitum, tunc profecto necessario diligeret omnem creaturam : constat autem liberè duntaxat velle, & amare existentia quæque ex ratione, qua sunt objecta finita : ergo pariter liberè diligit omnia amabilia, inter quæ comparanda sunt ipsa possibilia, quatenus de bonitate divina participant : & quia eo amore non extrahuntur ex ordine possibilitum : ideo inefficax duntaxat est, & quædam simplex complacentia voluntatis in illis, & de illis nullam rationem habentibus necessario terminandi actum dilectionis divinæ voluntatis.

AD ARGUMENTA. Ad primum respondeo sic : voluntas divina necessario habet actum circa objectum infinitum, quia id est perfectionis : è contra vero non necessario habet actum circa objectum finitum, quia esset imperfectio in ipsa : nam imperfectio est necessario determinari ad posterius, & perfectionis requisitum est sic determinari ad prius, & perfectionis concomitantis ad illud, quod est simul natura. Etsi ergo possibilia participant suo modo divinam bonitatem, atque perfectionem, ex eo tantum sequitur posse amari, aut etiam de facto terminare simplicem actum complacentiæ voluntatis divinæ, sed non necessario utcumque diligi, cum ipsis non addit ratio necessario terminandi actum simpliciter independentem, & summè necessarium volitionis Dei. Sed urgebatur in argumento : Possibilia sunt necessario entia, & bona : ergo necessario voluntas divina fertur super illa, ut super participantia ra-

a. dist. 4. q. 6. Respondeo. Voluntas remissa est, qua placet voluntas non ponit in esse, licet possit ponere illud in esse.

a. dist. 8. q. 2.

a. dist. 8. q. 5. 6. Secundum excludendum 16.

a. dist. 10. q. 5. Sed quæritur ratio.

a. dist. 30. q. 3. Ad secundam questionem.

Quodlib. q. 16. 5. De secundo articulo.

a. dist. 30.



tionem formalem primi objecti. Responsio: propterea divina voluntas de facto sibi, complacet in illis, quia amabilia sunt suo modo, ut dictum est in solutione. Sed negamus, non liberè proinde amari: cum nulla in eis sit ratio cogendi primum liberum ad eorum dilectionem, ut ostendunt adductæ rationes. Quamvis enim in illis, ut ostensa sunt ab intellectu, sit aliquis gradus bonitatis essentialis, secundum tuam rationabiliter debent placere voluntati; quia tamen id debitum non est ipsis intrinsecum, quale præferret objectum infinitæ perfectionis, sed potius ob rectitudinem voluntatis, ideo liberè omnino tendit in ipsa, etiam si actum suum suspendere ex sui perfectione valeret.

Ad secundum, concedo Dei voluntatem esse rationem volendi alterum oppositorum in æternitate in quibuscumque aliis à se, actu efficaci, quem scilicet consequitur effectus, seu esse realis existentia volitorum, & negatio ejus in ijs, quæ nolita fuerunt. Sed circa possibilia Deum alium actum non habuisse, quam simplicis complacentia, alioquin ad ordinem futurorum deducta essent; liberè tamen, & non necessario, ob prædicta. Et cum dicitur si liberè; ergo potuisset non complacere sibi in illis, & ita esse suspensa, & perplexa; quod si id nequit; igitur necessario, & non liberè elicit actum (quicumque tandem sit) dilectionis illorum. Respondeo, ex eo tantum sequi eam libertatem non itare cum contingentia, propterea quod Deus actum cum ea conditione habere nequeat, nisi circa existentia, quorum est causa eadem voluntas divina, quæ subinde possunt esse, & non esse: possibilia vero cum antecedant omnem actum divinæ voluntatis, non sunt objectum ejus, ut contingenter fertur circa res ad extra: cum hoc tamen optimè coheret liberè, & non necessario tendere in illa actu simplicis complacentia: quia illa voluntas in apice summæ libertatis constituta, ut est respectu omnis creati, & creabilis infinite independens, ita in ordine ad eadem nulla necessitate afficitur, sed omnino liberè tendit in illa, & quidem ut pendent ab actu ejus efficaci, contingenter se habet: quia potuit in eodem signo voluisse oppositum: ut vero antecedunt ejus causalitatem in esse volito, duntaxat liberè, & non contingenter ea respicit, quia causa illorum est necessario dans esse intelligibile, & possibile ipsis, cujus ratione causalitatis, vel quasi causalitatis non cadunt sub potentia divina, quæ respicit duntaxat esse realis existentie rerum possibilem, & non necessarium.

Ad tertium respondeo aliter esse necessarium illud, quod necessarium requiritur, siue præexigatur, siue coexigatur ad esse necessarij: aliter esse necessarium illud, quod ad esse necessarij necessario consequitur; & hac duntaxat ratione est dicenda necessaria creatura in esse cognito; nam non præexigitur ad esse simpliciter primum, nec coexigitur, ut Personæ divinæ inter se; solummodo igitur consequitur ad infinitam intellectiōem, ita tamen, ut his per impossibile non intellectis, seu non consequentibus, nulla deperiret Deo perfectio; igitur Deum scire objecta secundaria, non est aliqua perfectio simpliciter, alioquin summè necessarium coexigeret minus, & dependens, & participatum necessarium, quod planè implicat, idque non solum est verum absolute, sed etiam ut transiit super ipsa secundaria objecta; Est tamen perfectio simpliciter cum addito, quod necessario concomitatur perfectionem simpliciter: Ruit igitur fundamentum, & ratio statuendi necessitatem in complacentia divinæ voluntatis respectu possi-

bilium; quia nullam habent in quocunque esse necessariam connexionem, adeout quemadmodum creaturæ præexigunt esse perfectionum divinarum, ita è converso Deus ipsas non præexigat, nec mutua sit in ipsis coexigentia.

# ARTICULUS IV.

Utrum Voluntas Dei sit causa rerum.

*Doct. de rerum princip. q. 3. § 4. prout in margine annotatur. 1. dist. 39. §. Quantum ad primum, & §. Juxta prædicta. Et Quodlib. q. 14. §. Hic intelligendum V. completo igitur S. Thom. 1. p. q. 19. art. 4.*

**V**IDETUR Dei voluntas non esse causa rerum; Voluntas est unum de essentialibus commune tribus personis divinis: sed respectu creaturarum attribuit Scriptura Verbo divino propriam causalitatem; ergo non per voluntatem factæ sunt creaturæ, sed magis per intellectum, aut personam secundam. Probatio minoris; *Omnia per ipsum facta sunt*, scribitur de Verbo Joan. 1. Unde Augustinus, 15. de Trinit. cap. 11. *Verbum Dei esse potuit, nulla existente creatura, creatura autem nulla esse potest, nisi per ipsum, per quod facta sunt omnia.* Quare scriptum quoque est, *Omnia in sapientia fecisti*, nempe per verbum, quod & Sapientia, & Ars Dei omnipotentis plena rationibus omnia factibilem ab Augustino non semel appellatur.

Præterea, secundum Augustinum 1. de doctrina Christiana cap. 32. *Quia Deus bonus est, sumus.* Ergo à Dei bonitate est, quod condita sit rerum universitas: sed Deus est per suam essentiam bonus, & nihil aliud est, aut esse potest ita bonum, ex dictis, q. 6. art. 3. ergo Deus est causa rerum per suam essentiam, & non per voluntatem.

Præterea, Primi principii essentia, quia omnino simplex, in eo differre nequit esse, & posse, nec actio sua potest esse accidentalit, quia non differt ab ejus essentia; igitur quicquid agit, per suam efficit essentiam, secundum modum ejus, qui est nature intellectualis, ac subinde per intellectum discernentem, & voluntatem complacentem: scientia autem ejus, quia perfectissima, comprehendit meliorem ordinem, qui esse possit in productione rerum, cui ipsius voluntas necessario acquiescit, quia optima est; igitur natura necessario producit illud, cujus voluntas necessario sibi complacet, juxta intellectus directivam ostensionem.

Præterea, Ex dictis art. 2. Quicquid voluntas Dei vult, in eternitate vult, produciens in esse volito; quemadmodum & intellectus in esse cognito: sed res in tempore accipiunt à Deo aliud esse distinctum ab illo volito in eternitate: ergo hujus esse realis existentie est alia causa in tempore à voluntate, quæ dedit esse volitum illis in eternitate: hæc autem videtur esse potentia quædam executiva, alia à divina voluntate, quippe cujus ratio executionem, seu representationem effectus non includat, imo ab ipsa potentia executiva abstrahat.

Præterea, Si Dei voluntas esset causa rerum; igitur aut quæ voluntas, aut quæ volens. Si quatenus voluntas est: ergo cuicumque voluntati inesset vis productiva, & effectiva rerum, quod est planè falsum: quantuncunque enim per voluntatem

3. dist. 39. in 6. solutione.

Aliter docet esse responsum u. Matris Scoti. Dist. 4. q. 1. super primum sent. seu. nois ita dicendum. videtur ad mentem Doctoris 1. dist. 39. q. 4. & 43. non approbentibus contingentiam libertatem in exercitio voluntatis infinitæ respectu objectorum realem existentiam non habentium.

Quodlib. q. 9.

4. dist. 49. q. 4. in incid.

De rerum principio q. 4. n. 1.

1. dist. 39. q. 43. tertium quæstiones.



tem nitamur, nisi præterea adfit alia potentia executioni demandans iussa illius, nihil omnino fieri experimur. Neque quatenus volens, quia operatio immanens qualis est volitio, est ultima perfectio potentia operativæ, & nihil per illam producit.

Quæst. 3. n. 24.

CONTRA. Sapien. 11. *Quomodo posset aliquid permanere, nisi tu voluisses*; & Psal. 148. *Quoniam ipse dixit, & facta sunt: ipse mandavit, & creata sunt*. Imperare autem, aut mandare, & præcipere aliquid fieri, folius est voluntatis, unde Augustinus, 3. de Trinit. cap. 4. *Voluntas Dei, inquit, prima est, & summa causa omnium corporaliū specierum, atque motionum*.

Quodlib. q. 8.

Respondeo dicendum, Deum non naturæ necessitate, sed per liberam voluntatem esse causam rerum. Ad primam partem solutionis licet spectent quæcunque adducta sunt in secunda parte præcedentis solutionis; ad maiorem tamen veritatis declarationem, probatur, Deum non producere creaturas ex necessitate. Nam omne agens de naturæ necessitate, necessario ab illa actione dependeat oportet, vel saltem realiter referatur ad terminum ejus: Sed necessitas tendendi in aliud, & omnimoda independentia ab illo, sunt omnino opposita, ac se se excludentia; ergo cum primum sit omnino independentes à creaturis, impossibile, est, has necessitate naturæ ab eo esse productas: quia tunc produciens dependeret à suo producto. Deinde, omne agens per aliquam actionem necessariam, intendit aliquam vi perfectionem acquirere per illam: Sed Deus in extrinseca sua actione, ad creaturas scilicet terminata, nullam potest intendere, vel acquirere perfectionem; ergo nec naturali necessitate agit ad illarum productionem. Sed ad illud respondeo: Avicenna, sentiens Deum agere ex naturæ necessitate, 9. *Metaphys. sue cap. 1.* Sicut aqua ex se ipsa est frigida, sed quod frigus aliis communicet, est sequela perfectionis ipsius; ita primum ex se ipso est, perfectum, nullius indigens, estō perfectionem ejus sequatur necessario producere alia à se, atque eis illam perfectionem communicaret; quamvis hæc ipsa communicatio non sit finis ejus, ut nec finis aquæ est frigiditatem alia à se corpora; si aqua non posset persistere in innata sui frigiditate, nisi alia frigidificaret, non foret summè perfecta in frigiditate, nisi aliis suam frigiditatem impertiretur; ergo si primi principii perfectionem sequitur necessario esse alia à se ipso, de illius participantia perfectione, ipsum primum non foret omnimode perfectum, nisi una cum illo & alia pariter existerent; igitur Deo inesset perfectionis complementum dependenter à creaturis, quod est impossibile; quia omnibus implicantibus creaturis, Deus non esset minus perfectus. Deinde sicut forma in mente artificis est principium rei extra, ita forma naturalis in agente naturali est principium effectus naturaliter provenientis, ut ignis caliditas, est causa caliditatis in ferro: igitur quemadmodum agens per artem unam non agit, nec agere potest extra artis rationem; agens enim per formam domus, non efficit nisi domum: Sic agens per naturam efficere non potest nisi unum; quia natura in uno est una; igitur si Deus necessitate naturæ agit, aut omnia sunt unum, aut saltem speciei unius. Et si dicatur, quia sol agens per naturam, efficiens est causa omnium generabilium diversarum specierum, & generum. Contra, effectuum hæc varietas est ex materia varietate, diversimodè disposita, atque solis radio applicata; ceterum solis naturaliter agentis unius est effectus

Quæst. 4. n. 5.  
& sequ. & a. n.  
23. & 24.

quod est lumen: sic Deus aut nequiret plura immediata producere, si naturaliter produceret, aut ea omnia forent unius rationis, & speciei. Denique quilibet effectus habet stabilitatem, & durabilitatem secundum aspectum suæ causæ naturalis, maxime ad ipsum, & secundum causæ actualitatem; ut lumen habet stabilitatem à sole, & fructus ab arbore; igitur cum natura divina sit infinitæ actualitatis, & æterna, omnis effectus ab ea procedens, esset æternus, haberetque essendi necessitatem quod negat ipsemet Avicenna, restē sentiens, creaturam de se esse possibilem non esse; 6. *Metaphys. sue cap. 1.*

1. dist. 8. q. 5b

Cum igitur impossibile sit primum principium agere per naturam, seu naturali necessitate esse causam rerum productivam; consequens est, ut omnia causet per voluntatem liberè volentem quicquid vult. Nam ex articulo primo: & fufius 9. 2. art. 3. quia primum est per se agens, est agens gratia finis, à se præcogniti, & amati; si enim est primum, profecto, nequit finis gratia cuius agit, ordinatque effectus præcognosci, & amari ab alio agente superiore ipsum dirigente, & ordinante ad finem; quemadmodum & agens à proposito dirigit ad finem agens naturale. Est igitur primum agens necessario prædium intellectu præcognoscente, & voluntate amante finem, ad quem dirigit quæcunque, id est, omnia, quæ per ipsum facta sunt: sed ab intellectu non est petenda, nec statuenda causalitas primi efficientis; quia tunc naturali necessitate impelleretur ad producenda quæcunque in esse producit, quod jam improbatum est; igitur talis potentia activa, & productiva rerum in primo principio est primo, & per se statuenda in ipsius voluntate. Deinde voluntas divina, suæque bonitas ad invicem essentialiter referuntur, mutuoque se respiciunt, sicut potentia essentialiter respicit primum suum obiectum: sed bonitas divina cum ad creaturas comparatur, est finis earum; igitur & voluntas pariter respectu earum rationem aliquam causæ habebit: non finalis, quia finis est bonitas, nec formalis, ut patet: ergo efficientis: quatenus ab infinita bonitate per se, & necessario movetur ad dilectionem ejus, exinde liberè eligit, atque vult quæ illam condecant, sicuti est velle complura ex infinitis possibilibus, quæ sibi ab intellectu infinito præstentur. Ut igitur prima ratio motiva ad causandum est id, ad quod primo spectat ratio communicabilitatis, estque ipsum bonum, ita quod primo & movetur, & efficit est id, à quo bonum communicatur: non communicatur autem ab alio, quàm à voluntate, cuius bonum est passio: ergo ratio causandi principaliter spectat ad voluntatem. Denique, creaturæ haud procedere possunt à Deo aliqua necessitate, ex dictis in præcedenti articulo, & ad primam partem solutionis: procedunt ergo, & causantur ab eo ex omnimoda libertate: igitur illi debet attribui principalior ratio causalitatis, ad quod spectat principalior ratio libertatis: id autem non est essentia, nec intellectus, nec aliqua alia potentia à voluntate: imo tanta est libertatis ratio, secundum quam Deus res producit, ut major intelligi nequeat: siquidem quæcunque necessitas producendi effectum, ponit dependentiam in producente, adeo ut hæc æquiparetur necessitati, & tanta sit dependentia, quanta & necessitas: ubi ergo ex infinita perfectione nullum habet locum dependentiam, perinde arceat omnis necessitas ad producta: sed secundum quod à producente tollitur necessitas, ita adstruitur libertas: ergo Deus producit omnia extra se per infinitam

1. dist. 2. q. 2.  
de primo principio  
cap. 4.

Quæst. 3. n. 18.  
& 19.

Quæst. 4. n. 29.



rationem libertatis, qua major excogitari non potest; ergo ea est omnium causa, seu per talem rationem Deus producit alia à se, secundum quam infinita pollet libertate producendi, aut non producendi pro omni *nunc* divisim, & quomodocumque, & qualitercunque sibi placuerit. Actus porro hujus causæ ex infinita libertate rerum productiva (ut tactum fuit supra articulo primo) non est aliud ab ipsa potentia volitiva; imo ejusdem est ambitus cum illa. Nam sicut se habet in Deo essentia ad esse, ita voluntas ad velle; quia esse est actus entis, & velle actus voluntatis; sicut igitur esse est ejusdem ambitus cum essentia, ita & velle ejusdem ambitus cum voluntate. Et sicut in creaturis esse est extra essentiam, quæ per illud contrahitur, ita & voluntas contrahitur, & arctatur per velle à se distinctum, ut opus nobis sit pluribus actibus propter eorum limitationem, & diversitatem à potentia volitiva, ad plura attingenda objecta; at Deus uno, eodemque, actu volendi infinito, vult quæcunque sibi placent, eodemque non vult, quæ nolenda esse decernit. Hæc ergo voluntas non est indifferens ad diversos actus nolendi, & volendi, sed est tamen infinite libera ad diversos, vel oppositos effectus divisim; quia unico illimitato actu tendit in quæcunque volibilia, adeo ut in tali potestate tendendi in volibilia, per se, & primo consistat ratio infinita libertatis voluntatis divinæ; nam etiam quatenus est sub actu infinitæ volitionis, ipsa est naturaliter prior tendentia in quodvis particulare objectum, intantum ut in eodem instanti tendere queat in oppositum objectum, ac proinde quicquid vult, aut non vult, liberè omnino, & contingenter ea objecta attingit.

AD ARGUMENTA. Ad primum respondeo, omnia facta esse per verbum posse dupliciter intelligi; scilicet aut quia Verbum compleverit causalitatem Patris respectu creaturarum; aut certe quoniam Verbum præceperit à Patre eandem causalitatem ante productionem creaturarum. Primo modo non est concedendum omnia per Verbum facta esse, quia Pater in se, & à se habet perfectam causalitatem respectu omnium quælibet, ita ut si per impossibile Filius non esset, adhuc creaturas producere posset. At secundo modo omnia per verbum facta sunt, ipsumque necessario requiritur; quia enim Verbum simpliciter prius quia terminus infinitus, producitur, quam creaturæ, quæ intrinsecè sunt finitæ, communicatur sibi à Patre eadem natura, eademque voluntas, & subinde vis productiva omnium se essentialiter posteriorum; ideo per ipsum facta sunt omnia, non quia specialem aliquam habeat causalitatem respectu creaturarum; sed quia in eadem causalitate cum Patre conveniens, necessario præexistit ad productionem creaturarum.

Et cum additur, scriptum esse in Psalmo 103. *Omnia in sapientia fecisti*. Respondeo, Deum utique omnia in sapientia condidisse per modum effectivæ, & expressivæ artis, quæ nullo exteriori formatur; sed se ipsam format per veritatem idearum, quæ sunt idem quod ipsa, ut ait Augustinus. 6. de Trinitate, cap. ultimo, id est (ut q. 14. art. 16. iterum repetito declaratum fuit) causam effectivam, & expressivam sapientiæ divinæ, secundum quod sapientia, vel ars est dictativa, & effectiva, & ostensiva rerum efformandarum ad extra non esse ab intellectu dirigente, & regulante potentiam operativam; quia cum hæc sit voluntas Dei ex sui natura inobliquabilis, non indiget regula aliqua, respectu fiendorum, sed ipsamet sua infi-

nita libertate efformat decreta, decernitque omnia faciendæ ad extra, quibus statutis per infinitam rectitudinem intellectus intelligit operabilia, & futura cuncta, quæ antequam per voluntatem fuissent statuta, erant ipsi duntaxat neutra, quia utrumque erat possibile, & statui jussu potuisset à voluntate rectitudinis infinitæ. Omnia ergo in sapientia fecit, non quia ab intellectu faciendæ determinatè acceperit, sed quia intellectus novit ordinem, & rectitudinem sapientissimam decretorum divinorum. Sed videndus est. art. 16. ubi habetur quoque qua ratione Verbum dicatur Ars Patris.

Ad secundum respondeo ex dictis in solutione; Equidem Dei bonitas est causa finalis, ad quam omnia rectè ordinantur, & ratio motiva subinde, cur Deus rerum condiderit universitatem; veruntamen suæ communicatio bonitatis nequaquam esse potuisset, nisi per voluntatem id heri jussu esset; ab æterno quidem volitum non pro æterno, sed pro eo tempore, in quo fuit representatum.

Ad tertium (propter quod Avicenna sentit Deum ex naturæ suæ necessitate agere ad extra, nempe producere illud unum determinatum, quod sua scientia comprehendit fore perfectissimum, quod erat prima intelligentia, a qua exinde ordinatè essent cætera, usque ad ultimam productricem animarum, & cui commissum putabat regimen activorum, & passivorum) respondeo, si ex scientia Dei voluntas, vel natura ut volens determinaretur necessario ad modum perfectiorem, qui esse possit, profecto Deus haberet necessariam habitudinem ad res extra; nec sua voluntas proinde esset omni moda, ac perfectissima libertate prædita, quia arctaretur ad unum modum, nempe ad perfectissimum sibi ab intellectu ostensum. Ex dictis autem constat hæc esse falsâ; quamvis enim actio non sit Deo accidens, quia velle suum est idem ac essentia, tamen contingenter transit super omnia alia à se. Veritas est igitur, eum modum aliis præferendum, quem representandum esse censuerit voluntas divina: hoc ipso enim quod est ab illa volitus, est iustus, & rectus, atque intellectus est ejus rectitudinis apprehensivus; & ratio est; quia Deus perinde distat, ac per infinitam intercapedinem est superexaltatus ab omni ordine, & genere possibilitum, quæ ipsius voluntati ab intellectu præstenduntur; eodem ergo modo est in plenissima libertate, & independentia respectu cujuscunque determinati, ac respectu omnium aliorum.

Ad quartum dicendum; quoniam Deus nequit quidpiam velle ex tempore, necessario quicquid vult, in æternitate vult. At quia ut est in plenissima libertate alia à se volendi, ita potuit voluisse pro uno, aut alio tempore, & fortasse pro eadem æternitate, non oportet mox ac aliquid volitum est, productum esse. Quemadmodum & in creatis, non est necesse, cum aliquid volumus, pro eo tunc velle, sed stare potest volitio præsens respectu objecti voliti pro futuro. Et sicut eadem volitione, qua volumus aliquid pro futuro, illud idem representaremus, nisi ex imperfectione ejus actus alia potentia indigeremus, per quam est effectus producendus: ita eadem volitione æterna ob sui infinitatem, & illimitationem Deus dat esse quibuscunque volitis à se in æternitate pro eo tempore, pro quo volita fuere: non quod actu id formaliter efficiat, quia is non est formaliter liber sed magis potentia, ut est sub actu, atque libere decrevit hanc partem contradictionis pro tempore statuto, ita ab illa accipit esse reale in tempore, non

Quæst. 3. n. 19.

Quodlib. q. 2.  
& 3. dist. 1. q. 1.

Quæst. 4. n. 4.

De his. dist. 2.  
& 4. dist. 9. q. 1.De his infra q.  
46. artic. 2. q. 2.

Quæst. 3. n. 32.

2. dist. 1. q. 2.  
& 3.



non nudè intellecta, sed ut sub actu infinito valens efficere quicquid faciendum determinavit. Et cum dicitur, quod in tempore res esse reale accipiant, videtur attribuendum magis potentiae executivæ, quam voluntati, quæ ex se ab illa abstrahit potentia, atque ab æterno producendo res in esse volit o suum produxit effectum. Responsio; in artifice creato est potentia executiva, & intellectus cognoscens rem efficiendam, ut statuam: nec tamen statua efformatur, nisi imperet voluntas, admoveatque operi manus: executiva ergo instrumentum esse videtur, scientia vero ordinans: at voluntas est movens, ac efficiens: potentia autem infinitæ Dei nulla esse queunt necessaria instrumenta, quibus nos indigemus ex defectu, seu imperfectione potentie activæ: ergo nec aliqua est in ipso potentia executiva, sed eadem volitione illimitata, qua dat esse volitum in æternitate, dat & esse reale iisdem pro tunc, quando efficienda esse decrevit. Et quod additur, voluntatis rationem non involvere potentie executivæ conceptum. Dicendum, id evenire cum non perfectè, & adæquatè concipitur; nam intelligens potentiam activam illimitatam, necessario subinde concipit eam involvere quicquid activitatis, & activæ potentie est possibile in omnibus, scilicet imperfectionibus; cum autem vis executivæ potentie, etsi instrumentalis, ad perfectionem spectare debeat, consequens est, ut ea vis per se in potentia activa infinitæ perfectionis reperiatur, & involvatur. Non est ergo statuenda in Deo alia potentia ab intellectu, & voluntate; & quoniam rerum realis productio opus alicujus naturalis potentie esse nequeat, superest, ut sola infinita voluntas sit summa, ac suprema omnium causa, quatenus sub uno velle infinito tendit in quæcunque vult, & ad ejus velle sequitur rem esse; sicut enim suo velle conservat omnia quæ sunt, ita eodem esse acceperunt.

Ad quintum dicendum Dei voluntatem esse supremam rerum causam, quatenus est infinita; propterea enim est per se includens vim omnem agendi liberè, & contingenter respectu objecti finiti. Et cum subditur, quatenus volens nequit esse rerum productiva, cum volitio sibi insit, ut ultima perfectio operantis. Respondeo, non à volitione (ut dictum est) accipiendam esse rerum productionem, sed à voluntate volente. Vult sanè infinitam bonitatem per se, & necessario, atque exinde movetur, vultque gratia illius communicare aliis à se nonnihil de illa bonitate liberè, & contingenter; est igitur productiva rerum, ut est sub uno, eodemque actu infinito, quia eo mediante tendit in quæcunque sibi velle placuerit: neque per hoc quod tendat in hæc, aut illa quidquam sibi intrinsicum evenit: nam hæc velle, & non illa, non est aliquid reale additum super simplex, & unicum Dei velle: esto ad id sequatur esse reale creaturæ.

## ARTICULUS V.

Utrum voluntatis divinæ sit assignare aliquam causam,

Doct. de rerum principio, q. 4. art. 2. sect. 3. dist. 8. quæst. 5. §. Et si quæras 2. dist. 1. q. 2. §. Ad quartum. S. Thom. 1. p. q. 19. art. 5.

**V**IDETUR voluntatis divinæ esse assignandam aliquam causam. Nam Deus quæcunque causat, non irrationabiliter causat; ergo rationabiliter, imo omnium singillatim esse apud

ipsum proprias rationes, testatur Augustinus, 83. qq. q. 46. Sed quod est ratio producendi, est causa etiam, cur producat, seu ratio volendi illud: nam nisi factibile, vel possibile foret, voluntas nequiret velle illud efficere: igitur divinæ voluntatis tot sunt causæ rerum producendarum, quot rationes condit in se mundus intelligibilis divinus, secundum quas efformantur quæcunque producuntur.

Præterea, Omnia inter se ita sunt ex natura rei ordinata, ut imperfectiora sint intenta, & condita gratia perfectiorum, ut plantæ propter animalia, & animalia propter hominem: imò totus mundus sensibilis conditus est, & volitus à Deo propter hominem, quem proinde omnium sensibilium finem rectè appellat Aristoteles, 2. Phys. tex. c. 24: Quod est enim propinquius fini ultimo, est finis eorum, quæ sunt remotiora: igitur ipse homo extitit Deo causa condendi hunc mundum sensibile: igitur voluntatis divinæ est assignare aliquam causam.

Præterea, Ordinatè volens universaliter prius vult id, quod est fini propinquius, quam ea quæ longius ab illo fine distant: ultimo autem fini cæteris propinquior est Christus, ac gloria animæ ejus, quam cæteri omnes prædestinati; ergo etsi Deus intuitu sue bonitatis voluerit condere naturam humanam Christi, ac conferre illi summam gratiam, & gloriam, sicut deuit ejus Unigenitum repleti, tamen omnes alios electos videtur voluisse propter ipsum filium ejus, quem constituerat omnium caput, & propter quem merita dedit illis gratiam, & gloriam; igitur divinæ voluntatis est aliqua causa, propter quam efficere hæc, aut illa probatur.

Præterea, Deum condidisse mundam corporalibus, & spiritualibus creaturis refertum in initio temporis, nec prius, nec postea; ac in eo primum hominem creasse, hac, aut illa lege imposita, & non aliis; & Filium suum incarnandum misisse eo temporis, & non antea, & aliorum ejusmodi, quæ possent in medium adduci, utique aliqua videtur subesse causa, & ratio ex parte ipsorum volitorum, etsi nos lateat: Cum enim nullum excogitari possit impedimentum respectu Dei, aliqua alia ratione nobis abdita videatur motus ad ita potius agendum, quam contra, cum utrumque perinde representare potuisset. Ergo expectatæ vitæ præcisa quædam temporis momenta, & non alia? Ex ipsis itaque rebus est ratio, seu causa necessario accepta.

Præterea, Ideo Dei voluntas potest, & reipsa producit species rerum tantæ perfectionis essentialis, quia tale esse possibile, & essentialè ab intellectu divino acceperunt; ideo nec potest divina voluntas aliquem actum saltem inefficacis complacentiæ circa illa non habere; igitur ratio, & causa, cur producat res in tali, & tali gradu bonitatis, est statuenda in objecto secundario intellectus divini.

**CONTRA,** Si aliqua divinæ voluntatis esset causa statuenda, maximè finalis: sed Dei nulla esse potest ejusmodi causa; Nam ejus causæ vis, & ratio consistit in movendo efficiens ad agendum: Dei igitur inefficibilis nihil est causa finalis, etsi agat propter finem effectuum ad se ipsum ordinatorum, non propter finem sui; cum sui esse nequeat agens. Unde rectissime dixit Augustinus, 3. de Trinit. cap. 6. Dei voluntatem primam esse, & summam causam omnium. Si enim ejus foret aliqua causa, profecto in ordine causarum summa non esset. Id ipsum habet 83. qq. q. 27.

Re-

12. Metap. 4. 27.

3. dist. 30.

3. dist. 2. q. 3. & dist. 19. & 1. dist. 41.

3. dist. 32. in fine solutionis.

1. dist. 1. q. 5. §. Ad primam primæ quæst.

Quodlib. q. 8. §. Tercio arguitur.

Quæst. 4. art. 19.

Videndi Scotiæ Recentiores super primam sententiarum.

1. dist. 37. Quodlib. 1. q. 2. §. De primo.

Quæst. 4. art. 54. Videndi Scotiæ Recentiores tractantes magnam hanc difficultatem.

1. dist. 95. §. Ad 2. q. 1.



3. dist. 32. 8. Ter-  
tium V. Patet.

RESPONDEO dicendum, Dei voluntatis nullam causam esse Declaratio: quemadmodum intellectus divini primum, & adequatum objectum est essentia infinita, per cuius comprehensionem beatificatur; ita & voluntatis est primum objectum ex cuius infinito amore est Deus perfecte beatus & sicuti ex perfectione infinita suae intellectiois Deus tendit in alia à se intelligendo, ita ex infiniti amoris perfectione tendit in alia à se volendo & diligendo illa. Circa igitur alia à se primus terminus potentiae est totalis ratio agendi, seu tendendi; sola ergo essentia divina potest esse prima ratio agendi, tam intellectui, quam voluntati divinae; nam si quidpiam aliud à se foret ei ratio agendi, seu movendi ad agendum, illa potentia vilesceret; & alioquin est impossibile, quia cum omnia alia sint finita, nequeunt esse rationes movendi potentiam infinitam. Deinde, ipsae creaturae causantur à divina voluntate, ac tantum habent in se bonitatis, quantum per velle divinum ipsis communicatur: alioquin nihil de illa participatur; si nihil dandum ipsis censuisset; igitur nullam praeferre possunt rationem finis respectu divinae actionis; nec movere voluntatem divinam ad agendum, cum in se ipsis nihil possideant realiter bonitatis. Nec item voluntas movetur à potentia, vel à scientia: quia haec rationes ad se sunt indeterminatae, & ex aequo respiciunt opposita pro quocunque nunc divisi: scientia enim ex se intuetur possibilia posse accipere realem existentiam, & non accipere, & potentia pariter valet se extendere ad esse, & omittere illam actionem: ergo quamvis potentia in Deo sit ipsa voluntas, hanc tamen voluntatem concipimus determinatam, quatenus intelligitur ratio volentis rem esse: potentia tamen, & scientia sub propriis conceptibus non apprehenduntur ut determinatae: non sunt enim magis unius extremi contraditionis, quam alterius: ergo Dei voluntas à nullo alio movetur ad agendum, sed precise à se ipsa. Rursus, finis est alia movere: ergo ultimus finis movet omnia alia à se simpliciter, & à nullo movetur: is autem finis ultimus est Dei infinita bonitas: ergo voluntas infinita duntaxat ab hac bonitate movetur. Denique, omne movens facit aliquam impressionem in moto, ac per hanc re, vel ratione arctat mobile; ergo si voluntas divina movetur à creaturis, coarctatur, ac diminuitur de ratione infinitae libertatis ipsius: atqui Deus secundum omnem modum libertatis possibilem producit omnia extra se: alioquin secundum quod necessitaretur ad causandum, ab ipsis causatis penderet, aut eadem coexigeret: ergo divina voluntas à nullo alio extra se moveri potest: non est igitur assignare aliquam causam ejus, nisi infinita bonitas, à qua ad infiniti amoris elicitionem movetur: quo actu stante, ac per eum infinita bonitati inherente, exinde efficit quicquid faciendum sibi libuerit: nam extra ipsam nullam est ratio quidpiam producendi, sed omnium ratio est in ipsa voluntate divina: quae sicut vult alia in gradu, ita sunt bona in tali gradu, & non è converso, ut dictum est.

AD ARGUMENTA. Ad primum, concedo Deum rationabilissimè agere quaecunque fecit, secundum scilicet infinitam providentiae suae vim, qua disposuit suam bonitatem manifestare in innumerabilium creaturarum efformatione. Has autem conditas esse juxta consilia abditissima voluntatis suae, ut declaratum fuit q. 14. art. 13. rationes igitur, secundum quas condita sunt omnia, ut ait Augustinus, non spectant ad voluntatem Dei, sed

ad intellectum: & licet secundum eas omnia sint extra efformabilia, & possibilia, per eas tamen nihil est futurum, aut efficiendum, sed solummodo factum possibile, ut art. 16. q. 14. cit. declaratum fuit: nempe quia non sunt in intellectu divino ideo ullae practicae respectu factibilium, sed duntaxat speculativae, ostendentes nimirum voluntati rerum possibilitatem, non futuritionem, aut necessariam conformitatem, cui debent volentes se necessario conformare; quia tunc aut deberet illa necessario velle, aut posset esse non recta, quod est impossibile. Cum subaccipitur in argumento: quod est ratio producendi, est causa, cur res producatur concedo; sed ratio producendi non sunt objecta cognita, vel ideo in mente divina, sed magis decreta voluntatis infinite ex sua libertate decernentis haec, & illa, & non alia, & eadem sunt causa producendi ipsa volita in aeternitate pro tunc temporis praefixo rerum productioni. Cum additur, nisi forent possibiles res, voluntas non posset velle earum futuritionem. Verum est, sed tamen non movetur à possibilibus; quia tunc planè videretur debere omnia velle: sed à suae libertatis infinita ratione, ideoque non est ipsius alia causa quaerenda, aut assignanda; quia nulla alia esse potest.

Ad secundum respondeo, quoniam ordo, ac perfectio universi exigit partes, quibus constat esse inter se se ordinatas, necessario perfectiora quaeque volita sunt ab Authore naturae gratia perfectiorum, ut tangitur in argumento. Sed negandum, ipsa perfectiora extitisse rationes, aut causas divinae voluntati condendi imperfectiora, seu quae ad alia sunt ordinata; imo omnia sapientissimè & liberè disposuit gratia sui, qui est ultimus finis immediatus omnium; non quod attingatur ab omnibus, quasi perfectionem ultimam adepturis in ipso; quia id nulli homine inferiori competere potest: sed quia est causa finalis omnium, sicut propter quem volita sunt alia à se; ac propterea nullum aliud in coordinatione entium potuit extitisse causam motivam respectu aliorum, quantumvis imperfectiorum; quia nequit sufficere, propter quod potuerint amari reliqua ad ipsum ordinata: imo cuncta & ordinata ad aliud, & illud, gratia cuius fuerunt volita, ut sensibilia propter hominem, volita, & amata fuerunt propter ultimum finem. Quod ergo unum in ordine ad aliud volitum fuerit, id non evenit ex aliqua ratione ex parte ipsorum, quasi determinante volentem ad ita volendum; sed omnia ita ordinata fuere, quia sic faciendum esse statuit voluntas, ideoque rectissime, ac iustissime representata sunt tempore opportuno. At si aliquid, vel etiam oppositum statuisset, perinde rectum, & aequum foret; quia eodem modo ordinabile esset ad ultimum finem quod est bonum commune communitate eminentis continentiae: ideo cetera sunt bona, quatenus ordinantur ad illud commune.

Ad tertium dicendum, secundum Philosophum, 4. Metaphys. tex. c. 9. indisciplinatorum esse quaerere omnium causas, & demonstrationem: nam principiorum demonstrationis non est demonstratio. Sicut igitur nulla est causa, quare calor est calefactivus, nisi quia calor est caloris causa: cur voluntas velit, nulla est causa media. Et quamvis voluntatem velle, sit contingens, tamen etiam in contingentibus standum est in aliquo primo, quod est immediatum; alioquin in contingentibus esset processus in infinitum, quia contingentia non sequuntur ex necessariis. Dei igitur voluntatem velle hoc, ac re ipsa producere pro praesenti nunc,

4. dist. 49. qu. 8.  
12. Metaphys.  
q. 28.

4. dist. 46. q. 1.  
5. Ad tertium  
dico.

3. dist. 32. 6. Ter-  
tium V. Patet  
Vivencia glossa  
Licheti.

Prologi q. 3.



est immediata, & prima causa, cujus non est alia causa querenda. Sicut enim nulla est ratio, cur voluerit naturam humanam esse in hoc individuo, ita & nunc aut illo tempore voluisse, nulla est ratio, nisi quia voluit, statuitque ea fieri, & hoc, aut illo modo ex tempore representari, & ideo bonum est, ea esse, & extitisse. Quærere igitur hujus propositionis, etsi contingentis causam, est perquirere rationem, cujus non est ratio querenda.

Et cum additur in argumento; quia Deum expectasse quædam temporis momenta pro his, aut illis efficiendis, videtur motus fuisse ex aliqua ratione ex parte representatorum precedente. Responsio: voluntas, quæ habet bonitatem ex ipso volibili, si recta est, profecto vult volitum statim esse, nisi occurrat aliqua ratio, propter quam ipsi volendum sit aliquid aliud esse, & tunc utique expectat illud aliud esse tempore opportuniore. At voluntas, quæ nullam ex volito accipit bonitatem, sed magis è contra volitum à voluntate haurit quicquid est in eo bonitatis; rationem non habet, quare nunc vult aliquid, sicut nec absolute rationem habet, quare hoc velit, nec subinde oportet eam in volito aliam opportunitatem expectare: nisi quia ita esse faciendum, & expectandum statuit.

Ad quartum respondeo; objecta secundaria intellectus divini esse ideas, seu rationes secundum quas res sunt efformabiles ad extra; efformabiles, inquam, non efformandæ, id est possibiles, non futuræ; cur ergo sint, ab intellectu non est, sed à voluntate, quæ sola est causa rerum: quod ergo supponat producendorum possibilitatem in tali, vel tali gradu, non fit, ut propterea debeant produci, nec subinde est in ipsis aliqua causa, vel ratio passivæ productionis ipsorum, sed in sola voluntate divina, ut expositum est; quia illa inæqualitas perfectionis in existentia reali non est propter bonitatem præsuppositam in objectis quibuscunque aliis à se, quæ sit quasi ratio ita volendi: sed ratio omnis, ut declaratum est, ab ipsa Dei voluntate est petenda; nam in ea duntaxat reperitur, & non ex parte volitorum.

## ARTICULUS VI.

Utrum voluntas Dei semper impleatur.

Doctor 1. dist. 46. in Report. ibidem. S. Thom.  
prima parte quæst. 19. artic. 6.

**V**IDETUR Dei voluntas non semper impleri. Nam teste Apostolo, 1. ad Thimoth. cap. 2. Deus vult omnes homines salvos fieri; sed constat non omnes homines consequi æternam salutem, sed multos ex hominibus esse in Dei præscientia reprobatos, & damnari; ergo Dei omnis voluntas non adimpletur.

Præterea, Matthæi 22. ait Salvator ad Filios Jerusalem; Quoties volui congregare filios tuos, quemadmodum gallina congregat pullos suos sub alas, & voluisti; ergo voluntate humana fieri potest, ut factum esse testatur scriptura, ne Dei voluntas adimpleatur.

Præterea, Si Dei voluntas semper, & infallibiliter adimpleretur; igitur humana voluntas non esset libera ad utrumlibet: id autem videtur auferre rationem meriti, & peccati: igitur Dei voluntas non infallibiliter adimpletur. Probatio primæ consequentiæ: nam Deo volente aliquid ab homine fieri, vel hos, aut illos actus à creata voluntate elici; igitur ipsa est à causa superiore,

Tomus I.

& omnipotente ad unam partem determinata; ergo non potest aliter per ipsam fieri, ut nec velle. Sed veritas est, eam posse velle quicquid sibi libuerit; ergo ipsa volente quod Deus non vult, Dei voluntas frustratur, & non adimpletur.

Præterea, Ex eo quod Deus compluribus ex his, qui damnantur, contulit uberem, atque efficacem gratiam, unde insigniter aliquando in virtutibus se se exercuerunt; constat ipsam voluisse finem, seu media elargitum esse in ordine ad consequutionem finis; nam omne ordinatè volens prius vult finem, & deinde ea, quæ sunt necessaria ad assequendum finem; sed illi à fine exciderunt, eo quod inventi sint mali in viæ consummatione; ergo Dei voluntas, qua illis voluit gloriam, non adimpletur.

Præterea, Constat Deum lege lata statuissè plura præcepta, quibus in agendis humana voluntas se se conformaret, ac ita strictè observari mandasse, ut æterna supplicia interminaret illa transgredientibus: sed pari fermè evidentia constat divina mandata violari ab hominibus; igitur Dei voluntas in sanctis Scripturis nobis revelata non semper adimpletur.

CONTRA. Rom. 9. Voluntati ejus quis resistit? Et in Psal. 113. Omnia quacunque voluit, fecit. Quicquid igitur Deus efficaciter vult fieri, infallibiliter evenit.

RESPONDEO dicendum, voluntatem Dei, quæ est beneplaciti, sive efficax, vel consequens infallibiliter in omnibus, & quoad omnia adimpleri: Probatio, sicut omnipotens potest efficere omne possibile: ita quotiescunque voluntas divina determinat se ad ponendum aliquid in esse ultima, efficacique determinatione, illud infallibiliter erit. Velle autem Deum quidpiam voluntate beneplaciti, est ultima determinatio, quæ potest poni ex parte voluntatis ipsius omnipotentis, qui absolute statuit aliquid ponere in esse; ergo omnis prorsus effectus, quem Deus ita vult, necessario erit, pro tempore ab illa voluntate statuto: etsi liberè, & contingenter omnia fore decreverit: semel tamen posita ejus determinatione necessitati consequentis subjacet consequuto, & representatio volitorum. Deinde, si causa ultima determinatione ad aliquid determinata non poneret effectum in esse, prout faciendum esse decreverat: sanè id non alia ratione eveniret, nisi quia vel foret impotens exequendis jam decretis ex innata ipsius insufficiencia: vel quia acciderent quædam, unde retardaretur, & impediretur exire in opus: vel certè quoniam priusquam effectus ponatur in esse ipsa, aliud approbando consilium, mutata intelligeretur: Atqui omnipotenti suppetunt infinite vires, nec ullius alterius opera indigere potest: nec ratione ulla impediri, sua virtute in infinitum excedente, ac superante omnia, nec denique ulli subest mutationi: ergo quicquid efficaciter sibi facere complacuerit, infallibiliter evenit. Postremo, si quidpiam Deus efficaciter vellet, & nihilominus factum non esset, exinde ipse aliqua afficeretur tristitia: nam sicuti cum efficax volitio suum consequitur effectum, est eo in facto complacentia quædam, aut saltem nulla tristitia: ita cum quidpiam volens suo frustratur effectu, afficitur tristitia: id autem longissime abest à Deo: ergo ipsius omnis voluntas beneplaciti infallibiliter adimpletur.

AD ARGUMENTA. Ad primum respondeo: quamvis Apostoli auctoritas posset intelligi secundum distributionem accomodam, pro omnibus nimirum, qui salvi fiunt: aptius tamen videtur ex-

I i poni,

3. dist. 32. 5. hæc.

Ex dist. 35. 35.

Ex dist. 37. 3. sent.



Videat. Pontici  
expositio in  
Com. 46. distum.  
7.

poni distinguendo de voluntate antecedente, & consequente, id est, *Deus vult omnes homines salvos fieri*; quantum est ex parte sui, & voluntate antecedente, quatenus scilicet dedit ipsis dona naturalia, & leges rectas, & adjutoria communia sufficientia ad salutem. Sicut Rex faciens bonas leges in regno suo, ac præcipiens ministris, ut invigilent ad earum custodiam legum, rectè dicitur eum velle subditos suos pacificè inter se vivere, & quietam, atque tranquillam vitam agere. Et quamvis videret aliquem injustè premi, & per calumniam vexari, non propterea oporteret Regem illico satagere, ac incumbere quæ exorbitant à recto eliminandis, & per se ipsum à suis subditis legum latarum observantiam exigere, nisi devolveretur causa ad illum per quærimoniam de facto. Vult igitur iste Princeps quemlibet pacificè vivere antecedenter, & quantum est ex parte sui non tamen vult immediatè, & consequenter eos ita vivere. Ita in casu; nam etsi Deus non habeat voluntatem beneplaciti circa omnium salutem, vult nihilominus voluntate antecedente adjutoria ad salutem omnibus communia, quibus quilibet sufficienter potest bene vivere, & salvari, ob quæ rectè dici potest, Deum velle omnes salvos fieri, quantum est ex parte sui, & voluntate antecedente.

Ad secundum respondet Magister, 1. dist. 46; cap. 2. ex Augustino in *Enchiridio* cap. 97. dicens non esse intelligendum dictum Salvatoris, quasi ipse voluerit congregare filios Ierusalem, & non sit factum, quod voluit, quia ipsa noluerit: sed potius, ipsa quidem filios suos ab ipso colligi noluit, qua tamen nolente, filios ejus collegit ipse omnes, quos voluit. Est ergo sensus; *Quoties volui congregare filios tuos, & nolueris*; id est, quot quot congregavi mea voluntate semper efficaci, te nolente feci, Hæc Magister verè, & rectè.

Ad Tertium neganda est sequela antecedentis. Et cum probatur, quia creata voluntas foret à causa superiore ad unam partem determinata; atque ita non intelligeretur, ut nec esset indifferens ad utrumlibet. Responsio; supponendo voluntatem creatam immediatè causare operationem suam & immediatè pariter Deum concurrere cum illa, est tanta libertas in causa libera secunda, stante concursu divino, quanta reperiri potest in creatura; quia Deus non operatur, nec concurrat ad operationem voluntatis, nisi voluntate liberè agente (id est juxta suæ naturæ exigentiam, & perfectionem) & determinante se ad operandum. Nam si ipsa in actibus suis potest mereri, & peccare, utique tales, uti dictum est, debent elici, & causari suæ operationes. Cum autem se liberè determinaverit ad agendum, tunc Deus concurrat, atque operatur eum ea, unà cum ipsa producendo quicquid liberè fuerit determinatum ab ea. Quia igitur id extitit in æternitate à Deo volitum, ac efficaci decreto determinatum, evidens est omnem Dei voluntatem efficacem, vel beneplaciti infallibiliter adimpleri, salva voluntatis creatæ libertate, & indifferentia ad utrumlibet. Porro non est intelligendum, Deum in æternitate unam partem effectus futuri, & efficiendi per causam liberam velle, sic ut ipsa contra eam determinationem Dei immutabilem niti & operari non possit. Nam quamvis revera, si ita factum esset, necessario eveniret quicquid Deus etiam ipsa nolente efficaciter decrevisset; nihilominus non est hic suppositio antecedens, sed concomitans; nullum scilicet prejudicium inferens libertati creatæ: quemadmodum & nihil læditur ob concursum in tem-

pore exhibitum, eo quod una cum ejus operatione libera exerceatur: ita & quoniam quæ in æternitate decreta fuere, una cum ipsa libera causa, virtualiter in prima contenta, volita sunt, & concomitanter statuta, salva & integrè creata libertas rectè intelligitur, nec tantillum quidem determinata, aut præventa ab efficacia divini decreti. Unde sicut creata voluntas liberè meretur, & peccat, ac proinde potest mereri damnationem, aut gloriam: ita simul cum ipsa, & decreto omnino concomitanti divina voluntas eam ad gloriam, aut ad penam præordinavit.

Ad quartum dicendum, fieri non posse, ut per creatæ voluntatis actum impediatur ordinatio voluntatis divinæ; & quidem tunc impedita, atque frustrata intelligeretur, cum stante proposito voluntatis Dei, oppositum ejus eveniret. Igitur quotiescunque aliqui in via magnam gratiam de Dei liberalitate adepti, in termino postea ab illa excidisse, atque ita damnati perhibentur, ipsis gloriam haud efficaciter volitam à Deo fuisse, certum est. Nam Deus ad penam illos ordinavit, quia finaliter malos futuros prævidit: ita autem sunt prævisi, quia Deus præcivit se esse cooperaturum ipsis ad substantiam actus mali: id vero præcivit se esse cooperaturum illis ad peccatum, si est commissio, vel se non esse cooperaturum, si sit commissio. Ideo autem hæc omnia liberè representanda à creata voluntate, efficaciter voluit; quia & ipsa erat efficaciter volitura in tempore; & propterea voluit, decrevitque in æternitate, citra omnem arbitrii creati læsionem, ut nec lædatur per concursum ei exhibitum in tempore. Cum itaque dicitur in argumento; fuere illis volita efficaciter media ad finem; ergo pariter & intentus fuit eadem efficacia ipse finis. Responsio, ex efficaci volitione finis licet utique inferre perinde & ipsa media esse intenta; sed non è converso: Nam hæc media non habent ordinem naturalem, & necessarium, nec sunt connexa cum fine, nisi ex Dei voluntate liberè, & contingenter ita ordinante; ita mirum non est, quibusdam Deum voluisse efficaciter finem, & non adeo intentam media; quibusdam vero contra magnam gratiam, & non finem voluntate beneplaciti; quamquam quod hi à fine exciderint, eis potius sit imputandum, quam largitori donorum, qui quantum est ex parte sui, vult omnes salvos fieri.

Ad ultimum est responsio ex Magistro, 1. dist. 47. cap. 1. & 2. præcepta, & prohibitiones in lege divina statutas, non esse Dei voluntatem beneplaciti, sed signa duntaxat voluntatis ejus (de qua re infra artic. 11. & 12.) porro voluntatem Dei efficacem unam esse, cui resisti non potest, semperque victricem triumphare in omnibus, quæ voluerit; at signi voluntatem esse multiplicem juxta illud Psalmi 110. *Magna opera Domini exquisita in omnes voluntates ejus*. Quamvis autem peccantes, Deique mandata transgressientes, contra Dei voluntatem in lege expressam faciant; in ipsis nihilominus Dei voluntas adimpleretur, ut *in viro, & infabili modo* (inquit Augustinus in *Enchirid.* cap. 100.) *non fiat præter ejus voluntatem, quod etiam fit contra ejus voluntatem: quia non fieret, si non sineret, nec utique volens finit, sed volens: nec fineret bonus fieri malè, nisi omnipotens etiam de malis posset facere bene; benevolens malis, tanquam summè bonus ad eorum damnationem, quos justè prædestinavit ad penam*. Voluntas igitur Dei æterna semper impletur de homine, etiam si faciat homo contra Dei voluntatem, non efficacem, & beneplaciti, sed contra voluntatem signi.

1. dist. 46. §. Ad secundum.

1. dist. 40. §. Ad secundum.

1. dist. 41. §. Præmissum. 1. dist. 39. §. Ad primum. 45. §. Ad primum.

2. dist. 37. §. Ex ista solutione V. Ad primum dicto.

Prologi. q. 1.

3. dist. 17. §. Ad primum principalem.

Videat. Magister Scoti super prima sententia decreto concomitanti.



ARTICULUS VII.

Utrum voluntas Dei sit mutabilis.

Doctor locis in margine citatis. S. Thom. 1. p. quæst. 19. art. 7. De his vñm supra q. 9. per totum, & q. 14. art. 15.

**V**IDETUR Dei voluntas esse mutabilis; nam 4. Reg. cap. 20. Scribitur, Deum mandasse Isaïæ Prophætæ, ut annunciarer Ezechîæ Regi ægrotanti, mortem sibi jam imminere; & post modicum temporis ad Regis ipsius præces latam mortis sententiam revocasse, ac supervicturum annis quindecim prædixisse, quod & factum est; igitur Dei voluntas tali in eventu videtur passâ mutationem; cum quod prius voluit, postea noluerit.

Præterea Præcipienti Deo Jonæ, ut ediceret Ninivitis eorum subversionem, Profeta refragatus est, de rei eventu dubitans, ut ipsemet testatur cap. 4. Propter hoc, inquit, præoccupavi, ut fugerem in Tharsis; scio enim, quia tu Deus clemens & misericors es. Si autem Dei voluntas foret immutabilis, nulla causa occurrere potuisset Jonæ dubitandi, an sua prædictio adimplenda esset; igitur videtur Dei voluntati obvenire posse consilium novum, ac exinde mutare sententiam.

Præterea, Non est intelligibilis transitus de contradictorio in contradictorium, nulla intellecta in extremis mutatione; sed Dei voluntas ab æterno non erat creans mundum, & in tempore est creans mundum: ergo alterum extremorum oportet mutatum esse. Mundus nullam subijt mutationem: quippe qui nihil erat: igitur mutata est Dei voluntas.

Neque satisfit difficultati dicendo haud passam esse mutationem, eo quod Deus eadem voluntate antiqua novum in tempore creavit. Nam et si eadem extiterit voluntas volens in æternitate mundum condere in principio temporis: tamen in æternitate non habuit tendentiam illam, per quam ex nihilo productus est in tempore, alioquin semper effectus extitisset, cœvus scilicet voluntati tendenti in ipsum: igitur tali in facto voluntas aliquam subiit mutationem.

Præterea, Voluntas divina prior est naturaliter suo actu: & quatenus sub actu intelligitur perinde prior est tendentia in objecta: igitur cum operationem suam elicuisse, & ea mediante in hæc, aut illa objecta tendere intelligitur, jam mutata est: igitur Dei voluntas non est immutabilis. Probatur assumptum: illud mutatum esse dicitur, de quo verum est aliter se habere nunc, quam prius: sed divina voluntas in signo priori non intelligebatur operans, & postea est operans, nec tendere in objecta extra se, & exinde tendere in illa: ergo mutata videtur.

CONTRA, Porro Triumphator in Israël non parceret, & penitentie non flectetur: neque enim homo est, ut agat penitentiam; ait Samuel ad Saullem, annuncians illi, decrevisse Deum propter peccata auferre ab eo Regno Israeliticum decreto immutabili: 1. Reg. cap. 15. nullam igitur Dei voluntas subire potest mutationem.

RESPONDEO dicendum, Dei voluntatem esse omnino immutabilem. Etenim voluntati divinæ statuenti leges universales, secundum quas sunt ferenda judicia de casibus particularibus, ut omnem finaliter peccatorem esse dammandum: & finaliter justum glorificandum, & omnem glorificandum

prius esse gratificandum, & alia id generis, quibus pro præsentī providentia rerum universitas regitur: & secundum quos casus particulares judicantur; divinæ, inquam, voluntati eas leges universales sancienti, atque omnia juxta illas rectissime judicanti, omniaque circa futura, & agibilia in æternitate efficaciter decernenti; nihil penitus occurrere potest, propter quod melius judicet mutandum esse consilium, alias, aut contrarias leges ferendo, aut contra, & præter illas judicando in casibus particularibus; igitur secundum hæc ipsa est omnino immutabilis. Assumptum declaratur; quia, etsi Deus absolute potuisset alias leges universales statuere, quibus creaturæ regerentur, & judicarentur; atque eo in casu perinde justæ, & rectæ illæ fuissent; siquidem omnis rectitudo est a summa divinæ voluntatis rectitudine; unde Anselmus, Profol. cap. 1. Illud solum, inquit, est justum, quod vis non justum, quod non vis: tamen de facto hæc elegit, statuitque ex omnibus possibilibus, quæ ab intellectu voluntati præstendebantur; igitur nihil novi obijci potest illi, unde judicare queat mutandas esse jam sancitas leges, ac statuta decreta; ergo si in aliquo casu quicquam contra, aut præter eas leges evenire videatur, non est profecto, quia de mutatione aliqua voluntatis descendat, & oriatur, sed quoniam per eandem immutabilem voluntatem in æternitate ita statutum fuit, immutabiliter rerum decernentem mutationem, & a legibus universalibus quoddam ex liberalitate, & rectitudine excipientem casus, atque personas; variatis ergo qualitercunque, & quibuscunque rebus, nulla obvenire potest variatio, & mutatio voluntati quæcunque, & quomodocunque futura in æternitate decernenti. Quemadmodum enim nos eadem invariata voluntatis potentia velle possumus qualibet volubilia non includentia contradictionem, id est, contrariè, & contradictoriè divisim; ita quoniam velle divinum non differt a potentia volitiva, estque ejusdem ambitus, ac limitationis cum illa, se se extendit ad omnia volubilia divisim, ac stante ejus invariabili entitate, attingit atque vult omnium variabilium mutationem; sed videnda circ. quæst. 9. pro exactiori horum intelligentia.

AD ARGUMENTA. Ad primum, & secundum est hæc responsio: aliquid est futurum respectu causarum naturalium, si vires suas exerere permittantur: aliud vero est futurum, quoad causas superiores: & quia inferiores, & naturales causæ impediri possunt à superioribus, ideo quod respectu harum est futurum, est simpliciter tale; contra vero non simpliciter est futurum, quod fieri potest a causis inferioribus, quæ vinci, & superari possunt causalitate superiorum causarum. Itaque ad propositum, Regi Ezechîæ moriendum erat juxta Isaïæ vaticinium, quia causæ naturaliter agentes ad vitæ corporalis destructionem, revera illi mortem attulissent; at quia Deus in æternitate prævidendo orationem ejus, decreverat se inferiores causas impediturum, id de facto evenit, quod & ipsi ægrotanti per eundem Prophetam nunciari voluit. Nulla est igitur hic divinæ voluntatis mutatio; quia utrumque in æternitate voluit, nempe edici quid causæ naturales in se efficissent, & quid ipse esset factururus, earum causarum vim nedum retundendo, sed prorsus impediendo. Ita etiam Jonæ revelavit Deus, quod Ninivitarum demeritis, ac sceleribus rependi justè debuisset, ipseque re ipsa intulisset, ni illi in iniquitatum suarum confessione, & penitentia faciem iræ ejus præoccupare maturassent. Et primum

De rerum principio q. 4. n. 5.

Micell. 99. q. 6. n. 13.

1. dist. 30. q. 1. 6. Respondeo ad primum quæstionem.

1. dist. 39. q. 1. 6. Respondeo ad primum quæstionem.

1. dist. 39. ubi supra.

Micell. 99. q. 6. n. 14.

1. dist. 44.

4. dist. 45. 1. 1.

De rerum principio q. 1. n. 13. & 1. dist. 39.

1. dist. 21. §. Ad quæstionem.

De rerum principio q. 4. c. n. 53.

Micell. 99. q. 6. c. n. 14.

Rebutantur hæc. sunt ab æternis voluntatibus.



num quidem quod scilicet Civitatis demerita exigebant, Deus Propheta revelavit, nec ipse quidpiam de tali demeritorum illorum coexistentia dubitavit, neque in hoc mentitus fuit; sed minarum intentatarum executionem ipsum ad tempus latere voluit; itaque de ea re anceps, & dubius recusabat annunciare, quæ illis imminerent, mala; idcirco præoccupavit, ut fugeret in Tharsis, atque ita ejus prophetia comminatoria duntaxat fuit. Sed quando Deus prædicit executionem futurorum decretorum, cum causa illa omnipotentissima nequeat impediri, id infallibiliter evenit, ut translatio regni Israelitici de domo Saulis in David; & cum Isaiâ vaticinatus est, cap. 7. *Eccce Virgo concipiet, & pariet Filium*; & alia innumera per sanctos Prophetas annunciata, uti promissa fuere, ita eveniunt, ac eveniunt quæ adimplenda supersunt.

Ad tertium respondeo sic: agens liberum eadem volitione antiqua potest effectum novum producere pro tunc, pro quando vult effectum novum esse: nec enim oportet, si in æternitate vult, & non potest de novo aliter velle, effectum existere suæ causæ corvum. Sicut nec est necessarium in creatis, volentem aliquid velle pro eo tunc, in quo elicit volitionem, cum manifestè possit esse volitum pro tempore sequenti. Et si eadem volitio immutata perseveraret, ipsaque daret esse reale volito, illud repræsentaretur tempore opportuno, citra omnem causæ suæ mutationem. Nam ad absolutum in causa, sequitur absolutum in effectu; & in effectu primo est respectus ad causam; & exinde si causa queat novum respectum fundare, ultimo ipsa refertur ad effectum ab se productum; sed hæc conditio non habet locum in summo simplici, & absolute necessario; itaque tantum ad positionem creaturæ, sequitur respectus realis ad creatorem, sed in isto nulla est relatio ad creaturam, nisi rationis. Sed erat instantia; quia si effectus est in tempore, & fuit volitus in æternitate; ergo est nova tendentia causæ in ipsum; alioquin semper effectus fuisset. Responsio: quicquid est in Deo intrinsecum, & perfectionis est in ipso necessario, & in æternitate: si itaque hæc tendentia nova est in ipso, eaque potest carere, utpote liberè posita, esse nequit illi intrinseca, non ergo aliud esse videtur, nisi actus voluntatis divinæ, quatenus connotat esse reale alterius à se in tempore; & hoc est quod intelligere videmur in Dei voluntate, quatenus vult hoc, & non oppositum, & in tali tempore. & non alias; he enim determinationes, ut à nobis apprehenduntur, non sunt realiter in voluntate divina, sed realiter in creaturis, quæ per illam esse reale accipiunt, & secundum rationem in voluntate Dei: de quo etiam actum est supra articulo 3.

Ad quartum, negandum est, Dei voluntatem, ut prior est naturaliter sua operatione, & medianter ea prior etiam tendentia in objecta, aliquam subire mutationem. Et cum probatur: quia in signo posteriori intelligitur operans, & tendens in objecta, & non prius. Responsio: in signopriori apta nata erat operari, & tendere, quia operatio præsupponit actum primum essentialiter, à quo fit. Falso igitur diceretur tunc non operans, quia ut oportuit præexactum esse actum primum ad secundum, ita in eo signo voluntas nec est operans, nec non operans, sed tantum actus primus; duntaxat autem in eo signo inest privatio denominans, pro quo debet inesse forma opposita, & non inest; cum igitur nusquam intelligibilis sit actus primus in Deo, carens actu secundo; nec actus

primus intelligitur privatus operatione, nec mutari subinde per ipsam operationem in signo posteriori elicitam.

## ARTICULUS VIII.]

Utrum voluntas Dei necessitatem rebus volitis imponat.

*Doctor de rerum principio, q. 4. artic. 2. sect. 5. 1. dist. 139. in Report. ibidem dist. 40. S. Thom. 1. p. quest. 19. artic. 8.*

*De prima radice contingentium opportunè actum ad artic. 13. q. 14. illinc ergo dicta, quatenus hæc spectant, vel ad articulum sequentem accersenda.*

**V**IDETUR Dei voluntas rebus volitis omnino necessitatem imponere. Nam ex dictis supra artic. 6. Dei voluntas in iis, quæ efficaciter decrevit, cum sit omnipotentissima, & in impedibilis, omnino adimpletur: Sed causa suæ virtute vincens omnia, quodlibet è medio tollens impedimentum, necessario ab se volita ponit in esse; ergo Dei voluntas rebus volitis necessitatem imponit.

Præterea, Dei voluntas actu æterno, atque immutabili vult quicquid sibi velle libuit, & quidem omnia sunt volita pro determinato *nunc*, ita ut nec antea, nec postea: Sed si ea volitione æterna volitis nulla necessitas imposita fuisset, profecto fieri posset, ut vel omnino non essent, vel saltem in alio *nunc* ab eo, in quo esse repræsentanda determinatum erat; igitur cum impossibile sit, aliter omnia evenire, ac statutum sit, est ipsis per talem determinationem imposita necessitas. Nam non aliter intelligi contingenter, & non necessario evenire queunt, nisi per novam volitionem.

Confirmatur, si res in æternitate volitæ non necessario evenirent, ex determinatione divine volitionis; igitur contingenter evenirent, ac per consequens posset aliter evenire; igitur divinæ præscientiæ posset subesse falsitas, & deceptio.

Præterea, Illud, quod habet necessitatem ex priori, est necessarium absolute, sicut animal mori est necessarium, quia est ex contrariis compositum: Sed res creatæ à Deo comparantur ad voluntatem divinam, sicut ad aliquid prius, à quo habent necessitatem; cum hæc conditionalis sit vera; si aliquid Deus vult, illud est: omnis autem conditionalis vera, est necessaria; sequitur ergo quod omne, quod Deus vult, sit necessarium absolute.

**CONTRA**, Si divina voluntas necessitatem rebus volitis imponeret, jam nihil contingenter eveniret in entibus, imo omnia essent futura, juxta necessitatem ipsis impositam essendi; nullus ergo actus foret laude, & præmio dignus, aut poena ulla puniendus, quippe qui aliter poni nequirent; non ergo essent virtutes, & vitia, contra communem omnium sententiam, & naturæ instinctum; & omnis denique politia destrueretur, quia non oporteret consilium capere super eventibus futurorum, quæ quacunque consultatione, & negotiatione adhibita, aut contempta, perinde succederent.

**RESPONDEO** dicendum, Dei voluntatem rebus volitis minime necessitatem imponere. Quæ solutio quanquam evidens esse possit ex iis, quæ art. 13. questionis 14. dicta, & declarata fuerunt; ad uberiorem tamen veritatis necessariè juxta atque latentis declarationem, & in qua acutissimi Philosophorum offenderunt, addendum & ulterius probandam

S. Thomæ tertium principium le hic.

1. Report. dist. 40. n. 6.

Videndas Augustinus 15. de Civit. cap. 9. & 10.

2. dist. 1. q. 3.  
9. Ad primum principale.

De rerum principio q. 4. n. 21.  
& exactius n. 30. & 34.

2. dist. 2. q. 2.



Si Deo volente  
omnes supple-  
antur ex die-  
bus supra art.  
6 & 14. art. 13.  
futurum enim  
reum a volun-  
tate divina est;  
unde de necessi-  
tudo per scientia  
oritur; tamen  
quemadmodum  
liberos cau-  
sat una cum vo-  
luntate; ita &  
una cum ipsa  
rerum liberè  
producenti fu-  
turationem.

bandam conclusionem primo sic: Voluntas Dei est causa rerum, ex dictis supra, *artic. 4.* nequire autem primum esse causam naturaliter, & necessario producentem alia à se, ostensum est *artic. 3.* quia necessitas producendi rem extra, cum ponat dependentiam in producente; magis necessarium a minus necessario dependeret, quod planè implicat; ergo quanto major est dependentia, tanto major necessitas: ubi ergo per infinitam rationem tollitur omnis dependentia, per infinitam rationem tollitur omnis necessitas. Sed secundum quod à producente elonganda est necessitas, in eodem gradu adstruitur, & stabilitur in ipso libertas; igitur oportet Deum producere res omnes extra se per infinitam rationem independentiæ, & libertatis, qua major excogitari non potest: sed major est libertas in agente, quod potest producere, & non producere æqualiter pro omni *nunc* divisim, & ante, & post; & in omni penitus *nunc*, quam si ad aliquod istorum esset determinatum; ergo iste modus productionis est in Deo; non igitur aufertur contingentia in rebus ex parte divine voluntatis, ceteroquin haud superfutura, si necessario agere extra se intelligeretur, ut in *incidenti artic. 13. q. 14. cit.* extitit declaratum. Deinde, priusquam voluntas creata velit aliquod futurum, ejus productio pendet ab ea sic, ut queat illud velle, & nolle, aut non velle; igitur cum incomparabiliter sit major libertas voluntatis divinæ, sequitur quicquid ab illa procedit, sicuti est omnis effectus creatus, ita evenire, ut Deus una, eademque voluntate possit illud efficere, vel non efficere in quolibet *nunc* temporis divisim: Actus autem volendi in Deo, est idem quod potentia, & ejusdem ambitus, atque aspectus; ergo sicuti creata voluntas non mutata, potest velle de omni re, antequam sit, quid quid sibi libuerit, pro quolibet *nunc* divisim, ita divina voluntas uno, æterno, immutabili actu volendi potest velle, & re ipsa vult; ut sit velle Dei hoc esse, & nolle illud esse; velle quod sit in tali *nunc*, nolle quod sit in illò, sed in alio; igitur immutabilitas voluntatis divinæ, & identitas cum suo actu volendi, respectu effectuum producendorum in aliquo *nunc* determinato, non tollit contingentiam, imò stat cum utraque parte contradictionis, pro omni *nunc* divisim: Velle enim, & nolle, quæ idem sunt in Deo, sunt nomina dicentia respectum ejusdem divini *velle* ad diversos effectus; ij autem respectus realiter sunt in creatura, & secundum rationem in Deo. Postremo, in creaturis essentialiter ordinatis aspectus causa superioris, ut superior est, non destruit aspectum causæ inferioris, secundum quod inferior est; imò conformi modo causa superior inferiori cooperatur; & ita sol cum homine hominem, cum bove bovem, cum planta plantam producit: Deus autem, ut volens est prima, supremæque omnium causa; ergo quatenus talis causa non admittit à causis inferioribus proprium causandi modum, sed magis firmat, stabilitque, cooperando illis in suo ordine: nempe cum necessariis juxta earum naturam, cum contingentibus secundum proprium earum modum, salva scilicet libertate ipsarum. Quemadmodum enim divinus intuitus videt utramque partem contradictionis simul, non quidem simul esse, sed simul fore posse, non conjunctim, sed divisim: sic & voluntas divina unico velle immutabili fertur super utrumque extremum contradictionis, ac vult volens ea simul: non sanè simul esse, sed simul velle fore posse, non conjunctim, sed divisim. Et sicut divinus intuitus videt causarum contingentiam, & effectus

ex eis contingenter futuros: sic divinum velle vult causas creatas contingenter agere, & effectus contingenter evenire, vel necessario, prout cujusque causæ natura postulat: causis igitur liberis nullam divina voluntas imponit necessitatem: imò quæcunque ab ipsis liberè producuntur, potuerunt non volita, nec subinde producta fuisse.

At aliquantulum rem hanc declarantes, putant non propterea effectus à Deo volitos contingenter evenire, quia eorundem causæ proximæ sunt contingentes, sed magis, quia Deus voluit eos contingenter evenire, ideo illis producendis contingentes causas præparasse: opinantur ergo causam adæquatam hujus rei refundendam esse in efficaciam divinæ voluntatis. Cum enim aliqua causa efficax fuerit ad agendum, effectus consequitur illam, non tantum secundum id, quod sit, sed etiam secundum modum fiendi. Porro divina voluntas est causarum efficacissima: igitur quæcunque ab ea fiunt, eo modo necesse est evenire, quo Deus vult ea fieri. Vult autem quædam fieri necessario quædam contingenter, ut sit ordo in rebus ad universi perfectionem: & ideo utrique respectivè effectibus proprias causas præparavit: ex quo rectè intelligitur causis liberè, & contingenter operantibus nullam à prima causa impositam esse necessitatem. Contra, eandem efficaciam divina voluntas haberet, si per impossibile ad extra libera non esset: sed tunc nulla subsistere posset libertas in causis secundis, ut *quæst. 14. art. 13. in incidenti*, declaratum fuit: ergo quod liberè quædam fiant in entibus non pendet ab efficacia causæ primæ, sed ex ejusdem infinita ratione libertatis. Deinde si ab efficacia infinita primæ causæ est infallibilis futuritio rerum quarumcunque, & subinde scientia certissima de ipsis: igitur nihil est in potestate causæ secundæ sic, ut ab ea fieri, & non fieri queat, ex *articulo enim 6.* Dei efficax voluntas semper necessario adimpletur, quippe cui resisti non possit: ergo Deo efficaciter prædeterminante volitionem meam hodie futuram antecedenter ad meam voluntatem, jam ipse liber non sum ad ponendum oppositum ejus: ergo is actus non est mihi imputabilis, cum per necessitatem, antecedentem voluntatis meæ deliberationem compellar illum ponere in esse. Nam sicuti non est in mea potestate Dei decretum efficax præveniens meæ voluntatis determinationem: ita nec in mea est potestate illud, quod exinde necessario sequitur: sicuti necessario evenit quod Deus efficaciter fieri vult. Denique, Deum velle quosdam effectus liberè fieri, & alios necessario evenire, ac utrique congruas causas aptasse: non est statuere, aut ordinare effectuum illorum futuritionem, sed duntaxat antecedenter, & veluti in actu signato ea decernere, quatenus volendo causas secundas liberas, vult ea omnia, quæ sunt in potestate ipsius antecedenter: sed ex eo non sequitur illos effectus esse futuros. Nam Deus volendo voluntatem liberam, antecedenter voluit omnia opera recta quæ ab illa proficisci potuissent: & tamen eveniunt multa mala opera: igitur ex eo quod Deus aptaverit effectibus contingenter producendis causas liberas; nec ij certo sunt futuri, nec præsciuntur à Deo, nisi ipse in eadem causarum præparatione unà quoque voluerit illorum futuritionem: & tunc stat ratio jam facta; quia non erunt in potestate causarum secundarum; vel si ita non sunt prædefiniti, non certo à Deo sciuntur; quia tantum voluntate antecedente voliti: præstat ergo concedere à Deo fuisse determinatos in æternitate unà cum creata voluntate in illa virtualiter,

3. Whom, hic  
in solutione. Sed  
& idipsum in  
fra quæst. art. 4.

1. dist. 8. q. 5.

2. dist. 37. qu. 2.  
3. Ex prima via.  
4. Juxta secundam.  
5. Sed quare in voluntate creata.

4. dist. 49. q. 6.  
1. dist. 17. q. 3.  
2. Contra istam conclusionem. V.  
3. dist. 37. q. 2.  
4. Ad solutionem istorum.



ter, & eminenter contenta, atque ita salva proxima causa libertate, certo divina præscientiæ innouisse: non enim est certa prævisio futurorum in Deo, quia scit se produxisse causas liberas, & se esse permittitur earum actus liberos, sed magis est certa scientia illorum in ipso, quia scit se cooperaturum illis; & ab eis omnia novit, quia intelligit se non esse ipsidem cooperaturum.

AD ARGUMENTA. Primo, & secundo eadem satisficit responsione. Verum est enim quicquid Deus in æternitate efficaciter decrevit, infallibiliter in tempore esse representandum, & etiam necessario necessitate consequentiæ, & extrinseca: absolutè enim, & intrinsecè quæ contingenter sunt à causis liberis, non necessaria sunt, nec necessario evenire dici possunt, imo ita eveniant, & fiunt, ut fieri absolutè non potuissent; igitur divina voluntas nullam ejusmodi effectibus intrinsecam imposuit necessitatem, sed in se ipsis eandem retinent contingentiam ad utrumlibet, ac si per impossibile à divina voluntate voliti non fuissent. Sicut enim in tempore Dei concursus non lædit voluntatis libertatem, etsi unà cum ipsa efficiat omnem illius effectum, ita nec per decretum æternum aliqua vis sibi illata fuit; quia unà cum ipsa decrevit quæcunque erant ab ea in tempore efficienda.

Ad confirmationem respondeo, utique quæ liberè fiunt, aliter evenire potuisse. Et cum dicitur; igitur ad Dei scientiam pertinere potest error, & deceptio. Responsio: si Dei voluntas aliter statuisset, tunc non iste ordo rerum præsens, sed ille alius præscitus fuisset. Ex eo autem non sequi Dei scientiæ subesse ullum errorem, & deceptionem, dictum fuit, *quæst. 14. art. 15.*

Ad tertium respondetur sic: Posteriora habent necessitatem à prioribus secundum modum priorum. Unde & ea, quæ fiunt à voluntate divina, talem necessitatem habent, qualem Deus vult ea habere, scilicet vel absolutam, vel conditionalem tantum, ut est in casu. Contra, ideo quæ pendent à creata libertate, simpliciter liberè fiunt, etsi à Deo præcognita, ac in æternitate determinata, quia habet semper potentiam ad utrumlibet, ac à sua libertate demum est, ut in hanc partem descendat. Sed si à Deo fuerunt prædeterminati ij effectus efficacissimè, antecedenter ad eorum prævisionem, quatenus à causa secunda sunt futuri, jam liberè ab ipsa non ponuntur in effectus, quia ut tactum est supra, necessario sunt ponendi juxta divinæ voluntatis prævisionem; ergo hæc necessitas descendens ex priori, non est conditionalis tantum, sed absoluta. Responsio ergo est ista; Effectus liberè provenientes à voluntate creata, ideo tales sunt, & dicuntur, quia ut comparantur ad voluntatem divinam, non respiciunt ipsam, ut causam per prius influentem ordine causalitatis, quam causa proxima influat, sed magis est respectus ad causam simul cum principio proximo statuentem eorum futuritionem; sicuti unà ab utrisque in tempore efficiuntur.

## ARTICULUS IX.

Utrum voluntas Dei sit malorum.

*Doctor 1. Report. dist. 47. q. 1. & 2. dist. 37. q. Un. in Report. ibidem. S. Thom. 1. p. q. 19. art. 9.*

**V**IDETUR Dei voluntas esse causa malorum. Nam Deus profecto vult quicquid facit ad decorem universi; sed mala ita se habent in rerum

universi atque, ut ex ijs, quæ bonis contraponuntur, exurgat decor, & pulchritudo Universi; ergo oportet ea esse à Deo volita, & subinde per illius voluntatem causata. Minor pulchrè ab Augustino declaratur in Enchiridio cap. 11. *In qua, inquit, rerum universitate etiam illud, quod malum dicitur, bene ordinatum, & loco suo positum, eminentius commendat bona, ut magis placeant, & laudabiliora sint, dum comparantur malis.* Voluntas igitur Dei est causa malorum.

Præterea, Deus cujuslibet contradictionis de futuris contingentibus novit alteram partem determinatè futuram; igitur vult eandem determinatè futuram; vult ergo eandem determinatè fore; alioquin nec certo, & determinatè nosset; igitur cum novit determinatè aliquem esse perpetraturum malum, vult malum illud fieri; ac per consequens ipse est causa malorum.

Neque hæ rationes eliduntur dicendo, Deum non velle mala, sed tantum ea fieri permittere. Nam si mala fieri permittit: igitur aut volendo, aut nolendo permittit. Si volens permittit: igitur ejus voluntas est malorum. Si nolens: igitur impotens est prohibere, & è medio tollere ejusmodi mala: quod nemo dixerit.

Præterea, Voluntas creata est causa malorum, quia causat actum substratum deformitati peccati: nam secundum Dionysium, cap. 4. *de divin. nomin. nullus ad malum aspiciens omnino operatur.* Sed Deus causat eundem actum positivum, cui annexitur malitiei deformitas: ergo & ipsa est causa ejusdem mali, quemadmodum & creata voluntas deficiens.

Præterea, Deus est causa mali pænæ, juxta illud Amos 3. *Non est malum in Civitate, quod Dominus non fecerit:* & Isaia 45. *Ego sum Deus creans malum, & faciens bonum:* ergo pariter est causa peccati. Probatio consequentiæ: pæna perinde est per se malum, ac culpa: imo magis per se malum, ut videtur, quia pæna opponitur bono naturæ, culpa vero bono moris: bonum autem naturæ præstat bono moris.

CONTRA, Deus dehortatur, vetat, interdicte peccata, à quibus perpetrandis, ut magis deterreat, edicit per Prophetas ab se justissimè statutas peccatorum pœnas, & præmia virtutum, rependenda legem suam piè custodientibus: ergo ejus voluntas non est causa malorum, sed virtutum, & bonorum, ad quæ representanda adhortatur.

RESPONDEO dicendum Dei voluntatem non esse malorum causam. Nam Dei voluntas, ut subest actui infinito equivaleat, imo supereminet perfectionibus omnium actuum voluntatis create: Actus autem voluntatis create sunt *velle*, & *nolle*. Porro actus volendi aut est simplicis complacentiæ: quò quis complacet quidem sibi de aliquo objecto, non tamen movetur ad illius prosecutionem, aut consequutionem, seu sit sibi impossibilis, seu id liberè omittat: Aut est *velle* efficax, quò quis ita vult volitum, ut moveatur ad obtinendum illud. Et is actus adhuc est duplex, scilicet intentus, & remissus: secundum quod nimirum applicat media, quibus aptatis, potiri potest. Nam si nihil omittat necessarium, convincitur maximè velle finem: si vero de diligencia remittat, evidens est remisse diligere id, quod negligenter prosequitur. Atque eodem modo de actu nolendi est discurrendum. Ad propositum igitur, in Deo est *velle* simplicis complacentiæ respectu possibilem, sequens naturalem intellectionem eorum, quibus intellectus dat primum esse intelligibile, & possibile: sed

4. dist. 46. q. 4.

Magis. 2. dist. 37. cap. cum igitur.

3. dist. 17. q. Un. 1. p. 5.

S. Thom. hic 9. ad tertium.

Videndus Magister 1. dist. 46. ad cap. Ideoque usque ad finem eruditissime quæstionem hanc pertractans.

Hic Cajetanus sermonem instituit de prima contingentium radice, novam appellans Docioris sententiam ac multiplicitè capiens ce quo actum, q. 1. dist. 47. q. 1. Sed Cajetan.

efficax.



religionem ad  
argumenta Ma-  
gari fecit et  
etiam in  
dist. 20. primi  
super 8. Contra  
istam positionem.

efficacem volitionem non habet nisi respectu eo-  
rum quæ vult fieri, atqui non vult fieri, nisi ea quæ  
imitantur ipsum summum esse, & summum bonum;  
his enim duntaxat est causa efficiendi: cum omnia omni-  
nino quæ sunt inquantum sunt, bona sint; igitur non  
vult mala fieri, quæ nec ipsum imitantur infinitum  
bonum, nec ad ea perpetranda adhortatur; imo  
maximè dissuadet pœnis immedicabilibus intentatis,  
ac statutis mandata justitiæ transgredientibus;  
nequit igitur Dei voluntas esse malorum causa.  
Alioquin Deo Auctore, fieret homo deterior. Quod  
tamen August. 83. q. 9. 3. negat id evenire posse im-  
pullu, aut hortatu hominis sapientis: *tanta enim*,  
*inquit, est ista in homine culpa, ut in homine sa-*  
*piente non cadat;* igitur eo minus accidere potest,  
ut homo peccet, auctore Deo, quo illius sapien-  
tia, & bonitas omni creatæ, & creabili antecellit.  
Sed de his fufius 1. 2. q. 79. art. 1. & 2.

AD ARGUMENTA. Ad primum respondeo, ali-  
quid facere ad decorem universi dupliciter intelli-  
gi posse, scilicet, vel directè, vel occasionaliter.  
Quicquid autem directè ad ipsius universi perfe-  
ctionem spectat, Deus efficit, estque ab eo per  
se volitum; omne enim tale de se bonum est. At  
mala non nisi ex occasione quadam concurrunt,  
ac sunt decori rerum universitatis; quatenus nimi-  
rum illorum occasione Deus elicit meliora bona;  
quod & disertè testatur loco citato Augustinus.  
*Neque enim*, inquit, *Deus omnipotens rerum*  
*cui summa potestas, cum summè bonus sit, ullo*  
*modo sineret esse mali aliquid in operibus suis, nisi*  
*usque adeo esset omnipotens, & bonus ut beneface-*  
*ret etiam de malo: eo autem sensu dictum est* (inquit  
Magister. 1. dist. 46. lit. G.) *Bonum est mala fieri,*  
*quia ex malis, quæ fiunt, bonis (qui secundum*  
*propositum vocati sunt sancti) accedit bonitas, id*  
*est, humilitas.* Ita ille. Et id ipsum prosequitur  
lit. I, non est igitur malum intentum, & volitum  
à Deo, sed quum malorum sit adæquata causa crea-  
ta voluntas, his perpetratis utitur sapientissimè im-  
mensa bonitas Dei, ad universi decorem; ea ple-  
tendo, justitque pœnis ordinando illa mala, quorum  
comparatio excellentius elucet bona.

Ad secundum respondeo, multas esse contradi-  
ctiones, respectu quarum Dei voluntas est neutra,  
uti sunt omnes illæ, in quibus affirmativa est de  
malo, & negativa de bono. Unde nec vult, nec  
non vult; sed duntaxat fieri permittit. Et cum  
contra instatur; quia aut permittit volendo, aut  
nolendo. Respondeo; ipsum permittere volen-  
do, non quidem objectum, seu malum; sed volen-  
do, ut volitio est actus reflexus. Permissio enim  
est signum effectus representati, qui tamen est  
contra præceptum divinum; ei autem effectui non  
correspondet aliquid in voluntate divina, nisi non  
velle prohibere illud fieri, sive non nolle, quod  
est negatio actus divini positivi. Sed quia malum,  
et si sciat velle se concurrere ad actum peccamino-  
sum, velle non potest, intelligit exinde volunta-  
tem suam non volentem malum, quod sibi offer-  
tur; & denique vult voluntatem suam non velle  
malum, ac prout est volens sinere, & volunta-  
riè permittit. Quod non est velle malitiam, nec  
esse ejus causam, & auctorem; quia ut dictum est,  
talit volitio non habet pro objecto malum, sed  
actum, quo non vult impedire, ut posset, illius  
exequutionem.

Ad tertium dicendum, utique Deum causare  
una cum voluntate creata actum, cui annectitur  
malitia, & deformitas, imo eum actum ab æterno  
voluntate efficaci decrevisse concomitanter cum  
creata voluntate, in illo eminenter & virtualiter

contenta, sicuti in tempore præbet peccanti con-  
cursum actualem, sine quo agere non posset; at-  
que ex ea determinatione, & decreto voluntatis  
sue præcisiisse omnes actus positivos malos, &  
omissionis peccata novisse per non positionem de-  
cretorum. Porro voluntati creata non ea tantum  
de causa imputatur peccatum: ac revera peccare  
dicitur, quia causat actum, ad quem necessario  
sequitur deformitas, sed quia est debitor justitiæ  
servandæ: subjicitur enim ut creatura Dei legi  
divinæ, cui conformiter agere tenetur; qua de  
causa Deo imputari nequit peccatum. cum legi à  
se latæ non subjiciatur. Et insuper quia Deus non  
potest à se averti, nec formaliter, quia necessario  
summè se diligit, & ordinate; nec virtualiter, quia  
nihil aliud à se est necessarium sibi ad se summè di-  
ligendum. Quodcumque enim aliud à se, est, quia  
ab eo volitum. At creata voluntas debitor est  
universæ legi faciendæ; ideo eliciens actum legi  
difformem, peccat; quia non dat eam rectitudi-  
nem actui, qua prædictum esse oporteret, & pos-  
set. Quia igitur ipsa non elicit actum conformem  
regulæ justitiæ, ideo nec Deus dat rectitudinem  
illi, alioquin daturus, nisi creata voluntas prius  
non daret, id est, esset causa adæquata deficiendi:  
nam Deus universaliter quicquid dat anteceden-  
ter, daret & consequenter quantum est ex se, nisi  
adesset impedimentum; efficiendo autem volunta-  
tem liberam, dedit antecederet opera recta, quæ  
sunt in voluntatis potestate; & ideo quantum est  
ex parte sui, dedit rectitudinem omni actui vo-  
luntatis, & re ipsa repræsentaret consequenter, si  
creata voluntas quemcumque actum suum rectè  
eliceret; igitur obliquitas actus peccaminosi non  
est à prima causa, sed à causa proxima deficiente:  
non quia causa prima det actui rectitudinem, &  
secunda obliquitatem: sed quia causa superior,  
quantum ad se attinet illi rectitudinem daret, nisi  
inferior causa per prius deficiens impedimentum  
apponeret. Quod ergo actus sit obliquus, &  
malus à voluntate creata est, non à Deo, et si una  
cum ipsa causet actum obliquum, sicuti una cum  
ipsa in æternitate se effecturum esse determina vit

Ad quartum dicendum, malum pœnæ esse à  
Deo; quia justum: ordinat enim culpam, estque  
quid positivum. Cum etiam peccatum permittit  
arque ordinat in penam alterius peccati: id non  
efficit, quia sit auctor, & causa ejus peccati, sed  
quia non prohibet, ut posset, è medio tollendo  
occasionem peccandi, aut sua gratia præveni-  
endo, mentemque suo lumine perfundendo. Cum sub-  
ditur, quia majus malum est pœna, quam culpa:  
id negandum; quia culpa opponitur affectioni ju-  
stitiæ habitus est magis conveniens voluntati con-  
sideratæ secundum suam potiorē perfectionem,  
quæ est justitiæ affectio, quam sit quodcumque  
incommodum, sibi per pœnam justè infligitam, erep-  
tum. De qua re magis 1. 2. quæst. 87. art. 2.

## ARTICULUS X.

Utrum Deus habeat liberum arbitrium.

Doctor Quodlib. 9. 16. §. De secundo articulo, &  
§. Sed queritur 2. dist. 7. §. Ad tertium prin-  
cipale. S. Thom. 1. p. quæst. 19. art. 10.  
Huc faciunt præterea dicta supra articulo 3.  
& sequenti.

**V**IDETUR Deus nequaquam pollere libero  
arbitrio; liberi enim arbitrii vis, & pote-  
tas

2. dist. 7. §. 2. §.  
Ad voluntatem  
ipsum.  
Volentius. Ma-  
gari fecit et  
etiam in  
super primum  
sent. dist. 4. q. 3.

2. dist. 36.

2. dist. 7. §. Ad  
voluntatem prin-  
cipalem.

1. dist. 46. Magi-  
ster. 1. dist. 47.  
cap. verum.

1. dist. 41.

1. Report. dist.  
10. q. 3. & 3.



stas in eo intelligitur consistere, ut is, qui libero est præditus arbitrio quodcumque agere, vel non agere, sive velle, & non velle possit. Unde Aristoteles, 9. *Metaphys. cap. 3.* vult expressè, potentias rationales, cujusmodi est voluntas, esse ad opposita. Sed in Deo non est potentia ad opposita; ut constat ex *articulo precedenti*: negatum est enim ipsum velle posse malum; igitur non est in Deo liberum arbitrium.

Præterea, Deus diligit bonitatem suam actu æterno, infinito, immutabili, & necessario; ergo non est in tali dilectione ulla arbitrii libertas. Probatio consequentiæ: eadem est divisio principii ætivi in naturale, & liberum, ac necessarium, & contingens; ergo si Deus se ipsum necessario diligit naturaliter, & non liberè diligit; non est ergo in ipso liberum arbitrium.

Præterea, Ex eo est, & dicitur aliquod principium naturaliter, & non liberè agere; quia necessario agit; ergo cum constat Deum circa objectum infinitum necessario se habere: saltem respectu illius non erit præditus libero arbitrio. Probatio assumpti: naturale principium nequit esse magis determinatum ad agendum, nec intelligi tale, nisi ex eo quod habeat necessitatem agendi; ergo cum tali necessitate non cohæret arbitrii libertas.

CONTRA, Deus est in summo nobilitatis, & infinitè independens; nempe ad mensuram suæ necessitatis; ergo pollet libero arbitrio in excellentissimo gradu; nam omnis dependentia ponit limitationem, atque tantumdem adimit de libertate.

RESPONDEO hic in sententia dicitur, quemadmodum ad nostrum liberum arbitrium non pertinet desiderium, quo cupimus omnes esse felices, sed ad instinctum naturalem; ita & Dei liberum arbitrium non se extendere ad ea, quæ necessario vult, sicuti est sua essentia, & bonitas, sed duntaxat respectu eorum libero pollet arbitrio, quæ non ex necessitate respicit, ut sunt alia extra se. At nos neutrum dictum putamus esse probandum. Et quantum ad primum attinet; etsi infra, *quæst. 82. artic. 1. & 1.2. quæst. 10. art. 1. & 2.* Super ea directæ inquisitio sit instituenda; tamen nunc breviter contra instatur sic: voluntas non necessario habet actum circa ea, quæ sunt ad objectum beatitudinis; ergo neque respectu ipsius objecti, qui est ultimus finis. Probatio consequentiæ: eadem est potentia, quæ vult finem, & ea quæ sunt ad finem; ergo eodem modo agendi fertur circa utrumque: nam diversi modi operandi concludunt diversas potentias: natura autem, & voluntas sunt principia activa habentia oppositum modum principia: modo igitur agendi voluntatis non est compossibilis alius modus agendi, qui est proprius nature. Cum igitur constet nos liberè tendere circa ea, quæ sunt ad finem, pari ratione, eodemque modo tendimus circa finem, confusè cognitum, & non instinctu naturali: qui instinctus, seu inclinatio non est aliud ab ipsa voluntate: secundum quam inclinationem naturaliter utique ferimur in finem in universali apprehensum, sed magis in ipsum in particulari: quia in eo tantum quiescit intellectualis natura. Sed de hoc amplius *locis supra citatis*.

Quod vero Deus polleat arbitrii libertate respectu cujuscumque objecti, etsi suam bonitatem necessario, infinitoque amore amet, declaratur: Potentia operans circa unum objectum non absolute, sed in ordine ad aliud, eadem est operativa circa utrumque objectum: voluntas autem divina vult alia à se propter se ipsum finem omnium: igitur

ipsa sub eadem ratione potentia est operativa circa utrumque: sed circa ea, quæ sunt ad finem liberè operatur: contingenter enim vult omnia alia à se: & contingenter in agendo reducitur ad principium non naturaliter activum, sed liberè; igitur Dei voluntas sub ratione potentia liberæ vult bonitatem suam. Deinde, operatio voluntatis circa finem ultimum est perfectissima: sed in tali operatione libertas in agendo est propria perfectionis: sicuti modus agendi intellectus spectat ad principii perfectionem: igitur quod pariter sit necessaria, & infinita non aufert ab ea modum perfectissimum ipsius, qui est liberè agendi. Denique conditio intrinseca ipsius potentia vel absolute, vel in ordine ad actum perfectum non repugnat perfectioni in operando: sed libertas, vel est conditio intrinseca voluntatis absolute, vel in ordine ad actum volendi: igitur ipsa libertas optimè cohæret cum conditione perfecta possibili in operando: talis conditio est necessitas ubi non repugnat, uti circa terminum finitum, & contingentem: ergo Dei voluntas diligit objectum infinitum liberè, & necessario.

Est igitur dicendum, Deum pollere arbitrio libertatis respectu cujuscumque objecti: quamvis se ipsum summa necessitate velit, & diligat. Nam secundum Anselmum de libero arbitrio cap. 10. *Liberum arbitrium est potestas servandi rectitudinem secundum se.* Hæc ratio rectè intelligitur in Beatis, & maxime in Deo qui ex infinita suæ voluntatis perfectione objectum infinitum rectissime quia infinite diligit. Et quia delectabiliter, & eligibiliter elicit actum, in eoque felicissime permanens, liberrimè se ipso fruitur: nam necessitas, secundum quam fertur in objectum, non impellit voluntatem in actum: nec figit in actu: quia id destrueret modum agendi voluntatis: jamque foret principium naturale: sed est necessitas actum concomitans, eamque sibi ipsi voluntas imponit ex rectitudine suæ infinitæ perfectionis, id eliciendo actum infinitum circa objectum pariter infinitum: liberè ergo, & necessario diligit se, quia non naturæ necessitate, sed ex electione sequente naturalem sui apprehensionem: sicut ergo universaliter libertas stat cum apprehensione prævia: ita summa libertas stat cum summa apprehensione prævia. Hæc igitur arbitrii libertas, ut convenit beatis ab extrinseco, ex habitu scilicet luminis gloriæ, & gratie consummata, propter quos vel, ob denegatum ipsis causæ primæ concursum, nequeunt deficere, & deflectere, à rectitudine, qua sunt donati, inest Deo ob naturalem suam perfectionem. Est igitur liberum arbitrium in Deo etiam respectu sui ipsius: & quidem sub eadem ratione, qua in cæteris causis liberis reperitur: quia in omnibus his est potestas servandi rectitudinem propter se; quamvis ut est in viatoribus sit potestas volendi defectibiliter; tamen hæc specialis ratio non spectat ad liberum arbitrium in se; quare rectè Anselmus, de libero arbitrio cap. 1. redarguit dicentes, liberum arbitrium esse peccandi potestatem, ex eo quia tunc ea naturæ intellectualis perfectio haud reperiretur in Deo, & Beatis, qui peccare non possint.

AD ARGUMENTA. Ad primum respondeo, extitisse declaratum supra art. 3. & 4. Deum respectu creaturarum esse causam liberam, adeo ut possit eas producere, & non producere, pro sui arbitrii libertate: cum quatenus comparatur ad alia extra se, nullam involvere possit naturæ necessitatem. Et quoniam est necessario recta, ex necessitate fertur in objectum infinitum, & una liberè, ut ostendit

De rerum principii q. 4.

g. Thom. hic in intentione.

1. dist. 1. q. 4. 5. Ad oppositum.

videndæ col. lat. 13. & 16. & q. 6. dist. 49. 4. sent.

Prologi q. 4. 9. Hic videtur, ut cum verò imo probatur.

1. dist. 8. q. 5.



sum fuit. Unde Aristotelis dictum, vel verificatur de voluntate divina, prout tendit in ea, quæ sunt circa finem, vel est verum de libero arbitrio defectibili. Et cum instatur, quia Deus nequit velle malum; ergo caret libero arbitrio. Responsio; utique in Deo non est potestas volendi malitiam, quia nec potest averti à se, nec formaliter, nec virtualiter; sed non propterea existimandus est minus liber iis, qui deficere possunt à rectitudine; nam ut recte ait Anselmus de lib. arbit. c. 3. *posse peccare non est libertas, nec pars libertatis.* Liberum enim arbitrium, ut est perfectio simpliciter, nullum dicit ordinem ad actum difforem: nec absolute aliquis ordo ad peccandum est aliquod principium activum, aut pars ejus, sed præcisè sequitur voluntatem creatam, quatenus est defectibilis; ex negatione igitur potentie ad peccandum, seu ad deficientiendum à rectitudine, non licet inferre defectum libertatis: imo *liberior est voluntas* (secundum Anselmum cap. 1. de lib. arbit.) *quæ a rectitudine declinare nequit. Quia qui sic habet, quod decet, & expedit, ut hoc amittere nequeat, liberior est, quam ille, qui sic habet hoc ipsum, ut possit perdere.* Vult igitur expressè liberiore esse beatos, ex eo quod peccare nequeunt, quam viatores, qui declinare a rectitudine possunt, & consequenter secundum gradum eminentissimum reperiri liberum arbitrium in Deo, cui ex suæ naturæ perfectione inest, quod comprehensoribus ex gratia donatur.

Ad secundum neganda est consequentia, ut constat ex dictis. Et cum probatur, quia naturale, & necessarium coincidunt. Falsum est, quia aliquod principium naturale potest contingenter agere: potest enim impediri, & ita agere, & non agere; at necessarium omnino esse oportet: Consimiliter igitur possibile est aliquod liberum, stante libertate, necessario agere: non ex eo proinde quod aliquod principium activum necessario agit, sequitur naturaliter, & non liberè exire in actum.

Ad tertium respondeo sic: Omne agens naturale, vel est omnino primum: vel si est posterius erit ab aliquo priori naturaliter determinatum ad agendum: voluntas autem nunquam potest esse agens omnino primum, quia apprehensionem necessarii præsupponit: Sed nec potest esse determinata naturaliter ab aliquo agenti superiori: nam eademmet est tale activum, determinativum sui ad agendum. Et quidem si voluntas quidpiam necessario velit, non tamen illud velle causatur naturaliter à causante voluntatem, etiamsi ipsa naturaliter produceretur, sed magis à voluntate esset volitio objecti, determinante seipsam ad volendum tale objectum.

Cum itaque instatur, naturale principium nequit magis determinari, ac sit determinatum id, quod necessarium intelligitur. Responsio: licet necessarium sit summè determinatum, quoad exclusionem indeterminationis ad utrumlibet; tamen aliquod necessarium est aliquo modo magis determinatum, quam aliud: sicut ignem esse calidum, vel Cælum esse rotundum, est determinatum a causa dante simul esse Cæli, & rotunditatem: Sed grave ad descensum determinatum non accipit in fallibiliter actum tendendi deorsum ab ipso generante, sed duntaxat inest sibi ab illo principium naturaliter determinativum ad tendendum deorsum. Voluntas autem causata, etiamsi necessario ponatur aliquod velle, non ita est determinata à causante ad illius volitionem, sicut grave ad descensum, sed præcisè à causa habet principium determinativum sui ad hoc velle. Et quamvis descen-

sus à gravitate intrinseca causetur sic, ut grave moveat se, non proinde liberè dicendum est tendere deorsum, sicut libera est voluntas respectu suæ volitionis, etiam necessario elicite. Nam esse forme, & modus essendi, agere & modus agendi sunt immediata: ideo sicut non est alia ratio, quare hoc habet talem modum essendi, nisi quia est tale ens: sic nec est aliqua ratio, quare hoc habet talem modum agendi, puta liberè, vel naturaliter, nisi quia est tale principium activum, scilicet liberum, vel naturale.

## ARTICULUS XI.

Utrum sit distinguenda in Deo voluntas Signi.

Doctor 1. dist. 47. in Report. ibidem  
dist. 46. q. 2. item 2. dist. 37. q. 2. §. Ad  
argumenta in oppositum, &  
§. Ad ultimum. S. Thom.  
1. p. q. 19. art. 11.

**V**IDETUR non esse distinguenda in Deo voluntas signi. Etenim signum id est, quod præter speciem sui, quam ingerit sensibus, fuit in cognitionem aliter devenire ex Augustino de doctrina Christiana; igitur si divinæ voluntatis forent aliqua signa, ex ipsis in illius cognitionem deveniremus: Sed interdum quod Deus significat esse faciendum fieri non vult; sicut cum præcepit Abrahamo, ut Filium suum interficeret, noluit illum occidi, ut diserte testatur Scriptura, Genes. 22. ergo non est in Deo statuenda ejusmodi signi voluntas.

Præterea, Si ultra voluntatem beneplaciti, & efficacem præterea in Deo esset ponenda voluntas signi, exinde conciceretur in Deo duplicitas, ex qua homines deducerentur in errorem: In Deo autem nulla esse potest duplicitas, cum ut falsi non potest, ita nec fallere ei conveniat, utpote Veritas summa; igitur hæc distinctio locum in Deo habere nequit. Probatio assumpti; nam ex signo voluntariè exhibito putarent homines Deum ita revera efficaciter velle; cum tamen (ut dictum est in præcedenti argumento) id per necessariam consequentiam inferri non possit.

Præterea, Irasci, dolere, pænitere, & alia id genus non tangunt felicissimam, & altissimam Dei Majestatem: hæc autem dicuntur esse signa illius voluntatis; ergo non est in ipsa ejusmodi voluntas; alioquin & prædictorum signorum significatum Deo non repugnaret.

Præterea, Voluntas creata non peccat, quando in agendo est suæ regulæ conformis: regula ejus in agendo est voluntas divina, non beneplaciti; quia tunc Judæi occiderent Christum, non peccavissent, quia ad voluntatem beneplaciti Dei conformiter egerunt; igitur ejus regula erit voluntas signi: Sed inter signa ipsius annumeratur & permissio; ergo cum Deus mala fieri permittit, homines non peccarent, quod nemo dixerit.

Præterea, Dei voluntati nemo resistere potest. Ad Rom. 9. Sed Dei præcepta, & prohibitiones transgreditur humana voluntas, cui impositæ sunt tanquam lex custodienda; ergo præceptio, sive prohibitio non spectant ad signa divinæ voluntatis: adeoque non est in eo ponenda alia voluntas, quam beneplaciti.

CONTRA, Psal. 110. *Magna opera Domini exquisita in omnes voluntates ejus.* Una est autem

Marguer 1.  
dist. 45. ut. G.  
& ad. q. 1. art. 1.



Domini voluntas: igitur voluntates ejus sunt signa unius voluntatis infinite.

RESPONDEO dicendum, revera in Deo esse distinguendam voluntatem signi à beneplaciti voluntate. Etenim ex dictis *supra* art. 6. Voluntas beneplaciti in Deo, quæ & efficax dicitur, & etiam consequens appellatur, infallibiliter semper adimpletur, quia nemo illius infinite virtuti resistere potest, nec occurrere impedimentum, quo remoretur, aut sententia ulla mutatio, quia nihil novum objici potest, unde expediens judicet novum capere consilium. Quæ autem Deus vult voluntate signi, non omnia adimplentur. Etenim significavit se etiam, atque etiam velle custodiri mandata legis, & tamen passim transgrediuntur homines: è contra vero voluntate signi pleraque velle, ac fieri significavit à dictis mandatis, quæ nihilominus fieri veruit beneplaciti voluntate, sicuti præcepit Abrahamo, ut sibi proprium filium immolaret, & tamen contra evenit, scilicet juxta efficacem & beneplaciti voluntatem: igitur signi voluntas est à voluntate beneplaciti necessario distinguenda: de quibus tamen signis amplius *articulo sequenti*.

AD ARGUMENTA. Ad primum patet ex statim dictis; quia ex eo facto est deducendum signi voluntatem distinguere oportere à voluntate beneplaciti.

Ad secundum respondeo, negandum ob duplicem ejusmodi voluntatem, alteram nempe veram, alteram quæ est signi metaphoricè dictam, ullam intervenire dupliciter, unde & error labori possit in iis, quibus signa Dei voluntatis proponuntur; nam sistendo in præallegato Abrahami exemplo, Deus præcipiendo illi filii immolationem, voluit obedientiam, & fidem Patriarchæ manifestare, eo igitur sine obtento, potuit sine duplicitate præceptum revocari. Et quidem Abraham filio pepercisset Deo obtemperaturus; nam in promptu erant omnia, & gladio filio imminabat; & planè jugulasset, ni Deus promptitudine ejus delectatus, actum ferire interdixisset: Nulla est ergo hic duplicitas, & ita in cæteris cum signi voluntas ejus beneplacito contraria esse videtur.

Ad hanc solutionem præterea spectant dicta *supra* art. 6. Hinc rectè Magister 1. dist. 4. lit. M. Magna est, inquit, addibenda discretio in cognitione divine voluntatis; quia & beneplacitum Dei est voluntas ejus, & signum beneplaciti ejus dicitur voluntas ejus. Sed beneplacitum ejus æternum est, signum vero beneplaciti ejus non: & consonat rerum effectibus beneplacitum ipsius, & ipsi effectus rerum ab illo non discordant. Fit enim omne quod beneplacito vult fieri, & omne, quod non vult fieri, nequaquam fit. Non ita autem est de signis: quia præcepit Deus multis ea, quæ non faciunt, & prohibet, quæ non cavet, & consilium, quæ non implent. Hæc Magister.

Ad Tertium respondeo, ea, quæ commemorantur, & alia ejusmodi in Scripturis Deo attributa, per metaphoram dici, atque esse intelligenda, ab ira, pœnitentia, & dolore, quæ propriè sunt in nobis, accepta translatione, Deoque applicata, ad exprimendos effectus, quos Deus in iis, quos ulcisci vult, aut irascitur, producit. Hæc igitur signa, sunt divine voluntates, non quia illi congruant illo modo passiones, quæ reperiuntur in nobis, sed quia earum effectus justissimè producant.

Ad quartum respondeo sic: Voluntas divina non est regula voluntatis creatæ quantum ad rectitudinem, quoad ipsum volitum; ut proinde quicquid Deus vult, oporteat & ipsam velle, ut sit recta: Sed regula in quantum est volens voluntatem creatam sic & sic velle, idque volendo voluntate signi, & antecedente, non semper autem voluntate beneplaciti, & consequente. Et cum dicitur permissio est signum divine voluntatis. Concedo, sed tamen Deus non vult nos velle secundum quæ

permittere sibi placet, sed juxta leges nobis impositas.

Ad ultimum respondeo, eo probari signi voluntatem esse omnino aliam à voluntate beneplaciti, quod intenditur in *solutione*: non quod Dei non sit in se una atque indivisibilis, ut & actus ejus: sed quod ejus voluntatis sint pleraque signa, ut explicabitur in *sequenti articulo*, & tactum fuit *supra* art. 6. §. *Ad ultimum*.

## ARTICULUS XII.

Utrum convenienter circa divinam voluntatem ponantur quinque signa.

Doct. 1. dist. 47. quæst. Un. in Report. ibidem quæst. 2. S. Thom. 1. p. q. 19. art. 12.

VIDETUR minus convenienter dici esse quinque signa divine voluntatis: nempe præceptio, prohibitio, consilium, permissio, & operatio. Nam divina voluntas in æternitate est ratio volendi quodcumque volibile, idest, alterum oppositorum ex volibilibus: illud nempe quod in tempore repræsentatur: mala autem velle non potest, sed duntaxat permittit; Unde Augustinus in Enchir. cap. 95. Non fit aliquid, inquit, nisi omnipotens fieri velit, vel finiendo ut fiat, vel ipse faciendo; igitur satis est duo signa Dei voluntati adscribere, nempe operationem, & permissionem, quippe quibus omnis Dei voluntas & comprehendatur, & explicetur.

Præterea; Signa divine voluntatis non videntur esse posse inter se contraria: Sed Deus in lege sub præcepto interdixit furtum & fornicationem; postea vero consuluit filiis Israhel egressuris ex Ægypto, ut vasa argentea, & aurea, & vestem plurimam ipsis ab Ægyptiis commodatam secum asportarent, prout res gesta narratur Exodi 11. & 12., & Osee mandavit, ut faceret sibi Filios fornicationis, ut ipse Propheta testatur cap. 1. ergo cum hæc ad invicem contrariarentur prohibitio, vel etiam præceptio non erunt signa divine voluntatis.

Præterea, Permittens malum, cum possit prohibere ne fiat, videtur consentire malo: Quemadmodum, qui baptizantur, & possunt reclamare, & non faciunt, rectè censentur susceptioni Sacramenti consensisse. Cum igitur Deus nullo negotio queat prohibere mala, si è sua permissione esset, ut fierent, videretur malitiei creatæ voluntatis assensum præbuisse. Ipse autem malum velle non potest; igitur permissio non est connumeranda inter signa divine voluntatis.

Præterea, Præceptio, & prohibitio omnino coincidunt: siquidem quicquid Deus in lege prohibet fieri, id ipsum sub præcepto cadit, ac præceptum est: ergo minus convenienter, & frustra omnino videntur præceptio, & prohibitio tanquam duo signa enumerari, cum reipsa unum duntaxat sit.

CONTRA, Magister 1. dist. 45. cap. Aliquando enumerat quinque signa divine voluntatis: eaque sunt, præceptio, prohibitio, consilium, permissio, & operatio omnia singillatim cap. sequentibus declarans.

RESPONDEO dicendum, convenienter divine voluntatis assignari quinque signa: Sed voluntatis tamen antecedentis, non consequentis, ut tactum est *articulo præcedenti* §. *Ad quartum* etiam adimpletio, sive operatio ipsius sit voluntatis beneplaciti signum & consequentis. Sed ad intelli-

1. dist. 45. §. 9. Respondeo Magister ibi cap. Permissio.

3. dist. 37.

4. dist. 4. q. 4.

4. dist. 14. q. 1. & 3. dist. 32. Magister 1. dist. 45. cap. Ideo autem.



gendum quam convenienter ea signa divinæ voluntati aptentur, considerandum est, nostræ voluntatis esse duos actus in genere, *velle* nimirum & *nolle*; qui si versentur circa idem objectum contrarii sunt, quia positivi: qui & aliis etiam vocabulis exprimentur, quæ sunt *amare*, & *odisse*. Itaque uterque actus in nobis potest esse efficax, & remissus. Et quidem velle efficax est, quo voluntati non tantum complacet *esse* voliti; sed si suppetant vires, statim poneret volitum in esse. Consimiliter nolitio efficax est, qua non modo nolens impedit aliquid, sed si potest omnino destruit illud. At volitio remissa est, qua sic placet volitum, ut tamen voluntas non ponat illud à parte rei, etsi vires habeat id præstandi. Nolitio pariter remissa est, qua ita displicet nolitum: ut tamen non prohibeat illud esse, etsi impedire possit. In nobis igitur signum efficacis volitionis, si fiat immediatè à voluntate, est adimpletio, vel operatio, si per alterum est præceptum: Volitionis autem remissæ signum est consilium, vel persuasio, sive monitio: At nolitiois efficacis signum est prohibitio; remissæ verò est permissio nam permittere illud videtur, quod scimus ab alio malè fieri, & displicet: sed quia fieri non prohibemus, cum impedire possemus, propriè permittere dicimur.

Quamquam igitur Dei voluntatis unicuique sit actus æternus, ac immutabilis, eo tamen vult, & non vult omnia objecta diversim, atque ita cum æqualeat, atque in infinitum superet omnes actus voluntatis creatæ, quæ nobis inesse possunt diversis operationibus volendi, & nolendi, ablati imperfectioribus, rectè unico, & infinito divinæ voluntatis actui attribuantur. Quum igitur Deus sua voluntate, tanquam suprema omnium causa efficiat omnia, quæ sunt, quæve inquantum sunt, bonitatem participant, ejus voluntatis efficacis signum est *adimpletio*, sive *operatio*. Et quia intellectuali, & rationalem creaturam libero voluit donatam esse arbitrio, ut etiam regeret imperio, atque ad sui imaginem conditam, ad se tandem reduceret, legem tulit, cui in agendis se conformaret: itaque in ea ut oportebat multa fieri mandavit, pleraque pariter interdixit: igitur ut signum efficacis volitionis ejus est *præceptio*, ita nolitiois *prohibitio*. Quoniam insuper quædam diserte præcipi, aut vetari non expediebat naturæ rationali, ea sub consilio proposuit, non præcipiendo, sed hortando homines ad æmulationem charismatum meliorum: consilia igitur quæ in lege continentur, signa sunt voluntatis divinæ, non efficaciter volentis, ut in ferendis mandatis: sed quasi remissè se habentis, ad modum scilicet consulentis, atque hortantis. Denique, quia legibus providentiæ sancitum erat, ut naturam hanc, cui legem proposuit, sineret suos motus agere, ac sibi quælibet agere volenti cooperaretur, sicque semper primæ causæ haberet concursum paratum ut de nulla sibi illata violentia conquereretur, atque ita quæcumque faceret sibi ipsi justè imputanda sciret, sive ad laudem, sive ad vituperationem, sive ad premium, sive ad pœnam, oportuit omnino, ut permitteretur operari etiam contra divina mandata, & prohibitiones in lege propositas. Voluntatis igitur divinæ signum est etiam *permissio*. Signum scilicet effectus liberè à creatura voluntate positi, qui est contra præceptum divinum. Etsi autem permissio in nobis sit signum nolitiois inefficacis, ut dictum est, quia tamen nolitio cujuscumque noliti si repræsentetur, videtur importare. & afferre aliquam tristitiam nolentis: intelli-

Tomus I.

gere rectè possumus, Deum peccata permittere citra omnem nolitioem. Nam ex eo quod Deus non vult prohibere, sive non nolle peccatum, illud fieri permittitur: non nolle autem est negatio actus positivi: non est ergo divina permissio actus positivus, cujusmodi est nolitio omnis. Et quavis Augustinus (ut articulo 6. tactum est) dicat Deum, ut est volens, mala fieri permittere, est id tamen intelligendum (ut articulo 9. declaratum fuit) eum non habere actum rectum volendi, aut nolendi illud, quod permittit, sed actum duntaxat reflexum, quatenus volens finit, & voluntariè permittit transgredi sua mandata. Hæc sic convenienter disposita esse inveniuntur, ut iidem una æternæque divina voluntas, quantum oportet, nobis innoscat. Eadem autem & Dei voluntates dicuntur, juxta illud Psal. 100. *Magna opera Domini exquisita in omnes voluntates ejus*; quia una Dei voluntas, quæ ipse est, variis modis, ac pro diversis accipitur. Per figuram ergo divinæ voluntates dicuntur, sicuti dilectionis signa, *dilectio* appellantur, & signa iræ; *ira* vocitantur.

Ad Argumenta. Ad primum concedendum est Dei voluntatem esse rationem volendi in eternitate quodcumque volibile extra se, atque omne tale singillatim in tempore, ut suprema omnium causa, producere, prout sibi statuere placuit in eternitate; exceptis peccatis; quæ tamen permittit, non vult; sicut frequenter tactum fuit. Et cum dicitur; ergo his duobus signis, operatione nimirum, & permissione, omnis Dei voluntas significatur, atque intelligitur. Responsio: his, quæ una generali divinæ providentiæ legè reguntur, satis esse ea duo voluntatis divinæ signa; sed naturalis, quæ libero pollent arbitrio, alia erant signa præponenda; nam cum has Deus ad se ordinasset ac voluntate antecedenti ad suum principium redire voluisset, ut certam haberent proprium finem assequendi regulam, quædam ab eis facienda, ordinanda erant, & alia ad quæ desistere potuissent interdicenda, ac insuper hortatione opus habebant ad meliora, & perfectiora prosequenda. Ex his igitur constat quam convenientissime divina voluntas antecedens declarata, ac significata sit *præceptione*, *prohibitione*, & *consilio*: pro omni quidem tempore, & statu: Sed præsertim id factum esse de cuit in lege Evangelica, cujus vita spiritalis via quædam est, ordinans, ut bene viventes secundum ipsam hinc sine impedimento emergent ad aliam vitam, pro qua assequenda exactissime præparentur.

Ad secundum respondeo, Deum de potentia absoluta agere posse, & præter, & contra leges justitiæ à divina providentiâ statutas, præsertim quæ non spectant ad naturæ distamina in primo gradu; & ita faciendum rectè facere: quia eatenus leges sue sunt rectæ, quia à Deo volitæ, & ita pariter justæ essent illis contrariæ si ferre mallet. Stantibus ergo inhibitionibus de non furum faciendi, de non mæchando &c. Deus potest præcipere justè oppositum illarum legum: mandando autem id fieri, significaret suam voluntatem *præcepto*, quod non esset alteri signo contrarium; quia ut lex illa universalis habet reititudinem à Dei voluntate statuenti, ita & particulare mandatum huic, aut alteri expressum, parem haberet reititudinem, quamvis aliud à priori; nam non propterea lex universalis intelligeretur abrogata, sed tantum in casibus particularibus noluisse juxta leges illas judicare, sed aut illas dispensasse, aut certè leges suo fine non caruisse; ut in casu Abrahami dictum fuit articulo præcedenti. Quod vero ad Israhelitas at-

K k 2

tinet

Magis. 1. di. 45. lit. G. H. F. se. mentibus.

Quodlib. q. 21. 6. Quantum ad primum V. Sed secundum fidem.

4. di. 1. 6. 7.

4. di. 2. q. 1. 6. Respondet hic V. Item probatur 2.

1. di. 44.

3. di. 25.



inet res Egyptiorum asportantes illis invitis, non est putandum furtum commississe; quia vel Deus ut supremus omnium Dominus transulit dominium earum ex Ægyptiis ad Israelitas, vel certe ipsis satisfactum esse voluit pro laboribus, quos sustinuerunt in Egypto, pro quibus nihil præmii, vel mercedis, laborantibus repensum erat. Pariter & fornicatio est mala, quia prohibita, neque enim lumine naturali notum esse id esse malum, etsi legi naturali consonum; itaque certis in casibus, potest Deus aliud præcipere, præsertim, cum ad aliud significandum, vel prædicandum datur mandatum, ut in Osea evenisse ipso prophetiæ contextu narratur.

Ad tertium concedo nos cum mala permittimus videri malo consentire: nempe quia tenemur prohibere, si facultas adfit impediendi; alioquin nec permittere diceremur. At Deus ei legi non subest,

imo tanquam prima causa, ex suæ providentiæ legibus tenetur impendere concursum causis secundis, secundum modi causandi earum. Ne igitur vim inferat causis liberis, finit eas agere proprios motus, etiam cum faciunt contra ipsius voluntatem præcepto, vel prohibitione expressam. Nec tamen malis assentiri putandus est, cum ipse contraria præcipiat, vel interdicit; ac semper daret restitutionem actui, nisi per causam proximam staret, ut articulo 9. declaratum fuit.

Ad quartum est responsio ex Magistro, 1. dist. 45. cap. *Quinque* ergo. Etsi revera ea, quæ Deus huiusmodi mandat, & quæ facienda interdicit sub præcepto contineantur, nihilominus præceptum propriè respicere bona facienda, prohibitionem vero esse respectu malorum fugiendorum: *præcepit*, inquit, *Deus multis ea, quæ non faciunt, & prohibet, quæ non cavent.*

## QUÆSTIO VIGESIMA

### DE AMORE

#### IN QUATUOR ARTICULOS DIVISA.

*Deinde considerandum est de his, quæ absolute ad voluntatem Dei pertinent. In parte autem appetitiva inveniuntur in nobis, & passiones animæ, ut gaudium amor & huiusmodi, & habitus moralium virtutum, ut iustitia, fortitudo, & huiusmodi. Unde primo considerabimus de amore Dei. Secundò de iustitia & misericordia ejus.*

#### CIRCA PRIMUM QUÆRUNTUR QUATUOR.

- I. Utrum in Deo sit amor.
- II. Utrum amet omnia.
- III. Utrum magis amet unum, quam aliud.
- IV. Utrum meliora magis amet.

#### ARTICULUS I.

Utrum amor sit in Deo.

*Doctor 1. dist. 1. quæst. 5. §. Ad solutionem, & dist. 10. 4. dist. 49. q. 2. §. Ad istam secundam quæst. & prout in margine annotatur S. Thom. 1. p. q. 20. articulo 1.*



VIDETUR amor nequaquam reperiri in Deo: Etenim secundum Dionysium cap. 4. p. 2. de divin. nominibus. *Amor est virtus transformativa, & conservativa amantis in amatum.* Sed in Deo hanc vim transformandi, & convertendi unum in aliud amor habere non potest; ergo frustra in eo amor poneretur. Minor ex eo constat; quia Deus est unus, ac simplicissimus actus expers omnis compositionis, & componibilitatis.

Præterea, Amor ex charitate est; nam juxta charitatis perfectionem, & intentionem amor est intensus, & perfectus: sed in Deo charitas non est; ergo nec amor. Probatio minoris: Charitas est habitus potentie habituatæ perfectivus; Sed Dei voluntas perfectissima est, utpote infinita; ergo in ipsa nullus est habitus charitatis, a quo perficiatur: & per consequens nec ullus amor.

Præterea, Ejus voluntatis est amare, quæ possit & odisse, & irasci, seu velle, & nolle objecta circa quæ tendit: sed in Deo nulla est ira, vel odium nisi per metaphoram; propriè enim illa consequuntur voluntatem subiectam passionibus; ergo pariter non videtur in Deo amor ponendus, nisi metaphorice.

CONTRA, Deus efficit charitatem in anima, & dilectionem, tanquam perfectionem simpliciter; ergo ipse est formaliter dilectio, & charitas. Probatio consequentiæ; etsi Deus efficiat pariter in homine & spem, & patientiam, & ipsum hominem; non propterea tamen ipse est formaliter homo, aut spes, vel patientia, sed tantum causa eorum effectuum; eo quod non sint perfectiones simpliciter; quia tamen causat in homine bonitatem, ipse est formaliter, & substantialiter bonus; quia ratio bonitatis simpliciter perfectio est; ergo est quoque formaliter dilectio, & charitas; quia ipsis non repugnat formaliter infinitas; omnis enim perfectio simpliciter, quæ est in causato, reducitur ad causam formaliter habentem eam perfectionem. Hinc Augustinus 8. de Trinit. cap. 7. *Qui diligit proximum, inquit, consequens est, ut ipsam præcipuè dilectionem diligat;* Eam nimirum dilectionem, quæ Deus est.

RESPONDEO dicendum, necessario amorem, & quidem excellentissimum esse in Deo. Nam Deus cum sit optima substantia, oportet esse felicissimum & beatissimum; Talis autem esse non posset, nisi intelligeret summum intelligibile, atque amore inhaereret supremo appetibili. Istud summum appetibile

1. dist. 47. §. Respondeo.

1. dist. 17. q. 2. §. Ad primum, principale.



tibile aliud non est, quam infinitum bonum; in appetibilibus enim cum sit ordo essentialis, necessario standum est in uno supremo infinito. Nam cuicumque non repugnat infinitas, illud non est simpliciter supremum, nisi sit & formaliter infinitum. Appetibili, vel volibili non repugnat infinitas; quia illud vel est perfectio simpliciter, vel concomitatur convertibiliter aliquam perfectionem simpliciter; competit enim toti enti, & quodcumque tale est perfectio simpliciter. Supremum igitur appetibile oportet esse formaliter infinitum. Huic autem nihil esset honorabile, si se haberet ut dormiens, ut ait Philosophus, 12. *Metaphys. text. c. 51.* nempe nisi apprehenderet se summum verum, idemque summum bonum, & appetibile se amaret; neque foret optima substantia; si id, per quod se ipsum intelligit, & diligit, esset aliud quid ab ejus substantia; ipsi igitur inest ultimatate, & completa perfectio, & felicitas maxima, & beatitudo optima ex operationibus intelligendi, & volendi se ipsum supremum appetibilem; non enim est Deus beatus præcisè, quia est idem sibi, sed eo quod sit intelligens, & volens: quia si per impossibile non esset natura intellectualis, adhuc foret idem sibi, ut lapis est sibi idem. Rursus, Deus natura est intellectualis, actusque purissimus; pollere autem appetitui, seu voluntate, & esse naturam intellectualem convertuntur: at qui in habentibus quemcumque appetitum, five animale, five etiam naturalem, non intelligitur ultimata perfectio, nisi habito eo, quod tali appetitui propter se appetitur. Unde imperfectio aliqua consequitur grave extra centrum, & appetitus sensitivus ad summum conveniens inclinatus, quandiu cum eo non conjungitur est imperfectus; vel etiam tristis; igitur supremum volens non est summè perfectum, nisi diligendo operatione perfectissima summum diligibile. Cum enim potentia appetitiva quietari cupiat in objecto maxime sibi convenienti, nisi ei perfectissimo amore inhereat, ejus appetitus non satiatur, estque sub statu imperfecto. Quoniam igitur omnis, vel minima imperfectio locum habere nequeat in eo, ubi est omnis perfectio possibilis, scilicet infinita, necessario est in Deo infinitus amor, quali scilicet decet amari objectum infinitè appetibilitatis; eique immobiliter, & necessario adherendo est in summo felicitatis, & beatitudinis. Ut enim corpora pondere trahuntur ad centrum, ita voluntas amore fertur quocumque fertur, ut ait Augustinus, 11. *de Civit. cap. 18.* centrum autem quod ex natura sui est ultimatè quietativum, summumque appetibile est Deus, quia supremum appetibile; ei ergo divina voluntas adhæret primo, & per se; quia non participatione alterius, immobiliter, atque necessario; nam id sit non per habitum, nec per actum à se differentem, nec virtute alicujus causæ superioris, sed sua spontè, quia non coactè, etsi necessario, propter ejus rectitudinem, & perfectionem amet amore excellentissimo illud summum appetibile, atque infinitum bonum. Est igitur in Deo amor, & dilectio, quæ est voluntatis suæ operatio optima, & felicissima; estque idem, ac velle objectum appetenti, & volenti convenientissimum. Ipsum enim voluntas nolle non potest, quia hoc actu fugit, & resistit ab objecto disconvenienti; & porro non alia de causa à disconvenientibus declinat; nisi quia vult, & amat illud, cui est disconveniens. Deo autem cum nihil eorum, quæ efficit ipse, possit esse disconveniens, imo quodcumque ordinat ad se ipsum, suamque bonitatem, propter quam alia à se esse

voluit, evidens est per se, & primo diligere, seu velle bonitatem suam, tanquam objectum sibi convenientissimum, apprimèque proportionatum, & subinde amare, cum aliud non sit diligere, quam velle.

AD ARGUMENTA. Ad primum respondeo, verba illa videri per metaphoram dicta, quia secundum Philosophum, 2. *Polit. cap. 3. & 7. cap. 5. Nichil enim minus aliquid est id, quod fuit, quia amat aliud.* Sed rationem hujus metaphoræ esse, quia amans præ amato parvipendit se ipsum, pluris faciendo amatum, quam se. Unde August. 4. *de Civit. cap. ult. Civitatem, inquit, Deifecit amor Dei usque ad contemptum sui;* evidens est autem hæc Deo minime competere posse; nisi ad eum sensum, quia Deus amando se ipsum, quo amore est perfectissimè beatus, vult alia, quibus elargitur, ac eo magis participes facit suæ bonitatis, quo magis diligit; sed respectu sui amor habet cum objecto veram unitatem, & identitatem; & ideo nec metaphoram, nec rationem ejus divino amoris rectè aptari; quia etsi Deus per providentiam omnium, quæ condidit, videatur quodammodo extra se tendere, quasi amore tactus; quia tamen id gratia sui, ac amore infiniti boni, facit; re ipsa illi unice amando inhæret, ex quo apicem felicitatis, & perfectionis possidet, extra se non exit, nisi quoad effectus amoris, quo se ipsum diligit.

Ad secundum dicendum, in habitu duo esse consideranda, & quod est in ipso perfectionis simpliciter, & id cui per accidens annectitur talis perfectio: quantum attinet ad primam rationem; eam omnino in Deo reperiri, ostendit ratio ad oppositum. Sed quod habitus sit perfectivus potentie perfectibilis, ac subinde imperfectæ, accidit sibi, nec spectat ad formalem conceptum talis perfectionis; & ideo stare potest sine ejusmodi addito, uti est in Deo, ubi omnia absoluta sunt unum per realem identitatem.

Ad tertium est responsio ex dictis; utique enim in Deo nulla est propriè ira, qualis scilicet esse potest in appetitu sensitivo, & voluntate creata; unde *irasci* in Deo nihil aliud est, quam ipsum velle plectere condigna pœna peccantes contra legem suam; ipse enim peccata non vult, voluntate signi duntaxat; si enim efficaciter nollet, sanè non patrantur. Sed ex eo nequit inferri pariter & amorem reperiri in illo metaphoricè, cum sit perfectio simpliciter.

## ARTICULUS II.

Utrum Deus omnia amet.

Doct. 3. *dist. 32. in Report. ibidem. De rerum principio q. 4. art. 2. sect. 2. S. Thom. 1. p. quæst. 20. articulo 2.*

VIDETUR Deus nequaquam diligere omnia. Nam amor, & ira circa idem objectum mutuo se se expellunt: sed Deus irascitur peccatoribus, legemque suam transgredientibus; adeo ut quamdiu tales, velit eos subire æternas pœnas; ergo tunc eos non diligit; non igitur Deus omnia amat.

Præterea, Dei amorem esse oportet excellentissimum, ac perfectissimum: perfectior est autem amor amicitie amore concupiscentie: igitur quicumque Deus amat, amore amicitie amat. Sed omnia non sunt tali dilectione digna, nec proinde diligenda: quia quæ anima carent, & non vivunt, & irrationalia quæque non sunt amore amicitie pro-

Citatio hæc le-  
dorem fuit,  
sed quid senten-  
tæ amvalens  
est invenire 8.  
Ethic. c. 3.

Quodlib. q. 13.  
9. Nunc tertio.

B. Dionys. loca  
supra cit. p. præ-  
ma.

4. dist. 14. q. 1.  
9. Disco ergo.

4. dist. 14. q. 3.

2. dist. 6. q. 2.

4. dist. 49. q. 4.

2. dist. 6. q. 2.  
In ista quæstio-  
ne.



prosequenda: ergo Deus non omnia amat.

Præterea, Ha est vis amoris ut velit, & conetur facere amantem unum cum amato, ut ait Hugo super cap. 7. cæl. Hierarch., & subdit, & fit unio quodammodo per vim amoris, ut expellat incipiat, & exire à se, & incipiat esse quod amat. Hæc autem nulla ratione Deo congruere, & aptari possunt; non est enim intelligibile quoniam modo à se existens, incipiat esse quod amat; ergo Deus non diligit omnia, sed tantum se ipsum.

Præterea, Dei amor in æternitate est: sed alia omnia ab ipso æterna non sunt; ergo nec à Deo diliguntur; alioquin ejus dilectio non foret sine aliqua mutatione. Nec satisfit argumento, si perhibeantur creaturæ dilectæ ab æterno. Nam tunc ipsæ nihil erant in seipsis, sed duntaxat in virtute, & eminentia Deitatis; sic autem non aliud erant, quam ipse Deus, & essentia creatrix; ergo Dei amor non se extendit ad alia à se ipso.

CONTRA, Sapient. 11. Nihil odisti eorum, quæ fecisti; ergo Dei amor est ad omnia, quæ ipse facit.

RESPONDEO dicendum, Deum omnia omnino quæ sunt, quæve erunt, aut fuerunt, amare. Declaratio: Potentia tendens in proprium per se obiectum, fertur quoque in ea omnia, quæ habent ordinem ad illud obiectum, juxta rationem, & modum ejus ordinis; nam si sit ordo essentialis, necessario; si accidentalis, per accidens tendit in illa. Quæcumque autem extra Deum habent esse realis existentie, sunt quedam participationes entis increati, & bonitatis infinite; ergo divina voluntas tendens, ac necessario diligens bonum per essentialia, tendit quoque ac diligit omnia, in quibus reperitur aliquid bonitatis suæ; contingenter tamen, quemadmodum & contingenter ea produxit; siquidem non producere potuisset. Voluntas igitur divina diligit omnia, quia omnia, in quibus est realis existentia, de suo esse, & bonitate participant: ideo & mala diligere nequit, eo quia expertia sint participationis primi boni. Deinde, sicut se habet scientia Dei ad scibilia, ita & voluntas ad bona: Sed non est differentia entis, quam intellectus divinus non cognoscat; ergo non est aliqua differentia boni, quam voluntas divina non velit, & diligit. Demum, quando aliqua potentia fertur in rationem formalem obiecti, fertur etiam in omnia, quæ illam participant: ut visus ad omnia colorata. Sed omnia quæ sunt, participant rationem boni, dicente Scriptura, Gen. 1. Vidit Deus cuncta, quæ fecerat, & erant valde bona; igitur voluntas divina ea omnia vult, vult nimirum bonum existentie, reliquasque perfectiones, quibus prædita sunt, atque ita diligit; nam diligere est velle, ut nolle odisse.

AD ARGUMENTA. Ad primum est responsio ex dictis; nam Deus odio habet mala, nullam in ipsis inveniens suæ bonitatis participationem; at in ipsis, qui mala perpetrarunt, quosque ipse fecit, est ratio, & participatio primi boni; ideo ut eos vult, ita diligit. Unde Augustinus, Tract. 110. super Joan. Incomprehensibilis est, inquit, dilectio Dei, atque immutabilis, quia Deus in unoquoque nostrum amat, quod fecit, sicut & odit quod fecimus. Miror ergo, & divino modo etiam quando odit, diligit nos. Nempe odio habet iniquitatem, in qua nullum est bonum, & diligit naturam, quæ est bona in se, sed mala ut subest iniquitati.

Ad secundum respondeo, Dei amorem utique esse perfectissimum, sed tamen pro ratione obiectorum, ad quæ terminatur, inæqualem, ut declarabitur articulo sequenti. Itaque quæ non sunt diligibilia amore amicitie, sive ex charitate, quia

ejus dilectionis incapacia sunt; nam Deus non diligit nec vult lapidem diligere Deum in se; non ita diliguntur ab ipso, etsi ordinentur ad amorem amicitie, quatenus inserviunt ipsis, qui diligere possunt Deum in se, & propter se. Qua ratione & nos possumus ex amicitie amore diligere arbores, non quia sit ipsa sic diligibilis, sed quatenus ea dum est, inservire potest nobis ad actum dilectionis divinæ.

Ad tertium respondetur juxta dicta, articulo precedenti §. Ad primum. Nam Deus non aliter est dicendus, vel intelligendus extra se exire, nisi quatenus ex dilectione, qua prosequitur omnia, quæ de sua bonitate participant, providet ipsis secundum modum, atque exigentiam naturarum; non ergo extra se exit, ut esse incipiat, quæ amat, sed ab eo proficiunt, & prodeunt effectus dilectionis infinite, quia inheret summo bono. Porro hanc esse mentem Dionysij, quam exprimere Hugo fatagit, constat ex cap. 4. p. prima de divin. nomin. Audebimus, inquit, & id pro veritate loqui, quod ipse quoque auctor omnium, pulchro, & bono amore omnium, pro amatoria bonitatis magnitudine extra se sit, ad omnia quæ sunt, providentia multipliciter pertingendo ratione semet dimittit. Et parte 2. Amorem, aut sive divinum, sive Angelicum, sive spirituale, sive animale, sive naturalem dixerimus, insitiam quandam intelligamus, commiscentemque virtutem, superiora quidem moventem ad inferiorum providentiam &c.

Ad quartum respondeo, hoc ipso, quod voluntas divina vult ab æterno rerum futuritionem, ea omnia amare: id est, velle futura omnia suam bonitatem participare. Neque propterea quod creaturæ non sunt coævæ suæ dilectioni esse inferendum, non diligi à Deo; nam alioquin non decerneret aliquando fore; sed solummodo haud voluita fuisse pro æternitate, sed pro tempore statuto: seu quia ita illi libitum fuit. Et cum instatur: quia in æternitate non erant aliud creaturæ, quam ipsa essentia creatrix, in qua eminenter continentur. Responsio; in eo signo, in quo intelliguntur creaturæ esse idem, ac ipsum esse infinitum, non sunt quid distinctum ab ipso Deo, neque erant aptæ terminare intuitum intellectus divini: Ut ergo sunt obiectum secundarium divini intellectus habent esse distinctum ab essentia Dei, & ut futura à voluntate decernuntur habere esse volitum, æternum quidem, sed non pro æternitate, sicut dictum est.

### ARTICULUS III.

Utrum Deus æqualiter diligit omnia.

Doctor 3. dist. 32. in Report. ibidem S. Thom. prima parte quæst. 20. artic. 3.

VIDETUR Deus æqualiter diligere omnia. Nam Deus æqualiter omnia intelligit: igitur & æqualiter omnia diligit. Probatio consequentie; diligere divinum esse velle ipsius Dei, quatenus vult suum esse, & bonitatem creaturas participare: Sed velle divinum est unum indivisibile, & infinitum; ergo omnia æqualiter vult, atque diligit. Assumptum est ex eo constat, quia Deus non minus perfectiora, quam imperfecta intelligit; cum ipse intellectio sit comprehensiva obiecti intensivè infiniti; ergo æqualiter sunt ei perspecta omnia, nec unum magis ac aliud intelligit.

Præterea, Dei dilectio immutabilis est: igitur fertur super omnia, in quæ tendit æqualiter. Probatur consequentia: Si inæqualiter Dei amor fer-

retur

2. dist. 49. qu. 2.  
§. Ad istam se-  
quentiam quæ-  
stionem.

2. dist. 47.

Magist. 3. dist.  
32. lit. A.

1. dist. 39.  
2. dist. 1. q. 2.

2. dist. 47.

Magist. ioco su-  
per præd.

Report. loco  
cit. 6. Ad ser-  
monem.

Magist. 2. dist.  
32. cap. cum ar-  
t. 10.



feretur super ea, quæ ab ipso amantur; igitur susci-  
peret magis, & minus; intensior enim foret, qua-  
tenus respectu objectum magis dilectum; sed exin-  
de evidenter foret mutabilis; igitur quoniam est  
immutabilis æqualiter fertur super omnia.

Præterea, *Ex questione præcedenti articulo 2.*  
Amor Dei, seu velle divinum est idem ac essentia  
ipsum Dei; non enim per actum distinctum vult  
alia à se: igitur eadem est comparatio essentia divi-  
næ ad creaturas, & amoris ejus. Sed divinum  
esse eodem modo respicit entia perfectiora, & im-  
perfectiora; nam omnibus ultra quamlibet pro-  
portionem datam, & dandum excellit, ac subin-  
de nulla est inæqualitas in ipsa respectu eorum  
omnium; ergo cum pariter Dei amor sit intensivè  
infinitus, æqualiter respicit omnia, super quibus  
fertur.

CONTRA, Magister 3. dist. 32. cap. 1. *Si omnia,*  
inquit, *qua facit, bona sunt, & omne bonum diligit,*  
*omnia ergo diligit, quæ fecit, & inter ea magis di-*  
*ligit rationales creaturas, & de illis cas amplius,*  
*quæ sunt membra unigeniti sui, & multo magis ip-*  
*sū unigenitum.*

RESPONDEO dicendum, amorem divinum nul-  
lam subire inæqualitatem, ut comparatur ad Deum  
amantem: sed quatenus ipsas respicit creaturas,  
quæ amantur, non esse parem omnium, sed magis  
& minus diligi pro beneplacito voluntatis divi-  
næ. Declaratio primæ partis: Amor, & velle di-  
vinum est unus actus infinitus ab una potentia di-  
manans, & in unum objectum primum tendens,  
potentia, atque objecto exactissimè adæquatus:  
neque ad perfectionem ejus spectat tendere in alia  
à se; sed id præcisè sequitur ad perfectionem infi-  
nitam ipsius, propter quam cum perfectè tendat  
in primum terminum, subinde fit, ut perfectè quo-  
que feratur in alia, circa quæ primum objectum  
est totalis ratio agendi; igitur quandoquidem is  
actus amoris ab objectis amatis nullam accipiat  
aut specificationem, aut perfectionem, (ex eo  
enim potentia omnino vilesceat, & simpliciter  
necessarium, & infinitum coexigeret ad sui esse  
terminum nec ita necessarium, nec infinitum) sed  
omnis ejus perfectio stat ex attingentia compre-  
hensiva primarii objecti; evidens est eum actum,  
ut ad agens comparatur, unum idemque semper  
esse, uniformem, & indivisibilem, atque omnis  
expertem inæqualitatis.

Verum quia ex sui infinita perfectione est, quod  
etiam tendat in alia extra se, quæ proinde quate-  
nus vult esse, diligit, respectu horum esse inæqua-  
lem, sic ut quædam præ aliis magis sint, & rectè di-  
cantur à Deo plus diligi; Declaratur: Nam en-  
tium conditorum alia aliis sunt perfectiora, ut  
evidens est, non solum quantum ad gradus speci-  
ficos, sed etiam id elucet in individuis ejusdem  
speciei; nec ejus inæqualitatis in perfectionibus  
creaturarum, est querenda ratio, & causa in ip-  
sis effectibus; quia non est alia quam beneplaci-  
tum voluntatis divinæ, ut *quest. præcedenti arti-*  
*culo 5.* declaratum fuit: igitur *Dei amor inæqua-*  
*liter fertur super creaturas, in quibus inæqua-*  
*les sunt effectus dilectionis sue:* ex ea enim ut est  
quod creaturæ participent suam bonitatem: ita  
& quod illam accipiant in tali, vel tali gradu:  
quemadmodum ergo perfectiones, & bonitates  
sunt inæquales, ita & non idem amor, ut actus  
amoris divini intelligitur alia à se connotare.

Deinde divinus amor ordine quodam mirabili,  
& inenarrabili extra se tendit, ordinans cuncta ad  
se tali modo, & ratione, ut exinde exurgat ordo  
universi, sintque & entia cuncta ad invicem ordi-

nata: igitur inæqualiter respicit omnia, quæ vult,  
& amat. Assumptum declaratur: omnis rationa-  
biliter volens, vult primo finem, & secundo illud  
quod immediatè attingit finem, & tertio quæ re-  
motius sunt ordinata ad attingendum finem. Cum  
igitur Deus rationabilissimè velit: etsi uno eo-  
demque invariabili actu, inquantum tamen ille  
super objecta ordinatissimè tendit: primo vult fi-  
nem, in quo est actus suus perfectus, & voluntas  
beata. Secundo vult illa, quæ immediatè ordi-  
nantur ad ipsum, uti sunt omnes ad gloriam cele-  
stem electi. Tertio vult ea omnia, quæ sunt ne-  
cessaria ad consequentem ejus finem, scilicet gra-  
tiam, atque cætera auxilia supernaturalia; ac de-  
nique vult alia cuncta propter illos, nempe mun-  
dum hunc sensibilem, ut inserviat, eoque utantur  
prædestinati; quo sensu verè dixit Aristoteles 2.  
Physic. text. cap. 24. *Homo quodammodo est finis*  
*omnium sensibilium:* quia nempe gratia ipsius  
sunt volita à Deo. Sive igitur quia Deus vult  
mundum sensibilem in ordine ad hominem præ-  
destinatum, sive quia quodammodo vult imme-  
diatius hominem amare se, quam mundum sensi-  
bilem esse; homo est finis mundi sensibilis. Illud  
enim quod est propinquius fini ultimo, consuevit  
dici finis eorum, quæ sunt remotiora. Ut igitur  
alterius, & alterius rationis sunt & finis, & ea quæ  
intenduntur gratia finis, ita respectu volitorum  
alia & alia est Dei dilectio, esto in se ipsa nullam  
subire queat inæqualitatem, & alterationem.

AD ARGUMENTA. Omnium est una responsio,  
quæ est & solutio quæstionis. Nam aliud non probant,  
nisi æqualitatem actus, ut est operantis;  
non autem ut transit super objecta: hæc enim seu  
comparantur ad actum intellectus divini, seu vo-  
luntatis, seu ad ipsum esse infinitum in se, inæqua-  
lia sunt, quia inæquale esse essentiale acceperunt  
per actum intelligentiæ divinæ, & quoad esse exi-  
stentiæ possident hunc, aut illum gradum perfe-  
ctionis; quia ita fuere volita à voluntate Dei; &  
quatenus denique comparantur ad essentiam infi-  
nitam, quo pluribus gradibus pollent perfectioni-  
bus, eo magis dicuntur accedere ad illam, quate-  
nus magis expriment divinam perfectionem, quæ  
infinita est; etsi proinde hæc à quacunque, vel  
perfectissima creaturarum distet ultra omnem pro-  
portionem.

## ARTICULUS IV.

Utrum Deus semper magis diligit.  
meliora.

Doctor 3. dist. 32. in utroque scripto. S. Thom.  
1. p. quæst. 20. artic. 4.

VIDETUR Deus non semper magis diligere  
meliora: Etenim melior est Angelica natu-  
ra omni homine: sed Deus ea dilectione prosequi-  
tus est humanum genus, quia neminem dilexit  
Angelorum; ergo non semper à divina volunta-  
te magis amantur præstantiora. Probatur minor:  
illam naturam magis diligit, cui majora confert  
beneficia: naturæ humanæ contulit beneficium  
longè excellentissimum, & non Angelis, dicente  
Apostolo 2. ad Hebræos: *Nisquam Angelos ap-*  
*prehendit, sed semen Abraham:* igitur Deus non  
semper magis diligit præstantiora.

Præterea, Melior est innocens eo, qui in pec-  
cata lapsus est, ac postea eorum pœnitens ad se-  
cundam tabulam configit ne demergatur: sed  
Deus plus diligit pœnitentem, atque inter illos  
cum.

2. dist. 1. q. 20.

2. dist. 20. q. 1. Ad  
primū principium.



eum, cui plura dimittit peccata: ergo interdum videtur magis diligere deteriora. Probatio minoris ex illo Lucae 7. *Cui magis dimittitur, magis diligit*: igitur cum innocenti nihil sit à Deo dimittendum, minus diligitur quam is, qui de peccatis conteritur, ac ex animo se peccasse pœnitet.

Præterea, Hi, quibus Deus vult finaliter bonæ gratiæ sunt meliores illis, quos Deus efficaciter non prædestinavit. Sed evenire potest (prout non raro accidisse narrat Scriptura) ut electus ad gloriam in peccata labatur, & non electus in via iustificetur, ac subinde magis sit Deo gratus, qui in sua præscientia est deterior altero sibi accepto, quia iustus pro præsentī tempore: ergo non semper Deus magis amat potiora.

Præterea. Melior est natura humana Christi, ejusque vita, quam totum genus humanum: sed Deus minor se fecit vitam humanam Christi, ac minus subinde dilexit, quam genus ipsum humanum: ergo Deus aliquando magis videtur diligere, quod melius non est. Minor patet, quia Deus tradidit unigenitum suum in mortem, ut exinde satisfaceret iustitiæ, & redimeretur genus humanum.

CONTRA. Dei amor ut connotat objecta, super quæ transit, est inequalis, & ordinatissimus ex articulo præcedenti: igitur magis diligit ea, quæ sunt meliora.

RESPONDEO dicendum, divinum amorem respectu eorum, quæ sunt præstantiora, esse majorem, & intensiorem, quoad effectus scilicet, minus vero intensum respectu imperfectiorum creaturarum. Nam Dei amor non est aliud, quam ipsa volitio divina, qua efficaciter vult creaturas in hoc, aut illo gradu suam participare perfectionem: non est enim putandum, proter aliquid præsuppositum in creaturis ab intellectu divino voluntati præsteris, eas volitas fuisse: aut extitisse ipsis rationem, ut ita amarentur: nam ratio amoris est in sola voluntate divina; unde sicut eadem vult alia à se in tali, aut tali gradu perfectionis, & bonitatis, sic & non aliter sunt bona: Quicquid igitur perfectionis est in omni alio à Deo, de divino amore descendit: fieri ergo non potest, ut minus amet, cui potiora dat bona, cum aliud non sit quidpiam magis à Deo amari, quam sibi collata fuisse præstantiora. Quod & directè testatur Magister, 3. dist. 32. cap. primo prout retulimus articulo præcedenti §. Ad oppositū & cap. 2. scribit sic. *Quod vero rationales creaturas, id est homines, vel Angelos, alios magis, alios minus diligere dicitur, non mutabilitatem charitatis ejus significat: sed quod alios ad majora bona, alios ad minora dilexit: alios ad meliores usus, alios ad minus bonos. Omnia enim bona nostra ex ejus dilectione nobis proveniunt.* Hæc ille.

AD ARGUMENTA. Ad primum, concessa majore, neganda est minor, si sit sermo de bonis spectantibus ad esse naturale, quæ bona sunt effectus divinæ dilectionis. Et cum probatur: quia longè potiora beneficia præstitit Deus humanæ naturæ, quam alicui Angelorum. Dicendum id verum esse de ea natura, quam sibi hypostaticè univit Verbum divinum: ei quidem tanta collata fuere dona gratiarum, ac supernaturalium bonorum, unde esset caput totius corporis mystici, Angelorum scilicet, & hominum ut nihil omnino gratiæ sit reperibile in membris juxta præsentis divinæ providentiæ leges, nisi de plenitudine capitis illius. Hunc ergo hominem omnium caput, & principem creaturarum magis dilexit, & diligit Deus, quam reliqua omnia, quæ per ipsum, & propter ipsum facta sunt. At reliquas magis, & minus

diligere fatendum est, prout & ipsos magis, & minus suæ bonitatis fecit esse participes. Diligit enim magis ea, quæ per fidem, & charitatem sunt membra unigeniti sui: & eorum membrorum tanta est dilectio, quanta ipsis ab æterno præparavit bona, & in tempore confert.

Ad secundum, concedo majorem; nam simpliciter majus Dei beneficium est conservare innocentiam, quam concedere post peccatum penitentiam. Unde longè majus beneficium Deus contulit Matri suæ, quam Magdalene. Ad probationem minoris, dicendum, *Tò donare* posse dupliciter accipi, vel quatenus est actus voluntatis liberaliter communicantis; vel prout idem est ac *con. donare*, ad quem sensum dicitur Deus donare peccata, id est, remittere. Juxta priorem acceptionem, cui plura donantur, ille magis tenetur elargienti, nec Deus innocenti minus donum, sed longè præstantius tribuit, quam ei, cui peccata dimittit: ille ergo magis à Deo diligitur, quippe quem non permittat cadere in ullum peccatum, propter quod oporteat sibi irasci, ac odio haberi, ut aliquando fuit objectum iræ divinæ, quem de commissis peccatis verè pœnitet. Verum juxta posteriorem intellectum pœnitenti plus donat, quam innocenti, quia isti nihil est dimittendum, sed nihilominus magis tenetur diligere donantem, quam alius; quia quod non lapsus sit in peccata, ex beneficio gratiæ divinæ, in quod non possit incidere alius homo, & re ipsa incideret, nisi præservaretur ab eo, à quo factus est homo, inquit August. *super cit. sextum Luca.*

Ad Tertium respondeo, Deum ab æterno dilexisse eos, quos ad iustitiam, & coronam præordinavit; ac simpliciter concedendum odio habuisse, id est reprobasse non electos, sicut igitur, *Jacob dilexi, Esau autem odio habui*, ad Roman. 9. Esti vero electi interdum in peccata labantur, ac reprobi iustificentur, ac subinde pro præsentī iustitia illi ordinentur ad pœnam, isti ad gloriam: quia per penitentiam testata sunt eorum peccata, nec Deus illa intuetur ad vindictam; ex eo tamen nec aliquam subit mutationem divinæ voluntatis amor circa electos, quo in æternitate diliguntur, in quantum opus divinæ gratiæ futuri erant, nec ad reprobos parem dilectionem terminari putandum est; imo absolutè, & simpliciter est concedendum, quod odio habuit, id est reprobavit, etsi interea temporis iustos esse contingat; quia in termino inveniendi sunt ex eorum culpa Deo inimici. Magis igitur Deus amat electos, quos scilicet, & quales est ipse facturus, quam reprobos, qui ex se ipsi sunt in malitia decessuri. At electorum, etsi per peccatum impediatur jus ad gloriam, ad quam sunt ordinati; tamen jus illud semper persistit. In conspectu Dei, ac tandem per penitentiam sublato impedimento, reddenda est plenissima merces præsentibus meritis in acceptione divina, & ad eunda hæreditas, in quam electi jus acquisiverunt.

Ad quartum dicendum, ex quo Deus voluit Christum mortem subire pro generis humani redemptione, majus bonum extitisse videtur eterna salus generis humani, quam vita illa ad modicum tempus; & revera Trinitas voluit illam vitam non esse in morte, cum voluerit hominem illum mori; præsertim cum exinde consequuta sit & gloria ipsius corporis, & exaltatio nominis Christi supra omne nomen.

Ex Magist. 3. loco cit. cap. 1. c. 2.

4. dist. 22. §. De sermo articulo.

De hoc plura 3. dist. 27.

Ex Magist. 3. dist. 38. cap. De reprobis.

4. dist. 6. q. 2.

4. dist. 22. §. De secundo.

3. dist. 9. §. Quædam ad istum. V. ad aliud.

3. dist. 9. c. 1.

3. dist. 30.

3. dist. 9. §. Sed re. ut 1. dist. 13. q. 3. §. Hic juxta 24



# QUÆSTIO VIGESIMAPRIMA DE JUSTITIA, ET MISERICORDIA DEI, IN QUATUOR ARTICULOS DIVISA.

*Post considerationem divini amoris de justitia, & misericordia ejus agendum est.*

ET CIRCA HOC QUÆRUNTUR QUATUOR.

- I. Utrum in Deo sit justitia.
- II. Utrum justitia ejus veritas dici possit.
- III. Utrum in Deo sit misericordia.
- IV. Utrum in omni opere Dei sit justitia, & misericordia.

## ARTICULUS I.

Utrum in Deo sit justitia.

*Doctor 4. dist. 46. quæst. 1. in Report. ibidem  
S. Thom. 1. p. q. 21. artic. 1.*



VIDETUR nequaquam Deo esse attribuenda justitia. Nam secundum Aristotelem, Domini ad servum nulla est justitia, quia nec æqualitas; ergo multo minus Dei ad creaturam ulla potest esse justitia: cum verissimè is Dominus dicere

possit servo suo illud 1. ad Corinth. cap. 4. *Quid habes quod non accepisti.*

Præterea, Philosophus 10. *Ethic. cap. 8.* putat valde inconveniens laudare substantias separatas ex operationibus virtutum; prout & ibi singillatim declarat, & de justitia deducens, ait, deridiculum esse arbitrari illis competere actus justitiæ, quos subinde enumerando excludit.

Confirmatur, Nemo attribuit Deo temperantiam; qua enim ratione Deus diceretur, aut esset temperans? Ergo neque in illo est ponenda justitia.

Præterea, Justitia est quidam habitus inclinans voluntatem ad debitum reddendum; sed Deus nihil cuiquam debet; cum omnibus det esse, & quicquid ad esse consequitur; ergo non est in eo ulla justitia.

Præterea, Anselmus Profol. 10. *Cum parvis malis, inquit, justum est, non quia illorum meritis, sed quia tua voluntati, & bonitati condecens est.* Et rursus: *Cum parvis malis, justum est, quia illorum meritis congruit* igitur bifariam adstruere videtur justitiam in Deo, & quatenus est reëtitudo voluntatis in ordine ad condecantiam voluntatis divinx: & prout est reëtitudo voluntatis in ordine ad exigentiam ejus, quod est in creatura. Sed ex hoc videretur secunda justitia esse regulata à prima; ergo cum in divina voluntate esse nequeat reëtitudo regulata; neque in ipsa erit justitia in ordine ad exigentiam creature.

Confirmatur, Deus non potest agere contra justitiam: sed potest velle, & reëte, justeque velle contra omne id, quod exigit creaturam; cum id nullam includat contradictionem; ergo nulla est justitia in Deo in ordine ad exigentiam ejus, quod est in creatura.

CONTRA, *Psalm. 47. Iustitia plena est dextera tua.* RESPONDEO, Justitia sub ratione generalissima describitur ab Anselmo, de *Verit. cap. 13. quod sit reëtitudo voluntatis propter se servatam*; & cap. 12.

Tomus I.

*reëtitudo voluntatis sola mente perceptibilis.* Sed quia hæc eadem justitiæ notificatio nullo negotio aptari posset & misericordix, quæ pariter est voluntatis reëtitudo propter se servata; nam si hæc bonitatis intuitu parcat Deus, quorumcunque miseretur; & omnino ea reëtitudo sola mente percipitur, ideo reëte specificatur à Philosopho, 5. *Ethic. cap. 1.* atque ab aliis virtutibus distinguitur, ex eo quod justitia sit *ad alterum*: Justitiam sub communissima acceptione esse in Deo exinde constat, quia ipse est voluntas reëctissima, & omnino inobliquabilis, cum sit prima regula omnis reëctitudinis: reëtitudo ergo prima propter se a voluntate servatur, quia ex electione, & spontaneè habita; ut igitur justitia est voluntatis reëtitudo propter se servata, principem locum habet in Deo; quemadmodum & de illius reëctitudine descendit omne id, quod aliquam participat reëctificationem. Confimiliter quatenus justitia est ad alterum, in Deo reperitur, quia in omni actione, quæ ad alterum terminatur, est reëtitudo; nec ulla potest esse obliquitas in operibus Dei. Eo igitur modo, quo justitia est in Deo, ad duo membra reducitur; ut primo dicatur reëtitudo voluntatis in ordine ad condecantiam bonitatis divinx; alio modo, reëtitudo voluntatis in ordine ad exigentiam ejus, quod est in creaturis.

Porro quæ ad alterum est justitia, duplex est: Siquidem aut respicit, & versatur circa debitum, & jus ex lege reddendum communitati; aut certè reddendum alicui particulari personæ. Et utrobique est justitia legalis; ea tamen potissimum bonum commune respicit, atque illud ab legislatore per se attenditur; particulare vero in ordine ad bonum commune. Ea vero, quæ ad bonum particulare pertinet, adhuc dividitur; nam vel est simpliciter ad alterum; vel ad se quasi ad alterum ejusmodi est penitentia, quæ justitia quædam punitiva est; cuique enim, ut Judicis ministro concessa est punitio sui, ut rei.

At justitiæ, quæ simpliciter est ad alterum, adhuc, duæ sunt species juxta Philosophum 5. *Ethic. cap. 2. & seqq.* nempe commutativa, & distributiva; & quidem ita distinguitur justitia, ut est in nobis. Prioris ratio est ista: *Que ponit reëctitudinem in contrahentibus, seu commercijs hominum*; qualia sunt venditio, emptio, mutatio, sponsio &c. exigit ergo hæc commutativa justitia æqualitatem quantitatis, fundata super datum & acceptum, ut tantum præmii, aut mercedis accipiat, quantum fuit præstitum laboris: & tantum rei transferatur in emptorem, quantum ipse pecuniarum: aut rerum suarum transfuit in vendentem, per æqualem scilicet, & justam subinde commutationem: At in distributiva justitia non æqualitas quantitatis attenditur, sed proportio: nam ea est, quæ ju-

Thomas. R. Chazou, Scilicet in fine hujus articuli habetur enunciatum quod sit reëtitudo voluntatis in ordine ad bonum commune.

8. *Ethic. cap. 6. & 1. Mag. Morale cap. 31.*

Præsentis articuli conclusio est ad mentem 3.



*fit de his bona, & cetera communia inter eos, quæ ad eandem spectant Republicam, atque unus Civitatis participes sunt.*

Quantum ad justitiam legalem attinet; quoniam in Deo nulla est propriè lex præcedens determinationem voluntatis suæ, cui legi ipse subiacitur; debitum, seu jus in hac lege fundatum, in ipso esse nequit. Et quidem prævium ad voluntatem ipsam hoc principium, *Deus est super omnia diligendus*, idque de se esset directivum, ut dirigit lex quoslibet; si voluntas illa aliunde, quam à sua inobiquabili, & essentiali rectitudine, foret dirigibilis. Et si tamen non sit principium practicum legis; saltem est de se veritas practica omnem actum voluntatis præcedens, ad quem actum nata est influere, & dirigere, si voluntas indigeret regulari; quæ quoniam ex sua rectitudine inhiat habet tendere in objectum infinitum; nulla statui potest regula, & lex ipsius directiva; propriè igitur esse nequit in Deo justitia legalis; quamvis divina voluntas secundum quandam proportionem dici possit legaliter justa. Nam quemadmodum justitia legalis refultat ex debito communitati reddendo juxta legem; ita voluntas divina ex se, & suaque sponte necessario tendens in bonum infinitum, cum tale bonum sit ratione virtualis continentie universale, propter quod, & ad quod sunt alia omnia dirigenda, & volentia, ut legislator dirigit cuncta particularia ad Reipublicæ pacem, & tranquillitatem, secundum hoc illa voluntas ex se recta, est juxta legaliter: quamvis sit ab omni lege immunis: quia ipsa est prima regula, & lex eminentissima.

At justitia legalis, secundum quam particulari personæ redditur, quod sibi ex lege debetur: quatenus est quasi ad alterum, est in Deo: quia voluntas ejus determinatur per rectitudinem ad volendum illud, quod decet suam bonitatem: hæc autem esse redditio debita sibi ipsi, id est, suæ bonitati, tanquam alteri. Si tamen bonitas ejus voluntatis dici queat particularis: quia est universalis virtualiter, includens scilicet omnem rectitudinem possibilem. Ceterum hæc duo membra justitiæ legalis, in Deo quasi idem sunt, quia rectitudo voluntatis diving respectu suæ bonitatis.

Justitiam commutativam simpliciter non esse ponendam in Deo in ordine ad creaturas, declaratur: Nam hæc justitia essentialiter exigit æqualitatem: nulla est autem æqualitas inter Deum, & creaturas: nam quicquid habent, & habere possunt, ab illo est: unde & scriptum est, *Quid habes, quod non accepisti?* Nulla igitur esse potest inter Deum & creaturam vera commutatio, in qua sit æqualitas ad hanc justitiam requisita. Est nihilominus aliquis, ut inter Dominum, & servum, nempe secundum quandam proportionem, ut cum pro meritis quasi commutando redduntur præmia, & pro peccatis supplicia: non quasi interveniat æqualitas, cum ex ipso, & per ipsum sint merita, initium scilicet, media, & finis, seu acceptatio operum nostrorum: sed proportio, quatenus servo facienti, quod suum est, & efficere potest, Dominus rependit pro sua liberalitate majus bonum, quam servus queat promereri: & pariter servum multaturus pro delictis, infert supplicia non pro demeritis ejus, sed prout decet Dominum clementem, & citra condignum. Non est ergo hic æqualis commutatio, quia simpliciter nihil accipit Deus ab iis, quibus æternæ beatitudinis præmia largitur, nec subinde quidquam reddere tenetur: sed si rependat, id non facit nisi in ordine ad condecensiam bonitatis suæ: & titulo

promissionis suæ liberalis, & fidelitatis, cui pro exigentia bonitatis suæ deesse utique non potest.

Verum justitia distributiva simpliciter attribuenda est Deo. Nam distributiva respicit naturas, atque easdem superadditas perfectiones: summus igitur Hierarcha, & princeps universalitatis Deus naturis eminentioribus tribuit perfectiones excellentiores, & minus perfectis sibi ipsis convenientes, & proportionatas: ergo per justitiam distributivam id præstat, atque operatur. Quemadmodum nostra in Republica à justitia distributiva est, quod personis, juxta gradus & status eorum distribuuntur bona, ad mensuram, & proportionem eorum, quos tenent graduum: adeo ut, cum secus fecerit is, cui Reipublicæ administrandæ cura incumbit, contra distributivam justitiam peccet. Quoniam igitur Princeps universalitatis exactissime servat eum ordinem, atque distributionem perfectionum, juxta majorem, & minorem excessum naturarum, simpliciter est in ipso statuenda distributiva justitia.

AD ARGUMENTA. Ad primum dicendum, quoniam Dei ad creaturas non est equalitas simpliciter, ita nec propriè justitiam in ipso reperiri: esse nihilominus aliqualem, qualis nimirum versatur inter Dominum ultra proportionem excedentem servum, & ipsum excessum: Eam autem non aliam esse, quam proportionis æqualitatem: ita revera servo facienti, quod suum est, retribuit Deus pro conditione suæ ineffabilis largitatis, & non pro tenuitate operis servilis, quodcumque tandem illud fuerit. Huc spectat Antigoni Asiæ Regis factum: Is Trafyllo Cynico denarium poscenti, respondit, rege dignum non esse hoc donum; da ergo talentum subicienti, retulit, capturam hanc non esse Cynico convenientem. Nempe quia decet Regem elargiri iis, quos digne amore prosequitur juxta suæ fortunæ conditionem; servus verò adimplens Domini sui voluntatem non debet majus expetere præmium, aut mercedem, quam fuerit promeritus, etsi Dominus largior sit in remunerando ultra merita.

Ad secundum dicendum utique Deum non esse laudandum ex actibus virtutum; quia in ipso non sunt virtutes, secundum esse imperfectum, quale concomitatur eas, ut sunt in nobis: reperiri tamen in Deo, ratione perfectionis omnis, quam de proprio, & primario conceptu important. Quod evidens esse potest exemplo de temperantia, ut subiicitur in confirmatione. Siquidem temperantiæ virtus importat, seu connotat in eum, qui est tali virtute præditus, subiici posse alicui delectationi immoderate, qui defectus virtute suppletur, & regulatur: id autem est imperfectionis in habente virtutem, ideo non est attribuenda Deo laus aliqua ex temperantia. At justitiam non necessario concomitatur talis imperfectio, cum non exigit aliquem excessum in passione, ut temperantia; ac propterea ex negatione temperantiæ, non est inferendum pariter à Deo abesse oportere & justitiam. Quod si justitia sit ipsamet Dei voluntas formaliter sub ratione primæ regulæ se ipsam determinantis, quod verius videtur (prout articulo sequenti exponetur) tunc concedendum est, non esse justitiam in Deo sub ratione virtutis moralis, regulantis voluntatem ipsius.

Ad tertium dicendum, Deum simpliciter nulli esse debitorem, nisi bonitati suæ, ut diligat eam; creaturis autem impendere teneri ex liberalitate sua quicquid exigunt, earundem naturæ in esse naturali; hoc ipso enim quod liberaliter eas condidit, æquum est ornari illis perfectionibus,

Quantum dicendum de justitia distributiva, quam non extendit Doctor ad retributionem operum (hic enim putat intervenire aliqualem commutationem) sed ad naturale universi gubernium, & providentiam.

De his etiam dicitur 49. q. 6. §. De tertio. Ad aliud.

In Report. hoc innuit Doctor. Plutar. in Apophet. cap. 49.

Primum dicitur, in quo est justitia legalis.

Mag. Hieronymus in Comm. super 1. Regum dicitur, in Deo. hic §. Ad tertium.

Secundum dicitur de justitia particulari secundum legem.

Tertium dicitur de justitia commutativa.

Videndus Mag. Hieronymus ex dicit de his dicens super q. dicit 46. q. ac ostendens dicitur in epistola de justitia aliter opinantem verbis duntaxat a communi sententia differre.

De his magis articulo sequenti; sed videtur Hieronymus super hoc textum egregie hac tradentem.

qui



quibus ipsis est opus ad complementum, & conservationem eorundem essentiarum. Hanc vero creaturarum exigentiam rectè appellari quoddam iustum, quasi secundarium obiectum iustitiæ, quæ est rectitudo voluntatis divinæ in ordine ad concordantiam voluntatis suæ. Attamen secundum rei veritatem nihil esse extra Deum determinatè iustum, nisi *secundum quid*, scilicet, hac adhibita modificatione, quantum est ex parte creature: sed simpliciter iustum tantummodo dici relatum ad primam iustitiam, quatenus nempe actualiter volitum à divina voluntate.

Ad quartum respondeo; Aliquorum esse sententiam non duplicem, sed unam duntaxat in Deo reperiri iustitiam, habentem nihilominus quasi alium, & alium effectum, qui sunt velle concorditer concordantiæ bonitatis suæ, & velle juxta exigentiam creaturæ ex eodem motivo bonitatis, & liberalitatis divinæ. Stat ergo duplicem esse effectum iustitiæ, & eam unicam esse, ac subinde non oportere adstruere in divina voluntate rectitudinem regulatam.

Ad confirmationem dicendum, (supponendo iustitiam esse unum ex attributis divinæ voluntatis inter alia subinde attributa connumerandum, juxta mentem præsentis solutionis) iustitiam secundam, quæ est rectitudo divinæ voluntatis in ordine ad exigentiam creaturarum, utique inclinare posse voluntatem, cujus est rectitudo, ad instar ejus iustitiæ, quæ est rectitudo ejusdem voluntatis in ordine ad concordantiam bonitatis divinæ; quia determinatè inclinatur, per modum naturæ, & habitus, non destruentis modum agendi potentie habituatæ, & in ea u præsertim: cum repugnet necessitas voluntati in ordine ad obiectum secundarium: Attamen arbitrandum non est ita proinde inclinari, ut agere nequeat præter, & contra eam: & ita agendo non injustè operabitur: dicente Anselmo Prosol. 11. *Illud solum iustum, quod vis: non iustum, quod non vis*. Posset itaque damnare iustum, non injustè, non quasi plestens culpam, quæ non subest: sed ipsam personam iusti materialiter, quæ potuit esse non iusta, secundum aliam providentiam. Vel etiam ut damnatio progreditur ab absolute domino, & omnimoda potestate Dei in creaturas: in eo enim nulla apparet repugnantia extremorum: quamvis fortè licet respectu creaturarum, ita fieri non repugnet, ut tamen comparantur ad infinitam bonitatem Dei, non sit æquum ei talem potestatem attribuire, secundum quam iustum subiciere queat tormentis, quæ non meruit: non quia, ut dixi, id absolute implicatorium sit, sed quoniam videtur esse contra ea, quæ decent summam Dei bonitatem, ut eidem repugnat mentiri, quia id esset contra summam veritatem. Eo igitur sensu potest operari, & iustè facere contra exigentiam creaturarum: quia non cogitur ita operari, nisi ex legibus a divina sapientia voluntariè præfixis: quas tamen ut potuit non statuisse, vel etiam contraria statuta esse, ita iustè omnia gererentur in altera providentia: potens est igitur proinde agere præter, & etiam contra secundam iustitiam iustè: ac insuper stantibus etiam his legibus in casibus contra eas agere, vel præter eas, & omnia iustè, ex decreto voluntatis in æternitate iustissime ordinato: Ut cum in fornace Babylonica denegavit concursum igni, ne tres pueri comburentur, prout illius natura exgebat.

## ITERUM ARTICULUS PRIMUS.

Utrum in Deo sit iustitia.

Doct. &amp; S. Thom. locis articulo præcedenti citatis.

**V**IDETUR in Deo non esse ponenda iustitia; Nam iustitia esse nequit in aliqua voluntate, quin inclinet concorditer dictamini prudentiæ, ac subinde conformiter ad conclusionem syllogismi practici: intellectui autem divino non competit syllogizare; cum omnino non discurrat, sed omnia unico intuitu perfectissime intelligat, nempe non conclusionem ex principiis, sed ex æquo omnia in sua essentia prius cognita; non est igitur in Deo iustitia.

Præterea, Prius est divinum intellectum apprehendere agibile, quam voluntatem idipsum velle: voluntas autem divina nequit discordare ab intellectu; igitur intellectui apprehendenti hoc agibile determinatè (non est enim ea apprehensio alicujus indeterminati, & indifferents; quia tunc ex eo aliquis error obrepere posset voluntati) & ipsa voluntas determinatè vult hoc agibile, adeo ut oppositum velle nequeat; sicut non potest aliquid injustum velle, si rectè velit; non ergo oportet ponere aliquam iustitiam in Dei voluntate.

Præterea, Posito quod iustum sit Petrum salvari, ac Deum tale obiectum iustè velle: igitur injustum est Petrum damnari; ergo si in Dei potestate est tale quid velle, consequenter poterit & aliquid injustum velle; ergo falsum est, quicquid Deus vult, iustum esse ex suæ iustitiæ voluntatis.

**CONTRA**, Psal. 47. *Iustitia plena est dextera tua*. **RESPONDEO**, Quamvis iustitiæ distinctiones in articulo præcedenti relatæ, non videantur improbandæ, ex eo quia, etiam si iustitia non ponatur Dei voluntatis speciale attributum, sed ejusdem voluntatis propria, & essentialis rectitudo, nihilominus eidem coincidenti cum voluntate inobliquabili iustitiæ, nullo negotio congruere possunt; attamen dicendum videtur iustitiam in Deo unicam esse re, & ratione; & interim eo non obstante, aliquam esse ponendam iustitiam, vel magis aliquod iustum in creaturis. Declaratio *primæ partis solutionis* est ista: Iustitia propriè, & essentialiter est rectitudo voluntatis, quasi habituatæ & per consequens quasi naturaliter inclinans ad alterum, vel ad se quasi ad alterum: Sed voluntati divinæ nulla inesse potest rectitudo, per quam determinatè, & necessario inclinetur ad aliquid, nisi ad suam bonitatem, quasi ad alterum; idque ex sui rectissima electione. Nam quodcumque aliud obiectum ita respicit, ut æquè possit in illud tendere, & in ejus oppositum, vel omnino non tendere; igitur nulla alia est iustitia in Deo, nisi ad reddendum suæ bonitati, vel voluntati, quod eam concedet; & quemadmodum voluntas ejus una est re, & ratione, ita & iustitia; nam illa est essentialiter recta, & prima rectitudo: est igitur per se, & primo involvens quicquid ei præstare posset rectitudo inobliquabilis, quasi habitus, vel quasi attributum, & perfectio simpliciter. Et pariter ab ea voluntate unica re, & ratione, est unicuique actus re, & ratione, ad quem determinatè inclinatur illa iustitia, quæ est respectu bonitatis ejus: quamvis is actus ex consequenti præstet, & feratur super multa obiecta secundaria, ut actus divini intellectus, quanquam diversimodè pro di-

Videndus Mag. G. Riquieri super 1. quæst. articulo 2. ad 8. Non improbandæ distinctiones.

Ex Magistro Hygueno in Comment. 1. eo cit. sed viderda solutio. Ad tertium articulum seq.



veritate modi tendendi utriusque. Et etiam si ponerentur ii actus distinguere ratione ex transitu eorundem super diversa objecta secundaria; non propterea ad multos actus iustitiæ distinctos ratione inclinant iustitiæ diversæ secundum rationem: imo nec una qualitercunque ab ipsa voluntate distincta, tanquam ipsius attributum, & perfectio: etenim habitus inclinat per modum nature, & quidem ita determinat ad unum, ut omnino repugnet potentiæ habituatæ, per habitum, seu ratione, & virtute habitus tendere in oppositum ejus, ad quod habitus inclinat; sed ad nulum objectum secundarium ita determinat inclinatur voluntas divina per aliquid in ipsa, unde sibi repugnet iustitè inclinari ad oppositum illius: quia sicuti sine contradictione potest oppositum velle, ita potest iustè velle: alioquin posset absolute velle, & non iustè, quod est inconveniens. Et hoc est, quod dicit Anselmus Prosol. 11. *Illud solum iustum est, quod vis: non iustum, quod non vis*: parisi igitur ambitus, & indeterminatio est in Deo iustitia, & voluntas, ut proinde re, & ratione una cum altera prorsus coincidere videatur. Secunda solutionis pars exemplo declarari potest: si in solo Principe in humana Politia, reperiretur iustitia, adhuc in rebus ordinatis ad eandem Rempublicam spectantibus, iustum esse posset, quatenus publica quæque sic disponerentur: quemadmodum exigunt disponi, & ordinari, ut ipsis civibus inservirent pro natura, & conditione & rerum, & civium. Consimiliter est unica re, & ratione fit in Deo iustitia, & rectitudo inclinans duntaxat ad concedentiam divinæ bonitatis, tamen rectè dicitur, iustum esse in creaturis ex correspondentia unius creati ad aliud, prout equum est, unumquodque alteri correspondere; & ita revera iustum est, ignem esse calidum, aquam frigidam, ignem sursum, terram deorsum, & ita de reliquarum natura creaturarum; sed tamen ad istud iustum non determinat iustitia divina, ut est respectu primi actus; quia is actus non respicit per se nisi primum objectum: neque prout tendit in objecta secundaria; nam ut ad istud objectum comparatur, illa iustitia non inclinatur determinatè, ut extitit declaratum.

AD ARGUMENTA. Ad primum respondeo sic: si in nobis potest esse virtus moralis circa conclusionem syllogismi practici, multo magis esse potest circa principium practicum; cum ex se sit verum, & rectum, conclusio vero ex principio. Iustitia autem, quæ est in Deo, unica re, & ratione concorditer inclinatur huic principio practico universalissimo, *Deus est diligendus*; ex quo fit, ut & iustitia, quæ est in Deo, sit pariter universalissima, & radicalis virtus, de cuius actus rectitudine, nata sunt omnes iustitiæ particulares procedere, licet non necessario. Solummodo igitur potest inferri, eam non inclinare conformiter conclusioni syllogismi practici, quatenus iustitia est quædam virtus specialis, cum hac perfectio & rectitudo essentialis, quatenus est in Deo, sit universalis.

Ad secundum dicendum, intellectum utique apprehendere agibile, priusquam voluntas illud velit, sed nequaquam in eo signo apprehendere determinatè hoc, aut illud esse agendum: quia intelligendo possibilia, ea voluntati offert tanquam neutra, & indifferentia ad existerè, & non existerè; at voluntate unam partem contradictionis determinante, tunc intellectui determinatè sunt perspecta, ut vera agenda, & non agenda. Et quamvis intellectus ad intra apprehendat aliquid agen-

dum, ut puta, *Deus est diligendus*: non sequitur tamen voluntatem naturali necessitate velle, quod intellectus necessario apprehendit esse faciendum: nam licet nequeat discordare in objecto, ut scilicet velle, & nolle possit, quod sibi præstenditur esse volendum, in modo nihilominus tendendi in illud omnino discordat: quia intellectus suo modo tendit in illud, scilicet naturaliter, & voluntas suo modo, nimirum liberè: & porro concordant ibi in idem objectum, propter diversitatem modorum tendendi, discordant: sicut intellectus & phantasia tendunt in idem objectum, licet ille tendat in objectum, ut universale, & phantasia in idipsum, ut particulare.

Ad tertium dico sic: Quemadmodum in humanis Politis legislator respicit in se simpliciter iustum, quod est iustum boni publici: *secundum quid* autem respicit alia iusta partialia, & quidem semper in proportionem ad iustum publicum, & ideo in quibusdam casibus iustum est non servare leges iustas respicientes aliqua iusta partialia, quando scilicet observatio earum legum vereretur in detrimentum iusti publici, quod est bene esse Reipublicæ: ita Deus simpliciter determinatur ad iustum publicum communitatis, non communitate aggregationis, sicut in Civitate: sed magis communitate eminentis continentis, quod est iustum concedens bonitatem suam. Omne autem aliud iustum est particulare, & nunc hoc iustum, nunc illud iustum, secundum quod ordinatur, vel convenit huic iusto. Est igitur dicendum, Deum velle posse, *Petrum damnari*, & iustè velle: quia illud particulare iustum, *Petrum salvari*, non necessario requiritur ad iustum publicum, quin oppositum ejus possit ordinari ad illud idem, scilicet ad concedentiam bonitatis suæ. Est enim illud finis, quod, nullum ens ad finem determinatè necessario requirens.

## ARTICULUS II.

Utrum iustitia Dei sit veritas.

Ex prima quest. dist. 46. 4. prout in margine annotatur. S. Thom. 1. p. q. 21. articulo 2.

VIDETUR Dei iustitia nihil aliud esse, quam veritas. Etenim sicuti se habent artificata ad artem, ita se habent opera iusta ad legem, cui concordant: Sed iustitia Dei constituit ordinem in rebus, conformem rationi sapientiæ suæ, quæ est lex ejus: igitur iustitia Dei est veritas dicenda, quæ consistit in adæquatione intellectus, & rei.

Præterea, Hæc, *Deus est diligendus*, est prima veritas practica præcedens omnem determinationem voluntatis divinæ, & lex cui rectissime divina voluntas conformatur, in effectu diligens summam bonitatem quantum est diligibilis: sed hoc ipso est iustitia in Deo, id est, rectitudo voluntatis in ordine ad concedentiam bonitatis suæ: ergo Dei iustitia est veritas primi principii practici.

Præterea, iustum est, ignem esse calidum, aquam frigidam, terram, & graviora quæque deorsum, æthera sursum: sed hæc eadem iusta sunt formaliter, & vera: ergo & iustitia, unde illa iusta sunt, est formaliter veritas.

Præterea, Io. 8. scribitur de Diabolo: *Ille homicida erat ab initio, & in veritate non stetit*: nempe non stetit in veritate, quia excidit a iustitia: igitur in scriptura iustitia veritas appellatur. Unde & Psal. 24. *Universe via Domini misericordia, &*

S. Thom. hic in solutione.

§. Hic primo V. Prima istarum, C. Sic ergo in genere.

§. Secundo modo do iustum dicuntur.

Reliqua quæ in hoc, subiciuntur a Doctore, spectant ad articulum præcedentem; explicat enim qualiter possit salvari iustitiam esse voluntatis divinæ perfectionem, & nihilominus ex die sibi nullam inferri operam di necessitatem respectu obiectorum secundariorum. Attamen præfatus solutio indicat, verior videtur, quia ita dicens, do diligens sentitur de maiestate divina.

1. dist. 38. & 39.

2. dist. 3. qu. 2. in argumentis principia.

4. dist. 46. q. 4. in arg. principia.



veritas: id est, misericordia, & iustitia juxta  
Cassiodorum *super Psal.* 50.

CONTRA, Anselm. *Protol.* II. *Illud solum est  
bonum, quod vis: non justum, quod non vis* ergo  
iustitia in Deo spectat ad ipsius voluntatem, cujus  
est rectitudo, veritas autem est in ordine ad  
intellectum; igitur iustitia non est veritas.

RESPONDEO dicendum, Dei iustitiam habere esse,  
nec recte dici veritatem ipsius. Et declaratio est;  
quia iustitia in Deo est rectitudo voluntatis in  
ordine ad concedentium bonitatis divinæ; & est  
rectitudo voluntatis ejusdem in ordine ad exigen-  
tiam ejus, quod est in creatura: unica est tamen  
illus ex se inobliquabilis rectitudo, etsi habeat  
quasi alium, & alium effectum. Atqui neque se-  
cundum se spectata, neque quoad effectus ejus  
iustitia Dei est veritas; quanquam enim & veri-  
tatis rectitudo sit, sola mente perceptibilis, est ta-  
men non voluntatis, sed intellectus rectitudo, ne-  
que in ordine ad concedentiam bonitatis, sed magis  
comparativè ad intelligibilitatem objecti infi-  
niti, intensivè, & infinitorum extensivè in illo.  
Sed neque ut comparatur ad ea, quæ exiguntur à  
creaturis, una perfectio est alia: nam Deus justè  
operari potest etiam contra ejusmodi exigentiam;  
cùm enim non determinetur ex sui rectitudine,  
nec debeat quidquam alicui impendere, nisi infi-  
nitæ bonitati amorem pariter infinitum, evidens  
est, eum, contra omnem exigentiam creaturæ  
agendo, justè agere; intellectus autem necessario  
determinatur ad intelligendâ omnia intelligibilia;  
quibus subinde necessariam in suo ordine dat in-  
telligibilitatem; semperque necessario intelligit  
hanc naturam ejusmodi habere exigentiam, ut ter-  
ram esse deorsum; & tamen si sursum ageretur,  
non injustè id eveniret; etsi contra illi inditam  
exigentiam eveniret; igitur veritas est spectans ad  
aliud ordinem rerum, ad quem non pertinet ius-  
titia, ut est rectitudo voluntatis in ordine ad exigen-  
tiam creaturarum. Deinde, vera particularia  
involvunt necessariam connexionem cum divino  
intellectu, tanquam habentia esse, & conservatio-  
nem à causa necessario operante: juxta autem par-  
ticularia, ita pendent à voluntate divina, atque or-  
dinantur ad primum justum, quod est commune  
justum, communitate eminentis continentis, ut  
perinde queant illorum opposita ad illud idem or-  
dinari; sicut enim ad concedentiam bonitatis di-  
vinæ ordinatur salus Petri, ita & ad eandem po-  
test ejus damnatio ordinari; non perinde autem  
ordinantur vera ad primam veritatem: ad eam  
scilicet, quæ dat omnibus primum esse intelli-  
gibile; igitur hæc veritas prima non est Dei iustitia.

Rursus. Peculiaris juxta talia sunt, quia juxta leges à divina voluntate latas; omne enim quod à  
prima, essentiali, & fontali rectitudine emanat,  
rectum sit oportet, ut verissimè sit justum quod  
vult, non justum, quod non vult; & porro quæ  
extra voluit, potuit noluisse, cùm alias leges om-  
nino statuere potuerit, perinde justas, ac modo  
latas; at nequirit non intellexisse omnia vera neces-  
saria, cùm hæc non pendeant ab actu voluntatis,  
igitur iustitia ut veritatur, & afficit id, quod exi-  
gunt creaturæ, atque est ad alterum, est omnino  
alterius rationis à veritate. Denique, Deus per  
iustitiam hanc nullum fundat debitum ad aliud,  
sed simpliciter est æqualitas ad se ipsum, ac pro-  
inde nulli est debitor, nisi bonitati suæ, ut diligat  
eam; cæteris autem à se ex sui tantum liberalitate  
est debitor, ut communicet ipsis, quod eorum na-  
tura postulat. Deus autem ex sui excellentissima  
charitate diligit seipsum, & ex illa diligere tene-

tur, alii que, quorum indigent, subministrare,  
atque impendere; ergo hæc Dei iustitia, qua est  
debitor dilectionis impendendæ bonitati suæ, cha-  
ritas est, secundum quam tendit in se ipsum, qua-  
si in alterum, & in alia à se; non est igitur veritas.

AD ARGUMENTA. Ad primum respondeo, con-  
cedendo majorem, quatenus sicuti ars est dicta-  
men practicum, seu habitus factivus ex voluntate  
artificis, qui sibi voluntariè tales ideas, & artem  
constituit; ita & lex est practicum dictamen à vo-  
luntate legislatoris liberè efformatum. Et cùm  
subditur, iustitia Dei constituit ordinem in rebus,  
conformem rationi sapientiæ suæ, quæ est lex ejus  
Responsio, leges omnes sapientiæ divinæ liberè  
statuuntur à voluntate; conformiter igitur ad has  
leges Deus ad extra operatur; non autem secun-  
dum ea, quæ sunt agibilia, ut ante actum volun-  
tatis prævidentur ab intellectu; at ex hoc non se-  
quitur, Dei iustitiam esse appellandam veritatem;  
cùm ejus iustitiæ effectus, ut prægit ordinem in  
rebus, non sint ab intellectu, nec per adequatio-  
nem ad intellectum consistat eorum perfectio; sed  
potius, quia conformes legibus à divina iustitia  
(quæ est universalis virtus) præfixis; aliter igitur  
non est dicenda Dei iustitia veritas, nisi quomodo  
& bonitas appellatur vera, & voluntas est intel-  
lectus.

Ad secundum respondeo ex dictis in primo ar-  
ticulo. Quamvis respectu divinæ voluntatis nulla  
sit lex præcedens, illam dirigens, & obligans; ta-  
men ipsam esse dicendam justam legaliter, quate-  
nus ex innata sui rectitudine tendit in bonum in-  
finitum, cui debetur infinita dilectio propter se,  
quodque est bonum commune per eminentem con-  
tinentiam. Quoniam igitur gratia istius summi  
boni divina voluntas vult omnia, quibus esse, &  
perfectiones largitur; assimilatur hæc iustitia legi  
legali, quæ commune bonum Reipublicæ spectat,  
& particularia gratia illius. At debitum, quod  
fundatur in rectitudine eminentissima voluntatis  
amandi bonum infinitum, non est ex veritatis per-  
fectione, ita subinde inclinantis, sed potius ex  
charitatis infinitæ affectu, ut dictum est in solutio-  
ne. Illa autem ad voluntatem spectare, manifestum  
est.

Ad Tertium dicendum, utique justum est, ignem  
esse calidum, aquam frigidam &c., ac subinde  
etiam verum, sed hæc, & omnia ita se habere ex  
divina largitate; hanc autem concedere divinam  
bonitatem; unde horum justorum principia refun-  
denda sunt in divinam voluntatem, & liberè volen-  
tem suas perfectiones aliis à se communicare, &  
nullo ipsius præcedente debito ad illas.

Ad quartum respondeo, operantes contra re-  
ctum dictamen rationis practicæ, deferere verita-  
tem, atque involvi erroribus. Diabolus igitur  
sibi persuadens non esse Deo obediendum, imo  
illi rebellandum, in veritate non stetit, quia opus,  
quod gessit, non fuit conforme dictamini rationis  
practicæ; atque ex eo iustitia, & gratia spoliatus,  
injustus, Deoque inimicus effectus est. Ubi igitur  
contraivit dictamini intellectus, incidit in erro-  
rem contrarium veritatis, ut vero gratia excidit,  
injustus evasit. Sed ex his non est deducendum  
Dei iustitiam esse veritatem, quamvis iustitia crea-  
turæ intellectualis, secundum quam est Deo gra-  
ta, & justa, in aliquo sensu posset appellari veri-  
tas dictamen practicæ rationis. Ad id quod addi-  
tur ex *Psalm.* dicendum, in operibus Dei iustitiam  
appellari veritatem, quia illa in omnibus verissimè  
elucet, vel certè dicitur veritas, quia omnia cor-  
respondent regulis æternis, quibus constat præ-  
sens

mèti super est.  
q. & antea  
præcedens. V.  
adsecundum di-  
co quod.

§. Ad propositum.

§. Ad tertium di-  
co, quod juxta.

§. Ad argumen-  
ta præcedentia  
v. ad primum,  
& ad tertium.

Videntur Ma-  
gistr. Hymanus  
ia hæc com-



fens Dei providentia. Vel denique quia in conferendo naturis perfectione, habetur ratio certissima, & verissime correspondentiæ naturarum cum ipsis: & ita etiam in distributione præmiorum, & pœnarum evenit juxta aliqualem commutationem, quæ debentur ex Dei voluntate ita liberaliter, & misericorditer statuente, respectivè virtutibus, & vitiis.

Ad argumentum *in oppositum* est responsio dicentium sic: justitia quantum ad legem regulantem est in ratione, vel intellectu. Sed quantum ad imperium, quo opera regulantur secundum legem, est in voluntate. Contra, in intellectu divino nulla esse potest lex regulativa voluntatis; nam cum ipsa voluntas ex se, & à se sit universalis rectitudo complicat, atque unit in seipsa quicquid rectitudinis in alio intelligi potest; igitur leges, quibus stat rerum universitas, & subest divinæ providentiæ, non sunt in ratione, sive intellectu, sed in voluntate, à qua sic pendent, ut potuerint non esse, si id voluntas maluisset; quamvis intellectus apprehendat rectitudinem legum ita statutarum.

### ARTICULUS III.

Utrum misericordia competat Deo.

*Doctor 4. dist. 46. q. 2. in Report. ibidem q. 3.*

*S. Thom. 1. p. quæst. 21. artic. 3.*

**V**IDETUR in Deo non esse misericordia: Si quidem misericordia est compassio de malis alienis. Secundum Damascenum, lib. 2. cap. 14. in Deo autem nulla est compassio: quia exinde aliquam pateretur tristitiam: igitur non est in ipso misericordia.

Præterea, Misericors est promptus, & paratus ad eruendum è miseriis eos, quibus compatitur, & miseretur, si potest; Deo autem non inest ejusmodi promptitudo, & sollicitudo sublevandi miseros ex propriis calamitatibus: alioquin illico omnem depelleret miseriam, cum id præstare nullo negotio possit; non est igitur in Deo misericordia.

Præterea, Deus quasdam misérias infert, ut pœnas: quasdam vero permittit, ut culpas. Sed si in eo foret misericordia, impediret ne culpæ committerentur, unde nec oporteret eum pœnas infligere pro illis; igitur non videtur in Deo reperiri miserationis affectus.

CONTRA, Psal. 102. *Miserator, & misericors Dominus: longanimis, & multum misericors.* Est igitur in Deo misericordia.

RESPONDEO dicendum, misericordiam maxime Deo esse attribuendam, sed intelligendum, misericordiam in nobis esse id, quo nolumus miseriam alterius; primo igitur misericordia inclinatur ad actum nolendi miseriam alienam; & quoniam ad nolitionem sequitur tristitia quædam, rectè appellata compassio, inquantum aliena mala facit sua, & frequenter misericordia accipitur pro ejusmodi passione consequente nolitionem alienarum miserationum. Et sanè misericordiæ nomen secundum Etymologiam videtur illi passioni impositum; nam *miseriors* idem est, ac miserum cor gerens: quia compatiens miseriæ alterius, in eo habet miserum cor, id est, communicans miseris in miseria. Ad propositum, quamvis in Deo locum non habeat misericordia, quantum ad effectum compatiendi, sive communicandi quodammodo alienis malis; verissimè tamen est in ipso misericordia, quatenus inclinatur ad actum nolendi miseriam in alio, idque

vel futuram præservando ab illa, vel præsentem relevando ab ea, quæ sustinetur, & patitur. De claratio quoad miseriam imminemtem; quia sicuti nullum bonum evenit, nisi volente Deo: ita nihil prohibetur, ne eveniat, nisi Deo nolente: multæ autem miseriæ possibiles evenire alicui, prohibentur, ne eveniant: ergo Deus habet nolle respectu illarum. Confimiliter de miseria præsentem: quia nulla miseria tollitur, nisi Deo nolente illam ineffe: multæ autem frequenter tolluntur: ergo est in Deo verissimè misericordia.

Porrò Deum nolle miseriam inesse potest distingui, sicut distinguitur in Deo *velle* antecedens, & consequens: Nam sicut habet *velle* antecedens respectu boni creaturæ: ita semper habet *nolle* antecedens respectu mali creaturæ prohibendi, vel tollendi, Sed quemadmodum non semper est in eo *velle* consequens in ordine ad bonum representandum, ita nec *nolle* consequens respectu mali amovendi. Veruntamen nolle malum nolitione antecedenti non efficit Deum misericordem, sed quatenus efficaciter, & consequenti volitione vult, aut imminens mala prohibere, ne eveniant, aut certè liberare ab iis, quæ jam evenerunt. Et quidem id dupliciter: nam vel Deus habet *nolle* respectu mali imminents, sic ut prorsus illud arceat, atque omnino impediat: aut ex parte. Si primo modo, dicitur atque est misericordia liberans, quippe quæ omne penitus malum excludat, vel imminens, vel jam præsens. Posteriori modo est dicenda misericordia parcens, vel mitigans; quando per ipsam non omne amoveatur malum, sed aliqua duntaxat pars ejus mali, quod debebatur illi, juxta merita sua. Et utroque modo misericordia est in Deo; nam & subvenit quibusdam, cum omnem miseriam imminemtem prohibet, vel præsentem depellit; & quorundam denique miseretur partem miseriæ debiram dimittendo; est igitur in Deo multiplex misericordia. Unde & orabat ille: *In multitudinem misericordiæ tuæ, exaudi me.* Psal. 101.

AD ARGUMENTA. Ad primum est responsio ex dictis; nam illa misericordiæ descriptione exprimitur effectus ejus remotus, qui in nobis reperitur, estque passio compatiendi ordinata, descendens de ordinata nolitione, qua proxime nolumus miseriam: at hunc effectum remotum reperiri non posse in Deo, constat. Cum hoc tamen stat ipsum excellentissima, ac multiplici misericordia secundum effectus præditum esse, quatenus non vult miseriam inesse, seu imminemtem, seu præsentem, seu in toto, seu quoad partem.

Ad secundum respondeo sic: Misericors non infligit miseriam, nisi secundum rectam rationem; recta autem ratio distat aliquando miseriam aliquibus esse infligendam, quo eluceat, & ostendatur justitia, ut in damnatione reproborum; ac propterea Deus pœnam non infert, nec permittit mala culpæ, in quibus est vera miseria, nisi eo modo, quo eam infligi statuit cum misericordia, vel cum distamine rectæ rationis.

Ad Tertium dicendum, Deum ex providentiæ suæ legibus permittere debere creaturas agere proprios motus, nempe naturales causas agere naturaliter, & liberè causas liberas. Qua lege stante, cum liberæ causæ eligunt agere contra divina mandata, Deus debet illis suum præbere concursus, & permittere eas peccare; alioquin si semper homo præveniretur, & liberaretur à malis culpæ, non videretur relictus in manu consilii sui: præsupposita autem culpa est per moderatorem, & rectorem universitatis rerum per pœnam ordinanda, & redi-

Nempe liberat a culpa imminente per gratiam prævenientem, & ab ea, quæ inest per gratiam liberantem. De his 4. dist. 22. & De tertio articulo. 1. dist. 46. §. Ad primum.

S. Thom. 2. 2. ad primum.

1. dist. 32. & 33.



redigenda ad medietatem, quam exæccerat per contraventionem, & fractionem legis divinæ; & nihilominus cum infert poenam, est misericordia; quia punit citra condignum; & cum aufert malitiam per gratiam, est misericordia liberans. Sed non liberat à malis, quæ insunt, nisi secundum iustitiæ leges, ut puta medicis Sacramentis, vel cooperatione eorum, qui à miseris sunt liberandi.

# ARTICULUS IV.

Utrum in omnibus operibus Dei sit misericordia; & iustitia.

Doct. 4. dist. 46. quæst. 4. in Report. ibidem,  
q. 1. S. Thom. 1. p. q. 21. artic. 4.

De hoc argumento iterum q. 99. art. 1. supplementi  
ad tertiam partem.

**V**IDETUR non in omnibus Dei operibus concurrere iustitiam, & misericordiam. Nam Jacobi 2. scribitur. *Judicium sine misericordia fiet ei, qui non fecerit misericordiam.* Et Augustinus super illud Psalmi 118. *Prope es tu Domine. Ubi non miseretur, inquit, Deus, vindicta datur;* ergo in damnatis (quorum constat Deum non misereri) est iustitia sine misericordia; non igitur in omnibus operibus Dei inveniuntur iustitia, & misericordia.

Præterea, Deuter. 25. *Pro mensura peccati erit & plagarum modus.* Modus igitur plectendi peccatum temporale iustus, esse debet temporalis; Is enim rectè correspondere videtur mensuræ peccati. Sed Deus punit, infligitque pro æterno tempore pœnas damnatis, quorum tamen peccata ad modicum temporis duravere; ergo in his iustitiæ actibus non est misericordia; ac proinde in omnibus Dei operibus prædictæ perfectiones non concurrunt.

Præterea, Injustum videtur bonos in hac vita affici malis, ac subijci pressuris impiorum: cum potius è contra res se habere deberet, & porro expediret, ne magis magisque iniquitas in mundo prævaleret ad exitium multorum; igitur hac in re, quæ frequens est inter homines non concurrunt iustitia, & misericordia.

Præterea, Iustitia omnis resultat, & supponit debitum fundatum in jure; Deus autem nulli alteri à se quidquam debet. Debitor est enim duntaxat bonitati suæ, ad quam diligendam determinatur ex infinita rectitudine propriæ voluntatis; ergo in operibus ejus, quæ exercet circa creaturas, non est iustitia.

Præterea, Non stant simul effectus misericordiæ, & iustitiæ, imo mutuo se se excludunt; ergo nec ad eundem actum simul concurrere possunt misericordia, & iustitia. Antecedens probatur, cum ex iustitiæ dictamine inferenda est pœna culpæ, si ex misericordia dimittatur omnis pœna, destruitur iudicium iustum; ergo sicuti contra iustitiam est non vindicare delictum, ita & contra iustitiam eveniat oportet, si non integrè vindicetur. Alioquin eadem ratione nec esset contra iustitiam nullum malum inferre præteritis culpis, nec maximum bonum indebitè dare.

Præterea, Incarnationis decretum in divina præordinatione nulla merita præsupposuit, quibus iustè deberetur. Unde Augustinus 13. de Trinitate, cap. 18. *In rebus, inquit, per tempus ortis, illa summa gratia est, quod homo in unitate personæ conjunctus est Deo;* igitur opus incarnationis Filii Dei de misericordiæ affectu præcisè processit; ac

subinde non quæcunque Dei opera comitantur, ac conveniunt iustitia, & misericordia.

CONTRA, Psal. 24. *Universe via Domini misericordia, & veritas.* Ubi Cassiodorus super Psal. 50. *Hæc duæ res, inquit, in cunctis Domini semper adjunctæ sunt.*

RESPONDEO, Aliqui putantes in omnibus prorsus Dei operibus concurrere misericordiam, & iustitiam, ita rem hanc declarant. Artifex voluntarius producens conformiter ad dictamen rectum, iustus est; reddit enim artificiato, quod maxime sibi debetur, nempe conformitatem ad regulam suam; Deus autem est talis artifex respectu omnis creaturæ; cum ergo cuncta procedant conformiter regulæ suæ, propriè est in omnibus Dei operibus iustitia. Consimiliter à misericordiæ affectu est, quod ab indigente miseria repellatur, aut sublevando ab ea, quæ inest, aut impediendo, ne incurratur; Deus autem in productione creaturarum, ita subvenit; igitur & misericordia quemlibet actum ejus concomitatur. Accedit etiam congruentia, nam eo perfectius est opus quodlibet, quo plures virtutes ad illud repræsentandum concurrunt; quodcunque Dei opus in sua specificatione est perfectissimum: ergo est ex omni virtute, quam possibile est concurrere ad illud; possibile est autem concurrere simul misericordiam, & iustitiam. Major exinde patet, quia tanto opus est vituperabilius, quanto est contra inclinationem, vel rectitudinem plurium virtutum. Verum his rationibus quod intenditur minus declaratur. Nam quod ad primam attinet, propria iustitiæ ratio exprimitur, atque sita est in reddendo debitum: artificiato autem nihil est debitum, nisi secundum voluntatem artificis: ergo cum artifex exit in opus, non intervenit iustitia propriè, sed duntaxat secundum quandam generalem rationem. Cum igitur Deus nihil omnino debeat creaturis, loquendo de debito juxta propriam rationem ejus, ne illud quidem, quod est suæ regulæ conformari ipsis debet. Si vero intelligatur id exigi in artifice, ut opus ipsum sit debitè factum, juxta exigentiam sollicitæ artis suæ: Ex hoc planè non sequitur iustitiam esse in producente, si tantum de liberè artificiato esse conforme arti suæ, citra omnem exigentiam præviam ex parte producti secundum artem, sicuti revera in proposito evenit. Pariter ratio secunda extendit misericordiæ affectum respectu exclusionis cujusvisque defectus: cum tamen misericordia non sit propriè nisi ad sublevandum, vel suppleendum defectum pertinentem ad miseriæ: non autem omne defectivum potest esse miserum: ratio hæc igitur misericordiæ coincidit cum omnipotentia, cujus est non entia trahere ad esse, & excludere proinde defectum non essendi: sicuti & ratio illa iustitiæ non est alia, quam Dei sapientia.

Congruentia denique includit dubium: nam non est certum in divina voluntate esse virtutes re (de quo nemo dubitat), aut qualitercunque distinctas: quia voluntas ex ratione suæ infinitæ rectitudinis magis sufficiens est tribuendi rectitudinem actui, quam aliqua virtus quovis modo illi superaddita. His tamen in voluntate positis, ut conceduntur ex parte intellectus, non tamen oportet plures concurrere pro complemento perfectionis operis: quia nulla estmodi concurrente virtute, adhuc opus limitatè perfectionis esse potest undique perfectum ex eo quod à divina voluntate sit. Accedit quod idipsum haberet locum in punitione malorum, quod tamen non videtur probabile: nam cum tali in casu aliquod malum infligatur iustè à divina voluntate, ad id opus non

In Deo non est alia regula, quam sua voluntate.

Misericordia non est tantum respectu malorum, quam non est respectu bonorum, vel pœna debita.

De his enim rebus, inquit, per tempus ortis, illa summa gratia est, quod homo in unitate personæ conjunctus est Deo;



non concurrat virtus misericordiæ; quia ex misericordiæ affectu non infligitur malum, vel pœna peccati, sed magis minus infligitur; quia Deus punit citra condignum; veljam illata per misericordiam minuitur ex parte, vel ex integro relaxatur.

Veruntamen etsi in operibus naturæ nulla propterea statuenda sit iustitia in Deo, quia nulli quicquam debet, ex quo debito nascitur, & fundatur iustitia: ipsæ autem quicquid dat ex sua præcisè liberalitate, & bonitate donat, nullo præcedente debito, aut pacto ex parte ipsius: nec item misericordia, quæ misericordiam avertendam, aut sublevandam per se respicit in eo, qui est capax felicitatis; in operibus nihilominus gratiæ iustitiam, & misericordiam se se concommitari, declaratur: Nam peccata, in quæ posset homo labi, & tamen ab illis se abstinere, è misericordiæ affectu descendit, ne committantur; sicut enim nullum bonum evenit, nisi Deo volente, ita nullum malum prohibetur, ne eveniat, nisi ille fieri prohibeat. Vetat autem misericorditer infundendo gratiam: ergo intervenit misericordia: & etiam iustitia, quia decet summam bonitatem ita se gerere circa rationales creaturas, ut à multis malis, quibus obvolui possent, liberentur. Ut enim ex bonitate, & misericordia est electio ad gloriam, ita & preparatio, & largitio mediorum. Ad hæc multæ miseræ, quæ insunt, depellantur, & peccatorum sordes emundantur: eo quod Deus gratiam largiendo, illas ulterius in mente inveterascere non patitur: est igitur his in operibus Dei magna misericordia, & etiam iustitia intervenit, cum ex parte ipsius Dei, dicente Anselmo. Profol. 10. *Cum parvis malis, iustum est; quia tua bonitatis concedens est: Tum quia Christus omnibus*

4. dist. 46. q. 2.

3. dist. 15.  
4. dist. 2. q. 1.2. dist. 46. qu.  
2. 5. Ad præp.  
solum.2. dist. 36. In  
textu, & in  
Comm.

AD ARGUMENTA. Ad primum dicendum, Jacobo, atque Augustino esse sermonem, de misericordia penitus à malis liberante, non de parcente, vel nonnihil remittente de inflictis pœnis: de priori verum est, iudicium, quod cum damnatis exercetur expers esse misericordiæ: sed tamen interim ibi reperi misericordiam parcentem, nihil obstat, secundum quod & testatur Jacobus; *Superexaltat misericordia iudicium* cap. 2.

Ad secundum est responsio duplex: Prima, quoniam mortaliter peccans exponit se periculo semper permanendi in peccato; (Nequit enim aliquis à peccato resurgere, & liberari, nisi virtute illius, quem peccando offendit) propterea merito, ac iuste punitur æterna pœna. Alia responsio: Cum persona, quæ plectitur, perpetua sit, ideo & pœna illi inflicta semper durat; accidit igitur pœnam extendi in sempiternum, sed quoad extensionem, culpa, quæ temporalis fuit, reperiri majorem: sed esse ita intensam, id est, peccato proportionatam cum misericordia parcente, ad illam per se spectare. Servatur igitur modus in plagarum irrogatione quantum ad illa, quæ per se insunt ipsi pœnæ; sed quantum ad ea, quæ punctioni accidunt ratione subiecti, non oportet, ut fervetur peccati modus, qui esse non potuit nisi temporalis. Quæ fuit doctrina Augustini, 21. de Civit. cap. 11.

Ad tertium dicendum, hanc ipsam difficultatem discretissime à Boetio tractari, 4. de Consol. Profol. 6., ac tandem inferre adversus eos, qui proinde providentia reges humanas negant, ex eo concludendum esse, cuncta rectissime administrari, ac distribui à Rectore universitatis, quo melius nemo novit, quid cuique conveniat. Nam cum probos viros diversarum pressurarum infortuniis premi advertimus, sentiendum est, id illis convenire; ob altiores providentiæ fines: ac iustissime subinde permitti ab improbis affici malis, ut videtur, ut pœna, quasi per gradus ad divinæ electionis finem præfixum attingant; à quo per prosperitatem eternam fortasse deviant. Est igitur hic ingens misericordia, quæ arcetur mala, quæ felicitas humana illis inferret; & iustitia, quia omnia correspondent meritis illius, aut præsentibus, aut rectè futuris, quæ rectori universitatis non minus sunt præsentia, ac illa, quæ jam lucrati sunt homines.

Ad quartum est responsio ex dictis: Eo enim probatur prima pars solutionis: quæ dictum fuit, ex parte Dei nullam esse iustitiam stricte sumptam respectu creaturarum, & præsertim quoad opera naturæ. Nam omnia condidit sua libera voluntate, & bonitatis instinctu: ac propterea nec misericordiam hic locum habere potuisse, quæ non omnem depellit defectum, sed ad miseriam propulsandam propriè inclinatur: miseriam autem nos non intelligere, nisi in eo, qui & felix esse possit. Suppositis tamen pacto, & divina fidelitate, ex his teneri summam omnium dispensator, & iudex rependere premia meritis præcedentibus, & pœnas irrogare delictis, quæ sanè non in naturæ ordine representantur, sed in gratiarum, & pœnarum preparatione, & distributione geruntur. Eo tamen in facto nunquam iustitiam à misericordia separari, & è converso explicatum fuit.

Ad quintum respondeo sic: Dare bonum indebitum non est contra iustitiam, quia id est liberalitatis, actus autem unus virtutis alteri non repugnat: at subtrahere bonum debitum est contra iustitiam: respectu autem iustitiæ perinde est dare bonum, & non inferre malum: plectente igitur Deo fontes citra condignum, nulla vis inferatur iustitiæ, sed tantum in ejus administratione est

Ratio S. Thomæ 2. 2. q. 2. iustitia de iustitia Deum punire citra condignum, & præmiare supra merita, relictur a Dōdore loc. cit. 5. De quarto articulo, & in Report. loco cit.

Id hæc violentus loc. cit. supplementi.

Quodlib. 21.  
ad finem.



bonæ misericordiæ, & bonitatis Iudicis pœnam irrogantis; sicut ex eadem venit cum bonitatis in bonitate largiri bonum in debitum; & si vellet inferre malum ultra debitum, contra iustitiam faceret.

Et cum contra instatur; quia pariter posset. nullum malum inferendo, relinquere delicta impunita. Responsio: Cum Dei iustitia (ex dictis artic. primo iterum repetito) sit suamet voluntas re & ratione, quicquid potest velle, iuste vellet, & faceret, quamvis non secundum leges à divina providentia præfixas, nobisque revelatas; sed secundum aliam providentiam à divina voluntate decernendam. Aliter etiam potest responderi; Iustitiam habere latitudinem graduum, quos si Deus præteriret, non secundum iustitiam se gereret. Etsi igitur ex misericordiæ parentis affectu unum, aut alterum gradum pœnarum dimittere possit; non sequitur tamen & omnem pariter culpam sinere posse impunitam.

Ad ultimum respondeo, opus Incarnationis revera soli misericordiæ, & bonitati divinæ esse attributendum, propter quam voluit se adeo mirabiliter communicare; etsi autem maximum adeo bonum fuerit in Divina electione omnino indebitum respectu creaturarum, tamen convenientissimum extitisse bonitati divinæ; in eo igitur emicuit, ac repræsentata est excellentissimè iustitia, quæ est condecencia bonitatis divinæ, & summa item misericordia, & charitas Dei unire volens Filio suo naturam humanam in hypostasis unitate. Quamvis alioquin ejus decreti executionem præcesserint Sanctorum merita, & pia desideria expectantium, ac efflagitantium à Deo adventum Filii sui; Et præsertim Beatissimæ Virginis Mariæ, cujus unius vota magis Deo placuisse, ac acceptasse, credendum est, quam omnium aliorum simul, cum præ omnibus fuerit magis dilecta, quippe cui majora dona contulerit, quam omnibus aliis creaturis, in quas omnes fuit ei data potestas, tanquam matri Unigeniti Dei; Quam mirabiliter itaque, ac exactissimè hoc in altissimo mysterio concurerint misericordia, & veritas, ex eo elucet, quod maximæ misericordiæ opus est, homini inimico adeo ingentia remedia in usum vulnerum peccatorum præparata fuisse: sed etiam maxime iustitiæ fuit, propter obsequium longè Deo acceptissimum, iis præparata beneficia conferre, pro quibus obsequia Christi oblata fuere. Maxima insuper extitit misericordia in persona offerente ita se exhibere pro inimicis Trinitatis, quam summè dilexit; sed etiam maximæ iustitiæ, tam in comparatione ad Deum, quam in ordine ad hominem lapsum, nam non videretur maxime diligere Deum, & proximum, nisi pro generis humani æterna salute, voluisset se tradere in mortem; cum non alia via, & ratione iusta superni dispensationem consilii, licuerit hominem ad cælestem patriam pervenire: in omnibus igitur Dei operibus in ordine supernaturalis electionis, & gratiæ iustitia, & misericordia se se comitantur.

#### ARTICULUS INCIDENTS.

An in Deo distinguantur iustitia, & misericordia.

Doct. 4. dist. 46. q. 3. in Report. idem q. 4. Thomistæ ad quæst. 21. p. 1.

**V**IDENTUR iustitia, & misericordia in Deo non distinguui, Nam esse divinum actualiter

simum est; ergo includit formaliter, estque omnis perfectio divina: Sed si in ipso reperiretur distincta perfectio à perfectione, & ab essentia subinde, esse ipsius non involveret, neque foret omnis perfectio formaliter; ergo misericordia, & iustitia non sunt in Deo distinctæ perfectiones. Probatio minoris; quæcunque distincta perfectio ab esse formaliter, utique est ponenda in Deo actu: ergo quatenus distincta est actualiter in ipso; igitur esse divinum, aut distinctum à suis perfectionibus, non involveret, aut esset omnis actus.

Præterea, Positis in Deo iustitia, & misericordia distinctis, ibi reperirentur distinctæ formalitates reales: ergo & distinctæ realitates: & per consequens etiam distinctæ res. Probatio primæ consequentiæ: quia quælibet formalitas propria realitate foret distincta: igitur tot formalitates, quot & realitates.

Præterea, Secundum Augustinum 11. de Civ. cap. 10. *Es simplex est Deus, quod est quicquid habet*; idque accipiendum de eo, quod dicitur ad se: huiusmodi autem prædicata sunt iustitia, & misericordia: ergo Deus est iustitia, ipseque idem misericordia; igitur etiam misericordia est iustitia.

CONTRA, Cassiodorus super Psal. 50. *Haec duæ res (iustitia scilicet, & misericordia) sunt in eis Domini semper adjunctæ*. Vult igitur expressè in Deo esse distinctas perfectiones. Rursus, si ambæ forent una, eademque formalis perfectio: igitur utriusque foret & idem effectus. Hoc autem est falsum, quia misericordiæ effectus est liberare sine meritis, iustitiæ vero est plectere pro demeritis, vel meritis præmia rependere.

RESPONDEO, *Supra articulo primo dictum fuit* probabiliter, iustitiam ea ratione, qua ad Deum potest pertinere, reduci posse ad duo membra, ut primo dicatur iustitia, rectitudo voluntatis in ordine ad condecendam bonitatis diving: alio modo autem rectitudo voluntatis in ordine ad exigentiam eius, quod est in creatura. Verum *eodem articulo iterum repetito*, diximus probabiliter videri, unicam omnino re, & ratione esse iustitiam in Deo. In hærendo itaque priori opinioni, dicendum est, nullam distinctionem versari posse inter iustitiam, & misericordiam in Deo; siquidem misericordia quædam iustitia eius est secundum primam iustitiæ acceptionem: si enim ipsa est voluntatis rectitudo, in ordine ad condecendam bonitatis divinæ: summe bonitati maxime convenit, ac decet misereri tam repellendo eas, quæ insunt, misérias, quam impediendo, ne incurranur. Non distinguitur ergo misericordia ab ea iustitia in Deo, quæ est rectitudo voluntatis eius, prout concedit summam bonitatem. Sustinendo tamen sententiam secundo loco declaratam: sentiendum est misericordiam formaliter à iustitia distinguui: nam iustitia respicit pro primo obiecto bonitatem divinam: misericordia vero per se tendit, & respicit aliquid in creatura, nulla etiam habita ratione iusti, quod potest esse in creatura, seu exigentiæ ipsius: nam ubi eiusmodi exigentia habet locum, non est misericordia in Deo. Est enim in Deo misericordia preveniens, ne incidamus in mala, & liberaas, ac sublevans à miseriis, quibus involvimur: ergo nulla est iustitia in ipsa creatura, sive exigentia, aut debitum respectu Dei miserentis: nam ex gratia, & per gratiam id totum est, atque peragitur, quam nequit creatura ulla præexigere, aut promereri. Hæ igitur perfectiones primo, & per se respiciunt diversa obiecta, scilicet bonitatem divinam, & miseriam sublevandam in creatura: sed ex hoc necessario concluditur inter illas aliqua

M m

non

Tomus I.



non identitatis formalis; esto simpliciter sint unica res. Iuxta igitur posteriorem positionem iustitiæ, hæc non est eadem in Deo ac misericordia.

Ex quo sequitur, divinas illas perfectiones, ut ad objecta proxima comparantur, iustitiam esse simpliciter misericordia priorem, sicut objectum illius est simpliciter prius objecto misericordiæ. Consideratis autem in se ipsis, citra omnem ordinem ad objecta, nullum videntur inter se se habere ordinem, nisi ea ratione, qua cæterę divine perfectiones non eodem formaliter dicuntur inter se ordinari: quatenus scilicet, si inter illas versaretur realis distinctio, una per prius diceretur inesse realiter, quàm alia; atque ita eodem pacto quum ponuntur non idem formaliter. Iuxta hoc igitur iustitia est prior misericordia, secundum illud Anselmi, Prosol. 11. *Ex iustitia nascitur misericordia.*

AD ARGUMENTA. Ad primum respondeo sic: Essentia divina complicat in se actualitatem omnem intelligibilem; unitivè autem non continentur, quæ sine omni distinctione continentur, quia unio non est absque omni distinctione. Nec unitivè continentur, quæ simpliciter realiter distincta continentur, quia illa multipliciter, seu diversim in uno reperiuntur; ergo hoc vocabulum *unitivè* includit aliqualem distinctionem contentorum, quæ sufficiat ad unionem; ita tamen ut talis unio repugnet omni compositioni, & aggregationi distinctorum. Hoc non potest esse, nisi ponatur non identitas formalis cum identitate reali. Concedendum est ergo, essentiam continere omnem actualitatem, ac proinde omnem formalitatem, sic interim, ut ejusmodi actualitates non sint illi formaliter eadem, quia tunc non unitivè contingerentur. Si dicas, continet quantum potest contineri. Verum est quantum unum unius rationis est continens: nihil autem unius rationis potest continere plura non formaliter eadem perfectius quàm unitivè, vel identicè.

Ad secundum potest dici, revera tot esse ibi realitates, & res, quot & formalitates; at eam pluralitatem esse non realem, & simpliciter, sed *secundum quid*: De qua re alibi dictum fuit. Vel posset negari consequentia, plures formalitates

reales; ergo plures realitates. Sicut negatur, plures Personæ divine; ergo plures divinitates. Sed prior responsio est realior.

Ad Tertium respondeo, mentem Augustini esse adstruere in Deo veram identitatem realem cujuscunque ad quodcunque, loquendo de intrinsicis ipsi Deo; sed exinde haud esse concludendum, quodlibet esse formaliter idem cuilibet; quia vera identitas, imo verissima, quæ sufficit ad omnimodam simplicitatem, optimè cohæret cum non identitate reali.

Ad primum *in oppositum*, quo iustitia, & misericordia appellantur duæ res. Dicendum, Casiodorum extendere *duas res* ad dualitatem *secundum quid*, & formalem, ut dictum est ad *secundum*.

Ad aliud, ex quo declarata fuit *solutio* juxta secundum modum ponendi iustitiam in Deo, est responsio dicentium, iustitiam non alia ratione à misericordia differre, nisi penes connotatum diversum, etsi ea duo sint simpliciter, & formaliter eadem perfectio. Contra hoc: ejusmodi connotatio non præexigit aliquam distinctionem illarum perfectionum, secundum se acceptarum, sed præcise ut concipiuntur, & signantur; ad id enim connotatio requiritur; argumentum autem eo tendit, ut ostendat distinctionem earum perfectionum secundum se, ut nempe sunt causæ distinctorum effectuum. Cui diversitati causandæ non sufficit, ut videtur, differentia rationis, quia res rationis non est, nec esse potest ratio, cur aliquis effectus realiter efficiatur: imo generaliter nulla distinctio realis in effectu dependet à relatione rationis in causa: ista autem distinctio effectuum essentialiter dependet ex distinctione in causa; ergo non est solius rationis. Concedendum est ergo argumentum pro *solutione* allatum, iustitiam nimirum non esse formaliter, & quiditativè idem misericordiæ, vel è converso; ac propter hanc non identitatem formalem, posse unum esse principium proximum alicujus effectus extra, cujus reliquum non est principium formale; perinde ac si per impossibile forent duæ res realiter distinctę; nam esse principium formale competit alicui, ut est tale formaliter.

Richar. 4. dist.  
46. art. 2. q. 2.



# QUÆSTIO VIGESIMASECUNDA DE PROVIDENTIA DEI, IN QUATUOR ARTICULOS DIVISA.

*Consideratis, quæ ad voluntatem divinam in se pertinent, procedendum est ad inspectionem ejus, quatenus curam gerit providetque iis, quorum est causa: de Providentia igitur primum in universali, & exinde de Prædestinatione, quæ specialis quædam providentia est, agendum.*

## CIRCA PROVIDENTIAM AUTEM DEI QUÆRUNTUR QUATUOR.

- I. Utrum Deo conveniat providentia.
- II. Utrum omnia divinæ providentiæ subfint.
- III. Utrum divina providentia immediatè sit de omnibus.
- IV. Utrum providentia divina imponat necessitatem rebus provisis.

### ARTICULUS I.

Utrum Providentia Deo conveniat.

*Doctor locis in margine cit. S. Thom. 1. p. quæst. 22. artic. 1.*



**V**IDETUR Providentia Deo non convenire: Nam providentia, secundum Boetium 4. de Consol. Prosa 6. *Est illa ipsa divina ratio in summo omnium principe constituta, quæ cuncta disponit*; Sed in Deo nulla est ratio dictans, dis-

ponens, ac regulans voluntatem circa factibilia: imo ipsa ejus voluntas est prima regula, & essentialis rectitudo, nullius subinde alterius regulæ indiga, ne ratione quidem à se distincte; igitur non est in ipso talis providentia, aut ratio dictans qualiter agendis sit providendum, aut cura gerenda rerum mundanarum.

Præterea, Si Deo esset providentia rerum humanis mundi attribuenda, utique ea perfectissima, atque exactissima foret, quales sunt & reliquæ ipsius perfectiones; sed in ipso talis providentia non videtur reperiri; ergo arbitrandum non est eum consulere, ac providere rebus humanis. Probatio minoris; nam sæpe videmus improbos bonis ac divitiis affluere, contra vero probos, ac modestos viros vel necessariis ad vitam carere; & rursus malos impunitos relinqui, & innocentes injustè damnari. Hæc autem non videntur congruere rectori exactissima providentia regenti, ac consulenti rebus suæ curæ commissis; ergo non est in Deo providentia.

Præterea, Rector infinitè providus, & præsciis futurorum non dat media, nisi ut per illa attingatur finis, quem intendit: nam media eliguntur ex intentione finis: alioquin incassum, ac perperam videretur exhibuisse illa, quæ in commodum ejus, cui providetur, non erant cessura: sed Deus dat media, idest, supernaturalia auxilia multis reprobis, qui finem intentum non sunt consequuturi: ergo his non fuit satis provisum: igitur vel non est providentia in summo omnium Principe, quia hæc non frustraretur sine intento, vel non omnibus providet, ut decet.

CONTRA, Sapient. 14. *Tu autem Pater, gubernas omnia providentia: est ergo dogma fidei, in Deo esse providentiam omnium, quæ condidit.*

Tomus I.

RESPONDEO dicendum in Deo esse providentiam, ac curam gerere universitatis rerum, tum generalem omnium, tum specialem, ex quadam electione naturæ intellectualis, & rationalis, cujus intuitu electionis, speciali quadam ratione providet, consulitque ipsis secundum merita præsentia, vel futura aptissimè accommodans, seu quæ illis magis expedire comperiuntur, seu facere ad consequutionem finium illa electione respectivè intentorum. Declaratio; Deus omnia condidit gratia boni infiniti, quod est bonum universalissimum, ratione eminentissimæ continentie; omnia ergo facta sunt propter illud, & ad id ipsum ordinata, nec alium finem potuit ipsis præfinitum, ac statutum fuisse; sicuti esse non potuerunt, nisi de esse, & bono, quod de se, & per se est, participassent; Cum sint igitur de se finita, ac imperfecta necessario, & naturaliter appetunt, pro cujusque naturæ conditione perfici, formari, & finiri in cunctorum extrinseco fine, qui est omnium quietativus, sive immediatè, sive mediatè ab ipsis attingatur; Sed his omnibus in esse naturæ provisum est, secundum cujusque exigentiam: ergo Deus gerit curam universalem omnium, ac omnibus exactissimè per providentiam consulit. Declaratio minoris: nam in humana Republica rector dicitur, estque omnium per providentiam curam gerens exactè, cum leges statuit rectis, proponitque observandas, quibus se se cives conformando atque obediendo stat Reipublicæ pax, & tranquillitas, cujus gratia Princeps leges statuit, sancit, ac observari jussit: Sed Deus nedum dedit omnibus naturalia recta, verum etiam indidit naturales leges, ipsas naturas inclinantes ad eorum finium consequutionem: In habentibus enim quemcumque appetitum, sive animum, sive etiam naturalem, est pondus quoddam, & impulsus, & propensio ad propriam cuique convenientem perfectionem, eaque est lex divinæ providentiæ; ergo Deus suæ generali providentia omnibus rebus ab se conditis exactissimè consulit, curamque gerit & minimarum, ac maximarum, cum eodem modo pro omnibus leges proprias statuerit, quarum virtute singulæ bonum ipsis conveniens attingerent, sicque ultimam ipsarum perfectionem consequerentur, in ordine ad bonum universale eminentis continentie: sicuti Rerum publicarum Rectores omnibus satis providere dicuntur, cum singulis gradibus, & ordinibus personarum, ex quibus Respublica conflatur, quæ cuique agenda, & non agenda sunt, proponunt, ac provident, ne quisque ex lex in Republica vitam ducat.

Deinde, in humana Republica Princeps optimè

M m 2

illi

Quodlib. 219  
circa numer.

4. dist. 46. q. 1. §.  
Non immoderatus,  
de V. 4. Tertius,  
& dist. 49. quæst.  
§. 2.

g. dist. 38.

Quodlib. 27. ad  
finem.

g. dist. 41.

1. dist. 46. §. 1. ad  
primum.

4. dist. 46. q. 2. §.  
ad Regem Videretur  
conclusio V.  
providentiam.



illi consulit, cum bona illius distribuit personis ad eam attinentibus, secundum proportionem graduum illarum; nec enim eadem perinde congruunt artificibus, agricolis, militibus, ac magnatibus, qui negotiis expediendis præsumunt; igitur cum Hierarcha summus, & Princeps Universitatis Deus excellentioribus ab se conditis naturis perfectiones elargiatur nobiliores, & inferioribus ipsis convenientes, proportionatas, & congruas, providentissimè omnibus consulere, curamque generalem habere omnium fatendum est.

Ultra hanc providentiam generalem, qua rector universitatis omnibus providet tum de complemento eorum in se, tum de lege, instinctuque ipsis proportionato, per quem in extrinseco fine, ultimam ipsis congruentem nanciscantur perfectionem, præter inquam, hanc curam generalem, aliam præterea longè excellentiorem gerit circa naturam intellectualem, & rationalem: Hanc enim naturam eligit actu voluntatis suæ ad gloriam sempiternam, quæ est visio, & fructio summi boni. Et propter eam electionem, seu ut electio suum finem consequatur, dat media necessariaque sunt supernaturalia auxilia propter quæ, & quibus observantur divina mandata; nedum gratia ad talem finem ordinatur, sed etiam cætera alia, etiam peccata, & præsentis vitæ adversitates; curam igitur, & providentiam specialem exercet circa creaturam intellectualem, & rationalem, quarum naturarum individua, etsi velit omnia ad eum finem supernaturalem deduci: unde & omnibus communia adjutoria, & sufficientia legi observandæ subministrare non omittit, ex quibus omnes homines possent bene vivere & salvari; tamen quia secundum providentiam generalem finit causas secundas agere proprios motus, nec ullam liberis voluntatibus subinde vim infert, ex eo fit ut inutilia plerisque reddantur media ipsis preparata, & exhibita, & tandem sine frustrentur, ad quem Deus eas omnes pervenire voluisset. Postremo, nullo unquam tempore Deus reliquit genus humanum, quin exhiberet remedium culpæ originalis, quo utentes homines consequerentur æternam salutem, Nam pro tempore legis naturæ expiabantur homines per sacrificia à Deo instituta; in lege autem scripta mundabantur Iherelita per Circumcisionem, cui successit Baptismus pro lege Evangelica; ergo ultra generalem providentiam, specialem curam exercet Deus circa genus humanum, quo studio deducatur ad finem supernaturalem, cui assequendo incapacia sunt quæcunque infra hominem constituta sunt naturali conditione. Est igitur in summo rerum omnium rectore providentia, qua omnia gubernat, regit, & consulit, generalem communemque curam impendendo omnibus, tum specialiter quasdam creaturas ad sui visionem, & fruitionem ordinando, ac per media opportuna, ac efficacia ad eum finem deducendo. Providentia igitur divina est dispositio, seu preparatio, & exhibitio mediorum, quibus unumquodque, seu in ordine naturæ, seu in ordine gratiæ suam assequi potest perfectionem; ex qua divinæ voluntatis libera dispositione concomitantur est certissima futurorum omnium præsentia, & ratio.

AD ARGUMENTA. Ad primum respondeo, utique in divino intellectu nullam esse statuendam prædicam rationem voluntatis directivam circa agibilia ad extra; imo cum quæcunque lex, seu naturalis qua reguntur causæ non libere, seu lata cui conformiter agere oportet naturam intellectualem, & rationalem, sit actus solius divinæ vo-

luntatis, ad ipsam quoque solummodo spectat consulere, & providere creaturis, quas liberè condidit, media opportuna & preparando, & exhibendo. Cum igitur Boetius providentiam appellat *rationem divinam*; est intelligendus voluisse, providere, ac consulere rebus, spectare quidem ad rationem non per se, sed concomitantur: quatenus nimirum statutas à Dei voluntate providentiæ leges, mox divina ratio comprehendit, approbatque cum omni rectitudine earum, etsi interim ratio non sit directiva, & regulativa voluntatis respectu agendorum.

Ad secundum, concedo providentiam in summo omnium principe esse exactissimam, perfectissimamque, ut cætera, quæ illi rectè attribuantur, perfectiones. Et cum arguitur contra, quia non videtur congruere infinitæ providentiæ rectoris, ut homines prohi angustis premantur, & a pravis opprimantur; improbi vero impunè grassantes abundant bonis, affluentque divitiis. Respondeo, imo magis id ab habente curam omnium providentissimam solummodo & præstari, ac perfici posse. Nam is cum distinctissimè, ac penitus inspicat omnia tum præsentia, tum futura, solus novit finem ab se intento opportuna media accommodare, ac suo tempore mirabiliter exhibere; siquidem (ut ait Boetius 4. de Consol. Prosa 4.) aliquando adversitas plus proficit, aciorque est consequendo finem à Deo intento, quam rerum secundi successus; nec propterea minus conatum esse bonis, quam improbis, sciendum est; nam cum hi abutantur bonis fortunæ, ac impunè peccent, infeliciores hac de causa sunt, ac iis, qui necessariis ad vitam destituti, commoditas non suppetit, etiam si vellent, lasciviendi; Unde Boetius loco citato: *si miserum est voluisse præcipere, potuisse miserius est, sine quo voluntatis misere tangueret affectus*. Et infra: *Infeliciores, inquit, improbi sunt injusta impunitate donati, quam iusta ultione puniti*. Igitur cum probis mala insiguntur, illaque vel dat Deus ad correptionem, vel ad meritum: Eo igitur divina providentia tendit, ut in ipsis per media opportuna, quæ præparavit, electionis decretum adimpleatur, vel ne durius in altero sæculo plectantur, si divinis dispositionibus reluctando, ac remurmurando, inde deteriores inveniantur, ob quæ meliores fieri & potuissent & debuissent. Hæc igitur solius sunt Rectoris exactissimè providi, ac justissimè, simul & misericorditer cuncta disponentis.

Ad tertium dicendum, Deum velle quidem quantum est de se omnes ad salutem æternam pertingere, ac salvos fieri, ut ait Apostolus, 2. ad Timotheum. cap. 2. at voluntate duntaxat antecedenti, & signi, non autem voluntate efficaci, & beneplaciti. Conformiter igitur ad illam voluntatem dat omnibus dona naturalia, & leges rectas, & communia adjutoria, ut dictum est supra. Sed quia in potestate recipientium est illis rectè, & malè uti præparatis per providentiam, & præstitis beneficiis, plerisque evadunt inutilia, culpa ipsorum. Fuisse tamen & his à Deo sufficienter provisum, ex eo constat; quia sic adjuti, iisdem mediis rectè, & secundum rationem vivere potuissent. Et cum dicitur; igitur providentia tunc non consequitur finem, cui assequendo data ea media fuere. Negandum est: quia quemadmodum Reipublicæ Rector statuens leges publice tranquillitati accommodas dicitur rectè muneris suo satisfecisse, etsi à multis illæ violentur; nec ex eo quod propterea aliquos damnare compellatur, frustratur sine in legumlatione intento; quia ad bonum commune

1. dist. 40. §. Ad ultimum quæsit.

1. dist. 28.

7. dist. 40.

Quodlib. 21. cit.

9. dist. 1. §. 1.

2. dist. 30. §. Sed de aliis bonis.

4. dist. 50. §. 4.

1. dist. 40. & 41. & 44. & 45. & 46. & 47. & 48.

1. dist. 46. §. Ad primum.

1. dist. 44.

De his articulis sequenti in solutione argumentorum.

spe.



speſſat per mortem exterminari juſtitia violatores; ita & Deus, quamvis ob improbitatem, & malitiam hominum eos adjudicet æternis ſuppli ciis, tamen non fruſtratur ſua providentia, qua ſtatuit legibus ſuis parentes donare gloria æterna; contra verè impios ſubſtitere penis ſempiternis: itaque ſemper ſinis præfixus illis legibus habetur: eſt media, & beneficia ſupernaturalia ob culpam voluntatis creatæ plerique reddantur inutilia: Hi tamen abutentes, ac non obſecundantes gene ralis providentiæ legibus, cadunt ſub judicio le gum providentiæ ſpecialis: quæ nunquam ſuo fru ſtrari poteſt effectus. Accedit, quod providentia non involvit in ſua ratione eſſentiali ſinis aſſequu tionem, ut declarabitur infra articulo 4. in inci denti.

## ARTICULUS II.

Utrum omnia ſint ſubjecta divinæ providentiæ.

Doſtor 1. Report. diſt. 35. q. 1. art. 1. 4. diſt. 46. q. 4. §. Contra. Addit. Et 12. Metaphyſ. qq. 27. & 28. S. Thom. 1. p. q. 22. art. 2.

**V**IDENTUR non omnia ſubjecta eſſe divine providentiæ. Nam n entibus complura fortuito, & caſu evenire conſtat; ergo non omnia ſubſiiciuntur, & reguntur providentia. Aſ ſumptum probatur ex communi omnium ſenſu: cum enim agenti à propoſito evenit aliquid præ ter intentionem, illud dicitur fortuito accidere, ſive eveniſſe effectus fortuitus: multa autem & benè, & malè eſu modi eveniunt; regnat ergo in compluribus effectibus agentium à propoſito for tuna: ſed hoc ipſo ab his excluditur providentia; huic enim nihil accidit præter intentionem; ergo cum aliquid ſit non proviſum, aut ab agente non intentum, præter providentiæ rationem oportet ut fiat.

Præterea, Si omnia reguntur divina providen tia, omnibus proſpiceretur, ut conſulere, & re gere decet proviſorem virtutis infinitæ; ſed maxi mè convenit, hunc arcere à rebus, quarum cu ram gerit, malum omne, & malitiam omnem; ergo cum multi ſint in natura defectus, & plurima malitia regnet in rebus humanis, virtutem utique excludens, non omnia ſubdi videntur divinæ providentiæ.

Præterea, Malum non regitur, nec ſubditur divinæ providentiæ; ergo cum multa ſint mala, hæc omnia ſunt extra regimen divinæ providen tiæ. Probatio aſſumpti; divinæ providentiæ eſt convenienter ordinare proviſa tum ad finem, tum inter ſe: ſed malum non eſt convenienter ordina bile; nam ideo eſt malum, quia eſt contra ordi nem; ergo mala quæcunque non cadunt ſub cura, & regimine ſupremi Reſtoris.

Præterea, Bonus proviſor impendit rebus, qua rum curam gerit, quicquid eſt ipsis conducibilius; ergo multo magis id præſtaret optimus, uti eſt Deus; ſed is non ita ſe habet circa omnia; ergo nec omnium curam habet per providentiam. Pro batio minoris; melius proſecto & longè conduci bilius videretur tolli in univerſo mala culpæ, & vice eorum poni illorum contraria: id enim me lius foret habentibus: & etiam ea ſunt in ſe bona, uti ſunt charitas, & beatitudo. Eſt interim lo cum non haberet juſtitia vindictiva: tamen emi nentior eſt actus juſtitia permittit bonum meri tum, quàm punire demeritum: imo infima juſtitia

eſt vindicare: igitur tunc eluceret actus juſtitia eminentioris, ac proinde ſi Dei providentia ſe extenderet ad omnia, in entibus nulla eſſe deberet mala culpæ.

Præterea, Eccleſiaſt. 15. *Deus ab initio conſti tuit hominem, & reliquit eum in manu conſilij ſui:* Et ſubditur: *Ante hominem vita, & mors, bonum, & malum, quod placuerit ei dabitur illi.* Eſt igitur homo ſuam Dominus actionum, quodcum que ſibi videtur, efficere valens: non itaque ſub dicitur alicujus providentiæ reſtoris; nam alioquin ab illo duceretur juxta leges ſibi præfixas per providentiam alienam.

Præterea, Si omnia prorsus divinæ providen tiæ ſubderentur, etiam mala: proſecto & hæc, ut cætera per illam ordinarentur ad convenientes ip ſis fines, ne aliquid inordinatum in regno provi dentiæ reperiretur: ſed ex eo jam definerent eſſe mala: ex eo enim aliquid eſt malum, quod contra ordinem præfixum ſit: ergo ſi & malis à pro videntia ſuis eſt præfixus ordo: jam nulla eſt ma litia inter homines.

CONTRA. Sapient. 11. *Omnia in menſura, & numero, & pondere diſpoſuiſti:* igitur omnia ſunt divinæ providentiæ ſubjecta, à qua eo quod om ni rei modus ſit præfixus, in menſura dicuntur condita; ſicut per numerum omni rei ſpeciem præ buiſt, & per pondus ad quietem, & ſtabilitatem trahuntur, ſecundum Auguſtinum 4. *ſuper Gen. cap. 3.*

RESPONDEO dicendum, omnes prorsus creatu ras divinæ providentiæ eſſe ſubjectas, per quam & gubernantur per exhibitionem præparatorum mediorum, fini ab unaquaque aſſequendo idoneo rum. Declaratio: in entibus eſt duplex ordo, ſecundum Philoſophum, 12. *Metaphyſ. text. c. 52.* & altero quidem ſunt inter ſe ordinata, altero vero ordinantur ad primum principium, quod eſt ver tex, cauſa, & origo entium univerſitatis. Is autem ordo, & diſpoſitio, qua omnia murio ſe ſe reſpi ciunt, atque ordinantur, à primo principio eſt. Nam ille ſua voluntate condidit omnia, non pro pter aliquam ſui utilitatem (nihil enim tale ex trinſecus advenire poteſt illi, qui nullus eget) ſed propter ſuam bonitatem, & quo uberius illa in productis à ſe eluceret, inæqualia in perfectione produxit, ut quod unus effectus manifeſtare non poterat, exprimeretur in alio. Cum ſint autem creature in perfectione naturali inæquales, per majorem, & minorem primi participationem, mi nus perfectæ ad perfectiora ordinantur, quia in illis ſuo modo perficiuntur, cujus gratia & condi ta eſſe conſtat: unde inanima quæque natura vo luit eſſe gratia animatorum: & inter hæc vegeta bilium genus gratia animalium, & bruta propter hominem: & homo denique ordinatus eſt ad ulti mum finem. Hæc itaque rerum conditarum inæ qualitas ordine miſtifico inter ſe connexa, à libera voluntate primi principij eſt: ergo eadem cauſa ipsis eum ordinem præfixit. Cum ab eadem fue rint volita, & ordinata: igitur unumquodque entium conditorum ſub divinæ providentiæ regi mine fixum, & immobile continetur, ex quo ne mini eorum liceat leges ſibi à ſummo conditore, & reſtore præfixas, ne tantillum quidem tranſgredi, & prævaricari; cuncta ergo evidentiffimè divinæ providentiæ ſubduntur, à qua & juſta ſunt corpo ra ſuperiora iſtis inferioribus opitulari, & ſuis in fluxibus adjuvare, tanquam media præparata ad conſequutionem finium ab illa intentorum, quam vis nonnunquam ex concurſu cauſarum mutuo ſe ſe impediunt ab illo fine excidant, atque ita

2. diſt. 37. q. 2.

1. diſt. 3. q. 5. §. Auguſtinus Addit.

3. diſt. 22. Sole rerum princip 9. 9.

4. diſt. 49. q. 2. 6. Ad prima quæſt. V. Texta con elutio.



eveniant defectus in natura, non quia media opportuna disposita non sint, sed quoniam provia r bonum commune spectans finit causas omnes agere proprios motus. Rursus altiori ordine, ac finitiori naturæ lege omnia ad se summum bonum ordinavit; quemadmodum exercitus à Duce disponitur, atque ordinatur, gratia Ducis ipsius, & boni Ducis, quod est situm in victoriæ consequutione: Ita Deus cum sit bonum per essentiam, & universale ratione eminentissimæ continentia, ut non movetur ab alio ad rerum productionem, quam instinctu suæ bonitatis communicandæ, ita nec agere quidquam potest, nisi gratia illius, & propter se ipsum; omnia ergo ad se ordinavit, ad quem proinde finem consequendum cuncta aguntur penitissimè, quippe quæ sentiant naturæ instinctu, in eositam esse omnium perfectionem, nec aliter posse quietari naturalem impetum, quo feruntur in illum, à quo & processerunt; quantum id consequi immediate non omnibus liceat, pro naturæ propriæ imperfectione, sed naturæ intellectu, & rationali duntaxat. Is ergo, qui cuncta, quæ produxit, omnia ad se ordinavit, tantum ad bonum commune, in quo, & per quod melius esset omnibus, exactissimè omnibus providisse, ac consuluissè constat opportunorum mediourum præparatione, & exhibitione, intantum, ut melius illis provissum fuisset, & curam impenfam esse, non potuerit; sunt ergo omnia ordinata ad primum per divinam providentiam enixè incumbentem omnium commodo, & ultimata perfectioni. Hac in solutione supponuntur jam declarata, q. 14. art. 1., & 11. q. 19. art. 4.

Ad ARGUMENTA. Ad primum respondeo, fortunam non esse aliquam causam per se distinctam à natura, & intellectu, qui & dicitur causa agens ex intentione, sive à proposito, vel præfixo fine; imo eandemmet, quæ respectu effectus intenti est per se causa, in ordine ad effectum non intentum, dici fortunam; quare deridenda est imaginatio Paganorum, putantium fortunam esse quandam Deam, à qua per se essent effectus, quos fortuitos vocamus. Quorumcumque itaque effectuum aliquam esse per se causam, quæ illos producere intendat, oportet. Quod & Plato affirmavit in Timæo lib. 2. dicens: *Nihil est, cujus actum non præcessit legitima causa*. Sed & Augustinus 5. de Civit. cap. 9. scribit; *Cicero concedit nihil fieri, si causa efficiens non præcedat*. Quod sanè rationaliter concessit; quod enim à se non est, nequit habere esse, nisi à causa efficiente, per se intendente effectum; nam si sub intentione causæ primæ oportet, ut cadant, & subdantur omnes effectus adeo ut impossibile sit aliquid fieri in entibus, nisi de intentione, & voluntate causæ primæ; nihil ergo fortuitum, & casuale in comparatione ad illam aliquando evenire potest; quamvis respectu nostri, quos causa effectus proxima interdum latet, vocentur complures effectus fortuiti, quo sensu Augustinus, de Academicis quest. in principio: *fortasse*, inquit, *nihil aliud in rebus casu vocamus, nisi cujus ratio secretæ est*. Quod etiam prædixerat Aristoteles libello de bona fortuna cap. 2. Quamvis igitur in nobis nescientibus quorundam effectuum proximas causas, non sit ad illos providentia, ut nec præscientia; Universalis tamen causæ est ipsis providere, & consulere, id est, ordinare media idonea pro consequutione finium ipsis præfixorum à primo sapiente, disponente, & dirigente omnia, quemadmodum & ejusdem est omnia futura & præfinire, & prævidere.

Ad secundum respondeo, Cum primum summi

rerum Rectoris proprium sit causas creatas finere agere proprias actiones, si in humana, vel creata voluntate nullum malum permittere voluisset, videretur illi vim intulisse, nec in manu consilii sui positam esse; quod profecto minimè consonum fuisset præfenti rerum dispensationi, qua statuit velle merita, quibus rependerentur præmia, & permittere mala plectenda suppliciis, ad ostensionem suæ bonitatis, & justitiæ. In quo sanè facto plusquam dici queat, elucet sapientia summi Universalitatis Rectoris. Nam malis uti, & ordinare ad bonum, id profecto sapientissimè rebus consulentis, & optimè Republicam gubernantis est. Hinc August. Enchir. cap. 11. *Illud*, inquit, *quod malum dicitur bene ordinatum, & loco suo positum, eminentius commendat bona. Neque enim Deus omnipotens, rerum cui summa potestas, cum summè bonus sit, ullo modo sineret mali esse aliquid in operibus suis, nisi usque adeo esse omnipotens, & bonus, ut beneficeret etiam de malo*.

Ad tertium quod est impugnatio præcedentis responsionis cum probatur, malum non esse ordinabile, quia ideo malum, quia contra ordinem. Responsio; quamvis non sit ordinabile per præmium, est tamen ordinabile, & porro ordinatur per justitiam punitivam, quæ profecto non elucet in rerum universitate, nisi permitteretur & mala puniendi, atque deesset universis gradus bonitatis, nec foret proinde perfectus, uti est; nam pluralitas graduum bonitatis facit ad universi perfectionem, & profecto bonum est, ut sit correspondentia mali pœnæ ad malum culpe, quæ præcessit.

Ad quartum dicendum, etsi melius esset particulari personæ nulli subesse culpe puniendæ, sed ordinandæ per justam correspondentiam pœnæ, non tamen id esse conducibile universitatis perfectioni, quam primo respicit Rector, & legislator. Ex suppositione igitur, quod voluerit causas liberas esse, cum naturaliter eæ sint defectibiles, decuit eas dirigi per leges, quibus si se conformare velent, maximis præmiis dignarentur, sin transgredierentur, meritis subicerentur pœnis. Ostendenda quippe ipsis erat via, per quam ad finem, ad quem conditæ sunt, pervenissent. Nec potuit id melius fieri, & ordinari, nisi per præsentem providentiæ dispositionem; in qua mirabiliter elucet bonitas, misericordia, & reëctitudo conditoris, & Rectoris rerum universitatis. Et cum dicitur melius, & perfectius ostenderetur justitia divina, si permitteret tantum merita remuneranda; via infima justitia est vindicare. Responsio; si tantummodo locum haberent merita præmianda, non adequatè divina justitia manifestaretur; & nihilominus is actus non fuit intentus, nisi ex volitione libertatis creaturarum, & post prævisionem peccati: tunc igitur debuit reëctissimus legislator contemptores legum latarum velle punire, & ordinare per pœnas, & ostendere, ac repræsentare justam punitionem in malis, qui ejus mandata contempserunt.

Ad quintum respondeo, utique Deum reliquifse hominem in manu consilii sui, non ita tamen, quin legem ipsis custodiendam præscripserit ad finis consequutionem; alioquin non satis ipsis providisse videretur; & non tantum leges dedisse, sed insuper media sufficientia illis custodiendis elargitum esse. Hac igitur supposita cura, & providentia, ejusdem largitoris fuit repræsentare, ac infligere mala pœnæ his, quos malis culpæ involutos comperisset. Quia igitur homo est suarum Dominus actionum, ita subditur divinæ providentiæ, quoad omnia, ut nullum ipsius opus inordi-



ordinatum relinquatur : imo & bonis operibus retribuantur ineffabilia bona , & pravis ingentia mala , juxta divinas reprimitiones .

Ad ultimum respondeo , negando minorem ; & cum probatur , dicendum , ad hoc ut aliquis actus sit rectus , non sufficere illum ordinari secundum leges universalissimas providentiæ , sed oportere præterea esse conformem legibus peculiaribus ipsius ; id est , non ideo nos recta velle , aut nolle , quia in hoc diving voluntati conformamur , sed requiri , ut velimus , quod Deus vult nos velle . Nam ipse rectè voluit mortem Christi , & Judæi illam mortem inferentes , perversissimè voluerunt : Et quamvis hæc mors per Dei providentiam ad maximum bonum ordinata sit , non ex eo tamen desit esse maximum peccatum iis , qui Christo necem intulerunt . Ordo ergo universalis providentiæ non mutat opus pravum in bonum , sed tantum efficit , ut nihil inordinatum sit in entibus . De quibus magis in sequentibus .

### ARTICULUS III.

Utrum Deus immediatè omnibus provideat .

Doct̃or quodlib. quæst. 21. & locis in margine cit.  
S. Thom. 1. p. quæst. 22. artic. 3.

**V**IDETUR Deus non omnibus immediatè providere . Nam quemadmodum Deus est ipsum esse universalissimum , ita & Artifex universalissimus ; sed providet rebus per artem , quæ est ratio universalissima in mente ipsius ; ergo non oportet deducere curam divinam ad infima quæque , ut dicantur subinde omni providentia regi , & gubernarij . Nam per hoc quod ponatur ars ejus terminari ad naturas specificas , & æternas , habetur , & salvatur ratio artis , & Artificis universalis .

Confirmatur celebri sententia Hieronymi , scribentis super cap. primum Abacuc Prophetæ . *Abfurdum est* , inquit , *ad hoc deducere Dei majestatem , ut sciat per momenta singula quot calices nascantur , quotve moriuntur , quot pulicum , & muscarum sit multitudo , quotve pisces nutent in aquis , & similia . Non sumus tam fatui adulatores Dei ut dum providentiam ejus etiam ad ima derivamus , in nos ipsos injurijsi simus , eandem irrationabilem , & irrationabilem providentiam esse dicentes .* Hæc ille . Videtur igitur diserte affirmare vilissima quæque , & bestiarum individua non subdi regimini providentiæ divinæ .

Præterea , Multi hominum , imo complures excidunt à fine propter quem conditi dicuntur : nam damnantur propter commissæ peccata , in quibus finaliter decedunt , omni spe videndi Deum sublata , cujus visio , & fruitio est finis supernaturalis naturæ intellectualis , & rationalis : ergo his reprobat , & abjectis Deus immediatè non consulit . Probatio consequentiæ : siquidem optimus subditorum provisor , & consultor non patitur majorem numerum subditorum , quorum est illi cura commissæ , perire in Reipublicæ detrimentum , & perniciem eorum : ergo alienum videtur esse à providentia clementissimi conditoris majorem hominum partem aberrare à præstituto ipsis fine , cum posset illos omnes salvare : non videtur ergo esse illorum immediatus provisor .

Præterea , Secundum Augustinum super Gen. lib. 8. cap. 20. *Deus movet creaturam spiritualem per tempus* , & 3. de Trinit. cap. 4. *Sicut corpora crassiora* , inquit . *& inferiora per subtiliora , & potentiora , quodam ordine reguntur , ita omnia cor-*

*pora per spiritum vitæ , & spiritus vitæ irrationalis per spiritum vitæ rationalem , & ille per Deum :* igitur non omnia Deus immediatè regit , curamque gerit , sed quædam duntaxat immediatè dirigendo , & per hæc inferioribus consulit , ac gubernat .

Præterea , Princeps in Republica humana , quo potentior , & amplioris principatus Dominus , eo pluribus utitur ministris , per quos regit , & administrat Rempublicam : adeo ut ille duntaxat statuat leges , quibus dirigantur subditorum actiones , ministris vero ejus illarum custodia demandata , quatenus satagent , ac invigilent , ut ab omnibus observentur : neque Rex incumbit negotiis , quibus expediendis alios deputavit , nisi fortè quædam devolvantur ad ipsum per querimoniam de facto ; ergo multo magis Rex universorum , post latas leges rectissimas , medijs ministris suis reget , & gubernabit cuncta inferiora : nec enim decere videtur majestatem ejus adeo vilibus , ac exilibus immediatè regendis attendere , & operam dare .

CONTRA , Sapient. 6. *Psallam , & magnum ipse fecit , & equaliter cura est illi de omnibus :* ergo immediatè consulit , providetque omnibus .

RESPONDEO dicendum , Deum , ut immediatè omnibus dat esse , ita & immediatè providet , consulit , curamque gerit , quæ ex intentione ipsius sunt , atque eveniunt : ex eo enim dicuntur quædam fortuito : & non per providentiam disponentem evenire , quod præter , vel contra propositum facientis causæ accidunt . Ille ergo effectus dicitur , estque revera per providentiam directus , & gubernatus , quem quis intendit , dirigens , atque præparans media opportuna , ut fiat : sed Deus omnes omnino effectus per se intendit : nam seu ab ipso immediatè fiant , seu medijs causis secundis velit illis dare esse , ut quilibet est præcognitus certo futurus , ita & per se volitus , atque intentus ; sicuti ergo causa universalior plures per se effectus intendit , ita causa universalissima omnes profusus debet per se intendere , ac velle : præsertim cum universalis provisor sit rerum hierarchiam ita ordinare , ut nihil faciens ad perfectionem ejus , desit : igitur omnibus omnino quæ sunt , & sunt , quæve erunt aliquando Deus immediatè providet , & consulit perinde , ac immediatè vult , etsi quandoque alias causas admittat unâ secum causantes , & producentes . Deinde , quemadmodum Deus omnia condidit juxta leges ab se præfixas suæ innarrabilis providentiæ , ita ipse per se , & solus omnibus media exhibet , quibus unumquodque suum assequatur finem , propriamque perfectionem , quæ ipsis bene fit , & melius , ac si illa carerent , nemo autem alius potuit hæc media præparasse , aut dare : nam id spectat ad entium mutuum coordinationem : ergo nemo proprios fines , & media attingendi illos valet tribuere , nisi primus sapiens , cujus est omnia ordinare & inter se , & ad se ipsum : sicuti ergo omnibus immediatè dat esse sua virtute , ita pariter & per providentiam immediatè ordinat , & dat unicuique media necessaria , quibus attingant , & consequantur propriam perfectionem : exactissimè ergo omnibus immediatè providet , ut & omnibus dat esse immediatè . Rursus , si rector universalitatis immediatè non provideret omnibus , apud ipsum non esset certissima scientia futurorum : id autem insignem insaniam appellat Augustinus , 5. de Civit. cap. 9. igitur oportet Deum immediatam curam , & regimen habere omnium creaturarum . Probatio assumpti : nam Deus ideo certo scit futura contingentia , quia novit determinationem voluntatis suæ immutabilis , & im-

1. diff. ult. 1. p.

1. diff. ult. 1. p. ad primum .

Magist. 1. diff. 39. cap. Et vero .

Doct̃or 1. metaphis. 5.

Magist. 1. diff. 39. cap. Et vero .

4. diff. ult. 1. p. 6. Contra Addi.

Ex art. 2. supra .

1. diff. 97.

2. diff. 8. q. 4. 3. Report. dist. 13. q. 3. 11.

2. diff. ult. 1. p. 6. 1. p. 6. 1. p. 6. 1. p. 6.



pedibilibus. Si vero ipse immediatè non consuleret omnibus: sed creata voluntas foret totalis causa per negationem concursus primi principii, suorum actuum, cum contingenter se habeat ad illos, quoadunque hanc, aut illam partem ponat in esse, nequit id perfectum fieri intellectui divino; nam etsi Dei voluntas sit ad unam partem determinata; tamen quia creata potestas se sola exire intelligitur in actum suum, poterit oppositum velle, ac divina determinaverit voluntas; necessario igitur Deus gerit immediatam curam omnino suæ providentiæ subiectorum. Deinde, nemo subministrare potest alicui media opportuna, & idonea assequutioni finis, nisi ipsum præcognoscat finem, atque illa media eam habeant connexionem cum fine, ut ex illo concludantur sine: sed finis supernaturalis creaturæ intellectualis non est cognoscibilis lumine naturali intellectus; & media necessaria pendunt à Dei voluntate liberè statuente hæc, cum alia potuisset præstinare; ergo quoad providentiam particularem creaturæ intellectualis, & rationalis, impossibile est non illum esse immediatum provisorum, & gubernatorem, qui fuit & conditor ipsarum. Denique, si conditor non est rector immediatus, & gubernator per providentiam creaturarum; ergo aliquis alius erit illarum provisor: hoc fieri nequit; ergo solus Deus regit, providetque rebus, quas condidit. Probatio minoris; Nulla creatura potest esse principium creandi aliquid; ergo nec principium simpliciter conservandi, nec providendi subinde, ut convenit. Unde Damascenus lib. 1. cap. 1. *Creaturarum*, inquit, *conservatio, & gubernatio divinae naturæ majestatem prædicant.* Idem habet cap. 3. ejusdem ergo est potestatis rem conservare, eique providere, ut oportet. Probatur ergo assumptum; Nam omne agens creans est omnimoda causa creati: omnis autem ejusmodi causa est sufficiens principium simpliciter conservandi effectum; quia is à nullo alio dependet, & ab sua causa accipit totum, & completum esse: è contra vero nihil potest aliquid conservare, nisi sit toti rei necessarium, & omnibus ejus partibus, aut per essentiam suam, aut certè per potentiam: igitur quoniam hæc congruunt duntaxat primæ causæ, ut ipsa creat omnia, ita & conservat: & quia nihil aliud ab illa potest creare, ita nec simpliciter conservare, nec proinde, ut convenit, consilium, & providere, nempe juxta id, quod exigit cujusque natura, ac opus est sibi consuli, & præparari ea omnia, quorum indiget ad sui conservationem, & perfectionem; Quare rectissime ait Augustinus 4. super Gen. cap. 14. *Creatoris namque potentia, & omnipotentis, atque omnitenentis virtutis, causa subsistendi est omni creatura, quæ virtus ab eis, quæ creata sunt regendis, si aliquando cessaret, simul & illorum cessaret species, omnisque natura concideret.* Ille igitur est solus, & immediatus provisor omnium, qui omnia sustinet, & conservat: sicut enim immediatè creat, atque conservat, ita & immediata exhibet media in sua providentia preparata.

Ad ARGUMENTA. Ad primum dicendum, quemadmodum ex eo quod Deus est ipsum esse universalissimum juxta ac singularissimum, & à se, nequit aliquid extra ipsum existeri, nisi ab illo, & per illum, & quidem quoad omnem gradum suæ entitatis, & perfectionis: ita & oportere, ut omnibus omnino provideat, tum quoad rationem secundum quam sunt partes Universi, ad cujus pulchritudinem, & perfectionem omnia conspiciant, tum quoad ordinem, quo intimius ordi-

nantur ad ipsum primum in se. Inter sese autem, & ad primum omnia sunt ordinata, quatenus existunt in suis individuis; ipsis igitur individuis Deus consulat, ac provideat oportet, secundum quod convenit, & decet. præparando scilicet unicuique propria media: Ut enim alia ratione conditus est homo, & alia equus, ex August. 83. qq. q. 46. ita aliis mediis consulendum homini, alii equo; Non per artem ergo universalem ad species duntaxat terminatam, ut quidam perperam dicere voluerunt, est omnium provisor, sed magis per artem ipsa individua omnia, & singillatim respicientem; et hæc diversitas individuorum, & materialis videatur intenta gratia specierum, in quibus est diversitas formalis, præsertim in entibus corruptioni subiectis, ubi individuis inditus est appetitus propagandi se, ut perpetuetur esse specificum, cum in se ipsis sint corruptibiles: attamen ordo utranque diversitatem, specificam scilicet & materialem essentialiter includit, ut tactum quoque fuit, q. 14. art. 11.

Ad confirmationem ex Hieronymo, optimè respondet Magister loco citato, dicens rectè sanctum Doctorem negasse, Deum quidpiam nosse alternatim per singula, ac diversa temporum momenta, cum unico, indivisibilique intuitu attingat omnia. Nec item perinde hominibus, ac irrationalibus providere, quia longe nobiliorem, ac excellentiorem curam gerit de nobis, ac de brutis; unde & Apostolus 1. ad Corinth. cap. 9. *Nunquid*, inquit, *cura est Deo de bobus?* Quia tamen testatur Scriptura Sapient. 6. *et illum, & magnum ipse fecit, & equaliter est illi cura de omnibus:* providentiam, & curam universaliter, ac immediatè de omnibus, quæ condidit, gerere, ut habeat unumquodque, quod sibi debetur, & convenit; At specialem tamen providentiam exercere in homines quibus & præcepta tradidit, eisque rectè vivendi legem præscripsit, & Angelos insuper ad custodiam delegavit.

Ad secundum respondeo, consequentiam esse negandam; & ad probationem dicendum, longè diversam esse rationem Rectoris Reipublicæ humanæ, ac provisoris rerum universitatis. Nam ille in quibusdam casibus, non tenetur, nec debet servare, vel judicare secundum leges justas; quum nimirum tale judicium verteretur in detrimentum justis publicis, quod est bene esse Reipublicæ. Casu quo igitur major subditorum pars esset plebenda pœna mortis; quoniam id magnum detrimentum afferat Civitati, justum esset eam legem non servare, vel parcendo Civibus, vel certè mitius puniendo; cum enim his Civitas constet, ac componatur, & ad conservationem ejus latæ sint leges, profecto iis justè vigor de facto eripitur, quotiescunque fini à legislatore intento adversantur. At si pereat major pars hominum damnatorum vel propter peccatum originale, vel actualia, nihil inde detrimenti advenit bono publico rerum universitatis: nam illud non est quoddam unum constatum ex pluribus, ut Civitas: sed est bonum publicum universalissimum, communitate eminentis continentiæ, ad quod proinde ordinantur, & ordinari possunt quæcunque particularia contenta in illo qualitercunque, & quomodoocunque se habeant, atque cum ipsis geratur. Sicut igitur ad illud bonum ordinatur salus æterna justorum, ita & perniciēs damnatorum: nam perinde manifestantur in utrisque perfecti ones diviniæ: nam parcendo, misericordiam, & bonitatem suam ostendit, puniendo autem justitiam suam manifestat: & insimul bonitatem, quatenus ordinan-

Quodlib. q. 14.  
Theolog. q. 1.

De rer. princip. q. 1.  
De primis q. 1.

12. Metaph. q.  
27.

ad ill. 46. q. 1. §.  
Ad tertium.

Quodlib. q. 12.  
De primo.



do culpam per pœnas, melius agitur cum impiis, ac si peccata eorum sicerentur impunita; tunc enim insuper, & ea bonitate carerent, quæ est in iusti correspondentiâ culpæ ad pœnam.

Cum autem additur alienum videri à providentiâ clementissimi Rectoris permittit majorem hominum partem aberrare à præfixo fine beatitudinis, cum nullo negotio posset omnes salvare. Reposio: summa bonitas, & liberalitas optimè intelligitur esse inæqualis respectu plurium. Nam ininitè misericors potest velle dare bona supernaturalia his, & non aliis; quo ostendat se ex libertate summa, & liberalitate id effecisse, & non ex debito, cui reddendum aliquid foret; nec in eo factò ulla evenit injustitia, cum nihil debeat alicui; is ergo, qui relinquitur, & non secundum propositum voluntatis suæ eligitur; non potest conqueri de illata sibi injuria, aut injustitia; imò cum non defuerint sibi media sufficientia ad benè vivendum, & salutem subinde consequendam, misericorditer, & secum actum fuisse, & sua culpa justè damnatum esse, ultro debet fateri.

Ad Tertium respondeo, concedendo Augustini auctoritates; Nam non vult proinde Deum immedietè omnibus non providere, sed tantum uti interventu aliarum causarum, easque admittere in ministerium providentiæ suæ; quod verissimum esse mirabilis universitatis rerum coordinatio ostendit. Eas igitur causas ut media opportuna, & idonea fini ab se intento præparavit, qua sanè in dispositione, & præparatione, energia infinitæ sapientiæ suæ, & providentiæ vis mirabiliter respicet.

Ad quartum dicendum, quod Rector Reipublicæ in humanis, non cuncta immediatè rezat per se ipsum oriri, ac descendere ex finita, & limitata virtute providentiæ ipsius, in ejus proinde subsidium, & commodum publicum pluribus opus habet ministris, qui negotiis expediendis pigrescant, & Principis supplèant defectus. At hæc longè abesse à Principe universitatis, certum est: Itaque etsi ipse rebus humanis alios præciat, ac sinat causas pro cujusque conditione agere proprios motus; ipse tamen omnia in eternitate prævidet, ac præparavit, quemadmodum in tempore geruntur; & quædam quidem se solo exhibet mediorum ad fines, quedam vero interventu quoque secundarum causarum, prout suæ providentiæ, ipsique causis, ac eventibus convenire judicavit.

## ARTICULUS IV.

Utrum providentia rebus provisis necessitatem imponat.

Doct. 1. dist. 40. & 46. utriusque scripti. S. Thom. 1. p. quæst. 22. articulo 4.

De hoc argumento actum supra. q. 19. art. 8.

**V**IDETUR providentia rebus provisis necessitatem imponere: Nam Dei providentia exurgit ex dispositione decretorum voluntatis ejus, à qua providentiæ leges dependent: sed quicquid futurum, aut faciendum decreverit voluntas divina, id est necessario futurum; nulla enim vis est, quæ obfiteri valeat dispositionibus omnipotentis; unde & scriptum est; *Voluntati ejus quis resistet?* ad Rom. 9. ergo Dei providentia rebus volitis necessitatem imponit.

Perterea, Ex dictis articulo primo: Providentiæ divinæ ratio est statuenda in præparatione, &

exhibitione mediorum, quibus unumquodque suam assequi potest perfectionem; nam eo factò egregiè provisum intelligimus iis, quæ sub regimine Dei providentiæ clauduntur. Sed tara præparatio, quàm exhibitio mediorum spectant ad decretum prævertens libertatem omnem creatam; ergo quandoquidem per Dei decretum antecedens adimatur voluntati creatæ indifferentia ad utrumlibet, quia nec efficere potuit quin tale positum sit: est sibi imposita necessitas volendi quicquid in Dei stabili providentia decretum, & dispositum fuit.

Perterea, Deus centrum quoddam est, cujus circumferentia nusquam est: In id centrum autem dirigitur voluntas, quæ per charitatem, seu juxta inclinationem ejus, operatur, tanquam per pondus quoddam, suapte natura tendens in suum centrum; igitur quotiescunque creata voluntas in Deum per charitatem tendit, necessario, pro natura scilicet ponderis trahentis, tendit. Atqui gratia per Dei providentiam præparatur, & confertur iis, quos diligit; igitur divina providentia voluntati creatæ Deum ex charitate diligenti, necessitatem imponit.

CONTRA, Deus res, quas condidit, sic administrat, ut eas agere proprios motus sinat. Secundum August. 7. de Civit. cap. 30. Proprius autem motus causæ liberæ est, ut juxta libertatem, in qua condita est, operetur: ergo is operandi modus per providentiam divinam non leditur, nec minuitur secundum quod & scriptum est, Ecclesiast. 15. *Deus ab initio constituit hominem, & reliquit illum in manu consilii sui. Adjecit mandata, & præcepta sua, si volueris mandata servare, conservabunt te.*

RESPONDEO dicendum, per divinam providentiam non imponi necessitatem causis liberis provisis, sed necessario agentibus imponi necessitatem ita operandi, sic ut nequeant aliter operari, seu causare, ac ipsis fuerit præscriptum. Probatio, divina providentia eo tendit, ut præparet, aptet, & exhibeat causis secundis opportuna media, & propriam naturalem conservandi, & assequendi ultimam earundem perfectionem: sed si causis liberis vim inferret, jam ab hac ratione excideret, nedum enim non consuliuisse ipsis intelligeretur, sed magis datam perfectionem ademisse: ergo tantum abest, ut divina providentia necessitatem rebus provisis imponat, cum si eam omnibus causis imponeret, jam providentia non esset. Nam ad naturalem perfectionem liberè agentium attinet, posse ea effectus suos producere pro libito, nempe agere, & non agere: si ergo omnino agere, ac in effectum exire cogerentur, profecto naturalis earum causarum perfectio, & ratio causandi saltem imminuta esset: Id autem alienum est à divina providentia ulteriorem perfectionem provisorum intendente: igitur liberis causis nulla imponitur necessitas divina providentia. Quod vero causis necessariis imposita sit necessitas, adeo ut nequeant aliter agere ac ipsis præscriptum sit per divinam providentiam, est evidens in omnibus aliis causis citra voluntatem: iis enim determinatus est modus agendi, ut contra, vel præter ipsum agere non liceat. Etsi vero, quoniam in omnibus à prima omnium causa pendent, & in essendo, & operando, nullo negotio ab propriis operationibus impediri queant, ut evenit in miraculis, quæ à Dei potentia præter, vel contra ordinem causarum naturaliter agentium fiunt. Deinde, primum principium disposuit in eternitate per suam providentiam condere rerum universitatem, prout, & præ-

N n

stiric



4. dist. 4. q. 4.  
§. Contra addit.

stitit in tempore, perfectam, non ob aliquam sui utilitatem, sed intuitu bonitatis suæ infinitæ, & ad ostensionem suarum perfectionum; ideo & entia voluit esse inæqualia, ut quod repræsentare non poterat unus effectus, unumque entium genus, fieret ipsa rerum universitate; sed nisi causæ liberæ effectuum liberè productivæ non haberent locum in entium coordinatione, per Dei providentiam haud prospectum esset universi perfectioni; nec infinita libertas primi principij manifestare, ut oportet; ergo divina providentia nedum non admittit libertatem, aut imponit necessitatem causis liberis, sed etiam ad ipsam spectat, & eas producere ad universi constandam perfectionem, atque eas in sua libertate conservare ad ostensionem infinitæ libertatis sapientissimi provisoris. Minor declaratur, nam si desissent universi causæ liberè agentes, potiores, ac præstantiores causæ sibi desissent: & si in actu primo duntaxat tali libertate pollerent, sic ut in exercitio minimè se vertere possent pro libito ad utramque partem, quoad hoc non præstarent, nec præcellerent appetitui sensitivo, sed magis ducerentur à divina providentia, ut ille ducitur ab objectis; ergo ex hac creata perfectione non possemus inferre summam libertatem in primo principio, nec in participata libertate prima, à qua est. eluceret. Nedum igitur non destruitur creata libertas à divina providentia, verum etiam ejus potissimum interest, & eam condere, & salvam conservare, ad fines ab ipsa intentos in condenda rerum universitate. Postremo, si à Dei providentia rebus provisus absolutè necessitas imponeretur; igitur id aut necessario, aut certè ex ejus delectione proveniret. Si necessario, igitur nullum malum esset in entibus; nam providentia divina non intendit malitiam, imò eo tota illius energia, & præparatio collimat, ut omnia mala ab operibus ejus depellantur; illa igitur necessitate rebus omnibus imponente, non superesset locus ulli malitiei in entibus, quia tunc media ab illa provisus exhibita, necessario proprium assequerentur finem: is autem finis est bonitas, & perfectio, & felicitas; ergo cum multa malitia sit inter homines, à causa, quæ in eis consult, prospicit, ac providet, non imponitur necessitas agendi, & operandi juxta illius dispensationem, sed liberè, & voluntariè unam, aut alteram partem licet ipsis amplecti. Si vero ex electione, & voluntariè ipsis ab providentia sit injuncta necessitas sic, vel sic operandi; quæ ergo utilitas fuit leges, & mandata causis liberis proponendi? Nam nulla lege sancita, nec aliquo indito præcepto, adhuc homines à providentia inducerentur quo illi liberet; nec in manu illorum esset legi statuta se conformare, aut dissimulare ad illam agere: fieri ergo non potest, ut stante providentia, res provisæ omnes necessitate agantur: imò non alio tendunt idoneæ, atque præparationes mediorum, quam ut ostendant providentis causæ intentionem primariam esse, ac per se cupere causas liberas illis coagere ad finis assequutionem, ac nullam ab illa necessitatem proinde impositam esse. Huc faciunt dicta supra quæst. 12. artic. 3. §. 8. quæ subinde illis locis citantur.

2. dist. 45.

AD ARGUMENTA. Ad primum respondeo ad minorem, quicquid Deus decrevit futurum, aut faciendum voluntate beneplaciti, seu consequenti, & efficaci, utique repræsentandum esse pro eo tempore, quo statutum fuit: non vero quicquid sibi placitum esse, ut fiat, ostendit voluntate signi duntaxat. Itaque quæcumque per divinam providentiam sunt præparata, ac decreta media exhi-

benda in tempore causis secundis voluntate efficaci, illa infallibiliter exhibentur ipsis in tempore, at ut causis non liberis præbentur, ut plurimum suum sortirentur effectum, seu finem, ad quem sunt & præparata, & exhibita. Dixi ut plurimum, quia impediri queunt à causis potentioribus, secundum naturam agentibus, & multo magis ab eadem causa prima, ut in eventibus miraculosis. Imò ne in potestate quidem causarum liberarum est, media sic à Deo volita non recipere. Verum quia dantur, & exhibentur, gratia assequendi eum finem, propter quem & latæ sunt leges rectissimæ, statuta mandata, & cætera adjutoria supernaturalia donata, atque is finis sit à Deo intentus voluntate antecedenti, & signi, non oportet ut ad ea media divinæ providentiæ consequatur infallibiliter effectus, sed tunc solummodo, quum & ipsa prima causa unà cum voluntate creata decrevit bonum usum eorum mediorum: tunc enim voluntati illius efficaci, cui nemo resistere potest, correspondet infallibiliter effectus: non tamen necessario, nisi extrinseca necessitate, & consequentiæ, ut q. 19. art. 6. §. 8. extitit declaratum: nam non est hic præsuppositio decreti antecedentis ordine causalitatis: quemadmodum in effectuum productione, non prius ordine causalitatis influit prima causa, quia tunc nihil inveniret causandum in signo posteriori causa secunda: Sed utraque causa, ut concomitanter attingit affectum in tempore, ita & unà concomitanter in æternitate decretum posuit, & unam partem contradictionis decrevit. Si autem intelligeretur decretum antecedens ex parte providentiæ divinæ, rebus provisus esset necessitas imposita assequendi finem intentum in exhibitione mediorum, sicuti & respectu receptionis passivæ eorundem mediorum, non est in secunda causa libertas, eo quod antecedenter ad suum decretum fuerint illa præparata, prout & in tempore exhibentur.

3. dist. 17.

Ad secundum concedo divinam providentiam, ut est præparatio, & exhibitio mediorum à se ipsa præcisè pendentium, spectare ad decretum antecedens; ac proinde non esse in manu causarum secundarum quantumvis liberè agentium illam ullo modo impedire, aut immutare, nam Deus efficaci voluntate ea media in æternitate præparavit, ut in tempore cum effectu exhibet. Cum tamen interdum eadem media pendeant à libera positione quorundam effectuum causæ secundæ, consequenter involvant quoque decretum concomitans voluntatis divinæ, quo decreto unà cum causa secunda statuit Deus ponenda esse in effectu, tanquam media ulterioris finis, seu respectu ipsiusmet causæ, ut decretum de concurrente ad materiale peccati, seu respectu alterius, ut libera electio alicujus in Principem ad bonum Reipublicæ. Quoad priorem ergo collationem mediorum, etsi non sit in causa creata libertas, est tamen ipsi libertas operandi, & non operandi juxta mediorum inclinationem; id enim spectat ad voluntatem signi primæ causæ; nulla proinde ex ipsis est ei imposita necessitas, neque quidquam libertatis sibi admittit. Cum vero præterea involvet decretum concomitans, etiam cum tali decreto optimè coheret creata libertas, ut stat cum Dei concursu in tempore exhibito.

Ad tertium respondeo, si creata voluntas necessario duceretur à sibi infusa charitate, profecto, semel illa informata, non amplius posset peccare; quia semper operari compelleretur juxta habitus inclinationem: id autem est evidenter falsum: etsi igitur quoties voluntas habituata meritorie

1. dist. 17.



toris acit operetur secundum illius habitus inclinationem, quæ est quedam pondus animæ tendentis in summum bonum; tamen in potestate voluntatis est agere etiam contra talem inclinationem, ut facit, cum primo peccat, & gratiam abicit. Est enim voluntas gratia informata, eminentior causa respectu actus, quia illimitatio est, ipsoque habitu utitur, & non è converso; per hæc igitur media divinæ providentiæ nulla imponitur rebus provisio necessitas.

# ARTICULUS INCIDENS.

An assequutio finis in ratione formali divinæ providentiæ includatur.

Doctor locis in margine citatis. S. Thom.  
I. p. q. 22. art. 4.

S. Thom. I. p. q. 22. art. 1. §. Ad primum.

**V**IDETUR assequutio finis in divinæ providentiæ formali ratione includi. Esi præter, vel contra intentionem causæ particularis complura evenire possint, ut proinde ipsis ni effectus accidant fortuito; attamen præter intentionem causæ universalis, nihil omnino fieri potest in entibus; ut etiam dictum fuit in *superioribus*, & præferim articulo 2. respondendo ad primum; nullus est igitur omnino effectus, qui ordinem causæ universalis effugiat; ergo ab tali causa est omnis effectus provifus; igitur divinæ providentiæ ratio essentialiter includit finis assequutionem; alioquin haud foret ab ea omnis effectus intentus, & provifus; quia aliqui illi essent fortuiti, ut causæ particulari.

S. Thom. art. 4. ex. in justificatione.

Præterea, Effectuum aliqui sunt contingenter producti, aliqui vero necessario eveniunt, atque efficiuntur à propriis causis: sed divinæ providentiæ fuit præparasse effectibus contingentibus causas liberas, & necessarias necessarias; ergo ordo divinæ providentiæ complectitur omnes prorsus effectus cunctarum causarum; igitur hæc causarum preparatio haud intelligitur completa, & perfecta, nisi una involvat omnes omnino causarum effectus.

S. Thom. q. 22. citatis. 1. & 2. contra Gentem cap. 94.

Præterea, Ratio ordinis rerum in finem, providentiæ divina rectè appellatur à Boetio, 4. de *Consol. prof. 6*. Sed hæc ratio constat ipsa ordinatione rerum, & consequutione finium, ad quos respectivè assequendos providentiæ ordinar, dirigitque media; ergo Dei providentiæ perfecta ratio non habetur sine finis consequutione. Probatio minoris dupliciter; Primo quia impossibile est divinam providentiam impediri, quin finem provifum consequatur, per defectum alicujus agentis, vel patientis; cum ea omnis virtus sit per divinam providentiam causata. Neque fieri potest, ut impediatur illius exequutio per providentis mutationem, cum ipse sit omnino immutabilis; igitur divina providentiæ involvit necessario finis assequutionem.

Caietani probatio super art. primum cit.

Secundo probatur eadem minor: Divina providentiæ ad voluntatem consequentem spectat, & ad omnia quomodolibet entia se extendit, ut causa per se; quæcunque autem Deus voluntate consequenti decreverit infallibiliter eveniunt; igitur providentiæ non tantum ipsum ordinem respicit, sed etiam ipsius ordinationis eventum; nempe finis consequutionem.

Quodlib. q. 21.

CONTRA, Ex August. 7. de Civit. Cap. 30. Deus res, quas condidit, sic administrat, ut eas agere proprios motus finat; volente ergo causa libera quidpiam agere contra providentiæ particu-

laris ordinem, finitur à Deo agere talem motum. Sed eo in facto divina providentiæ non involvit. nec consequitur finem, gratia cujus præstitit media, scilicet auxilia supernaturalia: ergo inconceptu essentiali providentiæ divinæ non cadit assequutio finis.

RESPONDEO dicendum, Dei providentiam non necessario præferre finis consequutionem. Declaratio; ex dictis articulo præcedenti, divina providentiæ non imponit necessitatem rebus à se provifissimo ita liberè agere causas liberas, sentiendum est, perinde ac si per impossibile cure, & regimini supremi Rectoris non subessent. Cum enim reliquerit hominem in manu consilii sui, inunctis a Dei providentissima dispensatione mandatis, potest obtemperare, seque legis divinis conformando, mereri; & non parere jussionibus divinis, & subinde, mandata transgrediendo, peccare; sed si hæc præparatio, & exhibitio mediorum, qualia sunt naturalia, leges rectæ, jussiones, interdicta, & cætera supernaturalia auxilia, ita connectuntur cum fine intento ab eo, qui ea omnia & exhibuit & præstitit, non contingeret ea plerumque irrita fieri per liberum, & contrarium nifum hominis, cui sunt leges propositæ, & adjutoria impensa; ergo hæc ratio preparationis, & exhibitionis mediorum non includit necessario finis consequutionem. Deinde, Rector Reipublicæ in humanis tunc dicitur exactam curam impendisse iis, qui suo regimini subdantur, cum ipsis propositis leges rectas, apprimè conservandæ, atque augendæ Civitatis felicitati idoneas, propositis insuper præmiis rependendis, qui virtuti, & paci publicæ studeant, ac comminatis supplicis infligendis, qui contra leges committere veriti non fuerint. Sed ita se gerit Deus in moderandis causis liberis, quibus proponit, & injungit vitæ mandata, interdictaque legum suarum violationem, interminatis supplicis, atque penis; ergo quemadmodum in exacta providentiæ principis terreni non cadit assequutio finis, sed tantum opportuna preparatio mediorum ad finem, ita nec in divina, ejus potior cura est relinquere universo intactas eas perfectiones, quibus integritas illius, & bonitas constat, quam principi terreno, cui eorum tanti non stat adigere aliquem ad repræsentandum eos effectus, ad quos ipsa media præparavit. Rursus, Dei providentiæ, qua curam gerit rerum humanarum, fatigentis dirigere omnes ad finem, ad quem conditi sumus, spectat ad voluntatem beneplaciti, quatenus præfice involvit antecedens Dei efficac decretum de exhibendis mediis opportunis, seu etiam decretum concomitans, cum utitur causis secundis, vel effectibus earum, loco mediorum; non autem est involvens beneplaciti voluntatem, quantum attinet ad suadenda, vel dissuadenda opera recta, aut obliquatissimo id attinet tantum ad signi voluntatem, quibus signis ostendit quid mandet, vel vetet, aut certè consulat: Aique hæc signi voluntas non semper adimpletur, ut declaratum fuit, *quæst. 19. art. 6.* Ergo in ratione divinæ providentiæ, etsi alias infallibilis, non clauditur, aut involvitur finis cujus gratia & præparantur, & impenduntur media. Denique, Deus omnia propter se ipsum condidit; tanquam bonum universalissimum eminentis continentia; Sed ad tale bonum perinde sunt ordinabilia, & porro ordinantur, tam assequutio finis particularis conditarum rerum, quam opposita illorum; quia nihil eorum est simpliciter necessarium illi: ergo stante omni divina perfectione, stat quod creaturæ liberæ aberrerent à fine ipsis præfixo, & intento à conditore,

Nullus. q. 6. §. Ad primum.

Doct. r. dist. 46. c. 1.

4 dist. 46. q. 1. §. Ad tertium. q. 46. q. 8. §. At autem se fine.



& interim perinde ad aliud bonum universale ordinantur. Etsi igitur per divinam providentiam ea entibus non assequantur finem particularem ipsarum, adhuc tamen ordinantur ad finem universaliorem, qui est ostensio perfectionum divinorum, a quibus spectat nihil inordinatum relinquere in entibus, sicut nihil omnino evenit præter leges à providentia præfixas: adeo ut quoties per liberum arbitrium maluerit quis ab uno ordine providentiæ declinare, incidat in alium ordinem, sive legem ab eadem providentia præfixam, in qua, & per quam pariter ostendantur, & elucet perfectiones divinæ; quemadmodum enim per assequutionem finis particularis ostenditur Dei misericordia, ita & ejus justitia manifestatur per iudicium, quod exercetur juxta leges universales providentiæ in punitione malorum.

AD ARGUMENTA. Ad primum respondeo, aliud esse nihil fieri in entibus, quod non subdat legibus divinæ providentiæ universalissimis: aliud esse providentiam involvere assequutionem finis, ad quem causis liberis media subministrat. Primum enim verissimum est: unde & articulo 2. diximus, omnia ita subiaci divinæ providentiæ, ut nihil fortuitum; & casuale evenire queat respectu summi provisoris: omnis enim effectus causarum secundarum est ab illo provisos, & intentus, sed non quicumque eadem intentione: Nam ea censenda est primaria intentio providentissimi Reëtoris, propter quam edicit suas leges, mandantes, & prohibentes hæc, vel illa fieri debere, ut bene sit Republicæ, & omnibus spectantibus ad illam. Secundaria vero mens, & intentio est, ut transgredientes leges ordinentur per justam pœnam in legibus præfixam. Deus itaque dans naturalia recta, & leges justissimas, insuper & adjutoria illis custodiendis sufficientia, ostendit, atque manifeste significat, velle se *omnes homines salvos fieri, & ad agnitionem veritatis venire*: At quia ejus pariter providentiæ est causis liberis nullam inferre violentiam, ex suppositione quod hæc malint suas leges violare, decuit decrevisse has transgressionem reducere ad debitum ordinem per justas pœnas; omnia ergo illi sunt provisa, & perfecta in eternitate, & voluntate beneplaciti volita, etsi non pari intentione; quia salutem æternam, qui est finis particularis causæ liberæ, voluit primaria intentione; sed voluntate antecedenti, & signi; pœnam vero voluit ex suppositione culpæ, & secundaria intentione, qua tamen ostenderetur summa ejus perfectio, & providentia, ordine inenarrabili cuncta complectens. Si sermo igitur fiat de fine universalissimo, ad quem omnia ordinantur, utique providentia semper involvit finis assequutionem; Sed ad hunc assequendum Deus tantum abest, ut media præparet, aut exhi-

beat, cum ne in eum ordinem incidamus moneat, dehortetur, ac deterreat. At si loquamur de speciali ratione providentiæ divinæ, qua hominum felicitati prospicit, propter quos omnia visibilia condidit, ipsa non includit assequutionem finis, quam ipse intendit in largitione mediorum.

Ad secundum concedo, divinam providentiam omnibus omnino effectibus causas proprias præparasse, ut sicuti effectus necessarii esse nequeunt à causis liberis, ita nec ex liberis necessarii; & pariter concedendum, omnes ejusmodi cunctarum effectus causarum ordine divinæ providentiæ contineri, & complecti, ne in regno providentiæ ullus sit locus temeritatis; Sed tamen non omnes perinde esse provisos, & intentos, eadem scilicet provisoris intentione, sentiendum est. Si enim ita prospexisset effectibus causæ liberæ, ut iis, qui à necessariis causis producuntur; profecto non fuissent ille relictæ in manu consilii sui, nec agere finerentur pro conditione earum. Voluit igitur per se has recte agere, ad præscriptum nimirum legum latorum, & sicuti antecederet dedit ipsis opera recta, ex quo effectus voluntatem liberam, ita & consequenter dedisset, si voluntas impedimento fuisset: ex quo ergo impedire potuit, ne per media acquireretur finis intentus ab eo, qui media exhibuit, ita nec per hanc providentiam necessario finis obtineretur, quamvis ex parte sui, quantum fieri potuit, exacta sit. Et cum dicitur; ergo non est completa, & adæquata providentia, si excidit à finis intenti assequutione. Responsio; est omnimoda, & adæquata providentia, quæ exerceri possit cum causis liberis; dato quod permittantur agere proprios motus, nec enim aliquid ipsis ad salutis consequutionem deest, si uti recte vellent mediis misericorditer ipsis impensis.

Ad Tertium, neganda est minor. Et cum primo probatur; quia divina providentia est impedibilis, & immutabilis. Responsio; à nulla causa agente, vel patiente impediri potest; quin media præparata, & voluntate beneplaciti volita, dentur omnibus, quibus exhibentur: Sed ex quo hæc eadem providentia præparavit effectibus liberè producendis causas liberas, fieri potest, ut illis mediis ad finem per se intentum non utantur, quo facto equidem finis non cadit in providentiæ primaria intentione: etsi deinde alterius providentiæ legibus statutis de secundaria intentione subiciantur quotquot à fine particulari, ipsis à provisorio optato cadunt per propriam pravitatem: ex quo leges à providentia late sunt immutabiles, & necessariæ necessitate non absoluta, sed conditionata, ex suppositione scilicet, quod ita statuta sint, ut simpliciter sanciri non potuerint. Secunda minoris probatio explosa est ex dictis in solutione, & in articulo precedenti.

2. diff. 37. q. 2.  
Ad solutionem  
istorum.



Tomus I. Pars I. Quæstio XXIII. Art. I.  
**QUÆSTIO VIGESIMATERTIA**  
**DE PRÆDESTINATIONE,**  
**IN OCTO ARTICULOS DIVISA.**

285

*Post considerationem divinæ providentiæ agendum est de prædestinatione, & de libro vitæ.*

**ET CIRCA PRÆDESTINATIONEM QUÆRUNTUR OCTO.**

- I. Utrum Deo conveniat prædestinatio.
- II. Quid sit prædestinatio: & utrum ponat aliquid in prædestinato.
- III. Utrum Deo competat reprobario aliquorum hominum.
- IV. De comparatione prædestinationis ad electionem, utrum scilicet prædestinati eligantur.
- V. Utrum merita sint causa, vel ratio prædestinationis, vel reprobationis, aut electionis.
- VI. De certitudine prædestinationis, utrum scilicet prædestinati infallibiliter salventur.
- VII. Utrum numerus prædestinatorum sit certus.
- VIII. Utrum prædestinatio possit juvari præcibus Sanctorum.

**ARTICULUS I.**

**Utrum homines prædestinentur à Deo.**

*Doctor 1. dist. 40. & 41. & Quodlib. quæst. 21.  
 ad finem. 4. dist. 49. quæst. 2. & Tertia  
 conclusio. 5. Thom. 1. part.  
 quæst. 23. art. 1.*



**V**IDETUR homines à Deo haud prædestinari. Nam ex dictis, q. præcedenti articulo primo, & secund. Regimini, & curæ divinæ providentiæ omnia subduntur, ex eo quod ad propriam perfectionem, quæ ita est in

cujusque finis assequutione, ordinentur exhibitione mediorum idoneorum. Sed hoc factio existimandum, est sufficienter prospectum esse humano generi, ut satis ea cura cæteris omnibus provisum fuit; alioquin deterioris conditionis foret homo, ac sint alia, quibus rerum universitas componitur; ergo non aliam curam gerit hominum Deus, quam universalis provisoris, quam tamen exactissime singulis specierum omnium individuis consultit, providet peculiaremque curam impendit; igitur homines non prædestinantur; prout eo nomine significatur alia ordinatio, seu cura, & regimen speciale ultra universalis Rectoris providentiam.

Præterea, Si homines prædestinantur à Deo; igitur aut propter merita, & demerita ipsorum, aut id descenderet ex libera electione divinæ voluntatis, si primum; ergo cum merita sint ex bono usu humanæ voluntatis, vel eadem esset cuiusque prædestinatio, & non à Deo: Si secundum; igitur quoniam à Deo haud omnes prædestinari dicuntur, ipse esset acceptator personarum, cuius oppositum testatur Apostolus, 2. ad Rom. non igitur homines prædestinantur à Deo.

Præterea, Hominum prædestinatio si foret admittenda, præsupponeret mediatoris excellentissimi merita, tanquam capitis: unde in corporis membra descenderent omnia supernaturalia dona. Sed mediatoris merita satis fuissent omnibus prorsus hominibus prædestinandis; ergo cum non omnes prædestinati dicantur, nec aliquis videtur esse prælest natus; præsertim cum id apprimè congruat summæ liberalitæ divinæ, quæ est infinite

communicabilis, ac proinde æqualiter omnes prædestinati fuissent.

Præterea, Hominum prædestinatio aut facta foret ante prævisionem peccati, aut post prævisum peccatum. Si prius, quam Dei scientia terminaretur ad peccatum futurum; ergo non videtur congruere huic divinæ voluntatis proposito, si electioni, permittere prædestinatos ad gloriam, infici peccatis. Si post prævisionem peccati; igitur nisi peccatum extitisset, haud consequuti fuissent homines adeo ingens bonum, uti est sempiterna felicitas; lætarentur ergo prædestinati de lapsu aliorum, atque ita non displiceret ipsis, ut decet Sanctos, offensa Majestatis Divinæ.

*CONTRA, Cujus culti miseretur Deus, & quem vult, indurat.* Ad Rom. 9. misericordiam appellans prædestinationem; obdurationem vero, gratiæ privationem. Sed non est intelligendum, Deum quemquam indurare, quasi ad peccandum impellat, sed ob hoc indurare dicitur, quia eorum non miseretur. Eorum autem non miseretur, quibus gratiam non esse præbendam æquitate occultissima, & ab humanis sensibus remotissima, judicat: ait August. ad Simplicianum lib. 1. Est igitur Deus prædestinans homines, quorum miseretur.

RESPONDEO dicendum, Homines revera à Deo prædestinari, id est eligi, atque ordinari ad gloriam, & ad gratiam, ut medium assequendi illam. Declaratio: Natura rationalis naturaliter inclinatur ad illud possidendum, eo modo quo possibile est possideri, in quo sita est ipsius summa, & ultimata perfectio, adeo ut optima hæc, ac completa perfectio à nullo alio queat sibi inesse, ac proinde cum ab illius perfectione exciderit, sit necessario sub maxima imperfectione: Idque nondum est verum in appetitu naturæ rationalis, sed etiam in habentibus quemcunque appetitum, si animalium, si vegetabilium, non habetur ultimata perfectio, nisi habito eo, quod tali appetitu propter se appetitur. Natura autem rationalis, ut & intellectualis, nata est ultimata, & maxime perfici in eo solo, quod sibi est propter se volendum: ergo cum tale volendum aliud esse non possit, quam supremum, & infinitum appetibile: hoc enim solum est simpliciter propter se volendum, cætera vero omnia propter aliud, & propter ultimum finem, qui est ipsum summum appetibile: igitur naturæ rationali solummodo completè bene est, cum pervenerit, ac assequuta fuerit supremum id appetibile eo modo, quo id fieri potest: & secundum quod inferiora perficiuntur in superioribus: non quasi evadant, transcantque realiter in illa, aut ipsi

*dist. 7. q. 3. 5. sent.*

*Magis. 1. dist. 40. cap. 1. C. 1. q. 1.*

*Hæc declaratio supponit veritatem nobis manifestatam in scripturis, ut 8. ad Rom. ad Ioh. cap. 1. ad Corinth. 1. cap. 2. Matthæi 23. & alibi facit quæstiones.*

*Prologi, q. 1.*

*4. dist. 2. q. 1. 3. dist. 19.*



ipsis imperfectioribus superiora formaliter inhæreant; Sed attingendo illa per operationem propriam, atque ita possidendo, atque habendo eo modo, quo fieri potest. Nec mirum aliquid perici in extrinseco sibi, quia attingendo extrinsecum, & maximè perfectius, acquirit ulteriorem perfectionem, quam posset habere in se, & ad se. Ultimata igitur, & summa perfectio naturæ rationalis sita est in possessione illius, quod est propter se volendum: Atqui fieri nequit, ut natura rationalis, aut quævis alia creata propriis viribus attingat id appetibile summum propter se volendum, ad quod maximè inclinatur, & in quo sita est adæquata ipsius perfectio, & felicitas. Si quidem adhuc id objectum sit, ad quod natura intellectualis maximè inclinatur; tamen excedit omnes vires creatas; nam si vult videtur quidem, & attingitur ab intellectu finito: si non vult autem, non videtur, neque possidetur per operationem tendentium in ipsum; opus est ergo ad hujus felicitatis consequentem extremo adiutorio, per quod adjuvetur, ac dirigatur ad finem, in quo est ipsius ultimata perfectio, & felicitas; Hæc autem ordinatio ad finis consequentem, & præparatio, ac largitio eorum, quibus natura intellectualis, & rationalis adjuvatur, ne zerberet a fine, prædestinatio est; homines igitur revera prædestinantur à Deo, per quam prædestinationem, & ordinationem propriam atque ultimam adinseuntur perfectionem; est enim quamplures ab eo fine excidunt, omnes tamen eo frustrari non decuit: quia tunc appetitus ad summi appetibilis possessionem frustra datus esset creaturæ rationali, si illo careret fine perfectivo secundum totam speciem suam.

AD ARGUMENTA. Ad primum dicendum entibus in ordine naturali satis, atque exactè consultum esse per curam generalem Reſtoris rerum omnium; nam quoniam finis eorum naturalis non excedit propriam virum facultatem, cum generali Dei concursu potest unumquodque naturalem perfectionem acquirere, sitam in ejus finis assequutione; at naturæ rationali ulteriorem finem præfixit Deus, necdum proprias excedentem vires, sed etiam totius naturæ creatæ; ac proinde providentia illa generali, qua omnibus consulit, nequit perducere ad illius possessionem; quia etiam ut intelligitur providere causis liberis leges rectas proponendo, & cetera adiutoria supernaturalia subministrando, quæ sequuntur ad eam voluntatem, qua vult omnes salvos fieri, non habetur efficax ordinatio ad gloriam, & ad alia in ordine ad illā; nam hæc voluntatis secundum propositum eligentis sunt; illa vero ad signi voluntatem spectant; siquidem significat quidem Deus se optare, ac vellem quantum est ex parte sui leges propositas servari, mandata adimpleri, ac vetita denique omittere, tamen non vult aliter se gerere, eligentibus vim ullam inferre, imo subinde relinquit hominem in manu consilii sui sic, ut facere valeat quicquid sibi libuerit. Alia ergo electio, & ordinatio requiritur, ut aliquis sit ad gloriam præordinatus, adeo ut ab ea excidere non possit, stante ea præordinatione. Cum itaque subditur ex eo videri hominem esse deterioris conditionis, ac sint cetera, quæ ex se ipsa propriam adipisci possunt perfectionem. Responsio; imo oppositum debet inferri; nam rationalis, & intellectualis natura propter eorum perfectionem, qua præstant cæteris habentibus appetitum, ordinantur ad finem excellentissimum, earum conatum omnem, & vires in infinitum excedentem. Hinc quicumque alius appetitus appetit extrinsecum propter naturam,

cujus est appetitus, ideo non conjungit alicui simpliciter appetibili, quam sit esse naturæ, cujus est. At voluntas amat aliquid nobilius se, & plusquam naturam illius, cujus est, & ideo conjungit appetibili, & in se, & sibi, quam sit natura, cujus est.

Ad secundum dicendum, sentientes homines prædestinari à Deo propter bona merita prævisa docent & rectè non esse attribuendam prædestinationem ipsis prædestinatis, sed Deo prædestinanti, quippe qui det & gratiam sine meritis, ex qua, & per quam sunt quæcunque bona opera, & merita; Sed tamen quia gratia, fides, merita, & bonus usus liberi arbitrii, sunt ordinata ad gloriam, ut ad finem; & ordinatè volens prius vult finem, quam ea, quæ ad illum ordinantur, non videtur volita gloria prædestinatis propter alicujus mediæ prævisionem. Et cum contra arguitur; quia tunc Deus videretur acceptator personarum, quosdam duntaxat, & non omnes prædestinando. Responsio; quoniam electio ad gloriam nulli creaturarum est debita, sed tantum ex summa Dei liberalitate eligentis, nemini occurrere potest justa causa querelæ, cur non sit prædestinatus. Stat ergo cum maxima Dei liberalitate aliquos, & non omnes ad gloriam esse præelectos; vel non omnibus equalia bona fuisse volita; nam ut est liberalis, ita liberrimè bona, quæ vult, largitur; Si autem omnes perinde de illis participarent, videretur non secundum rationem infinitæ libertatis se gerere circa omnia alia à se ipso. Neque ulla est tali in facto acceptio personarum; quia creaturæ non amantur à divina voluntate, quia bonæ, sed è converso, nempe ideo bonæ, quia amantur, atque ita de bonitate participant; nequit igitur respectu Dei esse acceptatio personarum, quia nulla est in creaturis bonitas, quæ sit sibi ratio, ut ametur à Deo.

benè usuri mediis ad salutem collatis; at electi iidem sunt in utraque providentia; est tamen reprobi voliti sint secundaria intentione; & quia non stetit innocentie status, tamen possunt inſervire electis; & gratia illorum permittuntur eos exercere, & etiam ad tempus prævalere in bonum ipsorum electorum.

Ad tertium, sentiendum est Christum esse caput, & principem omnium prædestinatorum, ac proinde gratia illius omnes volitos fuisse, ut essent ministri, servi, & subditi illius, & etiam membra corporis mystici, cujus Christus est caput. Quemadmodum ergo quorumcunque præparatio, & exhibitio mediorum, quibus liberantur quotquot liberantur, de meritis illius descendit, ita & volitio finis, ad quem illa ordinantur media, esse videtur intuitu volitionis ejus, propter quem voliti sunt iidem electi, is autem finis est gloria prædestinatorum. Et quamvis merita prævisæ passionis Christi esse nequiverint ratio prædestinationis aliorum; quippe qui ante passionem prævisam erant ad gloriam præordinati; nihilominus alia, & priora Christo erant merita per actus dilectionis objecti infiniti. Et secundum quæ Adamo non peccante advenisset hominum non Redemptor, sed glorificator; & fons omnis gratiæ, & supernaturalium donorum, quæ ipsis collata fuissent. Sed arguebatur: horum intuitu meritum poterant justè eligi à Deo omnes homines, sicuti per eadem gratiam promeritam largitus fuisset. Respondeo, si Adam non peccavisset, soli electi essent nati, atque electi fuissent intuitu meritum Christi. At quia justitia originalis non stetit, alii insuper nascuntur, quibus & Christi merita glorificandis utique satis essent, si ipsi largitis mediis rectè uti vel-

Hæc Doctrina de electione aliquorum & non omnium ad gloriam, procedit præsentem providentiam. Nam in alio systemate divine dispensationis, secundum quod per se, & primo innocentie statum voluit, omnes electi erant; quia, nullus reproborum erat futurus; sed is status, quia volitus degenere, ad voluntate creata non stetit; ideo & permixta est voluntas in ordinationi subiecta agere, ut sibi libitum fuit. Hinc nati, & reprobi, id est, qui non erant

3. diff. 7. q. 3. & diff. 19. & diff. 32.

2. diff. 20. q. 3.

Theorem 23. conclusio.

Quodlib. 9. 1. 1. Prologi q. 1.

4. diff. 49. q. 1. 2. 6. Ad primum principale. V. Ad aliud.

1. diff. 46. q. 6. Ad primum.



vellent; tamen impedire non possunt consilium Dei de danda gloria jam prædestinatis, etsi plerique ex his nascantur ex non electis secundum præsentis providentiæ ordinem; illi autem extitissent etiam in alterius providentiæ systemate; in quo scilicet innocentiam Adam non perdidisset; & soli quidem erant futuri; quia quodcumque grave peccatum innocentiae statum evertisset. Breviter in utraque providentia eisdem electi essent; in casu quo innocentia stetit, nullus reproborum in lucem editus fuisset, his electis gratiam, & reliqua media ad salutem, quia Christus promeruit, & gloriam pariter videtur promeruisse, stante primitate suæ electionis, ex qua est omnium princeps, & caput, & si extiterit causa talis electionis primaria intentione, juxta quam & fuit voluit innocentiae status, pariter & post prævisum peccatum promeruit gratiam medicinalem, qua sanarentur vulnera inflicta animæ ex peccatis, firmo stante eodem electionis divinæ proposito, quod sicuti advenit prædeterminationi electorum, ita etsi effecerit ut & reprobi nascerentur, non tamen exinde factum est, ut mutaretur divinæ electionis propositum. Merita itaque prævisæ passionis fuerunt oblata à Christo in satisfactionem peccati originalis, & provenientium ab ipso, ut verissimè propterea sit omnium Redemptor, sed intuitu eorum nullus est electus ad gloriam, quia electionis negotium absolutum fuit independentem ab omni peccato, & à Christi meritis ex passione prævisis; quamvis alia ex parte, quoniam promeruit gratiam medicinalem, quisque per Christi merita ab vulnere peccati originalis sanatus, posset sibi gratiam collatam servare, & per eam ad salutem æternam pervenire; nam Deus non destruit munera sua in anima, nisi quia ipsa sua mala voluntate demeretur, ut Deus abiiciat eam è numero amicorum suorum.

Ad quartum respondeo ex dictis, videri prædestinationem factam esse ante prævisionem peccati, & quidem intuitu meritum Christi, qui in Mundum venisset, etiam nullo existente peccato. Et cum contra arguitur, quia id minus congruere videtur ordinationi electionis divinæ; permittere nimirum electos ad gloriam infici peccatis. Responsio, Deus eousque est sapiens, bonus, ac omnipotens, ut valeat etiam de malis bona elicere; & ita revera permittit etiam electos interdum labi in peccata, ut exinde humiliores, & cautiore resurgentes, alacrius pergant, ac insistant servandis Dei mandatis, atque ita tandem adimpleatur in ipsis propositum divinæ electionis. Nihil ergo est hic alienum, ac repugnans divinæ ordinationi, imo in tali rerum dispensatione, ordine, ac providentia eminentissimè elucet sapientia, & bonitas divina. Putantes vero electionem ad gloriam factam esse post prævisum peccatum: patet qualiter non est ulli lætandum de lapsu alieno, cum quisque nascatur filius iræ, & exclusus à regno felicitatis æternæ: sed tantum exultandum de infinita bonitate, & misericordia divina, cui complacuit hos, & illos è massa perditionis liberare: cum omnes in peccato potius derelinqui meruissent, aut debuissent, quibus tamen demeritis non obstantibus, secundum misericordiam suam salvos nos fecit.

## ARTICULUS INCIDENS.

Utrum prædestinatio sit actus intellectus, vel voluntatis divinæ.

Doct. 1. dist. 40. § prout in margine annotatur.  
S. Thom. 1. p. quæst. 23. art. 1. in solutione.  
Ubi S. Thomista.

**V**IDETUR ad gloriam electos prædestinare non ad voluntatem, sed ad intellectum divinum pertinere. Nam prædestinatio quadam pars providentiæ est: prout scilicet ad objecta terminata intelligitur: Sed providentia est ratio ordinis omnium in finem in mente Dei existens, ergo & ratio transmissionis creaturæ rationalis in finem vite æternæ, qui est ipsa prædestinatio, est actus intellectus divini.

Præterea, Secundum Augustinum, de bono perseverantiæ, cap. 14. *Prædestinatio est præscientia, & preparatio beneficiorum Dei, quibus certissime liberantur quicumque liberantur*: Sed præscientia ad intellectum pertinet: ergo & prædestinatio est formaliter actus intellectus ordinantis, ac disponentis media, quibus electi finem infallibiliter assequantur: ordinare enim omnia munus intellectus sapientissimè est.

**C**ONTRA, Per hoc quod intellectus ostendat voluntati naturam beatificabilem, & ordinem omnem, & media, quibus ad gloriæ possessionem perveniat, non intelligitur aliquis prædestinatus ad gloriam: sed duntaxat gloriæ capax: sunt enim omnes illæ complexiones, & propositiones ex earum natura neutra, non habentes nimirum determinatam veritatem, nisi per actum voluntatis, quæ est prima regula quorumcumque agibilium: ergo & prædestinare ad gloriam creaturam intellectualem, & rationalem, solius est voluntatis.

**R**ESPONDEO dicendum, revera prædestinationem esse actum voluntatis, & non intellectus, nisi concomitanter, qua enus facta per voluntatem prædestinatorum determinatione, mox intellectui perspecta sunt, & evidenter voluntatis immutabilis rectissima decreta. Declaratio: Deus, quos prædestinat ordinando ad gloriam, & gratiam, non necessario, sed liberè & contingenter prædestinat: nec enim aliter se habet Deus respectu aliorum fastibilium, ac in ordine ad prædestinationem: imo perinde eademque libertatis ratione respicit omnia secundaria objecta extra se: potuit ergo non prædestinare, quos prædestinavit: quemadmodum potuit non condidisse ea omnia, quæ extra se liberè, & contingenter fecit. Sed liberè, & contingenter factorum principium immediatum est voluntas, & non intellectus, nisi quatenus eorum, quæ à voluntate liberè procedunt possibilitatem speculativè ostendit. Non enim dicitur practice ita fieri oportere: quia tunc voluntas divina, aut necessario esset conformis dictamini intellectus respectu fastibilium, aut certe posset agere non rectè, id est, contra distans rectum: utrumque autem est falsum: quia nihil extra se necessario vult: Et quicquid vult ex eo quod est volitum, est justum, & rectum: cum igitur prædestinationis principium nequeat esse aliud, quam voluntas, profecto prædestinatio non est formaliter actus intellectus, sed voluntatis.

Est ergo prædestinatio ordo electionis per voluntatem divinam, alicujus creaturæ intellectualis, vel rationalis ad gratiam & gloriam. Vel ordo electionis creaturæ intellectualis, aut rationalis ad

J. Thom. in præsen. quæst. art. 2.

1. dist. 38.

1. dist. 39. §. Finis de contingenti.

1. dist. 38. 4. dist. 45. q. 1.

1. dist. 7. q. 3. §. Respondeo.

2. dist. 20. q. 2. §. Dico.

glo-

5. dist. 37. q. 2.

4. dist. 46. q. 4. in Addis.



gloriam principaliter, & ad alia in ordine ad gloriam: qualia sunt: gratia, fides, meritâ, & bonis uoluntatis liberi arbitrij: hæc enim omnia ad illius finis assequutionem ordinantur, licet quædam remotius, & quædam propinquius. Quoniam vero Deus est ordinatissimè volens, & quicumque ita procedit in volendo prius vult finem, & exinde ea, quæ ad finem ordinantur, quippe quæ sint volita gratia illius; per prius est volita gloria creaturæ intellectuâli, & rationali, & per posterius sunt volita quæcunque ex divina lege necessaria sunt ad ejus finis assequutionem: ea autem sunt gratia, meritâ, & bonus usus liberi arbitrij: principaliter ergo prædestinatio est ordo electionis ad gloriam, & ad alia Dei beneficia in ordine ad illam: quorum beneficiorum preparatio est virtualiter volita, cum explicitè, & formaliter intenditur finis ab eligente.

Ad ARGUMENTA. Ad primum respondeo, posse nos loqui de prædestinatione, aut juxta priorem ejus significationem, aut secundum posteriorem. Primo modo, concedendum est, prædestinationem esse quandam, seu specialissimam Dei providentiam, qua curam gerit rationalis, & intellectualis naturæ, exhibitione idoneorum, atque efficacium mediorum, quibus infallibiliter ii, quibus ita proviſum est, assequuntur finem, adeo ut id prædestinatio addat ad generalem providentiæ rationem, quod ipsa infallibiliter involvat finem, ad quem dantur & media: his enim mediis certissimè liberantur quicumque liberantur. Sed juxta posteriorem descriptionem, cum prædestinatio sit principaliter intentio, & volitio efficax finis, & aliorum in ordine ad illum, ipsa haud providentia appellanda videtur, nisi virtualiter, quatenus nimirum in efficaci volitione finis clauditur virtualis volitio mediorum, per quæ est attingendus talis finis. Et cum subditur: providentia est ratio ordinis in mente Dei existens. Responsio ex dictis articulo primo quæst. præcedenti. §. Ad primum; providentiam non esse ordinem fiendorum, quatenus eorum omnium possibilitas voluntati per intellectum ostenditur: sed magis ordinem ab divina voluntate præfixum: unde & leges providentiæ exsurgunt. Hæc autem omnia per se, & primo pendere à divina voluntate, quæ cum statim ac ab intellectu fuerint scita, & apprehensa, est in divina mente ratio providentiæ, id est, novit, atque uti rectissima, approbat quæcunque voluntas statuit, atque ordinavit circa faciendâ; & consequenter etiam prædestinationem esse rationem, qualis est providentia; id est, ordo, & lex ab divina voluntate præfixa, secundum quam ordinationem transmittuntur creaturæ rationales, & intellectuales ad finem æternæ vitæ, propterea quod ipsis sit efficaciter volitus talis finis, & media in ordine ad illum.

Ad secundum respondeo, idem esse media præparare, ad quorum efficaciam sequatur finis assequutio infallibiliter, ac eligi per voluntatem divinam ad gratiam, & gloriam. Sicut ergo ordo iste electionis non ab intellectu, sed à voluntate est: (nam potuit non esse, aut alium omnino statutum fuisse) ita & mediorum efficacium præparatio ab eadem libera, & omnipotentissima voluntate Dei debet præficisci, disponi, ac aptari. Porro Augustinus præscientiam præparationi mediorum addit: vel quia illam præparationem mediorum, & ordinum possibilem scientia necessaria præcedit: vel quia præscientia libera illam concomitatur. Et si ergo Deus necessario præsciat, quæ ipse decernit, ordinat, & disponit in eternitate: non tamen à præ-

scientia sunt illi ordines, leges, & dispositiones; quia ut ea omnia essentialiter contingant, ita illorum immediatum, & proprium principium est causa liberè, & contingenter operans, & causans; est ergo intellectus apprehensivus rectitudinum, ordinum, & decretorum, sed non effectivus illarum; ut quæst. 14. articulo 16. declaratum fuit.

## ARTICULUS II.

Utrum prædestinatio aliquid ponat in prædestinato, seu, An sint aliqui effectus prædestinationis.

Doct. 1. distinct. 41. §. Potest aliter dici  
2. dist. 20. qu. 2. in Report. ibidem.  
3. dist. 7. qu. 3. in Report. qu. 4.  
5. dist. 19. §. 32. in Report.  
ibidem. S. Thom. 1. par.  
q. 23. articulo 2.

VIDETUR prædestinatio nihil ponere in prædestinato. Nam per hoc quod aliquis est prædestinatus, ex prædestinatione ejus voluntas non est confirmata in gratia, adeo ut amplius nequeat peccare; imo stante prædestinatione, prædestinatus potest à justitia declinare, & à gratia excidere, & in peccatis perseverare usque ad finem, & tandem damnari; igitur prædestinatio nihil ponit in prædestinato; cum perinde ii se habeant, ac non prædestinati.

Præterea, Si intuitu prædestinationis quidquam à Deo impensum foret ipsis prædestinatis, maxime id esset Christi incarnatio, Sacramentorum institutio, legis diviæ, & evangelicæ promulgatio, vocatio, illuminatio per gratiam, & denique ipsa justificatio: Sed nihil horum intuitu prædestinationis representatum fuit, & gestum circa prædestinatos; ergo ex prædestinatione nihil peculiare præstitum est ipsis electis. Probatio minoris; nam illa omnia enumerata, & alia ejusmodi communia sunt prædestinatis, & non prædestinatis; pro omnibus enim Christus mortuus est, & omnibus meruit quæcunque dona supernaturalia ipsis conferuntur; & confirmiliter Sacramenta sunt remedia universaliter cunctis omnino communia, & ipsa justificatio denique interdum à reprobis participatur; quanquam non profutura ad æternam salutem.

Confirmatur, Prædestinationis decretum statuitur à divina voluntate efficaci, consequente, & beneplaciti: sed illa, quæ dicuntur prædestinationis effectus, spectant ad voluntatem signi, secundum quam vult omnes homines salvos fieri; ac propterea statuit leges rectas, ac communia omnibus remedia exhibuit; ergo hæc non impenduntur gratia prædestinationis ipsis electis.

Præterea, Prædestinatio si quos effectus poneret in Prædestinatis, ii utique effectus, ut tales necessario iuxta causâ unirentur, & peristerent stante causâ; nam causâ, & effectus simul sunt, & non sunt. Sed stante prædestinatione, qui ponuntur illius effectus non sunt, id est, possunt non esse; Si quidem justificatio, & gratia sanctificans à prædestinatis amittuntur per mortale peccatum: ergo hæc non pendunt ab æterna prædestinatione, ut effectus à causâ.

Præterea, Prædestinatio secundum Augustinum, de bono perseverantia cap. 14. est præscientia beneficiorum Dei: sed præscientia non est in præscitis, sed in præsciente: ergo nec prædestinatio

tantate pendere cõsideratur? Ut enim i. his, acciont ubi ab intellectu cogitari; quia per se respicit potentiam ideam per accidens necessariam.

1. dist. 40.

3. dist. 7. q. 3. 2. dist. 19.

4. dist. 2. q. 1. & dist. 1. q. 3.

1. dist. 46.

Quæst. 15. c. 21. sub finem.

Gaiet. hic super art. 1. vult ordinem non ex-cogitatum, sed ordinem statum in mente Dei, esse prædestinationem. Sed si per voluntatem fuit statum, & non per mentem, cur potest non erit prædestinatio, ut a vo-

S. Thomæ ratio hic. 8. Ad obsequium pro solutione.



inest in prædestinatis, sed in prædestinante.

CONTRA, Ad Rom. S. *Quos autem prædestinavit, hos & vocavit: & quos vocavit, hos & justificavit: quos autem justificavit, illos & glorificavit*, vocatio igitur, & justificatio, & glorificatio sunt effectus prædestinationis; hæc igitur omnia æterna Dei prædestinatio efficit, ac ponit in prædestinatis tempore statuo.

RESPONDEO dicendum, revera prædestinationem in genere causæ finalis habere, & porro ponere effectus suos in his omnibus, qui secundum propositum voluntatis divinæ, idest, voluntate beneplaciti, atque efficaci, sunt ordinati ad gloriam, adeo ut ipsius etiam gloriæ consequutio, & repræsentatio exequutiva sit effectus ipsius prædestinationis, quæ principaliter eadem intenditur gloria; & alia in ordine ad illam; finis enim in intentione est causa sui ipsius in executione. Sed juvabit per partes rem declarare, esto igitur.

Primum dictum; Adventus Christi in carne passibili, exitit verissimè prædestinationis effectus. Nam quamvis, si Adam datam sibi à Deo innocentiam conservasset, Christus in carne venisset, & insuper omnes illi exitissent, qui nunc electi sunt, (incredibile enim videtur adeo ingens, & eximium bonum, qualis est Christus, fuisse à Deo prædestinatum occasione Adæ peccati; cum tamen gloria, & gratia ipsius Adæ fuerit volita priusquam prævideretur ipsius peccatum) attamen quia Adam ab innocentia excidendo, omnem suam posteritatem culpa obstrinxit; Unde & Deo inimica nascitur, nequibat Dei propositum circa electos adimpleri secundum iustitiæ, & sapientiæ infinitæ leges, nisi majus, & gratius obsequium Trinitati exhiberetur, quam illata displicisset offensæ; id autem obsequium solus Christus potuit obtulisse, qui cum esset plenus gratiæ, & veritatis, Deo erat longe acceptissimus; is ergo ob immensam charitatem Dei, & proximi perferendo acerbissimam mortem meruit, ut pro curandis vulneribus peccatorum, gratia daretur etiam immerentibus, atque ita segregati à consortio amicitie divinæ, per charitatem Deo unirentur, ac per Sacramenta ab ipso instituta homo perfectè disponderetur, & præpararetur ad gloriæ sempiternæ consequutionem. Atqui evidens est, hæc præstari ab eo minimè potuisse, nisi in carne passibili natus esset; ergo propter electos præcipuè (pro quibus & suam passionem efficaciter obtulit, & ita fuit acceptata; ) in carne mortali, ac injuriis contrariarum qualitatum, & disconvenientium obnoxia objectorum nasci dignatus est; ipsis enim electis alioquin accessus, & aditus ad amicitiam divinam non patuisset. Nam ut variationem quodam modum ex peccato passa est prior ordinatio divina; ita secundum alium providentiæ ordinem erat asserenda ægris medela. Si ergo in carne non passibili venisset (quod fuerat futurum Adam non peccante (nec gratiam medicinalem attulisset, idest, uberiori, qualis, & quanta necessaria fuit naturæ lapsæ, infirmæ, ac fauciatæ, quia ubi abundavit delictum, superabundavit & gratia).

Secundum dictum, gratia, fides, merita, & bonus usus liberi arbitrii sunt prædestinationis effectus. Etenim hæc omnia ordinantur ad consequutionem felicitatis æternæ: ea siquidem sunt, per quæ certissimè liberantur quicumque liberantur; ergo donantur à Deo naturæ beatificabilis ejusmodi beneficiis gratia prædestinationis, ac proinde prædestinatio hos causat, & ponit effectus in prædestinatis.

Tertium dictum, Mundus ipse sensibilis est effectus.

Tomus I.

lectus prædestinationis: idest, volitus propter prædestinatos. Declaratio: Omnis rationabiliter volens vult primo finem, & secundo illud, quod immediate attingit finem, & tertio alia, quæ remotius sunt ordinata ad ipsum finem: Deus autem quamvis uno eodemque actu, ut tamen transit super diversa objecta, est rationabilissimè, & rectissimè volens: ab ejus enim voluntate ortum trahit omnis reëtitudo: igitur primum vult finem, atque in ejus objecti volitione, est actus suus perfectus, & voluntas ejus beata. Secundo vult illa, quæ immediate ordinantur in ipsum, prædestinando scilicet electos, qui sanè immediate attingunt ipsum: idque quasi reflectendo, volens nimirum alios diligere objectum idem secum: volendo autem habere alios se diligentes, est velle illos habere amorem suum in se ipsis, & hoc est prædestinare, sitale bonum sit ipsis volitum in exitu, & ultima periodo vires. Tertio vult ea omnia, quæ sunt necessaria ad attingendum hunc finem, scilicet bona gratiæ, & nexum, ordinemque beneficiorum illorum, quibus certissimè liberantur. Quarto denique vult gratia illorum remotiora quæque, necessaria tamen ad finis assequutionem puta hunc mundum sensibilem, ut serviat eis. Propter hominem igitur prædestinatum, ut volitum à Deo quasi in secundo signo, quia sine ipsis nec esset locus homini prædestinato, nec omnino posset subsistere: mundus igitur sensibilis est gratia hominis prædestinati, ac proinde ipse homo est finis mundi sensibilis, quod etiam scriptum reliquit Aristoteles, 2. *Phys. tex. c. 24.*

Quartum dictum, Tyrannorum persecutiones: & peccata prædestinatorum permittuntur à Deo propter electorum prædestinationem, Declaratio, Tyrannus aliam persecutionem nequit inferre, nisi extrinsecam, juxta illud Salvatoris; *Nolite timere eos, qui occidunt corpus, Animam autem non possunt occidere*. Talis autem persecutio exterior frequenter est electis materia proficiendi in virtutibus, præcipuè in patientia: quæ secundum Iacobum, *opus perfectum habet*; quod & in sanctis Martyribus mirabiliter elucet: imo Ecclesia Catholica, cum fundaretur apud diversas Gentes, ubique fert à principio persecutionem passa est: & ex eo magis magisque profecit: igitur Tyrannorum persecutiones cesserunt in gloriam Martyrum, aliorumque electorum, propter quos proinde à Deo illi scire, ac rabiem effundere permitti sunt, ex eo enim factum est, ut executioni demandaretur æternum decretum de prædestinatione electorum; quare etsi non fuerit per se intenta, nec volita à Deo persecutio Tyrannorum, tamen prævisam ordinavit in profectum, & gloriam electorum, ut sapiensissimum Rectorem decet. Ad peccata electorum quod attinet: etsi ea minimè à prædestinatione esse dicenda sunt, ut nec revera sunt, aut esse queunt, sicut nec illorum causa est Deus, sed voluntas creata deficiens: permitti tamen à Deo, ut prædestinatis cooperentur in bonum, est doctrina Augustini 14. de Civit. cap. 13. *Audeo dicere superbis esse utile cadere in aliquod apertum, manifestumque peccatum, unde sibi displicant.* Item Damascen. lib. 2. cap. 29. *Permittitur, inquit, quæ quandoque in turpem incidere actionem ad emendationem deterioris defectus.* Hoc autem amplius declaratur; quia, ut significavimus in secundo dicto, & merita, & bonus usus liberi arbitrii, omnino connumeranda sunt inter effectus prædestinationis. Etsi enim Deus voluerit gloriam electis independentem à quibusvis eorum operibus bonis, quia tamen gloriosius est illam

2. dist. 20.  
6. Quantum  
ad hoc.

1. dist. 37.

1. dist. 47.

2. dist. 1. c. 2. 1.  
6. ad primum



iam consequi ex meritis, voluit, decrevit tamen non esse repræsentandam nisi meritis præcedentibus: Ea autem merita necessario præsupponunt præcipuum liberum, à quo sint, adeo ut opus meritum sit in libera potestate operantis, quo sit ei imputabile, ut dignum præmio, seu laude, aut certe vituperio, si secus ac oporteret, elici contingat. Nam cum voluntas creata sit suapte natura defectibilis in tantum ut fieri nequeat aliqua creatura libera, quæ peccare non possit: necessario merita, ac rectus arbitrii usus, quos effectus ponit prædestinatio in electis, involunt innatam potentiam liberæ defectibilis tatem, & actuales culpas, & defectus, non quasi hæc sint à prædestinatione; sed quoniam in Receptoris sapientia stabilitum est, sinere has causas agere proprios motus, ac concursum præstare ipsis ad quæcunque manum porrexerint, seque vererint: quia ergo prædestinatio non silectit, nec figit voluntatem in hac parte: adeo ut contrarium nequeat amplecti, hinc & ipsi prædestinati in multa labuntur peccata, non secus ac qui non sunt prædestinati: non sinerentur autem electi ejusmodi malis se implicari, nisi Deus posset de illis majora bona elicere, juxta Augustinum in *Enchir. cap. xi*. Majus autem illud bonum est gloria Dei miserentis, ac liberantis electos à malis: ergo cum electi labi permittuntur in peccata, ea permissio est à proposito voluntatis divinæ, intendentis salutem æternam illorum, ac quasi per contraria media sapientissimè deducens electos ad præfixum finem. Cum ergo in primo instanti naturæ voluntati divinæ offeruntur Petrus & Iudas in existentia naturali æquales, Deus vult Petro beatitudinem, circa Iudam autem se habet merè negativè: in secundo instanti, quo vult Petro gratiam, nihil etiam vult Iudæ, perinde negativè se habens, ut in primo: in tertio instanti, cum vult permittere Petrum esse de massa perditionis sive oboriginale, sive propter actuale peccatum, pariter vult permittere Iudam esse Filium perditionis. Et hic quidem est primus actus positivus, uniformis respectu utriusque, sed tamen, quia Iudas non fuit electus ad gloriam, & gratiam, ut uni conjungitur, is inveniatur in morte peccator, & damnabitur. Petrus vero propterea quod est donandus summa ejus perfectione, & ad eum est perventurus statum, in quo queat æternum diligere Deum super omnia, non est relinquendus in peccato, in quo permissus fuit cadere, sed ex eo sublevandus per gratiam, & certissimè ab omnibus malis liberandus.

AD ARGUMENTA. Ad primum respondeo, quoniam prædestinatio est actus immanens divinæ voluntatis, per quem creature rationales, & intellectuales ordinantur ad gloriam, & gratiam, ut ex dictis *art. primo, in incid.* patet, utique is divinæ voluntatis actus pro formali nihil ponit in prædestinato, sed tamen ejus causa multa in electis poni, sentiendum est; nempe ea omnia, quæ ex Dei ordinatione, vel pro exigentia nature electæ sunt necessaria ad illius finis consequentiam, ejusmodi sunt gratia, fides, merita, usus bonus liberi arbitrii, & cætera enumerata in *solutione*.

Ad secundum concedo, Christum advenisse in carne passibili, passum esse, ac Sacramenta instituisse præsertim propter electos, ut scilicet per gratiam à se promeritam curarentur à vulneribus peccatorum ac sanitati restituti gloria potirentur celesti, ad quam fuerant præordinati. Et cum dicitur, hæc omnia electis, ac non electis esse communia. Responsio: Christum esse omnium Salvatorem, ac omnibus salvandis, ac curandis adve-

nisse, quantum est ex parte sui, nec sibi pro redimendis reprobis aut voluntatem, aut merita de-fuisse; sed quoniam hi collatis donis erant malè usuri, nec servare rectitudinem legis naturalis, & scriptæ, ut potuissent, conatûri, pro his Christus suam passionem efficaciter non obtulit, nec fuit subinde à Trinitate acceptata, sed pro solis electis, Horum ergo gratia Christus in carne passibili potissimum venit, ac mortuus est; quamvis verissimè pro omnibus hominibus dicendus sit mortem optetere voluisse; quia, ut dictum est, per merita, quæ ex passione acquisivit, ac Patri pro hominibus obtulit, omnes omnino homines salutem consequi potuissent, si gratiæ ipsis collatæ obsecundare, ac juxta naturæ lumen vivere voluissent.

Ad confirmationem, concedo omnes ad gloriam, & gratiam præordinatos esse secundum fixum, ac invariabile propositum voluntatis divinæ, & pariter voluntatem, secundum quam Deus vult omnes salvos fieri, non spectare ad hoc efficacissimum propositum, sed tantum ad signi voluntatem, cujus sunt leges, & præcepta, ut dictum fuit supra *quæst. 19, art. 11, § 12*. Et quamvis hæc sint omnibus communia electis, & non electis; non eadem tamen voluntate utrisque media impenduntur; hinc in electis vim habent liberandi certissimam; in aliis vero ea virtute desituntur ex defectu, & malitia eorum. Sacramentis enim semper est eadem efficacia ex institutione Christi, sed non semper sanant, quia in ægris non inveniunt necessarias recipiendæ salutis dispositiones.

Ad tertium respondeo, opera meritoria in acceptance divina semper retinere jus ad præmium illis præfixum, etsi interdum habenti jus non competat actio exequutiva propter indispositionem, & subortam inimicitiam inter hominem, & Deum per peccatum; eo igitur impedimento sublato, competit, & reddit actio secundum jus antiquum, quod nunquam fuit extinctum per præmii solutionem. Etsi igitur in prædestinatis per novam culpam cesset actio correspondens meritis, tamen retinet jus ad gloriam, cum tale jus non per peccatum, sed duntaxat per præmii solutionem extinguitur; is igitur effectus consistens in meritis per gratiam acquisitis, semper suæ causæ finali unitur, nec interruptitur per culpam desuper advenientem, licet exequutio juris sit suspensa.

Ad quartum dicendum, actum prædestinandi essentialiter non consistere in præscientia, sed in ordinatione divinæ voluntatis, ut extitit declaratum *articulo præced.* Etsi autem is actus voluntatis formaliter sit in volente, est tamen causa, propter quam sint multi effectus in iis, qui ad gloriam, & gratiam ordinantur.

### ARTICULUS III.

Utrum Deus aliquem hominem reprobet.

Doctor 1. *dist. 41. In Report. ibidem. S. Thom. 1. p. quæst. 23. art. 3.*

VIDETUR Deus nullum hominem reprobare, aut reprobasse. Nam Deus, secundum Apostolum 2. ad Timoth. cap. 2. *Vult omnes homines salvos fieri, & ad cognitionem veritatis venire*; Sed hoc ipso, quod omnes ordinavit, dirigique ad salutis eterne consequentiam per fidei veritatem, & gratiæ collationem, omnes prædestinavit, aut prædestinat; ergo nullus hominum à Deo reprobat.

Pie-

Quodlibet 9.  
17. 6. De se-  
cundo.

2. dist. 23.

1. dist. 40.

4. dist. 46. q. 4.  
& q. 2.

3. dist. 19.

4. dist. 22. 6.  
De secundo.

1. dist. 46.



Præterea, Deum aliquem reprobare aliud esse non videtur, quam eum ejicere à facie sua, repellere è consortio amicorum suorum, & denique nolle, & odisse qui est, & dicitur reprobatus; sed in Deo nullum est odium, aut ira, vel passio aliqua confusilis, cujus instinctu, & inclinatione ita se gerat circa homines, nisi fortassis per metaphoram, quarum metaphorarum usus est frequens in Scripturis; ergo nec aliquem reprobat, nisi fortè metaphorice.

Præterea, Si Deus aliquem reprobareret, perinde se haberet, eodemque ordine procederet in reprobando, quo & prædestinat; Sed prædestinat, id est, ordinat ad gloriam, & gratiam independentem à nostris operibus; igitur pariter sic reprobareret, si aliquem reprobareret. Alienum autem videtur à bonitate, & justitia infinita Dei addicere aliquem æternis tormentis sine causa; ergo est maxime addeceat misericordiam, & liberalitatem ejus communicare adeo ingentia bona creaturis, atque eas ad gloriam æternam ordinare, ipsas tamen velle subijcere pœnis sempiternis sine causa, non congruit rectissimo universitatis Reçtori.

Præterea, Reprobatio ad odium voluntatis pertinet, nolentis, & abijcientis à se quod non probat, sed magis reprobatur; Sed Deus odio non prosequitur creaturas suas, cum scriptum sit: *Nihil odisti eorum, quæ fecisti*. Sapient. 11. ergo aliquem reprobare illi competere non potest.

CONTRA, *Matthæi* 5. Scribitur, in finali omnium judicio eos, qui à sinistris Judicis constituti reperientur, esse audituros; *discedite à me maledicti in ignem æternum, qui paratus est Diabolo, & Angelis ejus*. Hæc autem præparatio in æternitate facta per reprobationem, sicuti & regni possessio præparata fuit electis per prædestinationem; ergo Deus & hominum & Angelorum plurimos reprobatur.

RESPONDEO dicendum, verè, & propriè Deum reprobare, ac reprobasse quotquot hominum, & Angelorum in æternitate præcivit statum viæ completuros in peccato mortali, aut etiam originali; qui viæ status, & tempus fuit ipsis præcisè taxatum, in quo potuissent gloriam mereri, ac sempiterna felicitate potiri; adeo ut ex parte reprobatorum præcesserit ratio, & causa, propter quam ad ipsos is actus divinus ita terminatur, & non ad alios. Declaratio: Cum Deus suæ bonitatis instinctu condere rerum universitatem decrevisset, in quo conditoris perfectiones, quantum fieri poterat, elucerent, oportuit in iis præcipuum locum habere causas liberas, per quas ut in vestigio quodam conspiceretur infinita ratio libertatis primi principii sapientissimi. Sed quia cuncta, quæ produxit in gradu finitæ perfectionis debuerant esse accepisse, omnia ex se ipsis ad ulteriorem sunt ordinata perfectionem, attingendam per intrinsecum cujusque motum, & operationem, adeo ut id, à quo unumquodque natum est perfectionem accipere, finis ejus rectè appellatur. Cum ergo conditor omnium providentissimus illud præcipuè intendat, ut unicuique sua præstetur, propriamque consequatur perfectionem, pro cuiusque entis natura, & modo tendendi, acquirendam, alienum fuit à sua providentia exactissima causis liberis vim aliquam inferre, unde cogerentur vel invitè eo pervenire, quo infinita bonitas, & sapientia rectoris perventuras cupiebat, & ad continentum hortabatur, & insuper media opportuna, ac necessaria auxilia ipsis exhibere, ac impendere non desisteat. Ea igitur omnia, per quæ causæ libere ad supernaturalem perfectionem ordinan-

tur, non sescunt, nec figunt ipsas ad unam partem sic, ut aliam nequeant amplecti, imo perinde ac si providentia de his mediis ipsis non consuluisset ad utrumlibet se flectere, ac eligere queunt, ut *duobus ultimis articulis quæst. præcedentis* extitit declaratum. Operari ergo possunt, & juxta inclinationem supernaturalium mediorum, & contra illam; submittere se legi divini, & illam contemnere, metasque præfixas transgredi, ordinemque primaria provisoris intentione statutum violare; ne igitur in regno providentiæ aliquid liceat temeritati, ac actus pravi liberarum causarum, quatenus à legibus divinis deviant, prorsus inordinati divagentur, debuerunt per Rectorem universalem cogi, ac redigi in ordinem aliquem, juxta sapientiæ, ac justitiæ dictamina, ac ad se ipsum ordinari, si fortè inde aliquam nancisci possent perfectionem. Qui ergo contemnentes divina mandata indignos se fecerunt præmiis statutis, ac proinde repræsentandis, si legi paruisent, incidunt in ordinem alium secundaria intentione præfixum, quo interminantur, ac oppido infliguntur supplicia, delictis ex transgressione mandatorum Dei contractis. Hæc autem fiunt, atque repræsentantur ex æterna horum reprobatione, ob quam subduntur pœnis infinito tempore duraturis. Et interim aliquam tali inordinatione culpæ per pœnam hauriunt bonitatem, quia secundum Boetium *4. de Consol. Prosa 4. Infeliciores sunt improbi injusta impunitate donati, quàm justa punitione puniri*. Nam dum justè puniuntur, est bonum reformatans culpam, quæ est justa correspondentia pœnæ. Quoniam itaque Deus est providentissimus rector universitatis, ad ipsum spectat, debetque eos reprobare, id est, ordinare ad luenda supplicia, quo sub infinita providentia nihil sit inordinatum, nec aliter ordinari queunt malè facta causarum libera, quam rependendo condignas pœnas præteritis culpis, iuxta leges à providentia secundaria intentione præfixas, eo quod aberrare maluerunt à viâ mandatorum Dei, & renunciare præmiis per se, & primo intentis, quæ erat Reçtor elargiturus vincens in stadio præsentis vitæ. Quemadmodum autem parentes legibus providentiæ, ordinantur per se ad gloriam rectoris, cujus bonitas, misericordia, & liberalitas ostenduntur per ea, quæ victoribus præmia largitur; ita ignavorum, ac inertium transgressionem in ejusdem gloriam cedunt, quatenus elucet in eis justitia, & misericordia divina.

Deinde, voluntas creata aliquando peccans demeretur, ut Deus eam culpam non remittat; Sicuti dicit August. super Psal. 5. Vers. 4. *Cum punit Deus peccatores, malum suum non infert, sed suis malis malos relinquit*. Quod esse intelligendum putamus de illa prima pœna, quæ est culpa derelicta, siue non remissa, vel desertio peccatoris in tali culpa; quæ est à Deo, ut causa negativa, scilicet non remittente, eo quod id demereatur prava voluntas; siue quia voluntas spontè, ac volens non vult à malitia resiliere, sed magis adherere, siue quia usque ad terminum viæ permanfit in peccato sine pœnitentia; elapsè ergo tempore sibi ad pœnitendum taxato, justè derelinquitur in malo. Sed Deus ab æterno novit omnes voluntates, quæ erant derelinquendæ in suis peccatis, usque ad terminum viæ per hoc, quia erat concursus præbiturum omnibus actibus peccaminosis earum positivis & non præbiturum negativis; igitur debuit omnino has creaturas, quæ pravitate, & malitia usque ad vitæ exitum delectantur, reprobasse, ac statuiffe eas sub justitiæ ordinem, in quo luerent promeri-

Magist. 3. dist. 5. cap. primo.

4. dist. 43. qu. 1. & dist. 4. qu. 2. & 3. 9. Ad oppositum.

11. Meta-phy. q. 27.

4. dist. 49. q. 2.

4. dist. 46. qu. 1.

4. ubi supra qu. 4.

1. dist. 44.

4. dist. 46. qu. 4. 9. De servo.

1. dist. 47.



tas pœnas; quia secundum Augustinum 11. super Genes. cap. 24. *Non prius est Deus aliorum, quam aliquis sit peccator*. Siquidem crudelitatis esse videtur subdere aliquem tormentis, & pœnis, nulla in eo præexistente culpa; peccata ergo à Deo in eternitate prævisa, quatenus comitantur exitum vitæ, vel statum viatoris, extiterunt causa, & ratio reprobandi, & ordinandi ad luenda supplicia sempiterna liberè, & malè agentes creaturas.

AD ARGUMENTA. Ad primum respondeo, utique Deum velle omnes homines salvos fieri, ac propterea exhibere ipsis omnibus media sufficientia consequendo ei fini. Sed quia hæc Dei voluntas nequaquam est beneplaciti, & efficax, sed signi duntaxat, & antecedens, etsi reipsa media sufficientia cunctis præparet, exhibeat, atque impendat, quia tamen nulla exinde vis inferitur causis liberis, ut deest se gerere universalem rectorem omnium, evenit ut causæ liberæ passim beneficiis exhibitis, uti recusent, & magis sequi eligant & sensitivum appetitum, & commodi affectiones; quia igitur interdum demeruntur in his derelinqui, & tanta cæcitate, & pertinacia pravitati adherent, ut interim elabatur tempus ad pœnendum præfixum, iustissimè & reprobantur, & dampnantur. Sunt igitur omnes creaturæ liberæ de primaria intentione Dei ordinatæ ad vitam, sed quæ vivere recusasse comperiuntur, has necesse est, incidere in mortem, ac per secundariam dispensationem providentiæ ordinari ad subeunda sempiterna supplicia.

4. dist. 46.  
qu. 2.

Ad secundum respondeo, etsi in Deo esse nequeat actus nolendi, prout inclinat ad odium, vel aliam passionem, quæ locum in primo habere non possunt; est nihilominus in ipso propria, & vera volitio, qua non vult dare gloriam iis, qui in exitu vitæ, inveniendi sunt mali; imo vult eos meritis perolvere pœnas, idque ut in eternitate voluit, ac faciendum iudicavit, ita in tempore iudicia statuta representat, non per metaphoram aliam, sed secundum rei veritatem, & proprietatem; decretum autem de his iudiciis representandis, est reprobatio malorum.

Ad tertium respondeo ex dictis, Deum neminem in eternitate reprobasse, nisi ob finale peccatum, in quo statum vitæ erat completurus. Sicut Rex neminem condemnat, aut punit, nisi ob præcedentia peccata in Republicam commissa. Aliiter igitur Deus procedit in reprobando, ac se habet in electorum prædestinatione. Nam etsi, cum offerantur voluntati divinæ Judas, & Petrus æquales in naturalibus, non velit eligere Judam ad gloriam, & gratiam, ut eligit Petrum; non tamen tunc Judam positivè reprobat, sed circa illum negativè se habet: Exinde, cum vult permittere utrumque esse de massa perditionis & propter originale, & personalia peccata, quia Petrum ordinavit ad gloriam, decrevit eidem dare & gratiam resurgendi à culpa. Et quoniam alius non est eundem finem ordi natus ex eadem intentione non dat media efficientia perveniendi ad finem, sed tamen elargitur sufficientia, quibus si rectè uteretur, posset salvari; sed quia illa est abjecturus, & malè usurus, demeretur derelinqui in malo, & ita reprobari causa propriæ malitiæ, & peccatorum, quibus obnoxius è vita decessurus prævidetur.

1. dist. 46.

Ad quartum dicendum, Deum non reprobare, aut damnare naturas, quas ipse fecit bonas, & bonæ sunt, in quantum sunt; sed reprobare propter peccata, quæ invenit in eis, quæ ipse non fecit, nec facere potest. Etsi igitur diligit omnia, quæ fecit: tamen odio habet iniquitates, & peccata; ut

frequentè legitur in Scriptura divina. Ut igitur Deus in unoquoque nostrum amat, quod fecit, sic & odit quod fecimus, inquit August. humil. 110. super Joannem.

## ARTICULUS IV.

Utrum prædestinati eligantur à Deo.

Doctor 1. dist. 40. S. Thom. 1. p. quæst. 23. artic. 4.

**V**IDENTUR ij, qui prædestinantur non eligi à Deo: Nam electio est eorum, quæ sunt ad finem; sed prædestinatio est volitio, qua prædestinans vult finem his, quos prædestinat, ut dictum fuit articulo primo in incidenti, ergo cum prædestinatio non sit electio, nec prædestinati eliguntur à Deo.

4. dist. 49.  
qu. 2. 6. Respondeo. V. Dist. 40 quod non.

Præterea, Electione discernuntur electi à non electis; sed per prædestinationem non discernuntur prædestinati à non prædestinatis; ergo prædestinati non eliguntur à Deo. Probatio minoris; Deus vult omnes homines salvos fieri, juxta Apostoli sententiam, 2. ad Timoth. cap. 2. ergo omnes prædestinat; ac subinde prædestinatione homines inter se se non discernuntur.

1. dist. 46.

Præterea, Ex dictis articulo primo: In statu innocentie soli prædestinati fuissent nati, adeo ut si innocentiam Adam non amisisset, nullus reproborum editus esset in lucem: illa autem extitit Dei primaria intentio, & providentiæ suæ dispositio; nam præsens ordo ex peccato originem trahit, à Deo subinde secundaria intentione intentus, in quo tamen iidem sunt, & nascuntur prædestinati, qui in statu innocentie fuissent; igitur prædestinati non sunt electi ex multis, sed voliti tantum à Deo dicendi sunt, sicuti voluntas vult finem, eligit autem media ad illum.

2. dist. 20.  
qu. 2.

CONTRA, Gregor. 4. Moral. cap. 36. Si parentem primum nulla peccati rubigo corrumpisset, soli electi nascerentur. Cum igitur diserte prædestinatos appellet electos, prædestinati quoque à Deo eliguntur.

8. ubi supra  
6. Ad oppositum.

RESPONDEO dicendum, revera Deum, quos prædestinat, eligere; Etenim juxta dicta, articulo primo in incidenti; nomine prædestinationis aut intelligimus ordinem electionis creaturæ intellectuales, & rationalis ad gratiam, seu ad obtinenda beneficia in eternitate preparata, per quæ certissimè gloriam consequantur; vel intelligimus ordinari easdem creaturas ad gloriam principaliter, & ad aliam in ordine ad gloriam, ut intuitu finis ens perficiendum per finem, ordinatur ad media necessaria pro assequutione illius. Is autem ordo electionis liberè à Deo præfixus, cum aliter disponere de creaturis potuisset, aut etiam omnino non ordinare, actus voluntatis ipsius est eligentis hos, & non alios ad gloriam, & gratiam; ergo verissimè prædestinati à Deo eliguntur, unde & Paulus 1. ad Ephes. ait, *Elegit nos in ipso ante mundi constitutionem*: nomine electionis prædestinationem significans. Deinde, Deus amando se ipsum infinito amore, & rectissimo, vult habere alios diligentes idem objectum infinitæ diligibilitatis; ex hoc autem quod vult alios habere amorem suum in se, id profecto est ipsos prædestinare, si tale bonum sit ipsis volitum finaliter; nec tamen est ita volitus prædestinatis propter aliquam bonitatem præsuppositam actu dilectionis divinæ; imo omnimoda, & completa ratio est in Dei voluntate, acceptantis hæc, & non illa in tali gradu, secundum quem proinde sunt bona, & non

3. dist. 321



non è converso. Cum igitur non omnibus creaturis intellectualibus, & rationalibus volita sint ab illi voluntate paria bona; imo admodum inæqualia, nedum quoad esse naturale ipsarum, sed etiam in ordine gratiæ, & supernaturalium donorum, qui ordo posterior non adequatur, seu non correspondet priori, sic ut perfectiori naturæ datur uberior gratia, sed pro libito elargientis; evidens est prædestinatos præ aliis electos fuisse ad gloriam, & gratiam illi consequendæ necessariam; alios vero non prædestinatos ad hanc electionem æternam Dei non pertinuisse. Denique, ipsa electio æquivocè dicitur; nam uno modo dicitur actum voluntatis sequentem plenam apprehensionem; alio modo actum liberum sequentem conclusionem syllogismi practici. Juxta priorē acceptionem electio potest esse cujuscunque, cui præsupponitur notitia perfecta objecti. Secundo modo nequit electio esse nisi respectu illius, ad quod assequendum efficacia adhibet media, juxta syllogismi practici distamina. Etsi autem circa agibilia nullo distamine intellectus egeat prima regula, & voluntas inobliquabilis, sed sola ostensio possibilitatis, seu non repugnantia omnium possibilitum; attamen ipsa ex se ordinat, statuit, ac proponit media opportuna consequendo finem, quem voluit iis, quos ad habendum amorem suum ordinavit; elegit ergo media, quibuscer illi ad liberearentur quotquot horum mediorum, & Dei beneficiorum participes futuri erant; quivē ad gloriam electi fuerant, seu prædestinati, posteaquam eum finem ipsis non repugnare præcognitum, ac præostensum fuit voluntati divinæ.

Ad ARGUMENTA. Ad primum, quoniam creaturæ capaces fruitionis divinæ sunt ad finem, qui est omnium causa, ordinatæ; propter quem & conditæ sunt; quæ adepturæ perhibentur eam perfectionem, rectè dicuntur electæ præ aliis, quæ a fine excident. Quod si electio esse dicatur eorum quæ sunt ad finem, id est, mediorum; etsi uno modo ita accipiat, tamen volitio sequens perfectam objecti apprehensionem, potest pariter & electio vocari; ut dictum est in solutione.

Ad secundum respondeo, sicuti non omnes homines potituri sunt æterna felicitate, ita nec omnes esse prædestinatos, seu electos ad illam. Et cum arguitur per locum Apostoli ad *Thimoth.* Dicendum, ex eo quod Deus velit omnes homines salvos fieri, non proinde illos dici, aut esse prædestinatos; quia efficax electio ad gloriam, quæ prædestinatio est, ad Dei voluntatem beneplaciti & consequentem spectat. At illa, qua vult omnes salvos fieri, est ejus voluntas antecedens, qua significat, se cupere omnes salvari, & dare proinde omnibus ad salutem auxilia sufficientia, sed quum plurimos malè usuros his beneficiis prævideat, compellitur ex justitia, contra primam ejus mentem, ac misericordiæ instinctum, eos reprobare, ac morti perpetuæ adjudicare.

Ad tertium respondeo, etiam si illi iidem, electi, qui in statu innocentia fuissent, sint & in præsentia providentia, in qua nascuntur, & reprobi; eos rectè dicendos fore electos, quamvis nullus tunc futurus erat reprobatorum, qui modo sunt voliti secundaria tantum intentione. Nam quoad actualem existentiam eorum, eam habuissent, uti & possident in præsentia systemate, præcisè ex liberalitate voluntatis divinæ, citra omnem rationem ex parte ipsorum, quæ sit ejus voluntatis determinativa. Liberè ergo sunt electi præ infinitis possibilibus, ad esse naturale realis existentia, & ad supernaturalem ordinem gloriæ sempiternæ.

Ea enim volitio, qua ita sunt voliti, aliis omnibus præteritis, verè, & propriè electio fuit.

## ARTICULUS V.

Utrum præsentia meritorum sit causa prædestinationis.

Doctor 1. dist. 41. in utroque scripto 2. dist. 20. quæst. 2. 3. dist. 7. quæst. 3. & dist. 19. & 32. d. Thom. 1. p. quæst. 23. art. 5.

**V**IDENTUR merita præscita ratio, & causa, cur prædestinentur illi, qui eadem sunt lucraturi, aut habituri. Nam si ad futura merita non respexisset Deus in prædestinatione Sanctorum sed sola voluntate hos prædestinasset, illos vero non elegisset, igitur non videretur summè bonus quia nec summè liberalis, siquæ communicativus. Ex quo enim nulla ratio ex parte prædestinatorum præcessit, nec præsupposita est, potuit perinde prædestinasse, quos reprobavit; cum in Dei præscientia, quæ præstationi prævit, unus alio potior non extiterit, sed omnes omnino æquales.

Præterea, Deus non est acceptator personarum, ut testatur *B. Petrus Act. 10.* Sed si nulla causa præexistente in iis, qui æquales in naturalibus offeruntur voluntati divinæ, alii eliguntur ad gloriam, alii destinantur ad mortem, ipse Deus videretur esse personarum acceptator; quia æquales in naturalibus, & ad finem æqualiter ordinabiles, non æqualiter amat, nec ipsis vult parem finem; ergo ejus personæ est acceptator, quam alteri præfert, cum tamen ex se non sit magis alteri præferenda.

Præterea, Quum Petrus, & Judas æquales in naturalibus, voliti à Deo in esse existentia, offeruntur voluntati divinæ, aut utrique vult finem, ad quem sunt ordinabiles, aut alterutri tantum. Si primum; ergo uterque prædestinatur; Si Petro vult gloriam duntaxat, atque ejus volitionis ratio præcisè est voluntas; ergo pariter Judas reprobatur, id est, non comprehenditur sub eo actu, quo electi ad gloriam ordinantur, non quia dignus sit damnatione (quum Petrus nullam ex se præferat notam, cujus gratia præ Judæ eligatur) sed quia ita vult voluntas divina. Alienum autem videtur à natura clementissimi Rectoris rationalis creaturæ, aliquam destinare ad perferendum eterna supplicia, nullis præcedentibus demeritis. Quod si propter demerita damnet; ergo etiam intuitu meritorum eligit ad gloriam.

Præterea, Potest peccator ex naturalibus cum communi influenza considerare peccatum commissum, ut offensivum Dei, & ut contra legem divinam, & ut aversum à Deo, & inductivum supplicii: ac ejus voluntas sub aliqua, vel multis ejusmodi rationibus, peccatum detestari: ea autem detestatio peccati ante infusionem gratiæ, est dispositio, siue meritum de congruo ad deletionem peccati mortalis: igitur initium justificationis peccatoris est ex recto usu liberi arbitrii ex naturalibus suis cum communi influenza: igitur talis usus à Deo prævisus extitit causa electionis hujus: contra vero reprobationis alterius, eo quod noluerit commissa à se peccata, ut potuisset, detestari.

Præterea, Paulus, ad *Rom. cap. 11.* de mysterio electionis prædestinatorum loquens, dicit, *Dei judicia esse incomprehensibilia.* Si autem Deus nulla causa precedente ex parte electorum, hos ad glo-

3. dist. 7. q. 3.  
5. Secundum  
dubium.

2. dist. 6. q. 1.  
5. Ad argu-  
mentum.

3. dist. 32.  
9. Patet igitur.

4. dist. 14. q. 2. d. De secundum.

Vasquez hic ob præsentem literam enumerat Doctores inter semel pelagianos Sed censura ex infirma doctrina Scoti: eo procedit; ideo nihil faciend.



gloriam eligeret, illos vero non eligeret, de facili quis tanti mysterii posset reddere rationem dicendo, Deum hos salvare, quia ita est ei placitum; non esset ergo hic talis, tantaque profunditas, ut nulla omnino appareat via reddendæ rationis.

Confirmatur ex Augustino 83. qq. q. 68. *Cujus cultu (inquit) miseretur, & quem cultu indurat: sed hoc voluntas Dei injusta esse non potest: Venit enim de occultissimis meritis: præcedit enim aliqui in peccatoribus, quo quævis nondum sunt justificati, digni tamen efficiuntur justificatione: & iterum præcedit in aliis peccatoribus, quo digni sunt obstinatione.*

Magist. 1. dist. 41. cap. operati. **CONTRA**, Augustinus de prædestinatione sanctorum *Nam, inquit, quia nos futuros esse tales sciebat, nos elegit, sed ut essemus tales per illam electionem.* Nempe juxta sententiam Apostoli 11. ad Rom. *Sic ergo & in hoc tempore reliquæ secundum electionem gratiæ salvæ factæ sunt. Si autem gratia, jam non ex operibus: alioquin gratia jam non est gratia.*

**RESPONDEO**, Aliqui distinguentes inter opera bona, quæ meritoria sunt, & rectam fidem, putaverunt dicendum, est bona opera in Dei præscientia non existerint causa, & ratio prædestinationis electorum; fidem tamen, quæ erat crebituri, causam prædestinandi fuisse. Quæ sententia visa est vera aliquando, & ipsi Augustino; dicens proinde super Epist. ad Rom. cap. 9. Deum præelegisse Jacobum, propter fidem, quæ erat crediturus, reprobasse autem Esau, ob inihelicitatem præfinitam. Sed hoc retrahit idem Augustinus, 1. *Retrahit. cap. 23.* innuens contra se rationem; quia & fides est donum Dei, sicut & alia bona opera, quod testatur Apostolus, 1. ad Corinth. cap. 12. unde & subdit; *Illud non dixissem, si fidem inter dona Spiritus Sancti connumerare scivissem.* Et tandem concludit, legimus, dicente Apostolo; *Misericordiam consequutus sum, ut fidelis essem. Non ait, quia fidelis eram.* Sentendum est ergo, ne fidem quidem esse prædestinandi rationem, si cætera bona opera prævita non sint talis causa in ordine ad electionem. Alii igitur propter expressam Apostoli sententiam de Jacob, & Esau, 9. ad Rom. & ea quæ subiicit exemplificando de figulo, pro sua libera voluntate, ex eadem omnino materia efformante vas ad diversos usus & fines, putant, nullam causam, & rationem esse querendam ex parte creaturarum, quod aliquæ eligantur ad gloriam, aliæ vero sibi relinquuntur. Nam sola voluntas beneplaciti Dei est ratio, quare de eadem massa equaliter in primo parente vitiata, hi eligantur ad gloriam, alii vero dimittantur in damnationem. Cum enim quicquid est in homine ordinans ipsum ad salutem, comprehendatur sub effectu prædestinationis, etiam ipsa preparatio ad gratiam, impossibile est adequati prædestinationis effectus invenire aliquam causam ex parte nostrum; quamvis alioquin in particulari inconveniens non sit aliquem effectum prædestinationis esse causam & rationem alterius; ut si dicamus, Deum præordinasse se daturum alicui gloriam ex meritis, & elargitur gratiam, ut mereretur gloriam; est igitur nihil ipsi electis intrinsicum fuerit ratio, & causa prædestinationis eorum, tamen potuit subesse extrinsecam rationem, saltem in communi, cur aliqui de eadem massa perditâ misericorditer liberentur; alii vero relinquuntur; Ut scilicet simplex Dei bonitas manifestetur multipliciter, & simul in rebus diversis. Contra, ex dictis, art. 1. §. *Ad tertium, & quar-*

*tum.* Sanctorum prædestinatio præcessit peccati prævisionem; nam postquam innuit futurum ut electi ad gloriam evaderent Deo inimici, utpotè propagandi ex materia vitiata in Adamo; expertes proinde nascituri gratiæ, & justitiæ originalis, visum est Deo, mittere filium in carne passibili, in qua, & per quam efficeret opus humanæ redemptionis; promeruit ergo Christus per passionem, & mortem suam electis gratiam medicinalem, & reconciliantem, unde executioni demandaretur decretum prædestinationis, peccato, per mortem mediatoris è medio sublato; non fuit ergo prædestinationis decretum latum post prævisum peccatum, adeout ex eadem massa vitiata aliqui ordinati, selectique sint ad gloriam ex beneplacito divino, reliquis dimissis in alios fines; nisi quatenus mediator suam passionem Patri pro electis solummodo efficaciter obtulit, atque pro his tantum fuit efficaciter acceptata, est satis alioquin erat salvandis omnibus, quibus & gratiam promeruit sufficientem pro æterna consequenda salute. Aliis propterea videtur aliter sentiendum sic: Est actus Dei considerati ut est ab ipso, nulla sit ratio, præter ipsum Deum, qui est actus ipse & efficiens, & finis; tamen ejus ut ordinatur ad finem, est aliqua ratio in entibus ita ordinatis, propter quam & ordinantur, & eliguntur. Itaque in casu bonus usus liberi arbitrii prævisus, & malus usus est ratio, cur aliqui eligantur, & aliqui reprobandur: Contra, ratio hæc, quæ assignatur prædestinationis, non est communis omnibus prædestinatis, & reprobatis; nam non congruit parvulis bonum, vel malum liberi arbitrii usum habere nequeuntibus; quorum tamen aliquos esse electos constat, alios vero non esse prædestinatos, qui nimirum beneficiorum passionis Christi non sunt participes. Neque est asserendum, quoddam ex illis salvari ob bonum usum prævisum, quem erant habituri, si supervivissent; quia nemo acceptatur, vel damnatur ob merita, vel demerita, quæ fuisset acquisiturus, si vitæ diuturnioris compos factus esset: nam tunc adultus moriens in gratia, non præmiaretur secundum ea, quæ gessit, sed pro ratione illorum, quæ fuisset gesturus. Deinde, Deus non prævidet hunc bene usum libero arbitrio, nisi quia vult, vel præordinat eundem bene usum eo: Nam certa prævisio futurorum contingentium est ex sola determinatione voluntatis divinæ, ut *quæst. 14. art. 13.* extitit declaratum. Oblatis ergo voluntati divinæ Petro, & Judæ equalibus, secundum naturalia, quæro, quare præordinat Petrum bene usum suam libertate, Judam vero non præordinat? Ejus differentiæ non est, ut videtur, ulla ratio, nisi beneplacitum voluntatis divinæ: igitur cum bonus usus, aut malus ab illius voluntatis pendeat determinatione, prima ratio prædestinationis non est querenda, aut accipienda ex parte voluntatis creatæ, sed præcisè ex beneplacito voluntatis divinæ.

Videtur igitur dicendum, ex parte prædestinationis nullam esse querendam præexistentem rationem ipsa prædestinatione priorem, quamvis reprobationis sit statuenda causa ex parte reprobatorum, ut *articulo 3.* expositum fuit. Declaratio; Volens ordinatè finem, & ea, quæ sunt ad finem, prius vult finem, quam aliquid illorum, quæ ad finem ordinata sunt, & gratia ipsius volita; Cum igitur in toto processu, quo creatura beatificabilis perducitur ad perfectum terminum, finis ultimus sit beatitudo perfecta, Deus quibus vult finem, & ea quæ sunt ad ipsum, primo vult creature beatificabili finem, & quasi posterius vult eidem ea omnia

Hæc sententia Quodlib. 4. q. 14. fuscè refertur à Doctore.

S. Thom. hic in solutione.

Hæc videtur etiam ratio, cui innuitur S. Thom. hic & in solutione præcedenti. Videndi Mayron 1. dist. 41.



q. 8. & 4. & 5. & 6. & 7. & 8. & 9. & 10. & 11. & 12. & 13. & 14. & 15. & 16. & 17. & 18. & 19. & 20. & 21. & 22. & 23. & 24. & 25. & 26. & 27. & 28. & 29. & 30. & 31. & 32. & 33. & 34. & 35. & 36. & 37. & 38. & 39. & 40. & 41. & 42. & 43. & 44. & 45. & 46. & 47. & 48. & 49. & 50. & 51. & 52. & 53. & 54. & 55. & 56. & 57. & 58. & 59. & 60. & 61. & 62. & 63. & 64. & 65. & 66. & 67. & 68. & 69. & 70. & 71. & 72. & 73. & 74. & 75. & 76. & 77. & 78. & 79. & 80. & 81. & 82. & 83. & 84. & 85. & 86. & 87. & 88. & 89. & 90. & 91. & 92. & 93. & 94. & 95. & 96. & 97. & 98. & 99. & 100.

omnia, quæ sunt intenta, ac volita gratia iustis. Sed gratia, fides, merita, & bonus usus liberi arbitrij, ad eum finem sunt ordinata, etsi quædam remotius, & quædam propinquius; ergo prædestinatis primo vult Deus beatitudinem, quam aliquod ex medijs ad illius consequutionem ordinatis; & prius vult eadem media electis ad gloriam, quam prævideat eos habituros quodcumque eorum; igitur propter nullum mediorum prævisum vult Deus electis gloriam, etsi eo quod illam, ut finem velit quibuscunque, quorum miseretur, velit pariter & media, quibus mediantibus vult gloriam tanquam præmij rependi.

AD ARGUMENTA. Ad primum dicendum, bonitatem summam optimè coherere, ac stare cum liberali communicatione, quamvis hæc non sit equalis respectu omnium. Nam summe bonus pro sue libertatis ratione liberè se communicans, quo ostendat nulla se adigi necessitate ad præstanda bona, quæ elargitur, sed libera voluntate, potest duobus, qui in naturalibus sunt pares, & perinde ordinabiles, velle bonum non eguale. Neque hic ulla intelligitur injustitia, cum nullum præconcipiatur debitum ex parte ipsius largitoris; Unde sicut citra lesionem iustitiæ posset nullum ordinare ad bonum supernaturale gloriæ, & gratiæ, ita de ipsius misericordia est, quod aliquos ad illius boni consequutionem perducatur.

Ad secundum respondeo sic: quotiescunque sunt aliqua duo æque volibilia, & ordinabilia ad aliquem finem, atque ipsis inest ea ratio, propter quam ira sunt ordinabilia, voluntas præceptans unum illorum alteri ad illum finem, peccat secundum acceptionem personarum; talis est autem omnis voluntas creata, quia respectu ipsius, bonitas objecti est ratio rectè amandi. At divina voluntas nullum bonum ab essentia increata diversum amat, quia ex se bonum, sed potius ideo est bonum, quia ab ipsa amatur; quamvis igitur uni a se velit majus, aut præcipuum bonum, quam alteri, non est tamen in ipsa acceptatio ulla personarum, quia ex se ipsis nulla pollent bonitate, quæ increatæ voluntati sit ratio amandi.

Ad tertium dicendum, quum voluntati divinæ offeruntur Petrus & Judas æquales in naturalibus, Deum efficaciter velle, ac ordinare Petrum ad gloriam, non vero Judam. Etcum contra hoc instatur; quia tunc Deus Judam damnat, non quia præceperit aliquid demeritis, sed quoniam ita ei placuit, uti prædestinat Petrum, nullo ex parte ipsius prævisio merito. Responsio: In primo signo, quo eligitur Petrus, & non Judas ex beneplacito voluntatis divinæ, Judas non reprobat positivè, id est, non destinatur luendis supplicijs per totam æternitatem; id enim (ut rectè deducitur) alienum est à bonitate, & clementia Rectoris universalitatis; imo etsi non ordinet omnes ad gloriam, attamen non cessat omnibus auxilia subministrare, quæ satis sint ipsis ad legem observandam, & rectè vivendum. Reprobat ergo Judam solummodo, quum prævidet ipsum decessurum in peccato mortali, ut articulo tertio explicatum fuit. Et cum tandem concluditur; igitur eadem ratione, qua asseritur Deum reprobare Judam ex prævisione peccati, concludendum videtur & Petrum prædestinare post prævisionem meritorum ipsius. Neganda est illa deductio, quia cum bona principaliter sint jure attribuenda Deo, ut mala nostre voluntati aberranti à regulis legis divinæ, rectè statuitur dissimilis processus prædestinationis, & reprobationis, adeo ut etsi dicatur Deus prædestinare electos, nulla præsup-

posita ratione ex parte ipsorum, quia id apprimè congruit bonitati suæ, non tamen proinde existimandum est, eum reprobare, velleque Judam damnare sine ulla causa ex parte ipsius prævisâ; sicuti non decet justum judicem addicere aliquem tormentis, nullis præcedentibus demeritis. Quos ergo Deus positivè reprobavit, motivo, & ratione peccatorum, in quibus erant è vita abscessuri reprobavit, & non prout ostendebantur pares in naturalibus cum electis voluntati divinæ, & ad hunc sensum intelligendus est loquutus Apostolus, quum 9. ad Roman. dicit de Jacob, & Esau *etiam nondum nati fuissent, aut aliquid boni egissent, aut mali, ut secundum electionem propositionem Dei maneret non ex operibus. sed ex vocante, dictum est, quia major serviet minori*; Nempe est exponendus, intellexisse de electione positiva, & reprobatione negativa, propter dicta, sed videndus articulus tertius citatus.

Ad quartum concedo, posse existentem in peccatis illa detestari ex naturalibus cum communi influentia; intelligendo communem, seu generalem influentiam, illam, quam exhibet Rector universitatis omnibus hominibus, quatenus vult singulis, (quibus in speciali consulit, providetque) communia adjutoria voluntate antecedenti ad salutem, quibus adjutorijs quisque posset sufficienter bene vivere, & salvari. Ut ergo peccator intelligitur preventus his adjutorijs sufficientibus, posset detestari peccata, & ita se disponere ad justificationem; veruntamen hæc omnia, quia cadunt sub adequato prædestinationis effectu, impossibile est, inde moveri, aut præexistere rationem divinæ voluntati prædestinandi aliquem ex his, qui sunt salutem consequuntur. Ceterum separando creatam voluntatem sub peccato existentem à gratia Dei præveniente, nec potest resurgere à peccato, necesse ad gratiam sanctificantem disponere per errorum detestationem; quia sicuti à gratia Dei est, ne in alia labatur peccata, ita multo magis de illius virtute procedit, ut liberetur à malis, quibus involuta, & obligata reperitur.

Ad quintum respondeo, *judicium* proprie est conclusio secundum legem, ut cum homicida damnatur morte, juxta legis universalis dictamen; respectu electorum ex beneplacito voluntatis divinæ non sunt judicia; quia ea electio non fit juxta prævisæ legis practicæ dictamen. *Judicia* ergo exercentur in damnatione reprobiorum secundum leges à divina sapientia præfixas; & ea porro sunt inscrutabilia; quia nemo potest scire in quod peccatum Deus vult permittere aliquem, quantumvis justum, cadere, propter quod demum reprobetur. Nec ulli est creatæ menti perscrutabile cur alicui detur gratia ad resurgendum, alteri non detur; unde Augustinus super illud Joan. *Nemo venit ad me, nisi Pater meus traxerit eum, dicit, quare hunc trahat, & illum non trahat, noli velle judicare, si non vis errare.*

Ad Augustini auctoritatem dicendum, utique de beneplacito voluntatis oriri, ut quorundam misereatur, ac justissimè indurari quotquot in malitia indurantur, idque insuper fieri ob eorum, qui in malo obstinantur, occultissima merita, ob quæ quidam justificatione digni efficiuntur; alij verò in propria malitia derelinquuntur. Qui enim communibus adjutorijs abutuntur, justitiam, & misericordiam subinde contemnentes, digni sunt ut malitiæ, quam diligunt, affixi relinquantur; qui verò gratiæ Dei prævenienti auscultantes in detestationem commissorum peccatorum assurgunt, se se ad justificationem sic disponentes, ad illam pervenire merentur.

ARTI-

1. dist. 46. 6.  
Ad primum.  
Videndus Magist. Hiquax super text. cit. 4. sent.

4. dist. 22.  
6. De secundo.  
V. Ad primum.

1. dist. 44.



## ARTICULUS VI.

Utrum prædestinatio sit certa.

*Dei. 1. dist. 40. in utroque scripto S. Thom.  
1. p. quæst. 23. art. 6.*

**V**IDETUR prædestinatio esse omnino incerta. Nam *Apocaly. 3.* jubetur Joannes scribere Episcopo Ecclesiæ Philadelphię; *Tene quod habes, ut nemo accipiat coronam tuam.* Id autem non præciperetur, nisi corona, & præcipuus effectus prædestinationis posset amitti, sic ut alius eundem promeretur: Sed ex hoc est evidens prædestinationem esse incertam. Unde & August. *de cura pro mortuis gerenda. Orandum est, inquit, pro electis, ut nomina scripta in libro retineantur;* igitur fieri potest, ut prædestinatorum nomina è libro vitæ deleantur, & damnentur; est ergo eorum prædestinatio incerta.

Præterea, Prædestinatio non habet confirmare in gratia Dei prædestinatum; igitur stante prædestinatione, prædestinatus potest peccare, & in peccato perseverare, & tandem daminari, igitur non subest prædestinationi infallibilis certitudo; est igitur incerta.

Præterea, Si prædestinatio foret certa; igitur immutabilis esset: Sed ex hoc liqueretur unum valde absurdum, scilicet frustra latam fuisse omnem legem divinam, nec aliquem esse corrigendum, aut hortandum pro observantia mandatorum Dei, & consiliorum; nam ex hoc quod prædestinatio est certa, & invariabilis, si quis est prædestinatus, qualitercunque vivat, salvabitur sin minus damnabitur, quemcunque tandem conatum adhibeat, atque incumbat observandis divinis mandatis.

Præterea, Si prædestinatio esset infallibilis certitudinis, profecto id non aliunde sibi inesset quam a decreto divinæ voluntatis determinantis conferre gloriam electis, independentem ab usu libertatis creatæ: sed hoc ipso inferretur vis voluntati creatæ: cum nulla habita ratione usus ipse ad unam partem determinaretur, adeo ut nequeat impedire, aut declinare vim determinationis divinæ; ergo certitudo prædestinationis evertere videtur libertatem creatam.

**CONTRA,** Si prædestinatio incerta sit, & mutabilis subinde, adeo ut prædestinatus posset daminari; igitur id esset per actum voluntatis creatæ aberrantis à lege divina; igitur per actum voluntatis creatæ impediretur propositum voluntatis divinæ, quo statuit prædestinatum esse æternam vitam donandum: id autem est impossibile; ergo prædestinatio est certa, invariabilis, & infallibilis.

Rursus, omne præteritum est simpliciter necessarium, juxta illud Philosophi 6. Ethic. cap. 3. *Hoc solo privatur Deus ingenua facere, quæ facta sunt;* Sed electorum prædestinatio transivit in præteritum, cum è divinæ voluntatis actus sit æternus: ergo est simpliciter necessaria, certa, & invariabilis.

**RESPONDEO** dicendum, prædestinationem esse certissimam, atque eventus proinde infallibilis, nullam tamen propterea imponere necessitatem iis objectis, ad quæ terminatur. Declaratio: Nam juxta dicta supra, *quæst. 19. art. 6.* quicquid Deus vult efficaci voluntate, ac beneplaciti, illud est infallibiliter futurum: Quoscunque autem ipse prædestinat, efficaciter ordinat ad gloriam suo tempore representandam, ac retribuendam pro mensura meritorum, quorum est præmium, mer-

ces, & corona: igitur infallibiliter, ac certissimè ita fiet, cum nihil sit, aut esse queat, unde Dei efficax propositum impediatur. Quod vero exinde eventus ejus divinæ determinationis non sit necessarius respectu creatæ voluntatis, declaratur ex dictis, *cit. quæst. 19. art. 8.*: quia causa superior, quæ superior non destruit influxum, & causalitatem causæ inferioris, ut inferior est, imò suo concursu, & ratione causandi ordinis superioris firmat, & stabilit, cooperando illi, opitulandoque ad productionem effectus, eo modo, quo causa inferior nata est suum causatum attingere: Deus autem ut præsciens, & volens est causa superior; ergo ratione suæ volitionis, & præscientiæ non adimitur causæ inferiori liberæ modus sibi proprius causandi contingenter; imò per ejus voluntatis decreta, & præscientiam eadem consequentem, firmatur, atque constabatur contingencia in omni effectu contingente. Cum enim causa superior attemperet suum concursum causæ inferiori, ita ut agere queat juxta modum sibi connaturalem, causæ secunde contingenter agentis non coaget prima sub ea ratione, quæ necessario impellatur ad sui effectus productionem, quia is modus repugnat naturæ ipsius. Ut ergo primum sub ratione causæ comparatur ad secundaria agentia, non infert, nec inferre potest sub hac ratione causis secundis necessitatem; quia universalem rerum provisoriam, & rectorem deest promovere, & quibus consulit, & ordinare ad ulteriorem perfectionem, non vero adimere ipsis eam, quæ pollent, ut *art. 4. quæst. præcedentis* extitit declaratum: Si imponeret autem Deus prædestinando necessitatem iis, quos elegit, præcipua perfectione eos privasset hoc ipso quod ad perfectionem ordinasset; Cum ergo ex regimine universalis providentiæ non sequatur destitui res provisas naturalibus virtutibus, sed magis per media opportuna disponi, ac ordinari ad acquisitionem illorum, quorum indigent, ut ipsis completè bene sit; multo minus id efficit in ipsis prædestinatio, quæ est specialis, & præcipua curarum, quas impendit Deus creaturis intellectualibus: Quemadmodum enim ea, quibus est hæc cura impensa, maxima sunt felicitate potitura; ita ea ratione providendi exactissimè, ac opportunissimè actum esse cum ipsis sentiendum est, ut nulla propterea in eis intrinseca vis, & perfectio sit imminuta, & immutata. Denique si ex prædestinatione intelligeretur causis liberis violentia illata, maximè propterea quod nullus prædestinatorum perit, cum id genus providendi infallibiliter involvat finissequutionem: Sed salva causæ secundæ libertate prædestinatio est certissima, ac infallibilis eventus; igitur per electionem ad gloriam nulla creatæ voluntati imponitur necessitas. Probatio minoris: Gloria est assequenda per merita, pro quorum mensura rependitur: merita autem ideo sunt talia, quia voluntas liberè elicit actus secundum affectionem justitiæ, & gratiæ inclinationem: horum autem futuritio in eternitate decreta fuit à Deo concomitanter cum voluntate creatæ; quemadmodum una cum ipsa concurrente in tempore, representantur; ergo cum infallibili electione ad gloriam optimè coheret libertas creatæ voluntatis.

**AD ARGUMENTA.** Ad primum respondeo ex statim dictis; quoniam actus meritorii (quibus redditur gloria, ut corona, & p'gnum) ita liberè eliciuntur, ut creatæ voluntas loco illorum ponere queat actus obliquos, & demereri, & secundum eam deordinationem, ire, & ultionis divine objectum fieri, hortatur, & monet Joannes,

De rerum principio 9 d. n. 32.

Quodlib. quæst. 1.

1. dist. 40. 3<sup>a</sup> dist. 17.

Hæc auctoritas nec lo. cit., nec alibi apud Augustinum expressè reperitur, sed quid æquivalens cap. 103. Enchiridis, ac 13. de correptione & in fine Hypognosticon incerti Auctoris.

1. dist. 4.

3. dist. 37. q. 2. 6. ex prima via.

1. dist. 46.



2. dist. 41. 6.  
Ad primum  
oppositum.

ut quisque studeat gratiam Dei conservare, ac in bonis operibus se exercere; præsertim cum prædestinationis arcanum sit absconditum omni creaturæ, nec quisquam scire possit, citra specialem Dei revelationem, se esse prædestinatum, fatagere oportet, ut per bona opera, & assiduum studium virtutis certam nostram vocationem, & electionem faciamus. Nec aliud intelligit Augustinus, cum ait, orandum pro vivis, ut nomina scripta in libro retineant. Nam retinere nomina scripta, aliud non est, quam ad gloriam ordinari; contra vero morte æterna dignum judicari, & inveniri, est ab illa ordinatione per peccatum excidere. Hi ergo haud asserere intendebant Dei efficax decretum de danda gloria electis esse mutabile; id enim est alienum omnino à veritate. Sed quia gloria est tanquam præmium, reddenda meritis, hortabantur ad meritum acquisitionem, & ad perseverandum in operibus sanctis, ut ita spem bonam quisque de sua salute aleret: nam quoniam constat malos æternis suppliciis luendis esse destinatos, certè divinæ legis cultores confidere possunt, & sperare se esse computatos inter illos, qui in superna sunt felicitate sublimandi.

Ad secundum respondeo, concedendo prædestinationem posse peccare hoc ipso quod per prædestinationem in gratia non sit confirmatus, seu impotens ad peccandum in actu, ut sunt Beati. Et cum infertur; igitur posset damnari, uti eveniret, si in peccato moreretur. Responsio; si is in peccato moreretur, non foret prædestinatus; sed magis ex prævisione peccati, in quo erat decessurus, inter reprobos computatus. Scante igitur prædestinationis decreto, impossibile est, mori in peccato, & damnari; tamen in sensu (ut ajunt) diviso, concedendum est, prædestinatum posse damnari: nam ut consideratur volitio divina, quatenus naturaliter prior transitu ipsius super illud objectum, quod est gloria æterna prædestinato; in illo priori non repugnat sibi esse oppositi objecti; imo potest esse æqualiter oppositi; sed non simul amborum, nec successivè, eo quod voluntas illa sit incapax mutationis; quia ergo persona eadem, quæ est prædestinata, potuit non fuisse prædestinata, imo reprobata, cum liberè, & contingenter terminata sit ad illam volitio divina; in sensu diviso, qui est prædestinatus, potest damnari, id est, potuit non prædestinari; at nequaquam in sensu composito, seu stante decreto edicto de electione illius ad gloriam; quia Dei voluntas est inimpedibilis, & immutabilis, & ideo certissimè infallibilis eventus.

Ad tertium est responsio ex dictis ad primum. Nam quia gloria est reddenda meritis, quæ lucrantur, & accedunt nobis ex observantia divinarum mandatorum, necessario est lata lex divina, & utilimè hortantur homines, ut studeant illi proprios actus conformare; aberrantes ergo rectè corripuntur, atque etiam justè compelluntur ambulare per vias rectissimas legum divinarum. Et cum dicitur hoc ipso quod prædestinatio est infallibilis, electus qualitercunque, & quomodo-cunque vivat, salvabitur, sicuti & damnabitur, si non fuerit prædest. natus. Responsio; Ex eo, quod quis per viam iniquitatis incedit, nulla habita ratione legis divinæ, existimari potest, ipsum non esse de numero electorum, nisi ab malicia convertatur. Patendum est autem aliquos pessimè vixisse, & tamen inter electos computari meruisse, sed ex viæ mutatione per gratiam Dei; est igitur veritas catholica, unumquemque prædestinatum gloria donari per merita vel propriis actibus acquisita,

Tomus I.

vel ipsis applicata; non ergo quisque a luto sum potest salvari, nisi per observantiam mandatorum Dei.

Ad quartum dicendum, utique Deum efficaciter velle gloriam electis independentèr ad ea omnia, quibus medianibus, ipsa attingitur, sicuti sunt merita per Christi gratiam acquisita. Est itaque ipsis volitus finis prius natura, quam sint volita & media: attamen quemadmodum in fine includuntur virtualiter media, ita & volitio finis est virtualiter volitio mediorum: media autem intenduntur una cum creata voluntate, cujus est mereri; non est ergo ejusmodi visio divina vim inferens libertati creatæ, quia est, citra prævisionem, usus ejus sit efficaciter volitus, & intentus sibi finis, in hac ipsa tamen formali volitione, virtualiter sunt volita media, quæ in signo posteriori sunt prædeterminata concomitanter cum voluntate creata, & ita præviti in æternitate, infallibiliter futura, & certissimè gloria reddenda in tempore illis representatis. Esset ergo tale decretum præjudiciale, & læsivum libertatis creatæ, si formaliter, & virtualiter foret antecedens, id est, ita flectens, ac determinans voluntatem ad hanc partem, ut sibi non superesset facultas, & vis agendi contra talem fixationem, & nulla ratio subinde haberetur usus ipsius: at contrarium evenire in casu ex dictis constat.

Ad primum in oppositum, concedo eo prabari certissimum eventum prædestinationis divinx; quia per creatam voluntatem impediri nequit propositum voluntatis divinæ, adeo ut eveniat oppositum ejus, quod Deus decrevit. Nam etsi voluntas creata suis pravis operibus demerendo gratiam Dei, accersere sibi queat æternam damnationem: eo tamen in casu divina voluntas una cum ipsa concomitanter determinando illorum actuum futuritionem, non præordinavit ipsam ad gloriam; quia si præordinasset nequaquam illius propositum frustratum fuisset.

Ad aliud dicendum, veram conclusionem deduci ex falsa imagine, quæ imaginatur actum prædestinandi in præteritum abiisse, cum revera illud idem *nunc* æternitatis, in quo est is actus semper sit præsens. Prædestinatio itaque quamvis coexistat præteritis, quæ transierunt, non tamen ipsa præterit, ut illa; quia verba diversorum temporum dicta de Deo, prout verissimè competunt sibi, non significanc partes temporis mensurantis actum illum, sed significanc *nunc* æternitatis, quasi mensurans illum actum, in quantum coexistens illis pluribus partibus temporis; & ideo idem est Deum prædestinare, & prædestinasse, & prædestinatum esse, & ita contingens unum, sicut aliud; quandoquidem *nunc* æternitatis, mensurans eum actum, coexistit omnibus illis.

## ARTICULUS VII.

Utrum numerus prædestinatorum sit certus.

Doct. locis in margine citatis S. Thom. 1. p. quæst. 23. artic. 7.

**V**IDETUR numerus prædestinatorum non esse certus. Nam ex dictis in articulo præcedenti in fine idem est Deum prædestinare, prædestinavisse, ac prædestinatum esse; sed intelligendo Deum deliberare de numero electorum prædestinandorum, manifestè est eorum numerum incertus; Interim enim potest ei fieri aliqua additio, aut detractio, aut imminutio; Ergo si perinde

P p

1. dist. 41.



de est Deum prædestinasse, ac prædestinatum esse; non est ita certus, & præfixus electorum numerus, quin augeri, vel imminui queat.

Præterea, Cum ex oblatis per intellectum divine voluntati Angeli omnes, & homines futuri, tot & non plures sunt ad gloriam præordinati, aut id provenit ex parte ipsorum electorum, aut sine ulla ratione inventa in ipsis, numerus statuitur ex beneplacito voluntatis divinæ. Non primum, ut in quinto articulo dictum fuit; igitur tot, & non plures sunt prædestinati, quia sic placitum fuit Dei voluntati: Atqui hæc cum sit rectitudinis infinitæ cuncta propter se ipsam, gloriamque suam operatur; igitur quoniam major Dei gloria, ampliorque miserationis, & bonitatis commendatio est ex majori numero electorum, is semper magis, magisque poterit augeri ex hominibus futuris, aut etiam possibilibus post decretam illorum futuritionem.

Præterea, Deus condidit hunc mundum sensibilem gratia electorum, ut nempe & foret locus eorum, & necessaria vitæ sustentandæ inde suppeditarentur; igitur oportet rerum hanc universitatem ita electis proportionari, & accommodari, sicuti à Sapientissimo Artifice diriguntur, & ordinantur ad finem ea, quæ sunt idonea ab ipso propter illum: Sed Deus potest condere aliam rerum universitatem & intensivè, & extensivè hac perfectiorem; ergo pariter in illa erit proportio mundi sensibilis ad electos, ut in ista, quæ iam est facta. Si ergo saltem extensivè foret melior, necessarii plures numero electos continere deberet; igitur non est de facto ita statutus, ac determinatus electorum numerus, ut nequeat augeri, & subinde minui; si inferiori in perfectione Deus hunc condidisset mundum.

Præterea, Potest Deus non elargiri gratiam, quibus largitur, quia mediante ipsi salutem consequuntur; Sed gratia Dei non adjuvante, utique non salvantur: Sicuti & saltem non potiuntur ij, quibus gratia non datur, & damnantur, eo quod gratia Dei instructi non sint; igitur prædestinatorum numerus potest & augeri, & minui.

CONTRA, Augustinus de Correctione, & Gratia cap. 13. In Apocalypsi, inquit, dicitur; Tene quod habes, ne alius accipiat coronam tuam. Si alius non est accepturus, nisi isle perdidit, certus est electorum numerus, id est, non potest augeri, vel minui.

RESPONDEO dicendum, numerum electorum ita certum, ac præfixum esse, ut nec minui, nec augeri queat. Declaratio: Deum velle gloriam compluribus ex creaturis intellectualibus, & rationalibus, est verum consequens futurum contingens: non enim necessario ita fore decrevit, sed per infinitam rationem libertatis, secundum quam & condidit omnia. Atqui Deus distinctissimè, & intuitivè attingit futura contingentia, ut art. 13. q. 14. extitit declaratum: ergo ita distinctè, clarè, & exactè est perspectus divino intellectui numerus electorum, quemadmodum à voluntate fuit determinatus. Revera autem Dei voluntas omnia, quæ facienda, futuræ erant in tempore, ab æterno determinavit: atque complexionibus, quæ ex se ipsis erant neutre, quatenus illi ab intellectu ostendebantur, determinatam veritatem dedit: non enim potuit voluisse aliquid in tempore: id enim haud contingere posset, citra mutationem ipsius, ut declaratum fuit supra q. 19. art. 2. in eternitate igitur voluit alteram partem oppositorum (simul enim opposita velle, est nihil velle) in quibuscunque aliis a se. Ut ergo voluit omnia

futura, ita noluit non futura: prædestinatos ergo omnes voluit in æternitate quidem, sed tamen in tempore beandos. Cum igitur intellectui divino sint peripsecta, ac distinctissimè explorata omnia futura, veluti intuitivè cognita: necessario videt ac comprehendit numerum eorum, quibus voluntas voluit efficaciter gloriam; & quia aliis ab ipsis non fuit pariter volita, est ita certus prædestinatorum numerus, præfixus, & determinatus, ut sicuti Dei voluntas impediri nequit, nec frustrari, quin sint ea omnia, quæ efficaciter fieri vult, ita ex numero prædestinatorum nemo perire potest: & quemadmodum de novo nihil velle, aut statuere potest: id enim mutationem, & imperfectiorem aliquam inferret divine majestati: ita nec fieri potest, ut ei numero aliquid addatur, seu prædestinetur non prædestinatus: quia tunc quod in æternitate non erat futurum, nec notum subinde intellectui divino, in tempore acciperet futuritionem, atque ita & voluntas in novum exiret decretum, & intellectus novam acquireret scientiam: neutrum autem est rectum, nec proinde attribuendum divinæ majestati. Rursum, ex dictis, quæst. præcedenti art. 2. & 3. Deus cum sit rector universitatis rerum, curam gerit omnium in particulari, unicuique exactissimè consulens, & non magis uni, quàm alteri, sed æqualiter est illi cura de omnibus, quemadmodum & omnibus, & singulis esse dedit: ex hoc autem quod condidit omnia, quibus exactissimè consulit, singulis exhibendo ea, quibus eam, cujus sunt capaces, attingant perfectionem, certus est apud Sapientissimum Rectorem numerus specierum, & individuorum, quibus consulendum, curaqué impendenda est. Atqui electos ad gloriam peculiari, exactioreque providentia profequitur, quippe qui per talem electionem ordinentur ad bonum excedens naturalem exigentiam, nec reducibile subinde sub curam generalis provisoris rerum universitatis. Nam ex eo titulo is perfectioribus naturis correspondentes ipsas naturales perfectiones impertiri tenetur, & minus perfectas inferioribus; hæc autem perfectio, ad quam per hanc specialem providentiam ducuntur electi, non datur pro ratione naturarum, sed ad mensuram retribuitur meritorum, & liberalitatis divinæ, secundum quam liberaliter elegit, quos voluit ad ejus boni participationem; igitur certissimus est sibi numerus eorum, quibus hanc specialem curam impendit, & ultra generalem providentiam, qua ad naturalium perfectionum acquisitionem ordinatur, longè perfectiorem exhibet ducendo illas per media opportuna ad finem omni natura altiore, & perfectissimum, per cujus acquisitionem his completè bene fit.

AD ARGUMENTA. Ad primum respondeo, non ad eum sensum dici, idem esse Deum prædestinare, prædestinasse, ac prædestinatum esse, perinde ac si hætenus expectavisset ad deliberandum super numerum eligendorum; id enim est omnino alienum à veritate, & dedecens majestatem divinam; quia nihil fuit, est, vel erit, quod non fuerit volitum à Deo in æternitate, ut quæst. 19. art. 2. cit. extitit declaratum. Eatenus igitur dicitur prædestinationis actus futurus, & præteritus, & præsens, quia cum sit in instanti æternitatis, ac proinde semper præsens, verè de illo enunciantur verba secundum omnem temporis differentiam, secundum August. Tract. 99. in Joannem; quæ verba proinde magis propriè dicuntur consignificare nunc æternitatis, quàm temporis differentias; Non quidem ipsum nunc absolutè, sed

De his q. 10.  
art. 2. cit. 3.  
art. 7.

Quodlib. q. 11.  
4. dist. 46. q. 1.  
3. dist. 7. q. 3.

1. dist. 9.

in-

1. dist. 41.  
3. dist. 19. &  
32.

4. dist. 46. q.  
4. in addit.

3. dist. 32.

1. Report.  
dist. 44. q. 2.

Ex Magist. 1.  
dist. 40. cap. 2.

Magist. ubi  
supra,

1. dist. 39. 6.  
Visto de con-  
tingentia.  
1. dist. 45.



inquantum coexistit partibus temporis. Quamvis ergo verba diversorum temporum significent idem *nunc* æternitatis, quatenus de Deo dicuntur, præferunt tamen diversos modos significandi. Itaque licet idem sit, Deum prædestinare, ac prædestinatum esse, prout his loquutionibus significatur *nunc* æternitatis semper præsens, nec futurum, nec præteritum; nihilominus quoad modum significandi non idipsum intelligitur; cæterum actus *nunc* æternitatis mensuratus necessario terminatus est ad alteram partem quorumcumque volitorum, vel volibilium, adeo ut quicquid est, vel erit in æternitate volitum sit, contra vero nolitum, quod nec fuit, nec erit; ex quo fit, ut invariabilis sit numerus prædestinatorum per voluntatem divinam, ut ipsa voluntas expers est omnis mutationis, & mutabilitatis, ac potentiae infinitæ ad exequenda, quæ fuerint determinata.

Ad secundum dicendum, electorum numerum esse ex beneplacito voluntatis divinæ, tot, & non plures, nec pauciores efficaciter ad gloriam ordinando. Et cum inflatur; quia cum omnia condita sint, & volita propter primum, & ad augmentum gloriæ ipsius pertineat salus plurimorum, videtur posse fieri additio ad numerum electorum. Responsio; perinde spectat ad gloriam, & manifestationem perfectionem divinarum, & salus, & damnatio creaturarum. Cum enim sit bonum commune & universale per eminentissimam omnium continentiam, bonum particulare uniuscujusque creaturæ non ita exigitur necessario ab illo, quin oppositum ejus ordinari queat ad idem bonum, quod est condecencia bonitatis divinæ, & ad illud solum Deus simpliciter determinatur. Poterat igitur voluntas primi pro sua libertate majorem numerum Angelorum, & hominum eligere ad gloriam, cum ab æterno prædestinaret, quos prædestinavit, sed justum fuit ita factum esse, non aliter, quia sic volitum, unde Anselm. Prolog. xi. *Illud solum est justum, quod vis: non justum, quod non vis.*

Ad tertium respondeo, utique mundum sensibilem gratia Christi, & electorum conditum esse; atque etiam ita electorum numerum fuisse intentum, & præfixum, quemadmodum decet Artificem Sapientissimum quæcunque vult gratia finis secundum debitam proportionem ipsi fini accommodare, disponere, atque aptare, præsertim cum constet, omnia disposita fuisse ab hoc Artifice in *numero, pondere, & mensura*. Sapient. xi. Itaque credibile est numerum electorum tantum esse, quantum oportebat, ut omnimoda harmonia, & proportione, & pulchritudine, quæ exsurgit inter finem, & ea quæ sunt ad finem, mundus constaret, adeo ut nisi ex tot unitatibus numerus præcisè coalesceret, sibi ea partium consonantia, & pulcherrima dispositio deperiret. Et fortasse quid simile accideret in toto, ejus quod Aristoteles subtiliter putavit eventurum in Cælo, si vel unica stella detraheretur, aut nova apponeretur; nam sicut in isto casu cælum evaderet improporcionatum virtuti intelligentiæ moventis, ita non servato electorum numero à Deo præfixo partes inter se, & respectu finis debita proportione, & harmonia privarentur. Nam soli, lunæ, & stellis comparat electos Apostolus in resurrectione 1. *Corinth. cap. 15.* Et cum dicitur possibilis est alius mundus jam condito perfectior; ergo servata proportione, in illo major foret electorum numerus. Hec consequentia est concedenda; quia procedit secundum aliam providentiam, & pro ratio-

ne potentiae absolute Dei; nos autem loquimur, juxta præsentem ordinem rerum, in quo putamus eos solummodo salvari, qui nati fuissent in statu innocentiae: reprobos vero nunc nasci occasione peccati. Et eadem est ratio, si loco præsentis Deus mundum imperfectiorem sive angustiorum condere voluisset.

Ad quartum respondet Magister loco citato: ea ratione dixisse Augustinum fieri non posse, ut numerus electorum augeatur, aut minuat; quia nequit utrumque simul verum esse, scilicet ut aliquis salvetur, & non sit prædestinatus, vel ut aliquis prædestinatus sit, & damnetur. Ex suppositione ergo quod Petrus sit prædestinatus, non potest sibi subtrahi gratia, unde damnetur. Quamvis is, qui salvatur per liberam Dei electionem, potuit non fuisse prædestinatus, & damari; non quia Deus post electionem alicujus, velit ipsius damnationem, aut utrumque determinet in æternitate: sed quia in eo signo, quo prædestinavit, potuit non prædestinare.

## ARTICULUS VIII.

Utrum prædestinatio possit juvari precibus Sanctorum.

Doct. 4. dist. 2. quæst. 1. §. Ad Tertium in utroque scripto. S. Thom. 1. parte, quæst. 23. articulo 8.

**V**IDETUR prædestinatio minimè juvari posse precibus Sanctorum; Nam prius est Deum elegisse sanctos ad gloriam, & gratiam, quam ipsorum merita, aut demerita præcivisse; Siquidem post peccati prævisionem fuit volitus Christi adventus in carne passibili, ut per illam illatis vulneribus necessariam afferret medicinam; ipse autem cum cæteris electis, quorum est sanctificator, & caput, venisset, etiam si nullum existeret peccatum, ut art. 1. §. 6. factum fuit; igitur cunctæ Sanctorum præces, & merita nihil conferre possunt, & adjuvare ipsorum prædestinationem, quippe quæ statuta sit independentes, & ante ejusmodi precum prævisam futuritorem.

Præterea, Si ullis Sanctorum precibus, & meritis Sanctorum prædestinatio promoveretur, adjuvaretur, & fieret, maximè meritis, & precibus Christi prævisis; nam hæc in immensum preponderant, atque excedunt aliorum omnium Sanctorum merita simul: Sed Sanctorum prædestinatio facta est independentes à meritis Christi. Nam si meritorum ipsius intuitu Deus prædestinasset, omnes omnino homines, & Angelos ad gloriam, & gratiam elegisset; nam omnibus prorsus prædestinandis satis fuit. Hinc Christus sua merita Patri pro solis electis efficaciter obtulit; uti & fuere acceptata; pro aliis autem, & præsertim pro omnibus, qui in ipsum credituri erant, etiam oraverit, ut patet *Joan. 17.* exauditus tamen non fuit.

Præterea, Prædestinatio, seu electio ad gloriam, & gratiam est actus voluntatis beneplaciti, & consequentis, ut in antecedentibus frequenter tactum fuit. Quicquid autem Deus ea voluntate fiendum statuit, est infallibiliter futurum, secundum quod & Paulus scribit; *Voluntas ejus quis resistet?* 9. ad Roman. omnino igitur ejus voluntatem oportet adimpleri circa prædestinatos; igitur non est sibi opus alterius auxilio ad exequutioni mandandum, quod facere decrevit; ergo nec ullius interventu adjuvatur, sicuti & nullus

4. dist. 46. q. 2. 6. Ad tertium.

1. dist. 3. q. 5.

2. dist. 49. q. 2. 6. Ad illud.

3. Cæli rex. 37. & 91.

4. dist. 49. q. 15.

1. dist. 45.

3. dist. 7. q. 3. & dist. 19.

3. dist. 19.

1. dist. 46.



prævis operibus bonis ad gloriam, & gratiam ordinavit quotquot sunt vitam eternam adepturi.

CONTRA, Si prædestinatis nihil prædesse: Sanctorum preces; igitur frustra in Ecclesia forent instantæ orationes omnes, quibus deprecamur divinam Majestatem, ut per Christi merita vitam eternam nobis donare dignetur; immo & per Scripturam ad ita orandum frequenter adhortamur; unde Augustinus, *de cura pro mortuis gerenda*; ait, orandum esse pro vivis, ut nomina scripta in libro retineant; igitur prædestinatio juvari potest prævis Sanctorum.

RESPONDEO, Quoniam ex dictis supra articulo 5. & 6. prædestinatio bifariam potest considerari, nempe & secundum ordinem intentionis, & juxta ordinem executionis, adeo ut quod fuit primo in uno ordine intentum, sit ultimum in alia coordinatione, cum de utraque præsens quæsitum intelligi queat, operæ pretium facturos arbitramur ejus solutionem subijcere quoad utrumque intellectum. Esto igitur.

Primum dictum, Christi Domini merita, non quæ ex carne passibili consequentur, sed ea, quæ prævidebatur habiturus, etiam si in carne passibili venire non oportuisset, extitisse causam de condigno prædestinationis, secundum ordinem intentionis hominum, & Angelorum. Declaratio: Christus est princeps, & caput omnium prædestinatorum, ut frequenter dicit Paulus in Epistolis, & præsertim *ad Ephes. cap. 1. & ad Coloss. 1.*, & alibi. Cum enim sit filius Dei, & hæres universorum, per quem & ejus gratia facta sunt omnia, ut *1. ad Hebræos* idem testatur; necessario ante omnem creaturam fuit à Deo volitus, & prædestinatus. Est enim Deus rationabilissimè volens, atque ita ut prius vult finem, ac velit ea, quæ sunt ad finem, ita ipsi propinquiora fini prius sunt volita, quam remotiora, ita exigente eorundem natura objectorum; postquam igitur in primo signo dilexit essentiam suam, in qua & novit omnia, seu infinita possibilia; exinde voluit ex infinita bonitate, & liberalitate se ad extra summè, & quantum fieri poterat communicare, eaque volitione elegit creaturam rationalem ad summam gloriam, & gratiam, & ad unionem hypostaticam, cui unioni tantum congruebat eorum beneficiorum magnitudo. In eo igitur signo, in quo fuit volita Christiani summa gratia, prævidebatur fore ut propterea summè diligeret Deum, fuerunt propterea ipsi ii actus meritorii, ac longè Deo subinde acceptissimi; nam in eo signo, non erat prævisus, nec volitus Christus tantum comprehensor, quia tunc esse nequisset passibilis & viator. Ob talem itaque conditionem personæ, potuerunt actus ipsius esse meritorii; meruit ergo Christus, idest, prævisus est habiturus actus meritorios secundum portionem superiorem, & nullam dependentiam habentes à carne passibili; nam in eo signo nec passibilis prævidebatur, uti nec positivè impassibilis, ergo intuitu eorum meritorum Deus voluit gloriam, & gratiam omnibus electis. Quia enim tantopere erant Deo accepta, ut citra omnem comparisonem magis dilexerit, fueritque sibi gratus Filius suus, ejusdemque actus dilectionis essentia diving, quam cætera omnia; quippe quæ propter illum condita sint, nec ulli eorum, nec omnibus simul tanta impensa sint beneficia, quanta uni animæ Christi; profecto esse potuerunt causa prædestinandi omnes electos, idest, volendi eos finaliter habere dilectionem divinam: & quemadmodum intuitu ipsius acciperunt esse naturale, ita & ob ipsius merita

volitum sit iidem esse supernaturale gloriæ, & gratiæ, ut nihil in ipsis reperiat, nisi acceptum à Deo intuitu meritorum Christi. Quod si id fieri potuit, sentiendum est factum fuisse; nam secundum Augustinum, 3. de libero arbitrio, cap. 5. *Quicquid tibi vera ratione melius occurrit, scias hoc Deum magis fecisse, quam non fecisse.* Recta autem ratio dicitur, quotiescunque causa potest in suo ordine aliquem attingere effectum, attribuendam esse illi productionem ipsius, quum effectum esse contigerit; nam si ex eo dignificatur natura, quantum fieri potest, nec aliunde de opposito constat, multo magis dignificanda est excellentia meritorum animæ Christi; sentiendo ipsum prædestinationem omnium electorum promeruisse, adeo ut is effectus à meritis ipsius in suo ordine adequatè pendeat; nec aliter subinde futurus, nisi illa causa præcessisset. Nam sicuti recta ratione attribuimus Christi passioni, & morti omnem gratiam medicinale, & reconciliantem Deo genus humanum è dignitate filiationis divinæ lapsam; propterea quod Christi obsequium in ara Crucis exhibitum longè gratius extitit Trinitati, quam hominis offensæ displicuisset; ita quoniam incomparabiliter Deus magis dilexit Christi humanitatem, quam cætera omnia simul; quæ (ut tactum fuit) per illum, & propter illum condita fuere, Christi merita prævisa causa fuisse videntur, cur Deus voluerit omnibus electis dilectionem suam finaliter; Etsi cur potius istis, quam aliis Angelorum, & hominum efficaciter intendit id bonum communicandum, in ipsius voluntatis beneplacitum sit refundendum, quemadmodum & quod potius istis, quam aliis possibilibus decreverit dare futuritionem. Quoniam vero si Adam in innocentia perstrisisset Electi duntaxat in lucem editi fuissent, & nullus reproborum, ii occasione peccati nascuntur in mundum; non fuit ergo intenta eorum futuritio, cum ex Christi meritis prædestinabantur electi, sed post prævisum Ade peccatum, stante decreto permittendi causas liberas agere proprios motus, & post præscientiam abusu eos auxiliorum exhibendorum, quibus potuissent bene vivere, & salvari.

Deinde, Christus ut princeps creaturarum, & caput electorum, & longè Deo gratissimus, acceptissimusque habet influere gratiam, ac supernaturalia, in omnes, in quibus aliquid gratiæ, ac cælestium beneficiorum est, fuit, & erit in præfenti, & futuro sæculo; est liquidem in ipso gratia in eo gradu, & excellentia, sicut fieri potuit, & conferri homini, qui est & Deus. Cum enim in nullo unquam alio fuerit, aut esse queat plenitudo gratiæ, & veritatis: juxta præsentem providentiam, necessarium omnem partem, quæ reperitur in membris, oportet esse acceptam è plenitudine fontis, & capitis, unde est influxus in membra; Si ergo est gratiæ repertæ, & reperibilis in Angelis, & hominibus causa meritoria de condigno in Christo capite; ergo pariter erit & causa meritoria de condigno ipsius gloriæ, sic ut quemadmodum fuerant ipsis preparata secundum ordinem intentionis beneficia supernaturalia, quibus certissimè liberarentur intuitu meritorum Christi, non quidem Salvatoris per mortem, & passionem, sed glorificatoris omnium electorum: ita & iidem fuerit volita gloria ob ejusdem merita: de qua re iterum redibit sermo, 3. part. quæst. 24. art. 4.

Denique, sola incarnatio Filii Dei est opus adeo gratuitum, ut potuerit esse à Deo intenta, ac volita nullorum intuitu meritorum, ut declarabitur 3. part. quæst. 19. art. 3. fuit ergo tali in facto sum-

3. dist. 13. quæ 2.

1. dist. 3. quæ 7. & 8. Ad Achillem.

9. Metaphys. quæ 14. nu 14. & 9. in fine.

3. dist. 20.

Ubi supra dist. 32.

2. dist. 20. q. 2.

1. Report. dist. 40. 9. Contra.

S. Thom. 21. quæst. 2. art. 7. cor. 1; dist. 7. q. 3. dist. 18. & 19. & frequenter.

3. dist. 7. q. 3.

3. dist. 18.

3. dist. 31. 5. Tertium patet.

1. dist. 18.

ma



ma gratia, ut ait Augustinus 13. de Trinitate. 8. quam ne ipse quidem Christus potuit promereri. Aliorum vero supernaturalium donorum gratiæ, & gloriæ, quæ membris corporis mystici, aut collata sunt, aut conferentur imposterum potuit extitisse causa meritoria de condigno; non sanè in illis, qui gratis gratiam erant accepturi, & gloria pariter a propriis meritis independentem fuit eis voluta; sed causa meritoria extrinseca. Hanc porro causam extrinsecam de condigno promeretur omnibus electis gratiam, & gloriam, Christum extitisse sentiendum videtur; cum eximie inde ejus excellentia innoscat, & declaratur, eaque sit insignis nota supremi Christi principatus in electos, quos à proposito voluntatis divinæ, ob arbitrii libertatem, aberrantes, iterum suo sanguine acquisivit, cum jam iisdem meritis ordinis altioris gratiæ, & gloriæ promeruisse.

Secundum dictum, Ad ordinem executionis quod attinet, prædestinatio juvari potest precibus Sanctorum, saltem quoad aliquem ejus effectum Declaratio; Nam etsi Deus voluerit in sua æterna electione gloriam omnibus electis independentem à quibusvis mediis; tamen quoniam una voluit eam repræsentandam, seu conferendam prædestinationis sub ratione præmii, mercedis, & coronæ, necessario illud decretum extitit virtualiter etiam medium, quibus scilicet erat gloria ipsa rependenda. Vult igitur Deus salvere quoscunque salvat per determinata media à sua voluntate præfixa: eorum autem medium præcipuum est oratio; est enim meritoria & oranti, & ei, pro quo funditur ad Deum; igitur frequenter Deus eo medio utitur ad perficiendum ea, quæ ipse decrevit se esse facturum, sed ordinatè, scilicet per media à sua providentiâ sapientissimè disposita. Propter preces igitur, & orationes, quæ sunt in Ecclesia; (siquidem quilibet tenetur pro se, & pro tota Dei Ecclesia orare, & velle suam orationem omnibus prodesse ad bonum spirituale) Deus elargitur gratiam, & alia dona spiritualia, aut augeat jam præstita, ut sint digni gloria, ad quam elegit prædestinatos: in ordine igitur executionis precibus Sanctorum prædestinatio juvatur; Et quidem Sanctorum utriusque Ecclesiæ triumphantis, & militantis; quamvis Sanctis in Patria non sit meritoria oratio, quam fundunt pro viatoribus. Denique ex dictis, quæst. præcedenti articulo 4. divinæ providentiæ præcipuum munus est deducere ea, quibus consulit, curamque gerit ad propriam perfectionem, nisi impedimento sint vel ipsæ causæ, pro earum libertate reluctantes, vel aliæ potentiores, quæ agere sinuntur pro exigentia universitatis rerum, occasionem aberrandi à scopo divinæ providentiæ ingerentes, ac subministrantes; igitur cum electi per specialissimum divinæ providentiæ regimen ducuntur ad finem supernaturalem, mediis eorum operationibus ei fini congruis, & præfixis, pervehuntur, ac promoventur: inter omnia autem opera meritoria & ipsis, & aliis oratio obtinet præcipuum locum, ut dictum est; hac ergo potissimum adjuvatur prædestinatio Sanctorum.

AD ARGUMENTA. Ad primum respondeo, eo tantum probari prædestinationem Sanctorum juvari non potuisse præcibus ullis, & meritis creaturarum, quoad ordinem intentionis, quod ultro fatemur; Siquidem causa meritoria de condigno, cur his actus terminaretur ad omnes creaturas, quæ erant futuræ membra corporis Christi, ipse Christus duntaxat potuit extitisse, & nulla creatura secundum præsentem providentiâ, quia ille solus est princeps, & caput omnium electorum,

& propter illum condita sunt omnia in præsentem & futuro sæculo. Ut ergo omnia, quæ sunt, quæve erunt, per hunc esse naturale accipiant, ita & supernaturale tam gratiæ, quam gloriæ; cum in illo omnium capite præextiterint merita præcongnita pro salvandis etiam infinitis, quamvis efficaciter accepta sint duntaxat pro determinatis, prout judicavit esse faciendum voluntas rectitudinis infinite; pro quibus etiam & posteriora merita ejus, quæ dependent à carne passibili prævidebantur futura, efficaciter fuerunt oblata. Ceterum etsi nequiverint merita omnium Sanctorum fuisse causâ prædestinationis, esse tamen potuerunt, prout & fuerunt, & sunt media, propter quæ Deus dat dona supernaturalia, quibus mediantibus elargitur & gloriam. Quamvis enim omnis gratia, & veritas descendat à Christo, atque per ipsum unicum mediatorem, omnes à Deo accipiant quicquid donorum supernaturalium aliquando habuerunt; tamen quia, ut tactum est, quilibet tenetur pro se, & pro Dei Ecclesia orare unumquemque, & præsertim Sanctos, decet esse in suo ordine coadiutorem Dei in procurando salutem electorum, eo modo, quo potest id ipsis competere mediis precibus, & orationibus, aliisque operibus bonis.

Ad secundum, concedendum est, juxta dicta, solius Christi meritis prævisis Sanctorum electionem in ordine intentionis juvari potuisse, imò de facto intuitu eorundem meritorum id factum esse. Et cum contra arguitur; quia tunc Deus omnibus Angelis, atque hominibus gloriam voluisset, quia omnibus prædestinandis illa merita satis erant. Responsio; Utique Christi merita prævisa, etiam quatenus à passione quacunque abstrahunt, esse potuissent causâ prædestinandi omnes homines, & Angelos; cur autem non prorsus omnes, vel magis istos, quam alios, referendum esse in beneplacitum voluntatis divinæ sicuti etiam quod ex infinitis possibilibus statuerit dare futuri-tionem tot determinatè, & non pluribus; & quemadmodum etiam quod magis Petro, quam Judæ voluerit dare gratiam efficacem resurgendi à culpa; horum omnium, inquam, non est querenda ratio, & causa ulla ex parte objectorum; sed duntaxat inspiciendum beneplacitum voluntatis divinæ, unde descendit, & in qua est prima ratio discernendi, & prælegendi unum præ alio: licet quoscunque eligit ad gloriam, & gratiam, intuitu meritorum Christi elegerit, cui cum perspecta esset divina voluntas, contra illius efficacem decretum efficaciter non oravit, sed vel conditionatè, vel voluntate signi, & antecedente, quæ Deus vult omnes homines salvos fieri: unde & orasse legitur Matthæi 25. pro declinandâ passione; non absolute quidem, sed casu, quo id fieri potuisset cum beneplacito voluntatis divinæ, de quo, 3. part. quæst. 21. art. 4.

Ad tertium respondeo ex dictis in solutione utique prædestinationis decretum spectare ad divinum beneplacitum infallibiliter adimplendum; sed quoniam interdum, quæ fienda decernit, vult fieri per media ordinata pro sapientissimo discrimine sue eterne providentiæ, eaque sunt preces, orationes, & alia ejusmodi opera meritoria, hinc ad horum positionem, sequitur gloriæ redditio; & Apostolus Petrus monet, ut satagamus per bona opera certam reddere nostram vocationem & electionem, epist. 2. cap. 1. quippe quæ tanquam corona, merces, & præmium nostris bonis operibus reddenda sit, aut certè meritis alienis nobis applicatis per sacramenta à Christo instituta.

QUÆ.

4. dist. 45. q. 4. §. De secundum.

3. Report. dist. 17. q. 2.

4. dist. 45. q. 4. §. De tertio. Quodlib. q. 20. §. De primo.

3. dist. 30.



# QUÆSTIO VIGESIMAQUARTA DE LIBRO VITÆ,

IN TRES ARTICULOS DIVISA.

Deinde considerandum est de libro vitæ.

ET CIRCA HOC QUÆRUNTUR TRIA.

- I. Quid sit liber Vitæ.
- II. Cujus vitæ sit liber.
- III. Utrum aliquis possit deleri de libro vitæ.

## ARTICULUS I.

Utrum liber vitæ sit idem, quod prædestinatio.

Doct̃or locis in margine citatis. S. Thom.

1. part. quæst. 24. art. 1.

1. dist. 3. q. 4.  
§. Ad quæstio-  
nem igitur  
V. secundus  
modus.



**V**IDE TUR liber vite idem esse ac prædestinatio. Nam is liber aliud esse nequit, quam intellectus divinus sua intelligentia exprimens electos ad vitam immutabiliter: sed electio ad vitam, seu prædestinatio, secundum Augustinum de bono perie verantur, cap. 14. est præscientia, & preparatio beneficiorum Dei, quibus certissime liberantur, quicunque liberantur; ergo liber vite est ipsa prædestinatio.

1. dist. 40.

Præterea, Prædestinatus potest damnari. Cum enim prædestinatio regulariter non confirmetur in gratia prædestinatus; ji subinde possunt peccare, & tandem damnari; Sed etiam conscripti in libro vitæ, possunt deleri, & propterea inter reprobos computari, juxta illud Psalmi 68. *deleantur de libro viventium, & cum iustis non scribantur*; ergo vitæ liber, & prædestinatio nomine tenus tantum videntur differre.

1. dist. 3. q. 4.  
§. Ad quæstio-  
nem V. se cun-  
damodus.

CONTRA, Secundum Augustinum, 14. de Trinitate, cap. 15. Syncere veritates, & regulæ æternæ scriptæ sunt in libro lucis increatæ, id est, in intellectu divino; eo igitur modo, quo libri significatio transfertur, atque attribuitur Deo, ad ejus intellectum spectat. Prædestinatio autem, ex dictis, quæst. præcedenti artic. primo in incidenti, actus est divine voluntatis.

RESPONDEO dicendum, Librum vitæ, cujus frequens est mentio in divinis scripturis, tum veteris, tum novi Testamenti formaliter non esse prædestinationem, de qua quæst. præcedenti actum, sed magis ipsam supponere, seu concomitari. Declaratio; Prædestinationis principium aliud profecto nequit esse, nisi voluntas divina. Cum enim gloria sempiterna nulli creaturarum sit debita, sed à largitate, & misericordia divina sit, ut detur gratia, nullis prædestinationis meritis, seu quam gratiam electi adipiscuntur jus in hereditatem gloriæ cælestis, profecto quotquot sunt prædestinati, seu indevidenter à meritis, seu ex præsuppositione peccatorum meritorum id factum dicitur, sane potuerunt non prædestinari: alioquin ex naturalibus in gratiam, & gloriam jus aliquod habuissent; quod est omnino alienum à veritate nobis in scripturis revelata: prædestinatur ergo,

& ordinantur electi ad gloriam, & gratiam per actum divine voluntatis, liberè, & contingenter transeuntis super quodcunque aliud objectum à se. Statuto igitur à libro principio hujus specialissimæ providentiæ ordine, exinde intellectus, qui tantum possibiliâ incomplexæ, & propositiones ex illis formari possibiles, tanquam neutras voluntati ostenderat, apprehendit hanc, & illam partem earum complexionum determinatè futuram, & Petrum esse salute æterna potiturum; Judam vero propter finale peccatum damnandum & subinde à numero electorum exclusum. Atqui hanc Dei notitiam certam, & infallibilem, qua novit omnes electos à fine ipsis præfixo excidere non posse, liber est vitæ. Secundum enim id, per quod hujus vocabuli significatum ad Deum transfertur ad ejus intellectum spectat; cujus est continere, & exprimere per intelligentiam omnes omnino veritates spectantes ad immensitatem scientiæ ejus, sicuti in libro materiali continentur quæ pertinent ad eam facultatem, quam libri Author voluit ad aliorum notitiam pervenire, & per scripturam exprimi legentibus, & intelligentibus; igitur vitæ liber non coincidit cum prædestinatione in Deo, sed ordinem prædestinatione præfixum præsupponit; atque ex eo nomina in libro conscripta non delentur; quia nec variatur, aut variabilis est ordo à divina voluntate præfixus.

1. dist. 38. &  
39.

1. dist. 3. q. 4.  
citata.

AD ARGUMENTA. Ad primum, concedo libri vitæ rationem divino intellectui congruere, ut tangit quoque ratio ad oppositum. Et cum inferatur propterea eum librum esse formaliter prædestinationem, cum hæc sit præscientia, ex Augustino. Respondemus, quæst. præcedenti artic. primo in incidenti: explicatum fuisse, qua ratione, & sensu Augustinus prædestinationem appellaverit præscientiam mediorum: Nam ea præscientia, ut ad futuritionem eorum mediorum terminatur, concomitatur quidem prædestinationem, sed ipsam antecedere, aut involvi in illa essentialiter, impossibile est.

Ad secundum respondeo, art. 6. quæst. præcedentis explicatum esse, quo sensu sit verum, & concedendum, prædestinatum posse damnari. Si enim consideretur persona prædestinata in se, cum per prædestinationem non sit sibi reificatum liberum arbitrium, ut indefectibiliter adhareat summo bono, utique potest deficere, & peccare, & damnari; at quatenus afficitur decreto immutabili divine, & omnipotentis voluntatis, impossibile est, ipsam damnari; quia etsi deficere contigerit in via, attamen gratia tali prævenietur, ut priusquam hinc discedat, iterum ad cor per penitentiam revertetur, & salvabitur. Et cum additur, etiam conscripti in libro vite possunt deleri, secundum Psalmistam. Responsio; vel ille

textus

1. dist. 40.  
De libro vi-  
tæ. Alensis. 1.  
p. 9. 33. exa-  
ctissime tra-  
ctat.



4. dist. 6. q. 2.

textus est declarandus, uti nunc dictum fuit de persona prædestinata, vel certe prædestinati delectentur de libro v. ventum per peccata, in qua labuntur; & secundum præsentem Iustitiam Dei ordinantur ad penam æternam, si iniustitia obnoxii extra vitæ statum inveniantur: Sed quia Dei decretum, quo volita ipsis fuit gloria, est immutabile, non eveniet, ut quandiu sunt iniusti, è vitis discedant.

## ARTICULUS II.

Utrum liber vitæ sit solum respectu vitæ gloriæ prædestinatorum.

*Doctor locis in margine citatis. S. Thom. 1. par. quæst. 24. articulo 2.*

**V**IDETUR Liber vitæ non esse tantum respectu vitæ gloriæ prædestinatorum. Etenim ex dictis articulo præcedenti. Vt liber formaliter est Dei præscientia de futuritione salutis æternæ quam voluntas dandam electis decrevit tempore opportuno; Sed hæc Dei præscientia perinde terminatur ad gloriam, ac ad gratiam, cæteraque media fini consequendo necessaria; ergo vitæ liber non est solum respectu vitæ gloriæ electorum.

Præterea, Ex dictis quæst. 18. art. 4. In Deo omnia sunt vita; & quidem vita creatrix propter eminentialem, & virtutalem continentiam omnium: & vita itidem sunt quatenus actu vitali intelligentiæ infinitæ exprimuntur; quod & Joannes cap. 1. sui Evangelii testatur, dicens, *Perfusus Verba in eo erant*; igitur omnium in Dei essentia continenter, & virtualiter contentorum, & per intelligentiam expressorum, est liber vitæ; ac proinde non respectu vitæ gloriæ duntaxat.

**CONTRA**, Ex articulo 7. quæst. præcedentis; ita certus, ac præfinitus est electorum numerus à divina voluntate, ut impossibile sit augeri, aut minui; ac subinde ut evenire non potest aliquem prædestinatorum damnari, ita nec quemquam ex non electis aliquando salute potiri, secundum quod scribitur Apocal. 20. *Qui non est inventus in libro vitæ scriptus, missus est in stagnum ignis, & sulphuris*. Igitur liber vitæ per se, directè, & formaliter est respectu vitæ gloriæ prædestinatorum.

**RESPONDEO**, dicendum, Vitæ librum principaliter continere descriptos ad vitam gloriæ, & minus principaliter ea, quæ divina voluntas statuit esse necessaria ad consequitionem illius. Declaratio: liber vitæ inscripta continet nomina illorum, qui Dei ineffabili beneficentia ordinantur ad gloriæ æternæ possessionem: Hæc autem ordinatio est ad gloriam principaliter, & minus principaliter ad gratiam, cæteraque media ad illam ordinata; est igitur respectu vitæ gloriæ prædestinatorum. Deinde nomina prædestinatorum libro vitæ consignata ex eo non sunt aliquando deleta, sicut nec mutari, aut impediri potest Dei voluntas beneplaciti, qua vitam æternam voluit electis: deletur autem non raro ab illo ordinatio ad gratiam, quæ per peccatum amittitur; igitur inscriptio nominum electorum in libro vitæ, est propriè respectu vitæ gloriæ, etsi virtualiter involvat media necessaria ad consequitionem illius. Denique, Vitæ liber expressam continet specialissimam Dei providentiam, qua curam gerit electorum; providentia autem potissimum respicit ultimam, atque completam perfectionem illorum, quibus

consulere intendit Rector universitatis, & author ordinis supernaturalis gloriæ, & gratiæ, sed à gloria potissimum est ultima, & completa quies electorum. Ea enim non adepta, natura intellectualis caret maxima sui perfectione; ergo præcipuè in vitæ libro conscripta continetur ordinatio, & providentia, qua Deus ad ultimum complementum supernaturale ducit electos.

**AD ARGUMENTA**. Ad primum respondeo ad minorem, Dei præscientia eo ordine terminari ad objecta futura, quo indè fuit volita existentia, & futurio. Cum igitur per prius Deus voluerit electos gloriam, quam nec a, quippe quæ intentia sint gratia finis: potissimum intuitus divini intellectus ad ipsam gloriam terminatur, & exinde ad media; & quoniam sola volitio finis ipsius est immutabilis, soli præscientiæ ejus libri nuncupatio rectè applicatur. Nam quia electi non raro à gratia exciderunt per peccata, respectu quod modi mediorum non est propriè liber vitæ: Siquidem dum sub peccato marcent, ad mortem ordnantur, stante interim absoluta volitione Dei, qua ordnantur ad vitam gloriæ: respectu istius ejus præcise volitionis est liber vitæ, seu expressio intelligentiæ divinæ, in qua tanquam in libro immutabiliter, & indefectibiliter conscripta sunt divinæ voluntatis decreta, quibus electi ordinantur ad æternæ vitæ perfectionem.

Ad secundum respondeo, alter in Deo omnia vivere, & alter quædam dei scripta esse in libro vitæ. Nam omnia quidem in ipso vita sunt, ut testatur Scriptura, per eminentiam omnium continentiam, suntque proinde vita creatrix, quia ipsa essentia divina, quatenus in infinitum præcellens omnibus, & potest producere omnia; atque etiam sunt vita in ipsa, quia distinctissimè attingens cuncta per actum vitæ nobilissimum, qualis est intelligentia infinita, exprimuntur, unde, & prædestinati, & reprobi ex æquo in illa vivunt; at non propterea sunt conscripti omnes in libro vitæ, ut dictum est in antecedentibus.

## ARTICULUS III.

Utrum aliquis deleatur de libro vitæ.

*Doctor locis in margine citatis. S. Thom. 1. par. quæst. 24. art. 3.*

**V**IDETUR aliquis deleri posse de libro vitæ: Nam Apocalyp. 3. scribitur: *Tene quod habes, ut nemo accipiat coronam tuam*. Sed si quis accipere potest coronam alterius, amittens coronam gloriæ profecto de libro vitæ deletur; igitur fieri potest, ut aliqui deleantur de libro vitæ: quod & Palmista disertè testatur, dicens: *Deleantur de libro viventium*, Psalm. 68. Hinc rectè Augustinus, de cura pro mortuis gerenda, monet, orandum esse pro vivis, ut nomina scripta in libro retineant.

Præterea, Deus volens omnes homines salvos fieri, dat omnibus auxilia sufficientia, nempe recta naturalia, legem perfectam, & communia adiutoria, quibus possent bene vivere, & salvari: Sed eodem modo, quo omnes possunt salvari, possunt & non salvari, si salva est omnibus liberi arbitrii potestas: per eam enim legi Dei repugnando, & gratiam contemnendo; evadunt digni æternis suppliciis: ergo nomina eorum, qui salvantur, deleri possunt de libro vitæ.

Præterea, Conscripcio electorum in libro vitæ, non est ita intelligenda, quasi in præteritum tran-

Prologi q. 6. Contra illud arguitur.

4. dist. 16. q. 2.

1. dist. 29. in argumentis præsuppositis.

3. dist. 7. q. 3.

1. dist. 46.

Quodlib. quæst. 1. ad finem.

1. Report. dist. 40. ad oppositum.

1. dist. 27. primum.

1. dist. 40. 6. Ad primum.



transierit, factaque jam sit immutabiliter: Sed magis de præsentī fieri, cū instans æternitatis semper adsit idem præsens: Sed ex eo rectè intelligitur conscriptio illa pendere ab actu indifferenti, nempe liberè, & contingenter operante de præsentī: ergo ii, qui intelliguntur libro consignati, possunt inde deleri, & non scribi, vel alii loco illorum.

CONTRA, Numerus predestinatorum est certus, & determinatus, adeo ut nequeat minui, aut augeri, ex quæst. præcedenti art. 7. ergo impossibile est, deleri conscriptos in libro vitæ.

RESPONDEO dicendum, nomina eorum, qui conscripti sunt in libro vitæ Agni (id est, quos Dei intelligentia attingit, exprimitque inter electos computatos) esse omnino indelebilia. Declaratio: quemadmodum intellectus divinus naturaliter, & necessario attingit simplices terminos omnium possibilem, & complexiones omnes, quæ ex illis efformari queunt, tanquam indeterminatas, & neutras, quippe quæ verificari possint quoad utramque partem divisim; ita enim fieri potest, ut Anti-Christus sit aliquando existens, ac oppositum: ita is intellectus ex ratione sui parī necessitate fertur super easdem complexiones postquam per divinam voluntatem intelliguntur ad unam partem determinatæ. In primo igitur signo intellexit Petrum possibilem esse posse inter prædestinatos, exinde verificata per determinationem voluntatis hac parte, scilicet, computatum Petrum inter prædestinatos, intelligit propositionem non amplius neutram, sed determinatè veram, quoad unam partem; atque hoc ipso Petrus scribitur in libro vitæ, id est, exprimitur per intelligentiam divinam, atque ea expressio, & consignatio in libro vitæ immutabilis sit oportet; tanta scilicet necessitate, & invariabilitate, quanta divina voluntas est immutabilis; igitur conscripti in libro vitæ de Scriptura illa æterna intelligentiæ divinæ non possunt deleri, sicuti Dei voluntas nequit ulli subesse mutationi. Denique propositum voluntatis divinæ impediri non potest per ullum voluntatis creatæ conatum: quos ergo Deus ad gloriam elegit, ii infallibiliter sunt vitam æternam consequuturi; tanta igitur firmitate sunt libro vitæ consignati, quanta est via, & efficacia voluntatis divinæ in exequendo suis temporibus, quæ decrevit in æternitate. Ut ergo nulla finita virtus valet impedire propositum Dei, ita & per nihil creatum deleri queunt nomina conscripta in libro vitæ.

AD ARGUMENTA. Ad primum respondeo ex dictis, quæst. præcedenti art. 7. §. Ad primum. Quoniam gloriæ, ad quam sunt electi ordinati reddenda est meritis bonis, atque hæc nulla esse queunt sine gratia Dei, per quam solummodo nostra opera esse possunt grata, & accepta Deo; hortatur Joannes, ut quisque satagat gratiam sibi donatam conservare, cū non sit alia via perveniendi ad gloriæ coronam. Non putat ergo nomina electorum posse de libro vitæ deleri, sed docet in arbitrii potestate esse peccare, & non peccare, & gratiam proinde amittere per peccata, quibus dum quis est obnoxius equidem ad pœnam ordinatur, non quod interim sit de libro vitæ delerus; Sed quia si heret in termino, sublegetur æternæ pœnæ; ut subinde sit hæc ordinatio ad pœnam duntaxat conditionata, contra vero electio ad gloriam omnino absoluta, & simpliciter inimpedibilis, & immutabilis. Nec ad alium sensum existimandum est loquutos Psalmistam, & Augustinum, nempe electos excidere posse à gratia, qua devenitur ad gloriam: non vero immutari, aut frustrari ulla ratione posse propositionis prædestinationis, quod firmum, & stabile perseverat, etiam quando ipsi electi peccant.

Ad secundum dicimus ad minorem, prædestinatos posse damnari in sensu, ut ajunt, divisio; non vero, ut comparantur ad decretum prædestinationis, quod impossibile est frustrari, seu impediri per creatam voluntatem; & subinde deleri de libro vitæ, ut expositum est.

Ad tertium dicendum, divinam voluntatem in æternitate determinatè, & absolutè voluisse quicquid in tempore geritur, & repræsentatur, & sit; & pariter voluisse, quicquid aliquando factum non fuit, nec est faciendum. Nam potentiam perfectissimam, atque infinitam per infinitum tempus suspensam esse, nec determinasse quid crastina die gerendum, faciendumve est, absurdum videtur, & alienum ab excellentissima, & supereminenti perfectione majestatis divinæ; quia inde sequeretur nec scientiam Dei, quæ visionis scientia nuncupatur, esse distinctam, & perfectam. Et si igitur non debeamus apprehendere actus divinæ voluntatis, quasi in præteritum transisse, sed magis de præsentī, perinde ac nunc primum ponerentur; propterea quod istans æternitatis semper idem, præsensque sit; attamen cum hac vera rei apprehensione, stat Deum omnia, quæ sunt futura, & erunt, ab æterno voluisse, ac suo decreto futura statuto tempore determinasse.

1. dist. 30. 6. p. 1.  
Jo de contin-  
gentiam.

2. dist. 40. 6. Ad  
se undum.

4. dist. 16. q. 2.  
0. Ad formam  
ergo.

1. dist. 40.

1. dist. 45.



305

Tomus I. Pars I. Quæstio XXV. Art. I.  
**QUÆSTIO VIGESIMAQUINTA**  
**DE DIVINA POTENTIA,**  
**IN SEX ARTICULOS DIVISA.**

*Post considerationem divinæ præscientiæ, & voluntatis, & eorum, quæ ad has pertinent, restat considerandum de divina potentia.*

**ET CIRCA HOC QUÆRUNTUR SEX.**

- I. Utrum in Deo sit potentia.
- II. Utrum ejus potentia sit infinita.
- III. Utrum sit omnipotens.
- IV. Utrum possit facere, quod ea, quæ sunt præterita, non fuerint.
- V. Utrum Deus possit facere, quæ non facit, vel prætermittere quæ facit.
- VI. Utrum, quæ facit possit facere meliora.

**ARTICULUS I.**

Utrum in Deo sit potentia.

*Doctor 1. dist. 2. q. 1. §. Quantum ad primum articulum, in Report. ibidem. Quodlib. 9. 7. §. Quinta conclusio. De primo principio cap. 3. de rerum principio, q. 2. art. 2. num. 8. 12. Metaphys. q. 5. S. Thom. 1. p. q. 25. art. 1.*



**V**IDETUR in Deo non esse potentia. Nam hæc potentia si in Deo foret admittenda, utique nec passiva, nec objectiva esset, sed activa: Sed active potentiæ primum correlativum est possibile; igitur ex sui formalis, & intrinseca ratione

potentia activa ad suum correlativum refertur, etque inrer ea mutua coexistentia. Sed nihil in Deo reperiuntur coexistit necessario aliud extra se; Ergo in ipso reperiri non potest potentia activa.

Præterea, Potentia activa est principium operationis; Sed in prima substantia operatio non est aliud à sua essentia: ergo ejus essentia non est principium operationis. Sed ubi non est principium activum, nec potentia activa: ergo hæc potentia non reperitur in Deo.

Præterea, Secundum Aristotelem, 9. Metaphys. tex. c. 19. Qualibet potentia melior est actus ejus. Sed nihil potest esse melius iis, quæ sunt formaliter in Deo: ergo non est in ipso aliqua potentia adstruenda, qua meliorem oporteat fateri actum ipsius.

**Quodlib. q. 8.** **CONTRA**, Augustinus 3. de Trinit. cap. 4. *Voluntas Dei*, inquit, *prima est, & summa causa omnium corporalium specierum, atque motionum.* Causa autem sua activa potentia attingit, atque dat esse effectibus: ergo si Deus est summa causa est summè potens: est igitur in ipso summa potentia respectu omnium. Unde & Sap. 11. scribitur: *Quomodo posset aliquid permanere, nisi tu voluisses?*

**RESPONDEO** dicendum, in primo principio formaliter reperiri activam potentiam, à qua sit quicquid est, & à se esse non potest: sicuti est omnè possibile esse, quatenus possibile idem est, ac causabile. Nam tota universitas causarum cau-

sam habet: ea autem nequit esse clausa in tali universitate, quia tunc idem foret causa sui: ergo causa dans esse universitati causatorum, statuatur oportet extra illam universitatem in qua sit status; cum in causis, & causatis essentialiter ordinatis procedi nequeat in infinitum; illa ergo causa est simpliciter prima, & ut talis effectiva omnis causabilis, Est igitur in primo potentia activa effectiva, à quo est quicquid potest esse, & accipit esse existentia realis. Deinde unumquodque agit secundum quod actu est perfectum: Sed substantia prima est actus purus, & substantiarum perfectissima: Ergo maximè sibi competit agere: Sed propter agere dicitur aliquid habere potentiam activam: est igitur primum activa potentia, sicuti est actus purus, & perfectus. Denique, ex quæst. 11. art. 4. Deus cum sit totum esse abstractum, & omnimodam involvens perfectionem, est maximè, & simplicissime unum. Ea siquidem ratione inest ei unitas, & singularitas, qua nec esse, nec intelligi possunt duo entia æqualiter prima: id enim est prorsus impossibile & à parte rei, & in intellectu: quia tunc neutrum includeret omnem possibilem perfectionem. Ut ergo Deus est entium primum, ita est & unum: & cum summè sit unum, omnem gradum perfectissimæ unitatis involvens, erit summè, & maximè primum, habeat ergo oportet ex sui ratione formalem plenitudinem ad se communicandum. Ut enim unum præcedit multa, adeo ut duo pariter una esse non possint, propterea quod omnimodam in se involvat unitatem: ita habet id unum omnimodam potestatem respectu plurium illorum, quæ post unum essentialiter, & sunt, & intelliguntur. Quanto magis autem aliquid est primum, tanto magis pluribus communicatus, eo genere communicationis, quod ei convenit in ordine ad ea, quæ sunt ipso essentialiter posteriora, ut patet in prima omnium materia: & in causis efficientibus, quæ quo alioris primitatis, eo ad plures sese extendunt effectus causandos. Simpliciter igitur, & maximè primum, maximè erit communicabile, eo genere communicationis, quod sibi potest convenire; Est igitur primum potentissimum, sicuti est maximæ unitatis, & simplicitatis, & actualitatis. Eadem ergo ratione, qua Deus est unum, & primum, & simplex, & in actu, eadem est in ipso adstruenda & potentia, respectu eorum quæ sunt, quæve esse possunt posteriora simpliciter primo.

**AD ARGUMENTA.** Ad primum concedo, activæ potentiæ correlativum esse ipsum possibile: non quidem logicè, quæ possibilitas est non repugnans

De his supra quæst. 3. & 4.



tra terminorum. Nam etiam necesse esse est ita possibile; nec tamen ad ipsum necessarium terminari potest ulla potentia activa. Correlativum igitur activæ potentiæ in Deo est possibile objectivè. Et cum dicitur; ergo coexistit suum correlativum, ad quod ipsa activæ potentia terminatur. Responsio; nullum à se necessarium coexistere potest aliquid non perinde necessarium; quia tunc ex minus impossibili sequeretur impossibilis; minus autem impossibile est aliquid non simpliciter necessarium deficere, quam id quod à se habet essendi necessitatem; si vero aliqua divina perfectio, uti est potentia activa coexisteret aliquid minus necessarium, uti est quicquid à se non habet essendi necessitatem; igitur ex positione quod minus necessarium non esset, & magis necessarium non esse oporteret; perfectio igitur activæ potentiæ creatoris est omnino ad se, & absoluta: Quod autem intelligatur correlativa ad possibile, aliunde non est, nisi terminatione respectu ipsius possibili logicè; quod possibile in ordine ad activam potentiam evadit possibile objectivum; id est potens terminare actionem: potentia extra se producentis aliquid *in esse* realis existentie.

Ad secundum respondendo, potentiam activam nedum esse principium operationis, verum etiam effectus producendi per operationem. ubi operatio prius ab activâ vi producitur. Primæ autem substantiæ potentiam attribuiamus, non quæ sit principium operationis, sed quæ immediatè attingat, atque det esse effectui: cum enim in activis potentiis aliarum substantiarum ponatur operatio, ex earundem imperfectione, necessario ejusmodi operatio est arcenda à prima, atque infinita potentia.

Ad tertium dicendum, utique actum esse sua potentia perfectiorem in bonis, sicuti est sanum esse; contra vero in malis esse potentia deterio-rem; quia potentia ad malum, est secundum quid malum, quia est admixta bono, quatenus respicit alterum contrarium, quod habet rationem boni; actus autem sit simpliciter malus. Unde Aristoteles ibidem disertè negat id potentie genus in æternis. At perfectiones primi principii non expectant, nec fieri potest, ut aliunde perficiantur, cum sint in fine perfectionis, ideo ad nihil potest comparari potentia activa ejus, quo ipsa sit imperfectior.

## ARTICULUS II.

Utrum potentia Dei sit infinita.

Doct. 1. *distin. 2. quæst. 2. §.* Ostendit igitur, & *distin. 42. Quodlib. quæst. 7. de primo principio cap. 4. §. 12. Metaphy. quæst. 13. S. Thom. 1. parte, quæst. 25. artic. 2.*

**V**IDETUR Dei potentia haud esse infinita. Nam ex eo potissimum sentiendum foret, Dei potentiam esse infinitam, & virtutis infinitæ, quia se extendere valeret ad producenda infinita. Ejus siquidem potentiæ proprium objectum & terminum diximus ponendum producibile, sive possibile objectivum; Sed hæc Dei potentia simul esse non potest infinitorum, nec extendi ad producenda infinita; ergo cum non habeat in se virtutem causarum infinitarum, nec ipsa erit infinita. Probatio minoris, etsi enim ipsa causa prima habeat eminentius in se omnem causæ secundæ causalitatem; ex se tamen non potest in effectus cau-

sarum secundarum, imo admittit causas secundas; ergo ejus vis, & potentia non est infinita, cum non sit causa omnimoda effectuum producendorum: imo sicut causa secunda ex eo quod infinita non sit, attingit terminum duntaxat finitum; ita & causa prima attingens terminum finitum, infinita minimè dicenda videtur quoad ejus virtutem, & causalitatem.

Præterea, Si in Deo esset admittenda virtus infinita, maximè quia movet tempore infinito ut Arguit Aristoteles. 8. *Phys. tex. 78.* Sed tunc pariter & virtus solis foret infinita, cum sol moveat tempore infinito; vel necesse possit movere; ergo Dei virtus non est infinita.

Præterea, Secundum Aristotelem, 8. *Phys. tex. c. 79. Virtus infinita si esset, moveret in non tempore.* Nulla virtus potest movere in non tempore: imo Deus, secundum Augustinum 8. *super Gen. cap. 20.* movet creaturam spiritualem per tempus, corporealem autem per tempora, & loca: ergo cum nihil moveat in non tempore, profecto ejus virtus non erit infinita.

Præterea, Si in Deo sit infinita potentia: ergo haberet terminum infinitum: non ponitur autem ad terminum infinitum: ergo nec ipsa est infinita. Probatio primæ consequentiæ: nam si Deus est revera infinita potentia instructus: interim nullius termini infiniti productus: ergo tale quid non producit, vel quia non vult producere: vel quia non potest: Si potest, & non vult: ergo videtur tactus invidia, ex eo quod tantum bonum non vult alteri impetiri: si velle dicatur, & non posse: igitur in ipso frustra esset ejusmodi potentia.

CONTRA Psalm. 49. *Magnus Dominus, & laudabilis nimis, & magnitudinis ejus non est finis:* ergo potentia ejus, quæ efficacissimè, & plurquam cogitari possit, est potens, non est finis: est igitur ejus potentia omnino infinita.

RESPONDEO dicendum, revera Dei potentiam esse intensivè infinitam. Declaratio: Si virtus primi principii talis esset, ut simul posset attingere infinita: utique ea vis foret infinita: alioquin sibi repugnaret simul dare esse effectibus infinitis: cum enim quodcumque producibile exigit, præsupponatque sibi correspondentem perfectionem in causa, evidens est, causam eo perfectiorem esse, quo plura potest attingere producibilia: igitur si ad infinita aliqua potest sese extendere, infinitam habeat oportet perfectionem, & vim producendi: ergo pariter & infinita erit, si ex se posset infinita causare, quamvis ex parte effectuum producendorum sit repugnantia, quominus unà sint omnia, seu infinita. Probatio hujus consequentiæ: habens in se virtutem causandi simul album, & nigrum non est minus perfectum, si si-mul ea non producat, quia non sunt ex hypothesi causabilia, quam si producat: cum virtus ejus omnino sufficiat illis causandis: atqui ejusmodi est vis, & potentia primi principii: ergo ipsa est omnino infinita. Probatio minoris: eo modo, & ratione, qua unumquodque se habet ad esse, ita & ad agere: nam vis ætæva sequitur ad esse, illique commensuratur: unde quod habet esse calidam, calefacit, & quod frigidum, frigefacit: & quod habet esse humanum, hominem gignit. Primum autem claudit, possidet, ac præcipit totum, id est, infinitum esse. oportet ergo ejus vim, ac activam potentiam illi commensurari, ac infinitam esse, utpote infinitis producendis sufficientissimam. Rursus, si in Deo reperiretur formaliter omnis vis causativa possibilis, ea utique foret inten-

1. dist. 8. q. 5.  
& dist. 30. q. 2.  
& Quodlib. 8. §. 1. Ad secundum potest dici.

1. dist. 43.  
6. Aliter dico & distin. 45. 6. Ad argumenta.  
1. dist. 35. & 43.

1. dist. 37. in fine.

Doct. in Comm. super cit. tex.

2. dist. 2. q. 4.

1. dist. 6. q. Vn. in argumentis principii palibus.

De rerum principio q. 2. n. 13.



intensivè infinita; quamvis autem sibi sit incompossibilis formaliter vis causativa hominis, & equi, possidet tamen eas, & omnem possibilem perfectionem modo altiori, & perfectiori, quam sint in creaturis formaliter; alioquin non foret ex se totum, & infinitum esse, ut ostensum est, *qu. 7. articulo 1. & 2.*; igitur cum in creaturis illæ virtutes, & potestates agant præcisè propter perfectionem, & non ex ratione, qua imperfectæ sunt, in primo est omnis vis causativa possibilis simul, a quoque infinitæ perfectionis intensivæ. Assumptum magis declaratur: causa secunda proxima primæ totam perfectionem causativam habet à sola prima: ergo cum causa prima sit illius adæquata causa, & æquivoca, eminentius possidet perfectionem, quam causæ secundæ elargitur. Consimiliter tertia causa, à quo habet vim causandī? Si à prima causa, pariter & ipsius virtus causativa reperitur eminenter in prima. Si à causa secunda: igitur hæc eminenter possidet perfectionem, quæ formaliter est in tertia: Sed secunda accipit à prima ita eminenter continere perfectionem, quam dat causæ tertiæ: ergo multo magis in primo principio eminentius est perfectio causativa causæ tertiæ, quam sit in secunda: & ita de omnibus aliis causis, seu ordinibus causarum: possidet igitur primum principium eminenter omnimodam perfectionem, & vim agendi causarum omnium, & perfectius, ac si sibi inessent omnium earum causalitates formaliter, ex hypothesi impossibili: oportet igitur omnino esse perfectionis infinitæ. Postremo, Dei virtus, & potentia non est finita: oportet igitur esse infinitam. Assumptum declaratur: omne finitum aut finitur per formam, aut per materiam, quod per formam terminatur, utique imperfectum est: quippe quod per formam perficiatur, qua & finitur. Quod autem per materiam finitur, ipsius amplitudo, & extensio contrahitur, minuitur, & coarctatur, ut gradus superiores per differentias, & specificæ rationes per gradus individuales; quod ergo per materiam non finitur, illud est perfectum; & quo minus per hunc gradum materiale contrahitur, eo magis perfectum. Sed primum principium est maxime separatum à materia; imo cum sit totum esse universalissimum, simpliciter sibi quæcunque contractio repugnat; ergo cum excludat positivè omnem finitatem, est simpliciter, & absolute infinitæ entitatis, & potestatis, & virtutis.

**AD ARGUMENTA.** Ad primum dicendum, Deum ex se habere simul virtutem productivam infinitorum; non producere tamen omnia, quia non sunt simul producibilia: eo quod infinitas, ut comparatur ad esse realis existentis repugnat omni alii extra primum principium, de quo actum supra, *quæst. 7. art. 3. & seqq.* impedimentum igitur non est ex parte potentis, sed per comparisonem ad creaturam necessario habentem diversum modum essendi à causa prima, & ideo capacem duntaxat eorum modorum, qui correspondent, & sequuntur ad esse ipsius. Et cum probatur ex eo quod admittit in productione rerum causas secundas attingentes effectus præcisè finitos, pro ratione nimirum, & mensura potentis earundem causarum. Responsio, ex eo tantum esse inferendum nequire nos ostendere naturali ratione esse in Deo omnipotentiam, ut instruimur per fidem; non verò negandam propterea potentiam intensivè infinitam, quæ perinde reperiretur, & recta ratio ostendit ponendam in alio, esto nihil extra se producere: cum à rebus productis nullum, ne mi-

nimum quidem accedat augmentum perfectioni illius.

Ad secundum concedo, Aristotelem ea uti ratione ad probandum Dei potentiam infinitam esse, nedum extensivè, verum etiam intensivè. Ex ejus quippe infinitate concludit primum nec esse in magnitudine, nec magnitudinis esse capacem: quia nec infinitæ, cum nulla talis sit: nec finitæ; quia quacunque potentia in magnitudine finita posset aliqua esse major: intelligit ergo de potentia intensivè infinita, cui soli repugnat esse in magnitudine. Quamvis igitur pariter concederet corporum cælestium virtutem esse infinitam, quia posuit æternam, & necessariam; non intensive tamen, sed extensivè. Virtus igitur primi est infinita secundum intensionem; quia movet per infinitum tempus, secundum ipsum, & à se. Quod autem possidet aliquid à se, potitur illo secundum omnem amplitudinem suæ perfectionis, & ita infinitè. Cælorum autem virtus, quia ab primo dependet, à quo est & perpetuitas motus, nequit in ipsis reperiri secundum omnem perfectionem, sed duntaxat in eo gradu, & mensura, secundum quam ipsis agens tribuit esse, & agendi virtutem.

Ad tertium respondeo, ex hypothesi Philosophorum putantium Deum agere ex nature necessitate, non potest intelligi, qua ratione primum moveat in tempore, cum ejus virtus infinita sit, & nequeat remissius agere, ac sua virtus impellat. At nos tenemus illorum positionem erroneam etiam secundum principia naturaliter nota; ideo dicimus in illius potestate esse, & actionem, & modum agendi, ideoque agere in tempore, ut se causis secundis accommodet, sinatque ipsas propriis agere motus; ceterum perinde agere valeat in non tempore pro virtutis infinitæ potestate.

Ad quartum dicendum, infinitum produci non posse non ex potentis infinitæ defectu, sed ex creaturarum incapacitate, ut tactum est in *responsione ad primum*. Et cum dicitur; igitur illa potentia est frustra. Hæc consequentia est neganda, quia terminus adæquatus illius potentis extra se non est necessarius aliquo modo illi potentis, ut propterea sine illo aliquod patiatur detrimentum, vel infir ei imperfectio. Quia ergo Dei voluntas, & potentia habent finem perficientem, qui est essentia divina, in quo scilicet est beatissima; etsi nullus finis extrinsecus, adæquatus, sive infinitus sibi correspondeat, non tamen est frustra; quia à termino extrinseco nullam, ut dictum est, expectat perfectionem.

## ARTICULUS III.

Utrum Deus sit omnipotens.

Doctor locis in margine citatis S. Thom. 1. par. quæst. 25. art. 3.

**V**IDETUR Deus haud esse omnipotens: Si quidem ratio hujus nominis rectè notificatur per hoc, quod possit omnia: Deus autem non potest omnia efficere; nam illi communiter adimittitur potentia ad peccandum; nec consimiliter sibi conceditur potestas causandi relationem sine extremis; igitur Deus non est appellandus omnipotens; cum ipsius potentia activa ad quædam de communi sententia minimè se extendere valeat.

Præterea, Causæ omnis potestas, & vis ex ipsius

1. dist. 8. q. 5.  
Aliam quoque respon-  
sionem tangit  
Doctor. dist.  
2. q. 1. cit. §. Ad  
ultimum.  
& 12. Metaph.  
q. 13. cit.

1. dist. 8. q. 5.  
Contra istam  
Consequenter  
V. Secundum.  
4. dist. 48. q. 2.  
Sic in ista quæ-  
stione V. q. 1. cit.  
hinc.

2. dist. 3. q. 1.  
Quodlib. q. 7.

De quo supra  
quæst. 3. art. 1.

De quo ar-  
ticulo sequen-  
ti.



Ex dist. 30. 3.

lius primario, aut præcipuo effectu manifestatur, atque innoteſcit: Potentiæ autem divinæ, quæ omnipotentia nuncupatur, effectus præcipuus est parcere, & miſereri, ut Eccleſia in quadam Collefta proficitur; ergo tanta eſt vis omnipotentia, quanta eſt miſericordiæ exhibitio non merentiſſid vero præſtari etiam poteſt ab eo, qui non fit omnipotens; ergo nec Deus propterea, & maximè eſt dicendus omnipotens.

4. dist. 46.  
q. 4. §. Contra hoc.1. dist. 20. §.  
Contra iſtud.4. dist. 46.  
qu. 1.

Præterea, Si Deus fit dicendus omnipotens po- tiſſimum ex eo quod parcat, & miſereatur eorum, qui iudicio, & pœnæ forent ſubiſcendi; Igitur hæc Dei perfectio ſecum non compatitur rectæ iuſtitia affectum, quæ tamen ſit oportet eximia virtus Hierarchæ rerum univerſitatis, cujus ſolius eſt omnium cauſas per eminentiſſimam rectitudinem iudicare. Probatio conſequentiæ; nam id genus miſericordiæ, per quam manifeſtari dicitur omnipotentia, deſtruit rectum iudicium; quia culpæ, ac delicta ſunt ex iuſtitia vindicanda, ac per iuſtam pœnam ordinanda.

Præterea, Ex hypotheſi quod Deus per omni- potentiam poſſet omnia; igitur non eſſet incon- veniens, ipſum damnare iuſtum, ac glorificare non iuſtum, & peccatorem. Alienum autem vi- detur à bonitate, & miſericordia divina pleſtere pœnis eos, quibus præmium eſſet rependendum propter merita, & virtutes; ergo cum non om- nia omnimodè poſſit, non eſt dicendus omni- potens.

CONTRA, Dei potentia eſt intenſivè infinita ex articulo præcedenti: ergo ipſe eſt omnipoten- tiſſimus.

Quodlib. q. 7.  
6. Hic præmi-  
ſſente V. Se-  
cunda diſtin-  
ctio.1. dist. 42.  
De hoc pri-  
mo membro  
articulo ſe-  
quentis.

RESPONDEO dicendum, Deum eſſe omnipoten- tem. Sed præmittenda eſt nominis declaratio. Potentia itaque, quæ omnimoda, atque illimita- ta ea voce importatur, non eſt paſſiva, quaſi ideo omnipotens aliquid ens diceretur, quia omnium eſſet receptivum; Sed potius eſt potentia activa nec quæcunque, quia tunc productiva potentia diceretur, & eſſet creatrix, & ita Pater reſpectu Filii vim creativam exerceret, quod abiſt, vel cogitare: eſt igitur potentia activa cauſativa. Reſ- picit igitur aliud à ſe in eſſentia diverſum; quia non eſt cauſalitas niſi reſpectu alterius ſimpliciter diverſi in natura. Eſt proinde hæc potentia, & vis activa in ordine ad poſſibile; non quidem gene- raliter acceptum, quo ſenſu opponitur impoſſi- bili: quia tunc poſſibile logicum eſſe poteſt ter- minus creationis; atqui ſimpliciter neceſſarium eſt ita poſſibile, nec tamen ad ipſum poſſet vis crea- tiva terminari: Eſt igitur creativa potentia reſpe- cta poſſibilis, prout poſſibile idem eſt, quod cauſabile, quia terminus potentia cauſativa. Un- de quia Filius Dei non eſt cauſabilis, licet ſit à Pa- tre, non eſt terminus potentiæ cauſativæ, vel om- nipotentia. Quapropter hæc activa vis per ſe reſ- picit omne proſus poſſibile. Quod ſanè biſariam poteſt intelligi, ſcilicet immediatè, & mediatè. Et immediatè quidem eſſet, ſi de ſe valeret attingere, & cauſare omne poſſibile, nulla alia cauſa ſecum concurrente. Mediatè vero cum poneretur commune ad omne cauſabile in ordine cauſæ pri- mæ, interim concurrentibus quoque cauſis parti- cularibus ad eodem effectus.

Hæc omnipotentia notificatione præmiſſa: (quia putamus Dei omnipotentiam ad mentem Theologorum, quod eſt ſecundum membrum di- ſtinctionis, via naturali demonſtrari non poſſe, ut in ſequenti articulo). Declaratur primi principii omnipotentia, ſeu poſſe in omne penitus cauſabi- le, ſeu mediâtè, ſeu immediâtè. Nam in omni or-

dine rerum activarum verum eſt, unumquodque ita ſe habere ad agere, quemadmodum ſe habet ad eſſe; unde quod habet eſſe calidum calefacit, & quod frigidum frigefacit, & ſic de aliis omni- bus. Si igitur ſit aliquid, quod in ſe claudit ra- tionem omnis eſſe, tale habeat oportet vim pro- ducendi omne eſſe. Atqui primum principium claudit, & præcipit in ſe rationem omnem eſſen- di, & perfectionem omnem altiori modo, quàm ſit, aut eſſe queat in creaturis; ergo poteſt pro- ducere quicquid producat creaturæ, ſaltem in ſuo ordine cauſandi; ſeu igitur mediâtè, ſeu im- mediâtè attingit, cauſatque omne cauſabile, cum quodcunque, & omnia claudantur in ratione infi- nita eſſendi; & altiori modo, quàm poſſideant in ſe ipſis; igitur ejus cauſatio ad omnia proſus ſe extendit cauſabilia; quamvis ad eadem & cauſæ proximè concurrant: Harum enim cauſalitas intra ſphæram perfectionis, & cauſalitati primæ cauſæ continetur, tanquam omnem perfectionem com- pleſtentis; adeoque quemadmodum eſſe, & ſub- ſiſtere nequeunt, niſi dependentur à prima cauſa, ita nec efficere quidquam poſſunt niſi unâ cum ip- ſis, & eadem prima cauſa efficiat. Ruſum, Eſt omnino admittendus ſtatus in cauſis efficientibus, ex dictis quaſt. 2., & iterum breviter probatur. Nam cauſa effectiva quo ſuperior eo in cauſali- tate perfectior; ergo ſi ſupra quamlibet datam eſt alia in infinitum ſuperior in cauſando, illa erit in infinitum perfectior in cauſalitate, & per conſe- quens eſt illi attribuenda cauſalitas infinite perfe- cta: cauſalitas autem cauſata, vel dependens in cauſando non eſt infinite perfecta; eſt enim in comparatione ad illud, à quo dependet, imperfe- cta; ergo ſi in infinitum aſcendatur in cauſis, ali- qua erit omnino incauſata, & independens in cau- ſando; alioquin haud erit infinite perfecta; eſt igitur in ipſa ſtatus; oportet igitur hujus cauſalitati vim, & efficaciam ſe extendere ad omnem aliam cauſam, quæ cum dependentia ad aliam proprium producit effectum; nam quæcunque alia virtute illius independentis cauſat; Si enim ab illa unica dependet in eſſendo, pariter & in cauſando, ut de- ductum eſt prius: Qua igitur ratione probatur primum principium eſſe, & infinite potentiæ, & perfectionis, & cauſalitati, oſtenditur ipſum eſſe omnipotens, ſeu potentiam ipſius reſpicere, at- que extendere ſe ad omne proſus cauſabile, ſeu attingat ea immediâtè per ſe ipſum, ſeu mediis cauſis proximis, quippe quæ non niſi in virtute il- lius, ſeu per cauſalitatem acceptam ab illo, ac in eo eminentiori modo repertam cauſare queant.

AD ARGUMENTA. Ad primum, quoad primam partem reſpondeo: Deum propterea peccare non poſſe, quia à ſe averti nequit: nec formaliter, quia ſummè, & ordinatè, & neceſſario ſe diligit, neceſſitate nimirum à ſua infinita libertate, & ra- tione perfectionis orta; nec virtualiter, quia ni- hil aliud à ſe eſt neceſſarium, ut ita ſe diligit. Hæc igitur impotentia ad peccandum non eſt nota di- minutionis immenſitatis virtutis ſuæ, qua reſpicit omne cauſabile: ſed magis ea innoteſcit infinita voluntatis ejus perfectio, atque rectitudo, propter quam ſibi repugnat quæcunque obliquitas, & im- perfectio. Cum autem arguitur de relatione, con- cedo, ipſam eſſe improducibilem ſine extremis: nec propterea eſſe inde inferendum Deo deſſe quidquam faciens ad omnimodam perfectionem ſuæ activæ potentiæ. Nam omnipotens poteſt uti- que in omne illud, quod poteſt eſſe terminus po- tentiæ activæ ſimpliciter: ſed eo modo, quo na- tum eſt produci, ſcilicet vel efficiendo illud in ſe, ſi in

q. 7. art. 1.  
& 2.Quodlib.  
q. 7. §. Quin-  
ta conſiſſio.2. dist. 37.  
§. Ad ſolutio-  
nem. V. Reſ-  
pondeo. Quod  
Deus.Magiſt. 1. ſent.  
diſt. 42. lit. G.1. dist. 20.  
§. Contra iſtud  
V. Conſirma-  
tiones.De rerum  
princip. q. 2.  
n. 130.



ITERUM ARTICULUS III.

An Deus sit omnipotens.

Doctur 1. dist. 42. In Report. ibidem.  
Quodlib. q. 7. S. Thom. 1. p.  
quæst. 23. art. 3.

si in se ipso sit subsistens; vel attingendo in alio, si ita exigat natura ejus. Non enim oportet quodcunque tale posse produci in se formaliter subsistens, cum aliter sive contrarium modum postulet ipsius natura. Nec sanè si potest Deus producere cursum in homine, opus est ad infinitam ejus potentiam manifestandam, ut perinde queat producere cursum in se: ita pariter de relatione, quæ quoniam exigit inter duo extrema versari, his semotis nulla potest esse, aut intelligi relatio.

Ad secundum dicendum, propterea ex misericordia maximè Dei potentiam infinitam manifestari, etsi cuncta creationis opera idipsum ostendant, quia cum totum naturæ opus sit volitum, & effectum intuitu ordinis supernaturalis, & gratiæ, opera hierarchiæ supernaturalis potissimum ostendunt, ac manifestant Dei potentiam infinitam, sicuti perfectior effectus ejus. Quoniam ergo parcere, & misereri peccatorum ad ordinem supernaturalem spectant, merito per id maximè dicitur manifestari Dei omnipotentia. Et cum arguitur; quia id præstari etiam posset ab eo, qui non est omnipotens. Respondeo, assumptum esse falsum, nisi de misericordia omnipotentis: quia prævenit nos sua gratia, ac facit, ut aliquis homo parcat alteri, remittatque sibi illatas injurias: Nam nullum est peccatum, quod homo committat, in quod alius labi non posset, & re ipsa committeret, nisi à Deo sua gratia præservaretur.

Ad Tertium respondeo, negando consequentiam: nam dare bonum indebitum non est contra justitiam. Cum enim id sit actus eximiæ liberalitatis, & unius virtutis actus minimè alteri repugnet virtuti, ex misericordia non destruitur justitia, præsertim in Hierarchia universitatis, cujus voluntas est suprema, & inobliquabilis justitia: Unde & Anselmus verissimè dixit: *Illud solum justum, quod vis, non justum, quod non vis*, Profol. xi. Etsi igitur parcere malis, non sit congruum meritis ipsorum malis, ob quæ magis forent plectendi per justitiam, est tamen is actus concedens voluntati, & bonitati divinæ, ut ibidem Anselmus scribit cap. x.

Ad quartum dicendum, Deum utique posse damnare justum, & glorificare peccatorem: non quatenus iis circumstantiis affecti intelliguntur, sed prout eadem persona, quæ salvatur, vel damnatur, potest subire, & incidere in unam, vel alteram sortem; is enim, qui damnatur, potuit justificari in via, & ita salvari, & è converso: qui gloria potitur per Dei gratiam, potuit damnari, si Deus sua auxilia illi subtraxisset. Vel etiam pro Supremi domini sui potestate posset damnare Petrum, & Judam salvare, quia etsi alter sit justè gloria donatus, & alter justè pariter æternis suppliciis addictus: ex quo tamen hæc justa specialia non necessario requiruntur ad justum publicum, ad quod Deus simpliciter determinatur, estque justum concedens bonitatem suam; ad tale justum eminentis continentiæ potest, & re ipsa ordinatur quodcunque justum particulare, seu uno, seu altero modo se habeat.

**V**IDETUR Deus non esse omnipotens, sic ut immediate, nulla scilicet alia causa concurrente, attingat omne per se producibile, seu causabile. Nam principium necessarium, & omnino perfectum ad nihil immediate contingenter se habet: Etenim nulla novitas, seu contingentia potest assignari in principio immediate à tali principio proveniente: non enim illud principium aliter se habere potest: cum sit simpliciter necessarium, nec quia illo uniformiter se habente, aliquid aliud requiritur, vel impedit; quia non est principium imperfectum; ac proinde inimpedibile est; nec aliud requirens plenitudinem suæ perfectionis; igitur non potest causare omne possibile immediate. Quod probatur primo generaliter quia eo causante omnem effectum immediate, nulla causa secunda haberet actionem propriam; Sed secundum Comm. 9. Metaphy. com. 7. *Cum entia non habent actiones proprias non habebunt essentialis proprias*. Philosophi autem putant aliqua alia à Deo esse formaliter necessaria, & proinde indefectibilia.

Confirmatur. Si præter ordinem causarum in universo possit Primum quemcunque effectum causare; ergo is ordo causalitatis in causis non foret simpliciter necessarius; ergo nec essentialis, quod est inconveniens apud Philosophos.

Deinde in speciali de motu locali, & circulari cæli. Cum enim hi motus sint essentialiter successivi, nequeunt esse in instanti; in quo tamen instanti necessario cauarentur à potentia infinita.

Prius, Idipsum probatur de quocunque effectu materiali; in enim produuntur per materiæ transmutationem. Sed Aristoteles, 7. Metaphy. contra Platonem ex intentione probat agens à materia separatam non posse immediate transmutare materiam, ut declarat Commentator ibidem dicens, *nihil transmutare materiam, nisi quod est in materia* &c.

Prius, Ex Aristotelis intentione, 8. Phys. tex. c. 79. Quicquid Deus potest immediate causare, ut causa omnimoda, necessario causat. Non enim videtur poni posse contingentia ad causandum, & non causandum, nisi propter aliquam mutabilitatem in agente: idque cum effectus omnino: & præcisè pendet ab agente: Sed si Deus posset immediate producere omne causabile, quodlibet adæquatè, & præcisè dependeret ab eo: igitur quodlibet necessario causaret: Et per consequens & causæ secundæ privarentur actionibus suis, & insuper omnem motum in instanti causaret: & denique agens separatam immediate attingeret omnem effectum materiale, quæ omnia absurda admodum videntur in Philosophia.

**CONTRA**, Naturali ratione ostenditur Deum esse infinitæ potentiæ ex dictis articulo 2. idque probat Aristoteles, 8. Phys. tex. 78. & 12. Metaphy. tex. 41. ergo pariter demonstratur ipsum posse immediate in omne possibile producibile. Probatio consequentiæ: infinita potentia nequit ab ulla alia potestate excedi, imo nec intelligi illa major, quia tunc haud foret intensivè infinita: sed omnis potentia, quæ non sit omnipotentia ad hunc

Philosophorū  
argumēta, ob  
quæ impossi-  
bilem putant  
creationē ju-  
sta mentem  
Theologorū.

1. Report.  
d. 44. 1. Ad  
secundū quæ-  
stionem.

3. dist. 32.

3. dist. 14. q. 4.

4. dist. 46. q. 2.

4. dist. 22. 6.  
De tertio art.  
V. Respondeo,  
donare.

4. dist. 46. q. 4.  
et q. 1. 6.  
Non improbi-  
do.

4. dist. 46. q. 1.  
6. Contra ista.  
V. Ad tertium  
dico.

Est videndus  
Magister Hi-  
guerus, & su-  
pra q. 21. U-  
traque enim  
responsio est  
probabilis.



hunc intellectum, potest intelligi excedi ab omnipotentia sic declarata: ergo Deus est ita omnipotens, ut valeat omnia causabilia attingere per se, citra cuiuscunque alterius causæ concursum. Amplius, Virtus activa cuiuscunque causæ secundæ eminentius est in prima causâ, ac sit in ipsa causâ secunda: habens autem eminentius virtutem activam videtur posse in effectum, absque illo, quod diminutè possidet virtutem ejusdem effectus causativam: non enim ad productionem effectus requiritur imperfectio virtutis activæ: cum nulla imperfectio sit ratio agendi, sed potius actionis impeditiva. Confirmatur: quia videmus causas æquivocas ita perfectos effectus producere, sicut univocas, quod utique non esset, nisi haberent virtutem activam eo modo, quo sufficit ad causandum perfectè, non autem habent virtutem univocam, sed tantum virtutem, aut eminentem; ergo si causarum secundarum vis causativa est eminentius in causâ primâ, ab hac poterunt produci iidem effectus, quos causæ proximæ, & univocæ producunt.

RESPONDEO dicendum, Deum esse omnipotentem, adeo attingere, & causare queat quodlibet causabile citra omnem alterius agentis concursum, esse fidei dogma illis verbis expressum, *In principio creavit Deus cælum, & terram*, Genes. 1. juxta communem Theologorum sententiam. Id minime posse demonstrari lumine naturali intellectus, ne à posteriori quidem. Ad hoc asserendum movetur primo, quia Philosophi ex effectibus notitiam verorum necessariorum investigantes, ad ea, quæ demonstratione quia erant scibilia, aut attigerunt, aut pervenire potuerunt. Nunquam autem docuerunt Deum esse omnipotentem ad mentem Theologorum, imo oppositum ipsis erat ita persuasum, ut contrarium impossibile reputaverint; ergo veritas hæc latet intellectum solo naturali lumine fufultum. Deinde, si id saltem à posteriori posset demonstrari, utique medium deberet accipi ex ordine causarum; sed ex eo ordine haud concluditur, quod causâ superior possit se sola in effectum, quem producit una cum causâ inferiori. Nam sol nequit per se hominem gignere, quem generat cum homine; ergo ex ordine isto non ostenditur primum de se producere posse effectus, quibus dat esse concurrentibus etiam causis secundis. Hoc ipsum evidentius ostenditur in aliis generibus causarum: Si enim ponatur ordo essentialis in materiis (qui à quibuldam jure adstruitur) adeo prima materia animæ intellectivæ propinqua, sit corpus organicum, & sic deinceps usque ad materiam simpliciter primam; etsi hæc materia sit respectu formæ substantialis simpliciter prima, utique non oportet perinde, & materiam esse immediatam cuiuscunque alterius formæ; quia non animæ intellectivæ. Et id ipsum est evidens pariter in ordine formarum; nam ex eo quod aliqua sit prima formarum, non propterea erit apta cuicunque materiæ informandæ, semotis mediis formis; ergo nec pariter in causis efficientibus oportet primum esse efficiens immediatum omnium effectuum. Hoc etiam est evidens in efficientibus respectu cognitionis. Nam principia ponuntur causæ respectu cognitionis conclusionum; etsi autem primum principium habeat veritatem evidentissimam, ac etiam contineat eminenter, & virtualiter veritates omnium posterioarum: non tamen propterea est inferendum, illud posse esse causam immediatè cognoscendi quodcunque posterius: immo oportet per media ordinatè procedere, ad hoc ut acquiratur

cognitio conclusionis remotæ. Denique id ipsum ostenditur in ordine causarum finalium: Nam accipiendo ultimum in aliqua coordinatione finium, non oportet id ultimum esse causam immediatam finalem respectu cuiuscunque operantis gratia finis: Siquidem aliquod remotum non ordinatur ad illud, nisi mediante fine propinquiori: sicut organa exteriora ordinata ad potionem, vel incisionem non ordinantur ad sanitatem, nisi median- tibus istis finibus propriis: via igitur naturalis cognitionis incedendo, non ostenditur primum principium esse posse causam immediatam respectu omnium causabilium, etsi ea omnia attingat una cum causis proximis ratione suæ virtutis infinitæ, propter quam est primum efficiens, à quo Cælum, & natura dependent.

Quia tamen, Deum esse ita omnipotentem est verum, & contra veritatem nulla est demonstratio, quæcunque tandem contra hanc veritatem excogitarunt Philosophi, sophistica esse oportet. Imo Dei omnipotentia, ut à Theologis adstruitur, probabiliter potest ostendi tanquam verum, & necessarium, & probabilius quidem, ac sint quædam alia credita; quia non est inconveniens, quædam ex creditis esse evidentiora aliis, quod conicere licebit ex inductorum solutione argumentorum, pro utraque parte adductorum.

AD ARGUMENTA. Ad primum est responsio duplex; primo concedendo Deum & privare posse causata quæque propriis actionibus, & etiam ipsamet destruere, vel annihilare. Est ergo hæc propositio falsa, & neganda subinde, *omne semper æternum est formaliter necessarium*: nam nomine sempiternorum æviterna intelligendo, omne æviternum potest simpliciter non esse, licet non tali potentia passiva intrinseca, qualis est in corruptibilibus.

Alia responsio; Posito quod Deus privet causas secundas propriis actionibus, præveniendone agant, non propterea deficerent quoad esse earum: Subsisterent enim, & non causarent, quia potentiori causâ præventæ propriam virtutem exercere nequirent, etsi interim & ipsæ possent; quia præsto ipsis esset propria forma, quæ est principium agendi. Porro Commentatoris dictum habet veritatem in hoc sensu, *Cum entia non habent actiones proprias*, id est, nec actû, nec potentia, seu virtute, *non habebunt essentias proprias*, quia destituerentur forma, per quam vel agunt, vel agere possunt.

Ex quibus patet responsio ad id, quod subdebatur de motu. Nam concedimus: Deum movere posse in instanti quodcunque corpus ex infinita potentia suæ activitate; neque ad hoc ulla ostendi potest repugnantia. Et quamvis *Aristoteles*, ejusque *Comm.* oppositum tenuerint: in hoc tamen constat, eos errasse. Posuerunt tamen Deum movere cælum mediatè, media scilicet Intelligentiâ motrice.

Ad confirmationem patet responsio ex dictis. Nam etsi Deus præveniendone causalitatem creaturæ, privaret eam propria actione, & causalitate, non tamen necessario exinde inferretur destructio naturæ, & entitatis ejus, nec subinde deperiret ordo essentialis causarum, qui fundatur in essentiis ipsarum, per quas possunt exire in actum, ac producere effectum in suo ordine.

Et cum arguitur de forma materiali, dicendum Philosophum non negare formam materiale immediate à Deo in materiam induci: imo id etiam concederet de anima intellectiva, 2. de gen. Anim. cap. 3. & quidem citra omnem sui mutationem,

Quodlib. qu. 21. Sed quomodo proprie finem.



per solam novitatem ortam in causis intermediis, quatenus activa scilicet, & passiva infra causam primam diversimodè se habent in causando; etiam si effectus causandus sit ejusdem rationis, potest Deus ipsum immediatè causare, nulla posita novitate ex parte sui, sed ob novitatem receptivarum causarum, sicut sol immediatè solvit glaciem, & coagulat lutum, citra omnem sui mutationem; & ita pariter de sententia Aristotelis corpori humano organizato, Deus necessitate immutabilitatis causat hanc animam, quam prius non causabat, quia nec erat receptivum proportionatum. Ad id quod adducitur, ex 7. *Metaph.* dicendum ibi Aristoteli disputationem esse contra Platonem, qui necessitatem adstruebat idearum pro rerum generatione: Contra vero Aristoteles putat eas haud esse necessarias generandis rebus materialibus; quia sufficit *hoc aliquid* ad gignendum *hoc aliquid*; Sed nec Idea possunt generare hoc aliquid; quia si generans non est *hoc aliquid*, nec genitum erit tale. Nec tamen hac consequentia est extendenda ad Deum; quia si idea generaret, esset generans univocum, quia ejusdem speciei. Non est autem aliqua causa univoca necessaria, nisi composita, & materialis, cujusmodi est genitum: Ac proinde non est admittenda glossa Commentatoris, qui videtur extendere sensum Philosophi ad Deum, & ad omne immateriale; cum Philosophus solas ideas Platonis excludere intendit.

Ad tertium, quo confirmantur argumenta jam soluta, dicendum, non esse ad Philosophi mentem, Deum necessario absolutè causare quicquid necessario causat, hoc est sine causa secunda media agente, ut patet ex dictis de anima intellectiva. Sententia igitur ejus fuit, Deum necessario agere quicquid potest agere immediatè, hoc est, sine omni medio, sive agente ad ipsum effectum, sive ad aliquod prævium disponens ad illum, & sine omni medio causato, sive prævio ad eundem effectum. Illud ergo, quod sine omni medio causato prævio, sive causante prævio, potest agere, hoc necessario agit. Et ratio est, quia ex quo illud à solo Deo immediatè omnino dependet, ipsius novitas in essendo, sive contingentia non reduceretur ultimatè, nisi ad aliquam novitatem in Deo: & ita intendit arguere 8. *Physic.* At de eo, quod potest Deus immediatè causare sine causa agente media attingente effectum, modo sit aliqua causa dispositiva ad ipsum, vel saltem aliquod causatum prævium requisitum ad eundem, non diceret Aristoteles, Deum simpliciter necessario illum causare, sed necessitate inevitabilitatis duntaxat.

In neutro autem istorum concordat cum eo Theologus. Nam ponit Deum per voluntatem liberè, & contingenter se habere ad quodcunque causabile extra, idque omni exclusa necessitate non solum immutabilitatis, sed etiam inevitabilitatis. Quamvis ergo Aristoteles neget juxta sua principia Deum complura posse immediatè causare, scilicet omnia illa, in quorum productione est simpliciter contingentia, absque ulla ex prædictis necessitatibus; tamen in his recta Theologorum doctrina ipsi contradicit, cum constet ea esse omnino aliena à veritate.

Quia vero putamus, nos naturali lumine non posse ad id cognoscendum pervenire; etsi persuaderi queat Dei omnipotentia in sensu articulo præcedenti declarato, respondendum est ad rationes ad oppositum adductas. Ad primam, cum dicitur, infinita potentia nulla major potest esse, nec

cogitari. Respondeo id verum esse intensive, at tamen citra omne inconveniens excogitari posse majorem extensivè, quæ nimis rum ad plura se extenderet immediatè producenda per ipsam. Deinde, licet infinita potentia activa sit verè omnipotentia; non tamen sequitur, si ratione naturali potest concludi hoc habere infinitam potentiam; ergo & omnipotentiam; quia non est notum ratione naturali, infinitam potentiam esse omnipotentiam in sensu Theologorum; imo diceret Philosophus, hanc omnipotentiam involvere contradictionem, quia exinde sequeretur destructio ordinis essentialis causarum, si omnia per se ipsam immediatè attingeret prima causa.

Ad aliam probationem respondeo, eam utique esse probabilem, non tamen demonstrativam Philosopho; Etenim propter ea, quæ adducta sunt ad solutionem, negaret istam propositionem, *Quicquid in se eminenter, & virtualiter habet virtutem activam causæ proximæ, potest immediatè effectum illius causæ causare*. Diceret igitur inde tantum sequi, posse quidem continens eminentiori modo virtutem effectum attingere, ut in suo ordine causæ altioris, & remo iuris, adeo ut amota causa proxima, nihil produceret, quod esset effectus causæ secundæ, sicut sol sine homine non efficit hominem. Et cum subditur, imperfectio non requiritur ad causandum. Responderet; *Id immediatè causare*, duo præferre, nempe & ipsam causationem, eamque de causæ perfectione descendere, & promanare; Et modum, sive immediationem causandi, eumque annexam requirere imperfectiorem; ac propterea ad immediatè causandum concurrere, ac præexigi necessario imperfectiorem: non sanè, ut ea sit ratio causandi, sed magis conditio necessaria in agente. Ubi enim est ordo essentialis, ibi nequit aliquid esse proximum imperfectissimo, nisi ipsum sit aliquantulum imperfectum; quia si perfectum foret proximum imperfectissimo, esset æquè immediatum cuilibet alii à se, adeoque inter ea non veraretur ordo essentialis, sicuti non esset ordo essentialis in speciebus numerorum; si quælibet æquè immediatè procederet ab unitate, atque ab ea eodem gradu distaret. Negant igitur Philosophi omnipotentiam in Deo, non quia in ipso non reperitur eminentissimè omnis perfectio causarum secundarum; nec putant subinde ex causis proximis fieri aliquam additionem virtuti illius, sed opinantur has necessario requiri, ut habeatur ordinata perfectio descendens ad ultimum imperfectum; ordinata autem perfectio non habetur sine diminutione perfectionis, & cum imperfectiōe annexa.

Nihilominus quia naturali lumine intellectus probatur Deum ad extra liberè, & contingenter agere; alioquin nulla esset possibilis contingentia in inferioribus, & nihil causæ secundæ producerent, & malitiei nullus esset locus in causis liberis, consequenter ostenditur, primum non esse ita huic ordini additum, ut præter, vel contra illum agere non valeat, ac subinde ipsum esse omnipotentem in sensu Theologorum videtur magis probabile, quàm oppositum; cum suppositum Philosophorum, cui contraria ipsorum sententia innitur per naturalem rationem falsitatis planè convincatur.

1. dist. S. 9. 5.

Videnda quæstio 2. de rerum principio n. 13.



## ARTICULUS IV.

Utrum Deus possit facere, quod præterita non fuerint.

*Doctor 4. dist. 1. quæst. 6. §. Si instetur, in Report. ibidem quæst. 5. & prout in margine annotatur. S. Thom. 1. par. quæst. 25. art. 4.*

Quodlib. 9. 10.

**V**IDETUR à Deo effici posse quo minus quæ præterierunt, præterita sint; Nam Lucas primo scribitur: *Non est impossibile apud Deum omne verbum*: quæcunque igitur verbis exprimuntur, ac intellectu percipiuntur, sub Dei potentiam cadere, certum est: quisque autem potest percipere, verbisque exprimere præteritum non esse præteritum: ergo id Deo non est impossibile.

Præterea, Si Deus efficere nequiret non præteritum, quod præteritum: igitur nec facere posset, ut sit virgo, quæ virgo non est, ut sentire videtur Hieronymus *Epist. 22.* Sed Deus efficere valet virginem de non virgine: ergo & præteritum non esse præteritum. Probatio minoris: Nam accipiendo quodcunque absolutum importatum per virginatatem, sive sit perfectio in mente, sive dispositio in carne, totum prorsus potest à Deo reparari, ac restitui in pristinum: igitur facere potest de non virgine virginem.

4. dist. 43. qu. 1. 6. Tertia opinio.

Confirmatur ex Philosopho 8. *Metaphy. cap. 2. Si agens idem, & materia eadem, effectus erit idem.* Sed Deus est semper idem agens, & materia pariter incorruptibilis: ergo effectus idem, qui præterit, potest rursus reduci, & in effectum revocari: a quo tunc quod præterit perinde est, ac si non præterisset, quandoquidem de præteriti existeret: ergo Deo non est impossibile facere, ut præterita non sint præterita.

Scrip. 9. 19. art. 4.

De rerum principio qu. 6. n. 33.

Præterea, Dei activa potentia, & suprema causa est ipsius voluntas: igitur totum id Deus potest efficere, quod potest & velle: Sed Deus velle potest præteritum non præteritum. Cum enim hoc ipsum nos velle possumus: multo magis poterit Deus, cujus voluntatis actus est ejusdem ambitus, & aspectus cum potentia volitiva, & ita completens modo altiori omnem ereatam volitionem, & nolitionem: igitur Deus tale objectum volendo, facit ut præteritum non fuerit præteritum.

1. dist. 43. in argument. princip.

Præterea, Si inactibile est præteritum non fuisse: ergo si daretur sibi capacitas, seu passiva potentia, fieri posset. Sed Deus potest dare capacitatem Universæ recipiendi majorem perfectionem, ut ait Magister 1. *dist. 44.* ergo pariter poterit efficere, ut sit capax præteritum recipiendi id, quod est non præteritum.

Præterea, Deus habet potentiam reducendi futurum ad esse actuale; ergo pariter valet efficere, ut præteritum non sit præteritum. Probatio consequentiæ: Nam si ipsius potentia extenditur ad futura, quæ non sunt, ut actu sint; & ad præteritum reducendum, ut non præterierit, extendi non potest; igitur prius pollebat potentia, quam modo non habet: est ergo ipsius potentia immutata. Ita Mag. 1. *dist. 44. cap. Præterea.*

Quodlib. 9. 10. 6. Contra istud.

CONTRA, August. 7. super *Genes. cap. 13.* *Omne corpus, inquit, in omne corpus posse mutari, non defuerunt, qui affererent, corpus autem aliquod converti in animam, fierique naturam incorpoream, nec ququam sensisse scio, nec fides habet.* Item ibidem cap. 20. *omne corpus in omne corpus mutari, credibile est; quodlibet autem cor-*

*pus posse mutari in animam credere, absurdum est.* Dissertè igitur tradit Augustinus non omnia prorsus esse Deo possibilia, ac proinde nec mutare præteritum in præsens. Idem videtur dicere Boetius, de *duabus naturis, & una persona Christi* contra Eutychetem: *sole*, inquit, *substantia illa in se mutari possunt, quæ habent unitis nature subiectum commune.*

RESPONDEO dicendum, fieri non posse per Dei potentiam, ut præterita non sint ea, quæ jam præterierunt. Et si interim nullo negotio reparare, ac iterato dare esse queat illis ipsis rebus, quæ jam fuerunt. Declaratio: Nulla factio potest esse non entis de aliquo non ente, quia factio quilibet est, vel entis de non ente: vel non entis de ente: sicut in annihilatione: vel entis denique de ente, præteritum autem non est ens: & ipsum non præteritum est aliud non ens: ergo non potest ex præterito fieri, ut non sit præteritum. Deinde, fieri non potest, quin Deus sciat invariabiliter præteritum revera præteritum, ac proinde quin id sit verum: Si autem caderet illa negatio sub potentiam activam prime causæ, ac re ipsa faceret eam non extitisse: jam contradicitione unirentur, quatenus sequens negatio destrueret priorem negationem, & non destrueret, quia invariabiliter terminat intuitum intellectus divini: habet enim veritatem necessariam, ut futurum esse verum contingens: est igitur facere omnino impossibile, ut præteritum non præterierit: & ideo communiter, & rectè dicitur ad præteritum non esse potentiam: ac proinde optimè Agathonem sensisse, cum dixit: *Hoc solo privatur Deus ingenua facere, quæ facta sunt*: ut testatur Aristoteles, 6. *Ethic. cap. 3.*

4. dist. 6. qu. 10. 6. Sed restat. V. istud etiam.

August. lib. 26. contra Faustum cap. 5.

4. dist. 43. qu. 3.

Denique, Deum esse omnipotentem, atque ad omnia causabilia se extendere seu mediata, seu immediata, ex eo rectè concluditur, quia cum sit ipsum esse per essentiam, involvat oportet perfectionem omnem, & rationem omnem essendi, & omnium causarum vim productivam altiori modo, ac sit in causis secundis effectui cuicunque tribuendo necessaria; igitur quicquid est à Deo producibile, prius in ipso reperitur oportet per eminentissimam continentiam: quod ergo excludit quamcumque rationem essendi: nec ita reperitur in Deo, nec subinde est producibile ab ipso: ejusmodi est hoc, quod dicimus *præteritum non præteritum*: sicuti & omnia alia contradicitionem involventia: sunt ergo à Deo improducibilia, quia certissimè nihil.

De rerum principio, qu. 2. num. 13.

Quod vero ea, quæ præterierunt divina virtute reparari queant, ac restitui in pristinum, dubitari non potest, cum instruamur, per fidem rectissimam, hominum resurrectionem esse futuram, in qua illimet, qui ceciderunt, resurgent, eadem subinde corpora habentes, ut in ipsis recipiant seu præmium, seu penam, pro iis quæ in vita gesserunt. Et si igitur nulla sit potentia ad præteritum ut præteritum; est tamen potentia respectu illius, quod præteritum; inquantum ipsum potest esse futurum. Quam potentiam quidam & ipsi naturæ attribuendam putant, saltem in ordine ad quoddam effectum speciales.

4. dist. 43. qu. 1. De his in Addit ad 3. p. a. 9. 75. & seq.

AD ARGUMENTA. Ad primum respondeo, utique Deo non esse impossibile omne verbum, id est, omne possibile non logicum, sed causabile, ut articulo primo extitit declaratum; quia duntaxat quod ita possibile, in primo principio eminenter, & virtualiter continetur. Et cum subditur, quemque posse concipere, & verbis exprimere, præteritum non præteritum. Neganda est ista propositio; cum enim contradicitionem involvens sit

4. dist. 43. qu. 3. 6. Quamvis ad istum articulum.

Quodlib. qu. 3. 6. De primo.



verissime nihil, utpotè excludens omne esse extra intellectum, & in intellectu; non est aliquid intelligibile, tanquam ens in anima; quia nunquam contradictorium cum contradictorio constituit unum intelligibile, neque sicut objectum cum objecto, neque sicut modus, cum objecto: falsum est ergo posse intellectum concipere præteritum non præteritis, sic ut ei complexioni assensum præbeat, eamque componat; etsi id intelligatur, ut quid factum impossibile.

Ad secundum dicendum eo ostendi, quod dictum fuit in secunda parte solutionis, posse nimirum Dei potentia restitui ea omnia, quæ fuerunt, atque esse per corruptiorem, aut alio modo amiserunt; ac proinde fieri posse, ut Virgo restitueretur ea, quæ corrupta fuit, quoad totum id, quod per virginitatem importatur, seu in mente, seu in corpore; Sed non exinde tamen sequeretur verum non esse, illam aliquando corruptam fuisse, ac virginitatem amisisse; redderetur igitur ei pristina virginitas mentis, & corporis; Sed eo ipso, quo redderetur verum est eo, quod sibi restituitur, aliquando destitutam fuisse.

Atque ex his patet ad confirmationem.

Ad tertium concedo, quicquid Deus potest velle causare, cadere sub ipsius omnipotentiam: nego tamen velle posse contradictoria simul, cuiusmodi est præteritum non fuisse. Ut enim simul nequit velle, & non velle: ita nec simul velle hoc, & non velle idem. Et quemadmodum contradictorium, utpotè verissime nihil esse nullum habet extra, ita nequit actum voluntatis terminare, sic ut volitum dicatur. Et cum arguitur; quia creata voluntas potest id velle; ergo & divina complectens actus omnes voluntatis creatæ. Respondio; etsi creata voluntas possit se extendere ad impossibilia volenda, ut ait Aristoteles, 3. *Ethic. cap. 5.* attamen electio non est impossibile, ut idem testatur 3. & 6. *Ethic.* Cum ergo impossibilia volumus, non habemus efficacem volitionem erga illa. Nemo enim consiliatur de impossibilibus, nec præcipit intellectui practico, ut inquireat media deveniendi ad consequutionem illorum. Voluntas igitur, quæ est impossibile, sequitur duntaxat terminorum apprehensionem; non vero sequitur conclusionem syllogismi practici; igitur est talis voluntas imperfecta, & conditionalis, & plerumque quoque ex falsa terminorum apprehensione; non est igitur hæc volitio Deo attribuenda, cuius omnis beneplaciti voluntas est efficax, determinata, & impedibilis.

Ad quartum respondeo, Magistrum supponere, Universum esse potuisse, & posse majoris perfectionis capacem, ea igitur capacitate sibi concessa, melius profecto fieret. Ad negando, melius fieri potuisse, argumentum ruit. Sed quicquid sit de hoc, Deus nequit dare capacitatem nihilo, ut sit factionis passivum; & nihil sanè est, præteritum non fuisse; quia, ut declaratum fuit, id plane contradictionem includit; quod autem implicat contradictionem, est verissime nihil.

Ad quintum respondet Magister loco citato, Deum omnia semper posse quæ aliquando potuit, nec unquam aliquo gradu potentie suæ privari; sicut omnia scit, quæ in æternitate scivit, ac semper vult, quæ aliquando voluit. Et pergit ille exemplificando: *Sicut enim*, inquit, *olim potuit incarnari, ita & potest modo incarnatus esse, in quo ejusdem rei potentia monstratur. Non est ergo privatus potentia incarnandi, licet non possit*

Tomus I.

modo incarnari, ita scilicet, quasi non fuerit incarnatus. Ita quidem Magister. Per hoc igitur quod Deus non valeat reducere negationem præteriti in aliam negationem, non privatur aliqua vi activa, & potentia, secundum quam valet absolutum præteriti iterum facere præsens.

Quia vero authoritates ad oppositum adductæ videntur facere contra secundam partem solutionis, respondendum est ad illas. Ad primam dicendum, Augustini propositum ibi esse (ut constat ex processu) probare animam in prima sui productione, haud productam fuisse de aliquo corpore. Quod primo probatur per viam divisionis de singulis corporibus, & tandem summam de omni corpore per illud, quod allegatum est: *Corpus converti in animam &c.* Productio autem primaria non habet opus miraculosum, sed talis est, qualis competit rebus productis. Non ergo intendit negare Deum posse convertere corpus in animam, & reducere quæ præterierunt: Sed tantum declarare, id in prima rerum productione minime factum fuisse: vel fieri non potuisse secundum modum illius productionis, cum ea miraculosa non fuerit, sed correspondens naturis rerum productarum.

Ad secundam ex Boetio respondeo mentem ipsius eo tendere, ut declaret haud esse ad invicem convertibilia, quæ non habent materiam communem: nec item hæc omnia converti, sed tantum quæ in se agere, & pati possunt. Unde & dicit ibidem, *as in lapidem permutari non potest*; non est ergo ipsi sermo de his, quæ sunt Deo possible, vel impossible, sed de conversione, quæ, ut sit, requirit materiam communem: & præterea qualitates activas, & passivas oppositas: quæ sufficiunt ad conversionem naturalem, secundum quam *as in lapidem converti nequit*, loquendo de conversione immediata. Et quoniam intentio sua ibi est probare humanitatem non posse converti in divinitatem, quæ esse nequit terminus potentie activæ, tale argumentum intendit, si per totam potentiam creatam non potest *as* immediate mutari in lapidem: ergo magis fieri nequit per quamcunque potentiam activam, ut natura creata convertatur in divinitatem. At ex eo non potest inferri præteritum per Dei virtutem reparari non posse, cum perinde ejus potentie subdantur futura, ac præterita, quoad eorum restorationem.

#### ARTICULUS INCIDENTS.

An primæ ratio impossibilitatis rei fiendæ sit ex parte Dei, vel ex parte rei factibilis.

Doct. 1. dist. 43. in Report. ibidem quæst. 1.  
§. Ad secundum, & art. præcedenti  
in solutione. S. Thom. 1. par.  
quæst. 25. articulo 4.

**V**IDETUR prima ratio impossibilitatis rei fiendæ esse ex parte Dei. Nam ex Auctore sex principiorum, actio est secundum quam in id, quod subijcitur, agere dicimus; & ibidem, passio est effectus, illatioque actionis; est igitur passio, & effectus: quia est ab agente: igitur quod effectus effici nequeat, nec passio sit, est quia non potest esse actio: & per consequens, quia agens non potest agere, ideo nec effectus effici potest.

Præterea, Si Deus conferret creaturæ capacitatem, utique ipsa recipere posset juxta illam; pro ratione enim capacitatis subiecti, Deus cum

R r vult,

Quodlib. qu.  
10. §. Ad ista.

3. dist. 39. 6.  
Quantum ad  
primum. V.  
De secundo  
dico.

1. dist. 6. q. 1.

Quodlib. q. 5.  
§. De primo.



vult, largitur & perfectionem: igitur quod creatura non possit recipere, nec fieri, provenit ex eo quod nequeat capacitas sibi dari: ergo manifestè radix prima, & ratio impossibilitatis rei fiendæ, est ex parte Dei.

CONTRA, Nihil simpliciter est impossibile, nisi quia simpliciter repugnat sibi *esse*: cui autem repugnat *esse*, repugnat ei ex se primo, & non propter respectum aliquem affirmativum, vel negativum ejus ad aliquid aliud. Hoc probatur: Repugnancia quæcunque extremorum est ex ratione ipsorum formali, & per se essentiali, circumscripto quocunque alio respectu utriusque extremi positivo, vel negativo ad quodcunque aliud: illud igitur est simpliciter impossibile, cui per se repugnat *esse*, & quod ex se primo est tale, ut sibi omnino repugnet *esse*, & non propter aliquem respectum ad Deum affirmativum, vel negativum: imo sibi repugnat *esse*, si per impossibile Deus non esset.

RESPONDEO dicendum, primam impossibilitatis radicem non esse petendam ex parte potentie activæ primi principii, licet quodammodo sit ab intellectu divino, uti à principio, in quod est finaliter reducenda. Declaratio: Quemadmodum rerum omnium prima, & absoluta possibilitas esse non potest ab omnipotentia Dei, ita cur complura dicantur & sint factu impossibilia, non est Dei potentie activæ attribuendum, quasi ob ejus defectum id proveniret. Nam in causis præcisis, si affirmatio est causa affirmationis, & negatio est causa negationis, juxta Philo'sophum, 1. *Poster. text. c. 30.* Si igitur ab activa potentia foret rerum possibilitas, utique à negatione ejusdem potentie esset negatio possibilitatis in creatura. Assumptum exinde constat, quia Dei potentia activa esse non potest intellectus divinus formaliter; imo oportet, eam quasi præsupponere operationem intellectus, sive ea potentia sit voluntas, sive alia potentia executiva: Sed lapis est possibilis ex se formaliter; ergo reducendo quasi ad primum principium extrinsecum, intellectus divinus est principium illud, à quo est prima ratio possibilitatis in lapide. Probatio assumpti; possibile secundum quod est terminus, vel objectum omnipotentie, est illud, cui non repugnat *esse*; & quod non potest ex se esse necessario: lapis productus in *esse* intelligibili ab intellectu divino, habet ista ex se formaliter; cum sibi *nec esse* repugnet, nec esse queat ex se necessario; igitur est ex se formaliter possibilis, & quasi principiativè per intellectum divinum; omnipotentia igitur in Deo non est illa potentia, qua est potentia passiva in creatura, imo hæc potentia præsupponit possibilitatem, seu potentiam passivam in creatura, qua sibi non repugnat *esse* realis existentie. Rursus, potentia activa, quæ est omnipotentia dat *esse* simpliciter illi, circa quod versatur; est enim potentia productiva rei ad extra: Sed ante omnem productionem rerum ad extra, ea erant possibilia: alioquin incapacia fuissent recipiendi *esse* existentie realis: non igitur per illam potentiam, qua Deus est omnipotens, est res alia à Deo primo possibilis.

Quemadmodum igitur ab activa Dei potentia non habet objectum, quod sit primo possibile, sed per intellectum divinum producentem illud in *esse* intelligibili: (qui sanè intellectus non est activa potentia, qua Deus est omnipotens) exinde enim non repugnat sibi *esse*: ex se nequit necessario *esse*, ac propterea est objectum potentie activæ Dei illi præsuppositum per actum intelle-

ctus: ita nec impossibilitas est primo accipienda: seu petenda ex parte Dei: imo unumquodque impossibile est tale propter repugnantiam ejus, ut fiat. Simpliciter enim impossibile involvit impossibilia, quæ sunt talia ex rationibus suis formalibus: & ab eo sunt principiativè impossibilia, à quo principiativè accipiunt suas rationes formales. Nam sicut Deus intelligendo suam essentiam in secundo signo, producit possibile in *esse* possibili, ita producit duo entia in eodem *esse*, quibus productis, exsurgit mutua impossibilitas, ut nequeant simul esse unum, neque aliquid tertium ex eis. Hanc igitur impossibilitatem, quæ inest ipsis formaliter, ex se ipsis possident, & principiativè est ab eo, qui extitit principium productivum duorum possibilem; & istam impossibilitatem, quæ est necessaria sequela duorum possibilem, ut se mutuo respiciunt, sequitur impossibilitas totius figmenti, includentis ea; & ex ista impossibilitate figmenti in se, & ex impossibilitate partium suarum, sequitur impossibilitas ejus respectu cujuscunque agentis; & ex hoc completur totus processus impossibilitatis rei, quasi ultimus gradus impossibilitatis sit negatio respectus ad quodcunque agens: nec oportet effingere respectum quandam negativum ex parte Dei, nec ex parte cujuscunque alterius, nec fortasse est aliquis ex natura rei; etsi intellectus comparare queat Deum, aut aliquid agens ad impossibilia, sub negatione respectus. Ex his igitur liquet, qualiter impossibilitas prima est formaliter ex parte impossibilium, & principiativè à Deo; Et quamvis reducatur ad principium extrinsecum, attamen non est putandum id esse negationem, vel defectum potentie activæ in Deo; imo id principium aliud esse nequit, quam intellectus divinus, principians impossibile in illo *esse*, in quo partes ejus formaliter repugnant, propter quam formalem repugnantiam totum ex eis est simpliciter impossibile; & ideo verisimè nihil & in intellectu, & extra intellectum, ut dictum est in articulo præcedenti.

AD ARGUMENTA. Ad primum, respondeo sic: actio non est causa passionis, sed magis est simul natura cum ea; agens autem est causa ejus, quod per ipsum producit, ac passioni subternitur; Sed quod ad impossibile nulla sit actio, non evenit, quia nulla potentia reperiatur adeo potens, sed quia ex se partes ipsius sint formaliter impossibiles.

Ad secundum dicendum, Deum dare non posse capacitatem nihilo recipiendi aliquam perfectionem: quia ex hoc evidenter ipsum nihil aliquid esset: veruntamen ea non est prima ratio, sed magis quia est absolute incapax ejusmodi capacitatis recipiendæ: at hæc eadem ratio ulterius reducitur ad formalem repugnantiam partium, & denique ad intellectum divinum, veluti ad extrinsecum principium.

## ARTICULUS V.

Utrum Deus possit facere, quæ non facit.

Doctor 1. dist. 8. quæst. 5. & dist. 38. & 39. in

Report. 1. dist. 43. quæst. 2. & 44.

S. Thom. 1. par. quæst. 25.

articulo 5.

VIDETUR Deus haud facere posse quæ non facit. Etenim quæcunque Deus operatus est, utique facit secundum condecenciam bonitatis

Sunt hæc accipiendæ juxta dicta in præcedenti articulo, & alibi ex Quodlib. 1.



et facta, atque rerum conditarum exigentiam; sed si aliter fieret, aut efficere posset, plane operaretur contra ordinem rerum, quod non decet suam bonitatem; ergo ultra ea, quæ facta sunt, Deus nequit aliud quicquam efficere. Minor ex eo constat; quia naturæ creatæ id duntaxat exigunt, quod ipsis datum est ab eorum conditore; ergo si attribuerentur eis aliæ proprietates, jam ordo Universi destrueretur.

Præterea, Intellectus divinus prius apprehendit agibile, quam voluntas illud velit; quæ voluntas nequit ab intellectu apprehendente discordare: Sed intellectus determinatè apprehendit hoc agibile; adeo ut hoc indifferenter apprehendat hoc, & contrarium, vel aliud; ergo & voluntas determinatè vult id agibile, sic ut oppositum velle nequeat; igitur Deus non potest facere, quæ non facit, sicut nec fieri potest, ut discordet à rectitudine intellectus.

Præterea, Dei potentia non excedit suam scientiam; imo magis ei æquiparatur: Sed scientia ipsius non est respectu oppositorum; nec scit aliquid obiectum aliter ac sit; igitur nec producere valet, nisi ea, quæ facta sunt, aut erunt, cum ad ea solummodo ipsius scientia terminetur.

Præterea, Augustinus 6. de Trinit. cap. ult. *Est ars quædam*, inquit, *omnipotentis, atque Sapientis Dei, plena omnium rationum scientiam immutabilem*. Atqui quæcunque facta sunt, estque facturus Deus, utique ad imitationem ejus artis esse acceperunt, vel acceptura sunt; unde & scriptum est; *Omnia in sapientia fecisti*. Psal. 103. ergo si præterea quædam alia efficere posset, non efformarentur de tali arte, & sapientia. Impossibile est autem Deum quidquam facere, in quo sapientia infinita non reluceret: igitur ultra ea, quæ de facto sunt, aut erunt, nihil aliud est efformabile.

1. dist. 45. Præterea, Deus in æternitate voluit quæcunque alia à se esse accipiunt: sic ut oppositum velle nequeat, nec aliter fieri, ac determinatum sit: alioquin aut mutaretur, aut quicquam ei occurrere posset de novo suorum decretorum impeditivum. Sed quæ non facit, neque est facturus in æternitate volita non fuerunt: ergo Deus nequit facere aliquid ex illis, quæ non facit.

Ex Reports. cit. CONTRA, Matthæi 26. *An non possum*, inquit *Salvator, rogare Patrem meum, & exhibebit mihi modo plusquam duodecim legiones Angelorum?* ergo cum id non postulaverit, nec subinde factum sit, Deus efficere potest longè plura, ac sint ea, quæ facit.

RESPONDEO dicendum, Deum efficere posse omne prorsus possibile, ac proinde in infinitum plura alia condere, quæ non est aliquando facturus. Declaratio: juxta dicta supra, quæst. 19. art. 3. Quicquid Deus ad extra causat per infinitam rationem libertatis causat, adeo, ut potuerit ea omnia non produxisse, seu non esse volita in æternitate, in ordine ad esse reale. Ut enim decrevit mundum condere, ita potuit decrevisse ipsum non producere, aut alium, & alium efficere, quem nihilominus non est aliquando conditurus; igitur ex infinitis possibilibus, quæ intellectus ejus voluntati objiciebat, hæc præcisè voluit realem existentiam accipere, ita potuit aliis voluisse idem esse: est igitur in ipso realis, & infinita potestas efficiendi alia, quæ non facit. Deinde, quæcunque Deus voluit producere, sunt volita gratia boni universalissimi, quod est ipsum esse per essentiam, in quo sunt omnia per eminentissimam continentiam. Voluntas enim diligendo amore infi-

nito id bonum, voluit esse alia à se, atque ad se ipsum ordinari. Sed alia possibilia non producenda, perinde ad idem bonum infinitum possunt ordinari; cum eodem modo in illo contineantur ergo in Deo reperitur oportet potentia eadem efficiendi. Rursus, quæcunque facta sunt, ita exceduntur ab infinito bono, ut exceditur esse quodcunque participatum ab eo, quod est esse per essentiam; non enim per quæcunque producta illud exhauriri potest, cum singula, & omnia simul sint intrinsicè finita, ut illud est formaliter infinitum; igitur semper in ipso est potentia faciendi longè plura, ac sint omnia simul producta. Denique, ordo, quo condita est rerum universitas, ideo est rectus, quia à sapientia, sive voluntate divina præfixus, & ordinatus: igitur si ageret præter, aut contra hunc ordinem jam præfixum, illa alia rerum ordinatio foret pariter recta. Quando enim in potestate agentis est ordo, & rectitudo ipsius, tunc potest rectè agere, etsi faciat contra, aut præter ordinem, cui ipse rectitudinem dedit: ejusmodi agens est voluntas divina: est enim prima, ac inobliqualis regula omnium agibilium: igitur quoniam efficiendo alia ab his, quæ facta sunt, nulla sequeretur contradictio: quia cuncta perinde forent ordinata, & inter se, & ad ipsum, poterit longè plura facere, ultra ea, quæ facta sunt, estque aliquando facturus.

AD ARGUMENTA. Ad primum respondeo ex dictis, utique Deum condidisse rerum universitatem juxta condecensiam bonitatis sue, & pro earum exigentia naturarum: at quia simpliciter Deus non determinatur nisi ad justum publicum eminentis continentie, quod est bonitas sua, cum ad hanc perinde queant quæcunque possibilia sunt, ordinari, eo quod in illa eminenter contineantur, sicuti produxit hunc ordinem rerum, ita potest & alium condere, quem tamen non est facturus: & productum destruere. In casu autem, quo alium mundum crearet, nihil efficeret, quod æquum, & ordinatum, & rectum non foret: etsi naturæ creatæ de facto non exigant alias proprietates, præter eas, quæ ipsis date sunt.

Ad secundum respondeo, intellectum divinum in primo instanti naturæ apprehendere, quodcunque operabile, & omnem ordinem agibilium: eaque omnia voluntati tanquam neutra offerre: in secundo autem instanti voluntate se ad unam partem determinante, atque hunc ordinem rerum futurarum decernente, tandem intellectus scit, apprehenditque illa vera aliquando esse representanda, sive futura. Quoniam ergo intellectus ante actum voluntatis non apprehendit agenda, sed solum agibilia, id est, possibilia, quibus scilicet non repugnat esse, voluntas pro sua infinita libertate potest illorum decernere futuritionem, & non futuritionem: & sicuti istis præcisè decrevit dare realem existentiam, ita potuit pariter se gessisse circa alia, quæ nunquam est facturus.

Ad tertium dicendum, Si Dei scientiam esse respectu unius partis sit, ut esse nequirit, nec se extendere ad oppositum, id foret in ipsa imperfectionis. Consimiliter & voluntas subiecta imperfectioni, ita si vellet unam partem, ut aliam velle non posset. At ponendo scientiam sic esse respectu futurorum, ut non sit oppositorum; & pariter voluntatem esse ad hanc partem determinatam, ut non sit respectu alterius, nullam id arguit imperfectionem; quia sicuti voluntas poterat se aliter determinare, ita & intellectus scire decreta alterius ordinationis. Potentia denique non est imperfecta ex eo quod se extendat duntaxat

4. dist. 49. qu. 8.

De rerum princip. q. 2. n. 15.

1. dist. 44.

1. dist. 46. q. 1. ad tertium.

De his q. 14. art. ultimo.

1. dist. 19. cit. q. ad se. cum q. 4. questionis.

De hoc Magist. 1. dist. 43. cap. III. antea.

4. dist. 45. qu. 1. & 3.



ad hæc, & non alia producenda; quia ut his dat esse, ita & aliis non producendis pariter esse dare potuisset.

Illud tamen interest, quod potentia videtur esse unius oppositi tantum, eo quod possit in illud duntaxat: Scientia vero, & voluntas, non ita. Deus enim potest velle, & cognoscere omnia sub omni modo, etsi nequeat causare. At nihil interest, si ex utraque parte simili modo accipiatur, quia quodlibet istorum est actu unius oppositi tantum, non amborum; quanquam alioquin & voluntas, & scientia, & potentia sese extendere valeant ad opposita; nam si aliter voluntas fieri decrevisset, & intellectus id ipsum scivisset, & potentia produxisset; Sicut ergo se habet potentia ad posse producere, ita & scientia ad posse scire, & voluntas ad velle posse.

Ad quartum dicendum, Dei artem; & sapientiam omnium factricem, de qua est sermo in facris literis, & apud Augustinum, non esse actum intellectus, quatenus is ad volitionem præsupponi intelligitur, Sed magis ipsius Dei efficax voluntas: qua tamen ex sui libertate, & ex se determinata, mox intellectui perfecta est omnium sapientissimè agendorum series. & ordo. Quoniam ergo hæc rerum ordinatio liberè omnino determinata est, ita potuit aliter fuisse decretum; & sicuti hæc dispositio recta est, & congrua, ita plane in alterius ordine providentiæ par bonitas, & sapientia, & dispositio, & rectitudo reperiretur. Ultra igitur artem pro præsentī providentiā sapientissimè concinnatam; potest Deus alia, & longè plura velle, ac voluerit de facto; sicuti ideis infinitorum possibilem, sua voluntate potest adiciere futuritionem.

Ad quintum concedo, Deo repugnare omnem mutabilitatem, & mutationem; neque in consensu dictum esse, ipsum facere posse, quæ non facit quasi de novo valeat quidpiam decernere, quod in æternitate non fuerit volitum; Sed quia cum ea, quæ facturum est, decernebat, potuisset alia plura facere velle, quæ non est facturum, ac proinde etiam nunc eadem perinde posse in sensu diviso; & quatenus Dei voluntas, ut operativa prior est naturaliter tendentia in hæc objecta, ut alibi extitit declaratum; quamvis ut intelligitur ad talia objecta determinata in sensu composito, alia facere nequeat, propterea quod ita sibi complacuit immutabiliter determinare.

## ARTICULUS VI.

Utrum Deus possit meliora facere ea, quæ facit.

Doct̃or 1. distinct̃. 44. quæst. Un. in Report. ibidem quæst. 2. S. Thom. 1. part. quæst. 25. art. 6.

**V**IDETUR Deus haud posse facere meliora ea, quæ facit; Etenim Augustinus lib. 83. 99. quæst. 54. probaturus Deum Patrem genuisse sibi Filium æqualem, ita arguit; Si non genuit æqualem, aut quia non potuit, & tunc infirmus est, aut quia noluit, & tunc invidus est. Ex hoc arguitur, si Deus non facit meliora, quàm fecit; aut igitur quia non potuit; & habetur propositum aut quia noluit, etsi possit; videtur igitur tactus invidia: quod est impossibile in primo agente ex infinita liberalitate.

Præterea, Augustinus 3 de lib. arbit. cap. 5. Quicquid recta ratione tibi melius occurrit, scis

Deus fecisse, tanquam bonorum omnium conditorum; ergo si Deus valeret efficere meliora ea, quæ facta sunt, perfectio jam fecisset; id enim recta ratio dicitur esse sentiendum de summa bonitate. Non fecit tamen: igitur quæcunque facta sunt, meliora effici non possunt.

Præterea, Genes. 1. scribitur: *Vidit Deus cuncta, quæ fecerat, & erant valde bona.* Quod autem est ita bonum nequit melius fieri; igitur rebus jam à Deo conditis addi nequit aliqua perfectio, gratia cuius & essent, & dicerentur meliores.

Præterea, Summo, & optimo nihil melius esse potest: Sed in ordine gratiæ quædam summum attigerunt: ergo meliora effici non possunt. Probatio minoris, Augustinus 13. de Trinit. cap. 18. *In rebus, inquit, per tempus ortis, illa summa gratia est, quod homo in unitate persone conjunctus est Deo:* igitur hac gratia eminentiorem Deus nequit alteri à se conferre; sicuti nec majorem puritatem possumus intelligere esse creaturæ collatam illa, qua prædita fuit Beatissima Virgo Maria: igitur iis, quæ facta sunt, non potest fieri additio in excellentia, & perfectione.

Præterea, *Idea est ratio æterna in mente divina, secundum quam aliquid est formabile ad extra:* Sed omnium quæ formata sunt, divina mens habet proprias ideas; ergo istis exactissimè correspondent omnia, & singula singulis ideis; Sed ipsæ æternæ rationes in mente divina sunt invariabiles, & immutabiles; quippe quæ sint à causa necessaria omnem actum voluntatis antevertente: ergo si Deus elargiretur majorem perfectionem rebus ab se conditis, jam non corresponderent propriis ipsarum ideis, secundum quas efformatæ sunt, sed aliis ideis, atque & homo, & leo, & lapis alterius rationis forent, nec ipsis propria respectivè definitio congrueret.

CONTRA, Augustinus 11. super Genes. cap. 7. *Ecce nos concedimus meliorem esse naturam, quæ omnino peccare nolit.* Etsi mala non sit natura, quæ sic facta est, ut non necessitate, sed voluntate peccavit. Si igitur Deus hominem fecisset, qui non peccaret, melior extitisset se ipso, cum voluntariè peccat. Potuit autem talem hominem à Deo factum esse; igitur & potest meliora facere, ea, quæ facit.

RESPONDEO dicendum, Deum potuisse, & posse meliora facere ea, quæ facit seu intensivè, seu extensivè, quoad perfectiones accidentales, non vero quoad prædicata ingredientia uniuscujusque substantiam; idque comparando actum ad connotata, non ad agens. Declaratio primi est ista: Nam omnes animæ intellectivæ videntur esse ejusdem speciei, ac subinde ejusdem perfectionis substantialis, & capacitatis respectu perfectionum accidentalium: non omnibus autem collata sunt eadem dona supernaturalia: imo hæc distributa sunt, & donantur pro beneplacito voluntatis divinæ, de cujus liberalitate pariter descendit retributio beatitudinis æternæ, cujusque meritis commensuranda. Cum igitur unaquæque animarum sit capax amplioris, & perfectioris gratiæ, ac supernaturalium donorum, quæ tamen non sunt maxima, nisi in una anima Christi Domini, evidens est potuisse, & posse Deum elargiri naturis intellectualibus potiora dona gratiarum, propter quæ forent se ipsis longè meliores, quoad ejusmodi accidentales perfectiones. Et quamvis de facto summa, & perfectissima gratia non congruat, nisi animæ Christi; nulla tamen est repugnantia parem reperiri in aliis naturis intellectualibus, seu oportet eas perinde à divinis personis assumi, seu non: & in-

De rerum princip. q. 4. art. 2. sect. 2.

4. dist. 2. q. 1.

3. dist. 3. q. 1.

De his q. 15.

1. dist. 3. q. 4.

3. dist. 2.

Hic non disputat Doctor de hac hypothese, sed supponit intentionem communem: Ipse enim aliter sentit q. 5. de rerum principio, & frequenter in tractatu, & alibi.

3. dist. 12. q. 4. 5. Hic junct.



& intensivè igitur, & extensivè possunt ea, quæ tacta sunt, fieri meliora secundum perfectiones accidentales.

Ad perfectiones substantiales quod attinet, evidens videtur rerum universitas fieri non posse perfectior ac facta sit. Etenim si gradus aliquis essentialis intelligeretur additus naturæ cuicunque, profecto alia evaderet in substantia, & non foret illa eadem, cui facta est talis additio; imo per differentiam sibi advenientem distingueretur ab illa; sicuti differunt specie animalia inter se, & homo ab omnibus per differentiam rationalitatis, quo gradu præcellit omnibus animalibus, ex eo quod addatur gradui animalis. Etsi igitur revera per additionem gradus substantialis, unumquodque evaderet perfectius, talis nihilominus additionis nulla natura est capax, sic ut maneat eadem, quæ prius; ut ignis melior esset, si foret intellectivus, sed ipse interim minimè esse capax habendi gradum intellectivitatis; quippe qui sit impossibilis naturæ homogeneæ, & ineptæ, ut instruat organo corporeis.

Utrum vero rerum universitas fieri queat essentialiter melior, adeo ut quacunque facta alia excellentior fieri queat, dubium est. Nec propterea quod facta sit summa gratia de facto animæ Christi collata, est inferendum & factam esse pariter summam naturam; quia non oportet hanc influere in omnem inferioris perfectionis essentialiam, ut summum in ordine gratiæ influit secundum esse gratiæ in inferiora. Quia tamen mundus intelligibilis divinus est valde immensus, & planè infinitus, infinitos subinde condens ordines rerum, & idealium rationum, adeo ut quantacunque imitabilitas primi esse excedat in infinitum quodcunque creatum, nisi exfurgat aliqua impossibilitas ex parte rerum producendarum (de quo actum, *quæst. 7. art. 3. & 4.*) videtur universitas causatorum ita producibilis, ut ipsa melior semper esse queat altera producenda.

AD ARGUMENTA. Ad primum dicendum, nullam in Deo conici posse invidiam, esto non fecerit omnia in eo gradu perfectionis, quem à principio obtinuisse potuerunt. Nam ille revera dicitur tangi invidia, qui subtrahit alteri bonum sibi debitum; Deus autem cum det omnibus ex sua infinita liberalitate nihilquidquam debens, nulla ratione dici potest invidere creaturis, quod ipsis non elargiatur, etsi ultro dare possit. Contra vero,

nisi produxisset Filium in omnibus sibi æqualem, esset invidus, ut ait Augustinus; Nam ex quo suam naturam illi tribuit, ex vi generationis suæ, debita est sibi æqualitas ad Patrem habentem pariter eandem naturam; ideo si conferret naturam, & non æqualitatem, subtraheret Filio, quod sibi debetur ex conditione suæ productionis.

Ad secundum respondeo, Augustino eo loci non esse sermonem de iis, quæ absolute sunt Deo possibilia, sed de his, quæ de facto juxta ordinem à suo beneplacito dispositum, facta sunt. Ea autem ut rectissima ratione efformata fuere, ita meliora sunt, quia à Deo volita. Quicquid enim Deus efficaci suæ voluntatis beneplacito vult, atque decernit, id profecto recta ratione judicandum est melius; cum Dei voluntas sit prima, & inobliquabilis regula contingentium; Cum hoc tamen rectè cohæret, & Deum potuisse, & posse meliora efficere ea, quæ facta sunt, & longe plura excellentioris perfectionis naturalis educere ex nihilo, juxta dicta in *solutione*, quæ nihilominus nunquam est facturus.

Ad tertium dicendum, utique à Deo condita extitisse, & esse bona valdè; quia fini ab ipso secundum presentem providentiam intento non poterant aptius, & melius disponi; nam ad invicem sunt exactissimè ordinata, & strictiori vinculo cum ipso primo principio connexa, atque ad eundem, ut ultimus finis, ordinata. His ordinibus stat universi perfectio, ut fini à Deo intento infervit. Secundum igitur hanc rationem cuncta erant bona taliter, ut melius disponi, & ordinari nequissent. At ex eo non sequitur quid melius ipsis evenire non potuisse, juxta aliam providentiam rerum disponendarum de absoluta potentia Dei.

Ad quartum respondeo ex dictis; etsi fieri nequeat perfectior gratia intensivè, ac sit ea, quæ reperitur in Christo Domino; tamen extensivè à Deo effici posse gratiam majorem.

Ad quintum dicendum, eo probari secundam partem solutionis quoad prædicata essentialia, ut expositum est; attamen illis iisdem naturis potuit Deus contulisse alias, & excellentiores perfectiones naturæ, ut scriptura dicit, mundum innovandum esse post universale judicium, utique in melius, per alias, & alias accidentales perfectiones corporibus mundalibus addendam, de quo in *supplem. 3. p. quæst. 51.*

1. dist. 11.  
§. Ad primum.

1. dist. 13. q. 2.  
§. Ad tertium.

Aureolus 1.  
dist. 44. art. 4.  
putat statum  
esse in specie-  
bus Quod &  
Doctores vide-  
tur sentire, de  
Christi gratia  
3. dist. 13. q. 1.  
Sed anceps re-  
vera fuit in-  
hoc quæstio:  
ut testatur Ca-  
vellus super 6.  
q. 2. Metaph.  
De quo late  
Recentiores  
Scotista in  
Metaph. & in  
3. senten. Vi-  
dendus May-  
ron 1. dist. 44.  
q. 2. Doctor  
q. 2. §. 16. de  
rerum princi-  
pio.

12. Metaph. q.  
27. & 28.



# QUÆSTIO VIGESIMA SEXTA DE DIVINA BEATITUDINE, IN QUATUOR ARTICULOS DIVISA.

*Ultimò autem post considerationem eorum, quæ ad divinæ essentia unitatem pertinent, considerandum est de divina beatitudine.*

## ET CIRCA HOC QUÆRUNTUR QUATUOR.

- I. Utrum beatitudo Deo competat.
- II. Secundum quid dicitur Deus esse beatus.

*Utrum secundum actum intellectus.*

- III. Utrum ipse sit essentialiter beatitudo cujuslibet beati.
- IV. Utrum in ejus beatitudine omnis beatitudo includatur.

### ARTICULUS I.

Utrum beatitudo Deo competat.

*Doctor 1. distinct. 1. quæst. 5. in Repert.  
ibidem quæst. 4. S. Thom. 1. par.  
qu. 26. articulo primo.*



**V** I D E T U R beatitudo haud Deo convenire. Etenim beatitudo, vel fructio est respectu finis, quatenus quæ sunt ad finem ordinata, in illo conquiescunt, jam potita bonorum omnium, quæ in primo principio, & ultimo fine cumulatifimè reperiuntur: Sed ultimus finis non est ad ultimum finem ordinatus, alioquin ultimus non esset: ergo sibi beatitudo, vel fructio non competit.

Præterea, Beatitudinem necessario consequitur delectatio, adeout pro gradu, & perfectione illius, intendatur & delectatio: Si igitur Deo conveniret beatitudo, pariter & in ipso inveniretur delectatio, pro ratione beatitudinis ejus: Sed delectatio est quedam passio, sequens actus immanentes, & ab ipsis distincta: ergo cum primum sit expers omnis passionis, & compositionis, repugnat sibi esse beatum, seu beatitudinis actum habere.

Præterea, Ultima, & summa perfectio naturæ operativæ non potest esse sine reali relatione ad objectum perfectissimum, circa quod ipsa nata est operari: igitur si Deo inesset beatitudo, veluti actus ultimus naturæ operativæ, referretur realiter ad objectum circa quod tendit, & operatur: Id autem videtur repugnare divinæ simplicitati: ergo nec sibi congruit operatio ulla, quæ sit beatitudo. Assumptum declaratur: quia si summa perfectio naturæ viventis, & operantis diceretur aliquid, ut ad se, ipsa substantia rei hac ratione foret summa perfectio, cum sit sua operatione perfectior: oportet ergo intelligere ultimam perfectionem naturæ operativæ referri ad objectum, in quod tendit, per realem relationem.

*Doctor 12. Contra* Primum principium est perfectum, & plusquam perfectum, ex quæst. 4. art. 1. ergo ei nihil deest eorum, quæ sunt perfectionis in creaturis. Cum enim ipsum sit causa totius esse, necessario est in ipso præcepta perfectio omnis, & nobilitas, quæ in entibus reperitur, ut ait Com-

mentator super *sex. 22. 5. Meraphy.* Atqui beatitudo est ultima, & nobilissima perfectio, quæ esse possit in creaturis intellectualibus; ergo necessario erit hæc perfectio in primo principio, quippe quod vivit vita intellectuali, & perfectissima.

RESPONDEO dicendum, beatitudinem maxime Deo competere, & quidem in eo perfectionis gradu, secundum quem nulla alia natura esse potest perinde beata. Declaratio: Juxta dicta, quæst. 18. art. 2. Deo inest vita optima, & nobilissima: imo ipsius essentia est vita, & quidem intellectualis: & quia a se, & ex se est ita vivens, est causa, origo, & fons omnium vitarum, & graduum viventium. Cum igitur vivat vita intellectualis, erit intelligens, & volens: quia vero earum potentialium vis est infinita, in eo tantum objecto, cujus veritas, & honestas sunt pariter perfectionis infinitæ, conquiescunt ultimè, nihil aliud extra quærentes, quod faciat, & conducat, seu inserviat explendo desiderio, vel virtuti ipsarum, volentium comprehendere objectum infinitum. Quoniam ergo inter eas potentias, & essentiam divinam est exactissima commensuratio, adeout nec objectum potentias, nec hæ infinitam essentiam excedant, ipsa essentia ab intellectu comprehenditur per visionem, quæ est propria operatio intellectus ejus: & pariter à voluntate per amorem infinite amatur: igitur Deus est infinitè beatus videndo, & amando seipsum: nullum enim aliud objectum potest naturam intellectualem beatificare, sic ut vivat vita jucundissima, agens ævum continuum, & æternum in plena possessione omnium, quæ desiderari possunt: Cum ergo divinus intellectus, & voluntas sint in plenissima, & omnimoda possessione bonorum, & infinitarum divitiarum, quæ per eminentissimam continentiam unitivè sunt in unico esse infinito, ab utrisque in suo ordine comprehensa: evidens est Deo inesse beatitudinem ineffabilem, atque infinitam, utpotè in se ipso infinito objecto conquiescens, mediis operationibus itidem infinitis.

Quod vero ipse solus esse queat ita beatus, id est, essentialiter beatitudo, quia comprehensio sui ipsius, per visionem infinitum esse pervadentem, & dilectionem jucundissimam, exemplo ex obviis sensibilibus accepto declaratur: Ultimus terminus, in quo gravia quæquæ quiescunt, est ipsum mundi centrum: Ei autem centro aliquod corpus grave per se, & primo adhærens, per se, & primo in eo conquiescit: eaque est terræ moles, que non virtute alterius naturæ corporeæ, à qua participet gravitatem, ibi firma, & inconcussa

per-

3. dist. 14.  
quæst. 2. &  
dist. 32.

De rerum  
principio quæst.  
16.

De primo  
principio cap.  
3. n. 36.



perseverat, sed ex sui ipsius ratione, propriaque sibi innata gravitate. Aliqua autem corpora adhærent centro per se, sed non primo, quia quiescunt per gravitatem à terra participatam, quæ quoniam est forma eorum intrinseca, de se perfecte quiescunt, uti sunt lapides, & metalla in terræ visceribus latentes. Tertio tandem quadam corpora adhærent quidem centro, mediante terra, cui uniuntur, sed mobiliter tamen, & non firmiter, ut gravia in terræ superficie consistentia: quæ gravia quamvis ad tempus quiescant, non ita tamen firmiter quiete potiuntur, uti immobilius sunt in quiete, quæ in terræ latitant visceribus.

Ad propositum applicando, corporis ponderi correspondet voluntas in spiritualibus; quia sicut corpus pondere, sic animus, & voluntas amore fertur, quocunque fertur, ut ait Augustinus 11. de Civit. cap. 28. Centrum, quod ex natura sui est ultimatè quietativum; est finis ultimus; ut enim ab illo proficiuntur omnia, ita perfectam quietem, ultimamque perfectionem in illo, & per illum possidere in suo ordine nata sunt omnia. Huic centro voluntas divina primò, & per se; quia non participatione alicujus alterius à se, immobiliter, & necessario adhæret, & adherendo plenissimè conquiescit, atque à se fruatur objecto infinito. Non enim id possidet per habitum ullum, nec per actum à se ipsa differentem, nec in virtute alterius causæ superioris; quæ nusquam est, nec esse potest. In secundo gradu est voluntas creata beatorum; ea autem non primo adhæret centro illi intelligibili, sed per voluntatem divinam, cui placuit efficere eos suæ gloriæ participes; per se tamen, & firmiter adhærent objecto beatifico; quia eorum voluntas facta est quasi intrinseca voluntati primo quiescenti, tanquam semper manens in beneplacito illius. In tertio tandem gradu est voluntas iusti viatoris, qui etsi divinæ innitatur voluntati, & mediante illa, summo adhæreat bono, in quo talis voluntas quiescit: attamen minus firmiter adhæret illi bono, & beneplacito voluntatis ejus; imò frequenter discedit ab illo, dum Dei mandata transgreditur. Sola igitur voluntas divina fruatur summo bono simpliciter, & necessario, & per se primo; adeoque solus Deus est ita beatus, ut nulli alteri ab illo ejus beatitudo communicari queat; quod erat declarandum.

AD ARGUMENTA. Ad primum respondeo sic: ratio finis non est quid spectans, aut ingrediens objectum, quo fruendum est, cum sit respectus rationis; Sed ratio illius boni absoluti, cui convenit respectus finis. Quamvis igitur Deus non sit finis sui ipsius, est tamen objectum fruibile suæ voluntati, cum sit summum bonum, & infinitum verum: ac propterea est finis omnium finibilium, qualia sunt bona ordinabilia ad summum bonum.

Ad secundum respondeo, concedendo, operationes intellectus, & voluntatis divinæ, quibus se ipsum intelligit, amatque infinitè, esse sibi infinite voluptatis, & delectationis. Cum enim delectatio proveniat ex conjunctione convenientis cum conveniente, & objectum infinitum exactissimè conveniat potentiis infinitis, ob earum necessariam, & immobilem conjunctionem cum illo, dici, & intelligi non potest quanta, qualique jucunditate, & voluptate perfundantur; quod & ipsum Aristotelem non latuit; unde dicit, 12. Metaph. tex. c. 39. Deum vivere vita nobilissima, quia intellectu; ac semper se intelligere, indeque ineffabilem voluptatem maximam, ac penitus ineffabilem. Cum subditur in argumen-

to; Delectationem esse passionem. Responsio: Utique in nobis delectatio est passio sequens animæ operationes; at in primo principio non est aliud delectatio ab operationibus ejus immanentibus.

Ad tertium dicendum, essumptum esse verum de beatitudine creata, eo quod ea non sit completa, & quietativa perfectio naturæ creatæ intellectualis, nisi cum relatione annexa, per quam est & intelligitur unita objecto extrinseco in esse intelligibili; non quod ipsa formalis ratio relationis sit sibi ratio, unde est ultimatè perfectio; Sed quia in quantum est fundamentum proximum, connectens objecto intrinseco, est ultima perfectio naturæ beatæ. At divina beatitudo nullum exigit respectum, ne rationis quidem inter operationem, & objectum; quia etsi queat intellectus actum suum comparare ad objectum; hæc tamen comparatio non includitur in ipsius operatione, qua est beatus. Quia igitur beatitudo creata nequit habere majorem unitatem cum objecto, quam unitatem relationis; hæc necessario est intelligenda in ipsius ultimatè perfectione. Contra vero, cum Dei operatio habeat veram unitatem, & identitatem cum objecto, nullam requirit relationem; imò ipsa sola, & sub ratione abioluta, est perfectissimè beatifica.

## ARTICULUS II,

Utrum Deus dicatur beatus secundum intellectum.

Doctor 4. dist. 49. quæst. 4. S. Thom. 1. parti. quæst. 26. articulo 2. De his iterum in qu. 82. art. 3. & latius 1. 2. quæst. 3. art. 4.

**V**IDETUR Deus potissimum dici beatus secundum intellectum. Etenim Joan. 17. scribitur; *Hæc est vita æterna, ut cognoscant te*; igitur Deus cognoscendo perfectissimè se ipsum per omnimodam comprehensionem, est jucundissimè beatus. Hinc Augustinus 1. de Trinit. cap. penult. *Viso, inquit, est tota merces*.

Præterea, Nomine beatitudinis importatur bonum perfectum intellectualis naturæ; Id autem quod est perfectissimum in qualibet intellectuali natura, est intellectualis operatio, secundum quam capit quodammodo omnia: ergo sicut cuilibet intellectualis naturæ creatæ beatitudo consistit in intelligendo objectum beatificum, ita & Dei beatitudo, ad cujus assimilationem sunt alii ab ipso beati, præsertim sita est in intellectu operatione.

Præterea, Actus intellectus est nobilissima operationum naturæ intellectualis: sed beatitudo consistit in operatione perfectissima, qua quis inhæret objecto optimo: ergo verè Deus est beatus secundum intellectum. Probatio minoris: Perfectius est, quod in perfectione minus dependet: actus intellectus non dependet à voluntate, sed è converso: ergo operatio intellectus est actu voluntatis perfectior.

CONTRA, Augustinus 1. de doctrina Christiana, cap. 6. *Summa merces est, inquit, ut ipso perfruamur*: Frui autem est amore inhæreere objecto propter se: ergo nostra beatitudo, quæ est summa merces, quam expectamus, potissimum consistit in Dei fruitione, & amore: beatitudo autem creata est ad similitudinem beatitudinis divine: igitur

Quodlib. q. 13. 6. Nunc tertio V ad primum.

Hæc ratione videtur S. Thom. mas hic 6. Ad oppositum.

Idem ibidem in solutione.

4. dist. 49. q. 4. art. 1. in incidenti.

1. dist. 45. q. 5.

12. Metaph. q. 18. 9. Ad secundum.

Doctor 12. Metaph. q. 10. 6. Ad secundum.



igitur & ipsa Dei beatitudo est essentialiter non secundum intellectum, sed ratione voluntatis. Rursum, beatitudo habet rationem finis: finis autem est objectum voluntatis, sicut & bonum: ergo beatitudo dicitur in Deo secundum voluntatem, & non secundum intellectum.

4. dist. 49.  
qu. 3. 6. Ad  
quæstionem.

Has Doctores  
rationes Ma-  
gister Hicquæ-  
us declarat  
exactissime;  
infragens  
præterea res-  
ponsores,  
& evasiones  
Cajetani, Vas-  
quezii, &  
aliorum. Vi-  
dendi etiam  
Scotistæ Re-  
centiores.

RESPONDEO dicendum, Deum esse beatum principaliter secundum voluntatem, non quasi ea operatio includat omnia pertinentia ad *bene esse* nature, sed prout dicit complementum omnium in *bene* essendo. Probat: Finis extra est simpliciter, & summâ præ omnibus volendus: ergo inter ea, quæ sunt ad ipsum, quod sibi est immediatius, est magis volendum: Sed *velle* est sibi immediatius, quia immediatè tendit in ipsum, ut in finem ultimum: ergo Dei beatitudo non consistit in acquisitione finis secundum actum intellectus sed primario, & completivè in possessione ejusdem per actum voluntatis. Probatio assumpti: illud est magis volendum volitione libera, quod appetitui naturaliter est magis appetendum; hujusmodi est, quod est propinquius objecto, quod est finis ultimus. Id enim maximè, & simpliciter appetitur naturaliter. Deinde, voluntas potest velle suum actum, sicut intellectus intelligit suum actum; aut ergo vult suum *velle* propter intelligere, aut è converso; aut neutrum propter alterum; Non enim videtur aliter evenire posse in volitione ordinata. Non autem voluntas vult propter *intelligere*, dicente Anselmo, lib. 2. Cùm Deus homo, cap. 1. *Ordo peccatus esset velle amare, ut intelligeret*; nec rursus potest dari tertium membrum: quia in ordinatis per se ad eundem finem, est etiam aliquis ordo eorum inter se, tanquam ad finem sub fine: ergo operatio intellectus est gratia volitionis, ut disertè Anselmus; Cùm beatitudo objectiva sit simpliciter summè volenda, in eo profectò sita erit beatitudo formalis, quod præ aliis intrinsecis est summè volendum: Id autem non est nisi al quod *velle*: plus enim appetit voluntas perfectionem sui in fine ultimo, quam perfectionem inte lectus: idque rectè, loquendo de libero appetitu, quemadmodum naturaliter summum bonum magis appetit appetitu naturali: ergo non in operatione intellectus est statuenda nature intellectualis beatitudo intensiva: Sed potius in actu voluntatis, quo per se summo bono adhæret, estque simpliciter sibi *bene esse*: etsi secundum intellectum etiam in suo ordine attingendo objectum beatificum sit & natura extensive beata.

4. dist. 48. q. 1.  
Ad illam con-  
firmationem.

AD ARGUMENTA. Ad primum respondeo, Philosophus, 12. *Metaph. tex. cap. 39.* appellans, & rectè actum intellectus *vitam*, profectò si is actus est æternus, est vita æterna. Sed ex eo non est propterea inferendum, tali in actu potissimum consistere formalem beatitudinem; imo id non habetur nisi ex quadam glossa speciali textus. Quod si is intellectus congruit literæ, pariter licebit addere, & explicare sic, ut *cognoscant te*: scilicet, amando, & fruendo.

Ad Augustini auctoritatem dicendum, visionem esse totam mercedem intelligentiæ nature intellectualis, & rationalis, sed non omnimodam, & summam mercedem ejus; imo intelligenti, seu videnti objectum beatificum esse adhuc progrediendum; nempe ad diligendum propter se, quod videt esse summæ, & infinitæ diligibilitatis, cui cum per dilectionem adhererit. omne ejus desiderium expletur per summi boni possessionem; sicque omnimodè quietatur natura, adepta simpliciter supremam perfectionem.

Ad secundum respondeo, concedendo majorem, & cum subditur, intellectus est perfectissima operationum, qua intellectualis natura capit quodammodo omnia: dico sic: quamvis per visionem summi boni potentia intellectiva sit beata, & quietata in eo, quod attingit per visionem intuitivam, attamen ejus beatitudo non est simpliciter beatitudo nature intellectualis, quia non est sibi simpliciter perfecte bene per talem operationem, sed in alia operatione alterius potentie superioris, per quam operationem est in omnimoda possessione summi boni, adeo ut nihil omnino sibi desit ad cumulum jucundissimæ felicitatis; non quasi, in ea operatione tantum includantur omnia spectantia ad *bene esse* nature; Sed quia in ea situm sit ejus complementum in bene essendo: Nam sicut objectum beatificum unicum re, & ratione, est, in quo tanquam in intrinseco perfectivo, est huic nature perfecte bene, ita in quantum attingitur ab ipsa natura per operationem, est expletiva omnium desideriorum, & adductiva formaliter possessionis summi boni, in quo sunt unitivè omnia bona. Ac proinde quemadmodum creaturarum naturarum beatitudo formalis, & intensiva, est secundum hanc operationem, quæ non est intellectio, ita & divina beatitudo pariter erit secundum eandem operationem, quæ non est intellectio; quamvis potentia intellectiva felicitas summa sit penes propriam operationem.

Ad tertium concedo beatitudinis complementum nature intellectualis statuendum esse in perfectissima ipsius operatione. Et cum probatur hanc excellentiam habere intellectiorem, eo quod minus dependere videatur, quàm volitio, quæ dependet ab intellectu. Respondeo; posteriora generatione dependere à prioribus, & tamen illa sunt perfectiora, 9. *Metaph. tex. 15.* Similiter finis in *esse* dependeat oportet ab eo, quod est ad finem, & non è converso; & nihilominus finis præcellit in perfectione iis, quæ sunt ad ipsum. Ex tali itaque principio non potest deduci, volitionem imperfectiorem esse actu intelligendi; quanquam in casu nulla omnino sit dependentia volitionis divinæ ad intellectiorem, licet hæc illi præsupponatur, ut necessaria conditio, ita exigente ratione earum potentialium; Sed videndus cit. art. 3. qu. 82.

Ad argumentum secundum ad oppositum est responsio talis: Beatitudo cum sit bonum, & objectum voluntatis: objectum autem præintelligitur actui potentie. Unde secundum modum intelligendi prius est beatitudo divina, quàm actus voluntatis, in ea requiescentis: Et hoc non potest esse nisi actus intellectus; ac propterea in actu, intellectus attenditur beatitudo. Hæc responsio rejicitur ex dictis; quia etsi ante actum voluntatis vera sit beatitudo potentie intellectivæ, per hoc quod attingat intuitivè, comprehendatque objectum beatificum, non est tamen exinde natura completè beata, imo id à solo actu amoris infiniti, quo propter se adhæret summo bono, est ejus beatitudo in fine perfectionis suæ; quia tunc omnino ei nature nihil deest, cumulatissimè satisfactò, & naturali inclinationi ejus, & libero præterea appetitui per omnimodam possessionem summi boni.

S. Thom. hic  
9. Ad secundum.

Eliditur etiam  
a Doctore, &  
quali redit in  
idem 4. dist. 49.  
qu. 4. cit ibi  
Cùm probatur  
propositum au.  
6. 7. & 8. sed  
alibi referetur



Utrum Deus sit beatitudo cujuslibet beati,

*De hoc loco in margine citatis S. Thom. 1. par. quæst. 26. articulo 3.*

**V**IDETUR Deus, id est visio, & fruitio increata Dei, esse formalis beatitudo cujuslibet beati. Nam nullum agens est perfectius ex hoc quod per actionem suam aliquid producit: operans autem est aliquo modo causa producens suæ operationis: ergo non est simpliciter perfectius per operationem suam: Est autem beatus simpliciter perfectus per beatitudinem: ergo in ipsius operatione non consistit propria beatitudo: oportet igitur suam esse in operationibus illis: quibus est formaliter beatus ipse Deus. Probatio assumpti: effectus non est simpliciter perfectio ipsius agentis: cum agens vel sit æquæ perfectum, si est univocum, vel perfectius illo, si est æquivocum, confirmatur: Beatus non est causa effectiva suæ beatitudinis: quia tunc beatificaret se: Sed est causa effectiva suæ operationis: ergo non est beatus per suam operationem: igitur per operationes increatas Dei.

Præterea, Nobiliori perfectibili correspondet nobilior perfectio: beatitudo est nobilissima perfectio naturarum intellectualium: igitur non est statuenda hæc perfectio in aliqua operatione creata, quæ cum sit accidens, eo est nobilior substantia: ergo consistit oportet in operatione increata, per quam est simpliciter *bonè esse* naturæ intellectuali.

Præterea, Deus suis operationibus est causa efficiens immediata naturæ intellectualis: ergo pariter est finis ultimus, ac ultimata perfectio ejusdem secundum easdem operationes; non autem ultimata, & completè perficitur nisi quatenus beata: ergo beatificatur formaliter per increatas Dei operationes. Probatio primæ consequentiæ: Causæ primæ universalissimæ correspondet finis ultimus universalissimus: igitur Deus qua ratione est causa, eadem est finis.

Præterea, Augustinus 15. de Trinit. cap. 18. *Nullum est, inquit, isto Dei dono (charitate nimirum) excellentius*; Sed nullum donum Dei est excellentius Spiritu sancto: ergo Spiritus sanctus est charitas; Sed hæc charitate, & dilectione, quæ est Deus, diligimus proximum, & ipsam dilectionem, dicente eodem Augustino 8. de Trinit. cap. 7. *Qui diligit proximum, consequens est, ut ipsum præcipue dilectionem diligit*: ergo eadem pariter dilectione fruimur Deo in Patria.

CONTRA, August. 14. de Trinit. cap. 19. Eo ipso anima imago Dei est, quo ipsius capax esse potest, ejus autem non est capax natura hominè inferior: quia cum sit necessario operans per organum, nequit elevari ad attingendum objectum immateriale; Attingitur itaque duntaxat per operationem inorganicam, & immaterialem; est igitur Deus objectum beatitudinis naturæ intellectualis, non vero ipsius formalis beatitudo.

RESPONDEO dicendum, Deum, seu ejusdem increatas operationes, non esse naturæ rationalis, & intellectualis formalem beatitudinem; imò ne id quidem fieri posse. Declaratio: Beatitudo eorum, qui Deo perfruuntur, est inæqualis: Si autem quisque illorum beatus esset operationibus increatis Deitatis, inæqualis non esset, sed eadem omnino in omnibus: igitur oportet omnino quemque sua propria operatione esse bea-

Thomas I.

tum. Major assumpta est expressa in sacris literis; dicit enim Salvator; *In domo Patris mei mansiones multæ sunt*. Joan. 14. Quem locum Augustinus exponit de inæqualitate graduum gloriæ beatorum. Idem clarè insinuat Apostolus 1. ad Corinth. cap. 15. *Alia, inquiens, claritas solis, alia claritas lune, & alia claritas stellarum. Stella enim differt à stella in claritate: sic & resurrectio mortuorum*. Unde & Plal. 61. scribitur; *Reddes unicuique secundum opera sua*; ergo cum opera planè inæqualia sint, unde est ratio meritum, quibus gloria retribuitur, profecto & beatitudo est inæqualis. Probatur itaque minor: Beatitudinis objectum oportet esse infinitum in perfectione: infinitum ut infinitum in perfectione nequit esse inæquale: ergo inæqualitas beatitudini non evenit ex parte Dei, vel infinitarum operationum ejus. Major probatur: Impossibile est, potentiam quietari perfectè, nisi in optimo, in quo salvatur ratio sui objecti: totum autem ens est objectum voluntatis sub ratione boni: & intellectus sub rationi veri: ergo intellectus, & voluntas non quietantur perfectè, nisi ubi est id objectum in omni moda sui perfectione: in nullo autem entium finitorum possidet tale objectum omnem, cujus est capax, perfectionem: ergo in infinito duntaxat perfectè quietantur. Cum igitur utrique potentie sub omni moda perfectione obiciatur id, per quod perfectè quietantur, evidens est, exinde beatitudini inæqualitatem advenire non posse: ergo beati non fruuntur Deo, per increatas, atque infinitas operationes ipsius: quia tunc in pari gradu, & perfectione tenderent in objectum beatificum, ac subinde non forent inæqualiter beati: cujus oppositum est expressum in scriptura.

Rursum, Secundum Scripturam, & fidem ponenda est charitas in beatis 1. *enim ad Corinth. cap. 13. scribit Apostolus: Charitas nunquam excedit*: ergo manet in Patria charitas propter operationem eliciendam: Non enim est in beatis statuenda ejusmodi forma supernaturalis causæ recipiendæ fruitionis, quippe quæ ex se ipsa sit summè disposita ad receptionem illius: neque item est ponenda charitas, per quam, & ex qua insit beatis pulchritudo, & decor: quia eadem ratione & alii habitus, quos dicit Apostolus excedere, essent ponendi, tanquam nonnihil decoris, & pulchritudinis allaturi; igitur charitas manet in Patria propter operationem illam eliciendam, ad quam non sufficiunt vires totius naturæ; hæc igitur est Dei fruitio, & visio, quarum operationum gratia, & lumen gloriæ præstatur intellectui, & charitas tribuitur voluntati. Si autem beati per operationes increatas Dei fruerentur ipso objecto beatifico, profecto nulla foret necessitas ponendi hos habitus creatos supernaturales in iisdem beatis, cujus oppositum docet Scriptura, & fides.

Quod vero fieri non possit, ut natura rationalis, & intellectualis creata beatificetur per actus increatos, quibus est infinitè beatum primum principium; declaratur; Operatio intensivè infinita est necessario à potentia pariter infinita, atque ita commensurata objecto, ut tanta sit vis ejus operationis in attingendo objectum infinitum, quanta & objecti perfectio attingibilis; igitur sola potentia, quæ per talem actum operatur, potest tendere in objectum sibi proportionatum per se, & primo, & in alia virtute illius; igitur nulla potentia finita valet per eum actum vitaliter tendere in objectum, ut ea operatione dicatur formaliter intelligens, aut volens. Cum enim actus vitalis, dum manet, habeat quasi continuè

S s cautam

4. dist. 90. qu. 5. 6. Ad oppositum.

Presente quæstione exactissime discutitur a Magistro. Hi quoque super 7. dist. 49. 1. a. n. 66. & 7. 9. 9. 9.

4. dist. 49. qu. 1. in argumentum principii.

Est non huc tendat Henri ei ratio.

4. dist. 49. q. 2. in argumentum principii.

4. dist. 49. q. 3.

I. dist. 17. q. 1. in argumentum principii.

4. dist. 49. q. 8. 5. Ad oppositum.

4. dist. 50. q. 8. 5. Secundum videndum.

4. dist. 49. qu. 11. 6. 5. 6. Ad cuncto dico V. ex hoc sequitur.

3. dist. 14. qu. 2. 6. Ad secundum primæ quæstionis.

2. dist. 7. 6. De secundum V. Alia beatitudo; ut 1. 10.



causam, quia ejus *esse* est quasi in continuo causari, nequit profecto per ipsum potentia vitaliter tendere in objectum, nisi quatenus dando *esse* actui, eo mediante unitur intentionaliter objecto: repugnatautem operationem infinitam ita commensurari potentie finitæ, ut ipsam is actus præexigat in suo *esse*: ergo neque poterit intentionaliter uniri objecto, mediante operatione infinita. Siquidem actus intensio non est aliquid extrinsecum accidens actui, sed magis gradus intrinsecus ipsius, adeo ut actus intensus sit quoddam per se unum: ergo nisi potentia tendat in objectum, juxta actus intensiorem & perfectionem, non operatur eo actu circa objectum. Et si fieri possit, ut actus insit potentie ab alia causa, per ipsum tamen unitur objecto, quia est sibi commensuratus in perfectione: cum ergo est ultra omnem proportionem potentiam excedens, impossibile est, tali actu formaliter potentiam circa objectum infinitum operari.

AD ARGUMENTA. Ad primum, concedo agens extra se produciens non evadere perfectius tali productione: at negandum beatitudinem consistere in ejusmodi actione: Operatio enim non est actio, nisi æquivocè, cum maneat in ipso operante, eaque beatus consequatur ultimam suam perfectionem, quatenus ea mediante unitur objecto beatifico. Tali igitur actione inmanente non agit operans, sed ea recipit, vel consequitur formam, in cujus possessione stat omnis ipsius perfectio. Ad confirmationem respondeo ex dictis in *solutione*, beatum non esse causam totalem sue beatitudinis, sed partialem, quatenus voluntas charitate informata per propriam operationem attingit summum bonum, una cum quo ipsam producit fruitionem: beatus igitur ipso beat partialiter, ut ex parte elicit operationem, et si non per modum finis, & objecti, sed quatenus sua operatione tendit in objectum.

Ad secundum concedo perfectionem spectantem ad actum primum esse potiorē iis perfectionibus, quæ sunt actus secundi: beatitudinem vero non esse omnium perfectionum nobilissimam, sed solum præstantiorem iis omnibus, quæ spectant ad actum secundum; Igitur simpliciter perfectiori perfectibili correspondet nobilior perfectio earum, quæ respiciunt illud perfectibile; at beatitudo haud respicit essentiam, ut essentia est pro primo perfectibili. Cum enim hæc non sit capax perfectionis accidentalis: nisi mediante potentia, per hanc ut tendit in ultimum finem clarè visum, beatificatur; non vero est ipsi simpliciter bonè *esse*, nec de facto, nec de possibili per operationes increatas, ut extitit declaratum in *solutione*.

Ad tertium respondeo sic: *Finis* interdum accipitur pro causa finali: aliquando vero pro perfectione ultima, ad quam res ordinatur. Primo modo Deus est causa finalis omnium: idque non aliter, nisi sicut propter quem amata sunt omnia. Deus enim omnia producit propter se ipsum: sicque est finis immediatus omnium, et si non immediate ab omnibus attingendus. Ut vero finis est ultima perfectio, ad quam res ordinantur, Deus non est nisi objectum simpliciter finitivum, & perfectivum nature spiritualis attingentis illum propriis operationibus; Est enim Deus una cum potentis spiritualibus causat beatitudinem, quæ sunt ultimæ perfectiæ illarum potentiarum natura, non tamen est earundem formalis beatitudo: quia tunc talis non foret, qualem esse, revelatum est nobis in Scripturis.

Ad quartum concedendum est, Spiritum Sanctum esse formaliter charitatem, & dilectionem & non tantum effectivè, sicut dicitur spes, vel patientia mea, eo quod eos habitus efficiat in nobis: Et quamvis pariter efficiat & charitatem, quia tamen hæc est perfectio simpliciter, reperitur in Deo formaliter sine ulla limitatione, in nobis verò limitatè; nam omnis perfectio simpliciter quæ est in causato, reducitur ad causam formaliter, præditam ea perfectione. Cum igitur arguitur hac charitate, quæ est Deus, diligimus proximum, eandemque dilectionem; ergo ut dilectione, quæ est Deus, diligimus Deum in via, pariter & eadem dilectione perfruimur ipso in Patria. Responso: Augustini dictum ita esse intelligendum; diligentem proximum utique diligere dilectionem suam formaliter, si convertit se super illam, ac proinde diligere Spiritum Sanctum, qui est charitas per essentiam: Nam ordinatè diligens minus bonum, & participatum, magis debet diligere bonum per essentiam; Sicuti est Deus respectu dilectionis creatæ. Ex Augustino ergo utique probatur, Deum esse diligendum ab eo, qui proximum, dilectionemque suam ordinatè diligit, non tamen ostenditur, Deum esse dilectionem meam formaliter, aut non esse in eo, qui proximum amat, aliam formaliter dilectionem ab illa, quæ Deus est.

## ARTICULUS IV.

Utrum in Dei beatitudine omnis beatitudo includatur.

Doctores locis in margine citatis. S. Thom. 1. par. quæst. 26. articulo 4.

VIDETUR in Dei beatitudine haud includi posse omnis aliorum beatitudo; Etenim secundum Augustinum lib. 8. q. q. quæst. 30. *omnis humana perversio est, quod virum vocatur; fruendis uti velle, atque utendis frui*: igitur voluntas peccans quietat se quantum potest in objecto, quod ex sui natura non est illius ultimus finis; fruitur ergo creatura fruitione inordinata; Sed impossibile est ejusmodi fruitionem voluntatis creatæ reperiri, & claudi in divina fruitione, quæ rectissima, ac inobliquabilis est; igitur Dei beatitudo non complectitur omnem aliorum fruitionem.

Præterea, Saraceni, ut vilissimi porci, ac impiissimi Maomethi discipuli, expectant pro beatitudine gulam, & coitum. Alique præterea Philosophi, quorum meminit Aristoteles, 1. *Ethic. cap. 4. & 5.* statuerunt humanam felicitatem in voluptatibus, honoribus, divitiis &c., manifestum est autem ejusmodi felicitates haud includi posse in beatitudine divina; igitur Dei beatitudo non continet omnem creatam felicitatem.

CONTRA, In omni, & qualicunque beatitudine creaturarum est, vel relucet quædam bonitas, quatenus potentia suo unitur convenienti objecto, seu sit convenientia ex natura rei, seu ex prava voluntate, id sibi prestituente; Sed Deus est bonum ipsum per essentiam participabile ab omnibus gradibus bonitatis: igitur Deus amore ei bono inherens, unitivè, & eminenter complectitur omnium beatitudinem creaturarum, tam objectivè, quam formaliter.

RESPONDEO dicendum, Quicquid perfectionis, & complacentiæ, & appetibilitatis in omnium creaturarum beatitudinibus reperiri potest. omnino

1. diff. 19.  
qu. 3. §. 10.  
argumenta  
principalia.

1. diff. 17.  
qu. 2. §. 6. Contra  
istam opinionem.  
V. Contra istud.

3. diff. 12.  
qu. 4. §. 1. Ad  
quartam questionem.

4. diff. 49. q.  
3. §. 6. Ad  
primum secundæ  
quæst.

4. diff. 49.  
qu. 8. §. 1. Ad  
ultimam principalem.

1. diff. 1.  
qu. 5. & prima.

Prologi qu.  
2. §. De sexto.

2. diff. 3. q. 9.  
§. 6. Dico igitur  
V. Secundæ  
modo.



4 dist. 17. q. 2  
§. Ad primum  
Ex quo art. 3.

modo in Dei beatitudine unitivè, & eminenter perhaberi. Declaratio: Quoniam in appetibilibus est ordo essentialis, oportet statum esse in supremo appetibili: cum in iis, quæ essentialiter ordinantur, non sit procedere in infinitum. Nedom igitur est ex natura rei supremum omnium appetibile, verum etiam est id formaliter infinitum. Nam appetibilitas est perfectio simpliciter, ei subinde non repugnat infinitas; igitur id appetibile non foret simpliciter supremum, nisi esset formaliter infinitum. Ex hoc autem quod est formaliter infinitum, est præcapiens; ac uniens insuperabili ne essitate quicquid appetibilitatis est, aut esse potest in omnibus, aut veram appetibilitatem, sive bonitatem possidentibus, aut hñtam, & apparentem. Cum enim ii omnes gradus finiti sint, ac participati, de supremo appetibili omnes esse acceptos oportet; alioquin ex se essent, quod recta ratio non capit. Per hoc igitur quod primum principium amore infinito adhæret huic summo appetibili, ut in eo sunt præacceptæ omnium appetibilitates, ita actu illo adhæsiōis infinitæ experitur, potitur, ac penitissimè fruitur, & complectitur omnium omnino naturarum ultimam perfectionem, & beatitudines; non quidem in ipsarum rationibus propriis, sed sicuti sunt in ipso entium omnium bonitates, & appetibilitates. Quicquid ergo oblectationis, & voluptatis redundat in naturas creatas, ex eo quod uniantur mediis potentiis objectis convenientibus, est in primo principio, propterea quod infinitum verum, & bonum exactissimè proportionetur, ac unice conveniat potentiis naturæ intellectuālis, vim pervadendi objectum infinitum habentibus. Plenissimè itaque possidens bonum infinitum, qui fieri potest, ut ei desit voluptas, quæ inest nobis ex convenientia quorumcunque objectorum, vel ex dominio rerum quarundam externarum, quæ

divinæ voluntatis; cū item det esse omnibus per omnipotentiam, cunctaque immediatè conservet, alioquin interitura, ac in nihilum abitura, ut inquit Gregorius *Moral. 16. cap. 16.* quomodo felix dicendus non est, eo quod quædam efficere valeant, quod aliis non licet, uti sunt Reges, alique mundi potestates; Quid denique dignitatis, & laudis deesse potest ei, qui laudatur ut omnipotens, immensus, verus, iustus, & misericors omnibus ubique præsens, ac cunctis creaturis, & specialiter intelligibilibus, providens? Gloria igitur, felicitas, & beatitudo primi principii completitur, & pluquam æquipollenter est beatitudo omnis, & quæcunque esse potest in aliis ab ipso.

AD ARGUMENTA. Ad primum respondeo inordinationem voluntatis peccantis non includi in voluptate, & perfectione præstituta, quam alicui intendit peccans, cū tantum velit unionem objecti potentiæ convenientis. N m *Nullus ad malum aspiciens, omnino operatur*, ut ait Dionysius de divin. Nomin. cap. 4. imo malum in se est objectum actus nolendi: nec est ulla perfectio voluntatis inordinatè tendentis; non oportet igitur hanc præfixam beatitudinem voluntatis errantis reperiri, & claudi in divina felicitate sub hac ratione, sed quatenus est quid in se appetibile, & conveniens potentiæ operanti circa illud objectum, ut dictum est in solutione.

Ad secundum patet ex dictis, Quod enim in creaturis est umbra quædam felicitatis per unionem objectorum potentiis materialibus convenientium, in Deo est vera, sempiternaque, ac inenarrabilis beatitudo, per plenissimam possessionem boni ipsius per essentiam, in quo est infinita ratio appetibilitatis, & ex quo est quicquid possidet aliquem gradum boni desiderabilis.

Ibidem q. 2.  
a. 19.

De primo  
principio cap.  
4. n. 17.

11. Metaph. q.  
2.

2. dist. 17. q. 16  
in argum. pñ.  
cip.

De rerum  
principio q. 7.  
a. 16.



# QUÆSTIO VIGESIMASEPTIMA DE PROCESSIONE DIVINARUM PERSONARUM,

## IN QUINQUE ARTICULOS DIVISA.

*Consideratis autem his, quæ ad divinæ essentie unitatem pertinent, restat considerare de his, quæ pertinent ad Trinitatem personarum in divinis. Et quia personæ divinæ secundum relationes originis distinguuntur, secundum ordinem doctrinæ, prius considerandum est de origine, sive de processione. Secundò de relationibus originis. Tertiò de personis.*

### CIRCA PROCESSIONEM QUÆRUNTUR QUINQUE,

- I. Utrum processio sit in divinis.
- II. Utrum aliqua processio in divinis generatio dici possit.
- III. Utrum præter generationem aliqua alia processio possit esse in divinis.
- IV. Utrum illa alia processio possit dici generatio.
- V. Utrum in divinis sint plures processionēs, quam duæ.

#### ARTICULUS I.

Utrum processio sit in divinis.

*Doct̃or 1. diff. 2. qu. 6. in Report. ibidem q. 5.  
S. Thom. 1. par. qu. 27. art. 1.*



**V**IDETUR in Deo haud esse posse aliqua processio, nec subinde essentia divina reperiri in aliquo, quod ab alio procedat, sitque productum. Etenim nullum quod ab alio procedit, ut sit productum, est ex se necessarium: Sed quicquid subsistit in essentia divina est ex se necessarium; ergo nequit esse quid ab alio procedens, sive productum, Major ostenditur multipliciter; Primo, quia nihil simul est ex se necessarium, & ab alio, cum necessarium sit tale circumscripto omni alio: sed quod est productum si est necessarium, ab alio est necessarium; ergo non à se. Secundò sic, omne productum possibile fuit produci; alioquin impossibile produci foret productum; ergo omne productum aliquam involuit possibilitatem; repugnat autem necessarium ex se possibile esse. Tertiò, Terminus productus est aliquo modo producente posterior, cum ibi sit ordo prioris, & posterioris; ergo in illo priori, in quo intelligitur produciens, non habetur productum; alioquin produciens producto prius non foret; ergo intelligitur in illo priori productum non esse, & in signo posteriori intelligitur esse mutatio. Quartò, in essentia divina, circumscripta processione, non est illud, quod procedit, cum habeat per processionem, sive productionem; ergo per processionem essentia divina fit de non habente, habens productum; igitur mutaretur. Ut ergo sibi repugnat mutari, ita & esse in ipsa processionem.

Præterea, Si in divinis sit aliquid procedens, sive productum; ergo unum ab altero dependeat oportet; Si enim nullo modo productum dependet à producente; ergo utrumque ex æquo haberet naturam; igitur non magis productum ad sui productionem, & esse præxigeret produciens præhabere suam naturam, quam è converso. Id autem est contra rationem formalem ipsius productio-

nis; ergo non est in Deo statuenda aliqua productio, vel processio.

**CONTRA**, Augustinus 4. de Trinit. cap. 21. *Pater, inquit, est principium totius divinitatis: & non nisi per productionem; ergo verissimè est in divinis processio unius ab altero.*

**RESPONDEO** dicendum, in divinis & esse posse, & de facto reperiri processionem, per quam una persona producta est ab alia producente. Probatio: Suppositum habens à se sufficiens principium producendi, potest producere aliquod producibile ei principio adequatum. Quod enim eju. modi principium producere nequeat est, aut quia inest sibi imperfectè vis productiva; aut: certè quia intelligitur jam præhabuisse terminum adequatum; qua ratione rectè negamus Filium in divinis alium filium gignere posse. Si ergo aliquod suppositum habet à se sufficiens principium producendi, id inest sibi cum omni perfectione possibili, & per prius, ac sit terminus illi adequatus: Sed aliquod suppositum divinum habet memoriam perfectam à se, intellectum scilicet, & objectum præsens in ratione intelligibilis, eaque est principium producendi notitiam genitam; ergo potest esse in divinis productio, sive processio. Minor probatur quoad primam partem: nam si aliquod suppositum in divinis non habeat à se memoriam perfectam, esset processus in infinitum. Quod vero hæc memoria sit principium producendi: probatur: omnis memoria creata est principium gignendi notitiam genitam, ut frequenter dicit Augustinus, & præsertim 10. de Trinit. cap. 12. Id autem habet memoria, non quatenus creata, vel finita est, quia nullum principium agit ob imperfectionem sui, sed propter perfectionem, igitur inest memoriæ vis productiva, quatenus memoria est: memoria ergo perfectissima, qualis est in supposito increato, prædi a est vi gignendi perfectissima. Atque idipsum sequitur de potentia volitiva. Voluntas enim habens objectum ætè cognitum, ex sui ratione est productiva amoris, ejus principii virtuti correspondentis adequatè.

Quo autem hæc ratio magis declaratur, concessa majore propositione inflatur contra minorem, quarum inflantiarum solutio multum roboris, & luminis tum præmissæ rationi, tum solutioni in se allatura est: Nam non videtur memoria habere vim productivam notitiæ genitæ, nisi

Videtur Col. lat. 10. 6. 37.

Qualiter hæc rationes sint intelligendæ infra q. 32. art. 1. de. c. 1. art. 1.



quoniam intellectus sua intellectione perficitur; ad id enim producit, ut intelligendo, intellectione perficiatur: intellectus autem divinus habere nequit notitiam à se distinctam, ex qua sibi aliqua perfectio obveniat; non est ergo principium productivum alicujus notitiæ à se distinctæ. Deinde ejusmodi notitia genita in divinis frustra poneretur, quippe quæ nihil emolumenti afferre queat intellectui producenti: in nobis enim ideo non est frustra, quia ea sublata, intellectus est imperfectus; at cum intellectus divinus non genita, sed ingenta perficiatur notitia, nullus est proventus ex ea; non est igitur admittenda. Rursus intellectui divino habenti objectum sibi præsens correspondet notitia ingenta, ut terminus adequatus, & quasi productus; ergo non suppetit ei ulterior vis productiva notitiæ à se distinctæ. Denique, Intellectus est potentia activa non factiva ex 9. *Metaphysicæ*. c. 16. igitur si potest in productum, producat oportet illud in se, & non extra se; alioquin non foret vis activa, ut distinguitur contra factivam. Cum igitur nequeat producere in se, nec absolute poterit producere.

Responsio ad primam instantiam est ista: intellectus noster habet rationem principii productivi respectu notitiæ genitæ, quatenus actus primus virtualiter continens actum secundum; & præterea est in potentia passiva ad eandem, ut perficiendus per eam. Hæc potentialitas est sibi imperfectio, nihil faciens ad rationem principii productivi, quia formaliter vis activa nullam involvit imperfectioem; alioquin sibi repugaret infinitas; per accidens ergo unitur cum imperfectioe: hoc ergo, quod sibi accidit, secluso, nihilominus superest ipsa vis activa in se; erit igitur multo fortius ratio agendi intellectui omnis imperfectiois experti, uti est divinus: etsi ergo is intellectionem à se distinctam recipere nequeat, erit tamen ratio producendum illam, sicuti intellectus expectans perfici ab intellectione, postquam eam produxerit. Exemplum: si in intellectu nostro esset concreta notitia sui ipsius, ut quidam putant esse intelligendum Augustinum 14. *de Trinitate*. cap. 4., & alibi frequenter de intelligere abdito, quo anima semper novit se: tunc etsi intellectus habere non posset notitiam genitam, qua formaliter se ipsum cognosceret; attamen id nihil impediret, quo minus gignere valeret notitiam sui in ratione objecti, in alio intellectu; quia sic gignere non competit sibi qua receptivus, sed magis quatenus in actu; ergo sublata ab intellectu divino ratione receptivi, superest ipsam esse productivum notitiæ, & quidem per se stantis, quia neque in se, neque in alio; cum nihil aliud sit capax recipiendi intellectionem infinitam, quia correspondentem virtuti productivæ infinitæ.

Cum arguitur, quia ejusmodi notitia producta esset frustra, si non sit necessaria intellectui producenti, ut per illam intelligat. Responsio: in omni genere principii productivi, non includentis ex se imperfectioem, possibile est stare ad aliquod primum simpliciter perfectum; intellectus autem est tale principium, & voluntas similiter; ergo in isto genere possibile est deveniri ad aliquod simpliciter perfectum: non foret autem simpliciter perfectum, nisi actu sit, & infinitum sit, & præterea ita agens, ut producat ex plenitudine perfectionis suæ, non expectans subinde perfectionem ullam à suo producto, vel à productione; id enim est agere ex liberalitate secundum Avicennam, 6. *Metaphysicæ*. cap. ultimo. Mirum non est ergo productum in divinis nihil addere perfe-

ctionis ipsi producenti, quia tunc non produceret ex plenitudine suæ perfectionis, nec liberaliter, nec perinde esset simpliciter perfectum principium in ordine productivi. Nec est inferendum, productum fore frustra, cum sit summum bonum; esto non perfectivum producentis.

Tertia instantia est ad oppositum: Nam etsi aliquod objectum præsens memoriae suppositi divini habeat notitiam actualem quasi productam, superest tamen habenda notitia adequata producta, cum præsto sibi sit principium productivum: at nulli principio productivo ex se erepta intelligitur facultas producendi, nisi intelligatur produxisse terminum sibi adequatum; igitur quantuncunque intelligatur memoriæ suppositi divini correspondere notitia quasi producta, adhuc superest alius terminus ponendus in esse simpliciter, & adequatus virtuti illius principii productivi. Quo tandem posito, non poterit in aliud productum se extendere, quia nullum aliud est producibile.

Ad ultimum dicendum, rationes activi, & factivi accidere omnino potentie productivæ, nam si productum natum sit recipi in ipso producente, dicitur potentia productiva activa; si autem in materia extrinseca, dicitur productiva factiva: igitur productiva ex sui ratione tantum respicit ipsum productum pro termino. Quod vero is terminus potentie recipiatur in producente, vel in extrinseca materia, non est ex ratione formali producti, vel producentis, sed ex aliqua ratione accidentali. Si igitur producibile non sit natum recipi in aliquo, potentia productiva, attingit quidem illud producendo, sed per se erit subsistens; & ita evenit in casu: suppositum divinum vi productiva præditum, quia memoria longè perfectissima, gignit notitiam principio adequatam, & non in se, nec faciendo pro lucit, quia non aliquid essentialiter extra se sed quoniam productum in nullo natum est recipi, & intellectus est principium productivum sufficiens, quia infinitum, ideo producit notitiam genitam in se subsistentem, quæ est persona. Ex harum ergo exclusionem instantiarum: admodum declaratur, & una confirmatur prima ratio declarativa certissimæ, & sublimissimæ veritatis.

Sed juvabit addere etiam unum, & alterum argumentum ex principiis pariter naturaliter notis. Etenim objectum ut est in memoria, vel producit se ipsum, ut est in intelligentia, vel est ratio producendi se ipsum, ut est in intelligentia. Quod autem objectum utrobique, nempe & in intellectu, & in intelligentia habeat esse secundum quid duntaxat, quia per objecti ipsius similitudinem; & præterea ab eis sit differens; id profecto est imperfectiois: quia si memoria foret omnimodè perfectæ, & intelligentia pariter perfectæ, objectum esset simpliciter utrobique idem utrique: ergo sublata omni imperfectioe ab ea, quod est perfectionis simpliciter, objectum idem simpliciter memoriæ, gignet aliquid in intelligentia, cui pariter est simpliciter idem; Est igitur in divinis adstruenda processio, vel productio, & generatio. Postremo declaratur solutio sic: Relationes oppositæ secundi modi relativorum, inesse possunt eidem naturæ limitatæ eidem enim voluntati competit ratio motivi, & mobilis, quando ipsa movet se: sed relationes producentis, & producti, licet magis repugnent, quam moventis, & moti, ad eundem tamen spectant secundum modum ex Philosopho 5. *Metaphysicæ*. cap. de ad aliquid. Cum gratia exempli ponat etiam relationes inter Patrem, & fi-

Videnda  
q. 13. quodlibet. a. 25.  
et seq.

Videnda Magistri Lychei Glossa singularis super hunc textum.

2. dist. 5. q. 8.  
Ad primum principale.



& filium, spectare ad eundem modum, cujus sunt relationes moventis, & moti, ut calfactivum, & calefactibile; ergo secundum Philosophum relationes producentis, & producti sunt composibiles in eadem natura; ut proinde possibile sit genitum, & eum, qui genuit, esse ejusdem omnino naturæ, loquendo de ea natura, quæ est simpliciter, ac illimitatissimæ perfectionis. Plus enim divinx essentix infinitas excedit limitationem cujusunque creati, quam repugnantia quarumcunque relationum secundi modi; excedat repugnantiam quarumcunque aliarum ejusdem modi: imo ejusdem modi relativè opposita parem involvunt repugnantiam; adeoque cum constet aliquas posse eidem nature creatæ inesse ob aliquam illimitationem ejus, non inerit aliis sub eadem classe contentis talis repugnantia, ut mutuo se excludant in eadem natura omnimodè illimitata, quia infinite perfectionis.

Accedat etiam illud pro complemento declarationis conclusionis. In qualibet conditione entis, quæ non est ex ratione sui imperfecta, necessitas est simpliciter perfectionis; igitur cum potentia productiva, ex se non involvat imperfectionem, necessitas, vel necessario producere erit sibi simpliciter perfectionis. Producentem autem primum nequit necessario producere aliud à se ut supra, qq. 2. & 9. existit declaratum; ergo ut intelligatur simpliciter, & omnimodè perfectum, producat oportet necessario productum in se subsistens, & non aliud in natura à se ipso producente. Assumpta propositio declaratur: Nam sicut necessarium est conditio simpliciter perfectionis in ente inquantum ens; ita etiam est perfectionis in quolibet dividente ens, quod non est ex se necessario imperfectum, sive limitatum. Ut enim quodlibet ex se imperfectum, est possibile; ita alterum, quod non ex se est imperfectum, est necessarium. Cum igitur producat ut tale, non involvat de se imperfectionem, non erit ullum simpliciter perfectum, nisi sit necessario producat. In primo igitur omnium principio, quoniam pollet potentia productiva omnino perfecta, erit necessitas producendi productum, non aliud à se ipso. His ergo persuasionibus egregiè ostenditur non esse impossibile mysterium Trinitatis in divinis, quod tamen sola fide tenemus. Nullus enim intellectus creatus ex naturalibus positivè ostendere potest, unum individuum reperiri in tribus realiter distinctis; etsi facta ejus mysterii abditissimi revelatione, assurgere queat intellectus ex sibi naturaliter notis ad ostendendum illius possibilitatem; & dissolvere proinde quæcunque in contrarium possunt adduci. Non est enim demonstratio contra veritatem.

AD ARGUMENTA. Ad primum, neganda est major, tanquam omnino falsa. Cum primo probatur; quia nihil simul est *ab alio*, & *ex se* necessarium. Responsio: Si per *ex se*, & *ex alio*, vel *ab alio*, idem genus causæ importetur, utique verum est eas rationes se se mutuo excludere, nec coincidere posse in eodem; at si per *ex se* genus causæ formalis significetur, *ab alio* vero causa effectiva, vel productiva exprimat, citra omne inconveniens fieri posse, ut unum, idemque sit ab alio necessarium sub una ratione, *ex se* vero pariter necessarium sub alia ratione. Ad probationem, qua dicitur, necessarium est tale, circumscripto quocumque alio à se: Respondeo: Necessarium ex se formaliter utique non potest non esse, circumscripto quocumque alio, cujus circumscriptio non includit impossibilitatem; sicuti, est

omne a iud à se d. versus, & naturæ alterius: at impossibile omnino est, etiam penes intellectum auferre illud, à quo est originativè necessarium, cum sit unum, & ejusdem naturæ cum ipso. Si ergo illud, à quo est necessarium ex se formaliter circumscriberetur per impossibile, neque ipsum necessarium ex se superesset, etsi id sit impossibile, tamen ex uno impossibili dato, aliud pariter impossibile consequitur. Productum igitur in divinis est ex se formaliter necessarium, & itidem necessarium originativè ab alio producente; quod producat, quoniam suam illi elargitur naturam, ut sit unum cum eodem producto; impossibile est ex se existere productum circumscripto producente, quo tamen per impossibile posito, neque productum superesset; quatenus ex uno impossibili aliud sequeretur impossibile.

Ad secundam probationem dicendum, possibile duplex esse aliud logicum, qui est modus compositionis formatæ ab intellectu; aliud reale; & primam quidem possibilitatem comparatam, nec excludere summam necessitatem. Siquidem possibile est Deum posse produci, & Deum esse Deum; qui tamen est simpliciter ipsum esse necessarium. At secundam possibilitatem non habere locum in eo, quod ex se est formaliter necessarium, cujusmodi est productum in divinis. Cum enim id genus possibilitatis accipiat ab aliqua potentia in re, sicuti à potentia inherente alicui, vel terminata ad aliud, ut ad terminum, necessario hæc potentia sive activa, sive passiva est ad aliud in natura. Unde rectè definitur 5. & 9. *Metaphys.* quod sit principium transmutandi aliud, vel ab alio inquantum aliud. Productum autem in divinis, etsi distinctum personaliter à producente, non est tamen aliud in natura; imo ejusdem naturæ cum producente, ideoque arcet à se omnem ejusmodi possibilitatem, licet sit terminus potentie productivæ, abstrahentis à ratione potentie effectivæ. Ut ergo possibilitas, quæ intelligitur concomitari ipsum productum, ut terminus id potentie productivæ, non repugnat simpliciter necessario, & secundum omnem modum; ita nec repugnat necessario ab alio originativè, & ex se formaliter, esto non comparatur secum hæc necessitas ullam realem possibilitatem.

Cum tertio probatur eadem major; quia inter producat, & productum est ordo; ergo intelligitur prima persona non intellecta secunda. Responsio: sustinendo primam personam constitui per productionem activam secunde personæ, falsum esse posse producentem intelligi, productum non intellecto. Quod si ponatur producat constitui per rationem absolutam, quod improbable non est: malè tamen inferri, ex eo quod prima persona intelligatur, secunda non intellecta, primam personam esse, secundam vero intelligi tunc non esse: sicuti nec sequitur, animal, quod est in homine intelligitur, non intellecto rationali: igitur intelligitur non esse rationale. Cum autem infertur, mutatio ex terminis oppositis, id est ac si intelligeretur productum non esse, quando producat est. Abstractio igitur sine mendacio, quæ est non considerando illud, à quo fit abstractio, commutatur in abstractionem mendacem, quatenus consideratur illud non esse, à quo fit abstractio.

Quarta probatio non procedit, etsi enim in essentia divina sint persone per productionem, non sequitur tamen, Deum de non habente fieri habentem: Sed sequitur tantum ipsam essentiam ex sui formali ratione non habere, vel non includere personam; quod verissimum est. Cum enim per pro-



pro lationem sit persona, in qua subsistit, ipsa productio, vel persona non est de ratione essentiali; Nec tamen ulli est obnoxia mutationi, ex eo quod non ingreditur rationem ejus; quia mutatio præterea requirit aliquid ita inesse al cui, ut sibi prius infuerit oppositum, quod non evenit in casu.

Ad secundum respondendo, hanc illationem, est ab alio, ergo dependens, esse negandam. Cum probatur, concedo pariter in dependentem esse naturam in producente, & in producto. Cum arguitur ex independentia; quia non est præexigentia: Nego consequentiam: Nam dependens a sequitur entitatem formalem dependentis ab illo, à quo dependet. Quum igitur est in utroque eadem entitas, non est ibi ulla dependentia; potest nihilominus reperiri inter ea præexigentia, si unum suppositum accipiat naturam independentem ab altero.

## ARTICULUS II.

Utrum aliqua processio in Divinis generatio dici possit.

*Doct. 1. dist. 5. quæst. 2. & dist. 13. 8. Ad questionem 5. Ad primum principale, & prout in margine notatur. S. Thom. 1. par. qu. 27. articulo 2.*

**V**IDETUR processio, quæ est in divinis, non esse dicenda generatio. Etenim generatio est essentialiter mutatio: sicut species essentialiter includit genus; Si ergo aliqua processio in divinis appellanda foret generatio, ipsa essentialiter esset mutatio: nulla autem mutatio locum habere potest in Deo; ergo nec ulla processio in divinis esse, aut dici potest generatio.

Præterea, Alæ mutationes, quæ ex ratione earum non involvunt tantum imperfectionis, quantum præfert ipsa generatio, esse nequeunt in divinis; ergo etsi esset in Deo processio, ipsa tamen generatio nequaquam esse posset. Probatio antecedentis; nam solio, & altera in, secundum Aristotalem, 8. *Phys.* non ponunt tantam imperfectionem, quantum ipsa generatio; quia multa entia perfecta possunt alterari, vel localiter ferri, in quibus nihilominus locum non habet generatio, ut in corporibus celestibus: sed à Deo removetur omnis loci mutatio, & quæcunque alteratio; ergo multo magis removenda est ab eo generatio: ratio, etiam admissa aliqua processione:

Præterea, Si aliqua productio in divinis dicenda esset generatio, maximè ea productio, quæ attribuitur intellectui, tanquam naturaliter producti: Sed intellectui non convenit generare; ergo neque ipsius productio est generatio. Probatio minoris: Nam terminus intellectus producens non est substantia; ad quam tamen substantiam generatio terminatur: siquidem id aut conveniret illi, qui intellectus est, aut qua infinitus; Si primum; igitur omnis intellectus intelligendo substantiam, gigneret substantiam, quod est manifestè falsum. Sed neque, quia infinitus est: Probatio: actu intellectus divini omnia intelligibilia accipiunt esse intelligibile: ejusmodi autem productio & esse, est secundum quid, & diminutum, & alterius omnino rationis ab esse reali; ergo non est intellectus dante esse simpliciter alicui producto, quod sit substantia, sed id magis spectat ad

ad potentiam alterius omnino rationis ab intellectu.

Præterea; In Deo neque est materia, nec quasi materia; ergo in ipso neque est generatio. Probatio consequentis; generatio est ex sola inclinatione principii passivi ad formam. Unde si voluntate educeretur ignis de materia, esset generatio ob principium passivum; ergo quum in divinis non sit tale principium passivum, ne per similitudinem quidem, non est in ipso generatio ulla; esto sint ibi processionem.

CONTRA, Psal. 2. *Dominus dixit ad me: filius meus es tu: ego hodie genui te*; igitur aliqua processio in divinis est verissimè generatio, sicuti quod procedit, vel producitur, vel gignitur, est verus filius Dei.

RESPONDEO dicendum, alteram processionem divinarum, quæ nempe est per intellectum, quatenus est ei præterius obiectum infinitæ intelligibilitatis, propriissimè appellandam esse generationem, per quam gignitur Verbum Dei in excessis; quod Verbum in principio erat apud Deum, & Deus erat Verbum, idemque & unigenitus Dei. Ad hoc declarationem, supponendum tripliciter in enabris nos intelligere generationem. Primo quatenus terminatur ad substantiam productam, etque à substantia producente; qua ratione communis est substantiis omnibus generabilibus, & corruptibilibus. Secundo autem sumitur generatio, ut est productio viventis ex vivente, qua ratione animal dicitur generari, & non ignis. Denique specialiori adhuc acceptione, generatio est productio viventis ex vivente naturaliter simili producenti in natura intellectuali. Nempe satis non est productum assimilari producenti, etiam exactissimè; nisi sit ab illo naturaliter procedens, seu per modum naturæ intrinsicæ, & essentialiter determinatæ ad unum, seu quatenus principium naturale distinguitur, habetque contrariam rationem ejus, qua constituitur principium liberum. Quoniam igitur altera productio divinarum est à principio intrinsicæ, & essentialiter determinatæ ad unum, habente subinde naturalem inclinationem ad producendum sibi simile, quæ naturalis inclinatio producendi est à forma propria ejus principii, quod est sola memoria fecunda, seu intellectus infinitus habens obiectum infinitum intelligibile sibi præsens; & utrumque est unum per se principium, adeout alterutrum non sit principium producendiveidens est hanc ipsam productionem esse formaliter, & essentialiter generationem, quippe quæ procedit à principio naturaliter inclinato ad producendum sibi simile in natura. Ex hoc igitur quod hæc habetudo inter hoc principium productivum, quod est memoria fecunda, & productum, est naturalis, propterea quod sit à principio naturaliter productivo, necessario ipsa habitudo vel processio per intellectum, est propriissimè generatio, qua producit terminus adæquatus infinito principio, similis naturaliter producenti in natura intellectuali. Atque hæc est mens Augustini 9. de Trinit. cap. 9. & 14. ubi quærens, *quo S. Spiritus sanctus non sit filius, cum tamen à Patre exeat*. Solvit dicens; *Exiit enim non quod odina ut filius generatio datur*. Proce- sio ergo illa, quæ est à principio naturaliter inclinato, seu determinato ad æqualem, est generatio, sicut ex parte producti est natiuitas, qua terminus intelligitur, etque formaliter terminus; etsi ergo sit alius exitus, abaque processio terminari, etiam similis ejus, à quo exit in natura intellectuali: quia tamen est à principio non incli-

1. Report. dist. 2. q. 5. au. 1.

3 dist. 8. c. Ad questionem.

Ogudlib. qu. 80. 16.

1. dist. 11. 9. Hic tamen.

1 dist. 13. q. 4. & dist. 16.



inclinatio naturaliter ad agendum, sed magis se ipsum determinante ad liberaliter elargiendum quantum dare potest principium volendi infinitum, ideo hæc minimè generatio appellanda est, nec ejus terminus genus, sed datus. Altera igitur processio divinarum est generatio, altera vero non est generatio. Sed de hoc infra articulo 4.

1. dist. 2. q. 7.  
6. Ad quintam  
probationem.

AD ARGUMENTA. Ad primum respondeo sic: Ipsa generatio in creaturis duas includit rationes; nam & est mutatio, & præterea productio est. Quatenus mutatio, est forma subiecti mutati; ut productio vero est termini producti, ut via. Hæ autem rationes, ne in creaturis quidem includunt sese essentialiter; cum diversa primo, & per se respiciant: sine ulla ergo contradictione potest intelligi ratio productionis, nulla intellecta mutatione. Rectè ergo, & verè intelligimus rationem generationis transferri ad divina, quatenus simpliciter productio est termini similis principio naturaliter producenti; licet nulla interim ipsam mutatio concomitetur.

Ad secundum dicendum, mutationes alias à generatione, ratione terminorum per ipsas acquisitionum, esse generatione imperfectiores; cum generatione ad substantiam, aliæ vero ad accidentia terminentur. Attamen quantum ad id, quod illis præsupponitur mutationibus, non exigere tantam imperfectionem in subiecto, quantum requirit generatio, qua mutatio est: Siquidem hæc exigit subiectum esse in potentia, idque ad esse simpliciter, cum interim aliarum mutationum subiecta sint in potentia ad esse secundum quid, & accidentale. Porro generatio non transfertur ad divina, nec sanè locum ibi habere potest ut mutatio, sed tantum quatenus est productio termini, ut jam declaratum fuit: terminus autem ejus est perfectior terminis aliarum mutationum: licet ergo essentia divina nequeat quicquam acquirere per alias mutationes, quia ex eo poneretur in ipsa compositio, & imperfectio subinde; nihilominus per generationem potest essentia reperiri in aliquo producto, eo quod per generationem, seclusa ratione mutationis, accipitur terminus perfectissimus; aliquam igitur processionem in divinis esse generationem, nedum non est inconveniens, sed etiam maximè necessarium, quia productio naturalis, qualis est generatio, cum sit prima productio, competat oportet primo producenti; non autem sibi ita producere inest respectu aliorum à se; quia tunc ad illa necessario referretur; convenit ergo ipsi quatenus aliud producit suppositum in naturæ unitate.

dist. 2. qu. 7.  
11. 6. V. Si  
militer.

Ad tertium respondeo, non convenire intellectui, qua intellectus est, gignere substantiam per se subsistentem, quia tunc, ut rectè deducitur, id profecto omnis intellectus haberet. Sentimus igitur intellectum divinum gignere terminum sibi adequatum, prout infinitus est, & præterea quatenus obiecti infiniti, unà cum quo coalescit memoria secunda, quæ est principium adequatum, & completum proles, seu Verbi producendi, principio productivo omnino adequati; Reliqua autem intelligibilia, quæ ab intellectu divino accipiunt esse cognitum, & intelligibile, non autem esse reale, non sunt illi principio adequata, imò in infinitum ab eo deficient oportet; ideo non habent ab illo principio, nisi esse secundum quid. Et quamvis ad eadem producenda in esse intelligibili moveat pariter obiectum intensivè infinitum, in quo continentur; attamen quia sunt ab illo eminenter, & virtualiter, necessario sunt essentialiter finita: nam

1. dist. 10. qu.  
un. 8. Aliter  
dico.  
Quodlib. qu.  
2. si querat.

Quodlib. q. 4.  
8. Hic intelli-  
gendum.  
2. dist. 1. q. 1.

infinitum non ita in alio infinito continetur: igitur per prius est productio infiniti, & necessarij, & exinde aliorum intelligibilium, quia infinitum non præexigit finitum, sed è converso: igitur finita nequeunt accipere à principio naturaliter agente esse nisi secundum quid, & diminutum; contra vero terminus infinito principio adequatus esse substantiale, & simpliciter accipiat oportet, eo quod ad ipsum moveat, seu ad eum producendum inclinatur naturaliter principium intensivè infinitum, id est, intellectus habens infinitum obiectum præsens in ratione intelligibilis: non autem inclinari ita potest ad terminum finitum tali principio infinite inferiorem.

1. dist. 5. 6.  
Ideo V. Ad  
propositum.

Ad quartum concedo in Deo nullam esse materiam, nec quasi materiam: Cum enim in Deo summa sit statuenda perfectio, non est ibi aliqua productio sub ratione mutationis, aut quasi mutationis, quæ affectiones materiam, vel quasi materiam concomitari necesse est: Sed tantum prout per productionem aliquid capit esse, idque ut terminus adequatus correspondens principio producenti: & negatur consequentia. Ad probationem: Cum dicitur, generatio est ex sola inclinatione principii passivi ad formam: igitur sublato principio passivo, non est generatio. Responsio: Assumptum est verum in creaturis, in quibus generationem concomitatur mutatio: ac præterea, quoniam à Deo longissimè abest vel mutationis ipsius similitudo, non est in ipso materia, nec quasi materia, ex cujus inclinatione ad formam sit aliqua processio generatio: imò quoniam essentia æquè naturaliter dicenda esset inclinata ad proprietatem Spiritus Sancti, & hujus pariter productio foret generatio, quia æquè naturalis, ac Filii processio: licet utriusque non esset idem principium activum. Ponendum est ergo, Filii processionem esse generationem ex inclinatione solius principii activi: ut declaratum est in solutione.

### ARTICULUS III.

Utrum sit in Divinis alia processio à generatione Verbi.

Doct. 1. dist. 10. in Reportatis ibidem qu. 1.  
S. Thom. 1. p. quæst. 27. art. 3.

VIDETUR in divinis esse non posse alia processio ultra Verbi generationem: Siquidem secundum Averroem 8. Phys. com. 46. Unius naturæ est unus modus communicandi duntaxat: Divina autem essentia ita est una, ut sibi impossibilis sit alia, alioquin enim haud summa, & intensivè infinita esse posset: igitur inest ei præcisè unus modus communicandi, ille nimirum, quo gignitur Verbum, aut si alius sit ei attribuendus, erit tamen ejusdem rationis.

1. dist. 2. q. 7.  
In argumentis  
principalibus.

Confirmatur: quamvis eadem natura communicari queat univoce, non tamen id evenire potest ab uno eodemque supposito ejusdem speciei, imò ab individuo ejusdem speciei univoce tantum communicatur: æquivocè vero si à causa superiore: Sed natura divina communicari non potest à causa superiore, quæ nusquam est: sed tantum ab aliquo in eadem natura: ergo hæc natura communicari nequit nisi per communicationem unius omnino rationis.

Ibidem n. 31

Præterea, Si in Deo admittenda esset alia processio præter Verbi generationem, utique ea à voluntate esset: ergo cum voluntas sit potentia libera,

Ibidem in argumentis  
principalibus.

ra,



et. pariter, & ejus productio libera fuit; igitur non determinatur ad unum, sed ex innata libertate potest esse ad opposita; sed tantum creatura est possibilis esse, & non esse, non autem persona divina, que simpliciter est necessaria: ergo voluntas solummodo est principium producendi creaturam possibilem, non personam divinam, quæ de se est necesse esse.

Præterea, quod repugnat alicui secundum ejus rationem formalem, non convenit sibi etiam si sit infinitum: sed voluntati, qua voluntas est, repugnat communicare essentiam: alioquin id pariter conveniret voluntati creatæ: ergo et si in Deo voluntas sit infinita, non erit tamen principium communicandi essentiam: ut propterea sit ibi productio, vel processio secundum voluntatem. Major assumpta ex eo patet, quia et si infinitas intendat modum agendi, non dat tamen principio productivo alium, vel diversum modum agendi, ac sibi competat præcisa infinitate.

CONTRA, Augustinus 5. de Trinit. cap. 14. *Spiritus Sanctus exiit à Patre, & Filio non quomodo natus, sed quomodo datus.* Exire autem per modum dati, vel doni convenit productio per modum voluntatis, cujus est ex liberalitate sua dare, vel donare: est igitur in divinis processio quæ non est generatio Verbi.

RESPONDEO dicendum, verissimè in divinis reperiri & Verbi generationem, & aliam præterea processionem alterius omnino rationis ab ipsa. Declaratio: In Deo ex natura rei est formaliter voluntas: ipse enim est jucundissime, ac infinitè beatus per infinitam dilectionem summi boni, quod est ipsum primum principium: voluntas autem una cum objecto sibi præsentè est principium producendi amorem ei principio adæquatum dummodo in eo sit absque imperfectione, nec intelligatur præhabere aliquod productum ei simpliciter adæquatum: uti primo articulo extitit declaratum de intellectu habente objectum in ratione intelligibilis sibi præsens. Ut enim memoria, qua talis de se est principium productivum, ita & voluntas una cum objecto in ratione diligibilis, ex se est pariter principium productivum amoris adæquati: Sed in Deo reperitur tale principium infinitè perfectum, nec præintelligi potest terminus ei adæquatus, qua productivum est, nisi postquam produxisset concipitur: igitur erit in ipso principium producendi amorem, secundum proportionem perfectionis sue in comparatione ad objectum præsentatum: adeo ut quemadmodum voluntas creatæ est principium producendi amorem tantæ perfectionis, quanto ipsa nata est persequi amore objectum: ita voluntas divina est principium producendi amorem tantæ perfectionis, quanta ipsa valet diligere objectum infinitum: nata est autem diligere id objectum infinito amore: ergo & amoris infiniti nata est esse principium productivum. Nihil est autem, aut esse potest intensivè infinitum, nisi ipsa essentia divina: ergo ille amor infinitus est ipsa essentia divina: ille autem amor productus esse non potest alteri inhærens: quia nihil tale est reperibile in divinis: est igitur is amor productus per se subsistens, & non idem subsistens cum producente: quia nihil est quod se producat 1. de Trinit. cap. 1.: igitur tale subsistens productum per voluntatem habentem id objectum tale præsens, est personaliter distinctum. Hanc personam dico Spiritum Sanctum, qui non est Verbum, vel Filius: nam is non per voluntatem producitur, sed per actum naturæ sive memoriæ fecundæ, ut in antecedentibus ex-

titit declaratum; Ultra igitur Filii generationem in divinis est alia processio, qua processit Spiritus Sanctus, amor infinitus, per se subsistens, atque à producente personaliter distinctus, non natus, sed datus, seu productus per voluntatem infinitam suo actu diligendi comprehendente objectum diligibile in infinitum, & ideo id productum exactissime producenti adæquatum. Ex eo autem quod istud productum est suo principio productivo adæquatum, & infinitum, est summè simplex, ac proinde sibi ut contradictoriè repugnat omnis compositio, ita & omnis componibilitas; ac per consequens ex hoc etiam capite per se subsistat oportet; nam alioquin foret alteri componibile, nec subinde sibi summa inesset simplicitas; nec consequenter esset intensivè infinitæ perfectionis, nec suo principio per omnia adæquatum.

AD ARGUMENTA. Ad primum respondeo, eò loci Averroem differere contra Avicennam, qui dicitur puravisse hominem posse generari univocè, & æquivocè, in quo rectè Commentator illi contradicit; est enim quædam imperfecta animalia & univocè per semen, & æquivocè ex putri generentur, sinque ejusdem rationis specificæ, ut constat ex iisdem specificis operationibus; id tamen est omnino falsum de perfectis, & præsertim de homine omnium animalium perfectissimo. De eo igitur præcipue est verum naturæ inesse unum duntaxat modum communicandi; ac de cæteris quoque animalibus perfectis, ut experimento notum est. Assumptum igitur quamvis universaliter falsum, habet tamen veritatem in animalibus perfectis.

Ad confirmationem dicendum, utique naturam creatam communicari non posse, nisi communicatione unius rationis à supposito illius naturæ; cum enim effectus suam causam excedere non possit, atque natura sit effectus ipse qui communicatur supposito accipienti esse, oportet omnino principium à quo est suppositum, esse naturam; quia nihil æquè perfectum nec perfectius natura est in supposito producente; natura autem est principium communicativum unius rationis, adeoque supposito agenti virtute naturæ competit communicatio tantum unius rationis; At suppositum naturæ divinæ habet principia productiva alterius rationis, & perinde perfectæ, ac ipsa natura; & ideo utrumque est principium communicandi naturam, ut verissimè propterea unius summe naturæ insit duplex communicatio alterius rationis. Nec mirum eadem potestate præditam non esse naturam creatam, est polleat utroque principio operativo, intellectu scilicet, & voluntate, eandem perfectionem præferentibus ac ipsa natura, quippe cui sint realiter identificata: quia et si habere queant operationes iisdem adæquatas in ratione operationis, non tamen ei operationes adæquantur in essendo. Unde quamvis intellectus, & voluntas elicere valeant operationes adeo perfectas, ut perfectiores nequeant naturæ nostræ competere; non tamen ipsis adæquantur in essendo, cum accidentia sint à toto genere substantia omni imperfectiora: multo igitur minus realiter adæquantur naturæ, cujus sunt intellectus, & voluntas; ergo per hæc principia fieri non potest ut communicetur natura. At in divinis principium operativum non solum in ratione principii operativi, sed etiam in essendo æquatur naturæ, operatio quoque ei principio, & naturæ pariter æquatur in essendo. Consimiliter quoniam principium productivum naturæ æquatur in essendo, ideo per ipsum communicari potest terminus

Supra 9. 19.  
20. & 26.

Videnda  
glossa Ma-  
gistri Lycheti.



1. d. 3. q. 4. &  
dist. 13. n. 5.

formalis productionis adæquatus sibi, & naturæ in efficiendo. Accedit quod non pariter identificantur hæc principia in utraque natura increata, & creata. Nam in illa identificantur ratione infinitatis, qua unumquodque eorum secundum propriam rationem est formaliter infinitum: ex quo fit ut verè prædicentur ad invicem, & in abstracto, & in concreto. At in nobis ratione tertiæ præcisè identificantur, nec verè unum de altero propterea prædicatur in abstracto: quia tunc non superest unum, qua ratione tertiæ sunt unum.

De his supra  
quæ 9. art. 3.  
& infra.

Ad secundum respondeo sic: etsi productio per voluntatem sit libera, respectu tamen producti principio exactissimè adæquati, & infiniti, est etiam necessaria, & prior simpliciter productione termini non adæquantis principium, quale est omne finitum. Quamvis igitur productum non adæquans suum principium, sit essentialiter possibile esse, quia simpliciter foret non esse: quod tamen est omnino principio adæquatum, non potest non esse, quia tunc simpliciter non adæquaretur suo principio. Est igitur hoc productum liberè quidem productum, quia à principio procedit, quod non ex se est ad unum determinatum, sed magis sui ipsius determinativum ad talem productionem, postquam sibi fuerit præstentia infinita bonitas, & simul est necessarium, quia sibi intrinsicè repugnat omnis possibilitas, ut excluditur ab intensivè infinito, & simpliciter perfectio.

Quodlibet q.  
16.

De his infra  
quæ 1. art.  
2. in incidenti.

Ad tertium respondeo negando minorem: non enim voluntati in quantum voluntas, repugnat communicare naturam; imo id præcisè repugnat sibi, quia limitata est, ac proinde alteri componibilis. Quamvis ergo non conveniat voluntati in communi communicare naturam ob imperfectionem ejus in aliquo; inest tamen huic voluntati infinitæ, ac omnimodam simplicitatem habenti.

Ex Report.  
loc. cit. n. 7.  
Quod hic asseritur non  
contrariatur  
responsioni ad  
tertium artic.  
precedentis,  
quia aliud est prædicatum subiecto non repugnare, aliud est positive convenire. Non repugnat ergo voluntati communicare substantiam, sed id ei convenit duntaxat in supposito infinito.

#### ARTICULUS IV.

Utrum processio amoris in Divinis sit generatio,

Doctor. 1. distinct. 13. in utroque scripto.  
S. Thom. 1. par. quæ 27. art. 2.

Videndus  
Mayron. distinct. 0. q. 1.  
& Recentiores Scotiæ &  
præsertim Martinus super 1.  
sent. & infra  
q. 4. art. 2.  
In incidenti,  
& pro completo intellectu  
argumentorum videnda  
q. 10. art.  
4. & in eiusdem incidenti.

**V**IDETUR processio amoris in divinis esse generatio. Nam generatio in creaturis ex eo distinguitur ab aliis mutationibus, quod ipse ad substantiam terminatur, aliæ vero alium terminum, respiciunt à substantia; sed spiratione, seu processione producitur aliquid in esse substantiali, & divino, nempe Spiritus Sanctus, qui est amor subsistens, uti generatione producitur Filius; igitur Spiritus Sancti processio est formaliter generatio.

Confirmatur, mutationes, & motus distinguuntur per terminos formales eorum ex Philosopho 5. Phys. tex. c. 4. & 416. sed formalis terminus processionis est Spiritus Sanctus: estque idem cum formali termino generationis, quia eadem essentia communicatur utrobique; ergo amoris processio est ipsa generatio.

Præterea, Quæcumque uni, & eidem sunt eadem, inter se pariter eadem esse oportet: igitur quæcumque eidem sunt univoca, inter se pariter sunt univoca: generatio, & spiratio sunt produ-

ctiones univocæ, comparando ad idem tertium, nempe ad Patrem; igitur etiam inter sese univocæ productiones, & per consequens ejusdem rationis.

Præterea, Differentia realis non dependet à differentia rationis, quia illa est perfectior: sed principia istarum productionum sunt natura, & voluntas, quæ differunt ratione duntaxat; nam à majori differentia læderetur simplicitas divina, & præterea inter intelligere, & intellectum in Deo esset relatio realis, & subinde realis distinctio; ergo distinctio illarum productionum, quæ præexigit illam principiorum, tantum erit rationis; adeoque ex natura rei processio amoris est generatio.

CONTRA, Augustinus 5. de Trinit. cap. 14. *Spiritus Sanctus procedit à Patre, & Filio, non quomodo natus, sed quomodo datus*; ergo Spiritus Sancti, vel amoris substantialis processio est alterius omnino rationis à generatione passiva, qua Filius nascitur.

RESPONDEO dicendum, Amoris processionem in Deo, nec esse, nec dici omnino posse generationem; quemadmodum amor ipse procedens, non est persona, quæ gignitur. Quæ solutio, utpote spectans ad fidei veritatem, ut certissima est, ita obscuram, &que ambiguum esse rationem ejus differentie, argumento est multiplicitas opinionum, quas tamen omnes hic in medium producere opere præteritum non ducimus, sed quæ nostro instituto duntaxat facere videntur. Aliqui igitur differentiam harum productionum esse accipendam putant ex eo quia, cum de amoris ratione sit non procedere, nisi de conceptione intellectus; Nihil enim potest voluntate amari, nisi sit in intellectu conceptum, necessario processio amoris habet ordinis distinctionem à processione Verbi. Etenim propria ratio processionum, quatenus una ab alia distinguitur, utique accipi non potest ex parte nature divinæ, cum qua est unum quidquid est in divinis; oportet igitur propriam rationem uniuscujusque accipi secundum ordinem unius processionis ad aliam. Is autem ordo attenditur secundum rationem voluntatis, & intellectus. Hic modus dicendi non videtur probandus. Primo, quia prioritas hæc, & posterioritas processionum, non est prima ratio distinctionis earum; nam præsupponit necessario in eis rationem illam, ob quam una est altera prior; ergo non ex prioritate, & posterioritate est accipienda prima earundem differentia, sed magis ex eo capite, seu ratione, propter quam ipse præsupponuntur relationibus prioris, & posterioris. Deinde Processiones in divinis sunt relationes; ergo ad invicem non distinguuntur per hoc quod una sit prior, altera posterior, Probatio consequentiæ; prioritas, & posterioritas sunt relationes: nulla autem relatio primo distinguitur ab alia per superadditam sibi relationem. Quod vero hæc relationes prioris, & posterioris aliæ sint ab ipsis processionibus, ex eo est evidens, quod inter alia, & alia versentur extrema. Siquidem relatio originis est inter producentem, & productum, at prioris, & posterioris relatio est inter unam, & aliam originem.

porius una, quam altera dicitur vitaliter moveri, & impelli ex amore ad aliquid faciendum? Sed revera S. Doctor non discordat imo prævit Scoti in adstruenda libertate essentiali cum necessitate. Nam quæ de potentia art. 2. 6. Ad quintum. Hæc habet, *Deum cum voluntate liberè amat se ipsum, & necessarium est, quod tantum amet seipsum quantum bonus est.* Et ultra, inquit, *liberè Spiritus Sanctus procedit à Patre, non tamen possibiliter, sed ex necessitate.* Hæc ille, quæ ne per umbram quidem retractantur in præsentis questione.

S. Thom.  
hic 6. ad pri-  
mum; & 6. ad  
tertium arti-  
culo præ-  
cedenti.

Ubi Cajetanus conatur solvere argumenta Scoti. Quod vero subdit apud S. Thomam nominem Spiritus importari quantam vitalem notionem, & impulsionem; prout aliquis ex amore dicitur moveri, & impelli ad aliquid faciendum; Nisi intelligatur, necessitatem, non antecedere, sed suscitari, vel concomitari actum amoris, ut Doctor declarat Quodlibet. 16. vix capitur quidnam realis coconceptuslibet illis verbis. Nam si pari necessitate feratur in objectum, utraque potentia, cur



Propter hæc fortasse isti processionum distinctio-  
nem essentialiorem aliunde aspiciendam esse cen-  
tent. Dicunt igitur ex eo inter se primo distingui  
quod altera ipsarum habeat pro principio unam,  
reliqua vero duas exigat personas, à quibus pro-  
cedit. Hæc opinio videtur improbabilis: Nam  
quod formale principium productionis alicujus  
sit in uno, aut in pluribus suppositis, nullam in  
se subit formalem variationem, nec ex eo sequi-  
tur ipsum esse principium emanationum, aut  
actionum quarumcunque diversæ rationis. Ut  
enim albedo in lapide, & in equo est principium  
immutandi visum ejusdem rationis, ita si eadem  
albedo reperiretur in duobus, ut in uno, perin-  
des foret principium immutationis unius rationis;  
ergo quod istæ processioness in divinis sint omni-  
no alterius rationis, profecto non erit unitas, vel  
dualitas suppositorum producentium, sed alia  
causa prorsus diversa ab ista. Deinde iste modus  
dicendi non salvat, ita inter se distingui divinas  
processiones, ut impossibile sit esse ibi plures per-  
sonas, quam tres. Si videm ponendo unam di-  
stinctionem ab alia, quia illa ab una, hæc verò à dua-  
bus procedit; pariter ponendo quartam à tribus,  
& quintam à quatuor prioribus procedere, & sic  
in infinitum haberetur sufficiens distinctio perso-  
narum; ergo de facto non distinguuntur ex eo  
quod secunda ab una, & tertia à duabus proce-  
dat. Rursus, omnis distinctio reducitur ad aliqua  
primo diversa, ut si ipsi forent distincti, etiam si  
per impossibile ab omnibus aliis separarentur;  
sed personæ divinæ non sunt primo diversa, qui-  
ppe quibus eadem essentia divina est communis;  
ergo processioness minimè distinguuntur inter se pos-  
sunt, ex eo, quod sint ab uno, vel à pluribus sup-  
positis; ergo oportet inter se essentialiter distin-  
gui, & per respectum ad propria principia: quæ  
sunt profecto ejusdem rationis, seu in uno, seu  
in pluribus suppositis reperiantur. Postremo in-  
fra quæst. 36. art. 2. declarabitur qualiter etiam si  
per impossibile Spiritus Sanctus à solo Patre proce-  
deret ut Filius, adhuc productus à se ipso essen-  
tialiter à generatione differret, ac proinde à Filio  
distingueretur, ut nunc distinguatur: igitur non  
distinguitur processio amoris à generatione essen-  
tialiter, propterea quod illa sit à duabus, hæc ve-  
rò ab una tantumtaxat persona.

Est ergo dicendum divinas processioness forma-  
liter se ipsis distingui, principiativè verò à prin-  
cipiis earum, quæ alia non sunt nisi intellectus,  
& voluntas. Declaratio: Hæc divines processioness  
sunt constitutive, & distinctivè ultimè perso-  
narum respectivè procedentium per intellectum,  
& voluntatem: sunt igitur primo diversa inter  
se: ergo inter se ita primo adequatè & formaliter  
distinguantur, ut in nullo prorsus conveniant:  
adeoque ita pariter distinguantur in nullo penitus  
convenientes, etiam si per impossibile omne aliud  
ab ipsis è medio tolleretur.

Non igitur est investiganda ratio, qua tandem di-  
stinguantur, cum tota ratio formalis unius sit  
non eadem toti rationi formali alterius: quemad-  
modum & ipsæ specificè differentie sunt se ipsis  
primo distinctæ formaliter: idest non per aliquid  
in eis inclusum distinguuntur, sed prorsus per  
adequatam, & omnimodam rationem ipsarum

ad invicem differunt: etiam si omne aliud ab ipsis  
circumscriberetur: tunc enim pariter nihil forma-  
liter inclusum in una, formaliter includeretur  
in alia: ita & istæ divinæ processioness, quæ est  
differentiæ specificæ non sunt, sed hypostaticæ,  
quia tamen ultimè constituunt divinas perso-  
nas, sunt necessario inter se primo diversa, in nul-  
lo scilicet convenientes: idque non aliunde ha-  
bent, quam à propriis principiis: altera enim est  
à principio naturaliter inclinato ad agendum,  
ideoque propriissimè generatio dicitur: altera ve-  
rò à principio non ita inclinato, sed magis deter-  
minante seipsum ad agendum, ut in *antecedenti-  
bus articulis* exitit declaratum. Atque hæc fuit  
expressa mens Augustini, ex diversitate, omni-  
modaque differentia harum emanationum, distin-  
ctionem Personarum procedentium inferentis.  
Undè 5. de *Trinit. cap. 9.* & 19. *quæstioni, cur  
Spiritus Sanctus non sit Filius, cum tamen à Pa-  
tre exeat?* Respondet, dicens, *exit enim non quo-  
modo natus, sed quomodo datus.* Solvit ergo quæ-  
stionem de distinctione personarum, ratione di-  
stinctionis emanationum earum. Consimiliter 15.  
de *Trinit. cap. 27.* proposita quæstione, *cur non  
dicatur natus esse, sed potius procedere Spiritus  
Sanctus, quoniam si & ipse filius diceretur ambu-  
rum utique filius diceretur, quod absurdissimum  
est, inquit.* Per idem solvit, dicens: *attolle ocu-  
los in ipsum lucem, & eos in eam fige si potes. Sic  
enim videbis quid à se sit natus verbi Dei à pro-  
cessione domini Dei, propter quod filius unigenitus;  
non de patre genitum, alioquin frater ejus esset.  
sed procedere dixit Spiritum Sanctum.* Hæc Au-  
gustinus. Propter hoc, inquit, idest propter  
distantiam nativitatìs à processione amoris, secun-  
da persona dicitur, estque genita, tertia vero non  
genita, sed procedens, à Veritate dicta est.

Quia tamen emanationess istæ se ipsis formaliter  
distingunt, imò primò diversa, ac in nulla ra-  
tione adequatè conceptibili ex natura rei conven-  
ientes, non sunt à se, sed à propriis principiis,  
quæ sunt intellectus, & voluntas, principiativè,  
& originativè noscuntur ut sunt ab ipsis, ita origi-  
nativè, seu principiativè à propriis respectivè  
principiis distinguuntur: à quo enim aliquid ha-  
bet entitatem, ab eodem accipiat oportet & uni-  
tatem, quæ est entis passio cum eo convertibilis.  
Ex ipsis ergo principiis est quoque istæ emanation-  
ess habeant proprias rationess formales, quibus  
ita ad invicem distinguuntur: ac proinde origina-  
tivè per eadem distinguuntur principia, quæ non  
est excludendum sola ratione inter se differre (ut  
fert communior sententia, de qua *infra*) imò in-  
tellectus formaliter non est voluntas ex natura  
rei: & quoniam infinitas à Idità alicui rationi haud  
variat ejus formalem quidditatem, intellectus in-  
finitus non est formaliter ex natura rei voluntas  
infinita, ac proinde quod est formale in ipsis prin-  
cipiis ad hanc principiorum distinctionem est  
reducendum, indeque accipiendum: quia alioquin  
non esset intelligibile, quomodo nativitas Verbi  
ab amoris processione distinguatur, nisi amor  
sit à principio formaliter alterius rationis à prin-  
cipio, unde nascitur Verbum.

AD ARGUMENTA. Ad primum respondeo, di-  
ctum esse in antecedentibus non reperiri genera-  
tionem in divinis sub ratione mutationis, secun-  
dum quod in creatis subjectum mutatur ad forma-  
mam, sed sub ratione productionis duntaxat;  
estque naturalis, quia naturalis habitudo inter  
producens, & productum, quatenus scilicet prin-  
cipium



principium productivum est naturaliter inclinatum, & determinatum ad agendum: non autem ex inclinatione principii passivi, quia tunc nulla alia foret, aut esse posset ibi processio, nisi naturalis. Nam ex æquo divina essentia inclinaretur ad quamlibet productionem, sive processionem. Quia igitur principium productivum Spiritus Sancti non inclinatur naturaliter ad ejus productionem: cum non sit principium naturaliter productivum, ut intellectus, sed liberè productivum, & liberaliter donans, ideo Spiritus Sancti productio non est generatio, sed spiratio amoris per se subsistentis. Non est igitur verum in eo præcisè distingui generationem ab aliis mutationibus, quod illa terminetur ad substantiam, sed ulterius requiritur, ut naturaliter producatur, exeatque ut quid natum, quo modo non exit Spiritus Sanctus: sed procedit ut amor subsistens, & spiratus.

Ad confirmandum ex 5. *Phys.* respondeo, exinde debere nos oppositum inferre: non enim motus distinguuntur penes terminos, nisi quia formæ fluentes sunt ejusdem rationis cum formis terminantibus: At in casu non est fluxus ejusdem rationis cum termino: nec etiam via quasi fluxus est ejusdem rationis cum terminis formalibus, quia terminus formalis est essentia: illa autem productio, quæ est quasi via, est relatio, ac proinde ex unitate termini formalis, non sequitur unitas processionum.

Ad secundum respondeo sic: Quotiescunque comparantur duo ad tertium illimitatum, non sequitur ex unione eorum cum tertio unio eorumdem inter se, ut est evidens. Quoniam igitur Pater habet in se duplicem fecunditatem perfectè, & utraque productio correspondet præcisè uni fecunditati, ipse Pater respectu duarum productionum singillatim est illimitatus, ac propterea ex eo quod utraque productio univoca sit in tali tertio illimitato non sequitur eas pariter esse ejusdem rationis inter se. Nec propterea quod sint alterius, & alterius rationis est inferendum, & terminos earum consimiliter esse alterius rationis; quia ut dictum est supra, productio in divinis non est fluxus aliquis, aut forma fluens ejusdem rationis cum forma, quæ est terminus formalis productionis; quia productio est formaliter relatio forma vero quæ est terminus ejus, est essentia divina; ac proinde ex diversitate productionum nequit inferri formalis distinctio terminorum. Cum etiam in creatis idem ubi possit acquiri per motum rectum, & circularem, qui tamen motus sint omnino alterius speciei, & incomparabiles ex 7. *Phys.* tex. c. 23.

Ad tertium negandum est, principia emanationum inter se sola ratione distingui. Cum primò probatur; quia cum majori distinctione non videtur composibilis simplicitas divina. Responsio, distinctio quæ versatur inter duas formalitates ex natura rei, non lædit simplicitatem divinam, cum nec repugnet intensivè infinitati, ut infra declarabitur.

Ad secundam probationem respondeo, intellectus est potentia operativa, & productiva; quatenus est principium operativum; nec intellectus, nec suppositum, cujus est actio, habet relationem realem ad operationem realem, quæ nata est esse in ipso; idque in Deo duntaxat. Ut vero est principium productivum, etsi ipse non habeat relationem realem ad productum, quia idem est productio; nec ad productionem, eadem de causa; tamen producens ipsa relatione reali refertur ad productum propter realem distinctionem eorum.

## ITERUM ARTICULUS IV.

Utrum processio amoris in Divinis sit generatio.

Doctor, S. Thom. locis articulo precedenti citatis.

**V**IDETUR processio amoris in divinis esse generatio. Siquidem natura est vis infusa rebus ex similibus similia procreans, juxta communem descriptionem naturæ: Sed Spiritus Sanctus est similis producenti, cum habeat eandem naturam cum illo; ergo ipsius productio est per naturam, ac subinde Spiritus Sancti processio est generatio.

Præterea, Si amoris processio in divinis non foret generatio, maximè quia à diversis procedunt principis, illa nimirum ab intellectu, hæc vero de voluntatis expressione exiens. Id verò videtur planè falsum; nam sicut duo limitata esse possunt duorum actuum principia, ita idem illimitatum continens in se virtualiter ipsa plura, potest sub una, eademque ratione in actus eorum, quæ ita continet, ut est evidens in sole respectu multorum generabilium in istis inferioribus; igitur essentia divina illimitatissima est sub una indistincta ratione immediatum principium divinarum emanationum; ergo hæc ratione principiorum non distinguuntur.

Confirmatur. Nam omnino ponendum est divinam essentiam esse quodammodo radicem, & principium omnium perfectionum attributalium, & quidem sub eadem ratione, alioquin procederetur in infinitum, si unicuique attributorum responderet propria radix, & formale principium; ergo eadem ratione ipsa est immediatum principium duarum productionum; ab earum igitur principis nullam hauriunt distinctionem.

CONTRA, Augustinus 3. contra Maxim. cap. 14. *De Patre est Filius, de Patre est Spiritus Sanctus, sed ille genitus est, iste procedens. Ideo ille Filius est Patris, de quo est genitus, iste autem Spiritus est utriusque: quoniam de utroque procedit. Quia ergo si nasceretur, de ambobus utique nasceretur, sine dubio Filius diceretur amborum. Ac per hoc, quia Filius amborum nullo modo est, non oportuit nasci eum de ambobus. Amborum est ergo Spiritus Sanctus, procedendo de ambobus.* Processio ergo amoris nullo modo est generatio.

RESPONDEO, dogma utique fidei esse processionem, qua tertia persona procedit à Patre, & Filio in divinis, omnino differre ab ea, qua secunda Persona exit à Patre. Veruntamen causa ejus differentia diversa diversis esse videtur. Aliqui igitur putant ex eo capite petendam esse, quod altera illarum processionum, scilicet spiratio esse queat cum relationibus oppositis, ac realiter distinctis: reperitur enim revera cum filiatione, ac paternitate; altera vero quæ est generatio activa, esse non potest cum filiatione. Contra, si hæc foret ratio præcisæ discriminis processionum; igitur esse possunt infinite persone ad invicem distinctæ. Nam sicut in eo distinguuntur prima productio à secunda, quia hæc stat cum relationibus oppositis, cum quibus non est composibilis prima productio, sive generatio; ergo non repugnaret tertia productio, quæ adhuc distingueretur à duabus, quia ipsa secum computaretur tres relationes, quibus foret impossibilis secunda productio. Deinde, ideo aliquid est composibile, vel impossibile alteri, quia ipsum est tale in se, &

1. diff. 10. in argum. principalis.

Mag. 1. diff. 1. cap. inters.

Est sententia Goffredi in Quodlibetis 4. q. 3. & 7. 2. 4.



non e converso. Veritas enim negativæ fundatur super veritatem affirmativæ; nam ideo homo non est asinus, quia homo est homo, 2. *Peribet. in fines* igitur propterea spiratio activa potest stare cum generatione activa, & passiva, non autem generatio; quia per prius sunt hæ rationes secundum se tales, quam ad alterum comparantur; ergo compossibilitas, & impossibilitas productionum ad invicem, non est prima ratio distinctionis earum. Rursus hæ productiones distinguuntur, quia una est per modum naturæ, reliqua per modum voluntatis; sed his rationibus prædictæ essent, etiamsi forent omnes compossibiles; quia eas hauriunt ab distinctione principiorum ex se ipsis habentium oppositos modos principiandi; ergo causa adducta non est probanda. Est responsio opinantis, alteram productionem esse per modum naturæ, altera per modum voluntatis, non quia una persona naturaliter producatur, altera non ita, sed magis quia una est similis productioni naturali, quantum ad id, quod aliam non præsupponit productionem, ut altera quæ Verbi præsupponit generationem; ideoque dictum est fieri per modum voluntatis. Hæc responsio est improbanda; quia non videtur ad mentem sanctorum Patrum; ii enim omnes attribuant has productiones cum omni proprietate intellectui, & voluntati. Quæ si præcisè inter se distinguerentur per hoc, quod una aliam præsupponat productionem; ex ipsis non videtur ratio, cur Filius sit magis Filius, & Verbum ex vi productionis suæ, quam Spiritus Sanctus. Nec item, cur Spiritus Sanctus ex vi productionis suæ magis sit amor, quam Filius; quod videtur absurdum. Deinde multæ aliæ productiones esse possunt vel præsupponentes, vel non præsupponentes aliquam productionem, sicut productio per modum artis videtur aliam præsupponere productionem, scilicet eam, qua verbum producitur in mente artificis; ergo Spiritus Sanctus posset dici productus per modum artis, quod est falsum. Denique ex quo in Deo propriissimè est intellectus, & voluntas; & utrumque unà cum objecto ipsis præsentè sit sufficiens principium productivum, ut ex antecedentibus liquet; verissimè per actum intellectus producitur persona, ut principii productivi; & alia pariter per actum voluntatis, ut principii productivi, & non tantum metaphoricè, nempe propter extraneam illam similitudinem, quod est personam produci, alia præsupposita, vel non præsupposita.

Quidam vero obsecundum argumentum principale, cui potissimum innituntur, putant divinam essentiam sub ratione penitus indistincta esse immediatum principium utriusque productionis.

CONTRA, Si generatio Filii, & Spiritus Sancti spiratio sint ab essentia divina immediate; igitur non magis Spiritus Sancti productio foret libera, aut voluntaria, quam Filii generatio. Id autem est inconveniens, & contra S.S. Patres affirmantes Spiritum Sanctum procedere per modum voluntatis, esseque amorem de Patre, & Filio procedentem; ergo oportet ipsum non de essentia immediate procedere, sed potius produci per modum voluntatis, medietque subinde potentia volitiva. Probatio sequela: nam actio volendi in nobis, non est libera, sed forma quædam naturaliter activa determinatæque inclinationis: Ita enim generantur naturaliter habitus appetitivi ex actibus volendi, sicuti habitus intellectivi ex intellectibus; ergo nec Spiritus Sancti productio, ut est in facto esse, est formaliter libera,

nisi sit à principio essentialiter libero, quod est sola voluntas; ergo si utraque productio immediate ab essentia procedit, nullo præterea concurrente principio; non est altera productio in divinis per modum intellectus, & naturæ, altera vero per modum voluntatis, & libertatis; imo ambæ conformiter se habent, cum id, è quo procedunt non aliter se habeat respectu unius, quam respectu alterius; non magis igitur Spiritus Sancti productio, est voluntaria, seu per modum liberæ voluntatis, quam Filii exitus, & generatio. Deinde, si essentia ut indistincta est immediate principium ambarum processionum; ergo cum sint ibi intellectus, & voluntas habentes præsens objectum infinitum, pariter producerent; cum ex se ipsis sint potentia productivæ inimpedibiles; igitur essent ibi quatuor personæ productæ infinitæ, quod nemo dixerit. Fortasse contrarium opinantes, dicerent non esse in illa essentia intellectum, & voluntatem infinitam ex natura rei, sed præcisè per considerationem intellectus rem indistinctam distinguentis. CONTRA, Deus ex natura rei est formaliter beatus, & non formaliter in relationibus rationis; beatitudo autem ejus sita est formaliter in intellectu, & volitione; ergo intellectus, & voluntas, quæ sunt eorum actuum principia, sunt ibi formaliter ex natura rei. Non videntur enim intelligibiles illæ operationes formaliter absque eo quod sint ab ipsarum principiiis formaliter existentibus in eo, qui per illas operatur.

Est igitur dicendum, eas productiones revera accipere distinctionem ab earum principiiis formaliter per quæ originativè, & causaliter distinguuntur: formaliter vero, & quidativè se ipsis differre; quippe quæ, ut primo diversæ, in nullo sint convenientes, ut articulo præcedenti fuit declaratum.

AD ARGUMENTA. Ad primum respondeo Spiritum Sanctum, eo quod à producente eandem accipiat naturam, esse utique simile illius, verumtamen non ex vi productionis suæ. At Verbum virtute suæ productionis esse gignenti simile, ac Patris imaginem. Unde Verbum ut Verbum illud habet, ut procedat ut simile in natura principio producenti aliqua similitudine, vel reali, vel intentionali nimirum. At amoris processio id certè non habet, ea enim per voluntatem est; cui sanè ex natura sua non convenit producere sibi simile neque in esse reali, neque intentionali; producit tamen in casu amorem sibi similem in essendo, quia infinita est.

Ad secundum respondeo: revera infinitum esse posse principium immediatum distinctorum, quotiescumque eadem distincta essentialiter non possulant, ac prærequirunt distinctionem priorem in principiiis, uti ex se ipsis exigunt productio libera, & naturalis. Cum enim utriusque esse non possit principium unius, ejusdemque rationis, necessario præexigat aliquam distinctionem in principiiis, quæ naturaliter, & liberè habent producere, & principiare personas divinas.

Ex quibus patet ad confirmationem; nam perfectiones attributales quoniam non requirunt oppositum modum principiandi, de uno, eodemque illimitato principio emanant; ita enim essentia naturaliter est intellectus, sicuti est & voluntas; etsi exinde hæc evadant, sintque formaliter principia omnino alterius rationis. Confimiliter illa attributa non sunt proprio principiata ab essentia divina, etsi concedendum sit essentiam habere rationem perfectionis radicalis, & fundamentalis respectu eorum.

Plura alia addit Doctor, sed hæc & nostro instituto, & rei in se, sufficere videbatur.

Adam 1. diff. 6. q. 1. art. 2.



## ARTICULUS V.

Utrum sint plures processiones in divinis,  
quàm duæ.

*Doct. 1. distinct. 2. quest. 7. in Report.  
ibidem quest. 6. S. Thom. 1. par.  
quest. 27. articulo 5.*

**V**IDENTUR divinæ processiones esse plures, vel pauciores duabus, nec perinde duæ dumtaxat. Nam Philosophus 2. *Phys. tex. 31. 48. & 49.* distinguit naturam & intellectum tanquam diversa principia activa: sed tam naturæ, quam intellectus ratio verissimè invenitur in Deo quia neutrum includit imperfectionem: Et quidem ad intra, quia neutrum est productivum ad extra; ergo præter productionem voluntatis, erunt duæ aliæ productiones ad intra.

Confirmatur, Philosophus 6. *Metaph. cap. 2. rex. 3.* videtur expressè dicere potentiam rationalem posse in opposita, quia scientia est oppositorum: Sed si intellectus ex natura sui est indeterminatus ad opposita, natura vero ad unum determinata; igitur intellectui inest alia ratio principiandi, ac inest naturæ.

Præterea, Natura ex se est principium determinatum ad agendum; in divinis autem intellectus, ut intellectus, nedum videtur esse principium determinatum ad agendum, verum etiam natura, ut est quodammodo prior intellectu, quasi radix, & fundamentum: Sicut essentia quælibet est potentie fundamentum; ergo non tantum intellectus, sed etiam ipsa essentia habeat oportet rationem principii illius; quod est natura, ut distinguitur contra voluntatem.

Præterea, Dualitas principiorum, à quibus supponuntur esse productiones, in divinis potest reduci ad unitatem: ergo non duplex, sed unicum est ponendum principium in Deo, atque ita unica tantum productio, Probatio assumpti: primo: nam omnes perfectiones in divinis reducuntur ad essentiam, ut ad fundamentum: Sed sicut aliquid se habet in entitate, sic in actualitate, & subinde in activitate: ergo omnis ratio agendi, & activitatis reducuntur ad rationem essentiae divinæ, ut ad primam: & unicam rationem producendi. Unica ergo solummodo est statuenda productio in divinis. Secundo probatur, quia principiari necessario, & principiari contingenter sunt oppositi modi: & tamen eadem voluntas divina creaturas causat contingenter, & necessario spirat Spiritum Sanctum.

Præterea, Principia productiva in divinis ponuntur intellectus, & voluntas: Sed hæc principia, & potentie propriis respectivè actibus essentialibus actuantur: ergo non videtur superesse in illis vis aliqua producendi alios actus, quippe quæ adequatissimè, & ultimè per essentielles complectatur, & actualitè intelligantur, Actus enim distinguunt potentias, 2. *de Anim. tex. cap. 13.* non competunt ergo intellectui, & voluntati Dei alii actus producti, præter essentielles non productos: non sunt ergo ponendæ duæ processiones, imò ne una quidem in divinis.

CONTRA, Ioan. Epist. 1. cap. 5. *Tres sunt qui Testimonium dant in cælo Pater, Verbum, & Spiritus Sanctus, & hi tres unum sunt.* Verbum autem, & Spiritus Sanctus sunt personæ productæ, Pater vero improductus omnino: ergo non sunt in Deo aliæ, aut plures processiones, quàm duæ,

quibus nempe esse accipiunt duæ Personæ producæ.

RESPONDEO dicendum, divinas processiones esse precisè duas. Declaratio, duo sunt in Deo principia productiva divinarum personarum diversæ rationis: ergo duæ precisè sunt processiones. Probatio assumpti: omnis pluralitas vel reducitur ad unitatem, vel certè ad tantam paucitatem, ad quantam reduci potest; ergo eadem est ratio de pluralitate principiorum activorum; Sed hæc reduci nequit ad unitatem. Nam principia productiva, quæ sunt natura, & voluntas habent oppositos modos principiandi; alterum enim inclinatur ex se naturaliter ad agendum; alterum vero libere inclinatur, adeout in sui potestate habeat producere, intantum ut ex se naturaliter non impellatur ad producendum. Si autem hæc dualitas principiorum reduceretur ad aliquod unum principium productivum, id profecto haberet unum ex his duobus modis principiandi. Vel enim ex se naturaliter determinaretur ad agendum, & consequenter per modum naturæ; vel non ex se determinatè, sed liberè, & ita per modum voluntatis; ergo hæc duo principia reduci nequeunt ad aliquod principium unum, quasi aliud ab ipsis, quod scilicet in producendo neutrius istorum habeat rationem. Nec item unum istorum reduci potest ad alterum; quia tunc quod reducitur secundum totum genus suum foret imperfectum, quod falsum est; & probatur falsitas; Nam ex eadem perfectione convenit utrique esse principium operativum, & productivum: neutrum autem est ex se imperfectum ut operativum; alioquin non reperiretur formaliter in Deo: ergo nec inquantum utrumque est productivum est formaliter imperfectum. Non possunt igitur reduci ad paucitatem dualitate minorem, ut alterum sit principium per modum naturæ productivum, alterum vero per modum voluntatis. Hæc autem duo principia secundum proprias rationes principiandi sunt in primo; in ipso enim est omnis ratio principii, quod non reducitur ad aliud principium prius; igitur sunt tantum duo principia productiva alterius; & alterius omnino rationis in primo productivo. Hæc vero sunt productiva ad intra. Probatio: memoria perfectæ est productiva ad intra per modum naturæ, ex articulo primo & sequentibus; Intellectus autem omnimodè perfectus, uti est divinus, quemadmodum natus est intelligere objectum, quantum ipsum est intelligibile, ut potentia operativa: ita inquantum principium productivum notitiæ genitæ natus est gignere notitiam tantæ perfectionis quanta potest esse objecti; Id autem objectum primum intellectus ita perfecti est innitum intelligibile; ergo ut intellectus est principium productivum, potest producere notitiam infinitam; igitur quod producit per intellectum oportet esse unum cum producente, pro quanto est intensivè infinitum; quia hæc ratio in eo, quod producit, est omnino indivisibilis, & impartibilis; communicatur ergo alteri realiter distincto ab eo quod communicat, sed ipsum infinitum oportet esse unum in utroque: est igitur hæc productio ad intra. Et consimiliter arguitur de voluntate. Cum igitur duo solummodo sint in Deo principia productiva alterius rationis, duæ pariter erunt ibi numero productiones, nec plures nec pauciores: quia unaquæquæ suo correspondet principio eique exactissimè adequatur, ac proinde iis permanentibus necessario productionibus, impossibile est eadem principia ad plures alias se extendere,

Ex Report.  
n. 8.

1. distinct. 2. 5.  
& oppositum 3.



dere, seu ejusdem, seu alterius rationis, quia tunc aut illæ non forent adequatæ principiis earum, aut non necessariæ, quod est impossibile.

AD ARGUMENTA. Ad primum respondeo, Aristotelem raro admodum sermonem instituisse de voluntate, ut distinguitur contra intellectum; imo ut plurimum intellectum, & voluntatem pro uno eodemque principio usurpasset, ut revera fecisse constat 2. *Phys. tex. 49. cit.* ibi enim distinguens activa principia in naturam, & intellectum, sub secundo membro, & ipsam voluntatem comprehendit; unâ cum qua intellectus, seu agens à proposito est principium artificialium. Intellectiva igitur potentia præcisè considerata cum sit principium omnino determinatum ad agendum, ut ignis, cæteraque naturalia, coincidit omnino cum natura, prout contradistinguitur à principio libero.

Ad confirmationem ex 9. *Metaphys.* dicendum, intellectum comparari posse, vel ad suam naturam, propriamque operationem, quam elicit, vel ad operationes aliarum potentiarum, quas dirigit ut regula. Primo modo ipse est omnino principium naturale, adeo ut præsentè objecto nequeat non producere, & operari circa illud. Ut vero dirigit actus aliarum potentiarum, etsi opposita illis offendat ut voluntati bonum, & malum, id nihilominus merè naturaliter representat, atque efficit; Sicut sol habens virtutem producendi opposita, ut liquefactionem, & coagulationem; attamen intellectus suapte natura nequit se determinare ad unum magis, quàm ad aliud ex oppositis, quæ voluntati representat, sed potest voluntate concurrente, ac determinante se ad alterum illorum. Quia vero Philosophus (ut tactum est) communiter loquitur de intellectu, quatenus cum voluntate unum principium constituit respectu artificialium, & non inquantum est naturaliter elicitivus suæ operationis, hinc est quod aliquando contra naturam distinguit intellectum, etsi ex se non sit nisi principium naturale.

Ad secundum respondeo, nobis sermonem esse de principiis adequatis, & completis, non vero de inadéquatis, & partialibus. Intellectus itaque divinus non induit rationem principii productivi notitiæ genitæ, nisi quatenus sibi est præsens objectum infinitæ intelligibilitatis; principium ergo productivum per modum naturæ est intellectus habens objectum sibi præsens. Ex his enim constat memoria perfecta in actu primo. Si enim essentia, ut objectum non haberet rationem principii in Verbi productione non esset, cur magis diceretur Verbum essentiæ, quam lapidis, si ex sola infinitate intellectus, ut principii productivi posset produci Verbum infinitum, quocunque alio objecto præsentè.

Ad tertium, negandum esse assumptum. Et cum primo probatur, quia omnia principia reducuntur ad essentiam; & sicuti aliquid se habet in actualitate, ita & in activitate. Responsio, concedendum est perfectiones divinas originari ab essentia, atque ita reduci ad illam in entitate; sed tamen non propterea reducuntur ad eandem in ratione principiandi, quasi unica, pro essentiæ unitate, sit in Deo vis principiandi. Etsi enim essentia una res sit cum suis perfectionibus, quæ ab illa originantur, ipsa tamen non intelligitur proximè principium productivum, nisi quatenus intelligens, & volens: Hæc igitur principia minimè coincidere possunt cum essentia formaliter, quia tunc essentia à seipsa realiter distingueretur. Essentia igitur divina dat esse, & principiari; & ratio prin-

ciandi reducitur ad essentiam, sicut ratio agendi ad rationem efficiendi, quam necessario supponit; sed non propterea rationes principiandi, quæ sunt proprietates reducuntur ad essentiam in ratione principiandi, cum illæ præcisè sint primæ rationes principiandi.

Cum secundo probatur, quia modi principiandi contingenter, & necessario uniuntur in voluntate divina. Respondeo, propterea quod neutrum ex his principiis includat aliquam imperfectionem, unum ad alterum, aut ambo ad tertium ali-quod reduci non potest, ut declaratum fuit in solutione. Etsi ergo divina voluntas causet creaturas contingenter, & necessario spiraret Spiritum Sanctum, non exinde tamen sibi conveniunt modus principiandi, qui est naturalis, & alter illi oppositus, qui est per modum voluntatis; imo unico duntaxat prædita est modo principiandi, qui est ei essentialis, seu causet creaturas, seu spiraret tertiam personam.

Ad quartum respondeo sic: Memoria in Patre est sibi principium operativum, quo nimirum, ut actu primo formaliter intelligit: & in super eadem memoria est illi principium productivum, quo producit notitiam genitam; qua notitia prioritate originis prior est memoria secunda. Sed existimandum non est, actum hunc productivum fundari super operationem essentialem, quasi ea sit ratio formalis producendi notitiam genitam; quia etsi ordine quodam præexigat actum, aut operationem improductam, attamen quatenus primum principium prius est operans, quàm producens, sola memoria est ratio producendi Verbum, & non intelligentia Patris; ut explicabitur infra in 2. incidenti.

Cum itaque subditur, potentias distingui per actus ex 2. de Anima: Responsio: quasi producere, & producere videtur actus ejusdem rationis. Si enim illud, quod non producitur, sed quasi producitur, esset realiter à producente distinctum, revera foret realiter productum; igitur quod modo reperitur in Deo sine vera productione, tamen ratione principii, quod revera produceret illud, si posset realiter distingui, ut proinde dicatur quasi productum, non variat formaliter actum ab illo, quo produceretur, si foret producibile.

#### ARTICULUS INCIDENTIS I.

Utrum in Deo possint esse plures productiones ejusdem rationes.

Doctor Quodlib. quæst. 2. In Report. primo distinct. 2. quæst. 7. S. Thom. 1. part. quæst. 27. articulo 5. §. Ad tertium.

VIDETUR in divinis esse posse plures productiones ejusdem rationis. Etenim ubi principium est ejusdem rationis, & terminus formalis ejusdem rationis, ibi est productio ejusdem rationis: Sed essentia divina, quæ est ejusdem rationis, est principium productivum, item & terminus formalis cujuscunque productionis; igitur quælibet productio in divinis est ejusdem rationis cum quacunque. Major videtur haberi ex 5. *Phys. tex. 4. & 18.* nam non apparet qualiter productio distingui possit, nisi vel ex principio formali, vel ex termino. Minor probatur; Illud est principium formale, & terminus formalis, in quo producens assimilatur producto, & præcipue quando est productio univoca: Sed prima assimilatio producen-



et ad productum in divinis est essentia ipsa, ut essentia; ergo ipsa est formalis terminus productionis, & formale principium producendi:

Præterea, Habens principium formale producendi perfectum, potest illo producere: sed Filius habet principium formale dicendi, seu generandi perfectum; ergo potest eo generare filium. Probatio majoris; nam ideo est suppositum potens agere, quia habet principium agendi, & maxime perfectum. Probatio minoris: memoria perfecta est primum principium dicendi, five generandi; Filius autem habet memoriam sicut Pater *5. de Trinit. cap. 7* non repugnant ergo in divinis plures productiones ejusdem rationis.

Præterea, Principium productivum in creaturis potest esse sufficiens pluribus productionibus ejusdem rationis: Sed incomparabiliter excedit Deifecunditas omnem potestatem principiandi in creatis; ergo multo magis principium productivum in divinis poterit in multas productiones ejusdem rationis.

CONTRA, Tota fecunditas ordinata in Deo ad Filii generationem exhauritur in unius Filii generatione; ergo non superest in Patre fecunditas impendenda alterius Filii generationi. Et confirmatur de voluntate respectu Spiritus Sancti. Assumptum ex eo est evidens, quia unico actu generandi semper manente produciuntur unus Filius semper manens, & ex eodem semper uniformiter se habente. Rursus: Actus adæquatus principio, & semper uniformiter stans non compatitur fecum alium ejusdem rationis actum de eodem principio activo procedentem; actus unus generationis in divinis est adæquatus suo principio, semperque stat; ergo est ei impossibilis alius ejusdem rationis.

RESPONDEO dicendum, in divinis omnino esse impossibiles plures productiones ejusdem rationis: idque supposita fide, qua certi sumus de Filii, & Spiritus Sancti productione, ratione necessaria posse ostendi, quarum unam deducentem ad impossibile hic tangemus, reliquas infra *q. 41. art. 6.* prosequuntur. Nam si in divinis forent possibiles plures productiones ejusdem rationis; igitur & infinitæ: ea autem admissa possibilitate, de facto, & necessario sunt infinitæ; quicquid enim est in Deo possibile, de facto inest de necessitate. Id autem est evidenter absurdum, & impossibile: ergo & antecedens, unde sequitur. Probatio primæ consequentiæ auctoritate, & ratione. Auctoritas est Augustini contra Maximum *lib. 3. c. 12.* *Abstulit, ut ideo potentior sit Pater Filio, ut putas, quia creatorem genuit Pater, Filius autem non genuit creatorem. Neque enim non potuit, sed non oportuit: & subdit, quare non oportuit? Immoderata esset divina generatio, si genitus Filius nepotem gigneret Patri, quia & ipse nepos, nisi avo suo pronepotem gigneret secundum vestram mirabilem sapientiam, impotens diceretur. Similiter etiam ille si nepotem non gigneret &c. non à vobis appellare, ut omnipotens, nec impleteretur generationis series, si semper alter ex altero nasceretur, nec eam perficeret ultus, si non sufficeret unus omnipotens.* Hæc ille. De mente igitur Augustini disertè habetur, si una persona producta productione unius rationis, satis non sit complenda fecunditati divinæ in eo genere, nec per quacumque alias eadem ratione posse compleri, atque ita de facto fore infinitas; five in directum procedendo, five ad eandem personam Patris comparando, ac imaginando duos, aut pluraquam unum Filium producere posse.

Rursus eadem consequentia probatur ratione. Nam quicquid multiplicari potest, vel communicari pluribus ejusdem rationis, non determinatur ex se ad certam pluralitatem, ut est evidens comparando commune ad sua singularia, & causam ad sua causata, & principium ad principia. Hæc omnia enim ex se ipsis non determinantur ad certam pluralitatem eorum, in quæ multiplicantur sub una, eademque ratione; Igitur quodlibet ex his, quæ ita plurificantur quantum est ex parte eorum possunt plurificari, ac in infinitis reperiri, nisi determinentur aliunde, quod sanè determinativum nequit esse ejusdem rationis: ergo si ex aliquo principio productivo in divinis sit pluralitas productionum ejusdem rationis, neque ex ratione productionis, neque principii ejus formalis erit determinatio ad certam pluralitatem, adeout eis non repugnet quæcunque pluralitas; igitur poterunt esse vel infinite productiones, & per consequens de facto essent infinitæ. Quod si infinitæ non sunt, nec esse possunt; oportet igitur principium productivum determinari ad certam pluralitatem, ultra quam se extendendi desit ipsi potestas. Quodnam est igitur determinativum principii productivi ad certam pluralitatem productionem ejus? Nam quoniam id accipere non potest, neque ex ratione productionis in se, neque ex parte ipsius principii nullum aliud videtur excogitari posse, quod efficiat eam determinationem. Non enim id evenire potest ab aliquo posteriori, quia cum à posteriori nihil habeat suam entitatem; ergo nec habere potest unitatem, nec certam subinde pluralitatem. Nec ab aliquo, quod sit simul natura cum illis productionibus. Nam qua ratione ipsa productio, quæ est unius rationis non determinatur ex se ad certam pluralitatem, pari ratione nec ab illo, quod est simul natura cum ipsa; Nec denique ab aliquo priori, quia illud prius vel est principium formale producendi, vel ipsum suppositum producentis. A principio productivo nequit esse determinatio ex prædictis: nec à supposito producente; quia in tot productiones potest suppositum ad quot se extendit principium productivum, quod est in supposito; Si ergo non est determinatio ex ratione principii formalis productivi, nec etiam ex parte producentis. Est ergo evidens hæc prius deducta consequentia. *Si in divinis esse possunt plures productiones ejusdem rationis: ergo & infinitæ*, quod est manifestè impossibile.

AD ARGUMENTA. Ad primum respondeo, majorem habere veritatem de principio formali omnimodo, seu completo, & pariter de termino tali correspondente principio; at essentiam divinam non esse principium ejusmodi productivum Filii, & Spiritus Sancti: Nam non est principium producendi notitiam genitam, nisi quatenus est perfectè præiens intellectui, adeout ex ipsa, & intellectu compleatur principium principalius notitiæ genitæ productivum, ac subinde non est principium amoris infiniti, nisi prout est præsens voluntati per actum cognoscendi. Quamvis igitur essentia sit altero concurrente præstantior, idest principalior, attamen hoc totum *intellectus infinitus habens objectum infinitum intelligibile sibi præsens*, est per se unum, & per se principium notitiæ genitæ. Confirmatur terminus adæquatus productionis non est sola essentia, sed persona producta. Propter ergo distinctionem concurrentium cum essentia ad productionem personarum; sunt istæ productiones alterius rationis, sicuti & illa principia pollent virtute principiandi alterius rationis.

Ex Report.  
loc. cit.  
S Thom.  
hic loc. cit.

Henric.  
rationes.  
Quodlib. 6.  
q. 1.



rationis. Et tamen si personarum productarum una sit terminus formalis principalis, qui est essentia divina: nihilominus, ut denominantur à proprietatibus constitutivis, sunt simpliciter alterius rationis: quia ille proprietates in se sunt primo dicens: illa tamen denominatio ex proprietatibus non efficit, quoniam terminus principalis sit idem, ac prioris ejusdem rationis: non sunt itaque illæ productiones ejusdem, sed alterius omnino rationis.

Ad secundum respondeo, quamvis in Filio sit eadem memoria, quæ in Patre, Filio tamen non esse principium productivum alterius personæ: quia quocumque forma est in aliquo supposito principium producendi productionem adequatam illi formæ, nequit esse alicui alteri principium pariter producendi: & ita revera memoria est Patri Principium producendi: quamvis ergo eadem sit in Filio, habere tamen non potest in ipso rationem principii productivi. Porro nobis est hic sermo de adæquatione omnimoda, ubi impossibile est actionem excedere principium formale agendi: memoria itaque sic est in Patre, ut habeat actionem sibi omnino adæquatam, adeo ut impossibile sit principium productivum excedere hanc dictionem, sicuti impossibile est in divinis dictionem esse nisi hanc, quia de se est hæc: alioquin, ut deductum est, posset procedere in infinitum. Quoniam ergo Filius recipit hanc formam, seu memoriam per productionem adæquatam non est in ipso principium productivum alterius notitiæ genitæ. Nam si secundum illam produceretur aut ergo se, aut alteram personam. Non se: quia id mens non capit, ex August. 1. de Trinit. cap. 1. nec alteram personam, quia illa productio existeret adæquata principio productivo. Ea igitur semel habita (ut revera positam fuisse oportuit per productionem Filii) est alia dictio ei principio impossibile: ipsi enim tantum inerat vis ad unum sibi omnimodè adæquatam terminum, quæ est dictio, vel notitia producta de se hæc, & ideo intrinsecè, & necessario immultiplicabilis.

Major itaque argumenti est concedenda: quia ex vi sermonis significatur suppositum propriè possidere formam, ut est principium actus, cum gerundivo significante actionem. Sed minor est omnino falsa, ut evidenter deductum est. Cum probatur, quia *memoria perfecta est perfectum principium dicendi*. Respondeo: eam propositionem esse mancā, & supplendam proinde per aliquid, quo significetur, cuinam sit principium dicendi: non enim cuicumque supposito est principium gignendi, quia non lapidis supposito, ac proinde suppleri debet, ut dictum est: & ulterius neganda, nisi Patris suppositum addatur.

Vel quia est indifferens ad supposita, concedi potest, memoriam esse principium quo dicendi absolute, nec plus exprimitur in illa minori, *Filius habet memoriam perfectam*: Sed exinde inferendo Filium habere principium perfectum dicendi, est fallacia Amphibologia, quia ex vi illationis notatur in conclusione comparatio actus dicendi, non solum ad principium formale quo, sed etiam ad suppositum, quatenus ab eo actus egreditur. Est etiam fallacia consequentis, quia in majori habetur actus significatus in gerundivo in universali, ad nullum suppositum comparatus: ac in conclusione determinatur ad certum suppositum, & non sequitur *actus est per hoc principium ergo est huiusmodi suppositum*: quia non omni supposito est omnis actus conveniens.

Quantum ad formam argumenti attinet, addendum est, quia habere contingit multipliciter ex

Tomus I.

Præterea licamentis. ap. de habere propriè dici non posse aliud formam habere in abstracto: Quomodo ergo tunc enunciat, intelligendum est, significari formam possideri eo modo, quo nata est haberi, id est, sicut formæ habitudo, & ratio postulat: & ita dicentes parieti inesse albedinem, intelligimus exprimere albedinem haberi à pariete, ut formam sibi ad hærentem. Ulterius nomen abstractum significans principium agendi constructum cum gerundivo significante actionem, natum est haberi à supposito, ut sit ei principium agendi illa actione, ut habere potentiam videndi; ea potentia nata est haberi à me, ut formam, & ut principium operandi, secundum ipsam. Quod etiam est evidens ex usu loquendi; etsi enim vera sit hæc, *Filius Dei sit generationem Patris*; non tamen istæ, *Filius habet potentiam generandi*; *Filius habet voluntatem generandi*: quia hac in constructione grammaticali non solum notatur abstractum haberi ut formam, sed etiam ut principium operationis egredientis à supposito, quod possidet formam. Consimiliter hic; *Michael scit Deum creasse mundum*, & *creationem mundi*; non tamen scit creare mundum. Quando ergo accipitur in majori, quod habet principium dicendi perfectum, potest per illud dicere, loquendo de habere propriè, sicut dictum est, abstractum haberi, concedo majorem; quia in subiecto includuntur illa, per quæ prædictum verè de subiecto enunciat. Notatur enim formam esse huic supposito principium agendi. Sed subiecta minor juxta hunc intellectum, est omnino falsa; quia etsi habeat memoriam perfectam, aliquo modo habendi, non tamen, ut formam: et si habeat ut formam, non tamen ut principium agendi, ut prius existeret declaratur.

Ad tertium est responsio hæc: Deus uno simplici actu omnia intelligit, & similiter omnia vult; unde in eo non potest esse processio verbi ex verbo, neque amoris ex amore, sed est in eo solum unum verbum perfectum, & unus amor perfectus: & in hoc ejus perfecta fecunditas manifestatur. Contra, hæc responsio supponit actus notionales esse immultiplicabiles ob unitatem actuum essentialium, qui ponuntur esse rationes formales productivæ rationalium. Id autem nos putamus esse falsum, ut declarabitur articulo sequenti. Ideo dicendum ad argumentum, utique in creatis idem principium posse se extendere ad plura producenda ejusdem rationis: quia nullum productum creatum est de se hoc, ac proinde nec aliqua productio ad tale productum terminata, est de se hæc. At in divinis, quemadmodum productum est ex se, & de se hoc, ita & ejus principiatio sit oportet de se hæc, & omnino immultiplicabilis, ut existeret declaratur.

Rationes in oppositum etsi probent verissimam, ac etiam lumine naturali notam conclusionem, quia tamen eas putamus minus efficaces, respondeo ad primam: illud vocabulum *exhaustiri* transferri ex corporalibus, igitur secundum aliquam analogiam debere translationem fieri. Apud nos itaque illud dicitur *exhaustiri*, quod ab alio sic extrahitur, ut non maneat ubi prius erat, ut aqua è puteo. Sic autem accipi nequit verbum *exhaustiri*, ut in causa applicatur divinis productionibus: Nam etsi personæ due producantur, non tamen est principii productivi fecunditas sic exhausta, ut non maneat in principio producente, quia verissimè manet, nullam passim diminutionem: Igitur si juxta aliquam similitudinem, verè dici possit fecunditas principii productivi exhausta

S. Thom. hic 6. Ad tertium. Hæc ratio non pugnat in fra art. 6. quæ 4. dicit.

Offenditur. Hæc ratio non est adeo efflicax, ac insidiosa, ut ipse latere fieri pari evidenti non possit.



prius productum, id profecto erit, quatenus non  
f. per se principio fecunditas respectu alterius  
arbitri producendi; quia quicumque alius est in-  
possibilis. Atqui est id verissimum sit iminus tam-  
en non verum per adductam rationem, quia in  
hoc sensu vero expressè petitur principium, &  
non ex eo probatur, cur altera productio repu-  
gnetque jam posite impossibilis, & cur de-  
nique sit respectu ejus principii productivi amo-  
ris exhausta fecunditas -

Verum ita arguens videtur probare intentum ex hoc, quia generatio illa semper fiat, & est de eodem principio, quasi de *quo*, & insuper de eodem principio quasi passivo, & ideo esse nequeunt simul plures productiones, sicut nec plures motus. Contra, quaecunque potentia posset habere alium actum, si actus quem habet. Semper non fiat, illa simpliciter potest habere alium actum. Probo hanc propositionem; Potentia naturaliter prior est actui, quidquid autem non repugnat priori naturaliter, nisi per illud, quod est posterior naturaliter, simpliciter non repugnat sibi si ergo actus alius non repugnat potentie, nisi quia potentia semper est sub isto actu, at illi non repugnat potentie illius actus; Sed potentia generativa in divinis ex eo, secundum opinantem, neque habet alium actum, quia illi actus semper fiat; ergo illa potentia absolute potest habere alium actum; & hoc in hoc non fit contradictio. Sed si potest habere alium actum, necesse est ut habeat. Nihil enim est ibi possibile, id est non involvens contradictionem, quin sit in actu; ergo sunt in divinis acti plures generationes. Consequentia est falsa: ergo altera præmissarum; non major; ergo minor, quæ est opinantis.

Confirmatur; Nam si potentia ex sui ratione non determinatur naturæ ad illam, etiam necessario, sed tantum ex eo quod actus semper manet; potentia usque prior possit ex eandem ad alium actum; ergo nulla est ratio, cur potius in illo, qui manet, quam alius, in quo absoluta potentia contentere posset; quoniam ergo neuter posset esse minus necessarius altero, vel uterque simul esset a potentia, vel neuter.

Non ergo probatur impossibilitas alicujus productionis quidem rationis ex eo quod actus semper fiat, aut quia potentia simul perfici nequit diversis actibus. Sed magis est accipiendum medium ad hanc ostendendam impossibilitatem ex ratione ipsius principii producti vi; adeo ut si per impossibile le generatio eterna Filii non semper faceret, aut si Pater actu transiente generaret adhuc nulla alia esset possibilis generatio: propterea quod principium productivum ex sua ratione formaliter est necessario determinatum ad hanc numero multiplicabilem. Nam non posita omnimoda necessitate ad unam productionem, adstruitur possibilis ad aliam, & sic binde necessitas, cum quidquid est possibile inesse divinitati, necessario insit.

Secunda ratio de adequatione non concludit. Nam in maiori non intelligitur de adequatione precise intensiva, aut de intensiva, & extensiva. Si accipitur adequatio intensiva tantum, ex hac adequatione non concluditur impossibilitas alterius productionis, cum alia esse possit possibilis, ad non una maiore causa ista, et perinde non est minus, quam esse simpliciter impossibilis. Si vero accipitur adequatio in sensu posteriori, minor non probatur, ad ex hoc, quod unica productio semper fiat: quam propositionem jam expendimus supra.

Est ergo intelligenda, & declaranda hæc adequatio secundum ea, quæ supra tetigimus respondendo *ad secundum*, quatenus scilicet impossibile est actionem excedere principium formale agendi, quia id ita est ad hanc determinatum, quod si eam non eliceret, impossibile foret aliam habere. Cum enim fit de *hoc*, ac determinatissimum, quia in ultima actualitate, ejus actio, vel dictio est pariter determinata, ac de *se hæc*, ideoque immultiplicabilis, non solum respectu sui, sed ex ratione principii, adeo ut si per impossibile hæc ipsa non esset, nulla alia esse posset: perinde ac si per impossibile Deus non esset, nullus alius profecto esset quia si, Deo per impossibile non existente, alius ejusdem rationis esse posset: ergo Deus existens non foret in ultima actualitate, nec de *se hic*, quia alius esset possibilis: id vero est omnino impossibile.

ITERUM ARTICULUS INCIDENS.

Utrum ex numero operationum rectè inferatur  
 numerus processionum divinarum, adeo  
 ut illæ sint formales rationes.  
 harum productivæ.

Doct. 1. *Diff. 2. quæst. 7. §. Ad questionem*  
*3. & Contra ista, in Repert. ibidem*  
*quæst. 8. Thom. 1. par. quæst. 27. art. 5.*  
*in solutione, & art. 1. ubi*  
*Capitulus in Communi-*  
*catio f. 20. rati-*  
*ones Doctoris.*

**V**IDETUR numerus divinarum processio-  
num essentialiter pendere, ac commensu-  
rari numero immanentium operationum; pro-  
pterea quod harum ille sint principia productiva.  
Nam intellectus nullus est omnino infœcundus,  
& incensus proli producentis; oportet igitur ipsum  
fœcundari; non fœcundatur autem, nisi per sim-  
plicem actum intelligenti sibi ab objecto impres-  
sum, quo accepto reflectit supra se, & media no-  
titiæ simplici proli sui generis, seu prolem paren-  
tis fœcundat ergo intellectus, ut informatus notitiâ  
essentiali est principium cœcivum notitiæ generis.

Præterea, Intelligentia est in Patre sub propria ratione intelligentiæ: sed propria perfectio intelligentiæ, ut intelligentia, est Verbum, dicente Augustino 1. g. de Trinitate cap. 13. *Verbum est esse de esse*: ergo Verbum est in intelligentia Patris, ut Patris.

Præterea, Non videtur differentia inter memoriam, & intelligentiam in Patre, cum una, eademque res sit; ergo perinde est Patrem gignere Verbum quatenus est memoria, ac gignere, ut intelligentia; est ergo Verbum de paterna intelligentia, ut de memoria.

Præterea, Non magis posset Verbum productum per dictionem, quam per essentialē operationem: uterque enim effectus secundus, ac principiatum virtutis ejusdem actus primi; igitur gratis affirmatur Verbum esse à memoria secunda, non vero per intelligentiam; ac perinde quoniam eadem est ratio de amore essentiali; pro numero immanentium operationum erit multiplicitas productionum.

Patet, & Eiusdem potentie non sunt duo  
actus, 2. de *Anima* text. 33. sed gignere Filium,  
five dicere Verbum, est potentie intellectivæ, &  
intelligere similiter : ergo dicere est formaliter  
aliquid intelligere, & non nisi Patris, ut Patris :  
ergo

Et secundum  
hanc exposi-  
tionem est in-  
telligendus  
Doctor, quo-  
ties uti vide-  
tur hoc argu-  
mento Henri-  
ci de *adequa-  
tione* ut 1. dist.  
2. qu. 7. nu. 3. 7.  
& Ad tertium,  
¶ 6. Dico tunc  
ad *questionem* V.  
Uterius nu-  
18. ¶ *alibi*  
Videnda  
gloss. Lycheti  
super *quæst.* 2.  
Quodlib. n.  
21. & 46.

1. dist. 6. In  
ista questione.



ergo intellectio Patris ut Patris est Verbi productio.

Præterea, Si dicere Verbum non esset actus intelligendi, igitur si per impossibile Pater non foret intelligens posset Verbum producere; Id autem implicat manifestam contradictionem; ergo immanens operatio est ratio formalis producendi Verbum. Probatio minoris; quia suppositum non intelligens, nihil dicere potest; ergo si Deus per impossibile destitueretur operatione immanente, nihil omnino produceret. Probatur igitur sequela: Causa comparata ad duos effectus ordinatos, essentialiorem habet ordinationem ad effectum utrumque, quam sit unius effectus ad alterum: si enim ordinantur ad invicem propter ordinem eorum ad causam; igitur sublata ordinatione horum effectuum, ut mutuo se se respiciunt, adhuc superest ordo alterius ad causam; igitur si per impossibile Deus non intelligeret, adhuc Verbum producere posset; quod est evidenter impossibile.

CONTRA, Secundum August. 15. de Trinit. cap. 7. Verbum non gignitur ab intelligentia, sed à memoria; ergo etsi in Patre concurrant memoria, intelligentia, & voluntas, ipse tamen non gignit formaliter Verbum intelligentia ut quo, sed memoria. Non igitur ut habet actum immanentem intelligendi, est formaliter Verbi productivus, sed quatenus est in actu memorig, id est, ut habet objectum intelligibile præsens intellectui suo.

RESPONDEO, Quidam existimantes processiones in divinis multiplicari ad numerum operationum immanentium, putant ipsam intelligentiam esse principium quo productivum Verbi: cum enim omnis processio sit secundum aliquam actionem, sicut secundum actionem, quæ tendit in exteriorem materiam, est aliqua processio ad extra, ita secundum actionem, quæ manet in ipso agente, attenditur processio quædam ad intra: quod præcipue est evidens in intellectu, cujus operatio manet in intelligente; per actionem igitur ejus, quæ est intelligere, Verbum præcedit, atque eadem est ratio de amore essentiali voluntatis. Dicere igitur est intelligere exprimendo, vel exprimere intelligendo. Contra, Nedom hæc positio videtur deviare à mente Augustini, disertè statuentis memoriam principium quo Pater gignit Filium, ut actum est ad oppositum; sed etiam excluditur rationibus. Primo, quia propria productio est attribuenda actui primo, tanquam principio productivo, non vero actui secundo: Operationes enim perfectæ ex propria ratione sunt fines, ultimæque perfectiones nature intellectuales, & non appetuntur, aut eliguntur gratia aliorum finium; ergo intellectio, ut est operatio Patris, non est ratio formalis productiva alicujus termini; cum in ea consistat ipsius beatitudo, ac ultima perfectio, præsertim de sententia opinantis: Sed potius actus primus, cujus etiam virtute elicitur illa operatio, erit pariter & principium productivum notitiæ genitæ. Deinde etiam si actualis intellectio Patris esset ratio formalis, quod producit Verbum, adhuc tamen objectum sub ratione infiniti intelligibilis præsens intellectui Patris, erit principium per prius productivum notitiæ genitæ. In nobis enim apparet prius, & immediatius competere memoriæ gignere, quam actui intelligendi; ergo aliud Verbum prius erit genitum à Patre ut à memoria, quam sit illud, quod dicitur produci ab intelligentia. Rursus, Verbum est immediatius verbum illius, à quo immediatius exprimitur; ergo si ratio elicitiva Ver-

bi sit actualis notitia, qua est in actu intellectus Patris, perfectio Verbum erit immediatius expressivum intelligentiæ Patris, quam essentia Patris: Quod videtur inconveniens; quia tunc aut esset prius aliud Verbum, quod immediatè foret declarativum essentia Patris: aut certe illa essentia non posset declarari immediatè per aliud Verbum, cujus tamen oppositum sentit Augustinus 15. de Trinit. cap. 11. dicens, notitiam formatam ab ea re, quam memoria continens. verbum esse: Primum autem objectum memoriæ divinæ est essentia, ut essentia; ergo ipsa maxime, & immediatissime per verbum declaratur. Denique, si actualis intellectio Patris esset genita, utque gigneretur virtute essentia, ut prior omni cognitione, quia alioquin daretur processus infinitum in actibus intelligendi; ergo notitia genita, quæ verè à Patre proficitur, est ab eadem essentia, sive à memoria secunda immediatè, à qua esset notitia simplex, si verè produceretur. Probatio consequentiæ, Notitia, genita, & notitia essentialis sunt ejusdem rationalis: nam si per hoc, quod altera est communicata, altera vero non communicata, essent alterius rationalis; igitur etiam Deitas hinc subiret diversitatem, cum in Patre non sit communicata; in aliis vero personis sit communicata: Quod igitur natum est esse principium quo respectu unius, si foret principiabile, idem omnino erit principium respectu alterius, quod revera principiatur.

Propter hæc igitur dicendum, eandem memoriam Patris esse principium immediatum tum operationis, seu simplicis intelligentiæ, & pariter principium immediatè productivum notitiæ genitæ, adeo ut is actus productivus non fundetur super actum essentialem, quasi super rationem formalem, qua eliciatur, verèque principietur notitia genita; quamvis alioquin actus productivus præexigat quodammodo operationem immanentem. Actus enim primus, qui est memoria secunda, est operativus, & productivus: & quoniam operatione perficitur suppositum, prius intelligitur operatione propria sibi quæ immanente perfectum, & exinde productivum, vel producens: quamvis utrumque de uno, eodemque actu primo immediatè proveniat: etsi per prius sit operans, quam producens. Exemplum, si lucere poneretur aliqua operatio in luminoso, & illuminare diceretur productio luminis: lux in luminoso esset principium quo & respectu operationis, quæ est lucere, & respectu productionis, quæ est illuminare: nec tamen lucere esset, aut dici posset ratio formalis productiva illuminationis: sed tantum intelligeretur ibi ordo, quasi effectuum ad eandem causam ordinatorum, de qua tamen causa unus immediatius altero exit, atque procedit. Ita in casu, ad eundem actum primum, qui est memoria Patris, ordinem intelliguntur habere intelligere, quod est operatio Patris, & dicere quod est producere Patris, respectu notitiæ genitæ, non talem nihilominus ordinem, quasi operatio sit principium elicitivum productionis Verbi: quamvis immediatius intelligere sit quasi productum à memoria Patris, quam ipsum dicere, quo producit Verbum Patris. Nam quemadmodum Pater non producit, ut exinde sibi aliqua perfectio accedat, est enim agens ex plenitudine perfectionis, & omnimodæ liberalitatis, ut articulo primo exiit: declaratum, ita nec operatur ut producat, seu gratia productionis: quia tunc non videretur omnino perfecta operatio, nisi productione representata, nec esse agens subinde ex plenitudine perfectionis.

Videnda glossa Lycheri acutè, nè hæc commentantur.

1. dist. 2. q. 7. cit. 6. Articulus secundus dubium. 2. 22

1. dist. 2. q. 7. cit. 6. Articulus secundus dubium. 2. 22

Cajet. in 4. d. 1.

2. dist. 1. q. 7. cit. 6. Articulus secundus dubium. 2. 22

3. Thom. locis cit. & Cajetanus. Sed & Henric. in Quodlib. & in summa prout apud Doctorem annotatorem, quem directe Scotus impugnat, sed rationes æque faciunt contra sententiam. S. Thomæ; ille scilicet, quæ habentur 6. secundus articulus, & in Report. loco cit. Videnda etiam Colla tio 26.



ctionis, & liberalitatis infinitæ.

AD ARGUMENTA. Ad primum respondeo, utique intellectum secundum se consideratum non esse secundum, sed quatenus est sibi præfens obiectum infinitum sub ratione intelligibilis; ex utroque enim conflatur principium adæquatum prolis producendæ, seu notitiæ expressivæ ejus, de quo est: ut probatum fuit in *solutione*. Et cum subditur, ipsum secundum se simplicem notitiam sibi ab objecto impressam. Falsum est, operationem intellectui ab objecto imprimi: imo eam ab utroque esse, cum per illam uniatur potentia objecto eo modo, quo quasi producitur, declarabitur in *ap. præ* etiam cum ibi non sit ponendum nec principium passivum, nec quasi passivum. Quod si intelligatur intellectum per prius esse operativum, quam productivum, id non diffitemur; Sed non propterea operatio illa est ratio formalis elicitiva productionis Verbi; quia utraque est immediatè ab eodem principio. Ad reflexionem intellectus super se, quod attinet, negamus, ipsam esse omnino necessariam Verbi productioni; Nam intellectus Patris habens obiectum sibi præfens, est naturale principium, nedum operativum notitiæ ingeniæ, verum etiam productivum prolis, circumscripta etiam ejusmodi reflexione. Rursus, hac conversione admissa, ipsa utique esset alicujus suppositi; est enim actio, & actiones sunt suppositorum: Non suppositi Filii, cum per illam Filius producatur: igitur suppositi Patris: igitur notitia genita esset in Patre. Si enim intellectus Patris, ut Patris habeat intellectum formatum notitia simpliciter, ut productivum illius notitiæ, imprimendo illam (ut putat opinans) in intellectu Patris, ut Patris: ergo Pater haberet in se formaliter illam notitiam, & Filius persona esset formaliter in Patre, atque ita si Pater foret sapiens sapientia genita, quod est omnino falsum: Sed infra *qu. 4. art. 3.* declarabitur in Deo non esse materiam, nec quasi materiam, ejus contrarium supponit illi, ejus est ratio, quæ solvitur.

Ad secundum, concedenda est major: Siquidem in Patre est formaliter memoria, intelligentia, & voluntas, ut disertè scribit August. 15. *de Trinit. cap. 7.* adeo ut verissimè intelligat, velit &c., per perfectiones non ab alio acceptas, sed à se habitas. Et cum subditur, propria perfectio intelligentiæ est Verbum. Nego hanc propositionem: quia de ratione Verbi est esse notitiam genitam. Nec est satis ad Verbi expressionem esse notitiam declarativam, Si declarativum dicar tantum respectu rationis: quia id rectè intelligitur competere quoque notitiæ essentiali ingeniæ: ea enim declaratur quicquid est in memoria Patris, quemadmodum & declaratur per Verbum, & tamen Pater non est sapiens sapientia genita, sed magis intelligit per ingeniæ, & à se: igitur Verbum, & Filius, & notitia genita insuper dicit relationem realem ad personam dicentem, seu producentem, & gignentem. Et cum probatur, quia Verbum ex Augustino est *visio de visione*. Respondeo, ea locutione Augustinum nihil aliud intelligere, nisi actum secundum, qui est visio, vel cogitatio in intelligentia, nasci de actu primo, quæ est visio habitualis, vel scientia. Vel certè, quia productio Verbi sequitur ad operationem essentialem Patris, verè Verbum, quod est visio, nascitur de visione illa essentiali, modo præexposita in *solutione*.

Ad tertium respondeo sic, ex quo Filius pro-

ducitur formaliter per modum naturæ, & non producitur formaliter per modum voluntatis: ea utique differentia est concedenda inter intellectum, & voluntatem, quæ tanta est, ut virtute ejus unum ex illis esse queat principium elicitivum unius productionis, ejus alterum nequeat tale principium esse. Quamvis igitur realiter non differant memoria, & intelligentia Patris, est tamen tanta differentia inter illa, ut alterum sit principium elicitivum productionis alicujus genitæ notitiæ, ejus reliquum non sit perinde principium formale productivum. Ex illa ergo identitate divinarum perfectionum non sequitur illata conclusio.

Ad quartum dicendum, hanc propositionem esse per se, & immediatam *operatio in quantum operatio non est productiva*: quia operationes, ut tales sunt fines, & perfectiones operantis: productio autem ut productio non est perfectio producentis, sed habens terminum productum extra essentiam producentis, vel saltem non includitur formaliter in persona producentis. Quia igitur *intelligere* est operatio, & ultima perfectio intellectus divini, non possumus ipsi attribuire productionem Verbi, sed memoriæ secundæ, ut dictum est.

Ad quintum respondeo, quod *intelligere* in divinis non sit formaliter *dicere*, ut directè concludere intenditur, ex hoc videtur evidens, quia ipsum *intelligere* est perfectio simpliciter, quia Deus secundum intellectum est formaliter beatus intelligentiæ, & secundum voluntatem volitionis; non est autem beatus nisi perfectione simpliciter: *dicere* autem non est perfectio simpliciter: quia tunc Filius, & Spiritus Sanctus non forent simpliciter perfecti, quippe qui non dicunt, seu gignunt aliquam personam. Cum autem id probatur ex 2. *de An.* quia ejusdem potentie non sunt duo actus. Responso, id esse verum de actibus adæquatis, non vero quam non adæquantur potentie; in casu vero nec operatio sola adæquatur intellectui infinito, nec dictio sola, quanquam unaqueque sit in suo ordine adæquatissima; qui tamen ordines, & actus sunt alterius rationis, ut ostensum est.

Ad ultimum dico, conclusionem inferri ex assumpto accipiente non causam, ut causam; Concedo enim Patrem non producturum Filium sibi æqualem ex hypothesi impossibili, quod non intelligeret; at id non esse eo quod intellectui sit ratio formalis Verbi productiva, sed quoniam cum operatio illa sit ultima operantis perfectio, & beatitudo, ea ablata, Pater esset simpliciter imperfectus, quod & dixit Philosophus 12. *Metaph. tex. c. 51.* impossibile esset ergo nasci ex eo Verbum, & Filium ejusdem perfectionis cum Patre; imo nullo modo nasceretur. Nam de facto gignitur ex plenitudine perfectionis, & omnimodæ liberalitatis. Cum ergo foret impossibilis tunc Patri is modus producendi, & ipsa productio subinde illi repugnaret, & productum non esset Deus, quia nec produciens. Hæc igitur hypothesis destruit suppositum, nec est admittenda. Quod vero aliquid necessario præexigatur aliquando, esto non sit causa alterius productiva, evidens est. Nam si prærequiratur ut conditio, eundem est habiturum effectum: causa ergo, cur sint immultiplicabiles actus notionales: ea est, quam articulo *precedenti*, in medium attulimus; & non quia causæ harum productivæ sunt actus effectuales.



# QUÆSTIO VIGESIMAOCTAVA

## DE RELATIONIBUS DIVINIS,

### IN QUATUOR ARTICULOS DIVISA.

Deinde considerandum est de relationibus divinis.

#### ET CIRCA HOC QUÆRUNTUR QUATUOR.

- I. Utrum in Deo sint aliquæ relationes reales.
- II. Utrum illæ relationes sint ipsa essentia divina, vel sint extrinsecus affixæ.
- III. Utrum possint esse in Deo plures relationes realiter distinctæ ab invicem.
- IV. De numero harum relationum.

#### ARTICULUS I.

Utrum in Deo sint aliquæ relationes reales.

Doctor Quodlib. quæst. 3. §. De primo.  
S. Thom. 1. par. quæst. 28.  
articulo primo.



IDENTUR in Deo non  
reperi aliquæ relationes  
reales. Nam secundum  
Boetium de Trinit.  
lib. 1. cap. 12. *Similis est  
in Trinitate relatio Pa-  
tris ad Filium, & veri-  
usque ad Spiritum San-  
ctum, est ejus, quod est  
idem, ad id, quod est idem.*

Sed relatio ejusdem ad seipsum est relatio ratio-  
nis, & non realis; quæ utique non nisi in ex-  
trema realiter distincta versatur; ergo Boetius  
directè negat relationes in Deo esse reales.

Præterea, Si reales relationes reperirentur in  
Deo, utique de ipso predicari possent, ac subinde  
denominari pro ratione formæ inhærentis: sed  
Boetius expressè negat ad aliquid de Deo enun-  
ciari; verba ipsius de Trinit. cap. 6. sunt ista; *Hæc  
(cilicet prædicamenta) cum quis in divinam ver-  
terit prædicationem cuncta mutantur, quæ prædi-  
cari possunt, ad aliquid verè omnino non potest  
predicari;* igitur non sunt in Deo aliquæ ratio-  
nes reales.

Præterea, Eatenus forent adstruendæ relationes  
reales in divinis, quatenus prima persona est se-  
cundæ principium, & ambæ tertiam principiant;  
sed ex eo non cogimur id admittere; ergo non est  
tenendum, in Deo reales relationes reperiri,  
Probatio minoris: Deus est principium omnium  
creaturarum, & nihilominus exinde non statuitur  
in ipso ulla relatio realis ad creaturas; ergo nec  
fieri ponenda propterea, quod una Persona est  
alterius principium.

Præterea, Admissis in Deo relationibus reali-  
bus; igitur Personæ divinæ essent unum quid ex  
relationibus, & essentia constitutum, adeo ut re-  
lationes ipsi essentiæ adherere intelligerentur:  
Non enim essentia esset in relationibus; oportet  
igitur relationes fundari in essentiâ; esset igitur  
hæc respectu relationum quid potentiale. Nec  
enim alia ratione ex utrisque intelligi posset coa-  
lescere aliquid unum.

Præterea, Secunda Persona refertur ad pri-  
mam, quatenus est declarativa essentiæ divinæ;  
est enim Verbum Patris, & imago illius: Sed hæc  
omnia ei in unum per solum respectum rationis: ut  
enim se habet intelligibile ad intellectum, ita de-

clarativum ad declaratum: constat autem non re-  
ferri intelligibile ad intellectum, nisi per respec-  
tum rationis; ergo relatio, qua constituitur se-  
cunda Persona est respectus rationis: Est porro  
eadem ratio de una, ac de cæteris divinis perso-  
nis; ergo non sunt in Deo reales relationes,

CONTRA, Boetius de Trin. cap. 12. *Substantia  
continet unitatem, relatio multiplicat Trinitatem.* r. dist. 8. q. 3.  
n. 24.

Est igitur in Deo relatio, uti & Trinitas Personarum.  
Hæc autem subsistentialis individua, &  
sancta Trinitas, realis, verissimèque est; ergo &  
relatio, eam efficiens multipliciter, est realis.

RESPONDEO dicendum relationes, quibus di-  
vinæ Personæ mutuo se respiciunt, suntque earundem  
processionum expressivæ, verissimè esse  
res, & reales subinde. Ad cujus evidentiam sciendum,  
nomen hoc *res* æquivocam habere signifi-  
cationem; nam ex usu loquentium *res* accipi  
potest communissimè, communiter, & strictissimè.  
Et sub prima quidem acceptione quicquid non  
includit contradictionem (idenim dumtaxat est  
verissimè nihil, omne penitus esse & extra intelle-  
ctum, & in intellectu excludens) quæcumque esse  
habeat, seu per intellectus considerationem, uti  
sunt respectus rationis, qui & secundæ intentiones  
dicuntur, sive nullo intellectu cogitante, id  
ex se possideat, quo sensu Avicenna 1. Metaphy.  
sua cap. 5. videtur loquutus, cum ait, ea quæ sunt  
omnibus generibus communia esse intentiones  
rei, & entis. Omne, inquam, tale verè aliqua res  
est, & dici potest. Secundo autem modo strictè  
rem *res* habet significationem sicuti nempe accipitur  
à Boetio de Trinit. cap. 10. distinguente rem  
contra modum rei: *Pater, inquit, quæ sit differen-  
tia prædicationum, & pater quod alia quidem quasi  
rem monstrant: alia vero quasi circumstantias  
rei. Quodque illa, quæ ita prædicantur, ut esse ali-  
quod rem ostendunt. Illa vero ut non esse, sed po-  
tius extrinsecus aliquid quodammodo affigant.* Dis-  
tinguendo igitur rem contra circumstantiam,  
vult per tria solummodo genera, substantiam ni-  
mirum, qualitatem, & quantitatem rem monstra-  
ri; alia vero prædicamenta rei circumstantias  
dumtaxat ostendere. Juxta igitur hanc secundam  
acceptionem nomen *res* significat aliquid ens ab-  
solutum, distinctum contra circumstantiam, sive  
modum, qui importat habitudinem unius ad al-  
terum. At juxta propriam simam acceptionem *res*  
solum substantiam importat, secus ubi quid Philo-  
sophus 7. Metaphy. tex. c. 1. dicit, *Ad evidentiam  
dicuntur entia, quia sunt entis: idem habet infra  
cap. 3. atq; in eandem loquens sententiam in prin-  
cipio 4. dicit, quod quemadmodum medicinale,  
& salubre multipliciter dicitur, ita & ens. Itaque  
ens simpliciter, & juxta potissimam acceptionem  
ejus, est sola substantia, ei enim per se, & primo*

con.

1. Report. dist.  
26. q. 3. nu. 11.

9. Metaphy.  
qu. 12. nu. 8.

1. dist. 8. q. 3.

1. dist. 30.

1. Report. dist.  
5. qu. 3.

1. dist. 2. qu.  
7. n. 24.  
Contra ista.



convenit *esse*. Sub primo itaque membro continentur ens rationis, & ens quodcumque reale. Sub secundo, ens reale, & absolutum. Sub tertio denique cadit tantum ens reale, & absolutum, & per se. Excludendo igitur relationem in divinis a ratione entis, & rei prout his nominibus significatur ens absolutum, & per se. Declaratur, relationem esse ens reale, prout entis ratio attribuitur omni ei, quod est independentem ab intellectu consideratione: Etenim habitudo consequens extrema realia, & realiter distincta, idque ex natura rei, seu independentem ab anima, utique est realis; quia secundum rationem suæ entitatis est res in suo ordine: Sed ejusmodi sunt relationes in divinis; sunt enim habitudines consequentes extrema, quæ sunt divinæ personæ ex natura ipsorum extremorum; adeo ut non sint ex intellectus consideratione, sed de potentia verissimè productiva, & generativa Filii, & spirativa Spiritus Sancti. Quemadmodum igitur prima Persona verissimè gignit secundam, ita verissimè est Pater paternitate, & persona genita est Filius filiatione, & tertia est spirata passiva spiratione. De quibus processionibus fusc dictum est in precedenti questione.

1. Report dist.  
26. q. 4. nu. 9.

AD ARGUMENTA. Ad primum respondeo, Boetium eo loci accepisse *idem* neutraliterati expressè quoque accipit cap. 4. cum ait, Patrem, Filium, & Spiritum Sanctum esse *ejusdem* replicationem; ejusdem scilicet neutraliter. Est igitur verum hoc sensu, relationem Patris ad Filium, esse sicuti relationem identitatis; quia verissimè sunt unus, ejusdemque essentia. Sed ille negat (ut patet ad oppositum) relationes nas esse rationis, seu ejusdem ad se, ut *idem* supponit pro supposito masculino: imo & catholicè proficitur per eas multiplicari Trinitatem Personarum.

2. dist. 1. q. 4. d.  
Ad primum  
alterius opinionis.

Ad secundum respondeo ex dictis supra qu. 3. art. 8. Quoniam nihil enunciatum de Deo clauditur sub aliquo genere, etsi de illo substantia, aut aliquod prædicatum enuncietur, in quo convenit cum creaturis, omnino oportet ejusmodi prædicata non accipi ex genere aliquo, sed magis esse transcendentia, ac præcingere ab omnibus illis appendicibus, quæ consequuntur eadem, ut in genere. Unde & ait Boetius *ibidem* cap. 5. loquens de his prædicatis; *Hæc igitur talia sunt, qualia subiecta permiserint*. Quia igitur illud subiectum omnimodæ est perfectionis, non permittit de se verè enunciari aut substantiam, aut relationem, ut spectant ad genus. Sicut itaque cuncta prædicata absoluta, quatenus illi verè attribuuntur, mutari necesse est, quia transiunt in id quod est super omnem substantiam, ita ad aliquid de eo nequit prædicari, quia genus est; quia id profecto nedum non permittit subiectum, sed etiam sibi repugnat: attamen verissimè de divinis personis prædicantur, quemadmodum per ipsas ad invicem distinguuntur.

3. dist. 3. q. 5. &  
dist. 30.

Ad tertium dicendum, consequentiam esse nullam, cum ex negatione relationis Dei ad creaturas, negatur relatio realis effectiva, vel ostensiva distinctionis realis divinarum personarum. Nam quoniam nulla est coexistentia Dei respectu creaturarum, cum nulla existente perinde se haberet, implicat ipsum referri realiter ad creaturas, ut existit declaratum *quest. 3. & 9. de Simplicitate*, & *Immutabilitate* primi principii differentes. At propterea quod Pater Filium gignit de necessitate naturæ, & uterque spirent Spiritum Sanctum necessario necessitate de libera ipsorum voluntate, infinitaque perfectione proveniente, evidens est

inter divinas personas reperiri mutuam coexistentiam non ex indigentia, aut ulla dependentia ortam, sed de plenitudine omnimodæ perfectionis personarum producentium, obquam Patri complacet gignere Filium sibi equalem, & utrique spirare amorem subsistentem. Quemadmodum ergo repugnat primum referri realiter ad creaturas, ita impossibile est divinas personas non habere relationes reales saltem Paternitatis, Filiationis, & passivæ Spirationis.

Ad quartum, concedendum est relationes personales in divinis esse in essentia, seu Deitate, sed negandum fore actus ejus, vel essentiam exinde ullam rationem potentialitatis subire. Nam paternitas est in Deitate, ut suppositum in natura, & Deitas in Patre, ut natura in supposito: nec propterea oportet unum esse actum alterius habentis rationem potentia. Nam relationes non determinant naturam, sed sunt proprietates constitutivæ suppositorum (ut ait Damascenus. *lib. 1. cap. 2. & lib. 2. cap. 6.*) quæ supposita sunt in natura. Eodem itaque modo essendi, quo suppositum est in natura, proprietas est in natura: Et quia hæc natura nulla ratione est actuabilis, cum sit de se hæc, ac in ultima perfectione actualitatis; ita quamvis proprietas sit proprius actus personæ, non tamen ullo modo esse potest actus perficiens naturam.

Ad quintum respondeo, rationem *declarativam*, ut ea importatur respectus rationis, non esse proprium Verbi, sed tamen illi appropriari propter modum productionis suæ. Propria ergo ipsius est ratio notitiæ genitæ: Ea enim importatur vera, & constitutiva proprietas Filii, per quam refertur realiter ad Patrem. Non magis igitur Verbo convenit esse declarativam notitiam essentia divinæ, quam sit notitia declarativa Pater, & Spiritus Sanctus.

In Report. loco cit. & 1. dist. 5. q. 2. 6. Tertio principaliter.

De his infra qu. 41. art. 2.

Quodlibet. q. 8. & loco cit. & 1. dist. 2. q. 7. & dist. 12. q. 2. Ad oppositum.

## ARTICULUS INCIDENS.

Utrum relatio in divinis sit *res*, quatenus ad essentiam comparatur.

Doctor Quodlibet *quæst. 3. §. De secundo; & §. De tertio articulo. S. Thom. 1. par. quæst. 28.*

artic. 1. in solutione: & ad primum, ubi Cajetanus §. Ad has dubitationes; cæterique Thomistæ, vel ad articulum sequentem.

Sed & S. Doctor de *Potent. qu. 2. articulo 5.*

VIDETUR relatio non esse *res*, ut comparatur ad essentiam divinam. Nam si relatio, ut ad essentiam comparata sit *res*; aut ergo ad se aut ad alterum. Primum involvit contradictionem; igitur quatenus ad essentiam comparata, est *res* ad alterum: sed ut comparatur ad essentiam est *idem* quod essentia; ergo relatio ut est essentia, est *res* ad alterum; igitur etiam ipsa essentia est *res* ad alterum. Hanc consequentiam probō per simile: quia si homo, secundum quod rationalis intelligit; ergo rationale intelligit: & ratione etiam, quia prædicatur, quod convenit alteri per rationem alicujus, prius convenit ei, per quod illi inesse probatur.

Præterea, Si relatio ad essentiam comparata prædita sit propria realitate; igitur illa est substantialis, vel accidentalis: non accidentalis, quia nullum accidentale est adstruendum in Deo §. de Trinit.



7. Item, cap. 5. : ego habet propria in substantia-  
tione subinde Patri per paternitatem inest esse  
per se. Id autem est inconveniens, quia tunc po-  
terentur in divinis tria per se esse: cum tamen Au-  
gustinus 7. de Trin. cap. 6. unum duntaxat agno-  
scat in Deo per se esse.

Præterea, Relatio ut comparata ad essentiam  
transit in ipsam ob ejus simplicitatem; ergo ut ita  
comparata, est ratio, & non res habens propriam  
realitatem, sed est ipsamet essentia realitas; & si  
res dicenda sit, ut ad oppositum comparatur;  
alioquin non constitueret & realiter distinctam  
personam.

CONTRA, Si paternitas ad essentiam compara-  
ta est ratio tantum, & non res, id erit, quia tran-  
sit in essentiam; sed ut comparata ad oppositum  
manet eadem ratio, quia tunc pariter est eadem  
essentia; ergo si est ratio, quatenus comparata ad  
essentiam, & ratio similiter erit, ut comparatur  
ad oppositum.

RESPONDEO, Aliquorum fuit sententia, rela-  
tiones in divinis, ut ad essentiam comparantur  
non habere propriam realitatem, ut propterea res  
dicenda sint: esse tamen reales propterea quod  
essentia sit realitas omnium relationum. Propria  
igitur ratio relationis non est accipienda secun-  
dum comparisonem ad illud, in quo est, sed ma-  
gis prout comparatur ad aliud, & ex ordine ad  
oppositum. Contra, hæc opinio non videtur pro-  
banda. Nam illud, quo aliquid ens habet entita-  
tem, eo tanquam fundamento proximo unitatis,  
est unum unitate correspondente tali entitati: ac  
proinde id oportet esse distinctum à quocunque  
ente non habente talem unitatem: à quo igitur  
relatio est ens in actu, ab eo est distincta realiter à  
relatione quacunque, quæ non est præmet relatio.  
Cum igitur paternitas à sua propria realitate ha-  
beat unitatem sic incommunicabilem: non est  
enim incommunicabilis entitate divina, quæ est  
formaliter communicabilis: & per consequens  
habeat oportet unitatem incommunicabilitatis,  
& personandi à sua propria entitate, quæ est  
ipsa paternitas: ergo ab eadem entitate distingui-  
tur realiter à relatione opposita: non igitur id si-  
bi inest ex comparisonem ad oppositum relationem:  
ergo ut ad essentiam comparatur possidet  
propriam realitatem, & non tantum ut comparatur  
ad oppositum. Videtur enim non intelligibile,  
quod relatio sit realis, nisi sit realis habitudo ad op-  
positum & ab eo realiter distincta; nec ipsa sanè po-  
test esse realiter distincta ab opposito, nisi ut habi-  
tudo realis, & subinde res, eo modo, quo sibi con-  
venit esse res, ad quodcumque tandem comparatur.  
Deinde, si essentia (ut putant aliter sentientes) si  
realitas omnium relationum, adeo ut prout ad ef-  
sentiam comparantur, nullam præferant distin-  
ctionem; ergo cum illa comparatio sit etiam in  
essentia, sequitur eas non differre realiter ut sunt  
in essentia; ergo ut sunt in essentia, vel nullo mo-  
do differunt, quod est omnino irrationabile, vel  
sola ratione differunt: & si ita est; igitur consti-  
tuta per ipsas, ut sunt in essentia, sola ratione diffe-  
runt. Personæ autem constituuntur per ipsas, ut  
sunt in essentia; quoniam igitur quæ sunt princi-  
pia distinguendi sunt etiam principia essendi, rela-  
tiones erunt res ut ad essentiam comparantur.

Est ergo dicendum, relationes quatenus ad ef-  
sentiam comparatas esse res, juxta intellectum in  
precedenti articulo expositum; Declaratio: Quo-  
viscunque aliqua qualitercumque distincta, con-  
stituunt tertium, profecto non constituunt illud,  
nisi ut aliquo modo se habent ad invicem, vel sub

aliqua ratione uniuntur; quod est evidens in con-  
sist extrinsecis, quæ sanè non causant, nisi aliquo  
modo ad causandum concurrant; & magis in in-  
trinsecis, quæ non constituunt compositum, nisi  
ut suo modo uniuntur: sed essentia, & relatio  
constituunt personam qualemcumque rationem ha-  
beant principiandi; ergo id præstat inquantum  
concurrunt, quod planè evenire non potest, nisi  
ut relatio est in essentia. Relationem autem esse  
in essentia, est relationem habere comparisonem  
ad essentiam verissimam, quam potest habere citra  
omnem intellectus comparisonem; cum igitur  
relatio non constituat personam, nisi ut compara-  
ta ad essentiam, nec constituere queat, nisi ut res;  
alioquin per ona ut formaliter constituta, res non  
esset, omnino oportet relationem, quatenus est  
ad essentiam comparata, rem esse. Deinde, aut com-  
paratio relationis ad essentiam est præmet relatio,  
aut aliquid superveniens, five rei, five rationis,  
non interest presentis propositi. Si dicatur ipsamet  
essentia comparatio ad essentiam; ergo sub hac  
comparatione est res. Si aliquid ipsi superveniens  
contra, nulla habitudo ad veniens cuicumque five  
absoluto, five respectivo, seu sit realis, seu ratio-  
nis, destruit illud, cui advenit, sed magis præ-  
supponit: & ita revera intentiones secundæ pri-  
mis advenientes non destruit, quas præsuppo-  
nunt, primas intentiones; non ergo destruitur  
realitas relationis ex eo quod est ad divinam ef-  
sentiam comparata: est igitur res, ut ita compa-  
ratur, & non tantum ut ad extra, seu ad oppo-  
situm relata.

Porro ut omnis ambiguitas excludatur, ac ma-  
gis elucescat solutio argumentorum, intelligen-  
dum, dupliciter aliquid posse dici ratio, prout ad  
præsens spectat institutum. Primo quia est modus  
illius, cui comparatur, & non realiter realitate,  
eo sensu scilicet, quo à Boetio supra relato, ha-  
bitudines appellantur circumstantiæ, & non res,  
eo quod hec deficient à realitate illarum rerum  
quas circumstant. Quanto autem aliud recedat  
à realitate perfectâ, tanto profecto ad rationem  
accedere rectè æstimatur. Secundo aliquid ratio  
dicitur, quia accipitur sub ratione formaliter, ut  
homo sub intentione universalis, quæ est per se  
ratio. Utrouque modo non negamus relationem  
ut ad essentiam comparatur, esse rationem: nam  
ipsa non habet formaliter essentiam entitatem, sed  
est modus ejus: & in super ea comparatio, cum im-  
porret respectum rationis, paternitas sic compa-  
rata est ens rationis, quia quid acceptum sub ra-  
tione. Nec propterea tamen sententiam est aliam  
ei non subesse realitatem, quam essentiam: quia est  
fit modus essentia, aut circumstantia ejus, at-  
amen in suo ordine est res, nempe ad aliud: eaque  
sub comparisonem accepta, quæ est ens rationis,  
non destruitur per talem comparisonem, sed po-  
tius præsupponitur in sua entitate, & realitate.  
Quamvis igitur bifariam ratio dici queat; simul  
tamen est verè res in suo ordine, ut deductum  
est. Magis tamen usitate dicitur res, ut compa-  
ratur ad oppositum; quia ipsa non est modus ejus:  
nec tunc accipitur sub ratione quæ est respectus  
rationis; cum ipsamet ex sui natura sit compa-  
ratio ad oppositum.

AD ARGUMENTA. Ad primum responleo rela-  
tionem, quatenus ad essentiam comparatam ef-  
se rem, & quidem rem ad alterum: quia talis com-  
paratio non efficit, quin paternitati repugnet sua  
propria realitas, quæ est res ad alterum; non qua-  
si paternitas, ut ad Deitatem comparata sit ad al-  
terum: perinde ac si res alteramicipia divinitas,  
quia

Quodlib. qu.  
3. cit. 6. Et  
istis.

S. Thom. hic  
acc. 2. in solu-  
tione.



quia ad Deitatem non refertur, nisi per intellectum. Ut igitur per intellectum ad Deitatem paternitas comparatur, ipsa est res rationis ex proximè dictis: sed in se est res ad alterum, scilicet ad Filium. Nam comparans paternitatem ad Deitatem non includendo Filium, non comparat paternitatem, nisi habeat duo contradictoria in intellectu suo. Quamvis igitur Deitas non sit correlativum paternitatis, potest tamen per intellectum ad essentiam comparari, stante comparatio. ne ad Filium: paternitas igitur ut comparata ad essentiam in hoc sensu, est verè res ad alterum. Et cum infertur: ergo ut est idem essentia, est res ad alterum: concedo illationem juxta sensum expositum. Et cum præterea infertur: ergo essentia est res ad alterum. Responsio: Potest propositio intelligi, vel per identitatem, vel formaliter. Primo modo potest concedi: ut sit sensus, Deitas est res, quæ est ad alterum, quia paternitas: Sed falsa est formaliter, quia divinitas secundum suam rationem formalem, non est ad alterum, sed ad se. Hujus ergo argumenti, paternitas, ut comparatur ad essentiam, est res ad alterum: igitur essentia est formaliter ad alterum: Notanda est consequentia: quia non oportet prædicatum eo modo convenire determinationi, quo convenit alicui intellectui sub tali determinatione, quando determinatio non est ratio inherentiæ prædicati ad subiectum, ut in casu. Ex quo patet responsio ad probationes consequentiæ: cum enim arguitur, Homo secundum quod rationalis intelligit, et secundum quod exprimit causalitatem inherentiæ prædicati ad subiectum. Sed non est eadem significatio, cum dicitur, ut comparatur relatio ad essentiam esse res: quia comparatio cum sit ens rationis nequit esse ratio, cur aliquid sit ens reale. Et similiter ad probationem sequentem: Est enim prædicatum verius infusum illi, quod est ratio inherendi alteri, id tamen est verum dum taxat, cum secundum quod accipitur proprie repleta tively: quo pacto in præsentia accipi non potest, quia comparatio nequit esse ratio inherentiæ prædicati ad subiectum.

Ad secundum respondeo, ex Augustino 2. de Trinit. cap. 6. Non omne quod in Deo est dici aut secundum substantiam, aut secundum accidens, quia relatio aut prædicatum ad alterum non recipit proprietatem prædicationis substantialis, nec accidentalis. Ad cuius evidentiam, sciendum, Deitatem habere rationem substantiæ tam primæ, quam secundæ, quantum ad aliud; Siquidem ipsa est communis tribus, extra omnem divisionem, aut plurificationem; & præterea est de se hæc, & singularissima. Ultra autem essentia rationem, nihil est in Deo, nisi ratio incommunicabilitatis, quæ de relationibus constituentibus personas accedit Deitati. Hæc porro ratio incommunicabilitatis esse nequit de substantia conceptus; nam quicquid ibi ad se est, communicabile est: esse igitur incommunicabile non ingreditur conceptum substantiæ primæ, vel secundæ, quantum ad illud, quod pertinet ad perfectionem substantiæ primæ, quod est esse hoc; nam id habet divina essentia de se, ac præcisè quacunque relatione, est incommunicabilitas singularitatis in creaturis spectet ad substantiam primam, quia est ejusdem generis cum natura, quæ per ipsam sit incommunicabilis; manifestè ergo realitas relationis non est substantiæ, nec substantiale, nec per se esse, quia in Deo nihil spectans quasi ad genus substantiæ, est incommunicabile; ac propterea talis evadit per aliquid quasi alterius generis, uti est prædica-

tum ad aliud. Sed id non est accidentale, quia non inhæret, et si actus sit non naturæ, sed hypothesis; inhære igitur ei repugnat, non quia sit simpliciter perfectus, sed quia nequit esse imperfectus, uti nec est formaliter simpliciter perfectus.

Ad tertium respondeo sic: Ratio (ut etiam articulo præcedenti fuit annotatum) potest accipi, vel prout opponitur enti extra animam; & præterea potest intelligi ratio idem esse, ac modus, vel circumstantia rei, juxta Boerii phrasim. In priori acceptione negandum est relationi competere rationis conceptum, ut ad essentiam comparatur; quia ejusmodi comparatio non adimit relationi propriam realitatem, quæ est ad alterum, ut deductum est in solutione. In posteriori autem sensu concedimus relationem esse rationem, ut dictum est prius. Consimiliter relationem transire in essentiam, vel potest intelligi ita transire, ut non supersit propria entitas ipsius, quæ est ad alterum, & iste intellectus est planè falsus. Vel intelligi transire, eo quod non manet ab essentia distincta realiter, & sensus est verus ob divinam simplicitatem, sed tamen non ita transit, ut propriam amittat realitatem.

## ARTICULUS II.

Utrum relatio in Deo sit idem quod sua essentia.

Doctor 1. Report. distin. 33. quæst. 1. in Oxon. idem dist. 34. 5. Thom. 1. par. quæst. 28. art. 2.

VIDETUR relatio in Deo non esse idem, ac sua essentia. Etenim juxta Augustinum 5. de Trinit. cap. 5. Non quodlibet in divinis dicitur secundum substantiam. Quod enim dicitur secundum relationem, non dicitur secundum substantiam; igitur videtur proprietas non esse idem ac essentia, vel substantia. Dicit etiam Augustinus 7. de Trinit. cap. 3. & 4. Non eo Pater, quo sapiens, sed eo est, quo sapit. Non eo igitur Pater, quo Sapiens, ac subinde non est Pater quæ essentia. Videtur ergo sentire inter relationem, & essentiam intercedere aliquam distinctionem; Sed pater Paternitate est Pater; ergo paternitas non est idem, ac essentia.

Præterea, Impossibile est idem realiter esse unum simpliciter, & multa simpliciter: unum enim, & multa opponuntur: essentia autem divina est realiter una simpliciter: esse igitur non potest unum & idem cum relationibus, quæ sunt realiter plures. Pariter nihil unum & idem est formaliter infinitum, & non infinitum, quia contradictoria non verificantur simul de eodem: essentia divina est formaliter infinita, relationes autem non sunt infinite formaliter. Item, nihil idem est perfectio simpliciter, & non perfectio simpliciter: essentia est talis perfectio, qualis non est relatio, ni velimus uni personarum divinarum attribuire plures perfectiones, quam aliis: ergo concludendum videtur relationes in Deo non esse essentia identificatas.

Præterea, Si paternitas sit essentia divina: ergo essentia est paternitas: Hæc propositio illata est vera per se, & non per accidens: cum in divinis non sit accidens: sed quæ per se insunt subiecto, universaliter insunt oportet: ergo omne quod est essentia, est & paternitas: igitur & filiatione foret paternitas, quod planè falsum est.

Hic Doctor præterea arguit logicè ex præmissa auctoritate & respondet subtilissime videndus textus ejus in Report. cit.

Quodlib. 7. cit. Quæst. ad Log. cap. 6. Contra hanc solutionem Doctor obiicit, & solvit acutissime. Videbis apud ipsum nov. 14.



CONTRA. Si in Deo non forent idem ac essentia & relatio, sed magis separati ab eisdem, igitur essentia & relatio, cum sit res non realiter eadem: sed in divinis tres sunt secundum idem relationes proprietates distinctæ, ultra essentiam; ergo in divinis subsisterent quatuor res, quod est damnatum, ut hæresis aristoteli in *Summa Trinitatis* & *De substantiis*. Fit ergo fidei dogma, relationes in Deo esse rem eandem cum essentia divina.

RESPONDEO, Hoc fuit error dicentium, proprietates realiter differre ab ipsis personis, propterea quod non intrinsecus innascentur eis, sed magis si quis personis extrinsecus affixum. Ita sensisse refertur Gilbertus Porretanus, ac subinde errasse. Cujus fuisse opinionis moriva excluditur à Magistro 1. d. 33. Ut itaque sententia hæc ve bis exprimitur falsa est. Essi nullo negotio ad bonum sensum posset deduci intelligendo proprietates eatenus dici personis affixas, quatenus personæ ratione proprietatum non sunt formaliter ad se, sed ad oppositum, quasi extrinsecum, quo sensu rectè dicuntur proprietates affixe personis, atque ad aliud esse prout & Boetius videtur intellexisse, 1. de *Trinitate* cap. 10. cujus verba in præcedenti articulo retulimus.

At vera, & communis catholicorum sententia est, relationes in Deo in eandem rem coincidere cum ejus essentia; sed una non est omnium ejus veritatis declaratio. S. Thomæ opinio in præfati articulo est ista: Relatio realiter in Deo existens, est quidem essentia identificata, adeo ut una sit, eademque res cum ipsa, differit tamen ab ea secundum intelligentiæ rationem, quam differentiam specificat in *relatione*, dicens ipsam differre ab essentia, prout importat respectum ad oppositum qui sanè respectus non importatur nomine *essentie*; e si ergo unum, & idem sit: *esse* relationis, & *esse* essentie, attamen ob dictam causam differunt ratione, quatenus scilicet in illa unica, indivisibilique re invenit intellectus fundamentum, & radicem distinguendi essentiam à relatione. At in responsione ad tertium argumentum docet in perfectione divinæ essentie oportere plus contineri, quam significetur nomine *relationis*: alioquin *essentie*, vocabulo importaretur aliquid imperfectum, nimirum quia & ipsa ad aliud se haberet: quemadmodum si in esse divino non aliud contineretur, quam quod exprimitur nomine *Sapientie* profecto non foret id aliquid subsistens. Is ergo S. Doctor videtur posuisse parvam distinctionem proprietatum, & attributorum ab essentia; quandoquidem utriusque conceptus non exprimit divinam perfectionem, aut essentiam perfectè. Hæc opinio non videtur amplectenda: Nam in primis apparet contradicção in verbis: ponendo enim relationem differre ab essentia secundum intelligentiæ rationem; & deinde affirmando relationem dicere respectum ad correlativum, non vero essentiam; ex uno sequitur oppositum alterius: Probatio: Relatio ex sui natura, & non tantum per actum intelligentiæ est respectus ad oppositum ex natura rei; essentia vero est ad se; ergo ex natura rei, si sit ibi relatio, ut verissime est, est distinctio ejus ab essentia, præter intelligentiæ rationem. Major probatur; quia nisi relatio ex natura rei esset respectus ad oppositum, & non tantum secundum intelligentiæ rationem, non foret in divinis persona ex natura rei; tunc enim non esset, quo constitueretur in esse personæ ex natura rei: constituitur autem relatione in esse personalis; ergo citra actum intelligentiæ refertur ad suum oppo-

situm, ac proinde ex natura rei distinguitur ab essentia, quæ non ita refertur. Deinde non videtur esse verum id quod additur de *Sapientia*. Nam Augustinus 7. de *Trinitate* cap. 2. *Nisi eo Verbum inquit, quo sapientia; sed eo sapit, quod est*; ergo sicut negat identitatem relationis cum essentia; ita concedit identitatem attributi cum essentia non eadem igitur est distinctio attributorum ab essentia, ac relationis ab essentia: a seque exactus potest significari, exprimi que perfectio essentie divine per attributum, quam per relationem; non rectè proinde deducitur non fore in divinis aliquid subsistens, si essentia præcisè contineret quod nomine Sapientie exprimitur.

Est ergo dicendum, essentiam, & relationes esse quidem eandem rem, veruntamen differre inter se non sola ratione, sed magis ex natura rei, citra nimirum omnem actum intellectus, seu increati, seu creati. Declaratio primæ partis est accipienda potissimum ex Dei simplicitate. Nam quia Deus simplex est, nihil potest esse illi extrinsecus affixum, quia ex eo ejus simplicitas læderetur, ut supra quæst. 3. latè fuit declaratum. Unde Augustinus 6. de *Trinitate* cap. 6. & 11. de *Civitate* cap. 10. dicit, eatenus Deum simplicem, & immutabilem esse, quia est quicquid habet, excepto, quod quæcunque persona dicitur relativa ad alterum. Nam Pater habet Filium non propterea est Filius, & è converso. Essentia etiam divina habet proprietates relativas, quarum omnium ipsa est fundamentum, nec tamen dicitur relativa ad eas; cum formaliter sit ad se; est ergo essentia divina paternitas, & quæcunque alia proprietates, ac è converso, licet non formaliter. Est etiam inter eam, & proprietates alia differentia, quia essentia est una realiter, proprietates sunt plures realiter realitate relativa. Ad ostendendum autem aliqua differre, sufficiens probatur; ex eo quod aliquid dicitur de uno, quod non de alio, juxta regulam Philosophi. 7. *Topice* cap. 1.

Declaratio secundæ partis *substantie* est ista: Pater ex natura rei ante omnem actum intellectus in primo signo originis habet rem communicabilem, scilicet essentiam suam: alioquin enim eam non communicaret: habet itidem in eodem signo citra omnem actum intellectus rem incommunicabilem; nam aliter ipsa non foret persona ex natura rei: & non est eadem realitas illa, quæ est communicabilis ex natura rei, & illa, quæ est incommunicabilis pariter ex natura rei; imò id involvit manifestam contradiccionem; ergo in Patre non est formaliter idem ex natura rei essentia, quæ est communicabilis de se, & proprietates, quæ ex se est formaliter incommunicabilis. Assumpta esto videantur satis manifesta, probantur sicquoniam realitas communicabilis de se habet, ut possit communicari; realitati autem Dei incommunicabili repugnat ex natura rei posse communicari; intellectus capere non potest, unam, eandemque esse ex natura rei realitatem, cui ex se repugnet communicatio, & cui ex natura rei insit communicari; id enim involvit contradiccionem; ergo oportet essentiam, & proprietatem distinguere ex natura rei citra omnem actum intellectus, etsi coincident omnino in rem eandem. Deinde, Quod secundum aliquid sui convenit realiter cum aliquo, & per aliquid sui differt realiter ab illo, habet in se aliqua distincta ex natura rei: Sed Pater realiter convenit cum Filio per essentiam, & realiter differt ab eodem per proprietatem relativam: ergo in Patre essentia, & relatio distinguuntur ex natura rei. Probatio minoris: Sicut id, per quod

Has rationes videtur adhibere Gregorius de Arimino 1. sent. d. 43. Sed Magist. Lychnius inter cetera in q. 7. d. 6. de *Trinitate* oportet ostendere personam esse datam a se, non pronocere.

De his iterum d. 1. q. 3. art. 1. frag. 39 art. 1.



aliquid convenit cum alio ex natura rei, est principium convenientie realis, ita per quod aliquid ab alio differt est principium distinctionis in eo genere, quo differt. Impossibile est enim idem formaliter ex natura rei esse principium convenienti realiter, & realiter item disconveniendi; ergo inter essentiam, & proprietatem in Patre est aliqua distinctio ex natura rei; sicuti independenter ab intellectu est in ipso id, per quod convenit cum Filio, & ratio præterea, qua ab illo differt. Denique, Beatus videndo Deum, intuetur Deitatem, & proprietatem; ergo aut videt illa ut distincta objecta ante omnem actum intellectus, aut certè videt eadem, ut distincta secundum diversos modos concipiendi idem objectum. Si primum; ergo sunt distincta ex natura rei: Cum enim visio beatifica sit intuitiva, est objecti, ut in se existentis, ac præsentis; ac proinde non distinguuntur per actum intellectus, sed ex se ipsis ex natura rei. Si secundum dicatur; ergo non est major differentia inter essentiam, & paternitatem quam sit inter Deum, & Deitatem; adeoque sicuti quis est Beatus in essentie visione, ita & in proprietatum intuitionem; erit ergo Beatus in tribus objectis realiter distinctis; & tunc si per impossibile quodlibet eorum destrueretur, adhuc esset beatus in objecto, quo destructo, nilminus foret beatus, quæ omnia sunt impossibilia, & absurda. Confirmatur autoritate Augustini 7. de Trinit. cap. 4. ubi arguit: *Si aliud est Deo esse, aliud subsistere, sicut aliud est Deo esse, aliud Patrem esse, relative ergo subsistit, sicut relative gignit, ita jam substantia non erit substantia, quia relatum erit*. Igitur converso si proprietas relativa ex natura rei non distingueretur ab essentia, sed sit eadem formaliter: ergo relatio non erit relatio, quia coincidit formaliter cum essentia, quæ est ad se. Sed infra 9. 39. art. 1., de his redibit sermo prolixior.

AD ARGUMENTA. Ad primum respondeo, prima Augustini autoritate adstrui secundam partem solutionis; ex eo quod enim relatione referatur Pater ad Filium, & essentia nullum respectum importet, idque non per intellectum insit eis, sed ex natura rei, omnino citra omnem intellectus considerationem oportet ea extrema mutuo se se excludere, ac aliquo modo distingui. Porro alium prorsus est à mente Augustini esse inter essentiam, & relationem distinctionem realem.

Ad posteriorem autem respondendo, dicimus propositionem illam, *Non eo Pater &c. esse veram primo*, quia Sapientia (ut alie perfectiones attributales) est ejusdem rationis cum essentia; paternitas vero est alterius rationis ab ipsa, cum non sit perfectio simpliciter. Secundo, quia Sapientia est eadem Deitati in quolibet supposito; Paternitas est in unica hypostasi duntaxat. Denique Sapientia, aliæque perfectiones absolutæ sunt eadem identitate mutua, quia omnes sunt formaliter infinitæ; sed paternitas, & Deitas non sunt eadem mutua identitate, quia paternitas est eadem Deitati ob illius infinitatem; ipsa autem non est formaliter infinita. Non igitur distinctionem realem deducere possumus ex Augustino, sed solummodo distinctionem ex natura rei: ut convincere videntur præmissæ rationes.

Ad secundum dicimus: Unica responsione satisfieri mediis, quæ tanguntur. Nam idem utique esse nequit unum realiter, & multa realiter; si unum insit ei adequatè. Quando enim aliqua adequatè sunt eadem, unum non plurificatur sine alio, ut constat in definito, & definitione; quia

enim adequatè recipiuntur, realiter eis nequeunt competere contraria prædicata. Contra vero, quia potentiæ rationali anime non adæquantur, esto unum sint cum ipsa anima, stante immultiplicata ejus essentia, possunt esse, & sunt re ipsa plures potentiæ: & ita pariter se habet essentia respectu proprietatum; quia enim hæc illi non adæquantur, nec aliqua ex ipsis est præcisè essentia, etsi suo quolibet supposito adæquetur, ideo eadem quidem sunt cum essentia, non autem inter se. Ut ergo mutuo sese respiciunt sunt realiter plures in una re cum essentia coincidentes.

Ad tertium respondeo hanc, *essentia est paternitas* non esse per se apud logicos; cum relatio non sit de primo intellectu essentia absolutæ. Nec præterea inest essentia ut passio ejus; prædicatio igitur proprietatis de essentia, & è converso, est logicè accidentalis, nec propterea sequitur esse *accidens* in divinis: nam Genus accidentaliter prædicatur de differentia, & inferius de superiori; neutrum tamen prædicatum est *accidens* subiecti. Breviter, cum proprietas de essentia prædicatur, per accidens prædicatur logicè loquendo, etsi metaphysicè per se inest essentia quicquid illi inest.

#### ARTICULUS INCIDENTS.

Utrum detur in Deo distinctio perfectionum essentialium præcedens aliquo modo omnem actum intellectus.

Doctor 1. distinct. 8. q. 4. Coll. 36.

Miscell. question. quest. 1. & 2.

S. Thom. 1. par. q. 28. art. 2.

§. Ad tertium. Ibi Thom.

missa, vel ad ar. 2.

q. 4. vel ad q. 13.

par. prima.

VIDENTUR non distingui divine perfectiones inter se, & ab essentia ante omnem actum intellectus. Etenim *esse* divinum est in ultima actualitate; adeo contra dictio fit intelligere aliquid addi actualissimæ entitati ejus, quod est ipsum *esse* per essentiam; igitur includat oportet formaliter omnem perfectionem divinam; sed si ab ipsa formaliter, vel ante actum intellectus distinguerentur divine perfectiones, dici non posset, nec esset actualissima entitas: ipsa enim tunc non includeret formaliter omnem actum, imo esset in actu formali per perfectiones ab se distinctas.

Præterea, Augustinus 15. de Trinit. cap. 5. *Non sicut, inquit, in creatura sapientia, & justitia sunt due qualitates: ita in Deo. sed quæ justitia ipsa est & bonitas*. Ex hoc arguo, prædicatio in abstractis non est vera, nisi sit in primo modo dicendi per se; igitur hæc, *Sapientia est veritas*, est per se primo modo; ergo subiectum per se includit prædicatum; non reperitur igitur inter subiectum, & prædicatum ulla distinctio, nisi per intellectum.

Præterea, Augustinus 7. de Trinit. cap. 2. eo modo, quo negat identitatem Deitatis, & paternitatis, *Non eo, inquit, Pater, quo Deus*; ita concedit identitatem magnitudinis, & bonitatis, & perfectionum essentialium, cum subdit, *et magnus, quo Deus*. Non autem negat ibi Augustinus, inter Deitatem, & relationem, nisi identitatem formalem; ergo hanc concedit, & adstruit inter perfectiones attributales.

4. dist. 46 q. 3. 5. Contra hoc.

1. dist. 8. q. 4.  
§. Ad secundum  
dubium.



Præterea, Bonitas non foret realiter innata  
rati & esset realiter eadem Sapientia; ergo pari-  
ter ratio bonitatis non videretur formaliter infi-  
nita, nisi foret formaliter eadem rationi Sapien-  
tia eadem ergo ratione qua probatur realis iden-  
titas attributorum, adstruitur & formalis coinci-  
dentia eorundem attributorum.

Præterea, Si ante omnem actum intellectus sa-  
pientia, cæteræque perfectiones attributales di-  
stingerentur, ægrè admodum consisteret cum hac  
hypothesi simplicitas divina. Nam ex quo ponit-  
ur essentia quasi fundamentum, & attributa qua-  
si circumstantiæ essentia, videntur hæc se habere  
ut actus, illa ut potentia.

CONTRA, Damascenus lib. 1. cap. 4. Si iustum,  
si bonum, si quid tale dixeris, non naturam dicis  
Dei, sed quæ circa naturam; dicit autem aliquid,  
quod præcedit omnem actum intellectus: ergo ante  
onus, & actum intellectus, est aliquid in Deo,  
quod non est formaliter natura. Unde cap. 9. vult  
inter omnia nomina dicta de Deo propriissimum  
esse illud, qui est: quia esse dicit quoddam pelagus  
infinitæ substantiæ: cætera autem ea exprimere,  
quæ circumstant substantiam.

RESPONDO, Quidam existimant inter perfe-  
ctiones attributales in Deo non aliam intercedere  
distinctionem, nisi rationis, quæ tamen distinctio  
non fit præcisè ex parte ipsius rationis, sed  
etiam ex proprietate rationum attributalium ma-  
tuo sese excludunt: ut enim unum sit in se  
indistinctum esse divinum, est tamen in ipso veri-  
tas & Sapientia, & bonitas, & veritas, & huius-  
modi, & ratio unus non est ratio alterius, in-  
quantum huiusmodi.

S. Thom. 1.  
diff. 2. q. 1.  
art. 2. 5. in  
solutione, &  
de not. q. 1.  
art. 6. Hæc  
positio vix  
differre vide-  
tur a sententia  
Doctoris Sc.  
ti qui non in-  
dicerent, &  
sen excludit  
formaliu ratio-  
num divinarum  
idem in hoc  
citasse.

Propterea  
quod argu-  
mentum Docto-  
ris contra sen-  
tentiam S.  
Thomæ in  
margine an-  
notantur con-  
tra suppositio-  
nem hanc, non  
reperiri scilicet  
distinctionem  
rationis  
inter perfectio-  
nes divinas,  
nisi per respec-  
tum ad perfe-  
ctiones si-  
miles in crea-  
tis, omitten-  
da censurus  
eo vel maxi-  
me quod cir-  
cabat punctum  
minus sollicitum  
S. Thomam ad  
veritatem &  
independen-  
ter ab hac  
dispositione  
subiit quæ-  
stionem Cu-  
piensibus ta-  
men eam  
omninoem re-  
dargere fa-  
les occurrunt

ipso ut formaliter existens, sed tantum ut  
quid cognitum; Siquidem esse cognitum est es-  
se diminutum, ut distinguitur contra ex tens.  
Cum igitur veritas, bonitas, & ejusmodi sint  
perfectiones simpliciter, quarum scilicet ratio est  
melior ipsa, quam non ipsa in quocunque suppo-  
sito, ac subinde eis non repugnet intensiva infi-  
nitas, uti repugnat cuicunque, quod non est per-  
fectio simpliciter, oportet omnino has in Deo  
existere secundum propriam, & formalem unius-  
cujusque rationem ante omnem actum intelle-  
ctus.

De his supra  
q. 4. art. 2.

Quod vero ex perfectiones non distinguantur  
secundum diversos modos concipiendi idem ob-  
jectum formale; quæ distinctio veratur inter con-  
cretum, & abstractum: nec ut duo objecta for-  
malia in intellectu, quasi intellectus operatione  
circumscripta non distinguantur actuali distin-  
ctione; Declaratur: Nam intellectus actu suo  
non potest causare nisi distinctionem rationis; pro-  
pterea quod sit virtus collativa potens conferre  
& referre unum cognitum ad aliud: Igitur aut ve-  
ritas dicit præcisè illam perfectionem, quæ est in  
re formaliter, aut præcisè illam relationem fa-  
ctam ab intellectu, aut utrumque. Si præcisè re-  
lationem rationis; ergo non est perfectio simpli-  
citer, quia nulla relatio rationis potest esse infi-  
nita. Si utrumque importetur nomine veritatis;  
cum ea esse nequeant unum per se, ut constat;  
circumscripta relatione rationis, superest ex na-  
tura rei illa perfectio, quæ est veritas, & alia,  
quæ est bonitas. Si hæc ex natura rei coincidunt  
in idem objectum formale; ergo veritas, & boni-  
tas sunt formaliter synonyma. Quod si hoc ne-  
gandum putant; igitur ex natura rei, nullo con-  
siderante intellectu, distinguuntur veritas, & boni-  
tas, non differentia rationis, ut sapiens, & sa-  
pientia: nec ut duo objecta formalia per intelle-  
ctus operationem, sed differunt ex se ipsis diffe-  
rentia antevergente omnem mentis comparatio-  
nem: uti nullo intellectu cogitante sunt formaliter  
in Deo, juxta præmissam deductionem. De-  
inde, intellectus intuitivè cognoscens, ut est ob-  
jecti existentis, quæ existens est, ita est distinctio-  
nis in eodem existentis: non distinguit ergo in-  
tellectus beatus perfectiones attributales inter se,  
& ab essentia, sed magis distinctas supponit si non  
conincidant formaliter ex natura rei: revera autem  
mutuo sese formaliter excludunt: ergo actu non  
distinguuntur per actum intellectus, sed magis id  
habent ex se ipsis. Denique, distinctio perfectio-  
num attributalium est fundamentum distinctionis  
emanationum: est enim intelligibile unum om-  
nino indistinctum formaliter esse principium pro-  
ductivum, & per modum naturæ, & per modum  
voluntatis: alioquin quia ratione Filius esset ma-  
gis imago Patris ex vi productionis suæ, quam  
Spiritus Sanctus: Cum igitur distinctio emanatio-  
num sit realis: & nulla ejusmodi distinctio præ-  
supponat necessariò distinctionem rationis, quæ  
est naturaliter posterior ente reali: necessario in-  
tellectus, & voluntas erunt ex se ipsis distincta  
principia ex natura rei: & ita de cæteris perfe-  
ctionibus divinis: non distinguuntur ergo attri-  
buta tantum secundum diversos modos concipi-  
endi idem objectum formale: nec ut duo objecta  
formalia mutuantia actualem distinctionem ab in-  
tellectus consideratione.

In hoc secun-  
do puncto  
præsertim p. r.  
habetur S.  
Thomæ; &  
Secus contra-  
rit.

Hæc argumē-  
tum dicitur  
vix contra  
Henricum &  
S. Thomæ, ne-  
ganres eas  
perfectiones  
attributales  
esse synonimi-  
ma.

Nos quæstio respondentes dicimus, reperiri in  
Deo formaliter perfectiones attributales, seu es-  
sentialia, eo quod essentiam concomitantur in  
tribus, uti sapientia, & veritas, & bonitas, & ejus-  
modi: eas autem non differre tantum differentia  
rationis, secundum diversos modos concipiendi  
idem objectum formale: nec item distingui, uti  
duo objecta formalia in intellectu, adeo ut confi-  
deratione omni circumscripta, nulla inter eas ver-  
setur actualis distinctio: sed magis differre diffe-  
rentia quadam antevergente omnem actum  
intellectus, ac optimè coherere cum perfectissi-  
ma reali unitate omnium eorum, quæ hoc genere  
distinctionis differunt. Hujus solutionis proban-  
tur partes singillatim. Ad primam quod attinet  
ex eo maxime videntur veritas, & bonitas, cæ-  
teræque perfectiones simpliciter esse in re ante  
quocunque opus intellectus, quia quilibet per-  
fectio simpliciter est formaliter in ente perfectio  
ante quamcunque intellectus considerationem:  
nam alioquin haud foret Deus simpliciter perfe-  
ctus, cum non esset id, quo majus excogitari non  
posset; unque enim occurrere posset majus quid  
comparati ens præditum omni prorsus possibili  
perfectione, si ipse aliquam non omnimodè per-  
fectam possideret; imo in contraria hypothese per-  
fectio simpliciter in nullo esse posset in gradu ul-  
timatæ perfectionis. Nam id in creatura non ha-  
beret, cum in ea finita sit, per gradum finitatis,  
oportet enim à primo essentialiter dependere.  
Nec pariter in Deo est perfectio, si non sit in

Quod vero proinde divinæ perfectiones distin-  
guantur ex natura rei distinctione aliqua media  
antevergente omnem intellectus operationem,  
quæ



Verba S. Tho-  
mæ in hoc  
puncto i. di-  
stinct. 2. q. 1.  
art. 2. Dicen-  
dum, quod in  
Deo est Sa-  
pientia, boni-  
tas, & huius-  
modi quorum  
quod dicitur est  
in ipsa divina  
essentia, &  
ita omnia sunt  
unum re: &  
quia unum-  
quodque es-  
sentium in Deo  
secundum sui  
verissimam  
rationem, &  
ratio Sapien-  
tia non est  
ratio boni-  
tatis, inquantum  
hæc modi re-  
linquitur, &  
quod sunt di-  
versæ ratione,  
non tamen  
ex parte ipsius  
ratiocinantis,  
sed ex proprie-  
tate ipsius rei.  
Nec aliud sa-  
ne dicere vi-  
detur Magist.  
Scotus, quic-  
quid adden-  
dum putent  
eius Sectato-  
res. Hæc est  
mens Docto-  
ris, quam ex-  
presserant, dist.  
2. qu. 7. num.  
33., & in qu.  
miscel. cit. Et  
juxta hanc in-  
telligendam  
puto Magistri  
Scoti doctrinam de distinctione formali. Et si aliter sentiat  
aliquis, letetur super auct. 4. distinct. 3. primi. Magistri Scoti  
qui formaliter vocantur.

que erat ultima solutionis pars. Declaratur: Nam Sapiencia est in re ex natura rei, & bonitas simili-  
ter est in re ex natura rei: Sed sapientia formaliter  
non est bonitas ex natura rei: ergo quoniam  
ex natura rei sunt rationes mutuo se excluden-  
tes, in re distinguuntur: non ergo quatenus sunt  
in intellectu. Probatio minoris: Si infinita Sa-  
pientia esset formaliter infinita bonitas, & Sa-  
pientia in communi esset formaliter bonitas in  
communi: infinitas enim non destruit rationem  
formalem ejus, cui additur: sed magis infinitè  
perficit: ergo si Sapiencia in se formaliter non in-  
cluditur in ratione bonitatis: nec infinita Sapiencia  
est de ratione formali infinitæ bonitatis.

Et sane Sapientiam in se formaliter non invol-  
vere bonitatis rationem, ex eo est evidens. quia  
includere formaliter est ita involvere aliquid in  
ratione sui essentiali ut si definitio includentis  
assignaretur, inclusum aut foret definitio, aut  
certè pars definitionis: In definitione autem Sa-  
pientia in communi non involvitur bonitas in  
communi, neque ut definitio, neque ut pars de-  
finitionis; ergo neque in definitione immixta Sa-  
pientia involvitur infinita bonitas. Est igitur ali-  
qua non identitas formalis Sapientia, & bonita-  
tis, inquantum earum definitio assignaretur de-  
finitiones, si definibiles essent: definitio autem  
non tantum indicat rationem causam ab intelle-  
ctu, sed quidditatem rei; ergo non est identitas  
formalis ex parte rei; ac si hanc in intellectu com-  
ponens istam: *Sapientia non est bonitas formaliter*,  
non causat actum suo collatum veritatem illius  
compositionis, sed in objecto invenit extremam. ex  
quorum compositione fit actus verus. Et sane an-  
tiqui Doctores, ponentes in divinis aliis esse  
predicationes veras per identitatem, quas nega-  
bant esse veras formaliter: alia intellectus non  
videntur, nisi hanc formalem non identitatem ex  
natura rei, quam utique intellectus sua operatio-  
ne non facit, sed supponit.

tis non est aliquam prædicationem veram in ter-  
minis abstractivè acceptis, nisi sit in primo modo  
dicendi per se. Cum enim hæc, *Rationale est ani-  
mal*, sit vera ratione tertii, in quo illa duo uniu-  
ntur, abstractivè consideratis, tollitur unio extre-  
morum, quam habebant inter se ratione tertii,  
unde hæc falsa est, *animalitas est rationalitas*, &  
è converso; quia in illa præcisione non dicunt ha-  
bitudinem ad quodcumque est extra rationem for-  
malem quidditatis eorum. Contra vero in divinis,  
quia perfectiones absolute nedum sunt eadem ra-  
tione tertii, verum etiam propter infinitatem eo-  
rum, prædicationes in terminis abstractis sunt ve-  
re, quia superest unio, quam exprimit copula pro-  
positionis; unde hæc est vera. *Sapientia est boni-  
tas*; non quia unum extremorum sit de formali ra-  
tione alterius, sed quia identificatur mutuo  
ratione infinitatis: Et quia relationes non sunt for-  
maliter infinitæ, ideo abstrahendo à tertio, in quo  
uniantur realiter, haud verè inter se prædicantur;  
hæc enim non conceditur, *Paternitas est filiatio*,  
aut *Spiratio activa*; quamvis omnes prædicentur  
verè de essentia divina, seu in abstracto, seu in  
concreto, ob alterius extremi infinitatem.

Ad tertium patet responsio ex dictis, articulo  
precedenti. Ad primum. Nam Augustinus non  
vult illis verbis adtribuere formalem identitatem  
perfectionum essentialium per hoc, quod dicit:  
*eo Deus, quo magis, non eo Deus, quo Pater*,  
sed solum intendit significare quid intersit inter  
prædicata absoluta, & relativa; illa enim sunt  
communia omnibus personis, ut essentia, quam  
concomitantur, sed relativa sunt propria unicui-  
que ex illis, & aliis incommunicabilia. Rursus ab-  
soluta quæque sunt perfectiones simpliciter, non  
item relativa prædicata; ac denique illa sunt ea-  
dem quasi identitate mutua, ob formalem infini-  
tatem earum, sed relativa identificantur præcisè  
propter infinitam essentia perfectionem.

Ad quartum dicendum, utique sapientia ratio-  
nem esse infinitam, & bonitatis similiter, deoque  
realiter identificari; nam nisi in unam eadem-  
que rem e incidenter, profecto infinitæ non es-  
sent: cum hac tamen reali identitate optimè co-  
heret, rationem unius perfectionis non esse for-  
maliter rationem alterius, nec ex reali identitate  
rectè deducitur inclusio formalis unius extremi in  
altero; ut dictum fuit in responsione: *Ad primum*.

Ad quintum respondeo, ex hypothesi non iden-  
tatis, vel distinctionis formalis perfectionum  
divinarum inter se, & ab essentia, nullum omni-  
no præjudicium inferri summæ simplicitati diving;  
nam ea non sunt in primo principio, nisi secun-  
dum rationem perfectionis simpliciter; cum sint  
formaliter infinitæ: cum ergo omnis ipsis imper-  
fectio repugnet, nequaquam habere possunt ra-  
tionem forme informantis, nec partis respectu  
totius. Sapientia ergo in Deo non est forma se-  
cundum quod ipsa habet aliquid imperfectionis  
ut in nobis: neque est pars: sed præcisè est ratio  
qua Deus est sapiens per verissimam identitatem  
sapientia cum essentia sua: Si ergo ibi non est for-  
ma, neque erit subiectum accipiens esse per illam,  
nec ulla læsio perfectissimæ simplicitatis: quem-  
admodum nec ullum detrimentum infertur eidem  
simplicitati per hoc quod sint in essentia plures re-  
lationes, quarum prædicatione oportet omnino esse  
distincta, & non eadem prædicatis essentialibus,  
in quorum conceptu formali non involvuntur,  
quæ sunt ad aliud.

De his Re-  
centiores Sco-  
tiste, & Ly-  
chetus loco cit.  
agunt fulissi-  
mè. Videbis Ma-  
strum super  
prim. sent. &  
in Metaphysi-  
cis.

4. loco cit. in  
arguendo i.  
quod est. Quod  
liber. 6. Com-  
tra ista. V. Ad  
primum. 2.  
dist. 10.

Ad ARGUMENTA. Ad primum respondetur, quod  
essentiam continere omnem actum, & per consequens omnem  
formaliter sint eadem: ipsi essentia, in se esse  
essentia, ultimæ actualitatis, & infinitæ perfectionis,  
sed realiter duntaxat eadem, quia unitivè contentæ in ipsa.  
Continet ergo essentia in suo ordine, ut dictum est, quantum continere po-  
test formaliter, quia nihil deesse potest infinitè  
perfecto; infinitas enim cogit, & completitur in  
eo, quod afficit, quicquid spectat ad gradus quidi-  
tativos, & perfectionem eorum intensivam; Sed  
quia illi exinde insunt formaliter perfectiones pa-  
riter in suo ordine infinitæ, non spectantes ad li-  
neam graduum quidditativorum (sunt enim quasi  
circumstantes essentiam juxta *Damasceum cit.*, &  
*Augustinum* 15. de *Trinit. cap. 5.*) Si dicimus,  
inquiens, *sapiens, speciosus, potens, Spiritus: bo-  
rum quod novissimum posui, videtur significare  
substantiam: cetera vero hujus substantia qualita-  
tes, vel omnes perfectius essentia nequit conti-  
nere, vel possidere, quam unitivè, vel identicè.*

Ad secundum respondeo, Augustinum esse in-  
telligendum de prædicatione identica, & non for-  
mali: nam ratio formalis Sapientie non est ratio  
formalis bonitatis: etsi utraque coincidat in rem  
eandem. Ad cuius evidentiam sciendum, in crea-



ITERUM ARTICULUS INCIDENTS.

Utrum relationes divinæ sint formaliter perfectæ, & infinitæ.

*Dicitur Quodlib. quæst. 5. & prout ibi notatur S. Thom. 1. par. quæst. 28. art. 2. §. Ad tertium. Super quæm texum, et si Cajetanus sentiat eas neque perfectas, neque imperfectas esse, longe tamen plures Thomistarum oppositum adstruere nituntur, quos plena manus congerit Fusulus hic dubio 5.*

**V**IDENTUR relationes divinæ esse formaliter perfectæ, ac subinde infinitæ: Nam ens dividitur per finitum, & infinitum, priusquam descendat, seu dividatur in decem genera; ergo quodcumque ens, etsi non contineatur in genere aliquo, sit oportet finitum, vel infinitum: sed relationes divinæ esse nequeunt finitæ; quia alioquin haud forent eadem res, ac essentia divina: finitum enim non potest identificari infinito; igitur involvunt formaliter perfectionem infinitam. Præterea, Quod non est comprehensibile nisi ab intellectu infinito, est formaliter infinitum; generatio æterna Verbi omnino comprehendi nequit, nisi ab intellectu infinito; ergo est formaliter infinita. Minor probatur per illud Isaïæ 53. *Generatio ejus quis enarrabit?* Quod exponens Hieronymus super cap. 1. *Martha* de generatione æterna Filii vult esse intelligendum; quæ ut est inenarrabilis, ita & incomprehensibilis ab omni intellectu creato. Idipsum testatur Ambrosius, de fide ad Gratianum lib. 1. cap. 5. *At hi impossibile est, inquit, generationis finis sciri; mens deficit, ex illo non movetur tantum, sed Angelorum;* docet ergo expressè generationem esse incomprehensibilem omni intellectui creato.

Præterea Omnis actio adæquata principio, & termino infinito est formaliter infinita: Generatio divinæ est actio adæquata principio formali infinito, & termino infinito: nam principium est essentia, vel memoria infinita, & primus terminus est Filius, qui est infinitus; terminus etiam formalis est essentia communicata, sive notitia declarativa, quorum utrumque est infinitum. Quod vero ea actio sit utrique adæquata, ex eo constat, quia esse non potest, nisi unica hujus principii ad hunc terminum.

Præterea, Ratio subsistendi est ratio perfectissimè essendi: ratio originis est primæ personæ ratio subsistendi; ergo est ratio perfectissimè essendi; est igitur infinita: quia *esse* in divinis est formaliter infinitum.

Præterea, Intellectus divinus est formaliter infinitus, alioquin non foret essentia suæ comprehensivus, nec perfectissimè beatus: non est autem infinitus, nisi quia est idem essentia divinæ, quæ est primo infinita; sed paternitas est pariter eadem illi, omnimodam habenti infinitatem; ergo & ipsa ob eandem rationem est formaliter infinita.

Præterea, Illa quiditas est infinita, quæ eadem numero subsistere potest in pluribus suppositis distinctis; sed talis est relatio aliqua formaliter, ut spiratio activa in Patre, & Filio: quia alias Pater, & Filius non spirarent Spiritum Sanctum, in quantum omnino unum principium: Unde & spiratio passiva illi correspondens est pariter una; igitur hæc relatio spirationis activæ est infinita, & per consequens cæteræ omnes. Probatio majore

ris; essentia divina, quia infinita eadem in divinis subsistit in pluribus suppositis distinctis; ergo si activa spiratio una est in pluribus suppositis distinctis, & ipsa erit infinita.

Præterea, Augustinus de quantitate Animæ, *æqualitatem*, inquit, *inæqualitati jure præponimus, nec æstimo quæcumque humano sensu prædictum, cui illud non videtur*; ergo inæqualitati æqualitas præponitur tanquam aliqua perfectio; sed non est perfectio, ut præfertur inæqualitati ratione fundamenti, quia & inæqualitas potest fundari in illis, quæ sunt majoris nobilitatis, ut in Deo, & creatura; & æqualitas in iis, quæ sunt minoris nobilitatis, sicut inter individua; ergo æqualitas formaliter importat perfectionem respectu inæqualitatis: igitur relationes in Deo sunt formaliter perfectæ, atque ita infinitæ.

**CONTRA**, Quicquid in Deo dicit perfectionem est perfectio simpliciter: huic enim duntaxat perfectioni est composibilis intensiva infinitas: relationes divinæ non sunt perfectiones simpliciter: igitur nec quidquam formaliter involvunt perfectionis. Probatio minoris. Paternitas est in Patre, & non in Filio, neque in Spiritu Sancto: ergo si ea foret perfectio simpliciter, Patri aliqua inesset perfectio simpliciter, qua Filius, & Spiritus Sanctus carerent: quod est inconveniens.

**RESPONDEO** dicendum relationes in divinis non esse formaliter infinitas, nec quidquam proinde involvere gradualis perfectionis, ut nec imperfectionis. A lenius & duntaxat, supponenda sunt hic, quæ differimus de ratione infinitatis intensive, *quæst. 7. articulo primo*. Nomen enim infiniti in entitate illud significare intendimus, cui nihil entitatis deest *modo, quo possibile est haberi in aliquo uno*: quod idcirco apponitur, quia non potest id infinitum realiter, & formaliter omnem entitatem continere: etsi nihil sit, aut esse possit in entibus, quod virtualiter, & eminenter in illo non invenitur: Ad quem sensum notamus Damascenum loquutum, cum vocat essentiam divinam *Pelagus infinitum, & interminatum*. Quod igitur relatio originis in sua quiditate formali accepta, quæ est esse ad al. u. d. juxta hanc infiniti notationem, non sit formaliter infinita, & perfecta, & probatur: Infinito nihil entitatis deest, eo modo quo possibile est illud haberi in uno: sed possibile est omnem perfectionem simpliciter realiter, & per identitatem haberi in uno summè perfecto: ergo infinitum habet in se realiter, & per identitatem omnem perfectionem simpliciter: sed non habet realiter, & per identitatem illud, quod realiter est distinctum ab ipso: ergo nulla perfectio simpliciter est realiter distincta ab infinito: Effet autem distincta realiter talis perfectio ab infinito, si relationes originis forent simpliciter perfecte, & infinitæ: ergo fieri non potest, ut ipsæ formaliter involvant perfectionem, & infinitatem. Quod autem omnis perfectio simpliciter uniri queat per identitatem in uno, quæ erat secunda propositio argumenti, probatur: Etenim nihil est summè perfectum, cui deest aliqua perfectio simpliciter: nam nulla talis perfectio est alteri ejusdem generis perfectioni incompossibilis: ergo esse queunt omnes in uno summè perfecto. Quod vero absit ab eis perfectionibus mutua incompossibilitas, ostenditur. Nam ipsa est melior in quolibet, quam non ipsa, id est quàm quod ibet incompossibile sibi. Si ergo duæ perfectiones simpliciter mutuo sese excludant in supposito, unaquæque ex ipsis est melior altera ei incompossibili: ergo quælibet singillatim accepta, & ad aliam compa-

Ibidem nu. 6.



comparata esset melior altera, & per consequens melior, & non melior, perfectio simpliciter, & non perfectio simpliciter: quod est impossibile. Cum igitur relationes originis sine impossibiles in uno supposito, absit oportet ab eis ratio perfectionis simpliciter, & consequenter non sunt formaliter infinite, nec perfectæ, quia ea perfectio finita esset, cum infinita esse non posset. Deinde omnis perfectio simpliciter est pluribus communicabilis; sed relatio originis est pluribus incommunicabilis: cum sit proprietas personalis: ergo non est perfectio simpliciter, nec formaliter infinita. Probatio majoris, ex dictis, quest. 4. art. 2. nam perfectio simpliciter est melior ipsa quam non ipsa, in quocunque, ex Anselmo, *Monol.* c. 15. id est, melior quocunque illi impossibili positivo, in quocunque supposito, qua suppositum est; igitur nulla perfectio simpliciter est formaliter incommunicabilis. Probatio consequentia: nam quod est formaliter incommunicabile, est formaliter impossibile cuiuslibet alteri, intelligendo etiam alterum, sub ratione, qua suppositum est; ergo habens rationem incommunicabilis non est perfectio simpliciter. Assumptum est evidens, quia quod repugnat alicui, cum ut sibi repugnat, destruat illud, perfectio non est melius ipsum illi, quod destruitur per tale impossibile; ejusmodi sanè sunt relationes originis, quarum una alteri repugnat, ut contrarium contrario relativè opposito. Tandem probatur conclusio; quia perfectio simpliciter verè prædicatur in abstracto de quolibet sibi compossibili in eodem supposito, ratione infinitatis identificantis omnia, ac consequentis eam perfectionem, etiam prout abstrahit à supposito, ut constat de omnibus essentialibus; Et ratio est, quia infinitum neque non est compositum, verum etiam omnino incomponibile alteri: omne enim compositum potest esse pars, & subinde excedi, quia totum est majus sui partes; infinitum autem nullo modo potest excedi; ergo est omnino simplex, & incompositum, & incomponibile. Si autem aliquid sibi compossibile in eodem supposito non foret omnino idem sibi, tunc perfectio ipsum non esset omnino incomponibile, quia esse posset potentia respectu alterius perfectionis sibi compossibilis; onoter ergo infinitum esse idem realiter ei, quod sibi est compossibile in eodem supposito; Semper ergo prædicatio est vera etiam in abstracto quoties superest ratio identitatis extremorum, quæ exprimitur in propositione affirmativa: & porro semper superest identitatis ratio, quotiescunque alterum extremorum est infinitum: unde verè enunciantur relationes de Deitate, & de perfectionibus absolutis. Hæc enim sunt verè, *Deitas est paternitas &c. & Sapientia est paternitas, est spiratio &c.* Sed falsò relationes mutuo enunciantur: Nec sunt istæ concedendæ, *paternitas est spiratio, paternitas est filio, &c.* & converso: ergo evidens est relationes pro formali non esse infinitas, nec aliquam involvere perfectionem, nec imperfectionem.

AD ARGUMENTA. Ad primum respondeo sic: Quemadmodum per rationem infinitatis exprimere, ac significare intendimus ipsum esse per essentiam, & plenitudinem entitatis, ita nomine finitatis intelligitur participatio quædam, seu pars illius omnimodæ entitatis, prius excedentis quicquid capit, vel participat de illo quidquam entitatis. Quod sanè non est sic accipiendum, quasi participatio ones finitæ sint veræ partes entis infiniti eo modo, quo Euclides dicit 5. elem. conclus. 4. *omnis numerus minor majoris numeri pars*

*est, vel partes*; quia cum Deus sit entium simplicissimum, sibi omnino repugnat partibus constare: Sed propterea quod omne finitum est quid minus ente infinito, per quandam similitudinem dici potest pars illius excedentis ipsum, & quidem ultra omnem proportionem datam, & dandam. Juxta igitur hunc intellectum, omne finitum, cum sit minus infinito, est pars, seu participatio illius. Itaque cuicunque repugnat ratio partis, repugnet oportet & finiti ratio, sicuti & ab alio excedi quemadmodum exceditur ab infinito finitum, & ab ente per essentiam id, quod est participatio ejus. Quoniam igitur relationi originis repugnat esse pars, vel realiter excedi ab ente infinito, cui ipsa est realiter eadem, perfectio nec partis rationem subire potest: non est ergo finita: Sed nec infinita, ut ostendunt inductæ rationes.

Sed arguebatur; quia ens dividitur per finitum, & infinitum, priusquam dividatur in decem genera. Responsio: concedendum est in decem genera descendere ipsum ens finitum, ac proinde rationem ejus præcisè contrahi ab ipsis. Sed negandum, primam entis divisionem esse assignatam: imo oportere prius ens transcendenter acceperum dividi in ens quantum, & non quantum, intelligendo de quantitate virtutis, & entitativæ perfectionis. Quemadmodum enim secundum Philosophum, 5. *Phys.* text. c. 15. finitum, & infinitum quantitati congruunt molis, ita extensivè loquendo finitas, & infinitas virtutis non nisi ens quantum afficiunt, adeo ut minimè congruant enti non habenti quantitatem aliquam entitativæ perfectionis. Hæc autem quantitas non inest entitati, nisi & una subire queat rationem partis, aut totius inter essentias: Fieri enim non potest quin quantitas alteri comparata quantitati, habeat illam rationem, & excedat proinde, aut excedatur, & esse, vel participatio entitatis per essentiam, vel ipsa plenitudo omnimodæ entitatis. Non exceduntur autem entia finita per recessum à relatione, sed ab essentia divina habente omnem perfectionem quantitatis virtutis, & quidem ipsa secundum esse absolutum est mensura perfectionum participatarum.

Ad secundum dicendum sic: Quotiescunque intellectus est aliquid primum obiectum primitate virtutis, per tale primum intelligitur omne aliud obiectum, juxta ordinem, quem unumquodque intelligitum habet ad primum: intellectus autem divini primum obiectum virtutis, & adæquationis est essentia divina, sub ratione essentiae; nullum ergo personale est illi intellectui ita obiectum primum, etsi personalia quæque propinquiora sint primo obiecto, quovis ente creato; cum sint idem omnino essentiae primi, ac proinde illi propinquiora cæteris in cognoscibilitate. Quum igitur obiectum est incomprehensibile propria incomprehensibilitate, est pariter infinitum propria, ac formali infinitate; Verum generatio eterna Filii non est ita incomprehensibilis, sed dumtaxat per essentiam incomprehensibilitatem, cui identificatur; ac subinde non infinita, nisi ejusdem essentiae infinitate; quæ pariter est ratio intelligendi ipsam. Quia igitur ea intelligendi ratio est formaliter infinita, & incomprehensibilis, cum generatio sit ab ipsa, est incomprehensibilis dumtaxat principiativè, sive causaliter, non formaliter. Nec propterea est ab intellectu finito formaliter comprehensibilis; quia quod ab tali potentia comprehenditur est formaliter finitum; quia igitur generatio non est sic finita in sua quiditativa ratione, nec & comprehendi potest à quacunque potentia finita. Supra ergo, & latet omnem

Concedit Doctor relationes esse per se entia directæ; Sed difficultas magna incidit de ultimis constitutivis, quales ponuntur relationes in divinis. Vide ergo qualiter salvetur Doctoris sententia 1. *diff.* 3. *quest.* 3. & concordat cum illis, quæ habet 1. *diff.* 26. Sed videndus art. 4. in incidenti quæ 30.

Videndi nostri Fratris M. Scoti a in Metaphysicis.



formaliter creatam, nec sciri potest tam admirabile secretum, nisi per revelationem, quamvis non formaliter infinita, nec incomprehensibilis *concreta* per propriam infinitatem, sed solummodo *negative*, quatenus non est formaliter, & positive finita.

Ad tertium respondeo: Adæquatio propriè accepta dicit æqualitatem duorum in eadem quantitate: qualis adæquatio certè non est in casu, cum à relatione in divinis absit omnis quantitas virtutis, & perfectio. Alio modo *adæquatio* dicitur non secundum quantitatem, sed secundum proportionem; quo sensu unum dicitur alteri adæquatum, eo quod summè illi proportionetur; & ita effectus appellatur causæ adæquatus, quia in ratione effectus est causæ suæ proportionatus, esto non interveniat adæquatio quantitativa: qua ratione illuminatio dicitur adæquata soli consueti, quia major esse nequit, etsi effectus æquivocus longe distet a propriæ causæ perfectione, & quantitativa virtute. Cum igitur arguitur, oportere actionem adæquatam extremis infinitis esse infinitam. Utique ita esse concedimus, quoties est adæquatio in quantitativa virtute; Sed ejusmodi adæquationem hic abesse, ostendunt inductæ rationes. Nam non est inter ea extrema, & generationem mediam, nisi adæquatio exactissimæ proportionis, non secundum intensiorem, quæ afficit quantitatem virtutis; sed tantum respectu extensionis, quatenus idem generandi principium non ad aliam, quàm ad istam potest extendi generationem; non oportet igitur hac adæquatione exprimi actionem mediam, nec equiparari extremis in perfectione quantitativa virtutis; cum ibi non sit, nisi adæquatio proportionis secundum extensionem.

Ad quartum dicendum, *non subsistere* esse æquivocum. Uno enim modo accipitur pro per se esse ad quem intellectum dicit Augustinus 7. de Trinit. cap. 4. *omnis res ad se subsistit, quanto magis Deus?* Alio modo usurpatur pro incommunicabiliter per se esse. Siquidem communicabile intelligitur non quasi subsistens, sed perinde ac inhærens subsistenti, ac modum inherentiæ habens. In priori acceptione, concedendum est *subsistere* formaliter importare perfectissimum esse, quippe quo ipsa essentia exprimitur. At juxta posteriorem intellectum *subsistere*, ut præsupponit perfectum esse essentiæ, ita non involvit formaliter perfectionem, sed addit solummodo incommunicabilitatem supra per se esse. Illud ergo est ratio sic subsistendi, à quo est, ut illud quod per se est incommunicabiliter existat; & talis est relatio; ratio autem essendi incommunicabiliter non est, ratio perfectissimè essendi; ut intendit argumentum.

Ad quintum respondeo intellectum esse formaliter infinitum propria infinitate, quæ est modus intrinsecus ejus, non vero paternitatem, ut paternitas est, quamvis sit eadem res cum essentia infinita, ac proinde infinita & ipsa per identitatem. Ad cujus evidentiam considerandum, qualiter primum omnium in divinis est essentia, ut essentia, ab Damasceno verè *Perlagus* appellata ob comprehensionem omnium perfectionum divinarum. Ea ergo infinita est non tantum intensivè in se, sed etiam virtualiter primo, & per se continens omnia intrinseca, quæ pariter sunt infinita, non quidem à se, sed virtute essentiæ, à qua habent infinitatem. Ipsi itaque essentiæ inest infinitas formaliter à se, & primo. Ab hac autem primaria infinita entitate, sicut licet loqui, emanant omnia ordinate: primo quidem intrinseca essen-

tialia, quæ non dicunt respectum ad extra; secundo notionalia; tertio denique creata omnia, ita quidem ut quodcumque emanatorum eam ab illa accipiat perfectionem, cujus est capax; ejus ergo recepti causa quasi effectiva, & primaria est infinitas essentiæ: causa autem, sive ratio formalis est ipsa entitas propria cujuslibet emanantis. Essentialia igitur recipiunt ab illa infinitatem formalem nam in ratione principii, & fundamenti sufficientissima est infinitas entitativa & à se, propriam unicuique essentialium tribuendi perfectionem virtutalem, quæ utique eis non repugnat, uti nec communicabilitas, ut verissimè proinde sint formaliter infinita. At relationes personales id ab essentia accipiunt, ut sint formaliter ad alterum, quæ uti sunt quiditativè incommunicabiles, ita non accipiunt ab essentia entitativam perfectionem, quia id ipsis propria entitas non permittit, nec ullam ejusmodi perfectionem recipiendi sunt capaces. Nam omnino in genere principii formalis oportet esse statum, ut non alia sit assignabilis causa percontanti, cur sapientia sit infinita, non item paternitas, nisi quia hoc est hoc, illud vero est illud: quemadmodum unum accipit esse communicabile, aliud incommunicabile: quia tales sunt rationes. Repugnantia enim formalis, & non repugnantia, non aliam habet causam priorem, nisi naturam extremorum. Tandem ab essentia creaturæ accipiunt entitatem finitam, quia hæc sola eis competere potest.

Ad formam itaque argumenti, negandum est identitatem ad essentiam esse præcisè rationem habendi infinitatem formaliter, sed dumtaxat est ratio sufficiens iis, quibus infinitas non repugnat, in quorum numerum non cadere relationes personales constat ex dictis.

Ad sextum respondeo: quoniam activa spiratio advenit Patri, & Filio jam constitutis in esse personali, fieri non potest, ut sit eorum constitutiva: si ergo per impossibile prima persona Spiritum Sanctum spiraret, non producta secunda, utique spiratione activa constitueretur; & consimiliter si secunda persona non foret constituta in esse incommunicabiliter subsistens, talis ratio ex activa spiratione sibi inesset.

Cum igitur duo sint distincta supposita, quibus advenit activa spiratio: ipsa pro formali nequit esse una, sed est duplex pro ratione suppositorum, in quibus reperitur. Sed arguebatur, quia unicuique est fundamentum ejus relationis, unicuique terminus. Responso, fundamentum remotum activæ spirationis unicum, & indivisibile est; illud autem est voluntatis secunditas; at quia hæc est in duobus suppositis, intantum ut vere sint duo spirantes (unus tamen spirator) gemina quoque formaliter est relatio spirationis activæ; non una ergo in pluribus distinctis personis; etsi in utrisque sit idem fundamentum intensivè infinitum.

Ad ultimum concedo æqualitatem importare aliquam perfectionem, propterea quod in omni natura comparatione facta ad aliquid ejusdem naturæ, melior est æqualitas suo opposito, quod est inæqualitas; quia oppositum ejus de necessitate dicit imperfectionem, idque ratione fundamenti imperfectioris respectu illius, super quo fundatur æqualitas. Unde nec æqualitas formaliter est simpliciter perfectionis; dicit tamen perfectionem, quæ in omni natura melior est suo opposito, quia de necessitate oppositum involvit imperfectionem propter fundamentum imperfectius, ratione cujus est perfectiori naturæ inæquale.

1. dist. 11. qu. 1. & 2. & dist. 26.

1. dist. 12. q. 1.

1. dist. 19. q. 1. & 2. Ad secundum principale plenius agit Doctor de his.

Proodib. 4. ad 10. 9. Ad argumentum. Propter argumentum cui satisfit, Metaphys. 11. Metaphys. 11. 63. putat Doctorem probabile existimasse positionem esse rationem perfectionis, quia ultimus gradus positivè consensens naturam singularem. De his infra qu. 20. art. 4. in incidenti.



Utrum relationes, quæ sunt in Deo, realiter distinguantur.

*Dilectio locis in margine citatis S. Thom. 1. par. quest. 28. articulo 3.*

1. dist. 2. q. 4.  
in argumentis  
principalibus.

**V**IDENTUR relationes, quæ sunt in Deo haud distinguuntur realiter; Nam quæcumque uni, & eidem sunt simpliciter eadem, pariter eadem sunt oportet inter se: sed relationes Deo in-existentes realiter, sunt simpliciter eadem uni essentia divina; ergo inter se quoque sunt realiter eadem, & ita haud distinctæ hoc genere realis distinctionis. Major ex eo patet, quia proinde tenet omnis forma syllogismi perfecti, quatenus in premissis notantur extrema in medio conjungi, atque exinde concluditur par identitas extremorum inter se in conclusione.

Præterea, Essentiale, & accidentale dividunt totum ens. Quicquid ergo est in aliquo, aut est idem sibi essentialiter, aut accidentaliter. Essentia autem divina nihil accidere potest; erunt igitur relationes sibi eadem essentialiter: Sed quod est ita alteri idem, multiplicato uno, multiplicatur & reliquam; igitur si relationes istæ realiter distinguantur, pariter essentia distingueretur, & multiplicaretur, quod est impossibile.

Præterea, Relationum distinctio non aliunde videtur desumenda, quam à distinctione fundamenti, & terminati: ab his enim accipiunt esse, adeoque, & distinctionem: Sed in divinis omnium relationum idem omnino est fundamentum, idemque terminus, essentia scilicet divina innumera-bilis, & indivisibilis; ergo relationes quæcumque in Deo realiter non distinguuntur.

1. dist. 11. q. 3.

**CONTRA**, Boetius 1. de Trinit. cap. 12. *Essentia continet unitatem, & relatio multiplicat Trinitatem*; sed est vera distinctio realis trium divinarum personarum; ergo & relationes multiplicantes personas, realiter distinguuntur.

De hoc supra  
actum quæ 27.  
art. 1.

**RESPONDEO** dicendum, relationes, quæ sunt in Deo revera inter se realiter distinguuntur: Propterea enim relationes ponuntur, & sunt in Deo, quia est bi producentis, & productum, spirans & spiratum; & quamvis relationes causæ & causati in eadem natura, & magis in eodem supposito repugnent, uti repugnat idem à se ipso essentialiter dependere; nihilominus producentis, & producti relationes ut sunt impossibiles in eodem supposito; (nulla enim mens capit idem se ipsum producere) ita reperiri queunt in eadem natura illimitata; Si igitur est productio in essentia divina, necessario est inter duas personas subsistentes; una igitur ad aliam referatur oportet per rem, quæ est ad aliud, non inclusam essentialiter in essentia, quæ est summa res ad se; relationes igitur reales in Deo realiter ad invicem oppositæ distinguuntur, quemadmodum & distinguuntur supposita, quæ producantur; & producantur. Quod & expressit Augustinus, xi. de Civit. cap. x. *Sed ideo, inquit, simplex dicitur Deus, quoniam quid habet hoc est, excepto, quod relativi- tate quæque persona à altera dicitur, sicut Pater habet Filium, & non est Filius*: quæ autoritas sic intelligitur; quia enim divina essentia est summe simplex, ideo fieri non potest, ut producta sint in ea per informationem; ergo sint oportet subsistentia; & persone subinde. Nec propterea tamen ex eo sequitur essentiam distinguere ad distinctionem personarum, sive relationum, cum

rectè intelligatur unam, idemque illimitatum esse fundamentum relationum oppositarum, & præsertim in casu de essentia divina, quæ est simpliciter illimitata, & infinita.

**AD ARGUMENTA**. Ad primum respondeo, majorem esse sic intelligendam: quæcumque al qua identitate sunt eadem alicui, illa ea identitate inter se sunt eadem: nam concludi nequit aliqua identitas extremorum inter se, nisi secundum eam identitatem, qua sunt eadem medio, & medium in se est idem. Per hanc propositionem ita intellectam, tenet omnis forma syllogistica: non concurrente enim altera conditione vel unitatis medii ad se, vel extremorum ad medium, non est syllogismus, sed Paralogismus accidentis. Cum subditur in minori; quicquid est in essentia divina est idem illi essentia. Loquendo de identitate formali, vobis hæc propositio est falsa, juxta dicta supra *articulo secundo*: ac proinde neque potest, aut debet concludi par vel formalis identitas extremorum inter se; imo hæc realiter inter se distinguuntur.

1. dist. 2. q. 7.  
nu. 47.

**CONTRA**, igitur ex identitate reali eorum ad essentiam, est inferenda eadem identitas eorum inter se. Responso: Si illatio intelligatur de reali identitate, propter quam omnia sunt una res, scilicet una essentia, vel una natura divina; vera est; Si vero si. sensus, personas esse unum quid cum essentia unitate subsistentia, vel personalitatis; iste intellectus est falsus, & rejiciendus: ac proinde nequit inferri identitas subsistentis, vel subsistentia, per rationem identitatis relationum in essentia, ut in medio.

**Ad secundum dicendum**, *pro accidentale accipi* posse dupliciter, scilicet & pro eo quod est alteri extraneum, & pro perfectivo alterius præexistentis in esse perfecto. Juxta hanc secundam acceptionem, falsum est assumptum, est nempe invenire medium inter utrumque, ut differentia contrahens genus, neque est ei essentialia quid, nec accidentale. Hoc igitur modo concedimus, in divinis nihil reperiri posse accidentale; sed præter essentiam est in illo aliquid non essentialia. Secundum primam vero acceptionem, quicquid non est de ratione essentiali alterius, est illi accidentale, & extraneum; quo pacto nullum est inconveniens accidentale reperiri in divinis, & relationes sub hac appellatione cadere: non oportet ergo ad harum multiplicationem relationum pariter & essentiam multiplicari, quod concludere intendebat argumentum.

**Ad tertium respondeo**, *quest. precedenti art. 4.* extitisse declarationem, qualiter processio amoris non est generatio Verbi, quamvis enim fundamentum remotum omnium divinarum perfectionum, & potentatum sit unica essentia Dei illimitata, & infinita; proximè tamen processiones nec fundantur in illa, nec sunt ab ipsa; quia tunc una non foret per modum naturæ, altera per modum libertatis, sed ambæ potius eadem naturali necessitate provenirent. Sunt ergo per prius intelligenda principia productiva alterius, & alterius rationis in essentia, & exinde processiones emanare ex ipsis, ut productorum alterum exeat ut natum, alterum vero ut spiratum. Propter igitur altitatem principiorum est productio duarum personarum, & distinctio subinde realis relationum in Patre generante Filium, & in utroque ut spirant amorem infinitum, qui est Spiritus Sanctus; quippe quæ relationes producentis, & producti ita distinctæ nullam præstent repugnantiam respectu unius naturæ illimitatæ, eæ sunt planè in-

1. dist. 13.

1. dist. 11. q. 2.

1. dist. 26. §.  
De modo.



compossibiles in uno supposito, ut dictum est in *solutione*. Ad terminum, quod attinet, respondet, unum, eundem terminum acquiri posse duabus productionibus alterius, & alterius rationis, ut dicit Philosophus 7. *Phys. text. c. 21. de Obi*; quod acquiri potest mutationibus alterius rationis, ut per motum rectum, & circularem, qui tamen motus sunt incomparabiles.

ARTICULUS IV.

Utrum in Deo sint tantum quatuor relationes reales, scilicet paternitas, filiatio, spiratio, & processio.

Doctor. 1. dist. 2. qu. 7. Ad secundam rationem secundæ qu. nu. 37. & prout in margine annotatur. S. Thom. 1. par. quæst. 28. articulo 4.

**V**IDENTUR relationes in Deo non esse precise quatuor, scilicet paternitas, filiatio, spiratio activa, & passiva processio. Etenim propterea hæ relationes in Deo reperiri dicuntur, quia ex gemina fecunditate essentis penes intellectum, & voluntatem, ipsa est in duabus personis productis, ex quo necessarium sit, ut producentis ad productum referatur, atque ab eo realiter distinguatur; pululant ergo, & innascuntur relationes in Deo, eo quod sit in ipso duplex principium productivum. Sed verissimè est quoque principium omnium creaturarum, & totius fluxus entis; ergo ultra prædictas relationes statuendæ sunt in eo alie, quæ consequantur, sive in illo, quatenus est causa productiva, & effectiva omnium aliorum ab ipso.

Præterea; Propterea quod divinæ personæ verissimè sunt inter se similes, & æquales, & ejusdem indivisibilis essentia, est inter eas vera, & realis similitudo, & æqualitas, & identitas: hæ autem sunt relationes, quæ ppe quæ intelligi nequeunt, necesse sine extremis: ergo ultra prædictas relationes, sunt quoque ponendæ in Deo multe alie.

Præterea, Quatuor prædictis relationibus inesse videtur par potestas, filiatio autem, & passiva processio ponuntur habere vim constituendi duas personas: Filium nimirum, & Spiritum Sanctum: ergo & dæ alie his correspondentes pariter constituent duas alias personas: igitur ex positione quatuor relationum prædictarum sequeretur quatuor esse debere personas divinas quod est impossibile.

Præterea, Secundum Philosophum 3. *Phys. text. c. 21. Eadem via est de Athenis ad Thebas, & de Thebis ad Athenas*: ergo eadem est relatio producentium ad producta, ac productorum ad producentes: non igitur sunt multiplicandæ relationes in divinis ad originationem spectantes usque ad numerum quaternarium, cum duæ tantum rei satis esse videantur.

CONTRA, Augustinus 15. de Trinit. cap. 26. *Sicut Filius præstat essentiam de Patre generatio, ita Spiritui Sancto de utroque processu*. Sed ut generatione est Pater, ita nativitate est Filius: ergo sunt in Deo paternitas, & filiatio. Rursum Spiritui Sancto communicatur essentia à Patre, & Filio, sic ut processione passiva sit tertia persona subsistens in essentia divina; ergo ut Filius refertur ad Patrem filiatione: ita passiva processio est ad spirationem. Sunt ergo quatuor relationes originis in Deo, duæ scilicet spectantes ad per-

sonas productas, ac totidem ad producentes, quanquam in diversis modis, ut patebit ex dictis.

RESPONDEO dicendum in tribus personis divinis esse quatuor relationes prædictas originem concernentes, nec plures nec pauciores. Declaratio: In essentia divina est duplex fecunditas, quatenus est in ipsa intellectus infinitus, & voluntas pariter infinita: ex gemina autem fecunditate necessario est ibi duplex productum, alterum per intellectum, alterum per voluntatem: ex eo autem quod productum per intellectum ex ea per modum naturæ, profecto producit ex vi ovis sui in similitudinem producentis, ut verissimè proinde id suppositum sit natum, & Filius ejus, à quo producitur: et si enim id eveniret in una, eademque natura propter sui illimitationem, attamen oportet omnino producentis distinguere realiter à producto: nulla enim mens capit, idem seipsum vera, realique productione producere, teste August. 1. de Trinit. cap. 1.; igitur hac ex fecunditate per modum naturæ est in divina essentia relatio paternitatis, & filiationis, quia vero superest altera fecunditas ex parte voluntatis, quam communicat Pater Filio, priusquam intelligatur habere suum productum: id vero non exit, quomodo natum, quia voluntati inest ratio principiandi alterius omnino rationis ab ea, secundum quam producit intellectus: ergo productum per voluntatem secundum Patrem, Filioque communem, uti, est utrique essentia communis, non nascitur, sed procedit, & à Patre, Filioque, ut amor subsistens & infinitus: per passivam igitur processionem hæc tertia persona refertur ad spirantes se, eaque constituitur, ut Filius filiatione, & Pater paternitate: sunt proinde in essentia divina quatuor reales relationes, scilicet paternitas, filiatio, spiratio Patris, & Filio communis, & passiva Spiritus Sancti processio: eam inter se differentiam præferentes, quod paternitas, & filiatio, ac passiva processio singulas respectivè constituent, ac distinguunt personas, eaque solæ sunt, quæ multiplicat Trinitatem, ut ait Boetius 1. de Trinit. cap. 12. Nam activa spiratio cum nullam personarum constituat divinarum, ad numerum personarum non spectat: quoniam enim adventit personis jam in suo esse personali constitutis, Patri scilicet, & Filio, impossibile est in ipsis habere vim constituendi; quanquam si constitutas non inveniret, nihil prohiberet, quin per ipsam duæ personæ spirantes constituerentur: quemadmodum & sibi correspondens passiva processio tertiam constituit personam, quæ Spiritus Sanctus in Scriptura appellatur.

AD ARGUMENTA. Ad primum dicendum, Deum utique esse causam effectivam omnium creaturarum; veruntamen ad has non referri reali relatione, quia cum ei principio intensivè infinito nequeat adæquari ullum creatum, vel creabile necessario quicquid causatur est contingens, & finitum. Si autem infinitum, & necessarium ex natura rei referretur ad finitum & contingens, magis necessarium dependeret à minus necessario: atqui si per impossibile poneretur repugnare omne aliud à Deo, oporteret consequenter & pariter repugnare aliquid, quod est idem ac Deus, & ita ex repugnantia minus necessarii sequeretur deest ictio simpliciter necessarii, quod est impossibile: nulla est ergo relatio realis in Deo, nisi relationes originis, per quas divinæ personæ constituuntur modo jam explicato, quæ etiam mutuo sese respiciunt.

Ad secundum est responso dicentium, eas relationes æqualitatis, & similitudinis in Deo, esse re-

1. dist. 10. q. 2. De modo.

1. dist. 11. q. 2.

1. dist. 8. q. 1.

S. Thom. hic. Ad quartum.

1. dist. 7. qu. 1.

1. dist. 16. q. De modo.

1. dist. 16.

Quodlib. q. 6.

Quodlib. q. 2. § De tertio articulo.



respectus rationis; nobis autem esse sermonem de relationibus realibus. Nos putamus hanc responsum non esse approbandam, quia infra *quæst.* 42. sentiendum ostendimus eos respectus in Deo esse reales. Concedimus ergo argumentum: nam id non negavimus in *solutione*: sed solum intelleximus, non esse ponendas alias relationes divinarum personarum constitutivas, & distinctivas, ultra præmemoratas, etsi interim & ipsa spiratio activa per accidens id muneris non exerceat, quatenus invenit eas, quibus accedit, personas jam in earum esse personali constitutas. Relationes ergo originis, quæ primò pullulant in essentia divina, constituunt personas, ac distinguunt; etsi ergo sint & reales pariter relationes æqualitatis, & similitudinis, quia tamen supponunt personas jam constitutas, ideo nec distinguunt, nec constituunt; & proinde non veniunt in numerum cum jam memoratis.

Ad tertium respondeo, eo probari quod dictum est in *solutione*, nimirum præfatas omnes relationes, quantum est ex parte earum, posse quidem constituere personas, seu producentes, seu productas, ut est evidens de habitudine paternitatis; Sed de facto non oportere omnes eum effectum formalem exercere, si aliqua adveniat personis jam constitutis, uti de facto spiratio activa advenit Patri, & Filio proprias personalitates possidentibus. Non sequitur ergo consequentia, quæ infertur, nec sanè est ulla necessitas ponendi quatuor personas ex numero quaternario relationum. Nam idem suppositum produciens alia atque alia præditum producendi ratione, habere potest plura producta, ut ars, & natura in eodem supposito; at impossibile est idem constitui in esse duabus productionibus æquatis, quia tunc alterutra circumscripta nihil minus haberet esse per

alteram, & è converso: impossibile est autem productam accipere suum esse originatum per originem, qua circumscripta, nihilominus esset; est igitur absolutè necessitas multiplicandi personas ratione passivæ productionis, non vero ex parte activarum originationum. cum exeant à personis jam proprium esse personale habentibus.

Ad quartum; negandum est absolutè eadem relatione constitui primam personam, & secundam: imo altera constituitur prima, scilicet paternitate, altera secunda, quæ est filiatio, opposita relationi, qua prima persona est Pater. Cum enim constitutum primæ personæ divinæ, sit statuendum in prima proprietate incommunicabili positiva, ea præcisè est relatio paternitatis opposita relationi primæ personæ productæ: etenim altera proprietas consequens fecunditatem voluntatis, est communis utrique personæ: Si ergo illa prior est opposita necessario relativè proprietati primæ productæ, evidenter altera relatione constituitur Pater, altera Filius in esse personali. Ad Philosophi auctoritatem (qui videtur sentire, actionem, & passionem esse idem) respondeo, non esse intelligendam quasi velit, eam viam à termino à quo ad terminum ad quem, & è contra, esse ipsam magnitudinem, super quam sit motus, sed magis ipsummet motum hinc illuc, & è converso. Motus enim ipse est illud, per quod dicitur Agens per respectum *ab hoc*, intelligendo per *ab hoc* respectum à quo: In mobili etiam fundatur è converso respectus ad agens: Et isti duo respectus habent aliquid idem materialiter, nempe motum, sed formaliter sunt alij, & in alijs subjectis. Quantum igitur hæc auctoritas potest applicari ad casum, de quo agitur, magis est ad oppositum.

Quodlib. 9. q. 4.  
8. Iuxta illud.

4. dist. 13. q. 7.  
6. Ex dictis. V.  
Et hoc sufficit.

1. dist. 26.  
4. Ad secundum  
dum principium.

Quodlib. 9. q. 4.  
6. De tertio  
articulo.



# QUÆSTIO VIGESIMANONA

## DE PERSONIS DIVINIS,

### IN QUATUOR ARTICULOS DIVISA.

*Premiſſis autem hiſ, quæ de proceſſionibus, ac relationibus præcognoscenda videbantur, neceſſarium eſt aggredi de perſonis.*

*Et primò ſecundum conſiderationem abſolutam, & deinde ſecundum comparativam rationem. Oportet autem abſolutè de perſonis, primò quidem in communi conſiderare, deinde de ſingulis perſonis.*

*Ad communem autem conſiderationem perſonarum quatuor pertinere videntur: primò quidem ſignificatio huius nominis perſona. Secundò verò numerus perſonarum. Tertiò, ea, quæ conſequantur numerum perſonarum, vel ei opponuntur, ut diverſitas, & ſimilitudo, & huiusmodi. Quarto verò, ea, quæ pertinent ad notiitiam perſonarum.*

#### CIRCA PRIMUM QUÆRUNTUR QUATUOR.

- I. De definitione perſonæ.
- II. De comparatione perſonæ ad eſſentiam, ſubſiſtentiam, & hypotafim.
- III. Utrùm nomen perſonæ competat in divinis.
- IV. Quid ibi ſignificet.

#### ARTICULUS I.

##### De definitione perſonæ.

*Doct̃or 1. diſtinct̃. 23. utriuſque ſcripti.*

*S. Thom. 1. par. quæſt. 29. artic. 1.*



**V**IDETUR probanda Boetii definitio, qua libro de duabus naturis, & una perſona Chriſti, rationem perſonæ declarat per hoc, quod ſit naturæ rationalis individua ſubſtantia. Nam hac definitione *Tò ſubſtantia individua* ſignificat ſingulare, non cuiuſvis generis, ſed ſolius ſubſtantie; & quia non cuiuſvis ſubſtantie ſingulare eſt perſona, ideo additur *naturæ rationalis*, eo quod in ſolis ſubſtantis rationalibus, & intellectualibus reperitur, ejuſque individuum appelletur perſona; Eſt ergo præmiſſa deſcriptio exacta expreſſio definiti.

Preterea, In genere ſubſtantie dumtaxat ſpeciali quodam modo invenitur individuum; ſubſtantia enim individuat per ſe ipſam, accidentia vero per ſubjectum, quod eſt ſubſtantia, evadunt individua; unde & ſpecialia nomen competit illis: dicuntur ſiquidem hypotafes, & primæ ſubſtantie. Et rurfus ſubſtantis rationalibus ſpecialius congruit nomen, eo quod in earum poteſtate ſint propriæ operationes, & nedum aguntur ſicut alia, ſed etiam per ſe agunt: actiones autem in ſingularibus ſunt. Id autem ſpecialia nomen, quod præ aliis poſſident, quoque exprimuntur, eſt nomen perſonæ; ergo exactè, & adæquatè perſona deſcribitur; quod ſit *naturæ rationalis individua ſubſtantia*.

Præterea, Nullam eſt adinvenire perſonam, quæ non ſi individuum ſubſtantie ſpiritualis; nam infra hunc gradum ad ſummum ſubſtantie ſubſiſtentes, vel ſuppoſita occurrunt, quæ de communi omnium ſenſu nec ſunt, nec appellantur perſonæ: igitur præmiſſa deſcriptio exactè, & adæquatè exprimit rationem perſonæ.

Contra, Anima ſeparata eſt rationalis naturæ individua ſubſtantia; non autem eſt perſona: *Tomus I.*

minus convenienter ergo perſona ſic definitur.

RESPONDEO dicendum, Boetii præſertim definitionem eſſe exponendam, aut corrigendam per Richardi notificationem, qui 4. de Trinitate, cap. 22. ita perſonæ rationem exponendam putat, *Perſona eſt intellectualis naturæ incommunicabilis exiſtentia*. Etenim inſiſtendo ſignificationi verborum Boetianæ definitionis, anima rationalis à corpore ſeſuncta, dicenda foret perſona, cum ſit individua ſubſtantia rationalis naturæ: quod ſi nomine *rationalis ſubſiſtentia* exprimi intelligatur ſubſtantia quolibet ſpiritualis, ut perſonæ nomen, & res aptetur, ac reperitur in Deo, Angelis & hominibus; igitur Deitas appellanda eſſet perſona; quæ de ſe, & ex ſe ſingulariſſima eſt, ac ſeſunctiſſima à quacunque ratione pertinente ad gradum inferiorem ſubſtantie ſpiritualis. Deinde propriè loquendo congrueret Deo ratio importata nomine perſonæ; etenim Deus impropriè appellatur individuum; ergo ſi perſona ſit naturæ rationalis, vel ſpiritualis individua ſubſtantia, quia Deus de rei proprietate non eſt individuum, nec erit in ipſo propria ratio perſonæ. Probatio conſequentie: individuum propriè non eſt, niſi ubi individuum aut reperitur, aut eſſe poteſt: Deus autem eſt eſſentialiter immultiplicabilis; ergo ut ſibi contradicitoriè repugnat eſſe dividuum, ita non eſt individuum. Denique, juxta præmiſſam Boetii notificationem per ſe, & primo nomen perſonæ conveniret homini, quippè qui per ſe & primo & ſolus dicitur rationalis, præſertim in ſententia negantium Angelos eſſe rationales, & diſcurrere. Id autem eſt inconveniens; quia perſonæ nomen primo convenit perſonis divinis, Hæc ſerè tanguntur à Richardo loco cit. cap. 21. quamvis deinde cap. 24. & cap. 16. approbati videatur Boetii deſcriptio, non nihil immutata, aut expoſita.

Rationem igitur perſonæ exactius expreſſiſſe videtur Richardus loco citato addendo *incommunicabilitatem* ad exiſtentiam naturæ intellectualis quod ſanè preſtitum eſſe oportuit, cum natura humana individua, ſive athoma, ut appellatur à Damasceno, aſſumpta ſit, ac perſonata perſonalitate Verbi Dei; propterea igitur eadem natura perſonata fuiſſet in ſe ipſa, quatenus ex ſe ſubſiſteret, nec eſſet aſſumpta, & perſonata per alienam perſonalitatem; cum ergo formali rationi nature

S. Thom. 1.  
p. quæſt. 1. ar.  
3. ad quæ.  
tum.

Supra q. 13.  
art. 6.

3. diſt. 1. q. 3.

S. Thomæ  
fundamenta  
pro declaranda,  
ac tuenda  
Boetii diffinitione.

S. Thomæ  
1. principale.



Infra art. 4.  
in incidenti.

turæ intellectualis existentie, five individue intelligitur accedere *incommunicabilitas* habetur adæquata ratio, & omnimoda expressio personæ, adeo ut persona sit *incommunicabilis* habens existentiam in natura intellectuali.

Porro ad evidentiam *incommunicabilitatis* complementis, & constituentis rationem formalem personæ, sciendum *communicabile* dupliciter intelligi, & evenire posse. Nam aut aliquid communicatur pluribus, adeo ut quodlibet eorum sit ipsum, quod communicatur, sicut universale dicitur communicari suis inferioribus; aut certe communicatur alteri ut forma, qua aliquid est tale secundum eam, sed non est ipsa, ut anima communicatur corpori sic, ut per illam verè sit animatum; sed interim non est anima. At Deitas utroque modo communicatur tribus personis divinis; unaquæque enim est Deus, & insuper est ratio formalis quiditativa, secundum quam tres personæ unum sunt in essentia divina. Per oppositum ad hanc geminam *communicabilitatem*, & *communicationem* est intelligenda personæ *incommunicabilitas*: ea quippe neque est *communicabilis ut quod*, five tanquam superius suo inferiori, neque *ut quo*, seu ut forma, qua aliquid est tale per ipsam; & nedum sit oportet *incommunicabilis actu*, verum etiam *incommunicabilis aptitudine*: alioquin quum natura individua in alie. na subsistit personalitate, id contra naturalem inclinationem ejus eveniret, ac violenter ita subsisteret, ut lapis *in ubi* sibi innaturali, ad quod juxta naturalem aptitudinem ejus non inclinatur. Est igitur persona *intellectualis nature incommunicabilis existentia*: *incommunicabilis*, inquam, *incommunicabilitate* opposita geminæ *communicationi*, & qua natura universalis, suis communicatur inferioribus, & *communicationi*, qua aliquid alteri, ut forma communicatur tam actu, quam aptitudine. Illud propriè ergo est persona, quod non est actu, nec aptitudine alteri communicatum, sed per se subsistens, & independens in natura intellectuali. Sed hic sermo complebitur infra art. 4. in incidenti, & in quæst. fundamentali 3. par. art. 4.

Ad ARGUMENTA. Ad primum respondeo ex dictis; quoniam individua substantia naturæ rationalis est alteri communicabilis per modum formæ, ut didicimus ex abditissimo Incarnationis mysterio, cogimur affirmare personæ complementum advenire individua substantiæ per aliud, quod non sit ei ratio individuationis. Fatendum sanè individua substantiam de facto existentem esse, & rectè appellari personam, non quia individua sit, sed rationem *incommunicabilitatis*, ex qua inest ultimum personæ complementum: ipsa quidem est *incommunicabilis ut quod*, & quatenus individua, scilicet per rationem individuationis & hæcenus non est persona, nisi præterea intelligatur *incommunicabilis ut quo actu*, & aptitudine; quod cum in sua definitione haud expresserit Boetius, exactiori oratione personam videtur declaravisse Richardus. Verum est igitur in substantiis rationalibus, & intellectualibus tantum reperiri personam, sed quia ad personalitatem requiritur ultima solitudo, five negatio dependentiæ actualis, & aptitudinalis ad personam alterius naturæ, atque hæc non intelligatur præcisè in substantia individua, sicut per se existente (est namque adhuc alteri communicabilis *ut quo*, sicut tactum fuit) profecto ratio personæ non exprimitur adæquate per hoc, quod sit naturæ rationalis individua substantia.

Ad secundum dicimus, non admitti à nobis quod assumitur, scilicet, substantiam individuari per se ipsam, accidentia vero per eorum subjecta: imo putamus, utrumquodque entium creatorum esse individuum per propriam singularitatem, egredientem de natura uniuscujusque, ut alibi erit ostendendum. Ad difficultatem quod attinet, patet responsio ex dictis in præcedenti solutione. Nam individua in genere substantiæ, utique dicuntur & sunt substantiæ primæ, sed talis quoque est natura humana unita Verbo Dei; ut ergo verè, & rectè dicantur ejus generis individua hypostases, & personæ, profecto aliquid est addendum rationi substantiæ primæ: ea autem est *incommunicabilitas actualis*, & aptitudinalis, propter quam solitariè per se existunt, & independentè ab alia persona operantur. Quandiu ergo non exprimitur hoc ultimum completivum personæ, equidem non declaratur ejus ratio quiditativa.

Ad tertium respondeo, Quamvis persona quæcunque sit individuum substantiæ spiritualis, non tamen è converso, quodlibet tale individuum esse personam, ut exitit declaratum. Non ergo ea Boetii descriptio sic reciprocatur, ut oportet definitionem congruere definito: Deficit quippe illi quod est potissimum in definitione, nempe expressio definiti in eo, per quod ab aliis distinguitur, & subinde constituitur. Latet ergo equivocatio in argumento, quia non quæcunque per se existentia in natura intellectuali, & personalitas, sed oportet præterea involvi in tali per se existentia negationem dependentiæ actualis, & aptitudinalis ad personam alterius naturæ, ut dictum fuit.

Ad argumentum in oppositum est responsio dicentium animæ separatæ attribui non posse rationem personæ; cum enim in eo separationis statu retineat naturam unibilis, dici nequit substantia individua, quæ est hypostasis, vel substantia prima: sicut nec manus, nec quæcunque alia partium hominis, atque ita, ut non competit animæ definitio personæ nec nomen. Contra, individua substantia naturæ rationalis est alteri unibilis unitate personæ, ut constat de unionem humanæ naturæ cum Verbo divino, ergo etsi anima separata sit corpori unibilis, ut forma ejus, ex eo tamen non fit, quin sit substantia individua. Deinde, natura humana in Verbo subsistens, est substantia prima, non autem hypostasis, vel persona: alioquin propria, & aliena personalitate subsisteret; ergo ex tali relatione inest sibi esse substantiam primam, quam omnino aliam esse oportet à personalitate; non est igitur hypostasis idem, ac substantia prima. Assumptum probatur. In coordinatione prædicamentali sunt omnia, quæ per se pertinent ad illam coordinationem: ergo est invenire in ea supremum, & infimum: ut autem supremum est gradus universalis, ita infimum est gradus individuationis: cum ergo de Christi humana natura prædicentur verè omnes gradus superiores in ipsa per se inclusi, profecto eadem erit & prima substantia, quamvis non sit hypostasis, vel persona, cujus ratio intelligitur inesse primæ substantiæ, ex eo præcisè quod in subsistendo, ac operando ab alia non dependeat. Præstat ergo dicere Boetii definitionem esse exponendam, aut corrigendam juxta Richardi præmissam notificationem, cum persona præcisè non sit individuum naturæ intellectualis: imo necessario addenda, ac exprimenda est *incommunicabilitas*.

2. diff. 3. q. 1.  
& 7.

Infra 9. 30.  
art. 4. in incidenti.

3. diff. 1. q. 1.  
& Quodlib.  
q. 19.

S. Thom. hic  
9. Ad quinqu.  
sum.

3. diff. v. q. 10.  
9. Ad illud spec.  
iale. V. Ad  
primam propositionem.

2. diff. 3. q. 5.  
6. Contra.  
Frivola, &  
intemperans  
est Cajetan  
censura; di  
centis Docto  
rem non pe  
netrasse qui  
importetur  
non, ne sub  
stantiæ primæ  
quæ & ind  
vidua appe  
latur à S. Th  
ma in præ  
responsione.



ARTICULUS II.

Utrum persona sit idem quod hypostasis, substantia, & essentia.

*Doctior locis in margine citatis. S. Thom. 1. par. quæst. 29. art. 2.*

**V**IDETUR persona idem esse ac hypostasis, substantia, & essentia. Etenim Augustinus 7. de Trinit. cap. 4. *omnis res*, inquit *ad se subsistit, quanto magis Deus?* Loquitur autem de subsistere, quod convenit substantiæ, prout Greci substantiam usurpare consueverunt: Atqui Greci, teste eodem Augustino, substantiam eo sensu accipiunt & vocant, quo nos personam, conceptum eundem diversis vocibus significantes; ergo subsistere, ut persona formaliter subsistit, idem est ac hypostasis, & substantia, & essentia.

Confirmatur. Duo genera prædicatorum omnino reperiuntur in Deo, nimirum *ad se*, & *ad aliud*, secundum Augustinum 5. de Trinit. cap. 6. sed quod dicitur *ad se* est commune tribus, ut asserit idem Augustinus *ibidem* cap. 8.; ergo cum essentia sola sit in omnibus communis, idemerit essentia, ac hypostasis, & substantia.

Præterea, Quæcunque exprimiuntur in hypostasis, sive personæ definitione, sive a Boerio, sive à Richardo, prout in articulo præcedenti annotatum fuit, sunt absoluta; nullum enim involvunt respectum ad aliud, sine quo esse, aut intelligi nequeant: Sed sola essentia est absoluta in divinis, cui nempe omnino est impossibilis omnis respectus passivæ, seu activæ producibilitatis; ergo hypostasis, & substantia coincidunt oportet cum essentia ratione.

CONTRA, Hieronymus ad Damasum, *Unam, eandemque Trinitatis dicimus esse essentiam, vel substantiam, & Deum unum in tribus personis faciemur: ita etiam impietatem Sabellii declinantes, tres personas expressas sub proprietate distinguimus: non ipsum sibi Patrem, ipsum sibi Filium, ipsum sibi Spiritum Sanctum dicentes, sed aliam Patris, aliam Filii, aliam Spiritus Sancti esse personam*. Non est igitur idem persona, quod essentia, ejusdemque absoluta substantia, est persona, & hypostasis formaliter coincident.

RESPONDEO dicendum, Personam esse quidem idem quod hypostasis, & substantia, qua per se subsistunt personæ, & hypostases, non vero idem quod essentia, vel substantia. Quoniam vero præsentis quæstioni solutio tota pendet ab horum nominum intelligentia, & eo, sub quo usurpantur, sensu: sciendum, Græcos Catholicos dicere consuevisse, cum explicare vellent ineffabile Trinitatis mysterium *unam essentiam, tres substantias*, significantes subinde, quod nos Latini quum dicimus, *unam essentiam, vel substantiam, tres personas*, teste Augustino, 7. de Trinit. cap. 4. Nam ut subdit cap. 6. Priusquam Latini vocibus essentia, vel substantia uterentur, (*quæ non diu est*, inquit, *quod in usum venerunt*) pro his *naturam* dicebant. Quia vero *essentiam* iidem Greci *usam* vocant, & eandem *usam* hypostasim appellant quam nos usitatius substantiam dicimus 5. de Trinit. cap. 8., nihil intererat apud eos, inter essentiam, & hypostasim. Unde & Hieronymus ad Damasum, tom. 2. epist. 57. *Tota, inquit, secularium literarum Scholæ, nihil aliud hypostasim, nisi usam, novit*; atque ea de causa, scribit, se uti timere eo vocabulo, ne cum Arianis sacrilegè Filium alterius naturæ à Patre blasphemantibus,

sentire videretur. At vero quia Græcos Patres catholicè sensisse constat, eundem conceptum exprimere intendentes, dicebant, *unam essentiam, tres substantias*, cum Latinis, dum confitentur *unam substantiam, vel essentiam, tres personas, vel hypostasies*.

Notandum est ergo, *usam*, vel *essentiam*, vel *substantiam* intelligi posse in genere, vel in abstracto, pro substantia scilicet intellectuali in se; vel in concreto: & sub priori quidem acceptione unica, & omnino indivisibilis est essentia, *usam*, substantia, & hypostasis divina. Cum vero in concreto significatur, & intelligitur, ut multiplicatur supposita, quæ concernit, ita & ipsa numeratur. Ut igitur *usam* pro natura, sive essentia, sive substantia Dei in se accipitur, unica; ac indivisibilis est. Quatenus verò in concreto consideratur, hypostasis, & substantia suppositorum nuncupatur, quæ & personæ dicuntur. Quia enim non fuit primitus adinventum aliquod nomen, per quod posset convenienter responderi ad quæstionem hæreticorum urgentium, *quid erant tres?* Tres enim essentias dicere vetat Scriptura, Deuter. 6. *Audi Israel Dominus Deus tuus unus est*. Ut Græci respondebant *unam essentiam, tres substantias*; ita latinis visum est confiteri eandem veritatem his verbis, *unam essentiam, vel substantiam, tres personas*. Quia nempe idem est Deo esse, quod subsistere, ideo si una essentia trinitas est, una etiam substantia est: ac propterea *commo- dius fortasse* (inquit Augustinus, 7. de Trinit. cap. 5.) *dicuntur tres personæ, quam tres substantiæ* nempe pluraliter substantiam intellectualem constitutes; non quia ipsa essentia, Deique Substantia multiplex esset: Sed in quantum in tribus per se subsistentibus, quorum unum non esset aliud, reperiatur. Quæ tria per se substantia muruo realiter distincta, ut Grecis *substantias* appellare placuit, ita & Latini *personas* dixere: eaque vocabula loquendi necessitate parata esse à Grecis, & Latinis adversus insidias, vel errores Hæreticorum, ait Augustinus, 7. de Trinit. cap. 4.

Post tempora autem Augustini nomen *persona* ad divina jam translatum, ab Ecclesia Latina universaliter usurpatum est secundum Richardum, 4. de Trinit. cap. 5. id autem factum, ac inspiratum fuisse translatoribus per Spiritum veritatis esse sentiendum docet; *Nam nulla sententia certior redditur, quam quæ ex communi animi conceptione formatur*. Porro Catholicos eo vocabulo exprimere intellexisse substantiam incommunicabiliter subsistentem, testatur cap. 6. Subdens plurimum interesse inter *substantiam*, & *personam*; Nomine enim *persona* significari unam solam substantiam, & singulare cui annexa sit quædam proprietates, quæ alteri competere nequeat; ac proinde esse talem proprietatem personalem incommunicabilem; ex vi igitur nominis *persona* importat substantiam primam incommunicabilem, eoque nomine *non quid sed quis* designatur: Contra vero *substantia* voce *non quis, sed quid* exprimitur. Quemadmodum & nihil incommunicabile alteri per substantiæ vocabulum importatur. Hæc ille *ibidem* cap. 5. 6. & 7.

De communi igitur sensu Ecclesiæ Latinæ, ejusdemque significationis, & sententiæ sunt in divinis *Persona, hypostasis, & substantia*: quia tres in una natura intellectuali incommunicabiliter subsistunt, ac singulis est substantia prima essentialiter immultiplicabilis: sed persona non est idem quod essentia, vel substantia divinæ, eundem hæc una, eademque sit in tribus personis, vel hypostasibus, vel

r. Report. dist. 29. qu. 1.

1. dist. 26. 6. Ex quæstione via.

2. dist. 7. qu. 3. 9. Ad Boetium. 3. dist. 7. qu. 1. In argumentum principii.

1. dist. 16. cit.

Mag. Sent. 1. dist. 15. cap. Quod autem.

Quodlibet. 9. 6. De secundo.

Videntur Annotationes Marianæ Vindob. & sol de hæc declarantis.



vel abfiftentis in intellectu illa fubfiftentia natura; Et hoc ipfum Græci fatebantur, cum dicebant, *unam effentiam, tres fubftantias*; id eft tres fubfiftentias impermixtas inter fe, & ad invicem difcretas; Sed nos malimus appellare *unam effentiam, feu fubftantiam, & tres perfonas*; quia prima illi, & fola effentiæ, id eft effe, quod fubfiftere, ut ait Auguftinus 7. de Trinit. cap. 4.

AD ARGUMENTA. Ad primum refpondeo; Auguftinus loco cit. ab initio cap. 4. movet quæftionem, qua ratione dictum fit à Græcis *una effentia, tres fubftantia*; à Latinis vero *tres perfonæ & una effentia, vel fubftantia*? & pergit declarare non propriè dictum effe tres fubftantias. Nam cum fubftantia dicatur ad fe, ut conceditur fubftantia in divinis, & effentia pariter fit ad fe, eadem fubinde eft effentia, & fubftantia; non funt ergo dicende tres fubftantia; ne dicantur tres effentiæ. Non ergo intendit Auguftinus, *fubftantiam*, ut accipitur à Græcis, pro ipfa fcilicet fubfiftentia perfonali, effe ad fe; fed potius illud infinuare contendit, illos non propriè concedere tres fubftantias, fed eo fermone ufos fuiffe ob inopiam verborum, & neceffitatem loquendi. Viletur igitur præferre modum loquendi Latinorum (ut retulimus in folutione) dicentium *unam fubftantiam, tres perfonas*. Sed ne hunc quidem improprietate carere oftendit, ex eo quod perfonæ fimpliciter dicatur ad fe, fecundum effentiam. Finalem ergo conclufionem (jus de hac materia accipe cap. 6. *Volumus*, inquit, *vel unum aliquod vocabulum ferre huius fignificationi, qua intelligitur Trinitas, ne omnino taceamus interroganti quid tres*. De mente igitur Auguftini & cum tres à Latinis dicuntur *perfonæ*, & cum à Græcis appellantur *fubftantiæ*, impropriè nuncupantur; Sed tamen ex neceffitate loquendi paria funt ejusmodi vocabula. Non ergo vult, nec habetur ex Auguftino, aliquid fignificans ubfiftens incommunicabile in divinis effe ad fe, & idem quod fignificans effentiam; fed tantum declarare intendit, nomina quæ ab aliquibus accommodata funt ad exprimendum tale incommunicabile, effe de fe nomina abfoluta, imo merè abfoluta, adeout fint effentialia. Ex eo igitur quod ex neceffitate, ufque loquendi exprimitur incommunicabile, fubfiftens in divinis nomine abfoluto, quibus nominibus fignificantur effentialia, non propterea poteft, aut debet inferri, & fignificatum pariter effe idem quod effentia, ficuti eft idem quod hypoftafis, & perfonalis fubfiftentia.

Atque ex his patet ad confirmationem.

Ad fecundum refpondeo fic: Quemadmodum ab abfoluto, & refpectivi quiditate poteft abftrahi conceptus aliquis quiditativus utrique communis, ita quoque ab hoc, & illo incommunicabili abftrahitur aliquod commune, quod nec eft de e incommunicabile abfolutum, nec refpectivum, fed utrunque permiffivè. Tale quid eft id quod dicitur à Boetio, & expreffius à Richardo, addendo effe oportere in natura intellectu, ad hoc ut fit incommunicabile conftitutum perfonæ. Ut ergo fuperioris defcriptionis non eft exprime rationem ultius inferioris propriam ita & in defcriptione perfonæ, quod eft incommunicabile in natura intellectu: non debuit includi aliquod pectans ad incommunicabile relativum, vel abfolutum, fed id duntaxat quod poteft reperiri in utroque. Verum ex hoc non fequitur perfonæ rationem coincidere cum effentia, nedum ex eo

quod hæc non per nativè duntaxat, fed effentialiter fit ad fe & abfoluta; verum etiam quia perfonæ eft quiditativè alteri incommunicabilis, effentia vero. ex e communicabilis eft, & de facto in tribus neceffario reperitur.

### ARTICULUS III.

Utum nomen perfonæ fit ponendum in divinis.

Doct. 1. Report. diftinct. 25. quæft. 1.  
S. Thom. 1. par. quæft. 29. art. 3.

VIDETUR perfonæ nomen non effe transferendum ad divina. Nam etfi veriffimum fit Deum effe *unum & trium*, eoque tres alium effe Patrem, alium Filium, alium Spiritum Sanctum, unicam indivifibilemque effentiam habentes: nunquam tamen in divinis fcripturis ii tres perfonæ appellati inveniuntur. Non videtur autem aliquid de Deo affirmandum, quod ipfe nobis per ora Prophetarum non revela vit; ergo nomen perfonæ perperam videtur ad divina transferri.

Præterea, Boetius, de duabus naturis, & una perfonæ Chrifti, dicit perfonæ nomen primo fignificaffe eos, qui in Comædiis, & Tragediis alios repræfentabant, cantuque exprimere fatagebant, ac propterea fibi ipsis fuperinductis larvis, facieque variè obtecta perfonabant, id eft, expreffa voce fonabant, quo magis repræfentarent eos quorum vice cantabant. Hæc autem omnia locum habere non poffunt in Deo; ergo non eft illi attribuendum nomen perfonæ.

Præterea, Ex dictis articulo præcedenti, Hypoftafis, & perfonæ idem eft formale fignificatum; Sed Hieronymus in Epift. ad Damafum (quæ eft 57. t. 2.) loquendo de nomine *hypoftafis*, dicit, *venenum fub melle lateat*, quia ut prædixerat, *Poeta fecularium literarum S. bolum non aliud hypoftafim, nifi ufum vocis*; ergo ut non funt dicende tres ufus, ita nec tres hypoftafes, vel perfonæ.

Præterea, A quocunque removetur definitio, & definitum pariter ab eo eft removendum: Sed Deo non congruit definitio perfonæ, quam tradidit Boetius. Tum quia ratio importat difcurfivam cognitionem, quam Deo nemo attribuerit. Tum etiam, quia Deus dici nequit individua fubftantia; cum principium individuationis fit materia, à qua Deus eft longiffimè fēmotus; neque etiam accidentibus fubftat, ut fubftantia dici queat; non ergo perfonæ nomen eft ad divina transferendum.

CONTRA, Auguftinus, 7. de Trinit. cap. 4. Loquendi causa de ineffabilibus, ut fari aliquo modo poffemus, dictum eft à Græcis, *una effentia, tres fubftantia*. A Latinis autem dictum eft, *una effentia, vel fubftantia, tres perfonæ*.

RESPONDEO dicendum perfonæ nomen effe attribuendum tribus illis, quos fides docet effe unum in divinis; Tres funt (inquit Joan. epift. 1. cap. 5. qui teftimonium dant in Cælo Pater, Verbum, & Spiritus Sanctus, & hi tres unum funt, Querentibus ergo Hæreticis, quid effent hi tres? rectè refpondiffe Catholicos, Spiritu veritatis inftructos, effe tres perfonas, quarum una non eft alia, impermixtas fcilicet, & incommutabiles, Declaratur: Eft enim, teftè Auguftino, 7. de Trinit. cap. 6. nomen perfonæ apud nos non fit propriè fignificativum, & expreffivum illorum trium, cum fit eis commune, ut nec propriè exprimebant Græci tres fubftantias appellantes, ut dictum eft

1. dift. 26. §. Contra iftam opinionem.

Magift. 1. dift. 23. cap. quod neceffitate.

1. dift. 25. §. Ad primum.



*articulo præcedenti*, attamen id, quod significare intendimus nomine personæ, maxime, & primo convenit illis tribus, *Pater, & Filius, & Spiritus Sanctus* à Salvatore vocatis. Siquidem per personam aliud nos significare non intendimus, nisi incommunicabilem existentiam naturæ intellectuales: atqui unusquisque illorum trium est ita incommunicabiliter existens, ut ipsis repugnet omnino communicari. Nam ut Pater est paternitate Pater, & Filius filiatione Filius, ita fieri nequit, ut sua cujusque proprietas alteri communicetur, ut Pater nequit dare Filio esse Patris, aut e converso; ergo quisque ex illis tribus est incommunicabilis in natura intellectuali, ut in propria eorum considerantur subsistentia, ac indivisibili proprietate, per quam ultimate constituuntur in tali esse incommunicabilitatis; exactissime ergo ipsis convenit personæ significatum; quamvis igitur non cum omni proprietate rectè tamen dicuntur personæ tres in unica essentia subsistentes. Rursus, personæ nomen est dignitatis adeo ut nihil dignius persona sit in natura, quemadmodum natura intellectualis incommunicabiliter existens præcellit cæteris gradibus entis: unde & ipsæ personæ coluntur, & honorantur, & in casu adorantur summa adoratione, ut fas est creaturas colere, & adorare suum creatorem; atqui sublimissime ac primæ naturæ attribuenda est dignitas omnis, ut omnis possibilis perfectio in ipsa ineffabiliter reperitur; ergo pariter & personæ nomen non ineptè illi attribuitur, quamvis non sit propriè expressivum proprietatum illorum trium; quia, ut tetigimus, personæ nomen non exprimit, nec indicat quid uniuscuique illorum sit proprium: sed magis est illis tribus commune.

AD ARGUMENTA. Ad primum respondeo ex Augustino, 7. de *Trinit. cap. 4.* loquendi, & disputandi necessitate licuisse nobis tres personas dicere, non quia Scriptura dicit, sed quia Scriptura non contradicit. Cum enim quæreretur quid vel quid tres, quia nulla inest eis essentiæ diversitas, & tamen oportet, ut speciale nomen habeant hi tres, quod cum non inveniretur, ad complectenda ea tria, dictum est personas esse; non quia ita propriè appellarentur speciali, vel generali nomine supereminencia Divinitatis excedente usitati eloquii facultatem, sed ut vel unum aliquod vocabulum serviret ei significationi. Quod sanè vocabulum rectè ad expressionem illorum trium usurpatum fuisse, imo instinctu Spiritus Sancti adinventum esse, Ecclesiæ universalis consensus testatur, quæ illud authenticè approbavit, utque eo fideles uterentur mandavit. Cum itaque subditur, non esse affirmandum aliquid de Deo, quod ipse per Prophetas non revelavit, Dicendum; utique indubitanter tenendum esse pro vero quicquid tradidit auctoritas, non tamen propterea negandum, quod ipsa non expressit, præsertim cum Spiritus Sanctus Ecclesiæ assistens in dies illam illuminet, magis magisque instruens de veritatibus, quæ in Sacra Scriptura virtualiter, & implicite continentur; quibus declarandis, & explicandis utilissime Ecclesiæ Doctores, & Expositores incubuerunt, & hæstenu adlaborare non cessant, Perseveraturi usque ad sæculi finem,

Ad secundum, concedo nomen personæ de prima sui institutione significasse id, quod Boetius dicit; verum tamen tempore Augustini translatum esse ad divina, nempe ad significandum aliquid, quod præferret maximam Dei dignitatem: id enim importabat personam quod substantia intellectualis: & quia substantia intellectualis, est mere

essentiale, ideo post Augustini tempora (ut dictum fuit articulo præcedenti) usurpatum est ab Ecclesiæ Latina ad exprimendum substantiam intellectualem incommunicabiliter existentem; etsi ergo id nomen non reliquerit primarium sui significatum, de communi tamen Ecclesiæ sensu aliud accepit, nec propterea fallit audientes, quia is sensus ex communi animi conceptione formatur, ut dicit Richardus 4. de *Trinit. cap. 5.*

Ad tertium patet responsio ex dictis in *solutioni articuli præcedenti*. Nam hypostasis idem est, ac *usia*, sive essentia, cum substantia, & essentia in genere, & in abstracto intelligitur; at cum in concreto, quod connotat, consideratur, hypostasis est persona non essentia de formali significato. Eatenus autem Hieronymus dicit sub eo nomine venenum latere, quatenus Hæretici tress hypostases, totidem usas intelligentes, & appellantes dividebant indivisibilem Dei essentiam, secundæ hypostasi diversam à substantia primæ attribuentes. Sed illi tres usas dum dicebant, essentiam in concreto considerabant: in concreto autem tres efficit hypostases; seu personas: esto dum in se consideratur una, eademque sit, ac penitus indivisibilis.

Ad quartum est responsio talis: Deus potest dici rationalis naturæ, secundum quod ratio non importat discursum, sed intelligibilem naturam. Individuum vero Deo competere non potest, quantum ad hoc, quod individuationis principium est materia, sed tantum secundum quod importat incommunicabilitatem. Substantia autem convenit Deo secundum quod significat existere per se.

Hæc responsio diserte fatetur, suppleendam esse Boetii diffinitionem (ut dictum est articulo primo) per Richardi notificationem, in qua exprimitur ipsa incommunicabilitas, qua ultimatè constituitur persona; quam sanè incommunicabilitatem non claudi in ratione individui, nec necessariò consequi ad ipsum, evidens est in mysterio incarnationis, nobis revelato: credimus enim Christi humanam naturam esse individuum, & actu dependere ad Verbum divinum: non est ergo individuum incommunicabile. Dicimus ergo nos personæ nomen ad divina transferri, secundum quod Richardus describit personam.

#### ARTICULUS IV.

Utrum hoc nomen *persona* significet relationem

Doct. 1. *distin. 23* in fine, & 25. *quæst. 1. n. 1.*  
In *Report. ibid. qu. 1. S. Thom. 1. par. quæst. 29. artic. 4.*

VIDETUR personæ nomen significare substantiam, non relationem. Nam Augustinus 7. de *Trinit. cap. 4.* Sciscitantibus Hæreticis, quid essent tria, vel tres, quos sincera fides pronunciat reperiri in divinis, docens, Patrem non esse Filium, & Spiritum Sanctum, nec Patrem, nec Filium: respondet, esse personas. Sed quæstio quid est, est de essentia, vel substantia ejus, de quo quæritur: ergo persona non relationem, sed substantiam importat.

Præterea, Augustinus, ibidem cap. 6. *Non aliud, inquit, est Deo esse, aliud personam esse, sed omnino idem.* Quod & subinde probat per hoc, quia persona non dicitur ad aliud, sed ad se: sicuti & magnitudo, & bonitas, & ejusmodi ergo personæ est omnino essentiale, ac per consequens non relationem, sed substantiam, sive quiditatem significat

Præ-

S. Thom. hic  
6. d. quæ-  
stion.

Quo lib. qu.  
4. & 5.

1. *dist. 23.*

7. *dist. 26. 6.*  
Contra istam  
opinionem V.  
S. i. a. t. u. r.  
Prolog. qu. 2.  
6. *Ad tertium*  
principale.



Præterea, *Ex pr. Top. cap. 4. Definitio est oratio indicans quid est esse rei*. Illud igitur persona significat, quod ex ejus definitione exprimere conamur. Sed seu Boetii, seu Richardi definitioni personæ innitatur, non invehimus importari relationem: sed vel substantiam individuum rationalis naturæ; vel existentiam incommunicabilem intellectualem substantiæ; ergo in personæ conceptu non relatio, sed substantia intelligitur, atque importatur.

CONTRA, Richardus, 4. de Trinit. cap. 7. *Nomine persona non tam quid, quàm aliquis designatur*; & cap. 19. in fine, *Nomine autem personæ*, inquit, *numquam intelligitur, nisi unus aliquis solus ab omnibus aliis significati proprietate distinctus*. Non igitur persona dicitur secundum substantiam, ut eo nomine subinde substantia significetur: sed magis per se & primo primæ substantiæ proprietatem, seu modum quendam, secundum quem existit.

RESPONDEO, Aliquis videtur hic dicendum, *personæ* nomen in singulari substantiam significare, in plurali vero relationem. Cum itaque dicitur, *Pater est persona, Filius est persona*, substantia, sive essentia importatur; at dicendo *Pater, & Filius, & Spiritus Sanctus sunt personæ*, hypostasis relativæ exprimitur. Hanc opinionem, quæ videtur esse Magistri 1. dist. 25. improbat Richardus 4. de Trinit. cap. 8. quia secundum idem significatum, quo accipimus personam in singulari, accipimus & in plurali; ergo eandem oportet, utrobique præferre significationem. Deinde cuilibet plurali correspondet singulare ejusdem significati; Sed si *persona* in plurali importat relationem, sive hypostasim, correspondebit etiam nomini in singulari idem significatum; igitur nomen personæ non præferret diversam significationem in plurali ab ea, quam facit in singulari. Denique Fulgentius de fide ad Petrum cap. 1. *Alius est*, inquit, *Pater in persona, alius est Filius in persona*: igitur si in plurali significet hypostasim, & relationem propter ejus plurificationem, pariter & in singulari relationem importabit, ob ejus distinctionem, quæ utique ad essentiam non pertingit, quam unam penitus in tribus confitemur. Ideo alii dixerunt, personam in communi significare substantiam individuum rationalis naturæ, ut dicit Boetius; Sed personam divinam denotare relationem, ut subsistentem: seu importare relationem per modum substantiæ, quæ est hypostasis subsistens in natura divina. Hæc igitur persona significat relationem in recto, & essentiam in obliquo, non quidem quatenus relatio est, sed in quantum importatur per modum hypostasis, sive substantiæ. Hæc opinio, quæ duobus constat dictis, quia nobis non probatur, nostram positionem declaraturi, subicimus totidem dicta.

Primum: Persona in communi non significat substantiam, etiam quatenus dividitur in primam, & secundam, neque relationem, sed magis quid indifferens ad absolutum, & respectivum: seu *ad se & ad alterum*. Probatio: Nam persona est incommunicabilis existentia in natura intellectuali, hoc enim significatum attribuitur etiam definitioni Boetianæ; sed conceptus incommunicabiliter existentis est communis absoluto, & respectivo (ut tactum est, art. 2. §. *Ad secundum*, & magis declarabitur in sequenti quæst. art. 4. incid.), ergo persona in communi hunc importans conceptum non significat substantiam, nec relationem, quarum altera est ad se positivè, altera vero ad alterum essentialiter. Quamvis enim omne quod est

fit ad se, vel ad alterum, conceptus tamen indifferens, & communis utrique, utramque rationem ex se necessario formaliter excludit, etsi possit esse subinde in utroque. Itaque persona quidem omnis vel est *ad alterum*, ut personæ divinæ, in communi suppositione, quæ dicuntur per relationes constitui; vel *ad se*, ut persona creata; attamen ratio, vel conceptus incommunicabiliter existentis, non est absolutus, nec respectivus formaliter, sed uterque permissivè, ut cæteri conceptus communes. Minor declaranda in sequentibus, probatur breviter, quia ex eo quod quis habeat conceptum existentis incommunicabiliter in natura intellectuali, ignorat hætenus, utrum ea sit persona creata, vel increata; ergo persona ex se hunc formaliter conceptum significans non involvit substantiam, aut relationem, ad se vel ad aliud, sed solum potest esse in utroque.

Secundum dictum, *Persona*, ut est communis divinis personis non significat relationem, nec substantiam secundam. Probatio, nam persona divina non significat relationem propriam, neque communem; nullam igitur importat relationem. Quod non propriam, probatur: quia secundum Augustinum, 7. de Trinit. cap. 7. nomen *persona* est commune tribus. Si enim tres personæ sunt, profectio commune est eis hoc quod est *personæ*; & quidem non co-munitate æquivocationis, quemadmodum *hic sermo* est communis Socrati, & Platoni dumtaxat secundum nomen; quia pronomen *hoc*, quod demonstrat, hoc significat. Quodquidem igitur æquivocum non numeratur in æquivocatis: non enim dicuntur pisces, & sydus duo canes; & *persona* porro numeratur; est eis non æquivocè communis: Relatio autem propria cuilibet est personis divinis, non est cæteris communis; ergo *persona* non importat relationem propriam, ut id nomen significat personam divinam.

Quod vero nec communem importet relationem, probatur per Augustinum 7. de Trin. cap. 5. *Pater non est persona Filii, nec è converso*. Ex hoc arguo sic; Ad quodcumque refertur relativum inferius, ad idem referatur oportet & relativum superius, etsi non primo. Exemplum: Duplum est duplum respectu dimidii, atque id ipsum sub hac ratione primo refertur: Sed duplum idem est multiplex dimidii, licet non primo, vel adæquatè, & ita ascendendo usque ad generalissimum, erit ejusdem dimidii relativum, etsi non primo, ut dictum est; Ergo si persona diceret relationem communem, tunc Pater sicuti est Pater Filii primo & adæquatè, ita pariter idem esset persona Filii per se, licet non primo & adæquatè; quod expresse negat Augustinus.

postas. Sed profectio ita dicens videtur incidere in sententiam Scoti, quia relatio originis in communi, non per modum relationis, sed per modum hypostasis; aliud non est, quàm conceptus subsistentis incommunicabiliter, qui revera abstrahit ab absoluto, & respectivo; persona creata, & increata. Itaque vel est hæc discrepantia de vocibus, vel certe si rem tangit contrarietas, Magistri Scoti sententia magis accedit ad doctrinam Augustini; quod attentè rem consideranti ex dictis manifestum esse poterit.

Sed quod nec relatio importetur per modum substantiæ, vel hypostasis, declaratur. Nam etsi Aristoteles in Prædicamentis distinguat substantiam primam à secunda: attamen divina essentia prædita est ratione utriusque, exclusivè imperfectioribus: ex se enim est tribus communis & essentialiter reali; & item est de se *hæc*, non expe-

Personam in communi significare substantiam primam dicitur. xat. Videndus Mayron 1. dist. 23. quæ 4.

Caietanus his satisfecit: rus argumens. Ma. ist. i. dicit per se nam significare relationem originis in communi, non per modum relationis, sed per modum hypostasis, seu relationem ut subsistentem, quia eadem relatio est substantia prima, seu hy-

S. Thomæ sententia hinc in solutione.

S. Thom. in hac quæstion. art. 1. §. 6. Ad secundum docet. To substantia in personæ definitione accipitur est communis ad primam, & secundam, ut ostendit etiam haud superfluum additum, individuum. Hic verò videtur aliter

Quodlib. qu. 3. §. 8. Et arguitur au 17.



excedens ab aliquo gradu extra suam rationem in edicto esse substantiæ primæ singularis, Ultra hoc non est in Deo alia ratio, nisi incommunicabilis, quæ rectè statuitur in alio genere à substantia: cum nihil ad substantiam spectans in Deo esse possit incommunicabile. Cujus oppositum evenit in substantia creata, quæ de se est divisibilis, & imperfecta, & ideo non estibilis per realitatem de genere substantiæ. Quicquid igitur est in Deo rationem habens substantiæ, & ad se, communicabile est: Sed relatio originis personarum constitutiva, qua talis præcisè habet rationem incommunicabilitatis, quæ non ingreditur conceptum substantiæ secundæ, imò excluditur, ac repugnat illi; nec primæ, cum eadem substantiæ pluribus realiter communis, sit quiditativè substantia primæ, & de se singularissima; ergo relationibus personarum constitutivis, sic repugnat modus substantiæ, vel hypostasis, uti sunt formaliter, & quiditativè incommunicabiles. Quemadmodum enim intrinsicè substantia Dei est communicabilis, ita non est capax subeundi modum ullum huic rationi repugnantem, sicuti est ratio incommunicabilis.

Denique nec substantiam secundam significare evidenter ostenditur per hoc: quia substantia secunda, seu quilibet non numeratur in tribus personis, cum unica sit in tribus, atque indivisibilis, persona autem numeratur; ergo non significat id, quod suam destruit numerationem.

Hoc igitur commune, quod numeratur in tribus personis est ratio substantiæ incommunicabilis in natura divina, ut dictum fuit de conceptu primario personæ in communi: estque indifferens ad absolutum, & respectivum, seu ad substantiam, & relationem, (in communi hypothèsi dicente personæ divinas constitui per relationes) nec primo involvens, nec significans alterum illorum; licet ex consequenti det intelligere sicut superius suum inferius, illud, pro quo accipitur relativum superius, de quo dicitur persona, scilicet Patrem, & Filium, & Spiritum Sanctam: Pater enim, Filius, & Spiritus Sanctus sunt tres personæ, ac persona vere dicitur de eis: Secundo vero intelliguntur relationes ipsæ, quæ sunt rationes formales incommunicabiliter existendi; & tandem ipsa essentia concipitur, quæ est in primo connotato, nempe in Patre, Filio, & Spiritu Sancto. Seu ergo statuatur ratio personæ in negatione communicabilitatis, ut quod, & ut quod, tam actualis, quam aptitudinalis; Seu in aliquo positivo ad quod sequatur prædicta incommunicabilitas, attamen ipsa de primario sui conceptu, & ratione formali, non significat relationem, nec substantiam, idque nedum persona in genere, sed ne quidem ut est communis tribus divinis personis: esto connotet (ut dictum est) sicut suum inferius illud, de quo formaliter dicitur, quæ sunt tres personæ divinæ: & secundo connotet formalia distinctiva earum personarum: & denique essentiam ipsas tribus communem.

AD ARGUMENTA. Ad primum respondeo, Hæreticos quærentes à Catholicis, quid essent tres, quos hi fatentur esse unum in Deo, juxta Joann. Epist. 1. cap. 5. non quæsisse ejus nominis definitionem, sed forimodo, quid esset illud substantivum, quod proferebant, determinatum per adjectum tres. Ad eam autem interrogationem rectè responsum fuisse à Doctoribus Catholicis, esse tres personas. Negandum est igitur per interrogationem quid est, semper sollicitari definitionem ejus, de quo quæritur; nam etsi hoc interdum

fit verum, secundum Philo'sophum, 1. 2. per 4. tamen aliquando non quæritur definitio, sed designatio ejus, de quo quæritur. Unde secundum Philo'sophum x. Metaphysicæ. c. 2. quæstio hæc, Quid est elementum? duplicem habet responsum: alteram assignando elementi definitionem; alteram, determinando illud, quod dicitur elementum, ut ignem, aquam &c.

Ad secundum respondeo ex dictis ad primum supra articulo secundo tres, qui sunt unum in Deo sive dicantur tres substantiæ, & una essentia secundum Græcos, sive tres personæ una substantia, juxta Latinos, improprie appellari: sed eo demum deveniendam fuisse ex loquendi, & disputandi necessitate, Porro improprietatem loquutionis latinæ ostendit ex eo, quia persona dicitur ad se secundum essentiam. Quoniam igitur nomina imposita ad expressionem incommunicabilitatis illorum trium, secundum se sunt absoluta, quia essentialia, ideo minus propriè illorum expressiva, comprobantur: etsi ex usu, & necessitate loquendi sint accommodata significandis tribus incommunicabilibus, non oportet igitur proinde eo nomine substantiam significari, cum substantia sit ex se communicabilis; illa vero dicat proprietatem incommunicabilem, atque indifferentem ad substantiam, & relationem.

Ad tertium dicendum in primo articulo declaratum exiti ille, qualiter in Boetii definitione est intelligenda incommunicabilitas naturæ intellectualis, ut illam exprimit Richardus: Hanc igitur per se, & primo personæ significationem importare tenemus: quem deinde conceptum esse non posse nec substantiæ, nec relationis primo, expositum fuit in antedictis.

## ARTICULUS INCIDENTS.

Utrum persona tantum significet duplicem negationem duplicis communicabilitatis.

Doctor. 1. dist. 23. in Report. ibidem. 3. dist. 1. quæst. 1. Quodlib. quæst. 19. Thomistæ ad hunc articulum.

**V**IDETUR persona formaliter non significare tantum duplicem negationem duplicis communicabilitatis. Nam persone nomen commune est tribus personis divinis; sed fieri non potest, ut negatio sit pluribus communis, nisi affirmatio sit iisdem communis, propter quam infit talis negatio, & ad quam affirmationem ipsa negatio sequatur: Ea autem affirmatio utique non est Deitas, quippe quæ non numeratur in tribus, ut persona numeratur; ergo aliud positivum ab essentia est, quod numeratur in personis, & ad quod sequitur gemina illa incommunicabilitas.

Præterea, Persona importat rem ad dignitatem, & perfectionem pertinentem; negatio autem nullam dignitatem, aut perfectionem ponit in eo, quod afficit; ergo persona præcisè non significat duplicem negationem duplicis communicabilitatis.

Confirmatur, Siquidem negatio non adoratur, nec est terminus productionis rebus: adorantur autem piè, & fideliter tres personæ divinæ, secunda, & tertia quarum producuntur per veram, & realem productionem; ergo ratio personæ iis communis, non consistit in duplici negatione.

Præterea, Nulla negatio est de se incommunicabilis; nam uti non est de se una, neque indivisibilis

1. dist. 28.  
q. 1. 2. Contra  
istam etiam.



visibilis aliqua divisione, ita nec esse potest de se *hæc*, & incommunicabilis: sed illud, per quod persona constituitur in esse personali est simpliciter incommunicabile: ergo non potest naturæ advenire talis incommunicabilitas ab ulla negatione, sed magis id inrit ex entitate positiva.

CONTRA, Persona est incommunicabilis, habens existentiam in natura intellectuali: igitur pro formali tantum dicit incommunicabilitatem, oppositam communicationi *ut quod*, & *ut quo*, dans tamen intelligere & naturam, & modum habendi eam.

RESPONDEO, duplex est hic opinio: Prima dicit personam pro formali duplicem præferre negationem in genere, oppositam duplici pariter communicationi, vel communicabilitati *ut quod* & *ut quo*, adeo ut illud sit persona, quod est alteri incommunicabile, & ut superius suo communicatur inferiori, & ut forma communicatur subiecto, ob quam aliquid est tale secundum ipsum. Juxta igitur hanc positionem persona formaliter dicit incommunicabilitatem, & existentiam in concreto, tanquam modum habendi naturam, ut sit sensus: Persona est incommunicabilis habens existentiam in natura intellectuali. Hæc igitur duplex negatio dat intelligere duplex positivum, scilicet naturam, & modum habendi naturam; Et cum intelligitur communis tribus personis divinis, primo connotat illud, de quo prædicatur (ut expositum fuit in *precedenti articulo*) nempe Patrem, Filium, & Spiritum Sanctum: Secundo ipsas relationes: & denique essentiam. Altera opinio est, personam formaliter importare positivum, & involvere existentiam in recto naturæ intellectualis, ad quod positivum sequitur prædicta duplex incommunicabilitas. Hæc sententia verior videtur, ac magis expressiva sensus definitionis personæ traditæ à Richardo, de qua re actum fuit in *primo articulo*. Ex dictis etiam in *precedenti*, conceptus subsistentis incommunicabiliter, qui est communis tribus personis divinis, est formaliter positivus, etsi in obliquo importet negationes omnis communicabilitatis. Et quoniam hæc negatio convenit inseparabiliter dumtaxat personis divinis; à persona enim creata est separabilis, cum communicari queat individuum non personatum; ideo personæ solummodo divinæ videntur constitui per rationes formales positivas, non vero cæteræ, quibus communicationis negatio non inest inseparabiliter; imo completè intelliguntur esse subsistentes, & personæ, cum affici concipiuntur duplici negatione, actuali nimirum, & aptitudinali incommunicabilitate; una enim sine altera satis non est intelligendæ rationi personæ: nam anima separata non est persona, esto habeat actualem negationem communicabilitatis: neque rursus natura humana in Christo est persona, humana, quamvis ei insit negatio aptitudinalis dependentiæ, ut in Verbo personata, alioquin violenter quiesceret in propria personatitate: concurrentibus ergo negatione communicabilitatis aptitudinalis, tanquam personatitatis fundamento, & actuali, habetur completa ratio personæ creatæ, ultra singularitatem nulla alia addita ratione positiva; cum cuiusque tali positivæ rationi non repugnet dependere ad extrinsecum suppositum, ut supponimus esse impossibilem formali constituitivo personæ.

AD ARGUMENTA. Ad primum tenentes priorem opinionem responderent, quantumcunque diversis, etiam si nihil omnino commune haberent,

negationem esse posse communem: nam non *Socrates* est commune univocum omnibus aliis à *Socrate* entibus, & non entibus: de omnibus enim verè illa negatio prædicatur, & quamvis, ea omnia habeant aliquod positivum commune, non oportet tamen ipsis inesse illam negationem communem per tale positivum: *Non rationalitas* enim convenit ultimæ differentiæ affini, & equi, & non per aliquid commune utrique, quia nihil tale commune intelligitur in differentiis ultimis: & etiam si ponatur entitas ipsis communis, tamen non propter entitatem convenit ipsis ea negatio, sicuti ratione entitatis non repugnat affirmatio. Minor enim argumenti est falsà, quia negatio est unius rationis, eo quod opponatur affirmationi unius pariter rationis, & non quia sequatur ad affirmationem, vel ad positivum unius rationis. Potest igitur negatio numerari in tribus divinis personis, & connotare exinde inferiora, de quibus prædicatur, quorum quodlibet est incommunicabile habens existentiam in natura divina. Quod si simpliciter repugnet, has negationes communicabilitatis separari ab eo, quod persona appellatur, concedendum est, eam repugnantiam inesse ratione proprii positivi, uti est in personis divinis: Sed adhuc tamen id positivum importari in obliquo, & pro connotato per illam negationem omnimodè communicabilitatis: Contra vero: quia in creatis non est inseparabilis, non esse hic aliud positivum admittendum supra naturam singularem.

Ad secundum respondeo sic: Negatio in genere differt à negatione extra genus, & à privatione; Privatio enim requirit subiectum aptum recipiendi formam, qua privatum reperitur. Negatio extra genus absolute nihil requirit, quia aequaliter dicitur de ente, & de non ente. Negatio autem in genere quasi mediat, quia etsi exigit subiectum, de quo dicitur, attamen excludit aptitudinem ad formam: & ejusmodi est incommunicabilitas, quæ importatur in descriptione personæ: nam significat negationem duplicis communicabilitatis in natura intellectuali, nec tamen præferat aptitudinem ad ullam communicabilitatem. Sed quoniam ea negatio connotatur esse in natura positiva intellectuali, dicit aliqui ad dignitatem pertinens, non ratione formalis significati ejus, sed causa connotati, & subiecti, in quo reperitur. Concedo igitur personæ nomen esse dignitatis, & perfectionis, imo & generari & adorari: non quia ejus formale significatum sit ratio, aut terminus actionis, vel adorationis, aut omnino ullam præferat dignitatem, & perfectionem. Sed quoniam ea omnino suo connotato conveniant, in quo est talis negatio duplicis communicabilitatis. Quemadmodum dicere solemus cœcum ambulare, amari, gigni &c. non quasi cœcitas sit ratio eorum omnium, sed ille, in quo est visus privatio.

Ex quibus patet ad confirmationem.

Ad tertium respondeo ex dictis *ad primum*. Concedo enim quotiescunque negatio est prorsus inseparabilis, inesse propter aliquod positivum, ad quod necessarium consequitur, ut in personis divinis: sed illud positivum, quod in creatis non invenitur, importari à duplici negatione in obliquo, tanquam connotatum.

Ad argumentum in oppositum dicendum, personæ nomine nos formare solere conceptum subsistentis incommunicabiliter in natura intellectuali,

Videndus  
Mayron 1.  
diff. 23. qu. 3.

Mag. Lyche-  
tus 1. diff. 23.  
super 6. Ad se-  
cundum vult  
hanc esse  
mentem Do-  
ctoris, qua-  
tenus perso-  
na dicitur de  
tribus, qui  
sunt unum  
in divinis. De  
persona au-  
tem creata,  
quantum &  
idem sentiat  
hic expositor  
1. diff. 28.  
Doctor ta-  
men 3. diff.  
1. qu. 1. ne-  
gat rationem  
personæ uni-  
vocè dici de  
creata, & in-  
creata. Sed  
de his 1. par-  
tibus fundam-  
ent. artic. 4. Vi-  
dendus Ma-  
yron 1. diff.  
23. qu. 1. & 3.  
diff. 1. qu. 11.

Mayron 1.  
diff. 23. qu. 4.  
vult nomen  
personæ esse  
dignitatis,  
non perfe-  
ctionis; quia  
est secunda  
intentio, ut  
esse Patrem:  
Sed ample-  
ctenda do-  
ctrina Magi-  
stri, nantis  
personam  
esse secun-  
dam intentio-  
nem; nec  
alias exem-  
plum Fran-  
cisci potest  
extendi ad  
personas na-  
turæ.



li. eamque rationem etſi connotet duplicem (ne-  
gationem communicabilitatis, eſſe tamen forma.

liter poſitivam, præſertim ut dicitur de tribus,  
qui ſunt unum in divinis.

# QUÆSTIO TRIGESIMA DE PLURALITATE PERSONARUM IN DIVINIS,

IN QUATUOR ARTICULOS DIVISA.

*Deinde quæritur de pluralitate personarum.*

ET CIRCA HOC QUÆRUNTUR QUATUOR.

- I. Utrum ſint plures perſonæ in divinis.
- II. Quot ſunt.
- III. Quid ſignificent termini numerales in divinis.
- IV. De communitate hujus nominis perſona.

## ARTICULUS I.

Utrum ſit ponere plures perſonas in divinis.

*Doſtor 1. diſt. 2. quæſt. 4. & in ejus ſolutione  
num. 38. In Report. ibidem quæſt. 8.  
S. Them. 1. par. qu. 30. art. 1.*



**V**IDENTUR non eſſe ad-  
ſtruendæ plures perſonæ  
in divinis. Etenim nihil  
eſt ponendum in entibus,  
& præſertim in ſummo  
bono, quo non poſito. ni-  
hil perfectionis deſidera-  
ri poteſt in univerſo:  
Sed etiamſi non eſſent  
plures perſonæ in divi-  
na eſſentia, nihil perfectionis deeſſet in univerſo:  
ergo pluralitas perſonarum non eſt ponenda in  
Deo. Probatio minoris: Si ſecunda perſona non  
eſſet, quicquid perfectionis intelligi poteſt, & eſſe  
in ea, jam reperiretur in prima; ergo ſecunda  
non exiſtente, nihil perfectionis univerſitati re-  
rum deeſſet. Si enim quicquid perfectionis ſim-  
pliciter reperitur in una, eſt & in alia: proſecto  
ſubtracta una, & alia manente, nihil perfectionis  
adimitur univerſo.

Reſponſio: Utique eſſentia eadem, quæ eſt in  
pluribus perſonis, reperiretur in una, ſi per im-  
poſſibile unica tantum eſſe diceretur perſona: ve-  
rumtamen non ſub omni modo, quo de facto in  
tribus exiſtit.

**CONTRA**, iſte modus habendi, vel eſſendi, aut  
eſt perfectio, aut non: Si ſit perfectionis, ſanè  
erit in Deo; ac per conſequens perſona prima non  
eſt ſimplicitè perfecta, ſi deſit ei modus, qui eſt  
perfectio. Si vero iſte modus habendi nullam im-  
portet perfectionem; ergo non manente ſecunda  
perſona, omnis ejus perfectio reperitur in perſo-  
na prima, ac proinde nihil perfectionis aufertur  
ab univerſo, per hoc quod non ponitur pluralitas  
perſonarum in Deo, ut allato argumento probatur.

Præterea, Si ponantur plures perſonæ in divi-  
nis, proſecto erant omnes neceſſe eſſe; & præterea  
inerunt eis propria diſtinctiva, quibus ad invicem  
ſunt diſcretæ: Hæ autem rationes diſtinguendi  
perſonas, aut ſunt neceſſe eſſe, ſeu neceſſariæ en-  
titates; aut certè poſſibiles. Si primum, igitur  
non diſtinguuntur, cum in neceſſitate eſſendi om-  
nes conveniant, & ſecundum eſſentiam, & inſuper

per proprietates, quæ dicuntur earum diſtinctivæ.  
Si vero rationes propriæ perſonarum non ſunt ne-  
ceſſariæ; ergo nec ipſæ perſonæ forent neceſſe eſſe.  
Videtur ergo impoſſibile reperiri in eſſentia divi-  
na plures perſonas.

Præterea, Si in Deo forent admittendæ plures  
perſonæ, proſecto pro earum pluralitate numera-  
rentur, ac verè dici poſſet, tot determinatè ſunt.  
Sed in Deo nullus eſt numerus, dicente Boetio,  
1. de Trinit. cap. 3. *Illud eſt verè unum, in quo  
nullus eſt numerus*; ergo non ſunt ponendæ plures  
perſonæ in divinis.

Præterea, Ex poſitione pluralitatis perſonarum  
in divinis, ſequeretur eſſe, & non eſſe plures; id  
vero manifeſtam involvit contradictionem; ergo  
ea poſitio eſt incompoſſibilis. Probatio ſequelæ:  
Quæcunque uni, & eidem ſunt ſimplicitè eadem,  
inter ſe ſunt ſimplicitè eadem: Cum ergo plures  
perſonæ ſint eædem uni divinæ eſſentiæ, & inter  
ſe pariter ita eſſent unum, ut non diſtinguerentur.  
Aſſumptum eſt evidens, nam ea propoſitione ne-  
gata, deſtrueretur primum principium; quia po-  
nerentur affirmatio, & negatio eſſe verè de eo-  
dem.

Confirmatur. Nam ponendo plures perſonas  
in Deo, poſſet ita argui: *Hic Deus eſt prima per-  
ſona: ſecunda perſona eſt hic Deus; ergo ſecunda  
perſona eſt prima*; quod inferbat jam deducta ra-  
tio. Vel ſic: *Deitas eſt prima perſona: Secunda eſt  
Deitas; ergo ſecunda eſt prima*. Videtur ergo im-  
poſſibilis pluralitas perſonarum in Deo.

**CONTRA**, Illud eſt poſſibile, quod non includit  
contradictionem: nullam autem involvit contra-  
dictionem unam eſſentiam omnimodè illimitatam  
eſſe in pluribus perſonis; nam contradictio ſtat  
ſecundum idem: unitas autem eſſentiæ, & plura-  
litas perſonarum relativarum non contradicunt.  
Cum igitur quicquid eſt poſſibile ſit de facto in  
ſummè neceſſario, eſt ponenda in divinis plura-  
litas perſonarum.

**RESPONDEO** dicendum, omnino ponendam eſ-  
ſe in divinis perſonarum pluralitatem. Cujus ſolu-  
tionis veritas, etſi evidens appareat ex dictis, q. 27.  
articulo primo, & ſequent. S. quæſt. 28. præſertim  
art. 4. Attamen ad hoc ſublimiſſimum myſterium  
in propriis terminis aliquàlter declarandum,  
aliàm ſubjacere deductionem, & ad qualemcun-  
que adeo reconditi arcani intelligentiam, verbis  
humanis, ac juxta Philoſophiæ principia unam,  
& alteram proponere manuſcriptionem, haud inu-  
tile exiſtimantes, hanc accipimus propoſitionem,

1. Report.  
diſt. 24. in  
primo ad op-  
poſitum.



*S. curi repugnantia repugnant ex suis propriis rationibus, ita non repugnantia sunt compossibilia ex propriis rationibus.*

Ut ergo evidens fiat naturæ divinæ unitatem consistere posse in pluribus personis, declaranda est ratio naturæ, & suppositi, quo præstito, suppositorum cum naturæ unitate compossibilitas, vel incompossibilitas apparebit. Sciendum igitur, naturam non ita se habere, nec comparari ad suppositum, uti universale ad singulare. Nam in accidentibus invenitur singularitas, sine ratione supposititalitatis: Et etiam id est possibile in substantia; quia natura humana astricta à Verbo Dei individua est, etsi careat interim propria personalitate. Neque rursus se habet natura ad suppositum, sicut *quo ad quod*. Nam cuicunque *quo* correspondet proprium *quod*, vel *quis*; ac proinde quemadmodum natura est *quo*, ita habet & proprium *quod* non ingrediens ultimum completivum supposititalitatis. Et similiter uti suppositum est *quod*, vel *quis*, ita correspondet ei proprium *quo*; idque est propria ratio completiva ipsius in esse suppositi, quo subsistit, præsupponens tamen esse singularitatis. Per propriam nihilominus rationem sui mirum completivam, ita subsistit, ut nequeat esse *quo* alterius, neque actus omnino alterius subsistentis; estque proinde incommunicabile, ut *quo*, & ut *quod*, atque hæc est ratio formalis completiva ipsius, ut in antecedentibus sæpius dictum fuit. Porro communicabile dicitur aliquid vel per identitatem, sic ut illud, cui communicatur sit ipsum; vel per informationem, adeo ut illud, cui communicatur sit ipso, non ipsum. Primo modo universale communicatur singulari, & secundo modo forma materiæ. Natura igitur quæcunque, & quantum est de se, & de ratione naturæ, est communicabilis utraque communicatione, videlicet pluribus suppositis, quorum quodlibet sit ipsum, & etiam ut *quo* tanquam forma, qua singulare & suppositum fit, estque quidrativè ens, vel habens naturam. Suppositum autem est incommunicabile duplici incommunicabilitate gemine opposita communicationi naturæ.

Hac præmissa terminorum declaratione, probatur ponendas esse plures personas in divinis: Si quidem natura quæcunque est communicabilis pluribus per identitatem; & consequenter ut *quod*, & ut *quo*: Opposita enim ratio inest naturæ, ejus, quam habet suppositum; ergo & natura divina est ita communicabilis; ut etiam latè deductum fuit, *quest. 27. cit. art. 1.* Sed communicari non potest cum sui divisione: quod enim natura creata cum sui divisione communicetur, id ejus imperfectio ni adscribendum est: dividi autem, & entitativè multiplicari penitus repugnat enti intensivè infinito, & perfectio tenenti apicem summæ simplicitatis, & immutabilitatis; igitur divina essentia citra omnem sui divisionem, est pluribus communicabilis, & de facto communicata. Deinde, Natura divina & quicquid inest naturæ, ut natura est, est perfectio simpliciter: omnis perfectio simpliciter est communicabilis pluribus; ergo natura divina potest pluribus communicari, estque proinde de facto communicata. Minor declaratur: nam perfectio simpliciter, secundum Anselmum, Monol. cap. 15. *Ea est, pæ est melius ipsam esse, quàm non ipsam*; id est melius quocunque positivo sibi incompossibili in quocunque supposito, qua suppositum est: Sed si natura determinaret se ad subsistentiam incommunicabilem (ut in contraria hypothesi eveniret) ipsa in nullo foret melior quocunque sibi incompossibili, nisi in illa subsistentia, ad

quam se determinaret, cum cuilibet alteri esset incompossibilis; ergo non esset perfectio simpliciter. Rursus, Perfectio simpliciter melior est cuilibet supposito, absolute sumpto, quocunque sibi incompossibili: Sed ex hypothesi, quod esse non posset in pluribus personis, non foret melior cuicunque supposito, præcisè considerato, quolibet sibi incompossibili; ergo non esset simpliciter perfectio, nec omnimodè perfecta, contra communem animi notionem. Probatio minoris: ex illa hypothesi, divina natura ex se determinaret sibi unicam subsistentiam; igitur ipsa de se esset incommunicabilis cuilibet alteri subsistentiæ, etiam præcisè considerata: Ut enim ex se unicam sibi determinaret, ita repugnet sibi quodlibet alterum incompossibile illi: quemadmodum & incompossibilis est subsistentia alteri subsistentiæ; igitur ipsa ex se non est melior alteri; ac proinde non haberet rationem perfectionis simpliciter. Nam sicuti esset incompossibilis alteri subsistentiæ ab ea, quam sibi ex se determinaret, ita esse non posset melior alteri subsistentiæ, quam quodcunque sibi incompossibile. Cum igitur divina natura sit perfecta simpliciter, & omnimodè perfectio, nedum ex sui ratione est pluribus communicabilis & communicata personis, verum etiam, si aliter se haberet non videretur simpliciter perfecta, imo manifestè excideret à ratione simpliciter perfectionis, quæ omni supposito præcisè considerato, est melior cæteris omnibus sibi incompossibilibus: ipsa autem sicuti nulli alteri subsistentiæ compossibilis esset, ita nec melior sibi incompossibilibus dici posset.

Ex ratione etiam suppositi jam explicata suppositum deducitur sic: Nam cum suppositum de se sit simpliciter incommunicabile, ipsum profecto qua suppositum est, perfectio simpliciter non erit; igitur non oportet conceptum supposititalitatis includere omnem rationem entis per identitatem, uti includitur in prima natura, eo quod sit simpliciter perfecta, ac proinde una, & immultiplicabilis: Quemadmodum igitur repugnat naturam simpliciter perfectam multiplicari, ita non repugnat esse plura supposita, pluresque suppositales rationes ejusdem naturæ; igitur consistere possunt plura distincta supposita, etiam sine divisione naturæ.

Ultima manuduclio est ista: Forma, quæ est aliquo modo illimitata in perficiendo materiam, citra omnem sui divisionem, & extensionem potest perficere plures partes materię: ut constat de anima intellectiva, quæ ob sui illimitationem respectu partium perficiendarum corporis organici, indivisa, & inextensa perficit omnes: id vero est in ipsa perfectionis, quæ certè perfectione caret formæ animæ humana inferiores, quæ non perficiunt plura perfectibilia, nisi vel dividantur, aut extendantur: Si igitur anima intellectiva indivisa ex sui perfectione distinctas perficit corporis partes, subtrahit omni imperfectiōe, & ex parte animæ perficientis, & ex parte corporis, intelligitur perfecta unitas cum pluralitate. Quod vero anima sit corporis forma, id est in ipsa imperfectiōis: quod etiam illa plura perfecta sint partes unius totius, pariter est imperfectiōis. Si igitur secernatur ab anima ratio formæ informantis, & à pluribus illis distinctis, id quod est esse partes unius totius, superest forma pollens perfecta unitate: non quidem informans materiam, sed dans magis totale esse: idque pluribus distinctis, quæ non erunt partes unius totius, sed per se subsistentia: erit igitur una natura dans totale esse plu-



pluribus suppositis distinctis; ergo essentia divina, quæ est penitus illuminata, & a qua omnis imperfectio sic longissime abest, ut sibi est intimissima omnimoda perfectio, potest dare totale esse pluribus personis inter se distinctis. Sunt igitur ponendæ plures personæ in unica essentia divina.

AD ARGUMENTA. Ad primum respondeo, si conditio expressa illis verbis, *quo non posito*, intelligatur conditio possibilis, majorem esse veram, minorem vero falsam. Nam ex nulla hypothesi possibili, potest deesse secunda persona in divinis: quia summum bonum, summaque perfectio deesset. Et cum arguitur, secunda amta, summa perfectio esset in Patre, vel prima persona. Responsio: Si secunda non esset, summa perfectio deesset: & si prima persona interim esset, summa perfectio adesset; & ita secundam non esse, & primam esse includit contradictionem. Si autem exprimitur conditio impossibilis; major est falsa, ut dictum est: illud enim ponendum est in summo bono, quod non potest poni non esse sine positione impossibilis. Sit igitur oportet essentia prima in tot omnino personis, in quot de suæ fecunditatis perfectione esse, & reperiri potest. Quamvis igitur per impossibile circumscripta secunda persona, eadem infinita essentia esset in una; non reperiretur tamen in ea sub omni modo, quo potest aliis suppositis communicari. Et cum instatur, quia ii modi aut sunt perfectionis, aut non: Si primum, reperirentur in una persona, ut in multis si secundum, non additur per illos ulla perfectio rerum universitati. Responsio: Dictum est eos modos concernere Deitatis ipsius fecunditatem, ac proinde intelligi non posse essentiam omnimodè perfectam, nisi cum iis perfectionibus communicandi se per intellectum, & voluntatem; implicat ergo contradictionem essentiam esse, & non in pluribus personis. Si vero considerentur ii modi communicandi formaliter, quia aliud non sunt, quam *dicere*, & *spirare* neque perfectionem neque imperfectionem involvunt, ut *quæst.* 28. art. 2. in incid. 2. extitit declaratum.

Ad secundum respondeo sic: Enti ex se necessario, etsi repugnet divisio omnis in plura individua; ex eo enim non intelligeretur habere ultimam actualitatem, nisi advenientibus actualitatibus ipsum dividendis; non repugnat tamen, citra divisionem reperiri, aut communicari pluribus suppositis; quia rationes suppositales non tribuunt enti singularissimo, summæque necessario ullam actualitatem: quippe quod in se, ex se summa prædicitum sit actualitate. Cum igitur arguitur, proprietates personales aut sunt formaliter necessitates essendi, aut non. Respondeo, formaliter non esse necessitates essendi; nec tamen sunt possibiles, quia impossibiles sequitur entis finitatem: nec fieri potest ut sit unum realiter enti necessario, & infinito. Ille autem proprietates etsi non infinitæ formaliter, non tamen sunt finitæ, ideo nec possibiles, & propterea sunt unum entitati ex se necessariæ.

Ad tertium dicendum, utique illud esse verissimè unum, in quo nullus est numerus de genere quantitatis, & talem numerum, quo numerantur creaturæ à se ipsis ad invicem distantes, ac diversis formis discretæ, nos non adstruimus in Deo. Dicimus tamen reperiri in illo uno plures personas, & ita ibi esse numerum; quatenus scilicet numerus importat distinctionem cum præcisione pluralitatis majoris, & minoris, stante unitate formæ sic distinctorum: neque id negasse Boetium

appellantes frequenter unicam essentiam in tribus personis. Sed de hoc iterum infra articulo tertio.

Ad quartum respondeo ex dictis *quæst.* 28. art. 3. *Ad primum*. Nam divinæ personæ sunt inter se eadem, eo modo, quo sunt eadem uni essentia; in ea enim non distinguuntur inter se, sed dumtaxat proprietatibus personalibus: nec tamen ex ea essentiali unitate, & personalem inferri posse; quia ex identitate essentiali, non sequitur identitas formalis suppositorum. Et cum ad probationem additur, ex eo videri ruere primum principium, ponendo affirmationem, & negationem esse veras de eodem. Respondeo, non affirmari & negari de eodem sub eadem formali ratione, ac propterea nihil derogari primo principio. Siquidem Pater ratione essentia est idem quiditative Filio: at ratione proprietatis, non est ita idem; non affirmatur ergo, & negatur idem de eodem respectu ejusdem.

Ad confirmationem. Pro priori exemplo responsio est ista: Sicut in creaturis commune se habet ut *quale quid*, singulare vero ut *hoc aliquid*: ita hæc essentia communis tribus personis habet rationem *qualis cujus*, persona vero *hujus alicujus*. Medium ergo syllogismi est *quale quid*, & non *hoc aliquid*. Concluditur, autem identitas extremorum in conclusione perinde ac si medium extitisset *hoc aliquid*. est igitur fallacia figure dictionis commutando quale quid in *hoc aliquid*; & etiam consequentis, quia *Deus* accipitur in præmissis pro alio, & alio supposito.

In secundo autem Syllogismo, etsi *Deitas* non supponat pro alia & alia persona in majori, & minori, est tamen in eo fallacia figuræ dictionis, commutando *quale quid* in *hoc aliquid*: nam inferens suppositum de supposito interpretatur medium esse idem secundum rationem subsistentiæ quod falsum est.

## ARTICULUS INCIDENS.

Utrum in Deo sit aliqua ratio totalitatis, aut majoritatis.

Doctor. 1. Report. dist. 19. quæst. 5. S. Thom. 1. p. quæst. 30. art. 1. §. Ad quartum,

**V**IDETUR in Deo esse ratio majoritatis, & totalitatis. Etenim omne infinitum est majus non infinito: Dei essentia est omnimodè infinita, relationes autem ei inexistentes non sunt infinitæ; ergo Dei essentia est major omnibus relationibus; est igitur in Deo ratio majoritatis.

Præterea, Deus prædicatur de pluribus: ita autem prædicari est totius universalis; igitur est in Deo ratio totalitatis. Major probatur ex Damasceno 3. de Fide orthodoxa cap. 6. *commune, substantia est, particulare verò hypostasis*. Similiter lib. 1. cap. 17. *Numero, non natura dicuntur sanctæ hypostases*: igitur Deitati congruit ratio, qua unum totum universale prædicatur de pluribus numero differentibus.

Præterea, Distinctum, quod proluceatur de aliquo, quod est indistinctum, producit de eo, quasi de principio materiali; sed Filius producit de substantia Patris, quæ est indistincta in Patre, & Filius; ergo est in Deo totalitas essentialis.

CONTRA; Augustinus, 8 de Trinit. cap. 1. *Nam solum, inquit, Pater non est major, quam Filius, sed nec Pater, & Filius simul aliquid majus sunt, quam Spiritus Sanctus*: ergo non est in Deo ratio ulla secundum

2. dist. 1. q. 1. §. Ad quæstiones.

1. dist. 26. §. De modo.

Quæst. 11. art. 1. §. 4. sic intelligenda ratio de necessitate esse, probans Dei max. unitatem.

1. dist. 8. q. 2.

Ex Report. loc. cit. 6. Ad primum in possum. Ex Magistri sententia 1. dist. 4. quam approbat S. Thom. infra r. 3. §. 1. Report. loco cit. ut. 27.







Ad secundum respondeo, satis non esse ad per  
sonam universalem prædicari de pluribus sed  
præterea necessario requiri, ut sit unum secundum  
rationem in eis; propterea quod enim universale  
aptum natum est determinari à pluribus, in qui-  
bus & dividitur, nequit inesse illis sic, ut unum  
sit per realem inexistenciam. Quoniam ergo na-  
tura divina ex se, & de se determinatissima est, &  
essentialiter singularis, non potest ulteriorem re-  
cipere determinationem ab relationibus sibi iden-  
tificatis; ac proinde licet verè de tribus personis  
prædicetur, non tamen respectu earum est, aut  
dici potest universalis, seu habens modum, quo  
prædica ur universalis.

Ad tertium concedo Filium esse de substantia  
Patris, sed non quasi de principio materiali; quia  
nec materiam, nec quasi materiam putamus esse  
transferendam ad divina, ut explicabitur, qu. 41.  
cit., non ergo cum dicimus, *Filius est de substan-  
tia Patris*, notatur, aut exprimitur materia ulla;  
sed magis originis consubstantialitas.

## ARTICULUS II.

Utrum in Deo sint plures personæ,  
quam tres.

Doctor 1. dist. 2. quæst. 5. & in solutione ejus  
num. 34. in Report. ibidem, quæst. 8.  
S. Thom. 1. p. q. 30. art. 2.

**V**IDENTUR personæ in divinis non esse ad  
struendæ præcisè tres, sed magis aut plures  
aut pauciores tribus. Etenim duabus relationibus  
productorum correspondent æquo duæ rela-  
tiones producentium: & quemadmodum illæ mu-  
tuo se se excludunt, & etiam distinguuntur, ita  
& relationes producentium personarum; ergo si  
duæ relationes passivarum productionum duas  
constituunt personas, pariter & duæ istis corres-  
pondentes ex parte principii activi, duas debent  
constituere personas; erunt igitur in divinis qua-  
tuor personæ.

Præterea, Potentia finita, si in infinitum perstaret,  
utique posset habere effectus infinitos, ut docet  
Philosophus, 2. de Gener. text. c. 56. subdens exem-  
plum de sole; ergo potentia infinita, qualis est,  
quæ reperitur in primo principio glorioso, potest  
habere infinita producta simul. Probatio conse-  
quentiæ: nam quod potentia finita simul non pos-  
sit in tot. quot successivè valet producere, de ejus-  
dem finitate procedit; ei enim adæquatur iste ef-  
fectus finitus nunc productus; ergo potentia in-  
finita tot simul potest producere, quot successivè.  
In primo autem coincidunt esse, & posse, in iis,  
quæ intrinsicè ejus concernunt perfectionem;  
ergo in prima natura subsistunt infinita produ-  
cta.

Præterea. Bonum est ex se sui communicativum  
ergo summum bonum sit oportet summè sui com-  
municativum, & non nisi ad intra; quia nihil ex-  
tra existens est capax summæ bonitatis: Sed si in  
prima natura reperiuntur aliquæ subsistentes per-  
sonæ, unaquæque earum est summum bonum, ac  
subinde maximè communicativa alteri bonitatis  
suæ; ergo aut non sunt in natura divina plures  
personæ, aut quilibet ex illis aliam producit per-  
sonam: atque ita plures tribus. Idem potest de-  
duci ex ratione perfecti; quia perfectum est, quod  
potest producere sibi simile. Ex primo Metaphys. in

prom. & 4 Met. text. c. 54. non viderentur au-  
tem omnes personæ divina æqualiter perfectæ, si  
aliqua ibi subsisteret ex alia producente, de qua  
alia persona ab ipsa distincta non procederet.

Præterea, Relationes oppositæ sunt equalis di-  
gnitatis; ergo si relatio primi producentis tantum  
constituit unam personam, correspondebit sibi re-  
latio pariter tantum constituens unam personam  
productam: ergo si dumtaxat est adstruenda una  
persona producta, non tres, sed duæ præcisè erunt  
personæ in natura divina.

CONTRA, Matthæi ultimo, *Baptizantes eos in no-  
mine Patris, & Filii, & Spiritus Sancti*; Et in pri-  
mo Joan. cap. 5. *Tres sunt qui testimonium dant in  
Cælo, Pater, & Filius, & Spiritus Sanctus; & hi  
tres unum sunt*; sunt ergo præcisè tres personæ in  
divinis nec plures, nec pauciores.

RESPONDEO dicendum, personæ in divina na-  
tura subsistentes esse oportere præcisè tres, nec  
plures nec pauciores. Declaratio: sunt tantum  
duæ productæ, & tantum una improducta: ergo  
tantum tres sunt personæ in divinis. Primæ partis  
assumpti probatio est ista: Intellectus ut est per-  
fecta memoria, id est, habens objectum actu in-  
telligibile sibi præsens, per aliquem actum sui, est  
productivus termini adæquati, nempe infiniti.  
Quod fuscè extitit declaratum, quæst. 17. artic. 1.,  
& sequent. Nihil autem se ipsum producit ut sit,  
primo de Trinit. cap. 1. ergo quod actu intellectus  
producit, sit oportet distinctum à producente.  
Ea autem distinctio esse nequit essentialis: quia  
impossibile est infinitum ab alio infinito essentiali-  
ter distingui: imo ita sibi repugnat distinctio, si-  
cuti convenit ei necessitas maxima, & summa sim-  
plicitas: Est enim primum essentialiter unum; igitur  
productum à producente personaliter dumtaxat  
potest distingui: ac subinde ita distinguatur,  
Ergo est persona producta per actum producti-  
vum intellectus. Ac consimili ratione deducitur,  
oportere esse productam personam actu producti-  
vo voluntatis. Quod vero hæc duæ personæ acti-  
bus intellectus, & voluntatis productæ, inter se  
pariter distinguantur, ut sunt distinctæ à produ-  
cente: probatur; Nam non potest una, eadem-  
que persona produci duabus productionibus adæ-  
quatis, quarum nimirum qualibet sit personæ pro-  
ducendæ sufficiens. Siquidem si eadem persona  
duabus produceretur productionibus adæquatis,  
perfecto utraque acciperet esse sufficienter: sed si  
sufficienter acciperet esse à producente hac pro-  
ductione, haberet suum esse perfectè, nulla alia  
productione posita: igitur non potest accipere  
esse per aliam productionem, quia tunc esse non  
posset sine illa. Nequire autem esse plures perso-  
nas productas his duabus, ostenditur ex dictis  
quæst. 27. art. 5. & in incidenti ejusdem. Nam sunt  
præcisè in Deo duæ productiones, altera scilicet  
per modum naturæ, altera per modum volunta-  
tis, ex electione producentis; & quidem tanta  
necessitate hoc numero comprehenduntur, ut si  
per impossibile una, aut altera non esset, nulla  
alia productio in Deo locum habere posset. Per-  
sonæ autem productæ his productis onibus esse ac-  
cipiunt; ergo si sunt ibi impossibiles alie, aut  
plures productiones, est pariter necessarium re-  
periri ibi tantum duas personas productas.

Supere est igitur ostendenda altera pars primæ  
propositionis assumptæ, scilicet; Tantum est una  
persona improducta. Hoc autem ostenditur sic.  
Quicquid potest esse in pluribus suppositis, & non  
determinatur ad certum numerum suppositorum  
per aliud à se, quantum attinet ad rationem sui,  
potest

Videnda  
Glossæ Ma-  
gistræ Lyche-  
tiæ, & in-  
per. 1. quæst.  
Quodlibet o.  
rum.



potest esse in infinitis, & si sit *neceſſe eſſe*, de facto erit in infinitis: Sed ingenitum, ſeu ratio perſonæ improductæ, ſi eſſe poteſt in pluribus ſuppoſitis, non determinatur ab aliquo, in quot ſuppoſitis debeat reperiri: Id enim eſſet contra rationem ingeniti, & improducti; ergo ex ſui ratione eſſe poteſt in infinitis: Et cum ſit *neceſſe eſſe*, de facto erit in infinitis: Hoc autem eſt planè impoſſibile; igitur una duntaxat eſt perſona ingenita, & improducta. Deinde, nunquam pluralitas ulla eſt adſtruenda, niſi id exigat aliqua neceſſitas: nulla autem neceſſitas, nec ad ſe, nec ad extra poſtulare plures eſſe perſonas improductas; ergo ea eſt omnino una. Denique, eſſentia una actu exiſtens non videtur ex ſe immediatè habere plures modos eſſendi: Sed ſi forent plures perſonæ ingenitæ, eſſentia uni immediatè inexiſterent plures modi eſſendi: De facto autem eſſentia divina non habet immediatè plures modos eſſendi ſine productionibus; Sed unum duntaxat ex ſe, quo eſt in unica perſona improducta, & duos alios modis productionibus: Sunt igitur divinæ perſonæ tantum tres nec plures, nec pauciores.

Ad ARGUMENTA. Ad primum reſpondeo ex dictis *quaſt.* 28. *art.* 4. utriusque relationibus ex parte producentium, vel productivi, correfpondere relationes ex parte productorum, & quidem pro numero illarum; Sed non eſſe inferendam proinde parem diſtinctionem earum in utriusque extremis. Nam relationes productivi, eſt diſtinctione conſequatur ſecundum diverſas rationes producendi; attamen eſſe poſſunt, ſequè compatiuntur in eodem producente; ut eſt evidens in productione per artem, & per naturam, quæ eidem inſunt agentia propoſito, quatenus pollet duobus principiis productivis. D veriam autem eſſe rationem de relationibus producti, quæ neceſſario involvunt diſtinctionem perſonalem, cum productum ſit per ſe ſubſiſtens, & ſuppoſitum. Unde quamvis idem ſuppoſitum duobus principiis productivis inſtruetum, poſſit dare eſſe pariter duobus productis impoſſibile eſt tamen idem ſuppoſitum accipere eſſe per duas productiones, quarum altera ſufficiat tali producto, ut deductum eſt in ſolutione.

Ad ſecundum dicendum potentia finitæ repugnare habere ſimul duos terminos adæquatos *in produci*; licet non repugnet extendere ſe ad unius actualem productionem, poſtquam alium produxit. At quia principia Dei productiva ſemper habent proprios terminos ad intra *in produci*, qui exactiſſimè illis adæquantur principis; ex eo fit, ut ſint unicuique illorum impoſſibiles plures termini, ſeu ejuſdem, ſeu diverſæ rationis.

Ad tertium reſpondeo ſic: Aut ſupponitur pluralitas perſonarum in natura divina; aut per factum argumentum declarari intenditur. Si primum, quia id ex ſola revelatione didicimus, (et ſi veritatis certuſſimæ poſſibilitatem multiplici argumentatione ſupra, *quaſt.* 27. *art.* primo oftendere conati fuimus) eadem fidei certitudine teneamus, eas perſonas præciſè eſſe tres. Si autem ex ratione ipſius boni intenditur pluralitas perſonarum in Deo, & exceſſus ſubinde earum ſupra ternarium numerum, dico; prius probari oportere, fieri poſſe, nec repugnare, rem eandem, vel naturam indiviſam communicari alteri perſonaliter diſtincto à producente; Nam ad impoſſibile includens contradictionem non eſt potentia, nec communicatio bonitatis. Eſt igitur probandum, non addeſſe hic prætenſam ab inidelibus impoſſibilitatem, quod non præſtiſſe putamus in præſenti articulo. Conſimiliter ad aliam deductionem de per-

fecto. Verum eſt enim perfectum natum eſſe producere ſibi ſimile in omnibus, ubi poteſt produci. Oportet igitur prius oftendere producibile eſſe univocè, id eſt, in unitate naturæ ſuppoſitum in natura divina.

Sed arguebatur, quia ſuppoſita fide, ſunt in Deo due perſonæ productæ; & una ingenita; ergo ſi tertia perſona aliam producere nequit, non videretur æquè perfectæ, ut perſonæ, quæ producunt, ſicuti eſt Pater productivus, vel producens Filium, & utrique ſunt principium productivum Spiritus Sancti. Reſponſio: Potentia generandi Patris, ut eſt proximum fundamentum relationis, quæ eſt dicere; & potentia item ſpirandi tertiam perſonam in Patre, & Filio, eſt formaliter quid abſolutum, & infinitæ perfectionis. Ea autem perfectio abſoluta, quæ eſt ipſa eſſentia una cum intellectu, & voluntate, eſt eadem in tribus perſonis; nulla ergo perfectio, quæ eſt in una, deſeſe poteſt alicui perſonarum; & propterea ſunt in omnibus æqualiter perfectæ, & infinitæ: per hoc ergo quod tertia perſona aliam non producat, non ſubit aliquam imperfectionem: quia productio formaliter eſt relatio, quæ non importat de ſe perfectionem, vel imperfectionem, ut declaratum ſuit, *quaſt.* 28. *art.* 2. in incidenti ſecundo. Sed de his iterum redibit ſermo infra, *quaſt.* 41.

Ad quartum reſpondeo, ex pari nobilitate relationum oppoſitarum inferre æqualem numerum earum, committi fallaciam figuræ dictionis, commutando *quale in quod*; & rationem deſectus conſequentiæ eſſe, quia non propriè relationis, vel rationis principii, aut principii nobilitatem, vel ignobilitatem eſt quod multiplicentur, vel non multiplicentur relationes. Si quidem cum pluralitas ſemper reducatur ad unitatem, de ratione principii eſt unitas, licet in principiatu poſſit eſſe pluralitas. Stante ergo pari nobilitate relationum, principii item & principiatu, poteſt eſſe multiplicatio, vel diſtinctio in relationibus productorum, licet non in relationibus producentium à ſe, quali oporteat unamquamque earum diſtinctam conſtituere perſonam.

### ARTICULUS III.

Utrum termini numerales ponant aliquid in divinis.

Doct. 1. diſt. 24. utriusque ſcripti. Et de primo rerum princ. q. 16. à n. 8. & ſeqq.  
S. Thom. 1. par. quaſt. 30. art. 3.

VIDENTUR termini numerales nihil omnino ponere in divinis. Etenim ſecundum Boetium, 1. de Trinit. cap. 3. *Illud eſt veriſſime unum in quo nullus eſt numerus*. Perſonæ autem divine ſunt veriſſimè unum; igitur computari, exprimiſque nequeunt aliquo numero: ſi autem quidquam ii termini in Deo ponerent, verè in ipſo eſſet numerus, quo perſonæ in eo ſubſiſtentes numerarentur; igitur hi termini nihil ponunt in divinis.

Preterea, Si termini numerales aliquid ponerent in divinis, verè affirmare poſſemus, atque adſtruere numerum in Deo, quo perſonæ divine enumerarentur: Sed ubi eſt numerus, in eo ſit oportet ratio totius, & partis; totus enim numerus eſt major qualibet ſui parte, quibus neceſſario conſtat; ergo cum Deo attribui nequeat ratio totius, & partis, nec ſubinde eſt ad divina tranſferendus aliquis numerus.

Præ-

Qualiter ſit hæc doctrina intelligenda expoſitum eſt *quaſt.* 27. *art.* 5. Et in ejuſdem 1. incidenti 9. Ad ſe. undum, & 6. Secunda ratio.

1. diſt. 7. 9. Loquendo.

1. Report. diſt. 29. 7. 9.



Præterea, Omnis numerus est quantitas, aut scilicet quantitatatis discretæ; per quam scilicet numerantur, aut mensurantur partes ejus: Sed in Deo longissimè est semota omnis quantitas, dicente Augustino, 6. de Trinit. cap. 20. *Intelligimus Deum sine quantitate magnam*; igitur termini numerales non sunt dicendi aliquid ponere in Deo.

CONTRA, Ioan. Epist. prima cap. 5. *Tres sunt, qui Testimonium dant in Cælo, Pater, Filius, & Spiritus Sanctus, & hi tres unum sunt*: sed trinitas est numerus; ergo est in Deo, vereque subinde termini numerales aliquid ponunt in ipso. Unde Damascenus 1. de fide Orthod. cap. 17. *Numerum, inquit, non natura dicuntur Sancta hypostases*.

RESPONDEO, hic primo videndum est de numero in se, ac deinde an sit ponendus in divinis. Quantum igitur ad primum, sciendum, aliud esse *unum*, quod convertitur cum ente, aliud *unum* principium numeri. Et quia de unius ratione secundum priorem acceptionem, satis dictum fuit, supra *quæst. xi. art. 1. & 3.* quatenus est numeri principium superest agendum: etsi autem primum principium excessum non veniat in numerum cum aliquo ex cæteris entibus (ut infra patebit) ut proinde quamvis verissimè, & maximè unum, non sit numeri principium: nihilo minus secundum proportionem, & analogiam inquirentibus & nullibi magis quam unitate exprimi apparere poterit, & insuper perspecta erit, vis, & potestas *unitas* respectu numeri. Ut enim *unum* est numeri omnis principium, & mensura, ita primum est principium multitudinis creaturarum, & singularium mensura substantiarum, quæ proprium perfectionis gradum nascuntur per maiorem, & minorem accessum ad illam. Ad quem sensum loquitur Dionysius, cap. 5. de divin. nomin. *In monade, inquit, omnis numerus uniformiter præest, habetque monas omnem in se numerum unicum, & omnis numerus complicatus quidem in monade est: quantum vero à Monade progreditur, partem discernitur, & multiplicatur*. Porro monas, vel unitas dicitur omnem habere in se numerum multipliciter: Uno modo virtute, & potentia actione, uti est unitas divinæ essentia, à qua omnis multitudo creaturarum procedit: non per ejus unitatis divisionem, sed tanquam à principio continente omnia, & causante per potentiam infinitam: Secundo monas, vel unitas continet numerum potentia quasi passiva, de qua oritur omnis multitudo, non per sui communicabilitatem, uti dictum est divinam unitatem continere omnem numerum; Sed per sui divisionem, non quidem in partes quantitativas, sed in partes subiectivas: caque est unitas entis, ut dicit conceptum communem ad creatorem, & creaturam: cujus prima divisio est in ens, quod est de se esse, & in ens, cui non repugnat esse, & hoc secundum, quod est genus metaphysicum in decem dividitur prædicamenta. Et rursus prima divisio in ens, quod est per se, & in ens, quod est alicujus, continetque novem prædicamenta accidentis; & sic deinceps exsurgunt alia divisiones, de quibus fusè agitur in Metaphysicis.

Tertio, Unitas est continens numerum secundum substantiam, & naturam, esseque unum magnitudine quantitativa, id enim habet in se omnem numerum, qui inde per divisionem potest procedere. Et quia talis unitas, quæ est quantitas, accidit rebus aliorum generum à quantitate, ideo & numerus de quantitatis divisione procedens, accidit illis, etsi quantitati sit essentialis, quia quantitati per se inest sua continuitas. Veruntamen

Tomus I.

unitas, quæ est continuitas bifariam potest accipi, actu nimirum, & potentia. Actu quidem, ut cum dividitur continuum in partes, quibus constat. Potentia vero, si intelligatur omnia corpora seu corruptibilia, seu incorruptibilia extrahi ex divisione unius quanti in potentia. Quia enim omne continuum, quantum est ex parte sui, natum est esse unum, unaque magnitudo, nisi diversitas formarum distinguendum id impediret, ideo & numerus omnium corporum seu corruptibilium, seu incorruptibilium procedit ex divisione unius, quatenus unicum esse potest omne continuum. Nec enim differt unitas hæc à numero, ejusque unitatibus, nisi sicut unitum, & congregatum à diviso, & disgregato, ut dicit Boetius, de *unitate, & uno*, cap. 2. Is igitur numerus, ex divisione continui procedens nullam rem positivam addit, super ipsam unitatis continuitatem, à qua illæ unitates numerum constituentes, oriuntur. Nec discreta quantitas proinde importat formam positivam, aliam à forma continuitatis; quod enim partes non uniantur, vel copulentur ad unum communem terminum, non convenit discretæ quantitati ratione alicujus positivi, sed potius ex negatione unionis, quam habuit, vel certe habere potuisset. At ambiguitas hinc exoritur: Nam quoniam numeri de communi sententia specie distinguuntur, qui fieri potest, ut non addant nisi privationem continuitatis, cum secundum privationem nullum entium differat ab alio specie, & essentia? Hanc dubitationem excludentes, dicimus, vera numeri entitatem aliam non esse, quam entitatem continuitatis primæ unitatis divise & variam elongationem ab illa unitate, quæ fit per maiorem, & minorem divisionem, de qua diversa, vel alia, & alia divisione procedit, atque est diversitas specifica numerorum; ut ergo ex prima divisione causatur prima numerorum species, ita ex subsequentibus, certo semper gradu ab unitate distantibus, exsurgunt alia, & alie numerorum species, quæ quanto maiorem numerum constant, eo plus habent de privatione primæ unitatis: & sicut accipi non possunt duæ divisiones æqualiter ab unitate prima distantes, ita nec evenire potest, ut duo sint numeri ejusdem specificæ perfectionis, sed oportet omnino unum ab alio specie differre, & magis, & minus ab unitate elongari: non ergo privatio constituit numerum, inquantum numerus dicit entitatem, cum quicquid est in numero entitatis, sit ab una acceptum quantitate, ut proinde tota realitas specierum numeri de illo positivo, quod participatur, oritur, non ex privativo; distincto vero speciei à specie ex alio, & alio modo procedendi fiat.

Est præterea alius numerus appositè *formalis* nuncupatus. Hoc enim numero aliqua numerantur sub aliqua unitate formali, quam participant, veluti individua ejusdem speciei. Is etenim numerus oritur ex divisione unius formæ specificæ in partes subiectivas; qui proinde non addit aliquid supra naturam speciei: atque hinc constat differre à numero essentiali, species hujus numerata, quæ sunt genera, vel species subalternæ, addunt formam aliquam, quæ importatur per differentiam, super unitatem generis.

Veruntamen numerus *accidental*, qui (ut dictum est) ex continui divisione causatur, sicuti in eo quod dividitur est continuitas quantitatatis, & res quanta, ita & ipse numerus duplex est, nempe *Mathematicus, & naturalis*. Prior est multitudo aggregata ex rationibus unitatis, ut participant quantitatem: Ternarius enim numerat tria quan-

giuntur, & Substantia, & alia generata; & ipsa quantitas, cum divisionem subire intelligitur numerum enumeratur essentiali.

Qua ratione numeri inter se specie differre intelligantur.

Quoniam Doctor in Scripto Oxon. loc. cit. non resolute loquitur, sed pollicetur alias se acturum de Numeris; quod præstasse putant in qu. cit. de rerum principio. VVad. & Cavellus, & in Regor. cit. Magist. sent opinio, nem tantum, & non propriam conatur exponere, ac tueri; ideo inde huc nos portiora quæque transitulimus, ac ejus sententiæ ibi absolute expressam, se undam proponere studuimus; existimantes eam omnino veram, ac ultimam in hoc puncto Scoti voluntatem. De numeris sermo pulcherrimus.

De divisione quantitatis oritur numerus accidentaliter in cæteris prædicamentis à quantitate; quæ non intelligenda, numero essentiali distincta.



quanta, seu sint de ferro, lapide, aut ligno: vel etiam qualitates, ut quantitatem participant. At posterior numerus est *multitudo aggregata ex ipsis rebus, quibus convenit ratio unitatis*; id est, res ipsæ numeratæ per numerum mathematicum: quod & docuit Boetius, 1. de Trinit. cap. 4. dicens: *Numerus enim duplex est, unus quidem, quo numeramus; alter vero, qui in rebus numeralibus consistat*. Sed & Aristoteles, 4. Phys. ex. c. 31. *Numerus est, inquit, aut quo numeratur, aut numerabile*. Sed illud interest, quod numerus Mathematicus non multiplicatur ad multitudinem numeratorum, quantumvis diversæ naturæ; dummodo habeant quantitatem continuam, vel sint in quantitate: at numerus realis, vel naturalis, sive numerus numeratus multiplicatur, sive diversificatur pro diversitate rerum numeratarum; idque non aliunde evenit, nisi ex majori abstractione, & simplicitate, quam habent numeri super magnitudines. Unitas enim est majoris abstractionis quam punctum: punctum quippe involvit positionem, seu situm, à quo ex subtractione absolvitur unitas. Ut ergo unitas per additionem situs induit rationem puncti; ita numerus per additionem situs cadit in continuum. Quoniam igitur abstracta majori pollent unitate, ideo numerus Mathematicus est unus, quantumvis multiplicentur numerata.

Sed arbitrandum non est sola quanta, & sensibilia hoc numero numerari, quia eadem unitate dicuntur tres homines, ac tres Angeli, etsi non par ratio numeri sit in utriusque, ut patet infra; igitur non tantum à numero accidentali, & naturali abstrahitur Mathematicus numerus, verum etiam à numero essentiali: Cum enim dico, tres Angelos, habetur planè hic & unitas numerata, & ratio unitatis abstracta.

Hoc itaque numero Mathematico abstracto, & numero reali, vel naturali, qui & numerus dicitur numeratus, atque numero essentiali, tres omnino constantur species numerorum; ut etiam docuit Comm. primo Metaphys. com. 38. *Tres, dicens sunt species numerorum: est enim numerus Mathematicus, qui non multiplicatur per multiplicationem numeratorum; & est numerus formalis, qui diversatur per numerationem entium, & est numerus, cujus iste numerus est forma, & sunt sensibilia*.

secundum quod est transcendens ergo & abstractum à quantitate discreta est transcendens eadem ratione. Sed de hoc infra cum agatur de Sententia S. Thomæ.

Numerorum itaque omnium quodammodo idem est principium, & radix; eaque est unitas, quæ cum dividitur secundum diversas formas specificas, est radix numeri essentialis: Divisa vero secundum diversas actualitates in individuis ejusdem speciei, est principium numeri formalis; & quatenus dividitur in diversas partes integrales juxta continui divisionem, est principium numeri accidentalis. Et ut comparatur ad res aliorum prædicamentorum à quantitate, est numerus item essentialis; ut vero refertur ad res, quæ per se sunt in genere quantitatis, est numerus naturalis. Quatenus autem una pars ejus quantitatis, vel una substantia sub quantitate intelligitur replicari sine ratione unitatis specificæ, à qua abstrahit (idem enim est numerus decem hominum, & decem canum) est principium numeri Mathematici.

His ergo de numero, ejusque speciebus præmissis, illud superest videndum, tanquam plurimum faciens ad principialis quæsitæ dilucidationem, an

scilicet numero sit natura specifica, propriaque unitas formalis, respectu cujus numeratæ unitates sint materiales, seu ejus formalitatis materia; an potius unus aggregatione præcise sit, uti unus dicitur acervus lapidum, aut quid simile? Huic quæsitio nos respondentes dicimus, Numerum habere propriam unitatem formalem, ratione cujus quilibet ab alio specifica proprietate distinguitur: Cum enim unamquamque numerorum speciem aliæ, & aliæ proprietates consequantur, quas nedom non inesse numeratis rebus, verum etiam iidem planè repugnare, constat; manifestum est, eas de specifica ratione uniuscujusque numeri procedere, ac inesse numeris ratione indivisibilis formæ ipsarum; quod & docuit Avicenna 3. Metaphys. cap. 5. *Inquantum inquit, est denarietas, est cum proprietatibus, quæ conveniunt omnibus decem, sed inquantum habent multitudinem, non habent proprietates, nisi multitudinis, quæ est opposita unitati*: & propter hoc decem non dividuntur secundum denarietatem in decem decimas, quarum unaquæque habeat proprietatem denarietatis. Nec debet dici, quod decem sint novem, & unum; nec quod est compositio ex quinque, & quinque; neque ex sex, & quatuor: vel ex tribus, & septem: vel ex duobus, & octo: Sed ex uno, & uno, & uno quousque pervenies ad illum. Et idipsum dixerat Aristoteles, 5. Metaphys. text. 19. sex nimirum non esse tres, & tres, sed solum sex. Quæcunque igitur numerorum species una est, & multiplex. Una quidem, quatenus indivisibilis in alias species confimiles, insuntque ei proprietates speciei indivisibiliter sic, ut alteri speciei repugnent, & non nisi ratione alterius specificæ unitatis. Unde 3. Metaphys. c. 5. dicit Avicenna, *Unusquisque autem numerorum specie est in se, & per se unus*, & nihilominus quilibet numerorum multus est, & divisibilis, inquantum constat ex pluribus numeris, qui sunt partes ejus numerales; & ita Senarius constat binis ternariis, vel quaternario, & binario, vel pluribus unitatibus; inquantum plures sunt; quæ partes ut sunt multæ, & non unum, sunt in numero materialiter materiales; nam Senarius non est tres, & tres, vel quatuor, & duo, sed tantum semel senarius; ratione nimirum formæ specificæ ipsius, cujus est sequela unitas indivisibilitatis: quæ subinde unitas non ponit in numerum cum præcedentibus unitatibus: immo sicut unitas hominis est passio consequens ejus essentialitatem unitas senarii sequitur senarium, sicut passio: estque unus numerus formaliter, per illam unitatem: quia in omnibus senarii unitatibus, ut in materia est una forma: & quia ejus formæ passio non est pars materialis; ideo non numeratur cum sex unitatibus, sed est passio totius compositi, quod constat tot unitatibus, & forma specifica numeri senarii: est ergo senarius unus prædicatione denominativa.

Cum autem numerus non sit nisi multitudo mensurata per unum, secundum Aristotelem x. Metaphys. text. 21, & unum multitudinem mensurare nequeat nisi sit ejusdem speciei: multitudinem enim hominum non mensuramus, nisi per unum hominem: & ovium per ovem: hinc evidens est, non quamlibet multitudinem esse propriè numerum, nisi per unitatem ejusdem rationis valeat dimetiri. Primo ergo diversa, ac in nullo profusus convenientia ex natura rei, non efficiunt numerum simpliciter, sicuti sunt Deus, & creatura, & quæcunque alia, quibus nulla unius rationis est realitas communis. Etsi igitur prædicamenta dicantur decem, quia tamen ea multitudo non mensuratur per unum, unius nempe formæ specificæ

litam relinquit. Sed promissioni satisfactio putatur in cit. quæ. 16. de verum principio d. n. 35. & seq. & quidem conformiter ad ea, quæ disputaverat 5. Metaphys. q. 9. nu. 7. & 8.

5. Metaphys. qu. 9. nu. 8.

De qua prædicatione videlicet Doctor quæ. 12. super universalia Porphyrii.

Cajetanus hic dicit, Deorem. Quodlibet. qu. 4. art. 1. sine ratione velle nomen Trinitatis dictum de Deo abstractum à quantitate discreta; Sed vana est hæc censura; tum ex allegata ratione; Tum etiam quia est patet contra S. Thomam dicentem, numerum dictum de Deo à multitudine secundum à quantitate discreta cum agatur de Sententia S. Thomæ. Collectio, & recapitulatio prædictorum.

Hanc dubitationem Doctor in Oxon. infir-

(ex



(ex suppositione quod sint primo diversa) decem sunt, non quidem sub unitate formæ specificæ numerorum, sed à denario dicto ex unitate aggregationis. Propter quod decem genera non dicuntur numerus simpliciter, nec æquivocè, sed multa tantum per aggregationem numerata: cui multitudini non inest ratio numeri; uti nec Deus & creatura sunt duo; qui in nulla realitate conveniunt, ex cuius unitate resultat forma indivisibilis numeri, quatenus numerus est multitudo per unum numerata. Unde & Commentator super tex. 37. 1. Metaph. *Si unaquæque, inquit, unitatum numerorum formalium fuerit diversa ab alia non erit numerus; diversa enim numerant se ad invicem: numerus autem numerat se ad invicem, aut per unitatem, aut per numerum.* Hæc ille: & vult dicere, sicuti plura individua conveniunt in una specie, & plures species in uno genere; ita si numerus formalis individuorum non habet convenientiam in uno; & numerus item specierum in uno genere, fieri non potest, ut in ipsis sit numerus, quia abest unitas mensurans eas multitudes. Nam si unitates sint diversarum specierum, ratio indivisionis, quæ est in una unitate, non esset in alia; ac propterea fieri nequit, ut unitas unius speciei dimetiatur unitates alterius speciei. Hinc Avicenna, 3. Metaph. cap. 2. *Et quæ sunt multa, inquit, numero, non dicuntur una alio modo, nisi propter convenientiam, quam habent in intentione aliqua.* Non quæcunque igitur multitudo est numerus, sed ea dumtaxat, ut dictum est, quæ mensuratur per unum; & quia de unitate procedere non potest, ut sit aliorum mensura, nisi in eadem communicet ratione cum iis, quæ dimetienda sunt; hinc quia numerus accidentaliter consequitur res aliorum prædicamentorum per eandem naturam specificam, quæ est quantitas continua, ideo is numerus verius est unus, quam numerus essentialis, qui est diversorum generum, & diversarum specierum; & universaliter quantum numeri de convenientia in unitate aliqua minus habent, tantumdem elongantur à vera ratione numeri: Quapropter decem homines, & decem oves aptius & verius dicuntur duæ species animalis ob convenientiam genericam, quam viginti; imo sunt viginti, ex numero accepto ab unitate aggregationis, non propter unitatem formæ specificæ numerorum, nisi dicantur viginti corpora, vel substantiæ, vel entia. Quotiescunque igitur unitas cum aliis unitatibus in realitate aliqua non convenit, numerum constituere non potest; nec per primam unitatem sequentes mensurari queunt. Sed tamen tunc ex his multitudinibus numerus abstractus exsurgit, atque ita per unitatem sunt pariter mensurabiles; cum enim in qualibet unitate sit eadem ratio indivisibilitatis, & unitatis, unaquæque ex ipsis esse potest cæterarum mensura, nam unitas decies replicata reddit denarium, & denarius decies acceptum centenarium; & sic deinceps; & ideo dixit Commentator super 1. Metaph. cit. *numerus autem numerat se ad invicem, aut per unitatem (cum nempe unitates in realitate aliqua coincidunt) aut per numerum modo statim explicato.*

His omnibus de numero differtis, quæsti solutionem subiicientes, dicimus, in divinis verè, & propriè esse numerum, imo tanta proprietate divinas personas appellari tres, quanta nulla alia entia numerari queunt. Nam non aliunde est, quod unaquæque numerorum species sit indivisibilis ex propria specifica unitate, nisi ex identitate in specie unitatum replicatarum specierum numerorum

constituentium; adeo quæcunque species ab alia distinguitur propter majorem, vel minorem replicationem talium unitatum. Quælibet autem species in se indivisibilis est una ob indivisibilem rationem speciei, in quantum est species, quam omnes illæ unitates participant, & in quantum distinguuntur; cum inter se magis diviæ sint per aliud, quod est extra rationem speciei. Numerus ergo est unus ab unitate speciei, de qua participant unitates illum numerum distinguentes. Quanto igitur magis unitates participant eandem naturam, tanto ille numerus habet unitiorem rationem unius numeri. Verius ergo tres personæ divinæ sunt tres, quam quæcunque tria creata: atque ita ille numerus est verior numerus, & magis unus, quam quicunque alius, quo numerantur cætera entia à tribus personis divinis: cum in reliquis omnibus sit impossibilis unitas ejus generis, quo una, eademque natura est una in tribus realiter distinctis.

Aliqui quæsto respondentes ex sententia dicunt, terminos numerales, prout de divinis personis prædicantur, non desumi à numero, qui est species quantitatis: quia tunc de Deo nonnisi metaphoricè diceretur: sicuti & aliæ proprietates corporalium: sed accipi à multitudine, secundum quod est transcendens. Contra: est numerus sit multitudo, non tamen perinde multitudo est numerus, nisi sit per unum ejusdem rationis mensurata: quia quæ sunt unum aggregatione, sunt multa, & multitudo, nec tamen est tali in multitudine ratio numeri, cujus unitas est verior unitate per aggregationem; ergo cum in Deo verissimè sit ratio numeri per omnium maximam convenientiam plurium in uno, & verissima trinitas personarum, is numerus non potest esse acceptus à multitudine, ut est transcendens. Deinde, quamvis numerus, ut Deo convenit, accipi nequeat à numero accidentali, qui exsurgit ex divisione quantitatis, attamen numerus mathematicus perinde abstracta numero accidentali, & essentiali: rectè enim dicimus tres lineas, & tres Angelos, propter ejus numeri abstractionem supra explicatam; ergo cum termini numerales dicuntur de personis divinis, ratio discretionis earum abstracta à numero propriè accepto, qui est quantitas discreta, per quam abstractionem absolvitur ab omni positione, & situ. Denique, numerus, quo numerantur substantiæ spirituales, à quo accipitur? Si à multitudine accepta transcendenter; ergo sunt præcisè unum per aggregationem: id autem est falsum: nam cum omnes sint substantiæ spirituales, conflatur ex eis verus numerus indivisibilis speciei per convenientiam in unica saltem ratione generica: Si à numero propriè dicto, quatenus per abstractionem sit immunis à proprietatibus quantitatis; ergo consimiliter abstrahitur numerus dictus de Deo, à quantitate discreta amotis per intellectum conditionibus materialitatis, & situs, & positionis, manentibus tantum ratione ipsius discretionis, & convenientia unitatum in unitate: quemadmodum a propriis rerum creaturarum rationibus cætera omnia abstrahuntur; quæ Deo rectè attribuantur seclusis imperfectionibus.

AD ARGUMENTA. Ad primum respondeo ex dictis in solutione, in Deo revera nullum esse numerum, qualis est in cæteris entibus ab ipso. Nam cum ea unitate sint unum tres divinæ personæ, ad quam unitatis rationem alia quæcunque entia pertinere, est impossibile, nullus numerus, quo omnia alia numerari possunt, est in Deo: sed alterius

S. Thom. hic  
in solutione.  
Videndus  
Mayron. 1.  
dist. 44. q. 3.

Doct. 10.  
Metaphys.  
q. 14.

Quodlib.  
qu. 14. 6. De  
primo.

1. dist. 8. q. 4.

Hæc quæsti  
olutio.



omnino rationis, & eo sublimioris excellentie tres sunt, & dicuntur, quo *illi tres sunt unum*, Boetius itaque removendo à primo omnem numerum qui cadit à penitissima illa unitate, non negat alium altiore illi congruere, qui non sit reperibilis in cæteris habere nequeuntibus parem unitatem.

Ad secundum dico *quæst. 30. art. primo in incipiente*: declaratum extitisse, qualiter à primo principio longè absunt rationes totius, & partis, ob infinitam ipsius simplicitatem. Et si ergo numerus, quo numerantur alia entia ab ipso, subsistit iis rationibus involventibus imperfectionem: numerus tamen ille, quo subsistentes in essentia infinita, dicuntur tres, & interim verissimè unum, omnem excludit conceptum totius, & partis, quatenus partes sunt correlativæ totius, quod ex illis constat.

Ad tertium respondeo, declaratum jam fuisse, qualiter numerus, quo verissimè tres dicuntur personæ divinæ, non est quantitas, nec numerus alius, quo numerantur cætera entia à primo: bene tamen numerus abstractus à quantitate discretæ: quod & putamus exprimere voluisse in citata autoritate Augustinum.

#### ARTICULUS IV.

Utrum hoc nomen persona possit esse commune tribus personis.

*Doctor 1. dist. 23. & 25. in Report. ibidem.  
S. Thom. 1. par. quæst. 30. art. 4.*

**V**IDETUR personæ nomen esse non posse commune tribus personis: Etenim in conceptu essentiali personæ cadit incommunicabilitas opposita geminæ communicabilitati naturæ: ea enim communicatur suis inferioribus, & ut quod & ut quo. sicuti in præcedenti quæstione sæpe dictum fuit: Sed hoc ipso quod talis sit ratio formalis personæ, repugnat sibi quacunque communitas aliquin enim de communicabilitate naturæ communis participaret: nec illi omnino opponeretur in conceptu essentiali: ergo nomen personæ non est commune tribus personis divinis.

Præterea, Cùm persona sit incommunicabilis formaliter, si hæc ratio pluribus personis foret communis, profecto esset communitas conceptus negativi, vel negationis: Sed fieri non potest, ut negatio sit pluribus communis, nisi ob communitatem affirmationis, cui sit affixa, & necessario consequatur; ergo quoniam tribus personis nihil est commune, nisi essentia, quæ utique persona non est, personæ nomen nihil iisdem commune significare, & importare potest.

Præterea, Oppositorum eadem est ratio: communicabile autem, & incommunicabile opposita sunt: igitur eadem est ratio utrorumque: Sed communicabile præcisè importat respectum rationis: essentia enim communicatur tribus personis: quæ nihilominus unica est indivisa, & indivisibilis in omnibus: igitur incommunicabile pariter erit respectus rationis: adeoque nihil esse potest commune tribus personis, nisi aliquis rationis respectus.

Præterea, Omne commune pluribus univocum, & distinctum, & plurificatum in eis, dicitur de illis secundum aliquam rationem universalis: ergo si persona conceptum pluribus communem importaret, diceretur de his secundum aliquam rationem universalis: non videtur autem conveniens

transfere ad divina secundam intentionem universalis, & multo minus intentionem primam universalis: quia eo conceptu aliud non intelligimus nisi quandam potentialem realitatem, quæ locum non habet in ente infinitæ actualitatis.

Præterea, Personæ divinæ primo constituuntur, & distinguuntur ultimè propriis personalitatibus, seu talia constitutiva sint relationes, in quibus bus, exprimuntur in Sacra Scriptura, seu aliquæ rationes absolutæ: Sed iis, quæ ultimo aliqua constituunt, nequit esse quidquam commune: Supposito enim, quod ultimè aliqua certis rationibus constituantur, sint oportet ad invicem primo diversa, ac in nullo penitus convenientia: nisi fortè admittatur processus in infinitum: ergo personæ nomen non præferret aliquod commune tribus personis.

CONTRA, Magister 1. dist. 23. cap. Pater. *Quid ergo tres? Si tres personæ, inquit, esse dicuntur, commune est eis id quod persona est. Certè enim quia Pater est persona, & Filius est persona, & Spiritus Sanctus est persona, ideo tres personæ dicuntur. Propterea ergo dicitur tres personas, quia commune est eis id quod persona est.*

RESPONDEO, Aliqui propter Augustini auctoritatem, 7. de Trinit. cap. 4. & 6. & verba Magistri supra relata, negare non audentes personæ nomen esse tribus commune, ac numerari re ipsa in eis, ut verissimè sint tres personæ divinæ, & non una, ut blasphemabat Sabellius: dixerunt personæ nomine exprimi, ac significari præcisè intentionem secundam, non quidem in abstracto, sed in concreto, ex quo fit, ut restè prædicetur de re primæ intentionis, ac verè supponat pro illa. Ratio autem unde moti sunt ad id adstruendum est ista: Quemadmodum individuum proprie est in natura substantiali, ita persona in natura intellectuali: Sed individuum, & suppositum dicunt tantum rem intentionis secundæ: ergo pariter & persona. Quæ sanè sententia nobis non videtur probanda: Nam quotiescunque à formalibus constitutivis aliquorum potest efformari conceptus communis primæ intentionis, multo magis abstrahi poterit à constitutis per illa: Sed à relationibus constitutivis personas divinas abstrahibilis est conceptus communis primæ intentionis; ergo potiori jure id ipsum affirmandum erit de divinis personis. Probatio minoris: Paternitas est relatio, & filio similiter: ergo relatio dicitur de eis univocè. Nam stat apud intellectum certitudo de conceptu relationis ad intra, & interim dubitare potest, quænam relatio sit filiatione, an paternitas? Nec certitudo illa est circa vocem dumtaxat, sed de conceptu reali, cujus ratio est ad aliud se habere: conceptus ergo ille certus de relatione in communi est alius à conceptibus specialibus singularum relationum, de quibus intellectus ambigit: si igitur id evenit in constituentibus personas, multo fortius à constitutis per has relationes poterit abstrahi aliqua res primæ intentionis. Deinde, Omnis secunda intentio est relatio rationis: non equidem quacunque, sed quæ propriè pertinet ad actum intellectus componentis, vel dividendis, vel saltem conferentis unum ad aliud. Non enim causatur secunda intentio, nisi per actum intellectus negotiantis circa rem primæ intentionis: ut cum unum de alio affirmatur, aut negatur, aut ad invicem comparantur. Si igitur personæ nomine hæc rationis relatio importaretur, necessario hic esset coexistentia correlativi, ad quod referretur: quia impossibile est intelligere relationem, non intellecto termino

De his magis articulo sequenti 1. dist. 26. sub nu. 6. §. 5. cundo.

Intentio secunda qualiter fiat secundum Doctorum, sed videnda 9. 3. super universalibus. Porphyrii huius & Mauricii Commentarius super eadem quæst. rursus videndus



Doct. 2.  
dist. 1. q. 1. &  
4. dist. 1. q. 2.  
p. De secund.  
do.

mimo ipsius, ut correlativo; & ita vera species respicit genus, particulare universale, & sic de ceteris: Sed persona non dicitur alicujus persona, vel saltem non dicit extremum intellectus conferentis; ergo non est relatio rationis, nec subinde intentio secunda. Denique secundum Augustinum, 1. de Doctrina Christ. cap. 3. & 5. *Res, quibus fruendum est, sunt Pater, Filius, & Spiritus Sanctus*; ergo de Augustini mente tres personæ sunt tres res: Atqui *res* non videtur importare intentionem secundam, & nihilominus id nomen est verissimè commune tribus; ergo non propterea quod persona est quid commune numeratum in multis, est nomen secundæ intentionis significativum.

S. Thomas  
hic in solu-  
tione.

Veruntamen alii improbant *personæ* nomen significare secundam intentionem, eo quod non intentio, sed res eo nomine exprimitur, putant eam rem significari non sicut genus, vel species sed sicut individuum vagum. Nam *res aliquis homo* importat naturam communem cum determinato modo offendi, qui competit singularibus, ut nempe sit per se subsistens distinctum ab aliis. At nomen personæ non est impositum ad significandum individuum ex parte naturæ, sed ad significandum rem subsistentem in tali natura: quod cum sit commune omnibus personis divinis, est quidem communitas hæc secundum rationem, sed per modum individui vagi. Contra, *Tò aliquis homo*, aut dicit intentionem primam, aut secundam, aut vocem dumtaxat individui naturæ humanæ communem. Si primam intentionem, non diffitemur, nec refragamur; ut *ex sequentibus* evidens erit. Si secundam: id istis non probatur. Si vocem dumtaxat; jam ex prædictis exclusum fuit, & magis dicitur articulo sequenti. Deinde. *Aliquis homo*, est intentio secunda. Nam individuum de uno solo prædicatur; cum ergo de pluribus dicitur, recipit per intellectum modum prædicandi speciei; est ergo intentio secunda: quod istis non probatur. Si igitur personæ nomen est secundum rationem commune tribus subsistentibus in Deo, & per modum individui vagi, profecto evitari non potest, quin sit nomen intentionis, & non rei.

Est igitur dicendum, nomen personæ, ut de tribus divinis personis prædicatur, significare rem primæ intentionis, quæ utique res de tribus dicitur rebus, in quibus solummodo quiescere potest natura intellectualis per felicissimam fruitionem. Declaratio: Nam, juxta dicta, *quæst. 19. art. 4. in incidenti*. Persona aut[em] pro formali est incommunicabilis habens existentiam in natura intellectuali, aut certe dicit quid positivum in recto; ad quod sequatur duplex incommunicabilitas, geminæ opposita communicationi, & communicabilitati. Seu uno, seu altero modo dicatur: non significat personam conceptum secundæ intentionis, sed primæ. Siquidem omnis ille conceptus est intentionis primæ, qui natus est fieri, immediatè à re sine opere, vel actu intellectus negotiantis: nedum autem conceptus positivus, verum etiam negativus natus est fieri immediatè à re citra intellectus negotiationem, nempe absque eo quod unum de altero affirmet, vel neget, aut comparet. Sicut enim Socrates est homo ex natura rei, ita est non asinus ex natura rei. Cum igitur persona ex natura rei sit formaliter incommunicabilis; vel ad existentiam naturæ intellectualis sequatur ea incommunicabilitas, profecto conceptus, quem immediate formamus de persona, non est secundæ intentionis, sed primæ. Nam secundæ intentio non

fit ab intellectu, nisi prius conceperit, & apud se efformaverit conceptum personæ secundum naturam ejus, ad quam terminatur prima motio intellectus, circa id objectum: movet autem secundum quod est intellectualis naturæ incommunicabilis existentia; cum igitur ex natura rei sine omni negotiatione intellectus, (quæ ut dictum est, fieri non potest, nisi post primam motionem objecti, & apprehensionem potentia intellectivæ) sit in tribus divinis personis, & natura intellectualis, & entitas incommunicabilis, conceptus, qui in illis numeratur, non est secundo intentionalis, sed potius realis, & primæ intentionis, quia expressivus objecti, uti est ex natura rei: Nomen igitur personæ importat conceptum realem primo intentionalem, communem tribus personis divinis, & non secundum rationem, ut nomine rationis exprimitur secunda intentio, aut individuum vagum.

AD ARGUMENTA. Ad primum respondeo, quandoquidem in tribus subsistentibus in natura divina, verissimè reperitur & entitas incommunicabilis, & natura intellectualis, eadem veritate numeratur in eis ratio personæ. Eam autem rationem esse realem, & primæ intentionis, & univocè de tribus enunciari, exitit declaratum. Cum itaque arguitur: exinde inferri, personæ rationem non esse oppositam conceptui naturæ communis, si illa perinde ut hæc, foret pluribus communis, & subinde communicabilis: Dicimus, in eo essentialiter unum ab alterius conceptu, vel ratione differre, quod natura communis pluribus communicatur, ut quiditas eorum; sed conceptus personæ tribus subsistentibus in Deo communis, prædicatur de eis non ut quid, sed ut proprium; quia est extra quiditatem eorum trium; & insuper non correspondet ei conceptui aliqua realitas quasi potentialis ex natura rei, sed in realitatibus personalibus sunt primo diversæ; & sanè si hitres constituantur relationibus, relationis realis conceptus, qui est ad alterum se habere, est, omnino iisdem realiter communis. Si vero per absolutas realitates, conceptus incommunicabiliter existentis, quemadmodum de omnibus vere, & realiter enunciat, ita & in ipsis multiplicatur.

Ad secundum respondeo ex dictis in cit. art. 4. in incidenti, *quæst. 19. §. Ad primum*: ad hoc ut conceptus negativus, vel negatio sit pluribus communis, non oportere sequelam esse affirmationis unius rationis, sed sufficere, ut opponatur affirmationi unius rationis, ut non homo est quid commune lapidi, & ligno; etsi non sequatur ad positivum iisdem commune. Quamvis igitur persona pro formali significaret negationem communicabilitatis, nihilominus nihil obstat hunc conceptum esse pluribus communem, citra omnem intellectus operationem, qua accipit esse quicquid est secundæ intentionis.

Ad tertium dicendum evenire interdum, ut unum oppositorum sit præcisè respectus rationis alterum vero extremum sit tale ex natura rei. Exemplum: idem, & diversum opposita sunt, & tamen idem perfecta identitate importat respectum rationis, ex 5. *Metaph. cap. de eodem*, attamen diversum, quo excluditur talis identitas, inest rebus nullo interveniente actu rationis. Nam etsi aliquid non conveniat rei absque actu intellectus; potest nihilominus repugnare rei ex se sine actu intellectus: & ita quidem Socrati universalitas repugnat, quæ tamen homini non convenit, nisi per intellectus operationem: Quamvis igitur communicabilitas dicat tantum ratio-

Contrarium  
amplectitur  
S. Thomas  
hic in solutio-  
ne, sed in  
articulo se-  
quenti magis  
id declarabi-  
tur.

1. dist. 23.  
cit. in fine.

Doct. su-  
per Univer.  
q. 12. n. 3. &  
q. 8. n. 5.

De his fuit  
Doct. 6.  
Metaph. qu.  
12. 8. De 3  
quæstione.



rationis respectum; potest tamen repugnare personæ ex aliquo, quod est in re; & propter idipsum esse potest eadem persona incommunicabilis.

Ad quantum respondeo, non sufficere ad rationem universalem, quod conceptus aliquis sit pluribus communis, & multiplicatus in eis, sed præterea requiri, ut dividatur in illis, ac distinguatur proinde non solum per diversos conceptus, sed per diversas realitates. Nam cum conceptus universalis sit de realitate diversa ab illa, unde accipitur conceptus differentie, profecto qua diversitate differentiarum, dividatur oportet & ipsum universale per contractionem conceptus communis per alium conceptum minus communem, nisi utrique propria ex natura rei correspondeat realitas. Nulla autem esse potest realitas potentialis, si contrahibilis per realitatem facientem differre unum ab altero, in eo quod est in summa, & in simplicissima actualitate, uti sunt proprietates constitutive divinarum personarum; quamquam ex eo quod unam, eandemque præferant realem rationem, nullum sit inconveniens, unum realem conceptum primæ intentionis esse omnibus communem: qui tamen conceptus, qui est extra quiditatem personarum, dicatur prædicari, & dici de eis, quasi per modum proprietatis; licet quatenus est expressivus rationis quiditative ultimarum differentiarum trium subsistentium in Deo, sit quiditativus, & recte dicatur *in quid*; Sicuti paternitas, & filio, & passiva spiratio sunt relationes quiditative; Sed de his articulo sequenti.

Ad quantum, Supponendo divinas personas revera constitui relationibus, penes quas revelatae sunt nobis in Sacra Scriptura; dicimus, eas quidem esse primo diversas quoad realitates, adeo ut non sit ipsis gradus ullus realitatis, quasi potentialis, & determinabilis per proprias differentias: Sed non ita esse primo diversas respectu intellectus, quin abstrahi possit ab eis aliquis conceptus realis omnibus communis. Juxta ergo hanc distinctionem est intelligenda secunda argumenti propositio.

Ad argumentum opinantium personam significare rem secundæ intentionis; dicendum, individuum accipi dupliciter: primo absolute, ut nempe dicit indivisionem rei in se, & divisionem ejus ab omni alio, propter realem ipsius unitatem; & sic spectare ad ordinem rerum primæ intentionis. Alio modo ut est correlativum *individui*; qua in acceptione ipsam speciem respicit, estque res secundæ intentionis. At in casu *persona* consideratur secundum priorem intellectum; de quo Richardus, 4. de Trinit. cap. 24.

## ARTICULUS INCIDENTS.

Utrum aliquis conceptus positivus primæ intentionis possit esse communis sola communitate rationis divinis personis.

*Additur in titulo sola communitate rationis propter communitatem hujus nominis Deus, quod constat esse commune tribus personis verissima communitate reali.*

Doctor 1. Report. distin. 25. quæst. 2. S. Thom. 1. par. quæst. 30. art. 4. in solutione.

Huc veluti præsuppositiones spectant dicta, quæst. 27. art. 4.

**V**IDETUR, conceptus realis esse non posse communis tribus personis divinis sola communitate rationis: Nam omnis conceptus positivus primæ intentionis communis communitate rationis est conceptus universalis; dicitur enim de pluribus, ac numeratur in eis: sed universale communis sententia arcet à natura divina, omnibusque sibi inexistens; quia tunc ibi locum habent, & totum, & pars, & potentialitas; ergo quicquid apprehenditur ut commune tribus personis aut est fictio, aut ad summum intentio secunda.

Præterea, Ab eisdem individuis non abstrahuntur duo conceptus inordinati, siue non ordinati: sed is conceptus realis abstractus à tribus personis divinis, non includit conceptum *Dei*, nec est contra; ergo talis conceptus esse nequit ita communis. Major probatur, quum ab eisdem individuis abstrahuntur duo conceptus immediate ordinem inter se non habentes, uterque est quasi conceptus speciei specialissimæ, quia unus non erit sub alio: Sed impossibile est aliqua eadem individua habere plures species specialissimas communes; igitur est pariter impossibile ab eisdem individuis abstrahi duos conceptus immediate sint inter se non ordinati. Probatio minoris; nam tale commune si abstrahatur, non includit conceptum *Dei*, cum ille numeretur in personis, non item conceptus *Deitatis*; igitur hi duo conceptus inter se non ordinantur, ut inferius, & superius.

Præterea, Ab ultimis distinctivis aliquorum non potest abstrahi conceptus communis: Sed proprietates relative sunt ultimæ distinguentes personas, ut supponitur; ergo à proprietatibus relativis personarum abstrahi nequit conceptus ullus communis, qui sit realis, & primæ intentionis. Major propositio est evidens, ex eo, quia quæ conveniunt in uno conceptu reali, ultimo non distinguunt constituta per ipsa, nec intelliguntur esse primo diversa; id est in nullo prorsus convenientia, si in reali conceptu communicant.

Confirmatur, Nam de ultimis differentiis, ne ens quidem prædicatur *in quid*; alioquin non erunt primo diversa, sed magis differentes aliis differentiis: Quibus si pariter sit ens commune prædicatum quiditativum, erit processus in infinitum; ergo statuendum est aliquas differentias nihil habere commune dictum de eis *in quid*; atque ita hæc dumtaxat appellandæ ultimæ differentie.

CONTRA, Augustinus, 1. de Doctrina Christiana cap. 1. & 3. *Res, quibus fruendum est, sunt Pater, & Filius, & Spiritus Sanctus. Res autem*

1. Report. dist. 25. q. 2. nu. 16.

1. dist. 8. q. 3. de quo actum supra qu. 3. art. 5.

1. dist. 26. num. 48. 6. Ad aliud dico.

Doctor ubi supra V. Dico ergo.

Videnda glossa Magistri Lycheti.

1. Report. dist. 25. qu. 2. nu. 15.

1. dist. 26. 6. Quantum ad tertiam vii. V. Secundo principaliter.

1. dist. 3. q. 3. 6. Ad quæstionem. V. Primum.



est primæ intentionis. Unde Magister, 1. dist. 25. exponens qualiter Pater, & Filius, & Spiritus Sanctus sunt phares personæ, dicit, id ideo esse, quia sunt tres subsistentes, ac tres entitates: Talia autem dicunt primam, non secundam intentionem; Cum ergo id ipsis sit commune, & numeratum in eis, profecto est aliquis conceptus communis personis divinis communitate rationis primæ intentionis positivum.

RESPONDEO, dicendum, abstrahi posse conceptum communem positivum a tribus personis divinis, qui univocè *in quid* de ipsis prædicatur. Probatio: Relatio prædicatur *in quid* de paternitate, & filiatione, quibus respectivè constituuntur Pater, & Filius: Etenim, si relatio non transiret in essentiam per realem identitatem, utique relatio essentialiter, & quidativè de illis relationibus diceretur: Sed ex eo, quod relatio sit idem essentiæ, non destruitur ejus ratio formalis; igitur includit essentialiter relationem, & subinde relatio prædicatur *in quid* de paternitate, & filiatione. Secunda autem intentio non prædicatur *in quid* de rebus primæ intentionis, & *in quid* prædicabilis de illis; cum magis sit abstrahibilis conceptus communis à constitutis, quam à constitutentibus ipsorum, ut tactum est *articulo præcedenti*. Quod autem relationis conceptus communis sit paternitati, & filiationi, quibus constituuntur Pater, & Filius, declaratur; Nam hæc *omnis relatio in divinis est paternitas*, falsa est. Si autem relatio æquivocè diceretur de paternitate, & filiatione, simpliciter falsa non foret; quia æquivocum non distribuitur unica distributione pro omnibus suis signatis, sed pro uno ex illis igitur paternitati, & filiatione est aliquis conceptus communis communitate rationis, & primæ intentionis positivus. Deinde, aliquis potest esse certus, relationem esse in divinis, & dubitare de hac relatione, vel illa, si ibi reperitur; igitur conceptus relationis est alius à conceptu hujus, vel illius, atque ipsis communis. Consequentia est evidens, quia non contingit aliquem esse dubium, & certum de uno, eodemque conceptu, Antecedens probatur, nam aliquis certus esse potest, relationem reperiri in divinis, & tamen dubitare hanc relationem esse generationem vel spirationem. Alioquin non haberet locum aliquod problema in divinis de relationibus in speciali; cujus oppositum ostendunt processus Magistrorum Theologiæ. Nam tunc profecto non esset alia quæstio de relatione in generali, & in speciali, nisi nomine tenus, si in nomine tantum & non in reali conceptu convenirent. Stat ergo aliquem esse certum de relatione in communi, secundum conceptum realem ipsis omnibus communem, & dubitare de his, quæ pertinent ad relationem in speciali; potest igitur abstrahi aliquis conceptus realis, & communis univocè omnibus relationibus divinis.

AD ARGUMENTA. Ad primum respondeo ex dictis *articulo præcedenti*. Ad quartum. Nam universalis intentio non est applicabilis alicui conceptui primæ intentionis, nisi is conceptus sit expressivus realitatis contrahibilis per aliam realitatem dantem esse actuale, & facientem differre à quovis altero; in relationibus autem constitutivis personarum divinarum non est intelligibilis duplex realitas, quarum altera sit per reliquam contrahibilis, ac proinde non est ibi subiectum capax intentionis universalis.

Ad secundum respondeo, assumptum esse ve-

rum in suppositis naturæ creatæ, in quibus proprietas individuans naturam, facit unum per se cum natura, estque ea proprietas spectans ad idem genus; ac propterea à natura abstrahitur conceptus quiditativus, non vero à proprietate: Sed in supposito naturæ increate, proprietates personalis est alterius generis à natura personata, ideoque cum retineat ea proprietas propriam quiditatem, ab ipsa abstrahi potest conceptus quiditativus, alius a quiditativo conceptu naturæ. Et cum arguitur; ex eo videri, nos statuere earundem personarum duos conceptus específicos. Responsio: conceptus personalium proprietatum, etsi quiditativus sit, non est tamen speciei specialissimæ, quia is semper accipitur à natura, non à proprietate personali. Quamvis igitur conceptus, in quo conveniunt proprietates incommunicabiles, sit ipsis communis, minimè tamen specificus erit, vel speciei specialissimæ, quia non est conceptus naturæ.

Ad tertium dicendum, utique ab ultimis distinctivis abstrahi non posse conceptum, qui capax sit universalis intentionis, quia tunc convenirent in aliqua realitate determinabili per aliam, quæ esset differentia; & ita non ultimatè illæ differentiæ distingerent, quæ primo constituunt: Sed tamen abstrahi posse conceptum communem, & quiditativum, si proprias rationes retineant, sicuti sunt determinativa divinarum personarum. Hæc igitur proprietates personales, etsi conveniant in conceptu, non tamen habent communem aliquam realitatem.

Ad confirmationem dicendum, plurimum interesse inter primo constitutiva creaturarum, & determinativa divinarum personarum. Propterea quod enim creata natura de se non est determinata ultimatè, est determinabilis per aliquod determinativum ejusdem generis, respectu cujus est in potentia, & comparatur ad illud, ut potentiale ad actuale: Id autem creatæ naturæ determinativum careat oportet unitate quiditatis; aliquid aliud sibi superaddendum foret determinativum; nam perinde ut natura per ipsum determinabilis, esset non ultimatè determinatum. Pollet igitur majori unitate, quam sit unitas quiditativa naturæ, estque unitas individualitatis, & singularitatis, ac propterea ab ejusmodi determinantibus naturam, quamvis fortasse possit abstrahi aliquis conceptus communis, non tamen quiditativus, quia is conceptus à natura, & quiditate solummodo abstrahitur. Quoniam igitur entis conceptus est quiditativus, ultimatè differentie in creatis in eo convenire non possunt. At omnino opposita ratione hæc intelliguntur sese habere in divinis: Siquidem ibi natura est ex se, & de se determinatissima, & singularissima, repugnat proinde sibi determinari per aliquid ejusdem generis, substantiæ nimirum. Nihil ergo spectans ad genus substantiæ esse potest determinativum, ejus sed si aliquo modo dicatur determinari, citra tamen omnem potentialitatem ad determinativum, id determinans sit oportet generis alterius à substantia; & ideo rectè dicuntur proprietates personales spectare ad genus relationis, eo modo, quo ponitur ibi genus. Hæc igitur personarum determinativa propria prædita sunt quiditativa ratione, perinde ac si substantiam non determinarent. Non enim ab eis essentia expectat unitatem singularitatis, sed tantum determinant personas; habent ergo proprias quiditativas rationes, ut verè proinde dicatur de ipsis relatio *in quid*, & omne aliud prædicatum quiditativum ejusdem relationis

Videndum  
Mayr. Pro-  
logi, qu. 8.  
9. 6.

Magister  
Lych super  
dist. 24. pri-  
mi, & dist.  
26. ad 6. Ad  
aliud dico  
numero 48.

De his actum  
q. 28. art. 1.  
in incidenti.



tionis, secundum conceptum ipsius transcendentalem, qui est *ad aliud se habere*. Hic igitur conceptus relationis quiditativus est communis, & dicitur *in quid* de proprietatibus personarum constitutivis, quæ omnes sunt essentialiter relationes.

Quæ nihilominus quiditas horum constituentium quia non est communicabilis, sed incommunicabilem proprietatem, ideo habere magis videtur rationem *proprii*, quam quiditatis, attamen communis est, & dictus de ipsis *in quid*.

## QUÆSTIO TRIGESIMA PRIMA DE HIS, QUÆ AD UNITATEM, VEL PLURALITATEM PERTINENT IN DIVINIS,

IN QUATUOR ARTICULOS DIVISA.

*Post hæc considerandum est de his, quæ ad unitatem, vel pluralitatem  
pertinent in divinis.*

ET CIRCA HOC QUÆRUNTUR QUATUOR.

- I. De ipso nomine Trinitatis.
- II. Utrum possit dici, Filius est alius à Patre.
- III. Utrum dictio exclusiva, quæ videtur aietatem excludere, possit adjungi nomini essentiali in divinis.
- IV. Utrum possit adjungi termino personali.

### ARTICULUS I.

Utrum sit Trinitas in divinis.

*Doct. locis in margine citatis. S. Thom. 1. p.  
quest. 31. artic. 1.*

1. Report.  
dist. 24. In  
argumentis  
principalibus



**V**IDETUR adstruendum non esse nomen Trinitatis in divinis; Nam si in Deo esset Trinitas, vel si rectè eo nomine ad divina exprimenda uteremur; igitur aut significaret substantiam, aut relationem: neutrum importare potest; ergo non est Trinitas in divinis. Probatio minoris: si quidem si substantiam significaret: cum ejusmodi nomina sint omnibus personis communia, Pater esset Trinitas, & Filius, & Spiritus Sanctus similiter, quæ sunt manifestè absurda, & impossibilia. Nec relationem significat: nam tunc sanè ei nomini aliquod correlativum corresponderet pro natura relationum: Atqui duæ personæ inquantum duæ non referuntur ad aliquod tertium, nec tres inquantum tres ad correlativum aliquod referuntur, quod sit necessario simul intelligendum: ergo Trinitatis nomen non significat substantiam, aut relationem.

Præterea, Si *Trinitatis* nomen rectè ad divina significanda transferretur, eadem ratione uti possemus ad eorundem divinorum expressionem nomine *triplicitatis*, & *duplicitatis*: Sed nemo dixerit in Deo esse triplicitatem, & duplicitatem; *Triplicitas* enim diversitatem involvit, quam diversitatem à Deo abesse sentiendum est; ergo nec Deo congruit nomen Trinitatis, aut dualitatis.

Præterea, *Trinitas* quoddam totum numerale est tribus constans unitatibus; igitur hæ tres unitates erunt partes ejus, aut essentielles, aut certè integrales: sed videtur divinis attribui non posse ratio partis; seu essentialis, seu integralis; igitur non est Trinitas in divinis. Probatio minoris,

tum ex dictis *quest. præcedenti artic. primo in incidenti*. Tum quia, si rebus divinis attribui possemus aliquam partis rationem, non intelligerentur esse ex se, & de se in ultimata perfectione, quippe quam expectare deberent ab aliis, quæ essent partes illorum.

1. dist. 8. q. 3.  
num. 24.

CONTRA, Boetius, 1. de Trinit. cap. 12. *Substantia continet unitatem, relatio multiplicat Trinitatem*. Est igitur Trinitas in divinis; ac subinde Trinitatis nomine rectissime exprimuntur omnes personæ subsistentes in Deitate.

RESPONDEO dicendum: Quemadmodum necessario in unica Dei natura subsistunt tres divinæ personæ sic, ut nec plures, aut pauciores ibi esse queant: ita nomine *Trinitatis* rectè similè appellari. Etenim juxta dicta *quest. 27. artic. 1. & 2.*, & *questione præcedenti art. 1. & 2.* qua necessitate Deus est dans perfectissimum, ex liberalitate nimirum, eadem præterea producit sibi simile per intellectum, tribuens ei suam indivisibilem naturam; & pari etiam necessitate, supposita, in quibus est eadem natura, spirant per voluntatem aliam personam consimiliter subsistentem: Fæ autem personæ ita in unica natura subsistentes excedere non possunt numerum ternarium. Est enim una à se & improducta, secunda à prima gignitur: tertia vero ab utraque spiratur, in qua stat processus communicationis divinæ naturæ: fieri enim nulla ratione potest, ut aliæ præterea producantur, aut improductæ intelligantur: quia tunc earum numerus procederet in infinitum. Sunt ergo verissimè, & præcisè tres personæ in una natura Deitatis subsistentes, quas tres scriptura divina appellat, *Patrem, Filium, & Spiritum Sanctum*. Matthæi ult., & Joan. epist. 1. cap. 5.

1. dist. 2. q. 6.  
Oppositum

Quod autem rectè hi tres nomine uno *Trinitatis* significantur, declaratur: Nam (ut expositum est *quest. præcedenti artic. 3.*) numerus est multitudo mensurata per unum. Non ergo est, aut esse potest unus ex quibuscunque unitatibus constitutus, sed ex unitatibus participantibus eandem speciem. Quo igitur magis unitates participant eandem naturam, eo ille numerus pollet potentiore ratione unius speciei numerorum: Ac pro-

De rerum  
princ. q. 1.  
num. 37.

Ex Magistr.  
sententia 1.  
dist. 23. &  
24.  
1. dist. 3. q. 5.  
V. Sed quomodo  
num. 6.

Ibidem numero 27.



proinde cum tres subsistentes personæ in una natura divina sint incomparabiliter magis unum, quam esse queant cætera omnia ab ipsis, ratio numeri secundum quam tres appellantur, est verior, ac fyncerior omni alia unitate specifica numerorum. Quoniam igitur *Trinitatis* nomine non aliud exprimere, ac significare intendimus, quam tres in una natura ineffabiliter subsistentes, ac propterea verissimè unum; sicuti id vocabulum veritatis optime congruit, exprimitque, ita & approbandus ejus nominis usus. Idem enim significari videtur, cum dicitur *Trinitas*, quod exprimitur, quum dicuntur *tres personæ*. Quemadmodum enim dici non potest, *Pater est tres personæ*, vel *Filius est tres personæ*; ita nec debet pronunciari, *Pater est Trinitas*, & ita de aliis duabus personis. Nam Trinitas est trium unitas: Ea autem tria etsi distincta, distinctaque inter se se, diversa tamen, & separata nequaquam sunt, propter essentialitatem; Sicuti ergo ad excludendam eorum confusionem, & permutationem distincta ad invicem fatemur, singulis personalem proprietatem rectissimè attribuentes, ita pariter trium unam essentialitatem asserendo, idem omnino nomine *Trinitatis* significare profitemur, quod trium unitatem personarum; ac proinde sicuti in Deitate una tres subsistentes sunt unum, ita verissimè esse oportet in Deo Trinitatem.

AD ARGUMENTA. Ad primum dicendum, falsum supponi in propositione majori; nam personæ nomen dictum de tribus subsistentibus in natura divina formaliter non significare substantiam, vel relationem, declaravimus *quæst. 29. art. 5.* Ad argumentum tamen respondemus sic. Nihil obest quominus unico prorsus nomine impotentur multe relationes, aliæque formæ; nomine enim *Ilius* significatur bellum Trojanum, quod decennio per Græcos confectum fuisse eventu casuum innumerabilium, narrant Gentilium Historiæ. Consimiliter *Tò ordò* significat omnes Universi relationes, atque earum omnium connotat extrema. Quamvis igitur ex vocabulo *Trinitatis* dentur intelligi plures relationes eo ordine, quo expositum est præcitato *art. 4. quæst. 29.* quarum unicuique relationum ex natura rei correspondet proprium extremum, & correlativum; attamen quia illo in nomine non distinctè, sed quasi implicite, & involutè efferuntur, & significantur, profecto non oportet ad intellectum *Trinitatis* intelligi correlativum, nec inferri potest id nomen competere debere unicuique personarum, cum non coalescat, nec subsistat Trinitas, nisi ex tribus habentibus unitatem. Neque ex ternarii ratione importatur aut substantia, aut relatio, cum utrisque sit commune, & utrumque proinde numerari queat. Breviter, quemadmodum nomine personæ exprimitur conceptus per se subsistens in natura intellectuali, ita & Trinitatis vocabulo tria per se subsistentia in una natura intelliguntur, five ea sint ad se formaliter, five ad aliud.

Ad secundum respondeo, ut in Deitate non est adstruenda solitudo ob pluralitatem personarum, ita nulla est ibi admittenda diversitas propter essentialitatem. Unde rectè Magister, *1. dist. 23. cap. Iam sufficienter*, ex Augustino, & Ambrosio hanc veritatem statuit his verbis; *Nec singularis, nec diversus, nec unicus, vel solitarius consociendus est Deus: quia singularitas, vel solitudo personarum pluralitatem excludit, & diversitas unitatem essentialitatis tollit. Diversitas inducit separationem distinctitatis, singularitas adimit distinctionem Trinitatis.* Catholicam igitur hanc veritatem profitentes, ad

ejus expressionem utimur nominibus *Trinitas*, & *dualitatis*, non autem vocabulis *triplicitatis*, & *duplicitatis*, & fatemur item *Deum trinum*, non *triplicem*, quia hæ voces, quas in usu habemus, abstrahunt ab omni diversitate, quam præferre videntur alia vocabula, à quorum usu rectè abstinemus. *Trinitas* enim pluralitatem in unitate formæ importat sicuti revera est in Deo pluralitas suppositorum in essentialitatis unitate. Sed si dicerentur ea plura *triplicia*, voci subesse posset falsus intellectus.

Ad tertium dicendum, utique *Trinitatem* esse quoddam totum numerale, idest trium subsistentium unitatem, quorum quo major est unitas in essentialitatis, eo perfectiorem rationem habet species illa ternarii numeri, quo illi subsistentes in una natura tres sunt, & verissimè dicuntur. Cum infertur; igitur hæ tres unitates sint oportet partes illius totius essentialitatis, aut certe integrales. Respondendo, ternarium numerum essentialiter constare tribus unitatibus, adeo una ex eis sublara species hæc unitatem minimè subsistat. Sed arguebatur, Deo repugnare rationem totius, & partis, uti fuisse conclusimus *loco citato*. Respondeo, aliud esse Deum carere rationibus totius, & partis, quatenus hæ sunt totius correlativæ: aliud esse, numerum quo numerantur divinæ Personæ constare tribus in uno subsistentibus. Primum enim involvit essentialiter limitationem, & potentialitatem, adeoque à primo principio longissimè abesse oportet. Secundum vero, nihil tale importat, sicuti secunda persona nihil perfectionis addit producenti se, nec ambabus quidquam affert emolumenti tertia; quia quæ produciunt, ex perfectissimo modo agendi proluant, & ideo nihil expectant à productis alioquin non communicarent bonum infinitum liberaliter, ut expositum est, supra *quæst. 27. art. 1.* & 2. per quod patet ad secundam probationem minoris.

## ARTICULUS II.

Utrum Filius sit alius à Patre.

Doctor. *1. dist. 4. utroque scripto.*  
*S. Thom. 1. p. q. 31. art. 2.*

VIDETUR Filius nec esse, nec dici posse alius à Patre: Nam ex articulo præcedenti, tria quæ in Deitate subsistunt, propter ejus naturæ verissimam unitatem, inter se diversa nec sunt, nec esse dicenda admittitur: sed si Filius alius foret à Patre, pariter & diversus existeret ab illo, Alietas enim ex sui ratione diversitatem importat; ergo cum tres in Deo subsistentes diversi non sint inter se, nec unus alius ab altero est, nec dici potest.

Confirmatur, Voces *alius* & *aliud*, idem per se de primaria significatione important, solo genere differentes; quod genus est modus pure accidentaliter nominis, secundum Grammaticos. Si ergo Filius rectè diceretur alius à Patre, pari veritate affirmare possemus esse aliud ab illo: Id autem est incidere in hæresim Arianam; ergo pariter est denegandum Filium esse alium à Patre.

Præterea, Fac Filium rectè dici alium à Patre; igitur esset alius Deus à Patre: Hoc autem est impium, & falsum; igitur nec Filius est dicendus alius à Patre. Prima consequentia probatur; Ex eo Filius diceretur alius à Patre, quia Deus generat Deum: ergo aut se Deum, aut alium Deum: non se Deum gignere potest. ut ait August.,

1. Report. dist. 14. n. 27. August. 6. de Trin. c. 8. In islo igitur Deo, inquit, cum adheret æquali Patri, Filius æqualis, aut Spiritus Sanctus Patri, & Filio æqualis, non sit major Deus, quia singulis eorum, quia non est, quo crescit illa perfectio. Perfectus autem sive Pater, sive Filius, sive Spiritus Sanctus, & perfectus Deus, Pater, & Filius, & Spiritus S. Deus, & ideo Trinitas potius, quam triplex.

Sentientes in Deo non esse numerum, nisi quoad concurreniam intellectus nostri ad rem spontaneam habent ex Doctor. 1. dist. 3. quæst. 5. n. 6. Ubi Magister. L. v. elius. At tamen nos sequimur ultimam Scoti voluntatem, uti in n. 6. præcedenti articulo.

Doctor de modo significandi cap. 14. n. 2.



gust. 1. de Trinit. cap. 1. ergo aliud Deum.

Confirmatur, Si Deus generat Deum; igitur aut eundem Deum, aut diversum: *idem enim, & diversum* immediate dividunt omne ens ex 10. Metaphys. 10x. 12. si eundem, vel diversum; igitur se Deum, vel blum Deum.

Præterea, Sit Filius vere alius à Patre; igitur aut alius Deus, aut alius non Deus, ex natura contradictoriorum. Si primum; ergo sicuti est falsum esse alium Deum, ita non est dicendum esse alium, sive aliam personam. Si secundum; ergo genitus non est Deus; ut blasphematur Arius.

Præterea, Non alia ratione affirmari potest Filium alium à Patre, nisi quia Generans distinguitur à genito; sed Deus genuit Deum, ut Catholica Fides proficitur; ergo Deus genitus distinguitur à Deo generante; si ergo exinde Filius est alius à Patre, profecto erit alius Deus à Deo Patre.

Præterea, Deus generavit alium habentem Deitatem, quia aliam personam subsistentem in Deitate; ergo genuit alium Deum; si ergo genitus est vere alius à generante, erit etiam alius Deus. Consequentia prima probatur ex Damasceno, lib. 1. cap. 5. *Deus est divinus habens naturam, homo humanam.*

CONTRA, Athanasius in Symbolo, *Alia est persona Patris, alia Filii, alia Spiritus Sancti: sed Patris, & Filii, & Spiritus Sancti una est divinitas, æqualis gloria, cœterna majestas.*

RESPONDEO dicendum, ad Fidei Catholicæ dogmata pertinere fateri unamquamque divinam personarum aliam esse ab alia, adeo ut sint in Deitate una tres subsistentes personæ verissime inter se realiter distinctæ, ad exclusionem erroris Sabellii, blasphemantis non tres, sed unam esse realiter personam in essentia divina. Et interim etsi persona una producta sit alia à producente, non esse tamen aliam in Deitate, quasi Deus produxerit alium Deum id est alterius naturæ; ut Ariani sacrilegè dicebant, dividendes Verbum à substantia Deitatis, ac per hoc Filium, & Spiritum Sanctum Deum esse negantes. Solutio hæc una, & alia deductione declaratur, & simul manifestè falsitatis convincitur utraque hæresis. Nam ex dictis, *quest. 2. art. 1. & seqq.* Est in Deo processio unius personæ ab alia; Si quidem intellectus ut est habens objectum actu intelligibile sibi præsens, per aliquem actum sui, est productivus termini adequati, nempe infiniti; sed nihil se ipsum producit, ut sit, ex *August. 1. de Trinit. cap. 1.* ergo quod producitur actu intellectus distinguitur à producente: eo modo quo producitur: produci- tur autem vera, reali que productione; ergo vere productum à producente realiter distinguitur; terminus igitur productus est alius à producente. consimiliter arguitur de producto actu voluntatis: Atqui termini producti his duabus productionibus, nequeunt in unum coincidere; unus ergo est ab alio distinctus. Quemadmodum enim intellectus, & voluntas sunt principia alterius, & alterius productionis, ita impossibile est terminum unum accipere esse per utranque; sint ergo oportet duo termini inter se realiter distincti. Distinctio autem hæc nequaquam afficere potest essentiam ipsam Deitatis; eum hæc ex se sit indivisibilis, & una. Neque illa, quæ distinguuntur realiter in hac essentia, possunt aliquo modo illi inhaerere; eo enim hæderet summa simplicitas, quam adstruit in Deo ipsa ratio naturalis; sint ergo oportet ipsa producta per se subsistentia in natura illa indivisibili, ac personalibus proprietatibus dumtaxat distincta; & capem quidem neces-

sitate, qua relationes producentis, & producti sunt impossibiles, in eo sem supposito; quamquam optimè cohæreant in eadem natura illimitata, ut *quest. 2. citata* fusc extitit declaratum: Stante ergo alietate plurium subsistentium in Deo est ipsa Deitas in omnis indivisa, Alia deductio est ista: Cuilibet entitati formali correspondet adæquate aliquod ens, concretum scilicet, quod illa formali entitate, est tale; Ut homo est talis humanitate: Formali autem entitati Deitatis, non aliud correspondet concretum, nisi Deus; qui primo, & per se, & adæquate est Deus Deitate: Atqui Deitas est ex sui intrinseca, & formali ratione, individua, singularissima; & in ultima perfectione actualitatis, & idcirco penitus excludens omnem contrahibilitatem per actum sibi extrinsecum; ergo & pariter Deus est de se hoc ens; Si ex se est hoc ens; ergo est omnino immultiplicabilis in plura. Ut enim est intrinsece singularis, ita sibi repugnat omnis non identitas; ergo etiam est ei impossibilis alietas, quæ includit non identitatem: Repugnat ergo esse plures Deos, ut sunt impossibiles plures Deitates; igitur etsi produciens sit alius à producto, tamen non est alius Deus à producto; sed in una, eademque indivisibili natura subsistentes personæ sunt unum in Deitate, & unus Deus, secundum quod dicit scriptura, *Audi Israhel, Dominus Deus tuus unus est.* Deuter. 6. Perinde ergo aberraverunt à veritate dicentes, non aliam esse personam producentem à producta in Deitate, ac qui sacrilegè introduxerunt *alietatem*, seu non identitatem naturæ producentis, & producti in essentia divina.

AD ARGUMENTA. (Quæ vim magis habere videntur ex modo loquendi secundum Logicos, & Grammaticos, quam ex ipsa re, quæ exprimitur intenditur). Ad primum respondeo, cum fatemur aliam esse personam Patris, aliam Filii non intelligere nos unius ab alio diversitatem, quæ propriè ad naturam spectare videtur, sed unius ab alio veram, & realem distinctionem. Quoniam ergo in Trinitate nulla est diversitas, si aliquid in scriptura, aut in aliis authenticis Authoribus tres personæ divine diversè distinctæ inveniantur, nomine *diversitatis* non aliud quam realem earundem inter se distinctionem esse intelligendam, rectè monet Magister 1. sent. cap. 1. *Iam sufficienter.*

Ad confirmationem respondeo sic: Quamvis genus sit modus accidentaliter nominis, ex eo tamen, quod genus neutrum, sit modus significandi rem sub proprietate indeterminata, & indifferenti ad agendum, & patiendum, ex quibus proprietatibus accipiuntur genera masculini, & feminini; eo modo significatur natura, quæ ex se est ad plura indeterminata; uti modo significandi generis masculini intelligitur determinatè suppositum, cujus est agere. Etsi igitur rectè dicatur Filii persona alia esse à persona Patris; attamen non est concedendum, esse aliud ab illo, quippe quorum sit eadem natura realiter communis.

Ad secundum, neganda est prima consequentia: Et cum probatur; concedo assumptum; quia termini in concreto supponunt pro suppositis respectu predicatorum, à quibus determinantur, ac propterea, uti hæc est vera, *Deus Pater genuit Deum Filium*; ita hæc, *Deus genuit Deum*: Sed illata consequentia est neganda, quia nec se Deus genuit, nec alium Deum: Non se quidem, quia non est intelligibile idem producere semetipsum: Nec alium: Nam *alietas* notat suum determinabile distingui in extrinsecis, quod in antecedente non significatur: imo in casu fieri non posse ut distinct-

1. Report. dist. 33. q. 2. num. 2.

2. dist. 1. q. 3.

1. dist. 2. q. 7. 6. Ad secundam questionem nu. 14.

1. dist. 26. 4. De modo nu. 8.

Doctor de modis significandi cap. 16. num. 2.

3. dist. 6. q. 2.



ARTICULUS III.

Utrum dictio exclusiva *solus* sit addenda termino essentiali in divinis.

Doctor 1. *distin. 21. in utroque Scripto.*  
S. Thom. 1. par. quæst. 31. art. 3.

**V**IDETUR dictio exclusiva *solus* minimè ad di posse termino essentiali in divinis: Etenim ex Aristotele, 1. *Elenchorum* cap. 4. *solus* idem significat, quod non cum alio: Sed Deo id nequaquam potest attribui, cum sit cum spiritibus, & animabus sanctis; ergo termino essentiali in divinis addi non debet particula hæc exclusiva, *solus*.

Magister 1.  
sent. dist. 1. c.  
cap. sed iterum.

Præterea, Si de termino essentiali in divinis verè diceretur particula exclusiva *solus* pariter & cum eadem veritate prædicaretur de omnibus quibus sunt essentialia communia: ut quia verè est Deus omnipotens, & creans, & sciens omnia, verè quoque tres divinæ personæ singillatim dicuntur, & omnipotentes, & creantes, & scientes omnia: nam Pater est omnipotens, & creans, & sciens omne scibile, & sic de cæteris personis: sed falsum est solum Patrem, aut Filium, aut Spiritum Sanctum esse Deum: ergo nec verè dici potest, nec applicari particula exclusiva *solus* ipsi Deitati.

Quodlib. 4.  
1. & alibi  
passim.

Præterea, Secundum Hilariū, 3. de Trinit. circa finem § lib. 4. circa medium, *Deus non est solitarius confitendus*: Sed si cum veritate applicare possemus syncategorema *solus* termino essentiali, pariter verè ipsum confiteremur *solitarius* utraque enim voce eadem exclusio importari videtur: ergo exclusiva *solus* non rectè applicatur termino essentiali in divinis.

Præterea, Augustinus, 6. de Trinit. cap. 9. sic scribit; *Consideranda est illa sententia, qua dicitur Deum verum solum non esse Patrem solum, sed Patrem, & Filium, & Spiritum Sanctum*: igitur Augustinus putat, non esse addendam particulam exclusivam *solus* termino essentiali in divinis, nisi cum expressione trium in Deo subsistentium personarum.

Magister loco  
cit. cap. Post  
hæc.

CONTRA, Joan. 17. *Hæc est vita æterna, ut cognoscant te solum Deum verum*; ergo de testimonio divinarum scripturarum rectè additur particula exclusiva *solus* termino essentiali in divinis.

RESPONDEO dicendum, quemadmodum dictio exclusiva *solus* potest bifariam accipi, categorématique nimirum, & syncategorematicè, & juxta priorem acceptionem falso addi termino essentiali in divinis, sed secundum posteriorem, veram efficere prædicationem. Declaratio est ista: *Solus* importat negationem associationis; aut ergo intelligitur negatio determinare aliquid in se, si ve ex natura rei, vel determinare aliquid ut est extremum compositionis in ordine ad aliud extremum; negando se licet alteri ab isto competere prædicatum, quod attribuitur ei, quod exclusiva afficit. Ut negatio per exclusivam importata determinat aliquid in se (quod est categorica ipsius usurpatio) (falso additur termino essentiali in divinis, quia ea significaretur esse solitudinem in divinis; nihil autem est ibi solitarium, uti fatentur Augustinus, & Hilarius. Quatenus autem exclusiva *solus* determinat subiectum per habitudinem ad prædicatum, negans alteri à subiecto illud convenire, (in quo stat acceptio syncategorematica exclusivæ) conceditur communiter, & quidem rectè, attribui posse termino essentiali

3. dist. 9. 6. De  
tertio articulo.

linguatur, expositum est in *solutione*. Tantummodo ergo in antecedente importatur *alietas* illorum, inter quæ est actio productiva, non autem natura, quæ una, & indivisibilis est in producente, & producto.

Ad Confirmationem dico, concedi posse, Deum gignere eundem Deum, nempe Filium, qui est idem Deus. Sed nego, quod infertur; ergo *genuit se Deum*, quia pronomem reciprocum denotat actum terminari ad idem suppositum, à quo ille actus exit, aliocum non esset reciprocum. At in antecedenti non importatur aliqua reciprocatio; quæ tamen exprimitur in consequente, cum dicitur, *ergo genuit se Deum*, ac propterea est fallacia consequentis, & figuræ dictionis.

Ad tertium dicendum, utrumque membrum esse falsum; quia Filius, alia quidem persona est à Patre, sed non alius Deus, neque item est alius non Deus, cum sit idem Deus; Et cum probatur per rationem contradictionis. Responsio: contra dictio sanè locum habet & in complexis, & in incomplexis, sic ut altera sit vera, altera falsa; & ita in casu hæc est falsa, *Deus genuit alium Deum*; hæc autem vera, *Deus non genuit alium Deum*, utpotè contradictoria illius; Sed propositio in argumento allata, *Deus genuit alium non Deum*, non opponitur alteri contradictoriè.

Ad quartum respondeo, committi in eo fallaciam accidentis; nam ex formali distinctione relative oppositorum, uti sunt *generans, & genitum* infertur distinctio essentialis ejus, in quo extrema sunt unum, & idem; Siquidem & generans, & genitum sunt unus, idemque Deus. Hoc autem medium, in quo ambo illa sunt essentialiter unum, extraneatur utrique extremo, quatenus unum distinguitur realiter ab alio; concludere ergo distinctionem realem Deitatis, ex distinctione generantis, & geniti est fallacia accidentis.

Ad ultimum. neganda est consequentia: Nam in antecedente subintelligitur substantivum adjectivi *habens*, quod substantivum idem est, quod persona: circa illud igitur *7.º alius* ponit suum significatum, & verissimè alia est persona gignens, alia genita. At in consequente *alius* afficit ipsam Deitatem; atque ita commutatur hoc aliquid in quale quid: ex qua forma peccatur secundum fallaciam consequentis. Cum probatur per Damascenum: dicimus, eam descriptionem esse quandam nominis Dei explicationem, non vero definitionem significati per nomen: quia nomen concretum de per se significato non importat id, quod est *habens*, si ve *habere*, sed tantum ex modo significandi, secundum quem modum præcisè ab abstracto distinguitur. Abstracto enim sola forma significatur, & exprimitur: cui cum additur modus significandi suppositum concernens, uti est *habens*, concretum evadit, ejusdem quidem significati per se expressivum, sed sub alio modo significandi: ac propterea in ejusmodi ethymologis, & descriptionibus, non oportet eadem omnino prædicata convenire nominum significatis, quæ per descriptiones ipsorum nominum importantur.

Contra hanc  
solutionem  
instat Bo.  
et Logicæ  
& respondet  
subtilissimè  
Videlis re-  
ctum ipsius.



in divinis; nam revera quæcunque dicuntur de tali subiecto, nequeunt alteri ab illo convenire, ut verissimè ad aliorum omnium exclusionem, dicatur solus Deus. infinitus, æternus, omnisciens omnipotens, & alia id genus.

Ad ARGUMENTA. Ad primum respondeo Magister loc. cit. ex Augustino 6. de Trinit. cap. 7. etsi Deus semper sit cum Spiritibus, & animabus sanctis, tamen rectissimè dici; *solus Deus*; non quia in eo solitudo sit; sed propterea quod non aliud, quam ipsa Trinitas sit Deus; Cum enim cætera omnia à Deo nihil habeant commune cum illo, in quo, ob tres in uno subsistentes, nihil est solitarium, solus est Trinitas. Quemadmodum ergo respectu eorum trium, rectè dicitur *solus* ita & in ordine ad cætera prædicata sibi propria quippe quæ omnibus aliis penitus repugnent.

Ad secundum respondeo, hanc consequentiam esse negandam, *solus Deus*; ergo *solus Pater*; quia subiectum affirmativæ, cui additur exclusio, supponit confusè tantum, sicut & prædicatum universalis affirmativæ: Sub termino autem stante confusè tantum, non licet descendere, nisi incidendo in fallaciam figuræ dictionis; nec enim ex eo quod solus homo sit risibilis, inferri potest, solum Petrum esse risibilem.

Potest etiam aliter responderi sic: Cum dicimus, *solus Deus est Deus*, substantivum, circa quod exclusio ponit suum significatum, stat pro hoc *Deo*, qui est communis tribus personis: *Deus* enim est Pater, & Filius, & Spiritus Sanctus. De tali ergo subiecto, ut præcindi ab omni proprietate personali primo dicuntur omnia prædicata essentialia, quæ exinde per se, sed non primo enunciantur de Patre, sed non de eo tantum, verum etiam de Filio, & Spiritu Sancto. Quamvis ergo verum sit, *solum Deum esse omnipotentem, & scientem omnia*, attamen non est pariter dicendus *solus Pater est omnipotens, & sciens omnia*: nam exclusio addita termino essentiali in priori propositione, negat alteri à Deo convenire posse illa prædicata, quæ primo conveniunt uni Deo: at cum additur persone Patris, excluduntur aliæ personæ, quibus nihilominus est eadem Deitas communis, & subinde per se, etsi non primo habentes easdem perfectiones, & prædicata.

Ad tertium patet ex dictis in solutione: nam negamus exclusivam fore addendam termino essentiali, cum cathegorematicam ponit significationem circa substantivum, quia eo adstrueretur solitudo in Deo: sed quatenus est determinativa subiecti in ordine ad prædicatum, notans alteri ab tali subiecto illud prædicatum non convenire, rectè applicatur termino essentiali, ut expositum est.

Ad quartum est responsio dicentium, ex eo quod exclusiva *solus* non propriè ponatur ex parte prædicati, dici non posse cum omni proprietate sermonis *Pater est solus Deus, vel Trinitas est solus Deus*, nisi fortè ex parte prædicati intelligatur aliqua implicatio, dicendo, *Trinitas est Deus, qui est solus Deus*. Quo etiam sensu potest & hæc esse vera, *Pater est Deus, qui est solus Deus*. Cum igitur Augustinus dicit, *Patrem non esse solum Deum, sed Trinitatem esse solum Deum*, expositivè magis, quam propriè, sentiendum est fuisse loquutum. Contra, cum omni proprietate, & veritate fatemur, *Deum esse Patrem, & Filium, & Spiritum Sanctum*: Nam Deus significat naturam divinam, ut est nata prædicari de supposito: Significatum autem illud est idem tribus personis: ergo propositio affirmativa de-

notans talem identitatem, est propriissimè vera. Contra autem vera non est *Deum verum solum esse Patrem solum*, cum *Tò Deus* sit in tribus, & non in uno tantum supposito; ergo sicuti nulla subintellecta implicatione rectè, & verè dicitur, Deus est Trinitas, ita & è contra Trinitas est Deus.

Nos ergo respondemus sic: propterea quod verissimè Deus sit Pater, Filius, & Spiritus Sanctus; (Deus enim significat naturam divinam, ut est nata prædicari de supposito; quod significatum confitemur esse idem tribus personis) hinc dictio exclusiva *solus* non est addenda alicui ex divinis personis, ut declarabitur in sequenti articulo. Cum itaque dicit Augustinus, *Patrem non esse solum Deum, sed Trinitatem esse solum Deum*: quod prædiximus exprimere voluisse videtur: Siquidem extra Trinitatem non est alius Deus, & ideo ipse est solus Deus: sicuti Deus est Pater, Filius, & Spiritus Sanctus. Unde Magister loco cit. Ex his verbis, inquit, *Augustini videtur ostendi, quod propriè solus Deus dici debeat tota Trinitas*.

1. dist. 4. q. 2.

## ARTICULUS IV.

Utrum dictio exclusiva possit adjungi termino Personali.

Doctor 1. dist. 21. in utroque scripto.  
S. Thom. 1. par. quest. 31. art. 4.

**V**IDETUR dictio exclusiva adjungi posse termino personali, quamvis prædicatum sit commune. Nam dictio exclusiva non excludit id, quod est de intellectu termini, cui adiungitur: sed sub conceptum correlativi cadit, & involvitur terminus ejus: nam correlativa mutuo se ponunt, simul sunt natra & intelligentia: ergo dicendo, *solus Pater est Deus*, non excluditur Filius, & è converso: est igitur illa prædicatio vera.

Præterea, Ad negativam universalem exceptivam, sequitur exclusiva affirmativa de parte excepta: sequitur enim *nullum animal præter hominem currit*; ergo *solus homo currit*; igitur pariter licet arguere: *Nemo novit Filium, nisi Pater*, Matthæi 11., ergo *solus Pater novit Filium*: novit autem Pater Filium Deum: ergo dictio exclusiva addita termino personali respectu prædicati essentialis vera est, ac subinde cum veritate dici potest *solus Pater est Deus*.

Præterea, Solus Deus, qui est Pater, est Deus: ergo solus Pater est Deus. Antecedens ex eo constat, quia solus Deus, qui est Pater, est Trinitas, extra quam non alius est Deus: consequentia probatur: Nam benè infertur, solum animal, quod est homo, currit: ergo solus homo currit: igitur & hæc rectè deducitur: *Solus Deus, qui est Pater, est Deus; ergo solus Pater est Deus*.

Præterea, *Solus Deus est Pater*: ergo *solus Pater est Deus*. Antecedens probatur per exponentes. Nam hæc *solus Deus est Pater*, ita exponitur Deus est Pater: & non alius à Deo est Pater: five nullus alius à Deo est Pater. Consequentia probatur per conversionem exclusivæ.

Præterea, Solus Deus: ergo solus Pater est Deus. Probatio consequentiæ: nam antecedens infert utramque exponentem consequentis: & quod inferat exponentem affirmativam, proba: quia sequitur, *solus Deus est Deus; ergo omnis Deus est Deus* & per consequens *Pater est Deus*: ergo ve-

ra

Doctor 1.  
dist. 21. cit.  
S. Idem dico.  
aliter.

S. Thom. 1.  
ad secundum.

1. dist. 4. q. 2.  
S. Respondeo



ra est affirmativa consequentis expositiva De negativa probatur: Nam sequitur: *Solus Deus est Deus; ergo non alius à Deo est Deus; igitur non alius à Patre est Deus*. Probatio ultimæ consequentiæ: B enim ita arguendo videtur committi fallacia consequentis: *Alius à Deo; ergo alius à Patre*; ergo negativè procedendo eodem ordine erit vera consequentia.

CONTRA. Ex dictis supra articulo secundo; Filius est Deus, & alius à Patre; non igitur solus Pater est Deus; falsò ergo additur particula exclusiva termino personali, quum prædicatum est commune. Unde Augustinus, 6. de Trinit. cap. 9. *Si quis interrogat, inquit, utrum Pater solus sit Deus, quomodo respondebimus non esse: nisi fortè dicamus ita esse quidem Patrem Deum, sed non eum esse solum Deum; esse autem solum Deum, dicamus Patrem, & Filium, & Spiritum Sanctum*.

RESPONDEO dicendum exclusivam dictionem verè addi non posse termino personali, respectu prædicati essentialis in divinis. Siquidem (præsupposita duplici acceptione dictionis exclusivæ articulo præcedenti declarata (cùm dicitur, *solus Pater est Deus*, sensus est prædicatum *Deitatis* convenire non posse ulli alteri à Patre (usurpatio enim categoriæmatica particulæ *solus* locum non habet in Deo, cùm nihil sit ibi solitarium) ex eo igitur concludendum foret, neque de Filio, neque de Spiritu Sancto cum veritate enunciari illud prædicatum; quoniam ergo Deitas, ac cætera omnia essentialia verissimè sunt omnibus communia, falsò uni dumtaxat attribuuntur, ad exclusionem aliarum personarum. Et si propterea est exclusiva addatur termino personali, respectu prædicati uni solummodo convenientis; ut dicendo, *solus Pater generat, solus Filius generatur, solus Spiritus Sanctus ex Patre, Filius procedit*. Deinde falsitas illius propositionis, *solus Pater est Deus*, evidenter ostenditur ex hac communi regula Logicorum; affirmativa exclusiva infert universalem affirmativam de terminis transpositis; hæc igitur *solus Pater est Deus*, infert istam *omnis Deus est Pater, vel omnis persona divina est Pater*. Uti ergo falsò affirmatur omnem personam in Deo subsistentem esse Patrem, ita nulla veritate dicitur: *Solus Deus est Pater*. Subsistentia autem illius Regulæ Logicalis ex eo deducitur; quia exclusio notat præcensionem in illo, cui additur; (in eo enim stat vis ejus dictionis) respectu alterius extremi, sive præcisam commensurationem unius cum altero, adeo ut unum illud non excedat; & id profecto importat universalem affirmativam de terminis transpositis: & maxime in terminis communibus, ubi potest utrunque extremum accipi universaliter. Denique Logicè etiam procedendo, probatur conclusio: Nam hæc, *tantum homo est visibilis*, sufficienter exprimitur per istam; *Nullus non homo est visibilis*; ex qua sequitur; *Nullum visibile est non homo*. Nam ex negativa de prædicato infinito sequitur affirmativa de prædicato finito; & negativa de prædicato negato. 2. Periherm. tex. com. 9. idque in prædicatis simplicibus: Et denique per equipollentiam rectè infertur; ergo *omne visibile est homo*. Hac eadem forma propositioni, de qua agitur, applicata, evidens est falsitas ejus.

AD ARGUMENTA. Ad primum dicendum, correlativum non esse sic de intellectu alterius correlativum, quasi sit pars ejus essentialis, aut integralis, sed præcisè ut aliquid ad quod terminatur in-

tellectus concipientis unum ex illis; est igitur unum correlativorum ea diversitate ab altero diversum, qua satis est, ut prorsus excludatur per dictionem exclusivam. Alioquin nullum est argumentum Aristotelis; 1. *Physicæ*. c. 9. ita arguentis contra Parmenidem, & Melissum, opinantes tantum esse unum principium: *Si tantum principium est, principiatum non est*. Sentiit et eo expressè, exclusivam additam alteri correlativorum verè excludere reliquum.

Ad secundum respondeo *Tò nemo* ex usu accipiedum distributivè pro natura humana, verum etiam extendi ad omnem intelligibilem presentem, in qua est vis cognitiva. Loco igitur exceptionis, posito syncategoremate *alieratis*, conficitur propositio vera sic, *nullus in natura intelligibili alius à Patre movet Filium*; Sed in ea loquutione non excluduntur Filius, & Spiritus Sanctus, cùm alii non sint in natura illa intelligibili. Ad quem intellectum sunt reducendæ consoniles scripturarum loquutiones, ut Ecclesiast. 24. *Gyrum Cæli circumit solus*; & Joann. 17. *Hæc est vita æterna ut cognoscant te solum Deum*; & ad Rom. 16. *soli Sapienti Deo*; & ad Timotheum. 1. *Soli Deo honor, & gloria*. Non enim de solo Patre hæc dicta esse sentiendum est, sed de Trinitate, cùm unus, & solus Deus sit Trinitas.

Ad tertium respondeo sic: quamvis in creatis benè inferatur, *solum animal, quod est homo, currit*; ergo solus homo currit: at tamen consonis consequentia in divinis falsa est. Nam cùm dico, *solum animal, quod est homo, currit*: Eo quod idem indivisibiliter inesse nequeat pluribus inferioribus, sed necessario numeratur in eis, *Tò solum animal* supponit pro inferioribus, in quibus dividitur, & numeratur, non vero pro se ipso, ut à suis abstrahit inferioribus: & propterea verè infertur *solum animal, quod est homo, currit*; ergo *solus homo currit*. At cùm idem modus arguendi transfertur ad divina, & dicitur: *Solus Deus, qui est Pater, est Deus*: ergo *solus Pater est Deus*, non tenet: quia iste idem Deus, qui est Pater, in sensu compositionis non est Filius, qui à Patre distinguitur: atque ita Deus, qui est Pater in sensu divisionis, verissimè dicitur de Filio, & Spiritu Sancto, de quibuscumque neque prædicari in sensu compositionis. Contra vero *animal quod est homo*, in sensu divisionis de nullo verè prædicatur, de quo vere non prædicetur idem in sensu compositionis, & e converso; ob jam dictam rationem.

Ad quartum dicendum, consequentiam male inferri ex illo antecedenti; quia consequens non exprimit conversam antecedentis, ut intendit argumentum; imò conversæ exclusivæ, est universalis affirmativa de terminis transpositis, sicuti deductum fuit in solutione, ut *solus homo est visibilis*: ergo *omne visibile est homo*. Atqui in casu hæc consequentia non tenet, *solus Deus est Pater*: ergo *omnis Deus est Pater, vel omnis persona divina est Pater*. Nam in ejusmodi illatione universalis ex universalis est fallacia consequentis: *omnis homo est animal*; ergo *omne animal est homo*: In proposito autem hæc, *solus Deus est Pater*: universalis æquivalet.

Ad quintum respondeo sic. Ex negativa exponente antecedens, non sequitur negativa exponens consequens. Ad probationem cùm dicitur committi fallaciam consequentis in hoc argumento: *alius à Deo; ergo alius à Patre*: nego: quia illa consequentia optime infertur.

Ex Report. loco cit.

Magist. loco cit.

Alia Iogicalia introduct hic Doctor, que apud ipsam videri possunt, nos omittimus, quia non admodum necessaria videntur hanc veniens in hac locutione.

Videndus Mayron 1. dist. 21. qui punit exclusivam ali. quando verè, aliquando falsò u. usurpari respectu termini essentialis, vel personalis, prout attenditur ex parte subiecti, vel prædicati, quod tangitur quoque à Magist. ibidem cap. 8. pag. 10.



# QUÆSTIO TRIGESIMASECUNDA DE DIVINARUM PERSONARUM COGNITIONE.

IN QUATUOR ARTICULOS DIVISA.

*Consequenter inquirendum est de cognitione divinarum personarum.*

ET CIRCA HOC QUÆRUNTUR QUATUOR.

- I. Utrum per rationem naturalem possint cognosci divinæ personæ.
- II. Utrum sint aliquæ notiones divinis personis attribuendæ.
- III. De numero notionum.
- IV. Utrum liceat diversimodè circa notiones opinari.

## ARTICULUS I.

Utrum Trinitas divinarum personarum  
possit per naturalem rationem  
cognosci.

*Doctor 1. dist. 3. quæst. 9. Quodlib. quæst. 14.  
& Collat. 10. S. Thom. 1. par. qu. 32.  
articulo primo.*

Ad pleniorum intellectum eorum, quæ hic subji-  
ciuntur videndus articulus primus quæst. pri-  
mæ, & art. 2. 4: & 12. qu. 12.

Ex collat.  
cit. & 1. dist.  
42. qu. 1.



**V**IDETUR Trinitas divi-  
narum personarum natu-  
rali ratione cognosci, &  
attingi posse: Etenim  
quicumque Theologorum  
faretur sibi facile esse  
ostendere fidem suam mi-  
nimè esse de impossibili-  
bus, per solutionem ar-  
gumentorum, quæ in  
contrarium ab insubelibus adducuntur: sed quod  
non est impossibile, possibile est: ergo Theolo-  
gus ex naturalibus procedens, probare potest  
omnia, quæ fides credenda proponit in linea pos-  
sibilitatis esse constituta: ac subinde & Deum esse  
trinum, non repugnare: Sed quod est possibile  
Deo inesse, quoad naturales perfectiones ipsius,  
necessario incit: erga si potest via naturali ostendi,  
unicam, atque indivisibilem Deitatem esse  
posse in tribus, unà demonstratur, & de facto in  
iis reperiri, atque ita subsistere in tribus.

Præterea, Intellectus sua naturali virtute nosse  
potest omne necessarium, cujus terminos valet  
naturaliter apprehendere; seu ea necessaria com-  
plexio habeat vim principii, seu rationem con-  
clusionis, & qualitercunque termini concipian-  
tur: ut sunt extrema propositionis necessariæ:  
Sed cujuslibet necessarij, & crediti, & signanter  
hujus, *Deus est trinus, & unus*, possumus termi-  
nos naturaliter apprehendere, etsi confusè, ut  
sunt extrema ejus complexionis: alioquin enim  
nec possemus id creditum, ne fide quidem tenere:  
nam fides non est ad notitiam terminorum, sed  
magis illam præsupponit: ergo quodlibet neces-  
sarium credendum potest in lumine naturali ab in-  
tellectu apprehendi, sine lumine infusò: ita Trini-  
tatis mysterium per naturalem rationem cognosci.

Præterea, Non major certitudo potest haberi  
de aliquo objecto per habitum infusum, ac ha-  
beatur ex inde acquisita. Nam haud major sanè

certitudo est in actu dependente ab alio, quam  
sit in illo à quo dependet: Sed actus credendi de  
fide infusa procedens, ab fide dependet acquisita:  
Puer enim nuper baptizatus fidei infusæ habitu  
ornatur: nec tamen unquam credit articuli fidei,  
nisi audiat erudentem Magistrum: igitur citra  
omnem revelationem, & fidei infusæ lumen, pos-  
sunt & apprehendi, & intelligi mysteria catholica  
fidei.

Præterea, quæst. 27. art. 1. compluribus ratio-  
nibus conari sumus ostendere nedum non repu-  
gnare, sed de facto esse productionem in divinis,  
penes intellectum, & voluntatem, quatenus iis  
potentiis est actu præsens essentia divina, ex qua  
& intellectu ut integratur memoria perfecta Filii  
productiva, ita ex eadem & voluntate exsurgit  
principium Spiritus Sancti spirativum, vel pro-  
ductivum: Sed illæ rationes procedunt ex prin-  
cipiis via naturali notis: ergo aut probant Trini-  
tatem esse in divinis, aut non probant in Deo ul-  
lam productionem.

Confirmatur, Nam Richar. 1. de Trinit. cap. 4.  
*Credo namque sine dubio*, inquit, *ad quorumlibet  
explanationem, quæ necesse est esse, non modo pro-  
babilia, imò etiam necessaria argumenta non deesse*.  
Si autem non desunt argumenta declarandis,  
quæ Deo necessario insunt, perfectionibus, pro-  
fecto aut ea sunt, quibus loco cit. probantur divi-  
næ productiones, aut nullæ suppetunt ejusmodi  
ratiocinationes.

Præterea, Potens attingere aliquem actum co-  
gnoscendi, valet etiam apprehendere objectum  
ejus actus terminativum: sed intellectus creatus  
ex sui perfectione naturali cognoscere potest  
actum beatificum alterius intellectus: ergo & ob-  
jectum ejus actus, qui est Deus unus, & trinus.  
Probatio majoris; actus est naturalis objecti si-  
militudo: actus etiam per se tendit in objectum;  
igitur attingens ejusmodi actum, & objectum ip-  
sius cognoscit oportet. Probatio minoris: Poten-  
tia non impedita, sed suæ naturali perfectioni re-  
lictæ extendere se potest ad quodcunque cogno-  
scibile contentum sub objecto primo, sive adæ-  
quato ipsius: sed objectum adæquatum creati in-  
tellectus, saltem est ens limitatum; ergo cum  
actus beatificus sub tali objecto claudatur, natu-  
rali virtute attingi potest ab intellectu creato.

Præterea, Per illud quod est distincta imago  
objecti exactè potest cognosci ipsum imagine re-  
præsentatum, & reversa sic visu distinctè percipiun-  
tur objecta in speculo apparentia. Sed secundum  
Augustinum, 14. de Trinit. cap. 8. nedum Ange-  
lus, sed etiam anima rationalis est imago Dei;  
ergo cum uterque ex naturalibus sui distinctè  
possit

1. dist. 42. in  
argumen-  
principalis



possit cognoscere se ipsum: consequens est ut Deus unus, & trinus naturaliter ab ipsis intelligi, & cognosci possit.

Confirmatur, Beatus naturaliter cognoscere valet actum suum beatificum; igitur & per ipsum naturaliter cognoscere obiectum ejus actus. Probatio consequentia: Actus est expressior similitudo obiecti, ac sit species intelligibilis ejusdem; ergo si per speciem potest cognosci, multo magis per actum.

CONTRA, Præstantissimi Philosophorum tanta eruditione, & acumine pollentes, nunquam ad hoc mysterium per divinas scripturas revelatum, attingere potuerunt; imo si quid illi consonum aliquando visi sunt protulisse, id vel ab autoritate accepisse, vel multis erroribus infecisse in comperto est. Nec immerito; nam cum Trinitas sit obiectum supernaturale, & beatificum longissimè supereminet omnibus creatæ, ac naturalis intelligentiæ viribus; sic ut sciri non possit, nec in ejus visione sitam esse creatæ mentis felicitatem, nec omnino una in indivisibili natura tres realiter distinctas personas reperiri.

RESPONDEO dicendum, naturali ratione cognosci non posse divinarum personarum Trinitatem. Declaratio: Etenim ratio omnis id ostendens aut procederet ex effectibus ad causam, aut certè ex causa ad effectus; quod est dictum, aut sciretur demonstratione quia, aut propter quid: neutro autem modo est possibile ex naturalibus procedenti, omnique seclusa revelatione, ostendere unicam, indivisibilemque Deitatis essentiam subsistere in tribus realiter distinctis personis. Nam illud est omnino impossibile sciri de causa per effectus ejus, quo circumscripto per intellectus imaginationem, superest in causa quicquid est necessarium ad effectuum productionem, & subsistentiam: Sed circumscripta, per impossibile cogitatum, Trinitate personarum in Deo, superest in primo principio quicquid necessario requiritur ad causandum rerum universitatem; ergo ex effectibus non est possibile sciri de causa hac mirabilis illa proprietas, existere nimirum in unica essentia ipsius tres personas realiter distinctas. Probatio minoris: Hæc necessario requiritur, ut aliquid esse queat vera, & realis causa alterius, scilicet principium formale causandi perfectum & completum, & suppositum pollens tali principio perfecto: sed non intellectus proprietatibus personas constituentibus, est in Deo & principium formale causandi completum, & perfectum, & suppositum Deitatis, non quidem incommunicabile, sed singulare, & indivisibile; igitur de tali supposito primo verificantur prædicata, quibus exprimitur primi principii causalitas realis respectu creaturarum. Minor ex eo est evidens, quia incommunicabilitas proprietatum personalium non est ratio causandi in primo principio, sed magis ipsius potentia activa, quæ est voluntas ejus. Hæc autem vis activa non est primo, & per se Deitatis, ut existentis in suppositis incommunicabilibus, sed prout de se est hæc entitas ultimata perfecta, & ideo ex se individua, & indivisibilis; quatenus ergo ea entitate Deitatis est Deus de se ultimatè perfectus, & unus, & immultiplicabilis, est primo, & per se creans, & causans omnia; ex causatis igitur arguendo ad causam devenitur quidem, atque ostenditur primum principium esse, & unum oportere esse, & incommunicabile, sed nequaquam subsistere in tribus; quia esto per impossibile non existeret in tribus, vel una duntaxat reperiretur persona, in divinis nihil ei

desset perfectionis intrinsecæ, à qua pendere, & produci posset universitas causarum.

Quod vero nullam scientiam propter quid comparare sibi queat intellectus creatus, seclusa supernaturali revelatione, de Trinitate personarum divinarum, declaratur: Notitia ejus, quod est propriissimum subjecto, non continetur virtualiter primo, & evidenter, nisi in proprio, & specifico subjecti conceptu: Deum esse in tribus personis, est propriissima Deitatis passio; nequit ergo id sciri propter quid de Deo, nisi sub propria, & distincta ratione concipiatur Deitas: sed nulli creato intellectui, de lege communi, ita potest esse nota, ac perfecta natura divina; sub propria enim ratione, sub qua tantum inest ei illa passio, latet omnem intelligentiam creatam; ergo hæc scientia non est possibilis ulli intellectui creato. Probatio majoris: nam propriissima subjecti passio, aut cognoscitur ex distincta, & propria subjecti cognitione; aut habetur per intellectum universalem subjecti ejusdem. Si primum, id pariter affirmamus & nos; & propterea eo quod talis cognitio superet intelligentiam creatam, negamus ex naturalibus quemque ostendere posse illam passionem a priori. Si secundum, contra, propriissima passio non inest subjecto ratione graduum universaliorum sibi, aliisque communium, sed magis consequitur propriam, & speciem naturam ejus, ob quam specialiter inest sibi, & non alteri inest; ergo hæc passio non est le subjecto demonstrabilis, nisi per specificum, & proprium subjecti conceptum; neque igitur ergo dubitè concipere subjectum, est impossibilis scientia propter quid de prædicatis consequentibus distinctum conceptum subjecti illius. Exemplum, est proprium trianguli esse primam figurarum, qui nequiret concipere specificam trianguli rationem, esto mutaretur ab aliis & figuræ, & primitivus conceptus, adeo ut affirmaret hanc complexiorem; aliqua figura est prima; ex eo quod tamen ignorat trianguli naturam, non valeret de triangulo propter quid concludere primitivatem, quæ nata est sciri per distinctam cognitionem proprii subjecti. De qua re latè dictum fuit, quæst. 1. artic. 1., & signanter §. Ad quartum.

AD ARGUMENTA. Ad primum respondeo, quoniam contra veritatem nulla est demonstratio, consequens est, ut argumenta quæcumque, quibus infideles ostendere conantur impossibilitatem mytheriorum Catholicæ Fidei, sint apparentia. Argumentum ergo apparenter deducens ad impossibile solvi potest in lumine naturali intellectus, siue falsitas in eo resultet ex materia, siue ex forma syllogistica. Est proinde notum intellectui ex sui naturali virtute alterutrum argumentorum probantium, & improbantium Trinitatem personarum in Deo, esse sophisticum, & apprens; sed interim tamen determinate ignorat quodnam eorum argumentorum apparentiam præcisè præferat, & non veritatem, atque ita demonstrativè non novit quod affirmatur non esse impossibile, sed magis possibile, & subinde necessarium, (ut ex argumento inferat (nisi terminis distinctis concipiatur, ut deductum est in §. Anteriori). Potest etiam dubitare, an præter illatas, aliæ etiam deduci possint rationes, quæ sint incommunicabiles. Breviter igitur intellectus creatus solvere quidem potest quæcumque falsa obiciuntur contra veritatem, si sibi perfecta sit materia, cui applicatur ars syllogistica; quod si materia ejus exsuperet capacitatem, esto sciat divisim alterutrum argumentorum esse sophisticum, & solubile, sibi tamen du-

Ex q. 12. & aliis loc. cit. sub motto bus. per articuli.

1. dist. 42. §. Ideo dico aliter. Videndus Mayron. q. 9. Quodlib. 6. Quoniam ad primam partem, & quæ ad quantum ad quartum prædictum.

Videndus Magist. Lychei. super q. 14. Quodlib. Ad 6. De scientia, aut sciri quia.

1. dist. 4. q. 2.

De his æst. quæst. 25.

Prologi q. 1. 2. dist. 1. q. 1.



dubium est, quodnam sit illud; & saltem an inducitur sint quæcunque inconvenientia ex credita propositione possent inferri: ex solutione ergo argumentorum, non prohibetur positivè aliqua complexio esse possibilis, vel necessaria, sed altera ex duobus modis præactis in *declaratione*? qui tamen locum non habent in præsentis quesito.

Ad secundum respondeo, quamvis inter mysteria revelata sint quædam primæ, immediatæ, ac necessariæ complexiones, ut hæc *Deus est trinus in personis, & unus in essentia*: attamen ad cognitionem harum, & ejusmodi complexionum nos ex naturalibus minimè de venire posse, & rationem esse, quia terminus sub propriis eorum rationibus non concipimus. Quare neganda est minor, quæ subiicitur. Attingimus ergo illarum complexionum terminos in conceptibus universalibus tantum, qui quamquam in propriis terminorum conceptibus virtualiter includantur, attamen tanti refert sub his, aut illis rem concipere, quanti est intelligere rem in se distinctè, vel confusè, & eandem nosse ex conceptibus alienis, eique applicatis; & ideo complexiones ex conceptibus communibus nequeunt causare evidentiam in intellectu, sed magis complexiones ex eis confectæ sunt ipsi ambiguae, & neutræ, prout in naturali lumine attinguntur. Nos enim eatenus nosse dicimur Trinitatem, quatenus conceptum ejus affirmamus in numeris, vel rebus corporaliter numeratis; & concipimus Deum, non sub propria ratione ejus in se, sed in ratione entis, & causæ, & sic de aliis conceptibus sibi, & creaturis communibus. Sed ad conceptus proprios Dei in se, sicut est, & Dei actus, Trinitatis personarum, & unitatis naturæ, non devenimus in via clare, nec confusè; Intelligentes ergo in communi quid essentia, & quid persona, exinde credimus in Deo unicam essentiam in tribus personis. Verum itaque est fidem non esse ad notitiam terminorum, sed illam magis præsupponere; nihilominus quia eam notitiam nobis non comparamus, nisi ex communibus Deo, & creaturis, oportet prius intellectum resolvere omnem conceptum, quem habemus in plures conceptus partiales, priusquam deveniatur ad conceptum simpliciter primum de essentia, & personis, ac apprehendatur essentia una subsistere in tribus.

Ad tertium dicendum, quum fides infusa inclinet virtute luminis divini, cujus est participatio, ac proinde nonnisi ad illud quod est ei lumini conforme, utique impossibile est ipsum inclinare intellectum ad assentiendum alicui falsæ complexioni. At quoniam fides acquisita communiter innitur assertioni alicujus testis, qui posset deficere, minime tribuere potest actui credendi, quin ei falsum possit subesse; est igitur major omnino falsitas, & cum probatur, quia actus fidei infusæ ab acquisita fide dependet. Responsio: id verum esse, tanquam à conditione quadam, non vero quasi illa ab acquisita mutuet suam firmitatem tendendi in verum; id enim habet id lumen infusum ex se. Quod tangitur de apprehensione terminorum, declaratum fuit in *præcedenti responsione*.

Ad quartum respondeo, jam significatum fuisse eo loci adductas ratiocinationes esse quidem probabiles, ac in eo gradu probabilitatis declarare abditissimum Trinitatis mysterium, facta revelatione, sed non propterea illud ullo modo ostendere intellectui in naturali lumine investiganti; imo de facili solvi posse; etsi longe evidentius eluceat falsitas rationum apparentium, quæ contra

eam veritatem ab infidelibus adducuntur. Quotamen secundum rationem apparentem hæc dici intelligantur, lumine naturali intellectus discurrunt ad argumentum de principio productivo, & generativo, quod potissimum videtur, dicerent, spectare quidem ad perfectionem posse, & gignere sibi simile, veruntamen id reduci ad lineam earum perfectionum, quæ imperfectionum sunt comparativæ, nec aliter judicari posse, & argui ex his, quæ nobis evidentia sunt ex sensibilibus: Unde generatio est quidem in corruptibilibus gratia specierum conservandarum, sed non propterea attribuiamus eam perfectionem Intelligentiis, quia non est in eis imperfectio corruptibilitatis supplenda. Ita & multo minus ad primum principium transferri posse, cujus æquale vel per intelligere includit contradictionem. Confimiliter in primo summam bonitatem, & intellectivitatem reperiri, indubitatum est; & nihilominus exinde haud concludi debet parem bonitatem extra se per potentiam activam, aut intellectivam efficere valere: ac proinde rationes probantes similem sui Parrem producere ad intra per intellectum, non habent evidentiam ex iis, quæ naturali lumine intellectus attingimus.

Breviter igitur tamen si argumenta, quibus probatur Trinitas personarum ex duplici productione ad intra, procedant ex præmissis necessariis, quia nihilominus non sunt necessario evidentes, quia nec notæ ex terminis propriis, neque ex immediatis componuntur, qui nobis sint noti (ut explicatum fuit in responsione *Ad secundum*) nec consequentia talis esse potest, quæ seclusa revelatione: fleat intellectum ad assensum sui. Ad confirmationem dicendum, etsi & Trinitas personarum, & complura alia mysteriorum fidei, ostendi queant rationibus necessariis, eas nihilominus nobis non esse ita necessario veras, ut pro demonstrationibus sint tenendæ seu à priori, seu à posteriori: atque id pariter Richardum sensisse, ostendunt verba, quæ ibidem, subiicit *credo*, inquit, *ad omnia, quæ fide tenemus argumenta necessaria non desisse, quamvis illa interim contingat nostram industriam latere*.

Ad quintum respondeo sic: Intellectus tendens actu suo in objectum attingit per actum objectum illud. veluti per proximam rationem attingendi. supposita propria objecti præsentia: at mens eum actum cognoscens, non est sibi actus proxima ratio attingendi objectum, sed ad id & alio actu indiget, qui sibi sit proxima ratio cognoscendi, & præsentia pariter objecti. Neganda est igitur major argumenti. Et cum probatur, quia actus est naturalis objecti similitudo. Respondeo, aliquid esse medium cognoscendi, potest intelligi dupliciter. Uno modo, quod sit medium cognitum, ac per ipsum cognoscatur aliud, ut conclusio per principium; Alio modo, quod sit ratio cognoscendi non cognita, ut species intelligibilis. Iuxta priorem acceptionem, nihil esse potest medium cognoscendi, aliud, nisi contineat in se cognoscibilitatem ejus, quod per medium ponitur intelligi; secundum quam cognoscibilitatem attingitur per medium cognitum: quia si contingat cognoscibile per medium excedere ipsum medium in cognoscibilitate, fieri non potest, ut excedens cognoscatur per excessum, quantumvis perfectè cognitum: Sed in posteriore medi acceptione, potest aliquid esse ratio cognoscendi objectum, esto ab ipso objecto excedatur, quia ratio hæc non est cognita. Actus igitur beatificus si poneretur medium, per quod objectum attingitur ab intellectu alio,

3. dist. 24. 6.  
ad aliquid con-  
cedo.

2. dist. 3. 9. 7.

Mayron.  
Quodlib. 9.  
2. 8. Quantum  
ad quartum  
punctum;

1. dist. 42. 6.  
Ad auctorita-  
tatem.

1. dist. 42.  
loco cit.

1. Report.  
dist. 27. 9. 5.



alio, esset medium cognitum, & non ratio cognoscendi; necessario propterea deberet continere objecti cognoscibilitatem; id autem est impossibile; etsi igitur intellectus intueretur in mente beata actum beatificum, non propterea tamen cognosceret naturaliter illud objectum; neque item species intelligibilis visa, alteri intellectui videnti non sufficeret ad perfectè cognoscendum objectum, cuius est.

Ad probationem minoris respondeo, ens limitatum, & ad se, vel si est limitatum, & ad alterum, sed limitatum, esse naturale objectum intellectus creati; at entitatem in se limitatam essentialiter tamen ad alterum illimitatum, haud posse naturaliter intelligi ab intellectu creato, uti nec terminus viribus naturæ est intelligibilis, sine quo nec ipsa entitas ad alterum intelligi potest, sub propria ratione, qua est ad alterum illimitatum.

Ad ultimum concedo, Angelum, & animam rationalem ex naturalibus suis posse cognoscere se: quia continentur sub objecto naturaliter attingibili ab intellectu creato: sed quamvis id verum sit de cognitione quatenus ad absoluta eorum terminatur, non per hoc tamen nosse possunt naturaliter imaginis rationem, sive se ipsos esse imagines Dei: quia ex viribus naturæ attingi nequit relatio, nisi pariter sub eadem attingentia naturali cadat utrumque extremum: & hæc est doctrina Augustini, 15. de Trinit. cap. 24. *Qui videt suam mentem, & in ea Trinitatem istam, scilicet memoriam, intelligentiam, & voluntatem, nec tamen credunt ea, que intelligunt esse imaginem Dei, speculum quidem vident, sed usque adeo non vident per speculum: ut scilicet ipsum speculum, quod vident, sciant esse speculum, id est imaginem.*

Atque ex his ad confirmationem, quia etsi naturali virtute intellectus cognoscat actum suum, nihilominus non videt attingentiam objecti beatifici, nisi de supernaturali auxilio: nam supra actum suum reflectere non potest, nisi virtute illius, per quod habet & actum rectum, quo & beatur.

## ARTICULUS II.

Utrum sint ponendæ notiones in divinis.

Doct̃or locis in margine citatis. S. Thom. 1. p. quæst. 32. artic. 2.

**V**IDETUR non esse adstruendas in Deo ultimas notiones; Nam non videtur asserendum in subtilissima illa natura, nisi quod traditum est per divinam scripturam; Cum enim excedat caput omnis mentis creatæ, nihil certo sciri potest de illa, nisi quod Spiritus Sancti gratia revelatum est: Sed scriptura nullibi mentionem facit ullius notionis, sed tantum dicit, Deum esse unum in tribus, qui appellandi sunt nominibus Patris, & Filii, & Spiritus Sancti: ergo non sunt ponendæ notiones in divinis.

Præterea, Notiones perhibentur poni in divinis ad notitiam distinctionis personarum: sed personæ sunt simplices perinde ac essentia divina; ergo non indigent notionibus ullis ad effectum innoscendi. Probatio consequentiæ: circa simplices conceptus non est deceptio, ut evenire potest circa quiditatem complexorum; igitur non per notiones venimus in notitiam personarum, sed ex se ipsis vel innoscunt, vel penitus latent.

Tomus I.

Pater a, Notio poni ut ratio, per quam innoscitur persona, quantum ad originem ejus; igitur notio, qua talis dignitatem importat: sed ex eo sequeretur, unam personam esse alia digniorem in divinis, quod tamen videtur repugnare omnimodæ æqualitati earum; ergo non sunt admittendæ ejusmodi notiones in divinis. Probatio minoris; quia Pater polleret notionibus innascibilitatis, paternitatis, & activæ spirationis: tot autem notiones nulli alteri personarum congruunt: ergo Pater esset cæteris dignior.

Præterea, Essentia est primum objectum intellectus divini, sic ut ab illa moveatur ad intelligenda omnia, quæ sunt ad intra, cæteraque scibilia; imo etiam est nobis ratio attingendi, ac distinguendi divinas personas, quatenus intelligimus geminam ejus fecunditatem, per quam sunt duæ personæ productæ, & una improducta; ergo præter essentiam, non sunt in Deo aliæ adstruendæ notiones, ad hoc ut innoscatur distinctio inibi subsistentium personarum.

Præterea, Abstractum, & concretum idem significant; ergo ejusdem sunt significati paternitas, & Pater; igitur ex paternitate non magis innoscitur Pater, quam ex se ipso; ac per consequens quemadmodum nec est dicendum paternitate distinguui; quia perinde esset ac si diceretur Pater Patre distinguui; ita se ipso, & non paternitate innoscitur.

CONTRA, Augustinus, 5. de Trinit. cap. 6. *Sicut autem Filius ad Patrem, sic genitus ad genitorem refertur, & sicut Pater ad Filium, ita genitor ad genitum. Ideoque alia notio est, qua intelligitur genitor, alia qua ingenitus; disterte igitur exprimit notiones quibus distinguui intelliguntur personæ divinæ. Item Damascen. lib. 1. cap. 2. In solis, inquit, proprietatibus paternitas, filiatione, & processione attenditur distinctio personarum; Atqui id tantum, quo unum ab altero distinguitur, est ratio innoscendi, seu manifestandi se esse ab alio distinctum; igitur sunt in divinis admittendæ notiones.*

RESPONDEO. Præpositivus attendens divinarum personarum simplicitatem, putavit non esse ponendas in illis aliquas proprietates, vel notiones; adeo ut nulla esset ea quæstio, qua quæritur quodnam sit illud, quo divinæ personæ constituuntur vel distinguuntur? Nam quum rationem formaliter constituentem habere nequeant, citra præjudicium simplicitatis earum, ut proprium constitutivum non est illis attribuendum, ita nec distinctivum; quia tamen verissimè tres sunt realiter adinvicem distinctæ, non constitutivis, sed se ipsis omnino distinguui, sentiendum est. Quæ sanè Præpositivi opinio excludens à divinis personis proprietates, & notiones, quibus manifestatur unus ab altero distinctio, haud est probanda. Nam si divinæ personæ non proprietatibus, sed se totis ad invicem distinguuntur; profecto erunt quædam primo diversa, uti revera non sunt talia, quibus est una realiter natura communis; ergo non eo distinguuntur, quo sunt idem, sed potius reperitur inter eas distinctio, penes aliquam rationem, qua non sunt idem: sunt autem ponendæ inter se distinctæ, unitam insuper naturam habentes; igitur distinctæ sunt, non omnimode, ut primo diversa, sed tantum per aliquam realitatem in ipsis repertam. Eas autem rationes distinguendi unam ab alia nos appellamus proprietates, & notiones. Deinde in una Patris persona sunt innascibilitas, & activa genera-

1. Report. dist. 28. p. 1. num. 90.

Quodlib. q. 14. 5. Intellegendum.

1. dist. 26. 5. De modo.

1. Ubi supra 6. Respondeo opinio quorundam. n. 2.

1. Report. dist. 28. q. 2. n. 7. & n. 24.

1. dist. 26. 6. Respondeo opinio.

Prologi, quæst. 1.

1. dist. 26. num. 26.

Quodlib. q. 13. De altero termino.

1. dist. 1. q. 1. 6. Quædam ad secundum.

Ccc

nera-



neratio, adeout distinguantur, dicente Augustino, 5. de Trinit. cap. 6. *Pater si non genuisset, nihil prohiberet eum esse ingentum*, & è converso; ergo si per impossibile Pater non distingueretur à Filio paternitate, adhuc diffiret ab eo innascenti, quippe qui natus sit, ut Pater est ingentus; igitur Pater non distinguitur à Filio se toto, sed secundum proprietates, & notiones; quæ propriè sunt in ipso, & non sunt ipse Pater, juxta illud, quod canit Ecclesia in præfatione de Trinitate; *In personis proprietas*. Denique, in Patre est generatio activa, & spiratio activa: spiratio autem activa non distinguitur à Filio, cum sit & in Filio; ergo Pater non se ipso æque primo distinguitur à Filio, sed aliqua proprietate, quæ est in eo.

Est igitur dicendum, reperiri in divinis personis proprietates, earundem & constitutivas, & distinctivas, ac proinde sicuti vere eas *in esse* personali constituunt, ita & pertinere ad distinctam notitiam personæ à persona: atque ita esse necessarium ponendas notiones in divinis. Sed intelligendum, *notionis* nomine significari id, per quod aliud innotesceat: Et quoniam id evenire potest, & per notitiam actualem objecti intelligibilis, & per ipsam rationem objectivam, quæ causa est innotescenti, seu secundum quam distinguitur, distinctumque intelligitur objectum: in præfatione nobis est sermo de notione, juxta posteriorem intellectum. Quoniam ergo divinæ personæ innotesceant, ac distinctè percipiuntur ex proprietatibus, quibus constituuntur, rectè eadem proprietates dictæ sunt & notiones: quemadmodum enim Pater paternitate est persona Patris, & Filius filiatione, & Spiritus Sanctus passiva spiratione, ita & his proprietatibus innotesceant, ut proinde distinctè percipiamus Patrem non esse personam Filii, & Spiritum Sanctum non esse Patrem, neque Filium; etsi hi tres unum sint Deitate: & sicuti Deitate sunt unum, ita proprietatibus sunt tres distincti, ut diserte scribit Damascenus *loco cit.* Quanquam enim ad quæstionem Hæreticorum sciscitantium, quæ tria, vel qui tres in una Deitate à Catholicis faterentur? Rectè responsum sit, esse tres personas, ut *quæst. 29. art. 2.* fuit declaratum: attamen ulterius interrogantibus, quonam pacto hi tres distinguerentur, cum unum esse à catholicis perhiberetur? Alia responsio non est, nisi asserendo tres esse distinctas proprietates, ut unum sunt indistincta Deitate, Rursus, quanquam Pater sua innotesceat proprietate paternitatis, lateret nihilominus, utrum prima persona esset: quid ni enim Pater esse posset, etiam si genitus fuisset? ut ait Augustinus 5. de Trinit. *cit.* oportuit subinde id innotescere per aliam notionem, scilicet *ingenerabilitatis*. Deinde, Patri, Filioque est communis spiratio activa: hac igitur neuter ab alio distinctus cognoscitur: intelliguntur ergo distincti his præcisè proprietatibus, quibus constituuntur, & nihilominus spiratione activa innotesceant, quatenus ad tertiam personam referuntur. Ex his ergo notionibus (de quibus erit in *sequentibus* sermo distinctior) est quod à Theologis appellatur *notionale* in divinis: Et porro accipitur, ut distinguitur contra *essentiale*, quod tribus est commune personis: notionale igitur est relativum ad intra, vel pertinet ad originem, vel personam constituens, vel consequens necessario constitutivum personarum.

AD ARGUMENTA. Ad primum respondeo ex dictis, *quæst. 29. art. 3. §. Ad primum*. Etsi quæ-

cunque tradita sunt nobis in scripturis, sint firmæ, sinceraque fide tenenda, ac pro certissimis habenda, nihilominus non debere exinde inferri, nihil affirmandum esse præter ea, quæ accepta sunt per revelationem, modo non contradicant his, quæ explicitè sunt credenda: Nam satis est ea contineri virtualiter in sacris eloquiis, circa quæ declaranda utilimè Doctores laboraverunt. Quanquam ergo explicitè in scripturis non fiat mentio notionum, attamen ex quo testentur esse in una Deitate tres, qui vocandi sunt Pater, Filius, & Spiritus Sanctus, lique propterea non essentia, in qua sunt unum, sed propriis distinguantur proprietatibus, ejusmodi proprietates vere, & rectè dicuntur, & sunt rationes, notam faciendi distinctionem personarum: ac proinde non immerito appellantur notiones, sensu in *solutione* jam explicato; & tanta quidem in divinis adstruuntur necessitate, quanta dicuntur proprietates esse in personis.

Ad secundum, dicendum, utique personas esse simplices, perinde ac simplex est essentia; utriusque enim ex æquo repugnat omnis compositio, & componibilitas: verumtamen in personis reperiri, ac per se includi proprietates personales, quas essentia non involvit. (Relationes enim divine non sunt actus essentie, sed personarum) ex eo autem fieri, ut essentia se tota distinguatur à quibuscunque aliis à se: sed personæ non se totis distinguuntur, cum essentiam habeant communem, sed solis proprietatibus. Ad probationem consequentis, respondeo, circa conceptus simpliciter simplices evenire utique non posse, ut intellectus eiret, nam non possunt secundum aliquid ignorari: sed de personis nos non habere ejusmodi conceptus simpliciter simplices, idest, irresolubiles in alios conceptus, cum adequatè consistet ex divina essentia, & proprietatibus personalibus.

Ad tertium dicendum, notiones utique ad dignitatem pertinere, sed eam non præferre aliam perfectionem, & conceptum positivum, quàm essentie, & proprietatis personalis: non est ergo una persona alia perfectior, esto pluribus notionibus prædita sit, quam alia: Quemadmodum Patrem esse à se dignitatis est, non perfectionis, & ideo Filium, quamvis à Patre generetur, nulla caret perfectione, ob quam minor sit Patre.

Ad quartum respondeo sic: Damascenum 1. lib. cap. 4. ex absolutis proprietatibus essentie divine investigare, atque concludere Dei perfectiones: quæ sunt igitur in Deo perfectionis simpliciter dici possunt notiones, quatenus sunt rationes propter quas innotesceat intellectui inquirenti Deum, & ita pariter secundum quod argumentum procedit, & intellectui divino absolute, & simpliciter, & nobis quodammodo essentie est ratio cognoscendi personas ex gemina ejusdem fecunditate: verumtamen de hoc genere notionum, seu rationum cognoscendi distinctionem personarum, nobis non est hic sermo. Nam loquimur de iis notionibus, ex quibus venimus in cognitionem distinctionis personæ à persona: ex autem sunt originationes earum, seu notionalia quæque, ut contradistinguantur ab essentialibus.

Ad quintum (quod fuit argumentum Præpositivi pro sua opinione) respondeo, concretum, & abstractum de primario significato importare quidem eandem formam, sed tamen modum significandi utriusque esse diversum: etenim concretum connotat subsistens in forma, vel natura, quod præsertim est exploratum de concreto substanti-

Quodlib. 9.  
1. §. De alio  
termino.  
V. Et per op-  
positum.

1. Report.  
dist. 28. q. 4.  
num. 1.

1. Report.  
dist. 35. q. 1.

Quodlib. 9.  
1. ex isto se-  
cundo.

1. dist. 26.  
§. Ad Argu-  
menta pro o-  
pinione Pre-  
positivi n. 57.

1. dist. 3. q. 3.  
§. Quantum  
ad secundum.

1. dist. 28.  
quæst. 2.

1. Report.  
dist. 28. q. 4.

1. dist. 28  
§. Ad secun-  
dum dico mo-  
do;



vo: abstracto autem præcisè significatur ipsa forma. His casu, de quo agitur, applicatis, evidens est, in subsistente nedum reperiri paternitatem, quæ est Pater, sed etiam essentiam divinam, quæ non est Pater, sed Deus, ut ait Augustinus, 7. de Trinit. cap. 1. Pater ergo, ut hypostasis subsistens distinguitur, paternitate: non ergo se toto primo distinguitur, sed potius aliquo, quod est in ipso distinguitur: dans tamen intelligere totum, quod est Pater. Sed non perinde tamen, & eodem modo per se includit paternitas Deitatem, uti Pater involvit, quatenus substantivè accipitur: non sunt ergo Pater, & paternitas ejusdem omnino significari propter diversum modum significandi, ut dictum est.

### ARTICULUS III.

Utrum sint quinque notiones.

Doct. 1. Report. dist. 28. q. 4. S. Thom. 1. p. quæst. 32. artic. 3.

**V**IDENTUR non esse præcisè quinque notiones in divinis, sed vel pauciores, vel plures. Etenim ex dictis articulo præcedenti: notiones sunt objectivæ rationes, & causæ manifestandi distinctionem personarum divinarum: sed persone ille distinguuntur relationibus, quæ sunt proprietates constitutivæ earundem: ergo tot sunt ponende notiones, quot proprietates, ac relationes: Hæ autem quatuor sunt: ut quæst. 28. artic. 4. exitit declaratum: ergo quatuor, & non quinque sunt statuendæ notiones in divinis personis.

Præterea, Si in tribus personis renentiantur notiones quinque; ergo in aliqua personarum erunt duæ, aut tres notiones; uti revera dicuntur Patri tres inesse notiones; nempe paternitas, innascibilitas, & activa spiratio, Filio etiam communis. Aut igitur hæ notiones differunt re, aut ratione. Si primum; igitur Patris persona constat pluribus rebus; quod est inconveniens. Si ratione dicantur differre; igitur una recipiet prædicationem alterius. Probatio consequentiæ: Propterea quod attributa ratione differant, unum de altero prædicari potest; sapientia enim est bonitas, & è converso; ergo pariter & hæc erit vera, *spiratio est paternitas*; quod tamen non conceditur; igitur non sunt ponendæ in tribus personis quinque notiones.

Præterea, Notiones ad dignitatem pertinere videntur; sed esse ingenitum nullam præsefert dignitatem; ergo non est inter notiones computanda innascibilitas. Probatio minoris: nam innascibile, vel ingenitum esse formaliter negationem importat; nulla autem negatio est in aliquo dignitatis.

CONTRA, De communi sententia Theologorum asseruntur in divinis quinque notiones nec plures, nec pauciores.

RESPONDEO, Quoniam per notiones sunt nomenclabiles divinæ personæ, prout una ab alia distinguitur, dupliciter pervenire possumus in cognitionem distinctionis earum; & primo quidem ex innoteſcentia uniuscujusque proprietatis, quibus formaliter, & intrinsecè constituuntur; secundo, intellectu: his, quæ necessarii quidem illis insunt, sed quasi extrinsecè, quatenus ipsis jam in esse personali constitutis advenire, & creduntur, & certis rationibus deprehenduntur. Loquendo igitur de notionibus, juxta priorem intellectum, certum est ipsas numerum ternarium excedere non posse.

Tomus I.

Cum enim tres præcisè sint divinæ personæ, ac unaquæque sua proprietate in esse personali intrinsecè constituta, quæ à Sanctis Patribus appellantur paternitas, filiatio, & spiratio passiva, & tres dumtaxat erunt notiones, ex quibus inter se tres in divinis distincti intelliguntur, & distincti innoteſcunt in hypostasi. Cum enim nulla mens capere queat unum suppositum producere se ipsum: utique unum aliud à se distinctum in suppositualitate producit. Hæc ergo supposita eorum constitutivis proprietatibus distincta innoteſcunt, quæ quoniam non sunt plures tribus, tres sunt statuendæ divinæ notiones. Verum quia ulterius illi tres distincti innoteſcere possunt ex iis, quæ consequuntur constitutionem eorum, atque ipsis, quasi extrinsecus accedunt, secundum hanc notionis acceptionem, aliæ duæ tribus præfatis sunt addende, altera scilicet sequens constitutionem Patris solius, altera adveniens Patri, & Filio jam constitutis. Quia enim Patris persona prima est insuper cœlesti illa, ac abditissima hierarchia, ex ea fit, ut ab alio esse non possit, sique innascibilis; notione ergo innascibilitatis innoteſcit prima omnium primitas, ac nedum scitur Patrem unam esse divinarum personarum, sed etiam omnino primam, ac penitus innascibilem. Rursum, quia ipse, & Filius spirant Spiritum Sanctum exurgit notio spirationis activæ, quæ est Patris, & Filii personæ distinctæ non innoteſcant, attamen manifestatur esse in ipsis idem principium, quod spiratur Spiritus Sanctus, ab utroque procedens. Ex his igitur communiter quinque notiones in divinis adstruuntur.

AD ARGUMENTA. Ad primum concedo, in tribus personis esse ponendas quatuor reales relationes, ut fusi loco citato declaravimus: quatum quia activa spiratio nullam constituit personarum, ex eo quod inveniat jam constitutas, in quibus reperitur, ideo non est reponenda inter notiones, quæ sunt manifestativæ personarum, quoad propriam rationem intrinsecè constitutam ipsarum. Quo sensu igitur inter notiones sit reponenda, dictum fuit in solutione: manifestat enim distinctionem tertie personæ à Patre, & Filio ex vi oppositionis relativæ spirantis, & spirati: seu procedentis, & eorum, à quibus procedit. Et quia pariter ex innascibilitate ostenditur primitas Patris, respectu aliarum personarum, rectè & hæc notio appellatur, ut proinde exurgat numerus quaternarius earum.

Ad secundum est responsio talis: Quamvis in una, eademque persona sese compatiuntur relationes reales, inter quas non est oppositio relativa, cujusmodi sunt paternitas, & activa spiratio; ad invicem tamen prædicari non possunt, eo quod significantur ut diversæ rationes personarum, Quemadmodum nec dicimus attributum potentie esse attributum scientiæ, licet cum veritate enunciatur unum de alio, ac rectè dicatur, *scientia est potentia*. Contra, Hæc minus probabiliter dicta esse videntur; nam attributum, ut attributum dicit, exprimitque respectum rationis circa ea, quæ attributa nuncupantur; hinc etiam numerantur, & porro verum est bonitatem, & sapientiam esse duo attributa; ergo penes eam rationem, secundum quam est numeratio, non est verum dicere, *hoc est hoc*, cum illud sit rationis, vel intentio secunda numerata. Sed non propter hoc negatur, *Sapientia est bonitas*; quandoquidem non involvitur ibi hic respectus rationis, qui numeratur in eis; ergo consimiliter, circumscripto omni, quod est rationis, si omnino esset ex natura rei paternitas, &

S. Thom. hic  
S. Asterium.

Quodlib. 6.  
q. 6. Circa  
tamen materia  
nu. 18.  
Cajetanus  
hic proponit  
natus S.  
Thomæ respon-  
dione  
dicit Doctorem  
instantiis  
procedere,  
ex malo in-  
tellectu hœre-  
tice, imò ex  
diminuta in-

Ccc 2

spi-



Spēctio-  
ejus. Nam  
non dicitur  
in litera non  
prædicari non  
inveniri il-  
las relatio-  
nes, quia di-  
stinguuntur  
ratione, sed  
quia signi-  
ficantur, ut  
diverse ra-  
tiones per-  
sonarum, id  
est, ut di-  
verse rationes  
relative. Et  
intendit de di-  
versitate in actu  
exercitio, non  
sub notionis  
vocabulo, sed  
sub relationis  
ratione. Unde  
altera est ad  
Filium, altera  
verò ad Spiritum  
Sanctum, &  
ideo duæ re-  
lationes reales  
sunt; Et quia  
hanc distinctionem  
important in actu  
exercitio, hinc non  
prædicatur de se  
invicem. Hæc ille.  
Sed magis  
est diminuta  
responsio impu-  
gnata, cum enim  
par identitas ad-  
mittatur inter  
absoluta, ac rela-  
tiva, cur in illis  
est vera prædicatio,  
& non in istis?  
Aut quid facit  
ad difficultatem  
relationes exercere,  
vel efficere  
distinctionem  
secundum rationem  
earum? Eps  
enim ita sic  
quare ergo non  
prædicatur de se  
invicem, ut  
substant notionibus,  
cum eadem  
res sint? Sed hæc  
aliis differenda  
relinquimus.

spiratio, hæc omnino foret concedenda, paternitas est spiratio; neganda autem ista; notio, vel proprietas paternitatis est notio, vel proprietas spirationis. Quæcunque enim sunt eadem re simpliciter in Deo, etsi in abstracto, significantur nominibus importantibus rem primæ intentionis, verè unum de altero prædicatur, esto prædicatio falsa sit, cum constatur ex nominibus secundæ intentionis; quod etiam procedit in creatis; Nam licet ista sit vera, *Socrates est homo*, attamen ratio Socratis, quæ est singularitas non est ratio hominis quæ est universalitas.

Quodlib. 9.  
5. §. Tertio  
arguitur.

Responsio igitur ad argumentum est ista (pro-  
ut & significatum fuit, *quest. 28. art. 2. in inciden-  
ti iterum repetito*) eatenus relationes, etiam di-  
sparatas, & non relativè oppositas ad invicem  
prædicari non posse, quatenus non suerest in ip-  
sis in abstracto conceptis ratio ulla identitatis,  
qualis est in perfectionibus absolutis, quæ sunt  
formaliter infinitæ. Ex quo evenit, ut quoniam  
intensiva infinitas est ipsis in infeca, per abstra-  
ctionem à tertio, cujus sunt perfectiones, adhuc  
sunt, & intelliguntur infinitæ; ac proinde est ra-  
tio identitatis in ipsis, ut propterea sint veræ  
enunciationes, in quibus una de altera prædicatur;  
quæ identitas pariter habetur, cum alterum  
solummodo extremorum est intensivè infinitum;  
Unde hæc conceditur, *Deitas est paternitas*; &  
sic de aliis. Quandoquidem igitur relationes rea-  
les personarum constitutivæ, vel eandem no-  
tiones formaliter infinitæ non sunt, vel nec perfe-  
ctæ, aut imperfectæ, cum in terminis abstractis  
exprimuntur, non est inter eas ratio identitatis,  
nec proinde verè una de altera enunciat ur.

Ad tertium respondeo, notionem *ingenerationis*,  
qua exprimitur, Patrem in divinis carere  
genitore, spectare ad dignitatem personalem ejus;  
Quia sicuti dignitatis est in secunda persona ha-  
bere principium originativum sui; ita & dignita-  
tis pariter est in prima persona tali principio ca-  
rere; etsi alioquin non oporteat hanc dignitatem  
formaliter sitam esse in aliquo positivo. Negatio  
igitur spectare potest ad dignitatem in aliquo,  
quatenus si positio illi contraria poneretur in ipso  
foret indignitatis; Quemadmodum dignitas cen-  
setur in Rege non esse scurræ, aut mercatoris.

Ad tertium respondeo, notionem *ingenerationis*,  
qua exprimitur, Patrem in divinis carere  
genitore, spectare ad dignitatem personalem ejus;  
Quia sicuti dignitatis est in secunda persona ha-  
bere principium originativum sui; ita & dignita-  
tis pariter est in prima persona tali principio ca-  
rere; etsi alioquin non oporteat hanc dignitatem  
formaliter sitam esse in aliquo positivo. Negatio  
igitur spectare potest ad dignitatem in aliquo,  
quatenus si positio illi contraria poneretur in ipso  
foret indignitatis; Quemadmodum dignitas cen-  
setur in Rege non esse scurræ, aut mercatoris.

### ITERUM ARTICULUS III.

Utrum sint quinque notiones.

Doct. 1. *dist. 28. quest. 2. §. Ad tertium.*

V. Contra in *Report. ibidem quest. 4.*

§. Sed hic est dubium. *S. Thom.*

1. part. *quest. 32. art. 3.*

**V**IDENTUR notiones in divinis esse plures  
quam quinque. Nam eatenus statuuntur  
communiter quinque notiones, quatenus & in-  
nascibilitas propria Patri enumeratur inter eas;

Sed Pater ita est inspirabilis, & Filius pariter in-  
spirabilis, uti ille est innascibilis; ergo non quin-  
que, sed sex sunt ponendæ notiones in divinis,  
aut certè de illarum numero delenda *innascibi-  
litas*.

Præterea, Ex eo quod Pater sit innascibilis,  
tres ei attribuantur notiones, nempe paternitas,  
innascibilitas, & activa spiratio, etiam Filio com-  
munis: Sed etiam Spiritus Sanctus est innascibi-  
lis; alioquin natus esset, nec à Filio distinguere-  
tur; ergo Spiritui Sancto duæ sunt notiones at-  
tribuendæ, altera positiva, qua in esse personali  
constituitur, altera negativa, qua negativè quo-  
que innotescit, ut Pater. Idem potest argui de ef-  
sentia, quæ est pariter innascibilis.

Præterea, Pater perinde est inspirabilis, ut in-  
nascibilis: igitur & inspirativitas est computanda  
inter notiones: aut certè nec erit ipsa innascibili-  
tas: excedent igitur notiones numerum quina-  
rium.

CONTRA, Damascenus lib. 1. cap. 4. *Omnia*  
inquit, *divina sunt unum præter ingenerationem,*  
*generationem, & processionem*: non quidem ad  
exclusionem aliarum notionum, quæ sunt pater-  
nitas, ac activa spiratio: sed in una unius perso-  
næ proprietate, alias ejusdem personæ proprietates,  
vel notiones includens. Unde subdit, *In so-*  
*lis proprietatibus paternitate, filiatione, & pro-*  
*cessione attenditur distinctio personarum.* Nomine  
igitur *ingenerationis* intelligere voluit & paterni-  
tatem, & activam spirationem. Non plures pro-  
inde quinque sunt divinarum personarum notio-  
nes.

RESPONDEO dicendum, revera communis sen-  
tentia Theologorum est quinque præcisè in divi-  
nis reperiri notiones, uti in *antecedentibus arti-*  
*culis* declaratum fuit. Sed propter difficultatem  
tactam in primo argumento, videtur difficile sal-  
vare, quin saltem sex sint affirmandæ notiones,  
prioribus quinque addita inspiratione, quæ est  
Patri, Filioque communis, uti innascibilitas pro-  
pria est Patri. Eam tamen dubietatem aliqui ex-  
cludere volentes, dixerunt, illud interesse inter  
innascibilitatem, & inspirationem, quod *inspira-*  
*bile* nullam importat dignitatem, adeoque non  
esse de numero notionum; contra vero *ingentum*  
ad maximam dignitatem pertinere, ac proinde  
merito *innascibilitatem* locum obtinuisse inter no-  
tiones. Veruntamen hæc responsio non est appro-  
banda; nam æqualis dignitatis est in Patre, & Fi-  
lio non spirari, sicut in Patre non generari. Et  
præterea gratis dictum videtur, ad notionis con-  
ceptum exigi, ut dignitas proprie importetur.  
Alii propterea dicere voluerunt, quoniam in-  
spirabile, idem est ac non productum, alterum in-  
cludi in conceptu alterius: nam sequitur, non  
productum: ergo non spiratum: inspirabilitas ergo  
constituere non potest distinctam notionem ab  
*innascibilitate*, sed nomine uno utrumque expri-  
mitur, vel significatur. Contra, ingeneratio in  
Patre dumtaxat reperitur: inspiratio autem in  
Patre, & Filio: ergo hæc notio est alia ab illa.

Quoniam igitur his responsionibus inducta di-  
ficultas non videtur sublata, sex videntur adstru-  
endæ notiones in divinis, nisi fortasse certa alia  
ratione in medium producta ostenderetur inna-  
scibilitatem quidem connumerandam esse inter  
notiones; at inspirationem non item, deficiente  
sibi aliqua, vel pluribus eorum, quæ ad notionis  
naturam necessario exiguntur. Nam quod *inspi-*  
*rabilitatis* Doctores de notionibus scribentes,  
mentionem non fecerint, movere non debet, cum  
constet

1. Report.  
dist. 28. q. 2.  
6. Ad pri-  
mum princi-  
pale.

Mayron. 1.  
dist. 28. q. 1.  
negat acti-  
vam spirati-  
onem num-  
merari debe-  
re inter no-  
tiones, eo  
quod Patri,  
& Filio com-  
munis sit.  
Vult enim  
notionem uni  
dumtaxat  
personæ con-  
venire oport-  
ere. Hinc excludit  
tur & infinitas,  
& incorporeitas,  
quæ ex 2.  
quo omni-  
bus sunt pro-  
prie perso-  
nis. Præ-  
terea dicit  
notionem esse  
communem  
ad positum  
& negativum  
& denique  
dignitatem  
importare  
debere; ac  
propterea  
concludam  
non esse inter  
notiones Sai-  
ritus Sancti  
improhasti-  
tatem ad  
intra; bene  
tamen Patris  
innascibili-  
tatem, quip-

1. dist. 28. q.  
2. §. Ideo vi-  
detur dican-  
dum.



pe cui ea  
omnia exa-  
ctè congru-  
ant.

constet argumentum deductum ab auctoritate negati-  
vè, nulla, aut certe modica vi ad persuaden-  
dum pollere: sed de his articulo sequenti.

Fortasse igitur hæc esse posset ratio discrimini-  
s quare communiter *inspirati* Patri, Filioque  
communi abjudicatur ratio *notionis*, quæ tamen  
communiter attribuitur *innascibilitati*. Et profe-  
cto diligenter rem consideranti apparet non per-  
inde utramque Patri convenire, sed aliam, &  
aliam esse utriusque comparisonem ad ipsum.  
Siquidem *innascibilitas* in Patre sequitur proprie-  
tatem positivam ejus, quæ nempe Pater est intrin-  
secè, & formaliter talis persona in divinis; at *in-  
spirabilitas*, in Patre, & Filio præcedere intelligi-  
tur spirationem activam; quia sicuti in prima per-  
sona constituta per relationem ad secundam prius  
est ordo ejus ad secundam, quam negatio originis  
ipsius ad prius, ut declarabitur infra qu. 33. art. 4.  
*iterum repetito*. Sic in personis relatio adveniens  
ipsis jam constitutis in esse personali, supponit  
negationem originis consequentem proprietates  
constitutivas earum, & exinde dicit ordinem ad  
personam ab eis procedentem. Nam sicut unum-  
quodque prius est illud, quod est positive per ali-  
quod positivum, quam sibi conveniat negatio alicujus;  
negatio enim propria non inest nisi per  
propriam affirmationem; sic unumquodque prius  
habet negationem propriam ejus consequentem  
quiditatem, ac sibi inest respectus communis, qui  
ejusdem consequitur quiditatem; Ac propterea  
etiam *ingenitum* sequatur proprietatem constitui-  
vam Patris; *inspirabilitas* tamen prius consequi-  
tur Patrem, & Filium in esse personali constitutos  
quam eis conveniat activa spiratio respectu Spi-  
ritus Sancti; & ideo prius intelliguntur non spi-  
rabiles, vel inspirabiles, quam spirantes. Est  
igitur in eis prius *inspirativitas*, quam activa spi-  
ratio, quia ex activa spiratione inspirabiles es-  
sent: posterius enim manere non potest, destru-  
cto priori; ideo sequitur eos non fore inspirabi-  
les, nisi spirarent. Sed si per impossibile Spiritus  
Sanctus non procederet à Filio; adhuc Filius in-  
spirabilis esset, & similiter Pater, etiam si per  
impossibile non spiraret; Statuendum est ergo per  
prius Patri, Filioque competere *inspirabilitatem*,  
quam activam spirationem.

Ex quo sequitur *inspirabilitatem* non esse po-  
nendam inter notiones. Nam quum unum oppo-  
sitorum est proprietas pertinens ad dignitatem,  
reliquum ad dignitatem pertinere non potest; &  
est converso, quando unum non est dignitatis,  
suum oppositum ad dignitatem spectat: Atqui ab  
alio procedere in communi acceptum, non est di-  
gnitatis, imo indignitatis in creaturis; ergo op-  
positum ejus, quod est nullo modo ab alio pro-  
cedere, sed esse à se, maximæ, ac supremæ digni-  
tatis erit: *innascibilitas* igitur in Patre, qua in-  
notescit eum à nullo alio procedere, dignitatis  
est, & ita notio ipsius; è contra vero cum proce-  
dere per modum voluntatis à Patre, & Filio spe-  
ctet ad dignitatem Spiritus Sancti, eo quia tertia  
persona manifestetur; oppositum ejus, seu non ita  
procedere, quod nomine *inspirabilitatis* signifi-  
catur, dignitatis esse non potest; ac proinde in-  
spirabilitas, quæ prior est in Patre, & Filio, acti-  
va spiratione, non videtur numero quinario no-  
tionum addenda.

AD ARGUMENTA. Ad primum respondeo, uti-  
que si nulla addit ratio excludendi *inspirabilitatem*  
è numero notionum esse sextam quinque prio-  
ribus addendam: Sed nobis videri adductam cau-  
sam discrimini inter *innascibilitatem*, & inspira-

bilitàtem, quare illa dicenda sit notio, non autem  
inspirabilitas.

Ad secundum respondeo sic: Aut *innascibilitas*  
intelligitur opponi processioni Filii per generati-  
onem: aut sumitur *innascibile* prout negat modum  
omnem essendi, vel procedendi ab alio; Secun-  
dum priorem sensum *innascibilitas* convenit Spi-  
ritui Sancto; & quia id non est in ipso dignitatis,  
nec notio ejusdem esse potest; ejus enim opposi-  
tum, nempe procedere per generationem, est di-  
gnitatis in Filio, & notio ipsius. Esse ergo inge-  
nitum in Spiritu Sancto accipiente essentiam alia  
processione, quæ generatio non est, non spectat  
ad ullam dignitatem ejus, ac proinde id non po-  
nit notionem specialem in ipso, Imo *innascibili-  
tas* non est notio Patris, ut opponitur generati-  
oni Filii, quia tunc filiatio careret natura notionis,  
quia non in esse geniti foret dignitas constituenda  
sed in eo, quod est ingenitum esse. Est igitur in-  
nascibilitas notio Patris, quatenus excludit pro-  
cessionem omnem, & modum essendi ab alio, quod  
est supremæ omnino dignitatis, sicuti & ejus op-  
positum, nempe esse ab alio in communi, nec  
spectat ad dignitatem, nec ullam constituit no-  
tionem.

Et quod tangebatur de essentia, quæ pariter  
ingenita est. Verum est ipsam esse ingenitam, &  
innascibilem, ut quod: cum hoc tamen coherere  
generabilem esse, & revera gigni, seu communi-  
cari ut quo.

Ad tertium dicendum, non perinde convenire  
Patri *innascibilitatem*, & *inspirationem*, ut dictum  
fuit; ac propterea fieri, ut inter notiones com-  
putetur *innascibilitas*, non vero *inspirabilitas*.

#### ARTICULUS IV.

Utrum liceat contrarium opinari de  
notionibus.

Doctor. 1. dist. 28. qu. 2. §. Ad tertium.  
V. Contra. S. Thom. 1. par.  
quæst. 32. articulo 4.

VIDETUR haud licitum esse contrarie opi-  
nari de divinis notionibus. Siquidem juxta  
dicta in præcedentibus, distinctio divinarum per-  
sonarum est à proprietatibus, ac per notiones  
mutua earundem innotebit discretio; adeo ut his  
notionibus, aut proprietatibus per impossibile  
sublatis, unica, & indistincta superesset Deitas  
Sed circa divinas personas ac earum distinctio-  
nem, absque nota hæreseos non licet contrarium  
opinari; ergo nec affirmari potest aliquid contra-  
rium de notionibus.

Præterea, Omne notionale est relativum ad in-  
tra; nam vel spectat ad originem, vel constituit  
personam in esse personali, Sed quod originem  
personarum, vel earundem constitutionem, unde  
est & distinctio; sine periculo infidelitatis, non  
licet contrarium opinari; ergo non aliter sentien-  
dum de notionibus, præter id quod traditum est.

CONTRA, Inter ea, quæ nobis ab Ecclesia pro-  
ponuntur credenda, non extat aliquis articulus  
de numero divinarum notionum, et si explicite  
credendum sit in una Deitate subsistere tres per-  
sonas; ergo Theologus licite poterit de numero  
notionum contrarium & opinari, & sentire.

RESPONDEO dicendum, licitum esse aliter; at-  
que aliter de notionibus opinari, sobrie tamen,  
sic ut opinans paratus sit suam deponere opinio-  
nem, si aliter ab Ecclesia declaratur. Ad ejus  
evi-

gnandum fu-  
scipille con-  
stat.

Videamus  
Mayron. lo-  
co supra i.  
1. dist. 28.  
q. 2. cit. ibi  
in proposito.

Quodlib. q.  
1. 6. Ex ipso  
secundo.

Ex 3. dist. 25.  
quæst. 1.

4. dist. 5. q. 1.  
6. Ad aliud  
de Cypriano.  
& 3. dist. 25.  
q. 1. Sed est  
ne necessa-  
rium.

Cajetanus  
hic assigna-  
tur ratio  
nem, quare  
inspirabilitas  
non sit ap-  
pellanda sex-  
ta notio;  
tres causas  
adducere sa-  
ragit, sed  
profecto ma-  
gis declarat  
cur innas-  
cibilitas sit  
quinta no-  
tio, quam  
excludat in-  
spirabilita-  
tem à natu-  
ra illarum.  
Unde aut  
hæc ratio  
Doctoris est  
retinenda  
pro numero  
quinario no-  
tionum, aut  
eerte est sex-  
ta addenda;  
quo i & Ra-  
dam propu-



evidentiam sciendum, quædam ita simpliciter pertinere ad substantiam fidei, ut omnes etiam simplices, usu tamen rationis pollentes, illa explicitè credere teneantur, uti sunt articuli de Incarnatione, Nativitate, & morte Christi, de quibus etiam solemnitates speciales celebrantur in Ecclesia; eos enim valent vel simplices apprehendere, cum sint de Christo homine. Alia vero pariter pertinere ad substantiam fidei, sed explicitè tantum credenda à Majoribus in Ecclesia, qui præficiuntur aliis, quos subinde tenentur instruere de credendis, uti sunt spiritualia, & imaginabilia, ad quæ pertinere rudes non possunt. Alia denique ad fidem ita spectare, ut ad explicitè credendum in illa, neque simplices, neque majores in Ecclesia adigantur, & ejusmodi sunt conclusiones multæ necessario inclusæ in articulis creditis; His enim explicitè credendis nemo tenetur, priusquam per Ecclesiam declaratæ proponantur tanquam fidei objectum; nulla propterea censura esset notandus, qui ante Ecclesiæ declarationem, aliter, vel contrarium sentiret: etsi circa tales conclusiones in fidei articulis inclusas oporteat quemque sobriè opinari, adeo in eventu, quod Ecclesia suæ opinionis contrarium declararet, paratus sit propria sententia repudiata, sentire & credere quod Ecclesia esse credendum, & sentiendum mandat, & præcipit.

Quæstionem autem de numero notionum esse, & spectare ad ordinem conclusionum in fidei articulis virtualiter inclusarum, ac proinde licitè quemque posse de his contrarium opinari, ex eo est evidens, quod citra omnem notam, ac erroris suspicionem variæ extiterunt de notionibus sententiæ, etiam inter præcipuos Ecclesiæ Doctores. Nam tempore Ambrosii non recipiebatur sententia, qua statuuntur in Patre tres notiones, nec ipse Sanctus Doctor uti voluit nomine *ingeniti*, eo quod in divinis Scripturis eam vocem non legisset: quam tamen Augustinum & usurpasse frequenter, & Patri convenire asseruisse, & etiamsi Filium non genuisset, adhuc ingenitum dici posse, differit contra Arianos 5. de *Trinit. cap. 6. & seqq.* Circa tempora quoque B. Anselmi non videntur

fuisse usitatæ duæ notiones positivæ in Patre, cum nec ipse utatur vocabulo *spirationis activæ*, sed loco ejus usurpare consueverit *dignitatem communem Patri, & Filio*.

Quoniam itaque à principio fuerint tantum notæ tres proprietates notionales, videlicet *paternitas, filiatio, & spiratio passiva*, idque ex divina Scriptura evidentè innotuerit, quatenus proponit credendum tres esse in una Deitate, qui sunt Pater, Filius, & Spiritus Sanctus, nihilominus processu temporis, diligentique Doctorum investigatione aliæ innotuerunt notiones, & proprietates, quæ prius in se quidem erant, sed latebant; & propterea eorum mentionem non fecerunt priores Magistri, & Doctores, quas posteriores aliis jam ab initio notis addiderunt, dicentes notiones divinarum personarum pertinere ad numerum quinarium, ut in *antecedentibus articulis* fuit explicatum. Et nunc igitur non videretur inconveniens, aut dignum nota erroris contra eam doctrinam disputare, & opinando ex certa ratione sententiam ei numero contrarium proferre, addendo, vel minuendo notiones, dummodo nil penitus opinetur de tribus notionalibus personarum constitutivis, vel congruè expressivis distinctionis earum, & conclusiones deducantur ex dictis Magistrorum Ecclesiæ. Nam etsi tenendum sit pro vero quicquid tradidit auctoritas; non tamen est negandum esse verum quicquid ipsa expressè non tradidit: quia a Spiritu veritatis in dies magis, magisque Ecclesiam illuminat, certioresque reddit de his, quæ à principio explicitè tradita non fuerunt.

AD ARGUMENTA. Quoniam utroque tangitur una difficultas unica responsione jam significata satisfaciens, dicimus, haud opinari posse contrarium notionibus, quibus tres in una Deitate subsistentes distinguuntur, uti sunt paternitas, filiatio, & spiratio passiva; & circa has neminem Catholicorum unquam dubitasse. Sed de aliis, quæ per investigationem Theologicam innotuerunt, licitum esse, & opinari, & aliter sentire, donec per Ecclesiam hic articulus declaratur.

Magist. 1.  
dist. 28 cap.  
Ibid. etiam.

1. dist. 26 6.  
Contr. istam  
opinionem.  
V. Si dicatur  
numero 26.



# QUÆSTIO TRIGESIMATERTIA DE PERSONA PATRIS,

IN QUATUOR ARTICULOS DIVISA.

*Consequenter considerandum est de personis in speciali.*

*Et primò circa personam Patris.*

CIRCA QUAM QUÆRUNTUR QUATUOR.

- I. Utrum Patri competat esse principium.
- II. Utrum persona Patris propriè significetur hoc nomine Pater.
- III. Utrum per prius dicatur in divinis Pater, secundum quod sumitur personaliter, quam secundum quod sumitur ingeneratè.
- IV. Utrum sit proprium Patri esse ingeneratum.

## ARTICULUS I.

Utrum competat Patri esse principium.

*Doctores locis in margine citatis. S. Thom. 1. par. quæst. 33. articulo primo.*



VIDETUR Pater non esse dicendus principium Filii, aut Spiritus Sancti. Etenim juxta Philosophum 4. Metaphysicæ, c. 3. principium, & causa convertuntur, sicut ens, & unum: Sed nemo dixerit Patrem esse Filium, aut Spiritus Sancti cau-

sam: id enim dicebant Hæretici, sacrilegè affirmantes Patrem majorem Filio, & Spiritu Sancto; ergo neque potest rectè dici esse principium earum personarum.

Præterea, Si verè, & rectè Pater diceretur principium Filii, & Spiritus Sancti, cum eadem veritate viderentur ponendæ eæ duæ personæ & principiatæ, & producibiles, & possibiles: sed ex hac loquutione ducerentur in errorem Fideles, existimantes ratione possibilitatis, ob quam & principiatæ perhibentur, esse computandas inter creaturas, quamquam omnium perfectissimas, uti Ariani blasphemabant; ergo non est dicendus Pater Filii principium.

Præterea, Si Pater est principium Filii, & Spiritus Sancti; ergo est prior personis, quibus est principium, alioquin nulla esset ratio, cur magis principium, quam principiatum diceretur; igitur ipsæ personæ principiatæ sunt Patri posteriores: Sed hoc est absurdum, quia in iis, quorum æternitas est mensura, unum non est alio posterius: Est enim duratio totum simul existentis, ac excludentis subinde prius, & posterius.

Præterea, Si Patri foret attribuenda ratio principii respectu Filii; igitur aliqua prioritate Filium præcederet; alioquin unum ab alio principari non intelligeretur: Sed hoc est inconveniens; Nam Pater, & Filius sunt correlativa: quæ autem ita se habent simul natura, & cognitione; ergo uti Pater non est Filio prior, ita nec ut talis est intelligibilis; non ergo ei congruit ratio principii respectu Filii.

CONTRA, Augustinus 4. de Trinitate, cap. 20. *Torius divinitatis, vel simelius dicitur, Deitatis principium Pater est*; ergo rectissimè dicitur Pater esse Filii principium.

RESPONDEO dicendum, Patrem in divinis omnino fatendum esse Filii principium. Ad cujus

evidentiam sciendum, principium multipliciter accipi posse; secundum Philosophum, 5. Metaphysicæ, cap. de principio. Veruntamen diversas eas acceptationes id habere commune, quod principium primum est, unde aut est principiatum, aut fit, aut cognoscitur, quæ omnia capita, seu principandi genera singillatim ibidem Aristoteles declarando prosequitur: Atqui Pater in divinis est primum unde est Filij originatio naturalis; est igitur Pater Filij principium. Neque ex hoc, quod dicitur Pater Filij principium quidquam perfectionis detrahitur Filio, aut ulla specialis attribuitur Patri; Nam ordo originis essentialiter non importat, nisi unum, id est, originatum esse ab alio, à quo exit: id autem necessario non includit procedens esse natura inferius, seu imperfectius illo, à quo procedit; quia processio de se non involvit, quod sit æquivoca, sed tantum, & præcisè formaliter importat unum ab alio procedere, igitur si non oportet formam imperfectiorem esse in producto, & perfectionem in producente de formali ratione processionis, stat Filium exire, & procedere à Patre, in unius formæ equali perfectione; ergo nullam Patri specialem perfectionem attribuimus, dicentes, esse Filij principium, nec quidquam ab illo procedenti detrahitur ex eo quod sit principiatum, id est, procedens à Patre; est subinde eam processionem, qua unum ab alio exit, stante equali perfectione, concomitetur auctoritas originantis respectu originati, quatenus ille non ab alio, sed à se est, originatum autem ab illo procedit; ac eadem ratione est in Patre, Filioque auctoritas, quatenus sunt unum principium Spiritus Sancti spirativum. Deinde ex eo quod Pater dicatur Filij principium, non excluditur ambobus una coexistere, ac esse simul natura pro ratione & existentia correlativorum. Nam, ut dictum est, ordo originis non exigit prioritatem naturæ originantis ad originatum, sed præcisè unum ab alio exire; quia alioquin semper processio esset æquivoca, & tantum in disparitate naturæ consistere posset. Sed ex eo quod unum necessario det esse perfectè alteri, est prius origine illo, cui dat esse perfectum, & simul natura eum eo, in tantum ut simpliciter esse nequeat sine ipso; ergo per hoc quod ratione originationis activæ ponatur Pater principium Filij, adhuc simulas coexistentiæ eorum perfectæ, & necessario intelligitur; adeo ut propterea nihil absurdum adstruatur in divinis. Probatio minoris: Prima proprietas incommunicabilis positiva est proprietas constitutiva primæ personæ: talis est illa, quæ correspondet correlativè primæ relationi in persona producta; ergo cum paternitate constituatur Pater

Et super cit. lex. 5. Metaphysicæ.

Quodlib. q. 4. 6. De primo.

1. dist. 28. quæst. 3.

Quodlib. q. 4. cit. Contra ista. V. Confirmatur.

Ibidem 6. In ista ista;

1. dist. 20. 5. Quod aut.

1. Resort. dist. 20. q. 2.

Ubi supra 1. dist. 9. 1. dist. 12. q. 1. R. 6.

Quodlib. q. 4. 5. De primo.

1. dist. 9. Ad primum principale.



Pater, & filiatione Filius, simul natura coexistunt Pater, & Filius: esto hic ab illo procedat per generationem, ac vi ejus processionis ille sit Filii principium. Ut enim Filius primam proprietatem habet pertinentem ad generari, sive dici; ita Patri est prima proprietas incommunicabilis, ejus nempe personæ constitutiva, spectans ad dicere, sive gignere: nam hæc Patri convenit secundum quod habet intellectum secundum, qui intellectus est prima ratio productiva in ipso. Stat ergo Patrem esse origine Filio priorem, & subinde principium ejus, & interim secundum naturam esse simul coexistentes: & propterea prius, & posterius natura, non impedire hanc principiandi rationem, nec ullum locum habere in divinis, esto Pater verissimè sit Filii principium.

AD ARGUMENTA. Ad primum, concedo Patrem non esse causam Filii, aut Spiritus Sancti esto sit principium totius Deitatis, seu personarum, quibus est eadem Deitas communis. Ex quo enim causatum est natura ejus causa posterius; (est enim factus possibilis omnis effectus, & ita ut comparatur ad necesse esse, ab illo essentialiter dependeat oportet) & in Filio eadem natura independens reperiatur, quæ in Patre: fieri non potest, ut Filius a Patre dependeat, quia hæc dependentia in entitate independenti fundaretur quod est contradictio: cum una, eademque sit in producente, & producto: est ergo dumtaxat ibi præexigentia, quatenus procedens, & exiens præexistit principium, à quo sit, citra tamen omnem dependentiam, ratione originationis ejus, qua ei, qui exit eadem natura independens communicatur: ei autem ob infinitatem perfectionis, & necessitatis effendi, omnis dependentia est impossibilis.

Et cum dicitur Aristotelem docuisse principium, & causam dici ad convertentiam. Respondet, revera Aristoteles non videtur distinxisse inter principium, & causam etiam ut sempiterna intelligitur principiari: unde 2. *Metaphys. tex. 4.* dicit, *sempiternorum principia semper esse verissima necesse est, quia sunt aliis causa veritatis*, & 5. *Metaphys. cap. de necessario*, *Nihil prohibet, inquit, necessarium quorundam esse alteras causas*. Sempiterna ergo, quæ ipse posuit formaliter necessaria, concessit principia, vel causas habere, Sed nos putamus, uti *quæst. 11.* extitit declaratum) rationem causæ repugnare primo principio, ut comparatur ad ens necessarium, uti est Filius in divinis: sed causam esse respectu possibilitatis in quibus tantum est intelligibilis dependentia essentialis ad primum: & ideo præcisè attribuiamus Patri respectu Filii conceptum principium, quia à primate accipitur, quam habet ad productum ratione originationis suæ. Ratio igitur principii non ita adæquatè cum causa convertitur, ut reperi non possit sine causa natura: imo illa est communior causa, ut exemplificat Aristoteles 5. *Metaphys. lococit.* & non obscure quoque significavit in præallegata auctoritate ex 4. *Metaphys.*

Ad secundum dicendum, si nomine principiati intelligatur, quod ab alio est originatum, citra omnem ambiguitatem, esse admittendum Filium, & Spiritum Sanctum similiter, esse principiatum cum Filius à Patre, & Spiritus Sanctus à Patre, & Filio sit. Sed non propterea concedendum Filium possibilem esse: loquendo de possibilitate objectiva, in qua constituitur primum correlativum potentie activæ. Sic enim est possibile quicquid est non necessarium ex se: & cum divinæ per-

sonæ productæ, & originatæ sint ratione Deitatis ex se necessaria, licet non a se: hoc genus possibilitatis ad eas minimè pertinere potest. Extendendo nihilominus possibile pro eo quod opponitur *necessario a se*, esse originatum utique diceretur possibile: sed ad hunc sensum non videtur sancti communiter loquuti, sed nec etiam Philosophi. Non est ergo concedenda in personis productis alia possibilitas, nisi quatenus possibile opponitur *impossibili*: sed tale possibile non est terminus alicujus potentie productivæ: quia hoc modo possibile est Deum esse, cum tamen sit essentialiter improducibilis, ut terminus primæ potentie activæ. Nec mirum videri debet esse in Patre activam potentiam principiandi vel producendi Filium, & non reperi in originato possibilitatem illius potentie correlativam: Nam quia potentia activa in creaturis est perfectionis, rectè attribuitur Patri, at ei opposita possibilitas repugnat ei quod est ex se necessarium, cum involvat imperfectionem: ideo rectè transfertur ad divina id quod importat perfectionem, omisso reliquo, unde imperfectio intelligeretur: sed tamen transfertur secundum rationem communiorum, ut dicatur in Patre esse potentia activa producendi Filium, & non appelletur productum possibile, vel causatum, sed tantum principiatum, vel originatum.

Ad tertium dicimus, utique Patrem Filio priorem esse, non natura, sed origine, & ideo principium Filii, & etiam Spiritus Sancti. Porro ea prioritate aliud non importatur, nisi quod Pater non est originatus ab alio, sed est ex se improducibilis, Filius vero à Patre est originatus, & productus.

Ad quartum, declaratum fuit in *solutione* qualiter cum originis prioritate, & posterioritate optime coheret similitas naturæ, qualem exigit essentialia correlativorum.

## ARTICULUS II.

Utrum hoc nomen Pater, sit nomen propriè divinæ personæ.

Doct. locis in margine citatis, S. Thom. 1. p. quæst. 33. artic. 2.

VIDETUR hoc nomen Pater non esse propriè nomen divinæ personæ. Nam Proverb. 30. compluribus de Deo excitatis quæsitis, denique quærit Salomon, quod nomen ejus, & quod nomen Filii ejus, sinisti? Ex hoc arguomnis quæstio aliquod certum supponit, & aliquod dubium quærit, 7. *Metaphys. cap. ultimo*. In ea igitur quæstione supponitur Filium, & Patrem esse, & dubitatur, seu inquiritur de propriis nominibus eorum: Sed si Patris nomen propriè congrueret alicui divinarum personarum, nulla esset proposita quæstio; quia nec de existentia Filij, & Patris, nec de propriis nominibus eorum quidquam superesset per inquisitionem cognoscendum; ergo aut quæstio est frustra proposita, quod videtur inconveniens; vel nomen Pater non est nomen propriè divinæ personæ.

Præterea, Prius est Patrem gignere Filium quam Patrem esse; sed proprium nomen alicujus illud est censendum, quod intimioris rationis ejus est expressivum; ergo magis proprium nomen esse videtur generans, quam Pater. Probatio majoris; secundum Philosophum, 5. *Metaphys. tex. 20.* Relatio pertinet ad secundum modum, fundatur super

Filium Patre minorem esse, et si Patri attribuenda sit ratione principii donantis auctoritas. Sed perfectio non alia ratione Filius est in omnibus Patri equalis, nisi quia est unum cum Patre in Deitate, & ideo non est possibile esse utriusque esse omne causatum, sed principari, uti & originari formaliter hanc non involvit possibilitatem; ideo extra erroris periculum transfertur ad divina, sicuti & ejus correlativum. (\*) Report. dist. 28. q. 2. Respondeo num. 8.

1. dist. 8. q. 5. 9. Ad argumenta posita V. Ad primum 2. dist. 1. q. 7. 5. Tenendo V. Ad secundum principiale.

Quodlib. q. 7. 9. Secundo dam V. Dico.

Doct. 4. Metaphys. q. 2. num. 11. 1. dist. 20. 5. Quamvis et 5. V. Plurimum. Oppositum dicit S. Thomas hic 5. Ad secundum Quod & declarat Hilarii auctoritate 9. de Trinitate. negant

1. dist. 26. 9. Contra istam opinionem V. Secundum numero 27.

Quodlib. q. 4. 5. Contr. istud.



super actionem, & passionem; igitur ideo Pater est Pater, quia genuit, & ideo Filius, quia genitus; ergo sicut fundamentum non est idem relationi, nec è converso; sic generatio, & paternitas sese mutuo excludunt.

Ubi supra.

Confirmatur ex Hilario 9. de Trinit. cap. 13. ita scribente, *exitio autem a Deo est absoluta natiuitas, quam pater sui nominis consequuta est confessio*: igitur expressè dicit paternitatem primæ personæ inesse ex natiuitate, siue generatione. Quod & declaratur, quia Pater non est Pater ex hoc, quod generat, sed quia genitum habet, secum coexistens: habere autem genitum coexistens, differt ab eo quod est generare: nam in animalibus decidens semen, actum exercet generationis, eo modo, quo sibi is actus congruit, nec propterea tamen est tunc genitum illi coexistens: tunc igitur non est Pater, sed cum opera actus generationis coexistit sibi genitum. Atque in eandem sententiam loquitur Augustinus 7 de Trinit. cap. 2. *Pater, inquit, non est Pater, nisi quia est ei Filius, non autem est Filius nisi per generationem.*

Præterea, Paternitas relatio est, qua Pater refertur ad Filium, ut Filius filiatione ad Patrem; igitur si nomen *Pater* esset proprium alicujus personæ divinæ, eo nomine relatio per se exprimeretur. Sed juxta dicta, *quæst. 40. art. 4.* Persona per se non importat relationem, ut nec substantiam, sed quid indifferens ad utrumque; ergo *Pater* non est proprium nomen divinæ personæ.

1. 2. 13. quæst. 2.

CONTRA, *Exitio a Patre, & veni in mundum, iterum relinquo mundum, & vado ad Patrem, Joan. 16.* & alibi frequenter Saluator *Patrem* appellat personam, à qua ante sæcula genitus est: ergo id nomen est proprium illius.

RESPONDEO, Supposita communiori sententia docente divinas personas constitui relationibus illis, quas Saluator in Evangelio expressit (et si opinio tenens constitui absolutis rationibus non sit improbabilis, nec contra Fidem, ut exponetur infra, *quæst. 40. artic. 2.*) dicendum ea omnino esse propria nomina divinarum personarum, quibus expressè significatur earundem & constitutum, & distinctum; subinde igitur *Patris* nomen esse proprium primæ personæ. Declaratio: Nam ratio personæ in se est ista, incommunicabilis existentia in natura intellectuali, ut latè expositum est supra, *quæst. 29. artic. 1.* illud igitur erit alicujus personæ proprium, & nulli alteri competens nomen, quod adequatè exprimit, tum præterea importat characteristicam proprietatem ejus personæ, de qua revelans edocere nescientes intendit: Nomine autem Patris & significatur incommunicabilitas existentie in natura intellectuali. & ulterius *quis sit* ita incommunicabiliter subsistens; ergo nihil ei nomini intelligitur deesse, quominus ejus personæ omnino proprium esse dicatur. Probatio minoris: siquidem relatio paternitatis est penitus incommunicabilis, uti & relique relationes originis, & insuper manifestativum determinatæ personæ subsistentis; igitur & persona, quæ paternitate constituitur, est incommunicabiliter subsistens, adeoque exactè præseferens communem personæ rationem. Cum enim relationes originis passivæ sint omnino incommunicabiles; impossibile namque est, eandem personam bis produci, vel accipere esse; ac proinde cum in divinis esse nequeat nisi unicus Filius, unicusque Spiritus Sanctus, consequenter unica tantum esse potest generatio passiva, & unica passiva processio; igitur pariter & generatio activa est intrinsecè, & essentialiter incommunicabi-

lis, alioquin Filio communicaretur, qui subinde Filius vel alium haberet, vel certè se ipsum gigneret, quod est impossibile; ex generatione igitur activa prima persona habet incommunicabiliter subsistere, quam quoniam adequatè exprimit nomen *Pater*, qui activa generatione, & non alia proprietate est incommunicabiliter subsistens, id nomen sit oportet proprium personæ Filium generantis. Deinde, ex eo tantum Patris nomen non foret propriè expressivum rationis personæ divinæ, quia aliud nomen id ipsum exactius præstaret, ac proinde illud, & non istud *Patris* esset tanquam nomen proprium personæ usurpandum: Hoc autem non videtur sentiendum, non solum ex eo quod Saluator docens Ecclesiam suam, nomina Patris, & Filii, & Spiritus Sancti revelando, propriis characteribus, sentiendum est divinas personas exprimere voluisse: Sed etiam, quia cum Pater sit origine Filio prior, nihil sibi acquirere potest ex generatione Filii, sed totum origine prius magis præhabet. Si autem aliud nomen ei magis propriè, ac intimus congrueret, per actum generationis suæ acquireret paternitatem; non enim ex hac hypothesi foret primo persona paternitate, sed alia ratione, qua intelligeretur persona significanda nomine aptiori; ergo veluti ex consequenti esset Pater, & non à se; non ergo quidquid habet prima persona à se possideret, sed magis rationem paternitatis à Filio, seu per actum generandi Filium ex consequenti acquireret: Quemadmodum Plato albus efficiens alium album, ex consequenti se illi similem facit, nec à se dicendus est illam similitudinem habere. Quoniam ergo id est contra mentem sanctorum constanter affirmantium, Patrem nihil accipere à Filio, sed totum à se ipso possidere, & origine præhabere, nomine *Patris* exactè, ac adequatè exprimi divinam, primamque personam, & nullum aliud nomen magis propriè illi convenire, manifestum est.

AN ARGUMENTA. Ad primum respondeo, uti nomen *Pater* est proprium primæ personæ in divinis. ita & *Filii* nomen esse proprium secundæ. Salomon igitur, querens Filii nomen, non seiscitatur, quomodo absolute vocetur illud subsistens in Deitate, cum ipsum *Filius* appellat, sed querit nomen Filii incarnandi.

Ad secundum respondeo, in eodem penitus signo Patrem Filium gignere, & Patrem esse, quia eadem relatio realis est *gignere, generativus, & paternitas*, d. cente Fulgentio de Fide ad Petrum, cap. 2. *Proprium solius Patris est, non quia est natus ipse, sed quia Filium generavit*: & Hilario, 12. de Trinit. *Patris proprium est, quod semper est Pater, & Filio, quod semper est Filius*. Non est autem nisi una proprietas personæ unius personæ; non sunt ergo aliæ, & aliæ proprietates, *generativus, vel activa natiuitas, & paternitas* licet sub diversis rationibus concipi queat. Est igitur major argumenti neganda; & cum probatur, quia paternitas fundatur super generationem activam, secundum Aristotelem. Responsio, si in creaturis aliquo modo generatio est paternitate prior, ea prioritas non pertinet ad fundamentum relationis, quasi paternitatis esset generatio fundamentum, quia potentia generativa, seu natura, quæ generat, est fundamentum relationis paternitatis; generatio igitur est prior, tanquam dispositio: igitur est prior, tanquam dispositio prævia, qua non existente, nec paternitas inest; ac proinde mutuo sese excludunt, sicuti prævia dispositio non est terminus complexus, & è converso. At hæc distinctio locum habere non potest in divinis, cum

Quodlib. 9. 4. loco cit. in argumentando.

1. Report. dist. 26. q. 1.



non sit generatio, nisi completa, ac necessario secum ponens terminum in esse perfectissimo, ac proinde paternitatis relatio non sequitur communicationem per modum naturæ, sed eademmet communicatio, vel generatio est paternitas, & è converso.

Ad confirmationem ex Hilario dicendum, nomen paternitatis consequi generationem non in se, cum una, eademque sit personalis proprietas, generatio, & paternitas, sed quatenus comparatur ad generationem, & paternitatem in creaturis. Nam ea in comparatione est unius ad alteram consequutio quædam penes intellectum eo ordine intelligentem, quo in creaturis est consequutio realis terminum completi ad præviā dispositionem: Ubi enim aliqua distinguuntur ratione eundem ordinem rationis servant, qualem haberent, si realiter distinguerentur.

Potest etiam exponi Hilarii auctoritas sic; confessio nominis paterni consequuta est mundi creationem, imo etiam ipsum nomen Patris, respectu omnis intellectus creati; nam Filii nativitas latet, nec sciri potest adeo ineffabile secretum, nisi per revelationem; sed ipsa in se paternitas non extitit sequela nativitatis, nisi secundum rationem, ut dictum est, & magis declarabitur insequentibus.

Augustini auctoritas non est intelligenda, quasi sit ordo causalitatis, vel fundamenti inter generationem, & paternitatem; nam ipse eodem lib. 7. cap. 6. sic scribit, *Non dicitur filius, nisi quia habet Patrem*. In per se autem ordinatis nequit unum intelligi causa alterius, & è converso, quia tunc esset circulus in per se ordinem habentibus. Non ergo intellexit generationem esse causam paternitatis; sed magis voluit mutuo se habere ad invicem; unde subdit *ibidem* cap. 11. *Pater non est Pater, nisi quia est ei Filius*. Esti igitur generatio, & Paternitas servant ordinem rationis, qualis versatur inter eas, ubi realiter distinguuntur; attamen exinde non fit unum esse causam, vel fundamentum alterius.

Ad tertium respondeo, admittendo personæ rationem, non importare per se substantiam, aut relationem; & item nomine *Patris* significari respectum ad Filium: negatur id non esse adstruendum proprium ejus personæ nomen; quia sibi non congruit personæ conceptus abstractus, etsi & is in ejus ratione essentialiter includatur, sed potius specialis personæ nomine est exprimenda: ea autem specificatio est; quia per relationem constituitur, & ab aliis realiter distinguitur, quibus sunt alia formalia constitutiva, & distinctiva,

### ARTICULUS III.

Utrum hoc nomen *Pater* dicatur in divinis per prius, secundum quod personaliter sumitur.

Doct̃or locis in margine citatis. S. Thom. 1. p. quæst. 33. artic. 3.

**V**IDETUR nomen *Pater* non dici per prius in divinis secundum quod personaliter sumitur; Etenim notionalibus essentialia per prius intelliguntur inesse Deitati: sed Deus dicitur *Pater* creaturarum secundum essentialia, communia tribus personis: è contra vero est Filii *Pater* notionis Paternitatis: ergo id nomen in divinis non dicitur per prius prout sumitur personaliter. Probatio minoris, seu Deus dicatur *Pater* noster, ra-

tione filiationis adoptivæ per gratiam, seu dicatur *Pater* creaturarum ratione creationis, id profecto ex æquo convenit tribus personis possidentibus eandem perfectionem essentialem, de qua procedit quicquid est in creaturis: igitur per prius inest Deo paternitas, ut est tribus communis, & exinde, ut sumitur personaliter.

Præterea, Quicquid est in Patre à se plenissime possidet, sic ut prius origine sit in ipso, ac posterius origine in Filio: ut enim *Pater* non est sapiens sapientia genita, ita nec est potens, vel causans potentia genita: Sed de virtute activa ejus procedit, & inest paternitas respectu creaturarum, de potentia autem productiva, est quod sit Filii *Pater*; ergo ut est origine prior sequitur in ipso esse *Patrem* creaturarum, quam Filii; alioquin Filii potentia, & non à se attingeret quicquid producit in creaturis.

Præterea, In his, quæ sunt ejusdem rationis non est prædicatio per prius, & posterius: Sed Paternitas, & filiatio secundum eandem rationem dici videntur prout persona divina est *Pater* Filii; at prout Trinitas est *Pater* noster; ergo non dicitur *Pater* per prius secundum quod personaliter sumitur, & prout essentialiter accipitur.

CONTRA, Augustinus, 5. de Trinit. cap. 14. *Sicut Pater, & Filius unus Deus, & ad creaturam relative unus Creator, & unus Dominus, sic relative ad Spiritum Sanctum unum principium. Ad Creaturam verò Pater, & Filius, & Spiritus Sanctus unum principium, sicut unus Creator, & unus Dominus*. Dicit ergo expresse prius existere oportere Patrem, & Filium indivinis, qui sint unum Spiritus Sancti principium, & exinde à tribus personis uno, eodemque principio causativo esse procedere creaturam.

RESPONDEO dicendum, nomen *Pater* simpliciter prius dici de prima persona divina Filium producente, quam per quemcunque ordinem ad creaturas. Declaratio: Persona aliqua in divinis est, & vocatur *Pater* ratione necessariæ productionis, quatenus intellectui infinito adest objectum præsens infinitæ intelligibilitatis; est vero ac dicitur *Deus Pater* noster prout liberè, & contingenter causat, & dat esse creaturis vel simpliciter, vel secundum aliquam perfectionem earum: Sed productioni contingenti necessario præsupponitur productio summæ necessitatis; Nam necessarium præsupponere contingens est impossibile, at contingens præexigere omnino necessarium, est evidens; igitur per prius simpliciter oportet primam personam producere secundam, ac esse illam Patrem, hanc Filium, & expleri subinde ordinem productionum necessariarum, & exinde accipere esse creaturam per liberam, & contingentem productionem; ergo omnis, & quælibet paternitas, quæ esse potest in Deo per respectum ad creaturam, est necessario posterior absolutò, & completo ordine productionum intrinsecarum. Cum enim intrinseca Productio sit ad terminum infinitum, quia ea communicatur essentia infinita; extrinseca vero tantum ad terminum finitum esse possit, qui simpliciter proinde potuit non fuisse, nec esse, hæc omnino sequatur oportet ad illum; alioquin infinitum ad sui esse præexigeret finitum, quod est impossibile. Deinde, Dei ad Creaturam esse non potest respectus realis; quia tunc magis necessarium referretur ad contingens, vel minus necessarium: atque ita ex hypothesi: quod minus necessarium deficeret, & una destrueretur magis necessarium, quod implicat contradictionem; omnis ergo paternitas, qua *Deus Pater* appellatur in ordi-

1. dist. 32. quæst. 2.

1. dist. 12. qu. 2. 6. Respondeo.

S. Thomæ secundum principale.

1. dist. 12. qu. 1. 5. Secundo. V. Hoc confirmatur.

2. dist. 1. q. 10. 6. Ad solutionem questionis.

Quodlib. q. 14. 6. Hi intelligendū

Quodlib. quæst. 1.

1. dist. 5. q. 1.

1. dist. 31.

1. dist. 2.



or line ad Creaturam, est respectus ratio- nis; Sed paternitas, qua est Pater Fili unigeniti, est relatio realis, quæ est & Fili ipsa generatio, realiter quæque distincta à filiatione, & principium constitutivum personæ Patris: Notionalia autem quæque in Deo priora sunt essentialibus involventibus respectum rationis ad creaturas; Pater igitur per prius dicitur secundum quod sumitur personaliter, Unde & dicit Apostolus, ad Ephes. 3. *Flecto genua mea ad Patrem Domini Nostri Jesu Christi, ex quo omnis paternitas in Cælo, & in terra nominatur*: Ex quibus verbis Damascenus lib. 1. cap. 1. infert nomen Paternum non esse translatum à Creaturis ad divinam, sed primario expressa persona Patris, exinde ad creaturas descendisse, aliisque significandis diversarum rationum paternitatibus applicatum esse. Sed qualia nomina Deo, & creaturis communia per prius, & posterius de iisdem dicantur, fusè dictum fuit, *quæst. 13. artic. 2.*

AD ARGUMENTA. Ad primum respondeo, etsi essentialia non dicentia respectum ad extra priora sint aliquot notionalibus, ut ad essentiam divinam comparantur; attamen omni essentiali includente respectum ad extra, immediatius est essentia aliquid notionale: Nam ejusmodi essentialia non conveniunt Deo, nisi per operationem intellectus comparantis illa ad Creaturas: notionaliter vero inest illi ex natura rei. Seu igitur sermo sit de paternitate, qua Deus adoptat in filios creaturas rationales, & intellectuales, gratiam sanctificantem enlargiendo: seu loquamur de paternitate, secundum quod dat esse naturale omnibus aliis à se, hæc denominatio non convenit Deo, nisi quatenus terminat dependentiam creaturarum, ad eaque per intellectum comparatur. Est igitur Pater adoptans, & creans per virtutem infinitam, tribus quidem communem, sed per posterius sibi congruentem, ac infinita notionalia, quia aliud non sunt illæ denominationes, quam respectus rationis, ex tempore exurgentes per effectum novitatem: etsi rectissime illi conveniant ex reali dependentia creaturarum ad ipsum. Quemadmodum ergo his denominationibus carere potuisset, si producere eos effectus noluisset, ita in infinitum posterius illi insunt: Contra vero cum notionalia quæque necessario Deitati insint, sic ut aliter fieri non possit, ita ultra omnem existimationem per prius inesse oportet notionalia divinis personis omnimodam habentibus necessitatem ratione essentia ipsi communis. Sed videndus *articulus 6. quæst. 13. cit.*

Ad secundum, concedo Patrem in divinis cunctas perfectiones à se habere, ut Filius à Patre, & ita à se esse sapientem, & omnipotentem: Et cum subditum ex virtute sua activa acquirat paternitatem respectu creaturarum. Dicendum hanc denominationem paternitatis resultare non posse, nisi communicata sit tribus: id est, fieri non potest, ut producantur creaturæ, aut aliquid in eis, nisi post completam productionem ad intra. Quamvis ergo Pater à se producat, & Filius attingat eundem effectum à Patre, nempe per principium activum acceptum à Patre, attamen unum sunt, idemque principium, unà cum Spiritu Sancto ad omne, quod extra Deum fit, & geritur. Patrem ergo prius origine Filio producere, non est per prius effectum attingere, sed tantum independentem à persona alia producente causare, cum ipse sit ingenuus, & ideo prior origine Filio, qui à Patre est, & accipit principium producendi.

Tomus I.

Ad tertium negatur paternitatem dici secundum unam rationem proat respicit Filium æternum, secundum quod est respectu creaturarum per adoptionem inter filios adier parum. Nam dicitur Filius primogenitus omnis creaturæ, secundum similitudinem quandam remotam: est autem unigenitus Patris per nativitatem, qua sibi communicatur eadem omnino natura. Hanc responsionem putamus recipiendam ex hypothesi, quod nihil sit commune ejusdem rationis relationi reali, qualis est paternitas notionalis, & respectui rationis, in quosita est ratio paternitatis essentialis. Supponendo tamen illis extremis esse quid commune, dicimus, hanc conceptus unitatem non impedire, quin paternitas Dei ad creaturas sit in infinitum posterior paternitate, qua constituitur Pater, & distinguitur à Filio: quia is conceptus est inadæquatissimus, & abstractissimus, ei proinde non correspondens aliqua realitas, cujus sit expressivus. Et etiam si exinde sequeretur in una communi voce paternitatis intelligi non posse prius, & posterius, juxta dicta, *art. 6. cit. quæst. 13.* attamen in natura rerum voce illa significaturum, est analogia, & attributio imperfectæ paternitatis ad perfectam, qualis est in prima persona divina: non ita intelligendo, quasi in ea una Dei paternitate reliquæ omnes virtualiter contineantur, cum ipsi non sit formaliter infinita, aut perfecta: Sed propterea quod creaturæ omnes nativitates, & generationes, unde est paternitas, & filiatio, ex illa sublimissima, ineffabili, ac in infinitum omnium prima, id nomen accipiant pro mensura, ac participatione rei per vocabula paternitatis, & filiationis significatur.

#### ARTICULUS IV.

Utrum esse ingenuum sit Patri proprium.

Doctores 1. dist. 28. qu. 1. in utroque Scripto.  
S. Thom. 1. par. quæst. 33. art. 4.

**V**IDEATUR ingenuum non esse proprietas Patris: Etenim si tanquam proprium attribuendum sit Patri esse ingenuum, ex eo hæc ratio nulli alteri conveniret: Id autem est falsum: ergo non est proprium Patri esse ingenuum. Probatio minoris: essentia divina est formaliter ingenua, item & Spiritus Sanctus est ingenuus: ergo non est proprietas Patris. Probatur assumptum: essentia non generatur, ut nec est generans: ergo non est genita, & ulterius ergo est ingenua. Hæc ultima consequentia probatur ex August. 5. de Trin. cap. 7. dicente idem esse ingenuum, & non genitum. Prioris autem consequentiæ probatio est ista: Affirmativa de prædicato infinito, sequitur ad negativam de prædicato finito, & è converso cum constantia subiecti per Philosophum 2. Peribem. Consimiliter argui potest de Spiritu Sancto, si non est genitus: ergo est non genitus: & ultra igitur est ingenuus.

Præterea, Omnis proprietas personalis est relativa, quia quicquid ad se dicitur commune est tribus, ut 5. de Trin. frequenter dicit Augustinus: sed ingenuum non dicit relationem: ergo non est proprietas personalis. Probatio minoris: si ingenuum importat relationem: igitur omne ingenuum est relatum. Hæc etiam est vera, omne genitum est relatum, ipsa per contrapositionem conversa, sequitur omne non relatum est non genitum. Tunc arguo, omne non genitum est relatum: omne non relatum est non genitum: ergo omne non relatum

D d 2 est

S. Thom. hic  
9. Ad secundum.

1. dist. 29.

1. Report.  
dist. 29. De  
quo infra q.  
36. art. 4. in  
incidenti.

1. Report.  
dist. 28. q. 2.  
9. Respondeo.

Quodlib. q.  
1. 9. De se-  
cundo.

3. dist. 10.  
9. Ad opposi-  
tum.

5. dist. 30.

De his supra  
quæst. 13. art. 7.

1. dist. 12. q.  
2. Respondeo.



est relatum. Conclusio impossibilis; ergo aliqua præmissarum falsa: non ista, quæ sequitur ex vera per contrapositionem; ergo alia.

Præterea, *Ingenitum* formaliter vel dicit tantum privationem in genere, vel tantum negationem; ergo ex sui ratione formali non dicit aliquam dignitatem, nec aliquid ad dignitatem pertinens; ergo *ingeniti* ratio non est connumeranda inter proprietates personales.

Præterea, Ex eo quod proprietas Patris olim dicta sit & innascibilitas, vel *ingenitum* esse, Ariani exinde probare nitebantur alterius substantiæ esse Patrem, alterius Filium, quia ille *ingenitus*, & iste *genitus* dicitur. Quod soluturus Ambrosius, negat Patrem dicendum *ingenitum*, quod id nomen in divinis Scripturis non legisset; igitur & ad præcludendum occasionem erroris, & funditus evertendum argumentum Hæreticorum, præstat negare inter Patris proprietates locum habere, & esse *ingenitum*.

Præterea, Proprium est quod uni soli convenit. Sed cum sint in divinis plures ab alio procedentes, nihil videtur prohibere, quin etiam sint plures ab alio non existentes; Non igitur est proprium Patri esse *ingenitum*.

CONTRA, August. quæst. 2. ad Orosium *Non duos esse ingenitos, certa fides declarat; ergo esse ingenitum est solius Patris proprietas.*

RESPONDEO, Quoniam actio composita ex aliquo multiplici, & particula negativa, est dupliciter multiplex, nempe & ex multiplicitate affirmationis, & ex multiplicitate negationis, secundum Philosophum 5. *Metaphy. cap. de Potentia*. Subinde nomen *ingenitum* multiplex esse intelligitur, tum ex multiplicitate ejus, quod est *genitum*, tum ob particulam privativam multipliciter.

Est igitur exponenda utraque multiplicitas, ut omni exclusa terminorum æquivocatione, constet de propria *ingeniti* acceptione, sub qua affirmatur esse Patris proprietas, & nulli alteri ab ipso proinde convenire. Itaque *genitum* propriè est, & dicitur productum per generationem, ut primus, & adæquatus terminus ejus. Secundo extendendo nomen *genitum*, dicitur *genitum*, quod communicatur per generationem, estque terminus formalis generationis, ad quem sensum loquitur Hilarius, cum dicit, *nihil nisi natum habet Filius*. Tertio, magis extenditur *genitum* ad productum, sive ad præexigens generationem, licet ipsum in se revera non sit terminus generationis primarius, nec formalis. Atque his omnibus modis multiplex est *ingenitum*, prout *genitum* excludere, ei que opponi intelligitur.

At ratione syncategorematis in adhuc *ingenitum* est multiplex pro ratione diversarum acceptionum particule privativæ. Primo igitur propriissime privatio dicitur, *quum aliquid caret aliquo, eo modo, quo est natum ipsum habere*. Secundo, quum est carentia alterius, *quod inesse quidem potest, non tamen pro eo tempore*; & ita catelli visione privantur ante nonum diem. Tertio tandem sub privatione intelligitur subiectum, quatenus caret aliqua perfectione, quæ est impossibile sit rationi specificæ ipsius, attamen intelligitur non repugnare rationi ejusdem communiori. Quod privationis genus pluribus constat gradibus. Nam lapis caret anima, quam posset ratione corporis habere; caret spiritualitate, qui gradus nihilominus substantiæ non repugnat; ac denique est expertus infinitatis, quæ tamen infinitas enti, ut ens est, congruit.

Nomine igitur *ingeniti* ratione particula in significatur privatio, & insuper negatio includitur, & exprimitur. Porro negatio duplex est, nimirum extra genus, ut non *Socrates*, quæ dicitur de ente, & non ente: Et in genere, quæ scilicet præsupponit naturam generis, de qua dicitur; genus enim quasi commune habitui, & privationi, est illud, cui convenit aptitudo ad utrumque; Eaque potest multipliciter intelligi pro ratione multipliciter generis magis, & minus communis. Veruntamen acceptis negatione in genere communissime, & privatione secundum genus communissime, in eandem rationem formalem coincidere videntur; quia negatio in genere quum negat formam, quæ inesse potest, secundum gradum communioris, eo ipso privatio est secundum genus.

Itaque extendendo illud, quod hic genus appellamus, quicquid est commune ad tres personas, ut *personæ*, vel *subsistentis* ratio, quasi genus in proposito intelligitur: ubi exinde rectè dicatur Patri inesse negatio alicujus prædicatur secundum genus, quatenus id natum est competere nedum enti, verum etiam supposito, quod est Patri, Filioque commune. Juxta quem intellectum nomen *ingenitum* potest quadrupliciter accipi. Primo quidem propriissime, prout significat carentiam propriam ejus, quod importatur nomine *geniti*, & aliud non est, quam primum productum per generationem. Sub hac acceptione non est *ingenitum* in divinis, quia nulla personarum caret forma aliqua, quæ sibi potest inesse. Et quoniam tantum reperiri potest ubi una persona genita, ea non est *ingenita*, sed necessario *genita*. Secundo, prout *ingenitum* dicit carentiam *geniti* propriè sumpti, connotando subsistentem, sive personam; Et secundum hanc acceptionem Pater dicitur *ingenitus*, & Spiritus Sanctus similiter; uterque enim est subsistens, & non *genitus*. Sed non similiter est essentia appellanda *ingenita*; nam esset non *genita*: non est tamen subsistens, ut subsistit persona. Tertio accipitur *ingenitum*, ut importat negationem termini formalis communicati per generationem; quo sensu essentia non est *ingnita*, nec *ingenitabilis*, quasi careret aptitudine, secundum quam est communicabilis: Quamquam ut in Patre, dici queat non communicata, & ita *ingenita*. Quarto denique intelligitur *ingenitum*, quod importat *geniti* carentiam secundum genus communissime sumpti, ut nomine *ingeniti* nil aliud exprimitur, quam subsistens non productum. Et juxta postremam hanc acceptionem dumtaxat *ingenitum* est Patris proprietas, nulli alteri congruens personarum. Nam, ut ait Augustinus 15. de Trinit. cap. 26. *Pater solus non est ab alio, ideo solus appellatur ingenitus*. Secundum quod igitur *ingenitum* significat negationem *geniti*, sive producti communissime sumpti connotando subsistens in natura divina, uni, & soli Patri sic convenit, ut sibi repugnet produci, ac proinde solus est improductus, & *ingenitus*. Est enim quoad rationem, & conceptum personæ, sibi aliisque communem non intelligatur repugnantia ulla passivæ productionis; quia tunc omnis persona esset improducta: nihilominus, ut Patris persona est, involvit necessariam negationem producti, ut proinde necessariò intelligatur esse *ingenita*, & improducta, veluti necessaria sequela divinæ paternitatis: personæ autem conceptus in communi est indifferens ad utrumque, quia idem reperitur in duabus productis, & in una *ingenita*, & improducta, & improducibili, ut est Persona Patris.

Ad

S. Thomæ  
quarum prin-  
cipale.

Videndum  
Mayron. hic  
de multipli-  
ci inexisten-  
tia, & accep-  
tione priva-  
tionum; &  
ejus quod  
est *ingenitum*  
esse. Sed omnia  
ex Magistro  
Scoti.

Solutio quæ-  
siti. Ad hunc  
sensum Hil-  
larius 3. de  
Trin. attri-  
buit Patri  
æternitatem  
nempe quia  
convenit ei  
proprio ip-  
sius; quod  
& probatur  
Augustino  
6. de Trini-  
cap. 10.  
Videndum  
articulus 8.  
quæst. 39.



AD ARGUMENTA. Ad primum respondeo jam declaratum extitisse, qualiter eo modo, quo Pater est *ingenitum*, est proprietas ipsius, nec essentia nec Spiritui Sancto ita congruere rationem ingeni, Spiritus enim Sanctus simpliciter produci-  
tur, ac procedit à Patre, & Filio; essentia vero est terminus formalis productionis personarum: Contra vero Pater, nec ut terminus primarius, nec secundarius produci-  
tur, ac proinde est solus ingenuus, & ingenerabilis.

Ad formam tamen argumenti logicè procedentis, dicimus minorem esse falsam: Et cum probatur auctoritate Philosophi 2. *Periherm*. Dico illam Philosophi consequentiam tenere virtute hujus principii: *Quocunque remouetur unum contradictorium, de eodem dicitur & reliquum*: at minime concludi posse affirmativam de prædicato infinito sequi ad negativam de prædicato finito, nisi ubi illud prædicatum infinitum significat negationem extra genus contradictorium affirmationis: quia negatio in genere non contradicit affirmationi. Nulla est ergo hæc illatio: *non est genitum: ergo est non genitum*, nisi in negatione extra genus: Sed hoc modo *non genitum* non convertitur cum *ingenuo*: quamvis convertantur, cum intelligitur *non genitum* importare negationem in genere: quo sanè modo intelligit Augustinus in prælegata auctoritate.

Ad secundum, utique in communi hypothese, quod personæ constituentur per relativas proprietates, nullam ejusmodi proprietatem importare aliquid ad se: sed nihilominus minime oportere omnem proprietatem dicere relationem positivè, sed satis esse, ut unaquæque ex illis sit ad aliud positivè, vel negativè. Si enim relatio sit personalis, & propria alicujus personæ, negatio etiam relationis ejus erit personalis, propria alii personæ: ac proinde non ad se, nec omnibus communis. Concedendum est igitur *ingenitum* dicere relationem, non positivè, sed negativè. Sed tunc illam, *omne non genitum est relatum*, esse falsam: nec tamen sequi, ergo *nongenitum* dicit aliquid ad se. Bene tamen inferri, vel innuere aliquid ad se, vel negationem propriæ relationis sive relationem negativè, & ita concedendam conclusionem, omne non relatum est relatum; scilicet positivè, vel negativè.

Ad tertium est responsio dicentium, *ingenitum* esto dicat negationem, esse tamen Patris proprietatem, ac subinde pertinere ad dignitatem ejus quatenus connotat aliquod positivum: id autem positivum connotatum ponitur esse fontalis plenitudo, quæ est in solo Patre, in quo residet omnis fecunditas tam ad intra, quam ad extra. Contra, Fontalis hæc plenitudo in Patre certe non intelligitur, ut est principium creaturarum, quia ita principiare ex æquo convenit tribus. Ad intra autem est in Patre gemina fecunditas, nempe ad generandum, & spirandum; sed hæc completa fecunditas aliud positivum in Patre non importat, quam essentiam; non enim statui potest in aliqua positiva relatione: nam in Patre est tantum activa generatio, & spiratio item activa, & ultra hos nemo adtribuit tertium respectum in illo, nomine fontalis plenitudinis significatum. Deinde, *ingenitum* non connotat fontalem illam plenitudinem, quatenus connotat primam fecunditatem. Nam secundum Augustinum, 5. de Trinit. cap. 6. *Esse Pater Filium non genuisset, nihil prohiberet eum dici ingenuum*. Igitur *ingenitum* potest præcedere generationem activam; uti Philosophi subsistens *ingenitum* apprehendebant in Deitate sine

generatione activa. Neque secundum quia si per impossibile non produceret per modum voluntatis, adhuc tamen esset status in generatione ad aliquam personam ingenuam sub propria ratione: ergo illa fontalis plenitudo, quæ importare ponitur duplicem fecunditatem, non potest connotari per hoc, quod est *ingenitum*. Denique ratio, cui innituntur non videtur subsistere, quia si proprietas personæ diceret dignitatem simpliciter: igitur persona, quæ non ita est fecunda, non haberet omnem dignitatem simpliciter: quod est inconveniens.

RESPONDEO igitur ad inductum argumentum, *non ingenuum* sub propria sui ratione, quatenus nimirum significat non habere genitorem, esse proprium Patris, ac sufficienter dignitatem importare, id est, non indignitatem: Et porro ad personalem proprietatem sufficere videtur, quod ex se indignitatem non involvat. Quemadmodum & de personalibus probabilissime philosophamur, quæ etsi negentur esse simpliciter perfectionis, non tamen ponuntur involvere quidem imperfectionis. Ita & *ingeniti* proprietas quamvis formaliter importet negationem: negat enim genitorem primæ personæ: est nihilominus dignitatis in ipsa, uti ad dignitatem secundæ personæ spectat genitorem habere: Nec tamen oportet illam esse dignitatem alicujus positivi connotati nomine *ingeniti*: Potest ergo negatio esse dignitatis in aliquo, quatenus arceat dignitatem importatam ab opposita affirmatione: perinde ut dignitatis est in Rege non esse scurræ, aut mercatorem, ut dictum fuit, q. præcedenti art. 3.

Ad quartum respondet Mag. 1. dist. 28. cap. 11. *Idem etiam*, revera Ambrosium *ingeniti* vocabulo uti noluisse propter Hæreticos: qui exinde maligne, & perperam nitebantur deducere Patrem esse alterius naturæ à Filio, ut refert, & latè confutat August. 5. de Trinit. cap. 6. & 7. Quia igitur tempore Ambrosii ingenuum nomen non adeo innotuerat, uti postea per Doctores Catholicos declaratum fuit; nec ad fidei expressionem sic necessarium erat, ut oporteret proinde quemlibet Catholicorum eo utique nomen primam personam illa proprietate exprimere, & notificare simplicibus fidelibus occasio non levis extitisset erroris: propterea quod videretur eo importari aliquid ad se, cum non ita manifestè per tale vocabulum significetur relatio, sicuti *geniti* voce; ideo inquam tunc temporis tutius, & opportunius fuit, ejus nominis usum non esse omnibus communem, quamvis cæteroquin proprietates nomine *ingeniti* significata in se propriæ, & primo competat Patri.

Ad quintum respondetur sic: Quemadmodum in quolibet genere oportet ponere unum primum ita & in divina natura necesse est adstruere principium, quod ab alio non sit: id autem principium *ingenitum* est, & dicitur. Affirmare igitur duos innascibiles perinde est ac duos Deos rerum universitari præponere, duasque subinde naturas divinas. Unde Hilarius in libro de Synodis post medium, dicit, *Cum unus sit Deus, duo innascibiles esse non possunt*. Idque præcipue quia si essent duo innascibiles, unus eorum ab alio non esset, atque ita non oppositione distinguerentur relativa, sed magis diversitate naturæ. Contra, Unitas divinæ essentia ex eo potissimum ostenditur, quod impossibile sit intensive infinitum dividi in plures naturas: tunc enim nullum ex illis foret intensive infinitum. Non autem perinde est manifestum *ingeniti*, aut *innascibilis* rationem repetiri

Videnda  
Glossa Magistri  
Liche-  
ti.

S. Bonaven-  
re responsio 1.  
dist. 27 q. 1.  
& dist. 28.

S. Thomas  
responsio hic  
t. ad quæ-  
stionem.

1. dist. 2. q. 7.  
6. Non re-  
spon. V. Con-  
tra no. 35.



periti non posse in pluribus suppositis; ergo ex Dei unitate non est inferenda unitas, vel immultiplicatio innascibilis; Probatio antecedentis: Ratio innascibilis, vel ingeni non dicit aliquam perfectionem simpliciter ex qua perfectione concludi queat ejus immultiplicabilitas, sicuti ob infinitam perfectionem divinæ essentiae vere, & recte concluditur unitas Dei; ergo ex ratione unitatis essentiae divinæ non convincitur & unum debere esse ingenum. Similiter, auctoritas Hilarii, quæ adducitur, affirmat quidem rem ita se habere, sed non probatur ulla ratione sic esse oportere. Deinde, qui putant, & non improbabiler divinas personas non constitui, nec distingui relationibus originis, negant hanc consequentiam: Non distinguuntur duo innascibiles per relationes originis: ergo naturæ diversitate: Nam possent distinguui proprietatibus absolutis: atque ita medium non est notius conclusionē.

Ad argumentum itaque respondeo ex dictis *quæst. 30. art. 2.* esse *ingenitum* ita Patri convenire ut alteram personarum esse ingeneratam sit penitus impossibile. Nam nisi ejus solus esset non haberet genitorem, id pluribus conveniret personis, & consequenter infinitis: atque ita de facto in divinis infinitis persone ingenerare essent: quo nihil absurdius: Et declaratio istius responsionis est ista: quia quicquid potest esse in pluribus suppositis, & ad certum numerum suppositorum non determinatur per aliud a se, quantum est de se, esse potest in infinitis; & si est *neceesse esse de facto* in infinitis reperiri oportet. Si autem ratio *ingeniti* esse potest in pluribus, & non uni tantum necessario convenit, utique ab aliquo alio determinari non potest ad tot supposita, & non plura: ex sui igitur natura esse possit in infinitis. Ex hac ergo deductione, potius quam ex Dei unitate convincitur *ingenitum*, & *ingenerabilem* esse soli & uni Patri in divinis competere posse, ac proinde verissime censendum id esse inter Patris proprietates.

#### ITERUM ARTICULUS IV.

Utrum esse ingenum sit Patri proprium.

Doct. 1. *dist. 28. quæst. 2. in utroque scripto.*  
S. Thom. 1. par. *quæst. 33. art. 4.*

**V**IDETUR *ingeniti* ratio ita esse Patri propria, ut in *esse* personali ipsa constituatur innascibilitate: Nam secundum Damascenum, lib. 1. cap. 4. *Omnia sunt unum præter ingenerationem, generationem, & processionem.* Constat autem ipsum non excludere omnes proprietates personales, quia tunc in Patre non astrueret aliam proprietatem ab innascibilitate: igitur excludit cætera omnia quoad rationem proprietatis constitutive; ergo docet, eas solas, quarum meminit esse proprietates dantes *esse* personale: innascibilitate igitur constituitur persona Patris. Sed adhuc clarior est sententia Augustini, 5. de Trinit. cap. 4. dicentis, *Si Pater non genuisset, nihil eum prohiberet dici ingenum*: ergo potest intelligi aliquis ingenuus, non concipiendo ipsum generasse: intellecto autem ingenuo, intelligitur suppositum incommunicabiliter subsistere.

Præterea; Quo Pater est Pater, eo est hæc persona: sed quo est hæc persona, eo est innascibilis; ergo Pater est Pater per innascibilitatem; est igitur innascibilitatis proprietates Patris constitutiva.

Præterea, Dignius est habere aliquid a se, quam

alteri illud communicare: Possidere enim aliquid a se importat libertatem formaliter, non sic autem communicare alteri: quia potest communicare aliquid, quod non est formaliter liberum: sed *ingenitum* importat habere essentiam non ab alio: *generare* autem dicit modum habendi essentiam in communicatione ad alterum; igitur majorem dignitatem formaliter præferet *ingenitum*, quam *generare*, quod est paternitas; ergo in innascibilitate statuenda est proprietas primæ personæ constitutiva, non in paternitate.

Præterea, Si de imaginatione Philosophorum poneretur unum tantum suppositum in divinis, id utique esset absolutum, essentia divina & innascibilitate constitutum, nullius indigum proprietatis positivæ: Nam si aliqua ejusmodi proprietas foret adstruenda, profecto alia non esset, nisi negativa, expressa per hoc quod *ab alio non esset*: sed origo, quam fides docet esse in divinis nihil admitti ipsi essentiae, ut nec proprietati negativæ *non essendi ab alio*: ergo hac proprietate primam personam esse constitutam, nullum est inconveniens.

Præterea, Principium incommunicabile est prima ratio constituendi primam personam. Cum enim essentia sit ratio personæ essendi simpliciter, & cuilibet personæ etiam essendi *hæc*, ad personæ naturam nihil ultra requiritur, nisi incommunicabilitas: addita propterea essentiae incommunicabilitate, ex surgit persona; sed *ingenitum* importat principium incommunicabile. Probo hanc minorem; quod est ab alio, & ab ipso aliud accipit *esse*, prius respicit illud, a quo est, quam id, quod est ab ipso; Siquidem ordo ad posterius præsupponit ejus *esse*; igitur non habenti ordinem ad prius, sed tantum ad posterius, quod ab ipso est, per prius inest negatio ordinis, quam ordo ad illud, quod ab ipso est: Atqui prima persona caret ordine ad priorem, & importat ordinem ad secundam: ergo prius sibi inest id quod negat ordinem ad suum prius: tale est *ingenitum*; ergo innascibilitate constituitur.

Quod vero prius sibi competat negatio ordinis ad prius, quam ordo ad posterius. Probatur: quia nedum contradictoria referuntur ad idem instans durationis, sed etiam ad idem signum naturæ, & originis; adeout contradictoria non sint nisi pro eodem instanti. In signis itaque originis esse ab alio, & non esse ab alio sunt contradictoria; ergo pro quocunque signo attribueretur alicui esse ab alio, si id sibi competeret, pro eodem signo inest sibi non esse ab alio, si hoc sibi conveniat. Quemadmodum igitur ei quod est ab alio per prius convenit ordo ad illud, quo est, quam ad posterius: ita ei, quod non est ab alio prius inest negatio ordinis ad suppositum prius, quam ordo positivus ad posterius.

**CONTRA**, Ita se habet persona prima quoad proprietatem sui constitutivam ad secundam, sicuti secunda ad primam: Sed secunda persona constituitur proprietate positiva ad primam, & non negatione aliqua; igitur similiter prima non negatione, sed positiva proprietate constituta existimari debet.

**RESPONDEO** dicendum, etsi ingenum esse sit proprium Patri, ut articulo præcedenti declaravimus, propriaque subinde ratio ejus, qua innotescit ejus ab aliis personis distinctio; attamen fieri non posse, ut ipsa ingeneratione, aut innascibilitate (ut ajunt) in *esse* personali constituatur. Probatio: Nam nulla negatio est de se incommunicabilis, nec propria alicui, nisi quia consequitur, affir-

Quodlib. 9.  
4. 6. Juxta  
illud V. Contra  
istam rationem.

Cajetanus hic ostendere conatur, S. Thomam processisse secundum artem, & medium esse conclusionem notius. Sed profecto id aliunde ostendi non potest, nisi demonstraretur impossibile esse personas constitui per absolutam. Et concludit Cajetanus, Scotus alius concepta passionem, quam expressurus erat in 26. dist. hæc dixisse videtur. Displacet hunc S. Thom. commentatorem gradu eminentem, ac eruditionem præstantem hæc verba protulisse in Summum Theologum, & virum modestissimum ac pietate instructum singularem.



affirmationem incommunicabilem, & propriam: sed essentia non est talis affirmatio incommunicabilis, & propria alicui personæ; ergo negatio importata per *ingenitum* esse nequit incommunicabilis, & propria personæ; primum, nisi ratione alicujus affirmativi, ad quod consequatur: Igitur si *ingenitum* constituit personam, id non præstat ei de formali sui ratione, sed magis virtute entitatis positivæ, ad quam consequitur. Major probatur: quia sicut negatio non habet entitatem, nisi quia fundatur in entitate, ita nec unitatem, & per consequens nec *esse* proprium, & incommunicabile sibi attribui potest, nisi ratione positivæ, in quo fundatur. Quod & declaratur: quia in se negatione considerata, ex equo dicitur de omnibus tam de ente, quam de non ente, & non magis de uno, quam de alio, quibus omnibus sine contradictione communicari intelligitur: quod igitur sit alicui propria, & incommunicabilis, id non habet ex sui conceptus ratione, sed ob positivum, in quo fundatur; ergo negatio *ingeniti* si est incommunicabilis, id accipiat oportet ab entitate priori incommunicabili; illa proinde positiva entitate prima persona constituitur, & non negatione sequente illam. Deinde quandocumque in eodem affirmatio, & negatio sunt simul secundum consequentiam, affirmatio est prior in essendo ipsa negatione. Nam negatio per prius inesse non potest; item nec simul, quia tunc ordinem non haberent: oportet igitur negationem inesse posterius natura affirmatione. Hæc autem in divinis simul sunt secundum consequentiam, *non esse ab alio, & esse à quo alius*: quia enim ille, à quo est alius, præditus est prima secunditate, ideo non est ab alio: & quia ille, qui non est ab alio, est secundus, ideo est à quo alius; igitur prius in essendo erit esse, à quo alius: hoc autem importatur per proprietatem positivam originis in prima persona; igitur ea proprietates est prior negatione; ac proinde illa est primæ personæ constitutiva. Denique, si prima persona formaliter ponatur constitui negatione, qua fit incommunicabilis, secunda autem est incommunicabilis relatione positiva, filiatione nimirum: & tertia pariter positiva proprietate, quæ est passiva spiratio; ergo divinæ personæ non se haberent uniformiter quoad personale constitutum earum, neque forent pariter positivæ, & perfectæ, in quantum personæ; non enim est æquæ perfecta personalitas negativa, & proprietates positiva: Id autem videtur absurdum; præstat ergo dicere & primam personam non innascibilitate, quæ negatio est, constitui in *esse* personali, sed positiva relatione paternitatis, qua fit ut & ingenuus sit perinde ac aliæ divinæ personæ positivis proprietatibus constituantur.

AD ARGUMENTA. Ad primam auctoritatem dicendum, *Pro præter* Damascenum excludere intellexisse essentialia, quæ sunt omnibus personis communia, non autem alias proprietates personales, quas idem alibi enumerat. Unde nomine *ingenerationis* comprehendit non solum *innascibilitatis* notionem, sed etiam paternitatem, ac activam spirationem, ut est in Patre; ex eo igitur deduci non potest, mentem ejus fuisse *ingenitine* negationem esse Patris constitutivam.

Ad Augustini auctoritatem respondeo sic: Aliquando privatio non connotat affirmationem, & tamen non contingit inesse privationem, ut propriam, nisi privato insit formaliter talis affirmatio, Exemplum; *cæcus* non connotat nisi oculum, qui est commune subiectum cæcitatæ, & visionis:

& tamen nunquam cæcitas inest oculo per solam rationem oculi, sed per aliud positivum, de quo oritur illa privatio, quatenus illa entitas repugnat visioni. Consimiliter *ingenitum* esto connotet subsistens in natura divina, attamen hæc affirmatio non est tota ratio inherentiæ hujus negationis, quæ est *ingenitum*: sed requiritur præterea, ut in re præcedat alia proprietates positiva, unde sequatur, atque insit hæc negatio: ut cæcitas non de oculo exit, sed ex prava ejus dispositione consequitur; licet non connotetur per *ingenitum*, veluti proprium subiectum. Juxta hæc igitur est intelligendus Augustinus: nam *ingenitum* ex sui ratione non connotat Patrem: unde si prima persona per impossibile non genuisset, adhuc foret ingenua, non tamen potest inesse ei illa negatio, nisi affirmatio ista, vel aliqua alia, seu absoluta, seu relativa sit, quasi ratio ejus inherentiæ præcederet.

Ad secundum respondeo, verè quo Pater est Pater, *ed* esse hanc personam, si uniformiter *Pro* accipitur in majore, & conclusionem; sed tunc ultimam consequentiam, ut falsam, negandam esse. Quo enim Pater est Pater, eo est hæc persona primo modo dicendi per se, & non secundo. Cum subditur, quo est hæc persona, eo est innascibilis: utique, sed in secundo modo dicendi per se, & non in primo: Cum enim innascibilitas sit negatio sequens propriam per se affirmationem, ut passio subiectum, nequit ingredi personæ constitutivam rationem: sed neque id inferri ex præmissis secundum artem syllogisticam; quia conclusio semper sequitur conditionem præmissæ debilioris, qualis est secundus modus dicendi per se comparatus ad primum.

Ad tertium respondeo: quoniam in præsentibus hypothese Pater constituitur in *esse* personali per communicationem *esse* ipsius ad alterum: habet enim ex plenitudine perfectionis suæ hoc quod est alteri se se communicare in unitate naturæ. Modus habendi Deitatem à se non est nobilior modo opposito, secundum quem est eadem essentia in Filio: etsi sit alia notio, qua prima nobis persona innotescit, ut ab aliis distincta: imo quicquid dignitatis inest Patri ex illo modo, tantumdem præferret Filius ob oppositum modum habendi eandem essentiam.

Ad quartum respondeo sic: Si res ista se haberet uti Philosophi Gentiles imaginabantur, essentia divina esset determinata ex se ad hanc subsistentiam, & constitueretur persona non negatione aliqua, sed Deitate ipsa determinata ad subsistendum in uno supposito: Sicut in creaturis hæc natura est omnino limitata ad hoc suppositum. Sed nos, veritate revelante, didicimus, & fatemur esse ibi originem; ac propterea naturam illam non esse ex se ad unam subsistentiam determinatam; & ideo nec constituere posse aliquam personam, cum non sit incommunicabilis. Et cum dicitur ex origine, nihil essentia divinæ admittitur. Concedo nihil sibi detrahi per originationem unius personæ ab alia, sed tamen hæc veritate adstrui oppositum illius falsæ hypothese, in qua essentia de se constitueret personam, eo quod ad unam subsistentiam foret determinata. Oppositum ergo hypothese Philosophorum ponens originem, non aufert essentia perfectionem: tollit tamen modum impossibilem constitutum personæ, qui esset verus ex falsa suppositione: ex qua etiam videtur auferri de essentia illius perfectione, quia significaretur esse in illa limitatio, qualis est in naturis creatis, ad unam subsistentiam determinatis, & imitatis.

Ad

De his infra  
quæst. 40. ar-  
tic. 4.

q. 4. cit. 4. De  
secundo. V.  
Et si omnino  
fiat.




Quodlib. q.  
4. b. Contra  
istum modum  
V. Ad ratio-  
nem.

Ad quintum, concedendum est ordinem ad prius præcedere quodammodo in supposito ordinem ipsius ad posterius: maxime quum ordinatum est in se absolutum. Admittendum præterea negationem ordinis ad prius in absoluto præcedere ordinem positivum ejusdem ad posterius: Sed non ita se habere in illo, quod formaliter constituitur per ordinem ad posterius: nam in eo nullus ordo potest esse, aut intelligi prior: nec etiam fieri potest, ut negatio ordinis sit prior ordine illo, quo in *esse* constituitur: etenim primam personam esse, est ordo ejus ad secundam: & ideo ordo ad secundum quasi procedit negationem principii, sicut constitutivum formale entis positivi præcedit in eo negationem alicujus entis sibi repugnantis. Si ergo Pater foret suppositum absolutum, posset concedi *ingeniti* rationem esse paternitate priorem. Et cum probatur de quocunque supposito; propositio, qua dicitur, contradictoria referuntur ad idem *nunc*, non solum durationis, sed etiam naturæ, & originis, est vera, intelligendo de per se contradictoriis, prout affirmatio comparatur ad negationem ejus: non est

autem vera intelligendo de affirmatione, & negatione ut comparantur ad tertium, de quo dicuntur, Exemplum: Album pro instanti A, & non album pro instanti B, non contradicunt inter se, nec si comparantur ad aliud; sed quum ad tertium comparantur, cui vel conveniunt, vel convenire possunt, non oportet sanè *album* si inest pro instanti A, non album pariter illi inesse pro instanti eodem. Nihil est enim, quod non omnino primo ipsum sit ipsum; sicut homo primo est homo, & lapis primo est lapis; tamen non omnino primo est non lapis: quia nulla negatio potest esse eadem alicui primo, sicut ipsum est ipsum primo. Dicimus ergo *esse ab alio*, & *non esse ab alio*, contradictionem ut involvant, referri oportere ad idem *instantans*, sive *nunc* cujuslibet ordinis. Sed negamus illi, de quo ista dicuntur, convenire æquè primo, non *esse ab*; sicut illi conveniret *esse ab*, si ab alio esse potest. Ac proinde supposito, quod sequitur negatio ordinis ad prius prioritate originis, non æquè primo inest ista negatio, sicuti inesset, & conveniret affirmatio ordinis, si illum ordinem haberet.

Videnda  
Glossa Ma-  
gistri Lycheri  
super 6. Sta-  
tuti cit. in fi-  
ne.





# QUÆSTIO TRIGESIMAQUARTA

## DE PERSONA FILII,

### IN TRES ARTICULOS DIVISA.

Deinde considerandum est de persona Filii: Attribuuntur autem tria nomina Filio; scilicet Filius, Verbum, & Imago. Sed ratio Filii ex ratione Patris consideratur: Unde restat considerandum de Verbo.  
& Imagine.

### CIRCA VERBUM QUÆRUNTUR TRIA.

- I. Utrum Verbum dicatur essentialiter in divinis, vel personaliter.
- II. Utrum sit proprium nomen Filii.
- III. Utrum in nomine Verbi importetur respectus ad creaturas.

### ARTICULUS I.

Utrum Verbum in divinis sit nomen personale.

Doctor 1. dist. 27. q. 2. in Report. ibidem q. 4. ejusque solut. in quæst. 6. §. Respondeo igitur nu. 5. S. Thom. 1. p. quæst. 34. articulo primo.



IDEATUR Verbum in divinis non esse nomen personale. Etenim Augustinus, 9. de Trinit. cap. 10. Verbum est inquit, cum amore notitia. Quæcunque autem hic ponuntur ad Verbi specificam notificationem, communia

sunt tribus personis; ergo Verbum non dicit proprium personæ genitæ, sed quid essenziale.

Præterea, 15. de Trinit. cap. 7. Sicut Pater (ait Augustinus) intelligit sibi, & vult sibi, & meminit sibi: ita Filius, & Spiritus Sanctus. Actus autem proprius intelligentiæ, ut intelligentia est, ponitur esse Verbum; ergo sicut in Patre est formaliter intelligentia, ut intelligentia, ita est in eo Verbum, ut Verbum. Assumptum probatur; nam Trinitas, quam assignat Augustinus, 9. de Trinitate cap. ult. mens, notitia, & amor, eadem est, & correspondens illi, quæ ponitur 10. de Trinit. cap. 1. memoria, intelligentia, & voluntas: ergo sicuti non est perfecta voluntas sine amore formaliter, nec mens perfecta sine memoria formaliter; ita non est perfecta intelligentia sine Verbo formaliter. Non est igitur Verbum proprietas personalis personæ genitæ, sed commune magis omnibus personis.

Præterea, Unius personæ non sunt due proprietates personales, sed unum duntaxat principium constitutivum; sed filiatio est proprietates constitutiva personæ genitæ, secundum Fulgentium de fide ad Petrum, cap. 2., igitur Verbum esse nequit proprium personæ ejusdem; quia tunc ejusdem personæ essent duo principia constitutiva, quod fieri non posse, asserit Hilarius 11. de Trin. Neque Verbum, & filiatio importare videntur proprietatem eandem, cum non omne Filius sit Verbum, nec omne Verbum Filius.

Præterea, Secundum Anselmum Monol. 63. Nihil aliud est, inquit, summo spiritui dicere quam quasi cogitando intueri. Sed nedom Patri convenit dicere, vel experiri intellectualiter quod intelligitur, verum etiam Filio, & Spiritui

Sancto, quibus est eadem sapientia; ergo Verbi nomen non est significativum alicujus personæ, sed magis omnibus personis commune.

CONTRA, August. 7. de Trinit. cap. 2. Sicut Filius, inquit, ad Patrem refertur, non ad se ipsum dicitur, ita & Verbum ad eum, cujus Verbum est, refertur, cum dicitur Verbum. Eo quippe Filius quo Verbum, & eo Verbum quo Filius. Cum igitur Filius sit nomen personale, & Verbum pariter personale nomen est dicendum.

RESPONDEO revera Verbum in divinis esse nomen personale, quo nimirum secundam personam exprimimus, atque significamus. Declaratio, terminorum abstracti, & concreti eadem est per se significatio, quamvis diverso modo significandi importata; Filius igitur, & filiatio per se, & primo ejusdem sunt significationis; nam sicut filiatio significat relationem de genere relationis; ita & Filius per se eandem relationem, per modum tamen denominantis suppositum relativum; at filiatio ratione aliterius modi significandi ab tali denominatione abstrahit. Consimiliter Verbum, & abstractum ejus idem per se significant: Et quidem si abstractum Verbi esset in usu, dicere verbatio, sicuti dictum, & dictio, spiratum, & spiratio; Quemadmodum igitur dictio passiva, & dictum idem significant, ita Verbum, & verbatio. Dictio autem passiva dicit expressionem passivam de memoria; igitur pariter verbatio eandem passivam expressionem de memoria significat; quia idem sunt dictio, & verbatio; Atqui expressio passiva de memoria, importat relationem originis, quæ est personæ proprietates; igitur Verbum dicit proprium alicujus personæ, nempe illius, quæ gignitur per actum dicendi, sive exprimendi intellectualiter, ea autem est secunda persona; sicut ergo gigni in natura intellectuali constituit Filium, ita exprimi intellectualiter constituit rationem Verbi; unam igitur, eandemque personam exprimunt Filius, & Verbum: etsi penes connotata duntaxat differant; nam Filius connotat naturam viventem, in qua est filiationis relatio; Verbum vero connotat naturam intellectualem, seu notitiam actualem, cujus est talis expressio; Verbum igitur in divinis est personale, personalisque significativum proprietatis secundæ personæ, cujus solius est intellectualiter exprimi. Veruntamen etsi eadem personalis proprietates utroque nomine importetur, & exprimatur, penes tamen connotata Filius secundum rationem est Verbo prior; quia Filius connotat essentiam Patris, Verbum vero exprimi de memoria Patris.

AD ARGUMENTA. Ad primum respondeo sic: Cum dicit Augustinus, Verbum est cum amore

E e e

nostr.



notitia, exprimit per circumloquutionem notitiam genitam in nobis; nam amor non aliam exercet causalitatem respectu verbi, nisi imperando intellectu-gignitionem ipsius, de quo magis articulo proxime sequenti. In divinis autem Verbum est notitia naturalis necessitate expressa, & quidem infinite perfectionis: Quod vero in nobis intellectus non ita ita verbum gignat perfectum, ex imperfectione est: ideo indiget imperio voluntatis, quo jubetur intellectus inquirere, ac insistere considerationi objecti, quoadusque verbum perfectum producatur.

Ad secundum, Concedendum est, in Patre reperiri intelligentiam formaliter: sed negamus actum omnem in intelligentiæ formaliter esse Verbum; quia nullus talis actus est Verbum, nisi sit notitia genita, ut exponetur articulo sequenti. Neque id potest attribui intelligentiæ Patris, ut Patris; quia Pater est à se, & nihil acquirit per generationem, & ita est sapiens à se, & non per sapientiam genitam. Nihilominus concedi potest Patris actuale intelligentiam esse quasi genitam virtute memoriæ, ut in Patre, sed ut non verè genita, quia nec distincta, ita nec Verbum appellanda, ut de Verbo loquimur in præsentia.

Ad tertium respondeo ex dictis, relationem importatam nominibus *Filii*, & *Verbi*, esse unam eandemque, esto aliud, & aliud sit eorum connotatum; quia *Filius* naturam viventem in comuni, & *Verbum* notitiam intellectualem actualiter expressam connotat. Hæc autem connotata non ita reciprocantur, ut semper unum sit aliud, sed passiva relatio significata semper est eadem.

Ad quartum respondeo, Ab Anselmo eo loci usurpari *dicere* merè essentialiter pro actuali nimirum intelligentiæ; unde vult, personas esse unum *dicens*, sicuti & unum *in intelligenti*. Sub hac igitur acceptione *dicere* non significat relationem originis, nec connotat eam, sicut nec *intelligere* vel *supere*. Hoc igitur sensu Pater non dicit, vel gignit Verbum, nec dicit Verbo: sed alio modo *dicere* accipitur personaliter, quo significatur relatio illa originis, quæ est gignentis ad genitum, quo Pater solus Pater dicit, gignitque, & solus Filius gignitur, & quia una intellectualiter exprimitur de memoria, Verbum est Patris, ac subinde ut *Filius* est nomen personale, ita & *Verbum*, ut expositum est.

## ARTICULUS INCIDENTS.

Utum Verbum creatum sit intellectio, actualis.

Doct. 1. dist. 27. q. 1. in Report. ibidem q. 2. & 3. S. Thom. 1. p. q. 34. artic. 1. §. Ad secundum. Sed q. 27. artic. 1. Ubi Cajetanus; cuius tamen fundamenta soluta habes ex Doctore 1. dist. 3. q. 9. §. Ad tertium: Et q. 6. §. Queritur utrum num. 30. super quem textum videnda Comment. Ponci, ibi secunda conclusio a nu. 6. & seqq.

**V**IDETUR Verbum creatum non esse intellectio actualis: Nam Augustinus 8. de Trinit. cap. 6. *Phantasia*, inquit, *Carthaginis in memoria mea, est Verbum ejus*. Ubi *phantasia* ab Augustino proprie pro specie, non pro actuali imaginatione accipitur: ergo pariter & verbum intellectuale est species intelligibilis, non autem actualis intellectio.

Præterea, Augustinus, 15. de Trinit. cap. 11. *Proinde ait, Verbum quod foris sonat, signum est*

*ejus Verbi, quod intus latet*. Verbum autem exterius est signum rei, & non intelligentiæ; alioquin quælibet affirmativa esset falsa, in qua non prædicatur idem de se; nam intellectio subiecti non est intellectio prædicati, licet res sit res; ergo Verbum est objectum terminans intelligentiæ, & non intellectio actualis.

Præterea, Augustinus, 9. de Trinit. cap. ult. *Verbum est proles, & genitum a memoria*; Sed actio non gignitur, cum sit id, quo aliquid gignitur, vel producitur; ergo Verbum est aliquid formatum præter actum intelligendi, & non ipse actus.

Præterea, Ex Augustino 9. de Trinit. cap. 10. *Verbum est cum amore notitia*; igitur ad Verbi rationem concurrunt & voluntas; sed illud, in quod influit voluntas, non est intellectio actualis; ergo Verbum vel non consistit in actu intellectus, vel includit quoque operationem voluntatis.

CONTRA, Augustinus ibidem vocat verbum *notitiam*; & 15. de Trinit. cap. 15. *Verbum, inquit, visio de visione, & scientia de scientia*.

RESPONDEO, quoniam Verbi ratio potissimum accipitur ex libris de Trinitate Augustini, mirabili prorsus acumine, ac discretissime naturam ejus perquirentis, ac pertractantis, supponenda sunt quædam certa, quæ secundum ejus doctrinam Verbi naturam tangunt, vel consequuntur, atque ex iis investigandum est quidnam sit illud in intellectu, cui maximè illa congruant, quo præstito, de doctrina adeo eximii Magistri, existimandum est in eo ipso reponendam esse rationem, & naturam Verbi.

Primo igitur ex Augustini dictis constat; Verbum esse actum intelligentiæ. Nam comparando Trinitatem, quam assignat, 9. de Trinit. cap. ult. *mens, notitia, & amor*. Trinitati quam edisserit, lib. 10. cap. 11. *memoria, intell. gentia, & voluntas* planè invenitur *notitia* correspondere *intelligentiæ*. Dinde *Verbum* non est sine actuali cognitione, 15. de Trinit. cap. 15. dicente Augustino, *Sed quomodo est Verbum, quod nondum in cogitationis visione formatum est*. Ad hæc, Verbum genitum est de memoria, vel de scientia in memoria, vel de objecto relucente in memoria, sive in scientia, ut patet ex eodem, 15. de Trinit. cap. 10. *Formata quippe cogitatio ab eo re, quam scimus, Verbum est*; Et rursus ibidem ex ipsa scientia, quam memoria tenemus, nascitur Verbum, & cap. 12. *Verbum est similitudo rei nota, de qua gignitur, & imago ejus*. Et cap. 14. *Verbum nostrum de nostra scientia nascitur*. Et Verbum Dei de Patris scientia natum est. Adeo ut tria hæc, Verbum gigni de memoria, & Verbum gigni de scientia in memoria; & Verbum gigni de re nota, idem significant apud Augustinum. Per scientiam enim intelligit actum primum, quo mens potest in actum secundum; & virtute illius primi actus gignitur Verbum; atque in eodem subinde actu primo relucet objectum, & ideo dicitur gigni de objecto: de memoria vero exit Verbum, quatenus ea continetur & actus primus, in quo objectum relucet. Denique Verbum ab eo inquiritur propter imaginem in mente, unde & ponitur secunda pars imaginis ipsius, nempe *proles*. Hinc 9. de Trinit. cap. ult. *Est igitur, inquit, quædam imago Trinitatis ipsa mens, & notitia ejus, quæ est proles ejus ac de se ipsa Verbum ejus, & amor tertius*.

Ex his igitur hæc esse videtur verbi notificatio definitiva. *Verbum est actus intelligentiæ productus à memoria perfecta, non habens esse sine activa*.

1. dist. 32. qu. 2. & Ad argumentum in oppositum, &c. Ad præpositum.

1. dist. 27. quest. 2.

Quodlib. q. 15. §. Sic hic sunt duo V. Ad secundum dico.



1. dist. 1. q. 7.  
6. Contra  
ista. V. Rej.  
pando.

tellectionem  
esse verbum  
mentis. &  
hanc leareu-  
tiam confu-  
rat hic Do-  
ct.

actuali intellectione, representans aut verbum acti-  
uum. Quæ descriptio est intelligenda per con-  
structionem intransitivam; nam dicitur *actus in-  
telligentie*, eo quod mentem efficiat intelligen-  
tem; quemadmodum calor appellatur actus cali-  
di eadem de causa. *Productus* à memoria perfe-  
cta, vel de scientia, aut de re nota generatus; nam  
est proles, & partus memoriæ, sive intellectus  
objecti, aut ejus specie fecundati. Hinc si quæ  
intellectio menti inesset ab memoria non produ-  
cta; aut non vere genita, sed quasi producta, mi-  
nime verbum dicenda erit: dicitur *non habens esse  
sive actuali intellectione*: non quia verbum de  
actuali intellectione procedat, sed quatenus actuali  
intellectioni superaddit respectus naturaliter  
producti ad principium naturaliter productivum  
ejus. Additur denique *representans Verbum di-  
vini*: quia ut illud est declarativum memoriæ  
Patris, ita & nostrum declarat objectum relucens  
in memoria. Sed illud præsertim interest, quod  
mens creata ex indigentia producit verbum, ut  
nempe per illud perficiatur, & intelligat. Pater  
vero non intelligit per notitiam genitam, sed in-  
tellectione improducta, nec ex indigentia ulla,  
sed de plenitudine perfectionis suæ generat Fi-  
lium sibi per omnia æqualem. Verbum igitur  
non est aliquid ad voluntatem spectans, aut ad  
memoriam, cum non sit prima, aut tertia pars  
imaginis, sed secundum non est subinde species in-  
telligibilis, aut habitus, vel aliquid memoriæ  
sed præciè quid pertinet ad intelligentiam,

Qua in communi suppositione multiplex est  
opinio, secundum quod multa in intelligentia  
concurrere depræhenduntur, quorum unicuique  
rationem verbi attribui posse, & re ipsa adstruen-  
dum esse diversimode opinati sunt. At nos  
strum prosequentes insitum, illorum duntaxat  
sententiam adducemus, qui putaverunt, verbum  
esse aliquid per actum intelligendi formatum. Vel  
aliter hanc sententiam declarantes, dixerunt, ear-  
dem intellectionem, ut passio est, appellandum  
esse verbum, causatam à se ipsa, ut actio quædam  
est, sub qua quidem acceptione actum intelligen-  
te verbi rationem habere negarunt, sed tantum  
quatenus in intellectu recipitur. Contra, intel-  
lectio non est actio productiva alicujus termini  
producti per ipsam. Nam tunc impossibile foret  
intellectionem concipere sine termino, uti intel-  
ligi non possit calefactio, non intellectio termi-  
no, ad quem est calefactio; non est autem impos-  
sibilis apprehensio Intellectionis in se, non intel-  
ligende esse alicujus termini, ut producti per ip-  
sam. Deinde, vitales operationes, ex 1. E b. c.  
cap. 9., & 9. *Metaphys. tex. c. 16.* sunt, & dicuntur  
actus ultimi, & complementum naturarum vita-  
liter operantium; ergo quamvis in intellectu sit ge-  
nerativa habitus, ut forma quæ formaliter gigni-  
tur habitus, sicuti lumen solis in medio, est ratio  
gignendi calorem in eodem; non est tamen produ-  
ctiva, ut actio quæ necessario est ad terminum  
productum. Rursus, ex hac hypothese Verbum  
produceretur ab intelligentia, non ergo foret  
memoriæ partus, & proles; id autem est expresse  
contra Augustinum, non intelligentiæ sed me-  
moriæ attribuentem Verbi productionem. Deni-  
que, quod dicitur intellectionem quatenus actio  
est, causare se se ipsam, ac proinde verbum esse  
qua passio est, vel reorta in intellectu, id equi-  
dum non videtur probabile. Nam intellectio est  
forma una, quæ est comparari queat ad agens,  
à quo est, & ad subiectum, in quo recipitur, in-  
hominibus ex eo non habet talem distinctionem,

ut proprierea sit quasi causa sui, vel terminus  
actionis, secundum hoc, & non secundum illud:  
Siquidem si actionem terminat, profecto secun-  
dum se terminat, & non prout subest diversis re-  
spectibus, qui productionem ejus concomitan-  
tur.

Videntes artic. 4. in incidenti 1. q. 27.

1. dist. 3. q. 9. 5. Ad tertium V. Ad aliam probationem.

Est igitur dicendum, actualem intellectionem  
esse verbum, non quidem omnem, sed duntaxat  
productam, eamque notitiam genitam, si perfe-  
cta sit, perfectum verbum, si imperfecta, & im-  
perfectum pariter verbum dicendam fore. De-  
claratio; & in primis sanè oportere verbum ge-  
nitum esse, ac subinde genitæ intellectioni ad-  
judicari debere verbi rationem, ex eo constar,  
quia intellectio Patris in divinis est declarativa  
objecti, & potentia, & nihilominus non est ver-  
bum, cum genita non sit; nam tunc in Patre re-  
periretur formaliter verbum; oportet igitur  
actualem intellectionem esse propriè genitam,  
ad hoc ut sit verbum expressum de memoria. Cum  
itaque intellectio fuerit de memoria producta,  
verbum est in natura intellectuali, & in mente  
creata; quod & sentit Augustinus, 15. de Trinit.  
cap. 15. *Cogitatio quippe nostra perveniens ad il-  
lud, quod sumus, atque inde formata verbum no-  
strum est.* Et ibidem 10. *formata quippe cogitatio  
&c. verbum est:* Et q. de Trinit. cap. x. *omne, quod  
notum est, verbum dicitur animo impressum, quan-  
diu de memoria desinitur & proferri potest.* Hoc  
etiam magis declaratur per simile de verbo voca-  
li, & imaginabili. Etenim formatur verbum vo-  
cale ad significantum, & declarandum illud, quod  
intelligitur; quod autem vox non statim f. r. ne-  
tur ab intelligente, inquantum intelligens, sed  
media potentia motiva, id est in nobis imperfec-  
tionis. Si statim igitur efformaretur, ut exores-  
sivum illius, quod latet in intellectu, idque fieret  
virtute intellectus intelligentis, prinde foret  
verbum. Objectum autem habitualiter cogni-  
tum latet in memoria; Quoties igitur virtute ejus  
causeatur aliqua intellectio actualis, quæ genita  
exprimat, & declarat objectum latens in memoria,  
verissimè ea intellectio est verbum, quia declara-  
tiva latentis, & genita virtute objecti causa ex-  
primendi ipsum. Neque oportet, ut aliqui put-  
tant, ad verbi rationem præcedere inquisitionem,  
quasi notitia actualis sequens inquisitionem sit  
verbum, & non alia. Nam ex eo sequeretur apud  
Deum non esse verbum, cum ipsi opus non sit ul-  
la inquisitione; Sed nec intellectus Angelicus esse  
posset Verbi productivus, respectu eorum, quæ  
naturaliter novit; ea enim apprehendit, & intel-  
ligit citra inquisitionem. Rursus, ne beari quidem  
verbum haberent de essentia divina, nec cæteris  
ipsis sine inquisitione notis. Nec denique pollentes  
perfecto habitu scientiæ, ac secundum habitum  
statim exeuntes in actum, verbum haberent. Ver-  
bum itaque non est aliquid intellectione produ-  
ctum, sed ipsa actualis intellectio de memoria in-  
tellectualiter expressa. Veruntamen etsi quælibet  
talis verbum sit, non omnis tamen est perfectum  
verbum, sed perfectum, quod Verbi divini est, re-  
præsentativum, secundum Augustinum, est illud,  
quod habemus per inquisitionem, non quasi de  
inquisitione, ut principio ejus, sed tantum ut præ-  
via dispositione. Nam intellectus noster non sta-  
tim habet perfectam notitiam objecti; quia juxta  
Philosophum, 1. *Phys. sex. 2.* innata est nobis via  
procedendi à consulo ad distinctionem; & ideo prius

Videndus  
Mayron. 1.  
dist. 27. q. 1.

Circa hoc  
punctum con-  
troverfia est  
magna inter  
Recentiores  
Scotistas. Sed si  
ad Verbi  
rationem re-  
quiratur natu-  
ralis exis-  
tentia de me-  
moria pro-  
fecto non  
est verbum  
in intelle-  
ctu creato  
de essentia  
divina, quæ  
liberè se se  
ostendit bea-  
tis.

De his in-  
fra q. 85.  
art. 3.



imprimatur nobis: notitia objecti confusa, quam distincta; necessaria est ergo inquisitio prævia verbo perfectio: quia non est verbum perfectum, nisi notitia actualis perfecta. Cognito igitur aliquo objecto confuso, sequitur inquisitio per viam divisionis differentiarum convenientium illi, quibus adinventis, cognitio definitiva illius objecti, est actualis cognitio perfecta, perfectumque verbum ejus, quia ex actè declarativa eorum, quæ in memoria latebant. Vnde Augustin. 9. de Trinit. cap. x. *Nam placet mihi, quod novi, & definitio quid sit intemperantia, & hoc est verbum ejus.* Ad productionem igitur verbi perfecti necessaria est inquisitio intellectui imperfecto, quia non potest statim habere notitiam definitivam objecti, nisi prævia inquisitione. Sed tamen quum verbum perfectum ejusmodi sequitur inquisitionem, ea inquisitio non est generatio verbi formaliter, sed tantum dispositio, ut perfectum verbum generetur. Quemadmodum & motus est necessarius, ut inducatur forma perfecta, quæ non potest statim in principio motus in materiam induci. Quare ordinem hunc in casu animadvertere licet. Primo est habitualis notitia confusa; Secundo actualis intellectio pariter confusa; Tertio succedit inquisitio, & in ipsa inquisitione compluræ verba de iis, quæ virtualiter continentur in memoria: & ad inquisitionem hanc sequitur distincta, & actualis notitia primi objecti, cujus cognitio inquiritur: quæ notitia actualis distincta imprimitur habitualement in memoria perfecta, & tunc est primo memoria perfecta, & assimilatur memoriæ in Patre; Ultimo de memoria gignitur verbum perfectum, sine inquisitione media, eaque productio assimilatur gignitioni Verbi divini perfecti ex paterna memoria. Nullum igitur verbum est representativum verbi divini (quo potissimum tendit investigatio Augustini) nisi illud, quod gignitur de memoria perfecta, citra omnem inquisitionem mediam; et si talis memoria esse non possit in nobis ob imperfectionem, nisi diligens præcedat inquisitio.

AD ARGUMENTA. Ad primum respondeo, adductam Augustini auctoritatem indigere expositione; Dicit enim loco præallegato; *In ipsa phantasia, ejus (scilicet Carthaginiensis) in memoria mea, verbum est.* Constat autem Augustinum disertè asseruisse, verbum esse de memoria, 15. de Trinit. cap. 15. & frequenter alibi, & non in memoria formaliter; voluit igitur verbum reperiri in memoria causaliter, & effective, quod verum est. Non est igitur in specie constituendum verbum, sed in eo quod exprimit quod virtualiter continetur in specie, quatenus memoriæ est pars constitutiva; illud autem est ipsa actualis intellectio; tanquam perfecta objecti similitudo.

Ad secundum dicendum, etsi id quod significatur per vocem proprie sit res, attamen rei, aut objecti attribui non posse rationem verbi, sed conceptui formali, quippe qui de memoria productus sit rei ejusdem declarativus. Sed arguebatur; quia verbum exterius est signum rei, & non intellectiōnis. Responsio; Sicuti esse possunt ejusdem causæ plures effectus ordinati, quorum nullus est causa alterius, ita & ad idem significandum concurrere possunt plura signa, sicuti in casu *litera, vox, & conceptus*, rei ejusdem sunt signa ordinata, esto unum non sit signum alterius, sicuti in effectibus ordinatis unus non est causa alterius: Sed nihilominus potest concedi effectum propinquiorem esse causam respectu effectus remotioris, ob prioritatem, quæ est inter eos effectus ad causam. Con-

similiter & de signis ejusdem significati; unum enim est aliquo modo signum alterius, quatenus manifestat ipsum. Litera igitur, & vox et si proprie significant rem, vel objectum, attamen sunt quoque signa conceptus, qui per illa intelligitur. Et quandoquidem conceptui, vel actuali notitiæ genitæ congruant ea, quæ tradit Augustinus de verbo; conceptus, & non objectum est dicendum verbum in nobis.

Ad tertium respondeo, concedendo actualem notitiam in nobis esse prolem, & verè genitam; sed eam intellectiōnem non fore appellandam actionem de genere Actionis, sed magis qualitatem, ad quam illa actio terminatur, quæ vere producitur, eamque rectè putamus exprimi vocabulo *dicere*, vel etiam termino *elicere* pluribus communi. Non igitur verbum est aliquid productum actione, quæ est intellectio; cum ipsa non sit productiva alicujus, verum eademmet producitur actione de genere Actionis.

Ad quartum respondeo sic: Revera Augustinus, 9. de Trinit. cap. x. cit. questionem tactam in argumento excitans; *Recte ergo, inquit, quaeritur utrum omnis notitia sit verbum, an tantum amata notitia.* Novimus enim & ea quæ odimus, sed non concepta, nec paria dicenda sunt animo. Et respondet sic, *non omnia quæ quocumque modo tangunt concipiuntur: sed aliqua ut tantum nota sunt, non tamen verba dicantur, sicut illa, de quibus nunc agimus. Alij enim dicuntur verba, quæ spacia temporum syllabis tenent: aliter omne, quod notum est, verbum dicitur, quando de memoria profertur, vel definiri potest, quamvis res ipsa displiceat.* Et quibuldam interjectis subdit: *Verumtamen cum illa, quæ odimus, rectè displicent, rectè quæ improbantur, approbat eorum improbatio, & placet, & verbum est, & neque vitiorum notitia nobis displicet, sed ipsa vitia.* De ratione igitur verbi non est gigni amore objecti cogniti, sed nec etiam notitiæ, quæ est verbum; tamen perfectum verbum concomitatur duplex actus voluntatis: unus prævius, quo imperatur actus ille, & inquisitio prævia, sine qua non perveniretur ad verbum perfectum, ut dicit Augustinus 9. de Trinit. cap. ult. & alius, quo intellectus quiescit in intellectuāli notitia, jam acquisita. Actus ergo voluntatis non est de essentia verbi nec formaliter, nec ut causa, sed concomitatur necessario in nobis, ob dictas causas; nam si intellectio voluntati non complaceret, intellectus non permaneret in ea, ac subinde ea notitia careret ratione verbi permanentis, quanquam aliquin si per unicum tantum instans permaneret, perinde foret intensive perfectum, ac si diutius perduraret. Voluntas autem respiciens objectum, cujus est verbum, nihil causat, quod tangat Verbi naturam, & rationem, nisi sub aliqua specialiori acceptione verbum usurpetur; quo pacto August. præallegato cap. x. 9. de Trinit. petraclat illud Apostoli, 1. Corint. cap. 12. *Nemo potest dicere Dominus Jesus, nisi in Spiritu Sancto.* Id enim dicere includit acceptionem dicentis, & addit propterea ad ipsius verbi absolutam rationem,

1. Ethic  
cap. 7.



ARTICULUS II.

Utrum *Verbum* sit proprium nomen *Filij*.

Doct. 1. dist. 27. qu. 2. in Report. ibidem qu. 4.  
S. Thom. 1. par. qu. 34. art. 2.

**V**IDETUR *Verbum* non proprium nomen Filii. Etenim nomen proprium alicujus est expressivum proprietatis ejus. Proprietas autem Filii filiatio est; ergo nomine Verbi non significatur Filij proprietas; alioquin unus personæ essent duæ constitutivæ proprietates.

Præterea, Filius est persona subsistens in Deitate; Sed *Verbi* nomen non significat personam subsistentem; ergo *Verbum* esse nequit proprium nomen Filii. Probatio minoris; *Verbum* in creatis non subsistit, sed est accidens intellectui inhaerens; non igitur omne verbum est persona subsistens; sed nec Filius omnis est verbum; ergo tali nomine propriè Filius non exprimitur.

Præterea, Intellectio inquam declarativa eorum, quæ sunt in memoria, verbum est; Sed intelligentia sic declarativa, est communis Patri, & Spiritui Sancto, & non propria Filii; ergo nomine verbi non exprimitur aliqua ejus proprietas.

Præterea, Secundum Augustinum, 6. de Trin. cap. ult. *Verbum est ars omnipotentis Dei*. Sicut autem Filius est verbum Dei, ita dicitur & Sapientia, & virtus; ergo quoniam hæc non exprimentur Filii proprium aliquid, sed appropriata, pariter & *Verbi* nomen non est Filio proprium, sed appropriatum.

CONTRA, August. 7. de Trin. cap. 2. *Eo quod ipse Filius, quo Verbum*. & eo *Verbum, quo Filius*; igitur Verbi nomine exprimitur proprium Filii.

RESPONDEO dicendum, nomine *Verbi* revera exprimi, atque significari Filii proprietatem, ac subinde illud esse proprium Filii nomen. Declaratio: Nam cum *Verbum* formaliter dicat respectum notitiæ expressæ ad experimentem intellectualiter (ut dictum est articulo primo) esto aliud sit ejus connotatum, tamen per se, & primo significat illum respectum realem, quo notitia per intellectum expressa constituitur: vel in suo esse, quod est intellectualiter exprimi, intelligitur; Ita autem produci, seu per intellectum exprimi, proprium est solius secundæ personæ, quæ Filius est: *Verbum* ergo est proprium nomen Filii. Deinde, significatum nominis non potest probari nisi ex usu, & autoritate. Sed Scriptura divina loquens de secunda persona, quæ est Filius, dicit, *Verbum caro factum est: Et in principio erat Verbum & Verbum erat apud Deum, & Deus erat Verbum*, & rursus, *Tres sunt qui testimonium dant in Cælo, Pater, Verbum, & Spiritus Sanctus*. Atque in eundem sensum utantur eo nomine Sancti Ecclesiæ Doctores: ergo nomine Verbi propriè significatur Filius, ut proinde utroque vocabulo secundæ personæ proprietas per se, & primò exprimitur: ut dictum fuit articulo precedenti citato.

AD ARGUMENTA. Ad primum respondeo ex statim dictis. Nam etsi unus personæ unica sit constitutiva proprietas: attamen posse duplici vocabulo significari, quorum etsi idem sit per se primum, & proprium significatum, numerum tamen accipiunt ex alia, & alia connotatione. Unde *Filius* connotat naturam viventem: *Verbum* autem actualem notitiam, cujus est talis expressio.

Ad secundum dicendum, Cur *Verbum* in divinis sit persona subsistens, declaratum fuisse supra, quæst. 27. art. 1. & 2. Quia enim Pater de perfecta memoria, imo ex plenitudine perfectionis gignit Filium, per suæ naturæ communicationem, sit oportet genitus generanti per omnia æqualis, & subinde subsistens in natura. De tatis, cum infinitum sit indivisibile. Contra igitur quoniam intellectus creatus verbum gignit, ut eo perficiatur, tale productum est accidens sibi inhaerens, & perficiens productivum principium sui. Et radix hujus diversitatis est finitas in uno extremorum, infinitas in altero: ex eo quod enim memoria in natura intellectuali creata finita est, non se ipsam communicat, sed causat effectum æquivocè: & nihilominus cum est perfecta, de ipsa expressa proles representat verbum divinum per se, & primo similitudinem passivam expressionem præferens, & eandem pariter importat Filius, quamvis ratione alterius connotati tantum differat à Verbo, ut dictum fuit articulo primo.

Ad tertium patet ex dictis articulo immediate præcedenti. Nam *Verbum* non est intellectio quantum declarativa, sed in quantum de memoria procedit, ac producta est per veram actionem. Quare quamvis intellectio declarativa eorum, quæ sunt in memoria Patris, sit communis omnibus personis, nihilominus *Verbum* propriè significat respectum notitiæ expressæ ad experimentem intellectualiter, & eandem quoque importat Filij nomen, ac proinde eadem proprietas utroque vocabulo significatur.

Ad quartum, Concedendum nominibus sapientiæ, & Artis Patris, & ejusmodi exprimi Verbi non propria, sed appropriata; negandum est tamen pariter & *Verbum* esse Filio nomen appropriatum. Nam quoniam Pater formaliter est Sapientia, & virtus, & Ars, cum de Verbo dicuntur, nonnisi appropriatè ei competere necesse est: Siquidem Pater formaliter creat, idque ut Artifex, utque creativa ratio, vel creandi virtus est per se in ipso. Respectus autem artis ad creaturas, ut ad artificiatas, est communis tribus, estque respectus rationis; appropriatè ergo duntaxat convenit Filio. At *Verbum* esse, seu exprimi de memoria paterna dicit respectum realem ad experimentem, ut dictum est; ac propterea est ita proprium nomen Filii, ut eo constitutiva ipsius exprimat proprietas, ac proinde nulli alteri personarum congruens.

ARTICULUS III.

Utrum in nomine Verbi importetur respectus ad creaturam.

Doct. 1. dist. 27. quæst. 3. in Report. ibidem, quæst. 6. & prout in margine citatur.  
S. Thom. 1. par. qu. 34. art. 3.

**V**IDETUR in nomine Verbi importari respectus ad creaturam. Nam secundum Augustinum 6. de Trin. cap. ult. *Verbum est ars omnipotentis Dei, plena omnium rationum virtutum*; sed ars involvit respectum ad artificiatum, quod per illam, vel secundum illam factum est; ergo in Verbo includitur respectus ad rerum universalitatem, quandoquidem per ipsum facta sunt omnia.

Præterea, Augustinus lib. 83. 99. quæst. 63. Sermone instituto de principio Evangelii Joannis,

1. dist. 27.  
q. 3. In argumentum. principium.  
pat. Ibidem  
9. Sed positum.

1. dist. 27.  
q. 3. 9. Sed  
positum.

1. Report.  
dist. 27. q. 6.  
n. 5.

1. dist. 27.  
q. 3. Ad  
Augustinum.

De hinc Mayron. dist. 27. quæst. 2. 6. Quantum ad se. nullam particulam. Et dist. 3. q. 2. 9. Sed tunc ibi est dubium.



nis, vult nomen *Logos* Græcè, & *Verbum*, & *rationem* latine significare: veruntamen melius *Verbum* interpretari, eo quod tali vocabulo significetur non solus ad Patrem respectus, verum etiam ad illa, quæ per Verbum facta sunt operativa potentia, igitur de mente, & sententia Augustini in Verbi nomine importatur ad creaturas respectus.

Confirmatur, Verbum ex sui ratione est notitia declarativa, ergo de sui formali constitutivo procedit id, quod est declarare; igitur Verbum quæ tale involvit respectum ad ea omnia, quæ declarat. Hinc Filio, vel Verbo appropriatur relatio ad creaturas. Appropriatio autem non fit, nisi propter convenientiam talis appropriati ad personæ proprietatem.

Præterea, Deus cognoscendo se, cognoscit omnem creaturam; igitur Verbum in mente conceptum est; repræsentativum omnis ejus, quod actu intelligitur. Cum igitur Deus unico actu & se, & omnia intelligat, unicum Verbum ejus est expressivum non solum Patris, sed omnium quoque creaturarum.

Præterea, Verbum divinum ex Augustino, 15. de Trinitate cap. 14. *natum est de omnibus his, quæ sunt in scientia Patris*. Sed Pater comprehendens essentiam divinam, sciat oportet quicquid in illa continetur secundum esse intelligibile. Alioquin enim, si vel unum intelligibile fugeret intuitum ejus, haud dicendus esset comprehendere essentiam, vel objectum, in quod latens intelligibile virtualiter continetur; ergo Verbum producit de scientia omnium omnino creaturarum ac proinde ad ipsas respectus importat.

CONTRA, Augustinus 7. de Trinitate cap. 2. *eo Verbum quo Filius*; sed Filius non importat respectum ad creaturas; ergo nec Verbum; utroque enim nomine una eademque proprietas significatur, atque exprimitur.

RESPONDEO dicendum, nomine *Verbi* non importari respectum ad creaturas; sic ut in ipsius proprietate personali involvatur necessario relatio aliqua ad illas. Nam quicquid est intrinsecum in divinis sive absolutum, sive respectivum in quocunque esse reali, sive intelligibili, abstrahit ab omni respectu ad creaturas, & prius est quocumque esse creaturæ; ita ut si per possibile, vel impossibile omnis creatura remaneret, reperiretur & esset in Deo quicquid sibi convenit ad intra secundum quodcumque esse essentiale, vel personale: quia prius intelligitur tota Trinitas in esse personali, quam creatura habere quæ *aliquid esse*. Cum enim creatura secundum quodlibet esse ipsius sit à tota Trinitate, nihil omnino est intelligibile in creatura, nisi præsupposita Trinitate, quæ est rerum universitatis causa suprema; igitur fieri non potest, ut in Verbi proprietatem involvatur respectus aliquis ad creaturas, quando priusquam hæc sint, aut possibiles intelligantur, omnes divinæ personæ necessario sunt in esse personali earum constitutæ. Deinde, quod est ex se necessarium, subesse non intelligitur ulli variationi, aut mutabilitati per quacumque hypothesein sive possibilem, sive impossibilem, factam circa alia ab illo; nam ea omnia esse nequeunt necessaria, nisi secundario, & cum essentiali dependentia ad summè necessarium; ergo nulla est intelligibilis realitas in eo quod est ex se necessarium, quæ necessario, coexigat aliud à se. Sed si in Verbi proprietate includeretur respectus ad creaturas, ipsa necessario coexigeret aliud a Deo. Relatio siquidem de ne-

cessitate coexigit ad suum esse terminum relationis; ergo facta hypothese, quod is terminus non esset, pariter e medio tolleretur realitas illa in Deo, quæ ad suum esse creaturam necessario coexigeret: igitur aliquid, quod perfectè est idem Deo, non superesset, aliquo alio, quod non est necessarium ex se, non existente. Id autem est plane impossibile, quia magis necessarium ut in sui esse non dependet à minus necessario, ita ad remotionem minus necessarij, non oportet deficere, imo citra omnem repugnantiam quatenus est ex parte sui esse potest sine esse reali cujuscunque non necessarij à se. Nihil autem extra Deum est ita formaliter necessarium, sicut Deus, secundum quacumque positionem. Etenim si poneretur aliquid aliud formaliter necessarium, non tamen sine omni independentia ad primum necessarium, ut illud, à quo dependet; igitur nulla realitas in primo subire poterit mutationem, ponendo per impossibile minus necessarium non esse. Atqui fieret mutatio in aliqua realitate si hæc realitas necessario involveret respectum ad creaturas, quarum esse non est intelligibile sine essentiali dependentia ad primum necessarium. Tale ergo necessarium non præexigit, aut coexigit aliud à se, quamvis ad suum esse aliud necessario consequatur, ut creaturæ in esse intelligibili, cum dependentia tamen ad primum intelligens. Rursus, quicquid spectat ad constitutivum, vel includitur per se in constitutivo divinarum personarum, est reale; prout reale distinguitur contra ens rationis; cum enim constitutum sit reale, pariter & reale sit oportet quicquid in ipso per se includitur: sed respectus quicunque Dei ad creaturas est relatio relationis, & non realis ergo pertinere non possunt ii respectus ad constitutivum divinarum personarum. Minorem ostendit statim factum argumentum de impossibilitate coexistentiæ simpliciter necessarij ad minus necessarium, & rursus probatur: Nam quicunque respectus Dei ad creaturas habet pro fundamento proximo aliquid commune tribus. Non quidem proximo quasi ex natura ipsius fundamenti oriatur relatio illa, quia tunc foret realis; sed sic proximo, quatenus est proxima ratio comparandi per actum intellectus personas divinas ad creaturas. Sed quomodo proximum fundamentum est tribus commune, respectus in illo fundatus esse nequit proprius uni personarum; ergo respectus ad creaturas non includitur per se in proprietate alicujus personæ, quia tunc non esset tribus communis. Rursus, si in Verbi proprietate includeretur respectus ad creaturam, id esset, quia de illarum cognitione procederet, sed hoc est falsum; Tum, quia tunc pariter & Spiritus Sanctus spiraretur, ut amor creaturarum intellectarum; aut igitur Deus necessario diligeret creaturas, vel spiritus non necessario produceretur, vel non tanta polleret necessitate, quanta est in Patre, quandoquidem & de creaturarum spiraretur amore, quibus esse non potest ea necessitas, qualis est essentiæ divine. Tum, quia Pater nedum novit creaturas formaliter, sed etiam Filium formaliter: ergo si de omnibus ut notis Patri gignitur Verbum, de Verbo ut noto Patri gignitur Verbum, & ita Verbum de Verbo. Denique, Verbum si importaret proprium respectum ad creaturas, tanquam illarum declarativum, vel id esset inquantum creatura habet esse in memoria paterna; aut certè inquantum alia habent rationem termini respectu actus declarationis. Primum est falsum. Tum, quia nulla creatura possidet

S. Thomæ  
ratio fundametalis.

2. dist. 1. q. 1.  
1. dist. 18.

Quodlib. q.  
8. §. De ter.  
tio articulo.

Oppositum  
tenet S. Th.  
hic, ubi  
Thomæ,  
& Cajeta-  
nus. Viden-  
di Recanto-  
res Scoti,  
& præsertim  
Malitius si  
per p. sent.  
dist. 7. q. 2.  
art. 6.

Sed & Ma-  
gister Ly-  
cherus super  
dist. 32. 1.  
ad 9. Ad i-  
ssim quæ-  
stionem sol-  
vendum. O-  
stendit Ca-  
jetani labo-  
res pro de-  
fensione  
sententiæ S.  
Thomæ im-  
pensis, muti-  
les exitibus.

1. dist. 1. q. 2.  
6. Ad secun-  
dam q. 2. dist. 10.  
21. 119.

2. dist. 1. q.  
1. 6. Quan-  
tum ad se-  
cundum ar-  
ticulum.

Hæc argu-  
menta con-  
cedit h. Ca-  
jetanus, sed  
perperam,  
quia impos-  
sibile est,  
primum ne-  
cessario in-  
clinari ad  
creaturas, ut  
alia intelli-  
gantur ab  
essentiâ di-  
vina. Sed  
videndus  
Lycherus lo-  
co citato.  
3. dist. 32.  
6. Ex istis.



det formaliter *esse* in memoria Patris, priusquam expleatur productio ad intra; imo earum primum esse possibile, & intelligibile est sequela actus intelligentiæ: Nam simpliciter prior sit oportet motio ad terminum infinitum, ea, quæ est ad terminum finitum, quia non potest infinitum præexigere finitum, sed è contra; ergo nulla creatura relucet in essentia divina, nisi post expletam motionem ad terminum infinitum. Tum, quia si in memoria, ut memoria Patris ulla creatura *esse* haberet; utique foret ratio movendi intellectum infinitum ad Verbum exprimendum, quatenus de memoria exprimitur; finitum ergo moveret intellectum infinitum, quod nemo dixerit. Cum enim Verbum producat de his quæ sunt in memoria Patris, si vel ex una creaturatum, & objecto infinito conflaretur memoria illa, finitum foret ratio intelligendi intellectui infinito, & ratio producendi notitiam infinitam, quod videtur inconveniens. Tum denique, quia quod non est formaliter infinitum nec in memoria, nec in intelligentia, impossibile est fundare relationes originis oppositas: id enim inest essentia divina, quia formaliter infinita; fieri ergo non potest, ut Pater producat Verbum, quatenus ejus memoria continetur aliquid finitum, quia idem finitum non est capax relationis producentis, & producti. Quod si detur aliud membrum divisionis, id profecto non est Verbi proprium, sed appropriatum: Nam tota Trinitas producit creaturas *in esse* intelligibili, quia qualibet persona sibi meminit, & intelligit quodcumque intelligibile, atque ita consequitur tale *esse* actum intelligentiæ, ut intelligentia est in tribus.

AD ARGUMENTA. Ad primum respondeo, Fictum ita esse artem Patris, sicuti dicitur & sapientia, & virtus Patris, nempe non propriè, sed per appropriationem: Nam sicuti Pater formaliter est sapientia, & virtus, ita etiam formaliter est ars. Cum enim Pater formaliter creet, vel causet, idque ut artifex, utique ratio, vel virtus creativa formaliter, est in ipso; respectus igitur artis ad creaturas, ut ad artificata, sit oportet communis tribus; quemadmodum & creativa potestas, quæ est proximum fundamentum respectus illius. Ut ergo signanter dicitur de Filio, quod sit *Ars* Patris, id tantum per appropriationem dicitur, sicuti appropriatur sibi *Sapientia*, & *Virtus*, ut dictum est.

Ad secundum respondeo, non enim *Logos* Græcè melius latine interinterpretari *Verbum*, quam *rationem* hac de causa: Nomine *Verbi* duo respectus importantur, & exprimentur, alius nimirum notitiæ expressæ ad experimentum, alius declarationis ad declaratum: & prior quidem est realis, posterior vero rationis. Quia autem res vera, & ens rationis nihil unum per se constituunt, quamvis si respectus uno nomine significantur non propterea tamen efficiunt unum per se conceptum; sed alter eorum, scilicet expressio illa passiva, est proprietas secundæ personæ: alter autem nempe respectus declarativi, est rationis tantum respectus, sive sit ad Patrem declaratum, sive ad creaturam declaratum. Ac proinde *Verbum* ut per se significat proprietatem secundæ personæ, ita connotat respectum rationis ad declarata. Quoniam igitur *rationis* vocabulo non importatur respectus ad Patrem, uti nomine *Verbi*, nec insuper connotat respectum ad declarata quæque, uti per *Verbum* connotatur; ideo rectè dixit Augustinus communem translationem, quæ *Logos* *Ver-*

*bum* interpretatur, esse præferendam, & amplectendam: sed non propterea vult, nec intendit *Verbum* importare essentialiter relationem ad creaturam sub ratione declarativi. Nam cum dicitur, *ut significetur non solum ad Patrem respectus, sed ad illa etiam, quæ per Verbum facta sunt operativa potentia*. Verbum utique non est operativa potentia Patris, nisi eo modo, quo dicitur *Sapientia*, & *Virtus*; & *Ar* Patris: quæ omnia non nisi per appropriationem Verbo attribuuntur. Quod si Augustinus intendat *Verbi* nomine utrumque respectum per se significari, tunc eo præcisè non exprimitur proprietates secundæ personæ, sed præterea respectus Verbo appropriatus. Quo etiam sensu congrua est interpretatio reddens nominis *Logos*, *Verbum* & non *rationem*, quia ratio nec proprium, nec appropriatum respectum significat.

Ad confirmationem dico *Tò declarativum* non esse propriam Verbi rationem, sed magis intellectualiter exprimi; siquidem intellectio actualis Patris est declarativa; nihilominus Verbo ratio declarativi appropriatur, quia notitiam expressam intellectualiter concomitatur *declarativum*. Unde non solum relatio ad creaturam non includitur in ratione essentiali alicujus personæ, sed nec aliquo modo potest pertinere ad aliquam earum, quia uniformiter spectat ad totam Trinitatem, eo quod tota Trinitas uniformiter se habeat ad omne aliud à se, secundum quodcumque *esse*, sive ex natura rei, sive in *esse* intelligibili. Et cum additur, quia appropriatio non fit, nisi propter convenientiam cum proprio. Concedo, sed exinde non sequitur id, quod appropriatur, esse proprium, sed magis oppositum. Cum igitur Filius proprium sit intellectualiter exprimi, habet convenientiam cum sapientia, & arte, & declarativi ratione, propterea quod ea expressio sit alicujus per modum intellectus, nempe notitiæ actualis genitæ, cujus est declarare notitiam habituales, de qua exprimitur.

Ad tertium respondeo sic: Quamvis Deus cognoscendo se, omnem pariter creaturam cognoscat, attamen in primo signo naturæ illud duntaxat objectum attingit, ac comprehendit, quod est primo motivum intellectus ejus ex natura rei. Illud autem est sola essentia divina, in qua est perfectè beatus. Non quia ergo potentia intellectivæ infinitæ in primo signo deest aliqua vis comprehendendi omnem creaturam in primo objecto virtualiter, & eminenter contentam, illius intuitum effugiant, sed magis id evenire necesse est ex natura ipsorum objectorum. Fieri enim non potest, ut finitum ex se, & contingens, vel non adeo necessarium præsupponatur infinito, & simpliciter necessario, sed potius è converso; Prius ergo ex natura rei est motio intellectus infiniti ab infinito objecto, quam sit terminetur ab objecto finito. Nam secundum hoc esse motionem aliquam, est impossibile. Intellectus autem divinus habens essentiam, ut objectum sibi præsens, non tantum est potentia operativa circa illud, sed etiam potentia productiva notitiæ adæquatæ illi intellectui, ut est principium productivum, & essentia, cujus est, ut objecti; est igitur per prius productivus Verbi infiniti, quam creaturæ omnino terminent actum intellectus illius. & ita dicantur intellectus, ut objectum secundarium intellectus infiniti. Comprehenditur ergo essentia infinita ab intellectu divino, & ratione ejus comprehensionis est beatissimus, sed creaturæ interim formaliter non intelliguntur, nisi quatenus coincidunt

Quodlib.  
q. 14. d. 8. Hic  
intelligen-  
dum.

De his rur-  
sus Doctor  
quodlib. q. 8.  
6. De tertio.  
V. *Sanctum*  
ad secundum  
lt. 3. dist. 2.  
6. Ex isto.  
V. *Qualiter*  
autem.  
Et dist. 32.  
quæst. 2.

Ex q. 1. Pro-  
log. Repor.  
dist. 3. c. 24.

2 dist. 1. q. 1.  
6. Ad solutio-  
nem V. Item  
prius.

Quodlib. q.  
14. d. 8. Hic  
intelligen-  
dum.



1. dist. 18.  
3. Ad ipsa.  
V. Similiter.

cidunt in idem esse infinitum indistinctè, nec sunt necessaria ad Dei beatitudinem, dicente Augustino, Confess. 5. cap. 4. *Beatus est, qui te & illa novit, nec propter illa beator.* Verbum itaque Patris est expressivum solius essentiae divinae, quæ Pater est Deus, non enim exprimit nisi ea, quæ latent in memoria; hæc autem non constat nisi potentia, & objecto infinitis; exprimuntur igitur creaturæ virtualiter, quatenus expleta productione necessaria ad intra, consequuntur ad intelligentiam, quæ est in tribus virtute essentiae, qua illa potentia præcisè movetur, & in qua virtualiter continentur omnia intelligibilia.

Accedit, quod hoc argumentum supponit intellectionem esse formalem rationem, qua Verbum producit. Nos autem Augustinum sequentes, supra *quæst. 27. art. 5. in 2. incidenti* declaravimus tale principium esse memoriam, non intellectionem; quamvis ergo ordine naturæ *dicere* præsupponat *intelligere*, vel *operari*, nihilominus actus ille secundus operandi non est ratio formalis dicendi, sed memoria, quæ est actus primus: sed videndus *articulus citatus*.

Ad ultimum, concedo Patrem ex essentiae divinae comprehensione intelligere omnia omnino, quæ in illa continentur, sed eo ordine, quo pe-

tunt, & possunt cognosci. Quoniam igitur finita omnia virtualiter in infinito contenta cognoscibilia sunt virtute illius entitatis infinitæ in qua sunt, constat ea attingibilia esse, ut objecta secundaria præcisè terminativa actus potentiae tendentis in objectum primum. Nam si haberent esse in se ipsis citra actum tendentis in infinitum objectum, memoriam Patris constare viderentur, movere subinde intellectum divinum. Habeant igitur esse oportet virtute intelligentiæ. Atqui intelligentia infinita non tendit, nec producit finitum, nisi expleta omnimoda ejus activitate, & virtute circa objectum infinitum, & productionibus infinitis: finitum enim omne infinitum præsupponit, & non è contra: igitur in eo duntaxat signa est comprehensiva creaturarum, in quo intelliguntur duæ personæ divinae productæ. Neque id arguit quidquam imperfectionis in intellectu infinito, nec aliquid de gloria, & beatitudine illius diminuit, quia id non ex parte ipsius, sed ex natura ordinis objecti primarij, & secundarij procedit, & finita quæque non spectant, nec integrant rationem objecti beatifici naturæ intellectualis, ut disertè testatur supra relatus Augustinus.

1. dist. 1. q. 4.  
& dist. 3. 6. &  
43.





# QUÆSTIO TRIGESIMAQUINTA

## DE IMAGINE,

### IN DUOS ARTICULOS DIVISA.

Deinde queritur de imagine.

CIRCA HOC QUÆRUNTUR DUO.

- I. Utrum imago in divinis dicatur personaliter.
- II. Utrum sit proprium Filii.

#### ARTICULUS I.

Utrum imago in divinis dicatur personaliter.

Doct̃or locis in margine citatis. S. Thom. p. 1.  
q. 35. art. 1.



VIDETUR imago in divinis haud dici personaliter. Etenim imago est in Deo, ad cujus similitudinem factus est homo, ut habetur *Gen. primo*; Sed hæc imago, aut idea non est propria alicui personarum, sed ex æquo communis tribus;

ergo imago in divinis dicitur essentialiter, & non personaliter.

Præterea, In homine, ad Dei imaginem, & similitudinem producto, nihil reperitur quod sit magis representativum unius personæ, quam alterius; ergo nomine imaginis non significatur quid personale in Deo, sed potius essentialiter, & commune tribus. Probatio antecedentis: ex Augustino 15. de Trinit. cap. 7. *Pater est memoria, intelligentia, & voluntas*; ergo Pater ita formaliter est intelligentia, & voluntas, sicut memoria, & Filius similiter; igitur per illa, in quibus ponitur in homine imago quælibet persona representatur; est igitur imago in divinis non personalis proprietatis, sed potius essentialis virtutis expressiva.

Præterea, Secundum Hilarium de Synodis, *Imago ejus ad quod imaginatur species indifferens est*. Species autem, vel forma importat essentialiter, & commune omnibus personis; ergo imago in divinis non dicitur personaliter.

CONTRA, Augustinus, 7. de Trinit. cap. 1. *Non est, Pater ipse Verbum, sicut nec Filius, nec imago. Quid autem absurdius imaginem ad se dici? Dicitur relative Filius, relative dicitur Verbum, & imago: & in omnibus his vocabulis ad Patrem refertur, nihil autem horum Pater dicitur*. Si igitur imago relative dicitur ut Filius, & Verbum, manifestum est eo nomine non exprimi aliquid essentialiter in divinis, sed tantum personale.

RESPONDEO dicendum, imaginem in divinis dici personaliter. Ad cujus evidentiam, sciendum illud à nobis in corporalibus appellari imaginem alterius, quod est representativum totius, ad differentiam vestigi, quo pars duntaxat corporis, vel animalis representatur. Si enim totum corpus esset impressum pulveri, sicut pes est impressus, illud derelictum ex corpore dicendum foret imago illius, sicut pes effigatus est quidem pedis imago, sed vestigium corporis totius. Veruntamen conformitas hæc expressiva satis non

est imaginis rationi constituendæ; sed præterea requiritur imitatio; nam secundum Augustinum, 83. qq. q. 74. *Quantumcunque duo ova sint similia, unum non est imago alterius, quia non est naturum imitari ipsum*, ad rationem ergo imaginis requiritur & expressio illius, cujus dicitur imago non secundum genus, vel speciem tantum, sed in individuo, ejusdemque lineamenta, longitudinem, & latitudinem, aliaque id genus præferens, & insuper concurrat oportet imitatio, si-ve originationis, vel processio, ut nempe saltem nata sit imitari illud, cujus est imago, ratione cujus originationis, & processionis expressivæ verè imitetur id, quod per imaginem representatur, quæ sanè representatio, & expressio non intelligitur citra dependentiam imaginis a suo prototypo, nempe vel causati ad causam, vel mensurati ad mensuram, vel participati ad imparticipatum.

Hac imaginis ratione præmissa, facile est intelligere id, quod eo vocabulo significatur, ut ad divina transferatur, non ad essentialia, sed ad personas pertinere, ac revera personaliter dici. Etenim Dei essentia non est representabilis, aut exprimibilis secundum omnem sui rationem per aliquid à se effectum, vel causatum, ut propterea aliud ab illa esse queat vera imago ejus representativa, imo quicquid ab ipsa est per infinitos gradus ab illa distet oportet. Nec rursus cum sit infinitæ necessitatis, & simplicitatis est capax ullius distinctionis, aut processionis, quasi procedens essentia sit imago ejus, à qua procedit. Ratio ergo imaginis locum non habet inter essentialia Deitatis. Quoniam igitur & processio, & imitatio, ut est exacta representatio personæ producentis esse potest per personam productam præsertim si personarum productum, & exentium ab alia, vel aliis aliqua exeat in similitudinem naturæ vi processionis suæ, hæc erit exactissima producentis personæ imago: ac proinde imaginis ratio non nisi personaliter dici potest in divinis, de quo magis articulo sequenti.

AD ARGUMENTA. Ad primum concedo nedum hominem, sed quancunque essentiam creatam effectam esse juxta ideam, & rationem mentis divini inexistentem, ut est in tribus personis, atque ita non esse propriam alicui personarum: quia nulla creatura causatur, nec ideatur à Deo quæ trinus, sed quatenus unus, & causam proinde unam indigitare; sed tamen fieri posse, & evenire de facto, aliquam naturam ex productis, & ratione essentia suæ, & aliorum concurrentium representare Trinitatem, & ea quæ apprehenduntur in Trinitate, ac per consequens attribui sibi posse quandam rationem imaginis illius. Quia vero imago hæc qualiscunque unam essentiam in tribus representat, cum verissimè Filius sit Patris representativus, quia figura substantia

Doct̃or Cel.  
lat. 35. n. 2.

1. dist. 8. q. 2.

1. dist. 11.  
6. Ad questionem, & dist. 10. Ad primum principale.

1. dist. 3. q. 9.  
6. Ad primum principale.

4. dist. 6. q. 2.



ejus; ut ait Apostolus ad Hebræos *pr. mo.*, ratio imaginis personis, vel personæ congruit, non autem essentia, ut a personis præscindit. Sicuti & creata imago non unitatem essentia, sed tantum unam in tribus representat.

Ad secundum dicendum, memoriam in nobis magis repræsentare Patrem, quam Filium, & subinde intelligentiam pariam Filium potius, quam aliam personam exprimere. Pater enim non in quantum intelligens est Filii productivus, sed quatenus habet memoriam. Est ergo eadem memoria, & intelligentia sit in omnibus personis; nihilominus in prima duntaxat est secundæ productiva, & ita rectè Patrem memoria nostra repræsentare dicitur, & intelligentia Filium, qui est Patris imago; non igitur imago est quid commune omnibus, sed omnino personaliter Deo attribuitur.

Ad tertium, Augustinus, 6. de Trinit. cap. x. exponens Hilarium, & rationem assignans, cur imaginem appellaverit speciem, dicit, *Imago, si perfecte implet illud, cujus imago est, ipsa coequatur ei, non illud imagini suæ, in qua imagine speciem nominavit credo propter pulchritudinem, ubi tanta est congruentia, & prima aequalitas, & prima similitudo nulla in re diffidens, & nullo modo inæqualis, & nulla ex parte dissimilis: sed ad identitatem respondens ei, cujus imago est.* Noluit ergo Hilarius imaginem speciem appellans pertinere ad essentialia Deitatis, sed duntaxat id dixit, ut quam brevissimè (ut ait Augustinus) exprimeret exactissimam congruentiam, summamque similitudinem imaginis cum eo, cujus imago est.

## ARTICULUS II.

Utrum nomen imaginis sit proprium Filii.

Doct. locis in margine citatis. S. Thom. p. 1. q. 35. art. 2.

**V**IDETUR nomen imaginis non esse proprium Filio. Etenim ejus est esse imago alterius, quod est repræsentativum illius omnino, vel secundum totum, ut articulo præcedenti dictum fuit, sed non minus Spiritus Sanctus, quam Filius est Patris repræsentativus; ergo nedum Filius, sed etiam Spiritus Sanctus est imago Patris; non est igitur id proprium Filio. Probatio minoris: Spiritus Sanctus est similis, imo similimus producenti, cum eandem habeat naturam; ratio autem imaginis similitudine simul, ac passiva productione constat; igitur etiam Spiritui Sancto convenit esse Patris imaginem.

Præterea, In homine, vel in anima rationali est Dei imago, ut passim docet Augustinus in libris de Trinit. & signanter 14. de Trinit. cap. 8. *Ibi*, inquit, *querendum est imago natura Dei, & inveniendum, quo etiam natura nostra nihil habet est melius.* Sed si alicui divinarum personarum id esset proprium, alteri ab illa imaginis ratio competere non posset; ergo cum de homine dicatur quod sit Dei imago, non est Filii æterni proprietates.

Præterea, Si Filius est Patris imago, utique est talis, quia illi per omnia similis; sed non minus Filius est Patri similis, quam Pater Filio: Similitudo enim est relatio æquiparantæ; ergo esse nequit una persona alteri similis, quin pariter illa altera æquetur in similitudine ei, quæ est sibi æqualis; igitur eadem ratione qua Filius est ima-

go, & Pater est imago; ergo non id proprium Filio Dei.

Contra, Augustinus 6. de Trinit. cap. 2. *Sic enim verbum dicitur, quomodo imago; non autem Pater, & Filius simul ambo imago: sed Filius solus est imago Patris, quemadmodum est Filius.* Nomen ergo imaginis est Filio proprium.

RESPONDEO dicendum, revera nomen imaginis ita esse proprium Filio, ut nulli alteri personarum conveniat. Etenim solus Filius ex vi productionis suæ procedit ut similis Patri: Spiritus autem Sanctus etsi pariter procedat, sitque similis producenti, non habet tamen id virtute propriæ processionis, sed propterea quod sit amor insoletus; ergo Verbum solum, vel Filius est Patris imago, vel figura substantiæ ejus, ut vocatur ab Apostolo ad Hebræos cap. 1. Probatio assumpti: Nam eum Verbum producatur per modum naturæ: atque eum productionis vis sit ex similibus similia procreare ipsum Verbum, & Filius Patris erit gignenti similis, quatenus sic producit, ut habeat repræsentare, & exactè exprimere ipsum producentem: quod non habet, ut diximus, tertia persona ratione processionis suæ, sed aliunde: ergo Filius duntaxat ex sui speciali ratione; qua Filius est dici verissime potest, & debet imago, & figura Patris, non alia persona, quamvis eandem habens naturam, & parem proinde ad alias similitudinem, ob quam nonnulli Gregorum Spiritum Sanctum appellasse inveniuntur Filii imaginem. Verumtamen etsi una, eademque sit tribus similitudo, illa duntaxat persona est alterius imago, quæ procedit, ut similis sit producenti; hæc autem persona est unigenitus Patris: eo quod exeat quomodo natus, Spiritus vero Sanctus quomodo datus, ut ait Augustinus, 9. de Trinit. cap. 14. ac propterea, 15. de Trinit. cap. 27. dicit, *voluntatem de cognitione procedere, non tamen esse cognitionis imaginem.*

AD ARGUMENTA. Ad primum respondeo, declaratum extitisse, qua ratione Spiritui Sancto competere non possit ratio imaginis, quamvis per omnia Patri, Filioque æqualis, & similis quia ejusdem naturæ, & substantiæ. Propterea quod enim Verbum sit notitia expressa de memoria Patris, dicente Augustino 15. de Trinit. cap. 15. *Verbum nostrum de nostra scientia nascitur; quemadmodum illud de scientia Patris natum est: procedit Filius ut similis tanquam notitia à notitia: sed Spiritus Sanctus ut amor a voluntate; & ideo quamvis æquè similis sit Patri ut Filius, non tamen est patris imago, & figura substantiæ illius de virtute processionis suæ.*

Ad secundum, dicendum, ea ratione, & modo, quo Filio proprium est exprimere, & repræsentare Patrem, ut ejus est imago, nulli alteri ab ipso, competere possit. Quamvis ergo credamus, & aqualiter etiam declarem in homine reperiri Trinitatis imaginem, dicente scriptura Deum condidisse hominem ad imaginem, & similitudinem suam, id est, Trinitatis, attamen hanc imaginem creatam longissime distare ab supercælesti, altissimoque prototypo, ex eo potissimum constat, quod in nobis eadem sæcunditas esse non potest in prioribus imaginis partibus respectu tertiæ, ut est in Patre, & Filio, qui sunt unum principium Spiritus Sancti: est tamen aliquis ordo inter illas, quia tertia præsupponit secundam naturaliter, esto non sit ab ea. Deest ergo in imagine nostra consubstantialitas, ratione cujus Filius est exactissimè Patris repræsentativus, & ima-

Magist. 1. sent. dist. 27. cap. Hic non est prætermittendum.

1. dist. 10. 6. Ad primum principale. Et q. 1. Prologi Report. art. 1. n. 26.

4. dist. 6. q. 2.

Damasen. lib. 1. c. 116. Imago Patris, inquit, est Filius, & Filius Spiritus, per quem Christus in homine habitans imaginis suæ decus ipsi imprecatur. 1. dist. 11. 6. Ad questionem.

Richardus 5. de Trinit. cap. 11. latè declarat, qua ratione solus Filius sit dictus Patris Imago. Prologi Report. qu. 1. artic. 3. cit. num. 26.

1. dist. 1. q. 9. 6. Ad secundum dico.

Gen. primo

Magist. 1. dist. 3. cap. Non est igitur.

Super hoc quæsitio pulchrè differit Bonavent. 1. dist. 31. q. 2.

1. dist. 10. qu. Un. In primo principali.

1. dist. 3. q. 9. & 2. dist. 16.

1. dist. 31.



& imago, & figura substantiæ illius de virtute, ratione, & modo ortus sui, qui est exitus natiuitatis ex simili simillimam procreans personam. Hujus imaginis rationis exiguus est gradus imago, & valde dissimilis in anima nostra; ut proinde ea, quæ est Filii Dei proprietas nequaquam dicenda sit alteri convenire.

Ad tertium respondet Augustinus, 6. de Trinit. cap. 10. dicens, *Imago si perfectè implet illud,*

*cujus imago est, ipsa æquatur ei, non illud imago sui.* Est igitur Filius similis Patri, & pariter Pater Filio, sed Filius tantum imago Patris, non è converso. Filius enim à Patre est, ipsumque exactissimè representans, sed Pater est à se, & non ab alio. Imaginis autem est imitari illud, à quo est, cum habeat illud representare, ut dictum fuit articulo precedenti.

cap. Non est igitur. Videatur art. 1. q. 42. 6. Ad tertium.

## QUÆSTIO TRIGESIMASEXTA. DE PERSONA SPIRITUS SANCTI, IN QUATUOR ARTICULOS DIVISA.

*Post considerationem prædictam considerandum est de his, quæ pertinent ad personam Spiritus Sancti; qui non solum dicitur Spiritus Sanctus, sed etiam amor, & donum Dei.*

CIRCA SPIRITUM SANCTUM ERGO QUÆRUNTUR QUATUOR.

- I. Utrum hoc nomen, Spiritus Sanctus, sit proprium alicujus divinæ personæ.
- II. Utrum illa persona divina, quæ Spiritus Sanctus dicitur, procedat à Patre, & Filio.
- III. Utrum procedat à Patre per Filium.
- IV. Utrum Pater, & Filius sint unum principium Spiritus Sancti.

### ARTICULUS I.

Utrum hoc nomen, *Spiritus Sanctus*, sit proprium nomen alicujus divinæ personæ.

*Doctor 1. dist. 18. in utroque scripto, prout in margine annotatur. S. Thom. 1. p. quæst. 36. artic. 1.*



**V**IDETUR nomen *Spiritus Sancti* hand esse proprium alicui divinæ personarum. Siquidem nomina exprimentia divinæ personarum proprietates significant oportet relationes, quibus illæ respectivè constituentur; dicente

Boetio, 1. de Trinit. cap. 12. *Essentia continet unitatem, relatio multiplicat Trinitatem*; sed in *Spiritus Sancti* nomine nulla exprimitur relatio; ergo id nomen non est proprium tertiæ personæ subsistentis in Deitate. Minor probatur ex August. 5. de Trinit. cap. 11. *Sed tamen ille Spiritus Sanctus, qui non Trinitas, sed in Trinitate intelligitur in eo quod propriè dicitur Spiritus Sanctus, relativè dicitur, cum ad Patrem, & Filium refertur, quia Spiritus Sanctus, & Patris, & Filii Spiritus est: sed ipsa relatio non apparet in hoc nomine*; ergo hoc nomen esse nequit proprium ejus personæ divinæ.

Præterea, Significatum nominis Spiritus Sancti ex æquo inest omnibus divinis personis; ergo nequit eo nomine exprimi id quod est proprium alicui earum. Assumptum exinde patet, quod unaqueque divinæ personarum est natura intellectualis, vel Spiritualis, & sancta, imo origo, & fons omnis puritatis, & sanctitatis; igitur id nomen magis videtur significare excellentiam Deitatis, ut est in tribus, quàm alicujus personæ proprietatem. Præterea, Quoniam *Filius* est proprium nomen secundæ personæ, dici non potest Filius hujus, vel illius creaturæ: sed de Spiritu Sancto dicitur,

Tomus I.

quod sit Spiritus noster, vel illius; ergo illud non est proprium nomen divinæ personæ. Probatio minoris: Num. 12. narratur dixisse Dominum ad Moysen. *Tollam de Spiritu tuo, & dabo eis*, id est dabo illis de Spiritu Sancto; & alibi quoque scriptura in eandem loquitur sententiam.

CONTRA, Joannes Epist. 1. cap. 5. *Tres sunt*, inquit, *qui testimonium dant in Cælo Pater, Verbum, & Spiritus Sanctus*. Sed nomina Patris, & Verbi expriment primæ, & secundæ personæ proprietates; ergo etiam *Spiritus Sancti* vocabulo significatur id quod est proprium tertiæ personæ.

RESPONDEO dicendum, *Spiritus Sancti* nomine significari, exprimeque tertiæ personæ divinæ proprietatem. Etenim quotiescunque nominis per se significatum sic convenit alicui, ut nulli alteri ab ipso congruat, rectèque dici queat, id profecto nomen est appellandum proprium illius. Nomine autem *Spiritus Sancti*, ita significatur tertia persona divina, ut exinde intelligatur distincta à cæteris, & duæ priores secundum personalem proprietatem aliæ ab ipsa; ergo tale nomen est ita proprium tertiæ personæ divinæ, ut per ejus significatum & distincta, & constituta subinde intelligatur. Minor declaratur: Nam Salvator; *Matthæi ultimo*, exprimens istam veritatem fidei, quæ de Trinitate tenenda est, nominibus relativis vocat tres personas. *In nomine Patris*, inquit, *& Filij, & Spiritus Sancti*: exprimens enim relationes originis, addit veram originationem unius personæ ab alia, estque generatio, atque ita persona generans est Pater, & persona genita est Filius; & processionem tertiæ à duabus, adeo ut procedens ab ipsis sit *Spiritus Sanctus*; propterea quod spiraret voluntate casta, & sancta. Passiva ergo spiratio propriè significatur nomine *Spiritus Sancti* in sensu compositionis intellecto; Est igitur proprium vocabulum, & nomen tertiæ personæ divinæ, tanquam proprietatis ejus constitutive expressivum. Non intelligimus enim nomine *Spiritus* tantum naturam intellectualem, vel spirituales, quia in eo sensu, non magis est uni proprium, quàm cæteris:

eandem dist. cap. Hic queritur. Magist. ibidem cap. 6. secundum hoc.

1. dist. 26. 6. Contra istam opinionem.

1. dist. 32. 5. Ad quæstionem in Additione.

1. dist. 26. 5. Contra istam opinionem.

1. dist. 18. 6. Respondeo.

S. Thomas hic putat processionem Spiritus Sancti non ha-



bere pro-  
prium no-  
men, ne  
subinde *Spi-  
ritus Sancti*  
vocabulum  
esse propriū  
tertiæ per-  
sonæ; sed  
magis ac-  
commoda-  
tum nomen  
ex usu scrip-  
turæ. Con-  
trarium vi-  
detur sentie-  
re Doctor.  
Sic certe qui  
id nomen  
revelavit  
probè intel-  
ligeat per-  
sonarum di-  
vinarum pro-  
prietates, &  
quibus so-  
lent expri-  
menda no-  
minibus.  
Cur ergo si  
propriis no-  
minibus di-  
cuntur ap-  
pellari Pa-  
ter, & Filius  
non pariter  
*Spiritus San-  
ctus* nomen  
erit propriū  
tertiæ per-  
sonæ?  
Voi supra,  
§. Supponen-  
do, & §. Ad  
fextum.

ris: sed illud magis significatum esse percipimus, quod spiratur voluntate unica, & sancta Patris, & Filii. Nam hæc voluntas habens objectum infinitum, infinitè diligibile sibi præsens, est principium adequatum producendi amorem infinitum ac subinde per sestantem, qui amor *Spiritus à* veritate dictus est, propterea quod per modum voluntatis procedat. Passiva igitur ejus processio, qua & constituitur in esse personali & distincto à personis producentibus, vel spirantibus, eo nomine propriè exprimitur, & significatur: perinde ac nominibus *Patris*, & *Filii* propriè, & per se significantur proprietates illarum personarum.

AD ARGUMENTA. Ad primum respondeo, AUGUSTINUM in allata authoritate disertè affirmare *Spiritus Sancti* nomen relativam proprietatem importare, cum in Trinitate intelligitur, eo quod *Spiritus Sanctus Patris, & Filii Spiritus sit*. Cum ergo subdit, eam relationem non apparere in tali nomine. Id verum est, cum accipitur *Spiritus Sanctus*, quatenus perfectionem essentiali signifi- cat, atque omnibus convenit divinis personis. Sed non ita sumitur ad præsens, ut dictum est in solutione.

Ad secundum patet solutio ex dictis.

Ad tertium respondeo sic: *Spiritus Sanctus* dicitur spiritus noster secundum respectum, quem connotat virtute processionis suæ, ob quam ipse est primus amor, & infinitus. Quoniam igitur amor convenit prima ratio doni; reliqua enim omnia, quæ donantur, aut elargiri possunt dona sunt, quatenus cadunt sub actu amoris, & communicantur amicaliter actu amatorio voluntatis. Quicquid ergo Deus creaturis communicat, donatque, etsi ex æquo de omnibus personis procedat, significans subinde per se respectum ad creaturam, nihilominus connotat necessario proprietatem *Spiritus Sancti*; qui est primus amor. Quomodo ergo *donum* primo significat respectum ad creaturam, connotando æternam processionem amoris infiniti; ita è converso, *Spiritus Sanctus* primo significat æternam processionem tertie personæ spiratæ voluntate unica, & sancta Patris, & Filii, connotando respectum antitudinalem ad creaturam, propter quem respectum ipse appellatur in Sacra Scriptura *Spiritus noster*. At Filius virtute nativitatis suæ nec significat, nec connotat respectum ad creaturam; naturaliter enim, & non per modum doni procedit: & propterea non est appellatus, nec dicens Filius creaturæ.

## ARTICULUS II.

Utrum Spiritus Sanctus procedat à Filio.

Doctor 1. dist. 11. in utroque scripto. S. Thom. 1. p. quæst. 36. artic. 2.

VIDETUR Spiritus Sanctus non procedere à Filio. Nam nihil est tenendum, ut fidei articulus, nisi expresse contineatur in scriptura divina; sed scriptura non dicit Spiritum Sanctum à Filio procedere: Imo in novo Testamento, ubi traditur doctrina credenda de Trinitate, solum habetur Spiritum Sanctum à Patre procedere, *Spiritum veritatis, qui à Patre procedit*, inquit Salvator Ioan. 15. igitur non procedit à Filio, alioquin Veritas pariter id expressisset, ut videretur.

Præterea, Damascenus, lib. 1. cap. A Patre,

inquit, procedentem, & in Filio quiescentem Spiritum Sanctum dicimus. Rursus cap. 11. Spiritum Sanctum dicimus ex Patre, ex Filio non dicimus. Et in Epistola de Trifagio ad Iordanum prope finem. A nobis, ait, unus Deus est Pater, & Verbum ipsius, & Spiritus ipsius. Verbum porro quiddam genitum est per se subsistens, ac proinde Filius. Spiritus item per se subsistens est processio, atque emanatio, ex Patre quidem, Filij autem ac non ex Filio, utpotè Spiritus oris Dei, Verbum enuncians. Disertè ergo docet Spiritum à Patre quidem procedere, at non item ex Filio.

Præterea, Imago in anima nostra est Trinitatis repræsentativa, & suo modo expressiva processionum divinarum personarum, sed in nobis proles: vel verbum gignitur quidem à memoria, ut Filius Dei de paterna memoria exit, nequaquam tamen verbum est productivum amoris, qui tantum à voluntate producitur; ergo nec Dei amor infinitus de Verbo procedit, sed à Patre duntaxat spiratur.

Præterea, Spiratio passiva est ita propria uni divinarum personarum, ut per eam in esse personali complete constituta intelligatur; ergo pariter & activa spiratio ita propria erit uni personæ ut alteri nequeat competere. Probatio consequentiæ; Nam utraque videtur æque perfecta, & perinde incommunicabilis.

CONTRA, In Symbolo Nicæno dicitur de Spiritu Sancto; qui ex Patre, Filioque procedit. Athanasius etiam in Symbolo Fidei *Spiritus Sanctus*, inquit, à Patre, & Filio, non factus, nec creatus, nec genitus sed procedens; & de summa Trinit. & Fide Cath. capite Firmiter. Pater à nullo, Filius à Patre solo, ac Spiritus Sanctus pariter ab utroque. Spectat ergo ad fidei substantiam & sentire, & fateri Spiritum Sanctum à Patre, & Filio procedere.

RESPONDEO dicendum, Tertiam personam in divinis, quæ à Veritate *Spiritus Sanctus* appellatur verissime à duabus prioribus procedere, ut syncera fides docet, & credendum proponit. Hac igitur supposita verissima doctrina, mysterium excedens omnem creatæ intelligentiæ facultatem potest quodammodo sic declarari: Habens principium perfectum productivum, priusquam produxisse intelligatur, utique tali principio poterit producere præsertim quum tantæ est perfectionis, ut nec omnino impediri queat, nec ulli ratione à passivo dependere. Sed Filius præhabet voluntatem, quæ est productivum principium amoris adæquati in eo signo, in quo non intelligitur produxisse amorem infinitum, igitur ipsa poterit eum producere, ac per consequens reipsa producit. Probatio minoris: Generatio, & spiratio eum habent ordinem inter se, ut spiratio ipsa generatio præsupponi concipiatur: in illo priori naturalis, & necessariæ præsuppositionis communicatur genito omnis perfectio divina, quæ est in Patre præter paternitatem Filio repugnantem; ergo communicatur, & voluntas; ergo inest revera Filio. tunc voluntas infinita, ut ipsa est prior suo termino adæquato. Nam in eo signo non intelligitur productio aliqua representata fuisse per modum voluntatis. Quod vero generatio, & spiratio ita sint ordinatæ, ut spiratio præsupponat generationem, manifestum est ex ordine potentiarum intellectus, & voluntatis, quæ sunt principia formalia earundem processionum. Et præterea probatur; Nam quotiescunque duo actus primi habent ordinem in eo, cujus sunt actus, si uterque sit perfectè activus eundem ordinem

Videndus Mayron. 1. Conflatus dist. 11. q. 1. Magister O. eham in 1. dist. 11 q. 1. conatur infringere hanc Scoti rationem. Sed Lycherus in Commentario ostendit ipsum nihil proficere.



dinem servabunt in elicendis actibus. In Patre autem intellectus, & voluntas sunt perfectè principia activa habentia ordinem quandam, quia ab fecunditate intellectus est quod sit Pater: fecunditas autem voluntatis non facit, sed invenit ipsum in tali esse constitutum; ergo intellectus fecunditas aliquo modo prius habebit actum suum, quam fecunditas voluntatis habeat actum suum.

Quidam sic probandum censent ordinem productionis per intellectum ad productionem per voluntatem. Sicut se habet *intelligere ad velle*, ita dicere ad *spirare*: ergo sicut velle necessario præsupponit intellectum objecti, circa quod debet voluntas tendere: ita & spirare præsupponit dicere. Sed ista probatio videtur deficere: quia per ingenitum intellectum essentia divina est sufficienter præsens voluntati, ut diligit ipsam. Per actum autem dicendi non est præcisè præsens objectum, cuius amor spiratur, quia Pater non est sapiens noticia genita, sed intellectio sibi ingenta habet objectum præsens, eaque solummodo intellectio præsupponitur actui spirandi; ergo non est similis necessitas præsuppositionis intellectus ad volitionem, & actus dicendi ad spirationem. Est itaque inter intellectum, & volitionem ordo propter duo. Primum ut voluntati sit præsens objectum. Secundum vero est ex ordine harum potentiarum in operando. Istæ enim potentie tales sunt, ut una sit naturaliter ordinata prius operari, quam alia. Prior ratio non est causa proprietatis generationis ad spirationem, sed secunda: quemadmodum enim in quantum sunt potentie operative, est aliquis ordo inter operationes earum, ita & in quantum sunt potentie productivæ, est aliquis ordo productionis earum, sed non necessario una alteri præsupponitur, ad hoc ut objectum præsens sit voluntati.

Ad ARGUMENTA. Ad primum respondeo non omnino, quæ ad salutem necessario creduntur, explicitè contineri in Scriptura divina. Nam Christi animam ad inferos descendisse non narratur in Evangelio, & tamen est unus ex fidei nostræ articulis. Consimiliter multa alia quæ Sacramentorum doctrinam concernunt, nunquam in novo Testamento leguntur: & nihilominus Ecclesia tenet ea tradita fuisse Apostolis ab Authore ipso Sacramentorum, & periculosum esse errare circa illa. Non tantum ergo quæ Apostoli Ecclesiæ in scriptis tradiderunt, spectant ad huiusmodi dogmata, verum etiam quæ per universalis Ecclesiæ consensum tradita creduntur. Nec Christus in Evangelio docuit omnia pertinentia ad dispensationem Sacramentorum: Dixit enim discipulis, Joan. 16. *Adhuc habeo multa vobis dicere; sed non potestis portare modo, cum autem venerit ille spiritus veritatis, docebit vos omnem veritatem*. Multa igitur docuit eos Spiritus Sanctus, quorum aliqua per scripturam, aliqua oretenus tradiderunt. Consimiliter articulis contentis in Symbolo Apostolorum Ecclesia secundum opportunitatem, & necessitatem confutandi diversas hæreses, & constabiliendi catholicam veritatem, diversas declarationes addidit, ac credenda proposuit. Quæ etsi prius fuerint credenda, & pertinnerint subinde ad substantiam fidei, non tamen erant ita declarata, ut factum fuit postea occasione, ut dictum est, hæresum confutandarum.

Cum igitur arguitur: Non legi in Evangelio Spiritum Sanctum à Filio procedere. Dicimus in primis sufficere nobis id non negari; nam ut prædiximus; non omnia in scriptura scribi debuerunt, nec potuerunt: nam complura erant

successivè ediscenda Spiritus Sancti revelatione: Unde & dicit, *non potestis portare modo*. His ergo, quæ scriptis Apostoli mandarunt, aut per manus tradiderunt, Ecclesia spiritu veritatis edocta opportunas, & planè necessarias declarationes addidit, ac credenda ad salutem proposuit, quorum unum est, *Spiritum Sanctum à Patre, Filioque procedere*.

Deinde falsum est hanc veritatem non contineri in scripturis, quanquam non adeo manifestè: Nam Apostolus, 4. ad Galat. *Miseri, inquit, Deus Spiritum Filij sui in corda vestra; & ad Roman. 8. Qui autem spiritum Christi non habet, hic non est ejus*. Si autem Spiritus est Christi, & Filij sui; ergo est ex illo, aut ab illo. Dicitur est etiam Spiritus Patris ab Apostolo, locustatem citato, cum ait. *Quod si Spiritus ejus, qui suscitavit Jesum à mortuis habitat in vobis*. Et Matthæi 10. dicit Saluator: *Non enim vos estis, qui loquimini, sed Spiritus Patris vestri, qui loquitur*. Manifestum est autem ideo appellari Spiritum Patris, quia procedit à Patre; ergo si pariter est & Filij Spiritus, spiratur à Filio. Quæ etiam veritas non obscurè videtur significari à Christo, cum ait, Joan. 15. *Cum venerit Paraclitus, quem ego mitto vobis à Patre Spiritum veritatis, qui à Patre procedit*. Et rursus cap. 16. *Si enim non abiero, Paraclitus non venit ad vos, si autem abiero mitto eum ad vos; & infra: Ille me clarificabit, quia de meo accipiet, & annuntiabit vobis*. Atque secundum Augustini doctrinam 4. de Trinitate, cap. 20. *Miri Spiritum Sanctum est cognosci, quod ab illo procedat, à quo mittitur*. Nam sicut sunt due tantum persone missæ, scilicet Filius, & Spiritus Sanctus, ita & due mittentes, nempe Pater, & Filius. *Mittere* ergo est manifestare personam procedere; dicente igitur Filio se mittere Spiritum Sanctum clarè ostendit, et ipsum spirare una cum Patre amore procedentem, quia de meo, inquit, accipiet. Utique in eum sensum, quo ibidem dicit, *omnia quæcunque habet Pater mea sunt*. Sunt enim Filii per generationem; ergo & Spiritus Sancti per spirationem eorum, a quibus accipit, ut sit amor spiratus. Rursus, inquit Saluator, *Cum venerit ille Spiritus veritatis docebit vos omnem veritatem: non enim loquetur à semetipso, sed quæcunque audiet, loquetur. Audiet* (subdit Augustinus Homil. 99 super Joan.) *quod utique audit, & audiet, quia Spiritum Sanctum audire, est à Patre, Filioque procedere*. Quamvis ergo discretè non tradatur in Evangelio processio Spiritus Sancti à Filio, sicut scribitur, Spiritum à Patre procedere; sufficientissimè tamen hæc veritas ex inde deducitur & per ipsum contextum scripturarum, & de sanctorum expositione.

Ad secundum respondeo, revera dicuntur quidam Græcorum in hoc articulo à catholicorum sententia deviare, sed Lyconienensis in notis super Epistolam Damasceni de Trisagio citaram, vult discordiam esse penes nomina, & non secundum rem, quæ nominibus significari intenditur: propterea quod qui negare videntur processionem Spiritus Sancti à Filio, astringunt atque docent, esse nihilominus Spiritum Filij procedentem quidem à solo Patre, sed per Filium. Si est autem Spiritus Filij à Filio esse debet: sicut quia dicitur Spiritus Patris à Patre sit oportet; ut in præcedenti responsione dictum fuit.

Cui expositioni inhærentes, dicimus, admodum verisimile esse controversiam hanc Latinis inter, & Græcos in solis vocibus consistere, ac ad modum loquendi pertinere (quanquam dubitari

Magist. 7. dist. 11. cap. Hic ascendit.

Doctor dist. 11. cap. 9. Sed forte.

Argumentum acceptum ex natura missionis non tenet juxta expositionem Magistri 1. dist. 15. sed prout declaratur à aliis, ut ibidem Doctor n. 4. sed videndus artic. 4. q. 43. & Ponticij Con. super dist. 16. primi.

1. dist. 15. 6. Præter aliter.

Vultentur Augustinus 15. de Trin. cap. 26.

1. dist. 20.

1. dist. 10. 6. Ad eum intellectum.

Idipsum docet Magist. in cit. dist. 11. prin. cap. sciendum. & cap. 1. Unitatem etiam refert Arhanianus, Didymus, Chrysostomum catholicos professiones Spiritum à Patre, Filioque procedere.

Henr. Quod. dist. 9. 1. & in sum. artic. 54. q. 6.



tari non possit, post Ecclesiæ declarationem pertinaciter negantes Spiritum Sanctum à Patre, & Filio procedere verè Hæreticos & esse & extitisse) Nam alioquin vel ipsi Græci, aut nos Latini Hæretici dici deberemus. Sed quis audeat Damascenum, Basilium, Grægorium, Cyrillum, consimileque Patres arguere Hæreseos? Quis item Hieronymo, Augustino, Ambrosio, Hilario, cæterisque latinis Patribus notam hæreseos impingat? Oportet ergo diversis, aut etiam contrariis vocibus unam, eandemque, & veram sententiam subesse. Etsi itaque Græci videantur negare Spiritum à Filio procedere (ut ex relatis verbis Damasceni constat) ex eo tamen quod fateantur esse Filii Spiritum, ac per Filium à Patre procedere; & una probantur testari, & credere Patrem, & Filium esse unum Spiritum Sancti principium, quamquam diversimode. Pater enim cum sit fons totius Deitatis, à se spirat, sed Filius principio accepto à Patre; & fortasse non aliud exprimere intendit Damascenus, quamvis ex verborum tenore alius sensus eliciatur.

Ad tertium respondeo ex dictis, q. præcedenti art. 2. §. Ad secundum: ex imperfectiōe imaginis creatæ deesse secundæ parti causalitatem respectu tertiæ. Propterea quod enim verbo non communicatur eadem natura; ipsum enim est accidens, mens vero substantia, ideo nec libertatem accipit à parente. At Verbo divino communicatur natura Patris, & eadem subinde libera voluntas, & ideo habet eam ut secundam respectu productionis Spiritus Sancti: cum ordine originis intelligatur præhabere illam priusquam Spiritus Sanctus spiraret.

Ad quartum dicendum, assumptum esse verum, quia impossibile est naturam divinam pluribus productionibus haberi in una persona: nam tunc utraque productione communicaretur natura, & non communicaretur; inesset quidem, ut supponitur personæ essentia divina, & non inexistet: quia ea productione non communicatur essentia, qua circumscripta nihilominus fuisset communicata. Quod est verum de utraque productione singillatim accepta. Contra vero una, eademque persona valet alteri naturam communicare pluribus diversisque productionibus: Sicuti plures personæ unica productione possunt unum producere suppositum. Ac proinde ex unitate productionis passivæ unam personam constituentis, non licet inferre pariter oportere, & activam esse præcisè in supposito uno. Et cum dicitur; quia utraque est æque incommunicabilis. Responsio; tantum ea productio activa est incommunicabilis, quæ personam constituit, ut paternitas, & filio: sed activa spiratio, quoniam nullam habet constituere personam, opus non est sibi pari incommunicabilitate, quam possident aliæ activæ, & passivæ productiones.

#### ARTICULUS INCIDENS.

An ex hypothesi quod Spiritus Sanctus non procederet à Filio, distingueretur ab ipso.

Doct. 1. dist. x1. q. 2. in utroque scripto S. Thomæ, 1. p. q. 36. art. 2. in solutione, Vbi Cajet. cæterisque Thomistæ. Sed S. Doctor quodlib. 4. art. 7., & in 1. dist. x1.

**V**IDETUR non esse intelligibile tertiam personam distinguere à secunda ex impossibili positione, quod non produceretur ab ipsa:

Etenim nisi Spiritus Sanctus esset à Filio, nullo modo posset ab eo personaliter distinguui. Non enim secundum aliquod absolutum divinæ personæ ad invicem distinguuntur, quia tunc non foret trium una essentia: ergo solis relationibus illi tres in una Deitate subsistentes differant oportet. Sed hanc distinctionem non efficiunt, nisi quatenus relativè opponuntur. Nam quoniam paternitas, & spiratio activa hanc non præferunt oppositionem, in una, eademque persona Patris sese compatiuntur: Sed esse nequeunt in divinis aliæ relationes oppositæ, nisi relationes originis: ergo sublata originatione Spiritus Sancti à Filio, non superessent personæ illæ inter se distinctæ.

Confirmatur ex Boetio, 1. de Trinit. cap. 12. *Essentia continet unitatem, relatio multiplicat Trinitatem*: ergo nulla persona distinguitur ab alia, nisi ad illam relativè referatur: sed si Spiritus Sanctus non produceretur à Filio, nullam inter se haberent relativam oppositionem: ergo non distinguerentur ab invicem.

Præterea, Si peristeret distinctio Spiritus Sancti à Filio, sublata processione unius ab alio: ergo salvaretur ea distinctio penes relationes disparatas: sed id est impossibile. Probatio: Relationes disparatæ compatiuntur se in una persona Patris: ergo pariter & persona Filii, & Spiritus Sancti esset una habens duas relationes oppositas duabus relationibus Patris, quod destruit fidem Trinitatis.

Confirmatur, Secundum Augustinum, 2. de Civit. cap. x. *Sed ideo, inquit, simplex dicitur Deus, quoniam quod habet, hoc est, excepto, quod relative quæque persona ad alteram dicitur, sicut Pater habet Filium, & non est Filius*; igitur si Spiritus Sanctus non procederet à Filio, in eundem coincideret Filium, quandoquidem non diceretur relativè ad illum.

Præterea relatio in divinis aut distinguit secundum quiditatem, aut secundum esse: non secundum esse, quia sic transit in essentiam; igitur secundum quiditatem. Sed secundum quiditatem tantum respicit oppositum; igitur præcisè distinguit ab opposito. Ex illa autem hypothesi impossibili, non essent inter Filium, & Spiritum Sanctum relationes oppositæ; ergo non distinguerentur.

CONTRA, August. 5. de Trinit. cap. 15. *Apparet, inquit, quod Spiritus Sanctus non est Filius; nisi exeat à Patre, quia exit non quomodo natus, sed quomodo datus*; sed Filius, & Spiritus Sanctus eandem respectivè proprietates habent, etiamsi unus ab alio non esset; ergo adhuc distincti intelligerentur. Hoc idem docet Anselmus, de Process. Spirit. Sancti. *Habent utique inquit, à Patre esse Filius, & Spiritus Sanctus; sed diverso modo: quia alter nascendo, & alter procedendo, ut alii sint per hoc ab invicem*. Et subdit; *Nam si per aliud non essent plures Filius, & Spiritus Sanctus per hoc solum essent diversi*; ergo si per impossibile Spiritus à Filio non spiraretur, adhuc foret ab eo distinctus.

RESPONDEO, Aliqui considerantes impossibile esse Spiritum Sanctum non procedere à Filio, putant quæstionem hanc non esse admittendam, quia includit impossibilia. Suppositum ergo non est disputabile, quia in eo statim includitur redargutio: nec regulæ disputationis sic salvari queunt, quin statim cogatur defendens concedere repugnantiam, quæ involvitur in hypothesi impossibili. Contra hoc est Augustini auctoritas

Goffredi opio.  
nio.  
Quodlib. 7.  
2. 4.



Doctores  
tamen  
hanc  
refel-  
le, sed  
no-  
stro  
insti-  
tuto  
videtur  
sufficere,  
que  
subji-  
ciuntur,  
præter-  
ea  
Gott-  
sch-  
opinio  
expleta  
sit, &  
passim  
hypothesi  
admittatur.

tas 5. de Trinit. cap. 6. *Si Pater non esset innascibilis, nihil prohiberet eum genuisse Filium*; Et tamen quod Pater non sit innascibilis concomitanter includit impossibilia. Similiter Richar. 3. de Trinit. cap. 16. *Si sola, inquit, una persona in divinitate esset, nihil prohiberet eam habere plenitudinem sapientie, vel intellectus*. Et nihilominus ad plenitudinem Sapientie concomitanter sequitur pluralitas personarum. Isti igitur ex hypothesi impossibili declarare nituntur quod sequitur exinde consequentia essentiali, cui impossibilitas suppositionis est extrinseca logice, & accidentalis. Simillima illarum est suppositio præsens; Nam spiratio activa non est de per se intellectus Filii, ut persona est, sed quasi passio communis Patri, & Filio; igitur per impossibile ea circumscripta, ponendo Filium in esse Filii, non ponuntur contradictoria ex primario intellectu suppositionis, sed tantum ex consequentia accidentali, & per locum extrinsecum; nam ob remotionem quasi passionis, tolleretur quasi subiectum ejus; igitur hæc positio non ita includit opposita, quin possit proponi disputanda.

Propterea, admissa rationabiliter facta suppositione, opinantur aliqui fore ut Spiritus Sanctus non distingueretur à Filio, si intelligeretur non procedere ab ipso propter jam relatas rationes. Hæc igitur efficax omnino videtur istis esse via convincendi Græcos negantes Spiritus Sancti à Filio processionem; quia tunc duæ personæ productæ coalescerent in unam Filii personam; Quare illi admittentes personarum Trinitatem, & negantes processionem tertiæ à duabus, convincuntur ex ignorantia, vel ex protervia, id statuere. Nobis contrarium magis probatur; putamus enim ex hypothesi, quod tertia persona non procederet à secunda, adhuc superfuturam distinctam ab illa secundum esse personale ipsius: Ac proinde ex hac via Græcos necessario credere non potuissent processionem Spiritus Sancti à Filio: sed doctrinam magis illorum pertinaciam expugnandi, & ignorantiam instruendi esse accipiendam ex articulo præcedenti. Porro duæ media potissimum ad hanc conclusionem ostendendam occurrunt. Primum procedit ex formali ratione constitutivi: Secundum vero ex distinctione divinarum emanationum: iuxta primum medium sic argumentamur: Quod est principium constitutivum aliqujus in suo formali esse, id ipsum est principium distinctivum constituti à quocunque alio. Nam eodem est aliquid ens, & unum unitate, quæ est sequela ejus entitatis, ac proinde ut est in se indistinctum, ita distinctum sit oportet ab omnibus aliis. Sed Filius constituitur in esse personali filiatione; ergo & filiatione distinguitur ab omni alia persona; igitur per impossibile circumscripto quocunque alio, & maxime eo, quod est posterior, & advenire intelligitur Filio jam in esse personali constituto, superest Filius per Filiationem distinctus à quacunque alia persona. Atqui Filius non constituitur in esse personali spiratione activa, quia illa est communis Patri, & Filio, & advenire concipitur ipsis jam constitutis, ut præcedenti articulo declaratum fuit; ergo si per impossibile Spiritus Sanctus à solo Patre spiraretur, adhuc Filius filiatione distingueretur ab illo, qui passiva spiratione intelligeretur constitutus. Et consimiliter si tantum à Filio spiraretur, & non à Patre ipse nihilominus Pater paternitate distingueretur à Filio, & à Spiritu Sancto; quemadmodum & paternitate constituitur in esse personali. Responsio: Propterea quod Pater, & Filius

convenient in spiratione activa, secundum hanc illi distinguuntur à Spiritu Sancto; sed filiatione Filius distinguitur à Patre, quia illa est proprium Filii constitutivum. Unde formale constitutivum non est ratio distinguendi constitutum à quocunque, sed tantum ab illis, cum quibus maxime convenit, & nullo alio præterea distinguitur ab iisdem. Nam homo rationalitate non distinguitur à lapide, sed à speciebus animalis; à lapide autem distinguitur animalitate, quæ non est formale constitutivum ipsius. Contra, hæc responsio non solvit factum argumentum. Nam unumquodque secundum proprium esse distinguitur à quocunque alio per aliquid, quod est de ratione ejus, in quantum habet tale esse; ergo Filius personaliter distinguitur per aliquid, quod est de ratione ejus, in quantum est persona: Spiratio activa non est de ratione ipsius, in quantum persona, cum adveniat Filio jam generato quasi proprietates. Quapropter evidens est exemplum allatum non esse ad propositum; Quamvis enim homo non distinguatur primo à lapide rationalitate, attamen distinguitur per aliquid, quod spectat ad essentiam ipsius. Quodcunque enim distinguitur per se ab alio, in quantum tale, distinguitur oportet per aliquid, quod est per se de ratione ejus in quantum tale. Si ergo homo per se distinguitur à lapide, gradus distinguendi per se unum ab altero spectat ad hominis essentiam, quamvis non sit ultimum hominis constitutivum; ac proinde per se non differret homo à lapide animalitate, vel alio gradu, & ratione, nisi ea ingrederetur hominis naturam, ergo Filius in divinis cum sit per se distinctus, ut persona à quacunque alia, distingui non potest nisi per id, quod est de ratione ejus ut talis persona. Illud autem sola filiatio est, non activa spiratio, nec ulla alia proprietates, quia nulla alia est ibi inquirenda, aut adstruenda.

Deinde, ratione formalis constitutivi distinguitur constitutum ab omni alio, etiam si per impossibile quodcunque aliud ab tali constitutivo circumscribitur, quia per constitutivum distinguitur constitutum primo, & adæquate ab omni non habente eam rationem constitutivam: sed omne non habens id constitutivum est aliud à constituto; ergo distinguitur ab illa ratione ultimi sui constitutivi. Spiritus Sancti autem ratio constitutiva est passiva spiratio, & non filiatio; ergo Filius distingueretur à Spiritu Sancto, ex positione, quod non produceretur ab ipso. Ista ratio declaratur, adducto exemplo de homine. Nam homo non tantum per rationale distinguitur à lapide, sed etiam per animalitatem. Nec etiam sic adæquate per rationalitatem distinguitur à lapide, quatenus rationale habet ipsum esse distinctum pro extremo; id est non adæquate distinguitur per rationalitatem, quia tunc quodlibet distinctum à lapide foret rationale. Non enim sequitur, omne rationale distinguitur à lapide; ergo omne distinctum à lapide est rationale. Sed adæquate, & primo in genere corporis distinguitur à lapide per animatum. Et nihilominus si per impossibile in homine non esset nisi gradus rationalitatis, per ipsum distingueretur essentialiter à quocunque non rationali, & à lapide subinde, qui non est rationalis. Non igitur solummodo illud distinguit realiter, quod distinguit adæquate, sed etiam illud, quod solum si poneretur, esset impossibile illi, à quo distinguitur. Cum igitur sit omnino impossibilis spirationi passivæ filiatio. per impossibile circumscripta spiratione acti-

sed magis  
de suo in-  
genio ea,  
proferre;  
nec ratio-  
nes docto-  
ris, solvere,  
aut infra-  
gere, ut opi-  
natur.  
Videbis Re-  
centiores  
Scotistas. &  
præsertim  
Mastrum  
exatissime  
huc quæ-  
tum disse-  
rentem qu-  
ult. de Tri-  
nitate.

Cur spiratio activa  
non sit per-  
sone consti-  
tutiva, vide  
Mavronem  
l. 4. c. 2. q. 4.  
subdistin-  
diferentem.

Videnda  
glossa Ma-  
gistri Ly-  
cheti.

S. Thomæ  
sententia.

Videndus  
Franciscus  
in 1. Consta-  
tus disp. 11.  
q. 2.

Aureolus  
2. disp. 11. q. 2.  
sententia no-  
biscum, sed  
putat tamen  
Filius ex  
quo con-  
stitui filia-  
tionem, &  
spirationem  
activam. Un-  
de putat in  
casu super-  
futurum  
Spiritus  
Sanctum  
realiter à  
Filio distin-  
ctum, sed  
non personam  
liter, quia  
sibi dasset  
spiratio acti-  
va, & tamen  
in ipso ad-  
huc esset  
generatio,  
quod est in-  
compossibi-  
le ipsi spira-  
ri.

Quæ opinio  
subtilissime  
se efficacis-  
simè confu-  
tatur à Fran-  
cisco 1. dist.  
11. cit. q. 4.  
Cajetanus  
hic est val-  
de sollicitus,  
& an-  
xius, multa  
tangit, &  
de more  
Doctorem  
carpit.  
Sed Lychet  
in Com.  
ostendit ip-  
sum nec ad-  
mentem,  
S. Thomæ



activa, adhuc inter se distinguuntur.

Penes distinctionem emanationum arguitur sic: Generatio passiva distinguitur à spiratione passiva ob alteritatem rationum sequentem principia formalia generandi, & spirandi; idque per impossibile circumscripto omni alio ab earum formalibus rationibus; aut saltem supponendo activam spirationem non esse in Filio; ergo omni eo per intellectum circumscripto, staret realis distinctio Filii à Spiritu Sancto. Probatio consequentiae: Etenim impossibile est unam personam duabus productionibus adequatis accipere *esse*. Nam nulla productione aliqui accipit *esse*, quia per impossibile sublata, non minus acciperet *esse*: Sed si gemina adequata productione aliquod unum suppositum acciperet *esse*, altera per impossibile circumscripta, non minus acciperet *esse*, & ita pariter reliqua productione non extante, pariter acciperet *esse* per alteram, quia utraque foret perfecta; igitur utraque circumscripta haberet *esse* per alteram completè; & ita neutra, & utraque ut supponitur acciperet *esse*, quod non est intelligibile.

AD ARGUMENTA. Ad primum respondeo nos ostendisse duobus mediis assumptum esse falsum. Et cum probatur; quia oportet divinas personas solis relationibus, inter quas relativa versatur oppositio distingui. Responsio; communi opinioni adhaerendo statuenti personas divinas constitui relationibus, dicimus in casu praesentis hypothese fore ut constituerentur personae Filii & Spiritus Sancti relationibus non oppositis, sed disparatis, cujusmodi sunt passiva spiratio, & filiatio. Sed arguebatur; quia relationes disparatae sese compatiuntur in eodem supposito, ut paternitas, & spiratio activa. Dicimus: Disparatarum relationum aliquas esse compossibiles in eodem supposito: aliquas vero penitus impossibiles ex earum rationibus formalibus. Eas autem praesertim dici debere, quae sunt rationes accipienti naturam in suppositis. Quoniam igitur passiva spiratione accipitur Deitas, & reperitur in tertia persona; Et filiatione accipitur, estque in secunda; hae relationes nedom sunt distinctae, verum etiam penitus impossibiles: Sicuti impossibile est supposito inesse naturam disparatis, & prorsus diversis modis; tunc enim non unico modo, & ratione haberet naturam. Nam intelligeretur accepta esse modo, principioque naturali; & praeterea de libero principio, & prorsus ab alio diversa processisse natura, quae communicata fuit illi personae; sunt igitur impossibiles spiratio passiva, & filiatio; ac proinde cæteris circumscriptis, quae sunt extra rationem formalem earundem, & constitutæ, & distinctæ intelligerentur secunda, & tertia persona.

Ad confirmationem ex Boetii autoritate, dicendum, relationem utique multiplicare, atque efficere personarum Trinitatem; propterea quod inter sese illae opponuntur seu relativè, seu disparatè: Sed quae disparatè opponuntur, non esse correlativas, ut illae, quae altera oppositione contrariantur, ut paternitas, & filiatio; nam tantum disparatè paternitas, & spiratio passiva opponuntur; quia nulla inter eas est correlatio; Distinguit ergo relatio multiplicans Trinitatem non tantum ab opposita relatione, verum etiam à qualibet disparata, cui formaliter non est idem. Quemadmodum & in genere qualitatis albedo non solum distinguitur à contraria qualitate, sed etiam ab omni alia disparata, quia albedo non est dulcedo formaliter, nec odor.

Ad secundum patet ex dictis. Ad primum. Et si enim in Patris persona una reperiantur generatio, & activa spiratio; oppositae tamen relationes sunt impossibiles in una eademque persona, quae interim nihilominus nullam praefereunt inter se relativam oppositionem. Nam non oportet parem involvere impossibilitatem productiones activas, & passivas. Quia (ut praedictum est) fieri omnino non potest, ut idem duabus productionibus oppositis producatur, & accipiat *esse*; non est autem impossibile idem duabus productionibus activis communicare *esse* distinctis personis.

Ad confirmationem ex Augustino, respondeo, verissime unamquamque personam id esse quod habet, excepto quod relativum habet correlativum, & non est illud. In hypothese autem praesenti, utique Spiritui Sancto non esset Filius ut quid correlativum, sed tamen non sequitur Spiritum esse Filium, quia Filium non haberet ut correlativum originans, nec ut aliquid sibi intrinsicum, quomodo dicitur Filius habere divinitatem; quia igitur una persona non est intrinseca, & essentialiter altera, Spiritus Sanctus non esset Filius, esto non procederet à Filio.

Ad tertium respondeo ex dictis supra, qu. 28. art. 1. in incidenti; Relationem seu oppositam relativè, seu disparatam alteri impossibilem distinguere, & secundum propriam quiditatem, & secundum *esse* ad aliud. Sed arguebatur; quia secundum *esse* transit in essentiam; ergo sic intellecta non distinguit. Consequentia est nulla; quia etsi transeat in essentiae identitatem, manet nihilominus secundum formalem rationem ejus, quatenus ratio formalis transiens respectus non est ratio formalis essentiae illius, cui propter infinitam simplicitatem identificatur; & ideo rationi formali respectus competit esse personae quid proprium; & distinguere subinde ab omni relatione tam opposita, quam disparata ei impossibile, ac propterea cum hoc quod verè transeat in identitatem, stat pariter ipsam verè manere, quantum sufficit ad distinctionem realem: sed videndus cit. art. q. 28.

Ad inductas auctoritates pro solutione est responsio talis: Spiritus Sanctus utique distinguitur personaliter à Filio, ex eo quod origo unius ab origine distinguatur alterius; sed ipsa originis differentia non aliunde exoritur, nisi quia Filius est solum à Patre, Spiritus Sanctus vero à Patre, & Filio; aliter enim processiones non distinguerentur. Si ergo Spiritus à Patre, & Filio non procederet; nequaquam intelligeretur ab aliquo esse per processionem originatus. Contra hanc responsum pluribus egimus supra qu. 27. art. 4. Atque illinc huc accersenda. Porro Anselmi verba de process. Spirit. Sancti, cap. 1. in fine, sunt ista. Filius autem ut interim aliam causam dicam, quoniam nondum constat, quod Spiritus Sanctus sit de illo, & procedat. (nempe quia ad eum locum non declaraverat propositam questionem, quam toto libro prosequitur) ideo non est Spiritus Sanctus, nec Spiritus Sanctus est Filius, quia Filius nascendo habet esse de Patre; Spiritus Sanctus vero non nascendo, sed procedendo Anselmus igitur ob diversam rationem emanationum disertè adstruit distinctionem Spiritus Sancti à Filio, etiam non intellecta processione unius ab altero. Rufus, cap. 3. circa medium, ita arguit; Si Spiritus Sanctus non erit de Filio, sequitur de Spiritu Sancto Filium esse. Quæro de veritate antecedentis. Siquidem aut ideo Spiritus Sanctus non proce-

Quodlib. q. 3. 6. De secundo articulo.

S. Thom. hic 3. Ad septimum.

Doctor in Addit. pract. quæst. dist. 11. p. 1. mi.



deret à Filio, quia essent eadem persona, juxta quem intellectum, si deducatur consequentia Anselmi, non magis erit Filius de Spiritu Sancto, quam è converso. Si autem intelligat arguens Spiritum Sanctum, & Filium esse distinctas personas; igitur intelliguntur distinctæ, citra processionem unius ab altera; quod est propositum.

### ARTICULUS III.

Utrum Spiritus procedat à Patre per Filium.

Doctor 1. dist. 12. q. 2. in Report. ibidem, q. 3.  
S. Thom. 1. p. quæst. 36. artic. 3.

**V**IDENTUR Pater, & Filius non uniformiter spirare Spiritum Sanctum. Etenim Pater se habet, ac plenissime possidet geminam fecunditatem, gignendi nempe Filium, ac spirandi Spiritum Sanctum; igitur prius origine spirat Spiritum Sanctum; Filius autem in signo posteriori originis; igitur ipse Filius aut non producit Spiritum Sanctum, aut difformiter spirat. Probatio consequentiæ: Pater prius origine spirat; ergo in signo posteriori intelligitur præexistere; non igitur à Filio spiratur; aut certè si à Filio procedit, non eodem modo, quo à Patre procedit.

Confirmatur, Quotiescunque principium productivum in supposito priori intelligitur habere terminum adæquatum, esse nequit principium producendi in supposito posteriori: Pater est Filius origine prior, is vero Pater posterior; ergo Pater producente per voluntatis fecunditatem in supposito priori principio productivo correspondet terminus adæquatus, qui est amor infinitus; igitur in posteriori supposito id principium non attingit terminum jam productum, & procedens de supposito priori.

Præterea, Secundum Augustinum 15. de Trinit. cap. 17. *Spiritus Sanctus principaliter procedit à Patre*; ergo non procedit principaliter à Filio; igitur sic difformiter spirant amorem, uti non eadem est uniformitas inter principalem, & non principalem actionem.

Præterea, Hieronymus in expositione Catholica Fidei, Nicænice Symboli ad Cyrillum scribens, ait, *Credimus in Spiritum Sanctum, qui de Patre procedit proprie. Item, Spiritum Sanctum verum Deum invenimus in Scriptura, & de Patre esse proprie*. Et rursus, *de Patre Filius, & Spiritus Sanctus proprie, & vere de Patre procedit*; igitur non proprie à Filio procedit, si à Patre tantum sic procedit; igitur non uniformiter ab utroque spiratur.

Præterea, Hilarius 12. de Trinit. *Conserve hanc, oro, fidei meæ religionem, ut quod in regenerationis meæ symbolo professus sum, semper obtineam: te Patrem scilicet, & Filium tuum unum tecum adoptivum Spiritum Sanctum tuum, qui ex te per Unigenitum tuum est promovear*; ergo Spiritus Sanctus de Hilarii sententia est à Patre per Filium; ergo non uniformiter ab utroque procedit.

Præterea, Richardus, 6. de Trinit. cap. 8. *Spiritus Sanctus, inquit, procedit à Patre mediâtè, & immediâtè: à Filio autem immediâtè tantum*; igitur expresse dicit, non omnino uniformiter Spiritum à Patre, Filioque procedere.

Præterea, Omnis causa prima plus inest in causatum, quam secunda: ex prima propositione de Causis patet ex Philosopho 1. Posterior. ten-

com. 5. 2. Metaph. tex. c. 4. *Necessarium principium esse verissimum semper oportet, quia sunt alii causa veritatis*. Sed Pater videtur prius producere, cum det esse Filio: ergo non eadem uniformitate spirant Spiritum Sanctum.

**CONTRA**, Uno principio formali, & una actione, Pater, & Filius spirant Spiritum Sanctum; ergo omnino uniformiter. Assumptum patet ex Augustino 5. de Trinit. cap. 14. *Pater, & Filius sunt unum principium ad Spiritum Sanctum, sicut Pater, & Filius, & Spiritus Sanctus sunt unum principium ad creaturam*.

**RESPONDEO** dicendum, Patrem, & Filium uniformiter omnino spirare Spiritum Sanctum, etsi ordine quodam, pro exgentia scilicet ipsarum emanationum. Ad cujus evidentiam sciendum, actum posse considerari tripliciter, nempe vel in se, vel in quantum est termini per actum producti, & denique ut ad supposita agentia comparatur. Juxta primam, & secundam considerationem, est in Patre, & Filio omnimoda uniformitas, quatenus spirare intelliguntur Spiritum Sanctum; imo potius unitas, quia verissime una actio, unicuique terminus ex actione productus. Sed quoniam ipsa vis spirativa Filio à Patre communicatur, adeo quod Filius spiret, accipiat à Patre, subinde Pater a se spiret oportet, Filius vero non à se, sed per virtutem spirandi acceptam à Patre. In quantum igitur actio hæc Spiritus Sancti productiva ad supposita producentia comparatur, ordine quodam ab ipsis procedit. exitque per ipsam Spiritus Sanctus à Patre spirante à se, & à Filio terminum eundem producente per Patrem. Quæ melius patebunt per solutionem.

**AD ARGUMENTA**. Ad primum dicendum non intervenire consimilem ordinem inter Patrem generantem, & spirantem uti est inter Patrem spirantem, & Filium spirantem. Unde non est intelligendus Pater spirare priusquam Filius spiret, sicut prius origine Pater generat, quam spiret, propter ordinem principiorum in producendo, quia profecto tunc Filius non spiraret, ut argumentum deducit: quemadmodum Spiritus Sanctus non potest Filium gignere, eo quod jam genitus præintelligatur. Ordo igitur, quo duæ primæ personæ tertiam producant in eo consistit, quod Pater possidens utramque fecunditatem à se cum exit in actum per fecunditatem memoriæ, est in Filio secunda fecunditas; actus ergo hujus fecunditatis secundæ est simul à Patre, & Filio idem formale principium productivum habentibus, sed ordine quodam, quia actus est Patris à se, Filii autem non à se, sed à Patre: quia nec principium actus, seu fecunditas est in Filio à se, sed à Patre possidente illam à se. Non est ergo ordo originis inter spirationem Patris, & Filij intelligendus, quasi spiret Pater in aliquo signo originis, in quo Filius spirare non concipiatur, quia in eodem penitus originis signo spirant: sed est ordo spirantium in spirando, quia Pater, producto termino primæ fecunditatis, spirat à se, Filius autem non à se.

Ad confirmationem dicendum, majorem esse negandam, quotiescunque principium non habet prius terminum adæquatum, antequam aliud suppositum producat, cui productum inest illud principium secundum totam ejus fecunditatem. Et ita evenire in casu: nam vim spirativam Pater Filio communicat, antequam intelligatur terminus adæquatus ipsius, qui est Spiritus Sanctus.

Ad secundum (etsi ex hæcenus dictis solvi

1. dist. 16.  
q. 1. 4. Ad ap-  
pofitum.



queant omnes adductæ auctoritates ( respondeo: Augustinum eo loci clarissimè exponere se, subdens enim, ait, *Ideo autem addidi principaliter; quia & de Filio Spiritus Sanctus procedere reperitur. Sed hoc quoque illi Pater dedit. Sic ergo cum genuit, ut etiam de illo donum commune procederet, & Spiritus Sanctus, Spiritus esset amborum.* Hæc ille.

Ad tertium, Ex Hieronymo respondeo sic: Proprietarius verè dicitur ille, qui in possidendo rem aliquam, nullo modo dependet ab alio. Usuarius enim, qui in utendo re, ab alio dependet, propriè, & verè non est, nec dici debet proprietarius. Pater igitur, qui vim spirativam habet à se & plenissimè possidet, rectè dicitur *propriè spirare*. Filius itaque non ita propriè spirat, id est non à se; quanquam propriissimè, quatenus non impropriè, vel imperfectè: Nec aliud putamus Hieronymum voluisse, nec intellexisse dicendo, *Spiritum Sanctum de Patre procedere propriè*.

Ad quartum, quod procedit ex auctoritate Hilarii dicentis, Spiritum Sanctum procedere à Patre per Filium, respondeo sic: Præpositio, *per*, cum suo casuali, quem afficit, vel comparatur ad verbum transitivum, vel intransitivum. Si ad transitivum, tunc notatur in casuali hujus præpositionis subauctoritas, ut *Pater creat per Filium*. Si ad absolutum, vel intransitivum, tunc notatur in casuali auctoritas: idque vel efficientiæ, ut *homo vivit per Deum*; vel causæ formalis, ut *homo sapit per sapientiam*. Hilarius itaque dicens Spiritum Sanctum procedere à Patre per Filium, nihil aliud videtur significasse quam Filium subauctoritativè spirare, propterea quod habet auctoritatem, seu vim spirandi ab alio, nimirum à Patre, à quo & sibi communicatur eadem natura. Sed exinde non sequitur difformiter spirare, nisi secundum ordinem prædictum.

Ad quintum, Ex Richardo dicendum, Patrem eadem fecunditate spirare Spiritum Sanctum immediatè: Sed quia dat Filio paritet eandem spirandi virtutem, dici potest mediatè spirare. Sed interim nulla est hic difformitas perfectionis, sive aliud quid ponens diversitatem in actu, sed tantum intelligitur alius modus habendi eandem virtutem, ut sæpe dictum est.

Ad sextum respondeo, adductam propositionem verificari tantum de causâ, & causato. Propterea quod enim in causis ordinatis, est alia, & alia virtus causandi, principalior sit oportet in causâ primâ, vel priore; Non autem esse veram in principiis, quæ non habent causæ rationem, quia in iis interdum non est alia, vel diversa virtus principiandi. Et ita evenit in casu, & ideo non plus principiat primum principians, quàm secundum; Quemadmodum nec causâ superior plus causaret, quam secunda, si utrisque eadem causandi virtus inesset.

#### ARTICULUS IV.

Utrum Pater, & Filius sint unum principium Spiritus Sancti.

Doctor 1. dist. 12. quæst. 1. in Report. ibidem.  
S. Thom. 1. p. q. 36. artic. 4.

**V**IDENTUR Pater, & Filius non esse unum principium Spiritus Sancti, seu non spirare inquantum unum, sed prout aliquo modo distincti. Nam secundum Augustinum 6. de Trinit. cap. 5. *Spiritus Sanctus est communis unio Pa-*

*tris, & Filii*. Unde & communiter Spiritus Sanctus appellatur nexus amborum: Sed nexus non est aliquorum, nisi inquantum sunt distincti: Est autem Spiritus nexus Patris, & Filii, inquantum procedit ab eis; ergo procedit ab eis quatenus sunt distincti; non ergo spirant, inquantum unum Spiritus Sancti principium.

Præterea, Actio est suppositi; ergo duorum suppositorum non est unica actio: Sed Spiritus Sanctus producitur actione Patris & Filii, ut agentium; igitur exit ab eis, inquantum distincti, & non quatenus unum principium.

Præterea, Si producerent, inquantum omnino unum; igitur aut quatenus sunt unum in essentia, aut unum in persona, aut denique unum in vi spirativa. Non inquantum unum sunt in essentia; quia tunc, quoniam Spiritus Sanctus est unum in essentia cum Patre, & Filio, subinde se ipsum produceret, quod est impossibile. Nec prout unum in persona: quia credimus Patrem, & Filium esse duas personas distinctas. Nec denique inquantum unum in vi spirativa; Nam tunc Pater esset duo principia respectu Filii, & Spiritus Sancti, eo quod in ipso sint duæ vires productivæ respectu eorum; igitur adstruendum videtur Patrem, & Filium spirare Spiritum Sanctum, non inquantum omnino unum, sed quatenus sunt aliqua ratione distincti.

CONTRA, Augustinus 5. de Trinit. cap. 14. *Pater, & Filius, inquit, sunt unum principium ad Spiritum Sanctum, sicut Pater, & Filius, & Spiritus Sanctus sunt unum principium ad creaturam*; creatura autem est à tribus, non inquantum distincti, sed quatenus trium est una sublimissima natura Deitatis; ergo Pater, & Filius Spiritum Sanctum producent, inquantum est ipsis unum, idemque principium, eademque fecunditas.

RESPONDEO dicendum, Patrem, & Filium esse penitus unum principium Spiritus Sancti, & proinde spirare ut omnino unum sunt, & non quatenus distincti intelliguntur. Quæ veritas determinata fuit in Concilio Lugdunensi sub Gregorio X. & habetur de Summa Trinit., & Fide Cath. cap. Un. in 6. his verbis: *Fideli, ac devoto professione fatemur, quod Spiritus Sanctus æternaliter ex Patre, & Filio non tanquam ex duobus principiis, sed tanquam ex uno principio, non duabus spirationibus, sed unica spiratione procedit. Et infra: Damnamus, & reprobamus, qui usu temerario asserere præsumpserint, quod Spiritus Sanctus à Patre, & Filio, tanquam ex duobus principiis, & non tanquam ex uno procedat.*

Catholicam hanc veritatem nos ita declaramus: Pater prius natura habet actum fecunditatis intellectus, eaque præsupposita exit in actum fecunditatis voluntatis. Quemadmodum enim intellectus intelligitur prior natura voluntate, ita & prius natura est operativus, quam voluntas, & eodem ordine prius natura producere intelligitur, ac voluntas producat. In eo priori communicatur Filio fecunditas eadem, quæ est in Patre; nam in illo signo, quo Filius per fecunditatem intellectus producitur, communicatur sibi à Patre quicquid habet, excepta paternitate; ergo & fecunditas voluntatis; igitur in sequenti signo naturæ, in quo per actum fecunditatis voluntatis producitur tertia persona, quæ Spiritus Sanctus est, spiratur à Patre, & Filio omnino, ut ab uno, eodemque principio unicam, indivisibilemque habente fecunditatem, de qua exit Spiritus Sanctus, non quomodo natus, sed quomodo datus; propterea quod principium ejus non cœat



in actum per modum naturæ, ut intellectus, sed per modum voluntatis, & principii, determinantis se ad principium. Pater igitur & Filius spirant Spiritum Sanctum voluntate, in quantum omnino una. Nam ad principii rationem præcisè ut principium est, non requiritur nisi perfectio ejus in se; & quod sit in persona, priusquam intelligatur habere terminum adæquatum. Voluntas autem omnino una, atque eadem est in patre, & Filio, & prius natura, quam intelligatur correspondere sibi terminum adæquatum; quia ambo sunt spirativi: ac proinde voluntas ut in eis est idem penitus principium productivum Spiritus Sancti. Atque ita intelligimus Ecclesiæ authenticam definitionem.

AD ARGUMENTA. Ad primum respondeo Spiritum Sanctum rectè dici, & esse nexum Patris, & Filii, quia nectuntur in illo, sicut in communi producto. Quæ autem in communi nectuntur producto, esto sint distincta (alioquin enim necti nec intelliguntur, nec sane dici possent) nihilominus id commune productum non respiciunt in quantum distincta, sed in quantum unum. Unde productum unum est ab eis, quatenus sunt unum producentis. Nec aliter esse intelligendam Augustini auctoritatem putamus; De quo magis dicetur articulo sequenti.

Ad secundum est responsio talis; Quoniam actio est singularis per se existentis, esto non oporteret id esse incommunicabile; unde hæc est vera, *Deus creat, Deus est Pater, Filius, & Spiritus Sanctus*: Scituendum est illud, cui primo, & adæquate convenit actio Spiritus Sancti productiva, esse spiratorem quandam singularem; qui subinde spirator præintelligitur aliquo modo in Patre, & Filio, quæ uterque est spirator. Ejus ergo spiratoris, per se existentis, & re ipsa Patri, Filioque communis, est unica actio, esto non sint unum suppositum incommunicabile: Sicut nec Trinitas est unum suppositum, unica tamen actione creat. Contra, hæc responsio non videtur probanda; Nam etsi verum sit, illam propositionem *Deus creat*, & conformes esse admittendas, & verificari de aliquo per se existente, & tribus personis commune, nihilominus nullum esse per se existens Patri, Filioque commune duntaxat, & non Spiritui sancto. Ita autem dicentes hoc re vera adstruere videntur: Etenim illud singulare per se existens, quod spiratorem appellandum putant, realiter ad Spiritum Sanctum referretur, quando is esset spirator, illud vero spirator: poneretur igitur aliquid realiter ad intra relatum prius aliquo modo, quam intelligeretur esse persona, adeo ut non quæcunque relatio realis ad intra foret suppositi incommunicabilis; quod non videtur probabile. Nam etsi producentis ad productum sit relatio realis, attamen principii productivi ad productum nulla est talis relatio, ut nec distinctio.

Est ergo dicendum ad inductam rationem, tunc solummodo plurium suppositorum esse plures actiones, seu actionem multiplicari pro numero suppositorum, quum pariter numeratur, vel plurificatur in eis id, quod est ipsis ratio agendi. Quod si una, eademque forma plura supposita agere contingat, tunc uti est in illis unica agendi virtus, ita & unica actione agere oportere. Unde si una albedo reperiretur pluribus in superficiebus, non pluribus, sed unica actione illa sensum visus immutaret, etsi ambæ superficies agere denominarentur, propterea quod in omnibus esset forma eadem virtute immutandi prædi-

ta. Actio enim non denominatur ultima denominatione, nisi suppositum, vel habens suppositi modum, uti evenit in anima separata, & in accidentibus Eucharisticis, quæ quandiu separata existunt, nihil ultima denominatione denominatur ab actione eorum, nisi ipsa. At forma omnis in alio existens, uti dat esse supposito, in quo est, ita & tribuit eidem à sua actione ultimam denominationem. Quamvis enim forma à propria actione accipiat denominationem, non tamen ultima denominatione, sed præterea & subiectum, vel suppositum ejus ab eadem actione denominatur. Cum igitur voluntas secunda sit unum principium spirandi quicquid denominatur ab ista actione, per hoc quod habet esse eadem forma, denominatur oportet & eadem actione, unicum ergo est principium spirandi, sed quia est in duobus, & duo pariter accipiunt eandem denominationem.

Ad tertium est responsio talis: Si attendatur virtus spirativa Spiritus Sancti, procedit à Patre, & Filio, in quantum sunt unum in virtute spirativa, quæ quodammodo significat naturam cum proprietate, Neque enim est inconveniens unam proprietatem esse in duobus suppositis, quorum est una natura. Si vero considerentur supposita spirationis, sic Spiritus Sanctus procedit à Patre, & Filio ut sunt plures. Procedit enim ab eis, ut amor unitivus duorum. Contra, Principium æquè perfectum in uno supposito sicut in duobus, æquè est principium agendi in uno, sicut in duobus: nam ad actionem non videtur requiri, nisi principium perfectum quo, & quod, sive suppositum agens perfectum: sed voluntas divina æquè perfecta est in uno supposito, ac in duobus, & aliorum suppositorum æquè perfectum est perfectione requisita ad rationem agentis, ac duo; ergo voluntas perinde potest esse principium produciendi in uno, sicut in duobus; igitur spectata ipsa agentis ratione, vel conditione non magis Spiritus Sanctus procedere posset à solo Patre, quam à Patre, & Filio. Probatio minoris; siquidem principium quo non accipit perfectionem sibi competentem à supposito, sed magis tribuit supposito vim produciendi; eo enim suppositum est perfectum adeo ut agere queat; ergo non est tale principium perfectus in pluribus, ac in uno, quando est idem principium in pluribus, & in uno; ergo non requiritur per se pluralitas in principio quod spirationis; non igitur Spiritus Sanctus procedit à Patre, & Filio, ut sunt plures. Est responsio; Utique principium quo spirationis esse perinde perfectum in uno, ac in duobus suppositis; veruntamen ut est in uno non competere illi vim proximè productivam, vel spirativam, sed tantum ut est in duobus. Hæc responsio est nulla. Nam omnem realitatem tam absolutam, quam relativam, quam Patrem habere est possibile, à se plenissimè possidet in primo signo originis; nullam ergo accipit à Filio genito, quam non intelligatur habere prius origine, ac Filius generetur; ergo secunditatem voluntatis non accipit à Filio, quicquid tandem ea fecunditas esse dicatur. Deinde, si in Patre est perfecta voluntas prius origine, quam in Filio, & nihilominus non est principium spirandi perfectum, si vere proximum, nisi Filio producto: Quæro, quid intelligitur addi, ut evadat principium spirandi perfectum? Non aliud suppositum, quia illud nihil addit principio quo; sed tantum illo habet ut possit agere. Nec quia id per se spectat ad naturam procedentis personæ, ut amor unitivus personarum spirantium: quia stante formali ratione

S. Thom.  
hic 6. ad pri-  
mum.  
Idem sent.  
dist. 11. art. 2.  
hæc habet  
Tò inquan-  
tum, potest  
dicere condi-  
tionem agen-  
tis, vel prin-  
cipium actio-  
nis; Primo  
modo, proce-  
dit Spiritus  
Sanctus à  
Patre, & Fi-  
lio, inquan-  
tum sunt plu-  
res. Secundo  
modo proce-  
dit ab eis  
inquantum  
sunt unum.  
¶ Art. 4. Ad  
secundum.  
Creatio, in-  
quit, est ac-  
tus trium  
personarum,  
secundum  
quod unum  
est in essen-  
tia, unde per  
intellectum  
substantia Tri-  
nitatis rema-  
nebit crea-  
tio. Sed spi-  
ratio est  
conveniens  
pluribus su-  
positis secun-  
dum quod di-  
stinguuntur.  
Calestius  
huc tendit,  
cum ait, non  
ratione im-  
personali, sed  
ratione à  
non habite,  
non possit  
haberi condi-  
tionis in  
uno suppo-  
siti, solum Pa-  
ter, aut solus  
Filius non  
possit spirare  
Spiritum  
Sanctum, etc.  
substantialit,  
& persona-  
liter distin-  
ctum.



voluntatis fecundæ in se, quod de illa procederet juxta naturam ejus procederet: ergo si de infinita dilectione objecti produceret, productum exiret, ut amor: non ergo subiret in sua essentia mutationem ullam tertiam personam, si exiret à principio inexistenti uni supposito, modo produceretur per modum voluntatis. Unde Augustinus præcatus *Ad oppositum* nullam agnoscit differentiam inter actum spirandi, & creandi quoad rationem principii: quare sicuti per intellectum circumscripta Trinitate, superesset in una voluntate divina vis proximè creativa: ita & in uno supposito Patris intelligeretur proxima fecunditas voluntatis respectu processionis Spiritus Sancti. Denique, ex eo isti putant in solo Patre fore voluntatem tantum remote Spiritus Sancti productivam, quia statuunt emanationes personarum distinguere, quia prima est à solo Patre, altera vero à Patre, & Filio. Sed nos hac sententia rejecta non aliunde divinas processionem distinguere, quam ex propriis ipsarum formalibus rationibus ostendimus, supra *quæst. 27. art. 4.* qui & videntur.

Respondeo ergo ad inductum argumentum, Patrem, & Filium spirare Spiritum Sanctum, in quantum sunt omnino unum: non quidem unum in essentia, aut unum in persona, sed quatenus unum in vi spirativa. Et cum infertur, quia tunc Pater foret duo principia productiva, ob duplicem fecunditatem in ipso repertam. Consequentia est neganda: propterea quod producentia plura non sunt, nisi interveniat pluralitas suppositorum: non enim aliquis dicitur plures scientes ex eo quod habeat plures scientias, sed unus omnino est sciens, quia unius suppositi sunt plures facultates.

#### ITERUM ARTICULUS IV.

Utrum Pater, & Filius sint unum principium Spiritus Sancti.

*Doctor, & S. Thom. art. præcedenti citatis.  
Henr. in Sum. q. 6. art. 54.*

**V**IDENTUR Pater, & Filius spirare Spiritum Sanctum ut plures. Nam quamvis virtus spirativa una sit omnino in Patre, & Filio, attamen non sub ratione unitatis suæ est proximum principium fecundum spirandi, sed magis sub ratione concordis voluntatis: Atqui hoc ipso connotatur aliqua distinctio ex parte principii quo: ergo Pater, & Filius spirant in quantum distincti. Probatio majoris: etenim Filius productus amatur à Patre, & è converso Pater diligitur à Filio amore infinito: ergo quatenus voluntas est sub isto mutuo, concordique amore est proximum principium spirandi Spiritum Sanctum: qui amor, etsi unicus, connotat tamen pluralitatem personarum mutuo sese illo diligenter.

Præterea, Secundum Richardum, 3. de Trinitate, cap. 16., & 17. Intellectus perfectam fecunditatem habere potest ad Verbi productionem, ut existit in sola una persona: voluntas autem perfectam fecunditatem non possidet, nisi in gemina persona reperiat; ergo spiratur Spiritus Sanctus à Patre, & Filio sub ratione concordis voluntatis, & non sub ratione unitatis principii spirativi. Probatio assumpti: fecunditas intellectus consistit in plenitudine sapientiæ, quam esse in unica persona non repugnat: fecunditas, autem

voluntatis sita est in plenitudine perfecti amoris: is autem reperiri nequit, nisi in duabus ad minus secundum eundem ibidem cap. 3. *Non potest amor esse jucundus, si non sit & mutus*: ergo ad hoc ut voluntas sit proximè fecunda, non sufficit eam esse in duobus, sed oportet præterea subesse amoris concordiam, ac mutuo illorum, quibus est communis, quatenus unus summum amorem alteri impendit, & ille parem dilectionem rependit: quo amore existente, voluntas est proximè fecunda spirando amoris subsistenti.

Præterea, Quamvis amor mutuos Patris, & Filii unus, idemque sit: attamen non est eadem ratio ejus, ut est à Patre in Filium impensus, & à Filio ad Patrem repensus. Nam secundum Richardum 3. de Trinitate, cap. 19. *Quando duo mutuo se diligunt, & summi desiderii affectus invicem impendunt, & istius in illum, & illius in istum affectus discurrunt, & quasi in diversa tendunt.* Per hoc ergo quod quasi in diversa tendit, quodammodo diversus est: & nihilominus fecunditas est penitus una, & in ea Pater, & Filius sunt unum uniformiter spirantes Spiritum Sanctum. Etsi ergo sint plures qui spirant, non tamen ob pluralitatem spirant, quæ principaliter est in eis, sed solum ex distinctione eorum connotata. Spirant igitur ut sunt plures in unica voluntate, quæ est ratio eliciendi actum concordando: sub ratione ergo concordis voluntatis spirant, atque ita est fecunda voluntas non sub ratione unitatis, sed quatenus est sub amore mutuo, & concordia.

CONTRA, 5. de Trinitate cap. 14. *Pater, & Filius sunt unum principium ad Spiritum Sanctum sicut Pater, Filius, & Spiritus Sanctus sunt unum principium ad creaturam*; Sed creatura est à tribus in quantum unum sunt, & non quia distincti: ergo & Spiritus Sanctus est à Patre, & Filio quatenus una præcise est spirativa virtus in utrisque, & non in quantum sunt plures, vel connotative.

RESPONDEO, Aliqui argumentis jam relatis permoti putant, Spiritum Sanctum procedere à Patre, & Filio, non sub ea ratione, qua spirativa virtus est omnino una in ambobus, sed magis sub ratione concordis voluntatis: adeo ut sub hoc conceptu tantum intelligatur voluntas esse proximè fecunda ad spirandum, qualis non erat; ut intelligebatur sub ratione unitatis spirativæ virtutis. Nos ad hærentes *precedentis articuli solutioni*; dicimus opinionem hanc nedum repugnare cum doctrina istius Magistri de Spiritu Sancto; verum etiam in se probandam non esse. Iste enim sic opinans tenet, Spiritum Sanctum distinctum iri à Filio, esto ab eo non procederet, propterea quod distinctum modum procedendi à Patre habeat, ac Filius; adeoque ii duo termini diversarum processionum distincti intelligerentur, etiam si supponeretur Spiritus Sanctus non procedere à Filio. Verè quidem, & rectè; sed hæc doctrina non stat. posito quod voluntas proximè fecunda non sit, nisi quatenus est in duobus. Nam tunc Spiritui Sancto non competeret suus modus procedendi, nisi & spiraretur à Filio: Siquidem à solo Patre intelligi non posset procedere ex defectu secunditatis voluntatis, quæ ut in Patre, remote tantum fecunda esse dicitur. Sed opinionem ipsam in se ita improbamus. Si Pater, & Filius producant Spiritum Sanctum voluntate, in quantum se mutuo diligunt; igitur alius esset Spiritus Sanctus productus priusquam produceretur ille per concordiam mutui amoris. Hoc autem nemo Catholicorum dixerit, Sed probatus

Henr. Quodlib. 5. q. 9.



Dicit voluntatem an- te esse, vel ut actum primum, et sic Spiritus Sancti productivum; quia ipsum esse essentialiter non est principium, nec ratio, nec conditio producendi. Admittens interius operationem præcedere productionem in Deo; ut in quæst. de productionibus declaratum fuit.

De his supra quæst. 27. art. 5. in incidenti.

Secundum ratio Doctoris contra Monachum, ut notavi in articulo præcedenti: sic ad tertium.

tur consequentia primo. Nam in quocunque signo naturæ, vel originis est principium productivum perfectum in se, & in supposito priusquam intelligatur terminus ejus principij, in eodem signo esse potest tali supposito ratio producendi. Sed voluntas infinita, ut infinita, habens infinitum objectum sibi præsens, est sufficiens principium productivum amoris infiniti: & in Patre, & Filio reperitur priusquam intelligatur terminus ejus adequatus: ergo voluntas ut in Patre, & Filio, ut voluntas infinita, cui est præsens objectum infinitum, & non quatenus formaliter illi sese mutuo ea diligunt, est principium productivum amoris infiniti, qui est Spiritus Sanctus: & per consequens si Spiritus Sanctus producatur per voluntatem, in quantum est volens, seu quatenus Pater, & Filius mutuo actu se diligunt, ante Spiritum Sanctum voluntate volente productum, erit Spiritus Sanctus productus voluntate, ut est actus primus: & ita duo Spiritus Sancti: quod est hæreticum.

Confirmatur hæc ratio dupliciter: Primo quia voluntas, ut in nobis est actus primus, libera est respectu actus volendi: actus autem ipse volendi nequaquam pollet eadem libertate, imo si est habitus principium, non liberum, sed naturale principium erit: nec in potestate actus est egenerare, vel non egenerare habitum: ergo magis salvatur Spiritus Sancti productionem liberam esse, & de libero principio fluere, nonendo procedere à voluntate ut est actus primus, quam si dicatur exire de voluntate, ut est actu volens, seu ut intelligitur sub actu secundo mutui amoris. Secundo sic: Filius non producit intellectum paterno, ut actu intelligens est: adeo ut actualis intellectus sit Patri ratio egenerandi Filium, sed ejus principium quo est memoria: ergo à simili voluntas, ut actu volens, non erit principium producendi Spiritum Sanctum, sed eadem ut actus primus, & sibi est præsens per intelligentiam objectum infinitæ diligitibilitatis.

Rursus probatur consequentia principalis, nempe ex positione hac admittendum fore alium Spiritum Sancti prius productum: & eadem assumpta majori, in quocunque signo naturæ, vel originis &c. subsumo minorem sic: sed divina voluntas habens objectum primum sibi præsens est ratio producendi amorem adequatum perfectius, vel saltem non minus perfectè, ac sit producibilis, secundum opinantem, ex objecto secundario eidem præsentem: ergo quoniam Dei essentia est primum objectum voluntatis divinæ: non vero Pater ut Pater, nec Filius ut Filius: (Alioquin enim Pater esset formaliter beatus in pluribus objectis distinctis: ipsa divina voluntas, ut est sibi præsens objectum primum, magis est principium producendi amorem objecto adequatum, quam ut pro objecto habet Patrem, ut Pater est, aut Filium, ut Filius, aut saltem non minus: atque ita: cum voluntas per prius habeat essentiam pro objecto, quam Patrem, ut Pater est, prius spirabitur Spiritus Sanctus voluntate, ut est essentia divinæ, tanquam primi objecti, quam voluntate, ut est Patris, vel Filii, veluti spectantium ad secundarium objectum.

Denique, si in Patre est perfectæ voluntas prius origine, quam in Filio, & tamen non est principium spirandi perfectum, per quid igitur sit perfectum, vel proximum spirandi principium? Utique talis perfectio non tribuitur illi à supposito: quia per suppositum non additur perfectio ulla principio quo, sed tantum fit ut queat agere.

Si de mutua dilectione id procedat; ergo duplex relatio rationis erit ultima, & completa actualitas Patri, & Filio spirandi Spiritum Sanctum. Hoc autem est impossibile. Probatio: Tum quia nulla relatio rationis præexistit productioni divinæ: quemadmodum enim unius causæ in suo ordine causandi, est una per se ratio, ita & multo magis in divinis, ubi est primitas principian- di, est ponenda una per se ratio principian- di. Res autem, & ratio non faciunt unum per se; ergo alterum eorum erit præcisè principium quo principian- di. Non ratio, quia ipsa non est formaliter infinita, cum ne relationi quidem reali intensiva attribuitur infinitas; nequit igitur respectus rationis esse principium quo producendi suppositum infinitam; ergo principium quo spirandi Spiritum Sanctum non sit proximè potens per mutuum amorem Patris, & Filii, quandoquidem ea mutua ratio dilectionis sita est in respectibus rationis. Tum, quia si dilectio Patris Filio impen- sa, & vicissim in Patrem repensa, foret proxima ratio spirandi; igitur essent duo principia proxima spirandi; ergo duo supposita non spirarent præcisè in quantum unum, quod est contra Augustinum, 5. de Trinit. cap. 14. supra relatum.

Deinde, aut Pater dilectione ut est in ipso cum relatione ad Filium dilectum, est sufficiens principium spirandi, aut non. Si primum; igitur Filius non spirat; nam non habet idem principium, ut intelligitur dilectio sub relatione amoris repens in Patrem; ij enim respectus sunt oppositi, ut est evidens. Si Patri ex illa relatione ad Filium non insit sufficiens spirandi principium, uti nec Filio seorsim, sed utrique simul; ergo uterque ex se est diminutum principium spirandi, & ambo sunt unum principium quasi per aggregationem, quod est contra Augustinum statuentem Patrem, & Filium esse unum omnino Spiritus Sancti principium, perinde ac tres sunt unum respectu creaturarum fiendarum; sunt autem tres unum creaturæ principium non per aggregationem, sed ratione simplicissimæ essentia unitatis.

Tandem, ex eo in nobis amor mutuus est jucundior, quia cognoscitur redamatio dilecti; nam nisi id sciatur, profecto abest illa jucunditas, quæ mutuum consequitur amorem; ergo si propterea foret ponendus inter Patrem, & Filium amor mutuus jucundior, unde & spiratur Spiritus Sanctus; tunc sanè Pater, & Filius nedum in quantum redamantes, sed etiam quatenus amantes se, & scientes se redamari, spirarent Spiritum Sanctum; igitur cognitio redamationis videtur esse immediatius principium Spiritus Sancti, quam ipse amor; adeoque immediatius esset producta tertia persona per intellectum, quam per voluntatem.

Propter hæc igitur à prædicta opinione recedentes dicimus, Patrem non spirare Spiritum Sanctum quatenus diligit Filium primo, nec Filium prout diligit Patrem primo, sed utrumque Spiritum Sanctum producere in quantum est eis essentia divina præsens sub ratione objecti primi voluntatis unius, ac proinde non spirare in quantum actu diligunt essentiam divinam, sed quatenus ipsa diligitibilis cognoscitur per actum intelligentiæ; quia amor essentialis non est principium, nec ratio, nec conditio producendi Spiritum Sanctum. Pater igitur, & Filius spirant Spiritum Sanctum voluntate in quantum omnino una: quia (ut dictum fuit articulo præcedenti) sic intellectus inest ratio perfecti principij Spiritus Sancti: quia una est in suppositis duobus prius origine, quam in-

1. dist. 19. 6. Aliter ponitur. V. Præterea tertio.

Videnda Collectio 2. Doctoris.

Videnda glossa Lychni ad V. Præterea, ad motum mutuum.

Doctoris solutio.



eligatur habere terminum adæquatam citra omnem conceptum jucundissimi amoris; quem etsi Richardus excogitaverit, ac invenerit, attamen ejus amoris mutui, exacti ab illis ad Spiritum Sancti productionem, Augustinus non invenitur aliquando mentionem fecisse, cui si dicta Richardi contradicant, nos Augustino adherentes, qui attribuit Patri, Filioque unius principii rationem respectu Spiritus Sancti, ultro profite-mur cum Richardo non sentire.

AD ARGUMENTA, Ad primum respondeo. Voluntas concors potest multipliciter intelligi. Primo ratione objecti amati, in quo amando est voluntatis concordia. Id autem obiectum aut est essentia, aut sunt ipse personæ amantes, & redamantes se. Secundo potest intelligi concors, quasi habitualiter, in quantum actus primus natus est habere quasi actum secundum. Prioribus duobus modis nos non admittimus Spiritum Sanctum spirari voluntate concordii. Nam ut deductum fuit in primo argumento per duas probationes: nec spiratur formaliter dilectione essentiale, quasi actualis dilectio ejus spectet ad voluntatis fecunditatem, nec dilectione mutua amborum personarum; quia si eo amore spiraretur magis, vel æquè spirari posset voluntate, cui est præsens essentia, sub ratione actus primi. Tertio igitur modo concedimus Spiritum Sanctum spirari voluntate concordii, idest, voluntate quatenus est actus primus, in quo nati sunt Pater, & Filius concordare in actu secundo concorditer, & uniformiter spirando, seu producendo amorem infinitum. Tali, inquam, voluntate spirare necesse est, & quidem magis ut una, quam ut concordii, quia ut intelligitur actus primus concipitur esse una voluntas in eis, nec aliam habere concordiam, nisi modo prædicto, quatenus nimirum intelliguntur posse concordare in actu quasi secundo, spirando concorditer: ut tactum quoque fuit articulo precedenti §. Ad primum.

Ad secundum dicendum, nos explicavisse voluntatis fecunditatem consistere in eo quod essentia divina præsens sit per intelligentiam voluntati infinitæ in ratione actus primi, ut latè quoque expeditum fuit de fecunditate intellectus qu. 27. art. 1. & seqq. negamus ergo plenitudinem perfecti amoris, aut jucundissimam, & mutuum Patris, & Filii dilectionem spectare ad principium quo spiratur Spiritus Sanctus. Adhuc insuper, quoniam amor mutuus est jucundissimus; si oportet ex tali dilectione procedere Spiritum Sanctum, pariter, quia amor, quo Pater est beatus, est jucundissimus, ipsum Patrem esse debere tali amore formaliter beatum non esset igitur formaliter beatus in se, & a se, sed objective in Filio, quod est hæreticum.

Fortasse igitur non aliud Richardus intellexit, nisi quod Pater non est omnino fecundus ad spirandum potentia propinqua, nisi intelligatur in actu principii prioris, quod principium est intellectus; ac proinde voluntas non est principium proximum, nisi ut est in duobus. Nam per priorem productionem voluntas est in duobus, atque ita fecunditas voluntatis est pariter in eis: non tamen est alia, aut minor fecunditas in duobus, quam in uno, sed eadem & in producente, & in producto. Hoc itaque sensu verum est voluntatem esse proximè fecundam, ut est in duobus, quia prius intelligitur communicari genito quam Spiritus Sanctus spiretur ab ipsis. Et porro dilectione mutua spiratur à Patre, & Filio id est, voluntate, qua ut in actu primo exinde se

mutuo diligunt: hac inquam, voluntate, ut existente in eis, quæ nati sunt se mutuo diligere, spiratur Spiritus Sanctus, non autem aliquo actu secundo, quasi dilectionis actualis impensæ, & repensæ. Si ita sensisse dicatur Richardus, non dissentimur ab eo; Sin autem non diffitemur, nos ut prædiximus, ejus sententiam non amplecti.

Ad tertium patet ex dictis in solutione, & in præcedentibus responsis.

## ARTICULUS INCIDENS.

An Pater, & Filius sint dicendi unus spirator, vel duo spiratores.

Doctor 1. dist. 12. q. 1. §. Juxta questionem. In Report. ibidem q. 2. S. Thom. 1. p. q. 36. art. 4. §. Ad septimum.

**V**IDETUR, Patrem, & Filium appellari debere duos spiratores. Nam Pater, & Filius spirant Spiritum Sanctum; igitur sunt duo spirantes Spiritum Sanctum; à Verbo enim ad participium ejus rectè infertur consequentia: igitur & pariter sunt duo spiratores: Probatio consequentiæ; sicut singulare infert singulare, ita & plurale plurale; sed sequitur unus spirans; ergo unus spirator; igitur & duo spirantes, ergo duo spiratores.

Præterea, Nisi dicendi essent duo spiratores, nec rectè dicerentur duo spirantes: Hoc autem non admittitur; ergo si duo spirantes, & duo spiratores. Probatio sequelæ: Ideo perhibetur Pater, & Filius unus spirator, quia unum est principium spirandi in eis: Sed Pater & Filius sunt unum, quod spirat; igitur sunt unum principium, quod spirat; erunt ergo unum principium spirans non igitur duo spirantes, nisi dicantur & duo spiratores.

Præterea, Terminus numeralis duo conceditur cum veritate apponi, ac exercere suum significatum circa terminos adjectivos, unde & dicuntur duo spirantes; ergo appositus terminus substantivo efficit pariter veram propositionem: adeoque & duo quoque spiratores, si duo spirantes. Probatio consequentiæ: Nam adjectivum, & substantivum idem per se, & primo significant, licet sub alio, & alio significandi modo.

CONTRA, August. 5. de Trinit. cap. 14. Pater & Filius sunt unum principium ad Spiritum Sanctum, sicut Pater & Filius, & Spiritus Sanctus sunt unum principium ad creaturam. Respectu autem creaturæ ii tres creantes sunt unus creator: ergo & Spiritus Sancti duo spirantes unus spirator.

RESPONDEO, Quoniam difficultas proposita est quasi grammaticalis, & quæsi vis versatur circa nominum significata, non multum est immorandum: Est igitur dicendum, Patrem, & Filium esse quidem appellandos duos spirantes, at nequaquam duos spiratores, de virtute sermonis. Declaratio, substantivum non dicitur de aliquibus pluraliter ex termino numerali, nisi & illius significatum plurificetur in eis: sed significatum spiratoris non plurificatur in Patre, & Filio igitur de virtute sermonis falso dicuntur duo spiratores. Major probatur: Nam terminus numeralis additus substantivo, apto terminare dependentiam ejus, ponit suum significatum circa ipsum, denotans subinde numerari id, quod numero afficitur: Contra vero quum adjectivo adiungitur nequeunt terminare dependentiam ejus. unde

Videndus Franciscus 1. Conflans dist. 12. q. 1. §. Nunc secundo.



ut si quævis Pater, & Filius rectè dicantur esse duo habentes Deitatem, attamen non sunt duo Dij, sed unus Deus. Probat nunc minor: quia sicut actio significat actum per modum habitus, & quietis, eo nimirum sensu, quo dicimus *habitus presentibus cessat motus*: ita nomen verba- le illius actionis importat, seu significat princi- pium ejus actus per modum habitus, & quietis. *Spirator* igitur dicit vim spirativam, quæ est princi- pium actus spirandi: hæc autem vis non pluri- ficatur in Patre, & Filio, sed una, eademque est in utroque; ergo est rectè dicantur duo spiran- tes, vel habentes vis spirativam, unus nihilomi- nus est spirator. Deinde Pater, & Filius sunt unum principium Spiritus Sancti, ut disertè tes- tatur Augustinus supra relatus: Non sunt autem unum principium quo Spiritus Sanctus produci- tur; nam suppositum non est principium quo, sed quod agit; igitur Pater, & Filius sunt unum princi- pium quod respectu Spiritus Sancti: igitur Spi- ritus Sanctus potuit convenienter dici spirari de Patre, & Filio, si apto uno vocabulo id exprimi queat: Nullum autem aptius videtur nomine *spi- ratoris*; ergo ij duo sunt unus omnino *spirator*; quamvis duo spirantes sint nuncupandi. Tandem, omni entitati formali correspondet adequatè ali- quod *ens*, vel *quis* ea entitate formaliter consti- tutus; igitur uni spirativæ virtuti correspondet aliquod *ens*, vel *quis* adequatè illa formali enti- tate constans: Is autem *quis* non est nisi *spirator*; ergo uti est una duntaxat spirativa virtus in utro- que, ita & duo sunt unus spirator.

Ad ARGUMENTA. Ad primum respondeo; ne- gandam esse consequentiam, qua inferitur ex duo- bus spirantibus duos esse oportere & spiratores. Et cum probatur, quia sicut singulare infert singulare; ita ex plurali sequitur plurale. Responsio: Si ad ali- quod antecedens sequitur consequens, non oportet ad distinctionem antecedentis pariter sequi distinctionem consequentis; nisi id, quod est plu- ribus commune, distinguatur in iis, in quibus re- peritur, sicut genus distinguitur in speciebus. In proposito autem supposita spirantia distinguun- tur, & ad suppositum spirans sequitur spirator: Sed vis spirativa, quæ est duobus communis non numeratur juxta numerum suppositorum, in qui- bus reperitur. Et propterea arguendo, *spirans, ergo spirator: duo spirantes, ergo duo spiratores*, est fallacia consequentis; quia in consequente si- gnificatur vis spirativa distingui; quæ tamen una, eademque est in duabus personis spirantibus.

Ad secundum respondeo, Patrem, & Filium dicendos esse duos spirantes, etsi unus sint spirato- r, hac de causa. Quando terminus numeralis additur substantivo, statim adjectivè terminatur dependentia per substantivum independens, & terminans dependentiam: at quando adjectivum adjungitur alteri adjectivo, utrumque est depen- dens neutro ex ipsis alterius dependentiam ter- minare valente; utrumque ergo indiget substan- tivo, ad quod eorum dependentia terminetur; Cum ergo dicuntur *duo spirantes*, subintelligitur

substantivum *aliqui, vel personæ duæ spirantes*. Vel cum dicuntur *tres creantes*, id est tres perso- næ, quæ creant. Quia ergo duæ personæ Patris, & Filii non sunt *unus quis*, vel *persona una*; ideo necessario erunt dicendi *duo spirantes*, & non unus spirans; quia tunc adjectivorum dependen- tia ad unum substantivum intelligeretur termina- ri, ac esse unum substantivum, quod est erro- neum; ex unitate igitur spiratoris non inferitur unitas spirantium, sed sunt duo spirantes, unus autem spirator. Conceditur nihilominus *duos esse unum principium spirans*, quia eo loquutionis genere sufficienter exprimitur substantivum ter- minans dependentiam adjectivi; quod idem sub- stantivum est in Patre, & Filio, eoque subinde sunt unus spirator.

Ad tertium, Aliqui assignantes rationem, cur terminus numeralis apponatur rectè adjectivo *spirantis*, non vero substantivo *spiratoris*: dicunt ideo id evenire, quia adjectiva nomina habent numerum secundum supposita, substantiva vero à se ipsis secundum formam significatam. Quia ergo unica est spiratio in Patre, & Filio, ideo unus sunt spirator; quoniam vero duo sunt sup- posita, propterea & duo spirantes. Contra, ratio hæc non videtur sufficere, quia terminus nume- ralis ponit significatum suum circa significatum determinabilis: significatum autem substantivi, & adjectivi idem est, ut tangitur in argumentis; non differunt enim nisi penes modos diversos signifi- candi; ergo videtur terminus numeralis primo ponere significatum suum circa idem; adeoque peri- inde significari numerationem formæ, in substan- tivo & adjectivo; concernentia enim ad suppositum unius, & non alterius ratione modi signifi- candi non videtur impedire quominus numeralis terminus non idem omnino significatum ponat, circa utrumque de virtute sermonis.

Propterea subdo aliam rationem: omne depen- dens dependet ad aliquid omnino independens in eodem genere seu ordine. Nam quousque duo perinde dependent, alterum aptum non est termi- nandi dependentiam alterius, sed opus est ipsis tertio aliquo, in quo utriusque terminetur depen- dentia: Adjectiva quæcumque ab substantivo depen- dent; ergo unum non sufficit alterius dependen- tiæ terminandæ. Cum terminus igitur numeralis adjectivo additur, ut hic *duo spirantes* uterque est dependens, & quidem ad substantivum sub- intellectum, quod est *aliquis, vel persona*, quæ personæ oppido numerantur, & recipiunt proinde numeralis termini significatum. At addito eo- dem termino substantivo, quoniam illius depen- dentia statim terminatur, exinde numeralis ter- mini significatum intelligitur habere circa illud, quod ejus dependentiam terminat. In casu autem non numeratur vis spirativa in Patre, & Filio; igitur etsi verum sit duos esse spirantes, falsum omnino est fore dicendos duos spiratores.

Potat ergo id factum esse, ne simplices tres omnipotentes, &c. audiendo, suspicarentur tres esse Deo.

S. Thom. loco citato.

Videnda glossa Ma- gistri Ly- cheti.

Contra hoc obicit Ma- yron loco supra citato, quia Athana- sius in Symbolo vult expres- se, non esse dicendos tres omni- potentes, nec tres æternos &c. sed unum omnipoten- tem, æternū &c. & respon- det, dicens, fortasse de vi sermonis negari non debere eas propositiones, quas Athanasius dicit non esse admittendas æternos.



## QUÆSTIO TRIGESIMASEPTIMA.

DE NOMINE SPIRITUS SANCTI,  
QUOD EST AMOR,

## IN DUOS ARTICULOS DIVISA.

Deinde queritur de nomine amoris.

## ET CIRCA HOC QUÆRUNTUR DUO.

- I. Utrum Amor sit proprium nomen Spiritus Sancti.  
II. Utrum Pater, & Filius diligant se Spiritu Sancto.

## ARTICULUS I.

Utrum amor sit proprium nomen Spiritus Sancti.

Doctor 1. dist. 32. quæst. 1. in utroque scripto.  
S. Thom. 1. p. quæst. 37. art. 1.



**V**IDENTUR nomine amoris non significari aliquid Spiritui Sancto proprium. Nam Ioannes Epist. 1. cap. 4. *Deus inquit, charitas est.* Non autem dicit Spiritus Sanctus charitas est; ergo amoris nomen, vel dilectionis, vel charitatis non est proprium Spiritui Sancto, sed Deitatis magis expressivum ac subinde essentialiter non personale. Unde Augustin. super cit. locum Joan. *Nescio, inquit, cur sicut sapientia, & Pater dicitur, & Filius, & Spiritus Sanctus, & simul omnes non tres, sed una sapientia; non ita & charitas dicatur Pater, & Filius, & Spiritus Sanctus, & simul omnes una charitas.* Nomine igitur amoris non importatur Spiritus Sancti proprietas.

Præterea, Spiritus Sanctus est unus ex tribus in Deitate subsistentibus: sed nomine amoris non significatur, nec intelligitur persona subsistens; ergo id nomen non est Spiritui Sancto proprium. Probatio minoris: Tum: quia si de nominis illius ratione importaretur persona; igitur etiam per voluntatem creatam, dum amore tendit in se, vel in aliud, produceretur persona, quod est falsum. Tum etiam, quia proprie amoris nomine importatur quædam tendentia, vel actio voluntatis, qua amans quiescendo in amato, verius est amatum, quam ipsummet; secundum enim Dionysium, cap. 7. de Angel. Hier. *Amor est virtus transformativa, & conversiva amantis in amatum.* Hoc autem dici nequit de Spiritu Sancto, ergo amor non est proprium nomen ipsius.

Præterea, eatenus Spiritui Sancto congrueret amoris nomen, quatenus ipse dicitur procedere de mutuo amore Patris in Filium, & Filii in Patrem, ut inquit Richardus 3. de Trinit. cap. 19. Sed ipse quoque Spiritus Sanctus est amans, & rependens amorem se diligentibus Patri, & Filio; ergo exinde est alius amor, aliaque persona, & ipsa pariter appellanda amor: non videtur ergo nomen Amoris esse proprium Spiritus Sancti nomen.

**CONTRA.** Augustinus, 15. de Trinit. cap. 19. *Si Charitas, inquit, qua Pater diligit Filium, & Pater diligit Filium, ineffabilem communionem*

*demonstret amborum, quid convenientius, quam ut ille proprie dicatur charitas, qui Spiritus est communis ambobus? Hoc enim sanius creditur, & intelligitur, ut non solum Spiritus Sanctus charitas sit in illa Trinitate, sed non frustra proprie charitas nuncupetur. Amoris igitur, sive charitatis nomine proprie Spiritus Sanctus significatur de Augustini sententia.*

**RESPONDEO** dicendum nomine amoris proprie Spiritum Sanctum significari, proprieque subinde ei convenire, quum non ut commune omnibus personis prædicatum sumitur, sed quatenus exprimit personam voluntate productam; quemadmodum & de ipso dicere expositum fuit supra qu. 34. art. 1. Dicere enim ab Anselmo, *Monol. cap. 63.* accipitur essentialiter, cum ait, *Patrem, Filium, & Spiritum Sanctum esse unum dicens.* At cum significat relationem originis, quæ est gignentis ad genitum, quo pacto solus Pater est dicens, Verbum personaliter intelligitur; ipsum enim præcisè dicitur: Quia vero quæ ad intellectum spectant, sunt nobis manifestiora, addendum præterea est *Tò dicere* accipi etiam posse pro relatione declarativi ad omnia declarabilia; quæ est relatio rationis, quandoquidem Verbum nedum omnium intelligibilium est declarativum, verum etiam sui ipsius, dicente Augustino, 7. de Trinit. cap. 3. *Si enim hoc verbum, quod nos proferimus temporale, & transitorium, & se ipsum ostendit, & illud de quo loquimur, quanto magis Verbum Dei, per quod facta sunt omnia?* Sub hac igitur acceptione ipsum dicere est essentialiter; Nam quælibet persona declaratur sua intelligentia, quæ in ipsa est; appropriatur nihilominus Filio, propterea quod vi productionis suæ habeat notitiam actualem sibi communicatam. Ipsum igitur Verbum per appropriationem dicit, seu declarat formaliter omnia declarabilia, at Pater declarat, & dicit eadem principiativè. Tandem dicere accipitur pro declarare effective, eo sensu, quo produciens speculum dicitur effective declarare imagines, quæ relucunt in speculo. Est igitur dicere quoad principale ejus significatum notionale, interim essentialiter connotans: Quo pacto loquitur Augustinus 15. de Trinit. cap. 14. *Pater, inquiens se ipsum dicens, genuit Filium sibi æqualem per omnia.*

Hæc eadem applicando suo modo voluntatis; quemadmodum memoria exprimit notitiam actualem, ita voluntas secunda spirat objecti amorem. Amor igitur productus refertur ad voluntatem producentem relatione spectante ad secundum modum, & ulterius dicit ad objectum habitudinem, quæ est tertii modi, eo quod realis, vel mutua esse non possit. Et quamvis non sit impositum nomen, quo talis habitudo activè

ex-

1. dist. 37.  
q. 1. in pri-  
mo principia-  
li.

Magist. 1.  
dist. 10. Cap.  
Joannes.

1. dist. 10. q. 10.  
hic tamen.

4. dist. 40. q. 3.  
6. Ad ipsam  
secundam  
questionem.

1. dist. 12. q. 1.  
hæc opinio.

Magist. 1.  
sen. dist. 10.  
cap. hic no-  
tandum.



exprimatur, appellari tamen potest. *acceptio ob-  
jecti*, quatenus produciens ejus amorem recte di-  
citur effectivè acceptare id, in quod amore fer-  
tur. Amor proinde formaliter acceptat, volun-  
tas vero amoris spirativa effectivè. Amor itaque  
spiratus à voluntate divina realiter refertur ad  
Patrem, & Filium, cum spirantes, sed ad essen-  
tiam dilectam non pariter refertur. Sicut autem  
*dicere* quadruplicem recipit acceptionem, ita &  
*diligere*. Et quidem primò accipi potest omnino  
essentialiter, juxta quam acceptionem non magis  
uni, quam cæteris personis convenit *diligere*,  
cum æqualiter, idest, infinite diligant essentiam  
divinam, in qua beatificantur. Secundo intelli-  
gitur *diligere* personaliter, ut idem omnino sit  
quod *spirare*; estque communis proprietas Patri,  
& Filio sicuti *dicere* est solius Patris, quia solus  
gignit unicum Filium. Tertiò etiam accipi po-  
test *diligere* pro formaliter acceptare, uti & *di-  
cere* pro formaliter declarare, tamen juxta hanc  
usurpationem *diligere* appropriatè convenit Spi-  
ritui Sancto ex vi productionis suæ: quæ im-  
modum & *dicere*, ut idem est ac formaliter declara-  
re, congruit proprietas Verbi solius; acque ita  
*diligere* de primario sui significato essentiali est,  
connotans notionale secundum appropriationem.  
Quarto denique intelligitur *diligere*, quatenus  
pater, & Filius spirantes amorem sic denominan-  
tur ab principiatiua acceptione; sed amor ipse  
spiratus habet id formaliter: quo sensu etiam *dili-  
gere* quoad principale significatum sit notionale,  
connotat tamen essentiali.

Quod vero juxta secundam acceptionem ipsius  
*diligere* (quatenus nempe idem est ac *spirare*)  
exsurget, exeatque tertia persona subsistens in  
Deitate, cujus proprium nomen sit *Amor*, ex  
hoc declaratur: quia in quocunque est princi-  
pium aliquod ex sui ratione productivum, est  
perfectio in illo principium producendi; si nulla  
imperfectio ejus productio impediatur, & non  
intelligatur præhabere productum sibi simplici-  
ter adæquatum: In Deo autem est formaliter vol-  
untas ex natura rei, & quidem sub ratione prin-  
cipii liberè productivi amoris sine ulla imperfec-  
tione; erit igitur sibi principium producendi  
amorem, secundum proportionem perfectionis  
suæ voluntatis, diligens objectum per intelli-  
gentiam præsentium: adeo ut quemadmodum  
voluntas creata est principium producendi amo-  
rem finitæ perfectionis, tantæ nimirum, quan-  
ta intensio ipsa potest amare objectum, qui sub-  
inde dicitur amor adæquatus: ita divina voluntas  
est principium producendi amorem tantæ perfe-  
ctionis; quanta ipsa nata est *diligere* objectum  
infinite: Atqui amare potest objectum infi-  
nito amore: ergo nata est esse principium pro-  
ducendi amorem infinitum: Nihil est autem in-  
finitum, nisi sit ipsa essentia divina; ergo ille amor  
qui exit de voluntate infinita, est essentia divina.  
Is vero amor productus nequit alteri formaliter  
inhærere; nam nec aliquid tale locum habet in  
divinis; oportet ergo, ut sit per se subsistens; &  
quidem non idem subsistens cum producente; quia  
nihil producit se ipsum, primo de Trinit. cap. 1.  
igitur tale productum per voluntatem est perso-  
naliter distinctum. Hanc personam appellamus  
*Spiritum Sanctum*, nomine accepto ex revelatio-  
ne divina, infinitumque amorem, suoque princi-  
pio productivo per omnia adæquatum, eoque  
proinde nomine *Amoris* propriè ea persona signi-  
ficatur, quæ secunda voluntate produciatur.

AD ARGUMENTA. Ad primum est responsio  
evidens ex dictis: Nam revera Deus charitas est  
& dilectio, & diligere, & dilectum, quatenus hæc  
omnia, & consimilia nomina usurpantur ad expres-  
sionem prædicatam omnibus communis: quo sensu  
ultro fatemur *Amoris* nomen non esse proprium  
Spiritus Sancti, sed magis appropriatum, Ver-  
um quia præterea ipsi *diligere* prout est idem, ac  
*spirare* correspondet amor productus, in omnibus  
adæquatus producentibus, vel spirantibus perso-  
nis, vocabulo *Amoris*, ita intellectui propriè per-  
sona Spiritus Sancti exprimitur, atque significa-  
tur.

Ad secundum respondeo, utique nomine amo-  
ris in se significari non posse personam subsisten-  
tem; quia tunc planè id verum esset de quocun-  
que amore: estigitur id nomen expressivum, &  
proprium personæ divinæ, quatenus infinitas ad-  
di intelligitur amor. Cum enim sit sermo de vo-  
luntate infinite diligente objectum infinitum, de  
necessitate amor, quo diligitur, est infinitus: ac  
proinde per se subsistat oportet, ut deductum est  
in solutione.

Ad secundam probationem dicendum, nomine  
*Amoris* per se, & primo significari processionem  
passivam dilectionis à voluntate, in qua sua op-  
eratio manet: & deinde importari habitudinem ad  
objectum de tertio relativo modo: quam ha-  
bitudinem exprimimus nomine *acceptationis ob-  
jecti*. Et sicuti secundum priorem respectum, vo-  
luntas est spirans amorem, ita penes secundam  
habitudinem est acceptans objectum, in quod  
amore fertur. Quoniam ergo de passiva proces-  
sione tertiæ personæ subsistentis in Deitate, est  
quod ipsa sit amor spiratus, & procedens à volun-  
tate, amoris nomen erit proprium ipsius. Et cum  
adducitur Dionysius, 7. *Angel. Hier.* Dicimus  
ea, & consimilia per metaphoram esse dicta de  
amore voluntatis creatæ: propterea quod amans  
eiusque amaro inhæret, ut pluri faciat quod  
amat, quam se ipsum. Unde & dicitur extra se  
exire, quia suum esse parvipendit in comparatio-  
ne ejus, cui amore inhæret.

Ad tertium respondeo, extitisse declaratum,  
quæst. præcedenti artic. 4. qualiter non est admit-  
tenda Richardi sententia de processione Spiritus  
Sancti, ex mutuo, concordique amore Patris, &  
Filii: eo quod Augustinus dicat ipsum procedere  
ex Patre, & Filio, tanquam ex uno principio:  
illud autem principium esse voluntas secunda, ut  
est actus primus. Et quamvis ab eodem Augu-  
stino vocetur Spiritus Sanctus *nexus* Patris, &  
Filii, attamen non alia ratione dicendum esse ne-  
xum amborum, nisi quatenus nectuntur in com-  
muni producto, lococitato pariter fuit declara-  
tum. Concedendum est ergo ut Pater amat Fi-  
lium, & Filius Patrem, & ambo Spiritum San-  
ctum: ita & Spiritum Sanctum diligere Patrem,  
& Filium, negandum est tamen ex hac dilectione  
aliam exire personam. Nam (ut frequenter di-  
ctum fuit) satis non est ad principiandum ali-  
quod suppositum pollere principio productivo.  
sed ulterius necessario requiritur, ut intelligatur  
esse in eo priusquam habeatur terminus tali prin-  
cipio adæquatus: hanc conditionem habet qui-  
dem voluntas secunda in Patre, & Filio, sed in  
Spiritu Sancto intelligitur sub opposita conditio-  
ne, quia ipsemet est terminus secunda volunta-  
tis: sicuti quia Verbum fuit adæquatum produ-  
ctum memoriæ paternæ, ideo eadem memoria in  
ipso esse nequit ratio principiandi aliud Verbum.



## ARTICULUS II.

Utrum Pater, & Filius diligant se Spiritu Sancto.

Doct. 1. dist. 32. qu. 1. in utroque scripto. S. Thom.  
1. p. quæst. 37. artic. 2.

**V**IDENTUR Pater, & Filius haud diligere se Spiritu Sancto. Etenim si vera ea loquutio foret; igitur diligere aut acciperetur essentialiter, aut certe notionaliter. Non essentialiter, quia quodlibet essentialiter inest formaliter, & ex æquo cuilibet personæ; ergo Pater, & Filius diligunt se dilectione ipsis inexistente formaliter: Spiritus autem Sanctus non est formaliter in Patre, & Filio. Si vero intelligeretur de diligere notionali; igitur Pater, & Filius spirant Spiritu Sancto, quod est impossibile.

Præterea, Nullus actus notionalis est conversivus in idem agens, à quo est vel procedit, propter distinctionem, quam talis actus requirit inter agens, & terminum actionis: ergo si iste actus est conversivus; profecto accipi nequit notionaliter.

Præterea, Si vere dicerentur Pater, & Filius diligere se Spiritu Sancto: ergo pariter verum esset, Patrem diligere se Spiritu Sancto; eadem enim dilectione Pater videtur diligere se, & Filium. Hoc autem est inconveniens: Pater enim diligit se in primo figo originis, in quo certè Spiritus Sanctus non intelligitur spiratus.

Præterea, Pater, & Filius eodem diligunt se, & creaturam: Sed Spiritus Sanctus non videtur esse ratio, qua illi diligunt creaturam: ergo nec est quo Pater, & Filius diligunt se. Probatio minoris. Spiritus Sanctus ex productionis suæ conditione est necessario amor; ergo si eo amore Pater, & Filius diligerent creaturas, necessario esset amor creaturarum: Deus igitur necessario amaret creaturas, quod est impossibile.

CONTRA, Secundum Augustinum, 6. de Trinit. cap. 3. Spiritus Sanctus est quo genitus à genetrante diligitur, genitoremque suum diligit; Hieronymus etiam super Psal. 17. Spiritus Sanctus, inquit, nec Pater est, nec Filius, sed dilectio quam habet Pater in Filium, & Filius in Patrem; igitur Pater, & Filius diligunt se Spiritu Sancto.

RESPONDEO, Magister, 1. dist. 32. hanc questionem solvendam cum proposuisset, ingenuè fateatur, in ea altitudinem nimie profunditatis contineri, qua infirmitas intelligentiæ suæ turbata illi solvendæ imparem se esse, & concludit: eam tamen questionem lectorum diligentia plenius judicandam, atque absolvendam relinquimus, ad hoc minus sufficientes. Alii proinde dixerunt hanc propositionem, Pater, & Filius diligunt se Spiritu Sancto, esse negandam propterea quod ab Augustino retractata sit in simili. Siquidem 1. Retract. cap. 26. retractans istam, Pater est sapiens sapientia genita cui prior similis esse videtur, sententiæ illam pariter explodere voluisse. Huic sententiæ nos non putamus subscribendum: propterea quod non est verisimile illam propositionem in propriis terminis Augustinum retractare omisisse, si censuisset non fore admittendam, cum consuetudinis, & instituti sui fuerit nedum diversas propositiones seorsum censuræ subijcere, sed etiam eandem, cum in diversis, quos recensebat, libris, occurrere contigisset. Accedit, quod Augustinus neminem sanctorum suggillare inveniat: qui præfatam propositionem ultro admittunt, ut veram. Aliorum propterea opinio fuit, pro-

positionem fore exponendam, adeo ut 2<sup>o</sup> Spiritu Sancto, accipiat in ratione signi, ut sensus sit Patrem, & Filium diligere se Spiritu Sancto, ut signo dilectionis communis. Verum si, ut isti putant, res se haberet, eadem facilitate dici posset, eosdem diligere se creaturam, quippe quæ signum sit dilectionis eorum. Alii vero dicendum putaverunt, Patrem, & Filium diligere se amore appropriato Spiritui Sancto, ut vera sit propositio per appropriationem, non per proprietatem. Contra: igitur pariter essent boni Spiritu Sancto, quia bonitas eidem appropriatur.

Est igitur aliorum opinio talis: Ablativus Spiritu Sancto constituitur in ratione effectus causæ formalis. Nam etsi non quilibet res sit forma, nihilominus quicquid ab alio denominatur, quantum ad hoc possidet habitudinem formarum. Cum ergo dicitur; Iste est vestitus indumento; 2<sup>o</sup> indumento constituitur secundum habitudinem causæ formalis, esto non sit forma hominis. Contingit autem aliquid denominari per illud, quod ab ipsa procedit, non solum sicut agens ab actione, sed etiam sicut terminus actionis, qui est effectus in quantum ipse effectus in intellectu actionis includitur; unde rectè dicitur, arbor florens floribus, quamvis flores non sint forma arboris, sed effectus quidam ab ipsa procedentes. Quoniam igitur diligere in divinis sumitur & essentialiter, & notionaliter, juxta priorem acceptionem, Pater, & Filius, non diligunt se Spiritu Sancto, sed essentia sua. At secundum posteriorem intellectum, quoniam sic diligere aliud non est, quam spirare amorem, ut dicere Verbum producere; & florescere, flores producere; quemadmodum arbor dicitur florens floribus, ita Pater appellatur dicens Verbo, vel Filio se, & creaturam, & Pater, & Filius dicuntur diligentes Spiritu Sancto, vel amore procedente, & se, & nos. Contra, hæc declaratio non videtur probanda pluribus de causis. Primo, quia licet edificare distinctè importet terminum, qui est adificium, attamen hæc non est admittenda, edificator edificat adificio: ergo neque ista est vera, Pater, & Filius diligunt se Spiritu Sancto, propterea quod diligere nihil aliud sit, quam spirare amorem. Nam aliquin pariter vel magis admittendum videretur Patrem & Filium spirare Spiritu Sancto, quam spirare distinctius importet Spiritum Sanctum, quam diligere. Deinde, quamvis ea prædicatio concederetur, non tamen cum pronomine reciproco, quod est conversive prædicari, ut in casu dicendo, Pater, & Filius diligunt se Spiritu Sancto. Nam, nec concederetur de igne prædicari aliquid, quod terminaretur ad ipsum ignem, ut aliquo producto à se, nempe in constructione Ablativi. Rursus, in constructione transitiva nunquam effectus, ut effectus constituitur cum ablativo; diligere autem est verbum transitivum: quare exemplum, cui innotuit huic expositioni adhærentes, est magis ad oppositum. Florere enim verbum neutrum est, non significans proinde formaliter productionem alicujus: omne enim verbum neutrum per se idem significat, quod nomen adjectivum ejus, si inveniat; quamvis nomen per modum habitus, & quietis, verbum autem in fieri; unde idem significat calidum esse quasi in quiete, & calere quasi in fieri: ac propterea utrumque eandem admittit constructionem; & rectè dicitur ignis calet calore, & ignis est calidus calore: & utrobique est prædicatio vera, prædicato se habente per modum formæ, de qua & denominatio procedit. Idque nedum est verum, quum forma est

Alens. 1. p. 9. 67. m. 3. artic. 4.

S. Thomæ sententia hic.

Has Doctoris rationes nititur solvere hic Cajetanus. Sed Magister Lychnus ostendit ipsum nec bene exponere S. Thomam, nec præstare quod pollicetur.

Videndum  
Mayron, 1.  
dist. 32. q. 3.

De his subtilissimè agit Doctor de modis significandi, à cap. 46. & seqq.



est qualitas inherens, sed etiam quando se habet per modum formæ ab extra denominantis, ut evenit in genere habitus, vel ad modum illius quare ut recte admittuntur hæc loquutiones; *Iste est ornatus vestimento: Iste nitet vestimento*. In presenti autem casu, *arborescere* non importat arborem producere flores. Nam si ad id significandum esset adinventum, & institutum verbum activum, puta *florificare*, hæc utique non foret concedenda; *arbor florificat floribus*; sed hæc ut vera admittenda, *arbor floret floribus*, quia per istud verbum neutrum significatur aliquid denominans subiectum, quasi per modum habitus; exemplum igitur est ad oppositum, loquendo de verbo activo, & nihil ad propositum, ut verum est de verbo neutro.

Nobis igitur ita videtur declarandum quod ait Augustinus, 15. de Trinitate cap. 17. Scilicet Spiritum Sanctum esse, quo Pater diligit Filium, & Filius Patrem. Amor in nobis, ut productus refertur ad voluntatem producentem relatione secundi modi; & vicissim in voluntate est relatio ad amorem productum, & præterea importat amor aliam relationem ad objectum, sed objectum non refertur ad ipsum, sicut scientia ad scibile, sed scibile ad scientiam non dicit relationem. Quemadmodum igitur amor importat habitudinem ad objectum, ita amorem produciens posset denominari ab ea habitudine, si foret nomen impositum, quo actio productiva exprimeretur; potest nihilominus appellari *acceptio objecti*; ut articulo præcedenti annotatum fuit. Transferendo hæc ad divina: Spiritus Sanctus ex vi productionis suæ (ex natura quippe ejus habet, quod propriè sit, & vocetur *Amor*) non quidem propriè, sed per appropriationem, est amor omnis amati necessario; involvat ergo oportet aliquam relationem rationis formaliter ad sic amatum. Produciens autem ipsum, qui est amor omnis amati, denominatur ab eadem habitudine, quasi principiativè; ea autem habitudo, ut principiativè denominans, importatur per hoc verbum *diligere*. Pater igitur & Filius Spiritum Sanctum producentes, diligunt principiativè se, & omnia Spiritu Sancto, qui est amor omnis amati. Quemadmodum Patrem dicere se Verbo aliud non est, quam Verbum gignere, cui per appropriationem convenit omnia declarare. Sicut igitur *dicere*, ut est habitudo declarativi ad omnia declarabilia, est essentialiter (personæ enim divinæ perinde omnia declarant, quippe quibus una, eademque sit intelligentia) connotans tamen notionale personæ genitricis memoria faciunda, ita & *diligere*, ut mox magis declarabitur.

AD ARGUMENTA. Ad primum dicendum Tò *diligere* in presenti loquutione non accipi omnino essentialiter, nec omnino notionaliter. Nam connotat notionem nempe Spiritus Sancti productionem; & significat habitudinem, quam Spiritus Sanctus dicit ad amatum; non quidem formaliter, sed principiativè. Ratione ergo hujus consequentis habitudinis, essentialiter est, quantum ad terminum habitudinis ipsius, quia terminus, nedum est Spiritus Sanctus, verum etiam omne necessario amabile.

Ad secundum respondetur ex dictis: Et exemplo simillimo res declaratur: Nam sub ea ratione, qua conceditur, Patrem dicere Verbo; Tò *dicere* nec est omnino essentialiter, nec penitus notionale; sed connotat notionale, gignitionem nimirum, & importat in genito habitudinem declarativam; quæ utique est ad omne declarabile; ita

Tomus I.

& *diligere*, ut expositum est. Potest etiam addi exemplum de *mitti*, etsi non usque adeo simile. Etenim *mitti* in divinis connotat processionem æternam personæ, quæ mittitur, esto principaliter significet effectum temporalem: quantum ad principale significatum, totam concernit Trinitatem, cujus opera ad extra sunt indivisa, sed quoad notionem connotatam præcisè respicit personam producentem in ratione principii: Filius enim potest mitti à Spiritu Sancto, esto sit à solo Patre. Concedimus ergo conversionem non fieri quoad notionale connotatum, sed exerceri respectu termini habitudinis, quod est essentialiter omnibus divinis personis commune.

Ad tertium, concedo consequentiam, cum Tò se accipitur uniformiter, ac subinde Patrem diligere se Spiritu Sancto concedendum. Sed arguebatur contra; quia Pater diligit se in primo signo originis; Non negamus loquendo de voluntate, quatenus in ipso formaliter reperitur à se; At præterea spirando Spiritum Sanctum, qui necessarius est amor ejus, diligit se Spiritu Sancto, quasi principiativè, quo modo etiam diligit Filium Spiritu Sancto.

Ad quartum, negandum putamus Patrem, & Filium diligere creaturam Spiritu Sancto, sicut diligunt se Spiritu Sancto: Nam iste modus diligendi, ut sumitur principiativè, est primo illius termini dilectionis, cujus ipsa dilectio est formaliter. ex hoc quod est principiatum. Sic enim diligere objectum est principiare amorem, qui ut principiatum est formaliter illius objecti. Spiritus autem Sanctus ex vi principiationis suæ, neque primo, nec concomitanter est amor creaturæ, quia creatura tantum contingenter amatur à Deo. Licet autem ex vi productionis suæ primo sit amor essentialiter; tamen concomitanter est amor Filii, eo quod illæ personæ sint in natura primo amata, ex necessitate illius naturæ; propterea igitur dicimus Patrem non diligere creaturam Spiritu Sancto, eo modo, quo Filium diligit, quia non producit amorem, qui ex vi productionis suæ sit amor creaturæ; imo completa productione necessaria illius amoris, adhuc est contingentia, ut iste amor sit creaturæ, idque nedum est in potestate producentis amorem subsistentem, sed etiam istius amoris producti; nam ita contingenter amat Spiritus Sanctus creaturam, sicut Pater, & Filius.

Contrarium videtur sentire S. Thomas hic. Ad tertium.

## ARTICULUS INCIDENTS.

Utrum Pater sit sapiens Sapientia genita.

Doctor. 1. dist. 32. q. 2. in utroque scripto. S. Thom. 1. p. q. 37. artic. 2. §. Ad primum.

VIDETUR Pater esse sapiens sapientia genita: Nam secundum Anselmum Monol. cap. 63. *Nihil aliud est summo spiritui dicere, quam quasi cogitando intueri*. Sed *dicere* aliud non est quam Patrem gignere sapientiam; ergo Pater intuyendo, quam genuit sapientiam, est sapiens.

Præterea, secundum Augustinum, 5. de Trin. cap. 1. *Pater Verbo, quod genuit dicens est, non verbo quod profertur, & sonat, & transit, sed Verbo quod erat apud Deum, & Deus erat Verbum*. Sapientia autem Pater est sapiens; ergo quum Verbum sit Sapientia genita, ipse est sapiens hac sapientia, uti & hac sapientia dicit.

Præterea, Pater diligit se, & Filium amore, qui ab utroque procedit: ergo pariter concedendum est

H h h 2

est



est Patrem sapere sapientia, quæ de ipso procedi: quod videtur adstruere Apostolus appellans Christum Dei virtutem, Deique Sapientiam: aut certe neganda prior propositio.

Magist. 1.  
dist. 2. cap.  
Præterea.

CONTRA, Augustinus 7. de Trinitate cap. 4. *Pater eo est, quo sapit, quia idem est sapere, & esse*; ergo si sciret Verbo, esset pariter & Verbo; id autem aufert Fidem Trinitatis; ergo non sapit sapientia genita.

RESPONDEO dicendum. Patrem non esse sapientem sapientia genita, seu Verbo; sed (ut ait Magister 1. dist. 32.) sapere sapientia ingenita, sicut formali principio, Filium vero sapientia ingenita, sicut principio principiativo. Et declaratio est ista: Actus essentialis esse nequit alicujus suppositi, mediante aliquo principio *ut quo*, nisi illud principium sit tali personæ principium formale essendi: sapere autem est actus essentialis; ergo si Patri inesset ex Filio, vel Verbo, utique oporteret principium ejus actus spectare ad rationem essendi ipsius Patris; id autem est impossibile: quia Pater est alia persona à Filio. Nec item Filius est Patri principium essendi originativum, sicut dicitur Filius sapiens sapientia ingenita; quia à Patre habet sapere, qui est sapientia ingenita; Nam ipse Filius non est principium Patris originativum; igitur neque hac ratione dici potest Pater sapiens sapientia genita. Nec denique Filius est principium subauctoritativum respectu talis actus, quomodo conceditur Patrem creare Verbo, ut propterea Pater dici queat hoc modo sapiens sapientia genita; quia Verbum non producit eum actum in se, sed sibi à Patre communicatur; principium autem subauctoritativum habet rationem producentis actum, respectu cujus dicitur tale principium; ergo etsi Pater creat Verbo, ut principium subauctoritativum, non tamen est sapiens sapientia genita, ut subauctoritativo principio. Sapiens est igitur sapientia ingenita, & Filius pariter eadem sapientia sapit ingenita, sicut principio principiativo.

AD ARGUMENTA, (supponendo quæ annotata sunt in antecedentibus, & præsertim articulo primo de multiplici acceptione ejus, quod est dicere, ut ad divina transfertur) Ad primum respondeo, ab Anselmo eo loci accipi *Tò dicere* prorsus essentialiter, ut nempe idem est ac intelligere; Unde expressè vult *eodem capite* tres personas esse unum dicens, sicuti sunt unum intelligens; & licet quolibet ex ipsis dicat quamlibet, attamen unum existere in ratione dicentis, & dicti, sicuti sunt unus intelligens, & unum intellectum. Is tamen modus exponendi *Tò dicere* est minus proprius, quia nec significat relationem originis, nec connotat eam, perinde ac *intelligere*, vel *sapere*; quæ sanè in acceptione ne-

gat Augustinus Patrem dicere Verbo.

Ad secundum respondeo notatum fuisse articulo primo citato, qualiter uno modo *dicere* significat habitudinem declarantis ad declaratum, prout congruit alicui non formaliter, sed principiativè; qua ratione rectè appellatur Pater *dicere Verbo*; atque ad eum sensum loquitur Augustinus in præallegata auctoritate, & 15. de Trinitate, cap. 14. *Pater*, inquit, *se ipsum dicens, genuit Filium sibi æqualem*. Hic enim Augustino idem est *dicere*, ac principiativè declarare; Pater igitur Verbo declarat, non formaliter, sed principiativè, inquantum ei communicat notitiam actualem infinitam; notitiæ autem actuali, unde actualis, convenit declarare; ac propterea *declarare* magis convenit cum proprio Filii, quam aliarum personarum; & ideo rectè id Filio appropriatur. Verè tamen & propriè est in omni alia persona, quia quolibet, inquantum actualis notitia, actu declarat omne declarabile. Declarat igitur formaliter Pater omnia se ipso, sicut & Filius, & Spiritus Sanctus, quibus inest una, eademque intelligentia; quam quoniam Pater non habet à Filio, non est sapiens sapientia genita, esto principiativè dicat Verbo, sensu jam expósito.

Ad tertium respondet Magister, 1. dist. 32. cap. Præterea, secundum doctrinam Augustini, 7. de Trinitate, cap. 4. jam declaratam. Nam quia idem est Patri esse, quod sapere, fieri non potest, ut per sapientiam, quam genuit sit Pater sapiens, cum per illam non sit. Porro Filius vocatur ab Apostolo *sapientia, & virtus Patris*; non quia Pater per eum sit sapiens, vel potens, sed quia Filius sapientia, & virtus est de Patris sapientia, & virtute. Verum quia argumentum procedit ex paritate dilectionis, & sapientiæ. Dicimus, non articulo præcedenti declaravisse, qua ratione Pater, & Filius dicantur se mutuo diligere Spiritu Sancto; nempe quia illum producentes & Pater Filium, & Filius Patrem diligit, qui est amor omnis amati necessario; uti est infinita bonitas, qua constat uterque. Sed Pater genita sapientia sapiens esse non potest, cum ea non intelligat, sed magis sapientia ingenita. Interest ergo inter *intelligere*, vel *sapere*, & *declarare*; quia etsi Pater Verbo declarat per appropriationem virtute processionis suæ, propriè tamen & à se Pater intelligit, & ita quoque declarat, sed non sibi appropriatur *declarare*, quia etsi præditus sit notitia infinita, tamen ex ea vi, qua producit est memoria, & non producit inquantum actualis notitia; memoriæ autem non est declarare, sed notitiæ actualis. Sapere igitur est penitus essentialiter, ac *declarare* connotat proprium Filii, & significat essentialiter.



## QUÆSTIO TRIGESIMAOCTAVA

DE NOMINE SPIRITUS SANCTI,  
QUOD EST DONUM,

## IN DUOS ARTICULOS DIVISA.

Consequenter quaritur de Dono.

## ET CIRCA HOC QUÆRUNTUR DUO.

- I. Utrum donum possit esse nomen personale.  
II. Utrum sit proprium Spiritus Sancti.

## ARTICULUS I.

Utrum donum sit nomen personale.

Doct̃or 1. dist. 18. in utroque scripto. S. Thom.  
1. p. quæst. 38. art. 1.



**V**IDETUR donum haud esse nomen personale. Siquidem nomina personalia dicuntur de Deo ab æterno; quemadmodum & independenter ab omni alio insunt ipsi ea, propter quæ ita personæ divinæ propriè vocantur: sed nomine *doni* importatur: respectus ad creaturam: ergo non dicitur de Deo ab æterno, uti & creatura non est æterna. Minor probatur ex Augustino, 15. de Trinit. c. 19. dicente Spiritus Sanctus in tantum donum Dei est, in quantum datur eis, quibus datur. Non datur autem Patri, aut Filio, sed creaturis intellectualibus: ergo ex tempore convenit Deo nomen *doni*: non est igitur vocabulum, quo exprimitur proprietas personalis.

Præterea, Nomina personalia, propterea quod singillatim de personis dicantur, distinctionem aliquam præferant oportet: ergo pariter si *doni* nomen foret personale, sic de una diceretur persona, ut aliis non congrueret: sed hoc est falsum. Et probatur: Nam eatenus uni personarum, & non aliis id nomen conveniret, quatenus ea persona, quæ ex sui personali proprietate donum est donabilis esset creaturis: sed eadem ratione & Filio nomen *doni* proprium esset; quippe qui ab æterno processit à Patre, ut donabilis creaturæ, dicente Esaiâ, cap. 9. *Filius datus est nobis*; ergo *doni* nomen non est personale.

Præterea, Donum involuit relationem ad illud, cui datur; si ergo tale nomen alicui personarum, ut Spiritui Sancto conveniret tanquam ejus personæ nomen, vi processionis suæ haberet esse donum creaturæ; & subinde rectè dici potest spiritus creaturæ: Hoc autem est planè falsum; quia alioquin eadem ratione Filius diceretur Filius creaturæ, cum nobis sit datus. Id autem nemo dixerit; ergo nec concedi debet Spiritum Sanctum esse spiritum creaturæ.

Præterea, Inter dantem, & datum relatio interveniat oportet: sed Spiritus Sanctus dona elargitur; ergo ipse ex sua personali proprietate appellari donum non potest; ac proinde tale nomen non est personale. Probatio consequentiæ: Si Spiritus Sanctus donum propriè appellandus esset; igitur referretur ad se ipsum relatione, quæ versatur inter donantem, & donum: sed nulla

relatio personalis est ejusdem ad se: ergo nomine *doni* nihil spectans ad personalem proprietatem exprimitur in divinis.

CONTRA, Augustinus, 4. de Trinit. cap. 20. *Sicut natum esse est Filio à Patre esse: ita Spiritui Sancto donum Dei esse est à Patre, & à Filio procedere.* Filii autem, & Spiritus Sancti nomina personalia sunt: ergo & personale est *doni* nomen, quandoquidem ita Spiritus Sanctus donum appellandus sit, quia à Patre, Filioque procedit.

RESPONDEO dicendum *doni* nomen esse personale, non quidem quoad principale ejus significatum, sed quoad connotatum ipsius: per se igitur, & principaliter nomen essentiale est. Ad cuius evidentiam sciendum, donum tripliciter accipi posse: nempe aptitudinaliter, habitualiter, & actualiter. Juxta primam acceptionem illud est donum, quod est aptum natum dari, seu alicui aliquando datur, seu non. Ad hunc sensum loquitur Augustinus, 5. de Trinit. cap. 5. *Sed quia inquit, sic procedebat, ut esset donabile, jam donum erat, & antequam esset, cui daretur.* Sed id est donum habitualiter, quod ita ordinatur, ut aliquando sit dandum, quod & docet Augustinus 5. de Trinit. cap. 15. cit. docens, *eo ipso quo daturus eum erat Deus, jam donum erat, & antequam daretur.* Donum denique actuale est, quod re ipsa donatur alteri ab aliquo. Rursus donum potest multipliciter intelligi: Nam in primis illud potest dici donum, quod liberaliter est productum, adeo ut dare, vel elargiri aliud non esset, quam liberaliter producere: quo utique sensu Spiritus Sanctus ab æterno donum est, quia liberaliter productus. Sed in hanc sententiam Sancti non loquuntur de dono, dum docent, Spiritum Sanctum esse donum ab æterno, sed non dari, nisi ex tempore, quia ipsum dari ab æterno necessario involveret, creaturas, quibus esset datus, exitisse in æternitate. Alio modo potest accipi donum pro amore concordie Patris, & Filii, quatenus ille Filio impendit, is Patri amorem rependit, ut loquitur Richardus, 3. de Trinit. de quo dictum fuit, 9. 36. art. 4. iterum repetito. Sed Augustinus sermonem faciens de dono, non ita sentit, Nam sic acceptus amor vel est omnino essentialis, vel prorsus notionalis. Donum igitur vel per se aliquid unum significat, nempe respectum donabilitatis, vel donativi, vel donandi (juxta triplicem præmissam acceptionem *doni*) creaturæ, connotando proprietatem tertiæ personæ procedentis à Patre, & Filio, ac subinde donum est unius per se rationis: aut certè significat utrumque per se, & respectum nimirum ad creaturam, & proprietatem notionalem tertiæ personæ, estque proinde æquivocum.

Magist. 1.  
dist. 8. Cap.  
Donum.



S. Thomae  
verba huc  
S. Ad quar-  
tum, *Donum*,  
inquit, non  
dicitur ex eo  
quod actu  
datur, sed  
inquantum  
habet apti-  
tudinem, ut  
possit dari.  
Unde ab æ-  
terno di-  
stina persona  
dicitur do-  
num, licet  
ex tempore  
datur. Nec  
tamen per  
hoc quod im-  
portetur res-  
pectus ad  
creaturam,  
oportet, quod  
sit essentialē  
Sed quod al-  
iquid essen-  
tiale in suo  
intellectu in-  
cludatur, si-  
cut essentialē  
incluatur in  
intellectu  
personae.  
Vult ergo  
expressē re-  
spectum ap-  
titudinalē  
ad creaturam  
ingeri, vel  
spectare ad  
proprietatem  
personalem  
Spiritus San-  
cti. Contra  
ergo hanc  
doctrinam  
vadunt ar-  
gumenta.  
Scoti hic  
relata, & in  
sequenti ar-  
ticulo an-  
ta.

Pulcherri-  
ma deductio  
Doctoris.

Est autem seu unum, seu alterum dicatur, pe-  
rinde sit, parvique referat, supponendo tamen  
unum per se significare, respectum nempe ratio-  
nis ad creaturam, connotare vero personalem  
proprietatem, declaratur *donum* non esse per se  
nomen personale. Nam omnis respectus rationis  
Dei ad creaturam, ex æquo convenit tribus per-  
sonis, nec uni magis, quam aliis; est igitur do-  
num quoad respectum, quem significat ad crea-  
turam, nomen essentialē. Rursus, nulla persona  
constituitur in *esse* personali per aliquem respec-  
tum ad creaturam, esto juxta primam acceptio-  
nem doni in respectu intelligatur. Nam nec ali-  
qua proprietas personalis dicit respectum ullum  
ad creaturam: imo quicquid est intrinsecum in  
divinis, sive absolutum, sive respectivum, in  
quocunque *esse* reali, sive intelligibili, abstrahit  
ab omni respectu ad creaturam, estque ita prius  
quocunque *esse* creature, ut si per impossibile,  
vel impossibile, nihil aliud à Deo posset esse,  
omnisque creatura repugnaret, nihilominus  
Deus perinde possideret perfectionem omnem ef-  
fendi & quoad naturam, & quoad personas. Prius  
enim intelligitur Trinitas in *esse* personali secun-  
dum quodcunque *esse*, quam creatura sit intelli-  
gibilis secundum aliquod sui *esse*; quia *esse* ipsius  
creature à tota Trinitate est, & pendet; & ideo  
necessario est posterius omni *esse* ad intra; ergo  
nihil intrinsecum in divinis includit necessario  
respectum ad creaturam. Cum igitur respectus,  
qui necessario involvitur, ac intelligitur nomine  
*doni* sit ad creaturam; (nam donum esse nequit  
nisi alteri detur, aut dari queat) id nomen ratio-  
nis respectus per se significati, (seu primo, &  
adæquatè, seu una cum proprietate ex æquo) ef-  
fesse profecto non potest personale, sed magis ef-  
fessentialē erit, significativum scilicet respectus ra-  
tionis eodem modo congruentis tribus personis.

Quod vero nihilominus connotet propieta-  
tem tertie personæ procedentis à Patre, & Filio,  
ex eo constat; quia divina hæc persona, ex vi  
processionis sue est verus, infinitus, ac substan-  
tialis amor; est igitur verissime, ac liberaliter,  
& libere donum. Siquidem inter omnia dona libe-  
raliter elargientis, primum donorum est amor  
ejus, quem primo impendit amato; isque amor  
est ratio insequentium donorum. Nam nihil ha-  
bet rationem doni, nisi inquantum cadit sub actu  
amoris. Non enim quæ exterius dantur, nomen  
merentur donorum, nisi benevolenti animo, atque  
amicè sint donata, & communicata actu amato-  
rio voluntatis: induunt ergo cuncta quæ dantur,  
indolem, characterem, ac *doni* naturam, qua-  
tenus de amore dantis procedere probantur; sed  
tamen perinde non requiritur recipientis amor.  
Quoniam igitur Spiritus Sanctus ex vi sue pro-  
cessionis est primus, & infinitus amor, & proce-  
dens per actum amoris à Patre, & Filio eum li-  
beraliter producentibus: Sicuti *art. 4. q. 36.* fuit  
declaratum, *doni* nomen importat per connota-  
to ejus proprietatem personalem, esto quod prin-  
cipaliter, & per se significat, sit essentialē, illud  
enim est respectus rationis ad creaturam, neces-  
sario tamen connotat proprietatem Spiritus San-  
cti, qui est primus amor essentialē procedentis à  
Patre, & Filio, per actum amoris; quod erat  
declarandum.

AD ARGUMENTA. Ad primum respondeo ex  
præallegata Augustini auctoritate, aliisque con-  
similibus, quæ afferri possunt, aliud non sequi  
nisi *donum* non esse nomen personale, quantum  
spectat ad principale, & proprium significatum

ipsius, quod est respectus rationis ad creaturam  
cui dona dantur; sed interea tamen esse posse  
personalis proprietatis connotativum, ejus nimi-  
rum, quæ est processio amoris primi, & infiniti;  
ac proinde, uti *donum* de primario sui significato  
est nomen essentialē, ita secundum connotatum  
personale dici debere.

Ad secundum respondeo, *De donabile* uno  
modo intelligi posse id, quod est aptum natum  
donari: alio modo idem significare quod possibi-  
le dari. Porro id interest inter utrumque, quod  
aliquid etsi possibile sit fieri, aut poni in aliquo  
termino, non est tamen aptum in eo collocari.  
Lapidem enim ferri sursum, possibile est, id ni-  
hilominus evenit contra ipsius aptitudinem, quæ  
est ad situm deorsum. Itaque Spiritus Sancti per-  
sona à proprietate secundum quam aptus sit donari,  
procedit, ut amor donabilis, habet aptitudinem  
ut queat donari: Sed Filius, quia Verbum decla-  
rativum essentialē Patris, non procedit ea perso-  
nali proprietate, secundum quam aptus sit donari,  
est nihilominus possibilis dari à Patre, & Fi-  
lio, & Spiritu Sancto, à quibus re ipsa nobis est  
datus, secundum vaticinium Prophetæ, ac pro-  
pterea *donum* connotat quidem potest Spiritus  
Sancti personalem proprietatem, qua distinguitur  
a cæteris personis, sed nequaquam Filii, aut  
Patris.

Ad tertium dicendum, utique Spiritum Sanctum  
rectè dici & donum creature, & spiritum  
nostrum, ratione respectus connotati à sua pro-  
cessione. Nam quemadmodum *donum* primo si-  
gnificat respectum ad creaturam, connotando in-  
terim æternam Spiritus Sancti processionem: ita  
è contra *Spiritus Sanctus* primo significat pro-  
cessionem æternam, seu personam ea constitu-  
tam, connotando respectum aptitudinalē ad  
creaturam. At *Filius* vi sue processionis non si-  
gnificat respectum ad creaturam, imo nec con-  
notat, quia naturaliter, & non per modum doni  
procedit; exit enim *non quomodo datus, sed quo-  
modo natus*: teste Augustino 5. de Trinitate, cap. 14.  
ac propterea nulla ratione dici debet, aut potest  
Filius creature.

Ad quartum, concedo per donum dona dari,  
quia per amorem, qui est primum donorum do-  
nantur dona omnia, cæteroquin inter dona haud  
computanda, ut expositum est. Cum ergo argui-  
tur, quia tunc Spiritus Sanctus foret donum, &  
dator donorum. Responso, In relativis non est  
oppositio, nisi accipiantur respectu ejusdem. Nam  
idem suppositum esse potest Pater, & Filius res-  
pectu diversorum; etsi fieri non possit, ut sit Fi-  
lius Patris sui, ejusdemque Patris; quia tunc idem  
produceret se, quod est impossibile. Itaque Spi-  
ritus Sanctus est *donum* connotativè, quatenus  
nimirum eo nomine connotatur proprietas ejus,  
personalis: & simul cum Patre, & Filio dator  
vel donator omnium donorum: est igitur dator  
& donum respectu diversorum. Nomen igitur  
*doni* non significatur quidem aliquid per se spe-  
ctans ad personalem proprietatem Spiritus San-  
cti, sed connotat solummodo proprietatem ejus:  
ac proinde *donum* secundum principale significa-  
tum est nomen essentialē, ut expositum fuit.

Atque ita putamus esse intelligendam Augu-  
stini auctoritatem, quæ allegatur ad oppositum.



ARTICULUS II.

Utrum *donum* sit proprium nomen Spiritus Sancti.

Doctor 1. dist. 18. in utroque scripto. S. Thom.  
1. p. quæst. 38. art. 2.

**V**IDETUR nomine *doni* exprimi proprietatem Spiritus Sancti; ac subinde illud esse nomen proprium Spiritus Sancti. Nam Augustinus 4. de Trinit. cap. 20. *Sicut*, inquit, *natum esse, est Filium à Patre esse: ita mitti est de Filio cognosci, quod ab illo sit, & sicut Spiritui Sancto donum Dei esse, est à Patre procedere; ita mitti est cognosci, quod ab illo procedit, & sequitur, nec possumus dicere, quod Spiritus & à Filio non procedat*; ergo Spiritus Sanctus eo est donum, quo à Patre, Filioque procedit; est igitur *donum* Spiritus Sancti proprietas.

Præterea, Augustinus, 5. de Trinit. cap. 11. *Sed tamen*, inquit, *ille Spiritus Sanctus, qui non Trinitas, sed in Trinitate intelligitur in eo quod propriè dicitur Spiritus Sanctus, relativè dicitur, cum ad Patrem, & Filium refertur, quia Spiritus Sanctus, & Patris, & Filii Spiritus est: sed ipsa relatio non apparet in hoc nomine, apparet autem, cum dicitur donum Dei. Donum enim est Patris, & Filii, quia & à Patre, & Filio procedit. Hæc ille: Donum igitur est Spiritus Sancti personalis proprietas, secundum quam à Patre, Filioque procedit.*

Præterea, Propterea quod Spiritus Sanctus procedit à Patre, & Filio per modum voluntatis, est primus, & infinitus amor: sed hoc ipso quod est per se subsistens amor, est donabilis: ergo ex vi suæ personalis proprietatis, secundum quam est amor, est & donum. Unde Augustinus, 5. de Trinit. cap. 15. *Sed quia*, inquit, *sic procedebat, ut esset donabile, jam donum erat & antequam esset, cui daretur. Cum igitur amorem consequatur donabilitas, (amor enim est primum donorum, ex articulo precedenti) quoniam Spiritus Sanctus est substantialis amor, ut distinguitur à Patre, & Filio, sit & donum oportet, ut est tertia persona.*

CONTRA, Omne nomen proprium alicujus personæ significat aliquam ejus proprietatem: sed hoc nomen *donum* non significat aliquam Spiritus Sancti proprietatem: ergo *donum* non est proprium nomen Spiritus Sancti.

RESPONDEO, Aliqui inductis argumentis persuasi, ac innixi putaverunt nomine *doni* significari, exprimere proprietatem Spiritus Sancti, quatenus eo vocabulo intelligitur id, quod ex se est aptum natum donari, etiam si aliquando nemini daretur. Hoc enim competit Spiritui Sancto ex vi processionis suæ. Veruntamen hæc opinio nobis non videtur probanda propter ea quæ subiecit. Nam sub hac ratione intelligendo *donum* essentialiter includit respectum ad creaturas quibus Spiritus Sanctus ex se donabilis est esto nunquam daretur: sed impossibile est in proprietate personali Spiritus Sancti includi respectum ad creaturam: igitur *donum* sub hac acceptione non est expressivum proprietatis Spiritus Sancti. Major ex eo est evidens: quia Spiritus Sanctus non est donabilis Patri, aut Filio: ergo creaturis, quæ sunt supernaturalium donorum capaces. Probat ergo minor: Siquidem persona quælibet divina habuit perfectum esse divinum, & personale, antequam fuerit aliqua crea-

tura. Nam persona divina ex se est necesse esse; creaturæ vero, neque quoad esse existentie, neque secundum esse essentie, seu in esse possibili & diminuto, attribui potest essendi necessitas. Necessitas enim est conditio existentis, secundum autem esse possibile, vel essentie creaturæ abstrahunt ab existentia. Imo majus fore et inconveniens adstruere creaturas necesse esse secundum earum esse diminutum, & secundum quid, quam quoad esse realis existentie. Sed quod est ex se necesse esse prius est quocunque, quod ex se est possibile, vel non necesse esse; ergo in illo priori est persona Spiritus Sancti, ejusque subinde processio, citra omnem respectum ejus ad creaturam. Non est enim intelligibilis aliqua relatio, non intellecto termino ejus; quæcunque tandem ea relatio sit. Secundo probatur eadem minor: Etenim persona divina est eas maxime realis; ergo per se includere non potest respectum rationis. Si enim per se includeret relationem rationis, etsi præterea etiam realia quoque includeret, ipsa esset ens rationis, quia constitutum sequitur semper partem exilicitem: omnis autem relatio Dei ad creaturam, sive actualis, sive habitualis, sive aptitudinalis, est ens rationis. Denique una persona non constituitur formaliter duobus distinctis relationibus; sed Spiritus Sanctus constituitur in esse personal per spirationem passivam, qua ad spirantes realiter refertur, ab ista demque distinguitur; igitur nulla alia relatione ab ista constituitur. Relatio autem aptitudinalis ad creaturam nomine *doni* importata, esset alia ab spiratione passiva: ergo hæc spectare nequit ad personalem Spiritus Sancti proprietatem. Probatio minoris subsumptæ: Siquidem hæc relationes sunt ad terminos toto genere diversos, Deum scilicet, & creaturam; & propterea prior realis est, poster vero rationis.

AD ARGUMENTA. Pro parte affirmativa est unica responsio: quoniam *donum* per se significat respectum ad creaturam, atque is respectus æquo tribus convenit personis, subinde sit oportet per se nomen essentialis. Nihilominus quia amor est primum donorum, (ut articulo precedenti annotatum fuit) & Spiritus Sanctus est primus, & substantialis amor, eo nomine necessario connotatur proprietas personalis Spiritus Sancti per modum voluntatis procedentis. Quotiescunque ergo invenitur Augustinus dixisse *doni* rationem pertinere, aut esse Spiritus Sancti proprietatem, intelligendus est, exprimere voluisse non principalem *doni* significationem, quæ relatio est rationis, sed solum id, quod eo vocabulo importatur per connotationem, ut articulo precedenti pluribus declaratum fuit; Et amplius exemplo explicatur. Nam hoc nomen *dator* per se, & primo non importat respectum virtutis spirative Patrie, & Filii, sed primo magis significat respectum rationis ad creaturam, connotando interim processionem passivam Spiritus Sancti, per respectum tamen ad virtutem spirativam per quam producit primus amor spiratus infinitus. Eodem pariter modo *donum* non primo, & per se significat proprietatem Spiritus Sancti personalem, sed per connotationem.

Ad argumentum in oppositum est responsio talis, nomine *doni* importatur quod sit dantis per originem: Et sic importatur proprietas originis Spiritus Sancti, quæ est processio. Contra, *donum*, ut est dantis per originem non est *donum* nisi materialiter, quia non datur ad intra, seu originantibus personis, sed est *donum* per respectum

De hoc te.  
rum supra.  
2. 33. art. 7.

Doctor dist.  
cit. Respon-  
deo. 10. sup-  
ponendo.

S. Thomæ  
secundum  
principale.

S. Thomæ  
sententia  
bicus in ar-  
ticulo prece-  
denti. Item  
Bonavent.  
1. dist. 13.  
q. 1. art. 2.

S. Thomæ  
6. Ad Joann.  
dum.



etiam aptitudinalem ad extra; ergo duntaxat eo nomine connotatur processio, & per se, & primo significatur respectus rationis, qui respectus nullus est in Deo ad creaturas, nisi ut communis tribus personis.

Concedendum est ergo argumentum, etsi propter Augustini auctoritates ultro fateamur eo nomine connotari primamoris passivam processionem, ut dictum est.

## QUÆSTIO TRIGESIMANONA.

### DE PERSONIS AD ESSENTIAM RELATIS,

#### IN OCTO ARTICULOS DIVISA.

*Post ea quæ de personis divinis absolute tractata sunt, considerandum restat de personis in comparatione ad essentiam, & ad proprietates, & ad actus notionales, & de comparatione ipsarum ad invicem.*

#### QUANTUM IGITUR AD PRIMUM HORUM, OCTO QUÆRUNTUR:

- I. Utrum essentia in divinis, sit idem cum persona.
- II. Utrum dicendum sit, quod tres personæ sunt unius essentia.
- III. Utrum nomina essentialia prædicanda sint de persona in plurali, vel in singulari.
- IV. Utrum adjectiva notionalia, aut verba, vel participia prædicari possint de nominibus essentialibus concretivè acceptis.
- V. Utrum prædicari possint de nominibus essentialibus in abstracto acceptis.
- VI. Utrum nomina personarum prædicari possint de nominibus essentialibus concretis.
- VII. Utrum essentialia attributa sint approprianda personis.
- VIII. Quod attributum cuique personæ debeat appropriari.

#### ARTICULUS I.

Utrum in divinis essentia sit idem quod persona.

*Doctor 1. dist. 2. q. 7. §. Sed hic restat n. 41. & seqq. & dist. 34. in Report. ibidem dist. 33. q. 1. & 2. Collat. 23. & 36. S. Thom. 1. p. q. 39. art. 1. Ubi Cajetanus, aliique Expositores.*

De his quoque actum supra, q. 28. art. 2.



VIDETUR essentia in divinis esse sic idē quod persona, ut nullo modo distinguantur ex natura rei. Nam ex quibuscunque qualitercunque distinctis ex natura rei est aliquid unum, alterum illorum est actus, alterum potentia: Si ergo

essentia, & relatio distinguuntur ex natura rei, & ex ipsis exurgit persona divina, alterum illorum est actus, alterum potentia; ac proinde ex natura rei persona composita erit compositione simpliciter destruyente ipsius simplicitatem. Probatio majoris: Si ex quibuscunque distinctis est aliquid unum, aut in illo uno tertio est præcisē hoc, & hoc, seclusa omni habitudine eorum ad invicem; & tunc intelligi non potest aliquid unum fieri ex eis: Aut præservat mutuam habitudinem in tertio, quod constituunt; ergo cum verior habitudine esse nequeat, quam actus ad potentiam; (Nam quæcunque alia adstruatur, non erit unum ex eis) & persona sit verissimē una, alterum constituentium erit actus, alterum potentia.

Præterea, Omnis res (accipiendo rem generalissimē) ab re alia qualitercunque distincta, aut est ens informans, aut informatum, aut neutrum, sed per se existens; igitur si relatio sit res absentia distincta, citra omnem intellectus operationem, aut erit informans, vel informata, vel certe per se subsistens. Si dentur duo priora mem-

bra, igitur erit actus, vel potentia respectu essentia; & ita composita persona ex actu, & potentia. Si vero dicatur subsistere per se; igitur proprietas per se subsistit, sicut persona. Persona ergo non includeret essentiam, ut aliquid sui, sed tantum relationem, quod est impossibile.

Præterea, De communi sententia Magistrorum sentiendum est, relationem transire in essentiam: ex hoc autem sequitur nullam intercedere posse ex natura rei distinctionem inter ipsam transuentem, & essentiam, in quam transiisse perhibetur. Probatio: quod manere, & non transire dicitur, sic manet perinde ac si non transiret: sed ex hypothese, quod relatio realitate sua distinguatur ab essentia, manet, ac si nullo modo transiret: ergo nullo modo transit in essentiam, si distinguitur ex sui natura ab essentia. Minor probatur: Si relatio non transiret in essentiam, non distingueretur ab ea realiter, nisi realitate relativa: ergo si modo ex natura rei sic ab ea distinguitur, profecto sic manet, perinde ac si in essentiam non transiret.

Præterea, Ponatur relatio esse distincta realitas ab essentia realitate: igitur illius realitas aut est essentia creata, aut increata. Si increata: ergo ut est realitas distincta ab essentia divina, est formaliter essentia divina, quæ sola est increata. Si creata dicatur realitas; igitur est creatura. Cum ergo non sit creatura, erit eadem realitas ex natura rei, quæ est essentia divinæ realitas.

CONTRA, Assertio, & negatio simul, & semel non verificantur de eodem: sed assertio, & negatio verificantur de essentia, & persona: nam persona est distincta, essentia vero non est distincta: ergo persona, & essentia non sunt idem. Rursus nihil subijcitur sibi ipsi: sed persona subijcitur essentia: unde & suppositum, vel hypostasis nominatur: ergo persona non est idem quod essentia.

RESPONDEO, Aliquorum hic fuit sententia talis: Quoniam Deus ratione simplicissimæ entitatis ejus, ut relationes reales, quæ in ipso reperiuntur.

*His argumentis (quæ facit Doctor in Report. q. 2. sit.) utitur ad hominem Gregorius 1. dist. 23. Doctorem infirmum contradiotionis; nec advertit Scotum ad singula diversa in locis responsione apposuisse, nec quidquid concludere subinde contrapositione ejus.*

*S. Thom. secundum tertium principale.*

*S. Thom. sententia hoc assertum.*



rietur non sint idem ac essentia divina; quamvis ut comparantur ad oppositam relationem admittant, vel efficiant distinctionem realem personarum; ad quem sensum dixit Boetius relationem in Deo multiplicare Trinitatem. Relatio igitur ut ad essentiam comparata, non re sed ratione tantum differat oportet. Contra quem modum dicendi egimus supra, q. 28. art. 2. Subinde quesito respondet coherenter ad ea, quæ cit. art. 3. sequenti incidenti exposita fuerunt, dicimus, Ante opus intellectus, sive ex natura rei, esse admittendam aliquam sive distinctionem, sive non identitatem inter essentiam, & proprietates personales. Nam Pater habet realiter entitatem communicabilem; alioquin eam Filio non communicaret: est præterea in ipso realiter entitas incommunicabilis, quæ nimirum est suppositum omnino incommunicabile; idque citra omnem cuiuscunque intellectus considerationem, imo omni intellectu per impossibile circumscripto, adhuc est in primo supposito utraque entitas: Effse autem nequit una, eademque entitas ex natura rei de se communicabilis, & incommunicabilis, ita ut sibi repugnet formaliter communicari, nullo considerante intellectu; ergo sit oportet inter utrumque ex natura rei aliqua distinctio independentem ab intellectu. Alioquin si utraque entitas coincideret ex natura rei in unam, eandemque formalem rationem, non videretur ratio, cur Pater dans Filio entitatem communicabilem, non tribueret pariter illi qui quid est ex natura rei ejusdem formalis rationis cum ipsa; atque ita paternitatem perinde ac essentiam Filio communicaret; quod est impossibile. Cum igitur ex natura rei Pater communicet essentiam Filio non vero paternitatem: ex rationibus formalibus earum entitatum exurgit aliqua distinctio inter ipsas præcedens intellectus divini operationem; ergo relatio ut ad essentiam comparata, non præcisè distinguitur per rationem. Deinde, unum genus distinctiois per intellectum est, quum idem formale obiectum penes diversos modos concipiendi intelligitur, ut homo & humanitas: At ea distinctio, quæ est in intellectu penes diversas obiecta formalia duobus actibus intellectus correspondentia, major est: seu illa obiecta formalia sint diversæ res, seu una res diversas completens rationes formales, ut quum concipiuntur rationes coloris, & disgregativi. Pater igitur intelligens se in primo signo originis, aut attingit præcisè unum, idemque obiectum formale, in quod coincidit essentia, & paternitas, seu alio, & alio modo concipiendi; aut intelligit duo obiecta formalia: Si primum; ergo non versatur major differentia inter essentiam, & proprietatem, ea, quæ reperitur inter Deum, & Deitatem; atque intellectus divinus non magis concipit proprietatem incommunicabilem, quam Deitatem communicabilem, & e converso. Nam homo non est incommunicabilis, si humanitas sit communicabilis, & e converso. Similiter ea in hypothesi non magis beatificaretur intellectus Patris in essentia divina, quam in proprietate, formaliter in essentiam coincidente; nec magis in proprietate sua, quam Filii, & ita in duobus obiectis realiter distinctis foret primo beatus, quandoquidem amba sunt formaliter essentia divina, quod nemo dixerit. Si vero detur Patrem tunc intelligere duo obiecta formalia, ex hoc arguo sic. Intellectus ille nihil intelligit nisi intuitivè, cum quæcunque intellectus abstractiva aliquam præferat imperfectionem: cognitio au-

tem intuitiva est obiecti, quatenus est præsens in essentia actuali, vel in aliquo eminenter continente totam entitatem ipsius; ergo quæ cognoscuntur intuitivè, ut obiecta formalia distincta, vel unum eminenter continetur in alio, vel utrumque secundum propriam existentiam terminatur actum, ut est ejus: Nihil autem intrinsecum personæ divine propriè continetur in aliquo eminenter, quia tunc foret ens per participationem ejus in quo sic continetur; igitur quæcunque intrinseca divinis personis sunt diversa obiecta formalia intuitiva, atque secundum propriam existentiam actualem terminant intuitionem, ut obiecta, habeant ergo oportet aliquam distinctionem ex natura ipsorum, ante omnem actum in eligendi. Tandem, quia fortassis aliter sentientibus ob hæcenus deducta placeret amplecti primum membrum de unitate obiecti formalis unicum conceptum ex se in intellectum imprimendis; Arguo sic: quicquid intellectus causat circa obiectum virtute propria, id est, non concurrente speciali obiecti ratione, id sanè est tantum relatio rationis: conceptus autem unicus, quem imprimit essentia in intellectum, est absolutus, rationis nimirum intelligibilis absolutæ, in qua intellectus Patris beatificatur: ergo præter istam rationem absolutam, secundum ita sentientes, nulla est alia in rean actum intellectus, alioquin jam præcederent actum intelligentis duo obiecta formalia ex natura rei, quod isti evitaret concludunt. Nullus etiam est alius in intellectu Patris conceptus, nisi per actum intellectus negociantis, & non per impressionem obiecti, propterea quod non imprimat, nisi unicum conceptum: ergo qualibet alia ratio à ratione absolutæ essentiae, erit præcisè relatio rationis: igitur proprietates Patris, quæ sic est ex sui ratione incommunicabilis, ut sibi omnino repugnet communicari, erit relatio rationis: quod est impossibile. Persona enim incommunicabilis sua proprietate personali ex natura rei, & non per actum intellectus negociantis, circa conceptum realem ab essentia Paterno intellectui impressum.

Nobis ergo probatur sententia, quæ his rationibus concluditur, putantes essentiam divinam, & personales proprietates non coincidere in unam, eandemque rationem formalem, sed ex natura rei essentiam esse rationem aliam à relationibus personarum constituentibus, adeo ut differentia, quæ versatur inter utrumque extremum non sit de intellectu operatione, sed magis antecedit actum omnem intelligentiæ. Ad cuius evidentiam, sciendum: nos ex majori differentia, & distinctione manifesta rerum investigare scire, & deprehendere minorem. Unde Augustinus, 33. qq. q. 46. animadvertis differentias creaturarum obvias, concludit differentiam idearum in mente divina, sentiens non una, eademque ratione ideali omnia condit potuisse: Itaque in re nobis nota est distinctio rerum, & quidem duplex, nempe suppositivorum, & naturalium. In intellectu pariter manifesta est differentia duplex, nimirum & modorum concipiendi, & obiectorum formalium: Ex distinctione igitur reali nobis manifesta, concludimus differentiam hanc inter essentiam, & personales proprietates latentem, ob minimam ejus intelligibilitatem, quippe quæ minima est omnium, quæ intellectum præcedunt. Nam distinctio divinarum suppositorum est realis: cum igitur fieri non possit idem eodem formaliter convenire realiter & differre realiter concludendum est aliquam differentiam versari oportere inter

De multiplici acceptis conceptus Doctor Theorem. 8. u. 1994.

Declaratio differentiarum, seu distinctionis inter essentiam, & proprietates personales. Videbis Franciscum 1. dist. 33. q. 4. habentissimè hac pertractantem, & præterea. 6. Quantum ad tertium. Ubi ostendit Antiquiores nobiscum sensisse, quippe qui concedunt inter essentiam, & proprietatem aliquam non identitatem; & concludit, si primo principio complexo constat veritas, necessario est ponenda

Hæc Doct. ris argumeta ferè coincidunt cum illis, quibus utitur in Report. dist. 25. 1. & regulinus qq. 28. art. 2. cit. Duo priora argumenta co. natur solvere hic Cajetanus; sed Lycheus in Comments ostendit per ea, quæ dicit, minime esse soluta, imo nec solvi posse.

Juxta quæ videndus Franciscus 1. dist. 3. q. 1. & animadvertendum fuisse præ. tulam viam Cajetani e rationibus.

Hoc medium magis urgatur. q. 18. artic. citato.



ex natura  
rei aliqua  
non identi-  
tas inter es-  
sentiam, &  
relationem  
est subdit.  
Sensum est  
tamen, quod  
aliqui non  
multum in-  
tellectu vi-  
gentes, ne-  
gant illud  
in divinis;  
contra quos  
non est dis-  
tinctionem;  
quia nihil  
potius con-  
tra eos po-  
test accipi.

est itam, in qua supposita conveniunt, & proprietates, quibus supposita distinguuntur. Con-  
similitudinem ex differentia obiectorum formalium,  
quorum neutrum continetur in alio eminenter:  
idque respectu intellectus intuitivè videntis, in-  
feritur, atque intelligitur aliqua differentia ante  
actum intellectus, eorum quæ cognoscuntur in-  
tuitivè, & neutrum contineri potest eminenter  
in alio.

Erit ne igitur differentia hæc præcedens actum  
intellectus dicenda realis? Nos putamus non ef-  
se appellandam propriè realem actualem, eo  
sensu, quo communiter dicitur realis actualis il-  
la distinctio, quæ est differentia rerum æstus in-  
sistentium. Nam non est in divinis personis diffe-  
rentia ulla rerum, ob earum summam simplicita-  
tem: & quemadmodum non est realis actualis,  
ita nec realis potentialis, cum nihil in eis esse  
possit, quod non sit in actu. Potest autem voca-  
ri differentia rationis, non quatenus ratio acci-  
pitur pro differentia efformata ab intellectu, at-  
que ab eo penitus dependens, prout & ostendunt  
inductæ rationes, sed prout ratio idem est ac qui-  
ditas rei conceptibilis ab intellectu. Aut etiam  
appellari potest differentia virtualis propterea  
quod illud, in quo hæc distinctio habet locum,  
non est contentivum rei, & rei, quas inter di-  
stinctio versatur, sed est res una habens virtuali-  
ter, sive eminenter quasi duas realitates: quia  
utrique realitati, ut est in illa re, competit illud  
propriū, quod inest tali realitati, non secus ac  
si ipsa res distincta foret. Ita enim realitas per-  
sonalitatis distinguit, & essentia realitas non di-  
stinguit, sicut si essent duæ res.

Non vult  
Doctor pa-  
ternitatem  
virtualiter  
contineri  
in essentia,  
cum sit for-  
maliter re-  
peratur, sed  
dicit virtuali-  
ter, vel e-  
minenter  
contineri  
quod mu-  
nus distingue-

adi, quod exoritur perinde, ac si esset res distincta.

Et propius adhuc accidentibus occurrunt  
complures gradus in unitate, quorum prima,  
omniumque minima est unitas aggregationis: Se-  
cunda est unitas ordinis, aliquid addens ad uni-  
tatem aggregationis; tertia est unitas per acci-  
dens, in qua ultra ordinem intervenit accidenta-  
lis informatio. Quarta est unitas per se composi-  
ti ex principiis essentialibus, se habentibus ut  
actus, & potentia per se. Quinta est unitas sim-  
plicitatis, quæ est vere identitas; quicquid enim  
est ibi, est realiter idem cuilibet. & denique ul-  
tra omnes est identitas formalis: Porro formalis  
unitas, vel identitas ibi est, quando illud, quod  
dicitur formaliter idem alteri, includit in ratione  
sua formali illud, cui est formaliter idem, seu in  
primo modo; ac proinde definitum est idem for-  
maliter ejus definitioni, & inferius per se supe-  
riori; sed non è converso. Si autem essentia, &  
relatio in divinis definirentur, neutrum caderet  
in definitione alterius, nisi ut additum; ergo ef-  
fentia non est de formali intellectu paternitatis,  
nec è converso; igitur ante omnem actum intel-  
lectus est realitas essentia communicabilis, &  
illa realitas formaliter non est ista; alioquin in  
absoluti definitione caderet relativum, & è con-  
verso. Adeo ut intellectus paternus considerans  
essentiam, & paternitatem, habeat ex natura rei,  
unde ista propositio est vera; *essentia non est for-  
maliter paternitas*: Ex eo tamen quod non sint  
formaliter idem, non sequitur distingui formali-  
ter; quia in antecedente negatur formalitas, quæ  
tamen adstruitur in consequente.

Hæc spe-  
cialis vide-  
tur Franci-  
scus 1. dist.  
33. q. 2. in so-  
lutione pri-  
mæ & secun-  
dæ difficulta-  
tis. Vult e-  
nim hanc  
esse disti-  
ctionem non  
actualem,  
sed funda-  
mentalem  
non remissam,  
sed quidita-  
tem, & defi-  
nitionum.

Hæc mihi  
videtur &  
ipsissima S.  
Thomæ sen-  
tentia, ut  
q. 28. art. 1.  
in incidenti  
etiam anno-  
tarum sit.  
Nam S. Do-  
ctor 1. dist.  
33. q. 2. di-  
cit perfectio-  
nes attributa-  
les esse in  
Deo secundum  
verissimam ratio-  
nem, & ratio-  
nem sapientie  
non esse rationis  
bonitatis inquantum  
hujusmodi. Ponit ergo in divinis non identi-  
tatem pro forma perfectionum attributualium, & magis subinde essen-  
tiam & proprietatem. Cum ergo dicitur distinguui, vel loquitur de  
actuali distinctione, quam negat Doctor in divinis; vel accipitur ab

eo ratio secundum quod ex natura rei est conceptibilis ab intellectu 2.  
quo sensu expresse Vult, & docet sapientiam esse alterius rationis 2.  
bonitate ex natura rei.

Hæc vero non identitas essentia, & relatio is  
duplex est: altera quidem ob mutuam exclusio-  
nem formalem, quatenus una, ut dictum est, non  
est de per se intellectu alterius; reliqua autem  
non identitas oritur ex eo quod non sint reciprocè  
extrema adæquata: qualis adæquatio est, quum  
unum non excedit alterum, sed est præcisè illud  
ut definitio, & definitum. At hic essentia unitas  
excedit unitatem proprietatis, quia essentia est  
simpliciter infinita, proprietates non item: Nec  
propterea exinde impeditur eorum absoluta, &  
simplicissima identitas. Imo etiam animæ ratio-  
nali identificantur potentia, etsi non identitate  
adæquata: nam potentia intellectiva non funda-  
tur in volitiva, sed utraque in essentia animæ: er-  
go neutrum est eadem illi adæquatè; non est igitur  
essentia divina identificata proprietatibus identi-  
tate adæquata, sed inadæquatè. Excedit ergo  
essentia proprietates: Est secundum prædica-  
tionem proprietates transcendat essentiam, quia  
de pluribus prædicatur formaliter, quam essen-  
tia. Hæc enim est tantum communis tribus com-  
munitate reali: proprietates vero (ut dictum fuit,  
q. 30. art. 4. in incidenti) est communis commu-  
nitate rationis omnibus proprietatibus, de qui-  
bus prædicatur in quid.

Atque sententiam hanc frequenter docuisse Au-  
gustinum constat ex 7. de Trinit. cap. 1. Ubi scri-  
bit: *omnis essentia, quæ relative dicitur, est ali-  
quid, excepto relativo: & ibidem: Si Pater non  
est aliquid ad se, non est omnino, qui relative di-  
citur ad aliquid*. Est igitur essentia ex natura rei  
ad se, & non ad aliquid. Pater autem inquantum  
Pater dicitur ad aliquid: non est autem formali-  
ter eadem entitas ad se, & non ad se, sive ad ali-  
quid; igitur essentia ratio formaliter non inclu-  
dit paternitatem, & è converso. Rursus, lib. eod-  
em cap. 2. *Non eo Verbum, inquit, quod Sapien-  
tia, quia Verbum non ad se dicitur, sed tantum  
relative ad eum, cujus Verbum dicitur, sicut Fi-  
lius ad Patrem, Sapientia vero eo, quod essentia*.  
Vult ergo expresse, quemadmodum Pater non  
eo, quo est Pater est sapientia, & essentia: ita  
nec eadem formali ratione esse Patrem, & Deum.  
Est igitur secundum ipsum ea non identitas rela-  
tionis ad absolutum in divinis, ut si unum sit quo  
respectu alicujus, alterum non est quo respectu  
ejusdem: Esse autem quo inest penes rationem  
formalem habentis eam habitudinem; ergo unum  
eorum non est de formali ratione alterius, sed ex-  
tra ipsum: non est ergo idem formaliter alteri de  
sententia Augustini: stante interim perfectissima  
omnium identitate juxta doctrinam ejusdem, 11.  
de Civit. cap. x. Atque hoc ipsum pariter sensisse  
existimandum est Doctores antiquos conceden-  
tes multas prædicationes esse veras in divi-  
nis per identitatem, & negantes, eas esse admit-  
tendas in sensu formali, id enim non videtur in-  
telligibile, nisi per hoc, quod prædicatum, idem  
de subiecto, vere enunciabatur, atque affirmaba-  
tur de illo per identitatem: quia tamen non erat  
prædicatum idem subiecto formaliter, non pote-  
rat vere de illo in sensu formali prædicari.

Postremo ad completam declarationem hujus  
differentia, quæ magis dicenda videtur non iden-  
titas, quam distinctio, addendum, eam appel-  
lari, atque exprimi oportere sub hac determina-  
tione secundum quid, ut nimirum intelligamus  
essentiam à paternitate ex natura rei quidem dif-  
ferre,

Hoc mem-  
brum egre-  
gie pertra-  
ctatur à Fr-  
cisco 1. dist.  
33. cit. qu. 1.  
d. Quantum  
ad tertium  
principale.  
V. Duns  
est theologicè  
procedendus

Ex dist. 34.  
cit. primi  
sent. & dist.  
8. q. 4. ejus-  
dem primi.

Ex Reporti-  
quæ 2. cit.  
d. 5. & seq.



ferre, ut vere non sit alia; veruntamen non simpliciter differre, vel distinguere, sed tantum secundum quid: non quasi *secundum quid* afficiat determinetque rationes ex natura rei sese mutuo excludentes; quia tunc sensus esset, eas fore rationes, vel realitates *secundum quid*, cum tamen sint verissime tales, & non diminutæ, vel *secundum quid*: est ergo intelligendum illud syncategoremata spectare, seu determinare ipsam differentiam, vel, si mavis distinctionem ex natura rei eamque esse, & appellari oportere differentiam *secundum quid* ex natura rei. Ad cuius evidentiam, sciendum, ut aliqua simpliciter dicantur distinguere, quatuor condiciones concurrere debere, quarum prima est, ut ipsa, inter quæ ejus generis differentia reperitur, sint actu existentia, & non in potentia tantum; quia quæ sunt in potentia materiarum, non distinguuntur simpliciter. Secunda vero, ut sit eorum, quæ habent esse formale, non virtuale tantum; nam effectus in causa virtualiter contenti, non dicuntur realiter, & simpliciter distinguere. Tertia, ut sit eorum, quæ non habent esse confusum, ut extrema in medio, & miscibilia in misto, sed eorum, quæ habent esse distinctum propriis actualitatibus. Quarta denique, quæ est completiva distinctionis perfectæ, est non identitas, dicente Philosopho, 5. *Metaphysicæ* cap. 9. diversum, & distinctum esse idem. Ea ergo dicenda sunt distinguere perfectè, quæ secundum esse eorum actuale, proprium, & determinatum, non sunt eadem simpliciter; Ea vero differre *secundum quid*, inter quæ non intercedit non identitas simpliciter, sed solummodo non identitas *secundum quid*; omnis igitur diversitas, quæ stat cum identitate, & secundum tres priores condiciones, est distinctio *secundum quid*. In essentia autem, & relatione reperiuntur tres primæ condiciones. Nam non habent esse potentiale, nec virtuale, nec confusum, sed actuale, formale, & proprium, & determinatum; eis nihilominus non convenit quarta conditio, quæ est completiva distinctionis perfectæ, estque non identitas; imo sunt simpliciter idem, quamvis propter mutuam exclusionem eorum in formalibus rationibus, sit inter ipsas non identitas *secundum quid*, quæ est penes tres primas condiciones. Evidens est igitur quia ratione hæc differentia ex natura rei est differentia *secundum quid*, quamvis ea, inter quæ reperitur, sint in proprio ordine alterum formaliter, & intensivè infinitum, alterum autem possideat omne id, quod sibi ex natura rei competere possit.

AD ARGUMENTA. Ad primum respondeo, argumentum procedere, & posse concedi, quum concurrunt duæ res ad constituendum unum tertium; tunc enim omnino oportet alteram se habere per modum actus, alteram per modum potentie: At relationes in divinis, etsi res appellari queant latissime rei vocabulo accepto; attamen propriè esse essentiarum quasi modos; juxta dicta, q. 28. art. 1. Qui modi quoniam non comparantur ad essentiam, quæ sit in potentia ad illos (id enim foret in ea imperfectionis) nec ipsos subinde habere posse rationem actus essentiarum, etsi intelligantur actus personarum, id est, actus quibus personæ constituuntur formaliter, & pariter distinguuntur.

Verum quia, ex articulo præcitato in incidenti; relationes sunt res ad alterum, ut etiam ad essentiam comparantur, respondeo aliter, personam divinam ex essentia, & relatione esse verissimè unam, nec propterea unum esse actum, reli-

quum potentiam ejus unius. Nam quod quilibet creatura, ut humanitas, sit in potentia respectu proprietatis individualis, quæ & dividitur, & ultimatè actuatur; est, quia ipsa est ens finitum, limitatum, & potentiale, & perfectibile subinde per aliud. At Deitas de se est, quia Deus est Deus, & persona subsistens in illa, est formaliter Deus; nec determinatur, aut contrahitur per personalem proprietatem; quia uti Deitas de se est hæc, ita possidet ex se ultimam unitatem, & actualitatem. Est igitur proprietates personalis sic proprius actus personæ, ut non sit actus ipsius naturæ divinæ, aliquo modo perficiens, vel informans eam. Quod vero tangebatur in argumento, oportere illa duo habere aliquam habitudinem ad invicem, alioquin haud coalitura in unum. Respondendo, habere habitudinem perfectissimæ identitatis realis. Cum enim persona in divinis sit verissimè simplex, ut essentia, incapax omnino est omnis compositionis, vel quasi compositionis, ratione infinitatis, ex qua tamen infinitate non destruuntur, aut ununtur formaliter rationes essentiarum, & relationis, cum hæc formaliter non sit illa. Oportet igitur omnino unum esse in alio, sed sicut relatio est in fundamento suo, sive radice id autem non est alterum se habere per modum actus, reliquum ad instar potentie, sed ut identitè contentum in pelago infinito.

Ad secundum respondeo, accipiendo rem ut à modo contradistinguitur, utique ei convenire rationem aut informantis, aut informati, aut per se subsistentis; & ejusmodi revera est res quæcumque, ut à modis ejus est distincta. Hoc itaque sensu dicimus relationes esse modos, sive circumstantias essentiarum, ac proinde non oportere eas informare, aut informari, aut per se existere; esto sint rationes formales, quibus divinæ personæ subsistunt.

Ad tertium dicendum, relationem transire in essentiam, intelligi posse dupliciter. Uno modo, quasi pereum transitum non fuerit propria entitas ad alterum; & iste intellectus est planè falsus, ut constat ex hastenus dictis. Alio modo concipi potest transire in essentiam, ex eo quod non maneat realiter distincta ab essentia, in quam transit; quod & verissimum est. Et cum subditur; quia si maneret, non aliter distingueretur ab ea, nisi secundum realitatem relativam; nemadmodum & nunc ponitur penes eandem differre ab ea. Nos respondemus ex dictis sic: si relatio non transiret in perfectissimam identitatem essentiarum, distingueretur ab ea non per identitatem simpliciter; & de facto non distinguatur nisi differentia *secundum quid*, quæ stat cum omnimoda reali identitate eorum, quæ ita distinguuntur.

Ad quartum dicendum. Si proprietates personales ponerentur realiter distinctæ ab essentia divina, utique ipsis competeret ratio creaturæ, quia tunc de divina perfectione participarent; & subinde in illa essent eminenter, & virtualiter contentæ: Sed ex quo sunt realiter eadem res cum divina essentia, creaturæ esse non possunt. Et quamvis ex suis rationibus formaliter cum ipsa non coincident, non propterea sequitur ipsis creaturæ conceptum in se. Nam cum hoc stat eas esse reales, & essentialiter Deum, esto non formaliter sint essentia divina.

Ad primum in oppositum respondetur sic: propterea quod essentia, & persona in divinis differant secundum intelligentiæ rationem, aliquid potest affirmari de uno, quod negatur de altero, & ex suppositione unius, non sequitur suppositio

Quodlib. qu. 3. d. 6. Ex istis q. 28. art. 1.

1. dist. 26. & dist. 5. q. 2.

Quodlib. qu. 2. d. 6. Ad argumentum principale.

1. dist. 11. qu. 2. d. 5. Ad rationes pro secunda opinione.

1. dist. 8. q. 1. & 2.

S. Thomæ responsio.

1. dist. 4. q. 2. 6. Tercio principaliter



1. dist. 8. q. 4.  
9. Ad quæ-  
stionem. V.  
Quæ aut.

1. dist. 1. q. 7.  
9. Ad primū  
argumentum  
principale.  
V. Respon-  
deo de auq. q.  
num. 48.

9. Thomæ  
responsio.

1. dist. 1. q. 7.  
num. 49.

alterius. Contra, si isti ita respondentes intelli-  
gant intellectum affirmantem aliquid de uno,  
quod negatur de altero, non efficere actū suū  
collativo veritatem compositionis, sed magis in  
obъекto intervenire extrema, ex quorum com-  
positione fit actus verus, non discordamus ab  
eorum sententia. Nam revera ita est ex natura  
rei, quod si definiretur essentia, relatio, vel pro-  
prietas personalis, non foret essentia definitio,  
nec pars definitionis ejus: definitio autem non  
tantum indicat rationem causam ab intellectu,  
sed quidditatem rei: ergo non est identitas forma-  
lis eorum extremorum ex natura rei: Et ratione  
talis non identitatis formalis complures prædi-  
cationes in divinis negantur esse veræ in sensu  
formali; quæ nihilominus sunt concedendæ per  
identitatem. Si vero intelligant de intellectu  
comparatione esse, ut prædicata quædam verè  
affirmantur de uno, & falso de altero. Contra  
hanc expositionem procedunt inducta argumen-  
ta, quibus quæsti solutio declaratur.

Ad secundum dicitur, quoniam naturæ rerum  
creatarum individuantur per materiam, quæ sub-  
iicitur naturæ speciei, ex eo fit, ut individua  
dicantur subiecta, vel supposita, vel hypostasæ,  
& propter hoc etiam divinæ personæ supposita,  
vel hypostasæ nominantur; non quasi ibi sit ali-  
qua suppositio, vel objectio secundum rem. Nos  
ad declarationem inducti argumenti addendum  
putamus revera non reperiri inter divinas perso-  
nas subjectionem, vel realem suppositionem, imo  
essentiam unam esse de ratione essentiali trium  
subsistentium in Deitate, & essentiam pariter  
identificari earum proprietatibus personarum; ve-  
runtamen, non adæquatè, id est non identitate  
convertibili & præcisa, cum essentia sit eadem fi-  
liationi, quæ realiter distinguitur à paternitate;  
ex quo evidens est, ipsam excedere singulas pro-  
prietates: & ita nedum est inter ea extrema non  
identitas ratione formalium rationum; verum  
etiam propter inadequationem proprietatum cum  
essentia, ut expositum est in solutione, & q. 28.  
art. 2. Atque hoc esse, quod concludere intendit  
inductum argumentum.

## ARTICULUS II.

Ut um sit dicendum tres personas esse  
unius essentia.

De flor 1. Report. dist. 34. quæst. 2. S. Thom.  
1. p. quæst. 39. art. 2.

**V**IDETUR dici non posse, tres personas es-  
se unius essentia. Etenim Augustinus, 7.  
de Trinit. cap. 5. *Tantum*, inquit, *tres personas*  
*eiusdem essentia, vel tres personas unam essen-*  
*tiam dicimus: tamen tres personas ex eadem es-*  
*sentia non dicimus.* Sed obliquus genitivi notat  
transitionem, sicut notat ablativus cum suo ca-  
suali; Hæc autem est falsā; *Tres personæ sunt de*  
*eadem essentia*; ergo & ista: *tres personæ sunt*  
*unius essentia.*

Præterea, Si hæc foret concedenda; *Tres per-*  
*sonæ sunt unius essentia*: igitur pariter hæc ef-  
fect vera, *Filius est Filius substantia, vel essentia Pa-*  
*tris.* Sed ex hoc significaretur ipsum esse Filium  
essentia, & essentiam gignere Filium; ergo cum  
fallum sit, Filium esse Filium essentia; pariter  
non videtur illa concedenda, *Tres personæ sunt*  
*unius essentia.*

Pigerea, Si verè, & rectè dicerentur tres per-

sonæ unius essentia hoc argumentum videretur  
concedendum: *Hic Deus est Pater, Filius est hic*  
*Deus; ergo Filius est Pater*: conclusio autem de-  
struit idem Trinitatis; igitur tres personæ non  
sunt unius essentia. Probatio sequelæ: medio  
existente hoc aliquid, necesse esse extrema con-  
jungi: Deitas autem est hoc aliquid magis quam  
quodcunque aliud entium; quando & ex se, &  
de se fit singularissima, & immultiplicabilis.

Confirmatur, ex hypothesi; vera quoque vi-  
deretur hæc alia argumentatio, *Deitas est Pater,*  
*Filius est Deitas, ergo Filius est Pater.*

CONTRA, Augustinus, lib. 3. contra Maximi-  
num, cap. 14. *Pater*, inquit, & *Filius unius sunt,*  
*eiusdemque substantia. Hoc est illud, homousion*  
*quod in Concilio Nicæno adversus hæreticos Ar-*  
*rianos, à Catholicis Patribus veritatis auctoritate*  
*firmatum est. Quid enim est homousion, nisi unius*  
*eiusdemque substantia? Quid est enim, inquam,*  
*homousion, nisi ego, & Pater unum sumus?*

RESPONDEO, Aliqui veritatem illius proposi-  
tionis ita declarandum putant, Quemadmodum  
in rebus sensibilibus natura se habet ut forma ad  
individuum, ad personam, & suppositum, sic in  
divinis essentia signatur ut forma trium persona-  
rum. In creaturis autem dicimus formam quam-  
cunque esse ejus, cuius est forma, sicut sanita-  
tem, & pulchritudinem esse alicujus hominis;  
habentem vero formam non dicimus esse formam,  
nisi cum aliqua additione adjectiva, quæ designat  
illam formam, ut cum pronunciamus; *Ista mulier*  
*egregia est forma; vel iste homo est perfecta vir-*  
*tutis.* Consimiliter in divinis, quoniam multi-  
plicatis personis, non propterea essentia multi-  
plicatur, rectè dicimus *unam essentiam trium per-*  
*sonarum, & tres personas unius essentia*; nec in-  
terim denotantur ista nomina in genitivo casu  
designari, & constitui in respectu ad formam signi-  
ficatum. Contra hoc; quotiescunque nomen si-  
gnificans formam constituitur cum genitivo, ex  
vi designationis cum habente, vel habentibus for-  
mam, sicut constituitur in plurali, ita constitui-  
tur cum eo in singulari; unde pari veritate dici-  
tur, *Petrus, & Paulus* sunt viri magnarum vir-  
tutum, & *Petrus vel Paulus* est vir magnæ vir-  
tutis: Sed non invenitur aliquem Sanctorum, aut  
Doctorum docuisse, vel admisisse hanc. *Pater est*  
*unius essentia*; sed potius dixerunt; *tres personas*  
*esse unius essentia*; ergo non constituitur essentia  
in genitivo casu cum habente eam ex vi designa-  
tionis.

Præterea, aliam subicientes explicationem di-  
cimus. Quando aliquid est proximum fundamen-  
tum relationis communis, potest enunciarī in ge-  
nitivo casu de Suppositis, quorum est illud fun-  
damentum, cum adjectivo significante relatio-  
nem communem. Exemplo quod dictum est de-  
claratur; Hæc propositio, *Isti sunt lingua unius,*  
*vel similis conditionis, vel dignitatis. Unius* se  
tenet relativè pro relatione communi, & accipi-  
tur pro identitate, ac si diceretur; *Isti sunt lin-*  
*gua ejusdem*; quia constituitur genitivus signans  
fundamentum relationis communis cum suppositis,  
vel individuis, quorum est illud fundamen-  
tum, virtute relationis communis. Sic in propo-  
sito, cum pronunciantur *Tres personæ esse unius*  
*essentia*; *Unitas* in genitivo relativè dicitur pro  
identitate, ut sit sensus, tres personæ esse ejusdem  
essentia; & constituitur *Tò essentia* in genitivo  
cum relatione communi identitatis cum suppositis,  
quorum suppositorum est idem fundamentum,  
ex vi fundamenti relationis communis ad illa  
supposita.

AD

1. dist. 1. q. 7.  
9. Ad primā  
principale.  
V. Per hos  
pater.

Magist. 1.  
sent. Cap.  
Hic non est.

9. Thomæ  
sententia  
hic.

Solutio Do-  
ctoris.



AD ARGUMENTA. Ad primum respondeo, concedendum non esse, tres personas esse de eadem essentia, quia hæ præpositiones *ex*, & *de* denotant circumstantiam causæ extrinsecæ, vel efficientis, & materialis. Unde rectè dicitur arca effecta *ex* ligno, vel *de* ligno, & *ab* artifice, vel *de* artifice opus produisse. Opus autem in genitivo notat circumstantiam formæ ad habentem formam. Unde licet præpositio, & genitivus notent transitionem, non tamen æqualem, nec uniformem; nam genitivus signat transitionem formæ ad habentem formam: præpositio vero notat transitionem causæ extrinsecæ ad effectum; causa autem ejus generis non convenit personis divinis, nec transfertur ad eas.

Ad secundum dicendum consequentiam esse negandam. Nam cum inferitur; ergo pariter verum foret, *Filium esse Filium essentia*: ex vi constructionis significatur essentiam esse proprium correlativum ejus, quod est *Filius*, & ita Filium esse formaliter *Filium* essentia: in antecedenti autem non importatur relatio paternitatis formaliter convenire essentia, sed tantum per identitatem, ut declaratum fuit in solutione.

Ad tertium respondeo sic: Quemadmodum in creaturis commune se habet ut *quale quid*, singulare verum ut *hoc aliud*; ita hæc essentia personis communis, subit rationem *qualis cujus*, persona autem *hujus alicujus*. Medium ergo in syllogismo est *quale quid* non *hoc aliquid*. Concluditur igitur identitas extremorum in conclusione, perinde ac si medium esset *hoc aliquid*. Sed probabatur: quia essentia est ex se singularissima: igitur *hoc aliquid*. Responsio: ex quo singularitas essentia extrinseca non reddit ipsam incommunicabilem, nec inducit in ipsam rationem *hujus alicujus* qualis est persona, sed magis *qualis cujus*: est enim realiter communis tribus, & ideo in argumento committitur fallacia accidentis, & figuræ dictionis commutando *quale quid* in *hoc aliquid*.

Ad confirmationem, Quamvis *Deitas* non supponat pro alio supposito in majori, & in minori, nihilominus est in argumento fallacia figuræ dictionis commutando *quale quid* in *hoc aliquid*. Non est autem aliud se commutare, quam ex vi illationis interpretari illud habere rationem *hujus alicujus*, in quo magis est ratio *qualis cujus*. Unde sic inferens suppositum de supposito, interpretatur medium commune esse idem secundum conceptum existentia, vel substantia, quod falsum est.

### ARTICULUS III.

Utrum nomina essentialia prædicentur singulariter de tribus personis.

Doctores locis in margine citatis. S. Thom.  
1. p. qu. 39. articulo 3.

VIDENTUR nomina essentialia enunciari pluraliter de tribus personis. Siquidem *Deus* nomen essentialia est: Sed id nomen dicitur de tribus; ergo & pariter prædicantur essentialia omnia. Probatio minoris; Secundum Damascenum *Deus est divinam habens naturam, homo humanam*: Sed tres personæ sunt divinam habentes naturam; ergo *Deus* prædicatur de tribus personis, & numeratur in eis.

Præterea, Ex Damasceno, lib. 1. cap. 12. *Deus dicitur ab operatione actuali*. Sed tres sunt, qui

cuncta quæ fiunt, facta futuraque sunt, operantur; ergo Dei nomen prædicatur de tribus. Quandoquidem actiones non nature, sed supposito- rum esse dicuntur; igitur de tribus suppositis prædicatur *Deus*, ut actu operans.

Præterea, Rei, & entis nomina dicuntur de Deo secundum substantiam, seu essentiam: Sed divinæ personæ verissime res sunt, & entia sunt ergo nomina quibus essentialia Dei: significantur de pluribus dicuntur; de iis nimirum, de quibus ait Augustinus, 1. de doctrina Christiana cap. 2. *Res, quibus fruendum est, sunt Pater, Filius, & Spiritus Sanctus*.

Præterea, Per se esse, sive subsistere est nomen essentialia, ad quem sensum loquitur Augustinus, 7. de Trinitate cap. 4. *Omnis res, inquit, ad se subsistit, quanto magis Deus?* sed divinæ personæ sunt per se verissime subsistentes; igitur nomen essentialia *per se esse* numeratur in divinis ad numerum personarum, ac proinde verè prædicatur de illis.

CONTRA, Deuteronomio 6. *Audi Israel, Dominus Deus tuus unus est*. Et Isaiæ 3. *extra me non est Deus*; igitur nomina essentialia necessario prædicantur de tribus personis.

RESPONDEO, Aliqui quæstio hanc apponunt solutionem: Nomina essentialium, quæ substantivè essentiam significant, prædicantur de tribus personis singulariter tantum, & non pluraliter. Quæ vero adjectivè essentiam exprimunt de tribus personis in plurali dicuntur: idque hac ratione ostendi putant: Etenim nomina substantiva significant aliquid per modum substantia; adjectiva vero per modum accidentis, quod subjecto inhæret: ergo singularitas, vel pluralitas substantivi attenditur penes formam significatam, adjectivi vero penes supposita, ex quibus accidentia accipiunt unitatem, & multitudinem. Cum igitur forma significata nominibus substantivis una, eademque sit in omnibus, necessario singulariter prædicantur. Contra tamen hanc rationem est instantia quam tetigimus supra, q. 36. art. 4. *in incidenti*. Ad tertium: nec pigebit eam repetere, quando & rursus ingeratur doctrina pro præsentis quæsti declaratione. Siquidem terminus numeralis ponit exercetque significatum determinabilis: atqui idem est significatum substantivi, & adjectivi, quippe quæ non differunt, nisi penes modum significandi: ergo terminus numeralis exercet suum significatum circa idem importatum per se ab substantivo, & adjectivo: adeoque, si significatur numeratio forme per adjectivum prædicatum, pariter & per substantivum: nec propter adiacentiam ad suppositum, quæ convenit adjectivo ratione modi significandi, non ex per se significato, poterit esse altera prædicatio vera, altera fallax de virtute sermonis. Propterea illi rationi non innitentes, eam approbandam putamus, qua declaratum fuit art. cit. q. 36. qualiter esto Pater, & Filius rectè dicantur *duo spirantes*, non tamen *duo spiratores* pronunciandi sunt Spiritus Sancti. Secundum quæ quæsito respondentes dicimus; nomina essentialia singulariter omnino prædicari de tribus personis, sic ut nullatenus numerentur ad numerum earum. Nam ex eo quod in primo principio reperiatur omnimoda perfectio, seu ipsum esse infinitum, si vel minima ab illo intelligeretur abesse, jam non esset *Deus*; Si autem ejus infinita perfectio divideretur in aliis ab ipso non possideretur illa eadem, quæ propria foret aliorum perfectio; Unde & Damascenus, lib. 1. cap. 5.

1. dist. 12. q. 1. in d. 5. principio.

Quodlib. q. 4. 5. Aliiter dicitur.

1. dist. 2. q. 1. 8. Ad oppositum.

S. Thomæ solutio.

1. dist. 12. q. 1. 6. In via quæstionem. Sed quæ ratio.

Cajetanus hic ratione solvere hanc rationem, sed defenditur a Lybeto in Commemoria.

De his supra quæst. 4. art. 3.

1. dist. 5. q. 1. 6. Ad secundum ejus rationem.

Loco cit. in opponendo.

1. dist. 4. q. 1. in argumentum. Citatur lib. 1. co. 5. ibi amen non eperitur, sed magis ostendit elici x cap. 9. 1. dist. 2. q. 1. 1. ex ista ratione ultima.



cap. 5. dicit; *Si plures Deos asseruerimus, inter plur s discrimen considerare necesse erit. Nam si nihil inter eos discriminis reperietur, unus potius erit, quàm multi. Si autem discrimen aliquod inter eos existat, ubi tandem erit perfectio? Non est ergo intelligibilis in uno, eodemque omni-  
moda, infinitaque perfectio, & in pluribus numerata; sicuti non sunt intelligibilia, quæ manifestam præferunt impossibilitatem. Cum igitur essentialia quæque in Deo reperta sint formaliter infinite perfecta, fieri omnino non potest, ut numerari queant, dividendi in plura, quia tunc singulis ea deesset perfectio, qua unum-  
quodque eorum in esse suo perfecto existeret. Ut ergo ea omnia sunt ex se, & in se unum, indivisibile, & simplex exactissimæ simplicitatis, ita verè prædicari possunt de aliis; non erit ergo prædicatio vera, in qua importetur numeratio eorum. Rursus, ex eo quod primum plenissimè possideat quicquid perfectionis esse potest in entibus, intantum ut extra ipsum esse queat nihil, necessario in quiditate ipsius clauditur singularitas, ratione eminentissimæ, & universalissimæ entitatis suæ, qualis est ipsum esse infinitum; sit ergo oportet prima forma ex se, & de se singularissima, non ratione contractæ entitatis per advenientem sibi determinationem, sed causa amplissimæ, & omnimodæ universalitatis. Illa ergo forma ex se universalissima, & singularissima, quicquid est tale per ipsam, erit quoque ex se, & de se indivisibile, singulare, & determinatum; intantum ut indivisibilibus cadat, & claudatur intra ipsius quiditatem: Esi autem huic formæ non repugnet, imo insit ex eadem plenaria perfectione posse pluribus communicari, prout de facto est tribus communicata personis, id tamen factum esse oportet citra omnem divisionem, & numerationem in eis. Quemadmodum ergo unum penitus, & indivisibile est quod reperitur in tribus divinis personis, unaque essentia, ita necessario quæcunque nomina essentia, & essentialium expressiva, singulariter de tribus prædicantur.*

AD ARGUMENTA. Ad primum respondeo. Augustinus, 7. de Trinit. cap. 4. concedit hanc consequentiam; *Si tres homines, ergo tria animalia*; Sed hanc negat; *Si Pater, & Filius, & Spiritus Sanctus sunt Deus; ergo tres Dii*; eo quod propter ineffabilem conjunctionem ea tria sint unus Deus. Quia ergo humanitas ob sui imperfectionem, & limitationem dividitur in tot individua, in quot reperitur, rectè dicitur, & prædicatur de omnibus illis, in quibus numeratur. Contrà vero, cum Deitas sit omnino indivisibilis, ut numerari sibi repugnat, ita falso enunciat de tribus personis in plurali. Sed probatur ex Damasceno; quia *Deus est habens Deitatem*. Dicimus, ea oratione non exprimi per se significatum Deitatis, sed tantum esse quandam nominis Dei declarationem. Cæterum nomen concretum de per se significato non importare id, quod est habens, seu habere, sed tantum de modo significandi, in quo præcisè ab abstracto distinguitur.

Ad secundum dicendum tres personas divinas ut sunt ejusdem indivisæ essentia, ita esse unum, & indivisibile principium omnium creaturarum, juxta Augustinum, 5. de Trinit. cap. 14. Non multiplicatur ergo, nec numeratur actio Dei respectu creaturæ ad numerum personarum; quemadmodum nec dividitur in eis vis creativa. Et cum probatur, quia actio non est natura, sed

suppositorum. Responsio, utique natura ut ab existentia, graduque individuationis abstracta, non operatur, agit tamen, atque effectivam habet virtutem, ut est per se existens, & singularis; & talis profecto est Deitas, & Deus inexistentibus tribus subsistentibus in Deitate, ut ostensum est in solutione. De tali ergo subiecto primo, & per se verificatur, quod creet, atque causet, omnia ad extra: Esi interim propterea quod actio ultima denominatione suppositum denominet, vel certè habens modum suppositi, ab ea actione de unico, indivisibilique progrediente principio, dicantur tres personæ agere, & producere omnia ad extra.

Ad tertium respondeo, ens, & res posse tripliciter accipi, nempe communissimè, communiter, & strictè. Nomine entis, & rei in prima acceptione intelligitur quicquid non includit contradictionem; Verissimè enim illud est nihil in anima, & extra animam, quod implicat contradictionem. Juxta igitur hunc intellectum dicuntur intentiones logicæ esse res rationis; Communissimè etiam dicuntur res & entia quæcunque habent esse, aut accipere possunt extra animam, quos sensu non appellantur res intentiones secundæ, & respectus rationis; Ad quem intellectum respectu videtur Avicenna 5. Metaphysicæ suæ, cap. 5. dicens, ea, quæ sunt communia omnibus generibus esse res & ens. Juxta secundam acceptionem rei loquitur Boetius, 1. de Trinit. cap. 10. distinguens rem contra modum rei. Unde dicit, tria genera tantum, substantiam nempe, quantitatem, & qualitatem rem monstrare, cætera vero rei circumstantias. In hac igitur speciali rei acceptione res significat ens absolutum distinctum contra circumstantiam, sive modum, qui dicitur habitudinem unius ad alium. Tercio denique modo rei vocabulo significatur ens per se subsistens. Eaque est substantia sola. Hac distinctione præmissa est evidens solutio argumenti. Nam etsi personalitates, & proprietates divinarum personarum sint res, prout eo vocabulo significatur id, quod est extra animam, attamen juxta Boetium magis sunt appellandæ rei circumstantiæ, quatenus sumitur res pro ente absoluto: Aut prout res intelligitur pro ente, cui simpliciter, & primo convenit esse, cum substantiæ formaliter non sint, sed ad aliud habeant esse, nomen rei nequaquam ipsis convenire manifestum est. Unde Augustinus dicens, res, quibus fruendum est, sunt Pater, Filius, & Spiritus Sanctus, est intelligendus, eos spectare ad objectum fruitionis, quatenus sunt unum in essentia.

Ad quartum respondeo, Pater subsistere esse equivocum: Nam uno modo accipitur pro per se esse, quod directè excludit inherere, & in alio esse, ut pars in toto. Alio modo subsistere idem est ac incommunicabiliter per se esse. Juxta priorem intellectum unum est in Deo subsistere, uti & unicum per se esse. Ad quem sensum loquitur & Augustinus in præallegata auctoritate. Sed secundum posteriorem acceptionem, sunt in Deitate tres subsistentes; quemadmodum & tres sunt personæ incommunicabiliter subsistentes, & ita quamvis de his prædicetur per se subsistere, prout & verè multiplicatur in eis; nihilominus id quod est per se esse quodque simpliciter, & primo primæ congruit formæ, ut est unicum, & indivisibile, ita nonnisi singulariter prædicari potest.

1. dist. 12.  
q. 1. 8. Ad secundum dicitur.

1. dist. 4. q. 2.

1. dist. 12.  
quæst. 1. cit.  
V. Aliiter dicitur potest.

Quodlibet  
quæst. 3. 9. De primo.

1. dist. 4. q. 1.  
in introitu  
scripsi.

Ubi supra  
q. 2.

1. dist. 35.  
V. Et si dicatur  
proprie si-  
nem.

1. dist. 4. q. 2.  
6. Ad tertium  
principale.  
V. Respon-  
deo.

1. dist. 12.  
q. 1. 8. Ad op-  
positum.

1. dist. 1. q. 1.

Quodlibet  
q. 4. 8. Al-  
ter dicitur  
V. Ad argu-  
mentum.



Utrum nomina essentialia concreta possint  
supponere pro persona.

Doct. 1. dist. 4. q. 1. 8. Ad primum argumentum  
in utroque scripto. S. Thom. 1. p. q. 39. art. 4.

Doct. sit  
per Prædi-  
camenta. 8.  
in secundo  
principali.

1. dist. 4. q. 2.  
6. Respondeo.

**V**IDENTUR nomina essentialia concreta  
haud supponere posse pro persona sic, ut  
hæc sit vera *Deus genuit Deum*. Nam terminus  
idem supponit, quod significat: Siquidem termi-  
nus supponens, ex hoc, quod supponit, non re-  
quirit novum significatum: Sed Dei nomine si-  
gnificatam intelligimus Deitatem, vel Dei ef-  
ficientiam, non autem personam; ergo nomina es-  
sentialia concretivè nuncupata non supponunt  
pro persona.

Præterea, Si propterea quod terminus *Deus*  
pro persona Patris supponens, esset vera ista,  
*Deus generat Deum*; ergo erit pariter vera ista,  
*Deus non generat*, intelligendo eum terminum  
essentialiæ supponere pro persona Filii, atque  
ita unâ veræ essent, *Deus generat*, *Deus non ge-  
nerat*. Id autem est impossibile, cum contradi-  
ctoriæ sint; ergo præstat dicere nomina essentialia  
haud supponere pro personis.

Præterea, Si hæc sit concedenda *Deus genuit  
Deum* propterea quod terminus subiectus intel-  
ligitur supponere pro persona; ergo genuit aut  
se Deum, aut alium Deum: Non se Deum, quia  
nulla mens capit aliquid esse sui productivum,  
ut ait Augustinus 1. de Trinit. cap. 1. igitur oportet  
Deum genuisse alium Deum. Sed hac loquutione  
significaretur naturam divinam divisam esse,  
nec tres personas dici posse unius essentialiæ;  
ergo *Deus* in illa propositione non supponit pro  
persona Patris.

3. dist. 23.  
q. 1.

1. dist. 5. q. 1.

1. dist. 4. q. 2.  
6. Sed pro  
quo supponit.

CONTRA, In Symbolo proponitur credenda  
hæc, *Deum de Deo*; igitur *Deus* supponat oportet  
pro persona producente. Quandoquidem de fide est  
Deitatem, seu divinam essentialiam non  
producere Deum, quia tunc divisionem subiret.

RESPONDEO dicendum nomina essentialia con-  
cretivè usurpata supponere pro persona. Etenim  
quavis *Deus* ut Deitate est Deus, & ex se, &  
de se hoc ens existens, non includat incommuni-  
cabilitatem, aut personæ rationem, ac proinde  
quæcunque prædicata realia, quæ non compe-  
tunt naturæ ut existenti, incommunicabiliter ve-  
rificantur de Deo, ut existenti in hac natura, cu-  
jusmodi sunt *Deus creat, est intelligens, est vo-  
lens, est sapiens*, & alia id genus: quia incom-  
municabilitas non est ratio talium actuum, &  
terminus subiectus quod primo significat, primo  
ponit in oratione; nihilominus quia, teste Boe-  
tio, 1. de Trinit. cap. 5. *talita sunt objecta, qua-  
lia permiserint prædicata*; quotiescunque quod  
enunciatur de subiecto concretivè accepto veri-  
ficari non potest, nisi de suppositis, evidentem  
terminus subiectus in concreto supponit pro sup-  
posito respectu prædicati, modo non sit prædica-  
to extraneum, ut quum dicitur, *homo est species*.  
Quia enim *speciei* ratio præcisè competere potest  
homini in communi considerato, Tò *homo* in ea  
propositione haud supponere potest pro suppo-  
sitis, imo est omnino ipsis ea suppositio extranea.  
Contra vero cum dicitur, *homo currit*, quoniam  
curtus est actus suppositorum, & non hominis in  
communi, cum de homine curtus enunciatur, *ho-  
mo* pro supposito humanæ naturæ supponit. Quo-  
niam igitur in hac propositione, *Deus genuit*

*Deum*, prædicatum verificari non potest se na-  
tura divina in se, ut articulo sequenti decla-  
bitur, evidens est terminum subiectum respectu  
prædicati supponere pro persona illa, de qua ve-  
rificari potest prædicatum: ea autem est præcisè  
primum suppositum divinum; non aliud ergo si-  
gnificatur dicendo, *Deus genuit Deum, ac Pater  
genuit Filium*. Nomina igitur essentialia concre-  
tiva accepta supponere possunt, ac reipsa suppo-  
nunt pro persona illa, de qua verificari potest  
prædicatum.

AD ARGUMENTA, Ad primum respondeo, uti-  
que terminum id supponere, quod significat: sed  
tantum supponere significatum pro significato in  
simplici suppositione; sed in personali suppositio-  
ne, commune supponere pro suppositis ejus, ut  
exitit declaratum in solutione. Quamvis igitur  
nomine Dei primo significari intelligamus Deita-  
tem, respectu nihilominus prædicati importantis  
actum personalem, qui actus minimè verificari  
possunt, nec congruere essentiali existenti com-  
municabiliter, non supponit pro Deitate, sed  
pro persona, cujus est gignere; itque solus est  
Pater, ut idem sit *Deus genuit Deum, ac Pater  
genuit Filium*.

Ad secundum respondeo ex dictis: Siquidem  
cum in prædicato involvuntur actus notionales,  
qui de solis verificatur personis, & essentiali re-  
pugnant, terminus subiectus pro personis sup-  
ponit; non utique, vel indifferenter; sed  
prout permittitur à prædicato. Quod cum dicitur  
*Deus generat Deum*, id solum verificatur de  
Patre gignente Filium. Sed componentes hanc,  
*Deus non generat Deum*, exprimimus Filii, &  
Spiritus Sancti personas non gignere aliquod  
suppositum, quod verissimum est. Non est igitur  
inferendum, *Deus generat*, & *Deus non generat*:  
quia hæc prædicata non congruunt Deitati, sed  
personis, de primorum est verum, *eam gignere*,  
quod de aliis falso pronuntiatur, & pro-  
pterea verum est ipsas non gignere, ac propterea  
non sunt contradictoria.

Ad tertium dicendum, Deum genuisse Deum,  
non quidem se Deum, sed alium, qui est idem  
Deus, quia Filius est idem Deus, qui Pater. Nam  
sicut propositio est falsa, ubi alietas additur de-  
terminabili, quod non est commune suis extre-  
mis, ut hic *solus est alius mus*; & ideo non sequi-  
tur, ex eo quod Sol generet murem; igitur aut  
se murem, aut alium murem; sed bene inferitur  
solem produxisse animal, quod est mus. Ita & ea  
propositio est falsa, in qua alietas additur deter-  
minabili, quod non distinguitur in extremis; un-  
de hæc est falsa: *Pater in Deitate est alius à Fi-  
lio*, quia, quod determinatur per alietatem non  
distinguitur à Filio. Non genuit ergo Deus se  
Deum, quia actus gignendi non terminatur ad  
idem suppositum, quod esse intelligibile dicit  
Augustinus, *sed Deus Pater genuit eundem Deum*  
quia Filius, ut dictum est, est idem Deus. De  
quibus actum supra, q. 31. articulo secundo.

Super Præ-  
dicamenta,  
quæst. 8. cit.  
8. Ad secun-  
dum princi-  
pale.



## ARTICULUS V.

Utrum nomina essentialia in abstracto significata possint supponere pro persona.

Doctor 1. dist. 5. qu. 1. in utroque scripto. S. Thom. 1. p. qu. 39. art. 5. Expenditur quesitum quoad realitatem ejus.

**V**IDENTUR nomina essentialia in abstracto significata supponere posse pro persona, adeo ut hæc sit vera, *essentia generat essentiam*. Nam secundum Augustinum, 7. de Trinit. cap. 2. *Idem dici accipiamus, cum dicitur Verbum, ac si dicatur nata Sapientia: ut in uno eorum eo quod nata est, & Verbum, & Filius accipiat: & in omnibus nominibus non ostendatur essentia, quæ ad se dicitur, ac in altero, quod Sapientia, demonstratur, ac per hoc ad se dicitur; ergo expressè vult, sapientiam, ut ad se dicitur, rectè appellari natam, ut natum est proprium Filii.*

Præterea Richardus, 6. de Trinit. cap. 22. videtur expressè loqui contra Magistrum qui. 1. dist. 5. fusè declarat Dei essentiam nec gignere, nec gigni. *Multi, inquit, temporibus nostris surrexerunt, qui non audent dicere substantiam generatam, quin potius, quod est periculosus, & contra Sanctorum auctoritates, audent negare, & modis omnibus conantur refellere, quod substantia gignat substantiam, pertinaciter negantes, quod omnes Sancti affirmant. Ad illud quod ipsi dicunt, auctoritatem invenire non possunt: ad hoc quod dicimus, auctoritates multas etiam ipsi adducunt, in morem Gollæ &c. Et quia magister exponit omnes, quas contra se adducit, auctoritates, ideo Richardus subdit ibidem. Bene dicunt Patres, quod substantia substantiam gignat, vestra autem expositio ad hoc contendit, ut credimus quod substantia substantiam non gignat. Fidelis expositio, & omni acceptione digna, quia hoc, quod Sancti Patres clamant, contendit falsum esse, & quod nemo Sanctorum asserit, contendit verum esse.* Hæc ille: asserens, oppositum illius, quod tenet Magister, esse de intentione Sanctorum.

Præterea, Essentia communicatur: ergo producit. Antecedens est evidens ex Augustino, 15. de Trinit. cap. 26. *Essentiam præstat Filio sine initio generatio.* Probatio consequentiæ. Tum quia *communicare, & communicari* sunt relativè opposita, sed non alias important relationes, quam originis: Non enim dicunt relationes communes; igitur sunt inter ea extrema relationes originis oppositæ, coincidentes cum relationibus *producentis, & producti*. Tum, quia, si sint aliqua duo correlativa, si unum extremum unius est idem uni extremo alterius, & reliquum reliquo. Hæc autem est una combinatio relativorum *productus, & productum*: hæc vero alia *communicans, & communicatum*: Sed *communicans, & producens* idem sunt: ergo & extrema eis correspondentia sunt eadem.

CONTRA, Magister, loco citato, cap. primo. *Catholicis tractatoribus consentientes, dicimus, quod nec Pater genuit divinam essentiam, nec divina essentia genuit Filium, nec divina essentia genuit divinam essentiam. Hic autem nomine essentia intelligimus divinam naturam, quæ communis est tribus personis, & tota in singulis.*

RESPONDEO, cap. damnamus, de Sum. Trinit., & fide Cath. narratur in hoc articulo Abbatem Joachinum errasse. Propterea quod enim Magister Petrus docuerat in divinis reperiri rem, quæ

non producit, nec producit, putavit Joachimum esse hæreticum quia ex eo adstrueretur quaternitas, contra fidem Trinitatis. Effet enim in Deitate res generans, & res genita, & res spirata: Si ergo præterea reperiretur ibi res, nec generans, nec genita, nec spirata, essent quatuor res. Hoc igitur inconveniens ut ille evitaret, opinatus est Patrem, & Filium, & Spiritum Sanctum non esse verè realiter unum in re una, sed eam magis unitatem inter eos intercedere, quali unitate multi fideles dicuntur una Ecclesia, ratione nimirum unitatis fidei, & charitatis. Quod & probat ex oratione Salvatoris, Joan. 17. orantis Patrem pro iis qui credituri erant in ipsum: *ut sint unum, inquit, sicut & nos.* Cum igitur credentes non sint unum unitate naturæ, intulit Joachimum, nec Filium esse unam, eandemque rem cum Patre.

Veruntamen Patrem, Filium, & Spiritum Sanctum non esse unum in natura, est manifestè hæreticum, & damnatum cap. præallegato. Sed & ibi subditur ratio: quia Pater gignendo, dedit essentiam suam Filio. Nullam enim aliam præstare potuit, quæ Filius esset Deus: & consimiliter ambo eandem dederunt Spiritui Sancto, quæ est Deus. Communicatio autem hæc non potuit fuisse, secundum partem essentiæ: cum essentia sit simplex, & indivisibilis: ergo communicata fuit eadem omnino essentia: igitur tota eadem essentia, quæ est in Patre, est in Filio, & Spiritui Sancto, & propter simplicitatem divinam quælibet persona est illa summa res, & tres personæ sunt unum in essentia una, quæ omnibus realiter est communis. Opinio ergo Joachimi est hæretica, etsi ipse ab hac nota excusari possit, quia fecit id pertinaciter non defendisse, imo libros suos omnes iudicio Ecclesiæ corrigendos submisit.

Quantum vero attinet ad id, quod ex Evangelio adducebat Joachimum pro fundamento suæ erroneæ opinionis, solvitur in prædicto cap. Damnamus. Nam sensus orationis Christi petentis à Patre unitatem creditorum in ipsum, est, ut fideles sint unum unitate ipsis competente, sicut Pater, & Filius sunt unum unitate naturæ, quæ ipsis competit: Orat ergo Salvator, & optat, ut credentes sint unum charitate participata, sicut ipse est unum cum Patre unitate charitatis im-participatæ, quæ est natura eorum. Quæ expositio probatur per simile dictum Salvatoris, *Marthæ 5. dicentis discipulis suis: Estote perfecti, sicut & Pater vester cælestis perfectus est.* Ubi manifestum est non monuisse eos debere esse perfectos ex natura ipsorum, sicut Pater de sui natura est perfectus, & beatus; sed ut anniterentur pertingere ad perfectionem ipsam, & nobis convenientem, quod fit per gratiam, & virtutes.

Quod autem spectat ad id, in quo Abbas Joachimum arguebat Magistrum Petrum hæreseos, propterea quod videbatur adstruere quaternitatem in divinis, contradicit illi Papa in præallegato Capitulo. *Nos autem, inquit, sacro approbante Concilio concedimus, & confitemur cum Patre, quod una summa res est essentia vel natura divina, quæ non est generans, neque genita, neque procedens; Sed est Pater, qui generat, & Filius, qui gignitur, & Spiritus Sanctus, qui procedit, ut distinctiones sint in personis, & unitas in natura: & ideo in Deo solummodo Trinitas est, nec quaternitas quia quælibet trium personarum, est illares, videlicet substantia, essentia, seu natura divina.*

Mayron 1. dist. 5. qu. 1. 6. Postquam visum est.

4. dist. 5. qu. 1. in fine.



Magist. Ale.  
Xan. l. p. 41.  
M. M. 3. art.  
1.

Ad hanc igitur Magistris sententiam adeo sol-  
moniter approbatam, adducitur ratio. Res gene-  
rans utique gignit rem aliam à gignente realiter  
distinctam. Nam nulla res se ipsam gignit, ut li-  
1. de Trinit. cap. 1. Atqui divina essentia est om-  
nino indistincta, & indivisibilis; ergo nec gene-  
rans, nec genita; quia qua ratione generans, &  
genita. Deinde, Pater est formaliter eo, quod ge-  
nerat; quia Pater est formaliter ipsa essentia, quæ  
est in Filio propter indistinctionem naturæ divi-  
næ; ergo si Pater essentiam gigneret non esset  
formaliter ipsa essentia, quia porteret eam rea-  
liter distingui ab ipso, foretque Patre origine po-  
sterior. Denique Magister loco cit. multa media  
tangit pro hac declaranda virtute. Tum, quia  
si Pater genuisset divinam essentiam, divina es-  
sentia relativè diceretur ad Patrem, vel pro rela-  
tivo poneretur: Si autem relativè diceretur, vel  
pro relativo poneretur, non indicaret essentiam:  
quia ut ait August. 5. de Trinit. cap. 7. quod rela-  
tivè dicitur, non indicat essentiam. Tum, quia,  
cum Deus Pater sit divina essentia, si ejus foret  
genitor, esset utique genitor ejus rei, quæ ipse  
est; & ita eadem res se ipsam genuisset. Tum,  
quia, si Pater est genitor essentia divinx, cum  
ipsa essentia divina sit, & Deus sit: eo quod ge-  
nerat & est, & Deus est; Ita ergo non illud, quod  
generatur est à Patre Deus, sed Pater eo quod  
generat, & est, & Deus est: Et si ita est, non  
genitogignens, sed gignenti genitus causa est,  
ut & sit, & Deus sit. Hæc ille, & cap. 5. Ita etiam,  
innuit, non est dicendum quod divina essentia  
genuit Filium, quia cum Filius sit divina essen-  
tia, jam esset Filius res, à qua generatur: & ita  
eadem res se ipsam generaret. Ita etiam dicimus,  
quod essentia divina non genuit essentiam; Cum  
enim una, & summa quedam res sit divina essen-  
tia, si divina essentia essentiam genuit, eadem  
res ipsam genuit, quod omnino esse non potest:  
Sed Pater solus genuit Filium, & à Patre, & Fi-  
lio procedit Spiritus Sanctus.

Postremo additur ratio talis; In creaturis for-  
ma non generat, nec generatur, sed compositum  
producitur: Deitas autem se habet in persona ad  
instar formæ; ergo Deitas non generat, nec ge-  
neratur. Hæc ratio minorem habet evidentiam  
hic, quam in creaturis. Forma enim in creatis  
non est aliquid per se existens, ut subinde exire  
possit in actum producendi; at Deitas citra om-  
nes personales proprietates est de se ens in actu  
existens. Nihilominus confirmatur ratio sic: ope-  
ratio: quæ est necessario distincti operantis, ne-  
quit esse ejus, quod in divinis se habet ut forma,  
quia ipsa est per se distincta in tribus: talis au-  
tem operatio est *gignere*: ergo non potest specta-  
re ad essentiam, sed necessario est personæ dis-  
tinctæ realiter à persona genita.

Ad ARGUMENTA, Ad primum respondeo sic:  
Quamvis, *sapientia* abstrahatur à *sapiente*, quod  
est operans: attamen adhuc significat potentiam  
operativam, vel principium operativum, & ideo  
non abstrahitur summa abstractione; nam poten-  
tia operativa concernit id, cujus est potentia, ob  
eam igitur concernentiam, conceditur *Sapien-  
tiam esse natam*, non vero essentiam natam esse,  
quippe quæ juxta hunc modum significandi nihil  
omnino concernit, atque ita quodcumque prædi-  
catorum verè de personis affirmatur, de ipsa ve-  
rificari non potest. Quod vero Augustinus ali-  
quando affirmet, *Filium esse essentiam de essen-  
tia*; eum exinde non velle essentiam esse geni-  
tam, vel gignentem, sed magis id, de quo Filius

generatur, declarabitur infra, q. 41. art. 3.

Ad secundum, quod ex auctoritate Richardi  
procedit carpentis, & deridentis Magistrum quod  
contra intentionem Patrum exponere videatur  
auctoritates, quas contra suam sententiam addu-  
cit, dicimus, quoniam doctrina hæc Magistri per  
Concilium generale authenticè declaratur; nos,  
posthabita Richardi opinione, ejusque in hac au-  
thoritate, sentire, atque adherere Magistro, qui  
rectè, ac adæquatè exponit eas. quæ contra se  
militare videntur Sanctorum auctoritates, ut cit.  
art. 3. q. 41. patebit. Et si autem nullum pro se ad-  
ducat expresse antiquorum Doctorem dictum,  
stat tamen pro illo Ecclesiæ universalis auctori-  
tas, *capitulo præallegato*, quæ omnino maxima  
est, dicente Augustino contra Epistolam Funda-  
menti; *Evangelio non crederem, nisi Ecclesiæ Ca-  
tholicæ crederem*: quæ utique Ecclesia sicut de-  
terminavit, quinam libri habendi sint, ac tamen  
pro Canonici, ita quoties necessarium fuit  
edixit, atque pronunciavit, qui libri sint authen-  
tici, quinam apocryphi, aut explodendi, & con-  
figendi ex libris Doctorem, prout & fecisse con-  
stat, *dist. 15. cap. Sancta Romana Ecclesia*: & alibi.

Ad tertium respondeo sic: Productio habet  
productum pro termino suo primo, id est, adæ-  
quato: quo sensu dicit Philosophus 7. *Metaphy.*  
*zet. c. 26.* compositum primo generari, cum sit  
id, quod primo, & adæquatè accipit *esse* per ge-  
nerationem: In composito tamen forma est for-  
malis terminus generationis. Ipsum propterea  
generans alteram habitudinem involvit ad termi-  
num primo productum, alteram vero ad forma-  
lem terminum: & in creaturis quidem utraque  
habitus est realis, cum utraque versetur inter  
terminos realiter distinctos, & insuper realis de-  
pendentia est utriusque producti ad ipsum pro-  
ducens. At in casu producens ad primum pro-  
ductum dicit relationem realem, quia distinctionem  
realem, realemque originem: Ad terminum au-  
tem formalem in productum non est respectus rea-  
lis, quia nec distinctio realis, sine qua nulla est  
relatio realis. *Communicare igitur* dicit relatio-  
nem rationis, concomitantem illam realem. Cum  
ergo arguitur *communicare*, & *communicari* sunt  
relationes oppositæ. Verum est, esse relationes  
oppositas, non reales, sed rationis; et si necesse-  
rio concomitantur relationes reales oppositæ;  
quales sunt *producere*, & *produci*, at istæ relatio-  
nes, & illæ non sunt eorundem relatorum for-  
maliter.

Ex his ad aliud medium; Nam nullum extre-  
mum unius correlationis est idem formaliter cum  
extremo alterius correlationis. Communicans  
enim, & producens, esto in eodem supposito  
concurrant, quia natura non dicitur propriè com-  
municans se, ut dicitur communicata: tamen  
communicans non dicit formaliter eandem rela-  
tionem, quam importat producens, ut produ-  
cens; *Communicari* autem, & *produci* nec eandem  
dicunt relationem, nec idem primo determinant.

entem, sed magis Patrem communicare eam Filio per  
nerationem; quia essentia est ultimè abstracta.

Mavron. 1.  
dist. 15. cap.  
vult genera-  
tionem, &  
communica-  
tionem, &  
relationes  
disparat,  
quia genera-  
tio est rela-  
tio originis,  
communicatio  
relatio com-  
munitatis,  
ut idem est  
aqualetas,  
& similitudo,  
his autem  
respectibus  
essentiam  
referri, non  
putat incon-  
veniens. Ad  
dic tamen  
communicatio-  
nem non  
esse aquale-  
rantem, ut  
communica-  
tionem  
quia concern-  
nit relationes  
reales originis  
nempe genera-  
rare, & pro-  
ducere.

Magist.  
Lychetus  
hic putat  
de rigore  
sermonis  
divinam essen-  
tiam non  
esse determi-  
nam, nec  
communica-  
tionem, nec  
communicationem  
realem ge-

De his art.  
culo sequenti.



## ITERUM ARTICULUS V.

Utrum nomina essentialia in abstracto significata possint supponere pro persona.

Doctor, & S. Thom. locis articulo precedenti citatis. Expenditur questum logicè.

**V**IDENTUR nomina essentialia in abstracto significata supponere posse pro persona, in tantum ut hæc propositio sit vera, *essentia generat essentiam*: Etenim quotiescunque prædicatum enunciatur de per se subiecto, potest & supponere pro eo; ut est evidens de superioribus, & inferioribus; sed essentia prædicatur per se de Patre, quia Pater est essentia; ergo potest supponere pro Patre; igitur sicut illa est vera, *Pater generat*: ita ista videtur vera, *essentia generat*, quatenus supponit pro Patre. Probatio minoris: Nam essentia non prædicatur de Patre per accedens, cum nec unum accidat alteri, nec ambo alteri tertio, qui sunt duo modi unitatis per accedens, quos enumerat Philosophus, 5. *Metaphy. cap. de uno*; igitur est ibi prædicatio per se.

Præterea, *Essentia est Pater*; ergo *essentia generat*. Antecedens est evidens ex simplici conversione. Probatio consequentiæ; de quocunque prædicatur subiectum, & propria passio de eodem prædicatur; quia subiectum est medium ad demonstrandum propriam passionem de eo, cui non primo convenit illa passio: Sed generatio videtur propria operatio, vel passio Patris; ergo generatio rectè prædicatur de essentia.

Præterea, *Essentia est Pater Filii*; ergo *essentia generat*. Probatur antecedens per conversionem: Pater Filius est essentia; igitur essentia est Pater Filii. Probatio consequentiæ: Essentia est Pater Filii; ergo Filius est Filius essentie. Probo hanc consequentiam; Nam in relativis est consequentia mutua: Si A. est Pater B; ergo B. est Filius A; ergo si essentia est Pater alicujus, ille erit Filius essentie.

Præterea, Genitum in quantum genitum est aliquid, cum generatio non terminetur ad nihil; & inter nihil, & aliquid non est medium: sed nihil in divinis est aliquid, nisi sit essentia; ergo Filius in quantum genitus est essentia; igitur essentia generatur.

**CONTRA**, Ex articulo precedenti. Secundum rei veritatem essentia non generat, nec generatur; quia tunc a se ipsa distingueretur, nec una, eademque esset in tribus; ergo de rigore sermonis nulla propositio est vera, in qua de essentia prædicatur generatio activa, vel passiva.

**RESPONDEO**, Hanc, *essentia generat*, esse omnino negandam, licet hæc sit vera & concedenda *Deus generat*, propterea quod *Tō Deus* supponat pro Patre: & declaratio logica est ista: Quotiescunque subiectum est abstractum abstractione ultimata, & prædicatum ex sui ratione non potest prædicari de illo nisi formaliter, propositio esse vera non potest, nisi sit per se primo modo: Sed in hac propositione, *essentia generat*, subiectum est abstractum ultimata abstractione, & prædicatum ex sui ratione non est natum prædicari nisi formaliter: ergo propositio esse vera non posset, nisi sit per se primo modo, sed hæc *essentia generat* non est vera in primo modo dicendi per se: cum prædicatum non sit de per se intellectu subiecti, dicente Augustino, 7. de Trinit. cap. 2. *Omne, quod ad aliquid dicitur, est aliquid præter relationem*; quia relatio non cadit in essentiali, & formali ratione absoluti: igitur propositio illa non est vera, ac propterea neganda.

Quoniam hujus argumenti vis potissimum consistit in prima propositione, eam putamus diligenter esse declaranda: Itaque quia abstractio est præcisa consideratio unius, non considerato alio, cui est idem secundum rem; pro multiplicitate concernentiæ rationem conceptibilem ex natura rei, est multiplex abstractio: Cum itaque substantia, utpotè per se subsistentes minoris sint concernentiæ, quam accidentia, & horum rursus relativa adhuc plura concernant, quam absoluta; hinc in substantiis minus licet abstrahere, quam in accidentibus, & minus in absolutis quam in relativis. Quum itaque intelligitur *substantia* sive simplex, sive composita præcisè secundum rationem ejus formalem quiditativam, tantum abstracta est à supposito propriæ naturæ, quia communiter substantiæ non sunt naturæ concernere aliquid alterius naturæ: ista igitur abstractio est maxima, atque ultima, quæ fieri possit. Nam abstrahendo naturam humanam à suppositis ejus; sic ut mentis obiectum sit ipsa *humanitas*, non superest ulterius, à quo fiat alia abstractio, quia sic concepta *humanitas* est præcisè ipsamet, sicut dicit Avicenna, 5. *Metaphy. suæ cap. 1. & 2. Equinitas est tantum equinus, nec unum nec multa, nec universale, nec particulare*.

Veruntamen quia accidentia concernunt eundem individua propria, sed etiam alterius naturæ supposita, cum ab his abstrahuntur, remanet ulterior abstractio fienda à suppositis propriæ naturæ. Unde quamvis *albedo* sit abstracta à subiecto, quod est substantia, adhuc tamen concernit hanc, & illam albedinem. At concipiendo *albedinis quiditatem* præcisè, nulla intelligitur inclinatio ad propria individua; ideoque est ultimata abstractio, ut dictum est de substantiæ quiditate. At in *relatione* ultra concernentiæ ad propria individua, & ad subiectum, est etiam concernentiæ ad fundamentum, ideo in his plures fieri possunt abstractiones, pro ratione nimirum alterius, & alterius concernentiæ, ut significatum est. Unde relatio concretivè accepta, ut *causa* dicitur de igne, qui causat calorem; à quo subiecto si fiat abstractio superest concretio ad fundamentum, quod est *potentia causandi*. A quo si abstrahatur *causalitas*, hæc ut de nullo fundamento verè prædicatur, ita propria individua concernit: nam hæc causalitas est causalitas. Ultima abstractio, qualis est in substantiis, est cum intelligitur *quiditas causalitatis*, quæ de nulla singulari prædicatur, sed est ipsamet præcisè, & nihil aliud, Maxima igitur & ultima abstractio est quiditatis absolutissimè sumptæ, ac penitus semotè ab omni eo, quod est quacunque ratione, & modo extra conceptum ipsius quiditatis.

Alius terminus majoris sillogismi erat: *Et prædicatum ex sui ratione non potest prædicari de subiecto, nisi formaliter*. Ad cujus evidentiam notandum est; substantia in divinis recipere duplicem prædicationem nempe vel formalem, vel identicam juxta subiecti permissionem: At adjectiva de necessitate formaliter prædicari. Ex hoc enim quod sunt adjectiva significant formam per modum informantis, ac propterea de nullo dicuntur verè, nisi formaliter prædicentur: Et hujusmodi sunt nedam nomina adjectiva, verum etiam omnia verba, atque eorundem participia.

nere in his, quæ se habent per modum habitus, & quietis. Nam illæ sunt veræ: *Essentia divina est palestra, libera, intelligibilis, laetitia*, & similia; sed esse veram in his, quæ se habent per modum fluxus & heri, uti sunt hi actus, amare, intelligere, creare conservare &c. Videndus Doctor in Reportat. loco cit.

Doctoris  
sermo pul-  
cherimus de  
abstractioni-  
bus ubique  
notandus,  
prout &  
præcise Fr-  
ciscens in  
universa su-  
a doctrina -

Hæc respicit  
limitatio  
Francisci 2.  
dist. 5. q. 1.  
¶ Hic carter  
re dicentis  
roguia Do-  
ctoris de sub-  
jecto ulti-  
mate abstra-  
cto non te-

Vide May-  
sonem 1. dist.  
5. q. 1. De his  
singularissi-  
me differen-  
te. Sed &  
Magistrum  
Lychem  
in Com-  
ment. ad 6.  
Sed loquen-  
do de Logica  
ratione: &  
in respon-  
sionibus ad ob-  
jecta Magistri  
Ochami con-  
tra Scotum,  
d. 111. 8. 3.  
segg.



Hec ergo intelligenti est evidens prima assumpta propositio, qualiter quotiescunque subiectum est maxima abstractum abstractione, & prædicatum nonnisi formaliter potest enunciari de eo, non est unio talium extremorum vera, nisi sit formalis prædicatio, & in primo modo dicendi per se. Cum enim salvari non possit veritas orationis ex identitate tantum, nec subiectum ultimam abstractionem stare queat pro alio, quod est extra rationem formalem ejus, non apprehenduntur extrema inter se uniri; ac propterea hæc, *essentia generat; vel Deitas generat*, non est vera: Contra vero hæc alia *Deus generat*, concedenda est; quia quandoquidem subiectum non est abstractum ultimam abstractione, supponere potest pro persona.

AD ARGUMENTA. Ad primum respondeo, minorem esse negandam, quia essentia non prædicatur per se primo modo de Patre, neque formaliter, sed per identitatem; Et cum probatur, eo quod ea non sit prædicatio per accidens. Responsio: In creaturis non quæcunque prædicatio est per se, vel per accidens, intelligendo *accidens* pro accidentaliter prædicato, quod est revera accidens. Nam genus non prædicatur per se de differentia, nec ita per accidens, quasi alterum alteri accidat, aut ambo alicui tertio. Est ergo tali in prædicatione medium extraneum, sive inferius contrahens aliud, quod utique inferius dici potest *accidens*, sive accidere superiori, utpote illi extraneum, sed non propriè accidens: In divinis autem non omnia sunt per se eadem, nempe formaliter, nec tamen inest aliquid alteri per accidens propriè. Sed aliquid est idem alicui absoluta identitate: ut propterea vera sit prædicatio per identitatem, non formaliter. Unde tunc solummodo prædicatum supponere potest pro subiecto, quando est prædicatio formalis; sed hac prædicatione non prædicatur *generare* de essentia. Contra vero quia *homo* prædicatur formaliter de Socrate, prædicatum supponit pro subiecto, intantum, ut si Socrates generat, verum sit & hominem generare.

Ad secundum respondeo sic: Propositio hæc, *essentia est Pater* distinguenda est. Nam *Pater* accipi potest substantivè, & adjectivè. Juxta priorem acceptionem, significatur persona per se subsistens, cujus est paternitas; estque propositio vera per identitatem; propterea quod substantiva, ut prædictum est prædicari queant & formaliter, & per identitatem. Sed adjectivè intelligendo importatur Patris proprietates denominativè; quo sensu Magister 1. dist. 27. dicit idem *est Patrem esse, & genuisse*. Secundum igitur hunc intellectum, hæc est falsa; *essentia est Pater*: nam significatur Patrem formaliter prædicari de essentia. Quum itaque arguitur de subiecto, & passione, Dico: quando passio admittit prædicationem ejusdem rationis cum illa, qua prædicatur ejus subiectum, habens subinde modum similem prædicandi, potest ex subiecto inferri passio: Secus autem si passio dissimiliter prædicetur. Pater igitur substantivè acceptus prædicatur de essentia per identitatem: at passio quæ dicitur *Deus generat* non admittit aliam prædicationem, quam formalem, quippe quæ verbo importetur: quia ergo illa prædicatio formaliter non est vera, nec per identitatem quidem potest verificari.

Ad tertium respondeo, primam propositionem esse veram per identitatem, si accipiat *Pater* substantivè; falsam vero si adjectivè, ut expositum est in precedenti responsione. Ad probationem consequentiæ, cum arguitur; si essentia est Pater Filius; ergo Filius est Filius essentia. Hæc conse-

quentia est neganda: sed probatur; quia in relativis est consequentia mutua. Responsio: Mutua consequentia est in ijs relativis, quæ sunt primo relativa. Tenet etiam in his, quæ referuntur per relationes, si tamen formaliter dicantur relationes de eis: ut, si formaliter Socrates est Pater Platonis; ergo formaliter Plato est Filius Socratis: Veruntamen in his, quæ non referuntur primo, aut ab ipsis relationibus formaliter non denominantur, sed relatio prædicatur de altero eorum tantum per identitatem, non valet illata consequentia; quia in consequente plus significatur, quam licuerit ex antecedente. In antecedente siquidem notatur identitas ad aliquid, de quo dicitur; sed in consequente significatur illud aliud referri ad illud formaliter. Cum enim dicitur: *Filius est Filius essentia*, ex vi constructionis exprimitur, *essentiam* esse proprium correlativum ejus, quod est *Filius*; & ita Filium esse formaliter Filium essentia: per antecedens autem non significatur relationem paternitatis formaliter convenire essentia, sed tantum per identitatem.

Ad quartum dicendum, majorem esse distinguendam, quia genitum in quantum genitum non est aliquid; nisi quatenus *Deus aliquid* se extendit ad id quod est *ad aliquid*: Et secundum hanc intellectum minorem esse manifestè falsam; quia in divinis est relatio, quæ non est essentia formaliter. Cum ergo arguitur; Non est nihil; ergo aliquid. Responsio: Inter contradictoria est medium, quoties additur synchategorema *in quantum*. Sicut homo in quantum homo nec est albus, neque in quantum homo est non albus; nam humanitas non est ratio cui inest albedo, nec cur repugnet homini; & nihilominus non sunt duo contradictoria complexa simul falsa; quia ista est vera; *homo non in quantum homo est albus*. Ita in casu; genitum non in quantum genitum, est aliquid, quia ratio generationis non est causa formalis inhaerentia prædicati, adeo ut *in quantum* dicat rationem formalem geniti; licet genitum in se formaliter sumptum, sit per identitatem essentia. Est igitur concedendum, genitum in quantum genitum esse personam, vel quid per se subsistens; sed non propterea in quantum genitum esse *aliquid*, quatenus *aliquid* stat pro essentia, cum unum sit extra rationem formalem alterius.

## ARTICULUS VI.

Utrum personæ possint prædicari de nominibus essentialibus.

Doctor 1. dist. 4. q. 2. in utroque scripto. S. Thom. 1. p. q. 39. art. 6.

VIDENTUR personæ haud prædicari posse de nominibus essentialibus concretis, ut dicatur, *Deus est Pater, & Filius, & Spiritus Sanctus*. Nam illius contradictoria videtur esse vera; ergo altera falsa sit oportet. Probatio assumpti: Hæc nullus *Deus est Pater, Filius, & Spiritus Sanctus*, est contradictoria hujus, *Deus est Pater, Filius, & Spiritus Sanctus*: sed illa est vera, cum quolibet singularis sit vera, quia nec Pater, nec Filius, nec Spiritus Sanctus est Trinitas; igitur altera est falsa.

Præterea, Cujuslibet propositionis veræ infinitæ, aliqua singularis est vera: Sed nullam est dare veram singularem hujus infinitæ; *Deus est Pater, Filius, & Spiritus Sanctus*; Cum nec Pater nec Filius, nec Spiritus Sanctus sit Trinitas; ergo illa non est vera.

K k k a Præ-

de impugnaciones Henrici, & Propositioni, quas videbis apud ipsum locum cit. 1. dist. 5. q. 1. a. n. xl. & seqq.

De Patre accipi potest substantivè, & adjectivè.

Responsio Alensis 1. p. q. 43. mem. 3. art. 1. Cui adheret Doctor refellens substantivè.



Quodlib.  
q. 1. § De al-  
tero termi-  
no. V. Et per  
oppositum.

1. Report.  
dist. 24. §. Ad  
oppositum.

Præterea, Omne prædicatum dictum de Deo, aut est ad se, aut ad alterum, secundum Augustinum. 5. de Trinit. cap. 5. nomine Trinitatis non exprimitur conceptus ad alterum: est igitur ad se: Sed quæcunque prædicantur de Deo ad se sunt communia omnibus personis: ergo si hæc esset vera: *Deus est Trinitas*: tale prædicatum verè pariter enunciaretur de quacunque persona: id autem est planè falsum: ergo & illud unde sequitur.

Præterea, Propositio hæc, *Deitas est Pater, Filius, & Spiritus Sanctus*, non est concedenda, ex dictis articulo præcedenti, de subiecto abstracto maxima abstractione: tunc enim est ipsummet præcisè, & nihil aliud: ergo & hæc est falsa, *Deus est Pater, Filius, & Spiritus Sanctus*. Probatur consequentia: quia in re nulla est distinctio inter Deum, & Deitatem.

CONTRA: Magist. 1. dist. 4. cap. Quidam. *Fides Catholica*, inquit, tenet, ac prædicat & tres personas esse unum Deum, & unam substantiam sive essentiam, sive naturam divinam, & unum Deum, sive unam essentiam divinam, esse tres personas. Unde Augustinus. in lib. 1. de Trinit. cap. 6. ita ait: Rectè ipse Deus Trinitas intelligitur, beatus, & solus potens. Sicuti ergo hæc est vera: *Pater, & Filius, & Spiritus Sanctus sunt unus Deus*, ita ejus conversa: *Deus est Pater Filius, & Spiritus Sanctus*

RESPONDEO dicendum, nomina personalia rectè prædicari de essentialibus in concreto pronuntiatis, cum illa substantivè, non adjectivè accipiuntur. Declaratio: Nam tunc propositio affirmativa est vera, quando terminus subiectus quod primo significat, id primo ponit in propositione, cui termino est idem aliud extremum quod prædicatur: tunc, inquam propositio affirmativa ejus identitatis significativa, est de necessitate vera: Terminus autem subiectus *Deus* significat naturam divinam, ut est nata prædicari de supposito, cujus subiecti significatum est idem tribus personis verissima identitate reali: ergo propositio, in qua ejusmodi identitas exprimitur, atque affirmatur est vera. Ulro nihilominus fatemur ejus affirmativam conversam, quæ est, *Pater, Filius, & Spiritus Sanctus est Deus* involvere prædicationem magis formalem: propterea quod quasi superius, vel quasi commune prædicari intelligatur de suis per se suppositis. Prædicatio autem formalior est, quando commune prædicatur de minus communi, vel quasi minus communi, quam è contra.

Verum cum hæc ita se habeant, in propositione, de qua agitur, pro quo supponit terminus subiectus *Deus*? Nos putamus supponere pro hoc Deo existente in natura divina, circumscripta omni ratione incommunicabilitatis personarum propria. Nam cum unicuique quo correspondeat proprium quod, vel quis: Deitati, ut Deitas est, correspondet quod, vel quis, idque est primo Deitate ens, ut Deitas est: Et quemadmodum Deitas est de se hæc: ita Deus ea forma primo tale ens, est de se hic. Eo in conceptu non includitur ratio incommunicabilitatis, vel personæ: nam Deitas communicabilis est: & ideo Deus ut Deitate est Deus, non includit aliquod incommunicabile formaliter. Isti termino sic intellecto, absque conceptu personalium proprietatum, verè possunt competere aliqua prædicata realia, nempe ea omnia, quæ non consequuntur naturam, ut existentem in ratione suppositi, sed ut existentem in se. Quo sensu videtur ista vera, *Deus creat*, & aliæ id genus: quia incommunicabilitas non

est ratio talium actuum. Et consimiliter hæc, *Deus est Pater, Filius, & Spiritus Sanctus* est vera, quatenus terminus subiectus stat pro hoc Deo, inquantum est per se ens Deitate: non autem pro aliquo supposito incommunicabili, in quo est natura divina: Nam quando est veritas pro primis significatis terminorum, non oportet quærere veritatem in aliis, in quibus includuntur ista significata. Exemplum: hujus propositionis veritas, *hic color disgregat visum*, pendet per se primo ex significato terminorum, quatenus *Tò color* supponit pro primario significato ejus, nimirum pro hoc colore existente, non autem pro aliquo colore inferiori ad hunc colorem, puta pro hoc colore in hac, vel illa superficie: quia ista contrahentia colorem, non sunt causa veritatis illius propositionis: sed est vera propter prima extrema. Idque multo magis esset evidens, si hic color ut hic, esset per se existens. At Deitas est per se existens, & ideo Deus, inquantum Deitate Deus, est per se ens, dicente Augustino, 7. Trinit. cap. 4. *Pater eodem est, quo Deus est, licet non eodem sit, & Pater sit*. Huic igitur Deo, non intellecta ratione suppositi incommunicabilis, imo rationi hujus Dei rectè attribuitur, verèque de ipsa prædicatur Pater, Filius, & Spiritus Sanctus.

AD ARGUMENTA. Ad primum respondeo sic: Hæc, *nullus Deus est Pater, Filius, & Spiritus Sanctus*, non est contradictoria huic, *Deus est Pater, Filius, & Spiritus Sanctus*, si præcisè fiat distributio pro personis, quia tunc non negatur, quod primo affirmatur in affirmativa. Ista siquidem affirmat tres personas dicentium de Deo, quatenus *Tò Deus* non includit aliquam rationem incommunicabilitatis, ut extitit declaratum sed in negativa terminus *Deus* accipitur ut supponens pro suppositis. Quod si accipiat *Deus* secundum suppositionem simplicem, hæc est falsa, *Nullus Deus est Pater, Filius, & Spiritus Sanctus*, perinde ac ista *Deus non est Pater, Filius, & Spiritus Sanctus*. Idem negatur, quod prius affirmabatur.

Ad secundum dicimus minorem esse negandam, quia hæc, *Deus est Trinitas*, non est indefinita, imo est singularissima, uti & subiectum est essentialiter ex se hoc, & singulare. Quamvis enim quod exprimimus nomine Dei, naturali intelligentia præcedens quamcunque proprietatem personalem, sit ex se communicabile; attamen, quia est omnino implurificabile, & innumerabile, ideo est singularissimum; ac propterea sicut est illa vera, *Deus est Pater, Filius, & Spiritus Sanctus*: ita ista, *Hic Deus est Pater, Filius, & Spiritus Sanctus*. Terminus enim subiectus prioris propositionis, est singulare, & quodam ens ad se, cui conveniunt omnes proprietates essentielles, & perfectiones, ante omnem proprietatem personalem; ac propterea non est indefinita, sed singularis, ut posterior.

Ad tertium respondeo ex dictis, art. primo, q. 30. §. Ad primum: & art. 4. q. 29. Eito nomine Trinitatis, vel trium personarum non importetur conceptus ad alterum, propterea quod eo utantur Doctores Catholici ob respondendi, & disputandi necessitatem: attamen quia ea loquutione significare intendimus tres subsistentes incommunicabiliter in Deitate, iique non sint ad se, sed ad alterum, juxta Salvatoris revelationem, appellantis illos nominibus relativis, nomen illud non esse proprium; sed tantum velle nos, vel unum aliquod vocabulum servire huic significationi, qua

De qua distinctione actuum articulo præcedenti.

1. dist. 26  
§. Ad illam  
4. viam. V. de  
secundam  
auctoritatem.

intelli-



intelligitur Trinitas, ne omnino taceamus inter-  
rogant quid sit ait Augustinus 7. Trinit. cap. 6.  
Quamvis ergo Trinitatis. ut personæ nomine  
non importetur per se respectus, nihilominus ex  
consequenti datur intelligi, sicut superius suam  
inferius, illud pro quo accipitur, scilicet Pater,  
& Filius, & Spiritus Sanctus: ii enim verissime  
sunt tres, ac de ipsis Trinitas dicitur, sicuti ergo  
unumquodque illorum trium non est aliud, ita  
de nullo verè prædicatur Trinitas. Breviter igitur  
est nomen Trinitatis non sit aliud, sunt  
tamen relativa illa, quæ eo vocabulo significantur,  
ac proinde non est nomen essentialis, sicuti nec  
persona.

Ad quartum dicendum, exposuisse nos articulo  
precedenti, qualiter de subiecto abstracto ul-  
timata abstractione nihil prædicatur formaliter,  
nisi includatur in conceptu formali ipsius; & ita  
revera ne Pater quidem verè prædicari potest de  
Deitate, quatenus adjectivè accipitur, quia est ex-  
tra rationem Deitatis. Cæterum si substantivè in-  
telligatur, nempe pro persona per se subsistente in  
Deitate, vera est prædicatio per identitatem,  
ratione alterius extremi formaliter infiniti, à  
qua infinitate non denudatur per extremam ab-  
stractionem. Hoc igitur sensu hæc est conceden-  
da, Deitas est Pater, Filius, & Spiritus Sanctus.  
Nulla est igitur consequentia, quæ inferatur. Et  
cum probatur, quia inter Deum, & Deitatem  
nulla est distinctio adstruenda. Concedo, sed ta-  
men alium, & alium, modum significandi præse-  
ferre manifestum est; ratione cuius hæc. Deus est  
Trinitas magis accedit ad prædicationem forma-  
lem; licet ejus convertat, Trinitas est Deus, sit  
formalis omnino. Sed illius, Deitas est Trinitas,  
vel Pater Filius, & Spiritus Sanctus per solam  
identitatem realem salvatur veritas, cum substan-  
tive personæ accipiuntur, ut dictum est.

## ARTICULUS VII.

Utrum nomina essentialia sint approprianda  
personis.

Doctores locis in margine citatis. S. Thom.  
1. p. qu. 39. articulo 7.

**V**IDENTUR nomina essentialia haud esse  
personis approprianda. Etenim nomina esse-  
ntialia ex æquo dicuntur de tribus personis; sa-  
pientia enim, & omnipotentia, & bonitas perinde  
inest omnibus; imò una, eademque, est in ipsis;  
ergo non sunt personis approprianda. Probatio  
consequentiarum: ex eo quod potentia Patri appro-  
priaretur, aut Sapientia Filio, vel Spiritui San-  
cto bonitas, videretur aut Filius esse minus po-  
tens Patre, aut Pater minus sapiens Filio; vel  
utrique non perinde competere bonitas, ut Spi-  
ritui Sancto: Hæc autem omnia omnino absurda  
sunt, & destruuntur clarissimam hypotheseos de rea-  
li unitate essentialis in tribus; igitur essentialia non  
sunt personis approprianda.

Præterea, Essentialia quæque in divinis priora  
sunt notionalibus: sed quod appropriatur, præ-  
supponit illud, cui appropriatur; ergo si essentialia  
approprianda forent personis: ipsa præsupponerent  
notiones, non igitur essent notionalibus  
priora. Major probatur; quia primum notionalium  
est dicere hoc autem præsupponit memoriam  
perfectam, id est, intellectum habentem objectum  
actu intelligibile sibi præsens; hæc igitur omnia,  
& quæ ipsis necessario insunt, sunt priora notio-  
nalibus.

Præterea, Cui utilitati applicantur essentialia  
personis, tanquam propria? Etenim essentialia  
à nobis lumine naturali intellectus attingun-  
tur: cognitio autem personarum supra natura-  
lem intelligentiam necessario statuitur. Si igitur  
aliquo essentialium prædicatum uni personarum  
appropriaretur, persona, cui id appropriatur  
se haberet tanquam pars, Trinitas vero ut  
quoddam totum. In divinis autem nulla est pars  
ut 9. 30. art. 1. in incidenti declaratum fuit; ergo  
neque rectè sunt ejusmodi appropriationes essen-  
tialium rationum respectu personarum.

CONTRA. Augustinus, 6. de Trinit. cap. 3. dicit,  
Spiritui Sancto rectè appropriari nomen conne-  
xionis; propterea quod Patris, & Filii vinculum  
sit, & 1. de doctrina Christiana c. quinto vult Fi-  
lio convenire æqualitatem: Hæc autem non sunt  
earum propria personarum; ergo appropriata.  
Sed & Apostolus 1. ad Corinth. cap. primo vocat  
Christum Dei virtutem, & Dei Sapientiam. Con-  
stat autem id non propriè Filio convenire, cum  
eadem virtus, & sapientia communis sit omnibus  
personis; igitur appropriatè.

Respondendo dicendum, conveniens admodum  
fuisse essentialia nomina personis appropriari,  
idque pluribus de causis, quarum prima tangi-  
tur à Magistro, 1. dist. 34. cap. Id ergo. Ne scili-  
cet humani intellectus imbecillitas putaret, aut  
suscipere quid simile in er. Patrem, & Filium  
cellissimæ beatissimæque Trinitatis, uti evenire  
inter homines experimur. Hic enim quoniam  
Pater est Filio prior, Filius vero posterior Patre,  
in natu majore virum defectus, & lassitudo sen-  
sim obrepere solet; in Filio autem ob experien-  
tiæ tenuitatem modica sapientia reperitur; Ideo  
his ut occurratur stultis cogitationibus fateamur  
de Sanctarum scripturarum auctoritate Patrem  
omnipotentem, Filium sapientem, imò ipsam  
Patris sapientiam. Rarius, quoniam in sublimissi-  
ma Deitate & Spiritus Sanctus subsistit, ne id no-  
men putaretur inflationis, & tumoris, unde hu-  
mana concientia ad Deum pro rigore, & cru-  
delitate timeret accedere, ut nostræ securitati,  
& fiduciæ prospiceretur, huic Spiritui Sancto  
bonitas appropriata est; quandoquidem & scri-  
ptura spiritum bonum eum appellet; quamvis  
alioquin una sit potentia, sapientia, & bonitas  
trium, sicut una essentialis. Secundo quemadmo-  
dum essentialis in divinis est commune communi-  
tate reali, dictum subinde æqualiter de omni  
persona, & de qualibet singulatum, ita notionale ca-  
renstali communitate, pertinere probatur ad no-  
ticiam distinctionis personarum. Ad distinctio-  
nem hanc investigandam non pertingit naturalis  
intelligentia, mystico excedente intellectu  
omnium creaturarum, etsi valeat complura essen-  
tialia de Deo concludere, & cognoscere: Appli-  
cando ergo quædam ex iis, quæ certa scientia  
assequitur, distinctioni, vel notionibus personarum,  
quam sola fide tenemus, & sensum omnem  
superat creaturarum, videtur sibi clarius, & ma-  
nifestius attingere mysterium ineffabile, & abdi-  
tum, etiam cœli volucris: Propterea quod attingat  
in eis personis quædam prædicata lumine na-  
turali intellectu vestigabilia: Cui humanæ in-  
telligentiæ seise accomodans scriptura, non raro  
quæ sunt re ipsa communia omnibus, appropriat  
huic aut illi personarum solertissimè, ac conveni-  
entissimè, ut declarabitur articulo sequenti.

Postremo, quemadmodum ex vestigiis, immagi-  
nisque rationibus intellectis, & repertis in crea-  
turis appropriata vel etiam propria penduntur,  
ma-

1. dist. 3. q. 4.  
6. Sed quomodo.

1. Report.  
loco citat.  
6. ad opposi-  
tum.

1. dist. 1. q. 1.  
1. dist. 7.  
qu. 2. 6. Ad  
tertiam quæ-  
stionem. V.  
ad Augustini  
num.

1. Report. 4.  
dist. 34. q. 3.

Quodlib. 9.  
7. et ad pri-  
mam argu-  
mentum in  
contrarium  
num. 33.

Quodlib. 9.  
1. de altero  
termino.

De hisdem  
9. 32. art. 1.

1. dist. 3. q. 4.  
6. Quantum  
ergo, & q. 2.  
6. ad primum  
principale.

Quodlib.  
9. 1. de al-  
tero termi-  
no; & ma-  
jor principali  
argumento.

1. Report.  
dist. 4. q. 3.  
in argumen-  
to principali.  
Quodlib.  
qu. 1. 6. De  
secundo ar-  
ticulo.



Ubi supra  
g. 5. c. 1.

magisque elucet divinarum distinctiva personarum; ita & per applicationem ipsam essentialium proprietatum; quia (ut dictum est) ad ea cognoscenda sese extendit hominum vis intellectiva. Porro tali ex appropriatione essentialium perfectionum triplici modo manifestantur divinæ personæ, scilicet per similitudinem, dissimilitudinem, & per rationem proportionalitatis. Ad primum modum quod attinet *unum, verum bonum*, velut similia representant in divinis appropriata personarum. *Unum* enim in siretura representat unitatem appropriatam Patri; *Verum* veritatem appropriatam Filio. *Bonum*, bonitatem Spiritui Sancto appropriatam. Qualiter autem id ipsum eveniat per viam dissimilitudinis, ostensum est in jam relata sententia Magistri. Sed per rationem proportionalitatis fit manifestatio personarum per appropriata ipsarum; quum ratio ejus, quod representat, non est formaliter in Deo, sed aliquid potius illi rationi proportionale. Unde cum scribitur sap. 11. *Omnia fecisti in numero, pondere, & mensura*. Mensura non representat aliquid sub ratione similitudinis, sed sub conceptu proportionabilitatis; quia limitatio producti, quæ ipsius mensura est, representat potentiam illimitatam producentis, quæ utique Patri appropriatur.

Ad ARGUMENTA. Ad primum petet responsio ex dictis in *solutione*. Nam non ad inducendos homines in errorem divina scriptura ostendit personas per appropriata, ut Patrem per potentiam, Filium attribuendo illi Sapientiam, & Spiritum Sanctum ratione bonitatis; sed magis ad præcludendam viam omni errori, qui ob humanam imbecillitatem, tenuemque intelligentiam, occurrere posset nostro intellectui.

Ad secundum dicendum, atque essentialia non dicentia respectum ad extra, esse priora notionalibus, ut in argumento exemplificatur, & pariter concedendum appropriatum ut appropriatum præsupponere proprium; at ipsa attributa, quæ singulis personis appropriantur, non præexigere propria personarum; cum insint Deitati ex se existentis independentem à rationibus personarum propriis. Essentialia ergo proprium non præsupponunt, sed quatenus sunt personis appropriata.

Ad tertium respondeo, declaratum fuisse in *solutione*, qualiter appropriatio essentialium proprietatum sit gratia magis, magisque declarandæ, ac manifestandæ distinctionis divinarum personarum: atque etiam ad præcludendum aditum erroribus, quibus humana mens posset ohnubilari, atque irretiri præ intelligentiæ nostræ imbecillitate. Cum arguitur, quia sic intellecta persona divina videretur pars in divinis autem nulla est pars. Responsio, Trinitas, saltem in conceptu intellectus nostri, est quasi quoddam totum numerale, persona autem est ibi, quasi pars hujus totius, ac proinde etiam appropriatum personæ, inquantum appropriatum est ibi quasi pars ejusdem: quia accipitur pro illo, cui appropriatur, id autem nullum præferre videtur inconveniens. *qu. antem 30. art. 1. c. 1.* declaratum fuit, qualis ratio totius, & partis locum habere non possit in divinis.

Utrum convenienter à Sacris Doctoribus sint essentialia personis attributa.

Doctor. 1. Report. dist. 34. quest. 3., & prout in margine annotatur. S. Thom. 1. p. quest. 39. art. 8.

**V**IDENTUR Sacri Doctores minus convenienter personis essentialia attribuisse. Nam Hilarius 2. de Trinit. dicit, in Patre esse æternitatem, speciem in imagine, usum in munere: propriis ergo trium personarum attribuens appropriata, vult Patri esse adscribendam æternitatem; Imagini, quod est proprium Filii, speciem; & muneri, vel dono, (quo vocabulo exprimitur, vel per connotationem proprietatis Spiritus Sancti) usum, sive operationem. Hæc autem minus probanda apparent; quia æternitas est modus intrinsecus existentie, ut infinitas essentialis; igitur sicuti nulli personarum reitè appropriaretur existentia, ita nec mensura intrinseca ejus. Consimiliter usus, vel operatio vel nulli personarum approprianda videtur, vel certe Patri attribuenda, qui vocatur Omnipotens per appropriationem.

Præterea, Ex eo quod in omnibus quæ arte divina facta sunt (ait August. 6. de Trinit. cap. x.) unitas reperitur, & species, & ordo: Hinc, 1. de doctrina Christiana cap. 5. Patri unitatem attribuit, Filio æqualitatem, Spiritui autem Sancto connexionem, seu unionem, vel concordiam: Hæc autem appropriationes non admodum probandæ videntur. Nam Patri perhibetur attributa unitas, quia principium, & origo omnium: Sed id inest æqualiter omnibus ratione essentiali. Unde & 6. de Trinit. cit. cap. subdit Augustinus. *In illa Trinitate summa origo est rerum omnium*. Consimiliter Filius si est Patri æqualis, & item Pater est æqualis Filio; ergo est in utroque par ratio ejus appropriationis.

Præterea, Augustinus invenitur Patri attribuisse potentiam, Filio, sapientiam, & Spiritui Sancto bonitatem. Sed, ex dictis articulo præcedenti, Filio attribuitur ab Apostolo virtus, appellante ipsum Dei unitatem; ergo potentia convenientius Filio foret approprianda, si est virtus Patris.

Præterea, Apostolo dicente ad Roman. xi. *Quoniam ex ipso, & per ipsum, & in ipso sunt omnia* Scribit Augustinus, 6. de Trinit. in fine in hunc modum: *Non confusè accipiendum est, ex quo omnia, per quem omnia, in quo omnia*; ergo cum disertè affirmet, 5. de Trinit. cap. 14. Tres personas divinas esse unum principium rerum universitatis, monens dictum Apostoli non esse confusè accipiendum, expresse significavit, ex ipso pertinere ad Patrem per appropriationem; per ipsum ad Filium, & in ipso ad Spiritum Sanctum. Id autem non apparet convenienter dictum; nam *Tò in* multas patitur acceptiones, quarum una est; aliquid dici in alio, virtute cuius aliquid fit, quæ est casualitas causæ finalis, vel efficientis; igitur minime adstruendum erat *Tò in ipso* pertinere ad Spiritum Sanctum, sed magis designare appropriatum Patris.

CONTRA, Et supradictæ, aliæque appropriationes à Sacris Doctoribus ex divinis literis deductæ, hæcenus non fuerunt ab Ecclesia improbatæ, nec rejectæ, minime omiffura id præstare, si oportuisset; ergo ea prædicata convenienter per-

Magist. 2. dist. 31. Cap. Non est igitur.

Quodlib. q. 6. S. Responsum.

1. dist. 3. q. 5. S. Quantum ergo.

1. dist. 16. q. 1. S. Ad oppositum.

1. dist. 3. q. 4. S. Ad questionem.

Ex qua 2. dist. 3. 4. sent.

1. Report. loc. citat. in arguendo; & qu. 1. Quodlibetorum.

2. dist. 3. q. 5. S. Quantum ergo. V. Sed quomodo.

Videndus art. 1. q. 31. S. ad tertium.



personis in Deitate subsistentibus fuisse attributa sentendum est.

RESPONDEO, dicendum, convenientissimè à Sacris Doctoribus essentialia fuisse personis attributa. Cum enim *omnis appropriatio essentialium personis fiat propter convenientiam appropriati ad proprietatem personæ, cui id attribuitur appropriatum*: ea utique appropriatio exactè, atque appositis facta erit, in qua appropriati cum proprio convenientia elucet. Quoniam igitur quatuor principales appropriationes inveniuntur à Sanctis de auctoritate divinum scripturarum, uniuscujusque earum convenientia cum propriis personarum, est hic declaranda. Prima igitur est Hilarii attribuentis Patri *æternitatem*, Filio *speciem*, & munus Spiritui Sancto. Hanc appropriationem congruitatem declarans Augustinus, 6. de Trinit. cap. x. dicit propterea ab Hilario Patri æternitatem attributam fuisse, quia *Pater non habet Patrem, de quo fit, Filius autem de Patre est, ut sit, utque ut illi coæternus sit*. Cum autem proprium Patris sit *ingenitum esse*, juxta declarationem datam, art. 4. q. 33. appositè congruere proprio appropriatum, evidens est. At species Filio attribuitur; quia pulchritudo, & integritas, & offensio Patris est, a quo accipit naturam divinam integerrimè. Quoniam ergo Filii proprium est *imaginem esse* Patris, ex dictis, qu. 35. art. 2. rectissimè sibi species appropriatur; nempe propter pulchritudinem ubi (inquit Augustinus 6. de Trinit. cap. x. cit.) *santa est congruentia, & prima aequalitas, & prima similitudo nulla in re dissilens, & nullo modo inæqualis, & nulla ex parte dissimilis: sed ad identitatem respondens ei, cujus imago est*. Quantum attinet ad tertiam personæ appropriationem, nomine *us* expressam, dicimus rectissimè Spiritui Sancto attributam. Nam dona omnia eatenus verè eo nomine appellantur, quatenus sub actu dilectionis cadunt, quæ dilectio est primum donorum, ut art. 1. q. 3. declaratum fuit. Soli ergo Spiritui Sancto est approprianda nuncupatio datoris munerum, quia ipse tantum ex vi processions suæ, qua de voluntate exit, est primus infinitus, & substantialis amor, ut art. 1. qu. 37. explicavimus. Unde Augustinus de hac ipsa Hilarii appropriatione sermonem faciens, loco cit. 6. de Trinit. est, inquit *ineffabilis quidem complexus Patris, & imaginis, qui non est sine personificatione, sine charitate, sine gaudio. Illa ergo dilectio, delectatio, felicitas, usus ab illo appellata est breviter, & est in Trinitate Spiritus Sanctus, non genitus, sed genitoris, genisque suavitatis, ingenui largitate, atque ubertate perfundens omnes creaturas, pro capite carum*.

Secunda appropriatio est Augustini, Patri unitatem attribuentis, Filio *æqualitatem*, & Spiritui Sancto *connexionem*. Porro ratio primæ appropriationis, est indivisio: quia enim Pater est indivisus, idest, unus, & primus in Deitate subsistens, nomine *unitatis* ex hac proprietate sibi appropriata, Patrem intelligimus: Sed quare Filius nomine appropriato *æqualitatis* designetur, causa est, quia ipse est persona secunda, in qua est primo æqualitas. Ratio enim æqualitatis exigit unitatem cum distinctione; cum ergo prima personarum distinctio ex Filio sit, rectè ipsi attribuitur *æqualitas*. At spiritui Sancto appropriatur *connexio*, quia ratione processions suæ est primus amor, & complexum Patris, & Filii.

Tertia appropriatio, qua *potentia* attribuitur Patri, *Sapientia* Filio, *bonitas* Spiritui Sancto,

quam convenienter sit inducta, expositum fuit articulo precedenti. Quia enim in creaturis Patres solent ob longævitatē ætatis impotentia, ac defectu virium laborare, Filii vero insipientiæ, & insitiæ esse obnoxii; ideo ne simile quid suspicarentur homines, evenire posse Patri, & Filio sublimissimæ Trinitatis, appositè Patri *omnipotentiam*, Filio *Sapientiam* attribuendam censuerunt: Sicut & Spiritui Sancto *bonitatem*, ob causam loco citato jam dictam. Sed magis propriè tamen appropriantur hæc personis divinis, ob positivas, quibus præditæ sunt, naturales perfectiones, quàm ad arcandas imperfectiones, quas intellectus noster deprehendit in creaturis.

Ultima appropriatio ex verbis Pauli, ad Roman. desinitur *ex ipso, & per ipsum, & in ipso*. Et enim *Tò ex ipso* convenienter Pater designatur, quia ex eo sunt omnia; & quoniam prima persona est, ab Augustino, 4. de Trinit. cap. 20. *principium totius Deitatis* appellatur. *Per ipsum* vero Filius exprimitur, quippe per quem facta sunt omnia; non quod sibi qua Filius est, sit propria aliqua ratio formalis agendi; Sed *per ipsum* ut per artem faciendi. Verbum enim divinum dicitur ars, sive Sapientia, sive notitia, quia ex modo processions suæ habet, ut sit notitia actualis procedens de memoria paterna, declarans subinde omne intelligibile, quod in memoria illa continetur. Nam secundum Augustinum 7. de Trinit. cap. 7. *Ita dicitur Filius sapientia Patris quemadmodum dicitur lumen Patris*. Cum denique dicit Apostolus; *In ipso*, denotatur Spiritus Sanctus, de cujus munere est, ut unumquodque pro capite suo in Deo, ut in ultimo omnium fine quiescat.

AD ARGUMENTA. Ad primam respondeo, in declaratione primæ appropriationis expositum esse, qua ratione ab Hilario attributa sit Patri *æternitas*, & quid nomine *muneris* significare voluerit, ille de Augustini sententia. Cum enim primum donorum sit Amor impenſus ei, cui munera dantur, ac Spiritus Sanctus ex natura suæ processions sit infinita charitas, munera omnia, quæ Deus creaturis suis elargitur, cum ea persona tantum habent convenientiam, quæ est substantialis amor; Huic ergo approprianda est distributio donorum, quam Hilarius appellat *usum*.

Ad secundum dicendum, Patri Augustinum unitatem attribuisse, non per respectum ad creaturas, respectu quarum tres personæ sunt unum principium; Sed quia unus, & primus est ex tribus in Deitate subsistentibus: Filio autem *æqualitatem* appropriasse, quia secunda persona est, atque in ipso est primo æqualitas, & imago, vel figura substantiæ Patris. Cum igitur instatur, quia si Filius æqualis est Patri, & Patrem pariter esse oportere æqualem Filio. Respondeo ex Augustino, 6. de Trinit. cap. x. *Imago si perfectè implet illud, cujus imago est, ipsa coequatur ei, non illud imagini suæ*. Esti ergo re ipsa & Pater sit Filius æqualis, rectè tamen æqualitas appropriatur Filio ex ratione, qua imago est paternæ substantiæ; quia Pater non habet esse æqualem Filio ex eo quod exprimat per ipsum, sed quia inest utrique una, eademque natura.

Ad tertium dicendum, declarantes tertiam appropriationem exposuisse causam, cur attribuat, Patri *potentia* potius quam Filio, cui *Sapientia* appropriatur diciturque Sapientia Patris, & virtus, & ars, & lumen Patris ab August. 7. de Trinit. cap. 7. Non quia Patre sapientior, aut ea sapientia sit sapiens Pater; nec virtus, quasi per Filium sit potens: Sed hæc omnia, & consimilia Verbo appropriantur;

Quodlib. q. 1. c. Contra ista. V. Si queratur n. 20.

1. dist. 12. q. 1.

Quodlib. q. 3. c. Quæstio ista. V. Ex hoc sequitur, & 6. Ad argumentum in oppositum.

Quodlib. q. 9. c. Ad argumentum in oppositum.

1. dist. 27. qu. 3. Ad tertiam quæstionem. V. Cum additur postea, &c.

Magist. 1. dist. 31. cap. non est igitur.

De hac appropriatione videndus Bonavent. 1. dist. 1. q. 1.



tur; quia (ut dictum est) ex modo suæ processionis competit sibi declarare omne intelligibile, quod in memoria paterna continetur.

Ad quartum respondeo ex dictis; Non appropriari Spiritui Sancto *Tò in ipso*, nisi quatenus

proprietas personalis ejus congruit esse datorem, & distributorem munerum, & supernaturalium donorum Dei, ex quibus fit, ut intellectualia ultimatum in ultimo omnium fine conquiescant.

4. dist. 49. q.  
8. S. Secun-  
do videndum  
est.

## QUÆSTIO QUADRAGESIMA.

### DE PERSONIS IN COMPARATIONE AD RELATIONES, SIVE PROPRIETATES,

#### IN QUATUOR ARTICULOS DIVISA.

*Deinde queritur de personis in comparatione ad relationes, sive proprietates.*

#### ET QUÆRUNTUR QUATUOR.

- I. Utrum relatio sit idem quod persona.
- II. Utrum relationes distinguant, & constituent personas.
- III. Utrum abstractis per intellectum relationibus à personis, remaneant hypostases distinctæ.
- IV. Utrum relationes secundum intellectum præsupponant actus personarum, vel e converso.

#### ARTICULUS I.

Utrum relatio sit idem quod persona.

*Doctor 1. Report. dist. 33. q. 3. S. Thom. 1. p. quæst. 40. art. primo.*



**V**IDETUR in divinis non esse idem relatio quod persona: Etenim proprietas est ejus personæ determinativa, in qua reperitur, secundum quod fatetur Ecclesia in Præfat. de Trinit. in personis proprietas. Sed nihil est sui determinativum, vel determinans se; ergo cum in personis sint proprietates respectivæ, hæc non erunt idem quod ipsæ personæ.

Præterea, Proprietas si foret idem quod persona, una proprietas esset alia, atque ita verè prædicaretur de ea: consequens est falsum. Sed probatur sequela; una proprietas essentialis, ut sapientia, propterea est bonitas, quia utraque est essentia; ergo à simili una proprietas personalis esset alia, si alia dicitur esse idem ac persona. Nam eam habitudinem, & comparisonem habere videntur proprietates essentielles ad essentiam, quam præferunt secundum proportionem proprietates personales ad personam.

Præterea, Si proprietas ponatur idem esse omnino, ac persona, igitur quicquid diceretur de persona, pari veritate de ipsis enunciaretur proprietatibus; ac per consequens uti verè dicitur Pater generat; ita & paternitas generat. Nam hæc est vera: *Pater est paternitas*; ergo cum hæc non videatur concedenda, nec dandum proprietatem idem esse, ac personam.

CONTRA, Boetius de Hebdomadibus: *in divinis idem est quo, & quod est*; Sed quo est persona, proprietas est: quod est autem est ipsa persona; ergo idem est persona, ac proprietas. Rursus Aristoteles, 7 *Metaphy. cap. 3.* vult quotiescunque forma à composito distinguitur, nec est ipsum, esse composito priorem: Proprietas autem non est prior persona, est igitur ipsa.

RESPONDEO dicendum, proprietatem, & personam esse simpliciter idem realiter, differre tamen

ex natura rei *secundum quid*, modo exposito *quæstione precedenti art. 1.* Declaratio primæ partis solutionis est ista: Nam omne totum servat, possidetque aliquam identitatem ad suam partem, alioquin ejus pars minimè intelligeretur; igitur ubi non est totum, & pars, nec aliqua imperfectio formaliter; est reperiantur in eo aliqua correspondentia istis, rationem partis & totius habentibus, unum oportet esse aliquid alterius, citrà conceptum totius, & partis; ac proinde est inter illa aliqua identitas. Persona autem constans essentia, & proprietate, quasi quoddam totum est; ergo inter ista est absoluta, & perfecta identitas, cum alterum eorum sit infinitum; quod infinitum excludit rationem omnem partis, vel habentis partem, quia alioquin esset componibile cum aliquo; ergo identitas essentialis, & proprietatis est vera, & perfecta identitas, non partialis, vel *secundum quid*. Ex hoc igitur quod infinito repugnet esse alteri componibile, tunc enim in eo non reperiretur perfectio partis sibi adveniens, evidens est, nihil esse posse in illo, nisi per perfectam, veramque identitatem: adeoque cum constet reperiri in personis proprietates, vel relationes, à personis hæc distingui vera reali distinctione nequaquam possunt; sunt igitur proprietates eadem ac personæ.

Quod vero nihilominus eas inter ex natura rei intercedat non identitas *secundum quid*: non quasi alterum eorum subeat rationem rei *secundum quid*, sed magis quatenus *Tò secundum quid* determinat ipsam identitatem, ut *art. primo cit. quæst. precedentis* expositum fuit, declaratur. Etenim secundum quod identitas fundatur in persona, & terminatur ad proprietatem, juxta hanc considerationem, persona, & proprietates sunt formaliter idem: quia persona, ut quoddam totum, omni præcisa imperfectione, involvit in sui formali ratione ipsam proprietatem, ut aliquid sui, sicut homo in suo conceptu essentiali formaliter includit animal, & rationale. At è converso quatenus identitas fundatur in proprietate, & terminatur ad personam, proprietas, & persona non sunt formaliter idem; sicut superius non est formaliter idem suo inferiori, esto inferiori in suo conceptu formali illud includat; imo nec pars est formaliter idem cum toto, nisi quatenus totum includit partem, cui secundum partem est idem.

Per-

[Hic Doctor introducitur opinionem Porretani, erroneam, ut verba sonant: videtur enim sentire proprietates non esse personas, sed aliquid quod ipsis veluti affixum: Est nullo negotio possit trahi ad bonum sensum, juxta Boetii locutionem 1. de Trinit. cap. 10. ut *art. 2. q. 19. tractatum* fuit. Et tamen dicendi modum confirmat Magister 1. dist. 53. a cap. *Moc autem, & segg.*



De his ædem  
quoque q. 19.  
art. 1.

Persona igitur veluti quoddam totum includens essentialiam, quæ non est de formalitate proprietatis, esse sit formaliter idem suæ proprietati, ut alicui sui, non tamen proprietatis est formaliter idem personæ. Insuper sed nec proprietatis, & persona sunt idem adequatè, nec secundum perfectionem, nec quoad prædicationem. Persona enim includit formaliter essentialiam, ut aliquid sui, & proprietatem; persona igitur excedit proprietatem, secundum perfectionem, quia magis accedit ad essentiam infinitatem: Proprietas autem excedit personam secundum prædicationem; nam per se, & formaliter prædicatur de omnibus notionalibus, quæ ad minus sunt quinque, persona vero dicitur de tribus tantum, quæ sunt Pater, Filius, & Spiritus Sanctus.

AD ARGUMENTA. Ad primum respondeo, utique quod est idem formaliter, & adequatè alicui, non determinare ipsum; quia tunc, ut obicitur, determinaret se. At si non sit idem alteri formaliter, nec adequatè, stante interim eorum reali identitate, nihil impedire, quominus unum sit alterius determinativum in ea linea, qua formaliter, & adequatè non se includunt, ut patet de anima respectu hominis; verè enim dicitur homo animatus. Et cum additur ex Præfatione de Trinitate. *In personis proprietas*: est responsio ex dictis: Nam quod est idem alteri formaliter, & adequatè, dici non potest esse in eo, cui ita est idem. Sed quoties id genus identitatis abest, ut in casu, nullum est inconveniens, si dicatur unum esse formaliter in altero.

Ad secundum respondeo, haud esse parem rationem de essentialibus proprietatibus, & de iis, quæ personales dicantur. Nam propterea quod illæ sint formaliter infinitæ, facta abstractione qualibet, propriam retinent infinitatem, ac proinde superest ratio identitatis earum, ratione cuius vere ad invicem prædicantur. At relative proprietates non sunt formaliter infinitæ, sed tantum per identitatem ad essentialiam infinitam. Cum igitur à fundamento abstrahuntur, aufertur ratio identitatis earum, atque ita nequeunt ad invicem prædicari. Quamvis igitur vere dicatur Pater, vel generans est spirans, non tamen est concedendum, paternitatem esse activam spirationem.

Ad tertium respondeo, sequelam esse negandam: quia quando prædicationes variantur, est medium non varietur, non sequitur conclusio; nam propter fallaciam accidentis evenit, ut quatuor terminis constet argumentatio. In proposito igitur hæc est vera, *Pater generat*; quia verba, & participia adjectiva, sunt concernuntque suppositum, de quo & formaliter prædicantur: sed cum subditur, *Pater est Paternitas*, vera est per identitatem, non formaliter, ut major; & ideo nequitur conclusio; ergo *paternitas generat*: quia denotatur generatio inesse formaliter paternitati, ut inest Patri, quod falsum est. Unde ex altera formaliter vera, & ex altera, quæ per identitatem tantum verificatur, nunquam sequitur conclusio vera formaliter, conclusione semper præferente conditionem præmissæ debitoris.

Utrum personæ distinguantur per relationes.

Doctor 1. dist. 26. in utroque scripto. S. Thom.  
1. p. quæst. 40. art. 2. *Defenditur dignitas personarum constitui, & distinguantur relationibus.*

*Quoniam Doctori utraque quæstio parva est probabilis, ab nostro instituto non recedentes, utriusque fundamenta singillatim in medium producenda, ac pariter solvenda censuimus. Magistro Scoto uberrimam, ac solertissimam suppeditante doctrinam.*

**V**IDETUR fieri non posse, ut divinæ personæ distinguantur, & subinde constituantur per relationes. Etenim quicquid constituit formaliter in aliquo primo esse, & in unitate tali esse correspondente, se toto repugnat distinctioni oppositæ illi unitati, & esse; igitur si paternitas constituat, & distinguat primum suppositum in esse personali, sub ratione incommunicabilis, ipsi paternitati ex ratione sua primo repugnet oportet communicabilitas: Hoc autem videtur falsum. Primo, quia paternitas non est de se hæc, circumscripto omni eo, quod non est de ratione formalis paternitatis: Nam circumscripta Deitate, paternitas non est formaliter infinita; igitur nec de se hæc; igitur nec de se incommunicabilis, cum incommunicabilitas præexigat singularitatem. Secundo, nulla quiditas est de se incommunicabilis; ergo nec paternitas. Rursus, spiratio activa, esto eadem essentialis, & hæc, non tamen est incommunicabilis, quia est in duobus; & ulterius. Quoniam relative opposita perinde se habere videntur quoad incommunicabilitatem, cum activa spiratio incommunicabilis non sit nec passiva; ergo non constituit tertiam personam.

Præterea, Primum constitutivum suppositi in aliqua natura, videtur facere per se unum cum illa natura. Unum enim per accidens nequit esse primum simpliciter in aliquo genere, 2. *Philos. 1. c. 66.* Primum autem de quo natura dicitur per se, est ejus proprium suppositum. Sed sicut in creaturis relatio est alterius generis ab absolute, & ideo non facit per se unum cum eo, ita in divinis non videtur conceptus unus esse per se absoluti, & relationis; ergo si personæ his duobus essentialiter constent, erit suppositum per accidens; ergo est aliud prius per se constituens personam, cui relatio advenit.

Confirmatur: Prima identitas videtur esse nature primæ ad proprium suppositum; ergo illa identitas nec est per accidens, nec quasi per accidens, sed omnino per se; ergo suppositum non includit aliquid quasi alterius generis à natura. Nam alioquin magis per se esset identitas nature creatæ ad suppositum suum, quam nature divinæ ad suum. Rursus, secunda substantia dicit totum *quidquid est* primæ substantiæ; ergo in prima substantia non concurrebat aliqua quiditas distincta à quiditate secundæ substantiæ: ergo nec quiditas relationis, quæ est distincta à quiditate essentialis, pertinet ad rationem primæ substantiæ. Si enim prima substantia includit per se quiditatem distinctam à quiditate substantiæ secundæ; ergo non magis est per se suppositum substantiæ, quam illius quiditatis alterius, & ita neutrius, vel utriusque.

Præterea, Prima substantia est maxime sub-

1. dist. 26. c. 1.  
5. Quantum  
ad tertiam  
viam n. 15.

1. Report.  
dist. 26. citat.  
q. 2.

De his Do.  
et Quod.  
lib. 6. S. Cir-  
ca tamen ma-  
jorem 18.

Et supra q.  
28. art. 2. in  
incidenti se-  
cundo.



stantia, secundum Philosophum in *Pædicamentis*; ergo cum hoc non sit imperfectionis, est ponenda prima substantia in divinis, persona nimirum, cui maxime conveniat subsistere, & per se esse. Sed de relatione esse non potest, ut aliquid maxime subsistat, & per se sit; ergo relatione non constituitur prima substantia.

Confirmatur, Substantia secunda, quæ minus est substantia, quam prima non includit aliquid, quod non sit formaliter substantia; ergo nec prima substantia, quæ maxime est talis, includere poterit; quia substantia non est ex non substantia. Rursum, quamvis imperfectionis sit in substantia creata limitari ad unam substantiam; attamen eam subsistentiam, ob quam non potest ulterius contrahi, non esse alterius generis, non videtur ex aliqua imperfectione oriri; cum id sit commune substantiis, & negetur accidentibus, propter eorum imperfectionem; ergo & natura divina, ut est ad se, habet ultimum esse actuale, ultimamque unitatem. Si enim id præstare ei potest relatio, ut perhibetur; quare non poterit magis divina persona idipsum accipere ab eo gradu, qui est ad se, & ita esse incommunicabilis per aliquid ejusdem generis, ut substantia creata?

Præterea, Originans est prius originato; relativum nulla ratione est prius suo correlativo, sed simpliciter sunt simul natura, & cognitione; ergo personæ non constituuntur relationibus; ex eo enim Pater non foret prior Filio originato.

Præterea, Relatio omnino originari non potest, nisi aliquo absoluto prius originato, idque seu in ipso relato, seu in termino: Si & motus non potest esse ad aliquid, nisi per accidens, quia est per se ad aliquid absolutum in subiecto; ergo persona divina, quæ primo originatur, esse non potest tantum relatio subsistens, sed oportet, ut sit aliquid absolutum, quod primo originatur.

Præterea, Omne relativum; æque naturaliter respicit suum correlativum; ergo æque naturaliter spirans respicit spiratum, sicut generans genitum, ergo si utraque productione producit tantum relativum, utrunque productum æque naturaliter producit, & ita adstrui non potest in divinis altera productio per modum naturæ, altera per modum voluntatis; imo Spiritus Sanctus perinde ac Filius per modum naturæ produceretur.

Præterea. Si productum in divinis sit per se, & primo relativum; ergo nulla productio est generatio: Hoc autem est inconveniens. Sed probatur consequentia: Nam generatio est ad primam substantiam, ut ad per se productum: Sed hic productum non ponitur prima substantia, sed magis relatio, vel relativum; ergo est productio in genere relationis, & non generatio.

CONTRA, Boetius, de Trinit. cap. 12. *Substantia contrahit unitatem, relatio multiplicat Trinitatem*; distinguuntur igitur divinæ personæ relationibus, ac subinde iisdem constituuntur.

narum meminit personarum, Salvator enim *Matthæi ult.* exprimens veritatem fidei, quæ de Trinitate tenenda est, tres personas nominibus appellat relativis, dicens; *In nomine Patris, & Filii, & Spiritus Sancti*. Ioan. similiter in prima sua epistola cap. 5. *Tres sunt*, inquit, *qui testimonium dant in Cælo, Pater, & Verbum, & Spiritus Sanctus*. Imo universa Ecclesia in Symbolis, quæ ad salutem credenda proponit, non aliis nominibus Sanctæ Trinitatis personarum nomina exprimere constat; Cui ut maximæ authoritati, ut par est, deferentes Doctores Catholici, non aliam se agnoscere fatentur distinctionem divinarum personarum, quam penes proprietates relativas. Unde Damascenus lib. 1. cap. 2. *Pater*, inquit, *& Filius, & Spiritus Sanctus omnino unum sunt, excepta ingeniti, ac generationis, & processionis proprietate*. Et cap. 10. *In his duntaxat hypostasis proprietatibus tres Sanctæ Trinitatis persone inter se differunt, non essentia*. Sed & Anselmus de processione, Spiritus Sancti: *In divinis*, inquit, *omnia sunt unum, ubi non obviat relationis oppositio*, Nempe hi, alique plures iuxta phrasim, & mentem Augustini perhibentur loquuti, qui frequenter admodum in *lib. de Trinit.* eandem profert sententiam, quam & adstruit clarissimè 11. de Civit. cap. 10. *Dens*, inquit, *est quicquid habet: excepto quod una persona dicitur ad aliam, & non est ipsa*. Scilicet quia quicquid habet exceptis relationibus ad se dicitur, & quod non ad aliud, sed ad se est, est omnibus commune personis, ut habet 5. de Trinitate cap. 8, & alibi.

Deinde in hujus sententiæ confirmationem adducuntur rationes; Prima est, quia si personæ absolutis constituerentur proprietatibus, non forent simplices ut necessario sunt ponendæ: ergo constituuntur relationibus, quibus cum fiat illorum perfecta simplicitas. Probatio sequelæ: Absolutum additum absoluto facit compositionem: hic autem hæc additio adstrueretur: nempe absolutum proprietatis additum essentiae absolutæ. Ei autem addendo relationem, nulla exurgit compositio; quia relatio nihil addit supra suum fundamentum, nec facit compositionem

authoritas, sicut nec dicitur distingui proprietatibus absolutis. Ut nec evidenter intetur ex Scripturis, vel Ecclesiæ declarationibus. Porro expressit Salvator personas nominibus relativis; quia id facilius à nobis percipi poterat. Unde sequenter personas nominamus ex munere, quod gerunt dicentes hoc jui fecit Papa, Rex, Episcopus. Secundo, quia nominibus relativis exprimitur & distinctio, & origo personarum, per nomina absoluta, non adeo exprimerentur hæc omnia,

Ad Damascenum dicimus, nomine *ingenerationis* omne personale Patris intellexisse: atque ita ea voce includeretur & realitas absoluta, si qua esset; nam inclusa relatione non excluditur id quod ea refertur.

Ad Anselmum, utique omnia sunt unum, ubi non obviat relationis oppositio, vel formaliter, vel sicut natura refertur relatione opposita, uti esset absolutum personale, quod paternitate ad Filium referretur. Ad Augustinum, dicimus sic Pater est quicquid habet, ad quod non refertur, non est autem secunda persona, quam habet, ut correlativum, licet ista relatione primo non constitueretur.

Cum subditur Augustinum docere, quæ non sunt ad aliud esse ad se, & communia omnibus personis. Dicimus, ipsum loqui de iis, quæ sunt ad se, id est nec relativa, nec referibilia per relationem; Absolutas autem proprietates esse referibiles, & ideo non communes sed proprias personis.

Ad primam rationem negandum est realitates absolutas facere compositionem, ut nec faciunt relativæ, quia nulla est ibi ratio potentialitatis. Et cum subditur, quia absolutum aut manet, aut transit. Respondio id transire per perfectam identitatem, & manere, quia non est formaliter realitas essentia; uti dictum est de perfectio nibus attributibus quæ absoluti sunt: nec tamen faciunt compositionem, quia coincidunt in rem eandem cum essentia, stante propria ratione formalis earum.

7. d. 26. cie,  
8. Ex secunda  
gia.

Videndus  
Magister Au-  
reolus 1. dist.  
26. art. 1.  
6. Restat er-  
go.

Responsiones Doctoris ad hæc argumenta 6. *Contra istam opinionem*. V. Si dicitur: videnda in textu singularis doctrina, & 6. Ad illa n. 3. Ego verissimum sit quicquid tradit auctoritas, non tamen negandum est esse verum quicquid ipsa non tradidit. Sententia de absoluto, concedit personam congruè exprimi nominibus relativis, esseque ibi veras relationes originis, veramque unius ab altero originationem, sed negat tantum his relationibus distinguere. Id autem non tradidit

RESPONDEO, communis opinio est divinas personas constitui per relationes, atque ex eisdem proinde fieri ut ad invicem distinguantur. Pro qua sententia facere videntur innumeræ Sanctorum auctoritates, & potissimum, quia ad eum intellectum loqui perhibetur Scriptura, quoties divi-

na-



positionem cum eo. Accedit etiam quod ratio etsi transeat in essentiam, manet tamen per comparationem ad oppositum, à quo distinguitur. At absolutum aut omnino transit, coincidendo in essentiam, & ita non distinguitur; aut prorsus manet, & ita efficit compositionem.

Ad secundum: sicuti ex essentia infinitate est, ut una indivisa sit in tribus subsistentibus relativis, ut patet, ita una, pariterque indivisa esset, si forent personæ absolutæ. Unde assumptam est verum in creatis, ob imitationem, sed in proposito petit concedi, quod est probandum.

Secunda, eadem natura esse nequit in diversis suppositis absolutis, nisi distinguatur in eis. Nam etsi idem illimitatum esse possit fundamentum plurium relationum, diversa supposita constituentium; at tamen fieri id non potest in diversis suppositis absolutis, nisi distinguatur, ac numeretur in eis. Si enim sunt duo supposita absoluta, igitur quicquid est in uno, sit aliud oportet ab omni eo, quod est in alio; ergo essentia divina numeraretur in personis, si hæ dicantur constitui per absolutam.

Ad tertiam est hæ responsio: sicuti spiratio activa est realis, nec constituit Patrem, & Filium: ita possumus intelligere personas constitui absolutis proprietatibus, hisque constitutis advenire per modum intelligendi relationes, quæ interim nec sunt accidentales, nec rationis: uti nec activa spiratio. Nec est par ratio de relatione ad Creaturam: quia hæc non exurgit ex necessitate fundamenti, ut ista inter personas divinas.

Tertia, Fatendum est reperiri relationes in personis; ergo si eis non constituuntur personæ, essent quasi accidentales, & adventitiæ ipsis personis; Vel certè erunt respectus rationis. Nam eatenus respectus Dei ad creaturas, sunt rationis, quatenus præsupponunt divinas personas in esse perfecto, citra omnem coexistentiam creaturarum; ergo si persona prima sit absoluta, sibi opposita non est secunda persona, nec coexistit eam ad suum esse personale, quia præintelligitur in suo esse personali perfecta ante secundam; ergo respectus ejus ad secundam est tantum rationis.

Ad quartam, Concedendum fore in hypothese presenti, ut formaliter reperiantur in Deo tria esse personalia absoluta: uti dicitur de tribus relationibus, & tria dantia esse personalia. In alio sensu si acciperentur non sunt illæ actus, nec dantes esse.

Quarta, Proprietates hæ absolutæ, quibus dicuntur personæ constitui non sunt præcisè virtualiter in essentia divina, sicuti virtualiter continentur in ea creaturæ; quia tunc non constituerent personas formaliter; oportet ergo, ut sint ibi actualiter, ut dantes esse personis; essent igitur in divinis tria esse.

Ad quintam dicimus proprietates absolutas non fore actus essentia; uti nec relationes, in sententia communis: nec attributa, ceteraque essentialia perfectiones: quod magis est verum in casu: quia hypotheticæ proprietates non dicunt perfectiones: quare essentia nihil perfectionis accipit ab ipsis, ex quo fit, ut quilibet personarum sit infinite perfecta, esto dicatur hypothetica proprietates non.

Quinta, Proprietates absolutæ unum cum essentia facientes, forent actus essentia; ejusque perfectiones; igitur essentia secundum se non erit omnino perfecta. Imò ne una quidem persona erit omnimodè perfecta. Nam unicuique ex ipsis deesset perfectio alterius personæ: illa nimirum proprietates absoluta, qua in esse personale constituitur.

Quod hæc aliqua perfectio dicenda esset, probatur ex Anselmo Monol. 15. *Pater relationes omne aliud, aut est simpliciter melius ipsum, quam non ipsum, aut non, sed in aliquo melius non ipsum, quam ipsum.* Quæ juxta secundum membrum se habent, non sunt in Deo, secundum Anselmum; ergo omne aliud à relatione, quod est in Deo, est simpliciter melius ipsum, quam non ipsum; est igitur perfectio simpliciter. Nulla ergo persona foret simpliciter perfecta, si esse personale earum sit absoluta proprietas. Imò duæ forent quid perfectius, quam una, quod disertè negat Augustinus, 8. de Trinit. cap. 1. & 3.

Sexta, si personæ divinae non constituuntur per relationes; igitur non est inter ipsas origo. Nam persona originata, per originem suam capit essentiam: Sed persona si est absoluta præcedit ipsam relationem originis; igitur secunda persona præcederet in essendo passivam originationem ejus; non ergo haberet esse per originationem.

propterea sequitur procedere illam: ita est dicendum in proposito: nec sanè videtur major difficultas de prioritare absoluti, & respectivi in creaturis quam in divinis.

Sed videndus Joannes Poncius in Comment. ad 6. Alia est opinio, & Magister Lychnus, ad 6. Ad illa, quæ secundo modo, & ad 6. sequentem.

Septima, Repugnat primæ personæ ex fecunditate sua esse sine secunda; Relativo enim ut relativum esse, repugnat esse sine extremo: at prima persona saltem dicitur relativè ad secundam: si autem prima persona constitueretur per absolutum, haud sibi repugnaret esse sine quacunque persona; ergo oportet, ut constitutur per relationem.

Octava, Pater, sive persona prima, nihil sibi acquirit per actum generationis Filii: sed si Pater esset persona absoluta, acquireret paternitatem per actum generationis, faceretque se Patrem ex consequenti. Etenim si esset persona absoluta prius origine foret quis, & secundo per actum generationis consequeretur paternitatem, evaderetque Pater ex consequenti. Cum igitur Pater per generationem nihil habeat, relatio originis non est adveniens sibi post esse personale, sed ipsius potius constitutiva.

His rationibus sententia hac constabilita, additur denique modus, quo illis innitentes declarandam putant; Nam propterea quod natura creata non est de se determinata, sed magis determinabilis, & divisibilis, ideo non accipit esse per proprietatem in supposito, sed est quo persona habet esse; & ideo ultra naturam non requiritur ad rationem suppositi, nisi incommunicabilitas. At relationes originis sunt incommunicabiles, ut est evidens de passivis originationibus: impossibile est enim eandem personam bis produci, & accipere esse. Cum igitur esse non possit nisi unicus Filius, unicuique Spiritus Sanctus, ex se incommunicabiles erunt

reperitur in ipsa: cum ex Anselmo probatur onotare esse perfectionis, si ponatur absoluta. Dicimus Anselmum sententiam esse de Absolutis quidamativis, non de personalibus, quibus repugnat ratio perfectionis simpliciter: Excludit quidem Anselmus ab universalitate quidamativam, relationem secundum quidamativam, ut verum, sit quidamativam absolutam, aut esse perfectionem simpliciter, aut limitatam; at hypothetica proprietas est extra rationem quidamativam.

Ad sequentia argumeta, quæ procedunt ex ratione originationis, respondeo sic: Difficilis videtur sustinere originem inter personas ex hypothese, quod sint formaliter relative, quam adducendo eas constitui propter absolutum. Nam si præcisè sint relative, nil aliud erit personam originare personam, quam relativum habere correlativum: sed ad relativum positum, alia actio, non intellecta, est correlativum, igitur difficilis intelligitur, & declaratur originatione inter personas relativæ, quam inter eas, si absolutis constituuntur proprietatibus. Siquidem rectè intelligimus unam personam originari ab alia in Creatis, esto sint absolute, ac minime continuantur per relationes, quæ & ipsis positæ in esse exinde innascentur.

Cum ergo dicatur; Absolutum præcedit relationem, acquirit ipsam originationem: Responsio: Originatione spectat ad genus causæ efficientis, non formalis. Et sic ut in creaturis terminus non habet esse originatione formaliter, sed quasi effectivè: nec ex eo quod non est formaliter originatione, propterea sequitur procedere illam: ita est dicendum in proposito: nec sanè videtur major difficultas de prioritare absoluti, & respectivi in creaturis quam in divinis.

Ex Report. loco cit. q. 1.



generatio passiva, & spiratio pariter passiva. Sed & activa generatio pariter incommunicabilis sit oportet; alioquin Filio foret communicata, quæ vel alium, vel se ipsum gigneret, quod est impossibile; igitur ultra naturam opus non est hic aliud adstruere constitutum, præter relativas proprietates; non quolibet quidem, sed quæ spectant ad originem duplicis fecunditatis: ex quo fit, ut communes relationes istas præsupponentes non constituent personas, nec distinguant subinde, quantumvis ponantur reales.

Ad ARGUMENTA, Ad primum respondeo: paternitatem esse ex se formaliter incommunicabilem. Quamvis enim à paternitate divina, & creatura abstracti quæ conceptus dictus in quid de utraque; attamen realitas paternitatis in Deo, quæ non est formaliter essentia divina, est ex se incommunicabilis, & non quasi per extrinsecam determinationem, puta quia divina. Ratio autem incommunicabilitatis ejus est ista: Etenim sicut essentia est actus ultimus, & ideo repugnat sibi per aliquid determinari, respectu cuius sit ipsa quasi potentiale quilibet; & quicquid est in ea, est in ultima actualitate sibi possibili. Ibi eo enim instanti naturæ, quo in Deitate intelligitur pullulare sapientia, est in ultimo actualitatis, & perfectionis, quam potest habere, ac propterea repugnat sibi per aliud determinari, & quasi perfici quia tunc conciperetur in primo instanti non accepisse omnem sibi possibilem perfectionem, & consimiliter quicquid in ea natura reperiri potest incommunicabile, in eodem naturæ signo, in quo oriri intelligitur, est incommunicabile de se formaliter.

Et quamvis hoc ipsum originativè, & Fundamentaliter paternitas acceptum habet ab essentia divina, quæ est pelagus quoddam infinitæ substantiæ, teste Damasc. lib. 1. c. 12. attamen omnibus, quæ ex ea originantur, insunt formaliter propriæ rationes, ut verè se ipsi sint primo talia formaliter. Unde etsi sapientia originative habeat ut sit simpliciter perfectio, est nihilominus se ipsa formaliter perfectio simpliciter, & in se formaliter infinita: adeo ut circumscripta per impossibile essentia, de qua est, & stante intellectu sapientie, erit ratio ejus perfectionis simpliciter infinitæ. Ita in eo instanti, in quo intelligitur paternitas in essentia divina, se ipsa est formaliter incommunicabilis, etiam per impossibile circumscripta Deitate. Nec ulla omnino apparet contradictio, aliquid quasi originativè, & causaliter accipere ab alio id, quod sibi formaliter convenit. Nec hujus diversitatis, est alia ratio formalis quærenda; nisi quia hæc entitas est hæc, & illa entitas est illa: & hæc entitas, quia hæc, est communicabilis; & illa alia, quia illa, est incommunicabilis; Adeo ut originari nequaquam possent, nisi juxta existentiam propriarum rationum. Ratio autem extrinseca est, quia essentia, cum sit radicaliter infinita, ex ea oriri possunt nedum perfectiones simpliciter, & communicabiles, sed etiam proprietates personales incommunicabiles.

Ex his ad omnes inductas probationes. Nam ut paternitas est de se incommunicabilis, ita est de se hæc, intelligendo, ut dictum est, de ejus realitate, non de conceptu; etsi id originativè accipiat ab essentia. Non est igitur verum, quid sitatem omnem esse communicabilem, sed tantum quid sitatem, quæ est perfectio simpliciter, aut divisibilis. Prima enim communicatur in unitate naturæ, secunda cum sui divisione: quæ utique non est perfectio simpliciter. Ad tertiam proba-

tionem quod attinet, negandum, oppositas relationes perinde esse incommunicabiles; imo activam spirationem oriri ut communicabilem duobus, adeo ut sibi repugnet fieri, aut exoriri de essentia, incommunicabilis, per aliquod determinans. Contra vero passivam spirationem in eo instanti, quo formaliter est in divinis, de se esse incommunicabilem.

Ad secundum dicendum, Tò per accidens difformiter accipi à Metaphysico, & à Logico. Nam Metaphysicus id dicit esse per accidens, quod includit res duorum generum, 5. *Metaph. cap. de Uno. tex. c. 7.* At Logicus dicit eam propositionem esse per accidens, cujus subiectum non includit rationem inhærentiæ prædicati, ut *rationale est animal*; cum igitur ex talibus sit unus conceptus, quorum neuter est per se determinativus alterius, est unus conceptus per accidens. Quoniam igitur hic, *paternitas est Deitas* subiectum non includit rationem inhærentiæ prædicati: quia subiectum non est formaliter prædicatum. Consimiliter jungendo conceptum subiecti conceptui prædicati, hæc *Deus est Pater* non est per se logicè, quia conceptus unius non est per se determinativus conceptus alterius, dicente Damasceno, *proprietates determinant hypostasies, non naturam.* Iste igitur conceptus non est in se, & per se unus, & subinde non dicit conceptum per se suppositi respectu alicujus. Logicè igitur loquendo potest concedi, *Patrem non esse per se suppositum Dei.* Cum itaque arguitur, quia prima identitas esse nequit per accidens; prima autem identitas videtur esse per se naturæ ad suum suppositum. Responsio: Prima identitas prædicationis est cujuscunque ad se, ut *homo est homo*, *Deus est Deus*, sed comparando hunc Deum ad suppositum, & quærendo identitatem, dicimus, realiter loquendo secundum Metaphysicum, cum ibi non sint genera, nec aliquid alicujus generis: Nullum esse, aut excogitari posse hic ens per accidens. Nec, quia logicè est accidentalis prædicatio suppositi de natura divina, inferri debere accidens metaphysicum, ut ex præmissa declaratione liquet. Nam etsi propria relationis ratio formaliter non includat essentiam conceptum, ex quo fit ut logicè prædicatio non sit per se; nihilominus quia ex natura rei unum est verissimè idem alteri extremo ex ea identitate simpliciter excluditur habitudo realitatis ad realitatem, qualis sit oportet inter ea, quæ constituunt unum per accidens.

Cum dicitur, quia in creaturis relatio est alterius generis ab absoluto, ideo non facit per se unum cum eo; ergo pariter in divinis; ergo sicut in creaturis natura cum supposito est per se unum, quia ambo absoluta; ita & in divinis. Responsio: Absolutum imperfectum potest esse incommunicabile; & universaliter aliquid contrahens per se in aliquo genere esse potest incommunicabile, sicut & communicabile. At in simpliciter perfecto aliquid ejusdem rationis, nequit esse incommunicabile, quia quicquid est ad se, & absolutum, est simpliciter perfectionis; igitur & ex se communicabile, & de se hoc, nec proinde fieri potest, ut ulterius contrahatur, vel determinetur: attamen potest constitui aliquid incommunicabile per aliquid, quod non est perfectio simpliciter, & ideo nec ejusdem generis cum essentia, sed quasi alterius.

Ad confirmationem, quia concluditur fore ut major esset identitas naturæ creatæ ad proprium suppositum, quam naturæ divinæ ad divinum. Dicendum, ex natura rei omnino contrarium ei illa-

Hic præterea Doctor addit probationem ad 5. probationem quæ erat: Si per impossibile prius spiraretur Spiritus Sanctus, paternitas foret communicabilis. Et dicit, hæc suppositio non esse admittendam, quia, implicat paternitatem communicabilem ut hominem irrationalem; & ita fieri nequit ut innascatur Deitati proprietas personalis. Sed videnda 9. 3. Quodlibet. Addit ulterius Doctor apponendo argumentum de conceptu communi in quid abstractibili à proprietatibus divinis: ergo non sunt constitutiva principia personarum. Nam hæc sunt primo diversa. Hoc argumentum quia per tractatū fuit supra 4. 3. art. 4. in incidenti hic unicuique judicavimus.

Doctor 6. ad primum, & secundum de 2. via V. Ad primum 9. via.

Quodlibet 9. 1. de secundum, & 9. De tertio articulo.



illationi evenire. Quia licet entitas individualis in creaturis per se determinet naturam, faciatque per se unum cum ea, tamen illud unum aliqua compositione reali esset unum. At relatio etsi per se non determinet naturam divinam, est nihilominus talis identitas inter eas, ut prorsus omnis excludatur compositio; multo ergo est verior identitas suppositi divini in se, & ad naturam, quam suppositi creati in se, vel ad suam naturam. Logicè tamen loquendo concedi potest substantiam creatam formaliter dici de proprio supposito, quia Pater non habet ita per se unum conceptum in intellectu, sicut Socrates. Nec propterea tamen verior censenda est prædicatio hominis de Socrate, illa qua de Patre dicitur Deus: quia aliqua prædicatio non formalis, vel non per se potest esse verior formali, & per se, si revera major sit identitas extremorum in re, in quorum conceptu est minus formalis inclusio, vel inhærentia.

Ad secundum, quod obijcitur pro confirmatione, concedi potest logicè loquendo, neutrius quiditatis esse per se suppositum: realiter autem verissimè existere suppositum naturæ non relationis, quia relatio est ibi proprietas incommunicabilis, non vero natura. Similiter relatio transit, seu identificatur essentiae, ob ejus infinitatem, non è converso.

Ad tertium respondeo sic: In prima substantia creata perfectionis est esse in ultima unitate, ex qua est indivisibilis: quod consequitur ultimam ejus actualitatem, quia ipsa per se est. Duo his opposita conveniunt substantiæ secundæ: nam & divisibilis est, & non habet esse nisi in prima substantia. Substantiæ primæ conditionibus ex se pollet essentia divina, & non per relationes: formaliter enim de se est hæc, & ex se subsistit, id est, per se est, vel saltem est ratio omnimoda subsistendi. Unde Augustinus 7. de Trinit. cap. 4. *Pater non eo est quod est Pater, sed quo est Deus.* Sed prima substantia creata est præterea incommunicabilis: quia, limitata. Idem enim numero limitatum pluribus communicari sine sui divisione non contingit. Contra vero quia Deitas illimitata est, pluribus eadem numero communicatur. Concedendum est igitur primam substantiam in divinis, quoad duas priores conditiones, quæ sunt ut de se sit hæc, & per se subsistat, esse maximè substantiam, & que non per relationem sibi competere, sed unica Deitate esse de se hanc, ac subsistere.

Consimiliter (quod spectat ad confirmationis solutionem) prima substantia non includit non substantiam, quantum attinet ad conditiones perfectionis convenientes ei. Sed si in qua natura reperiri non possit per substantiam illa conditio, quæ est imperfectionis in substantis creatis, nempe *incommunicabilitas*, & nihilominus incommunicabilis sit, utique adstruendum est, id sibi competere aliunde, quàm per substantiam. In Deo autem, quia quodlibet ad se ponitur simpliciter perfectum, & ita communicabile, & tamen personæ in ipso subsistentes sunt omnino incommunicabiles, hæc ratio rectè videtur ipsis attributa, & inesse per relationes, non per substantiam.

Ad sequentem Confirmationem eadem est responsio, nempe naturam divinam, ut est *ad se*, ultima que unitate singularissimam esse communicabilem. Verum est ergo huic essentiae, vel Deo convenire *per se esse*; sed fieri non posse, ut tali esse aliquid per se incommunicabiliter subsistat, mirum non est. Id enim inest creatæ naturæ ob sui limitationem, de qua procedit, ut sit incommunicabilis *ut quod, & ut quo*. Unde etsi per se

*esse* competat substantiæ ratione perfectionis suæ, & negetur accidentibus, quia *ita per se* non sunt; attamen illud *per se esse* substantiæ nequire alijs communicari, de ejus limitatione procedit; contra igitur quicumque gradus *ad se* substantiæ illimitatæ erit formaliter pluribus communicabilis. Hæc igitur causa est reponenda sciscitanti, si per relationem sit ut personæ incommunicabiliter subsistant, quare id ipsum non præstabit iisdem aliquis gradus *ad se*? Relationi enim quia non repugnat determinatio ad incommunicabilitatem, ideo incommunicabiles Deitati innascuntur, sed id repugnat cuicumque realitati *ad se* ob sui illimitationem, secundum istam opinionem.

Ad quartum dicendum, Patrem originare Filium aliud non esse, quàm ipsum habere Filium pro correlativo, non quomodocunque; Sed correlativum tale, constitutum scilicet per passivam originationem. Quia ergo hæc correlatio est relatio originis, ideo Pater est prior origine Filio & simul natura cum eo.

Ad quintum, cum dicitur non contingit relationem originari, nisi absolute originato. Respondeo, si intelligatur *originari* sicut primus terminus generationis, vel productionis, esse propositionem concedendam de relatione, non de correlativo. Si vero intelligatur *originari* de termino formali, esse pariter id admittendum. Sed id non facere contra positionem ex eo constat: quia opinio hæc nec adstruit relationem primo originari, sed suppositum: nec item relationem esse terminum formalem productionis, sed magis essentiam simpliciter absolutam.

Ad sextum dicendum breviter processionem Spiritus Sancti non esse generationem, quia passiva spiratio liberè procedit de voluntate: at passiva Filii productio naturaliter omnino exit ab intellectu. Etsi ergo productus extremis necessario per relationes unum ad alterum sit: ipsa tamen extremorum productio est alterius, & alterius rationis.

Ad ultimum respondeo: Generatio talis non est, nec dicitur ex individuali sive incommunicabili proprietate producti, sed ex formali termino, qui est natura ipsi communicata producto. Et ita in casu relatio, etsi esse queat proprietates personalis subsistentis in natura substantiæ, non ex ipsa tamen accipit denominationem, & esse productio, sed ex termino formali communicato. Supposito in natura divina subsistenti: ejus igitur productio est generatio: quia non producitur relatio, sed prima substantia in natura divina, perinde ac si foret ejus proprietas personalis quid absolutum.

Ad argumentum in oppositum, cum dicit Boetius, *relatio multiplicat Trinitatem*, respondeo, illum accipere *relationem* pro origine: ad quem pariter sensum est exponendum, & accipiendum *Id multiplicare*: nempe non pro formaliter distinguere, sed quasi principiativè. Qua sanè expositione non extorquentur verba: nam *multiplicare* est multa facere. Sicut Christus verè multiplicavit panes, ut legitur in Evangelio, *Joan. 6.* & tamen ipse non erat forma illa, qua panes multiplicabantur. Et Deus creans multiplicat animas, nec propterea ipse est forma, qua inter sese animæ distinguuntur. *Relatio* igitur verè diceretur Trinitatem multiplicare, etsi personæ relationibus non constituerentur, quatenus effectivè causans, vel originas personas, formaliter eas non distingueret. sed jam distinctis per absolutas proprietates, relationes formaliter advenirent.

Solvitur ratio in favorem sententiæ hanc pro absoluto.

Doctor idem ad tit. 5. Ad illa. V. Ad Boetium n. 12.



Utrum personæ distinguantur per relationes.

Doctor, & S. Thom. locis art. præcedenti citatis  
sustineri posse divinas personas absolutis con-  
stitui, ac distinguui proprietatibus.

x. dist. 26.  
cit. 6. Contra  
istam opinio-  
nem V. Con-  
tra hanc re-  
sponsionem n.  
28.

**V**IDENTUR divinæ personæ constitui ac subinde distinguui per relationes. Nam sententia tenens personas divinas constitui per absolutas proprietates non videtur concordare dogmatibus fidei: siquidem Salvator ipsas personas nominibus relativis expressit, *Matthæi ult. appellans eas Patrem, & Filium, & Spiritum Sanctum*; Si autem absolutis constituerentur proprietatibus, utique id non latuisset eum; ac proinde non præcepisset Baptisma conferri sub invocatione illarum penes nomina relativa, sed mandasset id fieri invocando personas divinas propriis nominibus, propria earundem constitutiva exprimentibus.

Præterea, Conveniens est accipere articulum traditum à Christo, secundum illum intellectum, qui maximè potest haberi ex verbis Christi: Sed talis est sententia tenens personas distinguui, ac constitui per relationes. Nam id maximè videtur accedere verbis nobis à Salvatore revelatis, qui nullum verbum fecit de constitutivis personarum per absolutas proprietates.

Præterea, Consequentia Sanctorum, & Doctorum supponenda sunt esse necessaria: sed illis utendo, & similibus, concluditur ex manifeste credito personas divinas non esse absolutas, sed omnino relativas, nec distinguui, aut constitui, nisi per relationes: ergo contraria sententia videtur adversari dictis Sanctorum, & Magistrorum Theologorum.

Ubi supra  
§. Alia est  
opinio.

Præterea, Augustinus, 5. de Trinit. cap. 8. Quapropter illud, inquit præcipue tenemus, quicquid ad se dicitur præstantissima illi, & divina sublimitas substantialiter dici. Et paulo post: Quicquid ad se ipsum de singulis dicitur, non pluraliter in summa, sed singulariter accipiat. Et rursus. Quicquid ergo ad se ipsum dicitur; Deus de singulis personis singulariter dicitur, id est, Patre, Filio, & Spiritu Sancto. Et ibidem cap. 11. Quod autem proprie singulariter in eadem Trinitate dicuntur, nullo modo ad se ipsa, sed ad invicem, aut ad creaturam dicuntur; & ideo relative non substantialiter ea dici manifestum est. Vult igitur expressè omne dictum ad se esse commune tribus, contra vero quod non est tribus illis commune, relativum, vel relationem. Sed constitutum, & distinctum personæ, non est commune tribus; ergo de Augustini sententia illud est relativum, vel relatio.

Contra, Proverb. 30. Salomon post multas quæstiones motas de Deo, quærit, quod nomen ejus; & quod nomen Filij ejus, si nosti? Ex hoc arguitur sic: Omnis quæstio aliquid certum supponit, & aliquid dubium quærit, 7. metaph. cap. ult. certum igitur quod hic supponitur est, Filium esse, & per naturam correlativorum; Patrem pariter esse: dubium vero, quodnam sit nomen eorum? Sed si istæ personæ primo constituerentur in esse personali per paternitatem, & filiationem, proprium nomen unius esset *Pater*, & proprium alterius esset *Filius*; ergo sciscitando propria nomina illorum, nihil esset quærere, ut nulla occurreret causa dubitandi super nominibus talium personarum: ergo videtur scriptura significare

eas non primo constitui filiatione, & paternitate, adeo ut propria ipsarum nomina non sint *Pater*, & *Filius*, sed stante hoc supposito certo, adhuc superest quærendum, quod nomen ejus, (Patris nimirum) & quod nomen Filij ejus.

Respondeo, Potest sustineri divinas personas constitui

proprietatibus absolutis. Probatio: Relatione aliquid refertur formaliter: sed non refertur ipsa relatio, dicente Augustino, 7. de Trinit. cap. 2. *Omne relativum est aliquid exceptæ relatione*; igitur quod refertur est aliquid ad se. Quod enim relatione refertur, non est aliquid relatione posterius, nec simul natura; ergo est naturaliter prius; est igitur ad se. Essentia autem divina non refertur realiter; quia à se ipsa non distinguuitur; ergo tantum suppositum refertur; ergo prius natura est realitas suppositi, quam relatio; non igitur primo suppositum distinctum constituitur in esse suppositi per relationem. Hæc ultima consequentia probatur: omne compositum necessario præexigit partes, & partium unionem: idque nedum in composito per se, sed etiam in composito per accidens uno; ergo esse alicujus relati, quod dicitur primo referri, quasi totum quoddam, præexigit relationem, ut formam, & illud quod refertur relatione, quasi subiectum, & unionem eorum. Prius igitur aliquid informatur relatione, quam sit aliquid relativum, quod dicatur referri primo, illud autem prius informatum relatione potest dici referri; quia omne informatum aliqua forma potest dici tale; ergo nihil in divinis potest referri, nisi sit aliquid totum, quod denominativè dicatur referri: Illud autem constitueretur relatione formaliter, tanquam per se inclusa in ipso: plurimum enim interest inter id quod primo refertur, & illud quod denominativè tantum referri dicitur. Atqui quod primo refertur esse non potest nisi suppositum.

Hoc idem medium potest deduci etiam sic: Relatio non refertur, nec essentia divina; igitur sola persona refertur. Sed quod refertur, prius est ad se: dicit enim Augustinus, 7. de Trinit. cap. 1. *Quapropter si & Pater non est aliquid ad se ipsum, non est omnino qui relativè dicatur*. Ejus autem dicti ratio est, quia

Doctor 1. dist. 26. cit. 5. Contra istam opinionem arguitur.

Magister Licherus in Comment. super 26. dist. primi ad 6. contra istam conclusionem; putat in hanc partem propensiorum Doctorum fuisse: quia hæc via, inquit, est magis sustentabilis, & clarius, & facilius habens pro se argumenta, quæ quodammodo videntur insolubilia; quamvis ea Doctor solvere nitatur.

Joan. Poncius in Comm. n. 30. Hæc, inquit, Sententia longè mihi probabilior est, quoad rationem, quam communis; quæ tamen probabilior videtur quoad auctoritatem, quamvis hæc etiam quoad auctoritatem satis sit probabilis. Nec refert, subdens, quod hæc sententia graviter notetur à Recentioribus à Torres, & Zamel ut periculosa & erronea; proxima errori ab aliquibus, temeraria à aliis, improbabilis à Suario, non refert, inquam, quia unica Scoti auctoritas, quantæcumque ejusdem farinae ceteræ longe præponderat. Atque eadem reperit super dist. 28. n. 25. Franciscus p. dist. 26. qu. 4. Sic ergo dico, inquit ad quæstionem magis motus ex auctoritatibus sanctorum, & Sacri Canonis, quam ex rationibus, quod persone divine constituuntur per relationes, vel relativæ proprietates, & q. 3. Dico, quod persone divine non constituuntur per absoluta magis convictus auctoritatibus, quam rationibus.

Singulis argumentis apponuntur responsiones, ut in articulo præcedenti ex 6. Tenendo opinionem secundam n. 41. & 9. ad illa de 4. via n. 42.

Ad primum, Concedo relationem non referri, ut nec essentiam, sed suppositum, quod non est tantum relatio, etsi sit relativum. Et nego ultimam consequentiam. Ad cuius probationem, dicimus, in Patre nec reperiri partes, nec quæsi partes. Sed ex identitate perfectæ unius ad alterum abest omnis ratio potentia, & actus: unde nihil denominativè dicitur referri, quia cum sit idem essentia, & hæc referri deberet, & distinguere. tunc ad relatum. Quod primo igitur refertur est ipsum suppositum, constitutum essentia & relatione. Cum idem ex eodem fere medio probetur nos negamus hanc propositionem: Quod refertur prius est aliquid ad se. Ad primam probationem ex Augustino: Quod refertur est aliquid excepto relativo. Hoc est, includit aliquid absolutum ut fundamentum relationis. Sed non vult Augustinus, omne relativum esse formaliter ad se prius quam sit ad alterum per relationem.

Ad secundam probationem hæc propositionem, omnis relatio præsupponit illud, quod refertur, scilicet esse de relatione constitutum suppositum, quamquam verum sit in his relationibus, quæ non perinde sunt suppositorum constitutive. Et cum probatur per divisionem putamus relationem dicendam esse priorē, eo sensu quo



quo forma dicitur prior constituto per instantiam. Nec sequitur suppositum esse quam posterius relatione, igitur ut ipsum est relatio; sed bene potest interiri; ergo est relatio, vel relativum per relationem constitutum.

Ad secundum respondeo sic: Si cur quæritur forma se ipsa est talis forma; nec est alia ratio instantiæ, quare est talis forma: ita etiam relatio aliqua se ipsa est formaliter realis; & alia se ipsa est tantum relatio rationis; tamen huius, vel illius aliquando sunt causæ extrinsecæ effectivæ, vel materiales, aliquando etiam aliqua causata, vel aliqua signa posteriora sunt, ex quibus possunt hæc interiri demonstratione quædam. In casu igitur identitatis, quia ex se est relatio rationis non habet aliam rationem propter quid. Contra vero quia paternitas de se est relatio realis, patet ejus rationis non est alia causa intrinseca. Verum quia relatio realis in creatis nata est habere causas extrinsecas causantes eam, sequitur in hac materia, ut removeatur effectus ad exclusionem causæ.

Similiter aliqua talis relatio carens distinctione, quæ ex causis ejus oritur, saltem causat talem extremorum distinctionem. Tunc ergo ex remotione tantæ causæ, quam causati, quorum alterum correspondet relationi reali, potest concludi aliquam relationem non esse realem sic ut rectè sequitur, *Hæc relatio non præexistit extrema distincta, nec efficit ea esse distincta; ergo non est realis*. Attamen consequentia est bona, quatenus ex destructione causæ sequitur destructio causati; & ex remotione causati sequitur remotio causæ demonstrationis quædam. Ad saltem alterum eorum oportet concurrere ad relationem realem. Atque utrique ablati consequentia bene interitur per extrinsecas, non per remotionem relationis realis.

Ad tertium respondeo, in relationibus mensurari necessario relationes terminari ad absolutum; & ita relationes omnes creaturarum terminantur ad Deum inquantum absolutus est; Sed universaliter loquendo non cogitur concedere terminum relationis debere esse absolutum, nisi in relationibus definitivis, quæque proinde sunt in genere, quod non veritatem de relationibus divinis. Vel ut argumentum infertur ad has dicimus, id non esse verum, nisi de termino formali, ratione cuius primus terminus terminat: at non de primo termino, per relationem constituto.

Ad quartum dicimus inaccessibilitatem fundari in ipsa paternitate, quæ est primæ personæ constitutiva. Nam negatio propria fundatur in positivo proprio, seu sequitur ad illud.

Ad primam Augustini auctoritatem responsum est §. *Ad primum*.

Ad secundam respondeo Augustinus, 7. de Trinit. cap. 4. ex circa quæstione, quomodo dicantur à Græcis tres substantiæ: à Latinis vero tres personæ; eamque solvit per hoc, quia non proprie dicuntur tres substantiæ, ut nec tres essentia, cum substantia sit ad se; imo nec a Latinis proprie appellantur tres personæ, eo quod persona patet dicatur ad se: tamen præferendum esse putat modum dicendi Latinorum appellantem tres personas, quo satisfit interroganti, qui tres ut ait ibidem cap. 6. Non habetur igitur ex Augustini intentione, aliquid significans subsistens incommunicabile in divinis, esse ad se; sed solum nomina usurpata ad exprimentum id incommunicabile esse absolutum.

Quod tangitur ex Boetii & Richardi definitione. Concedendum prædicta in definitione non exprimi aliquid relativum; uti nec importatur aliquid, quod exprimat definitum esse absolutum, sed indifferentes ad utrumque. Ut enim ab absoluto, & relativo quiditativè, abstrahi potest conceptus quiditativus; ita & ab tali, & tali incommunicabili potest abstrahi aliquid commune, quod formaliter non est absolutum, nec relativum, sed utrumque permittivè. Et tale commune indifferens ad personam absolutam, & relativam, est quod dekinre intendunt Boetius, & Richardus.

De hoc fuisse idem §. Hoc etiam

Tertio, Nulla relativa primo referuntur ad invicem, adeo ut relatum, ut relatum primo terminet relationem, imo primo terminetur ad absolutum. Sed illud absolutum esse non potest essentia, quia hæc uti non refertur, ita nec terminat relationem; ergo sit oportet absolutum personale, quod distinguere potest à secunda persona. Declaratur assumptum: Nam terminus per se relativi est prius essentialiter relatione: nam rela-

tum requirit illud, ad quod refertur ad sui esse, & ad sui definitionem; est igitur prius & quoad esse & quoad cognoscii ipso relativo, quæ tale formaliter. Unde si correlativa ad se invicem terminarentur, quodlibet ex ipsis esset altero essentialiter prius, & daretur mutua primitas, & dependentia essentialis, quod implicat.

Quarto, Ingenitum præintelligitur paternitati & ingenitum pariter præexistit realitatem propriam primæ personæ; ergo cum hæc esse non possit relativa, erit absoluta. Probatio assumpti, tum ex Augustino 5. de Trinit. cap. 6. *Si Pater non genuisset, nihil prohiberet eum dici ingenitum*. Tum ratione: Nam fecunditas in divinis non intelligitur quasi potentia proxima, nisi intelligatur in supposito prior producto, & independentem ab eadem productione; & ita revera non intelligitur fecunditas voluntatis proximè potens ad spirandum, nisi prout est in suppositis non communicata per actum voluntatis; ergo pariter fecunditati generandi, ut quasi potentia propinqua, videtur præintelligi inaccessibilitas, qua denotatur eam non haberi per actum intellectus, sive generationis: est ipsa inaccessibilitas sequatur ex proprietate absoluta Patris constitutiva.

Atque hæc spectasse videtur Augustinus, cum 7. de Trinit. loco præallegato dicit: *omne relativum est aliquid excepta relatione*; igitur sentire se ostendit illud, quod refertur, esse aliquid ad se. Rursus, ibidem, cap. 4. *Omnis res, inquit, ad se subsistit, quanto magis Deus*? Est autem Augustino eo loci sermo de subsistere, quod convenit substantiæ, prout Græci usurpare consueverunt nomen substantiæ, quod nomen est secundum ipsos ejusdem significari, ac apud nos vocabulum personæ; ergo subsistere, quod convenit personæ inquantum persona, numeratur in tribus, sicuti sunt tres subsistentes; illud autem subsistere est ad se: constituuntur igitur divinæ personæ proprietatibus absolutis. Hinc seu Boetius, seu Richardus personæ rationem exponentes, nihil posuerunt in personæ definitione, quod essentialiter includeret relationem.

Cuicunque ob has rationes, & auctoritates placeret negare personas divinas primo distinguere, & constitui proprietatibus relativis, quæ magis advenire videntur jam constitutis, hoc modo exponendi uti posset: *secundum substantiam* aliquid dici, intelligi potest dupliciter. Nam substantia aut importat perfectionem quiditativam, quo sensu Dei essentia, vel substantia, cæteræque perfectiones ipsam naturaliter consequentes sunt tribus communes: aut ut dicit non quid, sed aliquid, id est suppositum verum, & certum ab alijs distinctum, ut quidam homo. Hanc distinctionem aliqui invexerunt ex Richardo de S. Victore, de Trinit. libro 3. cap. 6. & 7. Juxta quam dicerentur personæ divinæ distinguere per aliquas realitates absolutas, quibus formaliter essent incommunicabiles, quæ tamen non pertinerent ad divinam substantiam, ut est quiditas: sed quatenus est persona: quia incommunicabiles proprietates personarum. Quæ si ita sint, ut probabiliter dicuntur, nulla ex parte impediretur, nec aliquid sequeatur contrarium veritati, quam tenemus de relationibus divinarum personarum. Si enim divinæ personæ constituantur proprietatibus absolutis, adhuc verissimè reperirentur inter eas relationes producentis, & producti, per quas illa absoluta referrentur: atque per eas origines distinguere, non formaliter quidem, sed principiativè,

1. diff. 28.  
q. 3. §. aliter.

Doctores loci cit. §. Ex quarta via.

Bonavent. 1. diff. 29. q. 1. cui non trit ut Doctores, quod hanc distinctionem aon introduxerit, non autem, quod senserit divinas personas esse absolutas, quod poluit refert Joan. de Ripis, diff. 29. & 26. ex quo patet in unum extrinse hic Carjotani laboris flagrantis declarare falso antequam Bonaventuræ opinionem de constituto personarum per absolutas proprietates.



& originativè, ut articulo præcedenti in fine extitit declaratum.

Ad ARGUMENTA. Ad primum respondeo, negando assumptum. Nam hanc opinionem sustinentes nihil negant, quod de veritate fidei tenendum est: imo ultro, & rectè concedunt quicquid de Trinitate Scriptura tradidit, vel Ecclesia declaravit, vel Doctor authenticè differtè asseruit. Unde sitentor tres divinas personas congruè, aptèque exprimi nominibus *Parris, & Filii, & Spiritus Sancti*, concedentes subinde verissimè inter eas reperiri relationes originis, unamque personam ab alia originari, seu produci, & tertiam à duabus procedere, adeout persona generans sit Pater, genita Filius, & procedens Spiritus Sanctus, qui spiratur à Patre, & Filio voluntate casta, & Sancta. Sed non legitur in Scriptura, nec Ecclesia hæcenus declaravit his tantum relationibus illas personas distingui, ut nec habetur constitui proprietatibus absolutis. Esti igitur tenendum sit pro vero quicquid ad nos de auctoritate processit, non tamen est negandum esse verum quicquid ipsa non tradidit. Maximè cum scriptum sit in *Evangelio Joan. in fine*; non omnia quæ gessit Salvator eo in Libro annotata fuisse. Quapropter quoniam neque ex Scriptura, neque ab universali Ecclesia declaratum invenitur, personas divinas non constitui proprietatibus absolutis; neque id ex Scriptura, vel ex aliqua Ecclesiæ declaratione necessarium, & evidentè inferitur, sentiendum est, hæc sententia nihil diffonum, aut contrarium sacris dogmatibus doceri.

Cum subditur Salvatorem expressisse divinas personas nominibus relativis, non absolutis; igitur illa videtur propria divinarum personarum. Responsio: Duabus ex causis, fortasse Salvator voluit nobis revelare & exprimere Trinitatis personas nominibus relativis, & non absolutis, si absolutis constituantur proprietatibus. Quarum prima est quia Magister veritatis, uti nos eramus capaces, ita erudiendos putavit aptissimè. Si enim nomina significativa earundem proprietates absolutas nobis revelasset, non potuissimus eas concipere, vel certe non perinde faciliter ac relationes. Nam neque per viam causalitatis, & eminentiæ nostra intelligentia illas assequitur, cum non sint perfectiones simpliciter; nec denique per aliquid simile in creaturis repertum possumus ad aliquam cognitionem ipsarum devenire: sicuti fortasse intelligimus relationes ex relationibus originis in creaturis. At incommunicabili absoluto in divinis (si ita sint celsissime Trinitatis personæ) nihil est simile in creatura, ex quo intellectus valeret penes se aliquem conceptum illius efformare. Et hanc impossibilitatem, vel difficultatem cognoscendi illas absolutas proprietates, posset quis concipere ex præallegata questione Salomonis. Hinc mos inter homines inolevit, ut frequentius exprimamus personas aliquas nominibus relativis, quam absolutis, propterea quod illa nomina sint notiora; esti personas, quas ejusmodi nominibus exprimere intendimus, constet esse absolutas; Unde de communi modo loquendi dicimus id fecit Rex, summus Pontifex, vel Episcopus, prætermisso nomine personarum, quia officia sunt notiora personis.

Secunda Causa esse potuit, quia esto personæ ille nominari potuissent nominibus absolutis; in ea tamen appellatione haud expressum fuisset quicquid fides exigit exprimendum; ac re ipsa significatur nominibus *Parris, & Filii, & Spiritus Sancti*. His enim nemum importatur distinctio per-

sonarum, sed etiam origo, quæ est in eis, & aliquo modo ex consequenti unitas essentiae. Nam tali in origine est perfecta communicatio ejusdem essentiae. At per tria nomina absoluta non haberentur ea omnia expressa, ac significata.

Ad secundum dicendum, utique verissimum esse, ac citra omnem ambiguitatem tenendum, quod Christus expressit, scilicet Beatissimæ Trinitatis personas esse relativitas. Sed quod ille non revelavit, an sint præterea absolutis proprietatibus constitutæ? neutra pars repugnat intellectui articuli, ut in terminis exprimitur; quia stat veritas ejus seu unum, seu alterum dicatur.

Potest etiam responderi secundo: Non oportere, nec debere nos, sine Ecclesiæ declaratione, fidei articulum traditum in generali, restringere ad intellectum specialem; quasi nequeat intellectus generalis esse verus, nisi pariter & verus sit intellectus specialis. Id enim videtur reducere articulum ad incertitudinem. Nam non est certum, quod non potest sine incerto teneri. Saltem major reverentia videtur impendi articulo in universali tradito, si dicatur sensum, ejus universalem esse verum, quocumque speciali posito, vel negato quod non proponitur, ut credendum. Quod in aliis quoque fidei articulis potest exemplificari. Nam hic articulus; *Creator Cæli, & Terræ* non est arctuandus ad hunc intellectum, dicendo non potuisse Deum cuncta creare, nisi ejus omnipotentia ab voluntate distingui ponatur; & ita de parte opposita. Aptius exemplum est; si Judæis erat proposita credenda Dei unitas, & nihil explicite de Trinitate traditum, non solum minor reverentia, sed injuria, & falsitas fuisset asserere, eum articulum verum esse non posse, nisi in essentia unitate una pariter persona subsisteret; & nihilominus hoc ipsum tunc visum esset magis consonum articulo de Dei unitate, quam oppositum. Quemadmodum igitur Judæi eo tempore sentire debebant neutram partem esse necessario tenendam, sed utraque forsitan posita, credendum esse articulo, sicuti in generali fuerat traditus: ita videtur circa articulos nobis in universali revelatos, non debere nos asserere, sine Ecclesiæ declaratione, necessario hoc speciale, vel illud esse tenendum. Non enim Deus, qui scit in speciali istam veritatem, sine causa tantum secundum intellectum universalem, tenendum de fide mandavit.

Denique pro solutione inducæ dubitationis potest etiam addi, ob debitam reverentiam additissimo mysterio Trinitatis, non videri adstruendas esse præcisè relationes in essentia, nisi id differtè per Ecclesiam declaretur, idque propter modicam entitatem relationis respectu entis absoluti.

Ad tertium dicimus, præcisè ob rationem solubilem à quocumque tandem fiat, non esse aliquid tenendum de substantia fidei. Nec fortasse propter conclusionem talis rationis, quatenus formaliter ex assumptis conclusa, ipse arguens se exponeret morti; nec aliquis secundum rectam rationem debet se exponere. Ut igitur aliquid teneatur esse de fide, concurrat oportet major auctoritas, quam sit ea, qua pollent rationes solubiles Sanctorum. Sæpe enim quis arguit, quod non omnino asserit licet id, quod Sanctus authenticatus ab Ecclesia, quantum ad doctrinam, asserit esse tenendum, sit certum, attamen aliæ auctoritates dubiæ possunt exponi, & multo magis aliorum scribentium, qui pari non fulciuntur auctoritate.

Ad quartum respondeo, Augustino sermonem, esse de his, quæ sunt ad se; sic ut nec relativa sunt



nec referibilia, qualis non sunt hypostaticæ proprietates, quæ ut absolute, ita referibiles per advenientes eis relationes, juxta modum explicandi hanc opinionem. Videtur igitur Augustinus adstruere tam secundo, quam, 7. de Trinit. cap. 5. aliquid esse ad se, & interim referibile ad aliud. Unde, 7. de Trinit. ap. 4. cit. expendens quomodo Græci dicunt, tres esse substantias, determinant 7. de Trinit. secundum quod competit substantiæ illo modo acceptæ si ad se. Subdit enim ibi, si aliud est Deo esse, & aliud subsistere, sicut aliud est Deum esse, & aliud Patrem esse, relative igitur subsistit, sicut relative gignit. Et ex hoc inferit: Ita jam substantia non erit subsistens, quia relativum erit. Et infra. Absurdum est autem, ut substantia relative dicatur omnis enim substantia ad se subsistit, quanto magis Deus. Secundo quod igitur Græci accipiunt substantiam, nimirum pro persona, quæ utique non secunda, sed prima substantia est, ad se est, & ad se subsistit eo genere subsistendi, quod tali competit substantiæ.

Nec quidquam facit contra hanc expositionem, quod cum dicat Augustinus, eodem dicitur Deus & persona, prælegata verba non magis videntur verificari de persona, quam de essentia. Nam non oportet eodem omnino Deum esse, & personam: adeo ut persona omnino ad se dicatur, sicut Deus dicitur ad se, vel Deitas: quia tunc sicuti non sunt tres Deitates, & per hoc nec tres magnitudines sed una, sic nec tres forent personæ. Quæ igitur omnino sunt ad se, non numerantur: quæ omnino ad alterum, non sunt communia tribus. Quæ autem ad se, sed non omnino ad se, sed referibilia, quatenus non repugnat eis referri, sunt communia, sed numerantur, aut certe possunt dici propria, à quibus potest abstrahi aliquod commune numeratum.

Ad ARGUMENTUM in oppositum respondeo sic. Filius est primum nomen secundæ personæ in divinis, ut q. 34. art. primo declaratum fuit. Salomon igitur querens Filii nomen, non sciscitatur, ut est persona in divinis absolute, sed nomen Filii incarnandi.

Hactenus Doctor problematice disputans de divinarum personarum constitutione. Sed in Report. (inquit Mauritijs in Annot. ad Theorema 14. prop. 15.) § q. 4. Quodlib. se determinavit. Nam inter omnes veritates Theologicas, hæc maxime, & circumstantiæ ejus sunt altissima speculationis. Videndus ultim. art. præsent. quæst. & q. 35. art. 4. iterum repet.

### ARTICULUS III.

Utrum abstractis per intellectum relationibus à personis, remaneant hypostases distinctæ.

Doctor Quodlib. q. 4. proat in marg. annotatur. S. Thom. 1. p. q. 40. art. 3.

VIDENTUR hypostases divine superflue, etiam ab ipsis per intellectum abstraherentur relationes. Etenim eadem est ratio de prima, ac de ceteris personis: Sed abstracta paternitate, adhuc manet realitas propria primæ personæ, ergo & reliquæ pariter manere intelligerentur, circumscriptis earundem relationibus. Probatio minoris: secundum Augustinum, 5. de Trinit. c. 6. Si Pater non genuisset, nihil prohiberet, eum dici ingeneratum. Inest autem sibi paternitas præcisè ex generatione: ergo prima persona si per impossibile non esset Pater, adhuc hypostasis ingenerata in-

telligeretur; eo modo, quo Philosophi subsistens unum intelligebant in Deitate.

Præterea, Relatio pertinet ad secundum modum relativorum fundatur super actionem, & passionem, ex 5. Metaph. tex. c. 20. Ubi Philosophus videtur sentire, eatenus hominem dici Patrem, quatenus genuit: & Filium esse eo quod genitus sit; aliud igitur est fundamentum generationis, aliud paternitatis; ergo remota per intellectum paternitate, superest hypostasis generans.

Præterea, secundum Hilarium, 9. de Trinit. cap. 15. Exitio autem à Deo est absoluta natiuitas, quam paterni nominis consequuta est confessio. Vult ergo dicere, paternitatem consequi ad natiuitatem, sive generationem. Quod & insuper declarat per hoc quia Pater non est Pater ex hoc, quod generat; sed præcisè quia habet genitum secum coexistens: habere autem genitum coexistens videtur differre ab eo, quod est generare; ergo abstracta generatione per intellectum, probè concipitur hypostasis generans.

CONTRA, Abstractis relationibus à personis, non manet nisi essentia, vel substantia communis, quæ proinde esse nequit ratio constitutiva personarum, cum incommunicabilis non sit: igitur circumscriptis relationibus, nullæ forent hypostases in Deitate, quæ simpliciter sunt incommunicabiles.

RESPONDEO, Quæsitum hoc proponitur disputandum juxta communem hypothesein, qua statuitur, divinas personas constitui per relationes. Nam in sententia putantium, hypostaticas earundem proprietates constitutivas esse rationes absolute, nullam quæstio præfert ambiguitatem, ut perspicuum est. Siquidem omnibus circumscriptis relationibus, optimè intelligerentur tria absolute incommunicabiliter in Deitate subsistere. Supponendo igitur, Patrem, Filium, & Spiritum Sanctum primo constitui paternitate, filiatione, & passiva spiratione, sequentibus dictis quæstioni solutionem damus.

Primum esto: Unica omnino ex natura rei est relatio originis primæ personæ ad secundam; & harum ad tertiam; adeo ut citra intellectus considerationem nulla est distinctio harum relationum qualitercunque in re. Probatio: Unica, & sola est unius ab uno perfecta origo, tam ex parte originantis activè, quam respectu originati. licet hæc, & illa sint duæ, duarum constitutivæ personarum. Sed relatio originis primæ personæ ad secundam, & harum ad tertiam, habet perfectam rationem originis; ergo est tantum unica activa in Patre, quasi passiva in Filio, & unica pariter in Spiritu Sancto. Probatur major: Ea non est perfecta origo unius ab alio, quæ circumscripta, nihil minus ipsum esset perfectè originatum ab illo: Sed si sint plures relationes originis qualitercunque distinctæ à parte rei, altera illarum circumscripta, adhuc secunda persona foret originata à prima; Nam ea, quæ maneret, utique relatio originis esset & nonnisi perfectæ originis; ergo, illa, quæ circumscribi intelligitur, non erit relatio perfectæ originis. Confimiliter arguitur de altera, quam supposuimus inesse, & manere: quia hac circumscripta, adhuc secunda persona foret originata per alteram, quæ manere concipitur. Atque ita utralibet earum circumscripta, esset secunda persona, quia per alteram originaretur; & non esset, quia perfecta ejus origo foret circumscripta. Deinde, duabus originibus, quarum utraque sit perfectæ, non potest idem suppositum originari ab eodem per utranque enim haberet totum esse, quod

Quodlib. q. 4. 6. Contra istud.

Ubi supra.

Ubi supra. Oppositum.

Ibidem §. In hac quæstione.

Ibidem §. De tertiana articulo.

Solutio argumenti pro prima opinione. Ex Report. loc. cit. q. 1. §. Ad actio. nem principialem.

1. dist. 28. q. 3. 6. Alter panitur.

2. dist. 1. q. 1.



accipere posset à producente; ergo impossibile est per alteram, sive manentem cum reliqua, sive quocunque modo, accipere aliquid esse; Est igitur unica omnino in re perfecta originatio unius personæ ab alia. Denique, relationes distinctæ qualitercunque ex natura rei, non prædicantur de se invicem in abstracto, quamvis sint in eodem supposito: Hæc enim est falsa, paternitas, sive generatio activa est spiratio activa, sive innascibilitas; Contra vero ista vera est, generatio activa est paternitas, & è converso; Relatio igitur originis usque adeo unica est ex natura rei, ut omnem prorsus excludat distinctionem;

Secundum dictum: Relatio originis omnino ex natura rei indistincta potest ratione distingui, seu considerari sub una conceptibili ratione, & non sub alia. Declaratio; siquidem dupliciter valemus assignare differentiam rationum, sub quibus potest considerari ista relatio. Primo quidem quantum ad indifferentiam, sive indeterminationem, vel abstractionem in intelligendo. Secundo vero quoad possibilitatem, vel actualitatem, vel completionem, sive determinationem. Iuxta priorem modum hæc ordine considerata occurrunt: Producent naturaliter; producent simile in natura; & tertio incommunicabiliter existens, & ita producent. Qua in distributione rationum conceptibilium, tertia est determinatio, quam secunda, & secunda in minus se habet, quam prima. Nam generans simile in natura, minus se extendit, quam generans per modum naturæ, & consimiliter generans incommunicabiliter existens, in minus se habet, quam generans simile in natura.

At penes posteriorem modum, concipere possumus differre generativum, potestem generare, hæc generatione gignentem, generatione genuit, & hunc quatenus hac generatione habet genitum secum coexistens, Verum hæc omnia in divinis non aliam admittunt distinctionem, quam rationis; sed in creaturis differunt differentia reali, & quidem cum reali separatione, pro eo quod aliquid imperfectionis importatur per se in uno, quod non in altero: nam imperfectionis est posse generare simile in natura, & actu non generare illud, uti & imperfectionis est genuisse, & non semper habere genitum coexistens; differentia igitur hæc realis in divinis locum habere non potest. Et tamen iuxta priorem modum, sive differentiam rationis maneat conceptus indeterminatio, circumscripto determinatori, & minus communi, ut cum intelligitur potens generare per modum naturæ, non intellecta ratione ejus, quod est gignere sibi simile in natura; nihilominus idem omnino in re subternitur utrique conceptui; nam potens generare est in re actu generans, & sic de aliis conceptibus. Unica igitur, eademque relatio originis in re penitus indistincta admittit distinctionem rationis, quatenus diversimodè consideratur; & quidem iuxta duplicem modum.

Tertium dictum; Abstractis per intellectum relationibus à personis, secundum omnem modum considerationis earum (de quo actum *precedenti conclusionem*) non superfluit hypostases inter se distinctæ; superfuturæ tamen, si concipiantur relationes absque, secundum modum posteriorem, stante intellectu modi prioris earum relationum. Prior pars ex eo constat, quia à divinis personis circumscriptis relationibus, sic ut nulla ratio conceptibilis earum maneat, contradictio est, intellectum apprehendere, hypostases ejusmodi relationibus referri; Cum consideraverit illas ita absque à suppositis, ut secundum nullam rationem insint

ei ergo impossibile est concipere, supposita, vel hypostases divinas manere circumscriptis modo prædicto relationibus à personis divinis.

nilui possint intelligi in natura divins personæ distinctæ.

*Et?* Notat pro solutione aliud esse *circumscribere*, & aliud *abstracte*, re. Nam *circumscriptio* est, cum intellectus apprehendit, unum esse *ne alio*; qua pacto Boetius in *Hebdomadibus* ponit Deum esse ens, circumscripta ratione bonitatis. Et Philoſophus in *Prædicam. cap. 3.* ubi docet cognoscere correlativum alterius correlativi, ut *Domini*, & *Servi* sublati à *Domini* ratione omnia alia. *Abstractio* verò est consideratio unius sine alio, non affirmando revera abesse, sed præseindendo ab alio, etiam si iſi. Unde dicit Philoſophus 2. *Phys. text. c. 15. Abstractivum non est mendacium.* Hac distinctione præmissa, ait: Si relationes ponantur non esse apud intellectum, fieri non posse, ut intelligatur distinctio personarum. Nam intelligere aliqua distinguere, & tamen abesse principia distinguendi, contradictio est: quia intelligeretur distincta sine distinctivis. Supponimus autem personas distinguere relationibus. Veruntamen loquendo de abstractione, putat, intelligi posse personas distinctas, abstractionis relationibus, Etenim sicut à paternitate, & filiatione possunt abstrahi relationes, & à relationibus modus incommunicabiliter subsistendi in natura intellectuali, ita à Patre, & Filio abstrahi potest res relata, & à relatis potest abstrahi subsistens incommunicabiliter in natura intellectuali, quod nomine *persona* importatur, quæ abstrahit à modo subsistendi ad se, vel ad alium Abstractis igitur per intellectum relationibus, intelligi possunt personæ distinguere. Nam licet in re non sint personæ distinctæ nisi per relationes: attamen persona in intellectu non includit formaliter relationem: potest igitur intelligi distinctio aliquorum in esse personali, licet abstrahantur relationes & non considerentur.

Nihilominus concipiendo paternitatem (& sic de aliis) ut qua suppositum est generativum, sive potens generare, & nulla habita ratione generationis actualis, manet suppositum Patris ea relatione constitutum, & distinctum, & relatum ad Filium. Etenim istæ rationes, sub quibus unam, eandemque relationem originis concipimus, in intellectu nostro habent modum conceptibilis prioris, & posterioris, sicut natæ essent concipi ab objectis proportionabiliter motivis intellectus nostri. Ut enim in creaturis prior, idest indeterminatio, & universalior est ratio generativi conceptu proxime potentis generare, & hæc prior ratione actu gignentis, ita intellectus creatus ex istis potest devenire in cognitionem paternitatis divinæ, eamque secundum unum, aut alium modum concipere.

Quinimo circumscripta relatione originis ad secundam personam quoad omnem rationem ejus, sive quantum ad indifferentiam, sive quantum ad actualitatem, adhuc forte sine contradictione posset intelligi hypostasis incommunicabiliter subsistens, Nam à supposito relativo, & absoluto abstrahi potest quidam conceptus indifferentior hæc scilicet forma, vel entitas incommunicabilis; qui conceptus, vel ratio potest intelligi esse *quo* incommunicabile hujus personæ, licet non intelligatur in singulari aliquo conceptus illo inferior, sicut aliquando intelligimus non solum ens, sed hoc ens, vel substantiam hanc, non determinate concipientes singulare alicujus inferioris, puta hoc animal, vel hunc lapidem, Quem conceptum indifferentem forme incommunicabilis abstrahentem ab absoluto, & relativo videntur Philoſophi habuisse; alioquin omnis eorum conceptus de Deo ad extra falsus fuisset. Constat enim, eos minime concipere potuisse suppositum relativum movere Cælum; & nihilominus aliquid suppositum putaverunt Cælum movere, cum agere solius sit suppositi; Si ergo non conceperunt rationem suppositi incommunicabilis indifferentem ad suppositum absolutum, & relativum, necessario putaverunt, hoc suppositum absolutum movere Cælum, quod est falsum.

AD ARGUMENTA. Ad primum respondeo *ingeniti* rationem constituere non posse ullam personam, ut propterea sit incommunicabilis, quia inge-

De his, 2. dist. 25. & supra, q. 29. artic. 4. & q. 30. artic. 4. & in ejus incidenti.

Quodlibet sit. Contra istam modum dicendi.

Ibidem 8. Contra istud V. Dico 10. p. 10.

Ibidem 6. Existit, duas conclusionibus.

Quæsti solutio.

Doctor 1. Report dist. 26. q. 3. ex citata quæsti. sub his terminis: *Utrum circumscriptis relatio-*



ingenita; ideoque circumscripta paternitate, quoad omnem ejus conceptibilitatem, non superesset prima persona in divinis. Nulla enim negatio est primo incommunicabilis; *ingenitum* autem dicit formaliter negationem, secundum Augustinum, 5. de Trinit. cap. 6. *Cum ingentum dicitur, non quid sit, sed quid non sit ostenditur.* Eatenus ergo aliqua negatio est incommunicabilis, quatenus exigit positivum proprium, ad quod consequitur. Nulla enim negatio est propria omnino alicui, nisi quia ei repugnat affirmatio opposita: affirmatio autem quæcunque nulli enti repugnat, nisi per aliquod positivum; illud autem positivum in prima persona, est sola relatio paternitatis, adeoque ea per intellectum circumscripta, non superest hypostasis ab alia distincta; esto adhuc manere posset conceptus subsistentis incommunicabiliter, secundum quod abstrahitur ab absoluto, & respectivo.

Ad secundum dicendum, si aliqua ratione generatio dicenda sit prior paternitate in creaturis, non tamen precedit ut fundamentum; imo fundatur paternitas in potentia generativa, sive in natura, quæ generat. Est igitur prævia ut dispositiva; nam ea non existente, paternitas non inest; adeo ut sit inter eas distinctio, qualis est inter præviam dispositionem, & terminum completum, ad quem est dispositio. Quoniam ergo in divinis non est generatio, nisi completa, & necessarii secum ponens terminum in *esse*, paternitas non consequitur generationem, sed ipsamet activa generatio est paternitas, & e converso; quia pro se abstracta per intellectum, secundum omnem modum considerationis, non est intelligibilis hypostasis primæ personæ, ut à cæteris hypostasis distincta.

Ad tertium respondeo, nomen *paternitatis* non alia ratione intelligi posse consequi ad generationem, nisi prout generatio, & paternitas in Deo, comparantur ad generationem, & paternitatem in creaturis: qua in comparatione subeunt consequentio conceptum unius ad alteram, secundum rationem: quemadmodum in creaturis est consequentio realis. Ubi enim aliqua sunt distincta secundum rationem, similem habent ordinem rationis, qualem habent realem, si forent distincta realiter.

#### ARTICULUS IV.

Utrum actus notionales præintelligantur proprietatibus.

Doctor 1. dist. 28. quæst. 3., *Quodlib. 9. 4. §. De primo, & §. Aliiter respondetur n. 12. & §.*

Ad Argumentum principale. n. 30. in

Report. 1. dist. 26. quæst. 4. S. Thom.

1. p. quæst. 40. art. 4. Ubi

Cajetanus ceterique

Thomistæ.

**V**IDENTUR proprietates præintelligi actibus notionalibus, sic ut ipsis actibus personæ non constituantur. Etenim prima persona præintelligitur in *esse* personali, antequam gignat. Agere enim suppositi existentis est: igitur præintelligitur esse suppositum, antequam agat. Si autem constitueretur ipsa actione, qua secunda persona produceretur, cointelligeretur, cum prima existente secundam personam esse: igitur secunda persona cointelligeretur esse antequam prima gigneret: non foret igitur secunda persona terminus illius generationis,

Tomus I.

Confirmatur, Quæcunque sunt simul natura, quocunque unum est prius, & alterum: relativa sunt simul natura; ergo si prima persona formaliter constituitur in *esse* personali per actum notionalem ad secundam, quocunque prima persona prior est in *esse* personali, eo & secunda prior sit oportet: Sed generatione videtur prima persona esse prior. Generatio enim actio ipsius est; igitur & secunda prior erit ipsa generatione, adeoque terminus ipsius esse non poterit.

Præterea, Agere præsupponit *esse*; ergo agere esse nequit prima ratio essendi ipsius agentis; proprietates igitur personales debent necessario præintelligi actibus notionalibus. Imo non solum agere præsupponere videtur quocunque *esse*, sed etiam præsupponit potens agere. Si enim nihil est potens agere, profecto nec actio erit. Sed potens agere nihil est in casu, nisi suppositum; ergo debet prius suppositum esse constitutum ad hoc ut sit, & agere possit.

Præterea, In omni ordine primum videtur esse absolutissimum, sicut apparet inspectione, & consideratione omnium ordinum; ergo ita pariter erit in ordine personarum, quarum prima statuenda est absolutissima, adeo ut non constituitur per actum notionalem ad secundam, sed ipsi actioni generativæ præintelligatur ejus constitutiva proprietas.

Præterea, Omnis actio denominat aliquod agens: Sed actio generativa non denominat nisi suppositum gignens; ergo Pater denominatur generans actione generativa. Denominans autem præsupponit illud, quod per ipsum denominatur; ergo actionibus notionalibus præintelliguntur proprietates personarum constitutivæ.

Præterea, Quomodo essentia determinatur ad personam primam, vel proprietatem? Si ex se; ergo non est communis aliis personis: quia quodcunque aliquid determinatur ad aliud ex se, ubicunque est, habet illud; adeoque essentia ubicunque esset, haberet personalitatem primæ personæ. Si autem ab alio determinatur, id videtur esse contra rationem primæ personæ, quia tunc videtur esse originata, vel aliquo modo posset ab alio poni in tali subsistentia.

CONTRA, Prima persona non constituitur in *esse* personali Deitate, cum hæc incommunicabilis non sit, nec actus spiratione, quia sibi, F. loque communis; nec in nascibilibus, ut latè explicatum fuit, 9. 33. art. 4. iterum repetito; ergo aliqua relatione positiva ad secundam personam. Hæc autem relatio ipsa est generatio activa; igitur actus notionales non præsupponunt personales proprietates, sed ipsi sunt personarum constitutivi.

RESPONDEO, Sentientibus, & quidem probabiliter, divinas personas non distinguere primo, nec proinde constitui relationibus, sed magis quibusdam absolutis proprietatibus, quæ non spectant ad quiditatem earum, ut ponuntur in creaturis individua esse incommunicabilia per absolutas proprietates, de quo fusè actum supra articulo 2. iterum repetito; esset ad præsens quæsitum respondendum, per prius personas divinas subsistere proprietatibus, quam intelligantur exire in actus notionales: nam relationum non esset personas illas distinguere, aut constituere, sed jam constitutis advenirent, ut prima referretur ad secundam, ab se originatam: & ambæ ad tertiam ab utrisque procedentem. Qua in hypothefi priora tria jam inducta argumenta nullam haberent difficultatem, quæ alioquin satis difficilia videntur.

M m m 2

tur.



tur. At communio sententiam amplectentes (quam & hic supponimus) quo se expenderent à difficultatibus argumentorum variè conati sunt declarare, qua ratione intelligi queat, primam personam sua actione notionali, quæ est activa generatio, & paternitas, seu realis ratio paternitatis, sic constitui *esse* personali, ut ipsi actui generandi nulla præintelligatur personalis proprietas. Aliqui igitur rem istam ita declarandam putant. Relatio bifariam considerari potest, & ut forma hypostatica, sive proprietas, & ut relatio. Quatenus proprietas generationem præcedere intelligitur: Relatio enim inquantum hujusmodi fundatur super actum, quem tamen sequitur, ut sub relationis conceptu cogitatur. Non est igitur inconveniens, Patrem sua actione productiva constitui: quandoquidem hac ipsa, non qua relatio est, subsistere dicatur, sed solum prout apprehenditur esse ejus personæ proprietas, vim habeat constituendi subsistens incommunicabile.

Quidam vero pro difficultate propositæ declaratione hunc dicendi modum excogitaverunt. Quamvis relatio originis una realiter sit, nihilominus, ut est habitudo primæ personæ ad secundam, ratione distinguitur. Potest enim intelligi sub ratione aptitudinis ad generandum, qua in acceptione nomine *generativi* exprimitur; Ut vero concipitur suppositum *potens generare* sub ratione potentie apprehenditur, Sed concipienti suppositum *generans* obicitur eadem ut actus. Cum denique intelligimus suppositum, ut habens genitum coexistens, nomine *Patris* significatur. Hæc igitur relatio primæ personæ ad secundam, penes eam rationem constituat oportet, secundum quam dat *esse* personale. Id autem *esse* non tribuit, nisi juxta primam acceptionem; Sequentes enim videntur attribui debere personæ jam constitutæ. Prout igitur ea relatio subest conceptui *generativi* est primæ personæ constitutiva. Atque hac doctrina isti satisfacere putant inducæ difficultati. Aliis denique videtur ita distinguendum esse. Nam relatio hæc concipi potest, ut relatio est, & ut origo. Arbitrantur itaque, relationem constituere personam primam præcise quatenus origo: non vero ut relatio; ratio enim originis aliquo modo præcedit, & in ea quasi fundatur relatio. Cum igitur prima persona per primam constituitur originem, de facili intelligimus, actus notionales de ipsis personis procedere jam constitutis.

Nullus ex his dicendi modis nobis probandus videtur: Quapropter contra duos priores conjunctim arguitur; & deinde contra unumquemque singillatim. Nam relatio non constituit personam, nisi secundum quod est in re, & ex natura rei; alioquin non constitueret personam realem. Ista relatio, quæ primæ personæ dat *esse* personale, non est in re ex natura rei, nisi sub ratione actualissima sibi possibili; ergo etsi possint in ea per intellectum distingui conceptus, vel rationes conceptibiles proprietatis, & rationis, & item aptitudinis, vel actualitatis quoniam personam non constituit, nisi quatenus est in re, sub ratione actualissima, erit ejus personæ constitutiva sub omni conceptu realis actualitatis ipsius, & non sub ratione proprietatis tantum, & non qua relatio est; vel prout apprehenditur ut aptitudo, & non prout est relatio actualis. Rursus, ita opinantes, & distinguentes relationem Patris constitutivam, non putant, pariter esse distinguendum constitutum secundæ personæ: nam nullam mentionem faciunt hic proprietatis, & relationis, nec considerant illud secundum aptitudinem, & actualitatem. Sed equa-

liter requiritur entitas positiva, & relativa ad constituendam primam, & secundam personam; utraque enim est æque incommunicabilis, utraque æque actualis. Nulla autem in sententia hic supposita esse potest entitas incommunicabilis, nisi relatio originis; ergo relatione originis, qua entitas in actu, constituitur etiam prima persona.

Deinde, contra dicentes, relationem originis primæ personæ constituere quatenus proprietas, non inquantum relatio est. Proprietas ut proprietas, est aliqua entitas signata extra animam, alioquin ea non constitueretur aliquid ens. Aut igitur est ad se entitas, aut ad alterum. Nam non est intelligibilis entitas aliqua singularis, quæ non sit vel ad se, vel ad alterum, quamvis possibile sit, aliquem conceptum indifferentem, esse in intellectu, qui per se non sit ad se, nec ad alterum; tamen extra animam nihil existens esse potest ita indifferens; oportet igitur, hanc entitatem esse vel formaliter ad se, atque ita constitutum per eum erit subsistens absolutum; vel ad alterum, & subinde, quatenus proprietas intelligitur ad alterum, & relatio; Distinctio igitur hæc non sufficit tollendæ difficultati, cujus rei gratia fuit excogitata. Confirmatur, etsi *albedo* considerari queat sub rationibus & albedinis, & qualitatis: nihilominus quicquid constituitur albedine, ut albedo est, non constituitur aliqua entitate, quæ non sit qualitas cum albedo sit essentialiter qualitas: ergo quia primæ personæ forma hypostatica ex natura rei est relatio essentialiter, non constituit suppositum incommunicabile ratione proprietatis, quin constituat pariter & ut relatio; quamvis in intellectu considerante sint duo conceptus objectivi. Contra secundam declarationem in speciali arguo: Si quidem prima persona non constituitur proprietate habente minus perfectæ esse positivum, ac possideat proprietas constitutiva secundæ personæ; quia tunc sanè non videretur æquè perfectæ in *esse* personali. Secunda autem persona constituitur filiatione, ut filiatio est: ergo prima persona non constituitur relatione potentiali, quæ certe minus participat de natura relationis, quam secundæ, personæ proprietatis, quæ est relatio actualis. Sed relatio generativi ad generabile, est relatio potentialis; ergo non constituit ita perfectam personam actualem, sicut secunda. Deinde, constitutum primæ personæ est primo, & per se incommunicabile; sed nulla aptitudo est primo incommunicabilis. Aptitudo enim omnis sequitur naturam, cujus est, & si fundamentum est communicabile, & ipsa pariter communicabilis erit: Contra vero, si natura, cujus est, sit incommunicabilis. Unde quia homo est communicabilis, ita pariter, & risibilis, quæ est ipsius aptitudo, est etiam communicabilis. Cum igitur personalitas sit primo incommunicabilis, aptitudo non item, paternitas sub ratione aptitudinis esse non poterit proprietas primæ personæ constitutiva.

Tertius dicendi modus, ultra argumenta allata contra primum tam prout convenit cum secundo, tam in speciali, excluditur per hoc: Origine, qua talis, non est propria forma, nec personæ in qua est, nec personæ, ad quam est origo, sed est quasi via inter personam producentem, & productam; ergo non est forma constitutiva primæ personæ, sed quasi præsupponit eam. Nihil autem constituit aliquid in aliquo esse, nisi inquantum est forma ejus; ergo relatio sub ratione originis non est primæ personæ constitutiva. Verum est tamen, quod si intelligeretur origo constituere

specialem conceptum actus; seu quatenus concipi potest, ut hypostasis constituta, & quatenus ad aliam refert hypothesin.

Videndus Joannes Poncius: Comment. super 9. 3. dist. 28. primi.

Doctor Quodlib. 4. 6. Contra ista. V. Præterea cum dicitur. Obicit, quia, relationem considerant, ut proprietas est tantum habitudo rationis, ac propterea, sub hac consideratione non constituitur ens reale. Etsi constituitur id erit, quæ proprietas est realis, & relatio subinde, cujus quiditas non variatur per comparationem intellectus; & deducit argumentum, prolixius ibi videndum.

S. Thom. hic in solutione:

Hæc. Quod, lib. 9. q. 1. & 3.

S. Bonavent. 1. dist. 26. q. 3.

Videndus Durandus 1. dist. 9. q. 1. agens contra positionem hanc S. Thomæ. Juxta Cajetanum expositionem super art. 3. 9. 4. p. non est controversia inter S. Thomam, & Scotum in hoc puncto, quia expositor ille putat, S. Doctorem non intelligere de relatione in se, seu ex natura rei, sed secundum aliquem



personas principiatiuè, non vero formaliter in-  
do expósito, supra articulo 2. in calce, adducta ar-  
gumenta non procedunt contra talem expósiti-  
onem. Denique contra tres relatas opiniones facit,  
quia ex his videretur prima persona ita generare,  
aut originare se Patrem, sicut generat, aut ori-  
ginat Filium: Id autem est absurdum. Probatio  
sequelæ: secundum opinantes, paternitas, ut ta-  
lis, tunc primo est in essentia, quum & filiatio  
essè intelligitur, etsi per prius præcesserit aliquid  
ut origo, vel generativitas, vel proprietas; igitur  
Pater ita generabit se Patrem, sicut generat  
Filium: aut saltem ita inesse concipietur Patri pa-  
ternitas per generationem, sicut filiatio est in  
Filio.

videndus  
Magist. Ly-  
chæus su-  
per q. 4.  
Quodlib. ad  
9. De primo.  
Sed & lon-  
gus loco cir-  
ca super 6. ad  
quæstionem.  
Doctor 1.  
Report. diff.  
26. q. 4. cir-  
ca. 9. probat  
quod hic  
supponitur  
hac ratione:  
Nisi perso-  
na constitui  
ponatur  
relatio-  
nibus, pri-  
ma foret  
magis ne-  
cessaria, quæ  
secunda.  
Hoc est im-  
possibile:  
Probat se-  
quelam, ex  
eo, quia si  
prima esset  
absoluta,  
quantum est  
ex se, esse  
posset sine  
secunda: non  
hæc secunda  
sine prima:  
ergo in secunda  
reperiretur minor necessitas.  
Probatio antecedentis:  
Unum absolutum prius alio non includit contradic-  
tionem esse sine  
illo; quia posito, quod aliud non esset, nihil inter-  
secum sibi de-  
periret. Sed secunda repugnat esse sine prima:  
quia ab illa accipit  
totum esse; igitur maior necessitas inest primæ,  
quam secundæ;  
bræat igitur dicere constitui per proprietates relati-  
vas.

Est igitur dicendum, in hypothesi communioris  
sententiæ, divinas personas constitui per proprie-  
tates relatiuas, quatenus à parte rei relationes  
sunt; qualitercunque enim considerentur, haud  
constituunt personas reales, nisi secundum quod  
à parte rei existunt. Nec aliquo alio constitui  
possunt, ut probatur argumento, *Ad oppositum*.  
Ac proinde, quoniam actus notionales sūt ipsemet  
relationes personarum constitutiue, seu actiue,  
seu passiuæ; (quod addimus ob actiuam spiratio-  
nem) actus proprietatibus non præintelliguntur;  
nec è contra; sed ipsi actus sunt formaliter perso-  
narum proprietates personales, ut probant indu-  
cta argumenta contra aliter opinantes. Tantum  
est hic specialis difficultas de prima persona, quæ  
ex suppositione hac simul esset cum secunda per-  
sona, utpote extrema correlatiua; & nihilomi-  
nus Pater prior Filio sit oportet, quia est prin-  
cipium productiuum ejus. Pro declaratione ergo  
ejus difficultatis accipio hanc propositionem; *Sup-*  
*positis ejusdem naturæ non repugnat habere pro-*  
*prietates hypostaticas, quæ sunt simul naturæ*.  
Probatio: supposita ejusdem naturæ non habent  
inter se prioritatem naturæ, seu prioritatem ef-  
ficientialem; nam ex Philosopho, 3. Metaphysicæ, ex c. 2,  
*in his, quæ sunt ejusdem speciei, non est prius,*  
*& posterius*. Sed ex hypothesi, secunda persona  
constituitur per relationem originis; ergo pariter  
non repugnat primæ personæ constitui per ali-  
quam proprietatem, quæ sit simul natura cum il-  
la, cujusmodi est alia originis relatio.

ergo in secunda reperiretur minor necessitas. Probatio antecedentis:  
Unum absolutum prius alio non includit contradic-  
tionem esse sine  
illo; quia posito, quod aliud non esset, nihil inter-  
secum sibi de-  
periret. Sed secunda repugnat esse sine prima:  
quia ab illa accipit  
totum esse; igitur maior necessitas inest primæ,  
quam secundæ;  
bræat igitur dicere constitui per proprietates relati-  
vas.

Deinde, eatenus repugnet primæ personæ  
constitui per relationem originis, quatenus ex  
eo quod prima persona sit, est origine prior secun-  
da; Sed hæc prioritas non impedit quo minus  
ipsa constituatur relatione originis actiua, ut se-  
cunda passiuæ constituitur; ergo Pater actiua gene-  
ratione constituitur. Probatio minoris: Aliquid  
esse prius alio, & simul eum eo, non sunt oppo-  
sita, nisi id intelligatur de prioritate, & simulta-  
te ejusdem rationis, ut patet in prioritate naturæ  
& simultate durationis: sed simultas correlatiuo-  
rum, & prioritatis originis non sunt ejusdem ra-  
tionis; igitur optimè cohærere intelligitur Patrem  
esse Filio origine priorem, & simul natura cum  
eo, pro conditione correlatiuorum, quorum,  
unum esse non potest sine altero. Minor probatur,  
quia simultas correlatiuorum, est simultas  
naturæ, non quidem in perfectione, sed quia rela-  
tio nec est, nec concipi potest sine suo termino,  
ac propterea correlatiua esse non possunt sine se  
in vicem: alioquin relatio esset ad se, eaque mu-

tua coexistentia correlatiuorum non est ex aliquo  
extrinseco, sed procedit de formali, & intrinse-  
ca ratione ipsorum. At originis prioritas non est  
posse esse sine se in vicem, *Sed esse, à quo alius*:  
hæc autem nullam præferunt oppositionem;  
non enim apponitur unum esse non posse sine  
alio, & simul unum esse ab alio, atque de illo  
procedere. Declaratur amplius; Socrates pater  
prior est origine filio; nedum in quantum Socra-  
tes, sed etiam in quantum pater; quia sic est à quo  
alius: Unde & paternitas est relatio originis; er-  
go Socrates pater qua talis, est prior origine filio,  
& tamen Socrates pater, quia pater est simul na-  
tura cum filio, pro conditione correlatiuorum.  
Et hoc est quod dicit Avicenna, 6. Metaphysicæ  
cap. 2. & 3. docens, causam, in quantum causam,  
esse causato priorem; eo quod causa causato per-  
fectior sit; & nihilominus, quia correlatiua sunt  
simul simultate, non posse esse sine altero ad in-  
vicem; ergo multo magis stant simul, aliqua simul  
esse eo genere simultatis, & unum alio prius ori-  
gine, in qua non includitur necessario imperfe-  
ctio ejus, quod ab altero procedit; nam proces-  
sus non involuit de se, quod sit æquivoca, nec  
proinde formam esse debere imperfectiorem in  
producto, ac sit in producente. Ista enim prioritas  
naturæ, quæ est causæ ad causatum, videtur ma-  
gis repugnare simultati naturæ correlatiuorum,  
quam prioritas originis tantum. Prima igitur  
persona constituitur in esse personali per relatio-  
nempositiuam ad secundam, & è conuerso: adeo  
ut impossibile sit esse sine se in vicem; & tamen  
ipsa persona prima constituta in tali esse est origi-  
ne prior personæ secundæ, intantum ut illa sit, à  
qua originata est secunda; ac proinde prioritas  
originis non repugnat simultati correlatiuorum.

Ad argumenta: Ad primum est evidens respon-  
sio ex statim dictis, quia etsi primum suppositum  
præcedat origine secundum, sunt tamen simul  
natura, juxta exigentiam correlatiuorum. Cum  
itaque arguitur; primum suppositum præintelligi-  
tur generationi; igitur & secundum, eo quod  
sint correlatiua: atque ita non foret terminus ge-  
nerationis. Responsio: Prima persona non præin-  
telligitur generationi actiue, quia ipsa in esse per-  
sonali constituitur. Verum est tamen, illam præ-  
cedere generationem passiuam. Sicut enim præ-  
cedit Filium origine, ita præintelligitur genera-  
tioni passiuæ; Sed Filius non præcedit eandem  
generationem passiuam, imo ipsa constituitur in  
esse personali, Filius itaque est simul natura cum  
Patre, eo modo quo correlatiua sese mutuo coexi-  
gunt natura, & intelligentia; Sed Pater præcedit  
passiuam generationem non natura, sed origine  
ut expositum est.

Cum igitur subditur in confirmatione, *quan-*  
*docunque aliqua sunt simul, quocunque est unum*  
*prius, & reliquum*, Neganda est ista propositio,  
nisi intelligatur de simultate ejusdem rationis  
cum illa prioritate, & posterioritate. Sicut ista  
est falsa, Si aliqua sunt simul tempore; quicquid  
est prius natura uno, & reliquo: Sed ista est vera,  
si ista sunt simul tempore, quicquid est prius tempo-  
re uno, & altero similiter est prius.

Ad secundum respondeo. In diuinis duplex  
esse considerari oportere; esse nimirum simplici-  
ter, & esse incommunicabile. Prioris generis uni-  
cum omnino est esse, unicaque essentia. Sed  
quod est esse incommunicabile, siue hypostati-  
cum, est multiplex pro pluralitate personarum.  
Cum igitur arguitur, agere præsupponit esse, si  
intelligatur de esse simpliciter; quod est esse ad  
se:



se: utique id esse actibus notionalibus præsupponitur. Si vero nomine *esse* significetur *esse* hypostaticum, quod est ad alterum *esse*, falsum est imò ipsum agere est primum *esse* ad alterum: sicut ipsa actio productiva est prima habitudo ad alterum. Et quum rursus additur; quia *agere* præsupponit potens agere. Dicimus, in casu *posse agere* nullo modo à parte rei præsupponi *ipso agere*; imò agens esse primo potens ipso *agere*. Et si ultro concedamus præsupponi illud, quo, ut principio formali, aliquid est potens agere. Actio igitur hic non præsupponit suppositum, neque ut agens, neque ut potens agere; sed tantum essentiam, quæ est quasi ratio formalis agendi. Prima igitur entitas incommunicabilis non præsupponit aliquid ens incommunicabile, nec subinde suppositum, quod est incommunicabile. Actio autem prima productiva, si est productio prima, vel originatio activa, est prima entitas incommunicabilis in divinis. Illam enim nihil præcedit nisi memoria perfecta: eaque est communicabilis, sed ipsum producere nequit communicari: quia tunc productum per illud produceret se, quod est impossibile: ipsum ergo producere primum est constitutum primi suppositi incommunicabilis, quod non præexistit actioni, vel productioni activæ, sed est hypostaticè existens ipsa actione formaliter.

Ad tertium dicendum sic: utique in ordine essentiali primum in essentia est absolutum: illud enim primum tanta prædicitur esse oportet necessitate sibi intrinseca, & absoluta, ut sibi non repugnet, quantum est ex se, existere sine omni posteriori. Nam nullum eo posterius potest sibi in essendi necessitate comparari. Sed opposito modo res se habet in ordine personarum. Etenim eadem necessitate essendi subsistunt tum prima, tum secunda persona: ac propterea necessario prima persona coexistit secundam, & è converso. Quod si prima foret absoluta, non necessario quantum est ex se coexisteret secundam personam: non oportet ergo, primum in ordine essendi hypostaticè esse absolutum, ut primum in ordine essentiarum.

Ad quartum dicendum, nullum personale in divinis propriè prædicari denominativè de aliquo subiecto incommunicabili, de quo nobis est hic sermo: licet fortè possit ita denominativè prædicari de aliquo significante essentiam in concreto, ut *Deus est generans*: quia talis prædicatio denominativa verificatur de aliquo, quod subiecto continetur, nempe de Patre. Quare autem non fit ibi prædicatio denominativa de subiecto non transcendente, ratio est, quia ejusmodi prædicatio de subiecto, non est nisi in concreto; & non de eo, quod includit proprium, sed de subiecto receptivo proprii. Proprietas autem personalis in divinis non prædicatur de aliquo in concreto non transcendente, nisi de persona constituta per ipsam, dicente Damasceno, *lib. 1. cap. 5.* relationes determinant hypostasies, non naturam: ergo de persona non denominativè prædicatur. Cum ergo dicitur, actio denominat illud, in quo est. Responsio, extendendo denominationem ad prædicationem denominativam essentialem in concreto, sicut homo est animatus, & ad denominationem propriè dictam, sicut homo est risibilis, vel lignum est album, concedi potest, formam omnem aliquo istorum modorum denominare illud, in quo est, quia ad minus de composito prædicatur in concreto: licet illud sit, extendendo denominationem. Sed si intelligatur de illo, in

quo est, ut in susceptivo, prædicatum prædicari propriè denominativè, negandum est: nisi illud susceptivum sit limitatum, vel nisi prædicatio illa denominativa, importet subiectum esse proprium, & distinctum ab opposito. Nam hoc ipso quod denominatur à forma aliqua, necessario denotatur oportere distinctum esse ab opposito; quod autem intelligitur hic quasi susceptivum formæ est illimitatum ad oppositas relationes: & tamen non distinguitur ab eis: quia ergo non adest hic susceptivum proprium formæ, sed commune sibi, & opposito, ideo nulla est prædicatio denominationis relationum de susceptivo.

Ad ultimum respondeo sic: Quando aliquid est illimitatum ratione causæ, intantum ut sibi correspondeant plura in altero extremo, si inter ea plura sit aliquis ordo, tunc non est idem primum respectu illimitati primatè adæquationis, & primum primatè immediationis. Exemplo id declaratur: Sol, ut causâ effectivâ illimitata, illuminat medium totum, sic tamen ut inter partes illuminatas sit aliquis ordo: prius enim illuminatur pars propinquior, quam remotior. Primum adæquatum correspondens Soli illuminanti, est medium totum: sed ejusmodi totum non est primum primatè immediationis, sed magis pars propinquior. Ita etiam in genere causæ formalis corpus ipsum organicum est primum adæquatè perfectibile ab anima: sed quod immediatius perficit, est cor, & eo mediante cæteras partes informat. Consimiliter essentiæ divinæ non correspondet aliqua una subsistentia adæquatè, quia tunc esse non posset in aliis: sed sibi tres subsistentiæ exactissimè adæquantur, in quibus ordine quodam reperitur, atque ita primatè immediationis primum illorum in ea subsistentium, respicit, ac mediante illo est in aliis, quibus communicatur ab primo, quod in ipsa subsistit. Cum igitur quaeritur per quid est essentia in prima persona? Dicimus existere in illa ex se; sed inferrebat: ergo non potest esse in aliis. Responsio: Determinatio est duplex, duplici item opposita indeterminati. Et altera quidem indeterminatio est ad opposita contradictoriè, ut materia respectu formæ, & privationis: Altera vero est ad diversâ positivâ, quæ nihilominus indeterminatio stat cum determinatione ad alteram partem utriusque contradictionis. Et ita Sol est indeterminatus ad producendum vermem, & plantam, veluti ad diversâ positivâ, cum tamen interim ex se sit determinatus ad utramque partem contradictionis, perinde ac si esset agens particulare naturæ producere unum ex illis tantum. Essentia igitur divina de se determinatur ad primam personam, determinatione opposita priori indeterminati, quæ est ad contradictoria: non autem ea determinatione, quæ contrariatur secundæ quia ejusmodi determinatio non stat cum illimitatione ad plura, imò essentia illa non ad unam, sed ad tres subsistentias adæquatè determinatur ut expositum est.

De his Doctor prolixè admodum.  
1. Report. dist. 28. q. 1.

Videndus Poncij *Commentarius* egregie omnia hæc expendentis.

Ex Report. 179.

Quodlib. q. 3. 6. De tertio articulo V. sed præobiciatur.

De his etiam 1. dist. 7. 6. Contra, in determinatione.



## QUÆSTIO QUADRAGESIMAPRIMA.

DE PERSONIS IN COMPARATIONE AD  
ACTUS NOTIONALES,

## IN SEX ARTICULOS DIVISA.

*Deinde considerandum est de personis in comparatione ad actus notionales.*

## ET CIRCA HOC QUÆRUNTUR SEX.

- I. Utrum actus notionales sint attribuendi personis.
- II. Utrum hujusmodi actus sint necessarij, vel voluntarij.
- III. Utrum secundum hujusmodi actus persona procedat de nihilo, vel de aliquo.
- IV. Utrum in divinis sit ponere potentiam, respectu actuum notionalium.
- V. Quid significat hujusmodi potentia.
- VI. Utrum actus notionales ad plures personas terminari possint.

## ARTICULUS I.

Utrum actus notionales sint attribuendi personis.

*Doctor locis in margine citatis. S. Thom. 1. p. quæst. 41. art. primo.*

**V**IDENTUR actus notionales non esse attribuendi personis. Etenim secundum Augustinum, *5. de Trinit. cap. 5. & 10.* omne quod est indivinis, aut secundum substantiam dicitur, aut ad alterum. Sed actio in Deo non est purè

relatio, sed magis aliquid absolutum; ergo dicitur de Deo secundum substantiam. Quæ autem secundum substantiam dicuntur, communia sunt tribus personis; ergo actus notionales non personis. sed divinæ substantiæ, vel naturæ sunt attribuendi.

Præterea, Si actus notionales forent adscribendi personis; igitur hæc, *Deus genuit Deum*, non esset concedenda. Oppositum autem dictum fuit, *art. 4. q. 39.* ergo ij actus non ita sunt proprii personarum, ut ipsis attribui debeant. Probatio sequelæ: Nam quæ sunt propria personarum prædicata, quia sunt ad alterum, vel ratione incommunicabilitatis insunt, verè non dicuntur de Deo, quatenus ab personalitatibus abstrahit; cujus natura est ad se, ac pluribus reipsa communicatur.

Præterea, Principium formale dicendi, seu generandi, est memoria perfecta, quæ est essentia in ratione intelligibilis præsens intellectui: & principium iprandi est eadem essentia, ut per intellectum voluntati præsens; igitur ipsi essentiæ, quatenus duplex constat principium cum his potentijs, sunt actus notionales attribuendi, & non personis, quæ de productionibus procedunt.

Confirmatur, si ipsi essentiæ, ut constanti duplex principium productivum cum intellectu, & voluntate, non forent actus notionales adscribendi; igitur ut Patri attribuitur productio, quæ est generatio, pariter & Filius verè dici posset generare, vel producere, cum sibi præsto sit idem principium productivum, quod est in Patre: Hoc autem est planè falsum; ergo actus illi notionales insunt essentiæ independentèr à personalitatibus, quibus semel intellectis, nequeunt ulterius in consimiles actus exire.

Præterea, Proprium actionis est ex se passionem inferre: sed in divinis nullæ adstruuntur passionis: ergo neque actus notionales ibi videntur poni.

CONTRA, Per Augustinum, *15. de Trinit. cap. 26. Sicut Filio præstat essentiam de Patre generatio, ita Spiritui Sanctio de utroque processu;* igitur actus notionales, qui sunt generatio Filij, & Spiritus Sancti processio, attribuuntur ab Augustino personis respectivè producentibus.

RESPONDEO dicendum, Actus notionales omnino esse personis attribuendos. Declaratio: Quotiescunque actio est necessario ad terminum verissimè productum, ac realiter distinctum à producente, falso omnino is actus attribueretur ei, cui contradictoriè repugnat producere, & produci, eo quod sit intrinsecus indivisibile, & ab se subinde indistinctum. Sed actus notionales ejusmodi sunt, ut necessario sint ad terminos realiter distinctos à producentibus; dicente Augustino, *1. de Trinit. cap. 1. Nulla res est, quæ se ipsum gignat, ut sit;* ergo gignens, & spirans distincti sint oportet à genito, & spirato. At essentia divina est prorsus una, & indistincta, & indistinguishibilis: ergo actus notionales ei non possunt attribui sine falsitate: notaretur enim essentiam divinam gignisse, aut genitam esse, aut spiratam; ergo non sibi, sed personis sunt attribuendi actus notionales.

AD ARGUMENTA. Ad primum Respondeo, actionem productivam in Deo esse habitudinem producens ad productum, ac proinde essentialiter ad alterum. Cum enim, juxta Augustinum, quicquid ad alterum non est, ad se sit, & commune tribus: Actio autem prima productiva, sive productio prima, vel activa originationis statuenda sit prima entitas incommunicabilis in divinis: omne enim, quod hanc præcedit, est in omnibus personis: sed primum producere nequit alteri communicari, quia tunc productum per illud produceret se, quod est impossibile; Origo igitur quæcunque, seu dicatur actio, seu passio, est formaliter relatio: personis igitur originationes sunt attribuendæ, nequaquam essentiæ divinæ.

Ad secundum dicendum, juxta exposita in præcitato articulo. Nam hæc propositio, *Deus generat Deum*, vera est, quatenus *Tò Deus* supponit pro persona, cujus est gignere, eaque solus Pater est. Quia enim talia sunt subjecta, qualia esse permittunt prædicata, actus notionalis per prædicatum importatus cum repugnet subjecto respectu primarij significati, quod est essentia divina, evidens est, non verinacari de subjecto, nisi quatenus acci-

Ubi supra.

De his actum supra, q. 27. 1. dist. 5. q. 1. & Pro ista igitur opinione Magistri Hanc solutionem supponit passim Doctor 1. dist. 6. De his actum q. 30. articulo 1. & art. 5.

Quodlib. q. 4. c. 1. in opponendo. & q. 9. Ad argumentum principale.

Quodlib. q. 4. §. Ad argumentum principale. V. Si contra istud. a. 32.

Quodlib. q. 2. §. De re re articulo. V. Secundo.



accipitur, vel supponere intelligitur pro supposito Patris; est alioquin quædam prædicata ad originem pertinentia verificentur de Deo; ut est in se existens independentem à proprietatibus relativis, ut sunt hæc, *Deus creat, Deus est sapiens, & ejusmodi*.

Ad tertium Respondeo, memoriam perfectam esse principium quo productivum: non quod producit, ac propterea non illi, sed personis producentibus ut quod, attribui oportere actus notionales, sicuti non formæ hominis, sed homini adscribitur, nec forma hominis, sed ipse homo verè dicitur hominis productivus, ut re ipsa hominem gignit, vel producit.

Et per idem ad confirmationem, quia si actus notionales de essentia, ut principio quod, independentem à personalitatibus prædicentur, evitari omnino non potest, quin distincta intelligantur ab eo, quod primo dicitur productum, quia fieri non potest, ut se ipsam producat: quemadmodum & distincta ab productis est, & intelligitur: quatenus sibi competunt prædicata independentem à proprietatibus personalibus, ut quum dicitur, *Deus creat*; Necessario igitur quicquid spectat ad personarum originationem, personis est attribuendum, quæ solæ numerantur, & multiplicantur in una essentia indivisa, & immultiplicata.

Ad quartum est hæc Responsio: Actio, est secundum quod importat originem motus, inferat ex se passionem: attamen sub hoc conceptu non ponitur actio in divinis personis. Quapropter non ponuntur in eis passionem, nisi Grammaticè, nempe quoad modum significandi; & non secundum passionis realitatem.

Quæ amplius explicantes dicimus, putamus non esse, actus notionales, seu activam generationem, vel Filii productionem manere in divinis, sub ratione actionis, sed tantum, & præcisè ut relatio est. Et declaratio est ista: Actio in creaturis vel est forma absoluta, vel respectus extrinsecus adveniens; alioquin enim, si intrinsecus adveniret, spectaret ad ipsum genus relationis, nec foret unum ex sex principiis numerum denarium Prædicamentorum integrantibus. Actio igitur non sequitur necessario fundamentum, posito termino, ut exsurgit relatio quælibet reducibilis ad unum ex tribus modis relativorum. Ulterius, actio comparatur ad tria, nempe ad terminum productum, ad terminum formalem productionis, & ad passum, in quo ea forma recipitur. Juxta primam & secundam comparisonem non est actio respectus extrinsecus adveniens, quia, positus respectivè terminis, necessario exsurgit relatio producentis ad productum, spectans ad secundum modum relativorum. Est igitur actio respectus extrinsecus adveniens, quatenus comparatur ad passum, & ad potentiale, non objectivum, sed subiectivum. Quod & docuit Auctor sex principiorum, cap. 2. dicens, *Actio est, secundum quam, in illud, quod subicitur, agere dicimur*.

Actio itaque si ponatur esse forma absoluta, evidens est sub propria ratione non reperi in divinis ad instar notionalis. Cum enim absolutum omne sit tribus commune, solaque productio prima sit primum incommunicabile: hæc ut est essentialiter ad alterum & relatio, ita careat oportet propria ratione actionis. Quod si in respectu consistere dicatur, adhuc non manet in Deo sub conceptu sui generis: Quia in divinis non est aliquid potentiale, vel quasi in quod per actionem forma inducatur: & nihilominus sub hac præcisè ratione Actio est unum Prædicamentorum. A-

ctio igitur secundum formalem rationem ejus, qua est Prædicamentum non manet in divinis, sed duntaxat penes conceptum relationis: Generatio igitur, seu actiones productivæ divinarum personarum, sunt formaliter & essentialiter relationes, est de modo significandi Grammaticali dicantur actiones. Aliud non est ergo in re generatio activa, sive Patris proprietates, quam ipsa paternitas, sicuti passiva spiratio, ipsa processio, & Filii natiivitas, vel passiva generatio, idem formaliter ac filiatio.

## ARTICULUS II.

Utrum actus notionales sint voluntarii.

Doct. 1. dist. 6. in Report. ibidem q. 1. 2. & 3. S. Thom. 1. p. q. 41. art. 2.

**V**IDENTUR actus notionales esse voluntarii. Etenim Richardus de hac re sermonem instituens, 6. de Trinit. cap. 17. ita concludit. *Vultis super his, quæ superius diximus, audire verbum abbreviatum: Ingenitum velle habere de se sibi conformem: atque condignum, idem mihi videtur quod gignere Filium, & tam genitum, quam ingentum velle habere condilectum, idem mihi videtur, quod producere Spiritum Sanctum.* Igitur manifestè hic attribuit actus notionales voluntati, dum docet, Patrem velle habere conformem, idem esse ac Patrem gignere. Siquidem de Spiritu Sancti processione constat, quod à Patre, & Filio procedit per modum voluntatis, Præterea, Augustinus, libro 3. contra Maximinum, cap. 1. *Pater, inquit, si non genuit sibi Filium æqualem, aut non voluit, aut non potuit, si non voluit: igitur invidus fuit.* Sed invidus is dicitur & est, qui voluntate subtrahit, & non vult communicare ea, quorum alios participes facere posset, si vellet. Ut invidus ille non est nec sanè dici potest, qui non dat illa, quæ aliis communicare non potest, ut sapientiam, potentiam, divitias, & alia id genus, quæ non sunt in hominis potestate; ergo oportet Filii generationem omnino ad Patris voluntatem pertinere; alioquin invidus Pater dici non posset, & nullum esset argumentum Augustini.

Præterea, Apostolus, 1. ad Coloss. *Transmutavit nos, inquit, in regnum Filii dilectionis suæ; sed dilectio de voluntate procedit, ergo & Filius dilectionis sum à voluntate quodammodo est; Actus igitur productivus Filii est voluntarius.*

Præterea, secundum Aristotelem. 5. Metaph. cap. de Necessario, *omne involuntarium est triste; Si igitur actus, quo Filius producitur, sub Patris voluntate non caderet, ipsi producenti tristis esset. Sed nihil posset esse triste in divinis; ergo nec involuntarium. Filius igitur voluntate generatur.*

Præterea, Augustinus, 9. de Trinit. cap. 7. videtur attribuire voluntati in nobis, ut principio productivo, Verbi gignitionem, *Verbum, inquit, amore concipitur.* Et XI. de Trinit. cap. 3. *Voluntasque ipsa quomodo foris corpore objecto formandum sensum admovebat. formatumque jungebat, sic aciem recordantis animi ad memoriam convertit.* Et multa consimilia frequenter repetit. Vult igitur, voluntatem habere vim convertentis aciem ante gignitionem, & retinentis eam in actu: alioquin si verbum ab voluntate non dependeret, semel productum perpetuo perflaret, cujus contrarium experimur; ergo pariter in Trini-

Præterea Doct. hic n. 20. Subtiliter declaratur qualiter generatio activa, & paternitas nihilominus differant ratione.

Qualiter autem id intelligi, ac explicari queat ultra dicta q. 27. Videndus Doct. 1. dist. 26. S. Thom. hic 8. Ad tertium. Doct. 1. dist. 4. dist. 11. q. 2. S. Ad secundum principale. 1. Report. dist. 27. q. 1. n. 14. & seq. Sermo de Actione quæ Prædicamentum est.

De his infra artic. 3.

1. dist. 5. q. 2.



Trinitate, cuius imago in anima nostra reperitur, voluntas habet rationem aliquam principii respectu Verbi gignitionis.

CONTRA, Damascenus, lib. 1. cap. 8. *Gene. ratio est opus nature*; & Magister. 1. dist. x. c. *primus*: estque Augustini ad Orosium: *P. aive scientiam voluntas non potest*; ergo cum Filius sit scientia, vel Sapientia Patris, voluntate non generatur.

RESPONDEO, Quoniam inductis argumentis non una tangitur difficultas, omnibus singillatim expediendis, ac dilucidandis sequentia subiicimus dicta. Et

actibus notionalibus in communi, expressisse tamen in conclusionibus Filii generationem, tanquam priorem secundum intellectum, utque in actu exercitio sub illius nomine actus notionales perscrutaretur.

Primum esto. Pater non gignit Filium ea naturali necessitate, qua ignis calefacit, vel grave tendit deorsum: Sed generat volens, non tantum voluntate nonsequente, vel concomitante actum ipsum gignendi; verum etiam voluntate antecedente. Probatio primæ partis; Nam eatenus quidam putaverunt omnimoda naturæ necessitate, citra omnem voluntatis actum, Filium de paterna memoria prodire, quatenus sentiebant ipsam intellectus operationem formaliter esse Verbi gignitionem: Hoc autem est planè falsum; tum ex dictis, q. 27. art. 3. incidenti 2. ubi ostensum est operationes esse ultimos terminos potentiarum, & nihil omnino producere. Tum, quia *intelligere* est perfectio simpliciter; *dicere* autem esse non quod ejusmodi perfectio; cum enim Filio, & Spiritui Sancto non competat *dicere*, quod est Verbum producere; non forent ergo simpliciter perfectio; id vero est falsum. Quod autem *intelligere* sit perfectio simpliciter, ex eo liquet; quia Pater intelligentione est formaliter beatus quantum ad intellectum, & volitione beatus, quantum ad voluntatem; non est autem beatus nisi perfectione simpliciter. Deinde, quemadmodum in creaturis actio alia est ab actionis ratione; actio enim est ultimus terminus, actionis autem est alius terminus per ipsam actionem productus; ita in divinis operationibus, quæ formaliter Pater operatur, distinguitur à productione, quæ formaliter producit. Etenim operatio habet objectum quasi præsuppositum; at productio habet terminum per ipsam productum; ergo *intelligere*, quod est operatio Patris, non est formaliter *dicere*, quod est productio Filii à Patre.

Nec refert quod unius potentie unicus sit actus, ut proinde nos intellectui duos attribuentes perperam, & contra rationem id affirmare videamur. Nam incidit hic æquivocatio: Siquidem actio in creaturis uno modo accipitur pro actione de genere actionis, alio modo pro actu secundo, qui est qualitas absoluta. Unius ergo potentie unicus est actus, quia unica id est, generis unius actio, unicaque absoluta operatio. Sed nihil impedit, quinominus alterius rationis, & generis actum unum, eademque potentia sit principium. Nam intellectus noster & Verbum gignit, eaque notitia genita formaliter intelligit; & ita in divino intellectu est operatio correspondens intellectus nostre, quæ est qualitas, & insuper actus, quo Verbum exprimit, qui correspondet actui de genere actionis in nobis. Est nunc ostendendum, Patrem, ut est volens voluntate antecedente, producere Verbum. Nam Pater in primo signo originis intelligit formaliter essentiam divinam, eique una amore infi-

nito inhærendo est perfectè beatus. Eo ordine originis expleto, in secundo signo Filium generat, sed non tantum vult eam Verbi expressionem volitione concomitante, aut sequente, sed volitione illa qua in primo signo originis, præsupposita intelligentione, voluit essentiam, quam nempe Verbi gignitio adhuc non intelligeretur; ergo etsi Pater formaliter Verbi productionem non voluerit in primo signo, quia intuitivè cognita non erat, nec abstractivè fuerat cognoscibilis; ex equo tamen essentiam voluit, saltem fundamentaliter communicabilem per intellectum, volens voluntate antecedenti Filii generationem dicendus est.

Secundum dictum, Pater non producit Filium voluntate, quasi voluntas sit principium productivum ejus proximum, vel remotum. Probatio: etenim principium unius rationis in divinis, non est principium nisi unius productionis, in omnibus ei principio adæquate. Cum igitur Spiritus Sanctus productur per modum voluntatis, ut principii productivi amoris infiniti, Filius ab eodem principio produci non poterit. Quia tunc vel productum per voluntatem suo principio non adæquaretur; vel voluntas non foret principium producendi unius rationis. Quod vero ne principium quidem remotum esse queat voluntas producti per intellectum: Declaratur; Nam, sicut voluntas, ut est principium operativum, aliquo modo posterior operatur, quam intellectus; hujus enim operatio illius præsupponitur operationi; ita quatenus voluntas est principium productivum, est ordine naturali posterior productione per intellectum; ergo esse non potest causa superior, vel remota productionis per intellectum; quia tunc ut productiva, prior esse deberet productione per intellectum.

AD ARGUMENTA. Ad primum dicimus, etsi Richardo videatur idem esse, ingenium velle habere de se sibi conformem, ac gignere Verbum, ac subinde velle paternum esse formaliter gignere Filium; id tamen non videri Augustino, 5. de Trinit. cap. 14. scribenti, *Spiritus Sanctus precedit, quomodo datus, non quomodo natus*, id est per modum voluntatis liberæ, non per modum naturæ. Non igitur de voluntate Patris exit Verbum, sic ut velle ipsius sit dicere Verbum, cum de illo Spiritus Sanctus procedat. Potest tamen exponi Richardus per hoc, quod ipse sentit voluntatem concurrere ad Verbi productionem, non ut principium quo proximum, vel remotum, sed tantum concomitanter.

Ad Secundum Respondeo sic: invidia non tantum oritur ob subtractionem illorum bonorum, quæ possunt communicari actu formali voluntatis; & non communicantur, sed etiam quum quis potest aliqua elargiri, si velit, & volens ab eo actu se abstinere. Pater autem volens gignit Filium, ut explicatum fuit; etsi id non efficiat voluntate, ut principio elicitive: nec propterea concludit allatum Augustini Argumentum de invidia, prout ad propositum inflectitur.

Ad tertium dicendum: Iuxta expositionem Augustini, 15. de Trinit. cap. 19. *P. Filii dilectionis sue*, perinde intelligi debere, ac si dictum esset, *Filii sui dilecti*. Quæ expositione data, nihil sequitur ex eo textu, quod sit contra præmissorum determinationem.

Ad quartum Respondeo, exposuisse nos, qualiter generatio Filii sit Patri voluntaria, etiam voluntate antecedente: adeoque non tristitiam aliquam, sed ineffabilem voluptatem ex tali actu in super substantiali Deitate ingenito subsistenti inesse oportere. Etsi interim inferendum non sit voluntate,

Videndus hic Ioannes Ponticus in *Comment.* qui solidè, & clarè hæc pertractat, mentem Magistri præ alius allequutus. 1. dist. 109. Ad ultimum principale. Consule etiam Magistrum Scotistam, multa subtilitate quæstionem hanc expendentem.

Solutio argumenti quatenus facere videtur contra secundam conclusionem.

1. dist. 5. q. 2. 6. Ad argumenta pro opinionibus V. Ad aliud dicendum.

Norat hic Cajetanus, S. Thomam excitavisse quidem questionem de actibus notionalibus in communi, expressisse tamen in conclusionibus Filii generationem, tanquam priorem secundum intellectum, utque in actu exercitio sub illius nomine actus notionales perscrutaretur.

1. dist. 3. q. ult. 9. Ad tertium principale.

Iuxta hæc Doctoris sententiam exponit hic Cajetanus S. Thomæ sententiam.



Innate, ut principio elicitive Patrem Filio dare esse. Multa enim facimus voluntate seu præcedente, seu concomitante, quorum immediatum principium non est voluntas.

Ad quantum dicendum, Augustini adductas, consimileque auctoritates verificari in nobis; at in Deo disparem esse rationem. Propterea quod enim in nobis non est tantum unicus actus intelligendi, accipiendo actum de genere qualitatis, neque unicus actus gignendi, prout hoc nomine significamus actionem ipsam, qua Verbum producit, oportuit sanè in voluntatis arbitrio positum esse avertere intellectum ab hoc objecto, & convertere ad aliud; & è convero. At in divinis cum non sit nisi unicus actus intelligendi improductus, unicuique pariter productus, quod & Verbum Patris est; quemadmodum respectu intellectus improductus voluntas nullam, ne remotam quidem exercet causalitatem, ita nec respectu productionis intellectus est principium, vel remotum, ut ostensum fuit in *secundæ conclusionis probatione*. Et si autem actus dicendi independens sit ab voluntatis principiatione; potest nihilominus voluntas habere actum complacendi sibi de Filii gignitione. Quamquam enim voluntas ut operans in Patre non præsupponat nisi intellectus improductum, atque ita tantum essentiam sibi præsentatam velit, diligatque amore infinito; de producto tamen Verbo concomitanter sibi complacet, ut dictum est in *secundæ dicti declaratione*.

Quantum ad id, quod tangitur in argumento de anima nostra gerente imaginem Trinitatis. Dicimus, voluntatem creatam non esse partem imaginis Trinitatis, quatenus concurrat suo modo ad intellectus; convertendo nimirum aciem mentis ad objectum, eamque fixam detinendo, aut avertendo; sed gerere id munus, ac repræsentare voluntatem in Deo, quatenus diligit, vel diligere potest. Sic enim est principium producendi actum circa idem objectum, quod fuit memoriæ ac intelligentiæ nostræ. Nam voluntas in divinis est principium producendi amorem adæquatum essentię divini, quæ est objectum primum memoriæ divini, intelligentiæ & voluntatis; quæ amor productus est Spiritus Sanctus cui correspondet in nobis dilectio producta; quæ dilectio frequenter ab Augustino voluntas vocatur. Voluntas igitur propriè in nobis, quæ est potentia, non correspondet Spiritui Sancto, sed vi spiratiæ, quæ est in Patre, & Filio; idque secundum eum actum, quo est principium producendi amorem objecti intellecti, non autem primo, in quantum est productiva amoris notitiæ genitæ, & nullo denique modo in quantum est causa superior notitiæ genitæ.

### ARTICULUS INCIDENTS.

Utrum Spiritus Sanctus producat per modum voluntatis. Quod est, *An Spiritus Sanctus libere, & necessario procedat.*

Doct. 1. *dist. x. in Report. ibidem per totum Quodlib. q. 16. S. Thom. 1. p. q. 41. art. 2.*

§. Ad tertium. *Ubi Cajetanus, catenique Thomistæ. Hinc faciunt dicta, q. 27. art. 4.*

**V**IDETUR Spiritus Sanctus minimè produci per modum voluntatis, sic ut libere dici possit exire, & procedere de Patre, & Filio: Etenim libertas, & necessitas mutuo sese excludunt, Spiritus Sanctus summa necessitate producitur,

cum sit suppositum infinitè necessarium, & Deus; ergo non producitur libere eo modo, quo voluntas libere exit, aut exire intelligitur in actus suos.

Præterea, Omnino fatendum est, divinam voluntatem necessario producere Spiritum Sanctum, id est, Patrem, & Filium, voluntate spirare amorem infinitum necessario; ergo naturaliter, & non libere spirant; ergo amor exit de illis naturali prorsus necessitate; atque ita non libere. Probatio primæ consequentiæ: Natura intelligi non potest, nec esse magis determinata ad agendum, nec subinde aliter dici, quam quod necessario agat, vel sit ad *agere* determinata; ergo si Pater, & Filius sic determinate spirent tertiam personam, ut penitus necessario communicent illi Deitatem infinitæ necessitatis, id peragitur omnino per modum naturæ, sic ut quemadmodum in naturali productione nulla elucet libertas, ita in hac Spiritus Sancti processione.

Præterea. Voluntas in quantum est natura quædam, aliquid naturaliter vult, & ita voluntas hominis naturaliter tendit in beatitudinem: Et Deus quoque naturaliter vult, & amat se ipsum; sed Spiritus Sanctus procedit ut amor, in quantum Deus amat se ipsum; ergo naturaliter procedit, etsi per modum voluntatis procedat.

Præterea, *Natura est vis infinita rebus ex similibus similia procreans*: juxta communem sententiam Philoſophorum. Sed Pater, & Filius spirantes Spiritum Sanctum, communicant esse tertiæ personæ, ut sit simillima producentibus: quippe cui dent eandem prorsus naturam: ergo tertia persona exit à Patre, & Filio modo penitus naturali, & consequenter non libere, ut exire dicuntur quæcunque producantur per modum voluntatis.

Præterea, Quicquid actus voluntatis producit, præcognitum sit oportet, ex 15. de Trinitate. 27. ergo si Spiritus Sanctus producat voluntate, necessario debet præcognosci priusquam producat. Sed id adstrui omnino non posse videtur. Nam præcognosci utique non potest cognitione intuitiva: hæc enim est existentis; in eo autem signo Spiritus Sanctus non præintelligitur existere. Sed nec abstractiva, quæ de se imperfecta est: Unde nihil Deus abstractivè cognoscere rectè perhibetur: ergo Spiritus Sanctus non produciatur per voluntatem.

CONTRA, Augustinus, 5. de Trinitate cap. 14. *Spiritus Sanctus exiit à Patre, & Filio non quomodo natus, sed quomodo datus*; exire autem per modum dati, vel doni, applicari rectè non potest nisi ei, quod producit per modum voluntatis, cujus solus est pro suæ libertatis ratione dare, vel elargiri.

RESPONDEO dicendum, Spiritum Sanctum summa quidem necessitate procedere à Patre, & Filio; sed interim libere quoque spirare, adeo ut nihil ea necessitate essentiali libertati principii non per modum naturæ producentis detrahatur. Declaratio primæ partis hujus solutionis est ista: Voluntas infinita ad objectum perfectissimum se habet modo perfectissimo, id est, majorum possibilitatum modorum supremo, sic ut eo major intellectui occurrere non posset. Voluntas divina infinita est: ergo respicit objectum infinitè diligibile modo perfectissimo, quo possibile est aliquam voluntatem se habere ad ipsum. Id autem minimè intelligeretur evenire, & fieri, nisi ea voluntas actu exactissime objecto adæquato in illud ferretur, ac diligeret, atque amorem perinde adæquatum spiraret. Altero enim ex his duobus deficiente, citra

S. Thomæ fundamentum pro opposita sententia; quæ tamen contrarietas in verbis stare videtur, ut infra annotabitur.

Cavellus in Scholijs super dist. 10. primi, & quest. 16. quodlib. putat controversiã hanc nos inter & Thomistas in solis consistere nominibus, cui subscribendum putat Poncius in Comment. super p. cit. alii vero Scotitarum.

omnem



omnem contradictionem intelligeretur voluntas perfectiori modo tendere posse in supremum diligibile. Nam modus tendendi necessario esset sine contradictione intelligibilis; ergo ea voluntas, quæ sub hoc modo tendendi intelligeretur ferri in supremum diligibile, & amore illi adæquato necessario inherere, amoreque infinitum producere, perfectiori modo tenderet in illud. Id autem est planè impossibile: oportet igitur ut de facto ita se habeat voluntas infinita, adeoque actu innitæ dilectionis objecto infinitæ diligibilitatis necessario inheret; alioquin posset carere summa perfectione, quæ sibi inest ex actu, quo est jucundissimè beata, ac ineffabili gaudio repleta. Et quia præterea amor objecti adæquatus est producibilis, ut credimus, non nisi voluntati infinitæ attribuenda est ratio spirandi illum. Deinde, principium productivum perfectum dare potest, & recipi communicat omnem perfectionem, quæ productum non repugnat: Infinitas est tale principium; ergo potest dare, & recipi tribuit suo producto quamlibet perfectionem, quæ infinito amori non repugnat. Atqui nedum tali productum non repugnat, quinimo ex se sibi converit necessitas. Nam nullam infinitum consequi potest possibilitas essendi; ex eo enim statim nec esset, nec intelligeretur infinitum, quippe cui deesset maxima perfectio, igitur voluntas infinita omnino dat necessitatem suo productum; igitur pariter eandem tribuit productioni: productum enim capit esse productionem; fieri autem non potest, ut necessarium capiat esse per productionem non necessariam. Est igitur productum necessarium per productionem necessariam: Veruntamen ea conditio ipsum consequitur, eique inest, non solum ex voluntate infinita: quia hæc eadem ad finita objecta comparata, infinitum amorem non producit; imo nec necessario, sed omnino contingenter amat. Nec rursus id evenit præcisè ex objecto infinito: siquidem eum ad quamlibet voluntatem referri intelligitur, non movet necessario ad sui dilectionem. Ex utroque ergo simul concurrente productum est infinitum, & necessarium, perinde ac principium sui productivum.

Itaque necessitas productionis amoris adæquati, sicuti & dilectionis, quæ voluntas formaliter infinitè diligit summum amabile, est ex infinitate voluntatis, & ex infinitate bonitatis objecti: nam neutrum sine altero sufficit ad necessitatem; qualiter autem ita sit duobus illis concurrentibus, declaratur. Etenim divina voluntas, cum sit infinita, est rectissima: adeo ut impossibile sit ab ea rectitudine excidere: Præsentat igitur huic potentæ objecto ex se infinitè diligibili, nisi actu & necessario ferretur in illud, non intelligeretur rectissima: quia rectissima esset quæ semper actu diligeret, quod ex se est infinitè diligibile. Quatenus ergo voluntas non necessitatur diligere infinitum diligibile: sed quia infinita, & rectissima necessario inheret ei amore adæquato; & necessario item est productiva amoris adæquati. Is autem amor productus exactissimè proportionatur & potentæ & objecto. Sed quum voluntas infinita respicit bonum amabile finitum, esto actus sit infinitus, ex parte voluntatis divinæ, attamen non est infinitus, quatenus ad ejus generis objectum terminatur.

Et nihilominus summæ huic necessitati, quæ

supremum diligibile à voluntate infinita amatur: atque amor subsistens producitur pariter infinitus, optimè coherere essentialem rationem libertatis, adeout Spiritus Sanctus liberè, & necessario spiraretur. Probatur: Nam voluntas divina, ex hætenus dictis, necessario vult bonitatem suam: sed in eo actu est libera: ergo stat libertas cum summa necessitate. Probatio minoris: Potentia operans circa unum objectum, non absolutè, sed in ordine ad aliud, eadem est operativa circa utrumque objectum. Ita arguit Philosophus de sensu communi, 2. de Ani. tex. c. 146. dicens: potentiam, quæ cognoscimus differentiam unius objecti ab alio, eandem attingere posse utrumque objectum in se. Atqui voluntas divina quæcunque volubilia propter finem, refert rectissimè ad ipsum finem: ergo sub eadem potentiæ ratione est operativa circa utrumque: respectu autem eorum, quæ sunt ad finem, liberè omnino operatur: & nedum liberè, verum etiam contingenter vult illa, potentia igitur ita se gerens non est principium naturaliter activum, sed liberè: ergo hæc eadem potentia sub ratione principii liberi vult bonitatem suam, tum diligendo objectum infinitum, tum spirando amorem ipsi objecto adæquatum. Deinde, actio circa finem ultimum est actio perfectissima, & in tali actione libertas in agendo est perfectionis: igitur necessitas non admittit sibi quidquam spectans ad perfectionem ejus, sed magis intendit hinc atque. Una enim perfectio simpliciter alteri non repugnat, nec pellit, imo in uno omnes uniantur, & necuntur nexu infinitæ necessitatis: Est igitur in eo actu libertas illa, quæ est simpliciter perfectionis, quæve non destruit necessitatem, uti est libertas contingentis. Deinde, conditio intrinseca ipsius potentiæ, vel absolutè, vel in ordine ad actum perfectum, non repugnat perfectioni in operando: Sed libertas vel est conditio intrinseca voluntatis absolutè, vel in ordine ad actum volendi: igitur ipsa libertas coherere potest cum conditione perfectæ possibili in operando: talis conditio est necessitas, ubi ipsa est possibilis: semper autem est possibilis, ubi neutrum extremum requirit contingentiam in operatione. Postremo, natura, & voluntas opposito prorsus modo principiandi exeunt in actus suos: naturale enim principium inclinatur ex se ad agendum per modum naturæ, non habentis in sua potestate effectum, sed fertur necessitate naturali in ejus productionem: contra vero, in liberi potestate est producere, adeout ad id naturaliter non inclinatur, Neutrum autem horum ad alterum reducitur, aut in altero continetur: Si quidem quod reduceretur ad alterum foret toto genere imperfectius eo, quod ipsum virtualiter contineret. Hoc autem est falsum: cum enim ex eadem perfectione conveniat utrique esse principium operativum, & productivum, & neutrum sit ex se imperfectum, inquantum operativum: ergo nec inquantum productivum est imperfectum. In ratione igitur formali neutrius includi potest modus agendi alterius. Quemadmodum ergo principium activum per modum naturæ involvere non potest modum agendi liberum; ita nec in principio voluntario includitur modus agendi naturæ. Quamvis ergo respectu objecti perfectissimi voluntas primi se habeat necessario tum in operando, tum in producendo, ea nihilominus necessitas non tollit modum agendi liberè, qui est ejus principii modus essentialis, sed magis ipsam libertatem præsupponit, & quasi sibi ipsi voluntas necessitatem imponit, quatenus, quum

Declaratio  
secundæ  
partis solutionis. Quodlib. q. 16. cit. §. De secundo articulo.

Argumenta Magistri Scoti infringere nituntur Orham. 1. diff. x. q. 2. & Cajetanus hic. Sed videndus Lychetus in Comment. Super diff. x. 1. ad §. Altera dico, à n. 4. §. Jegg.

Tomus I.

N n n 2

ab



ab infinita rectitudine excidere non possit, quo voluntas infinita sit, toto impetu fertur in bonum infinitum sibi presentatum, necessitate à sua propria voluntate descendente, liberoque principio, cui proprium est non agere per modum naturæ.

Sed & Augustinus in Enchirid. cap. 105. declaraturus necessitatem, & libertatem in principio activo optimè coherere, hæc habet, *Sic enim oportebat prius hominem fieri, ut & bene velle posset, & malè, nec gratis si bene, nec impune si malè: postea vero sic erit, ut malè velle non possit, nec ideo libero carebit arbitrio. Multo quippe liberius erit arbitrium, quod omnino non poterit servire peccato. Neque enim culpanda est voluntas, aut voluntas non est, aut libera dicenda non est, quia beati esse sic volumus, ut esse miseri non solum nolumus, sed nequaquam prorsus velle possumus. Sicut ergo nunc etiam anima nostra habet nolle infelicitatem, ita tunc nolle iniquitatem semper habitura est.* Item Anselmus, de Libero arbit. cap. 1. *Qui sic habet, inquit, quod decet, & expedit, ut hoc amittere nequeat, liberior est, quam ille, qui sic habet hoc ipsum ut possit perdere: & ex hoc concludit: Liberior igitur est voluntas, quæ à rectitudine declinare nequit.*

§. dist. 4. q. 7.  
§. Dico tunc  
ad quæstio-  
nem n. 18. &  
§. ad tertiu  
n. 21. Huc  
spectant  
quæ Doctores  
læo cit. ex  
Quodlib. ha-  
bet ex Hen-  
ric. in Ad-  
dis. his ver-  
bis: Volun-  
tatem neces-  
sario velle,  
necessitas  
potest deter-  
minare  
actum vol-  
lendi, ut  
terminatur  
ad objectum,  
& sic est ve-  
rum mani-  
festum, in-  
telligendo de bonitate divina, quæ sola est proprium, & per se ob-  
jectum: alia autem non sunt per se objecta propria, ideo non necessar-  
i vult illa: aut potest necessitas determinare actum ut egredietur à vo-  
luntate. Et hoc potest intelligi dupliciter. Uno modo ut sit necessitas  
prævia ad voluntatem: & voluntas intelligatur cadere sub necessitate  
per, tanquam impellente in actum, & figente in actum: Si autem sic ef-  
fet, voluntas ageretur, & non ageret, nec flaret in tali actu libertas.  
Alio modo potest intelligi necessitas concomitans, ita quod ipsa in-  
telligatur cadere sub voluntate, sic quod voluntas propter firmitatem  
libertatis suæ nisi ipsi necessitatem imponit in eliciendo actum,  
& in perseverando, sive figendo se in actum. In Filii productione est  
necessitas primo modo dicta: in Spiritus Sancti trinatione necessitas  
sub voluntate cadit, quia delectabiliter, & eligibiliter elicit actum,  
& permanet in actu. Hæc Doctor de Henrici sententia, quam non  
improbat.

[Principium  
liberum, &  
naturale primo  
modo dividunt  
principium  
activum.  
Principium  
liberum non  
opponitur  
necessario,  
sed necessa-  
rium distin-  
guitur con-  
tra contin-  
gens. Ex A.  
ristotele, 2.  
Periberm. c.  
de modalib.  
bus.

Spiratio igitur Spiritus Sancti, etsi summè necessaria, libera pariter appellanda est. Nam principium liberum non distinguitur contra necessarium, sed ei opponitur naturale juxta doctrinam Philosophi, 2. *Physic. tex. cap. 49.* dividuntis principium activum in naturam, & propositum; ad quas duas per se causas reducit duas alias per accidens, quæ sunt casus, & fortuna. Ac de eadem distinctione sermonem faciens, 9. *Metaphy. tex. cap. 10.* docet qualiter potentia activæ rationales, & irrationales diversimodè exeunt in actus suos: Ex quibus locis constat apud Aristotelem non secundum propositum, à natura, & potentia irrationalis, significare principium activum, quod communiter dicimus naturam, & naturale; secundum propositum vero, ab intellectu, & potentia rationalis intelligere principium activum, in quo concurrunt respectu actus extrinseci & intellectus, & voluntas, Sed utrunque istorum per se acceptum pollet proprio modo principiandi; intellectus quidem per modum naturæ, voluntas autem liberè: & ideo quoties una cum intellectu concurrat, ut in productione artificialium, effectus dicitur liberè produci, & à proposito; eo quod propositum sit principale, & immediatum principium ejus productionis. Voluntas itaque nunquam est, aut esse potest principium naturaliter activum; nam agere per modum naturæ, & liberè, seu per modum voluntatis, sunt primæ differentie principii activi. Non magis igitur potest voluntas esse naturaliter activa, (ut tactum quoque est su-

pra) quam natura, ut est principium conditum contra voluntatem, principium liberè activum, Ad quem sensum pariter loquitur Augustinus, 5. de Civit. cap. 9. *est causa, inquit, naturalis, est voluntaria.* Ubi & distinctionis membra declarat.

AD ARGUMENTA. Ad primum Respondeo, latè deductum fuisse qualiter principium liberè vel per modum voluntatis activum optimè cohereret cum summa necessitate in voluntate infinita; quæ ex sui conditione necessario fertur in objectum infinite bonitatis, & interim liberè, quia necessitas non prævenit libertatem, id est conditionem essentialē ejus principii, sed sequitur modum agendi illius. Quare etsi necessitas hæc efficiat, ut ea voluntas comparata ad primum per se objectum, minimè exire valeat in actum suum contingenter, attamen nihil detrahit modo essentiali agendi ipsius, qui consistit in hoc, quod voluntas determinet se delectabiliter, & eligibiliter ad amandum; atque ita sibi metem necessitatem eliciendi actum, in eoque permanendi imponat.

Ad secundum, quod est impugnatio præcedentis responsionis, negamus consequentiam; & cum probatur, quia idem videtur esse necessario agere ac naturaliter in actum exire, cum non sit intelligibilis major determinatio in natura, ea, qua cogimur necessario agere, Responsio: Omne naturale agens, vel est omnino primum, ut intellectus divinus, vel si est posterius, est ab aliquo priori naturaliter determinatum ad agendum. Sed voluntas nunquam potest esse agens omnino primum; sed nec potest esse determinata naturaliter ab alio agente superiori: quia ipsa est tale activum quod se ipsam determinat: Quod est dictum: Si voluntas aliquid necessario velit, attamen illud velle non causatur naturaliter à causante voluntatem; etiamsi naturaliter causaret voluntatem: Sed posito actu primo, quo voluntas est voluntas, si ipsa sibi relinqueretur, quamvis posset contingenter habere, vel non habere id velle, tamen se ipsam determinaret ad hoc velle.

Quum itaque dicitur, Naturale principium non potest magis determinari, quam quod necessitatur, Respondeo, licet necessarium sit summè determinatum, quoad exclusionem indeterminationis ad utrumlibet: tamen unum necessarium aliquo modo est magis determinatum, quam aliud: sicut ignem esse calidum, vel Cælum esse rotundum, est determinatum à causante esse Cæli, & una dante rotunditatem; Sed grave est determinatum ad descensum, esto generans non det actum tendendi deorsum, sed tantum principium naturaliter ad talem situm determinatum. Voluntas autem causata, si necessario vult aliquid non sic est determinata ad illud velle à causante, sicut grave ad descensum; imo à causante præcisè accipit principium sui ipsius determinativum ad id velle.

Possit contra hæc dicta instari; Si descensus ab intrinseca causatur gravitate, utique grave movet se deorsum. Quare igitur non liberè æquè ac voluntas movet se ad illud velle, respectu cujus eadem voluntas est ratio necessaria causandi? Ad hoc dicimus sic: Esse formæ & modus essendi; agere, & modus agendi sunt immediata; ideo sicuti non est alia ratio, quare hoc habet talem modum essendi, nisi quia est tale ens, sic non est aliqua ratio, quare huic sit proprius talis modus agendi, nempe liberè, vel naturaliter, nisi quia est tale principium activum, scilicet liberum, vel naturale.

Ad tertium dicendum; Aut accipitur natura extensivè; aut intelligitur propriè quatenus eo

Libertatis  
essentialis  
conceptus,  
qui stat cum  
necessitate,  
non vero  
cum contin-  
gentia.

Quodlib. 9.  
14. q. 1. res-  
pondendum.



nominis significatur principium activum præferens modum oppositum libero principio agendi. Et primo quidem modo non diffitemur naturam in voluntate; dicimus enim & rectè naturam voluntatis; imo cuiusvisque entis, & etiam non entis reponentes in hoc, vel in illo naturam, seu formalem rationem negationis. Iuxta hanc igitur acceptionem, non negamus voluntatem esse, vel habere propriam naturam, seu essentiam: Sed secundum superius dicta ex Aristotele, & Augustino existimamus rationem essentialē, sive naturam huius principii activi omnino opponi principio activo agendi per modum naturæ, sic ut penitus repugnet in unum coincidere, seu unam, eandemque realitatem, aut conceptibilem rationem formaliter utroque modo agendi pollere, Unde negamus aut voluntatem nostram naturaliter tendere in beatitudinem actu elicitō, aut Deum per modum naturæ amare se ipsum, & bonitatem infinitam, ut probavimus supra. Nam etsi eadem realitas diversis subesse possit conceptibus intellectus, ut nihilominus tanquam activum principium comparatur ad proprios actus, non secundum aliam, & aliam apprehensionem influit in illos, sed prout à parte rei sibi proprius modus agendi inest, estque reale eorundem principium. Sub proprio igitur, & formali modo, quotendit in unum obiectum, eodem & cætera omnia respiciat necesse est. Nam impossibile est eidem potentiæ attribui, & inesse oppositos modos agendi, cuiusmodi sunt isti naturaliter, & libere, primo potentiam activam distinguentes. Nam si voluntas comparatur ad finem, ut nature habens agendi modum, & entia ad finem modum libertatis, ipsa non est potentia activa una respectu istorum; ac subinde non est eadem voluntas, quæ eligit ens ad finem propter finem. Nulla enim potentia eligit hoc propter illud, nisi eadem velit utrumque extremum; sicut nulla potentia cognitiva cognoscit conclusionem propter principium, nisi eadem cognoscat principia, & conclusiones. Dicimus itaque & voluntatem nostram sub eadem libera tendentia ferri in finem, atque in ea, quæ sunt ad finem, & divinam voluntatem liberè amare essentiam suam, & necessariō; & eodem pariter modo exire in actum Spiritus Sancti productivum. Neque admittendum ulla ratione ipsum naturaliter procedere, & una per modum voluntatis, nisi alii conceptus reales his terminis exprimi intelligantur ab his, quos nomine principii per modum naturæ, & per modum voluntatis significamus de Aristotelis, & Augustini sententia.

Ad quartum respondeo ex dictis, q. 35. art. 2. præallegata naturæ definitione probari Spiritum Sanctum procedere modo opposito, ac Filius producat, quem constat exire non quomodo natum, seu per modum naturæ; etsi ergo Spiritus Sanctus procedat, ut Patri, Filioque simillimus, tanquam eadem natura constitutus; ac proinde par perfectionis magnitudo sit in tribus; nihilominus id non habet ex vi productionis suæ, quia non est imago Patris, ut Filius, quippe qui procedat, ut Patris imago.

i. Ad ultimum dicendum, utique ad actum amandi oportere amatum esse præcognitum, juxta Augustini præallegatam sententiam; non oportere tamen ipsam præcognosci dilectionem. Necesse est igitur essentiam divinam, cuius amor spiratur, esse præcognitam Patri, & Filio, ad hoc ut spirant, sed in eo instanti originis concedendum non est pariter ipsum Spiritum Sanctum esse præco-

gnitum, licet in instanti æternitatis sit tota Trinitas nota cuilibet personæ in Trinitate: nam distinguendo inter instantia originis, non distinguitur inter durationem, & durationem, sed tantum à quo quis sit.

Aliter etiam posset dici sic: In illo priori signo originis, antequam intelligatur Spiritus Sanctus spirari, Pater, & Filius cognoscunt Spiritum Sanctum, ut intuitivè, licet non ut existentem in se; quia cognoscunt essentiam divinam, quæ est ratio cognoscendi intuitivè quodcunque intelligibile. Sicut Trinitas cognovit creaturam, etiam intuitivè, priusquam producat, eo quod essentia divina, quam intuetur, est ratio perfectissimè cognoscendi omnia alia; & per consequens est ratio cognoscendi intuitivè quodlibet cognoscibile, licet nullum existeret in se.

### ARTICULUS III.

Utrum actus notionales sint de aliquo:

Doctor 1. dist. 5. q. 2. in utroque scripto. S. Thom. 1. p. q. 41. art. 3.

**V**IDETUR Filius non generari de substantia Patris. Etenim, 7. de Trinit. cap. 6. Tres personas (inquit Augustinus) ex eadem essentia non dicimus. Sed substantia uniformiter se habet ad quamlibet personam; ergo nulla persona est de substantia alterius.

Præterea, Constructio alicujus cum suo genitivo, non notat majorem distinctionem constructibilem, quam præpositio cum suo casuali, quando additur eidem constructibili; ergo non major distinctio notatur hic, Filius essentia Patris, quam in ista, Filius de essentia Patris; sed illa non conceditur; Nam Filius non est essentia Filius; alioquin essentia generaret; ergo neque est concedendum, Filium esse de essentia Patris.

Præterea, Hac in propositione, Filius est de substantia Patris, Tò de aut importat distinctionem, aut non: Si dicatur, notam esse distinctionis, propositio est manifestè falsa, quia essentia non distinguitur realiter à Filio: Si nullus sit expressivum distinctionis; ergo & hæc pariter est vera: Pater est de essentia Filij, vel Filius est de essentia Patris; quod tamen non conceditur.

CONTRA, August. 15. de Trinit. cap. 19. tractans illud ad Coloss. cap. 1. Transiit nos in regnum Filij charitatis suæ. Quod dictum est, ait, Filij charitatis suæ, nihil aliud est, quam Filij substantiæ suæ; ergo Filius est de substantia Patris. Idem, lib. 3. contra Maximinum, cap. 14. Nullo modo, inquit, verum Dei Filium cogitatis, si eum natum esse de substantia Patris negatis.

RESPONDEO, Aliqui tum ob præallegatas auctoritates, tum propter alias, quas congerit Magister, 1. dist. 5. à cap. Dicitur, & seqq. ultro cōpiè fatentes, Filium non de nihilo; ut sacrilegè Arriani blasphemabant, sed de Patris substantia generari, eique omnino consubstantialē, addendum putaverunt Patris substantiam in hac ineffabili generatione, se habere quasi materiam, atque ita Filium gigni de Patris essentia, ut de quasi materia. Verum quia invenitur Magist. loco cit. cap. ostenditur, & dist. 19. cap. Notandum de Augustini sententia diserte negare id, de quo sunt personæ productæ, dici debere materiam; atque nemo antiquiorum Doctorum à tempore Augustini, usque ad ista opinantes, ausus est in divinis adituere materiam, aut quasi materiam, pun-

Arrius Scoti. sta super primum sent. Qui est videndus; Nam egregie, & subtiliter rem istam expendit.

Henr. in Sum. q. 1. art. 4. Gof. fre. Quod. 9.

1. dist. 1. q. 4.

De his 1. 2. q. 10. art. 1. & 2. & infra q. 83. art. 1.

Ex q. præcedenti articulo 4.

1. dist. 10. cit. 3. Et si respondeat num. 10.

Magister Lycherus præfert primum hanc responsionē secundā; Contrarium sentit Ma-



punctum hoc discutere haud inutile arbitramur. Sed quia paucis non potest disputatio completi, re ad insequentem articulum dilata, præsentis solutioni intendentes.

Dicimus, Filium esse de substantia Patris, ut compluribus Sanctorum auctoritatibus declarat loco præallegato Magister, ac subinde verè, ac rectè nos ea loquutione uti, quippe qua optimè excluditur hæresis Arriana, Filij cum Patre declarata consubstantialitate. Ad cujus evidentiam sciendum, particula *de* non tantum importari, & exprimi efficientiam, vel originem; Si enim id præcisè significaretur, tunc creature essent de substantia Dei, eo quod ab illo efficientur. Nec rursus *De* de solummodo notam esse consubstantialitatis; quia tunc pariter & Pater esse diceretur de substantia Filij, quod tamen non conceditur. Ea igitur præpositione simul significantur & originatione, & consubstantialitas, quatenus in casuali *De* de denotatur consubstantialitas, idest, significatur Filio inesse eandem substantiam, & quasi formam cum Patre, de quo est originaliter, & per illud quod constructur in Genitivo cum isto casuali indicatur principium originans; adeo ut completus intellectus hujus sermonis, *Filius est de substantia Patris*, sit iste: Filius est à Patre originatus, ut consubstantialis ei. Atque hæc est sententia Magistri per originem simul, & consubstantialitatem exponentis auctoritates Augustini contra Arrianos, dist. 1. cit. 1. cap. *Dicitur quoque*. Quos Augustinus ita urget, *Sed ne crederemus vos putare de nihilo esse Dei Filium, affirmatis non vos dicere de nihilo esse Dei Filium*. De aliqua ergo substantia est; & si non de substantia Patris, de qua sit, dicite: sed non invenietis. Jam ergo unigenitum Dei Filium de Patris esse substantia, non vos nobiscum pigeat confiteri. Et rursus: *Dicite nobis, utrum iste verus Dei Filius, de nulla substantia sit, an de aliqua? Non dico, inquis, de nulla: nec dicam de nihilo; ergo de aliqua substantia est*. Quæro de qua? Si non de Patris substantia est, aliam quare, si aliam non invenis, Patris agnosce substantiam, & Filium cum Patre homoussion consistere. Hoc igitur intelligit Filium esse de substantia Patris, Filium sic esse de substantia Patris, ut sit homoussion cum Patre. Quod & ibidem clarioribus verbis repetit, arguens: *Aut de aliqua substantia est natus Dei Filius; aut de nulla; si de nulla, ergo de nihilo, quod vos jam non dicitis: Si vero de aliqua, nec tamen de Patris substantia, non est verus Filius: Si vero de Patris substantia: unus, ejusdemque substantia sunt Pater, & Filius*.

Superest nunc ostendendum hac expositione optimè salvari, Dei Filium de nihilo non esse; & insuper quod de substantia Patris sit Filius, juxta eum modum, quem postulat ratio veræ Filiationis. Et primum quidem sic declaramus: Creatura genita, ex eo quod aliquid ejus præexistit, ut materia, de nihilo non est. Quoniam igitur forma est aliquid compositi, & quidem præcipua ejus pars, & materia perfectior, si hæc præexistisset, & materiæ de novo adveniendi uniretur, ipsum productum, neutiquam dici posset ex nihilo factum esse, quippe cujus partem principaliorē, & materiā perfectiorem dicebamus præexistisse. Si igitur Filius non diceretur esse de nihilo, quia essentia ejus secundum ordinem originis præfuit in Patre: si poneretur essentia habere rationem quasi materiæ generationis Filij; multo magis nec de nihilo erit, si illa essentia

prius origine existens in Patre, sit quasi forma communicata Filio.

Quod vero per hoc quod dicamus, Filium esse de substantia Patris optimè salvetur ratio filiationis, declaratur: Nam in animatis, ubi est paternitas, & filiatio, id, per quod generans dicitur formaliter Pater, est actus decidendi semen; & si uique adeo esset perfectum agens, ut loco decisionis seminis valeat ex se emitte perfectam prolem, nihilominus, imo longè perfectius foret Pater, cum ob efficaciam productionis suæ statim haberetur productum, citra eas mutationes, quæ modo necessario concurrunt ad generationem: Sed in actu decidendi semen, illud quod erat substantia Patris vel aliquid ejus, non est materia, sed est quasi terminus formalis productus, perinde ac esset proles, si immediatè à Patre decideretur; igitur eo quod aliquid substantiæ generantis sit terminus actionis suæ, quæ est Pater, verè habetur productum simile in natura esse de substantia generantis; adeo ut præpositione *de* rectè, ac sufficienter exprimantur rationes Patris, & Filij. Quare Pater æternus non decidendo aliquid sui, sed penitus essentiam suam communicando, tanquam terminum formalem ejus productionis, verissimè producit Filium de se, eo modo, quo *esse de* pertinet ad Patrem, & Filium.

Ad argumenta. Ad primum respondeo, et si concedendum sit aliquam personam non esse de essentia absolutè, quia cum essentia non sit originans, vel originata, non verificatur propriè personam esse de essentia, attamen negamus pariter verum non esse *Filium generari de substantia Patris*. Nam exprimitur hic persona originans, ac proinde rectè dicitur; aliquid suppositum originari de substantia illius personæ. Quapropter hæc, *Filius est de essentia divina*, non est ita concedenda, sicuti fateri debemus *Filium esse de substantia Patris*.

Ad secundum respondeo, cum arguitur quia ad hanc, *Filius est de essentia Patris*, sequitur ista, *Filius est essentia Patris*, negando consequentiam. Nam consequens notat relationem esse inter Filium, & essentiam, tanquam inter correlativa, quod non importatur per antecedens, sed tantum significatur consubstantialitas in essentia cum origine notata in illo, quod constructur cum essentia; quod utique verissimum est.

Ad tertium dicendum, *De* de non tantum importare identitatem, sed notare quidem identitatem sui casualis, idque in ratione formæ, & præterea distinctionem illius, quod additur suo casuali, ut principii originantis, sicuti explicatum fuit in solutione.

## ARTICULUS INCIDENS.

Utrum Verbum divinum sit de essentia, sicut de quasi materia.

Doctor 1. dist. 5. q. 2. in Report, ibidem, q. 2.

& 3. & Collat. 27. S. Thom. 1. p. q. 41. art. 3.

§. Ad primum, & ad Secundum.

**V**IDETUR Verbum divinum esse de essentia Patris, sicut de quasi materia. Etenim Filius nulla omnino ratione est de nihilo, ut declaratum fuit articulo præcedenti. Est igitur de aliquo; non de alio autem, quam de substantia Patris; est ergo de substantia Patris, quasi de materia



teria. Non enim juvat respondere, ut Magister dicere videtur & exponere *Tò de substantia Patris*; id est de Patre, qui est substantia. Nam hæc expositio tantum declarat particulam *de*, ut est nota principij originantis. Hoc enim dato, adhuc superest querere, an de aliquo, vel de nihilo, ut quasi de materia; ergo cum non sit de nihilo, est de aliquo, ut quasi materia.

Præterea, Omnipotentia activæ correspondet aliqua potentia passiva; ergo fecunditati Patris, quasi activæ potentia correspondet aliqua quasi passiva potentia, de qua potest producere; Producit autem Filium de sua essentia; ergo Filius generatur de Patris essentia, quasi de materia.

Præterea; Essentia prius ordine originis est sub paternitate, quam sub filiatione, sed omne quod in aliquo priori non est aliquid, vel ad aliquid, & in posteriori tale aliquid, vel ad aliquid, in priori existit in potentia tale; ergo essentia inest in Filio posse reperiri per generationem; ergo Filius est de essentia quasi materia.

Præterea, Filium esse de Patris essentia, ut de quasi materia, nullam involvit imperfectionem; cum ergo constet, revera esse de substantia Patris *Tò de importat conditionem quasi materiae*. Probatio assumpti: Etsi materiae conditio præferat imperfectionem, sicuti & generationis conceptui intelligitur annexa imperfectio ex mutatione; nihilominus ad divina generatio transfertur tanquam ab omni immuni imperfectione, quatenus nimirum productio est. Possibile est autem pariter à materiae conceptu omnem segregare imperfectionem; ergo ut talis transferenda est ad esse divinum, de quo est Filius Patris. Probatio minoris; Nam sicuti generatio est in divinis, non quæ mutatio, sed quæ productio est; ita & potentia passiva, non prout est mutationis subiectum, sed inquantum est susceptiva productionis, seu quatenus est id, de quo aliud generatur non videtur repugnare essentia divina, cum nulla propterea in illa affirmetur imperfectio, nec secundum rem, nec de intellectu imaginatione.

Præterea, Nunquam ex duobus sit unum, nisi alterum sit actus, alterum potentia; ex duobus enim quatenus ambo in actu, unum non coalescit, ex 7. *Metaphysicæ. cap. 49.* sed persona una est, ex essentia divina, & relatione confurgens; ergo cum essentia non sit actus relationis, relatio erit actus essentia; est igitur essentia quasi materia, de qua Filius producit.

Præterea, Relatio est in essentia; de essentia enim id affirmari non potest, respectu relationis. Sed etiam si essentia verè subiectum non sit relationis, est nihilominus ejus fundamentum: & subinde habens rationem quasi potentia in ordine ad relationem fundatam in ipsa: ergo negari non debet, esse quasi materiam respectu generationis Filij.

Præterea, Relatio præexigit propriam fundamenti rationem, quæ quasi est perfectibilis per relationem. Relatio enim non videtur perfici à suo fundamento, quia tunc fundamento præsupponeretur, ergo cum essentia sit fundamentum relationum, est quasi materia respectu illarum.

Præterea, De ratione actus est quod separet, & distinguat: ei ergo maximè attribuenda est ratio actus, cujus potissimum est separare, ac distinguere. Id autem in divinis præstat sola relatio: ergo est essentia actus, & quia non est actus informans, non materia, sed quasi materia ratio essentia attribui debet.

Præterea, Terminus formalis generationis communicatur; igitur oportet, ut præsupponat illud, cui communicatur. Sed essentia non intelligitur præsupponere relationem; sed magis è converso; ergo relatio est terminus formalis productionis, essentia vero quasi materia.

Contra, Ubique est vera ratio actus, & potentia, ibi est vera compositio: ergo in quocunque reperitur quasi actus, & quasi materia, in eo statuitur quasi compositio. Persona Filij neque est composita, nec quasi, imo est perfectissimè simplex actus, ab intrinseco quamlibet compositionem re, & ratione excludens; ergo essentia non subit ullam rationem materiae, vel quasi materiae.

Respondendo, nonnulli propter argumenta relata putaverunt Verbum divinum generari de substantia Patris, ut de quasi materia. Verum quia (ut articulo præcedenti innuimus) nemini antiquiorum Doctorum visum fuit aliquando divinæ essentia attribuire rationem materiae, vel quasi materiae respectu generationis Filij, nec nobis is modus dicendi probatur; ideo arguimus contra primo sic; essentia est terminus formalis productionis: ergo non est quasi materia. Probatio antecedentis; Joan. X. *Quod dedit* (inquit Salvator) *michi Pater, majus omnibus est*. Majus omnibus non est, nisi aliquid infinitum; Infinitum hoc non est nisi essentia: ergo hanc communicavit Filio. Sed forma communicata productio per generationem, est formalis terminus ejus productionis.

Henr. & Goffred. arti. præcedenti retari. Quorum sententia Joan: Ponceus in Comm. 1. 2. dist. 5. cit. n. 26. putat de facili sustineri posse, ac Scoti impugnationes vorari, ac urgere, modum loquendi magis quam rem ipsam. Porro *Tò quasi materiam* intelligendum dicit, quod Patris essentiam sequatur aliqua propositio cum modo, quo se habet materia in creatis ad illa, quæ dicuntur fieri ex ipsa; qui utique modus non debet intelligi ullam involvere imperfectionem, quod significare voluisse putat Henricum per *Tò quasi*. Modus autem propositio est; quia sicut materia in creatis præsupponitur rei, quæ sit ex ipsa, & intrinsece reperitur in eo quod de novo fit, una cum determinativo distincto. ita essentia divina Patris præsupponitur aliquo modo Filio, qui de ipsa generatur, & intrinsece includitur in Filio productio simul cum determinativo, quæ est filiatio ipsius constitutiva personæ. Hæc Ponceus sequitur Durandum, qui eadem sermè scribit, 1. dist. 5. q. 1. ut contradiceret Thomæ aliter sententi. Addit tamen Ponceus arbitrari se Scotum non juxta hanc expositionem impugnare Henricum, quasi Doctorem allata propositio lausisset, & non expressam ejus mentionem fecisset; de quo bene Cajetanus hic disserit, ex Capreolo rejiciens Henrici, & Durandi opinionem.

Idipsum probatur rationibus; Nam nulla entitas perfectior termino formali productionis habetur per productionem: ergo si essentia non foret terminus formalis, cum sit quocunque alio termino perfectior, non communicaretur per productionem: quod est falsum. Deinde, in creatis natura est terminus formalis generationis, non vero proprietas individualis: ergo etiam in divinis. Rursus, si essentia non sit terminus formalis, generatio in divinis non erit univoca: quia generans, & genitum non convenirent in termino formali: non convenirent autem, nisi is terminus sit essentia, in qua sola conveniunt. Denique, ista productio non posset vocari generatio, si formalis terminus ejus foret relatio: cum ergo sit generatio, oportet terminum ejus formalem esse substantiam, non relationem.

Posito ergo, quod essentia sit terminus formalis generationis, proba non se habere quasi materia: quod est materia, vel quasi materia generationis, est in potentia ad terminum formalem ejusdem productionis, Sed essentia esse nequit in potentia, vel quasi potentia ad seipsam: ergo si est terminus formalis non est quasi materia: Et enia, ut dictum est, esset quasi materia sui ipsius: Et etiam, quia reperiretur in Filio duobus modis, & ut qua-



quasi materia, & ut terminus formalis, quorum utroque circumscripto nihil minus haberet eam.

Secundo, Activo, & passivo, vel quasi passivo concurrentibus ad aliquid producendum, per prius est respectus in illis ut ad invicem se respiciunt, quam ut ad alterum ordinantur: prius enim debent approximari, & exinde producere: ergo si in Patre sit essentia quasi materia activa fecunditatis, hæc prius se mutuo respiciunt, quam Filium. Hæc autem relatio aut est realis, aut rationis. Si realis: ergo in Patre est relatio realis prior relatione ejus ad Filium, quod est absurdum. Si rationis: contra, nulla productio realis necessario præxigit respectum rationis: ergo circumscripta omni materia, vel quasi, perinde Pater generat Filium. Tercio, Potentia prima causativa se sola effectivè causat, circumscripto quocunque alio principio, seu ejusdem, seu alterius generis, ut est evidens in creatione: ergo à simili prima potentia productiva se ipsa sola producit, non concurrente alio principio, quasi materia. Denique non minus Spiritus Sanctus spiratur de Substantia Patris, & Filii, quam Filius de Substantia Patris generatur: sed etiam si ita opinantes fateantur Spiritum Sanctum non esse de nihilo, negant tamen procedere de essentia, ut de quasi materia: ergo idem negandum est de productione Filii.

Est igitur dicendum, Filium non generari de substantia Patris, sicut de materia, vel quasi materia: Quandoquidem omni materia, vel quasi materia circumscripta, optimè intelligatur Filius esse de substantia Patris, seu genitus à Patre, ut sibi consubstantialis, de quo articulo præcedenti. Declaratio est ista: Generatio in creaturis duo importat, & productionem, & mutationem. Quorum perfectio formales rationes usque adeo diversæ sunt, ut sine contradictione separari queant. Productio enim formaliter est ipsius producti, quod est compositum. Sed mutatio est actus mutabilis, quatenus de privatione transit ad formam. Porro in creaturis mutatio concomitatur productionem, propterea quod potentia productiva pro sui conditione non valens una dare esse perfectum producti, sensim & successivè transmutando materiam, tandem perducit suum terminum ad esse perfectum. Quod si generans creatum foret præditum virtute, & efficacia, ut circa materiam concursus ex se valeret producere effectum, tunc intelligeretur productio sine omni mutatione. Igitur sine contradictione possunt separari, & reipsa divisæ intelliguntur respectu principii activi in suis productionibus, materia non indigentis. Itaque quoniam in divinis locum habere non potest quicquid præfereat aliquam imperfectionem: *mutatio* autem de sui specifica ratione ab imperfectione omnimoda non est separabilis; quia formaliter involvit mutationem in mutabili, & concomitanter importat defectum in agente, qui mutationem efficit. Tale enim agens necessario requirit causam concausantem, ad hoc ut producat: evidens est transferri omnino non posse ad divina generationem sub ratione mutationis, vel quasi mutationis, sed præcisè, quatenus productio est, per quam aliquid capit simul esse perfectum. Huic igitur generationi, vel productioni generativæ nulla correspondet materia, vel quasi materia, uti non subest mutationi, nec quasi mutationi, sed tantum perfectus terminus, vel primus, sive adequatus, qui primo producitur in esse: vel terminus formalis, secundum quem terminus primus formaliter acci-

pit esse. Aliiter etiam potest ratio deduci sic. Genera causarum non se habent in perfectione ex æquo: imo causæ intrinsecæ includunt aliquam imperfectionem, non item causæ extrinsecæ. Quoniam vero omne imperfectum reducit ad perfectum, oportet ut causalitas intrinsecarum reducatur ad causalitatem nobiliorem extrinsecarum. Hæc igitur ex quo ceteræ causalitates ad ipsam reducuntur, non requirit aliquam causam secum concausantem. Efficiens ergo primum, ad quod omnes aliæ reducuntur, non requirit ad hoc ut causet aliam causam secum concausantem: Et hoc sanè in creatione est evidens: ergo similiter in ordine principiorum erit status ad aliquid principium habens eam primitatem in principiendo, ut sibi opus non sit concursu alterius principij: igitur Pater cujus est prima ratio principianti non requirit aliam principiationem secum principiantem in Filij productione: atque ita vanè attribuitur essentiae ratio principij quasi materialis.

AD ARGUMENTA. Ad primum respondeo, Filium non esse de nihilo, sed verè de substantia Patris. Sed instatur: quia intellecta originatione, & consubstantialitate, adhuc superest querendum, an *Tò de substantia Patris*, importet materiam, vel quasi materiam. Responsio, eo quod essentia non sit materia, nec quasi materia, se terminus formalis generationis, ideo Filius est quidem de Patris substantia, sed non de quasi materia. Nec perinde est inferendum: ergo est de nihilo, & creatura, sed tantum rectè sequitur: ergo de nulla materia: & ultra, ergo non est creatura. Etenim creatura est post non esse sui, sic ut nihil præfuerit omnino de ijs, quæ includuntur in ea: Filium autem non præcessit negationis conceptus, cum sit æternus; & præterea quemadmodum est secunda persona, ita prius origine est suum esse formale in prima persona.

Ad secundum dicendum, assumptum esse falsum: nam primæ potentiae activæ non correspondet aliqua potentia passiva propriè, ut in quam, vel de qua aliquid producitur, ut est evidens creatione, quæ nihil præsupponit. Attamen activæ potentiae correspondet aliqua passiva, quam contrariæ sententiæ Authores vocant potentiam objectivam, quæ est potentia producibilis. Unde revera ut Pater est fecundus activè, ita Filius est producibilis. Sed ex eo non statuitur aliqua potentia quasi materiæ, quemadmodum materia nec quasi materia prærequiritur in creatione.

Ad tertium, neganda est minor, si fiat distributio pro priorioris, sicut accipitur in majori. Quod enim Pater habeat essentiam prius origine, non est aliud, nisi possidere essentiam à se, uti & Filium eandem accipere in posteriori signo originis, est ab alio possidere: simul autem stat, Patrem à se, & Filium à Patre essentiam accipere, & tamen in eodem naturæ signo esse, & repeniri in utroque: adeo ut Filius nunquam fuerit in potentia habendi eam. Quare si ita arguatur: In eodem signo originis essentia non est in Patre, & Filio: ergo neque in eodem signo naturæ: est fallacia à secundum quid ad simpliciter. Non potest autem intelligi Filius in potentia, vel quasi potentia, nisi pro aliquo signo naturæ concipiatur posterior Patre, vel paternitate. Id vero est contra rationem correlativorum. Quia ergo nulla potentia naturæ præcessit, nisi potentia logica, quatenus erat producibilis per activam fecunditatem memoriæ in primo signo originis, non intelligitur essentia habere rationem qua-

Collat. 29. cit. & non obsecrè significaverit in primo dist. 9. q. 2. utriusque scriptis.

Quare Filius in divinis non sit dicendus produci de essentia, ut quasi materia.

Ex Repert. q. 2. cit. B. 20.

Sed Doctor hanc appellat potentiam Legitimam, quæ est non repugnantia extremorum. 1. dist. 7. q. 20. 36. 37. 41. 42. alibi frequenter. Ex Collat. cit. 13.



quasi materiæ, nisi improprie omnino eo sermone utamur, & citra necessitatem.

Ad quantum respondeo ex dictis: Quoniam essentia divina est terminus formalis generationis, repugnat sibi ratio susceptivi, vel quasi susceptivi generationis, esto sit id, de quo Filius producit: quia tunc se ipsam reciperet, vel quasi reciperet. Quia ergo nequit materia ab omni penitus imperfectione separari, quia necessario mutationem involvit, & imperfectionem pariter importat respectu agentis, una cum quo ad causandum concurrat, nec materiam, nec quasi materiam possumus affirmare in divinis. Et cum dicitur esse id, de quo aliquid generatur, non involvit imperfectionem. Responso: iste conceptus ut divinæ essentiae attribuitur, non est ratio quasi materiæ; quia id, de quo Filius gignitur, est terminus formalis, qui communicatur producto. Generatio ergo ista tantum est productio, cujus termini præcisè sunt produciens, & productum; unde non sequitur, aliquid hic se habere quasi subiectum; ed debet inferri, cum generatio sit univoca aliquid esse commune gignenti, & genito, non quidem tanquam quasi materiam, sed ut formam, vel actum utriusque.

Ad quantum dicendum, quotiescunque ex duobus coalescit unum compositum per se, vel per accidens, oportere omnino alterum esse in potentia respectu alterius: Sed quum unum per exactissimam identitatem transit in aliud, ut realiter sit illud, abesse omnem rationem actus, & potentiae. Aequi in casu ita est; nam persona neque est composita, neque quasi composita ex actu, & potentia, sed est unum simplicissimum ex istis, quia ratio unius est perfectissimè eadem alteri, & ideo repugnat ei omnis compositio, & quasi compositio; Essentia enim est in ultimo æqualitatis, & perfectione sibi se, & ex se ut præ intelligitur ad proprietates personales; Relationes ergo esse, dici nequeunt actus essentiae, uti sunt actus essentiae finitæ proprietates individuales. Quare recte ait Damascenus, lib. 2. cap. 6 *Proprietates personales characterizant hypostasim, non naturam*. Cum ergo relatio nec sit actus, nec quasi actus essentiae, subinde nec essentia est dicenda quasi materia relationum.

Ad sextum concedo, relationem esse in essentia, non ut in subiecto, sed ut relatio est in fundamento suo, sive radice; id tamen non debere intelligi ad instar actus in potentia, sed ut quid identicè contentum in pelago infinito. Quare etsi hæ omnes sint veræ, *Deitas est in Patre, Paternitas est in Patre, Pater est in Deitate, Paternitas est in Deitate*: in nulla tamen importatur actus, & potentia, vel quasi potentia. Nam prima est vera, ut natura est in supposito, habente esse quiditativum ipsa essentia, sed non propterea est forma informans suppositum, ne in creaturis quidem. Secunda est vera, ut forma hypostatica est in hypostasi, non tamen informans ipsam. Tertia est vera, ut suppositum est in natura, esto natura non sit materia suppositi, ut formæ informantis. Quarta denique est vera eodem modo. Nam quæ ratione totum est primo in aliquo, eadem est in illo per se pars totius, sed non primo. Si igitur Pater est primo in natura, ut suppositum ejus, paternitas per se erit in eadem natura, eodem modo essendi in, sed non primo. Breviter itaque eodem modo, quo relatio est in fundamento, tali sunt relationes in Deitate, qui non reducitur ad modum essendi formæ in materia, nisi ubi fundamentum est limita-

Tomus I.

tum, propterea quod tunc esse non possit eadem sibi relatio perfecta identitate.

Ad septimum Respondeo sic: In creaturis ordo generationis, & ordo perfectionis sunt contrarii; nam quæ sunt priora generatione, sunt perfectione posteriora, 9. *Metaphysicæ* sex. c. 15. sed in primo principio hi ordines coincidunt, quia est simpliciter primum & origine, & perfectione. Sicut igitur, si in creaturis hi duo ordines uniformiter concurrerent, primo quæreremus formam, & exinde materiam natam actuari per formam. Ita in divinis primo signo naturæ occurrit essentia divina, ut est *esse* de se, & per se, nec intelligi potest ut aliquid receptivum perfectionis illius, sed magis concipitur ut infinita perfectio, potens in secundo signo naturæ communicari alicui, non ut forma informans materiam, sed ut quiditas communicatur supposito, tanquam formaliter existenti per eam; & ita pullulant relationes ex ea, & personæ in ea, non quasi quædam formæ dantes *esse* sibi, vel quasi quædam supposita, in quibus recipiat *esse*, sed quibus suppositis dant *esse* ut quo formaliter illa supposita sunt, & quo sunt Deus, Relationes, igitur cum sint per se subsistentes, sic pullulant, suntque in fundamento, non ut formæ essentiae, sed ut natæ esse Deus ipsa Deitate formaliter, cui sunt eadem perfectissima identitate. Est igitur essentia relationum istarum fundamentum, non quidem quasi potentiale, sed quasi per modum formæ, in qua istæ relationes natæ sunt subsistere, sicut suppositum dicitur esse in natura. Non est itaque essentia divina quasi potentia, sed præcisè gerit modum formæ, ut qua relatio fundata in ea simpliciter est Deus.

Ad octavum dicendum, relationem esse actum personalem non quiditativum, & ita personas non quiditatem distinguere. Quia igitur actus personales non distinguunt essentiam, nec contrahunt, nec determinant, actus essentiae esse non possunt, nec ipsa est respectu illorum materia, nec quasi materia.

Ad ultimum respondeo: Communicatum, in quantum productione communicatur, non præsupponit, cui communicetur, nec e converso: quia hæc communicatio non fit alicui jam existenti, ut in alteratione; sed alicui ut sit, ideo nec natura communicatur ante productionem suppositi, quia tunc communicaretur non producto; nec etiam e converso suppositum est antequam natura communicetur. Quamvis absolutè communicatum sit prius ratione propria suppositi prioritate perfectionis, & originis. In Deo enim essentia est formaliter infinita, ac prior relationibus, quæ non sunt formaliter infinite.

#### ITERUM ARTICULUS INCIDENS.

Utrum divinæ productiones sint univocæ, vel æquivocæ,

*Doctor 1. dist. 7. §. Huic rationi: 5. dist. 13. §. Ad secundum principale: in Report. 1. dist. 7. q. 3. S. Them. 1. p. q. 41. articulo 3. in solutione,*

**V**IDENTUR divinæ productiones esse æquivocæ. Etenim paternitas, & filiatio differunt specie; ergo & personæ constitutæ per ipsas. Antecedens probatur: nam differunt secundum quiditates: & talis est differentia specifica. Tum, quia sunt puri actus, differentia autem actus, & formæ est specifica. Consequentia pro-

Ooo batur



batur. Primo, quia non major distinctio est in principiis, quam in principiatis. Secundo, quia eadem est differentia formalium constituentium, & constitutorum. Tercio, eadem est differentia eorum, secundum quæ præcisè aliqua differunt, & ipsorum, quæ differunt.

Præterea, Aliqua differentia formali differunt per se; & non nisi differentia illa, quæ est relationum, specifica est: ergo personæ vel differant specie, vel nullo modo differunt.

Præterea, Divinæ productiones differunt specie; ergo & producta. Antecedens patet; cum in divinis non sit productio, nisi unica unius rationis per intellectum, & unica pariter per voluntatem. Consequentia probatur, tum, quia aliter non esset proportio productionum ad producta: tum secundo, quia productiones sunt ejusdem rationis cum productis. Tum tertio, quia potentiæ alterius rationis postulant objecta alterius rationis; ergo si propria producerent objecta, producerent ea alterius rationis; ergo sicut intellectus, & voluntas præsupponunt bonum, & verum formaliter distinctos, ita producerent terminos formaliter distinctos.

Præterea, Differentia specifica videtur perfectior differentia numerali, quod & probatur: Nam distinctio specierum est de perfectione universi, non vero distinctio individuorum; ergo differentia specifica, utpote perfectior, est ponenda in divinis.

Præterea, Productum per intellectum ex vi productionis suæ est notitia generis: productum autem per modum voluntatis est amor procedens: sed notitia ut notitia, & amor ut amor videntur alterius rationis formaliter. Imo nedum ad invicem comparata hæc producta videntur specie differre: Sed etiam ut ad principia eorum productiva referuntur; notitia enim actualis est alterius rationis à memoria, ut amor alterius rationis à voluntate, ut sunt actus primi: ergo principia productiva formaliter distinguuntur à terminis productis.

CONTRA, Eadem est forma in producentibus personis, & productis; ergo maxime univoca est ipsarum processio: Unde Augustinus, 6. de Trinit. cap. ult. loquens de Filio prout est Patris imago, dicit; *Ita imago est omnimodò similis Patri*; Non igitur est hic aliqua ratio æquivocationis, cum ab sit omnis ratio dissimilitudinis, ex qua oriri posset. Et Hilarius, 4. de Trinit. *Ad ampliandam*, inquit, *potestatem generantis ponitur unigenitus coequalis*.

RESPONDEO, dicendum, Filii generationem à Patre, & Spiritus Sancti processionem à Patre, & Filio prorsus in unitate specifica fieri. Probatio: In primo termino generationis (& idem de Spiritus Sancti processione) duo concurrunt, natura nimirum, & propria relatio ipsius geniti, quæ est hæc generatio. Aut igitur generatio est, & dicitur univoca, vel æquivoca à termino formali ipsius generationis, aut ab proprietate producti per generationem. Si ex termino formali geniti est generatio univoca, quoniam terminus formalis productionis in divinis est idem penitus in producente, & producto, est sanè hæc productio maxime univoca, quia perfectissima similitudo. Si secundum dicatur; ergo nulla generatio est univoca: quia nullum genitum penes rationem individualement est simile gignenti. Deinde, generatio est distinctiva, & assimilativa: perfectior autem ratio in ea est, exinde quod sit assimilativa, quam distinctiva. Nam hic realis conceptus oritur à ra-

tione formæ, quæ forma est, non quia concipitur ut *hec*; & ratio formæ est perfectior in supposito differentia individuali. Si igitur perfectior est in generatione, quod sit assimilativa, perfectior secundum hoc est dicenda univoca, vel æquivoca. Si enim id haberet prout est distinctiva, unaqueque foret æquivoca, quia nulla est, quæ non distinguat. Quoniam itaque generatio assimilativa est in quantum eadem natura communicatur, distinctiva vero, quatenus terminatur ad genitum à generante distinctum, consequens est, ut hæc generatio sit univoca, quia genitum gignenti simillimum, quippe quibus una eademque natura sit realiter communis.

AD ARGUMENTA. Ad primum dicendum, in divinis non reperiri propriè genus, nec speciem, nec differentiam specificam. Fatendum est tamen, paternitatem, & filiationem esse relationes quasi alterius speciei, & alterius rationis. Sunt enim oppositæ, nec fundatæ supra unitatem immediatè, sicut similitudo, vel æqualitas. Magis etiam distinguitur paternitas à filiatione, quam paternitas à paternitate. Sed cum exinde inferitur; ergo & constituta sunt alterius rationis, quasi specificè; neganda est differentia.

Et pro solutione probationis, notandum, aliqua dici magis distincta aliis, quia magis repugnant, ut contraria: aliqua vero, quia minus in aliquo conveniunt, ut disparatæ: ut propriè plus distinguuntur, quam contrariæ; Si d. universaliter, quanta est distinctio, id est, repugnantia constituentium, vel formaliter distinguendum, tanta est & constitutorum: & ita in casu quanta est impossibilitas paternitatis, & filiationis, tanta est Patris, & Filii: Attamen juxta aliam comparisonem, nunquam distinguendum sequitur tanta convenientia, quanta est inter ea, quæ per illa distinguuntur, ut patet inductione. Siquidem differentie specificæ non conveniunt in genere, in quo nihilominus sunt unum species ipsi distinctæ specificis distinctis, & ita de cæteris.

Atque ex his ad argumenta, & ad probationes. Cum instatur de principiis, & principiatis. Respondeo, majorem distinctionem, id est majorem non convenientiam versari posse inter principia quam inter principiata; ut dictum est de differentiis specificis, & constat pariter de differentiis individualibus respectu specierum; magis enim conveniunt ipsa principia individua, quam eorum differentie individuales. Et eadem est responsio ad aliud de formalibus constitutivis, & de præcisè distinctivis: In omnibus quippe est falsum, tantam esse differentiam constitutorum, quanta est formalium constituentium.

Ad secundum dicendum, nullam esse consequentiam, quæ hoc genere arguendi inferatur. Iste præcisè personæ distinguuntur: & ista distinguuntur specie; ergo & specie personæ distinguuntur. Quemadmodum nec sequitur, cum applicatur differentiis individuorum. Et cum dicitur; ergo nulla erit differentia distinctorum, cum non distinguantur, juxta distinctionem distinguendum principiorum. Responsio: Quemadmodum per differentias individuales est aliqua distinctio ipsorum individuorum alia ab illa, quæ ipsæ differentie differunt; Hæc siquidem primo diversæ sunt, sed distincta non sunt primo diversa, sed tantum distincta numero in eadem specie. Ita hic per relationes distinctas quasi specie possunt alia distinguui personaliter tantum in eadem natura divina.

Ad tertium, nego consequentiam; quia ex perfectione naturæ divinæ esse possunt aliqua principia

Ex Report.  
loto cit.

Durandus  
1. dist. 4. q. 1.  
& dist. 7. q. 2.  
2. c. Ad rationes principales sentit divinam, generationem esse æquivocam, ex ex parte, quæ ex genito non communicatur potentia, generandi, quam potentiam ibidem putat consistere in paternitate; sed suppositum ex instatur inferi, artic. 5. & 6.



cipia propria alterius rationis, communicativa tamen ejusdem essentiae; unde fit ut productiones sint univocæ. Cum probatur consequentia primo per proportionem. Dicendum proportionem productionis ad terminum formalem consistere in hoc, quod terminus ipse formalis communicetur, sed non requiri propterea, ut si terminus formalis sit unius rationis, pariter & productio sit unius rationis: Siquidem productiones distingui possunt per rationes suas formales, aliter quàm ex terminis formalibus; uti revera evenit hic, ubi productiones accipiunt ex principiis formalibus, quod sint alterius rationis. Diversis ergo productionibus acquiritur terminus unius rationis formalis. Quemadmodum & forma eadem acquiri potest mutationibus alterius rationis; sicut idem *sibi* per motum localem super magnitudinem rectam, & circularem; qui nihilominus motus ita sunt, alterius rationis, ut nequaquam comparari queant, secundum Philosophum, 7. *Phys. text. c. 21. & inde.*

Ad secundam probationem, cum dicitur productiones sunt ejusdem rationis cum productis. Responsio: Utiq; sunt ejusdem rationis quoad hoc; quia sicut productiones sunt relationes, ita producta sunt relativa. Sed quia producta sunt subsistentia in aliqua una natura, & productiones formaliter non sunt supposita subsistentia in illa natura; ideo producta possunt habere unitatem aliquam in natura formaliter communicata eis per productiones, qua carent formaliter productiones. Ad tertiam probationem est responsio hæc: Potentiæ ut sunt operativæ non requirunt distinctum objectum formale: imo illud idem, quod est objectum primum intellectus divini, est etiam objectum primum, & formale voluntatis divinæ, adeo ut utraque potentia in eodem objecto primo beatificetur, & secundum eandem rationem formalem. Nulla enim perfectio quasi radicata in essentia divina, est primo reddens beatum intellectum, vel voluntatem divinam, sed ipsa potius essentia sub omnimoda prima ratione, ut est fundamentum omnis perfectionis, est objectum beatificum. Sicuti ergo non requiritur distinctio formalis in objectis, respectu potentiarum ut sunt operativæ, ita nec ut sunt productivæ, ita ut probatio hæc magis sit ad oppositum.

Ad quartum Respondeo sic: Differentia specifica non est perfectio identitate specifica in divinis; est perfectio in fit in creaturis. Posita enim limitatione creaturarum, reperiri non potest perfecta perfectio in creaturis absque specifica distinctione. Sed si per impossibile in aliqua una natura uniretur omnis perfectio, tunc in creaturis non inveniretur distinctio specifica. Est igitur differentia hæc perfectio supplet imperfectiorem. Quoniam igitur in divinis est una natura simpliciter perfecta, nulla occurrere potest imperfectio per specificam differentiam supplenda: & ideo est ibi unitas opposita specificæ distinctioni.

Ad ultimum Respondeo, eo tantum concludi distinctionem formalem, penes proprietates constitutivas geniti, & spirari, quod concedo. Sed proinde non est ea productio æquivoca, quia eadem est natura in producente, & producto. Sed contra hoc, est quæ additur deductio: Quia notitia actualis est alterius rationis à memoria, ut est actus primus; & simili distinctione differt amor spiratus à voluntate, quatenus actus primus.

Ad hanc instantiam dicendum sic. Primum productum primate adæquationis est simpliciter ejusdem rationis cum producente: quia omnis per-

fectio, quæ est in uno, & in altero indivisè reperitur, atque ita productio hæc univoca sit oportet. Verum est tamen, primum, quod primate originis communicatur, ejusmodi est essentia (in originatione enim Filii primum est essentia; secundum alia perfectiones absolutæ, tertium proprietates, & ita pariter in originatione Spiritus Sancti) non esse ejusdem rationis cum producente; quia id producatum est relativum, essentia vero absoluta: Nec etiam notitia actualis cum Patre, cum illa sit absoluta, & formaliter infinita: Pater vero ratione proprietatis sit relativus, ejusque proprietates non infinita. Nihilominus ipsum productum primum, & adæquatum principium productivum, est ejusdem rationis cum producente: utrique enim eadem est natura, eademque perfectiones; ut dictum est.

#### ARTICULUS IV.

Utrum in divinis sit potentia respectu actuum notionalium.

Doctor 1. dist. 7. in Report. ibidem q. 1. & dist. 20. q. 2. S. Thom. 1. p. q. 41. art. 4.

De his actum quoque supra q. 27. art. 1. & 2.

**V**IDETUR in divinis non esse admittenda vera, realique potentia, respectu actuum notionalium. Nam ubi productiones non sunt elicite, vanum est querere productivam potentiam, aut principium producendi eas. Sed in divinis generare, & spirare non sunt productiones elicite. A Patre enim, & Filio hæc notiones non distinguuntur, ut profecto oporteret, si elicite essent, & dicerentur; & in Patre id est evidenti, cum omne, quod in ipso reperitur, sit à se, & improductum; ergo vanum est querere productivam potentiam, vel principium productivum eorum, quæ producta non sunt, nec esse possunt.

Præterea, Possesse Patrem non est posse potentiam productivam, sed est magis posse connexionis necessariæ, eo modo quo homo potest esse animal. Si enim posse esse Patrem caderet sub aliqua potentia productiva, necessario Pater in divinis produceretur, quod est erroneum. Sed eadem est potentia, qua potest generare, & qua potest esse Patre actu enim generare, & paternitas eadem res sunt, qua Pater est actu Pater; & alioqui evidens est in omnibus, qualiter eadem potentia, qua quis potest generare, potest & se efficere Patrem; ergo impossibile est, potentiam generandi in divinis esse productivam, nisi pariter admittatur & potentia productiva respectu hujus, quod sanè error est.

Præterea, Si potentia generandi diceret principium productivum, & aliquam potentiam elicтивam, aliqua perfectio simpliciter reperiretur in Patre, quæ in Filio non esset. Potentia enim productiva creaturæ importat perfectionem, & ideo eadem est in tribus: & multo magis potentia productiva Dei. Sed hæc potentia productiva non ponitur in Filio; ergo sibi aliqua perfectio deesset; id vero est erroneum: ergo præstat dicere, potentiam generandi non esse principium productivum.

Præterea, Cujus negatio non est negatio potentia, ipsum non est formaliter potentia; sed Augustinus,

Magistri Aureoli argumentatur, quibus probare conatur potentiam generandi, & spirandi non esse aliquid principium productivum sed præcisè non repugnantis extremorum. 1. dist. 7. art. 2. proposit. prima.



gustinus, lib. 3. *contra Maximinum*, cap. 12. expresse docet, negationem generativæ potentia non tollere potentiam, sed possibilitatem tantummodo terminorum; dicit enim: *Filius non genuit, non quia non potuit sed quia non oportuit*: Quod exponens Magister, 1. dist. 7. cap. *Potest*. dicit, *Tō non oportuit* ita intelligi debere: Nempe non evenire ex Filii impotentia, quod non genuerit, sed quoniam illi sibi non conveniebat. Sicut Pater non est Filius, nec tamen hoc ex impotentia est Patris; ergo si hac negatione potentia non admittitur Filio aliqua potentia, nec aliqua pariter potentia adstruitur in Patre ex eo quod possit gignere Filium; adeoque potentia hæc generandi non est nisi quædam connotatio non repugnantium terminorum.

Confirmatur, Magister, ubi supra, æquiparat has duas propositiones: *Pater non habet potentiam, qua possit esse Filius: Filius non habet potentiam, qua possit esse Pater*: Sed constat, eam impotentiam, qua Pater nequit esse Filius, non importare carentiam alienius potentia productivæ, cum sit pura impossibilitas, ac repugnantia terminorum; ergo nec impotentia, qua Filius non potest esse Pater. Hæc autem impotentia idem est, ac non posse generare; ergo sic generare non posse, non est negatio potentia productivæ.

Præterea, Potentia productiva est activa potentia: Sed potentia activæ primum correlativum est possibile; igitur si in Patre est potentia verè Filii productiva, & propriè activa; Filius erit possibilis. Constat autem, personas divinas esse summè, & ex æquo necessarias; ergo etiam ex hoc capite videtur abjudicanda divinis personis potentia propriè productiva.

CONTRA, PIAL. 2. *Dominus dixit ad me: Filius meus es tu: ego hodie genui te*: ergo Filius procedit de Patre per verissimam potentiam ejus productivam, quemadmodum & Filius verissimè producitur.

RESPONDEO, In divinis admittendam esse potentiam productivam, non actuum notionalium, sed eorum, quæ iis actibus producentur, suntque personæ exeuntes, altera per modum naturæ, altera per modum voluntatis, Ad cujus solutionis evidentiam sciendum, potentia nomen esse æquivocum: multiplex enim habet intellectum. Et primo quidem potest accipi pro *potentia logica*, quæ est modus compositionis factæ ab intellectu, & importat non repugnantiam extremorum. Ad quem sensum dicit Philosophus, 5. Metaphy. cap. de Potentia; *Illud est possibile, cujus contrarium non est de necessitate verum*. Secundo accipitur *potentia* ut distinguitur contra actum; unde dicit Philosophus *ibidem*, ens dividitur per actum, & potentiam. Iuxta quam acceptionem nulla est potentia in Deo, imo quicquid in eo reperitur est in suo ordine possidens omnimodam actualitatem, Tertia acceptio *potentia* est, qua intelligitur eo nomine potentia realis, quæ est proximum fundamentum agendi, vel patiendi, sicuti dicitur calor est potentia agendi, materia potentia recipiendi. Hic autem omnia potentia passiva, agendi potentia vel accipitur pro per se significato, vel pro connotato; Etsi significatum quidem ejus est relatio, connotatum vero aliquid absolutum ipsius fundamentum relationis. Hoc itaque absolutum, quod est ipsa ratio formalis agendi, sub propria, & reali ratione potentia productivæ, vel principii agendi, reperiri in divinis, sic ut sicut Filius verissimè producitur à Patre, & Spiritus Sanctus

à Patre, Filioque spiratur, ita verè, & propriè sint in personis producentibus principia productiva, Probatur: Intellectus noster (& idem deducitur quoad voluntatem) virtute sua productiva una cum objecto causat notitiam genitam; ergo & intellectus divinus una cum essentia, est principium quo productivum Verbi: est ergo in divinis potentia realis, & principium verè productivum duorum subsistentium, juxta numerum principiorum originis personarum productarum, Probatio consequentiæ: Nam quod intellectus in nobis sub ratione principii productivi attingat notitiam genitam; spectat ad perfectionem ejus: id enim præstat quatenus ipse ut actus primus in sua virtute continet actum secundum: non producit autem sub ratione ullius imperfectionis, quia quod accipit *esse* ab alio, non procedit de illo, nisi quatenus est, & in suo ordine perfectum est: imperfectio autem mera negatio perfectionis est. Sed in Deo est intellectus, secundum omnem rationem, quæ non ponit imperfectionem: ergo est in illo propria, & formalis ratio principii productivi respectu notitiæ genitæ. Ut irrationabiliter omnino aliqui negare videantur, Verbum productum, & amore spiratum prodire de potentia eorum respectivè productivis. Cum aliud non sit in Patre esse potentiam productivam Filij, quàm intellectum habentem objectum actum intelligibile sibi præsens, gignere notitiam in omnibus illi adæquatam, eique per modum naturæ communicare eandem essentiam, qua Pater est Deus. Deinde, est in Deo potentia verè productiva creaturæ: quæ quoniam ad terminum non necessarium terminatur, non dicit respectum realem ad ipsum, sed rationis tantum. Cum ergo in Patre sit respectus realis ad Filium, & in utroque ad Spiritum Sanctum, tam Pater erit principium productivum Filij, quàm ambo Spiritus Sancti. Probatio consequentiæ: creatura quia verè producta reali respectu refertur ad Deum producentem: contra vero Deus non ita refertur: non quia non sit verè producent, sed quia ens summè necessarium, & omnimodæ simplicitatis, referri non potest ad minus necessarium, imo contingens, nec est capax recipiendi ullam formam sibi superadditam. Sunt tamen relationes reales in ipso ad intra, quia utrobique par necessitas, & simplicitas: sed istæ relationes non exsurgunt in Deo, nisi quia Filius à Patre est, & Spiritus Sanctus à Patre, & Filio: ergo consequenter ad potentiam verissimè productivam Patris respectu Filij, & utriusque quoad Spiritum Sanctum. Denique, quod est perfectionis in principio productivo non tollit ab illo rationem principii productivi: Sed si Deus per impossibile produceret alium Deum, nemo negaret reperiri in ipso potentiam productivam, ut modo asseritur respectu creaturarum: ergo cum nunc Deitas communicetur in identitate numerali, & communicatione sibi adæquata, perperam negatur id fieri virtute potentia productivæ: imo subinde adstruenda est longè perfectissima, utpote sequela *esse* per essentiam infiniti: Et propterea hoc genus communicandi se in unitate naturæ repugnet cæteris omnibus propter intrinsecam eorum limitationem. Quod vero non sint hæc principia actuarii notionalium productiva, ex eo est evidens, quia generatione activa, quæ est omnino prima actio productiva, Pater constituitur in esse personali: non ergo realiter distinguitur à principio quo absoluto: tunc enim vel Filio communicaretur, vel in Patre esset forma recepta: utrumque est impossibile: Et consi-

1. dist. 2. q. 7.  
§ 1. ista ratio  
nes conclusio  
denda n. 4.

1. dist. 19.  
§ 1. dist. 8. q. 1.

1. Repost.  
dist. 2. q. 5.  
§. Ad opposi-  
tum.

Videndus  
Mayron. 1.  
dist. 7. q. 1.  
ubi addu-  
ctis Aureoli  
argumentis  
dicit eviden-  
ter illis pro-  
bati oportere  
omnino  
Patrem esse  
improducti-  
vum. Sed  
falso inde  
inferri eum  
carere debere  
potentia  
productiva,  
quam Fran-  
ciscus in  
Patre ad-  
struit ratio-  
nibus Aure-  
oli præterea  
in contra-  
rium dedu-  
ctis Videtur  
ipsum 6.  
Nunc scien-  
do videndum.

Videnda  
glossa ma-  
gistri Ly-  
cheti super  
dist. 7. pri-  
mi cit. ad  
§. Loquendo

militet



militer activa spiratio Patris, & Filii identificatur, esto non sit forma earum personarum constitutiva: ex eo tamen quia hi actus sint extrarationem formalem absoluti, sunt quasi elicti, non tamen verè producti; uti termini ipsorum.

Ad argumenta. Ad primum dicendum, effectum realiter productum, & à causa sua reipia distinctum, satis evidentè ostendere potentiam productivam agentis, seu sui ipsius actio ab eo distinguatur, seu non. Nam & effectus creatus, ut anima intellectiva, evincit potentiam creandi in primo efficiente, esto creatio actio ab ipso non distinguatur, cum sit actus voluntatis divinæ. Consimiliter ex Filio genito à Patre rectè concludimus, potentiam verè productivam Filii esse in Patre. Sed arguebatur; quia si talis potentia foret elictiva, actio producentis ab eo distingueretur, Responsio; id esse verum in creaturis, quarum actiones supponunt agentia in esse suppositali constituta: At quoniam in divinis hypostases constituuntur in tali esse ipsis actibus notionalibus seu activè, seu passivè, fieri non potest, ut respectu horum sit potentia productiva; satis est igitur horum actuum esse terminos distinctos, qui verè producuntur per *generare*, & *spirare*, esto Pater paternitate sit talis, cui pariter & activa spiratio identificatur.

Ad secundum concedo, *posse esse Patrem* antecedere omnem Potentiam productivam; cum Pater in divinis sit improductus, & improductibilis. Propterea quod enim essentia sit ex se determinata ad subsistendum in prima hypostasi prioritate immediationis, & per ipsam in aliis duabus, fieri omnino non potest, ut Patri insit paternitas per Filium; imò ipse est Filio origine prior, quamvis simul natura coexistent. Et cum subditur; eadem est potentia, qua Pater potest generare, & qua potest esse Pater. Responsio: Potentia, qua Pater potest generare, est Filii principium *quo*, idem omnino in genito, & generante: Sed id, quo Pater potest esse Pater, est principium *quod*, distinctum realiter à genito, prout in *esse* personali constituitur per actualem generationem, quæ est ipsa paternitas, præsupponens tamen principium *quo*, seu memoriam perfectam. De hoc tamen non intelligitur exire productum nisi sibi adfint ceteræ circumstantiæ requisitæ ad agendum, sine quibus est in potentia tantum remota: nempe est tale agendi principium, cum intelligitur essentia ex se determinata ad primam subsistentiam prioritate immediationis, & originis respectu Filii geniti in secundo signo originis Quod est dictum, essentia ex se est in Patre, in Filio autem per productionem Patris, in Spiritu Sancto per activam spirationem Patris, & Filii.

Ad tertium, negandum aliquam perfectionem deesse Filio, si potentia generandi in Patre sit principium productivum ejus. Sed arguebatur: majoris perfectionis est producere infinitum, quam finitum; sed perfectionis simpliciter est in Deo producere creaturam. Responsio; *potentia* ex, dictis in *solutione*, uno modo est relatio connotans absolutum, in quo fundatur: sub qua acceptione *potentia* generandi Patris non dicit perfectionem, aut imperfectionem. Ut vero accipitur pro connotato est perfectionis infinitæ. Quoniam ergo id absolutum est memoria fecunda, atque una, eademque est in Patre & Filio, nihil perfectionis huic detrahitur ex eo quod non possit generare, sed de hoc amplius articulo ultimo præsentis quæstionis; & dictum quoque fuit, g. 27. art. 5. in incidenti primo.

Ad quartum respondeo sic: negata potentia generandi in Patre, affirmatur in ipso imperfectio: quia tunc sibi deesset modus producendi perfectissimus, qui est ex liberalitate, per communicationem nimirum infinitæ perfectionis alteri, non expectans retributionem, aut perfectionem ullam. Sed in Filio hac eadem potentia sublata prout dicit formaliter relationem, nulla ponitur in eo imperfectio, quia non reperitur in ipso memoria fecunda, ut præintelligitur actui producendo: imò in se est ejus productivæ potentiaæ adæquatus terminus. Rectè ergo dicit Magister, Filium non genuisse, non ex impotentia, quasi defuerit sibi idem principium generandi, sed quia non oportebat reperiri in ipso eandem potentiam cum iis circumstantiis, quæ sunt necessariae ad agendum: Nam unus terminus infinitus perfectè adæquat principium productivum pariter infinitum.

Ad confirmationem nego, eandem impotentiam importari, cum dicitur *Filius non posset esse Pater*; ac *Filius non potest generare*. Nam in prima est mera impossibilitas orta ex sui intrinseca ratione, secundum quam essentiam accipit a Patre: At ipsum generare non posse non est quia careat principio *quo* generandi: Sed quia est suppositum, cui non est conveniens actus generandi; tantum igitur non est in ipso potentia proxima generandi: cum tamen habeat eandem memoriam fecundam cum Patre, sed in Patre ei principio correspondet terminus adæquatus, ut ab eodem productus, in Filio habet eundem terminum non quidem ut à Filio productum, sed à solo Patre. Ac propterea sibi is actus non congruit, quia ejus principium, ut in Filio non est prius actu producendi, uti est in Patre.

Ad quintum respondeo sic: utique primum correlativum potentie activæ est possibile, non ut opponitur impossibili: quia hac ratione *Deum esse* est possibile; nec tamen id possibile terminus esse potest alicujus potentie activæ. Ut ergo est activæ potentie correlativum possibile accipiat oportet determinatius, nempe pro *possibili objectivè*: Omne enim tale possibile correspondet potentie activæ, tanquam per illam producibile. Quoniam igitur ejusmodi objectivæ possibilitas non est in divinis personis, qua ratione duæ ex ipsis dicuntur procedere, ut de potentia verè productiva? Responsio: etsi concedatur, Filium esse principiatum, non est tamen dicendus possibile, nisi logica possibilizate; & nihilominus ponenda est in Patre potentia activa generandi; quia potentia activa in creaturis aliquam importat perfectionem; sed possibilitas sibi correspondens, quæ repugnat necessitati ex se, dicit imperfectionem. Transferitur igitur ad divina nomen extremi involvens perfectionem; imperfectia autem correlativi non transferuntur in se, sed in aliquo communiori, adeo ut rectè in producendo affirmetur productiva potentia, ex parte autem producti dicatur reperiri in eo ratio principiatæ.

1. dist. 20.  
§. Et si quæ  
rat.

1. dist. 20.  
§. Quantum  
ergo ad istum  
articulum

Vidende  
etiam, solu-  
tiones, quas  
ad argu-  
menta hac  
apponebat Ly-  
chetus loco  
supra cit., ad  
§. Ad formam  
autem quæ-  
stionis.

1. dist. 20.  
q. 1. §. Sed  
sunt v. cum  
igitur qua-  
rit §. 5. Ad  
primum prin-  
cipale.

De his egre-  
giè pertra-  
ctat May-  
ron. 1. dist.  
7. q. 8. §.  
Quantum  
ad secun-  
dum.



## ARTICULU V.

Utrum potentia generandi significet relationem,  
& non essentiam.

Doctor 1. dist. 7. in Report. ibidem, q. 1. S. Thom. 1.  
p. q. 43. articulo quinto.

Et quæstionem  
intelligen-  
dum de prin-  
cipio quo  
generatio-  
nis; certum  
est enim  
principium  
quod gene-  
rans Filium  
solum Pa-  
trem esse.  
Hanc tamen  
distinctionem  
principii non ad-  
mittunt  
Gregorius,  
& Duran-  
dus, dist. 7.  
primi hac  
præsertim  
ratione,  
quia opor-  
teret distin-  
gui à prin-  
cipiato.  
Sed posse-  
iores illis  
refragari  
sunt, dicen-  
tes satis esse  
à principia-  
to distinguere  
principium  
quod. Vi-  
deus Lyche-  
dum in Com-  
super dist. 7.  
p. & Suarez  
Tract. 3. de  
Trinitate.

**V**IDETUR potentia generandi significare  
Patris proprietatem, non vero essentiam.  
Nam secundum Augustinum, 5. de Trinit. cap. 6.  
*Et Pater est, quo est ei Filius*; ergo eo est Pater,  
quo generat. Probatio consequentiæ: Patri est  
Filius generatione; Sed paternitas est Pater;  
ergo paternitas generat. Alioquin enim si Dei-  
tate generaret, profecto Deitate esset Pater.

Præterea, Actus proprius de propria forma  
agentis procedit: Sed *generare* est proprius actus  
Patris; ergo ex hac forma est generatio. Proba-  
tio minoris: tum; quia propria forma dat *esse*,  
igitur & *agere*. Tum, quia si forma sit communis  
his omnibus, quæ per formam communem acci-  
piunt *esse*. Causa enim, & effectus correspon-  
dent sibi invicem, universalis universali, parti-  
cularis particulari, 2. *Phys. text. c. 38. & 5. Me-  
taph. text. c. 2.*

Præterea, Medium sit oportet ejusdem gene-  
ris cum extremis: Sed supposita, quæ sunt extrema,  
relativa sunt; ergo illud, quod suppositum  
agit, est relativum. Id enim est medium inter ejus-  
modi extrema.

Præterea, Potentia est ejusdem generis cum  
actu: imo in divinis unum, idemque sunt poten-  
tia, & actus. Sed actus generandi est relatio,  
vel relativum; ergo & principium erit relatio,  
vel relativum.

CONTRA, Damascenus, lib. 1. cap. 8. *Gene-  
ratio est opus naturæ*: Sed non est opus naturæ  
ut generantis quia natura non generat; ergo est  
opus naturæ, ut principii generandi; principium  
igitur generandi non consistit in relatione, sed  
in absoluto. Rufus, Hilarius, 5. de Trinit. *Ex  
virtute*, inquit, *naturæ in eandem naturam; na-  
turitate subsistit Filius*. Hinc Magister, 1. dist. 7.  
cap. item; loquens de potentia generandi, scri-  
bit, *Pater non est potens nisi natura*.

RESPONDEO dicendum, potentiam generandi  
Patris non esse relationem, sed aliquid absolutum.  
Præsupposita multiplici potentie acceptio-  
nes; de qua re *articulo præcedenti* illud brevi-  
ter addendum, quod inquantum sumitur pro pro-  
ximo fundamento relationis, quum importet,  
& per se significet concretum *potentia* (quod uti-  
que non nisi ad alterum intelligitur) accipi potest  
pro ipso fundamento relationis præcisè, & pro  
eodem cum omnibus aliis, quæ eliciendo actui  
sunt necessaria, ac suo modo concurrunt, uti sunt  
in creaturis approximatō, & impedimenti amō-  
tio. Juxta primam acceptionem potentia remota  
est; penes posteriorem vero proxima ratio agen-  
di: quam potentie distinctionem tradit Philoso-  
phus, 9. *Metaph. text. c. x. & circiter*.

Quoniam  
purgamus  
Scoti sen-  
tentiam, non  
reola, sed  
penes mo-  
dum loquen-  
di duntaxat  
à sententia  
S. Thomæ,  
& Henrici  
differre,  
quod de his  
pronuncia-  
vit Doctor  
in Report.  
loco cit. Et  
de qua sen-  
tentiæ vide-  
tur in Oron-  
dum ratio-  
nes, quas obicit Thomæ solvit, quatenus eius sententiam pariter im-  
pugnare probatur Magistri Scoti opinionem, explicandæ incumben-  
tis, quo facto & reliquis retulisse existimamus. Quas etiam Pon-  
cius in Com. super dist. 7. cit. primi, nomine tenus tantum differre  
putat.

Disputatio hæc valde contra Bonavent. 1. dist. 7. q. 1. & Durandum  
ibidem q. 2. modo in loquendo de principio quo, idem de potentia  
proxima producendi secundum Magistrum Scotum.

Porro quod dictum est in conclusione, poten-  
tiam generandi Patris non esse *ad aliquid*, sed  
quid absolutum; de proximo quidem fundamen-  
to relationis importatæ nomine *potentia*, est in-  
telligendum, quod utique principium est memo-  
ria secunda. Probatio igitur primæ partis est ista:  
Etenim omnis relatio æquè naturaliter videtur  
referri, ac respicere suum proprium correlativum;  
ergo relatio spirantis ita respicit suum proprium  
correlativum, sicut relatio generantis suum.  
Sed non distinguuntur productiones divinæ per  
modum naturæ, & voluntatis, nisi quia princi-  
pium quo unius productionis aliter se habet ad  
productionem, & productum suum, ac reliquum  
principium quo; nempe quia una naturaliter, re-  
liqua liberè per modum voluntatis exit in actum  
suum; ergo si statuatur hoc producendi princi-  
pium in eo, quod est *ad aliquid*, non erunt in di-  
vinis duæ productiones, quarum altera produ-  
cat per modum naturæ, altera per modum volun-  
tatis; imo utrique inerat idem modus, eademque  
ratio agendi. Deinde, si relatio foret Patri prin-  
cipium quo generandi Filium; ergo eadem rela-  
tio esset principium sui ipsius. Siquidem in Patre  
non est nisi unica relatio ad Filium; ergo si hæc  
ponatur principium quo generationis, erit sui  
ipsius principium; cum ex natura rei generatio,  
& paternitas sit eadem relatio, quamvis diversi-  
modè appellata. Denique, ex eo quod paterni-  
tas ponitur principium quo generationis, sequi-  
tur ipsam esse filiationem simpliciter perfectiorem.  
Id vero est absurdum. Probatio sequelæ primo:  
quia illud, quo produciens producit, si non est  
ejusdem rationis cum forma producti, continet  
eam virtualiter, ac subinde est ea perfectius; ergo  
si paternitas est quo Pater agit, cum sit alterius  
rationis à filiatione, continet filiationem virtuali-  
ter, estque illa perfectior. Secundo: Filiatio  
non est Filio agendi principium. Nam nihilomi-  
no Filius filiatione producit, seu ad intra, seu  
ad extra; ergo si Pater paternitate formaliter Fi-  
lium producit, paternitas erit filiatione perfectior.

Atque ex his est evidens secunda pars conclu-  
sionis, cum omne positum in Deo sit vel ad ali-  
quid, vel absolutum. Et nihilominus præterea  
probatur argumento, quo *articulo præcedenti*  
ostendimus, reperiri in Deo principium verè pro-  
ductivum. Etenim quod est perfectionis in prin-  
cipio productivo, non admittit ei rationem princi-  
pii productivi; Sed communicare se in identita-  
te numerali, & adæquata communicatione, po-  
nit perfectionem in principio productivo; ergo  
id non aufert ab aliquo rationem principii pro-  
ductivi. Sed si per impossibile Deus generaret  
aliud Deum, & ille alius tertium, Deitas, cæ-  
teris ad causandum requisitis pariter concurren-  
tibus, poneretur principium productivum alte-  
rius, non vero relatio, etsi in hypothesi impossi-  
bili, non se communicaret in identitate numerali,  
nec communicatione sibi adæquata in ratione  
principii productivi; ergo quandoquidem nunc  
Deitas communicatur in identitate numerali, ac  
sibi adæquata communicatione, multo magis  
nunc absolutum Deitatis erit principium produ-  
ctivum Filii, & Spiritus Sancti, quatenus essen-  
tia sub ratione objecti actu intelligibilis est præ-  
sens intellectui, & sub ratione boni infiniti vo-  
luntati per intelligentiam præsentatur. Postremo,  
aliquid absolutum est terminus formalis genera-  
tionis, ut latè expositum fuit *supra q. præsentis  
art. 3. in p. incidenti*; igitur & aliquid absolutum  
est ratio formalis, qua produciens producit. Pro-  
batio

Videndus  
Mayr. 1. dist.  
7. q. 2.

Quodlib.  
q. 2. & su-  
pra q. 27.  
art. 1. & 2.



batio consequentiæ; Impossibile est, agens communicare terminum formalem productionis, nisi agat forma æquè perfecta, si sit agens univocum, vel perfectiori, si æquivocè producat. Sed in divinis nihil est absolute perfectius. Hoc enim est formaliter infinitum, non item relatio; ergo omnino oportet Deitatem una cum reliquis ad agendum requisitis esse proximum, & formale agendi principium, non vero relationem.

Ad argumenta. Ad primum respondeo, Augustinum accipere *Tò eo Pater* formaliter, non vero causaliter, uti nobis est sermo ad præens. Exemplum. Socrates dicitur similis alteri similitudine formaliter; sed tamen fundamentaliter, vel causaliter est similis albedine, ex qua fit ut similis sit & per formalem similitudinem. Ita in casu, Pater utique generat generatione formaliter, de quo nemo dubitat, sed quæstio est, quidnam sit illud, quo, ut principio, generatio elicitur, vel quasi elicitur, quodue intelligitur esse fundamentum proximum ejus relationis. Mens ergo Augustini est, cum dicit, *eo est, Pater quo ei Filius*, Patrem non dici ad se, sed ad Filium, quod verissimum est, non vero vult, Patrem, quæ talis, gignere paternitate ut principio elicitivo generationis.

Ad secundum. Forma dupliciter intelligi potest communicabilis, Primo, sicuti universale suis communicatur inferioribus, quorum quodlibet est ipsum; unde quodlibet naturæ humanæ individuum est homo. Secundo, forma ita communicatur pluribus, ut quodlibet non sit *ipsum*, quod communicatur, sed *ipsi*; & ita forma communicatur materiæ, nam anima corpus informat per sui communicationem, sed tamen corpus non est anima, sed magis anima animatum. Juxta priorum modum, si forma propria consequitur operatio in communi, eandem pariter consequitur operatio singularis, ut est in suis inferioribus. Sentire enim est animalis in communi, & propter eundem gradum quodlibet animalium habet sentire in particulari. At secundum posteriorem communicationem, quæ est formæ respectu participantium ipsam, negamus, formam communem oportere esse principium operationis communis, & maxime quando inest pluribus suppositis, ordine quodam, adeo ut uni ab alio communicetur æquata communicatione. Falsa est igitur illa propositio, *operatio propria est à forma propria*, juxta hanc secundam appropriationem; Ac proinde generare in Patre esse potest à forma communi, ut ratione formali generandi.

Et cum probatur; quia propria forma dat esse; ergo & agere. Neganda est consequentia. Nam complures sunt formæ dantes actum primum, de quibus tamen nulla exit operatio, uti est paternitas, & filiatio, & formæ de genere Quantitatis, & Relationis, quæ activæ non sunt, esto dent in suo ordine actum primum, Cujus rei non videtur alia causa querenda, nisi quia sunt tales formæ. Unde & formæ quædam substantiales non sunt activæ, id est, communicativæ sui, ut formæ corporum cælestium, & Angelorum, quod nihilominus inest imperfectioribus formis animatarum. Rursus, mista inanimata non producant sibi simile, aut aliquid substantiale, & tamen imperfectiores formæ elementorum sunt activæ. Et denique non omnibus quantitatibus convenit agere, esto magis convenient qualitates inter se, quam cum substantiis activis.

Ad secundam probationem ejusdem consequentiæ ex Philosopho, dicendum, Aristoteli

*locis cit.* esse sermonem de universali. & particulari, secundum quod particulare est ipsum universale, quod sibi communicatur: & verum est in hac acceptione (uti expositum fuit) effectum suæ causæ correspondere: Sed non loquitur de communitate formæ juxta secundum intellectum, quia talis communitas non est in creaturis. Nulla enim forma singularis participari potest à pluribus sic, ut quodlibet dicatur habere esse per illam, uti est in divinis.

Ad tertium, cum arguitur de medio, & extremis, dicendum, aliud esse medium dictum per participationem extremorum, sicut fuscum ex natura rei medians inter album, & nigrum, & tale medium revera spectare ad idem genus, cujus sunt extrema; sicut probat Philosophus 10. *Metaphy. tex. c. 24.* Aliud vero medium sumi sub alia ratione median di accidentaliter, uti est operatio inter operans, & terminum; Sed hoc medii genus haud oportere esse ejusdem generis cum extremis. Nam quum anima se ipsam intelligit, intellectio ejus utique qualitas est, sed tamen operans, & objectum sunt substantia. Et hujusmodi sanè est medium, de quo arguitur in argumento, nimirum ipsum quo inter suppositum generans, & generatum: nequit ergo inferri id principium quo ut formali ratione agendi Pater gignit Filium, esse relationem, si extrema sint relativa. Vel potest dici, ipsum quo non habere propriè rationem medij, cum potius intelligatur se tenere ex parte alterius extremi, nempe generantis. Magis igitur ipsi generationi videtur inesse median di proprietates. De hoc itaque verum est possidere eandem rationem cum extremis, quia ut generatio relatio est, ita extrema sunt relativa.

Ad quartum respondeo, assumptum esse verum de potentia, quæ est differentia entis condividens ens contra actum. Non tantum enim ens in communi dividitur in actum, & potentiam, sed etiam quodcumque genus entis, & quæcunque species, & individuum; quia idem numerum individuum, quod sit in actu, erat in potentia objectiva; ad idem ergo genus pertinent actus, & potentia. Sed potentia, quæ opponatur actui, esse non potest in divinis, quia omnia sunt ibi necessaria, & in actu. Est igitur nobis sermo de potentia, quatenus est principium, de qua potentia falsum est, spectare ad idem genus cum actu. Imo falsa est etiam in nobis; nam forma substantialis est principium actionis de genere Actionis, & actionis de genere Qualitatis, & ad nullam suorum generum spectare substantiam, manifestum est.

## ARTICULUS VI.

Utrum actus notionalis ad plures personas terminari possit.

Doctor Quodlib. q. 2. 1. Report. dist. 7. q. 2.  
S. Thom. 1. p. q. 41. art. 6.

De his actum ex parte supra, q. 27. art. 5. in primo incidenti.

**V**IDENTUR actus notionales ad plures personas terminari posse. Nam si Filius alium gigneret Filium, actus notionalis haberet pro termino plures personas, & quidem rationis ejusdem; Sed Filio attribuenda est potestas gignendi Filium alium, dicente Apostolo ad Hæbræos primo; *Portans omnia Verbo virtutis sue*; ergo inest Verbo, unde possit aliud verbum gignere;

Magister  
Lychetus  
huc præfert  
priorem  
responsio-  
nem; quia  
ex suppositi-  
onem non  
improbabili  
quod per-  
sonæ sint ab-  
solutæ, hæc  
non subinte-  
ret.



gnere; igitur actus notionales non ita sunt ad unam personam determinati, quin ad alias se extendere queant.

Præterea, In creaturis, quia Filius habet naturam eandem cum generante se, & ipse gignere potest alium Filium. Id enim spectat ad ejus perfectionem, ut etiam dicit Aristoteles, 4. de Generatione. Anim. cap. 1. Sed Filio Dei communicata est eadem natura, quæ in Patre reperitur: ergo cum ei attribuendum sit quicquid perfectionis est in Filio in creatis, poterit & ipse alium Filium producere.

Præterea, Primum omnium principium est maxime indivisibile, & subinde maxima unitate unum: Sed unitati est immediatior distinctio minor, eaque mediante profuit distinctio major, orta ex numerorum multiplicatione: Atqui distinctio ejusdem rationis minor est ea, quæ exsurgit ab distinctione alterius rationis: ergo prima dualitas descendens ab summa unitate consistere debet gemina productione unius rationis: actus igitur notionalis ad plures personas terminatur.

Confirmatur: Etenim à Deo exire possunt immediate plura creata ejusdem speciei: ergo possibile est pluralitatem ejusdem rationis esse prorsus primam, ac immediatam unitati. Ut enim non repugnat in causa, & causatis: ita nec repugnare videtur in principio, & principatis.

Præterea, Si impossibile foret actum unum notionalem terminari ad plures personas: vel etiam plura supposita produci per aliam, & aliam productionem unius speciei, maxime quia is actus est de se hic, atque ad unam ejusdem rationis duntaxat determinatus suppositi productionem; Sed hac ratione pariter probaretur, ne relationes quidem communes, nec personas in divinis posse multiplicari: cum sint ejusdem rationis, & omnia in Deo sint in ultima, & singularissima actualitate: ergo exinde non ostenditur impossibilitatem multiplicandorum productorum ex actu notionalium determinata multiplicitate.

CONTRA, si fieri posset ut in Deo requirerentur plures productiones ejusdem rationis: vel ergo plures generationes, vel plures spirationes, & per consequens plures Filii, vel plures Spiritus Sancti: consequens est falsum, quia contra fidem Trinitatis.

RESPONDEO, conclusio negativa est certissima, ac infallibilis veritatis. Quoniam autem supra, 9. 27. art. 5. in incidenti cit. diximus, supposita revelatione de abditissimo mysterio Trinitatis, id ratione naturali ostendi posse, ne innitatur argumentis, minus propositum persuadentibus, opportunum putamus quorundam rationes expendere, quatenus ipsorum inefficacia demonstrata, efficaciores, evidentioresque loco earum substituantur.

His ergo rationibus quidam impossibilitatem multiplicationis personarum ejusdem rationis ostendendam putant. Prima est ista: Forma ejusdem rationis non multiplicatur nisi secundum materiam; materia autem in divinis reperiri non potest: ergo nec ibi esse nisi unica filiatio subsistens, unicaque spiratio passiva subsistens: quemadmodum si albedo per se subsisteret, esse non posset nisi una. Secunda: Deus omnia intelligit, & vult unico actu simpliciter intelligendi, & volendi: ergo nequit in Deitate subsistere, nisi una persona procedens per modum verbi, & una per modum amoris. Tertia: Personæ naturaliter procedunt, sed natura determinatur ad unum

ergo unica unius rationis sit oportet persona. Quarta denique ratio est: quia ex eo est perfectus Filius, quod tota Filiatio divina in eo continetur; nequit ergo esse aliqua alia; nam statim sequeretur, priorem non esse perfectam.

bus enim fidelibus notum est non reperiri in Deitate, nisi unicum Filium, multis eorum negantibus multiplicationem fieri debere per materiam. Secundo committitur fallacia accidentis; sic enim arguitur. Non potest alius Filius ejusdem rationis; quia ibi non est materia; ergo nulus alius. Sed negantes dicere possunt esse ibi Filium alium alterius rationis, unam per intellectum, alium per naturam. Tertio, Plurificatio hinc per materiam; ergo non est indivinis Trinitas personarum, quæ est unius rationis, nec est ibi materia; ratio igitur formalis persone non multiplicatur, quod est erroneum. Denique nec natura immaterialis posset pluribus suppositis communicari, quia multiplicatio ejusdem rationis non est nisi per materiam; multitudo autem suppositorum in divinis est ejusdem rationis. Hec Franciscus; prima, & secunda instantia videntur reliquis potiores.

Cajetanus hic proponatur hanc Thomæ rationem, dicit, Doctorem non intellexisse doctrinam ejus, quam tanto studio impugnare conatur. Sed Lycherus in Comment. super 1. quæst. Quodlibet ostendit, Cajetani expositionem parum coherere textui S. Thomæ; cui nihilominus in sensu ab ipso mentio abunde satisfecit.

Alias instantias addit Doctor contra illam propositionem, sed infra 9. 50. art. 4. de hac eadem re sermo redibit.

Ad primam probationem quod attinet, quæ ex hoc fundamento procedit: *Forma ejusdem rationis non multiplicatur, nisi secundum materiam.* Quoniam non est doctrina conveniens, conclusionem certissimam, & summe necessariam tenere propositum transcendentem, & quod majus est, multis obnoxiam instantiis, eorum, quibus propositio illa declaratur, insubsistentiam in medium proponentes, exinde quod intenditur non concludi, ostendimus. Nam allata propositio, aut est intelligenda sic, forma immaterialis est de se hac ratione suæ quiditatis, sicut Deus Deitate est hic, ideo est immultiplicabilis; aut, licet forma immaterialis non sit sua quiditate hac, attamen est immultiplicabilis, quia continet in se totam ejus formæ entitatem. Si primo modo intelligatur; igitur quia forma specifica Angeli est immaterialis, contradictio est, ipsam realiter multiplicari, perinde ac concipere alium Deum. Hoc autem non videtur probabile, cum multi Theologorum sic concipientes naturam Angelicam, nempe sub eadem specie multiplicatam, citra omnem repugnantiam conceptum, concesserunt in Angelis plura individua ejusdem speciei, ut etiam expresse docet Damascenus in Elementario, cap. 12. scribens, *secundum unumquemque ordinem Angelorum, & virtutum differentes hypostases condidit, non solum hoc, sed etiam secundum unamquamque speciem, ut utique communicantes ad invicem naturam, gaudeant ad invicem, & naturaliter beatitudine copulari ad invicem securè, & amabiliter disponantur.*

Quod si suscipiatur defendenda propositio illa, juxta secundam expositionem; scilicet quod forma immaterialis, ut Michaelis, esto non sit hac sua quiditate, est tamen reipsa immultiplicabilis. Contra, si igitur forma illa non est sua quiditate hac, non repugnat sibi contradictoriè esse individuum, & non in hoc supposito. Ex quo enim de se individuationem non includit, est ad plura individua indifferens, perinde ac forma materialis. Nec juvat respondere fieri non posse, ut natura Michaelis sit in alio individuo, existente illo. Hoc, inquam, nihil est, quia per potentiam actiuam Creatoris posset annihilari, & postea in alio individuo reproduci; ergo pariter possunt simul duo talia supposita coexistere; Quæ enim simul sunt in potentia activa agentis, & inter se non repugnant, possunt existe-

rationem. Primo, quia sic probatur magis notum per minus notum; omni-

1. Report. dist. 31. q. 3. n. 38. 6. sed sum. est diff. significat.

S. Thomæ argumenta hic in solutione.

Mayron. 1. dist. 7. q. 4. multipliciter inquit primi S. Thomæ



existere simul. Talia sunt duo individua naturæ Michaelis, si ea natura non sit de se hæc. Quinto si hæc secunda declaratio proponatur vera, non concluditur exinde omnimoda impossibilitas plurificationis filiationis divinæ, sed tantum secundum quid, quatenus natura non potest esse in alio individuo, dum in uno existit: non ostenditur ergo ex parte naturæ intrinseca impossibilitas, nec ostenditur conclusio intentæ, sicut ipsa est vera. Etenim verum necessarium est plurificari actus notionales sic, ut terminentur ad plures personas ejusdem rationis, simpliciter includere contradictionem.

Secunda ratio super hanc propositionem videtur fundari: *Ubi esse non potest nisi unus actus intelligendi; ibi reperiri nequit nisi unum Verbum.* Hæc propositio vera est in creatis gratia materiæ: propterea quod enim in nobis *intelligere* exprimitur per actum dicendi, sic ut quodcumque intelligere sit verbum, perfectum si intellectu perfectæ, imperfectum, si imperfectæ, ideo posito unico actu intelligendi, unicum de necessitate foret verbum. At in divinis *intelligere* non exprimitur per actum dicendi, imo stante distinctione reali Verbi à producente, est indistinctum in omnibus unicum *intelligere*: non sequitur ergo virtute formæ, unicum est *intelligere*: ergo & unicum *dicere*: quia esto in uno esse nequeat, nisi una forma absoluta, veluti ipsius ultima perfectio, nihilominus potest exire in plures productiones. Unde quamvis Sol una luce sit luminosus, potest tamen in plures actus illuminati exire. Itaque verissimum quidem est in divinis intellectu uti est unum *intelligere*, ita & unum Verbum, & *dicere*: sed querenti rationem oportet probare consequentiam: Quia qui mentiretur Filium *dicere* Verbum, duos adstrueret actus dicendi alterum Patris, alterum Filii, quos tamen apprehenderet habere unicum commune *intelligere*. Et quamquam respectu obiectorum, quæ intelligendi actui comprehenduntur sequi videatur; illis pariter exprimendis sufficere unicum verbum; nihilominus adhuc restat onus probandi, reperiri non posse ibi aliud *dicere* respectu ejusdem obiecti infiniti, contra eum qui diceret Filium *dicere* suum Verbum, vel Patrem gignere alium Filium.

Tertia ratio hæc procedit propositione; *Natura determinatur ad unum.* Dicimus, determinari ad unum, quia ad unum modum producendi, non vero ad unum producibile: quando quidem enim id genus principianti non sit indeterminatum respectu oppositorum, ut voluntas, determinatum est intrinsece ad producendum, cæteris concurrentibus, sed nihil obstat extendere se posse sub eodem modo ad plura producenda. Et si autem agens naturale limitatum ex materia producat, in lucendo formam, id ipsum tamen præstat et si totum effectum possideret ejus virtus activa, sicut modo facit habens in sua potentia tantum formam. Ad probandum ergo unicum esse terminum productionis, aut unicam esse productionem unius rationis, ostendere oportet repugnare terminum productionis competere pluribus, sive productum ponatur esse de aliquo, vel de nihilo, sive principium sit naturale, sive liberum.

Quarta ratio non concludit. Nam Filius est perfectus Deus, & tamen non habet divinitatem omni modo habendi eam, cum esse possit, & sit de facto eadem divinitas in alio supposito alio modo sibi communicata; ergo ex eo quod Filius

sit perfectus Deus intensivè, non sequitur ipsum possidere omnem filiationem possibilem extensivè; vel saltem nequit deduci in eo reperiri quaecumque filiationem possibilem: Siquidem quemadmodum essentia divina alio, & alio modo est in Filio, & Spiritu Sancto, ita si forent plures Filii, essentia eadem sub alio, & alio modo habendi reperiretur in eis.

Propterea aliter probò conclusionem sic: Quicquid plurificari potest in divinis ex se determinatum est ad certam aliquam pluralitatem, ultra quam plurificabile se extendere implicat contradictionem. Sed productio ejusdem rationis nullo modo potest ad certam pluralitatem reduci, & determinari; ergo talis productio est simpliciter & intrinsece immultiplicabilis. Majorem assumptionem primo declaro; exinde probabo: Nam certam pluralitatem voco dualitatem, trinitatem, quaternitatem, aut aliam datam. Ex se autem quidpiam determinatum esse ad certam pluralitatem, est sibi simpliciter, & ab intrinseco repugnare progredi ultra datam pluralitatem, & non virtute alterius posterius se, vel simul natura cum ipso; sed magis ex intrinseca sui ratione. Propositio sic intellecta probatur: Etenim si necessarium non determinatur ad certam pluralitatem; ergo de se esse potest in infinitis; igitur actu reperitur infinita pluralitas individuorum. Id autem est omnino impossibile; ergo quod in divinis plurificari potest, est necessario ex se determinatum ad certam pluralitatem.

Propositio subsumpta est ista: *Productio ejusdem rationis omnino determinari non potest ad certam pluralitatem.* Probatio; si productio ejusdem rationis in divinis posset determinari ad certam pluralitatem inferiorum ejusdem rationis, necessario præexigeret aliqua plura alterius rationis, quibus ad certam determinaretur pluralitatem. Sed productio ejusdem rationis in divinis non necessario præexigit aliqua plura alterius rationis; per quæ determinetur ad certam pluralitatem; ergo non potest omnino determinari ad certam pluralitatem. Hujus argumenti probanda est major, & minor. Probo itaque majorem: Plurificabile ejusdem rationis, non determinatur ex se ad certam pluralitatem, & subinde nec inferiora illius, utpote eandem præferentia naturam, & conditionem ejus; ergo si id plurificabile ad certum numerum intelligatur extendi, & non ultra, id idem inest sibi aliunde; non autem per aliquid posterius se, vel simul natura cum ipso; quia tunc non erit absoluta, & intrinsece repugnantia, sed secundum quid, nempe accepta aliunde; oportet igitur, ut hæc repugnantia oriatur ex aliquo, quod est plurificabili natura prius; debet igitur id oriri, & procedere de aliquibus alterius rationis. Nam si forent ejusdem rationis, eadem difficultate urgemur: Firmum igitur esto, non posse omnino aliquid determinari ad certam pluralitatem, quod non potest determinari per aliquam pluralitatem priorem alterius rationis.

Supereff probanda minor, quærat; *Productio ejusdem rationis in divinis non necessario præexigit aliqua plura alterius rationis.* Siquidem illæ plures productiones, quæ ponerentur ejusdem rationis, præexigere necessario non possent, nisi principium formale producendi, & principium produciens; in neutro istorum excogitabilis est pluralitas alterius rationis necessario prærequisita unde determinaretur productio hæc ad certam pluralitatem. Nam adinveniri non posset

Relationem hanc appellat Doctor conclusionis præcedæ demonstrativam.

Hoc ostenditur art. 9. cit. q. 27. deducendo ad impossibile.



in principio formali producendi, ex quo sunt ejusdem rationis. Nec in supposito producente; quia in tot productiones potest produci, in quot principium quo agit, potest sese extendere. Est igitur in divinis productio unius rationis omnino multiplicabilis.

Quæ ratio conclusionis ostensiva potest brevius sic deduci: omnis pluralitas necessario finita, vel est alterius rationis; vel si non est alterius rationis, necessario præexigit aliquam alterius rationis, per quam determinetur: Omnis pluralitas in divinis est necessario finita; ergo vel est alterius rationis, vel hæc præexigit, unde ad certum numerum determinetur. Sed esse nequit hæc pluralitas productionum alterius rationis; ergo nulla esse potest pluralitas ejusdem rationis in productionibus. Major est declarata in superioribus, Minor est evidens; quia omnis possibilitas in divinis ponit necessitatem, & ita nisi sit necessario finita, erit possibilis infinita, & de facto talis Minor secundi syllogismi probata est & in præcedenti argumento; & *art. 5. cit. quæst. 27.*

AD ARGUMENTA. Ad primum respondeo, majorem assumptam involvere conditionem prorsus impossibilem; quia Filius habere nequit actum generandi alium Filium. Nam quotiescunque aliqua forma est in diversis suppositis ordine quodam, adeo ut uni ab altero communicetur adæquata commutatione, suppositum cui ita communicatur, non potest eam formam agere, nec producere. Exemplum; Si calor ignis communicetur ligno adæquatè, sic ut ex se determinatus esset ad hanc calefactionem; lignum nequiret calefacere nec prima, nec alia calefactione. Primæ siquidem ipsum fuit terminus; igitur hac agere non posset; nec alia; quia calori adæquata extitit prima calefactio. Ita in casu, forma, quæ est principium generandi, adæquatè communicatur Filio à Patre, ac propterea in Filio esse non potest principium generandi, neque se, neque alium Filium, ut explicatum fuit, *art. 4. cit. q. 27.* Cum subditur attribuendum esse potestatem Filio ob Apostoli auctoritatem, dicimus, Apostolum esse intelligendum de *Verbo*, quod est virtus, & potentia ad creandum, quo pacto tota Trinitas habet *Verbum*.

Ad secundum respondeo, utique spectare ad perfectionem Filii in creatis gignere posse alium Filium, cum sibi eadem communicatur natura quæ est gignentis: Veruntamen esse perfectionem sibi communicatam in supplementum imperfectionis; alioquin cito deficerent species viventium in corporalibus creaturis: ejus autem generis perfectionem attribuire Deo, erroneum est. Quia etiam natura creata non potest se sufficere, & adæquatè communicare uni supposito, in eo, cui communicatur, est principium ulterioris communicationis. Opposito modo res se habet in Deo, ut declaratum fuit, & ideo non sunt Deo alia, & alia communicationes ejusdem rationis attribuendæ, cum una sit sufficientissima, & in omnibus adæquata.

Ad tertium respondeo sic: Prima pluralitas in divinis princeps est omnium pluralitatum; eam enim præsupponunt omnia, & facta, & possibilia: & nedum est omnium prima, verum etiam est necessaria finita; quia nihil absolutum est in Deitate possibile, quod non sit in actu. Quemadmodum ergo negatur; tanquam evidenter absurdum, infinitas productorum, ita pluralitas in eis est necessaria finita. Quod si est necessario finita, pari necessitate est alterius rationis. Nam si non sit

alterius rationis, necessario præexigit aliam pluralitatem alterius rationis, unde necessario determinetur ad certam pluralitatem, ut deductum est in *solutione*.

Sed arguebatur; quia unitati proximior est minor pluralitas, qualis est, quæ versatur inter ea, quæ sunt unius rationis. Responso: Major, vel minor pluralitas potest intelligi & extensivè, & intensivè. Primo modo, major pluralitas est minor paucitas numeralis, ut quaternarius est minor paucitas, quam ternarius; vel ternarius est minor pluralitas quaternario. Pluralitas igitur productorum in divinis est simpliciter minor omni alia, quia maxima constat paucitate, quæ utique maxima paucitas dualitas est. Cum sint ergo duæ productiones, duoque producta in divinis, hæc pluralitas, vel distinctio, est immediatissima primæ unitati; nam quælibet alia pluralitas à dualitate, saltem uno alio gradu ab unitate distet oportet, atque magis sese extendere, ac ab unitate elongari. Quoniam autem minor hæc distinctio, vel pluralitas extensivè, est necessario finita; ideo est necessario alterius rationis, ut *supra dictum fuit*.

Major autem, vel minor pluralitas, vel distinctio intensivè: accipi potest aut ex formalibus rationibus distinctorum, aut per accidens, nempe quoad majorem, vel minorem entitatem, & distinctionem eorum, quæ distinguuntur. Primo modo, Petrus, & Paulus minus intensivè distinguuntur, quam Petrus, & albedo. Secundo modo magis intensivè distinguuntur accedens à substantia, quam duo individua ejusdem speciei. Ad propositum minor distinctio, secundum per se rationem formalem, non est immediatior essentia, quam major, quæ versatur inter ea, quæ sunt diversæ rationis; quia impossibile est dari distincta realiter ejusdem rationis, in quibus reperiretur minor distinctio intensivè. Fatendum est tamen, minorem distinctionem, quæ est rationis, immediatius essentia convenire, quavis pluralitate reali; sed de hac nobis non est hic sermo; quia ab tali distinctione non procedit multitudo productionum, & terminorum earum, de quibus argumentum procedit.

Ad Confirmationem respondeo, immediate fieri posse à Deo plura ejusdem rationis, quia in creaturis, ubi natura specificæ sunt in suppositis pluralitate, nulla est necessario determinata ad unum ex se, sed à sola voluntate producentis. Et nihilominus plura hæc ejusdem rationis immediate à Deo producta, sunt actu finita, divina voluntate præfigente ipsi numerum, & finitatem. Sed non sunt intrinsecæ, & necessario finita, quia nihil est in ipsis, cui contradictoriè repugnet major pluralitas; contra vero quæcunque pluralitas est possibilis in divinis, ipsa est omnino finita.

Ad ultimum patet responso ex dictis in *solutione*. Ex eo quod enim omne ex se plurificabile non determinet sibi certum numerum, imo quæ ratione in pluribus, eadem & in infinitis posset plurificari. Si aliquid plurificabile unius rationis determinet sibi de sui intrinseca ratione certum numerum, id omnino erit per aliquid præfixum alterius rationis: non posterius se: quia sicut posterius non requiritur ad esse prioris, ita nec ad unitatem, vel pluralitatem ejus. Si igitur quæcunque in Deo ejusdem rationis sunt ad certum numerum determinata, ultra quæ progredi est impossibile, hoc evenire necessarium est per aliquid prius, vel priora alterius rationis.

Cum

non de his; quæ plura sunt per materiam formalem exclusionem, & nulla talis pluralitas est in Deo ante productionem personarum, quæ sunt alterius rationis originativè, & formaliter, pro ratione con-  
sistentium ipsis. Sed pluralitatem non continentem re-  
dè intelligi-  
mus unius  
rationis de  
possibili, &  
de facto.

Videndus  
Mayron 1.  
dist. 7. q. 3.  
& 4. egre-  
giè difficul-  
tatem hanc  
pertrahens;

Ex Report.  
dist. 10. q. 7.

482

x. Report.  
dist. 11. q. 1.  
loco cit. in  
arguendo.

Est sermo  
de plurali-  
tate distia-  
tionum ab  
invicem, &



Cum igitur de duobus principiis originativis exeant duo producta alterius rationis formalis, ut subinde sint tria subsistentia in Deitate, quo-

rum constitutiva sunt alterius, & alterius rationis, ex his accipiunt certum numerum omnia plurificabilia unius rationis.

## QUÆSTIO QUADRAGESIMASECUNDA DE ÆQUALITATE, ET SIMILITUDINE DIVINARUM PERSONARUM AD INVICEM,

IN SEX ARTICULOS DIVISA.

Deinde considerandum est de comparatione personarum ad invicem. Et primo quantum ad æqualitatem, & similitudinem. Secundo quantum ad missionem.

ET CIRCA PRIMUM QUÆRUNTUR SEX.

- I. Utrum æqualitas locum habeat in divinis personis.
- II. Utrum persona procedens sit æqualis ei, à qua procedit, secundum æternitatem.
- III. Utrum sit aliquis ordo in divinis personis.
- IV. Utrum personæ divinæ sint æquales secundum magnitudinem.
- V. Utrum una earum sit in alia.
- VI. Utrum sint æquales secundum potentiam.

### ARTICULUS I.

Utrum æqualitas locum habeat in divinis.

Doctor 1. dist. 19. q. 1. utriusque scripti. Quodlib. q. 6. in 1. articulo S. Thom. 1. p. q. 42. artic. 1.



**V**IDETUR divinis personis non esse attribuenda æqualitas. Nam in prædicamentis cap. de Quantitate habetur. Quantitati proprium esse, ut secundum eam aliquid æquale, vel inæquale dicatur. In Deo autem nulla est quantitas,

dicente Augustino 5. de Trinit. cap. 1. *Deus est magnus sine quantitate, & bonus sine qualitate.*

Hinc argumentum statim respondetur: utique in Deo non reperiri magnitudinem, quæ est fundamentum æqualitatis prout est passio quantitatis, quæ est Genus; sed esse ibi magnitudinem alterius rationis ab ista. Contra, heri non potest, ut aliquid dicatur de Deo, nisi pariter de eodem verè enuncietur id, quod est de intellectu illius prædicati. Cum ergo de intellectu magnitudinis sit quantitas, magnitudo adstrui non potest in Deo, sublata quantitate. Rursum: Quærenti quantus est Deus? rectè respondetur, esse immentum. Si autem non foret in eo quantitas, quæstio nulla esset.

Deinde, Passio communis toti generi, non inest alicui per differentiam specificam: Æqualitas est passio Generis quantitatis in se; nequit ergo attribui divinis personis hæc passio, ablegato inde Genere quantitatis. Quod si revera tale Genus locum non habet in Deo, nec æqualitas rectè illi attribuitur, quæ est ejus Generis passio.

Præterea, Nil imperfectionem præterens est ponendum in Deo; ejusmodi est æqualitas; ergo divinis personis non est attribuenda. Probatio minoris: Æqualitas repugnat perfectioni creaturarum; dicit enim August. 83. qq. q. 41. *Si omnia essent æqualia, non essent omnia.* Perfectio igitur universi non subsisteret, stante æqualitate in entibus; non est ergo æqualitas melior ipsa, quam non ipsa in omnibus; igitur non est

Tomus I.

perfectio simpliciter, & per consequens nec inter divinas personas statuenda.

Præterea, Perfecta æqualitas mutua est; sed divinarum æqualitas personarum non est mutua, secundum Augustinum, 6. de Trinit. cap. ult. *Imago si perfecta est, æquatur ei cujus est imago non illud suæ imagini.* Sentit igitur Filium quidem esse Patri æqualem, tanquam illius imaginem, at non item Filio Patrem, unde dicit, illud, à quo est imago, non coæquari suæ imagini. Non est igitur de mente Augustini hæc æqualitas mutua, & ita nec perfecta esse potest, nec tandem in Deo statuenda.

Præterea, Ex eo quod una, eademque sit divinarum personarum magnitudo, ipse dicuntur æquales; sed magnitudo essentia non distinguitur ab essentia, neque ut passio, neque ut attributum; ergo sunt æquales secundum essentiam. Atqui penes essentiam divinis personis competit identitas; potius ergo dicendæ sunt eædem, quam æquales. Similiter magnitudo sapientiæ non distinguitur à sapientia; ergo æqualitas secundum magnitudinem sapientiæ non distinguitur à similitudine secundum sapientiam; ergo nulla videtur propriè æqualitas esse in divinis, distincta ab identitate, & similitudine.

CONTRA, Athanasius in symbolo, *Persona coeterna sibi sunt, & coæquales.* Sed & Fulgentius, de Fide ad Petrum cap. 1. loquens de tribus personis divinis, *Nulla, inquit, alteram præcedit æternitate, aut excedit magnitudine, aut superat potestate: quia nec Filio Pater anterior, aut major est.* Sunt igitur æquales.

RESPONDEO dicendum, omnino sentiendum esse inter divinas personas reperiri exactissimam, perfectissimamque æqualitatem. Ad cujus evidentiam, sciendum, Philosophum, 5. Metaph. tex. c. 20. distinxisse tres relationes fundatas super unum, scilicet, *idem, simile, & æquale*; quæ propriè, & strictè cum accipiuntur, diversis appropriantur Generibus, nempe identitas substantiæ, æqualitas quantitati, & similitudo Generi qualitatis. Fundamentum igitur remotum harum relationum, ita acceptarum, est res illius Generis, cui respectivè congruunt, atque ex natura rei consequuntur; sed proximum fundamentum, seu ratio proxima fundandi est ejus rei unitas. Etenim super res eorum generum, quatenus

P p p 2

diver-

1. dist. 31.  
6. Sed de æqualitate.

Videndas  
Doct. 5.  
metaph.  
q. 11. & 14.



diversæ, vel multæ sunt, fundantur relationes disparatæ, & non communes.

Veruntamen triplex ea relatio, etsi reipsa unaquæque proprium sibi determinet Genus, juxta suæ proprietatis rationem; generaliter nihilominus sumpta invenitur omni penitus enti competere. Siquidem quodlibet entium in se est *quid* possidens aliquem gradum determinatum suæ magnitudinis in rerum coordinatione; & præterea vel est forma, vel certè formam habens. Subinde quatenus unumquodque est *quid* fundat identitatem; *æqualitatem*, vel *inæqualitatem* prout est quantum intrinseca sui perfectione. Hæc enim rectè appellatur quantitas virtutis, dicente Augustino 6. de Trinit. cap. 7. *In his quæ non mole magna sunt, idem est melius esse, quod majus esse.* Consimiliter similitudinem, aut dissimilitudinem quodlibet ens fundat, inquantum est *quale*, & qualitas quædam. De qua qualitatibus acceptione loquitur Philosophus, 5. Metaph. tex. c. 19. *Duns*, inquit, *modus Qualitatis est differentia substantiæ*, idest differentia essentialis. Qua ratione ejusdem speciei individua sunt essentialiter similia, similitudine fundata super differentia essentiali ipsorum. Congruit etiam huic acceptioni, quod dicit Philosophus x. Metaph. t. x, c. 12. *Omne ens omni enti comparatum est idem, vel diversum*; idest ejusdem, aut diversæ substantiæ: simile, vel dissimile, ratione qualitatibus essentialis, æquale, vel inæquale secundum intrinsecam perfectionem. Quemadmodum itaque fundamentum harum relationum communiter acceptarum, est ens in communi, comparatum ad quodcumque ens in communita & relationes consequentes sint oportet transcendentes, licet non convertibiles, quia cum disjunctione dividunt ens, sicut dividitur in *necessarium*, & possibile: Quamvis igitur nullum genus, nec aliquid generis illius enunciatur de Deo formaliter, ac proinde nec passio consequens illa; & per consequens nec aliqua relationum communium, ut sunt passiones generum determinatorum; nihilominus quia ens dicitur formaliter de Deo, pariter & qualibet passio cum ente convertibilis de eodem subiecto dicatur oportet; & disjunctarum extremum nobilius. Ut enim Deus est ens, ita unum, verum, bonum; & pariter quid necessarium, infinitum, causa &c. & ita de reliquis cum disjunctione ens dividenti-bus. Nam semper extremum importans nobilitatem, vel non repugnans nobilitati in illo invenitur.

Æqualitatem itaque & perfectissimam, quæ consequitur magnitudinem perfectionis reperiri inter personas divinas probatur: Etenim ex natura rei in divinis tum fundamentum remotum ejus relationis, quod est magnitudo virtutis infinita, tum fundamentum proximum, seu unitas, quæ est ratio proxima fundandi talem relationem; consequatur igitur oportet & relatio æqualitatis inter divinas personas, secundum quam una non est altera major, aut perfectior. Probatio assumpti: Nam magnitudo virtutis non est perfecta, nisi sit infinita. Non repugnat enim sibi infinitas; cui autem non repugnat infinitas, perfectum non est nisi sit infinitum. Si igitur Dei magnitudo est perfecta, profecto est infinita. Ininitas etiam est modus intrinsecus objecti beatifici, quod alioquin non perfectè quietaret intellectum, & voluntatem, nisi in esse existentie attingeretur ut infinitum. Ut ergo in essentia divina potentie beatificentur ex natura rei, seu in *esse* existentie, ita debet sibi competere infinitas, seu magnitudo

virtutis infinita. Quod vero pariter ibi reperitur perfectissima ratio fundandi, id est, unitas ex eo conitatur: Quia in omnibus aliis æqualibus est diminuta unitas magnitudinis, secundum quam æqualia dicuntur. Magnitudo enim numeratur in ipsis æqualibus, ut verissimè sint plures magnitudines, etsi æquales; sed in divinis personis non numeratur unitas magnitudinis, sed una eademque est in tribus; ergo unitas hæc est omnium maxima, & perfectissima, proxima subinde ratio fundandi æqualitatem divinarum personarum: quando cum hac unitate optimè cohæreat distinctio extremorum, quæ sunt & appellamus æqualia juxta naturam, & exigentiam relationum realium. Atque eadem est ratio de similitudine, & identitate. Nam sicuti individua speciei ejusdem sunt similia ratione differentie specificæ, ita profecto similia forent, si differentia specifica tantum esset completè essentia eorum, ita dicendæ sunt divinæ personæ similes secundum essentiam, non inquantum *quid*, sed inquantum actus, & quasi forma, quæ personæ sunt Deus; & præterea sunt similes secundum attributa omnia, quæ juxta Damascenum, lib. 1. c. 5. se habent instar proprietatum hujus naturæ. Consimiliter de identitate, quæ consequitur unumquodque ut est *quid*. Nullibi autem invenitur perfecta identitas, nisi in Deo; ejusdem enim suppositi ad se est identitas, quæ relatio rationis est; similiter duorum individuorum unius speciei non est perfecta identitas, quia non fundatur in perfecta unitate. At divinarum personarum est perfectissima identitas, ratione essentia, quæ est una, & indivisa in tribus. Ut ergo tres in Deitate subsistentes sint æquales in entitativa perfectione, ita sunt & similes in forma, & idem secundum essentiam.

Ad argumenta. Ad primum dicimus approbandam esse responsum datam. Nam non est in Deo quantitas ulla de genere quantitatis, sed est in ipso infinita quantitas virtutis, secundum quam divinæ personæ sunt inter se exactissime æquales. Et quamvis *quantitas* nomen propriè conveniat, eoque exprimitur magnitudo molis, attamen vocabulum *magnitudinis* non propriè dicitur de magnitudine corporali, ut proinde rectè intelligatur in Deo magnitudo sine quantitate. Est igitur magnitudo fundamentum æqualitatis transcendentis, penes quam omne ens est magnum, vel parvum, æquale, vel inæquale; ad quem intellectum hæc magnitudo non est fundamentum æqualitatis, prout est passio quantitatis quæ est Genus.

Et cum hæc responsio refellitur primo, quia quantitas est de intellectu magnitudinis: Responso; *Magnitudo* est æquivocum: Uno enim modo accipitur prout est species quantitatis distincta contra multitudinem: ex 5. metaph. tex. c. 18. Alio modo sumitur inquantum opponitur *parvitati*, ejusque concretum *magnum* opponitur parvo. Juxta priorem acceptionem non transferitur *magnitudo* ad Deum, ut nec differentia, aut passio ejus, quia tunc transferretur & genus, quod includitur in ipsa, ut argumento probatur. Nec juxta posteriorem intellectum, quia prout *magnum* propriè intelligitur, est quantitatis passio; non contingit autem passionem in aliquo esse, in quo pariter non sit & passionis subiectum. Sed tertio modo *magnitudo* est entis passio divisa contra *parvum*, & in omni ente est alterum extremorum: Hæc omnia traduntur a Philosopho, 5. Metaph. tex. 18. *Sunt autem*, inquit, & *magnum*, & *parvum*, & *majus*, & *minus*.

De passionibus non convertibilibus, dist. 39. h. *Quantum* ad primum. 15.

Probatio sequentis.



*minus, & secundum se, & ad invicem dicta Quantitates secundum se, transformantur etiam & ad alia hæc nomina.* Est igitur magnitudo propriè sumpta quantitatem consequatur, attamen per translationem, & communiter sumpta est passio entis.

Et quod subditur de quæstione; *Quantus est Deus?* Negamus quæstionem esse rationabilem, non intellecta in Deo quantitate. Sed concessa quantitate virtutis, quæstio est admittenda, ut rationabilis. Tertia instantia aliud non concludit: nisi equalitatem, quæ est passio generis quantitatis, non convenire, nec transferri ad Deum: quod concedendum est. Nec nos id probare intendimus, etsi adstruendam omnino censuimus inter divinas personas equalitatem, quæ est passio entis.

Equalitas non esse perfectionem simpliciter, dicere tamen perfectionem, ratione fundamenti,

Ad secundum respondeo: Perfectio simpliciter, quæ esse potest formaliter infinita, est communis tribus personis, & ad se, aliquo modo subinde præintellecta relationibus originis: equalitas autem non præintelligitur his relationibus, nec est ad se, Pater enim non sibi, sed Filio est equalis; non est igitur perfectio simpliciter: eam nihilominus importat perfectionem, quæ in omni natura, facta comparisonem ad aliquam ejusdem nature, melior est suo opposito, quia oppositum de necessitate involvit imperfectionem. Non enim inæqualitas est in eadem natura, nisi alterum individuum imperfectè possideat illam naturam. Ex quo igitur equalitas esse potest inter supposita ejusdem nature, utique imperfectionis esset inæqualitas in eis, quæ oriretur, ex eo quod in altero reperiretur natura eadem diminutè, quæ utique imperfectio equalitate excluditur; imo in casu præexistit perfectionem simpliciter, quia naturam perfectam, & perfectè in utroque relato. Et hæc est Augustini mens, de quantitate Animæ: *equalitatem inæqualitati jure præponis, nec ququam æstimo humano sensu prædicitum, cui non illud videatur.* Cum igitur arguitur, quia universi perfectio stat in inæqualitate. Responsio; id fuit apprimè necessarium universitati rerum. Cum enim omnis perfectio creaturis communicabilis in una adunari non poterit, ut tota communicaretur, factæ sunt inter se speciei inæquales. Perfectio ergo de inæqualitate proveniens supplet imperfectionem singularum, quatenus quod uni erat impossibile, datum est alteri, quod proinde esse non potuit ejusdem rationis. At quia natura illimitata, & infinita servans maximam unitatem, esse potest, & de facto reperitur subsistere in tribus eandem subinde perfectionem habentibus, inæqualitas in ea de imperfectione procederet, foretque imperfectionis, quia supponeret extremum relatum non accepisse naturam paris perfectionis, qualis est in altero. Quia igitur natura illimitata est in tribus secundum ordinem originis, hic ordo coheret summæ perfectioni; sed ordo nature, & inæqualitatis non stat cum omni moda perfectione.

Ad tertium respondeo: Aliquando super relationem communem fundantur relationes oppositæ disquarantiæ. Exemplum, inter *assimilans*, & *assimilatum* versatur relatio activi ad passivum, fundata super communem relationem, quæ est *similitudo*. Assimilans enim est causans similitudinem, & assimilatum est penes similitudinem causatam; sicut dealbans, & dealbatum. Itaque inter assimilans, & assimilatum est relatio activi, & passivi, ut inter dealbans, & dealbatum, hoc tamen discrimine, quod in dealbante fundamen-

tum relationis *activi* est absolutum: in assimilante vero illud, in quo fundatur relatio *activi*, est respectus equiparantiæ. Nomen igitur significans relationem communem, & disquarantiæ, quantum ad primam solummodo mutuitatem importat, non vero quoad secundam. Et ita hic, *coæquari* enim importat relationem coæquati ad coæquans, ipsaque equalitas mutua est: Filius, quippe qui Patri coæquatur, est Patri equalis, & è converso. Sed alia relatio per modum passivi, qui est accipere equalitatem ab alio, mutua esse non potest, sed competit præcisè Filio, ut relatio opposita disquarantiæ importata per *coæquare* convenit Patri, cuius tantum est dare equalitatem Filio. Est igitur imago equalis, & è converso: sed sola imago coæquatur, quia hæc accipit à Patre equalitatem in unitate nature fundatam; at Pater non accipit ab alio, sed eam possidet à se; & ideo non coæquatur suæ imagini, quia inest illi oppositus modus habendi naturam eandem, esto subinde sit suæ imagini equalis, atque simillimus.

Ad quartum respondeo, posse concedi magnitudinem, quæ est intensiva infinitas, modum esse divine essentiae, & divinorum pariter attributorum, & proinde modum fundamenti identitatis, & similitudinis, & etiam ipsarum relationum. Atque ita penes fundamenta equalitas non sic distingui intelligitur ab identitate, & similitudine, sicut hæc distinguuntur inter se. Et quidem ex fundamento equalitatis est perfecta similitudo: quia si per impossibile Pater haberet Deitatem majorem, & Filius minorem, aut unus esset altero sapientior; ut intelligerentur idem in natura, ira non haberent identitatem perfectam, nec perfectam similitudinem in sapientia. Ideo ergo sunt perfectè idem, & perfectè similes, quia utrique inest eadem magnitudo, quæ fundat equalitatem. Ex hoc igitur quod equalitas dicat proprium modum fundamenti similitudinis, & identitatis, & etiam proprium modum utriusque relationis, est manifestum, equalitatem esse aliam relationem ab similitudine, & identitate.

Quodlib. q. 6. art. 5. Contra ista. V. sed ex hoc sequitur.

## ARTICULUS INCIDENTS.

Utrum equalitas in divinis sit relatio realis.

Doctor 1. dist. 31. in Repert. ibidem, q. 2.

Quodlib. q. 6. §. De secundo, & §. De tercio articulis. S. Thom. 1. p. q. 42.

art. 1. §. Ad quartum. Ubi

Cajetanus, aliique Thomistæ,

**V**IDETUR equalitas (atque ita pariter de identitate, & similitudine) non esse relatio realis in divinis. Etenim secundum Augustinum, 5. de Trinit. cap. 6. *Non secundum hoc, quod ad Patrem dicitur, Filius est equalis Patri: restat igitur, ut secundum illud, quod ad se dicitur, dicatur equalis; & infert: restat igitur ut secundum substantiam sit equalis.* Cum ergo equalitas non dicatur in divinis secundum relationem, non erit relatio realis.

Præterea, Forma ejusdem speciei non numeratur nisi per materiam: equalitas in divinis est forma ejusdem rationis, & sine materia; ergo non plurificatur, nec distinguitur. Sed si dicitur esse realis, plurificaretur in Patre, & Filio. Nam relationes reales equiparantiæ mutue sunt, & distinctæ pro distinctione extremorum: igitur

æqua-

De his infra q. 43. art. 1. & 2.

Videndus Bonavent. 1. dist. 19. q. 8.



æqualitas hæc esse non potest relatio realis.

Præterea, Æqualitas aliquorum, non est nisi relatio secundum magnitudines eorundem commensuratas inter se; non est ergo æqualitas eorum, nisi secundum plures magnitudines ad invicem commensuratas. Cum igitur penes essentiae magnitudinem dicantur divinæ personæ æquales; quoniam in essentia alia pluralitas esse non potest, quam rationis; oportet ut ea magnitudo his accipiat per intellectus operationem, quo fundamentum æqualitatis esse queat; est igitur æqualitas in divinis respectus rationis.

Præterea, Relatio realis requirit necessario distinctionem extremorum, inquantum sunt extrema. Nam extrema talia dicenda non sunt, nisi inquantum terminant relationem; sed personæ divinæ non terminant relationem æqualitatis, nisi quatenus inest ipsis idem fundamentum æqualitatis; ergo cum inquantum est in ipsis tale fundamentum, non distinguantur, profecto æqualitas esse non potest relatio realis; quia nihil ad se ipsum refertur relatione reali.

Præterea, Considerantibus divina non occurrunt nisi essentia, & relationes reales, ex quibus est distinctio personarum; Idem autem ad id non refertur: nec relatio est ad aliam per relationem mediam, quia procederetur in infinitum; ergo æqualitas utrumque importat & personarum distinctionem, & essentiae unitatem: ex eo enim personæ sunt æquales, quia sunt ejusdem, sive unius magnitudinis: includit ergo æqualitas in suo intellectu & relationes distinguentes, & essentiae unitatem: ac proinde ultra horum rationem realem æqualitas non est aliud, quam relatio rationis.

Præterea, Illa relatio non inest ex natura rei, quæ eque inest si ex sola consideratione intellectus inest, circumscripta existentia reali: sed circumscripta per impossibile existentia reali divinarum personarum, & positis per intellectum considerantem ipsam personis, adhuc intelliguntur æquales, & æqualitas in eis: Utinunc in entibus rationis apprehenditur, quatenus sese mutuo in entitate non excedunt; ergo æqualitas hæc divinarum personarum non ita dependet ab existentia reali, quin sine ea intelligi queat; Non est igitur relatio realis.

CONTRA, Fundamentum æqualitatis, seu remotum, seu proximum est reale; & terminus item realis; ergo & medius respectus pariter sit oportet realis.

RESPONDEO, dicendum æqualitatem, & similiter identitatem, & similitudinem in divinis esse relationes reales. Ad cujus evidentiam, sciendum ad relationem realem tria concurrere oportere. Et primum quidem est, ut ejus fundamentum relationis sit reale, & terminus pariter realis; Secundum, ut inter ea extrema versetur distinctio realis; Tertia denique conditio est; ut eadem extrema sequatur relatio citra omnem operationem potentæ comparantis unum ad alterum. Quantum ad primam conditionem attinet. Etsi nonnulli putent fundamentum æqualitatis in Deo non manere, propterea quod ejus magnitudo virtutis transeat in essentiam; attamen articulo præcedenti declaravimus in Deo reperiri proprium, id est, sub propria ratione fundamentum æqualitatis. Etsi enim ejus intensiva infinitas sit eadem res cum essentia; ex eo quod tamen essentia hæc sit formaliter infinita, ac sub hac præcipue ratione objectum quietativum intellectus, & voluntatis; nedum divinæ, sed etiam creatæ,

est ibi fundamentum sufficiens æqualitatis, quod profecto non ita transit, ut non sit amplius ipsum; imo sub propria ratione manet. Non dissimiliter sanè ac perfectio intrinseca, & entitativa entium creatorum transit in naturam, cujus est intrinsecus modus, Nam circumscripta ab lapide omni ejus proprietate, adhuc est aliquem gradum tenens in entibus, ratione cujus, est aliis æqualis vel inæqualis. Cum igitur est sermo de entitativa perfectione non sunt opposita in Deo transire, & manere, imo ne in creaturis quidem; quia hæc ita transit; ut sit res una, eademque cum essentia, cujus est perfectio, & simul manet, quia modus ejus est, seu sit infinitus, seu ad certum gradum limitatus. Ulterius, quia æqualitas est relatio fundata super unum, magnitudo, quæ est fundamentum ejus, una sit oportet. Unitas autem divinæ magnitudinis est ex natura rei verissime una, quia unitas numeralis, sive singularis in tribus, cui nulla alia potest comparari. Nam in aliis quibuscunque extremis magnitudo habere nequit numeralem unitatem; imo numero est divisa, & multiplicata pro multitudine suppositorum.

Secundam conditionem hic concurrere ex eo constat; quia æqualitatis in divinis extrema sunt realiter distincta: Nam personæ sunt æqualitate æquales, una nimirum alteri; non autem essentia dicitur æqualis sibi, vel personis, aut e converso: Personæ autem inter se realiter distinguuntur. Porro id huic relationi est necessarium, dicente Hilario 3. de Trinit. *Similitudo sibi ipsi non est.* Si autem similitudo, & æqualitas non requirerent distinctionem extremorum, posset aliquid sibi ipsi esse simile, vel æquale. Quemadmodum aliquid est sibi ipsi idem: etsi identitatis relatio in divinis pariter exigat distinctionem extremorum; eam nihilominus non requirit identitas, ut identitas. Ac propterea August. 6. de Trinit. cap. 9. dicit, in Filio esse primam æqualitatem. Nempe quia inter extrema realiter distincta necessario versatur, ideo in Patre reperiri nequit prima æqualitas, sed in Filio, ubi & prima incipit distinctio. Ceterum putandum non est hanc extremorum distinctionem effici per æqualitatem; sed magis necessario ipsi præsupponitur æqualitati; adeo ut non sit hic exigentia per concomitantiam, sed omnimoda præexigentia distinctionis extremorum: Etenim pluralitas ejusdem rationis necessario finita necessario præexigit pluralitatem alterius rationis, per quam ipsa determinetur. Hanc propositionem declaravimus art. ultimo. *quest. præcedentis.* Atqui pluralitas æqualitatis in personis divinis ejusdem est rationis, & necessario finita: ergo necessario præexigit pluralitatem alterius rationis, ex qua ad certam determinatur pluralitatem. Hæc pluralitas alterius rationis præexacta, alia esse non potest, quam pluralitas personarum, quæ secundum ipsarum constitutiva sunt alterius rationis, imo Primo diversa. Declaratio minoris; nam alia est æqualitas Patris ad Filium, alia Filii ad Patrem; uterque enim est fundamentum, & terminus alterius, & alterius æqualitatis; relativè namque opposita necessario sunt plura: Pater autem, & Filius sunt duo æquales, opponuntur ergo relativè, ac propterea ut Filius est Patri æqualis æqualitate in se fundata, & terminata ad illum: ita Pater est Filio æqualis sua propria æqualitate ad Filium terminata. Ceterum hæc relationes æqualitatis ejusdem sunt rationis, & necessario finitæ: alioquin forent infinitæ.

Quod

His rationibus innuitur S. Thom. hic, & 1. dist. 1. q. 2. art. 1. Sed & Durandus ibidem q. 1.

Quodlib. 6. tit. 1. n. 34.

Henr. Quodlib. 6. q. 1.

De hac 1. Report. dist. 31. q. 3. In Addit. ad 1. Orationem dicit sex esse æqualitates divinarum personarum quia nullam inquit, relationem communis unitatis potest & æquare, aut oportet



ret ejus oppositum idem fundamentum habere, sed relatio dispa-  
ratur bene potest adæquare, quia non est idem fundamentum oppo-  
sita relationis; & ideo est una paternitas tantum. Et propterea: si non  
esset una eadem paternitas, forent actus infiniti: Nam per nihil prius  
ad certum numerum determinaretur.

Quod autem æqualitas hæc ex natura extremor-  
um innascatur, & citra quæcumque intellectus  
operationem: probatur: Si in Patre perfectior  
reperiretur magnitudo, ac in Filio, ut sacrilegè  
opinabantur Ariani: Filius utique esset Patre mi-  
nor, eique inæqualis, inæqualitate, quæ esset re-  
latio realis, & non tantum rationis. Relationes  
enim de primo modo fundatæ super quantum,  
non unum, sunt reales; ergo multò magis sit opor-  
tet realis relatio, cum, quoniam eadem magnitu-  
do alteri communicatur, exsurgit perfecta æqua-  
litas. Deinde, probabile non videtur unum op-  
positum imperfectum ex natura rei in entibus  
reperiri, & locum non esse a parte rei alteri op-  
posito perfecto. Æqualitas, & inæqualitas sunt  
duo opposita, alterum perfectum, alterum imper-  
fectum, juxta Augustinum, de quantitate Animæ:  
sic discipulum alloquentem: *æqualitatem inæqua-  
litate jure anteponis, nec quisquam est, ut æstim,  
humano sensu prædictus, cui illud non videatur.*  
Cum ergo in entibus sit inæqualitas: unum enim  
entium est altero majus, aut minus, & realiter  
inæquale, nulla intellectus cogitatione interven-  
iente; irrationabile sane videtur, in entibus ne-  
gare perfectam, & realem æqualitatem, citra in-  
tellectus operationem. Nullibi autem est perfecta  
æqualitas, nisi in personis divinis. In his enim  
duntaxat est perfecta magnitudo, quæ est infinita  
perfectio naturæ divine. Denique huic solutioni  
videntur concordare auctoritates, prima ex Ioan. g.  
ubi scribitur de Salvatore, *sed & Patrem suum  
dicebat Deum, æqualem se faciens Deo.* Quæ enim  
necessitate Pater genuit Filium, eadem genuit sibi  
æqualem: Secunda Jo. x. *Quod dedit mihi Pa-  
ter, inquit Christus; majus omnibus est.* Ex his  
arguo: Perfectissima communicatio non est nisi  
perfectissimi termini communicabilis, perfectissi-  
ma prælit magnitudine, secundum quam omni-  
no sit æqualis productus producenti. Sed ex na-  
tura rei realis communicatio illa in generatione divina  
est necessario perfectissima, sicuti & terminus per-  
fectissimus, quia datum fuit, quod majus omni-  
bus est; ergo & ex natura rei data est sibi æqua-  
litas, quæ æqualis est Patri habenti eandem essen-  
tiam, eandemque magnitudinem; est igitur æqua-  
litas hæc sequens extrema ex natura rei.

Itaque quoniam de communi sententia ad rela-  
tionem realem non requiruntur nisi tres, de quibus  
hactenus differimus, conditiones; Nempe  
fundamentum ex natura rei existens, item extre-  
ma realia, realiterque distincta, & denique ipsam  
esse sequelam extremorum, citra intellectus ope-  
rationem; atque hæc omnia optimè convenire in-  
telligantur æqualitati divine; perinde ac cuicum-  
que alteri æqualitati in entibus, & etiam magis,  
concludendum est, hanc æqualitatem esse realem  
relationem, sicut alia quæcumque est realis, imo  
magis istam, quam alia quæcumque; eoquod in  
nulla alia haberi possit ea perfectio fundamenti,  
& unitas ejus, super quam hæc æqualitas fun-  
datur.

Ad argumenta. Ad primum respondeo. Cum  
Augustinus dicit; *Resat ut secundum substantiam  
sit æqualis*, accipit *Tò secundum* quatenus notat  
suum determinabile esse proprium fundamentum  
æqualitatis, secundum quod *æqualitate* sunt for-  
maliter Pater, & Filius æquales. Istæ enim rela-  
tiones communes fundentur oportet super ali-

quid, quod est commune, ut commune. Id autem  
commune in Personis est sola essentia vel essen-  
tiale, atque hoc ipsum intendit Magister 1. dist. 31.  
in fine cap. primi, concludens, *æqualitas ergo  
Patris, & Filii non est relatio, vel notio, sed na-  
turalis unitas, & identitas.* Nimirum non est  
relatio secundum fundamentum, sed vere unitas,  
& identitas. Non enim est una æqualitas in Filio,  
nisi ratione unitatis essentie, quæ est fundamentum  
æqualitatis in omnibus. Et si quæras, si Pater secun-  
dum essentiam dicitur equalis Filio, cur pariter se-  
cundum essentiam non appellatur Pater Filii, cum  
essentia eadem sit utriusque relationis fundamen-  
tum? Responsio: essentia est fundamentum proxi-  
mum relationis communis, in quantum una in  
tribus; non autem in quantum si una, est funda-  
mentum relationis originis, esto in se sit una.  
Nam si Pater secundum essentiam diceretur Filii  
Pater, non significaretur ut una, imo magis ut  
distincta, eo modo, quo Pater distinguitur à Fi-  
lio. At Pater est similis Filio in quantum essentia  
ut una sub ratione perfectissima unitatis, est in  
eis; Et quamvis ita pariter sit in Patre, & Filio,  
& unus est producens alterum; tamen id de vir-  
tute sermonis non importatur, cum dicitur, Pa-  
ter secundum essentiam est Pater Filii, ut di-  
ctum est.

Potest etiam responderi: Logice sic: Nihil dici-  
tur vere competere alicui, secundum aliquam ra-  
tionem, si ea ratio sit transcendens: Unde hæc  
non est concedenda, *Socrates secundum colorem  
est albus.* Nam secundum albedinem est albus.  
Itaque essentia est quidem ratio fundamentalis  
paternitatis, sed transcendens: æqualitatis autem  
est non transcendens, sed adæquatum fundamen-  
tum; ac propterea Augustinus juxta logicam  
proprietaem est loquutus dicens, Patrem secun-  
dum essentiam esse Filio æqualem. Ad quem sen-  
sum hæc non est vera: *secundum essentiam est Pa-  
ter*; imo ista est vera: *secundum memoriam est  
Pater*: quia ratio hæc fundamentalis est illi re-  
lationi adæquata.

Ad secundum, dicendum assumptum esse fal-  
sum: Imo ubi forma distinguitur in materia, &  
cum materia, ipsa non est ratio distinctionis for-  
mæ. In quacunque enim distinctione illud est ra-  
tio præcipua distinguendi, quod est ratio essendi  
in tali esse. Subjecta propositio concedenda est:  
nam in Patre est alia æqualitas ad Filium, & alia  
ad Spiritum Sanctum, & è converso.

Ad tertium respondeo: Dentur duæ magnitu-  
dines, quarum neutra alteram excedat: perfecto  
eguales dicerentur, & essent ratione unitatis quan-  
titatis, etsi ea unitas diminuta foret, & secundum  
quid. Quod si in duobus suppositis eadem memo-  
ro magnitudo reperiretur, tunc stante distinctio-  
ne suppositorum, quantitas simpliciter esset una,  
ratione cujus unitatis referrentur supposita dis-  
tincta ad invicem per relationem æqualitatis.  
Verius igitur haberetur hic quod requiritur ad  
relationem communem, ac si in extremis esset  
unitas quantitatis tantum secundum quid. Nam  
relatio communis id habet generale cum aliis,  
quod perinde requirat distinctionem extremorum,  
sed de speciali sui ratione exigit fundamenti uni-  
tatem. Falsa est igitur illa propositio; *Æquali-  
tas non est realis; nisi secundum plures magnitu-  
dines.* Imo quæcumque talis, est secundum quid  
duntaxat realis æqualitas, pro conditione nimi-  
rum unitatis, quæ non nisi diminutè invenitur in-  
ter duas distinctas magnitudines. Ubi est ergo  
magnitudo simpliciter una, ut in divinis perso-  
nis,

Ex Report. 7.  
dist. 31. g. 3.  
n. 10.

Hæc præ-  
cluditur Ca-  
jetano via  
evadendi.  
Hæc eadem  
forma appli-  
cari potest  
identitati  
in divinis;  
quia diver-  
sas in enti-  
bus est re-  
latio realis.  
Nulquam  
autem est  
ita perfecta  
identitas,  
hæc inter  
personas di-  
vinas, & ita  
pariter de  
similitudine.

Consideran-  
da dubia,  
quæ propo-  
nit Magister  
Lychetus  
super q. 6.  
Quodlib. ad  
6. De tertio  
articulo prin-  
cipali.



nis, est realis, & perfectissima equalitas. Cui nihil accedere potest ex eo quod unitas bis accipiat, quinimo iterata acceptio potius detraheret ei, quod est ratio fundandi, tanquam unitatis detraheret ei, quod est ratio fundandi, tanquam unitatis diminutiva. Satis est ergo unam simpliciter esse in extremis realiter distinctis, ut ex natura rei sequatur relatio realis.

Et quia rationi illi innituntur aliqui statuantes æqualitatem hanc in respectu rationis: juvabit ostendere falsum esse æqualitatem realem exigere pluralitatem fundamenti. Nam relationes quæ possunt fundari in aliquo, ut est *unum*, non magis postulant id fundamentum distingui, quam ille, quarum ratio exigit fundamentum non ut *unum*, quantum ad hoc ut sint relationes reales; sed relationes originis fundantur in essentia divina, non ut una, ut ex responsione *Ad primum*: contra vero relationes communes fundantur in eadem essentia, ut una; ergo non majorem distinctionem requirunt in fundamento relationes communes, ut fiat reales, quam relationes originis sed istæ id non exigunt, secundum omnes; ergo nec illæ. Deinde, essentia secundum se, & non ut bis accepta per intellectum, fundat relationes reales originis, eo quod ipsa ut secunda in ratione principii communicativi, & termini communicabilis, est formaliter infinita: sed eadem, ut quanta in virtute, est pariter formaliter infinita ergo pari ratione, ipsa, ut sic quanta potest fundare relationes communes reales, & non solum ut bis accepta per considerationem intellectus. Denique; Aut *commensuratio* intelligitur ut ratio formalis æqualitatis: aut intelligitur aliqua ratio prævia fundamentalis. Si primo modo, est manifesta petitio: Non est realis commensuratio: ergo non est realis æqualitas. Si secundo modo: non videtur probabile: imo commensuratio actualis est æqualitate posterior. Unde corpus Christi in Eucharistia non est commensuratum alicui habenti quantitatem: imo nec commensurable: & nihilominus, ut est parem habenti quantitatem æquale, ita inæquale non tantam habenti.

Ad quartum, Cum dicitur *extremum in quantum extremum terminat*: Ea reduplicatio potest diversimodè intelligi. Nam vel reduplicatur relativum, quod dicitur oppositum sive correlativum: vel reduplicatur ratio formalis ultima, qua ultimate est relativum, vel denique reduplicatio afficit rationem fundamentalem, seu remotum æqualitatis fundamentum. Iuxta duos priores intellectus, propositio est vera: quia revera extremum relationis, qua tale, distinctum esse oportet ab altero extremo. Sed tertio modo, falsa est. Quare in divinis æquale, ut æquale realiter terminat ut correlativum, & ita realiter distinguitur à suo correlativo, inter quæ mediat æqualitas. Et consimiliter æqualitas in Patre est ratio ultima, qua dicitur extremum terminans æqualitatem Filii, & è converso: ex subinde rationes constitutive extremorum, distinguuntur ad invicem realiter. Sed ratio remota fundandi, quæ est magnitudo infinita, est una, atque eadem in Patre, & Filio: ad quam spectare proinde non potest reduplicatio: nec fit exinde, ut non sint illæ relationes reales, cum omnia, quæ reales postulant relationes, hic concurrant, stante fundamenti unitate: & magis ac si tale fundamentum numeraretur.

Ad quintum respondeo concedendo, penes æqualitatem essentiam non referri ad se, neque ex eadem relatione communi paternitatem respi-

cere filiationem, sed neganda est, quæ inferitur; consequentia: ergo æqualitas non est alia relatio à paternitate. Nam per æqualitatem non refertur Pater paternitate, ut essentia constitutus, ad Filium. Nec ulla appareat probabilitas in ista deductione: Æqualitas est alia relatio ab relationibus originis: ergo secundum illam, vel idem refertur ad se, vel relatio ad oppositam relationem: Etenim ne secundum paternitatem quidem aliquid refertur ad se, vel relatio ad oppositam relationem, sed duntaxat relativum ad suum refertur correlativum. Et ita in casu de æqualitatis relatione, nisi quod originis relatione constituitur primo relativum, sed æqualitate non constituitur suppositum, quod æquale dicitur, sed præcisè ea denominatur, quippe quæ adveniat suppositis jam constitutis.

Nec ullam pariter probabilitatem præferre videtur, quod aiunt, æqualitatem includere relationes distinguentes personas, & essentia unitatem. Id enim falsum est, nisi intelligatur includere quasi materialiter, sive ea omnino æqualitatem præexigere. Essentia enim, & relatio non efficiunt conceptum per se unum: nullus siquidem conceptus per se unus est ad se, & ad alterum. Æqualitas autem facit conceptum per se unum; ergo includere per se non potest relationes originis, & essentiam. Deinde, quod per se includit conceptus alterius rationis, non est per se ejusdem rationis. Sed æqualitas est per se unius rationis in Patre, & Filio: ergo non includit per se relationes originis, quæ sunt prorsus alterius rationis, Æqualitas ergo fundamentaliter importat essentiam, & præexigit relationes originis, non vero tanquam in suo per se conceptu inclusa, ut evidenter ostensum est. Est igitur per se relatio alterius rationis à relationibus originis, Nam fundamentum proximum æqualitatis est unitas magnitudinis: sed fundamentum relationum originis non est talis unitas: ut dictum fuit.

Ad ultimum respondeo: Quotiescunque prædicatum necessario consequitur subiectum secundum existentiam ejus, eadem pariter necessitate consequitur illud, quatenus est in intellectu. Unde sicut ad hominem realiter existentem consequitur necessario ipsum esse risibilem, ita hominem cogitanti occurrit necessario & ejusdem risibilitas consequens hominem, ut in intellectu; nec propterea tamen rectè inferitur, risibilitatem non esse ejus realem passionem. Ita in proposito propter necessariam consequentiam æqualitatis ad supposita distincta in natura divina, sive illa existant, æqualitas convenit eis secundum existentiam: sive intelligantur, circumscribendo per impossibile, vel abstrahendo ab existentia, in intellectu consequitur æqualitas.

Ad formam ergo argumenti, cum accipitur ea relatio non est realis, quæ inest extremis habentibus omnino esse rationis: concedi potest, si intelligatur, eis tantum competere, ut habentibus esse rationis, & non aliter, quia aliud esse non habent. Sed ad hunc intellectum minor est penitus falsa; non enim tantum æqualitas convenit suppositis divinis, ut habentibus esse rationis, cum propterea habeant esse reale, imo necessarium esse; & ideo realiter pariter & necessario consequitur ad illa relatio æqualitatis:

Vadit hæc argumentatio contra S. Thomam locis cit. in arguendo.



ARTICULUS II.

Utrum persona procedens sit cœterna suo principio, ut Filius Patri.

Doct̃or 1. dist. 9. utriusque scripti. S. Thom. 1. p. q. 42. art. 2.

**V**IDETUR fieri non posse ut persona procedens sit cœterna sui principio productivo, ut Filius Patri. Etenim, ubi idem est *esse*, & duratio ejus, quicquid est principium effendi pariter & durationis ipsius principium sit oportet: Sed Pater est Filius principium effendi: est enim Pater principium totius Divinitatis, secundum Augustinum, 4. de Trinit. cap. 17. ergo est item principium durationis Filii: Sed duratio, cujus est principium, non est æterna: ergo Filius non est cœternus Patri.

Præterea, Ex Augustino, 15. de Trinit. cap. 15. Imperfectionis est in verbo nostro, quod sit formabile, priusquam formetur: ergo similiter imperfectionis erit in Verbo divino, quod formetur: Id enim eveniret, quia formabile esset. Si autem generatio Verbi intelligatur æterna, utique Verbum formaretur: ergo non est æterna.

Præterea, Si Filii generatio est æterna: ergo Filius semper generatur: igitur Filius nunquam genitus est, & ita nunquam est Filius. Prima consequentia probatur ex Augustino 83. qq. q. 47. dicente. *Qui semper nascitur, nunquam natus est*; ergo si Filius semper nascitur, nunquam natus est. Secunda probatio: quod nunquam natum est, nunquam est Filius: igitur si Filius semper nascitur, profecto nunquam est Filius.

CONTRA, Ambrosius, de Fide ad Gratianum lib. 1. cap. 5 (& refertur à Magistro lib. 1. dist. 9. cap. Item) *Nam si Pater esse capit, Deus ergo primo erat, & postea Pater factus est. Quomodo ergo immutabilis Deus est? Si enim ante Deus, postea Pater fuit, utique generationis accessione mutatus est. Sed avertat Deus hanc amentiam.* Rursus Mag. ibidem, cap. dicamus, ex Hilario, 12. de Trinit. *Medium enim quod, inquit, inter nativitatem Dei Filii, & generationem Dei Patris, nec sensus, nec ratio admittit: quia & in generatione nativitas est, & in nativitate generatio est: quia, sine utroque neutrum est, utrumque ergo sine intervallo sui est.* Nempe sine intervallo durationis. Si igitur proprium est Patri semper genuisse, proprium est & Filio semper genitum esse.

RESPONDEO dicendum, Filium esse Patri cœternum. Idque ad fidei dogmata pertinere contra Arianos. Filium Patre minore, & posteriorem sacrilegè blasphemantes. Declaratio. Quoniam Deus immutabilis est, generatio in divinis esse non potest sub ratione mutationis. Ejusmodi enim generatio mutationi subiecta ex eo intelligitur, quod aliquid accipiat *esse* post non *esse* & ideo generationi huic repugnat æternitas, cujus principium nusquam est. Generatio igitur in Deo præcisè productio erit, idest, exitus substantiæ viventis è substantia vivente. Atqui exitus iste æternus est; ergo & quod exit est, generanti cœternum. Probatio minoris; Agens omnino sibi sufficiens, & producus per modum naturæ in eo instanti, quo est, producit, & quidem terminum perfectum, nisi agat per motum. Sed Pater generans, producit per modum naturæ, estque agens omnino sufficiens à nullo penitus dependens; igitur habet generationem sibi cœvam, & genitum subinde sibi cœvum; quia per

motum non producit. Major declaratur: Nam, propterea producus esset sua productione prius; vel quia in sui potestate est agere, & non agere: vel quia si determinetur ex se ad agendum, tamen potest impediri, deficiente aliquo, à quo dependet in agendo. Verum producus independentem omnimodè perfectum, & per modum naturæ, nec ex se potest non producere, nec ab aliis impediri, ne producat. Oportet igitur, ut sibi sit cœva sua productio, & productum, & ita Filius cœternus Patri, cum ipse Pater ab omni æternitate à se sit.

esse personali, si suppositum est æternum, & productio est æterna. sed in divinis Pater æternaliter constituitur per generationem activam; ergo ab æterno generat: generatio igitur Filii æterna est, & Filius Patri cœternus. Hæc eadem ratio tangitur à Magistro Scotto ad oppositum. Sed est ab æterno non resurgaverit Deus mundum produxisse, fortè repugnantia ex parte producti est. Nam id productum foret causam, quia alterius naturæ à producente. Filius autem Dei est Patri consubstantialis. Unde Ariani cæternus ponebant Filium Patre posteriorior, quatenus agebant esse ejusdem substantiæ cum Patre.

Huc spectat Augustini exemplum de igne, & splendore ejus, cujus meminit, 6. de Trinit. cap. 1. dicens *Si ignis esset æternus, haberet splendorem sibi cœvum.* Quod exemplum à me sic declaratur: Quandoquæ in aliquo concurrunt rationes communioris, & minus communis, quod per se consequitur rationem communioris gradus, inest etiam ei ubi invenitur separata ratione minus communis. Quod enim habet homo, quia animal est, consequitur gradum genericum, ubi non est differentia rationalitatis. Ratio autem productionis est communior ratione causationis. Producere siquidem dicitur de alio, seu respiciat productum ejusdem naturæ, seu alterius naturæ. Sed causare præcisè respicit aliud in natura. Quicquid igitur sequitur creaturam, ratione hujus communioris, quod est producere naturaliter, sequitur etiam eandem, ubi abest causare naturaliter. Quod autem ignis habeat splendorem sibi cœvum, ex eo est, quia producit naturaliter. Nam posito, quod non causaret, sed produceret sic, ut esset ejusdem naturæ cum igne, adhuc intelligeretur quid suo principio cœvum: ergo ubi verissimè est ratio producentis naturaliter sine ratione causæ naturalis, uti est in divinis (ex dictis q. præcedenti art. 3.) omnino productum naturaliter est principio productivo cœvum, seu sine principio durationis productum, ut producus omni principio caret durationis.

Denique ad intelligendum æternitatem generationis Filii manduci possumus etiam ex iis, quæ in generationibus diversarum creaturarum reperiuntur esse perfectionis, posthabitis quæ sunt imperfectionis. In generationibus itaque successivorum entium perfectionis est ea manere dum sunt, sed imperfectionis accipere *esse* per fluxum partium. In permanentibus vero, ad perfectionem spectat, quod maneat postquam facta sunt: imperfectioni autem eorum est attribuendum præcessisse non *esse* ad *esse* quod accipiunt per generationem. In indivisibilibus denique successivorum perfectionis est, quod tota simul sint, & imperfectionis, quod raptim transiant. Circumscriptis ergo harum generationum imperfectionibus, atque quicquid est perfectionis in eis, uni attributo generationi, intelligitur genitum quod simul generabitur, & erit; & quidem permanens erit. Atque id est genitum gigni, & perfectè esse in

q̃to, est verum de agentibus voluntariis de possibili. Unde subdistinguitur hæc probationem: Quandoquæque suppositum ali-quod agit actione aliqua constitutiva in.

Mayron. 1. d. 1. & dist. 9. q. 2. 6. Quantum ad secundum dicit, hanc certissimam conclusionem esse difficilem probationis quia quæ adducuntur rationes quæ probant mundum fuisse, vel esse potuisse ab æterno, hæc suppositio propositio: Quicquid dicitur de agentibus naturalibus de fa-



nunc perfectè stante qualibet exclusa successione. Quod sanè nunc est solus æternitatis.

Ad argumenta. Ad primum respondeo *Principium* dici multipliciter secundum Philosophum, 5. *Metaph. cap. de Principio*. Primo pro termino a quo alicujus durationis, vel motus vel magnitudinis. Secundo, cum dicitur fundamentum domus ipsius principium. Tercio, pro principio extrinseco, nempe pro principio effectivo, vel productivo &c. Quotiescunque igitur *principium* construitur cum genitivo *durationis*, virtute sermonis non intelligitur principium originativum, sive productivum; quia vi sermonis principium durationis, est terminus a quo incipit talis duratio. Cum ergo dicitur, Pater est principium durationis Filii intelligitur, Patrem esse terminum a quo sumit initium Filii duratio. Nec accipi potest pro principio originativo, nisi ulterius propositio specificetur dicendo. *Pater est principium productivum, sive originativum durationis, vel æternitatis Filii*. Cum itaque arguitur ex identitate esse & durationis. Quicquid est principium unius, sit oportet & alterius. Si uniformiter accipitur *principium*, concedenda est. Sed *Tò principium* non construitur cum *Tò durationis* (ut dictum est sub ea ratione, qua intelligitur *principium* essendi, respectu cujus est principium originativum, & ideo ob fallaciam æquivocationis non sequitur consequentia. Sed sequitur, Pater est principium originans esse Filii; ergo est etiam principium originale durationis Filii.

Ad secundum respondeo, Verbum in nobis prærequirere inquisitionem ad hoc ut sit verbum perfectum; idque esse imperfectionis in ipso, indicans defectum in causa: ea enim si foret perfecta, opus sibi non foret inquisitione, sed extemplo verbum perfectum gigneret; nec esset formabile priusquam formaretur; quapropter sibi novitas accidit. Sed quod verbum nostrum sit in fieri quantum ad gignitionem, id spectat ad per se rationem ipsius, nec est imperfectionis; ideoque consimiliter erit in Patria, ubi non erunt volubiles cogitationes nostræ, quia nec præcedent verbum perfectum inquisitiones. Itaque secundum hoc nec est imperfectionis in Verbo æterno semper esse in fieri, idest, gigni absque omni inquisitione prævia.

Ad tertium, Augustinus revera in qu. præallegata videtur negare Filium semper nasci, et si Origenes Homil. 6. in Jeremiam (ut refert. Mag. cit. dist. 1. cap. Origenes) putaverit id rectè dici posse, & dehere. Gregorius tamen Moralium 29. super illud Job. 38. sciebat tunc quod nasciturus esset; scribit aliqua, quibus possunt ista dicta concordari. Non possumus, inquit, dicere semper nascitur, ne imperfectum aliquid videatur. Non dixit, imperfectio est, si dicatur semper nasci, sed videri imperfectionem significari. Idest, *Tò semper nascitur*, non indicatur, generatio esse ita perfecta, sicut significatur omnino perfecta, dicendo, *semper natus est*. Hæc enim, *semper est natus*, magis exprimit veritatem, quam ista, *semper nascitur*, licet utraque sit vera.

Ad cujus evidentiam sciendum est, verba cujuscunque temporis verè enunciari de Deo, sive significant actus personales, sive essentielles; quod & directè traditur ab Augustino tract. 99. super Joannem, tractans illud ex cap. 16. Joan. Non enim loquitur a semetipso, sed quæcunque audiet, loquitur. Audiet, inquit, quod utique audivit & audit, quia Spiritum Sanctum audire est à Patre, Filioque procedere, & per consequens, quod

audiet, audivit, & audit: sicut quod scit, scivit, & sciet. Sentit igitur verba omnium temporum verè dici de Deo; quod etiam egregiè declarat Magister, 1. dist. 8. cap. 2. Veruntamen, cum ita de Deo enuncientur, magis propriè dici possunt consignificare nunc æterni, quàm differentias temporis: non tamen illud nunc absolute, quia tunc non accideret variatio diversorum modorum significandi temporis, sed inquantum coexistit partibus temporis. Hic igitur, *Deus genuit* consignificatur nunc æternitatis: idest, Deus habere actum generationis in nunc æternitatis, quatenus illud nunc coexistebat præterito, *Deus generat*: hoc est, habet actum in nunc æternitatis inquantum illud nunc coexistit præteriti. Unde quoniam nunc æternitatis verè coexistit cuilibet differentie temporis, verè prædicantur de Deo differentie omnium temporum.

Expressius nihilominus secundum B. Gregorium significatur divina generationis veritas, dicendo, *semper natus est*; quia *Tò natus* exprimitur nativitas ut perfecta; per *semper* autem significatur ut perfecta omni parti temporis coexistere: atque ita nedum datur intelligi omni penitus temporis coexistere, ut per istam *semper gignitur*, sed etiam ita coexistere sub ratione perfectæ; ac proinde illa loquutione expressissimè veritas hujus processionis significatur.

### ARTICULUS III.

Utrum in divinis personis sit ordo naturæ.

Doctor locis in margine citatis. S. Thom.  
1. par. q. 42. art. 3.

VIDETUR in divinis personis non esse adstruendus ullus ordo naturæ. Siquidem intellecto ordine aliquorum, necessario intelligitur unum altero prius, & aliud priori posterius: sed fieri non potest, ut divinarum personarum una sit altera prior: cum sint simul natura, utpotè correlativæ: & relationibus oppositis constitutæ; ergo eas inter non est intelligibilis ordo naturæ, quare rectissimè Athanasius in symbolo: Et in hac Trinitate, inquit, nihil prius, aut posterius: nihil majus, aut minus.

Præterea, per se ordo naturæ is est, qui consequitur extrema secundum propriam extremorum rationem; ergo nisi in aliqua natura maneant extrema, secundum eam rationem, qua in altera sunt ordinata, frustra ibi statuitur ordo; sed ita est quod quæcunque in creatis admittunt naturæ ordinem, in divinis sunt alterius rationis; imo primo diversa à rationibus creaturarum; ergo talia extrema in divinis non admittunt ordinem naturæ.

Præterea, quicquid ordinatur, distinguitur: alioquin ordinem omnem excluderet. Sed natura in divinis non distinguitur; ergo non ordinatur; non est igitur in divinis ordo naturæ.

CONTRA, Quotiescunque aliqua plura ordinem excludunt, confusionem admittant oportet: sed in sublimissima natura Deitatis nihil potest esse confusum: Cum & ipsa natura creata rectissimè disposita, atque ordinata sit, ac tantopere omnem confusionem evitet, atque arceat. Unde Athanasius in symbolo dicit: Neque confundentes personas, neque substantiam separantes: ergo in divinis est ordo.

RESPONDEO, Aliqui, ordinem in divinis personis ultro admittentes, eo quod ordo totidem

Ex lib. de primo principio cap. 3. ad finem.

Quodlib. q. 2. 6. De secundo V. secundo gro. batur. 1. dist. 8. q. 3. 6. Ad primum principalem.

S. Thomæ tertium principalem hic.

1. dist. 19. q. 2. In primo principali.

S. Thomæ hic in solutione & qu. 33. art. 4. in solutione.



modis accipiat, quot & principium funitur, ex 5. *Metaphy. cap. 1.* consequenter putant ordinem reperiri inter divinas personas, secundum originem, absque tamen prioritate, vel posterioritate; cum Pater, & Filius sint simul natura, tanquam extrema correlativa. Contra, de sententia ita opinantium, divinæ personæ correlativæ sunt, quatenus proprietas personalis refert Patrem ad Filium, qua relatio est; constituere autem putant personam ut proprietatis hypostatica est; ergo Pater secundum quod constituitur in esse personalis sua hypostatica proprietate prior est Filio secundum rationem, qua ad Filium refertur; ergo ordo iste originis admittit pariter naturæ prioritatem ad Filium. Deinde, ad ordinem necessario consequitur, quod sit inter prius, & posterius. Idem est ordinis, vel rerum ordinatarum passio, distincta tamen, ac propterea oportet cum omni ordine alterutram reperiri; ergo non est in divinis ordo ullus intelligibilis, nisi consequatur id, quod est res ordinatas se habere ut prius, & posterius. Et ita revera divinæ personæ sunt ordinatæ, ut Pater sit prima persona, Filius secunda, tertia Spiritus Sanctus.

Est ergo dicendum, revera in divinis duos ordines secundum prius, & posterius admittendos esse, nimirum & naturæ ordinem, & originis. Porro, omisso ordine durationis, qui respectu divinorum ad intra nullum habet locum, ordine naturæ priora dicimus, quæ spectata eorum formali ratione, necessario aliis præsupponuntur, adeout, prius perfectè intelligi queat, non intellecto posteriori, esto ex natura rei unum esse non possit sine altero: quo pacto Filii generatio est natura prior spiratione. Dicitur etiam naturæ ordo versari inter illa, quorum unum præsupponit aliud, esto aliud intelligi nequeat perfectè, eo quod præsupponitur re, non intellectu, ut videtur dicere Avicenna, 6. *Metaphy. cap. 2.* causam ut causam esse naturæ priorem causato, ut causatum est. Quo sensu, Pater est Filio naturæ prior. Tertio denique ordo naturæ est inter quiditates, quarum una ex sui ratione formali præcedit aliam in perfectione. Et hic modus non stat cum originatione personarum.

Est præterea in divinis personis ordo originis, quia secunda à prima originatur, & tertia à duobus præcedentibus. Qui duo ordines sunt alterius rationis: & in quocunque gradu unius ordinis potest totus alius ordo assignari. Et ita in primo instanti naturæ, in quo est comparatio objecti primarii ad intellectum, & voluntatem divinam, expletur totus ordo originationis personarum. Et exinde incipit secundum signum nature propriè acceptum, in quo est productio objecti secundarii, quod est alterius omnino naturæ ab objecto primario.

Cæterum quod diximus, primum signum naturæ completi omnem originationem ad intra, non ita accipiendum est, quasi nullum aliud sit naturæ signum, quia complura alia assignari possunt, ut ex dicendis evidens erit; sed quia ea in comparatione objecti primarii ad secundarium unicum naturæ signum intelligitur; sub propria acceptione signi naturæ, quæ est juxta ultimum modum.

Declarationi solutionis præmittendum est, in divinis necessario aditruui debere ex natura rei aliquam realem entitatem, primam, unicam, absolutam, quæ non præexigat aliquam priorem; atque, ut nulla esset prima, ita nec aliqua posterior. Hanc autem entitatem prorsus primam,

& absolutam, vocat Augustinus *essentiam* 7. de Trinit. cap. 4. *Ab eo*, inquit, quod est esse, appellatur *essentia*; propter quod Deus ipse, cui propriissime, & verissime convenit esse, verissime dicitur *essentia*. Rectè ergo in divinis in comparatione ad essentiam, tanquam entitatem simpliciter primam, & absolutam, consideratur ordo cujuscunque, sive quorumcunque, quæ sunt in divinis. In primo igitur naturæ signo est essentia divina sub ratione absolutissima, & ut pelagus, & fundamentum omnis perfectionis. In secundo omnes perfectiones simpliciter, & absolute, quas dicit Damascenus circumtilare essentiam, suo modo pullulantes ab essentia divina, ordinatè tamen, sicuti est ordo in ipsis perfectionibus. In tertio, est essentia divina præsens intellectui divino in ratione objecti intelligibilis; adeout per impossibile, omni circumscripta persona, hæc est vera, *Deus intelligit*. In quarto, essentia prius natura cognita est præsens voluntati in ratione objecti summè diligibilis. In quinto signo, est Persona Patris, quatenus de memoria fecunda ex se exit proprietates constituens Patrem. Quia enim memoria fecunda est principium quo productivum Filii, ea productione activa Pater constituitur in esse personalis. In sexto signo, est Filii generatio, quæ tamen generatio activa prior est origine, & natura. In septimo, Pater, & Filius spirant Spiritum Sanctum; ac iis omnibus expletis sequitur productio creaturarum primo *in esse* cognito, secundo *in esse* volito, quæ utique productio communis est tribus personis.

His ita annotatis, probatur revera ea omnia intelligi oportere secundum ordinem prioris, & posterioris; qualis ordo per se realis esset inter aliqua, si forent realiter distincta, talis per se ordo est illi correspondens distinctioni, qua distinguuntur, vel non sunt unum, sive ratione conceptibili ex natura rei, sive causata per actum intellectus. Atqui si versaretur distinctio realis inter essentiam, & perfectiones ejus attributales, & sic de aliis, quæ connumeravimus, sic ordinarentur, ut per prius inesset omnino primæ entitatis perfectiones ejus attributales, & cæteræ absolute proprietates; & exinde notionalia quæque, atque ad hæc sequerentur relationes communes, & æquiparantias; ergo eundem ordinem servant, seu per se inest idem ordo illis rationibus formalibus; secundum prius, & posterius uti ordinarentur in distinctione reali. Major declaratur: Nam ubi manet per se ratio similis ordinis, ibi stat similis ordo: sed in istis distinctis in tali, vel talieffe, manet per se eadem ratio consimilis ordinis, quia ratio quiditativa extremorum; non enim esse in intellectu tribuit ipsis rationem quiditativam; igitur necessario ita pariter ordinantur in minori distinctione; quemadmodum ordinata esse petunt in majori, sive reali differentia.

Ad argumenta. Ad primum respondeo, declaravisse nos, qualis sit proprietas, & posterioritas in ordinibus naturæ, & originis. Illud enim dicitur prius in ordine naturæ, quod ex natura sue rationis formalis alteri præsupponitur, respectu cujus posterius est, quod suapte natura esse non potest, nisi ex præsuppositione alterius, ut attributalia quæque naturam divinam præsupponunt, & Deitas ipsa in se omnia præcedit notionalia, & sine ipsis rectè intelligitur, ut subiectum prædicatorum Deo competentium independentem à notionalibus. Et ita de aliis modis, se-

1. Report. Prologi q. 1. ad a. 43. & seqq. Magister Lycherus super dist. 10. 1. n. 5. ex Damasceno.

Mayroa. 1. q. 2. dist. 12. usque ad 17. discretissime juxta, ac subtilissime de his ordinibus, ac signis tractat omnino videndus.

1. dist. 28. qu. 3.

2. dist. 1. q. 1. & quodlib. q. 8.

Quæst. 1. quodlib. 9. de sec. ar. & q. 1. Prologi Report. loco citato.

Hæc præpositioni declarandæ integrantur, quæstionem instituit Franciscus 1. dist. 1. q. 3.

1. dist. 28. q. 3. & Communiter V. Præterea 5. Thom. 1. p. 1. 40. ar. 4.

Hic Cajanus querit Doctorum impossibile fuisse Sancti Thomæ, quod nunquam somnariavit. Nam est relatio unica duos habere actus, constituendi nimirum, & referendi, tamen ex natura rei sunt simul natura, & intellectus. Est secundum aliquem speciale conceptum unus actus alio prior concipitur. Hæc ita exponendo Doctor vix Thomæ contrariatur. Sed videbis Comm. Ioannis Ponticii super cit. q. 3. dist. 28. 1.

Quodlib. q. 4. 5. De primo.

Quodlib. q. 1. 6. Resp. 1. de.



Utrum Filius sit æqualis Patri secundum  
magnitudinem.

Doflor 1. dist. 19. qu. 1. & locis cit. articulo 1.  
S. Thom. 1. part. qu. 42. articulo 4.

**V**IDE TUR Filius haud esse Patri æqualis secundum magnitudinem. Nam Salvator Joan. 14. oppositum diserte asserit dicens, *Pater major me est*. Sed hac veritate data, dispar, idest minor magnitudo perfectionis in ipso reperitur, ac in Patre sit; ergo Filius non est secundum magnitudinem Patri æqualis.

Præterea, Paternitas est in Patre dignitatis, propterea quod in ipso sit fontalis plenitudo totius fecunditatis: sed hæc omnia Filio competere non possunt. Ut enim sibi repugnat paternitas, ita & omnimoda fecunditas; ergo Pater videtur Filio major.

Præterea, Pater genuit Filium creatorem: Filius autem non genuit Filium creatorem; imo nullum genuit; ergo Pater est Filio potentior; major autem potentia de majori procedit magnitudinis perfectione.

Præterea, Ubi est totum, & pars, plures partes efficiunt aliquid majus, ac sit una tantum. Sed in divinis est totum universale, & partes, de quibus prædicatur; ergo plures partes sunt quid majus paucioribus, vel una earum. Notio autem prædicatur de omnibus notionibus; ergo cum in Patre sint plures notionēs, quàm in Filio, ipse erit quid Filio majus.

CONTRA, Apostolus scribens ad Philipp. cap. 2. de Filio dicit; *Non rapinam arbitratus est esse se æqualem Deo*: quæ verba expendens Augustinus super illud Joan. 17. *æqualem se faciens Deo*: dicit: *sed non ipse se faciebat æqualem: sed ille illum genuerat æqualem, si ipse se faceret æqualem Deo, caderet in rapinam*. Intelligens, Filium non se fecisse æqualem Deo rapiendo, vel usurpando æqualitatem: sed faciebat, idest, asserabat se æqualem Deo, propter hoc quod dixit, senatum ex Deo.

RESPONDEO dicendum, Filium omnino æqualem esse Patri secundum magnitudinem. Et declaratio quidem evidens est ex dictis in primo articulo, & sequenti. Magnitudo enim perfectionis essentiae divinæ, est intensiva infinitas, quæ est modus intrinsecus ejus, in eandem coincidens realitatem: adeo ut circumscriptis omnibus attributibus perfectionibus, adhuc superest essentiae intensiva infinitas, ad quem sensum dicit August. 5. de Trinit. cap. 10. *Idem est illi esse, & magnum esse*; nempe quia infinitas non est quid distinctè conceptibile ab essentia, sed modus ejus spectans ad eandem realitatem. Cui ergo communicatio idem esse, necessario eandem accipit magnitudinem perfectionis, Filio autem per generationem eadem omnino essentia communicatur, quæ in Patre est. Probatio, tum ex verbo Salvatoris, Joann. 10. dicentis: *Quod dedit mihi Pater, majus omnibus est*. Nihil autem verè dicitur majus omnibus, nisi sit intensivè infinitum, uti Dei essentia. Tum ratione, quia perfectissima communicatio ea est (nec tanè aliter intelligi potest) qua communicatur perfectissimus terminus, possibilis communicari: habens proinde omnimodam magnitudinem, quæ talis termini sequela esse potest. Atqui productio, qua Dei Filius à Patre recipit esse, perfectissima sit oportet;

cundum quos statuendus necessariò est ordo naturæ; quæ tamen omnia, priora nimirum & posteriora naturæ eodem nunc æternitatis existunt. Cum igitur dicit Athanasius, nihil in Trinitate esse prius, aut posterius; verum est, intelligendo de ultima acceptione naturæ ordinatorum, quæ acceptio est secundum diversas quidditates, quarum una alteri præcellit in perfectione; siquidem cum tribus insit eadem essentia, ac virtualis perfectio, non admittunt ordinem naturæ juxta hanc propriam acceptionem; unde & subdit, *nihil majus aut minus*: Quod utique verissimum esse constat ex primo articulo cum incidenti. Et cum tangitur in argumento: sunt simul naturæ; ergo una non est prior alia. Responsio: Pater, & Filius natura præcedunt Spiritum Sanctum, quia perfectè possunt intelligi, non intellecta tertia persona; Et adhuc Pater est origine Filio prior, uti & generatio activa est prior origine passiva generatione; & licet Pater, & Filius simul natura intelligantur; nihilominus Pater prior origine, & natura est perfectè beatus; quia memoria fecunda ex se determinatur ad paternitatem; Pater vero ut principium quod producit Filium.

Ad secundū, dico assumptum, & consequentiam esse concedendam. Et cum subsumitur; divina quæque esse primo diversæ à rationibus creaturarum Responsio; quod Deus, & creatura sint primo diversa in realitate, non impedire quominus rationes formales transcendentium, & perfectionum simpliciter non sint eidem eadem omnino, ut non semel declaratum fuit in antecedentibus. Sed quia ordo realitatis sequi videtur, & non conceptus; dicimus, adhuc statuendum esse utrobique ordinem eundem; quia quemadmodum hæc essentia memoria perfectæ; & dicere perfectum, de existentia propriarum rationum unum sequitur ad alterum, quod præsupponit necessario, qualitercunque distinguantur; ita ubicunque hæ rationes reperirentur seu ejusdem, seu alterius rationis à creaturis, est par necessitas præsuppositionis, & emanationis unius de altero: non ergo ex unitate vel diversitate rationis cum creaturis est inter illa prioritas, & posterioritas, sed eo quod talia extrema sint, exigunt sic esse ordinata. Necessario enim essentia præsupponitur intellectui, ex quibus est memoria perfectæ; & necessario Verbum de memoria nascitur, juxta sententiam Augustini: & ordo est prioris, & posterioris inter ea, sive unius, sive alterius rationis ab essentia, memoria, & dictione intellectualium creaturarum.

Ad tertium est responsio hæc: ordo naturæ dicitur non quod ipsa natura ordinetur: sed quod ordo in divinis personis attenditur secundum naturalem originem. Contra, essentia sub absolutissima ratione ex natura rei, est omnino prima, respectu attributualium rationum, & aliorum divinarum: ergo & ipsa spectat ad naturæ ordinem, sicut & cætera posteriora: ergo non solum attenditur ordo inter personarum origines, sed etiam juxta emanationem essentialium perfectionum.

RESPONDEO ergo ad argumentum ex dictis: nam seu distinguantur essentialia ab essentia ex natura rei, seu per rationem fabricatam ab intellectu, quoniam si forent realiter distincta, essent ordinata ordine naturæ, & perfectionis: ita eundem ordinem servare, etiam si ex natura rei non distinguantur.

1. dist. 11.  
q. 1.

1. dist. 18.  
q. 2.

Magister 1.  
dist. 7. cap.  
sed vehe-  
menter.

Quodlib. 9.  
6. 8. De  
tertio arti-  
culo.

Quodlib.  
9. 9. & q. 6.  
De serio  
in isto arti-  
culo.

Vbi supra  
8. De tertio  
articulo.

1. dist. 3. q. 3.  
& dist. 8. q. 3.

Quodlib.  
9. 1. loco cit.  
in arguen-  
do. Et 6. Con-  
tra, ista ra-  
tio n. 19.

S. Thom hic  
6. Ad tertium  
Quodlib. 9.  
1. 8. De pri-  
mo.



tet; ergo ut communicatur per eam terminus perfectissimus, talis esse non potest, nisi omnimodam magnitudinem possideat, quam ei termino est possibile inesse. Hæc autem est magnitudo essentia divine, ut est in Patre: ergo per perfectissimam generationem, ut communicatur Filio terminus perfectissimus, ita consequitur eum terminum perfectissima magnitudo: ac proinde esse non potest Filius Patri inæqualis, quandoquidem ejusdem essentia communicatione, eadem quoque necessario pollet magnitudine: secundum quam est illi perfectissimè equalis.

1. dist. 16.  
6. Respondeo.

Ad Argumenta. Ad primum dico, adhærendum prorsus esse Athanasii expositioni dicentis de Filio in Fidei confessione, *æqualis Patri secundum divinitatem, minor Patri secundum humanitatem*. Profitendo ergo Veritas se Patre minorem, utique id dixisse sentiendum est, ratione humanitatis assumptæ, secundum quam verissimè est Patre minor, eique eousque subiectus, quo majora præ omnibus aliis creaturis accepit, quas Deus illi in omnibus subiecit.

1. dist. 28. q. 3.  
& dist. 7.

Ad secundum respondeo: Quemadmodum Filio repugnat paternitas, & Patri filiatio, ita ejusdem est dignitatis paternitas in Patre, & in Filio filiatio. Nec de paternitate procedit, quod sit in Patre omnimoda fecunditas, sed magis inde, quia memoria fecunda, & voluntas pariter habens essentiam sibi præsentem, ut infinitum objectum diligibile, sunt priores terminis producibilibus, Filio nimirum, & Spiritu Sancto. Qua de causa esto in Filio reperiantur eadem omnino principia, quia tamen solummodo voluntati non est terminus adequatus, ideo duntaxat Filius est spiritalis Spiritus Sancti una cum Patre. Non est igitur in Patre ulla omnino perfectio, quæ non sit in Filio, etsi ipse Filium producat, ad quem producendum non est in Filio proxima potentia, quæ nullam sibi adimit perfectionem.

Quodlibet.  
q. 6. s. De  
tertio articulo.

Ad tertium, quod erat argumentum Maximi Ariani, respondens Augustinus lib. 3. contra eundem cap. 12. postquam disertissimè probasset quæcumque in divinis scripturis Patri ad opera ad extra attribuantur ad Filium, pariter, & ad Spiritum Sanctum pertinere, dicit, *Absit autem ut quomodo putas, ideo sit potentior Pater Filio, quia creatorem genuit Pater, Filius autem non genuit creatorem. Neque enim non potuit, sed non oportuit*. Et pergit declarando, quia in his generationibus aut iretur in infinitum; aut eam non perficeret ullus, si non sufficeret unus omnipotens. Et concludit: *Iraque omnipotens genuit Filium, quoniam quæcumque Pater facit, hæc & Filius facit similiter*. Non ex defectu ergo virtutis sentire debemus Filium non generare, sed quia est terminus unius, & implurificabilis generationis, uti Spiritus Sanctus consimilis processionis. Quod tamen non impedit, quin sit in omnibus par, & æqualis magnitudo virtutis, imo id est omnino necessarium, quum omnes ex æquo, etsi diversis modis in eadem Deitate subsistant, cui est infinita magnitudo virtutis. De qua magnitudine perfectionis est intelligendus Magister cum 1. dist. 7. cap. Item, dicit, *eandem potentiam habet pater Filius, quam Pater, quia Pater potuit gignere, & Filius gigni potuit: Eadem enim potentia est in Filio, qua potuit gigni, quæ est in Patre, qua potuit gignere*.

1. dist. 10.  
s. Hoc modo.

1. Report.  
dist. 19. q. 5.  
a. 11.

Ad quartum respondeo, totum universale omnino ad divina transferri non posse. Cum enim universale natum sit determinari ad supposita per alia sibi addita, in quibus & multiplicatur; con-

tra vero divina quæcumque cum sint in ultima actualitate, ex se immultiplicabilia intelliguntur, ratio universalis prorsus ipsis repugnat. Sed arguebatur, quia notionis conceptus de omnibus dicitur notionibus, quarum plures reperiuntur in Patre, quam in cæteris personis. Responsio, conceptus iste communis notionibus, ut relationibus divinis, subire non potest rationem universalem, quia non determinatur per alias sibi additas realitates, eo quod relationes illæ sint in se ipsis indivisibiles, imo primo diversæ, ut expositum fuit supra qu. 30. ac proinde ut non est attribuenda conceptui illi ratio totius propriè accepti, ita nec relationes sunt talis totius partes. Et denique quoniam illæ relationes, & notiones nullam includunt in se ipsis perfectionem, ut nec imperfectionem, & magnitudo penes virtutis perfectionem sit attendenda, quantumvis in una persona præ alia multiplicentur; quemadmodum nullam sibi addunt perfectionem, ita alteri tot non habenti nihil detrahunt perfectionis.

## ARTICULU V.

Utrum Filius sit in Patre, & è converso.

Doctor 1. dist. 19. q. 2. in Report. ibidem q. 4.  
S. Thom. 1. p. q. 42. articulo quarto.

**V**IDETUR Filius non esse in Patre, & è converso. Nam si divinæ personæ intelligerentur mutuo esse in se ipsis; igitur Pater foret Filius, & è converso. Id autem est omnino falsum, cum realiter distinguantur. Sequela probatur: Siquidem in quo est Filius, in eo est Filiatio; ergo si in Patre sit Filius, in Patre erit & filiatio: igitur Pater esset Filius.

Præterea Aristoteles 4. Phys. tex. c. 25. enumerat omnes modos essendi in: Nemo autem ex illis videtur aptari posse personis divinis: igitur aut eis modus essendi in alio non est excogitabilis, vel est hæc. Probatio minoris: Modi, quorum meminit Philosophus, sunt: aut quia continentur est aliquid continentis, quomodo non è converso: aut quia continens est aliquid contenti quomodo non è converso. Neutra illarum rationum est in proposito; nam *diversitas* est ibi potior ratio *essendi in*, quam *unitas*, cujus contrarium contingit in casu.

Præterea, si quodlibet esset in quolibet, secundum quod dicitur opinatus Anaxagoras, accideret in entibus confusio maxima: ergo si personæ divinæ dicantur esse in se invicem, viderentur confusæ, quod tamen negat Athanasius in symbolo, dicens *Neque confundentes personas, neque substantiam separantes*. Confirmatur: Etenim indivisibile non distinguitur ab indivisibili, nisi unum sit extra aliud, ex 6. Phys. tex. c. 2. & inde. Sed personæ divinæ sunt indivisibiles; ergo si sunt simul, vel una in alia, non distinguuntur.

Præterea, Si Pater est in Filio, & è converso: ergo Pater est in se. Consequentia probatur, ex 4. Phys. tex. 14. *Si aer in igne, & ignis in aëre, ergo aer est in aëre*; igitur à simili in casu tenet consequentia. Confirmatur: Si Pater est in Filio: ergo Deus est in Deo: & ultra; ergo Deus distinguitur à Deo.

Præterea, Quod ab alio exit, non est in illo: Sed Filius exit à Patre, Filio dicente, Ioan. 16. *Exiit à Patre, & venit in mundum*: igitur non est in Patre:

CONTRA, Ioan. 14. *Ego in Patre* (inquit Salvator)



Videndus Magist. 1. dist. 19. cap. 5. inde est. Hic Doctor introducit modum dicendi Henrici existimantis, personam esse in alia, non secundum se totam, sed quoad aliquam partem sui, quæ est etiam aliquid alterius, ac proinde unam esse in alia, secundum essentiam. Vult tamen personam, in qua est alia, continere eam secundum se totam. Hanc refutat per variam, & selectam doctrinam, ut in textu.

vator) & Pater in me est; ergo verissime dicitur Pater esse in Filio, & Filius in Patre, & Spiritus Sanctus in utroque; & singulus in singulis.

RESPONDEO dicendum, Filium esse in Patre, & Patrem in Filio, secundum divinas scripturas, & Sanctorum auctoritatem ita illas interpretantur, Veruntamen opinandum non est, eum modum *essendi in* quo unaquæque personarum divinarum vicissim est in alia, se habere instar naturæ in supposito existentis, aut formæ in materia, nam omnino est alius, imo contradistinctus modus ab istis. Siquidem una est in alia, sicut subsistens est in subsistente, secundum Hilarium, 7. de Trinit. cap. 6. ubi hæc habet: *Inesse non ut aliud in alio, ut corpus in corpore: Sed sic inesse, ac subsistere, ut in subsistente inest, ut sit ita inesse, ut ipse subsistat*: Subsistere autem, idest incommunicabiliter per se esse, convenit personæ primo. Quemadmodum enim in creaturis agere, vel produci primo convenit supposito toti, idest, non sibi, quia parti; ita & subsistere primo est personæ. Est igitur Filius in Patre, & è contrâ, secundum in-existentiam subsistentis in subsistente, quæ in-existentia totus Filius inexistit præsentialiter, & intimè Patri, & è converso, juxta illud Ambrosii in Hymno; *In Patre totus Filius, & totus in Verbo Pater*. Quæ oratione notatur mutua, atque penitus intima præsentia, non vero continentia ulla extremi ab extremo, idest, Filii à Patre, aut è converso: Non enim est unus in alio, ut corpus in loco, & contentum in continente, sed sicuti si intelligantur duo corpora in eodem loco, & in se invicem, amota per intellectum loci ratione, superest mutua præsentia corporum, & utrumque esset in altero sine continentia, vel unius ab altero, vel amborum à tertio. Et si corpus gloriosum inexistet alteri corpori glorioso, eque subtili, reperiretur subsistens in subsistente, non per informationem, nec per modum partis, sed per intimam, mutuamque præsentiam: sicuti esse potest Angelus intimè præsens corpori, etsi corporis non sit pars, nec forma. Quibus si de fitione intellectus addatur unitas naturæ, ex qua necessario sequatur præsentia unius ad alterum, per similitudinè rectè intelligeretur in-existentia unius personæ divinæ in alia. Et ita pariter potentie animæ, si ponerentur per se subsistere, ratione unitatis essentie, cui sunt eodem, mutuo sibi ipsis forent præsenties, atque una esset in alia, & è converso, juxta modum quo Pater est in Filio. Quia igitur *simultas* est relatio communis rationis ejusdem in extremis, modus iste *essendi in alio* pariter importat relationem communem; nam sicuti & sub eadem ratione, qua una persona est in alia, sub eadem omnino alia est in ipsa.

Veruntamen istius mutue in-existentiæ ratio nec soli essentie, nec soli relationi est attribuenda, sed utrique simul. Primum probatur: Nam ex eo concedendum foret, Patrem esse in se, eo modo quo scriptura dicit, Patrem esse in Filio. Id autem est planè falsum; quia hoc genus in-existentiæ requirit distinctionem realem sibi invicem in-existentium. Probatio secundi: Relationes originis non sunt ejusdem rationis in personis relatis, ergo si de his formaliter esset mutua in-existentia divinarum personarum, ipse haud uniformiter sibi invicem inexistenter, atque ita is modus *essendi in* non spectaret ad genus relationis communis, sed magis ad relationem disjunctam, quod falsum est. Deinde, si per impossibile Deus alium produceret Deum, Deus producus non esset in producto hoc genere in-existenti, di-

cente Damasceno, lib. 1. cap. 5. *Si essent duo Dii, non possent esse simul*: neuter enim esset immensus, & ita nec Deus, & nihilominus staret relatio producentis ad productum; ergo de ista formaliter non provenit in-existentia Patris in Filio. Rursus, si per impossibile in eadem natura divina reperirentur duæ personæ improductæ, nulla intelligeretur originatione inter ipsas, adhuc tamen una esset in alia per circumincessionem, ut vocant: quia in eadem essentia subsisterent duo realiter distincti; de necessitate ergo una esset intimè præsens alteri, uti nunc Pater Filio, & è converso. Denique, in creaturis vere reperiuntur relationes originis, & principiantis, originati, & principiat; & tamen propter diversitatem naturæ in ipsis relativis, neutrum est in alio.

Quoniam igitur nec sola essentia, nec sola relatio efficiunt adequatè, & formaliter, ut una persona alteri inexistat, sitque in ipsa, ut subsistens in subsistente, superest, ut de utraque simul procedat completa ratio, cur unaquæque personarum sit perfectissimè alteri præsens, & una deum in alia. Ad quod intelligendum, exemplo relationis similitudinis accepto ex creatis manuduci possumus. Hæc itaque relatio similitudinis, ex 5. Metaphys. cap. de *Al aliquid*, fundatur super unitatem in qualitate. Nec igitur sola diversitas relativorum, nec sola fundamenti unitas sufficit ad similitudinem, sed ambo per se requiruntur, sicut una causa perfecta, & adequata. Ita hic, nec distinctio personæ in-existentis, & in qua est alia: nec unitas essentie, per quam sunt in se invicem, est ratio completa istius in-existentiæ; sed ambo simul. Attamen quemadmodum in similitudinis relatione principalior ratio est unitas fundamenti, quàm extremorum distinctio; ita hic immediatior, & principalior ratio istius in-existentiæ est unitas essentie, minus autem principalis, distinctio personarum.

AD ARGUMENTA. Ad primum respondeo, cum probatur sequela: In Patre est Filius; ergo in Patre est filiatio, negando consequentiam: quia committitur manifesta fallacia æquivocationis: Nam utique Filius est Patri per perfectissimam præsentialitatem, ut subsistens est, intimè præsens subsistenti in eadem natura; sed exinde non debet inferri filiationem esse in Patre per informationem, sicut de virtute sermonis denotatur, cum abstractum dicitur esse in aliquo.

Ad secundum concedo, modum hunc, quo una divina persona est in alia, reduci non posse ad aliquem ex enumeratis ab Aristotele; quia in illis ratio potior (ut tangitur in argumento) *essendi in* de diversitate procedit; at principalior ratio in-existentiæ unius personæ in alia, est unitas essentie, ut dictum est *in fine solutionis*. Hinc quoniam obvia creaturarum exempla magis abducunt à recta istius mysterii intelligentia, dicit Hilarius, 3. de Trinit. in exordio: *Afferat plevisque obscuritatem sermo Domini, cum dicit, ego in Patre, & Pater in me est, nec immerito. Natura enim intelligentia humana rationem dicti hujus non capit: nec exemplum aliquod rebus divinis comparatio humana præstabit*. Quod Hilarii dictum est intelligendum de exemplis perfectè rem istam representantibus; ejusmodi enim revera non occurrunt: sed imperfecta exempla excogitari queunt, segregando per intellectum imperfectiones à creaturis: Nam Deus est omnibus intimè præsens per illapsum: ad quem illapsum concurrunt simul immensitates

Quod Pater sit in Filio, & è converso, non à sola essentia, nec à sola relatione est.



fitas ejus, & manutinentia, vel conservatio creaturarum: circumscripta manutinentiæ ratione, per immensitatem est intimè præsens omni creaturæ: citra conservationem earum. Rursus, si fingatur unius nature cum aliquo subsistente, cui est præsens, & per quam oporteat ipsum ita esse præsentem, erit exemplum manuducens ad percipiendum hanc inexistentiam; & alia insuper exempla annotata sunt in *solutione*.

Ad tertium dicendum, Anaxagoræ opinionem nihil commune habere cum modo, quo Pater est in Filio, & e converso. Ille enim (prout sibi imponitur ab Aristotele) putabat quodlibet esse in quolibet, tanquam ejus partem: sed una divinarum personarum non ita est in alia, ut expositum fuit, & ideo nulla sequitur confusio. Ad confirmationem ex Aristotele, dicendum, aut falsum esse, quod indivisibilia quantitatis non sunt distincta; nisi differant situ, aut, si hoc concedatur; nihil proinde contra solutionem obtineri, cum ratio illa non congruat divinis personis, quæ ab omni situ sunt longissimè segregatæ; & propterea absque situ distincta.

Ad quartum neganda est consequentia: sicut enim si argueretur: Quicquid est simile Socrati, est simile omni Socrati: ergo est sibi simile: consequentia non rectè inferitur, quia similitudo requirit extrema realiter distincta: ita pariter cum applicatur ea forma arguendi isti relationi communi importatæ per modum essendi unius personæ in alia; est igitur Pater in Filio, sed non in se ipso, sicut Socrates est similis aliis à se distinctis, non sibi. Forma autem per perfectissimam, philosophi tenet, quia aer, qui inferitur esse in Cælo, distinguitur à Cælo.

Ad confirmationem, Hilarius, 7. de *Trinit.* concedit Deum esse in Deo. Sed cum inferitur: ergo Deus distinguitur à Deo, neganda est consequentia. Cum enim accipitur, Deus est in Deo aut Deus generat Deum, *Deus* supponit personam gignente, atque per perfectissimam, intimamque præsentiam alteri inexistente; sed in consequenti importatur distinctio Deitatis à se ipsa, quod est impossibile.

Ad quintum, Exitus Filii à Patre est processio producti à producente: stante autem tali processione, & exitu, adhuc exiens manet in eo, à quo procedit, quia recipit eandem naturam cum eo, à quo procedit; & ideo est uterque utrique intimè præsens, & manentibus realiter distinctis, unus est in alio, juxta ineffabilem hujus inexistentiæ modum.

## ARTICULUS VI.

Utrum Filius sit æqualis Patri secundum potentiam.

Doct. 1. dist. 20. utriusque scripti - Quodlib. qu. 6. §. De tertio, scilicet de potestate.  
S. Thom. 1. part. qu. 42. art. 6.

**V**IDETUR Filius non esse Patri æqualis secundum potentiam: Nam Pater eousque est potens, ut valeat Filium generare; igitur si Filius æquaretur sibi in potentia, pariter & ipse posset generare. Atqui gignere non potest alium Filium: igitur sit oportet longe inferiori Patre secundum potentiam. Probatio consequentiæ: si quidem Augustinus ita arguit contra Maximum lib. 3. cap. 13, *Si Pater non potest generare sibi Filium æqualem, est impotens*: ergo è con-

verso, si non est impotens, sed omnipotens, potest Filium generare; igitur si Filius impotens est gignendi, non est æqualis potentia cum Patre.

Confirmatur, si Filius ignoraret generationem Patris, non foret omniſciens; ergo nec omnipotens est dicendus, si non potest pariter generare.

Præterea, Richardus, 2. de *Trinit. cap. ult.* probat fieri non posse, ut sint plures omnipotentes, propterea quod unus efficere valeret, ut alius nihil posset. Sed si ponatur plures personæ æquè potentes, idem inconveniens sequeretur. Nam una persona posset suo velle producere omnia possibilia, quibus productis, nihil alteri personæ superesset producendum: eadem enim non possunt bis omnino produci; ergo non videtur attribueda par potestas divinis personis.

Confirmatur, Pater prius ordine originis vult creaturas existere, quàm Filius, qui de Patre accipit, ut possit; igitur Pater producit prius origine, quàm Filius producere intelligatur; ergo in eo signo, quo Filius producere deberet, nulla sunt possibilia producenda.

Præterea, Ex p. *propositione de Causis*, & 2. *Metaphy. tex. c. 4. §. 1. Post. tex. c. 5.* Prima causa plus influit in effectum, quàm causa secunda; sed Pater præstat Filio virtutem causandi, & non è converso; ergo Patris potentia plus est influens in causata; non est igitur Filius paris potestatis cum Patre.

**CONTRA**, Fulgentius de Fide ad Petrum cap. 2. Sermonem faciens de personis divinis; *nulla*, inquit, *alteram præcedit æternitate, aut excedit magnitudine, aut superat potestate*. Magister 1. dist. 20. ex dictis Augustini, lib. 3. contra Maximum tripliciter idipsum probat: Primo auctoritate Salvatoris, Jo. 16. *Omnia, quæ habet Pater, mea sunt*. Si omnia, quæ habet Pater, Filii sunt; ergo Patris omnipotentia etiam est Filii: non est igitur Pater Filio potentior. Secundo, si Pater sibi inæqualem genuit Filium: igitur aut quia non potuit eum gignere æqualem, aut quia noluit: si non potuit, infirmus: si noluit, invidus invenitur. Sed utrumque falsum est: Patri ergo Filius æqualis est. Tercio per simile, Homo si potuisset, æqualem Filium genuisset: quis ergo audeat dicere, quod hoc omnipotens non potuit.

**RESPONDEO** dicendum Filium omnino esse Patri æqualem, secundum potentiam. Ad cujus evidentiam, sciendum nobis hic esse sermonem de potentia activa, quæ est in Deo ut primum efficiens, eaque potest intelligi & extensivè, & intensivè. Primo modo rectè concipitur æqualis in tribus subsistentibus in Deitate, si nullum sit objectum, in quod ex æquo omnes tres non possint. Secundum autem intensionem ea potentia est perfectior, quæ in se majori prædita est attingendi effectum virtute. Quia tamen termini actuum notionalium non perinde conveniunt omnibus personis, cum Filius à solo Patre sit, Spiritus vero Sanctus à Patre, & Filio, isti pertinere proinde non videntur ad activam potentiam Dei, quam unam credimus æqualem in tribus. Nihilominus nonnullis aliter visum fuit, unde & docendum putaverunt, potentiam generandi pertinere ad omnipotentiam, quæ est, atque se extendit ad quicquid non implicat contradictionem. Sed nobis hæc opinio non probatur, quia non salvat, qua ratione Pater, & Filius sint equè potentes. Nam si Pater potest in actum generationis, qui est terminus potentia activæ, secundum opinantes, & in eundem actum Filius, &

De variis  
potentiæ  
acceptioni-  
bus dictum  
fuit art. 4.  
§. 41.

Ægidius,  
& Varro 1.  
dist. 10.

Spi-



Spiritus Sanctus non possunt, manifestè sequitur in eis admodum diminutè potentiam activam reperiri. Unde sic arguo: Accipiat *generare* in divinis, nec ad ullum suppositum comparatur; aut ipsum respectu Filii producendi est terminus potentiæ activæ, aut non. Si primum; ergo in quocunque non est potentia ad illud, non est omnipotentia, idest, non reperitur potentia ad omne illud, ad quod nata est esse potentia. Si secundum; ergo in nullo supposito est potentia activa ad generare, ac proinde gignere Filium non spectat ad Patris omnipotentiam; & ideo tres personæ sunt æqualis potentiæ tam intensivè, quàm extensivè, quamvis solus Pater generet.

Solutio  
De his etiam  
quodlib. q.  
7. 6. Ad pri-  
mum argu-  
mentum in-  
congruum.

Potentia igitur activæ primus terminus, primumque correlativum, est ipsum *possibile*; non quidem ut *impossibili* opponitur; quia juxta hanc considerationem, Deus est possibilis, cui nihilominus repugnat esse terminus potentiæ activæ. Necessario ergo *possibile*, ut est hujus potentiæ terminus, & correlativum, accipiendum est, secundum quod contradistinguitur ab eo, quod est ex se necessarium. Quoniam autem quicquid est Deo intrinsecum, est ex se formaliter necessarium, aut per identitatem cum essentia, nihil tale esse potest terminus potentiæ activæ. Quare si nunquam inveniantur Sancti, vel Doctores dixisse potentiam generandi esse activam potentiam, & *generari* terminum ejus. Sentiendum est de virtute sermonis neutrum esse verum, simpliciter loquendo de potentia, quatenus nimirum respicit possibile; etsi veræ sint pro quanto nomine *potentia* intelligitur, vel significatur ratio principii, prout in communi respicit principabile. Contra vero omne aliud à Deo est possibile objectivè; igitur cum ad omnia possiblea tres personæ habeant eandem principii rationem, in ipsis est par potestas, seu potentia activa producendi omne sic possibile. Quod vero inest eis ex æquo idem principium creaturarum productivum. Probatur: quia priusquam tale principium respiciat creaturas producibiles, vel objectivè possibilea, est tribus communicatum personis; ergo ipsæ respectu producibilium sunt unum, idemque principium, & par in omnibus potestas, quoad numerum possibileum. Assumptum ex eo constat, quia quociescunque est principium necessarium respectu unius productionis, & contingens respectu alterius productionis, prius est principium agendi necessarium, quàm contingens. Sed principium producendi personas, necessario se habet ad productionem illarum; contingenter autem respicit creaturas, ut producibiles: prius igitur communicatur tribus personis, quàm possit habere actum respectu creaturarum producibilium.

Ex his itaque evidens est potestatis divinarum personarum æqualitas, & quoad extensionem, & quoad intensionem. Sive enim potentia activæ accipitur pro absoluto, quod est fundamentum relationis principii, juxta dicta articulo 4. fit oportet id absolutum in tribus simpliciter ejusdem magnitudinis: sive potentia intelligatur relatio fundata super illud absolutum, eadem relatio est trium, sicut trium est fundamentum relationis: est igitur omnimoda æqualitas potestatis divinarum personarum & extensivè, & intensivè. Porro intelligendum est absolutum, quod diximus fundamentum relationis, esse quidem in tribus ex natura rei (& non est aliud, quàm divina voluntas, suprema omnium creaturarum causa) non fundare tamen æqualitatem secundum potentiam, ut absolutè accipitur. Ita enim di-

vine personæ sunt æquales secundum intrinsecam magnitudinem voluntatis, quæ est ejus intensiva infinitas: est igitur fundamentum ut comparatur sub ratione potestatis ad objecta extrinseca, respectu quorum voluntas est æquale principium; æqualitas ergo potestatis est æqualitas principii ut principii. In fundamento itaque tertie æqualitatis secundum potestatem (juxta Fulgentii assignationem) semper includitur potestas, ut potestas, sive causalitas activa; etque cum non sit nisi respectus rationis, fundamentum istius æqualitatis non est in divinis personis ex natura rei. Nec propterea tamen existimandum superflue additum esse, divinas personas esse æquales secundum potestatem, vel unam non superare aliam potestate; quia etsi aliquorum æqualitas proprie attendatur secundum intrinseca, ex consequenti tamen per comparisonem ad extrinseca intelligi possunt æqualia, aut secus. Si enim par inest ipsis virtus intrinseca, & in æquali gradu, sequitur & æqualiter agere posse. Æqualitas ergo potestatis propriè non est alia ab æqualitate magnitudinis, sed est quasi explicans quandam magnitudinis æqualitatem, qualis scilicet magnitudo est formæ activæ; sicuti in creaturis, quæ habent æqualem magnitudinem caloris, & parem possident potentiam calefaciendi; æqualitas ergo secundum magnitudinem, & eternitatem, est ad se, & penes intrinseca: quæ est autem æqualitas potestatis exsurgit prout comparatur ad extrinseca. Ac perinde respectus æqualitatis proximè fundatur in potestate, quæ etiam formaliter est rationis respectus (quia nulla est in Deo relatio realis ad creaturas) sed ipsa potestas includit vel connotat præterea fundamentum ejus, quæ est Dei voluntas intensivè infinita, una, eademque in tribus.

Ad argumenta. Ad primum respondeo, negando primam consequentiam rectè inferri virtute formæ, quia tantum deducitur gratia materiæ. Sed probatur ex Augustino contra Maximum. Responsio: Augustini argumentum non tenet per locum intrinsecum, qui in proposito esset locus à toto in quantitate ad partem totius in quantitate, & *posse generare* caderet sub potentia activa. Sed concludit contra Arianos gratia materiæ virtute aliquot propositionum subintellectarum. Concedebat enim Maximinus, Patrem Filium genuisse, sed non æqualem sibi.

CONTRA, Augustinus arguit sic: *Si genuit, & non potuit generare Filium æqualem sibi; ergo fuit impotens*. Probatio consequentiæ; Pater dedit Filio per generationem Deitatem minorem ea, quæ in ipso erat; ergo Deitas non est ex se infinita: quia ut infinito esse nequit aliquid majus, ita nec potest minui. Sed si Deitas non est infinita, habens eam non est omnipotens; omnipotentia enim cum sit sequela essentia infinitæ, omnipotens esse nequit, qui non habet esse infinitum; ergo Pater, si non genuit Filium æqualem sibi, non est omnipotens. Sic quidem est deducenda ratio Augustini, sed consequentia non inferitur, quasi sub omnipotentia in generali contineatur particularis, quæ est *Filium gignere æqualem*, sed magis quia istud universale, quod est omnipotens, concomitatur infinitas essentia, & ita communicabilis in æqualitate secundum magnitudinem, eternitatem, & potestatem producendi omnia possiblea. Et consimiliter potest argui: si Pater non potest aliquid intelligere; Pater non est omnipotens. Et sequitur consequentia, non propterea quod *intelligere* sit termi-

Ubi supra  
6. De secun-  
do in isto ar-  
ticulo a. 4.

Ex quodlib.  
9. 6. cit.



bus omnipotentia, sed quia exinde convinceretur in Patre non reparari plenitudo omnis perfectionis simpliciter, & itaneque esse infinitus, nec subinde omnipotens.

Quare potentia acri-  
gere non  
possit omne  
entium scien-  
tia omne  
scibile.

Ad confirmationem respondeo: scientia non exigit ordinem determinatum prioris, vel posterioris ad scibilia, cui ordini ex sui ratione necessario alligatur potentia, quæ cum sit ad terminum, necessario comparatur ut prius ad posterius. Scientia ergo utpotè abstrahens ab isto ordine, ex se est omnium prorsus entium, quia omnia sunt scibilia. At potentia non se extendit ad omne ens, sed tantum respicit ens possibile, ut proprium objectum; quia id solum natum est esse potentia posterius; & ideo ens necessarium non spectat ad objectum ejus; ens enim necessarium non est intelligibile potentia posterius; ac propterea quicquid est identificatum essentia infinita, in qua est summa necessitas, est supra efficaciam potentia activæ, quantumvis infinita: imo hæc potentia ex necessitate, tanquam una perfectionum simpliciter est intensivè infinita.

Ad secundum dicendum, Richardi argumentum procedere, & valere in casu, quo per impossibile ponerentur duo Dii, ut deductum fuit supra, *quæst. XI. art. 2.* cum itaque arguitur, una persona velle posset omnia possible, nolente alia. Respondio; quia tribus una inest indivisibilis voluntas, unicum actum habere potest, ad extrinseca objecta terminatum, & uniformiter ab omnibus egredientem; vana est igitur imaginatio,

quam supponit argumentum. Nam sicut in eodem instanti naturæ intelliguntur tres personæ habere principium sufficiens ponendi ea *in esse*, ita in eodem instanti intelliguntur habere actum uniformiter, quo voluta ponuntur *in esse*.

Ad confirmationem dico, Patrem prius originale velle alia à se, aliud non esse, quam à se possidere principium volendi, & actum; Filium vero idipsum velle origine posterius, est habere ea omnia sibi à Patre communicata; sed exinde inferri non posse, pro aliquo signo actum ut à Patre egredientem terminari ad creaturam, quo non terminatur actio Filii ad easdem. Nam cum principium agendi per prius de necessitate insit tribus personis, quam respiciat aliquid ad extra, ut declaratum fuit *in solutione*, actus transiens super objecta extrinseca, est ab illo principio, ut in tribus in eodem omnino signo naturæ.

Ad tertium respondeo; equidem illam propositionem habere veritatem in causis per prius, & posterius essentialiter ordinatis, eo quod in causa priori sit alia virtus, seu vis causandi, ac sit in posteriori. Quo enim est natura prior, eo principalior, ut posterior minus principalis. Falsit ergo propositio, cum idem principium est in duobus secundum originem ordinatis, in quibus proinde est eadem vis, vel virtus causandi respectu terti; & ideo non magis influit unum, quam aliud in causatum, sed ambo uniformiter, ut dictum est.

## QUÆSTIO QUADRAGESIMA TERTIA

### DE MISSIONE DIVINARUM PERSONARUM

#### IN OCTO ARTICULOS DIVISA.

*Deinde considerandum de missione divinæ personarum*

#### CIRCA HOC QUÆRUNTUR OCTO.

- I. Utrum alicui divinæ personæ conveniat mitti.
- II. Utrum missio sit æterna, vel temporalis tantum.
- III. Utrum secundum quid divina persona invisibiliter mittatur.
- IV. Utrum cuilibet personæ conveniat mitti.
- V. Utrum invisibiliter mittatur tam Filius, quam Spiritus Sanctus.
- VI. Ad quos fiat missio invisibilis.
- VII. De missione visibili.
- VIII. Utrum aliqua persona mittat seipsam, visibiliter, aut invisibiliter.

#### ARTICULUS I.

Utrum alicui personæ divinæ conveniat mitti.

*Doctor 1. dist. 15. in Report. ibidem quæst. 1.  
S. Thom. 1. p. q. 43. artic. 1.*



**V**IDETUR divinæ personæ minimè convenire *mitti*. Nam mittens potior est, ac prestantior eo, qui mittitur. Is enim ex hoc quod mittatur, obtemperat iussionibus mittentis se, ac proinde est illi subditus, & inferior; sed sincera fides docet

divinas personas esse inter se omnino æquales, nec unam alia prestantiorem: ergo eas inter non habet locum mittere, & mitti.

Tomus I.

Præterea, qui mittitur, vadit in locum, ubi prius non erat; Alioquin enim qua ratione missus diceretur, ubi prius erat? sed evidens est omnes divinas personas perinde, & ubique reperiri; dicente Propheta ex persona Dei, *Cælum, & terram ego impleo*. Jerem. 23. Ergo nulli divinarum personarum convenit mitti.

Præterea, Non videtur intelligibilis missio alicujus, nisi concipiatur qui mittitur discedere ab eo, qui amandat alium: sed aliquam divinarum personarum discedere ab alia, est impossibile, cum unus, ejusdemque substantiæ sint; ergo nec mitti verè ulla intelligi potest.

Præterea, si aliqua divinarum personarum missa dicenda foret, utique exinde eam denominationem acciperet, vel quia aliquid operata esset circa creaturas, vel quia per subjectam creaturam visibilis apparuisset; sed hæc ratione omnes tres ex æquo missæ dicerentur; omnibus perinde operantibus ad extra, ut omnes per creaturas visi-

Ubi supra 3  
Cap. Ne asse-  
rem mireris 4

Ubi supra  
Cap. Hic quæ-  
ritur 4

R r r

biles

Magist. 1.  
dist. 15. cap.  
finali.



biles reddi possunt; ergo cum negatur Pater missus, aut mitti posse nulli ex eis passiva missio convenit.

CONTRA, Joan. 16. Filius de se loquens ait; *exivi à Patre, & veni in mundum*; missus est ergo in mundum. Et de Spiritu Sancto; *si autem abiero*, inquit, *mittam eum ad vos*: Filio ergo, & Spiritui Sancto convenit mitti, prout revera missos fuisse testatur divina scriptura.

RESPONDEO dicendum, divinis personis, etsi non omnibus (de quo articulo 4.) mitti convenire. Ad ejus intelligentiam, sciendum, nobis non licere vocabula usurpare, nisi juxta significatum, quod illis mediantibus exprimere auctores consueverunt; juxta usum igitur voces instituentium, convenit eis uti. Itaque quoniam *mittere* intelligere non possumus nisi per duos respectus, alterum ad eum, qui mittit, alterum ad illa, quibus aliquid mittitur, secundum hanc vocabuli intelligentiam (sublatis imperfectionibus, quæ in missione qualibet creaturarum necessario concurrunt, ut in cæteris, quæ ad divinam transferuntur) ad mentem Augustini. 2. de Trinitate cap. 5. *Tò mittere*, ut de divinis personis dicitur, aliud esse non videtur, quàm significare, mediante aliquo effectu recenter causato, personam aliquam divinam esse productam ad intra, adeo ut tunc persona producta *mitti* dicatur, quum talis effectus ejus productionis significativus, interna illustratione concomitante ad extra representatur. Quare Augustinus loco citato, de Filio dicit; *A' Patre ex re, & venire in hunc mundum, hoc est mitti*; & infra: trañans verba Apostoli, 4. ad Galatas: *Misti Deus Filium suum, factum ex muliere*: Proinde, inquit *mitti à Patre sine Spiritu Sancto non potuit, quia Pater intelligitur misisse eum, cum fecit ex semina: quod utique non fecit sine Spiritu Sancto*. Quod si mitti sine Spiritu Sancto non potuit, utique mittere est commune tribus, & subinde essentiale. Nam propterea quod id *mittere* sit manifestare personam procedere, nequit una persona eam efficere manifestationem, non concurrentibus aliis. Etsi igitur manifestare dicat per se respectum rationis ad mittentem, & ad eum, cui mittitur, non connotat tamen respectum æternum producentis ad productum; quia aliqua persona mittens, id est manifestans personam producentem procedere, est non produciens. Contra vero *mitti* quod est manifestari personam procedere, præter respectum rationis ad mittentem, connotat ulterius respectum realem, nempe in persona missa, quatenus manifestatur ejus æterna processio. Itaque quoniam Filius à Patre exit, & Spiritus Sanctus à Patre, & Filio procedit, verè his convenit mitti.

Ad argumenta. Ad primum respondet Augustinus, 4. de Trinit. cap. 21. non ideo dici Patrem misisse Filium, vel Spiritum Sanctum, quod ille esset major, & illi minores. Id enim intelligentibus unam, eandemque naturam esse in tribus, statim perspicuum est esse impossibile: Sed maxime propter auctoritatem principii commendandam; Filius enim à Patre est, ut Spiritus Sanctus à Patre, & Filio. His ergo convenit mitti: non Patri principii auctoritatem habenti. Et quamvis & Pater si voluisset, per subjectam creaturam visibiliter appareret, absurdissime tamen (inquit Augustinus loco supracit.) aut à Filio, quem genuit, aut à Spiritu Sancto, qui de illo procedit, missus diceretur. Congruenter autem ille missus dicitur, qui in carne apparuit, misisse autem qui in ea non apparuit.

Ad secundum respondeo, cum scriptura frequenter dicat Filium missum à Patre, & insuper constet, quo missus est, priusquam mitteretur adfuisse in mundum enim missum est Verbum, ut fieret caro, & tamen in mundo erat, Joan. primos; evidens est assumptam propositionem aptari divinis personis, more humano. Sed jam diximus in divinarum personarum missione, nihil tale nos debere imaginari, sed tantum per missionem innoscere nobis, quod una ab alia sit: id, que per novum effectum ad extra productum, æternæ processio missæ personæ significativum.

Ad tertium, Patet ex dictis, quia hic nulla est imperfectio ex his, quæ concomitantur missiones creaturarum.

Ad quartum est responsio ex dictis ad primum etsi enim omnes divinæ personæ per visibilem creaturam apparere possent, si voluissent: attamen quia non omnes procedunt, nec subinde omnium potest manifestari passiva processio, quæ in Patre esse non potest: nec omnibus convenit *mitti*, quamvis è contra omnes ex æquo concurrant ad unius missionem; quia tota Trinitas manifestat personam procedentem procedere.

## ARTICULUS II

Utrum missio sit æterna, vel temporalis tantum.

Doctor 1. dist. 15. utriusque scripti.  
S. Thom. 1. p. 1. q. 43. art. 2.

VIDETUR divinarum personarum missio esse æterna. Nam si ex tempore divinæ personæ primo mitterentur, mutationem aliquam necessario subirent: fieri autem non potest, ut personæ divinæ ulli mutationi obnoxie sint: ergo illarum missio est æterna. Probatio majoris: Missio ex dictis articulo precedenti gemina constituitur habitudine; altera ad mittentem, altera ad eum, cui quis mittitur: igitur penes hanc secundam habitudinem missa persona mutaretur, quandoquidem sibi adveniret, quod prius non habebat.

Præterea, secundum æternam genituram, quæ ineffabilis est, Filius est missus, ipso dicente: *A Patre exivi*. Joan. 16. sed exitus iste exitit ante omne tempus, juxta dicta, *questione precedenti art. 2.* & ita pariter Spiritus Sancti processio: ergo divinarum personarum missio est æterna, non temporalis.

Præterea, Ex Augustino, 4. de Trinit. cap. 20. *Mitti Filium est cognosci quod à Patre sit*. Et subinde spiritum Sanctum mitti, est cognosci, quod ab illo procedat; sed etiam si cognitio hæc sit in tempore, nihilominus tam generatio Filii, quam spiratio Spiritus Sancti ab æterno sunt: ergo missioni earum personarum æternæ prorsus accidit, quod in tempore cognoscatur. Magis igitur missio dicenda est æterna, quam temporalis, accepta denominatione ab eo, quod huic missioni non accidit.

CONTRA, Isaïa 61. *Spiritus Domini super me, eo quod unxerit Dominus me: ad annuntiandum, mansuetis misit me, ut mederer contritis corde: quod Oraculum testatur Salvator de se pronunciatum Lucæ 4. Unde Ambrosius, 3. de Spiritu Sancto, cap. 1. Et benè, inquit, *super me dixit, quia quasi Filius hominis loquebatur. Quasi Filius enim hominis & unctus & missus est ad Evangelium**

1. dist. 19.  
quæ 1. dist.  
46.

Vocibus quæ  
inter utroque  
sunt.

1. dist. 8. q. 4.

1. dist. 16. 9.  
Respondeo.

Magis. Aureolus 1. dist.  
fin. 15. art. 1.  
6. Tertia pro-  
positio. Rem  
hanc ita de-  
clarat, Per-  
sonam di-  
vinam mit-  
te, aliud non  
est, quàm  
auctoritate  
ab æterno  
accepta, in  
tempore uti;  
non enim  
de novo le-  
gatur, quasi  
ex tempore  
auctori-  
tatem acci-  
piat, sed  
quia auctori-  
tate ab æ-  
terno acce-  
pta ex tem-  
pore utitur,  
profluendo  
in actum.  
Mittere ve-  
ro nil aliud  
est; quàm  
personam  
determinare  
ad ejus-  
modi usum  
auctoritatis,  
quod sit per  
divinam vo-  
luntatem,  
quæ com-  
munis est  
tribus. Hæc  
ille; Idem  
habet 6. Res-  
pon. & 9. Se-  
cunda propo-  
sicio.

Magis. 1. dist.  
15. cap.  
ad quod di-  
cimus.



*hinc prædicandum*. Atqui hæc opera Filii Dei edita sunt in tempore; ergo missio ipsius non est æterna, sed tantum temporalis.

RESPONDEO dicendum, missionem divinarum personarum in sensu articulo præcedenti declarato non esse æternam, sed temporalem. Nam prætermisso sermone exitus divinarum personarum, quo Filius à Patre, & Spiritus à Patre, & Filio accipiunt esse, quo sint Deus, cujus exitus, & processio non est intelligere durationis principium, ut *art. 2. qu. 42. cit.* declaratum fuit. Manifestum est missionem hanc ultra habitudinem rationis ad mittentem, per se importare respectum pariter rationis ad creaturam, cui missæ dicuntur divinæ personæ; & una connotare respectum realem processionis æternæ, ad cujus manifestationem persona mittitur; utique faciendam, & per effectus noviter productos, & per internam cordis illustrationem. Quare quemadmodum *mitti* non convenit omnibus personis, quia in omnibus hæc rationis habitudo non connotat passivam processionem personæ; ita intelligi non potest facta esse, aut fieri posse, nisi in tempore, in quo creaturæ, ad quas mittuntur, existunt, estque effectus de novo productus æternæ processionis personæ missæ significativus; non quidem ex sui natura, sed ex interno supernaturali lumine: sicuti signa non naturalia significant aliquid determinatum ex hominum institutione. *Mitti* ergo connotat quidem processionem æternam personæ missæ, at principaliter significat effectum temporalem; quem effectum tota Trinitas operatur, atque eam missio respicit; etsi quantum ad connotatum ejus habitudinis, in ratione principii ad solam personam producentem, ea quæ mittitur, referatur.

Ad argumenta. Ad primum respondeo divinas personas nullam subire mutationem, ex eo quod in tempore missæ dicantur ad creaturas. Nam non propterea novæ formæ sunt receptivæ, quamvis alii effectus de novo producti dicant novas habitudines ad ipsas, ut Deus in tempore dicitur animas creare, terminando respectum dependentiæ creaturæ de novo productæ. Sicut ergo priusquam persona divina mitteretur, nihil sibi intrinsecum deesse poterat, ita & nihil novi in se acquisivit per missionem, nisi respectum rationis, connotantem æternam ejus processionem.

Ad secundum respondet, *Magist. loco cit.* Etsi quibuscumque visum fuerit Filium missum dici posse, secundum æternam generationem ejus, nihilominus penes illam melius, ac verius appellari *genitum*. Quod etsi æterna personarum processio missionem nuncuparetur; nobiscumque ad præsens non est sermo, nisi de ea missione, secundum quam narrant divinæ scripturæ Filium ad homines missum, & Spiritum Sanctum ad eosdem, & ad ipsum hominem Salvatorem descendisse, ac super eum mansisse. *Joan. primo* & alibi.

Ad tertium patet responsio ex dictis, Nam non sufficit, ut Filius dicatur missus, quod cognoscatur ejus æterna processio; id enim potuit ex Dei revelatione innotuisse, priusquam mitteretur, & in mundum veniret. Exigitur ergo præterea ad missionem, ut id fiat, mediante effectu de novo producto, ac interna Dei illuminatione: quæ quoniam non nisi in tempore fieri, & evenire dicuntur, merito *missio* hæc appellanda est temporalis.

ARTICULUS III.

Utrum missio invisibilis divinæ personæ sit solum secundum donum gratiæ gratum facientis.

Doct. locis in margine citatis. S. Thom. 1. par. qu. 43. articulo 3.

VIDETUR missio invisibilis divinæ personæ non evenire duntaxat secundum donum gratiæ gratum facientis. Siquidem ex Augustino 4. de Trinit. cap. 20. *Cum ex tempore cujusque (personæ) profectus mente concipitur, mitti dicitur*. Sed exitus divinarum personarum non solum per donum gratiæ sanctificantis, mente concipi potest. Nam id percipere possumus per fidem; & per scientiam quoque supposita fidei revelatione: Atqui dona fidei, & scientiæ non spectant ad donum gratiæ gratum facientis. Sed magis sunt gratiæ gratis datæ, ex Apostolo, 1. ad Corinth. cap. 12., ergo missio invisibilis divinarum personarum non semper sit secundum donum gratiæ sanctificantis.

Præterea, Prophetiæ donum de Spiritu Sancto est, ut revera ad Prophetas per quos loquebatur, missus invisibiliter dicitur: sed id donum fiat cum infidelitate, quæ repugnat tum fidei, tum gratiæ sanctificantis; ergo divinæ personæ non tantum mittuntur secundum donum gratiæ gratum facientis. Minor est evidens ex 3. Regum cap. 13. *factus est sermo Domini ad prophetam, qui reduxerat eum*. Is autem, cui factus est sermo Domini, erat quidam homo nequam, idolatra, quique mendaciam vendebat pro mysteriis revelatis: & nihilominus instinctu Dei tunc vera prædixit prophetæ, qui ab illo seductus fuerat, Idem legitur de Balaam, Num. 24. & de Caiphas, Joan. XI.

Præterea, Quemadmodum etsi charitas sit effectus totius Trinitatis, attamen Spiritui Sancto appropriatur, eo quod per modum doni primique amoris procedat; ita & sapientia, & fides Filio appropriantur, propter convenientiam cum modo processionis ipsius; ergo sicuti ex dono gratiæ gratum facientis voluntati collato, Spiritus Sanctus dicitur invisibiliter mitti, ita & Filius pariter mitti dicendus est, cum sapientiæ, aut fides intellectui infunditur; sed hæc dona non habent necessariam connexionem cum charitate; ergo invisibilis missio divinarum personarum non sit tantum per donum gratiæ sanctificantis.

CONTRA, Joan. 14. *Si quis (inquit Salvator) diligit me, sermonem meum sereabit, & Pater meus diligit eum, & ad eum veniemus, & mansionem apud eum faciemus*. Deus autem non manet apud quemquam, nisi per gratiam sanctificantem. Nec de alio adventu, & mansionem potest ea loquutio intelligi, nisi de ea, quæ sit per inhaerentem charitatem. Secundum quod, & Sap. 1. scriptum est: *Spiritus enim sanctus discipline effugiet filium*. Id est, non infundit gratiam sanctificantem in eum, qui subditur peccatis, nec de eis, ut oportet, conteritur.

RESPONDEO dicendum, revera invisibilem divinæ personæ missionem, qua missa intelligitur per novum effectum, quoque mediante inhabitat creaturam rationalem, vel intellectualem, fieri duntaxat per donum gratiæ gratum facientis Declaratio; secundum Augustinum, Epistol. 57. Deus est inhabitator puerorum nuper baptizatorum; sic ut templum sint Spiritus Sancti: Deus;

1. dist. 15. 5. Licet autem.

3. dist. 24.

Miscell. q. 6. n. 7. & 18.

Supra q. 39. art. 8.

1. dist. 14. in argument. principal.

4. dist. 4. q. 5.

1. dist. 17. q. 3. & 2. ad certum articulum.



*est, inquit, inhabitator quorundam nondum cognoscens Deum, & non quorundam cognoscens Deum. Illi enim ad templum Dei non pertinent, qui cognoscens Deum, non sicut Deum glorificant. Ad templum autem Dei pertinent parvuli sanctificati Sacramento Christi, & regenerati Spiritu Sancto, qui nondum valent cognoscere Deum. Non mittitur ergo invisibiliter persona divina ad habitandam creaturam, sine novi effectus creatione, quo sanctificetur, sibi que sit accepta. Is autem effectus alius esse non potest: quam donum gratiæ gratum facientis. Per alia enim dona non inhabitat Deus suam creaturam, nec efficiuntur Dei templum creaturæ, in quo colatur, & ametur: etsi ob sui immensitatem impleat omnia. Ut enim ratione suæ illimitationis implet omnia, sic omni rei penitissimè illabitur, atque est in omnibus per essentiam, præsentiam, & potentiam. Sed non exinde quidquam inhabitat, & residet ut in templo: sed magis, ex eo quod præterea causet in aliqua creaturarum quandam formam, ad operandum juxta inclinationem ejus, cujus actionis ipse est terminus, & objectum, quo pacto est, atque inhabitat sanctos per gratiam, & charitatem. Tuncigitur Spiritus Sanctus nobis mitti, vel dari dicitur, cum ita in nobis est, ut faciat nos diligere Deum, & proximum: per quod manemus in Deo, & Deus in nobis. Sed etiam Filius datus est nobis, & missus est, non solum ut sit homo, quod utique semel tantum factum est, sed mittitur, ut sit cum homine, quo pacto quotidie mittitur ad sanctos, ut missus est etiam ante incarnationem: de qua gemina missione loquens Augustinus, 4. de Trinit. cap. 20.*

*Aliter, inquit, mittitur sapientia, ut sit cum homine, aliter missa, ut sit homo. In animas enim sanctas se transfert, & amicos Dei, & Prophetas constituit, sicut implet etiam sanctos Angelos, sed quum venit plenitudo temporis missa est, ut fieret homo.*

Ad argumenta. Ad primum concedo fieri posse, ut cognoscatur divinarum personarum processio ab eo, qui destituitur gratia sanctificante, seu per fidem, seu per scientiam. Nego tamen tunc ad ipsam personam procedentem mitti, sicut sibi donetur, vel ut sit templum Dei, in quo persona missa colatur, & ametur. Nam non venit persona missa, nisi ad eum, qui Deum diligit, juxta Salvatoris pronuntiationem, quod supra retulimus. Quoniam ergo gratiæ gratis datæ sunt in Ecclesiæ profectum magis, quam ejus, cui dantur: Quum per hæc dona cognoscuntur procedere personæ missæ, eo quod Ecclesia Sancta sit, potius ad ipsam, quam ad personam particularem missæ dici posse videntur.

Ad secundum dicendum ex Augustino, 15. de Trinit. cap. 18. charitatem esse Dei donorum excellentissimum; quinimo tale, ut sine illo nihili sint facienda cætera dona: ea enim sola est quæ dividit inter filios regni, & perditionis. Quapropter etsi de Spiritu Sancti instinctu nonnulli interdum prophetaverint ad Ecclesiæ utilitatem; id nihilominus in eorundem commodum nihil contulisse, adeout per ea dona effecti sint templum Spiritus Sancti, adeoque non ipsis missus dicendus est Spiritus Sanctus, quippe qui illius templum effecti non sint, sed ad Ecclesiam, quæ sancta est.

Ad tertium patet ex dictis, quia quantalibet dona Deus creaturis elargiatur, nunquam tamen eas inhabitat, nisi det & formam ad agendum

cujus operationis ipse sit finis, ut dictum est in solutione.

## ARTICULUS IV.

Utrum Patri conveniat mitti.

Doct. 1. dist. 15. in utroque scripto, S. Thom. 1. p. q. 43. art. 4.

**V**IDETUR Patri perinde ac cæteris personis competere mitti. Etenim quicquid est essentialie in divinis, de communi Theologorum sententia convenit tribus in Deitate subsistentibus: Sed missio seu activa, seu passiva est quid essentialie: ergo & Patri convenit mitti. Probatio minoris; ex eo quod *mittere* & *mitti* dicatur de Deo ex tempore, necessario involvit respectum ad creaturam, & quidem rationis: sed respectus omnis ad creaturas communis est tribus; ergo & mitti pariter competit tribus personis divinis.

Præterea, Joan. 14. *Si quis; inquit Salvator, diligit me & Pater meus diligit eum, & ad eum veniemus.* Pater ergo venit ad diligentes Deum ex tempore id autem *venire* importat aliquem effectum Trinitatis; ergo sicut Filius, & Spiritus Sanctus mitti dicuntur per productionem novi effectus, ita & Pater pariter mitti est dicendus, cum trium una, atque indivisibilis sit actio; omnibus æquoque eundem effectum insistentibus, alioquin aliquid operaretur Pater, quod non Filius.

Præterea, Magister, 1. dist. 15. cap. 1. ex Augustino exponit, qualiter *qualibet persona dat, & datur*; ergo pari ratione quælibet & mittit, & mittitur.

Præterea, Augustinus, 2. de Trinit. cap. 5. pluribus offendit Filium missum in hunc mundum à Patre, & Spiritu Sancto. *Quod de Deo, inquit, natus est, in hoc mundo erat. Quod autem de Maria natus est, in hunc mundum missus advenit. Proinde mitti à Patre sine Spiritu Sancto non potuit.* Et pergit declarando, qualiter Filius etiam à se ipso missus est; ergo quamvis Pater non habeat à quo mittatur, quia nec à quo sit, saltem mitti poterit à se ipso, sicut Filius missus etiam est à se ipso.

CONTRA, Augustinus, 4. de Trinit. cap. 20. *Sed Pater, inquit, cum ex tempore à quoquam cognoscitur, non dicitur missus: non enim habet de quo sit, aut ex quo procedat.*

RESPONDEO, Quoniam secundum Augustinum, 4. de Trinit. cap. 20. & 21. Pater non legitur missus, adeout absurdissimè mitti diceretur à Filio, vel à Spiritu Sancto, etiam si per sensibilem creaturam appareret, ut Filius apparuit factus homo, & etiam Spiritus Sanctus visibiliter apparuisse legitur; potest probabiliter dici *mitti* per se quidem significare respectum rationis ad extra, at præterea connotare respectum realem passivæ productionis ad intra: Et consimiliter in eo quod est *mittere* nos quidem primo, & per se intelligere respectum actionis activæ ad extra, & penes connotatum concipere respectum productionis activæ ad intra; adeoque juxta hanc expositionem neutrum esse omnino essentialie; Si quidem *mitti* congruit tantum personis productis, & *mittere* solummodo personis producentibus, intantum ut dux sint personæ mittentes, scilicet Pater, & Filius, & dux pariter missæ, nempe Filius, & Spiritus Sanctus. Non ergo aliqua persona se ipsam mittit, nec producta produ-

Juxta hanc solutionem tenet argumentum La. tinarum contra Græcos, conclusionem processionem Spiritus Sancti à Patre, & Filio, ex eo quod missus legatur à Filio; de qua re actum art. 2. q. 16. Quod si teneatur Magistri sententia de missione, res. rend. art. finali. Tunc utique alius rationibus utendum est contra Græcos.

1. Repere, dist. 17. q. 2. n. 16.

Magister 1. dist. 17. cap. Tunc enim & dist. 15. cap. esse dist. 15. q. 2.

Quodlib. q. 2.

3. dist. 26.



ducentem. Nam quemadmodum Pater per Verbum, & Filius per Spiritum Sanctum creare dicuntur, non è converso. Quia in loquutione significatur actio ad extra cum auctoritate, & connotatur activa productio in operante, respectu personæ, qua subauctoritative operatur. Ita *mittere* personam est operari per eam, idest attingere effectum unâ cum persona missa per modum auctoris dantis actionem. Id autem præcisè convenit producenti respectu personæ productæ; Contra vero *mitteri* idem importat ac subauctoritative operari virtute personæ mittentis. Quod ideo est, quia persona operans accipit ab alia virtutem agendi. Utergo non omnes personæ accipiunt agendi virtutem, sed duæ solummodo; ita hæc duntaxat *mitti* dicuntur: & quia pariter non omnes alteri id ipsum communicant, sed tantum Pater, & Filius, ideo duæ præcisè sunt personæ mittentes.

Ad ARGUMENTA. Ad primum respondeo, quoniam *mitti* non importat præcisè respectum rationis ad creaturam, verum etiam connotat respectum realem productionis passivæ, ideo non est commune tribus, cum tribus non conveniat id connotatum. Non semper ergo respectus ad creaturam est essentialis, sed tantum, cum commune omnibus est connotatum, vel fundamentum ejus relationis.

Ad secundum, concedendum est, Patrem invisibiliter venire ad eos, ad quos mittitur Filius, vel Spiritus Sanctus, & inhabitare per gratiam sanctificantem, quod dignum ei habitaculum præparant; sed non propterea tamen *mitti*, cum non habeat, de quo fit. Non enim manifestari potest procedere, nisi procedat: tamen absolute manifestari potest, vel manifestare, quod producat. Sed nihilominus exinde absurdissime *mitti* diceretur, ut ait Augustinus, quia tunc alia persona præferret respectu ejus auctoritatem, quod est impossibile. Non ex eo igitur quod personæ virtute novus effectus producat *mitti* subinde dicitur, sed magis quia virtute ab alia accepta, producat, missa nuncupatur; quod utique Patri convenire non potest. Et cum subditur, quia tunc aliquid operaretur Pater, quod non Filius. Responsio: Nulla est hæc consequentia; quia commutatur *quale in quid, vel res in modum*. Nam non sequitur, Filius non operatur per Filium, sicut Pater operatur per Filium; ergo Pater aliquid operatur, quod non Filius; sed est inferendum: ergo Pater aliquo modo alio operatur, quo pacto non operatur Filius, quia ille auctoritative, hic subauctoritative. Et ita ex eo quod Pater mittat Filium, & non Filius se, debet deduci, auctoritatem producenti effectum in creatura, in Patre reperiri, & non in Filio, etsi inter utriusque una sit eademque actio.

Ad tertium respondeo, negando consequentiam, quia *dare* non involvit, nec connotat respectum realem originis ad intra, qualis importatur per *mittere*, & *mitti*. Etenim *dare* est liberaliter communicare: quælibet autem persona se ipsam communicat liberaliter voluntate, ut sui est, nec propterea quælibet quamlibet mittit, ut ex dictis manifestum est.

Ad quartum dicimus, Augustini auctoritates esse exponendas. Misit quidem Spiritus Sanctus Filium, ut & Filius misit se, quia ex æquo tres divinæ personæ operatæ sunt incarnationem, uti & efficiunt quoddamque opus, cum aliqua ex eis invisibiliter mittitur; sunt ergo intelligendæ non de Filio, ut erat carnem assumpturus, sed quate-

nus carnem sumpsit de Maria Virgine. Quomodo etiam Ambrosius 3. de Spiritu Sancto cap. 1. exponit illud Isaia 61. Spiritus Domini super me. Bene, inquit, super me dixit, quia quasi Filius hominis loquebatur. Quasi enim filius hominis & unctus & missus est ad Evangelium prædicandum: nam secundum Deitatem non super Christum est Spiritus, sed in Christo. Non est ergo intelligendum propheticum dictum, nisi de Christo homine; quo sensu verissimè, ut dictum est, tres personæ divinæ miserunt Filium, idest, operatæ sunt incarnationem; sed non propterea Filius incarnandus dici debet à Spiritu Sancto, aut à se missus; quia Spiritus non effecit incarnationem unâ cum Filio quasi auctoritative, sed è converso: & ideo à solo Patre missus est in mundum, Spiritus vero Sanctus à Patre, & Filio.

## ARTICULUS V.

Utrum Filio conveniat invisibiliter mitti.

Doctor lucis in margine citatis. S. Thom. 1. p. q. 43. art. 5.

VIDETUR Filio minime competere invisibilis missio. Nam ex dictis art. 3. invisibilis missio attribuitur est divinis personis, secundum donum gratiæ gratum facientis; Sed hoc donorum excellentissimum uni personæ Spiritus Sancti appropriatur, non autem Filio; Ille enim est primum donorum procedens per modum subsistentis amoris; cujus gratiæ quæcunque dantur rationem induunt donorum; ergo Filio non convenit *mitti* invisibiliter ad creaturas.

Præterea, Si Filius invisibiliter mitteretur, maxime secundum ea, quæ illi appropriantur, uti sunt quæ spectant ad intellectum, nempe fides, scientia, sapientia, consilium, & alia id genus; sed hoc est falsum. Probatio: etenim hæc computantur inter dona Spiritus Sancti. Isaia XI. ergo Spiritui Sancto magis attribuantur; igitur solus Spiritus Sanctus invisibiliter mittitur, aut certè si uterque ad eundem effectum causandum mitti dicatur, altera ex his personis ad legatum munus obeundum, superflue mitteretur.

Præterea, Missio invisibilis Filii potissimum ordinata videretur ad docendum veritatem; nam veritas cum maxime intellectu congruat, est præcipuum appropriatorum Filii per intellectum procedentis. Sed scriptura divina non Filio, sed Spiritui Sancto potius attribuit docere veritatem, dicente Salvatore ad discipulos suos, cum venerit ille Spiritus veritatis, docebit vos omnem veritatem; Joan. 16. ergo solus Spiritus Sanctus invisibiliter mittitur:

Præterea, Non videtur probabile Filium missum, aut mitti ad Philosophos infideles; sed isti præclara multa mentis acumine attigerunt, literisque mandarunt, quæ nihilominus fideles investigare non poterunt, ad quos potius mitti erendum est Verbum Dei; ergo non competit Filio ejusmodi invisibilis missio. Minor constat ex Augustino 4. de Trinit. cap. 15. Nonnulli eorum (Philosophorum) potuerunt aciem mentis ultra omnem creaturam transmittere, & lucem incommutabilis veritatis quantumcunque ex parte attingere, quod Christianos multos ex fide interim sola vicentes nondum potuisse deinde.

Confirmatur, secundum Apostolum, ad Roman. 1. Invisibilia Dei à creatura mundi per ea, quæ facta sunt, intellecta conspiciuntur; ergo sola Dei

1. dist. 27. q. 1. Quod lib. 9. de ad finem. 3. dist. 34. de divinis.

1. dist. 11. q. 1. V. Ad rationem illam de Evangelio. 1. dist. 3. q. 3. 6. Ad questionem. V. assumptum.

Ibidem 6. ad oppositum.

Hanc sententiam sequitur Aureolus 1. dist. 15. artic. 3. 6. Propterea dicendum.

Quam & egregie declarat. Videndum ibidem art. 1. 6. Secunda vero propositio.

Lineæ tota Trinitas simul operetur & determinetur cum libera voluntate, tamen in operando Pater se habet ut auctoritatem, Spiritus, & Filius ut de legati, in quantum agunt auctoritate sibi ipsis communicata; & ideo Pater niquam mitti dicitur, nec agere ut legatus, quia, nemo eandem operationem agat cum aliis. Filius autem, & Spiritus agunt per modum legati, sed Filius in operatione, quia meus illustratur; Spiritus autem in operatione, quia meus inflammatur. Aureolus loco citato.



Dei generall' influentia attinguntur, vel attingi possunt quæ sunt ordinis naturalis, atque ex ipsis intellectibus ipse invisibilis naturæ auctor; non ergo ad Philosophos fuit aliqua missio specialis Verbi Dei.

Præterea. Ex invisibili Filii Dei missione secundum aliquam analogiam consequeretur effectus in iis, ad quos mittitur, correspondens processioni æternæ ipsius; sed ex ea Filius habet spirare amorena infinitum; ergo ad eum finem Verbum mitteretur, ut ad dilectionem excitaret æternorum. Hoc autem falsum esse apparet, tum in Prophetis malis, ut *art. 3.* tactum fuit; tum in Philosophis gentilibus opinantibus felicitatem nostram sitam esse in speculatione perfectissima substantiarum separatarum, cum magis, vel saltem ex æquo consistat in earum dilectione.

CONTRA, Augustinus, 4. de Trinit. cap. 20. *Ab illo mittitur Sapientia, à quo emanat. Sic enim expetit ab illo, qui amabat eam, & desiderabat eam. Emitte: inquit, illam de sanctis calicibus tuis, & mitte illam à sede magnitudinis tue, ut tecum sit, & tecum laboret, id est, doceat me laborare, ut laborem;* Mittitur igitur Dei Verbum, quod est sapientia, etiam invisibiliter.

RESPONDEO dicendum, Filium invisibiliter mitti, ut ex Augustino 4. de Trinit. cap. 20. docet Magister 1. dist. 15. cap. Ad quod, & seqq. Bisariam siquidem cognoscimus missum Dei Filium visibiliter scilicet, & invisibiliter. Et secundum alterum quidem semel tantum missus est: secundum alterum vero sepe missus est, & mittitur quotidie. Nam secundum alterum missus est ut sit homo, quod semel tantum factum est: secundum alterum vero mittitur, ut sit cum homine, quomodo quotidie mittitur ad sanctos, & missus est etiam ante incarnationem, & ad omnes sanctos qui ante fuerunt, & etiam ad Angelos. Qua autem ratione intelligenda sit hæc Verbi Dei invisibilis missio, exponit Augustinus ubi supra, dicens; Non eo ipso, quod de Patre natus est, missus dicitur Filius: sed vel eo quod apparuit huic mundo Verbum caro factum: Vel eo quod ex tempore cujusquam mente percipitur: & tunc unicuique mittitur, cum à quoquam cognoscitur, atque percipitur quantum cognosci, & percipi potest pro capite, vel proficientis in Deum, vel perfectæ in Deo animæ rationalis. Quod utique accipiendum, & intelligendum est, juxta dicta articulo primo. Missio enim quoniam temporalis est, intelligi non potest sine novo effectu ex tempore producto. Cum igitur is effectus est invisibilis, atque ex eo intelligitur, menteque percipitur Filius à Patre procedere, tunc mitti dicendus est. Non quidem quasi de persona missa specialis, ac nova communicatio duntaxat procedat: quia sicuti incarnatio à Trinitate effecta est, ita nihil communicari invisibiliter potest animæ rationali, nisi ab omnibus divinis personis una causetur. Sed missus Filius, vel Spiritus Sanctus appellatur; quia effectus, per quos earundem processionis mente percipiuntur, uni, vel alteri ex ipsis appropriantur, quamvis proprie ex æquo sint à tribus divinis personis. Sapientia enim omnis à Domino Deo est, ut scribitur *Ecclesiastici primo* ea tamen ibidem appellatur Verbum Dei in excelsis fons sapientiæ, nempe per appropriationem. Quo pacto, juxta Augustinum, 7. de Trinit. cap. 7. Filius dicitur Sapientia Patris, & lumen Patris: juxta quem modum appropriantur etiam Filio rationes artis, notitiæ, & aliæ, quæ cum modo processionis ejus habent convenientiam.

tiam. Ex eo enim habet, quod sit notitia a naturalis procedens de memoria paterna, declarans omne intelligibile, quod in memoria illa continetur. Quotiescunque ergo per supernaturalia dona, quæ illi appropriantur, ejus æterna cognoscitur natiuitas, invisibiliter mitti dicendus est.

AD ARGUMENTA. Ad primum patet responsio ex dictis articulo tertio. Nam quoties divini personæ mittuntur ad inhabitandum, toties novus effectus in creatura productus, est gratia sanctificans, quæ sola efficit animam templum Spiritus Sancti; sed ultra hanc missionem, alia esse potest, quum scilicet effectus de novo productus non sanctificat per se animam, sed tantum disponit ad sanctificationem, seu ad gratiam gratum facientem. Hi autem effectus, & dona supernaturalia sunt, quæ spectant ad intellectum, & non necessario connectuntur cum gratia sanctificante; vel sunt gratiæ gratis datæ, quibus per se intenditur magis bonum commune Ecclesiæ, quam eorum, quibus communicantur; de quibus Apostolus, 1. ad Corinth. cap. 12.

Ad secundum respondeo, cuncta Dei supernaturalia beneficia, eo quod de liberalissima illius voluntate descendunt, in divinis scripturis Spiritui Sancto rectissime appropriari. Nam cum sint Dei dona, connotant processionem amoris infiniti qui est primum donorum, et si per se importet respectum ad eum, cui liberaliter elargitur. Id autem non impedire, quominus quænam ex illis beneficiis, secundum specificam eorum rationem habeant convenientiam cum proprietate Filii, ac subinde quatenus talia ei, & non Spiritui Sancto appropriantur. Ipsum itaque Dei Verbum fons sapientiæ à scriptura appellatum, in Evangelio dicitur etiam lux hominum: & ab Augustino 7. de Trinit. cap. 7. lumen de lumine. Quæcunque igitur pertinent ad illuminandas creaturas intellectuales, uti sunt scientiæ, sapientiæ, fidei, & alia idgenus dona, Filio rectissime appropriantur; quemadmodum & Spiritui Sancto attribuuntur, quæ spectant ad inflammandum affectum. Cæterum non putamus per quamcunque intellectus eruditionem dicendum esse Verbum Dei missum; sed solummodo, juxta Augustini doctrinam, 4. de Trinit. cap. 20. Cum exinde nimirum ipsius æterna processio mente percipitur; & ita fatemur missum ad Sybillas, quæ Dei instinctu vaticinatæ perhibentur de ipso Verbo Dei, etiam in carne venturo. De qua re August. 18. de Civit. cap. 23.

Ad tertium dicendum, Spiritum Sanctum ideo appellari spiritum veritatis, quia Spiritus est Filii, cui appropriatur Sapientia, & veritas, eodemque testante; ego sum via, veritas, & vita, Ioan. 14. In adventu ergo suo docuit omnem veritatem necessariam ad salutem, nempe legem evangelicam, quæ custodiri non potest sine gratia Dei, Spiritui Sancto præsertim appropriata, uti & præstantissimum est supernaturalium donorum. Dicente ergo scriptura Spiritum Sanctum mittendum esse ad docendum omnem veritatem, significatur missum iri Spiritum Sanctum secundum sibi appropriata; spectantia ad inflammandum affectum, & una missum, atque mittendum Verbum Dei ad illuminandum intellectum, per revelationem mysteriorum, quæ in divinis scripturis continentur; Ea enim citra specialem illustrationem ejus qui est lux hominum, attingi nunquam potuissent,

Ad quartum respondeo, Utique ad Philosophos

captiva e veritate mitti Verbum Dei, quod est fons sapientie; quod non videtur probandum absolute prolatum: nec id conceditur Augustinus ut ex dictis liquet.

4. dist. 6. q. 9. Item, omne donum

1. dist. 18.

8. dist. 24.

1. dist. 15. prologi q. 2. §. Nunc quæque.

1. dist. 11. q. 1.

1. dist. 17. q. 3.

4. dist. 43. q. 2. Prologi q. 1. & 4.

Magist. 1. dist. 15. cap. Ad quod dicitur i.

Quælib. q. 8. ad finem. Aureolus 1. dist. 15. art. 2. & circa secundum, putat in quamcunque per-



phos missum non esse Dei Verbum pro cognitione eorum, quæ naturali mentis acumine, ac generali influxu conditoris rerum, deprehendere potuerunt, uti sunt prima principia, & conclusiones inde evidenter deductæ, & quæ per experientiam certo cognoscuntur. In his enim, & consimilibus intelligendis non requiritur illuminatio supernaturalis. Sed si quando aliqui Philosophorum ea intellexerunt, aut dixerunt, ad quæ vis naturalis intelligentiæ non sese extendit, tunc ad eos missum invisibiliter Dei Verbum, fatendum est, uti tetigimus de Sybillis, & art. 3. dictum fuit de Prophetis, quos in peccatis vitam duxisse constat.

Ad quintum concedo omnia supernaturalia dona hominibus donata ordinari ad Dei dilectionem, in qua consistit summa beatitudo nostra, & ita non alia de causa intellectum illuminari, nisi ut pro capto cognita Dei immensa bonitate, impenius, totisque viribus, atque corde ametur. Quod si interdum secus eveniat, & non obstante revelatione mysteriorum, adhuc Propheta persistat in impietate, id præve voluntati ipsius attribuendum est, non missioni Verbi Dei, quæ de se voluntatem in melius mutare sufficiens erat, si non repugnantem invenisset. Saltem ergo eum effectum causat in aliis membris Ecclesiæ quæ sancta sunt, & ad quorum utilitatem etiam mali homines aliquando jussi sunt prophetae: Quod vero rangitur de Philosophis, nihil est. Nam ipsi ita opinantes erraverunt, & nihilominus, si attribuenda esset ipsorum naturalis intelligentia speciali missioni Verbi Dei (quod tamen de mente Augustini negamus) adhuc ad amorem excitaret, non eorum quidem, quæ nos diligenda accepimus ex revelatione, sed ipsius speculationis in se, quæ utique cum sit operatio optima, non potest non esse operanti admodum jucunda, & voluptuosa.

# ARTICULUS VI.

Utrum missio invisibilis fiat ad omnes, qui sunt participes gratiæ.

Doctor locis in margine citatis. S. Thom. 1. p. 2. q. 43. art. 6.

**V**IDETUR missio invisibilis non fieri ad omnes, qui sunt gratiæ participes, Nam ipse hominum Salvator, teste Ioan. cap. 1. est adeo gratiæ plenus & veritatis, ut de illius plenitudine nos omnes accipiamus. Sed ad ipsum non mittitur illa persona, cui dona, & præcipuum donorum gratia, appropriantur; ergo neque ad omnes gratiæ participes. Probatio minoris; Cum persona aliqua mittitur, utique mittatur oportet eo, ubi prius non erat, aliquo effectu in tempore productio. Sed Spiritus est in Filio, sicut legitur Isaïæ 61. *Spiritus Domini super me*; ergo ad ipsum Spiritus non mittitur; & per consequens multo minus ad eos, quibus tantum aliquid gratiæ communicatur.

Præterea, Angeli sancti, ceterique beati per claram cognitionem, & dilectionem adeo uniti sunt tribus subsistentibus in Deitate, ut sint unum cum Deo unitate ipsis proportionata; ergo ad eos non mittuntur invisibiliter divine persone. Probatio consequentiæ: Beati possidentes quicquid recta ratione appetere possunt, nec clarioris notitiæ divine essentię sunt pro ratione meritorum capaces, nec gratiæ amplioris. Sed ad hos tantum effectus producendos mitti ad eos invisibili-

ter intelligerentur persone divine: ergo non ad omnes gratiam Christi participantem mittuntur.

Præterea, Credendum est Patres veteris Testamenti gratiæ participes fuisse: cum tantopere Deo accepti prodantur in scriptura; sed ad eos missus non est Spiritus Sanctus, dicente Evangelio *Nondum erat Spiritus datus, quia nondum erat Iesus glorificatus*. Et revera missus non legitur in veteri Testamento, sed in novo, postquam *gratia & veritas per Iesum Christum facta est*; igitur divine persone non mittuntur ad quotquod gratiæ participes effecti sunt.

CONTRA, Augustinus, 4. de Trinit. cap. 20. *Dei sapientia tunc unicuique mittitur, cum a quoquam cognoscitur, atque percipitur quantum cognosci, & percipi potest, pro captu, vel proficiuntis in Deum, vel perfectæ in Deo animæ rationalis*. Nemo autem est in Deo perfectus, vel proficit in Deum, nisi sit gratiæ princeps; igitur ad omnes gratiam participantem sit invisibilis missio divinorum personarum.

RESPONDEO dicendum, invisibilem missionem fieri ad omnes gratiæ participes, quoties per novum effectum, novamque divinorum personarum communicationem, mente percipitur earundem æterna processio. Nam juxta dicta articulo 3. per solam gratiam sanctificantem Spiritus Sanctus animam inhabitat. Ea enim est, qua evadit quis Dei templum, in quo Deus inhabitans colitur, & diligitur, & proximæ amatur, adeo ut, etsi intelligantur mitti divine persone interdum etiam ad eos, qui sunt charitatis expertes, nihilominus mittuntur ad aliquos effectus Ecclesiæ sanctæ profuturos, non vero ad inhabitandum eos, quibus ita mittuntur. Mittitur igitur Spiritus Sanctus primo ad eos, qui per Sacramentum regenerationis sunt gratiæ Christi participes: & dehinc quotiescunque per internum motum in Deum, & in proximum ex charitatis instinctu, & inclinatione, gratia augetur, mittatur oportet. Nam tunc incipit secundum gradum perfectiorem animam inhabitare, quo modo prius anima non erat Spiritus Sancti habitaculum. Quod si pariter perfectiori lumine intellectus perfundatur, eadem ratione mitti credendus est Filius, & Sapientia Dei. Appositè admodum Augustinus, 15. de Trinit. cap. 16. *Quid vero inquit, fuerit causa, ut post resurrectionem suam, in terra prius daret, & de Cælo postea mitteret Spiritum Sanctum, hoc ego existimo, quia per ipsum donum diffunditur charitas in cordibus nostris, qua diligimus Deum, & proximum, secundum duo illa præcepta, in quibus tota lex pendet, & propheta. Hoc significans Dominus Iesus, his dedit Spiritum sanctum semel in terra propter dilectionem proximi: & iterum de Cælo propter dilectionem Dei*. Mittitur ergo ad eos, qui sunt gratiæ participes, & donatur Spiritus Sanctus, ut per ipsum munus diffusa, auctaque charitate in cordibus nostris ferventius diligamus Deum, impeniusque proximum amemus. Quoties enim datur, toties intelligitur missus, secundum eum effectum, qui illi appropriatur, is autem est charitas: igitur ad habentes charitatem invisibiliter mittitur, ad augmentum munerum suorum. Hinc Ecclesia petit a Deo dari sibi charitatis augmentum: nam sentiendum est Ecclesiam esse sanctam, semperque in ea reperiri, quos ut Dei templum inhabitat Spiritus Sanctus. Ea autem petitio frustra non fit; igitur cum augentur charitas, & fides, invisibiliter mittuntur & Verbum, & Spiritus Sanctus.

AD ARGUMENTA. Ad primum respondeo. Ad

4. dist. 1. q. 1. & dist. 1. q. 4. & dist. 1. q. 4. & dist. 1. q. 4.

Magist. 1. dist. 15. cap. 4. ad quæd.

1. Report. dist. 17. q. 6. 9. Ad oppositum.

Quodlib. 4. 10. 6. Secundum dicitur Addit.

1. dist. 1. q. 4. 9. Ad quæst.

1. dist. 13. q. 1. 9. Ad oppositum.

1. dist. 15.

1. dist. 1. q. 1.

1. dist. 10. q. 1. 9. Respon. 10. V. Ad secundum dist.



Utrum Spiritui Sancto conveniat  
visibiliter mitti.

Doctor 1. dist. 16. utriusque scripti S. Thom. 1.  
p. q. 43. art. 7.

**V**IDETUR Spiritui Sancto non convenire visibilis missio. Nam Augustinus 4. de Trinit. cap. 19. Fateamur, inquit, *Filium minorem factum: & infantum minorem, inquantum factum: & infantum factum, inquantum missum.* Filius igitur ex eo quod visibiliter est missus, est Pater minor; ergo si Spiritus Sanctus à Patre, & Filio visibiliter mitteretur, utroque minor dicendus esset. Hoc autem non admittit Catholicus sermo; ergo sibi non convenit visibiliter mitti.

Præterea, Aut cum Spiritus Sancti visibilis missione perhibetur concurrere interna revelatio illuminans mentem ad percipiendum ejus signi significatum, aut non concurrere. Si visibilem missionem non concomitatur interior revelatio; ergo frustra in visibili signo appareret; quia enim ex sui natura tale signum non duceret in notitiam significati, nihil utilitatis ex ea percipi posset. Si vero exteriori apparitioni uniatur revelatio interior; igitur tale signum sensibile distraheret ab revelatione interiori; cum occupatio circa exteriora distrahat intellectum ab interiori consideratione; ac per consequens visibilis missio non congruit Spiritui Sancti personæ.

Præterea, Filius vera missus visibiliter est propterea quod assumptus, sibi que univit creaturam visibilem: Sed Spiritus Sanctus creditur non assumptus ad se ullam creaturam sensibilem; ergo nec missus visibiliter dicendus erit. Quod enim apparuisse dicatur in columbæ specie, nubis lucidæ, ignitarum linguarum, & consimilium: profecto ea non aliud, quam signa quædam fuerunt gratiæ Spiritus Sancti. Atqui etiam Sacramenta tum veteris, tum novæ legis eandem gratiam significant, nec ex eo tamen in iis signis Spiritus Sanctus dicitur mitti visibiliter; ergo omnino sibi non convenit sic mitti, & apparere.

**CONTRA**, Matthæi 3. *Baptizatus autem Jesus, confestim ascendit de aqua, & ecce aperti sunt Cæli, & vidit Spiritum Dei descendentem sicut columbam, & venientem super ipsum:* Et Ioan. primo; *Quia vidi spiritum descendentem quasi columbam de Cælo, & mansit super eum.*

**RESPONDEO** dicendum, missionem visibilem Spiritui Sancto convenire. Etenim juxta dicta articulo 4. Pater non mittitur, nec mitti dicendus est, quamvis per subjectam creaturam (quod fieri nullo negotio posse, imo & factum esse censet August. 2. de Trinit. cap. x.) visibiliter appareret. Nam non ex eo aliqua divina persona dicitur missa, quod visibiliter apparuisse referatur. Sed præterea requiritur, ut sit de alio, à quo mittatur. Pater igitur quia non habet à quo sit, sibi repugnat passiva missio: contra vero, quia Filius à Patre est, missus est in mundum factus homo: eadem igitur ratione; quia Spiritus Sanctus à Patre, & Filio procedit, ab eis mitti potest: quod & Salvator testatus est, Ioan. 14. *Cum venerit, inquit, ille spiritus veritatis.* Et rursus; *sentiam abjeto, mittam eum ad vos.* Quod & representatum fuisse parvis post diebus, nempe ipsa die Pentecostes, scribitur, *Actuum secundo.* Quod autem pariter sibi visibiliter mitti conveniat, ex eo est

Ad ipsum omnium Salvatorem semel missum fuisse Spiritum Sanctum, quum scilicet plenitudo gratiæ ipsi collata fuit, in primo suæ conceptionis instanti, in quo gratiam accepit non ad mensuram, ut scribitur Ioan. 3. idest, omnem possibilem sibi dari. Quare cum dixit Baptista, *super quem videritis Spiritum descendentem, & manentem super eum, hic est qui baptizat:* Ioan. p. non significavit ei visibili missioni invisibilem conjunctum fuisse novum gratiæ effectum, sed solum tunc representatam fuisse invisibilem in Christo Spiritus Sancti mansionem.

Ad secundum dicendum, utique ad Beatos tanquam in termino constitutos non mitti invisibiliter divinas personas, quoad ea quæ spectant ad essentialia beatitudinis, ut sunt offensio objecti beatifici, & merita ex parte inherendum Deo per amorem: hæc tamen non impedire quominus missio ad eos fieri queat per novam illuminationem respectu eorum, quæ Beatis non innotuerunt prius, nec per se spectant ad formalem beatitudinem eorum. Sic Deum revelare Beatis orationes viatorum, pie creditur: quia congruum est Beatos esse coadiutores Dei in procuranda salute electorum eo modo, quod id ipsis potest competere. Consimiliter non omnes Angeli perhibentur novisse mysterium Incarnationis priusquam completeretur, quod diserte videtur significare Apostolus ad Eph. 3. scribens, Sacramentum Incarnationis fuisse *ascenditum Principibus, & Potestatibus in cælestibus*, ac iisdem per Ecclesiam innotuisse, ut innotescat, subdens, *Principibus, & Potestatibus in cælestibus per Ecclesiam.* Illuminationes enim sunt non secundum ordinem naturarum, sed gratiarum. Secundum igitur hos effectus rectè mitti intelliguntur invisibiliter ipse personæ divinæ ad Angelos, & Beatos.

Ad tertium respondeo, assumptum esse falsum; Nam ad Patres veteris Testamenti missus est Spiritus Sanctus, & cum per gratiam ab originali culpa mundabantur, & quoties novus effectus gratiæ sanctificantis in ipsis producebatur: sicut etiam & missam sapientiam ad omnes Sanctos ante incarnationem, & etiam ad Angelos, testatur Augustinus, 4. de Trinit. cap. 20. *Aliter, inquit, mittitur sapientia, ut sit cum bomine, aliter missa, ut sit homo. In animas enim sanctas se transfert, & amicos Dei, & prophetas constituit, sicut implet etiam sanctos Angelos. Sed cum venit plenitudo temporis missa est, ut ipsum Verbum fieret caro, idest, homo.* Cum igitur negat Evangelium Spiritum Sanctum missum ante Christi glorificationem, seu ascensionem Ad Cælum manifestè de visibili loquitur missione, secundum quam fuit missorum Spiritum Sanctum, cum rediisset ad Patrem discipulis suis Salvator promiserat; & in die Pentecostes representavit; Caterum etsi verum sit ad perfectiorem, uberioremque gratiam impertiendam, & mentem clariori lumine perfundendam mitti divinas personas post Christi glorificationem, quia passio jam fuit exhibitæ; quod factum non fuerat in lege veteri, in quantum Christi merita erant à Deo prævisa; nihilominus ex hoc non sequitur missum non fuisse ad Patres veteris Testamenti invisibiliter Spiritum Sanctum, imo mittebatur, tum ad infusionem primæ gratiæ, tum ad augmentum ejusdem aut etiam cum per peccatum amittebatur, ad ejusdem reparationem,

3. dist. 13.  
q. 2. 6. Ad  
oppositum.

4. dist. 90.  
o. 6. Ad  
primum  
principale  
quintæ  
questionis.

4. dist. 45.  
q. 4. 6. De  
secundo.

3. dist. 25.  
q. 1. 6. Ad  
secundum  
principale.

3. dist. 14.  
q. 2. 6. Ad  
secundum  
principale.

Magist. 1. dist.  
15. cap. 6.  
de distincti.

4. dist. 3. q.  
4. 6. Quam-  
vis ergo.

4. dist. 2.  
q. 1. 6. Ex  
ipsis.

4. dist. 5. q. 12



est evidens quia si personam mitti est manifestari eam procedere, ut articulo primo explicuimus: utique tunc persona visibiliter mitti dicenda est quum signo sensibili cognoscitur ipsius eterna processio. Ut vero ejusmodi signo id mente percipiatur, oportet ut sit aptum, & idoneum significandæ processioni personæ, quæ fungitur sibi demandata legatione. Cum igitur Spiritus Sanctus possit manifestari procedere signo sensibili conveniente suæ processioni, potest & visibiliter mitti, sicuti de facto missum fuisse, non semel scriptum est in Evangelio, & in Actibus Apostolorum. In quo nam vero consistit convenientia appropriatorum cum appropriatis, dictum fuit, q. 39. art. 8.

Ad argumenta. Ad primum respondeo disparerem esse rationem de Filio, & Spiritu Sancto: propterea quod enim Filio est hypostaticè unita natura humana, quæcunque dicuntur de illa natura, verè prædicantur de divino supposito, ut proinde Filius sit minor Patre secundum humanitatem. Contra vero quia Spiritui Sancto non unitatem illa sensibilia, in quibus apparuisse scriptura narrat, sed tantum erat in eis, ut in signis quibusdam; ideo nullo modo prædicari possunt de persona Spiritus Sancti, quæ conveniunt ejusmodi sensibilibus.

Ad secundum dicendum, omnino cum signo exteriori concurrere oportere internam mentis illustrationem, quia alioquin apparitio exterior frustra fieret. Quotiescunque enim aliquod signum ex se determinatè non ostendit significatum, sed magis est indifferens ad hoc, aut illud significandum, cognosci nequit sub ratione representantis, vel representativi, nisi cognoscatur representatum per tale representativum; & sanè hujus generis erant ea sensibilia, in quibus visibiliter apparuisse eredimus Spiritum Sanctum; nisi ergo mens intuentium persusa fuisset interno lumine, scire non potuissent per ea signa missum Spiritum Sanctum magis, quam aliam divinam personam; aut aliquam omnino missam fuisse.

Sed arguebatur contra: quia tunc sensibile signum avertisset mentem ab interna applicatione, nec subinde satis perciperetur illa revelatio de adventu Spiritus Sancti, Respondeo: etsi intellectus distrahatur ab intelligendo, quum sensus circa sensibilia propria versantur, & intellectus in aliorum objectorum consideratione occupatur; tunc enim potentiæ sibi invicem impedimento sunt, nec mutuo se adjuvant in propriis operationibus. Nihilominus cum sensus circa singulare sensibile vim suam exerit, intenditque, cujus universale per speciem intelligitur, non distrahitur intellectus per operationem sensuum, sed maxime confortatur. Tunc enim potentiæ unicuique objecto apprehendendo occupatæ mutuo se se adjuvant, objecti præsentiam sibi administrantes, ut à qualibet pro ratione propriæ activitatis, & conditionis percipiatur; & quantum fieri potest apprehendantur. Exemplum, volentes compati Christi passioni, eique debitum cultum, ac dilectionem rependere, facilius eum contemplamur, si imaginem Crucifixi frequentius intuemur; ex eo enim species passionis Christi in phantasia generatur, ex qua intellectus magis magisque in sua operatione confortatur; idque evenit pro præsentis statu propter ordinem naturalem potentialium primarum in agendo.

Ad tertium dicendum, utique Filium missum esse in mundum, ut fieret verus homo, per quem hominem repararetur genus humanum, ac reduceretur ad suum principium, à quo deviaverat.

Tomus I.

Christus igitur quemadmodum secundum quod est Verbum Dei, est principium Spiritus Sancti, ita secundum humanitatem est causa meritoria omnis gratiæ, quæ donatur corpori mystico Christi, quæ est congregatio fidelium. Ut ergo promereri posset gratiam pro omnibus, etiam infinitis conveniens fuit, ut illa natura humana unita esset personæ infinitæ: Sed Spiritus Sanctus non mittebatur, ut nobis gratiam promereret, sed magis ut promeritam, atque infusam signis visibilibus ostenderet; & ideo non oportebat sibi columbæ, seu nubi lucidæ, linguis igneis, aliisque id genus creaturis, gratiæ diffusionem, doctrinam evangelicam, aliæque dona Apostolis impertita significantibus, esse personaliter unitum. Ad id, quod addebatur de Sacramentis gratiæ Dei significativis. Dicendum, eam significationem spectare ad genus causæ effectivæ, moralis tamen, non physicæ, quatenus mediis signis à Christo institutis applicantur merita passionis ejus dignè suscipientibus; per ordinem igitur efficacem ad gratiam, à Deo causandam, sunt gratiæ significativæ; sed quia eam non efficiunt, nisi dependenter à conditionibus ministri Sacramentorum, & suscipientis, non important absolute gratiam inesse, sed inhærentiam in instanti sequenti, si cætera adsint; Contra vero signis in quibus visibiliter Spiritus Sanctus apparuit, exprimebatur absolute gratia Dei, propter quam Spiritus Sancti habitaculum erant illi, super quos ea signa apparebant.

## ARTICULUS VIII.

Utrum aliqua persona divina mittatur, nisi ab ea, à qua procedit æternaliter.

Doctor 1. dist. 15. utriusque scripti. S. Thom. 1. p. q. 43. art. 8.

**V**IDETUR persona divina mitti non posse, nisi ab ea, à qua æternaliter procedit. Nam secundum Augustinum, 4. de Trinit. cap. 20. Pater non dicitur missus, eo quod non habeat à quo sit. Si autem persona aliqua mitteretur, nisi ab ea à qua procedit, nihil impediret, quo minus Pater dici posset missus. Probatio: missio importat respectum rationis ad mittentem; sed nullum est inconveniens idem referri per respectum rationis ad se ipsum; ergo Pater poterit mitti à se sicut potest dare, & dari.

Responsio: Is rationis respectus connotat relationem realem processions passivæ personæ missæ ad mittentem, quæ connotatio non est in Patre. Contra; igitur Spiritus Sanctus non mitteret Filium, quia Filius à Spiritu Sancto non est; cujus contrarium docet Augustinus, 2. de Trinit. cap. 6. dicens Filium à Patre sine Spiritu Sancto mitti non potuisse.

Præterea, Mittere, & mitti idem videntur significare, quamvis diversimode quosdam modos significandi grammaticales; ergo eadem est & connotatio utriusque; ac proinde si mitti connotat respectum ad intra, pariter & mittere eundem connotabit. Quemadmodum igitur mitti non potest ea de causâ, nisi persona producta, nec mittere poterit, nisi persona produciens; atque ita Spiritus Sanctus præcisè erit persona missa, non mittens.

Præterea, Mittere, & mitti involvunt relationes oppositas; ergo si mittere non includi actionem productionem, nec mitti connotat passivam.

S f s

Pro-

3. dist. 18.

4. dist. 1. q. 5.

De his Augustinus 1. de Trinit. cap. 6.

4. dist. 2. q. 1.



Probatio consequentiæ; acceptis duabus correlationibus, sicut primum se habet ad tertium ita secundum ad quartum, & è converso: sed mittere, & mitti diunt correlationem, & producere, & produci similiter: igitur si persona, quæ mittitur, producit, mittere aliam non potest, nisi illa, quæ missam producit.

CONTRA, Augustinus, 2. de Trinit. cap. 5. *Quod autem, inquit, de Maria natus est, in hunc mundum missus advenit. Proinde mitti à Patre sine Spiritu Sancto non potuit.* Et paucis interiecit, *Quamquam, inquit, & apud Esaiam Prophetam ipse Christus intelligatur de adventu suo futuro dicere, & nunc Dominus misit me, & Spiritus ejus.* Et exinde pergit declarare, qualiter Filius misit quoque seipsum, quemadmodum & se ipse sanctificavit, & Pater eum sanctificavit; sicut scriptum est in Evangelio Joan. cap. x., & cap. 17. omnibus igitur divinis personis convenit mittere, etsi Filius, & Spiritus Sanctus tantum missi legantur.

RESPONDEO dicendum, quamvis probabile sit, ex dictis, supra articulo 4. personas divinas, quæ mittuntur nonnisi ab eis, de quibus respectivè ab æterno procedunt, in tempore mitti, probabilius nihilominus videri, juxta sententiam Magistri 1. dist. 15. *mittere* tribus ex æquo convenire personis, etsi solæ productæ *mitteri* possint, sicuti revera solummodo Filium, & Spiritum Sanctum missos divinæ litteræ testantur. Declaratio: etenim, quamquam Augustini auctoritates, quæ ad oppositum tactæ sunt, exponi queant, & intelligi de Filio carnem assumente, nam Incarnationem una persona sine alia efficere non potuit, & ita Pater, & Spiritus Sanctus Filium miserunt, & ipsum Verbum semet misit, quia omnes tres operati sunt incarnationem, ut & declaratum fuit articulo 4. citato. Quia tamen Augustinus, 4. de Trinit. cap. 20. docet, necdum Filium missum, quatenus homo factus est, sed etiam missum, ut homo fieret, *Filius, inquit, à Patre est, non Pater à Filio. Secundum hoc jam potest intelligi, non tantum ideo dici missus Filius, quia Verbum caro factum est, sed ideo missus: ut Verbum caro fieret, & per præsentiam corporalem illa, quæ scripta sunt operaretur: quia non secundum imperium potestatem, vel substantiam, vel aliquid quod Deo Patri non sit æquale, missus est, sed secundum id, quod Filius à Patre est, non Pater à Filio.* Propterea Magistri sententia ita potest declarari. Ex Augustino loco statim citato, *Mitti est de Filio cognosci, quod à Patre sit; pariter igitur, & Spiritum Sanctum mitti est cognosci, eum à Patre, Filioque procedere.* Cum ergo *mitteri* sit manifestari personam procedere, nec omnes omnino procedant, Patre à seipso esse habente, & non ab alio, solis productis convenit *mitteri*, Mittere autem est manifestare personam procedere; atqui id manifestare commune est omnibus personis, siquidem tota Trinitas manifestat personam procedentem ab alia procedere; hoc enim fieri non potest, nisi per novum effectum productum in

creatura, ad quam aliqua personarum mittitur; quicquid autem ex tempore à Deo producit, exit à tribus, unum idemque principium respectu producendorum omnium habentibus. Mittere igitur, id est, manifestare personam unam ab alia procedere, necessario inest tribus personis, sicuti & mitti nonnisi duabus potest competere, quandoquidem, & duæ solummodo manifestari possint procedere.

*me manens, ipse fecit opera, & ita pariter est intelligendum de Spiritu Sancto.* At accepta missione pro usu legationis, sic mittere competit toti Trinitati, cum per voluntatem divinam, quæ una est in tribus, determinetur persona ad usum auctoritatis, & ut operetur secundum eum. Magister igitur Trinitati attribuendo *mittere*, loquitur juxta secundam acceptionem missionis; Sed qui dixerunt solis personis producentibus competere, loquuti sunt de missione secundum priorem intellectum.

Ad argumenta. Ad primum respondeo, approbandam esse responsionem datam. Nam etsi *mitteri* dicat formaliter respectum rationis admittentem, nihilominus connotat respectum processionis æternæ, non quidem admittentem, quam mittens est, sed ad aliquem indistinctè, ut propterea nulla persona divina mittatur, nisi ab alia sit; sed non oportet, quod sit ab omni, à quo mittitur; quia supposita omnia divina influunt in manifestationem processionis personæ missæ, etsi non omnia missam producant: ex quo patet responsio ad subjunctam impugnationem.

Ad secundum concedo, activum. & passivum idem significare sub alio, & alio modo significandi; sed nihil interim impedire quominus aliquid idem sit connotatum in utroque, quod tamen non diversificatur secundum eos modos diversos. Manifestare quidem, & manifestari, quæ principaliter importantur, utique penes alium, & alium modum diversificantur; sed non perinde eandem subit diversitatem hoc, quod est personam procedere; imo id uniformiter connotatur tam per passivum, quam per activum. Quemadmodum enim ex eo quod aliqua persona mittatur, manifestatur ipsam esse productam, seu procedere; ita per ipsum *mittere* declaratur, missam personam esse productam; sed non à mittente, qua mittens est: Etsi igitur *mitteri* connotet productionem passivam personæ missæ, non oportet tamen per *mittere* connotari productionem activam mittentis. Nam quandoquidem mittentes declarent passivam productionem personæ missæ per novum effectum ex tempore, qui effectus necessario ab omnibus producit, quælibet persona mittit, etsi non quæcunque aliam producat.

Ad tertium respondeo distinguendo antecedens, *mittere, & mitti* sunt correlativa quoad formalia significata, quæ sunt manifestare, & manifestari, concedo; quatenus connotant, vel involvunt productionem: negatur. Si quidem quamvis mitti, ut dictum est, connotet passivam productionem personæ missæ, mittere nihilominus rectè intelligitur convenire personæ, quæ non producit, sicuti est Spiritus Sanctus.

de soli personæ producendi convenit mittere; ad quem sensum ait Salvator Joan. 14. *Verba, quæ ego loquor, de me ipso non loquor, Pater autem in*

Magister Aureolus 1. dist. 15. art. 3. 6. Propterea, ita concordat Magistri opinio, nem cum sententia, art. 4. relata. Missio vel legatio sumi potest dupliciter; uno modo pro ipsius auctoritatis commissione alio modo pro usu auctoritatis, qui usus aliud non est, quæ fungi legatione. Quandoque enim dicitur legari, seu destinari aliquid pro illo tunc quo sibi committitur auctoritas, quæque vero pro illo tunc, quo destinatur ad erendum auctoritate. Juxta primam acceptionem, mittere nil aliud est, quæ auctoritatem personæ communicare, & delegare, un-

FINIS TOMI PRIMI.



*Rerum, & Verborum: Prior numerus paginam  
Posterior columnam indigitat.*

**A**

**A**bbatem Joachinum ab hæreseos nota excusari posse ostenditur. 440. 2.  
Abstrahere aliud, aliud circumscribere. 458. 2.  
Per accidens difformiter accipitur à Metaphysico, & à Logico. 452. 2.  
Actus notionalis ad plures Personas terminari nõ potest. 480. 1.  
Acceptio personarum ubi interveniat. 295. 1.  
Actio, quæ prædicamentum explicatur. 464. 1.  
Actus notionales omnino esse Personis attribuendos, declaratur. 463. 2.  
Acceptatio personarum locum non habet in Deo. 286. 2.  
Accidentale dupliciter usurpari potest, 352. 2.  
Actus est in sua potentia perfectior in bonis, in malis deterior. 306. 1.  
Actio Dei una, eademque semper manens, qualiter creatio, & qualiter generatio rectè appelletur. 106. 2.  
Accidens aliquid respectum reale ad Creaturas, in Deo nullatenus reperiri potest. 56. 1.  
Accidens aliquid in Deo esse non potest à se realiter distinctum, nec accidens immateriale conveniens spiritibus. 57. 1.  
Actus notionales in hypothesi communioris sententiæ, proprietatibus non præintelliguntur, nec è contra. 461. 1.  
Adequatio bifariam accipitur. 351. 1.  
Adulti non possunt salvari, nisi per observantiam mandatorum Dei. 297. 2.  
Aeternitas non est Dei mensura. 99. 2.  
Aeternitatis proprietas nulli creaturarum est communicabilis. 110. 2.  
Aequalitatem perfectissimam, exactissimamque reperiri inter Divinas Personas, omnino sentiendum est. 483. 2.  
Aequalitas realis non exigit pluralitatem fundamenti. 488. 1.  
Aequalitatem, identitatem, & similitudinem in Divinis esse relationes reales, ostenditur. 486. 1.  
Aequalitas non est perfectio simpliciter, sed importat perfectionem ratione fundamenti. 485. 1.  
Aeternum quare sit in eodem instanti cum temporali. 102. 2.  
Aeternitatis definitio ex Boetio, est convenienter tradita. 98. 1.  
Aeternitatis duplex declaratio. 99. 1. Secundum rationem ab soluti spectat ad Dei essentiam. *Ibidem.*  
Aeternitas per quid ab ævo, & tẽpore distinguatur. 100. 1., & 2.  
Aeternitas quatenus attribuitur vitæ beatæ, & supplicij damnatorum, in quo sensu veniat intelligenda. 101. 2.  
Aeternitatem pro formali importare quid negativum, & esse modum positivum existentie Divinæ, probabile est. 98. 1.  
Æva in quo sensu tot sint admittenda, quot æterna reipsa à parte rei existunt. 111. 2.  
Ævum, & tempus in quo essentialiter differant. 106. 2.  
Æviterna, quamvis sint, & inter quæ medient. 105. 2.  
Ævum, quod ponitur mensura æviter norum, differt à tempore. 105. 2.  
Ævum non est quid additum, & re distinctum ab existentia æviter ni. 110. 2.  
Affirmativas propositiones verè, & rectè formari posse, ac enunciari de Deo resolvitur, & declaratur. 171. 1.  
Agentia naturalia quo efficaciora, eo in magis distans agunt per formam ipsam substantialem, qua distans ab ijs, in quæ agunt. 89. 2.  
Agens creatum qualiter agat in distans. 90. 2.  
Aliquod agens creatum de facto agit in distans, nihil pro-

ducendo in medio. 90. 2.  
Agere ex plenitudine perfectionis suæ non expectando perfectionem ullam à suo producto, vel à productione est agere ex liberalitate. 325. 1.  
Agens necessario, agit secundum ultimum suæ potentie; sicut enim non est in ejus potestate agere, & non agere, ita nec intensè, aut remissè agere. 241. 1.  
Nullum agens agit respiciens per se ad malum. 72. 2.  
Agens per voluntatem, agere potest, ubi præsens non est. 89. 2.  
Agens à proposito, in quo distinguatur ab agente naturali. 177. 1.  
Amatum oportet esse præcognitum; non oportet tamen ipsam præcognosci dilectionem. 469. 1.  
Amor, & quidem excellentissimus, est in Deo; & quare. 260. 2., & 261. 1.  
Amat Deus omnia omnino quæ sunt, quæve erunt, aut fuerunt, & quare. 262. 1.  
Amor Divinus, respectu eorum, quæ sunt præstantior, est major, & intensior, quoad effectus scilicet, minus vero intensus respectu imperfectiorum creaturarum, & quare. 264. 1.  
Angeli mali, si reipsa Dei aequalitatem appetiere, in eo sibi ipsis bonum præfixerunt. 70. 1.  
Angelorum, seu intelligentiarum operationes; mensurantur ævo; & quare. 109. 1.  
Anima rationalis post resurrectionem movere potest proprium corpus inorganicè. 131. 2.  
Etsi ratio formalis analogiæ alia, & diversa sit à rationibus formalibus univocis, & æquivocis; tamen semper stat cum alterutro illorum. 169. 1.  
Dux sunt præcipuæ species analogiæ, nempe attributionis, & proportionis, se proportionalitatis. 169. 2.  
Angelus, & anima rationalis non possunt naturaliter nosse, seipsos esse imaginem Dei. 385. 1.  
Angelus habet latitudinem definitivam ad locum. 91. 2.  
Angelus, & anima, ne per accidens quidem mensurantur tempore. 104. 2.  
Appropriationum principaliorum enumeratio. 447. 1.  
Quo appetitu omnes summè appetunt bonum. 76. 1.  
Appetibilitas creaturarum, earundem consequtur bonitatem. 239. 2.  
Appetitus naturalis, & appetitus elicitus quid. 238. 1.  
Articulus fidei traditus sine declaratione Ecclesiæ in generali, non debet restringi ad intellectum specialem, quasi nequeat intellectus generalis esse verus, nisi pariter verus sit intellectus specialis. 456. 2.  
Articulo in universali tradito major reverentia videtur impendi, si dicatur, sensum ejus universalem esse verum, quocunque speciali posito, vel negato, quod non proponitur, ut credendum. 456. 2.  
Ars Dei, & Sapientia omnium factrix, de qua fit sermo in sacris litteris, est ipsius Dei efficax voluntas. 316. 1.  
Arbitrio voluntatis respectu cujusvisque objecti Deus pollet; quamvis seipsum summa necessitate velit, & diligat, & quare. 256. 1., & 2.  
Ars quo pacto in Deo possit concedi. 182. 1.  
Artis acquisitio & per experimentum, & per doctrinam. 186. 1.  
Ars qualis in Deo reperiatur. *Ibidem.*  
Attributa Dei sunt unum per realem identitatem, cum quæ tamen stat, unam ex illis perfectionibus alteram formaliter ex natura rei non includere. 161. 1.  
Auctoritas major requiritur, ut aliquid teneatur esse de fidei, qua possent rationes solubiles Sanctorum. 456. 2.  
Sanctus authenticatus ab Ecclesiâ, quantum ad doctrinam



nam asserit esse tenendum, est certum. Aliæ tamen auctoritates dubiæ, possunt exponi, & multo magis aliorum scribentium, qui pari non fulciuntur auctoritate. 456. 2. Esto verissimum sit quidquid tradit auctoritas, non tamen negandum est, esse verum quicquid ipsa non tradidit. 450. in margine.

Indubitanter tenendum pro vero quicquid tradit auctoritas, non tamen negandum, quod ipsa non exprefsit. 359. 1. Axioma illud. *Quæcunque uni, & eidem sunt simpliciter eadem, pariter eadem sunt oportet inter se*, luculenter expenditur. 352. 2.

## B

Beatus in quo distinguatur à non beato. 146. 2.

Beatifica operatio, & objectum beatitudinis sunt eadem res, in beatitudine Dei. 237. 2.

Beatitudo naturæ intellectualis consistit in intellectuione, & volitione. 58. 2.

Beati videndo Divinam essentiam non contuentur in illa omnia, quæ facit ipse Deus, aut facere potest, & quare. 145. 2.

Beatitudo formalis naturæ rationalis, & intellectualis non est Deus, seu ejusdem increatæ operationes, imo ne id quidem fieri posse, ostenditur. 321. 1.

Quidquid perfectionis, & complacentiæ, atque appetibilitatis in omnium creaturarum beatitudinibus reperiri potest, omnino in Dei beatitudine unitivè, & eminenter præhaberi, declaratur. 323. 1.

Deum esse beatum principaliter secundum voluntatem, prout dicit complementum omnium in bonè essendo, suadetur. 320. 1.

Beatitudo maximè Deo competit in summo perfectionis gradu. 318. 2.

Beatitudo essentialis animæ in quo consistat, sicut, & beatitudo accidentalis, & extensiva. 203. 2.

Cur Clementissimi Dei providentia permittatur, majorem hominum partem aberrare à beatitudine. 281. 1.

Beati non sunt dicendi habere verbum de Deo, & quare. 156. 1.

Bibliæ Librorum quomodo Deus est objectum. 18. 2.

Rationes summæ bonitatis quot, & quales sint, & à quo exprimantur. 46. 2.

Bonum per essentiam ita competit Deo, ut impossibile sit alteri ab illo convenire. 78. 1.

Bonitas, qualiter dicenda sit suscipere, vel non suscipere magis, vel minus. 78. 1.

Bonitas, quæ est entis passio, quæque est modus intrinsecus rerum, non est quid re diversum ab his, quorum sunt bonitates. 78. 2.

Deum esse summum bonum, qualiter, & quomodo est intelligendum. 76. 2.

Bonum, re non differre ab ente, sed magis realiter idem identificari illi, ut passionem proprio subjecto. 67. 2.

Ab eo non ratione distineui, nec aliud ipsi enti addere, quam aptitudinalis appetibilitatis rationem. *Ibidem*.

Bonitas, entis passio, qualiter possit demonstrari de ente. 69. 2.

Bonitatis ratio non est respectus ad appetitum, sed fundatur in ipsa entis bonitate, necessario quidem illam consequens. 68. 2.

Boni ratio, si addat supra ens respectum aliquem ad oppositum, talis respectus erit transcendens, & aptitudinalis. 68. 2.

Bonitas summa quid sit, quidve bonitates limitatæ. 69. 2.

Bonitas entis duplex, nempe absoluta, & respectiva. 67. 2. Quid utraque sit, *Ibidem*. Neutra ex his bonitatibus censenda est entis passio. *Ibidem*.

Bonitas pro formali aliud non importat, nec addit ipsi enti, nisi rationem aptitudinalis appetibilitatis. 68. 1.

Bonitas prima moralis est ab objecto non à fine. 20. 2.

Summa Dei bonitas, & quodcunque aliud ex natura rei, in eo repertum in nullo prorsus convenit cum creatura in realitate, bonè tamen in univoco reali conceptu. 77. 1.

Non potest involvere aliquem respectum ad bonam

participatam sed potius è converso. *Ibidem*. Imo sine tali respectu, nec adequatè, & completè sunt conceptibilia. *Ibidem*.

Summa Dei bonitas qualiter se communicet ad extra. 77. 1. Summum non præferet aliquam realitatem, quæ faciat compositionem cum bono. 77. 2.

Qualiter dicendo *Summum bonum* non intelligatur, utrum finitum, vel infinitum sit. 77. 1.

Secundum quod à nobis intelliguntur, ac declarantur intentiones boni, & veri, veritatis ratio prior est conceptu bonitatis. At loquendo de his entis passionibus secundum se spectata nimirum earumdem natura, fortasse nullum inter se ordinem habent, sed immediatè omnes ab entis ratione dimanant. 215. 2., & 216. 1.

Bonum esse oportet quodlibet, quatenus ens existens. 70. 2.

Cuncta, quæ sunt, modum, speciem, & ordinem habent atque ideo bona sunt. Quod perinde est, ac omnia condita fuisse in numero, pondere, & mensura. Egregia horum declaratio auctoritate, & ratione suffulta. 73. 1.

Bonum rectè, & convenienter dividitur in honestum, utile, & delectabile. 73. 2. De membris dividendis dicitur univocè. 74. 2. Quale bonum induat rationem causæ finalis. *Ibidem*.

Boni ratio verissimè Deo inest, ejus declaratio. 75. 2.

Bonitatis ratio melior est ipsa, quam non ipsa in unoquoque, ac subinde est perfectio simpliciter simplex. 75. 2. Quidquid in aliquo gradu rationem efficiendi participat, idem, & in eodem gradu bonitatem participat, & bonum est. 70. 2.

## C

Causa per se, & causa per accidens quid sint. 42. 2.

Causæ necessario, & essentialiter ordinatæ quotupliciter differant à causis accidentaliter ordinatis. 48. 2.

Causa efficiens quo altioris primitatis, eo ad plures sese extendere potest effectus causandos. 305. 2.

Causa una totali causante in aliquo genere causæ, aliam causare idem in eodem genere causæ, impossibile est, & quare. 46. 1.

Causæ æquivoca respectu effectum habet virtutem activam emmentem, & non formalem. 146. 1.

Causabile omne est simpliciter possibile. 242. 1.

Causæ secundæ naturæ quamnam connexionem habeant cum suis effectibus, & qualiter dicantur causare. *Ibidem*.

Ad absolutum in causa sequitur absolutum in effectu, exinde effectus refertur ad causam, à qua dependet, & in tertio signo sequitur relatio in causa ad effectum, si illum fundandi sit capax. 243. 1., & 2.

Deus non naturæ necessitate, sed per liberam voluntatem est causa rerum, & quare. 245. 1., & 2.

Causarum universitatem videri ita producibilem, ut ipsa melior semper esse queat altera producenda. 317. 1.

Causa quævis æquivoca non nisi virtualiter proprios continet effectus. 50. 2.

Causalitas materiæ, & formæ qualis. 49. 2.

Sol, & astra qualiter sint causæ altiores homine, & sensitivis: & qualiter homo, & sensitiva sint longè nobiliora sole, & stellis. 234. 1.

Christus solum exhibere potuit majus, & gratius obsequium Trinitati, quam fuerit illata offensæ, ut adimpleretur Dei propositum circa electos. 289. 1.

De facto Deus nequit chymeram producere. 56. 2.

Clavis aurea referendi omnia mytheria numerorum sive à Platoniciis, sive à Kabalistis (si Pico deferendum) sub quocunque enigmate comprehensa, traditur à Scoto æquè profundè, ac luculenter. 367. 1., & deinceps usque ad 380. Christum esse omnium Salvatorem, ac omnibus salvandis & curandis advenisse quantum est ex parte sui, nec sibi pro redimendis reprobis, aut voluntatem, aut merita deduisse. 290. 2.

Christi Corpus potest Sacramentaliter esse ubique & etiam non



non Sacramentaliter. 90. 2. Nec proinde evaderet immensum per replicatam præsentiam sui in omni loco. *Ibidem*.

Christum in mundum venturum fuisse, etiam nullo existente peccato. 287. 1.

Christum esse caput, & principem omnium Prædestinatorum, & gratia illius omnes voluit fuisse. 286. 2.

Coexistentia duorum exigit esse reale utriusque extremi inter quæ tantum reperitur realis coexistentiæ relatio. 192. 1.

Videntes essentiam Divinam, nec comprehendunt id obiectum, nec fieri potest ut comprehendant. 144. 2.

Extrema contradictionis accipi possunt dupliciter, scilicet per se & præcisè, & pro fundamentis quibus illa extrema insunt. 64. 2.

Deus actu suo intelligendi certissimè comprehendit seipsum, & quare. 175. 1.

Concretum, & abstractum quomodo differant. 386. 2.

Quibusdam simul cognitis ab intellectu Divino, innascitur repugnantia ad simul coexistendum, ut comparantur ad potentiam Divinam. 87. 1.

Cuiuslibet entitati formalis correspondet aliquod ens concretum, scilicet, quod illa formalis entitate est tale. 378. 2.

Cognitio intuitiva, & abstractiva quid sint? 51. 1.

Communicabile dicitur aliquid, vel per identitatem, vel per informationem. 364. 1.

Conceptus proprius Dei in se, sicut est, & Deitatis, Trinitatis Personarum, & unitatis naturæ, non attingitur in via clarè, nec confusè. 384. 1.

A quidditate absoluti, & respectivi potest abstrahi, conceptus quidditativus utrique communis. 358. 1.

Compositio, & divisio, quatenus spectant ad secundam intellectus operationem, quid sint. 194. 2.

Deus cognoscendo se, omnem pariter creaturam cognoscit, verum eo ordine, quo petit, & potest cognoscere. 407. 1.

Deus novit ab æterno omnes voluntates derelinquendas in suis peccatis usque ad terminum vitæ per hoc, quia erat concursus præbiturus omnibus actibus peccaminosis earum positivis, & non præbiturus negativis. 291. 2.

Conclusio vera deducitur ex falsa imaginatione. 297. 2.

Per naturalem rationem possumus venire ad multos conceptus compositos, qui sint ita proprii Deo, ut nulli alteri attribuantur, cuiusmodi sunt conceptus omnium perfectionum simpliciter in summo. 152. 1.

Deus ex puris naturalibus non potest cognosci à viatore conceptu simplici proprio, & distincto abstractivè, & quare. 150. 1.

Conceptus entis non est formaliter conceptus creati, nec in creati. 64. 2.

Deus quidquid cognoscit, atque intelligit in æternitate cognovit, nec ullam novam cognitionem, vel comparisonem, aut respectum subinde rationis novum ei advenire posse, dicendum est. 95. 1.

Conceptum imperfectum entis positivi univocè prædicari de Deo, & creaturis. 64. iteratio. 1.

Non quodcumque compositum melius est partibus illud componentibus. 58. 1.

Conceptus proprii, ad quos naturaliter possumus pervenire de Deo, non sunt tantum conceptus attributales, sed etiam quidditativi, sibi, & creaturis univocè communes. 152. 1.

Terminus concretus in suppositione personali potest supponere pro suppositis. 50. 2.

Si aliquid corpus per Dei potentiam omnem locum implet, rectè esse ubique diceretur, nec proinde foret immensum, & illimitatum. 301. 1.

Conceptus adæquatus obiecto potest esse ei proprius, & inadæquatus, atque imperfectus potest esse alteri communis, etiam illi, cum quo nullam habet convenientiam à parte reiterato 63. 1. Distinctio quæ inter utrumque debet intercedere, non est ea, secundum quam realitas distinguitur à realitate, sed quæ reperitur inter realitatem, & modum intrinsicè ejus. *Ibidem*.

Conceptus substantię abstractantis ab increata, & creata substantia, non est conceptus generis generalissimæ. 53. 2.

Cognitio contingentium in primo obiecto theologico perfectior est, quam scientia acquisita necessariis. 27. 1.

Conceptus realis, & primæ intentionis est expressivus obiecti utriusque ex natura rei. 373. 2.

Esse cognitum creaturarum ab æterno quid sit. 206. 1.

Cognitio de contingentibus qualiter dici possit certa. 16. 1.

Conceptus entis dictus de Deo, & creatura in quid quomodo contrahatur, & an in tali contractione habeatur vera ratio generis, & differentię. 54. 1.

Contradictionem involvens est verissimè nihil. 313. 1.

Possumus naturaliter habere conceptum, in quo per se, & quidditativè concipiatur Deus. 52. 1.

Deus cognoscit unumquodque propria cognitione, idest secundum omne id, secundum quod entia sunt in se cognoscibilia. 178. 2.

Cognitio intuitiva in quo distinguatur ab abstractiva. 130. 2.

Longe perfectior cognitio de Deo à nobis habetur ex supernaturali revelatione, quam per naturalem rationem; & quare. 153. 2.

Contingentia non est tantum privatio, aut defectus entitatis, sed consequitur adentitatem tanquam modus positivus entis infiniti contingentis oppositus. 189. 1.

Contradictoria simul Deus velle non potest. 313. 1.

Contradictionem includentia non sunt intelligibilia ad instar unius, & per modum compositionis; sunt intelligibilia tamen per dissensum ab intellectu concipiente extrema sub propriis rationibus. 183. 2.

A' contradictorio in contradictorium non potest esse transitus sine aliqua mutatione. 194. 2.

Qua ratione Beati dicantur comprehensores. 144. 2.

Contingentiæ prima radix ita est in primo libro, quod est prima omnium causa, ut si per impossibile in eo non esset, nihil contingentem fieri, & evenire posset in entibus, ac subinde nulla actio causarum secundarum foret rectè imputabilis ipsis, nec digna laude, aut vituperio; & quare. 188. 2.

Primum correlativum potentię activæ in possibilitate obiectiva constituitur. 391. 1.

Deus est maxime simplex, idest omnis prorsus compositionis, & componibilitatis expertus. 39. 2.

Compositionis usurpatio multiplex *Ibidem*.

Abstrahi potest à tribus Personis Divinis conceptus communis positivus, qui univocè in quid de ipsis prædicatur. 375. 1.

Conceptus quidditativus non nisi à natura, & quidditate abstrahitur. 375. 1.

Multa sunt contradictiones, respectu quarum Dei voluntas est neutra. 255. 1.

Philosophi lumine fidei destituti multas latentes contradictiones ultro admittunt, cuiusmodi est; aliquid contingenter fieri in entibus, & primum principium naturali causare necessitate. 189. 1.

Circa conceptus simpliciter simplices fieri non potest, ut intellectus erret. 386. 2.

Per rationem naturalem in hac vita Deus à nobis potest cognosci. 151. 2.

Ex puris naturalibus nequimus habere eam cognitionem de Deo, qua attingitur res, ut existens, vel quatenus in sua existentia præsens, & quare. *Ibidem*.

Quæcumque naturaliter attingimus de Deo, non aliunde, quam per species creaturarum nos cognoscimus; & quare. 154. 2.

Quid intersit inter infinitum, & infinita cognoscere. *Ibidem*.

Non aliter cognoscit Deus facta, quam fienda, sed eadem ac perfectissima cognitione attingit omnia, seu existant, seu non existant, seu futura, seu tantum possibile. 192. 1.

Est impossibilis creatura intellectualis, cui sint connaturalia.



- les habitus supernaturales luminis, & gratiæ; & quare. 141. 2.  
 Creaturæ, prout sunt fundamentum relationis æternæ ad Deum, ut cognoscentem, non habent verum esse reale essentiæ. 205. 1.  
 Creaturam quamlibet esse multipliciter compositum. 58. 2.  
 Creaturam omnem esse similem Deo in omnibus illis prædicatis, in quibus univocè convenit cum illo. 63. 2.  
 Creaturæ qualiter dicendæ sint bonæ, 79. 1. & 2.

## D

- Damnatos odio habere Deum, est pænitus impossibile. 71. 2.  
 Dicuntur tamen odisse effectum justitiæ vindictivæ Dei *Ibidem*.  
 Decretum concomitans adstruitur. 282. 2.  
 Demonstratio nulla est contra veritatem. 383. 2.  
 Demonstratio quocuplex sit, & qua demonstratione ostendi possit, *Deum existere*. 41. 1.  
 Decretum Prædestinationis non fuit latum post prævisum peccatum. 294. 2.  
 Decretum formaliter, & virtualiter antecedens, est præjudiciale & læsivum libertatis creatæ. 297. 2.  
 Ultimam, quod de primo ente concluditur demonstratione quia, est esse infinitum ipsius. 170. 2.  
 Demonstratio non est contra veritatem. 346. 1.  
 Delectatio provenit ex conjunctione convenientis cum conveniente. 319. 1.  
 Idem dependentia quacunque dependere à duobus, quorum alterum ejus dependentiam pænitus terminat, est impossibile. 48. 1.  
 Determinatio duplex est duplici oppositæ indeterminationi. 462. 2.  
 Dei bonitas extitit causa, propter quam Deus condidit omnia. 69. 2.  
 Deus verissimè est in omnibus rebus, & qualiter. 89. 1.  
 Ratione hujus Dei, non intellecta ratione suppositi incommunicabilis, rectè attribui, vereque de ipsa prædicari Patrem, Filium, & Spiritum Sanctum. 444. 2.  
 Deum esse subiectum essentialiter ex se hoc, & singulare. 444. 2.  
 Deus qualiter dicatur esse in Creaturis. 92. 1.  
 Deum ex se habere simul virtutem productivam infinitorum, non producere tamen omnia, quia non sunt simul producibilia. 307. 1.  
 Deus dare non potest capacitatem nihilo recipiendi aliquam perfectionem. 314. 2.  
 Ex natura rei in Deo idem est *summum esse*, ac *infinitum*. 77. 1.  
 Deum posse damnare justum, & glorificare peccatorum declaratur. 309. 1.  
 Quomodo intelligendum sit, Deum esse *realiter* creatorem, & Dominum. 57. 1.  
 Deus est impotens ad peccandum. 308. 2.  
 Deum esse omnipotentem, explicatur. 308. 1.  
 Deum esse dilectionem nostram formaliter ex Augustino, haud deducitur. 322. 2.  
 Deus est essentialiter unus unitate, quæ est sequela entis. 123. 1.  
 Deum ad extra liberè, & contingenter agere, naturali lumine intellectus, probatur. 311. 2.  
 Deum potuisse, & posse meliora facere ea, quæ facit, seu intensivè, seu extensivè, quoad perfectiones accidentales, non vero quoad prædicata ingredientia uniuscujusque substantiam; idque comparando actum ad connotata, non ad agens, declaratur. 316. 2.  
 Deus, qui est Pater, in sensu divisionis verissimè dicitur de Filio, & Spiritu Sancto, de quibus tamen nequit prædicari in sensu compositionis. 381. 2.  
 Deum esse articulus fidei est. 43. 1.  
 Deum efficere posse omne prorsus possibile, ac proinde in

- infinitum plura alia condere, quæ non est aliquando facturus, declaratur. 315. 1.  
 Deus verissimè est ipsa veritas. 217. 1.  
 Deus ad creaturas non refertur relatione reali. 353. 2.  
 Non omne, quod in Deo est, dicitur, aut secundum substantiam, aut secundum accidens. 344. 1.  
 Deus verissimè est æternus, ac talis proinde propriissimè appellatur. 99. 2.  
 Deus est maximè unus, & qualiter. 123. 2.  
 In Deo coincidit omnino *quidquid est* cum eo, *cujus est* ipsum *quodquid est* seu essentiæ. 50. 1.  
 Deus est ita unus, ut impossibile sit, esse alium Deum ab ipso. 122. 1.  
 Multiplex ratio ad id etiam lumine naturali declarandum. *Ibidem*.  
 Deus est immultiplicabilis, & unus, quia infinitus. 51. 2.  
 Quale agens sit Deus respectu omnium ad extra. 47. 2.  
 Deum habere magnitudinem, vel esse in corpore, impossibile omnino est. 48. 1.  
 Deum carere omni magnitudine ratione infinitatis, declaratur. 48. 2.  
 Declaratio egregia textus illius Genes. 1. *formavit Deus hominem &c.* 48. 2.  
 Quænam sit entium in Deo continentia. 48. 2.  
 Deus est ex pers omnino compositionis ex materia, & forma coalescentis. 49. 1.  
 Deum in compositionem alicujus venire, impossibile omnino est. 59. 2.  
 Deum esse naturæ intellectualis non potest declarari per conceptum priorem. 173. 1.  
 Deum, & Creaturam in aliquibus rationibus univocè convenire. 63. 2.  
 Deus creare potest speciem, & infundere intellectui creato, per quam distinctè, & abstractivè videatur ipsius essentiæ. 129. 2.  
 Distinctio nulla versari potest inter misericordiam, & justitiam; & quo sensu misericordia, & justitia formaliter distinguantur. 273. 2.  
 Quot modis aliqua dicantur, magis distincta aliis. 474. 2.  
 Falsum est, tantam esse differentiam constitutorum quanta est formalium constituentium. 474. 2.  
 In Divinis non reperiri propriè genus, nec speciem, nec differentiam specificam. 474. 2.  
 Primam entis divisionem esse in ens quantum, & non quantum. 350. 2.  
 Impossibilitas dimensionum in replendo locum, & essentialium in simul essendo, non est similis, & quare. 82. 2.  
 Distinctio realis aliquorum, propter quid concludatur. 110. 2.  
 Ad discursum non requiritur prioritas, & successio temporis. 16. 1.  
 Differentia inter *intelligere*, vel *sapere*, & *declarare*. 428. 2.  
*Diligere* multiplicem esse acceptionem. 425. 1.  
 Enumeratio conditionum, quæ concurrere debent, ut aliqua simpliciter dicantur distinguui. 435. 1.  
 Dictio exclusiva non potest verè addi termino personali, respectu prædicati essentialis in Divinis. 381. 1.  
 Ultimæ differentię in creatis nequeant convenire in conceptu entis, quia is est quiditativus. 375. 1.  
 Dictio exclusiva *solus* cathogorematicè accepta falso additur termino essentiali in Divinis, esto syncathogorematicè rectè attribui possit. 379. 2.  
 Differentiæ dividentes genus, quemadmodum sunt dissimiles & oppositæ, ita & inæquales. 43. 1.  
 Inter participantem, & rem participatam non intercedit dictio realis. 59. 1.  
 Per interrogationem *quid est* aliquando non quæritur definitio, sed designatio ejus, de quo quæritur. 361. 2.  
 Non tantum illud distinguit realiter, quod distinguit adæquatè, sed etiam illud, quod solum si poneretur, esset impossibile illi, à quo distinguitur. 415. 2.  
 Non



Non tantum quæ Apostoli Ecclesiæ in scriptis tradiderunt, spectant ad Fidei dogmata, verum etiam quæ per universales Ecclesiæ consensum tradita creduntur. 413. 1.  
 Doctrina à Deo revelata necessaria est homini ad salutem æternam consequendam, præter philosophicas disciplinas industria humana acquisibiles. 4. 1. 7. 2.  
 Hoc tamen evidenter demonstrari non potest, sed solum probabiliter. *Ibidem*.  
 Doctrina supernaturalis prima traditio qualiter facta sit, an loquutione interiore, vel exteriori subiectum est 5. 1.  
 Doni nomen esse personale, non quidem quoad principale ejus significatum, sed quoad connotatum ipsius, declaratur. 429. 2.  
 Donum non esse proprium nomen Spiritus Sancti, ostenditur. 43. 1.  
 Duratio entis quid sit. 103. 2.

## E

**E**cclesia non frustra petit charitatis augmentum. 503. 2.  
 Ecclesiam Catholicam, cum fundaretur apud diversas Gentes, ubique fere persecutionem passam, & ea causa magis, magisque profecisse. 289. 2.  
 Sine Ecclesiæ decoratione non debemus nos asserere, necessario hoc speciale, vel illud esse tenendum. 456. 2.  
 Effectivum primum quare sit omnino, & simpliciter incausabile. 45. 1.  
 Effectus quisque a sua causa essentiali præfert dependentiam, 41. 2.  
 Effectus quoscunque creatos esse ex æquo à tribus personis instrui per Fidem. 41. 1.  
 Effectus habent ordinem essentiali in se, ut comparantur ad tertium, quod est causa amborum. 43. 1.  
 Effectus omnem causarum secundarum esse à Deo prævisum, & intentum, sed non quemcumque eadem intentione. 284. 1.  
 Eligere Deum quos prædestinat, declaratur. 292. 2.  
 Electio æquivocè dicitur. 293. 1.  
 Electos solos fuisse natos, ac electos intuitu meritum Christi, si Adam non peccasset. 486. 2.  
 Electionis negotium absolutum fuisse independentem ab omni peccato, & à Christi meritis ex passione prævisis. 287. 1.  
 Electos interdum labi in peccata, cur Deus permittat. 287. 1.  
 Entis conceptus in se, nec positive finitus, nec infinitus est, sed potestativè uterque. 63. *iterato* 2.  
 Entis unitatem à parte rei reperiri, perinde ac ipsius subiectum, cujus est passio. 69. 1.  
 Entis rationem esse priorem bonitatis conceptu. 69. 2.  
 Non Entis multiplex usurpatio 180. 1. Non ens quid sit. 183. 2.  
 Ens ac perfectiones simpliciter simplices dicunt conceptum univocum de Deo, & creatura. 63. 2.  
 Entis ratio, & ratio boni dumtaxat formaliter dicuntur differre. 69. 1.  
 Ens, tres posse tripliciter accipi, nempe communissimè, communiter, & strictè. 438. 2.  
 Ens quia est sui diffusivum, bonum est, & quatenus bonum est, appetibile est. 68. 1.  
 Ens ideo verum, quia sui manifestativum. 68. 2.  
 Ens est verum, & bonum ex respectibus transcendentibus, atque aptitudinalibus, ac necessario fundamentum consequentibus. 68. 1.  
 Entis distinctio pria, qualis videatur esse. 221. 1.  
 Enunciabilia omnia Deus necessario, & certissimè scit, non quidem unum de altero enunciando per formalem compositionem, & divisionem, sed per simplicem contuicium

convenientiæ, & disconvenientiæ omnium intelligibilium, & quare. 194. 1.  
 Error Aristotelis, ejusque Commentatoris detegitur. 310. 2.  
 Error Abbatis Joachini refertur, & exploditur. 440. 2.  
 Esse duplex in Divinis considerari oportet, nimirum esse simpliciter, & esse incommunicabile. 451. 2.  
 Quædam formaliter, quædam unitive, & identicè in Essentia Divina continentur. 348. 1.  
 Essentiam Divinam, & personales proprietates, non coincidere in unam, eandemque rationem formalem, sed ex natura rei essentiam esse rationem aliam à relationibus personas constituentibus, adeout differentia, quæ versatur inter utrumque extremum, non sit de intellectu operatione, sed magis antecedit actum omnem intelligentiæ, ostenditur. 433. 2.  
 Essentiam neque gignere, neque gigni. 440. 1.  
 Esse rerum generabilem, & corruptibilem, quibus est existentia actualis invariabilis, mensuratur non tempore sed ævo. 104. 1.  
 Essentialia fuisse personis attributa, convenientissime à SS. Doctoribus asseritur. 447. 1.  
 Essentia generat esse omnino negandam logicè declaratur. 442. 1.  
 Essentia Divina cum per similitudinem videtur, admodum non videtur. 123. 2.  
 Essentia, & existentiam ita esse idem in Deo, ut claudatur ipsum esse in ratione formale essentia 51. 1.  
 Essentia Divina, quatenus absoluta, est ratio cognoscendi, & seipsam, & quæcunque alia, servato quodam ordine. 203. 2.

## F

**F**alsitas revera quandoque subest intellectui componenti, & dividenti, & quare. 227. 1., & 2.  
 Falsitatis processus, origo, principium, & causa qualis sit. 227. 2.  
 Falsitatem esse in rebus, longo sermone declaratur. 221. 2., & 224. 1.  
 Falsitas quomodo in rebus opponatur veritati, quæ est passio entis. 224. 1.  
 Falsitas datur in sensu, & quare. 225. 1.  
 Falsitas prout in rebus existit, non contrariè, sed privative, vel contradictoriè veritati opponitur, & quatenus est in intellectu componente, & dividente, contrariè est veritati opposita, & quare. 128.  
 Sub termino stante confusè tantum non licet descendere, nisi cum lapsu in fallaciam figuræ dictionis. 380. 1.  
 Fides præsupponit notitiam terminorum, quam nobis non comparamus, nisi ex communibus Deo, & creaturis. 384. 1.  
 Fidei infusæ actus dependet ab fide acquisita, ratquam à conditione, non tamen mutuatur ab illa suam firmitatem tendendi in verum. 384. 2.  
 Fides fulcitur à constantia Martyrum. 11. 2.  
 Fidei actus non est speculativus, sed practicus. 23. 1.  
 Fides quæ docet, sunt rationalia. 10. 2.  
 Filius in Divinis habere nequit actum generandi Filium. 482. 1.  
 Filium esse Patri coæterpurn, idque ad fidei dogmata pertinere contra Arianos, Filium Patre minorem, & posterio-rem sacrilege blasphemantes, declaratur. 459. 1.  
 Filium esse in Patre, & Patrem in Filio secundum divinas scripturas, & Sanctorum auctoritatem ita illas interpretantium, declaratur. 494. 1., & 2.  
 Filium omnino esse Patri æqualem secundum potentiam, evidens sit. 495. 2.  
 Filium esse de substantia Patris, rectè dicimus, quippe, quia hac loquutione Ariana hæresis excluditur, 465. 1.  
 Filius non generatur de substantia Patris, sicut de materia, vel quasi materia. 472. 1.



Filius omnino æqualem esse Patri secundum magnitudinem, declaratur. 492. 2.  
 Finis cuius non est, ejus nec est per se agens, & ita multo magis est incapax alterius causæ causalitatis. 45. 2.  
 Finis ratio bono attribuenda est. 72. 1.  
 Circa finem voluntas potest errare, saltem ut ostensum in particulari. 25. 2.  
 Finem nostrum non scimus naturaliter, nec omnes conditiones ejus. 4. 1., & 2.  
 Agenti propter finem triplex cognitio necessaria. 4. 2.  
 Deum agere propter finem qualiter sit intelligendum. 237. 2.  
 Finis præfixus seu præstitutus, non est finis naturæ, sed voluntatis aberrantis à recta ratione. 72. 2.  
 Finis dupliciter usurpatur, 322. 1.  
 Centrum, quod ex natura sui est ultimæ quietativum, esse finem ultimum. 319. 1.  
 Finis duplicem habet intellectum. 75. 2.  
 Finitivum aliquid, dari, quo nullum aliud sit prius, seu ita primum in finibus, ut ad nullum aliud sit ordinabile, tangitur. 45. 2.  
 Ratio causæ repugnat principio, ut comparatur ad ens necessarium, ideo fieri non potest, ut Filius in Divinis à Patre dependeat. 392. 1.  
 Filium solum ex vi productionis suæ procedere, ut similem Patri, ostenditur. 413. 2.  
 Formarum naturalium generationes mensurantur instanti temporis, & qualiter. 104. 2.  
 Forma simplex subiectum esse non potest juxta Boetium: quomodo intelligenda sit ea loquutio. 171. 2.  
 Formæ causalitas est materiam informare; causalitas vero materiæ est subistere formæ. 72. 1.  
 Formæ se habent ut numeri, juxta Aristotelem. 45. 2.  
 Forma, quæ est aliquo modo illimitata in perficiendo materiam, citra omnem sui divisionem, & extensionem potest perficere plures partes materiæ. 364. 2.  
 Formæ incommunicabilis conceptum indifferentem abstractentem ab absoluto, & respectivo, videntur Philosophi habuisse. 458. 2.  
 Quæ forma, secundum quam est innovatio, vel variatio, mensuretur tempore, vel instanti temporis. 109. 2.  
 Formæ accidentales successive acquisibiles mensurantur tempore non ævo. 102. 2.  
 Fortuito, quomodo aliqua dicantur evenire, & non per providentiam disponentem. 279. 1.  
 Formæ substantiales qualiter dicantur moveri, & quiescere. 104. 2.  
 Fortuna non est aliqua causa per se distincta à natura, & intellectu, qui & dicatur causa agens ex intentione, sive à proposito, sive à præfixo fine. 275. 1.  
 Imaginatio Paganorum circa fortunam est deridenda. *Ibidem.*  
 Nihil fortuitum, & casuale in comparatione ad causam primam aliquando evenire potest; quamvis respectu nostri, quos causa effectus proxima interdum latet, vocentur complures effectus fortuiti. *Ibidem.*  
 Fecunditas duplex in Essentia Divina, 353. 2.  
 Frustra quid sit, 42. 2.  
 Frustra contingentia qua ratione Deus intelligat. 190. 2.  
 Futura omnia contingentia habent veritatem determinatam respectu intellectus Divini, & in se, etiam si nullus intellectus super illa ferretur. 191. 1.  
 Qualis sit aptior modus declarandi scientiam Dei respectu contingentium futurorum. 193. 1.  
 Futura contingentia ex eo quod possint non esse, tantum deducitur, Deum ea non necessario scire. 193. 1.  
 Sed postea quam liberè ipso fuerunt volita necessario sciuntur. *Ibidem.*  
 Futuritis meritorum in æternitate, decreta sunt à Deo concomitante cum voluntate creata. 296. 2.

## G

Generatio Filii à Patre, & Spiritus Sancti processio à Patre, & Filio, prorsus in unitate specifica fit. 474. 1.  
 Generatio in entibus à nobis tripliciter intelligitur. 425. 2.  
 Generatio in creaturis, & est mutatio, & præterea productio. 328. 1.  
 Nihil dictum de Deo, nec subinde ipsum Deum esse in genere, declaratur. 52. 2., & 53. 1.  
 Generatio activa non manet in Divinis sub ratione actionis, sed tantum, & præcisè ut relatio. 464. 1.  
 Genus neutrum est modus significandi rem sub proprietate indeterminata, & indifferenti ad agendum & patiendum, ex quibus proprietatibus accipiuntur genera masculini, & feminini. 378. 2.  
 Gratia ad resurgendum, cur detur alicui, & non detur alteri, non est ulli creatæ menti perferutabile. 295. 2.  
 Gratia sola sanctificans efficit animam Templum Spiritus Sancti. 502. 2.  
 Gratia, & supernaturalia dona in una anima Christi Domini maxima sunt, 316. 2.  
 Gratias gratis datas esse in Ecclesiæ profectum, magis quam ejus, cui dantur. 500. 1.  
 Gratia extensiva major ea, quæ reperitur in Christo Domino à Deo effici potest. 317. 2.  
 Greci catholici olim dicebant *unam essentiam tres substantias* significantes idem, quod nos Latini, quum dicimus, *unam essentiam, vel substantiam, & tres personas*. 357. 1.

## H

Habitus importantes perfectionem simpliciter non videntur esse in genere qualitatis, sed potius transcendere omne genus. 54. 2.  
 Hæresis Sabellii, sicut & Arii profligantur. 378. 1.  
 Omnes omnino homines salutem consequi potuissent per merita, quæ Christus acquisivit ex Passione, ac Patri pro hominibus obtulit, si gratiæ ipsis collatæ obsecundare, ac juxta naturæ lumen vivere voluissent. 210. 2.  
 Hypostasès non supersunt inter se distinctæ abstractis per intellectum relationibus à Personis, secundum omnem modum considerationis earum, superfuturæ tamen, si concipiantur relationes abesse secundum modum posteritatem, stante intellectu modi prioris earum relationum. 458. 1.

## I

Idem ideis indiget artifex, quot intendit ideata efformare. 201. 1.  
 Idem ratio formalis statuenda est in ipsis objectis cognitis ab intellectu Divino, unde est illi scientia naturalis, & simplicis intelligentiæ, non vero in aliquibus respectibus essentiam Divinam quasi determinantibus: & quare. 201. 2.  
 Quo sensu sit Augustinus intelligendus, dum quandoque appellat ideas rationes cognoscendi. 203. 2.  
 Positivorum omnium à Deo intellectorum, sive sint fastibilia in seipsis, sive ratione alterius, seu absoluta sint, seu relativa, sunt in ipso distinctæ idæ, & quare. 206. 2.  
 Idæ necessario potendæ sunt in mente Divina, & quare. 199. 1.  
 Idæ quid sit juxta mentem Augustini. 199. 2.  
 Idearum immensa multitudo certissimè reperitur in mente Divina, pro ratione nimirum infinitorum fastibilium, quibus una dat esse cognitum, & primam intelligibilitatem intellectus infinitus, ad eadem intelligenda movente objecto pariter infinito; & quare. 200. 2.  
 Idæ conceptus quibus attribuendus sit. 201. 1.  
 Idæ in mente Divina existentes qualiter distinguantur. *Ibidem.*



Illuminationes fiunt non secundum ordinem naturalem gratiarum. 504. 1.  
 Immenium quale sit. 107. 2.  
 Immutabile est eo usque Deo proprium, ut talis immutabilitas omni repugnet creaturæ. 94. 2.  
 Cum omnimoda immutabilitate Dei stat ipsum attingere comprehensivè seipsum, & omnia in seipso operatione intellectiva. 234. 2.  
 Imaginem in Divinis dici personaliter, declaratur. 407. 1., & 2.  
 Deum esse omnino immutabilem, declaratur. 61. 2., & 94. 1., & 2.  
 Ad impossibile includens contradictionem non est potentia, nec communicatio bonitatis. 368. 1.  
 Quod est representativum totius, illud à nobis in corporibus appellatur imago alterius. 409. 1.  
 Imaginis nomen ita est proprium Filio, ut nulli alteri Personarum conveniat. 500. 2.  
 Immenitas Dei non infertur per locum intrinsecum ex ejus operatione. 89. 2.  
 Deus ob sui immensitatem necessario est ubique secundum essentiam, præsentiam, & potentiam. 101. 1.  
 Prima radix impossibilitatis non est petenda ex parte potentie activæ primi principii, licet quodammodo sit ab intellectu Divino, uti à principio, in quod sit finaliter reducenda. 314. 1.  
 Inductio à singularibus ad universale, qualiter ad scientiam adquirendam sufficiat. 17. 2.  
 Intellectus quando distrahitur ab intelligendo, & quando non. 505. 1.  
 Nullus intellectus creatus per sua naturalia Dei essentiam videre potest. 132. 2.  
 Intelligibile ordo in mente Divina. 203. 1.  
 Intelligere Dei aliud omnino non est, quam ipsius substantia. 176. 1.  
 Intelligere est naturæ intellectualis operatio immanens. 176. 2.  
 Deus intelligi necessario omnia alia à se. 177. 1.  
 Intelligentiæ ordo in intellectu Divino qualis. 108. 1.  
 Intellectio præcipuam perfectionem, seu specificationem mutuatur ex objecto motivo, & per se terminativo. 178. 1.  
 Intellectus creatus si tantum passivè se habeat respectu visionis beatæ, non indiget habitu luminis gloriæ, ut sit aptus recipiendæ visioni, & quare. 139. 1.  
 Intellectus creatus ex perfectione sua naturali attingere non potest ad notitiam Dei propriam, immediatam, atque distinctam, concurrentibus etiam quibuscunque causis naturaliter motivis ipsius intellectus creati ad cognoscendum. 135. 1.  
 Intellectus Divinus quo pacto dicatur causa non ensium, relatè ad possibilia, & quo sensu itidem dicatur causa non ensium relatè ad, id quod est verissimè nihil. 183. 2.  
 Intellectus quilibet ad omne intelligibile cognoscendum habet naturalem inclinationem. 127. 1.  
 Intellectus quando dicatur ad intelligibile referri. 173. 2.  
 Sola intellectio comprehensiva Dei repugnat intellectui creato. 127. 2.  
 Intellectio alicujus infiniti intensive non concludit infinitatem actus. 126. 2.  
 Intellectui creato, tamen repugnet intelligere infinitum potentiale, valet tamen intueri infinitum cathegorematicum, seu infinitum virtutis. 126. 2.  
 Intellectus creatus revera potest videre Deum per essentiam quatenus est immensus, vel infinitus. 126. 1.  
 Deum intelligere seipsum, latè declaratur. 174. 1., & 2.  
 Dei intelligere dicatur pati, vel moveri, vel etiam perfici, non re ipsa, sed dumtaxat juxta modum apprehensionis nostræ. 174. 2.  
 Infinita actu Deus certissimè cognoscit. 186. 2.  
 Infinita in essentialiter ordinatis est impossibilis, in accidentaliter ordinatis est pariter impossibilis, nisi ponatur sta-

tus in essentialiter ordinatis: ex hypothesi autem quod tolleretur è medio ordo essentialis, adhuc infinitas impossibilis. 43. 2.  
 Infiniti alia omnino est ratio in mente Divina existentis, & infiniti à parte rei. 85. 2.  
 Infinitas præfecto non dicit, nisi modum, & gradum intrinsecum quantitatis virtutis, sive quidditatis Dei. 53. 1.  
 Infinitum in entitate clarè describitur. 349. 2.  
 Deum esse infinitum, & qualiter. 80. 2.  
 Infiniti descriptio in entitativa perfectione. 81. 1.  
 Infinitas, si enti repugnaret, statim ab intellectu deprehenderetur. 81. 1.  
 Infinitum per essentiam, quod est Deus, unicum esse: & nihil aliud ab illo esse posse sic infinitum. 83. 1.  
 Intellectus agens, & possibilis sunt principia naturalia, & sufficientia cujuscunque cognitionis, ex parte animæ non autem absolute. 5. 2.  
 Individuatio Dei nequit esse distinctum quid, vel additum ipsis prædicatis quidditativis; imo re, & ratione cum illis coincidat oportet. 50. 2.  
 In entibus partem dumtaxat perfectionis possidentibus, individuationis ratio est necessario extra eorum essentiam; in ente autem, quod habet omnimodam plenitudinem perfectionis, idem omnino re, & ratione sunt Deus, & sua natura, & essentia. 50. 2.  
 Intellectus Dei, & voluntas originantur ab esse infinito: sed istæ potentie operative non sunt reponendæ in linea attributorum. 234. 2.  
 Infinitas intellectus non potest concludi ob quacunque extensionem ad infinita intelligibilia. 84. 1.  
 Qualiter Deus dicatur ineffabilis. 156. 2.  
 Intellectus simplex nullatenus potest cognoscere verum. 217. 1.  
 Circa ipsum non contingit falsitas, sed ignorantia. *Ibidem*  
*Ingeniti* multiplex acceptio luculenter explicatur. 396. 1.  
*Ingenitum*, prout exprimit subsistens non productum, est Patris proprietas, nulli alteri congruens personarum. 396. 2.  
*Ingenitum* nomen multiplex esse intelligitur, cum ex multiplicitate ejus, quod est *genitum*, tum ob particulæ privativæ multiplicitatem. 396. 1. Vide ibi pulchram, & exactam explicationem.  
*Ingeniti* vocabulo D. Ambrosius uti noluit propter hereticos. 399. 2.  
*Ingenitum* licet sit proprium Patris, fieri tamen non potest, ut ipsa ingeneratione, aut innascibilitate in esse personali constituat. 398. 2.  
 Intelligentiarum operatio quænam possit dici mensurari tempore. 109. 2.  
 Intellectio actualis Patris, non verè genita, quia nec destinata, ita nec *Verbum* appellanda. 402. 1.  
 Incarnationis opus soli misericordiæ, & bonitati divinæ est attribuendum. 273. 1.  
 Intellectui, quæ intellectus est, non convenit gignere substantiam per se subsistentem. 328. 1.  
 Sine instructione majorum in Ecclesia rudes nequeunt pertingere ad spiritualia. 389. 1.  
 Omnis secunda intentio est relatio rationis componentis, vel dividendis, vel saltem conferentis unum ad aliud. 373. 2.  
 Inesse Deo aliquid dupliciter potest, vel formaliter, & intrinsecè: & potest inesse per prædicationem. 191. 2.  
 Invidia unde oriatur. 465. 2.  
 In Deo nullam coicci posse invidiam. 37. 1.  
 Ius ad gloriam non exstinguitur per peccatum. 290. 2.  
 Iudicium propriè est conclusio secundum legem. 295. 2.  
 Dare indebitum bonum non esse contra justitiam. 309. 1.  
 Iustitiæ multiplex usurpatio. 265. 2.  
 Iustitia legalis, justitia particularis secundum legem, justitia commutativa, & justitia distributiva, quid sint, & utrum reperiantur in Deo. 266. 1., & 2.  
 Iu-



## L

- L** Etandum non est ulli de lapsu alieno, 287. 1.  
**In** lege naturæ quare modica doctrina inspirata fuit. 13. 1.  
 Deus de potentia absoluta agere potest, & præter, & contra leges iustitiæ à Divina Providentia statutas præsertim, quæ non spectant ad naturæ dictamina in primo gradu, & ita faciendo recte facit. 259. 2.  
 Rationabilitas eorum, quæ in lege christiana continentur manifestè probat veritatem ejus legis. 10. 2.  
 Idem probat irrationabilitas Sectarum, quas damnat communitas Christianorum. 11. 2.  
 Claritas miraculorum in Ecclesia representatorum veritatem evincit legis christianæ. 11. 2.  
 Stabilitas Reipublicæ christianorum est nota significans, pænes ipsam tantummodo assertuari, ac profiteri veram, & à Deo revelatam Doctrinam. 12. 2., & 11. 1.  
 Linea infinita, si daretur, non subinde foret quid infinitum per essentiam. 83. 1.  
 Linea infinita, si daretur: esset collocanda in genere quantitatis, nec foret talis linea infinitum ens, seu infinitum simpliciter, sed dumtaxat infinitum secundum quid, scilicet secundum quantitatem. 13. 2.  
 Liber vitæ, cujus frequens est mentio in Divinis Scripturis tum veteris, tum novi testamenti, formaliter non est prædestinatio, sed magis ipsam supponit, seu concomitatur. 302. 1.  
 Liber virg principaliter continet descriptos ad vitam gloriæ, & minus principaliter ea, quæ divina voluntas statuit esse necessaria ad consequutionem illius, 203. 1.  
 Libertatem essentialem coherere cum summa necessitate in voluntate infinita, 468. 2.  
 Libertatem essentialem in eo sitam esse, quod voluntas determinet se delectabiliter, & eligibiliter ad amandum, atque ita sibi met necessitatem eliciendi actum, in eoque permanendi imponat. 468. 2.  
 Logos Græcum melius latinè interpretari Verbum, quam rationem. 407. 1.  
 Intellectu activè se habentem ad visionem, est admittendus in ipso habitus luminis gloriæ, quo supernaturaliter, & perhiciatur, & elevetur ad attingendam visionem Dei, supernaturalem; idque de facto, & de potentia ordinaria; absolute enim valeret eandem attingere visionem, Deo supplente concursum causæ alterius, vel habitus spectantis ad actum primum. 140. 1.  
 Qualiter intelligendum sit illud Psalmi: *in lumine tuo videmus lumen*. 141. 1.  
 Lumen gloriæ, sicut non est ponendum in intellectu Beatorum, si intellectus sit potentia dumtaxat visionis receptiva; ita si intellectus concurrat activè ad omnem sui intellectionem, sibi non est necessarium lumen prævium ad visionem ex parte objecti, tanquam species ipsius, qua nimirum actu evadat visibile. Neque rursus est necessaria sibi, ut gerat vicem in potentia habituata, actus absentis, nec denique quasi sit intellectui principium totale simpliciter operandi, 139. 2.

## M

- M** Ala omnia Deus distinctissimè attingit. 184. 1.  
 Mala occasionaliter faciunt ad decorem universi. 255. 1.  
 Ad malitiam non concurrat effective causa prima, sed ipsius est idæquatum principium, auctor, & causa creatura deficiens à recta regula. 255. 2.  
 Magnitudo corporeo actu infinita non potest dari. 84. 2.  
 Magnitudo est æquivocum: enucleatur. 484. 2.  
 Magnitudo perfectionis essentiæ Divinæ est infinitas inten-

- siva, quæ est modus intrinsecus ejus in eandem concipiens realitatem. 492. 2.  
 Materia successive generatorum est eadem, tam in generato, quam in corrupto. 46. 2.  
 Materia, si esset receptiva, de se infinitarum formarum, non esset dicenda infinita. 84. 1.  
 Materia in eodem ordine, & gradu, quo est ens, est etiam bona; Est fulcrum, & receptaculum formarum. 71. 1.  
 Materia prima quomodo cognoscatur ab intellectu Divino. 207. 1., & 2.  
 Materia de se, & ex se quam potentiam habeat ad formam. 49. 2.  
 Materia est totius naturæ fundamentum. 60. 1.  
 Mathematica quæque non carent bonitate entis, & talis entis. 61. 1., & 216. 2.  
 Materia respectu formarum oppositarum est una. 71. 1.  
 Ejus potentia multiplex. *Ibidem*.  
 Malum, seu peccatum quid sit formaliter. 184. 1.  
 Magnitudo quanta contingit esse in potentia, tanta existere potest & in actu. 85. 2.  
 Media sufficientia cunctis à Deo preparantur, exhibentur, & impenduntur. 292. 1.  
 Media impensa in aliis vim habere liberandi certissimam, in aliis vero ea virtute destituta ex defectu, & malitia eorum. 290. 2.  
 Memoriam Patris esse principium immediatum operationis, seu simplicis intellectionis, & pariter principium immediatè productivum notitiæ genitæ, explicatur. 339. 2.  
 Mensurare quid sit. 150. 2.  
 Mens Apostoli ad Rom. 9. de Jacob, & Esau aperitur. 295. 2.  
 Quod non omnes homines, & Angeli sint prædestinati intuitu meritorum Christi, referendum est in beneplacitum voluntatis Divinæ. 301. 2.  
 Merita Christi Domini, non quæ ex carne possibili consequerantur, sed ea quæ prævidebitur habiturus, etiam si in carnæ passibili venire non oportuisset, existisse causam de condigno prædestinationis, secundum ordinem intentionis hominum, & Angelorum, declaratur. 300. 1., & 2.  
 Metaphysica quare non sit scientia practica, licet agat de prima substantia, seu de Deo. 23. 1., & 24. 2.  
 Mitti convenit Personis Divinis, & si non omnibus. 498. 1.  
 Missio divinarum Personarum non est æterna, sed temporalis. 499. 1.  
 Missio, invisibilis Personæ Divinæ, qua missa intelligitur per novum effectum, quoque mediante inhabitat creaturam rationalem, vel intellectualem, sit dumtaxat per donum gratiæ gratum facientis. 959. 1.  
 Missio invisibilis sit ad omnes gratiæ participes, quoties per novum effectum, novamque Divinarum Personarum communicationem, mente percipitur earundem æterna processio. 503. 2.  
 De Misericordia Omnipotentis oriri, qua prævenit nos sua gratia, ac facit ut aliquis homo parcat alteri, remittatque sibi illatas injurias. 309. 1.  
 Misericordia maxime Deo est attribuenda. 270. 1., & 2.  
 In nobis quid sit. *Ibidem*.  
 Misericordia stricte sumpta respicit miseriam, quam assert peccatum, vel pena debita. 271. 2.  
 Miracula sunt signa infallibilia veræ fidei, & autoritatis Divinæ, quæ est in Sacra Scriptura. 11. 2.  
 Miracula Antichristi non erunt vera miracula. 12. 2.  
 Mittere tribus Personis Divinis ex æquo convenire, probabilis videtur, etsi solè productæ mitti possint. 506. 1.  
 Mitti non convenit Patri. 500. 2.  
 Filius invisibiliter sepe mittitur. 502. 1.  
 Modus intrinsecus non præfert distinctam realitatem ab eo, cujus est modus, sed in eandem prorsus coincidit. 63. iterato 2.  
 Motio ad terminum infinitum prior est ea, quæ est ad terminum.



minum finitum, quia non potest infinitum præexigere finitum. 407. 1.  
 Modi intrinseci non sunt formaliter entia; nec differentie ultimæ rerum, nec ipsius entis passionis formaliter ens includere possunt. 162. 2.  
 Iovens primum quomodo sit in circumferentia. 60. 2.  
 Iustus sensibilis gratia Christi, & Electorum conditus est. 295. 1.  
*Amicus*, & *Usus* synonyma apud Hilarium. 447. 1., 2.  
 Iudum intelligibilem Divinum infinitos condere ordines rerum, & idealium rationum. 317. 1.  
 Iunera sua in anima non destruit Deus, nisi quia ipsa sua mala voluntate demeretur, ut Deus eam abiciat & numero amicorum suorum. 287. 1.  
 Multitudo infinita à parte rei omnino repugnat. 86. 2.  
 Quo argumento innixus Poncius oppositum tenet. 87. 1.

## N

Natura numeratur in individuis, quibus inest, quia non est de se individua, sed fit talis per aliquid, quod non est inclusum in sua essentia. 60. 1.  
 Natura rationalis non potest attingere proprius viribus id, ad quod maxime inclinatur, & in quo sita est adæquata ipsius perfectio, & felicitas. 286. 1.  
 Naturale, & necessarium non coincidunt. 257. 1.  
 Natura rationalis non est nota intellectui suo sub ea ratione, qua ad ultimum finem ordinatur, estque beatitudinis capax. 5. 1.  
 Nihil omnino non potest, ut aliquid in se sit absolute necessarium respectu causæ primæ, & contingens in ordine ad causam secundam, vel proximam, & quare. 189. 1.  
 Nihil extra Deum est ita formaliter necessarium sicut Deus secundum quaecumque positionem. 406. 2.  
 Necessitas immutabilitatis, in Deo non est necessitas simpliciter, sed alterius rationis ab ista. 191. 1.  
 Necessitas est conditio simpliciter perfectionis in ente. 316. 1.  
 Necessarium presupponere contingens, est impossibile; at contingens præexigere omnino necessarium est evidens. 394. 2.  
 Nullum à se necessarium coexigere potest aliquid non perinde necessarium. 306. 1.  
 Negatio in se considerata ex æquo dicitur tam de ente, quam de non ente. 399. 1.  
 Nomina eorum, qui conscripti sunt in libro vitæ Agni sunt omnino indelebilia. 304. 1.  
 Nomina perfectionum simpliciter, quæ de Deo, & creaturis dicuntur, univocè de ipsis enunciantur, atque eundem important conceptum realem. 161. 2.  
 Nomina ex parte vocis significantis non dicuntur per prius de Deo, quam de creaturis, secus autem, si considerentur eadem nomina ex parte rei significatæ. 163. 2.  
 Nomina per metaphoram Deo attributa per prius dicuntur de creaturis. 164. 1.  
 Viator imponere potest nomen, quo significetur ratio quidam Deitatis, prout concipitur, & videtur à Beatis, & ab intellectu Divino. 156. 1.  
 Egredia doctrina de quibusdam nominibus dictis de Deo. 55. 2.  
 Fieri potest, ut viator nomet Deum nomine proprio significante illam essentiam, ut *est hæc*, ne dum ab aliis, ut ab ipso Deo, & Beatis imposito; verum etiam à se adinventum, quo exprimantur conceptus ita Deo proprii, ut nulli creaturarum competere queant. 156. 1.  
 Nomina, quibus significantur respectus ad creaturas, verè dicuntur de Deo ex tempore, eo quod relationes reales creaturarum ad Deum sunt novæ, & ex tempore, nec tamen propter eas sunt ponendæ aliquæ relationes in Deo novæ terminantes istos respectus creaturarum, ne rationis quidem. 165. 1.

Revera per nomen *Deus* exprimitur, atque significatur Dei natura, & quare. 166. 2.  
 Nomina complura de Deo enunciantur substantialiter. 157. 2.  
 Omnia illa nomina, quæ relationem ad creaturas non involvunt, vel non exprimunt Divinas notiones ad intra, substantialiter de Deo dicuntur. 158. 1.  
 Nomina, quibus exprimiuntur perfectiones Divinæ involventes suo modo respectum ad creaturas, non dicuntur de Deo substantialiter. 158. 1.  
 Nomina complura de Deo propriè enunciantur, & quare. 158. 1.  
 Nomina, quæ de Deo, secundum substantiam dicuntur, non sunt synonyma, sed aliud, & aliud ex natura rei ipsis respondet significatum. 159. 2. Et quare. 60. 1.  
 Nomen Sanctum Dei quatenus naturæ Divinæ significativum, est penitus incommunicabile, & quare. 167. 2.  
 Qualis notitia actualis objectis sit verbum ejus. 136. 1.  
 Nomen personæ non est propriè expressivum proprietatum illorum terminorum, esto sit nomen dignitatis. 359. 1.  
 Nomen inventum personæ instinctu Spiritus Sancti, ut eo fideles utantur. *Ibidem*.  
 Usurpatum ab Ecclesia Latina ad exprimendum substantiam intellectualem incommunicabiliter existentem. 359. 2.  
 Sub eo nomine venenum latere, quomodo dictum sit à Hieronymo. *Ibidem*.  
 Nomine Spiritus Sancti significari, exprimique tertiæ Personæ Divinæ proprietatem, declaratur. 411. 2.  
 Nomen proprium alicujus censetur illud, cujus per se significatum sic convenit alicui, ut nulli alteri ab ipso congruat, rectèque dici queat. 411. 2.  
 Notiones necessario sunt ponendæ in Divinis, ut necessario sunt in Divinis Personis proprietates, earundem constitutivæ, & distinctivæ. 386. 1.  
 Nomen Patris est proprium primæ Personæ in Divinis. 493. 1.  
 Nomina propria Divinarum Personarum ea sunt, quibus expresse significatur earundem, & constitutivum, & distinctivum. 393. 1.  
 Nomen *Pater* simpliciter prius dicitur de prima Personæ Divina Filium producente, quam per quemcunque ordinem ad creaturas. 394. 2.  
 Nomina essentialia concretivè usurpata supponunt personam, de qua verificari potest prædicatum. 439. 1.  
 Notio est, id per quod aliud innoscitur. 386. 1.  
 Nomina essentialia singulariter omnino prædicantur de tribus personis, sic ut nullatenus numeratur ad numerum earum. 437. 2.  
 Notionalia quæque in Deo priora sunt essentialibus involventibus respectum rationis ad creaturas. 395. 1.  
 Nomen personæ, ut de tribus Divinis personis dicitur, significat rem primè intentionis, quæ utique res de tribus dicitur rebus, quibus fruendum. 373. 1.  
 Unico prorsus nomine effici possunt multæ relationes aliarumque formæ. 377. 1.  
 Nomina essentialia personis appropriari, conveniens admodum fuit. 445. 2.  
 Nomen *Deus*, quatenus per ipsum significatur natura veri Dei, & natura intellectualis participans illam per gratiam, & gloriam, & insuper intelligitur *Deus* juxta falsam opinionem, est omnino æquivocum, id est nullius veri, & realis conceptus expressivum, qui sit omnibus illis communis; & quare. 166. 2.  
 Nomina personalia rectè prædicantur de essentialibus in concreto pronunciatis, cum illa substantivè, non adjectivè accipiuntur. 444. 1.  
 De communi Theologorum sententia in Divinis quinque notiones adstruuntur. 387. 1.  
 De notionibus aliter atque aliter opinari licet, sobriè tamen, sic ut opinans paratus sit suam opinionem deponere, si aliter ab Ecclesia definiatur. 389. 2.  
 Notio bifariam accipitur. 386. 1.



- Numerus est in Divinis quatenus importat distinctionem. 365. 1.  
 Numerus est multitudo mensurata per unum. 376. 2.  
 Numerus verè, & propriè est in Divinis, imò tanta proprietate Divinæ personæ dicuntur tres, quanta nulla alia entia numerari queunt. 366. 1.  
 Numerum electorum ita certum, ac præfinitum esse, ut nec minui, nec augeri queat, declaratur. 208. 2.



- O**bjectum motivum nostri intellectus pro præfenti statu naturæ lapsæ est, quiditas rei sensibilis. 137. 1.  
 Objectum adequatum intellectus creati ex natura potentie non est quiditas rei materialis, vel sensibilis. 137. 1.  
 Objectum adequatum intellectus creati ex naturæ potentia, est ens reale. 137. 2.  
 Objectum naturalis attingentiæ intellectus creati est ens reale finitum. 137. 2.  
 Objectum motivum abstractivi est species, vel similitudo rei: intuitivi autem est ipsa res in se præfens. 151. 1., & 2.  
 Objectum beatificum sub ratione infiniti videtur ab intellectu beato. 127. 1.  
 Ens, ut ens, esse primum objectum intellectus, non cognoscitur nisi, supposita revelatione. 5. 1.  
 Objectum naturale intellectus duplex, vel scilicet naturalis attingentiæ, vel naturalis inclinationis. 16. 1.  
 Non est inconveniens potentiam esse naturaliter inclinatam ad aliud objectum, & illud non posse naturaliter cognoscere. 16. 2.  
 Quomodo intellectus indigeat proportionari in ordine ad objectum supernaturale. 16. 2.  
 Objectum primum virtutis, & adæquationis. Intellectus Divini est Divina Essentia sub ratione essentiae. 350. 2.  
 Omnipotentia, & omni scientia possunt considerari & fundamentaliter, & formaliter. 56. 2.  
 Deum esse omnipotentem in sensu Theologorum, non potest demonstrari lumine naturali intellectus, ne quidem à posteriori. 310. 1.  
 Omnipotentia Dei, ut à Theologis adstruitur, probabiliter ostendi potest, tanquam verum, & necessarium. 310. 2.  
 Operationem non esse actionem, nisi æquivocè. 329. 1.  
 Oppositum primi principii, nempe *Idem simul esse, & non esse secundum idem est*, inopinabile, & in intelligibile. 183. 2.  
 In operibus naturæ, etsi nulla statuenda est in Deo iustitia, nec misericordia; in operibus tamen gratiæ iustitia, & misericordia sese concomitantur & qualiter. 272. 1.  
 Quando unum oppositorum est proprietas pertinens ad dignitatem, reliquum ad dignitatem pertinere non potest, & è converso. 389. 1.  
 Totum naturæ opus est volitum, & effectum intuitu ordinis supernaturalis, & gratiæ. 309. 1.  
 Orationes viatorum Deum revelare Beatis, piè creditur. 504. 1.  
 Revera in Divinis duos ordine secundum prius, posterius admittendos esse; nimirum, & naturæ ordinem, & originis, declaratur, & ostenditur. 491. 2.  
 Ordo originis non exigit prioritatem naturæ originantis ad originatum, sed præcisè unum ab alio exire. 391. 2.  
 Ordo essentialis est relatio quædam æquiparantiæ. 43. 1.  
 Multifariam dividitur. *Ibidem*.  
 Ordo secundum Augustinum quid sit. 42. 1. Est passio relativa entis. *Ibidem*.  
 Ordo essentialis in genere causæ finalis quid sit. 42. 2.  
 Ordo, quo condita est rerum universitas, ideo est rectus, quia à sapientia, sive voluntate Divina præfixus, & ordinatus. 315. 2.  
 Oratio contingens mutatur de vera in falsam, & è converso ad mutationem habitudinis extremorum ejus. 222. 2.  
 Ordo significat omnes universi relationes, atque earum omnium connotat extrema. 377. 1.

Ordo, quem servat Divina voluntas, ut transit super diversa objecta, ob oculos ponitur. 289. 1.

## P

- P**ropriissima subjecti passio, aut cognoscitur ex distincta & propria subjecti cognitione, aut habetur per intellectum universalem subjecti ejusdem. 383. 2.  
 Quo pacto finitum sit participatio infiniti. 350. 2.  
 Passiones entis non coincidunt in eandem formalitatem currente, & quare. 67. 2.  
 Pater accipi potest substantivè, & adjectivè: 441. 1.  
 A paternitate Divina, & creata abstrahi potest conceptus, dictus in quid de utraque. 452. 1.  
 Omnino fatendum, Patrem in Divinis esse Filii principium. 391. 1.  
 Patrem non esse sapientem sapientia genita sicut formaliter principio. 428. 1.  
 Pater est prior origine Filio, & simul natura cum eo. 461. 1.  
 Pater non gignit Filium ea naturali necessitate, qua ignis calefacit, sed generat volens, non tantum voluntate consequente, vel concomitante actum ipsum gignendi sed etiam voluntate antecedente. 465. 1.  
 Patrem non producit Filium voluntate quasi voluntas sit principium productivum ejus proximum, vel remotum. 464. 2.  
 Peccatum qua de causa voluntati creatæ imputetur, & re vera peccare dicatur. 255. 2.  
 Persona in communi non significat substantiam neque relationem, sed magis quid indifferens ad absolutum, & respectivum, seu ad se, & ad alterum. 360. 1.  
 Tres personas esse unius essentiae explicatur. 436. 2.  
 Perfectiones omnes simpliciter in Deo, ratione intensive infinitatis sunt perfectissimè idem, vel eadem res. 171. 1.  
 Descriptio perfectionis simpliciter ab Anselmo tradita qualiter intelligenda. 58. 1.  
 Cum Electi labi permittuntur in peccata quomodo ea permissio sit à proposito voluntatis divinæ, declaratur. 290. 1.  
 Personas Divinas constitui proprietatibus absolutis, potest sustineri. 454. 2.  
 Una perfectio simpliciter alteri non repugnat nec pellit; imò in una omnes vivunt, & necuntur nexu infinitæ necessitatis. 467. 2.  
 Persona quid sit. 357. 2., & 356. 1.  
 Reperiri in Deo formaliter perfectiones attributales, seu essentialis, eo quod essentiam concomitantur in tribus, uti sapientia, & veritas & bonitas, & ejusmodi; eas autem non differre tantum differentia rationis, secundum diversos modos concipiendi idem objectum formale; nec item distingui, uti duo objecta formalia in intellectu, adeout consideratione omni circumscripta, nulla inter eas veretur actualis distinctio; sed magis differre differentia quadam media antevergente omnem actum intellectus, ac optimè coherente cum perfectissima reali unitate omnium eorum, quæ hoc genere distinctionis differunt, singillatim ostenditur. 347. 1., & 2.  
 Personarum Divinarum unamquamque aliam esse ab alia, non tamen aliam in Deitate, est dogma Fidei catholicæ. 378. 1.  
 Non intellectus proprietatibus personas constituentibus, est in Deo & principium formale causandi completum, & perfectum, & suppositum Deitatis, non quidem incommunicabile, sed singulare, & indivisibile. 383. 1.  
 Personas Divinas constitui per relationes, est communis opinio: atque ex eisdem proinde fieri, ut ad invicem distinguantur, problematice differunt. 452. 1.  
 Personæ in divina natura subsistentes, sint oportet præcisè tres, nec plures, nec pauciores. 367. 2.  
 Persona est idem ac hypostasis, & subsistentia, non vero idem quod essentia, vel substantia. 357. 1.  
 Personæ nomen dandum illis tribus, quos fides docet esse unum in divinis. 358. 2.



Nihil intrinsecum personæ divinæ propriè contractur in ali-  
quo eminenter, quia tunc foret ens per participationem  
ejus, in quo sic contineretur. 433. 2.  
Persona formaliter importat positivum, ad quod sequitur in-  
communicabilitas ut quo, & ut quod. 362. 1.  
Personarum pluralitas omnino in divinis agnoscenda. 363. 2.  
Ex hypothesi quod tertia persona non procederet à secunda,  
adhuc superfuturam distinctam ab illa secundum esse per-  
sonale ipsius. 415. 1.  
Perfectiones omnium rerum esse in Deo; & qualiter. 61. 2.  
Perfectionem omnem simpliciter esse, & reperiri in Deo for-  
maliter. 61. 2. Ac etiam identicè. 62. 2.  
Perfectiones diminutæ, quæ dicuntur perfectiones *secun-  
dum*, quid non possunt in Deo reperiri formaliter, & iden-  
tice. 62. 1.  
Permanentia quæquemenfurantur ævo, non autè tēpore. 104. 1.  
Philosophi quibus in causis non posuerunt infinitatem. 44. 1.  
Philosophi eruditione, & acumine præstantes, nunquam  
Trinitatis mysterium revelatum per scripturas divinas at-  
tingere potuerunt, cum superemineat omnibus creatæ,  
& naturalis intelligentiæ viribus. 383. 1.  
Pluralitas semper reducitur ad unitatem. 388. 2.  
Posterius quodlibet, à priori æqualiter dependeat. 43. 1.  
Possibilitas logica est non repugnantia terminorum. 306. 1.  
Possibilitas objectiva non est in Divinis Personis. 477. 2.  
Possibile duplex, logicum, & reale. 326. 2.  
Potentiæ passivæ naturali cuicunque correspondere pro-  
prium naturale activum, falsum est. 5. 2.  
Potentia receptiva, vel est naturalis, vel violenta, vel  
neutra. 7. 2.  
Potentiæ activæ correlativum in Deo est possibile objecti-  
vum. 342. 1.  
Potentia Dei est intensivè infinita. 306. 2.  
Potentiæ productivæ omnino accidunt rationes activi, & fa-  
ctivi. 325. 2.  
Potentiæ eidem impossibile est inesse oppositos modos agen-  
di, cujusmodi sunt isti *naturaliter*, & *liberè* primo po-  
tentiam activam distinguentes. 469. 1.  
Potentia infinita Dei manifestatur potissimum ex misericor-  
dia. 309. 1.  
Potentia primæ substantiæ attribuitur, non quæ sit prin-  
cipium operationis, sed quæ immediatè attingat, atque  
det esse effectui. 306. 1.  
Potentia activa causativa respicit aliud a se in essentia diver-  
sum, vel immediatè, vel mediatè. 308. 1.  
Potentia generandi in Patre non est relatio, sed aliquod  
absolutum. 478. 1.  
Potentiæ primæ activæ non correspondet aliqua potentia  
passiva propriè, ut in quam, vel de qua aliquid produ-  
catur. 473. 2.  
Potentia productiva, non actuum notionalium, sed eorum,  
quæ iis actibus producantur, admittenda est in Divinis,  
suntque personæ exeuntes, altera per modum naturæ,  
altera per modum voluntatis. 476. 1.  
Practicum, & speculativum quomodo differat. 208. 1.  
P posse existentem in peccatis illa detestari ex naturalibus, ty-  
ronibus explicatur. 295. 2.  
Potentiæ nomen æquivocum enucleatur. 476. 1.  
P posse esse Patrem, antecedere omnem potentiam producti-  
vam. 477. 1.  
Praxis nulla est in Deo, ut est operans ad extra, nisi voli-  
tto. 198. 2.  
Practica notitia nulla respectu intellectus creati, potest esse  
practica respectu volitionis divinæ, sed erit necessario  
speculativa. 198. 2.  
Ad ordinem executionis quod attinet, prædestinationem  
juvari posse precibus Sanctorum, saltem quoad aliquem  
ejus effectum, ostenditur. 302. 1.  
Prædestinatio est certissima, atque eventus infallibilis, &  
nullam imponi necessitatem in obiectis, ad quæ termi-  
natur. 296. 1., & 2.  
Prædestinationis arcanum est absconditum omni creaturæ,  
nec sciri potest citra specialem Dei revelationem. 297. 1.

Praxis quid sit.

19. 2.  
Quomodo notitia practica ad praxim dicatur extendi. 19. 2.  
Practicum, & speculativum sunt differentię accidentales  
scientiæ. 20. 1.  
Practica notitia est talis non à fine sed ab objecto. 20.  
1. & 27. 1., & seqq.  
Habitus non dicitur practicus propter extensionem actua-  
lem ad praxim, sed propter aptitudinalem. 20. 1.  
Intellectu extensione fieri practicum, quomodo intelligendū. 20. 1.  
Notitia practica, quamvis interdum habeat conformitatem  
ad praxim à fine, non tamen in quantum est finis, sed in  
quantum est primum objectum. 21. 2.  
Prædicatio denominativa de subiecto non transcendente, cur-  
non sit in Divinis. 463. 1.  
Prædicandi modi duo sunt in divinis scilicet prædicati es-  
sentialis, & relativi, seu *ad se*, & *aliud*, 54. 2.  
Prædicatum non oportet eo modo convenire determinatio-  
nioni, quo convenit alicui intellecto sub tali determina-  
tione, quando determinatio non est ratio inherentię præ-  
dicati ad subiectum. 344. 1.  
Prædestinatio est actus voluntatis, & non intellectus nisi  
concomitanter. 287. 2.  
Prædestinationis duplex descriptio apponitur. 287. 2.  
Præscientiam præparationi mediorum cur addat Augustinus.  
286. 1.  
Præpositivus excludens à Divinis Personis proprietates,  
& notiones, reiicitur, & improbatur, 385. 2.  
Prædestinari homines revera à Deo, id est eligi, atque ordi-  
nari ad gloriam, & ad gratiam, ut medium assequendi  
illam, declarat. 285. 1.  
Prædestinationem revera in genere causæ finalis habere, &  
ponere effectus suos in prædestinatis, à sufficienti partium  
enumeratione luculenter ostenditur. 289. 1., & 2.  
Prædicata ea dicuntur de Deo secundum substantiam, quæ  
non relativè enunciantur. 160. 2.  
Prædicata essentialia Dei sunt synonyma. 160. 2.  
Inter prædicata absoluta, & relativa in Divinis quid inter-  
sit. 348. 2.  
Prædicatio formalior est, quando commune prædicatur de  
minus communi, vel quasi minus communi, quam è con-  
tra. 444. 1.  
Deum esse per suam substantiam rebus omnibus intimè, ac  
necessario præsentem, dogma est fidei. 90. 1.  
Fieri non posse per Dei potentiam, ut præterita non sint ea,  
quæ jam præterierunt, posse tamen facillimè negotio ea-  
dem reparari. 312. 2.  
Primitas efficientiæ triplex, finis, & eminentiæ uni tan-  
tum naturæ convenit; nec potest pluribus naturis quidi-  
tativè diversis competere. 45. 2.  
Illud, cui triplex competit primitas, habet omnino necessita-  
tem essendi, rectèque proinde appellatur *necessè es-  
se*. 46. 1.  
Primum effectivum est in actu existens. 45. 1.  
Datur aliquid actu existens, quod est simpliciter primum,  
secundum triplicem primitatem, & qualiter. 44. 2.  
& 45. 1.  
In primo principio formaliter reperiri activam potentiam, à  
qua sit quicquid est, & à se esse non potest. 305. 1.  
Primo principio quia repugnat habere causam, à qua accipia-  
esse, habet à se esse in tota plenitudine omnimodæ perfectio-  
nis, ut nihil ei deesse possit. 50. 1.  
Primum principium non dicit necessariam habitudinem ad  
principiata. 94. 2.  
Primum omnium principium quomodo sustentet omnia. 60. 1.  
Principium dici multipliciter, & quomodo Pater sit prin-  
cipium durationis filii. 490. 1.  
Principium liberum non opponitur necessario. 468. 1.  
In primis principiis virtualiter includi omnes conclusiones,  
adeo cognoscens prima principia attingat pariter om-  
nes omnino conclusiones scibiles, falsum est. 6. 1.  
Principii ratio non ita adequatè cum causa convertitur, ut  
reperiri non possit sine causa natura. 392. 1.  
Privatio quomodo cognoscatur. 207. 1.



In Divinis, & esse potest, & de facto reperitur processio, per quam una persona producta, est ab alia producente. 324. 2.

Processionem alteram Divinarum, quæ nempe est per intellectum, quatenus est ei præsens objectum infinitæ intelligibilitatis propriissimè appellandam esse generationem, per quam gignitur Verbum Dei in excelsis; quod Verbum in principio erat apud Deum, & Deus erat Verbum, idemque, & unigenitus Dei, declaratur. 327. 2.

Verissimè in Divinis reperiri, & Verbi generationem, & aliam præterea processionem alterius omnino rationis ab ipsa, declaratur. 325. 1.

Processionem amoris in Deo nec esse, nec dici omnino posse generationem, quemadmodum amor ipse procedens non est persona; quæ gignitur. 330. 2.

Processiones formaliter seipsas distingui, principiatiuè vero à principis earum, quæ alia non sunt nisi intellectus; & voluntas, ostenditur. 331. 1.

& 330. 2.

Processiones divinas esse præcisè duas, declaratur. 332. 2.

Plures productiones ejusdem rationis in divinis sunt omnino impossibiles. 336. 1.

Unus, idemque terminus acquiri potest duabus productionibus alterius, & alterius rationis. 335. 1.

Inter finitum, & infinitum est proportio perfectibilis ad perfectionem. 127. 1. Inter objectum, & intellectum non requiritur nisi proportio motivi ad mobile. *Ibidem.*

Inter potentiam cognoscitivam intellectus creati, & finiti, & objectum infinitum nulla est proportio geometrica, adeo tamen proportio operationis ad suum terminum, sive cognitionis ad suum terminum. 127. 2.

Proprietas personalis sic est proprius actus personæ, ut non sit actus ipsius naturæ divinæ. 435. 2.

Proprietates relativæ Dei ad creaturas. 44. 2.

Proprietatem, & personam esse simpliciter idem realiter, differre tamen ex natura rei secundum quid, quatenus secundum quid determinat ipsam identitatem, explicatur. 448. 1.

Proprietas, & persona non est idem adæquatè. 449. 1.

Proprietarius vere dicitur, qui in possidendo rem aliquam nullo modo dependet ab alio. 418. 1.

Pronositio, per se nota quid sit. 37. 2.

In propositione per se nota alius terminus diffinitio, alius vero diffinitum. 37. 2.

Diffinitio dicentium, propositionem per se notam esse, in qua prædicatum includitur in ratione subjecti, improbat. 318. 1.

Quomodo accipiendum *ly per se* in propositione per se nota. 37. 1.

Nulla divisio propositionis per se notæ, in per se notam, & per se noscibilem, in per se notam in se, & quoad nos, in per se notam sapientibus, & insipientibus. 38. 2.

Propositio per se nota, quamvis ex confusa terminorum notitia iisdem terminis distinctè intellectis; si tamen sit per se notam per distinctum conceptum terminorum, nequit esse per se nota, terminis confusè conceptis. 38. 1.

Propositio hæc, *Deus est*, qualiter sit per se nota intellectui Divino, & Beatorum. 39. 2.

Propositio hæc, *Deus est*, quatenus esse nunciatur de Deo, prout à nobis pro præsentis statu concipitur, non est per se nota. 39. 2.

Providentiam Dei non necessario præferre finis consequutionem, ostenditur. 283. 2.

Providentia Dei, qua curam gerit rerum humanarum, spectare ad voluntatem beneplaciti, explicatur. 283. 2.

Providentia generalis, & particularis in Deo est, & qualiter. 275. 2., & 276. 1.

Providentiam appellans Boetius *rationem divinam* qualiter intelligendus. 276. 2.

Providentiæ Divinæ sunt subjectæ omnes prorsus creaturæ, quæ, & gubernantur per exhibitionem præparatorum mediæ finis ab unaquaque assequendo idoneorum. 277. 2.

Per Divinam providentiam non imponitur necessitas causis liberis provisis, sed necessario agentibus. 281. 2.

In regno providentiæ nullus est locus temeritati. 284. 2.

Providentia Dei utitur interventu aliarum causarum, easque admittit in ministerium. 281. 1.

Deus omnibus immediatè providet, consulit, curamque gerit, quæ ex intentione ipsius fiunt, atque eveniunt. 279. 2., & 280. 1.

## Q

In quo sensu docuit Philosophus, finitum, & infinitum quantitati congruere. 85. 2.

Quantitati finitæ congruunt æquale, & inæquale majus, & minus. 87. 2.

*Qui est*, maximè proprium nomen Dei esse, declaratur. 170. 1.

*Quicquid scientia comprehenditur, scientis cognitione finitur*; quo sensu sic intelligendum hoc Augustini dictum. 175. 2.

## R

Ex parte prædestinatorum nullam esse quærendam præ-existentm rationem ipsa prædestinatione priorem, quamvis reprobatum sit statuenda causa ex parte reprobatorum, declaratur. 294. 1., & 2.

Ad relationem realem tria concurrere oportet. 486. 1.

Aliquod super relationem communem fundantur relationes oppositæ disparantæ. 485. 1.

Reprobi voliti sunt secunda tantum intentione. 293. 1.

Verè, & propriè Deum reprobare, ac reprobasse, quotquot hominum, & Angelorum in æternitate præcivit statum viæ completuros in peccato mortali, aut etiam originali; adeo ex parte reprobatorum præcesserit ratio, & causa, propter quam ad ipsos est actus divinus ita terminatur, & non ad alios, uberrimè declaratur. 291. 1., & 2.

Duplex rationis acceptio explicatur. 343. 2.

Relationes reales in divinis sunt tantum quatuor. 353. 2.

Relatio non perficit essentiam divinam, nec est terminus formalis receptus in eadem. 49. 2.

Quo sensu intelligatur eadem relatio esse in essentia divina. *Ibidem.*

Relationes secundi modi juxta Philosophum non sunt reales, sed tantum mutue. 57. 1.

Relationes, quatenus ad essentiam comparantur, sunt res. 343. 1.

Rei multiplex usurpatio enucleatur. 341. 1.

Relationes in Deo in eandem rem coincidere cum ejus essentia; hoc est essentiam, & relationes esse quidem eandem rem, verum tamen differre inter se non sola ratione, sed magis ex natura rei, citrà nimirum omnem actum intellectus, seu increati, seu creati, dilucidè explicatur. 345. 1., & 2.

Inter conceptum realitatis perfectam, & imperfectum quid interit. 63. *iterato.* 1.

Relationes, quibus Divinæ Personæ, mutuo se respiciunt, suntque earundem processionum expressivæ, verissime esse res, & subinde reales, ostenditur. 341. 2.

Unica omnino ex natura rei est relatio originis primæ personæ ad secundam, & harum ad tertiam, adeo citrà intellectus considerationem nulla sit distinctio harum relationum qualitercunque in re. 457. 2.

Relatio originis omnino ex natura rei indistincta potest ratione distingui. 458. 1.

Relationem transire in essentiam dupliciter intelligi potest. 435. 2.

Deus, & creatura sunt extrema primo diversa in realitate, & nihilominus univocè conveniunt in entis, & perfectione simpliciter conceptibus. 85. *iterato.* 1.

Relationes, quæ sunt in Deo revera inter se realiter distinguuntur. 352. 1.

Rektor reipublicæ in quibusdam casibus non tenetur, nec de-



debet servare, vel judicare secundum leges justas, quando nimirum tale iudicium verteretur in detrimentum justici publici, quod est bene esse reipublicæ. 280. 2.  
 Rectorem reipublicæ in humanis pluribus indigere ministris, qui negotiis expediendis præsent, & Principis suppleant defectus. 281. 1.  
 Nihil intrinsecum in Divinis includit necessario respectum ad creaturam. 430. 1.  
 Relationes in divinis non sunt formaliter infinitæ, nec quidquam proinde involvunt gradualis perfectionis, ut nec imperfectionis. 349. 2.  
 Qualiter Deus dicatur reliquisse hominem in manu consilii sui. 278. 2.  
 Ad hoc ut aliquis actus sit rectus, non sufficit illum ordinari secundum leges universalissimas providentiæ; sed oportet præterea esse conformem legibus peculiaribus ipsius. 279. 2.

## S

**S**apientia in Deo non est accidens, & quomodo dicatur sapientia, & alia id genus transferre ad Deum. 55. 2.  
*Omnia in sapientia scripta*, qualiter intelligendum. 246. 2.  
 Hæreses variegatæ circa scripturas. 9. 2.  
 Octo media ad convincendos Hæreticos, & infideles negantes, Scripturam traditam esse nobis divina revelatione. 10. 1., & seqq.  
 Scriptores Sacri nec decepti, nec mentiti sunt dum scriberent. 12. 2.  
 Scriptura Sacra nihil continet inutile, aut superfluum. 13. 2.  
 Quomodo Deus sit objectum librorum Sacræ Scripturæ. 18. 2.  
 Doctrina supernaturalis sufficienter traditur in Scriptura. 13. 1.  
 Scripturarum consonantia evidenter ostendit Deum existisse autorem sacræ scripturæ. 10. 1.  
 Scriptorum Sacri Canonis autoritas manifestè demonstrat, scripturam esse à Deo revelatam. *Ibidem*.  
 Recipientium diligentia convincit, Libros Sacræ Scripturæ speciali Dei assistentia fuisse confectos. 10. 2.  
 Sacra Scriptura convenienter utitur metaphoris corporalium ad divina, & spiritualia. 35. 1.  
 Sacra Scriptura sub una littera plures sensus habet, scilicet litteralem, & spirituales. 36. 1.  
 In propagatione dogmatum, & rejectione errorum non sunt usurpandi alii sensus à litterali, nisi ab ipso litterali habeant evidentiam. 36. 2.  
 Scientia non exigit ordinem determinatum prioris, aut posterioris ad scibilia; ei tamen ex sui ratione alligatur necessario potentia. 497. 2.  
 Scientia propriè sumptæ quatuor conditiones. 144. 2.  
 Scientia, quod sit de objecto necessario, est conditio objecti non cognitionis. 16. 1.  
 Scientiæ omnes æquè certè proportionaliter non quantitativè 23. 2., & 27. 1.  
 Si ratio notitiæ practicæ exigit necessario potentiam rectificabilem per ipsam, Dei scientia respectu necessarium, est omnino speculativa, si vero practicæ notitiæ, satis sit prioritas respectu praxis, & ex objecto habere vim praxim dirigendi, quantum attinet ad ipsam, & si aliquin voluntas non sit aliunde rectificabilis, practica est, & non speculativa. 196. 1., & 2.  
 Ex hypothesi quod Dei scientia necessarium ponatur practica, fore ut ejus voluntas non sit prima regula in actibus suis, quippe quæ per scientiam practicam esset dirigibilis; hæc inquam sequela, nullum, nisi imaginabile præstaret inconveniens. 196. 2.  
 Scientia Dei de factibilibus est absolute, & simpliciter speculativa. 197. 2.  
 Scientia Dei in se simpliciter necessaria, ut transit super contingentia, non est absolute necessaria, cum possit ad ea non terminari. 193. 2.

Scientia simplicis intelligentiæ, & scientia visionis quid sint. 183. 1.  
 Scientiam certissimam, atque infallibilem Deus habet non entium. 182. 2.  
 Scientia perfectissimè in Deo est. 172. 2.  
 Scientiam certissimam Deus habet futurorum contingentium. 189. 2., & 190. 1.  
 Scientiæ naturaliter adinventæ quare ad unum, eundemque habitum non pertineant. 19. 1.  
 In rebus materialibus, prout sunt scitæ, sive practicæ, sive speculativæ, idem est scientia, & res scita: & similiter in theoreticis ratio rei, & ipsa res, prout est in anima, ejusque intelligentia idem sunt, eo modo, quo sit unam ex cognoscente, & cognito. 175. 1.  
 Scientia Dei de futuris contingentibus quantum ad omnem conditionem existentie est idem prout in variabilis. 195. 1.  
 In scientia Dei nullus est decursus, aut successus, vel transmutatio, ut loquitur Aristoteles. 180. 2.  
 Scientia Dei minime est causa rerum. 181. 2.  
 Quare in exponendis sacris Scripturis utantur Doctores disciplinis philosophicis. 27. 1.  
 Non omnia, quæ ad salutem necessario creduntur, explicite continentur in Scriptura Divina. 413. 1.  
 In quolibet Sacræ Scripturæ libro elucet providentia Dei circa genus humanum. 18. 2.  
 Historia Pharaonis scripta à Moyse in Exodo, si ab aliquo ægyptio scripta fuisset, non idem haberet subjectum. 18. 2.  
 Similis ad intellectum comparatio Philosophi qualiter intelligenda. 152. 2.  
 Diversis, & contrariis vocibus unam, eandemque, & veram sententiam subesse posse. 414. 1.  
 Sensus compositus, & divisus explicatur. 297. 1.  
 Sensum triplex objectum, nempe proprium, commune, & per accidens. 225. 1.  
 Sermo notabilis Doctoris de deceptione, & correctione sensuum. 225. 1., & 2.  
 Stante errore, & deceptione in sensu potest sincera veritas principiorum, & conclusionum ex his deductarum in intellectu reperiri. 226. 2.  
 Significare est aliquid intellectui representare. 163. 2.  
 Singulare est per se intelligibile quantum est ex parte sui, si cuti est per se ens. 186. 1.  
 Singularem omnia Deo exactissime, ac distinctissime perspecta sunt. 185. 1.  
 Significatur distinctius aliquid nomine, ac attingatur per intellectum. 155. 2.  
 Similitudo realis reperitur inter divinas personas, quia stat cum simplicitate, & necessitate relati in se. 56. 2.  
 Similitudo, & dissimilitudo non minus accepta potest fundari super quodcumque ens, in quantum est *uale*, & *quali* tar quædam substantialis. 64. *iterato* 2.  
 Similitudo est relatio transcendens, sicut & identitas, & æqualitas. 64. *iterato* 2.  
 Quia similitudine creature fiat Deo similes. 64. *iterato* 2.  
 Simpliciter sumitur Deum nullum inferri præjudicium ex non identitate, vel distinctiōne formali perfectionum Divinarum inter se, & ab essentia. 348. 2.  
 Simplicitas qualis sit simpliciter perfectionis. 57. 2.  
 Solitudo non est in Deitate propter pluralitatem personarum, nec diversitas ob essentie unitatem. 377. 1.  
 Patrem, & Filium esse penitus unum principium Spiritus Sancti, ac minime spirare, ut omnino unum sunt, & non quatenus distincti intelliguntur, declaratur. 418. 2., & 431. 2.  
 De virtute sermonis Patrem, & Filium esse quidem appellandos duos spirantes, nequaquam duos spiratores. 420. 1.  
*Spirans, ergo spirantem spirantes, ergo duo spiratores* est fallacia consequentis. 423. 1.  
 Spiritum Sanctum proprie significari nomine *amoris*, ostenditur. 424. 2.  
 Species representativa Divinæ essentie possibilis est; adeo ut per talem similitudinem videri queat ab intellectu creato vi-



visione distincta abstractivè, & quare. 138. 2.  
 Species aethera est indivisibilis in plures species sed cum tali indivisibilitate stat divisibilitas in plura ejusdem speciei. 186. 1.  
 Species divinæ essentiae repræsentativa, quo sensu dici possit naturalis Intellectui creato. 133. 1.  
 Quomodo sit intelligenda Porphyrii definitio de specie: 54. 1.  
 Species sub qua ratione fundare possunt ordinem eminentiæ, & qualiter ipsis competit ratio causæ finalis. 72. 1.  
 Species sensibilis præcise repræsentat objectum, quatenus actu existens. 148. 1.  
 Similitudine, vel specie finita repræsentatur objectum infinitum ita perfectum, & sic perfecte quemadmodum apprehenditur à potentia per talem actum, per quem repræsentatur. 128. 2.  
 Pater, & filius spirant uniformiter omnino Spiritum Sanctum, & si ordine quodam, pro exigentia scilicet ipsarum emanationum. 417. 1.  
 Spiritus Sanctus, quo pacto dicatur Spiritus noster, declaratur, & exponitur. 412. 1.  
 Spiritus Sanctus in dies Ecclesiam instruit de veritatibus, quæ in S. Scriptura virtualiter, & implicitè continentur. 359. 1.  
 Spiritus veritatis in dies magis, magisque illuminat Ecclesiam de his, quæ à principio explicitè tradita non fuerunt. 390. 2.  
 Spiritus Sanctus missus fuit ad Patres veteris Testamenti. 504. 1.  
 Spiritui Sancto convenit missio visibilis. 504. 2.  
 Spiritus Sanctus semel fuit missus ad Salvatorem. 504. 1.  
 Spiritus Sanctus, quare appellatur spiritus veritatis. 502. 2.  
 Spiratio activa ad numerum personarum non spectat. 353. 2.  
 Spiritum Sanctum à Patre, & Filio procedere pertinaciter negantes post Ecclesiæ declarationem, vere hæreticos & esse, & extitisse, dubitandum non est. 414. 1.  
 Spiritus Sanctus cur vocetur nexus Patris, & Filii. 425. 2.  
 Tertia Persona in Divinis, quæ à veritate *Spiritus Sanctus* appellatur, verissimè à duabus prioribus procedere, ut sincera fides docet, & credendum proponit, explicatur. 412. 2.  
 Quomodo Pater, & Filius diligant se Spiritu Sancto, exponitur. 427. 1.  
 Spiritus Sanctus summa quidem necessitate procedit à Patre, & Filio, sed interim liberè quoque spiratur, adeo ut ea necessitate, nihil essentiali libertati principii, non per modum naturæ producentis detrahatur. 466. 2.  
 Statum in causis efficientibus admittendum esse, suadet. 308. 2.  
 Statum in genere principii formalis oportet esse. 351. 2.  
 Statum fore adstruendum in essentialiter ordinatis, qualiter constat. 43. 2.  
 Supernaturalitas, vel naturalitas rerum unde sumatur. 7. 2.  
 Supernaturalis actus intrinsecè datur. *Ibidem*.  
 Supernaturalitatem cognitionis duplex modus explicandi. *Ibidem*.  
 Supernaturalem doctrinam revelans supplet causalitatem objecti supernaturalis. 8. 1.  
 Non omnis notitia, quam Deus infundere potest est super naturalis. 8. 1.  
 In formis supernaturalibus, qualiter non sit processus in infinitum, in ordine ad receptivum naturale. 8. 2.  
 Supernaturalis cognitio necessaria viatori sufficienter tradita est in Sacra Scriptura. 13. 1.  
*Subsistere* est equivocum. 351. 1., & 438. 2.  
 Secundum substantiam aliquid dici, intelligi potest dupliciter. 455. 2.  
 Subiecta talia sunt, qualia esse permittunt prædicata. 463. 2.  
 Subiecti primi scientiæ ratio, est continere in se primo virtualiter omnes veritates illius habitus, cujus est. 38. 2.  
 Subiectum theologiæ in se est ipse Deus, quatenus hæc essentia. 30. 1.

Subiectum continentiae Theologiæ nostræ necessarium est Deus sub ratione Deitatis: subiectum autem evidentiæ est ens infinitum. 30. 2.  
 Subiectum primum Theologiæ, contingentium tam in se quam in intellectu Divino, & Beatorum est essentia divina, qua hæc; 31. 2.  
 Subiectum evidentiæ Theologiæ nostræ de contingentibus est ens infinitum. 32. 1.  
 Suppositio diversa orta ex diverso modo significandi abstracti, & concreti, non ponit diversitatem realem. 50. 2.  
 Substantiarum separatarum cognitio non potest per naturalem inquisitionem à nobis comparari. 5. 1.  
 Summum accipi potest comparativè, & absolute. 77. 1.

## T

**T**empus, secundum quod est accidens reale, idem est ac motus, & si a motu differat formali ratione; (per quam rationem vocatur verè tempus) ac propterea secundum esse materiale est tempus in rebus independentibus ab anima: at ratio formalis ipsius ab anima, & nullibi extra animam reperitur. 115. 2.  
 Temporis ratio per quid rectè exprimitur. 108. 1.  
 Tempus est accidens physicum non intentionale, licet ipsius esse formale sit ab anima. 117. 1.  
 Temporalia cuncta ubique aguntur, & mensurantur uno, eodemque tempore, & numero. 113. 2.  
 Tempus quare sit mensura motus, non autem motus mensura temporis. 117. 1.  
 Tempus secundum esse reale ipsius idem est ac motus. 116. 1.  
 Tempus, ut habet rationem perfectam mensuræ, est unum; multiplex vero secundum esse reale ipsius. 113. 2.  
 Temporis instans non potest esse instans æternitatis. 102. 2.  
 Temporis essentialis differentia est semper fluere. 102. 2.  
 Theologia contingentium in se est speculativa in intellectu vero nostro practica. 26. 1.  
 Theologia aliis omnibus scientiis dignior est, atque excellentior. 27. 1.  
 Theologia secundum se est sapientia. 27. 2.  
 Theologia viatorum, Dei, & Beatorum, Theologiæ, non subalternatur. 16. 2. & seqq.  
 Theologia in se nec ulli scientiæ subalternatur, nec respectu alicujus est subalternans. 17. 1.  
 Quid intersit inter Theologiam, ut in se, & Thologiam, ut in nobis. 30. 1.  
 Theologia Dei est de omnibus prorsus cognoscibilibus. 32. 2.  
 Theologia Beatorum de facto non est de omnibus cognoscibilibus, esse tamen potest. 33. 2.  
 Theologia nostra est præcisè de his, quæ Deus revelavit. *Ibidem*.  
 Theologia nostra esse non potest de omnibus cognoscibilibus pro presenti statu; est tamen de omnibus, secundum aliquod cognoscibile de eis per revelationem. *Ibidem*.  
 Theologia nostra est argumentativa. 33. 2.  
 Theologia inventa est propter necessaria intrinseca, non ad fugam ignorantie. 23. 2.  
 Contingentia, prout pertinent ad Theologiam, nata sunt habere perfectionem cognitionem, quam scientia de necessariis acquirit. 16. 1.  
 Theologiæ divisio. 14. 1.  
 Theologia viatorum de facto non est scientia. 14. 2. De possibili tamen posset viatori communicari Theologia, quæ sibi esset propriissimè scientia. *Ibidem*.  
 Theologia in se quid. 15. 2.  
 Theologia in intellectu Divino non est scientia, quoad quartam conditionem ex Philosopho ad scientiam requisitam. *Ibidem*.  
 Theologia necessariorum in Beatis verè, & propriè dici potest scientia. 16. 1.  
 Theologia contingentium in Beatis dici potest scientia, prout hæc à suspitione, & opinione distinguitur: non vero prout scientia requirit necessitatem objecti. *Ibidem*.



Theologia unus est habitus. 18. 1.  
 Theologia Dei de necessariis non est practica, sed speculativa. 25. 1.  
 Theologia nequit esse simul practica, & speculativa. 22. 2.  
 Theologia nostra necessariorum est simpliciter practica, *Ibidem*, & 24. 1., & 25. 1. & seqq.  
 Deo non convenit Totius ratio, ut ejus sunt partes correlativæ, nec totius universalis, aut totius essentialis, nec aliquid in ipso reperitur, quod sit, aut dici queat majus altero. 366. 1.  
 Totum sub qua ratione transferatur ad Divina. *Ibidem*.  
 Esse communicabile, & illimitatum, divibile tamen, & potentiale est de ratione intrinseca totius universalis. *Ibidem*, 1. & 2.  
 Transitus à contrario in contrarium non est, nisi propter mutationem in aliquo. 90. 1.  
 Prædicata transcendunt dicuntur formaliter de Deo; non autem ea, quæ sunt intra genus. 54. 1.  
 Tota Trinitas producit creaturas in esse intelligibili. 407. 1.  
 Trinitas rerum universalitatis causa suprema. 406. 1.  
 Totum universale ad Divina transferri non potest. 493. 1.  
 Trinitas Divinarum Personarum naturali ratione cognosci non potest. 383. 1.  
 Trinitatis mysterium in divinis, non est impossibile ostendi, quod tamen sola fide tenemus. 325. 1.  
 Tres Divinæ Personæ sicut necessariò subsistunt in unica Dei natura, ita nomine Trinitatis rectissimè appellantur. 376. 2.

## V

Vacuum, si daretur, mensuraretur eadem magnitudine, quâ plenum. 105. 1.  
 Vbique esse est proprium Deo. 92. 2.  
 Vbique Deus est, idest sua immensitate, ita pervadit penitissimè omnia, ut nihil omnino sit, cui non adsit Dei substantia infinite diffusa. 91. 1.  
 Vnde constet veritas prædicationis in terminis abstractivè acceptis. 348. 2.  
 Veritas respectu intellectus Divini est omnino immutabilis; at in ordine ad creatum intellectum, subit mutationem; & qualiter. 222. 2.  
 Verbum in divinis est nomen personale, quo nimirum secundam personam exprimimus, atque significamus. 401. 2.  
 Omnia facta esse per verbum dupliciter potest intelligi. 246. 1.  
 In veritatibus contingentibus est ordo, & status in omnium prima. 31. 2.  
 Verbum Dei missum ad Sybillas. 502. 2.  
 Verbum Dei non est missum ad Philosophos. 503. 1.  
 Verba cujuscunque temporis verè enunciantur de Deo. 490. 1.  
 Verbi notificatio definitiva ex Augustino. 402. 2.  
 Actualem intelligentiam esse Verbum, non quidem omnem, sed tantum productam, genitamve, declaratur. 403. 2.  
 Ordo servatus in productione verbi perfecti, quod in nobis repræsentat Verbum Divinum, explicatur. 404. 1.  
 Verbum non est constituendum in specie. *Ibidem*.  
 De ratione Verbi non estigni amore objecti cogniti, nec etiam notitiæ, quæ est verbum. 404. 2.  
 Verbum esse proprium Filii nomen, declaratur. 405. 1.  
 Verbi nomine non importatur respectus ad creaturas. 404. 1.  
 Veritas necessariorum complexionum non pendet, nisi ex ratione formali extremorum, seu existant, seu non existant. 223. 1.  
 Veri ratio à parte rei nec absoluta est, nec respectiva. 114. 2.  
 Veritas in rebus naturalibus qualis. *Ibidem*.  
 Verum qualiter sit bonum, & è converso bonum sit verum. 216. 1.  
 Verum convertitur cum ente, quemadmodum passionem cum propriis subiectis convertuntur, à quibus necessariò dimanant, aut effluunt, aut quo vis modo inseparabiliter consequuntur. 114. 1.

Datur veritas in rebus, & veritas in intellectu, sed hinc non derivatur illa, quæ est in rebus; & quare. 210. 1., & 2.  
 Veritas, quatenus est entis passio, per quid explicanda sit. 211. 1.  
 Veritas in rebus sextuplex est. *Ibidem*.  
 Veritas, quæ est in cognoscendo, sive in repræsentando, est in intellectu componente, & dividente tantum; quamvis vera sit, ac rectè talis dici queat prima ejusdem intellectus operatio, secundum quod objecto apprehenso conformatur, ut mensuratum mensuræ. 212. 2.  
 Veritas objectivè quando sit in compositione, & divisione. *Ibidem*.  
 Vnumquodque verum est tale propria, sibi quæ intrinseca, ac proportionata veritate, secundum gradum essendi, & non veritate divina, nisi secundum proportionem, & effectivam causalitatem. 219. 1.  
 Veritas creata, nec est, nec dici potest æterna, & quare. 220. 2.  
 Veritatis magister, uti nos eramus capaces, ita erudiendos putavit apertissimè. 456. 1.  
 Entia non sunt vera, seu cognoscibilia ab extrinseca denominatione veritatis divinæ. 218. 2.  
 Deus nedum seipsum, atque infinitatem ejus bonitatem vult sed etiam alia à se, non ex tempore, sed in æternitate, & quare. 238. 2.  
 Deus ita vult, ut eligere queat oppositum ejus, in quod tendit in eodem instanti. 242. 2.  
 Deus diligit quidem affectu simplicis complacentiæ, res possibiles sibi ab intellectu Divino præstentis; ac nequamquam vult necessario, sed liberè duntaxat, saltem quoad exercitium. 243. 1., & 2.  
 Deus necessario vult bonitatem suam necessitate immutabilitatis, non coactionis; reliqua vero à se liberè, & contingenter, & quare. 240. 1., & 241. 1.  
 Vegetabilium ordo qualis. 46. 2.  
 Corruptam restitui posse virginem. 313. 1.  
 Et si probabile sit, intellectum animæ Christi simul attingere in Verbo quæcunque videt, alios nihilominus Beatos non omnia simul contueri, sed cum successione: quanquam quæcunque asserunt de facto concessa fuisse intellectui animæ Christi, de possibili non repugnent intellectui creato ex ratione intellectus. 148. 2.  
 Per quid intelligatur vita in actu primo. 232. 2.  
 Vita activa, & contemplativa qualiter sint extra rationem formalem vitæ. *Ibidem*.  
 Vita maximè, & propriissimè est in Deo, ut nempè in principio primo, & fontali plenitudine, unde omnis gradus vitæ descendit inde, quæ aliquali vivendi ratione sunt prædita. 233. 1., & 2.  
 Infinitas perfectionis necessario involvit gradum vitæ intellectualis. 234. 1.  
 Non omnia, quibus rerum natura constat, inter viventia, sunt computanda. 230. 1., & 2.  
 Ad visionem objecti beatifici non essentia, sed divina voluntas movet intellectum creatum. 146. 2.  
 Visione corporali, aut quovis alio sensu materiali Deum attingi, absolute repugnat, & quare. 131. 1.  
 Visio Dei qualiter dicatur esse vita æterna. 232. 2.  
 Vitum, & non vitum qualiter sint differentia corporis corruptibilis. 234. 1.  
 Revera creaturæ omnes ab omni æternitate vita in Deo extiterunt, secundum earum continentiam eminentialem, & virtuaalem in ipso, & quatenus per actum intellectus formale, & distinctum esse acceperunt, minimè Dei vita possunt vocari, & quare. 135. 1.  
 Contuentes Deum per suam essentiam ea, quæ in Verbo vident, non attingere per aliquas species, sed per eandem essentiam Divinam, ad quam visio eorum terminatur. 147. 2.  
 Dei potentia Dei absoluta non repugnat, hominem in præfenti vita videre divinam essentiam, etsi id fieri nequeat secundum



secundum legem ordinariam à sapientia divina præfixam. 150. 2.  
 Vita qualiter sit operatio. 232. 1.  
 Actus intelligendi est vita in actu secundo. 232. 2.  
 Deus videri non potest per essentiam à puro homine, nisi ab hac vita mortali separetur. 150. 2.  
 Viventibus animatis inest certa magnitudo ex augmento. 84. 2. Non viventia tamen nullum habent terminum præfixum, seu versus magnitudinem, seu versus parvitatem. 85. 1.  
 Seu Beatorum potentia (per quarum actus illi obiecto uniuntur beatifico) sint æquales, habitus vero, quibus eleuantur supra vires naturales, inæquales: sed contra habitus æquales, & potentia inæquales, visio, & fructio, essentia Divina est inæqualis, ac proinde indubitatum est, mercedem esse reddendam pro operum mensura. 143. 1.  
 Vnum, quatenus convertibile cum ente, est indifferens ad limitatum, & illimitatum. 69. 1.  
 Respectu Dei, & creaturæ stat univocatio in conceptibus, citra omnem convenientiam in re, vel realitate. 63. *iteratio*. 10. 1.  
 Voluntas Dei alia antecedens, alia consequens. 293. 1.  
 Vnitas quid addat supra ens. 118. 2.  
 Vnum, & reliquas entis passiones, re ab ipso non differre, sed potius esse illi identificatas. 68. 2.  
 Illud est verissimè unum, in quo nullus est numerus de genere quantitatis. 365. 1.  
 Vnitas univocationis, qualiter stet cum unitate attributionis omnium ad Deum. 63. *iteratio*. 2.  
 Quotuplex sit vnitas, seu unitatis gradus enumerantur. 434. 1.  
 Ad rationem universalis non sufficit, quod conceptus aliquis sit pluribus communis, & plurificatus in eis, sed amplius requiritur, ut dividatur in illis, ac distinguatur, non solum per diversos conceptus, verum etiam per diversas realitates. 374. 1.  
 Vnitas principium numeri, qualiter insit Deo. 123. 1.  
 Id, quod *numm* enti superaddit de sua ratione formali oportet esse quid positivum. 118. 2.  
 Vnum, & multa qualiter opponantur. 18. 2.  
 Sine ordinis unitate, nec est universi unitas. 46. 1.  
 Vnitas dici formaliter perfectionem. 119. 1.  
 Voluntas interdum præfigit sibi bonum, vel præfigere potest. 70. 1.  
 In potestate voluntatis est agere etiam contra inclinationem charitatis infuse, cum primo peccat. 283. 1.  
 Voluntas creata est suapte natura defectibilis in tantum, ut fieri nequeat aliqua creatura libera, quæ peccare non possit. 290. 1.  
 Voluntas creata potest se extendere ad impossibilia volenda. 313. 1.  
 Quod per se, & primo significatur per voces, non sunt conceptus, sed magis ipsæ res, quibus sunt nomina imposita. 160. 1.

Voluntas Divina est prima, ac inobliquabilis regula omnium agibilium. 315. 2.  
 Quidquid est volibile, & appetibile, à bonitate id habere oportet. 71. 1.  
 Voluntas divina non est indifferens ad diversos actus volendi & volendi, est tamen infinitè libera ad diversos, vel oppositos effectus divisim. 246. 1.  
 Voluntas creaturæ rationalis amat aliquid nobilius se, & plusquam naturam illius, cuius est. 286. 2.  
 In Deo est distinguenda voluntas signi, à voluntate beneplaciti. 258. 1.  
 Voluntas divina qualiter dicenda sit regula voluntatis create *Ibidem*.  
 Voluntatis divinæ convenienter assignantur quinque signa. 258. e. 2., & 259. 1.  
 Voluntas creata, quomodo sit pars imaginis Trinitatis. 466. 1.  
 In Deo nulla est regula prior sua voluntate. 471. 2.  
 Voluntatis creatæ actus est realiter distinctus ab illa; in Deo autem volitio, & voluntas est eadem res citra omnem receptionem, & imperfectionem. 237. 2.  
 Voluntas Dei circa mortem Ezechia regi prænunciatam, & etiam circa futuram Ninivitarum subversionem, quo pacto dicenda sit immutabilis. 251. 2.  
 Voluntas Dei rebus volitis minimè necessitatem imponit. 252. 2., & 253. 1., & 2.  
 Voluntas Dei non est causa malorum. 254. 2.  
 Voluntas divina sub ratione merè absoluta terminat respectum voliti ad ipsam. 239. 1.  
 Voluntas verissimè ex natura rei in Deo reperitur. 236. 2. & 237. 1.  
 Volitivæ potentia operatio, quæ & volitio appellatur non est aliud ab ipsa voluntate, ac subinde unum quid cum essentia primi principii; & quare. 237. 1.  
 Voluntatis obiectum non est proprie ratio finis, nec quid fruibile, sed magis ipsum bonum sub ratione absoluti. *Ibidem*.  
 Voluntas Dei est suprema rerum causa quatenus est infinita. 247. 1.  
 Non à volitione accipienda est rerum productio, sed à voluntate volente *Ibidem*.  
 Voluntatis Dei nulla est causa. 248. 1.  
 Voluntas Dei, quæ est beneplaciti, sive efficax, vel consequens, ineffabiliter in omnibus, & quoad omnia adimpletur. 249. 2.  
 Deus vult omnes homines salvos fieri, quomodo sit exponendum. 249. 2., & 250. 1.  
 Voluntatem Dei efficacem infallibiliter adimpleri, salva voluntatis creatæ libertate, & indifferentia ad utrumlibet, quomodo sit intelligendum. 250. 1.  
 Voluntas Dei est immutabilis, & quare. 251. 1.  
 Usuarius, qui in utendo re ab alio dependet, propriè, & verè non est, nec dici debet proprietarius. 418. 1.  
 Ad utilitatem Sanctorum, etiam mali homines aliquando iussi sunt prophetare. 503. 2.



















BX  
1749  
D87  
t.1

Duns, Joannes, Scotus  
Joannis Duns Scoti

PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---



UTL AT DOWNSVIEW



D RANGE BAY SHLF POS ITEM C  
39 14 05 09 08 018 9